

Holy Bible

Aionian Edition®

ଦୁଃନ୍ଧି ଶେରା

New Testament in Kuvi

AionianBible.org

The world's first Holy Bible untranslation

100% free to copy and print

also known as “ The Purple Bible ”

Holy Bible Aionian Edition ©

ପୁସ୍ତକ ଖଣ୍ଡ

New Testament in Kuvi

CC Attribution NoDerivatives 4.0, 2018-2024

Source text: eBible.org

Source version: 7/13/2024

Source copyright: CC Attribution 4.0

The Word for the World International, 2020

Formatted by Speedata Publisher 4.19.18 (Pro) on 7/19/2024

100% Free to Copy and Print

TOR Anonymously

<https://AionianBible.org>

Published by Nainoia Inc

<https://Nainoia-Inc.signedon.net>

We pray for a modern public domain translation in every language

Report content and format concerns to Nainoia Inc

Volunteer help is welcome and appreciated!

Celebrate Jesus Christ's victory of grace!

Preface

କୃତ୍ତି, କୃତ୍ତି at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by-nd/4.0, allowing 100% freedom to copy and print, if respecting source copyrights. Check the Reader's Guide and read online at AionianBible.org, with Android, and TOR network. Why purple? King Jesus' Word is royal... and purple is the color of royalty!

History

କୃତ୍ତି, କୃଷ୍ଣି at AionianBible.org/History

- 04/15/85 - Aionian Bible conceived as B. and J. pray.
- 12/18/13 - Aionian Bible announced as J. and J. pray.
- 06/21/15 - Aionian Bible birthed as G. and J. pray.
- 01/11/16 - AionianBible.org domain registered.
- 06/21/16 - 30 translations available in 12 languages.
- 12/07/16 - Nainoia Inc established as non-profit corporation.
- 01/01/17 - Creative Commons Attribution No Derivatives 4.0 license added.
- 01/16/17 - Aionian Bible Google Play Store App published.
- 07/01/17 - 'The Purple Bible' nickname begins.
- 07/30/17 - 42 translations now available in 22 languages.
- 02/01/18 - Holy Bible Aionian Edition® trademark registered.
- 03/06/18 - Aionian Bibles available in print at Amazon.com.
- 10/20/18 - 70 translations now available in 33 languages.
- 11/17/18 - 104 translations now available in 57 languages.
- 03/24/19 - 135 translations now available in 67 languages.
- 10/28/19 - Aionian Bible nursed as J. and J. pray.
- 10/31/19 - 174 translations now available in 74 languages.
- 02/22/20 - Aionian Bibles available in print at Lulu.com.
- 05/25/20 - Illustrations by Gustave Doré, La Grande Bible de Tours, Felix Just.
- 08/29/20 - Aionian Bibles now available in ePub format.
- 12/01/20 - Right to left and Hindic languages now available in PDF format.
- 03/31/21 - 214 translations now available in 99 languages.
- 11/17/21 - Aionian Bible Branded Leather Bible Covers now available.
- 12/20/21 - Social media presence on Facebook, Twitter, LinkedIn, YouTube, etc.
- 01/01/22 - 216 translations now available in 99 languages.
- 01/09/22 - StudyPack resources for Bible translation study.
- 02/14/22 - Strong's Concordance from Open Scriptures and STEP Bible.
- 02/14/23 - Aionian Bible published on the TOR Network.
- 12/04/23 - Eleēsē added to the Aionian Glossary.
- 02/04/24 - 352 translations now available in 135 languages.
- 05/01/24 - 371 translations now available in 151 languages.

Table of Contents

NEW TESTAMENT

ମାତି	11
ମାର୍କ	42
ଲୁକ	61
ଜହ	93
କାମା	119
ରମି	152
୧କର	166
୨କର	180
ଗାଲା	189
ଏପିସି	194
ପିଲପି	199
କଲସି	203
୨ତେସ	206
୧ତିମ	208
୨ତିମ	212
ତିତସ	215
ପିଲିମ	217
ଏବି	218
ଜାକୁବ	229
୧ପିତ	233
୨ପିତ	237
୧ଜହ	240
୨ଜହ	244
୩ଜହ	245
ଜାହୁଦା	246
୧୩ ବଲୁ	248

APPENDIX

Reader's Guide


Glossary

Maps

Destiny

Illustrations, Doré

NEW TESTAMENT



ଏତିବେଳା ଜାମ୍ବୁ ଏଲେଇଚେସି, “ଏ ଆବା ଏଖାରି ବହ ଆହୁଆନି, ଇତିହିଁ ଏଖାରି ଏନାଆଁ କିହିମାନେରି ଏଦାଆଁ ପୁଞ୍ଜୁହିଲଅରି ।”

ଅଡ଼େ ଏଖାରି ଏଖାଣି ହିମ୍ବୁରି ବାଟିକିହାଲି ପାଦି କିଚେରି ।

ଲୁକ ୨୩:୩୪

ମାତି

୧ ଅବ୍ରାହାମ ମାର୍ବସି ଅଡ଼େ ଦାସ୍ତଦତି ମାର୍ବସି ଜୀସୁ କ୍ରୀସ୍ତୁତି କୃତ୍ତା । ୨ ଅବ୍ରାହାମ ମାର୍ବସି ଇସାହାକ, ଇସାହାକ ମାର୍ବସି ଜାକୁବ, ଜାକୁବ ମାର୍ବସି ଜୀହୁଦା ଇଚ୍ଛାଁ ତାମି ତାୟିୟାଁ, ୩ ଜୀହୁଦା ଅଡ଼େ ତାମାର ମାର୍ବସି ପେରସ ଅଡ଼େ ଜେରହ, ପେରସ ମାର୍ବସି ହେସ୍ରାଶ, ହେସ୍ରାଶ ମାର୍ବସି ଅରାମ, ୪ ଅରାମ ମାର୍ବସି ଅମିନାଦାବ, ଅମିନାଦାବ ମାର୍ବସି ନହସନ, ନହସନ ମାର୍ବସି ସଲମନ, ୫ ସଲମନ ଅଡ଼େ ରାହାବ ମାର୍ବସି ବୟାଜ, ବୟାଜ ଅଡ଼େ ରୂତ ମାର୍ବସି ଅବେଦ, ଅବେଦ ମାର୍ବସି ଜିସି । ୬ ଜିସି ମାର୍ବସି ଦାସ୍ତଦ ରାଜା, ଦାସ୍ତଦ ଅଡ଼େ ଉରିୟ ଡକ୍ତନି ତାଶାଟି ସଲମନ ଜାର୍ନା ଆଡେସି, ୭ ସଲମନ ମାର୍ବସି ରିହବୟାମ, ରିହବୟାମ ମାର୍ବସି ଅବିୟ, ଅବିୟ ମାର୍ବସି ଅସା, ୮ ଅସା ମାର୍ବସି ଜିହସାପାଟ୍, ଜିହସାପାଟ୍ ମାର୍ବସି ଉରାମ, ଉରାମ ମାର୍ବସି ଉଜିୟ, ୯ ଉଜିୟ ମାର୍ବସି ଜତମ୍, ଜତମ୍ ମାର୍ବସି ଆହାଜ, ଆହାଜ ମାର୍ବସି ହିଜକିୟ, ୧୦ ହିଜକିୟ ମାର୍ବସି ମନସି, ମନସି ମାର୍ବସି ଆମନ, ଆମନ ମାର୍ବସି ଜସିୟ, ୧୧ ଇସ୍ରାୟେଲଇଁ ବାବିଲନ ଦେସାତା ଦସାନା ଅନି ବେଲତା ଜସିୟ ମାର୍ବକା ଜିକନିୟ ଇଚ୍ଛାଁ ତାମି ତାୟିୟାଁ ଜାର୍ନା ଆଡେରି । ୧୨ ବାବିଲନତା ଅଢ଼ିଆତି ଜେତ ଜିକନିୟ ସଲ୍ଟିୟେଲଇଁ ଜାର୍ନି କିଡେସି, ସଲ୍ଟିୟେଲ ମାର୍ବସି ଜିରୁବାବେଲ, ୧୩ ଜିରୁବାବେଲ ମାର୍ବସି ଅବିହୁଦ, ଅବିହୁଦ ମାର୍ବସି ଏଲିୟାକିମ, ଏଲିୟାକିମ ମାର୍ବସି ଅସର, ୧୪ ଅସର, ମାର୍ବସି ସାଦକ, ସାଦକ ମାର୍ବସି ଆକିମ, ଆକିମ ମାର୍ବସି ଏଲିହୁଦ, ୧୫ ଏଲିହୁଦ ମାର୍ବସି ଏଲିୟାଜର, ଏଲିୟାଜର ମାର୍ବସି ମତାନ, ମତାନ ମାର୍ବସି ଜାକୁବ, ୧୬ ଜାକୁବ ମାର୍ବସି ମରିୟମନି ତକ୍ତା ଜସେପ, ଇ ମରିୟମନି ବାଶ୍ଟିଟି ଜୀସୁ ଜାର୍ନା ଆଡେସି, ଏଖାଶାଇଁ କ୍ରୀସୁ ଇଶ୍ଟି ଆହିମାନେ । ୧୭ ଇଲେଆହିଁ ଅବ୍ରାହାମ ତାଶାଟିଏ ଦାସ୍ତଦ ପାଡେକା ସଦ ଜାଶା ଆକୁୟାଁ, ଅଡ଼େ ଦାସ୍ତଦ ତାଶାଟିଏ ବାବିଲନ ଅଢ଼ିଆତି ପାଡେକା ସଦ ମାଶ୍ଟି, ଇଚ୍ଛାଁ ବାବିଲନ ଅଢ଼ିଆତି ତାଶାଟିଏ ଜୀସୁ କ୍ରୀସ୍ତୁତି ଜାର୍ନା ପାଡେକା ସଦ ମାଶ୍ଟି । ୧୮ ଜୀସୁ କ୍ରୀସ୍ତୁତି ଜାର୍ନା ଇଲେକିଁ ଆଡେ । ତାମି ଇୟା ମରିୟମ ଅଡ଼େ ଜସେପ ତଲେ ବାହା ଆହାଲି ରାସପି ଆହାମାତି ଜେତ, ଏଢ଼ି କାଲ୍ଡି ଆଆ ନକେଏ, ଏଦି ସୁଦୁଜାସୁ ତଲେ ପୁରାମାସା ଆହାମାନେ ଇଚ୍ଛାଁ ପୁଶ୍ଟି ଆଡେ । ୧୯ ଏଡେଟିଏ ତାନି ତକ୍ତା ଜସେପ ର ଦାମ୍ବୁ ଲକୁ ମାତାକି, ଇଚ୍ଛାଁ ଏଦାଶି ଲକୁ ନକିତା ଦହ ଗାଟାୟି ଇଚ୍ଛାଁ ତହୁଆପେସିଁ ଇଚ୍ଛାଁ ଏଦାନି ତୁକହାନା ପିସାଲି ତରୀ କିଡେସି । ୨୦ ସାମା ଏଖାସି ଏଲେଇଚ୍ଛାଁ ତାରିକିତି ତାୟୁ ମେହ୍ତୁ, ମାହାପୁରୁତି ର ଦୁରୁ ଏଖାଶାଇଁ ହାପାନାତା ଏଲେଇଡେସି, “ଆଡେ ଦାସ୍ତଦ କୃତ୍ତାତି ଜସେପ, ମରିୟମନି ତକ୍ତା କିହାଲିତାକି ଆଜାଆନି, ଏନାଆଁତାକି ଇଚ୍ଛାଁ ମାହାପୁରୁତି ସୁଦୁଜାସୁ ତଲେ ପୁରାମାସା ଆହାମାନେ । ୨୧ ଏଦି ର

କକାଶାଇଁ ଜାର୍ନି କିନେ, ଅଡ଼େ ମାରୁ ଏଖାଶି ଦରୁ ଜୀସୁ ଇଚ୍ଛାଁ ଇଟାପୁ, ଇଚ୍ଛାଁ ଏଖାସି ତାମି ଲକୁଇଁ ତାମି ବାରେ ପାପୁଟି ଗେଲ୍ପିନେସି ।” ୨୨ ମାହାପୁରୁ ଅଶ୍ଟପୁତି ବଲୁ ଷେହ୍ନାରି ତାଶାଟି ପ୍ରବୁତି ଇ କାତା ଏନିକିଁ ପୁରା ଆନେ, ଇଦାଆଁତାକି ଇ ବାରେ ଆଡେ, ୨୩ “ମେହ୍ତୁ ର ତାଆ ମାଟ୍ଟା ପୁରାମାସା ଆହାନା ର କକାଶାଇଁ ଜାର୍ନି କିନେ, ଅଡ଼େ ଲକୁ ଏଖାଶି ଦରୁ ‘ଇମାନୁୟେଲ’ ଇଚ୍ଛାଁନେରି ।” ଇ ଦରୁତି ଅଟି “ମାହାପୁରୁ ମା ତଲେ ମାନେସି ।” ୨୪ ଏଦାଟିଏ ଜସେପ ଇଦାଟି ନିଚ୍ଛାଁତି ତାୟୁ ପ୍ରବୁତି ଦୁରୁ ଏନିକିଁ ହୁକୁମି ହାହାମାଡେସି, ଏଲେକିହିଁଏ କିଡେସି, ଏଖାସି ମରିୟମଇଁ ବାହା ଆଡେସି; ୨୫ ସାମା ଏଦି କକାଶାଇଁ ଜାର୍ନି କିଆ ପାଡେକା ଏଦାଶି ତଲେ କୃତ୍ତାଆଡେସି, ଅଡ଼େ ଏ କକାଶି ଦରୁ ଜୀସୁ ଇଚ୍ଛାଁନେରି ।

୨ ହେରଦ ରାଜା ବେଲତା ଜୀହୁଦା ଦେସାତି ବେତଲିହିମ ଗାଡ଼ାତା ଜୀସୁ ଜାର୍ନାଆତି ତାୟୁ ମେହ୍ତୁ, ଷେଡ଼ା ହୁପୁ ଖାକିଟି ଏତରଜାଶା ସଗୁପୁନାରି ଜିରୁସାଲମତା ଖାହାନା ଷେଡେରି, ୨ “ଆମିନି କକାସି ଜୀହୁଦିଟ୍ଟା ରାଜା ଆହାଲି ଜାର୍ନା ଆହାମାନାସି, ଏଖାସି ଆମ୍ବିୟା? ମାମୁ ଷେଡ଼ା ହୁପୁ ଖାକିଟି ତାନି ହୁକା ମେସାନା ଏଖାଶାଇଁ ଜହରା କିହାଲି ଖାହାମାନମି ।” ୩ ଇ କାତା ଷେଷ୍ଟାନା ହେରଦ ରାଜା ଅଡ଼େ ତାନିତଲେ ଜିରୁସାଲମତି ବାରେ ଲକୁ କାବାଆହାନା ଆଜିଡେରି । ୪ ଅଡ଼େ ଏଖାସି ଲକୁତି କାଜା ପୁଜେରାଟ୍ଟା ଇଚ୍ଛାଁ ମେରା ପୁନାରାଇଁ କୃତି କିହାନା, କ୍ରୀସୁ ଏମ୍ବିୟା ଜାର୍ନା ଆନେସି, ଏଦାଆଁ ଏଖାରି ତାଶାଟି ପୁଷ୍ଟାଲି ଅଶ୍ଟପିଡେସି । ୫ ଏଖାରି ଏଖାଶାଇଁ ଏଲେଇଡେରି, ଜୀହୁଦା ଦେସାତି ବେତଲିହିମ ଗାଡ଼ାତା ମାହାପୁରୁ ଅଶ୍ଟପୁତି ବଲୁ ଷେହ୍ନାରି ତାଶାଟି ଇଲେଇଚ୍ଛାଁ ରାସକି ଆହାମାନେ; ୬ “ଏ ଜୀହୁଦା ଦେସାତି ବେତଲିହିମ, ଜୀହୁଦାତି କାଜା ନାସକା ବିତ୍ରାଟି ନୀନୁ ଉଶା ଆଏ; ଇଚ୍ଛାଁ ଆମ୍ବିଆସି ନା ଇସ୍ରାୟେଲ ଲକୁଶି ପହି କିନେସି, ଏଲେଟି ର ସାଲ୍ଡି କିନାସି ନୀ ତାଶାଟି ଖାନେସି ।” ୭ ତାୟୁ ହେରଦ ସଗୁ ପୁନାରାଇଁ ମେଶେଏ ହାଟାନା, ଏ ହୁକା ଏଡେଲା ଡ଼ଷ୍ଟାଆଡେ ଏ କାତା ଏଖାରି ତାଶାଟି ନେହିଁକିଁ ଷେଡେସି । ୮ ଇଚ୍ଛାଁ ଏଖାସି ଏଖାଶାଇଁ ବେତଲିହିମତା ପାଶ୍ଟାନା ଏଲେଇଡେସି, “ମାରୁ ହାଜାନା ଏ କକାଶି କାତା ନେହିଁକିଁ ସିନିକିହାନା ନାଡେଟ୍ଟା ଜିକେଏ ଷେସ୍ତାପୁ, ଇଚ୍ଛାଁ ନୀନୁ ଜିକେଏ ହାଜାନା ଜହରା କିକାଇଁ ।” ୯ ଏଡେଟିଏ ଏଖାରି ରାଜା କାତା ଷେଷ୍ଟାନା ହାଡେରି; ଅଡ଼େ ମେହ୍ତୁ, ଏଖାରି ଷେଡ଼ା ହୁପୁଖାକି ଆମିନି ହୁକା ମେସାମାଡେରି, ଏଦି ଏଖାରି ନକି ନକିତା ହାଜାନା, ଏମ୍ବିୟା କକାସି ମାଡେସି ଏ ଲାକ ହାଜାନା ନିଡେ । ୧୦ ଏ ହୁକା ମେସାନା ଏଖାରି ହାରେକା ରାହାଁତଲେ ରାହାଁ ଆଡେରି । ୧୧ ଏଖାରି ଇଲୁ ବିତ୍ରା ହୁଡାନା ତାନି ଇୟା ମରିୟମ ଇଚ୍ଛାଁ କକାଶି ତାଲୁଇଁ ମେସାନା, ଏଖାଶାଇଁ ମେଶ୍ଟାକୁତାନା ଜହରା କିଡେରି, ଇଚ୍ଛାଁ ତାମୁ ତାତାମାତି ପେଡାୟାଁତି ବା’ଗାରା, ଦୁପା ଦୁପ୍ପାଶି ଅଡ଼େ ଗାନ୍ତୁ ନିୟୁଁ ବେଟୁ ହାଡେରି । ୧୨ ତାୟୁ ହେରଦ ରାଜା ତାଶା ଷେଶ୍ଟା ହାଲଆପେରିଖା ଇଚ୍ଛାଁ ମାହାପୁରୁ ଏଖାଶାଇଁ ହାପାନାତା ହୁକୁମି ହାହାଲିଏ, ଏଖାରି ଅର ଜିରୁତି ତାମି ଦେସାତା

ଖେଣ୍ଡାହାତେରି । ୧୩ ଏଝାରି ହାତି ଡାୟୁ, ମେହଦୁ, ମାହାପୁରୁତି ଦୁରୁ ଜସେପଇଁ ହାପାନାତା ଏଲେଇତେସି, “ନିଟ୍ଟାମୁ କକାଣି ଡାଲୁଇଁ ଅଡ଼େ ତାନି ଇୟନି ଅହିଁ ମିସରତା ହାଲମୁ, ନାନୁ ମିଟ୍ଟେ ଖେସ୍ତାଆ ପାତେକା ଏମ୍ପାଆଁ ମାଞ୍ଜୁ, ଇତିହିଁ କକାଣି ଡାଲୁଇଁ ପାୟାଲି ହେରଦ ଅଣ୍ଡିମାନେସି ।” ୧୪ ଜସେପ ନିଟ୍ଟାମା କକାଣି ଡାଲୁ ଇଞ୍ଜିଁ ତାନି ଇୟନି ଆସାନା ଲାଆଁ ଲାଆଁୟଁ ମିସର ଦେସାତା ଅହିଁ ହାତେସି, ୧୫ ହେରଦ ହାନି ପାତେକା ଏମ୍ପାଆଁ ଏଝାରି ଡିୟିତେରି, ଇ ବାରେ ଗଟଝି ଆନାଣି ମାହାପୁରୁ ଅଣ୍ଡିପୁତି ବଲୁ ଖେହନାରି ତାଣାଟି ଇ ମାହାପୁରୁ ଅଣ୍ଡିପୁତି ବଲୁ ପୁରା ଆନେ, “ନା ମାର୍ବଣାଣଇଁ ନାନୁ ମିସର ଦେସାଟି ହାଟା ତାତେସି ।” ୧୬ ଡେଡା ହପୁ ଦେସାଟି ଖାହାମାଟି ସଗୁପୁନାରି ଏଝାଣାଇଁ ନାଡ଼ିକିହାନା ହାଜାମାନେରି ଇଞ୍ଜିଁ ପୁଞ୍ଜାନା, ହେରଦ ହାରେକା କପା ଆତେସି, ହୁକାଟି ଉଜେଡ଼ି ଆମିନି ବେଲାତା ଡଞ୍ଜାଆହାମାତେ ସଗୁପୁନାରି ତାଣାଟି ନେହିଁକି ପୁଞ୍ଜାମାତେସି, ଏମ୍ପାଆଁ ପୁଞ୍ଜାନା ବେତଲିହିମ ଅଡ଼େ ତାନି ତାତେ ମାଟି ନାସକାଟି ରା ବାସାଟିଏ ଉଣା କକାରାଇଁ ପାୟାଲି ତାକି ହୁକୁମି ହୀତେସି । ୧୭ ଏତିବେଲା ମାହାପୁରୁ ଅଣ୍ଡିପୁତି ବଲୁ ଖେହନି ଜିରିମିୟ ଖେସ୍ତି ଇ ବଲୁ ସାତା ଆତେ, ୧୮ “ରମାତା ହାତା ଡେଢ଼ିମାନେ, ତାକି ଅଡ଼େ ହାରେକା ଦୁକୁତି ଗିୟଁ ରାହେଲ ତାନି ମାର୍ବକା ତାକି ଡାହିମାତେ; ଅଡ଼େ ଏଝାରି ବାରେ ହାହାହାତେରି ଇଞ୍ଜିଁ, ଏତି ଦୁକୁ ଡୁକହାଲି ମନ କିହି ହିଲାଆତେ ।” ୧୯ ହେରଦ ହାତି ଡାୟୁ, ମେହଦୁ, ପ୍ରବୁତି ର ଦୁରୁ ମିସରତା ଜସେପଇଁ ହାପାନାତା ଡଞ୍ଜାଆହାମା ଏଲେଇତେସି, ୨୦ “ନିଟ୍ଟାମୁ, କକାଣାଇଁ ଅଡ଼େ ତାନି ଇୟନି ତଲେ ଇସାୟେଲ ଦେସାତା ହାଲମୁ, ଇତିହିଁ ଆମ୍ପାଆରି କକାଣି ଜାଖୁ ଅହାଲି ତାକି ଅଣ୍ଡିମାନେରି ଏଝାରି ହାହାମାନେରି ।” ୨୧ ଏତେଟିଏ ଜସେପ ନିଟ୍ଟାମା କକାଣାଇଁ ଇଞ୍ଜିଁ ତାନି ଇୟନି ଆସାନା ଇସାୟେଲ ଦେସାତା ଖାତେସି । ୨୨ ସାମା ହେରଦ ଟାୟୁତା ତାନି ମାର୍ବସି ଆକିଲାଇଁ ଜାହୁଦାଟି ରାଜା ଆହାମାନେସି ଇଞ୍ଜିଁ ଖେଞ୍ଜାନା ଏଝାସି ଏମ୍ପାଆଁ ହାଜାଲି ଆଜିତେସି; ସାମା ହାପାନାତା ହୁକୁମି ବେଟାଆହାନା ଏଝାସି ଗାଲିଲି ରାଜି ଖାକି ହାତେସି, ୨୩ ଇଞ୍ଜିଁ ନାଜରିତତି ଗାଡ଼ାତା ହାଜାନା ଡିୟିତେରି, ଏନିକିହିଁ ମାହାପୁରୁ ଅଣ୍ଡିପୁତି ବଲୁ ଖେହନାରି ରାଟିଟି କାତା ସାତା ଆନେ, “ଏଝାସି ନାଜରିତତାସି ଇଞ୍ଜିଁ ଖେଢ଼ିନେସି ।”

୩ ଏ ବେଲାତା ବାପ୍ତିସ୍ତ ହାନି ଜହନ ଜାହୁଦା ଦେସାଟି ବାଝଲି ବାଟାଟି ଖାହାନା ବଲୁ ଖେକହାଲି ମାଟ୍‌ହେସି । ୨ “ପାପୁ ପିସାନା ମନ ଖେବହା କତାପୁ, ଇତିହିଁ ଲାକପୁରୁ ରାଜି ଏଗାଝାହିମାନେ ।” ୩ ମାହାପୁରୁ ଅଣ୍ଡିପୁତି ବଲୁ ଖେହନି ଜିସାୟ ତାଣାଟି ଇ ହାତା ଖେସ୍ତି ଆହାମାତେ, ଏଝାସି ଇଝାସି; “ରଅଣି ହାତା ଲକୁ ହିଲାଆ ଟାୟୁତା ଡେଢ଼ିମାନେ, ପ୍ରବୁ ତାକି ଜିରୁ ଡିୟି କିପୁ ।” ୪ ଜହନ ଉଟୁ ବାଣାୟଁ ତଲେ ଚେପିତି ହିମ୍ପରିକା ତୁରୁହିମାତେସି, ଇଞ୍ଜିଁ ତାନି ଚେତେଲିତା ର ତଲୁତି ବୁଡ଼ପା ମାଡ଼ା ଦସା କଡ଼ିତେସି, ଗପ୍‌ବରିକା ଅଡ଼େ ଜାଡ଼ାଟି କ୍ରିୟଁ ଏଝାଣି କାଦି

ମାତେ । ୫ ଏତିବେଲାତା ଜିରୁସାଲମ ଗାଡ଼ା ଇଞ୍ଜିଁ ବାରେ ଜାହୁଦା ଦେସା ଅଡ଼େ ଜର୍ଦନ ଦାରିତି ନାସକାଟି ବାରେ ଲକୁ ତାନି ତାଣା ଖାହାଲି ମାଟ୍‌ହେସି, ୬ ଏଝାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ତିସ୍ତ ଅତେରି । ୭ ସାମା ହାରେକା ପାରୁସିୟଁ ଅଡ଼େ ସାଦୁକିୟଁ ବାପ୍ତିସ୍ତ ଅହାଲି ଖାହିମାନାଣି ମେସାନା ଏଝାରାଇଁ ଏଲେଇତେସି, “ଅଡ଼େ ରାସକା କୁଡ଼ାତାତେରି ମାହାପୁରୁ ତାଣାଟି ଖାହିମାନି କପାଟି ପିସ୍ତି କିହାକତାଲି ଆମ୍ପାଆସି ମିଟ୍ଟେ ସେଡନା ହିୟାତେସି ୮ ଇଦାଆଁତାକି ମନ ଖେବହାମାନାଣି ନେହିଁ କାମାତା ତହ୍‌ଦୁ, ୯ ଅଡ଼େ ଅବାହାମ ମା ଆବା ଇଞ୍ଜିଁ ମା ମନ ବିଡ଼ା ଅଣ୍ଡିପାଆୟୁ, ଏନାଆଁତାକି ଇତିହିଁ ନାନୁ ମିଟ୍ଟେ ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅବାହାମତି ମାର୍ବକାଣି ଗାଡ଼ି କିହାଲି ଆଡ଼ିମାନେସି । ୧୦ ଅଡ଼େ ନୀସି ଜିକେଏ ମାର୍ବନୁ ତାକିତା କାଝାଲି ଆଟାମାନେ, ଆମିନି ମାର୍ବନୁ ନେହିଁ ପାଡ଼େସି ଆୟେଏ, ଏଦାନି ଚୁଣହାନା ହିରୁତା ମେଡ଼ି ଆନେ । ୧୧ ନାନୁସି ମିଟ୍ଟେ ପାପୁଟି ପିସ୍ତି କିହାଲି ଇଞ୍ଜିଁ ମନ ଖେବ୍‌ପି କିହାଲି ଏୟୁତଲେ ବାପ୍ତିସ୍ତ ହାହିମାଞ୍ଜାଇଁ, ସାମା ନା ଡାୟୁ ରଅସି ଖାହିମାନେସି ଏଝାସି ନା କିହାଁ ହାରେକା ବାଡ଼ୁୟୁ ଗାଟାସି, ଏଝାଣି ସେପୁୟଁ ହୁକହାଲି ଜିକେଏ ନାନୁ ପାଡ଼ାଆଅଁ; ଏଝାସି ମିଟ୍ଟେ ସୁଡୁଜାଖୁ ଇଞ୍ଜିଁ ହିରୁତଲେ ବାପ୍ତିସ୍ତ ହିୟାନେସି । ୧୨ ଏଝାସି ତାନି କ୍ଲାନୁତି ନେହିଁକି ତାସାହାଁ, ତାନି ଆନାଟି କ୍ଲୋହାଁ ଗାଦେୟିତା ଇଟାଲି ଏଝାଣି କେୟୁତା ହେତି ମାନେ, ସାମା ଟାଟା ପଡ଼ୁତି ଏତେଲ ଚୁମ୍ପାଆଗାଟି ହିରୁତା ହୁତା ତୁହନେସି ।” ୧୩ ଏତିବେଲା ଜୀସୁ ଗାଲିଲିଟି ଖାହାନା ବାପ୍ତିସ୍ତ ଅହାଲି ତାକି ଜର୍ଦନ କାତାତା ଜହନ ତାଣା ଖାତେସି । ୧୪ ସାମା ଜହନ ଜାସୁଇଁ କାହି କିହାଲି ଅଣ୍ଡିପାନା ଏଲେଇତେସି, “ନୀ ତାଣାଟି ନାନୁ ବାପ୍ତିସ୍ତ ଅନାୟି ନା ଲଡ଼ାମାନେ, ଇଞ୍ଜିଁ ନାନୁ ନା ତାଣା ଖାହାମାଞ୍ଜି?” ୧୫ ସାମା ଜୀସୁ ଏଝାଣାଇଁ ଏଲେଇତେସି, “ନା ହାତା ଆହପୁ, ଏନାଆଁତାକି ଇତିହିଁ ଇଲେ ତଲେ ମାହାପୁରୁ ଡାମ୍ପୁଟି କାମା କିନାୟିମାନେ ।” ଏତେଟିଏ ଜହନ ମାନଝି ଆତେସି । ୧୬ ଜୀସୁ ବାପ୍ତିସ୍ତ ଅଡ଼ି ଦେବୁଣିଏ ଏୟୁତି ନିଟ୍ଟା ଖାତେସି । ଏତେଟିଏ ହାଗୁ ଦେପିଆତେ, ଇଞ୍ଜିଁ ମାହାପୁରୁତି ସୁଡୁଜାଖୁ ପାର୍‌ଖା ପଟାଲେହେଁ ଜୀସୁ ଲାକ ରେତା ଖାହିମାତାଣି ଜହନ ମେସ୍ତେସି । ୧୭ ଅଡ଼େ ମେହଦୁ, ହାଗୁଟି ଇ ହାତା ଆତେ, “ଈଝାସି ନା ଜୀଖୁତି ମାର୍ବସି ଇଝାଣି ତାଣା ନା ହାରେକା ରାହାଁ ମାନେ ।”

୪ ଏତିବେଲା ଜୀସୁ ସୟତାନ ତାଣାଟି ତାୟିପାରି କିଝି ଆହାଲି ସୁଡୁଜାଖୁ ଲକୁ ହିଲାଆ ଟାୟୁତା ଅତେ । ୨ ଜୀସୁ ରା କଡ଼ି ଦିନା ଲାଆଁୟଁ ମାଦେନା ଏନାଆଁ ତିନାଆନା ଉପାସା କିହାଁ ହାକି ଆତେସି । ୩ ଏତିବେଲା ସୟତାନ ତାନି ଦାରିତା ଖାହାନା ଏଲେଇତେ, “ନାନୁ ମାହାପୁରୁ ମାର୍‌ବଣାଟି ଇତିସାରେ ଇ ଖାଲକାଣି ରୁଟି ଆହାଲି ହୁକୁମି ହୀମୁ ।” ୪ ସାମା ଜୀସୁ ଏଲେଇତେସି, “ଦାମ୍ପୁ ସାସ୍ତେରିତା ରାସକି ଆହାମାନେ ମାଣ୍‌ସି ଖାରୁଇ ରୁଟି ତିଞ୍ଜାନା ନୀତଅସି, ସାମା ମାହାପୁରୁ ଗୁଟିଟି ହୁଟିମାନି ବଲୁ ତଲେ ନାଡ଼ିନେସି ।” ୫ ଡାୟୁ ସୟତାନ ଜୀସୁଇଁ

ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଲକ୍ଷ୍ମୀ ତୃତ୍ରିୟା ଲାକ ନିପୁହାନା, ୬ ଏଲେଇରେ, “ନାନୁ ମାହାପୁରୁ ମାର୍ଦ୍ଦୀଣୀତି ଇତିହିଁ ଇମ୍ପାଟି ଡ଼ଇକା ଗେମ୍ପାମ୍ପୁ,” ଦାମ୍ପୁଁ ସାସ୍ତେରିତା ରାସକି ଆହାମାନେ, ନିତ୍ସୁ ଜାତ୍ସୁ କିହାଲିତାକି ମାହାପୁରୁ ତାନି ଦୂରୁୟାଁଁଁ ହୁକୁମି ହୀନେସି; “ନୀ କତାୟାଁ ଏନିକିଁ ଖାଲ୍‌କାଣା ଆଡ଼ାଉ ଇଚ୍ଛୁଁ ଦୂରୁୟାଁଁ ନିତ୍ସୁ କେସ୍ତାତଲେ ଯେରହା ଆସ୍ତାନୁ ।” ୭ ଜୀସୁ ଏଦାନି ଏଲେଇରେସି, “ଦାମ୍ପୁଁ ସାସ୍ତେରିତା ରାସକି ଆହାମାନେ, ନାନୁ ପ୍ରତୁ ନୀ ମାହାପୁରୁଇଁ ତାୟିପାରି କିଆନି ।” ୮ ଅଡ଼େ ଖେଣ୍ଡେ ସୟତାନ ଜୀସୁଇଁ କାଜା ହୁରୁ ଲାକ ଅହାନା ଦାର୍ତ୍ତିତି ବାରେ ରାଜି ଅଡ଼େ ଏମ୍ପାଟି ବାରେ ଅଞ୍ଜୁ ଅଡ଼େ ଜୁପ୍‌କା ତ୍ପସାନା ଏଲେଇରେ, ୯ “ନାନୁ ନାଢ୍ଫେ ମେଣ୍ଡାକୁତାନା ଜହରା କିୟାଦି ଇତିହିଁ ନାନୁ ଈ ବାରେ ନିତ୍ସୁ ହିୟାଁଁଁ ।” ୧୦ ଏମ୍ପାଟିଏ ଜୀସୁ ଏଲେଇରେସି, “ଏ ସୟତାନ ନା ଡ଼ାଣାଟି ହେକ ହାଲାମ୍ପୁ! ଦାମ୍ପୁଁ ସାସ୍ତେରିତା ରାସକି ଆହାମାନେ, ‘ଖାର୍‌ଇ ନୀ ପ୍ରତୁ ମାହାପୁରୁଇଁ ଜହରା କିଦି ଅଡ଼େ ଖାର୍‌ଇ ଡ଼ାଢ୍ଫେଏ ସେବା କିଦି ।” ୧୧ ଏ ଦେକୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡ଼େ ଦୂରୁୟାଁଁଁ ଖାହାନା ଏଞ୍ଝାଣି ସେବା କିତୁ । ୧୨ ଜହନଇଁ କାୟିଦି ଇଲ୍ଲୁତା ଇତିତେରି ଇଚ୍ଛୁଁ ଖେଞ୍ଜୁନା ଜୀସୁ ଏମ୍ପାଟିଏ ଗୁଡ଼ା ଆହାନା ଗାଲିଲିତା ଖାତେସି; ୧୩ ଏଞ୍ଝାସି ନୀଜରିତତା ତ୍ପୟାଆତେସି, ସାମା କପରନାହୁମତା ତ୍ପୟାଲି, ସୁବୁଲୁନୁ ଅଡ଼େ ନପୁଲିତା ମାନି ର ଗାଲିଲି ସାମ୍ପୁରୁରି ଗାତୁତା ମାନି ଗାଡ଼ାତା ହାତେସି । ୧୪ ଏନିକିହିଁ ମାହାପୁରୁ ଅଣ୍ଡୁପୁତି ବଲ୍ଲୁ ଖେହୁନି କିସାୟତି ହାତା ସାତା ଆନେ, ଏଞ୍ଝାସି ଏଲେଇଚ୍ଛୁମାତେସି; ୧୫ “ସୁବୁଲୁନୁ ଦେସା ଅଡ଼େ ନପୁଲି ଦେସା ସାମ୍ପୁରୁରି ତାଗେ ଇଚ୍ଛୁଁ ଜର୍ଦନ କାତା ଆତାଲାଖକିତି, ଜୀହୁଦିଆଆତି ଗାଲିଲି! ୧୬ ଆନେରିତା ବାସା କିହିମାନି ଲକ୍ଷ୍ମୀ କାଜା ଉଜେଡ଼ି ମେସ୍ତେରି ହାକିତି ନାସକା ଅଡ଼େ ସାହଡ଼ାତା ମାନି ଲକ୍ଷ୍ମୀତାକି ଉଜେଡ଼ି ତ୍ପଞ୍ଜାଆନେ ।” ୧୭ ଏ ବେଲାଟିଏ ଜୀସୁ ତାନି କାତା ଖେକ୍‌ହାଲି ମାଡ଼ହେସି, “ମୀ ପାପୁ ପିସାନା ମନ ଖେହୁହା କତାପୁ, ଏନାଆଁତାକି ଇତିହିଁ ଲାକପୁରୁ ରାଜି ଏଗାଞ୍ଝାହିମାନେ ।” ୧୮ ଜୀସୁ ଗାଲିଲି ସାମ୍ପୁରୁରି ଗାତୁଟି ହାଜିମାତାଟି ସିମନ ଇନି ପିତର ଅଡ଼େ ତାନି ତାୟି ଆନ୍ଦିୟ, ଈ ତାୟି ରିଆରି ସାମ୍ପୁରୁରିତା ଜାଲା ମେଡ଼ିହ ମାତାଣି ମେସ୍ତେସି, ଏନାଆଁତାକି ଇତିହିଁ ଏଞ୍ଝାରି ମାଣ୍ଡକା ଆହନାରି ମାତେରି । ୧୯ ଜୀସୁ ଏଞ୍ଝାରାଇଁ ଏଲେଇରେସି, “ନା ଜେତ ଖାତୁ, ନାନୁ ମିତ୍ସୁ ଲକ୍ଷ୍ମଣି ଆହନାଣି ଜାପୁହାଁଁଁ ।” ୨୦ ଏତେଟିଏ ଏଞ୍ଝାରି ଦେକୁଣିଏ ଜାଲା ପିସାନା ଏଞ୍ଝାଣି ଜେତ ହାତେରି । ୨୧ ଏମ୍ପାଟିଏ ଜୀସୁ ନକିତା ହାଜାନା ଜେବଦି ମାର୍‌କା ଜାକୁବ ଅଡ଼େ ଏଞ୍ଝାଣି ତାୟି ଜହନ ଦରୁଗାଗାସି ଇଚ୍ଛୁଁ ଅଡ଼େ ରିଆରି ତାୟିୟାଁଁଁ ତାନି ଆବା ଜେବଦି ତଲେ ତଂଗତା ଜାଲା ମୁଦା କିହିମାତାଣି ମେସାନା ଏଞ୍ଝାରାଇଁ ଜିକେଏ ହାଟିତେସି । ୨୨ ଏତେଟିଏ ଏଞ୍ଝାରି ଏ ଦେକୁଣିଏ ତଂଗ ଅଡ଼େ ତାନି ଆବାଇଁ ପିସାନା ଜୀସୁ ଜେତ ହାତେରି । ୨୩ ତାୟିୟାଁଁଁ ଜୀସୁ ଗାଲିଲି ଦେସାତା ରେଜି ରେଜିହିଁ ଜୀହୁଦି ଲକ୍ଷ୍ମଣି କୁଟମି ଇଲ୍‌କାଣା ଜାପୁହାଁଁଁ, ମାହାପୁରୁ ରାଜିତି ନେହିଁ କାବୁ ଖେସିହିଁ ରଗଗାଟି ଲକ୍ଷ୍ମଣି ନେହିଁ କିହାଲି

ମାଡ଼ହେସି, ୨୪ ଅଡ଼େ ଏଞ୍ଝାଣି କାତା ଦେସାଟି ସାରିଖାକି ଇଚ୍ଛୁଁ ସିରିୟା ଦେସାତା ଜିକେଏ ଖେଢ୍ଫାହାତେ, ଇଚ୍ଛୁଁ ଲକ୍ଷ୍ମୀ ଦୂରୁୟାଁଁ ଆଲ୍‌ଗା ମାତାରାଇଁ, କାଟିଖେତାରାଇଁ, ଇଚ୍ଛୁଁ ଟଟ ଖାୟିତାରାଇଁ; ଇଲେତି ହାରେକା ରଗଟି କସୁ ଆହିମାନାରାଇଁ ଜୀସୁ ନକିତା ତାତେରି, ଇଚ୍ଛୁଁ ଏଞ୍ଝାସି ଏଞ୍ଝାରାଇଁ ନେହିଁ କିତେସି । ୨୫ ଅଡ଼େ ଗାଲିଲି, ଦସଗଟା ନାସକା, ଜିରୁସାଲମ, ଜୀହୁଦା ଅଡ଼େ ଜର୍ଦନତି ଏ ଗାତୁତା ମାନି ନାସକାଟି ହାରେକା ଲକ୍ଷ୍ମୀ ଜୀସୁ ଜେତ ହାତେରି ।

୪ ଜୀସୁ ହାରେକା ଲକ୍ଷ୍ମଣି ମେସାନା ର ହୁରୁ ଲାକ ହାଜାନା କୁଗିତେସି, ଇଚ୍ଛୁଁ ସାସ୍ତୁୟାଁଁଁ ଏଞ୍ଝାଣି ତାଗେ ଖାତେରି । ୧ ଏମ୍ପାଟିଏ ଏଞ୍ଝାସି ଗୁତି ଏକହାନା ଜାପୁହାଲି ମାଡ଼ହେସି । ୩ ଆମ୍ପାଆରି ଜୀସୁତା ଏନାଆଁଁଁ ହିଲାଆ ଗାଟାରାକି ନେହେଁ, ଏନିକିତିହିଁ ଲାକପୁରୁ ରାଜି ଏଞ୍ଝାରି ଖାଲ୍ । ୪ ଆମ୍ପାଆରି ଦୁକୁତା ଡ଼ାହିମାନି ଲକ୍ଷ୍ମୀତାକି ନେହେଁ, ଏନାଆଁତାକି ଇତିହିଁ ମାହାପୁରୁ ଏଞ୍ଝାରି ଦୁକୁ ତୁକ୍‌ନେସି । ୫ କପା ହିଲାଆ ଗାଟାରି ନେହେଁ, ଏନାଆଁତାକି ଇତିହିଁ ଦାର୍ତ୍ତିତା ଏଞ୍ଝାରି ଅଦିକାରା ଆନେରି । ୬ ମାହାପୁରୁ ଦାମ୍ପୁଁତି କାମା କିହାଲି ହାକି ଏସକି ଗାଟାରି ଏଞ୍ଝାରାକି ନେହେଁ, ଏନାଆଁତାକି ଇତିହିଁ ମାହାପୁରୁ ଏଞ୍ଝାରାକି ଲଡ଼ାମାନାଣି ବାରେ ହାନେସି । ୭ ଏସକା ଲକ୍ଷ୍ମଣି କାର୍ମା ମେହନେରି, ଏଞ୍ଝାରାକି ନେହେଁ, ଏନିକିତିହିଁ ମାହାପୁରୁ ଏଞ୍ଝାରାଇଁ କାର୍ମା ମେହନେସି, ୮ ଆମ୍ପାଆରି ସୁଦୁ ହିୟାଁଁଁ ଗାଟାରି ଏଞ୍ଝାରାକି ନେହେଁ, ଏନିକିତିହିଁ ଏଞ୍ଝାରି ମାହାପୁରୁଇଁ ମେହନେରି । ୯ ହିତ୍‌ଡ଼ି ଗାଟି ଲକ୍ଷ୍ମୀ ନେହେଁ, ଏନିକିତିହିଁ ଏଞ୍ଝାରି ମାହାପୁରୁଟି ମୀର୍କା ଇଚ୍ଛୁଁ ଖେଢ୍ଫୁନେରି । ୧୦ ମାହାପୁରୁ ଦାମ୍ପୁଁ କାତାତାକି ଦୁକୁ ବେଟାଆନାରି ଏଞ୍ଝାରାକି ନେହେଁ, ଏନିକିତିହିଁ ଲାକପୁରୁ ରାଜି ଏଞ୍ଝାରିଖାୟି । ୧୧ ଏତିବେଲା ଲକ୍ଷ୍ମୀ ମିତ୍ସୁ ନା ତାକି ନିନ୍ଦୁ କି ଲାଜା କିୟନେରି, ଅଡ଼େ ନା ତାକି ଉଜେ ଉଜେଏ ମୀ କପାଟି ମିତି କାତା ଜଲ୍‌ନେରି, ଆତିହିଁ ମିତ୍ସୁ ତାକି ନେହେଁ । ୧୨ ରାହାଁଁଁ ଆହାନା ଏନ୍ଦୁରୁ, ଏନାଆଁତାକି ଇତିହିଁ ଲାକପୁରୁତା ମୀ ତାକି ହାରେକା ଦାନା ମାନେ; ଏଲେକିହିଁଏ, ମୀ ନକିତି ମାହାପୁରୁ ଅଣ୍ଡୁପୁତି ବଲ୍ଲୁ ଖେହୁନାରାଇଁ ଜିକେଏ ଇଲେକିହିଁ ନିନ୍ଦୁ କିହାମାତେରି । ୧୩ ମୀରୁ ବାରେ ଦାର୍ତ୍ତିତି ହାରୁ ଲେହେଁ, ସାମା ହାରୁ ମୁଆତିହିଁ, ଅଡ଼େ ଏଦାଆଁଁଁ ଏମ୍ପାୟା ଜିକେଏ ଲେମ୍ପାଲି ଆଏ, ଇଚ୍ଛୁଁ ଏଦି ଏନି କାମାତା ପାଡ଼ା ଆଏ, ଲକ୍ଷ୍ମୀ ଏଦାଆଁଁଁ କଟାଁ ତୁଲ ଖିସା ହାନେରି । ୧୪ ମୀରୁ ଦାର୍ତ୍ତିତି ଉଜେଡ଼ି ତେରି, ଆମିନି ଗାଡ଼ା ହୁରୁ ଲାକ ଜେପି ଆହାମାନେ, ଏଦି ଏତେଲା ଦୁଗାନା ତ୍ପୟାଲି ଆତେଏ । ୧୫ ଅଡ଼େ ଦାଞ୍ଝି ତ୍ପାସାନା ଆମ୍ପାଆରି ମାଣା ପୁକ୍‌ହାନା ଇଟଅରି, ସାମା ଏଦାନି ଦାଞ୍ଝି ସଡ଼ାତା ଇତିନେରି, ଆତିହିଁ ଇଲ୍ଲୁତା ଖାନି ବାରେ ଲକ୍ଷ୍ମୀ ଉଜେଡ଼ି ମେହନେରି । ୧୬ ଏଲେକିହିଁଏ ମୀ ଉଜେଡ଼ି ଲକ୍ଷ୍ମୀ ନକିତା ନେହିଁକିଁ ତ୍ପଞ୍ଜାଆପେ, ଏନିକିଁ ଏଞ୍ଝାରି ମୀ ନେହିଁ କାମା ମେସାନା ଲାକପୁରୁଟି ଆବାତି ଗାଞ୍ଝୁରିମି କିନେରି । ୧୭ ନାଢ୍ଫେ ମୁସାତି ମେରା ଅଡ଼େ ମାହାପୁରୁ ଅଣ୍ଡୁପୁତି ବଲ୍ଲୁ ଖେହୁନାରି ମେରାତି ମ୍ପୁକ୍‌ହାଲି ଖାହାମାନେସି ଇଚ୍ଛୁଁ ଅଣ୍ଡୁଆପୁ; ନାନୁ ମ୍ପୁକ୍‌ହାଲି ଖାହାହିଲଆଁଁଁ

ଯାମା ଇ ବାରେ ପୁରା କିହାଲି ଝାହାମାଲି । **୧୮** ଏନାଆଁତାକି ଇଚିହିଁ ନାନୁ ମିଢ୍ଫେ ସାତା ଝେସିମାଞ୍ଜୁଇଁ, ହାପୁଠାକା ଅଡ଼େ ଦାର୍ତ୍ତି ମେଣ୍ଠେଆ ପାତେକା ଇଞ୍ଜି ଇ ବାରେ ଆଆପାତେକା ମସା ମେରାତି ଇଚାୟି ସିନା ଜିକେଏ ମେଣ୍ଠେଏ । **୧୯** ଏନାଆଁତାକି ଇଚିହିଁ ଆମ୍ବାଆସି ଇ ହୁକୁମିଚି ର ଉଣା ହୁକୁମି ମାନଖି ଆଅସି ଅଡ଼େ ଲକୁଇଁ ଏଲେକିହିଁ କାପ୍‌ନେସି, ଏଝାସି ଲାକପୁରୁ ରାଜିତା ଉଣା ଇଞ୍ଜି ଝେଢ଼ୁନେସି; ସାମା ଆମ୍ବାଆସି ମାନଖି ଆନେସି ଅଡ଼େ ଜାପ୍‌ନେସି ଏଝାସି ଲାକପୁରୁ କାଜାସି ଇଞ୍ଜି ଝେଢ଼ୁନେସି । **୨୦** ଏନାଆଁତାକି ଇଚିହିଁ ନାନୁ ମିଢ୍ଫେ ଝେସିମାଞ୍ଜୁଇଁ, ମା ଦାମ୍ବୁ ମେରା ପୁନାରି ଅଡ଼େ ପାରୁସିୟାଁ ଦାମ୍ବୁ କିହାଁ ମା ନାମ୍ବୁ ହାରେକା ଆଅତିହିଁ, ମାରୁ ଜିକେଏ ଲାକପୁରୁ ରାଜିତା ହତାଲି ଆଡ଼ଅତେରି । **୨୧** “ମାରୁ ଝେଞ୍ଜାମାଞ୍ଜେରି, ତଲିକାଲାତି ଲକୁଇଁ ଝେସିଆହାମାରେ, ‘ଲକୁଇଁ ପାୟାଆଦୁ, ଆମ୍ବାଆସି ଲକୁଇଁ ପାୟିନେରି, ଏଝାସି ନାହାଁୟି ପାଢ଼ୁତା ତଣ୍ଡୁ ବେଟା ଆନେସି ।” **୨୨** ସାମା ନାନୁ ମିଢ୍ଫେ ଝେସିମାଞ୍ଜୁଇଁ, ଆମ୍ବାଆସି ତାମି ତାୟି ଲାକ କପାଆନେସି, ଏଝାସି ନାହାଁୟି ପିଣ୍ଡାତା ତଣ୍ଡୁ ବେଟା ଆନେସି, ଇଞ୍ଜି ଆମ୍ବାଆସି ତାମି ତାୟିଲି କାବ୍‌ବିଗାଟାତି ଇଞ୍ଜି ଇନେସି, ଏଝାସି ବେରଣିମାଣ୍ଡାତା ତଣ୍ଡୁ ବେଟା ଆନେସି; ଅଡ଼େ ଆମ୍ବାଆସି ପଲ୍‌ଆଗାଟାତି ଇଞ୍ଜି ଇନେସି, ଏଝାସି ହିତୁ ଗାଡ଼ୁୟୁତା ମେଡ଼ପି ଆନେସି । (Geenna g1067) **୨୩** ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାତିମାନାତି ମା ତାୟି କପାତି ଏନି ହାତା ମାନେ ଇଞ୍ଜି ଏମ୍ବାଆଁ ଅଶ୍‌ପୁ ଝାନ୍, **୨୪** ଅତିହିଁ ଏଦିଏମ୍ବାଆଁ ପୂଜା ପିଣ୍ଡାତା ମା ଦାନା ପିସାନା ହାଲୁ, ଇଞ୍ଜି ମା ତାୟିତଲେ ଆଣ୍ଡିତି ଚେତ ଝେଣ୍ଡା ଝାହାନା ମାହାପୁରୁ ନକିତା ଏ ଦାନା ହେରପାଦୁ । **୨୫** ନାନୁ ଗଡ଼ହା ଆତାଣି ତଲେ ନାହାଁୟି କିନାଣି ତାଣା ହାନିବେଲତା ଜିରୁତେଏ କାଲ୍‌ଖି ଆୟାଲି ଅଶ୍‌ପାମ୍, ଆଅତି ଏଝାସି ନିଢ୍ଫେ ନାହାଁୟି କିନାଣି ତାଣା ହେରପାଦେସି, ଅଡ଼େ ନାହାଁୟି କିନାସି ନିଢ୍ଫେ ଜାମାନାଢ଼ୁ କେୟୁତା ହେରପାଦେସି, ଅଡ଼େ ଏଝାସି କାୟିଦି ଇଲୁତା ପୁଣ୍ଡାନେରି । **୨୬** ନାନୁ ମିଢ୍ଫେ ସାତା ଝେସିମାଞ୍ଜୁଇଁ ମା ତାକି କିଞ୍ଚିଆହାମାନି ର କାନି ଜିକେଏ ହାଆପାତାକା ଏମ୍ବାତି ଏନିଜିକେଏ ହତାଝାହାଲି ଆଡ଼ଅତେରି । **୨୭** ମାରୁ ଝେଞ୍ଜାମାଞ୍ଜେରି, ଇଲେଇଞ୍ଜି ରାସ୍‌କି ଆହାମାନେ, ଦାରିକାମା କିଆଦୁ । **୨୮** ସାମା ନାନୁ ମିଢ୍ଫେ ଝେସିମାଞ୍ଜୁଇଁ, ଆମ୍ବାଆସି ର ଇୟାନି ଲାଗେଏତି ଅଶ୍‌ପୁ ତଲେ ସିନିକିନେସି, ଇଞ୍ଜି ଏଝାସି ଏଦାନିତଲେ ମନ ମନତା ଦାରିକାମା କିତେସିଏ । **୨୯** ଅଡ଼େ ମା ଚିଝନି କାନୁ ମିଢ୍ଫେ ପାପୁ କିଞ୍ଚିକିୟାନେ ଇଚିହିଁ ଏ କାନୁ ଡ଼େଝା କୁତାଦୁ, ଇଚିହିଁ ମା ବାରେ ଆଢ଼ୁ ନକିତା ରିନି କିହାଁ, ଆଢ଼ୁଚି ର ବାଗା ହିଲାଆଗାଟାଲ ନେହେଁ । (Geenna g1067) **୩୦** ଇଞ୍ଜି ମା ଚିଝନି କେୟୁ ମିଢ୍ଫେ ପାପୁ କିଞ୍ଚିକିୟାନେ ଇଚିହିଁ ଏଦାଆଁ ଜାତାନା କୁତାଦୁ, ଇଚିହିଁ ମା ବାରେ ଆଢ଼ୁ ନକିତା ରିନିବାଟା ଆଢ଼ୁଚି ର କେୟୁ ହିଲାଆଗାଟାୟି ନେହେଁ । (Geenna g1067) **୩୧** ଅଡ଼େ ରାସ୍‌କି ଆହାମାନେ, ଆମ୍ବାଆସି ତାନି ତକ୍‌ନି ପିହ୍‌ନେସି, ଇଚିହିଁ ଏଝାସି ଏଦାନାକି ପିହ୍‌ନି ଆକୁ ରାତାନା ହାପେସି । **୩୨** ସାମା ନାନୁ ମିଢ୍ଫେ

ଝେସିମାଞ୍ଜୁଇଁ, ଆମ୍ବାଆସି ତାନି ତକ୍‌ନି ଦାରି କାମାତି ଦହ ହିଲାଆନା ତକ୍‌ନି ପିହ୍‌ନେସି, ଏଝାସି ଏଦାନି ଦାରେଣି କିନେସି; ଅଡ଼େ ଆମ୍ବାଆସି ପିପ୍‌ର ଇୟାନି ବାହା ଆନେସି, ଏଝାସି ଜିକେଏ ଦାରେଲା ଆନେସି । **୩୩** ଅଡ଼େ ମାରୁ ଝେଞ୍ଜାମାଞ୍ଜେରି, ତଲିକାଲାତି ଲକୁଣି ଝେସି ଆହାମାରେ, ମାରୁ ମିଚି ପାର୍‌ମାଣା କିଆଦୁ, ସାମା ପାର୍‌ମାଣା କିହାମାନାଣି ତକ୍‌ଆନି, ମାହାପୁରୁ ନକିତା ପୁରା କିଦୁ । **୩୪** ସାମା ନାନୁ ମିଢ୍ଫେ ଝେସିମାଞ୍ଜୁଇଁ ପାର୍‌ମାଣା କିଞ୍ଚୁଏ କିଆଦୁ; ପାର୍‌ମାଣା କିନି ବେଲା ଲାକପୁରୁତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହିଁ ଏଦି ମାହାପୁରୁତି ସିଂଗାସାଣି; **୩୫** ଅଡ଼େ ଦାର୍ତ୍ତିତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହିଁ ଏଦି ମାହାପୁରୁତି କତାୟାଁ ଇଚିନି ଚାୟୁ; ଜିରୁସାଲମ ଦରୁତଲେ ପାର୍‌ମାଣା କିଆଦୁ, ଏଦି ଆହିମାନେ କାଜା ରାଜାତି ଗାଡ଼ା; **୩୬** ଇଞ୍ଜି ମା ତାୟିତି ପାର୍‌ମାଣା କିଆଦୁ, ଇଚିହିଁ ମା ତାୟିତି ର ବାଣା କାଡ଼ିୟା ଆଅତି ଦବଲ କିହାଲିତାକି ମା ବାଡ଼ୁୟୁ ହିଲେଏ, **୩୭** ସାମା ମାଦି ହାଅ ଇନି କାତା ହାଅ ଆପେ, ଇଞ୍ଜି ଆଏ ଇନି କାତା ଆଏ ଆପେ; ଇଦାଆଁ ପିସ୍‌ପେ ଏନାଆଁ ଇଚାଣି ଆଗାଡ଼ା କାଲ୍‌ହିହିଁ ଏଦି ଲାଗେଏ ତାଣାତି ଝାନ୍ । **୩୮** ମାରୁ ଇ କାତା ଝେଞ୍ଜାମାଞ୍ଜେରି, ରାସ୍‌କି ଆହାମାନେ, କାନୁଚି ବାଦୁଲି କାନୁ, ପାଲୁଚି ବାଦୁଲି ପାଲୁ । **୩୯** ସାମା ନାନୁ ମିଢ୍ଫେ ଝେସିମାଞ୍ଜୁଇଁ, ମିଢ୍ଫେ ଲାଗେଏ କିୟାନାଣାଲି ବାଦୁଲି ଅଆଦୁ, ସାମା ଆମ୍ବାଆସି ନା ଚିଝନି ଗେଏଲାତା ସାପଡ଼ା ଝେତାନେସି, ଏଝାଣାକି ଅର ଗେଏଲା ଜିକେଏ ତହ୍‌ଦୁ । **୪୦** ଇଞ୍ଜି ଆମ୍ବାଆସି ନାହାଁୟି ପାଢ଼ୁତା ମା ସକା ଅହାଲି ମନ କିଚିହିଁ ଏଝାଣାକି ମା ହିମ୍‌ବି ଜିକେଏ ହାଦୁ । **୪୧** ଆମିନି ଦେସା ସାଲ୍‌ଖି କିନାସି ମିଢ୍ଫେ ବକୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜୁନେସି, ଏଝାଣିତଲେ ରା କିଲମିଟର ହାଲୁ । **୪୨** ଆମ୍ବାଆସି ମିଢ୍ଫେ ରାସ୍‌ପାନେସି, ଏଝାଣାକି ହାଦୁ, ଅଡ଼େ ଆମ୍ବାଆସି ମା ତାଣାତି ରାଣା ଅହାଲି ମନ କିନେସି ଏଝାଣାଲି ଆଏ ଇନାଆଦୁ । **୪୩** ମାରୁ ଝେଞ୍ଜାମାଞ୍ଜେରି, ରାସ୍‌କି ଆହାମାନେ, ମା ପାଡ଼ିତାଣାଲି ଜାଞ୍ଜୁନଦୁ ଇଞ୍ଜି ସାତୁୟାଁଣି ଅପାଆଦୁ । **୪୪** ସାମା ନାନୁ ମିଢ୍ଫେ ଝେସିମାଞ୍ଜୁଇଁ, ମା ସାତୁୟାଁଲି ଜାଞ୍ଜୁନଦୁ, ଇଞ୍ଜି ଆମ୍ବାଆସି ମିଢ୍ଫେ ନିନ୍‌କି କିୟାନେରି, ଏଝାସି ତାକି ପ୍ରାତାନା କିଦୁ । **୪୫** ଏନିକିଁ ମାରୁ ମା ଲାକପୁରୁ ଆବାତି ମାର୍‌କା ଆଦେରି; ସାମା ମାହାପୁରୁ ନେହାଁରି ଅଡ଼େ ଲାଗେଏ ପଲେଏତି ବାରେ ଲକୁତାକି ଝେଡ଼ା ରଜେଡ଼ି ହାନାସି ଅଡ଼େ ଦାମ୍ବୁଗାଟାରି ଅଡ଼େ ଦାମ୍ବୁ ହିଲାଆ ଗାଟାରାକି ଜିକେଏ ପିୟୁ ହାନେସି । **୪୬** ଇଞ୍ଜି ଆମ୍ବାଆସି ମିଢ୍ଫେ ଜାଞ୍ଜୁ ନୟାଁନେରି ଏ ଲକୁଇଁଦେଁ ଜାଞ୍ଜୁ ନଡ଼ିହିଁ ଏନାୟି ମେଡ଼ାଆୟାନେ? ସିପୁ ରାହ୍‌କାରି ଜିକେଏ ଏଦାଆଁ କିଅରିକି? **୪୭** ଅଡ଼େ ମାରୁ ମା ତାୟିୟାଁଲି ଜହରା କିଦେରି, ଏମ୍ବାଟିଏ ଅଡ଼େ ଏନି କାମା କିଦେରି? ଜାହୁଦିଆଆତାରି ଜିକେଏ ଏଦାଆଁ କିଅରିକି? **୪୮** ଏଦାଆଁତାକି ମା ଲାକପୁରୁତି ଆବା ଏନିକିଁ ବାରେକିହାଁ ନେହାଁସି ମାରୁ ଜିକେଏ ଏଲେକିଁ ନେହିଁ ଆଦୁ ।

୨ ଲକ୍ଷ୍ମୀ ମେଘାପେରିଖା ଇଚ୍ଛୁ ଲକ୍ଷ୍ମୀ ନକିତା ଦାମ୍ଭୂତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆତିହିଁ ମୀ ଲାକପୁରୁତି ଆବା ନକିତା ମିଚ୍ଛେ ଦାନା ହିଲେଏ । ୨ ଏଦାଆଁତାକି ଦାନା ହାନାଟି କୁରୁ ଗାଟାରିଲେହେଁ ଜାହାରା ନକିତା ତୀତ୍ରି ଉକାଆଦୁ, ଏଝାରି ଲକ୍ଷ୍ମୀ ତାଣାଟି ମାନି ବେଟାଆହାଲି ଜୀହୁତି ଲକ୍ଷ୍ମୀ କୁଟମି ଲକ୍ଷ୍ମୀତା ଅଡେ ମାଦି ଆଂଗେଣିତା ଏଲେକିନେରି, ନାନୁ ମିଚ୍ଛେ ସାତା ଝେସିମାଞ୍ଜୁଇଁ ଏଝାରି ତାମି ଦାନା ବେଟାଆହାମାନେରି । ୩ ସାମା ମୀରୁ ଦାନା ହାନାଟି ମୀ ଚିଃନି କେୟୁ ଏନାଆଁ କିହିମାନେ ମୀ ଚେବ୍ରି କେୟୁ ପୁନାଆପେ, ୪ ଏନିକିଁ ମୀ ଦାନା ହୀତାୟି ପୁନାଆରେରୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେରୁ ମେହନାସି, ଏଝାସି ମିଚ୍ଛେ ଦାନା ହିୟାନେସି । ୫ ପ୍ରାତାନା କିନାଟି କୁରୁ ଗାଟାରିଲେହେଁ ଆଆଦୁ, ଏନାଆଁତାକି ଇତିହିଁ ଏଝାରି ଲକ୍ଷ୍ମୀ ଚିପାଲି ତାକି, ଜୀହୁତି ଲକ୍ଷ୍ମୀ କୁଟମି ଲକ୍ଷ୍ମୀତା ଅଡେ ଡେଡା ଜିରୁତି କନତା ନିତାନା ପ୍ରାତାନା କିହାଲି ରାହାଁ ଆନେରି; ନାନୁ ମିଚ୍ଛେ ସାତା ଝେସିମାଞ୍ଜୁଇଁ, ଏଝାରି ତାମି ଦାନା ବେଟାଆହାମାନେରି । ୬ ସାମା ମୀରୁ ପ୍ରାତାନା କିନାଟି ମୀ ଲକ୍ଷ୍ମୀ ବିତ୍ରା ହାଲୁ, ଲକ୍ଷ୍ମୀ ଦାରା ପୁଣ୍ଡା କତାଦୁ ଅଡେ ଚଞ୍ଚା ଆଆଗାଟି ମୀ ଆବା ମାହାପୁରୁ ତାଣା ପ୍ରାତାନା କିଦୁ; ଅଡେ ମୀ ଆବା ଆମ୍ବାଆସି ତୁଗାନା ମେସ୍ତାନେସି ଏଝାସି ମିଚ୍ଛେ ଦାନା ହିୟାନେସି । ୭ ମୀରୁ ପ୍ରାତାନା କିନାଟି ଜୀହୁତିଆଆତାରି ଲେହେଁ ଉଜେ ଉଜେଏ ପେଚେପେଚେ ଜଲୀଆଦୁ, ଏନାଆଁତାକି ଇତିହିଁ ଏଝାରି ଅଶ୍ଵପିନେରି, ହାରେକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ ଝେଞ୍ଜାନେସି । ୮ ଏଦାଆଁତାକି ଏଝାରିଲେହେଁ ଆଆଦୁ, ଏନାଆଁତାକି ଇତିହିଁ ମିଚ୍ଛେ ଏନାୟି ଲଡ଼ାମାନେ, ରାହୁଆ ନକେଏ ଏଦାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି । ୯ ଅଡେ ମୀରୁ ଲଲେକିହିଁ ପ୍ରାତାନା କିଦୁ; ଏ ମା ଲାକପୁରୁତି ଆବା, ନୀ ଦରୁ ନେହାୟି ଲକ୍ଷ୍ମୀ ମାନସି ଆପେ; ୧୦ ନୀ ରାଜି ଖାପେ; ଲାକପୁରୁତି ଲେହେଁ ଦାର୍ତ୍ତିତା ଜିକେଏ ନୀ କାଟେଏ ଆପେ, ୧୧ ନୀଞ୍ଜୁ ମାଟ୍ଟେ ଲଡ଼ା ଆନି ରାନୁ ହିୟାମୁ, ୧୨ ମା କପାତଲେ ଦହ କିହାମାନି ଲକ୍ଷ୍ମୀ ମୀରୁ ଏନିକିହିଁ ଦହ ଆହୁଅମି, ଏଲେକିହିଁ ମା ଦହ ବାରେ ମ୍ଳେକହାମୁ । ୧୩ ମାଟ୍ଟେ ପାନୁତା ମେଦହାଆନି ଲାଗେଏ ପଲେଏ ତାଣାଟି ପିସ୍ପି କିୟାମୁ, ଏନିକିହିଁ ରାଜି ବାଡ଼ୟୁ କାଜାପାଣା କାଲା କାଲାତାକି ନାଦିଏ ଆପେ । ଆମେନ । ୧୪ ଇତିହିଁ ମୀରୁ ଏଚକା ଲକ୍ଷ୍ମୀ ପାପୁ ବାରେ ମ୍ଳେକହାସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ଳେକହାମାନେସି; ୧୫ ସାମା ମୀରୁ ଲକ୍ଷ୍ମୀ ପାପୁ ମ୍ଳେକହାସାରେ, ମୀ ଆବା ଜିକେଏ ମୀ ପାପୁ ମ୍ଳେକହାଅସି । ୧୬ ଉପାସା କିନାଟି କୁରୁ ଗାଟାରିଲେହେଁ ମୀ ମୁମୁତି ଝାଡ଼ି କିଆଦୁ, ଏନାଆଁତାକି ଇତିହିଁ ଏଝାରି ଉପାସା କିହିମାନେରି ଲକ୍ଷ୍ମୀ ଲକ୍ଷ୍ମୀ ଚିପାଲି ତାମି ମୁମୁ ଝାଡ଼ି କିନେରି; ନାନୁ ମିଚ୍ଛେ ସାତା ଝେସିମାଞ୍ଜୁଇଁ ଏଝାରି ତାମି ଦାନା ବେଟାଆହାମାନେରି । ୧୭ ସାମା ମୀରୁ ଉପାସା କିନାଟି, ମୀ ତାୟିତା ନିୟୁ ଉହୁଦୁ ଅଡେ ମୁମୁ ନରହା କତାଦୁ । ୧୮ ଏନିକିଁ ମୀରୁ ଉପାସା କିହିମାନେରି ଲକ୍ଷ୍ମୀ ଲକ୍ଷ୍ମୀ

ନକିତା ଚଞ୍ଚା ଆଆନା, ପୁନାଆରେରୁ ମାନି ମୀ ଲାକପୁରୁତି ଆବା ନକିତା ଚଞ୍ଚା ଆଦେରି; ଅଡେ ମୀ ଆବା ପୁନାଆରେରୁ ମେସାନା ମିଚ୍ଛେ ଦାନା ହିୟାନେସି । ୧୯ “ଏମ୍ବିୟା ସୀରନେ ଲକ୍ଷ୍ମୀ ଲୀମୁ ତିନେ ଅଡେ ସରକା କାତି ତୁକହାନା ସରୁ କିହା ଅନେରି, ଲଲେତି ଦାର୍ତ୍ତିତା ମିଚ୍ଛେତାକି ଦନ କୂଡ଼ିକିହାଁ ଇଟାଆଦୁ । ୨୦ ସାମା ଆମ୍ବିୟା ସୀରଏ ଲକ୍ଷ୍ମୀ ଲୀମୁ ତିନେଏ ଅଡେ ସରକା କାତି ତୁକହାନା ମାଣତା ଅଅରି ଲଲେତି ଲାକପୁରୁ ମିଚ୍ଛେତାକି ଦନ କୂଡ଼ି କିଦୁ, ୨୧ ଇତିହିଁ ଆମ୍ବିୟା ମୀ ଦନ ଏମ୍ବେଏ ମୀ ମନ ଜିକେଏ ମାନେ ।” ୨୨ କାନୁ ଆଟ୍ଟାତି ଦୀଝିଁ ଲେହେଁ, ଇତିହିଁ ମୀ କାନୁ ନେହିଁ ମାନେ, ଆତିହିଁ ମୀ ବାରେ ଆଟ୍ଟା ଉଜେଡ଼ି ଆନେ । ୨୩ ସାମା ମୀ କାନୁ ଲାଗେଏ ମାନେ, ଆତିହିଁ ମୀ ବାରେ ଆଟ୍ଟା ଜିକେଏ ଆନେରି ଆନେ । ଏନାଆଁତାକି ଇତିହିଁ ମୀ ଆଟ୍ଟାତି ଉଜେଡ଼ି ଆନେରି ଆତିହିଁ ଏ ଆନେରି ଏଚେକା ଆଜିନାୟି ଆନେ । ୨୪ ଆମ୍ବାଆସି ଜିକେଏ ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡଅସି; ଏନାଆଁତାକି ଇତିହିଁ ଏଝାସି ରଅଣାଇଁ ଜୀଞ୍ଜୁ ନନେସି, ଅଡେ ରଅଣାଇଁ ଅପଅସି, ରଅଣାଇଁ ମାନି କିନେସି ଅଡେ ରଅଣାଇଁ ମାନସି ଆସିସି, ମୀରୁ ମାହାପୁରୁ ଅଡେ ଦନତି ହଲିୟାଟ୍ଟା ଆହାଲି ଆଡଅଚେରି । ୨୫ ଏଦାଆଁତାକି ନାନୁ ମିଚ୍ଛେ ଝେସିମାଞ୍ଜୁଇଁ, ଏନାଆଁ ତିନାୟି ଏନାଆଁ ଗହନାୟି, ଏଲେକିଁ ମୀ ଜୀଞ୍ଜୁତାକି, ଏନାଆଁ ତୁରନାୟି ଲଲେକିଁ ମୀ ଆଟ୍ଟା ତାକି ଅଶ୍ଵପାଆଦୁ, ରାନୁକିହା ଜୀଞ୍ଜୁ ହିପୁରିକା କିହାଁ ଆଟ୍ଟା କାଜାୟି ଆଏକି? ୨୬ ପଟାୟିସି ସିନିକିଦୁ, ଏଝି ମାଟାରି କି ଦାରି କି ଗାଦେୟିତା କୂଡ଼ିକିହାଁ ଇଟାରି, ଏଲେଆତିଖା ଲାକପୁରୁତି ଆବା ଏଝାସିକାକି ତାମି ରାନୁ ହାହିମାନେସି, ଏଝାସିକା କିହାଁ ମୀରୁ କାଜାଚେରି ଆଏକି? ୨୭ ଅଡେ ମୀ ବିତ୍ରାତି ଆମ୍ବାଆସି ତାମି ଗାତି ଅଶ୍ଵପୁ ତଲେ ତାନି ଜୀଞ୍ଜୁତି ଆଗାଡ଼ା ପାତିକିହାଲି ଆଡିମାନେସି? ୨୮ ହିପୁରିକା ତାକି ଏନାଆଁତାକି ଅଶ୍ଵପିମାଞ୍ଜୁରି? କାଡ଼ାତି ପୁଞ୍ଜାସି ସିନିକିହାଁ ଅଶ୍ଵପାନା ଜାପାଦୁ, ଏଝି ଏନିକିଁ ପାତାଆନୁ; ଏଝି କସୁ କିରି କି ଲୁଲୁ ଦାରି, ୨୯ ଆତିଜିକେଏ ନାନୁ ମିଚ୍ଛେ ଝେସିମାଞ୍ଜୁଇଁ, ରାଜା ସଲମନ ଗାତି ଦାରାତି ହିପୁରିକା ହୁତିମାଟିହିଁ ଜିକେଏ ଏ ପୁଞ୍ଜା ବିତ୍ରାଟି ର ପୁୟୁ ଲେହେଁ ଅଜା ହିଲଆଚେସି । ୩୦ ସାମା ଗୁଡିୟତା ଡୟିନି ଗାକି ଜାଡ଼ା ନୀଞ୍ଜୁ ମାନେ ଝିଏ ହଲୁତା ହୁଡ଼କିଆନେ, ଏଦାନାକି ମାହାପୁରୁ ଇଚେକା ନେହିଁ ଅଜୁ ହାତିହିଁ, ଏ ନାନୁ ହିଲଆଗାଟାଚେରି ମିଚ୍ଛେ ହାରେକା ଗାତି ହିପୁରିକା ହିୟଅସିକି? ୩୧ ଏଦାଆଁତାକି ଏନାଆଁ ତିନି, ଏନାଆଁ ଗହନି, ଏନାଆଁ ପରନି ଏଲେକିହିଁ ଅଶ୍ଵପାଆଦୁ । ୩୨ ଇତିହିଁ ଜୀହୁତିଆଆତି ଲକ୍ଷ୍ମୀ ଲ ବାରେ ପାରିନେରି, ଅଡେ ଲ ବାରେ ମିଚ୍ଛେ ଲଡ଼ାମାନେ ଲକ୍ଷ୍ମୀ ମୀ ଲାକପୁରୁତି ଆବା ପୁଞ୍ଜାମାନେସି । ୩୩ ସାମା ମୀରୁ ନକେଏ ମାହାପୁରୁତି ରାଜି ଅଡେ ଦାମ୍ଭୂତି ପାରାଦୁ, ଆତିହିଁ ମୀ ଲଡ଼ାମାନି ବାରେ ହୀପକିଆନେ । ୩୪ ଇତିହିଁ ଝିଏତାକି ଅଶ୍ଵପାଆଦୁ, ଏନାଆଁତାକି ଇତିହିଁ ଝିଏତି ଅଶ୍ଵପୁ ଝିଏ ମୀରୁ ମିଚ୍ଛେତାକି ଅଶ୍ଵପଦେରି, ଇତିହିଁ ନୀଞ୍ଜୁତି କସୁ ନୀଞ୍ଜୁତାକି ସାରି ।

୨ ମାରୁ ଏନିକି ନାହାଁୟି କିଞ୍ଚି ଅଥଚେରି, ଏଦାଆଁତାକି ମାରୁ ଆମ୍ବାଆରାଇଁ ନାହାଁୟି କିଆରୁ । ୨ ଇତିହିଁ ମାରୁ ଏନିକି ଲୁକ୍ଷି ନାହାଁୟି କିଦେରି, ଏଲେକିହିଁଏ ମାରୁ ଜିକେଏ ନାହାଁୟି କିଞ୍ଚିଆଦେରି; ଅଡେ ଆମିନି ମାଣାତଲେ ଲାଡିଦେରି ଏ ମାଣା ତଲେ ମିଢ୍ଫେ ଲାଡା ହିୟାନେରି । ୩ ଅଡେ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜୁ, ସାମା ନୀ କାନୁତା ଆମିନି କାଜା ଲାଟା ମାନେ, ଏଦାଆଁ ଅଣ୍ଡି ହିଲଅତି କି? ୪ ଅଡେ ନୀରୁ ଏନିକି ମୀ ତାୟିକି ଏଲେଇଞ୍ଜୁ ଖାମୁ ନୀ କାନୁତି ଲାଟା ଡେଖାଇଁ, ଅଡେ ମେହମୁ ନୀ କାନୁତେଏ କାଜା ଲାଟା ମାନେ! ୫ ଆଡେ କୁରୁ ଗାଟାଟି ତଲିଏ ନୀ କାନୁତି ଲାଟା ଡେଖା କତାମୁ, ଆତିହିଁ ମୀ ତାୟି କାନୁତି ଲାଟା ଡେଖାଲି ନେହିଁକି ମେସାଲି ଆଡିଦି । ୬ “ନେହିଁ ଆସ୍ତିତି ନେସକାକି ହାଆରୁ, ଏଞ୍ଚି ଖେଣ୍ଡେ ଡିରୁଞ୍ଚାହିଁ କାତାନୁ ଇଞ୍ଜୁଁ ବାଂଗାରା କିହାଁ ଆଗାଡ଼ା ଦାରାଗାଟି ହାଞ୍ଜୁ ପାଜିୟାଁ ନକିତା ମେଡ଼ଆରୁ, ଏଞ୍ଚି ଏଦାନି କାଦତା ତୁଡ଼ବିନୁ ।” ୭ “ରୀହୁରୁ ଆତିହିଁ ମିଢ୍ଫେ ହାପକିଆନେ, ପାରାଦୁ ଆତିହିଁ ମିଢ୍ଫେ ମେଡ଼ାଆୟାନେ; ଦୁଖେରିତା ଡେହୁ, ଏଚେଟିଏ ମିଢ୍ଫେତାକି ଦୁଖେରି ଦେପିଆନେ । ୮ ଇତିହିଁ ଆମ୍ବାଆସି ରୀହନେସି, ଏଞ୍ଚାସି ବେଟାଆନେସି; ଆମ୍ବାଆସି ପାରିନେସି, ଏଞ୍ଚାସି ମେଡ଼ାଆନେସି; ଅଡେ ଆମ୍ବାଆସି ଦୁଖେରିତା ଡେନେସି ଏଞ୍ଚାଣାକି ଦାରା ଦେପିଆନେ । ୯ ଇତିହିଁ ମୀ ବିତ୍ତା ଆମ୍ବାଆସି ଇଲେତି ମାଣସି ମାନେସି, ତାନି ମାରୁଏସି ରୁଟି ରୀସ୍ତିସାରେ ଏଞ୍ଚାଣାକି ଖାଲୁକା ହାନେସି, ୧୦ ଅଡେ ମୀରୁ ରୀସ୍ତିସାରେ ଏଞ୍ଚାଣାକି ରାଦୁ ହାନେସି? ୧୧ ଏଦାଆଁତାକି ମାରୁ ଲାଗେଏ ପଲେଏତି ଲୁକୁ ଆତିଜିକେଏ ମୀ ମାରୁକା ମାସକାକି ନେହାଁଣି ହାହିମାଞ୍ଜେରି, ଆତିହିଁ ମୀ ଲାକପୁରୁତି ଆବା ନକିତା ରୀହନି ଲୁକୁକି ଏଚେକା ନେହା ନେହାଁଣି ହାଅସି!” ୧୨ “ଏଦାଆଁତାକି ଲୁକୁ ମିଢ୍ଫେ ତାକି ଏନିକି ଲେମ୍ବାପେରି ଇଞ୍ଜୁଁ ମାରୁ ଅଣ୍ଡିମାଞ୍ଜେରି, ମାରୁ ଜିକେଏ ଏଞ୍ଚାରାଇଁ ଏଲେକିହିଁ କିଦୁ, ଏନାଆଁତାକି ଇତିହିଁ ଇଦିଏ ମସାତି ମେରା ଅଡେ ମାହାପୁରୁ ଅଣ୍ଡିପୁତି ବଲୁ ଖେହନି ଦାମୁ ପଡିତି କାତା । ୧୩ ଜାକ୍ଷି ଦୁଖେରିତି ହାଜୁ, ଏନାଆଁତାକି ଇତିହିଁ ନକିତା ହାନି ଜିରୁ ଅସାରା ଅଡେ ଉସାସା, ଏ ଜିରୁ ନାସା ଆନିଖାକି ଅନାୟି, ଏ ଜିରୁଟି ହାରେକା ଲୁକୁ ହାନେରି । ୧୪ ଅଡେ ଜୀଞ୍ଜୁତା ଅନି ଦୁଖେରି ଜାକ୍ଷି ଇଞ୍ଜୁଁ ଏମ୍ବାଆଁ ହାନି ଜିରୁ କପୁଗାଟାୟି ଏ ଜିରୁଟି ହାନି ଲୁକୁ ହାରେକା ଉଣା । ୧୫ “ମାହାପୁରୁ ବଲୁ ଖେହନାତନି ଇଞ୍ଜୁଁ ଖେସାନା ମିତି କାତା ଖେହନାରି ତାଣାଟି ଜାଗ୍ରାତା; ଏଞ୍ଚାରି ମେଣ୍ଡାୟି ଖାଣା ଆସାନା ମୀ ତାଣା ଖାନେରି, ସାମା ଏଞ୍ଚାରି ହିୟାଁତା କାର୍ବି ଆତି କୁଞ୍ଚନି! ୧୬ ଏଞ୍ଚାରି କାମା ମେସାନା ମାରୁ ଏଞ୍ଚାରାଇଁ ପୁଞ୍ଜୁଲି ଆଡିଦେରି, ଲୁକୁ ହାପକା ମାରୁନୁତା ଅଢୁରି ପାଡେୟି ଆଆତିହିଁ ଅଣ୍ଡୁ ମାରୁନୁତା ତୟା ପାଡେୟି ଏହନେରି? ୧୭ ଏଲେକିହିଁଏ ନେହିଁ ମାରୁନୁତା ବାରେ ନେହିଁ ପାଡେୟି ଅଡେ ଲାଗେଏତି ମାରୁନୁତା ବାରେ ଲାଗେଏତି ପାଡେୟି ଆୟିନେ । ୧୮ ନେହିଁ ମାରୁନୁ ଲାଗେଏତି ପାଡେୟି ଆୟାଲି ଆଡେଏ, ଅଡେ ଲାଗେଏତି ମାରୁନୁ ନେହିଁ ପାଡେୟି ଆୟାଲି

ଆଡେଏ । ୧୯ ଆମିନି ମାରୁନୁ ନେହିଁ ପାଡେୟି ଆୟେଏ, ଏଦାନି ରୁଣ୍ଡି ଆହାନା ହିରୁତା ମେଡ଼ି ଆନେ । ୨୦ ଏଲେକିହିଁଏ ମିତି ମାହାପୁରୁ ବଲୁ ଖେହନାରାଇଁ ତାମା କାମା ତଲେ ପୁଞ୍ଜୁଲି ଆଡିନାୟି ।” ୨୧ “ନାଢ୍ଫେ ‘ପ୍ରୁ, ପ୍ରୁ’ ଇଞ୍ଜୁଁ ହାଟାନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁଟି ଆବା ଖେପୁ କାତା ମାନଞ୍ଚି ଆନେରି, ଏଞ୍ଚାରି ହାଜାଲି ଆଡିନେରି । ୨୨ ଏ ଦିନା ହାରେକା ନାଢ୍ଫେ ଏଲେଇଞ୍ଜୁନେରି, ଏ ପ୍ରୁ ଏ ପ୍ରୁ ମାମୁ ନୀ ଦରୁତଲେ ମାହାପୁରୁ ଅଣ୍ଡିପୁତି ବଲୁ ଖେହଅତନି କି? ଅଡେ ନୀ ଦରୁତଲେ ବୁରୁୟାକି ପିସ୍ପି କିଆତନି କି? ଅଡେ ନୀ ଦରୁତଲେ ହାରେକା କାବାଆନି କାମା କିଆତନି କି? ୨୩ ଏତିବେଲା ନାନୁ ଏଞ୍ଚାରାଇଁ ତୀରେତଲେ ଏଲେଇକି ‘ଏ ଲାଗେଏ ପଲେଏ ଗାଟାଟେରି, ନା ତାଣାଟି ହେକ ଆରୁ, ନାନୁ ମିଢ୍ଫେ ଏଚେଲାଖା ପୁଞ୍ଜୁମାଞ୍ଜୁଅଁ ।” ୨୪ “ଇଞ୍ଜୁଁ ଆମ୍ବାଆସି ଇ ନା ହାଡା ଖେନେସି ଅଡେ ମାନଞ୍ଚି ଆନେସି, ଏଞ୍ଚାସି ପାକା ଖାଲି ଲାକ ଲୁକୁ କିନି ରୁ ବୁଡିଗାଟି ଲୁକୁ ଲେହେଁତାସି । ୨୫ ଗାତି ପିୟୁ ରୀତେ ଖାରୁ ଖାତେ ଅଡେ ଗାଲି ଆତେ, ଏ ଲୁକୁଟି ଗୁପିତେ, ସାମା ଏ ଲୁକୁ ରିଆତେ, ଇତିହିଁ ଏଦି ପାକାତା କାମୁ କାରୁହାନା ପୁନଦି ଦସାମାଚାୟି ।” ୨୬ “ଅଡେ ଆମ୍ବାଆସି ଇ ନା ହାଡା ଖେଞ୍ଜୁନା ମାନଞ୍ଚି ଆସିଏ ଏଞ୍ଚାସି ବାଞ୍ଚାଲି ଲାକ ଲୁକୁ କେପା ଦୟିନି ବୁଦି ହିଲାଆଗାଟି ଲୁକୁ ଲେହେଁତାସି । ୨୭ ଗାତି ପିୟୁ ରୀତେ, ଖାରୁ ଖାତେ ଅଡେ ଗାଲି ଆତେ, ଏ ଲୁକୁଟି ଗୁପିତେ ଏମ୍ବାଟିଏ ଲୁକୁ ତରୁଗାହାଜା ବୁନିତା ଆଣ୍ଡିତେ ।” ୨୮ ଜୀମୁ ଇ ବାରେ କାତା ରାପୁହି ଜେତ ତାନି କାତା ଖେଚାରି କାବା ଆତେରି । ୨୯ ଇତିହିଁ ଏଞ୍ଚାସି ତାନି ବୁଦି ଗାଟାରିଲେହେଁ ଜାପ୍ସାନା ଅଦିକାରା ବେଟାଆହାମାନି ମାଣସିଲେହେଁ ଜାପ୍ସି ମାଚେସି ।

୮ ଜୀମୁ ହରୁ ଲାକଟି ରେତା ଖାତି ଦାୟୁ ମାନୁ ଲୁକୁ ତାନି ଜେତ ହାଚେରି । ୨ ଏତିବେଲା ର କାଜା ରୁଗ ଗାଟାସି ତାନି ନକିତା ଖାହାଁ ମେଣ୍ଡାକୁତାନା ଜହରା କିହାଁ ଏଲେଇଚେସି, “ପ୍ରୁ ନାନୁ ମନ କିତିହିଁ ନାଢ୍ଫେ ନେହିଁ କିହାଲି ଆତାଦି ।” ୩ ଏଚେଟିଏ ଜୀମୁ କେୟୁ ଦାସାହାଁ ତାଟୁ ତାଗାନା ଏଲେଇଚେସି, “ନାନୁ ମନ କିହିମାଇଁ ନାନୁ ନେହିଁଆମୁ ।” ଏ ଦେବୁଣିଏ କାଜା ରୁଗ ଗାଟାସି ନେହିଁଆଚେସି । ୪ ଏଚେଟିଏ ଜୀମୁ ଏଞ୍ଚାଣାଇଁ ଏଲେଇଚେସି, “କାଗ୍ରାତା ଆମ୍ବାଆରାଇଁ ଖେହଆନି, ସାମା ନାନୁ କାଜା ପୁଜେରା ତାଣା ହାଜାନା ନିଢ୍ଫୁ ଦସାକତାମୁ, ଅଡେ ମସା ଆମିନି ମେରା ହାହାମାନେସି ଏଦାଆଁ ଲୁକୁ ନକିତା ସାକି ହାନିଲେହେଁ ହେରପାମୁ ।” ୫ ଜୀମୁ କପୁରୁନାହୁମ ଗାଡ଼ାତା ହାଜାଲିଏ ର ରମିୟ ପାସାକଡ଼ି କସକା ମୁହେଁ କାଜାସି ଏଞ୍ଚାଣି ତାଣା ଖାହାନା ବାତିମାଲିହିଁ ଏଲେଇଚେସି, ୬ “ଏ ପ୍ରୁ, ନା ହଲେଏସି ଚଟଖାୟନା ହାରେକା କସୁ ଆହିଁ ଇଜ କାଟେଲିତା ତୁରାମାନେସି ।” ୭ ଜୀମୁ ଏଞ୍ଚାଣାଇଁ ଏଲେଇଚେସି, “ନାନୁ ଖାହାନା ଏଞ୍ଚାଣାଇଁ ନେହିଁ କିଇଁ ।” ୮ ସାମା ପାସାକଡ଼ି କସକା ମୁହେଁ କାଜାସି ଏଲେଇଚେସି, “ଆଏ, ପ୍ରୁ ନାନୁ ନା ଇଜ ପାଞ୍ଜୁଲି ଇଡିଦି, ଏଲେତି ଜଗେ ଆଏ; ସାମା ନାନୁ ର ପଦୁ ଖେସା ପାଣ୍ଡାମୁ, ନା ହଲେଏସି

ନେହିଁ ଆନେସି । ୯ ଇତିହିଁ ନାନୁ ରଥଣି ଚାଣା କାମା କିନି ମାଣସି ଆତିହିଁ ଜିକେଏ ନା ଅଦିକାରତା ଅଡ଼େ କସକା ମାନେରି; ନାନୁ ରଥଣାଇଁ ହାଲାନୁ ଇତିହିଁ ଏଝାସି ହାନେସି; ଅଡ଼େ ରଥଣାଇଁ ଝାମୁ ଇତିହିଁ ଝାନେସି; ଅଡ଼େ ନା ହଲେଏଣାଇଁ ଇଦାଆଁ କିମୁ ଇତିହିଁ ଏଦାଆଁ କିନେସି ।” ୧୦ ଜୀସୁ ଇ ବାରେ କାତା ଝେଞ୍ଜାନା କାବା ଆତେସି, ଅଡ଼େ ତାନି ଜେତ ଝାହିମାତି ଲୁକୁଣି ଏଲେଇରେସି, ନାନୁ ମିଡ୍ରେ ସାତା ସେସିମାଞ୍ଜାଇଁ, ଇସାୟେଲ ବିତ୍ରା ଆମ୍ବାଆରି ଚାଣା ଇଚେକା କାଜା ନାମୁ ମେସାହିଲଅଁ । ୧୧ ସାମା ନାନୁ ମିଡ୍ରେ ସେସିମାଞ୍ଜାଇଁ, ହାରେକା ଲୁକୁ ଝେଡ଼ା ହୁପୁ ଝାକିଟି ଅଡ଼େ ଝେଡ଼ା କୁନି ଝାକିଟି ଝାହାନା ଅବାହାମ, ଇସାହାକ ଅଡ଼େ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁଗିନେରି । ୧୨ ସାମା ରାଜିତି ମୀରକାଣି ପାଞ୍ଜୁତି ଆନେରିତା ମେଦ୍ପି ଆନେ ଏମ୍ବାଆଁ ଏଝାରି ପାଲକା ଟାଟି କିହିଁ ଡାନେରି । ୧୩ ଅଡ଼େ ଜୀସୁ ଏ କାଜାଣାଇଁ ଏଲେଇରେସି, ଇଜ ହାଲାନୁ, ଏନିକିହିଁ ନାମାମାଞ୍ଜି ନିଡ୍ରେତାକି ଏଲେକିହିଁ ଆପେ । ଏ ଦେବୁଣିଏ ଏ ହଲେଏସି ନେହିଁଆତେସି । ୧୪ ଡାୟୁ ଜୀସୁ ପିତର ଇଜ ଝାହାନା ପିତରତି ପୂୟ ନମେରି ତାକି କାଚେଲିତା ତୁରାମାନାଣି ମେସ୍ପେସି । ୧୫ ଏଚେଟିଏ ଜୀସୁ ତାନି କେୟୁ ଡାଗାଲିଏ ନମେରି ପିସ୍ପେ, ଅଡ଼େ ନିଞ୍ଜାନା ଏଝାଣି ସେବା କିହାଲି ମାଟ୍ରେହେ । ୧୬ ମିଡ଼ଅଲା ଆହାଲିଏ ଲୁକୁ ହାରେକା ବୃତୁ ଆଲଗାମାତି ଲୁକୁଣି ଜୀସୁ ଚାଣା ତାତେରି, ଏଚେଟିଏ ଜୀସୁତି ବ୍ ବଲୁ ତାକି ବୃତୁୟଁ ଏଝାରି ଚାଣାଟି ହତାହାତୁ, ଅଡ଼େ ହାରେକା ନମେରି ଗାଟାରାଇଁ ନେହିଁ କିତେସି । ୧୭ ଏନିକିହିଁ ମାହାପୁରୁ ଅଣ୍ଡୁତି ବଲୁ ସେହ୍ନି ଜିସାୟତି କାତା ସାତା ଆନେ, “ଏଝାସି ଡାୟୁଏ ମା ନମେରି ଦୁକା ଅତେସି ଅଡ଼େ ମା ରଗତି ତେକିତେସି ।” ୧୮ ଜୀସୁ ତାନି ସାରିଝାକି ଲୁକୁଣି ମେସାନା, ସାୟୁୟଁ ସାମ୍ବୁରି ଆତାଲା ହାଜାଲି ହୁକୁମି ହାଟେସି । ୧୯ ର ମେରା ଜାପ୍ନାସି ଝାହାନା ଜୀସୁଇଁ ଏଲେଇରେସି, “ଗୁରୁ, ନାନୁ ଆମ୍ବିୟା ହାଜି, ନାନୁ ଜିକେଏ ନୀ ତଲେ ଝାଇଁ ।” ୨୦ ଏଚେଟିଏ ଜୀସୁ ଏଝାଣାଇଁ ଏଲେଇରେସି, “ନାକାୟଁକି ଡିୟିନି ପାଞ୍ଜୁୟଁ ମାନୁ, ହାଗୁ ଲାକ ଉମ୍ବିନି ପଟାୟଁକି ବାସାଟାୟୁ ମାନେ, ସାମା ମାଣସି ମାର୍ବଣାକି ଡାୟୁ ନେହ୍ନାଲି ବାସାଟାୟୁ ହିଲେଏ ।” ୨୧ ଇଞ୍ଜି ସାୟୁୟଁ ବିତ୍ରାଟି ଅଡ଼େ ରଥସି ଜୀସୁଇଁ ଏଲେଇରେସି “ପ୍ରବୁ, ନକେଏ ହାଜାନା ନା ଆବାଇଁ ମାହୁଣିଶା ମୁସାଲି ହେଲ ହିୟାମୁ ।” ୨୨ ସାମା ଜୀସୁ ଏଝାଣାଇଁ ଏଲେଇରେସି, “ନା ଜେତ ଝାମୁ, ହାତାରାଇଁ ତାନି ହାତି ଲୁକୁଣି ମୁସାଲି ପିହୁ ।” ୨୩ ଜୀସୁ ଡ଼ଗତା ହତାଲିଏ ସାୟୁୟଁ ତାନି ଜେତ ହାଚେରି । ୨୪ ଅଡ଼େ ମେହ୍ନୁ ଦେବୁଣିଏ ସାମ୍ବୁରିତା କାଜା ଗାଲି ଆତେ, ଇଞ୍ଜି ଡ଼ଗ ଏୟୁତା ମୁଞ୍ଜାଲି ମାଟ୍ରେହେ, ସାମା ଜୀସୁ ଡ଼ଗତା ତୁରାମାଚେସି । ୨୫ ଏମ୍ବାଟିଏ ଏଝାରି ତାଗେ ଝାହିଁ ନିକହାନା ଏଲେଇଚେରି, “ପ୍ରବୁ, ମାଟ୍ଟୁ ଗେଲ୍ପାମୁ, ଆଆଟି ମାମୁ ହାହିମାନମି ।” ୨୬ ଜୀସୁ ଏଝାଣାଇଁ ଏଲେଇଚେସି, “ଏ ଉଣା ନାମୁ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି?” ଏମ୍ବାଟିଏ ଜୀସୁ ନିଞ୍ଜାନା ଗାଲି ଅଡ଼େ ଝାତିମାତି ସାମ୍ବୁରିତି ଦାକା

ହାଚେସି, ଇଞ୍ଜି ଦେବୁଣିଏ ସାପିଆତେ । ୨୭ ଏମ୍ବାଟିଏ ଏଝାରି କାବା ଆହିଁ ଏଲେଇଚେରି, “ଈଝାସି ଏନିଲେହେଟି ମାଣସି? ଗାଲି ଅଡ଼େ ସାମ୍ବୁରି ଜିକେଏ ଈଝାଣି ହାତା ମାନଝି ଆହିମାନେ ।” ୨୮ ଡାୟୁ ଜୀସୁ ସାମ୍ବୁରି ଆତାଲାଝାକିତି ଗଦରିୟ ନାସକାଣି ଏଗାହାଜାଲିଏ ରୀ ବୃତୁୟଁ ଆଲଗା ମାତାରି ମାଡ଼ହା ମୁହ୍ନି ଟାୟୁଟି ଝାହାନା ଜୀସୁ ବେଟାଆତେରି, ଏଝାରି ଇଲେଟି ଆଜିହପେତି ଲୁକୁ ମାଚେରି, ଏ ଜିଗୁଟି ଲୁକୁ ରେଜାଲି ଆତିହିଲଆତେରି । ୨୯ ଇଞ୍ଜି ମେହ୍ନୁ ଏଝାରି କିର୍ଡ଼ିହିଁ ଏଲେଇଚେରି, “ଏ ମାହାପୁରୁ ମାର୍ବଣାଟା! ନୀ ତଲେ ନାଡ୍ରେ ଏନାୟି ମାନେ? ମା ବେଲା ଝାଆନେଏ ମାଡ୍ରେ କସୁ ହିୟାଲି ଇମ୍ବାଆଁ ଝାତିକି?” ୩୦ ଇଞ୍ଜି ଏଝାରି ଚାଣାଟି ହେକ ର ମାନୁ ପାଜିୟଁ ମେୟିମାତୁ । ୩୧ ଏ ଲୁକୁ ବିତ୍ରାଟି ବୃତୁୟଁ ଜୀସୁଇଁ ବାତିମାଲିହିଁ ଏଲେଇଚୁ, “ମାଡ୍ରେ ପେରହାପି ଇତିହିଁ, ଏ ପାଜିୟଁ ମାନୁ ବିତ୍ରା ପାଞ୍ଜୁମୁ ।” ୩୨ ଜୀସୁ ଏଝାସିକାଣି ଏଲେଇଚେସି, “ହାଜୁ !” ବୃତୁୟଁ ଏ ଦେବୁଣିଏ ଲୁକୁଇଁ ପିସାନା ପାଜିୟଁ ମାନୁ ବିତ୍ରା ହୁପୁ; ଏ ପାଜିୟଁ ହୁବୁ କାଡ଼ିବିତି ବାଡ଼ି ହଟାନା ଦାରିତି ସାମ୍ବୁରିତା ମେସାନା ହାହାହାତୁ । ୩୩ ପାଜିୟଁ ମେତିମାତି ଗୁଡ଼କା ହଟିହିଁ ହାଜାନା ଗାଡ଼ାତା ବାରେ କାବୁ ଇଞ୍ଜି ବୃତୁୟଁ ଆଲଗା ମାତାରି ଏନି ଆତେରି ଏ ବାରେ ହାତା ସେସ୍ପେରି । ୩୪ ଅଡ଼େ ନାସକାତି ବାରେ ଲୁକୁ ଜୀସୁଇଁ ମେସାଲି ଝାଚେରି, ଇଞ୍ଜି ଜୀସୁଇଁ ମେସାନା ତାନି ହାନ୍ତିଟି ହାଜାଲି ବାତିମାଲିଚେରି ।

ଏମ୍ବାଟିଏ ଜୀସୁ ଡ଼ଗତା ହତାନା ସାମ୍ବୁରି ଗାଟାହାଁ ଡାୟୁ ବାସାଆହାମାନି ଗାଡ଼ାତା ଝାଚେସି । ୨ ଅଡ଼େ ମେହ୍ନୁ କାଚେଲିତା ତୁରାମାତି ର ଟେଝାୟିତି ଲୁକୁଇଁ ଡେକାନା ତାନି ଚାଣା ତାତେରି, ଇଞ୍ଜି ଏଝାରି ନାମୁ ମେସାନା ଜୀସୁ ଏ ଟେ ଝାୟିତାଣାଇଁ ଏଲେଇଚେସି, “ଏ ମାର୍ବଣା, ସାସା ଆହ୍ମୁ ନୀ ପାପୁ ବାରେ ମେଶ୍ଟୁହାଚେ ।” ୩ ଏଚେକା ମେରା ଜାପ୍ନାସି ଇ ହାତା ସେଞ୍ଜାନା ଏଝାରି ସେସ୍ପି ଆତେରି, “ଇ ମାଣସି ମାହାପୁରୁଇଁ ନିନୁ କିହିମାନେସି ।” ୪ ଜୀସୁ ଏଝାରି ମନତି ହାତା ପୁଞ୍ଜାନା ଏଲେଇଚେସି, “ମୀରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଣ୍ଡୁ ଅଣ୍ଡୁପିମାଞ୍ଜେରି? ୫ ଇତିହିଁ ଏନାଆଁ ଇନାୟି ଉସାସା, ନୀ ପାପୁ ମେଶ୍ଟୁହାଚେ, ଆଆଟି ନିଞ୍ଜାନା ଡାକାମୁ? ୬ ସାମା ଦାର୍ଡିତି ପାପୁ ମେକହାଲି ତାକି ମାଣସି ମାର୍ବଣାକି ଅଦିକାରା ମାନେ, ଇଦାଆଁ ଏନିକି ପୁଞ୍ଜାଲି ଆତିନେରି,” ଏଦାଆଁତାକି ଜୀସୁ ଟେ ଝାୟିତାଣାଇଁ ଏଲେଇଚେସି, “ନିଞ୍ଜାମୁ ନୀ କାଚେଲି ଡେକାନା ଇଜ ହାଲାନୁ ।” ୭ ଏମ୍ବାଟିଏ ଏଝାସି ନିଞ୍ଜାନା ତାନି ଇଜ ହାଚେସି । ୮ ଇଦାଆଁ ମେସାନା ଲୁକୁ ଆଜିଚେରି, ଅଡ଼େ ଆମିନି ମାହାପୁରୁ ମାଣସିୟଁକି ଇଲେଟି ଅଦିକାରା ହାହାମାନେସି ଇଞ୍ଜିହିଁ ଏ ମାହାପୁରୁଟି ଗାଞ୍ଜୁରମି କିଚେରି । ୯ ଜୀସୁ ଏମ୍ବାଟି ହାଜି ହାଜିହିଁ ମାତିୟୁ ଡ଼ଗୁଗାଟି ର ସିପୁ ରାହ୍ନାସି ତାନି ସିପୁ ରାହ୍ନି ଟାୟୁତା କୁଗାମାନାଣି ମେସାନା ହାଟାନା ଏଲେଇଚେସି, “ନା ଜେତ ଝାମୁ !” ଏମ୍ବାଟିଏ ମାତିୟୁ ନିଞ୍ଜାନା ତାନି ଜେତ ହାଚେସି । ୧୦ ଇଞ୍ଜି ଜୀସୁ ମାତିୟୁ ଇଜ ତାନି ବେଲା ଏଚେକା ସିପୁ ରାହ୍ନାରି ଅଡ଼େ

ପାପୁଗାଟି ଲକ୍ଷ୍ମୀ ତାମି ସୀସୁୟାଁ ତଳେ ଚିଞ୍ଚିଲି କୁରିତେରି । ୧୧ ପାରୁସିୟାଁ ଇଦାଆଁ ମେସାନା ସୀସୁୟାଁଙ୍କ ଏଲେଇଚେରି, “ମୀ ଗୁରୁ ଏନାଆଁତାକି ସିସୁ ରାହନାରି ଅଡ଼େ ପାପୁ ଗାଟାରି ତଳେ ଚିଞ୍ଚି ମାନେସି ।” ୧୨ ସାମା ଜୀସୁ ଏଞ୍ଜାରି ହାତା ଖେଞ୍ଚାନା ଏଲେଇଚେସି, “ନେହିଁ ଲକ୍ଷ୍ମୀତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ । ୧୩ ଇଦାଆଁତାକି ମୀରୁ ହାଜାନା ଇଦାନି କାତା ଜାପାପୁ, ସାମା ପୁଜା ହୀନାୟି ଲଡ଼ାଆଏ, ସାମା ଲକ୍ଷ୍ମଣି କାର୍ମାମେହନାୟି ନେହେଁ; ଇତିହିଁ ନାନୁ ବାମୁଁ ଗାଟାରାଇଁ ଆଏ ସାମା ପାପୁ ଗାଟାରାଇଁ ହାଟାଲି ଖାହାମାଇଁ ।” ୧୪ ଏଚିବେଲତା ବାପୁସୁ ହୀନି ଜହନତି ସୀସୁୟାଁ ଜୀସୁୟାଁ ଖାହାନା ଖେଚେରି, “ମାମୁ ଅଡ଼େ ପାରୁସିୟାଁ ଉପାସା କିହିମାନନି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି?” ୧୫ ଜୀସୁ ଏଞ୍ଜାରାଇଁ ଏଲେଇଚେସି, “ବାହା ହନେଏସି ତୁୟିନି ପାତେକା ବାହା ଲକ୍ଷ୍ମୀ ଦୁକୁ ଆଅରି, ସାମା ଦିନା ଖାନେ, ଏଚିବେଲ ବାହା ହନେଶାଇଁ ଅନେରି, ଏଚିବେଲ ଏଞ୍ଜାରି ଉପାସା କିନେରି ।” ୧୬ “ଆମ୍ବାଆସି ପୁଞ୍ଜ ଇମ୍ବୁରିତା ପୁଞ୍ଜି ପାସକି ତାତଅସି, ଏନାଆଁତାକି ଇଚିହିଁ ଏ ପାସକି ପୁଞ୍ଜ ଇମ୍ବୁରିତି ଗେସାଅନେ, ଇଞ୍ଚି ଏଦି ହାରେକା କାଜାୟି ଆହିଁ ଗେଞ୍ଚିନେ । ୧୭ ଅଡ଼େ ଲକ୍ଷ୍ମୀ ପୁଞ୍ଜି ଅଢୁରି ରାସା ପୁଞ୍ଜ ଡ଼କାତା ଇଚିଅରି; ଇଚିହିଁ ଏ ଡ଼କା ଡାୟାହାନେ ଅଢୁରି ରାସା ବହାହାନେ, ସାମା ପୁଞ୍ଜି ଅଢୁରି ରାସା ପୁଞ୍ଜି ଡ଼କାତା ଇଚିନେରି, ଆତିହିଁ ଅଢୁରି ରାସା ଅଡ଼େ ଡ଼କା ନେହିଁ ତୁୟିନେ ।” ୧୮ ଏଚିବେଲ ଇ ବାରେ କାତା ଜୀସୁ ଏଞ୍ଜାରାଇଁ ଖେସିମାଚି ବେଲତା ର ଜୀହୁଦି କାଜାପାଶା ଗାଟାସି ତାଗେ ଖାହାନା ମେଶ୍ଟାକୁତାନା ଜହରା କିହାଁ ଏଲେଇଚେସି, “ନା ମାଢୁ ନାଏଁ ହାହାହାଚେ, ସାମା ନାନୁ ଖାହାନା ତାନି ଲାକ କେୟୁ ଇଚିଚିହିଁ ଏଦି ନାତିନେ ।” ୧୯ ଏମ୍ବାଟିଏ ଜୀସୁ ନିଢୁଆନା ତାନି ସୀସୁୟାଁ ତଳେ ଏଞ୍ଜାଣି ଜେଚ ହାଚେରି । ୨୦ ଅଡ଼େ ମେହଦୁ ବାର ବାର୍ଯ୍ୟା ପାତେକା ନେଚେରି ଖାଢୁନି ରଗଗାଟି ର ଇୟା ଡାୟୁଖାକି ଖାହାନା ଜୀସୁଟି ହିମ୍ବୁରି କୁଢୁ ତାନିଚେ । ୨୧ ଇଚିହିଁ ଏ ଇୟା ମନତା ଅଶ୍ଚିପାଚେ, “ଖାଢୁ ତାନି ହିମ୍ବୁରି ତାନିଚିହିଁ ନାନୁ ନେହିଁ ଆଇଁ ।” ୨୨ ସାମା ଜୀସୁ ଖେଣ୍ଡେ ଡାୟୁଖାକି ସିନିକିହାନା ଏଲେଇଚେସି, “ମାଢୁ ସାସା ଆହମ୍ବୁ ନୀ ନାମୁ ନିଢୁ ନେହିଁ କିହାମାଞ୍ଚାନେ” ଏ ଦେବୁଣିଏ ଏ ଇୟା ନେହିଁ ଆଚେ । ୨୩ ଡାୟୁ ଜୀସୁ ଏ କାଜାପାଶା ଗାଟାରି ଇଜ ହାଚେସି, ଏମ୍ବାଆଁ ପାରୁଡ଼ି ଉକିନାରାଇଁ ଅଡ଼େ ଡ଼ାହିଁ କାଲ୍‌ଖି ଆହିମାଚି ଲକ୍ଷ୍ମଣି ମେସାନା ଏଲେଇଚେସି, ୨୪ ବାରେ ଇମ୍ବାଟି ପାଢୁତା ହାଜୁ, ପଦା ହାହାହିଲେଏ, ସାମା ତୁରାମାନେ, ଏଚେଟିଏ ତାନି ହାତା ଖେଞ୍ଚାନା ଏଞ୍ଜାରି କାକହେରି । ୨୫ ସାମା ବାରେ ଲକ୍ଷ୍ମୀ ପାଢୁତା ହାଜାଲିଏ, ଜୀସୁ ଇଜ ବିତ୍ରା ହାଜାନା ପଦାନି କେୟୁ ଆସାନା ନିକହେସି ଅଡ଼େ ଏ ଦେବୁଣିଏ ନିଢୁଚେ । ୨୬ ଇଞ୍ଚି ଇ କାରୁ ଏ ଦେସାତି ସାରିଖାକି ଖେଢୁଚେ । ୨୭ ଜୀସୁ ଏମ୍ବାଟି ହାଜିମାଚି ବେଲତା ରିଆରି କାଶାୟାଁ କାଜା ଗିୟାଁତଳେ ହାଚିହିଁ ଏଲେଇଚେରି, “ଏ ବାଢୁଚ ମୀରୁଏଶାତି ମାଢୁ କାର୍ମା ମେସାମୁ ।” ୨୮ ଇଞ୍ଚି ଜୀସୁ ଇଲୁ ବିତ୍ରା ହାଜାଲିଏ ଏ କାଶାୟାଁ

ଜିକେଏ ଏଞ୍ଜାଣି ତାଗେ ଖାଚେରି, ଇଞ୍ଚି ଜୀସୁ ଏଞ୍ଜାରାଇଁ ଏଲେଇଚେସି, ମାଢୁ ନେହିଁ କିହାଲି ଆତାନେସି ଇଞ୍ଚି ମୀରୁ ନାମିମାଢୁଚିରି? ଏଞ୍ଜାରି ଏଲେଇଚେରି “ହାଅ ପ୍ରବୁ ।” ୨୯ ଏଚେଟିଏ ଜୀସୁ ଏଞ୍ଜାରି କାଶକା ତାଗାନା ଏଲେଇଚେସି, “ମୀ ନାମିନି ଲେହେଁ ମିଢୁତାକି ଆପେ ।” ୩୦ ଏଚେଟିଏ ଏଞ୍ଜାରି ମେସାଲି ଆଡିଚେରି, ଅଡ଼େ ଜୀସୁ ଏଞ୍ଜାରାଇଁ ଜାଣ୍ଡେ ହୁକୁମି ହୀହାନା ଏଲେଇଚେସି, “ହେଣ୍ଡ ଇ ହାତା ଆମ୍ବାଆରି ଜିକେଏ ପୁନଅରି ।” ୩୧ ସାମା ଏଞ୍ଜାରି ପାଢୁତା ହାଜାନା ଜୀସୁଟି ହାତା ଦେସାତି ସାରିଖାକି ଖେସୁରି । ୩୨ ଏଞ୍ଜାରି ହତା ହାଜିମାଚାଟି ଲକ୍ଷ୍ମୀ ର ଜଲଲି ଆତାଆଗାଟି ବୁରୁ ଆଲ୍‌ଗା ମାଟାଶାଇଁ ଜୀସୁ ନକିତା ତାଚେରି । ୩୩ ଜୀସୁ ବୁରୁଇଁ ଚେରହା ପାଣ୍ଡିତି ଦେବୁଣିଏ ଏଞ୍ଜାସି ଜଲଲି ଆଡିଚେସି, ଏଚେଟିଏ ଲକ୍ଷ୍ମୀ କାବାଆହାନା ଏଲେଇଚେରି, “ଇସାୟେଲ ଦେସାତା ମାମୁ ଲେଲତି କାବାଆନି କାମା ଏଚେଲା ମେସାହିଲାଆଚିମି ।” ୩୪ ଏଚିବେଲା ପାରୁସିୟାଁ ଖେଚେରି, ଏଞ୍ଜାରି ଏଲେଇଚେରି, “ଇସାସି ବୁରୁୟାଁ ପିସ୍‌ପି କିହିମାନେସି” ଏନାଆଁତାକି ଇଚିହିଁ ଏଞ୍ଜାସିକାଣି ସାଲଖି କିହିମାନି ବାଲ୍‌ପେନୁ ଏଞ୍ଜାଶାକି ବାଡୁୟୁ ହାହିମାନେ ଲାକା ଆଡିମାନେସି । ୩୫ ଏମ୍ବାଟିଏ ଜୀସୁ ଏଞ୍ଜାରି ଜୀହୁଦି ଲକ୍ଷ୍ମୀ କୁଚିମି ଇଲ୍‌କାଶା ଜାପୁହିଁ ମାହାପୁରୁ ରାଜିତି ନେହିଁ କାରୁ ଖେସିହିଁ ବାରେଲେହେଁଟି ରଗ ନମେରି ଦୁକାଟି ନେହିଁ କିହିହିଁ, ବାରେ ଗାଡ଼ାୟାଁ ଇଞ୍ଚି ନାସକାଣାଁ ରେଜାଲି ମାଟୁହେସି । ୩୬ ଅଡ଼େ ବାରେ ଲକ୍ଷ୍ମଣି ମେସାନା ଏଞ୍ଜାସି କାର୍ମା ଆଚେସି, ଇଚିହିଁ ଏଞ୍ଜାରି ଗୁଡୁ ହିଲାଆ ମେଶ୍ଟାୟାଁ ଲେହେଁ କାକୁଲିଚି ଇତାଲା ଆତାଲା ଆହିମାଚେରି । ୩୭ ଏଚିବେଲା ଜୀସୁ ତାନି ସୀସୁୟାଁଙ୍କ ଏଲେଇଚେସି, “ପାଟି ହାରେକା ସାମା ଦାଃଆନାରି ଉଶା ଜାଣା । ୩୮ ଏଦାଆଁତାକି ପାଟି ଜାଗାଲି, ଲକ୍ଷ୍ମଣି ପାଣ୍ଡାଲିତାକି ଗୁଡିୟାତି ସାସୁକାରିଇଁ ବାଟିମାଲାଦୁ ।”

୧୦ ଏମ୍ବାଟିଏ ଜୀସୁ ତାନି ବାରଜାଣା ସୀସୁୟାଁଙ୍କ ତାଗେ ହାଟାନା ବୁରୁୟାଁ ପିସ୍‌ପି କିହାଲି, ଇଞ୍ଚି ବାରେ ରଗ କସୁଟି ନେହିଁ କିହାଲି ଏଞ୍ଜାରାକି ଅଦିକାରା ହାଚେସି । ୧ ଏ ବାରଜାଣା ପାଣ୍ଡିଆତି ସୀସୁୟାଁ ଦରକା ଆଡୁ, ସିମନ, ଆମ୍ବାଆରାଇଁ ପିତର ଇନେରି, ଅଡ଼େ ତାନି ତାୟି ଆନିୟୁ, ଜେବଦି ମୀରୁଏସି ଜାକୁବ ଅଡ଼େ ତାନି ତାୟି ଜହନ, ୩ ପିଲିପ ଅଡ଼େ ବାର୍ତଲମି, ତମା ଅଡ଼େ ସିସୁ ରାହନି ମାଟିୟୁ, ଆଲେପି ମୀରୁଏସି ଜାକୁବ ଅଡ଼େ ତଦିୟ, ୪ ଦେସାତି ଜୀସୁ ନିନି ସିମନ ଅଡ଼େ ଇସ୍ଟାରିୟତ ଜୀହୁଦା ଆମ୍ବାଆସି ଜୀସୁଙ୍କ ସାତୁ କେୟୁତା ହେରୁପିଚେସି । ୫ ଜୀସୁ ଇ ବାରଜାଣାଟି ପାଣ୍ଡାନା ହୁକୁମି ହାହାଁ ଏଲେଇଚେସି, ମୀରୁ ଜୀହୁଦିଆଆତି ଲକ୍ଷ୍ମଣା ହାଲାଆଦୁ, ଅଡ଼େ ଆମିନି ସମିରିଣି ନାସକାଣାଁ ହଡୁଆଦୁ, ୬ ସାମା କାଢୁମାନି ମେଶ୍ଟାୟାଁ ଇଚିହିଁ ଇସାୟେଲ ଲକ୍ଷ୍ମଣା ହାଜୁ । ୭ ଏଞ୍ଜାରିତାଣା ହାଜୁ ଅଡ଼େ ଖେକ୍‌ଦୁ ଲାକପୁରୁ ରାଜି ଏଗାଞ୍ଜିମାନେ । ୮ ଅଡ଼େ ନମେରି ଗାଟାରାଇଁ ନେହିଁ କିଦୁ, ହାତାରାଇଁ ନିକ୍‌ଦୁ, କାଜା ରଗ ଗାଟାରାଇଁ ନେହିଁ କିଦୁ, ବୁରୁୟାଁଙ୍କ ଚେରଦୁ । ମୀରୁ ଉଜେଏ ବେଟା ଆହାମାଞ୍ଚେରି ଏଦାଆଁ ଉଜେଏ ହାଦୁ । ୯ ମୀ ତଳେ ବାଂଗାରା ଖେଣ୍ଡି କି

ଅଟଡ଼ିତା ଟାକାୟିଁ ଅଥାଦୁ, ୧୦ ଅଡ଼େ ହାନାଟି ଲେଟା କଡ଼ିନି ମଣା, ରୀ ଜଡ଼ୁ ସକାୟିଁ କି ସେପୁୟିଁ କି କୁଟା ବାଡ଼୍‌ଗା ଜିକେଏ ପାରାଆଦୁ, କାମାକିନାସି ତାନି ରାନୁ ବେଟା ଆନେସି । ୧୧ ଅଡ଼େ ମୀରୁ ଆମିନି ନାୟିଁତା କି ଗାଡ଼ାତା ହାଜେରି ଏମ୍‌ଆଁ ନେହ୍‌ଣାଣ୍‌ ପାରାଦୁ, ଅଡ଼େ ଏମ୍‌ଆଁ ଖେଣ୍ଡାହାନି ପାତେକା ଏଞ୍ଜାଣି ଇଜ ଡ଼ୟାଦୁ । ୧୨ ଅଡ଼େ ଇଜ ହଡ଼ନାଟି ଏଞ୍ଜାରାଙ୍ଗ୍ ହିଡ଼ଡ଼ି ଜୀଞ୍ଜୁ ମିଡ଼େ ଆୟାପେ ଇଞ୍ଜୁ; ୧୩ ଏଞ୍ଜାରି ଇଜତାରି ନେହ୍‌ରି ଇଡ଼ିହ୍‌ ଏଞ୍ଜାରିତଲେ ମୀ ହିଡ଼ଡ଼ି ଡ଼ୟାପେ, ସାମା ଏଞ୍ଜାରି ନେହ୍‌ରି ଆଥାଡ଼ି ମୀ ହିଡ଼ଡ଼ି ମିଡ଼େ ଖେଣ୍ଡା ଖାପେ । ୧୪ ଅଡ଼େ ଆମିନି ଇଲୁଟାକି ନାସକାଣାଁ ମିଡ଼େ ଲୁକୁ ଅପଅରି, ମୀ କାତାଟି ଖେନଅରି, ଏ ଇଲୁଟି କି ଏ ଗାଡ଼ାଟି ହତାଞ୍ଜାନାଟି ମୀ କତାଟି ଦୁଡ଼ି ହାଣ୍ଡା କତାନା ଏ ଟାୟୁ ପିହୁଦୁ । ୧୫ ନାନୁ ମିଡ଼େ ସାତା ଖେସିମାଞ୍ଜାଙ୍ଗ୍, ମାହାପୁରୁତି ନାହ୍‌ୟି ଦିନାତା ଏ ଗାଡ଼ାଟି ତଣ୍ଡୁ କିହ୍‌ ସଦମ ଅଡ଼େ ଗମରା ଦେସାଟି ତଣ୍ଡୁ ଉଣା କିଞ୍ଜିଆନେ । ୧୬ ହେଣ୍ଡୁ ମେଣ୍ଡାୟିଁ କୁଠନିୟି ବିଡ଼ା ପାଣ୍ଡିନିଲେହେଁ ନାନୁ ମିଡ଼େ ପାଣ୍ଡିମାଞ୍ଜାଙ୍ଗ୍, ଏଦାଆଁତାକି ମୀରୁ ରାଡ଼ୁ ଲେହେଁ ରୁଡ଼ି ଗାଟାତେରି, ଅଡ଼େ ପାର୍‌ଖା ପଟାଲେହେଁ କପା ହିଲାଆ ଗାଟାତେରି ଆଦୁ । ୧୭ ସାମା ମାଣ୍ଡିୟିଁ ତାଣାଟି ଜାଗ୍ରାତା ଆହାନା ଡ଼ୟାଦୁ, ଏନାଆଁତାକି ଇଡ଼ିହ୍‌ ଏଞ୍ଜାରି ମିଡ଼େ ଆସାନା ନାହ୍‌ୟି କିନି ତାଣା ହେରୁପାନେରି, ଇଞ୍ଜି ଜୀହୁଦି ଲୁକୁଟି କୁଟମି ଲଲକାଣା ଏଞ୍ଜାରି ମିଡ଼େ ସାଡ଼୍‌ଣି ତଲେ ଡ଼େଟାନେରି, ୧୮ ଅଡ଼େ ମୀରୁ ନା ତାକି ରାଜା ଅଡ଼େ ସାଲୁଡ଼ି କିନି ଲୁକୁଡ଼ାଣା ଅହାନା ନାହ୍‌ୟି କିଞ୍ଜିଆଦେରି; ଏଡ଼ି ଏଞ୍ଜାରାକି ଅଡ଼େ ଜୀହୁଦିଆଥାଟି ଲୁକୁକି ମାହାପୁରୁତି ନେହ୍‌ କାରୁ ଖେସାଲି ସାକି ଆନେ । ୧୯ ସାମା ଏଡ଼ିବେଲା ଏଞ୍ଜାରି ମିଡ଼େ ହେରୁପାନେରି, ମୀରୁ ନାହ୍‌ୟି ଆନିବେଲା ଏନାଆଁ ଜଲିଦେରି ଅଡ଼େ ଏନିକି ଜଲିଦେରି, ଏ କାତା ଅଣପାଆଦୁ, ଇଡ଼ିହ୍‌ ମୀରୁ ଏନାଆଁ ଜଲିଦେରି ଏ ବେଲାତେଏ ମିଡ଼େ ଖେସୁନେସି । ୨୦ । ଇଡ଼ିହ୍‌ ମୀରୁ ଜଲିନାତେରି ଆଏ, ଆବା ମାହାପୁରୁତି ସୁଡ଼ଜୀଞ୍ଜୁ ମୀ ଗୁଡ଼ି ହାହାନା ହାତା ଜଲିନେ, ଏଡ଼ି ଜଲିନାୟି । ୨୧ ଚାୟି ଚାୟିଲ୍‌ ଆବା ମୀରୁଏଣାଙ୍ଗ୍ ପାୟାଲି ହେରୁପାନେସି, ମାସକା, ମୀରୁକା ଏଞ୍ଜାରି ତାନି ଇୟା ଆବା କପାଟି ହତାନା, ଏଞ୍ଜାରାଙ୍ଗ୍ ପାୟିନେରି । ୨୨ ଅଡ଼େ ନା ଦରୁ ତାକି ମୀରୁ ବାରେଡ଼ାଣା ଅପାଆ ଗାଟାତେରି ଆଦେରି, ସାମା ଆମ୍‌ଆସି ରାନି ପାତେକା ସାସା ତଲେ ମାନେସି ଏଞ୍ଜାସି ଗେଲୁପି ଆନେସି । ୨୩ ସାମା ଏଞ୍ଜାରି ଏଡ଼ିବେଲା ର ଗାଡ଼ାତା ମିଡ଼େ ନିନ୍ଦୁ କିୟାନେରି, ଏଡ଼ିବେଲା ଏବକା ଗାଡ଼ାତା ହାଜୁ, ଇଡ଼ିହ୍‌ ନାନୁ ମିଡ଼େ ସାତା ଖେସିମାଞ୍ଜାଙ୍ଗ୍, ମୀରୁ ଇସ୍‌ପାୟେଲତି ବାରେ ଗାଡ଼ାୟିଁତା କାମା ରାପୁଆ ନକେଏ ମାଣ୍ଡିୟି ମୀରୁଏସି ଖାନେସି । ୨୪ “ସୀସୁ ତାନି ଗୁରୁ କିହ୍‌ ହଲେଏସି ସାଞ୍ଜୁକାରି କିହ୍‌ କାଜାସି ଆଏ । ୨୫ ସୀସୁ ତାନି ଗୁରୁ ଅଡ଼େ ହଲେଏସି ତାନି ସାଞ୍ଜୁକାରି ଲେହେଁ ଆଡ଼ିହ୍‌ ଏଞ୍ଜାରାକି ସମାନା ଆନେ, ଏଞ୍ଜାରି ଇଲୁଟି ସାଞ୍ଜୁକାରିଲ୍‌ ବାଲୁଜିବୁଲୁ ଇନେରି ଇଡ଼ିହ୍‌ ଏଞ୍ଜାରି ଇଲୁଟି ଲୁକୁବାକାଆଁ ହାରେକା ପଲୁଆ କାତା ଜଲିନେରି।” ୨୬ “ଏଦାଆଁତାକି ଲୁକୁଲ୍‌ ଆଜାଆଦୁ; ଇଡ଼ିହ୍‌ ତୁଗାମାନାୟି

ଏନାୟିଞ୍ଜା ର ଦିନା ଦଞ୍ଜୁଆନେ, ଏଲେକିଁ ଦଞ୍ଜୁଆଆନା ତୁଗାମାନାୟି ଏନାୟିଞ୍ଜା ହିଲେଏ, ଇଞ୍ଜିଁ ପୁଣ୍ଡି କିଞ୍ଜିଆଆଗାଟାୟି ଇଲେକିଁ ଏନାୟି ତୁଗା ହିଲେଏ । ୨୭ ନାନୁ ମିଡ଼େ ଏନାଆଁ ଆନେରିତା ଖେସୁଲ୍‌ ଏଦାଆଁ ଉଜେଡ଼ିତା ଖେହୁଦୁ, ଅଡ଼େ ଏନାଆଁ ତୁଗାନା ଖେଞ୍ଜେରି ଏଦାଆଁ ଇଲୁ ଡ଼ୁଡ଼ିୟା ଲାକ ହତାନା ଖେହୁଦୁ । ୨୮ ଅଡ଼େ ଆମ୍‌ଆସି ଖାରୁଇ ଆଡ଼ୁତି ପାୟିନେରି, ସାମା ଜୀଞ୍ଜୁତି ପାୟାଲି ଆଡ଼ଅରି, ଏଞ୍ଜାରାଙ୍ଗ୍ ଆଜାଆଦୁ; ସାମା ଆମ୍‌ଆସି ମୀ ଜୀଞ୍ଜୁ ଅଡ଼େ ଆଡ଼ୁ ବାରେଡ଼ି ନକିତା ନାସା କିହାଲି ଆଡ଼ିମାନେସି ଏଞ୍ଜାଣାଙ୍ଗ୍ ଆଜାଦୁ । (Geenna g1067) ୨୯ ରୀ ଜେତା ପଟାୟିଁ ର କାନି ତାକି ପାରୁପି ଆର କି? ଅଡ଼େ ମୀ ଲାକପୁରୁତି ଆବା ହେଲ ହାଆଡ଼ି ଏଞ୍ଜାସିକା ବିଡ଼ାଟି ରଣ୍ଡି ଜିକେଏ ଡ଼ଲ ଡ଼ରୁଗେଏ । ୩୦ ସାମା ମୀ ଚାୟିଁତା ବାରେ ବାଣାୟିଁ ଜିକେଏ ଏକିକିଞ୍ଜି ଆହାମାନୁ । ୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା ପଟାୟିଁ ତାଣାଟି ମୀ ଦାରା ହାରେକା ।” ୩୨ “ଅଡ଼େ ଆମ୍‌ଆସି ଲୁକୁ ନକିତା ନାଡ଼େ ଆବାନେସି, ଇଞ୍ଜିଁ ନାନୁ ଜିକେଏ ନା ଲାକପୁରୁତି ଆବା ନକିତା ଆବିଲ୍‌ । ୩୩ ସାମା ଆମ୍‌ଆସି ଲୁକୁ ନକିତା ନାଡ଼େ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ ।” ୩୪ “ନାନୁ ଦାରୁଡ଼ିତା ହିଡ଼ି ହାହାଲି ଖାହାମାଲ୍‌ ଇଞ୍ଜିଁ ମନ କିଆଦୁ; ହିଡ଼ି ହାହାଲି ଖାଆନା, କାଣ୍ଡା ହାହାଲି ଖାହାମାଲ୍‌ । ୩୫ ଇଡ଼ିହ୍‌ ନାନୁ ଆବା କପାଟି ମୀରୁଏଣାଙ୍ଗ୍, ଅଡ଼େ ଇୟାନି କପାଟି ମାଡ଼ୁ ଇଞ୍ଜିଁ ପୟାନି କପାଟି କୁଡ଼ିୟାନି ଗଡ଼ହା କିହାଲି ଖାହାମାଲ୍‌ । ୩୬ ଅଡ଼େ ମାଣ୍ଡିୟିଁ ତାନି ଇଲୁଟି ଲୁକୁଏ ବାରେଜାଣା ତାନି ସାତୁ ଆନେରି ।” ୩୭ “ଆମ୍‌ଆସି ଆବା କି ଇୟାନି ନା କିହ୍‌ ହାରେକା ଜୀଞ୍ଜୁ ନନେସି, ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି, ଅଡ଼େ ଆମ୍‌ଆସି ନିଜେଡ଼ି ମାଡ଼ୁ କି ମୀରୁଏଣାଙ୍ଗ୍ ହାରେକା ଜୀଞ୍ଜୁ ନନେସି ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି । ୩୮ ଆମ୍‌ଆସି ନିଜେଡ଼ି କୁସ ଡ଼େକାନା ନା ଜେଟ ଖାଅସି, ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି । ୩୯ ଆମ୍‌ଆସି ନିଜେଡ଼ି ଜୀଞ୍ଜୁ ନାଟହା କଡ଼ିନେସି ଏଞ୍ଜାସି ହାନେସି, ଅଡ଼େ ଆମ୍‌ଆସି ନା ତାକି ନିଜେଡ଼ି ଜୀଞ୍ଜୁ ହାନେସି, ଏଞ୍ଜାସି ନାଡ଼ିନେସି ।” ୪୦ “ଆମ୍‌ଆସି ମିଡ଼େ ଆବାନେସି, ଏଞ୍ଜାସି ନାଡ଼େ ଆବାନେସି; ଆମ୍‌ଆସି ନାଡ଼େ ଆବାନେସି, ଏଞ୍ଜାସି ନାଡ଼େ ପାଣ୍ଡାତାଣାଙ୍ଗ୍ ଆବିନେସି । ୪୧ ଆମ୍‌ଆସି ମାହାପୁରୁ ଅଣପୁଡ଼ି ବଲୁ ଖେହନାରାଙ୍ଗ୍, ମାହାପୁରୁ ବଲୁ ଖେହନାରି ଇଞ୍ଜିଁ ଆବିନେସି, ଏଞ୍ଜାସି ଏ ବଲୁ ଖେହନାରି ଦାନା ବେଟା ଆନେସି, ଅଡ଼େ ଆମ୍‌ଆସି କି ତାନିଗାଟାରିଲ୍‌, ତାନିଗାଟାସି ଇଞ୍ଜିଁ ଆବିନେସି ଏଞ୍ଜାସି ତାନିଗାଟାରି ଦାନା ବେଟା ଆନେସି । ୪୨ ଅଡ଼େ ଆମ୍‌ଆସି ନା ସୀସୁୟିଁ ବିଡ଼ାଟି ରଅଣାଙ୍ଗ୍ ନା ସୀସୁ ଇଞ୍ଜିଁ ଗିନାତା ଏୟୁ ଗସାଲି ହାନେସି, ନାନୁ ମିଡ଼େ ସାତା ଖେସିମାଞ୍ଜାଙ୍ଗ୍, ଏଞ୍ଜାସି ତାନି ଦାନାଟି ଜାକଅସି ।”

୧୧ ଜୀସୁ ତାନି ବାରେଜାଣା ସୀସୁୟିଁଲ୍‌ ଇ ବାରେ ହେଲ ହାଡ଼ି ଡାୟୁ ଗାଲିଲି ଦାରିତା ମାନି ନାସକାଣାଁ ହାଜାନା ମାହାପୁରୁତି ହାତା ଜୀସୁହିଁ ଖେସିହିଁ ଏ ଟାୟୁଡ଼ି ହାଚେସି । ୨ ଏଡ଼ିବେଲା ବାପୁସୁ ହାନି ଜହନ

କାହିଁଦିତା ମାଞ୍ଜୁନା କ୍ରୀୟାଦି କାମା କିହିମାନାଣି ସ୍ଵେଚ୍ଛାମା ଏ ବାରେ ପୁଞ୍ଜଳି ତାନି ସୀୟୁର୍ଯ୍ୟାଣି ଜୀୟା ଚାଣା ପାଣ୍ଡିତେସି । ୩ ଏଞ୍ଜାରି ହାଜାନା ଜୀୟୁର୍ଯ୍ୟାଣି ସ୍ଵେଚ୍ଚେରି, “ଆମିନି ଲକ୍ଷ୍ମୀ ଖାନେସି ଇଚ୍ଛା ଜହନ ସ୍ଵେସାମାଚେସି, ନୀନୁ କି ଏଞ୍ଜାଟି? କି ଅଡେ, ଆମ୍ବାଆରି ତାକି କାତାନା ତୁୟିନମି?” ୪ ଜୀୟା ଏଞ୍ଜାରାଇଁ ଏଲେଇଚେସି, “ମୀରୁ ସ୍ଵେଶ୍ଵା ହାଜାନା ଏନାଆଁ ସ୍ଵେଚ୍ଛାମାଚ୍ଛେରି ଅଡେ ମେସିମାଚ୍ଛେରି, ଜହନଇଁ ସ୍ଵେହ୍ନୁ । ୫ କାଣାୟାଁ ମେସିମାନେରି, ସଚାୟାଁ ତାକି ମାନେରି, କାଜା ରଗ ଗାଟାରି ନେହିଁ ଆହିମାନେରି, ବେରାୟାଁ ସ୍ଵେଚ୍ଛାମାନେରି, ହାତାରି ନିଚ୍ଛାମାନେରି ଅଡେ କାଟ୍ଟୋଲା ଗାଟାରି ନେହିଁ କାରୁ ସ୍ଵେଚ୍ଛାମାନେରି; ୬ ନା ଚାଣା ଆମ୍ବାଆରି ଆନାମାନା ଆଅରି ଏଞ୍ଜାରି ନେହିଁ ।” ୭ ଜହନତି ସୀୟୁର୍ଯ୍ୟାଣି ସ୍ଵେଶ୍ଵାହାଜିମାଟି ବେଲା ଜୀୟା ଲକ୍ଷ୍ମୀ ଜହନତି କାତା ଏଲେଇଚେସି, “ମୀରୁ ଲକ୍ଷ୍ମୀ ହିଲାଆ ରାଜିତା ଏନାଆଁ ମେସାଲି ହାଜାମାଚେରି? ଗାଲିତା ବାଢ଼ିନି ତାଣ୍ଡି ଆକୁ? ୮ ଏଦାଆଁ ଆଆଡିହିଁ ଏନାଆଁ ମେସାଲି ହାଜାମାଚେରି? ନେହିଁ ଅଜିତି ପାତାଡା ହିମ୍ବୁରି ହୁତାମାନି ର ଲକ୍ଷ୍ମୀ? ମେହ୍ନୁ ଅଜିତି ହିମ୍ବୁରି ହୁଚିତି ଲକ୍ଷ୍ମୀ ରାଜା ଗାଡାତା ତୁୟିନେରି । ୯ ଏଦାଆଁ ଆଆଡି ଏନାଆଁ ମେସାଲି ହାଜାମାଚେରି? ଏନାଆଁ ର ମାହାପୁରୁ ଅଶ୍ଵପୁତି ବଲୁ ସ୍ଵେହ୍ନାଣାଇଁ? ନୀନୁ ମିଚ୍ଛେ ସାତା ସ୍ଵେସିମାଞ୍ଜୁଇଁ, ମାହାପୁରୁ ଅଶ୍ଵପୁତି ବଲୁ ସ୍ଵେହ୍ନାରି କିହାଁ ହାରେକା କାଜାଣାଇଁ; ୧୦ ଇତିହିଁ ଏ ଜହନତି କାତା ରାସ୍ତକି ଆହାମାନେ, ମାହାପୁରୁ ଏଲେଇଚ୍ଛା ମାନେସି, ନା ତାକି ଜିରୁ କେପାଲି ନୀନୁ ନକେଏ ନା ଦୁରୁଇଁ ପାଣ୍ଡୁଇଁ, ଏଞ୍ଜାସିଏ ଇ ମାଣ୍ଡିସି । ୧୧ ନୀନୁ ମିଚ୍ଛେ ସାତା ସ୍ଵେସିମାଞ୍ଜୁଇଁ, ନୀଞ୍ଜୁ ପାଚେକା ଇ ଦାର୍ତ୍ତତା ଏଚେକା ଜାନାଁ ଆହାମାନେରି, ଏ ବାରେଜାଣା କିହାଁ ବାପୁସ୍ତୁ ହାନି ଜହନ କାଜାସି; ଆତିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଉଣା, ଏଞ୍ଜାସି ଜହନ କିହାଁ କାଜାସି । ୧୨ ବାପୁସ୍ତୁ ହାନି ଜହନତି କାତା ସ୍ଵେହ୍ନି ଦିନାଟିଏ ନୀଞ୍ଜୁପାଚେକା ଲାକପୁରୁ ରାଜି ବାଡ଼ୁରୁ ଚଲେ ପାତାଆହିମାନେ; ଇଚ୍ଛା ବାଡ଼ୁରୁଟି ଆସାମାନାରି ଏଦାଆଁ ବେଟାଆହାଲି ଅଶ୍ଵପିମାନେରି । ୧୩ ଇତିହିଁ ବାରେ ମସାତି ମେରାତା ଅଡେ ମାହାପୁରୁ ଅଶ୍ଵପୁତି ବଲୁ ସ୍ଵେହ୍ନାରି ଚାଣା ଜହନତି ଖାନି ଦିନା ପାଚେକା ସ୍ଵେସ୍ଵି ଆହାମାଚେ । ୧୪ ଅଡେ ମୀରୁ ଏଞ୍ଜାରି କାତା ଆସାଲି ମୀ ମନ ମାତିହିଁ ଆମିନି ଏଲିୟୁ ଖାନାୟି ମାଚେ ଜହନଏ ଏଞ୍ଜାସି । ୧୫ ଆମ୍ବାଆରି କାର୍ଣା ମୀରୁ ଏଞ୍ଜାସି ସ୍ଵେଶ୍ଵାୟି । ୧୬ “ସାମା ନୀନୁ ଆମ୍ବାରିଚଲେ ଇ ଜୁଗୁତି ଲକ୍ଷ୍ମୀ ଚୁକ୍ତାଇଁ, ଆମିନି ହାଟା ମାଦି କୁଗାନା କାହିଁ ତୁୟିନି କକାରି ଲେହେଁ, ର ଗତିତି କକାରି ଅର ଗତିତି ଏଲେଇନେରି, ୧୭ ମାମୁ ମୀ ନକିତା ପାଠୁଡ଼ି ଉକିତମି, ସାମା ମୀରୁ ଏନ୍ୟାଆଚେରି; ମାମୁ ଦୁକୁଡ଼ି ପାଠୁ ପାତିତମି ସାମା ମୀରୁ ତାଆଚେରି, ନୀସ୍ଵତି ଲକ୍ଷ୍ମୀ ଏଲେତାରି । ୧୮ ଇତିହିଁ ଜହନ ଖାହାନା ରାନ୍ୟୁ ତିନାଆଚେସି ଅଡେ ଲକ୍ଷ୍ମୀ ଏଞ୍ଜାଣାଇଁ ଏଲେଇଚେରି ବୁଡୁ ଆଲଗାମାନାସି । ୧୯ ସାମା ମାଣ୍ଡିସି ମାନ୍ସଏସି ଖାହାନା ରାନ୍ୟୁ ତିଚେସି ଉଚେସି, ଇଚ୍ଛାଁ ଲକ୍ଷ୍ମୀ ବାରେଜାଣା ଏଲେଇଚେରି, ଇଞ୍ଜାସି ଚିଣ୍ଡିକାଞ୍ଜୁ,

କାଡୁବୁଡୁ, ଏଞ୍ଜାସି ସିସୁ ରୀହନାରି ଅଡେ ପାପୁ ଗାଟାରି ତଣେଏସି; ସାମା ମାହାପୁରୁଟି ବୁଦି ଏଞ୍ଜାଣି କାମାଟି ସାତା ଇଚ୍ଛାଁ ସ୍ଵେଚ୍ଛାମାନେ ।” ୨୦ ଏତିବେଲା ଆମିନି ଗାଡାତା ହାରେକା କାବାଆନି କାମା କିଞ୍ଚି ଆହାମାଚେ, ଏ ଗାଡାତି ଲକ୍ଷ୍ମୀ ତାମି ପାପୁଟି ତାମା ମନ ସ୍ଵେହ୍ନା ହିଲାଆଚେରି, ଇଚ୍ଛାଁ ଜୀୟା ଏ ଗାଡାୟିତି ଲକ୍ଷ୍ମୀଇଁ ଦାକା ହୀହାନା ଏଲେଇଚେସି, ୨୧ ଆୟତା ତଣ୍ଡି ପାଣ୍ଡିନି କରାଜିନି ଅଡେ ବେତ୍ସାୟିତା, ଏନାଆଁତାକି ଇତିହିଁ ମୀ ଚାଣା ଆମିନି ବାଡ଼ୁରୁଟି କାମା କିଞ୍ଚିଆହାମାନେ, ଏ ବାରେ ସର ଅଡେ ସିଦନତା କିଞ୍ଚି ଆହାମାଚିହିଁମା; ଏମ୍ବାତି ଲକ୍ଷ୍ମୀ ଆଡ଼ୁତା ବାସ୍ତୁୟାଁ ପରହାନା ଦାର୍ମୁତା କୁଗାନା ମନ ସ୍ଵେହ୍ନାଲି ଅଶ୍ଵପିଚେରିମା ୨୨ ଆତିଜିକେଏ ନୀନୁ ମିଚ୍ଛେ ସ୍ଵେସିମାଞ୍ଜୁଇଁ, ମାହାପୁରୁଟି ନୀହାଁୟି ଦିନାତା ମୀ ତଣ୍ଡି କିହାଁ ସର ଅଡେ ସିଦନତି ତଣ୍ଡି ଅରୁହିନାୟି ଆନେ । ୨୩ ଏ କପରନାହୁମ, ନୀନୁ ଏନାଆଁ ଲାକପୁରୁ ପାଚେକା ପାତାଆଦି? ନୀନୁ ହାତାରି ମାନି ରାଜିତା ଅଞ୍ଚିଆଦି, ନୀ ଚାଣା ଆମିନି ବାଡ଼ୁରୁଟି କାମା କିଞ୍ଚିଆହାମାନେ, ଏଦାଆଁ ସଦମତା କିଞ୍ଚିଆଚିହିଁମା, ଏ ଗାଡା ନୀଞ୍ଜୁପାଚେକା ତୁୟିଚେମା । (Hadēs g86) ୨୪ ଆତିଜିକେଏ ନୀନୁ ମିଚ୍ଛେ ସ୍ଵେସିମାଞ୍ଜୁଇଁ “ମାହାପୁରୁଟି ନୀହାଁୟି ଦିନାତା ମୀ ତଣ୍ଡି କିହାଁ ସଦମ ଦେସାତି ତଣ୍ଡି ଅରୁହିନାୟି ଆନେ ।” ୨୫ ଏ ବେଲାତା ଜୀୟା ପ୍ରାତାନା କିହିଁ ଏଲେଇଚେସି; “ଏ ଆବା, ଲାକପୁରୁ ଅଡେ ଦାର୍ତ୍ତତି ପ୍ରୁ, ଇ ବାରେ ହାତା ନୀନୁ ବୁଦି ଅଡେ ପୁନି ଲକ୍ଷ୍ମୀଟାଣି ଡୁକହା ଇଟାନା, ଇ ବାରେ କାତା ପୁନାଆଗାଟି ଲକ୍ଷ୍ମୀଟାଣା ତୁସିମାନାକି ନୀନୁ ମିଚ୍ଛେ ଜହରା କିହିମାଞ୍ଜୁଇଁ । ୨୬ ହାଅ ଆବା, ଇଦି ନୀ ନକିତା ରାହାଁତି କାତା ଆହିମାନେ ।” ୨୭ “ନୀ ଆବା ନାଚ୍ଛେ ବାରେ ହାହାମାଞ୍ଜୁନେସି, ଆବା ପିସ୍ଵେ ଆମ୍ବାଆରି ମୀରୁଏଣାଇଁ ପୁନଅରି ଅଡେ ମୀରୁଏଣା ପିସ୍ଵେ ଆମ୍ବାଆରି ଆବାଇଁ ପୁନଅରି, ମୀରୁଏସି ଆମ୍ବାଆରି ଚାଣା ତହ୍ନେସି ଏଞ୍ଜାସି ପୁନେସି ।” ୨୮ “ଏ ଖାହୁ ରାତା ଗାଟି ଲକ୍ଷ୍ମୀ ବାରେ ନା ଚାଣା ଖାହୁ, ନୀନୁ ମିଚ୍ଛେ ଜମିକିୟାଇଁ । ୨୯ ନୀ ଜୁସ୍ଵେଡ଼ି ମୀ ବମିତା ଡେକାନା ନା ଚାଣାଟି ଜାପାପୁ, ଇତିହିଁ ନୀନୁ କପା କାର୍ବି ହିଲାଆନା ସୁଦୁ ହିୟାଁ ଗାଟାଚେଏଁ, ଇଚ୍ଛାଁ ମୀରୁ ନା ଚାଣାଟି ମୀ ଜୀଞ୍ଜୁତା ଜମିବେରି; ୩୦ ଇତିହିଁ ନୀ ଜୁସ୍ଵେଡ଼ି ଉସାସା ଅଡେ ବଜୁ ଉଣା ମାନେ ।”

୧୨ ଏଚରଦିନା ତାୟୁ ରୁ ଜମିନି ଦିନାତା ଜୀୟା ଗୁହିଁ ଗୁତିୟାଟି ହାଜିମାଚେସି, ଇଚ୍ଛାଁ ତାନି ସୀୟୁର୍ଯ୍ୟାଣି ହାକି ଆହାମାଚାକି ଗୁହିଁ ଜେକା ତାପୁହାନା ଚିଞ୍ଜାଲି ମାବୁହେରି । ୨ ସାମା ପାରୁସିୟାଁ ଏଦାଆଁ ମେସାମା ଜୀୟୁଇଁ ଏଲେଇଚେରି, “ମେହ୍ନୁ ଜମିନି ଦିନାତା ଏନାଆଁ କିନି ମେରା ହିଲେଏ, ଏଦାଆଁ ମୀ ସୀୟୁର୍ଯ୍ୟାଣି କିହିମାନେରି ।” ୩ ସାମା ଜୀୟା ଏଞ୍ଜାରାଇଁ ଏଲେଇଚେସି, “ର ଦିନା ଦାଞ୍ଜୁଦ ଅଡେ ତାନି ତଣେସିଦ୍ଵା ହାକି ଆହାଲିଏ ଏନାଆଁ କିହାମାଚେରି, ମୀରୁ ସାସ୍ତେରିତା ପଡ଼ି ଆହାହିଲଅଚେରି?” ୪ ଏଞ୍ଜାସି ଏନିକିଁ ମାହାପୁରୁ ଲକ୍ଷ୍ମୀ ହାତାନା ଆମିନି ମାହାପୁରୁକି ହେରୁପାନି ରୁଚି ପୁଚେରାଦ୍ଵା ପିସ୍ଵେ ଆମ୍ବାଆରି ତିନାଆଗାଟି ମେରା ମାଚେ, ସାମା ଦାଞ୍ଜୁଦ ଅଡେ ତାନି ତଣେସିଦ୍ଵା

ତିନିଆଗାଟାୟି ମାତେ, ଏଦାଆଁ ଏଞ୍ଜରି ତିଚେରି । ୫ ଅଡ଼େ ଜମିନି ଦିନାତା ମାହାପୁରୁ ଇଲୁ ବିତ୍ରା ପୁଜେରାଞ୍ଜୁ ମେରା ଉରିତି ଜିକେଏ ଦହଗାଟାରି ଆଅରି, ମୀରୁ ଏନି ଏଦାଆଁ ପଡ଼଼ି ଆହାହିଲଅତେରି କି? ୬ ସାମା ନାନୁ ମିଡ଼େ ସାତା ଖେସିମାଞ୍ଜୁଇଁ, ଇ ଟାୟୁତା ମାହାପୁରୁ ଇଲୁ କିହାଁ ହାରେକା କାଜାୟି ଇମ୍ପାଆଁ ମାନେ । ୭ “ସାସ୍ତେରି ଖେସିମାନେ, ସାମା ପୂଜା ହାନାୟି ଲଡ଼ାଆଏ, ସାମା ଲକ୍ଷ୍ମଣି କାର୍ମାମେହନାୟି ନେହେଁ, ଇଦାଣି କାତା ମୀରୁ ପୁଞ୍ଜାମାତିହିମା ଇ ଦହ ହିଲଆ ଗାଟାଣାଇଁ ଦହ କିଆତେରିମା; ୮ ଇଚିହିଁ ମାଣ୍ଡି ମୀରୁଏସି ଜମିନି ଦିନାତି ପ୍ରଭୁ ଆନେସି ।” ୯ ଜୀସୁ ଏମ୍ପାଟି ହାଜାନା ଜୀହୁତି ଲକ୍ଷ୍ମଣି କୁଟମି ଇଲୁତା ହାରେସି । ୧୦ ଅଡ଼େ ମେହୁଦୁ ଏମ୍ପାଆଁ ରଅସି ମାରେସି, ଏଞ୍ଜରି ର କେୟୁ ଖାୟାହାଜାମାରେ, ଜୀସୁଇଁ ଦହ ଆସାଲି ଏଚେକା ଲକ୍ଷ୍ମଣି ଏମ୍ପାଆଁ କାତାମାଚେରି, ଏଞ୍ଜରି ଜୀସୁଇଁ ଖେଚେରି, “ଜମିନି ଦିନାତା ନେହିଁକନାୟି ମେରା ମାନେକି?” ୧୧ ସାମା ଜୀସୁ ଏଞ୍ଜରାଇଁ ଏଲେଇଚେସି, “ମୀ ବିତ୍ରା ରଅଶାକି ର ମେଣ୍ଡା ମାନେ, ଏମ୍ପାଟିଏ ଜମିନି ଦିନାତା ଏ ମେଣ୍ଡା ଗାଡ଼ୟୁତା ତରୁଗିନେ, ଇଞ୍ଜି ଆମ୍ପାଆସି ଏଦାନି ନିକ୍ଷୟି, ଇଲେତି ଲକ୍ଷ୍ମଣି ଆମ୍ପାଆସି ମୀ ବିତ୍ରା ମାନେସି? ୧୨ ଆତିହିଁ ର ମେଣ୍ଡାତି ଦାରା କିହାଁ ମାଣ୍ଡିତି ଦାରା ହାରେକା । ଏଦାଆଁତାକି ଜମିନି ଦିନାତା ନେହିଁ କାମା କିନାୟି ମେରାତି କାମା ।” ୧୩ ଏଚିବେଲା ଏଞ୍ଜସି କେୟୁ ଖାୟିତାଣାଇଁ ଏଲେଇଚେସି, “କେୟୁ ଦାହୁମ୍ ।” ଇଞ୍ଜି ଏଞ୍ଜସି ଏ କେୟୁ ଦାସ୍ତେସି ଏମ୍ପାଟିଏ ଏ କେୟୁ ଅର କେୟୁଲେହେଁ ନେହିଁ ଆତେ । ୧୪ ସାମା ପାରୁସିୟାଁ ପାଞ୍ଜୁତା ହାଜାନା ଜୀସୁଇଁ ପାୟାଲି ଏଞ୍ଜାଣି କପାଟି ପାରୁ ପାରାତେରି । ୧୫ ଜୀସୁ ଏଦାଆଁ ପୁଞ୍ଜାନା ଏମ୍ପାଟି ଏବ୍ କା ଆହାନା ହୁତାହାଚେସି, ଇଞ୍ଜି ହାରେକା ଲକ୍ଷ୍ମଣି ତାନି ଚେଚ ହାଚେରି, ଅଡ଼େ ଏଞ୍ଜସି ବାରେଜାଣାତି ରଗତି ନେହିଁ କିଚେସି । ୧୬ ଇଞ୍ଜି ତାଡ଼େ ଲକ୍ଷ୍ମଣି ଖେକ୍‌ଆଦୁ ଇଞ୍ଜି ହୁକୁମି ହାଚେସି । ୧୭ ଏନିକିହିଁ ମାହାପୁରୁ ଅଶପୁତି ବଲୁ ଖେହ୍ନି ଜିସାୟତି କାତା ସାତା ଆନେ, ୧୮ “ମେହୁଦୁ ନା ହଲେଏସି, ଆମ୍ପାଆରାଇଁ ନାନୁ ଆଚାମାଇଁ; ଏଞ୍ଜସି ନା ଜୀସୁତି ମୀରୁଏସି, ଆମ୍ପାଆରିତାଣା ନା ହାରେକା ରାହାଁ ମାନେ; ନାନୁ ଏଞ୍ଜାଣିଲକ ନା ସୁଦୁଜୀସୁ ହାଇଁ, ଅଡ଼େ ଏଞ୍ଜସି ଜୀହୁତିଆତି ଲକ୍ଷ୍ମଣାଣା ନାହାଁୟିତି କାତା ଖେକନେସି । ୧୯ ଏଞ୍ଜସି ଗଡ଼ହା କିଅସିକି କାଲ୍‌ଞ୍ଜି ଆଅସି, ଇଞ୍ଜି ଆଂଚେଶିତା ଏଞ୍ଜାଣି ହାତା ଆମ୍ପାଆରି ଖେନଅରି । ୨୦ ନାହାଁୟିତା ଜାଣା ଆଆପାଚେକା, ଏଞ୍ଜସି ଖାୟିତି ତାଣ୍ଡିତି ଡିକ୍‌ଅସି ବୟି ଆହିଁ ତୀଞ୍ଜୁମାନି ଦାଞ୍ଡିତି ତୁପଅସି । ୨୧ ଅଡ଼େ ଏଞ୍ଜାଣି ଦରୁତା ଜୀହୁତିଆତି ଲକ୍ଷ୍ମଣି ବାସ୍ ଇଚିନେରି ।” ୨୨ ର ଦିନା ଲକ୍ଷ୍ମଣି ବୃତୁ ଆଲ୍‌ଗାମାତି ର କାଣାଇଁ ତାଚେରି ଏଞ୍ଜାଣାଇଁ ବୃତୁ ଆଲ୍‌ଗା ମାଚାକି ଗୁଲ୍ଲା ଆହାମାଚେସି । ଜୀସୁ ଏଞ୍ଜାଣାଇଁ ନେହିଁ କିଚେସି; ଇଞ୍ଜି ଏଞ୍ଜସି ମେସାଲି ଅଡ଼େ ଜଲ୍ଲାଲି ଆତିଚେସି । ୨୩ ଇଞ୍ଜି ଲକ୍ଷ୍ମଣି ବାରେ କାବଆହାନା ଏଲେଇଚେରି, “ଇଞ୍ଜସି ଏନାଆଁ ଏ ଦାଞ୍ଜୁ କଡ଼ାତାସି ଆଏକି?” ୨୪ ପାରୁସିୟାଁ ଇ କାତା ଖେଞ୍ଜାନା ଏଲେଇଚେରି, ଇ ମାଣ୍ଡି ବୃତୁୟାଁ କିହାଁ

କାଜା ବାଲ୍‌ଜିବୁଲ୍ ବୃତୁ ହିଲଆନା ବୃତୁୟାଁ ଯେରଅସି । ୨୫ ସାମା ଜୀସୁ ପାରୁସିୟାଁ ମନତି ଅଶପୁ ପୁଞ୍ଜାନା ଏଞ୍ଜରାଇଁ ଏଲେଇଚେସି, “ର ରାଜି ତାନୁ ତାନୁଏ ଆସ୍‌ସି ଆହାନା ରୀ ବାଗା ତାନି ବାଗା ଆତିସାରେ ଏ ରାଜି ଅଡ଼େ ତାରିତଲେ ମାଞ୍ଜୁଲି ଆତେଏ, ଇଞ୍ଜି ର ଗାଡ଼ା କି ର ଇଲୁ କୁଟମି ତାମୁ ତାମୁଏ ଆସ୍‌ସି ଆହାନା ବାଗା ଆତିସାରେ ତାରିତଲେ ମାଞ୍ଜୁଲି ଆତେଏ । ୨୬ ଇଞ୍ଜି ସୟତାନ ସୟତାନଇଁ ପିସ୍‌ସି କିନେ ଆତିହିଁ ଏଦି ବାଗା ଆହାନା ତାନି କପାଟି ନିଞ୍ଜିଚେୟିଏ, ଆତିହିଁ ଏଦାନି ରାଜି ଏନିକି ତାରିଆହାଁ ଡ଼ୟିନେ? ୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲ୍‌ଆ ବୃତୁୟାଁ ବାଲ୍‌ଜିବୁଲ୍ ତଲେ ବୃତୁୟାଁ ପିସ୍‌ସି କିହିମାଇଁ, ଆତିହିଁ ମୀ ମୀରୁକା ଆମ୍ପାଆରି ବାଡ଼ୟୁ ତଲେ ବୃତୁୟାଁ ଯେରନେରି । ଇଦାଆଁତାକି ଏଞ୍ଜାରିଏ ମୀ ନାହାଁୟି କିୟାନାରି ଆନେରି । ୨୮ ସାମା ନାନୁ ମାହାପୁରୁ ଜୀସୁତି ବାଡ଼ୟୁ ତଲେ ବୃତୁୟାଁ ଯେରହ ମାଇଁ, ଆତିହିଁ ମାହାପୁରୁତି ରାଜି ମୀ ତାଣା ଏଦାଚେୟିଏ ।” ୨୯ “ଇଞ୍ଜି ଆମ୍ପାଆସି ର ବାଡ଼ୟୁଗାତି ଲକ୍ଷ୍ମଣି ତଲିଏ ଦହଆନା, ଏନିକିହିଁ ଏଞ୍ଜାଣି ଇଜ ହତାନା ତାନି ଇଲୁ କାଣ୍ଡା ବାରେ ସରୁ ଅୟାଲି ଆତିନେସି? ଏଞ୍ଜାଣାଇଁ ତଲିଏ ଦସ୍ତିହିଁଦେ ଏଞ୍ଜାଣି ଇଲୁ କାଣ୍ଡା ସରୁ ଆହାଲି ଆତିନେସି ।” ୩୦ “ଆମ୍ପାଆସି ନା ଖାକିତି ଆଆଗାଟାସି, ଏଞ୍ଜସି ନା ସାତୁ, ଇଞ୍ଜି ଆମ୍ପାଆସି ନା ତଲେ କୁଡ଼ି କିଅସି ଏଞ୍ଜସି ଆଲାରା କିନେସି । ୩୧ ଇଦାଆଁତାକି ନାନୁ ମିଡ଼େ ଖେସିମାଞ୍ଜୁଇଁ, ମାଣ୍ଡି ଲକ୍ଷ୍ମଣି ବାରେ ପାପୁ ଅଡ଼େ ଲାଗେଏ ପଲେଏତି ଲକ୍ଷ୍ମଣି ନିନ୍ଦା କାତା ଜଲ୍‌ମାନାଣି ମ୍ଲେକହା ତୁସ୍‌ପିଆନେ, ସାମା ମାହାପୁରୁତି ସୁଦୁଜୀସୁ ଦରୁତଲେ ଜଲ୍‌ନାଣା ପାପୁ ମେଣ୍ଡି କିଞ୍ଜିଆଏ । ୩୨ ଅଡ଼େ ଆମ୍ପାଆସି ମାଣ୍ଡି ମୀରୁଏଶା କପାଟି ଜଲ୍‌ନେସି, ଏଞ୍ଜାଣି ପାପୁ ମେଣ୍ଡି କିଞ୍ଜିଆନେ, ସାମା ଆମ୍ପାଆସି ମାହାପୁରୁତି ସୁଦୁଜୀସୁତି କପାଟି ଜଲ୍‌ନେସି, ଇ କାଲ୍‌ତା କି ତାୟୁ କାଲ୍‌ତା ଜିକେଏ ଏଞ୍ଜାଣି ପାପୁ ମେଣ୍ଡି କିଞ୍ଜିଆଏ ।” (aiton ୨165) ୩୩ “ମୀରୁନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ ଆଆତି ମୀରୁନୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇଚିହିଁ ପାଡ଼େୟି ତଲେ ମୀରୁନୁତି ପୁଣ୍ଡି ଆନେ । ୩୪ ଅଡ଼େ ରାଏକା କୁଡ଼ାଚେରି, ମୀରୁ ପଲ୍‌ଆ ଗାଟାଚେରି ଆହାଁ ଏନିକି ମୀରୁ ନେହିଁ ହାତା ଖେସାଲି ଆତିଦେରି? ଇଚିହିଁ ହିୟାଁତା ମାନି କାତା ଗୁତି ଜଲ୍‌ମାନେ । ୩୫ ନେହିଁ ଲକ୍ଷ୍ମଣି ନେହିଁ ମନ ବିତ୍ରାତି ନେହିଁ କାତା ହୁପନେସି, ଇଞ୍ଜି ପଲ୍‌ଆ ଗାଟାସି ପଲ୍‌ଆ ମନ ବିତ୍ରାତି ପଲ୍‌ଆ କାତା ହୁପନେସି ।” ୩୬ “ସାମା ନାନୁ ମିଡ଼େ ସାତା ଖେସିମାଞ୍ଜୁଇଁ, ବାରେକାଣା ତାମୁ ଖେସାମାନି ଉଜେଏତି କାତାତାକି ବିତାରା କିନି ଦିନାତା ଏମ୍ପାଟି କାତା ଜଲ୍‌ନେରି; ୩୭ ଇଦାଆଁତାକି ମୀ ଗୁତିତି ହାତାତଲେ ନାହାଁୟି ଦିନାତା ମୀରୁ ଦହ ଗାଟାଚେରି ଅଡ଼େ ଦହ ହିଲଆଗାଟାଚେରି ଆଦେରି ।” ୩୮ ଏଚିବେଲା ମେରା ପୁନାରି ଅଡ଼େ ପାରୁସିୟାଁ ବିତ୍ରାତି ଏଚରଜାଣା ଜୀସୁଇଁ ଏଲେଇଚେରି, “ଗୁରୁ, ମୀମୁ ନୀ ତାଣାଟି ର କାବାଆନି ସିନା ମେସାଲି ଅଶ୍‌ସିମାନମି ।” ୩୯ ସାମା ଜୀସୁ ଏଞ୍ଜରାଇଁ ଏଲେଇଚେସି, “ପଲ୍‌ଆ

ଗାଟାରି ଅଡ଼େ ମାହାପୁରୁଛନ୍ତି ନାମାଆ ଗାଟାରିଦେହେଁ ସିନାୟି ପାରିନେରି, ସାମା ମାହାପୁରୁ ଅଣପୁତି ବଲୁ ଖେହ୍ନି ଜୁନସତି ସିନା ପିସପେ ଏଖାରାକି ଏନି ସିନା ହାପକି ଆଏ । ୪୦ ଇତିହିଁ ଜୁନସ ଏନିକିଁ ତାନିଦିନା ତାନି ଲାଆଁୟି କାଜା ମୀନୁ ବାଣ୍ଟି ବିତ୍ରା ମାଚେସି, ଏଲେକିଁ ମାଣସି ମୀରୁଏସି ଜିକେଏ ବୁମି ବିତ୍ରା ତାନିଦିନା ତାନି ଲାଆଁୟି ହୁୟିନେସି । ୪୧ ନାହାଁୟି ଦିନାତା ନିନିବିତି ଲକୁ ଇ କାଲାତି ଲକୁ ନକିତା ନିଚାନା ଏଖାରାଇଁ ଦହ କିନେରି, ଇତିହିଁ ଏଖାରି ଜୁନସ ଖେସ୍ତି କାତା ଆସାନା ପାପୁତି ମନ ଖେହ୍ନା ମାଚେରି, ଅଡ଼େ ମେହଦୁ ଜୁନସକିହାଁ କାଜାସି ଇମ୍ପାଆଁ ମାନେସି । ୪୨ ନାହାଁୟି ଦିନାତା ସିବା ଚେସାତି ରାଣି ଇ କାଲାତି ଲକୁ ନକିତା ନିଚାନା ଏଖାରାଇଁ ଦହ କିନେ, ଇତିହିଁ ସଲମନତି ବୁଦିତିକାତା ଖେଷ୍ଟାଲି ଦାର୍ତ୍ତିତି ହେକ ଚେସାତି ଖାହାମାଚେ, ଇଷ୍ଟିଁ ମେହଦୁ ସଲମନକିହାଁ କାଜା କାତା ଇମ୍ପାଆଁ ମାନେ ।” ୪୩ “ର ପଲ୍ଲଆ ବୁରୁ ର ମାଣସି ତାଣାଟି ହତା ହାଜାନା ଏୟୁ ହିଲିଆ ଟାୟୁ ବାରେ ରେଜିହିଁ ଜମାଲି ଟାୟୁ ପାଚାଚେ, ଇଷ୍ଟିଁ ଏଦାଆଁ ପୁଃଆଚେ, ୪୪ ଏଚେଟିଏ ଏଦି ଏଲେଇନେ, ନାନୁ ଆମିନି ଇଲୁଟି ହତା ଖାହାମାଇଁ, ନା ଏ ଲଲୁତା ଖେଣ୍ଟେ ହାଇଁ; ଇଷ୍ଟିଁ ଖେଣ୍ଟା ଖାହାନା ଖାରୁଆଣି ଇଷ୍ଟିଁ ଅଜିତାଣି ମେହନେ । ୪୫ ଏଚିବେଲା ଏଦି ହାଜାନା ତାନିକିହାଁ ଆଗାଡ଼ା ପଲ୍ଲଆଗାଟି ସାତାଗଟା ଜାହୁୟି ଆସାନା ଖାନେ, ଇଷ୍ଟିଁ ଏଓ଼ି ବାରେ ଏମ୍ପାଆଁ ହତାନା ବାସା କିନୁ, ଅଡ଼େ ଏ ଲକୁତି ତଲିତି କସ୍ତି କିହାଁ ତାୟୁତି କସ୍ତି ହାରେକା ଆନେ, ଇ କାଲାତି ପଲ୍ଲଆ ଗାଟାରାକି ଜିକେଏ ଏଲେଆହିଏ ଆନେ ।” ୪୬ ଜୀସୁ ବାରେ ଲକୁଇଁ ହାତା ଆହିମାଚାତି ତାନି ଇୟା ଅଡ଼େ ତାୟିୟି ପାଟ୍ଟାତା ନିଚାନା ହାତା ଆହାଲି ମନ କିହିମାରୁ । ୪୭ ଏଚେଟିଏ ରଥସି ଖାହାନା ଜୀସୁଇଁ ଏଲେଇଚେସି, “ମେହଦୁ, ମୀ ଇୟା ଅଡ଼େ ନୀ ତାୟିୟି ପାଟ୍ଟାତା ନିଚାନା ହାତା ଆହାଲି ମନ କିହିମାନେରି ।” ୪୮ ସାମା ଇ କାତା ଖେସ୍ତାଣାଇଁ ଜୀସୁ ଏଲେଇଚେସି, “ଆମ୍ପାଆୟି ମା ଇୟା ଇଷ୍ଟିଁ ଆମ୍ପାଆରି ନା ତାୟିୟି?” ୪୯ ଅଡ଼େ ସାୟୁୟି ଖାକି କେୟୁ ବାସାନା ଏଲେଇଚେସି, “ମେହଦୁ ମାୟା ଇଷ୍ଟିଁ ମା ତାୟିୟି, ୫୦ ଇତିହିଁ ଆମ୍ପାଆୟି ଜିକେଏ ନା ଲାକପୁରୁତି ଆବା କାତା ଆହନେସି ଏଖାସି ନା ତାୟି ଏଦି ନା ତାଟ୍ଟି ଅଡ଼େ ମା ଇୟା ।”

୧୩ ଏ ଦିନା ଜୀସୁ ଇଲୁଟି ହତା ହାଜାନା ସାମଦୁରି ତାକିତା ଲକୁଇଁ ଜାପହାଲି କୁରିଚେସି । ୧ ଏଚେଟିଏ ହାରେକା ଲକୁ କୃଡ଼ା ଆହାଲିଏ, ଏଖାସି ହାଜାନା ର ତଂଗତା କୁରିଚେସି, ଇଷ୍ଟିଁ ଲକୁ ବାରେ ସାମଦୁରି ଗାଟୁତା ନିଚାମାଚେରି । ୩ ଅଡ଼େ ଜୀସୁ ପୁଣ୍ଡିକିନି କାତା ହାରେକା ଖେସ୍ତେସି, ଏଖାସି ଏଲେଇଚେସି । “ମେହଦୁ ର ବିଚା ମାଟିନାସି ମାଟାଲି ହଚେସି । ୪ ଏଖାସି ବିଚା ମାଟିନି ବେଲା କଚେକା ବିଚା ଜିରୁତା ରାଚେ ଇଷ୍ଟିଁ ପଟାୟି ଖାହାନା ଏ ପାଡ଼େୟି ପେରହା ତିରୁ । ୫ ଅଡ଼େ କଚେକା ବିଚା ଖାଲକାତି ପାତାଡ଼ା ବୁମିତା ରାଚେ, ଇଷ୍ଟିଁ ଇରୁଆ ଗାଟି ହିଲିଆତାକି ପାଡ଼େୟି ତବେ ଗଜା ଆଚେ । ୬ ସାମା ଖେଡ଼ା ହଚାଲିଏ, ଗଜା ଆହାମାଚାୟି ଖେହା ହାଚେ, ଇଷ୍ଟିଁ ତାନି ହୀରୁ ଗାଟି

ଡ଼ଇକା ହାଲିଆତାକି ଖାୟାହାଚେ । ୭ ଅଡ଼େ କଚେକା ବିଚା ହାପକା ବୁଟା ଡ଼ଇ ରାଚେ, ଇଷ୍ଟିଁ ହାପକା ବୁଟାୟି ବାରେ ପାତାଆହାନା ଆନି ତାକିତି ପୁକ୍ତହାତୁସ୍ତେ । ୮ ଅଡ଼େ କଚେକା ବିଚା ନେହିଁ ବୁମିତା ରାଚେ, ଇଷ୍ଟିଁ କାମ୍ପାନା ର ପାଡ଼େୟିତିଏ ପାସାକଡ଼ି, ତାନିକଡ଼ି ଇଷ୍ଟିଁ କଡ଼େଦସ ପାଡ଼େୟିକା କାମ୍ପିରୁ ।” ୯ “ଆମ୍ପାଆରାକି କାର୍କା ମାନୁ ଏଖାସି ଖେଣ୍ଟାସି ।” ୧୦ ଏମ୍ପାଟିଏ ସାୟୁୟି ଜୀସୁ ତାଣା ଖାହାନା ଖେଚେରି, “ଲକୁଣି ଜୀସୁନାଟି ନୀନୁ ଏନାଆଁତାକି ପୁଣ୍ଡିକିନି କାତାୟି ଖେସିହିଁ ଜାପହାମାଷ୍ଟି?” ୧୧ ଜୀସୁ ଏଲେଇଚେସି, “ଏନାଆଁତାକି ଇତିହିଁ ଲାକପୁରୁ ରାଜିତି ବାରେ ତୁଗାମାନି ହାତା ପୁଷ୍ଟାଲି ମିଟ୍ଟେ ବାଡ଼ୁରୁ ହାପକି ଆହାମାଷ୍ଟାନେ, ସାମା ଏଖାରାକି ହାପକି ଆହା ହିଲେଏ । ୧୨ ଇଷ୍ଟିଁ ଏମ୍ପାଆରାକି ମାନେ, ଏଖାରାକି ହାପକିଆନେ ଅଡ଼େ ଏଖାଣାକି ଗାଟିଆନେ; ସାମା ଆମ୍ପାଆରାକି ହିଲେଏ ତାନିତାଣା ଏନାୟି ମାନେ, ଏଦାଆଁ ଜିକେଏ ଅଡ଼ିଆନେ ।” ୧୩ ଏଖାରି ମେସି ମେସିହିଁ ମେସାଲି ଆଡ଼ଅରି, ଅଡ଼େ ଖେଷ୍ଟିଖେଷ୍ଟି ଖେନଅରି କି ପୁନଅରି; ଏଦାଆଁତାକି ନାନୁ ଏଖାରାଇଁ ପୁଣ୍ଡିକିନି କାତାତଲେ ଖେସିମାଇଁ । ୧୪ ଅଡ଼େ ମାହାପୁରୁ ବଲୁ ଖେହ୍ନି ଜିସାୟିତି ଇ କାତା ଏଖାରାକି ସାତା ଆନେ । ଇ ଲକୁ ଖେଷ୍ଟିଖେଷ୍ଟିହିଁ ଖେନେରି, ଏନାଆଁ ଚେଲହଅରି, ମେସି ମେସିହିଁ ମେହନେରି ସାମା ଏନାଆଁ ପୁନଅରି; ୧୫ ଇତିହିଁ ଇ ଲକୁତି ହିୟିଁ ଅଣପାଲି ଆତାଆ ଗାଟାୟି, ଏଖାରି କସ୍ତି କାର୍କା ତଲେ ଖେଚେରି, ଇଷ୍ଟିଁ ତାନି କାଣକା ପଟିଚେରି, ଏନିକିଁ ଏଖାରି କାଣକା ତଲେ ମେହଅରି, ଅଡ଼େ କାର୍କା ତଲେ ଖେନଅରି, ଅଡ଼େ ହିୟିଁ ତଲେ ଚେଲହଅରି ଇଷ୍ଟିଁ ଏଖାରି ନା ତାଣା ଖେଣ୍ଟା ଖାଅରି, ଅଡ଼େ ନାନୁ ଏଖାରାଇଁ ନେହିଁ କିଆଁ । ୧୬ “ସାମା ନେହେଁ ମୀ କାଣକା ଇତିହିଁ ଏଓ଼ି ମେସି ମାନୁ, ନେହେଁ ମୀ କାର୍କା ଇତିହିଁ ଏଓ଼ି ଖେଷ୍ଟିମାନୁ । ୧୭ ଇତିହିଁ ନାନୁ ମିଟ୍ଟେ ସାତା ଖେସିମାଷ୍ଟାଇଁ, ମୀରୁ ଏନା ଏନାଆଁ ମେସିମାଷ୍ଟେରି, ଏ ବାରେ ହାରେକା ମାହାପୁରୁ ଅଣପୁତି ବଲୁ ଖେହ୍ନାରି ଇଷ୍ଟିଁ ତାରିଗାଟାରି ମେସାଲି ମନ କିଚେରି, ସାମା ମେସାଲି ଆତାଆଚେରି; ଅଡ଼େ ମୀରୁ ଏନା ଏନାଆଁ ଖେଷ୍ଟିମାଷ୍ଟେରି, ଏ ବାରେ ଏଖାରି ଖେଷ୍ଟାଲି ମନ କିଚେରି, ସାମା ଖେଷ୍ଟାଲି ଆତାଆଚେରି ।” ୧୮ ଆତିହିଁ ମୀରୁ ବିଚା ମାଟିନି ପୁଣ୍ଡିକିନି କାତା ଖେଷ୍ଟି । ୧୯ ଆମ୍ପାଆସି ମାହାପୁରୁ ରାଜିତି କାତା ଖେଷ୍ଟାନା ପୁନାଆ ଗାଟାସି, ଏଖାଣି ହିୟିଁତା ଖେସାମାନି ମାହାପୁରୁ ବଲୁ ସୟତାନ ଖାହାନା ମୀଷ୍ଟା ଅନେସି, ଏଖାସି ଜିରୁ ଦାରି ମାଟାମାନି ବିଚା ଲେହେଁତାସି । ୨୦ ଅଡ଼େ ଆମ୍ପାଆସି ଖାଲକା ବୁମିତା ମାଟିତି ବିଚା ଏଖାସି ଇଲେତାସି, ଆମ୍ପାଆସି ମାହାପୁରୁତି କାତା ଖେଷ୍ଟାନା ରାହାଁତଲେ ନାମିନେସି, ୨୧ ସାମା ଏଖାଣି ତାଣା ହୀରୁ ଜୀଆତାକି ଗାଡ଼େକେଏ ତାରିଆହାନା ମାନେସି, ତାୟୁ ମାହାପୁରୁ କାତାତାକି ବାବା ଅଡ଼େ ନିନ୍ଦା ବେଟାଆତିସାରେ ଏ ବାରେ ପିସାତୁହନେସି, ଏଖାସି ଖାଲକା ବୁମିତା ରିତି ବିଚା ଲେହେଁତାସି । ୨୨ ଆମ୍ପାଆସି ମାହାପୁରୁତି କାତା ଖେନେସି, ଇଷ୍ଟିଁ ଦାର୍ତ୍ତିତି ଅଣ୍ଟୁ ଦନତି ଜୁପକା ଏଖାସି ଖେଷ୍ଟାମାନି କାତାଟି ପୁକ୍ତହା ତୁସାଲିଏ, ତାନି

ଜୀଞ୍ଜୁତା ପାଢ଼େୟି କାମ୍ପାଆତେ, ଏଞ୍ଜାସି ହାପ୍‌କା ବୃତ୍ତା ତୁଲ ରିତି ବିଚା
ଲେହେଁତାସି । (a10n g165) ୨୩ ସାମା ଆମିନିଗାଟାସି କାତାତି ଖେନେସି
ଇଞ୍ଜି ନେହେଁକି ପୁନେସି, ଅଡ଼େ ନେହେଁ ପାଢ଼େୟି କାମ୍ପିନେସି, ଆମ୍ପାଆସି
ପାସାକଡ଼ି, ଆମ୍ପାଆସି ତାନିକଡ଼ି, ଆମ୍ପାଆସି କଡ଼େଦସ ପାଢ଼େୟିକା,
ଏଞ୍ଜାସି ନେହେଁ ବୃମିତା ରିତି ବିଚା ଲେହେଁତାସି । ୨୪ ଜାସୁ ଏଞ୍ଜାରାଇଁ ଅଡ଼େ
ର ପୁଣ୍ଡିକିନି କାତା ଖେସ୍ତେସି, ଲାକପୁରୁ ରାଜି ରଅସି ତାନି ଗୁଡ଼ିୟାତା
ନେହେଁ ବିଚା ମାଟାମାନି ମାଣ୍ଡିଲେହେଁ; ୨୫ ସାମା ଲକ୍ଷୁ ତୁରାମାନତି ତାନି
ସାତୁ ଖାହାନା ଏ ଗହେଁୟି ବିତ୍ରା ଚଲି ଜାଡ଼ାତି ବିଚା ମାଟାମାନା ହାରେସି ।
୨୬ ଏତିବେଲା ଗହେଁୟି ପାତାଆହାନା ଜେକା ଆନିବେଲା ଚଲି ଜାଡ଼ା
ଜିକେଏ ଚଞ୍ଜୁଆତେ । ୨୭ ଏଚେଟିଏ ସାଞ୍ଜୁକାରିତି ହଲିୟାତ୍ତା ତାନି ଡାଣା
ଖାହାନା ଏଲେଇଚେରି, ବାବୁ, ନାନୁ ଏନାଆଁ ନୀ ଗୁଡ଼ିୟାତା ନେହେଁ ବିଚା
ମାଟା ହିଲାଆତି? ସାମା ଇ ଚଲି ଜାଡ଼ା ବାରେ ଏମ୍ପିତି ଖାତେ? ୨୮
ଏଞ୍ଜାସି ଏଞ୍ଜାରାଇଁ ଏଲେଇଚେସି, ର ସାତୁ ଇଦାଆଁ କିହାମାନେସି । ଅଡ଼େ
ହଲିୟାତ୍ତା ଏଞ୍ଜାଣାଇଁ ଏଲେଇଚେରି, ନୀମନ ଏନାୟି, ମାମୁ ହାଜାନା ଚଲି
ରେଜାନା କୁଡ଼ି କିନିମି, ୨୯ ସାମା ଏଞ୍ଜାସି ଏଲେଇଚେସି, ଆଏ ଏଚେତା
ମୀରୁ ଚଲି ଜାଡ଼ା ଚେଜି ଚେଜିହେଁ ଗହେଁୟି ଜିକେଏ ରେଜେରି । ୩୦ ଗହେଁ
ଦାଃନି ପାଚେକା ଗହେଁ ଅଡ଼େ ଚଲି ଜାଡ଼ା ରହେଁଏ ପାତାଆପୁ, ଅଡ଼େ ଆର୍ନା
ଦାଃନି ବେଲାତା ଦାଃଆନାରାଇଁ ନାନୁ ଏଲେଇଇଁ, ତଲିଏ ଚଲି ଜାଡ଼ା
ଦାଟାନା ହୁଡ଼ାଲିତାକି ପେଣ୍ଡାୟି ଏଟ୍‌କା କିପୁ, ସାମା ଗହେଁୟି କୁଡ଼ି କିହାନା
ନା ଗାଦେୟିତା ଇଟାତୁ । ୩୧ ଜାସୁ ଏଞ୍ଜାରାଇଁ ଅଡ଼େ ର ପୁଣ୍ଡିକିନି କାତା
ଖେସ୍ତେସି, ଲାକପୁରୁ ରାଜି ର ହାସୁଁ ପାଢ଼େୟି ଲେହେଁତାୟି, ଏଦାଆଁ
ଅହାନା ରଅସି ତାନି ବାଡ଼ାତା ମାଟିଚେସି । ୩୨ ଏ ପାଢ଼େୟି ବାରେ
ପାଢ଼େୟିକା କିହାଁ ଉଣା, ସାମା ଏଡି ପାତା ଆତିସାରେ ବାରେ କୁଟା
କିହାଁ କାଜାୟି ଆହାଁ ଇଲେତି ମାରୁନୁ ଆନେ, ଇଞ୍ଜି ହାଗୁତା ଉମ୍ପିମାନି
ପଟାୟି ଖାହାନା ଏଦାନି କମାତା ବଣ କିହାନା ବାସା କିନୁ । ୩୩ ଜାସୁ
ଏଞ୍ଜାରାଇଁ ଅଡ଼େ ର ପୁଣ୍ଡିକିନି କାତା ଖେସ୍ତେସି, ଲାକପୁରୁ ରାଜି ର
ପୁଲା ଏୟୁଲେହେଁତାୟି; ର ଇୟା ଗହେଁୟି ଗୁଣ୍ଡାତା ପୁଲାଏୟୁ କାଲହାନା
ଇଚିଚେ, ଏଚେଟିଏ ଏ ଗୁଣ୍ଡା ପଞ୍ଜାନା ବାରେ ପୁଲା ଆତେ । ୩୪ ଇ ବାରେ
ପୁଣ୍ଡିକିନି କାତାତଲେ ଜାସୁ ଲକ୍ଷୁଣି ଖେସ୍ତେସି, ଇଞ୍ଜି ପୁଣ୍ଡିକିନି କାତା
ଆଟ୍‌ଆନା ଏନାଆଁ ଲକ୍ଷୁଣି ଖେସି ହିଲାଆଚେସି, ୩୫ ଏନିକି ମାହାପୁରୁ
ଅଣ୍ଡପୁତି ବଲୁ ଖେହନାଣି ଡାଣାଟି ଇ କାତା ସାତା ଆନେ, “ନାନୁ ନା ଗୁଡ଼ି
ଏକହାନା ପୁଣ୍ଡିକିନି କାତାତଲେ ଖେହେଁ; ଦାର୍ତ ଗାଡ଼ି ଆତି ଦିନାଟିଏ
ତୁଗାମାନି କାତା ବାରେ ଖେହେଁ ।” ୩୬ ଡାୟୁ ଜାସୁ ମାନୁ ଲକ୍ଷୁଣି ପିସାନା
ଇଲୁ ବିତ୍ରା ହାଚେସି, ଇଞ୍ଜି ତାନି ସାସୁୟି ତାଣେ ଖାହାନା ଏଲେଇଚେରି,
“ଗୁଡ଼ିୟାତି ଚଲି ଜାଡ଼ାତି ପୁଣ୍ଡି କିନି କାତା ମାଟ୍ଟେ ନେହେଁକି ଖେସ୍ତାମୁ
।” ୩୭ ଜାସୁ ଏଲେଇଚେସି, “ନେହେଁ ବିଚା ମାଟିନାସି ଏଞ୍ଜାସି ମାଣ୍ଡି
ମୀରୁଏସି; ୩୮ ଇ ଦାର୍ତ ଆହିମାନେ ଗୁଡ଼ିୟା, ନେହେଁ ବିଚା ମାହାପୁରୁ
ରାଜିତି ମୀରୁକା ମାସକା; ଚଲି ଜାଡ଼ା ସୟତାନତି ମୀରୁକା ମାସକା; ୩୯

ଆମିନି ସାତୁ ଏଦାଆଁ ମାଟିଚେସି ଏଞ୍ଜାସି ସୟତାନ; ଆର୍ନା ଦାଃନି ଦିନା
ଇଚିହେଁ ଇଗୁ ରାନି ଦିନା, ଇଞ୍ଜି ଆର୍ନା ଦାଃଆନାରି ମାହାପୁରୁତି ଦୁଡୁୟି ।
(a10n g165) ୪୦ ଇଚିହେଁ ଚଲି ଜାଡ଼ାତି ଏନିକି ର ଡାଣା କୁଡ଼ି କିହାନା ହିଚୁତା
ହୁଡ଼ିନାୟି, ଇଗୁ ରାନି ଦିନାତା ଜିକେଏ ଏଲେକିହେଁ ଆନେ । (a10n g165)
୪୧ ମାଣ୍ଡିସି ମୀରୁଏସି ତାନି ଦୁଡୁୟିଣି ପାଣ୍ଡିନେସି, ଇଞ୍ଜି ଏଞ୍ଜାରି ତାନି
ରାଜିତି ବାରେ ଲାଗେଏ ପଲେଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା
କିନେରି । ୪୨ ଅଡ଼େ ଏଞ୍ଜାରାଇଁ ହିଚୁ ଗାଡ଼ିୟୁତା ମେଡ଼ନେରି, ଏମ୍ପାଆଁ
ଏଞ୍ଜାରି ହାଁସି ପାଲୁକା ଟୀଟି କିନେରି । ୪୩ ଏତିବେଲା ଡାରିଗାଟାରି ତାନି
ଆବା ରାଜିତା ଖେଡ଼ାଲେହେଁ ହାଞ୍ଜିହେଁ ଚଞ୍ଜୁଆନେରି । ଆମ୍ପାଆରାକି କୀର୍କା
ମାନୁ ଏଞ୍ଜାରି ଖେଣ୍ଡାମାରି ।” ୪୪ “ଲାକପୁରୁ ରାଜି ଗୁଡ଼ିୟାତା ତୁଗାମାନି
ଦନ ଲେହେଁତାୟି, ରଅସି ଏଦାଆଁ ମେସାନା ତୁକହା ଇଚିଚେସି, ଅଡ଼େ
ରାହାଁତି ହାଜାନା ତାନି ଇସିତାସି ଆସୁ ପାର୍‌ଚାନା ଖେଣ୍ଡେ ହାଜାନା ଏ
ଗୁଡ଼ିୟାତି କଡ଼ିଚେସି ।” ୪୫ “ଅଡ଼େ ଲାକପୁରୁ ରାଜି ନେହେଁ ଅପ୍‌ନି ଖାଲି
ପାରିମାନି ର ବେବାରା କିନାଣିଲେହେଁ । ୪୬ ର ଦାରାଗାଟି ଅପ୍‌ନି ଖାଲି
ମେସାନା ଏଞ୍ଜାସି ହାଜାନା ତାନି ଇସିତାସି ଆସୁ ପାର୍‌ଚାନା ଏ ଅପ୍‌ନି
ଖାଲିତି କଡ଼ିଚେସି ।” ୪୭ “ଅଡ଼େ ଜିକେଏ ଲାକପୁରୁ ରାଜି ସାମ୍‌ପୁରିତା
ବାରେ କୁଡ଼ାତି ମୀଣ୍ଡକା ଆସାଲି ମେଡ଼ନି ଜାଲା ଲେହେଁତାୟି । ୪୮ ଏ
ଜାଲା ନେଞ୍ଜୁଲିଏ ମୀଣ୍ଡକା ଆହନାରି ଏଦାଆଁ ସାମ୍‌ପୁରି ଗାଡ଼ିତା ରେଜା
ତାନେରି, ଇଞ୍ଜି କୁଗାନା ନେହାଁଆଁ ବାରେ ଗୁଣ୍ଡା କିହାନା ଡିରିତା ଇଚିନେରି,
ସାମା ଲାଗେଏ ପଲେଏ ଗାଟାଆଁ ବାରେ କୁଟା ତୁହନେରି । ୪୯ ଇଗୁ ରାନି
ଦିନାତା ଏଲେକିହେଁ ଆନେ; ଦୁଡୁୟି ହଚାଖାହାନା ଡାରିଗାଟାରି ଡାଣାଟିଏ
ଲାଗେଏ ପଲେଏତାରାଇଁ ଏଟ୍‌କା କିନେରି । (a10n g165) ୫୦ ଅଡ଼େ
ଏଞ୍ଜାରାଇଁ ହିଚୁ ଗାଡ଼ିୟୁତା ମେଡ଼ହା ତୁହନେରି, ଏମ୍ପାଆଁ ଡୀନାୟି ଅଡ଼େ
ପାଲୁକା ଟୀଟି କିନାୟି ଆନେ ।” ୫୧ ଜାସୁ ସାସୁୟିଲେଁ ଖେଚେସି, “ମୀରୁ
ଇ ବାରେ କାତା ପୁଚେରି?” ଏଞ୍ଜାରି ଏଲେଇଚେରି, “ହାଅ ପୁରୁ ।” ୫୨
ଏଚେଟିଏ ଜାସୁ ଏଞ୍ଜାରାଇଁ ଏଲେଇଚେସି, “ଆତିହେଁ ଆମିନି ଇଲୁଗାଟାସି
ତାନି ଇଲୁଟି ପୁଃନାଣି ପୁଃଆଣି ହପ୍‌ନେସି, ଲାକପୁରୁ ରାଜିତି ସାସୁ
ଆହାମାନି ବାରେ ମେରା ପୁନାରି ଏଞ୍ଜାଣି ଲେହେଁତାରି ।” ୫୩ ଜାସୁ ଇ
ବାରେ ପୁଣ୍ଡିକିନି କାତା ଖେସାଲି ଆଡାଲିଏ, ତାୟୁ ଏମ୍ପାଟିଏ ହାଚେସି ।
୫୪ ଇଞ୍ଜି ଏଞ୍ଜାସି ତାନୁ ପାତାଆତି ନାୟୁତା ଖାହାନା ଲକ୍ଷୁଣି ତାନି ଜାକୁଡ଼ି
ଲକ୍ଷୁଟି କୁଚମି ଇଲୁତା ଇଲେକିହେଁ କାପ୍‌ହେସି, ଇଞ୍ଜି ଏଞ୍ଜାରି କାବାଆହାନା
ଏଲେଇଚେରି, “ଇଞ୍ଜାଣାକି ଇଲେତି ରୁଦି ଇଞ୍ଜି ଇଲେତି କାବାଆନି କାମା
କିହାଲି ଆମ୍ପିତି ବାଡ଼ିୟୁ ବେଟାଆଚେସି? ୫୫ ଇଞ୍ଜାସି ଏ ବାଡ଼ିୟୁତି
ମୀରୁଏସି ଆଏକି? ଇଞ୍ଜାଣି ଇୟା ମିରିୟମ ଆଏ? ଅଡ଼େ ଇଞ୍ଜାଣି ତାୟୁୟି
ଦରକା ଜାକୁବ, ଜସେପ, ସିମନ ଇଞ୍ଜି ଜାହୁକା ଆଏ? ୫୬ ଅଡ଼େ
ଇଞ୍ଜାଣି ତାୟୁୟା ମା ତଲେ ହିଲାଡ଼? ଇଞ୍ଜିହାଁ ଇଞ୍ଜାସି ଏ ବାରେ ଆମ୍ପିତି
ମେଡ଼ାଆଚେସି?” ୫୭ ଇଞ୍ଜି ଏଞ୍ଜାରି ଜାସୁଲେଁ ଅପାଆଚେରି । ସାମା ଜାସୁ
ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣ୍ଡପୁତି ବଲୁ ଖେହନାରି ନିଜେତି

ନାୟୁତା ଇଚ୍ଛା ନିଜେତି ଇଲୁ କୁଟମିତା ମାନି ପୁଃଅରି ।” ୫୮ ଅଡ଼େ ଏଞ୍ଜାରି ନାମାଆତାକି ଏଞ୍ଜାସି ଏମୁଆଁ ହାରେକା କାବାଆନି କାମା କିଆତେସି ।

୧୪ ଏଡିବେଲାତା ଗାଲିଲିତି ସାଲଞ୍ଜି କିନି ରାଜା ହେରଦ ଜୀସୁତି କାରୁ ଖେତେସି, ୨ ଅଡ଼େ ତାନି ହଲିୟାୟୁଣି ଏଲେଇତେସି, “ଇଞ୍ଜାସି ବାପ୍ତିସ୍ତ ହାନି ଜହନ ଏଞ୍ଜାସି ହାତାରି ତାଣାଟି ନିଜ୍ଜୁମାନେସି, ଏଦାଆଁତାକି ଇ ବାରେ ବାଡ଼ୟୁ ଏଞ୍ଜାଣି ତାଣା କାମା କିହିମାନେ ।” ୩ ଇଚିହିଁ ତଲି ହେରଦ ତାନି ତାୟି ପିଲିପ ତକ୍ତି ହେରଦୟାନି ତାକି ଜହନଇଁ ଦସପା ତାତାନା କାୟିଦି ଇଲୁତା ଇଟାମାତେସି । ୪ ଇଚିହିଁ ଜହନ ତାଟ୍ଟୁ ଏଲେଇଚ୍ଛୁମାତେସି, ହେରଦୟାନି ଇଚିନାୟି ନୀ ମେରା ହିଲେଏ । ୫ ଅଡ଼େ ହେରଦ ଏଞ୍ଜାଣାଇଁ ପାୟାଲି ମନ କିତି ଜିକେଏ ଲୁକୁଣି ଆଜିମାତେସି, ଏନାଆଁତାକି ଇଚିହିଁ ଏଞ୍ଜାଣାଇଁ ର ମାହାପୁରୁ ଅଣପୁତି ବଲୁ ଖେହନାସି ଇଚ୍ଛୁ ମାନି କିହିମାତେରି । ୬ ସାମା ହେରଦତି ଜାର୍ନା ଦିନା ଖାହାଲିଏ, ହେରଦୟାତି ମାଟ୍ଟୁ ରୁଣ୍ଡା ଆହାମାତି ଲୁକୁ ନକିତା ଏନୁନା ହେରଦଇଁ ରାହାଁ କିଞ୍ଜିକେତେ । ୭ ଏତେଟିଏ ଏଞ୍ଜାସି ପାରମାଣା କିହାନା ଆଚ୍ଛୁତେସି, ନୀନୁ ନାଟ୍ଟେ ଏନାଆଁ ରୀସ୍ତାଚିହିଁ ଏଦି ନିଟ୍ଟୁ ହାପକିଆନେ । ୮ ଇଚ୍ଛୁ ଏଦି ତାନି ଇୟାନି କାତା ଆସାହାଁ ଏଲେଇତେ, “ବାପ୍ତିସ୍ତ ହାନି ଜହନତି ତାୟୁଁ ନାଏଁ ଇମୁଆଁ ର ସାଡ଼ଞ୍ଜାତା ନାଟ୍ଟେ ହିୟାମୁ ।” ୯ ଇଦାଆଁ ଖେଚ୍ଛୁନା ରାଜା ଦୁକୁ ଆଚିହିଁ ଜିକେଏ ତାନୁ ପାରମାଣା କିହାଁ ଆଚ୍ଛୁମାତାକି ଅଡ଼େ ତାନିତଲେ ବଜିତା କୁଗାମାତାରି ନକିତା ଆଚ୍ଛୁମାତାକି ଏଦାନି ମାନଲେହେଁ ହାହାଲି ହୁକୁମି ହାତେସି । ୧୦ ଇଚ୍ଛୁ ଲୁକୁଣି ପାଣ୍ଡାନା କାୟିଦି ଇଲୁତା ଜହନତି ତାୟୁଁ ଦାପିକିତେସି, ୧୧ ଅଡ଼େ ଏଞ୍ଜାଣି ତାୟୁଁ ର ସାଡ଼ଞ୍ଜାତା ତାତାନା ଏ ପଦାକି ହାତେରି, ଇଚ୍ଛୁ ଏଦି ଅହାନା ତାନି ଇୟାନି ତାଣା ଅଡ଼େ । ୧୨ ଏତେଟିଏ ଜହନତି ସାୟୁୟାଁ ଖାହାନା ମାଡ଼ହା ଅହାନା ମୁସ୍ତେରି, ଅଡ଼େ ହାଜାନା ଜୀସୁଇଁ ଖେସ୍ତେରି । ୧୩ ଜହନ ହାତି କାରୁ ଖେଚ୍ଛୁନା, ଜୀସୁ ର ତଂଗତା କୁଗାନା ଲୁକୁ ହିଲାଆ ଟାୟୁତା ହାତେସି, ଲୁକୁ ଇ କାତା ଖେଚ୍ଛୁନା ଗାଡ଼ାୟୁଁତି ଖାହାନା ତାକି ତାକିହିଁ ଏଞ୍ଜାଣି ଜେଚ ହାତେରି; ୧୪ ଅଡ଼େ ଏଞ୍ଜାସି ତଂଗତି ରେତାନା ମାନୁ ଲୁକୁଣି ମେସାନା କାର୍ନା ଆହାନା ଏଞ୍ଜାରି ରଗ ଗାଟାରାଇଁ ନେହିଁ କିତେସି । ୧୫ ଖେଡ଼ା ହାଜାଲିଏ ତାନି ସାୟୁୟାଁ ତାନି ତାଣା ଖାହାନା ଏଲେଇତେରି, “ଇ ଟାୟୁ ଲୁକୁ ହିଲାଆ ଟାୟୁ ଇଚ୍ଛୁ ଆନେରି ଜିକେଏ ଆହିମାନେ; ଏଦାଆଁତାକି ବାରେ ଲୁକୁ ଏନିକି ନାସକାଣାଁ ହାଜାନା ତାମ୍ଟେ ତାକି ଲହଡ଼ି ପାରିନେରି, ଏଦାଆଁତାକି ଏଞ୍ଜାରାଇଁ ହାଜାଲି ହେଲ ହାମୁ ।” ୧୬ ସାମା ଜୀସୁ ଏଞ୍ଜାରାଇଁ ଏଲେଇତେସି, “ଏଞ୍ଜାରି ହାନି ଲଡ଼ା ଆଏ, ମୀରୁ ଏଞ୍ଜାରାଇଁ ତିଚ୍ଛୁଲି ହାପୁ ।” ୧୭ ଏଞ୍ଜାରି ଏଞ୍ଜାଣାଇଁ ଏଲେଇତେରି, “ମାଟ୍ଟେ ଇମୁଆଁ ପାସାଗଟା ରୁତି ଇଚ୍ଛୁ ରୀ ମୀଣକା ମାନୁ ।” ୧୮ ଜୀସୁ ଏଞ୍ଜାରାଇଁ ଏଲେଇତେସି, “ଏଞ୍ଜାଆଁ ଇମୁଆଁ ନା ତାଣା ତାପୁ ।” ୧୯ ଅଡ଼େ ଏଞ୍ଜାସି ଲୁକୁଣି ଗାକି ଜାଡ଼ା ଲାକ କୁଗାଲି ହୁକୁମି ହାତେସି, ଅଡ଼େ ଏ ପାସାଗଟା ରୁତି ଇଚ୍ଛୁ ରୀ ମୀଣକାଣି ଅହାନା ଲାକପୁରୁ ଖାକି ସିନିକିହାନା ମାହାପୁରୁଇଁ ଜହରା କିତେସି, ଇଚ୍ଛୁ

ରୁତି ଡିକହାନା ତାନି ସାୟୁୟାଁକି ହାତେସି, ଏତେଟିଏ ସାୟୁୟାଁ ବାରେ ଲୁକୁକି ହାତେରି । ୨୦ ଏତେଟିଏ ବାରେଜାଣା ତିଚ୍ଛୁନା ପାଚ୍ଛୁତେରି, ଇଚ୍ଛୁ ସାୟୁୟାଁ ହାରେମାଟି ରୁତି ଗାଣ୍ଡାୟାଁ କୁଡ଼ି କିହାନା ବାରେଗଟା ତାଲିତା ନେଚ୍ଛୁକିତେରି । ୨୧ ରାନୁ ତିତି ଲୁକୁ ଇୟାସିକା ଇଚ୍ଛୁ କକାରି ପଦାଁଣି ପିସାନା ବାରେ ପାସାମାଣା ଆବାୟାଁ ମାତେରି । ୨୨ ଏ ଦେବୁଣିଏ ଜୀସୁ ତାନି ସାୟୁୟାଁଣି ତଂଗତା ଏକହାନା ସାମ୍ପୁରି ଆତାଲାଖାକି ତାନି ନକିତା ହାଜାଲି ଏଲେଇତେସି, ଏତେଟିଏ ବାରେ ଲୁକୁଣି ହାଜାଲି ହେଲ ହାତେସି । ୨୩ ଜୀସୁ ଲୁକୁଣି ହେଲ ହାତି ତାୟୁ ପାତାନା କିହାଲି ହୁକୁ ଲାକ ହାତେସି, ଇଚ୍ଛୁ ମିଡ଼ଅଲା ଆହାଲିଏ ଏଞ୍ଜାସି ଏମୁଆଁ ରଅସିଏ ମାତେସି । ୨୪ ସାମା ଏଡିବେଲା ତଂଗ ସାମ୍ପୁରି ଗାଟୁଟିଏ ହାରେକା ହେକ ମାତେ, ଇଚ୍ଛୁ ସାମ୍ପୁରିତା ଗାଲି ଖେତାଲିଏ ଏ ତଂଗ ଖାତିମାତେ । ୨୫ ସାମା ଖେୟା ନେକେରି ଜୀସୁ ଏୟୁ ଲାକ ତାକି ତାକିହିଁ ସାୟୁୟାଁ ତାଗେ ହାତେସି । ୨୬ ଅଡ଼େ ସାୟୁୟାଁ ଏଞ୍ଜାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାତେରି, ଇଚ୍ଛୁ ଏଲେଇତେରି, “ଇଦି ର ବୁଡ଼ା!” ଇଚ୍ଛୁ ଆଜିତାକି କିଡ଼ିତେରି । ୨୭ ସାମା ଜୀସୁ ଦେବୁଣିଏ ଏଞ୍ଜାରାଇଁ ଏଲେଇତେସି, “ସାସା ଆହୁଡ଼ୁ ଆଜାଆଡୁ ନାନୁ ଜୀସୁତେସାଁ!” ୨୮ ଏତେଟିଏ ପିତର ଏଲେଇତେସି, “ଏ ପ୍ରବୁ ସାତେଏ ନାନୁ ଇଚିହିଁ ଏୟୁଲାକିତି ତାକିହିଁ ନାପ ଖାହାଲି ହୁକୁମି ହିୟାମୁ ।” ୨୯ ଜୀସୁ ଏଲେଇତେସି “ଞ୍ଜାମୁ!” ଏତେଟିଏ ପିତର ତଂଗତି ରେତାନା ଜୀସୁ ତାଣା ଏୟୁଲାକିତି ତାକିହିଁ ହାତେସି । ୩୦ ସାମା ଗାଲି ମେସାନା ଆଜିତେସି, ଇଚ୍ଛୁ ଏୟୁଣାଁ ମୁଚ୍ଛୁହିଁ ଏଲେଇତେସି, “ଏ ପ୍ରବୁ ନାଟ୍ଟେ ଗେଲ୍ପାମୁ ।” ୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇତେସି, “ଏ ଉଣା ନାମୁ ଗାଟାଟି! ଏନାଆଁ ତାକି ଆନାମାନା ଆତି?” ୩୨ ଅଡ଼େ ଏଞ୍ଜାରି ତଂଗତା ହୁତାଲିଏ ଗାଲି ତୁଟ୍ଟିତେ । ୩୩ ଏତେଟିଏ ତଂଗତା ମାଟି ସାୟୁୟାଁ ଜୀସୁଇଁ ଜହରା କିହାନା ଏଲେଇତେରି, “ନୀନୁ ସାତେଏ ମାହାପୁରୁ ମୀର୍ଏଣାଟି ।” ୩୪ ଏଞ୍ଜାରି ସାମ୍ପୁରି ଗାଟାତାନା ଗେନେସର ରାଜିତା ଏତେରି । ୩୫ ଅଡ଼େ ଏମୁତି ଲୁକୁ ଜୀସୁଇଁ ପୁଚ୍ଛୁନା ସାରିଖାକି ମାନି ବାରେ ରାଜିତା କାରୁ ପାଣ୍ଡିତେରି, ଇଚ୍ଛୁ ଲୁକୁ ବାରେ ରଗ ଗାଟାରାଇଁ ଜୀସୁ ତାଣା ତାତେରି; ୩୬ ଅଡ଼େ ରଗ ଗାଟାରି ଜୀସୁତି ହିମ୍ପୁରି କୁଟ୍ଟୁ ତାଗିନେରି, ଏଦାଆଁତାକି ଜୀସୁଇଁ ବାଟିମାଲିତେରି, ଇଚ୍ଛୁ ଏତେକା ଲୁକୁ ତାଗିତେରି ବାରେ ନେହିଁ ଆତେରି ।

୧୫ ଏଡିବେଲାତା ଜିରୁସାଲମତି ପାରୁସିୟାଁ ଇଚ୍ଛୁ ମେରାପୁନାରି ଜୀସୁ ତାଣା ଖାହାନା ଏଲେଇତେରି, ୨ “ନୀ ସାୟୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପୁହି ମେରା ମାନି କିହିହିଲଅତି? ଇଚିହିଁ ରାନୁ ତିନାଟି କେସ୍ନା ନରୁଅରି ।” ୩ ଜୀସୁ ଏଞ୍ଜାରାଇଁ ଏଲେଇତେସି, “ଏନାଆଁତାକି ମୀରୁ ଜିକେଏ ମୀ ପାଣାପାଟୁ ମେରାତାକି ମାହାପୁରୁତି ହୁକୁମି ମାନଞ୍ଜି ଆହି ହିଲଅତେରି?” ୪ ମାହାପୁରୁ ଏଲେଇଚ୍ଛୁ ମାନେସି ଇୟା ଆବାଇଁ ମାନି କିବୁ, ଇଚ୍ଛୁ ଆମୁଆସି ଇୟା କି ଆବାଇଁ ବାକା

ଇଚିନେସି ଏଞ୍ଜି ସ୍ତ୍ରୀ ହାନ୍ତି ତଣ୍ଡ ବେଟା ଆନେସି । ୫ ସାମା ମୀରୁ ଏଲେଇଚ୍ଛୁମାଞ୍ଜେରି, ଆମ୍ବାଆସି ଆପେସି ତାମି ଇୟା କି ଆବାଇ ଏଲେଇନେସି, ନା ତାଣାଟି ମିଟ୍ଟେ ଏନାଆଁ ହିୟାତିହିଁ ନେହେଁ ଆଚେମା, ଏ ବାରେ ମାହାପୁରୁକି ହେରୁପି ଆହାମାନେ, ୬ ଏଞ୍ଜିସି ସାଚେଏ ତାମି ଇୟା ଆବାଇ ମାନି କିଅସି । ଇଲେକିହିଁ ମୀରୁ ମୀ ପାଣାପାଟୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି । ୭ ଆଡେ କୁଟୁ ଗାଟାଚେରି, ମାହାପୁରୁ ଅଣ୍ଟପୁଟି ବଲୁ ଖେହ୍ନି ଜିସାୟ ମିଟ୍ଟେତାକି ନେହିଁକି ଇ କାତା ଖେସାମାନେସି । ୮ ଇ କୁଡାତାରି ଖାରଇ ଗୁତି ତଲେ ସେବା କିୟାନେରି, ସାମା ଏଞ୍ଜାରି ହିୟାଁ ନା ତାଣାଟି ହେକ ତୁୟିନେ । ୯ ଏଞ୍ଜାରି ମାଣସି କେପିତି ପାଣା ପାଟୁଟି ଦାମ୍ବୁଟି ନେହିଁ କାତା ଇଚ୍ଛୁ ଜାପହାନା, ଉଜେଏ ନାଟ୍ଟେ ସେବା କିହିମାଞ୍ଜେନେରି । ୧୦ ଅଡେ ଜୀସୁ ଲକ୍ଷୁଣି ତାଗେ ହାଟାନା ଏଞ୍ଜାରିଇ ଏଲେଇଚେସି, “ଖେଞ୍ଜୁ ଇଚ୍ଛୁ ପୁଞ୍ଜୁ ।” ୧୧ ମାଣସି ଗୁତି ବିତ୍ରା ଏନାୟି ହୁଡନେ ଏଦି ଏଞ୍ଜାଣାଇଁ ଲାଗେଏ କିଏ, ସାମା ଗୁତି ବିତ୍ରାଟି ଏନାୟି ହୁନେ ଏଦି ମାଣସିଇଁ ଲାଗେଏ କିନେ । ୧୨ ଏଚିବେଲା ସାୟୁୟି ଜୀସୁ ତାଣା ଖାହାନା ଏଲେଇଚେରି, ପାରୁସିୟାଁ ଇ କାତା ଖେଞ୍ଜୁନା କସୁ ବେଟାଆହି ମାନେରି ଇଦାଆଁ ନୀରୁ ପୁଞ୍ଜୁ ମାଞ୍ଜିକି? ୧୩ ସାମା ଜୀସୁ ଏଲେଇଚେସି, “ନା ଲାକପୁରୁଟି ଆବା ଆମିନି ମାରୁରୁ ଉହା ହିଲଅସି ଏ ବାରେ ରେଞ୍ଜି ଆନୁ ।” ୧୪ ପାରୁସିୟାଁ କାତା ଖେନାଆଦୁ, ଏଞ୍ଜାରି କାଣାୟାଁ ଆହାନା କାଣାୟାଁଇଁ ଜିରୁ ତହନେରି, ଇଚ୍ଛୁ କାଣା ଅର କାଣାଇଁ ଜିରୁ ତହୁହିଁ ରିଆରି ଜିକେଏ ଗାଡ଼ୟୁତା ତରୁଗିନେରି । ୧୫ ପିତର ଏଲେଇଚେସି, “ଏ ପୁଣ୍ଡିକିନି କାତା ମାଟ୍ଟେ ଖେସ୍ତାମୁ ।” ୧୬ ଜୀସୁ ଏଲେଇଚେସି, “ମୀରୁ ଜିକେଏ ନୀଏଁ ପାଚେକା ପୁନାଆ ଗାଟାଚେରି?” ୧୭ ଏନାୟି ଗୁତିଟି ହୁଡନେ ଏଦି ବାଣ୍ଡିତା ହାଜାନା ଏଦି ବାଣ୍ଡିହାନିଲେହେଁ ହୁଡା ହାନେ, ଇଦାଆଁ ପୁଞ୍ଜୁ ହିଲଅଚେରି? ୧୮ ସାମା ଗୁତିଟି ଏନାୟି ହୁଚିମାନେ ଏଦି ହିୟାଁଟି ହୁଚିମାନେ ଏଦିଏ ମାଣସିଇଁ ଲାଗେଏ କିହିମାନେ । ୧୯ ଇଚିହିଁ ହିୟାଁଟି ଲାଗେଏତି ଅଣ୍ଟପୁ ହୁନେ, ଇଚିହିଁ ଲକ୍ଷୁଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି, ସରୁ କାମା କିହାଲି, ମିଚି ସାକି ହାହାଲି ଇଚ୍ଛୁ ନିନ୍ଦା କାତା ଜଲାଲି; ୨୦ ଇ ବାରେ କାମା ମାଣସିଇଁ ଲାଗେଏ କିନେ, ସାମା କେୟୁ ନରୁଆନା ତିନାୟି ମାଣସିଇଁ ଲାଗେଏ କିଏ । ୨୧ ଜୀସୁ ଏ ଗାୟୁ ପିସାନା ସର ଅଡେ ସିଦନ ରାଜିତା ହାଚେସି । ୨୨ ଅଡେ ମେହୁ ଏ ହାନ୍ତିଟି କିଶାନ ଦେସାତି ର ଇୟା ଖାହାନା କାଜା ଗିୟାଁତଲେ ଏଲେଇଚେ, “ଏ ପ୍ରବୁ ଦାଞ୍ଜୁଦ ମାୟୁଏଣାଟି ନାଟ୍ଟେ କାର୍ମା ମେସ୍ତାମୁ ଇଚିହିଁ ନା ମାଞ୍ଜୁନି ହାରେକା ଆଜିହପେଟି ବୁଡୁ ଆସାନା କସୁ ଆହିମାନେ ।” ୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲାଆଚେସି । ଇଚ୍ଛୁ ତାନି ସାୟୁୟାଁ ଖାହାନା ଏଞ୍ଜାଣାଇଁ ଏଲେଇଚେରି, “ଇଦାନି ହେଲ ହାହାନା ପାଣ୍ଡାତୁହମୁ, ଏନାଆଁତାକି ଇଚିହିଁ ଇଦି ମା ଜେଚ କାଲୁଞ୍ଜି ଆହିମାନେ!” ୨୪ ସାମା ଜୀସୁ ଏଲେଇଚେସି, “ନାନୁ ଇସ୍ତାୟେଲ କୁଡାତା ଜାଞ୍ଜୁମାନି ମେଣାୟାଁ ପିସ୍ତେ ଅଡେ ଆମ୍ବାଆରି ତାଣା ପାଣ୍ଡୁଞ୍ଜି ଆହାହିଲଅଁ

।” ୨୫ ଏ ଇୟା ଖାହାନା ଜହରା କିହାନା ଏଲେଇଚେ, “ଏ ପ୍ରବୁ ନାଟ୍ଟେ କାର୍ମା ମେସ୍ତାମୁ ।” ୨୬ ସାମା ଜୀସୁ ଏଲେଇଚେସି, “ମୀରୁକା ମାୟୁକା କାଦି ଅହାନା ନେସକା ତାଗେ ମେଡନାୟି ନେହେଁ ଆଏ ।” ୨୭ ଏ ଇୟା ଏଲେଇଚେ, “ହାଅ ପ୍ରବୁ ଇଚିହିଁ ନେସକା ତାମି ସାଞ୍ଜୁକାରିୟାଁ ତାଣାଟି ତରୁମାନି ଜୁଟା ରାନ୍ତୁ ପେରୁହା ତିନୁ ।” ୨୮ ଏଚେଟିଏ ଜୀସୁ ଏ ଇୟାନି ଏଲେଇଚେସି, “ଏ ଇୟା ନୀଦି ହାରେକା କାଜା ନାମୁ ମୀ ମନ ଲେହେଁଏ ନିଟ୍ଟୁ ଆୟାପେ ।” ଏ ଦେବୁଣିଏ ତାନି ମାଞ୍ଜୁ ନେହେଁ ଆଚେ । ୨୯ ଜୀସୁ ଏମ୍ବାଟିଏ ହାଜାନା ଗାଲିଲି ସାମ୍ବୁଡୁରି ତାଗେ ଖାଚେସି, ଅଡେ ହୁରୁ ଲାକ ହାଜାନା କୁଗିଚେସି । ୩୦ ଅଡେ ହାରେକା ଲକ୍ଷୁ ସଟାୟାଁ, ତୁଡୁଞ୍ଜାୟାଁ, କାଣାୟାଁ, ଗୁଲାୟାଁ, ହାରେକା ଲକ୍ଷୁଇଁ ତାମିତଲେ ତାଚାନା ଜୀସୁ କଡ଼ା ତର ଇଚିଚେରି, ଅଡେ ଏଞ୍ଜାସି ଏଞ୍ଜାରିଇଁ ନେହିଁ କିଚେସି । ୩୧ ଇଲେକିହିଁ ବେଦ୍ଦାୟାଁ ଜଲିମାନେରି, ତୁଡୁଞ୍ଜାୟାଁ ନେହିଁ ଆହିମାନେରି, ସଟାୟାଁ ତାକି ମାନେରି ଅଡେ କାଣାୟାଁ ମେସିମାନେରି; ଇ ବାରେ ମେସାନା ଲକ୍ଷୁ କାବା ଆଚେରି, ଇଚ୍ଛୁ ଇସ୍ତାୟେଲତି ମାହାପୁରୁଇଁ ଜହରା କିଚେରି । ୩୨ ଅଡେ ଜୀସୁ ତାନି ସାୟୁୟାଁଇଁ ତାଗେ ହାଟାନା ଏଲେଇଚେସି, “ଇ ବାରେ ଲକ୍ଷୁତାକି ନାଟ୍ଟେ କାର୍ମା ହୁଚିମାଞ୍ଜେନେ, ଏନାଆଁତାକି ଇଚିହିଁ ଇଞ୍ଜାରି ତାନିଦିନା ଆଚେରିଏ ନା ତଲେ ମାଞ୍ଜୁମାନେରି, ଅଡେ ଇଞ୍ଜାରି ତାଣା ଏନାୟିଞ୍ଜା ତିଞ୍ଜାଲି ହିଲେଏ; ଇଞ୍ଜାରି ହାନାଟି ଜୀସୁ ହୁଡା ହାଚିଲେହେଁ ଜିରୁତା ତରୁଗିନେରି, ଏଦାଆଁତାକି ହାକିଟି ପାଣ୍ଡାଲି ନା ମନ ହିଲେଏ ।” ୩୩ ସାୟୁୟାଁ ଏଞ୍ଜାଣାଇଁ ଏଲେଇଚେରି, “ଇଚେକା ଲକ୍ଷୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲାଆ ଟାୟୁତା ଏମ୍ବିଟି ରୁଚି ପାଣ୍ଡାୟାଁ ।” ୩୪ ଜୀସୁ ଏଞ୍ଜାରିଇଁ ଖେଚେସି, “ମୀ ତାଣା ଏଚରଗଟା ରୁଚି ମାନୁ?” ଏଞ୍ଜାରି ଏଲେଇଚେରି, “ସାଚାଗଟା ଇଚ୍ଛୁ ଏଚରଗଟା ଉଣା ମାଣକା ମାନୁ ।” ୩୫ ଏଚେଟିଏ ଜୀସୁ ଲକ୍ଷୁଣି ବୁଚିନା କୁଗାଲି ହୁକୁମି ହାଚେସି, ୩୬ ଅଡେ ଜୀସୁ ଏ ସାଚାଗଟା ରୁଚି ଇଚ୍ଛୁ ମାଣକାଣି ମାହାପୁରୁ ତାଣା ଜହରା କିହାନା ସାୟୁୟାଁକି ହାଚେସି; ଏଞ୍ଜାରି ଲକ୍ଷୁତାକି ହାଚେରି । ୩୭ ଅଡେ ଲକ୍ଷୁ ତିଞ୍ଜାନା ପାଞ୍ଜିଟି ତାୟୁ, ତାଗିଟି ରୁଚି ସାଚା ତାଲି ହାରିତାଣି କୁଡ଼ି କିଚେରି । ୩୮ ରୁଚି ତିଟି ଲକ୍ଷୁ ଇୟାସିକା ଅଡେ ଉଣା କକାରି ପଦାଁଣି ପିସାନା ସାରି ମାଣା ଆବାୟାଁ ମାଚେରି । ୩୯ ଏଚେଟିଏ ଏଞ୍ଜାସି ଲକ୍ଷୁଣି ହେଲ ହାହାନା ତଂଗଟା ହୁଚାନା ମଗଦାନ ହାନ୍ତିତା ଖାଚେସି ।

୧୭ ଏଚେକା ପାରୁସି ଅଡେ ସାଦୁକିୟାଁ ଜୀସୁ ତାଣା ଖାହାନା ତାୟିପାରି କିହାଲି, ମାଟ୍ଟେ ହାଗୁ ଲାକଟି ର ସିନା ତସ୍ତାମୁ ଇଚ୍ଛୁ ବାଟିମାଲିଚେରି । ୨ ସାମା ଜୀସୁ ଏଞ୍ଜାରିଇଁ ଏଲେଇଚେସି, “ମିଡ଼ୁଆଲା ବେଲା ଏଲେଇଚ୍ଛେରି, ଖିଏ କାରା ଆନେ, ଇଚିହିଁ ହାଗୁ ଗାଦ୍ଦା ଆହାମାନେ ।” ୩ ଅଡେ ଲାଲ ବେଲା ଏଲେଇଚ୍ଛେରି, ନାଞ୍ଜୁ ପିୟୁ ଆନେ, ଇଚିହିଁ ହାଗୁ ଗାଦ୍ଦା ଅଡେ ଦନ୍ତୁ ମୁଚାମାନେ । ମୀରୁ ହାଗୁଟି ପାଗା ମେସାନା ନକିତି କାତା ପୁଞ୍ଜାଲି ଆଡି ମାଞ୍ଜେରି, ସାମା ନୀଏଁତି କାତା ଅଡେ ସିନାୟାଁ ପୁଞ୍ଜୁ ହିଲଅଚେରି । ୪ ପଲଆ ଗାଟାରି ଇଚ୍ଛୁ ମାହାପୁରୁଇଁ

ଅଣ୍ଡାଆଗାଟି କୁଡ଼ାତାରି ସିନାୟିଁ ପାରିନେବି, ସାମା ଜୁନସତି ସିନା ପିସ୍ତେ ଅଡ଼େ ଏଟ୍‌କାଟି ସିନା ଏଞ୍ଜରାକି ହୀପ୍‌କି ଆଏ, ଇଞ୍ଜିଁ ଏଞ୍ଜାସି ଏଞ୍ଜରାକି ପିସାନା ହାରେସି । ୫ ସୀୟୁୟିଁ ସାମ୍‌ଦୁରି ଆତାଲା ହାଜାନା ସିନିକିତେରି, ଏଞ୍ଜାରି ରୁଟି ଅହାଲି ବାଣା ଆହା ହାଜାମାନେରି । ୬ ଜୀସୁ ଏଞ୍ଜରାକି ଏଲେଇଚେସି, “ଜାଗ୍ରାତା ଆଦୁ, ପାରୁସିୟିଁ ଅଡ଼େ ସାଦୁକିୟିଁ ପୁଲା ଏୟୁଟି ଜାଗ୍ରାତା ଆହାଁ ମାଞ୍ଜୁ ।” ୭ ଏମ୍‌ପାଟିଏ ଏଞ୍ଜାରି ତାମୁ ତାମ୍‌ଏ ଜଲ୍‌କି ଆହାଲି ମାଟ୍‌ହେରି, “ମାର ରୁଟି ତାତା ହିଲାଆୟି ଇଞ୍ଜିଁ ଏଞ୍ଜାସି ଏଲେଇଞ୍ଜିମାଞ୍ଜୁନେସି ।” ୮ ସାମା ଜୀସୁ ଏଦାଆଁ ପୁଞ୍ଜାନା ଏଲେଇଚେସି, “ଆଡ଼େ ଉଣା ନାମୁ ଗାଟାତେରି, ମୀ ବିଡ଼ା ରୁଟି ହିଲେଏ ଇଞ୍ଜିଁ ଏନାଆଁତାକି ଷେସ୍‌ପି ଆହିମାଞ୍ଜେରି? ୯ ମୀରୁ ନୀଏଁ ପାତେକା ପୁଞ୍ଜି ହିଲଅତେରି? ଏ ପାସାମାଣା ଲକ୍‌କି ପାସାଗଟା ରୁଟି ଡିକ୍‌ହାନା ହାହା ମାଚେଏଁ, ଇଞ୍ଜିଁ ମୀରୁ ଏଚର ତାଲି ହାରିତାଣି କୁଡ଼ି କିତେରି, ୧୦ ଇଞ୍ଜିଁ ଏ ସାରି ମାଣା ଲକ୍‌କି ସାତା ଗଟା ରୁଟି, ଇଞ୍ଜିଁ ଏଚର ତାଲି ହାରିତାଣି କୁଡ଼ି କିତେରି, ଏ ବାରେ ମିଢ୍ଫେ ଅଣ୍ଡୁ ହିଲେଏ? ୧୧ ନୀନୁ ମିଢ୍ଫେ ରୁଟି କାତା ଷେସାମାଞ୍ଜୁଆଚେଏଁ, ଇଦାଆଁ ଏନିକିଁ ପୁଞ୍ଜି ହିଲଅତେରି? ସାମା ପାରୁସିୟିଁ ଅଡ଼େ ସାଦୁକିୟିଁ ପୁଲା ଏୟୁଟି ଜାଗ୍ରାତା ଆହାନା ମାଞ୍ଜୁ ।” ୧୨ ଏଞ୍ଜାସି ରୁଟି ତାକି ଲଡ଼ାମାନି ପୁଲା ଏୟୁଟାକି ଜାଗ୍ରାତା ଆହାନା ମାଞ୍ଜୁଲି ଷେହ୍‌ଆନା, ପାରୁସିୟିଁ ଅଡ଼େ ସାଦୁକିୟିଁ ଜୀସୁନି ତାଣାଟି ଜାଗ୍ରାତା ଆହାଁ ମାଞ୍ଜୁଲି ଏଞ୍ଜରାକି ଷେସାମାଚେସି, ଏଦାଆଁ ଏଞ୍ଜାରି ଏଚିବେଲା ପୁଚେରି । ୧୩ ତାୟୁ ଜୀସୁ କାୟିସରିୟା ପିଲିପି ରାଜିତା ଖାହାନା ତାନି ସୀୟୁୟିଁ ଷେଚେସି, “ମାଣସି ମୀରୁଏସି ଆମ୍‌ଆସି ଇଞ୍ଜିଁ ଲକ୍‌କି ଷେସିମାନେରି?” ୧୪ ଏଚେଟିଏ ଏଞ୍ଜାରି ଏଲେଇଚେରି, “ଆମ୍‌ଆ ଆମ୍‌ଆସି ବାପୁସୁ ହାନି ଜହନ, ଆମ୍‌ଆ ଆମ୍‌ଆସି ଏଲିୟ, ଅଡ଼େ ଆମ୍‌ଆ ଆମ୍‌ଆସି ଜିରିମିୟ ଆଆଁଟି ମାହାପୁରୁ ଅଣ୍ଡୁଚି ବଲୁ ଷେହ୍‌ନାରି ତାଣାଟି ରଅସି ।” ୧୫ ଜୀସୁ ଏଞ୍ଜରାକି ଷେଚେସି, “ସାମା ନୀନୁ ଆମ୍‌ଆଚେଏଁ ଇଞ୍ଜିଁ ମୀରୁ ଷେସିମାଞ୍ଜେରି?” ୧୬ ସିମନ ପିଚର ଏଲେଇଚେସି, “ନୀନୁ କ୍ରୀସୁ, ଜୀସୁଗାଟି ମାହାପୁରୁ ମୀରୁଏଶାଟି ।” ୧୭ ଏଚେଟିଏ ଜୀସୁ ଏଞ୍ଜରାକି ଏଲେଇଚେସି, “ଏ ଜୁନସ ପୀରୁଏଶାଟି ସିମନ, ନୀନୁ ନେହେଁ, ଇଚିହିଁ ମାଣସି ନୀ ତାଣାଟି ଇଦାଆଁ ଷେକ୍‌ହାମାଞ୍ଜୁଆସି, ସାମା ନା ଲାକପୁରୁଟି ଆବା ଷେକ୍‌ହାମାଞ୍ଜୁନେସି । ୧୮ ଅଡ଼େ ନୀନୁ ଜିକେଏ ନିଢ୍ଫେ ଷେସିମାଞ୍ଜୁଇଁ, ନୀନୁ ପିଚରଟି, ଇଞ୍ଜିଁ ଇ ଖାଲି ଲାକ ନୀନୁ ନା କୁଲମିଟି କେପିଇଁ, ଅଡ଼େ ହାକିଟି ବାଡ଼ୁୟୁ ଏଦାଆଁ ମ୍ଲୋକ୍‌ହାଲି ଆଚେଏ । (Hades ୨86) ୧୯ ନୀନୁ ନିଢ୍ଫେ ଲାକପୁରୁଟି କୁଟିକାଡ଼ି ହିୟାଇଁ, ଅଡ଼େ ନୀନୁ ଦାର୍‌ଚିତା ଏନାଆଁ ସୁଗୁଡ଼ି, ଏଡି ଲାକପୁରୁ ରାଜି ଜିକେଏ ସୁଶୁକି ଆନେ, ଅଡ଼େ ଦାର୍‌ଚିତା ଏନାଆଁ ଦେଏଡି ଏଡି ଲାକପୁରୁ ଜିକେଏ ଦେପି ଆନେ ।” ୨୦ ଏଚିବେଲା ଏଞ୍ଜାସିଏ କ୍ରୀସୁ ଇଞ୍ଜିଁ ଆମ୍‌ଆରାକି ଷେହ୍‌ଆଦୁ ଇଞ୍ଜିଁ ଏଞ୍ଜାସି ତାନି ସୀୟୁୟିଁ ଜାଣେ କିହିଁ ହୁକୁମି ହୀଚେସି । ୨୧ ଏଚିବେଲାଟିଏ ଜୀସୁ ତାନି ସୀୟୁୟିଁ ଶେସାଲି ମାଟ୍‌ହେସି, ନୀନୁ ଜିରୁସାଲମତା ହାନାୟିମାନେ, ଇଞ୍ଜିଁ ପ୍ରାଚିନାଢ଼ୁ, କାଜା ପୁଜେରାଢ଼ୁ ଅଡ଼େ

ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜିଁ ତାନି ଦିନାଟିଏ ଷେଣ୍ଢେ ନିଢ୍ଫେନାୟି ମାନେ । ୨୨ ଏଚେଟିଏ ପିଚର ଏଞ୍ଜରାକି ଅରଖାକି ଅହାନା ଲାଗାନା ଏଲେଇଚେସି, “ଏ ପ୍ରବୁ, ମାହାପୁରୁ ନିଢ୍ଫେ କାର୍‌ମା ଆୟାପେସି, ଇଲେତାୟି ନିଢ୍ଫେ ଏଚେଲାଖା ଆୟାଆପେ ।” ୨୩ ସାମା ଜୀସୁ ତାୟୁଖାକି ସିନିକିହାନା ପିଚରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍‌, ନୀନୁ ନା ସାଦୁ ଲେହେଁ, ଇଚିହିଁ ନୀନୁ ମାହାପୁରୁ କାତା ଅଣ୍ଡାଆନା ମାଣସିଟି କାତା ଅଣ୍ଡପିମାଞ୍ଜୁ ।” ୨୪ ଏଚିବେଲା ଜୀସୁ ତାନି ସୀୟୁୟିଁ ଶେଚେସି, “ଆମ୍‌ଆସି ନା ଜେଚ ତାକାଲି ମନ କିଚିହିଁ, ଏଞ୍ଜାସି ତାୟୁଏ ତାଢ୍ଫେ ଅପାକତାଆନା ତାନି କୁସ ଡେକାନାହାଁ ନା ଜେଚ ତାକାପେସି । ୨୫ ଇଚିହିଁ ଆମ୍‌ଆସି ତାନି ଜୀସୁ ନୀଟ୍‌ହା କତାଲି ମନ କିନେସି, ଏଞ୍ଜାସି ହାଞ୍ଜି କିନେସି; ସାମା ଆମ୍‌ଆସି ନା ତାକି ତାନି ଜୀସୁ ହୀନେସି ଏଞ୍ଜାସି ନୀଟ୍‌ହା କିଚିନେସି । ୨୬ ଅଡ଼େ ମାଣସି ଇ ଦାର୍‌ଚିତା ମାନାଣି ବାରେ ମେଡ଼ି କିହାନା ତାନି ଜୀସୁଟି ହାଞ୍ଜି କିନେସି, ଆଚିହିଁ ଏଞ୍ଜରାକି ଏନି ଲାବା, ଇଞ୍ଜିଁ ମାଣସି ତାନି ଜୀସୁଟି ବାଦୁଲି ଏନାଆଁ ହୀନେସି? ୨୭ ଇଞ୍ଜିଁ ମାଣସି ମୀରୁଏସି ତାନି ଆବାଟି ଗାଧୁରମିଟି ତାନି ଦୂରୁୟିଁ ତଲେ ଖାନେସି, ଏଚିବେଲା ଏଞ୍ଜାସି ବାରେ ଲକ୍‌କି ତାନି କାମାଟି ଲେକା ତଲେ ପାଡ଼େୟି ହୀନେସି । ୨୮ ନୀନୁ ମିଢ୍ଫେ ସାତା ଷେସିମାଞ୍ଜୁଇଁ, ମାଣସି ମୀରୁଏସି ତାନି ରାଜିତା ରାଜାଆହାଁ ଖାନାଣି ମେହ୍‌ଆ ପାତେକା ଇମ୍‌ଆଁ ମାନି ଲକ୍‌କି ବିଚାଟି ଏଚରଜାଣା ହାସିରି ।”

୧୭ ଜୀସୁ ସ ଦିନା ତାୟୁ ପିଚର, ଜାକ୍‌ବ, ଅଡ଼େ ତାନି ତାୟି ଜହନଇଁ ଏଟ୍‌କା କିହାନା ଏଞ୍ଜରାକି ର ପାତାଆଟି ହୁକୁ ଲାକ ଅଡ଼େସି । ୧ ଅଡ଼େ ଏଞ୍ଜାସି ଏଞ୍ଜାରି ନକିତା ତାନି ଖାଣା ବାଦଲଖି ଆହାନା ତାନି ମୁମୁ ଷେଡ଼ାଲେହେଁ ଉଜେଡ଼ି ଇଞ୍ଜିଁ ତାନି ହିମୁରି ଉଜେଡ଼ି ଲେହେଁ ଦବ୍‌ଲା ଆଚେ । ୩ ଇଞ୍ଜିଁ ମେହ୍‌ଦୁ ମସା ଅଡ଼େ ଏଲିୟ ଜୀସୁତଲେ କାତା ଆହିମାଚାଣି ମେସୁରି । ୪ ଏମ୍‌ପାଟିଏ ପିଚର ଜୀସୁଇଁ ଏଲେଇଚେସି, “ଏ ପ୍ରବୁ ମୀର ଇ ଟାୟୁତା ମାନାୟି ନେହେଁ, ନୀ ମନ ଆଚିହିଁ ନୀନୁ ଇମ୍‌ଆଁ ତାନିଗଟା ଗୁଡ଼ାୟିଁ କେପିଇଁ, ନିଢ୍ଫେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜିଁ ଏଲିୟକି ରଣ୍ଡାଆଁ ।” ୫ ଇ କାତା ଷେସ୍‌ପନିଏ ମେହ୍‌ଦୁ ଇଚାୟି ହାମୁ ଖାହାନା ଏଞ୍ଜରାକି ପିକ୍‌ହେ, ଇଞ୍ଜିଁ ଏ ହାଗୁଟି ଇ ହାତା ଷେଡ଼ିଚେ, “ଇଞ୍ଜାସି ନା ଜୀସୁଟି ମୀରୁଏସି ଇଞ୍ଜାଣି ତାଣେଏ ନା ରାହାଁ ମାନେ, ଇଞ୍ଜାଣି ବଲୁ ଷେଞ୍ଜୁ ।” ୬ ଇ ହାତା ଷେଞ୍ଜୁହାଁ ସୀୟୁୟିଁ ମୁନୁ କୁଟିହିଁ ରାଚେରି ଇଞ୍ଜିଁ ହାରେକା ଆଜିତେରି । ୭ ଏମ୍‌ପାଟିଏ ଜୀସୁ ଖାହାନା ଏଞ୍ଜରାକି ତାଗାନା ଏଲେଇଚେସି, “ନିଢ୍ଫେ ମୀରୁ ଆଜାଆଦୁ ।” ୮ ଇଞ୍ଜିଁ ଏଞ୍ଜାରି ଲାକ ସିନିକିହାଲିଏ ଜୀସୁ ପିସ୍ତେ ଆମ୍‌ଆରାକି ମେହ୍‌ଆଚେରି । ୯ ଏଞ୍ଜାରି ହୁକୁ ଲାକଟି ରେଚା ଖାହିମାଚାଟି ଜୀସୁ ଏଞ୍ଜରାକି ହୁକୁମି ହୀହାନା ଏଲେଇଚେସି, “ମାଣସି ମୀରୁଏସି ହାତାରି ତାଣାଟି ନିଢ୍ଫେଆ ପାତେକା ଇ ମେସାମାନି କାତା ଆମ୍‌ଆରାକି ଷେହ୍‌ଆଚେରି ।” ୧୦ ଏଦାଆଁତାକି ସୀୟୁୟିଁ ଏଞ୍ଜରାକି ଷେଚେରି, “ଆଚିହିଁ ନକେଏ ଏଲିୟ

ଝାନାୟି ମାନେ ଇଚ୍ଛୁ ମେରାପୁନାରି ଏନାଆଁତାକି ଝେସିମାନେରି?" **୧୧** ଏଝାସି ଏଲେଇଚେସି, "ଏଲିୟ ଝାହାନା ବାରେ ଅଡେ ଝେଣ୍ଡେ ଇଟିନାୟି ସାତା" **୧୨** ସାମା ନାନୁ ମିଡ୍ରେ ଝେସିମାଞ୍ଜୁଇ, "ଏଲିୟ ଝାହା ରାଡେସିଏ, ସାମା ଲକୁ ଏଝାଣାଇଁ ପୁନାଆନା ଏନିକିହାଲି ମନ ଏଲେକିଚେରି । ଏଲେକିହିଏ ମାଣ୍ଡସି ମାର୍‌ସସି ଜିକେଏ ଏଝାରି କେୟୁତା ଦୁକୁ ବେଟାଆହାଲି ହାଜିମାନେସି ।" **୧୩** ଏଚିବେଲା ଏଝାରାଇଁ ବାପ୍ତିସ୍ତ ହାନି ଜହନତି କାତା ଝେସିମାନେସି, ଏଚିବେଲା ସାୟୁୟି ପୁଚେରି । **୧୪** ଡାୟୁ ଏଝାରି ଲକୁଡାଣା ଝାହାଲିଏ, ରଅସି ଜୀସୁ ଡାଣା ଝାହାଁ ମେଣ୍ଡାକୁତାନା ଏଲେଇଚେସି, **୧୫** "ପ୍ରଭୁ ନା କକାଣାଇଁ କାର୍ମା ମେହ୍‌ମ୍, ଇଚିହିଁ ଏଝାସି କାଚିଝେନି ନମେରି ତାକି ହାରେକା କସ୍ତୁ ଆହିମାନେସି, ଏଝାସି ଏଚର ପାଲି ହିରୁତା ଅଡେ ଏୟୁଣ୍ଡାଁ ତରଣା ହାଜିମାନେସି । **୧୬** ନାନୁ ମା ସାୟୁୟି ଡାଣା ଏଝାଣାଇଁ ତାତାମାଚେସି, ସାମା ଏଝାରି ଏଝାଣାଇଁ ନେହିଁ କିହାଲି ଆଡାଆଚେରି ।" **୧୭** ଜୀସୁ ଏଲେଇଚେସି, "ଆଡେ ନାମାଆଗାଟି ଲାଗେଏ ପଲେଏ କାମା କିନି କୃତାତାଚେରି, ଏଚର କାଲା ପାତେକା ନାନୁ ମା ତଲେ ଡୟିଇଁ? ଏଚର କାଲା ମା ଲେମ୍‌ମାନାଣି ଅର୍‌ହିଇଁ? କକାଣାଇଁ ଇମ୍‌ମାଆଁ ନା ଡାଣା ତାଦୁ ।" **୧୮** ଅଡେ ଜୀସୁ ବୃହୁଇଁ ଦାକା ହାହାଲିଏ, ବୃହୁ ଏଝାଣାଇଁ ପିସା ହାଡୁସ୍ତେ, ଏ ଦେବୁଣିଏ କକାସି ନେହିଁଆଚେସି । **୧୯** ଏଚେଟିଏ ସାୟୁୟି ମେଣେଏ ଜୀସୁ ଡାଣା ଝାହାନା ଏଲେଇଚେରି, "ମାୟୁ ଏନାଆଁତାକି ଏ ବୃହୁ ସିସି କିହାଲି ଆଡାଆଚନି?" **୨୦** ଏଝାସି ଏଝାରାଇଁ ଏଲେଇଚେସି, "ମା ଉଣା ନାୟୁ ତାକି, ଇଚିହିଁ ନାନୁ ମିଡ୍ରେ ସାତା ଝେସିମାଞ୍ଜୁଇ, ର ହାୟୁ ପଡେୟି ସମାନା ମା ନାୟୁ ମାଚିହିଁ, ଇ ହରୁତି ଇମ୍‌ମାଟି ଏମ୍‌ମାଆଁ ଗୁତାଆୟୁ ଇଚିହିଁ, ଏସି ଗୁତାଆନେ, ଅଡେ ଏନାୟି ଜିକେଏ ଆଆଗାଟାୟି ହିଲେଏ । **୨୧** ସାମା ପ୍ରାତାନା ଅଡେ ଉପାସା ପିସ୍‌ସେ ଅଡେ ଏନି ଉପେୟିତି ଇଲେଚି ବୃହୁ ହୁଚା ହାଲେଏ ।" **୨୨** ଅଡେ ଏଝାରି ଗାଲିଲିତା ରୁଣ୍ଡା ଆତି ବେଲାତା ଜୀସୁ ଏଝାରାଇଁ ଝେସ୍ତେସି, "ମାଣ୍ଡସି ମାର୍‌ସସି ମାଣ୍ଡସିୟି କେୟୁତା ହେରପି ଆହାଲି ହାଜିମାନେସି, **୨୩** ଇଚ୍ଛୁ ଏଝାରି ଏଝାଣାଇଁ ପାୟିନେରି; ଅଡେ ତାନି ଦିନାଟିଏ ଏଝାସି ଝେଣ୍ଡେ ନିଡ୍ରେନେସି ।" ଏଚେଟିଏ ଏଝାରି ହାରେକା ଦୁକୁ ଆଚେରି । **୨୪** ଏମ୍‌ମାଟିଏ ଏଝାରି କପର୍‌ନାହୁମତା ଝାହାଲିଏ ମାହାପୁରୁ ଇଲୁଚି ସିସୁ ରାହ୍‌ନାନି ପିଚରଇଁ ଝାହାନା ଝେଚେରି, "ମା ଗୁରୁ ମାହାପୁରୁ ଇଲୁତାକି ସିସୁ ହାଅସିକି?" **୨୫** ପିଚର ଏଲେଇଚେସି, "ହାଅ ହାନେସି ।" ଅଡେ ଏଝାସି ଇଜ ଝାହାଲିଏ ଜୀସୁ ନକେଏ ଏଝାଣାଇଁ ଏଲେଇଚେସି, "ସିମନ ନୀ ଅଣ୍ଡୁ ଏନାୟି, ଦାର୍‌ଚିତି ରାଜାୟି ଆମ୍‌ମାଆରି ତାଣାଟି ସିସୁ ରାହ୍‌ନେରି, ଏଝାରି ମାର୍‌କା ତାଣାଟି କି ଏଟ୍‌କା ଦେସାତି ଲକୁ ଡାଣାଟି?" **୨୬** ଏଝାସି ଏଟ୍‌କା ଦେସାତି ଲକୁ ଡାଣାଟି ଏଲେଇଚ୍ଛୁଲିଏ, ଜୀସୁ ଏଝାଣାଇଁ ଏଲେଇଚେସି, "ଆତିହିଁ ମାର୍‌କା ହିୟାଲି ଲଡାଆଏ ।" **୨୭** ସାମା ମାର୍‌ଏନିକି ଏଝାରାକି ବାଦା ହାନାତାୟି ଆଆୟି, ଏନାଆଁତାକି ସାମ୍‌ପୁରିତା ହାଜାନା କାଟା ମେଟ୍‌ମ୍, ଇଚ୍ଛୁ ତଲିଏ ଆମିନି ମାନୁ ଆହ୍‌ଦି,

ଏଦାଣି ଆସାନା ତାନି ଗୁଚି ଏକ୍‌ହିସାରେ ର ଝେଣ୍ଡେ ଟାକା ବେଟାଆଦି; ଏଦାଆଁ ଅହାନା ନାଡ୍ରେ ଅଡେ ନିଡ୍ରେତାକି ଏଝାରାକି ହାୟୁ ।

୧୮ ଏଚିବେଲା ସାୟୁୟି ଜୀସୁ ଡାଣା ଝାହାନା ଝେଚେରି, "ଆତିହିଁ ଲାକପୁରୁ ରାଜିତା ଆମ୍‌ମାଆସି କାଜାସି?" **୨** ଏଝାସି ର ଉଣା କକାଣାଇଁ ତାଚେ ହାଟାହାଁ ନିପ୍‌ହାନା ଏଲେଇଚେସି, **୩** "ନାନୁ ମିଡ୍ରେ ସାତା ଝେସିମାଞ୍ଜୁଇ, ମୀରୁ ଝେଣ୍ଡେ ର ଉଣା କକାଣି ଲେହେଁ ଆଆତିହିଁ, ଏନିଜିକେଏ ଲାକପୁରୁ ରାଜିତା ହୁତାଲି ଆଡଅଚେରି । **୪** ଇଦାଆଁତାକି ଆମ୍‌ମାଆସି ଇ ଉଣା କକାଣି ଲେହେଁ ତାଡ୍ରେତାକି ଉଣା କିହାକଡିନେସି, ଏଝାସି ଲାକପୁରୁ ରାଜିତା କାଜାସି । **୫** ଅଡେ ଆମ୍‌ମାଆସି ଜିକେଏ ନା ଦରୁଟି ଇ ଉଣା କକାଣାଇଁ ଆବିନେସି, ଏଝାସି ନାଡ୍ରେ ଆବାନେସି ।" **୬** "ସାମା ଆମ୍‌ମାଆସି ଜିକେଏ ନା ଡାଣା ନାମାମାନି ଇ ଉଣାୟି ବିତ୍ରାଟି ରଅଣାଇଁ ତାୟିପାରି କିହାଲି ପାପୁ କିଝି କିନେସି, ଏଝାଣି ହେରକିଚା କାଜା ଜେତାଝାଲି ଦସାନା ସାମ୍‌ପୁରିତି କୁଡିନି ଏୟୁଣ୍ଡାଁ ମେଡ୍‌ହିଁ ଏଝାଣାକି ନେହେଁ ଆଚେମା । **୭** ଆୟୁତା, ଦାର୍‌ଚିତି ଲାଗେଏ କିନାକି ତଣ୍ଡ ବେଟା ଆନାଚେରି; ଲାଗେଏ ଆନାୟି ସାଚେଏ ଆନେ, ଆୟୁତା ଆମିନି ଲକୁ ଡାଣାଟି ଲାଗେଏ ଆନେ ଏଝାସି ତଣ୍ଡ ବେଟା ଆନେସି।" **୮** "ମୀ କେୟୁ କି କତା ମିଡ୍ରେ ପାପୁ କିଝିକିୟାନେ, ଇଚିହିଁ ଏଦାଆଁ ରାଡ୍‌ହାନା କୁତାଦୁ, ରା କେସ୍ତା ଅଡେ ରା କତାୟି ଆସାନା କାଲାକାଲା ଡାଞ୍ଜିମାନି ହିରୁତା ହୁଡିନି କିହାଁ କଲା ଅଡେ ସଗା ଆହାନା କାଲେଏଚି ଜୀସୁ ବେଟାଆହାନା ମାହାପୁରୁ ରାଜିତା ହାନାୟି ମିଡ୍ରେତାକି ନେହେଁ । (aiṛnios ୨166) **୯** ଅଡେ ମୀ କାନୁ ମିଡ୍ରେ ଲାଗେଏ କିଝିକିୟାତିହିଁ, ଏଦାଆଁ ଡେଝା କୁତାଦୁ: ରା କାଣ୍ଡାକି ଆସାନା କାଲେଏ ଡାଞ୍ଜିମାନି ହିରୁ ଗାଡ୍‌ୟୁତା ମେଦିନି କିହାଁ ର କାନୁ ତଲେ କାଲେଏଚି ଜୀସୁ ବେଟାଆହାନା ମାହାପୁରୁ ରାଜିତା ହାନାୟି ମିଡ୍ରେତାକି ନେହେଁ ।" (Geenna ୩1067) **୧୦** "ହେଣ୍ଡୁ ଇ ଉଣା କକାରି ବିତ୍ରାଟି ରଅଣାଇଁ ଜିକେଏ ହାଣି ମେହ୍‌ଆଡୁ, ଇଚିହିଁ ନାନୁ ମିଡ୍ରେ ସାତା ଝେସିମାଞ୍ଜୁଇ, ଲାକପୁରୁ ମାନି ଏଝାରି ଦୁରୁୟି ବାରେଦିନା ଲାକପୁରୁଚି ମା ଆବାଚି ମୁମ୍ ମେସେ ମାନୁ । **୧୧** ଇଚିହିଁ ଏନାୟି ଜାଡ୍‌ମାମାନେ ଏଦାଆଁ ପାରାନା ଗେଲ୍‌ପାଲି ମାଣ୍ଡସି ମାର୍‌ସସି ଝାହାମାନେସି ।" **୧୨** "ମୀରୁ ଏନାଆଁ ଅଣ୍ଡପିମାଞ୍ଜେରି? ରଅଣାକି ପାସାକଡି ମେଣ୍ଡାୟି ମାଚିହିଁ, ଏଝାସିକା ବିତ୍ରାଟି ରଣ୍ଡି ଜାଡ୍‌ହାଜନେ, ଇଚ୍ଛୁ ରଣ୍ଡି ଉଣା ପାସାକଡି ମେଣ୍ଡାୟି ହରୁତା ପିସାନା ଏଝାସି ହାଜାନା ଏ ଜାଡ୍‌ମାମାନି ମେଣ୍ଡାଟି ପାରଅସି? **୧୩** ଅଡେ ଏଝାସି ଏଦାଆଁ ବେଟା ଆନେସି, ଇଚ୍ଛୁ ନାନୁ ମିଡ୍ରେ ସାତା ଝେସିମାଞ୍ଜୁଇ, ଜାଡ୍‌ମା ହିଲାଆଗାଟି ରଣ୍ଡି ଉଣା ପାସାକଡି ମେଣ୍ଡାୟି କିହାଁ ଜାଡ୍‌ମାଟି ର ମେଣ୍ଡା ତାକି ହାରେକା ରାହାଁ କିନେସି । **୧୪** ଏଲେକିହିଁଏ ଇ ଉଣାୟି ବିତ୍ରାଟି ରଣ୍ଡି ଜିକେଏ ନସୁ ଆଥାପେ ଇଚ୍ଛୁ ମୀ ଲାକପୁରୁଚି ଆବାଚି ମନ ।" **୧୫** "ନୀ ତାୟି ପାପୁ କିଡିହିଁ, ନୀରୁ ଏଝାଣାଇଁ ମେଣେଏ ଏଲେକିଆନି ଇଚ୍ଛୁ ଝେସାନା ତାନି ପାପୁ ଡହ୍‌ମ୍; ଏଝାସି ନୀ କାତା ଆସ୍ତିହିଁ ନୀରୁ ଏଝାଣାଇଁ ନୀ ତାୟିଲେହେଁ ଝେଣ୍ଡେ ବେଟାଆଦି । **୧୬** ସାମା

ଏଞ୍ଜି ସି ନୀ କାତା ସେନାଆତିହିଁ, ନୀ ତଲେ ରଥାଣାଇଁ କି ରିଆରାଇଁ ଅହିଁ ହାଲାନୁ, ଏନିକିହିଁ ରିଆରି କି ତାନି ଜାଣା ସାକିୟୁଁ ନକିତା ବାରେ କାତା ତାନି ଆନେ । ୧୭ ଏଞ୍ଜି ସି ଏଞ୍ଜିରି କାତା ଜିକେଏ ଆହୁଆତିହିଁ କୁଲମିତି ସେହୁ, ଅଡେ ଜିକେଏ କୁଲମି କାତା ସେନଅସି, ଆତିହିଁ ଏଞ୍ଜି ସି ମୀ କାନୁତା ଜୀହୁଦିଆଆତାରି କି ସିସୁ ରୀହନାରି ଲେହେଁ ଆପେସି ।” ୧୮ “ନାନୁ ମିଟ୍ଟେ ସାତା ସେସିମାଞ୍ଜାଇଁ, ମୀରୁ ଦାର୍ତତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡିକିଆନେ, ଅଡେ ଦାର୍ତତା ଏନାଆଁ ହେଲ ହୀପେରି, ଲାକପୁରୁ ଜିକେଏ ହେଲ ହୀପକି ଆନେ ।” ୧୯ “ଅଡେ ମିଟ୍ଟେ ସାତା ସେସିମାଞ୍ଜାଇଁ, ଦାର୍ତତା ମୀ ବିତାଟି ରିଆରି ରଣ୍ଡିଏ ମନ ଆହାନା ଏନାଆଁ ଜିକେଏ ରୀସୁହିଁ ଏଦି ଲାକପୁରୁତି ଆବା ଡାଣାଟି ଏଞ୍ଜିରାକି ହୀପକିଆନେ । ୨୦ ଇତିହିଁ ଏମ୍ପିୟା ରିଆରି କି ତାନି ଜାଣା ନୀ ଦରୁତଲେ ଗୁଣ୍ଡୁ ଆନେରି ଏମ୍ପିୟା ନାନୁ ଏଞ୍ଜିରିତଲେ ମାଇଁ ।” ୨୧ ଏତିବେଲା ପିତର ଜୀସୁ ତାଗେ ଖାହାନା ସେତେସି, “ଏ ପ୍ରବୁ ନା ତାୟି ଏତର ପାଲି ନା କପାଟି ପାପୁ କିତିସାରେ ନାନୁ ଏଞ୍ଜି ପାପୁ ମ୍ଲେକ୍‌ଇଁ?” ୨୨ ସାତା ଦେବା ପାତେକା କି? ଜୀସୁ ଏଞ୍ଜିରାଇଁ ଏଲେଇତେସି, ଖାରୁଇ ସାତା ଦେବା ପାତେକା ଆଏ, ସାତା ଗୁଣ୍ଡୁ ତାନିକଡ଼ି ଦସ ଦେବା ପାତେକା ମ୍ଲେକ୍‌ନାୟି ମାନେ । ୨୩ ଇତିହିଁ ଲାକପୁରୁ ରାଜି ତାନି ହଲିୟାଟ୍ଟୋ ତଲେ ରୀଣା ଲେକା କିନି ର ରାଜା ଲେହେଁତାୟି । ୨୪ ଏଞ୍ଜି ସି ଲେକା କିହାଲି ମାହୁହାଲିଏ, ତାନି ଗାରୁହା ଦସ ମାଣା ଟାକାୟିଁ ରୀଣା ଆହାମାନି ର ହଲେଏଣାଇଁ ଏଞ୍ଜିରାଇଁ ଡାଣା ତାତେରି । ୨୫ ସାମା ଏ ବାରେ ଡିକହାଲି ଏଞ୍ଜି ଡାଣା ଏନାୟି ହିଲାଆତାକି ଏ ସାଞ୍ଜୁକାରି ଏଞ୍ଜିରାଇଁ ଅଡେ ତାନି ତକ୍ତିନି ଇଞ୍ଜିଁ ତାନି କକାରି ପଦାଁଣି ଇଞ୍ଜିଁ ତାନି ଲଲୁତି ଆସି ପାର୍‌ତାନା ରୀଣା ଡିକହାଲି ହୁକୁମି ହୀତେସି । ୨୬ ଏତେଟିଏ ଏ ହଲେଏସି ମେଣ୍ଡାକୁତାନା ଜହରା କିହାନା ଏଲେଇତେସି, ନୀନୁ କାର୍‌ମାମେସାନା କାତାମୁ, ନୀନୁ ନିଟ୍ଟେ ବାରେ ଡିକହା ରୁସ୍ତାଇଁ । ୨୭ ଏତେଟିଏ ସାଞ୍ଜୁକାରି ଏ ହଲେଏଣାଇଁ କାର୍‌ମାମେସାନା ତାନି ରୀଣା ପିଏପି କିସିଆତେ ଇଞ୍ଜିଁ ତାନି ରୀଣା ମେଣ୍ଡୁହାତେ । ୨୮ ସାମା ଏ ହଲେଏସି ଏମ୍ପାଟି ପାଞ୍ଜୁତା ହାଜାନା ତାନିଡାଣାଟି ରା କଡ଼ି ଦସତାକା ରୀଣା ଅହାମାନି ତାନି ତଲେତି ର ହଲେଏଣାଇଁ ମେସାନା ଏଞ୍ଜିରି ହେରୁକିତା ଆସାନା ଏଲେଇତେସି, ନୀନୁ ଅହାମାନି ରୀଣା ଡିକହା ରୁସ୍ତାମୁ । ୨୯ ଏତେଟିଏ ତାନି ତଲେତି ହଲେଏସି ମେଣ୍ଡାକୁତାନା ଜହରା କିହିଁ ଏଲେଇତେସି, ନୀନୁ ନାଟ୍ଟେ କାର୍‌ମାମେସାନା କାତାମୁ ନାନୁ ନିଟ୍ଟେ ବାରେ ଡିକହାଇଁ ୩୦ ସାମା ଏଞ୍ଜି ସି ରାଜି ଆଆତେସି, ଇଞ୍ଜିଁ ରୀଣା ଡିକହା ପାତେକା ଏଞ୍ଜିରାଇଁ କାୟିଦି ଇଲୁତା ସୁଣ୍ଡିତେସି । ୩୧ ଇଞ୍ଜିଁ ତାନି ତଲେତି ହଲିୟାଟ୍ଟୋ ଏନାଆଁ ମେସାନା ହାରେକା ଦୁକୁ କିତେରି ଅଡେ ହାଜାନା ସାଞ୍ଜୁକାରିଇଁ ବାରେ କାତା ସେସ୍ତେରି । ୩୨ ଏମ୍ପାଟିଏ ସାଞ୍ଜୁକାରି ଏଞ୍ଜିରାଇଁ ତାଗେ ହାତାନା ଏଲେଇତେସି, ଆଡେ କାମାତା ଖାଆଗାଟି ହଲେଏଣାଟି ନୀନୁ ନାଟ୍ଟେ ବାଟିମାଲିଏ ନାନୁ ନୀ ବାରେ ରୀଣା ପିସ୍ତାତେସି; ୩୩ ନାନୁ ଏନିକି

ନିଟ୍ଟେ କାର୍‌ମା ଆୟାତେସି, ଏଲେକିହିଁଏ ନୀନୁ ଜିକେଏ ନୀ ତଲେତି ହଲେଏଣାଇଁ କାର୍‌ମାମେହନାୟି ମାତେ । ୩୪ ଅଡେ ତାନି ପ୍ରବୁ ହାରେକା କପା ଆହାନା ବାରେ ରୀଣା ଡିକହା ପାତେକା ଏ ହଲେଏଣାଇଁ କସୁ ହାନି ଲକୁ କେୟୁତା ହେରୁପିତେସି । ୩୫ ମୀରୁ ବାରେତେରି ମୀ ବାରେ ହିୟାଟି ମୀ ତାୟିଇଁ ତାନି ପାପୁ ମ୍ଲେକ୍‌ଆତିହିଁ ଲାକପୁରୁତି ମୀ ଆବା ଜିକେଏ ମିଟ୍ଟେ ଏଲେ କିୟାନେସି ।

୧୯ ଜୀସୁ ଇ ବାରେ କାତା ସେସାଲି ରାପୁହି ତାୟୁ ଗାଲିଲି ରାଜି ପିସାନା ଜର୍‌ମନ କାତା ଆତାଲାଟି ଜୀହୁଦା ରାଜିତି ହାନ୍ତିତା ଏତେସି । ୧ ଇଞ୍ଜିଁ ହାରେକା ଲକୁ ତାନି ଜେତ ହାରେରି, ଅଡେ ଏଞ୍ଜି ସି ଏମ୍ପାଆଁ ଏଞ୍ଜିରି ରଗାଟି ନେହିଁ କିତେସି । ୨ ଏମ୍ପାଟିଏ ପାରୁୟିୟୁଁ ଏଞ୍ଜି ଡାଣା ଖାହାନା ଏଞ୍ଜିରାଇଁ ତାୟିପାରିକିହିଁ ସେତେରି, “ରଅସି ଜାହାରା ତକ୍ତିନି ଏନି କାତାତାକି ଜିକେଏ ପିସାଲି ମେରା ମାନେକି?” ୪ ଜୀସୁ ଏଲେଇତେସି, “ମୀରୁ ପଡ଼ି ଆହାହିଲଅତେରି? ଗାଡ଼ି କିନାସି ନକେଏଟିଏ ଏଞ୍ଜିରାଇଁ ଇୟା ଅଡେ ଆବା କିହିଁ ଗାଡ଼ିକିତେସି, ୫ ଅଡେ ଏନାଆଁତାକି ତକ୍ତା ତାଲି ତାଞ୍ଜିଇଁ ପିସାନା ତାନି ତକ୍ତି ତଲେ ଆଣ୍ଡିନେସି, ଅଡେ ଏଞ୍ଜିରି ରଣ୍ଡିଏ ଆଞ୍ଜୁ ଆନେରି, ୬ ଏନାଆଁତାକି ଏଞ୍ଜିରି ରିଆରି ଆଏ, ସାମା ରଣ୍ଡିଏ ଆଞ୍ଜୁ ଆନେରି । ଇଞ୍ଜିଁ ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣ୍ଡିଏ ଏନାଆଁ ଏଟ୍‌କା କିଆପେସି ।” ୭ ପାରୁୟିୟୁଁ ଏଞ୍ଜିରାଇଁ ସେତେରି, “ଆତିହିଁ ମସା ଏନାଆଁତାକି ପିହନି ଆକୁ ରାତାନା ତକ୍ତିନି ପିସାଲି ହେଲ ହାହାମାନେସି?” ୮ ଜୀସୁ ଏଞ୍ଜିରାଇଁ ଏଲେଇତେସି, “ଇତିହିଁ ମୀ ଆଡ଼ି ହିୟାଟି ମେସାନା ମସା ମିଟ୍ଟେ ମୀ ତକ୍ତିସିକାଣି ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହିଁ ହିଲାଆତେ । ୯ ସାମା ନାନୁ ମିଟ୍ଟେ ସେସିମାଞ୍ଜାଇଁ, ଆମ୍ପାଆସି ତାନି ତକ୍ତିନି ଦାରି ଦହ ହିଲାଆନା ଏନି କାତାତାକି ପିସାନା ଅର ତକ୍ତିନି ତାତିହିଁ, ଏଞ୍ଜି ସି ଦାରିକାମା କିନେସି ।” ୧୦ ସାପୁୟୁଁ ଏଞ୍ଜିରାଇଁ ଏଲେଇତେରି, “ତକ୍ତିନି ତଲେ ମାଣ୍ଡିଏକି ଇଲେତାୟି ମାତିହିଁ, ଏଞ୍ଜି ସି ବାହା ଆଆତିହିଁ ନେହେଁ ଆତେମା ।” ୧୧ ଜୀସୁ ଏଞ୍ଜିରାଇଁ ଏଲେଇତେସି, “ବାରେଜାଣା ଇ କାତାଟି ଆସାଲି ଆଡଅରି, ଇତିହିଁ ଆମ୍ପାଆରାକି ମାହାପୁରୁ ବାଡ଼ିୟୁଁ ହାହାମାନେସି, ଖାରୁଇ ଏଞ୍ଜିରିଦେହେଁ ଆସାଲି ଆଡିନେରି । ୧୨ ଇତିହିଁ ଆମ୍ପା ଆମ୍ପାଆରି ଇୟାନି ବାଣ୍ଡିଟିଏ ବାହା ଆହାଲି ଆତାଆରେରୁ ଜାର୍‌ମା ଆହାମାନେରି; ଇଞ୍ଜିଁ ଆମ୍ପା ଆମ୍ପାଆରି ଲକୁ ଡାଣାଟି ଏଲେକିସି ଆହାମାନେରି, ଅଡେ ଆମ୍ପା ଆମ୍ପାଆରି ଲାକପୁରୁ ରାଜିତାକି ତାମୁ ତାମୁଏ ଏଲେ ଆହାମାନେରି, ଆମ୍ପାଆସି ଏ କାତାଟି ଆସାଲି ଆଡିନାସି ଆସ୍‌ପାସି ।” ୧୩ ଏତିବେଲା ଜୀସୁ କକାରି ପଦାୟିଁ ମୁହେଁ କେୟୁ ଇତାନା ପ୍ରାତାନା କିନେସି, ଏନାଆଁତାକି ଲକୁ ଏଞ୍ଜିରାଇଁ ତାନି ଡାଣା ତାତେରି, ସାମା ସାପୁୟୁଁ ତାତିମାଟି ଲକୁଣି ଦାକା ହୀତେରି । ୧୪ ସାମା ଜୀସୁ ଏଲେଇତେସି, “କକାରି ପଦାଁଣି ନା ଡାଣା ଖାହାଲି ହୀଦୁ, ଏଞ୍ଜିରାଇଁ ଆଁଗାଆଦୁ, ଏନାଆଁତାକି ଇତିହିଁ ଲାକପୁରୁ ରାଜି ଏଲେତାରିଖାୟି ।” ୧୫ ଅଡେ ଏଞ୍ଜି ସି ଏଞ୍ଜିରି ଲାକ କେୟୁ ଇତାନା

ଏମ୍ବୁଟି ହାରେସି । ୧୭ ଅଡ଼େ ମେହ୍‌ଦୁ ରଅସି ଜୀସୁ ଡାଣା ଝାହାନା ଝେରେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଆମିନି ନେହିଁ କାମା କିଇଁ?” (aiōnios g166) ୧୭ ଜୀସୁ ଏଞ୍ଜାଣାଇଁ ଏଲେଇରେସି, “ନେହାୟି ଇନି କାତାତି ନାଡ୍ରେ ଏନାଆଁତାକି ଝେଞ୍ଜିମାଞ୍ଜୁଦି? ଝାରୁଇ ରଅସିଏ ନେହାୟି; ସାମା ନାନୁ ଜୀସୁ ବେଟାଆହାଲି ମନ କିତିହିଁ, ବାରେ ହୁକୁମି ମାନସି ଆମୁ ।” ୧୮ ଏଞ୍ଜାସି ଜୀସୁଇଁ ଏଲେଇରେସି, “ଏନିଲେହେଟି ହୁକୁମି?” ଜୀସୁ ଏଲେଇରେସି, “ଲୁକୁଣି ପାୟାଆନି, ଦାରିକାମା କିଆନି, ସରୁ କିଆନି, ମିତି ସାକି ହାଆନି, ୧୯ ତାଲି ତାଞ୍ଜି କାତା ଆହ୍‌ମୁ, ନୀ ପାଡ଼ିତି ଲୁକୁଣି ନୀ ଜୀସୁ ଲେହେଁ ଜୀସୁ ନମୁ ।” ୨୦ ଏ ଦାଂଗଣେସିଏ ଜୀସୁଇଁ ଏଲେଇରେସି, “ନାନୁ ଇ ବାରେ ମାନସି ଆହାମାଇଁ, ନାଡ୍ରେ ଅଡ଼େ ଏନଞ୍ଜା ଉଣା ମାନେ?” ୨୧ ଜୀସୁ ଏଞ୍ଜାଣାଇଁ ଏଲେଇରେସି, “ନାନୁ ନେହାତି ଆହାଲି ମନ କିତିହିଁ, ହାଜାନାହାଁ ନୀ ବାରେ ଦନ ପାର୍‌ତାନାହାଁ ହିଲାଆ ଗାଟାରାକି ଦାନା ହାମୁ, ଇଞ୍ଜିଁ ନା ଜେଚ ଝାମୁ, ଏରେଟିଏ ଲାକପୁରୁ ନାନୁ ଦନ ବେଟାଆଦି ।” ୨୨ ଇ କାତା ଝେଞ୍ଜାନା ଦାଂଗଣେସିଏ ଦୁକୁ ଆହାନା ହାରେସି, ଇତିହିଁ ଏଞ୍ଜାଣାଇଁ ହାରେକା ଦନ ମାଚେ । ୨୩ ଏରେଟିଏ ଜୀସୁ ତାନି ସାୟୁୟାଁ ଏଲେଇରେସି, “ନାନୁ ମିଡ୍ରେ ସାତା ଝେସିମାଞ୍ଜୁଇଁ, ଦନ ଗାଟାରି ଲାକପୁରୁ ରାଜିତା ହତାଲି ହାରେକା କସୁ ଆନେ । ୨୪ ଅଡ଼େ ଝେଣ୍ଡେ ନାନୁ ମିଡ୍ରେ ଝେସିମାଞ୍ଜୁଇଁ, ମାହାପୁରୁତି ରାଜିତା ଦନଗାଟାରି ହାନି କିହାଁ ଉରୁ ସୁଜା କାଣିତି ହତା ହାନାୟି ଉସାସା ଆନେ ।” ୨୫ ସାୟୁୟାଁ ଇ କାତା ଝେଞ୍ଜାନା କାବାଆହାନା ଏଲେଇରେସି, “ଆତିହିଁ ଆମ୍ବାଆସି ଗେଲୁପି ଆହାଲି ଆତିନେସି?” ୨୬ ଜୀସୁ ଏଞ୍ଜାଣାଇଁ ସିନିକିହାନା ଏଲେଇରେସି, “ଇଦି ମାଣ୍‌ସିତାକି ଆଆଗାଟାୟି, ସାମା ମାହାପୁରୁ ତାକି ବାରେ ଆନେ ।” ୨୭ ଏରେଟିଏ ପିତର ଏଲେଇରେସି, “ମେହ୍‌ମୁ ମାମୁ ବାରେ ପିସାନା ନୀ ଜେଚ ଝାହାମାନସି; ଆତିହିଁ ମାମୁ ଏନାଆଁ ବେଟାଆନମି?” ୨୮ ଜୀସୁ ଏଞ୍ଜାଣାଇଁ ଏଲେଇରେସି, ନାନୁ ମିଡ୍ରେ ସାତା ଝେସିମାଞ୍ଜୁଇଁ, ପୁଠନି ଜୁରୁ ଆନାଟି ଏରେଟା ମାଣ୍‌ସି ମାର୍‌ସିଏ ତାନି ଗାଧୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନା ଜେଚ ଝାହାମାନାଚେରି ମାରୁ, ମାରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସାୟେଲତି ବାର କୁଡ଼ାତି ସାଲଖି କିଦେରି । ୨୯ ଇଞ୍ଜିଁ ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଣ୍ଡିସ୍ତା, ତାଲି ତାଞ୍ଜି, କକାରି ପଦାୟାଁ, ଇଞ୍ଜିଁ ବୁମି ବାଡ଼ା ପିସାମାନେସି, ଏଞ୍ଜାସି ଏ ବାରେକିହାଁ ହାରେକା ଗାଡ଼ି ବେଟା ଆନେସି, ଇଞ୍ଜିଁ କାଲାକାଲାତି ଜୀସୁଟି ବେଟା ଆନେସି । (aiōnios g166) ୩୦ ସାମା ନକିତା ମାନି ହାରେକା ଲୁକୁ ଡାୟୁ ଆନେରି, ଇଞ୍ଜିଁ ଡାୟୁତା ମାନି ହାରେକା ଲୁକୁ ନକିତା ଆନେରି ।

୨୦ ଇତିହିଁ ଲାକପୁରୁ ରାଜି ଇଲେତି ର ସାଧୁକାରି ଲେହେଁତାୟି, ଲାକି ଝେୟାଲିଏ ତାନି ଅଡ୍ଡୁରି ବାଡ଼ାତା କୂଲି କାମା କିଝିକିହାଲି ହାରେସି । ୨ ଅଡ଼େ ଏଞ୍ଜାସି କୂଲି ଗାଟାରାଇଁ ଦିନାତାକି ର ଝେଣ୍ଡି ଟାକା ହିୟାଇଁ ଇଞ୍ଜିଁ ଏଞ୍ଜାଣାଇଁ ତାନି ଅଡ୍ଡୁରି ବାଡ଼ାତା ପାଣ୍ଡିତେସି । ୩

ଅଡ଼େ ନ ଗଂଟା ବେଲାତା ଏଞ୍ଜାସି ପାଞ୍ଜୁତା ହାଜାନା ଏବ୍‌କାତାରି କାମା ପୁଞ୍ଜାଆନା ନିତାମାତାଣି ମେସାନା ଏଞ୍ଜାଣାଇଁ ଜିକେଏ ଏଲେଇରେସି, ୪ ମାରୁ ଜିକେଏ ଅଡ୍ଡୁରି ବାଡ଼ାତା ହାଜାନା କାମା କିପୁ, ଇଞ୍ଜିଁ ଏନିକିଁ ତାରି ଆହାମାନେ, ଏଲେକିହିଁ ମିଡ୍ରେ ହିୟାଇଁ; ଇଞ୍ଜିଁ ଏଞ୍ଜାରି ହାରେରି । ୫ ଅଡ଼େ ମାଦେନା ବାର ଗଂଟା ଇଞ୍ଜିଁ ତାନି ଗଂଟା ବେଲାତା ପାଞ୍ଜୁତା ହାଜାନା ଏଲେକିତେସି । ୬ ଇଞ୍ଜିଁ ମିଡ଼ଅଲା ପାସା ଗଂଟା ବେଲାତା ପାଞ୍ଜୁତା ହାଜାନା ଏତରଜାଣା ନିତାମାନାଣି ମେସାନା ଝେରେସି, ମାରୁ ଏନାଆଁତାକି ମାଦେନା ଝେଡ଼ାତୁମ୍ବେ କାମା କିଆନା ଉଜେଏ ନିତାମାଞ୍ଜୁରେ । ୭ ଏଞ୍ଜାରି ଏଞ୍ଜାଣାଇଁ ଏଲେଇରେସି, ଆମ୍ବାଆରି ମାଡ୍ରେ କାମା ହେର୍‌ପା ମାଞ୍ଜୁଅରି । ଏଞ୍ଜାସି ଏଞ୍ଜାଣାଇଁ ଏଲେଇରେସି ମାରୁ ଜିକେଏ ଅଡ୍ଡୁରି ବାଡ଼ାତା ହାକୁ । ୮ ଡାୟୁ ମିଡ଼ଅଲା ଆହାଲିଏ, ଅଡ୍ଡୁରି ବାଡ଼ାତି ସାଧୁକାରି ତାନି ଗୁମୁସ୍ତାଇଁ ଏଲେଇରେସି, କୂଲି ଗାଟାରାଇଁ ହାଟାନା ଡାୟୁ ଝାଡ଼ି ଲୁକୁ ଡାଣାଟିଏ ମାଟ୍‌ହାନା ନକିତା ଝାଡ଼ି ଲୁକୁ ପାଚେକା କୂଲି ହାମୁ । ୯ ଏରେଟିଏ ଆମିନି ଗାଟାରି ପାସା ଗଂଟା ବେଲାତା କାମାତା ପାଣ୍ଡି ଆହାମାଚେରି, ଏଞ୍ଜାରି ଝାହାନା ର ଝେଣ୍ଡି ଟାକା ଲାକା ବେଟାଆଚେରି । ୧୦ ଇଞ୍ଜିଁ ନକେଏ କାମାତା ପାଣ୍ଡି ଆହାମାନାରି ଝାହାନା ଗାଡ଼ି ବେଟାଆନେରି ଇଞ୍ଜିଁ ଅଣ୍‌ପିତେରି; ସାମା ଏଞ୍ଜାରି ଜିକେଏ ଏ ର ଝେଣ୍ଡି ଟାକା ଲାକା ବେଟାଆଚେରି । ୧୧ ସାମା ଏଲେକିଁ ବେଟାଆହାନା ଏଞ୍ଜାରି ସାଧୁକାରିଇଁ କପା ଆହାନା ଲାଗିତେରି । ୧୨ ଇ ଡାୟୁତି ଲୁକୁ ଝାରୁଇ ର ଗଂଟା କାମା କିଚେରି, ଇଞ୍ଜିଁ ମାମୁ ଝେଡ଼ା ତୁମ୍ବେ ଝାୟୁ ଆହିଁ କାଲୋ ଝେହିଁ କାମା କିତିହିଁ ଜିକେଏ ନାନୁ ଏଞ୍ଜାଣାଇଁ ମା ସମାନା କିତି । ୧୩ ଏଞ୍ଜାରି ବିତ୍ରାଟି ରଅଣାଇଁ ସାଧୁକାରି ଏଲେଇରେସି ଏ ଡ଼ଣେ, ଝେନମୁ, ନାନୁ ନିଡ୍ରେ ନାଡ଼ି କିହିମାଞ୍ଜୁଅଁ; ନାନୁ ନା ତଲେ ର ଝେଣ୍ଡି ଟାକା ତାକି ରାଜି ଆହାହିଲାଆତି କି? ୧୪ ନାନୁ ଏଚେକା ପାଣ୍‌ନାୟି ମାନେ ଏଚେକା ଆସାନା ହାଜାତୁହମୁ, ସାମା ଇ ଡାୟୁତି ଲୁକୁକି ଜିକେଏ ନୀ ଲେହେଁକି ହିୟାଲି ନା ମନ । ୧୫ ନା ଦନତି ନା ମନ ଲେହେଁ ଲେମ୍‌ଲି ନା ଅଦିକାରା ହିଲେଏ କି? ନାନୁ କାର୍‌ମୋସାନା ହିୟାଲିଏ ନାନୁ ଏନାଆଁତାକି ଡାହାରା ଆହିମାଞ୍ଜୁଦି । ୧୬ ଏଲେକିହିଁଏ ଡାୟୁ ମାନି ଲୁକୁ ନକିତା ଆନେରି, ଇଞ୍ଜିଁ ନକିତା ମାନି ଲୁକୁ ଡାୟୁ ଆନେରି । ୧୭ ଜୀସୁ ଜିରୁସାଲମତା ହାଜିମାତାଟି ବାରଜାଣାଟି ସାୟୁୟାଁ ଏବ୍‌କା କିହାନା, ଜିରୁତା ଏଞ୍ଜାଣାଇଁ ଏଲେଇରେସି, ୧୮ ମେହ୍‌ଦୁ ମାର ଜିରୁସାଲମତା ହାଜିମାନାୟି, ମାଣ୍‌ସି ମାର୍‌ସିଏ କାଜା ପୁଜେରାଟ୍ଟା ଅଡ଼େ ଚେରାପୁନାରି କେୟୁତା ହେର୍‌ପିଆନେସି, ୧୯ ଅଡ଼େ ଏଞ୍ଜାରି ଏଞ୍ଜାଣାଇଁ ହାନି ତଣ୍ଡୁ ହାହାନା ଏବ୍‌କା କୁଡ଼ାତାରି କେୟୁତା ହେର୍‌ପିନେରି, ଏରେଟିଏ ଏଞ୍ଜାରି ଏଞ୍ଜାଣାଇଁ କିଜଝି କିନେରି, ସାବ୍‌ଣି ଡ଼ରିତଲେ ଝେନେରି, ଅଡ଼େ ପାସି ମୁଣ୍ଡାତା ଏକ୍‌ହାନା ପାୟିନେରି, ଇଞ୍ଜିଁ ତାନି ଦିନାଟିଏ ହାକିଟି ଝେଣ୍ଡେ ନିଞ୍ଜିନେସି । ୨୦ ଏଚିବେଲା ଜେବଦି ତକ୍ତି ତାନି ରୀ ମୀରୁକା ତଲେ ଜୀସୁ ଡାଣା ଝାହାନା ଜହରା କିହାନା ଏଞ୍ଜାଣି ଡାଣା ବାଡ଼ିମାଲିହିଁ ଏଲେଇଚେ । ୨୧ ଏରେଟିଏ ଜୀସୁ ଏଦାନି ଝେରେସି,

“ନୀନୁ ଏନାଆଁ ମନ କିହମାଜ୍ଜି?” ଏବି ଏଲେଇଚେ, “ନୀ ରାଜିତା ନା ରୀ ମାର୍ଜକା ବିତ୍ରାଟି ରଅଧି ନୀ ଚିଃନିଝାକି ଅଡ଼େ ରଅଧି ନୀ ଚେବୁଝାକି କୁରିନେରି ଇଞ୍ଜି ହୁକୁମି ହୀମୁ ।” ୨୨ ଯାମା ଜୀସୁ ଏଲେଇଚେସି, “ମୀରୁ ଏନାଆଁ ରାସିମାଜ୍ଜେରି ଏଦାଆଁ ପୁଞ୍ଜିହଲଅଚେରି । ନୀନୁ ଆମିନି ସଲ୍ଲତା ଗସାଲି ହାଜିମାଲ୍, ଏଦାଆଁ ମୀରୁ ଗସାଲି ଆଡିଦେରି?” ଏଝାରି ଏଝାଣାଲ୍ ଏଲେଇଚେରି, “ଆଡିନମି ।” ୨୩ ଜୀସୁ ଏଝାରାଲ୍ ଏଲେଇଚେସି, “ମୀରୁ ନା ସଲ୍ଲତା ଗହ୍ଦେରି ସାତା, ସାମା ନା ଚିଃନି କି ଚେବୁଝାକି କୁଗାଲି ହାନି ନା ଅଦିକାରାତି କାତା ଆଏ, ଇଚିହିଁ ଆମିନି ଗାଟାରାକି ନା ଆବା ତାଣାଟି ଚାୟୁ କିଝିଆହାମାନେ ଏଝାରି କୁରିନେରି ।” ୨୪ ଏବ୍‌କାତି ଦସ ଜାଣା ଇ କାତା ଖେଞ୍ଜାନା ଏ ତାୟି ରିଆରାଲ୍ କପା ଆଚେରି । ୨୫ ସାମା ଜୀସୁ ଏଝାରାଲ୍ ତାଣେ ହାଟାନା ଏଲେଇଚେସି, “ଏବ୍‌କା କୁଡ଼ାତାରି ସାଲଝି କିନାରି କାଜା ବାଡ଼ୁଚ ତଲେ ତାମି କାଜାପାଣା ତହ୍ନେରି, ଇଦାଆଁ ମୀରୁ ପୁଞ୍ଜିମାଜ୍ଜେରି । ୨୬ ମୀ ବିତ୍ରା ଏଲେକିହିଁ ଆଏ, ସାମା ମୀ ବିତ୍ରା ଆମୁଆସି କାଜାସି ଆହାଲି ଅଣ୍ଡିନେସି, ଏଝାସି ମୀ ସେବା କିନାସି ଆପେସି; ୨୭ ଅଡ଼େ ଆମୁଆସି କାଜାପାଣା ବେଟାଆହାଲି ମନ କିନାସି ଏଝାସି ମୀ ହଲେଏସି ଆପେସି, ୨୮ ଏନିକି ମାଣ୍ଡି ମାର୍‌ଏସି ଜିକେଏ ସେବା ବେଟାଆହାଲି ଝାହାହିଲଅସି, ସାମା ସେବା କିହାଲି ଅଡ଼େ ହାରେକା ଲୁକୁଣି ଗେଲ୍‌ପାଲି ଜୀସୁ ହାହାଲି ଝାହାମାନେସି ।” ୨୯ ଜୀସୁ ଅଡ଼େ ତାନି ସାୟୁୟି ଜିରିହତି ହାଜିମାଟାଟି ହାରେକା ମାନୁ ଲୁକୁ ତାନି ଜେଚ ହାଚେରି । ୩୦ ଅଡ଼େ ଜିରୁ ଦାରିତା ରିଆରି କାଣାୟି ଜୀସୁ ଏ ଜିରୁଟି ହାଜିମାନେସି ଇଞ୍ଜି ଖେଞ୍ଜାନା, କାଜା ଗିୟିତଲେ ଏଲେଇଚେରି, “ଏ ପ୍ରବୁ ଦାସୁଦ ମାର୍‌ଏଣାଟା! ମାଡ଼େ କାର୍ନା ମେସ୍ତାମୁ!” ୩୧ ସାମା ଲୁକୁ ଏଝାରାଲ୍ ପାଲେଏ ଆହାଲି ଦାକା ହାଚେରି, ସାମା ଏଝାରି ଅଡ଼େ କାଜା ଗିୟିତଲେ ଏଲେଇଚେରି, “ଏ ପ୍ରବୁ ଦାସୁଦ ମାର୍‌ଏଣାଟା! ମାଡ଼େ କାର୍ନା ମେସ୍ତାମୁ!” ୩୨ ଏମୁଟିଏ ଜୀସୁ ନିଚାନା ଏଝାରାଲ୍ ହାଟାନା ଖେଚେସି, “ନୀନୁ ମିଡ଼େଟାକି ଏନାଆଁ କିଲ୍ ଇଞ୍ଜି ମୀରୁ ଅଣ୍ଡିମାଜ୍ଜେରି?” ୩୩ ଏଝାରି ଏଝାଣାଲ୍ ଏଲେଇଚେରି, “ଏ ପ୍ରବୁ ଏନିକି ମା! କାଣ୍‌କା ଦେପି ଆନୁ ।” ୩୪ ଅଡ଼େ ଜୀସୁ କାର୍ନା ଆହାନା ଏଝାରି କାଣ୍‌କା ତାରିଚେସି, ଇଞ୍ଜି ଏ ଦେବୁଣିଏ ଏଝାରି ମେସ୍ତେରି ଇଞ୍ଜି ଏଝାଣି ଜେଚ ହାଚେରି ।

୨୧ ଏଚିବେଲା ଜୀସୁ ଅଡ଼େ ତାନି ସାୟୁୟି ଜିରୁସାଲମ ତାଣେ ଆହାନା ଜାତ ଇନି ହରୁ ଦାରିତି ବେଡ଼ପାରି ଏଜାଲିଏ ଏଚିବେଲା ଜୀସୁ ତାନି ରୀ ସାୟୁୟିଣି ଏଲେଇଞ୍ଜି ପାଣ୍ଡିଚେସି । ୨ “ମୀରୁ ନକିତା ମାନି ନାୟୁତା ହାଜୁ, ଇଞ୍ଜି ହାଲ୍‌ଝନିଏ ଦସାମାନି ର ଗାଡ଼େ ଇଞ୍ଜି ତାଲୁ ମେହ୍‌ଦେରି; ଏଝାଆଁ ହୁକହାନା ନା ତାଣା ତାଦୁ । ୩ ଅଡ଼େ ଆମୁଆସି ଏନାଆଁ ଇଞ୍ଜିତିହିଁ, ଖେହ୍‌ଦୁ, ଇଝାସିକା ତାଣା ମା ପ୍ରବୁକି ଲଡ଼ାମାନେ, ଏ ଦେବୁଣିଏ ଏଝାସିକାଣି ପାଣ୍ଡାନେସି ।” ୪ ମାହାପୁରୁ ଅଣ୍ଡିପୁତି ବଲୁ ଖେହ୍‌ନାରି କାତା ଏନିକି ସାତା ଆନେ, ଏଦାଆଁତାକି ଇ ବାରେ ଆଚେ; ୫ “ସିୟନତି ଗାଡ଼ାଲ୍ ଖେହ୍‌ଦୁ ମେହ୍‌ମୁ ନୀ ରାଜା ନୀ ତାଣା ଝାହିମାନେସି!

ଏଝାସି ସୁଦୁଗାଟାସି ଇଞ୍ଜି ଗାଡ଼େ ଲାକ କୁଗାମାନେସି ଇଚିହିଁ ଗାଡ଼େ ତାଲୁ ଲାକ କୁଗାମାନେସି ।” ୬ ଏମୁଟିଏ ସାୟୁୟି ହାଜାନା ଜୀସୁ ଖେସ୍ତିଲେହେଁ କାମା କିଚେରି, ୭ ଅଡ଼େ ଗାଡ଼େ ଇଞ୍ଜି ତାଲୁଟି ତାଚାନା ଏଝାସିକା ଲାକ ହିମୁରିକା ପାସ୍ତେରି, ଇଞ୍ଜି ଜୀସୁଲ୍ କୁଗିକିଚେରି । ୮ ଅଡ଼େ ହାରେକା ଲୁକୁ ତାମି ହିମୁରିକା ଜିରୁତା ପାସ୍ତେରି, ଅଡ଼େ ଏଚେକା ଲୁକୁ ମାର୍‌କାତି ଗଟାୟି ତାଚାନା ଜିରୁତା ପାସ୍ତେରି । ୯ ଅଡ଼େ ଜୀସୁଟି ତାୟୁତା ନକିତା ହାଜିମାଟି ଲୁକୁ ବାରେ କାଜା ଗିୟିତଲେ ଏଲେଇଚେରି, “ହସାନା ଦାସୁଦ ମାର୍‌ଏସି! ମାହାପୁରୁ ଦରୁଟି ଝାହିମାନେସି ନେହ୍‌ସି! ମାହାପୁରୁ ଏଝାଣାଲ୍ ବର ହୀପାସି, ଲାକପୁରୁ ହସାନା!” ୧୦ ଅଡ଼େ ଏଝାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଝାସି ଆମୁଆସି?” ଇଞ୍ଜି କାବାଆହାନା ଏଲେଇଚେରି । ୧୧ ଏଚେଟିଏ ବାରେ ଲୁକୁ ଏଲେଇଚେରି, “ଇଝାସି ଗାଲିଲି ଦେସାତା ମାନି ନାଜିରିଚି ମାହାପୁରୁ ଅଣ୍ଡିପୁତି ବଲୁ ଖେହ୍‌ନି ଜୀସୁ ।” ୧୨ ତାୟୁ ଜୀସୁ ମାହାପୁରୁ ଇଲୁତା ହତାନା ଏ ତାୟୁତା ଏମୁଆଁ ଆସ୍ତି ମାସ୍‌କି ମାଟାରାଲ୍ ବାରେଚି ପାଟ୍ଟାତା ପେହ୍‌ହା ପାଣ୍ଡିଚେସି, ଇଞ୍ଜି ଗାକାୟି ବେବାରା ଗାଟାରି କୁର୍ତ୍ତାୟି ଅଡ଼େ ପାର୍‌ଝା ପଟାୟି ବେବାରା ଗାଟାରି ଜମ୍‌ମାୟି ଚିରିମୁପହେସି, ୧୩ ଅଡ଼େ ଏଝାସି ଏଝାରାଲ୍ ଏଲେଇଚେସି, ମାହାପୁରୁ ଦାର୍‌ପୁଚିତା ରାସ୍‌କି ଆହାମାନେ, “ନା ଇଲୁ ପ୍ରାଚାନା ଇଲୁ ଇଞ୍ଜି ଖେଡ଼ିନେ, ସାମା ମୀରୁ ଏଦାଆଁ ତ’ଗାୟି ପାସ୍ତି ମୁପହା ମାଜ୍ଜେରି ।” ୧୪ ଇଞ୍ଜି ମାହାପୁରୁ ଇଲୁତା କାଣାୟି, ସଟାୟି ତାନି ତାଣା ଝାଚେରି ଇଞ୍ଜି ଏଝାରାଲ୍ ନେହିଁ କିଚେସି । ୧୫ ସାମା କାଜା ପୁଜେରାଡ଼ୁ ଅଡ଼େ ମେରାପୁନାରି ତାନୁ କିହିମାନି କାବାଆନି କାମା ମେସାନା ଅଡ଼େ “ମାହାପୁରୁ ଇଲୁତା ହସାନା ଦାସୁଦ ମାର୍‌ଏସି” ଇଞ୍ଜି କାଜା ଗିୟିତଲେ କକାରି ଜଲିମାନାଣି ଖେଞ୍ଜାନା କପା ଆଚେରି । ୧୬ ଏଝାରି ଜୀସୁଲ୍ ଖେଚେରି, “ଇଝାରି ଏନାଆଁ ଇଞ୍ଜି ମାନେରି, ନୀନୁ ଏଦାଆଁ ଖେଞ୍ଜିମାଜ୍ଜି?” ଜୀସୁ ଏଝାରାଲ୍ ଏଲେଇଚେସି, “ହାଅ, ଖେଞ୍ଜିମାଲ୍, ମୀରୁ କକାରି ଇଞ୍ଜି ପାଲୁ ଗହ୍‌ନରାଲ୍ ନିଡ଼ୁ ଜହରା ପାବୁ ପାଚାଲି ଜାପହାମାଜ୍ଜି, ଦାର୍‌ପୁ ପିଚିତି ଇ କାତାଟି ମୀରୁ ଏଚେଲା ପଡ଼ି ଆହାହିଲଅଚେରି?” ୧୭ ଅଡ଼େ ଏଝାସି ଏଝାରାଲ୍ ପିସାନା ଗାଡ଼ାଟି ହତାନା ବେଚନିୟିତା ହାଜାନା ଏମୁଆଁ ଲାଆଁୟି ତୁୟିଚେସି । ୧୮ ଜୀସୁ ଗାଡ଼ାତା ଖେଣ୍ଡା ହାଜିମାଟାଟି ହାକି ଆଚେସି, ୧୯ ଅଡ଼େ ଜିରୁ ଦାରିତା ର ତୟା ମାର୍‌ନୁ ମେସାନା ଦାରିତା ହାଚେସି, ଇଞ୍ଜି ଝାର୍‌ଇ ଅକା ପିସ୍‌ପେ ଏମୁଆଁ ଏନାଆଁ ମେହ୍‌ଆଚେସି ଇଞ୍ଜି ଏଦାନି ବାକା ଇଟାନା ଏଲେଇଚେସି, “ନୀ ତାଣା ଏଚେଲା ପାଡ଼େୟି ଆୟାଆପେ” ଇଞ୍ଜି ଏ ଦେବୁଣିଏ ଏ ତୟା ମାର୍‌ନୁ ଝାୟାହାଚେ । (ଇଠିନ ଗୃ165) ୨୦ ସାୟୁୟି ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାର୍‌ନୁ ଏନିକି ଏ ଦେବୁଣିଏ ଝାୟା ହାଚେ ।” ୨୧ ଜୀସୁ ଏଝାରାଲ୍ ଏଲେଇଚେସି, “ନୀନୁ ମିଡ଼େ ସାତା ଖେସିମାଜ୍ଜିଲ୍, ମୀ ନାମୁ ମାଚିହିଁ, ଅଡ଼େ ମୀରୁ ଆନାମାନା ଆଆନା, ଇ ତୟା ମାର୍‌ନୁଟି ଏନି କିଝିଆହାମାନେ, ଏଲେକିହିଁଏ କିଦେରି ଏଦି ଆଏ, ‘ସାମା ଇ ହରୁଟି

ଜିକେଏ ନାନୁ ନିତ୍ସୁନା ସାମଦୁରିତା ତରୁଗାମୁ' ଇଚ୍ଛେରି, ଆତିହିଁ ଏଦି ଆନେ । ୨୨ ଇଚ୍ଛା ନାମୁତଲେ ପ୍ରାଚୀନାତା ଏନାଆଁ ରାହଦେରି ଏ ବାରେ ମିତ୍ସେ ମେଡ଼ାଆୟନେ ।" ୨୩ ତାୟୁ ଜୀମୁ ମାହାପୁରୁ ଇଲୁତା ହତାନା ଜାପୁହି ମାତାଟି, କାଜା ପୁଜେରାଢ଼ୁ ଅଡେ ଲକ୍ଷ୍ମି କାଜାରି ଏଞ୍ଜାଣି ତାଣା ଖାହାନା ଖେତେରି, "ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଞ୍ଜୁ? ନିତ୍ସେ ଏ ଅଦିକାରା ଆମ୍ବାଆସି ହିୟାତେସି?" ୨୪ ଜୀମୁ ଏଞ୍ଜାରାଇଁ ଏଲେଇତେସି, "ନାନୁ ଜିକେଏ ମିତ୍ସେ ର କାତା ଖେଞ୍ଜାଇଁ, ମାରୁ ଏଦାଆଁ ଖେଣ୍ଡେ ଖେପୁତିହିଁ, ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଇଁ, ନାନୁ ଜିକେଏ ମିତ୍ସେ ଖେପୁଆଁ । ୨୫ ଜହନ ବାପୁସ୍ତୁ ହାହାଲି ଆମ୍ବାଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକ୍ଷ୍ମି ତାଣାଟି?" ଏତେଟିଏ ଏଞ୍ଜାରି ତାମୁ ତାମୁଏ ଜଲକି ଆତେରି, "ମାହାପୁରୁ ତାଣାଟି ଇଚ୍ଛା ଖେପୁହିଁ, ଏଞ୍ଜାସି ମାତ୍ସେ ଏଲେଇଚ୍ଛାନେସି, 'ମାରୁ ଏନାଆଁତାକି ଏଞ୍ଜାଣାଇଁ ନାମାଆତେରି?' ୨୬ ସାମା ମାଣସିୟାଁ ତାଣାଟି ଇନାୟି, ଲକ୍ଷ୍ମିତାକି ଆଜି, ଇତିହିଁ ବାରେ ଲକ୍ଷ୍ମି ଜହନଇଁ ମାହାପୁରୁ ଅଣପୁତି ବଲୁ ଖେହନାସି ଇଚ୍ଛାହିଁ ମାନଖି ଆହିମାନେରି ।" ୨୭ ଏଦାଆଁତାକି ଏଞ୍ଜାରି ଜୀମୁଇଁ ଏଲେଇତେରି, "ମାମୁ ପୁଞ୍ଜୁହିଲଅମି ।" ଏଞ୍ଜାସି ଜିକେଏ ଏଞ୍ଜାରାଇଁ ଏଲେଇତେସି, "ଆତିହିଁ ନାନୁ ଜିକେଏ ଆମିନି ଅଦିକାରା ତଲେ ଇ ବାରେ କିହିମାଇଁ, ଏଦାଆଁ ନାନୁ ଜିକେଏ ମିତ୍ସେ ଖେପୁଆଁ ।" ୨୮ ମାରୁ ଏନାଆଁ ଅଣପିମାଚ୍ଛେରି? ରଅଣାକି ରା ମାରୁକା ମାତେରି, ଏଞ୍ଜାସି କାଜା ମାରୁଏଣି ତାଣା ଖାହାନା ଏଲେଇତେସି, "ମାରୁଏଣା ନାଞ୍ଜୁ ଅଟ୍ଟୁରି ବାଡ଼ାତା ହାଜାନା କାମା କିମୁ ।" ୨୯ ଏଞ୍ଜାସି ଏଲେଇତେସି, "ନାତ୍ସେ କାମା କିହିଲି ମନ ହିଲେଏ" ସାମା ତାୟୁ ଏଞ୍ଜାସି ଅଣପାମା କାମା କିହିଲି ହାତେସି । ୩୦ ଇଚ୍ଛା ଉଣା ମାରୁଏଣା ତାଣା ଖାହାନା ଏଲେଇଚ୍ଛା ଖେପୁସି, ଏଞ୍ଜାସି ଏଲେଇତେସି, "ହାଅ ଆବା ନାନୁ ହାଜିମାଇଁ, ସାମା ଏଞ୍ଜାସି ହାଲୁଆତେସି । ୩୧ ଇ ରିଆରି ବିତ୍ରାଟି ଆମ୍ବାଆସି ଆବା ମନ ଲେହେଁ କିତେସି?" ଏଞ୍ଜାରି ଏଲେଇତେରି "କାଜାସି ।" ଜୀମୁ ଏଞ୍ଜାରାଇଁ ଏଲେଇତେସି, ନାନୁ ମିତ୍ସେ ସାତା ଖେସିମାଞ୍ଜୁଇଁ, ସିମୁ ରାହନାରି ଇଚ୍ଛାଁ ଦାରେଣିସିକା ମୀ ନକେଏ ମାହାପୁରୁ ରାଜିତା ହତନୁ । ୩୨ ବାପୁସ୍ତୁ ହାନି ଜହନ ଖାହାନା ମୀ ତାଣା ଦାମୁତି ଜିରୁ ତପୁତେସି, ଅଡେ ମାରୁ ଏଞ୍ଜାଣାଇଁ ନାମାଆତେରି, ସାମା ସିମୁ ରାହନାରି ଇଚ୍ଛାଁ ଦାରେଣିସିକା ଏଞ୍ଜାଣାଇଁ ନାମିତୁ, ସାମା ମାରୁ ଏନିକି ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟାଁ ବାଦଲି କିଆତେରି । ୩୩ ଅଡେ ର ପୁଣ୍ଡିକିନି କାତା ଖେଞ୍ଜୁ ର ବୁମି ଗାଟାସି ମାତେସି, ଏଞ୍ଜାସି ର ଅଟ୍ଟୁରି ବାଡ଼ା କିହନା ସାରିଖାକି ବେୟି ଗୁରତେସି, ଇଚ୍ଛାଁ ଅଟ୍ଟୁରି ପାଡେୟି ପୀତାଲି ର ଗାଡ଼ୁୟୁ କାରୁହାନା ର ଗାଣା ହଲୁଲେହେଁ କିତେସି, ଇଚ୍ଛାଁ କାଃଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଟା ହାହାନା ହେକ ଦେସାତା ହାତେସି । ୩୪ ତାୟୁ ପାଡେୟି କାମ୍ପି ବେଲା ଆୟାଲିଏ, ଏଞ୍ଜାସି ତାନି ପାଡେୟି ବାଗା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲିୟାଢ଼ାଣି

ପାଣ୍ଡିତେସି । ୩୫ ସାମା କାମାକିନାରି ତାନି ହଲିୟାଢ଼ାଣି ଆସାନା ରଅଣାଇଁ ଖେତେରି ଇଚ୍ଛାଁ ଅର ରଅଣାଇଁ ପାୟିତେସି, ଅଡେ ରଅଣାଇଁ ଖାଲକା ଖେତାନା ପାୟିଁ କୁତାତୁସ୍ତେରି । ୩୬ ଅଡେ ଏଞ୍ଜାସି ତଲିତି କିହିଁ ହାରେକା ଜାଣା ହଲିୟାଢ଼ାଣି ପାଣ୍ଡିତେସି, ଅଡେ ଏଞ୍ଜାରି ଏଞ୍ଜାରାଇଁ ଜିକେଏ ଏଲେକିତେରି । ୩୭ ସାମା ନା ମାରୁଏଣାଇଁ ଏଞ୍ଜାରି ମାନି କିନେରି ଇଚ୍ଛାଁ ଅଣପାମା, ଏଞ୍ଜାସି ତାୟୁ ତାନି ମାରୁଏଣାଇଁ ଏଞ୍ଜାରିତାଣା ପାଣ୍ଡିତେସି । ୩୮ ସାମା ଏ କାମାକିନାରି ମାରୁଏଣାଇଁ ମେସାନା ତାମୁ ତାମୁଏ ଖେସପି ଆତେରି, ଇଞ୍ଜାସିତ ବାଡ଼ାତି ଅଦିକାରା ଗାଟାସି; ଖାଦୁ ଇଞ୍ଜାଣାଇଁ ପାୟାମା ଅଟ୍ଟୁରି ବାଡ଼ାତି ଅଦିକାରା କିହାକତିନ । ୩୯ ଇଚ୍ଛାଁ ଏଞ୍ଜାରି ଏଞ୍ଜାଣାଇଁ ଅଟ୍ଟୁରି ବାଡ଼ା ଆତାଲା ମେଡ଼ହାନା ପାୟିତେରି । ୪୦ ଜୀମୁ ଏଞ୍ଜାରାଇଁ ଖେତେସି, "ଇତିହିଁ ଏତିବେଲା ଏ ଅଟ୍ଟୁରି ବାଡ଼ାତି ସାଧୁକାରି ଖାନେସି, ଏତିବେଲା ଏ କାମା କିନାରାଇଁ ଏନାଆଁ କିନେସି ।" ୪୧ ଏଞ୍ଜାରି ଏଞ୍ଜାଣାଇଁ ଏଲେଇତେରି, "ଏ ଲାଗେଏ ପଲେଏତି କାମା କିନାରାଇଁ କସୁ ହାହିଁ ପାୟିନେସି, ଇଚ୍ଛାଁ ଏଞ୍ଜାଣାକି କାମ୍ପିନିସାରି ବାଗା ହାନି ଏବୁକାତି କାମା କିନାରାକି ଅଟ୍ଟୁରି ବାଡ଼ାତି ହେବୁପିନେସି ।" ୪୨ ଜୀମୁ ଏଞ୍ଜାରାଇଁ ଏଲେଇତେସି, "ମାରୁ ଦାମୁଁ ପତିତି ଇ କାତା ଏରେଲାଖା ପଡ଼ି ଆହାହିଲଅତେରି କି?" ଇଲୁ ଦହନାରି ଆମିନି ଖାଲିତି ମିଣ୍ଟ ଏଚ୍ଛାଁ କଡେରି, ଏଦିଏ ଇଲୁ କନତି ମଲୁ ଖାଲି ଆତେ; ମାହାପୁରୁ ତାଣାଟି ଇଦି ଆତେ, ଇଚ୍ଛାଁ ଏଦି ମା କାନୁତାକି କାବା ଆନାୟି । ୪୩ "ଏଦାଆଁତାକି ନାନୁ ମିତ୍ସେ ଖେସିମାଞ୍ଜୁଇଁ, ମାହାପୁରୁତି ରାଜି ମୀ ତାଣାଟି ମୀଞ୍ଜୁ ଅଞ୍ଜିଆନେ, ଇଚ୍ଛାଁ ଆମିନି ଜାତିତି ଲକ୍ଷ୍ମି ନେହିଁ ପାଡେୟି କାମ୍ପି କିନେରି ଏଞ୍ଜାରାକି ହାନେସି । ୪୪ ଅଡେ ଆମ୍ବାଆସି ଇ ଖାଲି ଲାକ ରିନେସି ଏଞ୍ଜାସି କାଣ୍ଡାମୁକା ଆନେସି, ଇଚ୍ଛାଁ ଇ ଖାଲି ଆମ୍ବାଆରି ଲାକ ରିନେ ଏଦି ଏଞ୍ଜାଣାଇଁ ନାସାକିନେ ।" ୪୫ କାଜା ପୁଜେରାଢ଼ୁ ଅଡେ ପାରୁସିୟାଁ ଇଞ୍ଜାଣି ଇ ବାରେ ପୁଣ୍ଡିକିନି କାତା ଖେଞ୍ଜୁନା, ଏଞ୍ଜାସି ଏଞ୍ଜାରି କାତା ଖେସିମାନେସି ଇଚ୍ଛାଁ ପୁତେରି, ୪୬ ଇଚ୍ଛାଁ ଏଞ୍ଜାରି ଏଞ୍ଜାଣାଇଁ ଆସାଲି ଅଣପିମାଚେରି, ସାମା ଲକ୍ଷ୍ମି ଆଜିତେରି, ଏନାଆଁତାକି ଇତିହିଁ ଏଞ୍ଜାଣାଇଁ ର ମାହାପୁରୁ ଅଣପୁତି ବଲୁ ଖେହନାସି ଇଚ୍ଛାଁ ମାନି କିହିମାଚେରି ।

୨୨ ଅଡେ ଖେଣ୍ଡେ ଜୀମୁ ପୁଣ୍ଡିକିନି କାତାତଲେ ଏଲେଇତେସି, ୨ ଲାକପୁରୁତି ରାଜି ଇଲେତାୟି, ର ରାଜା ଲେହେଁ, ଏଞ୍ଜାସି ତାନି ମାରୁଏଣା ବାହା ବଜି କିତେସି, ୩ ଇଚ୍ଛାଁ ଏ ବାହା ବଜିତା ହାଟାମାନି ଲକ୍ଷ୍ମି ବଜିତା ଖାପେରିଖା ଇଚ୍ଛାଁ ତାନି ହଲିୟାଢ଼ାଣି ପାଣ୍ଡିତେସି, ସାମା ଏଞ୍ଜାରି ଖାହାଲି ମନ କିଆତେରି । ୪ ଅଡେ ଖେଣ୍ଡେ ଏବୁକାତି ହଲିୟାଢ଼ାଣି ପାଣ୍ଡାମା ଏଲେଇତେସି, ହାଟି କିହାମାନି ଲକ୍ଷ୍ମି ଖେହୁ, ମେହୁ ନାନୁ ନା ବଜି ଖାଜା ମାଇଁ, ଆଢ଼ୁ ଆତି କଡିୟାଁ ପାୟିଞ୍ଜି ଆହାମାନୁ, ବାରେ ରାନୁ ଆତେୟିଏ, ମାରୁ ବାହା ବଜିତା ଖାଦୁ । ୫ ସାମା ଏଞ୍ଜାରି ଏଦାଆଁ ଅଣପାଆନା ଆମ୍ବାଆରି ତାନି ତାସା କାମାତା ହାତେରି, ଇଚ୍ଛାଁ ଆମ୍ବା ଆମ୍ବାଆରି ତାନି ବେବାରା କିୟାଲି ହାତେରି, ୬ ଅଡେ ଏତରଜାଣା ଲକ୍ଷ୍ମି

ତାନି ହଲିୟାଟ୍ଟାଣି ଆସାନା ପାୟିତେରି । ୭ ସାମା ରାଜା କପା ଆହାନା ତାନି କସକାଣି ପାଣ୍ଡାମା ଏ ପାୟିତାରାଇଁ ପାୟି କିତେସି ଇଚ୍ଛୁଁ ଏଖାରି ନାସକା ମ୍ଲେକହା ରୁସ୍ତେରି । ୮ ଏମ୍ପାଟିଏ ଏଖାସି ତାନି ହଲିୟାଟ୍ଟାଣି ଏଲେଇତେସି, ବାହା ବଜି ଆହାମାନେ, ସାମା ହାଟ୍ଟକି ଆହାମାନି ଲୁକୁ ପାଡ଼ା ଆଥାତାରି, ୯ ଏଦାଆଁତାକି ନାଏଁ ମାରୁ ଗାଡ଼ାତି କାଜା ତାଣ୍ଡେଣାଁ ହାଜାନା, ଏତରଜାଣାତି ମେହଦେରି, ଏଖାରାଇଁ ବାହା ବଜିତା ହାଟା ତାନ୍ତୁ । ୧୦ ଏମ୍ପାଟିଏ ଏ ହଲିୟାଟ୍ଟା କାଜା ତାଣ୍ଡେଣାଁ ହାଜାନା ଲାଗେଏ ପୁଲେଏତାରାଇଁ ଇଚ୍ଛୁଁ ଏତେକା ନେହାଁରାଇଁ ମେସ୍ତେରି, ଏ ବାରେତି ରୁଣ୍ଡି କିହାନା ବାହା ଇଲୁତା ତାତେରି, ଇଚ୍ଛୁଁ ଖାହାମାନି ଲୁକୁ ବାହା ଇଲୁତା ନେଚ୍ଛୁତେରି । ୧୧ ସାମା ରାଜା ବାହା ବଜିତା ଖାହାମାନି ଲୁକୁଣି ସିନକିହାଲି ବିତ୍ରା ଖାହାନା ଏମ୍ପାଆଁ ବାହା ହିମ୍ପରି ହୁତାଆନା କୁଗାମାନି ରଥଣାଇଁ ମେସାନା ଏଖାଣାଇଁ ଏଲେଇତେସି, ୧୨ ଏ ତଣେ, ନାନୁ ବାହା ହିମ୍ପରି ହୁତାଆନା ଏନିକିଁ ଇମ୍ପାଆଁ ଖାତି? ସାମା ଏଖାସି ଏନି ହାତା ଆଆନା ତୟିତେସି । ୧୩ ଏମ୍ପାଟିଏ ରାଜା ଏମ୍ପାଆଁ ହଲିୟାଟ୍ଟାଇଁ ଏଲେଇତେସି, ଇଖାଣି କେସ୍ତା କତାୟିଁ ଦସାନା ପାଟ୍ଟାତି ଆନେରିତା ମେତହା ରୁହୁ, ଏମ୍ପାଆଁ ତାହିଁ ପାଲକା ଟାଟି କିନେସି । ୧୪ ଇତିହିଁ ହାଟ୍ଟକି ଆତି ଲୁକୁ ହାରେକା ଜାଣା ସାମା ଆତିତି ଲୁକୁ ହାରେକା ଉଣା ଜାଣା । ୧୫ ଏତିବେଲା ପାରୁସିୟାଁ ହାଜାନା ଜାମୁଇଁ ତାନି ଖେସ୍ତି କାତାଟି ଦହ ଦସାଲି ପାରୁ ପାରାତେରି । ୧୬ ଇଚ୍ଛୁଁ ଏଖାରି ହେରଦ ଗତି ବିତ୍ରାଟି ଏତେକା ଲୁକୁତଲେ ତାନି ସାମୁୟାଁଇଁ ଜାମୁ ତାଣା ଖେସା ପାଣ୍ଡିତେରି, “ଏ ଗୁରୁ ମାମୁ ପୁଞ୍ଜାମାନମି ନାନୁ ସାତା ଖେହନାତି ଇଚ୍ଛୁଁ ସାତା କିହିଁ ମାହାପୁରୁତି ଜିରୁ ଜାପ୍ନାତି, ଇଚ୍ଛୁଁ ଆମ୍ପାଆରାଇଁ ଆଜଅତି ଅଡେ ଆମ୍ପାଆରି ପାର୍ଡ଼ା ବାତିକିହିଁ ଜଲିନାତି ଆଏ । ୧୭ ଇଦାଆଁତାକି ନାନୁ ମାଟ୍ଟେ ଖେସ୍ତାମ୍ପା, ନୀ ଅଣ୍ପୁତା ଏନାୟି ମାନେ? କାୟିସରକି ସିସୁ ହାନାୟ ମେରା କି ଆଏ?” ୧୮ ସାମା ଜାମୁ ଏଖାରି କାର୍ବି ପୁଞ୍ଜାମା ଏଲେଇତେସି, “ଆଡେ କୁରୁ ଗାଟାତେରି ନାଟ୍ଟେ ଏନାଆଁତାକି ତାୟିପାରି କିହିମାଞ୍ଜାତେରି? ୧୯ ଏ ସିସୁ ହାନି ଟାକା ନାଟ୍ଟେ ହିୟାନ୍ତୁ ।” ଏମ୍ପାଟିଏ ଏଖାଣି ତାଣା ର ଟାକା ଆଦଲି ହାତେରି । ୨୦ ଜାମୁ ଏଖାରାଇଁ ଖେତେସି, “ଇ ଆଦଲି ଲାକ ଆମ୍ପାଆରି ଦରୁ ଅଡେ ତାୟିଁ ବମା ମାନେ?” ୨୧ ଏଖାରି ଏଲେଇତେରି, “କାୟିସରଖାୟି ।” ଜାମୁ ଏଖାରାଇଁ ଏଲେଇତେସି, “ଆତିହିଁ ଆମିନାୟି କାୟିସରଖାୟି ଏଦାଆଁ କାୟିସରକି ହାନ୍ତୁ, ଅଡେ ଆମିନାୟି ମାହାପୁରୁଖାୟି ଏଦାଆଁ ମାହାପୁରୁକି ହାନ୍ତୁ ।” ୨୨ ଏଖାରି ଏଦାଆଁ ଖେଞ୍ଜାମା କାବାଆହାନା ଏଖାଣାଇଁ ପିସାଁ ହାଜାତୁସ୍ତେରି । ୨୩ ହାକିଟି ଖେଣ୍ଡେ ନିଢ୍ଫିନାୟି ହିଲେଏ ଇଚ୍ଛୁମାନି ଏତରଜାଣା ସାଦୁକିୟାଁ ଏ ଦିନା ଜାମୁ ତାଣା ଖାହାନା ଖେତେରି । ୨୪ “ଏ ଗୁରୁ ମସା ଖେସାମାଞ୍ଜାମନେସି, ରଅସି ପଦି ପଦା ଆଆନା ହାତିହିଁ ତାନି ତାୟି ତାନି ତକ୍ତିନି ଇଟୋନା ଏ ହାତାଣି କୂଡ଼ା ଏପାକିନେସି । ୨୫ ମେହମ୍ପୁ ମା ତାଣା ସାତା ଜାଣା ତାୟିୟାଁ ମାରେରି, ତଲି ମୁଲୁ ତାସି ବାହା

ଆହାନା ହାହାହାତେସି, ଇଚ୍ଛୁଁ କକାରି ପଦାୟିଁ ହିଲାଆତାକି ଏଖାସି ତାନି ତକ୍ତିନି ତାନି ତାୟିକି ପିସାହାତେସି; ୨୬ ଏଖାଣି ଜେତତାସି ଅଡେ ଏଖାଣି ଜେତତାସି ଏଲେକିହିଁ ସାତା ଜାଣା ଜିକେଏ ହାତେରି । ୨୭ ବାରେତି ତାୟି ଏ ଇୟାଟି ଜିକେଏ ହାତେ । ୨୮ ଆତିହିଁ ଖେଣ୍ଡେ ନିଢ୍ଫିନାଟି ଏ ସାତା ଜାଣା ବିତ୍ରା ଆମ୍ପାଆରି ତକ୍ତି ଆନେ? ଇତିହିଁ ବାରେଜାଣା ଏଦାନି ବାହା ଆହାମାତେରି ।” ୨୯ ଜାମୁ ଏଖାରାଇଁ ଏଲେଇତେସି, “ମାରୁ ବାମ୍ପୁଁ ସାସ୍ତେରି ଅଡେ ମାହାପୁରୁତି ବାଡ଼ୟୁ ପୁନାଆନା ନାଡ଼ି ଆହିମାଞ୍ଜେରି । ୩୦ ଇତିହିଁ ହାହାନା ଖେଣ୍ଡେ ନିଢ୍ଫିସାରେ ଲୁକୁ ବାହା ଆଅରି, କି ବାହା ହାଅରି, ସାମା ଲାକପୁରୁତି ଦୁରୁୟାଲେହିଁ ଆନେରି । ୩୧ ସାମା ହାତାରି ଖେଣ୍ଡେ ନିଢ୍ଫିନି କାତା ମାହାପୁରୁ ମିଟ୍ଟେ ଏନାଆଁ ଖେସାମାଞ୍ଜାମନେସି ଏଦାଆଁ ମାରୁ ପଡ଼଼ି ଅହାହିଲଅତେରି? ୩୨ ନାନୁ ଅସାହାମତି ମାହାପୁରୁ, ଇସାହାକତି ମାହାପୁରୁ, ଅଡେ ଜାକୁବତି ମାହାପୁରୁତେଏଁ, ଏଖାସି ହାତି ଲୁକୁତି ମାହାପୁରୁ ଆଏ ସାମା ଜାମ୍ପୁଗାଟାରି ମାହାପୁରୁ ।” ୩୩ ଲୁକୁ ବାରେ ଏଖାଣି ଜାପ୍ନାଣି ଖେଞ୍ଜାମା କାବା ଆହାହାତେରି । ୩୪ ଜାମୁଇଁ ସାଦୁକିୟାଁ ଖେଣ୍ଡେ ଖେସାଲି ଆତି ହିଲଅରି ଇଚ୍ଛୁଁ ପୁଞ୍ଜାମା ପାରୁସିୟାଁ ବିତ୍ରାଟି ରୁଣ୍ଡା ଆତେରି, ୩୫ ଅଡେ ଏଖାରି ବିତ୍ରାଟି ମେରା ପୁନାସି ରଅସି ଜାମୁଇଁ ତାୟିପାରିକିହିଁ ଖେତେସି, ୩୬ “ଗୁରୁ ବାରେ ହୁକୁମିକା ବିତ୍ରାଟି ଆମିନି ହୁକୁମି କାଜାୟି?” ୩୭ ଜାମୁ ଏଖାଣାଇଁ ଏଲେଇତେସି, ନାନୁ ନୀ ବାରେ ହିୟାଁ, ନୀ ବାରେ ଜାମ୍ପୁ ବାରେ ଅଣ୍ପୁ ତଲେ ପ୍ରବୁ ନୀ ମାହାପୁରୁଇଁ ଜାମ୍ପୁ ନମ୍ପୁ । ୩୮ ଇଦିଏ ବାରେ ହୁକୁମିକା କିହିଁ କାଜାୟି ଇଚ୍ଛୁଁ ତଲିତି ହୁକୁମି । ୩୯ ଏଦାଣି ଜେତତି ହୁକୁମି ଜିକେଏ ଏଲେକିହିଁଏ, ନାନୁ ନୀ ପାଡ଼ିତି ଲୁକୁଣି ନୀ ଜାମ୍ପୁତି ଜାମ୍ପୁ ନହାଁ କତିନି ଲେହିଁ ଜାମ୍ପୁ ନମ୍ପୁ । ୪୦ ଇ ରା ହୁକୁମିକା ମସାତି ବାରେ ମେରା, ଅଡେ ମାହାପୁରୁ ଅଣ୍ପୁତି ବଲୁ ଖେହନାରି କାତା ମାଞ୍ଜାମାନେ । ୪୧ ପାରୁସିୟାଁ ରୁଣ୍ଡା ଆହାମାତାଟି ଜାମୁ ଏଖାରାଇଁ ଖେତେସି, ୪୨ “କ୍ରାସୁଇଁ ମାରୁ ଆମ୍ପାଆସି ଇଚ୍ଛୁଁ ମାରୁ ଅଣ୍ପିମାଞ୍ଜେରି? ଏଖାସି ଆମ୍ପାଆରି ମାର୍ଏସି?” ଏଖାରି ଏଖାଣାଇଁ ଏଲେଇତେରି “ଦାସୁଦ ମାର୍ଏସି ।” ୪୩ ଜାମୁ ଏଖାରାଇଁ ଏଲେଇତେସି, “ଆତିହିଁ ଦାସୁଦ ଏନିକିଁ ସୁରୁଜାମ୍ପୁ ତଲେ ଏଖାଣାଇଁ ପ୍ରବୁ ଇଚ୍ଛୁଁ ମାତେସି?” ଦାସୁଦ ଏଲେଇତେସି, ୪୪ “ପ୍ରବୁ ନା ପ୍ରବୁଇଁ ଖେସ୍ତେସି, ନାନୁ ନୀ ସାଦୁୟାଁଣି ନୀ କତାୟିଁ ତ୍ଠ ଇଟୋଆ ପାତେକା ନା ଟିଃନି ଟତୋ କୁଗାମାନାମ୍ପା । ୪୫ ଇତିହିଁ ଦାସୁଦ ତାନୁଏ ଏଖାଣାଇଁ ପ୍ରବୁ ଇତିହିଁ, କ୍ରାସୁ ଏନିକିଁ ଦାସୁଦ ମାର୍ଏସି ଆନେସି?” ୪୬ ଏମ୍ପାଟି ଆମ୍ପାଆସି ଜିକେଏ ଏଖାଣାଇଁ ଖେଣ୍ଡେ ଖେସାଲି ଆଡାଆତେସି, ଅଡେ ଏ ନେରୁଟିଏ ଆମ୍ପାଆସି ଜିକେଏ ଜାମୁଇଁ ଏନି କାତା ଖେଞ୍ଜାଲି ସାସା କିଆତେରି ।

୨୩ ଏତିବେଲାତା ଜାମୁ ବାରେ ଲୁକୁଇଁ ଇଚ୍ଛୁଁ ତାନି ସାମୁୟାଁଇଁ ଏଲେଇତେସି, ୧ ମେରାପୁନାରି ଅଡେ ପାରୁସିୟାଁ ମସାତି ମେରା ଜାପ୍ନାଲି ପାଣା ବେଟାଆହାମାନେରି । ୩ ଏଦାଆଁତାକି ଏଖାରି ମିଟ୍ଟେ ଏନାଆଁ ଖେସ୍ତାତିହିଁ ଏଦାଆଁ ମାନଖି ଆଦୁ, ଅଡେ ଏଖାରି ଖେସ୍ତିଲେହିଁ

କିନ୍ତୁ, ସାମା ଏଞ୍ଜର କାମା କିନିଲେହେଁ କାମା କିଆପୁ, ଇତିହିଁ ଏଞ୍ଜର
 ଏନାଆଁ କିନାୟିମାନେ ଇଞ୍ଜି ଖେନ୍ଦନେରି ସାମା ଏଞ୍ଜର କିଅରି । ୪ ଏଞ୍ଜର
 ବଜୁଗାଟି କାସକା ଦସାନା ଲକ୍ଷୁ ବମିତା ଏକନେରି ସାମା ତାମୁ ତାମି
 ର ଖଞ୍ଜୁ ତଲେ ଜିକେଏ ପେରହାଲି ମନ କିଅରି । ୫ ଏଞ୍ଜର ଲକ୍ଷୁ
 ତସାଲି ତାମି କିନି କାମା ବାରେ କନେରି, ଇତିହିଁ ଏଞ୍ଜର ପାଟାୟିଣା
 ଦାମ୍ବୁ ପିତି କାତା ରାତାନା ମପା ଅଡେ ମୁଞ୍ଜୁତା ଦସା କଡନେରି, ଇଞ୍ଜି
 ତାମି ହିମ୍ବୁକାଟି ପୁରଡେୟି କାଜା କାଜାଆଁ କନେରି, ୬ ଅଡେ ବଜିତା
 ନେହିଁ ଚାୟୁ ଇଞ୍ଜି ଜାହୁଦି ଲକ୍ଷୁ କୁଟି ଲକ୍ଷୁତା ନେହିଁ କାଜା ଚାୟୁ
 ପାରିନେରି, ୭ ଇଞ୍ଜି ହାଟା ବାଜାରାତା ଜହରା ବେଟାଆହାଲି ଅଡେ
 ଲକ୍ଷୁ ତାଣାଟି ଗୁରୁ ଇଞ୍ଜି ମାନି ବେଟାଆହାଲି ନେହାୟି ଇଞ୍ଜି ଅଣ୍ଡିନେରି
 । ୮ ସାମା ମୀରୁ ଗୁରୁ ଇଞ୍ଜି ମାନି ବେଟାଆହାଲି ଅଣ୍ଡିଆପାପୁ, ଇତିହିଁ
 ମୀ ଗୁରୁ ରଅସି ମାନେସି, ଇଞ୍ଜି ମୀରୁ ବାରେତାୟି ତାୟିୟିତେରି ।
 ୯ ଅଡେ ଦାବ୍‌ତିତା ଆମ୍ବାଆରାଈ ଜିକେଏ ଆବା ଇଞ୍ଜି ମାନି କିଆପୁ,
 ଇତିହିଁ ମୀ ଆବା ରଅସିଏ ଲାକପୁରୁ ମାନେସି । ୧୦ ଅଡେ ମୀରୁ ସାଲଖି
 କିନାତମି ଇଞ୍ଜି ମାନି ପୁଞ୍ଜୁଆପୁ, ଇତିହିଁ ମିଞ୍ଜେ ସାଲଖି କିୟାନାସି ରଅସିଏ
 ଏଞ୍ଜାସି କ୍ରାସୁ । ୧୧ ସାମା ମୀ ବିତ୍ରା ଆମ୍ବାଆସି କାଜାସି ଏଞ୍ଜାସି ମୀ
 ସେବା କିନାସି ଆନେସି । ୧୨ ଅଡେ ଆମ୍ବାଆସି ତାଢ୍ଜେ କାଜାତେଏ
 ଇଞ୍ଜି ଇଞ୍ଜି କଡନେସି, ଏଞ୍ଜାଣାଈ ଉଣା କିଞ୍ଜିଆନେ, ଇଞ୍ଜି ଆମ୍ବାଆସି
 ତାଢ୍ଜେ ଉଣା କିହାକଡନେସି, ଏଞ୍ଜାଣାଈ କାଜାସି କିଞ୍ଜିଆନେ । ୧୩
 ଆୟତା ତଣ୍ଡ ପାଣି କୁଟୁଗାଟି ପାରୁସିୟି ଅଡେ ମେରା ପୁନାତେରି,
 ଇତିହିଁ ମୀରୁ ଲକ୍ଷୁତାକି ଲାକପୁରୁ ରାଜିତି ଦାରା ସୁଣ୍ଡିଦେରି; ମୀରୁ ମୀରୁଏ
 ଏମ୍ବାଆଁ ହୁଡି ହିଲଅତେରି, ଇଞ୍ଜି ହୁଡାଲି ମନ ଗାଟି ଲକ୍ଷୁଣି ଜିକେଏ
 ହୁଡାଲି ହାହି ହିଲଅତେରି । ୧୪ ଆୟତା ତଣ୍ଡ ପାଣି କୁଟୁଗାଟି ମେରା
 ପୁନାତେରି ଅଡେ ପାରୁସିୟିତେରି, ଇତିହିଁ ମୀରୁ ଉଜେ ଉଜେଏ ଲାମ୍ବା
 ପ୍ରାତାନା କିହାନା ରାଣ୍ଡେଣିସିକା ଲଲକା ସେମ୍ବୁନାତେରି; ଏଦାଆଁତାକି
 ମୀରୁ ହାରେକା ତଣ୍ଡ ବେଟାଆଦେରି । ୧୫ ଆୟତା ତଣ୍ଡ ପାଣି କୁଟୁଗାଟି
 ପାରୁସିୟି ଅଡେ ମେରା ପୁନାତେରି, ଇତିହିଁ ମୀରୁ ରଅଣାଈ ଜାହୁଦି
 ଦାମ୍ବୁତା ଆବହାଲି ସାମ୍ବୁରି ଆତାଲା ଗାଣ୍ଡତାନା ଦେସା ରେଜେରି, ଇଞ୍ଜି
 ଏଡିବେଲା ଏଞ୍ଜାସି ଆଣ୍ଡାନେସି, ଏଡିବେଲାତା ମୀରୁ ଏଞ୍ଜାଣାଈ ମୀ କିହାଁ
 ହାରେକା ଆଗାଡା ନକିତା ମେଡ୍‌ପି ଆନାସି କିହାନା ଲାଗେଏ କିଦେରି ।
 (Geenna g1067) ୧୬ ଆୟତା ତଣ୍ଡ ବେଟା ଆନାତେରି କାଣାୟିଈ ଜିରୁ
 ତହନାତେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁଡି
 ପାର୍ମାଣା କିତିହିଁ ଏନାୟି ହିଲେଏ, ସାମା ଆମ୍ବାଆସି ଇଲୁଡି ବାଂଗାରାଟି
 ପାର୍ମାଣା କିତିହିଁ ଏଞ୍ଜାସି ପାର୍ମାଣା କିତିଲେହେଁ ତାପାଆନା କାମା
 କିନାୟିମାନେ । ୧୭ ଆଡେ କାଣାୟି ଅଡେ ବୁଦି ହିଲଆଗାଟାତେରି
 ବାଂଗାରା କି ଏ ବାଂଗାରାଟି ସୁଦୁ କିହାମାନି ଦେଖୁଡି, ଇ ରୀ ବିତ୍ରାଟି
 ଆମିନାୟି କାଜାୟି? ୧୮ ଅଡେ ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି
 ମାହାପୁରୁ ଇଲୁ ପିଣ୍ଡାଟି ପାର୍ମାଣା କିତିହିଁ ଏନାୟି ଆଏ, ସାମା ଆମ୍ବାଆସି

ପୁଜାପିଣ୍ଡା ଲାକ ମାନି ଦାନାଟି ପାର୍ମାଣା କିତିହିଁ, ପାର୍ମାଣା କିତିଲେହେଁ
 ତାପାଆନା କାମା କିନାୟିମାନେ । ୧୯ ଆଡେ କାଣାୟିତେରି, ଦାନା
 କି ଏ ଦାନାଟି ସୁଦୁ କିହିମାନି ମାହାପୁରୁ ଇଲୁଡି ପୁଜାପିଣ୍ଡା, ଇ ରୀ
 ବିତ୍ରାଟି ଆମିନାୟି କାଜାୟି? ୨୦ ଏଦାଆଁତାକି ଆମ୍ବାଆସି ଦାନାହାନି
 ପିଣ୍ଡାଟି ପାର୍ମାଣା କିନେସି, ଏଞ୍ଜାସି ଏ ପିଣ୍ଡା ଅଡେ ପିଣ୍ଡାତା ମାନି
 ଦାନାଟି ପାର୍ମାଣା କିହିମାନେସି; ୨୧ ଅଡେ ଆମ୍ବାଆସି ମାହାପୁରୁ
 ଇଲୁଡି ପାର୍ମାଣା କିନେସି, ଏଞ୍ଜାସି ମାହାପୁରୁ ଇଲୁ ଇଞ୍ଜି ଏମ୍ବାଆଁ
 ବାସାଆହାମାନି ମାହାପୁରୁଈ ପାର୍ମାଣା କିନେସି; ୨୨ ଅଡେ ଆମ୍ବାଆସି
 ଲାକପୁରୁଟି ପାର୍ମାଣା କିନେସି, ଏଞ୍ଜାସି ମାହାପୁରୁଟି ସିଂଗାସାଣି ଇଞ୍ଜି
 ଏମ୍ବାଆଁ କୁଗାମାନି ମାହାପୁରୁଈ ପାର୍ମାଣା କିନେସି । ୨୩ ଆୟତା
 ତଣ୍ଡ ପାଣି କୁଟୁଗାଟି ମେରା ପୁନାତେରି ଇଞ୍ଜି ପାରୁସିୟି, ଇତିହିଁ
 ମୀରୁ କୁମୁରି କୁଟା, ରାୟି, ଜିରା ଇନି ଉଣା ତସା ବିତ୍ରାଟି ଜିକେଏ
 ଦସ ବାଗାଟି ର ବାଗା ହାହିମାଞ୍ଜେରି, ଅଡେ ମସା ମେରାଟି କାଜା
 କାତାୟି ଇତିହିଁ ସାତା ନାହାୟି କିନାୟି, କାମା ତହନାୟି, ଇଞ୍ଜି ନାମ୍ବୁ,
 ଇ ବାରେ ପିସାମାଞ୍ଜେରି; ସାମା ଇ ବାରେ ମାନଖି ଆହାନା ଅଡେ ଏ
 ବାରେ ପିହାୟି ମାନେ । ୨୪ ଆଡେ କାଣାୟି ଜିରୁ ତହନାତେରି,
 ମୀରୁ ଖାହାଟି ହାଣି କିଦେରି ସାମା ଉରୁଈ ଗୁହଦେରି । ୨୫ ଆୟତା
 ତଣ୍ଡ ପାଣି କୁଟୁଗାଟି ମେରା ପୁନାତେରି ଇଞ୍ଜି ପାରୁସିୟିତେରି, ଇତିହିଁ
 ମୀରୁ ଗିନା ଅଡେ ସାଡ଼ଖାଟି ପାଞ୍ଜୁତା ନରହି ମାଞ୍ଜେରି, ସାମା ଏ ବିତ୍ରା
 ଜୁପକା ଆହାଁ ସରୁ କିତି ଆସି ବାରେ ନେଞ୍ଜି କିହାମାଞ୍ଜେରି । ୨୬ ଆଡେ
 କାଣକା ମେହାଆଗାଟି ପାରୁସିୟି, ନକେଏ ଗିନାଟି ବିତ୍ରାତାଣି ନରୁଦୁ,
 ଏନିକି ପାଞ୍ଜୁତା ଜିକେଏ ନରୁଡ଼ି ଆନେ । ୨୭ ଆୟତା ତଣ୍ଡ ପାଣି
 କୁଟୁଗାଟି ମେରା ପୁନାତେରି ଇଞ୍ଜି ପାରୁସିୟି, ଏନାଆଁତାକି ଇତିହିଁ ମୀରୁ
 ହୁଦୁ ଉସପିତି ମାଡ଼ହା ମୁହନି ଚାୟୁଲେହେଁ ତାତେରି । ଏଡି ପାଞ୍ଜୁତା
 ଅଜିକି ତଞ୍ଜାଆନେ, ସାମା ବିତ୍ରା ହାତାରି ପେଣକା ଇଞ୍ଜି ସୀରୁତାୟି
 ନେଞ୍ଜିମାନେ; ୨୮ ଏଲେକିହିଁଏ ମୀରୁ ଜିକେଏ ପାଞ୍ଜୁଟି ଲକ୍ଷୁ ନକିତା
 ଦାମ୍ବୁଗାଟାତେରି ଲେହେଁ ତଞ୍ଜା ଆଦେରି, ସାମା ମୀ ହିୟାଁ ବିତ୍ରା କୁଦୁ
 ଅଡେ ପାପୁ ନେଞ୍ଜିମାନେ । ୨୯ ଆୟତା ତଣ୍ଡ ପାଣି କୁଟୁଗାଟି ମେରା
 ପୁନାତେରି ଇଞ୍ଜି ପାରୁସିୟି, ଇତିହିଁ ମୀରୁ ମାହାପୁରୁ ଅଣ୍ଡପୁଟି ବଲୁ
 ଖେହନାରି ମାଡ଼ହା ମୁହନି ଚାୟୁ କେପାନା, ଦାମ୍ବୁଗାଟାରି ମାଡ଼ହା ମୁହନି
 ଚାୟୁଟି ମୁଣ୍ଡା ଅଜିକି କିହାନା ଏଲେଇଞ୍ଜିମାଞ୍ଜେରି; ୩୦ ମାପୁ ମା ଆକୁ
 ଆବାୟି ବେଲାତା ମାଟିହିଁମା, ମାହାପୁରୁ ଅଣ୍ଡପୁଟି ବଲୁ ଖେହନାରାଈ
 ପାୟାଲି ଆଣ୍ଡାଅମିମା । ୩୧ ଏଦାଆଁତାକି ମୀରୁଏ ମାହାପୁରୁ ଅଣ୍ଡପୁଟି
 ବଲୁ ଖେହନାରାଈ ପାୟାମାନି ଲକ୍ଷୁଟି ମୀରୁକାତେରି, ଏ କାତାତାକି
 ମୀରୁଏ ମିଞ୍ଜେ ସାକି ହାହା କଡିମାଞ୍ଜେରି । ୩୨ ମୀରୁ ହାଜାନା ମୀ ଆକୁ
 ଆବାୟି କିତି କାମା ରାପୁଦୁ । ୩୩ ଆଡେ ରାସକାତେରି, ଇଞ୍ଜି ବୀସା
 ଗାଟି ରାସକା କୁଡାଟି ମୀରୁକାତେରି, ମୀରୁ ବିଚାରା ଦିନାତା ଏନିକି ହିରୁ
 ଗୁଡ଼ଖାଟି ତଣ୍ଡଟି ପିସିଆଦେରି? (Geenna g1067) ୩୪ ଏଦାଆଁତାକି

ମେହମୁ ନାନୁ ମୀ ତାଣା ମାହାପୁରୁ ଅଣ୍ଟପୁତି ବଲୁ ଖେହନାରାଇଁ, ବୁଦି ଗାଟାରାଇଁ, ଇଚ୍ଛା ଜୀବନି ଗୁରକାଇଁ ପାଣ୍ଡିମାଞ୍ଜୁରାଁ; ଏଞ୍ଜରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିଦେରି, ପାସି ମୁଣ୍ଡାତା ଏକହାନା ପାୟିଦେରି, ଅଡ଼େ ଆମ୍ବା ଆମ୍ବାଆରାଇଁ ଜୀହୁଦି ଲକ୍ଷ୍ମି କୁଟମି ଇଲୁତା ସାଢ଼ଣି ତୁରିତଲେ ଖେଦେରି, ଇଚ୍ଛା ଗାଡ଼ାତାକି ଗାଡ଼ା ଗଡ଼ହା ନିନ୍ଦା କିଦେରି । ୩୫ ଏନିକି ଦାମ୍ବିଗାଟି ହେବଲଇଁ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା ବେରିକିୟ ମାର୍ବସି ଜିକରିୟଇଁ ପାୟିତି ପାତେକା, ଦାର୍ତ୍ତିତା ଏତେକା ନେହାଁରାଇଁ ପାୟିମାଞ୍ଜୁରାଁ, ଏ ବାରେ କାମାତି ତଣୁ ମୀ ମୁହେଁ ଖାନେ । ୩୬ ନାନୁ ମିଢ୍ଫେ ସାତା ଖେସିମାଞ୍ଜୁରାଁ, ଇ କାଲାତି ଲକ୍ଷ୍ମି ମୁହେଁ ଇ ବାରେ ତଣୁ ରିନେ । ୩୭ ଏ ଜିରୁସାଲମ, ଏ ଜିରୁସାଲମା ମାହାପୁରୁ ଅଣ୍ଟପୁତି ବଲୁ ଖେହନାରାଇଁ ପାୟିନାତି ନୀ ତାଣା ପାଣ୍ଡି ଆତାରାଇଁ ଖାଲକାତଲେ ଖେନାତି, କୟୁ ଏନିକି ତାନି ହାପାୟିଣି କୃତି କିହାନା ମାରାୟି ତୁଇ ପୁକିହାନା ଜୁଢ଼ିନେ, ନାନୁ ନୀ ଲକ୍ଷ୍ମି ଏତର ପାଲି ଏଲେକି କୃତିକିହାଲି ମନ କିତେଏଁ, ସାମା ଏଞ୍ଜରି ମନ ହାଆତେରି । ୩୮ ଅଡ଼େ ମେହମୁ ମୀ ମାହାପୁରୁ ଇଲୁ ମୀ କେୟୁତା ହାପିକି ଆହାମାଞ୍ଜୁରାଁ । ୩୯ ଇତିହିଁ ନାନୁ ମିଢ୍ଫେ ଖେସିମାଞ୍ଜୁରାଁ, ମାହାପୁରୁ ତରୁଟି ଆମ୍ବାଆସି ଖାହିମାନେସି, ଏଞ୍ଜସି ନେହାଁସି, ମୀରୁ ଏ କାତା ଜିଲୀଆ ପାତେକା ନୀଞ୍ଜୁଟିଏ ନାଢ୍ଫେ ଅଡ଼େ ମେସୁଅତେରି ।

୨୪ ଜୀସୁ ମାହାପୁରୁ ଇଲୁଟି ହତା ହାଜିମାଟାଟି ତାନି ସୀସୁୟି ମାହାପୁରୁ ଇଲୁଟି ବାରେ ଇଲୁକାଣି ତସାଲି ତାନି ତାଣା ଖାତେରି, ୨ ସାମା ଜୀସୁ ଏଞ୍ଜାରାଇଁ ଏଲେଇତେସି, “ମୀରୁ ଇ ବାରେ ମେସି ହିଲଅତେରି? ନାନୁ ମିଢ୍ଫେ ସାତା ଖେସିମାଞ୍ଜୁରାଁ, ଇମ୍ବାଆଁ ମାନି ରୁ ଖାଲି ଅର ଖାଲି ଲାକ ତୁୟେଏ, ଇ ବାରେଏ ମେଶ୍ଫେହାନୁ ।” ୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟି ମେଶେଏ ଖାହାନା ଖେତେରି, “ଇ ବାରେ ଏତେଲ ଆନେ, ଅଡ଼େ ନାନୁ ଖାନାୟି ଇଚ୍ଛା ଜୁଗୁ ରାନି ଦିନାତି ସିନା ଏନାୟି ଏଦାଆଁ ମାଢ୍ଫେ ଖେସୁମୁ ।” (aion g165) ୪ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇତେସି, “ଜାଗ୍ରାତା ଏନିକି ଆମ୍ବାଆରି ମିଢ୍ଫେ ନାଡ଼ି କିୟଅରି । ୫ ଇତିହିଁ ହାରେକା ନା ଦରୁଟି ଖାହାନା ନାନୁ କ୍ରୀସୁତେଏଁ ଇଚ୍ଛା ଖେସାମା ହାରେକା ଲକ୍ଷ୍ମି ନାଡ଼ି କିନେରି । ୬ ଅଡ଼େ ମୀରୁ ଜୁଜୁତି କାତା ଇଚ୍ଛା ଜୁଜୁତା କାଲଖି ଆହିମାନି ଲକ୍ଷ୍ମି ହାତା ଖେଞ୍ଜେରି; ଜାଗ୍ରାତା କିଲିବିଲି ଆଥାତୁ । ଏନାଆଁତାକି ଇତିହିଁ ଇ ବାରେ ଆନାୟି ମାନେ, ସାମା ଏ କାଲା ଜୁଗୁ ରାନାୟି ଆଏ । ୭ ଇତିହିଁ ଦେସା କପାଟି ଦେସା, ଅଡ଼େ ରାଜି କପାଟି ରାଜି ଗଡ଼ହା ନିଢ୍ଫେନେ, ଇଚ୍ଛା ଆମ୍ବା ଆମ୍ବାୟି କାର୍ବୁ ଆନେ, ଅଡ଼େ ବୁମି ଖାଡ଼ିନେ । ୮ ସାମା ଇ ବାରେ କକାରି ପଦାୟି ବେଟାଆନାଟି ତଲିଏ ଲୁଚ୍ଚିନି ବାସାଲେହେତାୟି ।” ୯ “ଏତିବେଲାତା ଲକ୍ଷ୍ମି ମିଢ୍ଫେ କସୁ ହିୟାଲି ହେରପାନେରି, ଇଚ୍ଛା ମିଢ୍ଫେ ପାୟନେରି, ଇଚ୍ଛା ନା ଦରୁ ତାକି ମୀରୁ ବାରେ କୃତାତି ଲକ୍ଷ୍ମି ତାଣା ଅପାଆ ଗାଟାତେରି ଆଦେରି । ୧୦ ଏତିବେଲା ହାରେକା ଲକ୍ଷ୍ମି ତାନି ନାନୁଟି ପିହନେରି, ଅଡ଼େ

ରଥସି ରଥଶାଇଁ ଆସପି କିଖି କିନେରି, ଅଡ଼େ ରଥସି ରଥଶାଇଁ ଅପୁଖି ଆଅରି, ୧୧ ଅଡ଼େ ହାରେକା ମାହାପୁରୁଟି ମିତି ବଲୁ ଖେହନାରି ନିଢ୍ଫାନା ହାରେକା ଲକ୍ଷ୍ମି ନାଡ଼ି କିନେରି, ୧୨ ଅଡ଼େ ଲାଗେଏ ପଲେଏ କାମା ଗାତି ଆତିସାରେ, ହାରେକା ଲକ୍ଷ୍ମି ତାନି ଜୀହୁନାୟି ଉଣା ଆନେ । ୧୩ ସାମା ଆମ୍ବାଆସି ରାନି ପାତେକା ସାସା ଆସାନା ତୁୟିନେସି ଏଞ୍ଜସି ଗେଲପି ଆନେସି । ୧୪ ଅଡ଼େ ବାରେ ଲକ୍ଷ୍ମି ନକିତା ସାକି ଆହାଲିତାକି, ମାହାପୁରୁ ରାଜିତି ଇ ନେହିଁ କାରୁ ବାରେ ଦାର୍ତ୍ତିତା ଖେପୁକିଆନେ, ତାୟୁ ଜୁଗୁ ରାନେ ।” ୧୫ “ଏଦାଆଁତାକି ମୀରୁ ଏତିବେଲା ମାହାପୁରୁ ଅଣ୍ଟପୁତି ବଲୁ ଖେହନି ଦାନିୟେଲ ଖେସୁ କାତାଲେହେଁ ନାସାକିନି ଅପାଆଗାଟି ଆସୁତି ସୁତୁ ତାୟୁତା ଇଟାମାନାଣି ମେହଦେରି” ପଡ଼ଖି ଆନାସି ଜାଗ୍ରାତା ଆହାନା ପୁଣ୍ଡେସି ୧୬ ଏତିବେଲା ଆମ୍ବାଆରି ଜୀହୁଦା ରାଜିତା ମାନେରି, ଏଞ୍ଜସି ହରକା ଲାକ ହଣପାରି; ୧୭ ଆମ୍ବାଆସି ଇଲୁ ଲାକ ମାନେସି, ଏଞ୍ଜସି ତାନି ଇଲୁ ବିତ୍ରା ଆସୁ ତାକାହାଜାଲି ରେତା ଖାଆପେସି; ୧୮ ଅଡ଼େ ଆମ୍ବାଆସି ଗୁତିୟତା ମାନେସି, ଏଞ୍ଜସି ତାନି ହିମ୍ବରି ଅହାଲି ଖେଶ୍ଫେ ହାଲାଆପେସି । ୧୯ ଏତିବେଲାତା ପୁରାମାସା ଆହାମାନାଲ ଇଚ୍ଛା ପାଲୁ ଉତ୍ତହମାନାଲ ଆୟୁତା ଏଖି ଉଶେଏ କସୁ ପାଣ୍ଡୁ, ୨୦ ସାମା ମୀ ହଣନାୟି ପେନି ବେଲାତା କି ଜମିନି ଦିନାତା ଆଥାପେ, ଏଦାଆଁତାକି ପ୍ରାତାନା କିତୁ । ୨୧ ଇତିହିଁ ଏତିବେଲାତା ଇଲେତି କସୁ ଆନେ, ମାହାପୁରୁ ଦାର୍ତ୍ତିତି ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକି ଆହା ହିଲେଏ, ଇଚ୍ଛା ଏଲେକି ଏତେଲାଖା ଆଏ । ୨୨ ଅଡ଼େ ମାହାପୁରୁ ଏ ବେଲାତି ଉଣା କିହା ହିଲାଆତିହିଁମା; ଦାର୍ତ୍ତିତା ଆମ୍ବାଆସି ଜିକେଏ ଗେଲପି ଆଥାତେସିମା, ସାମା ତାନି ଆଡିତି ଲକ୍ଷ୍ମିତାକି ଏ କସୁ ଉଣା କିନେସି । ୨୩ “ଏତିବେଲା, ‘ମେହମୁ କ୍ରୀସୁ ଇମ୍ବାଆଁ ମାନେସି ଆଆଟି ଏମ୍ବାଆଁ ମାନେସି’ ଇଚ୍ଛା ଆମ୍ବାଆସି ମିଢ୍ଫେ ଏଲେକିହିଁ ଖେସୁନେସି ଇତିହିଁ ଏଦାଆଁ ନାମାଆତୁ । ୨୪ ଇତିହିଁ ନାଡ଼ିକିନି କ୍ରୀସୁୟି ଅଡ଼େ ମାହାପୁରୁ ବଲୁ ମିତି ଖେହନାରି ନିଢ୍ଫାନା ହାରେକା କାଜା ସିନା ଅଡ଼େ କାବାଆନି କାମାୟି ତହନେରି, ଆଡିତିହିଁ ଆବୁଖିଆତି ଲକ୍ଷ୍ମି ଜିକେଏ ନାଡ଼ି କିନେରି । ୨୫ ମେହମୁ ନାନୁ ମିଢ୍ଫେ ତଲିଏ ଖେସାମାଞ୍ଜୁରାଁ ।” ୨୬ “ଇଦାଆଁତାକି ‘ମେହମୁ ଏଞ୍ଜସି ବାଟାତା ମାନେସି’ ଇଚ୍ଛା ଲକ୍ଷ୍ମି ଖେସୁତିହିଁ ହାଲାଆତୁ; ‘ମେହମୁ ବିତ୍ରା ବାକ୍ରାତା ମାନେସି’ ଇଚ୍ଛା ଖେସୁତିହିଁ ଏଦାଆଁ ନାମାଆତୁ । ୨୭ ଇତିହିଁ ହାଗୁ ମୁହନି ବେଲାତି ଉଜେଡ଼ି ଏନିକି ଖେଡ଼ା ହପୁ ଖାକିତି ହତାନା ଖେଡ଼ା କୃତ୍ତିନି ପାତେକା ତୁଞ୍ଜୁଆନେ, ଏଲେଆହିଏ ମାଣସି ମାର୍ବସି ଖାନେସି ।” ୨୮ ଏମ୍ବାୟି ମାଢ଼ହା ରିହାମାନେ ଏମ୍ବାଆଁ ରାମଣାୟି ଗୁଣୁ ଆନୁ । ୨୯ “ସାମା ଏତିବେଲାତି କସୁ ତାୟୁ ଦେବୁଣିଏ ଖେଡ଼ା ଆନେରି ଆନେ, ଅଡ଼େ ଲେଞ୍ଜୁ ଉଜେଡ଼ି ହାଏ, ଅଡ଼େ ହାଗୁଟି ହୁକାୟି ତରୁଗିନୁ, ଇଚ୍ଛା ହାଗୁ ଲାକତି ବାଡ଼ୁୟୁ ବାରେ ଖାଡ଼ିନେ । ୩୦ ଏତିବେଲା ହାଗୁ ଲାକତି ମାଣସି ମାର୍ବସିଣି ସିନା ତୁଞ୍ଜୁଆନେ, ଇଚ୍ଛା ମାଣସି ମାର୍ବସିଶାଇଁ କାଜା ବାଡ଼ୁୟୁ ଅଡ଼େ ଗାଧୁରମିଗାଟି ଉଜେଡ଼ି ତଲେ ହାଗୁଟି ଦୁନ୍ଦୁଟି ଖାନାଣି ମେସାମା ଦାର୍ତ୍ତିତି

ବାରେ କୁଡ଼ାଟି ଲକ୍ଷ୍ମୀ ହାରେକା ଦୁକୁ ତଳେ ଡ଼ାଳେ । ୩୧ ଅଡ଼େ ଏଝାସି
 ଚାଟି ମହରି ହାତାତଲେ ତାନି ଦୁରୁୟାଣି ପାଣ୍ଡିନେସି ଇଞ୍ଜି ଏଝାରି ଦାର୍ତ୍ତି
 ମୁଟ୍‌ପେଟି ହାନ୍ତିଟିଏ ହାଗୁଲକତି ମୁଟ୍‌ପେ ହାନ୍ତି ପାତେକା ସାରିଝାକିଟି
 ତାନି ଆତାମାନି ଲକ୍ଷ୍ମୀ ରୁଣ୍ଡା କିନେରି ।" ୩୨ "ତୟା ମାର୍‌ନୁ ପୁଣ୍ଡି
 କିନି କାତାଟି ଜାପାଦୁ: ଏତିବେଲା କମାତା ଆକା ଗାଲନାଣି ମେସିହି
 କାରାୟାଁ ଝେଡ଼ା ଝାତେ ଇଞ୍ଜି ପୁଞ୍ଜେରି । ୩୩ ଏଲେକିହିଁଏ ମାରୁ ଜିକେଏ
 ଇ ବାରେ ମେସିସାରେ ଏଝାସି ଦୁଝେରି ତାଗେ ମାନେସି ଇଞ୍ଜି ପୁଞ୍ଜେରି ।
 ୩୪ ନାନୁ ମିଢ୍ଢେ ସାତା ଝେସିମାଞ୍ଜାଇଁ, ଇ ବାରେ ଗଟ୍‌ଝି ଆଆପାତେକା
 ଇ କାଲାଟି ଲକ୍ଷ୍ମୀ ଏନିଜିକେଏ ମେଶ୍‌ଟ୍‌ଅରି । ୩୫ ହାଗୁପାକା ଦାର୍ତ୍ତି
 ବାରେ ମେଶ୍‌ଟ୍‌ନେ, ସାମା ନା ବଲୁ ଏବେଲାଝା ମେଶ୍‌ଟ୍‌ନେ ।" ୩୬
 ସାମା ଏ ଦିନା ତଣ୍ଡିଟି କାତା ଆମ୍‌ଆସି ପୁନଅସି, ଲାକପୁରୁଟି ଦୁରୁୟାଁ କି
 ମାର୍‌ଏସି ଜିକେଏ ପୁନଅସି, ଝାରୁ ଉପାବେ ପୁନେସି । ୩୭ ଅଡ଼େ
 ନହ ବେଲାତା ଏନିକିଁ ଆହାମାତେ, ମାଶ୍‌ସି ମାର୍‌ଏସି ଝାନି ବେଲାତା
 ଏଲେକିଁ ଆନେ । ୩୮ ଇତିହିଁ ଝାରୁ କୁପ୍‌ନି ନକେଏ, ନହ ତଂଗତା ହଡ଼ନି
 ଦିନା ପାତେକା ଲକ୍ଷ୍ମୀ ଏନିକିଁ ତିଞ୍ଜି ଉଣ୍ଡିହିଁ, ବାହା କିୟାଲି ବାହା ହିୟାଲି
 ହେରାମାତେରି, ୩୯ ଇଞ୍ଜି କାଜା ପିୟୁତଲେ ଝାରୁ ଝାହାନା କୁଦୁହା ଅନି
 ପାତେକା ଏନିକିଁ ଏଝାରି ପୁଞ୍ଜାହିଲାଆତେରି, ମାଶ୍‌ସି ମାର୍‌ଏଶା ଝାନାୟି
 ଜିକେଏ ଏଲେଆହିଁଏ ଆନେ । ୪୦ ଏତିବେଲାତା ରିଆରି ଗୁଡ଼ିୟାତା
 ମାନେରି, ରଅସି ଅଝିଆନେସି ରଅସି ଏମ୍‌ଆଁ ଡ଼ିୟିନେସି । ୪୧ ରା
 ଇୟାସିକା ଜେତାତା ନୁୟିମାନୁ ରଣ୍ଡି ଅଝିଆନେ ଅଡ଼େ ରଣ୍ଡି ଏମ୍‌ଆଁ
 ଡ଼ିୟିନେ । ୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ ଏନାଆଁତାକି ଇତିହିଁ
 ମା ପ୍ରବୁ ଆମିନି ଦିନା ଝାନେସି, ଏଦାଆଁ ମାରୁ ପୁଞ୍ଜାହିଲଅତେରି । ୪୩
 ସାମା ଇଦାଆଁ ପୁଞ୍ଜାମାଞ୍ଜୁ ଆମିନି ନେକେରିତା ସରୁ ଝାନେସି, ଏଦାଆଁ
 ସାଝୁକାରି ପୁଞ୍ଜାମାଟିହିଁମା, ଜାଗ୍ରାତା ଆହାନା ତାନି ଇଲୁଟି କାଟି ତୁଡ଼ହାଲି
 ହାଆତେସିମା । ୪୪ ଏଦାଆଁତାକି ମାରୁ ଜିକେଏ କାତାନା ମାଞ୍ଜୁ ଇତିହିଁ
 ଆମିନି ବେଲାତା ମାରୁ ଅଶ୍‌ପା ହିଲଅତେରି, ଏ ବେଲାତା ମାଶ୍‌ସି
 ମାର୍‌ଏସି ଝାନେସି । ୪୫ ସାଝୁକାରି, ତାନି ଇଲୁଟି ଲକ୍ଷ୍ମୀକା, ରାନ୍‌
 କାରୁତା ରାନ୍‌ ହାହାଲି, ତାନି ଗୁମୁସ୍ତା ପାଣା ଆମ୍‌ଆରାକି ହାହାମାନେସି,
 ଇଲେଟି ନାମୁ ଅଡ଼େ ବୁଦିଗାଟି ଗୁମୁସ୍ତା ଆମ୍‌ଆସି, ୪୬ ପ୍ରବୁ ଝାହାନା
 ତାନି ଆମିନି ହଲେଏଶାଈଁ ଏଲେକିହିଁ ମାନାଶାଈଁ ମେହନେସି, ଏଝାସି
 ନେହାଁସି! ୪୭ ନାନୁ ମିଢ୍ଢେ ସାତା ଝେସିମାଞ୍ଜାଇଁ, ଏଝାସି ଏଝାଶାଈଁ ତାନି
 ବାରେ ଦନତି ମୁହେଁ ଗୁମୁସ୍ତା କିନେସି । ୪୮ ସାମା ଏ ହଲେଏସି ଲାଗେଏ
 ପଲେଏତାସି ଆହାନା, ନା ସାଝୁକାରି ଝାନାୟି ମାନେୟିଏ ଇଞ୍ଜି ତାନି
 ମନତା ଅଶ୍‌ପାଦା, ୪୯ ଏଝାସି ତାନି ତଲେଟି ହଲିୟାଞ୍ଜାଣି ଝେଟିହିଁ,
 କାତୁ ଗହନାରି ତଲେ ତିଞ୍ଜିହିଁ ଗସିହିଁ ମାନେସି, ୫୦ ଆତିହିଁ ଆମିନି ନେରୁ
 ହଲେଏସି କାତାହିଲଅସି ଅଡ଼େ ଏନିକିଁ ବେଲା ପୁଞ୍ଜାହିଲଅସି ଏ ଦିନା ଏ
 ବେଲାତା ତାନି ପ୍ରବୁ ଝାନେସି । ୫୧ ଇଞ୍ଜି ଏଝାଶାଈଁ ରା ବାବା କିହିଁ

ଦାତାନା କୁରୁ ଗାଟାରି ତଲେ ତାନି ବାଗା କିନେସି; ଏମ୍‌ଆଁ ଡ଼ାନାୟି
 ଅଡ଼େ ପାଲ୍‌କା ଟାଟି କିନାୟିମାନେ ।

୨୫ ଏତିବେଲା ଲାକପୁରୁଟି ରାଜି ଦସ ଜାଣା ଡ଼ାଆ ପଦାୟିଁ ଲେହେଁ
 ଆନେ; ଏଝି ତାନି ଦୀଝିୟିଁ ଆସାନା ବାହା ହନେଏଶାଈଁ
 ବେଟାଆହାଲି ହାରୁ । ୧ ଏଝାସିକା ବିଡ଼ା ପାସା ଜାଣା ବୁଦି ହିଲାଆଗାଗାଇ
 ଇଞ୍ଜି ପାସା ଜାଣା ବୁଦି ଗାଟାଇ ମାରୁ । ୨ ବୁଦି ହିଲାଆଗାଗାଇ ତାନି
 ଦୀଝିୟିଁ ଅଡ଼େ ସାମା ଏଟ୍‌କା ନିୟିଁ ଅଥାରୁ, ୪ ସାମା ବୁଦି ଗାଟାଇ ତାନି
 ଦୀଝିୟିଁ ତଲେ ଗାଲୁତା ନିୟିଁ ଅହିଁ ହାରୁ । ୫ ବାହା ହନେଏସି ଝାନାୟି
 ଝେଡ଼ା ଆୟାଲିଏ, ବାରେଜାଣା କଟଣି ହଟିହିଁ ତୁରାତୁସୁ । ୬ ସାମା ମାଦି
 ଲାଆଁୟିଁ ମେହଦୁ ବାହା ଦାଂଗ୍‌ଶେଏସି ଝାହିମାନେସି, ବେଟାଆହାଲି
 ଝାଦୁ ଇଞ୍ଜି ର କାଜା ହାତା ଆତେ! ୭ ଏମ୍‌ଆଁଟିଏ ଡ଼ାଆସିକା ନିଞ୍ଜାନା ତାନି
 ଦୀଝିୟିଁ ପ୍ରଦୁ । ୮ ସାମା ବୁଦି ହିଲାଆଗାଗାଇ ବୁଦିଗାଟି ଡ଼ାଆସିକାଣି
 ଏଲେଇରୁ, ମୀ ନିୟିଁ ଇତାଣି ଲାକା ମାଢ୍ଢେ ହିୟାଦୁ, ଇତିହିଁ ମା ଦୀଝିୟିଁ
 ତୁମ୍‌ଆହାଜିମାନୁ । ୯ ସାମା ବୁଦିଗାଟାୟି ଏଲେଇରୁ, ଆଏ ମିଢ୍ଢେ ଅଡ଼େ
 ମାଢ୍ଢେତାକି ନିୟିଁ ଏଦେଏ, ବାଜାରାତା ହାଜାନା ମିଢ୍ଢେତାକି ନିୟିଁ କତା
 ତାଦୁ । ୧୦ ସାମା ଏଝି ନିୟିଁ କତାଲି ହାଜିମାଟାଟି ହନେଏସି ଝାତେସି;
 ଇଞ୍ଜି ଆମିନି ଗାଟାଇ ତିୟାରା ଆହାନା କାତାମାରୁ, ଏଝି ହନେଏଶି
 ତଲେ ବାହା ବଜି ଇଲୁତା ହଦୁ, ଅଡ଼େ ଦାରା ପୁଣ୍ଡିତେରି । ୧୧ ଏତେଟିଏ
 ଡ଼ାୟୁ ଅର ଡ଼ାଆ ପଦାୟିଁ ଜିକେଏ ଝାହାନା ଏଲେଇରୁ, ଏ ପ୍ରବୁ ଏ ପ୍ରବୁ
 ମାଢ୍ଢେତାକି ଦାରା ଦେତାମୁ ଇଞ୍ଜି ହାଟିରୁ । ୧୨ ଏତେଟିଏ ବାହା ହନେଏସି
 ଏଲେଇତେସି, "ନାନୁ ମିଢ୍ଢେ ସାତା ଝେସିମାଞ୍ଜାଇଁ, ନାନୁ ମିଢ୍ଢେ ପୁଞ୍ଜାମାଞ୍ଜୁଆଁ
 ।" ୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ତଣ୍ଡି ଆମ୍‌ଆସି
 ପୁନଅସି । ୧୪ ଲାକପୁରୁ ରାଜି ଇଲେତାୟି, ଇତିହିଁ ହେକ ରାଜି ହାଜିମାନି
 ର ମାଶ୍‌ସି, ଏଝାସି ତାନି ହଲିୟାଞ୍ଜାଣି ହାତାନା ତାନି ଦନତି ହେବ୍‌ପିତେସି
 । ୧୫ ଏଝାସି ରଅଶାକି ପାସାମାଣା, ଅଡ଼େ ରଅଶାକି ରୀ ମାଣା, ଇଞ୍ଜି
 ଅଡ଼େ ରଅଶାକି ର ମାଣା ଇଲେକିହିଁ ବାରେତାକି ତାନି ଆଡ଼ିନି ବାଡ଼ୁୟୁ
 ତଲେ ହାହାନା ହେକ ରାଜିତା ହାତେସି । ୧୬ ଆମିନିଗାଟାସି ପାସାମାଣା
 ବେଟା ଆହାମାତେସି, ଏଝାସି ଏଝାଆଁ ଅହାନା ବେବାରା କିହାନା ଅଡ଼େ
 ପାସାମାଣା ଲାବା କିତେସି । ୧୭ ଏଲେକିହିଁଏ ଆମିନିଗାଟାସି ରୀ ମାଣା
 ବେଟା ଆହାମାତାସି ଏଝାସି ଜିକେଏ, ଅଡ଼େ ରୀ ମାଣା ଲାବା କିତେସି ।
 ୧୮ ସାମା ଆମିନିଗାଟାସି ର ମାଣା ବେଟା ଆହାମାତେସି, ଏଝାସି ହାଜାନା
 ବୁନି କାର୍‌ହାନା ତାନି ସାଝୁକାରି ଟାକାୟିଁଣି ମୁସାନା ତୁକହା ଇତିତେସି
 । ୧୯ ହାରେକା ଦିନା ହାଟି ଡ଼ାୟୁ ଏ ହଲିୟାଞ୍ଜାଣି ସାଝୁକାରି ଝାହାନା,
 ଏଝାରିତଲେ ଲେକା କିତେସି । ୨୦ ଅଡ଼େ ଆମିନିଗାଟାସି ପାସାମାଣା
 ବେଟା ଆହାମାତେସି, ଏଝାସି ଅଡ଼େ ପାସାମାଣା ତାତାନା ଏଲେଇତେସି,
 ପ୍ରବୁ ନାନୁ ନାଢ୍ଢେ ପାସାମାଣା ହାହାମାଞ୍ଜାଟି; ମେହଦୁ ନାନୁ ଅଡ଼େ
 ପାସାମାଣା ଲାବା କିହାମାଈଁ । ୨୧ ତାନି ସାଝୁକାରି ତାଢ୍ଢେ ଏଲେଇତେସି,
 ଆୟିଲେତା ନେହିଁ ଟିକାଶାଗାଟି ହଲେଏଶାଟି, ନାନୁ ଉଶା କାମାତା ନାନୁ

ଗାଟାଟି ଆହାମାଞ୍ଜି, ନାନୁ ନିଢୁ ହାରେକା କାଜା କାମାତା ହେରୁପାଇଁ, ନାନୁ ନା ତଲେ ରାହାଁ କିହାଲି ଖାମୁ । ୨୨ ଅଡ଼େ ଆମିନିଗାଟାସି ରା ମାଣା ବେଟା ଆହାମାରେସି, ଏଝାସି ଜିକେଏ ଝାହାନା ଏଲେଇରେସି, ଏ ପ୍ରବୁ ନାନୁ ନାଢ଼େ ରୀ ମାଣା ହୀହାମାଞ୍ଜିତ; ମେହମୁ ନାନୁ ଅଡ଼େ ରୀ ମାଣା ଲାବକା କିହାମାଇଁ । ୨୩ ତାନି ସାଞ୍ଜୁକାରି ଏଝାଣାଇଁ ଜିକେଏ ଏଲେଇରେସି, ଆୟ୍ଲେତା ନେହିଁ ଇଞ୍ଜିଁ ଟିକାଣାଗାଟି ହଲେଏଣାଟି, ନାନୁ ଉଣା କାମାତା ନାମୁ ଗାଟାଟି ଆହାମାଞ୍ଜି, ନାନୁ ନିଢୁ ହାରେକା କାଜା କାମାତା ହେରୁପାଇଁ, ନାନୁ ନା ତଲେ ରାହାଁ କିହାଲି ଖାମୁ । ୨୪ ଡାୟୁ ର ମାଣା ଟାକାୟ୍ଲି ଅହାମାଟି ହଲେଏସି ଏଲେଇରେସି, ସାଞ୍ଜୁକାରି, ନାନୁ ପୁଞ୍ଜାମାଇଁ, ନାନୁ ର ଆବଞ୍ଜା ହିୟ୍ଲି ଗାଟାଟି । ମାଟାଆତି ବୃମିତା ନାନୁ ଦାଃଆନାତି । ବିତା ମାଟାଆନା ଆର୍ନା କୃତି କିନାତି । ୨୫ ଏଦାଆଁତାକି ଆଜାହାଁ ନାନୁ ନୀ ଟାକାୟ୍ଲି ବୃମିତା ମୁସାନା ଡୁକହା ଇତିତେଏଁ; ମେହମୁ ନୀ ଦନ ନାନୁ ବେଟାଆତି । ୨୬ ସାମା ତାନି ସାଞ୍ଜୁକାରି ଏଝାଣାଇଁ ଏଲେଇରେସି, ଆଡ଼େ ଲାଗେଏ ଅଡ଼େ ନିସୁଗାଟି ହଲେଏଣାଟି, ନାନୁ ଆମ୍ବିୟା ମାଟା ହିଲଅଁ ଏମ୍ବାଆଁ ଦାଃଆନାତେଏଁ, ଇଞ୍ଜିଁ ଆମ୍ବିୟା ଆର୍ନା ଉପହା ହିଲଅଁ ଏମ୍ବାଆଁ କୃତି କିନାତେଏଁ, ଇଦାଆଁ ନାନୁ ପୁଞ୍ଜାମାଟି? ୨୭ ଆତିହିଁ ବେବାରା କିନାରି ତାଣା ନା ଟାକାୟ୍ଲି ନାନୁ ଇତିନାୟି ମାଟେ; ଆତିହିଁ ନାନୁ ଝାହାନା ଅତିତଲେ ନା ଦନ ନାନୁ ବେଟାଆତେଏଁମା । ୨୮ ଇଦାଆଁତାକି ଇଝାଣି ତାଣାଟି ଇ ଟାକାୟ୍ଲି ଅହାନା ଆମିନି ଗାଟାଣାକି ଦସ ମାଣା ମାନୁ ଏଝାଣାକି ହୀଦୁ । ୨୯ ଇତିହିଁ ଆମ୍ବାଆରାକି ମାନୁ, ଏଝାଣାକି ହୀପକିଆନେ, ଇଞ୍ଜିଁ ଏଝାଣିଝାୟି ହାରେକା ଗାଟିଆନେ; ସାମା ଆମ୍ବାଆରି ତାଣା ହିଲେଏ, ଏଝାଣି ତାଣା ଏନାୟି ମାନେ, ଏଦାଆଁ ଜିକେଏ ଏଝାଣି ତାଣାଟି ଅଞ୍ଜିଆନେ । ୩୦ ଅଡ଼େ ମାରୁ ଇ କାମା କିଆଗାଟି ହଲେଏଣାଟି ପାଞ୍ଜୁତି ଆନେରିତା ମେହହା ଡୁହୁଦୁ, ଏମ୍ବାଆଁ ଡାହିଁ ପାଲକା ଟାଟି କିନେସି । ୩୧ ମାଣସି ମାର୍‌ଏସି ଏତିବେଲା ବାରେ ଦୃତୁୟ୍ଲି ତଲେ ତାନି କାଜାପାଣାଟି ଝାନେସି, ଏତିବେଲା ଏଝାସି ତାନି ଗାଞ୍ଜୁରିଗାଟି ସିଂଗାସାଣିତା କୁରିନେସି, ୩୨ ଇଞ୍ଜିଁ ତାନି ନକିତା ବାରେ କୃତାତି ଲକ୍ଷୁଣି କୃତି କିଞ୍ଜିଆନେ, ଇଞ୍ଜିଁ ମେଣ୍ଡାୟ୍ଲି ଗଡୁ ଏନକି ଗରିୟ୍ଲି ତାଣାଟି ମେଣ୍ଡାୟ୍ଲି ଏଟକା କିନେସି, ଏଲେକିହିଁ ଏଝାସି ଏଝାରାଇଁ ଏଟକା କିହାନା, ୩୩ ମେଣ୍ଡାୟ୍ଲି ତାନି ଟିଃନି ଟଟତା ଇଞ୍ଜିଁ ଗରିୟ୍ଲି ତାନି ଟେବୁ ଟଟତା ଇତିନେସି । ୩୪ ଏତିବେଲା ରାଜା ତାନି ଟିଃନି ଟଟତି ଲକ୍ଷୁଣି ଏଲେଇନେସି, ଝାଦୁ ନା ଆବାତି ବର ବେଟା ଆନାତେରି, ମିଢ଼େତାକି ଦାରୁତି ଗାଡ଼ି ଆତି ଦିନାଟିଏ ଆମିନି ରାଜି ଗାଡ଼ି କିଞ୍ଜିଆହାମାନେ ଏମ୍ବାତି ଅଦିକାରା ଆଦୁ । ୩୫ ଇତିହିଁ ନାନୁ ହାକିଟି ମାଟେଏଁ, ମାନୁ ନାଢ଼େ ଡିଞ୍ଜୁଲି ହିୟାତେରି; ଏସକିଟି ମାଟେଏଁ, ନାଢ଼େ ଗସାଲି ଏୟୁ ହିୟାତେରି; ଏଟକା ମାଟେଏଁ ନାଢ଼େ ଆବହାତେରି; ୩୬ ନାଗୁଡ଼ାଟି ମାଟେଏଁ ନାଢ଼େ ହିମ୍ବିରି ହୁତି କିୟାତେରି; ନମେରି ମାଟେଏଁ ନାଢ଼େ କେରହାତେରି; କାୟିଦିତା ମାଟେଏଁ ନାଢ଼େ ବେଟି ଝାତେରି । ୩୭ ଏମ୍ବାଟିଏ ଦାମ୍ବୁଗାଟାରି ଏଝାଣାଇଁ

ଏଲେଇନେରି, ଏ ପ୍ରବୁ ଏଚେଲା ହାକିଟି ମାନାଣି ମେସାନା ନିଢ଼େ ଡିଞ୍ଜୁଲି ହିୟାଆତମି? ଏଚେଲା ଏସକି ଆତାଣି ମେସାନା ଏୟୁ ହିୟାଆତମି? ୩୮ ଅଡ଼େ ଏଚେଲା ଏଟକା ମାଟାଣି ମେସାନା ଆବହାତମି? ଏଚେଲା ନାଗୁଡ଼ା ମେସାନା ହିମ୍ବିରି ହୁତି କିୟାଆତମି? ୩୯ ଅଡ଼େ ଏଚେଲା ନମେରିତା ଇଞ୍ଜିଁ କାୟିଦି ମାନାଣି ମେସାନା ନୀ ତାଣା ଝାତମି? ୪୦ ଇଞ୍ଜିଁ ରାଜା ଏଝାରାଇଁ ଏଲେଇନେସି, ନାନୁ ମିଢ଼େ ସାତା ଝେସିମାଞ୍ଜୁଲି, ମାନୁ ନା ଇ ଉଣା ତାୟିୟ୍ଲି ରଅଣାଇଁ ଏନାଆଁ କିହାମାଞ୍ଜେରି ଏ ବାରେ ନାଢ଼େତାକି କିହାମାଞ୍ଜୁଦେରି । ୪୧ ଏମ୍ବାଟିଏ ତାନି ଟେବୁ ଦାରିତି ଲକ୍ଷୁଣି ଜିକେଏ ଏଲେଇନେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜିଁ ତାନି ଦୁରୁୟ୍ଲି କିହାମାନି କାଲାକାଲା ଡ଼ାଞ୍ଜିମାନି ହିରୁ ଗାଡ଼ୟୁତା ହାଜୁ । (aiōnios g166) ୪୨ ଇତିହିଁ ନାନୁ ହାକିଟି ମାଟେଏଁ ନାଢ଼େ ଡିଞ୍ଜୁଲି ହିୟାଆତେରି; ଏସକିଟି ମାଟେଏଁ ନାଢ଼େ ଗସାଲି ଏୟୁ ହିୟାଆତେରି; ୪୩ ଏଟକା ମାଟାଟି ନାଢ଼େ ଆବହାଆତେରି; ନାଗୁଡ଼ା ମାଟାଟି ନାଢ଼େ ହିମ୍ବିରି ହୁତି କିୟାଆତେରି; ନମେରି ଇଞ୍ଜିଁ କାୟିଦିତା ମାଟାଟି ନାଢ଼େ କେରହାଆତେରି । ୪୪ ଏମ୍ବାଟିଏ ଏଝାରି ଜିକେଏ ଏଲେଇନେରି, ଏ ପ୍ରବୁ ଏଚେଲା ମାନୁ ନିଢ଼େ ହାକି କି ଏସକି, ଏଟକା କି ନାଗୁଡ଼ା, ନମେରି କି କାୟିଦିତା ମାନାଣି ମେସାନା ନିଢ଼େ ସେବା କିୟାଆତମି? ୪୫ ଏଚେଟିଏ ରାଜା ଏଝାରାଇଁ ଏଲେଇନେସି, “ନାନୁ ମିଢ଼େ ସାତା ଝେସିମାଞ୍ଜୁଲି, ନା ଇ ଉଣା ଲକ୍ଷୁ ବିତାଟି ରଅଣାଇଁ କିହାହିଲାଆକି ନାଢ଼େ କିହାମାଞ୍ଜୁଅତେରି । ୪୬ ଅଡ଼େ ଇଝାରି କାଲାକାଲାଟି ସାସ୍ତି ବେଟାଆନେରି, ସାମା ତାରିଗାଟାରି କାଲାକାଲାଟି ଜୀଞ୍ଜୁ ବେଟାଆନେରି ।” (aiōnios g166)

୨୭ ଜୀମୁ ଇ ବାରେ କାତା ରାପହାନା ତାନି ସାସ୍ତିୟ୍ଲି ଏଲେଇରେସି, ୨ “ରୀଇନି ଜେତ ପିସିଆନି ପାରୁଁ ଆନେ, ଇଦାଆଁ ମାନୁ ପୁଞ୍ଜାମାଞ୍ଜେରି, ଇଞ୍ଜିଁ ମାଣସି ମାର୍‌ଏସି ପାସି ମୁଣ୍ଡାତା ହାୟାଲି ହେରୁସିଆନେସି ।” ୩ ଏତିବେଲାତା କାଜା ପୂଜେରାଞ୍ଜୁ ଅଡ଼େ ଲକ୍ଷୁତି କାଜାରି କୟାପା ଦୁରୁଗାଟି କାଜା ପୂଜେରା ଆଂଗେଣିତା ଗୁଣ୍ଡା ଆତେରି, ୪ ଅଡ଼େ ଜୀମୁଲି ଆସାନା ପାୟାଲି ପାରୁ ପାରାତେରି; ୫ ସାମା ଏଝାରି ଏଲେଇରେସି, “ପାରୁଁ ବେଲାତା ଆଏ ଇତିହିଁ ଏଚେତା ଲକ୍ଷୁ ଗଡ଼ହା କିନେରି ।” ୬ ଜୀମୁ ବେତନିୟ୍ଲିତା କାଜା ରଗାଟାଟି ସିମନ ଇଜ ଡିଞ୍ଜୁଲି କୁଗାମାଟାଟି, ୭ ର ଇୟା ର ଗାଜୁତା ହାରେକା ଦାରାଗାଟି ଗାନ୍ତୁ ନିୟ୍ଲି ତାତାନା ଜୀମୁ ଡାୟ୍ଲିତା ଝାକହେ । ୮ ସାମା ଏଦାଆଁ ମେସାନା ସାସ୍ତିୟ୍ଲି କପା ଆହାନା ଏଲେଇରେସି, “ଇଚେକା ଉଜେଏ ଏନାଆଁତାକି କାରୁ? ୯ ଇଦାଆଁ ହାରେକା ଟାକାୟ୍ଲିତାକି ପାରୁଁ ଆହାନା କାଜୁଲି ଗାଟାରାକି ହିୟାଲି ଆତେମା ।” ୧୦ ଜୀମୁ ଏଦାଆଁ ପୁଞ୍ଜାମା ଏଝାରାଇଁ ଏଲେଇରେସି, “ଇ ଇୟାନି ଏନାଆଁତାକି କପୁ ହାହିମାଞ୍ଜେରି? ଏଦି ନାଢ଼େତାକି ହାରେକା ନେହିଁ କାମା କିହାମାନେ । ୧୧ କାଜୁଲି ଗାଟାରି କାଲେଏ ମୀ ତାଣା ମାନେରି, ସାମା ନାନୁ କାଲେଏ ମୀ ତାଣା ମାନଅଁ

। ୧୭ ଇଚ୍ଛା ଏବଂ ନା ଆତ୍ମତା ନକେଏ ନିୟୁଁ ଖାକିହାନା ମୁସାଲି ଚାକି ନକେଏ ତିୟାରା କିହିମାନେ । ୧୩ ନାନୁ ମିଚ୍ଛେ ସାତା ଖେସିମାଞ୍ଜୁଇଁ, ବାରେ ଦାର୍ତ୍ତତା ଆମିନି ଚାୟୁତା ଇ ନେହିଁ କାରୁ ଖେସିକି ଆନେ, ଏମ୍ପାଆଁ ଏ ଇୟାନି ଅଣ୍ଟାଲି ଏଦାନି ଇ କାମା ଜିକେଏ ଖେସିକି ଆନେ ।” ୧୪ ଏଚିବେଲା ବାରଜାଣା ବିଦ୍ରାତି ଇସ୍ପାରିୟତ ଜାହୁଦା ଦରୁଗାଟାସି କାଜା ପୁଜେରାଟ୍ଟା ଡାଣା ହାଜାନା ଏଲେଇଚେସି, ୧୫ “ନାଟ୍ଟେ ଏନାଆଁ ହିୟାଦେରି ଖେସାଦୁ? ନାନୁ ଜାସୁଇଁ ଆସିକି କିୟାଇଁ ।” ଏମ୍ପାଟିଏ ଏଖାରି ଏଖାଣାକି କଡେଦସ ଗଟା ଖେଣ୍ଟି ଗାକାୟଁ ଏଜିକିହାନା ହାଚେରି । ୧୬ ଅଡେ ଏ ଦିନାଟିଏ ଏଖାସି ଜାସୁଇଁ ଏଖାରିଡାଣା ହେର୍ପାଲି ଚାକି ପାରୁ ପାରାଲି ମାଟ୍ ହେସି । ୧୭ ଡାୟୁ ପୁଲ୍ଲାଏୟୁ ଆଣ୍ଟାଆତି ରୁଟି ତିନି ପାରୁଟି ତଲିତି ଦିନାତା ସାସୁୟଁ ଜାସୁ ଡାଣା ଖାହାନା ଖେଚେରି, “ମାନୁ ଆମିନି ଚାୟୁତା ନିଟ୍ଟେଚାକି ପିସିଆନି ପାରୁଟି ବଜି କିନିମି ଇଚ୍ଛୁଁ ନାନୁ ଅଣ୍ଟିପାଞ୍ଜୁ?” ୧୮ ଜାସୁ ଏଲେଇଚେସି, “ମାନୁ ଗାଡ଼ାତା ପାଲାଣା ଗାଟାଣି ଡାଣା ହାଜାନା ଏଲେଇଚ୍ଛୁ ମା ଗୁରୁ ଏଲେଇଚ୍ଛୁ ଖେସା ପାଣ୍ଟାଚେସି, ନା କାରୁ ଏଦାଚେୟିଏ, ନାନୁ ନା ସାସୁୟଁ ତଲେ ମା ଇଜ ପିସିଆନି ପାରୁଟି ବଜି କିନିମି ।” ୧୯ ଏମ୍ପାଟିଏ ସାସୁୟଁ ଜାସୁଟି ହୁକୁମି ତଲେ କାମା କିହାନା ପିସିଆନି ପାରୁଟି ବଜି କିଚେରି । ୨୦ ଡାୟୁ ମିଡ଼ଅଲ୍ଲା ଆୟାଲିଏ ଜାସୁ ବାରଜାଣା ସାସୁୟଁ ତଲେ ବଜିତା କୁଟିଚେସି । ୨୧ ଏଖାରି ତିଚ୍ଛୁମାଟି ବେଲାତା ଜାସୁ ଏଲେଇଚେସି, “ନାନୁ ମିଚ୍ଛେ ସାତା ଖେସିମାଞ୍ଜୁଇଁ, ମା ବିଦ୍ରାତି ରଅସି ନାଟ୍ଟେ ସାତୁୟଁ କେୟୁତା ହେର୍ପାଚେସି ।” ୨୨ ଏମ୍ପାଟିଏ ଏଖାରି ହାରେକା ଦୁକୁ ଆହାନା ରଅ ରଅସି ଜାସୁଇଁ ଖେଚେରି, “ଏ ପ୍ରବୁ ଏଖାଚେସିଁ ନାନୁ କି?” ୨୩ ଜାସୁ ଏଲେଇଚେସି, “ନା ତଲେ ଆମ୍ପାଆସି ସାଡ଼ଖାତା କେୟୁ ପାରୁକି ମାନେସି, ଏଖାସି ନାଟ୍ଟେ ସାତୁୟଁ କେୟୁତା ହେର୍ପାଚେସି । ୨୪ ମାଣ୍ଡସି ମାର୍‌ଏଣି କାତା ଏନିକି ରାସିକି ଆହାମାନେ ଏଲେକି କିହିମାନେସି ସାତା; ସାମା ଆମିନି ଲକୁ ଡାଣାଟି ସାତୁ କେୟୁତା ହେର୍ପି ଆହିମାନେସି, ଆୟୁତା ଏଚେକା ତଣ୍ଟ ବେଟା ଆନେସି; ଏଖାସି ଜାନା ଆହାହିଲାଆତିହିଁ ଏଖାଣାକି ନେହେଁ ଆଚେମା ।” ୨୫ ଏଚେଟିଏ ଆମିନି ଜାହୁଦା, ସାତୁୟଁ କେୟୁତା ହେର୍ପିଚେସି, ଏଖାସି ଏଲେଇଚ୍ଛୁ ଇଚେସି, “ଏ ଗୁରୁ ଏଖାଚେସିଁ ନାନୁ କି?” ଜାସୁ ଏଖାଣାଇଁ ଏଲେଇଚେସି, “ନାନୁତ ଏଲେ ଇଚ୍ଛୁମାଞ୍ଜୁ ।” ୨୬ ଅଡେ ଏଖାରି ତିଚ୍ଛୁମାଟି ବେଲାତା, ଜାସୁ ରୁଟି ଅହାନା ମାହାପୁରୁଇଁ ଜହରା କିଚେସି, ଇଚ୍ଛୁଁ ରୁଟି ଡିକିହାନା ସାସୁୟଁକି ହାହାନା ଏଲେଇଚେସି, “ଇଦାଆଁ ଅରୁ ଇଚ୍ଛୁଁ ତିଚ୍ଛୁ ଇଦି ନା ଆଟ୍ଟା ।” ୨୭ ଅଡେ ଏଖାସି ଗହନି ସଲ୍ଲା ଆସାନା ମାହାପୁରୁଇଁ ଜହରା କିଚେସି ଇଚ୍ଛୁଁ ସାସୁୟଁକି ହାହାନା ଏଲେଇଚେସି, “ଇଦାଆଁ ବାରେଚେରି ଗହଦୁ” ୨୮ “ଇଚିହିଁ ଆମିନି ନେଚେରିଚି ରାଜିମାନା ହାରେକା ଲକୁଚାକି ପାପୁଟି ମେକହାଲି ଖାକିହାମାନି ଇଦି ଏ ନା ନେଚେରି । ୨୯ ସାମା ନାନୁ ମିଚ୍ଛେ ଖେସିମାଞ୍ଜୁଇଁ, ଆମିନି ଦିନା ନା ଆବାଚି ରାଜିତା ମା ତଲେ ପୁଟିନି ଅଟ୍ଟୁରି ରାସା ଗହଆ ପାଚେକା ନାଟ୍ଟୁଟିଏ ଏଚେଲାଖା ଅଟ୍ଟୁରି ରାସା

ଗହଆଁ ।” ୩୦ ଅଡେ ଏଖାରି ଜହରା ପାରୁ ପାଟିଚି ଡାୟୁ ଜାତ ହରୁତା ହଚା ହାଚେରି । ୩୧ ଏଚିବେଲା ଜାସୁ ଏଖାଣାଇଁ ଏଲେଇଚେସି, “ନାଟ୍ଟୁ ଲାଆଁୟଁ ମାନୁ ବାରେଚେରି ନାଟ୍ଟେ ପିସାନା ହାଜାଦେରି, ଇଚିହିଁ ରାସିକି ଆହାମାନେ, ନାନୁ ମେଣ୍ଟାୟଁ ଗଡୁଇଁ ଖେଇଁ ଅଡେ ମାନାଟି ମେଣ୍ଟାୟଁ ଆଲାବା ଆହାହାନୁ । ୩୨ ସାମା ନାନୁ ହାହାନା ନିଟ୍ଟୁଚି ଡାୟୁ ମା ନକିତା ଗାଲିଲିତା ହାଇଁ ।” ୩୩ ସାମା ପିଚର ଜାସୁଇଁ ଏଲେଇଚେସି, “ବାରେଜାଣା ନିଟ୍ଟେ ପିସାତିହିଁ ଜିକେଏ, ନାନୁ କଡେ ନିଟ୍ଟେ ଏଚେଲାଖା ପିସୁଅଁ ।” ୩୪ ଜାସୁ ପିଚରଇଁ ଏଲେଇଚେସି, “ନାନୁ ନିଟ୍ଟେ ସାତା ଖେସିମାଞ୍ଜୁଇଁ, ନାଟ୍ଟୁ ଲାଆଁୟଁ କୟୁ କେଣ୍ଟା ନକେଏ ନାନୁ ନାଟ୍ଟେ ତାନିପାଲି ନାନୁ ପୁଞ୍ଜୁହିଲଅଁ ଇଚ୍ଛୁଁ ଖେହ୍ଦି ।” ୩୫ ପିଚର ଏଖାଣାଇଁ ଏଲେଇଚେସି, “ନାନୁ ନୀ ତଲେ ହାହାଲି ଆତି ଜିକେଏ ନାନୁ ନିଟ୍ଟେ ଏଚେଲା ପୁଞ୍ଜୁହିଲଅଁ ଇଚ୍ଛୁଁ ଇନଅଁ।” ଇଚ୍ଛୁଁ ବାରେ ସାସୁୟଁ ଜିକେଏ ଏଲେଇଚେରି । ୩୬ ଏଚେଟିଏ ଜାସୁ ତାନି ସାସୁୟଁ ତଲେ ଗେଟ୍‌ସିମନି ଇନି ର ଚାୟୁତା ହାଜାନା ଏଖାଣାଇଁ ଏଲେଇଚେସି, “ନାନୁ ଏମ୍ପାଆଁ ହାଜାନା ପ୍ରାତାନା କିନି ପାଚେକା ମାନୁ ଇମ୍ପାଆଁ କୁଗା ମାଞ୍ଜୁ ।” ୩୭ ଅଡେ ଏଖାସି ପିଚର ଇଚ୍ଛୁଁ ଜେବଦିଚି ରା ମାର୍କାଣି ଅହାନା ହିୟାତା କିଲିବିଲି ଆଚେସି, ୩୮ ଇଚ୍ଛୁଁ ଏଚିବେଲା ଏଖାଣାଇଁ ଏଲେଇଚେସି, “ନା ଜାସୁ ହାନିଲେହେଁ ହାରେକା କିଲିବିଲି ହୁଚି ମାଞ୍ଜୁନେ, ମାନୁ ଇମ୍ପାଆଁ ଡୟାନା ନା ତଲେ କାଚିହିଁ ମାଞ୍ଜୁ ।” ୩୯ ଇଚ୍ଛୁଁ ଏଖାସି ହିରେ ହେକ ହାଜାନା ମୁନୁ କୁତାନା ପ୍ରାତାନା କିହିହିଁ ଏଲେଇଚେସି, “ଏ ନା ଆବା ଆତିହିଁ ଇ ନା ଦୁକୁ କସୁଗାଟି ସଲ୍ଲାଚି ହେକ କିମ୍ପ; ସାମା ନା ମନ କଡେ ଆଏ ନା କାଚେଏ ଆପେ ।” ୪୦ ଅଡେ ଏଖାସି ସାସୁୟଁଡାଣା ଖାହାନା ଏଖାଣାଇଁ ଇଦା କିତାଣି ମେସୁସି ଇଚ୍ଛୁଁ ପିଚରଇଁ ଏଲେଇଚେସି, “ମାନୁ ନା ତଲେ ଗାଡ଼େକା ଜିକେଏ କାଚାଲି ଆଡାଆଚେରି? ୪୧ ପାନୁତା ଏନିକି ହେର୍ଅଚେରି, ଏଦାଆଁଚାକି କାଚାହାଁ ପ୍ରାତାନା କିହେମାଞ୍ଜୁ; ଇଚିହିଁ ମନ ମାନେ ସାମା ଆଟ୍ଟାତା ବାଡ଼ୁୟୁ ହିଲେଏ ।” ୪୨ ଅଡେ ର ପାଲି ହାଜାନା ପ୍ରାତାନା କିହିହିଁ ଏଲେଇଚେସି, “ଏ ନା ଆବା ଇ ନା ଦୁକୁ କସୁଗାଟି ସଲ୍ଲା ନା ଡାଣାଟି ହେକ ଆହାଲି ଆଡାଆଚି, ନାନୁ ଏଦାଆଁ ଗହଇଁ ନା ମନ କଡେ ଆଏ ନା କାଚେଏ ଆପେ ।” ୪୩ ଅଡେ ଏଖାସି ଖାହାନା ଏଖାଣାଇଁ ଇଦା କିହାମାନାଣି ମେସୁସି; ଇଚିହିଁ ଏଖାରି କଟଣି ହୁଚି ମାଚେରି । ୪୪ ଏମ୍ପାଟିଏ ଏଖାସି ଏଖାଣାଇଁ ପିସାନା ଅଡେ ଖେଣ୍ଟେ ହାଜାନା ଅଡେ ଏ ପ୍ରାତାନା ତାନିପାଲି ଚାକି କିଚେସି । ୪୫ ଡାୟୁ ସାସୁୟଁ ଡାଣା ଖାହାନା ଏଲେଇଚେସି, “ଗାଡ଼େକା ତୁରାନା ଜମାଦୁ, ଇଚିହିଁ ମାଣ୍ଡସି ମାର୍‌ଏସି ପାପୁ ଗାଟାରି ଡାଣା ହେର୍ପି ଆନିବେଲା ଏଦାଚେୟିଏ । ୪୬ ନିଟ୍ଟୁମୁ ମାର ହାନ, ଇଚ୍ଛୁଁ ମେହଦୁ ଆମ୍ପାଆସି ନାଟ୍ଟେ ସାତୁୟଁ କେୟୁତା ହେର୍ପାଚେସି, ଏଖାସି ତାଗେ ଖାଚେସିଏ!” ୪୭ ଜାସୁ ଇ କାତା ଖେସିମାଟି ବେଲାତା, ମେହଦୁ, ବାରଜାଣା ସାସୁୟଁ ବିଦ୍ରାତି ଜାହୁଦା ଦରୁଗାଟାସି ରଅସି ଇଚ୍ଛୁଁ ଏଖାଣିତଲେ କାଜା ପୁଜେରାଟ୍ଟା ଅଡେ ଲକୁଚି କାଜାରି ଡାଣାଟି

ପାଣ୍ଡୁଓଡ଼ିଆହାମାନି ହାରେକା ଲକ୍ଷ୍ମୀ କାଣ୍ଡାୟାଁ ଅଡ଼େ ବାଡ଼ଗାୟାଁ ଆସାନା
 ଖାତେରି । ୪୮ ଜାମୁଇଁ ସାତୁୟାଁ କେୟୁତା ହେରପିନାସି ଏଞ୍ଜାରିଇଁ ଇ ସିନା
 ସେସାମାତେସି, “ନାନୁ ଆମ୍ବାଆରାଇଁ ନଶ୍ଚିଇଁ ଏଞ୍ଜାସି ଏଞ୍ଜାସି, ଏଞ୍ଜାଶାଇଁ
 ଆହଦେରି ।” ୪୯ ଇଞ୍ଜାଁ ଏଞ୍ଜାସି ଏ ଦେବୁଣିଏ ଜାମୁ ତାଣା ଖାହାନା, “ଏ
 ଗୁରୁ ଜହରା ଇତେସି” ଅଡ଼େ ଏଞ୍ଜାଶାଇଁ ହାରେକା ନଶ୍ଚିତେସି । ୫୦ ସାମା
 ଜାମୁ ଏଞ୍ଜାଶାଇଁ ଏଲେଇତେସି, “ଏ ଚଣେ ଏନାଆଁ କିହାଲି ଖାହାମାଞ୍ଜି
 ଏଦାଆଁ କିମୁ ।” ଏମ୍ବାଟିଏ ଏଞ୍ଜାରି ତାଗେ ଖାହାନା ଜାମୁଇଁ ଆସ୍ତେରି । ୫୧
 ଅଡ଼େ ମେହଦୁ, ଜାମୁତଲେ ମାତାରି ବିତ୍ରାଟି ରଥସି କାଣ୍ଡା ହୁପହେସି ଇଞ୍ଜାଁ
 କାଜା ପୁଜେରା ହଲେଏଶାଇଁ କିୟୁ ରାଡ଼ହେସି । ୫୨ ଏମ୍ବାଟିଏ ଜାମୁ
 ଏଞ୍ଜାଶାଇଁ ଏଲେଇତେସି, “ନୀ କାଣ୍ଡା ସେଣ୍ଡେ ନୀ ପାଡ଼କାତା ଇଟାମୁ,
 ଇତିହିଁ ଆମ୍ବାଆରି କାଣ୍ଡା ଆହନେରି ଏଞ୍ଜାରି କାଣ୍ଡା ତଲେଏ ହାନେରି । ୫୩
 ନାନୁ ଏନାଆଁ ଅଶ୍ଚିମାଞ୍ଜି, ନାନୁ ନା ଆବାଇଁ ବାଟିମାଲିତିହିଁ ଇ ଦେବୁଣିଏ
 ବାର ଗତି ରିଜାରି କସ୍ତା କିହାଁ ହାରେକା ଦୁରୁୟାଁଇଁ ପାଣ୍ଡୁଅସି?” ୫୪
 ଇତିହିଁ ଇଲେକିଁ ସାତେଏ ଆନେ ଇଞ୍ଜାମାନି ଦାମୁଁ ପତିତି କାତା ଏନିକିଁ
 ସାତା ଆନେ? ୫୫ ଏତେଟିଏ ଜାମୁ ମାମୁ ଲକ୍ଷ୍ମଣି ଏଲେଇତେସି, ତଂଗା
 ଗାଟାରାଇଁ ଆହନିଲେହେଁ କାଣ୍ଡାୟାଁ ଅଡ଼େ ଟେଣ୍ଡାୟାଁ ଆସାନା ମାରୁ
 ନାଟ୍ଟେ ଆସାଲି ଖାହାମାଞ୍ଜେରି? ନାନୁ ବାରେଦିନା ମାହାପୁରୁ ଇଲୁତା
 କୁଗାନା ଜାପୁହିଁ ମାତେସି, ସାମା ମାରୁ ନାଟ୍ଟେ ଆସ୍ତାଆତେରି! ୫୬
 ସାମା ମାହାପୁରୁ ଅଶ୍ଚିପୁତି ବଲୁ ସେହନାରି ରାତିତି ସାସ୍ତେରି କାତା
 ଏନିକିଁ ସାତା ଆନେ, ଏଦାଆଁତାକି ଇ ବାରେ ଆହିମାନେ । ଏତିବେଲା
 ବାରେଜାଣା ସାମୁୟାଁ ଏଞ୍ଜାଶାଇଁ ପିସାନା ହଟାତୁସ୍ତେରି । ୫୭ ତାୟୁ
 ଏମିନିଗାଟାରି ଜାମୁଇଁ ଆସାମାତେରି, ଏଞ୍ଜାରି ଜାମୁଇଁ କୟାପା ଇନି
 କାଜା ପୁଜେରା ନକିତା ଅତେରି; ଏ ଟାୟୁତା ମେରାପୁନାରି ଅଡ଼େ ଲକ୍ଷ୍ମଣି
 କାଜାରି ରୁଣ୍ଡା ଆହାମାତେରି । ୫୮ ସାମା ପିତର ହେକ ତୟାନା କାଜା
 ପୁଜେରା ଆଂଗେଣି ପାତେକା ଏଞ୍ଜାରି ଜେତ ହାତେସି, ଇଞ୍ଜାଁ ତାୟୁ ଏନି
 ଆନେ, ଏଦାଆଁ ସିନିକିହାଲି ଏଞ୍ଜାସି ବିତ୍ରା ହାଜାନା ଜାମାନାଟ୍ଟୁ ତଲେ
 କୁଗାମାତେସି । ୫୯ ଏମ୍ବାଟିଏ କାଜା ପୁଜେରାଟ୍ଟୁ ଅଡ଼େ ବାରେ ବେରଣି
 ମାଣ୍ଡାତାରି ଜାମୁଇଁ ପାୟାଲି ଏଞ୍ଜାଣି କପାଟି ମିତି ସାକିୟାଁ ପାରାତେରି,
 ୬୦ ଇଞ୍ଜାଁ ହାରେକା ସାକିୟାଁ ସେସି ଜିକେଏ, ଏଞ୍ଜାଣି ଏନି ଦହ ପୁଞ୍ଜାଆତେରି
 । ଇଞ୍ଜାଁ ତାୟୁ ରିଆରି ନିତାନା ସେସ୍ତେରି, ୬୧ ଇଞ୍ଜାସି ଏଲେଇଞ୍ଜାମାତେସି,
 “ନାନୁ ମାହାପୁରୁତି ଇଲୁ ଡିକହାନା ତାନି ଦିନାଟିଏ କେପାଲି ଆଡ଼ିଇଁ
 ।” ୬୨ ଏମ୍ବାଟିଏ କାଜା ପୁଜେରା ନିଢ଼୍ଠାମା ଏଲେଇତେସି, “ନୀ କପାଟି
 ଜଲିମାନାରାକି ସେଣ୍ଡେ ସେସାଲି ନୀ ଏନି କାତା ହିଲେଏ କି?” ୬୩
 ସାମା ଜାମୁ ପାଲେଏ ଆହାନା ତୟିତେସି । ଏମ୍ବାଟିଏ କାଜା ପୁଜେରା
 ଜାମୁଇଁ ଏଲେଇତେସି, “ନାନୁ ଜାମୁତି ମାହାପୁରୁ ଦରୁତଲେ ପାରମାଣା
 କିଓ କିହାନା ସେଞ୍ଜିମାଞ୍ଜି, ନାଟ୍ଟେ ସେସ୍ତାମୁ, ନାନୁ ସାତେଏ ମାହାପୁରୁ
 ମାର୍ବଣାଟି କ୍ରାପୁତିକି?” ୬୪ ଜାମୁ ଏଞ୍ଜାଶାଇଁ ଏଲେଇତେସି, “ନାନୁତ
 ସେସିମାଞ୍ଜି; ଅଡ଼େ ନାନୁ ନିଟ୍ଟେ ସେସିମାଞ୍ଜି, ନାଞ୍ଜୁଟିଏ ମାରୁ ମାଣ୍ଡିସି

ମାର୍ବଣାଟି ବାଡ଼ୟୁଗାଟି ମାହାପୁରୁ ଚିନ୍ତନିଖାକି ନିତାମାନାଣି ଅଡ଼େ
 ହାମୁ ଦୁଲ୍ଲୀଟି ଖାନାଣି ମେହଦେରି!” ୬୫ ଏମ୍ବାଟିଏ କାଜା ପୁଜେରା ତାନି
 ହିପୁରି ଗେସାନା ଏଲେଇତେସି, “ଈଞ୍ଜାସି ମାହାପୁରୁ ନିନ୍ତୁ କିହିମାନେସି,
 ଇଞ୍ଜାଁ ମାଟ୍ଟେ ଅଡ଼େ ଏନି ସାକିୟାଁ ଲଡ଼ାମାନେ? ମେହଦୁ ନାଏଁ ଜିକେଏ
 ମାହାପୁରୁ ନିନ୍ତୁ କିତାଣି ସେତେରି, ୬୬ ମୀ ଅଶ୍ଚିପୁତା ଏନାୟି ମାନେ?”
 ଏମ୍ବାଟିଏ ଏଞ୍ଜାରି ଏଲେଇତେରି ଏଞ୍ଜାସି ହାନି ତଣ୍ଡ ପାଣ୍ଡାୟାଁ ମାନେ! ୬୭
 ଏତିବେଲା ଏଞ୍ଜାରି ଏଞ୍ଜାଣି ମୁମୁତା ହୁପିତେରି, ବିଦା ସେତେରି; ଇଞ୍ଜାଁ
 ଆମ୍ବା ଆମ୍ବାଆରି ସାପୁଡ଼ା ସେତାନା ଏଲେଇତେରି, ୬୮ “ଏ ଜାମୁ ନାନୁୟାଁ
 ମାହାପୁରୁ ଅଶ୍ଚିପୁତି ବଲୁ ସେହନାଟି, ମାଟ୍ଟେ ସେସ୍ତାମୁ ନିଟ୍ଟେ ଆମ୍ବାଆସି
 ସେତାତେସି ।” ୬୯ ଏମ୍ବାଟିଏ ପିତର ପାଢ଼ୁଟି ଆଂଗେଣିତା କୁଗାମାତେସି,
 ଇଞ୍ଜାଁ ର ହଲେଣି ପିତର ତାଗେ ଖାହାନା ଏଲେଇତେ, “ନାନୁ ଜିକେଏ
 ଗାଲିଲିତି ଜାମୁତଲେ ମାଟି ।” ୭୦ ସାମା ଏଞ୍ଜାସି ବାରେତି ନକିତା “ନାନୁ
 ଏଞ୍ଜାଶାଇଁ ପୁଞ୍ଜାହିଲଅଁ ନାନୁ ଏନାଆଁ ସେସିମାଞ୍ଜି ନାନୁ ପୁଞ୍ଜାହିଲଅଁ ।” ୭୧
 ଅଡ଼େ ପିତର ଆଂଗେଣି ଦୁଖେରିତା ହାଜାଲିଏ ଅଡ଼େ ର ହଲେଣି ଏଞ୍ଜାଶାଇଁ
 ମେସାନା ଏ ଟାୟୁତି ଲକ୍ଷ୍ମଣି ଏଲେଇତେ, “ଈଞ୍ଜାସି ନାଜରିତ ଜାମୁତଲେ
 ମାତେସି ।” ୭୨ ପିତର ପାରମାଣା କିହାନା ଅଡ଼େ ଏଲେଇତେସି, “ନାନୁ
 ଏଞ୍ଜାଶାଇଁ ପୁଞ୍ଜାହିଲଅଁ ।” ୭୩ ଅଡ଼େ ର ଗାଡ଼େକା ହାଜାଲିଏ ଦାରିତା
 ନିତାମାତାରି ପିତର ତାଗେ ଖାହାନା ଏଞ୍ଜାଶାଇଁ ଏଲେଇତେରି, “ନାନୁ
 ଜିକେଏ ସାତେଏ ଏଞ୍ଜାରି ବିତ୍ରାଟି ରଥସି, ଇତିହିଁ ନୀ ହାତାଟି ପୁଣ୍ଡି
 ଆହିମାନେ ।” ୭୪ ଏମ୍ବାଟିଏ ପିତର ପାରମାଣା ଅଡ଼େ ବାକା ଇତିହିଁ
 ଏଲେଇତେସି, “ନାନୁ ଏଞ୍ଜାଶାଇଁ ପୁଞ୍ଜାହିଲଅଁ ।” ଏ ଦେବୁଣିଏ କୟୁ
 କେଶ୍ଚେତେ । ୭୫ ଏତେଟିଏ “କୟୁ କେଶ୍ଚା ନକେଏ ନାଟ୍ଟେ ତାନି ପାଲି
 ପୁଞ୍ଜାହିଲଅଁ ଇଞ୍ଜାଦି” ଇଞ୍ଜାଁ ଜାମୁ ସେସି ଇ କାତା ପିତର ଅଶ୍ଚିପୁତା ଖାତେ,
 ଇଞ୍ଜାଁ ଏଞ୍ଜାସି ପାଢ଼ୁତା ହାଜାନା ହାରେକା କିଲିବିଲି ଦୁକୁଆହିଁ ତାତେସି ।

୨୨ ଲାଲ ସେୟାଲିଏ ବାରେ କାଜା ପୁଜେରାଟ୍ଟୁ, ଇଞ୍ଜାଁ ଲକ୍ଷ୍ମଣି କାଜାରି
 ଜାମୁଇଁ ପାୟାଲି ଏଞ୍ଜାଣି କପାଟି କାତା ଆତେରି, ୧ ଇଞ୍ଜାଁ ଏଞ୍ଜାରି
 ଏଞ୍ଜାଶାଇଁ ଦସା ଅହାନା ପିଲାତ ଇନି ସାଲସି କିନାଣି ତାଣା ହେରପିତେରି
 । ୩ ଏତିବେଲା ଜାମୁଇଁ ସାତୁ କେୟୁତା ହେରପିତି ଜାହୁଦା, ଜାମୁ
 ହାନି ତଣ୍ଡ ବେଟା ଆହାମାନେସି ଇଞ୍ଜାଁ ପୁଞ୍ଜାନା, ଜାମୁତା ଅଶ୍ଚିପାନା
 କାଜା ପୁଜେରାଟ୍ଟୁ ଅଡ଼େ ଲକ୍ଷ୍ମଣି କାଜାରି ତାଣା ଏ କଡ଼େଦସ ଟାକା
 ସେଣ୍ଡେ ତାତାନା ଏଲେଇତେସି, ୪ “ନାନୁ ଦହ ହିଲାଆଗାଟାଣି ନେତେରି
 ହେରପାନା ପାପୁ କିହାମାଇଁ ।” ସାମା ଏଞ୍ଜାରି ଏଲେଇତେରି, “ମାଦି
 ଏମ୍ବାଆଁ ଏନାୟି ମାନେ? ଏଦାଆଁ ନାନୁ ଅଶ୍ଚିପାମୁ ।” ୫ ଏମ୍ବାଟିଏ ଏଞ୍ଜାସି
 ଟାକାୟାଁଣି ମାହାପୁରୁ ଇଲୁ ବିତ୍ରା କୁତାତୁସାନା ହାତେସି, ଇଞ୍ଜାଁ ହାଜାନା
 ହେରକି ଲେଜା ହାତେସି । ୬ ସାମା କାଜା ପୁଜେରାଟ୍ଟୁ ଏ ଟାକାୟାଁ ଅହାନା
 ଏଲେଇତେରି, “ଈଞ୍ଜାଆଁ ମାହାପୁରୁ ଇଲୁତି ଦନ ତଲେ ଇତିନାୟି ମେରା
 ହିଲେଏ, ଇତିହିଁ ଇଓ ନେତେରିତି ଟାକାୟାଁ ।” ୭ ଇଞ୍ଜାଁ ଏଞ୍ଜାରି କାତା
 ଆହାନା ଏଟ୍ଟାକା ଦେସାତି ଲକ୍ଷ୍ମଣି ମାଡ଼ହା ମୁହନି ତାୟୁ ତାକି ଏ ଟାକାୟାଁ

ହାହାନା ର କୁମ୍ଭେଫଣା ବୃମ୍ଭି କଡ଼ିତେରି । ୮ ଏଦାଆଁତାକି ନାଞ୍ଜୁପାତେକା ଏଦାନି “ନେତେରି ବୃମ୍ଭି” ଇଞ୍ଜି ଇନେରି । ୯ ଏମ୍ଭାଟିଏ ମାହାପୁରୁ ଅଣପୁତି ବଲୁ ଖେଦ୍ଦିନି ଜିରିମିୟା ତାଣାଟି ରାଟିଟି ଇ କାତା ଯାତା ଆତେ, ଇସ୍ରାୟେଲ ମୀରକା ଆମ୍ଭାଆରି ତାକି ଏତେକା ଲେକା ହାନାୟି ମାନେ, ଏଝାଣି ଲେକାତଲେ ଏ କଡ଼େଦସ ଟାକା ଅହାନା, ୧୦ ନା ତାକି ମାହାପୁରୁଟି ହୁକୁମି ଲେହେଁ କୁମ୍ଭେଫଣା ବୃମ୍ଭି ତାକି ହୀତେରି । ୧୧ ଏମ୍ଭାଟିଏ ସାଲଖି କିନାଣି ନକିତା ଜୀସୁଇଁ ନିପୁହେରି, ଇଞ୍ଜି ସାଲଖି କିନାସି ଏଝାଣାଇଁ ଖେତେସି, “ନାନୁ ଜୀହୁଦି ଲକ୍ଷୁଟି ରାଜାଟି?” ଜୀସୁ ଏଲେଇତେସି, “ନାନୁତ ଏଲେ ଇଞ୍ଜିମାଞ୍ଜି ।” ୧୨ ସାମା କାଜା ପୁଜେରାଢ଼ା ଇଞ୍ଜି ଲକ୍ଷୁଟି କାଜାରି ଏଝାଣି କପାଟି ଖେସାଲିଏ, ଜୀସୁ ଏନାଆଁ ଇନାଆତେସି । ୧୩ ଏତେଟିଏ ପିଲାତ ଏଝାଣାଇଁ ଏଲେଇତେସି, “ଇଝାରି ନୀ କପାଟି ହାରେକା କାତା ଖେସିମାନେରି, ଏଦାଆଁ ଖେଞ୍ଜି ହିଲଅତି କି?” ୧୪ ସାମା ଏଝାସି ର କାତା ଜିକେଏ ଏଝାଣାଇଁ ଜଲୀଆତେସି, ଏମ୍ଭାଟିଏ ସାଲଖି କିନାସି ହାରେକା କାବା ଆତେସି । ୧୫ ପିପିଆନି ପାରୁଁ ବେଲାତା ଲକ୍ଷୁ, ଆମିନି କାୟିଦିତା ଇଟାମାନାରାଇଁ ରାସିମାତେରି ଏଝାଣାଇଁ ପିସାଲି ସାଲଖି କିନାଣି ଫେରା ମାତେ । ୧୬ ଏଡିବେଲା ଏଝାରି ଜୀସୁ-ବାରବା ଦରୁଗାଟି ର କାଜା ଖେଡ଼ିଟି କାୟିଦି ଗାଟାସି ମାତେସି । ୧୭ ଏଦାଆଁତାକି ଏଝାରି ରୁଣ୍ଡା ଆହାମାନି ବେଲାତା ପିଲାତ ଏଝାରାଇଁ ଖେତେସି, ନାନୁ ମିଢ଼େଟାକି ଆମ୍ଭାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି? ବାରବାଇଁ କି ଆମ୍ଭାଆରାଇଁ ଜୀସୁ ଇଞ୍ଜି ମାଞ୍ଜେରି ଏ ଜୀସୁଇଁ? ୧୮ ଇତିହିଁ ଏଝାରି ଏଝାଣାଇଁ କପାଟି ହେରୁପା ମାନେରି ଇଞ୍ଜି ପିଲାତ ପୁଞ୍ଜାମାତେସି । ୧୯ ଇଞ୍ଜି ପିଲାତ ନୀହାୟି କିନି ଚାୟୁତା କୁଗାମାତାଟି ତାନି ତକ୍ତି ତାନି ତାଣା ଖେସା ପାଣ୍ଡିତେ, “ଏ ଦାମ୍ଭାଟି ମାଣସିଇଁ ଏନାଆଁ କିଆନି, ଇତିହିଁ ଏଝାଣି ତାକି ନାଞ୍ଜୁ ଲାଆୟିଁ ହାପାନାତା ହାରେକା କସୁ ଆହାମାଇଁ ।” ୨୦ ସାମା କାଜା ପୁଜେରାଢ଼ା ଅଡ଼େ ଲକ୍ଷୁଟି କାଜାରି, ବାରବାଇଁ ରାସାଲି ଇଞ୍ଜି ଜୀସୁଇଁ ନାସା କିହାଲି ଲକ୍ଷୁଣି ଜାପୁହେରି । ୨୧ ସାମା ପିଲାତ ଏଝାରାଇଁ ଏଲେଇତେସି, “ନାନୁ ଇ ରିଆରି ବିତାଟି ଆମ୍ଭାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି?” ଏଝାରି ଏଲେଇତେରି, “ବାରବାଇଁ ।” ୨୨ ପିଲାତ ଏଝାରାଇଁ ଖେତେସି, ଆତିହିଁ ଆମ୍ଭାଆରାଇଁ ଜୀସୁ ଇନେରି ଏ ଜୀସୁଇଁ ନାନୁ ଏନାଆଁ କିଇଁ? ଏଝାରି ବାରେଜାଣା ଏଲେଇତେରି, “ଏଝାଣାଇଁ ପାସି ମୁଣ୍ଡାତା ଏକପୁ ।” ୨୩ ସାମା ପିଲାତ ଖେତେସି, “ଏନାଆଁତାକି, ଏଝାସି ଏନି ଦହ କିହାମାନେସି?” ସାମା ଏଝାରି ହାରେକା କାଲଖି ଆହିଁ ଏଲେଇତେରି, “ଏଝାଣାଇଁ ପାସି ମୁଣ୍ଡାତା ଏକପୁ ।” ୨୪ ଏଡିବେଲା ପିଲାତ ଏନାଆଁ କିହାଲି ଆତିହିଲଅସି, ଇଞ୍ଜି ହାରେକା ଗଡ଼ହା ଆହିମାନାଣି ମେସାନା, ଏଡିବେଲା ଲକ୍ଷୁ ନକିତା ଏୟୁ ଅହାନା କେସ୍ତା ନରୁହାଁ ଏଲେଇତେସି, “ଇଝାଣି ପାୟିନି ତାଣା ନା ଦହ ହିଲେଏ, ମୀରୁ ଏଦାଆଁ ପୁଞ୍ଜି ।” ୨୫ ଏମ୍ଭାଟିଏ ବାରେ ଲକ୍ଷୁ ଏଲେଇତେରି, “ଏଝାଣି ନେତେରିଟି ତଣ୍ଡୁ ମା ଲାକ ଇଞ୍ଜି ମା ମୀରକା

ମୁହେଁ ଖାପେ ।” ୨୬ ଏମ୍ଭାଟିଏ ପିଲାତ ଏଝାରାକି ବାରବାଇଁ ପିସା ହାତେସି, ଇଞ୍ଜି ଜୀସୁଇଁ ସାବୁଣି ଖେତାନା ପାସି ମୁଣ୍ଡାତା ଏକହାଲି ହେରୁପିତେସି । ୨୭ ଏମ୍ଭାଟିଏ ସାଲଖି କିନାଣି କସକା ଜୀସୁଇଁ ମେଡ଼ା ଇଲୁ ବିତା ଅହାନା ବାରେ କସକା ଏଝାଣି ନକିତା କୁଡ଼ା ଆତେରି । ୨୮ ଇଞ୍ଜି ଏଝାରି ଏଝାଣି ହିମ୍ଭି ହୁକୁହାନା ଏଝାଣାଇଁ ହେୟିଁ ଝାଣାଗାଟି ହିମ୍ଭି ହୁଟିକିତେରି, ୨୯ ଇଞ୍ଜି ହାପକା ଟପେରି ଆଲାନା ଏଝାଣି ତାୟୁତା ଇତିତେରି ଅଡ଼େ ଏଝାଣି ଚିଝିନି କେୟୁତା ର ବାଡ଼ଗା ଆସି କିତେରି, ଇଞ୍ଜି ଏଝାଣି ନକିତା ମେଣ୍ଡା କୁଟିହିଁ “ଏ ଜୀହୁଦି ଲକ୍ଷୁଟି ରାଜା ଜହରା” ଇଞ୍ଜି ଲାଜାକିହିଁ କାକହେରି । ୩୦ ଅଡ଼େ ଏଝାଣିଲାକ ହୁପିତେରି, ଅଡ଼େ ଏ ବାଡ଼ଗା ଆସାନା ଏଝାଣି ତାୟୁତା ଖେତେରି । ୩୧ ଅଡ଼େ ଏଝାରି ଏଝାଣାଇଁ ଲାଜାକିହିଁ କାକହି ତାୟୁ, ଏ ହିମ୍ଭି ହୁକୁହା ଅହାନା ତାନି ହିମ୍ଭି ହୁଟିକିତେରି, ଇଞ୍ଜି ଏଝାଣାଇଁ ପାସି ମୁଣ୍ଡାତା ଏକହାଲି ଅତେରି । ୩୨ ଏଝାରି ହାଜିମାତାଟି ସିମନ ଦରୁଗାଟି ର କୁରିଣି ଦେସାଟି ଲକ୍ଷୁଇଁ ମେସାନା ଜୀସୁଟି ପାସିମୁଣ୍ଡା ତେକାଲି ଏଝାଣାଇଁ ବାଲାମାତମି କିତେରି । ୩୩ ଇଞ୍ଜି ଏଝାରି ଗଲଗତା ଇନି ଚାୟୁତା ଇତିହିଁ ଏନିନାଣି ତାୟୁଗିର୍ସା ଇନେରି ଏମ୍ଭାଆଁ ଅତେରି । ୩୪ ଏମ୍ଭାଆଁ ଏଝାରି ଏଝାଣାକି କାମ୍ବେଲି ଏୟୁ ଆବୁହି ଅଡ଼ୁରି ରାସା ଗସାଲି ହୀତେରି, ସାମା ଏଝାସି ଏଝାଆଁ ଝାଣ୍ଡାନା ଗସାଲି ମନ କିଆତେସି । ୩୫ ତାୟୁ ଏଝାରି ଏଝାଣାଇଁ ପାସି ମୁଣ୍ଡାତା ଏକହାନା ତାନି ହିମ୍ଭିରକା ପାସି କିହାନା ତାନି ବିତା ବାଟି କିହା ଅତେରି, ୩୬ ଇଞ୍ଜି ଏମ୍ଭାଆଁ କୁଗାନା ଏଝାଣାଇଁ କାଟିମାତେରି । ୩୭ ଇଞ୍ଜି ଏଝାରି ଏଝାଣି ତାୟୁଁ ଲାକି ଇଲେଇଞ୍ଜି ରାତାନା ଲେତେରି, “ଇଝାସି ଜୀହୁଦି ଲକ୍ଷୁଟି ରାଜା ଜୀସୁ ।” ୩୮ ଏଡିବେଲା ତାନି ଚିଝିନିଝାକି ରଅସି ଇଞ୍ଜି ତାନି ଚେବିଝାକି ରଅସି ଇଲେକିହିଁ ରୀ ସରକାଣି ତାନିତଲେ ପାସି ମୁଣ୍ଡାତା ଏକହେରି । ୩୯ ଇଞ୍ଜି ଏ ଜିରୁଟି ହାଜିମାନି ଲକ୍ଷୁ ତାନି ତାକାଁ ଗୁଟକିକିହିଁ ଏଝାଣାଇଁ ନିମ୍ଭାକିହିଁ ଏଲେଇତେରି, ୪୦ “ଆଡ଼େ ମାହାପୁରୁ ଇଲୁ ଡିକନାଟି ଇଞ୍ଜି ତାନି ଦିନାଟିଏ ଏଦାଆଁ ଖେଣ୍ଡେ କେପିନାଟି, ନାନୁ ମାହାପୁରୁ ମୀରୁଏଣାଟି ଇତିହିଁ, ନାନୁ ନିଢ଼େ ଗେଲ୍ପା କତାନା ପାସି ମୁଣ୍ଡାଟି ରେତା ଝାପୁ ।” ୪୧ କାଜା ପୁଜେରାଢ଼ା ଜିକେଏ ଏଲେକିହିଁଏ ଫେରାପୁନାରି ଇଞ୍ଜି ଲକ୍ଷୁଟି କାଜାରି ତଲେ କିଜିକିହିଁ କାକହିହିଁ ଏଲେଇତେରି, ୪୨ “ଏଝାସି ଏଟକା ଲକ୍ଷୁଣି ପିପି କିତେସି ତାଢ଼େ ଗେଲ୍ପାଲି ଆତିହିଲଅସି । ଏଝାସିତ ଇସ୍ରାୟେଲଟି ରାଜା, ଏଝାସି ଦେବୁଣିଏ ପାସି ମୁଣ୍ଡାଟି ରେତା ଝାପେସି, ଆତିହିଁ ମୀର ଏଝାଣି ତାଣା ନାନିନ । ୪୩ ଏଝାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଝାଣାଇଁ ଜୀସୁ ନହାଁ ମାନେସି, ଆତିହିଁ ଏ ଦେବୁଣିଏ ଏଝାଣାଇଁ ଗେଲ୍ପାପେସି, ଏଝାସି ଖେସାମାତେସି ନାନୁ ମାହାପୁରୁ ମୀରୁଏଣାତେଏଁ ।” ୪୪ ଇଞ୍ଜି ଆମିନି ସରକା ତାନିତଲେ ପାସି ମୁଣ୍ଡାତା ଏକହା ମାତେରି, ଏଝାରି ଜିକେଏ ଏଲେକି ନିମ୍ଭା କିହାଲି ମାବୁହେରି । ୪୫ ତାୟୁ ବାର ଗଂଟାଟିଏ ତାନି ଗଂଟା ପାତେକା ଦେସା ବାରେ ଆନେରି ଆହାହାତେ । ୪୬ ମିଡ଼ୁଆଲା ତାନି ଗଂଟା ବେଲାତା

ଜୀବୁ କାଜା ଗିୟାଁତଲେ ହାତୀନା ଏଲେଇଚେସି, “ଏଲି, ଏଲି, ଲାମା ସାବକତାନି?” ଇତିହିଁ “ଏ ନା ମାହାପୁରୁ ଏ ନା ମାହାପୁରୁ ନାନୁ ନାଟ୍ରେ ଏନାଆଁତାକି ପିସ୍ତାତି?” ୪୭ ଇ ହାତା ଖେଞ୍ଜାନା ଦାରିତା ନିଚାମାତି ଲକ୍ଷ୍ମ ଏଲେଇଚେରି, “ଇଖାସି ଏଲିୟାକ୍ ହାଟି ମାନେସି ।” ୪୮ ଅଡେ ଏ ଦେବୁଣିଏ ରଅସି ଏଖାରି ବିତ୍ରାତି ହଟିହିଁ ହାଜାନା ର ଡ୍ରାଃଆଲି ପୁଲ୍ଲ ଅଡ୍ଡେରି ରାସାତା ମୁସାନା ଏଦାଆଁ ର ବାଡ଼ଗାତା ଦସାନା ଜୀବୁକି ଗସାଲି ହାତେସି । ୪୯ ସାମା ଏଚେକା ଲକ୍ଷ୍ମ ଏଲେଇଚେରି, “ହେଶ୍ଚୁ, ଏଲିୟା ଇଖାଶାକ୍ ଗେଲ୍‌ପାଲି ଖାହିମାନେସି କି ଆଏ ସିନିକିନ ।” ୫୦ ସାମା ଜୀବୁ ଅଡେ ଖେଶ୍ଚେ କାଜା ଗିୟାଁତଲେ ହାତୀନା ହାତେସି । ୫୧ ଇଞ୍ଜି ମେହ୍‌ଦୁ ମାହାପୁରୁ ଇଲ୍ଲୁତା ଲେଚାମାନି ହିମ୍ପରି ଲାକଟିଏ ଡ଼ଲ ପାଚେକା ଗେଞ୍ଜାନା ରୀ ବାଗା ଆଚେ, ଇଞ୍ଜି ବୁନି ବାରେ ଖାତିଚେ ଅଡେ ଖାଲ୍‌କା ଅୟାହାବୁ, ୫୨ ଇଞ୍ଜି ମାଡ଼ହା ମୁହନି ଚାୟା ବାରେ ଦେପିଆଡୁ, ଅଡେ ହାହାମାତି ହାରେକା ସୁଦୁ ଲକ୍ଷ୍ମି ଆଞ୍ଜୁ ମାଡ଼ହା ମୁହନି ଚାୟୁଟି ନିଞ୍ଜାନା ଖାଚେରି, ୫୩ ଇଞ୍ଜି ଜୀବୁ ଖେଶ୍ଚେ ନିଞ୍ଜିତି ଡାୟୁ ଏଖାରି ମାଡ଼ହା ମୁହନି ଚାୟୁଟି ହଚାନା ସୁଦୁ ଗାଡ଼ାତା ହାଜାନା ହାରେକା ଜାଶାତି ଡ଼ଞ୍ଜୁଆଚେରି । ୫୪ ପାସାକଡ଼ି କସ୍‌କା ମୁହେଁ କାଜାସି ଇଞ୍ଜି ତାନିତଲେ ଜୀବୁକ୍ କାଚାମାଚାରି, ଏଖାରି ବୁନି ଖାତିଚାଣି ଅଡେ ଏମ୍‌ଆଁ ଗଚ଼ି ଆତାଣି ମେସାନା ହାରେକା ଆଜାନା ଏଲେଇଚେରି, “ସାଚେଏ ଇଖାସି ମାହାପୁରୁ ମାର୍‌ସସି ମାଚେସି!” ୫୫ ଅଡେ ହାରେକା ଇୟାସିକା ଜିକେଏ ଏମ୍‌ଆଁ ମାଞ୍ଜାନା ହେକଟି ସିନିକିହିମାଡୁ: ଏଞ୍ଜି ଜୀବୁଟି ସେବା କିହିଁ ଗାଲିଲିଟି ଏଖାଣିତଲେ ଖାହାମାଡୁ: ୫୬ ଏଖାସିକା ବିତ୍ରାତି ମଗ୍‌ଦଲିନି ମରିୟମ, ଜାକୁବ ଅଡେ ଜସେପ ତାନି ଇୟା ମରିୟମ, ଅଡେ ଜେବଦି ତାନି ଇୟା ମାଡୁ । ୫୭ ଚେଡ଼ା ହାଜିମାଚାତି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଟାସି ଖାଚେସି, ଏଖାସି ଜିକେଏ ଜୀବୁଟି ର ସାସୁ ଆହାମାଚେସି । ୫୮ ଏଖାସି ପିଲାତ ଚାଶା ହାଜାନା ଜୀବୁଟି ଆଞ୍ଜୁ ରାସ୍‌ସେସି, ପିଲାତ ଜୀବୁଟି ମାଡ଼ହା ଏଖାଶାକି ହେର୍‌ପାଲି ହୁକୁମି ହାଚେସି । ୫୯ ଜସେପ ମାଡ଼ହା ଆଞ୍ଜୁଟି ଅହାନା ନେହିଁ ପୁଃନି ପାତାଡ଼ା ଦବ୍‌ଲା ହିମ୍ପରି ରୁପିଚେସି, ୬୦ ଇଞ୍ଜି ତାନୁ ଚାଞ୍ଜେଟାକି ହରୁତା କାର୍‌ଞ୍ଜି କିହାମାନି ମାଡ଼ହା ମୁହନି ପୁଃନି ଚାୟୁଟା ମାଡ଼ହାତି ଇଚିଚେସି, ଇଞ୍ଜି ମାଡ଼ହାତି ମୁହନି ଚାୟୁଟି ଦୁଃଖିରତା ର କାଜା ଖାଲି ପୁକ୍‌ହାନା ହାଜାଡୁସେସି । ୬୧ ମଗ୍‌ଦଲିନି ମରିୟମ ଅଡେ ଏଚ୍‌କାଟି ମରିୟମ ଏ ମାଡ଼ହା ମୁହନି ଚାୟୁଟା କୁଗା ଡ଼ୟିଡୁ । ୬୨ ତାନି ଅର ଦିନା, ଇଚିହିଁ ଚିୟାରି ଆନି ଦିନାତି ଚାୟୁଟି ଦିନା କାଜା ପୁଜେରାଞ୍ଜୁ ଅଡେ ପାରୁସିୟାଁ ପିଲାତ ଚାଶା ରୁଶ୍ଟା ଆହାନା ଏଲେଇଚେରି, ୬୩ “ବାବୁ, ଏ ନାଡ଼ି କିନାସି ଜୀଞ୍ଜୁତା ମାଚାଟି, ‘ନାନୁ ତାନି ଦିନାଟିଏ ଖେଶ୍ଚେ ନିଞ୍ଜିକ୍’ ଇଞ୍ଜି ଖେସାମାଚାଣି ନୀଏଁ ମାମୁ ଅଶ୍‌ପିମାନି । ୬୪ ଏଦାଆଁତାକି ତାନିଦିନା ପାଚେକା ଏ ମାଡ଼ହା ମୁହନି ଚାୟୁଟା କାଚାଲି ତାକି ହୁକୁମି ହାମୁ, ଆଆର୍‌ଟି ତାନି ସାସୁୟାଁ ଖାହାନା ମାଡ଼ହାତି ତଂଗା ଆହାଁ ଏଖାସି ହାକିଟି ନିଞ୍ଜୁମାନେସି ଇଞ୍ଜି ଲକ୍ଷ୍ମଣି ଖେହ୍‌ନେରି; ଆତିହିଁ ତଲି

ନାଡ଼ି କିଚାଣି କିହିଁ ଚାୟୁଟି ନାଡ଼ିକିନାୟି ହାରେକା ଆଗାଡ଼ା ଆନେ ।” ୬୫ ପିଲାତ ଏଖାଶାକ୍ ଏଲେଇଚେସି, “ମୀ କାଃଆନାରି ମାନେରି, ମାରୁ ହାଜାନା ଆତିନି ପାଚେକା କାଃଆଡୁ ।” ୬୬ ଏଦାଆଁତାକି ଏଖାରି ହାଜାନା କାଃଆନାରି ତଲେ ଏ ଖାଲି ଗୁତା ଆଆପେଖା ଇଞ୍ଜି ଖାଲିଟି ଜାଣି କିହିଁ ସାଲି ଚେଚାନା ମାଡ଼ହା ମୁହନି ଚାୟୁଟା କାଃଆନାକ୍ କାପି କିଚେରି ।

୨୮ ଜମିନି ଦିନା ରାତି ଡାୟୁ ଖାରିତା ତଲିଟି ଦିନାତା ଲାଲ୍ ଲାଲସିଏ ମଗ୍‌ଦଲିନି ମରିୟମ ଅଡେ ଏଚ୍‌କାଟି ମରିୟମ ମାଡ଼ହା ମୁହନି ଚାୟୁଟି ସିନିକିହାଲି ହାବୁ । ୧ ଅଡେ ମେହ୍‌ଦୁ ଏ ଦେବୁଣିଏ ବୁନି ଖାତିଚେ, ଇଚିହିଁ ମାହାପୁରୁଟି ର ଦୁଡୁ ଲାକପୁରୁଟି ରେଚାଖାହାନା ଏ ଖାଲିଟି ଗୁଟି କିହାନା ଏଦାଣି ଲାକ କୁଟିଚେସି । ୨ ତାନି ଖାଶା ମିଶ୍‌ସିମାନି ହାଗୁଲେହେଁ ମାଚେ ଅଡେ ତାନି ହିମ୍ପରି ଦେଶ୍ଚିଲେହେଁ ଦବ୍‌ଲା ମାଚେ । ୪ ଇଞ୍ଜି କାଃଆନାରି ଆଜିତାକି ଚାରିଗିହିଁ ହାତିଲେହେଁ ଆଚେରି । ୫ ସାମା ଦୁଡୁ ଇୟାସିକାଣି ଏଲେଇଚେସି, “ମାରୁ ଆଜାଆଡୁ, ଇଚିହିଁ ମାରୁ ପାସି ମୁଶ୍ଟାତା ହାତି ଜୀବୁକ୍ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାକ୍ ।” ୬ ଏଖାସି ଇମ୍‌ଆଁ ହିଲଅସି; ଇଚିହିଁ ଏଖାସି ଏନିକିଁ ଖେସାମାଚେସି, ଏଲେକିହିଁଏ ନିଞ୍ଜୁମାନେସି, ଖାଡୁ ଏଖାସି ଆମିନି ଚାୟୁଟା ତୁରାମାଚେସି ଏ ଚାୟୁଟି ସିନିକିଦୁ । ୭ ଅଡେ ମାରୁ ତବେ ହାଜାନା ତାନି ସାସୁୟାଁଣି ଖେହ୍‌ଦୁ, ଏଖାସି ହାଚାରି ଚାଶାଟି ନିଞ୍ଜୁମାନେସି, ଅଡେ ମେହ୍‌ଦୁ ଏଖାସି ମୀ ନିକି ନିକିତା ଗାଲିଲିତା ହାଜିମାନେସି, ଏମ୍‌ଆଁ ମାରୁ ଏଖାଶାକ୍ ମେହ୍‌ଦେରି; ନାନୁ ଖେସ୍ତାଚାଣି ଅଶ୍‌ପାଦୁ । ୮ ଏମ୍‌ପାଟିଏ ଅଜି ଅଡେ ରାହିଟି ମାହ୍‌ଣି ମାଶ୍ଟାଟି ତବେ ହାଜାନା ତାନି ସାସୁୟାଁଣି ଖେସାଲି ଦାବଡ଼ି ହବୁ । ୯ ଅଡେ ମେହ୍‌ଦୁ ଜୀବୁ ଏଖାସିକାଣି ବେଟାଆହାନା ଏଲେଇଚେସି, “ମିଞ୍ଜେ ହିଡ଼ଡ଼ି ଆୟାପେ” ଏମ୍‌ପାଟିଏ ଏଞ୍ଜି ତାଗେ ଖାହାନା ଏଖାଣି କିଚାୟାଁ ଆସାନା ଏଖାଶାକ୍ ଜହରା କିଡୁ । ୧୦ ଏଚେଟିଏ ଜୀବୁ ଏଖାସିକାଣି ଏଲେଇଚେସି, “ଆଜାଆଡୁ, ମାରୁ ହାଜାନା ନା ଚାୟିୟାକ୍ ଖେହ୍‌ଦୁ, ଏଖାରି ଗାଲିଲିତା ହାଲାପେରି; ଏମ୍‌ଆଁ ଏଖାରି ନାଟ୍ରେ ମେସ୍ତାନେରି ।” ୧୧ ଆୟାସିକା ହାଜିମାଚାଟି, କାପୁ କାଚାମାଟି କସ୍‌କା ବିତ୍ରାତି ଏଚରଜାଶା ଗାଡ଼ାତା ହାଜାନା ଏ ବାରେ ଗଚ଼ି ଆତାଣି କାଜା ପୁଜେରାଞ୍ଜୁଣି ଖେସ୍‌ସେରି । ୧୨ ଏଖାରି ଲକ୍ଷ୍ମି କାଜାରି ତଲେ ରୁଶ୍ଟା ଆହାନା ଅଶ୍‌ପିହିଁ କାତା ତାରିକିତି ଡାୟୁ, ଏ କସ୍‌କାକି ହାରେକା ଚାକାୟାଁ ହାହାନା ଏଲେଇଚେରି, ୧୩ “ମାରୁ ଏଲେଇଞ୍ଜୁ, ମାମୁ ତୁରାମାଟି ବେଲାତା ତାନି ସାସୁୟାଁ ଲାଆଁୟାଁ ଖାହାନା ଏଖାଶାକ୍ ସରୁ ଆହାନା ଅଚେରି । ୧୪ ଅଡେ ଇ କାତା ସାଲଞ୍ଜି କିନାଣି କିୟୁଟା ହାଚିହିଁ, ମାମୁ ଏଖାଶାକ୍ ନେହିଁକିଁ ଖେସାମା ମୀ ଅଶ୍‌ପୁଟି ପିସ୍‌ପି କିୟାନି ।” ୧୫ ଏଖାରି ଚାକାୟାଁ ଅହାନା ଏନିକିଁ ହୁକୁମି ବେଟାଆହା ମାଚେରି, ଏଲେକିହିଁ କିଚେରି । ଏଦାଆଁତାକି ଇ କାତା ଜୀବୁଟି ଲକ୍ଷ୍ମଣାଣି ଖେଶ୍ଚୁ ହାଜାନା ନୀଏଁ ପାଚେକା ମାନେ । ୧୬ ସାମା ଏଗାର ଜାଶା ସାସୁୟାଁ ଗାଲିଲିତା ହାଜାନା, ଜୀବୁ ଆମିନି

ହରୁ କାତା ଏଞ୍ଜରାଇଁ ଖେସାମାରେସି, ଏ ହରୁତା ହାରେରି । ୧୭ ଅଡ଼େ
ଏଞ୍ଜରି ଏଞ୍ଜରାଇଁ ମେସାନା ଜହରା କିଚେରି, ସାମା ଆମ୍ବା ଆମ୍ବାଆରି
ନାମାଆଚେରି । ୧୮ ଇଞ୍ଜିଁ ଜୀମ୍ବୁ ଏଞ୍ଜରି ତାଗେ ଖାହାନା ଏଲେଇଚେସି,
“ଲକପୁରୁ ଅଡ଼େ ଦାର୍ତ୍ତିତି ଅଦିକାରା ନାଟ୍ଟେ ମେଡ଼ା ଆହାମାଞ୍ଜାନେ ।
୧୯ ଏଦାଆଁତାକି ମୀରୁ ହାଜାନା ବାରେ କୃତାତି ଲକ୍ଷୁଣି ଆବା, ମୀରୁଏସି
ଅଡ଼େ ସୁଦୁଜୀଞ୍ଜୁ ଦରୁଟି ବାପ୍ତିସ୍ତୁ ହୀହାନା, ୨୦ ନାନୁ ମିଡ୍ଡେ ହୀହାମାଞ୍ଜାନି
ହୁକୁମି ବାରେ ମାନଞ୍ଜି ଆହାଲି ଜାପ୍ତହାନା ଏଞ୍ଜରାଇଁ ନା ସୀସୁୟାଁ କିଦୁ:
ମେହ୍ତୁ ଜୁଗୁ ରାନି ପାତେକା ନାନୁ ବାରେବେଲା ମୀ ତଲେ ମାଞ୍ଜେ
ମାଞ୍ଜାଇଁ ।” (aiōn g165)

ମାର୍ଜ

୧ ମାହାପୁରୁ ମାର୍ବଣସି ଜୀସୁ କ୍ରୀସ୍ତତି ନେହିଁ କାରୁ ଇଲେକି ଆଡେ,
 ୨ ମାହାପୁରୁ ଅଣ୍ଟପୁତି ବଲୁ ଖେହନ ଜିସାୟ ସାସ୍ତେରିତା ଏନିକି
 ରାସକି ଆହାମାନେ; “ମାହାପୁରୁ ଏଲେଇଞ୍ଜି ମାନେସି, ମେହ୍ନୁ ନାନୁ ନା
 କାରୁ ଖେହନାଣାଇଁ ନୀ ନକିତା ପାଣ୍ଟିମାଞ୍ଜାଇଁ, ଏଞ୍ଜାସି ନିଢ୍ଫେଟାକି ଜିରୁ
 ତିୟାରା କିନେସି; ୩ ଲକ୍ଷ ହିଲାଆ ଟାୟୁତା ରଅଣି ହାତା ଚ୍ଫେଟ୍ଟିମାନେ,
 ପ୍ରବୁତି ଜିରୁ ତିୟାରା କିଦୁ, ଏଞ୍ଜାସି ତାକାଲି ତାକି ଜିରୁ ତିୟା କିଦୁ ।”
 ୪ ଏମ୍ବାଟିଏ ବାପ୍ତିସ୍ତ ହାନି ଜହନ ଲକ୍ଷ ହିଲାଆ ଟାୟୁତା ଖାହାନା ବଲୁ
 ଷେକ୍‌ହେସି, ଅଡେ ବାପ୍ତିସ୍ତ ହାହାନା ଏଲେଇଚେସି, “ଜାହାରା ପାପୁଟି
 ପିସ୍‌ପି ଆୟାଲିତାକି ମନ ଷେହ୍‌ହାନା ବାପ୍ତିସ୍ତ ଅଦୁ, ଆତିହିଁ ମାହାପୁରୁ ମା
 ପାପୁ ମେକ୍‌ହାନେସି ।” ୫ ଏମ୍ବାଟିଏ ଜୀହୁଦା ଦେସା ଇଞ୍ଜି ଜିରୁସାଲମ
 ଗାଡାତି ବାରେ ଲକ୍ଷ ତାନି ତାଣା ଖାହାଲି ମାଟ୍‌ହେରି, ଇଞ୍ଜି ତାମୁ ତାନି
 କିତି ପାପୁଟି ଷେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ତ ଅଡେରି ।
 ୬ ଜହନ ଉରୁ ବାଣାୟଁ ତଲେ କେପିତି ହିପ୍‌ରିକା ତୁରହିମାଚେସି, ଅଡେ
 ଟେଡେଲିତା ର ତଳୁଟି ବୁଡ଼ପା ମାଡା କିହିଁ ଦସା କଡ଼ିଚେସି, ଗପ୍‌ସରିକା
 ଅଡେ ଜାଡାତି କ୍ରିୟଁ ଏଞ୍ଜାଣି କାଦି ମାଚେ । ୭ ଜହନ ଏଲେଇଞ୍ଜି
 ଷେକ୍‌ହାଲି ମାଟ୍‌ହେସି, “ଆମ୍ବାଆସି ନା କିହିଁ ହାରେକା ବାଡ଼ୟୁ ଗାଟାସି
 ଏଞ୍ଜାସି ନା ଟାୟୁ ଖାହିମାନେସି; ନାନୁ ମେଣ୍ଡାକୁତାନା ଏଞ୍ଜାଣି ସେପୁୟଁତି
 ଡକା ଜିକେଏ ହୁକ୍‌ହାଲି ପାଡାଆଅଁ । ୮ ନାନୁ ମିଢ୍ଫେ ଏୟୁତଲେ ବାପ୍ତିସ୍ତ
 ହାହିମାଞ୍ଜାଇଁ, ସାମା ଏଞ୍ଜାସି ମିଢ୍ଫେ ସୁଦୁଜୀଷୁ ତଲେ ବାପ୍ତିସ୍ତ ହିୟନେସି
 ।” ୯ ଏତିବେଲାତା ଜୀସୁ ଗାଲିଲିତି ନାଜରିତଟି ଖାହାନା ଜର୍ଦନ କାତାତା
 ଜହନ ତାଣାଟି ବାପ୍ତିସ୍ତ ଅଡେସି । ୧୦ ଜୀସୁ ଏୟୁଟି ନିଢ୍ଫା ଖାହିମାଚାଟି
 ଦେବୁଣିଏ ଲାକପୁରୁ ଦେପି ଆଡେ ଇଞ୍ଜି ସୁଦୁଜୀଷୁ ପାଋଖା ପଟାଲେହେଁ
 ତାନି ଲାକ ରେତା ଖାହିମାଚାଣି ମେସ୍‌ସେସି । ୧୧ ଅଡେ ଲାକପୁରୁଟି
 ଇ ହାତା ଆଡେ, “ନାନୁ ନା ଜୀସୁଟି ମାର୍‌ଏଶାଟି, ନୀ ତାଣେଏ ନା
 ହାରେକା ରାହିଁ ମାନେ ।” ୧୨ ଏ ଦେବୁଣିଏ ସୁଦୁଜୀଷୁ ଏଞ୍ଜାଣାଇଁ ଲକ୍ଷ
 ହିଲାଆ ଟାୟୁତା ଅଡେ, ୧୩ ଜୀସୁ ଲକ୍ଷ ହିଲାଆ ଟାୟୁତା ରୀ କଡ଼ି ଦିନା
 ପାତେକା ଡୟାନା ସୟତାନ ତାଣାଟି ତାୟିପାରି କିଞ୍ଜିଆଚେସି; ଏଞ୍ଜାସି
 ଜାଡାତି ଜନ୍ମ ତଲେ ଡୟିଚେସି, ଇଞ୍ଜି ଲାକପୁରୁଟି ବୁରୁୟଁ ଖାହାନା
 ଏଞ୍ଜାଣି ସେବା କିହିମାଚୁ । ୧୪ ଜହନଇଁ କାୟିଦି ଇଲୁତା ଇଟାଲିଏ
 ଜୀସୁ ଗାଲିଲିତା ଖାଚେସି ଇଞ୍ଜି ମାହାପୁରୁଟି ନେହିଁ କାରୁ ଷେକ୍‌ହେସି
 । ୧୫ “କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଞ୍ଜାହିମାନେ, ପାପୁଟି
 ପିସାମା ମନ ଷେହ୍‌ଦୁ ଇଞ୍ଜି ମାହାପୁରୁଟି ନେହିଁ କାରୁଟି ନାମାଦୁ ।” ୧୬
 ଜୀସୁ ଗାଲିଲି ସାମ୍‌ପୁରି ଗାଟୁଟି ହାଜିମାଚାଟି ସିମନ ଅଡେ ତାନି ତାୟି
 ଆନିୟୁଇଁ ସାମ୍‌ପୁରିତା ମୀଶକା ଜାଲା ମେହ୍‌ହ ମାଚାଣି ମେସ୍‌ସେସି, ଇତିହିଁ
 ଏଞ୍ଜାରି ମୀଶକା ଆହ୍‌ନାରି ମାଚେରି । ୧୭ ଜୀସୁ ଏଞ୍ଜାଣାଇଁ ହାଟାନା
 ଏଲେଇଚେସି, “ନା ଜେତ ଖାଦୁ ନାନୁ ମିଢ୍ଫେ ଲକ୍ଷଣି ଆହ୍‌ନାଣି ଜାପ୍‌ହାଇଁ

।” ୧୮ ଏଞ୍ଜାରି ଦେବୁଣିଏ ଜାଲାୟଁ ପିସାମା ଜୀସୁଟି ଜେତ ହାଚେରି ।
 ୧୯ ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି ମାର୍‌କା ଜାକୁବ
 ଇଞ୍ଜି ତାନି ତାୟି ଜହନଇଁ ତଂଗତା ଜାଲା ମୁଦା କିହିମାଚାଣି ମେସ୍‌ସେସି ।
 ୨୦ ମେସ୍‌ପନିଏ ଜୀସୁ ଏଞ୍ଜାଣାଇଁ ହାଟିଚେସି, ଇଞ୍ଜି ଏଞ୍ଜାରି ତାନି ଆବା
 ଜେବଦିଇଁ ହଲିୟୁଢ୍ଫା ତଲେ ତଂଗତା ପିସାମା ଜୀସୁ ଜେତ ହାଚେରି । ୨୧
 ଜୀସୁ ଅଡେ ତାନି ସାୟୁୟଁ କପରନାହୁମ ଗାଡାତା ଖାଚେରି, ଇଞ୍ଜି ଅର
 ନେରୁ ଜନିନି ଦିନା ମାଚାକି ଜୀସୁ ଜାହୁଦି ଲକ୍ଷୁଟି କୁଟି ଇଲୁତା ହାଜାନା
 ଜାପ୍‌ହାଲି ମାଟ୍‌ହେସି । ୨୨ ଲକ୍ଷ ତାନି ଜାପ୍‌ନାଣି ଷେଞ୍ଜାନା କାବା
 ଆହାହାଚେରି; ଇତିହିଁ ଏଞ୍ଜାସି ସାସ୍ତେରି ଷେହ୍‌ନାରି ଲେହେଁ ଜାପ୍‌ଆନା
 ଅଦିକାରା ବେଟାଆହାମାନି ଲେହେଁ ଜାପ୍‌ହ ମାଚେସି । ୨୩ ଜୀସୁ ଜାପ୍‌ହ
 ମାଟିବେଲାତା ଜାହୁଦି ଲକ୍ଷୁଟି କୁଟି ଲକ୍ଷୁଟି ର ବୁରୁ ଆଲ୍‌ଗା ମାଚାସି
 କାଲିଞ୍ଜି ଆହିଁ ଏଲେଇଚେସି, ୨୪ “ଏ ନାଜରିତଟି ଜୀସୁ ନୀ ତଲେ ମାଢ୍ଫେ
 ଏନି କାମା ମାନେ, ନାନୁ କି ମାଢ୍ଫେ ନାସା କିହାଲି ଇମ୍ବାଆଁ ଖାହାମାଞ୍ଜି?
 ନାନୁ ଆମ୍ବାଆତି ନାନୁ ପୁଞ୍ଜାମାଇଁ; ନାନୁ ମାହାପୁରୁ ତାଣାଟି ଖାହାମାନି
 ଏ ସୁଦୁ ମାଣ୍‌ସିତି ।” ୨୫ ଜୀସୁ ଏଦାନି ଦାକା ହାହାନା ଏଲେଇଚେସି,
 “ପାଲେଏ ଆମୁ ଇଞ୍ଜି ଇଞ୍ଜାଣି ତାଣାଟି ହତାହାଲାମୁ ।” ୨୬ ଏଚେଟିଏ ଏ
 ପଲ୍‌ଆ ବୁରୁ ଏଞ୍ଜାଣାଇଁ ମୁଡୁମାଡା କିହାନା, କାଜା ଗିୟଁତଲେ କିର୍ଡ଼ିହିଁ
 ଏଞ୍ଜାଣି ତାଣାଟି ହତାହାଚେ । ୨୭ ଏମ୍ବାଟିଏ ବାରେଜାଣା ହାରେକା କାବା
 ଆଚେରି, ଇଞ୍ଜି ଇଲେକି ଜଲ୍‌କି ଆଚେରି, “ଇଦି ଏନିଲେହେଁତାୟି?
 ଇଦି ଅଦିକାରା ବେଟାଆହାମାନି ଲେହେଁତି ପୁଞ୍ଜି ଜାପ୍‌ନାୟି, ଏଞ୍ଜାସି
 ପଲ୍‌ଆ ବୁରୁୟଁଇଁ ଜିକେଏ ହୁକୁମି ହାହିମାନେସି, ଅଡେ ଏଞ୍ଜି ଏଞ୍ଜାଣି
 କାତା ଆସିମାନୁ ।” ୨୮ ଏମ୍ବାଟିଏ ଏଞ୍ଜାସି କିତି କାମାଟି କାରୁ ଏ ରେରୁଏ
 ଗାଲିଲି ରାଜିତି ସାରିଖକିତି ନାସକାଣି ଷେଢ଼ୁହାଚେ । ୨୯ ଏମ୍ବାଟିଏ
 ଏଞ୍ଜାରି ଜୀହୁଦି ଲକ୍ଷୁଟି କୁଟି ଇଲୁଟି ହତାନା ଜାକୁବ ଅଡେ ଜହନ
 ତଲେ ଏ ଦେବୁଣିଏ ସିମନ ଇଞ୍ଜି ଆନିୟୁ ଇଜ ହାଚେରି । ୩୦ ସିମନ
 ପୟା ନମେରି ତାକି ତୁରାମାଚେ, ଅଡେ ଏଞ୍ଜାରି ଏଦାଣି କାତା ରେରୁଏ
 ଜୀସୁଇଁ ଷେସ୍‌ସେରି । ୩୧ ଏମ୍ବାଟିଏ ଏଞ୍ଜାସି ତାଣେ ହାଜାନା ତାନି କେୟୁ
 ଆସାମା ଏଦାନି ନିକ୍‌ହେସି, ଅଡେ ଏଦାନି ନମେରି ପିସ୍‌ସେ, ଇଞ୍ଜି ଏଦି
 ଏଞ୍ଜାରି ସେବା କିଚେ । ୩୨ ମିଡ଼ିଆଲା ବେଲା ଷେଡ଼ା କୁଡ଼ିହାଲିଏ ଲକ୍ଷୁ
 ରଗ ଗାଟାରାଇଁ ଇଞ୍ଜି ବୁରୁୟଁ ଆଲ୍‌ଗା ମାଚାରାଇଁ ଜୀସୁ ତାଣା ତାଚେରି,
 ୩୩ ଇଞ୍ଜି ଗାଡାତାରି ବାରେ ଜୀସୁ ମାଟି ଇଲୁ ବୁଝେରିତା ରୁଣ୍ଡା ଆଚେରି ।
 ୩୪ ଏମ୍ବାଟିଏ ଜୀସୁ ବାରେଲେହେଁତି ରଗ ଗାଟାରାଇଁ ନେହିଁ କିଚେସି,
 ଇଞ୍ଜି ହାରେକା ବୁରୁଟି ପିସ୍‌ପି କିଚେସି, ଇଞ୍ଜି ଏଞ୍ଜାସି ବୁରୁୟଁଣି ଜଲାଲି
 ହାଆଚେସି, ଇତିହିଁ ଏଞ୍ଜି ଏଞ୍ଜାଣାଇଁ ପୁଞ୍ଜାମାଚୁ । ୩୫ ଷେୟାଆ ମାଚାଟିଏ
 ଆନେରି ମାଞ୍ଜା ମାଞ୍ଜାନା ଏଞ୍ଜାସି ନିଢ୍ଫା ହତା ହାଜାନା ର ଲକ୍ଷ ହିଲାଆ
 ଟାୟୁତା ହାଜାନା ପ୍ରାତାନା କିହିମାଚେସି । ୩୬ ସିମନ ଇଞ୍ଜି ତାନି
 ଆହ୍‌ହିତାରି ଏଞ୍ଜାଣାଇଁ ପାରାଲି ମାଟ୍‌ହେରି, ୩୭ ଏଞ୍ଜାଣାଇଁ ବେଟାଆହାମା
 ଏଲେଇଚେରି, “ବାରେଜାଣା ନିଢ୍ଫେ ପାରିମାଞ୍ଜାନେରି ।” ୩୮ ଏମ୍ବାଟିଏ

ଜୀବୁ ଏଞ୍ଜରାଇଁ ଏଲେଇରେସି, “ଏବୁ ମାର ଏଟ୍‌କା ଗାଡ଼ାତା, ଇଚିହିଁ ଦାରିମାରି ନାୟକାଣାଁ ହାନ; ଏମ୍‌ଆଁ ଜିକେଏ ନାନୁ ମାହାପୁରୁତି ବଲୁ ଝେକ୍‌ଇଁ, ଇଚିହିଁ ଏଦାଆଁତାକି ନାନୁ ଖାହାମାଇଁ ।” ୩୯ ଇଚ୍ଛାଁ ଜୀବୁ ବାରେ ଗାଲିଲି ନାୟକାଣାଁ ରେଜି ରେଜିହିଁ ଏଞ୍ଜରି ବାରେ ଜୀହୁଡି ଲୁକ୍‌କୃତି କୁଟମି ଇଲ୍‌କାଣା ମାହାପୁରୁ ବଲୁ ଝେକ୍‌ହେସି ଇଚ୍ଛାଁ ବୁଡୁୟାଁଣି ପିସ୍‌ପି କିତେସି । ୪୦ ଏମ୍‌ପାଟିଏ ର କାଜା ରଗ ଗାଟାସି ଜୀବୁ ତାଣା ଖାହାନା ମେଣ୍ଡାକୁତାନା ବାତିମାଲିହିଁ ଜୀବୁଇଁ ଏଲେଇରେସି, “ନାନୁ ମନ କିତିହିଁ ନାଟ୍ରେ ନେହିଁ କିହାଲି ଆତାପି ।” ୪୧ ଏମ୍‌ପାଟିଏ ଜୀବୁ ଏଞ୍ଜରାଇଁ କାର୍ମା ମେସ୍‌ସେସି, ଇଚ୍ଛାଁ କେୟୁ ଦାସାନା ଏଞ୍ଜରାଇଁ ତାଗାନା ଏଲେଇରେସି, “ନାନୁ ମନ କିହିମାଇଁ ନାନୁ ନେହିଁଆମୁ ।” ୪୨ ଏ ଦେବୁଣିଏ ଏଞ୍ଜରାଇଁ ତାଗାଟି କାଜା ରଗ ଗୁଟାଆତେ, ଇଚ୍ଛାଁ ଏଞ୍ଜରି ନେହିଁଆତେସି । ୪୩ ଇଚ୍ଛାଁ ଏଞ୍ଜରି ଏଞ୍ଜରାଇଁ ଜାଣ୍ଡେ ହୁକୁମି ହାହାନା ସେସା ପାଣ୍ଡିତେସି, ୪୪ “ଜାଗ୍ରାତା ଆମ୍‌ଆରାଇଁ ଏନାଆଁ ସେହ୍‌ଆନି, ସାମା ହାଲମୁ ଇଚ୍ଛାଁ ପୁଜେରା ତାଣା ହାଜାନା ନିଟ୍ଟୁ ତସାକତାମୁ, ଇଚ୍ଛାଁ ମସା ଆମିନି ମେରା ହାହାମାନେସି ଏଦାଆଁ ଲୁକୁ ନକିତା ନେହିଁ ଆତାକି ସାକି ହାନିଲେହିଁ ହେର୍‌ପାମୁ ।” ୪୫ ସାମା ଏଞ୍ଜରି ପାଟ୍ଟାତା ହାଜାନା ତାନୁ ନେହିଁ ଆତି କାତାତି ସାରିଖାକି ଝେକ୍‌ହାଲି ମାଟ୍‌ହେସି, ଇଚ୍ଛାଁ ଜୀବୁ ଆମିନି ଗାଡ଼ାତା ପୁଣ୍ଡେ ହତାଲି ଆତାଆତେସି, ସାମା ପାଟ୍ଟାତା ଲୁକୁ ହିଲମା ଟାୟାଣା ତୟିତେସି; ଅଡ଼େ ସାରି ଖାକିଟି ଲୁକୁ ଜୀବୁ ତାଣା ଖାହାଲି ମାଟ୍‌ହେସି ।

୨ ଏଚରଦିନା ଆୟାଲିଏ ଜୀବୁ କପରନାହୁମତା ସେଣ୍ଡେ ହାଚେସି, ଇଚ୍ଛାଁ ଏଞ୍ଜରି ଇଜ ମାନେସି ଇଚ୍ଛାଁ ସାରିଖାକି ସେଣ୍ଡାହାଚେ । ୨ ଏମ୍‌ଆଁ ଇଚେକା ଲୁକୁ ରୁଣ୍ଡା ଆତେରି ଇଚ୍ଛାଁ ଦୁସ୍‌ସେରିତା ଜିକେଏ ଟାୟୁ ହିଲମାଆତେ, ଇଚ୍ଛାଁ ଏଞ୍ଜରି ଏଞ୍ଜରାଇଁ ମାହାପୁରୁ କାତା ସେକ୍‌ହେସି । ୩ ଏମ୍‌ପାଟିଏ ସାରି ଜାଣା ର ଟଟ ଖାୟିତାଣାଇଁ କାଟେଲିତା ଜୀବୁ ତାଣା ଡେକା ତାଚେରି । ୪ ସାମା ହାରେକା ଲୁକୁ ମାତାକି ଏଞ୍ଜରାଇଁ ତାଣା ତାତାଲି ଆତାଆତେରି, ଇଚ୍ଛାଁ ଆମିନି ଟାୟୁତା ଜୀବୁ ମାଚେସି, ଏମ୍‌ଆଁ ଇଲୁଟି ତେପରି ରିକ୍‌ହେରି, ଇଚ୍ଛାଁ ଏ ଟଟ ଖାୟିତାଣାଇଁ କାଟେଲି ସେଣ୍ଡେଏ ଇଲୁ ବିତ୍ତା ରେପ୍‌ହେରି । ୫ ଜୀବୁ ଏଞ୍ଜରି ନାମୁ ମେସାନା, ଏ ଟଟ ଖାୟିତାଣାଇଁ ଏଲେଇରେସି, “ଏ ମାଟ୍‌ଏଣା ନୀ ପାପୁ ବାରେ ମେଣ୍ଡାହାଚେ ।” ୬ ସାମା ଏମ୍‌ଆଁ ମାତି ଏଚେକା ମେରା ଜୀପ୍‌ନାରି କୁଗାନା ତାମି ମନତା ଅଣ୍‌ପିହିଁ କାତାକାଟି ଆହିମାଚେରି, ୭ “ଇଞ୍ଜରି ଏନାଆଁତାକି ଏଲେଇଚ୍ଛାଁ ମାନେସି? ଇଞ୍ଜରି ମାହାପୁରୁଇଁ ନିନ୍ଦୁ କିହିମାନେସି; ମାହାପୁରୁ ପିସ୍‌ପେ ଆମ୍‌ଆସି ପାପୁ ମ୍ଳେକ୍‌ହାଲି ଆତିନେସି?” ୮ ଏଞ୍ଜରି ମନତା ଇଲେକି ଅଣ୍‌ପିମାନାଣି ଜୀବୁ ଦେବୁଣିଏ ଜୀବୁତା ପୁଞ୍ଜାନା ଏଞ୍ଜରାଇଁ ଏଲେଇରେସି, “ମାରୁ ମୀ ମନ ବିତ୍ତା ଏନାଆଁତାକି ଇଲେକି ଅଣ୍‌ପିମାଚ୍ଛେରି? ୯ ଏନାଆଁ ଇନାୟି ଉସାସା? ଏ କାଜା ରଗ ଗାଟାଣାଇଁ ‘ନୀ ପାପୁ ମେଣ୍ଡାଟ୍ଟେ ଇନାୟି କି ନିଟ୍ଟାମୁ ନୀ କାଟେଲି ଡେକାନା ତାକାମୁ ଇନାୟି ଉସାସା?’ ୧୦ ସାମା ଦାବ୍‌ତିତା ପାପୁ ମ୍ଳେକ୍‌ହାଲି ମାଣ୍‌ସି ମାଟ୍‌ଏଣା ଅଦିକାରା ମାନେ, ଏଦାଆଁ ନୀଏଁ ମାରୁ

ପୁଞ୍ଜାଲି ଆତିଦେରି ।” ଏଦାଆଁତାକି ଏ ଟଟ ଖାୟିତାଣାଇଁ ଏଲେଇରେସି, ୧୧ “ନାନୁ ନିଟ୍ଟେ ସେସିମାଚ୍ଛାଁ ନିଟ୍ଟାନା ନୀ କାଟେଲି ଡେକାନା ନୀ ଇଜ ହାଲମୁ ।” ୧୨ ଏଚେଟିଏ ଏଞ୍ଜରି ଦେବୁଣିଏ ନିଟ୍ଟାନା କାଟେଲି ଡେକାନା ବାରେଜାଣା ନକିଟି ହତାହାଚେସି; ଏଚେଟିଏ ବାରେଜାଣା କାବାଆହାନା ମାହାପୁରୁତି ଜହରା କିହିଁ ଏଲେଇରେସି, “ମାମୁ ଇଲେକି କାବାଆନି କାମା ଏଚେଲା ଜିକେଏ ମେସାହିଲମାଆତମି ।” ୧୩ ଜୀବୁ ଅଡ଼େ ସେଣ୍ଡେ ସାମ୍‌ପୁରି ଗାଟୁତା ହାଚେସି, ଇଚ୍ଛାଁ ଲୁକୁ ଏଞ୍ଜରାଇଁ ତାଣା ଖାହାଲିଏ, ଏଞ୍ଜରାଇଁ ଜୀପ୍‌ହାଲି ମାଟ୍‌ହେସି । ୧୪ ଅଡ଼େ ଜିରୁଟି ହାଜି ହାଜିହିଁ ଜୀବୁ ଆଲେପି ମାଟ୍‌ଏସି ଲେବିଇଁ ସିପୁ ରାହ୍‌ନି ତାଣା କୁଗାମାନାଣି ମେସ୍‌ସେସି, ଇଚ୍ଛାଁ ଏଞ୍ଜରାଇଁ ଏଲେଇରେସି, “ନା ଜେଟ ଖାମୁ” ଏଚେଟିଏ ଲେବି ନିଟ୍ଟାନା ଏଞ୍ଜରାଇଁ ଜେଟ ହାଚେସି । ୧୫ ଅଡ଼େ ଜୀବୁ ଲେବି ଇଜ ରାନ୍ଦୁ ତିଞ୍ଜାଲି କୁଗାମାତାଟି ହାରେକା ସିପୁ ରାହ୍‌ନାରି ଇଚ୍ଛାଁ ପାପୁ ଗାଟାରି ତାମି ସାମ୍‌ପୁୟି ତଲେ କୁରିତେରି; ଇଚିହିଁ ଏଞ୍ଜରି ହାରେକା ମାଚେରି ଇଚ୍ଛାଁ ଏଞ୍ଜରାଇଁ ଜେଟ ହାଜିମାଚେରି । ୧୬ ଜୀବୁ ପାପୁ ଗାଟାରି ଇଚ୍ଛାଁ ସିପୁ ରାହ୍‌ନାରି ତଲେ ତିଞ୍ଜା ମାନେସି, ଇଦାଆଁ ମେସାନା ପାରୁସି ଗଟିଟି ମେରାପୁନାରି ତାମି ସାମ୍‌ପୁୟିଣି ଏଲେଇରେସି, “ଏଞ୍ଜରି ଏନାଆଁତାକି ପାପୁ ଗାଟାରି ଅଡ଼େ ସିପୁ ରାହ୍‌ନାରି ତଲେ ରାନ୍ଦୁ ତିଞ୍ଜା ମାନେସି?” ୧୭ ଜୀବୁ ଇ କାତା ସେଞ୍ଜାନା ଏଞ୍ଜରାଇଁ ଏଲେଇରେସି, “ନେହିଁ ଲୁକୁତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରିକି ଲଡ଼ାମାନେ; ନାନୁ ଦାମ୍‌ପୁ ଲୁକୁତାକି ଖାହାହିଲିଆଁ ସାମା ପାପୁ ଗାଟାରିକି ଖାହାମାଇଁ ।” ୧୮ ଜହନତି ସାମ୍‌ପୁୟି ଇଚ୍ଛାଁ ପାରୁସିୟି ଉପାସା କିହିମାଚାଟି, ଏଚେକା ଲୁକୁ ଜୀବୁ ତାଣା ଖାହାନା ଏଲେଇରେସି, “ଜହନତି ସାମ୍‌ପୁୟି ଇଚ୍ଛାଁ ପାରୁସିୟି ସାମ୍‌ପୁୟି ଉପାସା କିନେରି, ସାମା ନୀ ସାମ୍‌ପୁୟି ଏନାଆଁତାକି ଉପାସା କିଅରି?” ୧୯ ଜୀବୁ ଏଞ୍ଜରାଇଁ ଏଲେଇରେସି, “ବୀହା ଲୁକୁତଲେ ବୀହା ହନେଏସି ମାନି ପାଚେକା ବୀହା ଲୁକୁ ହାକିଟି ମାଚ୍ଛାଲି ଆତିନେରିକି? ବୀହା ହନେଏସି ଏଞ୍ଜରିତଲେ ମାନି ପାଚେକା ଏଞ୍ଜରି ଉପାସା କିଅରି । ୨୦ ସାମା ଦିନା ଖାନେ ଏଚିବେଲା ଏଞ୍ଜରି ତାଣାଟି ବୀହା ହନେଏଣାଇଁ ହୁପ୍‌ହା ଅଡ଼ିସାରେ ଏଚିବେଲା ଏଞ୍ଜରି ଉପାସା କିନେରି ।” ୨୧ “ଆମ୍‌ଆସି ପୁଞ୍ଜା ହିମ୍‌ପୁରିତା ପୁଞ୍ଜି ପାସ୍‌କି ତାଟଅସି; ତାଟିସାରେ ପୁଞ୍ଜା ହିମ୍‌ପୁରିତି ପୁଞ୍ଜି ପାସ୍‌କି ମୁଦା ଆହିଁ ଗାତି ଗେଞ୍ଜିକିନେ । ୨୨ ଆମ୍‌ଆସି ପୁଞ୍ଜି ଅଟ୍ଟୁରି ରାସା ପୁଞ୍ଜା ଡ଼କାତା ଇଟଅସି; ଇଟିସାରେ ଡ଼କା ଡାୟାହାନେ, ଇଚ୍ଛାଁ ଅଟ୍ଟୁରି ରାସା ଅଡ଼େ ଡ଼କା ରିଣ୍ଡିଖା ନସୁ ଆନୁ, ଏଦାଆଁତାକି ପୁଞ୍ଜି ଅଟ୍ଟୁରି ରାସା ପୁଞ୍ଜି ଡ଼କାତା ଇଟିନାୟି ମାନେ ।” ୨୩ ର ପାଲି ଜୀବୁ ଜମିନି ଦିନା ତାମି ସାମ୍‌ପୁୟି ତଲେ ଗ୍ରହଁ ଗୁଡିୟାଟି ହାଜିମାଚେସି, ତାମି ସାମ୍‌ପୁୟି ହାଜି ହାଜିହିଁ ଗ୍ରହଁୟି ଜେକା ତାପ୍‌ହାଲି ମାଟ୍‌ହେସି । ୨୪ ଏମ୍‌ପାଟିଏ ପାରୁସିୟି ଜୀବୁଇଁ ଏଲେଇରେସି, “ମେହ୍‌ମୁ ଜମିନି ଦିନାତା ଏନାଆଁ କିନାୟି ମେରା ହିଲେଏ, ନୀ ସାମ୍‌ପୁୟି ଏନାଆଁତାକି କିହିମାନେରି?” ୨୫ ଜୀବୁ ଏଞ୍ଜରାଇଁ ଏଲେଇରେସି, “ଦାବୁଡ ଅଡ଼େ ତାମି ତ୍ରେସିୟି ହାକି

ଆହାମାତାଟି ଏଞ୍ଜରୀ ଏନାଆଁ କିହାମାତେରି, ଏଦାଆଁ ମୀରୁ ଏଚେଲା ପୃତ୍ତି ଆହାହିଲଅଚେରି, ୨୨ ଅବିୟତର କାଜା ପୂଜେରା ମାଟିବେଲାତା ଏଞ୍ଜରୀ ଏନିକିଁ ମାହାପୂରୁ ଇଲୁତା ହତାନା ଆନିନି ମାହାପୂରୁକି ହେର୍ପିତି ରୁଟି କାଜା ପୂଜେରାଟ୍ଟି ପିସ୍ତେ ଆମ୍ବାଆରି ତିନାଆଗାଟି ମେରା ମାତେ, ସାମା ଏଦାଆଁ ଦାଞ୍ଜୁ ତିଷ୍ଟା ମାତେସି ଇଞ୍ଚିଁ ତାନି ଆର୍ତ୍ତ ହାଲକି ଜିକେଏ ତିଷ୍ଟାଲି ହାହାମାତେସି । ୨୩ ତାୟୁ ଜୀସୁ ଏଞ୍ଜରୀରାଲ୍ ଏଲେଇଚେସି, “ଜୁନିନି ଦିନା ମାଣ୍ଡିତାକି ଆହାମାନେ; ସାମା ମାଣ୍ଡି ଜୁନିନି ଦିନାତାକି ଆହାହିଲଅସି ।” ୨୪ ଏଦାଆଁତାକି ମାଣ୍ଡିସି ମୀରୁଏସି ଜୁନିନି ଦିନାତି ପ୍ରବୁ ଆନେସି ।

୩ ଜୀସୁ ଅଡେ ଖେଣ୍ଡେ ଜୀହୁଦି ଲକ୍ଷ୍ମି କୁଟମି ଇଲୁତା ହାଚେସି, ଏମ୍ବାଆଁ ରଅସି ମାତେସି, ଏଞ୍ଜରୀ ର କେୟୁ ଖାୟୁହାଜାମାତେ । ୨ ଜୀସୁ ଏଞ୍ଜରୀରାଲ୍ ଜୁନିନି ଦିନାତା ନେହିଁ କିନେସିକି ଆଏ, ଏଞ୍ଜରୀ କପାଟି ଦହ ଦସାଲିତାକି ଗୁରି କିହାନା ସିନିକିହମାତେରି । ୩ ଏମ୍ବାଟିଏ ଜୀସୁ ଆନିନି ଲକ୍ଷ୍ମି କେୟୁ ଖାୟୁହାଜାମାତେ, ଏଞ୍ଜରୀରାଲ୍ ଜୀସୁ ଏଲେଇଚେସି, “ଞ୍ଜାମ୍ବା ମାଦି ନିମ୍ବୁ ।” ୪ ଇଞ୍ଚିଁ ଜୀସୁ ଏଞ୍ଜରୀରାଲ୍ ଏଲେଇଚେସି, “ଜୁନିନି ଦିନାତା ଏନାଆଁ କିନାୟି ମେରା ମାନେ? ନେହିଁକିନାୟି କି ଲାଗେଏ କିନାୟି? ଜୀହୁତି ଗେଲ୍ପିନାୟି କି ନାସା କିନାୟି?” ସାମା ଏଞ୍ଜରୀ ଖେଣ୍ଡେ ହାତା ଆୟାଲି ଆତାଆଚେରି । ୫ ଏମ୍ବାଟିଏ ଜୀସୁ ଏଞ୍ଜରୀ ଆର୍ତ୍ତ ହାୟିତି ମେସାନା ଦୁକୁ ଆଚେସି, ଇଞ୍ଚିଁ କପାଟି ସାରିଖାକି ଏଞ୍ଜରୀରାଲ୍ ସିନିକିହାନା ଏଲେଇଚେସି, “କେୟୁ ଲାକ ଦାହ୍ମୁ” ଏଞ୍ଜରୀ ତାନି କେୟୁ ଦାସପନିଏ ଏଦି ନେହିଁ ଆହାହାଚେ । ୬ ଏଚେଟିଏ ପାରୁସିୟା ହତା ହାଜାନା ଜୀସୁଲ୍ ପାୟାଲି ତାକି ହେରଦ ଗଟିଟି ଲକ୍ଷ୍ମିତଲେ କାଲ୍ହାନା କାତା ଆଚେରି । ୭ ଜୀସୁ ଅଡେ ତାନି ସୀସୁୟାଁ ଗାଲିଲି ସାମ୍ବୁରି ଗାଟୁତା ହାଚେରି, ଇଞ୍ଚିଁ ହାଚେକା ଲକ୍ଷ୍ମି ଏଞ୍ଜରୀ ଜେତ ହାଚେରି; ଏଞ୍ଜରୀ ଜୀହୁଦା, ୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରଖାକି, ସର ଅଡେ ସିଦନ ଗାଡ଼ା ଖାକି ଲକ୍ଷ୍ମି ତାନି ବାରେ କିଟି କାମାଟି କାତା ଖେଷ୍ଟାନା ତାନି ତାଣା ଖାଚେରି । ୯ ଏମ୍ବାଆଁ ଇଚେକା ମାନୁ ଲକ୍ଷ୍ମି ଆଚେରି ଏ ମାନୁ ଏନିକିଁ ଏଞ୍ଜରୀଲାକ ଖିହୁଅରି, ଏଦାଆଁତାକି ଏଞ୍ଜରୀ ତାନି ସୀସୁୟାଁ ଚାଟ୍ଟେଟାକି ର ଉଣା ତଂଗ ପାରା ଇଟାଲି ଖେସ୍ତେସି; ୧୦ ଏଞ୍ଜରୀ ହାଚେକା ଲକ୍ଷ୍ମି ନେହିଁ କିହାମାତାକି ରଗ ଗାଟାରି ବାରେ ଏଞ୍ଜରୀରାଲ୍ ତାଗାଲି ଏଞ୍ଜରୀ ମୁହେଁ ମୁହେଁ ଆହିମାଚେରି । ୧୧ ଇଞ୍ଚିଁ ପଲ୍ଆ ବୃତ୍ତୁୟାଁ ଆସାମାନାରି ଏଞ୍ଜରୀରାଲ୍ ମେସ୍ପନିଏ, ଏଞ୍ଜରୀ ନିକିତା ରିହାନା କାଲ୍ଖି ଆହି ଏଲେଇଚ୍ଚି ମୀରୁ, “ନୀନୁଏ ମାହାପୂରୁ ମୀରୁଏଶାଟି ।” ୧୨ ଏଞ୍ଜରୀ ଆମ୍ବାଆସି ଇ କାତା ଆମ୍ବାଆରାଲ୍ ଖେହ୍ଆରୁ ଇଞ୍ଚିଁ ଜୀସୁ ପଲ୍ଆ ବୃତ୍ତୁୟାଁଲ୍ ଦାକା ହାହାନା ହୁକୁମି ହାଚେସି । ୧୩ ଜୀସୁ ହରୁ ଲାକ ହାଜାନା ଆନିନି ଗାଟାରାଲ୍ ମନ କିଚେସି ଏଞ୍ଜରୀରାଲ୍ ତାଗେ ହାଟିଚେସି, ଇଞ୍ଚିଁ ଏଞ୍ଜରୀ ତାଗେ ଖାଚେରି । ୧୪ ଇଞ୍ଚିଁ ଏଞ୍ଜରୀ ବାରଜାଣାଟି ଆଚାନା ପାଣ୍ଡୁଟି ଆଚାରି ଇଷ୍ଟାନା, ଏଞ୍ଜରୀରାଲ୍ ଏଲେଇଚେସି, “ନା ତଲେ ଡୟାଲି ନୀନୁ ମିଟ୍ଟେ ଆଚାମାଷ୍ଟାଲ୍,

ଇଞ୍ଚିଁ ଖେକହାଲି ପାଣ୍ଡାଲ୍ । ୧୫ ଇଞ୍ଚିଁ ମୀରୁ ବୃତ୍ତୁୟାଁ ଚେରହାଲି ଜିକେଏ ଅଦିକାରା ବେଟାଆଦେରି ।” ୧୬ ଜୀସୁ ଇ ବାରଜାଣାଟି ଆଟିଚେସି, ଏଞ୍ଜରୀ ଆଚେରି ସିମନ ଆମ୍ବାଆରାଲ୍ ଜୀସୁ ପିତର ଇଞ୍ଚିଁ ଇଟିଚେସି; ୧୭ ଜେବଦି ରୀ ମୀରୁକା ଜାକୁବ ଅଡେ ତାନି ତାୟି ଜହନ ଆମ୍ବାଆରାଲ୍ ବିନେରିଗସ୍ ଇଟିହିଁ ଗୁଣ୍ଡେମାନି ହାଗୁଟି ମୀରୁକା ଇଞ୍ଚିଁ ଦରୁ ଇଟିଚେସି; ୧୮ ଆନ୍ତୁୟ, ପିଲିପ, ବାର୍ତଲମି, ମାଟିୟୁ, ତମା, ଆଲେପି ମୀରୁଏସି ଜାକୁବ, ତଦିୟ, ଡେସାଟି ଜୀହୁ ନିନି ସିମନ, ୧୯ ଅଡେ ଇସ୍ତାରିୟତ ଜୀହୁଦା, ଆମ୍ବାଆସି ଜୀସୁଲ୍ ସାତୁୟାଁ କେୟୁତା ହେର୍ପିଚେସି । ୨୦ ତାୟୁ ଜୀସୁ ଇଜ ଖାଚେସି; ଅଡେ ଖେଣ୍ଡେ ଇଚେକା ଲକ୍ଷ୍ମି ଗୁଣ୍ଡା ଆଚେରି ଜୀସୁ ଇଞ୍ଚିଁ ତାନି ସୀସୁୟାଁକି ତିଷ୍ଟାଲି ଜିକେଏ ଆଆଚେ । ୨୧ “ଜୀସୁ ବାୟା ଆଚେସି” ଇଞ୍ଚିଁ ଲକ୍ଷ୍ମି ଏଲେଇନାଣି ଖେଷ୍ଟାନା ତାନି କୁଟମି ଜୀସୁଲ୍ ଅହାଲି ଖାଚେରି । ୨୨ ଅଡେ ଜିରୁସାଲମଟି ଖାହାମାନି ମେରାପୁନାରି ଏଲେଇଚେରି, “ଇଞ୍ଜରୀରାଲ୍ ବାଲ୍ଜିରୁଲ୍ ବୃତ୍ତୁ ଆଲ୍ଗାମାନେ, ଲାକା ଇଞ୍ଜରୀ ବୃତ୍ତୁୟାଁକି ପିସ୍ପି କିହିମାନେସି ।” ୨୩ ଏମ୍ବାଟିଏ ଜୀସୁ ଏଞ୍ଜରୀରାଲ୍ ତାଗେ ହାଚାନା ପୁଣ୍ଡିକିନି କାତାତଲେ ଖେସ୍ତେସି, “ସୟତାନ ଏନିକିଁ ସୟତାନଲ୍ ଚେରହାଲି ଆଟିନେ? ୨୪ ର ରାଜି ବାଗା ଆହାନା ତାନି କପାଟି ନିଢ୍ଫିନେ, ଇଟିହିଁ ଏ ରାଜି ଅଡେ ତାରିତଲେ ଡୟାଲି ଆଡେଏ । ୨୫ ଇଞ୍ଚିଁ ର ଇଲୁ କୁଟମିତାରି ବାଗା ଆହାନା ତାମ୍ବା ତାନି କପାଟି ନିଢ୍ଫିନେରି ଇଟିହିଁ ଏ ଇଲୁତାରି ତାରିତଲେ ଡୟାଲି ଆଡଅରି । ୨୬ ଏଲେକିହିଁଏ ସୟତାନ ବାଗା ଆହାନା ତାନି କପାଟି ନିଢ୍ଫାମାନେ, ଆଟିହିଁ ଏଦି ଅଡେ ତାରିତଲେ ଡୟାଲି ଆଡେଏ, ସାମା ଏଦାନି ବାରେ ନାସା ଆହିମାନେ ।” ୨୭ “ସାମା ଆମ୍ବାଆସି ନକେଏ ବାତ୍ତୁୟାଁ ଗାଟାଣାଲ୍ ଦହଆଟିହିଁ ତାନି ଇଜ ହତାନା ତାନି ଇଜଟି ଆସି ସରୁ କିହାଲି ଆଡଅସି; ଏଞ୍ଜରୀରାଲ୍ ତଲିଏ ଦସିହିଁଦେ ଏଞ୍ଜରୀ ଏଞ୍ଜରୀ ଇଜତାଣି ସରୁ କିନେସି ।” ୨୮ “ନୀନୁ ମିଟ୍ଟୁ ସାତା ଖେସିମାଷ୍ଟାଲ୍, ଲକ୍ଷ୍ମି ବାରେ ପାପୁ ଇଞ୍ଚିଁ ଏଞ୍ଜରୀ ଏଚେକା ନିନ୍ଦା କାତାତଲେ ମାହାପୂରୁ ନିନ୍ଦା କିନେରି ଏ ବାରେ ପାପୁ ମେଣ୍ଡିଟ୍ଟେନି । ୨୯ ସାମା ଆମ୍ବାଆସି ସୁତୁଜୀହୁ କପାଟି ନିନ୍ଦା କାତା ଜୁଲିନେସି, ଏଞ୍ଜରୀ ଆନିନି କାଲାତା ଜିକେଏ ଦହ ମେଣ୍ଡିଟ୍ଟେଏ, ସାମା ଏଞ୍ଜରୀ କାଲାକାଲାଟି ପାପୁଟି ଦହଗାଟାସି ଆନେସି ।” (aiōn g165, aiōnios g166) ୩୦ ଜୀସୁଲ୍ ବୃତ୍ତୁ ଆଲ୍ଗାମାନେ ଇଞ୍ଚିଁ ଏଚେକା ଲକ୍ଷ୍ମି ଏଲେଇଚ୍ଚିଲିଏ ଜୀସୁ ଇ କାତା ଖେସ୍ତେସି । ୩୧ ଏଟିବେଲା ଜୀସୁଟି ଇୟା ଅଡେ ତାୟିୟାଁ ଖାହାନା ଇଲୁ ପାଟ୍ଟାତା ନିଚାନା ଜୀସୁଲ୍ ହାଟି କିଚେରି । ୩୨ ଏମ୍ବାଟିଏ ସାରିଖାକି କୁଗାମାଟି ଲକ୍ଷ୍ମି ଏଲେଇଚେରି, “ମେହ୍ମୁ ମୀ ଇୟା, ତାୟିୟାଁ ଅଡେ ତାଟ୍ଟିୟାଁ ପାଟ୍ଟାତା ନିଚାନା ନିଟ୍ଟେ ପାରିମାଷ୍ଟାନେରି ।” ୩୩ ଜୀସୁ ଏଞ୍ଜରୀରାଲ୍ ଏଲେଇଚେସି, “ନା ଇୟା ଇଞ୍ଚିଁ ନା ତାୟି ତାଟ୍ଟିୟାଁ ଆମ୍ବାଆସି?” ୩୪ ଇଞ୍ଚିଁ ଏଞ୍ଜରୀ ତାନି ସାରିଖାକି କୁଗାମାନି ଲକ୍ଷ୍ମି ସିନିକିହାନା ଏଲେଇଚେସି, “ମେହ୍ମୁ ନା ଇୟା ଅଡେ ନା ତାୟି ତାଟ୍ଟିୟାଁ । ୩୫ ଆମ୍ବାଆସି ମାହାପୂରୁଟି କାତା ଆହିନେସି ଏଞ୍ଜରୀଦେଁ ନା ତାୟି, ତାଟ୍ଟି ଅଡେ ନା ଇୟା ।”

୪ ଜୀବୁ ଗାଲିଲି ସାମୁଦ୍ରି ଗାତୁତା ଅଡ଼େ ଖେଣ୍ଡେ ଜୀବୁହାଲି ମାଟ୍‌ହେସି, ଅଡ଼େ ହାରେକା ଲକ୍ଷୁ ଏଖାଣି ତାଣା ରୁଣ୍ଡା ଆତେରି ଇଚ୍ଛାଁ ଜୀବୁ ସାମୁଦ୍ରିତା ମାନି ର ତଂଗତା ହାଜାନା କୁରିତେସି ଇଚ୍ଛାଁ ଲକ୍ଷୁ ସାମୁଦ୍ରି ଗାତୁତା ନିତାମାତେରି । ୨ ଏମ୍ବାଟିଏ ଜୀବୁ ଏଖାରାଇଁ ହାରେକା ପୁଣ୍ଡିକିନି କାତା ଜୀବୁହିଁ ଏଲେଇତେସି । ୩ “ଖେଞ୍ଜୁ ମେହୁଦୁ ର ବିଚା ମାଟିନାସି ବିଚା ମାଟାଲି ହତେସି । ୪ ଇଚ୍ଛାଁ ଏଖାସି ମାଟିମାଟାଟି କଚେକା ବିଚା ଜିରୁତା ରାତେ, ଇଚ୍ଛାଁ ପଟାୟଁ ଖାହାନା ଏ ପାଡ଼େୟି ପେରୁହା ତିରୁ । ୫ ଅଡ଼େ କଚେକା ବିଚା ଇଟାୟି ଇରୁଆ ମାନି ଖାଲୁକା ଲାକ ରାତେ, ଇଚ୍ଛାଁ ଉଣା ଇରୁଆ ମାଟାକି ଗାଡ଼େକେଏ ନେୟିତେ, ୬ ସାମା ଖେଡ଼ା ଆତାଲିଏ ନେୟି ମାଟାୟି ସେହା ହାଚେ ଇଚ୍ଛାଁ ହୀରୁ ଜୀଆତାକି ଖାୟାନା ହାହାହାଚେ । ୭ ଅଡ଼େ କଚେକା ବିଚା ହାପକା ବୁଟାଟା ରାତେ, ଇଚ୍ଛାଁ ହାପକା ବୁଟା ପାତାଆହାନା ଆର୍ନା ତାକିତି ପୁକ୍‌ହାତୁସ୍ତେ ଇଚ୍ଛାଁ ପାଡ଼େୟି ଆୟାଆତେ । ୮ ଅଡ଼େ କଚେକା ବିଚା ନେହିଁ ବୁମିତା ରାତେ, ଏଦି ନେୟାହାଁ ପାତାଆହାନା, କଡ଼େଦସ, ତାନିକଡ଼ି, ପାସାକଡ଼ି ପାଡ଼େୟି କାମ୍ବିତେ ।” ୯ ଅଡ଼େ ଏଖାସି ଏଲେଇତେସି, “ଖେଞ୍ଜୁଲି ଆମ୍ବାଆରାକି କାର୍କା ମାନୁ ଏଖାସି ସେଣ୍ଡାମ୍ବାସି ।” ୧୦ ଜୀବୁ ରଥସିଏ ମାଟାଟି ତାନି ତଲେତି ଏଚରଜାଣା ଇଚ୍ଛାଁ ବାରଜାଣା ସାସୁୟାଁ ତଲେ ଏ ପୁଣ୍ଡିକିନି କାତା ଏନାୟି ଇଚ୍ଛାଁ ସେଚେରି । ୧୧ ଏମ୍ବାଟିଏ ଏଖାସି ଏଖାରାଇଁ ଏଲେଇତେସି, ମାହାପୁରୁ ରାଜିତି ତୁଗାମାନାଣି ପୁଞ୍ଜୁଲି ମିଟ୍ଟେ ବାଡ଼ୁୟାଁ ହାପକି ଆହାମାନେ, ସାମା ପାଟ୍ଟାତି ବାରେ ଲକ୍ଷୁତାକି ଇ ପୁଣ୍ଡିକିନି କାତାତଲେ ସେସ୍‌ପି ଆହିମାନେ, ୧୨ ଏନିକି, “ଏଖାରି ମେସି ମେସିହିଁ, ମେହୁଅରି; ଇଚ୍ଛାଁ ସେଞ୍ଜୁସେଞ୍ଜୁହିଁ, ଡେଲୁହୁଅରି, ଏଖାରି ମାହାପୁରୁ ତାଣା ସେଣ୍ଡା ଖାତିହିଁମା, ପାପୁଟି ପିସ୍‌ପି ଆତେରିମା ।” ୧୩ ଜୀବୁ ଅଡ଼େ ଖେଣ୍ଡେ ଏଖାରାଇଁ ଏଲେଇତେସି, “ମାନୁ ଇ ପୁଣ୍ଡି କିନାଣି ପୁଞ୍ଜୁ ହିଲଅତେରି? ଆତିହିଁ ନା ପୁଣ୍ଡିକିନି କାତା ଏନିକି ପୁଞ୍ଜେରି? ୧୪ ଆମ୍ବାଆସି ମାହାପୁରୁ ବଲୁ ସେହନାସି ଏଖାସି ବିଚା ମାଟିନାସି । ୧୫ ଆମିନି ଗାଟାରି ସେନେରି, ଇଚ୍ଛାଁ ସେତି ଦେବୁଣିଏ ସୟତାନ ଖାହାନା ଏଖାରିତାଣା ସେଣ୍ଡା ଆହାମାନି ବଲୁ ମାଞ୍ଜୁଆନେ, ଏଖାରି ଜିରୁ ଦାରିତା ରିତି ବିଚାଲେହିଁତାରି । ୧୬ ଏଲେକିହିଁଏ ଖାଲି ଲାକ ରିହାମାନି ବିଚାଲେହିଁତାରି, ଏ ବଲୁ ସେଣ୍ଡାମ୍ବାସି ରାହାଁତି ନାମିନେରି, ୧୭ ସାମା ଏଖାରିତାଣା ହୀରୁ ଜୀଆତାକି ଗାଡ଼େକା ତାକି ତାରି ମାନେରି, ତାୟୁ ମାହାପୁରୁ ବଲୁ ତାକି କସ୍‌ପ ବାଦା ଖାତିସାରେ ଦେବୁଣିଏ ପିହୁନେରି, ଏଖାରି ଉଣା ଇରୁଆ ମାନି ଖାଲୁକା ଲାକତି ବିଚାଲେହିଁତାରି । ୧୮ ହାପକା ବୁଟାଟା ମାଟିତି ବିଚା ଏଖାରି, ଆମ୍ବାଆରି ବଲୁତି ସେନେରି, ୧୯ ଦାରୁତିତି ଅଣପୁ ଦନତି ବାରେ ଜୁପକା ହତାନା ଏଖାରାଇଁ ପୁକ୍‌ହାତୁହୁନେ, ଇଚ୍ଛାଁ ଏଦି ପାଡ଼େୟି ଆୟାଲି ଆତେଏ । (Mat 16:15) ୨୦ ଅଡ଼େ ଆମିନି ଗାଟାରି କାତା ସେନେରି, ଇଚ୍ଛାଁ ନାମିନେରି, ଅଡ଼େ କଡ଼େଦସ, ତାନିକଡ଼ି, ଇଚ୍ଛାଁ ପାସାକଡ଼ି ପାଡ଼େୟି କାମ୍ବିନେରି, ଏଖାରି ନେହିଁ ବୁମିତା ମାଟିତି ବିଚାଲେହିଁତାରି ।” ୨୧ ଜୀବୁ ଅଡ଼େ ଖେଣ୍ଡେ ଏଖାରାଇଁ ଏଲେଇତେସି,

“ଆମ୍ବାଆସି ଦାଝିଁ ଦୀସାନା ମାଣା ପୁକ୍‌ହାନା କି କାଚେଲି ତୁଇ ଇତିନେସି? ଏଦାଆଁ ଏନାଆଁ ଦାଝିଁ ସଡ଼ାତା ଇତଅସି? ୨୨ ଇତିହିଁ ତଞ୍ଜୁ ଆଆଗାଟାୟି ଏନାୟି ଜିକେଏ ତୁଗାନା ତୁୟେଏ; ଏନାୟି ତୁଗାନା ଆହାମାନେ, ଏଦି ତଞ୍ଜୁଆହାଲି ତୁଗାମାନେ । ୨୩ ଇତିହିଁ ଆମ୍ବାଆରାକି ସେଞ୍ଜୁଲି କାର୍କା ମାନୁ ଏଖାସି ସେଣ୍ଡାମ୍ବାସି ।” ୨୪ ଜୀବୁ ଅଡ଼େ ଏଲେଇତେସି, “ଏନାଆଁ ସେଞ୍ଜୁ ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା ତଲେ ଲାଟିଦେରି, ଏ ମାଣା ତଲେ ମିଟ୍ଟେ ଲାତା ହିୟାନେରି, ଅଡ଼େ ମାନୁ ହାରେକା ବେଟାଆଦେରି । ୨୫ ଇତିହିଁ ଆମ୍ବାଆରାକି ମାନେ ଏଖାଣାକି ହାପକି ଆନେ; ଅଡ଼େ ଆମ୍ବାଆରାକି ହିଲେଏ, ଏଖାଣି ତାଣା ଏନାୟି ମାନେ, ଏଦାଆଁ ଜିକେଏ ଏଖାଣି ତାଣାଟି ଅଞ୍ଜିଆନେ ।” ୨୬ ଜୀବୁ ଅଡ଼େ ଏଲେଇତେସି, “ମାହାପୁରୁ ରାଜି ଇଲେତାୟି, ଏନିକି ର ମାଣସି ବୁମିତା ବିଚା ମାଟିନେସି; ୨୭ ଇଚ୍ଛାଁ ଲାଆଁୟାଁ ଇଦା କିନେସି ଅଡ଼େ ମାଦେନା ତେଃଏଲିନେସି, ଅଡ଼େ ବିଚା ଏନିଆହିଁ ଗଜା ଆହାଁ ପାତାଆନେ ଏଦାଆଁ ଏଖାସି ପୁନଅସି । ୨୮ ଗହଁ ବୁମିତି ତାନୁଏ ନେୟିନେ, ତଲିଏ ଆକୁ ଆନେ ତାୟୁ ଜେଟ୍ଟୁ ଅଡ଼େ ତାୟୁ ଜେଟ୍ଟୁତି ପାଡ଼େୟି ଆନେ । ୨୯ ସାମା ଆର୍ନା କାମ୍ବିସାରେ ମାଟିତାସି ଏ ଆର୍ନାତି କାଚାତଖେଲି ତଲେ ଦାଃଆନେସି ।” ୩୦ ଅଡ଼େ ଜୀବୁ ଏଲେଇତେସି, “ମାର ମାହାପୁରୁ ରାଜି ଏନାଆଁତଲେ ତୁକ୍‌ନାୟି? ଇଚ୍ଛାଁ ଏନିଲେହିଁତି ପୁଣ୍ଡିକିନି କାତାତଲେ ସେହନାୟି? ୩୧ ଏଦି ର ହାସ୍‌ପାଡ଼େୟି ଲେହିଁ; ବୁମିତା ମାଟିନି ବେଲାତା ଏଦି ଦାରୁତିତି ବାରେ ପାଡ଼େୟି କିହିଁ ଉଣା, ୩୨ ସାମା ମାଟିତି ଜେତ ପାତାଆହାନା ବାରେ କୁଚା କିହିଁ କାଜାୟି ଆନେ, ଇଚ୍ଛାଁ ଏଦାନି କମାୟାଁ ଇଲେକି କାଜା ଥାନୁ, ଇଚ୍ଛାଁ ହାପୁ ଲାକ ଉମ୍ବିନି ପଟାୟାଁ ଖାହାନା ଏଦାନି କମାଣାଁ ବଣ ଦସାଁ ବାସାଆନୁ ।” ୩୩ ଜୀବୁ ଇଲେକିହିଁ ହାରେକା ପୁଣ୍ଡିକିନି କାତା ସେସିହିଁ ଏଖାରି ପୁନିଲେହିଁକି ମାହାପୁରୁ କାତା ସେସିମାଚେସି, ୩୪ ଅଡ଼େ ପୁଣ୍ଡିକିନି କାତା ଆଡ଼ଆନା ଜୀବୁ ଏନାଆଁଖା ସେସି ହିଲଆତେସି, ସାମା ଲକ୍ଷୁ ହିଲଆ ବେଲାତା ତାନି ସାସୁୟାଁଣି ବାରେ ପୁଣ୍ଡି କିହିମାଚେସି । ୩୫ ଏ ଦିନା ମିଡ଼ଅଲା ବେଲା ଜୀବୁ ତାନି ସାସୁୟାଁଇଁ ଏଲେଇତେସି, “ଖାପୁ ମାର ସାମୁଦ୍ରି ଆତାଲା ହାନ ।” ୩୬ ଏମ୍ବାଟିଏ ଏଖାରି ଲକ୍ଷୁଣି ପିସାମା ଏଖାସି ଏନିକି ତଂଗତା ମାଚେସି ଏଲେକିହିଁଏ ଅତେରି, ଇଚ୍ଛାଁ ଏମ୍ବାଆଁ ଏଚରଗଟା ତଂଗାୟାଁ ଜିକେଏ ମାନୁ । ୩୭ ଇଚ୍ଛାଁ ଦେବୁଣିଏ ହାରେକା କାଜା ଗାଲି ଆତେ, ଇଚ୍ଛାଁ ତଂଗ ସାମୁଦ୍ରିତି ଗାଲିତାକି ମୁଞ୍ଜୁଲି ମାଟ୍‌ହେ । ୩୮ ଏତିବେଲା ଜୀବୁ ତଂଗତି ତାୟୁଖାକି ର ମୁଲାତା ତାରୁପୁ ଆଂଗାନା ଇଦା କିହାମାଚେସି; ଇଚ୍ଛାଁ ସାସୁୟାଁ ଏଖାଣାଇଁ ନିକ୍‌ହାନା ଏଲେଇତେରି, “ଏ ଗୁରୁ ମାର ହାନାୟିଦେଁ ନିଟ୍ଟେ ଅଣପୁ ହିଲେଏ କି?” ୩୯ ଏମ୍ବାଟିଏ ଜୀବୁ ନିଟ୍ଟାନା ଗାଲିତି ଦାକା ହାହାନା ଏଲେଇତେସି, “ତୁଟ୍ଟାମ୍ବାଁ ଇଚ୍ଛାଁ ସାମୁଦ୍ରିତି ଏଲେଇତେସି, “ସାପି ଆମ୍ବାଁ” ଏମ୍ବାଟିଏ ଗାଲି ପାଲେଏ ଆତେ ଇଚ୍ଛାଁ ବାରେ ସୁସ୍‌ପି ଆତେ । ୪୦ ଇଚ୍ଛାଁ ଜୀବୁ ଏଖାରାଇଁ ଏଲେଇତେସି, “ମାନୁ ଏନାଆଁତାକି ଇଚେକା ଆଜିମାଞ୍ଜେରି? ମୀ ନାମୁ ହିଲେଏ କି?”

୪୧ ଏମ୍ବୁଟିଏ ଏଝାରି ହାରେକା ଆଜାନା ତାମ୍ବୁ ତାମ୍ବୁଏ କାତା ଆଡେରି,
“ଇଝାସି ଆମ୍ବାଆସି? ଗାଲି ଅଡେ ସାମ୍ବୁରି ଜିକେଏ ଇଝାଣି ହାତା ମାନଝି
ଆହିମାନ୍ତୁ ।”

୫ ଡାୟୁ ଜାମ୍ବୁ ଅଡେ ସାମ୍ବୁୟାଁ ଗାଲିଲି ଆତାଲାତି ଗରାସିୟ ଉଜିତା
ଏଗାହାଡେରି । ୨ ଜାମ୍ବୁ ତଂଗଟି ରେପନିଏ ର ବୃତୁ ଆଲୁଗା ମାତାସି
ମାତ୍ରହା ମୁହନି ଚାୟୁଟି ହତାଝାହାନା ଜାମ୍ବୁଇଁ ବେଟାଆଡେସି । ୩
ଏଝାସି ମାତ୍ରହା ମୁହନି ଚାୟୁଟା ବାସା କିହିମାଡେସି, ଇଝାଁ ଆମ୍ବାଆସି
ଜିକେଏ ଏଝାଣାଇଁ ହିକ୍‌ଶିୟାଁ ତଲେ ଦସାଲି ଆଡିହିଲିଆଡେରି; ୪
ଇଡିହିଁ ଏଝାଣାଇଁ ହାରେକା ଦେବା ହିକ୍‌ଶିୟାଁ ତଲେ ଦସାମାଡେରି,
ସାମା ଏ ହିକ୍‌ଶିୟାଁ ତାପ୍‌ହାନା କୁଟୁକୁଟା କିଡେସି, ଇଝାଁ ଏଝାଣାଇଁ ଦସା
ଇଗାଲି ଆମ୍ବାଆରାକି ଜିକେଏ ବାଡୁୟୁ ହିଲିଆଡେ । ୫ ଏଝାସି ଲାଆଁୟାଁ
ମାଦେନା ବାରେଡେଲି ମାତ୍ରହା ମୁହନି ଚାୟୁଟା ଅଡେ ହୁରୁତା ଡୟନା
କିଡ଼ି ମାଡେସି, ଇଝାଁ ଖାଲକାତଲେ କଡ଼ହା କଡିହିଁ ରାଣାରାକା କିହା
କଡିମାଡେସି । ୬ ଏଝାସି ହେକଟିଏ ଜାମ୍ବୁଇଁ ମେସାନା ହଡି ହଡିହିଁ
ଝାହାନା ଏଝାଣି କଡାଣା ରିହାଁ ଜହରା କିଡେସି, ୭ ଅଡେ କାଜା ଗିୟାଁତଲେ
କିଡ଼ିହିଁ ଏଲେଇଡେସି, “ଏ ବାଡୁୟୁଗାଟି ମାହାପୁରୁ ମାବ୍‌ଏଣାତି ଜାମ୍ବୁ,
ନୀ ତଲେ ନାଡ୍ଡେ ଏନାୟି ମାଡେ? ନିଡ୍ଡେ ମାହାପୁରୁ ଦରୁତଲେ ପାର୍‌ମାଣା
କିହିମାଞ୍ଜୁଇଁ, ନାଡ୍ଡେ କସୁ ହିୟାଆନି ।” ୮ ଏନାଆଁତାକି ଇଡିହିଁ ଜାମ୍ବୁ
ଏଝାଣାଇଁ ଏନାଆଁ ଇଞ୍ଜାଲି ହାଜିମାଡେସି, “ଏ ପଲ୍‌ଆ ବୃତୁଟି ଇଝାଣି
ଡାଣାଟି ହତାହାଲାମ୍ବୁ ।” ୯ ଜାମ୍ବୁ ଏଝାଣାଇଁ ଝେଡେସି, “ନୀ ଦରୁ
ଏନାୟି?” ଏଝାସି ଏଲେଇଡେସି, “ନା ଦରୁ ‘ମାନ୍ତୁ’ ଇଡିହିଁ ମାମ୍ବୁ ହାରେକା
ଜାଣାତମି ।” ୧୦ ଇଝାଁ ଜାମ୍ବୁ ଏନିକି ଏ ପଲ୍‌ଆ ବୃତୁୟାଁଣି ଏ ରାଜିଟି ଅର
ରାଜିତା ପାଣ୍ଡୁଅସି, ଏଦାଆଁତାକି ଏଝି ଜାମ୍ବୁଇଁ ହାରେକା ବାଡିମାଲିତୁ ।
୧୧ ଏମ୍ବାଆଁ ହରୁ ବାରିତା ର ମାନ୍ତୁ ପାଜିୟାଁ ମେୟିମାତୁ । ୧୨ ଅଡେ ଏ
ବୃତୁୟାଁ ବାଡିମାଲିହିଁ ଏଲେଇଡୁ, “ମାଡ୍ଡେ ଏ ପାଜିୟାଁ ମାନ୍ତୁତା ହତାଲି
ପାଣ୍ଡୁମ୍ବୁ ।” ୧୩ ଏଝାସି ଏଝାଣାଇଁ ହୁକୁମି ହାହାଲିଏ, ଏ ପଲ୍‌ଆ ବୃତୁୟାଁ
ଏଝାଣି ଡାଣାଟି ହତାନା ପାଜିୟାଁ ମାନ୍ତୁ ବିଡା ହତୁ; ଏମ୍ବାଟିଏ ମାନ୍ତୁ
ପାଜିୟାଁ ତବେ ହତାନା ତାଗେ ମାଡି ସାମ୍ବୁରିତା ମେଦାନା ହାହାହାତୁ,
ବାରେ ରୀ ମାଣା ପାଜିୟାଁ ମାତୁ । ୧୪ ଏ ପାଜିୟାଁ ମେଡିମାଡି ଗଡ଼କା
ଗାଡାତା ଅଡେ ନାସକାଣାଁ ଏ କାତା ଝେସକା ହାଡେରି; ଏମ୍ବାଟିଏ ଲକୁ
ଏନାଆଁ ଆହାମାନେ ଇଝାଁ ସିନିକିହିଲି ଝାଡେରି । ୧୫ ଅଡେ ଏଝାରି ଜାମ୍ବୁ
ତାଗେ ଝାହାନା, ଏ ବୃତୁ ଆଲୁଗା ମାତାଣାଇଁ ଇଡିହିଁ ଆମ୍ବାଆରାକି ନକେଏ
ମାନ୍ତୁ ବୃତୁୟାଁ ଆସାମାତୁ, ଏଝାଣାଇଁ ହିମ୍ବୁରି ହୁତାନା ନେହିଁ ମନତଲେ
କୁଗାମାତାଣି ମେସାନା ଆଜିଡେରି । ୧୬ ଆମ୍ବାଆରି ମେସାମାଡେରି,
ବୃତୁ ଆଲୁଗା ମାତାସି ଏନିକି ନେହିଁଆଡେସି, ଅଡେ ପାଜିୟାଁ ଏନିକି
ନାସା ଆତୁ ଏ ବାରେ ଝେସୁରି । ୧୭ ଏମ୍ବାଟିଏ ଏଝାରି ଜାମ୍ବୁଇଁ ତାନି
ହାନ୍ତିଟି ହାଜାଲି ବାଡିମାଲିଡେରି । ୧୮ ଡାୟୁ ଜାମ୍ବୁ ତଂଗତା ହଡିମାତାଟି
ଆମିନି ଗାଟାଣାକି ବୃତୁ ଆଲୁଗାମାଡେ, ଏଝାସି ତାନିତଲେ ଡୟଲି

ତାକି ବାଡିମାଲିଡେସି । ୧୯ ସାମା ଜାମ୍ବୁ ହେଲ ହାଆନା ଏଝାଣାଇଁ
ଏଲେଇଡେସି, “ନୀ ଇଜ ନୀ ଲକୁଡାଣା ହାଲାମ୍ବୁ, ଇଝାଁ ପ୍ରବୁ ନିଡ୍ଡେତାକି
ଏନି କାମା ଅଡେ ନିଡ୍ଡେତାକି ଏମିନି କାର୍‌ମା କିହିମାଞ୍ଜୁନେସି, ଏ ବାରେ
ଏଝାଣାଇଁ ଝେହ୍‌ମ୍ବୁ ।” ୨୦ ଏମ୍ବାଟିଏ ଏଝାସି ହାଜାନା, ଜାମ୍ବୁ ଏଝାଣାକି
ଏନି କାମା କିହିମାଡେସି, ଏଝାସି ଦେକାପଲିତା ଝେକ୍‌ହାଲି ମାଡ଼ହେସି;
ଏମ୍ବାଟିଏ ବାରେଜାଣା କାବା ଆଡେରି । ୨୧ ଜାମ୍ବୁ ତଂଗଟି ଗାଣାତାନା
ଅରଝାକି ଝେଣ୍ଡେ ଝାଡେସି, ମାନ୍ତୁ ଲକୁ ଏଝାଣି ଡାଣା ଗୁଣ୍ଡା ଆଡେରି; ଇଝାଁ
ଏଝାସି ସାମ୍ବୁରି ଗାତୁତା ଡୟିଡେସି । ୨୨ ଏଡିବେଲି ଜାହୁଦି ଲକୁଟି
କୁଟମି ଲକୁଟି କାଜାରି ବିଡାଡି ଜାୟିରସ ଦରୁଗାଟାସି ରଅସି ଜାମ୍ବୁଇଁ
ମେସାନା ଏଝାଣି କଡାଣା ରାଡେସି, ୨୩ ଇଝାଁ ହାରେକା ବାଡିମାଲିହିଁ
ଏଲେଇଡେସି, “ନା ମାଡ୍ଡା ହାନିହୁଗେ ଆହାମାନେ; ଏଦି ଏନିକି ନେହିଁ
ଆହାନା ନୀଡିନେ, ଏଦାଆଁତାକି ନୀନ୍ତୁ ଝାହାନା ଏଦାନି ଲାକ କେୟୁ
ଇତାମ୍ବୁ ।” ୨୪ ଏମ୍ବାଟିଏ ଜାମ୍ବୁ ଏଝାଣିତଲେ ହାଡେସି, ଇଝାଁ ହାରେକା
ଲକୁ ଏଝାଣିତଲେ ହାଜାଲି ମାଡ଼ହେରି, ଇଝାଁ ଏଝାଣି ମୁହେଁ ମୁହେଁ ଝିସ୍‌ପି
ଆହିମାଡେରି । ୨୫ ଏଡିବେଲିତା ର ଇୟା ବାର ବାସା ପାଡେକା
ନେଡେରି ଝାଡ୍ଡିନି ରଗତା ନେଡେରି ତୁଟ୍ଟାଆନା ନେହିଁ ଆହି ହିଲିଆଡେ,
୨୬ ଇଝାଁ ଅସଗୁରୁ ଡାଣା ହାଜାନା ଜିକେଏ ହାରେକା ଚାକାୟାଁ କାର୍‌ତୁ
କିହିମାଡେ, ଅଡେ ଜିକେଏ ନେହିଁ ଆହାହିଲିଆଡେ, ସାମା ହାରେକା
କସୁ ବେଟାଆହି ମାଡେ । ୨୭ ଏଦି ଜାମ୍ବୁଟି କାତା ଝେଞ୍ଜାନା ଲକୁ
ମାନ୍ତୁତା ଝାହାନା ଡାୟୁ ଝାକିଟି ଏଝାଣି ହିମ୍ବୁରି ତାଗିଡେ; ୨୮ ଇଡିହିଁ ଏଦି
ଏଲେ ଇଝାମାଡେ, “ଏଝାଣି ହିମ୍ବୁରି ତାଗିଡିହିଁ ନେହିଁ ଆଇଁ ।” ୨୯ ଏ
ଦେବୁଣିଏ ଏଦାଣି ନେଡେରି ବନାୟି ତୁଟ୍ଟାଡେ, ଇଝାଁ ଏଦି ରଗଟି ନେହିଁ
ଆହାମାନେ ଏଦାଆଁ ତାନି ଆଡ୍ଡାତା ପୁଞ୍ଜା କଡିଡେ । ୩୦ ଦେବୁଣିଏ ଜାମ୍ବୁ
ତାନି ଆଡ୍ଡାଟି ବାଡୁୟୁ ହାତାଣି ହିୟାତା ପୁଞ୍ଜାନା, ଲକୁ ମାନ୍ତୁତା ଝେଣ୍ଡେ
ସିନିକିହିଲି ଏଲେଇଡେସି, “ଏମ୍ବାଆୟି ନା ହିମ୍ବୁରି ତାଗାଡେ?” ୩୧
ଏମ୍ବାଟିଏ ତାନି ସାମ୍ବୁୟାଁ ଏଲେଇଡେରି, “ନୀନ୍ତୁ ମେସିମାଞ୍ଜୁ ଲକୁ ଏନିକି
ନୀ ମୁହେଁ ଆହିମାନେରି, ଅଡେ ଏଲେ ଇଝାମାଞ୍ଜୁ ଆମ୍ବାଆୟି ନାଡ୍ଡେ
ତାଗାଡେ?” ୩୨ ସାମା ଏମ୍ବାଆୟି ତାଡ୍ଡେ ତାଗିଡେ ଏଦାଆଁ ମେସାଲି
ଜାମ୍ବୁ ସାରିସୁରୁ ସିନିକିଡେସି । ୩୩ ଏମ୍ବାଟିଏ ଏ ଇୟା ଝାହାନା ତାଡ୍ଡେତାକି
ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତାଗିରିହିଁ ଝାଣାଁ ତାନି
କଡାଣା ରିହାନା ବାରେ ସାତା କାତା ଏଝାଣାଇଁ ଝେସୁ । ୩୪ ଏମ୍ବାଟିଏ
ଜାମ୍ବୁ ଏ ଇୟାନି ଏଲେଇଡେସି, “ଆଲ ମାଡ୍ଡା ନୀ ନାମ୍ବୁ ନିଡ୍ଡେ ନେହିଁ
କିହିମାଞ୍ଜୁନେ; ହିଡ଼ି ତଲେ ହାଲାମ୍ବୁ ଇଝାଁ ନୀ ରଗଟି ନେହିଁଆମ୍ବୁ ।” ୩୫
ଜାମ୍ବୁ ଇ କାତା ଝେସିମାତାଟି, ଜାହୁଦି ଲକୁଟି କୁଟମି ଲକୁଟି କାଜାଣା
ଇଜଡି ରଅସି ଝାହାନା ଏଲେଇଡେସି, “ନା ମାଡ୍ଡା ହାଡେୟିଏ ଗୁରୁଇଁ
ଅଡେ ଏନାଆଁତାକି କସୁ ହାହିମାଞ୍ଜୁ?” ୩୬ ସାମା ଜାମ୍ବୁ ଏ କାତା ଝେଞ୍ଜାନା
ଝେନାଆଡିଲେହେଁ ଆହାନା ଜାୟିରସଇଁ ଏଲେଇଡେସି, “ଆଜାଆନି ସାମା
ନାମାମ୍ବୁ ।” ୩୭ ଅଡେ ଏଝାସି ପିତର, ଜାକୁବ, ଅଡେ ତାନି ତାୟି ଜହନ

ପିସ୍ତେ ଆମ୍ଭାଆରାଇଁ ତାନିତଲେ ଅଥାତେସି । ୩୮ ଏଞ୍ଜର ଜାୟିରସ ଇଜ ଏଜାଲିଏ, ଏମ୍ପାଆଁ ହାରେକା କାଲ୍‌ଓ ଆହିଁ ଡାହିମାନାଣି ମେସ୍ତେସି, ୩୯ ଇଞ୍ଜି ବିତ୍ରା ହାଜାନା ଏଞ୍ଜାସିକାଣି ଏଲେଇରେସି, “ଏନାଆଁତାକି କାଲ୍‌ଓ ଆହିଁ ଡାହି ମାଞ୍ଜେରି, ଇ ପଦା ହାହାହିଲେଏ ସାମା ଇଦା କିହାମାନେ” ଏମ୍ପାଟିଏ ଏଞ୍ଜର ଏଞ୍ଜାଣାଇଁ କାକ୍‌ହେରି । ୪୦ ଏଞ୍ଜର ଏଞ୍ଜାଣାଇଁ ଲାଜା କିହାନା କାକ୍‌ହେରି, ସାମା ଏଞ୍ଜାସି ବାରେଡି ପାଞ୍ଜୁତା ପାଣ୍ଡାନା ପଦାନି ଇୟା ଆବା ଅଡେ ତାନି ତାନି ଜାଣା ସାସୁୟାଁ ତଲେ ଏ ପଦା ମାତି ତାଣା ହାଚେରି, ୪୧ ଇଞ୍ଜି ଏ ପଦାନି କେୟୁ ଆସାନା ଏଦାନି ଏଲେଇରେସି, “ଚେଲିତା କୁମ୍” ଇତିହିଁ “ଆଲ ମାଞ୍ଜୁ ନାନୁ ନିଢ୍ଢେ ସେସିମାଞ୍ଜାଇଁ ନିଢ୍ଢୁମୁ ।” ୪୨ ଏ ଦେବୁଣିଏ ପଦା ନିଢ୍ଢୁମା ତାକିତେ (ଇତିହିଁ ଏଦି ବାରି ବାସା ଆହାମାତେ) ଏମ୍ପାଟିଏ ଏଞ୍ଜର ହାରେକା କାବା ଆତେରି । ୪୩ ଇଞ୍ଜି ଇ କାତା ଏନିକି ଆମ୍ଭାଆରି ପୁନଅରି, ଏଦାଆଁତାକି ଏଞ୍ଜାସି ଏଞ୍ଜରାଇଁ ଜାଣେ ହୁକୁମି ହାଚେସି, ଇଞ୍ଜି “ପଦାନାକି ଏନାଆଁ ତିଞ୍ଜାଲି ହାପୁ” ଇଚେସି ।

୨ ଜାସୁ ଏ ଚାୟୁ ପିସାନା ତାନୁ ପାତାଆତି ନାୟୁତା ହାଚେସି ଇଞ୍ଜି ତାନି ସାସୁୟାଁ ତାନି ଜେଚ ହାଚେରି । ୧ ଜମିନି ଦିନା ଖାହାଲିଏ, ଏଞ୍ଜାସି ଜାହୁଦି ଲକ୍ଷୁତି କୁଟମି ଇଲୁତା ଜାପହାଲି ମାଟ୍‌ହେସି; ଇଞ୍ଜି ହାରେକା ତାନି କାତା ସେଞ୍ଜାନା କାବା ଆହାଁ ଏଲେଇଚେରି, “ଇଞ୍ଜାଣାକି ଇ ବାରେ ଏମ୍ପିତି ଆତେ? ଇଞ୍ଜାସି ଇଲେତି ବୁଦି ଏନିକି ପୁଚେସି? ଇଞ୍ଜି ଇଲେତି କାବାଆନି କାମା ଏନି ବାଡ଼ୁୟୁ ତଲେ କିହାମାନେସି?” ୩ ଇଞ୍ଜାସି ଏ ବାଡ଼ିୟାତି ମାର୍‌ଏସି ଆଏକି? ଇଞ୍ଜାସି ମରିୟମନି ମାର୍‌ଏସି ଇଞ୍ଜି ଜାକ୍‌ବ, ଜସି, ଜାହୁଦା ଇଞ୍ଜି ସିମନତି ତାୟି ଆଏକି? ଇଞ୍ଜି ତାନି ତାଞ୍ଜୁସା ଇମ୍ପାଆଁ ମା ତଲେ ହିଲାଇ କି? ଅଡେ ଏଞ୍ଜର ଏଞ୍ଜାଣାଇଁ ଅପାଆତେରି । ୪ ଏମ୍ପାଟିଏ ଜାସୁ ଏଞ୍ଜରାଇଁ ଏଲେଇଚେସି, “ମାହାପୁରୁ ଅଣପୁତି ବଲୁ ସେହନାରି ଏଟ୍‌କା ଲକ୍ଷୁ ତାଣାଟି ମାନି ବେଟାଆନେରି ସାମା ତାନି ନାୟୁତି ଲକ୍ଷୁ ଇଞ୍ଜି ତାନି ଇଲୁ କୁଟମିତି ଲକ୍ଷୁ ଏଞ୍ଜାଣାଇଁ ମାନି କିଅରି ।” ୫ ଇଞ୍ଜି ଏଚରଜାଣା ରଗ ଗାଟାରାଇଁ କେୟୁ ଇଟାନା ନେହିଁ କିନାଣି ପିସ୍ତେ ଏ ଚାୟୁତା ଏନି ବାଡ଼ୁୟୁତି କାମା କିହାଲି ଆତାଆତେସି । ୬ ଇଞ୍ଜି ଏଞ୍ଜର ନାମାଆତାକି ଜାସୁ ହାରେକା କାବା ଆତେସି ଏମ୍ପାଟି ବାରେ ନାସକାଣାଁ ହାଜାନା ଜାପହେସି । ୭ ତାୟୁ ଏଞ୍ଜାସି ନାସକା ନାସକାଣାଁ ରେଜି ରେଜିହିଁ ଜାପହାଲି ମାଟ୍‌ହେସି, ଏମ୍ପାଟିଏ ବାରଜାଣାଟି ତାଗେ ହାଟାନା ଏଞ୍ଜରାଇଁ ରିଆରି ଲାକା କିହାନା ପାଣ୍ଡାଲି ମାଟ୍‌ହେସି ଇଞ୍ଜି ଲାଗେଏ ପଲେଏତି ଜାସୁୟାଁ ଲାକ ଏଞ୍ଜରାଇଁ ଅଦିକାରା ହାଚେସି, ୮ ଅଡେ ହାଜାଲିତାକି ବାଡ଼ଗା ପିସ୍ତେ, ଲହଡ଼ି କି ମଣା କି ଅଟଡିତା ଟାକାୟାଁ ଅଅପୁ ଇଞ୍ଜି ହୁକୁମି ହାଚେସି; ୯ ସାମା ଏଞ୍ଜରାଇଁ କତାତା ସେପୁୟାଁ ତୁରହାଲି ଏଲେଇଚେସି, ଇଞ୍ଜି ରୀ ସକାୟାଁ ତୁରହାଲି କାହି କିଚେସି । ୧୦ ଇଞ୍ଜି ଜାସୁ ଏଞ୍ଜରାଇଁ ଏଲେଇଚେସି, “ନିଢ୍ଢୁ ଆମିନି ଇଲୁତା ହାଟାନେରି, ଏମ୍ପାଟି ସେଣ୍ଡା ଖାଆ ପାଚେକା ଏମ୍ପାଆଁ ଡ଼ୟାୟୁ । ୧୧ ସାମା ଆମିନି ଚାୟୁତି ଲକ୍ଷୁ ନିଢ୍ଢୁ ଆବଅରି, କି ମୀ କାତା

ସେନଅରି, ଏମ୍ପାଟି ସେଣ୍ଡା ଖାନାଟି ଏଞ୍ଜର ନିକିତା ସାକି ହାହାଲି ତାକି ମୀ କତାତି ଦୂଡି ହାଣ୍ଡୁ ।” ୧୨ ଏମ୍ପାଟିଏ ଏଞ୍ଜର ରେଜି ରେଜିହିଁ ପାପୁ ପିସାନା ମନ ସେଟ୍‌ନି କାତା ସେକ୍‌ହେରି, ୧୩ ଇଞ୍ଜି ହାରେକା ଦୂଡୁଣି ପିସ୍ତି କିଚେରି, ଇଞ୍ଜି ହାରେକା ରଗ ଗାଟାରାଇଁ ନିୟୁଁ ରୁବାନା ନେହିଁ କିଚେରି । ୧୪ ଏମ୍ପାଟିଏ ଜାସୁ ଦବୁ ସାରି ଖାକି ସେଞ୍ଜୁ ହାଜାଲିଏ ହେରଦ ରାଜା ଏଞ୍ଜାଣି କାତା ସେଚେସି, ଇଞ୍ଜି ଲକ୍ଷୁ ଏଲେଇଞ୍ଜିମାଚେରି, “ବାପ୍ତିସ୍ତ ହାନି ଜହନ ହାତାରି ତାଣାଟି ନିଢ୍ଢୁମାନେସି, ଏଦାଆଁତାକି ଇ ବାରେ କାବାଆନି ବାଡ଼ୁୟୁତି କାମା ଏଞ୍ଜାଣି ତାଣା ଆହିମାନେ ।” ୧୫ ସାମା ଏଟ୍‌କାତାରି ଏଲେଇଞ୍ଜିମାଚେରି, “ଇଞ୍ଜାସି ଏଲିୟୁ ।” ଇଞ୍ଜି ଅଡେ ଏଚରଜାଣା ଏଲେଇଞ୍ଜିମାଚେରି, “ମାହାପୁରୁ ଅଣପୁତି ବଲୁ ସେହନାରି ଲେହେଁ ଇଞ୍ଜାସି ଜିକେଏ ମାହାପୁରୁ ଅଣପୁତି ବଲୁ ସେହନାସି ।” ୧୬ ସାମା ହେରଦ ଇଦାଆଁ ସେଞ୍ଜାନା ଏଲେଇଚେସି, “ଆମିନି ଜହନତି ତାୟୁଁ ନାନୁ ଦାପି କିହାମାଇଁ, ଏଞ୍ଜାସି ନିଢ୍ଢୁମାନେସି” ୧୭ ଇତିହିଁ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବାହା ଆହାମାତାକି, ଏଦାନି ତାକି ତାନୁ ଲକ୍ଷୁଣି ପାଣ୍ଡାନା ଜହନଇଁ ଦସ୍‌ପା ତାଚାନା କାୟିଦିତା ଇଟାମାଚେସି । ୧୮ ଇତିହିଁ ଜହନ ହେରଦଇଁ ଏଲେଇଞ୍ଜିମାଚେସି, “ନୀ ତାୟି ତକ୍ତି ଇଟିନାୟି ନୀ ମେରା ହିଲାଆତେ ।” ୧୯ ଏମ୍ପାଟିଏ ହେରଦିୟା କାର୍‌ବି ଆହାନା ଜହନଇଁ ପାୟାଲି ମନ କିହାମାଚେ ସାମା ଏଦି ଏନାଆଁ କିହାଲି ଆଡିହିଲାଆତେ । ୨୦ ଇତିହିଁ ହେରଦ ଜହନଇଁ ର ଦାମ୍‌ଗାଟାସି ଅଡେ ସୁଦ୍‌ଗାଟାସି ଇଞ୍ଜି ଆଜିମାଚେସି, ଇଞ୍ଜି ଏଞ୍ଜାଣାଇଁ ଗେଲପାଲି ଅଣପିମାଚେସି, ଏଞ୍ଜାଣି କାତା ସେଞ୍ଜାନା ଆଜିତିହିଁ ଜିକେଏ ଏଞ୍ଜାଣି କାତା ସେଞ୍ଜାଲି ମନ କିହାମାଚେସି । ୨୧ ତାୟୁ ହେରଦିୟାକି ର ପାୟୁ ମେଡାଆତେ, ହେରଦ ତାନି ଜାର୍‌ନା ଦିନାତା କାଜା କାଜା ମନିୟାଁଣି ଇଞ୍ଜି ଗାଲିଲିତି କାଜା କାଜାରାଇଁ ଲାଆଁ ବେଲାତା ର ବଜିତା ହାଚିଚେସି; ୨୨ ଇଞ୍ଜି ହେରଦିୟାନି ମାଞ୍ଜୁ ବିତ୍ରା ହାଜାନା ଏନୁହାଁ ହେରଦ ଇଞ୍ଜି ତାନିତଲେ ବଜିତା କୁଗାମାତି ଲକ୍ଷୁଣି ରାହାଁ କିଞ୍ଜିଚେ, ଏମ୍ପାଟିଏ ରାଜା ଏ ପଦାନି ଏଲେଇଚେସି, “ଏନାଆଁ ମନ କିହାମାଞ୍ଜି ରାପ୍ତାମୁ ନାନୁ ଏଦାଆଁ ନିଢ୍ଢେ ହିୟାଇଁ ।” ୨୩ ଇଞ୍ଜି ଏଞ୍ଜାସି ପଦା ନିକିତା ପାର୍‌ମାଣା କିଚେସି, “ନାନୁ ନାଢ୍ଢେ ଏନାଆଁ ରାସ୍ତାଦି, ରାଜିତି ଆଦା ଜିକେଏ ନାନୁ ନିଢ୍ଢେ ହିୟାଇଁ” ୨୪ ଏମ୍ପାଟିଏ ଏ ପଦା ହାଜାନା ତାନି ଇୟାନି ସେଚେ, “ନାନୁ ଏନାଆଁ ରାହଇଁ?” ଏମ୍ପାଟିଏ ଏଦି ଏଲେଇଚେ, “ବାପ୍ତିସ୍ତ ହାନି ଜହନତି ତାୟୁଁ ।” ୨୫ ଏ ଦେବୁଣିଏ ରାଜା ତାଣା ତବେ ଖାହାନା ଏଲେଇଞ୍ଜି ରାସ୍ତେ, “ନାଢ୍ଢେ ନାନୁ ବାପ୍ତିସ୍ତ ହାନି ଜହନତି ତାୟୁଁ ର ସାଡ଼ଖାତା ନାଏଁ ନାଢ୍ଢେ ହିୟାୟୁ ।” ୨୬ ଏମ୍ପାଟିଏ ରାଜା ହାରେକା ଦୁକୁ ଆଡିହିଁ ଜିକେଏ, ତାନୁ କିତି ପାର୍‌ମାଣା ଅଡେ ବଜିତା କୁଗାମାତାରି ତାକି ଆଏ ଇଞ୍ଜାଲି ଆତାଆତେସି । ୨୭ ଏଦାଆଁତାକି ରାଜା ଦେବୁଣିଏ ର କହ୍‌ଏଣାଇଁ ପାଣ୍ଡାନା ତାନି ତାୟୁଁ ତାଗାଲି ହୁକୁମି ହାଚେସି, ଏମ୍ପାଟିଏ ଏଞ୍ଜାସି ହାଜାନା କାୟିଦି ଇଲୁତା ତାନି ତାୟୁଁ ଦାଚେସି; ୨୮ ଅଡେ ଏଦାଆଁ ର ସାଡ଼ଖାତା ତାଚାନା ପଦାନାକି ହାଚେସି, ଇଞ୍ଜି ପଦା

ଏଦାଆଁ ଅହାନା ତାନି ଇୟନାକି ହୀତେ । ୨୯ ଇଞ୍ଚିଁ ଜହନତି ସୀସୁୟ୍
ଏ କାତା ଖେଞ୍ଚାନା ଖାତେରି, ଇଞ୍ଚିଁ ତାନି ମାତ୍‌ହାତି ଅହାନା ମାତ୍‌ହା
ଇଚିନି ଚାୟୁତା ଇଚିତେରି । ୩୦ ଡାୟୁ ପାଣ୍ଡୁଣି ଆହାମାତାରି ଜୀସୁ ଚାଣା
ଖାତେରି, ଇଞ୍ଚିଁ ଏଞ୍ଚାରି ଏନା ଏନାଆଁ କିହାମାତେରି, ଇଞ୍ଚିଁ ଏନା ଏନାଆଁ
ଜୀସୁହା ମାତେରି, ଏ ବାରେ ଏଞ୍ଚାଣାଇଁ ଖେସ୍ତେରି । ୩୧ ଏମ୍ପାଟିଏ ଜୀସୁ
ଏଞ୍ଚାରାଇଁ ଏଲେଇଚେସି, “ମାର ଇମ୍ପାଟି ଲକ୍ଷ୍ମ ହିଲିଆ ଚାୟୁତା ହାନ,
ଏମ୍ପାଆଁ ମୀରୁ ଗାଡ଼େକା ଜମାଦୁ ।” ଇଚିହିଁ ହାରେକା ଲକ୍ଷ୍ମ ହାଜି ଖାହି
ଅହିମାତାକି ଏଞ୍ଚାରାକି ତିଞ୍ଚିଲି ଜିକେଏ ମୁଣ୍ଡାଥେ । ୩୨ ଏମ୍ପାଟିଏ ଏଞ୍ଚାରି
ଏଚ୍‌କା ଆହାନା ର ତଂଗତା ହତାନା ଲକ୍ଷ୍ମ ହିଲିଆ ଚାୟୁତା ହାତେରି
। ୩୩ ସାମା ହାରେକା ଲକ୍ଷ୍ମ ଏଞ୍ଚାରି ହତା ହାତାଣି ମେସ୍ତେରି ଅଡ଼େ
ପୁତେରି, ଇଞ୍ଚିଁ ଲକ୍ଷ୍ମ ବାରେ ଗାଡ଼ାୟ୍‌ତି ଡାକିହିଁ ହାଜାନା ଏଞ୍ଚାରି ନକିତା
ଏଗାହାତେରି । ୩୪ ଏଞ୍ଚାରି ତଂଗତି ରେତାନା ହାରେକା ଲକ୍ଷ୍ମି ମେସାନା
ଏଞ୍ଚାରାଇଁ କାର୍ମା ଆଚେସି, ଇଚିହିଁ ଏଞ୍ଚାରି ଗୁଡୁ ହିଲିଆ ମେଶ୍ଚାୟ୍‌ଲେହେଁ
ମାତେରି; ଇଞ୍ଚିଁ ଏଞ୍ଚାରି ଏଞ୍ଚାରାଇଁ ହାରେକା କାତା ଜୀସୁହେସି । ୩୫ ଗାତି
ଖେଡ଼ାଆୟ୍‌ଲିଏ ତାନି ସୀସୁୟ୍‌ଲି ତାନି ଚାଣା ଖାହାନା ଏଲେଇଚେରି, “ଇ
ଚାୟୁ ଲକ୍ଷ୍ମ ହିଲିଆ ଚାୟୁ ଇଞ୍ଚିଁ ଆନେରି ଜିକେଏ ଅହିମାନେ; ୩୬ ଲକ୍ଷ୍ମ
ଏନିକିଁ ସାରିଖାକି ମାନି ଖାଲୁହାଡ଼ି ଅଡ଼େ ଗାଡ଼ାତା ହାଜାନା ତାମ୍‌ଡ଼େ
ତାକି ତିଞ୍ଚିଲି ରାନ୍ଧୁ କତାପେରିଖା, ଏଦାଆଁତାକି ଏଞ୍ଚାରାଇଁ ହେଲ ହାହାନା
ପାଣ୍ଡୁମ୍ ।” ୩୭ ସାମା ଜୀସୁ ତାନି ସୀସୁୟ୍‌ଲି ଏଲେଇଚେସି, “ମୀରୁ
ଏଞ୍ଚାରାକି ତିଞ୍ଚିଲି ହୀଦୁ ।” ଏଞ୍ଚାରି ଏଲେଇଚେରି, “ମାର ରୀ ଖାଞ୍ଚୁ
ଖେଣ୍ଡି ଟାକାୟ୍‌ତି ରୁଚି ତାତାନା ଇଞ୍ଚାରାକି ତିଞ୍ଚିଲି ହୀନାୟ୍‌ କି?” ୩୮
ଜୀସୁ ଏଞ୍ଚାରାଇଁ ଏଲେଇଚେସି, “ମୀ ଚାଣା ଏଚରଗଟା ରୁଚି ମୀରୁ?
ହାଜାନା ସିନକିଦୁ ।” ଏଞ୍ଚାରି ଖେଞ୍ଚା ଖାହାନା ଜୀସୁଇଁ ଏଲେଇଚେରି,
“ପାସାଗଟା ରୁଚି ଇଞ୍ଚିଁ ରୀ ମୀଶକା ମୀରୁ ।” ୩୯ ଇଞ୍ଚିଁ ଜୀସୁ ତାନି
ସୀସୁୟ୍‌ଲି ଏଲେଇଚେସି, ବାରେ ଲକ୍ଷ୍ମଇଁ ଗତି ଗତି କିହିଁ କୁଗି ଜାଡ଼ା ଲାକ
କୁଗିକିହାଲି ଖେସ୍ତେସି । ୪୦ ଏଚେଟିଏ ଏଞ୍ଚାରି ପାସାକଡ଼ି ଜାଣା ବା କଡ଼ି
ଦସ ଜାଣା ଲାକା ମୀନ୍ଧୁ ମୀନ୍ଧୁ ଆହିଁ କୁଗିତେରି । ୪୧ ଡାୟୁ ଜୀସୁ ଏ
ପାସାଗଟା ରୁଚି ଇଞ୍ଚିଁ ରୀ ମୀଶକା ଅହାନା ଲାକପୁରୁ ଖାକି ସିନକିହିଁ
ମାହାପୁରୁଇଁ ଜହରା କିଚେସି, ଅଡ଼େ ରୁଚି ଡ଼ିକ୍‌ହାନା ଲକ୍ଷ୍ମତାକି ବାଟି
କିହା ହାହାଲି ତାନି ସୀସୁୟ୍‌କି ହାଚେସି, ଇଞ୍ଚିଁ ରୀ ମୀଶକା ଜିକେଏ
ଏଲେକିହିଁଏ ବାଗା କିହାନା ହାଚେସି । ୪୨ ଏମ୍ପାଆଁ ବାରେକାଣା ତିଞ୍ଚିନା
ପାଞ୍ଚିତେରି, ୪୩ ଇଞ୍ଚିଁ ଏଞ୍ଚାରି ହାରାମାତି ରୁଚି ଅଡ଼େ ମୀଶକା କୁଡ଼ି କିହାନା
ବାରେଗଟା ତାଲିତା ନେଞ୍ଚିକିତେରି । ୪୪ ରୁଚି ତିତି ଲକ୍ଷ୍ମ ପାସାମାଣା
ଖାରୁଇ ଆବାୟ୍‌ ମାତେରି । ୪୫ ଏ ଦେବୁଣିଏ ଏଞ୍ଚାସି ତାନି ସୀସୁୟ୍‌ଣି
ତଂଗତା ହତାନା ଆତାଲାଖାକି ମାନି ବେତ୍‌ସାୟ୍‌କା ଗାଡ଼ାତା ହାଜାଲି
ତାନି ନକେଏ ପାଣ୍ଡିତେସି, ଏମ୍ପାଟିଏ ବାରେ ଲକ୍ଷ୍ମି ହାଜାଲିତାକି ହେଲ
ହାହାଁ ପାଣ୍ଡିତେସି । ୪୬ ଏଞ୍ଚାରି ଚାଣାଟି ହେଲ ଅଡ଼ି ଡାୟୁ ଏଞ୍ଚାସି ପ୍ରାଚାନା
କିହାଲି ହରୁତା ହାଚେସି । ୪୭ ମିଡ଼ୁଆଲା ଆହାଲିଏ ତଂଗ ସାମ୍‌ପୁରି

ମାଦିଏ ମାଚେ, ଇଞ୍ଚିଁ ଜୀସୁ ସାମ୍‌ପୁରି ଗାଟୁତା ରଅସିଏ ମାଚେସି । ୪୮
ଏମ୍ପାଟିଏ ହାରେକା ଗାଲି ଏଞ୍ଚାରି ଖାକି ଖେଟିମାତାକି ତଂଗ ଚାକି କିହାଲି
କସୁ ଅହିମାତାଣି ମେସାନା ଏଞ୍ଚାସି ଖେୟା ନେକେରି ସାମ୍‌ପୁରି ଏୟୁ
ଲାକ ଡାକିହିଁ ଏଞ୍ଚାରି ତାଗେ ଖାଚେସି, ଇଞ୍ଚିଁ ଏଞ୍ଚାରି ତାଗେଟି ଆଗାଡ଼ା
ହାଜାଲି ଅଶ୍‌ପାମାଚେସି, ୪୯ ସାମା ଏଞ୍ଚାରି ଏଞ୍ଚାଣାଇଁ ସାମ୍‌ପୁରି ଲାକ
ଡାକି ମାନାଣି ମେସାନା ବୁରୁ ଇଞ୍ଚିଁ ଅଶ୍‌ପାମା କାଲ୍‌ଖି ଆଚେରି । ୫୦
ଇଚିହିଁ ବାରେକାଣା ଏଞ୍ଚାଣାଇଁ ମେସାନା ଆଜାହାଜା ମାତେରି । ସାମା
ଜୀସୁ ଦେବୁଣିଏ ଏଞ୍ଚାରିତଲେ କାତା ଆହାନା ଏଞ୍ଚାରାଇଁ ଏଲେଇଚେସି,
“ସାସା ଆହୁଦୁ ନାନ୍ଧୁଏ ଏଞ୍ଚାଚେସି, ଆଜାଆଦୁ ।” ୫୧ ଇଞ୍ଚିଁ ଏଞ୍ଚାସି
ଏଞ୍ଚାରିତାଣା ହାଜାନା ତଂଗତା କୁଗିଚେସି, ଇଞ୍ଚିଁ ଗାଲି ତୁଟ୍ଟିଚେ, ଏମ୍ପାଟିଏ
ଏଞ୍ଚାରି ମନ ମନତା ହାରେକା କାବା ଆଚେରି । ୫୨ ଇଚିହିଁ ଏଞ୍ଚାରି
ରୁଚିୟ୍‌ କାତା ପୁଣ୍ଡୁଏ ପୁଞ୍ଚୁହିଲିଆଚେରି, ଏନାଆଁତାକି ଇଚିହିଁ ଏଞ୍ଚାରି
ହିୟ୍‌ ଆଚ୍‌ଖା ଆହାମାଚେ । ୫୩ ଏଞ୍ଚାରି ସାମ୍‌ପୁରି ଗାଣତାନା ଗେନେସର
ରାଜିତା ଏଜାନା କାତା ଗାଟୁତା ତଂଗତି ଦସ୍ତେରି । ୫୪ ଅଡ଼େ ଏଞ୍ଚାରି
ତଂଗତି ରେଚାଲିଏ, ଦେବୁଣିଏ ଲକ୍ଷ୍ମ ଏଞ୍ଚାଣାଇଁ ପୁଞ୍ଚୁନା, ୫୫ ଏ ରାଜିତି
ସାରିଖାକି ହାଚେରି, ଏଞ୍ଚାରି ଆମିନି ଚାୟୁତା ମାନେରି ଇଞ୍ଚିଁ ଖେଚେରି,
ଅଡ଼େ ଜୀସୁ ମାନି ଚାୟୁତା ରଗ ଗାଟାରାଇଁ କାଚେଲିତା ଡେକା ତାତାଲି
ମାଟ୍‌ହେରି । ୫୬ ଇଞ୍ଚିଁ ଏଞ୍ଚାସି ଆମିନି ନାସକା, ଅଡ଼େ ଗାଡ଼ାତା ହାଚେସି,
ଲକ୍ଷ୍ମ ଏ ବାରେ ଚାୟୁତି ହାଟା ବାଜାରାଟି ରଗ ଗାଟାରାଇଁ ଏଞ୍ଚାଣି ନକିତା
ଏଞ୍ଚାରାଇଁ ଇଚିତେରି, ଏଞ୍ଚାରି ଏନିକିଁ ଏଞ୍ଚାଣି ହିମ୍‌ପି କୁଟ୍ଟୁ ଡାଗିନେରି,
ଏଦାଆଁତାକି ଏଞ୍ଚାଣାଇଁ ବାଟିମାଲିତେରି; ଇଞ୍ଚିଁ ଏଚେକା ଲକ୍ଷ୍ମ ଏଞ୍ଚାଣାଇଁ
ଡାଗିତେରି ଏଞ୍ଚାରି ବାରେ ନେହିଁ ଆଚେରି ।

୨ ଡାୟୁ ପାରୁସିୟ୍‌ ଅଡ଼େ ଜିରୁୟାଲମଟି ଖାହାମାନି ଏଚରଜାଣା
ମେରାପୁନାରି ଜୀସୁ ଚାଣା ଗୁଣ୍ଡା ଆଚେରି । ୧ ଏଞ୍ଚାରି ସୀସୁୟ୍‌ କିଡ଼ାଟି
ଏଚରଜାଣାଟି କେସ୍ତା ନରୁଆନା ତିଞ୍ଚି ମାତାଣି ମେସ୍ତେରି । ୩ ପାରୁସିୟ୍‌
ଅଡ଼େ ବାରେ ଜୀହୁଦି ଲକ୍ଷ୍ମ ଆକୁ ଆବାୟ୍‌ ଇଟାମାନି ମେରାଟି ମାନଖି
ଆହାନା ନେହିଁକି କେୟୁ ନରୁଆସାରେ ତିଞ୍ଚି ହିଲିଆଚେରି, ୪ ଇଞ୍ଚିଁ ହାଟା
ବାଜାରାଟି ଖାହାନା ତାନି ଲାକ ସୟୁ ଡାଞ୍ଚା କତାଆନା ତିଞ୍ଚି ହିଲିଆଚେରି;
ଅଡ଼େ ଗିନା ମୁତା ଇଞ୍ଚିଁ ପିତାଡ଼ା ଡ଼କାୟ୍‌, ପାସ୍‌ପନି ନରୁନାୟ୍‌, ଇଲେତି
ହାରେକା ମେରା ମାନଖି ଆହାଲି ହୁକୁମି ବେଟା ଆହାମାନେରି । ୫
ଏଦାଆଁତାକି ପାରୁସିୟ୍‌ ଅଡ଼େ ମେରାପୁନାରି ଜୀସୁଇଁ ଖେଚେରି, “ନୀ
ସୀସୁୟ୍‌ ତଲିତି ଆକୁ ଆବାୟ୍‌ ମେରା ତଲେ ଡାକାଆନା ଏନାଆଁତାକି
କେସ୍ତା ନରୁଆନା ତିନେରି?” ୬ ଜୀସୁ ଏଞ୍ଚାରାଇଁ ଏଲେଇଚେସି, “ଆଡ଼େ
କୁଟୁ ଗାଟାଚେରି, ମାହାପୁରୁ ଅଶ୍‌ପୁତି ବଲୁ ଖେହ୍‌ନି ଜିସାୟ୍‌ ନେହିଁକି ଇ
କାତା ଖେସାମାନେସି, ଏନିକିଁ ରାସକି ଆହାମାନେ; ଇ କୁଡ଼ାତାରି ଖାରୁଇ
ଗୁଚି ତଲେ ନାଡ଼େ ସେବା କିୟାନେରି, ସାମା ଏଞ୍ଚାରି ହିୟ୍‌ ନା ଡାଗାଟିଏ
ହାରେକା ହେକ ଡ଼ୟିନେ । ୭ ଏଞ୍ଚାରି ମାଣ୍ଡିସିୟ୍‌ କେପିତି ମେରାଟି
ଦାମ୍‌ପୁତି ନେହିଁ କାତା ଇଞ୍ଚିଁ ଜୀସୁହାନା, ଉଜେଏ ନା ସେବା କିୟାନେରି । ୮

ମାରୁ ମାହାପୁରୁଷ ହୁକୁମି ପିସାନା ମାଣ୍ଡିୟାଁ ମେରାଟି ଆସାମାଞ୍ଜେରି ।”
 ୯ ଅଡ଼େ ଜାୟୁ ଏଞ୍ଜରାଉଁ ଏଲେଇରେସି, “ମାହାପୁରୁଷ ହୁକୁମି ପିସାନା ମା
 ଜାୟୁହାମାଞ୍ଜନାଣି ଆସାଲି ତାକି ମାରୁ ହୁକୁମି ମାନି କିହିହିଲଅତେରି ।
 ୧୦ ଇତିହିଁ ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିଇଁ ଜାଞ୍ଜନୁ, ଇଞ୍ଜି
 ଆମ୍ବାଆସି ତାଲି କି ତାଞ୍ଜିଇଁ ବାକା ଇତିନେସି, ଏଞ୍ଜାସି ହାନି ତଣ୍ଡ ବେଟା
 ଆନେସି ।’ ୧୧ ମାରୁ ଜାୟୁହି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଇଁ
 ଏଲେଇନେସି, ନା ତାଣାଟି ଏନାଆଁ ହିୟାତିହିଁ ନିଟ୍ଟେ ନେହେଁ ଆତେମା,
 ଏଦି କର୍ବାନ ଇତିହିଁ ମାହାପୁରୁଷ ତାକି ହେବୁଫି ଆହାମାନାୟି । ୧୨ ଇଞ୍ଜି
 ମାରୁ ଏଲେକିହିଁ ତାମି ଇୟା କି ଆବାଇଁ ଏନି ସାୟେମି କିହାଲି ହାହି
 ହିଲଅତେରି; ୧୩ ଏଲେକିହିଁସି ମାରୁ ମା ତାଣା ମାନି ମେରା ତଲେ
 ମାହାପୁରୁଷି ବଲ୍ଲୁ ଉଜେଏ କିହିମାଞ୍ଜେରି, ଇଞ୍ଜି ଏଲେକିହିଁ ହାରେକା
 କାମା କିହିମାଞ୍ଜେରି ।” ୧୪ ଜାୟୁ ଅଡ଼େ ଖେଣ୍ଡେ ଲକ୍ଷୁଣି ତାଗେ ହାଟାନା
 ଏଞ୍ଜରାଉଁ ଏଲେଇରେସି, “ମାରୁ ବାରେ ନା କାତା ଖେଞ୍ଜୁ ଅଡ଼େ ତେଲହାବୁ
 । ୧୫ ମାଣ୍ଡିତି ପାଞ୍ଜାତା ଇଲେତି ଏନାୟି ହିଲେଏ, ଏଦି ମାଣ୍ଡିତି ବିତ୍ରା
 ହତାନା ଏଞ୍ଜାଣାଇଁ ଲାଗେଏ କିହାଲି ଆଡିନେ, ସାମା ଏନା ଏନାୟି ମାଣ୍ଡିତି
 ତାଣାଟି ହତିମାନେ, ଏ ବାରେ ଏଞ୍ଜାଣାଇଁ ଲାଗେଏ କିହିମାନେ ।” ୧୬
 ଖେଞ୍ଜୁଲି କାର୍କା ମାନାସି ଖେଣ୍ଡାସି । ୧୭ ଅଡ଼େ ଏଞ୍ଜାସି ଲକ୍ଷୁ ତାଣାଟି
 ଇଲ୍ଲୁ ବିତ୍ରା ଖାହାଲିଏ ତାନି ସାୟୁୟିଁ ଏଞ୍ଜାଣାଇଁ ପୁଣ୍ଡିକିନି କାତାଟି
 ଅଟି ଖେତେରି । ୧୮ ଏମ୍ବାଟିଏ ଜାୟୁ ଏଞ୍ଜରାଉଁ ଏଲେଇରେସି, “ମାରୁ
 ଜିକେଏ ଏଲେକିହିଁସି ପୁନାଆ ଗାଟାତେରି? ଏନାୟି ପାଞ୍ଜାଟି ମାଣ୍ଡିତି
 ବିତ୍ରା ହତିହିଁ ଏଦି ଏଞ୍ଜାଣାଇଁ ଲାଗେଏ କିହାଲି ଆଡେଏ, ୧୯ ଇତିହିଁ
 ଏଦି ଏଞ୍ଜାଣି ହିୟାତା ହୁଡ଼ୁଆନା ବାଣ୍ଡିତା ହୁଡ଼ୁନେ ଇଞ୍ଜି ବାଣ୍ଡିହାନିଲେହେଁ
 ହତାହାନେ ଇଲେଆହିଁ ବାରେ ରାନ୍ତୁ ଅଡ଼ି ଆହିମାନେ, ଇଦାଆଁ ପୁଞ୍ଜି
 ହିଲଅତେରି?” ୨୦ ଅଡ଼େ ଏଞ୍ଜାସି ଏଲେଇରେସି, “ଏନାୟି ମାଣ୍ଡିତି
 ତାଣାଟି ହତିମାନେ ଏଦି ଏଞ୍ଜାଣାଇଁ ଲାଗେଏ କିହିମାନେ । ୨୧ ଇତିହିଁ
 ମାଣ୍ଡିତି ହିୟାଁ ବିତ୍ରାଟି ଲାଗେଏତି ଅଣ୍ଡୁ ହନେ, ଦାରି କିୟାଲି, ସରୁ
 କିୟାଲି, ଲକ୍ଷୁଣି ପାୟିନାୟି, ୨୨ ଜୁପକା, ଲାଗେଏ ପଲେଏ କାମା,
 ନାଡ଼ିକିନାୟି, ତାହାରା, ନିନ୍ତୁ କିନାୟି, ତାହାରା ଆନାୟି, କାର୍ବି ଆନାୟି;
 ୨୩ ଏଲେତି ଲାଗେଏତାୟି ବିତ୍ରାଟି ହତାଞ୍ଜାହାନା ମାଣ୍ଡିତି ଲାଗେଏ
 କିହିମାନେ ।” ୨୪ ଏମ୍ବାଟିଏ ଜାୟୁ ଏ ଗାୟୁ ପିସାନା ସରତି ହାନ୍ତି ଖାକି
 ହାରେସି, ଇଞ୍ଜି ର ଇଲ୍ଲୁତା ହତାନା ଏନିକିଁ ଆମ୍ବାଆରି ପୁନଅରି ଇଞ୍ଜି
 ଅଣ୍ଡିପାତେସି, ସାମା ଏଞ୍ଜାସି ତୁଗାନା ତୟାଲି ଆତାଆତେସି । ୨୫ ଏ
 ଦେବୁଣିଏ ର ଇୟା, ଆମ୍ବାଆରି ମାଞ୍ଜେରି ବୃତୁ ଆଲ୍ଲଗାମାତେ, ଏଦି ଜାୟୁ
 କାତା ଖେଞ୍ଜୁନା ଖାଣ୍ଡି ଏଞ୍ଜାଣି କତାଣା ରାତେ । ୨୬ ଏ ଇୟା ସୁରପୟିନିକି
 ଜାଡିତି ର ଗିକ୍ ଇୟା ମାତେ, ତାନି ମାଞ୍ଜେରି ତାଣାଟି ବୃତୁ ପିପି କିହାଲି
 ଏଦି ଜାୟୁଇଁ ବାଡିମାଲିତେ । ୨୭ ଏମ୍ବାଟିଏ ଜାୟୁ ଏଦାନି ଏଲେଇରେସି,
 “ତଲିଏ କକାରି ପଦାଣି ପାଞ୍ଜି କିପୁ, ଇତିହିଁ କକାରି ପଦାୟିଁ ରାନ୍ତୁ
 ଅହାନା ନେସକା ନକିତା ମେଡ଼ନାୟି ନେହେଁ ଆଏ ।” ୨୮ ସାମା ଏଦି

ଏଞ୍ଜାଣାଇଁ ଏଲେଇରେ, “ହାଅ ପ୍ରବୁ ନେସକା ଜିକେଏ କକାରି ପଦାୟିଁ
 ତ୍ରକହାମାନି ଲିତାଟି ପେଡ଼ହା ତିନୁ ।” ୨୯ ଏମ୍ବାଟିଏ ଜାୟୁ ଏଲେଇରେସି,
 “ଇ କାତାତାକି ନା ମାଞ୍ଜେରି ତାଣାଟି ବୃତୁ ହତା ହାତେୟିଏ, ହାଲମାୟୁ ।”
 ୩୦ ଇଞ୍ଜି ଏଦି ଇଜ ହାଜାନା ତାନି ମାଞ୍ଜେରି ପାୟପିନିତା ହୁଞ୍ଜୁମାନାଣି ଇଞ୍ଜି
 ବୃତୁ ହତା ହାଜା ମାନାଣି ମେସେ । ୩୧ ଅଡ଼େ ଖେଣ୍ଡେ ଏଞ୍ଜାସି ସର ହାନ୍ତି
 ହାଜାନା ସିଦନ ଅଡ଼େ ଦସଗଟା ନାସକା ହାନ୍ତି ହାହାନା ଗାଲିଲି ସାମଦୁରି
 ତାଗେ ଖାତେସି । ୩୨ ଇଞ୍ଜି ଲକ୍ଷୁ ର ଚେରା ଅଡ଼େ ଗୁଲାଇଁ ଏଞ୍ଜାଣି
 ନକିତା ତାତାନା ଏଞ୍ଜାଣିଲକ କେୟୁ ଇଟାଲି ବାଡିମାଲିତେରି । ୩୩ ଜାୟୁ
 ଲକ୍ଷୁ ତାଣାଟି ରଥାଣାଇଁଏ ଏଟକା କିହା ଅହାନା ଏଞ୍ଜାଣି ରୀ କାର୍କାଣା
 ତାନି ଖାସକା ଇତିତେସି ଅଡ଼େ ହୁପାନା ଏଞ୍ଜାଣି ଖେନ୍ଦୁରି ତାଗିତେସି,
 ୩୪ ଅଡ଼େ ଲାକପୁରୁ ଖାକି ସିନିକିହାନା ଗାଡିକିହିଁ ନେଞ୍ଜୁନା ଏଞ୍ଜାଣାଇଁ
 ଏଲେଇରେସି, “ଇପପତ” ଇତିହିଁ “ଦେପି ଆମ୍ବା ।” ୩୫ ଏମ୍ବାଟିଏ ଏଞ୍ଜାଣି
 କାର୍କା ଦେପିଆତୁ, ଇଞ୍ଜି ଖେନ୍ଦୁରିତି ଜାଲିଏ ଦେବୁଣିଏ ଗୁତାଆତେ, ଇଞ୍ଜି
 ଏଞ୍ଜାସି ନେହିଁକିଁ ଜାଲି ଆଡିତେସି । ୩୬ ଇଞ୍ଜି ଏ କାତା ଆମ୍ବାଆରାଇଁ
 ଖେହୁଆଦୁ ଇଞ୍ଜି ଏଞ୍ଜରାଉଁ ଗାଡିକିହିଁ ହୁକୁମି ହାତେସି; ସାମା ଏଞ୍ଜାସି
 ଏଞ୍ଜରାଉଁ ଏଚେକା କାହି କିତେସି, ଏଞ୍ଜାସି ଏଚେକା ଗାଡି ଖେକହେରି
 । ୩୭ ଅଡ଼େ ଲକ୍ଷୁ କାବାଆହାନା ଏଲେଇରେସି, “ଏଞ୍ଜାସି ବାରେ କାମା
 ନେହିଁକିଁ କିହିମାନେସି; ଏଞ୍ଜାସି ବେରାୟିଁଇଁ ଖେଞ୍ଜୁଲି ଗୁଲାଇଁଇଁ ଜଲିନି
 ବାଡ଼ୟୁ ଜିକେଏ ହାହିମାନେସି ।”

ଏଚିଚେଲା ହାରେକା ମାନ୍ତୁ ଲକ୍ଷୁ ଗୁଣ୍ଡା ଆତେରି, ଅଡ଼େ ଏଞ୍ଜାରିତାଣା
 ତିନାୟି ଉନାୟି ଏନାୟି ହିଲଆତାକି ଜାୟୁ ସାୟୁୟିଁ ତାଗେ ହାଟାନା
 ଏଞ୍ଜରାଉଁ ଏଲେଇରେସି, ୨ “ଲକ୍ଷୁତାକି ନାଟ୍ଟେ କାର୍କା ହତିମାଞ୍ଜେନେ,
 ଇତିହିଁ ଇଞ୍ଜାରି ତାନିଦିନା ଆତେରିଏ ନା ତଲେ ମାଞ୍ଜୁମାନେରି, ଅଡ଼େ
 ଇଞ୍ଜାରି ତାଣା ଏନାୟି ତିନାୟି ହିଲେଏ । ୩ ଏଞ୍ଜରାଉଁ ତାହାଆନାଁ
 ପାଣ୍ଡିସାରେ, ଖେଣ୍ଡାହାନାଟି ଏଞ୍ଜାରି ହାହା ଜିକେଏ ହାନେରି । ଏଞ୍ଜାରି
 ବିତ୍ରାଟି ଏଚରଜାଣା ହେକଟି ଖାହାମାନେରି ।” ୪ ସାୟୁୟିଁ ଏଞ୍ଜାଣାଇଁ
 ଏଲେଇରେସି, “ଇଦାଆଁ ଇ ଲକ୍ଷୁ ହିଲଆ ଗାୟୁତା ଆମ୍ବାଆସି ଆମ୍ବାଟି
 ରୁଟି ତାତାନା ଇଞ୍ଜରାଉଁ ପାଞ୍ଜି କିନେସି?” ୫ ଜାୟୁ ଏଞ୍ଜରାଉଁ ଖେତେସି,
 “ମା ତାଣା ଏଚରଗଟା ରୁଟି ମାନୁ?” ଏଞ୍ଜାରି ଏଲେଇରେସି, “ସାତାଗଟା
 ।” ୬ ଏମ୍ବାଟିଏ ଜାୟୁ ଲକ୍ଷୁଣି ବୃମିତା କୁଗାଲି ହୁକୁମି ହାତେସି; ଅଡ଼େ
 ଏଞ୍ଜାସି ସାତାଗାଟା ରୁଟି ଅହାନା ଜହରା କିହାନା ଏ ବାରେ ଡିକହାନା
 ବାଟି କିହାଲି ତାନି ସାୟୁୟିଁକି ହାତେସି, ଅଡ଼େ ଏଞ୍ଜାରି ଲକ୍ଷୁତାକି ବାଟି
 କିହା ହାତେରି । ୭ ଇଞ୍ଜି ଏଞ୍ଜାରିତାଣା ଏଚରଗଟା ଉଣା ମାଣ୍ଡିକା
 ମାତୁ; ଏ ବାରେତି ଜିକେଏ ଜାୟୁ ମାହାପୁରୁ ତାଣା ଜହରା କିହାନା ବାଟି
 କିହା ହାହାଲି ସାୟୁୟିଁକି ଏଲେଇରେସି । ୮ ଏମ୍ବାଟିଏ ଏଞ୍ଜାରି ତିଞ୍ଜୁନା
 ପାଞ୍ଜିତେରି ଇଞ୍ଜି ହାରିତାଣି ସାତା ତାଲି କୃତି କିତେରି । ୯ ଏଞ୍ଜାରି ବାରେ
 ସାରି ମାଣା ଲକ୍ଷୁ ମାତେରି । ଏଚେଟିଏ ଡାୟୁ ଏଞ୍ଜରାଉଁ ହେଲ ହାତେସି,
 ୧୦ ଇଞ୍ଜି ଦେବୁଣିଏ ତାନି ସାୟୁୟିଁ ତଲେ ତାଗଟା ହତାନା ଦଲ୍ଲମନ୍ତୁ

ଗାଡ଼ାତା ହାତେରି । ୧୧ ଡାୟୁ ପାରୁସିୟାଁ ଝାହାନା ଜୀସୁତଲେ ବାଦିବାଦା କିହାଲି ମାଟ୍‌ହେରି ଇଚ୍ଛୁଁ ଏଖାଣାଇଁ ଚାୟିପାରି କିହାଲିଚାକି ହାଣୁ ଲାକଟି ର ଦିନା ରାସ୍ତେରି । ୧୨ ଜୀସୁ ଜାହୁଡ଼ା କିଲିବିଲି ଆହାନା ଗାଡ଼ି ନେଞ୍ଜାନା ଝେସ୍ତେସି, “ଇ ଜୁଗୁଡ଼ି ଲୁକୁ ଏନାଆଁତାକି ସିନା ପାରିମାନେରି? ନାନୁ ମିଢ୍ଢେ ସାତା ଝେସିମାଞ୍ଜୁଇଁ, ନାଏଁତ ମାଣ୍‌ସିକି ଏନି ସିନା ହାପ୍‌କି ଆଏ ।” ୧୩ ଅଡେ ଏଖାସି ଏଖାରାଇଁ ପିସାନା ଅଡେ ଝେଣ୍ଡେ ତଂଗତା ହତାନା ଆତାଲାଝାକି ହାତେସି । ୧୪ ଏଡିବେଲାତା ସାସୁୟାଁ ରୁଡି ଅହାଲି ବାଣାଆଡେରି; ତଂଗତା ଏଖାରିତାଣା ରଣ୍ଡିଏ ରୁଡି ମାତେ । ୧୫ ଡାୟୁ ଜୀସୁ ଏଖାରାଇଁ ଜାଣ୍ଡେ ହୁକୁମି ହାତେସି, “ଜାଗ୍ରାତା ଆଡୁ, ପାରୁସିୟାଁ ଅଡେ ହେରଦଡି ପୁଲଗୁଣ୍ଡୁଟି ଜାଗ୍ରାତା ଆହାନା ମାଞ୍ଜୁ ।” ୧୬ ଏଡେଟିଏ ଏଖାରି ତାମୁ ତାମୁଏ ଝେସ୍‌ପିଆହିଁ ଏଲେଇଞ୍ଜୁଲି ମାଟ୍‌ହେରି, “ମା ତାଣା ରୁଡି ହିଲେଏ ଇଚ୍ଛୁଁ ଏନାଆଁତାକି ମୀରୁ ମୀରୁ ଝେସ୍‌ପି ଆହିମାଞ୍ଜେରି? ମୀରୁ ନାଏଁ ପାତେକା ପୁଞ୍ଜୁ ହିଲଅତେରି କି ତେଲ୍‌ହି ହିଲଅତେରି? ୧୮ କାଣ୍‌କା ମାଞ୍ଜୁନା ମେସି ହିଲଅତେରି? ଅଡେ, କାର୍‌କା ମାଞ୍ଜୁନା ଝେଞ୍ଜୁ ହିଲଅତେରି? ମୀରୁ ଇଦାଣି ଅଣ୍‌ପି ହିଲଅତେରି? ୧୯ ଏ ପାସାମାଣା ଲୁକୁ ବିତ୍ରା ନାନୁ ଏଡିବେଲା ପାସାଗଟା ରୁଡି ଡିକ୍‌ହା ମାତେଏଁ, ଏଡିବେଲା ମୀରୁ ଏତର ତାଲି ହାରିତାଣି କୁଡ଼ି କିତେରି, ଏଡି ମୀ ଅଣ୍‌ପୁତା ହିଲେଏ କି?” ଏଖାରି ଏଖାଣାଇଁ ଏଲେଇତେରି, “ବାର ତାଲି ।” ୨୦ “ଅଡେ ଏ ସାରି ମାଣା ଲୁକୁ ବିତ୍ରା ନାନୁ ଏଡିବେଲା ସାତାଗଟା ରୁଡି ଡିକ୍‌ହା ମାତେଏଁ, ଏଡିବେଲା ମୀରୁ ଏତର ତାଲି କୁଡ଼ି କିହାମାତେରି?” ଏଖାରି ଏଲେଇତେରି, “ସାତା ତାଲି ।” ୨୧ ଏଡିବେଲା ଜୀସୁ ଏଖାରାଇଁ ଏଲେଇତେସି, “ମୀରୁ ଏନାଆଁ ନାଏଁ ପାତେକା ତେଲ୍‌ହାଲି ଆଡିହିଲଅତେରି?” ୨୨ ଡାୟୁ ଏଖାରି ବେସ୍‌ସାୟିଦାତା ଝାତେରି, ଅଡେ, ଲୁକୁ ର କାଣାଇଁ ଏଖାଣି ତାଣା ତାତାନା ଏଖାଣାଇଁ ତାଗାଲି ତାକି ଜୀସୁଇଁ ବାଡିମାଲିତେରି । ୨୩ ଏଦାଆଁତାକି ଜୀସୁ କାଣାତି କେୟୁ ଆସାନା ଏଖାଣାଇଁ ନାୟୁଁ ପାଢ୍ଘୁତା ଅତେସି, ଇଚ୍ଛୁଁ ଏଖାଣି କାଣ୍‌କାଣାଁ ହୁପ୍‌କା ରୁବାନା ଅଡେ ଏଖାଣିଲାକ କେୟୁ ଇତାନା ଏଖାଣାଇଁ ଝେତେସି, “ନାନୁ ଏନାଆଁ ମେସାଲି ଆଡିମାଞ୍ଜୁ କି?” ୨୪ ଏଖାସି ସିନିକିହାନା ଏଲେଇତେସି, “ନାନୁ ମାଣ୍‌ସିୟାଁଇଁ ମେସିମାଇଁ, ଇଡିହିଁ ନାନୁ ମାର୍‌କା ଲେହେଁ ଏନାଲ ତାକି ମାନାଣି ମେସିମାଇଁ ।” ୨୫ ଡାୟୁ ଜୀସୁ ଅଡେ ଝେଣ୍ଡେ ଏଖାଣି କାଣ୍‌କାଣାଁ କେୟୁ ଇଡିତେସି; ଏମ୍‌ପାଟିଏ ଏଖାସି ନେହିଁକି ମେସାଲି ଆଡିତେସି, ନେହିଁ ଆହାନା ବାରେ ତାରିତଲେ ସିନିକିହାଲି ମାଟ୍‌ହେସି । ୨୬ ଡାୟୁ ଜୀସୁ ଏଖାଣାଇଁ ତାନି ଇଜ ପାଣ୍ଡାନା ଏଲେଇତେସି, “ଏ ନାୟୁଁ ବିତ୍ରା ଜିକେଏ ଝେଣ୍ଡେ ହାଲାଆନି ।” ୨୭ ଏଡେଟିଏ ଜୀସୁ ଅଡେ ତାନି ସାସୁୟାଁ କାୟିସରିୟା ପିଲିପି ରାଜିତି ନାସ୍‌କାଝାକି ହାତେରି, ଅଡେ ଜିରୁତା ଏଖାସି ତାନି ସାସୁୟାଁଇଁ ଝେତେସି, “ନାନୁ ଆମ୍‌ପାଆତେଏଁ ଇଚ୍ଛୁଁ ଲୁକୁ ଏଲେଇଚ୍ଛୁ ମାଞ୍ଜୁନେରି?”

୨୮ ଏମ୍‌ପାଟିଏ ଏଖାରି ଏଖାଣାଇଁ ଏଲେଇତେରି, “ବାପ୍‌ପୁସୁ ହାନି ଜହନ, ଅଡେ ଆମ୍‌ପା ଆମ୍‌ପାଆରି ଏଲିୟ, ସାମା ଆମ୍‌ପା ଆମ୍‌ପାଆରି ଏଲେଇଚ୍ଛୁ ମାଞ୍ଜୁନେରି ମାହାପୁରୁ ଅଣ୍‌ପୁଡି ବଲୁ ସେହ୍‌ନାରି ବିତ୍ରାଟି ରଅସି ।” ୨୯ ଏଖାସି ଏଖାରାଇଁ ଝେତେସି, “ସାମା ନାନୁ ଆମ୍‌ପାଆତେଏଁ ଇଚ୍ଛୁଁ ମୀରୁ ଏଲେଇଚ୍ଛୁ ମାଞ୍ଜୁନେରି?” ପିତର ଏଖାଣାଇଁ ଏଲେଇତେସି, “ନାନୁ କ୍ରାପୁଡି ।” ୩୦ ଏମ୍‌ପାଟିଏ ଜୀସୁ ଏଖାରାଇଁ ତାନି କାତାଟି ଆମ୍‌ପାଆରାଇଁ ଏନାଆଁ ସେହ୍‌ଆଡୁ ଇଚ୍ଛୁଁ ଜାଣ୍ଡେ କିହିଁ ହୁକୁମି ହାତେସି । ୩୧ ଅଡେ, ଜୀସୁ ଏଖାରାଇଁ ଜାପ୍‌ହାଲି ମାଟ୍‌ହେସି, “ଇଡିହିଁ ମାଣ୍‌ସିକି ମାଟ୍‌ସ୍‌ସି ହାରେକା ଦୁକୁ କସ୍‌ ବେଟାଆନାୟି ମାନେ ଇଚ୍ଛୁଁ ପ୍ରାତିନାଞ୍ଜୁ, କାଜା ପୁଜେରାଞ୍ଜୁ, ଇଚ୍ଛୁଁ ମେରାପୁନାରି ତାଣାଟି ଅପାଆଗାଟାସି ଆହାନା ପାୟୁଝି ଆନାୟି ମାନେ, ଅଡେ ତାନିଦିନା ଜେତ ଝେଣ୍ଡେ ନିଢ୍ଢୁନାୟି ମାନେ ।” ୩୨ ଇ କାତା ଏଖାସି ତାର୍‌ପୁତଲେ ଝେସ୍ତେସି । ଏମ୍‌ପାଟିଏ ପିତର ଏଖାଣାଇଁ ଅରଝାକି ଅହାନା ଦାକା ହାହାନା ଲାଗାଲି ମାଟ୍‌ହେସି । ୩୩ ସାମା ଏଖାସି ଡାୟୁଝାକି ଡିଝାହାଁ ତାନି ସାସୁୟାଁଣି ସିନିକିହାନା ପିତରଇଁ ଦାକା ହାହାନା ଏଲେଇତେସି, “ସୟତାନ, ନା ନ୍‌କିଟି ହେକ ହାଲାମ୍‌ପୁ, ଇଡିହିଁ ନାନୁ ମାହାପୁରୁ କାତା ଅଣ୍‌ପାଆନା ମାଣ୍‌ସିୟାଁ କାତା ଅଣ୍‌ପିମାଞ୍ଜୁ ।” ୩୪ ଏମ୍‌ପାଟିଏ ଜୀସୁ ତାନି ସାସୁୟାଁ ତଲେ ଲୁକୁଣି ହାତାନା ଏଲେଇତେସି, “ଆମ୍‌ପାଆସି ନା ଜେତ ଝାହାଲି ମନ କିନେସି, ଆଡିହିଁ ଏଖାସି ଜାହାରାଇଁ ପିସ୍‌ପେସି, ଇଚ୍ଛୁଁ ଏଖାସି ତାନି କୁସ୍‌ ଡେକାନା ନା ଜେତ ଝାପେସି । ୩୫ ଇଡିହିଁ ଆମ୍‌ପାଆସି ତାନି ଜୀସୁ ଗେଲ୍‌ପାଲି ମନ କିନେସି, ଏଖାସି ଏଦାଆଁ ହାଝି କିନେସି; ସାମା ଆମ୍‌ପାଆସି ନା ତାକି ଇଚ୍ଛୁଁ ନେହିଁ କାରୁତାକି ତାନି ଜୀସୁ ହାନେସି, ଏଖାସି ଏଦାଆଁ ନୀଟ୍‌ନେସି । ୩୬ ଅଡେ, ମାଣ୍‌ସି ଇ ଦାର୍‌ଡିତା ମାନାଣି ବାରେ ମେଡ଼ି କିହାନା ତାନି ଜୀସୁଟି ହାଝି କିନେସି, ଆଡିହିଁ ଏଖାଣାଇଁ ଏନି ଲାବା? ୩୭ ଅଡେ, ମାଣ୍‌ସି ତାନି ଜୀସୁଟି ବାଦୁଲି ଏନାଆଁ ହାହାଲି ଆଡିନେସି? ୩୮ ଏଦାଆଁତାକି ଆମ୍‌ପାଆସି ଇ କାଲାଟି ଦାରି କିନାରି ଅଡେ ପାପୁଗାଟି ଲୁକୁ ବିତ୍ରା ନାଢ୍ଢେ ଅଡେ ନା ବଲୁ ତାକି ଲାଜା ଆନେସି, ମାଣ୍‌ସି ମାଟ୍‌ସ୍‌ସି ଏଡିବେଲା ସୁଦୁ ଦୁଡୁୟାଁ ତଲେ ତାନି ଆବାଡି ଗାଝୁରମି ତଲେ ଝାନେସି, ଏଡିବେଲା ଏଖାସି ଜିକେଏ ଏଖାଣି କାତାତାକି ଲାଜା ଆନେସି ।”

୯ ଅଡେ ଜୀସୁ ତାନି ସାସୁଣି ଏଲେଇତେସି, “ନାନୁ ମିଢ୍ଢେ ସାତା ଝେସିମାଞ୍ଜୁଇଁ, ଇମ୍‌ପାଆଁ ଏତରଜାଣା ମାନେରି ମାହାପୁରୁଡି ରାଜି ବାଡୁୟୁ ତଲେ ଝାନାଣି ମେହ୍‌ଆ ପାତେକା ହାଅରି ।” ୨ ସିନା ଡାୟୁ ଜୀସୁ ଝାରୁଇ ପିତର, ଜାକୁବ୍‌ ଅଡେ ଜହନଇଁ ତାନିତଲେ ଏଟ୍‌କା କିହାନା ଏଖାରାଇଁ ର ପାତାଆଡି ହୁରୁତା ଅତେସି । ୩ ଅଡେ ଏଖାସି ଏଖାରି ନିକିତା ଅର ଝାଣା ଆତେସି, ଏଖାଣି ହିମ୍‌ପି ଇଲେକି ଉଜେଡ଼ି ଆହାନା ହାରେକା ବଦ୍‌ଲା ଆତେ, ଇ ଦାର୍‌ଡିତା ଆମ୍‌ପାଆସି ଏଲେଡି ବଦ୍‌ଲା କିହାଲି ଆଡଅସି । ୪ ମସା ଅଡେ ଏଲିୟ ଜୀସୁତଲେ ହାତାକାତା ଆହିମାଟାଣି ତାନି ଜାଣା ସାସୁୟାଁ ମେସ୍ତେରି । ୫ ଏମ୍‌ପାଟିଏ ପିତର

ଜୀବୁଇଁ ଏଲେଇରେସି, “ଏ ଗୁରୁ ମାର ଇ ଚାୟୁତା ମାନାୟି ହାରେକା ନେହାୟି; ମାର ତାନିଗଟା ଗୁଡାୟି ଚକପିନ, ନିଢ୍ଢେଟାକି ରଣୁଆଁ, ମସାକି ରଣୁଆଁ ଅଡେ ଏଲିୟକି ରଣୁଆଁ ।” ୧ ପିତର ଏନାଆଁ ଜଲଲି ଆନେ ଇଞ୍ଜି ପୁଞ୍ଜି ହିଲାଆତେସି, ଏନାଆଁତାକି ଇଚିହିଁ ଏଝାରି ହାରେକା ଆଜାମାତେରି । ୨ ଇଞ୍ଜି, ଇଚାୟି ଦୁନ୍ନୁ ଝାହାନା ଏଝାରାଇଁ ପିକ୍‌ହେ, ଅଡେ ଏ ଦୁନ୍ନୁଟି ଇ ହାତା ଝାତେ, “ଇଝାସି ନା ଜୀଞ୍ଜୁଟି ମାରୁଏସି, ଇଝାଣି ବଲୁ ଝେଞ୍ଜୁ ।” ୮ ଦେବୁଣିଏ ଏଝାରି ସାରିଝାକି ସିନିକିତେରି, ତାମିତଲେ ଜୀବୁଇଁ ପିସ୍‌ପେ ଆମ୍ବାଆରାଇଁ ମେହୁଆତେରି । ୯ ଏଝାରି ହରୁଟି ରେଚା ଝାହି ମାଗାଟି ଜୀସୁ ଏଝାରାଇଁ ଜାଣ୍ଡେ ହୁକୁମି ହାହାନା ଏଲେଇରେସି, “ମାରୁ ଏନାଆଁ ମେସାମାଞ୍ଜେରି, ଏ ବାରେ ହାତାରି ବିତ୍ରାଟି ମାଣ୍ଡସି ମାରୁଏସି ଝେଣ୍ଡେ ନିଢ୍ଢୁଆ ପାତେକା ଆମ୍ବାଆରାଇଁ ଝେହୁଆରୁ ।” ୧୦ ଏମ୍ବାଟିଏ ଏଝାରି ଏ କାତା ଆସାନା “ହାତାରି ବିତ୍ରାଟି ଝେଣ୍ଡେ ନିଢ୍ଢୁନାୟି ଏନାୟି?” ଏ କାତାଟି ତାମି ବିତ୍ରା ଝେସ୍‌ପି ଆତେରି । ୧୧ ଅଡେ ଏଝାରି ଜୀବୁଇଁ ଝେଚେରି, “ନକେଏ ଏଲିୟ ଝାନାୟି ଆନେ, ମେରାପୁନାରି ଏନିକିଁ ଇ କାତା ଝେହୁନେରି?” ୧୨ ଏମ୍ବାଟିଏ ଜୀସୁ ଏଝାରାଇଁ ଏଲେଇରେସି, “ଏଲିୟ ନକେଏ ଝାହାନା ବାରେ ମେରା ଅଡେ ଝେଣ୍ଡେ ଇଚିନାୟି ସାତା, ସାମା ମାଣ୍ଡସି ମାରୁଏସି ହାରେକା ଦୁକୁ ବେଟାଆହାନା ଅପାଆଗାଟାସି ଆନେସି, ଇଦି ଏନିକିଁ ଏଝାଣି କାତା ରାସ୍‌କି ଆହାମାନେ? ୧୩ ସାମା ନାନୁ ନିଢ୍ଢେ ସେସିମାଞ୍ଜୁଇଁ, ଏଲିୟ ଝାତେସିଏ, ଅଡେ ଏଝାଣି କାତା ଏନିକିଁ ରାସ୍‌କି ଆହାମାନେ, ଏଲେକିହିଁ ଏଝାରି ଏଝାଣାଇଁ ଜିକେଏ ଏନାଆଁ ମନ ଏଦାଆଁ କିହାମାନେରି ।” ୧୪ ଡାୟୁ ଏଝାରି ସାୟୁୟି ତାଣା ଝାହାନା ମେସୁେରି, ଏଝାରି ସାରିଝାକି ହାରେକା ମାନ୍ସୁ ଲକୁ ଅଡେ ମେରାପୁନାରି ଏଝାରିତଲେ ବାଦିବାଦା ଆହିମାନେରି । ୧୫ ଲକୁ ବାରେ ଏଝାଣାଇଁ ମେସ୍‌ପନିଏ ହାରେକା କାବାଆହାନା ଅଡେ ଦାବ୍‌ଡି ଝାହାନା ଜହରା କିତେରି । ୧୬ ଏମ୍ବାଟିଏ ଜୀସୁ ଏଝାରାଇଁ ଝେଚେସି, “ମାରୁ ଏଝାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି?” ୧୭ ଲକୁ ବିତ୍ରାଟି ରଅସି ଏଝାଣାଇଁ ଏଲେଇରେସି, “ଏ ଗୁରୁ, ନାନୁ ନା ମାରୁଏଶାଇଁ ନୀ ତାଣା ତାତାମାତେଏଁ; ଏଝାଣାଇଁ ର ଗୁଲା ବୁରୁ ଆଲ୍‌ଗାମାନେ । ୧୮ ଏମିନି ଚାୟୁତା ଏଦି ଏଝାଣାଇଁ ଆହୁନେ, ଏଝାଣାଇଁ ଡକ ଡକନେ, ଇଞ୍ଜି ଏଝାଣି ଗୁଟିଟି ପମ୍‌ଲି ହୁନେ, ଅଡେ ଏଦି ପାଲ୍‌କା ଟାଟି କିନେ, ଇଞ୍ଜି ଏଝାସି ଝାୟୁହାକି ମାନେସି; ଏଝାଣାଇଁ ପିସ୍‌ପି କିହାଲି ନାନୁ ନୀ ସାୟୁୟିଇଁ ଏଲେଇରେଏଁ, ସାମା ଏଝାରି ଆଡାଆତେରି ।” ୧୯ ଜୀସୁ ଏଝାରାଇଁ ଏଲେଇରେସି, “ଆଡେ ନାମାଆଗାଟି କୁଡାତାତେରି, ଏଚରଦିନା ନାନୁ ମୀ ତଲେ ଡିୟିଇଁ? ଏଚରଦିନା ମୀ ଲେମ୍‌ମାନାଣି ଅର୍‌ହଇଁ? କକାଣାଇଁ ନା ତାଣା ତାଦୁ ।” ୨୦ ଏମ୍ବାଟିଏ ଏଝାଣାଇଁ ଜୀସୁ ତାଣା ତାତେରି । ଅଡେ, ଜୀବୁଇଁ ମେସ୍‌ପନିଏ ଏ ବୁରୁ ଏଝାଣାଇଁ ହାରେକା ଡିରୁଝି କିଚେ ଇଞ୍ଜି ବୁମିତା ତରୁଗାନା ଗୁଟିଟି ପମ୍‌ଲି ହୁପ୍‌ହାନା ଉସାଲି ମାଡ଼ହେସି । ୨୧ ଏଚିବେଲା ଜୀସୁ ତାନି

ଆବାଇଁ ଝେଚେସି, “ଏଚରଦିନା ଆଡେ ଇଝାଣାଇଁ ଇଲେ କିହିମାନେ?” ଏଝାସି ଏଲେଇରେସି, “ଉଣା ଝେଡାଟିଏ ୨୨ ଏଦି ଏଝାଣାଇଁ ହାଝି କିହାଲି ଏଚେ ଏଚେଚା ହିଚୁତା ଅଡେ ଏୟୁଣାଁ ମେଡ଼ହାମାନେ; ସାମା ନାନୁ ଏନାଆଁ କିହାଲି ଆଡିଟି, ମାଢ୍ଢେ କାର୍ମା ଆହାନା ମା ସାୟେମି ଆୟୁମୁ ।” ୨୩ ଏମ୍ବାଟିଏ ଜୀସୁ ଏଝାଣାଇଁ ଏଲେଇରେସି, “ଏନାଆଁ ଇଚି? ଇଚିହିଁ କିହାଲି ଆଡିଟି? ଆମ୍ବାଆସି ନାମିନେସି ଏଝାଣାକି ବାରେଏ ଆନେ ।” ୨୪ ଏ ଦେବୁଣିଏ କକାଣି ତାମି ଆବା କାଜା ଗିୟିତଲେ ଏଲେଇରେସି, “ନାନୁ ନାମିମାଇଁ ନା ନାମାଆଗାଟାଣି ଗୁଟି କିହାଲି ସାୟେମି କିୟାମୁ ।” ୨୫ ଡାୟୁ ମାନ୍ସୁ ଲକୁ ରହେଁଏ ହଚିହିଁ ଝାହି ମାଗାଣି ମେସାନା, ଜୀସୁ ଏ ପଲ୍‌ଆ ବୁଡୁଟି ଦାକା ହାହାନା ଏଲେଇରେସି, “ଆଡେ ଗୁଲା ଅଡେ ବେରା ବୁଡୁଟି, ନାନୁ ନିଢ୍ଢେ ହୁକୁମି ହାହିମାଞ୍ଜୁଇଁ, ଇଝାଣି ତାଣାଟି ହତାହାଲାମୁ, ଇଞ୍ଜି ଏଚେଲା ଜିକେଏ ଇଝାଣି ତାଣା ହଡୁଆନି ।” ୨୬ ଏମ୍ବାଟିଏ ଏଦି ହାରେକା କିରୁହିଁ କକାଣାଇଁ ଡିରୁଝି କିହାନା ବୁମିତା ଡକ୍‌ହାନା ହତାହାଚେ, ଅଡେ କକାସି ହାଚିଲେହେଁ ଆତେସି, ଇଲେକିହିଁ ହାରେକା ଲକୁ ଏଲେଇଞ୍ଜିମାଚେରି, “କକାସି ହାତେସି ।” ୨୭ ସାମା ଜୀସୁ ଏଝାଣି କେୟୁ ଆସାନା ନିକ୍‌ହେସି, ଇଞ୍ଜି ଏଝାସି ନିତେସି । ୨୮ ଇଞ୍ଜି ଜୀସୁ ଇଜ ଝାହାଲିଏ ତାନି ସାୟୁୟି ମେଣେଏ ଝେଚେରି, “ମାନ୍ସୁ ଏନାଆଁତାକି ଏଝାଣାଇଁ ପିସ୍‌ପି କିହାଲି ଆଡାଆତେମି?” ୨୯ ଜୀସୁ ଏଝାରାଇଁ ଏଲେଇରେସି, “ପ୍ରାତାନା କିଆନା ଅଡେ ଏନିକିଁ ଜିକେଏ ଇଲେଟି ବୁରୁ ପେରୁହାଲି ଆଡାଆୟି ।” ୩୦ ଏଝାରି ଏ ଚାୟୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜି ଆମ୍ବାଆସି ପୁନାଆପେସି ଇଞ୍ଜି ଏଝାଣି ମନ ହିଲାଆତେ; ୩୧ ଇଚିହିଁ ଜୀସୁ ତାନି ସାୟୁୟିଣି ଇ କାତା ସେସିହିଁ ଜାପୁହା ମାଚେସି, “ମାଣ୍ଡସି ମାରୁଏସି ମାଣ୍ଡସିୟି କେୟୁତା ହେରୁପିଆନେସି, ଅଡେ ଏଝାରି ଏଝାଣାଇଁ ପାୟିନେରି, ଇଞ୍ଜି ଏଝାସି ହାଚି ଡାୟୁ ତାନିଦିନା ଜେଚ ଝେଣ୍ଡେ ନିଢ୍ଢୁନେସି ।” ୩୨ ସାମା ଏଝାରି ଏ କାତାଟି ଡେଲ୍‌ହାଆତେରି, ସାମା ଏଝାଣାଇଁ ଝେଞ୍ଜୁଲି ଆଜିମାଚେରି । ୩୩ ଡାୟୁ ଏଝାରି କପରୁନାନ୍ତମତା ଝାତେରି । ଜୀସୁ ଇଜ ଏଜାନା ସାୟୁୟିଣି ଝେଚେସି, “ମାରୁ ଜିରୁତା ଏନାଆଁ କାତା ଆହିମାଚେରି?” ୩୪ ସାମା ଏଝାରି ହାତା ଆଆନା ପାଲେଏ ଡିୟିଚେରି, ଇଚିହିଁ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି । ୩୫ ଏମ୍ବାଟିଏ ଜୀସୁ କୁଗାନା ବାର ଜାଣାଇଁ ହାଚିତେସି ଇଞ୍ଜି ଏଝାରାଇଁ ଏଲେଇରେସି, “ଈଚିହିଁ ଆମ୍ବାଆସି କାଜାସି ଆହାଲି ମନ କିନେସି, ଆଚିହିଁ ଏଝାସି ବାରେଟି କିହିଁ ଉଣା ଅଡେ ବାରେଟି ସେବା କିନାସି ଆପେସି ।” ୩୬ ଅଡେ ଏଝାସି ର ଉଣା କକାଣାଇଁ ଅହାନା ଏଝାରି ମାଦି ନିପ୍‌ହେସି ଇଞ୍ଜି ଏଝାଣାଇଁ ପମାନା ଏଝାରାଇଁ ଏଲେଇରେସି, ୩୭ “ଆମ୍ବାଆସି ନା ଦରୁ ତାକି ଇଲେଟି ଉଣା କକାରି ବିତ୍ରାଟି ରଅଣାଇଁ ଆବିନେସି, ଏଝାସି ନାଢ୍ଢେ ଆବାନେସି; ଅଡେ ଆମ୍ବାଆସି ନାଢ୍ଢେ ଆବାନେସି, ଏଝାସି ଝାରୁଇ ନାଢ୍ଢେ ଆବଅସି, ସାମା ନାଢ୍ଢେ ପାଣ୍ଡୁତାଣାଇଁ ଜିକେଏ ଆବିନେସି ।” ୩୮ କହନ ଏଝାଣାଇଁ

ଏଲେଇରେସି, “ଏ ଗୁରୁ ମା ଗତିତା ହିଲୀଆଗାଟାସି ରଥସି ନୀ ଦରୁତଲେ ବୃତ୍ତୁଣି ଚେରୁହି ମାଗାଣି ମେସୁମି, ଇଚ୍ଛୁଁ ଏଝାସି ମା ଗତିତା ହିଲୀଆତାକି ଏଝାଶାଲ୍ କାହିକିତମି ।” ୩୯ ସାମା ଜୀସୁ ଏଲେଇରେସି, “ଏଝାଶାଲ୍ କାହିକିଆଦୁ: ଇତିହିଁ ନା ଦରୁତଲେ କାବାଆନି କାମା କିହାନା ଖେଣ୍ଡେ ନାଟ୍ଟେ ନିନ୍ୟା କିୟାନେସି, ଇଲେତି ଲକୁ ଆମ୍ବାଆସି ହିଲୀଅସି; ୪୦ ଇତିହିଁ ଆମ୍ବାଆସି ମା କପାଟି ନିନ୍ୟା ଗାଟାସି ଏଝାସି ମା ତଲେତାସି । ୪୧ ନାନୁ ମିଟ୍ଟେ ସାତା ଖେସିମାଞ୍ଚୁଲ୍, ମାରୁ କ୍ରୀସୁତି ଲକୁ ଇଚ୍ଛୁଁ ଆମ୍ବାଆସି ଜିକେଏ ମିଟ୍ଟେ ଜାଚେକା ଏୟୁ ଗସାଲି ହିୟାନେସି, ଏଝାସି ଏନିଜିକେଏ ତାନି ଦାନାତି ଜାକିଅସି ।” ୪୨ ଅଡେ ଆମ୍ବାଆସି ନାମାନି ଇ ଉଣାୟିଁ ବିତାଟି ରଥଶାଲ୍ ପାପୁ କିଝି କିନେସି, ଏଝାଣି ହେରକିତା କାଜା ଜେତାଝାଲି ଦସାନା ଏଝାଶାଲ୍ ସାମଦୁରିତା ମେଦ୍‌ହିହିଁ ନେହେଁ ଆଚେମା । ୪୩ ମା କେୟୁ ମିଟ୍ଟେ ପାପୁ କିଝିକିୟାନେ, ଇତିହିଁ ଏଦାଆଁ ଜାତାନା କୁତାଦୁ: ରା କେୟା ମାଞ୍ଚୁନା ନର୍କ ଇତିହିଁ ତୁମ୍ବାଆଗାଟି ହିତୁ ଗାଡ୍‌ୟୁତା ମେଦ୍‌ପି ଆନି ବାଟା କଲା ଆହାନା ଜୀଝୁତା ହଡ୍‌ନାୟି ମିଟ୍ଟେ ତାକି ନେହେଁ । (Geenna g1067) ୪୪ ଇତିହିଁ ନର୍କତା ଏମ୍ବାଟି ପିଡ୍‌କା ଏଚେଲା ହାଉ, ଅଡେ ହିତୁ ଏଚେଲା ତୁମ୍ବେଏ । ୪୫ ଅଡେ ମୀ କତା ମିଟ୍ଟେ ପାପୁ କିଝିକିୟାନେ, ଏଦାଣି ରାଦ୍‌ହା କୁତାଦୁ, ରୀ କତାୟିଁ ନେହେଁ ମାଞ୍ଚୁନା ନର୍କତା ମେଦ୍‌ପି ଆନି ବାଟା ସତା ଆହାନା ଜୀଝୁତା ହଡ୍‌ନାୟି ମିଟ୍ଟେ ତାକି ନେହେଁ । (Geenna g1067) ୪୬ ଇତିହିଁ ନର୍କତା ଏମ୍ବାଟି ପିଡ୍‌କା ଏଚେଲା ହାଉ, ଅଡେ ହିତୁ ଏଚେଲା ତୁମ୍ବେଏ । ୪୭ ଇଚ୍ଛୁଁ ମୀ କାନୁ ମିଟ୍ଟେ ପାପୁ କିଝିକିୟାନେ ଇତିହିଁ ଏଦାନି ଡେଝା କୁତାଦୁ, ରୀ କାଶ୍‌କା ନେହେଁ ମାଞ୍ଚୁନା ନର୍କତା ମେଦ୍‌ପି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ୍‌ନାୟି ମିଟ୍ଟେ ତାକି ନେହେଁ । (Geenna g1067) ୪୮ ଇତିହିଁ ନର୍କତା ଏମ୍ବାଟି ପିଡ୍‌କା ଏଚେଲା ହାଉ, ଅଡେ ହିତୁ ଏଚେଲା ତୁମ୍ବେଏ । ୪୯ “ହାରୁ ତଲେ ଏନିକିଁ ପୁଜା ହାନାୟି ସୁଦୁ ଆନେ, ଏଲେକିହିଁଏ ହିତୁତଲେ ବାରେ ସୁଦୁ କିଝିଆନେ ।” ୫୦ “ହାରୁ ନେହାୟି, ସାମା ହାରୁ ମୁଆସାରେ ଆତିହିଁ ଏନିକିଁ ମୁପି କିନାୟି ଆନେ? ମୀରୁ ମୀ ତାଣା ହାରୁ ଲେହେଁ ଆଦୁ, ଅଡେ ରଥଚେରି ରଥଶାକି ହଡ୍‌ଡି ଜୀଝୁତଲେ ନେହିଁ ଆହିଁ ତ୍‌ୟାଦୁ ।”

୧୦ ଏ ଗାୟୁଟି ଜୀସୁ ହାଜାନା ଜୀହୁତା ରାଜିତି ହାନ୍ତି ଅଡେ ଜର୍ଦନ କାତା ଆତାଲାଝାକି ଝାଚେସି; ଇଚ୍ଛୁଁ ଲକୁ ଅଡେ ଖେଣ୍ଡେ ଏଝାଣି ତାଣା ଗୁଣ୍ଡା ଆହାଲିଏ, ଏଝାସି ତାନି ମେରା ଲେହେଁ ଏଝାରାଲ୍ ଅଡେ ଜାପହାଲି ମାଡ୍‌ହେସି । ୧ ଏମ୍ବାଟିଏ ପାରୁସିୟିଁ ଏଝାଣି ତାଣା ଝାହାନା ଏଝାଶାଲ୍ ତାୟିପାରିକିହିଁ ଖେଚେରି, “ଜାହାରା ତକ୍ରିନି ପିସାଲି ଆବାୟିକି ମେରା କି?” ୩ ଜୀସୁ ଏଝାରାଲ୍ ଏଲେଇରେସି, “ମସା ମିଟ୍ଟେ ଏନି ହୁକୁମି ହୀହାମାଞ୍ଚୁନେସି?” ୪ ଏଝାଣି ଏଲେଇଚେରି, “ପିହିଁ ଆକୁ ରାଚାନା ତକ୍ରିନି ପିସାଲି ମସା ହେଲ ହୀହାମାଞ୍ଚୁନେସି ।” ୫ ଏମ୍ବାଟିଏ ଜୀସୁ ଏଝାରାଲ୍ ଏଲେଇଚେସି, “ମୀ ଆଡ୍‌ଝା ହିୟିତି ମେସାନା ଏଝାସି ମିଟ୍ଟେତାକି ଇ ହୁକୁମି ରାଚାମାନେସି । ୬ ସାମା ମାଣ୍ଡସି ଗାଡ୍‌ ଆତି

ବେଲାଟିଏ ଏଝାସି ଏଝାରାଲ୍ ଇୟା ଅଡେ ଆବା କିହିଁ ମାହାପୁରୁ ଗାଡ୍‌କିଚେସି । ୭ ଏଦାଆଁତାକି ଆବା ତାଲି ତାଞ୍ଚିଲ୍ ପିହିଁନେସି, ଇଚ୍ଛୁଁ ତାନି ତକ୍ରି ତଲେ ଆଣ୍ଡିନେସି, ୮ ଇଚ୍ଛୁଁ ଏଝାରି ରିଆରି ଆଏ, ସାମା ରଣ୍ଡିଏ ଆଦ୍ଦୁ ଆନେରି । ୯ ଇଚ୍ଛୁଁ ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣ୍ଡସି ଏଦାଆଁ ଏଚ୍‌କା କିଆପେସି ।” ୧୦ ତାୟୁ ସୀସୁୟିଁ ଇଜ ଇ କାଚାଟି ଜୀସୁଲ୍ ଅଡେ ଖେଣ୍ଡେ ଖେଚେରି । ୧୧ ଏମ୍ବାଟିଏ ଜୀସୁ ଏଝାରାଲ୍ ଏଲେଇଚେସି, “ଆମ୍ବାଆସି ତାନି ତକ୍ରିନି ପିସାନା ଏଚ୍‌କାତାଣି ବୀହା ଆନେସି, ଏଝାସି ତଲିତି ତକ୍ରିନି କପାଟି ଦାରିକାମା କିନେସି । ୧୨ ଅଡେ ତକ୍ରି ତାନି ତକ୍ରିଲ୍ ପିସାନା ଏଚ୍‌କାତାଶାଲ୍ ବୀହା ଆନେ, ଆତିହିଁ ଏଡି ଦାରିକାମା କିନେ ।” ୧୩ ଏଝାସି ଏନିକିଁ କକାରି ପଦାଣି ତାରିନେସି, ଏଦାଆଁତାକି ଲକୁ ଏଝାରାଲ୍ ଜୀସୁ ତାଣା ତାତାଲି ମାଡ୍‌ହେରି; ସାମା ସୀସୁୟିଁ ଏଝାରାଲ୍ ଦାକା ହାଚେରି । ୧୪ ଜୀସୁ ଏଦାଆଁ ମେସାଁ କାର୍‌ବି ଆହାନା ଏଝାରାଲ୍ ଏଲେଇଚେସି, “କକାରି ପଦାଣି ନା ତାଣା ଝାହାଲି ହୀଦୁ, ଏଝାରାଲ୍ ଆମ୍ବାଆଦୁ: ଇତିହିଁ ମାହାପୁରୁତି ରାଜି ଇଲେତି ଲକୁତାୟି । ୧୫ ନାନୁ ମିଟ୍ଟେ ସାତା ଖେସିମାଞ୍ଚୁଲ୍, ଆମ୍ବାଆସି କକାରି ପଦାୟିଁ ଲେହେଁ ମାହାପୁରୁତି ରାଜି ଆବଅସି, ଏଝାସି ଏନିଜିକେଏ ଏମ୍ବାଆଁ ହୁତାଲି ଆତଅସି ।” ୧୬ ଇଚ୍ଛୁଁ ଏଝାସି ଏଝାରାଲ୍ କତାଣା ଜ୍‌ଟ୍ଟାନା ଏଝାରି ଲାକ କେୟୁ ଇଟାନା ବର ହୀଚେସି । ୧୭ ଜୀସୁ ଅଡେ ଖେଣ୍ଡେ ହାଜିମାଗାଟି ରଥସି ଦାବ୍‌ଡି ଝାହାନା ଏଝାଣି ନକିତା ମେଣ୍ଡୁକାତାନା ଏଝାଶାଲ୍ ଖେଚେସି, “ଏ ନେହିଁ ଗୁରୁ କାଲାକାଲାତି ଜୀଝୁ ବେଟାଆହାଲି ନାନୁ ଏନାଆଁ କିଇଁ?” (aiōnios g166) ୧୮ ଏମ୍ବାଟିଏ ଜୀସୁ ଏଝାଶାଲ୍ ଏଲେଇଚେସି, “ନାଟ୍ଟେ ନେହାଁତି ଇଚ୍ଛୁଁ ଏନାଆଁତାକି ଏଲେଇଚ୍ଛୁଁ ମାଞ୍ଚୁଦି? ରଥଣି ପିସ୍‌ପେ ଇତିହିଁ ମାହାପୁରୁ ପିସ୍‌ପେ ଅଡେ ଆମ୍ବାଆସି ନେହାଁସି ହିଲୀଅସି । ୧୯ ନାନୁ ସାସ୍‌ପେରିତି ବାରେ ହୁକୁମିକା ପୁଞ୍ଚାମାଞ୍ଚି, ଲକୁଣି ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିତି ସାକି ଜଲାଆଦୁ, ଲକୁଣି ନାଡି କିଆଦୁ, ଇଚ୍ଛୁଁ ତାଲି ତାଞ୍ଚିଲ୍ ଜୀଝୁନଦୁ ।” ୨୦ ଏଝାସି ଏଝାଶାଲ୍ ଏଲେଇଚେସି, “ଏ ଗୁରୁ ଇ ବାରେ ନାନୁ ଉଣା ଖେଡାଟିଏ ମାନଝି ଆହିମାଲ୍ ।” ୨୧ ଜୀସୁ ଏଝାଶାଲ୍ ତାରେ ସିନିକିହାଁ ଜୀଝୁ ନଚେସି ଇଚ୍ଛୁଁ ଏଲେଇଚେସି, “ନାନୁ ର କାମାତା ଉଣା ମାଞ୍ଚି, ନାନୁ ହାଜାନା ନୀ ଦନ ବାରେ ପାରାଚାନାହାଁ ହିଲୀଆ ଗାଟାଗାକି ଦାନା ହୀମୁ, ଅଡେ ନା ଜେତ ଝାମୁ, ଇଚ୍ଛୁଁ ନାନୁ ଲାକପୁରୁ ଦନ ବେଟାଆଦି ।” ୨୨ ସାମା ଇ କାତାତା ଏଝାଣି ମୁମୁ ହାପିଲି ଆହାହାଚେ, ଇଚ୍ଛୁଁ ଏଝାସି ଦୁକୁ ଆହାନା ହାଚେସି, ଇତିହିଁ ଏଝାଶାକି ହାରେକା ଦନ ମାଚେ । ୨୩ ଏମ୍ବାଟିଏ ଜୀସୁ ସାରିଝାକି ସିନିକିହାନା ତାନି ସୀସୁୟିଁଣି ଏଲେଇଚେସି, “ଦନ ଗାଟାରି ହାରେକା କସ୍‌ତଲେ ମାହାପୁରୁ ରାଜିତା ହଡ୍‌ନେରି ।” ୨୪ ଏଝାଣି କାତା ଖେଞ୍ଚାନା ସୀସୁୟିଁ କାବା ଆଚେରି, ସାମା ଜୀସୁ ଅଡେ ଖେଣ୍ଡେ ଏଝାରାଲ୍ ଏଲେଇଚେସି, “ଆଡେ କକାଚେରି ମାହାପୁରୁ ରାଜିତା ହଡ୍‌ନାୟି ହାରେକା କସ୍ତ । ୨୫ ମାହାପୁରୁତି ରାଜିତା ଦନ ଗାଟାରି ହଡ୍‌ନି କିହାଁ ସୁଜା କାଣିତି ଉଚ୍‌ଚୁ ହଡ୍‌ନାୟି ଉସାସା ।” ୨୬

ଏମ୍ବୁଟିଏ ଏଞ୍ଜରି ହାରେକା କାବାଆହାନା ତାମ୍ବୁ ତାମ୍ବୁଏ କାତା ଆଡେରି, “ଆତିହିଁ ଆମ୍ବାଆସି ଗେଲ୍ପି ଆହାଲି ଆଡିନେସି?” ୨୭ ଜୀମ୍ବୁ ଏଞ୍ଜରାଇଁ ତାରିତଲେ ସିନିକିହାନା ଏଲେଇରେସି, “ଇଦି ମାଣ୍ଡିକି ଆତାଆଗାଟାୟି, ସାମା ମାହାପୁରୁକି ଆଏ; ଇତିହିଁ ମାହାପୁରୁ ବାରେ କିହାଲି ଆଡିନେସି ।” ୨୮ ପିତର ଏଞ୍ଜରାଇଁ ଏଲେଇରେସି, “ମେହ୍ମୁ ମାମ୍ବୁ ବାରେ ପିସାନା ନୀ ଜେତ ଖାହାମାନମି ।” ୨୯ ଜୀମ୍ବୁ ଏଲେଇରେସି, “ନାନ୍ଦୁ ମିଡ୍ରେ ସାତା ଖେସିମାଞ୍ଜୁଇଁ, ଆମିନି ଲୁକୁ ନା ନେହିଁ କାବୁତାକି ଇଲୁ କି ତାୟିକି ତାଡ୍ଡି କି ତାଲି, ତାଞ୍ଜି, କକାରି ପଦାଁଣି କି ବୁମି ବାଡା ପିସାମାନେରି, ୩୦ ଅଡେ ଇ କାଲାତା କସୁ ବେଟାଆହିଁ, ଖାଞ୍ଜା ଗୁଣ୍ଡିତ ଇଲୁକା, ତାୟି, ତାଡ୍ଡି, ତାଲି ତାଞ୍ଜି, କକାରି ପଦାୟଁ ଅଡେ ବୁମି ବାଡା, ଇଞ୍ଜି ଖାନି ଜୁଗୁତା କାଲାକାଲାତି ଜୀଝୁ ବେଟାଆସି, ଇଲେତି ଲୁକୁ ଆମ୍ବାଆସି ହିଲଅସି । (aiōn g165, aiōnios g166) ୩୧ ସାମା ନକିତା ମାନି ହାରେକା ଲୁକୁ ତାୟୁ ଆନେରି, ଇଞ୍ଜି ତାୟୁ ମାନି ହାରେକା ଲୁକୁ ନକିନେରି ।” ୩୨ ଏଞ୍ଜରି ଜିରୁସାଲମତା ହାଜିମାଟାଟି ଜିରୁତା ମାରେରି ଇଞ୍ଜି ଜୀମ୍ବୁ ଏଞ୍ଜରି ନକି ନକିତା ହାଜିମାରେସି, ଅଡେ ଏଞ୍ଜରି କାବାଆହାନା ତାୟୁ ଖାହିମାନି ଲୁକୁ ଆଜାମାରେରି, ଇଞ୍ଜି ଏଞ୍ଜରି ଖେଣ୍ଡେ ବାରଜାଣାଟି ଏଟ୍ଟକା କିହାନା ତାଡ୍ଡେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଞ୍ଜରାଇଁ ଖେସାଲି ମାଟ୍ଟହେସି । ୩୩ ଜୀମ୍ବୁ ଏଲେଇରେସି, “ମେହ୍ମୁ ମାମ୍ବୁ ଜିରୁସାଲମତା ହାଜିମାନାୟି; ମାଣ୍ଡିଏ ମାଣ୍ଡିଏ କାଜା ପୁଜେରାଡ୍ଡା ଅଡେ ମେରାପୁନାରି କେୟୁତା ହେର୍ପିଆନେସି, ଅଡେ ଏଞ୍ଜରି ଏଞ୍ଜରାଇଁ ହାନି ତଣ୍ଡ ହାହାନା ଏଟ୍ଟକା କୁଡାତାରି କେୟୁତା ହେର୍ପିନେରି, ୩୪ ଇଞ୍ଜି ଏଞ୍ଜରି ଏଞ୍ଜରାଇଁ କିଜିକି କିନେରି, ଏଞ୍ଜରାଇଁ ହୁପିନେରି, ଏଞ୍ଜରାଇଁ ସାଟ୍ଟି ତଲେ ଝେନେରି, ଇଞ୍ଜି ପାୟିନେରି, ଅଡେ ତାନି ଦିନାଟିଏ ଖେଣ୍ଡେ ନିଡ୍ଡିନେସି ।” ୩୫ ତାୟୁ ଜେବଦି ମାଟ୍ଟକା ଜାକୁବ ଅଡେ ଜହନ ଜୀମ୍ବୁ ତାଣା ଖାହାନା ଏଲେଇରେସି, “ଏ ଗୁରୁ ମା ଅଣ୍ଡପୁ ମାମ୍ବୁ ନୀ ତାଣାଟି ଏନାଆଁ ରାହନମି ଏନାଆଁ ମା ତାକି ନାନ୍ଦୁ କିମ୍ବୁ ।” ୩୬ ଇଞ୍ଜି ଜୀମ୍ବୁ ଏଞ୍ଜରାଇଁ ଖେରେସି, “ନାନ୍ଦୁ ମା ତାକି ଏନାଆଁ କିଇଁ ଇଞ୍ଜି ମାମ୍ବୁ ଅଣ୍ଡପିମାଞ୍ଜେରି?” ୩୭ ଏଞ୍ଜରି ଏଞ୍ଜରାଇଁ ଏଲେଇରେସି, “ନାନ୍ଦୁ ଗାଝୁରିମାଟି ରାଜିତା କୁରିସାରେ ଏନିକିଁ ମା ବିତ୍ରାଟି ରଅତମି ନୀ ଟିଷିନି ଟଟ ଅଡେ ରଅତମି ନୀ ଟେକ୍ଟି ଟଟ କୁରିନମି ଇ ବର ମାଡ୍ଡେ ହିୟାମ୍ବୁ ।” ୩୮ ସାମା ଜୀମ୍ବୁ ଏଞ୍ଜରାଇଁ ଏଲେଇରେସି, “ମାମ୍ବୁ ଏନାଆଁ ରାସିମାଞ୍ଜେରି ଏନାଆଁ ପୁଞ୍ଜୁହିଲଅଡେରି । ନାନ୍ଦୁ ଆମିନି ସ୍ତଲାତା ଗସିମାଇଁ, ଏମ୍ବାଆଁ ମାମ୍ବୁ ଗସାଲି ଆଡିବେରି? ଇଞ୍ଜି ନାନ୍ଦୁ ଆମିନି ବାପ୍ତିସ୍ତା ବାପ୍ତିସ୍ତୁ ଅହିମାଇଁ ଏମ୍ବାଆଁ ମାମ୍ବୁ ବାପ୍ତିସ୍ତୁ ଆହାଲି ଆଡିବେରି?” ୩୯ ଏଞ୍ଜରି ଏଲେଇରେସି, “ଆଡିନମି ।” ଜୀମ୍ବୁ ଏଞ୍ଜରାଇଁ ଏଲେଇରେସି, “ନାନ୍ଦୁ ଆମିନି ସ୍ତଲାତା ଗସିମାଇଁ ଏମ୍ବାଆଁ ଗସାଲି ଆଡିବେରି, ଇଞ୍ଜି ନାନ୍ଦୁ ଆମିନି ବାପ୍ତିସ୍ତା ବାପ୍ତିସ୍ତୁ ଆହିମାଇଁ ମାମ୍ବୁ ଏମ୍ବାଆଁ ବାପ୍ତିସ୍ତୁ ଆବେରି; ୪୦ ସାମା ନା ଟିଷିନି ଅଡେ ଟେକ୍ଟିଖାକି କୁଗାଲି ହାହାଲି ନା ଅଦିକାରାତି କାତା ଆଏ, ଆମ୍ବାଆରାକି ମାହାପୁରୁ

ତାୟୁ କେପାମାନେସି ଏଞ୍ଜରି କୁରିନେରି ।” ୪୧ ଏଟ୍ଟକାଟି ଦସ ଜାଣା ଇଦାଆଁ ଖେଞ୍ଜାନା ଜାକୁବ ଅଡେ ଜହନଇଁ କାର୍ବି ଆହାଲି ମାଟ୍ଟହେରି । ୪୨ ଏମ୍ବାଟିଏ ଜୀମ୍ବୁ ଏଞ୍ଜରାଇଁ ତାଣେ ହାଟାନା ଏଲେଇରେସି, “ଆମିନି ଗାଟାରି ଏଟ୍ଟକା କୁଡାଟି ସାଲଞ୍ଜି କିନାରି ଲେହେଁ ଆହାମାନେରି, ଏଞ୍ଜରି ଲାକ ସାଲଞ୍ଜି କିନେରି, ଅଡେ ଏଞ୍ଜରି କାଜାପାଣା ଗାଟାରି ଏଞ୍ଜରି ମୁହେଁ ସାଲଞ୍ଜି କିନେରି, ଇଦାଆଁ ମାମ୍ବୁ ପୁଞ୍ଜୁ । ୪୩ ସାମା ମା ବିତ୍ରା ଏଲେକିହିଁ ଆଏ; ସାମା ମା ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଞ୍ଜାସି ମା ସେବା କିପେସି, ୪୪ ଅଡେ ମା ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଞ୍ଜାସି ବାରେତି ହଲେଏସି ଆପେସି । ୪୫ ଇତିହିଁ ମାଣ୍ଡିଏ ମାମ୍ବୁଏସି କିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଇଞ୍ଜି ହାରେକା ଲୁକୁଣି ପାପୁଟି ପିସ୍ପି କିହାଲିତାକି ତାନି ଜୀଝୁ ହାହାଲି ଖାହାମାନେସି ।” ୪୬ ତାୟୁ ଏଞ୍ଜରି ଜିରିହତା ଏଗାଡେରି, ଅଡେ ଏଞ୍ଜାସି ତାନି ସାମ୍ବୁୟଁ ଇଞ୍ଜି ମାମ୍ବୁ ଲୁକୁତଲେ ଜିରିହତି ହାଜିମାନି ବେଲାତା ଟିମାୟୁ ମାଣ୍ଡିଏସି ବାଟିମୟୁ ଦରୁଗାଟି ର କାଣା, ରାୟପାଲି ଜିରୁ ଦାରିତା କୁଗାମାରେସି । ୪୭ ଏଞ୍ଜାସି ନାଜରିତତି ଜୀମ୍ବୁ ଇମ୍ବାଟି ହାଜିମାନେସି ଇଞ୍ଜି ଖେଞ୍ଜାନା ଏଞ୍ଜାସି କାଜା ଗିୟଁତଲେ ଏଲେଇରେସି, “ଏ ଦାଝୁଦ ମାଣ୍ଡିଏଗାଟି ଜୀମ୍ବୁ ନାଡ୍ଡେ କାର୍ମା ମେସ୍ତାମ୍ବୁ ।” ୪୮ ଏମ୍ବାଟିଏ ହାରେକା ଲୁକୁ ଏଞ୍ଜରାଇଁ ପାଲେଏ ଆହାଲି ଦାକା ହାଡେରି, ସାମା ଏଞ୍ଜାସି ଅଡେ କାଜା ହାଡାତଲେ ଏଲେଇରେସି, “ଏ ଦାଝୁଦ ମାଣ୍ଡିଏଗାଟି ଜୀମ୍ବୁ ନାଡ୍ଡେ କାର୍ମା ମେସ୍ତାମ୍ବୁ ।” ୪୯ ଏମ୍ବାଟିଏ ଜୀମ୍ବୁ ନିତାନା ଏଲେଇରେସି, “ଏଞ୍ଜରାଇଁ ହାଟାମ୍ବୁ ।” ଏଞ୍ଜରି ଏ କାଣାଇଁ ହାଟାନା ଏଲେଇରେସି, “ସାସା ଆହାନା ନିଡ୍ଡାମ୍ବୁ, ଏଞ୍ଜାସି ନିଡ୍ଡେ ହାଟିମାଞ୍ଜୁନେସି ।” ୫୦ ଏମ୍ବାଟିଏ ଏଞ୍ଜାସି ନିଡ୍ଡାମ୍ବୁ ତାନି ହିମ୍ବୁରି କୁତାନା ଜୀମ୍ବୁ ତାଣା ଖାଡେସି । ୫୧ ଜୀମ୍ବୁ ଏଞ୍ଜରାଇଁ ଏଲେଇରେସି, “ନାନ୍ଦୁ ନିଡ୍ଡେତାକି ଏନାଆଁ କିଇଁ ଇଞ୍ଜି ନାନ୍ଦୁ ଅଣ୍ଡପିମାଞ୍ଜୁ?” ଏ କାଣା ଏଞ୍ଜରାଇଁ ଏଲେଇରେସି, “ଏ ଗୁରୁ ନାନ୍ଦୁ ଏନିକିଁ ମେସାଲି ଆଡିଇଁ ।” ୫୨ ଜୀମ୍ବୁ ଏଞ୍ଜରାଇଁ ଏଲେଇରେସି, “ହାଲାମ୍ବୁ ନା ନାମ୍ବୁ ନିଡ୍ଡେ ନେହିଁ କିୟାଡେ ।” ଏ ଦେୟୁଣିଏ ଏଞ୍ଜାସି ମେସାଲି ଆଡିରେସି, ଇଞ୍ଜି ଏଞ୍ଜରି ଜେତ ଜେତ ହାଡେସି ।

୧୧ ଏଡିବେଲା ଏଞ୍ଜରି ଜିରୁସାଲମ ତାଣେ ଆହାନା ଜୀତ ହୁରୁ ତାଣେ ବେଟ୍ପାରି ଇଞ୍ଜି ବେଟନିୟଁ ତାଣେ ଖାଡେରି, ଏଡିବେଲା ଏଞ୍ଜାସି ତାନି ସାମ୍ବୁୟଁ ବିତ୍ରାଟି ରିଆରାଇଁ ଇ କାତା ଖେସା ପାଣ୍ଡିରେସି, ୨ “ମୀ ନକିତା ମାନି ଏ ନାୟୁତା ହାକୁ; ଏ ନାୟୁତା ହୁଡ୍ଡିନିଏ ଆମିନି ଲାକ ଆମ୍ବାଆରି ଏରେଲା ହୁତା ହିଲଅରି ଇଲେତି ର ଗାଡ୍ଡେ ଦାଲୁତି ଦସାମାନାଣି ମେହ୍ମୁଦେରି; ଏଦାନି ହୁକ୍ତହାନା ତାୟୁ । ୩ ଅଡେ ଆମ୍ବାଆସି ଏନାଆଁ କିହିମାଞ୍ଜେରି ଇଞ୍ଜି ମିଡ୍ଡେ ଖେଞ୍ଜାନେସି, ଆଡିହିଁ ଏଲେଇଞ୍ଜୁ ଇଦାଣି ତାଣା ମା ପ୍ରକ୍ଟି ଲଡାମାନେ, ଅଡେ ଖେଣ୍ଡେ ଇଦାଣି ଖେଡାକିଆନା ପାଣ୍ଡାନେସି ।” ୪ ଏଞ୍ଜରି ହାଜାନା ଦୁଝେରିଦାରି ଆଁଗେଣିତା ର ଗାଡ୍ଡେ ଦାଲୁତି ଦସାମାନାଣି ମେସାମା ଏଦାଣି ହୁକ୍ତହେରି, ୫ ଏମ୍ବାଟିଏ ଏମ୍ବାଆଁ

ନିତାମାଟି ଲକ୍ଷ୍ମୀ ବିଦ୍ରାଢ଼ି ଏଚରଜାଣା ଖେଚେରି, “ଗାଡ଼ଦେ ଡାଲୁଟି ପିସାନା ଏନାଆଁ କିହିମାଞ୍ଜେରି?” ୭ ଜୀସୁ ଏନିକିଁ ଖେସାମାଚେସି, ଏଖାରି ଏଲେକିଁ ଏଖାରାଇଁ ଏଲେଇଚେରି; ଏପାଟିଏ ଏଖାରି ଏଖାରାଇଁ ହେଲ ହାଚେରି । ୭ ଜୀସୁ ନକିତା ଗାଡ଼ଦେ ଡାଲୁଟି ତାତାନା ଏଖାରି ଏଦାଣି ଲାକ ତାମି ହିମ୍ବୁରିକା ପାସ୍ତେରି, ଅଡେ ଜୀସୁ ଏଦାନିଲେକ କୁରିଚେସି । ୮ ଅଡେ ହାରେକା ଜିରୁତା ତାମି ହିମ୍ବୁରିକା ପାସ୍ତେରି ଅଡେ ଏବକାତାରି ଜାଡ଼ାତି ଗତାୟିଁ ଚୁଣ୍ଡା ତାତାନା ପାସ୍ତେରି । ୯ ଇଞ୍ଜିଁ ନକିତା ଡାୟୁଖାକି ହାଜିମାନି ଲକ୍ଷ୍ମୀ କାଜା ହାତାତଲେ ଏଲେଇଚେରି, “ହସାନା ମାହାପୁରୁ ଦରୁଟି ଆମ୍ବାଆସି ଖାହିମାନେସି, ଏଖାସି ନେହାଁସି । ୧୦ ମା ଆକୁ ଦାସ୍ତୁଦତି ଆମିନି ରାଜି ଖାହିମାନେ, ଏଦି ଜହରା, ଲାକପୁରୁଟି ହସାନା । 1୧ ଡାୟୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜିଁ ସାରିଖାକି ମାନାଣି ବାରେ ସିନକିହାନା ମିଡ଼ୁଅଲା ଆହାଲିଏ ବାରଜାଣା ସୀସୁୟିଁ ତଲେ ବେତନିୟିଁତା ହାଚେସି । ୧୨ ତାନି ଅର ଦିନା ବେତନିୟିଁଟି ଖାହିମାଚାଟି ଜୀସୁ ହାକି ଆଚେସି; ୧୩ ଇଞ୍ଜିଁ ହେକଟି ଆକା ମାନି ର ଡୟା ମାରୁନୁଟି ଆକା ମେସାନା ଏମ୍ବାଆଁ ପାଡ଼େୟି ବେଟାଆନି ଆସା ତଲେ ତାଗେ ହାଚେସି । ସାମା ତାଗେ ଖାହାନା ଏଖାସି ଆକା ପିସ୍ତେ ଅଡେ ଏନାଆଁ ପୁଃଅଚେସି, ଇଚିହିଁ ଏଦି ଡୟା ଆୟିନି ଖେଡ଼ା ହିଲାଆଚେ । ୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକ୍ଷ୍ମୀ ଏଚେଲା ତିନାଆପେରି ।” ଏଖାଣି କାତା ତାମି ସୀସୁୟିଁ ଖେଞ୍ଜାମାଚେରି । (aion g165) ୧୫ ଡାୟୁ ଏଖାରି ଜିରୁସାଲମତା ଖାଚେରି, ଅଡେ ଜୀସୁ ମାହାପୁରୁ ଇଲୁତା ହତାନା ଏ ଡାୟୁତା ବେବାରା କିହିମାଟି ଲକ୍ଷ୍ମୀ ପାଟ୍ଟାତା ପେରହାଲି ମାଡ଼ହେସି, ଇଞ୍ଜିଁ ଟାକାୟିଁ ବେବାରା ଗାଟାରି କୁଚିୟିଁ ଅଡେ ପଟାୟିଁ ବେବାରା କୁଚିୟିଁ ତିରିମ୍ବୁହେସି । ୧୬ ଇଞ୍ଜିଁ ପ୍ରାତାନା ଇଲୁ ବିଦ୍ରାଢ଼ି ଆମ୍ବାଆରାକି ଏନାଆଁ ଅହାଲି ତାଚାଲି ହେଲ ହାଆଚେସି, ୧୭ ଡାୟୁ ଜୀସୁ ଏଖାରାଇଁ ଜାପୁହିଁ ଏଲେଇଚେସି, “ଦାମ୍ବୁ ପତିତା ରାସକି ଆହାମାନେ, ନା ଇଲୁ ବାରେ କୁଡ଼ାଟି ଲକ୍ଷ୍ମୀକାକି ପ୍ରାତାନା ଇଲୁ ଇଞ୍ଜିଁ ଖେଞ୍ଜେନେ? ସାମା ମାରୁ ଏଦାଆଁ ଡାୟୁୟିଁ ପାସ୍ତୁ କିହାମାଞ୍ଜେରି ।” ୧୮ ଇ କାତା ଖେଞ୍ଜାନା କାଜା ପୁଜେରାଟ୍ଟା ଅଡେ ମେରାପୁନାରି ଏଖାଣାଇଁ ଏନିକିଁ ନାସା କିହାଲି ଆତିନେରି, ଏଦାଆଁ ପାରୁ ପାରାଲି ମାଡ଼ହେରି; ଇଚିହିଁ ଲକ୍ଷ୍ମୀ ଏଖାଣି ଜାପୁନି ତାଣା କାବା ଆହିମାଚାକି ଏଖାରି ଏଖାଣାଇଁ ଆଜିମାଚେରି । ୧୯ ଏ ଦିନା ମିଡ଼ୁଅଲା ବେଲା ଜୀସୁ ଅଡେ ସୀସୁୟିଁ ଗାଡ଼ାଟି ହାଚେରି । ୨୦ ଅର ଦିନା ଲାଈଏ ଏ ଜିରୁଟି ହାଜିମାଚାଟି ଏଖାରି ଡୟା ମାରୁନୁ ଡାକିଟିଏ ଖାୟିତାଣି ମେସ୍ତେରି । ୨୧ ଏମ୍ବାଟିଏ ପିତର ତଲିଟି କାତା ଅଣପାନା ଏଲେଇଚେସି, “ଏ ଗୁରୁ ମେହ୍ନୁ ନୀନୁ ଆମିନି ଡୟା ମାରୁନୁଟି ବାକା ହାହାମାଟି ଏଦି ଖାୟିହାଚେୟି ।” ୨୨ ଜୀସୁ ଏଖାରାଇଁ ଏଲେଇଚେସି, “ମାହାପୁରୁ ତାଣା ନାମାଦୁ । ୨୩ ନୀନୁ ମିଡ଼େ ସାତା ଖେସିମାଞ୍ଜାଇଁ, ଆମ୍ବାଆସି ଈ କୁରୁଟି ନୀନୁ ନିଢ଼ାନା ସାମ୍ବୁରିତା ତରଗାମୁ ଇନେସି, ଇଞ୍ଜିଁ ତାନି ହିୟିତା ଆନାମାନା ଆଆନା, ଏନାଆଁ

ଜିଲିମାଇଁ ଏଦି ଆନେ ଇଞ୍ଜିଁ ନାମିନେସି, ଏଖାଣାକି ଏଦି ଆନେ । ୨୪ ଏଦାଆଁତାକି ନୀନୁ ମିଡ଼େ ଖେସିମାଞ୍ଜାଇଁ, ମାରୁ ଏନାଆଁ ପ୍ରାତାନା କିଦେରି ଅଡେ ରାହ୍ଦେରି, ଏ ବାରେ ମିଡ଼େ ମେଡ଼ା ଆୟାଚେ ଇଞ୍ଜିଁ ନାମାଦୁ, ଏଚେଟିଏ ଏ ବାରେ ସାଚେଏ ବେଟାଆଦେରି । ୨୫ ଇଞ୍ଜିଁ ମାରୁ ଆମିନି ବେଲାତା ପ୍ରାତାନା କିହାଲି ନିଦେରି, ଇଞ୍ଜିଁ ଆମ୍ବାଆରି କପାଟି ଏନି କାତା ମାଟିହିଁ, ଏଖାଣି ପାପୁ ମେକ୍ସୁ, ଏନିକିଁ ମୀ ଲାକପୁରୁଟି ଆବା ଜିକେଏ ମୀ ପାପୁଟି ମେକ୍ସୁହାଚେସି । ୨୬ ସାମା ମାରୁ ଏଖାଣି ପାପୁ ମେକ୍ସୁଅଚେରି, ଆତିହିଁ ମୀ ଲାକପୁରୁଟି ଆବା ଜିକେଏ ମୀ ବାରେ ପାପୁଟି ମେକ୍ସୁଅସି ।” ୨୭ ଡାୟୁ ଏଖାରି ଅଡେ ଖେଣ୍ଡେ ଜିରୁସାଲମତା ଖାଚେରି; ଇଞ୍ଜିଁ ଏଖାସି ପ୍ରାତାନା ଇଲୁତା ହତିମାଟି ବେଲାତା କାଜା ପୁଜେରାଟ୍ଟା ମେରାପୁନାରି ଇଞ୍ଜିଁ ପ୍ରାତିନାଟ୍ଟା ଏଖାଣି ତାଣା ଖାହାନା ଖେଚେରି, ୨୮ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି? ଇଞ୍ଜିଁ ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାଚେସି?” ୨୯ ସାମା ଜୀସୁ ଏଖାରାଇଁ ଏଲେଇଚେସି, “ନୀନୁ ମିଡ଼େ ର କାତା ଖେଞ୍ଜାଇଁ, ନାଡ଼େ ଖେସ୍ତାଦୁ, ଆତିହିଁ ନୀନୁ ଆମିନି ଅଦିକାରା ତଲେ କିହିମାଇଁ, ଏଦାଆଁ ମିଡ଼େ ଖେସ୍ତାଇଁ । ୩୦ ଜହନଟି ବାପୁସ୍ତୁ ଲାକପୁରୁଟି କି ମାଣସିୟିଁ ତାଣାଟି ଆହାମାଚେ? ଏଦାଆଁ ନାଡ଼େ ଖେସ୍ତାଦୁ ।” ୩୧ ଏଚେଟିଏ ଏଖାରି ତାମୁ ତାମୁଏ କାତା ଆହାଲି ମାଡ଼ହେରି, “ଲାକପୁରୁଟି ଇନାୟି, ଆତିହିଁ ଏଖାସି ଏଲେଇଞ୍ଜୁନେସି ମାରୁ ଏନାଆଁତାକି ଏଖାଣାଇଁ ନାମାଆଚେରି? ୩୨ ଅଡେ ମାଣସି ତାଣାଟି ଇନାୟି, ଏଖାରି ଲକ୍ଷ୍ମୀ ଆଜିମାଚେରି; ଇଚିହିଁ ବାରେଜାଣା ଜହନ ସାତା ମାହାପୁରୁ ଅଣ୍ଟପୁଟି ବଲୁ ଖେହ୍ନାସି ଇଞ୍ଜିଁ ମାନଖି ଆହିମାଚେରି ।” ୩୩ ଏଦାଆଁତାକି ଜୀସୁଇଁ ଏଖାରି ଏଲେଇଚେରି, “ମାପୁ ପୁଞ୍ଜାହିଲଅମି ।” ଜୀସୁ ଏଖାରାଇଁ ଏଲେଇଚେସି, “ନୀନୁ ଆମିନି ଅଦିକାରା ତଲେ କିହିମାଇଁ ଏଦାଆଁ ନୀନୁ ଜିକେଏ ମିଡ଼େ ଖେସ୍ତାୟିଁ ।”

୧୨ ଏମ୍ବାଟିଏ ଏଖାସି ଏଖାରାଇଁ ପୁଣ୍ଡିକିନି କାତାତଲେ ଖେସାଲି ମାଡ଼ହେସି, “ରଅସି ର ଅଡ଼େରି ବାଡ଼ା କିହାନା ବାଡ଼ା ସାରିଖାକି ବେୟିଁ ଗୁରୁଚେସି, ଇଞ୍ଜିଁ ଅଡ଼େରି ପାଡ଼େୟି ପାଚାଲି ର ଗାଡ଼ୁୟି କାଡ଼ହାନା ଏମ୍ବାଆଁ କାଃଆନାରାକି କାଃଆନି ଇଲୁ କେପିଚେସି, ଇଞ୍ଜିଁ କାମା କିନାରାକି ଏ ବାଡ଼ା ବାଗା ହାହାନା ହେକ ରାଜି ହାଚେସି । ୧ ଡାୟୁ କାମାକିନାରି ତାଣାଟି ଅଡ଼େରି ବାଡ଼ାଟି ପାଡ଼େୟି ବାଗା ବେଟାଆହାଲି ଏଖାସି ର ହଲେଏଶାଇଁ ପାଡ଼େୟି କାମିନିଖେଡ଼ା ଏଖାରିତାଣା ପାଣ୍ଡିଚେସି । ୨ ସାମା ଏଖାରି ଏଖାଣାଇଁ ଆସାନା ଖେଚେରି ଇଞ୍ଜିଁ ଖାରକ କେୟୁଟି ପାଣ୍ଡିଚେରି । ୪ ଏଖାସି ଅଡେ ଏଖାରିତାଣା ଅଡେ ର ହଲେଏଶାଇଁ ପାଣ୍ଡିଚେସି; ଏଖାରି ଏଖାଣାଇଁ ଜିକେଏ ଡାୟୁଁ ଡାୟୁଁ ଖେଚାନା ହାଣି କିଚେରି । ୫ ଏଖାସି ଅଡେ ରଅଶାଇଁ ପାଣ୍ଡିଚେସି; ଏଖାରି ଏଖାଣାଇଁ ଜିକେଏ ପାୟିଚେରି, ଏମ୍ବାଟିଏ ଏଖାସି ଅଡେ ହାରେକା ଜାଣାଟି ପାଣ୍ଡିଚେସି; ଏଖାରି ବିଦ୍ରାଢ଼ି ଏଚରଜାଣାଟି ଖେଚେରି ଇଞ୍ଜିଁ ଏଚରଜାଣାଟି ପାୟିଚେରି । ୬ ତାନି ତାଣା ରଅସିଏ ଡୟିଚେସି, ଏଖାସି ତାନି ଜୀସୁଟି ମାନ୍ଏସି, ଡାୟୁ ଅଣ୍ଟିଚେସି

‘ଏଞ୍ଜର ନା ମୀରୁଏଣାଇଁ ମାନି କିନେରି’ ଇଚ୍ଛୁ ଏଞ୍ଜର ଏଞ୍ଜରାଇଁ ପାଣ୍ଡିରେସି । ୭ ସାମା ଏ କାମାକିନାରି ତାମୁ ତାମୁ କାତା ଆତେରି, ‘ଇଞ୍ଜରୀତ ଅଦିକାରା ଗାଟାସି, ଖାଦୁ ଇଞ୍ଜରାଇଁ ପାୟିନ; ଆତିହିଁ ବାଡ଼ାତି ଅଦିକାରା ମାଦି ଆନେ ।’ ୮ ଏମ୍ପାଟିଏ ଏଞ୍ଜର ଏଞ୍ଜରାଇଁ ଆସାନା ପାୟିତେରି ଇଚ୍ଛୁ ଅଢୁରି ବାଡ଼ାତି ପାଞ୍ଜୁତା ମେଡ଼ହାତୁସୁେରି । ୯ ଜୀସୁ ଏଞ୍ଜରାଇଁ ଖେରେସି, “ଖେସ୍ତାଦୁ, ଇଦାଆଁ ତାୟୁ ଏ ଅଢୁରି ବାଡ଼ାତି ସାସୁକାରି ଏନାଆଁ କିନେସି? ଏଞ୍ଜରୀ ଖାହାନା କାମା କିନାରାଇଁ ନାସା କିନେସି ଇଚ୍ଛୁ ଏଟକାତି କାମା କିନାରାଇଁ ଏ ଅଢୁରି ବାଡ଼ା ହାନେସି । ୧୦ ମୀରୁ ଦାମ୍ବୁ ପତିତା ଇ କାତା ପଡ଼଼ି ଆହାହିଲଅତେରି? ଇଚ୍ଛୁ କେପିନାରି ଆମିନି ଖାଲିତି ମିଶ୍ ଏ ଇଚ୍ଛୁ ଅପାଆତେରି, ଏଦିଏ ଇଚ୍ଛୁ ମୁଲୁ ଖାଲି ଆତେ । ୧୧ ମାହାପୁରୁ ତାଣାଟି ଇଦି ଆତେ, ଇଚ୍ଛୁ ଏଦି ମା କାନୁତାକି ର କାବା ଆନାୟି । ୧୨ ଏତେଟିଏ ଜୀହୁଦି ଲକ୍ଷୁତି କାଜାରି ଏଞ୍ଜରାଇଁ ଆସାଲି ଅଣପିମାତେରି, ସାମା ଏଞ୍ଜର ଲକ୍ଷୁଣି ଆଜିତେରି; ଇତିହିଁ ଏ ପୁଣ୍ଡିକିନି କାତା ଏଞ୍ଜରାଇଁ ସିନିକିହାନା ଖେସିମାତେସି ଇଚ୍ଛୁ ପୁରେରି, ଇଚ୍ଛୁ ଏଞ୍ଜରୀ ଏଞ୍ଜରାଇଁ ପିସାନା ହାଜାତୁସୁେରି । ୧୩ ତାୟୁ ଜୀସୁ କାତାତି ଦହ ଆସାଲି ତାକି ଏଞ୍ଜରୀ ପାରୁସି ଅଡ଼େ ହେରଦ ଗତିତି ଏତେକା ଲକ୍ଷୁଣି ଏଞ୍ଜରୀ ତାଣା ପାଣ୍ଡିତେରି । ୧୪ ଏଞ୍ଜରୀ ଖାହାନା ଏଞ୍ଜରାଇଁ ଏଲେଇତେରି, “ଏ ଗୁରୁ ମାମୁ ପୁଞ୍ଜୁମାନମି, ନୀନୁ ସାତା କାତା ଖେହନାତି ଅଡ଼େ ଆମ୍ପାଆରାଇଁ ଆଜାଆ ଗାଟାଟି; ଇତିହିଁ ନୀନୁ ମାଶ୍ଟିତି ମୁମୁ ମେସାନା ଜଲଆ ଗାଟାଟି ଇଚ୍ଛୁ ସାତା ତଲେ ମାହାପୁରୁତି ଜିପୁ ଜାପ୍ନାଟି, କାୟିସରକି ସିସୁ ହାନାୟି ମେରା କି ଆଏ, ମାମୁ ହାନମି କି ଆଏ?” ୧୫ ସାମା ଏଞ୍ଜରୀ ଏଞ୍ଜରୀ କାର୍ବିତି ପୁଞ୍ଜୁନା ଏଞ୍ଜରାଇଁ ଏଲେଇତେରି, “ଏନାଆଁତାକି ନାଡ଼େ ତାୟିପାରି କିହମାଞ୍ଜୁଦେରି? ର ଖେଣ୍ଡି ଟାକା ନା ତାଣା ତାଦୁ ନାନ୍ଦୁ ଏଦାଆଁ ସିନିକିଇଁ ।” ୧୬ ଏତେଟିଏ ଏଞ୍ଜରୀ ଏଦାଆଁ ତାତେରି, ଏଞ୍ଜରୀ ଏଞ୍ଜରାଇଁ ଖେରେସି, “ଇ ବମା ଅଡ଼େ ଦରୁ ଆମ୍ପାଆରାଞ୍ଜାୟି?” ଏଞ୍ଜରୀ ଏଞ୍ଜରାଇଁ ଏଲେଇତେରି, “କାୟିସରଞ୍ଜାୟି ।” ୧୭ ଏମ୍ପାଟିଏ ଜୀସୁ ଏଞ୍ଜରାଇଁ ଏଲେଇତେରି, “କାୟିସରଞ୍ଜାୟି ଏନାୟି ଏଦାଆଁ କାୟିସରକି ହୀପୁ; ଇଚ୍ଛୁ ମାହାପୁରୁଞ୍ଜାୟି ଏନାୟି ଏଦାଆଁ ମାହାପୁରୁକି ହୀପୁ ।” ଏତେଟିଏ ଏଞ୍ଜରୀ ଏଞ୍ଜରୀ କାତାତାକି କାବା ଆତେରି । ୧୮ ଏମ୍ପାଟିଏ ହାକିଟି ଖେଣ୍ଡେ ନିଢୁନାୟି ହିଲେଏ ଇଚ୍ଛୁମାନି ସାଦୁକି ଲକ୍ଷୁ ଜୀସୁ ତାଣା ଖାହାନା ଖେରେରି, ୧୯ “ଏ ଗୁରୁ ମସା ମାଡ଼େତାକି ରାତାମାନେସି, ଇତିହିଁ ଆମ୍ପାଆରି ତାୟି ହାନେସି ଇଚ୍ଛୁ ତାନି ତକ୍ତି ନୀତାମାନେ ଇଚ୍ଛୁ ଏଦାନି ଏନି କକାରି ପଦାୟି ହିଲାଇ ଆତିହିଁ ତାନି ତାୟି ତାନି ତକ୍ତିନି ଇଟାନା ତାନି ତାୟିକି କୃତା ଏପାକିନେସି । ୨୦ ମେହ୍ମୁ ସାତା ଜାଣା ତାୟିୟାଁ ମାତେରି; କାଜାସି ର ଆୟାନି ବୀହା ଆତେସି, ଇଚ୍ଛୁ କକାରି ପଦାଁ ଆଆନା ହାତେସି; ୨୧ ଏଞ୍ଜରୀ ଜେଚତାସି ଏ ଇୟାନି ଇତିତେସି ଇଚ୍ଛୁ କକାରି ପଦାଁ ଆଆନା ହାତେସି; ଅଡ଼େ ଜେଚତାସି ଏଲେକିତେସି, ୨୨ ଇଚ୍ଛୁ ସାତା ଜାଣା ଜିକେଏ କକାରି ପଦାଁ ଆଆନା ହାତେରି; ବାରେତି ତାୟୁ ଏ ଇୟା ଜିକେଏ

ହାତେ । ୨୩ ଖେଣ୍ଡେ ନିଢୁନି ବେଲୀତା ଏତିବେଲା ଏଞ୍ଜରୀ ନିଢୁନେରି, ଏତିବେଲା ଏଞ୍ଜରୀ ବିତାଟି ଆମ୍ପାଆରି ତକ୍ତି ଆନେ? ସାତା ଜାଣା ଜିକେଏ ଇଟାମାତେରି ।” ୨୪ ଜୀସୁ ଏଞ୍ଜରାଇଁ ଏଲେଇତେସି, “ମିଡ଼େ ହାରେକା ନାଡ଼ିକିନି ଅଣପୁ ମାନେ । ଦାମ୍ବୁ ସାସୁେରି, ଇଚ୍ଛୁ ମାହାପୁରୁତି ବାଡ଼ୁତୁତି କାତା ପୁଞ୍ଜୁହିଲଅତେରି । ୨୫ ଏନାଆଁତାକି ଇତିହିଁ ହାତାରି ନିଢୁନି ତାୟୁ ଲକ୍ଷୁ ବୀହା ଆଅରି କି ବୀହା ହାଅରି, ସାମା ଲାକପୁରୁତି ଦୁରୁୟାଲେହେଁ ତୟିନେରି । ୨୬ ଇଚ୍ଛୁ ହାତାରି ନିଢୁନେରି ଏ କାତାଟି ମୀରୁ ମସା ରାତିତି ପତିତା ଖେହନାଟି ବୁଟାତି କାବୁ ପଡ଼଼ି ଆହାହିଲଅତେରି କି? ମାହାପୁରୁ ଏନିକି ଏଲେଇଚ୍ଛୁ ମାନେସି, ‘ନାନ୍ଦୁ ଅସାହାମତି ମାହାପୁରୁ, ଇସାହାକିଟି ମାହାପୁରୁ, ଅଡ଼େ ଜାକୁବତି ମାହାପୁରୁତେଏଁ ।’ ୨୭ ଏଞ୍ଜରୀ ହାତାରି ମାହାପୁରୁ ଆଏ, ସାମା ଜୀସୁଗାଟାରି ମାହାପୁରୁ ମୀରୁ ହାରେକା ନାଡ଼ିକିଟି ଆହାମାଞ୍ଜୁରି ।” ୨୮ ଏତିବେଲା ର ମେରା ଜାପ୍ନାସି ତାଣେ ଖାହାନା ଏଞ୍ଜରୀ ବାଦିବାଦା ଆହିମାଟାଣି ଖେଞ୍ଜୁନା ଅଡ଼େ ଜୀସୁ ସାଦୁକି ଲକ୍ଷୁଇଁ ସମାନା କାତା ଖେଣ୍ଡେ ଖେସିମାଟାଣି ଖେଞ୍ଜୁନା ଜୀସୁଇଁ ଖେରେସି, “ଆମିନି ହୁକୁମି ଦାମ୍ବୁପତିତା ବାରେକିହାଁ କାଜାୟି?” ୨୯ ଜୀସୁ ଏଲେଇତେସି, “କାଜା ହୁକୁମି ଇଦି ‘ଏ ଇସାୟେଲ ଖେଞ୍ଜୁ: ପ୍ରବୁ ମା ମାହାପୁରୁ ରଣ୍ଡିଏ ପ୍ରବୁ ମାନେସି; ୩୦ ଅଡ଼େ ନୀନୁ ନୀ ବାରେ ହିୟାଁ ବାରେ ଜୀସୁ ମାନ ହୀହାନା ଅଡ଼େ ବାରେ ବାଡ଼ୁୟୁ ତଲେ ପ୍ରବୁ ନୀ ମାହାପୁରୁଇଁ ଜୀସୁ ନମୁ ।” ୩୧ ଅଡ଼େ ରଣ୍ଡି ଇଦି ନୀନୁ ନୀ ପାଡ଼ିତାଣାଇଁ ନୀ ଜାହାରାଲେହେଁ ଜୀସୁ ନମୁ । ଇ ହୁକୁମିକା ପିସେପେ ଅଡ଼େ ଆମିନି କାଜା ହୁକୁମି ହିଲେଏ । ୩୨ ଏମ୍ପାଟିଏ ଏ ମେରା ପୁନାସି ଜୀସୁଇଁ ଏଲେଇତେସି, “ଏ ଗୁରୁ ଏଦି ସାତା ମାହାପୁରୁ ରଅସିଏ ଇଚ୍ଛୁ ଏଞ୍ଜରୀ ପିସେପେ ଅଡ଼େ ଆମ୍ପାଆସି ହିଲଅସି, ଏଦାଆଁ ନୀନୁ ନେହିଁକି ଖେସ୍ତାଟି; ୩୩ ଇଚ୍ଛୁ ବାରେ ହିୟାଁ, ବାରେ ବୁଦି, ବାରେ ବାଡ଼ୁୟୁ ହାହାନା ଏଞ୍ଜରାଇଁ ଜୀସୁନାୟି ଇଚ୍ଛୁ ପାଡ଼ିତାଣାଇଁ ମା ଜାହାରାଲେହେଁ ଜୀସୁନାୟି ବାରେ ଜନ୍ତୁତି ପୂଜା ହାନି କିହାଁ କାଜାୟି ।” ୩୪ ଏଞ୍ଜରୀ ବୁଦିତଲେ ଜଲମାଞ୍ଜୁନେସି ଇଚ୍ଛୁ ମେସାନା ଜୀସୁ ଏଞ୍ଜରାଇଁ ଏଲେଇତେସି, “ମାହାପୁରୁତି ରାଜିଟି ନୀନୁ ହେକ ହିଲଅତି । ଏତେଟିଏ ଆମ୍ପାଆସି ଜୀସୁଇଁ ଏନାଆଁ ଖେଞ୍ଜୁଲି ସାସା କିଆତେସି ।” ୩୫ ସାମା ଜୀସୁ ପ୍ରାତାନା ଇଲୁତା ଜାପ୍ନାସି ମାଡ଼ିବେଲାତା ଏଲେଇତେସି, “ଜୀସୁ ଦାସୁଦ ମୀରୁଏସି, ଇଦାଆଁ ମେରାପୁନାରି ଏନିକି ଏଲେଇନେରି? ୩୬ ତାୟୁଏ ଦାସୁଦ ମାହାପୁରୁତି ସୁଦୁଜୀସୁ ବେଟାଆହାନା ଖେସାମାତେସି, ‘ପ୍ରବୁ ନା ପ୍ରବୁଇଁ ଏଲେଇତେସି, ନାନ୍ଦୁ ଏତେ ପାତେକା ନୀ ସାଦୁୟାଁଇଁ ନୀ କର୍ତ୍ତା ତଲ କିହାହିଲଅଁ, ଏତେ ପାତେକା ନା ଚିଝିନିଖାକି କୁଗାମାନାମୁ ।’ ୩୭ ଦାସୁଦ ତାୟୁଏ ଏଞ୍ଜରାଇଁ ପ୍ରବୁ ଇଚ୍ଛୁମାନେସି; ଆତିହିଁ ଏଞ୍ଜରୀ ଏନିକି ଦାସୁଦ ମୀରୁଏସି ।” ୩୮ ମାୟୁ ଲକ୍ଷୁ ରାହାଁତି ତାନି କାତା ଖେଞ୍ଜୁମାତେରି, ଅଡ଼େ ଖେଣ୍ଡେ ଏଞ୍ଜରୀ ତାନି ଜାପ୍ନାସି ମାଡ଼ି କାତାତା ଏଲେଇତେସି, “ମେରାପୁନାରି ତାଣାଟି ଜାଗ୍ରାତା, ଏଞ୍ଜରୀ ଲାମ୍ପା ହିମ୍ପୁରିକା ହୁଟାନା ଚେଜାଲି ଇଚ୍ଛୁ ହାଟା ବାଜାରାତା ଜହରା ବେଟାଆହାଲି ରାହାଁ ଆନେରି, ୩୯ ଜୀହୁଦି ଲକ୍ଷୁତି

କୁଟମି ଇଲୁତା କାଜା କୁଟି, ବଜିତା ନେହିଁ ଚାୟୁତା କୁଗାଲି ପାରିନେରି; ୪୦ ଏଝାରି ରାଣ୍ଡେଣିସିକା ଇଲୁକା ସେନିନେରି, ଲୁକୁଣି ତ୍ପାଲି ଲାମ୍ବା ପ୍ରାତାନା କିନେରି; ଏଝାରି ହାରେକା ତଣ୍ଡ ବେଟାଆନେରି ।” ୪୧ ଡାୟୁ ଜୀସୁ ମାହାପୁରୁ ଇଲୁତି ଦାନା ପେଡ଼ା ତାଗେ କୁଗାନା ଲୁକୁ ଏମ୍ବାଆଁ ଏନିକିଁ ଦାନା ହାହିମାନେରି, ଏଦାଆଁ ସିନିକିହିମାରେସି । ଏତିବେଲାତା ହାରେକା ଦନ ଗାଟାରି ଗାଡି ମେଡ଼ହେରି; ୪୨ ଅଡେ ର ହାକି କାକୁଲିଗାଟି ରାଣ୍ଡେଣି ଇୟା ଖାହାନା ରା ଉଣା ତାମ୍ବାତି ଆଦଲି ଏ ପେଡ଼ାତା ମେଡ଼ହେ । ୪୩ ଏତେଟିଏ ଜୀସୁ ତାନି ସୀସୁଣି ତାଗେ ହାଚାନା ଏଲେଇତେସି, “ନାନୁ ମିଡ୍ରେ ସାତା ଖେସିମାଞ୍ଜୁଇଁ, ଦାନା ପେଡ଼ାତା ଟାକାୟଁ ମେଡ଼ହିମାନି ବାରେ ଲୁକୁ କିହାଁ ଇ ହାକି କାକୁଲିଗାଟି ରାଣ୍ଡେଣି ଇୟା ଗାଡି ମେଡ଼ହାମାନେ; ୪୪ ଇତିହିଁ ବାରେକାଣା ତାନି ହାରେକା ଦନଟି ଇତାଣି ମେଡ଼ହା ମାନେରି, ସାମା ଇଦି ତାନି ହିଲାଆବେଲାତା ତାଡ୍ରେ ନୀତାଲି ତାଡ୍ରେ ଏନାୟି ମାଗେ, ଏ ବାରେ ମେଡ଼ହାମାନେ ।”

୧୩ ଜୀସୁ ମାହାପୁରୁ ଇଲୁତି ହାଜିମାଗାଟି ତାନି ସୀସୁୟଁ ବିପ୍ରାତି ରଅସି ଏଝାଣାଇଁ ଏଲେଇତେସି, “ଏ ଗୁରୁ ମେହ୍ମୁ ଏନିଲେହେଁତି ଅଜିତି ଖାଲୁକା ଅଡେ ଏନିଲେହେଁତି ଅଜିତି ମେଡ଼ା ଇଲୁକା!” ୨ ଏତେଟିଏ ଜୀସୁ ଏଝାଣାଇଁ ଏଲେଇତେସି, “ନାନୁ ଏନାଆଁ ଇ କାଜା ମେଡ଼ା ମେସିମାଞ୍ଜୁ? ର ଖାଲି ଅର ଖାଲି ଲାକ ତ୍ପୟେଏ, ବାରେ ମେଣ୍ଡେହାନୁ ।” ୩ ଡାୟୁ ପ୍ରାତାନା ଇଲୁ ନକିତା ମାନି ଜୀତ ହରୁ ଲାକ କୁଗାଲିଏ ପିତର, ଜାକୁବ, ଜହନ, ଅଡେ ଆନିୟୁ ତାନି ତାଣା ମେଣ୍ଡେଏ ଖାହାନା ଖେଚେରି, “ଇ ବାରେ ଏଚେଲା ଆନେ, ୪ ଅଡେ ଆମିନି ବେଲାତା ଇ ବାରେ ଗଟେ ଆନେ ଏ ବେଲାତି ସିନା ଏନାୟି, ଏଦାଆଁ ମାଡ୍ରେ ଖେସ୍ତାମୁ ।” ୫ ଏମ୍ବାଟିଏ ଜୀସୁ ଏଝାଣାଇଁ ଏଲେଇତେସି, “ଜାଗ୍ରାତା, ଆମ୍ବାଆସି ଏନିକିଁ ମିଡ୍ରେ ନାଡ଼ି କିୟସି । ୬ ହାରେକା ନା ଦରୁତେଲ ଖାହାନା, ‘ନାନୁ ଏଝାଡେଏ’ ଇଞ୍ଜି ହାରେକା ଲୁକୁଣି ନାଡ଼ି କିନେରି । ୭ ସାମା ମୀରୁ ଏତିବେଲା ଲୁକୁତି କାତା ଅଡେ ଗଡ଼ହାତି ହାତା ଖେଚ୍ଚେରି, ଏତିବେଲା କିଲିବିଲି ଆଥାପୁ: ଏ ବାରେ ଆନାୟି ମାନେ, ସାମା ଏ କାଲା ଜିକେଏ କୁଗୁ ରାନାୟି ଆଏ । ୮ ଇତିହିଁ ଦେସା କ୍ପାଟି ଦେସା, ରାଜି କ୍ପାଟି ରାଜି ନିଡ୍ରେନେ, ବାରେଖାକି ଦୁମି ଖାଡିନେ ଅଡେ କାତରା ଆନେ; ଇ ବାରେ କକାରି ପଦାୟଁ ଆନାଟି ଲୁଜ୍ଜିନି ବୀସା ଲେହେଁ ।” ୯ ସାମା ମୀରୁ ମିଡ୍ରେ ତାକି ଜାଗ୍ରାତା ଆହାମାଞ୍ଜୁ: ଲୁକୁ ମିଡ୍ରେ ନୀହାୟି କିନି ତାଣା ଦସାନା ଅୟାନେରି, ଅଡେ ମିଡ୍ରେ ଜୀହୁତି ଲୁକୁତି କୁଟମି ଇଲୁକାଣା ଖେତାନେରି, ଇଞ୍ଜି ନା ତାକି ସାଲଖି କିନାରି ତାଣା ରାଜାୟଁ ନକିତା ନିଦେରି, ଏଝାରି ନକିତା ସାକି ଆଦେରି । ୧୦ ଇଞ୍ଜି ବାରେ କୁଡ଼ା ନକିତା ନେହିଁ କାବୁ ନକେଏ ଖେସିଆନେ । ୧୧ ଇଞ୍ଜି ଏତିବେଲା ଲୁକୁ ମିଡ୍ରେ ଅହାନା ହେରପାନେରି, ଏତିବେଲା ମୀରୁ ଏନାଆଁ ଜଲିଦେରି, ଏ କାତା ନକେଏ ଅଣ୍ଡାଆଥାପୁ, ସାମା ଏ ବେଲାତା ମିଡ୍ରେ ଏନାଆଁ ଜଲିଲି ହୀପକିଆନେ ଏଦାଆଁ ଖେହ୍ମୁ: ଇତିହିଁ ମୀରୁ ଜଲିନାତେରି ଆଏ ସାମା ସୁଦୁଜୀଞ୍ଜୁ ଜଲିନାୟି । ୧୨ ତାୟି ତାୟିଲି ଅଡେ

ତାଞ୍ଜି ମୀରୁଏଣାଇଁ ହାହାଲି ତାକି ହେରପାନେରି; ଇଞ୍ଜି ମୀରୁକା ତାଲି ତାଞ୍ଜି କ୍ପାଟି ନିଡ୍ରେନା ଏଝାଣାଇଁ ପାୟିନେରି; ୧୩ ଅଡେ ନାଡ୍ରେତାକି ବାରେ ଲୁକୁ ମିଡ୍ରେ ଅପଅରି; ସାମା ଆମ୍ବାଆସି ରାନି ପାଡେକା ସାସା ଆସାନା ତ୍ପୟିନେସି ଏଝାସି ଗେଲ୍ପି ଆନେସି । ୧୪ ମୀରୁ ଏତିବେଲା ଏ ନାସାକିନି ଅପାଆଗାଟି ଆସି ଆମିନି ତାଣା ତ୍ପୟିନି କାତା ହିଲେଏ, ଏମ୍ବାଆଁ ତ୍ପୟାମାନାଣି ମେହ୍ମଦେରି (ପଡ଼ଖି ଆନାରି ତେଲହାପେରି) ଏତିବେଲା ଆମ୍ବାଆସି ଜୀହୁଦା ଦେସାତା ମାନେରି, ଏଝାରି ହରୁକାଣା ହଣ୍ଡପେରି; ୧୫ ଆମ୍ବାଆସି ଲୁକୁ ଲାକ ମାନେସି, ଏଝାସି ଲୁକୁ ବିତ୍ତା ଖାହାନା ଏନି ଦିଶ୍ତୁ ଅହାଲି ରେତା ଖାଆପେସି କି ବିତ୍ତା ହାଲାଆପେସି; ୧୬ ଇଞ୍ଜି ଆମ୍ବାଆସି ବାଡ଼ାତା ମାନେସି, ଏଝାସି ତାନି ହିମ୍ପରି ଅହାଲି ଖେଣ୍ଡେ ଖାଆପେସି । ୧୭ ଏ ବେଲାତା ଆମିନି ଗାଟାଇ ପୁରାମାସା ଆହାମାନୁ ଇଞ୍ଜି ପାଲୁ ଉଡ଼ହିମାନୁ, ଏ ଦିନା ଆୟତା ଏଝି ଏତେକା କସୁ ବେଟାଆନୁ । ୧୮ ସାମା ଏଦି ଏନିକିଁ ପେନି ବେଲାତା ଆଏ ଏଦାଆଁତାକି ପ୍ରାତାନା କିବୁ । ୧୯ ଇତିହିଁ ଏ କାଲାତା ଇଲେତି କସୁ ଖାନେ, ମାହାପୁରୁ ଗାଡ଼ିକିତି ଦିନାଟିଏ ନାଞ୍ଜୁପାଡେକା ଏଲେକିଁ ଆହା ହିଲେଏ, ଇଞ୍ଜି ଏଲେକିଁ ଏଚେଲାଖା ଆଏ । ୨୦ ସାମା ପୁରୁ ଏ ଲାଗେଏତି କାଲାଲି ଉଣା କିହାମାନେସି । ଏଲେ କିହାହିଲାଆଡିମା, ଏଦି ଏମ୍ବାଟି ଆମ୍ବାଆସି ଗେଲ୍ପି ଆଆଡେରିମା । ତାନି ଆଡ଼ଖିଆତି ଲୁକୁତାକି ଏ କାଲା ଉଣା କିହାମାନେସି । ୨୧ “ଏତିବେଲା ‘ମେହ୍ମୁ କ୍ରୀସୁ ଇମ୍ବାଆ’ ଅଡେ ‘ଏମ୍ବାଆ’ ଇଞ୍ଜି ଲୁକୁ ମିଡ୍ରେ ଖେସ୍ତାନେରି, ଆଡିହିଁ ମୀରୁ ଏଦାଆଁ ନାମାଆଥୁ । ୨୨ ନାଡ଼ିକିନି କ୍ରୀସୁ ଅଡେ ମାହାପୁରୁ ବଲୁ ମିତି ଖେହ୍ନାରି ନିଡ୍ରେନା ଇଲେତି ସିନା ଅଡେ କାବାଆନି କାମାୟଁ ତ୍ପହ୍ନେରି, ଆଡିତିହିଁ, ଆଡ଼ଖିଆତି ଲୁକୁଣି ଜିକେଏ ନାଡ଼ି କିନେରି । ୨୩ ସାମା ମୀରୁ ଜାଗ୍ରାତା ଆହାମାଞ୍ଜୁ: ନାନୁ ମିଡ୍ରେ ତଲିଏ ବାରେ ଖେସିମାଞ୍ଜୁଇଁ । ୨୪ ସାମା ଏ ବେଲାତି ଏ କସୁ ତାୟି ଖେଡ଼ା ଆନେରି ଆନେ ଅଡେ ଲେଞ୍ଜୁ ଉଜେଡ଼ି ହୀଏ, ୨୫ ହୁକାୟଁ ହାଗୁଟି ତରଗାଲି ମାବ୍ନୁ ଅଡେ ହାଗୁ ଲାକିତି ବାଡ଼ୟୁ ବାରେ କିଲିବିଲି ଆନେ । ୨୬ ଏତିବେଲା ଲୁକୁ ମାଣ୍ଡିଏ ମୀରୁଏଣାଇଁ କାଜା ବାଡ଼ୟୁଟି କାଜାପାଣା ତଲେ ହାଗୁ ଲାକିତି ଖାନାଣି ମେହ୍ନେରି । ୨୭ ଏତିବେଲା ଏଝାସି ଦୁଡୁୟାଣି ପାଣ୍ଡାନା ଦାର୍ଡି ମୁବ୍ପେତି ସାରିଖାକିତି ତାନି ଆତାମାନି ଲୁକୁଣି ରୁଣ୍ଡା କିନେସି । ୨୮ ତୟା ମାବ୍ନୁ ପୁଣ୍ଡି କିନି କାତାଟି ଜାପାଦୁ । ଏତିବେଲାତା ଏ ମାବ୍ନୁତା କଡ଼ିନି କମାୟଁ ଅଡେ ଗଖେଡ଼ି ଗାଲୁ, କାରା କାଲମି ଖାତେ ଇଞ୍ଜି ପୁଞ୍ଜେରି । ୨୯ ଏଲେକିହିଁଏ ମୀରୁ ଜିକେଏ ଇ ବାରେ ମେସିସାରେ ଏଝାସି ଦୁଖେରି ତାଗେ ମାନେସି ଇଞ୍ଜି ପୁଞ୍ଜେରି । ୩୦ ନାନୁ ମିଡ୍ରେ ସାତା ଖେସିମାଞ୍ଜୁଇଁ ଇ ବାରେ ଆଆପାଡେକା ଇ କାଲାତି ଲୁକୁ ଏନିଜିକେଏ ମେଣ୍ଡେଅରି । ୩୧ ହାଗୁପାକା ଦାର୍ଡି ବାରେ ମେଣ୍ଡେନେ, ସାମା ନା ବଲୁ ଏଚେଲାଖା ମେଣ୍ଡେନେ ।” ୩୨ ସାମା ଏ ଦିନା କି କାଲାତି କାତା ଆମ୍ବାଆସି ପୁନଅରି, ଲାକପୁରୁତି ଦୁଡୁୟାଁ କି ମୀରୁଏସି ଜିକେଏ ପୁନଅସି, ଖାର୍ଇ ଆବାଦେଁ ପୁନେସି । ୩୩ ମୀରୁ

ଜାଗ୍ରାତା ଆହାନା ମାଷ୍ଟୁ, କାଚାନା ମାଷ୍ଟୁ: ଇତିହିଁ ଏ ବେଲା ଏଚେଲା ଆନେ ଏଦାଆଁ ମୀରୁ ପୁନଅଚେରି । ୩୪ ଏଦି ଇଲେକିହିଁ, ର ମାଣସି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହଲିୟାଢ଼ାଣି ବାରେ କାମାତି ଅଦିକାରା ହୀଚେସି ଇଞ୍ଚି ଦୁଝେରିତା କାଚାଲି ଜିକେଏ ହୁକୁମି ହୀଚେସି । ୩୫ ଏଦାଆଁତାକି କାଚାନା ତୟାମୁ: ଇତିହିଁ ନୀନୁ ପୁଞ୍ଜିହିଲଅତି ଇଲୁତି ସାଞ୍ଜୁକାରି ଏଚେଲା ଖାନେସି, ମିଡ଼ଅଲା କି ମାଦି ଲାଆଁୟି, ଝେୟାଆ ନକେଏ କି ଝେଡ଼ା ହୁନି ବେଲାତା ଏଝାସି ଖାନେସି । ୩୬ ଏଝାସି ଦେବୁଣିଏ ଖାତିସାରେ ମୀରୁ ହୁଞ୍ଜାମାନାଣି ମେସୁଆପେସି । ୩୭ ନୀନୁ ମିଢ଼େ ଏନାଆଁ ଝେସିମାଷ୍ଟୁଇଁ, ଏଦାଆଁ ବାରେତି ଝେସିମାଇଁ, ଜାଗ୍ରାତା ମାଷ୍ଟୁ ।

୧୪ ପିସିଆନି ପାରୁ ଇଞ୍ଚି ପୁଲାଏୟା ଆଶ୍ରାଆତି ରୁଚି ତିନି ପାରୁ ଆହାଲି ରା ଦିନା ମାଚେ । ଏଚିବେଲାତା କାଜା ପୁଜେରାଢ଼ା ଇଞ୍ଚି ମେରା ପୁନାରି ଏନିକି ଏଝାଣାଇଁ ନାଡ଼ିକିହାଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି । ୧ ଇତିହିଁ ଏଝାରି ଏଲେଇଚେରି, “ପାରୁ ବେଲାତା ଆଏ ଏଚେତା ଲକୁ ଗଡ଼ହା କିନେରି ।” ୩ ଜୀସୁ ବେଦନିୟିତା କାଜା ରଗଗାଟି ସିମନ ଇଜ ତିଞ୍ଜାଲି କୁଗାମାଚାଟି ର ଇୟା ର ଗାଜୁତା ହାରେକା ଦାରାତି ଗାନ୍ତୁ ନିୟୁଁ ତାଚାନା ଗାଜୁତି ଦେତାନା ଜୀସୁ ତାୟୁତା ଖାକହାଲି ମାଟ୍‌ହେ । ୪ ସାମା ଏଚେକା ଲକୁ କାରବି ଆହାନା, ତାମୁ ତାମୁଏ ଝେସିପି ଆଚେରି, “ନିୟୁଁ ଏନାଆଁତାକି ନସୁ ଆଚେ? ୫ ଇ ନିୟୁଁ ସାତାକଡ଼ି ଦସତାକା କିହାଁ ଆଗାଡ଼ା ପାର୍‌ସି ଆହାନା ହାକି ଗାଗାରାକି ହାପକି ଆହାଲି ଆତିଚେମା” ଏଦାଆଁତାକି ଏଝାରି ଏ ଇୟାନି ଲାଗାଲି ମାଟ୍‌ହେରି । ୬ ସାମା ଜୀସୁ ଏଲେଇଚେସି, “ଏଦାନି ପିହୁଦୁ: ଏନାଆଁତାକି କସୁ ହାହିମାଞ୍ଜେରି? ଏଦି ନାଢ଼େତାକି ନେହିଁ କିହାମାନେ । ୭ ଇତିହିଁ ହାକି ଗାଗାରି କାଲେଏ ମୀ ତାଣା ମାନେରି, ଅଡ଼େ ମିଢ଼େ ଏଚେତା ମନ ଏଚେତା ଏଝାରି ସାୟେନି କିହାଲି ଆତିଦେରି; ସାମା ନୀନୁ କାଲେଏ ମୀ ତାଣା ତୟାଆଁ । ୮ ଏଦି ଏନାଆଁ ଆତିନାୟି ମାନେ ଏଦାଆଁ କିହାମାନେ; ଏଦି ନା ଆଢ଼ାତି ମୁସାଲି ତାକି ତଲିଏ ନିୟୁଁ ଖାକହାନା ତିୟାରା କିହାମାନେ । ୯ ନୀନୁ ମିଢ଼େ ସାତା ଝେସିମାଷ୍ଟୁଇଁ, ବାରେ ଦାରୁଚିତା ଆମିୟା ଜିକେଏ ନେହିଁ କାରୁ ଝେକ୍‌ନେରି, ଏ ଗାୟୁତା ଇ ଇୟାନି ଅଣପାଲିତାକି ଏଦାନି ଇ କାମାତି କାତା ଜିକେଏ ଝେସିପି ଆନେ ।” ୧୦ ଏମ୍‌ପାଟିଏ ବାରଜାଣା ବିତ୍ରାତି ଇୟାରିୟତ ଜୀହୁଦା ଦବୁଗାଟାସି ରଅସି ଜୀସୁଇଁ କାଜା ପୁଜେରାଢ଼ା କେୟୁତା ହେର୍‌ପାଲି ଏଝାରିତାଣା ହାଚେସି । ୧୧ ଏଝାରି ଏଦାଆଁ ଝେଞ୍ଜାନା ରାହାଁ ଆଚେରି, ଇଞ୍ଚି ଏଝାଣାକି ଟାକାୟି ହାହାଲି ଆଞ୍ଜିଚେରି, ଏମ୍‌ପାଟିଏ ଏଝାସି ଏଝାଣାଇଁ ଆସିପି କିହାଲି ନେହିଁ ପାରୁ ପାରିଚେସି । ୧୨ ତାୟୁ ପୁଲାଗୁଣ୍ଡା ଆଶ୍ରାଆତି ରୁଚି ତିନି ପାରୁତି ମୂଲୁ ଦିନତା ଆମିନି ନେରୁ ପିସିଆନି ପାରୁତି ମେଣ୍ଡା ତାଲୁତି ହେର୍‌ସିଆନେ, ଏ ଦିନା ତାନି ସୀସୁୟି ଏଝାଣାଇଁ ଝେଚେରି, “ମାମୁ ହାଜାନା ଆମିନି ଗାୟୁତା ନିଢ଼େତାକି ପିସିଆନି ପାରୁତି ବଜି

କିନିନି ଇଞ୍ଚି ନୀନୁ ଅଣପିମାଷ୍ଟୁ?” ୧୩ ଏମ୍‌ପାଟିଏ ଏଝାସି ତାନି ସୀସୁୟି ବିତ୍ରାତି ରିଆରାଇଁ ଏଲେଇଞ୍ଜୁ ପାଣ୍ଡିଚେସି, “ମୀରୁ ଗାଡ଼ାତା ହାଜୁ ଇଞ୍ଚି ଏୟୁ ତୁକା ଅହିମାନି ରଅସି ମିଢ଼େ ବେଟାଆୟାନେସି; ଏଝାଣି ଜେଚ ଜେଚ ହାଜୁ: ୧୪ ଏଝାସି ଆମିନି ଇଜ ହୁଡ଼ନେସି, ଏ ଇଲୁ ଗାଟାଣାଇଁ ଝେଞ୍ଜୁ ‘ଗୁରୁ ଝେଞ୍ଜୁମାଷ୍ଟୁନେସି, ନୀନୁ ନା ସୀସୁୟି ତଲେ ଆମିନି ଗାୟୁତା ପିସିଆନି ପାରୁତି ବଜି କିହାଲି ଆନେ ଏ ବାକ୍ତା ଆମିନାୟି?” ୧୫ ଏଚେଟିଏ ଏଝାସି ମିଢ଼େ ନେହିଁକି ତିୟାରା ଆହାମାନି ଲାକନି ପାରୁଚି ର କାଜା ବାକ୍ତା ତୟାନେସି; ଏମ୍‌ପାଟିଏ ମାଢ଼େତାକି ରାନ୍ତୁ ଖାଜାତୁ ।” ୧୬ ଏମ୍‌ପାଟିଏ ସୀସୁୟି ହାଜାନା ଗାଡ଼ାତା ହୁଚେରି, ଇଞ୍ଚି ଏଝାସି ଏଝାଣାଇଁ ଏନିକି ଝେସାମାଚେସି, ଏଲେକି ମେସାନା ପିସିଆନି ପାରୁତି ବଜି ଖାଜିଚେରି । ୧୭ ମିଡ଼ଅଲା ଆହାଲିଏ ଜୀସୁ ବାରଜାଣା ସୀସୁୟି ତଲେ ଖାଚେସି । ୧୮ ଏଝାରି କୁଗାନା ରାନ୍ତୁ ତିଞ୍ଜା ମାଚାଟି ଜୀସୁ ଏଲେଇଚେସି, “ନୀନୁ ମିଢ଼େ ସାତା ଝେସିମାଷ୍ଟୁଇଁ, ମୀ ବିତ୍ରାତି ରଅଚେରି ନାଢ଼େ ସାତୁ କେୟୁତା ହେର୍‌ପାଚେରି ।” ୧୯ ଏମ୍‌ପାଟିଏ ଏଝାରି ଦୁକୁ ଆହାନା ରଅ ରଅରି ଏଝାଣାଇଁ ଝେଞ୍ଜାଲି ମାଟ୍‌ହେରି, “ନୀନୁ ଏଝାଚେଏଁ କି?” ୨୦ ଜୀସୁ ଏଝାଣାଇଁ ଏଲେଇଚେସି, “ବାରଜାଣା ବିତ୍ରାତି ରଅସି, ଆମ୍‌ପାଆସି ନା ତଲେ ସାତୁଖାତା କେୟୁ ମେଡ଼ିହିଁ ମାନେସି । ୨୧ ମାଣସି ମାଟ୍‌ଏଣା କାତା ଏନିକି ରାସକି ଆହାମାନେ, ଏଲେକିହିଁଏ ହାନେସି ସାତା, ସାମା ଆମିନି ଲକୁ ତାଣାଟି ମାଣସି ମାଟ୍‌ଏସି ସାତୁ କେୟୁତା ହେର୍‌ସିଆନେସି, ଆୟୁତା ଏଝାଣି ତଣ୍ଡା ଏ ଲକୁଚି ଜାନାଁ ଆହାହିଲିଆତିହିଁ ଏଝାଣାକି ନେହେଁ ଆଚେମା ।” ୨୨ ଏଝାରି ତିଞ୍ଜା ମାଚାଟି ଜୀସୁ ରୁଚି ଅହାନା ମାହାପୁରୁଇଁ ଜହରା କିହାନା ଏଦାଆଁ ତୁକହା ହାହାନା ଏଲେଇଚେସି, “ଅତୁ ତିଞ୍ଜୁ ଇଦି ନା ଆଢ଼ା ।” ୨୩ ଇଞ୍ଚି ଏଝାସି ଗହନି ସୁଲା ଆସାନା ମାହାପୁରୁଇଁ ଜହରା କିହାଁ ଏଝାଣାକି ହାଚେସି, ଇଞ୍ଚି ବାରେଜାଣା ଏଦାଆଁ ଗସ୍ତେରି । ୨୪ ଇଞ୍ଚି ଜୀସୁ ଏଝାଣାଇଁ ଏଲେଇଚେସି, “ଆମିନି ରାଜିମାନା ନେଚେରି ହାରେକା ଲକୁତାକି ଖାଢ଼ାମାନେ, ଇଦି ଏ ନା ନେଚେରି । ୨୫ ନୀନୁ ମିଢ଼େ ସାତା ଝେସିମାଷ୍ଟୁଇଁ, ଆମିନି ଦିନା ମାହାପୁରୁଚି ରାଜିତା ପୁଣି କିହିଁ ଅଢ଼େରି ପାଡ଼େୟିତି ରାସା ଗହଇଁ ଏ ଦିନା ପାଚେକା ଇଦାଆଁ ଅଡ଼େ ନୀନୁ ଏଚେଲା ଗହୁଆଁ ।” ୨୬ ଇଞ୍ଚି ଏଝାରି ଜହରା ପାରୁ ପାଟିତି ତାୟୁ ଜୀତ ହୁୟୁତା ହୁତା ହାଚେରି । ୨୭ ଏଚିବେଲା ଜୀସୁ ଏଝାଣାଇଁ ଏଲେଇଚେସି, “ମୀରୁ ବାରେ ପିସା ହାଜାଦେରି, ଇତିହିଁ ରାସକି ଆହାମାନେ, ନୀନୁ ମେଣ୍ଡା ଗଡ଼ୁଇଁ ପାୟିଇଁ ଇଞ୍ଚି ମେଣ୍ଡାୟି ଆଲାବା ଆହାହାନୁ । ୨୮ ସାମା ନୀନୁ ହାହାନା ଝେଣ୍ଡେ ନିଢ଼େତି ତାୟୁ ମୀ ନକିତା ଗାଲିଲିତା ହାଇଁ ।” ୨୯ ଏମ୍‌ପାଟିଏ ପିତର ଏଲେଇଚେସି, “ବାରଜାଣା ପିସା ହାଜାନେରି ନୀନୁ କଡ଼େ ନିଢ଼େ ଏଚେଲା ପିସୁଆଁ ।” ୩୦ ଜୀସୁ ପିତରଇଁ ଏଲେଇଚେସି, “ନୀନୁ ନିଢ଼େ ସାତା ଝେସିମାଷ୍ଟୁଇଁ, ନୀଞ୍ଜୁ ଇ ଲାଆଁୟି କୟୁ ରୀ ଦେବା କେଣ୍ଡାଆ ମାନାଟିଏ, ନୀନୁ ଏଝାଣାଇଁ ପୁଞ୍ଜିହିଲଅଁ ଇଞ୍ଚି ତାନିପାଲି ଏଲେଇଞ୍ଜୁ ।” ୩୧ ସାମା ପିତର ଆଟ୍‌ଏ ତଲେ ଏଲେଇଚେସି, “ନାଢ଼େ ନୀ ତଲେ

ହାହାଲି ଆତି ଜିକେଏ ନାନୁ ନିଢ୍ଢେ ଏରେଲା ପୁଞ୍ଜିହିଲଅଁ ଇଞ୍ଜୁଅଁ ।” ଇଞ୍ଜୁ ବାରେଜାଣା ଜିକେଏ ଏଲେଇଚେରି । ୩୨ ଡାୟୁ ଏଞ୍ଜାରି ରେଡ୍‌ସିମନ ଇନି ର ଚାୟୁତା ଖାଚେରି, ଇଞ୍ଜୁ ଜୀସୁ ତାନି ସୀୟୁୟିଲ୍ ଏଲେଇଚେସି, “ନାନୁ ପ୍ରାତାନା କିହିମାନି ପାଚେକା ଇମ୍ପାଆଁ କୁଗାନା ମାଞ୍ଜୁ ।” ୩୩ ଇଞ୍ଜୁ ଏଞ୍ଜାସି ପିତର, ଜାକ୍‌ବ ଅଡ଼େ ଜହନଇଁ ତାନିତଲେ ଅଚେସି । ଏଞ୍ଜାସି ହାରେକା ଦୁକ୍‌କୃତି କସୁ ଡାକି କିଲିବିଲି ଆଚେସି । ୩୪ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ନା ଜୀସୁ ହାନିଲେହେଁ ହାରେକା କିଲିବିଲି ହୁଟିମାଞ୍ଜାନେ; ମୀରୁ ଇମ୍ପାଆଁ ଚେଷଏଲାନା କାଚାମାଞ୍ଜୁ ।” ୩୫ ଜୀସୁ ନକିତା ହାଜାନା ବୃମିତା ମୁରୁ କୁଚିଚେସି, ଅଡ଼େ ଆହାଲି ଆତିଚିହିଁ, ଏ ଦୁକୁ ଏଞ୍ଜାଣି ଡାଣାଟି ଏନିକିଁ ହେକ ଆନେ, ଏଦାଆଁତାକି ପ୍ରାତାନା କିଚେସି । ୩୬ ଇଞ୍ଜୁ ଜୀସୁ ଏଲେଇଚେସି, “ଆବା, ନାନୁ ବାରେଏ କିହାଲି ଆତିଦି; ଇ କସୁ ବାଦା ନା ଡାଣାଟି ହେକ କିମ୍ପୁ; ଆତିଜିକେଏ ନା କାତା ଆଏ ନୀ କାଚେଏ ଆପେ ।” ୩୭ ଇଞ୍ଜୁ ଏଞ୍ଜାସି ଖାହାନା ସୀୟୁୟିଲ୍ ଇଦା କିତାଣି ମେସ୍‌ସେସି, ଇଞ୍ଜୁ ପିତରଇଁ ଏଲେଇଚେସି, “ସିମନ ନାନୁ ତୁରିଚିକି? ଗାଡ଼େକା ଜିକେଏ କାଚାଲି ଆତାଆଚେରି? ୩୮ ଏଦାଆଁତାକି କାଚାନା ପ୍ରାତାନା କିଦୁ; ଏନିକିଁ ମୀରୁ ପାନ୍ତାତା ହେଉଅଚେରି, ମନ ମାନେ ସାତା, ଆଢ୍ଫାତା ବାଡୁୟୁ ହିଲେଏ ।” ୩୯ ଏଞ୍ଜାସି ଅଡ଼େ ଷେଣ୍ଡେ ହାଜାନା ତଲିଚିଲେହେଁ ପ୍ରାତାନା କିଚେସି । ୪୦ ଅଡ଼େ ଷେଣ୍ଡେ ଖାହାନା ଏଞ୍ଜାସି ଏଞ୍ଜାରାଇଁ ଇଦା କିହାମାନାଣି ମେସ୍‌ସେସି, ଇଚିହିଁ ଏଞ୍ଜାରି କାଣ୍‌କା ପଢ଼ି ଆହିମାରୁ, ଇଞ୍ଜୁ ଏଞ୍ଜାରି ଏଞ୍ଜାଣାଇଁ ଏନାଆଁ ଜଲିନେରି ପୁଞ୍ଜାଲି ଆତାଆଚେରି । ୪୧ ଜୀସୁ ତାନି ଦେବା ଖାହାନା ସୀୟୁୟିଲ୍ ଏଲେଇଚେସି, “ମୀରୁ ଗାଡ଼େକା ତୁରାନା ଜମାଦୁ; ହାରେକା ବେଲା ଆଚେୟିଏ, ଏ ବେଲା ଏଗାଞ୍ଜାହିମାନେ; ମେହ୍‌ଦୁ ମାଣ୍‌ସି ମୀରୁଏସି ସାତୁୟି କେୟୁତା ହେରୁପି ଆହିମାନେସି । ୪୨ ନିଢ୍ଫୁଦୁ, ମୀର ହାନ, ମେହ୍‌ଦୁ ଆମ୍ପାଆସି ନାଢ୍ଢେ ସାତୁୟି କେୟୁତା ହେରୁପାନେସି ଏଞ୍ଜାସି ଏଗାଞ୍ଜାଚେସିଏ ।” ୪୩ ଏ ଦେବୁଣିଏ ଜୀସୁ ଷେସିମାଟି ବେଲାତା, ବାରେଜାଣା ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜୁ ତାନିତଲେ କାଜା ପୁଜେରାଢ୍ଫା, ମେରା ପୁନାରି ଇଞ୍ଜୁ ଲକ୍‌କୃତି କାଜାରି ଡାଣାଟି କାଣ୍ଡା ଚେଢ୍ଫା ଆସାନା ଖାଚେରି । ୪୪ ଜୀସୁଇଁ ସାତୁୟି କେୟୁତା ହେରୁପିନାସି ଏଞ୍ଜାରାଇଁ ଇ ସିନା ଷେସାମାଚେସି, “ନାନୁ ଆମ୍ପାଆରାଇଁ ନଣ୍ଡିଇଁ ଏଞ୍ଜାସିଏ ଏଞ୍ଜାସି । ଏଞ୍ଜାଣାଇଁ ଦସାନା ଜାଗ୍ରାତା ତଲେ ଅଦୁ ।” ୪୫ ଇଞ୍ଜୁ ଏଞ୍ଜାସି ଏ ଦେବୁଣିଏ ଏଞ୍ଜାଣି ଡାଗେ ହାଜାନା, “ଏ ଗୁରୁ” ଇଞ୍ଜୁନା ଏଞ୍ଜାଣାଇଁ ନଣ୍ଡିଚେସି । ୪୬ ଏମ୍ପାଟିଏ ଏଞ୍ଜାରି ଏଞ୍ଜାଣାଇଁ ଆସାନା ଦସା ଅଚେରି । ୪୭ ସାମା ଡାଗେ ନିଚାମାଟି ଲକ୍‌କୃ ବିତ୍ରାଟି ରଅସି କାଣ୍ଡା ହୁପ୍‌ହେସି ଇଞ୍ଜୁ କାଜା ପୁଜେରା ହଲେଏଣା କିୟୁଁ ଦାଚେସି । ୪୮ ଜୀସୁ ଏଞ୍ଜାରାଇଁ ଏଲେଇଚେସି, “ସରୁଇଁ ଆସାଲି ହାନିଲେହେଁ କାଣ୍ଡା ଅଡ଼େ ଚେଢ୍ଫା ଆସାନା ମୀରୁ ନାଢ୍ଢେ ଆସାଲି ଖାଚେରି? ୪୯ ନାନୁ ବାରେଦିନା ମୀ ତଲେ ପ୍ରାତାନା ଲକ୍‌କୃତା ମାଞ୍ଜାନା ଜାପ୍‌ହି ମାଞ୍ଜାଚେସି, ସାମା ମୀରୁ ନାଢ୍ଢେ ଆସୁଆଚେରି; ସାମା ଦାମ୍ପୁ ପିଟିଚି ରାସ୍‌କି ଆତି ବଲ୍ଲୁ ଏନିକିଁ

ସାତା ଆନେ, ଏଦାଆଁତାକି ଇ ବାରେ ଆହିମାନେ ।” ୫୦ ଏଚିବେଲା ବାରେଜାଣା ସୀୟୁୟି ଏଞ୍ଜାଣାଇଁ ପିସାନା ହାଚେରି । ୫୧ ର ଦାଗ୍‌ଣା କକାସି ର ହିମ୍ପୁରି ପିଡ଼ଗାହିଁ ଜୀସୁ ଜେଚ ଜେଚ ହାଜିମାଚେସି; ଏଞ୍ଜାରି ଏଞ୍ଜାଣାଇଁ ଆସାଲି ହାଜାଲିଏ, ୫୨ ଏଞ୍ଜାସି ଏ ପାତାଡ଼ା ହିମ୍ପୁରି ପିସାନା ଖାରୁଇ ଆଢ୍ଫାଟି ହଟାତୁସେସି । ୫୩ ଡାୟୁ ଏଞ୍ଜାରି ଜୀସୁଇଁ କାଜା ପୁଜେରା ନକିତା ଅଚେରି, ଇଞ୍ଜୁ କାଜା ପୁଜେରା, ଲକ୍‌କୃତି କାଜାରି ଅଡ଼େ ମେରା ପୁନାରି ବାରେ ଖାହାନା ରୁଣ୍ଡା ଆଚେରି । ୫୪ ପିତର ହେକ ମାଞ୍ଜାନା ଏଞ୍ଜାଣି ଜେଚ ଜେଚ କାଜା ପୁଜେରା ଆଗେଣି ବିତ୍ରା ହାଚେସି ଇଞ୍ଜୁ ଜାମାନାଢ୍ଫା ତଲେ କୁଗାନା ହିରୁ କେରୁଞ୍ଜି ମାଚେସି । ୫୫ ଏମ୍ପାଟିଏ କାଜା ପୁଜେରାଢ୍ଫା ଇଞ୍ଜୁ ବେରଣି ମାଣ୍ଡାଟି ବାରେଜାଣା ଜୀସୁଇଁ ପାୟୁଲି ଏଞ୍ଜାଣି କପାଟି ସାକିୟୁଁ ପାରିଚେରି, ସାମା ଏନି ଦହ ବେଟାଆଆଚେରି; ୫୬ ଇଚିହିଁ ହାରେକା ଏଞ୍ଜାଣି କପାଟି ମିଚି ସାକିୟୁଁ ହାଟି ଜିକେଏ ଏଞ୍ଜାରି ହାଟି ସାକି ଆଣ୍ଡାଆଚେ । ୫୭ ଡାୟୁ ଏଚରେଜାଣା ହୁଚାନା ଏଞ୍ଜାଣି କପାଟି ମିଚି ସାକି ହାହାନା ଏଲେଇଚେରି, ୫୮ “ମୀରୁ ଇଞ୍ଜାଣାଇଁ ଇ କାତା ଷେସିମାଚାଣି ଷେଞ୍ଜାମାନମି, ନାନୁ ଇ କେୟୁଟି କେପିଟି ପ୍ରାତାନା ଲକ୍‌କୃତି ଡିକ୍‌ହାନା ତାନିଦିନା ବିତ୍ରା ଅଡ଼େ ମାଣ୍‌ସି ଚେପାଆତି ପ୍ରାତାନା ଲକ୍‌କୃ କେପିଇଁ । ୫୯ ସାମା ଏମ୍ପାଆଁ ଜିକେଏ ସାକି ଆଣ୍ଡାଆଚେ ।” ୬୦ ଏଚେଟିଏ କାଜା ପୁଜେରା ମାଦିଏ ନିଚାନା ଜୀସୁଇଁ ଷେଚେସି, “ନୀ କପାଟି ଇଞ୍ଜାରି ଆମିନି ସାକି ହାହିମାନେରି, ଷେଣ୍ଡେ ଜଲଲି ଏନି କାତା ହିଲେଏ କି?” ୬୧ ସାମା ଏଞ୍ଜାସି ପାଲେଏ ଆହାନା ଏନି କାତା ଜଲଲିଆଚେସି, କାଜା ପୁଜେରା ଅଡ଼େ ଷେଣ୍ଡେ ଏଞ୍ଜାଣାଇଁ ଷେଚେସି, “ନାନୁ କି ମାନିଗାଟି ମାହାପୁରୁ ମୀରୁଏଣାଟି କ୍ରୀସୁ?” ୬୨ ଜୀସୁ ଏଲେଇଚେସି, “ନାନୁ ଏଞ୍ଜାଚେସି, ମୀରୁ ମାଣ୍‌ସି ମୀରୁଏଣାଇଁ ବାଡୁୟୁଗାଟି ଚିଷିନିଖାକି କୁଗାମାନାଣି ମେହ୍‌ଦେରି ଇଞ୍ଜୁ ହାଗୁ ଦୁନ୍ଧୁଟି ଷେଣ୍ଡେ ଖାନାଣି ମେହ୍‌ଦେରି ।” ୬୩ ଏଚେଟିଏ କାଜା ପୁଜେରା ତାନି ହିମ୍ପୁରି ରେସାନା ଏଲେଇଚେସି, “ମାଢ୍ଢେ ଅଡ଼େ ଏନି ସାକିୟୁଁ ଲଡ଼ା ହିଲେଏ । ୬୪ ମୀରୁ ମାହାପୁରୁ ନିନ୍ତୁ ଷେଚେରି; ମୀ ଅଣ୍‌ପୁ ଏନାୟି?” ଏମ୍ପାଟିଏ ବାରେଜାଣା ଏଞ୍ଜାସି ହାନି ଡଣ୍ଡ ବେଟାଆପେସି ଇଞ୍ଜୁ ଏଲେଇଚେରି । ୬୫ ଇଞ୍ଜୁ ଆମ୍ପା ଆମ୍ପାଆରି ଏଞ୍ଜାଣିଲକ ହୁପିଚେରି ଇଞ୍ଜୁ ଏଞ୍ଜାଣି କାଣ୍‌କା ପଜାନା ଏଞ୍ଜାଣାଇଁ ଷେଚାନା ଷେଚେରି, “ମାହାପୁରୁ ଅଣ୍‌ପୁଟି ବଲ୍ଲୁ ହେହ୍‌ନାଟି ଆମ୍ପାଆସି ନିଢ୍ଢେ ଷେଚାଚେସି, ଷେସ୍‌ମାମ୍ପା” ଜାମାନାଢ୍ଫା ଜିକେଏ ଆସାନା ସାପ୍‌ଡା ଷେଚିହିଁ ଅଚେରି । ୬୬ ଏମ୍ପାଟିଏ ପିତର ଆଗେଣିତା ମାଟିବେଲାତା କାଜା ପୁଜେରା ହଲେଣି ଖାହାନା ପିତର ହିରୁ କେରୁଞ୍ଜି ମାଚାଣି ମେସ୍‌ସେ, ୬୭ ଇଞ୍ଜୁ ପିତରଇଁ ସିନିକିହାନା ଏଲେଇଚେ, “ନାନୁ ଜିକେଏ ନାଜରିଚି ଜୀସୁତଲେ ମାଟି ।” ୬୮ ସାମା ଏଞ୍ଜାସି, ନାନୁ ଏଞ୍ଜାଣାଇଁ ପୁଞ୍ଜାହିଲଅଁ, ନାନୁ ଏନାଆଁ ଷେସିମାଞ୍ଜୁ ନାନୁ ପୁଞ୍ଜାହିଲଅଁ, ଡାୟୁ ଏଞ୍ଜାସି ଆଗେଣି ଦୁଷେରିତା ହାଚେସି, ରେରୁଏ କୟୁ କେଶ୍‌ଚେ । ୬୯ ଇଞ୍ଜୁ ଏ ହଲେଣି ଏଞ୍ଜାଣାଇଁ ମେସାନା ଦାରିତା ନିଚାମାନି ଲକ୍‌କୃଣି ଅଡ଼େ ଷେଣ୍ଡେ ଷେସାଲି ମାଡ଼ହେ, “ଇଞ୍ଜାସି ଏଞ୍ଜାରି ବିତ୍ରାଟି ରଅସି

। ୧୦ ସାମା ଏଝାସି ଅଡ଼େ ଖେଣ୍ଡେ ପୁଞ୍ଜାହିଲଅଁ ଇଚେସି, ଅଡ଼େ ଗାଡ଼େକା ଆହାଲିଏ ଦାରିତା ମାଟି ଲକ୍ଷୁ ପିତରଇଁ ଏଲେଇଚେସି, “ନାନୁ ସାଚେଏ ଏଝାରି ବିଦ୍ରାଟି ରଅତି, ଇଚିହିଁ ନାନୁ ର ଗାଲିଲି ଲକ୍ଷୁଟି ।” ୧୧ ସାମା ଏଝାସି ପାର୍ମାଣା ଇଞ୍ଜିଁ ବାକା ଇଟାନା ଏଲେଇଚେସି, ମୀରୁ ଆମିନି ଲକ୍ଷୁଟି କାତା ଖେସିମାଞ୍ଜେରି, ନାନୁ ଏଝାଣାଇଁ ପୁଞ୍ଜାହିଲଅଁ । ୧୨ ଏ ଦେବୁଣିଏ କୟୁ ରୀ ଦେବା କେଶତେ । ଏମ୍ପାଟିଏ କୟୁ ରୀ ଦେବା କେଶଥା ନକେଏ ନାନୁ ନାଟ୍ଟେ ତାନି ଦେବା ନାନୁ ପୁଞ୍ଜାହିଲଅଁ ଇଞ୍ଜୁଦି, ଆମିନି କାତା ଜୀସୁ ପିତରଇଁ ଏଲେଇଞ୍ଜୁମାଚେସି, ଏଦି ଏଝାଣି ମନତା ଖାଚେ, ଇଞ୍ଜିଁ ଏଝାସି ଏ କାତା ଅଣ୍ପିହିଁ ହାରେକା ଡ଼ାହାଲି ମାଟ୍‌ହେସି ।

୧୫ ଲାଇ ଖେୟାଲିଏ ବେରଣି ମାଣ୍ଡାତାରି, ଇଚିହିଁ ଲକ୍ଷୁଟି କାଜାରି ଇଞ୍ଜିଁ ଚମରା ପୁନାରି ତଲେ କାଜା ପୁଜେରାଞ୍ଜୁ ବେରଣି କିହାନା କାତା ଆଚେରି । ଜୀସୁଇଁ ଦୟାଏ ଅହାନା ପିଲାତ କେୟୁତା ହେର୍‌ପିଚେରି । ୨ ପିଲାତ ଏଝାଣାଇଁ ଖେଚେସି, “ନାନୁ କି ଜୀହୁଦି ଲକ୍ଷୁଟି ରାଜା?” ଜୀସୁ ଏଝାଣାଇଁ ଏଲେଇଚେସି, “ନାନୁଏ ଏଲେ ଇଞ୍ଜୁମାଞ୍ଜୁ ।” ୩ ଇଞ୍ଜିଁ କାଜା ପୁଜେରାଞ୍ଜୁ ଜୀସୁ କପାଟି ହାରେକା କାତାୟଁ ଖେସ୍ତେରି । ୪ ଏମ୍ପାଟିଏ ପିଲାତ ଅଡ଼େ ଖେଣ୍ଡେ ଏଝାଣାଇଁ ଖେଚେସି, “ନାନୁ ଏନାଆଁତାକି ଖେସିମାଞ୍ଜୁଅତି? ମେହ୍‌ମୁ ଇଝାରି ନୀ କପାଟି ହାରେକା କାତା ଜଲିମାନେରି ।” ୫ ସାମା ଜୀସୁ ଏନି ହାତା ଜଲାଇଥାଚେସି, ଏଚେଟିଏ ପିଲାତ କାକା ଆଚେସି । ୬ ସାମା ପାର୍ଟୁ ବେଲାତା ଲକ୍ଷୁ ଆମିନି କାୟିଦିତା ମାତାଣାଇଁ ରାସିମାଚେରି, ଏଝାଣାଇଁ ପିଲାତ ଏଝାରି ତାକି ପିସିମାଚେସି । ୭ ଆମିନି ଗଡ଼ହା ଗାଟାରି ଗଡ଼ହା ବେଲାତା ଲକ୍ଷୁଣି ପାୟାମାଚେରି, ଏଝାରିତଲେ ବାରବା ଦୁରୁଗାଟାସି କାୟିଦିତା ମାଚେସି । ୮ ଏଦାଆଁତାକି ତାନି ଚମରା ଲେହେଁ କିହାଲି ପିଲାତଇଁ ବାଟିମାଲିଚେରି । ୯ ଏମ୍ପାଟିଏ ପିଲାତ ଏଝାଣାଇଁ ଏଲେଇଚେସି, “ମୀରୁ ଏନାଆଁ ଅଣ୍ପିମାଞ୍ଜେରି? ନାନୁ ମିଟ୍ଟୋତାକି ଜୀହୁଦି ଲକ୍ଷୁଟି ରାଜାଇଁ ପିସାହିୟାଇଁ?” ୧୦ ଇଚିହିଁ କାଜା ପୁଜେରାଞ୍ଜୁ ଏଝାଣାଇଁ ଡ଼ାହାଲା ତଲେ ହେର୍‌ପାମାଚେରି, ଏଦାଆଁ ଏଝାସି ପୁଚେସି । ୧୧ ସାମା ଏଝାସି ଏନିକି ଏଝାରି ତାକି ବାରବାଇଁ ପିହ୍‌ନେସି, ଏଦାଆଁତାକି କାଜା ପୁଜେରାଞ୍ଜୁ ଲକ୍ଷୁଣି ଖେସ୍ତେରି । ୧୨ ସାମା ପିଲାତ ଖେଣ୍ଡେ ଏଝାଣାଇଁ ଏଲେଇଚେସି, “ଆଚିହିଁ ଆମ୍ପାଆରାଇଁ ଜୀହୁଦି ଲକ୍ଷୁଟି ରାଜା ଇଞ୍ଜିଁ ମାଞ୍ଜେରି, ଜୀସୁଇଁ ନାନୁ ଏନାଆଁ କିଇଁ?” ୧୩ ଲକ୍ଷୁ ବାରେ କାଲ୍‌ଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ ।” ୧୪ ଏମ୍ପାଟିଏ ପିଲାତ ଏଝାଣାଇଁ ଖେଚେସି, “ଏନାଆଁତାକି ଏଝାସି ଏନି ଦହ କିହାମାନେସି?” ସାମା ଏଝାରି ଗାଡ଼ି କାଲ୍‌ଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ ।” ୧୫ ଏଚେଟିଏ ପିଲାତ ଲକ୍ଷୁଣି ରାହାଁ କିହାଲି ମନ କିହାନା ଏଝାରି ତାକି ବାରବାଇଁ ପିସ୍ତେସି, ଇଞ୍ଜିଁ ଜୀସୁଇଁ ସାଢ଼ଣି ତଲେ ଖେପି କିହାନା ପାସି ମୁଣ୍ଡାତା ଏକହାଲି ହେର୍‌ପିଚେସି । ୧୬ ଏମ୍ପାଟିଏ କୟୁକା ଜୀସୁଇଁ ଆଂଗେଣିଟି ମେଡ଼ା ଇଲ୍ଲୁ ବିଦ୍ରା ଅହାନା ବାରେ କୟୁକାସି ହାଟାନା ରୁଣ୍ଡା କିଚେରି ।

୧୭ ଏଝାରି ଏଝାଣାଇଁ ହେୟାଁ ଖାଣା ହିମ୍ପୁରି ହୁଟିକିଚେରି ଇଞ୍ଜିଁ ହାପକା ଟପେରି ଆଲାମା ଏଝାଣି ଡ଼ାୟୁତା ଦୁରୁଝି କିଚେରି; ୧୮ ଅଡ଼େ “ଏ ଜୀହୁଦି ଲକ୍ଷୁଟି ରାଜା ଜହରା” ଇଞ୍ଜିଁ ଏଝାଣାଇଁ ନିମ୍ପୁକିଚେରି । ୧୯ ଇଞ୍ଜିଁ ଏଝାରି ର ବାଡ଼ଗା ଆସାନା ଏଝାଣି ଡ଼ାୟୁତା ଖେଚେରି ଇଞ୍ଜିଁ ମେଣ୍ଡାକୂତାନା ଜହରା କିଚେରି । ୨୦ ଏଝାରି ଏଝାଣାଇଁ ଲାଜାକିହିଁ କାକହି ଡ଼ାୟୁ ଏ ହେୟାଁ ଖାଣାଗାଟି ହିମ୍ପୁରି ହୁକହା ଅହାନା ତାନି ହିମ୍ପୁରି ହୁଟିକିଚେରି । ଇଞ୍ଜିଁ ଏଝାରି ଏଝାଣାଇଁ ପାସି ମୁଣ୍ଡାତା ଏକହାଲି ପାଞ୍ଜାତା ଅଚେରି । ୨୧ ଏଚିବେଲା ଆଲେକକାଣ୍ଡାରି ଇଞ୍ଜିଁ ରୁପତାମି ଆବା ସିମନ ଦରୁଗାଟି ର କୁରିଣିୟ ଲକ୍ଷୁ ନାୟୁଟି ଖାହାନା ଏ ଜିରୁଟି ହାଜିମାଚେସି; ଏଝାରି ଏଝାଣାଇଁ ଜୀସୁଟି ପାସିମୁଣ୍ଡା ଚେକାଲି ବାଲାମାତମି କିଚେରି । ୨୨ ଇଞ୍ଜିଁ ଏଝାରି ଏଝାଣାଇଁ ଗଲ୍‌ଗତା ଇଚିହିଁ “ଡ଼ାୟୁଟିପାଁ” ଇନି ଡ଼ାୟୁତା ଚାଚେରି । ୨୩ ଇଞ୍ଜିଁ ଏଝାରି ଏଝାଣାକି ପୁଲା ଆଣ୍ଡିଟି ଅଢ୍ଢୁରି ରାସା ଗସାଲି ହାଚେରି, ସାମା ଏଝାସି ଏଝାଆଁ ଗହ୍‌ଆଚେସି । ୨୪ ଏଚେଟିଏ ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି, ଇଞ୍ଜିଁ ଆମ୍ପାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ପୁରିକା ଡ଼ାମୁ ଡ଼ାମୁ ବାଟି କିହାନା ଅଚେରି । ୨୫ ଦିନା ନ ଗଂଟା ବେଲାତା ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି । ୨୬ ଇଞ୍ଜିଁ ଏଝାଣିଲକ ଇଲେଇଞ୍ଜିଁ ରାସକି ଆହାମାଚେ, “ଇଝାସି ଜୀହୁଦି ଲକ୍ଷୁଟି ରାଜା ।” ୨୭ ଇଞ୍ଜିଁ ଏଝାଣି ଚିଝନିଝାକି ରଅଣାଇଁ ଅଡ଼େ ଚେଟିଝାକି ରଅଣାଇଁ, ଇଲେକିହିଁ ରୀ ସରକାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକହେରି । ୨୮ ଏଚେଟିଏ ଦାମ୍ପୁ ପିଟିଟି କାତା ସାତା ଆଚେ, ଏଝାସି ପାପୁ ଗାଟାରି ତଲେ ଲେକା କିଝିଆଚେସି । ୨୯ ଏ ଜିରୁଟି ହାଜିମାନି ଲକ୍ଷୁ ତାନି ଡ଼ାକାଁ ପୁଟକିକିହିଁ ଏଝାଣାଇଁ ନିମ୍ପୁକିହିଁ ଏଲେଇଚେରି, “ଆବା, ମାହାପୁରୁ ଇଲ୍ଲୁଟି ଡ଼ିକନାଟି ଇଞ୍ଜିଁ ତାନି ଦିନାଟିଏ ଏଦାଆଁ କେପିନାଟି, ୩୦ ପାସି ମୁଣ୍ଡାଟି ରେଟାଝାହାନା ନିଢ୍ଢେ ଗେଲ୍‌ପା କତାମୁ ।” ୩୧ କାଜା ପୁଜେରାଞ୍ଜୁ ଜିକେଏ ଏଲେକିଁ ମେରାପୁନାରି ତଲେ ଡ଼ାମୁ ଡ଼ାମୁ ଏଝାଣାଇଁ ନିମ୍ପୁକିହିଁ ଏଲେଇଚେରି, “ଏଝାସି ଅର ଲକ୍ଷୁଇଁ ଗେଲ୍‌ପିଚେସି, ସାମା ତାଟ୍ଟେ ଗେଲ୍‌ପାଲି ଆଡ଼ିହିଲଅସି । ୩୨ ଇସାୟେଲିଚି ରାଜା କ୍ରୀସୁଟି ଇଚିହିଁ ଦେବୁଣିଏ ପାସି ମୁଣ୍ଡାଟି ରେଟା ଖାମୁ, ଏନିକିଁ ମାମୁ ଏଦାଆଁ ମେସାନା ନାମାନମି ।” ଇଞ୍ଜିଁ ଆମିନି ଗାଟାରାଇଁ ଜୀସୁତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଝାଣାଇଁ ନିମ୍ପୁକିଚେରି । ୩୩ ବାର ଗଂଟା ବେଲା ଏ ଦେସା ଆନେରି ଆହାନା ତାନି ଗଂଟା ପାଚେକା ଡ଼ୟିଚେ । ୩୪ ତାନି ଗଂଟା ବେଲାତା ଜୀସୁ କାଜା ହାତାତଲେ ହାଟାନା ଏଲେଇଚେସି, “ଏଲହି ଏଲହି ଲାମା ସାବକ୍‌ତାନି?” ଇଚିହିଁ “ଏ ନା ମାହାପୁରୁ ଏ ନା ମାହାପୁରୁ ନାନୁ ନାଟ୍ଟେ ଏନାଆଁତାକି ପିସ୍ତାଟି?” ୩୫ ଇ ହାତା ଖେଞ୍ଜାନା ଦାରିତା ନିଚାମାନି ଲକ୍ଷୁ ଆମ୍ପା ଆମ୍ପାଆରି ଏଲେଇଚେରି, “ମେହ୍‌ମୁ ଏଝାସି ଏଲିୟଇଁ ହାଟି ମାନେସି ।” ୩୬ ଇଞ୍ଜିଁ ରଅସି ହଚିହିଁ ହାଜାନା ର ଡ଼ାଝାଆଲି ପୁଲା ଅଢ୍ଢୁରି ରାସାତା ମେହ୍‌ହାନା ଏଦାଆଁ ର ବାଡ଼ଗାଟା ରୁପାନା ଏଝାଣାକି ଗସାଲି ହାହାନା

ଏଲେକ୍ଟରେସି, “ହେଣୁ ଏଲିୟ ଇଖାଣାଇଁ ଗେଲ୍‌ପାଲି ଖିମାନେସି କି ଆଏ ସିନିକିନି ।” ୩୨ ଯାମା ଜୀସୁ କାଜା ଗିୟ୍‌ତଲେ ଜ୍ଞାନା ହାତେସି । ୩୮ ଇଚ୍ଛା ମାହାପୁରୁ ଇଲୁତା ଲେଟାମାନି ହିମ୍ବର ଲାକଟିଏ ଡଳ ପାତେକା ଗେଜ୍ଞାନା ରୀ ବାଗା ଆତେ । ୩୯ ଏଖାଣି ନକିତା ନିତାମାନି ପାସାକଡ଼ି କସକା ମୁହେଁ କାଜାସି ଏଖାଣି ଇଲେଟି ହାତାଣି ମେସାନା ଏଲେକ୍ଟରେସି, “ସାତେଏ, ଇଖାସି ମାହାପୁରୁଟି ମୀର୍‌ଏସି ମାତେସି ।” ୪୦ ଏତେକା ଇୟାସିକା ଜିକେଏ ହେକଟି ସିନିକିହିମାତୁ: ଏଖାସିକା ବିତ୍ରାଟି ମଗ୍‌ଦଲିନି ମରିୟମ, ଉଣା ଜାକୁବ ଇଚ୍ଛା ଜସିତି ଇୟା ମରିୟମ, ଅଡେ ସାଲମି ମାତୁ: ୪୧ ଏଖାସି ଗାଲିଲିତା ମାତାଟି ଏଓ ଏଖାଣି ଜେତ ହାଜାନା ଏଖାଣି ସେବା କିହିମାତୁ: ଏଖାସିକା ତଲେ ଜିରୁସାଲମତା ଖାହାମାନି ହାରେକା ଇୟାସିକା ସିନିକିହିମାତୁ । ୪୨ ଖେଡ଼ା ହାଜିମାତାଟି, ଏ ଦିନା ତିୟାର ଆନି ଦିନା ଇତିହିଁ ଜମିନି ଦିନାଟି ନକିତି ଦିନା ମାତାକି, ୪୩ ହାରାମାଟିୟାତି ଜସେପ ଡୁରୁଗାଟି କାଜା ବେରଣିମାଣ୍ଡାଟି ମାନି ଗାଟାସି ମାତେସି, ଇଚ୍ଛା ଆମିନିଗାଟାସି ତାନୁଏ ମାହାପୁରୁଟି ରାଜି କାଟିମାତେସି, ଏଖାସି ସାସାତଲେ ପିଲାତ ତାଣା ହାଜାନା ଜୀସୁଟି ଆତ୍ମା ରୀସୁସି । ୪୪ ସାମା ଏଖାସି ହାତେସିଏ ଇ କାତା ପିଲାତ ଖେଜ୍ଞାନା କାବା ଆତେସି, ଇଚ୍ଛା ପାସାକଡ଼ି କସକା ମୁହେଁ କାଜାଣାଇଁ ତାଣେ ହାତାନା ଖେରେସି, “ଏଖାସି ହାହାନା ହାରେକା ବେଲା ଆତେୟିଏ?” ୪୫ ପାସାକଡ଼ି କସକା ମୁହେଁ କାଜାଣି ତାଣାଟି ଏ କାତା ପୁଜ୍ଞାନା ଆତ୍ମାଟି ଅହାଲି ଜସେପଇଁ ହେଲ ହାତେସି । ୪୬ ଏଖାସି ର ପାତାଡ଼ା ହିମ୍ବର କତାନା ଏଖାଣାଇଁ ରେପହା ତାତାନା ଏ ହିମ୍ବର ରୁପିତେସି ଇଚ୍ଛା ହରୁତା କାରହାମାନି ମାତୁହା ମୁହନି ଚାୟୁତା ଏଖାଣାଇଁ ଇଟାନା ଦୁଖେରିତା ର କାଜା ଖାଲି ଉସି କିତେରି । ୪୭ ଏଖାଣାଇଁ ଆମିନି ଚାୟୁତା ଇଟକି ଆହାମାନେ, ଏଦାଆଁ ମଗ୍‌ଦଲିନି ମରିୟମ ଇଚ୍ଛା ଜସି ତାନି ଇୟା ମରିୟମ ମେସାମାତୁ ।

୧୭ ଜମିନି ଦିନା ରାୟାଲିଏ ମଗ୍‌ଦଲିନି ମରିୟମ, ଜାକୁବ ତାନି ଇୟା ମରିୟମ, ଇଚ୍ଛା ସାଲମି ଗାନ୍ୟାଗାଟି ନିୟୁଁ କଡିତୁ, ଏନିକିଁ ଏଓ ହାଜାନା ଜୀସୁ ଆତ୍ମାତା ରୁବାଲି ଆତିନୁ । ୧ ଏଓ ଖାରାଟି ମୂଲୁ ଦିନା ଲାଲ ଖେଡ଼ା ହନି ବେଲାତା ମାହଣି ମାଣ୍ଡାତା ହାତୁ । ୩ ଏଓ ତାମୁ ତାମୁ ଖେସ୍‌ପି ଆହିମାତୁ, “ଆମ୍ବାଆସି ମାଡ୍ଢେଟାକି ମାହଣି ମାଣ୍ଡା ଦୁଖେରିତି ଖାଲି ଉସିକିହା ହିୟାନେସି?” ଏନାଆଁଟାକି ଇତିହିଁ ଏ ଖାଲି ହାରେକା କାଜାୟି ମାତେ । ୪ ସାମା ଏଓ ଏମ୍ବାଆଁ ସିନିକିନି ବେଲାତା, ଖାଲି ଉସିକିଓ ଆହାମାତେ । ୫ ଏଓ ମାହଣି ମାଣ୍ଡାତା ହତାନା ଦବଲା ହିମ୍ବର ହୁତାମାନି ର ଦାଂଗଣେଏଣାଇଁ ଟିଝନିଖାକି କୁଗାମାନାଣି ମେସାନା ହାରେକା କାବାଆତୁ । ୬ ଏମ୍ବାଟିଏ ଏଖାସି ଏଖାସିକାଣି ଏଲେକ୍ଟରେସି, “ଆଜାଆଦୁ: ମୀରୁ ପାସି ମୁଣ୍ଡାତା ହାହାମାନି ନାଜରିତ ଜୀସୁଇଁ ପାରିମାଜ୍ଞେରି; ଏଖାସି ନିଜ୍ଞାମାନେସି, ଏଖାସି ଇମ୍ବାଆଁ ହିଲଅସି, ସିନିକିଦୁ ଇମ୍ବାଆଁ ଏଖାଣାଇଁ ଇଟାମାତେରି । ୭ ସାମା ମୀରୁ ହାଜାନା ତାନି ସୀୟୁୟିଁ ଇଚ୍ଛା ପିତରଇଁ ଖେହ୍‌ଦୁ, ଏଖାସି ମୀ ନକି ନକିତା ଗାଲିଲିତା ହାଜିମାନେସି; ଏଖାସି

ମିଡ୍ଢେ ଏନିକିଁ ଖେସାମାଜ୍ଞାତେସି, ଏଲେକିହିଁଏ ମୀରୁ ଏଖାଣାଇଁ ଏମ୍ବାଆଁ ମେହ୍‌ଦେରି ।” ୮ ଏମ୍ବାଟିଏ ଏଓ ମାହଣି ମାଣ୍ଡାଟି ହତୁ, ଇତିହିଁ ଏଓ କାବା ଆହାନା ଆଜିତାକି ତୀର୍‌ଗିମାତୁ, ଇଚ୍ଛା ଆମ୍ବାଆରାଇଁ ଏନାଆଁ ଖେହ୍‌ଆତୁ । ୯ (note: The most reliable and earliest manuscripts do not include Mark 16:9-20.) ଖାରାଟି ମୂଲୁଟି ଦିନା ଲାଲସିଏ ଏଖାସି ଖେଣ୍ଡେ ନିଜ୍ଞାନା, ଆମିନିଗାଟାଣି ସାତାଗଟା ବୁରୁୟିଁ ପିସ୍‌ପି କିହାମାତେସି, ଏ ମଗ୍‌ଦଲିନି ମରିୟମନି ତଲିଏ ତଞ୍ଜୁଆତେସି । ୧୦ ଏଦି ହାଜାନା ଆମିନି ଗାଟାରି ତାମିତଲେ ମାତେରି, ଏଖାରାଇଁ ଖେସ୍‌ସେ; ଇତିହିଁ ଏଖାରି ଦୁକୁଟି ଡାହି ମାତେରି । ୧୧ ଜୀସୁ ନୀତାମାନେସି, ଇଚ୍ଛା ଏଦାନି ତଞ୍ଜୁ ଆହାମାନେସି, ଇଦାଆଁ ଖେଜ୍ଞାନା ଏଖାରି ନାମାଆତେରି । ୧୨ ଏତେଟିଏ ଇ ବାରେ ଆତି ତାୟୁ ଏଖାରି ବିତ୍ରାଟି ରୀ ସୀୟୁୟିଁ ର ନାୟୁଁତା ହାଜିମାତାଟି ଏଖାସି ଅର ଖାଣା ତଲେ ଏଖାରାଇଁ ତଞ୍ଜୁଆତେସି, ୧୩ ଇଚ୍ଛା ଏଖାରି ହାଜାନା ଏଟକା ତାରାଇଁ ଖେସ୍‌ସେରି; ସାମା ଏଖାରି କାତା ଜିକେଏ ଏଖାରି ନାମାଆତେରି । ୧୪ ଏମ୍ବାଟିଏ ଏଗାର ଜାଣା ସୀୟୁୟିଁ ତଞ୍ଜୁଲି କୁଗାମାତାଟି ଜୀସୁ ଏଖାରାଇଁ ତଞ୍ଜୁଆତେସି ଇଚ୍ଛା ଏଖାରି ନାମିହିଲିଆତାକି ଇଚ୍ଛା ହିୟିଁଟି ଆଦ୍‌ଖାତାକି ଏଖାରାଇଁ ଦାକା ହାତେସି, ଇତିହିଁ ଆମିନି ଗାଟାରି ଏଖାଣି ଖେଣ୍ଡେ ନିଜ୍ଞାତାଣି ମେସାମାତେରି, ଏଖାରି କାତା ଏଖାରି ନାମା ହିଲିଆତେରି । ୧୫ ଇଚ୍ଛା ଜୀସୁ ଏଖାରାଇଁ ଏଲେକ୍ଟରେସି, “ମୀରୁ ବାରେ ଦାଂଡିତା ହାଜାନା ବାରେ କଡ଼ାତି ଲକୁଡାଣା ନେହିଁ କାରୁ ଖେହ୍‌ଦୁ । ୧୬ ଆମ୍ବାଆସି ନାମାନା ବାପୁସୁ ଅନେସି ଏଖାସି ଗେଲ୍‌ପି ଆନେସି; ସାମା ଆମ୍ବାଆସି ନାମଅସି ଏଖାସି ତଣ୍ଡ ବେଟାଆନେସି । ୧୭ ଇଚ୍ଛା ନାମିନାରାକି ଇ ସିନାୟିଁ ଆନୁ, ଏଖାରି ନା ଦରୁତଲେ ବୁରୁୟିଁ ପିସ୍‌ପି କିନେରି, ପୁଝନି ପୁଝନି ହାତାତଲେ ଜଳିନେରି, ୧୮ କେସ୍‌ପାତଲେ ରାସକା ଆହନେରି, ଇଚ୍ଛା ହାନି ଅସ ଗସ୍‌ପିହିଁ ଜିକେଏ ଏଖାରି ଏନାଆଁ ଆଅରି; ଏଖାରି ନମେରି ଦୁକା ଗାଟାରି ଲାକ କେୟୁ ଇଟିତିହିଁ ଏଖାରି ନେହିଁ ଆନେରି ।” ୧୯ ଇଲେକିହିଁ ଏଖାରାଇଁ ବାରେ କାତା ଖେସ୍‌ସି ତାୟୁ ଜୀସୁ ଲାକପୁରୁ ଅଓଓଆହାନା ମାହାପୁରୁଟି ଟିଝନିଖାକି କୁଗିତେସି । ୨୦ ସାମା ଏଖାରି ହାଜାନା ବାରେଖାକି କାରୁ ଖେସ୍‌ସେରି, ଇଚ୍ଛା ପ୍ରୁ ଜୀସୁ ଏଖାରିତଲେ କାମା କିହାନା ତାନି ବାରେ ସିନାୟିଁ ତଲେ ଏଖାରି ଖେକ୍‌ହାମାନାଣି ସାତା ଇଚ୍ଛା ତସୁସି ।

୧ ମୂଲୁଟିଏ ଆମ୍ବାଆରି ତୀରେ ମେସ୍ତାରି ଇଚ୍ଛା ବଲ୍ଲୁ ଖେକନାରି, ଏଖାରି ମାଟ୍ଟେ ହେରଫା ମାଞ୍ଜୁନି ଲେହେଁ, ୨ ମା ବିତ୍ରା ଆହାମାନି କାମା ବାରେ ହାରେକା ନେହେଁକି ରାତାଲି ଜାଗ୍ରାତା ଆହାମାନେରି । ୩ ଜୀଝୁତି ତିୟପିଲ, ମୂଲୁଟିଏ ବାରେ କାତା ନେହେଁକି ସିନିକିହାନା ଏମ୍ବାଆଁ ଏନାୟି ମାନେ ଏଦାଆଁ ନିଟ୍ଟେତାକି ରାତାଲି ନାନୁ ଜିକେଏ ନେହେଁ ଇଚ୍ଛା ଅଣ୍ଡପିତେଏଁ । ୪ ଏନିକି ନାନୁ ଏ ବାରେ କାତା ଜାପାମାଞ୍ଜୁ, ଏଦି ସାତା ଇଚ୍ଛା ପୁଞ୍ଜୁଲି ଆଡିଦି । ୫ ଜୀହୁଦା ଦେସାତି ରାଜା ହେରଦ ବେଲମାତା ଅବିୟ କୁଡାତି ଜିକରିୟ ଦରୁଗାଟି ର ପୁଜେରା ମାଚେସି; ତାନି ତକ୍ତି ହାରଣ କୁଡାତି ମାଞ୍ଜୁ, ଏଦାନି ଦରୁ ଏଲିସାବେତ । ୬ ଜିକରିୟ ଅଡେ ଏଲିସାବେତ ମାହାପୁରୁତି ହୁକୁମି ଇଚ୍ଛା ଫେରା ତଲେ ଦହ ହିଲାଆଗାଟାଇ ଆହାନା ମାହାପୁରୁ ନକିତା ଦାମ୍ବୁ ଗାଟାଇ ମାତୁ । ୭ ସାମା ଏଖାରାକି କକାରି ପଦାୟି ହିଲାଆଡୁ, ଇଚିହିଁ ଏଲିସାବେତ ବାଞ୍ଜେଣି ମାଚେ, ଅଡେ ତକ୍ତି ତକ୍ତା ରିଆରି ଜିକେଏ ଗାତି ବୁଡୁହି ବୁଡୁହା ଆହାମାଚେରି । ୮ ର ଦିନା ଜିକରିୟ ତାନି ଗତିତି ପାଲି ଏଜାଲିଏ ମାହାପୁରୁ ନକିତା ପୁଜେରା କାମା କିନି ବେଲମାତା, ୯ ପୁଜେରା କାମାତି ଫେରା ତଲେ ଆଡ଼ି ଆହାନା ଏଖାଣାକି ମାହାପୁରୁ ଇଚ୍ଛାତା ହତାନା ଦୁପ୍ପାଣି ହାହାଲି ଆଚେ, ୧୦ ଇଚ୍ଛା ଦୁପ୍ପାଣି ହାନି ବେଲମାତା ବାରେ ଲକ୍ଷୁ ପାଞ୍ଜାତା ପ୍ରାତାନା କିହିମାଚେରି । ୧୧ ଏଚିବେଲା ମାହାପୁରୁତି ର ଦୁତୁ ଦୁପ୍ପାଣି ପିଣ୍ଡା ଚିଃନିଖାକି ନିଚାନା ଏଖାଣାଇଁ ତୁଞ୍ଜୁଆଚେ । ୧୨ ଜିକରିୟ ଏଦାଣି ମେସାନା କାବାଆହାନା ଆଜିତେସି । ୧୩ ସାମା ଦୁରୁ ଏଖାଣାଇଁ ଏଲେଇଚେ, “ଜିକରିୟ, ଆଜାଆନି, ଇଚିହିଁ ମା ଗହାରା ଖେଣ୍ଡି ଆହାମାନେ, ଇଚ୍ଛା ନୀ ତକ୍ତି ଏଲିସାବେତ ନିଟ୍ଟେତାକି ର କକାଣାଇଁ ଜାନି କିନେ, ଇଚ୍ଛା ଏଖାଣି ଦରୁ ଜହନ ଇଚ୍ଛା ହାଦେରି । ୧୪ ଇଚିହିଁ ଏଖାସି ମୀ ରାହାଁତି ରାହାଁ ଆନେସି, ଇଚ୍ଛା ହାରେକା ଏଖାଣି ଜାନିତା ରାହାଁ କିନେରି । ୧୫ ଇଚ୍ଛା ଏଖାସି ମାହାପୁରୁ ନକିତା କାଜାସି ଆନେସି; ଏଖାସି ଅଡ଼ୁରି ରାସା କି କାଡୁ ଏଚେଲାଖା ଗହଅସି, ଇଚ୍ଛା ତାଲିନି ବାଣ୍ଡିଟିଏ ସୁଦୁଜୀଝୁତା ବେଟାଆନେସି, ୧୬ ଏଖାସି ଇସାୟେଲ ମୀର୍କା ବିତ୍ରାତି ହାରେକା ଲକ୍ଷୁ ମାହାପୁରୁ ଖାକି ଖେଡ଼ହା ତାନେସି । ୧୭ ତାଞ୍ଜୁୟି ହିୟି ମୀର୍କା ଖାକି ଇଚ୍ଛା କାତା ମାନସି ଆଆଗାଟାରାଇଁ ତାରିଗାଟି ବୁଦିତା ତାକାଲି ଖେଡ଼ହା ତାତାଲି ଇଚ୍ଛା ମାହାପୁରୁ ତାକି ତିୟାର ଆହାମାନି ର ଲକ୍ଷୁତି କୁଲମି ଜାଗ୍ରାତା କିହାଲି ବାପ୍ପିସ୍ତ ହାନି ଜହନ ଏଲିୟତି ଜୀଝୁ ଅଡେ ବାଡ଼ୁ ତଲେ ପ୍ରବୁତି ନକିତା ତାକିନେସି ।” ୧୮ ଏଚେଟିଏ ଜିକରିୟ ଦୁଡୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ? ଇଚିହିଁ ନାନୁ ବୁଡ଼ହାଚେଏଁ, ଇଚ୍ଛା ନା ତକ୍ତିନି ବାସୀ ଗାତି ଆଚେୟି ।” ୧୯ ଦୁରୁ ଏଖାଣାଇଁ ଏଲେଇଚେ, “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିଚା ତ୍ରିୟନାଚେଏଁ, ଇଚ୍ଛା ନିଟ୍ଟେ ଖେସାଲି ଅଡେ ଇ ନେହିଁ କାବୁ ପୁଣ୍ଡି କିହାଲି ନାନୁ ପାଣ୍ଡି ଆହାମାଇଁ । ୨୦ ମେହ୍ନୁ ଇ

ବାରେ ଆଆପାଚେକା ନାନୁ ବେବଡ଼ା ଆହାନା ତ୍ରିୟି, ଇଚିହିଁ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି ।” ୨୧ ଏମ୍ବାଟିଏ ଲକ୍ଷୁ ଜିକରିୟଇଁ କାଚିମାଚେରି, ଇଚ୍ଛା ମାହାପୁରୁ ଇଚ୍ଛାତା ଇଚେକା ଖେଡ଼ା ଆତାକି କାବା ଆହିମାଚେରି । ୨୨ ସାମା ଏଖାସି ପାଞ୍ଜାତା ଖାହାନା ଏଖାରାଇଁ କାତା ଆହାଲି ଆତାଆଚେସି; ଏମ୍ବାଟିଏ ଏଖାସି ମାହାପୁରୁ ଇଚ୍ଛାତା ଏନାଆଁ ମେସାମାନେସି ଇଚ୍ଛା ଏଖାରି ପୁଚେରି, ଇଚ୍ଛା ଏଖାସି ଏଖାରାଇଁ କେୟୁ ହୁଚିହିଁ ତସାଲି ମାଡ଼ହେସି ଇଚ୍ଛା ବେବଡ଼ା ଆହାନା ତ୍ରିୟିତେସି । ୨୩ ତାୟୁ ମାହାପୁରୁ ଇଚ୍ଛାତି ସେବା କାମା ରାୟାଲିଏ, ଏଖାସି ତାନି ଇଜ ହାଚେସି । ୨୪ ଏଚରଦିନା ହାତି ତାୟୁ ତାନି ତକ୍ତି ଏଲିସାବେତ ପୁରାମାସା ଆଚେ ଅଡେ ଏଦି ପାସା ଲେଞ୍ଜୁ ପାଚେକା ଲକ୍ଷୁଣି ତୁଞ୍ଜୁ ଆଆଚେ । ୨୫ ଏଦି ଏଲେଇଚେ, “ନୀଏଁ ନାଟ୍ଟେ ପ୍ରୁ କାର୍ମାମେସାନା ଲକ୍ଷୁ ନାଟ୍ଟେ ଲାଜା କିହିମାଞ୍ଜୁତାଣି ପିସ୍ପି କିହାଲି ନାଟ୍ଟେ ଇଲେକି କିହାମାଞ୍ଜୁନେସି!” ୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୁତୁ ମାହାପୁରୁ ତାଣ୍ଡାଟି ଗାଲିଲିତି ନାଜରିଚ ଗାଡ଼ାତି ର ତାଆ ପଦାନି ତାଣା ପାଣ୍ଡିଆଚେ; ୨୭ ଏ ତାଆ ପଦାନି ଦାଝୁଦ କୁଡାତି ଜସେପ ଇନାଣାକି ରାସା ମାଚେରି; ଏ ତାଆ ପଦା ଦରୁ ମରିୟମ । ୨୮ ଦୁତୁ ପଦା ତାଣା ଖାହାନା ଏଲେଇଚେ, “ଆଲ ମାହାପୁରୁଟି କାର୍ମା ମେହ୍ନାତି ନିଟ୍ଟେ ହିଡ଼ି ଆୟାପେ!” ୨୯ ମରିୟମ ଏ ହାତା ଖେଞ୍ଜୁନା ଇଦି ଏନିଲେହେଁତି କାତା ଇଚ୍ଛା ଆଜାନା ମନତା ଅଣ୍ଡପିତେ । ୩୦ ଏମ୍ବାଟିଏ ଦୁରୁ ଏଲେଇଚେ, “ଆଲ ମରିୟମ ଆଜାଆନି; ନିଟ୍ଟେ ମାହାପୁରୁ କାର୍ମା ମେସାମାଞ୍ଜୁନେସି । ୩୧ ନାନୁ ପୁରାମାସା ଆହାନା ର ମୀର୍କାଣାଇଁ ବେଟାଆଦି ଏଖାଣି ଦରୁ ଜୀସୁ ଇଚ୍ଛା ଇଚିଦେରି । ୩୨ ଏଖାସି କାଜାସି ଆନେସି ଇଚ୍ଛା ମାହାପୁରୁ ମୀର୍କାସି ଇଚ୍ଛା ଖେଡ଼ୁନେସି; ପ୍ରୁ ମାହାପୁରୁ ଏଖାଣାକି ତାନି ଆକୁ ଦାଝୁଦତି ସିଂଗାସାଣି ହୀନେସି, ୩୩ ଏଖାସି ଜାକ୍ସୁ କୁଡାତା ଇଗୁ ଇଗୁତାକି ରାଜି କିନେସି, ଇଚ୍ଛା ଏଖାଣି ରାଜି ଏଚେଲାଖା ରାଏ!” (Mat 16:5) ୩୪ ସାମା ମରିୟମ ଦୁଡୁଇଁ ଏଲେଇଚେ, “ଇଦି ଏନିକି ଆନେ? ନାନୁ ତକ୍ତାଇଁ ଜିକେଏ ପୁଞ୍ଜୁହିଲଆଁ ।” ୩୫ ଦୁରୁ ଏଲେଇଚେ, “ସୁଦୁଜୀଝୁ ନୀ ଲାକ ରେଟାଖାନେ ଅଡେ ମାହାପୁରୁଟି ବାଡ଼ୁୟୁ ଖାନେ, ଏଦାଆଁତାକି ନୀ ତାଣ୍ଡାଟି ଜାନି ଆନେସି, ଏଖାସି ମାହାପୁରୁଟି ମୀର୍କାସି ଇଚ୍ଛା ଖେଡ଼ୁନେସି । ୩୬ ଅଡେ ମେହ୍ନୁ ନୀ କୁଡାତି ଏଲିସାବେତ ଜିକେଏ ବୁଡୁହି ବେଲମାତା ପୁରାମାସା ଆହାମାନେ । ଆମିନି ଇୟା ବାଞ୍ଜେଣି ଇଚ୍ଛା ଖେଡ଼ୁମାନେ, ଏଦି ନୀଏଁ ସ ଲେଞ୍ଜୁ ଆହାମାନେ; ୩୭ ଇଚିହିଁ ମାହାପୁରୁଟି ବଲ୍ଲୁ ବାଡ଼ୁୟୁ ହିଲାଆଗାଟାୟି ଆଏ ।” ୩୮ ଏମ୍ବାଟିଏ ମରିୟମ ଏଲେଇଚେ, “ନାନୁତ ପ୍ରବୁତି ହୁଲେଣିଚେଏଁ; ନୀ କାଚେଏ ନାଟ୍ଟେତାକି ଆୟାପେ ।” ଏମ୍ବାଟିଏ ଦୁତୁ ଏଦାନି ତାଣ୍ଡାଟିଏ ହାଚେ । ୩୯ ଏମ୍ବାଟିଏ ମରିୟମ ନିଟ୍ଟୁନା ଜୀହୁଦା ଦେସାତି ହୁର୍କା ରାଜିତି ର ଗାଡ଼ାତା ତବେ ହାଚେ, ୪୦ ଅଡେ ଜିକରିୟ ଇଜ ହାଜାନା ଏଲିସାବେତନି ଜହରା କିଚେ । ୪୧ ଅଡେ ଏଲିସାବେତ ମରିୟମନି ଜହରା ଖେଣ୍ଡିନିଏ ତାନି

ବାଣ୍ଡିତ ମାଲା ଖାତରେ, ଇଚ୍ଛା ଏଲିସାବେତ ସୁଦୁଜୀଝୁଟି, ୪୨ କାଜା ଗିୟାତଲେ ଏଲେଇରେ, “ଇୟାସିକା ବିତ୍ରାଟି ନୀନୁ ହାରେକା ନେହାଁଟି, ଇଚ୍ଛା ନୀ ବାଣ୍ଡିତ ମାଲା ଜିକେଏ ନେହାୟି। ୪୩ ଅଡେ ନା ପ୍ରବୁଟି ଇୟା ନା ତାଣା ଖାନେ ଇ କାର୍ମା ନାଡ୍ରେ ଏମ୍ବିଟି ଖାତେ? ୪୪ ଇତିହିଁ ନା ଜହରା ହାତା ନା କିୟୁଁ ଖେଣ୍ଡମ୍ବନିଏ ନା ବାଣ୍ଡିତ ମାଲା ରାହାଁଟି ଖାତରେ ୪୫ ଆମିନି ଗାଟାୟି ନାମିତେ ଏଦାନାକି ନେହେଁ, ଇତିହିଁ ପ୍ରବୁ ତାଣାଟି ଏଦାନାକି ଏନାଆଁ ଖେସ୍ପି ଆହାମାନେ ଏ ବାରେ ପୁରା ଆନେ!” ୪୬ ଏଚେଟିଏ ମରିୟମ ଏଲେଇରେ, “ନା ଜୀଝୁ ପ୍ରବୁଟି ଜହରା କିହିମାନେ; ୪୭ ଅଡେ ନା ଜୀଝୁ ନାଡ୍ରେ ଗେଲ୍ପାନି ମାହାପୁରୁ ତାଣା ରାହାଁ ଆହିମାନେ, ୪୮ ଇତିହିଁ ଏଖାସି ତାନି ହଲେଣିନି କାର୍ମା କାକୁଲି ମେସାମାନେସି । ଏନିଇତିହିଁ ନୀଞ୍ଜୁଟିଏ ବାରେ ଲକୁ ନାଡ୍ରେ ନେହାୟି ଇଚ୍ଛା ଜଲାନେରି, ୪୯ ଇତିହିଁ ଆମ୍ବାଆସି ବାରେକିହିଁ ବାଡ୍ଡୁଗାଟି ମାହାପୁରୁ ଏଖାସି ନା ତାକି କାଜା କାମା କିହାମାନେସି, ଏଖାଣି ଦରୁ ସୁଦୁ; ୫୦ ଇଚ୍ଛା ତାଡ୍ରେ ଆଜିନାରାକି ପାରୁ ପାରୁ ତାକି ତାନି କାର୍ମାମେହନାୟି ଡୟିନେ । ୫୧ ଏଖାସି ତାନି ବାଡ୍ଡୁଗାଟି କେୟୁଟି କାଜା କାମା କିହାମାନେସି, ତାହାରା ଗାଟାରାଇଁ ଏଖାରି ହିୟୁଟି ଅଣ୍ଡପୁତା ମାନାଣି ଗୁଟି କିହାମାନେସି; ୫୨ ଏଖାସି ସାଲଖି କିନାରାଇଁ ତାନି ରାଜା ଗାଦି ପିସ୍ପି କିହାମାନେସି, କାକୁଲି ଗାଟାରାଇଁ ନିକହାମାନେସି, ୫୩ ଏଖାସି ହାକି ଗାଟାରାଇଁ ନେହିଁ ଆସ୍ତି ହାହାନା ପାଞ୍ଜି କିହାମାନେସି, ଇଚ୍ଛା ଦନ ଗାଟାରାଇଁ ଖାରଇ କେୟୁଟି ପାଣ୍ଡାମାନେସି । ୫୪ କାଲାକାଲା ତାକି ଅଣ୍ଡପାଲି ତାନି ହଲେଏସି ଇସ୍ରାୟେଲଟି କାର୍ମା ଆହାମାନେସି । ୫୫ କାଲାକାଲା ତାକି ଅବାହାମ ଅଡେ ତାନି ବାରେ କୁଡାତାରାଇଁ କାର୍ମାମେହନାଣି ବାଣା ଆହାହିଲଅସି ।” (aion g165) ୫୬ ଅଡେ ମରିୟମ ତାନି ଲେଞ୍ଜୁ ଏଲିସାବେତ ତଲେ ଡୟାନା ତାନି ଇଜ ଖାତେ । ୫୭ ଡାୟୁ ଏଲିସାବେତ ପୁରାମାସା ଏଜାଲିଏ ର କକାସି ଜାର୍ନା ଆଚେସି, ୫୮ ଅଡେ ମାହାପୁରୁ ଏଦାନି ହାରେକା କାର୍ମା ମେସାମାନାଣି ଖେଞ୍ଜୁନା ତାନି କୁଡାତାରି ଇଚ୍ଛା ଅଡେ ଆଚ୍‌ହିତାରି ଏଦାନିତଲେ ହାରେକା ରାହାଁ କିତେରି । ୫୯ କକାସି ଖାରେକା ଆହାଲିଏ, ଏଖାରି ତଲୁ ଦାତାଲି ଖାହାନା ତାନି ଆବା ଦରୁଲେହେଁ ତାନି ଦରୁ ଜିକରିୟ ଇଟାଲି ମନ କିତେରି । ୬୦ ସାମା ତାନି ଇୟା ଏଲେଇରେ, “ଆଏ! ଏଖାଣି ଦରୁ ଜହନ ଆନେ ।” ୬୧ ଏଖାରି ଏଲେଇରେ, “ମୀ କୁଡାତା ଆମ୍ବାଆରାକି ଏଲେଟି ଦରୁ ହିଲେଏ!” ୬୨ ଏମ୍ବାଟିଏ ଏଖାରି ତାଞ୍ଜିଗାଟାଣାଇଁ କେୟୁ ହୁଟାନା କକାଣାଇଁ ଏନି ଦରୁ ଇତିନାୟି ଇଚ୍ଛା ଖେଚେରି । ୬୩ ଜିକରିୟ ର ରାତିନି ପାଟା ରାସାମାନା ଏଖାଣି ଦରୁ ଜହନ ଇଚ୍ଛା ରାତିଚେସି, ଏଦାଆଁ ମେସାମା ବାରେଜାଣା କାବା ଆଚେରି! ୬୪ ଅଡେ ଏ ଦେବୁଣିଏ ଏଖାଣି ଗୁଟି ଅଡେ ଖେନୁରି ପିସ୍ପି ଆଚେ ଅଡେ ଏଖାସି ଜଲିହିଁ ମାହାପୁରୁଟି ଜହରା କିତେସି । ୬୫ ଏମ୍ବାଟିଏ ତାନି ଲକୁ ବାରେ ଆଜାହାଚେରି, ଅଡେ ଇ କାତା ଜୀଝୁଦା ଦେସାଟି ହରକା ରାଜିତା ବାରେଖାକି ଖେଟ୍ଟେରେ, ୬୬ ଇଚ୍ଛା ଖେନି ବାରେ ଲକୁ ଏ କାତା ତାନି ମନତା ଇଟାନା ଏଲେଇରେ, “ଆତିହିଁ ଇ କକାସି

ଏନିଲେହେଁତାସି ଆନେସି?” ଏନିଇତିହିଁ ପ୍ରବୁ ଇଖାଣି ତଲେ ମାନେସି ଇଚ୍ଛା ପୁଚେରି । ୬୭ ଅଡେ ଜିକରିୟ ସୁଦୁଜୀଝୁ ତଲେ ଇ ଡାୟୁ ଆନି କାତା ଏଲେଇଚେସି, ୬୮ ଇସ୍ରାୟେଲଟି ମାହାପୁରୁ ଜହରା! ଏନିଇତିହିଁ ଏଖାସି ତାନି ଲକୁଣି କାର୍ମାମେସାମା ଗେଲ୍ପି କିହାମାନେସି; ୬୯ ଏଖାସି ତାନି ହଲେଏସି ବାଝୁଦ କୁଡାଟି ମା ତାକି ର ଗେଲ୍ପିନାଣାଇଁ ହାହାମାଞ୍ଜୁନେସି । ୭୦ ତଲି କାଲାଟିଏ ତାନି ନେହିଁ ମାହାପୁରୁ ଅଣ୍ଡପୁଟି ବଲୁ ଖେହନାରି ଗୁଟି ତଲେ ଏନିକି ଜଲ୍ଲା ମାଚେରି, (aion g165) ୭୧ ଏଲେକିହିଁଏ ମାଡ୍ରେ ମା ସାତୁୟିଁ ତାଣାଟି ଅଡେ ମାଡ୍ରେ ଅପାଆଗାଟାରି ତାଣାଟି ଗେଲ୍ପି କିହାମାଞ୍ଜୁନେସି, ୭୨ ଏଖାସି ଏଲେ ଇଚ୍ଛାମାନେସି, ଏଖାସି ମା ଆକୁୟିଣି କାର୍ମା ମେସାମାଇଁ ଅଡେ ତାନି ସୁଦୁଗାଟି ରାଜିମାନାଟି ଅଣ୍ଡପିନେସି । ୭୩ ମା ଆବା ଅବାହାମ ତାଣା ଏନିମି ପାର୍ମାଣା କିହିଁ ଆଞ୍ଜାମାନାଣି ଅଣ୍ଡପାନା ପୁରା କିହାମାନେସି, ୭୪ ଅଡେ ମା ସାତୁୟିଁ ତାଣାଟି ଗେଲ୍ପି ଆହାନା, ଆଜାଆନା କାଲେଏ ତାଡ୍ରେ ସେବା କିହାଲି ଆତିନାୟି, ୭୫ ତାନି ନିକିତା ମାର ନୀତାମାନି ପାଚେକା ସୁରୁ ଅଡେ ବାର୍ମୁ ଗାଟାତାୟି ଆହାନା ଡୟିନାୟି । ୭୬ ଏ ନା ମାର୍‌ଏଶାଟି ନୀନୁ ବାରେଟି କିହିଁ ବାଡ୍ଡୁଗାଟି ମାହାପୁରୁ ଅଣ୍ଡପୁଟି ବଲୁ ଖେହନାଟି ଇଚ୍ଛା ଖେଟ୍ଟେସି; ୭୭ ପାପୁ ମେମ୍ବୁକି ଆହାନା ଏଖାରି ଗେଲ୍ପି ଆନାଣି ବେଟାଆନେରି, ଏ କାତା ପୁଣ୍ଡି କିହାଲି ତାକି ତାନି ଲକୁତାଣା ହାଜି । ୭୮ ଇଚ୍ଛା ମାଡ୍ରେ ହିଚ୍‌ଡି ଜିରୁତା ତାତାଲି ମା ମାହାପୁରୁଟି ଜୀଝୁନି କାର୍ମାତଲେ ଲାକପୁରୁଟି ମାଡ୍ରେତାକି ଖେଡା ହିଚ୍‌ମାନି ଲେହେଁ ଆନେ, ୭୯ ଆମ୍ବାଆରି ହାନିଲେହେଁଟି ତାଣା ବାସା କିନେରି, ହିଚ୍‌ଡି ଜିରୁତା ଅହାଲି ତାକି ଏଖାସି ବାରେଟି ଲାକ ଲାକପୁରୁଟି ଉଜେଡି ହାନେସି । ୮୦ ଇଚ୍ଛା ଏ କକାସି ଆଡ୍ଡୋତା ଜୀଝୁତା ପାତାଆହାନା ଇସ୍ରାୟେଲ ଲକୁତାଣା ଖେଡ୍ଡୋଆ ପାଚେକା ଲକୁ ହିଲ୍ଲାଆ ଡାୟୁତା ଡୟିଚେସି ।

୨ ଏଚିବେଲ୍ଲାତା ରମ୍ ଦେସାଟି ବାରେ ଲକୁ ଦରୁ ରାତି କିହାଲି କାୟିସର ଅଗସ୍ତସ୍ ତାଣାଟି ହୁକୁମି ଆଚେ । ୨ ସିରିୟାଟି ସାଲଖି କିନାସି କୁରିଣିୟ ବେଲ୍ଲାତା ତଲି ମୂଲୁ ଦରୁ ରାସ୍‌କି ଆହାମାଚେ । ୩ ଏଦାଆଁତାକି ବାରେଜାଣା ଦରୁ ରାତି କିହାଲି ନାୟୁଟିଏ ଜାହାରା ଗାଡାତା ହାଚେରି । ୪ ଜସେପ ଜିକେଏ ଦରୁ ରାତି କିହାଲି ମରିୟମନି ତଲେ ଗାଲିଲିଟି ନାଜରିତ ଗାଡାଟି ଜୀଝୁଦା ରାଜିଟି ବେତଲିହିମ ଇନି ବାଝୁଦ ଗାଡାତା ହାଚେସି, ଇତିହିଁ ଏଖାସି ବାଝୁଦ କୁଡା ଇଚ୍ଛାହିଁ ଏ ଗତିତାସି ମାଚେସି; ୫ ଏଖାସି ଦରୁ ରାତି କିୟାଲି ମରିୟମନି ତଲେ ହାଚେସି, ଏଦି ଏଖାଣାକି ବାହା ଆହାଲି ରାସ୍‌ପି ଆହାମାଚେ ଅଡେ ଏଦି ପୁରାମାସା ଆହାମାଚେ । ୬ ଅଡେ ଏ ଲକୁ ବେତଲିହିମମା ମାନିବେଲା, ଏଦାନାକି ଜାର୍ନିକିନି କାକୁ ଏଗାଖାଚେ, ୭ ଇଚ୍ଛା ଏଦି ତାନି ପାଣ୍ଡା ମାର୍‌ଏଶାଣାଇଁ ଜାର୍ନିକିଚେ ଇଚ୍ଛା ହିପୁରି ପୁକହାନା କିତିୟିଁ ଗହନି ତଂଗତା ତ୍ରିପ୍‌ରେ, ଇତିହିଁ ଏ ଲକୁତାକି ବାସାବ୍‌ୟୁ ହିଲ୍ଲାଆଚେ । ୮ ଏ ଦାରିମାରି ନାସକାଣାଁ ମେଣ୍ଡା ଗୁଡକା ଲାଆୟିଁ ପାଞ୍ଜୁତା ଡୟାନା ମେଣ୍ଡାୟିଁ କାଟିମାଚେରି । ୯ ପ୍ରବୁଟି ର ଦରୁ

ଏଞ୍ଜରୀତାଣା ଖାତେ ଇଚ୍ଛା ପ୍ରକୃତି ଗାଧୁରମିତି ଉଜେଡ଼ି ଏଞ୍ଜରୀ ସାରିଖକି ଚଞ୍ଚାଆତେ, ଅଡେ ଏଞ୍ଜରୀ ହାରେକା ଆଜିତେରି । ୧୦ ଏମ୍ବାଟିଏ ଦୂରୁ ଏଞ୍ଜରୀରାଲ୍ ଏଲେଇରେ, “ମାରୁ ଆଜାଆତୁ! ନାନୁ ମୀ ବାରେ ଲକ୍ଷୁତାକି ହାରେକା ରାହାତି କାବୁ ମିଟ୍ଟେ ଖେସିମାଞ୍ଚାଲ୍, ୧୧ ଇତିହିଁ ନୀଞ୍ଚୁ ଦାଧୁଦ ଗାଡ଼ାତା ମିଟ୍ଟେ ଗେଲ୍ପାନାସି ଜାର୍ନା ଆହାମାନେସି, ଏଞ୍ଜସି କ୍ରୀସୁ ପ୍ରବୁ । ୧୨ ଅଡେ ଇଦି ମିଟ୍ଟେତାକି ସିନାଲେହେଁ ଆନେ, ମୀରୁ ର କକାଣାଲ୍ ହିମ୍ବିରି ପୁକ୍‌ହାନା କଡିୟାଁ ଗହ୍ନି ତଂଗତା ତୁରାମାନାଣି ମେହ୍‌ଦେରି ।” ୧୩ ଦେବୁଣିଏ ଏ ଦୂରୁ ତଲେ ଲାକପୁରୁତି ହାରେକା ଦୁରୁୟାଁ ଖାହାନା ମାହାପୁରୁଲ୍ ଜହରା ପାରୁ ପାଟିରୁ, ୧୪ “ଲାକପୁରୁ ମାହାପୁରୁତି ଗାଧୁରମି, ଅଡେ ଦାର୍‌ତତା ଏଞ୍ଜାଣି ରାହାଁ ଇଚ୍ଛା ମାଣସିୟାଁ ବିଦ୍ରା ହିଡ଼ି ।” ୧୫ ଦୁରୁୟାଁ ଏମ୍ବାଟି ଲାକପୁରୁ ହାଜାଲିଏ ମେଣ୍ଡା ଗଡ଼କା ତାମୁ ତାମୁ କାତା ଆତେରି, “ମୀର ବେତଲିହିମ ପାତେକା ହାଜାନା ପ୍ରବୁ ମାଟ୍ଟେ ଆମିନି କାତା ଖେସାମାଞ୍ଚାନେସି ଏଦାଆଁ ସିନି କିକାନ ।” ୧୬ ଏମ୍ବାଟିଏ ତବେ ହାଜାନା ପାରାନା ମରିୟମ ଅଡେ ଜସେପ ଇଚ୍ଛା କଡିୟାଁ ଗହ୍ନି ତଂଗତା ପୁଠିନି ଜାର୍ନାଆତି କକାଣାଲ୍ ତୁରାମାନାଣି ମେସ୍ତେରି । ୧୭ ଏଞ୍ଜରୀ ଇ ବାରେ ମେସାନା ଏ କକାଣି କାତା ଏନାଆଁ ଇଣ୍ଡ୍ରୀ ଆହାମାତେ ଏଦାଆଁ ଖେକ୍‌ହେରି । ୧୮ ଅଡେ ଏତେକା ଲକ୍ଷୁ ମେଣ୍ଡା ଗଡ଼କା ତାଣାଟି ଏ ବାରେ କାତା ଖେତେରି, ଏଞ୍ଜରୀ ବାରେ ଏ କାତାତାକି କାବା ଆତେରି । ୧୯ ସାମା ମରିୟମ ଇ ବାରେ କାତା ହିୟାତା ଇତାନା ହାରେକା ଅଣ୍ଡାଲି ମାଟ୍‌ହେ । ୨୦ ଅଡେ ମେଣ୍ଡା ଗଡ଼କାକି ଏନିକିଁ ଖେସପି ଆହାମାତେ, ଏଲେକିହିଁଏ ଏଞ୍ଜରୀ ଏନା ଏନାଆଁ ଖେତେରି ଇଚ୍ଛା ମେସ୍ତେରି ଏ ବାରେତାକି ମାହାପୁରୁତି ଗାଧୁରମି ଅଡେ ଜହରା କିହିଁ ଖେଣ୍ଡା ହାତେରି । ୨୧ ଏଞ୍ଜାଣାକି ଆଗାଦିନା ଆତେ ଅଡେ ତଲୁ ଦାଃନି ଦିନା ଖାତେ ଇଚ୍ଛା ଏଞ୍ଜାଣି ଦରୁ ଜୀସୁ ଇଚ୍ଛା ଇତିତେରି; ଇ ଦରୁ ତାନି ପୁରାମାସା ଆନି ନକେଏ ଦୂରୁ ତାଣାଟି ଖେସପି ଆହାମାତେ । ୨୨ ଅଡେ ଏତେତା ମସାତି ମେରା ତଲେ ଏଞ୍ଜରୀ ଅଟ୍‌ହା କଡିନି ଦିନା ଏଗାଖାତେ, ଏତେଟିଏ ଜସେପ ଅଡେ ମରିୟମ ଜୀସୁଲ୍ ମାହାପୁରୁ ନକିତା ଜିରୁସାଲମତା ଅହିଁ ହାତେରି । ୨୩ ଏନିକିଁ ମାହାପୁରୁତି ସାସ୍ତେରିତା ରାସ୍‌କି ଆହାମାନେ, “ବାରେ ପାଣ୍ଡା ମୀରକା ପ୍ରବୁ ତାକି ସୁଦୁଗାଟାରି ଇଚ୍ଛା ଖେଡ଼ିନେରି ।” ୨୪ ଅଡେ ମେରାତା ରାସ୍‌କି ଆହାମାନି ଇ ମେରା ତଲେ ରୀ କୁଗୁରି ପଟାୟାଁ ଆଆଟିଁ ରୀ ପାର୍‌ଖା ପଟାୟାଁ ମାହାପୁରୁ ନକିତା ପୂଜା କିହାଲି ଏଞ୍ଜାଣାଲ୍ ଜିରୁସାଲମତା ଅତେରି । ୨୫ ଏତିବେଲା ଜିରୁସାଲମତା ସିମିୟନ ଦରୁଗାଟି ର ମାଣସି ମାତେସି; ଏଞ୍ଜସି ର ଦାର୍‌ମୁଗାଟାସି ଅଡେ ମାହାପୁରୁଲ୍ ଆଜିନାସି ମାତେସି, ଅଡେ ଇସ୍ରାୟେଲ ଲକ୍ଷୁ ବାସ୍‌ବେଟାଆନାଣି କାଟିମାତେସି, ଇଚ୍ଛା ସୁଦୁଜୀଞ୍ଜୁ ଏଞ୍ଜାଣି ତାଣା ମାତେ । ୨୬ ମାହାପୁରୁ ପାଣ୍ଡାନି କ୍ରୀସୁଲ୍ ମେହ୍‌ଆ ପାତେକା ଏଞ୍ଜସି ହାଅସି ଇଚ୍ଛା ସୁଦୁଜୀଞ୍ଜୁ ତଲିଏ ଖେସାମାତେ । ୨୭ ସିମିୟନ ସୁଦୁଜୀଞ୍ଜୁଟି ମାହାପୁରୁ ଲକ୍ଷୁତା ଖାତେସି; ଅଡେ ତାଲି ତାଞ୍ଚି ମସାତି ମେରାଲେହେଁ କିହାଲି ଜୀସୁଲ୍ ବିଦ୍ରା ତାତୁ, ୨୮ ଏତିବେଲା ସିମିୟନ

କକାଣାଲ୍ ପମାନା ମାହାପୁରୁଲ୍ ଜହରା କିତେସି; ୨୯ “ଏ ପ୍ରବୁ ନୀଏଁ ନୀନୁ ଖେସିଲେହେଁ ନୀ ହଲେଏଣା ଜୀଞ୍ଜୁ ହିଡ଼ିତଲେ ଅମ୍ବୁ; ୩୦ ନା କାନୁ ନୀ ଗେଲ୍‌ପିନାଣାଲ୍ ମେସାମାନେ । ୩୧ ଏନିଇତିହିଁ ବାରେ ଲକ୍ଷୁତାକି କେପାମାନି ୩୨ ଜୀହୁଦିଆଆତାରାକି ସାତା ତୁହ୍‌ନି ର ଉଜେଡ଼ି ଆନେସି, ଅଡେ ନୀ ଇସ୍ରାୟେଲ ଲକ୍ଷୁତା ଗାଧୁରମି ଲେହେଁ କିହାମାଞ୍ଚୁ ।” ୩୩ ଇଚ୍ଛା ତାନି ଇୟା ଅଡେ ଆବା ଏଞ୍ଜାଣି ତାକି ଖେସପି ଆହିମାନି ବାରେ କାତାତାକି କାବା ଆହିମାତେରି । ୩୪ ଏତେଟିଏ ସିମିୟନ କକାଣାଲ୍ ଦର ହାହାନା ତାନି ଇୟା ମରିୟମନି ଏଲେଇତେସି, “ମେହ୍‌ପୁ ଇଞ୍ଜସି ଇସ୍ରାୟେଲତି ହାରେକା ଲକ୍ଷୁଣି ନାସା କିହାଲି ଅଡେ ଗେଲ୍‌ପାଲି ଆଡ଼ିଞ୍ଜି ଆହାମାନେସି, ଆମ୍ବାଆରି କପାଟି ହାରେକା ଜଲିନେରି । ଏଞ୍ଜସି ମାହାପୁରୁ ତାଣାଟି ର ସିନାଲେହେଁ ଆନେସି । ୩୫ ଆଆଟିଁ ନୀ ଜୀଞ୍ଜୁତା ଜିକେଏ କାଣ୍ଡାତଲେ ଗ୍ଲୁକ୍‌ହିସାରେ ହତାହାନି ଲେହେଁ, ଏ କସୁ ନୀ ହିୟାତା ଆୟୁନେ ।” ୩୬ ଅଡେ ହାନା ଦରୁଗାଟି ର ମାହାପୁରୁ ଅଣ୍ଡାପୁଟି ବଲୁ ଖେହ୍‌ନାୟି ମାତେ; ଏଦି ଆସେର୍ କଡ଼ାତି ପନୁଏଲ ମାଟ୍ଟୁ । ଏଦାନାକି ହାରେକା ବାର୍‌ସା ଆହାମାତେ; ଏଦି ଦାଆ ଆତି ଜେଚ ସାତା ବାର୍‌ସା ତକ୍‌କାତଲେ ବାସା କିହାମାତେ, ଅଡେ ସାରିକଡ଼ି ସାରି ବାର୍‌ସା ରାଣ୍ଡେଣି ଆହାନା ନାତାମାତେ । ୩୭ ଏଦି ମାହାପୁରୁ ଲକ୍ଷୁ ପିହ୍‌ଆନା ବାଟିମାଲିହିଁ ଲାଆଁ ମାଦେନା ରାନୁ ତିନାଆନା ପ୍ରାତାନା କିହିମାତେ । ୩୮ ଏ ଦେବୁଣିଏ ଏଦି ଖାହାନା ମାହାପୁରୁତି ଜହରା କିହିଁ ଜିରୁସାଲମତି ଗେଲ୍‌ପିନାଣାଲ୍ କାଟି ମାନାରାଲ୍ ଏଞ୍ଜାଣି କାତା ଖେସାଲି ମାଟ୍‌ହେ । ୩୯ ଡାୟୁ ଜସେପ ଅଡେ ମରିୟମ ମାହାପୁରୁତି ମେରା ତଲେ ବାରେ କାମା ରାପ୍‌ହାନା ଗାଲିଲିତି ତାନି ଗାଡ଼ା ନାଜିରିତତା ଖେଣ୍ଡା ଖାତେରି ୪୦ ଅଡେ ଜୀସୁ ଆଟ୍ଟାତା ବୁଦିତା ଅଡେ ବାଡ଼ୟୁତା ପାତା ଆତେସି, ଅଡେ ମାହାପୁରୁତି କାର୍‌ମା ଏଞ୍ଜାଣିଲାକ ମାତେ । ୪୧ ତାନି ଇୟା ଆବା ବାରେ ବାର୍‌ସା ପିସ୍‌ପିଆନି ପାର୍‌ବୁତାକି ଜିରୁସାଲମତା ହାଜିମାତେରି । ୪୨ ଜୀସୁ ବାର ବାର୍‌ସା ଆହାଲିଏ ଏଞ୍ଜରୀ ପାର୍‌ବୁତି ମେରାଲେହେଁ ଜିରୁସାଲମତା ହାତେରି । ୪୩ ଅଡେ ପାର୍‌ବୁତି ଦିନା ରାପ୍‌ହାନା ଏତେତା ଏଞ୍ଜରୀ ଖେଣ୍ଡା ଖାହିମାତେରି, ଏତିବେଲାତା ଉଣା କକାସି ଜୀସୁ ଜିରୁସାଲମତା ତୁୟାହାତେସି, ସାମା ତାନି ଇୟା ଆବା ପୁଞ୍ଚିହିଲିଆତେରି; ୪୪ ସାମା ଏଞ୍ଜରୀ ତାନିତଲେ ଖାହାମାଟି ଲକ୍ଷୁତଲେ ମାନେସି ଇଚ୍ଛା ଅଣ୍ଡାପାନା ର ଦିନାଟି ଜିରୁ ହାତେରି, ଅଡେ ତାନି ଲକ୍ଷୁ ଇଚ୍ଛା ପୁଟି ଲକ୍ଷୁତାଣା ପାରାଲି ମାଟ୍‌ହେରି, ୪୫ ଇଚ୍ଛା ଏଞ୍ଜାଣାଲ୍ ମେଡ଼ା ଆଆନା ପାରି ପାରି ଜିରୁସାଲମତା ଖେଣ୍ଡା ହାତେରି । ୪୬ ତାନିଦିନା ଡାୟୁ ଏଞ୍ଜରୀ ଏଞ୍ଜାଣାଲ୍ ମାହାପୁରୁ ଲକ୍ଷୁତା ବେଟାଆତେରି; ଏଞ୍ଜସି ମେରାପୁନାରି କାତା ଖେଞ୍ଚିହିଁ ଏଞ୍ଜରୀଲ୍ ଖେଣ୍ଡେ କାତା ଖେଞ୍ଚିମାତେସି, ୪୭ ଅଡେ ଏତେକା ଲକ୍ଷୁ ଏଞ୍ଜାଣି କାତା ଖେଞ୍ଚିମାତେରି, ବାରେଜାଣା ଏଞ୍ଜାଣି ବୁଦିତା ଅଡେ ଖେହ୍‌ନି କାତାତା କାବା ଆହିମାତେରି । ୪୮ ଏତିବେଲା ତାନି ଇୟା ଆବା କକାଣାଲ୍ ମେସାନା କାବାଆତୁ ଇଚ୍ଛା ତାନି ଇୟା ଏଞ୍ଜାଣାଲ୍ ଏଲେଇରେ, “ମୀରୁଏଣା ମାଟ୍ଟେ ଏନାଆଁତାକି ଇତେକା ଦୁକୁ

ହିୟାତି? ମେହ୍ନୁ ନାନୁ ଅଡ଼େ ମୀ ଆବା ଏଚେକା ଦୁକୁଆହିଁ ନିଢ଼େ ପାରିମାଞ୍ଜନମି ।” ୪୯ ଏମ୍ବାଟିଏ ଜୀସୁ ଏଲେଇଚେସି, “ମୀରୁ ନାଢ଼େ ଏନାଆଁତାକି ପାରିମାଞ୍ଜନଦେରି? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହିଲଅଚେରି?” ୫୦ ସାମା ଏଝାସି ଆମିନି କାତା ଜଲିଚେସି, ତାମି ଇୟା ଆବା ପୁଞ୍ଜାଲି ଆତାଆଚେରି । ୫୧ ତାୟୁ ଜୀସୁ ତାମି ଇୟା ଆବା ତଲେ ଖେଣ୍ଡେ ନାଜରିତତା ଖାଚେସି, ଇଞ୍ଜି ଏଝାରି କାତା ମାନସି ଆହାନା ଡ଼ୟିଚେସି, ଅଡ଼େ ତାମି ଇୟା ଇ ବାରେ କାତା ଜାଗ୍ରାତା ତଲେ ମନତା ଇଟାମାଚେ । ୫୨ ଅଡ଼େ ଜୀସୁ ଆଢ଼ୁତା, ବୁଦିତା ଇଞ୍ଜି ମାହାପୁରୁ ଅଡ଼େ ମାଣସିୟାଁ କାର୍ମାଟି ପାତା ଆଚେସି ।

୩ ତିବିରିୟା କାୟିସରତି ସାଲଞ୍ଜି କିନି ପନୁର ବାର୍ଯା ଆୟାଲିଏ, ଏତିବେଲା ପନ୍ନିୟ ପିଲାତ ଜୀହୁଦା ରାଜିତି ସାଲଞ୍ଜି କିନାସି ଅଡ଼େ ହେରଦ ଗାଲିଲି ରାଜିତି ରାଜା ମାଚେସି, ଅଡ଼େ ତାମି ତାୟି ପିଲିପ ଇଚୁରିୟା ଅଡ଼େ ତ୍ରାକନିତି ରାଜି ଅଡ଼େ ଲୁସାନିୟା ଅବିଲିନିତି ରାଜା ମାଚେସି । ୨ ହାନାନ ଅଡ଼େ କୟାପା କାଜା ପୁଜେରା ମାଚେରି, ଏତିବେଲାତା ମାହାପୁରୁତି ବଲୁ ଲକୁ ହିଲାଆ ଟାୟୁତା ଜିକରିୟ ମାର୍‌ଏସି ଜହନ ତାଣା ଖାଚେ । ୩ ଏମ୍ବାଟିଏ ବାପ୍ତିସ୍ତ ହାନି ଜହନ ଜର୍ଦନ ଦାରିତି ବାରେ ନାସକାଞ୍ଜାକି ହାଜାନା ପାପୁ ମ୍ଲେପକି ଆହାଲି ମାନ ଖେଟ୍‌ହାନା ବାପ୍ତିସ୍ତ ଅନି କାତା ଖେଟ୍‌ହାଲି ମାଟ୍‌ହେସି, ୪ ଏନିଜିତିହିଁ ମାହାପୁରୁ ଅଣ୍ଡପୁତି ବଲୁ ଖେଟ୍‌ହାନି ଜିସାୟ ପତିତା ରାସକି ଆହାମାନେ, “ଲକୁ ହିଲାଆ ଟାୟୁତା ରଅଣି ହାତା ଖେଟ୍‌ମାନେ; ପ୍ରଭୁତି ଜିରୁ ନେହିଁ କେପାଦୁ; ଅଡ଼େ ଏଝାଣି କାଜା ଆଁଗେଣି ତିୟି କିହୁ! ୫ ବାରେ ଗାଡ଼ୁଆ ନେଞ୍ଜି କିଞ୍ଜିଆନୁ, ବାରେ ହର୍କା ମେଟାୟାଁ ଉଣା କିଞ୍ଜିଆନୁ, ତଂଗିତି ଜିରୁ ତିୟି କିଞ୍ଜିଆନେ, କାଡ଼ି ତେପା ବୁମିତି ବାରେ ସମାନା କିଞ୍ଜିଆନେ । ୬ ବାରେ ଦାର୍‌ତିତି ଲକୁ ମାହାପୁରୁତି ଗେଲପିନାଣି ମେହ୍‌ନେରି ।” ୭ ଏଲେକିହିଁ, ଜହନ ତାଣାଟି ବାପ୍ତିସ୍ତ ଅହାଲି ଖାହିମାନି ଲକୁଣି ମେସାନା ଏଝାରାଇଁ ଏଲେଇଚେସି, “ଆଡ଼େ ରାସକା କୁଡ଼ାତାଚେରି ମାହାପୁରୁ ପାଣ୍ଡାମାଞ୍ଜନି କପାଟି ପିସ୍‌ପି ଆହାଲି ମାଢ଼େ ଆମ୍ବାଆସି ସେଡ଼ନା ହିୟାଚେସି? ୮ ଏନାଆଁତାକି ମାନ ଖେଟ୍‌ହାକତିତି ନେହିଁ କାମା ତଡ଼ୁ; ଅଡ଼େ ଅବାହାମ ମା ଆବା ଇଞ୍ଜିହିଁ ଅଣ୍ଡପାଆଦୁ, ନାନୁ ମିଢ଼େ ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅବାହାମତି ମାର୍କାଣି ଗାଡ଼ି କିହାଲି ଆତିମାନେସି। ୯ ଅଡ଼େ ନାଏଁ ଜିକେଏ ମାର୍‌ରୁ ତାକିତା କାଃଆଲି ଆଟାମାନେ; ଆମିନି ମାର୍‌ରୁ ନେହିଁ ପାଡ଼େୟି ଆୟେଏ ଏଦାନି ଚୁଣ୍ଡହାନା ହିରୁତା ମେଡ଼ପି ଆନେ ।” ୧୦ ଏମ୍ବାଟିଏ ଲକୁ ଏଝାଣାଇଁ ଖେଚେରି, “ଆତିହିଁ ମାମୁ ଏନାଆଁ କିନମି?” ୧୧ ଏଝାସି ଏଲେଇଚେସି, “ଆମ୍ବାଆରାକି କଡ଼େକା ସକାୟାଁ ମାନୁ, ଏଝାସି ଆମ୍ବାଆରାକି ହିଲାର ଏଝାଣାକି ରଣୁଆଁ ହାପେସି; ଇଞ୍ଜି ଆମ୍ବାଆରାକି କାଦି ମାନେ ଏଝାସି ଜିକେଏ ଏଲେକିପାସି ।” ୧୨ ସିସୁ ରାହ୍‌ନାରି ଜିକେଏ ବାପ୍ତିସ୍ତ ଅହାଲି ଖାହାନା ଏଲେଇଚେରି, “ଏ ଗୁରୁ ମାମୁ ଏନାଆଁ କିନମି?” ୧୩ ଏଝାସି ଏଝାରାଇଁ ଏଲେଇଚେସି,

“ମିଢ଼େତାକି ଏଚେକା ମେରା ମାନେ ଏଚେକାଟିଏ ଆଗାଡ଼ା ରାହ୍‌ଆଦୁ ।” ୧୪ ଏଚରଜାଣା ରିଜାରି କସକା ଖାହାନା ଏଲେଇଚେରି, “ମାମୁ ଏନାଆଁ କିନମି?” ଏଝାସି ଏଝାରାଇଁ ଏଲେଇଚେସି, “ବାଡ଼ୁଟି କି ନାଡ଼ିକିହାନା ଆମ୍ବାଆରି ଦନ ମୀଞ୍ଜା ଅଆଦୁ, ଅଡ଼େ ମୀରୁ ଏଚେକା ବେଟାଆଦେରି ଏଚେକା ତଲେଏ ନୀତାଦୁ ।” ୧୫ ଲକୁ ମସିହାଇଁ କାତିମାଚେରି, ଇଞ୍ଜି ଜହନଏ କ୍ରୀସୁ ହାବୁଲା ଇଞ୍ଜି ଅଣ୍ଡପାନା ବାରେଜାଣା ତାମି ମନତା କାତା ଆହିମାଚାକି, ୧୬ ଜହନ ଏଝାରାଇଁ ଏଲେଇଚେସି, “ନାନୁଆଁ ଏୟୁତଲେ ବାପ୍ତିସ୍ତ ହାହିମାଞ୍ଜାଇଁ, ସାମା ନା କିହାଁ ଆମ୍ବାଆସି ବାଡ଼ୁ ଗାଟାସି ଏଝାସି ଖାହିମାନେସି, ଏଝାଣି ସେୟୁୟିତି ଡ଼କା ଜିକେଏ ହୁକହାଲି ନାନୁ ପାଡ଼ାଆଅଁ; ଏଝାସି ମିଢ଼େ ସୁରୁଜୀଞ୍ଜୁ ଅଡ଼େ ହିରୁତଲେ ବାପ୍ତିସ୍ତ ହିୟାଚେସି । ୧୭ ତାନି କ୍ଲାନୁତି ତାସାଲି ଅଡ଼େ ତାନି ଆନୀତି କୁସାହିଁ କୁଡ଼ି କିହାନା ଗାଦେୟିତା ଇଟାଲି ଏଝାଣି କେୟୁତା ହେତି ମାନେ, ଇଞ୍ଜି ଟାଟା ପଡୁତି ଏଚେଲା ଦୁମ୍ବାଆଗାଟି ହିରୁତା ହୁତା ତୁହ୍‌ନେସି ।” ୧୮ ଏଝାସି ଇଲେତି ହାରେକା କାତା ଖେସିହିଁ ଅଡ଼େ ରାହ୍‌ତି କାତା ଜଲିହିଁ ଲକୁତାଣା ନେହିଁ କାବୁ ଖେକ୍‌ହି ମାଚେସି; ୧୯ ସାମା ରାଜା ହେରଦ ତାମି ତାୟି ତକି ହେରଦିୟାନି କାତା ଅଡ଼େ ତାନୁ କିହାମାନି ବାରେ ଲାଗେଏତି କାମାତାକି ଜହନ ତାଣାଟି ଲାରି ବେଟା ଆହାମାଚାକି, ୨୦ ହେରଦ ଜହନଇଁ ଦସ୍‌ପାନା କାୟିଦିତା ଇଟାନା ହାରେକା ଲାଗେଏତି କାମା କିଚେସି । ୨୧ ବାରେ ଲକୁ ବାପ୍ତିସ୍ତ ଅତି ତାୟୁ ଜୀସୁ ଜିକେଏ ବାପ୍ତିସ୍ତ ଅହାନା ପ୍ରାତାନା କିହିମାଚାଟି ହାବୁ ଦେପିଆଚେ, ୨୨ ଅଡ଼େ ସୁରୁଜୀଞ୍ଜୁ ପାର୍‌ଖା ପଟାଲେହେଁ ଏଝାଣିଲାକ ରେଟାଖାଚେ; ଇଞ୍ଜି ହାଗୁତି ଇ ହାତା ଆଚେ, “ନାନୁ ନା ଜୀଞ୍ଜୁତି ମାର୍‌ଏଶାଟି ନୀ ତାଣା ନା ରାହ୍‌ ମାନେ ।” ୨୩ ଜୀସୁ ସେବା କାମା ମାଟ୍‌ହି ବେଲାତା ଏଝାଣାକି କଡ଼େଦସ ବାର୍ଯା ଆହାମାଚେ; ଲକୁତି କାତାତଲେ ଏଝାସି ଜସେପ ମାର୍‌ଏସି; ଜସେପ ଏଲି ମାର୍‌ଏସି, ୨୪ ଏଲି ମତାତ ମାର୍‌ଏସି, ମତାତ ଲେବି ମାର୍‌ଏସି, ଲେବି ମଲ୍‌କି ମାର୍‌ଏସି, ମଲ୍‌କି ଜନୟ ମାର୍‌ଏସି, ଜନୟ ଜସେପ ମାର୍‌ଏସି, ୨୫ ଜସେପ ମତିତିୟା ମାର୍‌ଏସି, ମତିତିୟା ଆମସ ମାର୍‌ଏସି, ଆମସ ନାହୁମ ମାର୍‌ଏସି, ନାହୁମ ହେସଲି ମାର୍‌ଏସି, ହେସଲି ନଗୟ ମାର୍‌ଏସି, ୨୬ ନଗୟ ମହତ ମାର୍‌ଏସି, ମହତ ମତିତିୟସ୍ ମାର୍‌ଏସି, ମତିତିୟସ୍ ସିମିୟ ମାର୍‌ଏସି, ସିମିୟ ଜସେକ ମାର୍‌ଏସି, ଜସେକ ଜଦା ମାର୍‌ଏସି, ୨୭ ଜଦା ଜହନ ମାର୍‌ଏସି, ଜହନ ରେସା ମାର୍‌ଏସି, ରେସା ଜିରୁବାବେଲ ମାର୍‌ଏସି, ଜିରୁବାବିଲ ସଲ୍‌ଟିୟେଲ୍ ମାର୍‌ଏସି, ସଲ୍‌ଟିୟେଲ୍ ନେରି ମାର୍‌ଏସି, ୨୮ ନେରି ମଲ୍‌କି ମାର୍‌ଏସି, ମଲ୍‌କି ଅଡ଼ି ମାର୍‌ଏସି, ଅଡ଼ି କସାମ ମାର୍‌ଏସି, କସାମ ଏଲାଦାନ ମାର୍‌ଏସି, ଏଲାଦାନ ଏର ମାର୍‌ଏସି, ୨୯ ଏର ଜିହସୁୟ ମାର୍‌ଏସି, ଜିହସୁୟ ଏଲିୟାଜର ମାର୍‌ଏସି, ଏଲିୟାଜର ଜରିମ ମାର୍‌ଏସି, ଜରିମ ମତାତ ମାର୍‌ଏସି, ମତାତ ଲେବି ମାର୍‌ଏସି, ୩୦ ଲେବି ସିମିୟନ ମାର୍‌ଏସି, ସିମିୟନ ଜୀହୁଦା ମାର୍‌ଏସି, ଜୀହୁଦା ଜସେପ ମାର୍‌ଏସି, ଜସେପ

ଜନମ ମାର୍ବସି, ଜନମ ଏଲିୟାକିମ ମାର୍ବସି, ୩୧ ଏଲିୟାକିମ ମଲହ ମାର୍ବସି, ମଲହ ମନ୍ନା ମାର୍ବସି, ମନ୍ନା ମତତା ମାର୍ବସି, ମତତା ନାତନ ମାର୍ବସି, ନାତନ ଦାସୁଦ ମାର୍ବସି, ୩୨ ଦାସୁଦ ଜିସି ମାର୍ବସି, ଜିସି ଅବେଦ ମାର୍ବସି, ଅବେଦ ବୟାଜ ମାର୍ବସି, ବୟାଜ ସେଲହ ମାର୍ବସି, ସେଲହ ନହସନ ମାର୍ବସି, ୩୩ ନହସନ ଅମିନାଦାବ ମାର୍ବସି, ଅମିନାଦାବ ଅଦ୍ମିନି ମାର୍ବସି, ଅଦ୍ମିନି ଅର୍ନି ମାର୍ବସି, ଅର୍ନି ହେସ୍ରା ମାର୍ବସି, ହେସ୍ରା ପେରସ ମାର୍ବସି, ପେରସ ଜାହୁଦା ମାର୍ବସି, ୩୪ ଜାହୁଦା ଜାକୁବ ମାର୍ବସି, ଜାକୁବ ଇସାହାକ ମାର୍ବସି, ଇସାହାକ ଅବ୍ରାହାମ ମାର୍ବସି, ଅବ୍ରାହାମ ଚେରହ ମାର୍ବସି, ଚେରହ ନାହର ମାର୍ବସି, ୩୫ ନାହର ସରୁଗ ମାର୍ବସି, ସରୁଗ ରଗୁ ମାର୍ବସି, ରଗୁ ପେଲଗ ମାର୍ବସି, ପେଲଗ ଏବର ମାର୍ବସି, ଏବର ସେଲହ ମାର୍ବସି, ୩୬ ସେଲହ କେନାନ ମାର୍ବସି, କେନାନ ଅର୍ପକ୍ୟଦ ମାର୍ବସି, ଅର୍ପକ୍ୟଦ ସେମ ମାର୍ବସି, ସେମ ନହ ମାର୍ବସି, ନହ ଲେମକ ମାର୍ବସି, ୩୭ ଲେମକ ମତୁସେଲହ ମାର୍ବସି, ମତୁସେଲହ ହନକ ମାର୍ବସି, ହନକ ଜେରଦ ମାର୍ବସି, ଜେରଦ ମହଲଲେଲ ମାର୍ବସି, ମହଲଲେଲ କେନାନ ମାର୍ବସି, ୩୮ କେନାନ ଏନସ ମାର୍ବସି, ଏନସ ସେତ ମାର୍ବସି, ସେତ ଆଦମ ମାର୍ବସି, ଆଦମ ମାହାପୁରୁ ମାର୍ବସି ।

୪ ଜୀସୁ ସୁଦୁଜୀସୁ ବେଟାଆହାନା ଜର୍ଦନ କାତାଟି ଖେଣ୍ଡାଖାତେସି ଇଞ୍ଜି ରୀ କଡ଼ି ଦିନା ପାତେକା ସୁଦୁଜୀସୁ ତଲେ ଲକୁ ହିଲାଆ ଟାୟୁତା ହାତେସି । ୧ ଏମ୍ବାଟିଏ ଏଖାସି ସୟତାନ ଡାଣାଟି ଡାୟିପାରି କିଞ୍ଚିଆତେସି । ଇ ରୀ କଡ଼ି ଦିନା ଏଖାସି ଏନାଆଁ ତିନାଆତେସି, ଅଡ଼େ ଏ ରୀ କଡ଼ି ଦିନା ରାହାଲିଏ ଏଖାସି ହାକି ଆତେସି । ୩ ଏମ୍ବାଟିଏ ସୟତାନ ଏଖାଣାଲ୍ ଏଲେଇତେ, “ନାନୁ ମାହାପୁରୁ ମାର୍ବସଣାଟି ଇଚିହିଁ ଇ ଖାଲକାଣି ରୁଟି ଆହାଲି ହୁକୁମି ହାମ୍ ।” ୪ ସାମା ଜୀସୁ ଏଲେଇତେସି, “ଦାର୍ମ୍ ସାସ୍ତେରିତା ରାସ୍କି ଆହାମାନେ, ମାଣ୍ଡି ଖାର୍ଲ ରୁଟି ତିଞ୍ଜାନା ନାତଅସି ।” ୫ ଅଡ଼େ ସୟତାନ କାଜା ହରୁ ଲାକ ଆହାନା ଗାଡ଼େକା ତାକି ଦାର୍ତତି ବାରେ ରାଜି ଏଖାଣାଲ୍ ତସ୍ତେ । ୬ ଇଞ୍ଜି ସୟତାନ ଏଖାଣାଲ୍ ଏଲେଇତେ, “ନାନୁ ନିଢ୍ଢେ ଇ ବାରେ ଦନତି ଅଦିକାରା କିୟାଲ୍, ଏନାଆଁତାକି ଇଚିହିଁ ବାରେ ନାଢ୍ଢେ ହେରୁପି ଆହାମାଞ୍ଜନେ, ଅଡ଼େ ନାନୁ ଆମ୍ବାଆରାକି ମନ ଏଖାଣାକି ହାଇଁ । ୭ ଇଦାଆଁତାକି ନାନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇଚିହିଁ ଇ ବାରେ ନାଦି ଆନେ ।” ୮ ଜୀସୁ ଏଲେଇତେସି, “ରାସ୍କି ଆହାମାନେ, ‘ନାନୁ ନା ମାହାପୁରୁଲ୍ ଜହରା କିଦି, ଅଡ଼େ ଖାର୍ଲ ଏଖାଣି ସେବା କିଦି ।” ୯ ଅଡ଼େ ସୟତାନ ଏଖାଣାଲ୍ ଜିରୁସାଲମତା ଅହାନା ମାହାପୁରୁ ଇଲୁ ତୁଟିୟା ଲାକ ନିପହାନା ଏଲେଇତେ, “ନାନୁ ମାହାପୁରୁଟି ମାର୍ବସଣାଟି ଇଚିହିଁ ଇମ୍ବାଟି ତୁଇକା ମେମ୍ବାମ୍ । ୧୦ ଇଚିହିଁ ରାସ୍କି ଆହାମାନେ, ‘ନିଢ୍ଢେ ଗେଲ୍ପାଲିତାକି ମାହାପୁରୁ ତାନି ଦୂତୁୟାଲ୍ ହୁକୁମି ହୀନେସି ।’ ୧୧ ଅଡ଼େ ରାସ୍କି ଆହାମାନେ, ‘ନୀ କତାୟାଁ ଏନିକି

ଖାଲକାଣା ଆତାର ଏଦାଆଁତାକି ଏଞ୍ଚି ନିଢ୍ଢେ କେସ୍ତାତଲେ ପେରହା ଆସ୍ତାନୁ ।” ୧୨ ସାମା ଜୀସୁ ଏଦାନି ଏଲେଇତେସି, “ଦାର୍ମ୍ ସାସ୍ତେରିତା ରାସ୍କି ଆହାମାନେ, ନାନୁ ପ୍ରବୁ ନୀ ମାହାପୁରୁଲ୍ ଡାୟିପାରି କିଆନି ।” ୧୩ ସୟତାନ ଜୀସୁଲ୍ ବାରେ ଡାୟିପାରି କିନାଣି ରାପହାନା ଗାଡ଼େକା ତାକି ଏଖାଣାଲ୍ ପିସାନା ହାତେ । ୧୪ ଏ ଡାୟୁ ଜୀସୁ ସୁଦୁଜୀସୁଟି ବାଡ଼ୁୟୁ ତଲେ ଗାଲିଲିତା ଖାତେସି, ଅଡ଼େ ସାରିଖାକି ଏଖାଣି କାତା ଖେଡ଼ୁତେ । ୧୫ ଅଡ଼େ ଏଖାସି ଏଖାରି ଜୀହୁଦି ଲକୁଟି କୁଟମି ଇଲକାଣା ଜାପହିହିଁ ବାରେ ଲକୁ ଡାଣାଟି ଗାଧୁରମି ବେଟାଆତେସି । ୧୬ ଅଡ଼େ ଏଖାସି ଆମିନି ନାଜରିତତା ପହାପିଆ ଆହାମାତେସି, ଏଚେତା ଏ ଡାୟୁତା ହାତେସି ଅଡ଼େ ତାନି ମେରାଲେହେଁ ଜମିନି ଦିନାତା ଜୀହୁଦି ଲକୁଟି କୁଟମି ଇଲୁତା ହାତେସି ଇଞ୍ଜି ପଡ଼ିଆହାଲି ନିତେସି, ୧୭ ଏମ୍ବାଟିଏ ମାହାପୁରୁ ଅଣ୍ଡପୁଟି ବଲୁ ଖେହନି କିସାୟତି ପତି ହାତେରି, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସ୍କି ଆହାମାନେ ଏ କାତା ବେଟାଆତେସି; ୧୮ “ପ୍ରବୁଟି ଜୀସୁ ନା ଡାଣା ମାନେ, ଏନିଇଚିହିଁ ହିଲାଆ ଗାଟାରି ଡାଣା ନେହିଁ କାହୁ ଖେକହାଲି ଏଖାସି ନାଢ୍ଢେ ଆତାମାଞ୍ଜନେସି; କାୟିଦିତା ମାନାରାଲ୍ ପିସ୍ପି ଆନାଣି ଖେକହାଲି, କାଣକା ମେହୁଆଗାଟାରାଲ୍ ମେସ୍ପି କିହାଲି, ଦୁକୁ ବେଟାଆହି ମାନାରାଲ୍ ଗେଲ୍ପାଲି, ୧୯ ଇଞ୍ଜି ମାହାପୁରୁ କାର୍ମା ମେସ୍ପାନି ବେଲାତି କାତା ଖେକହାଲି ପ୍ରବୁ ନାଢ୍ଢେ ପାଣ୍ଡାମାଞ୍ଜନେସି ।” ୨୦ ଏମ୍ବାଟିଏ ଜୀସୁ ପତିତି ମୁଦା କିହାନା ସେବା କିନାଣି କେୟୁତା ହୀହାନା କୁଟିତେସି । ଅଡ଼େ ଜୀହୁଦି ଲକୁଟି କୁଟମି ଇଲୁତା କୁଗାମାନି ବାରେ ଲକୁ ଜୀସୁ ଖାକି ସିନକିତେରି । ୨୧ ଇଞ୍ଜି ଜୀସୁ ଏଖାଣାଲ୍ ଏଲେଇତେସି, “ନାଞ୍ଜୁଟିଏ ଦାର୍ମ୍ ପତିତି ଇ କାତା ମାରୁ ଖେଣ୍ଡମିନିଏ ପୁରା ଆତେ ।” ୨୨ ଅଡ଼େ ବାରେକାଣା ତାନି କାତାତାକି ସାକି ହାତେରି, ଅଡ଼େ ତାନି ଗୁଟିଟି ହୁଟିମାନି କାର୍ମାଟି ବଲୁତା କାବା ଆତେରି ଇଞ୍ଜି ଏଲେଇତେରି, “ଇଖାସି ଏନାଆଁ ଜସେପ ମାର୍ବସି ଆଏକି?” ୨୩ ଏମ୍ବାଟିଏ ଏଖାସି ଏଖାଣାଲ୍ ଏଲେଇତେସି, “ମାରୁ ସାତେଏ ନାଢ୍ଢେ ଏଲେ ଇଞ୍ଜୁଦେରି, ଏ ଅସଗୁରୁ ନାନୁଏ ନିଢ୍ଢେ ନେହିଁ କିହାକତାମ୍; କପରନାହୁମତା ଏନା ଏନାଆଁ କିହାମାଞ୍ଜୁ ଇଞ୍ଜି ମାମୁ ଖେଞ୍ଜାମାନମି ଏଲେକି ମୀ ଆକୁ ଆବାୟାଁ ନାୟୁତା ଜିକେଏ କିମ୍ ।” ୨୪ ଅଡ଼େ ଏଖାସି ଏଲେଇତେସି, “ନାନୁ ମିଢ୍ଢେ ସାତା ଖେସିମାଞ୍ଜୁଲ୍, ମାହାପୁରୁ ଅଣ୍ଡପୁଟି ବଲୁ ଖେହନାରି ତାନୁ ପାତାଆତି ନାୟୁଟି ଲକୁ ଅପଅରି । ୨୫ ସାମା ନାନୁ ମିଢ୍ଢେ ସାତା ଖେସିମାଞ୍ଜୁଲ୍, ଏଲିୟା ବେଲାତା ଏନିକି ତାନି ବାର୍ଯା ସ୍ତ ଲେଞ୍ଜୁ ପାତେକା ହାଗୁଟି ପିୟୁ ରିଆତାକି ବାରେ ଦେସା କାର୍ଡୁଆହାମାତେ, ଏଚିବେଲାତା ଇସାୟେଲତା ହାରେକା ରାଣ୍ଡେଣିସିକା ମାଟିହିଁ ଜିକେଏ; ୨୬ ଏଲିୟା ଏଖାସିକା ଡାଣା ପାଣ୍ଡୁଣ୍ଡି ଆଆନା ସିଦନ ଦେସାଟି ସାରିପତ ନାୟୁଟି ର ରାଣ୍ଡେଣିନି ଡାଣା ପାଣ୍ଡୁଣ୍ଡି ଆତେସି । ୨୭ ଅଡ଼େ ମାହାପୁରୁ ଅଣ୍ଡପୁଟି ବଲୁ ଖେହନି ଏଲିୟାୟ ମାଟାଟି ଇସାୟେଲ ବିତ୍ତା ହାରେକା କାଜା ରଗ ଗାଟାରି ମାତେରି; ଆତିଜିକେଏ ଏଖାରି ବିତ୍ତାଟି ରଅସି ଜିକେଏ ନେହିଁ

ଆଥାତେ, ସାମା ସିରିୟା ଦେସାଟି ନାମାନ ନେହିଁ କିଖିଆତେସି ।” ୨୮ ଜାହୁଦି ଲକ୍ଷ୍ମି କୁଟମି ଇଲୁତା ଇ ବାରେ କାତା ଖେଞ୍ଜୁନା ବାରେଜାଣା କାର୍ବି ଆତେରି, ୨୯ ଅତେ ଏଞ୍ଜାରି ନିଞ୍ଜୁନା ଏଞ୍ଜାଣାଇଁ ଗାଡ଼ାଟି ପାଞ୍ଜୁତା ପେରୁହେରି ଇଞ୍ଜି ଏଞ୍ଜାରି ଏମିନି ଗାଡ଼ା ହରୁଲେକ ଦସାମାତେରି ଏ ହରୁ ଲାକଟି ତୁଲକା ମେଡ଼ହାଲି ଏଞ୍ଜାଣାଇଁ ଅତେରି; ୩୦ ସାମା ଏଞ୍ଜାସି ଏଞ୍ଜାରି ମାଦିଟି ହୁତାହାତେସି । ୩୧ ଜାସୁ କପରୁନାହୁମ ଦରୁଗାଟି ଗାଲିଲିଟି ର ଗାଡ଼ାତା ଖାତେସି, ଇଞ୍ଜି ଜମିନ ଦିନା ଲକ୍ଷ୍ମି ଜାପୁହି ମାତେସି, ୩୨ ଅତେ ଏଞ୍ଜାରି ଏଞ୍ଜାଣି ଜାପୁନି ତାଣା କାବା ଆତେରି, ଏନାଆଁତାକି ଇତିହିଁ ଏଞ୍ଜାଣି ଜଲିନାୟି ଅଦିକାରା ଗାଟାୟି ଲେହେଁ ମାତେ । ୩୩ ର ଦିନା ଜାହୁଦି ଲକ୍ଷ୍ମି କୁଟମି ଇଲୁତା ର ପଲଆ ବୁରୁ ଆଲଗାମାଟି ଲକ୍ଷ୍ମି ମାତେସି; ଏଞ୍ଜାସି କିର୍ତ୍ତିହିଁ ଏଲେଇତେସି, ୩୪ “ଏ ନାଜରିତତି ଜାସୁ ନୀ ତଲେ ମାଢ୍ଫେ ଏନାୟି ମାନେ? ନାନୁ ମାଢ୍ଫେ ନାସା କିହାଲି ଖାହାମାଞ୍ଜି କି? ନାନୁ ଆମ୍ବାଆତି ନାନୁ ପୁଞ୍ଜୁମାଇଁ; ନାନୁ ମାହାପୁରୁଟି ସୁଦୁ ମାଣସିଟି ।” ୩୫ ଜାସୁ ଏଦାନି ଦାକା ହାହାନା ଏଲେଇତେସି, “ପାଲେଏ ଆମ୍ବୁ ଇଞ୍ଜାଣି ତାଣାଟି ହୁତାହାଲାନୁ ।” ଏମ୍ବାଟିଏ ଏ ବୁରୁ ଏଞ୍ଜାଣାଇଁ ମାଦିଏ ତୁକହାନା ଏଞ୍ଜାଣାଇଁ ଏନାଆଁ କିଆନା ହୁତାହାତେ । ୩୬ ଏମ୍ବାଟିଏ ବାରେଜାଣା କାବାଆହାନା ଏଲେଇତେସି ଆତେରି, “ଇଦି ଏନିଲେହେଁଟି କାତା? ଏଞ୍ଜାସି ବୁରୁୟିଆଁ ଅଦିକାରା ଅତେ ବାଡ଼ୁୟି ହୁକୁନି ହାହିମାନେସି ଇଞ୍ଜି ଏଞ୍ଜି ହୁତା ହାଜିମାନୁ।” ୩୭ ଏମ୍ବାଟିଏ ଏଞ୍ଜାଣି ହାତାଟି କାବୁ ଦେସାଟି ସାରିଖାକି ଖେଞ୍ଜୁହାତେ । ୩୮ ଏମ୍ବାଟିଏ ଜାସୁ ଜାହୁଦି ଲକ୍ଷ୍ମି କୁଟମି ଇଲୁଟି ହୁତାନା ସିମନ ଇଜ ହାତେସି । ସିମନ ପୟା ଗାଡ଼ି ନମେରି ଆହାମାତେ, ଅତେ ଏଞ୍ଜାରି ଇ କାତା ଜାସୁଇଁ ଏଲେଇତେରି । ୩୯ ଏମ୍ବାଟିଏ ଏଞ୍ଜାସି ଏଦାନି ତାଗେ ନିତାନା ନମେରିଟି ଦାକା ହାତେସି, ଇଞ୍ଜି ଏଦାନାକି ନମେରି ପିସ୍ତେ, ଏଦି ଏ ଦେବୁଣିଏ ନିଞ୍ଜୁନା ଏଞ୍ଜାରି ସେବା କିତେ । ୪୦ ଖେଡ଼ା କୁଡ଼ିହି ମାତାଟି ଆମ୍ବାଆରି ତାଣା ଏନିଲେହେଁଟି ରଗ ମାତେ, ଏଲେଟି ରଗ ଲକ୍ଷ୍ମି ଜାସୁ ତାଣା ତାତେରି, ଇଞ୍ଜି ତାମି ତାକିଣା କେୟୁ ଇତାନା ବାରେଟି ନେହିଁ କିତେସି । ୪୧ ଅତେ ବୁରୁୟିଆଁ ଜିକେଏ କିର୍ତ୍ତିହିଁ ହାରେକା ଲକ୍ଷ୍ମି ତାଣାଟି ଏଲେଇଞ୍ଜି ହୁତାହାତେ, “ନାନୁ ମାହାପୁରୁ ମାର୍ବଣାଟି ।” ଅତେ ଜାସୁ ଏ ବାରେଟି କାତା ଆହାଲି ହାଆନା ଦାକା ହାତେସି, ଇତିହିଁ ଏଞ୍ଜାସି କ୍ରାସୁ ଇଦାଆଁ ଏଞ୍ଜି ପୁଞ୍ଜୁମାତେ । ୪୨ ଲାଲ ଖେୟାଲିଏ ଏଞ୍ଜାସି ହୁତାନା ଲକ୍ଷ୍ମି ହିଲଆ ଟାୟୁତା ହାତେସି; ଅତେ ଲକ୍ଷ୍ମି ଏଞ୍ଜାଣାଇଁ ପାରି ପାରିହିଁ ଏଞ୍ଜାଣି ତାଣା ଖାତେରି, ଅତେ ଏଞ୍ଜାସି ଏନିକି ଏଞ୍ଜାରି ତାଣାଟି ହାଲଅସି, ଏଦାଆଁତାକି ଏଞ୍ଜାଣାଇଁ ମାଞ୍ଜୁଲି ବାଟିମାଲିତେରି । ୪୩ ସାମା ଏଞ୍ଜାସି ଏଞ୍ଜାଣାଇଁ ଏଲେଇତେସି, “ଏଦକା ଗାଡ଼ାତା ଜିକେଏ ନାନୁ ମାହାପୁରୁ ରାଜିଟି ନେହିଁ କାବୁ ଖେକନାୟି ମାନେ, ଇତିହିଁ ଏଦାଆଁତାକି ନାନୁ ପାଣ୍ଡୁଞ୍ଜି ଆହାମାଇଁ ।” ୪୪ ଇଞ୍ଜି ଏଞ୍ଜାସି ଜାହୁଦା ଦେସାଟି ଜାହୁଦି ଲକ୍ଷ୍ମି କୁଟମି ଇଲୁକାଣା ହାଜାନା ନେହିଁ କାବୁ ଖେକହେସି ।

୪ ର ଦିନା ଜାସୁ ଗେନେସର ବାନ୍ତୁ ଗାଡ଼ୁତା ନିତାମାତାଟି ହାରେକା ଲକ୍ଷ୍ମି ମାହାପୁରୁଟି କାତା ଖେଞ୍ଜୁଲି ଏଞ୍ଜାଣି ସାରିସୁଡ଼ୁ ରୁଣ୍ଡା ଆତେରି । ୨ ଇଞ୍ଜି ଏଞ୍ଜାସି ବାନ୍ତୁ ଗାଡ଼ୁତା ରୀ ତଂଗାୟି ମାନାଣି ମେସ୍ତେସି; ଏମ୍ବାଟି ମାଣକା ଆହନାରି ଏମ୍ବାଟି ରେତାନା ତାମି ଜାଲାଇଁ ନରୁହି ମାତେରି । ୩ ଏ ତଂଗ ବିତ୍ରାଟି ଏମିନାୟି ସିମନଖାୟି ମାତେ, ଏ ତଂଗତା କୁଗାନା ଗାଡ଼ୁଟିଏ ହିରେ ହେକ ହାଜାଲି ବାଟିମାଲିତେସି; ଇଞ୍ଜି ଏଞ୍ଜାସି କୁଗାନା ଲକ୍ଷ୍ମି ଜାପୁହେସି । ୪ ଏଞ୍ଜାସି ତାମି କାତା ରାପୁହାଲିଏ ସିମନଇଁ ଏଲେଇତେସି, “ମାଣକା ଆସାଲି କୁଡ଼ିନି ଏୟୁଖାକି ହାଜାନା ମା ଜାଲାଇଁ ମେଡ଼ୁ ।” ୫ ଏମ୍ବାଟିଏ ସିମନ ଏଲେଇତେସି, “ଏ ଗୁରୁ ମାମୁ ଲାଆଁ ଖେୟେ କସୁ କିତାଖ ର ମାନୁ ଜିକେଏ ବେଟାଆଥାତମି; ସାମା ନୀ କାତା ଆସାନା ଜାଲା ମେଡ଼ଇଁ ।” ୬ ଇଞ୍ଜି ଏଞ୍ଜାରି ଜାଲା ମେଡ଼ହାଲିଏ ଏମ୍ବାଆଁ ଜାଲା ନେଞ୍ଜେ ମାଣକା ହୁଡୁ, ଇଞ୍ଜି ଏଞ୍ଜାରି ଜାଲା ତାମାଲି ମାଡ଼ହେ । ୭ ଏମ୍ବାଟିଏ ଏଞ୍ଜାରି ଆମିନି ତୁଡୁଗାଟାରି ଅର ତଂଗତା ମାତେରି, ଏଞ୍ଜାରି ଏନିକି ଖାହାନା ସାୟେନି କିନେରି, ଏଦାଆଁତାକି ଏଞ୍ଜାରି ଏଞ୍ଜାଣାଇଁ କେୟୁ ଜାଞ୍ଜିତେରି, ଏମ୍ବାଟିଏ ଏଞ୍ଜାରି ଖାହାନା ରୀ ତଂଗଣା ମାଣକା ନେଞ୍ଜି କିୟାଲିଏ ଏ ତଂଗାୟି ମୁଞ୍ଜିମାତେ । ୮ ସାମା ସିମନ ପିତର ଏଦାଆଁ ମେସାନା ଜାସୁ କତାଣା ରିହାନା ଏଲେଇତେସି, “ଏ ପ୍ରବୁ ନା ତାଣାଟି ହାଜାତୁହମ୍ବୁ ଏନାଆଁତାକି ଇତିହିଁ ନାନୁ ପାପୁଗାଟି ମାଣସିତେସି!” ୯ ଇତିହିଁ ଏଞ୍ଜାରି ହାରେକା ମାଣକା ଆସାମାତାକି ତାନୁ ଅତେ ତାନିତଲେ ମାତାରି କାବା ଆହାହାତେରି; ୧୦ ଜେବଦିଟି ରୀ ମୀରକା ଜାକୁବ ଅତେ ଜହନ, ଆମ୍ବାଆରି ସିମନ ଆଡ଼ିହତାରି ମାତେରି, ଏଞ୍ଜାରି ଜିକେଏ କାବା ଆହାହାତେରି । ଅତେ ଜାସୁ ସିମନଇଁ ଏଲେଇତେସି, “ଆଜାଆନି ନାଞ୍ଜୁଟିଏ ନାନୁ ଲକ୍ଷ୍ମି ଆହୁଦି ।” ୧୧ ଏତେଟିଏ ଏଞ୍ଜାରି ତଂଗାୟି ଗାଡ଼ୁତା ତାତାନା ଏମ୍ବାଆଁ ବାରେ ପିସାନା ଜାସୁ ଜେତ ହାତେରି । ୧୨ ଜାସୁ ର ଗାଡ଼ାତା ମାତାଟି ମେହୁରୁ ଏମ୍ବାଆଁ ଗୁଡ଼ା ଆଞ୍ଜୁ କାଜା ରଗ ଗାଟାସି ମାତେସି; ଏଞ୍ଜାସି ଜାସୁଇଁ ମେସାନା ମୁନୁ କୁତାନା ଏଞ୍ଜାଣାଇଁ ଏଲେଇତେସି, “ଏ ପ୍ରବୁ ନାନୁ ମନ କିତିହିଁ ନାଢ୍ଫେ ନେହିଁ କିହାଲି ଆଡାଦି ।” ୧୩ ଏତେଟିଏ ଏଞ୍ଜାସି କେୟୁ ଦାସାହାଁ ତାଗାନା ଏଲେଇତେସି, “ନାନୁ ମନ କିହିମାଇଁ ନାନୁ ନେହିଁଆମ୍ବୁ ।” ଏ ଦେବୁଣିଏ କାଜା ରଗଟି ଏଞ୍ଜାସି ନେହିଁଆତେସି । ୧୪ ଜାସୁ ଏଞ୍ଜାଣାଇଁ ହୁକୁନି ହାହାନା ଏଲେଇତେସି, “ଆମ୍ବାଆରାଇଁ ଖେହୁଆନି, ସାମା ହାଜାନା ପୁଜେରାଞ୍ଜାଣି ତହମ୍ବୁ ଅତେ ମସାଟି ମେରାଲେହେଁ ନାନୁ ନେହିଁ ଆତାଣି ସାକି ହାହାଲି ପୁଜା ହାମ୍ବୁ ।” ୧୫ ସାମା ଏଞ୍ଜାଣି କାତା ହାରେକା ଖେଞ୍ଜୁହାତେ, ଅତେ ହାରେକା ଲକ୍ଷ୍ମି ଖେଞ୍ଜୁଲିତାକି ଅତେ ରଗଟି ନେହିଁ ଆହାଲିତାକି ରୁଣ୍ଡା ଆତେରି । ୧୬ ସାମା ଜାସୁ ଲକ୍ଷ୍ମି ହିଲଆ ଟାୟୁତା ହାଜାନା ପ୍ରାତାନା କିହିମାତେସି । ୧୭ ର ଦିନା ଜାପୁହି ମାତାଟି, ଗାଲିଲି ଦେସାଟି ବାରେ ନାସକାଟି, ଜାହୁଦା ଦେସା ଇଞ୍ଜି ଜିରୁସାଲମଟି ଖାହାମାନି ପାରୁସିୟାଁ ଅତେ ମେରାପୁନାରି ଜାସୁ ତାଣା କୁଗାମାତେରି, ଇଞ୍ଜି ଏଞ୍ଜାସି ଏନିକି ନେହିଁ କିନେସି ଇଦାଆଁତାକି

ପ୍ରବୃତ୍ତ ନେହିଁକିନି ବାଞ୍ଛୁ ଜୀବୁ ତାଣା ମାତେ । ୧୮ ଏତରଜାଣା ଲଢୁ
ର ଟଟ ଖାୟିତାଣାଇଁ କାଟେଲିତା ତେକା ତାତାମା ଜୀବୁ ନକିତା ବିତ୍ରା
ଅହାଲି ଅଶ୍ୱପତେରି । ୧୯ ଯାମା ଏମ୍ପାଆଁ ହାରେକା ଲଢୁ ମାତାକି
ଜିରୁ ବେଟାଆଥାତେରି, ଇଚ୍ଛାଁ ଏଞ୍ଜାରି ଇଲୁ ଡେପରିତା ଡେକା ଅହାନା
ତୃପ୍ତିୟାଟି ଚାୟିଲି ହୁକହାନା କାଟେଲି ତଲେ ଜୀବୁ ନକିତା ରେପୁହେରି
। ୨୦ ଜୀବୁ ଏଞ୍ଜାରି ନାମୁ ମେଯାନା ଟଟ ଖାୟିତାଣାଇଁ ଏଲେଇରେସି,
“ତଣେ ନୀ ପାପୁ ବାରେ ମେଶ୍ଟ୍ଟୁମାନେ ।” ୨୧ ଏଚେଟିଏ ଡେରା
ଜୀବନାରି ଅଡ଼େ ପାରୁସିୟାଁ କାତା ଆହଁ ଏଲେଇଶ୍ୱମ୍ପି ଆତେରି, “ଇଞ୍ଜାସି
ମାହାପୁରୁ ନିନ୍ଦୁ କିହିମାନେସି, ଇଞ୍ଜାସି ଆମ୍ପାଆସି ମାହାପୁରୁ ପିସ୍ତେ
ଅଡ଼େ ଆମ୍ପାଆସି ପାପୁ ମ୍ଳେକହାଲି ଆଡିମାନେସି।” ୨୨ ଯାମା ଜୀବୁ
ଏଞ୍ଜାରି କାତାବାଟାଁ ଆହିମାନାଣି ପୁଞ୍ଜାନା ଏଞ୍ଜାରାଇଁ ଏଲେଇରେସି,
“ମାରୁ ମୀ ମନତା ଏନାଆଁତାକି ଏଲେକି ଅଶ୍ୱପିମାଞ୍ଜେରି? ୨୩ ଏନାଆଁ
ଇନାୟି ଉସାସା ‘ନୀ ପାପୁ ବାରେ ମେଶ୍ଟ୍ଟୁତେ ଇନାୟି କି ନିଷ୍ଟୁନା
ତାକାମୁ ଇନାୟି?’ ୨୪ ଦାତ୍ତିତା ପାପୁ ମ୍ଳେକହାଲି ମାଶ୍ୱସି ମାର୍‌ଏଶାକି
ଅଦିକାରା ମାନେ, ଇଦାଆଁ ମାରୁ ଏନିକି ପୁଞ୍ଜାଲି ଆଡିଦେରି” ଇଦାଆଁତାକି
ଟଟ ଖାୟିତାଣାଇଁ ଏଲେଇରେସି, “ନାରୁ ନିଷ୍ଟେ ଷ୍ଟେସିମାଞ୍ଜାଇଁ, ନିଷ୍ଟୁନା
ନୀ କାଟେଲି ଡେକାନା ନୀ ଇଜ ହାଲମ୍ପା।” ୨୫ ଏଚେଟିଏ ଏଞ୍ଜାସି ଏ
ଦେବୁଣିଏ ଏଞ୍ଜାରି ନକିତା ନିଷ୍ଟୁନା ଆମିନି କାଟେଲିତା ତୁରାମାତେସି,
ଏଦାଆଁ ଡେକାନା ମାହାପୁରୁଇଁ ଜହରା କିହିଁ ତାମି ଇଜ ହାତେସି । ୨୬
ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଚେରି, ଅଡ଼େ
ଆଜିତଲେ ଏଲେଇରେସି, “ନୀଞ୍ଜୁ ମାମୁ କାବାଆନି କାମା ମେସ୍ତୁମି ।” ୨୭
ଏମ୍ପାଟିଏ ଜୀବୁ ପାଷ୍ଟାତା ହାଜାନା ଲେବି ଦରୁଗାଟି ର ସିସୁ ରାହନାସି
ସିସୁ ରାହନି ଚାୟିତା କୁଗାମାନାଣି ମେଯାନା ଏଞ୍ଜାଣାଇଁ ଏଲେଇରେସି,
“ନୀ ଜେଟ ଖାମୁ ।” ୨୮ ଏମ୍ପାଟିଏ ଏଞ୍ଜାସି ବାରେ ପିସାନା ନିଷ୍ଟୁନା ଏଞ୍ଜାଣି
ଜେଟ ହାତେସି । ୨୯ ଅଡ଼େ ଲେବି ତାମି ଇଜ ର କାଜା ବଜି କିଚେସି,
ଇଚ୍ଛାଁ ହାରେକା ସିସୁ ରାହନାରି ଅଡ଼େ ଏଡ଼କାଟି ଲଢୁ ବାରେ ଏଞ୍ଜାରିତଲେ
ତିଞ୍ଜାଲି କୁଗିତେରି । ୩୦ ଏଚେଟିଏ ପାରୁସିୟାଁ ଅଡ଼େ ଏଞ୍ଜାରି ଗଚିତି
ମେରାପୁନାରି ତାମି ସୀସୁୟାଁଇଁ ଏଲେଇରେସି, “ମାରୁ ଏନାଆଁତାକି ସିସୁ
ରାହନାରି ଅଡ଼େ ପାପୁ ଗାଟାରି ତଲେ ତିଞ୍ଜି ଉଣ୍ଟି ମାଞ୍ଜେରି?” ୩୧ ଜୀବୁ
ଏଞ୍ଜାରାଇଁ ଏଲେଇରେସି, “ନେହିଁ ମାନାରାକି ଅସଗୁରୁ ଲଡ଼ା ହିଲେଏ,
ସାମା ରଗ ଗାଟାରାକି ଲଡ଼ାମାନେ । ୩୨ ନାରୁ ତାରିଗାଟାରାଇଁ ହାଟାଲି
ଞ୍ଜାହାଲିଆଁ, ସାମା ମନ ଷ୍ଟେପି କିହାଲି ପାପୁ ଗାଟାରାଇଁ ହାଟାଲି
ଞ୍ଜାହାମାଇଁ ।” ୩୩ ଏଚେକା ଲଢୁ ଜୀବୁଇଁ ଷ୍ଟେଚେରି, “ଜହନଟି ସୀସୁୟାଁ
ଅଡ଼େ ପାରୁସିୟାଁଟି ସୀସୁୟାଁ ଅଲେ ଅଲେ ଉପାସା ଅଡ଼େ ପ୍ରାତାନା
କିହମାନେରି, ସାମା ନୀ ସୀସୁୟାଁ ତିଞ୍ଜି ଉଣ୍ଟି ମାନେରି ।” ୩୪ ଏମ୍ପାଟିଏ
ଜୀବୁ ଏଞ୍ଜାରାଇଁ ଏଲେଇରେସି, “ବାହା ଲଢୁତଲେ ହନେଏସି ମାନି
ପାଟେକା ବାହା ଲଢୁ ଉପାସା ମାଞ୍ଜାଲି ଆଡିନେରି? ୩୫ ସାମା ର ଦିନା
ଞ୍ଜାନେ; ଏଞ୍ଜାରି ତାଣାଟି ହନେଏସି ହାନେସି, ଏଚେଟିଏ ଏଞ୍ଜାରି ଉପାସା

କିନେରି ।” ୩୬ ଇଚ୍ଛାଁ ଏଞ୍ଜାସି ର ପୁଶ୍‌ମ୍ପିକିନି କାତା ଜିକେଏ ଷ୍ଟେସୁସି,
“ଆମ୍ପାଆସି ପୁଞ୍ଜା ଇମ୍ପରିତା ପୁଞ୍ଜନି ପାସ୍ତକ ଚାଟଅସି; ଚାଟିତିଞ୍ଜା ଏ ପୁଞ୍ଜନି
ପାସ୍ତକ ଗେହନେ ଇଚ୍ଛାଁ ପୁଞ୍ଜନି ପାସ୍ତକ ପୁଞ୍ଜା ପାସ୍ତକ ତଲେ ଆଶ୍ଟେଏ
। ୩୭ ଅଡ଼େ ଆମ୍ପାଆସି ପୁଞ୍ଜନି ଅଢୁରି ରାସା ପୁଞ୍ଜା ଡକାତା ଇଟଅସି;
ଇଟିତିହିଁ ଅଢୁରି ରାସା ଡକାଟି ଅୟି କିହାନା ବହାହାନେ ଅଡ଼େ ଡକା
ଜିକେଏ ନସ୍ତୁ ଆନେ, ୩୮ ସାମା ପୁଞ୍ଜନି ଅଢୁରି ରାସା ପୁଞ୍ଜନି ଡକାତା
ଇଟିନାୟି ମାନେ । ୩୯ ଆମ୍ପାଆସି ପୁଞ୍ଜା ଇ ଅଢୁରି ରାସା ଗସ୍ତ ଡାୟୁ ପୁଞ୍ଜନି
ଅଢୁରି ରାସା ଗହଅତେରି । ପୁଞ୍ଜାଆୟି ନେହିଁ ଇଞ୍ଜେରି ।”

୨ ର ଜମିନି ଦିନା ଜୀବୁ ତାନି ସୀସୁୟାଁ ତଲେ ଗହିଁ ବୁଡିୟାଟି
ହାଜିମାଟାଟି ସୀସୁୟାଁ ଗହିଁ ଜେକା ତାପହାନା କେୟୁତଲେ ରାକହା
ତିଞ୍ଜିମାତେରି । ୨ ସାମା ପାରୁସିୟାଁ ବିତ୍ରାଟି ଏଚେରଜାଣା ଏଲେଇରେସି,
“ଜମିନି ଦିନାତା ଏନାଆଁ କିନାୟି ମେରା ହିଲେଏ ମୀରୁ ଏନାଆଁତାକି
କିହିମାଞ୍ଜେରି ।” ୩ ଜୀବୁ ଏଞ୍ଜାରାଇଁ ଏଲେଇରେସି, “ଦାଞ୍ଜୁଦ ଅଡ଼େ ତାନି
ଡଶେସିୟାଁ ହାକି ମାତାଟି ଏନାଆଁ କିହମାତେରି, ଏଦାଆଁ ମୀରୁ ଏଚେଲା
ପଡ଼ଞ୍ଜି ଆହାହିଲଅତେରି? ୪ ଏଞ୍ଜାସି ମାହାପୁରୁ ଇଲୁତା ହଡାନା ଆମିନି
ହେରୁସିଆହମାନି ରୁଟି ପୁଜେରାଞ୍ଜୁ ପିସ୍ତେ ଆମ୍ପାଆସି ତିନି ମେରା
ହିଲଆତେ ଏଦାଆଁ ତିଚେସି ଇଚ୍ଛାଁ ତାନି ଡଶେସିୟାଁକି ଜିକେଏ ହାତେସି
।” ୫ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇରେସି, “ମାଶ୍ୱସି ମାର୍‌ଏସି ଜମିନି
ଦିନାଟି ପ୍ରୁ ଆନେସି ।” ୬ ଏଞ୍ଜାସି ର ଜମିନି ଦିନାତା ଜୀହୁଡି ଲଢୁକି
କୁଟମି ଲଢୁତା ହାଜାନା ଜାପୁହି ମାତେସି; ଏମ୍ପାଆଁ ରଅସି ମାଚେସି
ଏଞ୍ଜାଣି ଚିଶନି କେୟୁ ଖାୟାହାଜାମାତେ । ୭ ଅଡ଼େ ଏଞ୍ଜାସି ଜମିନି
ଦିନାତା ନେହିଁ କିନେସିକି ଏଏଏ ଏଦାଆଁ ସିନିକିହାଲି ମେରାପୁନାରି ଅଡ଼େ
ପାରୁସିୟାଁ କୁଗାନା ସିନିକିହମାତେରି, ଏନିକି ଏଞ୍ଜାଣାଇଁ ଦହ ଆସାଲି ପାରୁ
ବେଟାଆନେରି । ୮ ସାମା ଏଞ୍ଜାସି ଏଞ୍ଜାରି ହିୟାଁଟି ଅଶ୍ୱ ପୁଞ୍ଜାନା ଆମିନି
ଲଢୁକି କେୟୁ ଖାୟାହାଜାମାତେ ଏଞ୍ଜାଣାଇଁ ଏଲେଇରେସି, “ନିଷ୍ଟୁମୁ ମାଦି
ନିମୁ ।” ଏଚେଟିଏ ଏଞ୍ଜାସି ନିଚେସି । ୯ ଏମ୍ପାଟିଏ ଜୀବୁ ଏଞ୍ଜାରାଇଁ
ଏଲେଇରେସି, “ନାରୁ ନିଷ୍ଟେ ଷ୍ଟେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ
କିନାୟି ମେରା ମାନେ? ନେହିଁକିନାୟି କି ଲାଗେଏ କିନାୟି? ଜୀହୁଡି
ଗେଲ୍‌ପିନାୟି କି ନାସା କିନାୟି?” ୧୦ ଅଡ଼େ ଏଞ୍ଜାସି ସାରିଞ୍ଜାକି ଲଢୁଣି
ସିନିକିହାନା ଏଞ୍ଜାଣାଇଁ ଏଲେଇରେସି, “ନୀ କେୟୁ ଦାହମୁ ।” ଏମ୍ପାଟିଏ
ଦାସ୍ତେସି, ଇଚ୍ଛାଁ ଏଞ୍ଜାକି କେୟୁ ନେହିଁ ଆହାହାତେ । ୧୧ ଏଦାଆଁ ମେଯାନା
ଏଞ୍ଜାରି କାରୁବି ଆହାହାଚେରି ଅଡ଼େ ଜୀବୁଇଁ ଏନିକିହାଲି ଆନେ ଇଚ୍ଛାଁ
ତାମୁ ତାମୁଏ କାତା ଆତେରି । ୧୨ ଏଚିବେଲାତା ଏ ଦିନା ପ୍ରାତାନା
କିହାଲି ହରୁ ଲାକ ହାଚେସି ଇଚ୍ଛାଁ ଲାଆଁ ଷ୍ଟେୟେ ମାହାପୁରୁ ତାଣା ପ୍ରାତାନା
କିଚେସି । ୧୩ ଲାଲ ଷ୍ଟେୟାଲିଏ ଏଞ୍ଜାସି ତାନି ସୀସୁୟାଁ ତାଜେ ହାଟାନା
ଏଞ୍ଜାରି ବିତ୍ରାଟି ବାରଜାଣାଟି ଆଡିଚେସି; ଇଚ୍ଛାଁ ଏଞ୍ଜାରାଇଁ ପାଣ୍ଡି ଆଡାରି
ଇଚ୍ଛାଁ ଦରୁ ଇଟିଚେସି, ୧୪ ଏଞ୍ଜାରି ଆଚେରି ସିମନ ଆମ୍ପାଆରାଇଁ ଏଞ୍ଜାସି
ପିତର ଦରୁ ହାତେସି, ଅଡ଼େ ତାନି ତାୟି ଆନିୟ, ଜାକୁବ ଅଡ଼େ ଜହନ,

ପିଲିପ, ବାର୍ତ୍ତଲମି, ୧୫ ମାତ୍ରିୟୁ ଅଡ଼େ ତମା, ଆଲେପି ମାର୍‌ଏସି ଜାକୁବ ଅଡ଼େ ସିମନ, ଆମିନି ଗାଟାଣାଇଁ ତାନି ଦେସାତି ଜୀଞ୍ଜୁ ନନାସି ଇନେରି, ୧୬ ଜାକୁବ ମାର୍‌ଏସି ଜୀହୁଦା ଅଡ଼େ ଇସ୍ତାରିୟତ ଜୀହୁଦା, ଆମ୍ବାଆସି ଜୀସୁଇଁ ସାତୁ କେୟୁତା ହେର୍‌ପିତେସି । ୧୭ ଅଡ଼େ ଏଞ୍ଜାସି ଏଞ୍ଜାରିତଲେ ରେଟାଞ୍ଜାନା ନିମା ଗାଟି ଟାୟୁତା ନିତେସି, ଇଞ୍ଜିଁ ତାନି ହାରେକା ସୀୟୁୟଁ ଅଡ଼େ ବାରେ ଜୀହୁଦା ଦେସା ଜିୟୁସାଲମ ଇଞ୍ଜିଁ ସର ଅଡ଼େ ସିଦନ ଦାରିଟି ହାରେକା ଖାତେରି । ୧୮ ଏଞ୍ଜାରି ଜୀସୁତି କାତା ଖେଞ୍ଜାଲି ଅଡ଼େ ତାନି ରଗଟି ନେହିଁ ଆହାଲି ଖାହାମାଚେରି, ଅଡ଼େ ଆମିନି ଗାଟାରି ବୁତୁୟଁ ଡାଣାଟି କପୁ ବେଟାଆହି ମାଚେରି, ଏଞ୍ଜାରି ଜିକେଏ ନେହିଁ ଆଚେରି; ୧୯ ବାରେଜାଣା ଏଞ୍ଜାଣାଇଁ ତୀଗାଲି ମନ କିହିମାଚେରି, ଇତିହିଁ ଏଞ୍ଜାଣି ଡାଣାଟି ବାଡ଼ୟୁ ହତାନା ବାରେଜାଣାଟି ନେହିଁ କିହିମାଚେ । ୨୦ ଏତିବେଲାତା ଜୀସୁ ତାନି ସୀୟୁୟାଣି ସିନକିହାନା ଏଲେଇଚେସି, “ହିଲାଇଆଗାଟାଚେରି ମାରୁ; ମିଢ୍ଢେ ନେହେଁ, ଇତିହିଁ ମାହାପୁରୁ ରାଜି ମାଦିଏ । ୨୧ ନୀଏଁ ହାକି ଗାଟାଚେରି ମାରୁ; ମିଢ୍ଢେ ନେହେଁ, ଇତିହିଁ ମାରୁ ଡାୟୁ ପାଞ୍ଜିଦେରି । ନୀଏଁ ଡାହିମାନାଚେରି ମାରୁ; ମିଢ୍ଢେ ନେହେଁ, ଇତିହିଁ ମାରୁ ଡାୟୁ କାକ୍‌ଦେରି ।” ୨୨ “ଏଚେତା ଲକୁ ମିଢ୍ଢେ ଅପଅରି ଅଡ଼େ ମାଣସି ମାର୍‌ଏଶା ତାକି ଏଟକା କିୟାନେରି, ଅଡ଼େ ନିନ୍ୟୁ କିୟାନେରି ଇଞ୍ଜିଁ ମୀ ଦରୁତି ଲାଗେଏତାୟି ଇଞ୍ଜିଁ ଅପଅରି, ଆତିହିଁ ମାରୁ ନେହେଁ । ୨୩ ଏ ବେଲାତା ରାହାଁତଲେ ଏନାୟୁ ଏନିଇତିହିଁ ଲାକପୁରୁ ମିଢ୍ଢେତାକି ହାରେକା ଦାନା ମାନେ; ଅଡ଼େ ଏଲେକିହିଁଏ ଏଞ୍ଜାରି ଆକୁ ଆବାୟଁ ମାହାପୁରୁ ଅଶପୁତି ବଲୁ ଖେହ୍‌ନାରାଇଁ କିହିମାଚେରି ।” ୨୪ “ସାମା ଆୟୁତା ତଶ୍ତୁ ବେଟାଆନି ଦନ ଗାଟାଚେରି ମାରୁ; ମାରୁ ମୀ ଅଶପିମାଟି ସୁକୁ ବେଟା ଆହାମାଞ୍ଜେରି! ୨୫ ଆୟୁତା ତଶ୍ତୁ ବେଟାଆନାଚେରି ନୀଏଁ ପାଞ୍ଜାମାନାଚେରି ମାରୁ; ଇତିହିଁ ଡାୟୁ ମାରୁ ହାକି ଆଦେରି । ଆୟୁତା ନୀଏଁ କାକ୍‌ହି ମାନାଚେରି ମାରୁ; ଇତିହିଁ ଡାୟୁ ମାରୁ ଦୁକୁ ଆହାନା ଡାଦେରି ।” ୨୬ “ଏତିବେଲା ବାରେ ଲକୁ ମିଢ୍ଢେ ନେହାଁତେରି ଇଞ୍ଜାନେରି, ଏତିବେଲା ଆୟୁତା ତଶ୍ତୁ ବେଟା ଆନାଚେରି; ଏଲେକିହିଁଏ ଏଞ୍ଜାରି ଆକୁ ଆବାୟଁ ମିତି ବଲୁ ଖେହ୍‌ନାରାଇଁ କିହିମାଚେରି ।” ୨୭ ସାମା ମାରୁ ଖେଞ୍ଜିମାଞ୍ଜେରି, ନାୟୁ ମିଢ୍ଢେ ଖେସିମାଞ୍ଜାଇଁ, ମୀ ସାତୁୟଁଇଁ ଜୀଞ୍ଜୁନଦୁ; ଆମ୍ବାଆରି ମିଢ୍ଢେ ଅପଅରି ଏଞ୍ଜାରି ନେହିଁ କିଦୁ; ୨୮ ଆମ୍ବାଆରି ମିଢ୍ଢେ ବାକା ଇଟାନେରି, ଏଞ୍ଜାରାଇଁ ବର ହୀଦୁ; ଆମ୍ବାଆରି ମିଢ୍ଢେ ଲାଗେଏ କିହିଁ ଲେମ୍ବାନେରି ଏଞ୍ଜାରି କସପି ପ୍ରାତାନା କିଦୁ । ୨୯ ଆମ୍ବାଆସି ମିଢ୍ଢେ ର ଗେଏଲାତା ସାପଡ଼ା ଡେଟାନେସି, ଏଞ୍ଜାଣାକି ଅର ଗେଏଲା ଜିକେଏ ଅଗାହୀଦୁ; ଇଞ୍ଜିଁ ଆମ୍ବାଆସି ମୀ ହିପୁରି ଅନେସି ଏଞ୍ଜାଣାଇଁ ମୀ ସକା ଜିକେଏ ଅହାଲି କାହିକିଆଦୁ । ୩୦ ଆମ୍ବାଆସି ମିଢ୍ଢେ ରୀସ୍ତାନେସି, ଏଞ୍ଜାଣାକି ହୀଦୁ; ଇଞ୍ଜିଁ ଆମ୍ବାଆସି ଦନ ଅନେସି, ଏଞ୍ଜାଣାଇଁ ଖେଶ୍ତେ ରୀହୀଦୁ । ୩୧ ଲକୁ ମିଢ୍ଢେ ଏନିକିଁ ଲେମ୍ବାପେରି ଇଞ୍ଜିଁ ଅଶପିମାଞ୍ଜେରି, ମାରୁ ଜିକେଏ ଏଞ୍ଜାରାଇଁ ଏଲେକିହିଁ ଲେମ୍ବାଦୁ । ୩୨ ଇଞ୍ଜିଁ ଆମ୍ବାଆରି ମିଢ୍ଢେ ଜୀଞ୍ଜୁ ନୟଁନେରି, ଏଞ୍ଜାରାଇଁ ଜୀଞ୍ଜୁ ନତିହିଁ ଏନି ବର

ବେଟାଆଦେରି? ଇତିହିଁ ପାପୁ ଗାଟାରି ଜିକେଏ ତାମ୍‌ଡେ ଜୀଞ୍ଜୁ ନନାରାଇଁ ଜୀଞ୍ଜୁ ନନେରି । ୩୩ ଅଡ଼େ ଆମ୍ବାଆରି ମିଢ୍ଢେତାକି ନେହିଁ କିୟାନେରି, ମାରୁ ଏଞ୍ଜାରି ନେହିଁ କିଦେରି, ଆତିହିଁ ମାରୁ ଏନି ବର ବେଟାଆଦେରି? ଇତିହିଁ ପାପୁ ଗାଟାରି ଜିକେଏ ଏଲେକିନେରି । ୩୪ ଇଞ୍ଜିଁ ଆମ୍ବାଆରି ଡାଣାଟି ବେଟାଆହାଲି ଆସା ମାନେ, ଏଞ୍ଜାରାକି ରୀଶା ହାତିସାରେ ମାରୁ ଏନି ବର ବେଟାଆଦେରି? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରୀଶା ହୀନେରି । ୩୫ ସାମା ମୀ ସାତୁୟଁଣି ଜୀଞ୍ଜୁନଦୁ ଇଞ୍ଜିଁ ଏଞ୍ଜାରି ନେହିଁ କିଦୁ, ଖେଶ୍ତେ ବେଟାଆହାଲି ଆସା କିଆନା ରଦାରା ହୀଦୁ; ଆତିହିଁ ମିଢ୍ଢେତାକି କାଜା ଦାନା ମାନେ, ଇଞ୍ଜିଁ ମାରୁ କାଜା ମାହାପୁରୁତି ମାରୁକା ଆଦେରି, ଇତିହିଁ ଏଞ୍ଜାସି ଜୀଞ୍ଜୁ ନଆଗାଟାରାଇଁ ଅଡ଼େ ପାପୁ ଗାଟାରାଇଁ ଜିକେଏ ଜୀଞ୍ଜୁ ନନାସି । ୩୬ ମୀ ଲାକପୁରୁତି ଆବା ଏନିକିଁ କାର୍ମା ମେହ୍‌ନାସି ମାରୁ ଜିକେଏ ଏଲେକିହିଁଏ କାର୍ମା ମେହ୍‌ନାଚେରି ଆଦୁ । ୩୭ “ଅଡ଼େ ନୀହାଁୟି କିଆଦୁ, ଆତିହିଁ ମାରୁ ମାହାପୁରୁ ଡାଣା ନୀହାଁୟି କିଞ୍ଜି ଆଅଚେରି; ଦହ ଦହଆଦୁ, ଆତିହିଁ ମାରୁ ମାହାପୁରୁ ଡାଣା ଦହ ଗାଟାଚେରି ଆଅଚେରି; ଦହ ମ୍ଲେକ୍‌ଦୁ, ଆତିହିଁ ମାହାପୁରୁ ମୀ ଦହ ଜିକେଏ ମ୍ଲେକ୍‌ହାନେସି; ୩୮ ହୀଦୁ ଆତିହିଁ ମିଢ୍ଢେ ଜିକେଏ ହାପକିଆନେ; ଲକୁ ମାଣାଟି ନେଞ୍ଜିକିହାନା ଏଦାନି ନାବ୍‌ଗାନା ଦାକ୍‌ହାନା ଚେଲି କିହାନା ମୀ ଅଚଡ଼ିତା ହିୟାନେରି; ଇତିହିଁ ଆମିନି ମାଣାତଲେ ଲାଟିଦେରି, ମିଢ୍ଢେ ଜିକେଏ ଏ ମାଣା ତଲେଏ ଲାଟା ହିୟାନେରି ।” ୩୯ ଏଞ୍ଜାସି ଏଞ୍ଜାରାଇଁ ର ପୁଣ୍ଡିକିନି କାତା ଜିକେଏ ଏଲେଇଚେସି, “ର କାଣା ଅର କାଣାଇଁ ଜିରୁ ତସାଲି ଆତିନେସିକି? ଏଞ୍ଜାରି ରିଆରି ଜିକେଏ ରହେଁଏ ଗାଡ଼ୟୁତା ତରଗଅରି କି? ୪୦ ସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟଁ ନେହିଁକିଁ ଜାପାଲି ଆତିସାରେ ତାନି ଗୁରୁ ସମାନା ଆନେରି ।” ୪୧ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଶପି ହିଲଅତି? ୪୨ ନୀଦୁ ନୀ କାନୁତା ମାନି କାଜା ଲାଟାଟି ଅଶପାଆନା, ଏନିକିଁ ନୀ ତାୟିଇଁ ଏଲେଇଞ୍ଜାଲି ଆତିଦି, ତାୟି ଖାମୁ ନୀ କାନୁତା ମାନି ଲାଟା ଡେଞ୍ଜାଇଁ, ଆଡେ କୁକୁ ଗାଟାଟି ତଲିଏ ନୀ କାନୁତି କାଜା ଲାଟା ଡେଞ୍ଜା କତାମୁ, ଡାୟୁ ମୀ ତାୟି କାନୁତି ଲାଟା ନେହିଁକିଁ ମେସାଲି ଆତିଦି । ୪୩ “ଇତିହିଁ ଇଲେତି ଏନି ର ନେହିଁ ମାରୁନୁ ହିଲେଏ, ଏମିନାୟି ଲାଗେଏତି ପାଡ଼େୟି ଆୟିନେ, ଅରଖାକି ଇଲେତି ଏନି ମାରୁନୁ ହିଲେଏ ଏମିନାୟି ନେହିଁ ପାଡ଼େୟି ଆୟିନେ । ୪୪ ଇତିହିଁ ବାରେ ମାରୁକାଣି ତାନି ପାଡ଼େୟି ତଲେ ପୁନାୟି; ହାପକା ମାରୁନୁତି ଲକୁ ଡୟା ପାଡ଼େୟି ଏହଅରି, ଇଞ୍ଜିଁ ହାପକା ବୁଟାଟି ଅଢୁରି ପାଡ଼େୟି ଏହଅରି । ୪୫ ନେହିଁ ଲକୁ ନେହିଁ ମନ ବିତ୍ରାଟି ନେହିଁ କାତା ହପ୍‌ନେସି, ଇଞ୍ଜିଁ ପଲ୍‌ଆ ଗାଟାସି ପଲ୍‌ଆ ମାନ ବିତ୍ରାଟି ପଲ୍‌ଆ କାତା ହପ୍‌ନେସି; ଇତିହିଁ ହିୟାଁ ବିତ୍ରା ମାନାଣି ଗୁଟିଟି ଜଲିନେସି । ୪୬ ଅଡ଼େ ମାରୁ ଏନାଆଁତାକି ନାଡେଁ ପ୍ରବୁ ପ୍ରବୁ ଇଞ୍ଜିଁ ମାଞ୍ଜାଦେରି, ସାମା ନୀ କାତା ମାନଖି ଆହି

ହିଲଅତେରି? ୪୭ ଆତ୍ମାଆସି ନା ତାଣା ଖାହାନା ନା କାତା ଖେଞ୍ଜାନା ବାରେ ମାନଖି ଆନେସି, ଏଖାସି ଏନିଲେହେତାସି, ନାନୁ ମିଢ୍ଫେ ସେସ୍ତାଈ । ୪୮ ଏଖାସି ଇଲେଟି ର ଇଲୁ ଦହନିଲେହେଟି ଲୁକୁ, ଏନିନିଗାଟାସି ଗାତି ଗାଡ଼ୟୁ କାଢ଼ହାନା ପୁନାଦି ଖାଲୁକାତଲେ କାତି ନିପନେସି; କାଜା କାତା ଖାହାନା ଏ ଇଲୁଟି ଗୁପିତେ, ଖାଲୁକାତଲେ ଇଲୁ ଦସାମାତାକି କାତା ଇଲୁଟି ଦାକହାଲି ଆତାଆତେ । ୪୯ ସାମା ଆତ୍ମାଆସି ଖେଞ୍ଜାନା ମାନଖି ଆସିସି ଏଖାସି ଗାଡ଼ୟୁଟିଏ ପୁନାଦି କିଆନା ଲାକ ଲାକ ଇରଥା ଲାକ ଇଲୁ କିହାମାନି ଲୁକୁ ଲେହେତାସି; କାଜା କାତା ଖାହାନା ଇଲୁଟି ଗୁପାଲିଏ ଦେବୁଣିଏ ଇଲୁ ରିହା ହାତେ ଇଞ୍ଚି କୁଡ଼ପୁନାସା ଆହାହାତେ ।”

୨ ଜୀସୁ ଲୁକୁ ନକିତା ବାରେ କାତା ସେସାଲି ରାପହାଲିଏ କପରନାହୁମ ଗାଡ଼ାତା ହାତେସି । ୨ ଏଟିବେଲତା ରଅସି ପାସାକଡ଼ି କସକା ମୁହେଁ କାଜାଣା ହଲେଏସି ହାନିଲେହେଁ ନମେରି ଆହାମାତେସି; ଏ ହଲେଏଶାଈ ଏଖାସି ହାରେକା ଜାସୁ ନୁହଁମାତେସି । ୩ ଏଖାସି ଜୀସୁ କାତା ଖେଞ୍ଜାନା, ଏଖାସି ଏନିକି ଖାହାନା ତାନି ହଲେଏଶାଈ ନେହିଁ କିନେସି, ଇଦାଆଁତାକି ଜୀହୁଡ଼ି ଲୁକୁଟି କାଜାରି ବିତ୍ରାଟି ଏତରକାଶାଟି ଏଖାଣି ତାଣା ପାଣ୍ଡାମା ବାଟିମାଲିତେସି । ୪ ଏଖାସି ଜୀସୁ ତାଣା ଖାହାନା ହାରେକା ବାଟିମାଲିହିଁ ସେସ୍ତେରି, “ଏଖାସି ନୀ ତାଣାଟି ହାରେକା ସାୟେନି ବେଟାଆହାଲି ପାଡ଼ା ଆନାସି; ୫ ଇତିହିଁ ଏଖାସି ମା ଜୀହୁଡ଼ି ଲୁକୁଣି ଜାସୁ ନନେସି ଅଡ଼େ ତାନୁଏ ମାଢ଼େତାକି ଜୀହୁଡ଼ି ଲୁକୁଟି କୁଟମି ଇଲୁ କିହାମାନେସି ।” ୬ ଏମାଟିଏ ଜୀସୁ ଏଖାରିତଲେ ହାତେସି, ଏଖାସି କାଜାଣି ଇଲୁଟିଏ ହିରେ ହେକ ମାଚାଟିଏ ତାନି ଡ଼େସିଦିଞ୍ଚାଣି ସେସା ପାଣ୍ଡିତେସି, “ଏ ପ୍ରବୁ ନାନୁ ଅଡ଼େ କସୁ ପୁଞ୍ଚାଆନିଦେ; ଇତିହିଁ ନାନୁ ନା ଇଜ ପାସୁଲି ଇଟିଦି ଇଲେକି ପାଡ଼ାଆତାତେସି; ୭ ଇଦାଆଁତାକି ନାନୁ ନୀ ତାଣା ଖାହାଲି ପାଡ଼ାଆଅଁ ଇଞ୍ଚି ଅଣ୍ଡିତେସି; ସାମା ନାନୁ ର ପଦୁ ସେସା ପାଣ୍ଡାମା ନା ହଲେଏସି ନେହିଁ ଆନେସି । ୮ ଇତିହିଁ ନାନୁ ରଅଣି ତାଣା କାମା କିନି ମାଣ୍ଡି ଆତିହିଁ ଜିକେଏ ନା ଅଦିକାରାତା ଅଡ଼େ କସକା ମାନେରି; ଅଡ଼େ ନାନୁ ରଅଣାଈ ହାଲାନୁ ଇତିହିଁ ହାନେସି; ରଅଣାଈ ଖାମୁ ଇତିହିଁ ଖାନେସି; ଇଞ୍ଚି ନା ହଲେଏଶାଈ ଇଦାଆଁ କିମୁ ଇତିହିଁ ଏଖାସି କିନେସି ।” ୯ ଜୀସୁ ଇ ବାରେ କାତା ଖେଞ୍ଜାନା କାବା ଆତେସି, ଅଡ଼େ ଜେଟ ଖାହାନା ଲୁକୁଖାକି ସିନିକିହାନା ଏଲେଇତେସି, “ନାନୁ ମିଢ୍ଫେ ସେସିମାଞ୍ଚାଈ ଇସାୟେଲ ଲୁକୁ ବିତ୍ରା ଜିକେଏ ନାନୁ ଇଲେଟି ନାମୁ ମେସାହିଲଅଁ ।” ୧୦ ଅଡ଼େ ପାଣ୍ଡି ଆହାମାଟି ଲୁକୁ ଇଜ ଖାହାନା ହଲେଏସି ନେହିଁ ଆହାମାନାଣି ମେସ୍ତେରି । ୧୧ ଏମାଟିଏ ନାଈନ ଦରୁଗାଟି ଗାଡ଼ାତା ହାତେସି, ତାନି ସୀସୁୟଁ ଇଞ୍ଚି ହାରେକା ଲୁକୁ ଏଖାଣିତଲେ ହାଜିମାତେରି । ୧୨ ଏଖାସି ଗାଡ଼ାଟି ଗଲିମୁଟାତା ଏକାଲିଏ ଲୁକୁ ର ମାଡ଼ହାଟି ପାଢ଼େତା ଡ଼େକା ତାଟି ମାତେରି, ଏଖାସି ତାନି ଇୟାନି ରଣ୍ଡିଏ ମାନ୍ଏସି ମାତେସି, ଇଞ୍ଚି ଏ ଇୟା ରାଣ୍ଡିଣି ମାତେ; ଅଡ଼େ ଗାଡ଼ାଟି ହାରେକା ଲୁକୁ ଏଦାନିତଲେ ମାତେରି । ୧୩ ଏଦାନି ମେସାନା ଜୀସୁ ହାରେକା କାର୍ମୀ ଅଣ୍ଡାମା ଏଦାନି ଏଲେଇତେସି,

“ଡ଼ୀଆନି ।” ୧୪ ଅଡ଼େ ଏଖାସି ତାଣେ ହାଜାନା ଡ଼େକାମାଟି ଚେରେଟି ଡ଼ାଗିତେସି, ଇଞ୍ଚି ଡ଼େକା ଅହିମାଟି ଲୁକୁ ନିଚାଲିଏ ଜୀସୁ ଏଲେଇତେସି, “ଆଡ଼େ ଦାଂଗଣେଣିତା! ନାନୁ ଏଲେଇଞ୍ଚିମାଞ୍ଚାଈ ନିଢ଼ୁମା!” ୧୫ ଏଚେଟିଏ ହାହାମାଟି ଦାଂଗଣେଏସି ନିଢ଼ୁମା କୁଗିତେସି ଇଞ୍ଚି ଜଲିତେସି, ଇଞ୍ଚି ଏଖାସି ତାନି ଇୟାନି କେୟୁତା ହେରପିତେସି । ୧୬ ଏଚେଟିଏ ବାରେକାଣା ଆଜିତାକି ମାହାପୁରୁଈ ଜହରା କିହିଁ ଏଲେଇତେରି; “ମା ବିତ୍ରା ର ମାହାପୁରୁ ଅଣ୍ଡପୁଟି ବଲୁ ସେହନାସି ହତାମାନେସି, ଇତିହିଁ ମାହାପୁରୁ ତାନି ଲୁକୁଣି କାର୍ମୀ ମେସାମାନେସି!” ୧୭ ଇଞ୍ଚି ଜୀସୁ କିତି ଇ କାତା ବାରେ ଜୀହୁତା ଦେସାତା ଅଡ଼େ ସାରିସୁଦୁ ମାନି ରାଜିତା ଡ଼େସ୍ତାହାତେ । ୧୮ ତାୟୁ ବାପ୍ତିସ୍ତ ହାନି ଜହନଟି ସୀସୁୟଁ ଇ ବାରେ କାତା ଏଖାଣାଈ ସେସ୍ତେରି । ୧୯ ଏଚେଟିଏ ଜହନ ତାନି ରୀ ସୀସୁୟଁଈ ତାଣେ ହାତାନା ପ୍ରବୁ ତାଣା ଏଲେଇଞ୍ଚି ପାଣ୍ଡିତେସି, “ଆତ୍ମାଆସି ଖାନାୟି ମାତେ, ନାନୁଏ ଏଖାଟିକି, ଆଆଁ ମାମୁ ଅର ରଅଣାଈ କାଃଆନମି?” ୨୦ ଏଖାସି ଜୀସୁ ତାଣା ଖାହାନା ଏଲେଇତେରି, “ବାପ୍ତିସ୍ତ ହାନି ଜହନ ମାଢ଼େ ଏଲେଇଞ୍ଚି ପାଣ୍ଡିତେସି, ଆତ୍ମାଆସି ଖାନାୟି ମାତେ ଏଖାଟି ନାନୁଏ କି ଆଆଁ ମାମୁ ଅର ରଅଣାଈ କାଃଆନମି?” ୨୧ ଏଟିବେଲତା ଏଖାସି ହାରେକା ରଗ, କସୁ ଅଡ଼େ ପଲୁଆ ବୁଡୁୟଁ ତାଣାଟି ହାରେକା ଲୁକୁଣି ନେହିଁ କିତେସି, ଇଞ୍ଚି ହାରେକା କାଶକା ମେହଆଗାଟାଠାଈ ମେହନି ବାଡ଼ୟୁ ହାତେସି । ୨୨ ଏଖାସି ଏଖାଠାଈ ଏଲେଇତେସି, “ମାଗୁ ହାଜାନା ଏନା ଏନାଆଁ ମେସାମାଞ୍ଚେରି ଅଡ଼େ ସେଞ୍ଚାମାଞ୍ଚେରି, ଏ ବାରେ ଜହନଈ ସେହ୍ଡ଼; କାଶକା ମେହଆଗାଟାରି ମେସାଲି ଆଡ଼ିମାନେରି, ସତାୟଁ ତାକାଲି ଆଡ଼ିମାନେରି, କାଜା ରଗ ଗାଟାରି ନେହିଁ ଆହିମାନେରି, ବେରାୟଁ ସେଞ୍ଚାମାନେରି, ହାତାରି ନୀତିମାନେରି, ଅଡ଼େ ହିଲଆ ଗାଟାରି ନେହିଁ କାବୁ ସେଞ୍ଚାମାନେରି; ୨୩ ନା ତାଣା ଆତ୍ମାଆସି ଆନାମାନା ଆଆନା ନାମାନେରି, ତାମ୍ଭେଏ ନେହିଁ ।” ୨୪ ଜହନ ସୀସୁୟଁ ହାକାଲିଏ, ଜୀସୁ ଲୁକୁଣି ଜହନଟି କାତା ଏଲେଇତେସି, “ଏଟିବେଲତା ବାଞ୍ଚି ବାଟାତା ମାଗୁ ହାଜାମାତେରି, ଏମାଆଁ ଏନାଆଁ ମେସାଲି କାଟାମାତେରି? ଏନାଆଁ ଗାଲି ତଲେ ଖାଲିମାନି ତାଣ୍ଡିତି? ୨୫ ଏଦାଆଁ ଆଆତିହିଁ ଏନାଆଁ ମେସାଲି ହାଜାମାତେରି? ନେହିଁ ଅଜିତି ପାତାଡ଼ା ହିମ୍ବି ହୁତାମାନି ର ମାଣ୍ଡିଈ? ମେହ୍ଡୁ ଆତ୍ମାଆସି ନେହିଁ ନେହିଁ ହିମ୍ବିକା ହୁତାମା ସୁକୁ ତଲେ ଡ଼ୟାନାରି ଏଖାସି ରାଜା ଗାଡ଼ାତା ଡ଼ୟାନେରି! ୨୬ ଏଦାଆଁ ଆଆଁ ଏନାଆଁ ମେସାଲି ହାଜାମାତେରି? ଏନାଆଁ ର ମାହାପୁରୁ ଅଣ୍ଡପୁଟି ବଲୁ ସେହନାଶାଈ? ନାନୁ ମିଢ୍ଫେ ସାତା ସେସିମାଞ୍ଚାଈ, ମାହାପୁରୁ ବଲୁ ସେହନାରି କିହାଁ କାଜାଣାଈ । ୨୭ ଆତ୍ମାଆସି କାତା ରାସକି ଆହାମାନେ, ‘ହେଣୁ ନାନୁ ନା କାବୁ ସେହନାଶାଈ ନୀ ନକିତା ପାଣ୍ଡିମାଞ୍ଚାଈ, ଏଖାସି ନୀ ନକିତା ଜିରୁ ଡ଼ୟାନା କିନେସି, ଏଖାସି ଏ ମାଣ୍ଡି ।’ ୨୮ ନାନୁ ମିଢ୍ଫେ ସାତା ସେସିମାଞ୍ଚାଈ ଇୟାନି ବାଣ୍ଡିତି ଜାର୍ଣୀ ଆହାମାନାରି ବିତ୍ରା ଜହନ ବାରେକିହାଁ କାଜାସି; ଆଡ଼ିଜିକେଏ ମାହାପୁରୁ ରାଜିତା ଆତ୍ମାଆସି ଉଣା ଏଖାସି ଏଖାଣି କିହାଁ

କାଜାସି ।” ୨୯ ବାରେଜାଣା ଇ କାତା ଖେଞ୍ଜାନା, ସିସୁ ରାହନାରି ଜିକେଏ ଜହନ ଚାଣାଟି ବାପୁସୁ ଅହାମାତାକି ମାହାପୁରୁଣ୍ଡି ଯାତା ଇଞ୍ଜି ଇଚେରି; ୩୦ ସାମା ପାରୁସିୟାଁ ଅଡେ ମେରାପୁନାରି ଏଞ୍ଜାଣି ଚାଣାଟି ବାପୁସୁ ପୁଞ୍ଜାଆନାହାଁ ତାମଡେ ତାକି ମାହାପୁରୁ ଅଶ୍ୱପିମାତାଣି କୁଚେରି । ୩୧ “ଇ କାଲାତି ଲକ୍ଷୁଣି ଆମ୍ବାଆରି ତଲେ ତୁକଇଁ, ଇଞ୍ଜି ଏଞ୍ଜାରି ଆମ୍ବାଆରି ଲେହେଁ? ୩୨ ଏମିନି କକାରି ହାତା ବାଜାରାତା କୁଗାନା ତାମ୍ବା ଏଲେଇଶ୍ୱି ଆନେରି, ‘ମାମ୍ବା ନିଢୁତାକି ପାରୁଡ଼ି ଉକତମି, ମାମ୍ବା ଏନ୍ଦାଆଚେରି; ମାମ୍ବା ଦୁକୁ ତଲେ ତାତମି ମାମ୍ବା ତାଆଚେରି!’ ଏଞ୍ଜାରି ଇଲେତାରି ଇଞ୍ଜି ଜାମ୍ବା ଖେସ୍ତେସି । ୩୩ ଇଚିହିଁ ବାପୁସୁ ହାନି ଜହନ ଖାହାନା ରାନ୍ଧୁ ତିନାଆଚେସି କି ଅଢୁରି ରାସା ଗହ୍ନାଚେସି, ଅଡେ ମାମ୍ବା ଏଲେଇଚେରି, ‘ଏଞ୍ଜାଣାଇଁ ବୃତୁ ଆଲ୍ଲଗାମାଚେ ।’ ୩୪ ମାଣସି ମାବ୍‌ଏସି ଖାହାନା ରାନ୍ଧୁ ତିଚେସି ଉଚେସି, ଅଡେ ମାମ୍ବା ଏଲେ ଇଞ୍ଜିମାଞ୍ଜେରି, ‘ମେହ୍‌ଦୁ ଇଞ୍ଜାସି ତିଶ୍ୱିକାସୁ, କାତୁବୃତୁ, ସିସୁ ରାହନାରି ଅଡେ ପାପୁ ଗାଟାରି ତୁଣେସି ।’ ୩୫ ମାହାପୁରୁଡ଼ି ବୁଦି ତାନି ବାରେ ମାମ୍ବା ଚାଣାଟି ସାତା ଇଞ୍ଜି ତୁଞ୍ଜାଆନେ ।” ୩୬ ଅଡେ ପାରୁସିୟାଁ ବିତ୍ରାଟି ରଅସି ଜାମ୍ବାଇଁ ତାନି ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜାମ୍ବା ଏ ପାରୁସି ଇଜ ହତାନା ରାନ୍ଧୁ ତିଞ୍ଜାଲି କୁଚିଚେସି । ୩୭ ମେହ୍‌ଦୁ ଏ ଗାଡାତା ପାପୁଗାଟି ର ଇୟା ମାଚେ; ଜାମ୍ବା ପାରୁସିୟାଁ ଇଜ ତିଞ୍ଜାଲି କୁଗାମାନେସି ଇଞ୍ଜି ପୁଞ୍ଜାମା ଏଦି ର ଗାଡୁତା ଗାନ୍ଧାଗାଟି ନିୟାଁ ତାତାନା, ୩୮ ତାୟୁଞ୍ଜାକି ଜାମ୍ବା କତାୟାଦାରି ନିତାନା ତାହି ତାହି କାଶୁ ବକହାନା ଏଞ୍ଜାଣି ପାଞ୍ଜାଆନାୟାଁ ଉଦି କିହାନା ତାନି ତାୟାଁ ବାଣାୟାଁ ତଲେ ଜାମ୍ବା ପାଞ୍ଜାଆନାୟାଁ ଜେଜିହିଁ ଏଞ୍ଜାଣି ପାଞ୍ଜାଆନାୟାଁ ନଶ୍ୱିତେ ଅଡେ ଗାନ୍ଧୁ ନିୟାଁ ରୁବିଚେ । ୩୯ ଏଦାଆଁ ମେସାନା ଆମିନି ପାରୁସି ହାଚାମାଚେସି, ଏଞ୍ଜାସି ମନ ମନତା ଅଶ୍ୱପିଚେସି, “ଇଞ୍ଜାସି ମାହାପୁରୁ ଅଶ୍ୱପୁତି ବଲ୍ଲ ଖେହ୍‌ନାସି ଆହାମାଟିହିଁମା, ତାଡେ ତାରିମାନି ଇୟାଟି ଏନିଲେହେଁତାୟି ପୁଚେସିମା, ଇଚିହିଁ ଏଦି ପାପୁ ଗାଟାୟି ।” ୪୦ ଜାମ୍ବା ଏଞ୍ଜାଣାଇଁ ଏଲେଇଚେସି, “ଆଡେ ସିମନ ନାନ୍ଦୁ ନିଢେ ର କାତା ଖେସ୍ତାମାୟିମାନେ ।” ଏଞ୍ଜାସି ଏଲେଇଚେସି, “ହାଅ ପ୍ରବୁ ଖେସ୍ତାମ୍ବା ।” ୪୧ “ର ସାସୁକାରି ତାଣା ରିଆରି ରୀଣାଗାଟାରି ମାଚେରି; ରଅସି ପାସାଞ୍ଜା ଅଡେ ରଅସି ରୀ କଡ଼ି ଦସଟାକା ରୀଣା ଗାଟାସି । ୪୨ ଏଞ୍ଜାରି ରୀଣା ଡିକହାଲି ଆତାଆଲିଏ, ଏଞ୍ଜାରି ସାସୁକାରି ରିଆରି ରୀଣାଟି ଜିକେଏ ପିସାଚୁସ୍ତେସି । ଇଞ୍ଜି ଏଞ୍ଜାରି ବିତ୍ରାଟି ଆମ୍ବାଆସି ଏଞ୍ଜାଣାଇଁ ହାରେକା ଜାମ୍ବା ନଚେସି?” ୪୩ ସିମନ ଏଲେଇଚେସି, “ନା ଅଶ୍ୱପୁତା ଆମ୍ବାଆରାକି ଗାଡି ରୀଣା ପିସ୍‌ପିଆଚେ ଏଞ୍ଜାସି ।” ଜାମ୍ବା ଏଲେଇଚେସି, “ନାନ୍ଦୁ ନେହିଁ ଅଶ୍ୱପାମାଞ୍ଜି ।” ୪୪ ଅଡେ ଏଞ୍ଜାସି ଏ ଇୟାନିଞ୍ଜାକି ସିନିକିହାନା ସିମନଇଁ ଏଲେଇଚେସି, “ଇ ଇୟାନି ମେସିମାଞ୍ଜି? ନାନ୍ଦୁ ମା ଇଜ ଖାଚେଏଁ, ନା କତାୟାଁ ତାକି ଏୟୁ ହିୟାଆତି, ସାମା କାଶୁତଲେ ନା ପାଞ୍ଜାଆନାୟାଁ ଉଦି କିହାନା ତାନି ତାୟାଁ ବାଣାୟାଁ ତଲେ ଜେକାଚେ । ୪୫ ନାନ୍ଦୁ ନାଡେ ନଶ୍ୱାଆତି? ସାମା ନାନ୍ଦୁ ବିତ୍ରା ଖାଞ୍ଜିଏ ନା ପାଞ୍ଜାଆନାୟାଁ ନଶ୍ୱାଲି ପିସିମାଞ୍ଜେସି । ୪୬

ନାନ୍ଦୁ ନା ତାୟାଁତା ନିୟାଁ ରୁବାଆତି? ସାମା ଇଦି ନା ପାଞ୍ଜାଆନାୟାଁ ଗାନ୍ଧୁ ନିୟାଁ ରୁବାଚେ । ୪୭ ଇଦାଆଁତାକି ନାନ୍ଦୁ ନିଢେ ଖେସିମାଞ୍ଜାଇଁ, ଇଦାନି ହାରେକା ପାପୁ ମେଶ୍ୱାମାନେ ଏଦାଣିତାକି ଏଦି ହାରେକା ଜାମ୍ବାହିଁ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଶ୍ୱାଟିନେ ଏଞ୍ଜାସି ଉଣା ଜାମ୍ବା ନଚେସି ।” ୪୮ ଅଡେ ଜାମ୍ବା ଏ ଇୟାନି ଏଲେଇଚେସି, “ନା ପାପୁ ବାରେ ମେଶ୍ୱାମାନେ ।” ୪୯ ଏମ୍ବାଟିଏ ଏଞ୍ଜାଣିତଲେ ତିଞ୍ଜାଲି କୁଗାମାତାରି ମନ ମନତା ଏଲେଇଚେରି, “ପାପୁ ଜିକେଏ ମେଶ୍ୱାଟି କିହମାନେସି ଇଞ୍ଜାସି ଆମ୍ବାଆସି?” ୫୦ ସାମା ଜାମ୍ବା ଏ ଇୟାନି ଏଲେଇଚେସି, “ନା ନାମ୍ବା ନିଢେ ଗେଲ୍‌ପାମାଞ୍ଜାନେ; ହିଡ଼ି ତଲେ ହାଲାମ୍ବା ।”

ଏଚରଦିନା ତାୟୁ ଜାମ୍ବା ଗାଡାତାକି ଗାଡା ନାୟାଁ ତାକି ନାୟାଁ ରେଜିହିଁ ମାହାପୁରୁ ରାଜିତି ନେହିଁ କାବୁ ଡେକହେସି, ଅଡେ ବାରେଜାଣା ସାମ୍ବାୟାଁ ଏଞ୍ଜାଣିତଲେ ମାଚେରି, ୧ ଅଡେ ଏମିନିଗାଟି ଇୟାସିକା ପଲ୍‌ଆ ବୃତୁୟାଁ ଚାଣାଟି ରଗଟି ନେହିଁ କିଞ୍ଜି ଆହାମାଚୁ, ଇଚିହିଁ ମଗଦଲିନି ମରିୟମ, ଆମ୍ବାଆରି ଚାଣାଟି ସାତାଗାଟା ବୃତୁୟାଁ ହତାହାକାମାଚୁ, ୩ ହେରଦ ଇଜତି ପୁମ୍ବା କୁନା ଅଡେ ତାନି ତକ୍ତି ଜହାନା, ସସାନା ଅଡେ ହାରେକା ଇୟାସିକା ଏଞ୍ଜାଣିତଲେ ମାଞ୍ଜାନା ତାନି ଦନ ହାହାନା ଏଞ୍ଜାରି ସେବା କିହିମାଚୁ । ୪ ଲକ୍ଷୁ ବାରେ ଗାଡାୟାଁଟି ଖାହିମାତାକି ହାରେକା ଲକ୍ଷୁ ଏଞ୍ଜାଣି ଚାଣା ଗୁଣ୍ଡା ଆଚେରି ଇଞ୍ଜି ଏଞ୍ଜାସି ଏଞ୍ଜାଣାଇଁ ପୁଶ୍ୱିକିନି କାତାତଲେ ଖେସ୍ତେସି । ୫ “ରଅସି ବିଚା ମାଟିନାସି ବିଚା ମାଟାଲି ହତେସି । ଏଞ୍ଜାସି ମାଟି ମାଟିହିଁ କଚେକା ବିଚା ଜିରୁତା ରୀଚେ ଏଦାଆଁ ଲକ୍ଷୁ ଡିସାଚୁସ୍ତେରି, ଅଡେ ହାଗୁ ଲାକ ଉମ୍ବିନି ପଟା କାଟି ପେରୁହା ତିରୁ । ୬ ଅଡେ କଚେକା ଖାଲ୍‌କା ଲାକ ରୀଚେ, ଇଞ୍ଜି ନେୟାଁନା ବୁମି ଅଲ୍ଲୁ ହିଲାଆତାକି ଖାୟାହାଚେ । ୭ ଅଡେ କଚେକା ହାପ୍‌କା ବୃତାତା ରୀଚେ, ଇଞ୍ଜି ହାପ୍‌କା ବୃତା ପାତାଆହାନା ଆନାଁ ତାକିଟି ପୁକହାଚୁସ୍ତେ । ୮ ଅଡେ କଚେକା ବିଚା ନେହିଁ ବୁମିତା ରୀଚେ, ଇଞ୍ଜି ପାତାଆହାନା ପାସାକଡ଼ି ପାଡେୟି ଆୟିଚେ ।” ଏଚେଟିଏ ଜାମ୍ବା କାକା ଗିୟାଁତଲେ ଏଲେଇଚେସି, “ଆମ୍ବାଆରାକି ଖେଞ୍ଜାଲି କାକା ମାନ୍ଦୁ ଏଞ୍ଜାରି ଖେଶ୍‌ମ୍ବାରି ।” ୯ ତାନି ସାମ୍ବାୟାଁ ଇ ପୁଶ୍ୱିକିନି କାତାଟି ଅର୍ଥ ଏନାୟି ଇଞ୍ଜି ଖେଚେରି, ୧୦ ଏଞ୍ଜାସି ଏଲେଇଚେସି, “ମାହାପୁରୁ ରାଜିତି କାତା ପୁଞ୍ଜାଲି ମିଢେ ବାଡୁୟୁ ହାପ୍‌କି ଆହାମାନେ, ସାମା ଏଚ୍‌କା ତାରାଇଁ ପୁଶ୍ୱିକିନି କାତାତଲେ ଖେସ୍‌ପିଆନେ, ଇଚିହିଁ ଏଞ୍ଜାରି ମେସି ସେସିହିଁ ମେହ୍‌ଅରି ଅଡେ ଖେଞ୍ଜିଖେଞ୍ଜି ତେଲ୍‌ହଅରି ।” ୧୧ ପୁଶ୍ୱିକିନି କାତା ଅର୍ଥ ଇଦି, ବିଚା ମାହାପୁରୁ ବଲ୍ଲ, ୧୨ ଜିରୁ ଦାରିତି ପାଡେୟି ଇଲେତାରି, ଏଞ୍ଜାରି ମାହାପୁରୁ କାତା ଖେନେରି; ତାୟୁ ସୟତାନା ଖାହାନା ଏଞ୍ଜାରି ଏନିକି ନାମାଆପେରିଖା ଅଡେ ଗେଲ୍‌ପି ଆଆପେରିଖା ଇଞ୍ଜି ଏଞ୍ଜାରି ହିୟାଁତା ଖେଞ୍ଜିମାନାଣି ମାଞ୍ଜାଆନେ । ୧୩ ଖାଲ୍‌କା ବୁମିତା ରିତି ଲକ୍ଷୁ ଇଲେତାରି, ଏଞ୍ଜାରି କାତା ଖେଞ୍ଜାନା ରାହାଁଟି ଆହ୍‌ନେରି; ଏଞ୍ଜାରିତାଣା ହୀରୁ ଜାଆତାକି ଗାଡେକା ତାକି ନାମିନେରି, ଅଡେ ତାୟାଁପାରି କିନାୟି ଖାଡିସାରେ ମାହାପୁରୁଇଁ ପିସା ରୁହ୍‌ନେରି । ୧୪

ଅଡ଼େ ହାପ୍ତକା ବୃତ୍ତାତା ରିତି ଲକ୍ଷ୍ମୀ ଇଲେତାରି ଆମିନି ଗାଟାରି ମାହାପୁରୁ କାତା ଖେଞ୍ଜାନା ଦାଋତିତି ଦୁକୁ କାକୁଲି, ଦନତି ଜୁପକା ଅଡ଼େ ଦାଋତିତି ରାହାଁ ଏଞ୍ଜରାଇଁ ପୁକହାତୁସାମାନାକି ନେହେଁକି କାମ୍ବୁଲି ଆଡ଼ଅରି । ୧୫ ନେହେଁ ଦୁମିତା ରିତି ପାଡ଼େୟି ଇଲେତାରି, ଏମିନିଗାଟାରି ନେହେଁ ସୁଦୁଜୀଞ୍ଜୁ ହିୟାଁତି କାତା ଖେଞ୍ଜାନା ଆହନେରି, ଅଡ଼େ ବାରେ ଅଋହାନା କାମା କିହାନା ପାଡ଼େୟି ଆୟିନେରି । ୧୬ ଦୀଞ୍ଜି ଦୀସାନା ଆମ୍ବାଆରି ମାଣା ପୁକହାନା କି କାଟେଲି ଡ଼ଇକା ଇଟଅରି, ସାମା ଦୀଞ୍ଜି ସଦାତା ଇତିନେରି, ଏନିକି ଇଜଞ୍ଜାନି ଲକ୍ଷ୍ମୀ ଉଜେଡ଼ି ମେହନେରି । ୧୭ ତୁଗାମାନାୟି ଏନାୟିଞ୍ଜା ହିଲେଏ, ଏନାୟି ଡ଼ଞ୍ଜା ଆଏ ଇଲେକି ଏନାୟି ଜିକେଏ ହିଲେଏ, ଖେସପି ଆହାନା ଡ଼ଞ୍ଜା ଆଏ ଇଲେତି ତୁଗାମାନାୟି ଏନାୟି ହିଲେଏ । ୧୮ ଏନିକି ଖେଞ୍ଜାମାଞ୍ଜେରି ଏଦାଆଁତାକି ଜାଗ୍ରାତା; ଇତିହେଁ ଆମ୍ବାଆରାଞ୍ଜାୟି ମାନେ ଏଞ୍ଜାଣାକି ହାପ୍ତକାଆନେ, ଅଡ଼େ ଆମ୍ବାଆରାଞ୍ଜାୟି ହିଲେଏ ଏଞ୍ଜାସି ନାଦି ମାନେ ଇଞ୍ଜି ଅଣପିମାନେସି, ଏଦାଆଁ ଜିକେଏ ଅଞ୍ଜିଆନେ । ୧୯ ଜୀପୁତି ଇୟା ଅଡ଼େ ତାମି ତାୟିୟାଁ ଏଞ୍ଜାଣି ତାଣା ଖାତେରି, ସାମା ଲକ୍ଷ୍ମୀ ମାନ୍ୟ ମାଚାକି ଏଞ୍ଜାଣି ତାଣା ହାଜାଲି ଆତାଆତେରି । ୨୦ ଏମ୍ବାଟିଏ ଜୀପୁଇଁ ଖେସ୍ତେରି, “ମୀ ଇୟା ଅଡ଼େ ମୀ ତାୟିୟାଁ ନିଞ୍ଜେ ମେସାଲି ପାଞ୍ଜୁତା ନିଚାମାନେରି ।” ୨୧ ସାମା ଏଞ୍ଜାସି ବାରେତି ଏଲେଇଚେସି, “ମାୟା ଅଡ଼େ ମା ତାୟିୟାଁ ଏଞ୍ଜାରି, ଆମ୍ବାଆରି ମାହାପୁରୁତି କାତା ଖେନେରି ଅଡ଼େ ମାନଞ୍ଜି ଆନେରି ।” ୨୨ ର ଦିନା ଜୀପୁ ଅଡ଼େ ତାନି ସୀସୁୟାଁ ଡ଼ଗତା କୁଗିତେରି, ଇଞ୍ଜି ଜୀପୁ ଏଞ୍ଜରାଇଁ ଏଲେଇଚେସି, “ଞ୍ଜାୟୁ ମାର ସାମଦୁରି ଆତାଲା ହାନ ।” ଏମ୍ବାଟିଏ ଏଞ୍ଜାରି ଡ଼ଗତି ହାତେରି । ୨୩ ସାମା ଏଞ୍ଜାରି ଡ଼ଗତା ହାଜିମାନି ବେଲାତା ଜୀପୁ ତୁରାତେସି । ଏତିବେଲା ସାମଦୁରିତା କାଜା ଗାଲି ଆଡେ, ଅଡ଼େ ଏୟୁ ଡ଼ଗତା ହୁତିମାଚାକି ଏଞ୍ଜାରି ହାରେକା କସୁ ଆଡେରି ଇଞ୍ଜି ଆଜିତେରି । ୨୪ ଏଚେଟିଏ ସୀସୁୟାଁ ତାଣେ ଞ୍ଜାହାନା ନିକହାଁ ଏଲେଇଚେରି, “ଏ ଗୁରୁ ଏ ଗୁରୁ ମାର ହାଜିମାନାୟାଁ” ଏମ୍ବାଟିଏ ଏଞ୍ଜାସି ନିଞ୍ଜାନା କାଜା ଗାଲିତି ଦାକା ହାତେସି, ଇଞ୍ଜି ଏ ବାରେ ସାପି ଆହାନା ସୁସ୍ତି ଆଡେ । ୨୫ ଇଞ୍ଜି ଏଞ୍ଜାସି ଏଞ୍ଜରାଇଁ ଏଲେଇଚେସି, “ମୀ ନାମୁ ଆମ୍ବିୟା?” ସାମା ଏଞ୍ଜାରି ଆଜି ଅଡ଼େ କାବାଆହାନା ତାମୁ ଏଲେଇଶ୍ଚି ଆଡେରି, “ଇଞ୍ଜାସି ଏନିଲେହେଁତାସି ଇତିହେଁ ଗାଲି ଅଡ଼େ ଞ୍ଜାତିମାନି ଏୟୁଣି ଜିକେଏ ହୁକୁମି ହାଜିମାନେସି ।” ୨୬ ତାୟୁ ଏଞ୍ଜାରି ଗାଲିଲି ନିକିତି ଆତାଲାଞ୍ଜାକି ଗରାସିୟା ଦେସାତା ଏତେରି । ୨୭ ଜୀପୁ ଡ଼ଗତି ରେଚାନା ଗାଡ଼ୁତା ଞ୍ଜାହାଲିଏ, ଏ ଗାଡ଼ାତି ର ବୃତୁ ଆଲ୍ଲଗା ମାଚାସି ଞ୍ଜାହାନା ଏଞ୍ଜାଣାଇଁ ବେଟାଆଡେସି; ଏଞ୍ଜାସି ଗାଡୁ ଦିନାଟିଏ ହିମ୍ବୁରିକା ହୁଚାଆନା ଅଡ଼େ ଇଜ ମାନାଆନା ମାଡ଼ହା ମୁହନି ଚାୟୁତା ଡ଼ୟିମାଚେସି । ୨୮ ଏଞ୍ଜାସି କିରୁଡ଼ିହେଁ ଜୀପୁ କତାଣା ରିହାନା କାଜା ଗିୟାଁତଲେ ଏଲେଇଚେସି, “ଏ ବାଡ଼ୁୟୁଗାଟି ମାହାପୁରୁ ମାର୍ଏଞ୍ଜାଟି ଜୀପୁ ନୀ ତଲେ ନାଞ୍ଜେ ଏନାୟି ମାନେ? ନାନୁ ବାତିମାଲିମାଞ୍ଜୁଇଁ ନାଞ୍ଜେ ଅଡ଼େ କସୁ ହିୟାଆନି ।” ୨୯ ଇତିହେଁ ଜୀପୁ ଏ ପଲ୍ଲଆ ବୃତୁତି ଏ ମାଣ୍ଡସି ତାଣାଟି ହୁଚା

ହାଜାଲି ହୁକୁମି ହାହାଲି ହାଜିମାଚେସି । ଏ ପଲ୍ଲଆ ବୃତୁ ହାରେକା ପାଲି ଏଞ୍ଜାଣାଇଁ ଆଲ୍ଲଗାମାଚେ, ଇଞ୍ଜି ଲକ୍ଷ୍ମୀ ଏଞ୍ଜାଣାଇଁ କେୟା କତାଣା ହିକଣିୟାଁ ତଲେ ଦସ୍ତା ଇତିମାଚେରି, ସାମା ଏ ଦସ୍ତା ମାଚାଣି ତାପହାନା ବୃତୁ ତଲେ ବାୟା ଆହାନା ଲକ୍ଷ୍ମୀ ହିଲାଆ ଚାୟୁତା ହତିମାଚେସି । ୩୦ ଜୀପୁ ଏଞ୍ଜାଣାଇଁ ଏଲେଇଚେସି, “ନୀ ଦରୁ ଏନାୟା?” “ନା ଦରୁ ମାନ୍ୟା” ଇଞ୍ଜି ଇଚେସି, ଏନାଆଁତାକି ଇତିହେଁ ହାରେକା ବୃତୁୟାଁ ଆଲ୍ଲଗାମାଚୁ । ୩୧ ଇଞ୍ଜି ଜୀପୁ ଏଞ୍ଜାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହାଅସି, ଇଦାଆଁତାକି ଏଞ୍ଜାଣାଇଁ ବାତିମାଲିତୁ । (Abyssos g12) ୩୨ ଏମ୍ବାଆଁ ହୁକୁ ବାରିତା ର ମାନ୍ୟ ପାଜିୟାଁ ମେୟିମାଚୁ, ଇଞ୍ଜି ଜୀପୁୟାଁ ଏ ବୃତୁୟାଁ ପାଜିୟାଁ ମାନ୍ୟ ବିତା ହାଜାଲି ହେଲ ରାସୁ । ୩୩ ଏଞ୍ଜାସି ହେଲ ହାହାଲିଏ, ବୃତୁୟାଁ ଏ ମାଣ୍ଡସି ତାଣାଟି ହୁଚା ହାଜାନା ପାଜିୟାଁ ବିତା ହୁକୁ; ଏଚେଟିଏ ଏ ପାଜିୟାଁ ଏ ହୁରୁତି ଦାବଡ଼ି ହାଜାନା ବାରିତା ମାତି ସାମଦୁରିତା ମେଦା ହାହାହାଚୁ । ୩୪ ଏ ପାଜିୟାଁ ମାନ୍ୟ ମେତିମାତି ଗୁଡ଼କା ଏଦାଆଁ ମେସାନା ହଚେରି ଇଞ୍ଜି ଗାଡ଼ା ଅଡ଼େ ନାସକାଣାଁ ଏ କାତା ଖେସ୍ତେରି । ୩୫ ଏନାୟି ଆହାମାନେ ଏଦାଆଁ ମେସାଲି ଲକ୍ଷ୍ମୀ ହୁଚାଞ୍ଜାତେରି; ଇଞ୍ଜି ଏଞ୍ଜାରି ଜୀପୁ ତାଣେ ଞ୍ଜାହାନା, ଆମିନି ମାଣ୍ଡସି ତାଣାଟି ବୃତୁୟାଁ ହୁଚା ହାଜାମାଚୁ, ଏଞ୍ଜାଣାଇଁ ନେହେଁ ହିମ୍ବୁରିକା ହୁଚାନା ନେହେଁ ମନତଲେ ଜୀପୁ କଡ଼ା ଡ଼ଇ କୁଗାମାଚାଣି ମେସାନା ଆଜିତେରି । ୩୬ ଅଡ଼େ ଆମିନି ଗାଟାରି ମେସାମାଚେରି ଏଞ୍ଜାରି ଏ ବୃତୁ ଆଲ୍ଲଗା ମାଚାସି ଏନିକି ନେହେଁଆଡେସି, ଏଦାଆଁ ଏଞ୍ଜରାଇଁ ଖେସ୍ତେରି । ୩୭ ଏମ୍ବାଟିଏ ଗରାସିୟା ବାରେ ନାସକାତି ସାରିଞ୍ଜାକି ବାରେ ଲକ୍ଷ୍ମୀ ଜୀପୁଇଁ ତାମି ଦେସାଟି ହାଜାଲି ବାତିମାଲିତେରି, ଇତିହେଁ ଏଞ୍ଜାରି ହାରେକା ଆଜିମାଚେରି । ଇଞ୍ଜି ଏଞ୍ଜାସି ର ଡ଼ଗତା ହୁଚାନା ଖେଣ୍ଡାହାଚେସି । ୩୮ ସାମା ଏମିନିଗାଟାଣି ତାଣାଟି ବୃତୁୟାଁ ହୁଚା ହାଜାମାଚୁ, “ନାଞ୍ଜେ ନୀ ତଲେ ହାଜାଲି ହେଲ ହିୟାୟାଁ” ଇଞ୍ଜି ବାତିମାଲିତେସି; ୩୯ ସାମା ଜୀପୁ ଏଞ୍ଜାଣାଇଁ ହେଲ ହାହାନା, “ମୀ ଇଜ ଖେଣ୍ଡା ହାଲାୟାଁ, ଇଞ୍ଜି ମାହାପୁରୁ ନିଞ୍ଜେତାକି ଆମିନି କାମା କିହାମାଞ୍ଜୁନେସି ଏ କାତା ଖେକ୍ସୁ ।” ଏଚେଟିଏ ଏଞ୍ଜାସି ହାଜାନା ଜୀପୁ ତାଞ୍ଜେତାକି ଆମିନି କାମା କିହାମାଚେସି, ଏ ବାରେ ଗାଡ଼ାତା ଖେକ୍ସେସି । ୪୦ ଜୀପୁ ଖେଣ୍ଡା ଞ୍ଜାହାଲିଏ ମାନ୍ୟ ଲକ୍ଷ୍ମୀ ଏଞ୍ଜାଣାଇଁ ରାହାଁତଲେ ବେଟାଆଡେରି, ଇତିହେଁ ଏଞ୍ଜାରି ବାରେଜାଣା ଏଞ୍ଜାଣାଇଁ କାତିମାଚେରି । ୪୧ ଏମ୍ବାଟିଏ ଜାୟିରସ ଦରୁଗାଟାସି ଞ୍ଜାଚେସି; ଏଞ୍ଜାସି ଜୀପୁଇଁ ଲକ୍ଷ୍ମୀ କୁଚି କୁଚି କାଜାସି ମାଚେସି । ଏଞ୍ଜାସି ଜୀପୁ କତାଣା ରିହାନା ତାମି ଇଜ ହାଜାଲି ବାତିମାଲିତେସି, ୪୨ ଇତିହେଁ ଏଞ୍ଜାଣାକି ବାର ବାସୀତି ରଣ୍ଡିଏ ମାଞ୍ଜୁ ମାଚେ, ଏଦି ହାନିଲେହେଁ ନମେରି ଆହାମାଚେ । ସାମା ଏଞ୍ଜାସି ହାଜିମାଚାଟି ଲକ୍ଷ୍ମୀ ଏଞ୍ଜାଣି ମୁହେଁ ମୁହେଁ ଆହାମାଚେରି । ୪୩ ଏତିବେଲାତା ବାର ବାସୀ ପାଡେକା ନେଚେରି ଞ୍ଜାଞ୍ଜିନି ରଚଗାଟି ର ଇୟା, ଏମିନି ଗାଟାୟି ଆମ୍ବାଆରି ତାଣାଟି ଜିକେଏ ନେହେଁ ଆହାଲି ଆତିହିଲାଆଡେ, ୪୪ ଏଦି ତାୟୁ ଞ୍ଜାକିଟି ଞ୍ଜାହାନା ଜୀପୁତି ହିମ୍ବୁରି କୁଡ଼ୁ ତାଗିତେ, ଏ ଦେବୁଣିଏ ଏଦାନି ନେଚେରି ବନାୟି ପିସ୍ତେ । ୪୫ ଏମ୍ବାଟିଏ

“ନାଟ୍ଟୋ ଆମ୍ବାଆୟି ତାଗାତେ” ଇଚ୍ଛୁଁ ଜୀସୁ ଖେରେସି? ସାମା ବାରେଜାଣା ଆଏ ଇଚ୍ଛୁଲିଏ, ପିତର ଏଲେଇରେସି, “ଏ ଗୁରୁ ଲକ୍ଷ୍ମ ବାରେ ମୁହେଁ ମୁହେଁ ଆହିମାନେରି ।” ୪୭ ସାମା ଜୀସୁ ଏଲେଇରେସି, “ନାଟ୍ଟୋ ଆମ୍ବାଆୟିମା ତାଗାତେ, ଇଚିହିଁ ନା ତାଣାଟି ର ବାଡ଼ୟୁ ହତାକି ନାନୁ ପୁରେଏ ।” ୪୭ ଏମ୍ବାଟିଏ ଏ ଇୟା ଖାହାନା ଅଣ୍ଡପିତେ ନାନୁ ଅଡେ ତୁଗାନା ମାଚ୍ଛୁଲି ଆଡଅଁ ଇଚ୍ଛୁ ଅଣ୍ଡପାନା ଆଜିତାକି ତାରା ତାରା ଆହିଁ ଜୀସୁ କତାଣା ରିହାନା, ଏନାଆଁତାକି ତାଗିତେ ଇଚ୍ଛୁଁ ଦେବୁଣିଏ ଏନିକିଁ ନେହିଁ ଆଡେ, ବାରେ ଲକ୍ଷ୍ମ ନିକିତା ଖେସ୍ତେ । ୪୮ ଏମ୍ବାଟିଏ ଜୀସୁ ଏଦାନି ଏଲେଇରେସି, “ମାଟ୍ଟୋ ନୀ ନାନୁ ନିଟ୍ଟୋ ନେହିଁ କିହାମାଚ୍ଛୁନେ, ହିଡ଼ିଡ଼ି ହାଲାନୁ ।” ୪୯ ଜୀସୁ ଇ କାତା ଖେସିମାଟି ବେଲୀତା ଜୀହୁଡି ଲକ୍ଷ୍ମୁଟି କୁଟନି ଇଲୁଡି କାଜାଣା ଇଜଟି ରଅସି ଖାହାନା ଜାୟିରସଇଁ ଏଲେଇରେସି, “ନୀ ମାଟ୍ଟୋ ହାହାହାରେୟିଏ ଗୁରୁଇଁ ଅଡେ କସୁ ହାଆନିଦେହେଁ ।” ୫୦ ସାମା ଜୀସୁ ଏ କାତା ଖେଚ୍ଛୁନା ଏଖାଣାଇଁ ଏଲେଇରେସି, “ଆଜାଆନି ନାନାମ୍ବା ଏଦି ନାତିନେ ।” ୫୧ ଅଡେ ଜୀସୁ ଇଜ ଖାହାନା ପିତର, ଜହନ ଅଡେ ଜାକୁବ ଇଚ୍ଛୁଁ ପଦାନି ତାନି ଆବା ଇୟାନି ପିସ୍ତେ ଆମ୍ବାଆରାଇଁ ବିଡା ହାଜାଲି ହାଆଡେସି । ୫୨ ସାମା ବାରେଜାଣା ଡାହି ଡାହିଁ ବକତା ଖେଟା କଡିମାତୁ । ଏମ୍ବାଟିଏ ଜୀସୁ ଏଲେଇରେସି, “ଡୀଆଦୁ: ଏଦି ହାହାହିଲେଏ, ସାମା ତୁରାମାନେ ।” ୫୩ ସାମା ପଦା ହାହାମାନାଣି ପୁଚ୍ଛୁନା ଏଖି ଏଖାଣାଇଁ କାକିହୁ । ୫୪ ସାମା ଜୀସୁ ପଦାନି କେୟୁ ଆସାନା ହାଗାହିଁ ଏଲେଇରେସି, “ଆକେ ପଦା, ନିଟ୍ଟୋମ୍ବା ।” ୫୫ ଏମ୍ବାଟିଏ ପଦାନି ଜୀସୁ ଖେଣ୍ଡା ଖାତେ ଅଡେ ଏ ଦେବୁଣିଏ ନିଟ୍ଟୋ, ଇଚ୍ଛୁଁ ଇତାଣି ତିଚ୍ଛୁଲି ହୀତୁ ଇରେସି । ୫୬ ଏମ୍ବାଟିଏ ତାନି ତାଲି ତାଚ୍ଛୁ କାବାଆଦୁ: ସାମା ଇ ପଦା ନେହିଁ ଆତାଣି ଆମ୍ବାଆରାଇଁ ଖେହ୍‌ଆଦୁ ଇଚ୍ଛୁଁ ଏଖାସିକାଣି ହୁକୁନି ହାଡେସି ।

୯ ଏରେଟିଏ ଜୀସୁ ବାରେଜାଣାଟି ହାଟାନା ଗୁଣ୍ଡା କିହାନା ଏଖାରାଇଁ ବାରେ ବୁରୁୟିଁ ଲାକ ଅଡେ ରଗଟି ନେହିଁ କିହାଲି ବାଡ଼ୟୁ ଅଡେ ଅଦିକାରା ହାଡେସି । ୧ ଅଡେ ଏଖାସି ଏଖାରାଇଁ ମାହାପୁରୁଟି ରାଜିତି କାତା ଖେକହାଲି ଅଡେ ରଗ ଗାଟାରାଇଁ ନେହିଁ କିହାଲି ପାଣ୍ଡିରେସି ୩ ଇଚ୍ଛୁଁ ଏଖାରାଇଁ ଏଲେଇରେସି, “ମୀରୁ ହାଜାଲିତାକି କୁଟା ବାଡ଼ଗା କି ମଣା କି ରୁଟି କି ଏନି ଟାକାୟିଁ ଜିକେଏ ଅଆଦୁ, ଅଡେ କଡେକା ସକାୟିଁ ଜିକେଏ ଅଆଦୁ । ୪ ଅଡେ ମୀରୁ ଆନିନି ଇଜ ହାଜେରି, ଏମ୍ବାଟି ଖେଣ୍ଡାହାନି ପାଡେକା ଏମ୍ବାଆଁ ଡୟାଦୁ: ୫ ଅଡେ ଏରେକା ଲକ୍ଷ୍ମ ମିଟ୍ଟୋ ଆବଅରି ଏଖାସି କପାଟି ସାକି ହାହାଲି ଏ ଗାଡ଼ାଟି ହତା ଖାନାଟି ମୀ କଡାଟି ରୁଡି ହାଣ୍ଡାହାଁନା ଖାଦୁ ।” ୬ ଏମ୍ବାଟିଏ ଏଖାସି ହାଜାନା ସାରିଖାକି ନେହିଁ କାବୁ ଖେକହାହିଁ ରଗ ଗାଟାରାଇଁ ନେହିଁ କିହାହିଁ ନାୟିଁ ନାୟିଁତା ରେରେରି । ୭ ଏମ୍ବାଟିଏ ଏ ଦେସାଟି ରାଜା ହେରଦ ଇ ବାରେ କାତା ଖେଚ୍ଛୁନା କାବା ଆଡେସି, ଇଚିହିଁ ବାପ୍ତିସ୍ତୁ ହାନି ଜହନ ହାତାରି ତାଣାଟି ନିଟ୍ଟୋମାନେସି ଇଚ୍ଛୁଁ ଆମ୍ବା ଆମ୍ବାଆରି ଏଲେଇଚ୍ଛୁମାରେସି; ୮ ଅଡେ ଆମ୍ବା ଆମ୍ବାଆରି ଏଲିୟ ଡୁଚ୍ଛୁ ଆହାମାନେସି ଇଚ୍ଛୁଁ ଏକାତାରି ତଲିକାଲାଟି

ମାହାପୁରୁ ଅଣ୍ଡପୁଟି ବଲୁ ଖେହ୍‌ନାରି ବିଡାଟି ରଅସି ନିଟ୍ଟୋମାନେସି ଇଚ୍ଛୁଁ ଖେସିମାନେରି । ୯ ସାମା ହେରଦ ଏଲେଇରେସି, “ଜହନଟି ତାୟିଁ ମୀରଦ ଦାତା ମାନାୟି, ସାମା ଆମ୍ବାଆରି କାତା ମୀର ଖେଚ୍ଛୁମାନାୟି ଏଖାସି ଆମ୍ବାଆସି?” ଅଡେ ଏଖାସି ଏଖାଣାଇଁ ମେସାଲି ମନ କିହିମାରେସି । ୧୦ ତାୟିଁ ପାଣ୍ଡି ଆହାମାଟାରି ଖାହାନା ଏନା ଏନାଆଁ କିହାମାରେସି, ଏ ବାରେ ଏଖାଣାଇଁ ଖେସ୍ତେରି । ଅଡେ ଏଖାସି ଏଖାରିତଲେ ଏକା ଆହାନା ବେଦ୍‌ସାୟିଦା ଦରୁଗାଟି ଗାଡ଼ାତା ହାଡେରି । ୧୧ ସାମା ଲକ୍ଷ୍ମ ଏଦାଆଁ ପୁଚ୍ଛୁନା ଏଖାଣି ଜେଟ ଜେଟ ହାଡେରି; ଇଚ୍ଛୁଁ ଏଖାସି ଏଖାରାଇଁ କାର୍ମା ଆହିଁ ଆବାନା ମାହାପୁରୁ ରାଜିତି କାତା ଖେସ୍ତେସି, ଅଡେ ଏନିନିଗାଟାରି ରଗଟି ନେହିଁ ଆନାୟି ମାରେ, ଏଖାରାଇଁ ନେହିଁ କିଡେସି । ୧୨ ଏରେତା ମିଡ଼ଅଲା ଆହାଲି ମାଡ଼ହେ; ଏରେଟିଏ ବାରେଜାଣା ସୀସୁୟିଁ ତାନି ତାଣା ଖାହାନା ଏଲେଇରେସି, “ଲକ୍ଷ୍ମ ଏନିକିଁ ନାୟିକା ଅଡେ ଗାଡ଼ାତା ହାଜାନା ବାସାଗାୟୁ ଅଡେ ତିଚ୍ଛୁଲି କାଦି ପାରିନେରି, ଏଦାଆଁତାକି ଏଖାରାଇଁ ହେଲ ହାମୁ ଇଚିହିଁ ମୀର ଲକ୍ଷ୍ମ ହିଲୀଆ ଟାୟୁତା ମାନାୟି ।” ୧୩ ସାମା ଏଖାସି ଏଖାରାଇଁ ଏଲେଇରେସି, “ମୀରୁ ଏଖାରାକି ତିଚ୍ଛୁଲି ହୀତୁ ।” ଏଖାସି ଏଲେଇରେସି, “ମା ତାଣା ପାସାଗଟା ରୁଟି ଇଚ୍ଛୁଁ ରୀ ମୀଣକା ପିସ୍ତେ ଆଗାଡ଼ା ହିଲାର; ଏନାଆଁ ମୀର ହାଜାନା ଇ ବାରେତାକି କାଦି କଡିନାୟି?” ୧୪ ଇଚିହିଁ ଏଖାସି ପାସାମାଣା ଆବାୟିଁ ମାରେରି । ଇଚ୍ଛୁଁ ଏଖାସି ତାନି ସୀସୁଣି ଏଲେଇରେସି, “କଡେଦସ ଜାଣା ଲାକା କୁଟିକିଦୁ ।” ୧୫ ଏରେଟିଏ ଏଖାସି ଏଲେକିହିଁଏ ବାରେଟି କୁଟିକିଡେରି । ୧୬ ଅଡେ ଏଖାସି ପାସାଗଟା ରୁଟି ଅଡେ ରୀ ମୀଣକାଣି ଆସାନା ଲାକପୁରୁ ଖାକି ସିନିକିହାନା ବର ହାଡେସି, ଇଚ୍ଛୁଁ ରୁଟି ଡିକହାନା ଲକ୍ଷ୍ମୁକି ହାସ୍ତାଲି ସୀସୁୟିଁକି ହାଡେସି । ୧୭ ଏରେଟିଏ ବାରେଜାଣା ତିଚ୍ଛୁ ପାଚ୍ଛୁଡେରି, ଅଡେ ହାରିତାଣି ବୀର ତାଲି ରୁଟି କୁଡି କିଡେରି । ୧୮ ର ଦିନା ଜୀସୁ ରଅସିଏ ପ୍ରାତାନା କିନି ବେଲୀତା ସୀସୁୟିଁ ଏଖାରିତଲେ ମାରେରି, ଅଡେ ଏଖାସି ଏଖାରାଇଁ ଖେରେସି, “ନାନୁ ଆମ୍ବାଆଡେଏଁ ଇଚ୍ଛୁଁ ଲକ୍ଷ୍ମ ଏଲେଇଚ୍ଛୁମାନେରି?” ୧୯ ଏରେଟିଏ ଏଖାସି ଏଲେଇରେସି, “ଆମ୍ବାଆରି ବାପ୍ତିସ୍ତୁ ହାନି ଜହନ, ଆମ୍ବାଆରି ଏଲିୟ, ଅଡେ ଆମ୍ବାଆରି ତଲିକାଲାଟି ମାହାପୁରୁ ଅଣ୍ଡପୁଟି ବଲୁ ଖେହ୍‌ନାରି ବିଡାଟି ରଅସି ନିଟ୍ଟୋମାନେସି ।” ୨୦ ଏଖାସି ଏଖାରାଇଁ ଏଲେଇରେସି, “ନାନୁ ଆମ୍ବାଆଡେଏଁ ମୀରୁ ଏନାଆଁ ଇଚ୍ଛୁଁ ମାଚ୍ଛେରି?” ପିତର ଏଲେଇରେସି, “ନାନୁ ମାହାପୁରୁଟି କ୍ରୀସ୍ତୁ ।” ୨୧ ଏରେଟିଏ ଏଖାସି ଏଖାରାଇଁ ଆମ୍ବାଆରାଇଁ ଖେହ୍‌ଆଦୁ ଇଚ୍ଛୁଁ ଜାଣେ କିହିଁ ହୁକୁନି ହାଡେସି, ୨୨ “ମାଣ୍ଡିଏ ମୀରଏସି ହାରେକା ଦୁକୁ ପାଣ୍ଡାୟି ମାନେ ଇଚ୍ଛୁଁ ଲକ୍ଷ୍ମୁଟି କାଜାରି, କାଜା ପୁଜେରାଟ୍ଟୋ ଇଚ୍ଛୁଁ ମେରାପୁନାରି ତାଣାଟି ଅପାଆନା ଏଖାଣାଇଁ ପାୟିନେରି, ଇଚ୍ଛୁଁ ତାନି ଦିନାଟିଏ ନିଟ୍ଟୋନେସି ।” ୨୩ ଏରେଟିଏ ଏଖାସି ବାରେଟି ଏଲେଇରେସି, “ଆମ୍ବାଆସି ନା ଜେଟ ଡାକାଲି ମନ କିନେସି, ଏଖାସି ତାଟ୍ଟୋ ଅପାଆନା ବାରେଦିନା ତାନି କୁସ ଡେକାନାହିଁ ନା ଜେଟ ଡାକାପେସି । ୨୪ ଇଚିହିଁ ଆମ୍ବାଆସି ଜାହାରା ଜୀସୁ

ଗେଲ୍‌ପାଲି ମନ କିନେସି ଏଝାସି ନାସା କିନେସି; ସାମା ଆମ୍ବାଆସି ନା
 ଠାକି ନିଜେଟି ଜୀଝୁ ନାସା କିନେସି ଏଝାସି ଗେଲ୍‌ପି କିହାକିନେସି । ୨୫
 ଅଡେ ମାଣ୍ଡି ଇ ବାଋଡିତା ମାନାଣି ବାରେ ମେଡି କିହାନା ତାନି ଜୀଝୁଟି
 ନାସା କିନେସି, ଇତିହିଁ ଏଝାଣାକି ଏନି ଲାବା? ୨୬ ଇତିହିଁ ଆମ୍ବାଆସି
 ନାଢ୍ଢେଟାକି ଅଡେ ନା କାତାତାକି ଲାଜା ଆନେସି, ମାଣ୍ଡି ମାଋସି ତାନି
 କାଜାପାଣା ତଲେ ଇଞ୍ଜୁହିଁ ମାହାପୁରୁ ଆବା ଅଡେ ତାନି ସୁରୁଗାଟି ଦୁରୁୟ୍
 ତଲେ କାଜାପାଣାଟି ଝାନେସି ଏତିବେଲା ଏଝାସି ଜିକେଏ ଏଝାଣି ଠାକି
 ଲାଜା ଆନେସି । ୨୭ ସାମା ନାନୁ ମିଢ୍ଢେ ସାତା ଝେସିମାଞ୍ଜୁଲ୍, ମାହାପୁରୁଟି
 ରାଜି ମେହୁଆ ପାତେକା ଇମ୍ବାଆଁ ନିତାମାନାରି ଏତରଜାଣା ହାଅରି । ୨୮
 ଇ କାତା ଝେସାନା ଆଗାଦିନା ହାଜାଲିଏ ପିତର, ଜହନ ଅଡେ ଜାକୁବଲ୍
 ଅହିଁ ହାଜାନା ପ୍ରାତାନା କିହାଲି ହରୁତା ହାଚେସି । ୨୯ ଅଡେ ଏଝାସି
 ପ୍ରାତାନା କିହାମାଟାଟି ତାନି ମୁମୁଟି ଝାଣା ଚିରିମୁହେ ଇଞ୍ଜୁ ତାନି ହିମ୍ବୁରି
 ଦବଲା ଆହାନା ହାରେକା ଉଜେଡି ଆଡେ । ୩୦ ମସା ଅଡେ ଏଲିୟ
 ଏଝାଣିତଲେ କାତା ଆହିମାଚେରି; ୩୧ ଏଝାରି ଗାଝୁରମିଟି ଚଞ୍ଜୁଆହାନା
 ଜୀସୁ ଜିରୁସାଲମତା ହାନିକାତା ଜଲ୍‌କି ଆହିମାଚେରି । ୩୨ ଏତିବେଲା
 ପିତର ଅଡେ ତାନି ଚଣେସିଢ୍ଢାକି ଗାଟି ଇଦକାଣ୍ଡାକା ହୁତିମାରୁ; ସାମା
 ଏଝାରି ଇଦାଟି ନିଢ୍ଢୁଲିଏ ତାନି ଗାଝୁରମି ଇଞ୍ଜୁ ଏଝାଣିତଲେ ରିଆରି
 ନିତାମାନାଣି ମେସ୍ତେରି । ୩୩ ଇଞ୍ଜୁ ଏଝାରି ଚାଣାଟି ହାଜିମାଟାଟି ପିତର
 ଜୀସୁଲ୍ ଏଲେଇଚେସି, “ଗୁରୁ ମାମୁ ଇମ୍ବାଆଁ ମାନାୟି ନେହେଁ; ମାମୁ
 ଇମ୍ବାଆଁ ତାନିଗାଟା ଗୁଡାୟି କେପିନମି, ନିଢ୍ଢେଟାକି ରଣ୍ଡାଆଁ, ମସାକି
 ରଣ୍ଡାଆଁ ଅଡେ ଏଲିୟକି ରଣ୍ଡାଆଁ ।” ସାମା ତାନୁ ଏନାଆଁ ଇଞ୍ଜୁମାଚେସି
 ତାନୁଏ ପୁଞ୍ଜୁ ହିଲାଆଚେସି । ୩୪ ଏଝାସି ଏଲେଇଞ୍ଜୁ ମାଟାଟି ଇଚାୟି
 ହାଗୁ ଦୁନୁ ଝାହାନା ଏଝାରାଇଁ ପିକହେ, ଇଞ୍ଜୁ ଏଝାରି ଦୁନୁତା ହୁତି
 ମାଟାଟି ଆଜିଚେରି । ୩୫ ଇଞ୍ଜୁ ଏ ଦୁନୁଟି ଇ ହାତା ଝାଚେ, “ଇଝାସି ନା
 ମାଋସି, ନାନୁ ଆତିତାସି, ଇଝାଣି ବଲ୍‌ଢେ ଝେଞ୍ଜୁ ।” ୩୬ ଏଲେଇଞ୍ଜୁ ଝେସି
 ଡାୟୁ ଜୀସୁ ରଅସିଏ ଚଞ୍ଜୁଆଚେସି । ଏଝାରି ଇ କାତାତାକି ପାଲେଏ
 ମାଞ୍ଜୁନା, ଏନା ଏନାଆଁ ମେସାମାଚେରି ଏ ବେଲାତା ଆମ୍ବାଆରାଇଁ
 ଜିକେଏ ଝେହୁଆଚେରି । ୩୭ ଅଡେ ର ନେରୁ ହରୁଟି ଚେଟା ଝାହାଲିଏ
 ହାରେକା ଲୁକୁ ଏଝାଣାଇଁ ବେଟା ଆୟାଲି ଝାଚେରି । ୩୮ ଅଡେ ଏ ମାନୁ
 ଲୁକୁ ବିତ୍ରାଟି କାଜା ଗିୟ୍‌ତଲେ ହାଟାନା ଏଲେଇଚେସି, “ଏ ଗୁରୁ ନାନୁ
 ବାଟିମାଲିମାଞ୍ଜୁଲ୍ ନା ମାଋସିଣାଇଁ କାର୍ମା ଆମୁ, ଇତିହିଁ ଏଝାସି ନା ରଣ୍ଡିଏ
 ମାଋସି; ୩୯ ଏଝାଣାଇଁ ର ବୁରୁ ଆଲ୍‌ଗିମାନେ, ଇଞ୍ଜୁ ଏଝାସି ପେଦରାହିଁ
 ଦେବୁଣିଏ କିରଡି ମାନେସି, ଇଞ୍ଜୁ ଏଝାଣାଇଁ ଇଲେକି ବୁମିତା ଡ୍ରକହାନା
 ଗୁଟିଟି ପମ୍ପାଲି ହୁପହି ମାନେ, ଇଞ୍ଜୁ ଏଝାଣାଇଁ ଗାଟି ବାଦା କିହାନା ଏଝାଣି
 ଚାଣାଟି କାକୁଲିଟି ହୁଚାହାନେ । ୪୦ ନାନୁ ବୁରୁଟି ପିସ୍‌ପି କିହାଲି ନା
 ସୀସୁୟାଁ ବାଟିମାଲିଚେଟଏ, ସାମା ଏଝାରି ପିସ୍‌ପି କିହାଲି ଆତାଆଚେରି
 ।” ୪୧ ଜୀସୁ ଏଲେଇଚେସି, “ଆଡେ ନାମାଆଗାଟି ଏବ୍‌କା ଜିରୁ ଆହିନି
 କୁଡା, ନାନୁ ଅଡେ ଏଚେକା ମା ତଲେ ମାଞ୍ଜୁନା ମା କାତା ଅର୍‌ହାଇଁ?”

ନା ମାଋସିଣାଇଁ ଇମ୍ବାଆଁ ତାମୁ ।” ୪୨ ବୁରୁ ଆଲ୍‌ଗାମାଟି କକାସି
 ଝାହିମାଟାଟି ବୁରୁ ଏ କକାଣାଇଁ ବୁମିତା ଠାଡି କିହାନା ଡ୍ରେପହାଡୁସ୍ତେ,
 ସାମା ଜୀସୁ ଏ ପଲ୍‌ଆ ବୁରୁଟି ଦାକା ହାଚେସି ଇଞ୍ଜୁ କକାଣାଇଁ ନେହିଁ
 କିହାନା ତାନି ଆବା କେୟୁତା ହେରପିଚେସି । ୪୩ ଏଚେଟିଏ ବାରେ
 ଲୁକୁ ମାହାପୁରୁଟି ବାଋୟୁ ମେସାନା ଜାଗଲା ଆଚେରି । ସାମା ଏଝାସି
 କିହାନା ବାରେ କାମାତାକି ଜାଗଲା ଆହିମାଟାକି ଜୀସୁ ତାନି ସୀସୁୟାଁଲ୍
 ଏଲେଇଚେସି । ୪୪ “ଇ ବାରେ କାତା ମା କାର୍ମା ଅତାନା ଝେଞ୍ଜୁ; ଇତିହିଁ
 ମାଣ୍ଡି ମାଋସି ସାତୁୟାଁ କେୟୁତା ହେରପିଆନେସି ।” ୪୫ ସାମା
 ଏଝାରି ଏ କାତା ଚେଲହାଆଚେରି, ଏଝାରି ଚେଲହାଲି ଆତାଆରେରୁ
 ଏଝାରି ଚାଣାଟି ଡୁଗାମାଚେ, ଇଞ୍ଜୁ ଏଝାରି ଏ କାତା ଜିକେଏ ଜୀସୁଲ୍
 ଝେଞ୍ଜୁଲି ଆଜିମାଚେରି । ୪୬ ଏଝାରି ବିତ୍ରାଟି ଆମ୍ବାଆସି କାଜାସି, ଇ
 କାତାତାକି ଏଝାରି ବିତ୍ରା ବାଦିବାଦା ଆଚେରି । ୪୭ ସାମା ଜୀସୁ ଏଝାରି
 ବିତ୍ରା ବାଦିବାଦା ଆହିମାନାଣି ପୁଞ୍ଜୁନା, ର ଉଣା କକାଣାଇଁ ତାନି ନକିତା
 ନିପହାନା ଏଝାରାଇଁ ଏଲେଇଚେସି, ୪୮ “ଆମ୍ବାଆସି ନା ଦରୁଟି ଇ ଉଣା
 କକାଣାଇଁ ଆବିନେସି, ଏଝାସି ନାଢ୍ଢେ ଆବାନେସି, ଅଡେ ଏଝାସି ନାଢ୍ଢେ
 ପାଣ୍ଡାତାଣାଇଁ ଆବିନେସି; ଇତିହିଁ ମା ବିତ୍ରାଟି ଆମ୍ବାଆସି ବାରେକିହିଁ
 ଉଣା ଏଝାସି କାଜାସି ।” ୪୯ ଏଚେଟିଏ ଜହନ ଏଲେଇଚେସି, “ଗୁରୁ,
 ମାମୁ ନା ଦରୁଟି ବୁରୁୟାଁ ପେରୁହି ମାଟାଣି ମେସ୍ତମି ଇଞ୍ଜୁ ଏଝାସି ମା
 ତଲେ ନା ଜେଟ ଝାଆଲିଏ କାହିକିଟମି ।” ୫୦ ସାମା ଜୀସୁ ଏଝାରାଇଁ
 ଏଲେଇଚେସି, “କାହିକିଆରୁ, ଇତିହିଁ ଆମ୍ବାଆସି ମା କପାଟି ନିଢ୍ଢୁ
 ହିଲଅସି ଏଝାସି ମା ତଲେତାସି ।” ୫୧ ଏତିବେଲା ଜୀସୁ ଲାକପୁରୁ ହାନି
 ବେଲା ଏଗାଝାହିମାଟାକି ଏତିବେଲା ଜୀସୁ ଜିରୁସାଲମତା ହାଜାଲି ମନଟି
 ଠାରି କିଚେସି । ୫୨ ଅଡେ ତାନି ନକେଏ କସ୍‌କାଣି ପାଣ୍ଡିଚେସି, ଏଝାରି
 ହାଜାନା ର ସମିରଣ ନାୟୁତା ଜୀସୁ ଝାନେସି ଇଞ୍ଜୁ ଜାଗ୍ରାତା କିହାନା
 କାଚେରି; ୫୩ ସାମା ଏଝାସି ଜିରୁସାଲମତା ହାଜାଲି ମନ କିହାମାନେସି
 ଇଞ୍ଜୁ ପୁଞ୍ଜୁନା ଏଝାଣାଇଁ ଆବାଆଚେରି । ୫୪ ଇଦାଆଁ ମେସାନା ଜାକୁବ
 ଅଡେ ଜହନ ଇ ରୀ ସୀସୁୟାଁ ଏଲେଇଚେରି, “ଏ ପ୍ରୁ ଏଲିୟ ଏନିକି
 ଏଲେଇଞ୍ଜୁମାଚେସି, ଏଲେକିହିଁଏ ହାଗୁଲାକଟି ହିରୁ ରିହାନା ଏଝାରାଇଁ
 ନାସା କିପେ, ଏଲେଇଞ୍ଜୁଲି ନା ମନ ମାନେକି?” ୫୫ ସାମା ଏଝାସି ଝେଣ୍ଡେ
 ସିନିକିହାନା ଏଝାରାଇଁ ଲାଗାନା ଏଲେଇଚେସି, “ମୀରୁ ଏନିଲେହେଁଟି
 ଜୀଝୁ ଗାଟାଚେରି, ମୀରୁ ପୁଞ୍ଜୁହିଲଅଚେରି ମାଣ୍ଡି ମାଋସି ମାଣ୍ଡିୟାଁଟି
 ଜୀଝୁ ନାସା କିହାଲି ଝାଆନା ଗେଲ୍‌ପାଲି ଝାହାମାନେସି । ୫୬ ଏଚେଟିଏ
 ଏଝାରି ଅର ନାୟୁତା ହାଚେରି ।” ୫୭ ଏଝାରି ଜିରୁତା ହାଜିମାଟାଟି ରଅସି
 ଝାହାନା ଜୀସୁଲ୍ ଏଲେଇଚେସି, “ନାନୁ ଆମ୍ବିୟା ହାଜି, ନାନୁ ଜିକେଏ
 ନା ତଲେ ଝାଇଁ ।” ୫୮ ଜୀସୁ ଏଝାଣାଇଁ ଏଲେଇଚେସି, “ନାକାୟାକି
 ଡ୍ରୟିନି ପାଝୁୟାଁ ମାନୁ, ହାଗୁ ଲାକ ଉମ୍ବିନି ପଟାୟାକି ବାସାଟାୟୁ ମାନେ,
 ସାମା ମାଣ୍ଡି ମାଋସିଣାକି ଡାୟୁ ନେହୁହାଲି ଡାୟୁ ହିଲେଏ ।” ୫୯ ଇଞ୍ଜୁ
 ଏଝାସି ଅଡେ ରଅଣାଇଁ ଏଲେଇଚେସି, “ନା ଜେଟ ଝାମୁ ।” ସାମା ଏଝାସି

ଏଲେଇରେସି, “ପ୍ରଭୁ ନକେଏ ହାଜାନା ନା ଆବାଇଁ ମାହଣିଶା ମୁସାଲି ହେଲ ହିୟାମୁ ।” ୧୦ ଜୀସୁ ଏଲେଇରେସି, “ହାତାରାଇଁ ତାମି ହାତି ଲକ୍ଷୁଣି ମୁସାଲି ପିହୁଦୁ, ସାମା ମାରୁ ହାଜାନା ମାହାପୁରୁ ରାଜିତି କାତା ଷେହୁଦୁ ।” ୧୧ ଅଡେ ରଅସି ଖାହାନା ଏଲେଇରେସି, “ପ୍ରଭୁ ନାନୁ ଜେଚ ଖାଇଁ ସାମା ନକେଏ ଇଜତି ଲକ୍ଷୁ ଚାଣାଟି ହେଲ ଅହାଲି ହିୟାମୁ ।” ୧୨ ସାମା ଜୀସୁ ଏଖାଣାଇଁ ଏଲେଇରେସି, “ଆମ୍ବାଆସି ନାଟ୍ରେଲି କେମୁତା ଆସାନା ଡାୟୁଖାକି ସିନିକିନେସି ଏଖାସି ମାହାପୁରୁ ରାଜିତା ପାଡ଼ା ଆଅସି ।”

୧୦ ଏମ୍ବାଟିଏ ପ୍ରଭୁ ଅଡେ ତାନିକଡ଼ି ବାରଜାଣାଟି ଆଚାନା ଚାନୁ ଆମିନି ଗାଡ଼ା ଅଡେ ନାସକାଣାଁ ହାଜାଲି ମନ କିହାମାଚେସି, ଏ ନାସକା ଅଡେ ଗାଡ଼ାୟାଁଶା ରିଆରି ଲାକା କିହାଁ ପାଣ୍ଡିଚେସି । ୧ ଇଞ୍ଜି ଏଖାସି ଏଖାରାଇଁ ଏଲେଇରେସି, “ପାଟି ହାରେକା ସାମା ଦାଃଆନାରି ଉଶା ଜାଣା; ଇଦାଆଁତାକି ଗୁଡିୟତା କାମା କିନାରାଇଁ ପାଣ୍ଡାଲିତାକି ଗୁଡିୟତି ସାଞ୍ଜକାରିଇଁ ବାଟିମାଲାଦୁ । ୩ ମାରୁ ହାନ୍ତୁ: ନାନୁ ମିଟ୍ଟେ କ୍ଲାନିୟାଁ ବିଡ଼ା ମେଣ୍ଡା ଡାଲକା ଲେହେଁ ମିଟ୍ଟେ ପାଣ୍ଡିମାଞ୍ଜାଇଁ । ୪ ଡାବୁୟାଁ, ମଣା କି ସେପୁୟାଁ ଜିକେଏ ଅଆଦୁ, ଅଡେ ଜିରୁଡା ଆମ୍ବାଆରାଇଁ ଜହରା କିଆଦୁ । ୫ ଅଡେ ମାରୁ ଆମିନି ଇଲୁତା ହୁଡ଼ଦେରି ନକେଏ ଇ ଇଲୁତାକି ହିଡ଼ି ଆପେ ଇଞ୍ଜୁ । ୬ ଅଡେ ଏ ଇଜ ହିଡ଼ିତି ମାଣସି ରଅସି ମାଟିହିଁ ମୀ ହିଡ଼ି ଏଖାଣାକି ଆପେ; ଅଡେ ହିଲାଆତିହିଁ ମୀ ହିଡ଼ି ମିଟ୍ଟେ ଷେଣ୍ଡେ ଖାନେ । ୭ ଇଞ୍ଜି ଏଖାରିତାଣା ଏନାୟି ମାନେ ଏଦାଆଁ ଡିଞ୍ଜା ଉଣ୍ଡାନା ଏ ଇଜ ମାଞ୍ଜୁ, ଇଡିହିଁ କାମାକିନାସି ତାନି କାମାଟି ବୁଡି ମେଡ଼ା ଆନାୟି ମାନେ । ଏ ଇଜ ପିସାନା ଅର ଇଜ ହାଲାଆଦୁ । ୮ ଅଡେ ଆମିନି ଗାଡ଼ାତା ହାଜେରି ଅଡେ ଲକ୍ଷୁ ମିଟ୍ଟେ ଅପାନେରି ଅଡେ ଏମ୍ବାଆଁ ଏନାଆଁ ଡିଞ୍ଜାଲି ହିୟାନେରି ଏଦାଆଁ ଡିଞ୍ଜୁ । ୯ ଏମ୍ବାଆଁ ମାନି ରଗ ଗାଟାରାଇଁ ନେହିଁ କିଦୁ, ଅଡେ ଏଖାରାଇଁ ଏଲେଇଞ୍ଜୁ ‘ମାହାପୁରୁତି ରାଜି ମୀ ତାଣା ଏଦାଚେୟିଏ ।’ ୧୦ ସାମା ମାରୁ ଆମିନି ଗାଡ଼ାତା ହାଜେରି ଇଞ୍ଜି ଲକ୍ଷୁ ମିଟ୍ଟେ ଅପଅରି, ଏମ୍ବାଟି ଆଁଗେଣିକାଟି ପାଟ୍ଟାତା ହାଜାନା ଏଲେଇଞ୍ଜୁ, ୧୧ ‘ମୀ ଗାଡ଼ାଟି ଆମିନି ବୁଡି ମା କଡ଼ାୟାଁଶା ଆଟାମାଚେ, ଏଦାଆଁ ଜିକେଏ ମିଟ୍ଟେ ଡାକି ହାଣ୍ଡି ମାନନି; ସାମା ମାହାପୁରୁତି ରାଜି ଏଗାଞ୍ଜିମାନେ ଇଦାଆଁ ପୁଞ୍ଜୁ ।’ ୧୨ ନାନୁ ମିଟ୍ଟେ ଷେସିମାଞ୍ଜାଇଁ, ନାହାଁୟି ଦିନାତା ଏ ଗାଡ଼ାଟି ତଣ୍ଡୁ କିହାଁ ସଦମତି ଗାଡ଼ାଟି ତଣ୍ଡୁ ଉଶା କିଞ୍ଜିଆନେ । ୧୩ ଆୟତା ତଣ୍ଡୁ ପାଣ୍ଡିନି କରାଜିନି ଅଡେ ବେଦ୍‌ସାୟିତା ଇଡିହିଁ ମୀ ତାଣା ଆମି ଆମିନି କାବାଆନି କାମାୟାଁ କିଞ୍ଜିଆହାମାନୁ, ଏ ବାରେ ସର ଅଡେ ସିଦନତା କିଞ୍ଜି ଆହାମାଟିହିଁମା, ଏଖାରି ହାରେକା ଦିନା ନକେଏ ବାସ୍ତାୟାଁ ପରୁହାଁ ଦାର୍‌ମୁତା କୁଗାନା ମନ ଷେହୁହେରିମା । ୧୪ ଆତିଜିକେଏ ନାହାଁୟି ଦିନାତା ସର ଅଡେ ସିଦନତି ତଣ୍ଡୁ ଉଶା କିଞ୍ଜିଆନେ । ୧୫ ଏ କପରନାହୁମ ନାନୁ ଲାକପୁରୁ ପାଚେକା ପାତାଆଦି? ହାତାରି ମାନି ରାଜିତା ମେଡ଼ିଏ ଆଦି ।” (HadEs ୨86) ୧୬ ଜୀସୁ ଏଲେଇରେସି “ଆମ୍ବାଆସି ମୀ କାତା

ଖେନେସି, ଏଖାସି ନା କାତା ଷେନେସି, ଇଞ୍ଜି ଆମ୍ବାଆସି ମିଟ୍ଟେ ଅପଅସି ଏଖାସି ନାଟ୍ଟେ ଅପଅସି, ଅଡେ ଆମ୍ବାଆସି ନାଟ୍ଟେ ଅପଅସି ଏଖାସି ନାଟ୍ଟେ ପାଣ୍ଡାତାଣାଇଁ ଅପଅସି ।” ୧୭ ଏମ୍ବାଟିଏ ତାନିକଡ଼ି ବାରଜାଣା ଷେଣ୍ଡା ଖାହାନା ରାହାଁଟି ଏଲେଇରେସି, “ପ୍ରଭୁ ବୁଡୁୟାଁ ଜିକେଏ ନୀ ଦରୁଡି ମା ଡ଼ଇକା ହେରୁପି ଆହିମାନୁ ।” ୧୮ ସାମା ଜୀସୁ ଏଖାରାଇଁ ଏଲେଇରେସି, “ହାନ୍ତୁ ମୁହଁନଲେହେଁ ଲାକଟି ସୟତାନ ରିହିମାନାଣି ମେପେସୁଏ । ୧୯ ମେହୁଦୁ ନାନୁ ମିଟ୍ଟେ ରାସକା, କାଚାକୁପିୟାଁ ମୁହେଁ ଡାକାଲି ଅଡେ ସାଡୁଡି ବାରେ ବାଡ଼ୁୟୁ ମୁହେଁ ଜିକେଏ ଅଦିକାରା ହାଜିମାଞ୍ଜାଇଁ, ଅଡେ ଏନାୟି ଜିକେଏ ମିଟ୍ଟେ ନସୁ କିହାଲି ଆଚେଏ । ୨୦ ସାମା ପଲଆ ବୁଡୁୟାଁ ବାଡ଼ୁୟୁ ମୀ ଡ଼ଇକା ମାନେ ଇଞ୍ଜି ରାହାଁ ଆଆଦୁ, ସାମା ମୀ ଦରୁ ଲାକପୁରୁ ରାସକି ଆହାମାନେ ଏଦାଆଁତାକି ରାହାଁ କିଦୁ ।” ୨୧ ଏଡିବେଲା ଜୀସୁ ସୁରୁଜାସୁ ତଲେ ରାହାଁ ଆହାନା ଏଲେଇରେସି, “ଆବା ଲାକପୁରୁ ଅଡେ ଦାରୁଡିତି ପ୍ରଭୁ, ନାନୁ ବୁଦିଗାଟି ଲକ୍ଷୁତାଣା ଇ ବାରେ କାତା ବୁଦୁହାନା ଉଶା କକାରି ତାଣା ତସାମାଞ୍ଜି, ଇଦାଆଁତାକି ନିଟ୍ଟେ ଜହରା କିହିମାଞ୍ଜାଇଁ; ଏ ଆବା ଇଦିଏ ନୀ ନକିତା ନେହାୟି ଆଚେ ।” ୨୨ “ନା ଆବାଟି ବାରେ ଅଦିକାରା ନାଟ୍ଟେ ହେରୁପି ଆହାମାନେ; ଅଡେ ମାରୁଏସି ଆମ୍ବାଆସି, ଇଦାଆଁ ଆବା ପିସ୍‌ପେ ଆମ୍ବାଆସି ପୁନଅସି, ଅଡେ ଆବା ଆମ୍ବାଆସି ଇଦାଆଁ ମୀରୁଏଶା ପିସ୍‌ପେ ଆମ୍ବାଆସି ପୁନଅସି, ଇଞ୍ଜି ମୀରୁଏସି ଆମ୍ବାଆରି ତାଣା ଏଖାଣାଇଁ ତସାଲି ମନ କିନେସି, ଏଖାସିଦେଁ ପୁନେସି ।” ୨୩ ଅଡେ ଜୀସୁ ଡାୟୁ ସିନିକିହାନା ତାନି ସୀସୁୟାଁଇ ଏବ୍‌କେଏ ଏଲେଇରେସି, “ହାରେକା ନେହେଁ ଏ କାଣ୍ଡକା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି । ୨୪ ଇଡିହିଁ ନାନୁ ମିଟ୍ଟେ ଷେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାରେକା ମାହାପୁରୁ ଅଣ୍ଡପୁଡି ବଲୁ ଷେହନାରି ଅଡେ ରାଜାୟାଁ ମେସାଲି ମନ କିହାମାଚେରି, ସାମା ମେସାଲି ଆତାଆଚେରି; ଅଡେ ମୀରୁ ଏନା ଏନାଆଁ ଷେଞ୍ଜିମାଞ୍ଜେରି, ଏ ବାରେ ଏଖାରି ଷେଞ୍ଜାଲି ମନ କିଚେରି ସାମା ଷେଞ୍ଜାଲି ଆତାଆଚେରି ।” ୨୫ ମେହୁଦୁ ର ମସାଟି ମେରା ଜାପୁନାସି ଖାହାନା ଜୀସୁଇଁ ତାୟିପାରିକିହିଁ ଷେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ?” (aiōnios ୨166) ୨୬ ଏଚେଟିଏ ଜୀସୁ ଏଲେଇରେସି, “ମସାଟି ମେରାତା ଏନାଆଁ ରାସକି ଆହାମାନେ, ନାନୁ ଏନିକି ପଡ଼ିଆହିମାଞ୍ଜି?” ୨୭ ଏଖାସି ଏଲେଇରେସି, “ନାନୁ ନୀ ବାରେ ହିୟାଁ, ବାରେ ଜୀସୁ, ବାରେ ବାଡ଼ୁୟୁ ଅଡେ ବାରେ ମନ ହାହାନା ପ୍ରଭୁ ନୀ ମାହାପୁରୁଇଁ ଜୀସୁନମ୍ବୁ; ଅଡେ ପାଡ଼ିତି ଲକ୍ଷୁଣି ନୀ ଜୀସୁ ଲେହେଁ ଜୀସୁ ନମ୍ବୁ ।” ୨୮ ଏଚେଟିଏ ଜୀସୁ ଏଖାଣାଇଁ ଏଲେଇରେସି, “ନାନୁ ନେହିଁକି ଷେସାମାଞ୍ଜି; ଏଲେଏ କିମ୍ବୁ ଆତିହିଁ ଏ ଜୀସୁ ମେଡ଼ା ଆଦି ।” ୨୯ ସାମା ଏଖାସି ତାଟ୍ଟେ ତାରିତାସି କିହାକତାଲି ମନ କିହାନା ଜୀସୁଇଁ ଷେଚେସି, “ଆତିହିଁ ନା ପାଡ଼ିତାସି ଆମ୍ବାଆରି?” ୩୦ ଜୀସୁ ଏ କାତା ଆସାନା ଏଲେଇରେସି, “ର ଲକ୍ଷୁ ଜିରୁସାଲମଟିଏ ଜିରିହତା ହାଜିମାଟାଟି ସରକା ତାଣା ହେହୁହେସି ।

ଏଞ୍ଜରୀ ଏଞ୍ଜରୀ ହିମ୍ବରଦୂକି ମାଞ୍ଜାନା ହାନିଲେହେଁ ମାତା ଝେତାନା ପିସା ହାରେରି । ୩୧ ଏତିବେଲାତା ର ପୁଜେରା ଏ ଜିରୁଟି ହାଜିମାରେସି, ଇଞ୍ଜି ଏଞ୍ଜରୀ ଏଞ୍ଜରୀଲ୍ ମେସାନା ଜିରୁ ପିସାନା ଅର ଜିରୁଟି ହାରେସି । ୩୨ ଏଲେକିହିଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଝାହାନା ଏଞ୍ଜରୀଲ୍ ମେସାନା ଅର ଜିରୁ ହାହାନା ହାରେସି । ୩୩ ସାମା ର ସମିରଣ ଲକୁ ଏ ଜିରୁଟି ହାଜିମାରେସି, ଇଞ୍ଜି ଏଞ୍ଜରୀଲ୍ ମେସାନା ହାରେକା କାର୍ମା ଆଡେସି, ୩୪ ଅଡେ ତାଗେ ହାଜାନା ଏଞ୍ଜରୀ ଗାହାୟାଁ ବାରେ ନିୟୁଁ ଅଡେ ଅଡୁରି ରାସା ରୁବାନା ଗାହାୟାଁଣା ଦସ୍‌ପାନା ଏଞ୍ଜରୀଲ୍ ର ଗାଡ଼େଦେ ଲାକ କୁଟିକିହାନା ର ସେବାକିନି ଇଲୁଡା ଅହାନା ଏଞ୍ଜରୀ ସେବା କିଡେସି । ୩୫ ଅର ଦିନା ସେବାକିନି ଇଲୁ ଗାଟାଣାକି ରୀ କାନି ହାହାନା ଏଲେଇରେସି, ‘ଇଞ୍ଜରୀ ସେବା କିମ୍ବୁ ଅଡେ ଏରେକା ଗାତି କାର୍ତୁ ଆନୁ, ଝେଣ୍ଡା ଝାନାଟି ବାରେ ହିୟାଲ୍ ।’ ୩୬ ଜୀସୁ ଏଲେଇରେସି, ‘ଇ ତାନି ଜାଣାଟି ବିଡା ଆମ୍ବାଆସି ସର୍ବକାତାଣା ହେରୁହା ମାଗାଣି ପାଡ଼ିତାସି ଇଞ୍ଜି ଅଣ୍ଡିମାଞ୍ଜେରି?’ ୩୭ ଏ ମେରା ଜୀସୁନାସି ଏଲେଇରେସି, ‘ଆମ୍ବାଆସି ଏଞ୍ଜରୀଲ୍ କାର୍ମା ଆଡେସି ଏଞ୍ଜରୀ ।’ ଜୀସୁ ଏଲେଇରେସି, ‘ହାଲ୍ମାମ୍ବୁ ନାନୁ ଜିକେଏ ଏଲେଏ କିମ୍ବୁ ।’ ୩୮ ଏଞ୍ଜରୀ ହାଜିମାନି ବେଲାତା ର ନାୟୁଡ଼ା ହାରେରି, ଇଞ୍ଜି ମାର୍ତୀ ଦରୁଗାଟି ର ଇୟା ଜୀସୁଲ୍ ତାନି ଇଜ ହାଟିଡେ । ୩୯ ଏଦାନାକି ର ତାଡ଼ି ମାରେ ଏଦାନି ଦରୁ ମରିୟମ, ଏଦି ପ୍ରବୁଟି କର୍ତ୍ତା ଡ଼ଇ କୁଗାନା ଏଞ୍ଜରୀ କାତା ଝେଞ୍ଜିମାରେ । ୪୦ ସାମା ମାର୍ତୀ ରାନ୍ତୁ ଝାଜାଲି ହାରେକା କିଲିବିଲି ଆହିମାରେ; ଇଦାଆଁତାକି ଜୀସୁ ତାଣା ଝାହାନା ଏଲେଇରେ, ‘ଏ ପ୍ରବୁ ନା ତାଡ଼ି ଝାଜିନି କାମା ବାରେ ନା ଲାକ ହେରୁସା ମାଞ୍ଜାନେ ଇଦାଆଁ ଅଣ୍ଡି ହିଲଅତି କି? ଇଦାଆଁତାକି ନାଡ଼େ ସାୟେମି କିହାଲି ଏଲେଇନାମ୍ବୁ ।’ ୪୧ ସାମା ପ୍ରବୁ ଏଲେଇରେସି, ‘ମାର୍ତୀ, ମାର୍ତୀ ନାନୁ ହାରେକା କାମାତା ଅଣ୍ଡିବିଲି କିଲିବିଲି ଆହିମାଞ୍ଜି, ୪୨ ସାମା ଝାରୁଇ ର କାତା ଲୁଡ଼ାମାନେ । ମରିୟମ ଏ ନେହିଁ କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଞ୍ଜି ଆଏ ।’

୧୧ ର ଦିନା ଜୀସୁ ର ଟାୟୁଡା ପ୍ରାତାନା କିହିମାରେସି; ଏଞ୍ଜରୀ ପ୍ରାତାନା କିହାଲି ରାପହାଲିଏ, ତାନି ସୀସୁୟାଁ ବିଡାଟି ରଅସି ଏଲେଇରେସି, ‘ଏ ପ୍ରବୁ ଜହନ ଏନିକି ତାନି ସୀସୁୟାଁଲ୍ ପ୍ରାତାନା କିହାଲି ଜୀସୁହି ମାରେସି, ନାନୁ ଜିକେଏ ମାଡ଼େ ଏଲେକିହିଏ ପ୍ରାତାନା କିହାଲି ଜୀସୁହିମ୍ବୁ ।’ ୨ ଏରେଟିଏ ଜୀସୁ ଏଞ୍ଜରୀଲ୍ ଏଲେଇରେସି, ‘ଏତିବେଲା ମାରୁ ଏଲେଇଞ୍ଜି ପ୍ରାତାନା କିମ୍ବୁ: ଏ ଆବା ନା ଦରୁ ନେହାୟି ଇଞ୍ଜି ମାନଞ୍ଜି ଆପେ; ନୀ ରାଜି ଝାପେ । ୩ ବାରେଦିନା ମାଡ଼େ ଲୁଡ଼ା ଆନି ରାନ୍ତୁ ହିୟାମ୍ବୁ । ୪ ମା ଦହ ବାରେ ମ୍ବେକହାମ୍ବୁ ଇତିହିଁ ମାମ୍ବୁ ଜିକେଏ ମା ଦହ କିତାରାଲ୍ ମ୍ବେକନିମି । ମାଡ଼େ ପାନ୍ତାତା ମେଦହାଆନି ।’ ୫ ଅଡେ ଏଞ୍ଜରୀ ଏଞ୍ଜରୀଲ୍ ଏଲେଇରେସି, ‘ମୀ ତାଣା ଆମ୍ବାଆସି ଇଲେଟି ତୁଣେଏସି ମାନେସି, ଆମ୍ବାଆସି ତାଣା ମାଦି ଲାଆଁୟାଁ ହାଜାନା ଏଲେଇନେସି, ଏ ତୁଣେ ନାଡ଼େ ତାନିଗଟା ରୁଟି ହିୟାମ୍ବୁ, ୬ ଇତିହିଁ ନା ଗତାଗାଟି

ତୁଣେଏସି ନା ତାଣା ଝାହାମାନେସି, ଏଞ୍ଜରୀକି ଡିଞ୍ଜିଲି ହାହାଲି ନା ତାଣା ଏନାୟିଞ୍ଜା ହିଲେଏ!’ ୭ ଅଡେ ବିଡାଟି ଏଲେଇନେସି, ‘ନାଡ଼େ କସୁ ହିୟାଆନି; ଦାଣା ସୁଣୁକି ଆଡେୟିଏ, ଇଞ୍ଜି ନା ମାର୍କା ନା ତଲେ ଡୁରା ମାନେରି; ନାନୁ ନିଞ୍ଜୁନା ହାହାଲି ଆଡ଼ଅଁ ।’ ୮ ନାନୁ ମିଡ଼େ ଝେସିମାଞ୍ଜିଲ୍, ଏଞ୍ଜରୀ ତାନି ତୁଣେଏସି ଆହାମାନାକି ଲାଜା ପିସାନା ଅଲେ ଅଲେ ରୀସୁକି ଏଞ୍ଜରୀ ନିଞ୍ଜୁନା ଏଞ୍ଜରୀ ଲୁଡ଼ାମାନି ପାଡେକା ଏଞ୍ଜରୀ ଏଞ୍ଜରୀକି ହାନେସି ।’ ୯ ନାନୁ ଜିକେଏ ମିଡ଼େ ଝେସିମାଞ୍ଜିଲ୍, ରାହୁଡୁ ଆତିହିଁ ମିଡ଼େ ହାପକିଆନେ; ପାରାଡୁ ଆତିହିଁ ମେଡ଼ା ଆଡେରି; ଦୁଝେରିତା ଝେଡୁ ଆତିହିଁ ମିଡ଼େଡାକି ଦାଣା ଦେପି ଆନେ । ୧୦ ଇତିହିଁ ଆମ୍ବାଆସି ରାହୁନେସି ଏଞ୍ଜରୀ ବେଟାଆନେସି; ଆମ୍ବାଆସି ପାରିନେସି ଏଞ୍ଜରୀ ମେଡ଼ାଆନେସି; ଅଡେ ଆମ୍ବାଆସି ଦୁଝେରିତା ଝେନେସି ଏଞ୍ଜରୀ ତାକି ଦାଣା ଦେପିଆନେ । ୧୧ ‘ଅଡେ ମୀ ତାଣା ଇଲେଟି ଆନିନି ଆବା ମାନେସି, ତାନି ମାରୁଏସି ମାନୁ ରୀସୁସାରେ ଏଞ୍ଜରୀ ମାନୁଟି ବାଦୁଲି ରାଡୁ ହାନେସି? ୧୨ ଅଡେ ଗୁଡୁ ରୀସୁସାରେ ଏଞ୍ଜରୀକି କାତାକୁପି ହାନେସି? ୧୩ ଇଦାଆଁତାକି ମାରୁ ଲାଗେଏ ପୁଲେଏଟି ଲକୁ ଆତିଜିକେଏ ମୀ ମାର୍କା ମାପୁକାକି ନେହାଁଣି ହାହିମାଞ୍ଜେରି, ଆତିହିଁ ଆନିନି ଆବା ଲାକପୁରୁଟି ହାହିମାଞ୍ଜେନେସି, ଏଞ୍ଜରୀ ତାନି ତାଣା ରାହୁନି ଲକୁକି ଏରେ ହାରେକା ସୁଡୁଜୀସୁ ହାଆସି!’ ୧୪ ଜୀସୁ ର ପାଲି ବୁରୁ ପେବୁହି ମାରେସି ଏ ବୁରୁ ଗୁଲ୍ । ବୁରୁ ଏଞ୍ଜରୀ ତାଣାଟି ହୁଡା ହାଜାଲିଏ ଏ ଗୁଲ୍ ଜଲିଡେସି; ଏମ୍ବାଟିଏ ଲକୁ ବାରେ କାବା ଆଡେରି । ୧୫ ସାମା ଏଞ୍ଜରୀ ବିଡାଟି ଆମ୍ବା ଆମ୍ବାଆସି ଏଲେଇରେରି, ‘ଏଞ୍ଜରୀ ପଲ୍‌ଆ ବୁରୁୟାଁ କାଜା ପେନୁ ବାଲ୍‌ଜିବୁଲ୍ ବୁରୁ ତଲେ ବୁରୁୟାଁ ପିସ୍‌ପି କିହିମାନେସି ।’ ୧୬ ଇଞ୍ଜି ଏବ୍‌କାତାରି ଏଞ୍ଜରୀଲ୍ ତାୟିପାରି କିହାଲିତାକି ଏଞ୍ଜରୀ ତାଣାଟି ହାଗୁଟି ର ସିନା ରୀସୁେରି । ୧୭ ସାମା ଏଞ୍ଜରୀ ଏଞ୍ଜରୀ ମନତି ଅଣ୍ଡିପୁଞ୍ଜାନା ଏଞ୍ଜରୀଲ୍ ଏଲେଇରେସି, ଆନିନି ରାଜି ବାଗା ଆହାନା ତାନି କପାଟି ନିଞ୍ଜୁନେ ଏଦି ନାସା ଆହାହାନେ ଇଞ୍ଜି ଇଲୁ ଲାକ ବାରେ ରିହାହାନେ । ୧୮ ଇଞ୍ଜି ସୟତାନ ବାଗା ଆହାନା ଜାହାରା କପାଟି ନିଞ୍ଜୁନେ, ଇତିହିଁ ତାନି ରାଜି ଏନିକି ତାରିଆହାନା ଡୟିନେ? ନାନୁ ପଲ୍‌ଆ ବୁରୁୟାଁ ବାଲ୍‌ଜିବୁଲ୍ ତଲେ ବୁରୁୟାଁ ପିସ୍‌ପି କିହିମାଲ୍ ଇଞ୍ଜିମାଞ୍ଜେରି । ୧୯ ସାମା ନାନୁ ପଲ୍‌ଆ ବୁରୁୟାଁ ବାଲ୍‌ଜିବୁଲ୍ ତଲେ ବୁରୁୟାଁ ପିସ୍‌ପି କିହିମାଲ୍, ଆତିହିଁ ମୀ ମାର୍କା ଆମ୍ବାଆସି ବାଡ଼ୁଡୁ ତଲେ ପିସ୍‌ପି କିନେରି? ଇଞ୍ଜି ଏଞ୍ଜିଏ ମିଡ଼େ ନାହାୟି କିୟାନ୍ତୁ । ୨୦ ସାମା ନାନୁ ମାହାପୁରୁ ବାଡ଼ୁଡୁ ତଲେ ବୁରୁୟାଁ ପିସ୍‌ପି କିହିମାଲ୍ ଇତିହିଁ ମାହାପୁରୁଟି ରାଜି ମୀ ତାଣା ଏଗାଞ୍ଜରେୟିଏ । ୨୧ ବାଡ଼ୁଡୁଗାଟି ଲକୁ ଏରେପାଡେକା ଆସି ଆସାନା ତାନି ଗାଡ଼ାଟି ଗେଲ୍‌ପିନେସି, ଏତିବେଲା ପାଡେକା ତାନି ଦନ ଗେଲ୍‌ପିଆହାନା ଡୟିନେ; ୨୨ ସାମା ଏତିବେଲା ଏଞ୍ଜରୀ କିହାଁ ହାରେକା ବାଡ଼ୁଡୁଗାଟି ଲକୁ ଏଞ୍ଜରୀତଲେ ଲୁକୁ କିହାନା ଜାଣା ଆନେସି, ଏତିବେଲା ଏଞ୍ଜରୀ ଆନିନି ଆସିତି ବାସ୍‌ସି କିହାମାରେସି, ଏ ବାରେ ଏଞ୍ଜରୀ ମାଞ୍ଜା ଅନେସି, ଇଞ୍ଜି ମାଞ୍ଜା ଅହାମାନି ଦନ ବାଟିକିହା

ଅନେର । ୨୩ ଆତ୍ମାଆସି ନା ଖାକିଟି ଆଆଗାଟାସି ଏଝାସି ନା ସାତୁ; ଇଚ୍ଛା ଆତ୍ମାଆସି ନା ତଲେ କୁଡ଼ି କିଅସି ଏଝାସି ଆଲାବା କିନାସି । ୨୪ “ର ପଲଆ ବୁରୁ ର ମାଣସି ଡାଣାଟି ହଟା ହାଜାନା ଏୟୁ ହିଲାଆ ଖାୟିତି ଚାୟୁତା କମାଲି ପାରିନେ, ଇଚ୍ଛା ମେଡ଼ି କିଆନା ଏଲେଇନେ, ‘ନାନୁ ଆମିନି ଇଲୁଟି ହଟା ଖାହାମାଟେଏ, ଏ ଇଲୁତା ଖେଣ୍ଡା ହାଇ ।’ ୨୫ ଇଚ୍ଛା ଏଡ଼ି ଖେଣ୍ଡା ଖାହାନା ଏଦାଆଁ ଅଜିହି ନେହିଁ ଆହାମାନାଣି ମେହନେ । ୨୬ ଏଡ଼ିବେଲା ଏଡ଼ି ହାଜାନା ତାନିକିହାଁ ହାରେକା ପଲଆଗାଟି ସାତାଗଟା ବୁରୁୟାଁ ଆସାନା ଖାନେ, ଅଡ଼େ ବାରେକାଣା ଏଦାଆଁ ହଟାନା ବାସା କିନୁ, ଇଚ୍ଛା ଏ ମାଣସିତ ତଲିତି କସୁ କିହାଁ ଡାୟୁତି କସୁ ହାରେକା ଆନେ ।” ୨୭ ଜୀସୁ ଇ ବାରେ କାତା ଖେସିମାଟାଟି ଲକ୍ଷୁ ମାନ୍ୟୁ ବିଦ୍ରାଟି ର ଇୟା କାଜା ଗିୟାଁତଲେ ଏଲେଇତେ, “ଆମିନିଗାଟି ଇୟା ନିଢ୍ଫେ ଜାନି କିହାନା ପାଲୁ ଉହହାଟେ ଏ ଇୟା ହାରେକା ନେହିଁ ।” ୨୮ ସାମା ଜୀସୁ ଏଲେଇତେସି, “ଆତ୍ମାଆସି ମାହାପୁରୁତି ବଲୁ ଖେନେରି ଅଡ଼େ ମାନଖି ଆନେରି ଏଝାରାକିଦେହେଁ ନେହେଁ ।” ୨୯ ଲକ୍ଷୁ ମାନ୍ୟୁ ମାନ୍ୟୁ ଆହାନା ଏଝାଣି ଡାଣା ଗୁଣ୍ଡା ଆହାଲିଏ ଜୀସୁ ଏଝାରାଇଁ ଖେସୁସି, “ଇ କାଲାତି ଲକ୍ଷୁ ହାରେକା ଲାଗେଏତାରି; ଇଝାରି ବାରେ ସିନାୟାଁ ପାରିନେରି, ସାମା ଏଝାରାକି ଜୁନସତି ସିନା ପିସପେ ଏନି ସିନା ହାପୁକିଆଏ । ୩୦ ଇତିହିଁ ଜୁନସ ଏନିକିଁ ନିନିବି ଲକ୍ଷୁତାକି ର ସିନାଲେହେଁ, ମାଣସି ମୀରୁଏସି ଜିକେଏ ଏଲେକିହିଁଏ ଇ ଜୁଗୁତି ଲକ୍ଷୁତାକି ଆନେ । ୩୧ ନାହିଁୟାଁ ଦିନାତା ସିବା ଦେସାଟି ରାଣି ଇ କାଲାତି ଲକ୍ଷୁ ନକିତା ନିଚାନା ଏଝାରି କପାଟି ସାକିହୀନେ, ଇତିହିଁ ଏଡ଼ି ସଲମନତି ବୁଦିତିକାତା ଖେଷ୍ଟାଲି ଦାର୍ତତିତ ହେକ ଦେସାଟି ଖାହାମାଟେ; ମେହଦୁ ସଲମନକିହାଁ କାଜାସି ଇଦାଆଁ ମାନେସି । ୩୨ ନାହିଁୟାଁ ଦିନାତା ନିନିବି ଗାଡ଼ାଟି ଲକ୍ଷୁ ନିଚାନା ଏଝାରି କପାଟି ସାକି ହୀନେରି, ଇତିହିଁ ଏଝାରି ଜୁନସ ଖେସୁ କାତା ଖେଷ୍ଟାନା ଅଣ୍ଡା କତାନା ମନ ଖେଟହେରି; ମେହଦୁ ଜୁନସକିହାଁ ହାରେକା କାଜାସି ଇଦାଆଁ ମାନେସି ।” ୩୩ “ଆତ୍ମାଆସି ଦୀର୍ଘ ଦାସାନା ତୁକିନି ଚାୟୁତା କି ମାଣା ପୁକହାନା ଇଟଅରି, ସାମା ଦୀର୍ଘ ସଡ଼ାତା ଇତିନେରି, ଏନିକିଁ ଇଲୁ ବିଦ୍ରା ଖାନି ଲକ୍ଷୁ ଉଜେଡ଼ି ମେହନେରି । ୩୪ ମୀ କାଣ୍ଡକା ଆଡ୍ଫାଟି ଦୀର୍ଘ ଏଡେତା ମୀ କାଣ୍ଡକା ନେହିଁ ମାନ୍ୟୁ ଏଡ଼ିବେଲା ପାତେକା ମୀ ଆଡ୍ଫା ବାରେ ଉଜେଡ଼ି ଆନେ; ସାମା ଏଡେତା ମୀ କାଣ୍ଡକା ନେହିଁ ହିଲାଉ ଇତିହିଁ ଏଡେତା ମୀ ଗୁଡ଼ା ଆଡ୍ଫା ଜିକେଏ ଆନେରି ଆନେ । ୩୫ ଇଦାଆଁତାକି ଜାଗ୍ରାତା ଏନିକିଁ ମୀ ହିୟାଁତା ମାନି ଉଜେଡ଼ି ଆନେରି ଆଏ । ୩୬ ଏନାଆଁତାକି ଇତିହିଁ ମୀ ଗୁଡ଼ା ଆଡ୍ଫା ବାରେ ଉଜେଡ଼ି ଆନେ ଇଚ୍ଛା ଏଦାଆଁ ଏନି ଆନେରି ତୟେଏ, ଆତିହିଁ ଦୀର୍ଘ ଏନିକିଁ ମିଢ୍ଫେ ତାହାଣା ଉଜେଡ଼ିତା ଉଜେଡ଼ି କିୟାନେ, ଏଲେକିହିଁଏ ମୀ ଗୁଡ଼ା ଆଡ୍ଫା ଉଜେଡ଼ି ଆନେ ।” ୩୭ ଜୀସୁ ଇ କାତା ଖେସୁ ଡାୟୁ ର ପାରୁସି ଏଝାଣାଇଁ ତାନି ଇଜ ତିଷ୍ଟାଲି ଏଲେଇତେସି; ଇଚ୍ଛା ଏଝାସି ଇଜ ହାଜାନା ତିଷ୍ଟାଲି କୁରିତେସି । ୩୮ ସାମା ତିଷ୍ଟାଲି କୁରିନି ନକେଏ ଏଝାସି କେସ୍ତା କତାୟାଁ ନରହା

ହିଲାଆତେସି, ଇଦାଆଁ ମେସାନା ଏ ପାରୁସି କାବା ଆତେସି । ୩୯ ଏଡେଟିଏ ପୁରୁ ଏଝାଣାଇଁ ଏଲେଇତେସି, “ମୀ ପାରୁସିୟାଁତେରି ଗିନାୟାଁ ଅଡ଼େ ସାଡ଼ଝାୟାଁ ପାଡ୍ଫାତା ନରହି ମାଖେରି, ସାମା ମୀ ବିଦ୍ରା କୁପକା ଅଡ଼େ ଲାଗେଏତାୟି ନେଷ୍ଟାମାନେ । ୪୦ ଆଡ଼େ ବୁଦି ହିଲାଆଗାଟାତେରି, ଆତ୍ମାଆସି ପାଡ୍ଫାତାଣି ଗାଡ଼ିକତେସି, ଏଝାସି ବିଦ୍ରାତାଣି ଜିକେଏ ଗାଡ଼ି କିହାହିଲଅସି କି? ୪୧ ସାମା ମୀ ସାଡ଼ଝାୟାଁ ଅଡ଼େ ଗିନାୟାଁଣା ମାନାଣି ହିଲାଆ ଗାଟାରାକି ହାତିହିଁ ମିଢ୍ଫେତାକି ବାରେଏ ଅଡ଼ହାୟି ଆନେ ।” ୪୨ ସାମା ଆୟୁତା ତଣ୍ଡୁ ପାଣ୍ଡିନି ପାରୁସିୟାଁତେରି, ଇତିହିଁ ମୀରୁ ହାୟାଁ, ରାୟି ଇଚ୍ଛା ବାରେ କୁଡ଼ାଟି ଦସ ବାଗାଟି ର ବାଗା ହାହିମାଖେରି, ସାମା ନାହିଁୟାଁତା ଅଡ଼େ ମାହାପୁରୁତି ଜୀଖୁ ନିନି ଡାଣା ଅଣ୍ଡାପି ହିଲଅତେରି; ସାମା ଇ ବାରେ ମାନଖି ଆହାନା ଏଡ଼କାତାଣି ହେଲା ଆନାୟି ହିଲେଏ । ୪୩ “ଆୟୁତା ତଣ୍ଡୁ ପାଣ୍ଡିନି ପାରୁସିୟାଁତେରି, ଇତିହିଁ ମୀରୁ ମାହାପୁରୁ ଇଲୁତା କାଜା ଚାୟୁ ଇଚ୍ଛା ହାଟା ବାଜାରାତା ଜହରା ବେଟାଆହାଲି ନେହେଁ ଅଣ୍ଡପିଦେରି । ୪୪ ଆୟୁତା ମୀରୁ ତଣ୍ଡୁ ବେଟା ଆନାତେରି, ଇତିହିଁ ମୀରୁ ତଣ୍ଡୁ ଆଆଗାଟି ମାଡ଼ହା ମୁହନି ଚାୟୁଲେହେଁ ତାତେରି; ଇତିହିଁ ପୁନାଆନା ଲକ୍ଷୁ ଲାକ ତାକି ମାନେରି ।” ୪୫ ଏଡେଟିଏ ମସାତି ମେରାପୁନାରି ବିଦ୍ରାଟି ରଅସି ଏଲେଇତେସି, “ଏ ଗୁରୁ ନାନୁ ଏଲେଇଚ୍ଛୁ ମାଢ୍ଫେ ଲାଜା କିହିମାଖୁଡ଼ି ।” ୪୬ ଜୀସୁ ଏଲେଇତେସି, ଆୟୁତା ମସାତି ମେରା ପୁନାତେରି ମୀରୁ, ମୀରୁ ଜିକେଏ ତଣ୍ଡୁ ବେଟାଆଦେରି, ଇତିହିଁ ମୀରୁ ମାଣସିୟାଁ ଲାକ ବକୁଗାଟି କାସକା ଏକହି ମାଖେରି ଅଡ଼େ ଏ ବକୁଡ଼ି ମୀରୁ ର ଖାଷ୍ଟୁ ତଲେ ଜିକେଏ ତାଗଅତେରି । ୪୭ ଆୟୁତା ତଣ୍ଡୁ ବେଟା ଆନାତେରି ମୀରୁ ମାହାପୁରୁ ଅଣ୍ଡପୁତି ବଲୁ ଖେହନାରାଇଁ ପାୟାନା ଏଝାରି ମାଡ଼ହା ମୁହନି ଚାୟୁ ତିୟାରା କିହିମାଖେରି । ୪୮ ଇତିହିଁ ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଖେରି ଇଚ୍ଛା ଏଝାରିଲେହେଁ ଆହିମାଖେରି; ଇତିହିଁ ଏଝାରିୟାଁ ଏଝାରାଇଁ ପାୟାମାଟେରି, ସାମା ମୀରୁ ଏଝାରି ମୁହନି ଚାୟୁତି କାତିୟାଁ ନିସ୍ତ ହି ମାଖେରି । ୪୯ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଚ୍ଛୁ ମାନେସି, ନାନୁ ଏଝାରି ନକିତା ମାହାପୁରୁ ଅଣ୍ଡପୁତି ବଲୁ ଖେହନାରାଇଁ ଅଡ଼େ ପାଣ୍ଡି ଆହାମାନାରାଇଁ ପାଣ୍ଡିଇଁ; ଏଝାରି ବିଦ୍ରାଟି ଆତ୍ମା ଆତ୍ମାଆରାଇଁ ପାୟିନେରି ଇଚ୍ଛା ନିନ୍ୟୁ କିନେରି, ୫୦ ଇ ଜୁଗୁତି ଲକ୍ଷୁ ଦାର୍ତ ଗାଡ଼ି ଆତି ନକେଏଟିଏ ବାରେ ମାହାପୁରୁ ଅଣ୍ଡପୁତି ବଲୁ ଖେହନାରି ପାୟିତାକି ତଣ୍ଡୁ ବେଟାଆନେରି, ୫୧ ଏନିକିଁ ହେବଲାଇଁ ପାୟିତି ଦିନାଟିଏ ଜିକରିୟା ପାତେକା ଆତ୍ମାଆରାଇଁ ମାହାପୁରୁ ଇଲୁତି ଡାକିନି ପିଣ୍ଡା ଅଡ଼େ ସୁଦୁ ବାକା ମାଦିଏ ପାୟୁଡ଼ି ଆହାମାଟେ । ହାଅ, ନାନୁ ମିଢ୍ଫେ ସାତା ଖେସିମାଖାଇଁ, ଏଦାନି ବାଦୁଲି ଇ ଜୁଗୁତି ଲକ୍ଷୁ ଏ ବାରେତାକି ତଣ୍ଡୁ ବେଟାଆନେରି । ୫୨ ଆୟୁତା ତଣ୍ଡୁ ପାଣ୍ଡିନି ମେରା ପୁନାତେରି ମୀରୁ, ଇତିହିଁ ବୁଦି ଦେନି କୁଡ଼ିତି ଅହାମାଖେରି; ମୀରୁତ ହଡ଼ି ହିଲଅତେରି ସାମା ହଡ଼ାଲି ଅଣ୍ଡପି ମାନାରାଇଁ ଆଁଗିମାଖେରି । ୫୩ ଜୀସୁ ଏ ଇଜଟି ହାଜାଲିଏ ପାରୁସିୟାଁ ଅଡ଼େ ମେରାପୁନାରି ହାରେକା ଡାହାରା

ଆହାନା । ୫୪ ଏଞ୍ଜେଲି ଜ୍ଵଳନ୍ତି ହାତୀତା ଦହ ଆସାଲି ଏଞ୍ଜେଲି ହାରେକା କାତା ଖେରେରି ।

୧୨ ଏତିବେଲାତା ମାଣା ମାଣା ଲକ୍ଷ୍ମୀ ରୁଣ୍ଡା ଆହାନା ଓସ୍ତି ଆହିମାରେରି; ଏତିବେଲା ଏଞ୍ଜେଲି ନକେଏ ତାନି ସୀୟୁୟୁଇଁ ଏଲେଇରେସି, ପାରୁସିୟୁଁ ଲାଗେଏତି କୁଟୁଗାଟି ତାଣାଟି ଜାଗ୍ରାତା ଆହାନା ମାଞ୍ଜୁ । ୨ ସାମା ଏନାୟି ତଞ୍ଜା ଆଏ, ଇଲେକି ପୁଠକି ଆହା ହିଲେଏ, ଅଡେ ଏନାୟି ପୁନାଆରେଟୁ ଇଲେକି ତୁଗାମାନାୟି ଏନାୟି ହିଲେଏ । ୩ ଇତିହିଁ ମୀରୁ ଏନା ଏନାଆଁ ଆନେରିତା ଖେସାମାଞ୍ଜେରି, ଏ ବାରେ ଉଜେଡ଼ିତା ଖେଶ୍ମିଆନେ, ଏନା ଏନାଆଁ ପୁନାଆ ରେଟୁ ଇଲୁ ବିତ୍ରା ତୁଗାନା ଖେସାମାଞ୍ଜେରି, ଏଦାଆଁ ଇଲୁ ତୁଡ଼ିୟାତା ଖେପକି ଆନେ । ୪ ଇତିହିଁ ନା ଚଣେସିତ୍ତାରେରି ମୀରୁ, ନୀରୁ ମିଟ୍ଟେ ଖେସିମାଞ୍ଜୁଇଁ, “ଆମ୍ବାଆରି ଆଜ୍ଞୁତି ପାୟିନେରି ସାମା ତାୟୁ ଏନାଆଁ କିହାଲି ଆଡ଼ଅରି, ଏଞ୍ଜେଲି ଆଜାଆଦୁ । ୫ ସାମା ଆମ୍ବାଆରାଇଁ ଆଜିଦେରି ଏଦାଆଁ ମିଟ୍ଟେ ଖେସ୍ତାଇଁ; ପାୟିତି ଚେଚ ହିରୁ ଗାଡ଼ୟୁତା ମେହାଲି ଆମ୍ବାଆରି ଅଦିକାରା ମାନେ, ଏଞ୍ଜେଲି ଆଜାଦୁ; ହାଅ ନୀରୁ ମିଟ୍ଟେ ସାତା ଖେସିମାଞ୍ଜୁଇଁ, ଏଞ୍ଜେଲି ଆଜାଦୁ ।” (Geenna ୧1067) ୬ ପାସାଗଟା ଜେତା ପଟାୟୁଁ ରୀ କାନି ତାକି ଦାର୍ପି ଆଉ କି? ଆତିଜିକେଏ ଏଞ୍ଜେଲିକା ବିତ୍ରାଟି ରଣ୍ଡାଟି ଜିକେଏ ମାହାପୁରୁ ବାଣା ଆଅସି । ୭ ସାମା ମୀ ତାୟୁତି ବାରେ ବାଣାୟୁଁ ଜିକେଏ ଏଜିକିଓ ଆହାମାନୁ । ଆଜା ଆଦୁ: ଏନାଆଁତାକି ଇତିହିଁ ମୀରୁ ଜେତା ପଟାୟୁଁ କିହାଁ ହାରେକା ଦାରା ଗାଟାରେରି । ୮ “ଅଡେ, ନୀରୁ ମିଟ୍ଟେ ଖେସିମାଞ୍ଜୁଇଁ, ଆମ୍ବାଆସି ଲକ୍ଷ୍ମୀ ନକିତା ନାଟ୍ଟେ ଖେକହନେସି, ମାଣସି ମାର୍ବଏସି ଜିକେଏ ମାହାପୁରୁତି ଦୁରୁୟୁଁ ନକିତା ଖେକନେସି । ୯ ସାମା ଆମ୍ବାଆସି ଲକ୍ଷ୍ମୀ ନକିତା ନାଟ୍ଟେ ଖେକହଅସି, ଏଞ୍ଜେଲି ଜିକେଏ ମାହାପୁରୁ ଦୁରୁୟୁଁ ନକିତା ଖେକଅସି । ୧୦ ଇଞ୍ଜୁଁ ଆମ୍ବାଆସି ମାଣସି ମାର୍ବଏଶା କପାଟି ଜ୍ଵଳନେସି, ଏଞ୍ଜେଲି ପାପୁ ମେଶ୍ମିନେ; ସାମା ଆମ୍ବାଆସି ସୁଦୁଜୀଞ୍ଜୁ କପାଟି ନିନ୍ତା କାତା ଜ୍ଵଳନେସି, ଏଞ୍ଜେଲି ପାପୁ ମେଶ୍ମିନେଏ । ୧୧ ଏତିବେଲା ଏଞ୍ଜେଲି ମିଟ୍ଟେ ଜୀହୁଦି ଲକ୍ଷ୍ମୀ କୁଟମି ଇଲକାଣା, ସାଲଖି କିନାରି ତାଣା ଇଞ୍ଜୁଁ ଅଦିକାରା ବେଦା ଆହାମାନାରି ତାଣା ଅହାନା ନିପହାନେରି ଏତିବେଲା ନା ଖାକିଟି ଆହାନା ଏନା ଏନାଆଁ ଜ୍ଵଳନମି ଇଞ୍ଜୁଁ ଅଶ୍ୱପାଆଦୁ: ୧୨ ଇତିହିଁ ଏନାଆଁ ଜ୍ଵଳନାୟି ମାନେ, ଏଦାଣି ଏତିବେଲାତେଏ ସୁଦୁଜୀଞ୍ଜୁ ମିଟ୍ଟେ ଜାପହାନେସି ।” ୧୩ ଲକ୍ଷ୍ମୀ ମାନୁ ବିତ୍ରାଟି ରଅସି ଜୀହୁଇଁ ଏଲେଇରେସି, ଏ ଗୁରୁ ନା ତାୟିଲି ମା ଆବାତି ଦନ ବାଟି କିହାଲି ଏଲେଇଞ୍ଜୁ ହିୟୁମ୍ । ୧୪ ସାମା ଜୀହୁ ଏଲେଇରେସି, ଏ ତାୟି ଆମ୍ବାଆସି ନାଟ୍ଟେ ମୀ ମୁହେଁ ନାହାଁୟି କିହାଲି ମାଦି କିହାନା ଆତାମାଞ୍ଜୁନେସି? ୧୫ ଇଞ୍ଜୁଁ ଏଞ୍ଜେଲି ଏଞ୍ଜେଲି ଏଲେଇରେସି, ଜାଗ୍ରାତା, ବାରେଖାକିଟି ଜୁପକାଟି ମିଟ୍ଟେ ଗେଲପିକିହା କତାଦୁ, ଇତିହିଁ ର ମାଣସିତି ଜୀହୁ ତାନି ଦନତି ବାୟୁ କିନେ । ୧୬ ଜୀହୁ ଏଞ୍ଜେଲି ଇ ପୁଶ୍ମିକିନି କାତା ଖେସ୍ତେସି, “ର ସାଞ୍ଜୁକାରିକି ବୁମିତା ଗାଡ଼ି ତାସା କାମ୍ପିତେ । ୧୭

ଏମ୍ବାଟିଏ ଏଞ୍ଜେଲି ମନ ମନତା ଅଶ୍ୱପାନା ଏଲେଇରେସି, ‘ନୀରୁ ନୀର୍ବ ଏନାଆଁ କିଇଁ? ନା ଆନାଁ କୁଡ଼ି କିହାନା ଇଟାଲି ଚାୟୁ ହିଲେଏ ।’ ୧୮ ଅଡେ ଏଲେଇରେସି; ‘ନୀର୍ବ ଇଲେ କିଇଁ ମାନି ଗାଦେୟିକା ରିକହାନା କାଜାଆଁ କିହାନା ଏମ୍ବାଆଁ ଗହଁୟୁଁ ଇଞ୍ଜୁଁ ଏନି ଏନି ଆନାଁ କୁଡ଼ି କିହାନା ଇତିହିଁ, ୧୯ ଅଡେ ନା ଜୀହୁତି ଏଲେଇଇ, ଏ ଜୀହୁ ହାରେକା ବାସା ତାକି ମିଟ୍ଟେ ତାକି ଗାଡ଼ି ଆନାଁ କୁଡ଼ି କିଓଆହାମାନେ, ନୀଏଟି ଜମାନା ମନକିତି ଲେହେଁ ତିଞ୍ଜା ଉଣ୍ଡା ନା ରାହାଁ କିମ୍ ।’ ୨୦ ସାମା ମାହାପୁରୁ ଏଞ୍ଜେଲି ଏଲେଇରେସି, ଅଡେ ବୁଡ଼ି ହିଲାଆଗାଟାଟି, ନୀଞ୍ଜୁ ଲାଆଁୟୁଁ ନୀ ଜୀହୁ ନୀ ତାଣାଟି ଅଓଆନେ; ଏଚେଟିଏ ନୀରୁ କୁଡ଼ିକିହା ଇଟାମାନି ବାରେ ଦନ ଆମ୍ବାଆରାଖାୟି ଆନେ ।” ୨୧ ଜୀହୁ ଏଲେଇରେସି, “ଆମ୍ବାଆସି ତାଟ୍ଟେତାକି ଦନ କୁଡ଼ି କିନେସି, ସାମା ମାହାପୁରୁ ତାଣା ଦନଗାଟାସି ଆଅସି, ଏଞ୍ଜେଲି ଇଞ୍ଜେଲି ଲେହେଁତାସି ।” ୨୨ ଜୀହୁ ତାନି ସୀୟୁୟୁଣି ଏଲେଇରେସି, ଇଦାଆଁତାକି ମିଟ୍ଟେ ଖେସିମାଞ୍ଜୁଇଁ, ଏନାଆଁ ତିନାୟି, ଇଲେକି ମୀ ଜୀହୁତାକି, ଏନାଆଁ ତୁରନାୟି ଇଲେକି ମୀ ଆଜ୍ଞା ତାକି ଜିକେଏ ମୀରୁ ଅଶ୍ୱପାଆଦୁ । ୨୩ ଇତିହିଁ ରାନ୍ତା କିହାଁ ଜୀହୁ କାଜାୟି ଅଡେ ହିମ୍ବିକା କିହାଁ ଆଜ୍ଞା କାଜାୟି । ୨୪ ପଟାୟୁଁ ସିନିକିଦୁ, ଏଓ ମାଟାଉ କି ଦାଉ, ଇଞ୍ଜୁଁ ଏଞ୍ଜେଲିକା ଗାଦେୟିକା ହିଲାଉ, ଅଡେ ମାହାପୁରୁ ଏଞ୍ଜେଲିକାକି ତିନି କାଦି ହାନେସି; ମୀରୁ ପଟାୟୁଁ କିହାଁ ଏଚେକା କାଜାରେରି; ୨୫ ଅଡେ ମୀ ବିତ୍ରାଟି ଆମ୍ବାଆରେରି ଅଶ୍ୱି ଅଶ୍ୱପିହିଁ ମୀ ଜୀହୁତି ଆଗାଡ଼ା ପାଡ଼ିକିହାଲି ଆଡ଼ିଦେରି? ୨୬ ମୀରୁ ର ଉଣା କାମାତି କିହାଲି ଆଡ଼ିହଲଅଚେରି, ଆଡ଼ିହିଁ ଏଟକାତି କାତା ଏନାଆଁତାକି ଗାଡ଼ି ଅଶ୍ୱପିମାଞ୍ଜେରି? ୨୭ ଜାଡ଼ାଟି ପୁଞ୍ଜାଣି ସିନିକିହାଁ ଅଶ୍ୱପାଦୁ, ଏଓ ଏନି କାମା କିଉ; ଆତିଜିକେଏ ନୀରୁ ମିଟ୍ଟେ ଖେସିମାଞ୍ଜୁଇଁ, ସଲମନକି ବାରେ ଅଜିତାୟି ମାଡ଼ିହିଁ ଜିକେଏ ଏଞ୍ଜେଲିକା ଇ ପୁଞ୍ଜା ଏଚେକା ଅଜିତି ହିମ୍ବିକା ହିଲାଆଦୁ । ୨୮ ଆମିନି ଜାଡ଼ା ନୀଞ୍ଜୁ ମାନେ, ଓଏ ଖାୟୁ ହାନେ ଅଡେ ହଲୁତା ହୁଡ଼ିକିଆନେ, ମାହାପୁରୁ ଏ ଜାଡ଼ାଟି ଇଲେଟି ଖାଣା ହାନେସି, ଏନାଆଁ ଏଞ୍ଜେଲି ମିଟ୍ଟେ ହିମ୍ବିକା ପର୍ଡ଼ି କିୟଅସି? ମୀ ନାମୁ ଏଚେକା ଉଣା! ୨୯ ଏଦାଆଁତାକି ଏନାଆଁ ତିନାୟି ଏନାଆଁ ଗହନାୟି, ଏଦାଆଁ ମୀରୁ ପାରିହିଁ ରେଆଦୁ କି ଅଶ୍ୱପାଆଦୁ, ୩୦ ଇତିହିଁ ଦାର୍ପିତି ଜୀହୁଡ଼ିଆଆତାରି ଏ ବାରେ ପାରିହିଁ ରେନେରି; ସାମା ଇ ବାରେ ମୀ ଲଡ଼ାମାନେ ଏଦାଆଁ ମୀ ଲାକପୁରୁତି ଆବା ପୁଞ୍ଜାମାନେସି । ୩୧ ମୀରୁ ମାହାପୁରୁତି ରାଜି ପାରାଦୁ, ଆଡ଼ିହିଁ ଇ ବାରେ ମିଟ୍ଟେ ହୀପକିଆନେ । ୩୨ ଏ ଉଣା ମେଣ୍ଡା ମାନୁଡେରି ଆଜାଆଦୁ, ଇତିହିଁ ମିଟ୍ଟେ ଏ ରାଜିତି ହାହାଲି ମୀ ଲାକପୁରୁତି ଆବାକି ଏଚେକା ରାହାଁ । ୩୩ ମୀରୁ ମୀ ଦନତି ଦାର୍ପିତାନା ହିଲାଆ ଗାଟାରାକି ହୀପୁ: ମୀରୁ ମିଟ୍ଟେତାକି ଇଲେଟି ବଟ୍ଟା ଚେପାଦୁ; ଇତିହିଁ ଏମ୍ବିୟା ସରୁ ଖାଅସି ଅଡେ ଲୀମୁ ତିନେଏ ଇଲେଟି ଲାକପୁରୁ ଦନ କୁଡ଼ି କିଦୁ, ୩୪ ଇତିହିଁ ଆମ୍ବିୟା ଦନ ଏମ୍ବେଏ ଜିକେଏ ମୀ ମନ ମାଞ୍ଜେମାନେ । ୩୫ “ମୀ ଚେଡେଲି ଦସା କତାନା ମାଞ୍ଜୁ ଅଡେ ମୀ ଦୀର୍ଘୟୁଁ ତାଞ୍ଜୁହିଁ

ମାଣ୍ଡୁ: ୩୭ ଅଡ଼େ ପ୍ରବୁ ବାହା ଇଜ ହାଜାନା ସ୍ତେଣ୍ଡା ଖାନାଟି ଏଞ୍ଜାଣାଲ୍ ଦାରା ଦେନମିଞ୍ଜା ଇଚ୍ଛୁ କାଚାମାନାରି, ମୀରୁ ଜିକେଏ ଏଞ୍ଜାରିଲେହେଁ କାଚାହାଁ ମାଞ୍ଜୁ । ୩୭ ପ୍ରବୁ ଖାହାନା ଆମିନି ହଲିୟାଞ୍ଜାଣି ଜାଗ୍ରାତା ମାନାଣି ମେହନେସି, ଏଞ୍ଜାରି ନେହେଁ; ନାନୁ ମିଡ୍ରେ ସାତା ସ୍ତେସିମାଞ୍ଜାଲ୍, ଏଞ୍ଜାସି ତାନି ଚେତେଲି ରୂପାନା ଏଞ୍ଜାରାଲ୍ ଚିଞ୍ଜାଲି କୁରି କହାଁ ତାଗେ ହାଜାନା ସେବା କିନେସି । ୩୮ ଅଡ଼େ ଏଞ୍ଜାସି ମାଦି ଲାଆଁୟାଁ କି ସ୍ତେୟା ନେକେରିତା ଜିକେଏ ଖାହାନା ଏଞ୍ଜାରାଲ୍ ଏଲେକିଁ କାଚାମାନାଣି ମେହନେସି ଏ ହଲିୟାଞ୍ଜା ନେହେଁ । ୩୯ ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲମାତା ସରୁ ଖାନେସି, ଇଦାଆଁ ଇଲୁଗାଗାସି ପୁଡିହିଁ ଏଞ୍ଜାସି ତାନି କୁରୁ ଚୁହାଲି ହୀଆତେସିମା । ୪୦ ମୀରୁ ଜିକେଏ ଜାଗ୍ରାତା ଆହାନା ମାଞ୍ଜୁ, ଇଚିହିଁ ମୀରୁ ଆମିନି ବେଲମାତା ଅଶ୍ୱାପା ହିଲଅଡେରି, ଏଚିବେଲମାତା ମାଣ୍ଡାସି ମୀରୁଏସି ଖାନେସି । ୪୧ ଏଚେଟିଏ ପିତର ଏଲେଇଚେସି, “ଏ ପ୍ରବୁ ନୀରୁ ପୁଣ୍ଡିକିନି କାତା ମାଡ୍ରେ କି ବାରେତାକି ସ୍ତେସିମାଞ୍ଜୁ?” ୪୨ ପ୍ରବୁ ଏଲେଇଚେସି, “ସାଞ୍ଜୁକାରି ତାନି ଇଲୁଚି ଲୁକୁତାକି ତାନି ରାନ୍ୟା କାଚୁତା ରାନ୍ୟା ହୀହାଲି ତାନି ଗୁମୁସ୍ତା ପାଣା ହେରପିନେସି, ଇଲେଚି ଚିକାଣାଗାଟି ଅଡ଼େ ବୁଦିଗାଟି ହଲେଏସି ଆମ୍ବାଆସି?” ୪୩ ପ୍ରବୁ ଖାହାନା ତାନି ଆମିନି ହଲେଏଶାଲ୍ ଏଲେ କିହିମାନାଣି ମେହନେସି ଏଞ୍ଜାସି ନେହେଁ । ୪୪ ନାନୁ ମିଡ୍ରେ ସାତା ସ୍ତେସିମାଞ୍ଜାଲ୍, ଏଞ୍ଜାସି ଏଞ୍ଜାଣାଲ୍ ତାନି ବାରେ ଦନତି ମୁହେଁ ଗୁମୁସ୍ତା କିହା ଇଚିନେସି । ୪୫ ସାମା ଏ ହଲେଏସି ନା ସାଞ୍ଜୁକାରି ଖାନାସି ମାନେୟିଏ ଇଚ୍ଛୁ ମନତା ଅଶ୍ୱାପାନା ହଲିୟାଞ୍ଜା ହଲେଣିସିକାଣି ଝେଚାଲି ଇଚ୍ଛୁ ଚିଞ୍ଜା ଉଣ୍ଡିହିଁ କାଡୁ ହଚାଲି ମାଡ୍ନେସି, ୪୬ ଆଚିହିଁ ଏମିନି ଦିନା ହଲେଏସି କାଚାହିଲଅସି ଇଚ୍ଛୁ ଏମିନି ବେଲମା ଏଞ୍ଜାସି ପୁଞ୍ଜାହିଲଅସି, ଏ ଦିନା ଏ ବେଲମାତା ତାନି ପ୍ରବୁ ଖାନେସି, ଇଚ୍ଛୁ ଏଞ୍ଜାସି ଏଞ୍ଜାଣାଲ୍ ରା ବାଗା କିହାନା ନାମୁ ହିଲଆଗାଗାରି ତଲେ ଏଞ୍ଜାଣାଲ୍ କାଲ୍ନେସି । ୪୭ ଅଡ଼େ ଆମିନି ହଲେଏସି ତାନି ସାଞ୍ଜୁକାରିଚି ମନ ଅଶ୍ୱାପାନା ଜାଗ୍ରାତା ଆସିସି କି ଏଞ୍ଜାଣି ମନତଲେ କାମା କିଅସି, ଏଞ୍ଜାସି ଗାଡି ମାଡା ବେଟା ଆନେସି; ୪୮ ସାମା ଆମ୍ବାଆସି ପୁନଆନା ମାଡା ପାଣିନି କାମା କିନେସି, ଏଞ୍ଜାସି ଉଣା ମାଡା ବେଟା ଆନେସି । ଆମ୍ବାଆରାକି ଗାଡି ହାପୁକି ଆହାମାନେ, ଏଞ୍ଜାଣି ତାଣାଟି ହାରେକା ରାହନାୟି ମାନେ; ଇଚ୍ଛୁ ଲକୁ ଆମ୍ବାଆରାକି ଗାଡି ହାହାମାନେରି ଏଞ୍ଜାଣି ତାଣାଟି ହାରେକା ଆଗାଡା ରାହନେରି । ୪୯ “ନାନୁ ଇ ଦାର୍ଚିତା ହିରୁ ପ୍ରହାଲି ଖାହାମାଲ୍, ଇଦି ନୀଏଁ ଗୁରୁ ଗୁରୁ ଆହିମାନେ ଆଚିହିଁ ନାଡ୍ରେ ଏନି ଅଶ୍ୱପୁ? ୫୦ ସାମା ନାନୁ ର ବାପୁସ୍ତ ପାଣନାୟି ମାନେ, ଅଡ଼େ ଏଦି ରାଆ ପାଚେକା ନାଡ୍ରେ ଏଚେକା କସୁ ହଚି ମାଞ୍ଜା ନେ । ୫୧ ନାନୁ ଦାର୍ଚିତା ହିଡ଼ି ହୀହାଲି ଖାହାମାଲ୍ ଇଚ୍ଛୁ ମୀରୁ ଅଶ୍ୱପାଞ୍ଜେରି? ନାନୁ ମିଡ୍ରେ ସ୍ତେସିମାଞ୍ଜାଲ୍, ଆଏ, ବାଗା କିହାଲି ଖାହାମାଲ୍ । ୫୨ ଇଚିହିଁ ର ଇଜ ପାସାଜାଣା ମାନେରି, ରିଆରି କପାଟି ତାନିଜାଣା ଅଡ଼େ ତାନିଜାଣା କପାଟି ରିଆରି ଏଚ୍ଚକା ଆନେରି । ୫୩ ମୀରୁଏଶା କପାଟି ତାଞ୍ଜୁ, ତାଞ୍ଜୁ କପାଟି ମୀରୁଏସି, ମାଡ୍ରେ

କପାଟି ତାଲି, ତାଲି କପାଟି ମାଡ୍ରେ, କୁଡିୟାନି କପାଟି ପୟା, ଅଡ଼େ ପୟା କପାଟି କୁଡିୟା ଏଚ୍ଚକା ଆନୁ ।” ୫୪ ଇଚ୍ଛୁ ଏଞ୍ଜାସି ଲକୁଣି ଜିକେଏ ଏଲେଇଚେସି, “ସେଡ଼ା କୁଡିନିଖାକି ହାଗୁ ନିଡ୍ରେ ମାନାଣି ମେସ୍ତିସାରେ ଦେବୁଣିଏ ଏଲେଇଚ୍ଚେରି ପିୟୁ ଖାନେ, ଅଡ଼େ ଏଲେକିହିଁଏ ଆନେ; ୫୫ ଅଡ଼େ ଚିଷିନି ଖାକିଟି ଗାଲି ସେନାଣି ମେସ୍ତିସାରେ ମୀରୁ ଏଲେଇଚ୍ଚେରି, ଗାଡି କାରା ଆନେ, ଅଡ଼େ ଏଲେଏ ଆନେ । ୫୬ ଅଡ଼େ କୁରୁ ଗାଟାଡେରି, ମୀରୁ ଦାର୍ଚି ଅଡ଼େ ହାଗୁଚି ସିନାୟାଁ ପୁଞ୍ଜାମାଞ୍ଜେରି, ସାମା ଇ କାଲାଚି ସିନାୟାଁ ଏନିଲେହେତାଲ ପୁଞ୍ଜା ହିଲଅଡେରି?” ୫୭ ଏନାଆଁ କିନାୟିମାନେ ଇଚ୍ଛୁ ମୀରୁ ଏନାଆଁତାକି ମୀ ବିଡା ନାହାଁୟି କିହିହିଲଅଡେରି? ୫୮ ଇଚିହିଁ ମୀ ଗଡ୍ହା ଆତାଣି ତଲେ ନୀହାଁୟି କିନାଣି ତାଣା ହାନିବେଲମାତା ଜିରୁଚେଏ କାଲ୍ଡିଆନି ଉପେୟି ଅଶ୍ୱାପାମୁ, ଏଲାଆଆଚିହିଁ ଏଞ୍ଜାସି ନିଡ୍ରେ ଅଡ଼େ ସେଣ୍ଡେ ନୀହାଁୟି କିନାଣି ତାଣା ରେଜା ଅୟନେସି, ଅଡ଼େ ନୀହାଁୟି କିନାସି କସ୍ତାକା କେୟୁତା ହେରପାନେସି, ଅଡ଼େ କସ୍ତାକା ନିଡ୍ରେ କାୟିଦି ଇଲୁତା ଇଚାନେରି । ୫୯ ନାନୁ ମିଡ୍ରେ ସ୍ତେସିମାଞ୍ଜାଲ୍, “ମୀରୁ ର କାନି ଜିକେଏ ପିହିଆନାହା ହାଚିହିଁଦେଁ ଏମ୍ବାଟି ହଚା ଖାହାଲି ଆଡିଦେରି ।”

୧୩ ଏଚିବେଲମାତା ଏଚେକା ଲକୁ ଖାହାନା, ପିଲାତ ଏମିନି ଗାଲିଲି ଲକୁଚି ନେତେରି ଏଞ୍ଜାରି ପୂଜା ତଲେ ଆହ୍ମାମାତେସି, ଏ କାତା ଜୀସୁଲ୍ ସେସ୍ତେରି । ୧ ଏମ୍ବାଟିଏ ଜୀସୁ ଏଞ୍ଜାରାଲ୍ ଏଲେଇଚେସି, “ଏ ଗାଲିଲିତାରି ତଣ୍ଡ ବେଟାଆହାଲିଏ ଏଞ୍ଜାରି ଅର ଗାଲିଲିତାରି କିହାଁ ହାରେକା ପାପୁ ଗାଟାରି ଇଚ୍ଛୁ ମୀରୁ ଅଶ୍ୱପିମାଞ୍ଜେରି? ୩ ନାନୁ ମିଡ୍ରେ ସ୍ତେସିମାଞ୍ଜାଲ୍, ଏଲେକିଁ ଆଏ, ସାମା ମୀରୁ ମନ ସେଡ଼ଆଚିହିଁ ବାରେକାଣା ତେରି ଏଞ୍ଜାରିଲେହେଁ ହାଦେରି । ୪ ସିଲହତା ଆମିନି ଅଚର ଜାଣାଟି ଲାକ ପାଡାଆଚି କଟା ଇଲୁ ରିହାନା ହାତେରି, ଏଞ୍ଜାରି ବାରେକାଣା ଜିରୁସାଲମତି ଲକୁ କିହାଁ ହାରେକା ପାପୁ ଗାଟାରି ଇଚ୍ଛୁ ମୀରୁ ଅଶ୍ୱପିମାଞ୍ଜେରି? ୫ ନାନୁ ମିଡ୍ରେ ସ୍ତେସିମାଞ୍ଜାଲ୍, ଏଲେକିଁ ଆଏ, ମୀରୁ ମନ ସେଡ଼ଆଚିହିଁ ବାରେକାଣା ତେରି ଏଲେକିହିଁଏ ନାସା ଆଦେରି ।” ୬ ଜୀସୁ ଇ ପୁଣ୍ଡିକିନି କାତା ସେସ୍ତେସି, ରଅଣି ଅଡ୍ରେରି ବାଡାତା ର ଦୟା ମାର୍ନୁ ଉହି ଆହାମାଚେ । ଏଞ୍ଜାସି ଖାହାନା ପାଡେୟି ପାରାତେସି ସାମା ମେଡାଆଆତେସି । ୭ ଇଚ୍ଛୁ ଏଞ୍ଜାସି କାମା କିନାଣାଲ୍ ଏଲେଇଚେସି, “ମେହ୍ନୁ ନାନୁ ତାନି ବାସା ଆତେୟିଏ ଇ ଦୟା ମାର୍ନୁତା ଖାହାନା ପାଡେୟି ପାରିମାଲ୍, ସାମା ମେଡା ଆହି ହିଲଅଁ; ଏଦାଣି ଚୁଣ୍ଡା ଚୁହ୍ମୁ, ଇଦି ଏନାଆଁତାକି ବୁମିତି ପାଡିୟା କିନେ?” ୮ ସାମା କାମାକିନାସି ଏଲେଇଚେସି, “ପ୍ରବୁ ଇଦି ଇୟନା ତାକି ମାଣ୍ଡେ, ନାନୁ ଇଦାଣି ସାସିସୁରୁ କାର୍ହାନା ଗାତା ହାଲ୍, ୯ ଅଡ଼େ ତାୟୁ ପାଡେୟି ଆୟିଚିହିଁ ନେହେଁ ଆୟାଆଚିହିଁ ଏଦାଣି ଚୁଣ୍ଡା ଚୁହ୍ମୁ ।” ୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକୁଚି କୁଚେନି ଇଲୁତା ଜାପୁହି ମାଚେସି । ୧୧ ଏମ୍ବାଆଁ ର ଇୟା ମାଚେ, ଏଦି ଅଚର ବାସା ପାଚେକା ପଲ୍ଲଆ ବୁରୁ ତଲେ କସୁ ଆହିମାଚେ, ଏଦି ବୁଡୁଖା ଖାହାନା ସଲ୍ଲକେ ଆହି ତାକାଲି ଆଡିହିଲଆତେ । ୧୨ ଜୀସୁ ଏଦାନି ମେସାନା ତାଗେ

ହାତୀନା ଏଲେଇଚେସି, “ଏ ଇୟା ନାନୁ ନୀ ଆତାଆ କସ୍ତୁଟି ନେହିଁ ଆତି ।” ୧୩ ଅଡ଼େ ଏଞ୍ଜାସି ଏଦାନିଲେକ କେୟୁ ଇଟିଚେସି, ଏମ୍ବାଟିଏ ଏଦି ଏ ଦେବୁଣିଏ ସଲ୍ଲକେ ଆହାନା ମାହାପୁରୁତି ଜହରା କିଚେ । ୧୪ ସାମା ଜୀସୁ ଜମିନି ଦିନାତା ନେହିଁ କିହିମାତାକି ଜୀହୁତି ଲୁକ୍ତ କୁଟମି ଇଲୁତି କାଜାସି କାର୍ବି ଆହାନା ଲୁକ୍ତୁଣି ଏଲେଇଚେସି, “କାମା କିହାଲି ସ ଦିନା ମିଡ୍ରେ ମାନେ; ଏଦାଣିତାକି ସ ଦିନା ନେହିଁ ଆହାଲି ଖାନ୍ତୁ, ଜମିନି ଦିନାତା ଖାଆନ୍ତୁ ।” ୧୫ ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ଆଡ଼େ କୁଟୁ ଗାଟାଚେରି, ମୀରୁ ବାରେଜାଣା ଚେରି ଜମିନି ଦିନାତା ମୀ କଡ଼ି କି ଗାଡ଼ଦେତି ହାଃଅଲାଇ ଅହାନା ଏୟୁ ଉଡ଼ିହି ହିଲଅଚେରି କି? ୧୬ ଅଚେ ବାର୍ଯ୍ୟା ପାଚେକା ସୟତାନ ଡାଣାଟି ଦସ୍ପି ଆହାମାନି ଅବ୍ରାହାମ କୁଡ଼ାଟି ଇ ଇୟାନି ଜମିନି ଦିନାତା ନେହିଁକିନାୟି ହିଲଆଚେ କି?” ୧୭ ଏଞ୍ଜାସି ଇ ବାରେ କାତା ଖେସାଲିଏ, ତାନି ସାଡୁୟିଁ ବାରେ ଲାଜା ବେଟାଆଚେରି, ସାମା ଜୀସୁ କିହାମାନି କାମା ମେସାନା ଲୁକ୍ତୁ ରାହିଁ ଆଚେରି । ୧୮ ଜୀସୁ ଏଲେଇଚେସି, “ମାହାପୁରୁ ରାଜି ଏନିଲେହେଁତାୟି? ଆମ୍ବାରିତଲେ ଏଦାନି ତୁକ୍ଲି? ୧୯ ଏଦି ଇଲେତି ର ହାସ୍ତୁ ପାଡ଼େୟି ଲେହେଁ, ଏଦାଆଁ ଅହାନା ରଅସି ତାନି ବାଡ଼ାତା ମାଟିଚେସି, ଅଡ଼େ ଏଦି ପାତାଆହାନା ର ମାରୁରୁ ଆଚେ, ଅଡ଼େ ହାଗୁ ଲାକ ଉମ୍ବିନି ପଟାୟିଁ ଖାହାନା ଏ କମାତା ବାସା କିଟୁ ।” ୨୦ ଜୀସୁ ଅଡ଼େ ଏଲେଇଚେସି, “ନାନୁ ଆମ୍ବାରିତଲେ ମାହାପୁରୁତି ରାଜି ତୁକ୍ଲି? ୨୧ ଏଦି ପୁଲା ଏୟୁଲେହେଁତାୟି, ର ଇୟା ତାନିମାଣା ଗୁଣ୍ଡାତା କାଲହା ଇଟିଚେ, ଡାୟୁ ବାରେ ଗୁଣ୍ଡା ପୁଲା ଆଚେ ।” ୨୨ ଡାୟୁ ଜୀସୁ ଗାଡ଼ାତାକି ଗାଡ଼ା ନାୟିଁ ତାକି ନାୟିଁ ରେଜିହିଁ ଜାପୁହିହିଁ ଜିରୁସାଲମ ଖାକି ହାଜିମାଚେସି । ୨୩ ରଅସି ଏଞ୍ଜାଣାଇଁ ଖେଚେସି, “ପ୍ରବୁ ଗେଲ୍ପି ଆନାରି ଖାରୁଇ ଇଚରା ଜାଣାକି?” ଜୀସୁ ଏଞ୍ଜାଣାଇଁ ଏଲେଇଚେସି, ୨୪ “ଜୀଝୁ ତୁସାନା ଜାକଣି ଦୁଖେରିଟି ହାଜୁ; ଇଟିହିଁ ନାନୁ ମିଡ୍ରେ ଖେସିମାଞ୍ଜାଇଁ, ହାରେକା ହତାଲି ଅଣ୍ଡିପିନେରି, ସାମା ହତାଲି ଆଡ଼ଅରି । ୨୫ ଇଲୁଗାଟାସି ନିଡ୍ଡୁନା ଦାରା ସୁଣ୍ଡିତି ଡାୟୁ ଏଚେତା ମୀରୁ ପାଢ୍ଫାଟା ନିତାନା ଦାରା ତୀ ତୀ ଖେଚିହିଁ ‘ଏ ପ୍ରବୁ ମାଡ୍ରେତାକି ଦାରା ଦେତାମ୍’ ଇଞ୍ଜି ହାଟିଦେରି, ଏଚେତା ଏଞ୍ଜାସି ମିଡ୍ରେ ଏଲେଇଞ୍ଜାନେସି, ‘ମୀରୁ ଏମ୍ବିତାଚେରି ନାନୁ ପୁଞ୍ଜାମାଞ୍ଜୁଅଁ ।’ ୨୬ ଏଚିବେଲା ମୀରୁ ଏଲେଇଞ୍ଜେରି, ‘ଏ ପ୍ରବୁ ମାମ୍ ନୀ ତଲେ ଚିତା ରଚାଟମି, ଅଡ଼େ ନାନୁ ମା ଆଂଗେଣିକାଣା ଜାପୁହିମାଞ୍ଜାତି ।’ ୨୭ ଅଡ଼େ ଏଞ୍ଜାସି ମିଡ୍ରେ ଏଲେଇଞ୍ଜାନେସି, ‘ମୀରୁ ଆମିନି ଚାୟୁତି ଲୁକ୍ତଚେରି ନାନୁ ପୁଞ୍ଜାମାଞ୍ଜୁଅଁ; ଏ ଲାଗେଏ ପଲେଏ ତାଚେରି ନା ଡାଣାଟି ହେକ ଆଡୁ ।’ ୨୮ ଏଚିବେଲା ମୀରୁ ଅବ୍ରାହାମ, ଇସାହାକ, ଜାକ୍ବ ଇଞ୍ଜି ବାରେ ମାହାପୁରୁ ଅଣ୍ଡିପୁତି ବଲ୍ଲୁ ଖେହ୍ନାରାଇଁ ମାହାପୁରୁ ରାଜିତା ମାନାଣି ଅଡ଼େ ମିଡ୍ରେ ପାଢ୍ଫାଟା କୁତା ମାଞ୍ଜାନାଣି ଅଣ୍ଡିପାନା ପାଲ୍ଲକା ଟାଟି କିହିଁ ଡାଏଚେରି । ୨୯ ଅଡ଼େ ହାରେକା ଲୁକ୍ତୁ ଖେଡ଼ା ହୁପୁ ଖାକିଟି ଅଡ଼େ ଖେଡ଼ା କୁଜିନି ଖାକିଟି, ଚିଃନି ଖାକିଟି ଚେବୁ ଖାକିଟି ଖାହାନା ମାହାପୁରୁତି ରାଜିତି ବଜିତା କୁଜିନେରି । ୩୦ ଅଡ଼େ ମେହ୍ଦୁ ଡାୟୁତା ମାନି କଚେକା

ନକିତା ଆନେରି ଅଡ଼େ ନକିତା ମାନି କଚେକା ଡାୟୁତା ଆନେରି ।” ୩୧ ଏଚିବେଲାଚେଏ ଏଚରଜାଣା ପାରୁସିୟିଁ ଖାହାନା ଜୀସୁଇଁ ଖେସ୍ତେରି, “ନାନୁ ଇ ଚାୟୁ ପିସାନା ହାଜାତୁହ୍ମୁ ଏନାଆଁତାକି ଇଚିହିଁ ହେରଦ ନିଡ୍ରେ ପାୟାଲି ଅଣ୍ଡିପାନେସି ।” ୩୨ ଜୀସୁ ଏଞ୍ଜାଣାଇଁ ଏଲେଇଚେସି, “ମୀରୁ ହାଜାନା ଏ ନକାଲ୍ ଖେହ୍ନୁ, ‘ମେହ୍ଦୁ ନାନୁ ନୀଞ୍ଜୁ ଅଡ଼େ ଖିଏ ବୁରୁୟିଁ ପିସ୍ପି କିହିମାଇଁ ଅଡ଼େ ନେହିଁ କିହିମାଇଁ ଇଞ୍ଜି ତାନି ଦିନାଟିଏ ନା କାମା ରାପୁଇଁ ।’ ୩୩ ଏନିଜିକେଏ ନୀଞ୍ଜୁ ଖିଏ ଅଡ଼େ ମାସିଁ ନାଡ୍ରେ ତାକିହିଁ ହାଜାଲି ଆନେ, ଇଚିହିଁ ମାହାପୁରୁ ଅଣ୍ଡିପୁତି ବଲ୍ଲୁ ଖେହ୍ନାସି ଜିରୁସାଲମ ପିସ୍ପେ ପାଢ୍ଫାଟା ହାନାୟି ନେହେଁ ଆଏ ।” ୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣ୍ଡିପୁତି ବଲ୍ଲୁ ଖେହ୍ନାରାଇଁ ପାୟିନାଟି ଅଡ଼େ ନୀ ଡାଣା ପାଣ୍ଡୁଞ୍ଜି ଆହାମାନାରାଇଁ ଖାଲ୍କାତଲେ ଖେନାଟି, ତାଲି କୟୁ ଏନିକିଁ ତାନି ହାପାୟିଁ ତାନି ମାରାୟିଁ ତୁଇ ଜଡ୍ଡୁନେ, ଏଲେକିଁ ଏଚର ଦେବା ନୀ ପଦି ପଦାଟି ପୁକ୍ତହାନା ଇଚିଇଁ ଇଞ୍ଜି ଅଣ୍ଡିପାଚେସିଁ ସାମା ମୀରୁ ଏଲେକିହାଲି ହିୟାଆଚେରି । ୩୫ ମେହ୍ଦୁ ମୀ ଇଲୁ ମୀ କେୟୁତା ହାପକି ଆହିମାଞ୍ଜାଣେ; ଅଡ଼େ ନାନୁ ମିଡ୍ରେ ଏଲେଇଞ୍ଜିମାଞ୍ଜାଇଁ ମାହାପୁରୁ ବରୁଟି ଆମ୍ବାଆସି ଖାହିମାନେସି ଏଞ୍ଜାସି ନେହାସି ଇଞ୍ଜି ଏମିନି ଚେରୁ ଇ କାତା ଏଲେଇଞ୍ଜେରି ଏ ଦିନା ଖାଆ ପାଚେକା ମୀରୁ ଅଡ଼େ ନାଡ୍ରେ ମେସୁଅଚେରି ।”

୧୪ ଜୀସୁ ର ଜମିନି ଦିନା ରାନ୍ତୁ ଚିଞ୍ଜାଲି ପାରୁସିୟିଁ ବିତାଟି ର କାଜାଣି ଇଜ ହତାଲିଏ ଏଞ୍ଜାରି ଏଞ୍ଜାଣାଇଁ ଦହ ଦସାଲି ପରୁହି ମାଚେରି । ୧ ଅଡ଼େ ମେହ୍ଦୁ ଏଞ୍ଜାଣି ନକିତା କେସ୍ତା କତାୟିଁ ପଂଗିତାସି ରଅସି ମାଚେସି । ୨ ଏମ୍ବାଟିଏ ଜୀସୁ ମସାଟି ମେରାପୁନାରି ଅଡ଼େ ପାରୁସିୟିଁଇଁ ଏଲେଇଚେସି, “ଜମିନି ଦିନାତା ରଅଣାଇଁ ନେହିଁକିନି ମେରା ମାନେକି ଆଏ?” ୪ ଏମ୍ବାଟିଏ ବାରେଜାଣା ପାଲେଏ ଆଚେରି । ଇଞ୍ଜି ଜୀସୁ ଏଞ୍ଜାଣାଇଁ ତୀଗାହିଁ ନେହିଁ କିହାନା ମୀ ଇଜ ହାଲାମ୍ ଇଞ୍ଜି ହେଲ ହାଚେସି । ୫ ଇଞ୍ଜି ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ମୀ ବିତାଟି ଆମ୍ବାଆସି ମୀରୁଏସି କି କଡ଼ି ଜମିନି ଦିନାତା କୁହିତା ରିଚିହିଁ ଏ ଦେବୁଣିଏ ଡେଞ୍ଜା କଡ଼ଅସି କି?” ୬ ଅଡ଼େ ଏଞ୍ଜାରି ଇ ବାରେ କାତା ଖେଞ୍ଜାନା ଏନାଆଁ ଜଲାଇଁ ଆତାଆଚେରି । ୭ ବଜିତା ହାବ୍ଚି ଆହାମାଚାରି ନେହିଁ ନେହିଁ ଚାୟୁତା କୁଗାଲି ବାଟି କିହିମାତାଣି ମେସାନା, ଏଞ୍ଜାଣାଇଁ ର ପୁଣ୍ଡିକିନି କାତା ଖେସ୍ତେସି, ୮ “ଏଚିବେଲା ରଅସି ମିଡ୍ରେ ବାହା ବଜିତା ହାଟାନେସି, ଏମ୍ବାଆଁ ନେହିଁ ଚାୟୁତା କୁଗାଆୟୁ, ଇଚିହିଁ ଏମ୍ବାଆଁ ନୀ କିହିଁ କାଜାସି ଜିକେଏ ହାବ୍ଚି ଆହାଡ଼ୟିନେସି, ୯ ଏଚେତା ନିଡ୍ରେ ଅଡ଼େ ଏଞ୍ଜାଣାଇଁ ହାଟା ମାନାସି, ଏଞ୍ଜାସି ଖାହାନା ଇଞ୍ଜାଣାକି ଇ ଚାୟୁ ପିସାହାମ୍ ଇଞ୍ଜାନେସି, ଏଚେତା ନୀରୁ ଲାଜାତଲେ ଉଣା ଚାୟୁତା କୁଜିଦି । ୧୦ ସାମା ଏଚିବେଲା ନୀରୁ ହାବ୍ଚି ଆହାମାନି ଡାଣା ହାଜାନା ତୁଇତି ଚାୟୁତା କୁଗାମ୍, ଏଚେଟିଏ ନିଡ୍ରେ ହାଟି କିହିମାଞ୍ଜାନାସି, ଏ ଚଣେ ନୀରୁ ଇ ନେହିଁ ଚାୟୁତା କୁଗାମ୍ ଇଞ୍ଜି ହାଟାସାରେ ଏଚିବେଲା କୁଡ଼ା ଆହାମାନି ଲୁକ୍ତୁ

ନକିତା ଗାଡ଼ି ମାନି ବେଟାଆଦି । ୧୧ ଇଚ୍ଛିତ୍ ଆତ୍ମାଆସି ନାନୁ କାଳାତେଏଁ ଇଚ୍ଛିତ୍ ଇଚ୍ଛିତ୍ କତନାଶାଇଁ ଉଣା କିଞ୍ଚିଆନେ, ଅତେ ଆତ୍ମାଆସି ତାଢ଼େ ଉଣା କିହାକତିନେସି ଏଞ୍ଜାଣାଇଁ କାଳାସି କିଞ୍ଚିଆନେ ।” ୧୨ ଇଚ୍ଛିତ୍ ଜୀବୁ ତାଢ଼େ ହାଟି କିହା ମାତାଶାଇଁ ଜିକେଏ ଏଲେଇତେସି, “ନାନୁ ବଜି ହାନାଟି ନୀ ତଣେସିଢ଼ାଣି, ତାୟିୟାଁ, ସାମନ୍ତୁୟାଁ କି ନୀ ନାୟୁତା ମାନି ଦନ ଗାଟାରାଇଁ ହାଟାଆନି, ଇଚ୍ଛିତ୍ ଏଞ୍ଜାରି ଜିକେଏ ନିଢ଼େ ହାଟାଲି ଆତାନେରି ଅତେ ନାନୁ ଷେଣ୍ଡେ ବେଟାଆଦି । ୧୩ ସାମା ବଜି କିଟିସାରେ ହିଲାଆ ଗାଟାରି, କଲାୟାଁ, ସଟାୟାଁ, କାଣାୟାଁଣି ହାଟାମୁ; ଆଚିହିଁ ନାନୁ ନେହାଁତି ଆଦି, ୧୪ ଆଚିହିଁ ନିଢ଼େତାକି ନେହେଁ, ଇଚ୍ଛିତ୍ ନିଢ଼େ ଷେଣ୍ଡେ ହାହାଲି ଏଞ୍ଜାରିତାଣା ଏନାୟି ହିଲେଏ; ଇଚ୍ଛିତ୍ ତାରିଗାଟାରି ଷେଣ୍ଡେ ନିଢ଼େନାଟି ମାହାପୁରୁ ନିଢ଼େ ଷେଣ୍ଡେ ହିୟାନେସି ।” ୧୫ ଇ କାତା ଷେଞ୍ଜାନା ଏଞ୍ଜାଣିତଲେ ତିଞ୍ଜାଲି କୁଗାମାତାରି ବିତ୍ରାଟି ରଥସି ଜୀବୁଇଁ ଏଲେଇତେସି, “ଆନିନିଗାଟାସି ମାହାପୁରୁ ରାଜିତା ବଜି ତିନାସି ଏଞ୍ଜାସି ନେହାଁସି ।” ୧୬ ସାମା ଜୀବୁ ଏଞ୍ଜାଣାଇଁ ଏଲେଇତେସି, “ରଥସି ର କାଜା ବଜି ଲୁକୁକି ହୀଇଁ ଇଚ୍ଛିତ୍ ଅଶ୍ୱପାନା ହାରେକା ଲୁକୁଇଁ ହାଟିତେସି; ୧୭ ଅତେ ତିନି କାତୁ ଆୟାଲିଏ, ଏଞ୍ଜାସି ହାଟାମାନି ଲୁକୁତାଣା ତାନି ହଲେଏଶାଇଁ ପାଣ୍ଡାନା ଏଲେଇତେସି, ‘ବାରେ ଆତେୟିଏ ନୀଏଟି ମୀରୁ ତିଞ୍ଜାଲି ଖାପୁ ।’ ୧୮ ସାମା ବାରେକାଣା ଏଞ୍ଜାଣାଇଁ ରଣ୍ଡିଏ କାତା ଏଲେଇତେସି, ରଥସି ଷେଣ୍ଡେସି, ‘ନାନୁ ଇଟାଣି ବୁନି କତାମାଇଁ ଏଦାଆଁ ସିନିକିହାଲି ହାନାୟିମାନେ; ଏଦାଆଁତାକି ନାଢ଼େ କାର୍ମା ଅଶ୍ୱପାନୁ ନାନୁ ଖାହାଲି ଆତଅଁ ।’ ୧୯ ଅତେ ରଥସି ଏଲେଇତେସି, ‘ନାନୁ ପାସା ହେରୁ କଡ଼ିୟାଁ କତାମାଇଁ, ନାନୁ ଏଞ୍ଜାସିକାଣି ମାତ୍ତନାୟି ମାନେ ଏଦାଣିତାକି ନାଢ଼େ କାର୍ମା ଅଶ୍ୱପାନୁ ନାନୁ ଖାହାଲି ଆତଅଁ ।’ ୨୦ ଅତେ ରଥସି ଏଲେଇତେସି, ‘ନାନୁ ନୀଞ୍ଜୁ ବାହା ଆହାମାଇଁ ଏଦାଆଁତାକି ନାନୁ ଖାହାଲି ଆତଅଁ ।’ ୨୧ ଇଚ୍ଛିତ୍ ଏ ହଲେଏସି ଖାହାନା ବାରେ ତାନି ସାଞ୍ଜୁକାରିଇଁ ଷେଣ୍ଡେସି । ଏତେଟିଏ ଏ କାତା ଷେଞ୍ଜାନା ଏଞ୍ଜାସି କାର୍ବି ଆହାନା ତାନି ହଲେଏଶାଇଁ ଏଲେଇତେସି, ନାନୁ ତବେ ଗାଡ଼ାଟି ସାହଡ଼ାୟାଁ ଅତେ ତାଣ୍ଡେଣାଁ ହାଜାନା ହିଲାଆଗାଟାରାଇଁ, କଲାୟାଁଇଁ, ସଟାୟାଁଇଁ ଇଚ୍ଛିତ୍ କାଣାୟାଁଇଁ ଇମ୍ପାଆଁ ହାଟାତାମୁ । ୨୨ ତାୟୁ ଏ ହଲେଏସି ଏଲେଇତେସି, ‘ଏ ପ୍ରବୁ ନୀ କାତାତଲେ ବାରେ କିତମି ସାମା ଇଲୁ ନେଞ୍ଜୁ ହିଲେଏ ।’ ୨୩ ଏମ୍ପାଟିଏ ସାଞ୍ଜୁକାରି ହଲେଏଶାଇଁ ଚାଣ୍ଡିତେସି, ‘କାଜା ଆଂଗେଣି ଅତେ ମାନ୍ତୁ ତୁଇ ହାଜାନା ନା ଇଲୁ ଏନିକି ନେଞ୍ଜିନେ ଏଦାଆଁତାକି ଲୁକୁଣି ଖାହାଲି ଏଲେଇନାମୁ । ୨୪ ନାନୁ ଷେଣ୍ଡିମାଞ୍ଜାଇଁ ତଲି ହାଟାମାତାରି ବିତ୍ରାଟି ରଥସି ଜିକେଏ ନା ବଜି ଖାଣ୍ଡାଲି ବେଟାଆସି ।” ୨୫ ମାନୁ ଲୁକୁ ଜୀବୁତଲେ ହାଜିମାତେରି, ଏଞ୍ଜାସି ତାୟୁଖାକି ସିନିକିହାନା ଏଞ୍ଜାଣାଇଁ ଏଲେଇତେସି, ୨୬ “ଆତ୍ମାଆସି ନା ତାଣା ଖାହାନା ତାନି ତାଲି, ତାଞ୍ଜୁ, ତକ୍ତି, ମୀରକା, ମାସକା, ତାୟି ତାଢ଼ିସ୍ତାଣି ଅତେ ତାନି ଜୀବୁଟି ଜିକେଏ ଅପଥସି ଏଞ୍ଜାସି ନା ସୀସୁ ଆୟାଲି ଆତଅସି । ୨୭ ଆତ୍ମାଆସି ତାନି କୁସ ତେକାନା ନା ଜେତ ଜେତ ଖାଅସି, ଏଞ୍ଜାସି ନା

ସୀସୁ ଆୟାଲି ଆତଅସି । ୨୮ ମୀ ବିତ୍ରାଟି ଆତ୍ମାଆସି ପାଟିକିହିଁ କଟା ଇଲୁ ଦସାଲି ଅଶ୍ୱପିନେସି, ଦହନି କାମା ରାପହାଲି ଟାକାୟାଁ ଏନୁ କି ଏର ଇଚ୍ଛିତ୍ ଏମ୍ପାଟି ଲେକା କିଅସିକି? ୨୯ ଏତେଟା ଏଞ୍ଜାସି ପୁନାଦି ନିପୁହାନା ରାପହାଲି ଆତାଆସାରେ, ଏତେକା ଲୁକୁ ଏଦାଆଁ ମେହନେରି, ବାରେକାଣା ଏଞ୍ଜାଣାଇଁ କାକ୍ନେରି, ୩୦ ଲୁକୁ ଏଞ୍ଜାଣାଇଁ ଲାଜାକିହିଁ ଏଲେଇନେରି, ଇଞ୍ଜାସି ଇଲୁ ଦସାଲି ମାଟ୍ତହେସି ରାପହାଲି ଆତାଆତେସି । ୩୧ ର ରାଜା ଅର ରାଜା କପାଟି ଛୁକୁ କିହାଲି ହାଜିମାନାଟି ଦସ ମାଣା କସକା ଏଞ୍ଜାଣି କତେ ମାଣା କସକା କପାଟି ଛୁକୁ କିହାଲି ଆତିନେରିକି ଆଏ ଇଚ୍ଛିତ୍ ଅଶ୍ୱପଥସିକି? ୩୨ ଆତାଆଲେହେଁ ଇଚ୍ଛିତ୍ ଏ ରାଜା ହେକ ମାନାଟିଏ ଏଞ୍ଜାସି ରାଜିମାନା ଆୟାଲି କସକାଣି ହିତଡ଼ି ତାକି ଏଲେଇଞ୍ଜୁ ପାଣ୍ଡିନେସି । ୩୩ ଏଲେକିହିଁଏ ମୀ ବିତ୍ରାଟି ଜିକେଏ ଆତ୍ମାଆସି ତାନି ବାରେ ପିହାଆଚିହିଁ ଏଞ୍ଜାସି ନା ସୀସୁ ଆୟାଲି ଆତଅସି ।” ୩୪ “ହାକୁତ ନେହାୟି; ସାମା ହାକୁ ମୁଆସାରେ ଏଦାଆଁ ଏନିକି ଅତେ ଏନାଆଁତଲେ ହାରୁ ଲେହେଁ ମୁପି କିନାୟି? ୩୫ ଏଦି ବୁନିତା କି ଗାତା କରୁତା କୁତୁସାଲି ଜିକେଏ ଜଗେ ଆଏ । ଲୁକୁ ଏଦାନି ପାଢ଼ାତା କୁତା ତୁହନେରି । ଆତ୍ମାଆସି ଷେଞ୍ଜାଲି କାର୍ମା ମାଟିହିଁ, ଷେଞ୍ଜୁ ।”

୧୫ ର ଦିନା ସିପୁ ରାହନାରି ଅତେ ପାପୁ ଗାଟାରି ବାରେକାଣା ତାନି କାତା ଷେଞ୍ଜାଲି ଖାହିମାତେରି । ୧ ଏତେଟିଏ ପାରୁସିୟାଁ ଅତେ ମେରାପୁନାରି ଜୀବୁଇଁ ଗୁରୁମୁରୁ ଆହିଁ ଏଲେଇତେରି, “ଇଞ୍ଜାସି ପାପୁ ଗାଟାରାଇଁ ଆବିମାନେସି, ଇଚ୍ଛିତ୍ ଏଞ୍ଜାରିତଲେ ତିଞ୍ଜୁ ଉଣ୍ଡି ମାନେସି।” ୩ ଏମ୍ପାଟିଏ ଜୀବୁ ଏଞ୍ଜାଣାଇଁ ଇ ପୁଣ୍ଡିମିନି କାତା ଷେଣ୍ଡେସି । ୪ “ମୀ ବିତ୍ରାଟି ଆତ୍ମାଆତେରି ଇଲେଟି ଲୁକୁ ମାଞ୍ଜେରି, ଏଞ୍ଜାଣାକି ପାସାକଡ଼ି ମେଣ୍ଡାୟାଁ ମାଟିହିଁ, ଏଞ୍ଜାସିକା ବିତ୍ରାଟି ରଣ୍ଡି ଜାଢ଼ିତିହିଁ ଏଞ୍ଜାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାଢ଼ାମାନି ମେଣ୍ଡା ପାଣ୍ଡି ପାତେକା ପାରଅସି କି? ୫ ଇଚ୍ଛିତ୍ ବେଟାଆଟିସାରେ ରାହାଁତଲେ ତେକାନା ଇଜ ତାନେସି, ୬ ଇଚ୍ଛିତ୍ ତାନି ତଣେସିଢ଼ାଣି ଅତେ ନାୟୁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହାଁ କିତୁ, ଏନାଆଁତାକି ଇଚ୍ଛିତ୍ ଜାଢ଼ାମାଟି ନା ମେଣ୍ଡା ବେଟାଆତେଏଁ । ୭ ନାନୁ ମିଢ଼େ ଷେଣ୍ଡିମାଞ୍ଜାଇଁ, ଏଲେକିହିଁଏ ମାନ ଷେଣ୍ଡହାଲି ଲୁଡ଼ା ଆଆଗାଟି ରଥସି ଉଣା ପାସାକଡ଼ି ତାରିଗାଟାରି କିହାଁ ପାପୁ ଗାଟାସି ରଥସି ତାନି ମାନ ଷେଣ୍ଡହା କଡ଼ିତିହିଁ, ଏଞ୍ଜାଣି କସମି ଲାକପୁରୁ ହାରେକା ରାହାଁ ଆନେ ।” ୮ “ଅତେ ଇଲେଟି ଆମିନି ଇୟା ମାନେ, ଏ ଇୟାନାକି ଦସଗଟା ଷେଣ୍ଡି ଟାକା ମାଟିହିଁ ରଣ୍ଡିଆଁ ଜାକ୍ତହିଁ ଏଦି ଏନାଆଁ କିନେ, ଦୀଞ୍ଡି ତସାନା ଇଲୁ ହେପାନା ଏ ଜାକ୍ତହିଁ ଟାକା ପାଣ୍ଡି ପାତେକା ଜାତ୍ତୁ ତଲେ ପାରେଏକି? ୯ ଇଚ୍ଛିତ୍ ହାଁ ଏ ଟାକା ବେଟାଆଟିସାରେ ଏଦି ତାନି ତଡ଼ୁ ଲୁକୁଣି ଇଚ୍ଛିତ୍ ନାସକାଟି ଲୁକୁଣି ରଣ୍ଡି କିହାନା ଏଲେଇନେ ନା ତଲେ ରାହାଁ କିତୁ, ଏନାଆଁତାକି ଇଚ୍ଛିତ୍ ଜାକ୍ତହାମାଟି ଟାକା ବେଟାଆତେଏଁ । ୧୦ ନାନୁ ମିଢ଼େ ଷେଣ୍ଡିମାଞ୍ଜାଇଁ, ଏଲେକିହିଁ ଆତ୍ମାଆସି ମାନ ଷେଣ୍ଡନେସି, ଇଲେଟି ପାପୁ

ଗାଗାରାକି ମାହାପୁରୁତି ଦୁରୁୟାଁ ନକିତା ରାହାଁ ଆନେ ।” ୧୧ ଜୀସୁ ଅଡ଼େ ଏଲେଇରେସି, ରଥଣାକି ରିଆରି ମାର୍କା ମାରେରି । ୧୨ ଏଝାରି ବିପ୍ରାଟି ଉଣା ମାର୍‌ଏସି ଆବାଇଁ ଏଲେଇରେସି, ଆବା ଇଲୁତି ଦନ ବାଟି କିହାନା ନାଡ଼େ ଆୟାନି ବାଗା ହିୟାମୁ । ଏରେଟିଏ ତାନି ଆବା ତାନି ଦନ ବାଟି କିହାନା ରା ମାର୍କାକି ହାତେସି । ୧୩ ଏମ୍ପାଟିଏ ଏରରଦିନା ହାକାଲିଏ ଇତି ମାର୍‌ଏସି ଇଲୁ ବାଗା ହାହାମାଚାଣି ପାର୍‌ଚାହାଁ ଟାକାୟାଁ ଆସାହାଁ ହେକରାକି ହାଜାରୁପ୍ରେସି, ଇଞ୍ଜାଁ ଲେନିପନିଏ ଡାୟୁ ଏସକି ଅଣ୍‌ପାଆନା ଲାଗେଏତି କାମାତା ତାନି ଦନ ରାପ୍‌ହେସି । ୧୪ ସାମା ବାରେ ଦନ ରାପ୍‌ହେ ଜେତ ଏ ଦେସାତା କାର୍‌ସ୍ତ୍ର କାତାରା ଆହାଲିଏ ଏଝାସି କାକୁଲି ଆତେସି । ୧୫ ଏରେଟିଏ ଏଝାସି ହାଜାନା ଏ ଦେସାତି ର ସାସ୍ତ୍ରକାରି ତାଣା ଗତି ଡ଼ୟିତେସି, ଏଝାସି ଏଝାଣାକି ପାଜିୟାଁ ମେଚାଲି ଗୁଡ଼ିୟାତା ପାଣ୍ଡିତେସି; ୧୬ ଇଞ୍ଜାଁ ପାଜିୟାଁ ଆନିନି କାଟ୍ଟା ସାଲିୟାଁ ତିଞ୍ଜି ମାରୁ, ଏଝାଆଁ ତିଞ୍ଜାଲି ମନ କିତେସି, ସାମା ଆମ୍ପାଆରି ଏଝାଣାକି ତିଞ୍ଜାଲି ହାହି ହିଲଆତେରି । ୧୭ ର ଦିନା ତୀର୍‌ପୁ ଆହାନା ଅଣ୍‌ପିତେସି, ମା ଆବା ତାଣାଟି ଗତି ବୁତି ତିନି ରାନ୍‌ଦେଏ ହାରା ହାଜିମାନେ, ସାମା ନାନୁ ଇମ୍ପାଆଁ ହାକି ତାକି ହାହିମାଇଁ । ୧୮ ନାନୁ ନିଞ୍ଜାନା ମା ଆବା ତାଣା ହାଇଁ ଇଞ୍ଜାଁ ଏଝାଣାଇଁ ଝେହ୍‌ଇଁ, “ଲାକପୁରୁତି ଆବା କପାଟି ଅଡ଼େ ନୀ ନକିତା ନାନୁ ପାପୁ କିତେସି; ୧୯ ନୀ ମାର୍‌ଏଣାତେସି ଇଞ୍ଜାଁ ନାନୁ ଅଡ଼େ ପାଡ଼ା ଆଅଁ; ନାଡ଼େ ର ହଲେଏଣା ଲେହେଁ ଇଟାମୁ ।” ଏମ୍ପାଟିଏ ଏଝାସି ନିଞ୍ଜାନା ତାନି ଆବା ଝାକି ହାରେସି । ୨୦ ସାମା ଆବା ତାନି ମାର୍‌ଏଣା ଝାହିମାନାଣି ହେକଟିଏ ମେସାନା କାର୍‌ନା ଆହାନା ହଟି ହଟିହଁ ହାଜାନା ପମାହାଁ ନଣ୍ଡିତେସି । ୨୧ ଏମ୍ପାଟିଏ ମାର୍‌ଏ ଗାଟାସି ଏଲେଇରେସି, “ଲାକପୁରୁ ଆବା କପାଟି ଅଡ଼େ ନୀ ନକିତା ନାନୁ ପାପୁ କିତେସି, ନୀ ମାର୍‌ଏଣାତେସି ଆୟାଲି ପାଡ଼ା ଆଅଁ ।” ୨୨ ସାମା ଆବା ତାନି ହଲିୟାଢ଼ାଣି ଏଲେଇରେସି, “ଅଜିତି ହିମ୍ପରି ତବେ ତାତାନା ଇଝାଣାଇଁ ହୁତି କିଦୁ, ଇଝାଣି କେୟୁତା ମୁଦି ଅଡ଼େ କତାୟାଁଣା ସେପୁୟାଁ ତୁରଝି କିଦୁ, ୨୩ ଇଞ୍ଜାହାଁ ଆଡ଼ୁ ଆତି କଡ଼ି ତାଲୁ ତାକା ହାଜାନା ପାୟାଦୁ; ମାର ତିଞ୍ଜା ଉଣ୍ଡାନା ରାହାଁ କିନ, ୨୪ ଇତିହଁ ନା ମାର୍‌ଏସି ହାହା ହାଜାମାରେସି, ଝେଣ୍ଡେ ନୀତାମାନେସି; ଜାଢ଼ୁ ହାଜାମାରେସି ଅଡ଼େ ମେଡ଼ା ଆୟାତେସି ।” ଏମ୍ପାଟିଏ ଏଝାରି ରାହାଁ କିହିମାରେରି । ୨୫ ଏତିବେଲାତା କାଜା ମାର୍‌ଏସି ଗୁଡ଼ିୟାତା ମାରେସି, ଏଝାସି କାମା କିହାଁ ଇଲୁ ତାଗେ ଝାୟାଲିଏ, ତାନି ଇଜ ବାଜାଗାଜା ଅଡ଼େ ରାହାଁ କିହିମାନି ହାଲି ଝେଞ୍ଜାନା, ୨୬ ର ହଲେଏଣାଇଁ ହାଚାଣା ଝେରେସି, “ମାଜ ଏନାଆଁ କିହିମାନେରି ।” ୨୭ ଏଝାସି ଏଝାଣାଇଁ ଏଲେଇରେସି, “ନୀ ଉଣା ତାୟି ଝେଣ୍ଡା ଝାହାମାନେସି, ଅଡ଼େ ଏଝାସି ନେହି ଆଡ଼ୁ ତଲେ ଝେଣ୍ଡା ଝାତାଣି ମେସାନା ମୀ ଆବା ଆଡ଼ୁ ଆତି କଡ଼ି ପାୟାମାନେସି ।” ୨୮ ଏମ୍ପାଟିଏ କାଜା ତାୟି କାର୍‌ବି ଆହାନା ଇଜ ହାଲଆତେସି; ସାମା ତାନି ଆବା ପାଢ଼ୁତା ଝାହାନା ଏଝାଣାଇଁ କାହିବା କପା ଆଆନି ଇଜ ଝାମୁ ଇଞ୍ଜାଁ ବାଟିମାଲିତେସି । ୨୯ ଇଞ୍ଜାଁ ଏଝାସି ତାନି ଆବାଇଁ

ଏଲେଇରେସି, “ମେହ୍‌ମୁ ନାନୁ ଇଚର ବାସାଁ ଆତେ ନୀ ହଲେଏଣା ଲେହେଁ କାମା କିହିମାଇଁ, ଏରେଲା ଜିକେଏ ନୀ ହୁକୁମି ଉରାହିଲଅଁ, ଆତିଜିକେଏ ନା ଡ଼େସିଦ୍ଵା ତଲେ ବଜି କିହାଲି ନାନୁ ନାଡ଼େ ର ଗରି ତାଲୁ ଜିକେଏ ହାହାମାଞ୍ଜୁଅତି; ୩୦ ସାମା ଇ ନୀ ମାର୍‌ଏସି ଇଲୁତି ବାରେ ଦନ ଅହାନା ସାନେଣିସ୍ତାତଲେ ମାଞ୍ଜାନା ବାରେ ରାପ୍‌ହେସି, ଏରେତା ଇଝାସି ଝେଣ୍ଡାଝାତେସି, ଏରେତା ଏଝାଣାକି ଆଡ଼ୁ ଆତି କଡ଼ି ପାୟାମାଞ୍ଜୁ ।” ୩୧ ଏରେଟିଏ ତାଞ୍ଜି ଗାଟାସି ଏଲେଇରେସି, “ମାର୍‌ଏଣା ନାନୁତ କାଲେଏ ନା ତଲେ ମାଞ୍ଜାମାଞ୍ଜୁ, ଅଡ଼େ ଏନା ଏନାୟି ନାଦି ଏ ବାରେତ ନାଦି; ୩୨ ସାମା ଇ ନୀ ତାୟି ହାହା ହାଜାମାରେସି, ଝେଣ୍ଡେ ନୀତାମାନେସି, ଜାଢ଼ୁ ହାଜାମାରେସି, ମେଡ଼ା ଆୟାତେସି, ଏଦାଆଁତାକି ରାହାଁ କିନାୟି ମାରେ ।”

୧୭ ଜୀସୁ ତାନି ସାପୁୟାଁଇଁ ଏଲେଇରେସି, “ର ଦନଗାଟାସି ମାରେସି; ଏଝାଣାକି ର ଗୁମୁସ୍ତା ମାରେସି, ଏଝାସି ତାନି ଦନତି ଆଲାବା କିହାମାନାଣି ପୁଞ୍ଜାନା, ୨ ଏଝାସି ଏଝାଣାଇଁ ହାଚାଣା ଏଲେଇରେସି, ‘ନାନୁ ନୀ କାତା ଝେରେସି ନାନୁ ନୀ ଗୁମୁସ୍ତା କାମା ଏନି କିହିମାଞ୍ଜୁ ଲେକା ଡ଼ସ୍ତାମୁ, ଇତିହିଁ ନାନୁ ଅଡ଼େ ଗୁମୁସ୍ତା ଆହା ମାଞ୍ଜାଲି ଆଡ଼ଅତି ।’ ୩ ଏମ୍ପାଟିଏ ଏ ଗୁମୁସ୍ତା ଅଣ୍‌ପା କଡ଼ିତେସି, ‘ନା ସାସ୍ତ୍ରକାରି ନା ଗୁମୁସ୍ତା କାମା ପିସ୍‌ପି କିହିମାଞ୍ଜୁନେସି, ନାନୁ ଏନାଆଁ କିଇଁ? ଇରଥା କାର୍‌ହାଲି ନାଡ଼େ ବପୁ ହିଲେଏ, ଅଡ଼େ ରାସ୍‌ପା ତିଞ୍ଜାଲି ଲାଜା ହୁତି ମାଞ୍ଜାନେ । ୪ ନାଏଁ ପୁରେସି, ନାଡ଼େ ଗୁମୁସ୍ତା ପାଣାଟି ପିସ୍‌ପି କିୟାତି ଡାୟୁ ଲକ୍ଷୁ ନାଡ଼େ ତାନି ଇଲ୍‌କାଣା ଆବାନିଲେହେଁ କିଇଁ ।’ ୫ ଇଞ୍ଜାଁ ଏଝାସି ତାନି ସାସ୍ତ୍ରକାରି ତାଣାଟି ରାଣା ଅହାମାଚାରାଇଁ ହାଚାଣାହାଁ ତଲିତାଣାଇଁ ଝେରେସି, ‘ନା ସାସ୍ତ୍ରକାରି ତାଣା ନୀ ରାଣା ଏରେକା ମାନେ?’ ୬ ଏଝାସି ଏଲେଇରେସି, ‘ପାସାକଡ଼ି ଡାବା ନିୟୁଁ ଗୁମୁସ୍ତା ଏଝାଣାଇଁ ଏଲେଇରେସି, ‘ନାନୁ ତବେ ଇମ୍ପାଆଁ କୁଗାନା ରୀ କଡ଼ି ଦସ ଇଞ୍ଜାଁ ରାଚାମୁ ।’ ୭ ଡାୟୁ ଅଡ଼େ ରଥଣାଇଁ ଝେରେସି, ‘ନାନୁ ଏରେକା ରାଣା ଅହାମାଞ୍ଜୁ?’ ଏଝାସି ଏଲେଇରେସି, ‘ର ମାଣା ବାସ୍ତା ଗହଁୟାଁ’ ଗୁମୁସ୍ତା ଏଝାଣାଇଁ ଏଲେଇରେସି, ‘ନାନୁ ତବେ ଇମ୍ପାଆଁ କୁଗାନା ଆଟା ଝାଞ୍ଜୁ ଇଞ୍ଜାଁ ରାଚାମୁ ।’ ୮ ଏ ଲାଗେଏତି ଗୁମୁସ୍ତା ବୁଦିତଲେ କାମା କିହାମାନାକି ସାସ୍ତ୍ରକାରି ଏଝାଣାଇଁ ନାନୁ ନେହିଁ କାମା କିହାମାଞ୍ଜୁ ଇତେସି; ଏନାଆଁତାକି ଇତିହିଁ ଉଜେଡ଼ିତି ମାର୍କା କିହାଁ ଇ ଦାର୍‌ଡ଼ିତାରି ତାନି କାମାତା ହାରେକା ବୁଦିଗାଟାରି ।” (aiōn g165) ୯ ନାନୁ ଜିକେଏ ମିଢ଼େ ଝେସିମାଞ୍ଜୁଇଁ, “ମୀରୁ ଦାର୍‌ଡ଼ିତି ଲାଗେଏତି ଦନ ତଲେ ଡ଼େଣେ ଦହ୍‌ଦୁ, ଏଦି ରାଡ଼ିସାରେ ମିଢ଼େ କାଲକାଲାଟି ବାସା ଡାୟୁତା ମିଢ଼େ ଆବାନେରି । (aiōnios g166) ୧୦ ଆମ୍ପାଆସି ଉଣା କାମାତା ନାନୁଗାଟାସି ଆନେସି ଏଝାସି କାଜା କାମାତା ଜିକେଏ ନାନୁଗାଟାସି ଆନେସି, ଇଞ୍ଜାଁ ଆମ୍ପାଆସି ଉଣା କାମାତା ନାନୁଗାଟାସି ଆଆସାରେ ଏଝାସି କାଜା କାମାତା ଜିକେଏ ନାନୁଗାଟାସି ଆଅସି । ୧୧ ଲାଗେଏତି ଦନତା ନାନୁ ଗାଟାଚେରି ଆହାହିଲଅତେରି, ଆତିହିଁ ଆମ୍ପାଆସି ମିଢ଼େ ନାମାହାଁ ସାତା

ଦନ ମୀ କେୟୁତା ହେଉପାରେନି? ୧୭ ମୀରୁ ଏବଂକାତାଣା ଦନତି ନାମୁତଲେ ଲେମ୍ବା ହିଲିଆସାରେ ମିଡ୍ରେ ମୀ ଲଦ୍ଦାମାନାଣି ଆମ୍ବାଆସି ହିୟାଦେସି? ୧୩ “ର ହଲେଏସି ରା ସାଞ୍ଜକାରି ତାଣା ହଲେଏସି ଆହାଲି ଆତଅସି; ଇତିହିଁ ରଅଣାଇଁ ଜୀଞ୍ଜୁ ନ୍ଦନେସି ରଅଣାଇଁ ଜୀଞ୍ଜୁ ନ୍ଦନେସି, ଆଥାରିଁ ରଅଣାଇଁ ମାନଖି ଆନେସି ରଅଣାଇଁ ଅପଅସି । ମୀରୁ ମାହାପୁରୁ ଅଡେ ଦନତି ହଲିୟାଡ୍ଡୁ ଆହାଲି ଆତଅଡେରି ।” ୧୪ ଇ ବାରେ କାତା ଖେଞ୍ଜୁନା ଦନ ଜୁପ୍କା ପାରୁୟିୟିଁ ଜୀପୁଇଁ କାକ୍ହେରି । ୧୫ ଏଚେଟିଏ ଜୀପୁ ଏଞ୍ଜାରିଇଁ ଏଲେଇଚେସି, “ଆମ୍ବାଆରି ମାଣସି ନକିତା ତାରିଗାଟାରି ଇଞ୍ଜୁ ତସା କତିମାନେରି, ମୀରୁ ଏଲେତି ଲୁକୁ, ସାମା ମାହାପୁରୁ ମୀ ହିୟିତି ପୁନାସି ଇତିହିଁ ଏନାୟି ମାଣସି ଅଣ୍ଡପୁତା କାକାୟି ଲେହେଁ ଡଞ୍ଜୁ ଆନେ, ଏଦି ମାହାପୁରୁ ନକିତା ଅପଆଗାଟାୟି ।” ୧୬ “ମସାତି ମେରା ଅଡେ ମାହାପୁରୁ ଅଣ୍ଡପୁତି ବଲୁ ଖେହ୍ନାରି ରାତିତି ପତି ଜହନ ପାତେକା ସାଲଖି ଆହିମାଡ୍ଡୁ; ଏତିବେଲାଟିଏ ମାହାପୁରୁ ରାଜିତି ନେହିଁ କାରୁ ଖେକ୍ହି ମାନେରି ଇଞ୍ଜୁ ବାରେଜାଣା ତାନି ବାଡ୍ଡୁ ତଲେ ମାହାପୁରୁ ରାଜିତା ହୁତିମାନେରି । ୧୭ ହାପୁପାକା ଅଡେ ଦାର୍ଡି ବାରେ ମେଣ୍ଡୁନେ ସାମା ମେରାତି ଇତାୟି ସିନା ଜିକେଏ ମେଣ୍ଡୁଏ ୧୮ er “ଆମ୍ବାଆସି ତାନି ତକ୍ତିନି ପିସାନା ଏବଂକାତାଣି ବାହା ଆନେସି, ଏଞ୍ଜାସି ଦାରି କିନେସି; ଇଞ୍ଜୁ ଆମ୍ବାଆସି ପିସୁ ତକ୍ତିନି ବାହା ଆନେସି, ଏଞ୍ଜାସି ଦାରେଲା ଆନେସି ।” ୧୯ “ର ଦନ ଗାଟାସି ମାଚେସି, ଏଞ୍ଜାସି ହାରେକା ଅଜିତି ହିମ୍ପୁରିଦ୍ଦି ଦୁତାନା ନେହିଁ ରାମ୍ବା ତିଞ୍ଜୁହିଁ ହାରେକା ରାହାଁତଲେ ଡ୍ଡିମାଚେସି । ୨୦ ସାମା ଏଞ୍ଜାଣି ଦୁଖେରି ଦାରିତା ଲାଜର ଦରୁଗାଟି ରାସ୍ପା ତିନାସି ଡ୍ଡିୟାମାଚେସି, ୨୧ ଗୁଡା ଆଡ୍ଡୁ ଗାହାଁୟିଁ ଆହାମାଚେସି; ଏ ଦନ ଗାଟାଣି ଜୁଟା ଲିତା ତିଞ୍ଜୁନା ତାନି ବାଣି ପାଞ୍ଜିକହାଲି ଆସା କିହିମାଚେସି; ଇଞ୍ଜୁ ନେସ୍କା ଖାହି ତାନି ଗାହାଁୟିଁ ନାକିମାଡ୍ଡୁ । ୨୨ ର ଦିନା କାର୍ମାଗାଟି ଲାଜର ହାହାହାଚେସି ଇଞ୍ଜୁ ଲାକପୁରୁତି ଦୁରୁୟିଁ ତଲେ ଅବାହାମ ମାତିତାଣା ଅଖିଆଚେସି; ତାୟୁ ଏ ଦନ ଗାଟାସି ଜିକେଏ ହାହାହାଚେସି ଇଞ୍ଜୁ ମାହଣି ମାଣ୍ଡାତା ମୁସ୍ପି ଆଚେସି, ୨୩ ଅଡେ ଏଞ୍ଜାସି ହାତାରି ମାନି ରାଜିତି କସ୍ତଲେ କିଲିବିଲି ଆହିଁ ଲାକ ସିନକିହାଲିଏ ହେକତି ଅବାହାମ ଅଡେ ତାନିତଲେ ଲାଜରଇଁ ମେସ୍ପେସି । (Hades g86) ୨୪ ଏଚେଟିଏ ଏଞ୍ଜାସି ହାଚିଚେସି, ଏ ଆବା ଅବାହାମ, ନାଡ୍ଡେ କାର୍ମା ଅଣ୍ଡାମା ଲାଜରଇଁ ନା ତାଣା ପାଣ୍ଡାମ୍ବା ଏଞ୍ଜାସି ତାନି ଖାଞ୍ଜୁତା ଏୟୁ ବନ୍ଦୁ ତାତାନା ନା ଖେନୁରିତି ହିଡ୍ଡି କିୟାପେସି, ଇତିହିଁ ନାନୁ ଇ ହିରୁତା କିଲିବିଲି ଆହିମାଇଁ ।” ୨୫ ସାମା ଅବାହାମ ଏଲେଇଚେସି, ‘ମୀରୁଏଣା ନୀନୁ ନୀତାମାତି ବେଲାତା ନୀ ନେହାଁଣି ବେଟାଆତି, ଇଞ୍ଜୁ ଲାଜର ଏଲେକିହିଁଏ ପଲୁଆ ଗାଟାଣି ବେଟାଆଚେସି, ଇଦାଆଁ ଅଣ୍ଡାମ୍ବା: ସାମା ନୀଏଁ ଏଞ୍ଜାସି ଇମ୍ବାଆଁ ସୁକୁ ବେଟାଆହି ମାନେସି, ଅଡେ ନୀନୁ କିଲିବିଲି ଆହିମାଞ୍ଜୁ । ୨୬ ଅଡେ ର କାତା ମୀ ମାଦି ମା ମାଦି ର କାଜା ଗାଡ୍ଡୁ ମାନେ, ଆମ୍ବାଆରି ଇ ଚାୟୁତି ମୀ ତାଣା ହାଜାଲି ମନ କିନେରି, ଏଞ୍ଜାରି ହାଜାଲି ଆତଅରି

ଆଥାରିଁ ଏ ଚାୟୁତି ଇ ଚାୟୁତା ଗାଣ୍ଡାନା ଖାୟାଲି ଆତଅରି ।” ୨୭ ଏମ୍ବାଟିଏ ଦନ ଗାଟାସି ଏଲେଇଚେସି, ଏ ଆବା, ଆତିହିଁ ନାନୁ ନିଡ୍ଡେ ବାତିମାଲିମାଞ୍ଜୁଇଁ, ଲାଜରଇଁ ମା ଆବା ଇଜ ପାଣ୍ଡାମ୍ବା, ୨୮ ଇତିହିଁ ନା ପାସାଜାଣା ତାୟିୟିଁ ମାନେରି; ଏଞ୍ଜାରି ଜିକେଏ ଏନିକିଁ ଇ କସ୍ତଗାଟି ଚାୟୁତା ଖାଅରି, ଏଦାଆଁତାକି ଏଞ୍ଜାସି ଏଞ୍ଜାରିତାଣା ସାକି ହାନେସି ।” ୨୯ ସାମା ଅବାହାମ ଏଲେଇଚେସି, ‘ଏଞ୍ଜାରିତାଣା ମସା ଅଡେ ମାହାପୁରୁ ଅଣ୍ଡପୁତି ବଲୁ ଖେହ୍ନାରି ପତିୟିଁ ମାନୁ, ଏଞ୍ଜାରି ଏ କାତାତି ଖେଣ୍ଡାମ୍ବାରି ।” ୩୦ ଏମ୍ବାଟିଏ ଦନ ଗାଟାସି ଏଲେଇଚେସି, ଏ ଆବା ଅବାହାମ, ଏଚେକେଏ ସାରି ଆଏ, ସାମା ହାତାରି ବିତ୍ରାଟି ରଅସି ଏଞ୍ଜାରିତାଣା ହାନେସି ଆତିହିଁ ଏଞ୍ଜାରି ମନ ଖେହ୍ନେରି ।” ୩୧ ସାମା ଅବାହାମ ଏଲେଇଚେସି, ଏଞ୍ଜାରି ମସା ଅଡେ ମାହାପୁରୁ ଅଣ୍ଡପୁତି ବଲୁ ଖେହ୍ନାରି କାତା ଖେନଅରି, ଆତିହିଁ ହାତାରି ବିତ୍ରାଟି ଖେଣ୍ଡେ ନିଡ୍ଡୁତି ଜିକେଏ ଏଞ୍ଜାଣି କାତା ନାମଅରି ।”

୧୭ ଜୀପୁ ତାନି ସୀପୁୟିୟିଁ ଏଲେଇଚେସି, “ଏମିନି ତାୟିପାରି କିନି ତାଣାଟି ଲୁକୁ ପାପୁତା ହେରନେରି, ଏ ବାରେ ପିଚେଁ ଆଏ, ସାମା ତାୟିପାରି କିଖି କିନାସି ଆୟୁତା ଏଞ୍ଜାସି ଗାତି ତଣ୍ଡ ବେଟାଆନେସି; ୨ ଉଣା କକାରି ବିତ୍ରାଟି ରଅଣାଇଁ ତାୟିପାରି କିନିବାଟା ତାନି ହେରକିତା କାଜା ଜେତାଖାଲି ଦସାନା ସାମ୍ପୁରିତା ମେଡ୍ଡିହିଁ ଏଞ୍ଜାଣାକି ନେହେଁ ଆଚେମା । ୩ ମୀରୁ ମୀ ତାକି ଜାଗ୍ରାତା ଆହାମାଞ୍ଜୁ ।” “ନୀ ତାୟି ପାପୁ କିନେସି, ଆତିହିଁ ଏଞ୍ଜାଣାଇଁ ଲାଗାମ୍ବା: ଏଞ୍ଜାସି ନାନୁ ପାପୁ କିଚେଏଁ ଇଞ୍ଜୁ ମନ ଖେହ୍ନିହିଁ, ଏଞ୍ଜାଣି ପାପୁ ମ୍ଲେକ୍ହା ତୁହ୍ମୁ । ୪ ଅଡେ ଏଞ୍ଜାସି ସାତା ପାଲି ନୀ କପାଟି ପାପୁ କିନେସି ଅଡେ ସାତା ପାଲି ନୀ ତାଣା ଖେଣ୍ଡା ଖାହାନା ନାନୁ ମନ ଖେହ୍ନିମାଇଁ ଇଞ୍ଜୁ ଇଞ୍ଜୁନେସି ଆତିହିଁ ଏଞ୍ଜାଣି ପାପୁ ମ୍ଲେକ୍ହା ତୁହ୍ମୁ ।” ୫ ଏଚେଟିଏ ପାଣ୍ଡୁଖି ଆହାମାନାରି ପ୍ରବୁଇଁ ଏଲେଇଚେରି, “ମା ନାମୁତି ପାତି କିୟାମ୍ବା ।” ୬ ପ୍ରବୁ ଏଲେଇଚେସି, “ର ହାୟୁ ପାଡେୟି ଏଚେକା ମୀ ନାମୁ ମାତିହିଁମା, ଇ ତୁଡୁକଲି ମାର୍ଦ୍ଦୁତି ହାରୁତଲେ ମେଗାହାଜାନା ସାମ୍ପୁରିତା ଉହିଁ ଆମୁ ଇତିହିଁ ଏଦି ମୀ କାତା ମାନଖି ଆନେ ।” ୭ “ସାମା ମୀ ବିତ୍ରାଟି ଇଲେତାସି ଆମ୍ବାଆସି ମାନେସି, ତାନି ହଲେଏସି ହେରୁ ତୁହାନା କି କଡିୟିଁ ମେତାନା ଖାତିସାରେ ଏଞ୍ଜାସି ଏଞ୍ଜାଣାଇଁ ଜୁରୁୟିଁ ଗହ୍ମୁବେଁ ଇନେସି? ୮ ନାଡ୍ଡେ ତିଞ୍ଜୁଲି ହିୟାମ୍ବା ନାନୁ ତିଞ୍ଜୁଲି ଆତାଆ ପାତେକା ଚେତେଲି ହିମ୍ପୁରି ରୁପାନା ନା ସେବା କିୟାମ୍ବା, ଇଞ୍ଜୁ ତାୟୁ ନାନୁ ତିନାମୁ ଇଞ୍ଜୁ ଏଞ୍ଜାଣାଇଁ ଏଲେଇନଅସି? ୯ ର ହଲେଏସି ସାଞ୍ଜକାରି କାତା ମାନଖି ଆହାନା କାମା କିନକି ଏଞ୍ଜାଣାଇଁ ଜହରା କିନେସିକି? ୧୦ ଏଲେକିହିଁଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ ‘ମାମୁ ପାଡା ଆଆ ହଲିୟାଡ୍ଡୁତମି; ଏନାୟି ମାମୁ କିନାୟି ମାଚେ ଏଦାଆଁ କିହାମାନମି’ ଇଞ୍ଜୁରି ।” ୧୧ ଜୀପୁ ଜିରୁସାଲମତା ହାଜିମାଟାଟି ଗାଲିଲି ଅଡେ ସମିରଣି ଦେସା ମାଦିଟି ହାଜିମାଚେସି । ୧୨ ଏମ୍ବାଟିଏ ଏଞ୍ଜାସି ର ନାୟୁତା ଏଗାହାଜାଲିଏ ଦସଜାଣା କାଜା ରଗ

ଗାଟାରି ଏଞ୍ଜଣାଇଁ ବେଟାଆଡେରି; ୧୩ ଏଞ୍ଜରି ହେକ ନିତାନା କାଜା ଗିୟିତଲେ ଏଲେଇଚେରି, “ଏ ଜୀସୁ ଗୁରୁ ମାଟ୍ରେ କାର୍ମା ମେସ୍ତାମ୍ବା।” ୧୪ ଜୀସୁ ଏଞ୍ଜରାଇଁ ମେସାନା ଏଲେଇଚେରି, “ମାରୁ ହାଜାନା ପୁଜେରାଟ୍ଟା ଚାଣା ଚଞ୍ଚୁ ଆକାଦୁ ।” ଅଡେ ଏଞ୍ଜରି ହାଜି ହାଜିହିଁ ନେହିଁ ଆଚେରି । ୧୫ ସାମା ଏଞ୍ଜରି ବିତ୍ରାଟି ରଅସି ଚାନୁ ନେହିଁ ଆଚାଣି ମେସାନା କାଜା ଗିୟିତଲେ ମାହାପୁରୁତି ଜହରା କିହିଁ କିହିଁ ଖେଣ୍ଡା ଖାହାନା, ୧୬ ଜୀସୁତି କଡାୟି ଡ଼କ ମୁନୁ କୁତାନା ଜହରା କିଚେସି; ଏଞ୍ଜସି ସମିରଣି ଲକୁ ମାଚେସି । ୧୭ ଏଚେଟିଏ ଜୀସୁ ଏଲେଇଚେରି, “ଦସଜାଣା ନେହିଁ ଆଆଚେରିକି? ଅଡେ ନ ଜାଣା ଏମ୍ବିୟା ମାନେରି? ୧୮ ମାହାପୁରୁଇଁ ଜହରା କିହାଲି ଇ ଜୀହୁଦିଆଆତି ଲକୁ ପିସ୍ତେ ଆମ୍ବାଆସି ଖେଣ୍ଡା ଖାଆଚେସି?” ୧୯ ଇଞ୍ଚି ଜୀସୁ ଏଞ୍ଜଣାଇଁ ଏଲେଇଚେରି, “ନିଞ୍ଚୁନା ହାଲାପୁ ନୀ ନାମୁ ନିଞ୍ଚେ ନେହିଁ କିହାମାଞ୍ଚୁନେ ।” ୨୦ ମାହାପୁରୁତି ରାଜି ଏଚେଲା ଖାହିମାନେ, ଇ କାତା ପାରୁୟିୟି ଖେଣ୍ଡାଲିଏ ଏଞ୍ଜସି ଏଞ୍ଜରାଇଁ ଏଲେଇଚେରି, “ମାହାପୁରୁତି ରାଜି ଚଞ୍ଚୁ ଆହି ଖାଏ; ୨୧ ଇମ୍ବାଆଁ ମାନେକି ଏମ୍ବାଆଁ ମାନେ ଇଞ୍ଚି ଲକୁ ଖେସୁଅରି; ଇଚିହିଁ ମାହାପୁରୁତି ରାଜି ମା ବିତ୍ରେଏ ମାନେ ।” ୨୨ ଇଞ୍ଚି ଜୀସୁ ତାନି ସାମୁୟିୟି ଏଲେଇଚେରି, “ଇଲେତି ବେଲା ଖାନେ, ଏଚିବେଲା ମାଣ୍ଡି ମାର୍ବଣାତି ର ଦିନା ମେସାଲି ମନ କିଚିହିଁ ଜିକେଏ ମେହଅଚେରି । ୨୩ ଏଚିବେଲା ଲକୁ ମିଞ୍ଚେ ଖେସୁାନେରି, ଏଞ୍ଜସି ଇମ୍ବାଆଁ ମାନେସି ଏମ୍ବାଆଁ ମାନେସି; ସାମା ଏଞ୍ଜରି କାତା ଆହୁଆଦୁ କି ଏଞ୍ଜରିତଲେ ଚାକାଆଦୁ । ୨୪ ଏନିଇଚିହିଁ ହାଗୁ ମୁହନାଟି ର କନଟି ଅର କନଖାକି ଉଜେଡି ଆନେ, ଏଲେକିହିଁଏ ମାଣ୍ଡି ମାର୍ବଣା ଦିନାତା ଆନେ । ୨୫ ସାମା ଏଞ୍ଜସି ଗାତି କସୁ ପାଣ୍ଡନାୟି ମାନେ, ଇଞ୍ଚି ଇ କାଲାତି ଲକୁ ଏଞ୍ଜଣାଇଁ ଅପଅରି । ୨୬ ଅଡେ ନହ ବେଲାତା ଏନିକି ଆହାମାଚେ, ମାଣ୍ଡି ମାର୍ବଣି ଖାନି ଦିନାତା ଜିକେଏ ଏଲେକିହିଁଏ ଆନେ; ୨୭ ନହ ଜାଜାତା ହୁଡିନି ଦିନା ପାଚେକା ଲକୁ ଚିଞ୍ଚି ଉଣ୍ଡିହିଁ ବାହା କିୟାଲି ବାହା ହିୟାଲି ହେରାମାଚେରି, ଏଚିବେଲା କାଜା ପିୟୁ ଖାଚେ ଇଞ୍ଚି ବାରେଡି କୁସହାତୁସ୍ତେ । ୨୮ ଲଟ ବେଲାତା ଜିକେଏ ଏଲେଏ ଆଚେ, ଲକୁ ଚିଞ୍ଚି ଉଣ୍ଡି ମାଚେରି, କତି ମାଚେରି, ପାର୍ଡି ମାଚେରି, ମାର୍ବକା ଉହି ମାଚେରି ଅଡେ ଇଲକା କିହାଲି ହେରାମାଚେରି, ୨୯ ସାମା ଲଟ ସଦମ ଗାଡାଟି ହୁଚା ହାଲ୍‌ଖନିଏ, ଲାକପୁରୁତି ହିଚୁ ଅଡେ ଗାନ୍ତୁଗୁଣ୍ଡା ଖାହାନା ବାରେଡି ନାସା କିଚେ । ୩୦ ମାଣ୍ଡି ମାର୍ବଣି ଖାନି ଦିନାତା ଜିକେଏ ଏଲେଆହିଁଏ ଆନେ ।” ୩୧ “ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଞ୍ଜସି ଇଲୁ ବିତ୍ରାମାନି ତାନି ଆସି ଅହାଲି ରେଚା ଖାଆଚେସି; ଏଲେକିହିଁଏ ଆମ୍ବାଆସି ନେଖଲାତା ମାନସି ଇଜ ଖେଣ୍ଡା ଖାଆଚେସି । ୩୨ ଲଟ ଡକ୍ଟିନି କାତା ଅଣ୍ଡାଦୁ! ୩୩ ଆମ୍ବାଆସି ତାନି ଜୀସୁତି ନାହୁହାଲି ମନ କିନସି, ଏଞ୍ଜସି ନାସା ଆନେସି, ଅଡେ ଆମ୍ବାଆସି ତାନି ଜୀସୁତି ଆସା କିଆଗାଟାସି ଏଞ୍ଜସି ନାଚିନେସି । ୩୪ ନାନୁ ମିଞ୍ଚେ ଖେସିମାଞ୍ଚୁଇଁ, ଏ ଲାଆଁୟି ରିଆରି କାଚେଲିତା ତୁରା ଡ଼ୟିନେରି, ରଅସି

ଅଞ୍ଜିଆନେସି ଅଡେ ରଅସି ଏମ୍ବାଆଁ ଡ଼ୟିନେସି । ୩୫ ରୀ ଇୟାସିକା ରଣ୍ଡିଏ ଚାଣା ନୁୟିମାନୁ, ରଣ୍ଡି ଅଞ୍ଜିଆନେ ରଣ୍ଡି ଏମ୍ବାଆଁ ଡ଼ୟିନେ । ୩୬ ରିଆରି ନେଖଲାତା ମାନେରି, ରଅସି ଅଞ୍ଜିଆନେସି, ରଅସି ଏମ୍ବାଆଁ ଡ଼ୟିନେସି ।” ୩୭ ଏଚେଟିଏ ସାମୁୟି ଏଲେଇଚେରି, “ଏ ପୁରୁ ଏମ୍ବିୟା?” ଜୀସୁ ଏଲେଇଚେରି, “ମାଡ଼ହା ଏମ୍ବିୟାମାନେ ଏମ୍ବାଆଁ ରାମ୍‌ଣାୟି ରୁଣ୍ଡା ଆନୁ ।”

୧୮ ଖାହାଆନା ଅଲେ ଅଲେ ପ୍ରାତାନା କିନାୟିମାନେ, ଇ କାତାଟି ଜୀସୁ ସାମୁୟିୟି ପୁଣ୍ଡିକିନି କାତାତଲେ ଖେସୁସି ୨ “ର ଗାଡାତା ର ନାହିଁୟି କିନସି ମାଚେସି, ଏଞ୍ଜସି ମାହାପୁରୁଇଁ ଆଜି ହିଲାଆଚେସି କି ମାଣ୍ଡିୟିୟିୟି କିକେଏ ଅଣ୍ଡି ହିଲାଆଚେସି । ୩ ଏ ଗାଡାତା ର ରାଣ୍ଡେଣି ମାଚେ, ଏଦି ନାହିଁୟି କିନାଣି ଚାଣା ଅଲେ ଅଲେ ହାଜିହିଁ ନାନୁ ନେହିଁ ନାହିଁୟି କିହିଁ ନା କପାଟି ନିଞ୍ଚିମାଞ୍ଚୁନାଣା ଚାଣାଟି ଗେଲ୍‌ପାମୁ ଇଞ୍ଚି ବାଟିମାଲିମାଚେ । ୪ ଅଡେ ଏଞ୍ଜସି ଏଦାନି କାତା ଖେଞ୍ଚି ହିଲାଆଚେସି; ଡାୟୁ ଏଞ୍ଜସି ମନ ମନତା ଅଣ୍ଡିଚେସି, ନାନୁ ମାହାପୁରୁଇଁ ଆଜିହିଲଅଁ କି ମାଣ୍ଡିୟି ଅଣ୍ଡି ହିଲଅଁ, ୫ ଆତିଜିକେଏ ଇ ରାଣ୍ଡେଣି ନାଟ୍ରେ କସୁ ହାହିମାଞ୍ଚୁନାକି ନାନୁ ତାନି କପାଟି ନିଞ୍ଚିମାନି ନାହିଁୟି ଡିକହାଚୁହୁଇଁ, ଆଆଟି ଏଦି ନାଟ୍ରେ ବାରେବେଲା ଗିଜିଗିଜା କିହେମାଞ୍ଚୁନେ ।” ୬ ଏମ୍ବାଟିଏ ପୁରୁ ଏଲେଇଚେରି, “ଇ ଲାଗେଏଚି ନାହିଁୟି କିନାଣି କାତା ଅଣ୍ଡାଦୁ । ୭ ଆତିହିଁ ମାହାପୁରୁ ଆଚିତି ଲକୁ ଲାଆଁ ମାଚେନା ଏଞ୍ଜଣାଇଁ ହାଟିହିଁ ଡ଼ୟିନେରି, ଏଞ୍ଜସି କି ଏଞ୍ଜରି ନାହିଁୟି କିଅସି? ଆତିଜିକେଏ ଏଞ୍ଜସି ଏଞ୍ଜରି ସାମୁୟିୟି ହାରେକା ଅର୍‌ହନାସି ଆନେସି କି? ୮ ନାନୁ ମିଞ୍ଚେ ଖେସିମାଞ୍ଚୁଇଁ, ଏଞ୍ଜସି ଚବେ ଏଞ୍ଜରି ଡାକି କିଞ୍ଚି ଆହାମାନି ପଲ୍‌ଆ କାମାଟି ନାହିଁୟି କିନେସି, ଆତିଜିକେଏ ମାଣ୍ଡି ମାର୍ବଣି ବାର୍‌ଡିତା ଖାହାନା ନାମୁତି ମେହନେସିକି?” ୯ ଚାମ୍‌ଟ୍ରେ ଚାରିଗାଟାଟି ଇଞ୍ଚି ଅଣ୍ଡାପାନା ଏଡକା ଚାରାଇଁ ହାଣି କିନି ଲକୁଣି ଜୀସୁ ଇ ପୁଣ୍ଡିକିନି କାତା ଖେସୁସି, ୧୦ ରିଆରି ପ୍ରାତାନା କିହାଲି ର ପ୍ରାତାନା ଇଲୁତା ହାଚେରି, ରଅସି ପାରୁସି ଅଡେ ରଅସି ସିସୁ ରାହନାସି । ୧୧ ପାରୁସି ନିତାନା ଇଲେକିହିଁ ପ୍ରାତାନା କିଚେସି, “ଏ ମାହାପୁରୁ ନାନୁ ନିଞ୍ଚେ ଜହରା କିହିମାଞ୍ଚୁଇଁ, ନାନୁ ଏଡକା ଲକୁ ଲେହେଁ ବାମ୍‌ ହିଲାଆ ଗାଟାଚେଏଁ ଆଏ, ସରୁ, ଦାରି ଗାଟାଚେଏଁ ଆଏ କି ଇ ସିସୁ ରାହନାଣି ଲେହେଁ ଜିକେଏ ଆଏ; ୧୨ ନାନୁ ଖାରା ଡାକି ରୀ ଦେବା ଉପାସା କିହିମାଲ୍, ଅଡେ ନାନୁ ବେଟାଆହିଁ ମାନାଣି ବାରେ ଦସ ବାଗାଟି ର ବାଗା ହାହିମାଲ୍ ।” ୧୩ ସାମା ସିସୁ ରାହନାସି ହେକ ନିତାନା ତାନି କାନୁ ଲାକପୁରୁ ଖାକି ଜିକେଏ ପେରୁଆଁ ସିନିକିହାଲି ସାସା କିଆଚେସି, ସାମା ତାନି ବକତା ଖେଚା କତାନା ଏଲେଇଚେରି, “ଏ ମାହାପୁରୁ ନାନୁ ପାପୁ ଗାଟାଚେଏଁ ନାଟ୍ରେ କାର୍ମା ମେସ୍ତାମ୍ବା ।” ୧୪ “ନାନୁ ମିଞ୍ଚେ ଖେସିମାଞ୍ଚୁଇଁ, ଏଞ୍ଜସି ଆଏ ସାମା ସିସୁ ରାହନାସି ଚାରିଗାଟାସି ଆହାନା ତାନି ଇଜ ହାଚେସି; ଏନିଇଚିହିଁ ଆମ୍ବାଆସି ନାନୁ କାଜାଚେଏଁ ଇଞ୍ଚି କତିନେସି, ଏଞ୍ଜଣାଇଁ

ଉଣା କିଖିଆନେ, ସାମା ଆମ୍ବାଆସି ନାନୁ ଉଣାଚେଏଁ ଇନେସି, ଏଞାଣାଇଁ କାଜାସି କିଖିଆନେ ।” ୧୫ ଏଞାସି ଏନିକିଁ କକାରି ପଢ଼ାଣି ଚାଗିନେସି, ଏଦାଆଁତାକି ଲକ୍ଷୁ ଏଞାରାଇଁ ଜାସୁ ଡାଣା ଡାଗାଲି ମାଟ୍‌ହେରି; ସାମା ସାସୁୟାଁ ଏଦାଆଁ ମେସାନା ଏଞାରାଇଁ ଦାକା ହାଚେରି । ୧୬ ସାମା ଜାସୁ କକାରି ପଢ଼ାଣି ଡାଗେ ହାଚାନା ଏଲେଇଚେସି, “କକାରି ପଢ଼ାଣି ନା ଡାଗେ ଖାହାଲି ହୀମୁ, ଏଞାରାଇଁ କାହିକିଆସୁ; ଏନିଇଚିହିଁ ମାହାପୁରୁତି ରାଜି ଇଲେଚାରାଖାୟି । ୧୭ ନାନୁ ମିଡ୍ରେ ସାଚା ଖେସିମାଞ୍ଜୁଇଁ, ଆମ୍ବାଆସି ଉଣା କକାରି ପଢ଼ାୟାଁ ଲେହେଁ ମାହାପୁରୁ ରାଜି ଆହୁଅସି ଏଞାସି ଏନିକିଁ ଜିକେଏ ଏମ୍ବାଆଁ ହୁତାଲି ଆଡ଼ଅସି ।” ୧୮ ଜୀହୁତି ଲକ୍ଷୁ ବିତ୍ରାଟି କାଜାସି ଜୀସୁଇଁ ଖେଚେସି, “ଏ ନେହଁ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ?” (aiōnios g166) ୧୯ ଜୀସୁ ଏଞାଣାଇଁ ଏଲେଇଚେସି, “ନାଡ୍ରେ ନେହାଁତି ଇଞ୍ଜି ଏନାଆଁତାକି ଏଲେଇଞ୍ଜିମାଞ୍ଜୁ? ଇଚିହିଁ ମାହାପୁରୁ ରଅସିଏ ନେହାଁସି ମାନେସି ଏଞାଣି ପିସ୍‌ସେ ଆମ୍ବାଆସି ନେହାଁସି ହିଲଅସି । ୨୦ ହୁକୁମିକା ପୁଞ୍ଜାମାଞ୍ଜୁ, ‘ଦାରି କିଆନି, ଲକ୍ଷୁଣି ପାୟାଆନି, ସରୁ କିଆନି, ମିଚିସାକି ହୀଆନି, ତାଲି ତାଞ୍ଜି କାତା ମାନି କିମୁ ।” ୨୧ ଦନଗାଟାସି ଏଲେଇଚେସି, “ନାନୁ ଇ ବାରେ ଉଣାଖେଡ଼ାଟିଏ କିହିମାଇଁ ।” ୨୨ ଜୀସୁ ଇ କାତା ଖେଞ୍ଜାନା ଏଞାଣାଇଁ ଏଲେଇଚେସି, “ନାନୁ ର କାମା କିନାୟିମାନେ; ନାନୁ ନୀ ଡାଣା ମାନି ବାରେ ଦନକିତି ପାର୍‌ଚାନାହାଁ ହିଲଆ ଗାଟାରାକି ଦାନା ହୀମୁ, ଇଞ୍ଜି ଡାୟୁ ନାନୁ ଲାକପୁରୁତା ଦନ ବେଟାଆଦି; ଏଚେଟିଏ ନା ଜେଚ ଜେଚ ଖାମୁ ।” ୨୩ ସାମା ଏଞାସି ଇ ବାରେ କାତା ଖେଞ୍ଜାନା ହାରେକା ଦୁକୁ ଆଚେସି, ଇଚିହିଁ ଏଞାସି ବାଟ୍‌କୁ ଗାଟାସି ମାଚେସି । ୨୪ ଏଚେଟିଏ ଜୀସୁ ଏଞାଣାଇଁ ମେସାନା ଏଲେଇଚେସି, “ଆମ୍ବାଆସି ଦନ ମାନେ, ଏଞାରି ହାରେକା କସୁତଲେ ମାହାପୁରୁତି ରାଜିତା ହୁଡ଼ନେରି! ୨୫ ଇଚିହିଁ ମାହାପୁରୁତି ରାଜିତା ଦନଗାଟାସି ହୁଡ଼ନି କିହାଁ ଉରୁ ସୁଜା କାଣିଟି ହୁଚାହାନାୟି ଉସାସା ।” ୨୬ ଏ କାତା ଖେଞ୍ଜିମାଚାରି ଏଲେଇଚେରି, “ଆଚିହିଁ ଆମ୍ବାଆସି ଗେଲ୍‌ପି ଆହାଲି ଆଡ଼ନେସି?” ୨୭ ଜୀସୁ ଏଲେଇଚେସି, “ଏନାଆଁ ଲକ୍ଷୁ କିୟାଲି ଆଡ଼ାଆଗାଟାଣି ମାହାପୁରୁ କିହାଲି ଆଡ଼ିମାନେସି ।” ୨୮ ଏଚେତା ପିତର ଜୀସୁଇଁ ଖେଚେସି, “ମେହ୍‌ମୁ ମାମୁ ବାରେ ପିସାନା ନୀ ଜେଚ ଖାହିମାନମି ।” ୨୯ ଜୀସୁ ଏଞାରାଇଁ ଖେସୁସି, “ନାନୁ ମିଡ୍ରେ ସାଚା ଖେସିମାଞ୍ଜୁଇଁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍‌ନି, ଡାୟି, ତାଲି ତାଞ୍ଜି, ଅଡ଼େ ମାର୍‌କା ମାସ୍‌କାଣି ପିସାମାନେରି, ୩୦ ଏଞାରି ଇ ଲୁଗୁତା ହାରେକା ଆଗାଡ଼ା ବେଟାଆହାନା, ଖାନି ଲୁଗୁତା କାଲାକାଲାତି ଜୀସୁ ବେଟା ଆନେସି ।” (aiōn g165, aiōnios g166) ୩୧ ଜୀସୁ ତାନି ବାରଜାଣା ସାସୁୟାଁଇଁ ହାଚାନା ଖେସୁସି, “ମେହ୍‌ମୁ ମାର ଜିରୁସାଲମତା ହାଜିମାନାୟି, ଏମ୍ବାଆଁ ମାଣ୍‌ସି ମାର୍‌ଏଣି ତାକି ମାହାପୁରୁ ଅଣ୍‌ପୁତି ବଲ୍‌ଖେହ୍‌ନାରି ଏନା ଏନାଆଁ ରାଚାମାନେରି, ଏ ବାରେ ମାଣ୍‌ସି ମାର୍‌ଏଣା ଡାଣା ସାଚା ଆନେ; ୩୨ ଇଚିହିଁ ଏଞାଣାଇଁ

ଏଟ୍‌କା କୁଡ଼ାଚାରି କେୟୁତା ହେବ୍‌ପିଆନେସି, ଇଞ୍ଜି ଏଞାରି ଏଞାଣାଇଁ କାକ୍‌ନେରି, ଏଞାଣାଇଁ ହୀଣି କିହାନା ହୁପିନେରି, ୩୩ ଏଞାଣାଇଁ ସାଟ୍‌ଣି ଡ଼ରିତଲେ ଖେଚାନା ପାୟିନେରି, ଇଞ୍ଜି ତାନି ଦିନାଟିଏ ନିଡ୍ରେନେସି ।” ୩୪ ସାମା ସାସୁୟାଁ ଇ ବାରେ କାତା ପୁଞ୍ଜାଲି ଆଡ଼ାଆଚେରି; ଇ କାତା ଏଞାରିଡାଣା ଡୁଗାନା ମାଚେ, ଏନାଆଁ ଖେସ୍‌ପି ଆହିମାଚେ ଏ ବାରେ ପୁଞ୍ଜିହିଲଆଚେରି । ୩୫ ଜୀସୁ ଜିରିହ ଗାଡ଼ାଡ଼ା ଏଜିମାଚାଟି ର କାଣା ଜିରୁତା କୁଗାନା ରୀସ୍‌ପିମାଚେସି । ୩୬ ଏଞାସି ଲକ୍ଷୁତି ହାଜିମାନି ହାଡ଼ା ଖେଞ୍ଜାନା, “ଇଦି ଏନାୟି ଆହିମାନେ ଇଞ୍ଜି ଖେଚେସି ।” ୩୭ “ନାଜିରଚିତି ଜୀସୁ ଇମ୍ବାଟି ହାଜିମାନେସି” ଇଞ୍ଜି ଖେସୁସି । ୩୮ ଏଚେଟିଏ କାଣା କାଜା ଗିୟାତଲେ ଏଲେଇଞ୍ଜି ଇଚେସି, “ଏ ଜୀସୁ ଦାସୁଦ ମାର୍‌ଏଣାଟି ନାଡ୍ରେ କାର୍‌ମା ମେସୁମୁ ।” ୩୯ ସାମା ନକିତା ହାଜିମାଚାରି ଏଞାଣାଇଁ ପାଲେଏ ମାଞ୍ଜୁଲି ଦାକା ହାଚେରି, ସାମା ଏଞାସି ଅଡ଼େ କାଜା ଗିୟାତଲେ ଏଲେଇଚେସି, “ଏ ଜୀସୁ ଦାସୁଦ ମାର୍‌ଏଣାଟି ନାଡ୍ରେ କାର୍‌ମା ମେସୁମୁ ।” ୪୦ ଏଚେଟିଏ ଜୀସୁ ଏମ୍ବାଆଁ ନିଚାନା କାଣାଇଁ ତାନି ଦାରିତା ତାତାଲି ଚାଣ୍ଡିଚେସି; ଏଚେତା କାଣା ଡାଗେ ଖାଚେସି ଇଞ୍ଜି ଜୀସୁ ଏଞାଣାଇଁ ଖେଚେସି, ୪୧ “ନାନୁ ନିଡ୍ରେତାକି ଏନାଆଁ କିଇଁ ଇଞ୍ଜି ମାନ କିହିମାଞ୍ଜୁ?” କାଣା ଏଲେଇଚେସି, “ଏ ପ୍ରବୁ ନାନୁ ଏନିକିଁ ମେସାଲି ଆଡ଼ିଇଁ ।” ୪୨ ଜୀସୁ ଖେସୁସି, “ନାନୁ ମେହ୍‌ମୁ ନୀ ନାମୁ ନିଡ୍ରେ ନେହିଁ କିୟାଚେ ।” ୪୩ ଏ ଦେବୁଣିଏ ଏଞାସି ମେସାଲି ଆଡ଼ିଚେସି ଇଞ୍ଜି ମାହାପୁରୁତି ଜହରା କିହିଁ କିହିଁ ଜୀସୁ ଜେଚ ହାଚେସି, ଅଡ଼େ ଲକ୍ଷୁ ଏଦାଆଁ ମେସାନା ମାହାପୁରୁଇଁ ଜହରା କିଚେରି ।

୧୯ ଜୀସୁ ଜିରିହତା ହୁଚାନା ଗାଡ଼ା ମାଦିଟି ହାଜିମାଚେସି । ୨ ଏମ୍ବାଆଁ ଜକିୟ ଦରୁଗାଟାସି ରଅସି ମାଚେସି, ଏଞାସି ସିସୁ ରୀହ୍‌ନାରି ବିତ୍ରାଟି କାଜାସି ଅଡ଼େ ଏଞାଣାକି ହାରେକା ଦନ ମାଚେ । ୩ ଜୀସୁ ଏନିଲେହେଁତାସି ଇଞ୍ଜି ଏଞାଣାଇଁ ମେସାଲି ହାରେକା ମନ ମାଚେ, ସାମା ହାରେକା ଲକ୍ଷୁ ମାଚାକି ମେସାଲି ଆଡ଼ିହିଲଆଚେସି, ଏନାଆଁତାକି ଇଚିହିଁ ଏଞାସି କୁଜା ମାଚେସି । ୪ ଏମ୍ବାଟିଏ ଏଞାସି ନକିତା ହୁଟି ହୁଟି ହାଜାନା ଜୀସୁ ହାନି ଜିରୁତା ଏଞାଣାଇଁ ମେସାଲି ର ଡ଼ୟା ମାର୍‌ରୁତା ହୁଚେସି, ଇଚିହିଁ ଜୀସୁ ଏ ଜିରୁଟି ହାନାୟି ମାଚେ । ୫ ଜୀସୁ ଏମ୍ବାଆଁ ଏଜାନା ଲାକ ସିନିକିହାନା ହାଚିଚେସି, “ଆଡ଼େ ଜକିୟ ତବେ ରେଚାଖାମୁ ଇଚିହିଁ ନୀଞ୍ଜୁ ନାନୁ ମୀ ଇଜ ଗତା ଖାନାୟି ମାନେ ।” ୬ ଏଞାସି ତବେ ରେଚାଖାହାନା ଏଞାଣାଇଁ ରାହାଁଟି ତାନି ଇଜ ହାଚିଚେସି । ୭ ଇଦାଆଁ ମେସାନା ବାରେ ଲକ୍ଷୁ ମୁରୁ ମୁରୁ ଆହିଁ କାତା ଆଚେରି, “ଇଞାସି ର ପାପୁ ଗାଟାରି ଇଜ ଗତା ହାଜିମାନେସି ।” ୮ ସାମା ଜକିୟ ନିଚାନା ପ୍ରବୁଇଁ ଏଲେଇଚେସି, “ଏ ପ୍ରବୁ ନାନୁ ନା ଦନତି ର ବାଗା ହିଲଆ ଗାଟାରାକି ହାଇଁ, ଅଡ଼େ ନାନୁ ଆମ୍ବାଆରି ଡାଣାଟି ଏନାଆଁ ତାଚାମାଚିହିଁ ସାରି ବାଗା ଆଗାଡ଼ା ଖେବ୍‌ଇଁ ।” ୯ ଏମ୍ବାଟିଏ ଜୀସୁ ଏଲେଇଚେସି, “ନୀଞ୍ଜୁ ଇ ଇଜତି ଲକ୍ଷୁତାକି ଗେଲ୍‌ପିନାୟି ଖାହାମାନେ, ଇଚିହିଁ ଇଞାସି ଜିକେଏ

ଅବ୍ରାହାମଟି କୁଡ଼ାତାସି । ୧୦ ଇତିହିଁ ଏନାୟି ଜାଣୁ ହାଜାମାନେ ଏଦାଆଁ ପାରାନା ଗେଲୁପାଲି ମାଣସି ମାର୍ବଏସି ଝାହାମାନେସି ।” ୧୧ ଲୁକୁ ଇ କାତା ଝେଞ୍ଜି ମାତାଟି ଏଝାସି ଅଡେ ର ପୁଣ୍ଡିକିନି କାତା ଝେସ୍ତେସି, ଇତିହିଁ ଏଝାସି ଜିରୁସାଲମ ତାଗେ ଆହାମାତେସି, ଇତିହିଁ ମାହାପୁରୁ ରାଜି ତବେ ତଞ୍ଜୁଆନେ ଇଞ୍ଜି ଅଶ୍ୱପିମାତେରି । ୧୨ ଏଝାସି ଏଲେଇଚେସି, “ର କାଜା କୁଡ଼ାତାସି ରାଜା ପାଣା ବେଟାଆହାଁ ଝେଣ୍ଡା ଝାଇଁଝା ଇଞ୍ଜି ର ହେକ ରାଜି ହାଚେସି । ୧୩ ଏଝାସି ତାନି ଦସଜାଣା ହଲିୟାଟ୍ଟାଣି ହାଗାନା ଏଝାରାଇ ଦସଗଟା ଝେଣ୍ଡା ଟାକା ଲାକା ହାହାନା ଏଲେଇଚେସି, ‘ନାନୁ ଝେଣ୍ଡା ଝାନି ପାତେକା ମୀରୁ ଇ ଟାକା ତଲେ ବେବାରା କିଦୁ ।’ ୧୪ ସାମା ତାନି ଦେସାତାରି ଏଝାଣାଇ ଅପିହିଲିଆତେରି, ‘ଇଝାସି ମାଟ୍ଟେଟାକି ରାଜା ଆୟାଆପେସି’ ଇଞ୍ଜି ତାନି ଜେତଏ କସକାଣି କାରୁ ଝେସା ପାଣ୍ଡିଚେରି ।” ୧୫ ଡାୟୁ ଏଝାସି ରାଜା ପାଣା ବେଟାଆହାନା ତାନି ରାଜିତା ଝେଣ୍ଡାଝାଚେସି, ଇଞ୍ଜି ଡାୟୁ ଟାକାୟିଁ ହାହାମାଟି ହଲିୟାଟ୍ଟା ବେବାରା କିହାଁ ଏଚେକା ଲାବା କିହାମାନେରି ଏଦାଆଁ ପୁଞ୍ଜୁଲି ଏଝାରାଇଁ ହାଟିକିଚେସି, ଇଞ୍ଜି ଝେଚେସି । ୧୬ ତଲିତାସି ଝାହାନା ଏଲେଇଚେସି, “ବାରୁ ନାନୁ ହାହାମାଞ୍ଜୁତି ର ଟାକା ତଲେ ବେବାରା କିହାନା ଦସଟାକା ଲାବା କିହାମାଇଁ ।” ୧୭ ଏଝାସି ଏଝାଣାଇଁ ଏଲେଇଚେସି, “ନେହିଁ ଟିକାଣାଗାଟି ନାମୁଟି ହଲେଏଶାଟି, ନାନୁ ଉଣା କାମାଟାକି ନେହିଁ କାମା କିହାମାନାକି ନାନୁ ନିଟ୍ଟେ ଦସଗଟା ଗାଡ଼ାୟିଁ ସାଲଝି କିନି ଅଦିକାରା କିମୁ ।” ୧୮ ଅଡେ ରଅସି ଝାହାନା ଏଲେଇଚେସି, “ବାରୁ ନାନୁ ହାହାମାଞ୍ଜୁତି ଟାକା ତଲେ ପାସାଗଟା ଲାବା କିହାମାଇଁ ।” ୧୯ ଏଝାସି ଏଝାଣାଇଁ ଜିକେଏ ଏଲେଇଚେସି, “ନାନୁ ଜିକେଏ ପାସାଗଟା ଗାଡ଼ାୟିଁ ମୁହେଁ ଅଦିକାରା ଆମୁ ।” ୨୦ ଅଡେ ରଅସି ଝାହାନା ଏଲେଇଚେସି, “ପ୍ରବୁ ମେହ୍ମୁ ଇଦି ନାନୁ ହାହାମାଞ୍ଜୁତି ଟାକା; ଇଦାଆଁ ନାନୁ ତ୍ରାଝଆଲିତା ରୁପାନା ଇଟାମାଚେସି । ୨୧ ଇତିହିଁ ନାନୁ ନିଟ୍ଟେ ଆଜାଚେସି, ନାନୁ ର ଗିରିଗିରା ଗାଟାଟି, ଇଟା ହିଲିଆଗାଟାଣି ପାରିନାଟି, ମାଟା ହିଲିଆଡାଣା ଦାଝଆନାଟି ।” ୨୨ ଏଝାସି ଏଝାଣାଇଁ ଏଲେଇଚେସି, ଆଡେ ପଲୁଆଗାଟି ହଲେଏଶାଟି, ନୀ ଗୁଟିଟି ହାଡାତଲେ ନୀ ନାହାୟି କିୟାଇଁ, ନାନୁ ଗିରିଗିରା ଗାଟାଚେସି, ଇଟାହିଲିଆ ଡାଣା ପାରିନାଚେସି ମାଟାଆଡି ଡାଣା ଦାଝଆନାଚେସି ଇଦାଆଁ ପୁଞ୍ଜୁମାଟି? ୨୩ ଆଡିହିଁ ଏନାଆଁତାକି ନା ଟାକାଟି ରାଣା ଅନାରାକି ହାଆଡି, ନାନୁ ଝାହାନା ଅଡିତଲେ ବେଟାଆଡେସିମା । ୨୪ ଇଞ୍ଜି ଦାରିତା ନିଟାମାତାରାଇଁ ଝେସ୍ତେସି, “ଇଝାଣି ଡାଣାଟି ଏ ଟାକା ମାଞ୍ଜୁ ଅହାନା ଆମୁଆରିକି ଦସଟାକା ମାନୁ ଏଝାଣାକି ହୀଦୁ ।” ୨୫ ଏଚେଟିଏ ଏଝାରି ଝେସ୍ତେସି, “ପ୍ରବୁ ଏଝାଣାକି ଦସଟାକା ମାନୁ ।” ୨୬ ନାନୁ ନିଟ୍ଟେ ଝେସିମାଞ୍ଜୁଇଁ, “ଆମିନିଗାଟାଣାକି ମାନେ, ଏଝାଣାକି ଗାଡି ହୀପକିଆନେ । ସାମା ଆମୁଆରାଝାୟି ହିଲେଏ ଏଝାଣି ଡାଣା ଏନାୟି ମାନେ ଏଦାଆଁ ଜିକେଏ ଏଝାଣି ଡାଣାଟି ଅଝିଆନେ । ୨୭ ସାମା ନାଟ୍ଟେ ତାନି ରାଜା ଆହାଲି କୁହାମାଞ୍ଜୁନି ସାଡୁୟିଇଁ ଇଦାଆଁ ଡାକା ହାଜାନା

ଏଝାରାଇଁ ନା ନକିତା ଚୁଣ୍ଡାହାଡୁହ୍ମୁ ।” ୨୮ ଇ ବାରେ କାତା ଝେସ୍ତେ ଡାୟୁ ଜୀସୁ ଜିରୁସାଲମ ଝାକି ହାଚେସି । ୨୯ ଏଝାସି ଜୀତ ହରୁ ଦାରିତା ମାନି ବେତନିୟିଁ ଅଡେ ବେଦପାଗି ନାସକାଣାଁ ଏଜାନା ତାନି ସୀସୁୟିଁ ବିତାଟି ରିଆରାଇଁ ଇ କାତା ଝେସା ପାଣ୍ଡିଚେସି । ୩୦ “ମୀରୁ ହାଜାନା ମୀ ନକିତି ନାୟିତା ହଡ଼ୁଦୁ ଇଞ୍ଜି ଲୁକୁ ଏଚେଲା ହଟା ହିଲଅରି; ଇଲେଟି ର ଗାଡ଼ଦେ ଡାଲୁଟି ଦସାମାନାଣି ମେହ୍ମଦେରି; ଏଦାଆଁ ଦାଝାଁ ହୁକହା ନା ଡାଣା ତାଟିହିଁ ଝାଦୁ । ୩୧ ଆମୁଆସି ଏନାଆଁତାକି ହୁକହିମାଞ୍ଜେରି ଇଞ୍ଜି ଝେଞ୍ଜୁଟିହିଁ, ଇଦାନି ମା ପ୍ରବୁକି ଲୁଡାମାନେ ଇଞ୍ଜି ଝେହ୍ମୁ ।” ୩୨ ଏମୁଟି ଜୀସୁ ପାଣ୍ଡାମାଟାରି ଏଝାସି ଏନିକିଁ ଝେସାମାଚେସି, ଏଲେହେଁ ମେସ୍ତେରି । ୩୩ ଇଞ୍ଜି ଏଝାରି ଗାଡ଼ଦେ ଡାଲୁଟି ଦାଝାଁ ହୁକହିମାଟାଟି ଗାଡ଼ଦେ ସାଝୁକାରିୟିଁ “ଏନାଆଁତାକି ହୁକହିମାଞ୍ଜେରି ଇଞ୍ଜି ଝେଚେରି?” ୩୪ ଏଝାରି ଏଲେଇଚେରି, “ଇଦାନି ମା ପ୍ରବୁକି ଲୁଡାମାନେ ।” ୩୫ ଏମୁଟିଏ ଗାଡ଼ଦେ ଜୀସୁ ଡାଣା ତାତାନା ଏଦାନିଲେକ ହିମୁରିକା ପାସାମା ଜୀସୁଇଁ ଲାକ କୁଟିକିଚେରି । ୩୬ ଅଡେ ଏଝାସି ନକିତା ହାଜିମାଟାଟି ଲୁକୁ ଜିରୁତା ତାନି ହିମୁରିକା ପାସ୍ତେରି । ୩୭ ଇଞ୍ଜି ଏଝାସି ଜିରୁସାଲମ ତାଗେ ମାନି ଜୀତ ହରୁଟି ଝାନି ବେଲାତା ଏଝାସି ଇଞ୍ଜି ତାନି ସୀସୁୟିଁ ଜୀସୁ କିତି ବାଡ଼ୁୟିଟି କାମାଟାକି ମାହାପୁରୁଇଁ ଜହରା କିହିହିଁ ରାହାଟି ପାରୁ ପାରିଚେରି । ୩୮ “ପ୍ରବୁଟି ଦରୁଟି ଆମିନି ରାଜା ଝାହିମାନେସି ଏଝାଣାକି ନେହେଁ । ଲାକପୁରୁ ହିଚଡି ଅଡେ ଲାକପୁରୁଟି ମାହାପୁରୁଇଁ ଗାଝୁରିମି ଆପେ ।” ୩୯ ଏଚେଟିଏ ଲୁକୁ ମାମୁଟି ଏଚରଜାଣା ପାଡୁସିୟିଁ ଜୀସୁଇଁ ଏଲେଇଚେରି, “ଏ ଗୁରୁ ନୀ ସୀସୁୟିଁଇଁ ଲାଗାମୁ ।” ୪୦ ନାନୁ ନିଟ୍ଟେ ଝେସିମାଞ୍ଜୁଇଁ, “ଇଝାରି ପାଲେଏ ଆଡିସାରେ, ଝାଲୁକା ହାଲେହେଁ କାଜା ଗିୟିତଲେ ଜଲିତୁମା ।” ୪୧ ଅଡେ ଏଚେଟା ଗାଡ଼ା ତାଗେ ଝାଚେସି, ଏଡିବେଲା ଗାଡ଼ାଟି ମେସାମା ଡାହିହିଁ ଏଲେଇଚେସି, ୪୨ “ନାନୁ ହାଅ, ନାନୁ ନାଞ୍ଜୁ ହିଚଡି ଜିରୁ ପୁଟିହିଁ ଅଜିଚେମା! ସାମା ଏଦି ନୀ ଡାଣାଟି ତୁଗାମାନେ! ୪୩ ଏଡିବେଲା ମାହାପୁରୁ ନିଟ୍ଟେ ଗେଲୁପାଲି ଅଶ୍ୱପାମାଞ୍ଜୁଚେସି ଏଦାଆଁ ପୁନାଆତାକି ଏଡିବେଲାତା ନୀ ସୀସୁୟିଁ ନୀ ସାରିପୁରୁ କାଜା କଟା ଦସାନା ମୁଚାନେରି, ୪୪ ଇଞ୍ଜି ନିଟ୍ଟେ ଅଡେ ନୀ ଡାଣା ମାନି ନୀ ମୀରୁକାଣି କୁଡ଼ୁପୁନାସା କିୟନେରି, ଅଡେ ର ଝାଲିଟି ଅର ଝାଲି ଲାକ ତାନି ଆହାଲି ହିୟଅରି, ଇଲେଟି ଦିନା ଝାହିମାନେ ।” ୪୫ ଏମୁଟିଏ ଜୀସୁ ମାହାପୁରୁ ଇଲୁତା ହଟାନାହାଁ ବେବାରା କିନାରାଇଁ ଏମୁଟି ହାସା ଚେରହାଡୁସ୍ତେସି, ୪୬ ଦାମୁପିତତା ରାସକି ଆହାମାନେ, “ନା ଇଲୁ ପ୍ରାତାନା ଇଲୁ ଆନେ, ସାମା ମୀରୁ ଏଦାଆଁ ଡଂଗାୟିଁ ପାଝୁ ମୁହାହାଡୁସ୍ତେସି ।” ୪୭ ଅଡେ ଜୀସୁ ଦିନାଟାକି ଦିନା ପ୍ରାତାନା ଇଲୁତା ଜାପସି ମାଚେସି, ସାମା କାଜା ପୁଜେରାଟ୍ଟା ଅଡେ ମେରାପୁନାରି ଲୁକୁଟି କାଜାରି ତଲେ ଜୀସୁଇଁ ପାୟାଲି ଅଶ୍ୱପିମାଚେରି, ୪୮ ସାମା ଲୁକୁ ରାହାଟି ଏଝାଣି ଜୀସୁଣାଣି ଝେଞ୍ଜିମାଟାକି ଏଝାରି ଏନିକିହାଲି ଆନେ ପାରୁ ବେଟାଆହି ହିଲିଆତେରି ।

୨୦ ର ଦିନ ଜୀବୁ ମାହାପୁରୁ ଲଲୁତା ଲକ୍ଷ୍ମଣୀ ଜାପୁସି ମାରେସି, ଅଡ଼େ ନେହିଁ କାରୁ ଖେକହି ମାରେସି, ଏଟିବେଲା କାଜା ପୁଜେରାଟ୍ଟା ଅଡ଼େ ମେରାପୁନାରି ପ୍ରାଚିନାଟ୍ଟା ତଲେ ଖାହାନା ଖେରେରି, ୨ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଲେକିହାଲି ଆମ୍ବାଆସି ଅଦିକାରା ହାହାମାଞ୍ଜିନେସି, ମାଟ୍ଟେ ଖେସ୍ତାମୁ ।” ୩ ସାମା ଜୀବୁ ଏଖାରାଇଁ ଏଲେଇରେସି, “ନାନୁ ଜିକେଏ ର କାତା ଖେଞ୍ଜାଇଁ, ନାଟ୍ଟେ ଖେସ୍ତାମୁ ୪ ଜହନଇଁ ବାପୁସ୍ତୁ ହୀମୁ ଇଞ୍ଜି ଆମ୍ବାଆସି ଚାଣ୍ଡିରେସି, ଲାକପୁରୁଟି କି ମାଣସି ଚାଣ୍ଡିଟି?” ୫ ଏରେଟିଏ ଏଖାରି ଚାମୁ ଚାମୁ ଜଳକି ଆରେରି, “ଲାକପୁରୁଟି ଇନାୟି, ଆତିହିଁ ଏଖାସି ଏଲେଇଞ୍ଜିନେସି ଏନାଆଁତାକି ଏଖାଣାଇଁ ନାମାଆରେରି? ୬ ସାମା ମାଣସି ଚାଣ୍ଡିଟି ଇନାୟି, ଇଞ୍ଜି ଲକ୍ଷ୍ମଣୀ ମାଟ୍ଟେ ଖାଲକାତଲେ ପାୟାନେରି, ଇତିହିଁ ଜହନଇଁ ମାହାପୁରୁ ଅଣପୁଟି ବଲୁ ହେହନାରି ଚାଣ୍ଡିଟି ରଅସି ଇଞ୍ଜି ହାରେକା ନାମାମାନେରି ।” ୭ ଏଖାରି ଏଲେଇରେସି, “ମାମୁ ପୁଞ୍ଜିହିଲଅମି ଏଦି ଏମ୍ବିଟି ଆହାମାନେ ।” ୮ ଜୀବୁ ଏଖାରାଇଁ ଏଲେଇରେସି, “ଆତିହିଁ ନାନୁ ଆମିନି ଅଦିକାରା ତଲେ କିହିମାଇଁ ନାନୁ ଜିକେଏ ଖେସ୍ତାମୁ ।” ୯ ଏମ୍ବିଟିଏ ଜୀବୁ ଇ ପୁଣମ୍ବିକିନି କାତା ଖେସ୍ତାମୁ, “ରଅସି ର ଅଟ୍ଟେରି ବାଡ଼ା କିହାନା କାମା କିନାରାକି ବାଗା ହୀହାନା ହାରେକା ଦିନାତାକି ଅର ଦେସାତା ହାରେସି । ୧୦ ଅଟ୍ଟେରି ପାଡ଼େୟି କାମ୍ବି ବେଲା ଏଖାସି ତାନି ବାଗା ବେଟାଆହାଲି ର ହଲେଏଶାଇଁ ପାଣ୍ଡିରେସି, ସାମା ଅଟ୍ଟେରି ବାଡ଼ାତା କାମାକିନାରି ଏଖାଣାଇଁ ମାତା ଖେଚାନା ଖାରୁଲ କେୟୁଟି ପେରହାପୁସ୍ତେରି । ୧୧ ଏଖାସି ଅଡ଼େ ର ହଲେଏଶାଇଁ ପାଣ୍ଡିରେସି; ଏଖାରି ଏଖାଣାଇଁ ଜିକେଏ ଖେଚାନା ନିନୁ କିହିଁ ଖାରୁଲ କେୟୁଟି ପେରହା ପାଣ୍ଡିରେସି; ୧୨ ଚାୟୁ ଅଡ଼େ ରଅଶାଇଁ ପାଣ୍ଡିରେସି, ସାମା ଏଖାଣାଇଁ ଜିକେଏ ରାଣାରାକା କିହାନା ବାଡ଼ାଟି ପାଟ୍ଟାତା ମେଡ଼ହାପୁସ୍ତେରି । ୧୩ ଏମ୍ବିଟିଏ ଅଟ୍ଟେରି ବାଡ଼ାଟି ସାଧୁକାରି ନାଏଟି ଏନାଆଁ କିହିଁ ଇଞ୍ଜି ଅଣପାନା, ନା ଜୀଞ୍ଜୁଟି ମାର୍ଏଶାଇଁ ପାଣ୍ଡିଆତିହିଁ ଏଖାଣାଇଁ ମାନି କିନେରି । ୧୪ ସାମା କାମାକିନାରି ଏଖାଣାଇଁ ମେସାନା ଚାମୁ ଚାମୁ ଏଲେଇଶମ୍ବି ଆରେରି ‘ଇଖାସି ଅଦିକାରା ଗାଟାସି, ଇଖାଣାଇଁ ପାୟାପୁହନ, ଆତିହିଁ ଇ ଅଟ୍ଟେରି ବାଡ଼ା ମାଟ୍ଟେ ଆୟାନେ ।” ୧୫ ଅଡ଼େ ଏଖାଣାଇଁ ଅଟ୍ଟେରି ବାଡ଼ା ପାଟ୍ଟାତା ମେଡ଼ହାନା ପାୟିରେସି ।” “ଆତିହିଁ ଅଟ୍ଟେରି ବାଡ଼ାଟି ସାଧୁକାରି ଏଖାରାଇଁ ଏନାଆଁ କିନେସି? ୧୬ ଏଖାସି ଖାହାନା ଇ କାମା କିନାରାଇଁ ପାୟାପୁହନେସି, ଅଡ଼େ ଏବକାତାରାକି ଏ ଅଟ୍ଟେରି ବାଡ଼ା ହୀନେସି ।” ଲକ୍ଷ୍ମଣୀ ଇ କାତା ଖେଞ୍ଜାନା ଏଲେଇରେସି, “ଏଲେକିହିଁ ଆଖୁଏ ଆଆପେ ।” ୧୭ ସାମା ଜୀବୁ ଏଖାରାଇଁ ଖେସ୍ତାମୁ, “ଆତିହିଁ ରାମାନି ଇ ବଲୁ ଏନାୟି? ଇଲୁ କେପିନାରି ଆମିନି ଖାଲିଟି କୂରେରି, ଏଦି ଇଲୁ କନଟି ମୂଲୁ ଖାଲି ଆପେ । ୧୮ ଆମ୍ବାଆସି ଏ ଖାଲି ଲାକ ଚରୁରିନେସି, ଏଖାସି କାଶ୍ଚାମୁକା ଆନେସି; ଇଞ୍ଜି ଏ ଖାଲି ଆମ୍ବାଆସି ମୁହେଁ ଚରୁରିନେ ଏଖାଣାଇଁ ଗୁଣୁଗୁଣା କିନେ ।” ୧୯ ଏରେଟିଏ ମେରାପୁନାରି ଅଡ଼େ କାଜା ପୁଜେରାଟ୍ଟା ଦେବୁଣିଏ

ଜୀବୁଇଁ ଆସାଲି ଅଣପିରେରି, ସାମା ଲକ୍ଷ୍ମଣୀ ମାମୁଟି ଆକିରେରି, ଇତିହିଁ ଏଖାସି ଏ ପୁଣମ୍ବିକିନି କାତା ଏଖାରାଇଁ ସିନକିହାନା ଖେସାମାରେସି ଇଞ୍ଜି ଏଖାରି ପୁରେରି । ୨୦ ଏମ୍ବିଟିଏ ଏଖାରି ଜୀବୁଇଁ ପାଣା ଅଡ଼େ ବାଡ଼ୟୁଗାଟି ସାଲଖି କିନାରି କେୟୁଟା ଏଖାଣାଇଁ ହେରପାଲି ପାରୁ ପାରାରେରି, ଇଞ୍ଜି ଏରେଜାଣା ଚାମୁ ଚାମୁଟ୍ଟେ ଦାମ୍ବୁଗାଟାରି ଇଞ୍ଜି ତସା କଟିନି ନାଡ଼ିକିନାରି ଜୀବୁଇଁ ତାନି ଖେହନି କାତାତା ଦହ ଦସାଲି ଏଖାଣି ଚାଣା ପାଣ୍ଡିରେରି । ୨୧ ଏଖାରି ଜୀବୁଇଁ ଖେରେରି, “ଗୁରୁ, ମାମୁ ପୁଞ୍ଜିମାନମି, ନାନୁ ଏନାଆଁ ଖେସାମାଞ୍ଜି ଅଡ଼େ ଜାପୁହାମାଞ୍ଜି ଏଦି ସାତା, ଅଡ଼େ ଆମ୍ବାଆରାଇଁ ବାରୁଡ଼ା ବାଟି କିଅଟି, ସାମା ସାତା ମାହାପୁରୁଟି ଜିରୁଟି କାତା ଜାପୁସି । ୨୨ ଆତିହିଁ କାୟିସରକି ସିପୁ ହୀନାୟି ମେରା ମାନେକି ଆଏ ।” ୨୩ ସାମା ଜୀବୁ ଏଖାରି ନାଡ଼ିକିନି ଅଣପୁଟି ପୁଞ୍ଜିନା ଏଖାରାଇଁ ଖେସ୍ତାମୁ, “ନାଟ୍ଟେ ର ଖେଣ୍ଡି ଟାକା ହିୟୁ ।” ୨୪ ଏ ଖେଣ୍ଡି ଟାକାତା ଆମ୍ବାଆସି ବମା ଅଡ଼େ ଦରୁ ମାନେ, ଏଖାରି ଖେସ୍ତାମୁ, “କାୟିସରଖାୟି ।” ୨୫ ଏରେଟିଏ ଜୀବୁ ଏଖାରାଇଁ ଖେସ୍ତାମୁ, “ଆତିହିଁ କାୟିସରଖାୟି ଏନାୟି ଏଦାଆଁ କାୟିସରକି ହୀପୁ; ଇଞ୍ଜି ମାହାପୁରୁଖାୟି ଏନାୟି ଏଦାଆଁ ମାହାପୁରୁକି ହୀପୁ ।” ୨୬ ଏରେଟିଏ ଏଖାରି ଲକ୍ଷ୍ମଣୀ ନକିତା ଏଖାଣାଇଁ ଏନି ଦହ ଦସାଲି ଆଡାଆରେରି, ଇଞ୍ଜି ଏଖାରି ଜୀବୁ ଖେସ୍ତାମୁ କାତାତାକି ଆଡାକାକା ଆହାନା ପାଲେଏ ମାରେରି । ୨୭ ଏମ୍ବିଟିଏ ହାତାରି ଖେଣ୍ଡେ ନିଟ୍ଟିନାଣି ନାମିହିଲଆଗାଟି ଏରେଜାଣା ସାଦୁକିୟା ଜୀବୁତାଣା ଖାହାନା ଖେରେରି, ୨୮ “ଏ ଗୁରୁ ମସା ମାଟ୍ଟେଟାକି ରାତାମାନେସି, ରଅସି ବୀହା ଆହିଁ କକାରି ପଦାଁ ଆଆନା ହାତିହିଁ, ଏଖାଣି ଚାୟି ତାନି ତକ୍ତିନି ଇଟାନା ଏଖାଣି କୂଡ଼ା ଏପିକିୟାଲି ଆନେ । ୨୯ ସାତା ଜାଣା ଚାୟିୟା ମାରେରି; କାଜାସି ବୀହା ଆହାନା କକାରି ପଦାଁ ଆଆନା ହାତେସି; ୩୦ ଚାୟୁ ଏଖାଣି ଜେଚତାସି ଇତିରେସି, ଅଡ଼େ ଏଖାଣି ଜେଚତାସି ଇତିରେସି; ୩୧ ଏଲେକିହିଁଏ ସାତା ଜାଣା ଜିକେଏ କକାରି ପଦାଁ ଆଆନା ହାତେରି । ୩୨ ଚାୟୁ ଏ ଇୟା ଜିକେଏ ହାତେ । ୩୩ ଆତିହିଁ ଖେଣ୍ଡେ ନିଟ୍ଟିନି ଦିନା ଏଖାରି ବିତ୍ରାଟି ଏ ଇୟା ଆମ୍ବାଆସି ତକ୍ତି ଆନେ? ଇତିହିଁ ସାତା ଜାଣା ଜିକେଏ ଏଦାନି ଇଟାମାରେରି ।” ୩୪ ଜୀବୁ ଏଖାରାଇଁ ଏଲେଇରେସି, “ଇ ବାରୁଟିଟି ଲକ୍ଷ୍ମଣୀ ବୀହା କିନେରି ଅଡ଼େ ଆନେରି, (aitōn g165) ୩୫ ସାମା ଖାନି ଜୁଗୁଟାକି ଇଞ୍ଜି ହାକିଟି ନିଟ୍ଟାଲିତାକି ପାଡ଼ା ଆନାରି ବୀହା ଆଅରି କି ବୀହା ଆଅରି; (aitōn g165) ୩୬ ଇତିହିଁ ଏଖାରି ଦୂରୁୟାଲେହିଁ ଆହାନା ଏରେଲାଖା ହାଅରି, ଇଞ୍ଜି ହାକିଟି ନିଟ୍ଟାମାନାକି ଏଖାରି ମାହାପୁରୁଟି ମାରୁକା ଆନେରି । ୩୭ ସାମା ହାତାରି ସାତେଏ ନିଟ୍ଟିନେରି ଇଞ୍ଜି ମସାଲି ଜିକେଏ ଖେହମାନି ବୁଟାଟି କାବୁତଲେ ନେହିଁକି ତସାମାରେସି, ଇତିହିଁ ଏଖାସି ପ୍ରବୁଇଁ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ ଅଡ଼େ ଜାକୁବତି ମାହାପୁରୁ ଇଞ୍ଜିମାରେସି । ୩୮ ଏଖାସି ହାତାରି ମାହାପୁରୁ ଆଏ ସାମା ଜୀଞ୍ଜୁଗାଟାରି ମାହାପୁରୁ; ଇତିହିଁ ମାହାପୁରୁ ନକିତା ବାରେଜାଣା ନାତାମାନେରି ।” ୩୯ ଏମ୍ବିଟିଏ ମେରାପୁନାରି ବିତ୍ରାଟି ଏରେଜାଣା

ଏଲେଇଚେରି, “ହାଅ, ଗୁରୁ ନୀନୁ ଅଜେ ସେସ୍ତାତି ।” ୪୦ ଇଚିହିଁ ଏଞ୍ଜାଣାଇଁ ଅଡ଼େ ଏନାଆଁ ସେଞ୍ଜାଲି ଏଞ୍ଜାରାକି ସାସା ହିଲାଆଚେ । ୪୧ ଏମ୍ପାଟିଏ ଜୀସୁ ଏଞ୍ଜାରାଇଁ ସେଚେସି, ଜୀସୁ ଦାସୁଦ ମୀରୁଏସି, ଲକ୍ଷୁ ଏନିକିଁ ଏଲେଇଚେରି? ୪୨ ଇଚିହିଁ ଦାସୁଦ ତାନ୍ତୁଏ ପାରୁ ପତିତା ଏଲେଇଞ୍ଜା ମାନେସି, ପ୍ରବୁ ନା ପ୍ରବୁଇଁ ସେସ୍ତେସି, ୪୩ ନାନୁ ନୀ ସାତୁୟିଣି ନୀ କତାୟିଁ ତୁଇ ଇଟାଆ ପାଚେକା, ନାନୁ ନା ଚିଃନିଞ୍ଜାକି କୁଟାମାନାମ୍ । ୪୪ ଦାସୁଦ ତାନ୍ତୁଏ ଏଞ୍ଜାଣାଇଁ ପ୍ରବୁ ଇଞ୍ଜା ମାନେସି; ଆଚିହିଁ ଜୀସୁ ଏନିକିଁ ଏଞ୍ଜାଣି ମୀରୁଏସି? ୪୫ ତାୟୁ ବାରେ ଲକ୍ଷୁ ନକିତା ସାୟୁୟିଁ ସେସ୍ତେସି, ୪୬ “ଚେମର ଜାପ୍ତାନାରି ତାଣାଟି ଜାଗ୍ରାତା! ଇଚିହିଁ ଏଞ୍ଜାରି ଲାମ୍ପା ଲାମ୍ପା ହିମ୍ପାରିକା ହୁଟାନା ଚିରୁସିହିଁ ରେଜାଲି, ଅଡ଼େ ହାଟା ବାଜାରାତା ଜହରା ବେଟାଆହାଲି, ପ୍ରାତାନା ଲଲକାଣା ନେହିଁ ନେହିଁ କୁଚିୟିଁ ଅଡ଼େ ବଜିତା ନେହିଁ ଚାୟୁ ବେଟାଆହାଲି ଅଣ୍ଡିନେରି; ୪୭ ଏଞ୍ଜାରି ରାଣ୍ଡେଣିସିକା ଇଲୁ ସେମ୍ପିନେରି ଅଡ଼େ ଉଜେ ଉଜେଏ ଲାମ୍ପା ଲାମ୍ପା ପ୍ରାତାନା କିନେରି; ଏଞ୍ଜାରି ହାରେକା ତଣ୍ଡୁ ବେଟାଆନେରି ।”

୨୧ ଏଚିବେଲା ଦନଗାଟାରି ଦାନା ଚେପାତା ତାମି ଦାନା ମେଚୁହି ମାଗାଣି ଜୀସୁ ସିନିକିହିମାଚେସି, ୨ ଅଡ଼େ ର କାର୍ମାଗାଟି ରାଣ୍ଡେଣି ଖାହାନା ଏମ୍ପାଆଁ ରା ଉଣା ତାମ୍ପାତି ଆଦଲି ମେଚୁହାଣି ମେସାନା ଏଲେଇଚେସି, ୩ “ନାନୁ ମିଟ୍ଟୁ ସାତା ସେସିମାଞ୍ଜାଇଁ ଇ କାର୍ମାଗାଟି ରାଣ୍ଡେଣି ଗାତି ଦାନା ହାହାମାନେ, ୪ ଇଚିହିଁ ଦନ ଗାଟାରି ତାମି ଗାତି ଦନଟି ଇଚାଣି ତାତାନା ବେଟୁ ହାହାମାନେରି, ସାମା କାର୍ମାଗାଟି ରାଣ୍ଡେଣି ତାମି ହିଲାଆବେଲାତା ତାଟ୍ଟେ ନୀତାଲିତାକି ଏନାୟି ମାଚେ ଏ ବାରେ ହାହାମାନେ ।” ୫ ଅଡ଼େ ଆମ୍ପା ଆମ୍ପାଆରି ମାହାପୁରୁ ଇଲୁ ଅଜି ଅଜିତି ଖାଲକା ଅଡ଼େ ଦାନା ହାନାଣି ତଲେ ଅଜିକିଁ ଆଜାମାନେ ଇଞ୍ଜା ଇଞ୍ଜାଲିଏ ଜୀସୁ ଏଲେଇଚେସି, ୬ “ମୀରୁ ନୀଏଁ ଏନା ଏନାଆଁ ମେସିମାଞ୍ଜେରି, ଦିନା ଖାନେ, ଏଚିବେଲା ର ଖାଲି ଅର ଖାଲି ଲାକ ଡ଼େୟଏ, ଇ ବାରେ ମେଣ୍ଡୁହାଜେ ।” ୭ ଏଚିବେଲା ଏଞ୍ଜାରି ଏଞ୍ଜାଣାଇଁ ସେଚେସି, “ଏ ଗୁରୁ ଆଚିହିଁ ଇ ବାରେ ଏଚେଲା ଆନେ? ଇଞ୍ଜା ଇ ବାରେ ଆମିନି ବେଲାତା ଆନେ, ଏ ବେଲାତି ସିନା ଏନାୟି?” ୮ ଜୀସୁ ଏଲେଇଚେସି, “ଜାଗ୍ରାତା ମୀରୁ ଏନିକିଁ ଆନୁ ଆଅଚେରି; ଇଚିହିଁ ହାରେକା ନା ଦରୁଟି ଖାହାନା ନାନୁ ଏଞ୍ଜାଚେଏଁ ଅଡ଼େ ଏ ଦିନା ଏଦାଚେୟିଏ ଇଞ୍ଜା ଇଞ୍ଜାନେରି; ଏଞ୍ଜାରି ଚେଚ ହାଲାଆୟୁ । ୯ ଇଞ୍ଜା ମୀରୁ ଏଚେତା ଜୁଜୁ ଇଞ୍ଜା ଚେଲି ଆହିମାନାଣି ସେଚିସାରେ ଆଜାଆୟୁ; ଏନିକିହିଁ ଇ ବାରେ ନକେଏ ଆୟାଲି ଆନେ, ଆଚିଜିକେଏ ଏଚିବେଲା ଜୁଗୁ ରାଏ ।” ୧୦ ତାୟୁ ଏଞ୍ଜାରାଇଁ ଏଲେଇଚେସି, “ଚେସା କପାଟି ଚେସା, ରାଜି କପାଟି ରାଜି ଚେଲି ନିଟ୍ଟୁନେ, ୧୧ ଇଞ୍ଜା ଇମ୍ପାଆଁ ଏମ୍ପାଆଁ ବୁମି ଖାଚିନେ, ହାରେକା ଚାୟୁତା ମରଡ଼ି ଇଞ୍ଜା କାରୁସୁ ଖାନେ, ଅଡ଼େ ହାଗୁ ପାକାତା ଆଜିହପେତି ସିନାୟି ତୁଞ୍ଜା ଆନୁ । ୧୨ ସାମା ଇ ବାରେ ଆଆ ନକେଏ ଲକ୍ଷୁ ମିଟ୍ଟେ ଆସାନା ନା ଦରୁ ତାକି ନିନୁ କିହାନା ଜୀହୁଡି ଲକ୍ଷୁଟି କୁଟାମି ଲଲକାଣା, କାୟିଦି ଇଲକାଣା, ରାଜା

ଇଞ୍ଜା ନୀହାୟି କିନାରି ତାଣା ହେରପାନେରି; ୧୩ ଇଦି ମିଟ୍ଟେତାକି ସାକି ଆନେ । ୧୪ ଇଞ୍ଜା ଏନାଆଁ କିଲିଇଁ ଏନାଆଁ ସେହଇଁ ଇଞ୍ଜା ତଲିଏ ମନତା ଅଣ୍ଡାଆୟୁ; ୧୫ ଏନାଆଁତାକି ଇଚିହିଁ ମୀ ସାୟୁୟିଁ ମିଟ୍ଟେ ସେଣ୍ଡେ ଜଳାଲି କି ସେସାଲି ଆତାଆପେରିଞ୍ଜା ଇଞ୍ଜା ନାନୁ ମିଟ୍ଟେ ଏଚିବେଲାତା ନେହିଁ ବୁଦି ଅଡ଼େ ସୁଖ ହିୟାଇଁ । ୧୬ ସାମା ମୀ ତାଲି ତାଞ୍ଜା ତାୟିୟିଁ ସାମନ୍ଦୁୟିଁ ଇଞ୍ଜା ମୀ ତଣ୍ଡେସିଟ୍ଟା ଜିକେଏ ମିଟ୍ଟେ ହେରପାନେରି, ଅଡ଼େ ମୀ ବିତ୍ରାଟି ଆମ୍ପା ଆମ୍ପାଆରାଇଁ ଇହ୍ସାନା ପାୟିନେରି, ୧୭ ଇଞ୍ଜା ନା ଦରୁ ତାକି ବାରେ ଲକ୍ଷୁତାଣା ଲାଜା ବେଟାଆଦେରି ଅଡ଼େ ଅପଅରି । ୧୮ ସାମା ମୀ ତାୟୁଟି ର ବାଣା ଜିକେଏ ନସ୍ତୁ ଆଏ; ୧୯ ଅରୁହିନି ତାଣାଟି ମୀରୁ ମୀ ଜୀହୁଡି ଗେଲପିକିହା କଚିଦେରି ।” ୨୦ “ସାମା ମୀରୁ ଏଚିବେଲା ସାୟୁୟିଁ ଜିରୁସାଲମ ଗାଡ଼ାତା ମୁଟାମାନାଣି ମେହୁଦେରି, ଏଚିବେଲା ଏଦି ନାସା ଆନି କାଲା ଏଦାଚେ ଇଞ୍ଜା ପୁଞ୍ଜା । ୨୧ ଏଚିବେଲା ଏମିନିଗାଟାରି ଜୀହୁଦା ଚେସାତା ମାନେରି, ଏଞ୍ଜାରି ହୁରକାଣା ହଣ୍ଡାପାରି; ଇଞ୍ଜା ଏମିନିଗାଟାରି ଗାଡ଼ା ବିତ୍ରା ମାନେରି, ଏଞ୍ଜାରି ହୁଟା ହାଲବେରି; ଏମିନିଗାଟାରି ନାସକାଣାଁ ମାନେରି, ଏଞ୍ଜାରି ଗାଡ଼ାତା ହୁଡ଼ିଆପେରି; ୨୨ ଏନିକିହିଁ ମାହାପୁରୁ ପତିତା ରାସକି ଆହାମାନି ବାରେ କାତାଲେହେଁ ଆୟାଲିତାକି ଏଦି ତଣ୍ଡୁ ହାନି କାଲା । ୨୩ ଆୟୁତା ଏଚିବେଲା ପୁରାମାସା ଆହାମାନୁ କି ପାଲୁ ଉଚୁହିମାନୁ ଏଞ୍ଜା ଉଣେଏ କସ୍ତୁ ପାଣନ୍ଦୁକି! ଏନିକିହିଁ ଏଚିବେଲା ଇ ଦାରୁଚିତା କାଜା ତଣ୍ଡୁ ଅଡ଼େ ଇ ଲକ୍ଷୁତାକି ମାହାପୁରୁଟି କପା ଆନେ, ୨୪ ଏଚରଜାଣା କାଣ୍ଡାତଲେ ଚୁଣ୍ଡି ଆନେରି, ଇଞ୍ଜା ଏଚର ଜାଣାଇଁ ଦସ୍ପି କିହିଁ ଏଚକା କୁଡ଼ାତି ଲକ୍ଷୁତାଣା ଅନେରି, ଇଞ୍ଜା ଏଚକା ଜାତିତି ଲକ୍ଷୁଟି କଲା ଏଆ ପାଚେକା ଏଞ୍ଜାରି କତାୟିଁ ତୁଇ ଜିରୁସାଲମ ଗାଡ଼ା ସିପିଆହିଁ ଡ଼ୟିନେ ।” ୨୫ “ଏମ୍ପାଟିଏ ଚଞ୍ଚଡ଼ା ଲେଞ୍ଜୁ ଅଡ଼େ ହୁକାୟିଁ ବିତ୍ରାଟି ଏନି ଏନି ସିନାୟି ତୁଞ୍ଜାଆନେ, ସାମ୍ପାଦୁରି ଗାର୍ଜିନାଣି ଇଞ୍ଜା ଏୟୁ ନିଟ୍ଟୁନାଣି ମେସାନା ଦାରୁଚିତି ବାରେ ଚେସାତି ଲକ୍ଷୁ ଆତାଜାକା ଆନେରି, ୨୬ ଇଞ୍ଜା ଦାରୁଚିତା ଏନା ଏନାୟି ଗଟେସି ଆହିମାନେ ଇଞ୍ଜା କାତାନା ଲକ୍ଷୁ ଆଜିତାକି ଜୀହୁ ପିପିଲେହେଁ ଆନେରି, ଏନିକିହିଁ ହାଗୁ ପାକାତି ବାଡ଼ୟୁ ବାରେ ଖାଚିନେ । ୨୭ ଏଚିବେଲା ମାଣ୍ଡି ମୀରୁଏସି କାଜା ବାଡ଼ୟୁ ଅଡ଼େ ଗାସୁରମି ତଲେ ହାଗୁ ଲାକତି ଦୁନ୍ନାଟି ଖାନାଣି ମେହୁଦେରି । ୨୮ ସାମା ଇ ବାରେ ଗଟେସି ଆୟାଲି ମାଚୁହିସାରେ ମୀରୁ ଲାକି ସିନିକିୟୁ ଏନିକିହିଁ ମିଟ୍ଟେ ଗେଲପିନି କାତା ଏଜିମାଞ୍ଜେନେ ।” ୨୯ ଅଡ଼େ ଜୀସୁ ଏଞ୍ଜାରାଇଁ ର ପୁଣ୍ଡିକିନି କାତା ସେସ୍ତେସି, “ତୟା ମୀରୁ ଅଡ଼େ ବାରେ ମାରକାଣି ସିନିକିୟୁ; ୩୦ ଏଚିବେଲା ଏଞ୍ଜା ଗଞ୍ଜେଡ଼ି ଗାଲୁ, ଏ ଗଞ୍ଜେଡ଼ି ଗାଲୁନାଣି ମେସାନା କାରା ଚଞ୍ଚଡ଼ା ଖାଚେ ଇଞ୍ଜା ମୀରୁ ପୁଞ୍ଜେରି; ୩୧ ଏଲେକିହିଁଏ ମୀରୁ ଇ ବାରେ ମେସାନା ମାହାପୁରୁଟି ରାଜି ଏଜିମାଞ୍ଜେନେ ଇଞ୍ଜା ପୁଞ୍ଜେରି ।” ୩୨ “ନାନୁ ମିଟ୍ଟୁ ସାତା ସେସିମାଞ୍ଜାଇଁ, ଇ ବାରେ ଆଆପାଚେକା ଇ କାଲାତି ଲକ୍ଷୁ ଏନିକିକେଏ ମେଣ୍ଡୁଅରି । ୩୩ ହାଗୁପାକା ଦାରୁଚି ବାରେ ମେଣ୍ଡୁଟ୍ଟେନେ, ସାମା ନା ବଲୁ ଏଚେଲାଖା ମେଣ୍ଡୁଆଉ ।” ୩୪

“ଏଦାଆଁତାକି ମାରୁ ଜାଗ୍ରାତା ଆହାନା ମାଞ୍ଜୁ ଆଆତିହିଁ ତିନାଣି ଉନାଣି ଅଡ଼େ ବାଡ଼କିନି ଅଶପୁ ମା ହିୟାଁତା ନେଞ୍ଜିନେ ଅଡ଼େ ଏ ଦିନା ଦେବୁଣିଏ ପାନ୍ତୁଲେହେଁ ମୀ ମୁହେଁ ଖାନେ; ୩୫ ଏନିଇତିହିଁ ଏଦି ପାନ୍ତୁ ଲେହେଁ ଦାରୁତିତି ବାରେ ଜାତିତି ଲକୁ ମୁହେଁ ଖାନେ । ୩୬ ଯାମା ମୀରୁ ଏନିକି ଇ ବାରେ ଖାହିମାନି ତଣ୍ଡୁଟି ଗେଲୁପି ଆହାଲି ଅଡ଼େ ମାଣ୍ଡିଏ ମୀରୁଏଣି ନକିତା ନିଚାଲି ଆଡିଦେରି, ଏଦାଆଁତାକି ବାରେବେଲା କାତାନା ପ୍ରାତାନା କିହେମାଞ୍ଜୁ ।” ୩୭ ଜୀମୁ ଏତିବେଲା ପ୍ରାତାନା ଇଲୁତା ଜାପୁହି ମାରେସି, ଇଞ୍ଜି ଲାଆଁୟାଁ ଗାଡ଼ାତି ହତା ହାଜାନା ଜାତ ଇନି ହରୁତା ମାଣ୍ଡିପିତେସି । ୩୮ ଅଡ଼େ ବାରେ ଲକୁ ପ୍ରାତାନା ଇଲୁତା ଜୀମୁ କାତା ଖେଞ୍ଜାଲି ଲାଈ ଲାଇସିଏ ଗୁଣ୍ଡା ଆହିମାରେରି ।

୨୨ ପିସ୍ପିଆନି ପାର୍ବୁ ଦରୁଗାଟି ପୁଲାଏୟୁ ଆଣ୍ଡାଆତି ରୁଟି ତିନି ପାର୍ବୁ ତାଗେ ଆହିମାରେ । ୨ ଇଞ୍ଜି କାଜା ପୁଜେରା ଅଡ଼େ ମେରାପୁନାରି, ଜୀମୁଇଁ ଏନିକି ପାୟାଲି ଆଡିନେରି, ଏଦାଆଁତାକି ପାରୁ ପାରିମାରେରି, ଯାମା ଏଖାରି ଲକୁଣି ଆଜିମାରେରି । ୩ ଏତିବେଲା ବାରଜାଣା ସୀୟୁୟାଁ ବିତ୍ରାମାନି ଇସ୍ପାରିୟତ ଦରୁଗାଟି ଜୀହୁତା ହିୟାଁତା ସୟତାନ ହଟେ; ୪ ଅଡ଼େ ଜୀହୁତା ହାଜାନା ଏନିକି କାଜା ପୁଜେରାଢ଼ୁ ଅଡ଼େ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସ୍ପି କିନେସି, ଏଦାଆଁତାକି ଏଖାରିତଲେ କାତାବାଟା ଆଡେସି । ୫ ଏମ୍ପାଟିଏ ଏଖାରି ରାହାଁ ଆହାନା ଏଖାଣାକି ଟାକାୟାଁ ହାହାଲି ଆଞ୍ଜିତେରି । ୬ ଅଡ଼େ ଜୀହୁତା ରାଜି ଆହାନା ଲକୁ ହିଲାଆବେଲାତା ଜୀମୁଇଁ ଏଖାରି କେୟୁତା ହେରୁପାଲି ପାରୁ ପାରାଡେସି । ୭ ତାୟୁ ଆମିନି ଦିନା ପୁଲାଏୟୁ ଆଣ୍ଡାଆତି ରୁଟି ତିନି ପିସ୍ପିଆନି ପାର୍ବୁତାକି ମେଣ୍ଡା ତାଲକାଣି ପୁଜା କିନି ଦିନା ଏଡେ; ୮ ଏଡେଟିଏ ଜୀମୁ ପିତର ଅଡ଼େ ଜହନଇଁ ଇ କାତା ଖେସା ପାଣ୍ଡିତେସି, “ମୀରୁ ହାଜାନା ମାଢ଼େଟାକି ପିସ୍ପିଆନି ପାର୍ବୁତାକି ରାନ୍ତୁ ଖାଜାତୁ ମାର ତିନଖା ।” ୯ ଏମ୍ପାଟିଏ ଏଖାରି ଜୀମୁଇଁ ଖେରେରି, “ମାମୁ ଆମ୍ପିୟା ହାଜାନା ରାନ୍ତୁ ଖାଜିହାଲାପାରି ଇଞ୍ଜି ନୀରୁ ଅଣ୍ଡିମାଞ୍ଜୁ?” ୧୦ ଏଖାସି ଏଖାରାଇଁ ଏଲେଇତେସି, “ମୀରୁ ଗାଡ଼ା ହତିସାରେ ତୁକାତା ଏୟୁ ଅହିମାନାଣାଇଁ ମେହଦେରି; ଏଖାଣି ଜେତ ଜେତ ହାଜାନା ଏଖାସି ଆମିନି ଇଜ ହଡ଼ନେସି ଇଲୁ ଗାତାଣାଇଁ ଖେହୁଦୁ, ୧୧ ଗୁରୁ ନିଢ଼ୁ ଇଲେଇଞ୍ଜି ଖେସା ପାଣ୍ଡାମାଞ୍ଜୁନେସି, ନାନୁ ନା ସୀୟୁୟାଁ ତଲେ ପିସ୍ପିଆନି ପାର୍ବୁତି ବଜି ଏମିନି ଇଲୁତା ତଇଁ ଏ ବାକ୍ରା ଆମିନାୟି ତସ୍ପାମୁ? ୧୨ ଏମ୍ପାଟିଏ ଏଖାସି ନେହିଁ ତିୟାରି ଆହାମାନି ଲାକିନି ପାରୁତି ର ବାକ୍ରା ବାକ୍ରା ତସ୍ପାନେସି; ଏମ୍ପାଆଁ ମାଢ଼େଟାକି ରାନ୍ତୁ ଖାଜାତୁ ।” ୧୩ ଏଖାରି ହାଜାନା ଜୀମୁ ଏଖାରାଇଁ ଏନିକି ଖେସାମାରେସି, ଏଲେକି ମେସାନା ପିସ୍ପିଆନି ପାର୍ବୁତି ରାନ୍ତୁ ଖାଜିତେରି । ୧୪ ପିସ୍ପିଆନି ପାର୍ବୁତି ବେଲା ଆୟାଲିଏ, ଜୀମୁ ଅଡ଼େ ତାନି ପାଣ୍ଡି ଆଡି ସୀୟୁୟାଁ ତଲେ ତିଞ୍ଜାଲି କୁରିତେରି । ୧୫ ଅଡ଼େ ଏଖାସି ଏଖାରାଇଁ ଏଲେଇତେସି, “ନାନୁ ତୁକୁ କସ୍ପ ପୁଠାଆ ନକେଏ ମୀ ତଲେ ଇ ପିସ୍ପିଆନି ପାର୍ବୁତି ବଜି ତିଞ୍ଜାଲି ହାରେକା ଅଣ୍ଡାମାରେସାଁ! ୧୬

ଏନିଇତିହିଁ ନାନୁ ମିଢ଼େ ଖେସିମାଞ୍ଜୁଇଁ, ମାହାପୁରୁ ରାଜିତା ଇ କାତା ବାରେ ପୁରା ଆଆପାତେକା ନାନୁ ଅଡ଼େ ଏଡେଲାଖା ଏଦାଆଁ ତିନଅଁ ।” ୧୭ ଇଞ୍ଜି ଏଖାସି ର ସଲା ଆସାନା ମାହାପୁରୁଇଁ ଜହରା କିହାନା ଏଲେଇତେସି, “ମୀରୁ ଇଦାଆଁ ଆହାନା ମୀ ବିତ୍ରା ବାଟିକିଦୁ । ୧୮ ଇତିହିଁ ନାନୁ ମିଢ଼େ ଖେସିମାଞ୍ଜୁଇଁ, ମାହାପୁରୁ ରାଜି ଖାଆ ପାତେକା ନାନୁ ନୀଞ୍ଜୁଟିଏ ଅଢ଼େରି ରାସା ଏଡେଲାଖା ଗହଅଁ ।” ୧୯ ଅଡ଼େ ଏଖାସି ରୁଟି ଆହାନା ମାହାପୁରୁଇଁ ଜହରା କିହାଁ ତିକହାନା ହାହାଁ ଏଲେଇତେସି, “ମିଢ଼େଟାକି ହୀପକି ଆହାମାନି ନା ଆଢ଼ୁ ଇଦି; ନାଢ଼େ ଅଣ୍ଡାପାଲି ଇଦାଆଁ କିଦୁ ।” ୨୦ ଏଲେକିହିଁଏ ଚିତି ତାୟୁ ଏଖାସି ଗହନି ସଲା ଆସାନା ଏଲେଇତେସି, “ଇ ସଲାତା ମିଢ଼େଟାକି ଖାକହମାନି ନା ନେଡେରିତି ପୁଠିନି ରାଜିମାନା ।” ୨୧ “ସାମା ମେହୁଦୁ ଆମ୍ପାଆସି ନାଢ଼େ ସାଦୁ କେୟୁତା ହେରୁପିମାଞ୍ଜୁନେସି, ଏଖାସି ନା ତଲେ ବଜିତା କୁଗାମାନେସି । ୨୨ ଏନିଇତିହିଁ ମାହାପୁରୁ ତାରି କିହାମାଟି ଲେହେଁ ମାଣ୍ଡିଏ ମୀରୁଏସି ହାନେସି, ଯାମା ଏଖାଣାଇଁ ସାଦୁ ତାଣା ହେରୁପିନେସି ଆୟତା ଏଖାସି ଉଣେଏ ତଣ୍ଡୁ ବେଟା ଆନେସି ।” ୨୩ ଏମ୍ପାଟିଏ ଏଖାରି ମା ବିତ୍ରାତି ଆମ୍ପାଆସି ଇଲେକି କାମା କିନେସି ଇଞ୍ଜି ତାମୁ ତାମୁଏ ଜଲକି ଆଡେରି । ୨୪ ଇଞ୍ଜି ଏଖାରି ବିତ୍ରାତି ଆମ୍ପାଆସି କାଜାସି ଆନେସି ଇଞ୍ଜି ସୀୟୁୟାଁ ବିତ୍ରା ଆସ୍ପି ଆଡେରି । ୨୫ ଏମ୍ପାଟିଏ ଜୀମୁ ଏଖାରାଇଁ ଏଲେଇତେସି, “ଏଡକା କୁଡ଼ାତି ରାଜାୟାଁ ଏଖାରି ମୁହେଁ ସାଲଖି କିନେରି, ଅଡ଼େ ଆମିନି ଗାଟାରି ଏଖାରାଇଁ ସାଲଖି କିନେରି, ଏଖାରି ଲକୁଡ଼ାଣା ନେହାଁରି ଇଞ୍ଜି ଖେଟ୍ଟାଲି ଅଣ୍ଡିପିନେରି । ୨୬ ଯାମା ମୀ ବିତ୍ରା ଏଲେଆଆଦୁ ଇତିହିଁ ମୀ ବିତ୍ରା ଆମ୍ପାଆସି କାଜାସି ଏଖାସି ଉଣା ଆପେସି, ଇଞ୍ଜି ଆମ୍ପାଆସି ସାଲଖି କିନାସି ଏଖାସି ସେବା କିନାସି ଆପେସି । ୨୭ ଆମ୍ପାଆସି କାଜାସି? ତିଞ୍ଜାଲି କୁରିନାସି କାଜାସି କି ସେବା କିନାସି କାଜାସି? ତିଞ୍ଜାଲି କୁରିନାସି କାଜାସି ଆଏକି? ସାମା ନାନୁ ମୀ ବିତ୍ରା ସେବା କିନାଡେଏଁଲେହେଁ ଆହାମାଇଁ ।” ୨୮ “ସାମା ମୀରୁ ନା ବାରେ କସ୍ପତା ନା ତଲେ ମାଞ୍ଜୁମାଞ୍ଜୁରେ; ୨୯ ଇଞ୍ଜି ନା ଆବା ଏନିକି ନାଢ଼େ ସାଲଖି କିହାଲି ପାଣା ହାହାମାଞ୍ଜୁନେସି, ନାନୁ ଜିକେଏ ଏଲେକିହିଁଏ ମିଢ଼େ ହିୟାଇଁ, ୩୦ ଏନିକି ମୀରୁ ନା ରାଜିତା ନା ତଲେ କୁଗାନା ତିଞ୍ଜେରି, ଇଞ୍ଜି ସିଂଗାସାଣିତା କୁଗାନା ଇସ୍ପାୟେଲତି ବାର କୁଡ଼ାତି ସାଲଖି କିବେରି ।” ୩୧ “ସିମନ, ସିମନ ମେହୁମୁ ସୟତାନ ଗହଁ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେଟାଆହାମାନେ; ୩୨ ଯାମା ମୀ ନାନୁ ଏନିକି ମେଣ୍ଡେଏ, ଇଦାଆଁତାକି ନାନୁ ନା ତାକି ପ୍ରାତାନା କିଡେଏ; ଇଞ୍ଜି ନାନୁ ନେହିଁ ଆହାନା ଖେଣ୍ଡାସାରେ ନା ତାୟିୟାଣି ତାରୁକିମୁ ।” ୩୩ ଯାମା ପିତର ଏଲେଇତେସି, “ଏ ପ୍ରଦୁ ନାନୁ ନା ତଲେ କାୟିଦିତା ହାଜାଲି ଅଡ଼େ ହାହାଲି ଜିକେଏ ଆଣ୍ଡାଇଁ ।” ୩୪ ଯାମା ଜୀମୁ ଏଲେଇତେସି, “ଏ ପିତର ନାନୁ ଏଲେଇଞ୍ଜିମାଞ୍ଜୁଇଁ, ନୀଞ୍ଜୁ କୟୁ କେଣ୍ଡା ନକେଏ ନାନୁ ନାଢ଼େ ତାନିପାଲି ପୁଞ୍ଜୁହିଲଅଁ ଇଞ୍ଜି ଖେହୁଦି ।” ୩୫ ଜୀମୁ ଏଖାରାଇଁ ଏଲେଇତେସି, “ଏତିବେଲା ନାନୁ ମିଢ଼େ ତାରୁୟାଁ ମଣା ଇଞ୍ଜି

ସେପୁୟାଁ ଅଥାନା ହାକୁ ଇଚ୍ଛା ପାଣ୍ଡା ମାଞ୍ଜୁଦେବୀ ଏ ବେଳା ମିତ୍ତେ ଏନାୟି ଉଣା ଆୟତେକି?" ଏଝାରି ଏଲେଇଚେରି, "ଏନାୟି ଆଏ ।" ୩୭ ଏମ୍ପାଟିଏ ଜୀସୁ ଏଲେଇଚେରି, "ସାମା ନୀଏଁ ଆମ୍ବାଆରାକି ଡାକୁୟାଁ ମାନୁ ଏଝାସି ଏଝାଆଁ ଅପେସି, ଏଲେକିହିଁଏ ମଣା ଜିକେଏ ଅପେସି, ଅଡେ ଆମ୍ବାଆରାକି କାଣ୍ଡା ହିଲେଏ ଏଝାସି ତାନି ହିମ୍ପରି ପାର୍ତାନା କତାପେସି । ୩୭ ଇତିହିଁ ନାନୁ ମିତ୍ତେ ଖେସିମାଞ୍ଜୁଇଁ, ମାହାପୁରୁ ପତିତା ରାସକି ଆହାମାନାୟି ସାତେଏ ନାଡ୍ଡେତାକି ଆନାୟି ମାନେ, ଏଝାସି ପାପୁ ଗାଟାରି ତଲେ ଲେକା ଆନେସି, ଏଲେଆହିଁଏ ଏ ବାରେ ନାଡ୍ଡେ ଏଜାତାଟିମାନେ ।" ୩୮ ଏମ୍ପାଟିଏ ଏଝାରି ଏଲେଇଚେରି, "ଏ ପ୍ରବୁ ଇମ୍ପାଆଁ ରା କାଣ୍ଡା ମାନୁ ।" ଇଚ୍ଛା ଏଝାସି ଏଲେଇଚେରି, "ହାଅ, ଏଝିଏ ସାରି ଆନୁ ଇଚେସି ।" ୩୯ ଏଝାସି ଗାଡାଟି ହତା ହାଜାନା ତାନୁ ହାଲ୍ଡିତିଲେହେଁ ଜୀତ ହରୁତା ହାଚେସି, ଅଡେ ସାପୁୟାଁ ଜିକେଏ ଏଝାଣି ଜେତ ହାଚେରି । ୪୦ ଏମ୍ପାଆଁ ଏଜାନା ଏଝାସି ତାନି ସାପୁୟାଁଇଁ ଖେସ୍ତେସି, "ମୀରୁ ଏନିକିଁ ପାନୁତା ହେରୁଝି ଆଅଚେରି, ଇଦାଆଁତାକି ପ୍ରାତାନା କିଦୁ ।" ୪୧ ଅଡେ ଏଝାସି ଏଝାରି ତାଣାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାତାନା କିହିଁ ଖେସ୍ତେସି, ୪୨ "ଏ ଆବା ନାନୁ ମନ କିତିହିଁ ଇ ଦୁକୁ କସୁ ନା ତାଣାଟି ଗୁଚି କିମ୍ପୁ: ସାମା ନା ମନ କଡେ ଆଏ ନୀ କାତେଏ ଆପେ ।" ୪୩ ଅଡେ ଲାକପୁରୁତି ର ଦୁରୁ ଡଞ୍ଜାଆହାନା ଏଝାଣାକି ବାଡୁୟୁ ହାଚେ । ୪୪ ଏଚେଟିଏ ଏଝାସି ହାରେକା ଦୁକୁ ତଲେ ଅଡେ ଗାତିକିହିଁ ପ୍ରାତାନା କିଚେସି, ଇଚ୍ଛା ଏଝାଣି ଗାମା ନେଚେରିଲେହେଁ ବୁମ୍ପିତା ତରୁମିମାଚେ । ୪୫ ଅଡେ ଏଝାସି ପ୍ରାତାନାଟି ନିଷ୍ଟା ଖାହାନା ତାନି ସାପୁୟାଁଣି ଦୁକୁ ତଲେ ଇଦା କିତାଣି ମେସ୍ତେସି; ୪୬ ଇଚ୍ଛା ଏଝାସି ଏଝାରାଇଁ ଏଲେଇଚେରି, "ଏନାଆଁତାକି ତୁରାମାଞ୍ଜେରି? ପାନୁତା ଏନିକିଁ ହେରୁଝଅଚେରି ଏନାଆଁତାକି ନିଷ୍ଟାନା ପ୍ରାତାନା କିଦୁ ।" ୪୭ ଏଝାସି ଜଳିମାଚାଟି ର ମାନୁ ଲକୁ ଏମ୍ପାଆଁ ଏଗା ଖାଚେରି, ଅଡେ ବାରଜାଣା ସାପୁୟାଁ ବିତାଟି ଜାହୁଦା ଦରୁଗାଟାସି ଏଝାରି ନକିତା ଖାହାନା ଜୀସୁଇଁ ନଶ୍ୱାଳି ତାନି ତାଣା ହାଚେସି । ୪୮ ସାମା ଜୀସୁ ଏଝାଣାଇଁ ଏଲେଇଚେରି, "ଏ ଜୀହୁଦା ନଶ୍ୱାଳା ମାଣ୍ଡସି ମୀରୁଏଣାଇଁ ସାପୁୟାଁ କେୟୁତା ହେରୁପିମାଞ୍ଜୁ?" ୪୯ ଏମ୍ପାଟିଏ ଜୀସୁତଲେ ମାଚାରି ଇଦି ଏନାୟି ଇଚ୍ଛା ପୁଞ୍ଜାନା ଜୀସୁଇଁ ଏଲେଇଚେରି, "ଏ ପ୍ରବୁ ମାମୁ ଇଝାରାଇଁ କାଣ୍ଡାତଲେ ପାୟିନମି କି?" ୫୦ ଅଡେ ଏଝାରି ରଅସି କାଜା ପୁଜେରା ହଲେଏଣାଇଁ ଇରୁହାନା ତାନି ଚିଃନି କିୟାଁ ଦାଚାରୁସ୍ତେସି । ୫୧ ସାମା ଜୀସୁ ଏଲେଇଚେରି, "ଇଚେକେଏ ଆଚେ" ଇଚ୍ଛାନା ଏଝାଣି କିୟାଁ ତୀଗାନା ନେହିଁ କିଚେସି । ୫୨ ଅଡେ ଜୀସୁ ତାଡ୍ଡେ ଆସାଲି ଖାହାମାଟି କାଜା ପୁଜେରା, ମାହାପୁରୁ ଇଲୁଚି କାପୁଗାଟାରି ଅଡେ ଲକୁଚି କାଜାରାଇଁ ଏଲେଇଚେରି, "ମୀରୁ ସରୁଇଁ ଆହନିଲେହେଁ ଇତା କାଣ୍ଡା ଅଡେ ଚେଟ୍ଟାୟାଁ ଆସାନା ଖାହାମାଞ୍ଜେରି? ୫୩ ନାନୁ କାଲେଏ ମୀ ତଲେ ମାହାପୁରୁ ଇଲୁଚା ମାଚେଏ, ଏଚିବେଳା ମୀରୁ ନାଡ୍ଡେ ଆସ୍ତାଆଚେରି; ସାମା ଇ ଦିନା ମାଦିଏ ଅଡେ ଆନେରିତି ବାଡୁୟୁ ରାଜିକିନି ଦିନା ।" ୫୪ ତାୟୁ ଏଝାରି ଏଝାଣାଇଁ

ଅହାନା କାଜା ପୁଜେରା ଇଜ ତାଚେରି; ସାମା ପିତର ହେକ ମାଞ୍ଜୁନା ଜେତ ଜେତ ହାଚେସି । ୫୫ ଅଡେ ଏଝାରି ଆଂଗେଣିତା ହିରୁ ତାସାନା ହିରୁ ସାରିସୁରୁ କୁରିଚେରି, ଇଚ୍ଛା ପିତର ଜିକେଏ ଏଝାରିତଲେ କୁରିଚେସି । ୫୬ ଏମ୍ପାଟିଏ ର ହଲେଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଝାଣାଇଁ ସିନିକିହାନା ଏଲେଇଚେ, "ଇଝାସି ଜିକେଏ ଏଝାଣିତଲେ ମାଚାସି ।" ୫୭ ସାମା ପିତର ଏଲେଇଚେସି, "ଆଏକା ନାନୁ କଡେ ଏଝାଣାଇଁ ପୁଣ୍ଡୁଏ ପୁଞ୍ଜାହିଲଅଁ ।" ୫୮ ଅଡେ ଗାଡେକା ହାଜାଲିଏ ଅଡେ ରଅସି ଏଲେଇଚେସି, "ନାନୁ ଜିକେଏ ଏଝାରି ବିତାଟି ରଅତି ।" ସାମା ପିତର ଏଲେଇଚେସି, "ଆଏ ତାୟି ନାନୁ କଡେ ଆଏ ।" ୫୯ ଅଡେ ର ଗଂଟା ହାଜାଲିଏ ଅର ରଅସି ଏଲେଇଚେସି, "ସାତେଏ ଇଝାସି ଏଝାରିତଲେ ମାଚାସି, ଏନିକିତିହିଁ ଇଝାସି ଗାଲିଲି ଦେସାଚାସି ।" ୬୦ ସାମା ପିତର ଏଲେଇଚେସି, "ନାନୁ ଏନାଆଁ ଇଚ୍ଛାମାଞ୍ଜୁ ତାୟି ନାନୁ ଏନାଆଁ ପୁଞ୍ଜାହିଲଅଁ ।" ଏ ଦେବୁଣିଏ କୟୁ କେଣ୍ଡେ; ୬୧ ଏମ୍ପାଟିଏ ପ୍ରବୁ ମୁମୁ ପେରୁହାନା ପିତରଇଁ ସିନିକିଚେସି; ଏମ୍ପାଟିଏ ନାଞ୍ଜୁ କୟୁ କେଣ୍ଡା ନକେଏ ନାନୁ ପୁଞ୍ଜାହିଲଅଁ ଇଚ୍ଛାଦି, ପ୍ରବୁ ଖେସ୍ତେ ଇ କାଚା ତାନି ମନତା ଖାଚେ, ୬୨ ଇଚ୍ଛା ଏଝାସି ପାଡ୍ଡାତା ହାଜାନା ଗାତି ଦୁକୁ ଆହାନା ତୀଚେସି । ୬୩ ଅଡେ ଆମିନିଗାଟାରି ଜୀସୁଇଁ ଆସା ଇଗାମାଚେରି, ଏଝାରି ଏଝାଣାଇଁ ଖେଚି ଖେଚିହିଁ କାକହେରି, ୬୪ ଅଡେ ଏଝାଣି ମୁମୁତା ହିମ୍ପରି ପୁକହାନା ଖେଚେରି, "ନାନୁୟାଁ ମାହାପୁରୁ ଅଣ୍ଡପୁଚି ବଲୁ ଖେହନାତା! ଖେସ୍ତାମୁ ନିତ୍ତେ ଆମ୍ବାଆସି ଖେତାଚେସି?" ୬୫ ଅଡେ ଏଝାରି ହାରେକା କାଚା ଏଝାଣି କପାଟି ଜଲାନା ଏଝାଣି ନିନୁକିଚେରି । ୬୬ ଲାଲ ଖେୟାଲିଏ ଲକୁଚି କାଜାରି, କାଜା ପୁଜେରାଟ୍ଟା ଅଡେ ମେରାପୁନାରି ଗୁଣ୍ଡା ଆହାନା ତାନି ବେରଣିମାଣ୍ଡାତା ଜୀସୁଇଁ ଅହାନା ଖେଚେରି, ୬୭ "ନାନୁ କ୍ରୀସ୍ତୁଚିକି ମାଡ୍ଡେ ଖେସ୍ତାମୁ ।" ସାମା ଏଝାସି ଏଝାରାଇଁ ଏଲେଇଚେସି, "ନାନୁ ମିତ୍ତେ ଖେସ୍ତାସାରେ ମୀରୁ ନାମଅଚେରି; ୬୮ ଅଡେ ନାନୁ ଖେଞ୍ଜାତିହିଁ ମୀରୁ ଖେସାଲି ଆତଅଚେରି । ୬୯ ସାମା ନୀଏଁଟିଏ ମାଣ୍ଡସି ମୀରୁଏସି ବାଡୁୟୁଗାଟି ମାହାପୁରୁ ଚିଃନି ଚଟତା କୁଚିନେସି ।" ୭୦ ଏମ୍ପାଟିଏ ବାରେଜାଣା ଖେଚେରି, "ଆତିହିଁ ନାନୁ ମାହାପୁରୁ ମୀରୁଏଶାତିକି?" ଏଝାସି ଏଝାରାଇଁ ଏଲେଇଚେସି, "ମୀରୁତ ଖେସିମାଞ୍ଜୁଦେରି, ନାନୁ ଏଝାଚେଏ ।" ୭୧ ଏଚେଟିଏ ଏଝାରି ଏଲେଇଚେରି, "ମାଡ୍ଡେ ଅଡେ ଏନି ସାକି ଲଡା, ମାରତ ଇ କାଚା ତାନି ଗୁଚିଟିଏ ଖେଚାୟି ।"

୨୩ ଏଚେଟିଏ ତାୟୁ ବାରେଜାଣା ନିଷ୍ଟାନା ଜୀସୁଇଁ ପିଲାତ ନକିତା ଅଚେରି । ୨ ଇଚ୍ଛା ଏଝାରି ଜୀସୁ କପାଟି ଦହ ଦସାନା ଏଲେଇଚେରି, "ମାମୁ ପୁଚମି ଇଝାସି ମା କଡାଟି ଲକୁଣି ପଲ୍ଲଆ ଜୀସୁହିମାନେସି, ଇଚିହିଁ ଇଝାସି କାୟିସରକି ସିସୁ ହାଆଡୁ, ତାନୁ ନାନୁଏ କ୍ରୀସ୍ତୁ ଅଡେ ରାଜାଚେଏଁ ଇଚ୍ଛା ଖେସା କଡିମାନେସି ।" ୩ ଏଚେଟିଏ ପିଲାତ ଜୀସୁଇଁ ଖେଚେସି, "ନାନୁ କି ଜୀହୁଦି ଲକୁଚି ରାଜାଟି?" ଜୀସୁ ଖେସ୍ତେସି, "ନାନୁତ ଖେସିମାଞ୍ଜୁ ।" ୪ ଏଚେଟିଏ ପିଲାତ କାଜା ପୁଜେରା ଅଡେ

ବାରେ ଲକ୍ଷ୍ମଣୀ ଏଲେଇଚେସି, “ନାନୁ ଇଖାଣି ତାଣା ଏନି ଦହ ପୁଃଆତେଏଁ
 ୧୮” ୫ ଯାମା ଏଖାରି ଗାଡିକିହିଁ ଜଲିଚେରି, “ଇଖାସି ଗାଲିଲିଟିଏ ମାତ୍ତହାନା
 ଇମ୍ମା ପାତେକା ବାରେ ଜୀହୁଦା ଦେସାତି ଲକ୍ଷ୍ମଣୀ ଜାପହାନା ଲାଗେଏ
 କିହିମାନେସି ୧” ୨ ଯାମା ପିଲାତ ଇ କାତା ଖେଞ୍ଜୁନା ଖେଚେସି, “ଇଖାସି
 ଗାଲିଲିତାସିକି?” ୩ ଇଞ୍ଜିଁ ଏଖାସି ହେରଦ ରାଜା ରାଜି ତାସି ଇଞ୍ଜିଁ ପୁଞ୍ଜୁନା
 ଏଖାଣାଇଁ ହେରଦ ତାଣା ପାଣ୍ଡିଚେସି, ଏନିଇଚିହିଁ ଏଚିବେଲା ହେରଦ
 ଜିରୁସାଲମତା ମାଚେସି । ୮ ହେରଦ ଜୀହୁଇଁ ମେସାନା ହାରେକା ରାହାଁ
 ଆଚେସି, ଏନିଇଚିହିଁ ଏଖାସି ଏଖାଣି କାତା ଖେଞ୍ଜୁ ମାତାକି ଏଖାଣାଇଁ
 ହାରେକା ଦିନାଟିଏ ମେସାଲି ମନ କିହିମାଚେସି, ଇଞ୍ଜିଁ ଏଖାଣି ତାଣାଟି
 ଏନି କାବାଆନି କାମାକିନାଣି ମେହଇଁ ଇଞ୍ଜିଁ ଆସା କିହିମାଚେସି । ୯
 ହେରଦ ଜୀହୁଇଁ ଏନି ଏନି କାତାୟିଁ ଖେଚେସି, ଯାମା ଜୀହୁ ଏଖାଣାଇଁ
 ଏନି କାତାଖା ଖେଶ୍ଟେ ହେହୁଆଚେସି । ୧୦ ଯାମା କାଜା ପୁଜେରାହୁଁ
 ଅଡ଼େ ମେରାପୁନାରି ନିଚାନା ଏଖାଣି କପାଟି ଆଜିହପେତି କାତାୟିଁ
 ଜଲିମାଚେରି । ୧୧ ଏଚେଟିଏ ହେରଦ ତାନି କସ୍ତକା ତଲେ ଏଖାଣାଇଁ
 କାକ୍‌ହି କାକ୍‌ହିହିଁ ନିନୁକିଚେରି ଏଚେଟିଏ ର ପାରୁ ହିମ୍ବିରି ଏଖାଣାଇଁ ହୁଚି
 କିହାନା ପିଲାତ ତାଣା ଖେଶ୍ଟେ ପାଣ୍ଡିଚେରି । ୧୨ ଏ ଦିନାଟିଏ ପିଲାତ
 ଅଡ଼େ ହେରଦ ତଣେ ଆଚେରି; ଏଖାରି ନକେଏ ସାତୁୟିଲେହେଁ ମେସପି
 ଆଖିଚେରି । ୧୩ ଏମ୍ମାଟିଏ ପିଲାତ କାଜା ପୁଜେରା ଜୀହୁଦି ଲକ୍ଷ୍ମଣୀ
 କାଜାରି ଅଡ଼େ ବାରେ ଲକ୍ଷ୍ମଣୀ ହାଚି କିହାନା ଏଖାଣାଇଁ ଏଲେଇଚେସି, ୧୪
 “ଇଖାସି ଲକ୍ଷ୍ମଣୀ ପଲଆ ଜାପହିମାନେସି ଇଞ୍ଜିଁ ମାରୁ ନା ତାଣା ଚାଚେରି;
 ଯାମା ନାନୁ ଏଖାଣାଇଁ ମୀ ନକିତା ତାୟିପାରି କିଚେଏଁ ଇଞ୍ଜିଁ ମାରୁ
 ଖେସାମାଞ୍ଜୁତି ଏନି ଦହ ଏଖାଣି ତାଣା ପୁଃଆତେଏଁ, ଇଞ୍ଜିଁ ହେରଦ
 ଜିକେଏ ପୁଃଆତେସି, ୧୫ ଏନିଇଚିହିଁ ହେରଦ ଅଡ଼େ ଖେଶ୍ଟେ ନା ତାଣା
 ପାଣ୍ଡାଚେସି; ଇଞ୍ଜିଁ ମେହଦୁ ଇଖାସି ହାନି ତଣ୍ଡ ପାଣ୍ଡି ଏନି ଦହଖା
 କିହାହିଲଅସି; ୧୬ ଏଦାଆଁତାକି ନାନୁ ଇଖାଣାଇଁ ସାତ୍‌ଣି ତଲେ ଚେତାନା
 ପିହଇଁ ।” ୧୭ ପିସପିଆନି ପାରୁ ବେଲା କାୟିଦି ମାନାରି ବିତ୍ରାଟି ରଅଣାଇଁ
 ଏଖାରିକି ପିସାଲି ମେରା ମାଚେ । ୧୮ ଯାମା ଏଖାରି ରହେଁଏ ଗାଡିକିହିଁ
 ଏଲେଇଚେରି, “ଇଖାଣାଇଁ ପାୟାଦୁ ବାରବାଇଁ ମାଡ୍ଟେ ପିସାହିୟମ୍ମା!”
 ୧୯ ଇ ବାରବାଇଁ ଗାଡ଼ାତି ଗଡ଼ହା ତାକି ଇଞ୍ଜିଁ ରଅଣାଇଁ ପାୟାମାତାକି
 କାୟିଦି ଇଚାମାଚେରି । ୨୦ ଯାମା ପିଲାତ ଜୀହୁଇଁ ପିସାଲି ଅଶ୍‌ପାନା
 ଲକ୍ଷ୍ମଣୀ ମାନୁତି ଅଡ଼େ ପୁଣ୍ଡି କିହାଲି ଖେସ୍ତେସି । ୨୧ ଯାମା ଏଖାରି
 କାଜା ହାତାତଲେ ଏଲେଇଚେରି, “ଏଖାଣାଇଁ ପାସି ମୁଣ୍ଡାତା ଏକଦୁ
 ପାସି ମୁଣ୍ଡାତା ଏକଦୁ ଇଞ୍ଜିଁ ଇଚେରି ।” ୨୨ ଇଞ୍ଜିଁ ଏଖାସି ଅଡ଼େ ତାନି
 ପାଲି ଖେସ୍ତେସି, “ଏନାଆଁତାକି, ଏଖାସି ଏନି ଦହ କିହିମାନେସି? ନାନୁ
 ଏଖାଣି ତାଣା ଏନି ହାନିହଗେତି ଦହ ପୁଃଆତେଏଁ; ଏଦାଆଁତାକି ନାନୁ
 ଏଖାଣାଇଁ ସାସ୍ତି ହାହାନା ପିହଇଁ ।” ୨୩ ଯାମା ଏଖାରି କାଜା ଗିୟିତଲେ
 ଏଖାଣାଇଁ ପାସି ମୁଣ୍ଡାତା ଏକହାଲି ଖେସ୍ତେରି, ତାୟା ଏଖାରି ଖେସ୍ତାୟିଏ
 ଆଚେ । ୨୪ ଇଞ୍ଜିଁ ଏଖାରି ଖେସ୍ତିଲେହେଁଏ କିୟାଲି ପିଲାତ ହୁକୁମି

ହାଚେସି; ୨୫ ଯାମା ଆମିନିଗାଗାସି ଗଡ଼ହା ଅଡ଼େ ଲକ୍ଷ୍ମଣୀ ପାୟାଲିଏ
 କାୟିଦିତା ଇଚାମାଚାଣାଇଁ ରାସା ମାଚେରି ପିସ୍ତେସି, ଅଡ଼େ ଜୀହୁଇଁ
 ଏଖାସି ଏଖାରି ଅଶ୍‌ପିତି ଲେହେଁ କିୟାଲି ଏଖାରିତାଣା ହେରପିଚେସି ।
 ୨୬ ଏଖାରି ଜୀହୁଇଁ ଅହିମାଚାଟି ସିମନ ଦରୁଗାଟି କୁରିଣି ଦେସାତି ର
 ନାୟୁଟି ଖାହିମାଚେସି, ଏଖାରି ଏଖାଣାଇଁ ପାସିମୁଣ୍ଡା ତେକି କିହାନା ଜୀହୁ
 ଜେଚ ଜେଚ ଅଚେରି । ୨୭ ମାନୁ ଲକ୍ଷ୍ମଣୀ ଜୀହୁ ଜେଚ ହାଜିମାଚେରି ଅଡ଼େ
 ତାନି ତାକି ବକତା ଖେତା କଡ଼ିହିଁ ତାହି ତାହି ଏଚରଜାଣା ଇୟାସିକା
 ଜିକେଏ ଏଖାଣି ଜେଚ ହାଜିମାଚୁ । ୨୮ ଯାମା ଜୀହୁ ଏଖାସିକାଖାକି
 ସିନିକିହାନା ଏଲେଇଚେସି, “ଆଲ, ଜିରୁସାଲମତି ମାୟାକାଚେରି ନା
 ତାକି ତାଆଦୁ ଯାମା ମୀ ତାକି ଅଡ଼େ ମୀ କକାରି ପଦାଁ ତାକି ତାୟା: ୨୯
 ହେଶ୍ଟୁ ଇଲେତି ଦିନା ଖାହିମାନେ, ଆମ୍ମାଆୟି ବାଞ୍ଜେଣିସିକା, ଆମ୍ମାଆୟି
 ଏଚେଲା ପୁରାମାସା ଆହାହିଲାର ଅଡ଼େ ପାଲୁ ଉଡ଼ହା ହିଲାର ଲକ୍ଷ୍ମଣୀ
 ଏଖାସିକାଣି ମିଡ୍ଟେଏ ନେହେଁ ଇଞ୍ଜିଁନେରି । ୩୦ ଏଚିବେଲା ଲକ୍ଷ୍ମଣୀ ହୁରକାଣି
 ଏଲେଇଚେରି ମା ଲାକ ତରୁଗାଦୁ ଅଡ଼େ ଉଣା ହୁରକାଣି ଏଲେଇଚେରି
 ମାଡ୍ଟେ ପୁକ୍‌ହାନା ତୁକ୍‌ହାଦୁ । ୩୧ ଏନିଇଚିହିଁ ଲକ୍ଷ୍ମଣୀ ହିଲିଲି ମାରୁନୁତି
 ଏଲେକିଚିହିଁ, ଏଦି ଖାୟିସାରେ ଏଦାଆଁ କିହାଁ ଆଗାଡ଼ା କିଅରିକି?” ୩୨
 ଦହଗାଗାରି ରିଆରି ଜିକେଏ ପାସି ଏକହାଲି ଜୀହୁତଲେ ଅଖିଆଚେରି ।
 ୩୩ ଏମ୍ମାଟିଏ ଏଖାରି ତାୟୁଟିପାଁ ଇନି ଚାୟୁତା ଏଜାନା ଏମ୍ମାଆଁ ଜୀହୁଇଁ
 ପାସି ମୁଣ୍ଡାତା ଏକହାନା ଏ ନା ଦହଗାଗାରି ବିତ୍ରାଟି ରଅଣାଇଁ ଏଖାଣି
 ଚିଷନିଖାକି ଅଡ଼େ ରଅଣାଇଁ ଏଖାଣି ଚେବୁଖାକି ପାସି ଏକହେରି । ୩୪
 ଏଚିବେଲା ଜୀହୁ ଏଲେଇଚେସି, “ଏ ଆବା ଏଖାରି ଦହ ଆହୁଆନି,
 ଇଚିହିଁ ଏଖାରି ଏନାଆଁ କିହିମାନେରି ଏଦାଆଁ ପୁଞ୍ଜୁହିଲଅସି ।” ଅଡ଼େ
 ଏଖାରି ଏଖାଣି ହିମ୍ବିରି ବାଟିକିହାଲି ପାସି କିଚେରି । ୩୫ ଇଞ୍ଜିଁ ଲକ୍ଷ୍ମଣୀ
 ବାରେ ନିଚାନା ସିନିକିହିମାଚେରି, ଏଖାରି ବିତ୍ରାଟି କାଜାରି ଜିକେଏ
 ନିନୁକିହିଁ ଏଲେଇଚେରି, “ଏଖାସି ଏଚକା ଲକ୍ଷ୍ମଣୀ ଗେଲ୍‌ପିଚେସି; ଏଖାସି
 ମାହାପୁରୁ ଆଚିତି କ୍ରୀସ୍ତ ଇଚିହିଁ ତାନୁଏ ତାଡ୍ଟେ ଗେଲ୍‌ପିକିହା କଡ଼ାପେସି
 ।” ୩୬ କସ୍ତକା ଜିକେଏ ଏଖାଣି ତାଗେ ହାଜାନା ପୁଲାଏୟୁ ଗସାଲି ହାହାଁ
 ଏଖାଣାଇଁ କାକ୍‌ହିହିଁ ଏଲେଇଚେରି, ୩୭ “ନାନୁ ଜୀହୁଦି ଲକ୍ଷ୍ମଣୀ ରାଜାତି
 ଇଚିହିଁ ନାନୁଏ ନିଡ୍ଟେ ପିସପି କିହାକତାମ୍ମା ।” ୩୮ ଇଞ୍ଜିଁ ଏଖାଣି ପାସିମୁଣ୍ଡା
 ଲାକ ଇଲେଇଞ୍ଜିଁ ରାୟିକି ଆହାମାଚେ, “ଇଖାସି ଜୀହୁଦି ଲକ୍ଷ୍ମଣୀ ରାଜା ।”
 ୩୯ ଅଡ଼େ ପାସି ମୁଣ୍ଡାତା ପାସି ଏକହାମାଚି ଦହଗାଗାରି ବିତ୍ରାଟି ଜିକେଏ
 ରଅସି ଏଖାଣାଇଁ ନିନୁକିହିଁ ଏଲେଇଚେସି, “ନାନୁ କ୍ରୀସ୍ତୁଟି ଆଏକି?
 ନିଡ୍ଟେ ଅଡ଼େ ମାଡ୍ଟେ ପିସପି କିୟାମ୍ମା ।” ୪୦ ଯାମା ଅଡ଼େ ରଅସି ଏଖାଣାଇଁ
 ଦାକା ହାହାନା ଏଲେଇଚେସି, “ନାନୁ ଏଖାଣିଲେହେଁ ତଣ୍ଡ ବେଟାଆହିଁ
 ଜିକେଏ ନିଡ୍ଟେ ମାହାପୁରୁଇଁ ଆଜି ହିଲେଏ? ୪୧ ଅଡ଼େ ମାରସା ନାହାୟି
 ତଲେ ତଣ୍ଡ ବେଟାଆହିଁ ମାନାୟି, ଇଚିହିଁ ମା କିତି କାମାତି ପାଡ଼େୟି
 ବେଟାଆହିଁ ମାନାୟି; ଯାମା ଇଖାସି ଏନି ଦହ କିହାହିଲଅସି ।” ୪୨ ଇଞ୍ଜିଁ
 ଏଖାସି ଜୀହୁଇଁ ଏଲେଇଚେସି, “ଏ ଜୀହୁ ନାନୁ ନୀ ରାଜିତା ହାଚିସାରେ

ନାହେଁ ଅର୍ଥପାମୁ ।” ୪୩ ଏମ୍ବୁଟିଏ ଜୀବୁ ଏଞ୍ଜଣାଇଁ ଏଲେଇଚେସି, “ନାନୁ ନିଜୁ ଯାତା ଖେସିମାଞ୍ଜୁଇଁ, ନୀଞ୍ଜୁ ନାନୁ ଲାକପୁରୁତା ନା ତଲେ ମାଞ୍ଜୁ ।” ୪୪ ଏଡିବେଲା ସମାନା ବାରଗଂଟା ଆହାମାଚେ, ଅଡେ ଖେଡା ରଜେଡି ହାଆତାକି ତାନି ଗଂଟା ପାଚେକା ଦେସା ବାରେ ଆନେରି ଆହାମାଚେ, ୪୫ ଇଞ୍ଜୁ ମାହାପୁରୁ ଇଲୁତା ଲେତାମାନି ହିମ୍ବିରି ରା ବାଗା ଆହିଁ ଗେଞ୍ଜୁ ହାଚେ । ୪୬ ଅଡେ ଜୀବୁ କାଜା ଗିୟାଁତଲେ ହାଟିହିଁ ଏଲେଇଚେସି, “ଏ ଆବା ନା କେୟୁତା ନା ଜୀବୁଟି ହେରପିମାଞ୍ଜୁଇଁ” ଏଲେଇଞ୍ଜୁ ଜଲାନା ତାନି ଜୀବୁ ହାଚେ । ୪୭ ଏଦାଆଁ ମେସାନା ପାସାକଡି କସକା ମୁହେଁ କାଜାସି ମାହାପୁରୁଇଁ ଜହରା କିହିଁ ଏଲେଇଚେସି, “ଇଞ୍ଜାସି ସାଚେଏ ତାରିଗାଟାସି ମାଚେସି ।” ୪୮ ଇଞ୍ଜୁ ଏଞ୍ଜଣାଇଁ ମେସାଲି ରୁଣ୍ଡା ଆହାମାଟି ବାରେ ଲକ୍ତୁ ଇ ବାରେ ମେସାନା ବକତା ଖେଟା କଡିହିଁ ଖେଣ୍ଡା ହାଚେରି । ୪୯ ସାମା ଜୀବୁଇଁ ପୁଞ୍ଜାମାଟି ବାରେ ଲକ୍ତୁ ଇଞ୍ଜୁ ଗାଲିଲିଟି ରହେଁଏ ଆଣ୍ଡାନା ତାନି ଜେତ ଜେତ ଖାହାମାଟି ଇୟାସିକା ହେକ ନିଚାନା ଏ ବାରେ ସିନିକିହିମାଚୁ । ୫୦ ଇଞ୍ଜୁ ଜୀବୁଟି ଦେସାଟି ହାରାମାଟିୟା ଇନି ଗାଡାଟି ଜସେପ ଇନାସି ଜୀବୁଟି ଲକ୍ତୁଟି କାଜା କୁଲମିଟି ରଅସି ମାଚେସି; ଏଞ୍ଜାସି ନେହାଁସି ଇଞ୍ଜୁ ତାରିଗାଟାସି ମାଚେସି । ୫୧ ଜୀବୁଦାଟି ହାରାମାଟିୟା ଇନି ନାୟୁଟି ଜସେପ ଇନାସି ର ମାଣ୍ଡସି ମାଚେସି । ଏଞ୍ଜାସି ଦାମୁଗାଟାସି ଇଞ୍ଜୁ ମାନି ଗାଟାସି ମାଚେସି ଅଡେ ମାହାପୁରୁଟି ରାଜି ଖାନାଣି କାଟିମାଚେସି । କାଜା ବେରଣିଟି ମାଣ୍ଡସି ମାଟିହିଁ ଜିକେଏ, ଏଞ୍ଜାସି ଏଞ୍ଜାରି କାତା ଅଡେ କାମାତା ଆଣ୍ଡିହୁଲିଆଚେସି । ୫୨ ଏଞ୍ଜାସି ପିଲାଇ ତାଣା ହାଜାନା ଜୀବୁ ମାଡୁହାଟି ରାସ୍ତେସି, ୫୩ ଇଞ୍ଜୁ ମାଡୁହାଟି ରେପହାନା ନେହିଁ ପାତାଡା ହିମ୍ବିରି ରୁପାନା ଏମ୍ବୁଆଁ ହରୁତା କାରହାମାଟି ଏଚେଲା ଆମ୍ବୁଆରି ମୁସାହିଲିଆ ମାଡୁହା ମୁହନି ଚାୟୁତା ଏଞ୍ଜଣାଇଁ ମୁସ୍ତେରି । ୫୪ ଏ ଦିନା ତିୟାରା ଆନି ଦିନା ମାଚେ ଅଡେ ଜମିନି ଦିନା ଏଗା ଖାହିମାଚେ । ୫୫ ଅଡେ ଗାଲିଲିଟି ଖାହାମାନି ଇୟାସିକା ଜେତ ଜେତ ହାଜାନା ମାହଣି ମାଣ୍ଡା ଅଡେ ତାନି ମାଡୁହା ଏନିକି ମୁସାମାଟାଣି ମେସୁ, ୫୬ ଇଞ୍ଜୁ ଏଞ୍ଜି ଖେଣ୍ଡା ହାଜାନା ଗାନ୍ତୁ ନିୟୁ ଇଞ୍ଜୁ ଗାନ୍ତୁଗାଟି ଆସ୍ତି ତିୟାରା କିତୁ । ଇଞ୍ଜୁ ଜମିନି ଦିନାତା ତାନି ମେରାଲେହେଁ ଜମିତୁ ।

୨୪ ଅଡେ ଜମିନି ଦିନାଟି ମେରା ତଲେ ଜମିତୁ, ସାମା ଖାରାଟି ତଲିଟି ଦିନାତା ଜୁଲୁପୁଲୁ ଖେୟାଲିଏ ଏଞ୍ଜି ତାମୁ କିହାମାଟି ଗାନ୍ତୁନିୟୁ ଆସାନା ମାହଣି ମାଣ୍ଡାତା ହାତୁ । ୧ ଇଞ୍ଜୁ ମାହଣି ମାଣ୍ଡାତା ପୁକହାମାଟି ଖାଲି ଗୁତା ଆହାମାନାଣି ମେସୁ । ୩ ସାମା ଏଞ୍ଜି ବିତ୍ତା ହାଜାନା ପ୍ରବୁ ଜୀବୁଟି ମାଡୁହା ଏମ୍ବୁଆଁ ମେହୁଆତୁ । ୪ ଏଞ୍ଜି ଏଦାଆଁତାକି ବିଲ୍ଲକି ଆହିମାଟି ଦେବୁଣିଏ ମୁହନି ହିମ୍ବିରି ହୁତାମାଟି ରିଆରି ଏଞ୍ଜାସିକା ନକିତା ନିଚାମାନେରି । ୫ ଏମ୍ବୁଟିଏ ଏଞ୍ଜି ଆଡାଜାକା ଆହାନା ବୁମିତା ଡାକା ଲେସୁ ଇଞ୍ଜୁ ଏଞ୍ଜାରି ଏଞ୍ଜାସିକାଣି ଏଲେଇଚେରି, “ମୀରୁ ଏନାଆଁତାକି ହାତାରି ବିତ୍ତାଟି ନୀତାମାନାରାଇଁ ପାରିମାଞ୍ଜେରି? ୬ ଏଞ୍ଜାସି ଇମ୍ବୁଆଁ ହିଲଅସି, ଏଞ୍ଜାସି ନିଢୁମାନେସି, ଏଞ୍ଜାସି ଗାଲିଲିତା ମାତାଟି ଖେସାମାଞ୍ଜୁତାଣି

ଅର୍ଥପାମୁ । ୭ ମାଣ୍ଡସି ମାବୁଏସି ପାସି ମୁଣ୍ଡାତା ହାୟାଲି ପାପୁ ଗାଟାରି ତାଣା ହେରପି ଆନାୟି ମାନେ ଇଞ୍ଜୁ ତାନି ଦିନାଟିଏ ହାକିଟି ଖେଣ୍ଡେ ନିଢୁନେସି ।” ୮ ଏମ୍ବୁଟିଏ ଏଞ୍ଜି ଏଞ୍ଜାଣି ଖେସ୍ତି କାତା ଅଣ୍ଡିପିତୁ, ୯ ଇଞ୍ଜୁ ଏଞ୍ଜି ମାହଣି ମାଣ୍ଡାଟି ଖେଣ୍ଡା ହାଜାନା ଏଗାର ଜାଣା ସାୟୁୟାଁ ଅଡେ ଏଡକା ତାରାଇଁ ଇ ବାରେ କାତା ଖେସୁ । ୧୦ ଏଞ୍ଜି ମଗ୍ଦଲିନି ମରିୟମ, ଜହାନା, ଜାକ୍ବବ ତାନି ଇୟା ମରିୟମ ଅଡେ ଏଞ୍ଜାସିକାତଲେ ମାଟି ଏଡକାଟି ଇୟାସିକା; ଇଞ୍ଜି ପାଣ୍ଡୁଞ୍ଜି ଆହାମାନାରାଇଁ ଇ ବାରେ କାତା ଖେସୁ । ୧୧ ସାମା ଇ ବାରେ କାତା ଏଞ୍ଜାରି ନକିତା ମନତା ଗାଡିକିଟି ର ପୁସ୍ତପନି ଲେହେଁ ଆଚେ, ଅଡେ ଏଞ୍ଜାରି ଏଞ୍ଜାସିକାଣି ନାମାଆଚେରି । ୧୨ ସାମା ପିତର ନିଢୁଆନା ମାଡୁହା ମୁହନି ଚାୟୁତା ହଟି ହଟିହିଁ ହାଚେସି, ଇଞ୍ଜୁ କାପାନା ସିନିକିଚେସି ଏମ୍ବୁଆଁ ପାତାଡା ହିମ୍ବିରିକା ମେସ୍ତେସି, ଇଞ୍ଜୁ ଇଦି ଏନି ଆଚେ ଇଞ୍ଜୁ କାବାଆହାନା ତାନି ଇଜ ହାଚେସି । ୧୩ ଏ ନେତୁ ଏଞ୍ଜାରି ବିତ୍ତାଟି ରିଆରି ଜିରୁସାଲମଟିଏ ଏଗାର କିଲମିଚେଲେହେଁ ହେକ ମାଟି ଇମାୟୁ ଇନି ନାୟୁତା ହାଜିମାଚେରି । ୧୪ ଅଡେ ହାଜି ହାଜିହିଁ ଇ ବାରେ କାତା ଜଲ୍ଲକି ଆହିମାଚେରି । ୧୫ ଏଲେକି ଖେସ୍ତି ଆହିଁ ତାମୁ ତାମୁଏ ଜଲ୍ଲକି ଆହିମାଚାଟି ଜୀବୁ ତାମୁଏ ଏଞ୍ଜାରିତାଣା ଖାହାନା ଏଞ୍ଜାରିତଲେ ହାଚେସି; ୧୬ ସାମା ଏଞ୍ଜାରି ଏଞ୍ଜାଣାଇଁ ମେସ୍ତି ଜିକେଏ ପୁଞ୍ଜାଲି ଆଡାଆଚେରି । ୧୭ ଜୀବୁ ଏଞ୍ଜାରାଇଁ ଖେଚେସି, “ମୀରୁ ହାଜି ହାଜିହିଁ ଏନା ଏନାଆଁ ଜଲ୍ଲକି ଆହିମାଞ୍ଜେରି?” ଏମ୍ବୁଟିଏ ଏଞ୍ଜାରି ମୁମୁ ଖାଡି କିହାନା ନିଚେରି । ୧୮ ଅଡେ ଏଞ୍ଜାରି ବିତ୍ତାଟି କ୍ଲେୟାପା ଇନାସି ରଅସି ଏଞ୍ଜାଣାଇଁ ଖେସ୍ତେସି, “ଇ ଖାରା ବିତ୍ତା ଜିରୁସାଲମତା ଏନା ଏନାୟି ଆଚେ ଏମ୍ବୁଆଁ ମାନାରି ବିତ୍ତାଟି ନାନୁ ରଅଟିଏ ପୁଞ୍ଜାହିଲଅଟିକି?” ୧୯ ଏଞ୍ଜାସି ଏଞ୍ଜାରାଇଁ ଖେଚେସି, “ଏନା ଏନାୟି ଆଚେ?” ଏଞ୍ଜାରି ଏଞ୍ଜାଣାଇଁ ଖେସ୍ତେସି, “ନାଜରିତ ଜୀବୁଟି କାତା; ମାହାପୁରୁ ନକିତା ଅଡେ ବାରେ ଲକ୍ତୁ ନକିତା ଏ ଜୀବୁ କାମାତା ଅଡେ କାତାତା ର ବାଡୁୟାଗାଟି ମାହାପୁରୁ ଅଣ୍ଡପୁଟି ବଲୁ ଖେହ୍ନାସି ମାଚେସି, ୨୦ ଅଡେ ମା କାଜା ପୁଜେରାଢୁ ଅଡେ ସାଲଞ୍ଜି କିନାରି ଏଞ୍ଜାଣାଇଁ ହାକି ଡଣ୍ଡ ହାହାଲି ହେରପାନା ଏଞ୍ଜାଣାଇଁ ପାସି ମୁଣ୍ଡାତା ଏକହାନା ପାୟିଟି କାତା । ୨୧ ସାମା ଏଞ୍ଜାସି ଇସ୍ରାୟେଲ ଲକ୍ତୁଣି ପିସ୍ତପି କିନାସି ଇଞ୍ଜୁ ମାମୁ ଆସା କିହାମାଚନି; ସାମା ଇ ବାରେ ଆହାନା ନାଞ୍ଜୁଟିଏ ତାନିଦିନା ଆହିମାନେ । ୨୨ ଅଡେ ଜିକେଏ ମା ବିତ୍ତାଟି ଏଚରଜାଣା ଇୟାସିକା ମାହେ ଆଡାଜାକା କିହାମାଞ୍ଜୁନୁ; ଏଞ୍ଜି ଲାଈସିଏ ମାଡୁହା ମୁହନି ଚାୟୁତା ହାଜାମାରୁ, ୨୩ ଏମ୍ବୁଆଁ ଏଞ୍ଜି ଏଞ୍ଜାଣି ମାଡୁହା ମେହୁଆନା ଖାହାନା ଖେସ୍ତାତୁ, ଇଞ୍ଜୁ ଦୂରୁୟାଁ ଡଞ୍ଜୁଆହାନା ଖେସ୍ତାଚେରି, ଏଞ୍ଜାସି ନୀତାମାନେସି । ୨୪ ଅଡେ ମା ବିତ୍ତାଟି ଏଚରଜାଣା ମାଡୁହା ମୁହନି ଚାୟୁତା ହାଜାନା ଇୟାସିକା ଖେସ୍ତିଲେହେଁଏ ମେସ୍ତେରି ସାମା ଏଞ୍ଜାଣାଇଁ ମେହୁଆଚେରି ।” ୨୫ ଏମ୍ବୁଟିଏ ଜୀବୁ ଏଞ୍ଜାରାଇଁ ଏଲେଇଚେସି, “ଆଡେ ବୁଦି ହିଲିଆଗାଟାଚେରି, ଅଡେ ମାହାପୁରୁ ଅଣ୍ଡପୁଟି ବଲୁ ଖେହ୍ନାରି ବାରେ କାତାଟି ନାମାଲି ଆଡାଆଲେହେଁଟି ହିୟାଁ ଗାଟାଚେରି, ୨୬ କ୍ରୀସ୍ତୁ

ଈ ବାରେ କସ୍ତ ବେଟାଆହାନା ତାନି ଗାଞ୍ଜୁରମିତା ହୃଦୟାୟି ହିଲଆତେ
 କି?" ୨୭ ମସା ଇଞ୍ଜି ବାରେକାଣା ମାହାପୁରୁ ଅଶ୍ୱପୁତି ବଲ୍ଲୁ ଷ୍ଟେହନାରି
 ଡାଣାଟି ମାଟ୍‌ହାନା ଦାମ୍ବୁ ସାସ୍ତେରିତା ତାନି ତାକି ରାସ୍‌କି ଆହାମାନି
 ବାରେ କାତା ଏଞ୍ଜାସି ଏଞ୍ଜାରାଇଁ ପୁଣ୍ଡୁ କିତେସି । ୨୮ ଏଞ୍ଜାରି ହାଜିମାଟି
 ନାୟୁଁ ତାଗେ ଏକାଲିଏ ଜାସୁ ଅଡ଼େ ନକିତା ହାନି ଅଶ୍ୱପୁ ତସ୍ତେସି
 । ୨୯ ସାମା ଏଞ୍ଜାରି ଏଞ୍ଜାଣାଇଁ ଆଂଗିହିଁ ଏଲେଇଚେରି, "ମା ତଲେ
 ଡୟାହାଲମା ଏନିଇତିହିଁ ଆନେରି ଆହିମାନେ, ଷ୍ଟେଡାହାଚେୟିଏ ।"
 ଏମ୍ବାଟିଏ ଏଞ୍ଜାସି ଏଞ୍ଜାରିତଲେ ଡୟାଲି ଇଲ୍ଲୁ ବିତ୍ରା ହାଚେସି । ୩୦
 ଅଡ଼େ ଏଞ୍ଜାରିତଲେ ରାନ୍ତା ତିଞ୍ଜାଲି କୁଟିତ ଡାୟୁ ଏଞ୍ଜାସି ରୁଟି ଆସାଁ
 ମାହାପୁରୁଇଁ ଜହରା କିତେସି, ଇଞ୍ଜି ଡିକ୍‌ହାନା ଏଞ୍ଜାରାଇଁ ହାଚେସି । ୩୧
 ଏମ୍ବାଟିଏ ଏଞ୍ଜାରି କାଣକା ଦେପିଆଡୁ ଇଞ୍ଜି ଏଞ୍ଜାରି ଏଞ୍ଜାଣାଇଁ ପୁଚେରି;
 ଅଡ଼େ ଏ ଦେବୁଣିଏ ଏଞ୍ଜାସି ଏଞ୍ଜାରି କାଣକାତା ତଞ୍ଜା ଆଆଚେସି । ୩୨
 ଏଚେଟିଏ ଏଞ୍ଜାରି ଡାମ୍ବୁ ଡାମ୍ବୁଏ ଏଲେଇଚେରି, "ଏଚିବେଲା ଜିରୁତା
 ଏଞ୍ଜାସି ମାଡ଼େ ଜିରୁତା କାତାକାର୍ତ୍ତା ଆହିମାଚେସି ଅଡ଼େ ମାଡ଼େ ଦାମ୍ବୁ
 ସାସ୍ତେରି ଡେଲ୍‌ହି କିହିମାଞ୍ଜାଚେସି, ଏଚିବେଲା ମା ହିୟାଁ କାଡି ମାଞ୍ଜାଆଚେ
 କି?" ୩୩ ଅଡ଼େ ଏଞ୍ଜାରି ଦେବୁଣିଏ ନିଞ୍ଜାମା ଜିରୁସାଲମତା ଷ୍ଟେଣ୍ଡା ହାଜାନା
 କୁଡା ଆହାମାଇଁ ଏଗାର କାଣା ସାସୁୟାଁ ଅଡ଼େ ଏଞ୍ଜାରି ଆଡ଼ହିତାରାଇଁ
 ମେସ୍ତେରି; ୩୪ ଏଞ୍ଜାରି ଏଲେଇଞ୍ଜିମାଚେରି, "ପୁରୁ ସାଚେଏ ନିଞ୍ଜାମାନେସି
 ଅଡ଼େ ସିମନଇଁ ତଞ୍ଜାଆଚେସି ।" ୩୫ ଅଡ଼େ ଏଞ୍ଜାରି ଜିକେଏ ଜିରୁଟି ବାରେ
 କାତା ଅଡ଼େ ରୁଟି ଡିକ୍‌ହାଟିଏ ଏଞ୍ଜାରି ପୁଞ୍ଜାଲି ଆଡିତମି ଇଞ୍ଜି ଏଞ୍ଜାରି
 ଷ୍ଟେସ୍ତେରି । ୩୬ ସାମା ଏଞ୍ଜାରି ଈ ବାରେ କାତା ଜଲ୍‌କି ଆହିମାଚାଟି ଜାସୁ
 ଏଞ୍ଜାରି ମାଡି ନିଚାନା ଏଲେଇଚେସି, "ମିଡ଼େ ହିଡ଼ି ଆୟାପେ ।" ୩୭
 ଏମ୍ବାଟିଏ ଏଞ୍ଜାରି ବୁରୁ ମେସ୍ତମି ଇଞ୍ଜି ଅଶ୍ୱପାନା ଆତାଜାକା ଆଚେରି । ୩୮
 ଏଚେଟିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, "ମା ହିୟାଁତା ଏନାଆଁତାକି
 ଆଜିମାଞ୍ଜେରି, ଇଞ୍ଜି ମା ହିୟାଁ ଏନାଆଁତାକି ଆନାମାନା ଆହିମାନେ? ୩୯
 ନାନୁଏ ଏଞ୍ଜାଚେସାଁ ନା କେସ୍ତା କତାୟାଁ ମେହ୍‌ରୁ ନାଡ଼େ ଡାଗାଡୁ ମାରୁ
 ନାଡ଼େ ଉଞ୍ଜା ଚେଣକା ମାନାଣି ମେସ୍ତିଲେହେଁ ବୁରୁକି ହିଲାର ।" ୪୦ ଅଡ଼େ
 ଏଞ୍ଜାସି ଏଲେଇଞ୍ଜାମା ଏଞ୍ଜାରାଇଁ ତାନି କେସ୍ତା କତାୟାଁ ତସ୍ତେସି । ୪୧
 ଏଲେଜିକେଏ ଏଞ୍ଜାରି ରାହାଁତାକି ନାମାଲି ଆତାଆନା ଆନାମାନା ଆହାଁ
 କାବା ଆହିମାଚାକି ଜାସୁ ଏଲେଇଚେସି, "ମିଡ଼େ ଇମ୍ବାଆଁ ଏନି ରାନ୍ତା
 ମାନେକି?" ୪୨ ଏମ୍ବାଟିଏ ଏଞ୍ଜାରି ଏଞ୍ଜାଣାକି ର ଝାସ୍ତି ମାନୁ ହାଚେରି,
 ୪୩ ଅଡ଼େ ଏଞ୍ଜାସି ଏଦାଆଁ ଆସାନା ଏଞ୍ଜାରି ନକିତା ଚିତେସି । ୪୪ ଇଞ୍ଜି
 ଏଞ୍ଜାସି ଏଞ୍ଜାରାଇଁ ଏଲେଇଚେସି, "ମସାତି ମେରା ପତିତା ଇଞ୍ଜି ମାହାପୁରୁ
 ଅଶ୍ୱପୁତି ବଲ୍ଲୁ ଷ୍ଟେହନାରି ପତିତା ଅଡ଼େ ପାରୁ ପତିତା ନାଡ଼େତାକି ଏନାୟି
 ରାସ୍‌କି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମା ତଲେ
 ମାଚାଟି ଈ ବାରେ ଷ୍ଟେସାମାଞ୍ଜାଚେସାଁ ।" ୪୫ ଏଚେଟିଏ ଏଞ୍ଜାରି ଏନିକିଁ
 ଦାମ୍ବୁ ସାସ୍ତେରି ଡେଲ୍‌ହାଲି ଆଡିନେରି, ଏଦାଆଁତାକି ଏଞ୍ଜାରି ହିୟାଁତି ବାରା
 ଦେଚେସି; ୪୬ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, "ଏଲେଆହି

ରାସ୍‌କି ଆହାମାନେ, ଜାସୁ ଦୁକୁ କସ୍ତ ବେଟା ଆନେସି ଅଡ଼େ ତାନି
 ଦିନାଟିଏ ହାତାରି ଡାଣାଟି ଷ୍ଟେଣ୍ଡେ ନିଞ୍ଜେନେସି, ୪୭ ଇଞ୍ଜି ଜିରୁସାଲମଟିଏ
 ମାଟ୍‌ହାନା ବାରେ କୁଡା ଡାଣା ଏଞ୍ଜାଣି ଦରୁଟି ପାପୁ ମ୍ଲେପ୍‌କି ଆୟାଲି
 ମନ ଷ୍ଟେଟ୍‌ନି କାତା ଷ୍ଟେକ୍‌ନାୟି ମାନେ । ୪୮ ମାରୁ ଈ ବାରେତାକି ସାକି
 ଆଦେରି । ୪୯ ଅଡ଼େ ହେଣ୍ଡୁ ଆବା ଏନାଆଁ ଆଞ୍ଜାମାନେସି ଏଦାଆଁ ନାନୁ
 ମା ଡାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଟି ବାଡ଼୍‌ୟୁ ପୁଣ୍ଡା ପାଚେକା
 ମାରୁ ଈ ଗାଡାଚେଏ ମାଞ୍ଜୁ ।" ୫୦ ଏମ୍ବାଟିଏ ଜାସୁ ଏଞ୍ଜାରାଇଁ ବେତନିୟାଁ
 ପାଚେକା ଅଡ଼େସି ଇଞ୍ଜି ତାନି କେସ୍ତା ପେରହାନା ଏଞ୍ଜାରାଇଁ ବର ହାଚେସି
 । ୫୧ ଇଞ୍ଜି ଏଞ୍ଜାରାଇଁ ବର ହାହି ହାହି ଏଞ୍ଜାସି ଏଞ୍ଜାରି ଡାଣାଟି ଏଟ୍‌କା
 ଆହାନା ଲାକପୁରୁ ଅଞ୍ଜିଆଚେସି । ୫୨ ଏଚେଟିଏ ଏଞ୍ଜାରି ଏଞ୍ଜାରାଇଁ
 ଜହରା କିହାନା ହାରେକା ରାହାଁତଲେ ଜିରୁସାଲମତା ଷ୍ଟେଣ୍ଡା ହାଚେରି,
 ୫୩ ଇଞ୍ଜି ଏ ଦିନାଟିଏ କାଲେଏ ମାହାପୁରୁ ଇଲ୍ଲୁତା ମାଞ୍ଜାମା ମାହାପୁରୁଇଁ
 ଜହରା କିହିମାଚେରି ।

ଜହ

୧ ମୂଲ୍ୟ ବଳୁ ମାତେ, ବଳୁ ମାହାପୁରୁ ତଳେ ମାତେ, ଏ ବଳୁ ଏ ମାହାପୁରୁ ମାତେ । ୨ ମୂଲ୍ୟ ଏ ବଳୁ ମାହାପୁରୁ ତଳେ ମାତେ । ୩ ଏ ବଳୁ ତଳେ ମାହାପୁରୁ ବାରେ ଗାଡ଼ିକିତେସି; ଅତେ ଏନାୟି ବାରେ ଗାଡ଼ି ଆହାମାନେ, ଏ ବିତ୍ରାତି ରଣ୍ଡି ଜିକେଏ ଏ ବଳୁ ପିସ୍‌ପେ ରାତି ଆହା ହିଲେଏ । ୪ ଏ ବଳୁତା ଜାସୁ ମାତେ ଅତେ ଏ ଜାସୁ ମାଣ୍ଡିୟିତ ଉଜେଡ଼ି । ୫ ଏ ଉଜେଡ଼ି ଆନେରିତା ଡାଞ୍ଜିହିଁ ଖାହିମାନେ, ଇଞ୍ଜି ଆନେରି ଏଦାଆଁ ଏରେଲା ଜିକେଏ ଅପାହିଲେଏ । ୬ ମାହାପୁରୁ ଡାଣାଟି ତାନି କାରୁ ଖେହନାଣାଇଁ ପାଣ୍ଡାତେସି; ଏଖାଣି ଦରୁ ଜହନ । ୭ ଏଖାସି ଉଜେଡ଼ିତ କାତା ଲକୁଇଁ ଖେସାଲି ଖାତେସି, ଅତେ ଏନିକିହିଁ ବାରେଜାଣା ଏଖାଣି ଡାଣାଟି ନାମିନେରି, ଏଦାଆଁତାକି ଏଖାସି ସାକି ହାହାଲି ଖାତେସି । ୮ ଏଖାସିଏ ତାନୁଏ ଉଜେଡ଼ି ହିଲଆତେସି; ସାମା ଏଖାସି ଏ ଉଜେଡ଼ିତ କାତା ଖେସାଲି ଖାତେସି । ୯ ଏମିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହାନେ, ଏଖାସି ଦାର୍ତତା ଖାତେସି । ୧୦ ଏଖାସି ଦାର୍ତତା ମାତେସି ଅତେ ଏଖାଣି ଡାଣାଟି ଦାର୍ତ ବାରେ ରାତି ଆତେ, ଆତିଜିକେଏ ଇ ଦାର୍ତ ଏଖାଣାଇଁ ପୁଞ୍ଜାଲି ଆତାଆତେ । ୧୧ ଏଖାସି ତାନି ରାଜିତା ଖାତେସି, ଆତିଜିକେଏ ତାନି ଜାହାରା ଲକୁ ଏଖାଣାଇଁ ଆବାଆତେରି । ୧୨ ଆମ୍ବାଆରି ଏଖାଣାଇଁ ଆବିତେରି ଇଞ୍ଜି ଏଖାଣି ଡାଣା ନାମିତେରି; ଏଖାସି ଏଖାଣାଇଁ ମାହାପୁରୁତି ମାର୍କା ମାସ୍କା ଆହାଲି ଅଦିକାରା ହାତେସି । ୧୩ ମାଣ୍ଡିତି ତାଞ୍ଜିୟି ଡାଣାଟି ଜାର୍ନୀ ଆତାକି ଏଖାରି ମାହାପୁରୁତି ମାର୍କା ଆହାହିଲଅରି, ମାହାପୁରୁ ତାନୁଏ ଏଖାରି ତାଞ୍ଜି ଆତେସି । ୧୪ ଅତେ, ଏ ବଳୁ ମାଣ୍ଡି ଖାଣା ଆତେ, ମାହାପୁରୁତି କାର୍ନା ଇଞ୍ଜି ସାତା ତଳେ ମା ଡାଣା ବାସା କିତେସି, ଅତେ ଆବା ଡାଣାଟି ଖାହାମାନି ରଣ୍ଡିଏ ମାର୍‌ଏଶାଟି ଗାସୁରମି ଲେହେଁ ମାର ଏଖାଣି ଗାସୁରମି ମେସୁୟି । ୧୫ ଜହନ ଏଖାଣି କାତାତି ସାକି ହାହାନା କାଜା ଗିୟିତଲେ ଏଲେଇତେସି, “ଆମ୍ବାଆସି ନା ଡାୟୁ ଖାହିମାନେସି, ଏଖାସି ନା କିହିଁ କାଜାସି, ଏନାଆଁତାକି ଇତିହିଁ ଏଖାସି ନାନୁ ଜାର୍ନୀଆତି ନକେଏ ମାତେସି, ଇଞ୍ଜି ଏଖାଣି କାତା ନାନୁ ତଲିଏ ଏଲେଇଞ୍ଜି ଖେସାମାଞ୍ଜାତେସି, ଏଖାସିଏ ଇଖାସି ।” ୧୬ ଏଦାଆଁତାକି ତାନୁ ପୁରା କିନି ଡାଣାଟି ମାର ବାରେ ଲାଣାତାୟି ବାରେ ବେଟାଆହାନା, କାର୍ନା ମୁହେଁ କାର୍ନାମେହନାଣି ବେଟାଆହାମାନାୟି । ୧୭ ମାହାପୁରୁ ମସା ଡାଣାଟି ମେରା ହିୟାତେସି, ସାମା ଜାସୁ କ୍ରାସୁ ଡାଣାଟି କାର୍ନାମେହନାୟି ଅତେ ସାତା ଖାତେ । ୧୮ ଆମ୍ବାଆସି ଏରେଲା ମାହାପୁରୁଇଁ ମେସାହିଲଅସି, ତାନିତଲେ ମାନି ରଣ୍ଡିଏ ମାର୍‌ଏସି ଏଖାସି ମାହାପୁରୁ ଆବାଇଁ ପୁଣ୍ଡି କିହାମାଞ୍ଜାତେସି । ୧୯ ନାନୁ ଆମ୍ବାଆତି ଇଞ୍ଜି ଜହନଇଁ ଖେଞ୍ଜାଲି ଜାହୁଦିୟି ଏତିବେଲା ଜିରୁସାଲମତି କାଜା ପୁଜେରାଟ୍ଟା ଇଞ୍ଜି ଲେବିୟୁଟ୍ଟାଣି ଜହନ ଡାଣା ପାଣ୍ଡିତେରି, ଏଖାସି ଇ କାତା ଖେସୁସି । ୨୦ ଜହନ ସାତା କାତା ଖେସୁସି, ଆଏ ଇଞ୍ଜି

ଇନାଆତେସି, ତୀରୁପୁତଲେ ଖେସୁସି, “ନାନୁ ମସିହା ଆଏ ।” ୨୧ ଏଖାସି ଏଖାଣାଇଁ ଖେରେରି, ଆତିହିଁ “ନାନୁ ଆମ୍ବାଆତି? ନାନୁ ଏନାଆଁ ଏଲିୟୁତି କି?” ଜହନ ଏଲେଇତେସି, “ନାନୁ ଏଲିୟୁତେସି ଆଏ ।” ଏଖାସି ଖେରେରି, “ନାନୁ ଏନାଆଁ ମାହାପୁରୁ ଅଣପୁତି ବଳୁ ଖେହନାତି କି?” ଏଖାସି ଏଲେଇତେସି, “ନାନୁ ଆଏ ।” ୨୨ ଏମ୍ବାଆସି ଏଖାରି ଏଖାଣାଇଁ ଏଲେଇତେସି, “ମାତେ ଖେସାମ୍ବା, ମାମ୍ବା ମାତେ ପାଣ୍ଡା ମାଞ୍ଜାନାରାଇଁ ଏନି କାତା ଖେହନମି । ନାନୁ ଆମ୍ବାଆତେସି ଇଞ୍ଜି ଖେସାକତିମାଞ୍ଜି?” ୨୩ ଜହନ ଏଲେଇତେସି, “ମାହାପୁରୁ ଅଣପୁତି ବଳୁ ଖେହନି କିସାୟି ଏନିକିଁ ଜଲାମାତେସି, ‘ନାନୁ ଲକୁ ହିଲଆ ଡାୟୁତା କାଜା ଗିୟିତଲେ କାଲଖି ଆହିମାନି ରଅଣି ହାତାଲେହେଁ ତାତେସି, ପ୍ରବୁତି ଜିରୁ ସଲକେ କିମ୍ବୁ ।” ୨୪ ଅତେ, ପାରୁସିୟି ବିତ୍ରାତି ଏତରଜାଣା ପାଣ୍ଡି ଆହାମାତେରି, ୨୫ ଏଖାରି ଜହନଇଁ ଖେରେରି, “ନାନୁ କ୍ରାସୁ କି ଏଲିୟୁ କି ମାହାପୁରୁ ଅଣପୁତି ବଳୁ ଖେହନତି ଆଏ, ଆତିହିଁ ନାନୁ ଏନାଆଁତାକି ବାପୁସୁ ହାହିମାଞ୍ଜି?” ୨୬ ଜହନ ଏଖାଣାଇଁ ଏଲେଇତେସି, “ନାନୁ ଏୟୁତା ବାପୁସୁ ହାହିମାଞ୍ଜି; ଆମ୍ବାଆରାଇଁ ମାରୁ ପୁଞ୍ଜାହିଲଅତେରି, ଏଖାସି ମା ବିତ୍ରା ମାନେସି । ୨୭ ଏଖାସି ନା ଡାୟୁ ଖାହିମାନେସି, ନାନୁ ଏଖାଣି ସେପୁୟିତି ଡକା ଜିକେଏ ହୁକହାଲି ଜଗେ ଆଏ ।” ୨୮ ଏମିନି ଜର୍ଦନ କାତାତି ଖେଡ଼ା ହପୁଞ୍ଜାକିତି ବେତନିୟିତା ଜହନ ବାପୁସୁ ହାହିମାତେସି, ଏ ଡାୟୁତା ଇ ବାରେ ଆହାମାତେ । ୨୯ ଏ ଅର ନେରୁ ଜହନ ଜାସୁଇଁ ତାନି ଖାକି ଖାହିମାନାଣି ମେସାନା ଏଲେଇତେସି, “ସିନିକିମ୍ବୁ ମାହାପୁରୁତି ମେଣ୍ଡା ଡାଲୁ, ଆମିନିଗାଟାସି ଇ ଦାର୍ତତି ପାପୁ ବାରେ ତେକା ଅନେସି । ୩୦ ଇଖାସିଏ ଏଖାସି, ଆମ୍ବାଆରି କାତା ନାନୁ ଖେସାମାଞ୍ଜାତେସି, ‘ର ମାଣ୍ଡି ନା ଡାୟୁ ଖାହିମାନେସି, ସାମା ଏଖାସି ନା କିହିଁ କାଜାସି, ଇଞ୍ଜି ଏଖାସି ନାନୁ ଜାର୍ନୀଆତି ନକେଏ ମାତେସି ।’ ୩୧ ନାନୁ ଜିକେଏ ଏଖାଣାଇଁ ପୁଞ୍ଜା ହିଲଆତେସି, ସାମା ଏଖାସି ଏନିକିହିଁ ଇସାୟେଲ ଲକୁ ନକିତା ଡଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପୁସୁ ହାହିଲି ଖାହାମାଞ୍ଜି ।” ୩୨ ଅତେ ଜହନ ସାକି ହାହାନା ଖେସୁସି, “ନାନୁ ସୁଦୁଜାସୁ ପାର୍‌ଏ ପଟାଲେହେଁ ଲାକପୁରୁତି ରେତା ଖାହିମାନାଣି ମେସୁସି, ଇଞ୍ଜି ଏଦି ଏଖାଣିଲାକ କୁଗିତେ । ୩୩ ନାନୁ ଜିକେଏ ଏଖାଣାଇଁ ପୁଞ୍ଜା ହିଲଆତେସି, ସାମା ଆମ୍ବାଆସି ନାତେ ଏୟୁତା ବାପୁସୁ ହାହିଲି ପାଣ୍ଡାମାଞ୍ଜାନେସି, ଏଖାସି ନାତେ ଖେସାତେସି, ‘ଆମିନିଗାଟାଣି ଲାକ ସୁଦୁଜାସୁ ରେତା ଖାଣାଣି ଅତେ କୁଗିନାଣି ମେହଦି, ଆମ୍ବାଆସି ସୁଦୁଜାସୁ ତଲେ ବାପୁସୁ ହାନେସି, ଏଖାସି ଏ ମାଣ୍ଡି ।” ୩୪ ଜହନ ଏଲେଇତେସି, “ନାନୁ ଏଦାଆଁ ମେସାମାଞ୍ଜି, ଏଦାଆଁତାକି ନାନୁ ମିଞ୍ଜି ଖେସିମାଞ୍ଜାଇଁ, ଏଖାସି ମାହାପୁରୁ ମାର୍‌ଏସି ।” ୩୫ ତାନି ଅର ନେରୁ ଜହନ ତାନି ରୀ ସାସୁୟି ତଲେ ନିତାମାତେସି; ୩୬ ଏଖାସି ଜାସୁଇଁ ଏ ଜିରୁତି ହାଜିମାନାଣି ମେସାନା ଏଲେଇତେସି, “ସିନିକିମ୍ବୁ ମାହାପୁରୁତି ମେଣ୍ଡା ଡାଲୁ” ୩୭ ଏ ରୀ ସାସୁୟି ଏଖାଣି ହାତା ଖେଞ୍ଜାନା ଜାସୁ ଜେତ ଜେତ ହାତେରି । ୩୮ ଜାସୁ ଖେଣ୍ଡେ

ତିରୁଖାନା ଏଞ୍ଜରାଉଁ ତାନି ଜେଚ ଜେଚ ହାଜିମାନାଣି ମେସାନା ଝେଚେସି, “ମୀରୁ ଏନାଆଁ ପାରିମାଞ୍ଜେରି?” ଏଞ୍ଜରି ଝେଚେରି, “ରାବି ନୀରୁ ଆମ୍ବିୟା ଡ଼ୟିମାଞ୍ଜି?” ୩୯ ଜୀସୁ ଏଞ୍ଜରାଉଁ ଏଲେଇଚେସି, ଖାପୁ, ମେହ୍‌ଦେରି । ଏମ୍ବାଟିଏ ଏଞ୍ଜରି ହାଜାନା ତାନି ଡ଼ୟିନି ଟାୟୁ ମେସେରି, ଇଞ୍ଜି, ଏ ଦିନା ଏଞ୍ଜାଣିତଲେ ଡ଼ୟିତେରି; ଏନାଆଁତାକି ଇଚିହିଁ ଏଚିବେଲା ଲାଜାଚି ଦସ ଗଂଟା ଆହାମାଚେ । ୪୦ ଜହନତି କାତା ଝେଞ୍ଜାନା ଆମିନି ରିଆରି ଜୀସୁ ଜେଚ ଜେଚ ହାଜାମାଚେରି, ଏଞ୍ଜରି ବିତ୍ରା ରଅସି ସିମନ ପିତରତି ତାୟି ଆନ୍ଧିୟୁ ମାଚେସି । ୪୧ ଏଞ୍ଜାସି ତଲିଏ ତାନି ତାୟି ସିମନଇଁ ମେସାନା ଏଲେଇଚେସି, “ମାମ୍ବୁ ମସିହାଇଁ ମେସୁମି ।” ୪୨ ଆନ୍ଧିୟୁ ସିମନଇଁ ଜୀସୁ ଡାଶା ଡାଚେସି । ଜୀସୁ ଏଞ୍ଜାଣାଇଁ ଆଚେ ସିନିକିହାନା ଏଲେଇଚେସି, “ନୀରୁ ଜହନ ମୀର୍‌ଏଣା ସିମନତି । ନୀରୁ କେପା ଦରୁଚି ଝେଢ୍ଢେଦି ।” ୪୩ ଅର ନେରୁ ଜୀସୁ ଗାଲିଲିତା ହାଜାଲି ଅଶ୍‌ପିଚେସି, ଏଞ୍ଜାସି ପିଲିପଇଁ ମେସାନା ଏଲେଇଚେସି, “ନା ଜେଚ ଖାମ୍ବୁ!” ୪୪ ପିଲିପ ବେଦ୍‌ସାୟିଦା ଗାଡ଼ାତାସି ମାଚେସି, ଏଡି ଆନ୍ଧିୟୁ ଇଞ୍ଜି ପିତରତି ଗାଡ଼ା ମାଚେ । ୪୫ ପିଲିପ ନିତନିୟେଲଇଁ ମେସାନା ଏଞ୍ଜାଣାଇଁ ଏଲେଇଚେସି, “ଆମ୍ବାଆରି କାତା ମସାତି ଚେରାତା ରାତାମାନେରି, ଅଡେ, ମାହାପୁରୁ ଅଶ୍‌ପୁତି ବଲୁ ଝେହ୍‌ନାରି ଜିକେଏ ରାତାମାନେରି, ମାମ୍ବୁ ଏଞ୍ଜାଣାଇଁ ବେଟାଆହାମାନମି । ଏଞ୍ଜାସି ଜସେପ ମୀର୍‌ଏସି ନାଜରିଚତି ଜୀସୁ ।” ୪୬ ନିତନିୟେଲ ଏଞ୍ଜାଣାଇଁ ଝେଚେସି, “ନାଜରିଚତା କି ଏନି ନେହିଁ କାମା ଆହିମାନେ?” ପିଲିପ ଏଲେଇଚେସି, “ଞ୍ଜାହାନା ସିନିକିମ୍ବୁ ।” ୪୭ ଜୀସୁ ନିତନିୟେଲଇଁ ତାନି ଡାଶା ଖାହିମାନାଣି ମେସାନା ଜୀସୁ ଏଞ୍ଜାଣି କାତା ଝେସେସି, “ମେହ୍‌ଦୁ ଇଞ୍ଜାସି ସାତା ତଲେ ଇସ୍ରାୟେଲତି ଲକ୍ଷୁ; ଇଞ୍ଜାଣି ଡାଶା ଏନାୟି ନାଡ଼ିକିନି ରୁଦି ହିଲେଏ!” ୪୮ ନିତନିୟେଲ ଜୀସୁଇଁ ଝେଚେସି, “ନୀରୁ ନାଡ୍ରେ ଏନିକିହିଁ ପୁଞ୍ଜାଚି?” ଜୀସୁ ଏଲେଇଚେସି, “ପିଲିପ ନିଡ୍ରେ ହାଟାଚି ନକେଏ ନୀରୁ ଡୟା ମୀର୍‌ନୁ ଡ଼ଇ ମାଚି, ଏଚେତା ନୀରୁ ନିଡ୍ରେ ମେସାମାଞ୍ଜାଚେଏ ।” ୪୯ ନିତନିୟେଲ ଏଲେଇଚେସି, “ଏ ଗୁରୁ ନୀରୁ ମାହାପୁରୁ ମୀର୍‌ଏଣାଚି! ନୀରୁଏ ଇସ୍ରାୟେଲ ରାଜାଚି ।” ୫୦ ଜୀସୁ ଏଲେଇଚେସି, “ନୀରୁ ନିଡ୍ରେ ଡୟା ମୀର୍‌ନୁ ଡ଼ଇ ମେସାଚେଏଁ ଇଞ୍ଜି ଝେସାଲିଏ ନୀରୁ ନାମିମାଞ୍ଜି?” ନୀରୁ ଇଦାଆଁ କିହାଁ ହାରେକା କାଜା କାମାୟି ମେହ୍‌ଦି । ୫୧ ଜୀସୁ ନିତନିୟେଲଇଁ ଏଲେଇଚେସି, “ନୀରୁ ନିଡ୍ରେ ସାତା ଝେସିମାଞ୍ଜାଇଁ ନୀରୁ ଲାକପୁରୁ ଦେପିଆହାମାନାଣି ଇଞ୍ଜି ମାଣସି ମୀର୍‌ଏଣା ଡାଶା ମାହାପୁରୁଚି ଦୁରୁୟି ଲାକ ହାଜିମାନାଣି ଅଡେ ଡ଼ଇ ଖାହିମାନାଣି ମେହ୍‌ଦି ।”

9 ତାନି ଦିନା ଜେଚ ଗାଲିଲିତି କାନା ଗାଡ଼ାତା ର ବୀହା ମାଚେ, ଜୀସୁ ତାନି ଇୟା ମରିୟୁମ ଜିକେଏ ଏମ୍ବାଆଁ ମାଚେ; ୨ ଜୀସୁ ଜିକେଏ ତାନି ସୀସୁୟି ତଲେ ବାହାତା ହାଜାଲି ହାବ୍‌କି ଆହାମାଚେସି । ୩ ଏଚିବେଲା ଅଡ୍ଡୁରି ରାସା ରାହାହାରୁ, ଜୀସୁଇଁ ତାନି ଇୟା ଏଲେଇଚେ, “ଏଞ୍ଜାରି ଅଡ୍ଡୁରି ରାସା ରାହାହାରୁ ।” ୪ ଏମ୍ବାଟିଏ ଜୀସୁ ତାନି ଇୟା

ଏଲେଇଚେସି, “ଇୟା, ନୀରୁ ନାଡ୍ରେ ଏନାଆଁ କିନାୟିମାନେ ଏନାଆଁକି ଝେସିମାଞ୍ଜାଚି? ନା କାଲ ନୀଏଁ ପାଚେକା ଖାହାହିଲେଏ ।” ୫ ଜୀସୁ ତାନି ଇୟା କାମା କିନାରାଇଁ ଏଲେଇଚେ, “ଏଞ୍ଜାସି ମିଡ୍ରେ ଏନାଆଁ ଝେସୁନେସି ଏଲେକିହିଁଏ କିଦୁ ।” ୬ ଅଡେ, ଏମ୍ବାଆଁ ଜୀହୁଦିୟି ସୁରୁ କିହାଲି ନରୁନି ମେରାତାକି ସ ଗଟା କାଜା ଖାଲକାଚି ଏୟୁ ଗୁନାୟି ମାରୁ । ୭ ଜୀସୁ ହଲିୟାଟ୍ଟାଣି ଏଲେଇଚେସି, “ଇ ଗୁନାୟିଣା ଏୟୁ ନେଞ୍ଜିକିଦୁ ।” ଏଞ୍ଜାରି ଏମ୍ବାଆଁ ନେଞ୍ଜିକିଚେରି । ୮ ଜୀସୁ ଏଞ୍ଜରାଉଁ ଏଲେଇଚେସି, “ଇମ୍ବାଟି ଇଚରା ଅହାନା ବଜିତି ଗୁମ୍ବୁସୁକି ହୀଦୁ ।” ଏମ୍ବାଟିଏ ଏଞ୍ଜାରି ଅଡେରି । ୯ ବଜିତି ଗୁମ୍ବୁସୁ ଅଡ୍ଡୁରି ରାସା ଆହାମାନି ଏ ଏୟୁଚି ଖାଣ୍ଡାହିଁ ଏଞ୍ଜି ଏମ୍ବାଟି ଚାପିଆଡୁ, ପୁଞ୍ଜା ହିଲିଆଚେସି । ସାମା ଏ ହଲିୟାଟ୍ଟା ଏୟୁ ଖାକହା ମାଚାରି ପୁଞ୍ଜାମାଚେରି ଏଦାଆଁତାକି ହନେଏଣାଇଁ ହାଟାହିଁ ଏଲେଇଚେସି । ୧୦ ବାରେକାଣା ତଲିଏ ନେହିଁ ଅଡ୍ଡୁରି ରାସା ହୀନେରି ଅଡେ ଏମ୍ବାଆଁ ଖାହାଡ଼ୟିନି ଲକ୍ଷୁ ହଚିସାରେ ଡାୟୁ ଲାଗେଏଚି ଅଡ୍ଡୁରି ରାସା ହୀନେରି; ସାମା ମୀରୁ ବାରେ ନେହିଁ ଅଡ୍ଡୁରି ରାସା ନୀଏଁ ପାଚେକା ଇଟାମାଞ୍ଜେରି । ୧୧ ଜୀସୁ ଇଲେକି ଗାଲିଲିତି କାନା ଗାଡ଼ାତା କାବାଆନି କାମା ମାବ୍‌ହାନା ତାନି ଗାଞ୍ଜୁରମି ଡ଼େସେସି, ଅଡେ ସୀସୁୟି ଏଞ୍ଜାଣି ଡାଶା ନାମିଚେରି । ୧୨ ଏଦାଆଁ ଡାୟୁ ଜୀସୁ ତାନି ଇୟା, ତାୟିୟି ଅଡେ ସୀସୁୟି ତଲେ କପରନାହୁମତା ହାଚେରି; ଇଞ୍ଜି ଏମ୍ବାଆଁ ହାରେକା ଦିନା ଡୟାଆଚେରି । ୧୩ ଏଚିବେଲାତା ଜୀହୁଦିୟା ପିସ୍‌ପିଆନି ପାର୍‌ ଡାଗେ ଆହାମାଚେ, ଅଡେ ଜୀସୁ ଜିରୁସାଲମତା ହାଚେସି । ୧୪ ଏମ୍ବାଆଁ ଜୀସୁ ମେସେସି, ମାହାପୁରୁ ଇଲୁ ବିତ୍ରା ଲକ୍ଷୁ କଡିୟି ମେଶ୍‌ୟାୟି ଅଡେ ପଟାୟି ବେବାରା କିନାରି ଅଡେ ତାରୁୟି ବେବାରା କିନାରି କୁଗାମାଚେରି; ୧୫ ଏମ୍ବାଟିଏ ଜୀସୁ ଡ଼ରିଚି ସାବ୍‌ଣି କେପାନା କଡିୟି, ମେଶ୍‌ୟାୟି ମାହାପୁରୁ ଇଲୁଚି ପାଞ୍ଜାତା ଡେରହା ପାଣ୍ଡାନା ଟାକାୟି ବେବାରା ଗାଟାରି କୁଚିୟି ଡିରିମ୍ବୁହାନା ଟାକାୟି ବାରେ ଡାଞ୍ଜିଚେସି । ୧୬ ପଟାୟି ବେବାରା ଗାଟାରାଇଁ ଏଲେଇଚେସି, “ଇ ବାରେଚି ଇମ୍ବାଟି ଅହାଡ଼ହୁରୁ, ନା ଆବା ଇଲୁଚି ବେବାରା ଇଲୁ କିଆଦୁ ।” ୧୭ ଇଦାଆଁ ମେସାନା ସାସ୍‌ସେରିତା ରାସକି ଆହାମାନି ର କାତା ସୀସୁୟି ମନତା ଖାଚେ, “ନୀ ଇଲୁତାକି ନା ରାହିଁ ନାଡ୍ରେ ହାରେକା ନାସା କିୟାନେ ।” ୧୮ ଜୀହୁଦିୟି ଜୀସୁଇଁ ଝେଚେରି, “ନୀରୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ବାଟି ସିନା ମାଡ୍ରେ ଏନାଆଁ ଡ଼ସିମାଞ୍ଜାଚି?” ୧୯ ଜୀସୁ ଏଲେଇଚେସି, “ଇ ଦେଞ୍ଜୁଡ଼ିଚି ନାସା କିଦୁ, ଅଡେ ତାନି ଦିନାଟିଏ ନୀରୁ ଏଦାଆଁ ଝେଶ୍‌ଟେ କେପିଇଁ ।” ୨୦ ଏଚେଟିଏ ଜୀହୁଦି ଲକ୍ଷୁ ଏଲେଇଚେରି, “ଏନାଆଁ ତାନିଦିନା ବିତ୍ରା ନୀରୁ ଇଦାଆଁ କେପାଲି ଆଡିଦି? ଇ ଦେଞ୍ଜୁଡ଼ି କିହାଲିତାକି ରୀ କଡ଼ି ସ ବାସିଆ ଆହାମାନେ ।” ୨୧ ସାମା ଜୀସୁ ଜାହାରା ଆଡ୍ଡା ଲେହେଚି ଦେଞ୍ଜୁଡ଼ିଚି ଡ଼ସାନା ଇଦାଆଁ ଝେସାମାଚେସି । ୨୨ ଇଦାଆଁତାକି ଜୀସୁ ହାହାନା ନିଡ୍ରେଲିଏ ତାନି ସୀସୁୟି ଜୀସୁ ଇ କାତା ଝେସାମାଚେସି ଇଞ୍ଜି ଅଶ୍‌ପିଚେରି; ଅଡେ ଦୀର୍‌ ସାସ୍‌ସେରି ଅଡେ ଜୀସୁ ଝେସାମାଚି କାତାଚି ନାମିଚେରି ।

୨୩ ପିତୃପୁତ୍ର ଆନି ପାର୍ଶ୍ୱ ଆହିମାଚି ବେଲତା ଜିରୁସାଲମତା ଜୀସୁ ମାଚାଚି ହାରେକା ତାନି କାବାଆନି କାମା ମେସାନା ତାନି ଦରୁତା ହାରେକା ଜାଣା ନାମିତେରି । ୨୪ ସାମା ଜୀସୁ ଏ ଲକ୍ଷୁଣି ନାମାଆନା ଏଞ୍ଜାରି ତାଣାଚି ଏଟକା ଡୟିତେସି, ଏନାଆଁତାକି ଇତିହିଁ ଏଞ୍ଜାରାଇଁ ନେହିଁକି ପୁଞ୍ଜାମାଚେସି । ୨୫ ଅଡେ ଆମ୍ବାଆସି ମାଣ୍ଡି କାତା ସାକି ହାନେସି, ଇଦି ଏଞ୍ଜାଣାକି ଲଡ଼ା ହିଲୁଆତେ, ଇତିହିଁ ମାଣ୍ଡି ବିତ୍ରା ଏନାୟି ମାନେ ଏଞ୍ଜାସି ତାନ୍ତୁଏ ପୁଞ୍ଜାଲି ଆତିମାଚେସି ।

୩ ପାରୁସିୟାଁ ଗଟିଚି ନିକଦିମ ଇଞ୍ଜି ର ମାଣ୍ଡି ମାଚେସି, ଏଞ୍ଜାସି ଜୀହୁଦି ଲକ୍ଷୁଣି ସାଲଞ୍ଜି କିନାସି ମାଚେସି । ୧ ଏଞ୍ଜାସି ଲାଆଁ ବେଲତା ଜୀସୁ ତାଣା ଖାହାନା ଏଲେଇଚେସି, “ଏ ରାବି, ମାମୁ ପୁଞ୍ଜାମାନି ନାନୁ ମାହାପୁରୁ ପାଣ୍ଡାମାଞ୍ଜାନି ଗୁରୁ । ନାନୁ ଆନିନି ବାରେ କାବାଆନି କାମା କିହିମାଞ୍ଜି, ମାହାପୁରୁ ସାୟେନି ହିଲୁଆସାରେ ଏଦାଆଁ ଆମ୍ବାଆରି କିହାଲି ଆଡଅରି ।” ୩ ଜୀସୁ ଏଞ୍ଜାଣାଇଁ ଏଲେଇଚେସି, ସାତା ସାତା ନାନୁ ନିଢ଼ୁ ଖେସିମାଞ୍ଜାଇଁ, ଅଡେ ଖେଣ୍ଟେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି ଆଡଅସି । ୪ ନିକଦିମ ଏଞ୍ଜାଣାଇଁ ଖେଚେସି, “ବୁଡ଼ହା ଆତିସାରେ ମାଣ୍ଡି ଅଡେ ଖେଣ୍ଟେ ଏନିକି ଜାର୍ନା ଆହାଲି ଆତିନେସି? ତାଲିନି ବାଣ୍ଟିତା ହତାନା ଏଞ୍ଜାସି ଖେଣ୍ଟେ ଜାର୍ନା ଆହାଲି ଆତିନେସି?” ୫ ଜୀସୁ ଏଲେଇଚେସି; “ସାତା ସାତା ନାନୁ ନିଢ଼ୁ ଖେସିମାଞ୍ଜାଇଁ” ଏୟୁ ଅଡେ ସୁଦୁଜୀଞ୍ଜୁଟି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜିତା ହତାଲି ଆଡଅସି । ୬ ଆଢ଼ାଟି ଏନାୟି ଜାର୍ନା, ଏଦି ଆଢ଼ା; ଅଡେ ସୁଦୁଜୀଞ୍ଜୁଟି ଏନାୟି ଜାର୍ନା ଆନେ, ଏଦି ସୁଦୁଜୀଞ୍ଜୁ । ୭ ନିଢ଼ୁ ଖେଣ୍ଟେ ଜାର୍ନା ଆନାୟି ଲଡ଼ାମାନେ ଇଞ୍ଜି ନାନୁ ନିଢ଼ୁ ଖେସାଚେଏଁ, ଏଦାଆଁତାକି କାବା ଆଆନି । ୮ ଗାଲି ଆମ୍ବିୟାଞ୍ଜାକି ମନ କିନେ, ଏତାଲା ଞ୍ଜାକି ହାନେ, ଅଡେ ନାନୁ ଞ୍ଜାରଇ ଏଦାନି ହାତା ଖେଞ୍ଜାଲି ଆତିଦି, ସାମା ଏଦି ଏନିନି ତାଣାଚି ଞ୍ଜାନେ ଅଡେ, ଏମ୍ବିୟା ହାନେ, ଏଦାଆଁ ପୁନଅତି; ସୁଦୁଜୀଞ୍ଜୁଟି ଜାର୍ନା ଆହାମାନି ବାରେଜାଣା ଏଲେକିହିଁଏ । ୯ ନିକଦିମ ଏଞ୍ଜାଣାଇଁ ଏଲେଇଚେସି, “ଏଦି ଏନିକି ଆହାଲି ଆତିନେ?” ୧୦ ଜୀସୁ ଏଞ୍ଜାଣାଇଁ ଏଲେଇଚେସି; “ନାନୁ ଇସ୍ରାୟେଲତି ଗୁରୁ ଆହାନା ଜିକେଏ, ଇ ବାରେ ଡେଲିହିଁ ହିଲଅତି କି? ୧୧ ନାନୁ ନିଢ଼ୁ ସାତା ଖେସିମାଞ୍ଜାଇଁ, ନାନୁ ଏନାଆଁ ପୁଞ୍ଜାମାଇଁ, ଏଦାନି କାତା ଖେସିମାଞ୍ଜାଇଁ, ଏନାଆଁ ମେସାମାଇଁ, ଅଡେ ନାନୁ ନା କାତା ନାମିହିଲଅତି । ୧୨ ନାନୁ ଦାର୍ତତି କାତାଚି ଖେସାସାରେ ନାନୁ ନାମଅତି, ଆତିହିଁ ଲାକପୁରୁଟି ହାତା ଖେସାସାରେ ଏନିକି ନାମିଦି? ୧୩ ଆନିନି ମାଣ୍ଡି ମାଣ୍ଡିଏ ଲାକପୁରୁଟି ରେତା ଞ୍ଜାଚେସି, ଏଞ୍ଜାଣି ପିସ୍ତପେ ଅଡେ ଆମ୍ବାଆସି ଲାକପୁରୁ ହାଜାହିଲଅସି ।” ୧୪ ଅଡେ, ମସା ଏନିକି ଲକ୍ଷୁ ହିଲୁଆ ଚାୟୁତା ପିତାଡ଼ା ରାଚୁଟି ଲାକ ପେରହା ମାଚେସି, ମାଣ୍ଡି ମାଣ୍ଡିଏ ଜିକେଏ ଏଲେକିହିଁଏ ଲାକ ପେରୁଞ୍ଜି ଆନେସି । ୧୫ ଏନିକିହିଁ ଆମ୍ବାଆସି ତାନି ତାଣା ନାମିନେସି, ଏଞ୍ଜାସି କାଲାକାଲାଚି ଜୀସୁ ବେଟା ଆନେସି । (aiōnios g166) ୧୬ ଇତିହିଁ ମାହାପୁରୁ ଦାର୍ତତି ଏଚେକା ଜୀସୁ

ନଡେସି, ଏଞ୍ଜାସି ତାନି ରଣ୍ଡିଏ ମାଣ୍ଡିଏଣାଇଁ ଦାନା ହାଚେସି, ଏନିକିହିଁ ଏଞ୍ଜାଣି ତାଣା ନାମିନାସି ନାସା ଆଆନା କାଲାକାଲାଚି ଜୀସୁ ବେଟା ଆନେସି । (aiōnios g166) ୧୭ ଇତିହିଁ ଦାର୍ତତି ନାହାଁୟି କିହାଲିତାକି ମାହାପୁରୁ ତାନି ମାଣ୍ଡିଏଣାଇଁ ଦାର୍ତତିତା ପାଣ୍ଡାଆନା, ଦାର୍ତତି ଏନିକି ତାନିତାଣାଚି ଗେଲ୍ପିଆନେ, ଏଦାଆଁତାକି ତାନି ମାଣ୍ଡିଏଣାଇଁ ପାଣ୍ଡାଚେସି । ୧୮ ଆମ୍ବାଆସି ତାନି ତାଣା ନାମିନେସି, ଏଞ୍ଜାସି ନାହାଁୟି କିଞ୍ଚି ଆଅସି ଆମ୍ବାଆସି ନାମଅସି, ଏଞ୍ଜାସି ନାହାଁୟି କିଞ୍ଚି ଆଚେସିଏ, ଏନାଆଁତାକି ଇତିହିଁ ମାହାପୁରୁଟି ରଣ୍ଡିଏ ମାଣ୍ଡିଏଣା ଦରୁଟି ନାମାହିଲଅସି । ୧୯ ଅଡେ ଏ ନାହାଁୟି ଇଦି, ଇ ଦାର୍ତତିତା ଉଜେଡ଼ି ଡ଼ଞ୍ଜା ଆହାମାନେ, ଅଡେ ଲକ୍ଷୁ ଉଜେଡ଼ି ପିସାନା ଆନେରିଚି ଜୀସୁ ନଡେରି, ଏଦାଆଁତାକି ଏଞ୍ଜାରି ବାରେ କାମା ଲାଗେଏତାୟି । ୨୦ ଇତିହିଁ ଆମ୍ବାଆରି ଲାଗେଏତି କାମାକିନାରି, ଉଜେଡ଼ିଚି ଅପଅରି, ଅଡେ ଏଚେତା ତାନି ପାପୁ କାମା ଡ଼ଞ୍ଜାଆନେ, ଏଦାଆଁତାକି ଉଜେଡ଼ିତା ଞ୍ଜାଅରି । ୨୧ ସାମା ଆମ୍ବାଆରି ସାତା କାମା କିନେରି, ଏଞ୍ଜାରି ଉଜେଡ଼ିତା ଞ୍ଜାନେରି, ଏନିକି ତାନି କାମା ବାରେ ମାହାପୁରୁ ତାଣାଚି ତାନି ଆତାୟି ଇଞ୍ଜି ଡ଼ଞ୍ଜାଆନେ । ୨୨ ଇଦାଆଁ ତାୟୁ ଜୀସୁ ଅଡେ ତାନି ସୀୟୁୟି ଜୀହୁଦା ରାଜିତା ହାଚେରି, ଅଡେ ଏଞ୍ଜାସି ଏ ଚାୟୁତା ଡୟାନା ବାପ୍ତିସ୍ତ ହାହାଲି ମାଟହେସି । ୨୩ ଜହନ ଜିକେଏ ସାଲମତି ତାଗେ ଏନନଡ଼ା ବାପ୍ତିସ୍ତ ହାହିମାଚେସି, ଇତିହିଁ ଏମ୍ବାଆଁ ଗାତି ଏୟୁ ମାଚୁ, ଅଡେ ଲକ୍ଷୁ ଖାହାନା ବାପ୍ତିସ୍ତ ଅହିମାଚେରି । ୨୪ ଏତିବେଲା ପାଚେକା ଜହନ କାୟିଦିତା ହାଜାହିଲୁଆଚେସି । ୨୫ ଏମ୍ବାଟିଏ ଜହନତି ଏଚରଜାଣା ସୀୟୁୟି ର ଜୀହୁଦି ତଲେ ମେରାତାକି ନରୁନି କାତାତାକି ବାଦିବାଦା ଆଚେରି । ୨୬ ଏଞ୍ଜାରି ଜହନଇଁ ଏଲେଇଚେରି, “ଗୁରୁ ଆମ୍ବାଆସି ଜର୍ଦନ କାତାଚି ଅରଞ୍ଜାକି ନୀ ତଲେ ମାଚେସି, ଆମ୍ବାଆରି କାତା ନାନୁ ସାକି ହାହାମାଞ୍ଜାଚି, ମେହମୁ ଏଞ୍ଜାସି ବାପ୍ତିସ୍ତ ହାହିମାନେସି ଅଡେ ବାରେଜାଣା ଏଞ୍ଜାଣି ତାଣା ହାଜିମାନେରି ।” ୨୭ ଜହନ ଏଲେଇଚେସି, “ଲାକପୁରୁଟି ମାହାପୁରୁ ହାଆସାରେ ମାଣ୍ଡିଏ ଏନାଆଁ ମେଡ଼ାଆହାଲି ଆଡଅସି । ୨୮ ନାନୁ କ୍ରୀସ୍ତଚେଏଁ ଆଏ, ସାମା ଏଞ୍ଜାଣି ନକିତା ପାଣ୍ଡି ଆହାମାଇଁ, ଇ କାତା ନାନୁ ମିଢ଼େ ଖେସାମାଞ୍ଜାଚେଏଁ ଇଞ୍ଜି ମାରୁ ନା ସାକି । ୨୯ ମାଢ଼ୁନି ଅନାସି, ଏଞ୍ଜାସି ହନେଏସି, ସାମା ହନେଏଣି ଏନିନି ତଡ଼ୁ ନିତାନା ତାନି ହାତା ଖେନେସି, ଏଞ୍ଜାସି ହନେଏଣି ହାତା ଖେଞ୍ଜାନା ହାରେକା ରାହାଁ ଆନେସି । ଏଲେକିହିଁଏ ନା ରାହାଁ ଜିକେଏ ପୁରା ଆଚେ । ୩୦ ସାଚେଏ ଏଞ୍ଜାସି କାଜାସି ଆନାୟି ମାନେ, ଅଡେ ନାଢ଼େ ଉଣା ଆନାୟି ମାନେ ।” ୩୧ ଆମ୍ବାଆସି ଲାକପୁରୁଟି ଞ୍ଜାନେସି, ଏଞ୍ଜାସି ବାରେକିହିଁ କାଜାସି, ଆମ୍ବାଆସି ଦାର୍ତତି ଜାର୍ନା ଆନେସି, ଏଞ୍ଜାସି ଦାର୍ତତି କାତା ଖେହନେସି; ଆମ୍ବାଆସି ଲାକପୁରୁଟି ଞ୍ଜାନେସି ଏଞ୍ଜାସି ବାରେଜାଣା କିହିଁ କାଜାସି । ୩୨ ଏଞ୍ଜାସି ଏନାଆଁ ମେସାମାନେସି ଅଡେ ଏନାଆଁ ଖେଞ୍ଜାମାନେସି, ଏଦାଆଁ ଏଞ୍ଜାସି ସାକି ହାହିମାନେସି, ସାମା ଆମ୍ବାଆସି ତାନି ହାତାଚି ଅପଅସି । ୩୩ ଇଞ୍ଜି ଆମ୍ବାଆସି ତାନି କାତାଚି

ଅପିନେସି, ଏଝାସି ମାହାପୁରୁ ସାତା ଇଚ୍ଛୁ ଏ କାତାଟି ଆବା ମାନେସି । ୩୪ ସାମା ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜୁନେସି, ଏଝାସି ମାହାପୁରୁ ବଲୁ ଖେହ୍ନେସି, ଏଝାଶାକି ମାହାପୁରୁ ସୁଦୁଜାସୁ ହାନେସି । ୩୫ ଆବା ମାର୍‌ଏଶାଇଁ ଜାସୁ ନ୍‌ନେସି, ଅଡେ ବାରେ ତାନି କେୟୁତା ହେରପା ମାନେସି । ୩୬ ଆମ୍ବାଆସି ମାର୍‌ଏଶାଇଁ ନାମିନେସି, ଏଝାସି କାଲାକାଲାଟି ଜାସୁ ବେଟାଆହାମାନେସି, ସାମା ଆମ୍ବାଆସି ମାର୍‌ଏଶାଇଁ ଅପଅସି, ଏଝାସି ଜାସୁ ଜିକେଏ ମେହ୍‌ଅସି, ସାମା ଏଝାସି ମାହାପୁରୁଟି ତଣ୍ଡୁତା ଡ଼ୟିନେସି । (aiōnios g166)

୪ ପାରୁସିୟାଁ ଖେରେରି, ଜାସୁ ଜହନ କିହାଁ ଗାତି ସାସୁୟାଁ କିହିମାନେସି ଅଡେ ବାପ୍ତିସ୍ତ ହାହିମାନେସି । ୨ ଜାସୁ ତାନୁ ବାପ୍ତିସ୍ତ ହାହିହିଲାଆତେସି, ସାମା ତାନି ସାସୁୟାଁ ବାପ୍ତିସ୍ତ ହାହିମାରେସି, ଇ କାତା ପାରୁସିୟାଁ ଖେଞ୍ଜାମାନେରି ଇଚ୍ଛୁ ପ୍ରବୁ ଏଚେତା ପୁରେସି, ୩ ଏଚେତା ଜାହୁଦା ଦେସା ପିସାନା ଅଡେ ଖେଣ୍ଡେ ଗାଲିଲିତା ହାରେସି । ୪ ସାମା ତାଡ୍ଡେ ସମିରଣ ଜିରୁଟି ହାଜାଲି ଲାଗିଚେ । ୫ ଅଡେ ଏଝାସି ହାଜାନା ଜାକୁବ ତାନି ମାର୍‌ଏସି ଜପେପକି ଏମିନି ବୁମି ହାହାମାରେସି ଏ ତାଗେ ସମିରଣଟି ସୁକାର ଦରୁଗାଟି ର ନାୟୁତା ଏଗାହାରେସି । ୬ ଏ ଚାୟୁତା ଜାକୁବଟି କୁହି ମାଚେ, ଇଚ୍ଛୁ ଜାସୁ ଖାହାହାଜାମାତାକି ଏ କୁହି ତାଗେ କୁଗିଚେସି । ଏଚେତା ମାଦେନା ଆହାମାଚେ । ୭ ଅଡେ ର ସମିରଣ ଇୟା ଏୟୁ ଅହାଲି ଖାଚେ । ଜାସୁ ଏଦାନି ଏଲେଇଚେସି “ନାଡ୍ଡେ ଏୟୁ ଗସାଲି ହିୟାମୁ ।” ୮ ତାନି ସାସୁୟାଁ କାଦି କତାଲି ଗାଡ଼ାତା ହାଜାମାରେସି । ୯ ଏମ୍ବାଟିଏ ସମିରଣ ଇୟା ଜାସୁୟାଁ ଏଲେଇଚେ, “ନାନୁ ର ଜାହୁଦି ଲକୁ ଆହାଁ, ନାନୁ ସମିରଣ ଆୟାଚେଏଁ, ଏନିକିଁ ନା କେୟୁଟି ଏୟୁ ଗସାଲି ରାସି ମାଞ୍ଜୁଦି?” ଏନିଇଚିହିଁ ଜାହୁଦିୟାଁ ତଲେ ସମିରଣ ଲକୁଚି ଲେମ୍‌ମାନାୟି ହିଲେଏ । ୧୦ ଜାସୁ ଏଦାନି ଏଲେଇଚେସି, “ମାହାପୁରୁଟି ଦାନା ଅଡେ ନାଡ୍ଡେ ଗସାଲି ହିୟାମୁ ଇଚ୍ଛୁ ଆମ୍ବାଆସି ନିଡ୍ଡେ ଏଲେଇଚ୍ଛୁମାଞ୍ଜୁନେସି, ଏଝାସି ଆମ୍ବାଆସି, ଇଦାଆଁ ନାନୁ ପୁଚିହିଁମା, ନାନୁ ଏଝାଶାଇଁ ରାସିମା, ଅଡେ ଏଝାସି ନିଡ୍ଡେ ଜାସୁଟି ଏୟୁ ହିୟାଚେସିମା ।” ୧୧ ଏ ଆୟାଟି ଏଲେଇଚେ, “ଗୁରୁ ନୀ ତାଶା ଏୟୁ କତାଲି ତାକି ନକି ହିଲେଏ, ଅଡେ ଇ କୁହି କୁଡ଼ହାମାନେ; ଆଚିହିଁ ନାନୁ ଏମ୍ବିଟି ଏ ଜାସୁଗାଟି ଏୟୁ ବେଟାଆହାମାଞ୍ଜୁ? ୧୨ ମା ଆକୁୟାଁଟି ଆବା ଜାକୁବ ଇ କୁହି ମାଡ୍ଡେ ହାହାମାଞ୍ଜୁଚେସି, ଅଡେ, ତାନି ମାର୍‌କା ଅଡେ ତାନି କଡି ଗରି ଇମ୍ବାଟି ଏୟୁ ଗସିମାନୁ, ଏଝାଶି କିହାଁ ନାନୁ କି କାଜାଟି?” ୧୩ ଜାସୁ ଏଲେଇଚେସି, “ଆମ୍ବାଆସି ଇ ଏୟୁ ଗହ୍‌ନେସି, ଅଡେ ଖେଣ୍ଡେ ଏସକି ଆନେସି; ୧୪ ସାମା ନାନୁ ଏମିନି ଏୟୁ ହିୟାୟାଁ, ଏଝାଆଁ ଆମ୍ବାଆସି ଗହ୍‌ନେସି, ଏଝାସି ଏଚେଲାଖା ଏସକି ଆଅସି, ଇଚିହିଁ ନାନୁ ଏମିନି ଏୟୁ ହାୟାଁ, ଏଦି କାଲାକାଲାଟି ଜାସୁଟି ଉସା ଲେହେଁ ଏଝାଶି ତାଶାଟି ଚେଲାବୟା ହାନୁ ।” (aiōn g165, aiōnios g166) ୧୫ ଆୟାଟି ଏଲେଇଚେ, “ଗୁରୁ, ନାଡ୍ଡେ ଏନିକିଁ ଏସକି ଆୟେଏ, ଅଡେ ଏୟୁତାକି ଇଚେକା ହେକ

ଇ କୁହିତା ଖାୟାଲି ଆଏ, ଏଦାଆଁତାକି ଏ ଏୟୁ ନାଡ୍ଡେ ହିୟାମୁ ।” ୧୬ ଜାସୁ ଏଦାନି ଏଲେଇଚେସି, “ହାଲାମୁ, ନୀ ତକ୍ରାୟାଁ ହାଟାତାମୁ ।” ୧୭ ଏ ଆୟାଟି ଏଲେଇଚେ, “ନା ତକ୍ରା ହିଲଅସି ।” ଜାସୁ ଏଦାନି ଏଲେଇଚେସି “ନୀ ତକ୍ରା ହିଲଅସି ଇଚ୍ଛୁ ସାତା ଖେସାମାଞ୍ଜୁ । ୧୮ ନିଡ୍ଡେ ପାସାଜାଶା ତକ୍ରାୟାଁ ମାଚେରି, ଅଡେ ନାଏଁ ନୀ ତଲେ ଆମ୍ବାଆସି ମାନେସି ଏଝାସି ନୀ ତକ୍ରା ଆଏ ଇଦାଆଁ ସାତା ଖେସାମାଞ୍ଜୁ ।” ୧୯ ଆୟାଟି ଏଲେଇଚେ, “ଗୁରୁ, ନାନୁ ପୁଞ୍ଜିମାଇଁ ନାନୁ ର ମାହାପୁରୁ ଅଣ୍ଡୁଟି ବଲୁ ଖେହ୍‌ନାଟି, ଇଦାଆଁ ନାନୁ ପୁଞ୍ଜିମାଇଁ । ୨୦ ମା ଆକୁ ଆବାୟାଁ ଇ ହରୁ ଲାକ ପ୍ରାତାନା କିହିମାଚେରି; ଅଡେ ମୀ ଜାହୁଦି ଲକୁ ଏଲେଇଚେରି, ପ୍ରାତାନା କିନି ଚାୟୁ ଆହିମାନେ ଜିରୁସାଲମ ।” ୨୧ ଜାସୁ ଏଦାନି ଏଲେଇଚେସି, “ଇୟା ନା ହାଡାଟି ନାମାମୁ, ଏମିନି ବେଲାତା ମୀରୁ ଇ ହରୁତା କି ଜିରୁସାଲମତା ଆବା ତାଶା ପ୍ରାତାନା କିଅଚେରି ଇଲେଟି କାଲମି ଖାନେ । ୨୨ ଆମ୍ବାଆରାଇଁ ମୀରୁ ପୁଞ୍ଜିହିଲଅଚେରି, ଏଝାଶାଇଁ ପ୍ରାତାନା କିହିମାଞ୍ଜୁଚେରି; ଆମ୍ବାଆରାଇଁ ମୀର ପୁଞ୍ଜିମାନାୟି, ଏଝାଶାଇଁ ପ୍ରାତାନା କିହିମାନାୟି, ଇଚିହିଁ ଗେଲ୍‌ପିନାୟି ଜାହୁଦି ଲକୁ ତାଶାଟି ଖାନେ । ୨୩ ସାମା ଏମିନି କାଲମିତା ସାତା ତଲେ ପ୍ରାତାନା କିନି ଲକୁ ଜାସୁତଲେ ଅଡେ ସାତା ତଲେ ଆବାୟାଁ ପ୍ରାତାନା କିନେରି, ଇଲେଟି କାଲମି ଖାହିମାନେ; ଅଡେ, ନାଏଁ ଜିକେଏ ମାନେ; ଇଚିହିଁ ଆବା ଇଲେଟି ପ୍ରାତାନା କିନାରାଇଁ ପାରିମାନେସି । ୨୪ ମାହାପୁରୁ ସୁଦୁଜାସୁ ଗାଟାସି, ଅଡେ ଆମ୍ବାଆରି ତାନି ପ୍ରାତାନା କିନେରି, ଏଝାରି ଜାସୁ ଇଚ୍ଛୁ ସାତା ତଲେ ତାନି ପ୍ରାତାନା କିନାୟିମାନେ ।” ୨୫ ଏ ଆୟାଟି ଜାସୁୟାଁ ଏଲେଇଚେ, “ନାନୁ ପୁଞ୍ଜିମାଇଁ, ମସିହା, ଆମ୍ବାଆରାଇଁ କ୍ରୀସୁ ଇନେରି, ଏଝାସି ଖାନେସି; ଏଚେତା ଏଝାସି ଖାନେସି ମାଡ୍ଡେ ବାରେ କାତା ପୁଣ୍ଡାମି କିୟାନେସି ।” ୨୬ ଜାସୁ ଏଦାନି ଏଲେଇଚେସି, “ନାଏଁ ନୀ ତଲେ ହାଡା ଆହିମାନାଚେଏଁ ନାନୁ, ନାନୁ ଏଝାଚେଏଁ ।” ୨୭ ଏଚିବେଲାତା ତାନି ସାସୁୟାଁ ଖାହାନା ତାନୁ ର ଆୟାଟି ତଲେ ହାଡା ଆହିମାନାଶି ମେସାନା କାବା ଆଚେରି, ଆଚିକିକେଏ ନାନୁ ଏନାଆଁ ମନ କିହିମାଞ୍ଜୁ, ଆଆଚି ଏନାଆଁତାକି ଏଦାନିତଲେ ହାଡା ଆହିମାଞ୍ଜୁ ଇଚ୍ଛୁ? ଆମ୍ବାଆରି ଖେନାଆଚେରି । ୨୮ ଏମ୍ବାଟିଏ ଆୟାଟି ଏମ୍ବାଆଁ ତାନି ଏୟୁ ଡକା ପିସାନା ଗାଡ଼ାତା ହାଜାନା ଲକୁଶି ଖେପ୍ପୁ, “ଝାଦୁ, ରଅଶାଇଁ ମେହ୍‌ଦେରି, ୨୯ ନାନୁ ଏନା ଏନାଆଁ ନା ଜାସୁତା କିହାମାଇଁ, ଏଝାସି ନାଡ୍ଡେ ବାରେ ଖେସ୍ତାଚେସି; ଏଝାସି ମସିହା ଆହାଡ଼ୟିନେସି?” ୩୦ ଏମ୍ବାଟିଏ ଏମ୍ବାଟି ଲକୁ ଗାଡ଼ାଟି ହତାନା ଜାସୁ ତାଶା ହାଚେରି । ୩୧ ଏଚିବେଲାତା ସାସୁୟାଁ ବାଟିମାଲିହିଁ ଏଲେଇଚେରି, “ଏ ଗୁରୁ, ତିନାମୁ ।” ୩୨ ସାମା ଜାସୁ ଏଝାଶାଇଁ ଏଲେଇଚେସି, “ତିଞ୍ଜୁଲି ତାକି ଏମିନି କାଦି ନା ତାଶା ମାନେ, ମୀରୁ ଏ କାଦିଟି କାତା ପୁଞ୍ଜିହିଲଅଚେରି ।” ୩୩ ସାସୁୟାଁ ତାମୁ ତାମୁ ହାଡାକାତା ଆଚେରି, “ଆମ୍ବାଆୟି ତାଡ୍ଡେତାକି କାଦି ତାତା ହାହାମାନେ ହାକୁଲା?” ୩୪ ଜାସୁ ଏଝାଶାଇଁ ଏଲେଇଚେସି, “ନାଡ୍ଡେ ପାଣ୍ଡାମାଞ୍ଜୁନାଶା ଅଣ୍ଡୁ ଅଡେ ତାନି କାମା ରାପ୍‌ନାୟି ଏଦିଏ

ନା କାନ୍ଦି । ୩୫ ଆର୍ନା ଦାତାଲି ଅଡ଼େ ସାରି ଲେଖୁ ମାନେ, ଇ କାତା ମାରୁ ଖେସିହିଲଅତେରି ସାମା ନାନୁ ମିଡ୍ରେ ଖେସିମାଞ୍ଜାଇଁ, ଗୁତିୟାକା ବାରେ ସିନିକିଦୁ ଏ ବାରେ ଦାତାଲି ତାକି କାମ୍ପାହାରେୟିଏ । ୩୬ ନାଏଁ ଜିକେଏ ଦାଃଆନାରାକି କୁଲି ହାପୁକି ଆହିମାନେ ଅଡ଼େ କାଲାକାଲାତି ଜୀସୁତାକି ପାଡ଼େୟି କୁଡ଼ି କିହିମାନେରି, ଏନିକିହିଁ ଦାଃଆନାସି ଅଡ଼େ କୁଡ଼ିକିନାସି ରହେଁଏ ରାହାଁ କିନେରି । (aiōnios g166) ୩୭ ଏନାଆଁତାକି ଇଚିହିଁ ରଅସି ମାଟିନେସି ଅଡ଼େ ଅର ରଅସି ଦାଃଆନେସି ଇ କାତା ସାତା । ୩୮ ମାରୁ ଏନାଆଁତାକି କାମା କିହାହିଲଅତେରି, ଏଦାଆଁ ଦାତାଲି ତାକି ନାନୁ ପାଣ୍ଡାଚେଏଁ; ଏଟକାତାରି କାମା କିହାମାନେରି, ଅଡ଼େ ମାରୁ ଏଞ୍ଜାରି କାମାଟି ଲାବା ବେଟାଆହିମାଞ୍ଜେରି । ୩୯ “ନାନୁ ଏନା ଏନାଆଁ କିହାମାଇଁ, ଏ କାତା ଏଞ୍ଜାସି ନାଡ୍ରେ ବାରେ ଖେସ୍ତାତେସି” ଇଞ୍ଜିଁ ଏମିନି ଆୟାତି ସାକି ହାହାମାଚେ, ଏଦାନି କାତାତାକି ଏ ଗାଡ଼ାତି ସମିରଣ ଲକୁ ବିତ୍ରାତି ହାରେକା ଜୀସୁଇଁ ନାମିତେରି । ୪୦ ଅଡ଼େ ସମିରଣ ଲକୁ ଜୀସୁ ତାଣା ଖାହାନା ତାମିତଲେ ଡ଼ୟାଲି ତାକି ତାଡ୍ରେ ବାଟିମାଲିତେରି ଜୀସୁ ଏଞ୍ଜାରିତଲେ ଅଡ଼େ ରା ଦିନା ଡ଼ୟିତେସି । ୪୧ ଜୀସୁତି ବଲୁ ଖେଞ୍ଜାନା ହାରେକା ଲକୁ ନାମିତେରି । ୪୨ ଏଞ୍ଜାରି ଏ ଆୟାତିଇଁ ଏଲେଇଚେରି, “ଞ୍ଜାରୁଇ ନାନୁ ଏଲେଇଞ୍ଜାତାକି ମାମୁ ନାମାହିଲଅମି, ସାମା ମାମୁ ଖେଞ୍ଜାମାନମି, ଅଡ଼େ, ଇଞ୍ଜାସି ସାତେଏ ଦାରୁଚିଟି ଗେଲ୍ପିନାସି, ଇଦାଆଁ ମାମୁ ପୁଞ୍ଜାମାନମି ।” ୪୩ ରା ଦିନା ଡ଼ାୟୁ ଜୀସୁ ଏମ୍ପାଟି ହତାନା ଗାଲିଲିତା ହାଚେସି । ୪୪ ଇଚିହିଁ ଜୀସୁ ତାଡ୍ରେତାକି ସାକି ହାହିଁ ଏଲେଇଚେସି, “ମାହାପୁରୁ ଅଣ୍ଡପୁଟି ବଲୁ ଖେହନାରି ଜାହାରା ଦେସାତା ମାନି ବେଟାଆଅରି ।” ୪୫ ଅଡ଼େ ଏଞ୍ଜାସି ଗାଲିଲିତା ଏଜାଲିଏ ଏ ଗାଲିଲିତାରି ଏଞ୍ଜାଣାଇଁ ଆବିଚେରି, ଇଚିହିଁ ପିସ୍ପିଆନି ପାର୍ବୁ ବେଲାତା ଜୀସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଞ୍ଜାରି ଜିକେଏ ପାର୍ବୁତା ହାଜାମାଚେରି । ୪୬ ଏମ୍ପାଟିଏ ଜୀସୁ ଗାଲିଲିତି କାନା ଗାଡ଼ାତା ଖେଣ୍ଡେ ହାଚେସି, ଏମ୍ପିୟା ଜୀସୁ ଏୟୁଣି ଅଡ୍ରେରି ରାସା କିହାମାଚେସି, ଏମ୍ପାଆଁ ପାସାକଡ଼ି କସକା ମୁହେଁ କାଜାସି ରଅସି ମାଚେସି, ତାନି ମାର୍‌ଏସି କପରନାହୁମତା ଆତିହିଲଆଚେସି । ୪୭ ଜୀସୁ ଜୀହୁଦା ଗାଡ଼ାତି ଗାଲିଲିତା ଖାହାମାନେସି ଇଞ୍ଜିଁ ଖେଞ୍ଜାନା, ତାନି ତାଣା ହାଜାନା ଏଞ୍ଜାସି ଖାହାନା ଏନିକିଁ ତାନି ମାର୍‌ଏଶାଇଁ ନେହିଁ କିନେସି ଏଦାଆଁତାକି ବାଟିମାଲିତେସି, ଇଚିହିଁ ଏଞ୍ଜାସି ହାନିହୁଗେ ଆହାମାଚେସି ୪୮ ଜୀସୁ ଏଞ୍ଜାଣାଇଁ ଏଲେଇଚେସି, “ସିନା ଅଡ଼େ କାବାଆନି କାମାୟଁ ମେହୁଆତିହିଁ ମାରୁ ଏନିକିକେଏ ନାମଅତେରି ।” ୪୯ ଏ ସାଲିଖି କିନାସି ଏଲେଇଚେସି, “ଏ ପ୍ରବୁ, ନା ମାର୍‌ଏସି ହାନି ନକେଏ ନା ତଲେ ଖାମୁ ।” ୫୦ ଜୀସୁ ଏଞ୍ଜାଣାଇଁ ଏଲେଇଚେସି, “ହାଲ୍ଲାମୁ, ନୀ ମାର୍‌ଏସି ନୀତିନେସି ।” ଏ ମାଣ୍ଡିଇଁ ଜୀସୁ ଏମିନି ହାତା ଖେସ୍ତେସି, ଏଞ୍ଜାସି ଏଦାଆଁ ନାମାନା ହାଚେସି । ୫୧ ଅଡ଼େ, ଏଞ୍ଜାସି ହାଲ୍ଖନିଏ ତାନି ହୁଲିୟାୟୁ ଜିରୁଚେଏ ନୀ ମାର୍‌ଏସି ନୀତିତେସି ଇଞ୍ଜିଁ ଖେସ୍ତେରି । ୫୨ ଏଚିବେଲାତା କକାସି ନେହିଁଆଚେସି,

ଏଦାଆଁ ଏଞ୍ଜାସି ଖେଚେସି । ଏମ୍ପାଟିଏ ଏଞ୍ଜାରି ଏଲେଇଚେରି, “ରେଃଏନି ସାତା ଗଂଟା ବେଲାତା ନମେରି ପିସ୍ତେ ।” ୫୩ ଏମ୍ପାଟି ତାନି ଆବା ପୁଚେସି ଜୀସୁ ଆନିନି ବେଲାତା “ନୀ ମାର୍‌ଏସି ନୀତିତେସି” ଇଞ୍ଜିଁ ଖେସାମାଚେସି, ଏଚିବେଲାତେଏ ଏଦି ଗଚଞ୍ଜି ଆଚେ । ଏମ୍ପାଟିଏ, ଏଞ୍ଜାସି ଅଡ଼େ ତାନି ଇଜତି ବାରେ ଇଲୁ କୁଟିମି ଜୀସୁ ତାଣା ନାମିତେରି । ୫୪ ଜୀହୁଦାଟିଏ ଗାଲିଲିତା ଖେଣ୍ଡା ଖାହାଁ, ଜୀସୁ ରୀ ପାଲି ତାକି ଇ କାବାଆନି କାମା କିଚେସି ।

୫ ଇଦାଣି ଡ଼ାୟୁ ଜୀହୁଦି ଲକୁଚି ର ପାର୍ବୁ ଆଚେ, ଅଡ଼େ ଜୀସୁ ଜିରୁସାଲମତା ହାଚେସି । ୬ ଜିରୁସାଲମତି ମେଣ୍ଡାୟଁ ଦୁଖେରି ତାଗେ ର ବାନ୍ୟ ମାନେ; ଏଚି ହାତାତଲେ ବେଟସାୟିଦା ଇନେରି, ଏ ବାନ୍ୟତା ପାସାଗଟା ପିଣ୍ଡାୟଁ ମାନୁ । ୭ ଏମ୍ପାଆଁ କାଣାୟଁ, ସଟାୟଁ ଅଡ଼େ ଆଞ୍ଜୁ ଖାୟିତି ରଗ ଗାଟାରି ହାରେକା ଜାଣା ନେହିଁ ଆୟାଲି କାତାହାଁ ମାଣ୍ଡମ୍ପିଚେରି; ୪ ଇଚିହିଁ ଏଚିବେଲାତା ପ୍ରବୁଚି ର ଦୂରୁ ବାନ୍ୟତା ରେଚାନା ଏୟୁ ଖାଟିହିସାରେ, ଅଡ଼େ ଏୟୁ ଖାଟିତି ଡ଼ାୟୁ ଆମ୍ପାଆସି ତଲିଏ ହୁଡ଼ନେସି, ଏଞ୍ଜାଣାକି ଏନି ରଗ ଆହାମାଟି ଜିକେଏ ନେହିଁ ଆହିମାଚେସି । ୫ କଡ଼େ ଅଚର ବାସା ପାଚେକା ରଗ ଗାଟାସି ରଅସି ଏମ୍ପାଆଁ ମାଚେସି । ୬ ଜୀସୁ ଏଞ୍ଜାଣାଇଁ ଡ଼ୟାମାନାଣି ମେସାନା ଗାଡୁ ଦିନାତି ରଗ ଗାଟାସି ଇଞ୍ଜିଁ ପୁଞ୍ଜାହାଁ ଏଞ୍ଜାଣାଇଁ ଖେଚେସି, “ନାନୁ ଏନାଆଁ ନେହିଁ ଆହାଲି ମନ କିହିମାଞ୍ଜେ?” ୭ ରଗ ଗାଟାସି ଏଞ୍ଜାଣାଇଁ ଏଲେଇଚେସି, “ବାବୁ, ଏୟୁ ଖାଟିନାଟି ନାଡ୍ରେ ବାନ୍ୟତା ଅହାଲି ତାକି ଆମ୍ପାଆସି ହିଲଅସି; ଅଡ଼େ, ନାନୁ ହାନିବେଲାତା ଅଡ଼େ ରଅସି ନା ନକେଏ ହୁଡ଼ାହାନେସି ।” ୮ ଜୀସୁ ଏଞ୍ଜାଣାଇଁ ଏଲେଇଚେସି, “ନିଡ୍ରେମୁ, ନୀ ପାସ୍‌ପନି ଡ଼େକାହାଁ ଡ଼ାକାମୁ ।” ୯ ଏ ଦେବୁଣିଏ ଏଞ୍ଜାସି ନେହିଁ ଆଚେସି ଅଡ଼େ ତାନି ପାସ୍‌ପନି ଡ଼େକାନା ଡ଼ାକାଲି ମାଟ୍‌ହେସି । ଏ ଦିନା ଜମିନି ଦିନା ମାଚେ । ୧୦ ଇଦାଆଁତାକି, ଜୀହୁଦିୟଁ ନେହିଁ ଆହାମାନି ମାଣ୍ଡିଇଁ ଏଲେଇଚେରି, “ନୀଞ୍ଜୁ ଜମିନି ଦିନା, ପାସ୍‌ପନି ଡ଼େକା ଅହାଲି ନିଡ୍ରେତାକି ମେରା ଆଏ ।” ୧୧ ସାମା, ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ଆମ୍ପାଆସି ନାଡ୍ରେ ନେହିଁ କିୟାଚେସି, ଏଞ୍ଜାସି ନାଡ୍ରେ ଏଲେଇଞ୍ଜାଚେସି, ନୀ ପାସ୍‌ପନି ଡ଼େକାନା ଡ଼ାକାମୁ ।” ୧୨ ଏଞ୍ଜାରି ଏଞ୍ଜାଣାଇଁ ଖେଚେରି, “ନୀ ପାସ୍‌ପନି ଡ଼େକାନା ଡ଼ାକାମୁ ଇଞ୍ଜିଁ ଏଲେଇଞ୍ଜାଚାସି, ଏଞ୍ଜାସି ଆମ୍ପାଆସି?” ୧୩ ସାମା ଏଞ୍ଜାସି ଆମ୍ପାଆସି, ଏ ନେହିଁ ଆତାସି ପୁଞ୍ଜା ହିଲାଆଚେସି, ଇଚିହିଁ ଏମ୍ପାଆଁ ଲକୁ ମାନ୍ୟ ମାତାକି ଜୀସୁ ମେହୁଆରେଚୁ ହାଜାମାଚେସି । ୧୪ ଇଦାଆଁ ଡ଼ାୟୁ ଜୀସୁ ମାହାପୁରୁ ଇଲୁତା ଏଞ୍ଜାଣାଇଁ ମେସାନା ଏଲେଇଚେସି, “ମେହୁମୁ, ନୀନୁ ନେହିଁ ଆହାମାଞ୍ଜି, ଅଡ଼େ ପାପୁ କିଆନି, ଏନିକିଁ ନିଡ୍ରେତାକି ଗାତି କସୁ ଖାଏ ।” ୧୫ ଏ ମାଣ୍ଡିଏ ଖେଣ୍ଡା ହାଜାନା, ଆମ୍ପାଆସି ତାଡ୍ରେ ନେହିଁ କିହାମାଚେସି, ଏଞ୍ଜାସି ଜୀସୁ ଇଞ୍ଜିଁ ଜୀହୁଦିୟୁଣି ଖେସ୍ତେସି । ୧୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ କିହିମାତାକି ଜୀହୁଦିୟୁ ଏଞ୍ଜାଣାଇଁ ନିନ୍ୟୁ କିହାଲି ମାଟ୍‌ହେରି । ୧୭ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ଆବା ନାଏଁ

ପାତେକା କାମା କିହିମାନେସି, ଅଡ଼େ ନାନୁ ଜିକେଏ କାମା କିହିମାଇଁ । ୧୮ er ଇ ହାତା ତାକି ଜାହୁଦିଠ୍ଟୁ ଜାପୁଇଁ ପାୟାଲି ତାକି ଅଡ଼େ ଗାତି ଅଶ୍ୱପିତେରି, ଏଝାସି ଜମିନି ଦିନାତି ମେରାତି ଭରିତେସି ଖାରୁଇ ଏଦି ଆଏ, ସାମା ମାହାପୁରୁଇଁ ନା ଆବା ଇଞ୍ଜି ଝେସାନା ତାଢ୍ଢେ ମାହାପୁରୁ ତଲେ ସମାନା କିହିମାତେସି । ୧୯ ଜୀପୁ ଏଝାରାଇଁ ଏଲେଇତେସି, “ସାତା ସାତା ନାନୁ ମିଢ୍ଢେ ଝେସିମାଞ୍ଜାଇଁ, ମାର୍‌ଏସି ଆବାଇଁ ଏନାଆଁ କିହିମାନାଣି ମେହୁନେସି, ଏଦାଆଁ ପିସ୍‌ପେ ଏଝାସି ତାନୁଏ ଏନାଆଁ କିହିଲି ଆତଅସି । ଇତିହିଁ ଆବା ଏନା ଏନାଆଁ କିନେସି, ମାର୍‌ଏସି ଜିକେଏ ଏଦାଆଁ ବାରେ ଏଲେକିହିଁଏ କିନେସି । ୨୦ ଇତିହିଁ ଆବା ମାର୍‌ଏଶାଇଁ ଜୀଝୁ ନନେସି, ଅଡ଼େ ଏଝାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମାର୍‌ଏଶାଇଁ ତହୁନେସି, ଅଡ଼େ ମାରୁ ଏନିକିଁ କାବା ଆଦେରି, ଏଦାଆଁତାକି ଏଝାସି ଏଝାଣି ତାଣାଟି ଇଦାନି କିହାଁ ଆଡ଼େ କାଜା କାଜା କାମା ତହୁନେସି । ୨୧ ଆବା ଏନିକିଁ ହାତି ଲୁକୁଣି ନିକହାନା ଜୀଝୁ ହାନେସି, ଏଲେକିହିଁଏ ମାର୍‌ଏସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଝାରାଇଁ ଜୀଝୁ ହାନେସି । ୨୨ ଆବା ତାନୁଏ ଆମ୍ବାଆରାଇଁ ନାହାଁୟି କିଅସି, ସାମା ବାରେଜାଣା ଏନିକିଁ ଆବାଇଁ ମାନି କିହିମାନେରି, ଏଲେକିହିଁଏ ମାର୍‌ଏଶାଇଁ ଜିକେଏ ମାନି କିନେରି, ଏଦାଆଁତାକି ମାର୍‌ଏଶାକି ବାରେ ନାହାଁୟି କିହିଲି ଅଦିକାରା ହାହାମାନେସି । ୨୩ ଆମ୍ବାଆସି ମାର୍‌ଏଶାଇଁ ମାନି କିଅସି, ଏଝାସି ତାଢ୍ଢେ ପାଣ୍ଡୁଟି ଆବାଇଁ ଜିକେଏ ମାନି କିଅସି ।” ୨୪ “ନାନୁ ମିଢ୍ଢେ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁ ଝେଞ୍ଜାନା ନାଢ୍ଢେ ପାଣ୍ଡୁତାଣାଲି ନାମିନାସି, ଏଝାସି କାଲାକାଲାତି ଜୀଝୁ ବେଟା ଆହାମାନେସି, ଅଡ଼େ, ଏଝାସି ନାହାଁୟି କିଞ୍ଜିଆଆନା ହାକିତି ଜଣାଆହାନା ରାଆଗାଟି ଜୀଝୁତା ହତାମାନେସି । (aiōnios g166) ୨୫ ନାନୁ ମିଢ୍ଢେ ସାତା ଝେସିମାଞ୍ଜାଇଁ, ର ଦିନା ଝାନେ ନାଏଁ ଜିକେଏ ଏଦାତେୟିଏ, ଏମିନି ଦିନାତା ହାତାରି ମାହାପୁରୁ ମାର୍‌ଏଶା ହାତାତି ଝେନେରି ଅଡ଼େ ଆମ୍ବାଆରି ଝେନାରି ଏଝାରି ନାତିନେରି । ୨୬ ଇତିହିଁ ଆବା ଏନିକିଁ ତାନୁଏ ଜୀଝୁ ଗାଟାସି, ଏଲେକିହିଁଏ ଏଝାସି ମାର୍‌ଏଶାଇଁ ଜିକେଏ ଜୀଝୁ ଗାଟାସି ଆହାଲି ହାହାମାନେସି । ୨୭ ଅଡ଼େ, ଏଝାସି ମାଣ୍ଡି ମାର୍‌ଏସି ଆହାମାନାକି ଏଝାସି ଏଝାଣାକି ନାହାଁୟି କିନି ଅଦିକାରା ହାତେସି । ୨୮ ଇଦାଆଁତାକି କାବା ଆଆପୁ, ଇତିହିଁ ଏତିବେଲା ହାତି ଲୁକୁ ମାହୁଣି ମାଣ୍ଡୁଟି ତାନି ରିୟିଁ ଝେନେରି ଅଡ଼େ ଆମ୍ବାଆରି ସାତା କାମା କିହିମାନେରି, ୨୯ ଏଝାରି ଜୀଝୁତା ଝେଣ୍ଡେ ନାତାଲିତାକି ଅଡ଼େ ଆମ୍ବାଆରି ଲାଗେଏତି କାମା କିହିମାନେରି, ଏଝାରି ନାହାଁୟିତି ତଣ୍ଡୁ ତାକି ଝେଣ୍ଡେ ନିଢ୍ଢୁ ଝାନେରି, ଇଲେତି ଦିନା ଝାହିମାନେ ।” ୩୦ “ନାନୁ ନା ତାଣାଟି ଏନାଆଁ କିହିଲି ଆତଅ; ନାନୁ ଏନିକିଁ ଝେଇଁ, ଏଲେକିହିଁଏ ନାହାଁୟି କିଇଁ, ଅଡ଼େ ନା ନାହାଁୟି ଟିକ୍‌ଶାତାୟି, ଇତିହିଁ ନାନୁ ନା ମନତଲେ କିହିଲି ଅଶ୍ୱପାଆନା, ନାଢ୍ଢେ ପାଣ୍ଡୁତାଣା ମନ ଲେହେଁ କିହିଲି ଅଶ୍ୱପାଇଁ ।” ୩୧ “ନାନୁ ନାଢ୍ଢେତାକି ସାକି ହାଲି, ଆତିଜିକେଏ ନା ସାକି ସାତା ଆଏ । ୩୨ ନା କାତାତି ଆମ୍ବାଆସି ସାକି

ହାନେସି, ଏଝାସି ଅର ରଅସି; ଅଡ଼େ, ନା କାତାତାକି ଏଝାଣି ସାକି ସାତା, ଏଦାଆଁ ନାନୁ ପୁଞ୍ଜାମାଇଁ । ୩୩ ମାରୁ ଜହନ ତାଣା ଲୁକୁଣି ପାଣ୍ଡୁମାଞ୍ଜେରି ଅଡ଼େ ଏଝାସି ସାତା ତାକି ସାକି ହାହାମାନେସି । ୩୪ ସାମା ନାଢ୍ଢେ ମାଣ୍ଡି ତାଣାଟି ସାକି ଲୁଡ଼ା ଆଏ, ସାମା ମାରୁ ଏନିକିଁ ଗେଲ୍‌ପି ଆଦେରି, ଏଦାଆଁତାକି ଇ ବାରେ ଝେସିମାଞ୍ଜାଇଁ । ୩୫ ଜହନ ଦୀଞ୍ଜୁଟି ମିଣ୍ଡିମାନି ଦୀଞ୍ ମାତେସି, ଇଞ୍ଜି ମାରୁ ଏଝାଣି ରଜେଡ଼ିତା ଗାଡ଼େକା ତାକିଏ ରାହାଁ ଆହାଁ ମାଞ୍ଜାଲି ମନ କିହିମାତେରି । ୩୬ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏନାଆଁତାକି ଇତିହିଁ ଆବା ନାଢ୍ଢେ ଏନି ଏନି କାମା ରାପୁହାଲି ହାହାମାଞ୍ଜାନେସି, ନାନୁ ଏମିନି କାମା କିହିମାଇଁ, ଆବା ନାଢ୍ଢେ ପାଣ୍ଡୁମାଞ୍ଜାନେସି ଇଞ୍ଜି ଏ ବାରେ ନା ଝାକିଟି ସାକି ହାହିମାନେସି । ୩୭ ଅଡ଼େ ଏମିନି ଆବା ନାଢ୍ଢେ ପାଣ୍ଡୁତେସି, ଏଝାସି ନା ତାକି ସାକି ହାହାମାନେସି । ମାରୁ ଏତେଲା ଏଝାଣି ହାତା ଝେଞ୍ଜା ହିଲଅତେରି କି ତାନି ମୁମୁ ମେସା ହିଲଅତେରି । ୩୮ ଅଡ଼େ ଏଝାଣି ବଲୁ ମୀ ହିୟିଁତା ଇଟାହିଲଅତେରି, ଇତିହିଁ ଏଝାସି ଆମ୍ବାଆରାଇଁ ପାଣ୍ଡୁତେସି ମାରୁ ଏଝାଣାଇଁ ନାମିହିଲଅତେରି । ୩୯ ମାରୁ ଦାର୍‌ ପତିତି କାତା ପାରିମାଞ୍ଜେରି, ଇତିହିଁ ଏମ୍ବାଆଁ କାଲାକାଲାତି ଜୀଝୁ ବେଟାଆହାମାନନି ଇଞ୍ଜି ଅଶ୍ୱପିମାଞ୍ଜେରି ଅଡ଼େ ଏ ଦାର୍‌ ପତି ନା ଝାକିଟି ସାକି ହାହିମାନେ । (aiōnios g166) ୪୦ ସାମା ମାରୁ ଜୀଝୁ ବେଟାଆହାଲି ତାକି ନା ତାଣା ଝାହାଲି ମନ କିହିହିଲଅତେରି ।” ୪୧ “ନାନୁ ମାଣ୍ଡିୟିଁ ତାଣାଟି ଗାଝୁରିମି ପାରିହିଲଅଁ । ୪୨ ସାମା ନାନୁ ମିଢ୍ଢେ ପୁଞ୍ଜାମାଞ୍ଜାଇଁ, ମୀ ହିୟିଁତା ମାହାପୁରୁତି ଜୀଝୁନନାୟି ହିଲେଏ । ୪୩ ନାନୁ ନା ଆବା ବରୁତି ଝାହାମାଇଁ, ଅଡ଼େ ମାରୁ ନାଢ୍ଢେ ଅପିମାଞ୍ଜୁଅତେରି; ଅର ରଅସି ତାନି ଦରୁତି ଝାତିହିଁ, ମାରୁ ଏଝାଣାଇଁ ଅପିଦେରି । ୪୪ ମାରୁ ଏନିକିଁ ନାମିମାଞ୍ଜେରି? ମାରୁ ମୀ ତାଣାଟି ଗାଝୁରିମି ବେଟାଆହି ମାଞ୍ଜେରି, ଅଡ଼େ ଏମିନି ରଣ୍ଡିଏ ମାହାପୁରୁ ତାଣାଟି ଗାଝୁରିମି ଏଦାଆଁ ବେଟାଆହାଲି ମନ କିହିହିଲଅତେରି ୪୫ ନାନୁ ଆବା ନକିତା ମୀ କପାଟି ଦହ ଦସାଇଁ, ଏଲେଇଞ୍ଜି ଅଶ୍ୱପାଆପୁ; ଆମିନି ମସା ତାଣା ମାରୁ ବାର୍‌ ଇଟାମାଞ୍ଜେରି, ଏଝାସିଏ ମୀ କପାଟି ଦହ ଦସି ମାଞ୍ଜାନେସି । ୪୬ ଇତିହିଁ ମାରୁ ମସାଇଁ ନାମା ମାତିହିଁ, ନାଢ୍ଢେ ଜିକେଏ ନାମାତେରିମା, ଇତିହିଁ ଏଝାସି ନା କାତେଏ ରାତାମାନେସି । ୪୭ ସାମା ମାରୁ ଏଝାଣି ରାତାମାନି କାତା ନାମା ହିଲଅତେରି, ଆତିହିଁ ନା କାତା ଏନିକିଁ ନାମିଦେରି?”

୨ ଇଦାଆଁ ତାନୁ ଜୀଝୁ ଗାଲିଲି ସାମ୍‌ଦୁରି, ଇତିହିଁ ଡିବିରିୟା ସାମ୍‌ଦୁରି ଆତାଲାଝାକି ହାତେସି । ୨ ଅଡ଼େ ଏଝାସି ରଗ ଗାଟାଗାଇଁ ଏନି ଏନି କାବାଆନି କାମା କିହିମାତେସି, ଏ ବାରେ ମେସାନା ହାରେକା ଲୁକୁ ଏଝାଣି ଜେଚ ଜେଚ ହାତେରି । ୩ ଏମ୍ବାଟିଏ ଜୀଝୁ ସୀସୁୟିଁ ତଲେ ର ହରୁ ଲାକ ହାଜାନା କୁରିତେସି । ୪ ଏତିବେଲା ଜୀଝୁଦି ଲୁକୁତି ପିସ୍‌ପିଆନି ପାର୍‌ ତାଗେ ଆହାମାତେ । ୫ ହାରେକା ଲୁକୁ ତାନି ତାଣା ଝାହିମାନାଣି ମେସାନା, ଜୀଝୁ, ପିଲିପଇଁ ଏଲେଇତେସି, “ଈଝାରାକି

ତିଷ୍ଠାଲି ମାର ଆମ୍ଭଟି ରାନ୍ତୁ କଡିନାୟି?" ୭ ସାମା ଏଞ୍ଜି ପିଲିପଲ୍ ଚାୟିପାରି କିୟାଲି ଏଲେଇରେସି, ଇତିହିଁ ଏଞ୍ଜି ଏନାଆଁ କିନାୟିମାନେ, ଏନାଆଁ ତାନ୍ତୁ ପୁଞ୍ଜାମାରେସି । ୭ ପିଲିପ ଏଞ୍ଜିଶାଲ୍ ଏଲେଇରେସି, "ବାରେ ଲକ୍ଷୁତାକି ଇତା ଇତାଣି ତିଷ୍ଠାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟିଟି ରୁଟି ଜିକେଏ ହାଲାର ।" ୮ ତାନି ସାୟୁୟି ବିତ୍ରାଟି, ସିମନ ପିତର ଚାୟି ଆନ୍ତୁୟି ଦରୁଗାଟାସି ଜାୟୁୟି ଏଲେଇରେସି, ୯ "ଇମ୍ପାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜି ଖଜିତି ମାଣ୍ଡକା ରିଣ୍ଡି ମାନ୍ତୁ, ସାମା ଇଚେକା ଲକ୍ଷୁତାକି ଏଞ୍ଜି ହାଲିନ୍ତୁ କି?" ୧୦ ଜାୟୁ ଏଲେଇରେସି, "ଲକ୍ଷୁଣି କୁପୁକି କିଦୁ ।" ଏ ଟାୟୁତା ହାରେକା ଗାକି ଜାଡ଼ା ମାଚେ । ଏମ୍ପାଆଁ ପାସାମାଣା ଆବାୟି କୁଟିଚେରି । ୧୧ ଏମ୍ପାଟିଏ ଜାୟୁ ରୁଟି ଆସାନା ମାହାପୁରୁୟି ଜହରା ହାହାନା ଏମ୍ପାଆଁ କୁଗାମାନାରାକି ଏନାଆଁ ବାଟିକିହିଁ ହାତେରି, ମାଣ୍ଡକା ଜିକେଏ ଏଲେକିହିଁଏ ବାଟିକିଚେରି, ଏଚେକା ମନ କିଚେରି ଏଞ୍ଜିରାକି ଏଚେକା ହାତେରି । ୧୨ ଅଡ଼େ ଏଞ୍ଜିର ବାରେ ପାଞ୍ଜିତି ତାୟୁ ଜାୟୁ ତାନି ସାୟୁୟିୟି ଏଲେଇରେସି, "ଏଚେକା ହାରେମାନେ, ଏନାଆଁ ବାରେ କୁଟି କିଦୁ ଏନିକି ଇଚାୟି ଜିକେଏ ନସ୍ତୁ ଆଏ ।" ୧୩ ଏଚେଟିଏ ଲକ୍ଷୁ ତିତ ତାୟୁ ପାସାଗଟା ରୁଟି ବିତ୍ରାଟି ହାରେମାଟି ମୁକାୟି ବାରେ ତାଲି କୁଟି କିଚେରି । ୧୪ ଜାୟୁତି ଇ କାବାଆନି କାମା ମେସାନା ଲକ୍ଷୁ ଏଲେଇଚେରି, "ଆମିନି ମାହାପୁରୁ ଅଣ୍ଡପୁଟି ବଲ୍ଲୁ ଝେକନାସି ଦାର୍ତ୍ତିତା ଖାନାୟି ମାଚେ, ଏଞ୍ଜିସି ସାଚେଏ ଇଞ୍ଜିସି ।" ୧୫ ଏନାଆଁତାକି ଏଞ୍ଜିର ଖାହାନା ରାଜା କିୟାଲି ବାଲମିଟି ଆସା ଅୟୁନେରି ଇଞ୍ଜି ପୁଞ୍ଜାନା ଜାୟୁ ଏଚକା ଆହାନା ରଅସିଏ ଦାରିତା ମାଟି ହରୁ ଲାକ ହଚାହାଚେସି । ୧୬ ମିଡ଼ଅଲା ଆହାଲିଏ ତାନି ସାୟୁୟି ସାମଦୁରି ଗାଚୁତା ହାଚେରି । ୧୭ ଅଡ଼େ ସାମଦୁରି ଆତାଲା ମାନି କପରନାହୁମ ଖାକି ହାଜାଲି ତଂଗଟା ହଚେରି । ଆନ୍ତେରି ଆହାହାଚେ, ଅଡ଼େ, ଜାୟୁ ଏଚିବେଲା ପାଚେକା ଏଞ୍ଜିରତାଣା ଖାହା ହିଲାଆଚେସି । ୧୮ ଇଞ୍ଜି କାଜା ଗାଲି ଝେଟିମାଚାକି ସାମଦୁରିତା ଆଜିହଚେଟି ଏୟୁ ଉଣ୍ଡାୟି ନିଢ଼ିମାଚୁ । ୧୯ ଏଚିବେଲା ଏଞ୍ଜିର ସି କିଲମିଚେର ହେକ ହାଜାଲିଏ ଜାୟୁ ସାମଦୁରିତା ତାକିହିଁ ତଂଗ ଖାକି ଖାହିମାନାଣି ମେସାନା ଆଜିଚେରି । ୨୦ ସାମା ଜାୟୁ ଏଞ୍ଜିରାଲ୍ ଏଲେଇଚେସି, "ଆଜାଆଦୁ ଇଞ୍ଜିଚେଏଁ ନାନ୍ତୁ ।" ୨୧ ଏମ୍ପାଟିଏ ଏଞ୍ଜିର ଏଞ୍ଜିଶାଲ୍ ତଂଗଟା ଅହାଲି ମନ କିଚେରି, ଅଡ଼େ, ଏମିନି ସାମଦୁରି ଗାଚୁତା ହାଜିମାଚେରି, ଦେବୁଣିଏ ଏ ଟାୟୁତା ତଂଗ ଏଚେ । ୨୨ ଏ ଟାୟୁତା ର ତଂଗ ପିସପେ ଏଚକାଟି ତଂଗୟି ହିଲାଆଚୁ, ଅଡ଼େ ଏମ୍ପାଆଁ ଜାୟୁ ତାନି ସାୟୁୟି ତଲେ ହାଜାହିଲାଆଚେସି, ସାମା ଖାରେଇ ସାୟୁୟି ହାଜାମାଚେରି, ଇଦାଆଁ ଆମିନି ଲକ୍ଷୁ ତାନି ଅର ନେଦୁ ସାମଦୁରି ଆତାଲା ନିତାମାଚେରି ଏଞ୍ଜିର ମେସାମାଚେରି । ୨୩ ଆମିନି ତାଣା ଜାୟୁ ଜହରା କିହାନା ଲକ୍ଷୁଣି ରୁଟି ତିଷ୍ଠାଲି ହାହାମାଚେସି, ତିବିରିୟାଟି ଅଡ଼େ ଏଚରଗଟା ତଂଗାୟି ଏ ଟାୟୁତା ଖାଚୁ । ୨୪ ଇଞ୍ଜି ଜାୟୁ ତାନି ସାୟୁୟି ଏମ୍ପାଆଁ ହିଲାଆଚେରି, ଇଦାଆଁ ମେସାନା ବାରେ ଲକ୍ଷୁ ଇ ତଂଗଟା ହଚାନା

ଜାୟୁୟି ପାରି ପାରିହିଁ କପରନାହୁମଟା ଖାଚେରି । ୨୫ ଏଞ୍ଜିର ସାମଦୁରି ଆତାଲା ଜାୟୁୟି ବେଟାଆହାନା ଝେଚେରି, ଏ "ଗୁରୁ, ନାନ୍ତୁ ଏଚିବେଲା ଇମ୍ପାଆଁ ଖାଚି?" ୨୬ ଜାୟୁ ଏଞ୍ଜିରାଲ୍ ଏଲେଇଚେସି, "ନାନ୍ତୁ ମିଢ଼େ ସାଚା ଝେସିମାଞ୍ଜୁୟି, ନା କାବାଆନି କାମା ମେସାକି ନାଢ଼େ ପାରିମାଞ୍ଜୁଦେରି ଏଦି ଆଏ, ସାମା ରୁଟି ତିଷ୍ଠା ପାଞ୍ଜିତାକି ମାଚୁ ନାଢ଼େ ପାରିମାଞ୍ଜୁଦେରି । ୨୭ ସାୟୁରି ରାନ୍ତୁ ତାକି କାମା କିଆନା, କାଲାକାଲାଟି ଜାୟୁତାକି ତୁୟିନି ରାନ୍ତୁ ତାକି କାମା କିଦୁ, ଏ ରାନ୍ତୁ ମାଣ୍ଡିଏ ମାଣ୍ଡିଏସି ମିଢ଼େ ହିୟାନେସି, ଇତିହିଁ ତାନି ଆବା ମାହାପୁରୁ ଏଞ୍ଜିଶାକି ଅଦିକାରା ହାହାମାନେସି ।" (aiōnios g166) ୨୮ ଏମ୍ପାଟିଏ ଏଞ୍ଜିର ଏଞ୍ଜିଶାଲ୍ ଝେଚେରି, "ମାହାପୁରୁଟି ବାରେ କାମା କିହାଲିତାକି ମାଢ଼େ ଏନାଆଁ କିହାଲି ଆନେ?" ୨୯ ଜାୟୁ ଏଞ୍ଜିରାଲ୍ ଏଲେଇଚେସି, "ମାହାପୁରୁ ଆମ୍ପାଆରାଲ୍ ପାଣ୍ଡାମାଞ୍ଜୁନେସି, ଏଞ୍ଜିଶା ତାଣା ନାମିନାୟି ମାହାପୁରୁଟି କାମା ।" ୩୦ ଏଚେଟିଏ ଏଞ୍ଜିର ଏଞ୍ଜିଶାଲ୍ ଝେଚେରି, "ଆତିହିଁ ନାନ୍ତୁ ସିନାଲେହେଁ ଏନାଆଁ କିହିମାଞ୍ଜୁ, ଏନାଆଁ ମେସାନା ମାମୁ ନିଢ଼େ ନାମାନମି? ୩୧ ମା ଆକୁ ଆବାୟି ଲକ୍ଷୁ ତୁୟାଆ ଟାୟୁତା 'ମାନା' ତିଷ୍ଠା ମାଚେରି, ଦାମ୍ପୁପିତା ରାସକି ଆହାମାନେ, ତିଷ୍ଠାଲି ଏଞ୍ଜିସି ଏଞ୍ଜିରାକି ଲାକପୁରୁଟି ରାନ୍ତୁ ହାଚେସି ।" ୩୨ ଏଚେଟିଏ ଜାୟୁ ଏଞ୍ଜିରାଲ୍ ଏଲେଇଚେସି, "ସାଚା ସାଚା ନାନ୍ତୁ ମିଢ଼େ ଝେସିମାଞ୍ଜୁୟି, ମସା ମିଢ଼େ ଲାକପୁରୁଟି ରାନ୍ତୁ ହାହାମାଞ୍ଜୁଅସି, ସାମା ନା ଆବା ମିଢ଼େ ଲାକପୁରୁଟି ସାଚା ରାନ୍ତୁ ହିୟାନେସି; ୩୩ ଇତିହିଁ ଆମିନି ରାନ୍ତୁ ଲାକପୁରୁଟି ଖାହାନା ଦାର୍ତ୍ତିତା ଲକ୍ଷୁଣି ଜାୟୁ ହାଚେ, ଏଦି ମାହାପୁରୁ ହିୟାଟି ରାନ୍ତୁ ।" ୩୪ ଏଞ୍ଜିର ଜାୟୁୟି ଏଲେଇଚେରି, "ପୁରୁ, ମାଢ଼େ ବାରେଦିନା ଏ ରାନ୍ତୁ ହିୟାମୁ ।" ୩୫ ଏମ୍ପାଟିଏ ଜାୟୁ ଏଞ୍ଜିରାଲ୍ ଏଲେଇଚେସି, "ନାନ୍ତୁ ଜାୟୁଟି ରାନ୍ତୁଚେଏଁ; ଆମ୍ପାଆସି ନା ତାଣା ଖାନେସି, ଏଞ୍ଜିସି ଏଚେଲା ହାକି ଆଅସି, ଅଡ଼େ ନା ତାଣା ନାମିନାସି, ଏଚେଲା ଏସକି ଆଅସି । ୩୬ ସାମା ନାନ୍ତୁ ମିଢ଼େ ଝେସିମାଞ୍ଜୁୟି, ମାଚୁ ନାଢ଼େ ମେସାଟି ଜିକେଏ ନାମିମାଞ୍ଜୁଅଚେରି । ୩୭ ଆବା ନାଢ଼େ ଆମ୍ପାଆରାଲ୍ ହିୟାନେସି, ଏଞ୍ଜିର ବାରେକାଣା ନା ତାଣା ଖାନେରି; ଅଡ଼େ ନା ତାଣା ଖାନାଶାଲ୍, ନାନ୍ତୁ ଏଚେଲାଖା ପାଞ୍ଜୁତା ପିହିଅଁ । ୩୮ ଇତିହିଁ ନାନ୍ତୁ ଅଣ୍ଡପିନି ଲେହେଁ କିହାଲି ଖାହାହିଲଅଁ, ସାମା ନାଢ଼େ ପାଣ୍ଡାତାଣା ଅଣ୍ଡପୁ ତଲେ କିହାଲି ଲାକପୁରୁଟି ଖାହାମାଲ୍ । ୩୯ ଅଡ଼େ ନାଢ଼େ ପାଣ୍ଡାମାଞ୍ଜୁନାସି ଆମିନି ଗାଟାରାଲ୍ ନାଢ଼େ ହିୟାନେସି, ଏଞ୍ଜିର ବିତ୍ରାଟି ଆମ୍ପାଆରାଲ୍ ଜିକେଏ ଏନିକି ନାନ୍ତୁ ଜାକ୍ଅଁ, ସାମା ରାନ୍ତି ଦିନାତା ଏଞ୍ଜିରାଲ୍ ହାତାରି ତାଣାଟି ନିକଲ୍, ଇଦି ଏଞ୍ଜିଶା ଅଣ୍ଡପୁ । ୪୦ ଇତିହିଁ ଆମ୍ପାଆସି ମାଣ୍ଡିଏଶାଲ୍ ମେସାନା ଏଞ୍ଜିଶା ତାଣା ନାମିନେସି, ଏଞ୍ଜିସି ଏନିକି କାଲାକାଲାଟି ଜାୟୁ ବେଟା ଆନେସି, ଇଦି ନା ଆବାଟି ଅଣ୍ଡପୁ, ଅଡ଼େ ନାନ୍ତୁ ଏଞ୍ଜିଶାଲ୍ ରାନ୍ତି ଦିନାତା ହାତାରି ତାଣାଟି ନିକଲ୍ ।" (aiōnios g166) ୪୧ ନାନ୍ତୁ ଲାକପୁରୁଟି ରେଟା ଖାହାମାନି ରାନ୍ତୁଚେଏଁ ଇଞ୍ଜି ଏଞ୍ଜିସି ଏଲେଇଞ୍ଜୁଲିଏ ଜାୟୁଦିୟି ଏଞ୍ଜିଶା କପାଟି ଏଲେଇଞ୍ଜୁ ଜଲ୍ଲକି ଆଚେରି । ୪୨ "ଇଞ୍ଜିସି ଜସେପ ମାଣ୍ଡିଏସି ଜାୟୁ ଆଏକି, ଅଡ଼େ ମାର

ଈଶାଣି ଇୟା ଆବାତି ପୁଞ୍ଜାହିଲାଆୟି କି? ଆତିହିଁ ନାନୁ ଲାକପୁରୁଟି
 ରେତା ଝାହାମାନ୍ ଇଞ୍ଜି ଏଝାସି ନାଏଁ ଏନିକି ଝେସିମାନେସି? ୪୩ ଜାସୁ
 ଏଝାରାଇଁ ଏଲେଇରେସି, “ମୀରୁ ମୀରୁ ମୁରୁମୁରୁ ଜଲକି ଆଆରୁ ।” ୪୪
 ନାଡ୍ରେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା କଡିନେସି, ଏଝାସିଦେଁ
 ନା ତାଣା ଝାହାଲି ଆଡିନେସି, ଅଡେ ନାନୁ ରାନି ଦିନାତା ଏଝାଣାଇଁ
 ହାତାରି ତାଣାଟି ନିକଇଁ । ୪୫ ମାହାପୁରୁ ଅଣପୁତି ବଲୁ ଝେହନାରି
 ଦାମ୍ପୁପତିତା ରାସକି ଆହାମାନେ, “ବାରେଜାଣା ମାହାପୁରୁ ତାଣାଟି
 ଜାପିନେସି । ଆମ୍ବାଆସି ଆବାତି କାତା ଝେଞ୍ଜାନା ଜାପାମାନେସି, ଏଝାସି
 ନା ତାଣା ଝାହାଲି । ୪୬ ଆମ୍ବାଆସି ଆବାଦେଁ ମେସାହିଲଅସି, ଆମ୍ବାଆସି
 ମାହାପୁରୁ ତାଣାଟି ଝାହାମାନାସି, ଝାରୁଇ ଏଝାସି ମେସାମାନେସି ।
 ୪୭ ନାନୁ ମିଡ୍ରେ ସାତା ଝେସିମାଞ୍ଜାଇଁ, ଆମ୍ବାଆସି ନାମିନେସି, ଏଝାସି
 କାଲାକାଲାତି ଜାସୁ ବେଟା ଆହାମାନେସି । (aiōnios g166) ୪୮ ନାନୁ
 ଜାସୁତି ରାନ୍ତୁଚେଏଁ । ୪୯ ମୀ ଆକୁ ଆବାୟାଁ ଲକୁ ଡୟାଆ ଚାୟୁତା
 ମାନା ତିଞ୍ଜାନା, ହାତେରି । ୫୦ ଆମ୍ବାଆସି ଏନିକି ରାନ୍ତୁ ତିଞ୍ଜାନା ହାଅରି,
 ଏଦାଆଁତାକି ଲାକପୁରୁଟି ଝାନି ରାନ୍ତୁ ଇଦି । ୫୧ ନାନୁ ଲାକପୁରୁଟି
 ଝାହାମାନି ଏ ଜାସୁଗାଟି ରାନ୍ତୁଚେଏଁ; ଆମ୍ବାଆସି ଏ ରାନ୍ତୁ ତିନେସି,
 କାଲାକାଲା ତାକି ନାଡିନେସି; ହାଅ, ନାନୁ ଏମିନି ରାନ୍ତୁ ହାଇଁ, ଏଝି
 ନା ଉଠ୍ଟା, ନାନୁ ଏଝାଆଁ ଦାରୁତି ଜାସୁତାକି ହାଇଁ ।” (aiōn g165) ୫୨
 ଇ ହାତା ଝେଞ୍ଜାନା ଜାହୁଦିୟାଁ କାର୍ବି ଆହାନା ଏଲେଇଶିମି ଆତେରି,
 “ଇଝାସି ଏନିକି ମାଡ୍ରେ ତାନି ଉଠ୍ଟା ତିଞ୍ଜାଲି ହିୟାଲି ଆତାନେସି?” ୫୩
 ଜାସୁ ଏଝାରାଇଁ ଏଲେଇରେସି, “ନାନୁ ସାତା ଝେସିମାଞ୍ଜାଇଁ, ମାଣସି
 ମୀରୁଏଣି ଉଠ୍ଟା ତିନାଆସାରେ ଅଡେ ତାନି ନେତେରି ଗହୁଆସାରେ,
 ମୀ ତାଣା ଜାସୁ ହିଲେଏ । ୫୪ ଆମ୍ବାଆସି ନା ଉଠ୍ଟା ତିନେସି ଅଡେ
 ନା ନେତେରି ଗହୁନେସି, କାଲାକାଲାତି ଜାସୁ ବେଟା ଆନେସି, ଅଡେ
 ନାନୁ ଏଝାଣାଇଁ ରାନି ଦିନାତା ହାତାରି ତାଣାଟି ନିକଇଁ । (aiōnios g166)
 ୫୫ ଇତିହିଁ ନା ଉଠ୍ଟା ସାତା ରାନ୍ତୁ ଅଡେ ନା ନେତେରି ସାତା ଗହୁନାୟି
 । ୫୬ ଆମ୍ବାଆସି ନା ଉଠ୍ଟା ତିନେସି ଅଡେ ନା ନେତେରି ଗହୁନେସି,
 ଏଝାସି ନା ତାଣା ଡୟିନେସି ଅଡେ ନାନୁ ଏଝାଣି ତାଣା ଡୟିଇଁ । ୫୭
 ଜାସୁତି ଆବା ନାଡ୍ରେ ଏନିକି ପାଣ୍ଡାମାଞ୍ଜାନେସି ଅଡେ ନାନୁ ତାନିତାଣାଟି
 ନାତାମାଇଁ, ଏଲେକିହିଁଏ ଆମ୍ବାଆସି ନାଡ୍ରେ ତିଞ୍ଜାନେସି, ଏଝାସି ଜିକେଏ
 ନା ତାଣାଟି ନାଡିନେସି । ୫୮ ଆମିନି ରାନ୍ତୁ ଲାକପୁରୁଟି ଝାହାମାନେ,
 ଏଦି ଇଦି; ମୀ ଆକୁ ଆବାୟାଁ ଏନିକି ତିଞ୍ଜାନା ହାତେରି, ଇଦି ଏଲେତାୟି
 ଆଏ, ଆମ୍ବାଆସି ଇ ରାନ୍ତୁ ତିନାସି ଏଝାସି କାଲାକାଲା ତାକି ଜାସୁତଲେ
 ଡୟିନେସି ।” (aiōn g165) ୫୯ ଜାସୁ କପରନାହୁମତି ର ଜାହୁଦି ଲକୁତି
 କୁଟମି ଲଲୁତା ମାହାପୁରୁ ବଲୁ ଝେସିମାତାଟି ଇ ବାରେ କାତା ଝେସୁସି
 । ୬୦ ଜାସୁତି ସୀୟାୟାଁ ବିତ୍ରାଟି ହାରେକା ଇ ବାରେ କାତା ଝେଞ୍ଜାନା
 ଏଲେଇରେସି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଝେଞ୍ଜାଲି
 ଆଡିନେସି?” ୬୧ ଏଝାରି ଇ କାତାତାକି ଝେସିପି ଆହିମାନେରି ଇଞ୍ଜି ଜାସୁ

ପୁଞ୍ଜାନା ସୀୟାୟାଁ ଏଲେଇରେସି, “ଇ କାତା ମିଡ୍ରେ ଅପାଆଗାଟାୟି
 ଆହିମାନେ କି? ୬୨ ଆତିହିଁ ମାଣସି ମୀରୁଏସି ତଲିଏ ମାତି ଚାୟୁତା,
 ଝେଣ୍ଡେ ହାନାଣି ମେସିହିଁ, ଏନାଆଁ ଇଞ୍ଜେରି? ୬୩ ମାହାପୁରୁଟି ଜାସୁ
 ନାତାଲି ହାନାୟି; ମାଣସିତି ଆଠ୍ଟା ଏନାଆଁ କିୟାଲି ଆତେଏ; ନାନୁ ମିଡ୍ରେ
 ଝେସୁତି ବଲୁ ବାରେ, ସୁରୁଜାସୁ ଅଡେ ନାଡିନି ବଲୁ । ୬୪ ସାମା ମୀ
 ବିତ୍ରାଟି ଏଚରଜାଣା ନାମିହିଲଅରି” ଇତିହିଁ ଆମ୍ବାଆରି ନାମି ହିଲଆତେରି
 ଅଡେ ଆମ୍ବାଆସି ଏଝାଣାଇଁ ସାତୁ କେୟୁତା ହେରୁପିନେସି ଏଦାଆଁ ଜାସୁ
 ତଲିଏ ପୁଞ୍ଜାମାନେସି । ୬୫ ଅଡେ ଏଝାସି ଏଲେଇରେସି, “ଏଦାଆଁତାକି
 ନାନୁ ମିଡ୍ରେ ଝେସିମାଞ୍ଜାଇଁ, ଆବା ହେଲ ହାଆତିହିଁ ଆମ୍ବାଆସି ନା
 ତାଣା ଝାୟାଲି ଆଡଅସି ।” ୬୬ ଏ ଦିନାଟିଏ ତାନି ସୀୟାୟାଁ ବିତ୍ରାଟି
 ହାରେକା ଜାଣା ଅପାଆନାହାଁ ହାଜାଡୁସୁରି, ଇଞ୍ଜି, ଏଝାଣିତଲେ ଅଡେ
 ହାଲାଆତେରି । ୬୭ ଏମ୍ବାଟିଏ ଜାସୁ ବାରଜାଣା ସୀୟାୟାଁ ଝେତେସି,
 “ମୀରୁ ଜିକେଏ ହାଜାଲି ମନ କିହିମାଞ୍ଜେରି କି?” ୬୮ ସିମନ ପିତର
 ଏଝାଣାଇଁ ଏଲେଇରେସି, “ପୁରୁ ଆମ୍ବାଆରି ତାଣା ହାନମି? କାଲାକାଲାତି
 ଜାସୁତି ବଲୁ ନୀ ତାଣା ମାନେ । (aiōnios g166) ୬୯ ନାନୁ, ମାହାପୁରୁ
 ତାଣାଟି ଝାହାମାନି ଏ ସୁଦୁ ମାଣସିତି ଇଦାଆଁ ମାମ୍ବା ମାନମି ଅଡେ
 ପୁଞ୍ଜାମାନମି ।” ୭୦ ଜାସୁ ଏଝାରାଇଁ ଏଲେଇରେସି, “ନାନୁ ଏନାଆଁ
 ମୀ ବାରଜାଣାତେରି ମିଡ୍ରେ ଆତାମାଞ୍ଜୁଅଁ କି? ଅଡେ ମୀ ବିତ୍ରାଟି ରଅସି
 ସୟତାନ ।” ୭୧ ଏଝାସି ଇସ୍ତାରିୟତ ସିମନ ମୀରୁଏସି ଜାହୁଦାୟି
 ସିନିକିହାନା ଏଲେଇରେସି, ଇତିହିଁ ଏଝାସି ବାରଜାଣା ସୀୟାୟାଁ ବିତ୍ରାଟି
 ରଅସି, ଅଡେ ଏଝାସି ଜାସୁଇଁ ସାତୁ କେୟୁତା ହେରୁପାଲି ହାଜିମାତେସି ।

୭ ଇଦାଆଁ ଡାୟୁ ଜାସୁ ଗାଲିଲିତା ରେଜିମାତେସି, ଇତିହିଁ ଜାହୁଦିୟାଁ
 ଏଝାଣାଇଁ ପାୟାଲି ଅଣସି ମାତାକି ଏଝାସି ଜାହୁଦା ରାଜିତା ରେଜାଲି
 ମନ କିହି ହିଲଆତେସି । ୧ ସାମା ଜାହୁଦି ଲକୁତି “ଗରାୟାଁ ଗୁଡାତା
 ବାସାଆନି” ପାରୁ ତାଣେ ଝାହିମାତାକି । ୩ ଜାସୁତି ତାୟିୟାଁ ଏଝାଣାଇଁ
 ଏଲେଇରେସି, “ନାନୁ କିହିମାନି କାମାୟାଁ, ନୀ ସୀୟାୟାଁ ଜିକେଏ
 ମେହନେରି ଇଦାଆଁତାକି ନାନୁ ଇମ୍ବାଟି ହତା ହାଜାନା ଜାହୁଦା ରାଜିତା
 ହାଲାମ୍ବା । ୪ ଇତିହିଁ ଲକୁତାଣା ଝେଞ୍ଜାଲି ମନ କିନାସି ତାନି କାମା
 ତୁଗାହାଁ କିଅସି । ନାନୁ ଇ ବାରେ କାମା କିହିମାଞ୍ଜୁ, ଆତିହିଁ ନାନୁ ଦାରୁତି
 ନକିତା ତସାକତାମ୍ବା ।” ୫ ଇତିହିଁ ତାନି ତାୟିୟାଁ ଜିକେଏ ତାଡ୍ରେ ନାମି
 ହିଲଆତେରି । ୬ ଏମ୍ବାଟିଏ ଜାସୁ ଏଝାରାଇଁ ଏଲେଇରେସି, “ନାଏଁ
 ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ ।” ୭
 ଦାରୁତିତାରି ମିଡ୍ରେ ଅପାନେରି ସାମା ନାଡ୍ରେ ଅପଅରି ଏନାଆଁତାକି ଇତିହିଁ
 ତାମି କାମା ବାରେ ଲାଗେଏତାୟି ଇଞ୍ଜି ନାନୁ ସାକି ହାହାନା ତସିମାଇଁ ।
 ୮ ମୀରୁ ଇ ପାରୁତା ହାଜୁ, ନାନୁ ନାଏଁ ଇ ପାରୁତା ହାଜିହିଲଅଁ, ଇତିହିଁ ନା
 ଦିନା ଝାହାହିଲେଏ । ୯ ଏଝାସି ଏଝାରାଇଁ ଇ ବାରେ କାତା ଝେସାନା
 ଗାଲିଲିତା ଡୟିତେସି । ୧୦ ଜାସୁତି ତାୟିୟାଁ ଏ ପାରୁତା ହାତି ଡାୟୁ
 ଜାସୁ ଜିକେଏ ହାତେସି ସାମା ଲକୁ ମେହଆରେରୁ ମେଶେଏ ହାତେସି ।

୧୧ ପାର୍ଶ୍ୱ ବେଲ୍‌ମାତା ଜାହୁଦି ଲକ୍ଷ୍ମୀ ଖଣ୍ଡାଣ୍ଡ ପାରି ପାରିବି, “ଏଖାସି ଏମ୍‌ୟା ମାନେସି ଇଚ୍ଛୁଁ ଖେରେରି?” ୧୨ ବାରେ ଲକ୍ଷ୍ମୀ ଖଣ୍ଡାଣ୍ଡ ତାକି କିଲିବିଲି ଆହିମାଚେରି, ଏଚରଜାଣା “ଏଖାସି ନେହିଁ ମାଣସି” ଇଚେରି; ଅଡେ ଏଚରଜାଣା “ଆଏ, ଏଖାସି ଲକ୍ଷ୍ମୀ ନାଡ଼ି କିହିମାନେସି” ଇଚ୍ଛୁଁ ଇଚେରି । ୧୩ ସାମା ଜାହୁଦିୟା ଆଜିତାକି ଆମ୍‌ଆରି ତାନି କାତା ପାଢ୍ମାଢେଖେ ଖେସି ହିଲାଆଚେରି । ୧୪ ସାମା ପାର୍ଶ୍ୱଟି ମାଦି ପାଚେକା ରାହାଲିଏ, ଜୀସୁ ମାହାପୁରୁ ଇଚ୍ଛୁତା ହାଜାନା ଜାପହାଲି ମାଟ୍‌ହେସି । ୧୫ ଏମ୍‌ପାଟିଏ ଜାହୁଦିୟା କାବାଆହାନା ଏଲେଇଚେରି, “ଇଖାସି ପାଟା ଜାପଆନାହାଁ ଏନିକିଁ ଇଚେକା ବୁଦି ପୁଚେସି?” ୧୬ ଜୀସୁ ଏଖାରାଇଁ ଏଲେଇଚେସି, “ନାନୁ ଜାପହାମାନାୟି ନା ତାଣାଟି ଆଏ, ସାମା ନାଡେ ପାଣ୍ଡାତାଣାଖାୟି । ୧୭ ଆମ୍‌ଆସି ତାନି ଅଶ୍ୱପୁ ତଲେ କିହାଲି ଅଶ୍ୱପିନେସି, ଆତିସାରେ ଇ ଜାପ୍‌ନାୟି ମାହାପୁରୁ ତାଣାଟି ଖାହାମାନେ, କି, ନା ତାଣାଟି ଖେସିମାଲ୍, ଏଦାଣି ଏଖାସି ପୁନେସି । ୧୮ ଆମ୍‌ଆସି ନାଦିଏ ଇନେସି, ଏଖାସି ତାନି ଗାଧୁରମି ପାରିନେସି, ସାମା ଆମ୍‌ଆସି ତାଡେ ପାଣ୍ଡାମାଞ୍ଜାନାଣା ଗାଧୁରମି ପାରିନେସି, ଏଖାସି ସାତା, ଅଡେ ଏଖାଣି ତାଣା ଏନାୟି ଲାଗେଏ କିନାୟି ହିଲେଏ । ୧୯ ମସା ମିଡେଁ ମେରା ହାହାମାଞ୍ଜୁଅସି କି? ଆତିକିକେଏ ମୀ ବିତ୍ରାଟି ଆମ୍‌ଆଚେରି ମେରାଟି ମାନଖି ଆହି ହିଲଅଚେରି, ମୀରୁ ଏନାଆଁତାକି ନାଡେ ପାୟାଲି ଅଶ୍ୱପିମାଞ୍ଜୁଦେରି?” ୨୦ ଲକ୍ଷ୍ମୀ ବାରେ ଏଲେଇଚେରି, “ନିଡେଁ ବୁରୁ ଆଲ୍‌ଗାମାଞ୍ଜୁନେ, ନିଡେଁ ଆମ୍‌ଆସି ପାୟାଲି ଅଶ୍ୱପି ମାଞ୍ଜୁନେସି?” ୨୧ ଜୀସୁ ଏଖାରାଇଁ ଏଲେଇଚେସି, “ନାନୁ ର କାବାଆନି କାମା କିଚେଏଁ, ଅଡେ ମୀରୁ ବାରେ କାବା ଆଚେରି । ୨୨ ଇଦାଆଁତାକି ମସା ମିଡେଁ ତଲୁ ଦାପି କିନି ମେରା ହାହାମାଞ୍ଜୁନେସି, ଇ ମେରା ମସା ତାଣାଟି ଆହାମାନେ, ଏଦି ଆଏ, ସାମା ଆକୁ ଆକାୟି ତାଣାଟି, ଇଚ୍ଛୁଁ ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜୁରେ? ୨୩ ଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାଟି ମେରା ଉରିହିଲଅଚେରି, ଆତିହିଁ ନାନୁ ଜମିନି ଦିନାତା ର ମାଣସିଟି ଗୁଡା ଆଡ୍ମୁ ନେହିଁ କିୟାଲିଏ ମୀରୁ ନାଡେ ଏନାଆଁତାକି କ୍ୱପା ଆହିମାଞ୍ଜୁଦେରି? ୨୪ ଖାର୍‌ଇ ଲାକ ଲାକ କାତା ମେସାନା ନାହାଁୟି କିଆରୁ ସାତା ତଲେ ନାହାଁୟି କିତୁ ।” ୨୫ ଏଚେଟିଏ ଜିରୁସାଲମତା ମାନାରି ବିତ୍ରାଟି ଏଚରଜାଣା ଖେସ୍‌ପି ଆଚେରି, “ଆମ୍‌ଆରାଇଁ ଇଖାରି ପାୟାଲି ଅଶ୍ୱପିମାନେରି ଇଖାସି ଏଖାସି ଆଏକି? ୨୬ ଅଡେ ମେହ୍‌ପୁ, ଏଖାସି ଲକ୍ଷ୍ମୀ ପୁଣ୍ଡମେ କାତା ଖେସିମାନେସି, ଇଚ୍ଛୁଁ ଏଖାଣାଲ୍ ସାଲଖି କିନାରି ଏନାଆଁ କିହିହିଲଅରି । ଏଖାସି କ୍ରୀସୁ ଇଚ୍ଛୁଁ ଏଖାରି ଏନାଆଁ ସାତା ତଲେ ପୁଚେରି କି? ୨୭ ଆତିହିଁ ଏଖାସି, ଆମ୍‌ପିଟି ଖାହାମାନେସି, ଇଦାଆଁ ମୀର ପୁଞ୍ଜାମାନାୟି, ସାମା କ୍ରୀସୁ ଏଚିବେଲା ଖାନେସି, ଏଚିବେଲାତା ଆମ୍‌ଆସି ପୁନଅସି, ଇଚିହିଁ ଏଖାସି ଆମ୍‌ପିଟି ଖାହାମାନେସି ।” ୨୮ ଜୀସୁ ମାହାପୁରୁ ଇଚ୍ଛୁତା ମାହାପୁରୁ କାତା ଖେସି ଖେସିହିଁ କାଜା ଗିୟାଁତଲେ ଏଲେଇଚେସି, “ମୀରୁ ସାଚେଏ ନାଡେ ପୁଞ୍ଜାମାଞ୍ଜୁଦେରି ଅଡେ ନାନୁ

ଏମ୍‌ପିଟି ଖାହାମାଲ୍ ଏଦାଆଁ ସାଚେଏ ପୁଞ୍ଜାମାଞ୍ଜୁରେ; ନାନୁ ନା ଅଶ୍ୱପୁ ତଲେ ଖାହାହିଲଅଁ, ସାମା ନାଡେ ପାଣ୍ଡାତାସି ଏଖାସି ସାତା, ମୀରୁ ଏଖାଣାଲ୍ ପୁଞ୍ଜାହିଲଅଚେରି । ୨୯ ନାନୁ ଏଖାଣାଲ୍ ପୁଞ୍ଜାମାଲ୍, ଇଚିହିଁ ନାନୁ ଏଖାଣି ତାଣାଟି ଖାହାମାଲ୍, ଅଡେ ଏଖାସି ନାଡେ ପାଣ୍ଡାତେସି ।” ୩୦ ଏମ୍‌ପାଟିଏ ଜୀସୁଲ୍ ଆସାଲି ତାକି ଅଶ୍ୱପିଚେରି; ସାମା ଆମ୍‌ଆସି କେୟୁ ଏଖାଣି ମୁହେଁ ଏଆଚେ, ଇଚିହିଁ ଏଖାଣାଲ୍ ଆହୁନି କାପୁ ଏଚେତା ଏଜାହିଲାଆଚେ । ୩୧ ସାମା ଲକ୍ଷ୍ମୀ ବିତ୍ରାଟି ହାରେକା ଏଖାଣି ତାଣା ନାମାନା ଏଲେଇଚେରି, “ଇଖାସି ଏନି ଏନି କାବାଆନି କାମା ବାରେ କିହିମାନେସି, କ୍ରୀସୁ ଖାହାନା ଇଖାଣି କିହାଁ ଏନାଆଁ ଆଗାଡ଼ା କିନେସି?” ୩୨ ଲକ୍ଷ୍ମୀ ଜୀସୁ କାତା ତାନି ବିତ୍ରା ଖେସ୍‌ପି ଆହିମାତାଣି ପାରୁସିୟାଁ ଖେଚେରି ଅଡେ ପାରୁସିୟାଁ ଅଡେ କାଜା ପୁଜେରାଡ୍ମୁ ଜୀସୁଲ୍ ଦସାଲି ଜାମାନାଡ୍ମାଣି ପାଣ୍ଡାତେରି । ୩୩ ଏମ୍‌ପାଟିଏ ଜୀସୁ ଏଲେଇଚେସି, “ନାନୁ ମୀ ତଲେ ଗାଡେକା ତାକି ତୟାହାଁ ନାଡେ ପାଣ୍ଡାତାଣା ତାଣା ହାଲ୍ । ୩୪ ମୀରୁ ନାଡେ ପାରାଦେରି, ସାମା ମେଡାଆୟଅଚେରି; ଅଡେ, ନାନୁ ଏମ୍‌ୟା ମାଲ୍, ମୀରୁ ଏମ୍‌ଆଁ ଖାହାଲି ଆଡଅଚେରି ।” ୩୫ ଜାହୁଦିୟାଁ ତାମ୍‌ ତାମ୍‌ସୁ ଖେସ୍‌ପି ଆଚେରି, “ଇଖାସି ଆମ୍‌ୟା ହାଜିମାନେସି, ମୀର ଏଖାଣାଲ୍ ବେଟାଆହାଲି ଆତାଆୟି ଏନାଆଁ ଇଖାସି ଇତାଲା ଆତାଲା ଜାଡ୍ମୁହାଜାମାନି ଶିକ୍ ଲକ୍ଷ୍ମୀଲ୍ ଜାପହାଲି ହାଜିମାନେସି କି?” ୩୬ “ମୀରୁ ନାଡେ ପାରାଦେରି, ସାମା ବେଟାଆୟଅଚେରି, ଅଡେ ନାନୁ ଏମ୍‌ୟା ମାଲ୍, ମୀରୁ ଏମ୍‌ଆଁ ଖାହାଲି ଆଡଅଚେରି, ଇଚ୍ଛୁଁ ଏଖାସି ଖେସ୍‌ପାଟି ଇ କାତା ଏନାୟି ଇଚ୍ଛୁଁ ଖେସ୍‌ପି ଆଚେରି?” ୩୭ ରାନି ଦିନା, ଇଚିସାରେ ପାର୍ଶ୍ୱଟି କାଜା ଦିନା, ଜୀସୁ ନିତାନା କାଜା ଗିୟାଁତଲେ ଏଲେଇଚେସି, ଆମ୍‌ଆସି ଏସକି ଆତିହିଁ, ଏଖାସି ନା ତାଣେ ଖାହାନା ଗସ୍‌ପେସି । ୩୮ ଅଡେ ଆମ୍‌ଆସି ନା ତାଣା ନାନିନେସି, “ଦାମ୍‌ ପିତାତା ରାସକି ଆହାମାନି ଲେହେଁ, ଏଖାଣି ହିୟାଁଟି ଜୀସୁଟି ଜାର୍‌ଣା ଏୟୁ ହୁନୁ ।” ୩୯ ଜୀସୁ ସୁଦୁଜୀସୁଟି କାତା ଖେସିମାଚେସି, ଆମିନି ଗାଟାରି ଜୀସୁ ତାଣା ନାନି ମାଚେରି, ଏଖାରି ସୁଦୁଜୀସୁ ବେଟାଆନାୟି ମାଚେ, ଜୀସୁ ଗାଧୁରମି ବେଟାଆହା ହିଲାଆତାକି ଏଖାରାକି ଏଚେତା ସୁଦୁଜୀସୁ ହାପକି ଆହାହିଲାଆଚେ । ୪୦ ଏଚେତା, ଲକ୍ଷ୍ମୀ ଏ କାତା ଖେଚେରି, ଏଖାରି ବିତ୍ରାଟି ଏଚରଜାଣା ଏଲେଇଚେରି, “ଇଖାସି ସାଚେଏ ମାହାପୁରୁ ଅଶ୍ୱପୁଟି ବଲୁ ଖେହ୍‌ନାସି ।” ୪୧ ଏଚ୍‌କାତାରି ଏଲେଇଚେରି, “ଏଖାସି ମସିହା!” ସାମା ଆମ୍‌ଆ ଆମ୍‌ଆସି ଏଲେଇଚେରି, “ମସିହା! ଏନାଆଁ ଗାଲିଲିଟି ଖାନେସି କି? ୪୨ ଦାମ୍‌ ସାପ୍ରେରିତା ରାସକି ଆହାମାନେ, କ୍ରୀସୁ ଦାଧୁଦ ରାଜା କୃଡାଟି ଇଚ୍ଛୁଁ ଦାଧୁଦ ଏମିନି ଚାୟୁତା ବାସା ଆହାମାଚେସି, ଏ ବେତଲିହିମ ନାୟାଁଟି ଖାନେସି ।” ୪୩ ଇଦାଆଁତାକି ଲକ୍ଷ୍ମୀ ତାନି ବିତ୍ରାଟି ଏଖାଣି ତାକି ବାଗା ଆଚେରି; ୪୪ ଅଡେ, ତାନି ବିତ୍ରାଟି ଆମ୍‌ଆ ଆମ୍‌ଆସି ଏଖାଣାଲ୍ ଆସାଲି ଅଶ୍ୱପି ମାଚେରି, ସାମା ଆମ୍‌ଆ ଆମ୍‌ଆସି ତାନି ଲାକ କେୟୁ ଇଚାଲି ଆତାଆଚେରି । ୪୫ ଏଚେଟିଏ ଜାମାନାଡ୍ମା କାଜା ପୁଜେରା ଅଡେ ପାରୁସିୟାଁ ତାଣା ଖେଣ୍ଡା ହାଚେରି, ଅଡେ ଏଖାରି

ଏଖାରାଇଁ ଖେଚେରି, “ଏଖାଣାଇଁ ଏନାଆଁତାକି ଆସା ତାଆତେରି?” ୪୭ ଜାମାନାଟ୍ଟୁ ଏଖାରାଇଁ ଏଲେଇଚେରି, “ଇ ମାଣ୍ଡି ଏନିକିଁ ହାତା ଖେହ୍ନାସି, ଏଲେକିହିଁ ଏନିନି ମାଣ୍ଡି ଏଚେଲା ଖେସାହିଲଅସି ।” ୪୮ ପାରୁସିୟାଁ ଏଖାରାଇଁ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଓ ଆତେରି? ୪୮ ପାରୁସିୟାଁ ବିଦ୍ରାତି କି ସାଲଓକିନାରି ବିଦ୍ରାତି ଆମ୍ବାଆରି ଏଖାଣି ତାଣା ନାମାନାଚେରି କି? ୪୯ ସାମା ଇ ଏନିନି ଲୁକୁ ମସାତି ମେରା ପୁଞ୍ଜୁହିଲଅରି, ଏନାଆଁତାକି ଇଓରି ବାକା ଗାଟି ଲୁକୁ ।” ୫୦ ଏନିନି ନିକଦିମ ଇଦାଆଁ ନକେଏ ଜୀସୁଇଁ ମେସାଲି ତାକି ଖାହାମାଚେସି ଇଞ୍ଜିଁ ଏଖାସି ଏଖାରି ବିଦ୍ରାତି ପାରୁସି ମାଚେସି, ଏଖାସି ଏଖାରାଇଁ ଖେଚେସି, ୫୧ “ରଥଣି ତାଣାଟି ନକେଏ ଖେନାଆନା ଇଞ୍ଜିଁ ତାନି ମାଣ୍ଡି ପୁନାଆନା ମା ମସାତି ମେରା ଏନାଆଁ ଏଖାଣାଇଁ ଦହ କିନେ?” ୫୨ ଏଖାରି ଏଖାଣାଇଁ ଏଲେଇଚେରି, “ନୀରୁ ଜିକେଏ ଏନାଆଁ ଗାଲିଲି ଲୁକୁ କି? ଗାଲିଲିଟି ଏନି ମାହାପୁରୁ ଅଣ୍ଡପୁଟି ବନ୍ଧୁ ଖେହ୍ନାରି ଏଚେଲା ଖାହାଲି ଆଡଅରି, ଇଦାଆଁ ସାସ୍ତେରିତା ସିନିକିମ୍ବୁ ।” ୫୩ ଅଡେ ଏଖାରି ବାରେଜାଣା ଜାହାରା ଇଜ ହାଚେରି ।

୮ ସାମା ଜୀସୁ ଜୀତ ହରୁତା ହାଚେସି । ୨ ଅର ଦିନା ଲାଲ ଏଖାସି ମାହାପୁରୁ ଇଲୁତା ଖେଣ୍ଡା ଖାଚେସି, ଅଡେ, ବାରେ ଲୁକୁ ଏଖାଣି ତାଣା ଖାହାଲିଏ, ଏଖାସି କୁଗାନା ଜାପୁହାଲି ମାଟ୍‌ହେସି । ୩ ମେରା ଜୀସୁନାରି ଅଡେ ପାରୁସିୟାଁ ଦାରି କାମାତା ଆସ୍‌ସି ଆହାମାନି ର ଇୟାନି ତାଚେରି, ବାରେଜାଣା ନକିତା ନିପୁହାନା ଜୀସୁଇଁ ଏଲେଇଚେରି । ୪ “ଗୁରୁ, ଇ ଇୟା ଦାରିକାମା କିହିମାଟାଟି ଆସ୍‌ସି ଆଡେ । ୫ ଇଲେଟି ଇୟାସିକାଣି ଖାଲୁକା କୁତାନା ଖେଚାଲିତାକି ମସା ମା ମେରାତା ହୁକୁମି ହାହାମାଞ୍ଜାନେସି; ଆଡିହିଁ ନୀରୁ ଏନାଆଁ ଖେସିମାଞ୍ଜାଦି?” ୬ ଏଖାରି ଜୀସୁଇଁ ଏନିକିଁ ପାନ୍ତାତା ମେହ୍‌ହାଲି ଆଡିନେରି, ଇଦାଆଁତାକି ଏଖାରି ଏଖାଣାଇଁ ତାୟିପାରି କିହାଲି ଖେଚେରି, ସାମା ଜୀସୁ ମୁନୁକାପାନା ଖାଞ୍ଜୁ ତଲେ ବୁମିତା ରାତାଲି ମାଟ୍‌ହେସି । ୭ ଏଖାରି ଏମ୍ବାଆଁ ନିତାନା ଖେଣ୍ଡେ ଖେଞ୍ଜୁଲିଏ, ଜୀସୁ ତାୟିଁ ପେରୁହାନା ଏଖାରାଇଁ ଏଲେଇଚେସି, “ମା ବିଦ୍ରାତି ଆମ୍ବାଆସି ଏଚେଲା ଏନି ପାପୁ କିହାହିଲଅସି, ଏଖାସି ମୁଲୁ ଖାଲି କୁତାପେସି ।” ୮ ଅଡେ ଖେଣ୍ଡେ ଜୀସୁ ମୁନୁକାପାନା ବୁମିତା ରାତାଲି ମାଟ୍‌ହେସି । ୯ ଜୀସୁଟି ହାତା ଖେଞ୍ଜୁନା ଏଖାରି କାଜାରିଟିଏ ମାଟ୍‌ହାଁ ରଥଣି ଜେଚ ରଥସି ହାଜାଲି ମାଟ୍‌ହେରି, ଏମ୍ବାଆଁ ଖାରୁଲ ଜୀସୁ ଅଡେ ମାଦି ମାନି ଏ ଇୟା ଡୁୟିତେ । ୧୦ ଜୀସୁ ତାୟିଁଁ ପେରୁହାନା ଏଦାନି ଏଲେଇଚେସି, “ଏ ଇୟା ଏଖାରି ଏମ୍ବିୟା? ଆମ୍ବାଆରି ନିଢ୍ଢେ ତଣ୍ଡ ହାହାଲି ହିଲଅରି କି?” ୧୧ ଏଡି ଏଲେଇଚେ, “ଆଏ, ପ୍ରବୁ, ଆମ୍ବାଆରି ହିଲଅରି ।” ଏମ୍ବାଟିଏ ଜୀସୁ ଏଦାନି ଏଲେଇଚେସି; “ନୀରୁ ଜିକେଏ ନିଢ୍ଢେ ତଣ୍ଡ ହିୟୁଅଁ; ହାଲାମ୍, ସାମା ଅଡେ ପାପୁ କିଆନି ।” ୧୨ ଜୀସୁ ଖେଣ୍ଡେ ପାରୁସିୟାଁଇଁ ଏଲେଇଚେସି, “ନୀରୁ ଦାର୍‌ଡିଟି ଉଜେଡ଼ି, ଆମ୍ବାଆସି ନା ଜେଚ ଖାନେସି, ଏଖାସି ଜୀସୁଟି ଉଜେଡ଼ି ବେଟା ଆନେସି ଅଡେ

ଏଚେଲା ଜିକେଏ ଆନେରିତା ତାକଅସି ।” ୧୩ ପାରୁସିୟାଁ ଏଖାଣାଇଁ ଏଲେଇଚେରି, “ନୀଏଁ ନୀରୁ ନିଢ୍ଢେତାକି ସାକି ହାହିମାଞ୍ଜୁ, ନୀରୁ ଏନାଆଁ ଏଲେ ଇଞ୍ଜିମାଞ୍ଜୁ ଏଡି ସାତା ପାରୁମାଣା ହିଲାଆଗାଟାୟି ।” ୧୪ ଜୀସୁ ଏଖାରାଇଁ ଏଲେଇଚେସି, “ଆଏ ନୀରୁ ନା ତାକି ସାକି ହାଟି ଜିକେଏ, ନୀରୁ ଏନାଆଁ ଖେସିମାଞ୍ଜୁଇଁ ଏଡି ସାତା, ଇଡିହିଁ ନୀରୁ ଆମ୍ବିଟି ଖାହାମାଇଁ ଅଡେ ଏମ୍ବିୟା ହାଜିମାଇଁ ଏଦାଆଁ ପୁଞ୍ଜୁମାଇଁ, ମୀରୁ ପୁଞ୍ଜୁହିଲଅଚେରି ଏମ୍ବାଟି ଖାଇଁ ଅଡେ ଏମ୍ବିୟା ହାଇଁ । ୧୫ ମୀରୁ ଖାରୁଲ ମାଣ୍ଡିୟାଁ ଲେହେଁ ବିଚାରା କିହିମାଞ୍ଜୁରି, ନୀରୁ ଆମ୍ବାଆରି ବିଚାରା କିଅଁ । ୧୬ ସାମା ନୀରୁ ବିଚାରା କିଇଁ, ଆଡିଜିକେଏ ନା ବିଚାରା ସାତା; ଇଡିହିଁ ନୀରୁ ରଥେଚେଏଁ ଆଏ ସାମା ଏନିନି ଆବା ନାଢ୍ଢେ ପାଣ୍ଡାମାଞ୍ଜୁନାସି ନା ତଲେ ମାନେସି । ୧୭ ମା ମସାତି ମେରାତା ରାସ୍‌କି ଆହାମାନେ, ରିଆରି ସାକି ହାତା ରଲେଏ ଆଡିସାରେ, ଏଖାରି ଏନାଆଁ ଇନେରି ଏଡି ସାତା । ୧୮ ନୀରୁ ନାଢ୍ଢେତାକି ସାକି ହାହିମାଇଁ, ଅଡେ, ନାଢ୍ଢେ ପାଣ୍ଡାମାଞ୍ଜୁନି ଆବା ଜିକେଏ ନା ଖାକିଟି ସାକି ହାହିମାନେସି ।” ୧୯ ଏଖାଣାଇଁ ଏଖାରି ଖେଚେରି, “ନୀ ଆବା ଏମ୍ବିୟା?” ଜୀସୁ ଏଲେଇଚେସି, “ନାଢ୍ଢେ କି ନା ଆବାଇଁ ମୀରୁ ପୁଞ୍ଜୁହିଲଅଚେରି; ନାଢ୍ଢେ ପୁଞ୍ଜୁଟିହିଁମା, ନା ଆବାଇଁ ଜିକେଏ ପୁଚେରିମା ।” ୨୦ ମାହାପୁରୁ ଇଲୁଟି ଦାନା ଇଡିନି ବାକ୍ରାତା ଜୀସୁ ଏ ବାରେ କାତା ଜାପୁହିମାଚେସି, ସାମା ଆମ୍ବାଆରି ଜିକେଏ ଏଖାଣାଇଁ ଆହାଆଚେରି ଏନାଆଁତାକି ଇଡିହିଁ ତାନି ବେଲା ଖାହା ହିଲଆତେ । ୨୧ ଜୀସୁ ଅଡେ ଖେଣ୍ଡେ ଏଖାରାଇଁ ଏଲେଇଚେସି, “ନୀରୁ ହାଜିମାଇଁ, ମୀରୁ ନାଢ୍ଢେ ପାରାଦେରି, ଅଡେ ମୀରୁ ମା ପାପୁତା ହାଦେରି । ନୀରୁ ଏମ୍ବିୟା ହାଜିମାଇଁ, ଏମ୍ବାଆଁ ମୀରୁ ହାଜାଲି ଆଡଅଚେରି ।” ୨୨ ଇଞ୍ଜିଁ ଜୀହୁଦିୟାଁ ଏଲେଇଚେରି, “ଇଓସି ଏନାଆଁ ହାହାଲି ଏଲେଇଞ୍ଜି ମାନେସି, ନୀରୁ ଏମ୍ବିୟା ହାଇଁ ମୀରୁ ଏମ୍ବାଆଁ ହାଜାଲି ଆଡଅଚେରି?” ୨୩ ଜୀସୁ ଏଖାରାଇଁ ଏଲେଇଚେସି, “ମୀରୁ ଇ ଡ଼ଲପୁରୁଟି ଜାର୍ନା ଆହାମାଞ୍ଜୁରି, ସାମା ନୀରୁ ଲାକଟି ଖାହାମାଇଁ । ମୀରୁ ଇ ଦାର୍‌ଡିଟି, ନୀରୁ ଇ ଦାର୍‌ଡିଟି ଆଏ । ୨୪ ଏଦାଆଁତାକି ନୀରୁ ଖେସିମାଞ୍ଜୁଇଁ, ମୀରୁ ମା ପାପୁ ତଲେ ହାଦେରି । ନୀରୁ ଏଖାଚେଏଁ ଇଞ୍ଜିଁ ଖେସ୍‌ସାସାରେ ମୀରୁ ନାମାଆସାରେ, ମା ପାପୁତା ହାଦେରି ।” ୨୫ ଏମ୍ବାଟିଏ ଏଖାରି ଏଖାଣାଇଁ ଖେଚେରି, “ନୀରୁ ଆମ୍ବାଆଡି?” ଜୀସୁ ଏଖାରାଇଁ ଏଲେଇଚେସି, “ଇ ହାତା ନୀରୁ ମୁଲୁଟିଏ ଖେସାମାଞ୍ଜୁଇଁ । ୨୬ ନିଢ୍ଢେତାକି କାତା ଜଲାଲି ଅଡେ ବିଚାରା କିହାଲି ନା ତାଣା ହାରେକା କାତା ମାନେ; ସାମା ନାଢ୍ଢେ ପାଣ୍ଡାମାଞ୍ଜୁନାସି, ଏଖାସି ସାତା, ଅଡେ ନୀରୁ ଏନାଆଁ ଖେଞ୍ଜୁମାଇଁ; ଏ ବାରେ ଦାର୍‌ଡିଟି ଖେସିମାଇଁ ।” ୨୭ ଏଖାସି ମାହାପୁରୁ ଆବା କାତା ଖେସିମାଚେସି, ଏଖାରି ତେଲହାଲି ଆତାଆଚେରି । ୨୮ ଏଦାଆଁତାକି ଜୀସୁ ଏଲେଇଚେସି; “ଏଚେତା ମୀରୁ ମାଣ୍ଡି ମୀରୁଏଶାଇଁ ଗାଧୁରନି ହାଦେରି, ଏଚେତା ନୀରୁ ଏ ମାଣ୍ଡିଚେଏଁ ଅଡେ ନୀରୁ ଜାହାରାଖାଣି ଏନାଆଁ କିଆନା, ଆବା ନାଢ୍ଢେ ଏନିକିଁ ଜାପୁହା ମାଞ୍ଜୁନେସି, ଏଲେକି ଇ ବାରେ କାତା ଖେସିମାଞ୍ଜୁଇଁ ଇଦାଆଁ ମୀରୁ ପୁଞ୍ଜୁଲି ଆଡିଦେରି । ୨୯

ଆତ୍ମାଆସି ନାଟ୍ରେ ପାଣ୍ଡାମାଞ୍ଜୁନାସି ଏଝାସି ନା ଚଲେ ମାନେସି, ଏଝାସି ନାଟ୍ରେ ରଥଚେଏଁ କିହିଁ ପିସାମାଞ୍ଜୁଅସି, ଇତିହିଁ ନାନୁ ତାନି ରାହାଁ ଆନି କାମା କିଇଁ ।” ୩୦ ଜୀସୁ ଇ ବାରେ ହାତା ଖେଞ୍ଜାନା ହାରେକା ଜାଣା ତାନି ତାଣା ନାମିତେରି । ୩୧ ଏମାଟିଏ ଜୀସୁ ତାନି ତାଣା ନାମିତି ଜୀହୁଦିଫାଣି ଏଲେଇଚେସି, “ନା ବଲୁତା ତାନିଆହାଁ ଡୟିଦେରି, ଆତିହିଁ ମାରୁ ସାତେଏ ନା ସୀସୁୟିତେରି । ୩୨ ମୀରୁ ସାତାତି ପୁଞ୍ଜେରି ଅଡେ ଏ ସାତା ମିଟ୍ରେ ଗେଲ୍ପାନେ ।” ୩୩ ଏଝାରି ଏଝାଣାଇଁ ଏଲେଇଚେରି, “ମୀସୁ ଅବ୍ରାହାମତି କୁଡାତମି, ଅଡେ ଏଚେଲା ଆତ୍ମାଆରି ହଲିୟା ଆହାହିଲଅମି, ଆତିହିଁ ମୀରୁ ମୁକଲଖି ଆଦେରି ଇଞ୍ଜି ଏନିକିଁ ଖେସିମାଞ୍ଜୁଦି?” ୩୪ ଜୀସୁ ଏଝାରାଇଁ ଏଲେଇଚେସି, “ନାନୁ ମିଟ୍ରେ ସାତା ଖେସିମାଞ୍ଜୁଇଁ, ଆମିନିଗାଟାସି ପାପୁ କିନେସି, ଏଝାସି ପାପୁତି ହଲେଏସି । ୩୫ ହଲେଏସି କାଲେଏ ତାକି ଇଲୁ କୁଚମିତା ଡୟିଅସି, ମୀରୁଏସି ଇଲୁ କୁଚମିତା କାଲେଏ ତାକି ଡୟିନେସି । (aion g165) ୩୬ ମୀରୁଏସି ମିଟ୍ରେ ମୁକଲଖି କିୟାନେସି, ମୀରୁ ସାତେଏ ମୁକଲଖି ଆଦେରି । ୩୭ ମୀରୁ ଅବ୍ରାହାମତି କୁଡାତାଚେରି ନାନୁ ପୁଞ୍ଜାମାଇଁ; ସାମା ନା ବଲୁ ମୀ ହିୟାଁତି ଚୀୟୁତା ହିଲଆକି ମୀରୁ ନାଟ୍ରେ ପାୟାଲି ଅଣ୍ଡିମାଞ୍ଜୁରି । ୩୮ ନା ଆବା ତାଣା ନାନୁ ଏନାଆଁ ମେସାମାଇଁ, ଏ ବାରେ ନାନୁ ଖେସିମାଞ୍ଜୁଇଁ । ଏନାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ଖେଞ୍ଜାମାଞ୍ଜୁରି ଏ ବାରେ କିତୁ ।” ୩୯ ଏଝାରି ଏଝାଣାଇଁ ଏଲେଇଚେରି, “ଅବ୍ରାହାମ ମୀ ଆବା ।” ଜୀସୁ ଏଝାରାଇଁ ଏଲେଇଚେସି, “ମୀରୁ ଅବ୍ରାହାମତି ମୀରୁକା ମାସକାଚେରି, ଆତିହିଁ ଅବ୍ରାହାମ କିହାମାତି କାମା କିତୁ: ୪୦ ମୀହାପୁରୁ ତାଣାଟି ଖେଞ୍ଜାମାନି ସାତାତି ମିଟ୍ରେ ଖେସିମାଞ୍ଜୁଇଁ, ନାନୁ ଇଲେତି ଲକୁ, ମୀରୁ ନାଟ୍ରେ ପାୟାଲି ତାକି ଅଣ୍ଡିମାଞ୍ଜୁଦେରି; ଅବ୍ରାହାମ ଇଲେତି କାମା କିଆଚେସି । ୪୧ ମୀରୁ ମୀ ଆବାତି ବାରେ କାମା କିହିମାଞ୍ଜୁରି ।” ଏଝାରି ଜୀସୁଇଁ ଏଲେଇଚେରି, “ମୀସୁ ଦାରିକାମାଟି ଜାର୍ନା ଆହାହିଲଅମି; ମୀ ରଣ୍ଡିଏ ଆବା, ଏଝାସି ମୀହାପୁରୁ ।” ୪୨ ଜୀସୁ ଏଝାରାଇଁ ଏଲେଇଚେସି, “ମୀହାପୁରୁ ସାତେଏ ମୀ ଆବା ଆତିହିଁମା, ମୀରୁ ନାଟ୍ରେ ଜୀସୁ ନୟାଚେରିମା, ଇତିହିଁ ନାନୁ ମୀହାପୁରୁ ତାଣାଟି ଖାହାମାଇଁ; ନାନୁ ନା ତାଣାଟି ଖାହାହିଲଅଁ, ସାମା ଏଝାସି ନାଟ୍ରେ ପାଣ୍ଡାଚେସି । ୪୩ ନାନୁ ଏନାଆଁ ଖେସିମାଞ୍ଜୁଇଁ, ମୀରୁ ଏନାଆଁତାକି ନା ହାତାତି ଚେଲହାଲି ଆତିହିଲଅଚେରି? ଇଦାନି କାତା ଆହିମାନେ ମୀରୁ ନା ବଲୁତି ଖେଞ୍ଜାଲି ଆତିହିଲଅଚେରି । ୪୪ ମୀରୁ ମୀ ଆବା ସୟତାନତି ମୀରୁକା ମାସକାଚେରି, ଅଡେ ମୀରୁ ମୀ ଆବାତି କାମା କିହାଲି ମୀ ଅଣ୍ଡପୁ । ଏଝାସି ମୂଲୁଟିଏ ଲକୁଣି ପାୟାନାସି, ଅଡେ ଏଝାସି ସାତାତା ଡୟିଅସି, ଇତିହିଁ ଏଝାଣି ତାଣା ସାତା ହିଲେଏ । ଏତିବେଲା ଏଝାସି ମିତି ଜଲିନେସି, ଏଚେତା ତାନିତାଣାଟି ଜଲିନେସି; ଇତିହିଁ ଏଝାସି ମିତି ଗାଟାସି ଇଞ୍ଜି ମିତିତି ତାଞ୍ଜି । ୪୫ ସାମା ନାନୁ ସାତା ଜଲିମାନାକି, ମୀରୁ ନାଟ୍ରେ ନାମିମାଞ୍ଜୁଅଚେରି । ୪୬ ନାନୁ ପାପୁ ଗାଟାଚେଏଁ ଇଞ୍ଜି ମୀ ବିତାଟି ଆତ୍ମାଆଚେରି ପାର୍ମାଣା କିହାଲି ଆତିଦେରି? ନାନୁ ସାତା

ଖେସ୍ତାସାରେ, ନାଟ୍ରେ ମୀରୁ ଏନାଆଁତାକି ନାମିମାଞ୍ଜୁଅଚେରି? ୪୭ ଆତ୍ମାଆସି ମୀହାପୁରୁ ତାଣାଟି ଖାହାମାନେସି, ଏଝାସି ମୀହାପୁରୁତି ବଲୁ ଖେନେସି; ମୀରୁ ମୀହାପୁରୁ ତାଣାଟି ଖାହାହିଲଅଚେରି, ଏନାଆଁତାକି ଇ ବଲୁ ଖେଞ୍ଜିହିଲଅଚେରି ।” ୪୮ ଜୀହୁଦିୟିଁ ଜୀସୁଇଁ ଏଲେଇଚେରି, “ନାନୁ ସମିରଣତି ଇଞ୍ଜି ନିଟ୍ରେ ବୃତୁ ଆଲ୍ଗାମାଞ୍ଜୁନେ, ଏନାଆଁ ମୀସୁ ସାତା ଖେସି ହିଲଅମି କି?” ୪୯ ଜୀସୁ ଏଝାରାଇଁ ଏଲେଇଚେସି; “ନାଟ୍ରେ ବୃତୁ ଆଲ୍ଗା ମାଞ୍ଜୁଏ, ନାନୁ ନା ଆବାଇଁ ମାନି କିହିମାଇଁ, ସାମା ମୀରୁ ନାଟ୍ରେ ଲାଜା କିହିମାଞ୍ଜୁଦେରି । ୫୦ ନାନୁ ନା ଗାଞ୍ଜୁରିମି କିହାଲି ଅଣ୍ଡି ହିଲଅଁ; ରଅସି ଅଣ୍ଡିମାନେସି ଏଝାସି ନା ଖାକିତି ବିଚାରା କିନେସି । ୫୧ ନାନୁ ସାତା ଖେସିମାଞ୍ଜୁଇଁ, ଆତ୍ମାଆସି ନା ବଲୁତି ମାନଖି ଆନେସି, ଏଝାସି ଏଚେଲା ହାଅସି ।” (aion g165) ୫୨ ଜୀହୁଦିୟିଁ ଏଝାଣାଇଁ ଏଲେଇଚେରି, “ନୀଏଁ ମୀସୁ ପୁଚମି, ନିଟ୍ରେ ବୃତୁ ଆଲ୍ଗାମାଞ୍ଜୁନେ, ଅବ୍ରାହାମ ଅଡେ ମୀହାପୁରୁ ଅଣ୍ଡପୁତି ବଲୁ ଖେହନାରି ବାରେଜାଣା ହାଚେରି, ଅଡେ ନାନୁ ଖେସିମାଞ୍ଜୁ, ଆତ୍ମାଆସି ନା ବଲୁ ମାନଖି ଆନେସି, ଏଝାସି ଏଚେଲା ଜିକେଏ ହାଅସି । (aion g165) ୫୩ ମୀ ଆକୁ ଅବ୍ରାହାମ ହାଚେସି, ନାନୁ ଏନାଆଁ ଅବ୍ରାହାମ କିହିଁ କାଜାତି ଇଞ୍ଜି ଅଣ୍ଡିମାଞ୍ଜୁ? ମୀହାପୁରୁ ଅଣ୍ଡପୁତି ବଲୁ ଖେହନାରି ଜିକେଏ ହାଚେରି; ନାନୁ ଆତ୍ମାଆତି ଇଞ୍ଜି ଖେସିମାଞ୍ଜୁ?” ୫୪ ଜୀସୁ ଏଲେଇଚେସି, “ନାନୁ ନା ଗାଞ୍ଜୁରିମି କିହିମାଇଁ, ଆତିହିଁ ନା ଗାଞ୍ଜୁରିମି ଏନାୟି ଆଏ; ଆତ୍ମାଆସି ନାଟ୍ରେ ଗାଞ୍ଜୁରିମି କିୟାନେସି ଏଝାସି ନା ଆବା ଆତ୍ମାଆରାଇଁ ମୀରୁ ମୀ ମୀହାପୁରୁ ଇଞ୍ଜି ଏଲେ ଇଞ୍ଜିମାଞ୍ଜୁରି; ୫୫ ମୀରୁ ଏଝାଣାଇଁ ଏଚେଲା ପୁଞ୍ଜାହିଲଅଚେରି, ସାମା ନାନୁ ଏଝାଣାଇଁ ପୁଞ୍ଜାମାଇଁ । ଏଝାଣାଇଁ ପୁଞ୍ଜାହିଲଅଁ ଇଞ୍ଜି ନାନୁ ଖେସ୍ତୁହିଁ, ମୀ ଲେହେଁ ନାନୁ ଜିକେଏ ମିତି ଗାଟାଚେଏଁ ଆଇଁ, ସାମା ନାନୁ ଏଝାଣାଇଁ ପୁଞ୍ଜାମାଇଁ ଅଡେ ତାନି ବଲୁତି ମାନଖି ଆଇଁ । ୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ କିଚେସି, ଅଡେ ଏନାଆଁ ମେସାନା ଏଝାସି ରାହାଁ ଆଚେସି ।” ୫୭ ଜୀହୁଦିୟିଁ ଏଝାଣାଇଁ ଏଲେଇଚେରି, “ନିଟ୍ରେ ରୀ କଡ଼ି ଦସ ବାର୍ଯ୍ୟା ଆହାମାଞ୍ଜୁଏ, ନାନୁ ଏନାଆଁ ଅବ୍ରାହାମଇଁ ମେସାମାଞ୍ଜୁ?” ୫୮ ଜୀସୁ ଏଝାରାଇଁ ଏଲେଇଚେସି, “ନାନୁ ମିଟ୍ରେ ସାତା ଖେସିମାଞ୍ଜୁଇଁ, ଅବ୍ରାହାମତି ଜାର୍ନା ନକେଏ ନାନୁ ମାଇଁ ।” ୫୯ ଏଝାରି ଏଝାଣାଇଁ ଖେଚାଲିତାକି ଖାଲ୍କା ପେରୁହା କଡ଼ିଚେରି, ସାମା ଜୀସୁ ମୀହାପୁରୁ ଇଲୁଟି ମେହୁଆରେଟୁ ହଚାହଚେସି ।

୯ ଜୀସୁ ହାଜିମାଚାତି ର ଜାର୍ନାଟିଏ କାଣାଇଁ ବେଟାଆଚେସି । ୨ ତାନି ସୀସୁୟିଁ ଖେଚେରି, “ଗୁରୁ, ଆତ୍ମାଆସି ପାପୁ କିହାଲିଏ ଇଝାସି କାଣା ଆହାନା ଜାର୍ନା ଆଚେସି, ତାନୁ କି ତାନି ଇୟା ଆବା ପାପୁ କିଚାକି?” ୩ ଜୀସୁ ଏଲେଇଚେସି, “ଇଝାସି କି ତାନି ଇୟା ଆବା ପାପୁ କିଚାକି ଆଏ, ସାମା ମୀହାପୁରୁତି କାମା ଏନିକିଁ ଇଝାଣି ତାଣାଟି ଡୟିଆନେ, ଏନାଆଁତାକି ଇଦି ଆହାମାନେ । ୪ ଦିନା ମାଞ୍ଜୁ ମାଞ୍ଜୁନା, ନାଟ୍ରେ ପାଣ୍ଡାମାଞ୍ଜୁନାଣି କାମା କିନାୟିମାନେ; ଏନିନି ବେଲାତା ଆତ୍ମାଆସି କାମା

କିହାଲି ଆଡ଼ଅସି, ଇଲେଟି ଲାଆଁ ଖାହିମାନେ । ୫ ନାନୁ ଏତେପାତେକା ଦାର୍ତ୍ତିତା ମାଇଁ, ଏତେପାତେକା ନାନୁ ଦାର୍ତ୍ତିତି ଉଜେଡ଼ିତେଏଁ ।”

୬ ଇ କାତା ଏଲେଇଞ୍ଜାନା, ଜୀସୁ ଇର୍ଥାତା ହୁପାନା ହୁପକା ତଲେ କାଦ କିତେସି; ଅଡ଼େ ତାନି ରା କାଣ୍ଟକାଣ୍ଟା ରୁବିତେସି ଅଡ଼େ ଏଖାଣାଇଁ ଏଲେଇତେସି, ୭ ହାଲାନୁ “ସିଲହ ବାନୁତା ମୁମୁ ନରହା ଖାମୁ ।” ଏମୁଟିଏ ଏଖାସି ହାଜାନା ନରହା କତାନା ଖେଣ୍ଡା ଖାହିମାତାଟି ମେସାଲି ଆଡିତେସି । ୮ ତାନି ପାଡ଼ିତାରି, ଅଡ଼େ ଏମିନିଗାଟାରି ଏଖାଣାଇଁ ନକେଏ ରୀସ୍ତି ମାତାଣି ମେସାମାତେରି, ଏଖାରି ଖେତେରି, “ଇଖାସି ଏନାଆଁ କୁଗାନା ରୀସ୍ତି ମାତେସି ଏଖାସି ଆଏକି?” ୯ ଏତରଜାଣା ଏଲେଇତେରି, “ଇଖାସିଏ ଏଖାସି;” ଅଡ଼େ ଏତରଜାଣା ଏଲେଇତେରି, “ଆଏ, ଏଖାଣିଲେହେଁ ତାସି ।” ଏଖାସି ଏଲେଇତେସି, “ନାନୁଏ ଏଖାତେଏଁ ।” ୧୦ ଲକ୍ଷୁ ଏଖାଣାଇଁ ଖେତେରି, “ଆତିହିଁ, ନାନୁ ନୀଏଁ ଏନିକିଁ ମେସାଲି ଆଡିମାଞ୍ଜୁ?” ୧୧ ଏଖାସି ଏଲେଇତେସି, “ଆମ୍ବାଆରାଇଁ ଜୀସୁ ଇନେରି, ଏଖାସି ଇର୍ଥାତି କାଦ କିହାନା ନା କାଣ୍ଟକାଣ୍ଟା ରୁବାତେସି ଅଡ଼େ ସିଲହତା ହାଜାହିଁ ମୁମୁ ନରହା କତାମୁ ଏଲେଇଞ୍ଜାତେସି; ଏତେଟିଏ ନାନୁ ହାଜାନା ମୁମୁ ନରହାଲିଏ ମେସାଲି ଆଡିତେଏଁ ।” ୧୨ “ଏଖାସି ଆମ୍ବିୟା?” ଇଞ୍ଜୁ ଏଖାଣାଇଁ ଖେତେରି, ଏଖାସି ଏଲେଇତେସି, “ନାନୁ, ପୁଞ୍ଜାହିଲଅଁ ।” ୧୩ ଆମ୍ବାଆସି ନକେଏ କାଣା ମାତେସି, ଏଖାଣାଇଁ ପାରୁସିୟାଁ ତାଣା ତାତେରି । ୧୪ ଜୀସୁ ଏମିନି ଦିନା କାଦ କିହାନା ତାନି କାଣ୍ଟକା ନେହିଁ କିହାମାତେସି, ଏ ଦିନା ଜୁମିନି ଦିନା ମାତେ । ୧୫ ପାରୁସିୟାଁ ଏଖାଣାଇଁ ଖେତେରି, ଏନିକିଁ ଏଖାସି ମେସାଲି ଆଡିତେସି? ଏଖାସି ଏଲେଇତେସି, “ନା କାଣ୍ଟକାଣ୍ଟା ଏଖାସି ଇତାଣି କାଦ ରୁବାତେସି, ନାନୁ ହାଜାନା ମୁମୁ ନରହାନା ଖାତେଏଁ ଅଡ଼େ ମେସାଲି ଆଡିମାଇଁ ।” ୧୬ ପାରୁସିୟାଁ ତାନି ବିତ୍ରାଟି ଏତରଜାଣା ଏଲେଇତେରି, “ଏଖାସି ମାହାପୁରୁ ତାଣାଟି ଖାହାହିଲଅସି, ଇତିହିଁ ଏଖାସି ଜୁମିନି ଦିନାଟି ମାନଖି ଆହିହିଲଅସି ।” ଅଡ଼େ ଏତରଜାଣା ଏଲେଇତେରି, “ପାପୁ ଲକ୍ଷୁ ଆହାନା ଇଲେଟି କାବାଆନି କାମା ଏନିକିଁ କିହାଲି ଆଡିନେସି?” ଇଲେଆହିଁ ଏଖାରି ତାନି ବିତ୍ରା ବାଗା ଆତେ? ୧୭ ପାରୁସିୟାଁ ଅଡ଼େ ଖେଣ୍ଡେ ଏ କାଣାଇଁ ଖେତେରି, “ଏଖାସି ନୀ କାଣ୍ଟକା ନେହିଁ କିୟାତେସି, ଏଖାଣି କାତା ନାନୁ ଏନାଆଁ ଇଞ୍ଜୁମାଞ୍ଜୁ?” ଏଖାସି ଏଲେଇତେସି “ଏଖାସି ର ମାହାପୁରୁ ଅଣ୍ଡୁତି ବଲ୍ଲୁ ଖେହନାସି ।” ୧୮ ଏଖାସି ଜାର୍ନାଟିଏ କାଣା ମାତେସି ଅଡ଼େ ନୀଏଁ, ଇ ହାତା ତାନି ଇୟା ଆବାତି ଖେନାଆ ପାତେକା, ଜୀହୁଦିୟାଁ ନାମାଆତେରି । ୧୯ ଏଖାରି ତାନି ଇୟା ଆବାତି ଖେତେରି, “ମୀ ଆମିନି ମାର୍ସସି କାଣା ଆହାନା ଜାର୍ନା ଆହାମାତେସି ଇଞ୍ଜୁ ଏଲେଇଞ୍ଜୁତେରି ଇଖାସି ଏନାଆଁ ଏ ମୀ ମାର୍ସସି? ଆତିହିଁ ଏଖାସି ନୀଏଁ ଏନିକିଁ ମେସାଲି ଆଡିମାନେସି?” ୨୦ ଏମୁଟିଏ ତାନି ଇୟା ଆବା ଏଲେଇତେରି, “ହାଅ, ଏଖାସି ମା ମାର୍ସସି, ଏଖାସି କାଣା ଆହାନା ଜାର୍ନା ଆହାମାତେସି ଏଦାଆଁ ମାମୁ ପୁଞ୍ଜାମାନନି; ୨୧ ସାମା ଏଖାସି ନୀଏଁ ଏନିକିଁ ମେସାଲି

ଆଡିମାନେସି, ଏଦାଆଁ ମାମୁ ପୁଞ୍ଜାହିଲଅମି, ଅଡ଼େ ଆମ୍ବାଆସି ଏଖାଣାଇଁ ମେସ୍ତି କିହାମାନେସି, ମାମୁ ଏଦାଆଁ ଜିକେଏ ପୁଞ୍ଜାହିଲଅମି; ଏଖାଣାଇଁ ଖେଞ୍ଜୁ ଏଖାସି କାଜାସି ଆତେସିଏ, ଏଖାସି ତାନି କାତା ତାନୁଏ ଖେସାଲି ଆଡିନେସି ।” ୨୨ ଏଖାଣି ତାନି ଇୟା ଆବା ଜୀହୁଦି ଲକ୍ଷୁଟି କାଜାରାଇଁ ଆଜିମାତାକି ଇ ବାରେ କାତା ଖେସୁ, ଏନାଆଁତାକି ଇତିହିଁ ଆମ୍ବାଆସି ଜୀସୁଇଁ କ୍ରୀସୁ ଇଞ୍ଜୁ ଇନେସି, ଏଖାଣାଇଁ ଜୀହୁଦି ଲକ୍ଷୁଟି କୁଟମି ଲକ୍ଷୁଟି ପେର୍ଖି ଆନେ ଇଞ୍ଜୁ ଜୀହୁଦି ଲକ୍ଷୁ ଏ ନକେଏ କାତା ଆହାମାତେରି । ୨୩ ଏଦାଆଁତାକି ତାନି ଇୟା ଆବା ଏଲେଇତେରି, “ଏଖାସି କାଜାସି ଆତେସିଏ, ଏଖାଣାଇଁ ଖେଞ୍ଜୁ ।” ୨୪ ପାରୁସିୟାଁ ଏ ଜାର୍ନାଟିଏ କାଣାଇଁ ଅଡ଼େ ଖେଣ୍ଡେ ହାଟାନା ଏଲେଇତେରି, “ମାହାପୁରୁଇଁ ଗାଧୁରିନି କିହାନା ଏଲେଇନାମୁ, ଆମ୍ବାଆସି ନିଡ୍ରେ ନେହିଁ କିହାମାଞ୍ଜୁନେସି, ଏଖାସି ର ପାପୁ ଗାଟାସି ଇ କାତା ମାମୁ ପୁଞ୍ଜାମାନନି ।” ୨୫ ଏଖାସି ଏଲେଇତେସି, “ଏଖାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଇଁ; ନାନୁ କାଣା ମାତେଏଁ, ନୀଏଁ ମେସାଲି ଆଡିମାଇଁ ।” ୨୬ ଏଖାରି ଏଖାଣାଇଁ ଏଲେଇତେରି, “ଏଖାସି ନିଡ୍ରେ ଏନାଆଁ କିୟାତେସି? ଏନିକିଁ ଏଖାସି ନୀ କାଣ୍ଟକା ଦେପି କିୟାତେସି?” ୨୭ ଏଖାସି ଏଲେଇତେସି, “ନକେଏ ଖେସା ରାହାମାଞ୍ଜୁଇଁ, ଅଡ଼େ ମୀରୁ ଖେନାଆତେରି; ଅଡ଼େ ଖେଣ୍ଡେ ଏନାଆଁତାକି ଖେଞ୍ଜୁଲି ଅଣ୍ଡିମାଞ୍ଜେରି? ମୀରୁ ଜିକେଏ ଏନାଆଁ ତାନି ସୀସୁ ଆହାଲି ଅଣ୍ଡିମାଞ୍ଜେରି ।” ୨୮ ଏଖାରି ଏଖାଣାଇଁ ଲାଗାନା ଏଲେଇତେରି, “ନାନୁ ତାନି ସୀସୁଟି, ସାମା ମାମୁ ମୁସାତି ସୀସୁୟାଁତମି । ୨୯ ମାମୁ ପୁଞ୍ଜାମାନନି, ମାହାପୁରୁ ମୁସାଇଁ କାତା ଆହାମାତେସି, ସାମା ଇ ମାଣ୍ଡି ଆମ୍ବିତି ଖାହାମାନେସି, ଏଦାଆଁ ମାମୁ ପୁଞ୍ଜାହିଲଅମି ।” ୩୦ ଏଖାସି ଏଖାଣାଇଁ ଏଲେଇତେସି, “ଇତି ରଣ୍ଡି କାବାଆନି କାତା ଏଖାସି ଏମ୍ବିତି ଖାହାମାନେସି, ମୀରୁ ପୁଞ୍ଜାହିଲଅତେରି, ସାମା ଏଖାସି ନାଡ୍ରେ କାଣ୍ଟକା ଦେପି କିୟାତେସି । ୩୧ ମାମୁ ପୁଞ୍ଜାମାନନି, ମାହାପୁରୁ ପାପୁଗାଟି ଲକ୍ଷୁଟି ହାତା ଖେନଅସି, ଆମିନି ଗାଟାରି ମାହାପୁରୁଇଁ ମାନି କିନେରି ଅଡ଼େ ତାନି ଅଣ୍ଡୁତ ତଲେ କାମା କିନେରି, ଏଖାରି ହାତାଟି ଏଖାସି ଖେନେସି । ୩୨ ତଲି କାଲାଟିଏ ଆମ୍ବାଆସି ଜାର୍ନା କାଣାଇଁ ମେସ୍ତିକିତି କାତା ଏତେଲା ଖେଣ୍ଡି ଆହାହିଲଆତେ । (aiōn g165) ୩୩ ଇଖାସି ମାହାପୁରୁ ତାଣାଟି ଖାହା ହିଲଆତି, ଏନାଆଁ କିହାଲି ଆତାଆତେସିମା ।” ୩୪ ଏଖାରି ଏଖାଣାଇଁ ଏଲେଇତେରି, “ପାପୁ ତଲେ ନାନୁ ଜାର୍ନା ଆହାନା ପାପୁ ତଲେ ପାତାଆତି, ନାନୁ ମାଡ୍ରେ ଜାପୁହି ମାଞ୍ଜୁଦି?” ଏଦାଆଁତାକି ଏଖାରି ଏଖାଣାଇଁ ଜୀହୁଦି ଲକ୍ଷୁଟି କୁଟମି ଇଲକ୍ଷୁଟି ପେର୍ହାତୁସେରି । ୩୫ ଏଖାରି ଏଖାଣାଇଁ ପେର୍ହା ମାନେରି, ଇଞ୍ଜୁ ଜୀସୁ ଇ କାତା ଖେଞ୍ଜୁନା, ଏଖାଣାଇଁ ମେସାମା ଏଲେଇତେସି, “ନାନୁ ଏନାଆଁ ମାଣ୍ଡି ମାର୍ସସି ତାଣା ନାମିମାଞ୍ଜୁ?” ୩୬ ଏଖାସି ଏଖାଣାଇଁ ଏଲେଇତେସି, “ପୁରୁ, ଖେସୁମୁ ଏଖାସି ଆମ୍ବାଆସି, ଆତିହିଁ ନାନୁ ଏଖାଣାଇଁ ନାମିନି ।” ୩୭ ଜୀସୁ ଏଖାଣାଇଁ ଏଲେଇତେସି, “ନାନୁ ଏଖାଣାଇଁ ମେସାମାଞ୍ଜୁ, ନୀ ତଲେ ଆମ୍ବାଆସି ନୀଏଁ

କାତା ଆହିମାନେସି, ଏଞ୍ଜେଲିଏ ।” ୩୮ ଏମ୍ବ୍ରାଟିଏ ଏଞ୍ଜେଲିଏ ଏଲେଇରେସି, “ନାନୁ ନାମିମାଲ୍, ପ୍ରଭୁ!” ଇଞ୍ଜିଁ ଜୀପୁ ନକିତା ମେଣ୍ଡାକୃତାନା ଜହରା କିତେସି । ୩୯ ଜୀପୁ ଏଲେଇରେସି, “ମେହ୍‌ଆଗାଟି ଲକ୍ଷୁ ଏନିକିଁ ମେହ୍‌ନେରି ଇଞ୍ଜିଁ ମେହ୍‌ନି ଲକ୍ଷୁ ଏନିକିଁ କାଣା ଆନେରି, ଇ ବିତାରା କିହାଲି ନାନୁ ବାରିତା ଖାହାମାଲ୍ ।” ୪୦ ଏମ୍ବ୍ରାଆଁ ମାଟି ଏତରଜାଣା ପାରୁସିୟାଁ ଇ କାତା ଖେଞ୍ଜାନା, ଏଞ୍ଜାଣାଲ୍ ଏଲେଇରେସି, “ମାମୁ ଜିକେଏ ଏନାଆଁ କାଣାୟିତନି?” ୪୧ ଜୀପୁ ଏଞ୍ଜାରାଲ୍ ଏଲେଇରେସି, “କାଣାୟି ଆହାମାଟିହିଁ ମାରୁ ଦହ ହିଲ୍‌ଆଗାଟାତେରି ଆତେରିମା, ସାମା ମେସାଲି ଆତିମାନମି ଇଞ୍ଜିମାନାକି ମାରୁ ହାରେକା ପାପୁତା ମାଞ୍ଜେରି ।”

୧୦ ଜୀପୁ ଏଲେଇରେସି, “ନାନୁ ମିଡ୍ରେ ସାତା ଖେସିମାଞ୍ଜାଲ୍, ଆମ୍ବ୍ରାଆସି ଦାରା ଖାକିଟି ମେଣ୍ଡାୟି ମାନୁତା ହୁଡ୍‌ଅସି, ସାମା ଅର ଖାକିଟି ଡେଞ୍ଜାନା ହୁଡ୍‌ନେସି, ଏଞ୍ଜାସି ସରୁ ଇଞ୍ଜିଁ ତଂଗେସସି; ୨ ସାମା ଆମ୍ବ୍ରାଆସି ଦାରା ଖାକିଟି ହୁଡ୍‌ନେସି, ଏଞ୍ଜାସି ମେଣ୍ଡା ଗଡୁ । ୩ ଦାରାତା କାଠଆନାସି ଏଞ୍ଜାଣାକି ଦାରା ଦେତା ହାନେସି, ଅଡେ, ଏଞ୍ଜାସି ତାନି ମେଣ୍ଡାୟି ଦରୁ ଆସାନା ହାଟିନେସି, ଏଞ୍ଜି ତାନି ହାଟିନାଣି ଖେନୁ ଅଡେ ଏଞ୍ଜାସି ଏ ମାନୁତି ପାଢ୍ଫାତା ଜିରୁ ନକି କିହାନା ଅନେସି । ୪ ମେଣ୍ଡାୟିଣି ପାଢ୍ଫାତା ଅନାଟି ମେଣ୍ଡାୟି ଗଡୁ ନକି ନକିତା ତାକିନେସି, ଅଡେ ମେଣ୍ଡାୟି ତାନି ଜେତ ଜେତ ତାକିନୁ, ଇତିହିଁ ଏଞ୍ଜି ଏଞ୍ଜାଣି ଗିୟାଁ ତେଲ୍‌ହାତ । ୫ ସାମା ଏଞ୍ଜି ପୁନାଆତି ଲକ୍ଷୁ ଜେତ ଏରେଲ୍ ଜିକେଏ ତାକାତ, ସାମା ଏଞ୍ଜାଣି ଦାରି ଦାରିଟି ହଟାତୁହନୁ, ଇତିହିଁ ଏଞ୍ଜି ପୁନାଆତାରି ଗିୟାଁ ତେଲ୍‌ହିନୁ ।” ୬ ଜୀପୁ ଏଞ୍ଜାରାଲ୍ ଇ ପୁଣ୍ଡିକିନି କାତା ଖେସାନା ଏଲେଇରେସି, ସାମା ଏଞ୍ଜାସି ଏନା ଏନାଆଁ ଖେସିମାତେସି, ଏ ବାରେ ଏନାୟି ଇଞ୍ଜିଁ ଏଞ୍ଜାରି ପୁନାଆତେରି । ୭ ଜୀପୁ ଅଡେ ଖେଣ୍ଡେ ଏଲେଇରେସି, “ସାତା ସାତା ନାନୁ ମିଡ୍ରେ ଖେସିମାଞ୍ଜାଲ୍, ନାନୁ ମେଣ୍ଡାୟି ଦୁଝେରିତେଏଁ । ୮ ଏତରଜାଣା ନା ନକିତା ଖାହାମାନେରି, ଏଞ୍ଜାରି ବାରେ ସର୍କା ଅଡେ ତଂଗାୟି, ସାମା ମେଣ୍ଡାୟି ଏଞ୍ଜାରି କାତା ଖେନାଆତୁ । ୯ ନାନୁ ଆହିମାଲ୍ ଦାରା । ଆମ୍ବ୍ରାଆସି ନା ତାଣାଟି ହୁଡ୍‌ନେସି, ଏଞ୍ଜାସି ଗେଲ୍‌ପି ଆନେସି ଇଞ୍ଜିଁ ବିତ୍ରା ଖାହାନା ଅଡେ ପାଢ୍ଫାତା ହାଜାନା ହାରା ବେଟାଆନେସି । ୧୦ ସରୁ ଖାର୍‌ଇ ସରୁ କିହାଲି, ପାୟାଲି ଅଡେ ନାସା କିହାଲି ଖାନେସି; ଏଞ୍ଜାରି ଏନିକିଁ ଜୀଞ୍ଜୁ ବେଟାଆନେରି ଅଡେ ହାରେକା ବେଟାଆନେରି ଏଦାଆଁତାକି ନାନୁ ଖାହାମାଲ୍ ।” ୧୧ “ନାନୁ ନେହିଁ ମେଣ୍ଡାୟି ଗଡୁତେଏଁ; ନେହିଁ ମେଣ୍ଡାୟି ଗଡୁ ମେଣ୍ଡାୟି ତାକି ତାନି ଜୀଞ୍ଜୁ ହାନେସି । ୧୨ ଆମ୍ବ୍ରାଆସି ମେଣ୍ଡାୟି ଗଡୁ ଆଏ, ଗତି ଦଂଗ୍‌ଶେସସି, ଜାହାରା ମେଣ୍ଡାୟି ହିଲ୍‌ଇ ଏଞ୍ଜାସି କ୍ଲୁଝିନି ଖାନାଣି ମେସାନା ମେଣ୍ଡାୟି ପିସା ହଣ୍‌ନେସି ଅଡେ କ୍ଲୁଝିନି ଖାହାନା ଏ ବାରେଟି ସିନାସାତ୍ରା କିନେ, ୧୩ ଇତିହିଁ ଏଞ୍ଜାସି ଗତି ଦଂଗ୍‌ଶେସସି, ଇଞ୍ଜିଁ ମେଣ୍ଡାୟିକି ଅଣ୍ଡପୁ ହିଲେଏ, ୧୪ ନାନୁ ନେହିଁ ମେଣ୍ଡାୟି ଗଡୁ । ଆବା ଏନିକିଁ ନାଡ୍ରେ ପୁଞ୍ଜାମାଞ୍ଜାନେସି ଅଡେ ନାନୁ ଆବାଲ୍ ପୁଞ୍ଜାମାଲ୍, ୧୫ ଏନିକିଁ ଆବା ନାଡ୍ରେ ପୁଞ୍ଜାମାଞ୍ଜାନେସି, ଅଡେ ନାନୁ ଆବାଲ୍ ପୁଞ୍ଜାମାଲ୍,

ଏଲେକିହିଁଏ ନାନୁ ନା ମେଣ୍ଡାୟିଲ୍ ପୁଲ୍, ଅଡେ ନା ମେଣ୍ଡାୟି ଜିକେଏ ନାଡ୍ରେ ପୁଞ୍ଜାନୁ, ଅଡେ ମେଣ୍ଡାୟି ତାକି ନାନୁ ନା ଜୀଞ୍ଜୁ ହାଇଁ । ୧୬ ଏନିନି ମେଣ୍ଡାୟି ଇ ମାନୁତାଲ ଆଏ, ନା ଇଲେଟି ମେଣ୍ଡାୟି ମାନୁ, ଏଞ୍ଜାଆଁ ଜିକେଏ ନାଡ୍ରେ ତାନାୟି ଆନେ, ଅଡେ ଏଞ୍ଜି ନା ହାତା ତେଲ୍‌ହିନୁ; ଏମ୍ବ୍ରାଟିଏ ରଣ୍ଡିଏ ମାନୁ ଅଡେ ରଣ୍ଡିଏ ଗଡୁ ଆନେସି ।” ୧୭ “ନାନୁ ନା ଜୀଞ୍ଜୁ ହାନାକି ଆବା ନାଡ୍ରେ ଜୀଞ୍ଜୁ ନୟିନେସି, ଅଡେ ନାନୁ ନା ଜୀଞ୍ଜୁ ଖେଣ୍ଡେ ଅହାକତାଲି ନାନୁ ଏଦାଆଁ ହାଇଁ । ୧୮ ନା ଜୀଞ୍ଜୁ ଏଡ୍‌କାତାରି ଆମ୍ବ୍ରାଆସି ଅହାଲି ଆତଅରି, ଏଦାଆଁ ନାନୁ ନା ଅଣ୍ଡପୁ ତଲେ ହାଇଁ, ନା ଜୀଞ୍ଜୁ ହାହାଲିତାକି ଅଡେ ଏଦାଆଁ ଖେଣ୍ଡେ ଅହାକତାଲି ତାକି ନା ଅଦିକାରା ମାନେ । ଇଦାଆଁ କିହାଲି ଆବା ମାହାପୁରୁ ନାଡ୍ରେ ହୁକୁମି ହାହାମାଞ୍ଜାନେସି ।” ୧୯ ଜୀପୁତି ଇ ବାରେ କାତାତାକି ଜୀହୁଡି ଲକ୍ଷୁତାଣା ଗଡ୍‌ହା ହୁଡେ । ୨୦ ଏଞ୍ଜାରି ବିତ୍ରାଟି ଏତରଜାଣା ଏଲେଇରେସି, “ଏଞ୍ଜାଣାଲ୍ ବୁଡୁ ଆଲ୍‌ଗାମାନେ, ଏଞ୍ଜାସି ବାୟା ଆହାମାନେସି, ଏନାଆଁତାକି ଏଞ୍ଜାଣି କାତା ଖେଞ୍ଜିମାଞ୍ଜେରି?” ୨୧ ଏଡ୍‌କାତାରି ଏଲେଇରେସି, “ଇ ବାରେ କାତା ବୁଡୁ ଆଲ୍‌ଗାମାନାରି କାତା ଆଏ; ବୁଡୁ ଏନାଆଁ କାଣାଟି କାଣ୍‌କା ମେସ୍‌ପି କିହାଲି ଆତିନେ ।” ୨୨ ଏତିବେଲା ଜିରୁସାଲମତା ମାହାପୁରୁ ଇଲୁଡି ମାହାପୁରୁ ଦରୁଡି ହେରୁପିନି ପାର୍‌ବୁ ଆଡେ; ଏଦି ପେନିବେଲା ମାତେ, ୨୩ ଜୀପୁ ମାହାପୁରୁ ଇଲୁଡି ସଲମନ ପିଣ୍ଡାତା ରେଜିମାତେସି । ୨୪ ଏମ୍ବ୍ରାଟିଏ ଜୀହୁଡି ଲକ୍ଷୁ ସାରିଖାକି ମୁତାନା ଖେଞ୍ଜାଲି ମାଡ୍‌ହେରି, “ଏତରଦିନା ପାତେକା ମା ମନତା ଆନାମାନା କିୟଦି? ନାନୁ କ୍ରାପୁତି ଇତିହିଁ ମାଡ୍ରେ ନେହିଁକି ଖେସ୍‌ମୁ ।” ୨୫ ଜୀପୁ ଏଞ୍ଜାରାଲ୍ ଏଲେଇରେସି, “ନାନୁ ମିଡ୍ରେ ଖେସିମାଞ୍ଜାଲ୍, ସାମା ମାରୁ ନାମିହିଲଅତେରି; ନା ଆବା ଦରୁଡି ନାନୁ ଏନିନି ବାରେ କାମା କିହିମାଲ୍, ଏ ବାରେ ନା ଖାକିଟି ସାକି ହାହିମାନେ; ୨୬ ଆତିଜିକେଏ ମାରୁ ନାମିହିଲଅତେରି, ଇତିହିଁ ମାରୁ ନା ମେଣ୍ଡାୟିତେରି ଆଏ । ୨୭ ନା ମେଣ୍ଡାୟି ନା ହାତା ଖେନୁ ଅଡେ ନାନୁ ଏଞ୍ଜାଆଁ ପୁଲ୍, ଅଡେ ଏଞ୍ଜି ନା ଜେତ ଜେତ ତାକିନୁ, ୨୮ ଅଡେ ନାନୁ ଏଞ୍ଜାସିକାକି କାଲାକାଲାତି ଜୀଞ୍ଜୁ ହାଇଁ, ଅଡେ ଏଞ୍ଜି ଏରେଲ୍ ଜିକେଏ ନାସା ଆଇ, ଆମ୍ବ୍ରାଆସି ନା କେୟୁଡି ଏଞ୍ଜାଆଁ ମାଞ୍ଜା ଅୟଅସି । (aiōn g165, aiōnios g166) ୨୯ ନା ଆବା ନାଡ୍ରେ ଏନାଆଁ ହାହାମାଞ୍ଜାନେସି, ଏଦି ବାରେକିହିଁ ଦାରାଗାଟାୟି, ଇଞ୍ଜିଁ ଆବା ତାଣାଟି ଆମ୍ବ୍ରାଆସି ମାଞ୍ଜାଲି ଆତଅସି । ୩୦ ଆବା ଅଡେ ନାନୁ ରଅତନିଏ ।” ୩୧ ଜୀହୁଡି ଲକ୍ଷୁ ଏଞ୍ଜାଣାଲ୍ ଝେଟାଲି ଅଡେ ଖେଣ୍ଡେ ଖାଲ୍‌କା ତାଟିହିଁ ଖାତେରି । ୩୨ ଜୀପୁ ଏଞ୍ଜାରାଲ୍ ଏଲେଇରେସି, “ନାନୁ ଆବା ତାଣାଟି ହାରେକା ନେହିଁ କାମାୟି ମିଡ୍ରେ ଦସାମାଞ୍ଜାଲ୍; ଏ ବାରେ କାମାୟି ବିତ୍ରାଟି ଏନିନି କାମାତାକି ନାଡ୍ରେ ଖାଲ୍‌କା ଝେଟି ମାଞ୍ଜାଦେରି?” ୩୩ ଜୀହୁଡିୟାଁ ଏଞ୍ଜାଣାଲ୍ ଏଲେଇରେସି, “ନେହିଁ କାମାତାକି ନିଡ୍ରେ ଖାଲ୍‌କା ଝେଟିମାଞ୍ଜାଅମି, ସାମା ମାହାପୁରୁ ନିନୁ କିହିମାନାକି, ନାନୁ ମାଣ୍ଡିଏ ଆହାନା ମାହାପୁରୁତେଏଁ ଇଞ୍ଜିମାନାକି ।” ୩୪ ଜୀପୁ ଏଞ୍ଜାରାଲ୍ ଏଲେଇରେସି, “ମା ମସା ମେରାତା ରାଏକି

ଆହାହିଲେଏ, ନାନୁ ଏଲେଇଜ୍ଜାଦେବେଁ ‘ମାରୁ ମାହାପୁରୁୟାଁଦେରି ।’ ୩୫
 ଆମ୍ବାଆରି ତାଣା ମାହାପୁରୁତି ବଲ୍ଲୁ ଚଞ୍ଚୁଆଡେ, ଏଞ୍ଜାରି ମାହାପୁରୁୟାଁ
 ଇତିହିଁ ଦାମ୍ବୁଁ ସାସ୍ତେରି ଉଜେଏ କିହାଲି ଆଡଅସି, ୩୬ ଆବା ମାହାପୁରୁ
 ନାଟ୍ଟେ ସୁଦୁ କିହାନା ଦାବ୍‌ତତା ପାଣ୍ଡାମାଞ୍ଚାନେସି । ଇଞ୍ଚିଁ ନାନୁ ନାଟ୍ଟେ
 ମାହାପୁରୁ ମାର୍‌ଏଶାଡେବେଁ ଇଞ୍ଚିମାନାକି ମାହାପୁରୁ ନିନ୍ଦୁ କିହମାଞ୍ଚି ଇଞ୍ଚି
 ଏନିକିଁ ଏଲେଇଜ୍ଜି ମାଞ୍ଚାଦେରି? ୩୭ ନାନୁ ନା ଆବାତି ବାରେ କାମା
 କିହା ହିଲାଆତିହିଁ ନାଟ୍ଟେ ନାମାଆଦୁ: ୩୮ ସାମା ନାନୁ କିହମାଞ୍ଚି, ଆତିହିଁ
 ମାରୁ ନାଟ୍ଟେ ନାମି ମାଞ୍ଚୁଆଡେରି, ଆତିଜିକେଏ ଆବା ନା ତାଣା ମାନେସି
 ଅଡେ ନାନୁ ଆବା ତାଣା ମାଞ୍ଚି, ଇଦାଆଁ ମାରୁ ଏନିକିଁ ପୁଞ୍ଚେରି ଅଡେ
 ତେଲ୍‌ହଦେରି, ଇଦାଆଁତାକି ବାରେ କାମାତି ନାମାଦୁ ।” ୩୯ ଏମ୍ବାଟିଏ
 ଏଞ୍ଜାରି ଜୀମୁଞ୍ଚି ଆସାଲି ଅଣ୍ଡିଦେରି, ସାମା ଏଞ୍ଜାସି ଏଞ୍ଜାରି କେୟୁତା
 ହେରୁପି ଆଆନା ଏମ୍ବାଟି ହତାହାଡେସି । ୪୦ ଏମ୍ବାଟି ଏଞ୍ଜାସି ଅଡେ
 ଖେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏନିନି ଚାୟୁତା ବାପ୍ତିସ୍ତ
 ହାହିମାଡେସି, ଏ ଚାୟୁତା ଖାହାନା ଡୟିଡେସି । ୪୧ ଅଡେ ହାରେକା
 ଲକୁ ଏଞ୍ଜାଣି ତାଣା ଖାହାନା ଏଲେଇଡେରି, “ଜହନ ଏନି କାବାଆନି କାମା
 କିଆଡେସି, ସାମା ଇ ମାଣ୍ଡସି କାତା ଜହନ ଏନା ଏନାଆଁ ଖେସାମାଡେସି,
 ଏ ବାରେ ସାତା ।” ୪୨ ଏମ୍ବାଆଁ ହାରେକା ଲକୁ ଏଞ୍ଜାଣି ତାଣା ନାମିଡେରି
 ।

୧୧ ବେତନିୟାଁତି ଲାଜର ଦରୁଗାଟାସି ରଅସି ନମେରି ଆହାମାଡେସି;
 ତାମି ତାଟ୍ଟିସ୍ତା ମରିୟମ ଅଡେ ମାର୍ତୀ ଏ ନାୟୁତା ଡୟିମାଦୁ । ୨
 ଏନିନି ଇୟା ପ୍ରବୁଞ୍ଚି ନିୟୁଁ ଖାକିହାନା ତାନି ତାୟୁଁ ବାଣାୟୁଁ ତଲେ ଏଞ୍ଜାଣି
 ପାଠଆନାୟୁଁ ଜେଜା ମାଡେ, ଇଦି ଏ ମରିୟମ; ତାମି ତାୟି ଲାଜର
 ନମେରି ଆହାମାଡେସି । ୩ ଏଦାଆଁତାକି ଏ ତାଟ୍ଟିସ୍ତା ଜୀସୁ ତାଣା କାରୁ
 ପାଣ୍ଡିତୁ, “ପ୍ରବୁ, ନାନୁ ଆମ୍ବାଆରାଞ୍ଚି ଜୀସୁ ନୁହିଁମାଞ୍ଚି ଏଞ୍ଜାସି ନମେରି
 ଆହାମାଡେସି ।” ୪ ସାମା ଜୀସୁ ଇ କାତା ଖେଞ୍ଚୁନା ଏଲେଇଡେସି,
 “ଇ ନମେରି ହାହାଲି ତାକି ଆଏ, ସାମା ମାହାପୁରୁତି ଗାଞ୍ଜୁରିମ ତାକି,
 ଏନିକିଁ ଏମ୍ବାଟି ମାହାପୁରୁତି ମାର୍‌ଏସି ଗାଞ୍ଜୁରିମି ବେଟା ଆନେସି ।” ୫
 ଜୀସୁ ମାର୍ତୀ, ତାନି ତାଟ୍ଟି ମରିୟମଞ୍ଚି ଅଡେ ଲାଜରଞ୍ଚି ଜୀସୁ ନୁହିଁମାଡେସି
 । ୬ ଏଡେତା ଏଞ୍ଜାସି ନମେରି ଆହାମାନେସି ଇଞ୍ଚିଁ ଖେଡେସି, ଏଡେତା
 ଏଞ୍ଜାସି ଏନିନିତାଣା ମାଡେସି, ଏ ଚାୟୁତା ରା ଦିନା ଡୟିଡେସି ।
 ୭ ଏବେଟିଏ ଏଞ୍ଜାସି ସାସ୍ତେୟାଁଞ୍ଚି ଏଲେଇଡେସି, “ଜୀଦୁ ମାର ଖେଣ୍ଡେ
 ଜୀହୁତା ରାଜିତା ହାନ ।” ୮ ସାସ୍ତେୟାଁ ଏଞ୍ଜାଣାଞ୍ଚି ଏଲେଇଡେରି, “ଏ ଗୁରୁ
 ଜୀହୁଦିୟାଁ ନାଏଁ ନିଟ୍ଟେ ଖାଲକାତଲେ ଡେଗାଲି ଅଣ୍ଡିପି ମାଞ୍ଚାଡେରି, ଅଡେ
 ଖେଣ୍ଡେ ନାନୁ ଏମ୍ବାଆଁ ହାଜିମାଞ୍ଚି?” ୯ ଜୀସୁ ଏଲେଇଡେସି, “ଦିନାତାକି
 ବାର ଗଂଟା ହିଲେଏ? ଆମ୍ବାଆସି ମାବେନା ତାକିସାରେ ପୁଟିକିଅସି,
 ଇତିହିଁ ଏଞ୍ଜାସି ଦାବ୍‌ତତି ଉଜେଡ଼ି; ୧୦ ସାମା ଲାଆଁୟାଁ ତାକିସାରେ
 ଏଞ୍ଜାସି ପୁଟିକିନେସି, ଇତିହିଁ ଏଞ୍ଜାଣି ହିୟାଁତା ଉଜେଡ଼ି ହିଲେଏ ।” ୧୧
 ଇ ବାରେ କାତା ଖେସ୍ତି ଡାୟୁ ଏଞ୍ଜାରାଞ୍ଚି ଅଡେ ଏଲେଇଡେସି, “ମା

ଡେଶେ ଲାଜର ଇଦା କିହାମାନେସି, ସାମା ଏଞ୍ଜାଣାଞ୍ଚି ଇଦାଟି ନିକ୍‌ହାଲି
 ନାନୁ ହାଜିମାଞ୍ଚି ।” ୧୨ ଏମ୍ବାଟିଏ ସାସ୍ତେୟାଁ ଏଞ୍ଜାଣାଞ୍ଚି ଏଲେଇଡେସି,
 “ପ୍ରବୁ ଏଞ୍ଜାସି ତୁରାନା ଇଦା କିହାମାଟିହିଁ ନେହିଁ ଆନେସି ।” ୧୩ ଜୀସୁ
 ଲାଜର ହାହାମାନାକି ଏ କାତା ଏଲେଇଡେସି, ସାମା ଏଞ୍ଜାଣି ଇଦା
 କିହାମାନି କାତା ଖେସ୍ତିଦେସି ଇଞ୍ଚିଁ ଅଣ୍ଡିପିମାଡେରି । ୧୪ ଏଡିବେଲା ଜୀସୁ
 ତାରେତଲେ ଏଲେଇଡେସି, “ଲାଜର ହାହାମାନେସି; ୧୫ ଅଡେ ନାନୁ
 ଏମ୍ବାଆଁ ହିଲାଆଡେବେଁ, ଏଦାଆଁତାକି ମା ତାକି ରାହାଁ କିହମାଞ୍ଚି, ଏନିକିଁ
 ମାରୁ ନାମିଦେରି; ସାମା ଜୀଦୁ ମାର ଏଞ୍ଜାଣି ତାଣା ହାନ ।” ୧୬ ଏମ୍ବାଟିଏ
 ତମା, ଆମ୍ବାଆରାଞ୍ଚି ଦିପୁର ଇଞ୍ଚିଁ ଜନେରି, ଏଞ୍ଜାସି ତାମି ଡେଶେ ସାସ୍ତେୟାଁଞ୍ଚି
 ଏଲେଇଡେସି, “ଜୀଦୁ, ମାର ଜିକେଏ ହାଜାନା ଏଞ୍ଜାଣିତଲେ ହାନ ।”
 ୧୭ ଜୀସୁ ବେତନିୟାଁତା ଏଜାନା ଖେଡେସି, ଏଞ୍ଜାସି ସାରି ଦିନା ଆଡେସି
 ମାହାଣି ମାଣ୍ଡାତା ଇଟାମାନେରି । ୧୮ ବେତନିୟାଁ ଜିରୁସାଲମଟି ରା
 କିଲମିତର ହେକ ମାଡେ, ୧୯ ଅଡେ ଜୀହୁଦିୟାଁ ବିତ୍ରାଟି ହାରେକା ମାର୍ତୀ
 ଇଞ୍ଚିଁ ମରିୟମଞ୍ଚି ତାମି ତାୟିତି ଦୁକୁ ଡୁକ୍‌ହାଲି ଏମ୍ବାଆଁ ଖାହାମାଡେରି ।
 ୨୦ ଜୀସୁ ଖାହିମାନେସି ଇଞ୍ଚିଁ ଏଡେତା ମାର୍ତୀ ଖେଡେ, ଏଡେତା ମାର୍ତୀ
 ଏଞ୍ଜାଣାଞ୍ଚି ବେଟାଆୟାଲି ହାଡେ, ସାମା ମରିୟମ ଇଜ କୁଗାନା ଡୟିଡେ ।
 ୨୧ ମାର୍ତୀ ଜୀସୁଞ୍ଚି ଏଲେଇଡେ, “ପ୍ରବୁ ନାନୁ ଇମ୍ବାଆଁ ମାଟିହିଁମା, ନା ତାୟି
 ହାଆଡେସିମା, ୨୨ ସାମା ନାନୁ ମାହାପୁରୁଞ୍ଚି ଏନାଆଁ ରାହୁଦି, ମାହାପୁରୁ
 ନିଟ୍ଟେ ଏଦାଆଁ ହିୟାନେସି, ଏଦାଆଁ ନାଏଁ ଜିକେଏ ପୁଞ୍ଚାମାଞ୍ଚି ।” ୨୩ ଜୀସୁ
 ଏଦାନି ଏଲେଇଡେସି, “ନା ତାୟି ଅଡେ ଖେଣ୍ଡେ ନିଟ୍ଟିନେସି ।” ୨୪ “ମାର୍ତୀ
 ଜୀସୁଞ୍ଚି ଏଲେଇଡେ, ଏଞ୍ଜାସି ତାୟୁ ଖେଣ୍ଡେ ନିଟ୍ଟିନି ଦିନାତା ନିଟ୍ଟିନେସି,
 ଇଦାଆଁ ନାନୁ ପୁଞ୍ଚାମାଞ୍ଚି ।” ୨୫ ଜୀସୁ ଏଦାନି ଏଲେଇଡେସି, “ନାନୁ
 ଖେଣ୍ଡେ ନିଟ୍ଟିନେଡେବେଁ ଅଡେ ଜୀସୁଡେବେଁ; ଆମ୍ବାଆସି ନାଟ୍ଟେ ନାମାନେସି,
 ଏଞ୍ଜାସି ହାତି ଜିକେଏ ନୀତିନେସି, ୨୬ ଆମ୍ବାଆସି ନୀତିନେସି ଅଡେ
 ନାମିନେସି, ଏଞ୍ଜାସି ଏଡେଲା ଜିକେଏ ହାଅସି; ଇ କାତା ନାମିମାଞ୍ଚି?”
 (a10n g165) ୨୭ ମାର୍ତୀ ଏଲେଇଡେ, “ଏ ପ୍ରବୁ ଆମ୍ବାଆସି ଦାବ୍‌ତତା ଖାନାୟି
 ମାଡେ, ନାନୁ ଏ କ୍ରୀସ୍ତା ମାହାପୁରୁ ମାର୍‌ଏଶାଟି, ଇ କାତା ନାମିମାଞ୍ଚି ।” ୨୮
 ଇ କାତା ଖେସାନା ମାର୍ତୀ ହାଜାନା ତାମି ତାଟ୍ଟି ମରିୟମଞ୍ଚି ଏଡ଼କା ହାଟାନା
 ଏଲେଇଡେ, “ଗୁରୁ ଖାଡେସିଏ ନିଟ୍ଟେ ପାରିମାଞ୍ଚାନେସି ।” ୨୯ ମରିୟମ
 ଇ କାତା ଖେଞ୍ଚୁନା ଦାପେ ନିଟ୍ଟୁନା ଏଞ୍ଜାଣି ତାଣା ହାଡେ । ୩୦ ଏଡିବେଲା
 ଜୀସୁ ନାୟୁଁ ବିତ୍ରା ଖାହାହିଲାଆଡେସି, ସାମା ମାର୍ତୀ ଏଞ୍ଜାଣାଞ୍ଚି ଏନିନି
 ଚାୟୁତା ବେଟାଆହାମାଡେ, ଏଡେପାଡେକା ଏ ଚାୟୁଡେଏ ମାଡେସି ।
 ୩୧ ଏନିନି ଜୀହୁଦିୟାଁ ଏଦାନିତଲେ ଏ ଇଲୁତା ଦୁକୁ ଡୁକ୍‌ହାମାଡେରି,
 ଏଞ୍ଜାସି ମରିୟମ ଦାପେ ନିଟ୍ଟୁନା ପାଞ୍ଚାତା ହାଟାଣି ମେସାନା, ଏଦି ମାହାଣି
 ମାଣ୍ଡାତା ଡାହାଲି ହାଜିମାନେ, ଇ କାତା ଅଣ୍ଡିପାମା ଏଦାନି ଜେଡ ଜେଡ
 ହାଡେରି । ୩୨ ଏମ୍ବାଟିଏ ଜୀସୁ ଏନିନି ଚାୟୁତା ମାଡେସି, ମରିୟମ ଏ
 ଚାୟୁତା ହାଜାନା ଏଞ୍ଜାଣାଞ୍ଚି ମେସାନା ଏଞ୍ଜାଣି କତାୟାଁ ଡୁକ୍ ରିହାନା
 ଏଲେଇଡେ, “ପ୍ରବୁ ନାନୁ ଇମ୍ବାଆଁ ମାଟିହିଁମା ନା ତାୟି ହାଆଡେସିମା

1" ୩୩ ଜୀବୁ ମରିୟମ ଅଡ଼େ ତାନିତଲେ ଖାହାମାନି ଜୀହୁଦି ଲକ୍ଷୁ ଡାହିମାନାଣି ମେସାନା ଜାଖୁଡା ହାରେକା ଦୁକୁ ଆହାନା ଖେରେସି, ୩୪ "ଏଖାଣାଇଁ ଆମ୍ବିୟା ଇଟାମାଖେରୁ?" ଏଖାରି ଏଲେଇରେରି, "ପ୍ରବୁ, ଖାହାନା ସିନିକିମୁ?" ୩୫ ଜୀବୁ ଡାରେସି । ୩୬ ଏରେଟିଏ ଜୀହୁଦି ଲକ୍ଷୁ ଏଲେଇଶ୍ଚି ଆଡେରି, "ଏଖାସି ଏଖାଣାଇଁ ଏରେକା ଜାଖୁ ନହଁମାରେସି ।" ୩୭ ସାମା ଏଖାରି ବିତ୍ରାଟି ଏରରଜାଣା ଏଲେଇରେରି, "ଇ ମାଣସି ଏ କାଣାଇଁ ମେସି କିହାମାରେସି, ଏଖାସି ଇଖାଣାଇଁ ହାକିଟି ଗେଲ୍‌ପାଲି ଆଡିଡେସିମା?" ୩୮ ଏମ୍ବାଟିଏ ଜୀବୁ ଦୁକୁ ଆହାନା ମାହଣି ମାଣ୍ଡା ତାଗେ ଖାରେସି; ଏଦି ର ପାଖୁ ମାରେ, ଇଞ୍ଚି ପାଖୁ ଦୁଖେରିତା ର କାଜା ଖାଲି ମାରେ । ୩୯ ଜୀବୁ ଏଲେଇରେସି, "ଇ ଖାଲି ଗୁଟି କିଦୁ ।" ହାତାଣି ତାଢ଼ି ମାଡ଼ା ଏଲେଇରେ, "ପ୍ରବୁ, ଏଖାସି ଗାନ୍ଧୁ ଆହାହାରେସିଏ, ଇତିହିଁ ହାହାନା ସାରି ଦିନା ଆଡେସିଏ ।" ୪୦ ଜୀବୁ ଏଦାନି ଏଲେଇରେସି, "ନାନୁ ନାମିଦି, ଆଡିହିଁ ମାହାପୁରୁଟି ଗାଖୁରମି ମେହୁଦି, ଇ କାତା ନାନୁ ନିଢ୍ଢେ ଖେସାମାଖୁଆଡେଏ?" ୪୧ ଅଡ଼େ ଏଖାରି ଖାଲି ଗୁଟି କିଡେରି । ଅଡ଼େ ଜୀବୁ ଲାକଖାକି ସିନିକିହାନା ଏଲେଇରେସି, "ଆବା ନା ପ୍ରାତାନା ଖେଟି ଇଞ୍ଚି ନାନୁ ନିଢ୍ଢେ ଜହରା କିହିମାଖୁଆଇଁ । ୪୨ ନାନୁ କାଲେଏ ନା ପ୍ରାତାନା ଖେଞ୍ଜିମାଞ୍ଜି, ଇ କାତା ନାନୁ ପୁଞ୍ଜିମାଞ୍ଜି; ସାମା ଏମିନି ଲକ୍ଷୁ ସାରିସୁଗୁ ନିଟାମାନେରି, ନାନୁ ନାଢ୍ଢେ ପାଣ୍ଡାମାଖୁଦି ଇଞ୍ଚି ଏଖାରି ଏନିକି ନାମିନେରି, ଏଦାଆଁତାକି ଏଖାରି ତାକି ନାନୁ ଏଲେଇରେଏ ।" ୪୩ ଏଖାସି ଏଲେଇଞ୍ଜିନା କାଜା ଗିୟିତଲେ ଏଲେଇରେସି, "ଲାଜର ପାଢ୍ଢାତା ହତା ଖାମୁ ।" ୪୪ ଦେବୁଣିଏ ଲାଜର ପାଢ୍ଢାତା ହତାଖାରେସି; ତାନି କେସ୍ତା କତାଣା ମାହଣି ମାଣ୍ଡାଟି ହିମ୍ବିରିକା ତଲେ ରୁପି ଆହାମାଗୁ, ଇଞ୍ଚି ତାନି ମୁମୁତା ଇଟାୟି ସାସକି ପିଡ଼ିଗିଆ ହାହାମାରେ । ଜୀବୁ ଏଖାଣାଇଁ ଏଲେଇରେସି, "ହିମ୍ବିରିକା ହୁକ୍‌ଦୁ ଏଖାସି ତାକାପେସି ।" ୪୫ ହାରେକା ଜୀହୁଦି ଲକ୍ଷୁ, ଇତିହିଁ ଆମ୍ବାଆରି ମରିୟମ ତାଣା ଖାହାମାରେରି ଅଡ଼େ ଜୀସୁଟି କାମା ମେସାମାରେରି, ଏଖାରି ଏଖାଣାଇଁ ନାମିଡେରି । ୪୬ ଅଡ଼େ ଏଖାରି ବିତ୍ରାଟି ଆମ୍ବା ଆମ୍ବାଆରି ପାରୁସିୟାଁ ତାଣା ହାଜାନା ଜୀବୁ ଏନା ଏନାଆଁ କିହାମାରେସି ଏ ବାରେ ଏଖାଣାଇଁ ଖେସୁେରି । ୪୭ ଇ କାତା ଖେଞ୍ଜିନା ପାରୁସିୟାଁ ଅଡ଼େ କାଜା ପୁଜେରାଢ୍ଢା କାଜା ବେରଣିମାଣ୍ଡାତା ଏଲେଇରେରି, "ମାର ଏନି କିନାୟି ଇ ମାଣସି ହାରେକା କାବାଆନି କାମାୟି କିହିମାନେସି । ୪୮ ମାର ଏଖାଣାଇଁ ଏଲେକିହିଁ ପିସୁହିଁ ବାରେ ଲକ୍ଷୁ ଏଖାଣି ତାଣା ନାମିନେରି, ଅଡ଼େ ରମିୟ ଲକ୍ଷୁ ଖାହାନା ଇ ଚାୟୁ କୁଡ଼ା ବାରେଟି ନାସା କିନେରି ।" ୪୯ ସାମା ଏଖାରି ବିତ୍ରାଟି ର କାଜା ପୁଜେରା, ଇତିହିଁ କୟାପା ଏ ବାସୀତି କାଜା ପୁଜେରା ଏଖାଣାଇଁ ଏଲେଇରେସି, "ମାରୁ ଏନାଆଁ ପୁଞ୍ଜିହଲଅଡେରି? ୫୦ ବାରେ କୁଡ଼ାତାରି ନାସା ଆନି କିହାଁ ବାରେ ଲକ୍ଷୁ ତାକି ରଅସି ହାନାୟି ମିଢ୍ଢେ ତାକି ନେହେଁ, ଇଦାଆଁ ମାରୁ ଅଶ୍ଚି ହଲଅଡେରି ।" ୫୧ ଏଖାସି ତାନିତାଣାଟି ଏଲେଇଞ୍ଜି ହିଲ୍ଲାଆଡେସି, ସାମା ଏଖାସି ଏ ବାସୀତି କାଜା ପୁଜେରା ମାତାକି ଇ

ଡାୟୁ ଆନି କାତା ତାନି ଗୁଟିଟି ହତାମାରେ, ଜୀବୁ ଏ କୁଡ଼ାଟି ଲକ୍ଷୁ ତାକି, ୫୨ ଅଡ଼େ ଖାର୍‌ଇ ଏ କୁଡ଼ା ତାକି ଆଏ, ସାମା ମାହାପୁରୁଟି ଇତାଲା ଆତାଲା ଆହାମାନି ମାର୍‌କାଣି ଜିକେଏ କୁଡ଼ି କିହାନା ରଣିଏ କିହାଲିତାକି ହାହାଲି ହାଜିମାନେସି, ଇଦାଆଁତାକି ଇ କାତା ଖେକ୍‌ହେସି । ୫୩ ଇଞ୍ଚି ଏ ଦିନାଟିଏ ଏଖାଣାଇଁ ପାୟାଲି ତାକି ପାରୁ ପାରିଡେରି । ୫୪ ଏଦାଆଁତାକି ଜୀବୁ ଜୀହୁଦି ଲକ୍ଷୁ ବିତ୍ରା ପାଢ୍ଢାଖେଢ୍ଢେ ରେଆଡେସି, ସାମା ଏଖାସି ଏ ଚାୟୁଟି ହତା ହାଜାନା ଲକ୍ଷୁ ହିଲ୍ଲାଆ ଚାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡ଼ାତା ହାରେସି, ଅଡ଼େ ସାୟୁୟାଁ ତଲେ ଏମ୍ବାଆଁ ଡ଼ୟିଡେସି । ୫୫ ଏଟିବେଲା ଜୀହୁଦି ଲକ୍ଷୁଟି ପିସିଆନି ପାରୁ ତାଗେ ମାରେ, ଅଡ଼େ ନାସକାଟି ହାରେକା ଲକ୍ଷୁ ଜାହାରାଇଁ ଅବହା କତାଲି ପିସିଆନି ପାରୁ ନକେଏ ଜିରୁସାଲମତା ହାଡେରି । ୫୬ ଏମ୍ବାଟିଏ ଏଖାରି ଜୀସୁଇଁ ପାରି ପାରିହିଁ ମାହାପୁରୁ ଇଲୁତା ନିଟାମାତାଟି ତାମୁ ତାମୁ ଏଲେଇଶ୍ଚି ଆଡେରି, "ମାରୁ ଏନାଆଁ ଅଶ୍ଚିପିମାଖେରି? ଏଖାସି କି ପାରୁତା ଖାସିଏ?" ୫୭ କାଜା ପୁଜେରାଢ୍ଢା ଅଡ଼େ ପାରୁସିୟାଁ ଏଖାଣାଇଁ ଆସାଲି ତାକି, ଏଖାସି ଏମ୍ବିୟା ମାନେସି, ଇ କାତା ଆମ୍ବାଆସି ପୁଞ୍ଜିମାନେସି, ଏ କାତା ଖେସାଲି ତାକି ହୁକୁମି ହାହାମାରେରି ।

୧୨ ଏମ୍ବାଟିଏ ଜୀବୁ ପିସିଆନି ପାରୁଟି ସଦିନା ନକେଏ ବେଦନିୟିତା ଖାରେସି; ଏମିନି ଲାଜରଇଁ ହାତାରି ତାଣାଟି ନିକ୍‌ହା ମାରେସି, ଏଖାସି ଏ ଚାୟୁତା ମାରେସି । ୧ ଏଦାଆଁତାକି ଏଖାରି ଏଖାଣାକି ଏ ଚାୟୁତା ଲାଆଁୟାଁ ର ବଜି କିଡେରି; ମାଡ଼ା ବାଟି କିହିମାରେ, ଅଡ଼େ ଆମିନି ଗାଟାରି ଏଖାଣିତଲେ ଡିଞ୍ଜିଲି କୁଗାମାରେରି, ଲାଜର ଏଖାରି ବିତ୍ରାଟି ରଅସି ମାରେସି । ୩ ଏଟିବେଲା ମରିୟମ ଆଦା ଗାନ୍ଧୁ ଗାନ୍ଧୁ ନିୟୁଁ ତାତାନା ଜୀବୁ କତାଣା ରୁବାନା ତାନି ତାୟୁଁ ବାଣାୟୁଁ ତଲେ ତାନି କଡ଼ାଣି ଜେଡେ, ଅଡ଼େ ବାରେ ଇଲୁତା ନିୟୁଁ ଗାନ୍ଧୁ ଆଡେ । ୪ ସାମା ତାନି ସାୟୁୟାଁ ବିତ୍ରାଟି ଇସ୍ପାରିୟତ ଜୀହୁଦା ଆମିନି ସାୟୁ ଜୀସୁଇଁ ସାୟୁୟାଁ କେୟୁତା ହେର୍‌ପାଲି ହାଜିମାରେସି, ଏଖାସି ଏଲେଇରେସି, ୫ "ଇ ନିୟୁଁ ତାନି ଖାଞ୍ଜୁ ଟାକାୟାଁ ତାକି ପାରୁଟି ଆହାନା ଏନାଆଁତାକି କାକୁଲି ଗାଟାରାକି ହାପୁକି ଆଆଡେ?" ୬ ଏଖାସି କାକୁଲି ଗାଟାରାକି ଅଶ୍ଚିପିମାରେସି ଇଞ୍ଚି ଏଲେଇରେସି, ଏଦି ଆଏ, ସାମା ଏଖାସି ର ସରୁ ଅଡ଼େ ଏଖାଣି ତାଣା ଟାକାୟାଁ ମଣା ମାତାକି, ଏମ୍ବାଆଁ ଏନା ଏନାଆଁ ଇବ୍‌କି ଆହିମାରେ, ଏଦାଆଁ ସରୁ କିହିମାରେସି । ୭ ସାମା ଜୀବୁ ଏଲେଇରେସି, "ଇଦାଆଁ ପିହୁ, ଏନିକି ନା ମାଡ଼ା ମୁହନି ଦିନାତାକି ଏଦି ଏଦାଆଁ ଇଟାଲି ଆଡିନେ । ୮ କାକୁଲି ଗାଟାରି ବାରେଦିନା ମା ତାଣା ମାନେରି, ସାମା ନାନୁ ବାରେବେଲା ମା ତଲେ ମାନଅଁ ।" ୯ ଏରେଟିଏ ହାରେକା ଜୀହୁଦି ଲକ୍ଷୁ ଏଖାସି ଏମ୍ବାଆଁ ମାନେସି ଇଞ୍ଚି ପୁଞ୍ଜିନା ଖାର୍‌ଇ ଜୀବୁ ତାକି ଆଏ, ସାମା ଏମିନି ଲାଜରଇଁ ଏଖାସି ହାକିଟି ନିକ୍‌ହା ମାରେସି, ଏଖାଣାଇଁ ମେସାଲି ଖାଡେରି । ୧୦ ସାମା ଲାଜରଇଁ ଜିକେଏ ପାୟାଲି କାଜା ପୁଜେରାଢ୍ଢା ପାରୁ ପାରିଡେରି, ୧୧ ଇତିହିଁ

ଏଞ୍ଜିଣ ତାକି ଜୀହୁଦିୟ୍ ବିତ୍ରାଟି ହାରେକା ହାଜାନା ଜୀସୁ ତାଣା ନାମି ମାରେରି । ୧୭ ତାନି ଅର ଦିନା ପାର୍ବୁତା ଖାହାମାନି ହାରେକା ଲକୁ ଜୀସୁ ଜିରୁସାଲମତା ଖାହାମାନେସି ଇଞ୍ଜି ଷେରେରି ୧୩ ଇଞ୍ଜି କାଜୁରି ମାଟାୟ୍ ଆସାନା ଜୀସୁଇଁ ବେଟାଆହାଲି ଖାତେରି ଅଡେ କାଜା ଗିୟ୍ତଲେ ଏଲେଇରେରି, “ହସାନା । ପ୍ରବୁତି ଦରୁତଲେ ଆମ୍ବାଆସି ଖାହାମାନେସି, ଏଞ୍ଜିସି ନେହେଁ; ଇସ୍ରାୟେଲତି ରାଜାଇଁ ମାହାପୁରୁ ବର ହାପାସି ।” ୧୪ ଜୀସୁ ର ଗାଡ୍‌ବେ ତାଲୁ ଲାକ କୁଗାନା ଖାହାମାନେସି, ଏନିକିଁ ରାସକି ଆହାମାନେ, ୧୫ “ଆକେ ସିୟନତି ମାସକା, ଆଜାଆତୁ ମେହଦୁ ମା ରାଜା ଖାହାମାନେସି, ଏଞ୍ଜିସି ଗାଡ୍‌ବେ ତାଲୁ ଲାକ କୁଗାନା ଖାହାମାନେସି ।” ୧୬ ଏଚିବେଲା ସାସୁୟ୍ ଏଦାନି କାତା ପୁଞ୍ଜାଲି ଆତାଆତେରି, ସାମା ଜୀସୁ ଗାଞ୍ଜୁରମିଟି ଷେଶ୍ଟେ ନିଞ୍ଜାଲିଏ ଏଞ୍ଜିରି ଅଶପୁତା ଖାତେ, ଇ ବାରେ କାତା ସାସ୍ତେରିତା ରାସକି ଆହାମାନେ, ଇଚିହିଁ ଏଲେକିହିଁଏ ଏଞ୍ଜିରି କାମା କିହାମାରେରି । ୧୭ ଜୀସୁ ହାତି ଲାଜରଇଁ ମାହୁଣି ମାଶ୍ଟାଟି ହାତାନା ନିକହାମାଟି ବେଲାତା ଏମିନିଗାଟାରି ଏଞ୍ଜିଣତଲେ ମାରେରି, ଏଞ୍ଜିରି ଇ ବାରେ କାତା ସାରିଖାକି ଷେକହା ମାରେରି । ୧୮ ଇଦାଆଁତାକି ଲକୁ ବାରେ ଏଞ୍ଜିଣାଇଁ ବେଟାଆହାଲି ହାଜାମାରେରି, ଅଡେ ଏଞ୍ଜିସି ଇ କାବାଆନି କାମା କିହାମାରେସି ଇଞ୍ଜି ଷେଷ୍ଟାମାରେରି । ୧୯ ଇଦାଆଁ ମେସାନା ପାରୁସିୟ୍ ତାନି ବିତ୍ରା କାତା ଆତେରି, “ମେସିମାଞ୍ଜେରି ମାରି ଏନାଆଁ କିହାଲି ଆତିହିଲଆସି; ଦାର୍ତତି ବାରେ ଲକୁ ଏଞ୍ଜିଣି ଜେଚ ହାଜିମାନେରି ।” ୨୦ ପାର୍ବୁ ବେଲାତା ପ୍ରାତାନା କିହାଲି ଜିରୁସାଲମତା ଖାହାମାନି ଲକୁ ବିତ୍ରା ଏଚେକା ଗ୍ରିକ ଲକୁ ମାରେରି । ୨୧ ଏଞ୍ଜିରି ଗାଲିଲିତି ବେଦ୍‌ସାୟିଦାତି ପିଲିପ ତାଣା ଖାହାମା ବାତିମାଲିହିଁ ଏଲେଇରେରି, “ବାବୁ, ମାମୁ ଜୀସୁଇଁ ମେସାଲି ଅଶପିମାନମି ।” ୨୨ ପିଲିପ ହାଜାନା ଆନ୍ନିୟଇଁ କାରୁ ହାତେସି ଅଡେ ରିଆରି ହାଜାନା ଜୀସୁଇଁ ଷେସ୍ତେରି । ୨୩ ଜୀସୁ ଏଞ୍ଜିରାଇଁ ଏଲେଇରେସି, “ମାଣସି ମାର୍‌ଏସି ଗାଞ୍ଜୁରମି ଆନି ବେଲା ଖାହାମାନେ । ୨୪ ନାନୁ ମିଢ୍ଫେ ସାତା ଷେସିମାଞ୍ଜାଇଁ ଗହଁ ପାଡେୟି ବୁମିତା ରିହାନା ହାନି ପାଚେକା ଏଦି ଗଣ୍ଡିଏ ପାଡେୟି ଆହାନା ଡୟିନେ, ସାମା ଏଦି ହାତିସାରେ ଏମ୍ବାଟି ହାରେକା ପାଡେୟିକା ଆନୁ । ୨୫ ଆମ୍ବାଆସି ଜାହାରା ଜୀସୁଟି ଜୀସୁ ନନେସି, ଏଞ୍ଜିସି ଏଦାଆଁ ହାରେଖି କିନେସି, ଆମ୍ବାଆସି ଜାହାରା ଜୀସୁଟି ଇ ଦାର୍ତତିତା ଅପଅସି, ଏଞ୍ଜିସି ଏଦାଆଁ କାଲାକାଲା ତାକି ଗେଲପିନେସି । (aiōnios g166) ୨୬ ଆମ୍ବାଆସି ନା ସେବା କାମାକିନାସି ଆନେସି, ଆତିହିଁ ଏଞ୍ଜିସି ନା ଜେଚ ଖାପେସି; ଅଡେ ନାନୁ ଆମ୍ବିୟ ଡୟିଇଁ, ନା ସେବା କାମାକିନାସି କିକେଏ ଏମ୍ବାଆଁ ଡୟିନେସି; ଆମ୍ବାଆସି ନା ସେବା କିନେସି, ଆତିହିଁ ଆବା ଏଞ୍ଜିଣାଇଁ ମାନି କିନେସି । ୨୭ ନାଏଁ ନା ଜୀସୁ କିଲିବିଲି ଆହିମାନେ, ଇଞ୍ଜି ନାନୁ ଏନାଆଁ ଇଞ୍ଜିଇଁ? ଆବା ଇ ଲାଗେଏ ତାଣାଟି ଗେଲ୍‌ପାମୁ, ସାମା ଏଦାଆଁତାକି ନାନୁ ଇ ଚାୟୁତା ଖାହାମାଇଁ । ୨୮ ଆବା ନୀ ଦରୁ ଗାଞ୍ଜୁରମି ଆପେ ।” ଏଚିବେଲାତା ହାଗୁ ଲାକଟି ଇ ହାତା ଆତେ ନାନୁ ଏଞ୍ଜିଣାଇଁ ଗାଞ୍ଜୁରମି

କିହାମାଇଁ ଅଡେ ଗାଞ୍ଜୁରମି କିଇଁ । ୨୯ ଇଞ୍ଜି ଏମ୍ବାଆଁ ଦାରି ନିତାମାଟି ଲକୁ ବାରେ ଇ ହାତା ଷେଷ୍ଟାନା ଏଲେଇରେରି, “ଇଦି ହାଗୁ ଗୁଣିହାମାନେ ।” ଅଡେ ଏଚ୍‌କାତାରି ଏଲେଇରେରି, “ଲାକପୁରୁତି ଦୁତୁ ଏଞ୍ଜିଣିତଲେ କାତା ଆହିମାନେ ।” ୩୦ ଜୀସୁ ଏଲେଇରେସି, “ଇ ହାତା ନାଢ୍ଫେତାକି ଆହା ହିଲେଏ, ସାମା ଇ ହାତା ମିଢ୍ଫେତାକି ଆହାମାନେ । ୩୧ ନାଏଁ ଇ ଦାର୍ତତି ବିଚାରା କିନି ଦିନା; ନାଏଁ ଇ ଦାର୍ତତି ସାଲଖି କିନାଲ ଡୁଇ ମେଦ୍‌ପିଆନୁ । ୩୨ ନାନୁ ଏଚିବେଲା ଦାର୍ତତି ଲାକପୁରୁ ଅଞ୍ଜିଆଇଁ, ଏଚିବେଲା ବାରେତି ନା ତାଣା ରେଜା ଅଇଁ ।” ୩୩ ଏଞ୍ଜିସି ଏନିକିଁ ହାହାଲି ହାଜିମାନେସି, ଏଞ୍ଜିସି ଇ କାତାତା ଏଲେଇରେସି । ୩୪ ଲକୁ ଏଞ୍ଜିଣାଇଁ ଏଲେଇରେରି, “ମସିହା କାଲେଏ ଡୟିନେସି ଇଞ୍ଜି ମାମୁ ମସାତି ମେରାତା ଷେଷ୍ଟାମାନମି, ଆତିହିଁ ମାଣସି ମାର୍‌ଏସି ଲାକ ପେଡ୍‌ଖି ଆନେସି ଇଞ୍ଜି ନାନୁ ଏନିକିଁ ଏଲେ ଇଞ୍ଜିମାଞ୍ଜି? ଏ ମାଣସି ମାର୍‌ଏସି ଆମ୍ବାଆସି?” (aiōn g165) ୩୫ ଜୀସୁ ଏଞ୍ଜିରାଇଁ ଏଲେଇରେସି, “ଅଡେ ଗାଡ୍‌କା ତାକି ଉଜେଡି ମା ତାଣା ମାନେ । ଆନେରି ମିଢ୍ଫେ ଏନିକିଁ ଗୁସ୍ତେଏ, ଏଦାଆଁତାକି ମା ତାଣା ଉଜେଡି ମାଞ୍ଜୁ ମାଞ୍ଜୁନା ତାକାଦୁ; ଆମ୍ବାଆସି ଆନେରିତା ତାକିନେସି, ଏଞ୍ଜିସି ଆମ୍ବିୟ ହାଜିମାନେସି ପୁଞ୍ଜାଲି ଆତଅସି । ୩୬ ମାରୁ ଏନିକିଁ ଉଜେଡିତି ମାର୍‌କା ମାସକା ଆଦେରି, ଏଦାଆଁତାକି ଉଜେଡି ମା ତାଣା ମାଞ୍ଜୁ ମାଞ୍ଜୁନା ଉଜେଡିତା ନାମାଦୁ ।” ଜୀସୁ ଇ ବାରେ କାତା ଷେସାନା ହାତେସି ଇଞ୍ଜି ଏଞ୍ଜିରି ତାଣାଟି ତୁଗାନା ଡୟିତେସି । ୩୭ ଏଞ୍ଜିରି ନକିତା ଏଚେକା କାବାଆନି କାମାୟ୍ କିହାମାରେସି, ଆତିକିକେଏ ଏଞ୍ଜିରି ଏଞ୍ଜିଣି ତାଣା ନାମା ହିଲଆତେରି, ୩୮ ଏନିକିଁ ମାହାପୁରୁ ଅଶପୁତି ବକୁ ହେହନି ଜିସାୟ ତାଣାଟି ରାଚାମାନି କାତା ପୁରା ଆନେ, “ପ୍ରବୁ ମା ହାତା ଷେଷ୍ଟାନା ଆମ୍ବାଆସି ନାମା ମାନେସି? ଆମ୍ବାଆରି ତାଣା ପ୍ରବୁ ତାନି ବାଡ୍‌ୟୁ ଡସାମାନେସି?” ୩୯ ଇଦାଆଁତାକି ଏଞ୍ଜିରି ନାମାଲି ଆତିହିଲଆତେରି, ଇଞ୍ଜି ଜିସାୟ ଏଲେଇଞ୍ଜିମାରେସି, ୪୦ ସାତେଏ ମାହାପୁରୁ ଏଞ୍ଜିରି କାଣ୍‌କା କାଣା କିହାମାନେସି । ଏଦାଆଁତାକି ଏଞ୍ଜିରି ହିୟ୍‌ତା ଏନାଆଁ ମେସାଲି ଆତଅସି, ଇଞ୍ଜି ହିୟ୍‌ତା ଏନାଆଁ ଡେଲହାଲି ଆତଅସି ମାହାପୁରୁ ଏଲେଇଞ୍ଜି ମାନେସି, “ନେହିଁ ଆହାଲିତାକି ଏଞ୍ଜିରି ନା ତାଣା ଷେଶ୍ଟା ଖାହିଲଅସି ।” ୪୧ ଜିସାୟ ଜୀସୁ କ୍ରୀସୁତି ଗାଞ୍ଜୁରମି ମେସ୍ତେସି ଏଦାଆଁତାକି ଏଞ୍ଜିସି ଏଞ୍ଜିଣି କାତା ଷେସ୍ତେସି । ୪୨ ଆତିକିକେଏ ଜୀହୁଦି ଲକୁଟି କାଜାରି ହାରେକା ଏଞ୍ଜିଣି ତାଣା ନାମିତେରି, ସାମା ଏଚେତା ଜୀହୁଦି କୁଲମିଟି ପେରହାନେରି ଇଞ୍ଜି ପାରୁସିୟ୍ ଆଜିତାକି ବାରେଜାଣା ଏ କାତାବାର୍ତା ଆହି ହିଲଆତେରି, ୪୩ ଇଚିହିଁ ଏଞ୍ଜିରି ମାହାପୁରୁ ତାଣାଟି ଗାଞ୍ଜୁରମି କିହିଁ ମାଣସିୟ୍ ତାଣାଟି ଗାଞ୍ଜୁରମି ଜୀସୁ ନିହାମାରେରି । ୪୪ ଜୀସୁ କାଜା ଗିୟ୍‌ତଲେ ଏଲେଇରେସି, “ଆମ୍ବାଆସି ନା ତାଣା ନାମିନେସି, ଏଞ୍ଜିସି ନା ତାଣା ନାମଅସି, ସାମା ନାଢ୍ଫେ ପାଶ୍ଟାତାଣାଇଁ ନାମିନେସି; ୪୫ ଆମ୍ବାଆସି ନାଢ୍ଫେ ମେସ୍ତାନେସି, ଏଞ୍ଜିସି ନାଢ୍ଫେ ପାଶ୍ଟାତାଣାଇଁ ମେହନେସି । ୪୬ ଆମ୍ବାଆସି ନା ତାଣା ନାମିନେସି,

ଏଖାସି ଏନିକି ଆନୋରିତା ବାସା କିଅସି, ଏଦାଆଁତାକି ନାନୁ ଦାର୍ତ୍ତିତା
 ରଜେଡି ଆହାନା ଖାହାମାଇଁ । ୪୭ ଆମ୍ବାଆସି ନା ବଲୁ ଖେଞ୍ଜାନା ମାନଓ
 ଆଅସି, ଆତିହିଁ ନାନୁ ଏଖାଣି ବିଚାରା କିଅଁ; ଇତିହିଁ ନାନୁ ଦାର୍ତ୍ତିତା
 ବିଚାରା କିହାଲି ଖାଆନା ଦାର୍ତ୍ତିତ ଗେଲପାଲି ଖାହାମାଇଁ । ୪୮ ଆମ୍ବାଆସି
 ନାଢ୍ଢେ ଅପଅସି ଅଡେ ନା ବଲୁଡି ଆବଅସି, ନାନୁ ଏମିନି ବଲୁ ଜଲମାଇଁ,
 ନା ଗୁଡିତି ବଲୁ ଡାୟୁଡି ଦିନତା ଏଖାଣି ବିଚାରା କିନେ; ୪୯ ଇତିହିଁ ନାନୁ
 ନା ଡାଣାଟି ଜଲ ହିଲଅଁ, ସାମା ନାନୁ ଏନାଆଁ ଜଲଇଁ ଅଡେ ଏନାଆଁ
 ଖେକଇଁ, ଏଦାଆଁ ନାଢ୍ଢେ ପାଣ୍ଡାମାଞ୍ଜାନି ଆବା ହୁକୁମି ହାହାମାଞ୍ଜାନେସି
 ୫୦ ଇଞ୍ଜି ନାନୁ ପୁଞ୍ଜାମାଇଁ ତାନି ହୁକୁମି କାଲାକାଲାତି ଜୀସୁ ହାନେ ।
 ନା ଆବା ନାଢ୍ଢେ ଏନାଆଁ ଜଲଲି ହୁକୁମି ହାହାମାଞ୍ଜାନେସି, ଖାର୍‌ଇ
 ଏଲେକିହିଁଏ ଖେହୁଇଁ ।” (aiōnios g166)

୧୩ ପିପିଆନି ପାର୍‌ ନକେଏ ଜୀସୁ ଇ ଦାର୍ତ୍ତିତି ଆବା ଡାଣା
 ହାନି କାଦୁ ଆହାଲିଏ, ଦାର୍ତ୍ତିତା ମାନି ତାନି ଲକୁଣି ଏଖାସି
 ଜୀସୁ ନହିଁମାରେସି, ଏଖାରାଇଁ ହାରେକା ଜୀସୁ ନନାଣି ଡିସାମାରେସି
 । ୧ ଜୀସୁ ତାନି ସୀସୁୟାଁ ତଲେ ଲାଆଁୟାଁ ତିନି ବେଲାତା ସୟତାନ
 ସିମନ ମୀରୁଏସି ଇସ୍‌ପାରିୟତ ଜୀହୁଦା ହିୟାଁତା ଜୀସୁଇଁ ସାଦୁ କେୟୁତା
 ହେରପାଲି ଅଣ୍ଡି କିହାମାରେ । ୩ ଏଡିବେଲା ଆବା ତାନି କେୟୁତା
 ବାରେ ହେରପା ମାନେସି ଅଡେ ଏଖାସି ମାହାପୁରୁ ଡାଣାଟି ଖାହାମାନେସି,
 ଅଡେ ମାହାପୁରୁ ଡାଣା ହାକିମାନେସି, ୪ ଇଦାଆଁ ପୁଞ୍ଜାନା ରାନୁ ତିନି
 ଡାଣାଟି ନିଢ୍ଢାନା, ତାନି ହିମ୍ପରି ଇଡିତେସି ଇଞ୍ଜି ର ଦୁଖାଲା ତାନି
 ଟେଡେଲିତା ରୂପା କଡିତେସି । ୫ ଡାୟୁ ଏଖାସି ମୁତାତା ଏୟୁ କଡିତେସି,
 ଅଡେ ସୀସୁୟାଁ କିତାୟାଁ ନରହାନା ତାନି ଟେଡେଲିତା ମାନି ଦୁଖାଲା
 ତଲେ ଜେଜାଲି ମାଟ୍‌ହେସି । ୬ ଏଡିବେଲା ଜୀସୁ ସିମନ ପିତର ଦାରିତା
 ଖାଡେସି; ଏଖାସି ଏଖାଣାଇଁ ଏଲେଇତେସି, “ପ୍ରଭୁ ନାନୁ ନା କତାୟାଁ
 ନରହି ମାଞ୍ଜାଦି?” ୭ ଜୀସୁ ଏଖାଣାଇଁ ଏଲେଇତେସି, “ନାନୁ ଏନାଆଁ
 କିହିମାଇଁ ନାନୁ ନୀଏ ଏଦାଆଁ ପୁଞ୍ଜାଲି ଆଡଅଡି, ଡାୟୁ ପୁଞ୍ଜା ।” ୮ ପିତର
 ଏଲେଇତେସି, “ଆଏ, ନା କତାୟାଁ ଏବେଲାଖା ନରହଅଡି ।” ସାମା
 ଜୀସୁ ଏଲେଇତେସି, “ନାନୁ ନୀ କତାୟାଁ ନରହଅଡିହିଁ ନାନୁ ଅଡେ ନା
 ସୀସୁ ଆୟାଲି ଆଡଅଡି ।” (aiōn g165) ୯ ସିମନ ପିତର ଏଲେଇତେସି,
 “ପ୍ରଭୁ ଆତିହିଁ କତାୟାଁ ଏନାଆଁକି, ନା କେସ୍‌ଆ ଅଡେ ଡାୟୁ ଜିକେଏ
 ନରହାମୁ ।” ୧୦ ଜୀସୁ ଏଖାଣାଇଁ ଏଲେଇତେସି, “ଆମ୍ବାଆସି ଏୟୁ
 ମାହାମାନେସି, ଏଖାଣି କତାୟାଁ ନରନି କିହାଁ ଏନାୟି ଲଡ଼ା ହିଲେଏ, ମୀରୁ
 ଅଡ଼ି ଆହାମାଞ୍ଜେରି; ସାମା ବାରେଜାଣା ଆଏ ।” ୧୧ ଇତିହିଁ ଆମ୍ବାଆସି
 ଏଖାଣାଇଁ ସାଦୁୟାଁ କେୟୁତା ହେରପିନେସି ଜୀସୁ ତଲିଏ ଏଖାଣାଇଁ
 ପୁଞ୍ଜାମାରେସି; ଏଦାଆଁତାକି ଏଖାସି ଏଲେଇତେସି, “ମୀରୁ ବାରେଜାଣା
 ଅଡ଼ି ଆହାହାଲିଅରି ।” ୧୨ ଡାୟୁ ଜୀସୁ ଏଖାଣି କତାୟାଁ ନରହାନା
 ତାନି ହିମ୍ପରି ପରହାନା ଖେଣ୍ଡେ ତିଞ୍ଜାଲି କୁଗିତେସି ଇଞ୍ଜି ଖେତେସି, “ନାନୁ
 ମିଢ୍ଢେ ତାକି ଏନାଆଁ କିହାମାଇଁ ମୀରୁ ପୁଞ୍ଜାଲି ଆଡିତେରି କି? ୧୩ ମୀରୁ

ନାଢ୍ଢେ ଗୁରୁ ଇଞ୍ଜି ହାଟିମାଞ୍ଜାଦେରି, ଏଡି ସାତା; ଇତିହିଁ ନାନୁ ଏଖାଡେଏଁ ।
 ୧୪ ମୀ ଗୁରୁ ଅଡେ ପ୍ରଭୁଡେଏଁ ନାନୁ, ନାନୁ ମୀ କତାୟାଁ ନରହାମାଞ୍ଜାଇଁ
 ଆତିହିଁ ମୀରୁ ଜିକେଏ ରଅଡେରି ରଅଣି କତାୟାଁ ନରନାୟି ମାନେ । ୧୫
 ଇତିହିଁ ନାନୁ ମିଢ୍ଢେତାକି ଏନିକି କିହାମାଇଁ ମୀରୁ ଜିକେଏ ଏଲେକିହିଁ
 କିଦୁ ଇଦାଆଁତାକି ଇଦାଆଁ ଡିସାମାଞ୍ଜାଇଁ । ୧୬ ସାତା ସାତା ନାନୁ ମିଢ୍ଢେ
 ଖେସିମାଞ୍ଜାଇଁ, ହଲେଏସି ତାନି ସାସୁକାରି କିହାଁ କାଜାସି ଆଏ, ଅଡେ
 ପାଣ୍ଡି ଆତାସି ତାନି ପାଣ୍ଡିତାଣା କିହାଁ କାଜାସି ଆଏ । ୧୭ ମୀରୁ ଇ
 ବାରେ ପୁଞ୍ଜାନା ଏଲେକି କିଦେରି ଇତିହିଁ ମୀରୁ ନେହାଁତେରି ।” ୧୮
 “ନାନୁ ମୀ କାତା ଖେସିହିଲଅଁ; ଏନିଲେହେଟି ଲକୁଣି ନାନୁ ଆଡାମାଇଁ,
 ଏ କାତା ନାନୁ ପୁଞ୍ଜାମାଇଁ; ସାମା ଦାମ୍‌ ପଡିତି ଇ ବଲୁ ଏନିକି ପୁରା
 ଆନେ, ଇଦାଆଁତାକି ଇ ବାରେ ଆହିମାନେ, ‘ଆମ୍ବାଆସି ନା କାଦି ତିନେସି
 ଏଖାସି ନା କପାଟି ନିଢ୍ଢେତେସି ।’ ୧୯ ଏଡି ଗଡ଼ି ଆନାଟି ନାନୁ ଏଖାଡେଏଁ
 ଇଞ୍ଜି ମୀରୁ ନାମିଦେରି, ଏଦାଆଁତାକି ଗଡ଼ି ଆନି ନକେଏ ନାନୁ ମିଢ୍ଢେ
 ଖେସିମାଞ୍ଜାଇଁ । ୨୦ ସାତା ସାତା ନାନୁ ମିଢ୍ଢେ ଖେସିମାଞ୍ଜାଇଁ, ଆମ୍ବାଆସି ନା
 ଡାଣାଟି ପାଣ୍ଡି ଆତାଣାଇଁ ଆବିନେସି, ଏଖାସି ନାଢ୍ଢେ ଆବାନେସି, ଅଡେ
 ଆମ୍ବାଆସି ନାଢ୍ଢେ ଆବାନେସି ଏଖାସି ନାଢ୍ଢେ ପାଣ୍ଡିତାଣାଇଁ ଆବିନେସି ।”
 ୨୧ ଜୀସୁ ଇ ବାରେ କାତା ଖେସି ଡାୟୁ ଜୀସୁତା ହାରେକା ଦୁକୁ ଆହାନା
 ବାରେଡି ନକିତା ଖେକହେସି, “ନାନୁ ମିଢ୍ଢେ ସାତା ଖେସିମାଞ୍ଜାଇଁ ମୀ
 ବିତ୍ରାଟି ରଅସି ନାଢ୍ଢେ ସାଦୁୟାଁ କେୟୁତା ହେରପାନେସି ।” ୨୨ ଏଖାସି
 ଆମ୍ବାଆସି କାତା ଏଲେଇତେସି, ପୁନାଆନା କାବାଆହାନା ସୀସୁୟାଁ
 ଡାମୁ ଡାମୁ ସିନକିଓ ଆଡେରି । ୨୩ ଏଖାସି ବିତ୍ରାଟି ଏମିନି ସୀସୁଇଁ
 ଜୀସୁ ହାରେକା ଜୀସୁ ନହିଁମାରେସି, ଏଖାସି ଜୀସୁଟି ଟିଠନିଖାକି କୁଗାନା
 ତିଞ୍ଜାମାରେସି । ୨୪ ସିମନ ପିତର ଏଖାଣାଇଁ କେୟୁତଲେ ଏଲେଇତେସି,
 “ଏଖାସି ଆମ୍ବାଆସି କାତା ଏଲେଇଞ୍ଜି ମାନେସି, ଏଦାଆଁ ଖେଞ୍ଜା ।” ୨୫ ଏ
 ସୀସୁ ଅଡେ ତାଣେ ଆହାନା ଜୀସୁଇଁ ଖେତେସି, “ଏଖାସି ଆମ୍ବାଆସି ପ୍ରଭୁ
 ।” ୨୬ ଜୀସୁ ଏଲେଇତେସି, “ଇ ରୁଡି ଗିନାତା କୁଡି କିହାନା ହାଇଁ ଏଖାସି
 ।” ଏଲେଇଞ୍ଜାନା ଜୀସୁ ରୁଡି ଗିନାତା କୁଡି କିହାନା ସିମନ ମୀରୁଏସି
 ଇସ୍‌ପାରିୟତ ଜୀହୁଦାକି ହାତେସି । ୨୭ ରୁଡି ରୀସାଲିଏ ସୟତାନା
 ଏଖାଣି ହିୟାଁତା ହଡେ ଏଡେଟିଏ ଜୀସୁ ଏଲେଇତେସି, “ଏନାଆଁ
 କିନାୟିମାନେ ତବେ କିମୁ ।” ୨୮ ଜୀସୁ ଏଖାଣାଇଁ ଇ କାତା ଏନାଆଁତାକି
 ଏଲେଇତେସି ଏବକାତାରି ଆମ୍ବାଆସି ପୁଞ୍ଜାଲି ଆତାଆଡେରି । ୨୯
 ଜୀହୁଦା କେୟୁତା ଡାକାୟାଁ ମଣା ମାତାକି, ପାର୍‌ତାକି ଏନା ଏନାଆଁ
 ଲଡ଼ାମାନେ, ଏଦାଆଁ କତାଲି ଆଆଟି କାକୁଲି ଗାଟାରାକି ହାହାଲିତାକି
 ଜୀସୁ ଏଖାଣାଇଁ ଏଲେଇତେସି ଇଞ୍ଜି ଆମ୍ବା ଆମ୍ବାଆସି ଅଣ୍ଡିତେରି । ୩୦
 ରୁଡି ତିଞ୍ଜାନା ଜୀହୁଦା ଏ ବେରୁଣିଏ ପାଞ୍ଜାତା ହାତେସି, ଏଡେତା ଲାଆଁୟାଁ
 ଆହାମାରେ । ୩୧ ଜୀହୁଦା ପାଞ୍ଜାତା ହାକାଲିଏ ଜୀସୁ ଏଲେଇତେସି,
 “ନୀଏ ମାଣ୍ଡି ମୀରୁଏସି ଗାସୁରମି ଆନି ବେଲା ଖାହାମାନେ; ଅଡେ
 ତାନିଡାଣାଟି ମାହାପୁରୁ ଗାସୁରମି ଆନେସି । ୩୨ ମାହାପୁରୁ ମାଣ୍ଡି

ମାର୍ବଣା ଚାଣାଟି ଗାଝୁରମି ଆଡିହିଁ, ମାହାପୁରୁ ତାନୁଏ ଗାଝୁରମିଟି ମାଣସି ମାର୍ବଣାଣି ଗାଝୁରମି କିନେସି । ତବେ ଏଝାଣାଣି ଗାଝୁରମି କିହାଲି ହାଜିମାନେସି । ୩୩ କକାତେରି ନାନୁ ଅଡେ ଗାଡି ଦିନା ଡୟଅଁ, ମାରୁ ନାଟ୍ଟେ ପାରାଦେରି, ସାମା ନାନୁ ଆମ୍ବିୟା ହାଜିମାଣି ମାରୁ ଏମ୍ବିଆଁ ହାଜିଲି ଆଡଅତେରି, ଇ କାତା ଜାହୁଦି ଲୁକୁଡି କାଜାରାଇଁ ଏଲେଇଞ୍ଜା ମାତେଏଁ ଏଲେକିହିଁ ମିଟ୍ଟେ ଜିକେଏ ଖେସିମାଞ୍ଜାଇଁ । ୩୪ ମାରୁ ରଅତେରି ରଅଣାଇଁ ଜାଝୁନଦୁ, ଇ ପୁଝନି ମେରା ମିଟ୍ଟେ ହାହିମାଞ୍ଜାଇଁ; ନାନୁ ଏନିକିଁ ମିଟ୍ଟେ ଜାଝୁନହାଁମାଞ୍ଜାଇଁ, ମାରୁ ଜିକେଏ ଏଲେକିହିଁଏ ରଅତେରି ରଅଣାଇଁ ଜାଝୁନଦୁ । ୩୫ ମା ଚାଣା ରଅସି ରଅଣାଇଁ ଜାଝୁନନାୟି ମାନେ, ଆଡିହିଁ ମାରୁ ନା ସାୟୁୟିତେରି, ଇ କାତା ବାରେଜାଣା ପୁନେସି । ୩୬ ସିମନ ପିତର ଏଝାଣାଣି ଖେତେସି, “ପ୍ରବୁ ନାନୁ ଆମ୍ବିୟା ହାଜିମାଞ୍ଜି?” ଜାସୁ ଏଲେଇତେସି, “ନାନୁ ଆମ୍ବିୟା ହାଜିମାଣି, ନାନୁ ନାଏଁ ନା ଜେଚ ଜେଚ ହାଜିଲି ଆଡଅଡି, ସାମା ଡାୟୁ ହାଜି ।” ୩୭ ପିତର ଏଝାଣାଣି ଏଲେଇତେସି, “ପ୍ରବୁ ନାଏଁ ନାନୁ ଏନାଆଁକି ହାଜିଲି ଆଡଅଅଁ? ନାନୁ ନା ତାକି ନା ଜାଝୁ ଜିକେଏ ହାଇଁ ।” ୩୮ ଜାସୁ ଏଲେଇତେସି, “ଏନାଆଁ ନାନୁ ନା ତାକି ନା ଜାଝୁ ହାସି? ନାନୁ ମିଟ୍ଟେ ସାତା ଖେସିମାଞ୍ଜାଇଁ, କୟୁ କେଣଅ ନକେଏ ନାନୁ ନାଟ୍ଟେ ତାନିପାଲି ପୁଞ୍ଜିହିଲଅଁ ଇଞ୍ଜି ଇଞ୍ଜାଦି ।”

୧୪ “ମା ହିୟାଁ ଆତାଜାକା ଆଆପେ; ମାରୁ ମାହାପୁରୁ ଚାଣା ନାମାଦୁ, ଅଡେ ନା ଚାଣା ଜିକେଏ ନାମାଦୁ । ୨ ନା ଆବାତି ଇଜ ହାରେକା ବାସାଚାୟୁ ମାନେ; ବାସାଚାୟୁ ହିଲଆଡିହିଁମା ନାନୁ ମିଟ୍ଟେ ଖେସ୍ତାଆତେଏଁମା, ନାନୁ ମିଟ୍ଟେତାକି ଚାୟୁ ତିୟାରା କିହାଲି ହାଜିମାଣି; ୩ ଅଡେ ନାନୁ ହାଜାନା ମିଟ୍ଟେତାକି ଚାୟୁ କେପିଡି ଚାୟୁ ଖେଣ୍ଟେ ଖାଇଁ, ଅଡେ ନାନୁ ଆମ୍ବିୟା ମାଣି, ମାରୁ ଜିକେଏ ଏନିକିଁଏ ଚାୟୁତା ଡୟିଦେରି, ଏଦାଆଁତାକି ମିଟ୍ଟେ ଏ ଚାୟୁତା ଅହିଁ ହାଜାଇଁ । ୪ ନାନୁ ଆମ୍ବିୟା ହାଜିମାଣି ଏ ଜିରୁ ପୁଞ୍ଜାମାଞ୍ଜେରି ।” ୫ ତମା ଏଲେଇତେସି, “ପ୍ରବୁ, ନାନୁ ଆମ୍ବିୟା ହାଜିମାଞ୍ଜି, ମାମୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁଡି ଏନିକିଁ ପୁନମି?” ୬ ଜାସୁ ଏଲେଇତେସି, “ନାନୁ ଜିରୁ, ସାତା ଅଡେ ଜାଝୁତେଏଁ; ନା ଚାଣାଟି ଚାକାଆସାରେ ଆମ୍ବିଆସି ଆବା ଚାଣା ହାଜାଲି ଆଡଅସି । ୭ ମାରୁ ନାଟ୍ଟେ ପୁଞ୍ଜାଡିହିଁମା, ନା ଆବାଇଁ ଜିକେଏ ପୁତେରିମା; ନାଏଁ ଜିକେଏ ଏଝାଣାଣି ପୁଞ୍ଜାମାଞ୍ଜେରି ଅଡେ ଏଝାଣାଣି ମେସାମାଞ୍ଜେରି ।” ୮ ପିଲିପ ଏଝାଣାଣି ଏଲେଇତେସି, “ପ୍ରବୁ, ମାଟ୍ଟେ ଆବାଇଁ ତସ୍ତାମୁ, ଏତେକେଏ ମାଟ୍ଟେତାକି ସାରି ।” ୯ ଜାସୁ ଏଲେଇତେସି, “ପିଲିପ ଇଚର ଦିନା ନାନୁ ମା ତଲେ ଡୟାମାଣି, ମାରୁ ଏନାଆଁ ନାଟ୍ଟେ ପୁଞ୍ଜାଆତେରି? ଆମ୍ବିଆସି ନାଟ୍ଟେ ମେସାମାଞ୍ଜେରିଏ ଏଝାସି ଆବାଇଁ ମେସାମାନେସି; ମାଟ୍ଟେ ଆବାଇଁ ତସ୍ତାମୁ ଇଞ୍ଜି ଏନିକିଁ ଏଲେ ଇଞ୍ଜାମାଞ୍ଜି? ୧୦ ନାନୁ ଆବା ଚାଣା ଅଡେ ଆବା ନା ଚାଣା ମାନେସି, ଇ କାତା ଏନାଆଁ ମାରୁ ନାନିହିଲଅତେରି? ନାନୁ ମିଟ୍ଟେ ଏମିନି କାତା ଖେସିମାଞ୍ଜାଇଁ, ଏ ବାରେ ନା ଚାଣାଟି ଖେସିମାଞ୍ଜାଇଁ, ସାମା ଆବା ନା ଚାଣା ମାଞ୍ଜାନା ତାନି କାମା କିହିମାନେସି । ୧୧ ନାନୁ ଆବା

ଚାଣା ମାଣି ଅଡେ ଆବା ନା ଚାଣା ମାନେସି ଇ କାତା ନାମାଦୁ, ଆଆଡି କାମାଟି ମେସାମା ନାମାଦୁ । ୧୨ ନାନୁ ମିଟ୍ଟେ ସାତା ଖେସିମାଞ୍ଜାଇଁ, ଆମ୍ବିଆସି ନା ଚାଣା ନାନିନେସି, ନାନୁ ଏନି ଏନି କାମା କିହିମାଣି, ଏଝାସି ଜିକେଏ ଏ ବାରେ କିନେସି, ଅଡେ ଏ ବାରେକିହିଁ ହାରେକା କାଜା କାମା କିନେସି, ଇଡିହିଁ ନାନୁ ଆବା ଚାଣା ହାଜିମାଣି । ୧୩ ଆବା ଏନିକିଁ ମାର୍ବଣା ଚାଣା ଗାଝୁରମି ଆନେସି, ଏଦାଆଁତାକି ମାରୁ ନା ଡରୁଡି ଏନାଆଁ ରାହଦେରି, ଏ ବାରେ ନାନୁ ହିୟାଇଁ । ୧୪ ମାରୁ ନା ଡରୁଡି ଏନାଆଁ ନାଟ୍ଟେ ରାସ୍ତାଦେରି, ନାନୁ ମିଟ୍ଟେ ଏ ବାରେ ହିୟାଇଁ ।” ୧୫ “ମାରୁ ନାଟ୍ଟେ ଜାଝୁନହିଁ ମାଞ୍ଜାଦେରି, ଆଡିହିଁ ନା ହୁକୁମି ମାନଞ୍ଜି ଆଦୁ । ୧୬ ଅଡେ ନାନୁ ନା ଆବାଇଁ ବାଡିମାଲିଇଁ, ଅଡେ ମା ତଲେ କାଲେଏ ଡୟାଲି ତାକି ଏଝାସି ମିଟ୍ଟେ ଅଡେ ର ସାୟେମି କିନାଣାଇଁ, (aiōn g165) ୧୭ ଇଡିହିଁ ଏ ସାତା ଜାଝୁଡି ହିୟାନେସି । ଦାର୍ଡି ଏଦାଣି ଆବାଲି ଆଡେଏ, ଇଡିହିଁ ଦାର୍ଡି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମାରୁ ଏଦାଣି ପୁଞ୍ଜାମାଞ୍ଜେରି, ଇଡିହିଁ ଏଦି ମା ତଲେ ମାନେ, ଅଡେ ଏଦି ମା ହିୟାତା ଡୟିନେ ।” ୧୮ “ନାନୁ ମିଟ୍ଟେ କାର୍ମା କିହା ହାଜିଅଁ, ନାନୁ ମା ଚାଣା ଖେଣ୍ଟା ଖାଇଁ । ୧୯ ଗାଡେକା ଜେଚ ଦାର୍ଡି ଅଡେ ନାଟ୍ଟେ ମେସାଲି ଆଡେଏ; ସାମା ମାରୁ ନାଟ୍ଟେ ମେସାଦେରି, ଇଡିହିଁ ନାନୁ ନାତାମାଣି, ଅଡେ ମାରୁ ଜିକେଏ ନାତାନା ଡୟିଦେରି । ୨୦ ନାନୁ ନା ଆବା ଚାଣା ଅଡେ ମାରୁ ନା ଚାଣା ଅଡେ ନାନୁ ମା ଚାଣା ଡୟିଇଁ, ଇଦାଆଁ ଏ ଦିନା ମାରୁ ପୁଞ୍ଜେରି ।” ୨୧ “ଆମ୍ବିଆସି ନା ହୁକୁମି ଆବାହାଁ ମାନଞ୍ଜି ଆନେସି, ଏଝାସି ନାଟ୍ଟେ ଜାଝୁ ନୟିନେସି, ଅଡେ ଆମ୍ବିଆସି ନାଟ୍ଟେ ଜାଝୁ ନୟିନେସି, ନା ଆବା ଏଝାଣାଣି ଜାଝୁ ନନେସି, ଅଡେ ନାନୁ ଏଝାଣାଣି ଜାଝୁ ନଇଁ ଅଡେ ଏଝାଣି ଚାଣା ଡୟାକଡିଇଁ ।” ୨୨ ଜାହୁଦା ଏଝାଣାଣି ଏଲେଇତେସି, “ଏ ପ୍ରବୁ, ଏନାଆଁ ଆଡେ, ନାନୁ ଦାର୍ଡିତା ନିଟ୍ଟେ ଡୟା କଡାଆନା ମା ଚାଣା ଡୟିମାଞ୍ଜାଦି?” ୨୩ ଜାସୁ ଏଝାଣାଣି ଏଲେଇତେସି, “ଆମ୍ବିଆସି ନାଟ୍ଟେ ଜାଝୁ ନୟିନେସି ଆଡିହିଁ ଏଝାସି ନା ବଲୁଡି ମାନଞ୍ଜି ଆନେସି, ଅଡେ ନା ଆବା ଏଝାଣାଣି ଜାଝୁ ନନେସି, ଅଡେ ନାନୁ ଏଝାଣି ଚାଣା ଖାହାନା ଏଝାଣିତଲେ ବାସା କିଇଁ । ୨୪ ଆମ୍ବିଆସି ନାଟ୍ଟେ ଜାଝୁ ନୟିଅସି, ଏଝାସି ନା ବଲୁଡି ମାନଞ୍ଜି ଆସି, ଅଡେ ମାରୁ ଏମିନି ବଲୁ ଖେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଟ୍ଟେ ପାଣ୍ଡାମାଞ୍ଜାନି ଆବା ମାହାପୁରୁଖାୟି ।” ୨୫ “ନାନୁ ମା ଚାଣା ମାଞ୍ଜା ମାଞ୍ଜାନା ମିଟ୍ଟେ ଇ କାତା ଖେସ୍ତାତେଏଁ । ୨୬ ସାମା ଏ ସାୟେମି କିନାୟି, ଇଡିହିଁ ଏମିନି ସୁରୁଜାଝୁ ଆବା ନା ଡରୁଡି ହିୟାନେସି, ଏଦି ମିଟ୍ଟେ ବାରେ କାପହାନେ, ଅଡେ ନାନୁ ମିଟ୍ଟେ ଏନା ଏନାଆଁ ଖେସାମାଞ୍ଜାଇଁ, ଏ ବାରେ ମିଟ୍ଟେ ଅଣସି କିୟାନେ ।” ୨୭ “ନାନୁ ମିଟ୍ଟେ ହିଡଡି ହାହାନା ହାଜିମାଣି, ନା ହିଡଡି ମିଟ୍ଟେ ଦାନା କିହିମାଞ୍ଜାଇଁ, ଦାର୍ଡି ଏନିକିଁ ଦାନା କିନେ ନାନୁ ମିଟ୍ଟେ ଏଲେକିଁ ଦାନା କିହିହିଲଅଁ, ମା ହିୟାଁ କିଲିବିଲି ଅଡେ ଆଜି ଗାଚାୟି ଆଆପେ । ୨୮ ନାନୁ ହାଜିମାଣି ଅଡେ ମା ଚାଣା ଖେଣ୍ଟା ଖାଇଁ, ଇ ନା କାତା ଖେଞ୍ଜାମାଞ୍ଜେରି । ମାରୁ

ନାଟ୍ରେ ଜୀଞ୍ଜୁ ନୟାତିହିଁମା, ନାନୁ ନା ଆବା ତାଣା ହାଜିମାଲ୍ ଇଚ୍ଛୁ ରାହାଁ କିତେରିମା, ଇତିହିଁ ଆବା ନା କିହାଁ କାଜାସି । ୨୯ ଏନାୟି ବାରେ ଗଟ୍ଠି ଆନାୟି ମାନେ, ଏ ନକେଏ ନାନୁ ମିଟ୍ରେ ଖେସ୍ତାତେଏ । ଏ ବାରେ ଗଟ୍ଠି ଆତିସାରେ ମୀରୁ ନାଟ୍ରେ ନାମାଦେରି । ୩୦ ନାନୁ ମୀ ତଲେ ହାରେକା କାତା ଆୟଅଁ, ଇତିହିଁ ଦାର୍ତତି ସାଲ୍ଠି କିନାୟି ଖାହିମାନେ; ଅଡେ ନା ତାଣା ତାନିଖାୟି ଏନାୟି ହିଲେଏ; ୩୧ ସାମା ଆବା ନାଟ୍ରେ ଏନିକିଁ ହୁକୁମି ହାହାମାଞ୍ଜାନେସି, ଏଲେକିହିଁ ନାନୁ କାମା କିଇଁ । ଆତିହିଁ ନାନୁ ଆବାଇଁ ଜୀଞ୍ଜୁ ନହିଁମାଲ୍ ଇଚ୍ଛୁ ଦାର୍ତ ପୁନେ । "ଖାତୁ ମାର, ଇମ୍ଫାଟି ହାନ ।"

୧୫ "ନାନୁ ସାତା ଅଟ୍ଟୁରି ମାଡ଼ା, ଅଡେ ନା ଆବା କାମାକିନାସି । ୨ ନା ତାଣା ମାନି ଏନିନି କମା ପାଡେୟି ଆୟେଏ, ଏଦାନି ଏଖାସି ଗୁଣ୍ଡାତୁହନେସି; ଅଡେ ଏନିନି କମା ପାଡେୟି ଆୟିନେ, ଗାତି ପାଡେୟି ଆୟାଲି ତାକି ଜାଡନୁ କିନେସି । ୩ ନାନୁ ମିଟ୍ରେ ଏନିନି ବଲୁ ଖେସାମାଞ୍ଜାଇଁ, ଏଦାଆଁତାକି ଜାଡନୁ ଆହାମାଞ୍ଜେରି । ୪ ନା ତାଣା ଡୟାଦୁ ଆତିହିଁ ନାନୁ ମୀ ତାଣା ଡୟିଇଁ । କମା ଏନିକିଁ ଅଟ୍ଟୁରି ମାଡ଼ାତା ଡୟାଆସାରେ ତାନିତାଣାଟି ପାଡେୟି ଆୟାଲି ଆଡେଏ, ଏଲେକିହିଁଏ ମୀରୁ ଜିକେଏ ନା ତାଣା ଡୟାଆସାରେ ପାଡେୟି ଆୟାଲି ଆଡଅଡେରି ।" ୫ "ନାନୁ ଅଟ୍ଟୁରି ମାଡ଼ା ମୀରୁ କମାୟଁ, ଆମ୍ଫାଆସି ନା ତାଣା ଡୟିନେସି ଅଡେ ନାନୁ ଆମ୍ଫାଆସି ତାଣା ଡୟିଇଁ, ଏଖାସି ହାରେକା ପାଡେୟି ଆୟିନେସି; ଇତିହିଁ ନା ପିସପେ ମୀରୁ ଏନାଆଁ କିହାଲି ଆଡଅଡେରି । ୬ ଆମ୍ଫାଆସି ନା ତାଣା ଡୟଅସି, ଆତିହିଁ ଏଖାସି କମା ଲେହିଁ ପାଟ୍ଟାତା ମେଡ୍ଫି ଆନେସି ଅଡେ ଖାୟା ହାନେସି, ଇଚ୍ଛୁ ଲକୁ ଏଖାଆଁ କୃତି କିହାନା ହିରୁତା ମେଡ୍ଫେନେରି ଅଡେ ଏଖି ବାରେ ଖେହାହାନୁ । ୭ ମୀରୁ ନା ତାଣା ଡୟିଦେରି, ଅଡେ ନା ବଲୁ ମୀ ତାଣା ଡୟିନେ, ଆତିହିଁ ମୀରୁ ଏନାଆଁ ମନ କିଦେରି, ଏଦାଆଁ ରାହଦୁ, ଆତିହିଁ ଏଦି ମିଟ୍ରେତାକି କିଞ୍ଜିଆନେ । ୮ ମୀରୁ ହାରେକା ପାଡେୟି ଆୟିସାରେ ନା ଆବା ଗାଞ୍ଜୁରିମି ଆନେସି, ଅଡେ ମୀରୁ ନା ସାତା ସାପୁ ଆଦେରି । ୯ ଏନିକିଁ ଆବା ନାଟ୍ରେ ଜୀଞ୍ଜୁ ନହିଁମାଞ୍ଜାନେସି, ନାନୁ ଜିକେଏ ଏଲେକିହିଁଏ ମିଟ୍ରେ ଜୀଞ୍ଜୁନହିଁମାଞ୍ଜାଇଁ; ନା ଜୀଞ୍ଜୁ ନଞ୍ଜୁତା ତାରିଆହାନା ଡୟାଦୁ । ୧୦ ନାନୁ ଏନିକିଁ ନା ଆବାତି ହୁକୁମି ମାନିଖି ଆହାନା ତାନି ଜୀଞ୍ଜୁ ନଞ୍ଜୁତା ତାରିଆହାନା ଡୟିମାଲ୍, ଏଲେକିହିଁଏ ମୀରୁ ଜିକେଏ ନା କାତା ମାନିଖି ଆଦେରି, ଆତିହିଁ ନା ଜୀଞ୍ଜୁ ନଞ୍ଜୁତା ତାରିଆହାନା ଡୟିଦେରି ।" ୧୧ "ଏନିକିଁ ନା ରାହାଁ ମୀ ତାଣା ଡୟିନେ, ଅଡେ ମୀ ରାହାଁ ଏନିକିଁ ପୁରାଆନେ, ଏଦାଆଁତାକି ଇ ବାରେ ମିଟ୍ରେ ଖେସ୍ତାତେଏ । ୧୨ ନାନୁ ଏନିକିଁ ମିଟ୍ରେ ଜୀଞ୍ଜୁନହିଁମାଞ୍ଜାଇଁ, ମୀରୁ ଜିକେଏ ଏଲେକିହିଁଏ ରଅଡେରି ରଅଣାଇଁ ଜୀଞ୍ଜୁନୁ, ଇଦି ନା ହୁକୁମି । ୧୩ ଜାହାରା ତାଣେସିତ୍ଟୁ ତାକି ଜୀଞ୍ଜୁନାୟି କିହାଁ ଅଡେ କାଜା ଜୀଞ୍ଜୁନାୟି ହିଲେଏ । ୧୪ ନାନୁ ମିଟ୍ରେ ଆନିନି ହୁକୁମି ହାହାମାଞ୍ଜାଇଁ, ଏଦାଆଁ ମୀରୁ ମାନିଖି ଆଦେରି ଆତିହିଁ ମୀରୁ ନା ତାଣେସିତ୍ଟୁ । ୧୫ ନାନୁ ମିଟ୍ରେ ଅଡେ ହଲେଏସି ଇଚ୍ଛୁ ମାଞ୍ଜୁଅଁ, ଇତିହିଁ ସାଞ୍ଜୁକାରି ଏନାଆଁ କିନେସି,

ହଲେଏସି ଏଦାଆଁ ପୁନଅସି, ସାମା ନାନୁ ମିଟ୍ରେ ତାଣେ ଇଚ୍ଛୁମାଞ୍ଜାଇଁ, ଇତିହିଁ ନାନୁ ନା ଆବା ତାଣାଟି ଏନା ଏନାଆଁ ଖେଞ୍ଜୁମାଲ୍, ଏ ବାରେ ମିଟ୍ରେ ଖେସାମାଞ୍ଜାଇଁ । ୧୬ ମୀରୁ ନାଟ୍ରେ ଆତା ମାଞ୍ଜୁଅଡେରି, ସାମା ନାନୁ ମିଟ୍ରେ ଆତାମାଞ୍ଜାଇଁ, ଅଡେ ମୀରୁ ଏନିକିଁ ପାଡେୟି ଆୟାଲି ଆତିଦେରି ଅଡେ ମୀ ପାଡେୟି ତାରିଆହାନା ଡୟିନେ, ଏଦାଆଁତାକି ମିଟ୍ରେ ଆତାମାଞ୍ଜାଇଁ । ଏଡେଟିଏ ମୀରୁ ନା ଦରୁତଲେ ଆବାଇଁ ଏନାଆଁ ରାହଦେରି ଏଖାସି ମିଟ୍ରେ ହିୟାନେସି । ୧୭ ମୀରୁ ଏନିକିଁ ରଅଡେରି ରଅଣାଇଁ ଜୀଞ୍ଜୁ ନଦେରି, ଏଦାଆଁତାକି ନାନୁ ଇ ବାରେ ହୁକୁମି ହାହିମାଞ୍ଜାଇଁ ।" ୧୮ "ଦାର୍ତ ମିଟ୍ରେ ଅପେଏ, ଆତିହିଁ ମିଟ୍ରେ ଅପାଆ ନକେଏ ନାଟ୍ରେ ଅପାମାଞ୍ଜେଏ, ଇଦାଆଁ ପୁଞ୍ଜୁମାଞ୍ଜୁ । ୧୯ ମୀରୁ ଦାର୍ତତାତେରି ଆହାମାତିହିଁମା, ଦାର୍ତ ମିଟ୍ରେ ନା ଲକୁ ଇଚ୍ଛୁ ପୁଞ୍ଜୁନା ଜୀଞ୍ଜୁ ନୟାତେମା; ମୀରୁ ଦାର୍ତତି ଖାହା ହିଲଅଡେରି, ସାମା ନାନୁ ମିଟ୍ରେ ଦାର୍ତତି ଆତାମାଞ୍ଜାଇଁ, ଏଦାଆଁତାକି ଦାର୍ତ ମିଟ୍ରେ ଅପେଏ । ୨୦ ହଲେଏସି ସାଞ୍ଜୁକାରି କିହାଁ କାଜାସି ଆଏ, ନାନୁ ମିଟ୍ରେ ଏନିନି ବଲୁ ଖେସାମାଞ୍ଜାଇଁ, ଏଦାଆଁ ଅଣ୍ଠପାଦୁ । ଏଖାରି ନାଟ୍ରେ ସାପୁ ହାହାମାଞ୍ଜାନେରି, ଆତିହିଁ ମିଟ୍ରେ ଜିକେଏ ସାପୁ ହିୟାନେରି; ଅଡେ ଏଖାରି ନା ବଲୁଟି ମାନିଖି ଆହାମାନେରି, ଆତିହିଁ ମୀ ବଲୁ ଜିକେଏ ମାନିଖି ଆନେରି । ୨୧ ସାମା ଏଖାରି ନାଟ୍ରେ ପାଣ୍ଡାତାଣାଇଁ ପୁଞ୍ଜୁହିଲିଆକି, ନା ଦରୁ ତାକି ମିଟ୍ରେ ଇ ବାରେ ଆନେ । ୨୨ ନାନୁ ଖାହାନା ଏଖାରେଇଁ ଖେହାଆତିହିଁ, ଏଖାରି ପାପୁ ଗାଟାରି ଆଆଡେରିମା; ସାମା ନାଏଁ ଇ ପାପୁ ତାକି ଏନି ମିତି କାତା ଖେସାଲି ଆଡଅଡି ୨୩ ଆମ୍ଫାଆସି ନାଟ୍ରେ ଅପଅସି, ଏଖାସି ନା ଆବାଇଁ ଜିକେଏ ଅପଅସି । ୨୪ ନାନୁ ଏଖାରିତାଣା ଏନି କାବାଆନି କାମା କିହାହିଲିଆଡ଼ି, ଏଖାରି ପାପୁ ଗାଟାରି ଇଚ୍ଛୁ ଏଜିକିଞ୍ଜି ଆଆଡେରିମା । ସାମା ନା ବାରେ କାମା ମେସାନା ଜିକେଏ ଏଖାରି ନାଟ୍ରେ ଅଡେ ନା ଆବାଇଁ ଅପାହିଲଅରି । ୨୫ ସାମା ଏଖାରି ନାଟ୍ରେ ଉଜେଏ ଅପାମାଞ୍ଜୁଅରି, ମସା ମେରାତା ରାସ୍ତାକି ଆହାମାନାୟି ଏନିକିଁ ପୁରା ଆନେ ଇଦାଆଁତାକି ଇ ବାରେ ଆହିମାନେ ।" ୨୬ "ଆବା ତାଣାଟି ନାନୁ ମୀ ତାଣା ଏନିନି ସାୟେମି କିନାଣି ପାଣ୍ଡାଇଁ, ଆବା ତାଣାଟି ଖାନି ଏ ସାତା ଜୀଞ୍ଜୁ ଖାତିହିଁ ନା କାତା ସାକି ହିୟାନେ; ୨୭ ମୀରୁ ଜିକେଏ ନା କାତାତାକି ସାକି ହାଦେରି, ଇତିହିଁ ମୁଲୁଟିଏ ମୀରୁ ବାରେ ନା ତଲେ ମାଡେରି ।"

୧୬ "ମୀ ନାମୁତି ଏନିକିଁ ପିହଅଡେରି, ଇଦାଆଁତାକି ଇ ବାରେ କାତା ଖେସାମାଞ୍ଜାଇଁ । ୨ ଏଖାରି ମିଟ୍ରେ କୁଲମଟି ହୁପ୍ଫାନେରି, ଇଲେତି ଦିନା ଖାହିମାନେ, ଏଡେତା ଆମ୍ଫାଆସି ମିଟ୍ରେ ପାୟାନେସି, ଏଖାସି ମାହାପୁରୁ ତାକି ଜହରାତି ପୁଲା କିହିମାଲ୍ ଇଚ୍ଛୁ ଅଣ୍ଠପିନେସି । ୩ ଲକୁ ଇ ବାରେ କିୟାନେରି, ଇତିହିଁ ଏଖାରି ଆବା ଆଆଡ଼ି ନାଟ୍ରେ ପୁଞ୍ଜୁମାଞ୍ଜୁଅରି । ୪ ଇ ବାରେ ଗଟ୍ଠି ଆତିସାରେ, ନାନୁ ମିଟ୍ରେ ଖେସାମାଞ୍ଜାତେଏଁ ଇ କାତା ମୀରୁ ଏନିକିଁ ଅଣ୍ଠପିଦେରି, ଇଦାଆଁତାକି ଇ ବାରେ କାତା ମିଟ୍ରେ ଖେସାମାଞ୍ଜାଇଁ । ନାନୁ ମୀ ତଲେ ମାତାକି ମୁଲୁଟିଏ ଇ ବାରେ କାତା ମିଟ୍ରେ ଖେସାମାଞ୍ଜୁଅଁ ।" ୫ "ସାମା ନାନୁ ନାଏଁ ନା ପାଣ୍ଡାତାଣା

ତାଣା ହାଜିମାଲ୍, ଅତେ ମାରୁ ଆମ୍ବିୟା ହାଜିମାଲ୍ଲି ଇଚ୍ଛୁ ମୀ ବିତ୍ରାଟି ଆମ୍ବାଆତେରି ନାଟ୍ଟେ ଖେଞ୍ଜି ମାଞ୍ଜୁଅତେରି । ୭ ଯାମା ନାନୁ ଇ ବାରେ କାତା ଖେସାମାଞ୍ଜାନାକି ମୀ ହିୟ୍ ହାରେକା ଦୁକୁ ଆହିମାନେ । ୭ ଯାମା ନାନୁ ମିଟ୍ଟେ ସାତା ଖେସିମାଞ୍ଜାଲ୍, ନାନୁ ହାନାୟି ମିଟ୍ଟେତାକି ନେହେଁ, ଇତିହିଁ ନାନୁ ହାଲାଆସାରେ ଏ ସାୟେନି କିନାୟି ନୀ ତାଣା ଖାଏ, ସାମା ନାନୁ ହାତିସାରେ ଏଦାଣି ମୀ ତାଣା ପାଣ୍ଡାଲ୍ । ୮ ଏଦି ଖାହାନା ପାପୁ, ଦାମ୍ବୁ ଅତେ ମାହାପୁରୁତି ବିଚାରାତି କାତା ଇ ଦାର୍ତ୍ତିତି ଲୁକୁଣି ଖେହ୍ନେ; ୯ ପାପୁତି କାତା, ଇତିହିଁ ଏଖାରି ନା ତାଣା ନାମା ହିଲଅରି; ୧୦ ଦାମ୍ବୁତି କାତା, ଇତିହିଁ ନାନୁ ଆବା ତାଣା ହାଜିମାଲ୍ ମୀରୁ ଅତେ ନାଟ୍ଟେ ମେସୁଅତେରି; ୧୧ ବିଚାରାତି କାତା, ଇତିହିଁ ଇ ଦାର୍ତ୍ତି ସାଲଖି କିନାରି ବିଚାରା କିଞ୍ଚି ଆହାମାନେରି । ୧୨ “ମିଟ୍ଟେ ନାନୁ ଅତେ ହାରେକା କାତା ଖେସ୍ତାନାୟିମାନେ, ସାମା ନାଏଁ ମୀରୁ ଏ ବାରେ ଅର୍ହାଲି ଅତଅତେରି ୧୩ ସାମା ସାତାତି ଜୀଞ୍ଜୁ ଖାତିସାରେ, ଏଦି ବାରେ ସାତାତି ତେଲହାଲି ବାଡ୍‌ୟୁ ହିୟାନ୍, ଏଦି ମିଟ୍ଟେ ଜିରୁ ତସାନା ତାନିତାଣାଟି ଏନାଆଁ ଖେହ୍‌ଏ, ମାହାପୁରୁ ତାଣାଟି ଏନା ଏନାଆଁ ଖେଞ୍ଜିମାନେ ଖାରୁଇ ଏଚେକେଏ ଖେହ୍‌ନେ, ଅତେ ଏନାୟି ଆହାଲି ହାଜିମାନେ ଏଦାଆଁ ଏଦି ଖେସ୍ତାନେ । ୧୪ ଏଖାସି ନାଟ୍ଟେ ଗାଞ୍ଜୁରିନି କିୟାନ୍‌ସି, ଇତିହିଁ ନା ତାଣାଟି ବାରେ କାତା ପୁଞ୍ଜାନା ଏଦି ଏନାଆଁ ମୀ ତାଣା ଖେସ୍ତାନେ । ୧୫ ଏନା ଏନାୟି ଆବାଖାୟି, ଏ ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାତେଏଁ, ଏଖାସି ନା କାତା ଅହାନା ମିଟ୍ଟେ ଖେସ୍ତାନେସି । ୧୬ “ଗାଡେକା ଜେଚ ମୀରୁ ଅତେ ନାଟ୍ଟେ ମେସୁଅତେରି, ସାମା ଏଚରଦିନା ଜେଚ ମେସୁାଦେରି । ୧୭ ଏଚେତିଏ ତାନି ସାୟୁୟ୍ ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଗାଡେକା ଜେଚ ନାଟ୍ଟେ ମେସୁଅତେରି, ଅତେ ଏଚରଦିନା ହାତି ତାୟୁ ନାଟ୍ଟେ ମେସୁାଦେରି, ନାନୁ ଆବା ତାଣା ହାଜିମାଲ୍, ଏଖାସି ଏମିନି କାତା ମାଟ୍ଟେ ଖେସ୍ତାଚେସି, ଇଦି ଏନାୟି?” ୧୮ ଏଖାରି ଏଲେଇଚେରି, “ଗାଡେକା ଇଚ୍ଛୁ ଏନାଆଁ ଏଲେଇଚ୍ଛୁ ମାନେସି? ଏଖାସି ଏନାଆଁ ଏଲେଇଚ୍ଛୁ ମାନେସି ମାମୁ ତେଲହାଲି ଆତିହିଲଅରି । ୧୯ ସାୟୁୟ୍ ତାଟ୍ଟେ ଖେଞ୍ଜାଲି ଅଣ୍ଡିମାନେରି ଇଚ୍ଛୁ ପୁଞ୍ଜାନା ଜୀସୁ ଏଖାରାଲ୍ ଏଲେଇଚେସି, “ଗାଡେକା ଜେଚ ନାଟ୍ଟେ ମେସୁଅତେରି, ଅତେ ଏଚରଦିନା ହାତି ତାୟୁ ନାଟ୍ଟେ ମେସୁାଦେରି, ନାନୁ ଇ ଏମିନି କାତା ମିଟ୍ଟେ ଖେସ୍ତାଚେଏଁ, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି? ୨୦ ନାନୁ ମିଟ୍ଟେ ସାତା ଖେସିମାଞ୍ଜାଲ୍, ମୀରୁ ଦୁକୁଆହିଁ ତାଦେରି, ସାମା ଦାର୍ତ୍ତି ରାହାଁ କିନେ; ମୀରୁ ଦୁକୁ ଆଦେରି, ସାମା ମୀ ଦୁକୁ ରାହାଁତା ତିରି ମାଣ୍ଡନେ । ୨୧ ଜାନିକିନି ବେଲା ଖାତିସାରେ ଇୟୁ ଦୁକୁ ବେଟାଆନେ; ସାମା ଏଦି କକାଣାଲ୍ ଜାନି କିତି ତାୟୁ ଦାର୍ତ୍ତିତା ର ମାଣ୍ଡି ଜାନା ଆହାମାନେସି, ଇ ରାହାଁତାକି କସ୍ତୁତି ଅଣ୍ଡେଏଦେଁ । ୨୨ ଏଲେକିହିଁଏ ମୀରୁ ନାଏଁ ଦୁକୁ ବେଟାଆହିମାଞ୍ଜେରି, ସାମା ନାନୁ ଅତେ ଖେଶ୍ଟେ ମିଟ୍ଟେ ତଞ୍ଜୁ ଆୟାଲ୍, ଅତେ ମୀ ହିୟ୍ ରାହାଁ ଆନେ ଅତେ ଆମ୍ବାଆସି ମୀ ତାଣାଟି ମୀ ରାହାଁ ମାଞ୍ଜୁ ଅୟଅସି । ୨୩ “ଏ ଦିନା ମୀରୁ

ନାଟ୍ଟେ ଏନାଆଁ ଖେଞ୍ଜୁଅତେରି । ନାନୁ ମିଟ୍ଟେ ସାତା ଖେସିମାଞ୍ଜାଲ୍, ମୀରୁ ଆବାଲ୍ ଏନାଆଁ ରୀହ୍‌ଦେରି, ଏଖାସି ନା ଦରୁତଲେ ମିଟ୍ଟେ ହିୟାନ୍‌ସି । ୨୪ ନାଏଁ ପାତେକା ନା ଦରୁତଲେ ଏନାଆଁ ରୀସା ହିଲଅତେରି; ରୀହ୍‌ଦୁ, ଏନିକିଁ ମୀ ରାହାଁ ଗାତି ଆନେ, ଏଦାଆଁତାକି ମୀରୁ ଏଦାଆଁ ବେଟାଆଦେରି । ୨୫ “ନାନୁ ମିଟ୍ଟେ ପୁଣ୍ଡିକିନି କାତାତଲେ ଇ ବାରେ ଖେସାମାଞ୍ଜାଲ୍; ଦିନା ଖାହିମାନେ, ଏତିବେଲା ନାନୁ ଅତେ ପୁଣ୍ଡିକିନି କାତାତଲେ ମିଟ୍ଟେ ଖେସ୍ତୁଅଁ, ଆବାତି କାତା ତାରେତଲେ ଖେସ୍ତାଲ୍ । ୨୬ ଏ ଦିନା ମୀରୁ ନା ଦରୁତଲେ ରୀହ୍‌ଦେରି; ଅତେ ନାନୁ ମୀ ଖାକିତି ଆବାଲ୍ ବାତିମାଲିଲ୍, ଇ କାତା ନାନୁ ମିଟ୍ଟେ ଖେସିମାଞ୍ଜୁଅଁ; ୨୭ ଇତିହିଁ ଆବା ତାନୁଏ ମିଟ୍ଟେ ଜୀଞ୍ଜୁ ନହାଁମାଞ୍ଜାନେସି, ମୀରୁ ନାଟ୍ଟେ ଜୀଞ୍ଜୁନହାଁ ମାଞ୍ଜାଦେରି ଅତେ ନାନୁ ମାହାପୁରୁ ତାଣାଟି ଖାହାମାଲ୍, ଏଦାଆଁ ମୀରୁ ନାମାମାଞ୍ଜେରି । ୨୮ ନାନୁ ଆବା ତାଣାଟି ଦାର୍ତ୍ତିତା ଖାହାମାଲ୍; ଦାର୍ତ୍ତି ପିସାନା ଖେଶ୍ଟେ ଆବା ତାଣା ହାଜିମାଲ୍ । ୨୯ ଇ ହାତା ଖେଞ୍ଜାନା ସାୟୁୟ୍ ଏଖାଣାଲ୍ ଏଲେଇଚେରି, “ନାଏଁ ନୀରୁ ପୁଣ୍ଡିକିନି କାତା ଲେସ୍‌ଆନା ତାରେତଲେ ଖେସିମାଞ୍ଜୁ । ୩୦ ନାନୁ ବାରେ କାତା ପୁଞ୍ଜାମାଞ୍ଜୁ, ଆମ୍ବାଆସି ନିଟ୍ଟେ ଖେଞ୍ଜାନାୟି ଲଡ଼ା ହିଲେଏ, ଏଦାଆଁ ନାଏଁ ମାମୁ ପୁଚି; ମାହାପୁରୁ ତାଣାଟି ଖାହାମାଞ୍ଜୁ ଇଚ୍ଛୁ ମାମୁ ଇ କାତା ନାମି ମାନମି । ୩୧ ଜୀସୁ ଏଖାରାଲ୍ ଏଲେଇଚେସି, “ମୀରୁ ଏନାଆଁ ନାଏଁ ନାମିମାଞ୍ଜେରି? ୩୨ ମେହ୍‌ଦୁ ଦିନା ଖାହିମାନେ, ଏ ବେଲା ଖାତେୟିଏ, ଏତିବେଲା ମୀରୁ ଇତାଲା ଆତାଲା ଆହାନା ବାରେକାଣା ଜାହାରା ଇଜ ହାଜେରି, ଅତେ ନାଟ୍ଟେ ରଅତେଏଁ କିୟାଦେରି; ଆତିଜିକେଏ ନାନୁ ରଅତେଏଁ ଆଏ, ଇତିହିଁ ଆବା ନା ତଲେ ମାନେସି । ୩୩ ମୀରୁ ଏନିକିଁ ନା ତାଣାଟି ହିଡ୍‌ତି ବେଟାଆଦେରି, ଏଦାଆଁତାକି ନାନୁ ମିଟ୍ଟେ ଇ ବାରେ କାତା ଖେସାମାଞ୍ଜାଲ୍ । ଦାର୍ତ୍ତିତା ମିଟ୍ଟେତାକି ହାରେକା ସାସ୍ତି ମାନେ, ସାମା ସାସା ଆହ୍‌ଦୁ; ଇତିହିଁ ନାନୁ ଦାର୍ତ୍ତିତି ଜୀଣା ଆହାମାଲ୍ ।”

୧୭ ଜୀସୁ ଇ ବାରେ କାତା ଏଲେଇଚ୍ଛୁ ଲାକପୁରୁ ଖାକି ସିନିକିହାନା ଏଲେଇଚେସି, “ଆବା, ବେଲା ଆତେୟିଏ; ନୀ ମୀରୁଏଣାଲ୍ ଗାଞ୍ଜୁରିନି କିମ୍ପୁ, ଏନିକିଁ ମୀରୁଏସି ନିଟ୍ଟେ ଗାଞ୍ଜୁରିନି କିୟାନ୍‌ସି । ୨ ନାନୁ ଏଖାଣାଲ୍ ବାରେ ମାଣ୍ଡି କୁଡ଼ାତି ମୁହେଁ ଅଦିକାରା ହାହାମାଞ୍ଜୁ । ଅତେ ଆମ୍ବାଆରାଲ୍ ଏଖାଣି କେୟୁତା କାଲାକାଲାତି ଜୀଞ୍ଜୁ ହାହାଲିତାକି ହେର୍‌ପାମାଞ୍ଜୁ ଏଖାଣାକି ବାଡ୍‌ୟୁ ହାହାମାଞ୍ଜୁ । (aiōnios g166) ୩ ଅତେ ରଣ୍ଡିଏ ସାତା ମାହାପୁରୁତି ନୀରୁ, ନିଟ୍ଟେ ଅତେ ନୀ ତାଣାଟି ପାଣ୍ଡିଆହାମାନି ଜୀସୁ କ୍ରୀସ୍ତୁଲ୍ ପୁନାୟି ଆହିମାନେ କାଲାକାଲାତି ଜୀଞ୍ଜୁ । (aiōnios g166) ୪ ନୀରୁ ନାଟ୍ଟେ ଏମିନି କାମା କିହାଲି ହାହାମାଞ୍ଜାଦି, ଏଦାଆଁ ନାନୁ ରାପ୍‌ହାନା ଦାର୍ତ୍ତିତା ନିଟ୍ଟେ ଗାଞ୍ଜୁରିନି କିହାମାଞ୍ଜାଲ୍ । ୫ ଏ ଆବା ଦାର୍ତ୍ତି ଗାଡ଼ି ଆଆ ନକେଏ ନୀ ତଲେ ନା ଏମିନି ଗାଞ୍ଜୁରିନି ମାଚେ, ଏମ୍ବାତି ନୀରୁ ନାଟ୍ଟେ ନୀ ତଲେ ଗାଞ୍ଜୁରିନି କିୟାମ୍ପୁ । ୬ “ନାନୁ ନାଟ୍ଟେ ଦାର୍ତ୍ତି ବିତ୍ରାଟି ଏମିନି ଲୁକୁଣି ନାଟ୍ଟେ ହାହାମାଞ୍ଜାଦି, ନାନୁ ନୀ

ଦରୁ ଏଞ୍ଜର ନକିତା ଚପାମାଲ୍; ଏଞ୍ଜର ନୀ ଲକୁ ମାତେରି ଅଡ଼େ ନାନୁ ଏଞ୍ଜରାଲ୍ ନାଡ଼େ ହାହାମାଞ୍ଜୁତି, ଏଞ୍ଜର ନୀ ବଲୁତି ମାନଞ୍ଜି ଆହାମାନେରି । ୭ ନାନୁ ନାଡ଼େ ଏନା ଏନାଆଁ ହାହାମାଞ୍ଜୁତି, ଏ ବାରେ ନୀ ତାଣାଟି ଖାହାମାନେ, ଇଦାଆଁ ନୀଏଁ ଏଞ୍ଜର ପୁଞ୍ଜାମାନେରି । ୮ ଇତିହିଁ ନାନୁ ନାଡ଼େ ହାହାମାଞ୍ଜୁତି ବଲୁ ନାନୁ ଏଞ୍ଜରାଲ୍ ହାହାମାଲ୍, ଅଡ଼େ ଏଞ୍ଜର ଆବା ମାନେରି ଇଞ୍ଜି ନାନୁ ନୀ ତାଣାଟି ଖାହାମାଲ୍, ଏଦାଆଁ ସାତା ତଲେ ପୁଞ୍ଜାମାନେରି, ଅଡ଼େ ନାନୁ ନାଡ଼େ ପାଣ୍ଡାମାଞ୍ଜୁତି ଇଞ୍ଜି ଏଞ୍ଜର ନାମାମାନେରି ।” ୯ “ନାନୁ ଏଞ୍ଜର ତାକି ପ୍ରାତାନା କିହିମାଲ୍; ଦାର୍ତ୍ତ ତାକି ପ୍ରାତାନା କିହିଲଅଁ, ସାମା ନାନୁ ନାଡ଼େ ଏମିନି ଗାଟାରାଲ୍ ହାହାମାଞ୍ଜୁତି, ଏଞ୍ଜର ତାକି ପ୍ରାତାନା କିହିମାଲ୍, ଇତିହିଁ ଏଞ୍ଜର ନୀ ଲକୁ; ୧୦ ଏନା ଏନାୟି ନାଦି ମାନେ ଏ ବାରେ ନାଦି, ଅଡ଼େ ଏନା ଏନାୟି ନାଦି ମାନେ, ଏ ବାରେ ନାଦି ଅଡ଼େ ଏଞ୍ଜର ତାଣାଟି ନାନୁ ଗାଞ୍ଜୁରିନି ଆହିମାଲ୍ । ୧୧ ନାନୁ ଅଡ଼େ ଇ ଦାର୍ତ୍ତତା ଡ଼ୟିହିଲଅଁ, ସାମା ଇଞ୍ଜର ଦାର୍ତ୍ତତା ଡ଼ୟିମାନେରି, ଇଞ୍ଜି ନାନୁ ନୀ ତାଣା ଖାହିମାଲ୍; ସୁଦୁଗାଟି ଆବା ଆମିନି ଗାଟାରାଲ୍ ନୀ ଦରୁତି ବାଡ଼ୟୁ ତଲେ ନାଡ଼େ ହେରୁପା ମାଞ୍ଜୁତି ଏଞ୍ଜରାଲ୍ ଗେଲ୍ପାମୁ, ନାନୁ ଅଡ଼େ ନାନୁ ଏନିକି ରଣ୍ଡିଏ ଆହାମାନାୟି ଏଲେକିହିଁଏ ଏଞ୍ଜରାଲ୍ ଜିକେଏ ରଣ୍ଡିଏ କିହାଲି ସାୟେମି କିମୁ । ୧୨ ଏଞ୍ଜରତଲେ ମାଟିବେଲତା ନାନୁ ଏଞ୍ଜରାଲ୍ ନୀ ଦରୁତଲେ ଗେଲ୍ପାମାଲ୍, ଆମିନି ଦରୁ ନାନୁ ନାଡ଼େ ହାହାମାଞ୍ଜୁତି, ଅଡ଼େ ନାନୁ ଏଞ୍ଜରାଲ୍ ଜାଗ୍ରାତା ତଲେ ଗେଲ୍ପାମାଲ୍, ଦାର୍ତ୍ତ ପତି ଏନିକି ପୁରା ଆନେ, ଏଦାଆଁତାକି ଏଞ୍ଜର ନାସା ଆନାୟି ମାଟି ଜିକେଏ, ରଅସି ଜିକେଏ ନାସା ଆହାହିଲଅସି । ୧୩ ସାମା ନୀଏଁ ନାନୁ ନୀ ତାଣା ଖାହିମାଲ୍, ଅଡ଼େ ଦାର୍ତ୍ତତା ମାଞ୍ଜୁ ମାଞ୍ଜୁନା ନା ରାହାଁତା ଏଞ୍ଜର ହିୟିଁ ଏନିକି ରାହାଁ ଆନେ, ଏଦାଆଁତାକି ନାନୁ ଇ ବାରେ କାତା ଷେସିମାଞ୍ଜୁଲ୍ । ୧୪ ନାନୁ ଏଞ୍ଜରାଲ୍ ନୀ ବଲୁ ହାହାମାଲ୍, ଏଦାଆଁତାକି ଦାର୍ତ୍ତ ଏଞ୍ଜରାଲ୍ ଅପିହିଲେଏ, ନାନୁ ଏନିକି ଦାର୍ତ୍ତତି ଖାହାହିଲଅଁ ଏଞ୍ଜର ଜିକେଏ ଇ ଦାର୍ତ୍ତତାରି ଆଏ । ୧୫ ନାନୁ ଏଞ୍ଜରାଲ୍ ଇ ଦାର୍ତ୍ତତି ଅହିଁ ହାଲାନୁ ଇଞ୍ଜି ବାଟିମାଲି ମାଞ୍ଜୁଅଁ, ସାମା ଏଞ୍ଜରାଲ୍ ଲାଗେଏତି ପାନୁଟି ଗେଲ୍ପାମୁ ଇଞ୍ଜି ବାଟିମାଲିମାଞ୍ଜୁଲ୍ । ୧୬ ନାନୁ ଏନିକି ଦାର୍ତ୍ତତି ଖାହାହିଲଅଁ, ଏଞ୍ଜର ଏଲେକି ଦାର୍ତ୍ତତି ଖାହାହିଲଅରି । ୧୭ ସାତା ତଲେ ଏଞ୍ଜରାଲ୍ ସୁଦୁ କିମୁ, ଇତିହିଁ ନୀ ବଲୁଏ ସାତା । ୧୮ ନାନୁ ଏନିକି ନାଡ଼େ ଦାର୍ତ୍ତତା ପାଣ୍ଡାମାଞ୍ଜୁତି, ନାନୁ ଜିକେଏ ଏଞ୍ଜରାଲ୍ ଦାର୍ତ୍ତତା ପାଣ୍ଡାମାଲ୍ । ୧୯ ଅଡ଼େ ଏଞ୍ଜର ଜିକେଏ ଏନିକି ସାତା ତଲେ ସୁଦୁ ଆନେରି, ଏଦାଆଁତାକି ନାନୁ ଏଞ୍ଜର ତାକି ନାଡ଼େ ସୁଦୁ କିହିମାଲ୍ ।” ୨୦ “ନାନୁ ଖାର୍ଲ ଏଞ୍ଜର ତାକି ପ୍ରାତାନା କିହିଲଅଁ, ଏଞ୍ଜର ବଲୁ ଷେଞ୍ଜୁନା ଆମ୍ବାଆସି ନା ତାଣା ନାମିନେସି, ଏଞ୍ଜର ତାକି ଜିକେଏ ପ୍ରାତାନା କିହିମାଲ୍ । ୨୧ ଏନିକି ଏଞ୍ଜର ବାରେ ରଣ୍ଡିଏ ଆନେରି; ଏ, ଆବା ନାନୁ ଏନିକି ନା ତାଣା ମାଞ୍ଜୁ ଅଡ଼େ ନାନୁ ନୀ ତାଣା ମାଲ୍, ଏଞ୍ଜର ଜିକେଏ ଏଲେକିହିଁଏ ମା ତାଣା ଡ଼ୟାପେରି, ଏନିକି ନାନୁ ନାଡ଼େ

ପାଣ୍ଡାତି ଇଞ୍ଜି ଦାର୍ତ୍ତ ନାମିନେ । ୨୨ ଅଡ଼େ ନାନୁ ନାଡ଼େ ଏମିନି ଗାଞ୍ଜୁରିନି ହାହାମାଞ୍ଜୁତି, ନାନୁ ଏଦାଆଁ ଏଞ୍ଜରାଲ୍ ହାହାମାଲ୍, ମାର ଏନିକି ରଣ୍ଡିଏ ଏଞ୍ଜର ଏଲେକି ରଣ୍ଡିଏ ଆନେରି; ୨୩ ନାନୁ ଏନିକି ନା ତାଣା ନାନୁ ଏଲେକିହିଁ ଏଞ୍ଜରତାଣା ଡ଼ୟିଲ୍ । ଏନିକି ଏଞ୍ଜର ମାନି ତଲେ ରଣ୍ଡିଏ ଆନେରି, ଇଞ୍ଜି ଦାର୍ତ୍ତ ପୁନେ କି ନାନୁ ନାଡ଼େ ପାଣ୍ଡାମାଞ୍ଜୁତି, ନାଡ଼େ ଏନିକି ଜାଞ୍ଜୁ ନୁହିଁମାଞ୍ଜୁତି ଏଞ୍ଜରାଲ୍ ଜିକେଏ ଏଲେକିହିଁଏ ଜାଞ୍ଜୁ ନୁହିଁମାଞ୍ଜୁ ।” ୨୪ “ଏ ଆବା! ନାନୁ ଏଞ୍ଜରାଲ୍ ନା କେୟୁତା ହାହାମାଞ୍ଜୁତି । ନାନୁ ଆମ୍ବାୟା ଡ଼ୟିଲ୍, ଏଞ୍ଜର ଜିକେଏ ଏନିକି ଏମ୍ବାଆଁ ଡ଼ୟିନେରି ଅଡ଼େ ଦାର୍ତ୍ତ ଗାଡ଼ି ଆଆ ନକେଏ ନାନୁ ନାଡ଼େ ଜାଞ୍ଜୁ ନୁହିଁମାଞ୍ଜୁନାକି ନାଡ଼େ ଏମିନି ଗାଞ୍ଜୁରିନି ହାହାମାଞ୍ଜୁତି, ନା ଏ ଗାଞ୍ଜୁରିନି ଏନିକି ଏଞ୍ଜର ମେସାଲି ଆଡିନେରି ଇଦି ନା ଅଶପୁ । ୨୫ ଏ ଦାର୍ତ୍ତଗାଟି ଆବା, ଦାର୍ତ୍ତ ନିଡ଼େ ପୁଞ୍ଜାମାଞ୍ଜେଏ, ସାମା ନାନୁ ନିଡ଼େ ପୁଞ୍ଜାମାଞ୍ଜୁଲ୍; ଅଡ଼େ ନାନୁ ନାଡ଼େ ପାଣ୍ଡାମାଞ୍ଜୁତି, ଏଦାଆଁ ଇଞ୍ଜର ପୁଞ୍ଜାମାଞ୍ଜୁନେରି; ୨୬ ନାନୁ ନାଡ଼େ ଏମିନି ଜାଞ୍ଜୁ ନୁହୁଟି ଜାଞ୍ଜୁ ନୁହିଁମାଞ୍ଜୁତି, ଏଦି ଏନିକି ଏଞ୍ଜରତାଣା ଡ଼ୟିନେ ଅଡ଼େ ନାନୁ ଏଞ୍ଜରତାଣା ଡ଼ୟିଲ୍, ଏଦାଆଁତାକି ନାନୁ ଏଞ୍ଜରାଲ୍ ଷେସାମାଲ୍ ଅଡ଼େ ଷେହ୍ଲ୍ ।”

୧୮ ଜୀସୁ ଇ ପ୍ରାତାନା ରାପ୍ତ ହି ଡ଼ାୟୁ ତାନି ସୀସୁୟି ତଲେ କିଦ୍ରଣ କାତା ଆତାଲା ହାରେରି, ଏମ୍ବାଆଁ ର ବାଡ଼ା ମାତେ, ଇଞ୍ଜି ଏଞ୍ଜାସି ତାନି ସୀସୁୟି ତଲେ ଏମ୍ବାଆଁ ହୁଡ଼େରି । ୧ ଏମିନି ଜୀହୁଦା ଏଞ୍ଜାଣାଲ୍ ସୀସୁୟି କେୟୁତା ହେରୁପିତେସି, ଏଞ୍ଜାସି ଜିକେଏ ଏ ଡ଼ାୟୁତି ପୁଞ୍ଜାମାତେସି, ଇତିହିଁ ଜୀସୁ ହାରେକା ପାଲି ସୀସୁୟି ତଲେ ଏ ଡ଼ାୟୁତା ହାଜାମାତେସି । ୩ ଏଦାଆଁତାକି ଜୀହୁଦା ଜାମାନାଢ଼ୁ ଇଞ୍ଜି କାଜା ପୂଜେରା ଅଡ଼େ ପାରୁସିୟି ତାଣାଟି ମାହାପୁରୁ ଇଲୁତି ଜାମାନାଢ଼ୁ ଲକୁ ଦାଞ୍ଜି, ହିରୁ ବନ୍ଦୁୟି ଅଡ଼େ ଚେଢ଼ୁ ବାଲାୟି ଆସାବା ଏମ୍ବାଆଁ ଖାତେରି । ୪ ଏମ୍ବାଟିଏ ଜୀସୁ ତାଢ଼େତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଞ୍ଜରାଲ୍ ଷେତେସି, “ମୀରୁ ଆମ୍ବାଆରାଲ୍ ପାରିମାଞ୍ଜେରି?” ୫ ଏଞ୍ଜର ଏଲେକିତେସି, “ନାଜରିତତି ଜୀସୁ ।” ଜୀସୁ ଏଞ୍ଜରାଲ୍ ଏଲେକିତେସି, “ନାନୁ ଏଞ୍ଜାତେଏଁ?” ଏମିନି ଜୀହୁଦା ଏଞ୍ଜାଣାଲ୍ ସୀସୁୟି କେୟୁତା ହେରୁପିତେସି, ଏଞ୍ଜାସି ଜିକେଏ ଏଞ୍ଜରତଲେ ଏମ୍ବାଆଁ ନିତାମାତେସି । ୬ ଜୀସୁ ଏତିବେଲା ଏଞ୍ଜରାଲ୍ ଏଲେକିତେସି, “ନାନୁ ଏଞ୍ଜାତେଏଁ” ଏତିବେଲା ଏଞ୍ଜର ଡ଼ାୟୁଖାକି ଗୁତା ଆହାନା ବୁମିତା ତରୁଣା ହାତେରି । ୭ ଜୀସୁ ଷେଣ୍ଡେ ଷେତେସି, “ମୀରୁ ଆମ୍ବାଆରାଲ୍ ପାରିମାଞ୍ଜେରି?” ଏଞ୍ଜର ଏଲେକିତେସି, “ନାଜରିତତି ଜୀସୁଲ୍ ।” ୮ ଜୀସୁ ଏଲେକିତେସି, “ନାନୁ ଷେସାମାଞ୍ଜୁଲ୍, ନାନୁ ଏଞ୍ଜାତେଏଁ । ମୀରୁ ନାଡ଼େ ପାରିମାଞ୍ଜୁଦେରି ଇତିହିଁ ଇଞ୍ଜରାଲ୍ ପିହୁଦୁ । ୯ ଆମ୍ବାଆରାଲ୍ ନାଡ଼େ ହାହାମାଞ୍ଜୁତି, ଏଞ୍ଜର ବିତ୍ରାଟି ରଅଣାଲ୍ ଜିକେଏ ଜାକ୍ହା ହିଲଅଁ ।” ଏନିକି ଦାର୍ତ୍ତ ପତିତ କାତା ସାତା ଆନେ ଏଦାଆଁତାକି ଏଲେ ଇତେସି । ୧୦ ସିମନ ପିତର ତାନି ତାଣା କାଣ୍ଡା ମାତାକି ଏଞ୍ଜାସି କାଜା ପୂଜେରା

ହଲେଏଣା ଚିଠିନି କିୟୁଁ ଦାଢେସି, ଏଞ୍ଜାଣି ଦରୁ ମାଲକସ୍ । ୧୧ ଏରେଟିଏ ଜୀସୁ ପିତରଇଁ ଏଲେଇରେସି, “କାଣ୍ଡା, କାଣ୍ଡା ଇଚିନି ଟାୟୁତା ଇଟାମୁ; ନାନୁ ଏନାଆଁ ଅଣ୍ପିପାଞ୍ଜି, ଆକା ମାହାପୁରୁ ନାଟ୍ଟେ ହାହାମାଞ୍ଜିନି ଦୁକୁଚି ସଲାତା ଗସାଲି ଆଡ଼ଅଁ କି?” ୧୨ ଏମ୍ପାଟିଏ ରମିୟ କସକା, ଇଞ୍ଜିଁ ରିଜାରି କସକା ମୁହେଁ କାଜାସି, ଅଡ଼େ ଜୀହୁଦି ଲକୁଚି କସକା ଜୀସୁଇଁ ଆସାନା ଦସ୍ପିତେରି । ୧୩ ଏଞ୍ଜାଣାଇଁ ଦସ୍ପିପାନ ମୁଲୁଏ ହାନାନ ଚାଣା ଅଡ଼େରି, ଇଚିହିଁ ଏଞ୍ଜାସି ଏ ବାସିତି କାଜା ପୁଜେରା କୟାପାତି ପଢ଼ଲେଏସି ମାରେସି । ୧୪ ଏ କୟାପା ବାରେ ଲକୁ ଡାକି ରଅସି ହାନାୟି ମିଟ୍ଟେ ଡାକି ନେହେଁ ଇଞ୍ଜିଁ ଜୀହୁଦି ଲକୁଣି ଖେସାମାରେସି । ୧୫ ସିମନ ପିତର ଅଡ଼େ ର ସୀସୁ ଜୀସୁଚି ଜେତ ଜେତ ହାଜିମାରେରି । ଏ ସୀସୁ କାଜା ପୁଜେରା ତଲେ ପୁଣ୍ଡି ଆହାମାରେରି ଅଡ଼େ ଜୀସୁତଲେ କାଜା ପୁଜେରା ଆଂଗେଣିତା ହାରେସି; ୧୬ ସୀମା ପିତର ପାଟ୍ଟାଚି ଦୁଖେରି ଦାରିତା ନିତାନା ଦୁୟିତେସି । ସୀମା ଏମିନି ସୀସୁ କାଜା ପୁଜେରା ତଲେ ପୁଣ୍ଡି ଆହାମାରେରି, ଏଞ୍ଜାସି ପାଟ୍ଟାତା ହାଜାନା ଦୁଖେରିତା କାଃଆନାଣାଇଁ ଏଲେଇଞ୍ଜାନା ପିତରଇଁ ବିତ୍ରା ଅଡ଼େସି । ୧୭ ଏମ୍ପାଟିଏ ଦୁଖେରିତା କାଃଆନାଣି ହଲେଣି ପିତରଇଁ ଏଲେଇରେ, “ନାନୁ ଜିକେଏ ଏନାଆଁ ଲକୁଚି ସୀସୁୟିଁ ବିତ୍ରାଚି ରଅତି ଆଏକି?” ପିତର ଏଲେଇରେସି, “ନାନୁ ଏଞ୍ଜାଡେଏଁ ଆଏ ।” ୧୮ ଏଚିବେଲାତା ପେନି ଆହାମାତାକି ହଲିୟାଟ୍ଟା ଅଡ଼େ କାଃଆନାରି ହିଚୁ ତାସାନା ସାରିଖାକି ନିତାନା କେରଞ୍ଜି ମାରେରି; ପିତର ଜିକେଏ ଏଞ୍ଜାରିତଲେ ନିତାନା ହିଚୁ କେରଞ୍ଜି ମାରେସି । ୧୯ କାଜା ପୁଜେରା ଜୀସୁଇଁ ତାନି ଜାପ୍ନାଣି ଇଞ୍ଜିଁ ସୀସୁୟିଁଚି କାତା ଖେରେସି । ୨୦ ଜୀସୁ ଏଲେଇରେସି, “ନାନୁ ବାରେ ଦାର୍ତ୍ତିଚି ନକିତା ତସାନା ଜାପ୍ନାମାଲ୍, ଆମ୍ପିୟା ବାରେ ଜୀହୁଦି ଲକୁ କୃଡା ଆନେରି, ମାହାପୁରୁ ଇଲୁତା ଅଡ଼େ ଜୀହୁଦି ଲକୁଚି କୁଚିନି ଇଲକାଣା, ଲକୁ କୃଡା ଆହାମାନି ବେଲାତା ନାନୁ ଜାପ୍ନାମାଲ୍, ତୁକହାନା ଏନାଆଁ କିହାହିଲଅଁ । ୨୧ ନାଟ୍ଟେ ଏନାଆଁତାକି ଖେଞ୍ଜିମାଞ୍ଜିଦି? ନାନୁ ଏଞ୍ଜାରାଇଁ ଏନାଆଁ ଏଲେଇଞ୍ଜାମାଲ୍, ଆମ୍ପାଆରି ଖେଞ୍ଜିମାନେରି ଏଞ୍ଜାରାଇଁ ଖେନାମୁ; ନାନୁ ଏନା ଏନାଆଁ ଏଲେଇଞ୍ଜାମାଲ୍, ଏଞ୍ଜାରି ବାରେ ପୁଞ୍ଜିମାନେରି ।” ୨୨ ଜୀସୁ ଏଲେ ଇଞ୍ଜିମାନାଣି ଖେଞ୍ଜିନା ଦାରିତା ନିତାମାଚି ମାହାପୁରୁ ଇଲୁ ଜାମାନାଟ୍ଟା ବିତ୍ରାଚି ରଅସି ଏଞ୍ଜାଣାଇଁ ସାପ୍ତା ଡ଼େଟାନା ଏଲେଇରେସି, “ନିଟ୍ଟେ ଇଚେକା ସାସା କାଜା ପୁଜେରାଇଁ ଏଲେ ଇଞ୍ଜିମାଞ୍ଜି?” ୨୩ ଜୀସୁ ଏଞ୍ଜାଣାଇଁ ଏଲେଇରେସି, “ନାନୁ ଲାଗେଏ ଜଲମାଚିହିଁ, ଏ ଲାଗେଏଚି ପାର୍ମାଣା ହିୟାୟୁ; ନେହିଁ ଜଲମାଲ୍ ଇଚିହିଁ ଏନାଆଁତାକି ନାଟ୍ଟେ ଖେଚିମାଞ୍ଜିଦି?” ୨୪ ଏମ୍ପାଟିଏ ହାନାନ ଜୀସୁଇଁ ଏଲେକିହିଁ ଦସ୍ପି ଆହାମାନାଣାଇଁ କାଜା ପୁଜେରା କୟାପା ଚାଣା ପାଣ୍ଡିତେସି । ୨୫ ସିମନ ପିତର ହିଚୁ ତାଗେ ନିତାନା ହିଚୁ କେରଞ୍ଜି ମାରେସି, ଏମ୍ପାଟିଏ ଏଞ୍ଜାରି ଏଞ୍ଜାଣାଇଁ ଖେରେରି, “ନାନୁ ଜିକେଏ ଏଞ୍ଜାଣି ସୀସୁୟିଁ ବିତ୍ରାଚି ରଅତି ଆଏକି?” ପିତର ଏଲେଇରେସି, “ନାନୁ ଆଏ ।” ୨୬ ପିତର, ଏମିନି କାଜା ପୁଜେରା ହଲିୟାଟ୍ଟା ବିତ୍ରାଚି ରଅଣି କିୟୁଁ ଦାଢ

ମାରେସି, ଏଞ୍ଜାଣି କୁଚିମିତାସି ଏଲେଇରେସି, “ନାନୁ ନିଟ୍ଟେ ବାଡ଼ାତା ଏଞ୍ଜାଣିତଲେ ମାତାଣି ମେସାମାଞ୍ଜିଆଡେଏଁ କି?” ୨୭ ପିତର ଅଡ଼େ ଖେଞ୍ଜି ଏଲେଇରେସି, “ଆଏ ପୁଞ୍ଜିହିଲଅଁ ।” ଏଚିବେଲାତା କୟୁ କେଣ୍ଡେ । ୨୮ ତାନି ଅର ନେଚୁ ଲାଇ ଏଞ୍ଜାରି ଜୀସୁଇଁ କୟାପା ଇଲୁଚି ଅହାନା ରମିୟ ରାଜି ସାଲଖି କିନାଣି ମେଡ଼ା ଇଲୁତା ଏଡେରି, ଜୀହୁଦି ଲକୁ ମେଡ଼ା ଇଲୁ ବିତ୍ରା ହାଲୁଆଡେରି, ଇଚିହିଁ ଏଦାଆଁ ତଲେ ପିସ୍ପିଆତି ପାର୍ବୁଚି ବକି ତାକି ତାମ୍ପୁଟ୍ଟେ ଲାଗେଏ କିହାକତାଲି ଅଣ୍ପି ହିଲୁଆଡେରି । ୨୯ ଏଦାଆଁତାକି ସାଲଖି କିନି ପିଲାତ ଏଞ୍ଜାରିତାଣା ପାଟ୍ଟାତା ଖାହାନା ଖେରେସି, “ଇ ମାଣ୍ଡସି କପାଚି ମୀ ଏନିଲେହେଁଚି ଦାଞ୍ଜା ମାନେ?” ୩୦ ଏଞ୍ଜାରି ଏଞ୍ଜାଣାଇଁ ଏଲେଇରେରି, “ଇ ମାଣ୍ଡସି ଲାଗେଏଚି କାମା କିହା ହିଲୁଆଚିହିଁମା, ମାମୁ ଏଞ୍ଜାଣାଇଁ ନୀ ଚାଣା ତାଆଡମିମା ।” ୩୧ ପିଲାତ ଏଞ୍ଜାରାଇଁ ଏଲେଇରେସି, “ଆଚିହିଁ ଇଞ୍ଜାଣାଇଁ ଅହାନା ମୀ ମେରା ତଲେ ନାହିଁୟି କିଦୁ ।” ଜୀହୁଦିୟିଁ ଏଞ୍ଜାଣାଇଁ ଏଲେଇରେରି, “ଆମ୍ପାଆରାଇଁ ହାନି ତଣ୍ଡୁ ହାହାଲି ମା ଅଦିକାରା ହିଲେଏ ।” ୩୨ ଜୀସୁ ଏନିକିଁ ହାହାଲି ହାଜିମାନେସି, ଏ କାତା ଜୀସୁ ଏନାଆଁ ଏଲେଇଞ୍ଜାମାରେସି, ଏଦି ଏନିକିଁ ପୁରା ଆନେ, ଏଦାଆଁତାକି ଏଞ୍ଜାରି ଏଲେଇରେରି । ୩୩ ପିଲାତ ଖେଣ୍ଡା ମେଡ଼ା ଇଲୁ ବିତ୍ରା ହାଜାନା ଜୀସୁଇଁ ଖେରେସି, “ଏନାଆଁ ନାନୁ ଜୀହୁଦି ଲକୁଚି ରାଜାଚି?” ୩୪ ଜୀସୁ ଏଲେଇରେସି, “ଇ କାତା ନୀ ମନଟି ଖେଞ୍ଜିମାଞ୍ଜିଦି କି ଏଡ଼କାତାରି ନା କାତାଚି ନିଟ୍ଟେ ଏନାଆଁ ଏଲେଇଞ୍ଜା ମାଞ୍ଜିନେରି?” ୩୫ ପିଲାତ ଏଲେଇରେସି, “ନାନୁ ଏନାଆଁ ଅଣ୍ଡାମାଞ୍ଜି, ନାନୁ ର ଜୀହୁଦିତେଏଁ? ନୀ କୃତାଚି ଲକୁ ଇଞ୍ଜିଁ କାଜା ପୁଜେରାଟ୍ଟା ନିଟ୍ଟେ ତାତାନା ନା କେୟୁତା ହେରୁପା ମାଞ୍ଜିନେରି । ଖେସାମୁ ନାନୁ ଏନାଆଁ କିହାମାଞ୍ଜି?” ୩୬ ଜୀସୁ ଏଲେଇରେସି, ନା ରାଜି ଇ ଦାର୍ତ୍ତିତାୟି ଆଏ; ନା ରାଜି ଦାର୍ତ୍ତିତାୟି ଆଡିହିଁମା, ନାନୁ ଜୀହୁଦି ଲକୁଡାଣା ହେରୁପି ଆଆରେଚୁ ନାଟ୍ଟେ ସେବା କିୟାନାରି ନା ତାକି ଲକୁ କିଚେରିମା, ସୀମା ନା ରାଜି ସାଡେଏ ଇ ଦାର୍ତ୍ତିତାୟି ଆଏ । ୩୭ ପିଲାତ ଏଞ୍ଜାଣାଇଁ ଖେରେସି, “ଆଚିହିଁ ନାନୁ ଜୀହୁଦି ଲକୁଚି ରାଜାଚି?” ଜୀସୁ ଏଲେଇରେସି, “ନାନୁ ଏଲେ ଇଞ୍ଜିମାଞ୍ଜି ନାନୁ ର ରାଜାତେଏଁ । ନାନୁ ସାତା ଖାକିଚି ସାକି ହାହାଲି ଜାର୍ନା ଆହାମାଲ୍ ଅଡ଼େ ଦାର୍ତ୍ତିତା ଖାହାମାଲ୍ । ଆମ୍ପାଆସି ସାତାଚି ମୀରୁଏସି ଏଞ୍ଜାସି ନା କାତା ଖେନେସି ।” ୩୮ ପିଲାତ ଖେରେସି, “ସାତା ଏନାୟି?” ପିଲାତ ପାଟ୍ଟାତା ହାଜାନା ଜୀହୁଦି ଲକୁଣି ଏଲେଇରେସି, “ନାନୁ ଇଞ୍ଜାଣି ଚାଣା ଏନି ଦହ ବେଟାଆହି ହିଲଅଁ । ୩୯ ସୀମା ନାନୁ ପିସ୍ପିଆନି ପାର୍ବୁ ବେଲାତା ମିଟ୍ଟେତାକି କାୟିଦିତା ମାନରାଇଁ ରଅଣାଇଁ ପିସାଲି ତାକି ମୀ ମେରା ମାନେ, ଏଦାଆଁତାକି ଜୀହୁଦି ଲକୁଚି ରାଜାଲ୍ ମାଟ୍ଟେତାକି ପିସା ହିୟାପେସି ଇଞ୍ଜିଁ ମୀ ମନ ମାନେକି?” ୪୦ ଏମ୍ପାଟିଏ ଏଞ୍ଜାରି କାଲଖି ଆହିଁ ଏଲେଇରେରି, “ଇଞ୍ଜାଣାଇଁ ଆଏ, ସୀମା ବାରବାଲ୍ ପିସାହିୟାମୁ ।”

ତାୟୁ ପିଲାତ ଜୀବୁଇଁ ଅହାନା ସାବଣି ମାତା କିଓ କିତେସି ।
 ୨ ଅଡ଼େ ରିଜାରି କସକା ହାପକା ଟପେରି ଆଲାନା ଜୀସୁ ଚାୟୁତା
 ଇଟିଚେରି, ଅଡ଼େ ଏଞ୍ଜାଣାଇଁ ହେୟଁ ଖାଣା ହିମ୍ବରି ହୁଟିକିଚେରି; ୩ ଏଞ୍ଜାରି
 ଏଞ୍ଜାଣି ତାଣା ଖାହାନା ଏଲେଇଚେରି, “ଏ ଜୀହୁଦିୟଁ ରାଜା ଜହରା;”
 ଇଞ୍ଜିଁ ଏଞ୍ଜାରି ଏଞ୍ଜାଣାଇଁ ସାପଡ଼ା ଝେତେରି । ୪ ପିଲାତ ଝେଣ୍ଡେ ପାଢ୍ଫୁତା
 ହାଜାନା ଏଲେଇଚେସି, “ନାନୁ ଏଞ୍ଜାଣି ତାଣା ଏନି ଦହ ବେଟାଆହି
 ହିଲଅଁ, ଇଦାଆଁ ଏନିକିଁ ମୀରୁ ପୁଞ୍ଜେରି, ଇଦାଆଁତାକି ନାନୁ ଏଞ୍ଜାଣାଇଁ
 ମୀ ତାଣା ତାଟିମାଇଁ ।” ୫ ଏମ୍ପାଟିଏ ଜୀସୁ ଏ ହାପକା ଟପେରି ଅଡ଼େ
 ହେୟଁ ଖାଣା ହିମ୍ବରି ପରହାନା ପାଢ୍ଫୁତା ଖାଚେସି, ପିଲାତ ଏଞ୍ଜାଣାଇଁ
 ଏଲେଇଚେସି, “ମେହଦୁ ଇଞ୍ଜାସି ଏ ମାଣସି ।” ୬ ଏମ୍ପାଟିଏ କାଜା
 ପୁଜେରାଢ୍ଫୁ ଅଡ଼େ ମାହାପୁରୁ ଇଲୁ କାଃଆନି ଜାମାନାଢ୍ଫୁ ଏଞ୍ଜାଣାଇଁ
 ମେସାନା କାଲଓି ଆହିଁ ଏଲେଇଚେରି, “ଏଞ୍ଜାଣାଇଁ ପାସି ଏକଦୁ ପାସି
 ଏକଦୁ ।” ପିଲାତ ଏଞ୍ଜାଣାଇଁ ଏଲେଇଚେସି, “ମୀରୁ ଏଞ୍ଜାଣାଇଁ ଅହାନା
 ପାସି ଏକଦୁ, ଇଟିହିଁ ନାନୁ ଏଞ୍ଜାଣି ତାଣା ଏନି ଦହ ବେଟାଆହି ହିଲଅଁ ।”
 ୭ ଜୀହୁଦି ଲୁକୁ ଏଞ୍ଜାଣାଇଁ ଏଲେଇଚେରି, “ଇଟିହିଁ ମାଢ୍ଫେ ରଣ୍ଡିଏ ମେରା
 ମାନେ, ଏ ମେରାଲେହେଁଏ ଏଞ୍ଜାସି ହାନି ତଣ୍ଡେ ବେଟାଆନାୟି ମାନେ,
 ଇଟିହିଁ ଏଞ୍ଜାସି ତାଢ୍ଫେ ମାହାପୁରୁଟି ମୀରୁଏସି ଇଞ୍ଜିଁ ଝେସାମାନେସି ।” ୮
 ଏମ୍ପାଟିଏ ପିଲାତ ଇ କାତା ଝେଞ୍ଜାନା ଗାତି ଆଜିଚେସି । ୯ ଝେଣ୍ଡେ ମେଡ଼ା
 ଇଲୁତା ହାଜାନା, ଜୀସୁଇଁ ଝେଚେସି, “ନାନୁ ଆମ୍ପିଟି ଖାହାମାଞ୍ଜି?” ସାମା
 ଜୀସୁ ସାସି ଆହାନା ଡ଼ୟିଚେସି । ୧୦ ପିଲାତ ଏଲେଇଚେସି, “ନାଢ୍ଫେ
 ଜଲିମାଞ୍ଜିଅତି? ନିଢ୍ଫୁ ଗେଲୁପାଲି ନା ଅଦିକାରା ମାନେ ଅଡ଼େ ପାସିତା
 ଏକହାଲି ନା ଅଦିକାରା ମାନେ ଇ କାତା ନାନୁ ପୁଞ୍ଜିହିଲଅତି?” ୧୧ ଜୀସୁ
 ଏଲେଇଚେସି, “ମାହାପୁରୁ ତାଣାଟି ନିଢ୍ଫେ ଅଦିକାରା ହାଆଟିହିଁ, ନା ଲାକ
 ନୀ ଏନି ଅଦିକାରା ହିଲଆଚେମା; ଇଞ୍ଜିଁ ଆମ୍ପାଆସି ନାଢ୍ଫେ ନୀ କେୟୁତା
 ହେରୁପା ମାଞ୍ଜିନେସି ଏଞ୍ଜାଣି ପାପୁ ହାରେକା ।” ୧୨ ଇ କାତା ଝେଞ୍ଜାନା
 ପିଲାତ ଜୀସୁଇଁ ପିପାଲି ତାକି ଅଣ୍ଡିଚେସି, ସାମା ଜୀହୁଦି ଲୁକୁ କାଲଓି
 ଆହିଁ ଏଲେଇଚେରି, “ନାନୁ ଇଞ୍ଜାଣାଇଁ ପିହୁଦି ଆଟିହିଁ ନାନୁ କାୟିସରତି
 ଡ଼ଣେତି ଆସ; ଆମ୍ପାଆସି ଜାହାରାଇଁ ରାଜା ଇନେସି ଏଞ୍ଜାସି କାୟିସର
 କପାଟି କାତା ଜଲିମାନେସି ।” ୧୩ ପିଲାତ ଇ କାତା ଝେଞ୍ଜାନା ଜୀସୁଇଁ
 ପାଢ୍ଫୁତା ଖାଲୁକାଟି ବେରଣିମାଣ୍ଡା ତାଚେରି । ଏମିନାଣି ଏବି ହାତାତଲେ
 “ଗବ୍‌ବଟା” ଇଞ୍ଜିଁ ଇନେରି, ଏ ଚାୟୁଟି ବିଚାରା କିନି ଚାୟୁତା କୁଟିଚେସି ।
 ୧୪ ଏ ଦିନା ପିସ୍‌ପିଆନି ପାଟୁଟି ତଲିତି ଦିନା ମାଚେ, ଏଟିବେକା ଲାଈ ସ
 ଗଟା ଆହାମାଚେ । ଇଞ୍ଜିଁ ଏଞ୍ଜାସି ଜୀହୁଦି ଲୁକୁଣି ଏଲେଇଚେସି, “ଈଞ୍ଜାସି
 ମେହଦୁ ମୀ ରାଜା ।” ୧୫ ଏମ୍ପାଟିଏ ଏଞ୍ଜାରି ଏଲେଇଚେରି, “ଏଞ୍ଜାଣାଇଁ
 ପାୟୁଦୁ, ପାୟୁଦୁ, ପାସି ଏକଦୁ ।” ପିଲାତ ଏଞ୍ଜାଣାଇଁ ଏଲେଇଚେସି,
 “ନାନୁ ମୀ ରାଜାଇଁ ପାସିତା ଏକଇଁ?” କାଜା ପୁଜେରାଢ୍ଫୁ ଏଲେଇଚେରି,
 “କାୟିସର ପିସ୍‌ପେ ମା ରାଜା ଆମ୍ପାଆସି ହିଲଅସି ।” ୧୬ ତାୟୁ ପିଲାତ
 ଜୀସୁଇଁ ପାସି ମୁଣ୍ଡାତା ଏକହାଲି ତାକି ଏଞ୍ଜାରି କେୟୁତା ହେରୁପିଚେସି,

ଈଞ୍ଜିଁ ତାୟୁ ଏଞ୍ଜାରି ଜୀସୁଇଁ ଅହିଁ ହାଚେରି । ୧୭ ଏଚେଟିଏ ଏଞ୍ଜାରି ଜୀସୁଇଁ
 ଅଚେରି; ଅଡ଼େ ଜୀସୁ ଜାହାରା ପାସିମୁଣ୍ଡା ଚେକାନା “ତାୟୁଟିପା” ଇନି
 ଚାୟୁତା, ଇଟିହିଁ ଏମିନାଣି ଏବି ହାତାତଲେ “ଗଲଗଟା” ଇଞ୍ଜିଁ ଇନେରି
 ଏମ୍ପାଆଁ ହାଚେସି । ୧୮ ଏମ୍ପାଆଁ ଏଞ୍ଜାରି ଜୀସୁଇଁ ପାସି ମୁଣ୍ଡାତା ଏକହେରି,
 ଏଞ୍ଜାଣିତଲେ ଅଡ଼େ ରିଆରାଇଁ ପାସି ମୁଣ୍ଡାତା ଏକହେରି, ରିକଞ୍ଜାକି ରିଆରି
 ଅଡ଼େ ମାଦିଏ ଜୀସୁ । ୧୯ ଅଡ଼େ ପିଲାତ ର ଆକୁତା ରାଚାନା ପାସିମୁଣ୍ଡା
 ଲାକ ଆଟିକିଚେସି, ଏମ୍ପାଆଁ ରାସକି ଆହାମାଚେ, “ନାଜରିତତି ଜୀସୁ
 ଜୀହୁଦିୟଁ ରାଜା ।” ୨୦ ଜୀହୁଦିୟଁ ବିତ୍ରାଟି ହାରେକା ଏ ଆକୁଟି ପଡ଼ଓି
 ଆଚେରି, ଇଟିହିଁ ଜୀସୁଇଁ ଏମିନିତାଣା ପାସି ଏପକି ଆହାମାଚେ, ଏଦି
 ଗାଡ଼ା ତାଗେ ମାଚେ; ଇଞ୍ଜିଁ ଏ ଆକୁ ଏବି, ଲାଟିନ୍ ଅଡ଼େ ଗ୍ରିକ ହାତାତଲେ
 ରାସକି ଆହାମାଚେ । ୨୧ ଜୀହୁଦି ଲୁକୁଟି କାଜା ପୁଜେରାଢ୍ଫୁ ପିଲାତଇଁ
 ଏଲେଇଚେରି, “ଜୀହୁଦିୟଁ ରାଜା ଇଞ୍ଜିଁ ରାଚାଆନା, ନାନୁ ଜୀହୁଦି ଲୁକୁଟି
 ରାଜା ଇଞ୍ଜିଁମାଚେସି ଇଞ୍ଜିଁ ରାଚାମୁ ।” ୨୨ ସାମା ପିଲାତ ଏଲେଇଚେସି,
 “ନାନୁ ଏନାଆଁ ରାଚାମାଇଁ ଏଲେକିହିଁଏ ଡ଼ୟିନେ ।” ୨୩ ରିଜାରି କସକା
 ଜୀସୁଇଁ ପାସିତା ଏକହି ଜେଚ ଏଞ୍ଜାଣି ହିମ୍ବରିକା ଅହାନା ସାରି ବାଗା
 କିଚେରି, ରୁ ବ କହ୍‌ଏଣାକି ରଣ୍ଡାଲାକା, ଅଡ଼େ ଏଞ୍ଜାଣି ଲାମ୍ପା ସକା ଜିକେଏ
 ଅଚେରି । ଏ ଲାମ୍ପା ସକା ତାଚାନା ହେରୁକି ଟିଏ ପାଞ୍ଚଆନା କଡାୟଁ
 ପାଚେକା କିଓ ଆହାମାଚେ । ୨୪ ଏମ୍ପାଆଁତାକି ଏଞ୍ଜାରି ଏଲେଇଚେରି,
 “ଇଦାଆଁ ଗେହ୍‌ଆପ, ସାମା ଇଦି ଆମ୍ପାଆରାଖାୟି ଆନେ, ଏଦାଆଁତାକି
 ପାଦି କିନ ।” ଏନିକିଁ ଦାମ୍ପୁ ପତିତି କାତା ପୁରା ଆନେ, “ଏଞ୍ଜାରି ତାନି
 ବିତ୍ରା ନା ହିମ୍ବରିକା ବାଗା କିଚେରି, ଅଡ଼େ ନା ଲାମ୍ପା ସକାତାକି ପାଦି
 କିଚେରି ।” ରିଜାରି କସକା ସମାନା ଏଲେକିହିଁଏ କିଚେରି । ୨୫ ସାମା
 ଜୀସୁଟି ପାସିମୁଣ୍ଡା ତାଗେ ତାନି ଇୟା, ତାନି ଇୟାନି ତାଢ୍ଫୁ କୁପାଟି ତକ୍ତି
 ମରିୟନ ଅଡ଼େ ମଗ୍‌ବଲିନି ମରିୟନ ନିଚାମାଚୁ । ୨୬ ଜୀସୁ ତାନି ଇୟା
 ଅଡ଼େ ଏମିନି ସୀସୁଇଁ ଜୀସୁ ନହିଁମାଚେସି, ଏଞ୍ଜାସି ତାଗେ ନିଚାମାନାଣି
 ମେସାନା ଏଲେଇଚେସି, “ଏ ଇୟା ମେହଦୁ ନୀ ମୀରୁଏସି!” ୨୭ ତାୟୁ
 ଜୀସୁ ଏ ସୀସୁଇଁ ଏଲେଇଚେସି, “ଇଦି ମୀ ଇୟା ।” ଏ ଦିନାଟିଏ ଏ
 ସୀସୁ ଜୀସୁଟି ଇୟାନି ତାନି ଇଜ ଅଡ଼େସି । ୨୮ ତାୟୁ ଜୀସୁ ଦାମ୍ପୁ ପତିତି
 ବଲୁ ଏନିକିଁ ପୁରା ଆନେ, ଏଦାଆଁତାକି ବାରେ ରାହାମାନେ ଇଞ୍ଜିଁ ପୁଞ୍ଜାନା
 ଏଲେଇଚେସି, “ନାଢ୍ଫେ ଏସକି ହଟିମାଞ୍ଜାନେ ।” ୨୯ ଏମ୍ପାଆଁ ପୁଲାଏୟୁ
 ନେଞ୍ଜାମାନି ର ଡ଼କା ମାଚେ; ଏଞ୍ଜାରି ଏମ୍ପାଆଁ ର ଦ୍ରାଞ୍ଚାଲି ମୁସାନା ବାଲୁଟି
 ମୁନୁତା ରୁପାନା ଜୀସୁଟି ଗୁଟିତା ହାଚେରି । ୩୦ ଏଚେଟିଏ ଜୀସୁ ଏ
 ପୁଲାଏୟୁ ଗସାନା ଏଲେଇଚେସି, “ରାହାହାଚେ” ଏଲେଇଞ୍ଜାନା ତାୟୁ
 ଲେସାନା ହାଚେସି । ୩୧ ପାସି ଏପକି ଆହାମାନାରି କଡାୟଁ ଡ଼ିକହାନା
 ଏଞ୍ଜାରି ହାଟି ମାଡ଼ହାଟି ପାସି ମୁଣ୍ଡାଟି ରେପହା ତାଚାଲି ଜୀହୁଦି ଲୁକୁଇଁ
 କାଜାରି ପିଲାତଇଁ ବାଟିମାଲିଚେରି, ଇଟିହିଁ ଏ ଦିନା ସୁକ୍ତି ତାନି ଅର ଦିନା
 ସୁଦୁ ଜମିନି ଦିନାତା ହାଟି ମାଡ଼ହା ପାସିମୁଣ୍ଡା ଲାକ ପିପାଲି ଏଞ୍ଜାରି ମନ
 କିହିହିଲଆଚେରି । ୩୨ ଇଞ୍ଜିଁ ରିଜାରି କସକା ଖାହାନା ଜୀସୁତଲେ ପାସି

ମୁଣ୍ଡାତା ଏକହାମାଟି ରିଆରି କତାୟଁ ଡିକହେରି । ୩୩ ସାମା ଏଞ୍ଜାରି ଜୀସୁ ଚାଣା ଖାହାନା ଏଞ୍ଜାସି ହାହାମାନାଣି ମେସ୍ତେରି, ଏଦାଆଁତାକି ଏଞ୍ଜାରି ଏଞ୍ଜାଣି କତାୟଁ ଡିକଆତେରି । ୩୪ ଆତିଜିକେଏ କସକା ବିତ୍ରାଟି ରଅସି ଜୀସୁଟି ପାଡ଼କା ଚଟତା ବାଲା ତଲେ ଗୁକହେସି ଇଞ୍ଜି ଦେବୁଣିଏ ଏମ୍ପାଟି ଏୟୁ ଅଡେ ନେତେରି ହତେ । ୩୫ ଆମ୍ପାଆସି ମେସାମାନେସି, ଏଞ୍ଜାସି ସାକି ହାହାମାନେସି, ଏନିକି ମୀରୁ ଜିକେଏ ନାମିଦେରି; ଇଞ୍ଜି ଏଞ୍ଜାଣି ସାକି ସାତା, ଏଞ୍ଜାସି ସାତା ଖେସାମାନେସି ଇ କାତା ଏଞ୍ଜାସି ପୁଞ୍ଜାମାନେସି । ୩୬ ଇଚିହିଁ ଦାମ୍ପୁ ପଚିତି କାତା ପୁରା ଆହାଲିତାକି ଇ ବାରେ ଆଡେ, “ଏଞ୍ଜାଣି ର ତୁମ୍ଭୁ ଜିକେଏ ଡିକଅରି ।” ୩୭ ଦାମ୍ପୁ ପଚିତି ଅର କାତା ଇଦି, “ଏଞ୍ଜାରି ଆମ୍ପାଆରାଇଁ ବାଲା ତଲେ ଗୁକହା ମାତାରି ଜିକେଏ ଏଞ୍ଜାଣାଇଁ ସିନିକନେରି ।” ୩୮ ଇଦାଆଁ ଡାୟୁ ହାରାମାଟିୟାଟି ଜସେପ ଇନାସି ପିଲାତ ଚାଣା ହାଜାନା ଜୀସୁଟି ଆଡ୍ଡୁ ଅହାଲି ବାଟିମାଲିତେସି । ଇ ଜସେପ ଜୀସୁଟି ର ସୀସୁ ମାତେସି, ସାମା ଜୀହୁଦି ଲକ୍ଷୁଟି କାଜାରି ଆଜିତାକି ତୁଗାନା ମାତେସି, ପିଲାତ ଏଞ୍ଜାଣାଇଁ ହେଲ ହାହାଲିଏ ଏଞ୍ଜାସି ଜୀସୁଟି ଆଡ୍ଡୁ ମୁସାଲି ଅତେସି । ୩୯ ଏଞ୍ଜାଣିତଲେ ନିକଦିମ ମାତେସି । ଇ ନିକଦିମ ର ଦିନା ଲାଆଁୟଁ ଜୀସୁତଲେ କାତା ଆହାଲି ଖାହାମାତେସି, ଏ ନିକଦିମ କଡେଦସ କେକି ଗାନ୍ଧୁ ନିୟଁ ତାଟିହିଁ ଖାହାମାତେସି । ୪୦ ଏଞ୍ଜାରି ଜୀସୁଟି ଆଡ୍ଡୁ ଅହାନା ଜୀହୁଦି ଲକ୍ଷୁଟି ମୁହନି ମେରା ତଲେ ଏଦାଆଁ ଗାନ୍ଧୁ ନିୟଁତଲେ ପାତାଡା ହିମ୍ପରି ରୁପିତେରି । ୪୧ ଜୀସୁ ଏମିନି ଚାୟୁତା ପାସି ମୁଣ୍ଡାତା ଏପକି ଆହାମାତେସି ଏ ଦାରିତା ର ବାଡ଼ା ମାତେ, ଏ ବିତ୍ରା ର ପୁଃନି ମାହଣି ମାଣ୍ଡା ମାତେ, ଏମ୍ପାଆଁ ନକେଏ ଆମ୍ପାଆରାଇଁ ଇବ୍ଢ଼ି ଆହାଲିଆତେ । ୪୨ ଏ ଦିନା ଜୀହୁଦି ଲକ୍ଷୁଟି ଜମିନି ଦାନାଟି ନକିତି ଦିନା ମାତାକି, ଗାଟି ହେକ ହାଲାଆନା ଏଞ୍ଜାରି ଜୀସୁଟି ଆଡ୍ଡୁ ଅହାନା ମାହଣି ମାଣ୍ଡାତା ଇଚିତେରି ।

୨୦ ଖାରାଟି ମୁଲୁ ଦିନା ଲାଇ ଲାଇ ଆନେରି ମାଞ୍ଜା ମାଞ୍ଜାନା ମଗ୍ବଲିନି ମରିୟମ ମାହଣି ମାଣ୍ଡା ବାରିତା ଖାହାନା ଏମ୍ପାଟି ଖାଲି ଗୁଟା ଆହାମାନାଣି ମେସ୍ତେ । ୨ ଇଞ୍ଜି ଏଦି ହଟି ହଟି ହାଜାନା ସିମନ ପିତର ଆମ୍ପାଆରାଇଁ ଜୀସୁ ଜୀଝୁ ନହିମାତେସି, ଏ ସୀସୁୟଁଇଁ ଏଲେଇତେ, “ଆମ୍ପାଆରି ପ୍ରବୁଇଁ ମାହଣି ମାଣ୍ଡାଟି ଅହାମାନେରି, ଇଞ୍ଜି ଆମ୍ପିୟା ଇଟାମାନେରି ଏଦାଆଁ ମାମୁ ପୁଞ୍ଜାହିଲଅମି ।” ୩ ଇ କାତା ଖେଞ୍ଜାନା ପିତର ଅଡେ ଅର ସୀସୁ ମାହଣି ମାଣ୍ଡା ଖାକି ହଟେରି । ୪ ଏଞ୍ଜାରି ରିଆରି ରହେଏ ହଟେରି, ଅର ସୀସୁ ପିତରଇଁ ଡାୟୁ ପିସାନା ତଲିଏ ମାହଣି ମାଣ୍ଡା ଏତେସି । ୫ ଏଞ୍ଜାସି ବଟ୍ଟାହାଁ ଏମିନି ପାତାଡା ହିମ୍ପରି ଆଡ୍ଡୋତା ରୁପା ମାତେରି ଏମ୍ପାଆଁ ରିହାମାତାଣି ମେସ୍ତେସି, ସାମା ବିତ୍ରା ହାଲାଆତେସି । ୬ ଡାୟୁ ସିମନ ପିତର ଜିକେଏ ଖାତେସି ଇଞ୍ଜି ମାହଣି ମାଣ୍ଡା ବିତ୍ରା ହତାନା ସିନିକତେସି ଏମ୍ପାଆଁ ପାତାଡା ହିମ୍ପରିକା ମାମୁ, ୭ ଇଞ୍ଜି ତାନି ଡାୟୁତା ଦସାମାଟି ଏ ପାତାଡା ହିମ୍ପରିକା ତଲେ ହିଲାଆତେ ଏଦି ଏଟକା ମାତେ । ୮ ଏଚିବେଲା ଏମିନି ସୀସୁ ତଲିଏ

ମାହଣି ମାଣ୍ଡା ତାଗେ ଖାହାମାତେସି, ଏଞ୍ଜାସି ଜିକେଏ ବିତ୍ରା ହତାନା ମେସ୍ତେସି ଅଡେ ନାମିତେସି; ୯ ଇଚିହିଁ ହାତାରି ବିତ୍ରାଟି ଏଞ୍ଜାଣାକି ନିଞ୍ଜାଲି ଆନେ, ଦାମ୍ପୁ ପଚିତି ଇ ବଲୁ ଏତେ ପାତେକା ତେଲହା ହିଲାଆତେରି । ୧୦ ଡାୟୁ ସୀସୁୟଁ ଖେଣ୍ଡେ ଇଜ ହାତେରି । ୧୧ ସାମା ମରିୟମ ଡାହି ଡାହି ପାଡ୍ଡୋତା ନିତା ଡୟିତେ; ଇଞ୍ଜି ଡାହି ଡାହି ବଟ୍ଟାହାଁ ମାହଣି ମାଣ୍ଡା ବିତ୍ରା ସିନିକତେ, ୧୨ ଜୀସୁଟି ଆଡ୍ଡୁ ଏମିନି ଚାୟୁତା ଇଟକି ଆହାମାତେ, ଏମ୍ପାଆଁ ଡାୟୁ ଖାକି ରଅସି ଅଡେ କତାୟଁ ଖାକି ରଅସି ଦବଲା ହିମ୍ପରିକା ପରହାନା ରିଆରି ଦୁଡୁୟଁ କୁଟାମାନାଣି ମେସ୍ତେ । ୧୩ ଏଞ୍ଜାରି ଏଦାନି ଏଲେଇତେରି, “ଏ ଇୟା ଏନାଆଁତାକି ଡାହିମାଞ୍ଜୁ?” ଏଦି ଏଞ୍ଜାରାଇଁ ଏଲେଇତେ, “ଆମ୍ପାଆରି ନା ପ୍ରବୁଇଁ ଅହାମାନେରି, ଅଡେ ଏଞ୍ଜାଣାଇଁ ଆମ୍ପିୟା ଇଟାମାନେରି ପୁଞ୍ଜାହିଲଅଁ ।” ୧୪ ଏଦି ଏଲେଇଞ୍ଜାନା ଡାୟୁଖାକି ସିନିକହାନା ଜୀସୁଇଁ ମେସ୍ତେ, ସାମା ଏଞ୍ଜାସି ଜୀସୁ ପୁଞ୍ଜାଲି ଆତାଆତେ । ୧୫ ଜୀସୁ ଏଦାନି ଏଲେଇତେସି, “ଏ ଇୟା ଏନାଆଁତାକି ଡାହିମାଞ୍ଜୁ? ଆମ୍ପାଆରାଇଁ ପାରିମାଞ୍ଜୁ?” ଏଦି ଏଞ୍ଜାଣାଇଁ ବାଡ଼ା ଗାଟାସି ଇଞ୍ଜି ଅଶ୍ଵାପାନା ଏଲେଇତେ, “ବାବୁ ନୀନୁ ଏଞ୍ଜାଣାଇଁ ଅହାମାଞ୍ଜୁ ଇଚିହିଁ ଆମ୍ପିୟା ଇଟାମାଞ୍ଜୁ, ନାଡ୍ଡେ ଖେସ୍ତାମୁ ନୀନୁ ଅଇଁ ।” ୧୬ ଜୀସୁ ଏଦାନି ଏଲେଇତେସି, “ମରିୟମା!” ମରିୟମ ଏଞ୍ଜାଣି ଖାକି ସିନିକହାନା ଏବୁ ହାତାତଲେ ଏଲେଇତେ, “ରାବୁନି” ଇଚିହିଁ ଏ ଗୁରୁ । ୧୭ ଜୀସୁ ଏଦାନି ଏଲେଇତେସି, “ନାଡ୍ଡେ ଆସା ଇଟାଲି ଅଶ୍ଵାପାନି, ଇଚିହିଁ ନୀନୁ ନୀଏଁ ପାତେକା ଆବା ତାଣା ହାଜାହିଲଅଁ; ସାମା ନା ତାୟିୟଁ ତାଣା ହାଜାନା କାବୁ ହୀମୁ, ନୀନୁ ନା ଆବା ମୀ ଆବା ନା ମାହାପୁରୁ ମୀ ମାହାପୁରୁ ତାଣା ହାଜିମାଇଁ ।” ୧୮ ମଗ୍ବଲିନି ମରିୟମ ହାଜାନା, ନୀନୁ ପ୍ରବୁଇଁ ମେସାମାଇଁ ଏଞ୍ଜାସି ନାଡ୍ଡେ ଇ ବାରେ କାତା ଖେସାମାଞ୍ଜାନେସି ଇଞ୍ଜି ସୀସୁୟଁଇଁ କାବୁ ହୀତେ । ୧୯ ଏ ଦିନା ଇଚିହିଁ ଖାରାଟି ତଲିତି ଦିନା ମିଡ଼ୁଆଲା ବେଲା ଏତେତା ସୀସୁୟଁ ଏମିନି ଇଲୁତା ଜୀହୁଦି ଲକ୍ଷୁଟି ଆଜିତାକି ଦାରାୟଁ ସୁଣ୍ଡାମାତେରି, ଏଚିବେଲା ଜୀସୁ ଖାହାନା ମାଦିଏ ନିତାନା ଏଲେଇତେସି, “ମିଡ୍ଡେ ହିଡ଼ି ଆୟାପେ ।” ୨୦ ଏଞ୍ଜାସି ଏଲେଇଞ୍ଜାନା ତାନି କେସ୍ତା, ପାଡ଼କା ଡ଼ଇକା ଡସ୍ତେସି, ଏମ୍ପାଟିଏ ସୀସୁୟଁ ପ୍ରବୁଇଁ ମେସାମା ରାହାଁ ଆତେରି । ୨୧ ଜୀସୁ ଖେଣ୍ଡେ ଏଲେଇତେସି, “ମିଡ୍ଡେ ହିଡ଼ି ଆୟାପେ ଆବା ଏନିକି ନାଡ୍ଡେ ପାଣ୍ଡାମାଞ୍ଜାନେସି, ନୀନୁ ଜିକେଏ ମିଡ୍ଡେ ଏଲେକିହିଁଏ ପାଣ୍ଡାମାଞ୍ଜୁଇଁ ।” ୨୨ ଏଲେଇଞ୍ଜାନା ଏଞ୍ଜାରି ଲାକ ନେଞ୍ଜାନା ଏଲେଇତେସି, “ସୁବୁଜୀଝୁଇଁ ଆବାକତାବୁ, ୨୩ ମୀରୁ ମାଣ୍ଡସିୟଁ ପାପୁ ମ୍ଲେକ୍ସିସାରେ, ମାହାପୁରୁ ଜିକେଏ ଏଞ୍ଜାରି ପାପୁ ମ୍ଲେକ୍ସିନେସି; ଇଞ୍ଜି ଆମ୍ପାଆରି ପାପୁ ମ୍ଲେକ୍ସିତେରି, ଇଚିହିଁ ଏଞ୍ଜାଣି ପାପୁ ମେଣ୍ଡେସି ।” ୨୪ ସାମା ଜୀସୁ ଏଚିବେଲା ଖାହାମାତେସି, ଏଚିବେଲାତା ବାରକାଣା ବିତ୍ରା ଡମା ଆମ୍ପାଆରାଇଁ ଦିନୁମ ଇନେରି, ଏଞ୍ଜାସି ଏଞ୍ଜାରିତଲେ ହିଲାଆତେସି । ୨୫ ଏଟକାଟି ସୀସୁୟଁ ଏଲେଇତେରି, “ମାମୁ ଜୀସୁଇଁ ମେସ୍ତେମି ।” ଇଞ୍ଜି ଏଞ୍ଜାସି ଏଞ୍ଜାରାଇଁ ଏଲେଇତେସି, “ଏଞ୍ଜାଣି କେୟୁଟି କୁଟିୟଁ ସିନା

ମେହୁଆଡିହିଁ ଅଡ଼େ ଏ ବାରେ ତାଣା ନା ଖାଞ୍ଜୁ ଉହୁଆନା ଇଞ୍ଜିଁ ଏଞ୍ଜାଣି ପାଡ଼କା ଡ଼ଇକା ତାଗାଆନା ନାନୁ ଏଚେଲା ଜିକେଏ ନାମଅଁ । ୨୭ ଆଟାଦିନା ଜେଚ ତାନି ସୀସୁୟାଁ ଏ ଇଲୁତେଏ ମାଚେରି, ଅଡ଼େ ତମା ଜିକେଏ ଏଞ୍ଜାରିତଲେ ମାଚେସି, ଦାରାୟାଁ ସୁଶୁକି ଆହାମାରୁ, ସାମା ଜୀସୁ ଖାହାନା ଏଞ୍ଜାରି ମାଦି ନିତାନା ଏଲେଇଚେସି, “ନିଢ୍ଢେ ହିଡ଼ି ଆୟାପେ ।” ୨୭ ତାୟୁ ଏଞ୍ଜାସି ତମାୟାଁ ଏଲେଇଚେସି, “ଇମ୍ପାଆଁ ନୀ ଖାଞ୍ଜୁ ଉସାନା ସିନିକିମ୍ପୁ, କେୟୁ ଦାସାନା ନା ପାଡ଼କା ଡ଼ଇକା ତାଗାମ୍ପୁ; ଆନାମାନା ଆଆନା ନାମାମ୍ପୁ ।” ୨୮ ତମା ଜୀସୁୟାଁ ଏଲେଇଚେସି, “ନା ପ୍ରବୁ ନା ମାହାପୁରୁ ।” ୨୯ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁ ନାଢ୍ଢେ ମେସାନା ନାମିମାଞ୍ଜୁଦି, ଆମ୍ପାଆରି ମେହୁଆନା ନାମିନେରି ଏଞ୍ଜାରି ନେହେଁ ।” ୩୦ ଜୀସୁ ସୀସୁୟାଁ ନିକିତା ହାରେକା କାବାଆନି କାମାୟାଁ କିହାମାଚେସି, ଏଞ୍ଜି ବାରେ ଇ ପତିତା ରାୟକି ଆହାହିଲାର; ୩୧ ସାମା ମୀରୁ ଏନିକିଁ ନାମିଦେରି, ଜୀସୁ ମାହାପୁରୁ ମୀରୁଏସି ମସିହା, ଇ କାତା ନାମାହାଁ ଏନିକିଁ ମୀରୁ ଏଞ୍ଜାଣି ଦରୁଟି ଜୀସୁ ବେଟାଆଦେରି, ଏଦାଆଁତାକି ଇ ବାରେ ରାୟକି ଆହାମାନେ ।

୨୯ ଇଦାଆଁ ତାୟୁ ଜୀସୁ ଡିବିରିୟା ସାମ୍ପୁରି ଗାରୁତା ସୀସୁୟାଁୟାଁ ଖେଶ୍ଵେ ତଞ୍ଜୁଆଚେସି; ୨ ଏମ୍ପାଆଁ ସିମନ ପିତର ତମା ଆମ୍ପାଆରାଇଁ ଦିରୁମ ଇନେରି, ଗାଲିଲିତି କାନା ଗାଡ଼ାଡ଼ି ନିତନିୟେଲ, ଜେବଦିତି ମୀରୁକା ଅଡ଼େ ତାନି ସୀସୁୟାଁ ବିତ୍ରାଟି ରିଆରି କୃଡ଼ା ଆହାମାଚେରି । ୩ ସିମନ ପିତର ଏଞ୍ଜାରାଇଁ ଏଲେଇଚେସି, “ନୀନୁ ମୀଶକା ଆସାଲି ହାଜିମାଇଁ ।” ଏଞ୍ଜାରି ଏଞ୍ଜାଣାଇଁ ଏଲେଇଚେସି, “ମାମ୍ପୁ ଜିକେଏ ନୀ ତଲେ ଖାନମି ।” ଏଞ୍ଜାରି ହାଜାନା ତଂଗତା ହୁଚେରି, ଏ ଲାଆଁୟାଁ ଏଞ୍ଜାରି ଏନାଆଁ ଜିକେଏ ବେଟାଆଆଚେରି । ୪ ସାମା ଭୁଲୁପୁଲୁ ଆହାଲିଏ ଜୀସୁ ଗାରୁତା ନିଚେସି; ଆତିଜିକେଏ ଏଞ୍ଜାସି ଜୀସୁ ଇଞ୍ଜିଁ ସୀସୁୟାଁ ପୁନାଆଚେରି । ୫ ଜୀସୁ ଏଞ୍ଜାରାଇଁ ଏଲେଇଚେସି, “ଏ କକାଚେରି ମୀ ତାଣା ଏନାଆଁ ମୀଶକା ମାନୁ କି?” ଏଞ୍ଜାରି “ଆଏ” ଇଚେରି । ୬ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ତଂଗତି ଚିଃନିଖାକି ଜାଲା ମେଦ୍ଦୁ, ଆତିହିଁ ମୀରୁ ବେଟାଆଦେରି ।” ଏମ୍ପାଟିଏ ଏଞ୍ଜାରି ଜାଲା ମେଦ୍ଦହେରି, ଏମ୍ପାଆଁ ଇଚେକା ମୀଶକା ଖାତୁ ଏଞ୍ଜାରି ଏଦାଆଁ ରେଜାଲି ଆତାଆଚେରି । ୭ ଏମ୍ପାଟିଏ ଜୀସୁ ଏନିନି ସୀସୁୟାଁ ଜୀସୁ ନିହିଁମାଚେସି, ଏ ପିତରାଇଁ ଏଲେଇଚେସି, “ଈଞ୍ଜାସିତ ପ୍ରବୁ ।” ସିମନ ପିତର ଇ କାତା ଖେଞ୍ଜାନା ତୁମଶ୍ଵା ମାତାକି ତାନି ସକା ରୁରୁହାନା ସାମ୍ପୁରିତା ଡେଞ୍ଜିଚେସି; ୮ ସାମା ଏଟକାତି ସୀସୁୟାଁ ନେଞ୍ଜାମାନି ମୀଶକା ଜାଲାତି ରେଜି ରେଜି ତଂଗତି ଗାରୁତା ତାଚେରି, ଇଚିହିଁ ଏଞ୍ଜାରି ଗାରୁଟିଏ ହାରେକା ହେକ ହାଜା ହିଲାଆଚେରି । ୯ ଏଞ୍ଜାରି ସାମ୍ପୁରି ଗାରୁତା ରେତାନା, ଏମ୍ପାଆଁ ରୀଢ୍ଢାୟାଁୟାଁ ହିରୁ ଇଞ୍ଜିଁ ହିରୁ ଲାକ ମୀଶକା ଅଡ଼େ ରୁଟି ଇଟାମାନାଣି ମେସ୍ଵେରି । ୧୦ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ନୀଏଁ ଏନିନି ମୀଶକା ଆସାମାଞ୍ଜେରି ଏମ୍ପାଟି ଇଚେରା ତାତିହିଁ ଖାତୁ ।” ୧୧ ସିମନ

ପିତର ହାଜାନା ସାତାକଡ଼ି ଡେରଗଟା ମୀଶକା ମାଟି ଜାଲାତି ଗାରୁତା ରେଜା ତାଚେସି; ଇଚେକା ମୀଶକା ତାକି ଜିକେଏ ଜାଲା ତାମ୍ପାଆଚେ । ୧୨ ଜୀସୁ ଏଞ୍ଜାରାଇଁ ଏଲେଇଚେସି, “ଖାତୁ ତିଞ୍ଜୁ ।” ସୀସୁୟାଁ ବିତ୍ରାଟି ଆମ୍ପାଆରି ଏଞ୍ଜାଣାଇଁ ନୀନୁ ଆମ୍ପାଆତି ଇଞ୍ଜିଁ ଖେଞ୍ଜାଲି ସାସା କିଆଚେରି, ଇଚିହିଁ ଏଞ୍ଜାସି ପ୍ରବୁ ଇ କାତା ଏଞ୍ଜାରି ପୁଞ୍ଜାମାଚେରି । ୧୩ ଜୀସୁ ଖାହାନା ରୁଟି ଆହାନା ହାଚେସି, ଇଞ୍ଜିଁ ମୀଶକା ଜିକେଏ ଏଲେକିହିଁଏ ହାଚେସି । ୧୪ ଜୀସୁ ହାକିଟି ନିଢ୍ଢୁଟି ତାୟୁ ଇଦି ତାନି ପାଲି ତାକି ସୀସୁୟାଁୟାଁ ତଞ୍ଜୁଆଚେସି । ୧୫ ଏଞ୍ଜାରି ତିଞ୍ଜାଲି ଆତିତି ଜେଚ ଜୀସୁ ସିମନ ପିତରାଇଁ ଖେଚେସି, “ଏ ଜହନତି ମୀରୁଏଶା ସିମନ ଏନାଆଁ ନୀନୁ ନାଢ୍ଢେ ଈଞ୍ଜାରି କିହା ହାରେକା ଜୀସୁ ନିହିଁମାଞ୍ଜୁଦି?” ଏଞ୍ଜାସି ଏଲେଇଚେସି, “ଏ ପ୍ରବୁ ନୀନୁ ନିଢ୍ଢେ ଜୀସୁନିହିଁ ମାଞ୍ଜୁଆଁ ନୀନୁ ଏଦାଆଁ ପୁଞ୍ଜାମାଞ୍ଜୁ ।” ଜୀସୁ ଏଞ୍ଜାଣାଇଁ ଏଲେଇଚେସି, “ନା ମେଶ୍ଵା ତାଲକାଣି ତୀହୁ ।” ୧୬ ଜୀସୁ ଖେଶ୍ଵେ ରୀ ପାଲି ତାକି ଖେଚେସି, “ଏ ଜହନତି ମୀରୁଏଶା ସିମନ ଏନାଆଁ ନୀନୁ ନାଢ୍ଢେ ଜୀସୁ ନିହିଁମାଞ୍ଜୁଦି?” ଏଞ୍ଜାସି ଏଲେଇଚେସି, “ଏ ପ୍ରବୁ ନୀନୁ ନିଢ୍ଢେ ଜୀସୁନିହିଁ ମାଞ୍ଜୁଆଁ ନୀନୁ ଏଦାଆଁ ପୁଞ୍ଜାମାଞ୍ଜୁ ।” ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ନା ମେଶ୍ଵାୟାଁଣି ପୁହିକିମ୍ପୁ ।” ୧୭ ଜୀସୁ ଅଡ଼େ ତାନି ପାଲି ତାକି ଖେଚେସି, “ଏ ଜହନତି ମୀରୁଏଶା ସିମନ ଏନାଆଁ ନୀନୁ ନାଢ୍ଢେ ଜୀସୁ ନିହିଁମାଞ୍ଜୁଦି?” ଏଲେଇଚ୍ଚି ତାନି ପାଲି ଖେଞ୍ଜାଲିଏ ଏଞ୍ଜାସି ଦୁକୁ ଆହାନା ଏଲେଇଚେସି, “ଏ ପ୍ରବୁ ନୀନୁ ବାରେ ପୁଞ୍ଜାମାଞ୍ଜୁ; ନୀନୁ ନିଢ୍ଢେ ଜୀସୁନିହିଁ ମାଞ୍ଜୁଆଁ, ଏଦାଆଁ ନୀନୁ ପୁଞ୍ଜାମାଞ୍ଜୁ ।” ଜୀସୁ ଏଞ୍ଜାଣାଇଁ ଏଲେଇଚେସି, “ନା ମେଶ୍ଵାୟାଁଣି ଜାତ୍ତୁ ଅମ୍ପୁ ।” ୧୮ ନୀନୁ ମିଢ୍ଢେ ସାତା ଖେସିମାଞ୍ଜୁଆଁ, ନୀନୁ ଦାଂଶା ମାନି ବେଲାତା ନୀ ଚେତେଲି ରୁପା କତାନା ଆମ୍ପିୟାଖାକି ନୀ ମନ ଏନିକା ରେଜିମାଟି, ସାମା ବୁଡ଼ହା ଆତିହିଁ ନୀନୁ ନୀ କେସ୍ତା ଦାହଦି ଇଞ୍ଜିଁ ଅର ରଅସି ନୀ ଚେତେଲିତା ଦସାନା ଆମ୍ପିୟା ନୀ ମନ ହିଲେଏ ଏନିକା ରେଜା ଅୟାନେସି । ୧୯ ପିତର ଏନିଲେହେଁତି ହାକି ତଲେ ମାହାପୁରୁଇଁ ଗାଞ୍ଜୁରିନି କିନେସି, ଏଦାଆଁ ପୁଶ୍ଵି କିହାଲି ଏଲେଇଚ୍ଚାମାଚେସି । ଏଲେଇଚି ତାୟୁ ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ନା ଜେଚ ଖାମ୍ପୁ ।” ୨୦ ଜୀସୁ ଏନିନି ସୀସୁୟାଁ ଜୀସୁ ନିହିଁମାଚେସି, ଅଡ଼େ ଲାଆଁୟାଁ ବଜି ବେଲାତା ତାନି ବକତା ଲାବାନା ପ୍ରବୁ ନିଢ୍ଢେ ଆମ୍ପାଆସି ସୀସୁୟାଁ କେୟୁତା ହେରପାନେସି ଇଞ୍ଜିଁ ଖେଞ୍ଜାମାଚେସି, ଏ ସୀସୁ ଜେଚ ଖାହିମାନାଣି ପିତର ଖେଶ୍ଵେ ଚିରୁଖାନା ମେସ୍ଵେସି । ୨୧ ପିତର ଏଞ୍ଜାଣାଇଁ ମେସାନା ଜୀସୁୟାଁ ଖେଚେସି, “ପ୍ରବୁ ଈଞ୍ଜାଣି କାତା ଏନାଆଁ ଇଞ୍ଜିମାଞ୍ଜୁ?” ୨୨ ଜୀସୁ ଏଞ୍ଜାଣାଇଁ ଏଲେଇଚେସି, “ନା ଖାନି ଦିନା ପାଚେକା ତୟାପେସି ଇଞ୍ଜିଁ ନୀନୁ ମନ କିଇଁ, ଆତିହିଁ ଏମ୍ପାଆଁ ନୀଦି ଏନାୟି ମାନେ? ନୀନୁ ନା ଜେଚ ଖାମ୍ପୁ ।” ୨୩ ଏମ୍ପାଟିଏ ଏ ସୀସୁ ହାଅସି, ଇ କାତା ତାୟାଁୟାଁ ବିତ୍ରା ଖେଞ୍ଜୁହାଚେ, ସାମା ଏଞ୍ଜାସି ହାଅସି ଇଞ୍ଜିଁ ଜୀସୁ ଏଞ୍ଜାଣାଇଁ ଏଲେଇଚ୍ଚା ହିଲାଆଚେସି, ସାମା ନା ଖାନି ଦିନା ପାଚେକା ଏଞ୍ଜାସି ତୟାପେସି ଇଞ୍ଜିଁ ନୀନୁ ମନ କିଇଁ, ଆତିହିଁ ଏମ୍ପାଆଁ ମୀ ଏନାୟି ମାନେ ଇଞ୍ଜିଁ ଖେସାମାଚେସି

। ୨୪ ଆତ୍ମାଆସି ଇ ବାରେ ସାକି ହାହିମାନେସି, ଅଡ଼େ ଇ ବାରେ
ରାଚାମାନେସି, ଏସାସି ଏ ସୀସୁ; ଅଡ଼େ ଏସାଣି ସାକି ସାତା ଇଦାଆଁ
ମାମୁ ପୁଞ୍ଜମାନମି । ୨୫ ଜୀସୁ ହାରେ ହାରେକା କାମାୟାଁ କିହାମାଚେସି;
ଏ ବାରେ ରଣ୍ଡା ରଣ୍ଡାଆଁ କିହିଁ ରାଚିଚିହିଁମା, ଇଚେକା ପତିୟାଁ ରାସକି
ଆତୁମା, ଇଚିହିଁ ନା ଅଣ୍ଡପୁତା ବାରେ ଦାଚିତା ଜିକେଏ ଏ ବାରେ ଇଟାଲି
ଟାୟୁ ଆଆଚେମା ।

କାମା

୧ ଏ ଜୀଞ୍ଜୁତି ତିୟପିଲ, ନା ମୁଲୁତି ପତିତା ଇ ବାରେ କାତା ରାତାମାଲ୍, ଜୀସୁ ଏମିନି କାମା ମାଟ୍‌ହେସି ଅଡ଼େ ଜାପ୍‌ହେସି, ୨ ଏ ଦିନା ପାତେକା ଏଞ୍ଜାସି ପାଣ୍ଡୁଞ୍ଜି ଆତାରାଇଁ ଆତାମାତେସି, ସୁଦୁଜୀଞ୍ଜୁ ତଲେ ହୁକୁମି ହୀହାନା ଲାକପୁରୁ ଅଞ୍ଜି ଆହାମାତେସି । ୩ ଏତେଟିଏ ଜୀସୁ ତାନି ଦୁକୁ ବେଟାଆତି ତାୟୁ ହାରେକା ଦିନା ଏଞ୍ଜାସି ଜୀଞ୍ଜୁତଲେ ମାତେସି ଇଦାଆଁ ପାଣ୍ଡୁଞ୍ଜି ଆହାମାନାରି ତାଣା ପାର୍‌ମାଣା କିତେସି, ଇଞ୍ଜି ରା କଡ଼ି ଦିନା ପାତେକା ହାରେକା ଦେବା ତଞ୍ଜୁଆହାନା ମାହାପୁରୁ ରାଜିତି କାତା ଜାପ୍‌ହେସି । ୪ ର ଦିନା ଏଞ୍ଜାସି ରଣ୍ଡିଏ ତାଣା ତିଞ୍ଜାଲି କୃଡ଼ା ଆହାମାତି ବେଲାତା ଜୀସୁ ଏଞ୍ଜାରିକ ଇ ହୁକୁମି ହୀତେସି; “ମୀରୁ ଜିରୁସାଲମ ପିଆଁ ଆମ୍ବିୟା ହାଲାଆରୁ, ସାମା ମୀରୁ ମାହାପୁରୁ ଆବାତି ଆଞ୍ଜାମାନାଣି ନା ତାଣାଟି ଖେଞ୍ଜା ମାଞ୍ଜେରି, ଏଦାଆଁ ପାଣ୍ଡିନି ପାତେକା କାତାନା ତୟାଦୁ: ୫ ଇତିହିଁ ଜହନ ଏୟତା ବାପ୍‌ସୁ ହୀତେସି ସାତା, ସାମା ମୀରୁ ଏତରଦିନା ଜେତ ସୁଦୁଜୀଞ୍ଜୁ ତଲେ ବାପ୍‌ସୁ ବେଟାଆଦେରି ।” ୬ ର ଦିନା ପାଣ୍ଡୁଞ୍ଜି ଆତାରି ରୁଣ୍ଡା ଆହାମାତି ବେଲା ଜୀସୁଇଁ ଖେତେରି, “ପ୍ରୁ, ନୀରୁ ଏନାଆଁ ନୀଏଁ ଇସ୍ରାୟେଲ କେୟତା ଅଡ଼େ ଖେଣ୍ଡେ ଇ ରାଜିତି ହେର୍‌ପିଦି?” ୭ ଜୀସୁ ଏଞ୍ଜାରିକ୍ ଏଲେଇତେସି, “ଆମିନି ଦିନା ଅଡ଼େ କାଲା ନା ଆବା ତାନି ଅଦିକାରାତା ଇଟାମାନେସି, ଏ ବାରେ ମିଡ଼େ ପୁଞ୍ଜାଲି ଲଡ଼ା ଆଏ । ୮ ସାମା ସୁଦୁଜୀଞ୍ଜୁ ମୀ ତାଣା ଖାତିସାରେ, ମୀରୁ ବାଡ଼ୟୁ ବେଟାଆଦେରି, ଇଞ୍ଜି ଜିରୁସାଲମ ବାରେ ଜୀହୁଦା ଦେସା ଇଞ୍ଜି ସମିରଣତା ଅଡ଼େ ବୁମି ମୁଟ୍‌ପେ ତାକି ନା ସାକି ଆଦେରି ।” ୯ ଏଞ୍ଜାସି ଇ ବାରେ କାତା ଖେସ୍ତି ତାୟୁ ଏଞ୍ଜାରି ମେସ୍‌ପିନିଏ ଜୀସୁ ଲାକପୁରୁ ହାତେସି, ଅଡ଼େ ଇଜାସି ଦୁଲ୍ଲୁ ଏଞ୍ଜାଣାଇଁ ଏଞ୍ଜାରି ତାଣାଟି ଅହିଁ ହାତେ, ଏଞ୍ଜାରି ଅଡ଼େ ଏଞ୍ଜାଣାଇଁ ମେହ୍‌ଆତେରି । ୧୦ ଏଞ୍ଜାସି ଲାକପୁରୁ ହାଜାଲିଏ ଜିକେଏ ଏଞ୍ଜାରି ହାଗୁଞ୍ଜାକି ମୁମୁ କିହାନା ସିନିକିହିଁ ମାନେରି; ଏତିବେଲା ଦବ୍‌ଲା ହିମ୍‌ପୁରିକା ହୁଟାମାନି ରିଆରି ଦେବୁଣିଏ ଏଞ୍ଜାରି ନକିତା ନିତେରି, ୧୧ ଇଞ୍ଜି ଏଞ୍ଜାରି ଏଲେଇତେରି “ଏ ଗାଲିଲିତି ଲକୁତେରି, ଏନାଆଁତାକି ହାଗୁଞ୍ଜାକି ମୁମୁ କିହାନା ନିତାମାଞ୍ଜେରି? ଇ ଆମିନି ଜୀସୁ ମୀ ତାଣାଟି ଲାକପୁରୁ ଅଞ୍ଜିଆତେସି, ଏଞ୍ଜାଣାଇଁ ଏନିକିଁ ଲାକପୁରୁ ହାତାଣି ମୀରୁ ମେସ୍‌ପେରି, ଅଡ଼େ ଏଲେକିହିଁଏ ଖେଣ୍ଡେ ଖାନାଣି ମେହ୍‌ଦେରି ।” ୧୨ ଏମ୍‌ପାଟିଏ ତାୟୁ ଏଞ୍ଜାରି ଜୀତ ଇନି ହୁରୁ ଲାକଟି ଜିରୁସାଲମତା ଖେଣ୍ଡାଖାତେରି, ଏ ଜୀତ ହୁରୁଟିଏ ଜିରୁସାଲମ ର କିଲମିଟର ହେକ ମାତେ । ୧୩ ଇଞ୍ଜି ଏଞ୍ଜାରି ପିତର, ଜହନ, ଜାକୁବ, ଆନ୍ଦ୍ରିୟୁ, ପିଲିପ, ତମା, ବାର୍‌ଥଲମି, ମାତିୟୁ, ଆଲେପି ମୀରୁଏସି ଜାକୁବ, ଦେସାତି ଜୀସୁ ନିନି ସିମନ ଅଡ଼େ ଜାକୁବ ମୀରୁଏସି ଜୀହୁଦା, ଗାଡ଼ାତା ଏଜାନା, ଏମିନି ଲାକନି ଇଲୁତା ବାସା ଆହାମାତେରି, ଏମ୍‌ପାଆଁ ହାତେରି । ୧୪ ଏଞ୍ଜାରି ବାରେକାଣା ଇୟସିକା ତଲେ ଇଞ୍ଜି ଜୀସୁତି ଇୟ ମରିୟମ ଅଡ଼େ ତାନି ତାୟୁତାଁ ତଲେ ରଣ୍ଡିଏ

ଅଣ୍ଡପୁ ତଲେ ପ୍ରାତାନା କିହିଁ ରୁଣ୍ଡା ଆହାମାତେରି । ୧୫ ଏତରଦିନା ତାୟୁ ନାମିତାରି କୃଡ଼ା ଆହାମାତେରି, ଏମ୍‌ପାଆଁ ସ କଡ଼ି ଜାଣା ଲକୁ କୃଡ଼ା ଆହାମାତେରି, ପିତର ତାୟୁତାଁ ବିତ୍ରାଟି ନିତାନା ଏଲେଇତେସି, ୧୬ “ଜୀଞ୍ଜୁତି ତାୟୁତାଁ ଅଡ଼େ ତାଢ଼ିସ୍ତା, ଆମିନି ଇୟାରିୟତ ଜୀହୁଦା ଜୀସୁଇଁ ସାତୁତାଁ କେୟତା ଆସ୍‌ପି କିହାଲିତାକି ଜିରୁ ତସାମାତେସି, ଏଞ୍ଜାଣି ତାକି ସୁଦୁଜୀଞ୍ଜୁ ନକେଏ ଦାସ୍ତୁଦ ଗୁଡ଼ିଟି ଏନାଆଁ ଖେସାମାତେସି, ଏ ଦାମ୍‌ସୁ ସାସ୍‌ପେରି ପୁରା ଆନାୟି ମାତେ; ୧୭ ଇତିହିଁ ଏଞ୍ଜାସି ମା ବିତ୍ରାଟି ରଅସି ଇଞ୍ଜି ଏଜିକିଞ୍ଜି ଆହିମାତେସି, ଅଡ଼େ ଇ ସେବା କାମାତା ପାଣା ବେଟାଆହା ମାତେସି ।” ୧୮ ଇ ଇୟାରିୟତ ଜୀହୁଦା ଲାଗେଏ କାମା କିତି ତାୟୁତାଁ ତଲେ ରଗାଣି ବୁମି କଡ଼ି ଆହାମାତେ, ଅଡ଼େ ଏଞ୍ଜାସି ହାତି ତାଣା ତାୟୁତାଁ ତଲେ କିହିଁ ତରଗାଲିଏ ତାନି ବାଣ୍ଡି ତାୟୁହାତେ ଇଞ୍ଜି ଖାହିଁ ହତାହାରୁ । ୧୯ ଅଡ଼େ, ଇଦାଆଁ ଜିରୁସାଲମ ଗାଡ଼ାତା ବାସା କିହିମାନି ଲକୁ ବାରେ ପୁଞ୍ଜାଲିଏ ଏ ବୁମିତି ଏଞ୍ଜାରି ହାତାତଲେ “ହକଲ୍‌ଦାମା” ଇତିହିଁ “ନେତେରି ବୁମି” ଇଞ୍ଜି ଖେଡ଼ିତେ । ୨୦ ଅଡ଼େ ପାରୁ ପତିତା ରାସ୍‌କି ଆହାମାନେ, “ଏଞ୍ଜାଣି ବାସାଗାୟୁ ଖାୟୁଆୟି ଆପେ; ଏମ୍‌ପାଆଁ ଆମ୍‌ପାଆରି ବାସା କିଆପେରି ।” ଅଡ଼େ ଜିକେଏ ରାସ୍‌କି ଆହାମାନେ; “ଏଞ୍ଜାଣି କାମାତି ପାଣା ଅର ରଅସି ବେଟା ଆପେସି ।” ୨୧ “ଏଦାଆଁତାକି, ପ୍ରୁ ଜୀସୁ ଖେଣ୍ଡେ ନିଢ଼ିତି କାତା ସାକି ଆହାଲି ଅର ରଅସି ମା ତଲେ ଆଣ୍ଡାନାୟି ମାନେ । ୨୨ ଜୀସୁ ଜହନ ତାଣାଟି ବାପ୍‌ସୁ ଅତି ବେଲାଟିଏ ଲାକପୁରୁ ହାନି ପାତେକା ପ୍ରୁ ଜୀସୁ ମା ତଲେ ନୀତାମାତି ବେଲାତା, ଆମିନି ଲକୁ ମା ଗତିତା ମାତେରି, ଏଞ୍ଜାରି ତାଣାଟି ରଅସି ଖେଣ୍ଡେ ନିଢ଼ିତି ସାକି ଆନାୟି ମାନେ ।” ୨୩ ଏତେଟିଏ ଏଞ୍ଜାରି ରିଆରାଇଁ ଇତିହିଁ ଜସେପଇଁ, ଆମ୍‌ପାଆରାଇଁ ବର୍‌ସବା ଇନେରି ଅଡ଼େ ଆମ୍‌ପାଆରି ହାଟା ଦରୁ ଇସ୍‌ସୁ ଏଞ୍ଜାଣାଇଁ ଇଞ୍ଜି ମତିୟଇଁ ବାତି କିହାନା, ୨୪ ଇ ପ୍ରାତାନା କିତେରି, “ପ୍ରୁ ନୀନ୍ଦୁ ବାରେତି ହିୟୁତି ଅଣ୍ଡପୁ ପୁନାତି, ଜୀହୁଦା ଏମିନି ଗାୟୁତା ତୟିନାୟି ମାନେ ଏଞ୍ଜାସି ହାଜାଲିଏ, ଏଞ୍ଜାଣି ଗାୟୁତା ଇ ରିଆରି ବିତ୍ରାଟି ନା ତାଣାଟି ଆତିତାସି ଆମ୍‌ପାଆସି, ୨୫ ଏ ପାଣ୍ଡୁଞ୍ଜି ଆହାମାନାରି ସେବା କାମା କିହାଲି ଆମ୍‌ପାଆରାଇଁ ଜୀହୁଦା ପାଣାତା ବାତି କିହାମାଞ୍ଜି ତସ୍‌ସାମୁ ।” ୨୬ ଅଡ଼େ ଏଞ୍ଜାରି ଏ ରିଆରି ତାକି ପାଦି କିହାଲିଏ ମତିୟ ଦବୁତଲେ ଆତେ; ଅଡ଼େ ଏଞ୍ଜାସି ଏଗାର ଜାଣା ପାଣ୍ଡୁଞ୍ଜି ଆହାମାନାରି ଗତିତା ଆଣ୍ଡିତେସି ।

୨ ପେନ୍‌ନିକସୁ ଦିନାତା କ୍ରୀସ୍ତୁଇଁ ନାମିତି ବାରେକାଣା ର ଗାୟୁତା ରୁଣ୍ଡା ଆହାମାତେରି । ୨ ଏ ଦେବୁଣିଏ କାଜା ଗାଲି ଖାହିମାନି ଲେହିଁ ର ହାତା ଲାକପୁରୁତି ଖାହାଁ, ଆମିନି ଇଲୁତା ଏଞ୍ଜାରି କୁଗାମାତେରି, ଏ ଇଲୁତି ବାରେଖାକି ଖେଡ଼ିତେ । ୩ ଇଞ୍ଜି ହିରୁ ଗୁଦ୍‌ଖା ଲେହିଁ ତଞ୍ଜୁଆହାନା ଏଞ୍ଜାରି ନକିତା ରଣ୍ଡି ରଣ୍ଡି ଆହିଁ ଏ ବାରେକାଣାଟି ଲାକ ରେତାଖାତେ । ୪ ଏମ୍‌ପାଟିଏ ଏଞ୍ଜାରି ବାରେକାଣା ସୁଦୁଜୀଞ୍ଜୁ ବେଟାଆହାନା ଏ ଜୀଞ୍ଜୁ ଏନିକିଁ ଜଲାଲି ବାଡ଼ୟୁ ହୀତେ, ଏଲେକିଁ ଏଞ୍ଜାରି ଏବ୍‌କା ଏବ୍‌କା ହାତାତଲେ ଜଲାଲି ମାଟ୍‌ହେରି । ୫ ଏତିବେଲାତା ପେନ୍‌ନିକସୁ ପାର୍‌ଟୁତାକି ହାଗୁ ତଲେ

ଏତ୍‌କା ଏତ୍‌କା ଦେସାତି ଖାହାମାତି ଜାହୁଦି ଲକ୍ଷ୍ମ ଜିରୁସାଲମତା ଡୟା ମାରେରି; ୨ ଅଡେ, ଏ ହାତା ଖେଞ୍ଜାଲିଏ, ହାରେକା ଲକ୍ଷ୍ମ କୃତା ଆହାନା ବାରେଜାଣା ଜାହା ଜାହାରା ହାତାତଲେ ଏଖାରି ଜଲିମାନାଣି ଖେଞ୍ଜାନା କାବା ଆହାହାରେରି । ୩ ଇଞ୍ଜି ଏଖାରି ଆତାଜାକା ଅଡେ କାବାଆହାନା ଏଲେଇଚେରି, “ମେହୁଦ୍ ଇ ଆମିନି ଲକ୍ଷ୍ମ ହାତା ଜଲିମାନେରି, ଏଖାରି ବାରେ ଗାଲିଲିତାରି ଆଏକି? ୮ ଆତିହିଁ, ମାର ଏନିକି ବାରେଜାଣା ଜାହା ଜାହାରା ଜାନୀ ଟାୟୁତି ହାତାତଲେ ଜଲିମାନାଣି ଖେଞ୍ଜିମାନାୟି? ୯ ପାତିୟ, ମାଦିୟ, ଏଲାମିୟ, ଅଡେ ମେସପଟାମିୟା, ଜାହୁଦା ଦେସା, କାପାଦକିୟା; ପରୁ ଅଡେ ଆସିୟା, ୧୦ ପୁର୍ଗିୟା, ପଂପୁଲିୟା, ମିସର ଇଞ୍ଜି କୁରିଣି ଦାରିତା ଡଇନି ଲିବିୟା ନାସକାଣା ବାସା କିନାରି, ଇଞ୍ଜି ରମତି ଖାହାମାନି ଜାହୁଦି, ୧୧ ଅଡେ ଏତ୍‌କା କୃତାତି ଲକ୍ଷ୍ମ ଜାହୁଦି ଦାମୁତି ନାମାହାଁ ଡୟାମାନାରି; ଅଡେ କ୍ରିତି ଇଞ୍ଜି ଆରବିୟ ଦେସାତି ଲକ୍ଷ୍ମତାୟି ମାର, ମାର ଜାହା ଜାହାରା ହାତାତଲେ ମାହାପୁରୁତି କାଜା କାଜା କାମାତି କାତା ଜଲିମାନାଣି ଖେଞ୍ଜିମାନାୟି ।” ୧୨ ଅଡେ ବାରେଜାଣା ଆତାଜାକା ଅଡେ କାବାଆହାନା ତାମୁ ତାମୁ ହାତାକାତା ଆଚେରି, “ଇଦାଣି ଅର୍ଥ ଏନାୟି?” ୧୩ ସାମା ଏତ୍‌କାତାରି ଲାଜାକିହିଁ ଏଲେଇଚେରି, “ଇଖାରି ପୁଠନି ଡାକ୍‌ହ ଅଡ୍‌ଜୁରି ରାସା ଗସାନା ହୁତା ହାଜାମାନେରି ।” ୧୪ ସାମା ପିତର ଏଗାର ଜାଣା ସୀୟୁୟା ତଲେ ନିତାନା କାଜା ରିୟୁତଲେ ଏଲେଇଚେରି, “ଜାହୁଦି ତାୟୁୟା ଅଡେ ଜିରୁସାଲମତା ବାସା କିହାମାନାଚେରି, ମାରୁ ନା କାତାତି ଖେଞ୍ଜାଦୁ ଅଡେ ଇଦାଆଁ ପୁଞ୍ଜୁ । ୧୫ ଇତିହିଁ ମାରୁ ଏନିକି ଅଶ୍‌ପିମାଞ୍ଜେରି, ଇଖାରି ଏଲେକିହିଁ ଅଡ୍‌ଜୁରି ରାସା ଗସାହାଁ ହୁତା ହିଲଅରି; ଇଦି ଆଚେ ଲାଈତି ନ ଗଂଟା ଆହାମାନେ । ୧୬ ସାମା ମାହାପୁରୁ ଅଶ୍‌ପୁତି ବଲ୍ଲୁ ଖେହନି ଆମିନି ଜୟେଲ ତାଣାତି ରାସକି ଆହାମାନେ ଇଦି ଆହିମାନେ ଏଦି; ୧୭ ‘ମାହାପୁରୁ ଖେସିମାନେସି ରାନି ଦିନାତା ଇ ବାରେ ଗଟ୍‌ଝି ଆନେ, ନାନୁ ବାରେ ଲକ୍ଷ୍ମତାକି ନା ଜୀଞ୍ଜୁ ପାଣ୍ଡାଲ୍, ଏଚେଟିଏ ମୀ ମୀର୍କା ମାସ୍କା ମାହାପୁରୁ ଅଶ୍‌ପୁତି ବଲ୍ଲୁ ଖେହନେରି, ମୀ ଦାଂଗଣାୟାଁ କାବା ଆନାଣି ମେହନେରି, ଅଡେ ମୀ ବୁଡ୍‌ହାୟାଁ ହାପାନା ହେଶନେରି । ୧୮ ହାଅ, ଏ କାଲାତା ନା ହଲିୟାଦ୍‌ଜା ଇଞ୍ଜି ହଲେଣିସିକା ଲାକ, ନାନୁ ନା ଜୀଞ୍ଜୁତି ଏଖାରି ଲାକ ଖାକ୍‌ଇ, ଏଚେଟିଏ ଏଖାରି ମାହାପୁରୁ ଅଶ୍‌ପୁତି ବଲ୍ଲୁ ଖେହନେରି । ୧୯ ନାନୁ ହାଗୁ ଲାକ କାବାଆନି କାମା; ଅଡେ ଡ଼ଇ ଦାର୍‌ତିତା କାବାଆନି ସିନାୟାଁ, ଏମାଆଁ ନେଚେରି, ହିରୁ ଇଞ୍ଜି ହାରେକା ବର୍‌ୟି ଡହଇଁ; ୨୦ ପ୍ରବୁତି କାଜା ଗାଞ୍ଜୁରମି ଦିନା ଖାନି ନକେଏ, ଖେଡା ଆନେରି ଆନେ, ଅଡେ ଲେଞ୍ଜୁ ନେଚେରିଲେହିଁ ଆନେ । ୨୧ ଅଡେ ଇଲେକିହିଁ ଆନେ, ଆମାଆସି ପ୍ରବୁ ଡରୁ ଆସାନା ପ୍ରାତାନା କିନେସି, ଏଖାସି ଗେଲ୍‌ପି ଆନେସି ।” ୨୨ “ଇସ୍ରାୟେଲ ଲକ୍ଷ୍ମତେରି, ଇ ବାରେ କାତା ଖେଞ୍ଜା ନାଜିରିତ ଜୀସୁ ହାରେକା ବାଡ୍‌ୟୁତି କାମା, କାବାଆନି କାମା ଇଞ୍ଜି ସିନାୟାଁ ତଲେ ମୀ ନକିତା ମାହାପୁରୁତି ପାଣ୍ଡୁଖି ଆତାସି ଇଞ୍ଜି ପାର୍‌ମାଣା ଆହାମାନେସି,

ଏଖାଣି ତାଣାତି ମାହାପୁରୁ ମୀ ତାଣା ଇ ବାରେ କାମା କିହାମାନେସି, ଇଦାଆଁ ମାରୁ ପୁଞ୍ଜାମାଞ୍ଜେରି । ୨୩ ଏ ଜୀସୁ ମାହାପୁରୁ କିହାମାନି ଅଶ୍‌ପୁ ଅଡେ ତଲିତି କାତାତଲେ ହେର୍‌ପି ଆହାଲିଏ, ମାରୁ ଏଖାଣାଲ୍ ପାପୁ ଗାଟାରି କେୟୁଟି ପାସି ମୁଣ୍ଡାତା ଏକହାନା ପାୟାମାଚେରି । ୨୪ ସାମା ମାହାପୁରୁ ଏଖାଣାଲ୍ ହାକିତି ବାଡ୍‌ୟୁଟି ଗେଲ୍‌ପାନା ନାଡ୍‌ହା ମାଚେସି, ଇତିହିଁ ଏଖାସି ହାକିତା ଦସ୍‌ପି ଆହା ଡୟିନେସି ଏଦି ଆହାଲି ଆଚେଏ ।” ୨୫ ଦାଞ୍ଜୁଦ ଏ କାତାତି ଖେସାମାନେସି, “ନାନୁ ବାରେବେଲା ନା ନକିତା ପ୍ରବୁଲ୍ ମେସିମାଚେଏ; ଇତିହିଁ ନାନୁ ଏନିକି କିଲିବିଲି ଆଅଁ, ଏଦାଆଁତାକି ଏଖାସି ନା ଟିଠନି ଟଟତା ମାନେସି । ୨୬ ଏଦାଆଁତାକି ନା ହିୟାଁ ରାହାଁ ଅଡେ ନା ଖେନୁରି ରାହାଁ ଆଚେ, ଅଡେ ନା ଆଦ୍‌ଜା କିକେଏ ବାସୁ ତଲେ ବାସା କିନେ, ୨୭ ଇତିହିଁ ନାନୁ ନା ଜୀଞ୍ଜୁତି ହାକିପୁରୁତା ପିହଅତି; ଅଡେ ନା ନାମୁ ଅଡେ ସୁରୁ ଗାଟାଣାଲ୍ ମାହୁଣି ମାଣ୍ଡାତା ସୀରହାଲି ହାଅତି । (Hadēs ୮୫) ୨୮ ନାନୁ ନାଡ୍‌ଜେ ଜୀଞ୍ଜୁତି ଜିରୁ ଡୟାମାଞ୍ଜୁଦି, ଅଡେ ନାନୁ ନାଡ୍‌ଜେ ନୀ ନକିତା ରାହାଁତା ନେଞ୍ଜିକିୟାଦି ।” ୨୯ “ଇସ୍ରାୟେଲତି ତାୟିୟାଁ ଅଡେ ତାଡ୍‌ୟୁଚେରି, ମା ଆକୁ ଦାଞ୍ଜୁଦତି କାତା ନାନୁ ମିଡ୍‌ଜେ କାଜା ହାତାତଲେ ଖେସାଲି ଆତାଲ୍, ଇତିହିଁ ଏଖାସି ହାଚେସି ଇଞ୍ଜି ମୁସ୍‌ପି ଆଚେସି, ଇଞ୍ଜି ଏଖାଣି ମାହୁଣି ମାଣ୍ଡା ନାଏଁ ପାଚେକା ଇମାଆଁ ମା ବିଡା ମାନେ । ୩୦ ରାଜା ଦାଞ୍ଜୁଦ ରୁ ମାହାପୁରୁ ଅଶ୍‌ପୁତି ବଲ୍ଲୁ ଖେହନାସି ଲେଞ୍ଜେଁ, ତାନି ନେଚେରି ତଲେ ଜାନି ଆତାଣାଲ୍ ମାହାପୁରୁ ତାନି ସିଂଗାସାଣିତା କୁରିକିହାଲି ତାନି ତାଣା ଆଞ୍ଜାମାଚେସି ଇଞ୍ଜି ପୁଞ୍ଜାମାଚେସି । ୩୧ ଦାଞ୍ଜୁଦ ଇଦାଆଁ ପୁଞ୍ଜାମାଚାକି, କ୍ରୀସୁତି ଖେଶ୍‌ଜେ ନିଡ୍‌ଜୁନି କାତା ଖେସାମାଚେସି ।” “ଇତିହିଁ ଏଖାସି ହାତାରି ତାଣା ଡୟାଆଚେସି; ଇଞ୍ଜି ଏଖାଣି ଆଦ୍‌ଜା ମାହୁଣି ମାଣ୍ଡାତା ସୀରଆଚେ ।” (Hadēs ୮୫) ୩୨ ମାହାପୁରୁ ଇ ଜୀସୁଲ୍ ଅଡେ ଖେଶ୍‌ଜେ ହାକିତି ନିକହାମାନେସି ଇଦାଣି ତାକି ମାମୁ ବାରେ ସାକି । ୩୩ ଏଦାଆଁତାକି ଆବା ମାହାପୁରୁ ଜୀସୁଲ୍ କାଜାସି କିହାନା ତାନି ଟିଠନିଖାକି କୁରିକିହାନା ତାନିତଲେ ସାଲଖି କିହାଲି ହାଚେସି, ଇଞ୍ଜି ଏଖାସି ମାଡ୍‌ଜେ ଆଞ୍ଜାମାଚି ସୁରୁଜୀଞ୍ଜୁ ହିୟାଚେସି, ଇଦି ମାରୁ ବାରେ ଆମିନିଗାଟାଣି ମେସିମାଞ୍ଜେରି ଇଞ୍ଜି ଖେଞ୍ଜିମାଞ୍ଜେରି । ୩୪ ଇତିହିଁ ଦାଞ୍ଜୁଦ ଲାକପୁରୁ ହାଜାହିଲାଆଚେସି; ଏଖାସି ତାନ୍‌ଏ ଖେସାମାଚେସି, “ପ୍ରବୁ ନା ପ୍ରବୁଲ୍ ଏଲେଇଚେସି; ୩୫ ନାନୁ ନା ସାଡ୍‌ୟାଁଣି ନା କତାୟାଁ ଡ଼ଇ ଇଟାଆ ପାଚେକା, ନାନୁ ନା ଟିଠନିଖାକି କୁଗାମାନାମୁ ।” ୩୬ “ଇଦାଆଁତାକି ବାରେ ଇସ୍ରାୟେଲତି ଲକ୍ଷ୍ମ ସାଚେଏ ପୁନାପେରି, ଇତିହିଁ ଆମିନି ଜୀସୁଲ୍ କୁସତା ପାୟିଚେରି, ସାଚେଏ ଏଖାଣାଲ୍ ମାହାପୁରୁ ପ୍ରବୁ ଅଡେ ମସିହା ପାଣା ହାଚେସି ।” ୩୭ ଇ କାତା ଖେଞ୍ଜାନା ଲକ୍ଷ୍ମତି ହିୟାଁ ତାହାହାଚେ, ଇଞ୍ଜି ଏଖାରି ପିତର ଅଡେ ଏମାଆଁ ମାଚି ପାଣ୍ଡୁଖି ଆତାରାଇଁ ଏଲେଇଚେରି, “ତାୟିୟାଁ ମାମୁ ଏନାଆଁ କିନମି?” ୩୮ ପିତର ଏଖାରାଇଁ ଏଲେଇଚେସି, “ମାରୁ ମୀ ହିୟାଁ ଖେଡ୍‌ହା କତାଡୁ, ଅଡେ ଜାହାରା ପାପୁତି ମୋକହାଲି ବାରେଜାଣା ଜୀସୁ କ୍ରୀସୁ ଡରୁତଲେ ବାପୁସୁ ଅଦ୍‌ଜୁ; ଆତିହିଁଦେଁ ମାରୁ

ସୁଦୁଜୀବୁତି ଦାନା ବେଟାଆଦେରି । ୩୯ ଇତିହିଁ ମାହାପୁରୁ ଆଜ୍ଞାମାନାୟି ମିଢ୍ଢେଟାକି, ଇଞ୍ଜିଁ ମୀ ମୀରୁକା ମାୟକା ଚାକି, ଅଡ଼େ ହେକତି ଏତେକା ଲକ୍ଷୁ ମା ପ୍ରବୁ ମାହାପୁରୁ ତାନି ଡାଣା ହାତିନେସି, ଏ ବାରେ ଲକ୍ଷୁଚାକି ଆନେ ।” ୪୦ ଅଡ଼େ ପିତର ଏଞ୍ଜାରାଇଁ ହାରେକା କାତାତଲେ ବାତିମାଲିହିଁ ଅଡ଼େ ଏଞ୍ଜାରାଇଁ ଜାପ୍ଦିନି ହାଡା ଖେସିହିଁ ସାକି ହାତେସି, “ଇ କୁଟୁଗାଟି କୁଡାତି ଲକ୍ଷୁଟିଏ ମୀରୁ ଗେଲୁପି ଆପୁ ।” ୪୧ ହାରେକା ଲକ୍ଷୁ ଏଞ୍ଜାଣି ହାଡା ନାମିତେରି ଇଞ୍ଜିଁ ବାପ୍ତିସ୍ତ ଅତେରି, ଅଡ଼େ ଏ ଦିନା ବାରେ ତାନି ମାଣା ଲକ୍ଷୁ କୁଲମି ତଲେ ଆଣ୍ଡିତେରି । ୪୨ ଏ ଦିନାଟିଏ ଏଞ୍ଜାରି ପାଣ୍ଡି ଆତାରି ଜାପ୍ଦିନି ଡାଣା, ଏଞ୍ଜାରିତଲେ ଆଣ୍ଡାନା ରୁଟି ଡିକହାଲି, ପ୍ରାତାନା କିହାଲି ଆଣ୍ଡି ଆହାଁ ଡିୟିତେରି । ୪୩ ପାଣ୍ଡି ଆତାରି ଡାଣାଟି ହାରେ ହାରେକା କାବାଆନି କାମା ଇଞ୍ଜିଁ ସିନାୟି ଡ଼ୁଞ୍ଜୁଆହାଲି ମାଟ୍ରେ; ଅଡ଼େ, ଲକ୍ଷୁ ବାରେ ଆଜାଲି ମାଟ୍ରେହେରି । ୪୪ ସାମା ବାରେ ନାମିତାରି, ଏଞ୍ଜାରି ବାରେଜାଣା ରଣ୍ଡିଏ ଡାଣା ଡିୟାନା ବାରେ ଦନତି ବାରେତାୟି ଇଞ୍ଜିଁ ଅଣ୍ଡିତେରି, ୪୫ ଅଡ଼େ ଏଞ୍ଜାରି ଜାହାରା ଦନତି ଆସ୍ତି ମାତାଣି ପାଟ୍ରେତାନା, ଆମ୍ବାଆରାକି ଏନାୟି ଲଡ଼ାମାନେ, ଏଲେକିହିଁ ବାରେତାକି ବାଟିକିହିଁ ହାହାଲି ମାଟ୍ରେହେରି । ୪୬ ଅଡ଼େ, ଏଞ୍ଜାରି ରଣ୍ଡିଏ ହିୟିଁ ଆହାଁ ବାରେଦିନା ପ୍ରାତାନା ଇଲୁତା ରୁଣ୍ଡା ଆହାନା ଡିୟିମାରେରି, ଇଞ୍ଜିଁ ଇଲୁତାକି ଇଲୁ ରୁଟି ଡିକିହିଁ ରାହାଁ ଅଡ଼େ ହିଡ଼ି ହିୟିଁ ତଲେ ଚିଞ୍ଜି ରଣ୍ଡିହିଁ, ୪୭ ମାହାପୁରୁଟି ଜହରା କିହିମାରେରି ଇଞ୍ଜିଁ ବାରେ ଲକ୍ଷୁଟି ଜୀବୁ ନନାରି ଆହିମାରେରି । ଅଡ଼େ ପ୍ରବୁ ଡାଣା ଗେଲୁପି ଆହିମାନି ଲକ୍ଷୁଣି ବାରେଦିନା କୁଲମି ତଲେ କାଲହାଲି ମାଟ୍ରେହେରି ।

୩ ପିତର ଅଡ଼େ ଜହନ ର ଦିନା ପ୍ରାତାନା କିନି କାପୁତା ଇତିହିଁ ତାନି ଗଟା ବେଲାତା ପ୍ରାତାନା ଇଲୁତା ହାଜିମାରେରି । ୧ ଏତିବେଲାତା ଜାନିଟିଏ ସତା ରଅସି ଡେକି କିଞ୍ଚି ଆହାଁ “ଅଜିତି” ଦରୁଗାଟି ଦୁଝେରିତା ଇଟ୍ରେ ଆହିମାରେସି; ଇଞ୍ଜିଁ ଏଞ୍ଜାସି ପ୍ରାତାନା ଇଲୁତା ଖାନି ଲକ୍ଷୁଣି ରାସିମାରେସି । ୩ ଅଡ଼େ ଏଞ୍ଜାସି ପିତର ଇଞ୍ଜିଁ ଜହନଇଁ ପ୍ରାତାନା ଇଲୁ ବିତ୍ରା ହାଜିମାନାଣି ମେସାନା ଏଞ୍ଜାରାଇଁ ରାସାଲି ମାଟ୍ରେହେସି । ୪ ପିତର ଅଡ଼େ ଜହନ ଏଞ୍ଜାଣାଇଁ ଆଟେ ସିନିକିତେରି, ଇଞ୍ଜିଁ ପିତର ଏଲେଇତେସି “ମା ଖାକି ସିନିକିୟାମୁ ।” ୫ ଏମ୍ବାଟିଏ ଏଞ୍ଜାସି ଏଞ୍ଜାରି ଡାଣାଟି ଇଡାଣି ବେଟାଆହାଲି ଏଞ୍ଜାରି ଖାକି ସିନିକିତେସି । ୬ ସାମା ପିତର ଏଲେଇତେସି, “ନା ଡାଣା ବାଟାରେ କି ଖେଣ୍ଡି ହିଲେଏ, ସାମା ନା ଡାଣା ଏନାୟି ମାନେ ଏଦାଆଁ ହାହିମାଞ୍ଜାଇଁ; ନାଜରିତ ଜୀପୁ କ୍ରୀପୁ ଦରୁତଲେ ହୁକୁମି ହାହିମାଞ୍ଜାଇଁ ନିଢ୍ଢାନା ଡାକାମୁ।” ୭ ଅଡ଼େ, ଏଞ୍ଜାସି ଏଞ୍ଜାଣି ଚିଞ୍ଚି କେୟୁ ଆସାନା ଏଞ୍ଜାଣାଇଁ ନିକହେସି, ଏତେଟିଏ ଏ ଦେବୁଣିଏ ଏଞ୍ଜାଣି କତାୟିତି ହାଲୁଲିକା ବାଡ଼ୟୁ ଆପୁ: ୮ ଏଞ୍ଜାସି ଡେଞ୍ଚି ଡେଞ୍ଚି ତାନି କତାତଲେ ନିତେସି, ଅଡ଼େ ତାକାଲି ମାଟ୍ରେହେସି । ଏତେଟିଏ ଏଞ୍ଜାସି ଏଞ୍ଜାରିତଲେ ପ୍ରାତାନା ଇଲୁତା ତାକିହିଁ ଅଡ଼େ ଡେଞ୍ଚିହିଁ ଇଞ୍ଜିଁ ମାହାପୁରୁଇଁ ଗାଞ୍ଜୁରି କିହିଁ ହାରେସି । ୯ ଏମ୍ବାଆଁ ମାନି ଲକ୍ଷୁ ବାରେ ଏଞ୍ଜାଣି ଡାକିନାଣି ଅଡ଼େ

ମାହାପୁରୁଟି ଗାଞ୍ଜୁରି କିହିମାନାଣି ମେସ୍ତେରି; ୧୦ ଅଡ଼େ ଆନିନିଗାଟାସି ପ୍ରାତାନା ଇଲୁଟି ଅଜିତି ଦୁଝେରିତା କୁଟାନା ରାସିମାରେସି, ଏଞ୍ଜାସିଏ ଇଞ୍ଜାସି ଇଞ୍ଜିଁ ପୁରେରି, ଏଞ୍ଜାଣାକି ଏନାଆଁ କିଞ୍ଚି ଆହାମାଟେ ଏଦାଆଁ ମେସାନା ଆଡାଜାକା ଆହାନା କାବା ଆତେରି । ୧୧ ଏଞ୍ଜାସି ପିତର ଇଞ୍ଜିଁ ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକ୍ଷୁ ଆଡାଜାକା ଆହାନା ଏଞ୍ଜାରି ତାଟେ ହଟାତେରି । ୧୨ ପିତର ଏଞ୍ଜାରାଇଁ ମେସାନା ଏଲେଇତେସି, “ଇସାୟେଲ ଲକ୍ଷୁତେରି, ମୀରୁ ଏନାଆଁତାକି ଆଡାଜାକା ଆହିମାଞ୍ଜେରି? ମାମୁ ମା ବାଡ଼ୟୁ କି ମାହାପୁରୁ ଆଜିତଲେ ଇଞ୍ଜାଣାକି ଡାକାଲି ବାଡ଼ୟୁ ହାହାମାନମି, ଏଦାଆଁ ଅଣ୍ଡାମା ମାଢ୍ଢେ ରଣ୍ଡିଏ ଅଣ୍ଡୁ ତଲେ ଏନାଆଁତାକି ସିନିକିହିମାଞ୍ଜାଦେରି? ୧୩ ଅବ୍ରାହାମା, ଇସାହାକ ଅଡ଼େ ଜାକୁବତି ମାହାପୁରୁ, ମା ଆକୁ ଆବାୟିତି ମାହାପୁରୁ, ତାନି ହଲେଏସି ଜୀପୁଇଁ ମାହାପୁରୁଟି ଗାଞ୍ଜୁରି ହାହାମାନେସି । ସାମା ଜୀପୁଇଁ ମୀରୁଏ ସାଲୁଡି କିନାରି କେୟୁତା ହେଡ଼ିପିତେରି, ଏତିବେଲା ପିଲାତ ଜୀପୁଇଁ ପିସାଲି ଅଣ୍ଡା ମାଟିହିଁ ଜିକେଏ, ଏଞ୍ଜାଣାଇଁ ମୀରୁ ପିଲାତ ନିକିତା ଅପାଆତେରି । ୧୪ ଏଞ୍ଜାସି ସୁଡୁ ଅଡ଼େ ବାମ୍ବୁଗାଟାସି ମାରେସି, ସାମା ମୀରୁ ଏଞ୍ଜାଣାଇଁ ଅପାଆତେରି, ଅଡ଼େ ଏଞ୍ଜାଣି ଚାୟୁତା ର ଲକ୍ଷୁଣି ପାୟିନାଣାଇଁ ପିସାଲି ପିଲାତଇଁ ବାତିମାଲିତେରି, ୧୫ ଆମ୍ବାଆସି ଜୀବୁଟି ଜିରୁ ଡ଼ହନାସି ଏଞ୍ଜାଣାଇଁ ମୀରୁ ପାୟିତେରି; ଏଞ୍ଜାଣାଇଁ ମାହାପୁରୁ ହାଡାରି ଡାଣାଟି ନିକହାମାନେସି, ମାମୁ ଇଡାଣି ସାକି । ୧୬ ଏଞ୍ଜାଣି ଦରୁଟି ବାଡ଼ୟୁ ଇ ସଟାଇଁ ନେହିଁ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜିଁ ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି ଆହାମାନେ । ଜୀପୁଇଁ ନାମିତାକି ଏଞ୍ଜାସି ନେହିଁ ଆହାମାନେସି ଇଦାଆଁ ମୀରୁ ମେସାମାଞ୍ଜେରି ।” ୧୭ “ଅଡ଼େ ନୀଏଁ ଇସାୟେଲତି ତାୟିୟିଁ ଅଡ଼େ ଡାଢ଼ିସ୍ତାତେରି, ମୀ କାଜାରି ଏନିକି, ମୀରୁ ଜିକେଏ ଏଲେକି ଦୁଦି ହିଲୁଆକି ଇଦାଆଁ କିହାମାନେରି ଇଞ୍ଜିଁ ନାମୁ ପୁଞ୍ଜିମାଇଁ । ୧୮ ତଲି କାଲାଟିଏ ମାହାପୁରୁ ଅଣ୍ଡପୁଟି ବଲୁ ଖେହନାରି ଡାଣାଟି ମାହାପୁରୁ ଖେସାମାରେସି ମସିହାଟି ଦୁକୁ ପାଣନାୟି ମାନେ; ଏ ବାରେ ଏଞ୍ଜାସି ଇଲେକି ପୁରା କିହାମାନେସି । ୧୯ ଇତିହିଁ, ଏନିକି ମୀ ପାପୁ ମେଣ୍ଡିନେ, ଏଦାଆଁତାକି ମନ ଖେହନା ମାହାପୁରୁ ଡାଣା ଖେଣ୍ଡା ଖାପୁ, ୨୦ ପ୍ରବୁ ଡାଣାଟି ମୀରୁ ଜୀବୁଟି ବାଡ଼ୟୁ ବେଟାଆଦେରି, ମାହାପୁରୁ ମିଢ୍ଢେଟାକି ତଲିଏ ଆତାମାନି ମସିହା ଜୀପୁଇଁ ପାଣ୍ଡାନେସି । ୨୧ ବାରେ କାତାଟି ଖେଣ୍ଡେ କିନାଣି ଆନିନି ବେଲାଟି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣ୍ଡପୁଟି ବଲୁ ଖେହନାରି ଡାଣାଟି ଖେହନା ମାରେସି, ଏ କାଲା ଖାଆ ପାତେକା ଏଞ୍ଜାଣାକି ସାତେଏ ଲାକପୁରୁ ହାଜାଲି ଆନେ । (aiōn g165) ୨୨ ମସା ଖେସାମାରେସି, ‘ପ୍ରବୁ ମାହାପୁରୁ ମୀ ତାୟିୟିଁ ବିତ୍ରାଟି ମିଢ୍ଢେଟାକି ନା ଲେହେଁକି ର ମାହାପୁରୁ ଅଣ୍ଡପୁଟି ବଲୁ ଖେହନାଣାଇଁ ନିକନେସି; ଏନା ଏନାଆଁ ମିଢ୍ଢେ ଖେସାନେସି, ଏ ବାରେ ମୀରୁ ଏଞ୍ଜାଣି କାତା ଖେଞ୍ଜେରି । ୨୩ ଆନିନିଗାଟାସି ମାହାପୁରୁ ଅଣ୍ଡପୁଟି ବଲୁ ଖେହନାରି କାତା ନାମଅରି ଏଞ୍ଜାରି ମାହାପୁରୁଟି

ଲକ୍ଷ୍ମୀ ତା'ଣାଟି ଏବଂ କା କିଞ୍ଚିଆନେରି ଅଡ଼େ ନାସା କିଞ୍ଚିଆନେରି । ୧୪
 ସାମୁଦ୍ରେଇ ଇଚ୍ଛା ତାନି ଡାୟୁଟି ଏତରଜାଣା ମାହାପୁରୁ ଅଣ୍ଟପୁଟି ବଲୁ
 ଖେହନାରି ଖେସାମାନେରି, ଏଖାରି ବାରେ ଇ କାଲତା ଆହିମାନି କାତା
 ଖେସାମାନେରି । ୧୫ ମାହାପୁରୁଟି ଆଖୁମାନି ମାହାପୁରୁ ଅଣ୍ଟପୁଟି ବଲୁ
 ଖେହନାରି ତା'ଣାଟି ମିଢ଼େଟାକି ନେହେଁ, ମାହାପୁରୁ ମୀ ଆକୁ ଆବାୟଁ
 ତଲେ କିତି ରାଜିମାନା ମୀରୁ କିହିମାଞ୍ଜେରି । ଏନିକିଁ ଏଖାସି ଅବାହାମଇଁ
 ଏଲେଇତେସି, 'ନାନୁ ମୀ କୃତାଟି ବାରେ ଦାର୍ତ୍ତିତି ଲକ୍ଷ୍ମୀକି ବର ହାଇଁ
 । ୧୬ ମାହାପୁରୁ ତଲିଏ ତାନି ହଲେଏଶାଇଁ ମିଢ଼େଟାକି ବାଟି କିହାନା
 ପାଣ୍ଡାତେସି, ଏନିକିଁ ଏଖାସି ମୀ ବାରେଜାଣା ତେରି ମିଢ଼େ ଲାଗେଏ
 ଜିରୁଟି ଖେହନା ବର ହିୟାନେସି ।"

୪ ପିତର ଅଡ଼େ ଜହନ ଲକ୍ଷ୍ମୀ ନକିତା ଖେସିମାନି ବେଲତା ପୁଜେରାଢ଼ା,
 ମାହାପୁରୁ ଇଲୁଟି କାଜାରି ଇଚ୍ଛା ସାଦୁକିୟଁ ଏଖାରି ନକିତା ଖାତେରି
 । ୧ ଏଖାରି କପା ଆହିମାତେରି, ଇତିହିଁ ପାଣ୍ଡାଖି ଆହାମାନାରି ଲକ୍ଷ୍ମୀ
 ଜାପୁହି ମାତେରି, ଇଚ୍ଛା ଜୀପୁଟି କାତା ଆସାନା ହାତାରି ବିତ୍ରାଟି
 ଖେଣ୍ଡେ ନିଢ଼େଟି କାତା ଖେକ୍‌ହ ମାତେରି । ୩ ଏତିବେଲା ମିଡ଼ିଆଲା
 ଆହିମାତେ, ଏଦାଆଁତାକି ଏଖାରି ସାପୁୟାଣି ଦସ୍‌ପାନା ଅର ନେରୁ
 ପାତେକା କାୟିଦି ଲକ୍ଷ୍ମୀ ଇତିତେରି । ୪ ସାମା ଏତେକା ଲକ୍ଷ୍ମୀ ବଲୁ
 ଖେତାରି ନାମିତେରି, ଇଚ୍ଛା ଖାରଇ ଆବାୟଁ ପାସାମାଣା ଆତେରି । ୫
 ତାନି ଅର ଦିନା ଜୀହୁଦିଘୁଟି କାଜାରି, ଇଚ୍ଛା ପ୍ରାଚିନାଢ଼ା, ଜାପୁନାରି ଅଡ଼େ
 ମେରାପୁନାରି ଜିରୁସାଲମତା କୃତା ଆତେରି । ୬ ଏଦାଆଁ କାଜା ପୁଜେରା
 ହାନାନ, କୟାପା, ଜହନ, ଆଲେକଜାଣ୍ଡାରତି କାଜା ପୁଜେରାଢ଼ା କୃତାଟି
 ବାରେ ଲକ୍ଷ୍ମୀ କୃତା ଆତେରି । ୭ ଏଖାରି ପାଣ୍ଡାଖି ଆତାରାଇଁ ମାଦିଏ
 ନିପହାନା ଖେତେରି, "ଏନିକିହିଁ କିତେରି? ଏନି ବାଡ଼ୁୟୁ ଇଚ୍ଛା ଆଦାଆରି
 ଦରୁତଲେ ମୀରୁ ଇ ବାରେ କାମା କିହିମାଞ୍ଜେରି?" ୮ ଏଦାଆଁଟିଏ ପିତର
 ସୁଦୁଜୀଘୁତା ନେଞ୍ଜାନା ଏଖାରାଇଁ ଏଲେଇତେସି, "ଲକ୍ଷ୍ମୀ କାଜାତେରି
 ଇଚ୍ଛା ପ୍ରାଚିନାଢ଼ାତେରି, ୯ ନାଞ୍ଜୁ ମାମୁ ସତାକି କିହାମାନି ନେହିଁ କାମାତାକି
 ମୀରୁ ଖେଞ୍ଜି ମାଞ୍ଜାଦେରି, ଏଖାସି ଏନିକିହିଁ ନେହିଁଆତେସି ଇଚ୍ଛା ପୁଞ୍ଜିଲି
 ଅଣ୍ଟପିମାଞ୍ଜେରି, ୧୦ ଆତିହିଁ ମୀରୁ ବାରେଜାଣା ତେରି ପୁନିକାତା,
 ଇସାୟେଲତି ବାରେ ଲକ୍ଷ୍ମୀ ପୁନାୟିମାନେ, ଆନିନି ନାଜରିତ ଜୀପୁ କ୍ରୀସୁଇଁ
 ମୀରୁ କୁସତା ପାୟିତେରି, ଆଦାଆରାଇଁ ମାହାପୁରୁ ହାକିଟି ନିକହାମାନେସି
 ଏ ଜୀପୁ ଦରୁଟି ଇ ମାଣ୍ଡି ନେହିଁ ଆହାନା ମୀ ନକିତା ନିତାମାନେସି ।"
 ୧୧ ଜୀପୁ ରଅସିଏ, ଦାମ୍‌ସୁ ସାସ୍ତେରି ଖେସିମାଞ୍ଜାନେ, "ଇଲୁ ଚେପିନାତେରି
 ମୀରୁ, ମୀ ତା'ଣାଟି ଆନିନି ଖାଲି ଲାଗେଏତାୟି ଆହାମାତେ, ସାମା
 ଆନିନାୟି କନତି କାଜା ଖାଲି ଆତେ, ଏଖାସି ଏ ଖାଲି ।" ୧୨ ଏଖାଣି
 ପିସ୍‌ପେ ଅଡ଼େ ଆଦାଆରି ତା'ଣା ଗେଲ୍‌ପିନାୟି ହିଲେଏ; ଇତିହିଁ ଆଦାଆରି
 ତା'ଣାଟି ମୀର ଗେଲ୍‌ପି ଆନାୟି ଆନେ, ହାଗୁ ଡ଼ଇ ମାଣ୍ଡିୟାଁ ବିତ୍ରା ଏନି
 ଦରୁ ହାପୁକି ଆହା ହିଲେଏ । ୧୩ ଏଖାରି ପିତର ଅଡ଼େ ଜହନତି ସାସା
 ମେସାନା ଇଚ୍ଛା ଏଖାରି ଏନାଆଁ ପୁନାଆତାରି ଅଡ଼େ ବୁଦି ହିଲଆ ଲକ୍ଷ୍ମୀ

ଇଦାଆଁ ପୁଞ୍ଜାନା ଆତାଜାକା ଆହାହାତେରି, ଇଚ୍ଛା ଏଖାରି ଜୀପୁତଲେ
 ମାତେରି ଇଚ୍ଛା ପୁତେରି, ୧୪ ସାମା ଏ ନେହିଁ ଆହାମାତାସି ଜହନ ଇଚ୍ଛା
 ପିତର ତଲେ ନିତାମାତାଣି ମେସାନା ଏଖାରି କପାଟି ଏନାଆଁ କଲାଲି
 ଆତାଆତେରି । ୧୫ ଡାୟୁ ଏଖାରାଇଁ ବେରଣି ମାଣ୍ଡାଟି ହତା ହାଜାଲି
 ହୁକୁମି ହାହାନା ଏଖାରି ତାମୁ ତାମୁଏ ଖେସ୍‌ପି ଆତେରି ୧୬ "ଇ ଲକ୍ଷ୍ମୀ
 ଏନାଆଁ କିନାୟି?" ଏଖାରି ଏଲେଇତେରି, "ଇତିହିଁ ଇଖାରି ତା'ଣାଟି
 କାବାଆନି କାମା କିଞ୍ଚିଆହାମାନେ, ଇଦି ଜିରୁସାଲମତି ବାରେଜାଣା
 ନକିତା ତଞ୍ଜୁ ଆହାମାନେ, ଇଚ୍ଛା ମୀର ଏଦାଆଁ ଆଏ ଇଚ୍ଛାଲି ଆତାଆୟି,
 ୧୭ ସାମା ଇ କାତା ଲକ୍ଷ୍ମୀତାଣା ଏନିକିଁ ଗାତି ଖେଢ଼େଏ, ଏଦାଆଁତାକି
 ଏଖାରାଇଁ ଜୀପୁ ଦରୁ ଏତେଲା ଆଦାଆରି ନକିତା ଆସାଲି ଏଖାରାଇଁ
 କାହିକିନାୟି ମାନେ ।" ୧୮ ଡାୟୁ ଏଖାରି ଜହନ ଅଡ଼େ ପିତରଇଁ ହାତାନା
 ଜୀପୁଟି ଦରୁ ଖେହ୍‌ଆଦୁ କି ଜାପୁଆଦୁ ଇଚ୍ଛା ହୁକୁମି ହୀତେରି । ୧୯
 ସାମା ପିତର ଅଡ଼େ ଜହନ ଏଖାରାଇଁ ଏଲେଇତେରି, "ମାହାପୁରୁ କାତା
 ଖେନିକିହାଁ ମୀ କାତା ଖେନାୟି ମାହାପୁରୁ ନକିତା ନେହେଁ କି ଆଏ,
 ଏଦାଆଁ ମୀରୁ ଅଣ୍ଟପା କତାଦୁ । ୨୦ ଇତିହିଁ ମାମୁ ଏନାଆଁ ମେସାମାନମି
 ଇଚ୍ଛା ଖେଞ୍ଜିମାନମି, ଏ ବାରେ ଖେହ୍‌ଆନା ଡ଼ୟାଲି ଆଡ଼ଅମି ।" ୨୧ ସାମା
 ଏ ବେରଣି ମାଣ୍ଡାତାରି ଏଖାରାଇଁ ଅଡ଼େ ହାରେକା ଆଜି କିହାନା ପିସ୍ତେରି,
 ଏଖାରାଇଁ ତଣ୍ଡୁ ହାହାଲି ଆଏ ଇଚ୍ଛା ଏଖାରି ପୁତେରି, ଏନାଆଁତାକି ଇତିହିଁ
 ଏ କାମାତାକି ଲକ୍ଷ୍ମୀ ବାରେ ମାହାପୁରୁଇଁ ଜହରା କିତେରି । ୨୨ ଇତିହିଁ
 ଆନିନିଗାଟାଣି ତା'ଣା କାବାଆନି ନେହିଁ କାମା କିଞ୍ଚି ଆହାମାତେ, ଏଖାସି
 ରୀ କଡ଼ି ବାସାଟିଏ ଲାକ ମାତେସି । ୨୩ ପିତର ଅଡ଼େ ଜହନ ପିସ୍‌ପିଆତି
 ଦେବୁଣିଏ ତାନି ତୁଣେସିଢ଼ା ତା'ଣା ହାତେରି ଇଚ୍ଛା କାଜା ପୁଜେରାଢ଼ା ଅଡ଼େ
 ପ୍ରାଚିନାଢ଼ା ଏନାଆଁ ଖେସାମାତେରି, ଏ ବାରେ ଏଖାରାଇଁ ଖେସ୍ତେରି । ୨୪
 ଏଖାରି ଏଦାଆଁ ଖେଞ୍ଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା କାଜା
 ହାତାତଲେ ପ୍ରାତାନା କିହିଁ ଏଲେଇତେରି, "ପ୍ରୁ ନୀନୁ ହାଗୁ, ଦାର୍ତ୍ତି,
 ସାମଦୁରି ଇଚ୍ଛା ଏ ବାରେ ତା'ଣା ମାନାଣି ବାରେ ଗାଡ଼ି କିହାମାଞ୍ଜି । ୨୫
 ସୁଦୁଜୀଘୁ ତଲେ ନୀନୁ ମା ଆକୁ ଦାଘୁଦ ନୀ ହଲେଏଶା ଗୁଟିଟି, ଇ କାତା
 ଖେସାମାତ; 'ଜୀହୁଦିଆତାରି ଏନାଆଁତାକି କାର୍‌ବି ଆତେରି; ଇଚ୍ଛା
 ଲକ୍ଷ୍ମୀ ଏନାଆଁତାକି ଉଜେଏତାଣି ଅଣ୍ଟପିତେରି? ୨୬ ପ୍ରୁ ଅଡ଼େ ତାନି ବର
 ବେଟାଆହାମାନି ମସିହା କପାଟି, ଦାର୍ତ୍ତିତି ରାଜାୟାଁ ନିଢ଼େଟେରି, ଇଚ୍ଛା
 ସାଲଞ୍ଜି କିନାରି କୃତା ଆତେରି ।" ୨୭ ଇତିହିଁ ନୀ ସୁଦୁଗାଟି ହଲେଏସି
 ଜୀପୁଇଁ ବର ହୀତି, ସାତେଏ ଏଖାଣି କପାଟି ହେରଦ ଅଡ଼େ ପନ୍ଦିୟ
 ପିଲାତ ଇ ରିଆରି ଜୀହୁଦିଆତାରି ଅଡ଼େ ଇସାୟେଲ ଲକ୍ଷ୍ମୀତଲେ
 ଇ ଗାଡ଼ାତା ପାରୁ ପାରିତେରି, ୨୮ ମୀ ଅଣ୍ଟପୁ ତଲେ ଏନାୟି ବାରେ
 ଗଟଞ୍ଜି ଆନେ ଇଚ୍ଛା ତଲିଟିଏ କିଞ୍ଚି ଆହାମାତେ, ଏଦାଆଁ କିହାଲି କୃତା
 ଆତେରି । ୨୯ ଅଡ଼େ ନୀଏଁ, ଏ ପ୍ରୁ ଏଖାରି ମାଢ଼େ ଆଜି କିହିମାଞ୍ଜାନାଣି
 ସିନିକୟାମୁ; ଅଡ଼େ ନୀ ହଲିୟାଢ଼ାଣି ହାରେକା ସାସାତଲେ ନୀ ବଲୁ
 ଖେସାଲି ବାଡ଼ୁୟୁ ହୀପୁ, ୩୦ ଇଚ୍ଛା ଏଦାଆଁ ତଲେ ନୀ ସୁଦୁ ହଲେଏସି

ଜୀସୁଟି ଦରୁତଲେ ନେହିଁ କିହାଲି ଅଡ଼େ ସିନାୟିଁ ଇଚ୍ଛୁଁ କାବାଆନି କାମାୟିଁ କିହାଲିତାକି ନୀ କେୟୁ ଦାବା ଡ଼ୟାମୁ । ୩୧ ଏଖାରି ପ୍ରାଚୀନା ରାପୁହି ଡ଼ୟୁ, ଆମିନି ଚାୟୁତା ରୁଣ୍ଡା ଆହାମାଚେରି, ଏଦି ଖାତିଚେ । ଇଚ୍ଛୁଁ ବାରେଜାଣା ସୁରୁଜୀଞ୍ଜୁ ତଲେ ନେଚ୍ଛୁନା ବାଡ଼ୟୁ ତଲେ ମାହାପୁରୁଟି ବଲୁ ଖେକହାଲି ମାଟ୍‌ହେରି । ୩୨ ନାମୁଗାଟି ଲକ୍ଷୁ ରଣ୍ଡିଏ ହିୟାଁ ରଣ୍ଡିଏ ମନତଲେ ମାଚେରି; ଏଖାରି ବିତ୍ରାଟି ଆମ୍ବାଆରି ଜିକେଏ ତାମି ଦନତି ମାଦି ଇଚ୍ଛୁଁ ଅଣ୍ଡିପି ହିଲାଆଚେରି, ସାମା ଏଖାରିଖାୟି ବାରେ ସମାନା ଇଚ୍ଛୁଁ ଅଣ୍ଡିପିମାଚେରି । ୩୩ ପାଣ୍ଡୁଝି ଆହାମାନାରି ଗାତି ବାଡ଼ୟୁ ତଲେ ପ୍ରବୁ ଜୀସୁଟି ଖେଣ୍ଡେ ନିଚ୍ଛୁଟି କାତା ଖେସାଲି ମାଟ୍‌ହେରି, ଇଚ୍ଛୁଁ ବାରେତି ଲାକ ମାହାପୁରୁଟି ହାରେକା କାର୍ମା ମାଚେ । ୩୪ ଇତିହିଁ ଏଖାରି ବିତ୍ରା ଆମ୍ବାଆରାକି ଏନାୟି ଉଣା ଆହି ହିଲାଆଚେ, ଇତିହିଁ ଏଚେକା ଲକ୍ଷୁଟି ବୁମି ଇଚ୍ଛୁଁ ଲକ୍ଷୁକା ମାବୁ ପାର୍‌ତି ମାଚେରି ୩୫ ଅଡ଼େ ପାଣ୍ଡୁଝି ଆତାରି କଡ଼ାଁ ଡ଼କା ଏ ଡ଼ାବୁୟାଁ ହାହିମାଚେରି, ଅଡ଼େ ବାରେ ଲକ୍ଷୁତାକି ତାମି ଲଡ଼ାମାନି ଲେହେଁ ଏ ଡ଼ାବୁୟାଁ ବାଟିକିଝି ଆହିମାଚେ । ୩୬ କୁପ୍ର ଇନି ଚାୟୁତା ଜାର୍ନା ଆହାମାଟି ଲେବି କୁଡ଼ାଟି ଜସେପ, ଆମିନାଣାଇଁ ପାଣ୍ଡୁଝି ଆତାରି ବର୍ନବା ଇଚ୍ଛୁଁ ମାଚେରି, ଇ ଦରୁ ଅର୍ଥ “ବାସୁଁ ହୀନାସି,” ୩୭ ଏଖାରିଖାୟି ଇଚାୟି ବୁମି ମାଚେ, ଏଖାସି ଏଦାଆଁ ପାର୍‌ଚାନା ଏମ୍ବାଟି ଟାକାୟାଁ ତାଚାନା ପାଣ୍ଡୁଝି ଆତାରି କଡ଼ାୟାଁ ଡ଼କ ଇତିଚେସି ।

୫ ହନନିୟୁ ଦରୁଗାଟାସି ରଥସି ମାଚେସି, ଏଖାସି ତାନି ତକ୍ତି ସପିରା ତଲେ ଇଚାଣି ବୁମି ପାର୍‌ଚେସି । ୬ ହନନିୟୁ ତାନି ତକ୍ତି ତଲେ ଏ ଟାକାୟାଁ ବିତ୍ରାଟି କଚେକା ଡୁକ୍‌ହା ଇଚାନା କଚେକା ତାଚାନା ପାଣ୍ଡୁଝି ଆତାରାକି ହାଚେସି । ୭ ପିତର ଏଖାଣାଇଁ ଏଲେଇଚେସି, “ହନନିୟୁ, ସୁରୁଜୀଞ୍ଜୁ ନକିତା ମିତି ଜଲାଇଁ ଇଚ୍ଛୁଁ ବୁମି ପାର୍‌ଚାନା କଚେକା ଡୁକ୍‌ହା ଇଚାଲି ସୟତାନ ଏନାଆଁତାକି ମୀ ହିୟାଁଟି ଲକ୍ଷୁହାମାନେ? ୪ ପାର୍‌ନି ନକେଏ ଏଦି ନୀ ଅଦିକାରାତା ହିଲାଆଚେ କି? ପାର୍‌ତି ଡ଼ାୟୁ ଜିକେଏ ଏମ୍ବାଟି ଟାକାୟାଁ ଜିକେଏ ନୀଝି ଆହାହିଲାଆଡୁ କି? ଅତିହିଁ ନାନୁ ଏନିକିଁ ନୀ ହିୟାଁତା ଇ ଅଣ୍ଡିପି ଅଣ୍ଡିପିଟି? ଏଦାଆଁ ନୀରୁ ମାଣ୍ଡି ନକିତା ମିତି ଜଲିମାଚ୍ଛୁ ଏଦି ଆଏ, ସାମା ମାହାପୁରୁ ନକିତା ମିତି ଜଲମାଚ୍ଛୁ! ୫ ହନନିୟୁ ଇ ହାତା ଖେଣ୍ଡମୁନିଏ ଡ଼କ ଚରୁଗାନା ହାହାହାଚେସି; ଏମ୍ବାଆଁ ଏଚେକା ଲକ୍ଷୁ ଇ କାତା ଖେଚେରି, ଏଖାରି ବାରେ ହାରେକା ଆଜିଚେରି । ୬ ଅଡ଼େ, ଦାଏଗ୍‌ଣାୟାଁ ବିତ୍ରା ଖାହାନା ହିମ୍ବି ପ୍ୟାକ୍‌ହେରି ଇଚ୍ଛୁଁ ପାଟ୍ଟାତା ଅହାନା ମାହୁଣି ମାଣ୍ଡାତା ମୁସ୍ତେରି । ୭ ତାନି ଟାଟା ଡ଼ାୟୁ ତାନି ତକ୍ତି ଖାଚେ, ସାମା ଏନାଆଁ ଆହାମାନେ, ଏଦାଆଁ ଏଦି ପୁଚ୍ଛୁ ହିଲାଆଚେ । ୮ ପିତର ଏଦାନି ଖେଚେସି, “ନୀରୁ ଅଡ଼େ ନୀ ତକ୍ତି ଇଚେକା ଟାକାୟାଁତାକି କି ମୀ ବୁମି ପାର୍‌ଚେରି?” ଏଦି ଏଲେଇଚେ, “ହାଏ ଏଚେକା ଡ଼ାକିଏ ।” ୯ ପିତର ଏଦାନି ଏଲେଇଚେସି, “ପ୍ରବୁଟି ଜୀଞ୍ଜୁଟି ଡ଼ାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଚେରି? ମେହ୍‌ମୁ ଆମିନି ଗାଟାରି ନୀ ତକ୍ତିଇଁ ମୁସାନ୍ ଖାହିମାନେରି, ଏଖାରି ଦୁଖେରିତା ଖାଚେରିଏ, ଇଚ୍ଛୁଁ

ଏଖାରି ନିଚ୍ଛେ ପାଟ୍ଟାତା ଡ଼େକା ଅୟାନେରି ।” ୧୦ ଏ କାତା ଖେଣ୍ଡମୁନିଏ ଏଦି ପିତର କଡ଼ାଁ ଡ଼କ ଚରୁଗାନା ହାହାହାଚେ, ଇଚ୍ଛୁଁ ଦାଏଗ୍‌ଣାୟାଁ ବିତ୍ରା ଖାହାନା ହାହାମାନାଣି ମେସ୍ତେରି ଇଚ୍ଛୁଁ ପାଟ୍ଟାତା ଡ଼େକା ଅହାନା ତାନି ତକ୍ତି ଟଟତା ମୁସ୍ତେରି । ୧୧ ଏମ୍ବାଟିଏ ବାରେ କୁଲମି ଇଚ୍ଛୁଁ ଏଚେକା ଲକ୍ଷୁ ଇ ବାରେ କାତା ଖେଚେରି, ଏଖାରି ବାରେ ହାରେକା ଆଜିଚେରି । ୧୨ ପାଣ୍ଡୁଝି ଆତାରି ଡ଼ାଣାଟି ହାରେକା କାବାଆନି କାମାୟାଁ ଅଡ଼େ ସିନାୟାଁ ଆହାଲି ମାଟ୍‌ହେ, ଇଚ୍ଛୁଁ ବାରେ ନାମିତାରି ରଣ୍ଡିଏ ଅଣ୍ଡିପି ତଲେ ସଲମନତି ପିଣ୍ଡାତା କୁଡ଼ା ଆହିମାଚେରି, ୧୩ ସାମା ଏଡ଼କାଟି ଲକ୍ଷୁ ଆମ୍ବାଆରି ଏଖାରିତଲେ କୁଡ଼ାଲି ସାସା କିହିହିଲାଆଚେରି; ଆତିଜିକେଏ ଲକ୍ଷୁ ଏଖାରି ଗାଞ୍ଜୁମି କିହିମାଚେରି, ୧୪ ଇଚ୍ଛୁଁ, ହାରେ ହାରେକା ଇୟସିକା ଅଡ଼େ ଆବାୟାଁ ନାମାହାଁ ପ୍ରବୁ ଡ଼ାଣା କୁଡ଼ାଲି ଆଣ୍ଡିଚେରି, ୧୫ ପାଣ୍ଡୁଝି ଆତାରି କାମା ଦିନାତାକି ଦିନା ପାତାଆଚେ, ଲଲାଆହିଁ, କି ପିତର ଖାନି ବେଲାତା ଏନିକିଁ ତାନି ସାୟାଁ ରଗ ଗାଟାରି ଲାକ ଆତିନେ, ଏଦାଆଁତାକି ରଗ ଗାଟାରାଇଁ ଆଏଗେଣିତା ଡ଼େକା ତାଚାନା କାଚେଲି ଇଚ୍ଛୁଁ ପାସ୍‌ପନିତା ଇତିମାଚେରି । ୧୬ ଜିରୁସାଲମତି ସାରିସୁରୁ ଗାଡ଼ାୟାଁଟି ହାରେକା ଲକ୍ଷୁ ରଗ ଗାଟାରାଇଁ ଅଡ଼େ ବୁରୁୟାଁ ଆଲଗିତାରାଇଁ ଚାଟିହିଁ ଖାଚେରି, ଅଡ଼େ ଏଖାରି ବାରେଜାଣା ନେହିଁ ଆଚେରି । ୧୭ ଏଚେଟିଏ କାଜା ପୁଜେରାଟ୍ଟା ଅଡ଼େ ଏଖାଣି ବାରେ ଡ଼ୁ ଲକ୍ଷୁ, ନାୟାଁଟି ସାଦୁକିୟାଁ ଗତିତାରି ପାଣ୍ଡୁଝି ଆତାରାଇଁ ଡ଼ାହାରା ଆହାନା ଏଖାରି କପାଟି ନିଚ୍ଛୁଚେରି । ୧୮ ଏଖାରି ପାଣ୍ଡୁଝି ଆହାମାନାରାଇଁ ଆସାନା କାୟିଦି ଇଲୁତା ଇତିଚେରି । ୧୯ ସାମା ଲାଆୟାଁ ବେଲାତା ପ୍ରବୁଟି ର ଦୁଡୁ କାୟିଦି ଇଲୁଟି ଦାୟାୟାଁ ବାରେ ଦେତାତୁସ୍ତେ, ଇଚ୍ଛୁଁ ଏଖାରିଲାଇଁ ପାଟ୍ଟାତା ତାଚାନା ଏଲେଇଚେ, ୨୦ “ହାଜୁ, ଇଚ୍ଛୁଁ ମାହାପୁରୁ ଇଲୁତା ନିତାନା ଲକ୍ଷୁଣି ଇ ଜାଞ୍ଜୁଟି ବାରେ କାତା ଖେହ୍‌ଦୁ ।” ୨୧ ଇ କାତା ଖେଣ୍ଡମୁନା ଏଖାରି ଲାଈଅଲି ମାହାପୁରୁ ଇଲୁତା ହତାନା ଜାପହାଲି ମାଟ୍‌ହେରି । ଏମ୍ବାଟିଏ କାଜା ପୁଜେରାଟ୍ଟା ଅଡ଼େ ତାମି ଡ଼େସିସ୍ତା ଖାହାନା କୁଚମିତି କାଜାରାଇଁ ଅଡ଼େ ଇସାୟେଲ ଲକ୍ଷୁଟି ପ୍ରାଚିନାଟ୍ଟାଣି ହାଚାନା କୁଡ଼ି କିଚେରି; ଇଚ୍ଛୁଁ ପାଣ୍ଡୁଝି ଆତାରାଇଁ ତାଚାଲି କାୟିଦି ଇଲୁତା ଲକ୍ଷୁଣି ପାଣ୍ଡିଚେରି । ୨୨ ସାମା କାମାକିନାରି ହାଜାନା କାୟିଦି ଇଲୁତା ପାଣ୍ଡୁଝି ଆତାରାଇଁ ବେଟାଆଆନା ଖେଣ୍ଡା ଖାହାନା ବେରଣି ମାଣ୍ଡାତାରାଇଁ ଖେସ୍ତେରି, ୨୩ “ମାମୁ କାୟିଦି ଇଜ ହାଜାନା ସିନକିତମି, କାୟିଦି ଇଲୁ ଦାବା ଆବ୍‌ଖା ତଲେ ସୁଣ୍ଡିଆହାମାଚେ; ଇଚ୍ଛୁଁ ଦୁଖେରିକାଣା କାବାମାଟି କସକା ନିତାମାଚେରି, ସାମା ଦାବା ଦେତାଲିଏ ବିତ୍ରା ଆମ୍ବାଆରାଇଁ ଜିକେଏ ବେଟାଆଆତମି!” ୨୪ ଇ ହାତା ଖେଣ୍ଡମୁନା କାଜା ପୁଜେରାଟ୍ଟା ଅଡ଼େ ମାହାପୁରୁ ଇଲୁଟି କସକା ମୁହେଁ କାଜାସି ପାଣ୍ଡୁଝି ଆତାରାକି ଏନାଆଁ ଆଚେ ଅଣ୍ଡିପାନା ଏଖାରି କାତାତା ଆତାଜାକା ଆହାହାଚେରି । ୨୫ ଏତିବେଲା ରଅସି ଖାହାନା ଏଖାରିଲାଇଁ ଏଲେଇଚେସି, “ମେହ୍‌ଦୁ ମୀରୁ ଆମିନି ଗାଟାରିଲାଇଁ କାୟିଦି ଇଲୁତା ଇଚାମାଚେରି, ଏଖାରି ମାହାପୁରୁ ଇଲୁତା ଜାପହିମାନେରି ।” ୨୬ ଏଚେଟିଏ କସକା ମୁହେଁ କାଜାସି,

କାମାକିନୀ ତଳେ ହାଜାନା ପାଣ୍ଡି ଆଚାରାଇଁ ଖେଣ୍ଟେ ହାଟା ତାତେରି, ସାମା ବାଢ଼ିୟୁ ତଳେ ଆଏ, ଇତିହିଁ ଲକ୍ଷ୍ମୀ ଖାଲକାତଳେ ଚେତାନେରି ଜିକେଏ ଇଚ୍ଛା ଆଜିମାତେରି । ୨୭ ଏଝାରି ଏଝାରାଇଁ ତାତାନା କୁଲମି ପାଢ଼ାତା ନିପୁହେରି, ଏମ୍ପାଟିଏ କାଜା ପୁଜେରା ଏଝାରାଇଁ ଖେତେସି । ୨୮ “ଇ ମାଣ୍ଡି ଦରୁତଳେ ଆମ୍ପାଆରାଇଁ ଜିକେଏ ଖେହ୍ନାଦୁ ଇଚ୍ଛା ମାମୁ ଜାଣେ ହୁକୁମି ହାହାମାଞ୍ଜୁତମି, ସାମା ସିନିକିଦୁ, ମୀରୁ ଏନାଆଁ କିହାମାଞ୍ଜେରି! ଜିରୁସାଲମତି ସାରିଖକି ମୀରୁ ଏ କାତା ଜାପୁହି ମାଞ୍ଜେରି ଇଚ୍ଛା ଏଝାଣାଇଁ ନେତେରିତି ଦହ ମା ମୁହେଁ ଏକହାଲି ଅଣ୍ଡିପିମାଞ୍ଜେରି ।” ୨୯ ସାମା ପିତର ଇଚ୍ଛା ଏବ୍ବକାତି ପାଣ୍ଡି ଆହାମାନାରି ଏଲେଇତେରି, “ମାଣ୍ଡିସିୟାତି ହୁକୁମି ମାନି କିନି କିହାଁ ମାହାପୁରୁତି ହୁକୁମି ମାନି କିନାୟିମାନେ । ୩୦ ଆମିନି ଜାମୁଇଁ ମୀରୁ ପାସି ମୁଣ୍ଡାତା ଏକହାମା ପାୟାମାତେରି, ମା ଆକୁ ଆବାୟାତି ମାହାପୁରୁ ଏଝାଣାଇଁ ଖେଣ୍ଟେ ନିକହାମାନେସି । ୩୧ ଇଚ୍ଛା ଏଝାସି ଏନିକି ଇସ୍ତାୟେଲତି ମନ ଖେବ୍ବି କିହାଁ ପାପୁ ମେଣ୍ଡିକିନେସି, ଏଦାଆଁତାକି ମାହାପୁରୁ ତାନି ଚିଠିନି କେୟୁତଳେ ଏଝାଣାଇଁ କାଜାପାଣା ଇଚ୍ଛା ଗେଲପିନାଣା ଲେହେଁ କାଜାସି କିହାମାନେସି । ୩୨ ଅଡ଼େ, ମାମୁ ଇ ବାରେତି ସାକି, ଇଚ୍ଛା ଆମିନି ସୁଦୁଜାପୁଇଁ ମାହାପୁରୁ ତାନି ହୁକୁମି ମାନି ଆନାରାକି ହାହାମାଞ୍ଜୁନେସି, ଏଦି ଜିକେଏ ସାକି ।” ୩୩ ଇ କାତା ଖେଞ୍ଜାନା କୁଟମିତି କାଜାରି ହାରେକା କାର୍ବି ଆହାହାତେରି, ଇଚ୍ଛା ଏଝାରାଇଁ ପାୟାଲି ତାକି କାତା ଆତେରି । ୩୪ ସାମା ଗମଲିୟେଲ ଦରୁଗାଟି ର ମାନିଗାଟି ପାରୁସି, ଆମିନିଗାଟାସି ମସାତି ମେରା ଜାପୁନାସି ମାତେସି, ଏଝାସି ବେରଣିମାଣ୍ଡାତା ନିତାନା ପାଣ୍ଡି ଆହାମାନାରାଇଁ ଗାଡ଼େକା ତାକି ପାଢ଼ାତା ପାଣ୍ଡାଲି ହୁକୁମି ହାତେସି । ୩୫ ଇଚ୍ଛା ଏଝାସି ଏଝାରାଇଁ ଏଲେଇତେସି “ଏ ଇସ୍ତାୟେଲ ଲକ୍ଷ୍ମୀତେରି, ଇଝାରି ତାକି ମୀରୁ ଏନାଆଁ କିହାଲି ଅଣ୍ଡିପିମାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ । ୩୬ ଇତିହିଁ ଇଦାଆଁ ନିକେଏ ତିସ୍ତୁଦା ଇନାସି ହତାନା ତାନୁ ର କାଜା ମାଣ୍ଡି କିହା କତିତେସି, ଇଚ୍ଛା ସାରି ଖାଞ୍ଜା ଲକ୍ଷ୍ମୀ ଏଝାଣିତଳେ ଆଣ୍ଡିତେରି; ଏଝାସି ପାୟାସି ଆତେସି, ଇଚ୍ଛା ଏଚେକା ଲକ୍ଷ୍ମୀ ଏଝାଣି ତାଣା ବାସ୍ବି କିହାମାତେରି, ଏଝାରି ବାରେ ଇତାଲା ଆତାଲା ଆହାଁ ଏନି କାମାତା ହାଆତେରି । ୩୭ ଏ ଲକ୍ଷ୍ମୀ ଜେତ ଲକ୍ଷ୍ମୀ ଏଜିକିନି ବେଲାତା ଗାଲିଲିତି ଜାହୁଦା ଇନାସି ହତାନା ଲକ୍ଷ୍ମୀ ତାନି ଖାକି ରେଜା ଅହାନା ତାନି ସାୟୁୟାଁ କିତେସି; ଏଝାସି ଜିକେଏ ପାୟାସି ଆତେସି, ଇଚ୍ଛା ଏଚେକା ଲକ୍ଷ୍ମୀ ଏଝାଣି ଜେତ ଆଣ୍ଡାମାତେରି, ଏଝାରି ବାରେ ଇତାଲା ଆତାଲା ଆହାହାତେରି । ୩୮ ଇଚ୍ଛା ନାଏଁ ନାନୁ ମିଡ଼େ ଖେସିମାଞ୍ଜୁଇଁ, ମୀରୁ ଇ ଲକ୍ଷ୍ମୀ ଏନାଆଁ କିଆନା ଏଝାରାଇଁ ପିସାତୁହଦୁ, ଇତିହିଁ ଇ କାତା କି କାମା ମାଣ୍ଡି ତାଣାଟି ଆହାମାନେ, ଇତିହିଁ ଏଦି ଉଜେଏ ଆନେ; ୩୯ ସାମା ଏଦି ମାହାପୁରୁ ତାଣାଟି ଆହାମାନେ, ଇତିହିଁ ମୀରୁ ଏଝାରାଇଁ ଜାଣା ଆନି ସାସା ହିଲେଏ, ଇତିହିଁ ମୀରୁ ମାହାପୁରୁ କପାତି ଜୁକୁ କିହାମାଞ୍ଜେରି ଇଚ୍ଛା ତଞ୍ଜା ଆବେରି!” ଏ ବାରେ କୁଟମି ଗମଲିୟେଲ କାତାଟି ଖେତେରି । ୪୦ ଇଚ୍ଛା ପାଣ୍ଡି

ଆଚାରାଇଁ ବିଦ୍ରା ହାଟାନା ସାବ୍ବି ମାତା ଖେଚାନା ଜୀସୁ ଦରୁତି କାତା ଖେହ୍ନାଦୁ ଇଚ୍ଛା ହୁକୁମି ହାହାନା ପିସ୍ତେରି । ୪୧ ମାହାପୁରୁ ନିକିତା ଏଝାରି ଜୀସୁ ଦରୁ ତାକି ଲାଜା ବେଟାଆହାଲି ଜଗେ ଇଚ୍ଛା ଅଣ୍ଡିପାମାତେରି, ଏଦାଆଁତାକି ଏଝାରି ରାହାଁ କିହିଁ କୁଟମି ବିଦ୍ରାଟି ହୁଦାଖତେରି; ୪୨ ଅଡ଼େ, ଏଝାରି ଦିନାତାକି ଦିନା ମାହାପୁରୁ ଇଚ୍ଛା ଇଚ୍ଛାତାକି ଲକ୍ଷ୍ମୀ ଜାପୁହାଲି ଇଚ୍ଛା ଜୀସୁଏ ମସିହା, ଇ ନେହିଁ କାରୁ ଖେକହାଲି ଉଣା ଆଆତେରି ।

୨ ଏମ୍ପାଟିଏ ସାୟୁୟାଁ ହାରେ ହାରେକା ଜାଣା ଆହାଲି ମାଟହେରି, ଗ୍ରିକ୍ ଜଲିନି ଜୀହୁଦି ଲକ୍ଷ୍ମୀ ଏଦି ଜଲିନି ନାମିତି ଲକ୍ଷ୍ମୀ ଲାଜା କିହାଲି ମାଟହେରି, ଏନାଆଁତାକି ଇତିହିଁ ଦିନାତାକି ଦିନା କାଦିକଣ୍ଡା ବାଟିକିନି ବେଲାତା ରାଣ୍ଡେସିକାକି ହାହି ହିଲଆତେରି । ୨ ଏମ୍ପାଟିଏ ବାରଜାଣା ସାୟୁୟାଁ ବାରେ ନାମିତି ଲକ୍ଷ୍ମୀ ର ତାଣା କୁଟି କିହାନା ଏଲେଇତେରି, “ମାହାପୁରୁତି ବଲୁ ଖେକହାଲି ପିସାହାଁ ବାଟି କିହାନା ହିକିତହିଁ ନେହେଁ ଆଏ । ୩ ଇଦାଆଁତାକି ଏ ତାୟାୟାଁ ଅଡ଼େ ତାଢ଼ିୟା, ମା ବିଦ୍ରାଟି ନେହାଁରି ଇଚ୍ଛା ଖେଡ଼ିତି ସୁଦୁଜାପୁ ତଳେ ନେଞ୍ଜାମାନି ବୁଦିଗାଟି ସାତା ଜାଣାଇଁ ଆତାରୁ ଏଝାରାକି ଇ ବାଟିକିନି କାମା ହେରପାୟୁ । ୪ ଆତିହିଁ ମାମୁ ପ୍ରାତାନାତା ଇଚ୍ଛା ବଲୁ ଖେହ୍ନି ସେବା କାମାତା ରଣ୍ଡିଏ ଅଣ୍ଡିପୁ ତଳେ ଡ଼ୟିନମି ।” ୫ ଇ କାତା ବାରେ ଲକ୍ଷ୍ମୀ କାନୁତା ନେହିଁ ତଞ୍ଜାଆତେ, ଇଚ୍ଛା ଏଝାରି ନାମୁ ଅଡ଼େ ସୁଦୁଜାପୁତା ନେଞ୍ଜାମାନି ସ୍ତ୍ରୀପାନ ଦରୁ ଗାଟାଣାଇଁ ଇଚ୍ଛା ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡ଼େ ଆନ୍ତ୍ରିୟକିୟତି ତଲି ଜାହୁଦି ଦାମ୍ବିତା ଆଣ୍ଡାମାଟି ନିକଲାଇଁ ଆତିତେରି, ୬ ଏଝାରି ଏଝାରାଇଁ ପାଣ୍ଡି ଆଚାରି ତାଣା ତାତେରି, ଇଚ୍ଛା ଏଝାରି ଲାକ କେୟା ଗଟାନା ପ୍ରାତାନା କିତେରି । ୭ ଏତେଟିଏ ମାହାପୁରୁତି ବଲୁ ହାରେକା ଖେଡ଼ିତେ, ଇଚ୍ଛା ଜିରୁସାଲମତା ସାୟୁୟାଁ ହାରେକା ପାତାଆହାଲି ମାଟହେରି; ଅଡ଼େ ପୁଜେରାଦ୍ଵା ବିଦ୍ରାଟି ହାରେକା ଜାଣା କ୍ରୀସ୍ତାଇଁ ନାମାଲି ମାଟହେରି । ୮ ସ୍ତ୍ରୀପାନ ମାହାପୁରୁତି କାର୍ମା ଇଚ୍ଛା ବାଢ଼ିୟୁ ବେଟାଆହାଲି ଲକ୍ଷ୍ମୀ ବିଦ୍ରା କାଜା କାଜା କାବାଆନି କାମା ଅଡ଼େ ସିନାୟାଁ କିହାଲି ମାଟହେସି । ୯ ସାମା ଲିବର୍ଡନ, କୁରିଣି ଅଡ଼େ ଆଲେକ୍ଜାଣ୍ଡ୍ରିୟା ଗାଡ଼ାୟାଁଣା ବାସା କିହାମାନି ଦରୁତା ଖେଟ୍ଟାମାନି ଜୀହୁଦି ଲକ୍ଷ୍ମୀ ପ୍ରାତାନା ଇଚ୍ଛା ଏଚେକା ଲକ୍ଷ୍ମୀ ଅଡ଼େ କିଲିକିୟା ଇଚ୍ଛା ଆସିୟା ଦେସାତି ଏବ୍ବକା ଜୀହୁଦିଦ୍ଵା ନିଟ୍ଟାନା ସ୍ତ୍ରୀପାନ ତଳେ ବାଦିବାଦା ଆତେରି । ୧୦ ସାମା ଏଝାସି ଆମିନି ସୁଦୁଜାପୁ ଅଡ଼େ ବୁଦିତଳେ ଜଲିମାତେସି, ଏଝାରି ଏ କାତାଟି ଖେଣ୍ଟେ ଜଲାଇ ସାସା କିହିଲିଆତେରି । ୧୧ ଏତେଟିଏ ଏଝାରି ଏଚରଜାଣାଟି ମାତଃ କିହାନା ଏଲେଇଚ୍ଛା ଖେସାଲି ଜାପୁହେରି, “ମାମୁ ଇଝାଣି ତାଣାଟି ମସା ଅଡ଼େ ମାହାପୁରୁ ନିମ୍ନା କାତା ଜଲିମାତାଣି ଖେଞ୍ଜାମାନମି ।” ୧୨ ଅଡ଼େ, ଏଝାରି ବାରେ ଲକ୍ଷ୍ମୀ, ଇଚ୍ଛା ପ୍ରାତାନାଦ୍ଵାଣି ଅଡ଼େ ମେରା ପୁନାରାଇଁ କାର୍ବି କିହାନା ଏଝାଣାଇଁ ବାଢ଼ିୟୁ ତଳେ ଆସାନା ବେରଣିମାଣ୍ଡାତା ତାତେରି, ୧୩ ଇଚ୍ଛା ମିତି ସାକି ହାନାରାଇଁ ନିପୁହାନା; ଏଝାରାଇଁ ଏଲେଇତେରି, “ଇଝାସି ଇ ସୁଦୁ ପ୍ରାତାନା ଇଚ୍ଛା ଇଚ୍ଛା ମସା ମେରାଟି କପାତି ଜଲାଇ

ଋଣା ଆହିହଲିଅସି, ୧୪ ଇତିହିଁ ନାଜରିତ ଜୀସୁ ମାହାପୁରୁ ଇଲୁତି ମ୍ଲେକ୍‌ନେସି, ଇଚ୍ଛାଁ ମସା ମାଟ୍ଟେ ଆମିନି ମେରା ହାହାମାଞ୍ଜନେସି, ଏ ବାରେ ତିରିମ୍ଲୁଦ୍‌ନେସି ଇଚ୍ଛାଁ ଖେସିମାଚାଣି ମାମୁ ଖେଞ୍ଜାମାନମି ।” ୧୫ ଏତିବେଲା ବେରଣିମାଣ୍ଡାତା କୁଗାମାତି ବାରେ ଲକ୍ଷୁ ସ୍ତ୍ରୀପାନଇଁ ଆଟେ ସିନିକିତେରି, ଏଖାଣି ମୁମୁ ଦୁତୁତି ମୁମୁ ଲେହେଁ ଉଜେତି ଚଞ୍ଜାଆତେ ।

୨ ଏତେଟିଏ କାଜା ପୂଜେରା ସ୍ତ୍ରୀପାନଇଁ ଖେତେସି, “ଇ ବାରେ କାତା ସାତା କି?” ୨ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡ଼େ ଆବାୟାଁତେରି ଖେଞ୍ଜା ମା ଆବା ଅବ୍ରାହାମ ହାରଣତା ବାସାଆନି ନକେଏ ଏତିବେଲା ଏଖାସି ମେସପଚାମିୟାଁ ଦେସାତା ମାଚେସି, ଏତିବେଲା ଗାଝୁରମିଗାଟି ମାହାପୁରୁ ଏଖାଣାଇଁ ଚଞ୍ଜାଆତେସି, ୩ ଅଡ଼େ ଏଲେଇଚେସି ‘ନାନୁ ମା ଇଲୁ କୁଟମି ଇଚ୍ଛାଁ ମୀ ଦେସାଟି ହୁଚା ଖାମୁ, ଇଚ୍ଛାଁ ନାନୁ ଆମିନି ଦେସା ଚସାଇଁ ଏ ଦେସାତା ହାଲାମୁ ।’ ୪ ଏତେଟିଏ ତାନି କଲ୍‌ଦିୟାଁ ଦେସାଟି ହୁଚାଖାହାନା ହାରଣତା ବାସା କିତେସି, ଇଚ୍ଛାଁ ଅବ୍ରାହାମତି ଆବା ହାତି ଡାୟୁ ଏମ୍‌ପାଟିଏ ମାରୁ ନାଏଁ ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଖାଣାଇଁ ତାଟିହିଁ ଖାତେସି, ୫ ଅଡ଼େ, ମାହାପୁରୁ ଅବ୍ରାହାମକି ଏମ୍‌ପାଆଁ ଏନି ଅଦିକାରା ହାଆତେସି, ଅଡ଼େ ର ପାଝୁଲି ଓହ୍‌ନି ବୁମିଗାରି ଜିକେଏ ହାଆତେସି, ଇଚ୍ଛାଁ ଏତିବେଲା ଏଖାଣାକି ପଦି ପଦା ହିଲାଆତି ଜିକେଏ ଏଖାସି ଏଖାଣାଇଁ ଇଚ୍ଛାଁ ତାନି ଖାହିମାନି କୁଡ଼ାତାରିକି ଏଦାଆଁ ଅଦିକାରା କିହାଲିତାକି ହାଇଁ ଇଚ୍ଛାଁ ଆଞ୍ଜିତେସି । ୬ ଇଚ୍ଛାଁ ମାହାପୁରୁ ଇଲେଇଚ୍ଛାଁ ଖେସୁସି, ‘ତାନି କୁଡ଼ାତାରି ଏଚ୍‌କା ଦେସାତା ବାସା କିନେରି ଇଚ୍ଛାଁ ଏ ଚାୟୁତି ଲକ୍ଷୁ ଏଖାରାଇଁ ସାରି ଖାଞ୍ଜା ବାର୍ସା ପାତେକା ହଲିୟାଞ୍ଜୁ କିହାଁ ଏଖାରାଇଁ ଖେତି କାମା କିଓ କିହାନା ସାସି ହାନେରି ।’ ୭ ଅଡ଼େ ମାହାପୁରୁ ଏଲେଇଚେସି, ନାନୁ ଏଖାରାଇଁ ହଲିୟା କାମା କିଓକିନାରାଇଁ ବିଚାରା କିଇଁ, ଅଡ଼େ ଡାୟୁ ମା କୁଡ଼ାତାରି ଏ ଦେସାଟି ହୁଚା ଖାନେରି ଅଡ଼େ ଇ ଚାୟୁତା ନାଟ୍ଟେ ପ୍ରାତାନା କିୟାନେରି । ୮ ଅଡ଼େ ମାହାପୁରୁ ଅବ୍ରାହାମକି ଚଲୁ ଦାଃନି ରାଜିମାନା ସିନାତି ହାତେସି, ଇଚ୍ଛାଁ ଏଲେକିହିଁଏ ଅବ୍ରାହାମ ଇସାହାକଇଁ ଜାନି କିହାନା ଆଟାଦିନା ଆହାଲିଏ ଏଖାଣି ଚଲୁ ଦାତେସି; ଇସାହାକ ଜାକୁବଇଁ, ଅଡ଼େ ଜାକୁବ ବାରଜାଣା ଖେଟ୍ଟିଟି ଆକୁ ଆବାୟାଁଣି ଜାନି କିହାନା ଚଲୁ ଦାପିକିତେସି ।” ୯ “ଜାକୁବ ମାରୁଏସି ଜସେପଇଁ ତାନି ତାୟିୟାଁ ଡାହାରା ଆହାନା ମିସର ଦେସାତା ଅଓଆୟାଲି ଏଖାଣାଇଁ ପାର୍‌ତେରି; ସାମା ମାହାପୁରୁ ଏଖାଣିତଲେ ମାଚେସି, ୧୦ ଅଡ଼େ ବାରେ କସୁଟି ଜସେପଇଁ ଗେଲ୍‌ପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ଚସାହାଁ ବୁଡି ହାତେସି; ଏମ୍‌ପାଟିଏ ପାର ଜସେପଇଁ ମିସର ଦେସା ଇଚ୍ଛାଁ ତାନି ଇଲୁତି ସାଲଓ କିହାଲି ଅଦିକାରା ହାତେସି । ୧୧ ଡାୟୁ ମିସର ଇଚ୍ଛାଁ କିଶାନ ଦେସାତା କାରୁଧୁ କାତାରା ଆତେ, ଲକ୍ଷୁ ହାରେକା କସୁ ଆତେରି, ମା ଆକୁ ଆବାୟାଁ ଚଞ୍ଜାଲି କାଦିକଣ୍ଡା ବେଟାଆଆତେରି, ୧୨ ସାମା ମିସର ଦେସାତା ଆନି

ମାନେ ଇଚ୍ଛାଁ ଖେଞ୍ଜାମାନା, ଜାକୁବ ତାନି ମାର୍‌କା ଇତିହିଁ ମା ଆକୁ ଆବାୟାଁଣି ତଲିଏ ପାଣ୍ଡିଚେସି । ୧୩ ଏଖାରି ଅର ଦେବା ହାକାଲିଏ ଜସେପ ତାନି ତାୟିୟାଁ ଡାଣା ପୁଣ୍ଡି କିହା କତିତେସି, ଇଚ୍ଛାଁ ମିସରତି ରାଜା ପାର ଜସେପ କୁଡ଼ାତାରି ଇଚ୍ଛାଁ ପୁଚେସି । ୧୪ ଏମ୍‌ପାଟିଏ ଜସେପ ତାନି ଆବା ଜାକୁବ ଇଚ୍ଛାଁ ତାନିକତି ପନୁର ଜାଣା ତାନି କୁଟମିତି ହାଗାଲି ପାଣ୍ଡିଚେସି, ୧୫ ଏମ୍‌ପାଟିଏ ଜାକୁବ ମିସର ଦେସାତା ହାଚେସି; ଇଚ୍ଛାଁ ଏଖାସି ଅଡ଼େ ତାନି ମାର୍‌କା ଏମ୍‌ପାଆଁ ହାତେରି । ୧୬ ଇଚ୍ଛାଁ ଏଖାରି ମାଡ଼ହା ସିକିମତା ଅଓଆତେ, ଇଚ୍ଛାଁ ଅବ୍ରାହାମ ଏମ୍‌ପାଆଁ ହମର ମାର୍‌କା ଡାଣାଟି ଆମିନି ମାହାଣି ମାଣ୍ଡା ଟାକାୟାଁ ହାହାଁ କତାମାଚେସି, ଏମ୍‌ପାଆଁ ମୁସି ଆତେରି ।” ୧୭ “ସାମା, ମାହାପୁରୁ ଅବ୍ରାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଖାହାଲିଏ ମା ଲକ୍ଷୁ ମିସର ଦେସାତା ହାରେକା ଗାତି ପାତା ଆତେରି । ୧୮ ଡାୟୁ ମିସର ଦେସାତା ଅଡ଼େ ର ରାଜା ଆତେସି, ଏଖାସି ଜସେପଇଁ ପୁଞ୍ଜା ହିଲାଆତେସି । ୧୯ ଏଖାସି ମା ଆକୁ ଆବାଣି ଖେପିକିତେସି ଅଡ଼େ ସାସି ହାତେସି, ତାନି କକାରି ହାପାରିଖା ଇଚ୍ଛାଁ ଇଲୁତି ପାଞ୍ଜାତା କୁଡ଼ୁସାଲି ହୁକୁମି ହାତେସି । ୨୦ ଏତିବେଲାତା ମସା ଜାନି ଆତେସି, ଏଖାସି ମାହାପୁରୁ ନକିତା ହାରେକା ଅଜିତାସି ଇଚ୍ଛାଁ ତାନି ଲେଞ୍ଜୁ ପାତେକା ତାନି ଆବା ଇଜ ପହିକିଓ ଆତେସି । ୨୧ ଡାୟୁ ଏତିବେଲା ଏଖାସି ପାଞ୍ଜାତା ମେଟ୍‌ପି ଆତେସି, ଏତିବେଲା ପାର ରାଜା ମାଞ୍ଜୁ ଏଖାଣାଇଁ ଅହାନା ତାନି ମାରୁଏଣା ଲେହେଁ ପହିକିତେ । ୨୨ ଅଡ଼େ ମସା ମିସର ଲକ୍ଷୁତି ବାରେ ବୁଡି ଜାପାନା କାତାତା ଅଡ଼େ କାମାତା ଖେଟ୍ଟିଚେସି ।” ୨୩ “ମସାକି ରା କଡ଼ି ବାର୍ସା ଆୟାଲିଏ ତାନି ତାୟିୟାଁ ଇତିହିଁ ଇସ୍ରାୟେଲ ଲକ୍ଷୁତି ମାସକା ମାର୍‌କାଣି ଏନିକିହିଁ ଲେମ୍‌ପୁଓ ଆହିମାନେ ଇଚ୍ଛାଁ ପୁଞ୍ଜାଲି ଅଶ୍‌ପିଚେସି । ୨୪ ଏଖାସି ରଅଣାଇଁ ମିସରତାସି ଗଡ଼ହା କିହିମାଚାଣି ମେସୁସି, ଏଖାଣାଇଁ ସାୟେନି କିହାଲି ହାଚେସି ଅଡ଼େ ବାବୁଲି ଅହାନା ଏଖାଣାଇଁ ପାୟିଚେସି । ୨୫ ଏଖାଣି କେୟୁଟି ମାହାପୁରୁ ତାନି ତାୟିୟାଁଣି ଗେଲ୍‌ପି ମାନେସି, ଇଦାଆଁ ଏଖାରି ପୁଞ୍ଜାଲି ଆଡିନେରି ଇଚ୍ଛାଁ ଅଶ୍‌ପିମାଚେସି, ସାମା ଏଖାରି ପୁଞ୍ଜାଲି ଆଡାଆତେରି । ୨୬ ତାନି ଅର ଦିନା ଇସ୍ରାୟେଲ ଲକ୍ଷୁ ରିଆରି ମାତା ଆହିମାଚାଣି ମେସୁସି, ଇଚ୍ଛାଁ ଏଖାଣାଇଁ ଆଶୁଓ କିହାଲି ମାଦି ଆହାଁ ଏଲେଇଚେସି, ‘ଆଡ଼େ, ମାରୁଚ ଇସ୍ରାୟେଲ ତାୟିୟାଁତେରି; ଏନାଆଁତାକି ଲେଲଆହିଁ ଗଡ଼ହା ଆହିମାଚେରି?’ ୨୭ ସାମା ଆମିନିଗାଟାସି ପାଡ଼ିତାଣାଇଁ ଲାଗେଏ କିହିମାଚେସି, ଏଖାସି ମସାଇଁ ମେତାନା ଏଲେଇଚେସି, ‘ଆମ୍‌ପାଆସି ନିଟ୍ଟେ ମା ଲାକ ସାଲଓ କିହାଲି ଅଡ଼େ ନାହାଁୟି କିହାଲି ହିୟାଚେସି?’ ୨୮ ‘ରେଏଏନି ଏନିକିଁ ମିସର ଡାଣାଇଁ ପାୟାମାଟି, ଏଲେକିହିଁ କି ନାନୁ ନାଟ୍ଟେ ପାୟାଲି ଅଶ୍‌ପିମାଞ୍ଜାଦି?’ ୨୯ ଇ କାତା ଖେଞ୍ଜାମାନା ମସା ମିଦିୟନ ଦେସାତା ହାଜାନା ବାସା କିତେସି; ଇଚ୍ଛାଁ ଏମ୍‌ପାଆଁ ରା ମାର୍‌କା ଜାନି ଆତେରି ।” ୩୦ ଡାୟୁ ରା କଡ଼ି ବାର୍ସା ଆୟାଲିଏ, ସିନୟ ହୁଚୁ ତାଗେତି ଜାଡ଼ାତା ର ଦୁରୁ ର ବୁଚାତା ହିରୁ ଡାଞ୍ଜାମାନା ଚଞ୍ଜାଆତେସି । ୩୧ ମସା

ଏଦାଆଁ ମେସାନା ଆତାଜାକା ଆଡେସି, ଇଚ୍ଛା ନେହିଁକି ସିନିକିହାଲି ତାଗେ ହାଜିମାଟି ବେଲମାତା ପ୍ରଭୃତି ଇ ହାତା ଖେଚେସି, ୩୨ “ନାନୁ ମୀ ଆକୁ ଆବାୟାଁ ମାହାପୁରୁ, ଅବାହାମତି, ଇସାହାକ ଅଡେ ଜାକୁବତି ମାହାପୁରୁ” ଏତେଟିଏ ମସା ଆଜିତାକି ନେହିଁକି ସିନିକିହାଲି ସାସା କିଆଡେସି । ୩୩ ପ୍ରବୁ ଏଖାଣାଇଁ ଏଲେଇଚେସି, “ନୀ କତାତି ସେପୁୟାଁ ହୁକୁମି, ଇତିହିଁ ନାନୁ ଆମିନି ଚାୟୁତା ନିଗାମାଜ୍ଜି ଏଡି ସୁତୁଗାଟି ଚାୟୁ । ୩୪ ମିସରତା ନା ଆମିନି ଲକୁ ମାନେରି, ନାନୁ ଏଖାରି କସ୍ତୁ ମେସାମାଇଁ, ଅଡେ ଏଖାରି ଡାହିମାନାଣି ଖେଜ୍ଜାମାଇଁ, ଇଚ୍ଛା ଏଖାରାଇଁ ଗେଲ୍‌ପାଲି ରେତା ଖାହାମାଇଁ; ଇଚ୍ଛା ନାଏଁ ଖାମୁ ନାନୁ ନିଢ୍ଫେ ମିସର ଦେସାତା ପାଣ୍ଡାଇଁ ।” ୩୫ “ମସାଇଁ ଇସାୟେଲତି ଲକୁ ଅପାଆଡେରି । ଏଖାରି ଏଖାଣାଇଁ ଏଲେଇଚେରି, ‘ମାଢ୍ଫେ ସାଲଖି କିହାଲି ଅଡେ ନୀହାୟି କିହାଲି ଆମ୍ବିଟି ଅତିକାରା ବେଟାଆଡି?’ ଏଖାଣାଇଁ ମାହାପୁରୁ ଲକୁଣି ସାଲଖି କିହାଲି ଅଡେ ମୁକଲଖି କିହାଲି ଦୂରୁତି ସାୟେମି ତଲେ ହିରୁ ଡାଞ୍ଜାମାନି ବୃତାତା ଡଞ୍ଜାଆହାନା ପାଣ୍ଡାଚେସି । ୩୬ ଏଖାସି ଲକୁଣି ମିସର ଦେସାଟି, ସୁପ ସାମଦୁରି, ଇଚ୍ଛା ରୀ କଡି ବାସା ପାତେକା ବାଟାତା ହାରେକା କାବାଆନି କାମା ଅଡେ ସିନାୟାଁ ତସାହାଁ ଏଖାରାଇଁ ହୁସ୍ତା ତାଚେସି । ୩୭ ଏ ମସା ଚାୟୁ ଇସାୟେଲ ମାରକାଣି ଏଲେଇଚେସି, ମାହାପୁରୁ ମୀ ତାୟିୟାଁ ବିତ୍ରାଟି ମିଢ୍ଫେତାକି ନା ଲେହେଁକି ର ମାହାପୁରୁ ଅଣପୁତି ବଲୁ ଖେହନାଣାଇଁ ହିୟାନେସି ।” ୩୮ ଏ ମସା ବାଝଲି ବାଟାତା କୁଡା ଆହାମାନି ଇସାୟେଲ ଲକୁତଲେ ମାଚେସି । ସିନୟ ହୁରୁତା ତାନିତଲେ କାତା ଆହିମାଟି ଦୁରୁ ଇଚ୍ଛା ମା ଆକୁ ଆବାୟାଁ ବିତ୍ରା ମାଦିତାସି ମାଚେସି; ଏଖାସି ମିଢ୍ଫେ ହାହାଲିତାକି ମାହାପୁରୁ ତାଣାଟି ଜାସୁତି ବଲୁ ବେଟାଆଡେସି ।” ୩୯ “ସାମା ମା ଆକୁ ଆବାୟାଁ ଏଖାଣି କାତା ଆହାଆନା ଏଖାଣାଇଁ ଅପାଆଡେରି, ଅଡେ ମିସର ଦେସାତା ଖେଣ୍ଡା ହାଜାଲି ମନ କିଚେରି, ୪୦ ଏଦାଆଁତାକି ଏଖାରି ହାରେଣାଇଁ ଏଲେଇଚେରି । ‘ମା ନିକି ନିକିତା ହାଜାଲି ମାଢ୍ଫେତାକି ପେଣକାଣି ଚେକପାମୁ, ଇତିହିଁ ମାଢ୍ଫେ ମିସର ଦେସାଟି ହୁସ୍ତା ତାତାଟି ମସାକି ଏନାଆଁ ଆଡେ ମାମୁ ପୁଞ୍ଜାହିଲଅମି ।’ ୪୧ ଅଡେ, ଏତିବେଲମାତା ଏଖାରି ର କଡି ତାଲୁତି ବମା ଚେକପାନା ଏ ବମା ତାକି ପୂଜା ହାହାନା ତାମି କେୟୁଟି ଚେପିତି ଆସି ତାକି ରାହାଁ କିଚେରି । ୪୨ ସାମା ମାହାପୁରୁ ଏଖାରି ତାଣାଟି ଏଟକା ଆହାନା ଏଖାରାଇଁ ହାଗୁଲକତି ହୁକାୟାଁଣି ସେବା କିୟାଲି ପିସ୍ତେସି, ଏନିକିଁ ମାହାପୁରୁ ଅଣପୁତି ବଲୁ ଖେହନାରି ପତିତା ରାସକି ଆହାମାନେ; ଏ ଇସାୟେଲ କୁଡାଚେରି, ବାଟାତା ରୀ କଡି ବାସା ପାତେକା ମାରୁ ନାଢ୍ଫେତାକି କଡି ଗରି ପୂଜା କିହାହିଲଆଡେରି । ୪୩ ମାରୁ ପୂଜା କିହାଲି ଆମିନି ବମାୟାଁ ଚେକପାମାଚେରି, ଏ ମଲକ ଫେନୁତି ତୁମୁ ଅଡେ ରମ୍‌ପାନ୍ ଫେନୁତି ହୁକାଟି ମାରୁ ଆସାନା ସେବା କିଚେରି, ଏଦାଆଁତାକି ନାନୁ ମିଢ୍ଫେ ବାବିଲନ ଆତାଲା ବାସା ଆୟାଲି ପାଣ୍ଡାଇଁ ।” ୪୪ “ନାନୁ ଏନିକିଁ ମେସାମାଜ୍ଜି, ଏଲେକିହିଁଏ ସାକି ହାନି ତୁମୁ ଇଲୁ ଚେକପାମୁ ଇଚ୍ଛା ମସାକି ଆମ୍ବାଆସି ଖେସାମାଚେସି, ଏଖାଣି ହୁକୁମି ତଲେ

ମା ଆକୁୟାଁ ବାଟାତା ସାକି ହାନି ତୁମୁ ଇଲେ ଚେକପାମାଚେରି । ୪୫ ତାୟୁ ମା ଆକୁ ଆବାୟାଁ ଏଦାଆଁ ତାମି ଆବାୟାଁ ତାଣାଟି ବେଟାଆଡେରି ଇଚ୍ଛା ଜିହସୁୟ ତଲେ ଡାକିମାଟିବେଲା ଏଖାରି ଏଦାଆଁ ଡେକା ଅଡେରି, ଏମ୍ବାଟିଏ ମାହାପୁରୁ ଏଖାରି ନିକିତା ମାଟି ବାରେ କୁଡାଟି ଲକୁଣି ପେରୁହା ତୁସାଲିଏ, ଇସାୟେଲ ଲକୁ ଇଖାରି ଦେସା ଜାଣାଆହାନା ଇ କୁଡାଆନି ତୁମୁ ଇଲୁ ଏମ୍ବାଆଁ ତାତାନା ଇତିଚେରି, ଇଚ୍ଛା ଏଡି ଦାସୁଦ ରାଜା ପାତେକା ଏମ୍ବାଆଁ ତୁୟିଚେ । ୪୬ ଦାସୁଦ ମାହାପୁରୁ ନିକିତା କାର୍ମା ବେଟାଆହାନା, ଜାକୁବତି ମାହାପୁରୁକି ର ବାସାତାୟୁ କିହାଲି ପ୍ରାତାନା କିଚେସି । ୪୭ ସାମା ସଲମନ ମାହାପୁରୁକି ଏ ଇଲୁ ଚେପିଚେସି ।” ୪୮ “ସାମା ବାଡୁୟୁ ଗାଟି ମାହାପୁରୁ ମାଣସି କେୟୁତଲେ ଚେପିତି ଇଲୁତା ବାସା କିଅସି; ଏନିକିଁ ମାହାପୁରୁ ଅଣପୁତି ବଲୁ ଖେହନାରି ଖେସାମାନେରି ।” ୪୯ ପ୍ରବୁ ଏଲେଇଚ୍ଛା ମାନେସି, “ଲାକପୁରୁ ନା ସିଂଗାସାଣି, ଦାର୍‌ତି ନା କତା ଇତିନି ଚାୟୁ, ମାରୁ ନା ତାକି ଏନିଲେହେଁତ ଇଲୁ ଚେପିଦେରି? ଇଚ୍ଛା ନା ଜମିନି ଚାୟୁ ଏମ୍ବିୟାମାନେ? ୫୦ ନା କେୟୁ ଇ ବାରେ ଗାଡି କିହାହିଲେଏ କି?” ୫୧ ସୁପାନ ଏଲେଇଚେସି, “ମାରୁ ଏଚେକା ମୁଣ୍ଡି ଗାଟାଚେରି, ଇଚ୍ଛା ଅଟୁହା କତାଆଡି ହିୟାଁ ଗାଟାଚେରି ଅଡେ ମାହାପୁରୁତି ବଲୁ ତାକି କାର୍ମା ଖେନାଆ ଗାଟାଚେରି, ମାରୁ କାଲେଏ ସୁଦୁଜାସୁତି କସ୍ତୁ ହାହିମାଜ୍ଜେରି; ମୀ ଆକୁ ଆବାୟାଁ ଏନିକିଁ ମାରୁ ଜିକେଏ ଏଲେତାଚେରି । ୫୨ ମାହାପୁରୁ ଅଣପୁତି ବଲୁ ଖେହନାରାଇଁ ଆମ୍ବାଆରାଇଁ ଜିକେଏ ମୀ ଆକୁ ଆବାୟାଁ ନିନ୍ଦୁ କିହାହିଲଆଡେରି? ଆମିନି ଗାଟାରି ଏ ଦାମ୍‌ଗାଟାସି ଖାନି କାତା ନିକେଏ ଖେସାମାଚେରି, ଏଖାରାଇଁ ଏଖାରି ପାୟିଚେରି; ନାଏଁ ମାରୁ ଏଖାଣାଇଁ ସାୟୁୟାଁ କେୟୁତା ହେରୁପାନା ପାୟିଚେରି । ୫୩ ମାରୁ ମାହାପୁରୁତି ମେରା ବେଟାଆହା ମାଚେରି, ଏ ମେରା ଦୁରୁୟାଁ ତାଣାଟି ହାପକି ଆହାମାଚେ, ଆତିଜିକେଏ ମାରୁ ଏଦାଆଁ ନାମାଆଚେରି ।” ୫୪ ସୁପାନ ବେରଣିମାଣ୍ଡାତା କୁଗାମାଟି ଲକୁଇଁ ଇ ବାରେ କାତା ଖେସ୍ତେସି, ଏମ୍ବାଆଁ ମାଟି ପାରୁସି ଇଚ୍ଛା ବାରେ କୁଡା ଆହାମାଚାରି କାର୍‌ବି ଆହାଁ ପାଲୁକା ଟାଟି କିହାଲି ମାଟୁହେରି । ୫୫ ସାମା ସୁପାନ ସୁଦୁଜାସୁ ତଲେ ନେଜ୍ଜାନା ଲାକପୁରୁ ଖାକି ସିନିକିଚେସି, ଇଚ୍ଛା ମାହାପୁରୁତି ଗାସୁରମି ଅଡେ ଜାସୁଇଁ ମାହାପୁରୁତି ଚିଝନିଖାକି ନିଗାମାନାଣି ମେସାନା ଏଲେଇଚେସି । ୫୬ “ମେହୁଦ ନାନୁ ଲାକପୁରୁ ଦେପିଆହାମାନାଣି ଅଡେ ମାଣସି ମାରୁଏସି ମାହାପୁରୁତି ଚିଝନିଖାକି ନିଗାମାନାଣି ମେସିମାଇଁ ।” ୫୭ ଏ କାତା ଖେନାଆପ ଇଚ୍ଛା କାଲଖି ଆହିଁ ବେରଣି ମାଣ୍ଡାତାରି କାର୍ମା ମୁତାକତିଚେରି । ତାୟୁ ବାରେଜାଣା ଗୁଣ୍ଡା ଆହାନା ଏଖାଣାଇଁ ମୁତିଚେରି । ୫୮ ଅଡେ ଏଖାରି ଏଖାଣାଇଁ ଗାଡାଟିଏ ପାଢ୍ଫୋତା ରେଜା ଆହାନା ଏଖାଣାଇଁ ଖାଲକାତଲେ ଖେଚାଲି ମାଟୁହେରି; ଅଡେ ସାକିୟାଁ ବିତ୍ରାଟି ସାସୁଲ କତାୟାଁ ତୁଇଁ ହିମ୍ବୁରିକା କାଟିମାଚେସି । ୫୯ ଏତିବେଲମା ଏଖାରି ସୁପାନଇଁ ଖାଲକା ଖେଚି ମାଚେରି, ଏତିବେଲମା ଏଖାସି ମାହାପୁରୁ ତାଣା ପ୍ରାତାନା କିହାନା ଏଲେଇଚେସି, “ପ୍ରବୁ ଜାସୁ, ନା ଜାସୁତି ଅହାକତାମ୍ବା!” ୬୦ ଇଚ୍ଛା ଏଖାସି

ମେଣ୍ଡାକୁତାନା କାଜା ଗିୟାଁତଲେ ଏଲେଇଚେସି, “ପ୍ରଭୁ! ଇ ପାପୁ ଇଖାରି ଡାଣା ଲେକା କିଆନି” ଏଲେଇଞ୍ଜାହାଁ ହାଚେସି ।

୮ ସ୍ତ୍ରୀପାନଇଁ ପାୟିତାୟି ନେହେଁ ଆଚେ ଇଞ୍ଜି ସାଖୁଲ ଅଣ୍ଡିପିମାଚେସି । ଏ ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ତୁ ସାସ୍ତି ଖାଚେ; ଏମ୍ପାଟିଏ ପାଣ୍ଡୁଝି ଆହାମାନାରି ପିସ୍ତେ ବାରେ ନାମିତାରି, ଜାହୁଦା ଦେସା ଇଞ୍ଜି ସମିରଣ ନାସ୍ତକା ସାରିସୁଟୁ ଇତାଲା ଆତାଲା ଆଚେରି । ୨ ଆତିଜିକେଏ ଏଚେକା ନାମୁଗାଟି ଲୁକୁ ସ୍ତ୍ରୀପାନଇଁ ମୁସ୍ତେରି ଇଞ୍ଜି ହାରେକା ଦୁକୁ ତଲେ ଡୀଚେରି । ୩ ସାମା ସାଖୁଲ କୁଲମିତା ହାଜିହିଁ ଇଲୁତାକି ଇଲୁ ହଚିହିଁ ନାମିତି ଆୟାସିକା, ଆବାଣି ରେଜା ତାତାନା କାୟିତି ଇଲୁତା ହେର୍ପିହିଁ କୁଲମିତି ନାସା କିହାଲି ମାଟ୍‌ହେସି । ୪ ଏମ୍ପାଟିଏ ଆମିନି ଗାଗାରି ଇତାଲା ଆତାଲା ଆହାମାଚେରି, ଏଖାରି ସାରିସୁଟୁ ରେଜି ରେଜି ନେହିଁ କାରୁ ଖେକ୍‌ହେରି । ୫ ଇଞ୍ଜି ପିଲିପ ସମିରଣତି କାଜା ଗାଡ଼ାତା ହାଜାନା ଲୁକୁ ନକିତା ମସିହାତି କାତା ଖେକ୍‌ହେସି । ୬ ଅଡ଼େ, ଲୁକୁ ବାରେ ପିଲିପ ହାଡା ଖେଚେରି ଇଞ୍ଜି ଏଖାସି କିହାମାନି କାବାଆନି କାମା ମେସାନା ରଣ୍ଡିଏ ହିୟାଁ ତଲେ ଏଖାଣି କାତାଟି ଖେଞ୍ଜିମାଚେରି । ୭ ଇଚିହିଁ ଆଲ୍‌ଗାମାଟି ପଲ୍‌ଆ ବୃତୁ ହାରେକା ଲୁକୁ ଡାଣାଟି କାଜା ଗିୟାଁତଲେ କିର୍ଡ଼ିହିଁ ହତାହାତୁ, ଇଞ୍ଜି ଟଟ ଖାୟିତାରି ଅଡ଼େ ସତାୟାଁ ହାରେକା ଜାଣା ନେହିଁ ଆଚେରି । ୮ ଏଦାଆଁତାକି ଏ ଗାଡ଼ାତା ହାରେକା କାଜା ରାହାଁ ଆଚେ । ୯ ସାମା ସିମନ ଦରୁଗାଟାସି ରଅସି ଇ ନକେଏ ଏ ଗାଡ଼ାତା ଗାର୍ଡ଼ି କିହିଁ ନାନୁ କାଜାଚେଏଁ ଇଞ୍ଜି ଖେସା କଚିହିଁ ସମିରଣତି ଲୁକୁଣି କାବା କିହିମାଚେସି । ୧୦ ମାହାପୁରୁତି ଆମିନି ବାଡ଼ୟୁତି କାଜାୟି ଇଞ୍ଜି ଇଣ୍ଡି ଆନେ, ଉଣାଟିଏ କାଜାରି ପାଚେକା ବାରେଜାଣା ଇଖାସିଏ ଏଖାସି ଇଞ୍ଜି ଏଖାଣାଇଁ ମାନି କିହିମାଚେରି । ୧୧ ଏଖାରି ଏଖାଣାଇଁ ମାନି କିହିମାନାୟି ଆଚେ, ହାରେକା ଦିନାଟିଏ ତାନି ଗାର୍ଡ଼ି କାମା ତଲେ ଏଖାରାଇଁ କାବା କିହିମାଚେସି । ୧୨ ସାମା ପିଲିପ ମାହାପୁରୁତି ରାଜି ଇଞ୍ଜି ଜାସୁ କ୍ରାସ୍ତ ବରୁତି ନେହିଁ କାରୁ ଖେକ୍‌ହାଲିଏ ଏଖାରି ଏଚିବେଲା ଏଖାଣି କାତାତା ନାମିଚେରି, ଇଞ୍ଜି ଆୟାସିକା ଅଡ଼େ ଆବାୟାଁ ବାସ୍ତିସୁ ଅହାଲି ମାଟ୍‌ହେରି । ୧୩ ଅଡ଼େ ସିମନ ଡାନୁଏ ନାମିଚେସି ଇଞ୍ଜି ବାସ୍ତିସୁ ଅଚେସି, ଇଞ୍ଜି ପିଲିପ ତଲେ ଡୟିଚେସି, ଅଡ଼େ ହାରେକା ସିନାୟାଁ ଇଞ୍ଜି ହାରେକା ବାଡ଼ୟୁତି କାବାଆନି କାମାୟାଁ ମେସାନା କାବା ଆହାହାଚେସି । ୧୪ ସମିରଣତି ଲୁକୁ ଜିକେଏ ମାହାପୁରୁ ବଲୁତି ନାମିମାନେରି, ଇଞ୍ଜି ଜିରୁସାଲମତା ମାନି ପାଣ୍ଡୁଝି ଆଡାରି ଖେଚେରି, ଏମ୍ପାଟିଏ ଏଖାରି ପିତର ଅଡ଼େ ଜହନଇଁ ଏଖାରିଡାଣା ପାଣ୍ଡୁଚେରି । ୧୫ ଏଖାରି ଏଗାହାଜାନା, ଏଖାରି ଏନିକିଁ ସୁଦୁଜୀସୁ ବେଟାଆନେରି, ଏଦାଆଁତାକି ଏଖାରି ତାକି ପ୍ରାତାନା କିଚେରି । ୧୬ ଇଚିହିଁ ନାଏଁ ପାଚେକା ଏଖାରିଡାଣା ଆମ୍ପାଆରି ଲାକ ସୁଦୁଜୀସୁ ରେଟା ହିଲାଆଚେ, ଇଚିହିଁ ଏଖାରି ଖାର୍‌ଇ ପ୍ରଭୁ ଜାସୁ ଦରୁତଲେ ବାସ୍ତିସୁ ଅହାମାଚେରି । ୧୭ ପିତର ଅଡ଼େ ଜହନ ଏଖାରି ଲାକ କେୟୁ ଇଚିଚେରି ଇଞ୍ଜି ଏଖାରି ସୁଦୁଜୀସୁ ବେଟାଆଚେରି । ୧୮ ପାଣ୍ଡୁଝି

ଆଡାରି କେୟୁ ଇଚିସାରେ ସୁଦୁଜୀସୁ ଖାହିମାନାଣି ମେସାନା, ସିମନ ଏଖାରିକି ଟାକାୟାଁ ହାହାନା ଏଲେଇଚେସି, ୧୯ “ନାଡ଼େ ଜିକେଏ ଇ ବାଡ଼ୟୁ ହିୟାଦୁ, ଏନିକିଁ ନାନୁ ଆମିନିଗାଟାଣି ଲାକ କେୟୁ ଇଚିଇଁ ଏଖାସି ସୁଦୁଜୀସୁ ବେଟାଆନେସି ।” ୨୦ ସାମା ପିତର ଏଖାଣାଇଁ ଏଲେଇଚେସି “ନୀ ଟାକାୟାଁ ନୀ ତଲେ ନସ୍ତୁ ଆପୁ, ଇଚିହିଁ ନାନୁ ଟାକାୟାଁ ହାହାନା ମାହାପୁରୁତି ଦାନା କତାଲି ଅଣ୍ଡିପିତି । ୨୧ ଇ କାମାତା ନଦି ଏନି ବାଗା କି ଅଦିକାରା ହିଲେଏ, ଇଚିହିଁ ମାହାପୁରୁ ଡାଣା ନୀ ହିୟାଁ ଟିକାଣା ହିଲେଏ । ୨୨ ଇଦାଆଁତାକି ନୀ ଲାଗେଏଟି ଅଣ୍ଡିପୁଟି ମନ ଖେଟ୍‌ହାଁ ପ୍ରଭୁ ଡାଣା ପ୍ରାତାନା କିମ୍ପୁ, ଏନିଆଚିହିଁ ନୀ ହିୟାଁତା ମାନି ଲାଗେଏଟି ଅଣ୍ଡିପୁ ମ୍ପେକ୍‌ନେସି; ୨୩ ଇଚିହିଁ ନାନୁ ମେସିମାଞ୍ଜାଇଁ ନୀ ହିୟାଁ ବିତ୍ରା ଡାହାରା ଆନାୟି ମାନେ, ନାନୁ ଲାଗେଏଟି ପାମ୍ପାତା ଦସ୍‌ପି ଆହାମାଞ୍ଜି ।” ୨୪ ଏଚେଟିଏ ସିମନ, ପିତର ଅଡ଼େ ଜହନଇଁ ଏଲେଇଚେସି, “ମାନୁ କାର୍ମା ଅଣ୍ଡିପାନା ନା ତାକି ପ୍ରଭୁ ଡାଣା ପ୍ରାତାନା କିମ୍ପୁ, ମାନୁ ଏନାଆଁ ଜିଲିଚେରି ଏ ବାରେ ଏନିକିଁ ନାଡ଼େଟାକି ଏଲେଆହିଁ ଆଏ ।” ୨୫ ଇଲେକିହିଁ ପିତର ଅଡ଼େ ଜହନ ସାକି ହାହିଁ ପ୍ରଭୁତି ବଲୁ ଖେସିହିଁ, ହାରେକା ସମିରଣ ନାସ୍ତକାଣାଁ ନେହିଁ କାରୁ ଖେସି ଖେସିହିଁ ଜିରୁସାଲମତା ଖେଣ୍ଡା ହାଚେରି । ୨୬ ଡାୟୁ ପ୍ରଭୁତି ର ଦୂତୁ ପିଲିପଇଁ ଏଲେଇଚେସି, “ନିଞ୍ଜୁମ୍ପୁ ଇଞ୍ଜି ଟିଶିନି ଖାକିତି ଆମିନି ଜିରୁ ଜିରୁସାଲମଟିଏ ଗଜା ଖାକି ମାନେ ଏ ଜିରୁତା ହାଲାମ୍ପୁ ।” ଏ ଜିରୁତି ଅଡ଼େ ଲୁକୁ ଡାକିହିଲଅରି । ୨୭ ଏମ୍ପାଟିଏ ଏଖାସି ନିଞ୍ଜୁମ୍ପୁ ହାଚେସି, ଇଚିୟପିୟା ଦେସାଟି କାଣ୍ଡାକି ଦରୁଗାଟି ରାଣିନି ଡଇ ର କାଜାପାଣା ବେଟାଆହାମାନି ପେଜୁ ଆମିନିଗାଟାସି ଇଚିୟପିୟା ରାଣିନି ବାରେ ଦନତି ଗୁମ୍ପା ମାଚେସି, ଏଖାସି ମାହାପୁରୁ ଡାଣା ପ୍ରାତାନା କିହାଲି ଜିରୁସାଲମତା ଖାହାମାଚେସି; ୨୮ ଏଖାସି ମାହାପୁରୁ ଅଣ୍ଡିପୁଟି ବଲୁ ଖେହନି ଜିସାୟିତି ପତି କାଜା ଗିୟାଁତଲେ ପଡ଼ଝି ଆହିଁ ରାତାତା କୁଗାନା ଖେଣ୍ଡା ହାଜିମାଚେସି । ୨୯ ଏଚିବେଲା ସୁଦୁଜୀସୁ ପିଲିପଇଁ ଏଲେଇଚେ, “ନକିତା ହାଜାନା ରାତାତା ହାଜିମାନାଣି ଡାଣା ହାଲାମ୍ପୁ.” ୩୦ ଏଚେଟିଏ ପିଲିପ ହଚି ହଚି ହାଜାନା ଜିସାୟିତି ପତି କାଜା ଗିୟାଁତଲେ ମାହାପୁରୁ ଅଣ୍ଡିପୁଟି ବଲୁ ପଡ଼ଝି ଆହିମାନାଣି ଖେଞ୍ଜିନା ଖେଚେସି, “ନାନୁ ଆମିନିଗାଟାଣି ପଡ଼ଝି ଆହିମାଞ୍ଜି ଏଦାଆଁ ପୁଞ୍ଜାଲି ଆତିମାଞ୍ଜି କି?” ୩୧ ପେଜୁ ଏଲେଇଚେସି, “ଆମ୍ପାଆସି ନାଡ଼େ ଖେସ୍ତୁଆସାରେ ନାନୁ ଏନିକିଁ ପୁଇଁ?” ଇଞ୍ଜି ଏଖାସି ପିଲିପଇଁ ରାତାତା ହତାନା ତାନିତଲେ କୁଗାଲି ଏଲେଇଚେସି । ୩୨ ଏଖାସି ଦାମ୍ପୁ ପତିତା ପଡ଼ଝି ଆହିମାଟି କାତା ଇଦି; “ଏଖାସି ପାୟିଝିଆନି ମେଣ୍ଡା ଡାଲୁ ଲେହେଁ ଅଝିଆଚେସି, ଇଞ୍ଜି ମେଣ୍ଡା ଡାଲୁ ବାଣାୟାଁ ଦାଶି ବେଲାତା ମେଣ୍ଡା ଡାଲୁ ଏନିକିଁ ଡାଆନା ପାଲେଏ ଡୟିନେ, ଏଲେକିହିଁଏ ଏଖାସି ତାନି ଗୁତି ଏକ୍‌ଆଚେସି । ୩୩ ଏଖାଣାଇଁ ଉଣା କିହିଁ ନାହାଁୟି କିଆଚେରି, ଏଖାଣି କୁଡ଼ାଟି କାତା ଆମ୍ପାଆସି ଖେସାଲି ଆଡଅସି, ଇଚିହିଁ ତାନି ଜୀସୁ ବାର୍‌ଡିତା ରାଚେ ।” ୩୪ ଏ ପେଜୁ ପିଲିପଇଁ ଏଲେଇଚେସି, “ନାଡ଼େ ଖେସ୍ତାମ୍ପୁ, ମାହାପୁରୁ ଅଣ୍ଡିପୁଟି ବଲୁ ଖେହନାସି

ଆମ୍ଭାଆରି କାତା ଖେସିମାନେସି? ତାନି କାତା କି ଅର ରଅଣି କାତା?” ୩୫ ଏମ୍ବାଟିଏ ପିଲିପ ଗୁଡି ଦେବତାମା ଦାମ୍ବୁ ସାସ୍ତେରିଟିଏ ମାଟ୍‌ହାଲୀ ଏଞ୍ଜାଣି ତାଣା ଜାମୁଟି ନେହିଁ କାରୁ ଖେସ୍ତେସି । ୩୬ ଏଞ୍ଜାରି ଜିରୁତା ହାଜିମାଟାଟି ଏମ୍ବୁ ମାନି ର ଚାୟୁତା ଏଗାହାତେରି; ଏଚେଟିଏ ପେଲୁ ଏଲେଇଚେସି, ୩୭ “ଇମ୍ବୁଆଁ ଏମ୍ବୁ ମାନୁ, ଏନାଆଁ ନାନୁ ବାପ୍ତିସ୍ତୁ ଅହାଲି ଆଡିଲି?” ୩୮ ଇଞ୍ଜି ଏଞ୍ଜାରି ରାତା ନିପୁହାଲି ହୁକୁମି ହାଚେସି, ଇଞ୍ଜି ପିଲିପ ଅଡେ ପେଲୁ ଏମ୍ବୁଣାଁ ଚେଚେରି, ଇଞ୍ଜି ପିଲିପ ଏଞ୍ଜାଣାଇଁ ବାପ୍ତିସ୍ତୁ ହାଚେସି । ୩୯ ଏଞ୍ଜାରି ଏମ୍ବୁଟି ହୁଚା ଖାଟି ତାୟୁ, ପ୍ରବୁଟି ପୁଦୁଜାଖୁ ପିଲିପଇଁ ଅହିଁ ହାଚେ, ଇଞ୍ଜି ପେଲୁ ଅଡେ ଏଞ୍ଜାଣାଇଁ ମେହୁଆଚେସି; ଆତିକିକେଏ ରାହିଁ କିହିଁ ତାନି ଜିରୁତା ହାଚେସି । ୪୦ ସାମା ପିଲିପ ଅସଦଦ ଗାଡାତା ତଞ୍ଜୁଆଚେସି; ଇଞ୍ଜି ଏଞ୍ଜାରି ଗାଡାତାକି ଗାଡାତା ହାଜାହିଁ ନେହିଁ କାରୁ ଖେସ୍ତେସି ଇଞ୍ଜି କାୟିସରିୟତା ଏଗାହାଚେସି ।

C ସାମା ସାଞ୍ଜୁଲ ନାଏଁ ପାଚେକା ପ୍ରବୁଟି ସାୟୁୟିଁ କପାଟି ଆଜି ତସାନା ଅଡେ ଜୀସୁ ନାସାକିନି କାତାୟିଁ ଜଲିହିଁ କାଜା ପୁଜେରାଞ୍ଜୁ ତାଣା ହାଚେସି । ୧ ଅଡେ ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟିଁଣି ମେସ୍ତୁହିଁ, ବାରେଜାଣାଟି ଦସ୍‌ପାନା ଜିରୁସାଲମତା ତାଚାଲି ଆଡିମାନେସି, ଏଦାଆଁତାକି ଏଞ୍ଜାରି କାଜା ପୁଜେରାଞ୍ଜୁ ତାଣା ହାଜାନା ଦମେସକତା ମାନି ଜୀହୁଡି ଲକ୍ଷୁଟି କୁଟମି ଇଲକାଣା ହିୟାଲି ଏଞ୍ଜାରି ତାଣାଟି ଆକୁ ରାସ୍ତେସି । ୩ ସାଞ୍ଜୁଲ ଦମେସକ ତାଗେ ଖାହିମାଟାଟି ଦେବୁଣିଏ ର ଉଜେଡି ହାଗୁଲକଟି ତାନି ସାରିଖାକି ମ୍ବୁସ୍ତେ । ୪ ଏମ୍ବାଟିଏ ଏଞ୍ଜାରି ବୁମିତା ତରଗା ହାଚେସି ଇଞ୍ଜି ତାଞ୍ଜେତାକି ଇ ହାତା ଖେଚେସି, “ଏ ସାଞ୍ଜୁଲ, ଏ ସାଞ୍ଜୁଲ! ନାନୁ ଏନାଆଁତାକି ନାଞ୍ଜେ ନିନ୍ଦୁ କିହିମାଞ୍ଜୁଦି?” ୫ ଏଞ୍ଜାରି ଏଲେଇଚେସି, “ପ୍ରବୁ, ନାନୁ ଆମ୍ଭାଆଡି?” ଏଞ୍ଜାରି ଏଲେଇଚେସି, “ନାନୁ ଆମ୍ଭାଆରାଇଁ ନିନ୍ଦୁ କିହିମାଞ୍ଜୁ ଏ ଜୀସୁଚେଏଁ ନାନୁ । ୬ ସାମା ନିଞ୍ଜୁମୁ ଇଞ୍ଜି ଗାଡାତା ହାଲମୁ, ଏନାଆଁ କିହାଲି ଆନେ, ଏମ୍ଭାଆଁ ନିଞ୍ଜେ ଖେସ୍‌ପି ଆୟାନେ ।” ୭ ଏଞ୍ଜାଣିତଲେ ଆମିନି ଲକ୍ଷୁ ହାଜିମାଚେରି, ଏଞ୍ଜାରି ଏ ହାତା ଖେଞ୍ଜୁନା ଆମ୍ଭାଆରାଇଁ ମେହୁଆଚେରି, ଇଞ୍ଜି ଆତାଜାକା ଆହାହାଚେରି । ୮ ଅଡେ ସାଞ୍ଜୁଲ ବୁମିଟି ନିଞ୍ଜୁନା ତାନି କାଣ୍ଡା ଦେଚେସି, ସାମା ଏଞ୍ଜାରି ଏନାଆଁ ମେସାଲି ଆତାଆଚେସି । ଇଞ୍ଜି ଏଞ୍ଜାରି ତାନି କେୟୁ ଆସାନା ଦମେସକତା ଅଚେରି । ୯ ଅଡେ ତାନିଦିନା ପାଚେକା ଏଞ୍ଜାରି ଏନାଆଁ ମେସାଲି ଆତାଆଚେସି, ଅଡେ ଏନାଆଁ ତିନାଆଚେସି ଏନାଆଁ ଗହୁଆଚେସି । ୧୦ ଦମେସକତା ହନନିୟୁ ଦରୁଗାଟାରି ର ସାସୁ ମାଚେସି; ପ୍ରବୁ ଏଞ୍ଜାଣାଇଁ ତଞ୍ଜୁଆହାଁ ଏଲେଇଚେସି, “ଏ ହନନିୟୁ” ଏଞ୍ଜାରି ଏଲେଇଚେସି, “ଏ ପ୍ରବୁ ନାଞ୍ଜେ ଖେସ୍‌ପାମୁ ।” ୧୧ ଏଚେଟିଏ ପ୍ରବୁ ଏଞ୍ଜାଣାଇଁ ଏଲେଇଚେସି, “ତିୟାରା ଆହାନା ‘ସଲକ’ ଦରୁଗାଟି ଜିରୁ ଆସିଁ ଜୀହୁଦା ଲକ୍ଷୁତା ଚାସିଁ ଗାଡାଟି ସାଞ୍ଜୁଲ ଇନାଣାଇଁ ପାରାମ୍ବୁ; ଇତିହିଁ ଏଞ୍ଜାରି ପ୍ରାତାନା କିହିମାନେସି; ୧୨ ଅଡେ, ଏଞ୍ଜାରି ସେୟିଁଣା ହାପାନା ମେସାମାନେସି, ହନନିୟୁ ଇନାସି ର ମାଣସି ଖାହାନା ତାନି ଲାକ କେୟୁ

ଇଟିମାନେସି, ଏନିକିଁ ଏଞ୍ଜାରି ମେସାଲି ଆଡିମାନେସି ।” ୧୩ ହନନିୟୁ ଏଲେଇଚେସି, “ପ୍ରବୁ, ଜିରୁସାଲମତା ମାହାପୁରୁ ଲକ୍ଷୁଇଁ ଇଞ୍ଜାରି ଏଚେକା ନିନ୍ଦୁ କିହିମାନେସି ଇଞ୍ଜି ନାନୁ ହାରେକା ଲକ୍ଷୁ ତାଣାଟି ଇ ଲକ୍ଷୁଟି କାତା ଖେଞ୍ଜୁମାଇଁ । ୧୪ ଅଡେ ଇ ଚାୟୁତା ନୀ ଦରୁଟି ପ୍ରାତାନା କିହିମାନାରାଇଁ ବାରେଜାଣାଟି ଦସା ଅୟାଲି ଏଞ୍ଜାରି କାଜା ପୁଜେରାଞ୍ଜୁ ତାଣାଟି ଅଦିକାରା ଆକୁ ବେଟାଆହାମାନେସି ।” ୧୫ ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ହାଲମୁ; ଇତିହିଁ ଏଞ୍ଜାରି ଏଚକା କୁଡାଟି ରାଜାୟିଁ ଅଡେ ଇସାୟେଲ ଲକ୍ଷୁଟି ମାସ୍କା ମାର୍କା ନକିତା ନା ଦରୁ ଖେକହାଲି ନାନୁ ଏଞ୍ଜାଣାଇଁ ନା ସେବା କିନାସି କିହାନା ଆଚାମାଇଁ; ୧୬ ଅଡେ ନା ଦରୁ ତାକି ଏଞ୍ଜାରି ଏଚେକା ଦୁକୁ ବେଟାଆନେସି, ଏଦାଆଁ ନାନୁ ଏଞ୍ଜାଣାଇଁ ଖେହୁଇଁ ।” ୧୭ ଏଚେଟିଏ ହନନିୟୁ ହାଜାନା, ଏ ଇଲୁତା ହଚେସି, ଇଞ୍ଜି ତାନି ଲାକ କେୟୁ ଇଚାନା ଏଲେଇଚେସି, “ତାୟି ସାଞ୍ଜୁଲ, ଇମ୍ଭାଆଁ ଖାନି ଜିରୁତା ଆମିନି ପ୍ରବୁ ଜୀସୁ ନିଞ୍ଜେ ତଞ୍ଜୁ ଆୟାଚେସି, ଏଞ୍ଜାରି ନାଞ୍ଜେ ପାଣ୍ଡାମାଞ୍ଜୁନେସି, ନାନୁ ଏନିକିଁ ଖେଣ୍ଡେ ମେହୁମୁ ଇଞ୍ଜି ପୁଦୁଜାଖୁ ବେଟାଆମୁ ।” ୧୮ ଏ ଦେବୁଣିଏ ଏଞ୍ଜାଣି କାଣ୍ଡାଟି ମାନୁ ହିପି ଲେହେଁତାୟି ଦୁଲିଚେ, ଇଞ୍ଜି ଏଞ୍ଜାରି ଖେଣ୍ଡେ ମେସାଲି ଆଡିଚେସି, ଅଡେ ନିଞ୍ଜୁନା ବାପ୍ତିସ୍ତୁ ଅଚେସି, ୧୯ ଅଡେ ଏଞ୍ଜାରି ତିଞ୍ଜୁ ଉଣ୍ଡାନା ବାଡ୍‌ୟୁ ବେଟାଆଚେସି, ଏଚେଟିଏ ସାଞ୍ଜୁଲ ଏଚରଦିନା ସାୟୁୟିଁ ତଲେ ଦମେସକତା ତୟିଚେସି । ୨୦ ଅଡେ, ଜୀସୁ ମାହାପୁରୁଟି ମାର୍‌ବଏ ଇଞ୍ଜି ଆଡ୍‌ଖ ତଲେ ଜୀହୁଡି ଲକ୍ଷୁଟି କୁଟମି ଇଲକାଣା ଖେସାଲି ମାଟ୍‌ହେସି । ୨୧ ଅଡେ, ଆମିନି ଗାଟାରି ତାନି ହାତା ଖେଚେରି, ଏଞ୍ଜାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାତାନା କିନି ଲକ୍ଷୁଣି ଆମ୍ଭାଆସି ଜିରୁସାଲମତା ପାୟି କିହିମାନେସି, ଅଡେ ଏଞ୍ଜାଣାଇଁ ଦସ୍‌ପାହାଁ କାଜା ପୁଜେରାଞ୍ଜୁ ତାଣା ଅହାଲି ତାକି ଇମ୍ଭାଆଁ ଖାହାମାଚେସି, ଏଞ୍ଜାରି କି ଇଞ୍ଜାରି ଆଏ?” ୨୨ ସାମା, ସାଞ୍ଜୁଲଟି ଖେକନାୟି ହାରେକା ବାଡ୍‌ୟୁ ଗାଟାୟି ମାଚେ, ଅଡେ ଏଞ୍ଜାରି ପାର୍‌ମାଣା କିହିଁ ଖେସ୍ତେସି ଜୀସୁ ଏ ମସିହା, ଇଦାଣି ଦମେସକତା ବାସା କିହିମାନି ଜୀହୁଡି ଲକ୍ଷୁଣି ଖେଣ୍ଡେ ଖେସାଲି ଆତାଆଚେରି । ୨୩ ଏଚରଦିନା ହାଟି ତାୟୁ ଜୀହୁଦିୟିଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଚେରି; ୨୪ ସାମା ଏଞ୍ଜାରି କାତା ଆହିମାଟାଣି ସାଞ୍ଜୁଲ କିୟିଁତା ହାଚେ, ଅଡେ ଏଞ୍ଜାରି ଏନିକିଁ ସାଞ୍ଜୁଲଇଁ ପାୟାଲି ଆଡିନେରି, ଏଦାଆଁତାକି ଲାଆଁ ମାଦେନା ଗାଡାଟି ଦୁଖେରିକାଣା କାଟିହିଁ ତୟିଚେରି । ୨୫ ସାମା ସାଞ୍ଜୁଲଟି ସାୟୁୟିଁ ଲାଆଁୟିଁ ବେଲାତା ଏଞ୍ଜାଣାଇଁ ର ତାଲିତା ରସାହାଁ କଟା କାଟିଟି ତୁଲ ରେପ୍‌ହେରି । ୨୬ ତାୟୁ ଏଞ୍ଜାରି ଜିରୁସାଲମତା ହାଜାନା ସାୟୁୟିଁ ତଲେ ଆଣ୍ଡାଲି ଅଶ୍‌ପିମାଚେସି; ସାମା ଏଞ୍ଜାରି ର ସାସୁ ଇଞ୍ଜି ଏଞ୍ଜାରି ଇଚାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାଚେରି । ୨୭ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁଞ୍ଜି ଆତାରି ତାଣା ତାଚେସି, ଇଞ୍ଜି ଜିରୁତା ଏଞ୍ଜାରି ଏନିକିଁ ପ୍ରବୁଇଁ ମେସ୍ତେସି ଇଞ୍ଜି ପ୍ରବୁ ଏନାଆଁ ତାଞ୍ଜେ ହାତା ଆଚେସି, ଦମେସକତା ଜୀସୁ ଦରୁଟି ସାସାତଲେ ସାଞ୍ଜୁଲ ଏନିକିଁ ଖେସାମାଚେସି, ଇ ବାରେ କାତା ଏଞ୍ଜାରି

ନକିତା ଖେପୁସି । ୨୮ ଅଡ଼େ ସାଧୁଲ ଖଞ୍ଜାରିତଲେ ଡ଼ୟିତେସି ଅଡ଼େ ଜିରୁସାଲମତି ବାରେଖାକି ହାଜାନା ସାସାତଲେ ପ୍ରବୁତି ଦରୁ ଖେକହେସି । ୨୯ ଇଚ୍ଛାଁ ଏଖାସି ଗ୍ରିକ ଜଲିନି ଜାହୁଦି ଲକ୍ଷୁତଲେ ବାଦିବାଦା କିହିମାରେସି, ସାମା ଏଖାରି ଏଖାଣାଇଁ ପାୟାଲି ପାରୁ ପାରିମାରେରି । ୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଧୁଲଇଁ କାୟିସରିୟାତା ଅହାନା ଏମ୍ପାଟି ଏଖାଣାଇଁ ତାସିତା ପାଣ୍ଡିତେରି । ୩୧ ଇଲେଆହିଁ ଏ ବାରେ ଜାହୁଦା ରାଜି, ଗାଲିଲି ଅଡ଼େ ସମିରଣତି କୁଲମି ବାସୁଁ ଆହାନା ପ୍ରବୁଇଁ ଆଜାନା ହିଡ଼ି ଜୀସୁତଲେ ମାରେରି, ଇଚ୍ଛାଁ ସୁଦୁଜୀସୁତି ସାୟେମି ତଲେ ପାତାଆହାଲି ମାଟ୍‌ହେରି । ୩୨ ଏରେଟିଏ ପିତର ବାରେ ରାଜିତା ରେଜି ରେଜିହିଁ ଲୁଦତା ଡ଼ୟିନି ମାହାପୁରୁ ଲକ୍ଷୁଣି ଆଣ୍ଡାଲି ହାରେସି । ୩୩ ଏମ୍ପାଆଁ ଏଖାସି ଏନିୟ ଦରୁଗାଟି ରଥାଣାଇଁ ବେଟାଆଡେସି, ଏଖାସି ଆଟା ବାସାଁ ପାତେକା ଟେ ଖାୟିତି ରଗ ଆହାନା କାଟେଲିଟି ନିଚ୍ଚାଲି ଆଡିହିଲଆଡେସି । ୩୪ ପିତର ଏଖାଣାଇଁ ଏଲେଇରେସି, “ଏନିୟ, ଜୀସୁ ଜୀସୁ ନିଚ୍ଚେ ନେହିଁ କିହାମାଞ୍ଜନେସି; ନିଚ୍ଚାମୁ ନୀ ପାସ୍‌ପନି ମୁଦା କିମୁ” ଏରେଟିଏ ଏଖାସି ଏ ଦେବୁଣିଏ ନିଚ୍ଚେତେସି । ୩୫ ଏରେଟିଏ ଲୁଦ ଇଚ୍ଛାଁ ସାରଣତା ବାସା କିହାମାନି ଲକ୍ଷୁ ଏଖାଣାଇଁ ମେସାନା, ପ୍ରବୁ ତାଣା ହିୟାଁ ଖେଟ୍‌ହେରି । ୩୬ ଜାପତା ଟାବିତା ଦରୁଗାଟି ମାହାପୁରୁଇଁ ନାମିତି ର ଇୟା ମାରେ, ଗ୍ରିକ ତଲେ ଦର୍କା ଇତିସାରେ ତାନି ଦରୁ “ର କୁର୍ତୁଁ !” ଏଦି ବାରେବେଲା ନେହିଁ କାମା କିହିଁ, ହିଲଆ ଗାଟାରାକି ସାୟେମି କିହିମାରେ । ୩୭ ଏତିବେଲାତା ଏଦି ନମେରି ଆହାନା ହାହାହାରେ, ଲକ୍ଷୁ ଏଦାନି ଏୟୁ ମାଟ୍‌ହାନା ଲାକନି ପାରୁତି ର ବାକ୍ରାତା ତ୍ରିପୁହୁ । ୩୮ ଇଚ୍ଛାଁ ଲୁଦ ଜାପ ତାଗେ ମାତାକି ସାୟୁୟାଁ ପିତର ଜାପତା ମାନେସି ଇଚ୍ଛାଁ ଖେଞ୍ଜାନା, ରା ଲକ୍ଷୁଣି ଏଖାଣି ତାଣା ପାଣ୍ଡାନା ଇ କାତା ବାତିମାଲିତେରି, “ମା ତାଣା ଖାହାଲି ଖେଡ଼ା କିଆନି ।” ୩୯ ପିତର ନିଚ୍ଚାମୁ ଏଖାରିତଲେ ହାରେସି, ଏମ୍ପାଆଁ ଏଖାସି ଖାହାଲିଏ ଏଖାଣାଇଁ ଲାକନି ପାରୁତି ବାକ୍ରାତା ଅଡେରି, ଅଡ଼େ ରାଣ୍ଡେଣିସିକା ସାରିସୁରୁ ମୁତାନା ଡ଼ାହି ଡ଼ାହିଁ ଦର୍କା ନୀତାମାଟି ବେଲାତା କେପାମାଟି ହିପୁରିକା ବାରେ ଏଖାଣାଇଁ ଡ଼ପୁ । ୪୦ ସାମା ପିତର ବାରେଜାଣାଟି ପାଣ୍ଡାତା ପାଣ୍ଡାନା ମେଣ୍ଡାକୁତାନା ପ୍ରାତାନା କିତେସି; ଇଚ୍ଛାଁ ମାଡ଼ହା ଖାକି ତିରୁଖାନା ଏଲେଇରେସି, “ଟାବିତା, ନିଚ୍ଚାମୁ” ଏରେଟିଏ ଏଦି କାଣ୍ଡା ଦେତାନା ପିତରଇଁ ମେସୁେ ଇଚ୍ଛାଁ ନିଚ୍ଚାମୁ କୁନିତେ । ୪୧ ଇଚ୍ଛାଁ ପିତର କେୟୁ ଦାସାନା ଦର୍କାଈଁ ନିକ୍‌ହେସି, ଇଚ୍ଛାଁ ମାହାପୁରୁ ଲକ୍ଷୁ ଅଡ଼େ ରାଣ୍ଡେଣିସିକାଣି ହାଟାନା ଏଦାନି ନୀତାମାନାଣି ଡ଼ପୁସି । ୪୨ ଇ କାତା ଜାପତି ସାରିସୁରୁ ଖେଞ୍ଜାହାରେ ଅଡ଼େ ହାରେକା ଲକ୍ଷୁ ପ୍ରବୁଇଁ ନାମିତେରି । ୪୩ ଅଡ଼େ, ପିତର ହାରେକା ଦିନା ପାତେକା ଜାପତି ସିମନ ଦରୁଗାଟି ଡ଼ଲ୍‌କା କାମାକିନାଣି ଇଜ ଡ଼ୟିତେସି ।

୧୦ କାୟିସରିୟା ଗାଡ଼ାତା କର୍ନଲିୟୁ ଦରୁଗାଟାସି ର ଲକ୍ଷୁ ମାରେସି, ଏଖାସି ଇତାଲିକ ଦରୁଗାଟି ରମିୟ ରିଜାରି କସ୍‌କାଟି ପାସାକଡ଼ି କସ୍‌କା ମୁହେଁ କାଜାସି ମାରେସି । ୧ ଏଖାସି ର ଦାମ୍‌ନୁଁ ଲକ୍ଷୁ ମାରେସି;

ତାନି ଇଲୁ କୁଟମି ତଲେ ମାହାପୁରୁଇଁ ଆଜିମାରେସି, ଏଖାସି କାକୁଲି ଲକ୍ଷୁତାକି ଦାନା ହାହିମାରେସି, ଅଡ଼େ ମାହାପୁରୁ ତାଣା କାଲେଏ ପ୍ରାତାନା କିହିମାରେସି । ୩ ର ଦିନା ମିଡ଼ୁଆଲ ତାନି ଗଟା ବେଲାତା ଏଖାସି ସେୟାଁଣା ହାପାନାତା ତୀରପୁତଲେ ମେସୁେସି, ର ମାହାପୁରୁତି ଦରୁ ଖାହାନା ଏଖାଣାଇଁ ଖେସୁେସି “କର୍ନଲିୟା” ୪ ଏଖାସି ଆଜିତଲେ ଦରୁ ଖାକି ସିନିକିତେସି ଅଡ଼େ ଖେରେସି, “ଇଦି ଏନାୟି ପ୍ରବୁ?” ଦରୁ ଏଖାଣାଇଁ ଏଲେଇରେ, “ନୀ ପ୍ରାତାନା ଅଡ଼େ ଦାନା ହାନାୟି ଲାକ ମାହାପୁରୁ ନକିତା ଏଜାମାନେ । ୫ ନୀଏଁ ନୀନୁ ଜାପତା ଲକ୍ଷୁଣି ପାଣ୍ଡାନା ସିମନ ପିତର ଦରୁଗାଟି ଲକ୍ଷୁଇଁ ହାଟାତାମୁ, ଏଖାଣି ହାଟା ଦରୁ ପିତର ଇନେରି; ୬ ଏଖାସି ସିମନ ଦରୁଗାଟି ର ଡ଼ଲ୍‌କା କାମାକିନାଣି ଇଜ ଗତାଗାଟାସି ଆହାମାନେସି, ଏଖାଣି ଇଲୁ ସାମ୍‌ଦୁରି ଗାଡୁତା ।” ୭ ତାନିତଲେ କାତା ଆହିମାଟି ଦରୁ ହାଜାଲିଏ, ଏଖାସି ତାନି ଇଜ କାମା କିନି ରା ହଲିୟାଢ଼ାଣି ଇଚ୍ଛାଁ ତାଢ୍ଵେ ସେବାକିନି ରିଜାରି କସ୍‌କା ବିତ୍ରାତି ର ଦାମ୍‌ନି କହ୍‌ଏଣାଇଁ ହାଟିତେସି, ୮ ଅଡ଼େ ଏଖାସି ଏଖାଣାଇଁ ଏମ୍ପାଆଁ ଆହାମାଟି ବାରେ କାତା ଖେସାନା ଜାପତା ପାଣ୍ଡିତେସି । ୯ ଅର ଦିନା ଏଖାରି ହାଜି ହାଜିହିଁ ଏ ଗାଡ଼ାତି ତାଗେ ଆଡେରି, ଏତିବେଲା ପିତର ମାଦେନା ବାର ଗଟା ବେଲାତା ପ୍ରାତାନା କିହାଲି ଇଲୁ ଲାକ ହାରେସି, ୧୦ ଏଖାସି ହାକି ଆଡେସି ଅଡ଼େ ଏନାଆଁ ତିଞ୍ଜାଲି ମନ କିତେସି; ସାମା ଏଖାରି ରାନ୍ନା ଖାଜିମାଟି ବେଲାତା, ଏଖାସି ସେୟାଁଣା ହାପାନା ମେସୁେସି, ୧୧ ଲାକପୁରୁ ଦେପିଆହାମାନେ, ଇଚ୍ଛାଁ ଏନିକିଁ ର ହିମ୍‌ପୁରିତି ସାରି କନତା ଆସ୍‌ପି ଆହାନା ଦାର୍‌ତି ଲାକ ରେଟା ଖାହିମାନେ; ୧୨ ଏମ୍ପାଆଁ ଦାର୍‌ତିତି ବାରେ କୁଡ଼ାତି ସାରିଗଟା କତା ଗାଟି ଜନୁ ଜିଖେଡ଼ିକା, ରାସ୍‌କା ତ୍ରୁଗିୟାଁ ଅଡ଼େ ହାଗୁତି ପଟାୟାଁ ମାନୁ । ୧୩ ଇଚ୍ଛାଁ ଏଖାଣାକି ଇ ହାତା ଆଡେ, “ପିତର; ନିଚ୍ଚାମୁ, ପାୟାମା ତିନାମୁ” ୧୪ ସାମା ପିତର ଏଲେଇରେସି, “ଆଏ ପ୍ରବୁ, ନୀନୁ ଏରେଲାଖା ଏନି ଲାଗେଏ ପଲେଏତି ଦିଶସୁ ତିଞ୍ଜାହିଲଅଁ ।” ୧୫ ଅଡ଼େ ର ପାଲି ଇ ହାତା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନୀନୁ ଲାଗେଏତାୟି ଇନାଆନି ।” ୧୬ ଇଲେକିହିଁ ତାନି ପାଲି ଆଡେ, ତାୟୁ ଏ ହିମ୍‌ପୁରି ଲାକପୁରୁ ଅଞ୍ଜିଆଡେ । ୧୭ ପିତର ଏନାଆଁ ସେୟାଁଣା ହାପାନା ହେଣ୍ଡାମାରେସି, ଏଦି ଏନାୟି, ଇଚ୍ଛାଁ ଅଣ୍ଡିହିଁ ଆତାଜାକା ଆହାମାନି ବେଲାତା, କର୍ନଲିୟୁ ତାଣାଟି ପାଣ୍ଡି ଆହାମାନାରି ସିମନ ଇଲୁ ପାରିହିଁ ଦୁଖେରିତା ନିକା ଖାଡେରି, ୧୮ ଇଚ୍ଛାଁ ଏଖାରି ଖେରେରି, “ସିମନ ଇନି ପିତର ଦରୁଗାଟାସି ରଅସି ଇମ୍ପାଆଁ ଗଡେଏସି ମାନେସି କି?” ୧୯ ପିତର ଏ ସେୟାଁଣା ହାପାନା ହେଟାଣି ଅଣ୍ଡିପିମାଟି ବେଲାତା ଜୀସୁ ଏଖାଣାଇଁ ଏଲେଇରେ, “ମେହ୍‌ମୁଁ ତାନି ଜାଣା ଲକ୍ଷୁ ନିଚ୍ଚେ ପାରିମାଞ୍ଜନେରି । ୨୦ ଏଦାଆଁତାକି ତିୟା ଆମୁ ଅଡ଼େ ଡ଼ଲ୍‌ହାଲମୁ, ଅଡ଼େ ଆନାମାନା ଆଆନା ଏଖାରିତଲେ ହାଲମୁ, ଏନାଆଁତାକି ଇତିହିଁ ନୀନୁ ଏଖାଣାଇଁ ପାଣ୍ଡାମାଞ୍ଜାଇଁ ।” ୨୧ ଏରେଟିଏ ପିତର ଏ ଲକ୍ଷୁତାଣା ରେଟାଖାହାନା ଏଲେଇରେସି, “ମୀରୁ ଆମ୍ପାଆରାଇଁ

ପାରିମାଞ୍ଜେରି, ନାନୁ ଏଞ୍ଜାଡେଏଁ । ମୀରୁ ଏନାଆଁତାକି ଖାହାମାଞ୍ଜେରି?”

୨୨ ଏଞ୍ଜାରି ଏଲେଇଚେରି, “କର୍ନଲିୟ ଦରୁଗାଟି ପାଦାକଡ଼ି କସକା ମୁହେଁ କାଜାସି ମାଡ୍ରେ ପାଣ୍ଡାମାଞ୍ଜାନ୍ଦେସି, ଏଞ୍ଜାସି ର ସୁଦୁ, ଦାମୁଗାଟାସି ଇଞ୍ଜାଁ ମାହାପୁରୁଇଁ ଆଜିନାସି, ଅଡେ ବାରେ ଜାହୁଦି କୁଡାତା ଖେଡ୍ଡିତାସି, ଏଞ୍ଜାସି ନିଡ୍ରେ ତାନି ଇଜ ହାଟାନା ନୀ ଜାପୁନାଶି ଖେଞ୍ଜାଲିତାକି ମାହାପୁରୁଚି ଦୁଦୁ ତାଣାଟି ହୁକୁମି ବେଟା ଆହାମାନେସି ।” ୨୩ ପିତର ବିତ୍ରା ହାଟା ଅହାନା ଏଞ୍ଜାରାଇଁ ସେବା କିତେସି । ଅର ନେରୁ ନିଡ୍ରେନା ତିୟରା ଆହାନା ଏଞ୍ଜାରିତଲେ ହାଚେସି; ଜାପତି ଏତରଜାଣା ନାମିତି ତାୟିୟଁ ଏଞ୍ଜାରିତଲେ ହାଚେରି । ୨୪ ଅର ନେରୁ ଏଞ୍ଜାରି କାୟିସରିୟାତା ଏତେରି, ଏମାଆଁ କର୍ନଲିୟ ତାନି କୁଟମି ଇଞ୍ଜାଁ ଅଡେ ଜାହୁଦି ତଣେସିଡ୍ରେଣି ହାଟାହାଁ କୁଡ଼ି କିହାନା ଏଞ୍ଜାରାଇଁ କାଟିମାଚେରି । ୨୫ ପିତର ବିତ୍ରା ହାଜାଲିଏ କର୍ନଲିୟ ଏଞ୍ଜାଣି କଡ଼ା ଡ଼ଇ ମୁନୁ କୁତାନା ଜହରା କିତେସି । ୨୬ ସାମା ପିତର ତାଡ୍ରେ ନିକହାନା ଏଲେଇଚେସି, “ନିଡ୍ରେମୁ, ନାନୁ ଜିକେଏ ର ମାଣସିଚେଏଁ ।” ୨୭ ଏଚେଟିଏ ପିତର କର୍ନଲିୟ ତଲେ କାତା ଆହିଁ ଆହିଁ ଇଲୁ ବିତ୍ରା ହାଜାନା ଏମାଆଁ ହାରେକା ଲକୁ ରୁଣ୍ଡା ଆହାମାନାଶି ମେସୁସି । ୨୮ ଅଡେ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏବକା କୁଡାତି ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜାହୁଦି ଲକୁତାକି ଏନିକିହିଁ ମେରା ହିଲେଏ, ଏଦାଆଁ ମୀରୁ ନେହିଁକିଁ ପୁଞ୍ଜାମାଞ୍ଜେରି ଆତିଜକେଏ ଆମିନି ଲକୁଇଁ ସୁଦୁ ହିଲାଆ ଗାଟାରି କି ଲାଗେଏତାରି ଇଞ୍ଜାହିଁ ଇନାଆନି ଇଞ୍ଜାଁ ମାହାପୁରୁ ନାଡ୍ରେ ତସାମାଞ୍ଜାନ୍ଦେସି । ୨୯ ଏଦାଆଁତାକି ହାଟନିଏ ନାନୁ ଏନାଆଁ ଅଶ୍ୱପାଆନା ଖାଚେଏଁ । ଇଦାଆଁତାକି ନାନୁ ଖେଞ୍ଜାମାଞ୍ଜାଇଁ, ଏନାଆଁ କିହାଲି ମୀରୁ ନାଡ୍ରେ ହାଟାଚେରି?” ୩୦ କର୍ନଲିୟ ଏଲେଇଚେସି, “ତାନିଦିନା ନିକେଏ ଇ ବେଲାତା ମିଡ଼ଅଲ୍ଲା ତାନି ଗଂଟା ବେଲା ନାନୁ ନା ଇଜ ପ୍ରାତାନା କିହିମାଚେଏଁ; ମେହ୍ମୁ ଏମାଆଁ ଉଜେଡ଼ିଗାଟି ଦବ୍ଲା ହିମ୍ପୁରିକା ତୁରହାମାନି ର ଲକୁ ନା ନିକିତା ନିଚେସି, ୩୧ ଅଡେ ଏଞ୍ଜାସି ଏଲେଇଞ୍ଜାଚେସି, ‘କର୍ନଲିୟ! ମାହାପୁରୁ ନୀ ପ୍ରାତାନା ଖେଞ୍ଜାମାନେସି; ଇଞ୍ଜାଁ ହିଲାଆ ଗାଟାରାକି ନୀ ଦାନା ହାନାୟି ବାରେ ମାହାପୁରୁ ନିକିତା ନେହିଁ ତଞ୍ଜା ଆହାମାନେ । ୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଚାଲି ଜାପତା ଲକୁଇଁ ପାଣ୍ଡାମୁ, ଏଞ୍ଜାସି ସାମୁଦୁରି ଗାଟୁତା ଡ଼ୟିନି ତଲକା କାମା କିନି ସିମନ ଇଜ ଗତାଗାଟାସି ଆହାମାନେସି ।’ ୩୩ ଏଦାଆଁତାକି ଖେଡ଼ାକିଆନା ନାନୁ ନୀ ତାଣା ଲକୁ ପାଣ୍ଡାଚେଏଁ, ଅଡେ ନାନୁ ଖାହାମାଞ୍ଜା ନେହିଁ କିହାମାଞ୍ଜା, ଇତିହିଁ ପ୍ରୁ ନିଡ୍ରେ ଏନାଆଁ ହୁକୁମି ହାହାମାଞ୍ଜାନ୍ଦେସି, ଏଦାଆଁ ଖେଞ୍ଜାଲିତାକି ମାମୁ ବାରେ ମାହାପୁରୁ ନିକିତା କୁଡା ଆହାମାନମି ।” ୩୪ ଏଚେଟିଏ ପିତର ଗୁଡ଼ି ଏକହାନା ଏଲେଇଚେସି, “ମାହାପୁରୁ ସାଚେଏ ବାରେ ଲକୁଣି ପାର୍ଡା ବାଟି କିଅସି, ୩୫ ଆମିନି ଲକୁ ଏଞ୍ଜାଣାଇଁ ଆଜିନେରି ଅଡେ ଏଞ୍ଜାସି ଅପିନି ଲେହେଁ ନେହିଁ କାମା କିନେରି ଏଞ୍ଜାରି ଆମିନି କୁଡାତାରି ଇତିହିଁ ଜିକେଏ, ଏଞ୍ଜାସି ଆକିନେସି । ୩୬ ଏଞ୍ଜାସି ଜୀସୁ କ୍ରୀସ୍ତ ତାଣାଟି ହିଡ଼ଡ଼ିତି ନେହିଁ କାରୁ

ଖେସାନା ଇସ୍ରାୟେଲ ମୀରକା ନିକିତା ଇ ବଲୁ ପାଣ୍ଡିଚେସି; ଏ ଜୀସୁ କ୍ରୀସ୍ତ ବାରେତି ପ୍ରୁ । ୩୭ ମୀରୁ ପୁଞ୍ଜାମାଞ୍ଜେରି ଜହନ ବାପ୍ତିସ୍ମ କାତା ଖେକ୍ହି ତାଣାଟିଏ ଏ ନେହିଁ କାରୁ ଗାଲିଲିଟିଏ ମାଟହାନା ବାରେ ଜାହୁଦା ରାଜିତି ଲକୁଡାଣା ଖେଡ୍ଡାମାନେ, ୩୮ ଇତିହିଁ ନାଜରିତ ଜୀସୁତି କାତା ପୁଞ୍ଜାମାଞ୍ଜେରି, ଏନିକିଁ ମାହାପୁରୁ ଏଞ୍ଜାଣାକି ସୁଦୁଜୀସୁ ଇଞ୍ଜାଁ ବାଡ଼ିୟୁ ହାହାନା ବର ହାଚେସି, ଇଞ୍ଜାଁ ନେହିଁ କାମା କିହିଁ ସୟତାନ ପାନ୍ତୁତା ଦସ୍ତି ଆହାମାନି ଲକୁଣି ନେହିଁ କିହିଁ ବାରେଖାକି ଚେଚେସି, ଇତିହିଁ ମାହାପୁରୁ ଏଞ୍ଜାଣିତଲେ ମାଚେସି । ୩୯ ଏଞ୍ଜାସି ଜାହୁଦି ଲକୁଡ଼ି ଦେସାତା ଅଡେ ଜିରୁସାଲମତା ଏନା ଏନାଆଁ କିତେସି, ମାମୁ ଏ ବାରେତି ସାକି; ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକହାନା ପାୟିଚେରି । ୪୦ ସାମା ମାହାପୁରୁ ଏଞ୍ଜାଣାଇଁ ତାନି ଦିନାତା ନିକହେସି ଅଡେ ତଞ୍ଜାଆଞ୍ଜି କିତେସି; ୪୧ ବାରେଜାଣା ତାକି ଆଏ, ଖାରଇ ମାହାପୁରୁ ଆତିତି ସାକି, ଇତିହିଁ ମା ନିକିତା ତଞ୍ଜାଆଚେସି । ମାହାପୁରୁ ଏଞ୍ଜାଣାଇଁ ହାକିତି ନିକ୍ହି ଜେତ ମାମୁ ଏଞ୍ଜାଣିତଲେ ତିତମି ଉଟମି । ୪୨ ଅଡେ ଲକୁ ନିକିତା ଇ ନେହିଁ କାରୁ ଖେକ୍ହିଲି, ଇଞ୍ଜାଁ ହାଟାରି ଅଡେ ଜୀସୁତା ନୀତାମାନାରି ନାହିଁୟି କିନାସି ଆହାଲି ମାହାପୁରୁ ଏଞ୍ଜାଣାଇଁ ଆତାମାନେସି ଇଞ୍ଜାଁ ସାକି ହାହାଲି ଏଞ୍ଜାସି ମାଡ୍ରେ ହୁକୁମି ହିୟାଚେସି । ୪୩ ଏମାଆସି ଏଞ୍ଜାଣି ତାଣା ନାମିନେସି, ଏଞ୍ଜାସି ଏଞ୍ଜାଣି ଦରୁତଲେ ପାପୁ ମ୍ଲେପକି ଆନେସି, ଇଦାଆଁ ବାରେ ମାହାପୁରୁ ଅଶ୍ୱପୁତି ବଲୁ ଖେହ୍ନାରି ଏଞ୍ଜାଣି କାତାତି ସାକି ହାହାମାନେରି ।” ୪୪ ପିତର ଇ ବାରେ କାତା ଖେସିମାତି ବେଲାତା ଆମିନି ଗାଟାରି ତାନି ବଲୁ ଖେଞ୍ଜାମାଚେରି, ଏ ବାରେଜାଣାଟି ମୁହେଁ ସୁଦୁଜୀସୁ ରେତାଖାଚେ । ୪୫ ଜାହୁଦିଆଆତି ଲକୁତାଣା ଜିକେଏ ସୁଦୁଜୀସୁ ରେତା ଖାତାଣି ମେସାନା ପିତର ତଲେ ଜାପତି ଖାହାମାତି ତଲୁ ଦାପି ଆତି ନାମିତି ଜାହୁଦିୟଁ, ଏଞ୍ଜାରି ବାରେଜାଣା କାବା ଆଚେରି । ୪୬ ଇତିହିଁ ଏଞ୍ଜାରି ଏବକା ଏବକା ହାତାତଲେ କାତା ଆହିମାତାଣି ଇଞ୍ଜାଁ ମାହାପୁରୁଚି ଜହରା କିହିମାନାଣି ଖେଚେରି । ଏତିବେଲା ପିତର ଏଲେଇଚେସି । ୪୭ “ଈଞ୍ଜାରି ଆମିନି ଲକୁ ମା ଲେହେଁ ସୁଦୁଜୀସୁ ବେଟାଆହାମାନେରି, ଈଞ୍ଜାରି ଏମୁତଲେ ବାପ୍ତିସ୍ମ ବେଟାଆହାଲି ଆମାଆସି କାହି କିୟାଲି ଆତିମାନେସି?” ୪୮ ଇଞ୍ଜାଁ, ଏଞ୍ଜାସି ଏଞ୍ଜାରାଇଁ ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ମ ହାହାଲି ହୁକୁମି ହାଚେସି, ତାୟୁ ଏଞ୍ଜାରି ଏତରଦିନା ତୟାଲି ଏଞ୍ଜାଣାଇଁ ବାଟିମାଲିଚେରି ।

୧୧ ଜାହୁଦିଆଆତାରି ଜିକେଏ ମାହାପୁରୁଚି ବଲୁ ନାମିଚେରି, ଇ କାତା ପାଣ୍ଡି ଆତାରି ଇଞ୍ଜାଁ ଜାହୁଦା ରାଜିତା ମାନି ତାୟିୟଁ ଖେଚେରି । ୨ ପିତର ଏତିବେଲା ଜିରୁସାଲମତା ଖାଚେସି, ଏତିବେଲା ତଲୁ ଦାପି ଆତି ସୀସୁୟଁ ପିତର ତଲେ ବାଦିବାଦା ଆଚେରି, ୩ “ନାନୁ ଜାହୁଦିଆଆତି ଲକୁ ଇଲକାଣା ହାଜାନା ଏଞ୍ଜାରିତଲେ ତିଞ୍ଜାମାଞ୍ଜା!” ୪ ସାମା ପିତର ଇ ବାରେ କାତାତି ମୁଲୁଟିଏ ଖେସାଲି ମାଟହାନା ଏଲେଇଚେସି । ୫ “ନାନୁ ଜାପ ଗାଡାତା ପ୍ରାତାନା କିହିମାଚେଏଁ, ଇଞ୍ଜାଁ ସେୟଁଣା ହାପାନାତା ମେସୁସିଏଁ, ଏନିକିଁ ର କାଜା ହିମ୍ପୁରିତି ସାରି କନତା ଆସାହାଁ ଲାକପୁରୁଚି

ଡ଼ଇ ରେଚା ଖାନ୍ଦିମାରେ, ଅଡ଼େ ଏଦି ନା ପାଚେକା ଖାତେ; ୭ ନାନୁ ଏମ୍ବାଆଁ ସିନକିହାନା ଅଣ୍ଡାପାଲି ମାଟ୍ ହେଏଁ, ଏମ୍ବାଆଁ ଦାଉତିତି ସାରିଗଟା କତାୟଁ ତଲେ ଚାକିନି ନାସକାତି ଜନ୍ତୁ ଇଚ୍ଛାଁ ଜାଡ଼ାତି ଜନ୍ତୁ ତ୍ରଗିୟଁ ରାସକା ଅଡ଼େ ହାଗୁତି ପଟାୟଁ ମେସ୍ତେଏଁ, ୭ ଅଡ଼େ ନାଟ୍ଟେ ଖେସାମାଞ୍ଜୁନି ଇ ହାତା ଜିକେଏ ଖେଚେଏଁ, 'ପିତର; ନିଟ୍ଟାମ୍ବୁ ପାୟାମା ତିନାମ୍ବା।' ୮ ସାମା ନାନୁ ଏଲେଇଚେଏଁ, 'ଆଏ ପ୍ରଭୁ ତୀଗାଆଗାତି ଲାଗେଏ ପଲେଏତି କାଦି ନାନୁ ଏଚେଲାଖା ନା ଗୁତିତା ଅହାହିଲଅଁ ।' ୯ ସାମା ଅର ଦେବା ଲାକପୁରୁତି ଇ ହାତା ଖେସ୍ତାଚେ, 'ମାହାପୁରୁ ଏନାଆଁ ସୁଦୁ କିହାମାନେସି, ଏନାଆଁ ନାନୁ ଲାଗେଏତାୟି ଇନାଆନି ।' ୧୦ ଇଲାଆହିଁ ତାନି ପାଲି ଆଚେ, ଅଡ଼େ ଡାୟୁ ଏ ବାରେ ଖେଣ୍ଡେ ଲାକପୁରୁ ଅଖିଆଚେ । ୧୧ ଅଡ଼େ ମେହ୍ଦୁ, ଦେବୁଣିଏ ତାନି ଜାଣା ଲକୁ ମାମୁ ଆନି ଇଲୁତା ମାଚମି ଏମ୍ବାଆଁ ଖାହାନା ନିଚେରି, ଏଖାରି କାୟିସରିୟାତିଏ ନା ତାଣା ପାଣ୍ଡୁଖି ଆହାମାଚେରି । ୧୨ ଇଚ୍ଛାଁ ଆନାମାନା ଆଆନା ଏଖାରିତଲେ ହାକାଲି ଜାଖୁ ନାଟ୍ଟେ ଖେସ୍ତାଚେ, ଅଡ଼େ ଇ ସ ଜାଣା ତାୟିୟଁ ଜିକେଏ ନା ତଲେ ଜାପତି କାୟିସରିୟାତା ଖାଚେରି, ଇଚ୍ଛାଁ ମାମୁ ଏ କର୍ନଲିୟ ଇଜ ହାଚମି । ୧୩ ଏଖାସି ଏନିକିଁ ର ଦୁରୁଇଁ ସେୟିଣା ହାପାନାତା ମେସାମାଚେସି, ଏନାଆଁ ନାଟ୍ଟେ ଖେସ୍ତାଚେସି, ଏ ଦୁରୁ ଏନିକିଁ ଏଖାଣି ଇଜ ନିଚାନା ଖେସ୍ତେ, ଜାପତା ଲକୁଣି ପାଣ୍ଡାମା ପିତର ଇନି ସିମନଇଁ ହାଟାତାମ୍ବା; ୧୪ ଏଖାସି ମିଟ୍ଟେ ଖେସ୍ତାନି କାତାତଲେ 'ମାରୁ ଅଡ଼େ ମା ବାରେ କୁଚମି ଗେଲ୍ପି ଆଦେରି ।' ୧୫ ଡାୟୁ ନାନୁ ଜଲାଲି ମାଟ୍ ହାଲିଏ ସୁଦୁଜାଖୁ ମା ଲାକ ଏନିକିଁ ରେଚାଖାଚେ, ଏଲେକିଁ ଏଖାରି ଲାକ ଜିକେଏ ରେଚାଖାଚେ । ୧୬ ଏଚିବେଲା ପ୍ରଭୁ ଖେସ୍ତି ଇ ହାତା ନା ଅଣ୍ଡପୁତା ଖାଚେ; 'ଜହନ ଏୟୁତଲେ ବାପ୍ତିସ୍ତୁ ହାଚେସି ସାତା, ସାମା ମାରୁ ସୁଦୁଜାଖୁ ତଲେ ବାପ୍ତିସ୍ତୁ ଆଦେରି ।' ୧୭ ଇଚିହିଁ ମାର ପ୍ରଭୁ ଜାସୁ କ୍ରୀସ୍ତ ତାଣା ନାମିତି ବେଲାତା ମାହାପୁରୁ ଏନିକିଁ ନାଟ୍ଟେ ଆମିନି ଦାନା ହାହାମାଞ୍ଜୁଚେସି, ଏଲେକିହିଁଏ ଏଖାରିକି ଜିକେଏ ସମାନା ଦାନା ହାଚେସି; ନାନୁ ଆମ୍ବାଆଚେଏଁ ମାହାପୁରୁଇଁ କାହି କିହାଲି ଆତିଇଁ!' ୧୮ ଏଖାରି ଇ ବାରେ କାତା ଖେଞ୍ଜାଲିଏ ଏଖାରି ପାଲେଏ ଆଚେରି, ଇଚ୍ଛାଁ ମାହାପୁରୁଇଁ ଜହରା କିହିଁ ଏଲେଇଚେରି, "ଆତିହିଁ ମାହାପୁରୁ ଜାହୁଦିଆଆତି ଲକୁକି ଜିକେଏ ହିୟଁ ଖେଟ୍ ହାଲି ଅଡ଼େ ନାତାଲି ପାରୁ ହାହାମାନେସି ।" ୧୯ ଏଚେଟିଏ ପ୍ରିପାନ ହାତି ଡାୟୁ ଏଚେକା ନାମୁଗାଟାରି କସ୍ତୁ ନିନ୍ୟୁ ଆଡାକି ଆଲାବା ଆହାମାଚାରି ବିତ୍ରାଟି, ପୟିନକିୟା, କୁପ୍ର ଅଡ଼େ ଆନ୍ତିୟକିୟା ପାଚେକା ରେଜାନା ଖାରଇ ଜାହୁଦି ଲକୁ ପିସ୍ତେ ଅଡ଼େ ଆମ୍ବାଆରି ତାଣା ନେହିଁ କାବୁ ଖେସିହିଲଆଚେରି । ୨୦ ସାମା ଏଖାରି ବିତ୍ରାଟି ଏଚରଜାଣା କୁପ୍ର ଅଡ଼େ କୁରିଣିୟ ଲକୁ ଆନ୍ତିୟକିୟା ଖାହାନା ଗ୍ରିକ୍ ଲକୁତାଣା ଜିକେଏ କାତା ଖେସିହିଁ ପ୍ରଭୁ ଜାସୁତି ନେହିଁ କାବୁ ଖେକ୍ ହେରି । ୨୧ ଅଡ଼େ, ଏଖାରିତଲେ ପ୍ରଭୁତି ବାଡ୍ ଡାୟୁ ମାଚେ, ଅଡ଼େ ହାରେ ହାରେକା ଲକୁ ନାମାହାଁ ପ୍ରଭୁ ଖାକି ଖେଣ୍ଡାଖାଚେରି । ୨୨ ଏଖାରି ହାତା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଖାରି

ଆନ୍ତିୟକିୟା ପାଚେକା ବର୍ନବାଇଁ ପାଣ୍ଡାଚେରି । ୨୩ ଏଖାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା ରାହିଁ ଆଚେସି, ଇଚ୍ଛାଁ ଏଖାରି ଏନିକିଁ ହିୟଁତା ରଣ୍ଡିଏ ରାହିଁତଲେ ପ୍ରଭୁ ତାଣା ମାନାପେରି ଇଚ୍ଛାଁ ଏଖାରିକି ବାସ୍ ହାଚେସି । ୨୪ ବର୍ନବା ର ନେହିଁ ଲକୁ, ନାମୁତା ଇଚ୍ଛାଁ ସୁଦୁଜାଖୁ ବେଟାଆହାମାନାସି ମାଚେସି, ଇଚ୍ଛାଁ ଇଲେତି ବଲୁ ଖେକ୍ ନି ତାଣା ହାରେକା ଲକୁ ପ୍ରଭୁ ତାଣା ଆଣ୍ଡିଚେରି । ୨୫ ଡାୟୁ ବର୍ନବା ସାଖୁଲଇଁ ପାଚାଲି ତାସି ଗାଡ଼ାତା ହାଚେସି, ୨୬ ଇଚ୍ଛାଁ, ଏଖାସି ଏଖାଣାଇଁ ବେଟାଆହାନା ଆନ୍ତିୟକିୟାତା ଚାଚିହିଁ ଖାଚେସି, ଏଖାରି ର ବାସ୍ ପାଚେକା କୁଲମି ତଲେ ମାଞ୍ଜୁନା ହାରେକା ଲକୁଣି ଜାପ୍ ହେରି, ଅଡ଼େ ଆନ୍ତିୟକିୟାତି ସାସୁୟଁ ତଲିଏ କ୍ରୀସ୍ତାନା ଇଚ୍ଛାଁ ଖେଟ୍ଟିଚେରି । ୨୭ ଏଚିବେଲାତା ଏଚରଜାଣା ମାହାପୁରୁ ଅଣ୍ଡପୁତି ବଲୁ ଖେହ୍ନାରି ଜିରୁସାଲମତି ଆନ୍ତିୟକିୟାତା ଖାଚେରି । ୨୮ ଏଖାରି ବିତ୍ରାଟି ଆଗାବ ଦରୁଗାଟି ର ଲକୁ ନିଟ୍ଟାମ୍ବା ବାରେ ଦାଉତିତା କାଜା କାତାରା ଆନେ ଇଚ୍ଛାଁ ଜାଖୁତି ବାଡ୍ ଡାୟୁ ତଲେ ଖେସ୍ତେସି; ଏଦି କ୍ଲାସ୍ତୁଦିୟା ସାଲଖି କିନାଣି ବେଲାତା ଆଚେ । ୨୯ ଏମ୍ବାଟିଏ ସାସୁୟଁ ତାମୁ ତାନି ଆତିନି ଲେହେଁ ଜାହୁଦା ରାଜିତା ମାନି ନାମିତି ତାୟିୟଁକି ସାୟେମି କିୟାଲି ତାରି କିଚେରି, ୩୦ ଅଡ଼େ, ଏଖାରି ଜିକେଏ ଟାକାୟଁ କୁଡ଼ି କିହାନା ଏ କୁଲମିତି ପ୍ରାଚିନାଟ୍ଟୁ କେୟୁତା ହାହାଲି ବର୍ନବା ଅଡ଼େ, ସାଖୁଲ କେୟୁତା ଟାକାୟଁ ପାଣ୍ଡିଚେରି ।

୧୨ ଏଚିବେଲାତା ରାଜା ହେରଦ କୁଲମିତି ଏଚର ଜାଣାଇଁ ସାସ୍ତି ହାହାଲି ମାଟ୍ ହେସି । ୧ ଏଖାସି ଜହନତି ତାୟି ଜାକୁବଇଁ କାଣ୍ଡାତଲେ ପାୟି କିଚେସି । ୩ ଅଡ଼େ, ଜାହୁଦି ଲକୁ ଏଖାଣି ଟାକି ରାହିଁ ଆହାମାନାଣି ମେସାନା ଏଖାସି ପିତରଇଁ ଜିକେଏ ଆସ୍ତେସି, ଏଚିବେଲାତା ପୁଲା ଆଣ୍ଡାଆତି ରୁଚି ତିନି ପାରୁ ମାଚେ । ୪ ଏଚେଟିଏ ଏଖାସି ପିତରଇଁ ଦସ୍ତାମା କାୟିଦି ଇଲୁତା ଇଚିଚେସି, ଇଚ୍ଛାଁ ପିସ୍ତିଆନି ପାରୁ ରାତି ଡାୟୁ ଏଖାଣାଇଁ ବାରେ ଲକୁ ନିକିତା ତାଚାଲି ଅଣ୍ଡପାନା ଏଖାଣାଇଁ କାଚାଲି ସାରି ଜାଣା ଲାକା ସାରି ଗତି କସକା କେୟୁତା ହେରପିଚେସି । ୫ ପିତରଇଁ କାୟିଦିତା ସୁଣ୍ଡିଚେରି, ସାମା ଏଖାଣି ଟାକି କୁଲମି ରଣ୍ଡିଏ ହିୟଁ ତଲେ ମାହାପୁରୁ ତାଣା ପ୍ରାଚାନା କିହିମାଚେରି । ୬ ଡାୟୁ ହେରଦ ଆମିନି ଦିନା ପିତରଇଁ ହୁପ୍ ହାଲି ଅଣ୍ଡପାଚେସି, ଏ ନେଦୁ ଲାଆଁୟଁ ପିତର ରା ହିକ୍ ଶିୟଁ ତଲେ ଦସ୍ତି ଆହାନା ରୀ କସକା ମାଦି ତୁରାମାଚେସି, ଅଡ଼େ କାଃଆନାରି କାୟିଦି ଇଲୁ ଦୁଖେରିତା କାଚାମାଚେରି । ୭ ଅଡ଼େ ମେହ୍ଦୁ, ଦେବୁଣିଏ ପ୍ରଭୁତି ର ଦୁରୁ ଏମ୍ବାଆଁ ତଞ୍ଜାଆଚେ, ଇଚ୍ଛାଁ ଇଲୁ ବିତ୍ରା ଉଜେଡି ଆହାହାଚେ, ଅଡ଼େ ପିତରଇଁ ବମିତା ତାଣାହାଁ ନିକ୍ ହାନା ଏଲେଇଚେ, "ତବେ ନିଟ୍ଟାମ୍ବା," ଏମ୍ବାଟିଏ ଏଖାଣି କେୟୁତି ହିକ୍ ଶିୟଁ ହୁଟ୍ଟାହାକୁ । ୮ ଏଚେଟିଏ ଦୁରୁ ଏଖାଣାଇଁ ଏଲେଇଚେ, "ଚେତେଲି ରୁପା କତାମୁ ଇଚ୍ଛାଁ ସେପୁୟଁ ତୁରମୁ" ଇଚ୍ଛାଁ ପିତର ଏଲେକିଚେସି, ଅଡ଼େ ଦୁରୁ ଏଲେଇଚେ, "ନୀ ହିମ୍ବୁରି ପରହାନା ନା ଚେଚ ଜେଚ ଖାମୁ ।" ୯ ପିତର ହଚାନା ଏଖାଣି ଜେଚ ଜେଚ ହାଚେସି; ସାମା ଦୁରୁ ତାଣାଟି

ଏଗାହାରେ, ଅଡ଼େ ଜମିନି ଦିନା ଜାହୁଦି ଲକ୍ଷ୍ମି କୁଟମି ଇଲୁତା ହାଜାନା କୁଗିତେରି । ୧୫ ଅଡ଼େ, ମସା ରାତିଟି ମେରା ଇଞ୍ଜି ମାହାପୁରୁ ଅଣ୍ଟପୁଟି ବଲୁ ଖେହନାରି ପତି ପଡ଼଼ି ଆତି ତାୟୁ, ପ୍ରାତାନା ଇଲୁଟି କାଜାରି ଏଞ୍ଜାରିତାଣା ଏଲେଇଞ୍ଜି ଖେସା ପାଣ୍ଡିତେରି; “ତାୟିୟି, ଲକ୍ଷ୍ମିକା କି ବାସୁ ହାନି କାତା ମାଟିହିଁ ଖେହୁ ୧” ୧୬ ଏତେଟିଏ ପାଞ୍ଜୁଲ ନିତାନା ଲକ୍ଷ୍ମି କେୟୁ ତସିହିଁ ଏଲେଇତେସି; “ଇସ୍ରାୟେଲ ଲକ୍ଷ୍ମିତେରି ଇଞ୍ଜି ଜାହୁଦିଆଆତି ଲକ୍ଷ୍ମିତେରି ଅଡ଼େ ମାହାପୁରୁଇଁ ଆଜିନେରି ନା କାତା ଖେଞ୍ଜୁ ୧” ୧୭ ଇ ଇସ୍ରାୟେଲ କୁଡ଼ାଟି ମାହାପୁରୁ ମା ଆକୁ ଆବାୟିଣି ଆତିତେସି, ଅଡ଼େ ଏଞ୍ଜାରି ମିସର ଦେସାତା ବାସା କିହାମାନି ବେଲାତା, ଏଞ୍ଜାରାଇଁ ପାଟି କିତେସି, ଇଞ୍ଜି ବାଡ଼ୟୁ ଗାଟି କେୟୁତଲେ ଏଞ୍ଜାରାଇଁ ହୁପହା ତାତେସି, ୧୮ ତାୟୁ ରୀ କଡ଼ି ବାସୀ ପାତେକା ବାଃଲି ବାଟାତା ଏଞ୍ଜାସି ଏଞ୍ଜାରି ଲେମ୍ବିନାଣି ଅରୁହତେସି । ୧୯ ଏଞ୍ଜାସି କିଶାନ ଦେସାତି ସାତାଗଟା କୁଡ଼ାଟି ଲକ୍ଷ୍ମି ନାସା କିହାନା ତାନି ଆତାମାନି ଲକ୍ଷ୍ମି ଏ ଦେସାତି ଅଦିକାରା ହାତେସି । ୨୦ ସାରି ଖାଞ୍ଜା ରୀ କଡ଼ି ଦସ ବାସୀ ବିତ୍ରା ଇ ବାରେ ଆତେ । ଏତେଟିଏ ମାହାପୁରୁ ଅଣ୍ଟପୁଟି ବଲୁ ଖେହନି ସାମୁୟେଲ ପାତେକା ବିଚାରା କିନାରାଇଁ ଆତିତେସି । ୨୧ ଏମାଟିଏ ଏଞ୍ଜାରି ର ରାଜାଇଁ ହିୟାମୁ ଇଞ୍ଜି ରାସାଲିଏ ମାହାପୁରୁ ରୀ କଡ଼ି ବାସୀ ପାତେକା ବିନାମାନି କୁଡ଼ାଟି କିସ ମାର୍ସସି ସାଞ୍ଜୁଲାଇଁ ରାଜା ଆହାଲି ହାତେସି । ୨୨ ତାୟୁ ମାହାପୁରୁ ଏଞ୍ଜାଣାଇଁ ରାଜା ପାଣା ପିସ୍ପି କିହାନା, ଏଞ୍ଜାରି ରାଜା ଆହାଲିତାକି ଦାଞ୍ଜୁଦଇଁ ଆତିତେସି, ମାହାପୁରୁ ଜିକେଏ ଏଞ୍ଜାଣି କାତା ସାକି ହାହାନା ଏଲେଇତେସି; “ନାନୁ ଜିସି ମାର୍ସସି ଦାଞ୍ଜୁଦଇଁ ବେଟାଆହାମାଇଁ, ଏଞ୍ଜାସି ନା ହିୟିଟି ଅଣ୍ଟପୁ ଲେହେଁତାସି, ଏଞ୍ଜାସି ବାରେ କାତାତା ନା କାତା ମାନଞ୍ଜି ଆନେସି ୧” ୨୩ ଏଞ୍ଜାଣି କୁଡ଼ାଟି ମାହାପୁରୁ ଆଞ୍ଜାମାଟି ଲେହେଁ ଇସ୍ରାୟେଲ ଲକ୍ଷ୍ମିକାକି ର ଗେଲ୍ପିନାଣାଇଁ ଇତିହିଁ ଜାସୁଇଁ ଜାନି କିହାମାନେସି । ୨୪ ଜାସୁ ତାନି କାମା ମାଟିନି ନକେଏ, ଜହନ ଇସ୍ରାୟେଲିତ ବାରେ ଲକ୍ଷ୍ମି ନକିତା ପାପୁଟି ଖେଣ୍ଡିନି କାତା ଅଡ଼େ ବାପୁସୁ ଅନି କାତା ଖେହନା ମାତେସି । ୨୫ ଅଡ଼େ ଜହନ ତାନି କାମା ରାପୁହମାଟି ବେଲାତା ଲକ୍ଷ୍ମି ଏଲେଇତେସି, “ନାଡ଼େ ମାରୁ ଆମ୍ବାଆସି ଇଞ୍ଜି ଅଣ୍ଟପିମାଞ୍ଜାଦେରି ନାନୁ ଏଞ୍ଜାତେଏଁ ଆଏ, ସାମା ମେହେଦୁ ନା ତାୟୁ ରଅସି ଖାହାମାନେସି, ଏଞ୍ଜାଣି କତାଟି ସେପୁୟି ହୁକହାଲି ନାନୁ ଜଗେ ଆଅଁ ୧” ୨୬ ଏ ତାୟି ତାଢ଼ିସ୍ତା, ଅଗ୍ରାହାମ କୁଡ଼ାଟି ମାର୍କା ମାସକାତେରି, ଅଡ଼େ ମା ତାଣାଟି ମାହାପୁରୁଇଁ ଆଜିମାନି ଜାହୁଦିଆଆତି ଲକ୍ଷ୍ମିତେରି; ମା ତାଣା ଇ ଗେଲ୍ପିଆନି ବଲୁ ପାଣ୍ଡିଏ ଆହାମାଞ୍ଜାନେ । ୨୭ ସାମା ଏଞ୍ଜାସି ଗେଲ୍ପିନାସି, ଜିରୁସାଲମତା ମାନାରି ଅଡ଼େ ତାନି ବାରେ କାଜାରି ଏଦାଆଁ ପୁଞ୍ଜାହିଲାଆତେରି, ଅଡ଼େ ବାରେ ଜମିନି ଦିନା ପଡ଼଼ି ଆହିମାନି ମାହାପୁରୁ ଅଣ୍ଟପୁଟି ବଲୁ ଖେହନାରି କାତା ପୁଞ୍ଜାହିଲାଆତେରି, ଆତିଜିକେଏ ଜାସୁଇଁ ଦହ କିହାନା ମାହାପୁରୁ ବଲୁ ଖେହନାରି କାତା ପୁରା କିତେରି । ୨୮ ଅଡ଼େ ଏଞ୍ଜାଣାକି ହାନି ତଣ୍ଡୁଟି ଏନି ଦହ ପୁଞ୍ଜାଆତି

ଜିକେଏ ଏଞ୍ଜାଣାଇଁ ପାୟାଲି ପିଲାତଇଁ ବାଟିମାଲିତେରି । ୨୯ ଏଞ୍ଜାଣି ତାକି ଦାମ୍ବୁ ସାସ୍ତେରିତା ବାରେ କାତା ରାସକି ଆହାମାନେ, ଏଲେଆହିଁ ବାରେ ଗଡ଼଼ି ଆତି ଜେଟ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାଟି ରେପହା ତାତାନା, ମାଡ଼ହା ଇତିନି ଟାୟୁତା ଇତିତେରି । ୩୦ ସାମା ମାହାପୁରୁ ଏଞ୍ଜାଣାଇଁ ହାତାରି ତାଣାଟି ନିକହେସି, ୩୧ ଅଡ଼େ ଆମିନି ଗାଟାରି ଗାଲିଲିଟି ଜିରୁସାଲମତା ତାନିତଲେ ଖାହାମାନେରେ, ଏଞ୍ଜାରି ହାରେକା ଦିନା ପାତେକା ଏଞ୍ଜାଣାଇଁ ମେସ୍ତେରି; ଏଞ୍ଜାରି ଇସ୍ରାୟେଲ ଲକ୍ଷ୍ମିତାଣା ନାଏଁ ଏଞ୍ଜାରି ସାକି । ୩୨ ଅଡ଼େ ଆକୁ ଆବାୟି ନକିତା ମାହାପୁରୁ ଆଞ୍ଜାମାନାଣି ମାମୁ ମିଡ଼େ ଇ ନେହିଁ କାବୁ ଖେସିମାଞ୍ଜାନମି; ୩୩ ଜାସୁଇଁ ମାହାପୁରୁ ନିକହାନା ଏଞ୍ଜାରି ମାର୍କାତାୟି ମାର, ମାଡ଼େତାକି ଏ ଆଞ୍ଜାମାନାଣି ପୁରା କିହାମାନେସି, ଏନିକି ରୀ ଲମ୍ବର ପାପୁ ପତିତା ରାସକି ଆହାମାନ, “ନାନୁ ନା ମାର୍ସଶାଟି; ନାଞ୍ଜୁଟିଏ ନାନୁ ନା ଆବାତେଏଁ ୧” ୩୪ ଏଞ୍ଜାସି ହାତାରି ତାଣାଟି ଖେଣ୍ଡେ ନିକହାମାନେସି, ଏଞ୍ଜାସି ସାରିନି ତାଣା ହାଲଅସି ଇଞ୍ଜି ମାହାପୁରୁ ଖେସାମାନେସି; “ନାନୁ ଦାଞ୍ଜୁଦ ନକିତା ଆଞ୍ଜାମାନି ସୁଦୁ, ଇଞ୍ଜି ତାରି ଆନି ବର ମିଡ଼େ ସାତେଏ ହିୟାଲି ୧” ୩୫ ଇଞ୍ଜି ଏଞ୍ଜାସି ଅଡ଼େ ର ପତିତା ଏଲେଇଞ୍ଜା ମାନେସି, “ନାନୁ ନା ତାରି ଗାଟାଣାଇଁ ସାରହାଲି ହାଅଟି ୧” ୩୬ ଦାଞ୍ଜୁଦ ତାନୁ ରାଜି କିହିମାଟି ବେଲାତା ଲକ୍ଷ୍ମି ବିତ୍ରା ମାହାପୁରୁ ଅଣ୍ଟପୁ ତଲେ ସେବା କାମା କିତି ତାୟୁ ହାତେସି, ଇଞ୍ଜି ତାନି ଆକୁ ଆବାୟି ଟଟତା ମୁସ୍ପି ଆହାନା ସାରହେସି । ୩୭ ସାମା ମାହାପୁରୁ ଆମ୍ବାଆରାଇଁ ହାକିଟି ନିକହାମାନେସି ଏଞ୍ଜାସି ସାରହା ହିଲଅସି । ୩୮ ଇଦାଆଁତାକି ଏ ତାୟିୟି ଇଦାଆଁ ପୁଞ୍ଜୁ, ଇ ଜାସୁ ତାଣାଟି ମା ନକିତା ପାପୁଟି ମ୍ଲେକ୍ନି କାତା ଖେସ୍ପି ଆହାମାନେ; ୩୯ ଅଡ଼େ ମସାଟି ଆମିନି ମେରାଟି ବାରେ ତାଣାଟି ମାରୁ ପିସ୍ପି ଆହିଁ ଦାମ୍ବୁଗାଟାତେରି ଆହାଲି ଆତାଆତେରି, ଇଞ୍ଜି ନାମିମାନି ବାରେ ଲକ୍ଷ୍ମି ଏଞ୍ଜାଣି ତାଣାଟି ଏ ବାରେ ତାଣାଟି ପିସ୍ପି ଆହାନା ଦାମ୍ବୁଗାଟାରି ଆନେରି । ୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ଟପୁଟି ବଲୁ ଖେହନାରି ସାସ୍ତେରିତା ଏନାୟି ଖେସ୍ପି ଆହାମାନେ, ଏଦି ଏନିକି ମିଡ଼େତାକି ଆୟେଏ; ୪୧ “ମାହାପୁରୁଇଁ ଅପାଆ ଗାଟାତେରି ମାରୁ ମେସାନା, କାବା ଆହିଁ, ନାସା ଆଦୁ; ଇତିହିଁ ମା ବେଲାତା ମାମୁ ର କାମା କିହିମାନମି, ଅଡ଼େ ଏ କାମାଟି ଆମ୍ବାଆସି ମା ନକିତା ଖେସ୍ପାନେସି, ଏଦାଆଁ ମାରୁ ଏନିଜିକେଏ ନାମଅତେରି ୧” ୪୨ ପାଞ୍ଜୁଲ ଅଡ଼େ ବର୍ନବା ଜାହୁଦି ଲକ୍ଷ୍ମି କୁଟମି ଇଲୁଟି ହତାହାନି ବେଲାତା ଖାନି ଜମିନି ଦିନାତା ମାଡ଼େ ଇ ବାରେ କାତା ଅଡ଼େ ଖେସ୍ପାକୁ ଇଞ୍ଜି ଲକ୍ଷ୍ମି ଏଞ୍ଜାରାଇଁ ବାଟିମାଲିତେରି । ୪୩ ବେରଣି ରାତି ତାୟୁ ସତେକା ଜାହୁଦି ଅଡ଼େ, ଜାହୁଦି ଦାମ୍ବୁ ନାମିତି ଏଟକା କୁଡ଼ାଟି ଲକ୍ଷ୍ମି ବିତ୍ରାଟି ହାରେକା ପାଞ୍ଜୁଲ ଅଡ଼େ ବର୍ନବା ଜେଟ ହାତେରି; ପାଣ୍ଡିଏ ଆତାରି ଏଞ୍ଜାରିତଲେ କାତାବାର୍ତା ଆହିଁ ମାହାପୁରୁ କାର୍ମାତା ତାୟୁ ଆହିଁ ମାଞ୍ଜାଲି ଏଞ୍ଜାରାଇଁ ଖେସ୍ତେରି । ୪୪ ଇଞ୍ଜି ଅର ଜମିନି ଦିନାତା ଗାଡ଼ାଟି ବାରେ ଲକ୍ଷ୍ମି ମାହାପୁରୁ ବଲୁ ଖେଞ୍ଜାଲି ରୁଣ୍ଡା ଆତେରି । ୪୫ ସାମା ଜାହୁଦିୟି ଲକ୍ଷ୍ମି ମାନ୍ଦୁଟି

ମେଘାଦା ଡାହାଣ ଆଡ଼େରି, ଇଚ୍ଛା ପାଖୁଲ କାତା କପାଟି ନିନ୍ଦୁକିହିଁ ବାଦିବାଦା ଆଡ଼େରି । ୪୭ ଏବେଟିଏ ପାଖୁଲ ଅଡ଼େ ବର୍ନବା ସାସା ଆସାନା ଖେସ୍ତେରି, “ତଲିଏ ମୀ ଡାଣା ମାହାପୁରୁତି ବଲୁ ଖେସ୍ତାନାୟି ମାଚେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜୀଞ୍ଜୁ ବେଟାଆହାଲି ପାଡ଼ା ଆଅମି ଇଚ୍ଛା ଅଶ୍ଵି ମାନାକି ମେହ୍ତୁ ମାମୁ ମିଟ୍ଟେ ପିସାନା ଜୀହୁଦିଆଆତି ଲୁକୁତାଣା ହାଜିମାନମି । (aiōnios g166) ୪୭ ଇତିହିଁ ପ୍ରବୁ ମାଟ୍ଟେ ଇ ହୁକୁମି ହାହାମାଷ୍ଟାନେସି; ‘ନୀରୁ ମିଟ୍ଟେ ଜୀହୁଦିଆଆତି ଲୁକୁତାକି ଉଜେଡ଼ି ଲେହେଁ କିହାମାଷ୍ଟାଇଁ, ଆତିହିଁ ବାରେ ଦାର୍ତ୍ତି ଗେଲ୍ପିଆନେ ।” ୪୮ ଜୀହୁଦିଆଆତାରି ଇ ହାତା ଖେଷ୍ଟାନା ରାହାଁ ଆଡ଼େରି; ଅଡ଼େ ମାହାପୁରୁତି ବଲୁତି ଗାଞ୍ଜୁରମି କିହାଲି ମାଟ୍ଟହେରି, ଅଡ଼େ ଏବେକା ଲୁକୁ କାଲକାଲାତି ଜୀଞ୍ଜୁତାକି ଆଡ଼଼ି ଆହାମାଚେରି, ଏଖାରି ନାମିଚେରି । (aiōnios g166) ୪୯ ଇଚ୍ଛା ପ୍ରବୁତି ବଲୁ ଏ ରାଜିତା ବାରେଖାକି ଏଜାହାଚେ । ୫୦ ସାମା ଜୀହୁଦି ଲୁକୁ ଗାଡ଼ାତି ଆବାୟିଣି ଅଡ଼େ ମାହାପୁରୁଇଁ ମାନି କିହିମାନି ପାଟ୍ଟାଖେଟ୍ଟେତି ଆୟାସିକାଣି ରୁଣ୍ଡି କିହାନା ପାଖୁଲ ଅଡ଼େ ବର୍ନବାଇଁ ସାସି ହାହାନା ତାମି ରାଜିତି ପେରହାତୁସ୍ତେରି । ୫୧ ଏବେଟିଏ ପାଶୁଖି ଆତାରି ଜାହାରା କତାୟିତି ଦୂଡ଼ି ଏଖାରି କପାଟି ହାଶହାନା ଇକନିୟତା ହାଚେରି । ୫୨ ଅଡ଼େ ଆନ୍ତ୍ରିୟକିୟତି ସୀସୁୟା ପୁଦୁଜୀଞ୍ଜୁ ବେଟାଆହାନା ରାହାଁତଲେ ଡ଼ୟିଚେରି ।

୧୪ ଇକନିୟତା ଜିକେଏ ଏଲେଆହିଏ ଆଡ଼େ; ପାଖୁଲ ଅଡ଼େ ବର୍ନବା ଜୀହୁଦି ଲୁକୁତି ଜୀହୁଦି ଲୁକୁତି କୁଟମି ଲଲୁତା ହାଜାନା ଇଲେକିଁ ଖେସ୍ତେରି, ଇଚ୍ଛା ଜୀହୁଦି ଅଡ଼େ ଜୀହୁଦିଆଆତି ଲୁକୁ ବିତାତି ହାରେକା ନାମିଚେରି । ୧ ସାମା ଆମିନି ଜୀହୁଦିଟ୍ଟା ନାମାଆଚେରି, ଜୀହୁଦିଆଆତି ଲୁକୁତି ମନତି କିଲିବିଲି କିହାନା, ଏଖାରାଇଁ ନାମିତି ତାୟିୟାଁ କପାଟି ଲାଗେଏତି ଅଶ୍ଵି ପୁ ଅଶ୍ଵି କିଚେରି । ୩ ପାଖୁଲ ଅଡ଼େ ବର୍ନବା ହାରେକା ଦିନା ପାଚେକା ଏ ଟାୟୁତା ଡ଼ୟାନା ପ୍ରବୁ ଡାଣା ବାସ୍ଵି ଇଟାନା ସାସାତଲେ ପ୍ରବୁତି କାତା ଖେସ୍ତେରି; ଇଚ୍ଛା ଏଖାରି ଡାଣାଟି ହାରେକା ସିନାୟିଁ ଅଡ଼େ କାବାଆନି କାମାୟିଁ କିହାନା ତାନି କାର୍ମାତି ବଲୁ ସାତା ଇଚ୍ଛା ସାକି ହାଚେରି । ୪ ସାମା ଗାଡ଼ାତି ଲୁକୁ ରା ବାଗା ଆଡ଼େରି ର ବାଗା ଜୀହୁଦି ଲୁକୁ ଖାକି ଅଡ଼େ ର ବାଗା ପାଶୁଖି ଆହାମାନାରି ଖାକି ଆଡ଼େରି । ୫ ଏତିବେଲା ଜୀହୁଦିଆଆତି ଲୁକୁ ଅଡ଼େ ଜୀହୁଦି ଲୁକୁ ତାମି କାଜାରି ତଲେ ଆଶ୍ଵାନା, ପାଶୁଖି ଆହାମାନାରାଇଁ ଲାଗେଏ କିୟାଲି ଅଡ଼େ ଖାଲକାତଲେ ଇହାଲି ଅଶ୍ଵିପିଚେରି, ୬ ଏତିବେଲା ପାଖୁଲ ଅଡ଼େ ବର୍ନବା ଏଦାଆଁ ପୁଷ୍ଟାନା ଲୁକାୟନିୟା ଦେସାତି ଲୁସ୍ତା ଅଡ଼େ ଦର୍ବି ଗାଡ଼ା ଅଡ଼େ ସାରିଖାକିତି ନାସକାଣାଁ ହଚେରି, ୭ ଅଡ଼େ ଏଖାରି ଏଦାଆଁ ନେହିଁ କାରୁ ଖେକହାଲି ମାଟ୍ଟହେରି । ୮ ଲୁସ୍ତାତା ର ଲୁକୁ ମାଚେସି, ଏଖାସି ସଟା ମାଚେସି, ଏଖାସି ଜାର୍ନଟିଏ ସଟା, ଏଖାସି ଏବେଲାଖା ଡାକା ହିଲଆଚେସି । ୯ ଏଖାସି ପାଖୁଲ ଖେହନି କାତା ଖେଷ୍ଟମାଚେସି, ଏଖାସି ହିୟାଁତା ନାମା ମାନେସି ଇଚ୍ଛା ଏଖାସି ନେହିଁ ଆହାଲି ଆଡ଼ିମାନେସି ଇଚ୍ଛା ପୁଷ୍ଟାନା ଆଚେ

ସିନିକଚେସି, ୧୦ ଏଖାଣାଇଁ କାଜା ଗିୟାଁତଲେ ଏଲେଇଚେସି, “ନୀ କଡାତି ବାଡ଼ୟୁ ହାହାନା ସଲକେ ନିମୁ” ଏବେଟିଏ ଏଖାସି ଡେ଼଼ିହିଁ ତାକାଲି ମାଟ୍ଟହେସି । ୧୧ ପାଖୁଲ ଏଦାଆଁ କିହାମାନେସି, ଲୁକୁ ବାରେ ଏଦାଆଁ ମେଘାଦା ଲୁକାୟନିୟା କାଜା ହାତାତଲେ ଏଲେଇଚ୍ଛାଲି ମାଟ୍ଟହେରି, “ମାହାପୁରୁୟାଁ ମା ଡାଣା ରେଟା ଖାହାମାନୁ ।” ୧୨ ଏଖାରି ବର୍ନବାଇଁ ବୁହସ୍ପତି ଇଚ୍ଛା ଇଚେରି, ଅଡ଼େ ପାଖୁଲ ଗାତି କାତା ଖେହନାସି ମାଚାକି ଏଖାଣାଇଁ ବୁଦ ଇଚ୍ଛା ଇଚେରି । ୧୩ ଗାଡ଼ା ତାଗେ ମାନି ବୁହସ୍ପତି ଦେଖୁଡ଼ିତି ପୁଜେରାଟ୍ଟା ଏବେକା ଦୁକି କଡ଼ିୟାଁ ଇଚ୍ଛା ପୁଟ୍ଟା ପେତାୟାଁ ଗାଡ଼ା ଦୁଖେରିତା ତାଗାହାଁ ଏଖାସି ବାରେ ଲୁକୁତଲେ ଆଶ୍ଵାନା ପାଶୁଖି ଆତାରି ନକିତା ପୁଜା ହାହାଲି ଅଶ୍ଵିପିମାଚେସି । ୧୪ “ସାମା ପାଶୁଖିଆହାମାନି ବର୍ନବା ଅଡ଼େ ପାଖୁଲ, ଇଦାଆଁ ଖେଷ୍ଟାନା ତାମି ହିମୁରିକା ଗେଘାଦା ଲୁକୁ ମାଦିତି ହଟି ହଟି ହାଜାନା କାଜା ଗିୟାଁତଲେ ଏଲେଇଚେରି, ୧୫ ଏ ମାନିଗାତି ଲୁକୁଚେରି, ଏନାଆଁତାକି ଇ ବାରେ କିହିମାଷ୍ଟେରି, ମାମୁ ଜିକେଏ ମୀ ଲେହେଁତି ମାଶ୍ଵିୟାଁତମି, ମୀ ଡାଣା ଇ ନେହିଁ କାରୁ ଖେସିମାଷ୍ଟାନମି, ଏନିକିଁ ମୀରୁ ଇ ବାରେ ଉଜେଏତି ପେଶ୍ଟାକା ବମାୟାଁତି ହେକ ଆହାନା ଜୀଞ୍ଜୁଗାଟି ମାହାପୁରୁ ଡାଣା ଖେଣ୍ଡା ଖାଦେରି, ଏଖାସି ହାଗୁପାକା ଦାର୍ତ୍ତି, ସାମଦୁରି ଅଡ଼େ ଏଦାଆଁ ମାନି ବାରେଡ଼ି ରାତି କିହାମାନେସି; ୧୬ ମାହାପୁରୁ ତଲିଏ ବାରେ ଲୁକୁଣି ତାମି ମନତଲେ ଡ଼ୟାଲି ପିସାମାଚେସି । ୧୭ ସାମା ଏଖାସି ବାରେ ନେହିଁ କାମାଟି ଏଖାସି କାଲେଏ ତାନି ଗୁଣ୍ଡି ଡ଼ୟାମାନେସି; ଏଖାସି ହାଗୁଟି ପିୟୁ ଅଡ଼େ ସମାନା ବେଲାତା ଆର୍ନା ହିୟାନାସି, କାଦି ଅଡ଼େ ମୀ ହିୟାଁତା ରାହାଁ ହିୟାନାସି ।” ୧୮ ଇ ବାରେ କାତା ଖେସାମା ପାଶୁଖି ଆହାମାନାରି ଲୁକୁ ମାନ୍ତୁତି ହାରେକା କସ୍ତତଲେ ତାମ୍ପେଟ୍ଟେ ତାକି ପୁଜା କିହାଲି କାହି କିହାଲି ଆତିଚେରି । ୧୯ ସାମା ପିସିଦିୟାତି ଆନ୍ତ୍ରିୟକିୟା ଅଡ଼େ ଇକନିୟତି ଏବେକା ଜୀହୁଦି ଏଦାଆଁ ଖାଚେରି, ଏଖାରି ଲୁକୁ ମାନ୍ତୁତି ତାମି ଖାକି କିହାନା ପାଖୁଲାଇଁ ଖାଲକାତଲେ ଇହାହାନା ଏଖାସି ହାହାହାଚେସି ଇଚ୍ଛା ଅଶ୍ଵାନା ଗାଡ଼ାତି ପାଟ୍ଟାତା ରେଜା ଅଚେରି । ୨୦ ସାମା ନାମିତି ସୀସୁୟାଁ ସାରି ଖାକିତି ନିତାମାଚାକି ଏଖାସି ନିଟ୍ଟାନା ଗାଡ଼ା ବିତା ହାଚେସି, ଅରି ନେଚୁ ବର୍ନବା ତଲେ ଦର୍ବିତା ହାଚେସି । ୨୧ ପାଖୁଲ ଅଡ଼େ ବର୍ନବା ଦର୍ବିତା ନେହିଁ କାରୁ ଖେସାହାଁ ହାରେକା ସୀସୁୟାଁ କିତି ତାୟୁ ଏଖାରି ଲୁସ୍ତା, ଇକନିୟ ଅଡ଼େ ପିସିଦିୟାତି ଆନ୍ତ୍ରିୟକିୟାତା ଖେଣ୍ଡାହାଚେରି । ୨୨ ଅଡ଼େ, ଏ ଟାୟୁତି ନାମିତି ସୀସୁୟାଁ ମନତି ସୁସି କିହାନା ନାମୁତା ଗାତିକିହିଁ ଆଡ଼଼ା ତଲେ ଡ଼ୟାଲି ବାସ୍ଵି ହାହାନା ଏଲେଇଚେରି, “ମାହାପୁରୁ ରାଜିତା ହୁଡ଼ାଲି ତାକି ହାରେକା କସ୍ତ ପାଶ୍ଵାନାୟି ମାଚେ ।” ୨୩ ଅଡ଼େ, ବାରେ କୁଲମିତା ଏଖାରି ପ୍ରାତିନାଟ୍ଟାଣି ଆଗାନା ଉପାସା ତଲେ ପ୍ରାତାନା କିଚେରି, ଅଡ଼େ ଆମିନି ପ୍ରବୁ ଡାଣା ନାମା ମାଚେରି, ଏଖାଣି କେୟୁତା ଏଖାରାଇଁ ହେର୍ପିଚେରି । ୨୪ ଡାୟୁ ଏଖାରି ପିସିଦିୟା ନାସକାଟି ପଂପୁଲିୟାତା ଖାଚେରି, ୨୫ ଅଡ଼େ ପରିତା ନେହିଁ କାରୁ ଖେସାମା ଆତାଲିୟାତା ହାଚେରି । ୨୬ ଏଦାଆଁ

ଏଖାରି ଜାଜାତା ହରାନା ଆନ୍ତ୍ରିୟକିୟତା ହାରେରି; ଏଖାରି ଆମିନି କାମା କିହାମାରେରି, ଏଦାଆଁ କିହାଲି ମାହାପୁରୁତି କାର୍ମାତା ହେବ୍ପି ଆହାନା ଏମ୍ପାଟି ହାରେରି । ୨୭ ଏରିବେଲା ଏଖାରି ଆନ୍ତ୍ରିୟକିୟତା ଏଗାହାଜାନା କୁଲମିତି ଲକ୍ଷ୍ମି କୃତି କିତେରି; ଅଡ଼େ ମାହାପୁରୁ ଏଖାରିତଲେ ମାଞ୍ଜାନା କିହାମାଟି କାମାତାକି, ଅଡ଼େ ଜୀହୁଦିଆଆତି ଲକ୍ଷ୍ମି ନାମାଲି ଦୁଃଖେରି ଦେତାମାତାଣି ବାରେ ଏଖାରାଇଁ ଖେପ୍ପେରି । ୨୮ ଅଡ଼େ ଏଖାରି ନାମିତି ସାୟୁୟଁ ତଲେ ହାରେକା ଦିନା ଡ଼ୟିତେରି ।

୧୫ ଏମ୍ପାଟିଏ ଏଚରଜାଣା ଲକ୍ଷ୍ମି ଜୀହୁଦା ରାଜିଟି ଆନ୍ତ୍ରିୟକିୟତା ଖାହାନା ନାମିତି ତାୟିୟଁଣି ଇ କାତା ଖେସିହିଁ ଜାପ୍ପହେରି, “ମସାତି ମେରା ଲେହେଁ ମୀ ଡ଼ଲୁ ଦାପି ଆଆତିହିଁ ମୀରୁ ଗେଲ୍ପିଆୟାଲି ଆଡ଼ଅତେରି ।” ୧ ଏମ୍ପାଟିଏ ପାଞ୍ଜୁଲ ବର୍ନବା ତଲେ ହାରେକା ଆସ୍ପି ଆହାନା ବାଦିବାଦା ଆୟାଲିଏ ପାଞ୍ଜୁଲ, ବର୍ନବା ଅଡ଼େ ଆନ୍ତ୍ରିୟକିୟତି ଏଚରଜାଣା ତାୟିୟଁ ଇ କାତା ଆସାନା ଜିରୁସାଲମତା ମାନି ପାଣ୍ଡୁ ଆତାରି ଇଞ୍ଜି କୁଲମିତି ପ୍ରାଚିନାଟ୍ଟା ତାଣା ହାଲ୍ବେରି ଇଞ୍ଜି ତାୟିୟଁ ତାରି କିତେରି । ୩ ଏଚେଟିଏ କୁଲମି ଏଖାରାଇଁ ପାଣ୍ଡୁଲି ଜିରୁ ଡ଼ସ୍ପି ଜେଡ, ଏଖାରି ପୟିନିକିୟା ଅଡ଼େ ସମିରଣ ଖାକି ହାଜି ହାଜିହିଁ ଜୀହୁଦିଆଆତି ଲକ୍ଷ୍ମି ହିୟଁ ଖେଡ଼ହାମାଟି କାତା ଖେସିହିଁ ବାରେ ତାୟିୟଁଇଁ ହାରେକା ରାହଁ କିତେରି । ୪ ତାୟୁ ଏଖାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜି, ପାଣ୍ଡୁ ଆତାରି ଅଡ଼େ ପ୍ରାଚିନାଟ୍ଟା ଏଖାରାଇଁ ଆବିତେରି, ଅଡ଼େ ମାହାପୁରୁ ଏଖାରିତଲେ ମାଞ୍ଜାନା ଆମିନି କାମା କିହାମାରେସି, ଏ ବାରେ କାତା ଏଖାରାଇଁ ଖେପ୍ପେରି । ୫ ସାମା ପାୟୁସିୟଁ ଗଟିଟି ଏଚେକା ନାମ୍ପାଗାଟାରି ନିତାନା ଏଲେଇଚେରି, “ନାମାମାନି ଜୀହୁଦିଆଆତାରି ଡ଼ଲୁ ଦାପି କିନାୟିମାନେ, ଅଡ଼େ ମସାତି ମେରା ମାନଖି ଆୟାଲି ଏଖାରାଇଁ ହୁକୁମି ହାନାୟି ମାନେ ।” ୬ ତାୟୁ ଇ କାତା, କାତା ଆହାଲିତାକି ପାଣ୍ଡୁ ଆତାରି ଅଡ଼େ ପ୍ରାଚିନାଟ୍ଟା ରୁଣ୍ଡା ଆତେରି । ୭ ହାରେକା ଜଳ୍ପି ଆତି ତାୟୁ ପିତର ନିଟ୍ଟାନା ଏଖାରାଇଁ ଏଲେଇଚେସି, “ତାୟିୟଁ ଅଡ଼େ ତାଢ଼ିସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁଟିଟି ଜୀହୁଦିଆଆତାରି ନେହିଁ କାରୁ ଖେଞ୍ଜାନା ନାମାପେରିଖା ଇଞ୍ଜି ହାରେକା ଦିନା ନକେଏ ମାହାପୁରୁ ନାଟ୍ଟେ ଆଚାମାଞ୍ଜାତେସି । ୮ ବାରେ ଲକ୍ଷ୍ମି ହିୟଁ ପୁନି ମାହାପୁରୁ ମାଟ୍ଟେ ଏନିକିଁ ସୁଦୁଜୀସୁ ହାହାମାଞ୍ଜାନେସି, ଜୀହୁଦିଆଆତି ଲକ୍ଷ୍ମି ଜିକେଏ ଏଲେକିହିଁ ହାହାନା ଏଖାରି ତାକି ସାକି ହାହାମାନେସି । ୯ ଅଡ଼େ ଏଖାସି, ମା ବିତ୍ରା ଅଡ଼େ ଏଖାରି ବିତ୍ରା ଏନି ପାର୍ଡ଼ା ବାତି କିହାମାଞ୍ଜାସି; ଇଞ୍ଜି ନାମ୍ପତଲେ ଏଖାସି ଏଖାରି ହିୟଁ ସୁଦୁ କିହାମାନେସି । ୧୦ ଇଦାଆଁତାକି ଆମିନି ଜୁଖେଡ଼ି ମା ଆକୁ ଆବାୟଁ ଅଡ଼େ ମାର ଚେକାଲି ଆତାଆତାୟି, ଏ ଜୁଖେଡ଼ି ସାୟୁୟଁ ବନିତା ଏକହାନା ମୀରୁ ଏନାଆଁତାକି ମାହାପୁରୁଇଁ ତାୟିପାରି କିହମାଞ୍ଜେରି? ୧୧ ଇଦି ନେହେଁ ଆଏ, ସାମା ଏଖାରି ଏନିକିହିଁ ନାମାହଁ ଗେଲ୍ପି ଆହାମାନେରି ମାର ଜିକେଏ ଏଲେକିହିଁଏ ନାମାହଁ ପ୍ରୁ ଜୀସୁତି କାର୍ମାମେହନାଣି ତଲେ ଗେଲ୍ପି ଆହାମାନାୟି ।” ୧୨

ଏଚେଟିଏ ଏମ୍ପାଆଁ ରୁଣ୍ଡା ଆହାମାତାରି ବାରେ ଲକ୍ଷ୍ମି ପାଲେଏ ଆତେରି, ଇଞ୍ଜି ପାଞ୍ଜୁଲ ଅଡ଼େ ବର୍ନବା ତାଣାଟି ଜୀହୁଦିଆଆତି ଲକ୍ଷ୍ମିତାଣା ମାହାପୁରୁ ତାଣାଟି ଆହିମାନି ସିନାୟଁ ଅଡ଼େ କାବଆନି କାମାୟଁ କିହଁ ମାଚେସି ଏଖାଆଁ ଏଖାରି ତାଣାଟି ଖେଞ୍ଜାଲି ମାଡ଼ହେରି । ୧୩ ଏଖାରି କାତା ରାତି ତାୟୁ ଜାକୁବ ନିଟ୍ଟାନା ଏଲେଇଚେସି; “ତାୟିୟଁ ଅଡ଼େ ତାଢ଼ିସ୍ତା, ନା କାତା ଖେଞ୍ଜା ୧୪ ମାହାପୁରୁ ତଲିଏ ତାନି ଦରୁ ତାକି ଜୀହୁଦିଆଆତି ଲକ୍ଷ୍ମି ବିତ୍ରାଟି ତାନି ଲକ୍ଷ୍ମି କିୟାଲି ଏଖାରାଇଁ କାର୍ମାମେସାନା ଆତାମାନେସି ଇଞ୍ଜି ସିମନ ଖେସାମାଞ୍ଜାନେସି । ୧୫ ଅଡ଼େ, ମାହାପୁରୁ ଅଗ୍ପୁତି ବଲୁ ଖେହନାରି କାତାତଲେ ଆଣ୍ଡିମାନେ, ଏନିକିଁ ବାମ୍ପୁ ସାପ୍ପେରିତା ରାସ୍କି ଆହାମାନେ ।” ୧୬ ପ୍ରୁ ଏଲେଇଞ୍ଜି ମାନେସି, “ତାୟୁ ନାନ୍ତୁ ଖେଣ୍ଡା ଖାହାନା, ବାସୁଦ ବାସାଟାୟୁ ଖେଣ୍ଡେ ଗେଲ୍ପିଇଁ, ଇଞ୍ଜି ଏମ୍ପାଟି ବିଡ଼ହାମାନି କାତିୟଁ ବାରେ ଖେଣ୍ଡେ କେପାନା ଆଡ଼ଖା କିଇଁ, ୧୭ ଏନିକିଁ ଡ଼ୟାମାଟି କୃଡ଼ାତି ଲକ୍ଷ୍ମି ଅଡ଼େ ଏଚେକା ଜୀହୁଦିଆଆତାରି ନା ଦରୁଟି ଖେଞ୍ଜାମାନେରି, ଏଖାରି ବାରେ ପ୍ରୁଇଁ ପାରିନେରି, ବାରେ ଗାଡ଼ିକିତି ପ୍ରୁ ଏଲେ ଇଞ୍ଜିମାନେସି । ୧୮ ପ୍ରୁ ଇ କାତା ଏଲେଇଞ୍ଜି ମାନେସି, ଆମ୍ପାଆସି ତଲି କାଲ୍ପାଟିଏ ଇ କାତା ଡ଼ସାମାନେସି ।” (aitn g165) ୧୯ ଜାକୁବ ଅଡ଼େ ଜିକେଏ ଏଲେଇଚେସି, “ନା ଅଗ୍ପୁ ଇଦି, ଜୀହୁଦିଆଆତି ଲକ୍ଷ୍ମି ବିତ୍ରାଟି ଆମ୍ପାଆରି ମାହାପୁରୁ ଖାକି ଖେଣ୍ଡା ଖାନେରି, ଏଖାରାକି ମାର ବଜୁ ହାଆପ; ୨୦ ସାମା ଏଖାରାକି ଇଲେକି ଆକୁ ରାତାନା ଖେହନ, ପେଟ୍ଟାକା ବନାୟଁ ତାକି ପୂଜା କିହାମାନି ଲାଗେଏତାଣି ତିନାଆପୁ; ଦାରିକାମାଟି ଏଡ଼କା ଆପୁ; ହେର୍କି ଦାଆନା ପାୟିତି ଜନ୍ତୁତି ଉଞ୍ଜା ଅଡ଼େ ନେତେରି ତିନାଆପୁ । ୨୧ ଏନାଆଁତାକି ଇତିହିଁ ତଲି କାଲ୍ପାଟିଏ ବାରେ ଗାଡ଼ାଣା ମସା ମେରାତି କାତା ଖେକନାରି ମାନେରି, ଇଞ୍ଜି ବାରେ ଜମିନି ଦିନାତା ଜୀହୁଦି ଲକ୍ଷ୍ମି କୁଟମି ଇଲ୍ପାଣା ଏଖାଣି ମେରାତି କାତା ପଡ଼ଖି ଆହିମାନେ ।” ୨୨ ଏରିବେଲା ପାଣ୍ଡୁ ଆହାମାନାରି ଅଡ଼େ ପ୍ରାଚିନାଟ୍ଟା ବାରେ କୁଲମି ତଲେ ତାନି ବିତ୍ରାଟି ଲକ୍ଷ୍ମି, ଇତିହିଁ ତାୟିୟଁ ବିତ୍ରାଟି ମାନିଗାଟି ବର୍ସବା, ଦରୁଗାଟି ଜୀହୁଦା ଇଞ୍ଜି ସିଲାଇଁ ଆଗାନା ପାଞ୍ଜୁଲ ଅଡ଼େ ବର୍ନବା ତଲେ, ଆନ୍ତ୍ରିୟକିୟତା ପାଣ୍ଡୁଲି ତାରି କିତେରି । ୨୩ ନାମିତାରି ତାଣାଟି ରାସ୍କି ଆହାମାନି ଆକୁ ଏ ରିଆରି କେୟୁତା ପାଣ୍ଡୁଟେରି “ମାମ୍ପ, ପାଣ୍ଡୁ ଆତାତମି ଅଡ଼େ ପ୍ରାଚିନାଟ୍ଟା, ମୀ ତାୟିୟଁତମି ମା ବାରେ ଜୀହୁଦିଆଆତି ତାୟିୟଁ ଆମିନି ଗାଟାରି ଆନ୍ତ୍ରିୟକିୟା, ସିରିୟା ଅଡ଼େ କିଲିକିୟତା ମାନେରି ଏଖାରାକି ଜହରା । ୨୪ ମାମ୍ପ ଖେଞ୍ଜାମାନମି, ମାମ୍ପ ଆମିନି ଲକ୍ଷ୍ମି ଏନି ହୁକୁମି ହାହାହିଲଅମି, ମା ତାଣାଟି ଏଲେଟି ଏଚେକା ଲକ୍ଷ୍ମି ମୀ ତାଣା ଖାହାନା ତାନି କାତାତଲେ ମୀ ମନତି ଏଡ଼କା କିହାନା କିଲିବିଲି କିହାମାଞ୍ଜାନେରି; ୨୫ ଅଡ଼େ ମାମ୍ପ ବାରେଜାଣା ରୁଣ୍ଡା ଆହାନା ରଣ୍ଡିଏ ହିୟଁ ତଲେ ଏଚରଜାଣାଟି ଆଗାନା ମୀ ତାଣା ପାଣ୍ଡୁଲି ତାରି କିହାମାନମି, ଏଖାରି ମା ଜୀସୁତି ତଣେ ବର୍ନବା ଅଡ଼େ ପାଞ୍ଜୁଲ ତଲେ ହାନେରି । ୨୬ ଏଖାରି ଇଲେଟି ମାଣ୍ଡିୟଁ ମା ପ୍ରୁ ଜୀସୁ କ୍ରୀସୁ ଦରୁ ତାକି ଜୀସୁ ତୁସାନା କାମା କିହାମାନେରି । ୨୭ ଏଦାଆଁତାକି

ମାମୁ ଜୀହୁଦା ଅଡ଼େ ସିଲାଇଁ ମୀ ଚାଣା ପାଣ୍ଡିମାଞ୍ଜନମି । ମାମୁ ଏନାଆଁ
 ରାତାମାନମି, ଏଝାରି ମିଢ଼େ ଖେସ୍ତାନେରି । ୨୮ ଏଚରଗଟା ଲତାମାନି
 ମେରା ପିସ୍‌ପେ ମୀ ଲାକ ଅଡ଼େ ଏନି ବଜୁ ହେରପାଲି ମାମୁ ସୁଦୁଜୀଝୁଟି
 ହୁକୁମି ବେଟାଆହାମାନମି । ୨୯ ଏ ମେରାୟଁ ଆହିମାଲୁ, ପେଶକା
 ବମାୟଁକି ହେରପିଆହାମାନି ରାନ୍ତା ତିନାଆଦୁ, ନେତେରି ତିନାଆଦୁ,
 ହେରକି ଦାଆନା ପାୟ୍‌ଝି ଆହାମାନି ଜନ୍ତୁତି ଉଢ଼ୁ ତିନାଆଦୁ, ଦାରି
 କିଆଦୁ, ଇ ବାରେ କାମାଟି ହେକ ଆହାଲି ଜାଗ୍ରାତା ମାଟିହିଁ ମିଢ଼େ ନେହେଁ
 ଆନେ । ନେହିଁକି ମାଞ୍ଜୁ ।” ୩୦ ଏଚେଟିଏ କାବୁ ଅନାରାଇଁ ପାଣ୍ଡାଲିଏ
 ଆନ୍ତିୟକିୟାତା ହାଚେରି, ଇଞ୍ଜିଁ ବାରେ ନାମିତାରାଇଁ ଗୁଣ୍ଡି କିହାନା ଏ
 ଆକୁ ହାଚେରି । ୩୧ ଏ ଲକୁ ବାରେ ଏଦାଆଁ ପଡ଼ଝି ଆହାନା ବାସ୍‌
 ବେଟାଆହାନା ରାହଁ ଆଚେରି । ୩୨ ଜୀହୁଦା ଅଡ଼େ ସିଲା ତାମୁ ଜିକେଏ
 ମାହାପୁରୁ ଅଶ୍‌ପୁତି ବଲୁ ଖେହ୍‌ନାରି ମାତାକି ହାରେକା କାତାତଲେ
 ତାୟ୍‌ୟଁଇଁ ବାସ୍‌ ହାହାନା ସୁସ୍ତି କିଚେରି । ୩୩ ଅଡ଼େ, ଏଝାରି ଏମ୍‌ଆଁ
 ଏଚରଦିନା ମାଟି ତାୟ୍‌ ଏଝାରାଇଁ ପାଣ୍ଡାମାଟି ଲକୁଡାଣା ଖେଣ୍ଡାହାଜାଲି
 ତାୟ୍‌ୟଁ ତାଣାଟି ହେଲ ବେଟାଆହାନା ହିଡ଼ୁଟି ଜୀଝୁଚଲେ ଖେଣ୍ଡା ହାଚେରି
 । ୩୪ ସାମା ସିଲା ଏମ୍‌ଆଁ ତୟ୍‌ଲି ତାରି କିହାମାଚେସି । ୩୫ ପାଝୁଲ
 ଅଡ଼େ ବର୍ନବା ଆନ୍ତିୟକିୟାତା ମାଞ୍ଜୁନା ଏବ୍‌କାଟି ଏଚେକା ଲକୁଡାଣା
 ଜିକେଏ ପ୍ରବୁତି ନେହିଁ ବଲୁ ଜାପହାନା ଡ଼େକହାଲି ମାଟ୍‌ହେରି । ୩୬
 ଏଚରଦିନା ହାଜାଲିଏ ପାଝୁଲ ବର୍ନବାଇଁ ଏଲେଇଚେସି, “ଝାମୁ, ମାର
 ପ୍ରବୁତି ବଲୁ ଡ଼େକହାମାନି ବାରେ ଗାଡ଼ାୟଁଣା ଖେଣ୍ଡା ହାଜାନା, ତାୟ୍‌ୟଁ
 ନାଏଁ ଏନିଆହିଁ ମାନେରି ଇଞ୍ଜିଁ ବେଟିହାନ ।” ୩୭ ଏଚେଟିଏ ଜହନ ଇନି
 ମାର୍କଇଁ ଜିକେଏ ତାମିତଲେ ଅୟ୍‌ଲି ବର୍ନବା ଅଶ୍‌ପିମାଚେସି । ୩୮ ସାମା
 ଏଝାସି ଏଝାରାଇଁ ପିସାନା ପଂପୁଲିୟାଟି ଖେଣ୍ଡାହାଚାସି ଅଡ଼େ କାମା ରାନି
 ପାଚେକା ଏଝାରିତଲେ ମାନାଆତାକି ତାମିତଲେ ଅୟ୍‌ଲି ପାଝୁଲ କୁଚେସି
 । ୩୯ ଏମ୍‌ଆଟିଏ ଏଝାରି ହାରେକା ବାଦିବାଦା ଆୟ୍‌ଲିଏ ତାମୁ ଏବ୍‌କା
 ଆଚେରି, ଇଞ୍ଜିଁ ବର୍ନବା ଜହନ ମାର୍କଇଁ ତାମିତଲେ ଅହିଁ ଜାଜାତା ହଚାନା
 କୁପ୍ରତା ହାଚେରି, ୪୦ ସାମା ପାଝୁଲ ସିଲାଇଁ ଆଚାନା ତାୟ୍‌ୟଁ ତାଣାଟି
 ପ୍ରବୁତି କାର୍ମାତଲେ ହେରପି ଆହାନା ହାଚେରି, ୪୧ ଅଡ଼େ ଏଝାସି ସିରିୟା
 ଅଡ଼େ କିଲିକିୟାଟି ହାଜାହାଁ ବାରେ କୁଲମିକାଣି ନାମୁତା ଆବ୍‌ଝା କିଚେସି
 ।

୧୭ ତାୟ୍‌ ପାଝୁଲ ଦର୍ବି ଅଡ଼େ ଲୁସ୍ତାତା ହାଚେସି, ଏମ୍‌ଆଁ ତିମତି
 ଦରୁଗାଟାସି ର ସାସୁ ମାଚେସି, ଏଝାସି ର ନାମିତି ଜୀହୁଦି
 କ୍ରୀସ୍ତାନା ଇୟାନି ମାର୍‌ଏସି ମାଚେସି, ସାମା ତାମି ଆବା ର ଗ୍ରିକ ଲକୁ । ୧
 ଲୁସ୍ତା ଅଡ଼େ ଇକନିୟତା ମାନି ବାରେ ନାମିତି ତାୟ୍‌ୟଁ ଏଝାଣାଇଁ ନେହଁସି
 ଇଞ୍ଜିଁ ଏଲେଇଚେରି । ୨ ପାଝୁଲ ତାମିତଲେ ତିମତିଇଁ ଅହାଲି ଅଶ୍‌ପିଚେସି,
 ଅଡ଼େ ଏ ନାସ୍‌କାଣାଁ ମାନି ଜୀହୁଦି ଲକୁଡାକି ଏଝାଣି ତଲୁ ଦାପିକିଚେସି;
 ଇଚିହିଁ ତାମି ଆବା ଗ୍ରିକ ଲକୁ ଇଞ୍ଜିଁ ବାରେ ପୁଞ୍ଜୁମାଚେରି । ୪ ଇଞ୍ଜିଁ ଏଝାରି
 ଗାଡ଼ାୟଁଟି ହାଜି ହାଜିହିଁ ଜିରୁସାଲମତି ପାଣ୍ଡୁଝି ଆଚାରି ଅଡ଼େ ପ୍ରାଚିନାତ୍ତୁ

ତାଣାଟି କିଝି ଆହାମାନି ମେରା ମାନଝି ଆହାଲି ଏଝାରିତାଣା ହେରପି
 ମାଚେସି । ୫ ଏଲେକିହିଁ କୁଲମିକା ବାରେ ନାମୁତା ଆବ୍‌ଝା ଆହାନା
 ଦିନାତାକି ଦିନା ପାତା ଆଦୁ । ୬ ଏଝାରି ଆସିୟାତା ମାହାପୁରୁ କାତା
 ଖେସାଲି ସୁଦୁଜୀଝୁ କାହି କିୟାଲିଏ, ଏଝାରି ପୁର୍ଗିୟା ଅଡ଼େ ଗାଲାତିୟ
 ରାଜି ମାଦିଟି ରେଜିହିଁ ହାଚେରି । ୭ ଅଡ଼େ, ଏଝାରି ମୁସିଆ ରାଜି ତାଗେ
 ଏଗାହାଜାନା ବେଚନିୟଁତା ହାଜାଲିତାକି ଅଶ୍‌ପିଚେରି, ସାମା ଜୀମୁତି
 ଜୀଝୁ ଏଝାରାଇଁ ହାଜାଲି ହେଲ ହାଆଚେ । ୮ ଏଝାରି ମୁସିଆ ମାଦିଟି
 ହାଜାନା ତ୍ରୟାତା ଝାଚେରି । ୯ ଅଡ଼େ ଲାଆଁ ବେଲାତା ପାଝୁଲ ର
 ସେୟଁଣା ହାପାନା ହେଚେସି, ମାକିଦନିୟାଟି ର ଲକୁ ନିଗାନା ଏଝାଣାଇଁ
 ବାଟିମାଲିହିଁ ଏଲେଇଚେସି, “ମାଢ଼େ ସାୟ୍‌ମେନି କିୟାଲି ମାକିଦନିୟାତା
 ଗାଣ୍ଡତା ଝାମୁ ।” ୧୦ ଏଝାସି ସେୟଁଣା ହାପାନାତା ମେସାଲିଏ ମାମୁ
 ଦେବୁଣିଏ ମାକିଦନିୟାତା ହାଜାଲି ତିୟାରା ଆଚମି, ଇଚିହିଁ ଏଝାରିତାଣା
 ନେହିଁ କାବୁ ଖେସାଲି ତାକି ମାହାପୁରୁ ମାଢ଼େ ହାଟାମାଞ୍ଜୁନେସି ଇଞ୍ଜିଁ ମାମୁ
 ପୁଚମି । ୧୧ ଏଚେଟିଏ ମାମୁ ତ୍ରୟାଟି ଜାଜାତା ହଚାନା ତିୟିଟି ଜିରୁଟି
 ହାଜାନା ସାମାତାକିତା ଅଡ଼େ ଅର ନେବୁ ନୟାପଲିତା ଏଗାହାଚମି ।
 ୧୨ ଏମ୍‌ଆଟିଏ ପିଲିପିତା ହାଚମି, ଇଦି ମାକିଦନିୟା ଜିଲାଟି ର କାଜା
 ଗାଡ଼ା, ଇଞ୍ଜିଁ ରମ୍‌ ଦେସାତାରି ତୟ୍‌ନି ଚାୟ୍‌ ମାଚେ; ଏ ଗାଡ଼ାତା ମାମୁ
 ଏଚରଦିନା ମାଚମି । ୧୩ ଜମିନି ଦିନାତା ମାମୁ ଗାଡ଼ାଟି ହଚାନା କାତା
 ତାଗେ ହାଚମି, ଏମ୍‌ଆଁ ପ୍ରାତାନା କିନି ଚାୟ୍‌ ମାନେ ଇଞ୍ଜିଁ ଅଶ୍‌ପାମାଚମି,
 ଅଡ଼େ ମାମୁ କୁଗାନା ଗୁଣ୍ଡା ଆହାମାଟି ଇୟାସିକା ତଲେ କାତା ଆଚମି ।
 ୧୪ ଅଡ଼େ, ତ୍ରୟାଟିରା ଗାଡ଼ାଟି ହେୟଁ ଝାଣା ହିମ୍‌ପିରିକା ପାର୍‌ନି ଲୁଦିୟା
 ଦରୁଗାଟି ର ଇୟା ମା କାତା ଖେଞ୍ଜିମାଚେ, ଏଦି ମାହାପୁରୁ ସେବା
 କିନାୟି, ଏଦି ଏନିକି ପାଝୁଲକି କାତାଟି ମନ ହାନେ ଏଦାଆଁତାକି ପ୍ରବୁ
 ଏଦାନି ହିୟାଁ ଦେଚାମାଚେସି । ୧୫ ଅଡ଼େ ଏଦି ଇଞ୍ଜିଁ ତାମି କୁଚମି
 ବାପ୍ତିସ୍ତ ଅତି ତାୟ୍‌ ମାଢ଼େ ବାଟିମାଲିହିଁ ଏଲେଇଞ୍ଜୁଚେ, “ମୀରୁ ନାଢ଼େ
 ପ୍ରବୁ ତାଣା ନାମୁଗାଟାୟି ଇଞ୍ଜିଁ ଅଶ୍‌ପିମାଚିହିଁ, ନା ଇଜ ଝାହାନା ବାସା
 ଆଦୁ,” ଇଞ୍ଜିଁ ବାଲାମାଚମି କିହିଁ ହାଟା ଅୟାଚେ । ୧୬ ର ଦିନା ମାମୁ
 ପ୍ରାତାନା ଚାୟ୍‌ତା ହାନିବେଲାତା ର ହଲେଜି ପଦାଇଁ ବେଟାଆଚମି ଏଦି
 ପଲ୍‌ଆ ପେନୁ ଆଲ୍‌ଗାନା ତାୟ୍‌ ଆନି କାତାୟଁ ଖେସାଲି ଆଡିମାଚେ
 । ତାୟ୍‌ ଆନି କାତାୟଁ ଖେସାନା ତାନି ସାଝୁକାରିକି ହାରେକା ତାବୁୟଁ
 କୁଟି କିହିମାଚେ । ୧୭ ଏଦି ପାଝୁଲ ଅଡ଼େ ମା ଜେଚ ଜେଚ ଝାହାନା
 କିଚିହିଁ ଏଲେଇଞ୍ଜୁଲି ମାଟ୍‌ହେ, “ଇ ଲକୁ ବାରେକିହିଁ କାଜା ମାହାପୁରୁଟି
 ହଲିୟାତ୍ତୁ, ଏଝାରି ମିଢ଼େ ଗେଲ୍‌ପିଆନି ଜିରୁଟି ଡ଼େକହି ମାଞ୍ଜୁନେରି ।”
 ୧୮ ଏଦି ହାରେକା ଦିନା ପାଚେକା ଏଲେକିୟାଚେ, ସାମା ପାଝୁଲ କପା
 ଆହାନା ଖେଣ୍ଡେ ସିନିକିହାନା ଏ ବୃତୁଇଁ ଏଲେଇଚେସି, “ଏଦାନି ତାଣାଟି
 ହଚା ହାଜାଲି ନାମୁ ନିଢ଼େ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜୁଇଁ,”
 ଏ ଦେବୁଣିଏ ଏଦି ହଚାହାଚେ । ୧୯ ସାମା ଏଦାନି ସାଝୁକାରିୟଁ ତାମି
 ଲାବା ପାଣ୍ଡି ଆସା ହାଚେ, ଇଞ୍ଜିଁ ପୁଞ୍ଜୁନା ପାଝୁଲ ଅଡ଼େ ସିଲାଇଁ ଦସାନା

ବେରଣିମାଣ୍ଡାତା ସାଲଖି କିନାରି ତାଣା ରେଜା ଅତେରି । ୨୦ ଅଡ଼େ, ଏଝାରି ରମିୟ ସାଲଖି କିନାରି ତାଣା ତାତାନା ଏଲେଇଚେରି, “ଇଝାରି ଜୀହୁଦି ଲକୁ ମା ଗାଡ଼ାତା ଗଡ଼ହା କିହିମାନେରି । ୨୧ ମାର ରମିୟ ଲକୁଚି ମେରା ପାଣାପାଠୁ ଆବାଲି କି ମାନଖି ଆହାଲି ମେରା ହିଲେଏ, ଏଦାଆଁ ଇଝାରି ଝେସିମାନେରି ।” ୨୨ ଏମ୍ପାଟିଏ ବାରେ ଲକୁ ପାଞ୍ଜୁଲ ଅଡ଼େ ସିଲା କପାଟି ନିଢୁଚେରି । ଅଡ଼େ ନୀହାଁୟି କିନାରି ପାଞ୍ଜୁଲ ଅଡ଼େ ସିଲା ହିମ୍ପୁରିକା ହୁକହାନା ଏଝାରାଇଁ ବାଡ଼ଗା ତଲେ ଝେଚାଲି ହୁକୁମି ହୀତେରି । ୨୩ ଏଝାରି ଏଝାରାଇଁ ହାରେକା ଝେଚି ତାୟୁ କାୟିଦି ଇଲୁତା ଇଚିତେରି, ଇଞ୍ଜି ଏଝାରାଇଁ ଗାଗ୍ରାତା କିହି କାପୁ କାଚାଲି କାୟିଦି ଇଲୁଚି କାଠଆନାଣାଇଁ ହୁକୁମି ହୀତେରି । ୨୪ କାୟିଦି କାଠଆନାସି ଇଲେଚି ହୁକୁମି ବେଟାଆହାନା ଏଝାରାଇଁ କାୟିଦି ଇଲୁଚି ବାରେକିହିଁ ବିତ୍ରାତି ବାକ୍ରାତା ମେଡ଼ହାନା ଏଝାରି କତାଣା ବଜୁଗାଟି ମାରନ୍ତୁ କୁଡୁଲିକା ଦସା ପିସ୍ତେସି । ୨୫ ସାମା ମାଦି ଲାଆଁୟି ପାଞ୍ଜୁଲ ଅଡ଼େ ସିଲା ମାହାପୁରୁ ତାଣା ପ୍ରାତାନା ଅଡ଼େ ଜହରା ପାରୁ ପାଟିମାଚେରି, ଇଞ୍ଜି ଏଝାରିତଲେ କାୟିଦି ଇଲୁତା ମାଚାରି ବାରେ ଝେଞ୍ଜିମାଚେରି । ୨୬ ଏଚିବେଲତା ଦେବୁଣିଏ ରୁମି ଖାଚିତେ, ଇଞ୍ଜି କାୟିଦି ଇଲୁଚି ପୁନାଦି ଜିକେଏ ଖାଚାଲିଏ ବାରେ ଦୁଝେରିକା ଦେପି ଆହାହାରୁ, ଇଞ୍ଜି ବାରେକାଣାଚି ଦସାମାଚି ହିକିଣିୟି ହୁଫୁହାରୁ । ୨୭ ଏଚେଟିଏ କାୟିଦି ଇଲୁ କାଠଆନାସି ଇଦାଚି ନିଢୁନା, ଦାରାୟି ଦେପିଆହାମାନାଣି ମେସାନା, କାୟିଦିତାରି ହସ୍ପି ଆତେରି ଇଞ୍ଜି ଅଣ୍ଡପାନା, କାଣ୍ଡା ହୁପହାନା ଗ୍ଲୁକହା କଡ଼ିମାଚେସି । ୨୮ ସାମା ପାଞ୍ଜୁଲ କାଜା ଗିୟିତଲେ ହାଚାନା ଏଲେଇଚେସି, “ନୀନୁ ନିଢେ ନାସା କିହା କତାଆନି, ଏନାଆଁତାକି ଇଚିହିଁ ମାପୁ ବାରେଚମି ଇମ୍ପାଆଁ ମାନମି ।” ୨୯ କାୟିଦି ଇଲୁ କାଠଆନାସି ଦାଞ୍ଜି ତାଚାଲି ଏଲେଇଚେସି, ତବେ ବିତ୍ରା ହାଚେସି ଇଞ୍ଜି ତାର୍ରି ତାର୍ରିହିଁ ପାଞ୍ଜୁଲ ଅଡ଼େ ସିଲା କତାୟି ତୁଇ ରାଚେସି । ୩୦ ଅଡ଼େ ଏଝାରାଇଁ ପାଞ୍ଜୁତା ତାତାନା ଏଲେଇଚେସି, “ବାବୁୟି ଗେଲ୍ପିଆୟାଲି ନୀନୁ ଏନାଆଁ କିଇଁ?” ୩୧ ଏଝାରି ଏଲେଇଚେରି, “ପ୍ରବୁ ଜୀପୁ ତାଣା ନାମାପୁ, ଆତିହିଁ ନୀନୁ ଅଡ଼େ ନୀ ଇଲୁ କୁଚମି ବାରେ ଗେଲ୍ପି ଆଦେରି ।” ୩୨ ତାୟୁ ଏଝାରି ଏଝାଣାଇଁ ଅଡ଼େ ଏଝାଣି ଇଜ ମାଚି ବାରେ ଲକୁଣି ମାହାପୁରୁଚି ବଲୁ ଝେସ୍ତେରି । ୩୩ ଅଡ଼େ, ଏ କାୟିଦି ଇଲୁ କାଠଆନାସି ଏଝାରାଇଁ ଏ ଲାଆଁୟି ବେଲତା ଅହାନା ଏଝାରି ଗାହାଁୟି ନରହେସି, ଇଞ୍ଜି ଏଝାସି ଅଡ଼େ ଏଝାଣି ଇଲୁ କୁଚମି ବାରେ ଏ ଦେବୁଣିଏ ବାପ୍ପିସ୍ତୁ ଅତେରି । ୩୪ ଏଚେଟିଏ ଏଝାସି ଏଝାରାଇଁ ତାନି ଇଜ ଅହାନା ଚିଞ୍ଜାଲି ରାନ୍ତା ବାଟିକିହିଁ ହାଚେସି, ଅଡ଼େ ବାରେ କୁଚମି ମାହାପୁରୁ ତାଣା ନାମାନା ହାରେକା ରାହାଁ ଆତେରି । ୩୫ ଲାଲ ଝେୟାଲିଏ ରମିୟ ଲକୁଚି କାଜାରି ରିଜାରି କସକାଣି ଇଲେଇଞ୍ଜି ଝେସା ପାଣ୍ଡିତେରି, “ଏ ଲକୁଣି ପିସାତୁହୁଡୁ ।” ୩୬ ଏଚେଟିଏ କାୟିଦି ଇଲୁ କାଠଆନାସି ପାଞ୍ଜୁଲଇଁ ଇ କାତା ଝେସ୍ତେସି, “ନୀହାଁୟି କିନାରି ନିଢେ ଅଡ଼େ ସିଲାଇଁ ପିସାଲି କାରୁ ପାଣ୍ଡା ମାଞ୍ଜୁନେରି, ଇଞ୍ଜି ନୀଏ ହୁଟାଝାହାନା ହିଚ୍ଡି

ତଲେ ହାଲୁ ।” ୩୭ ସାମା ପାଞ୍ଜୁଲ କସକାଣି ଏଲେଇଚେସି, “ମାପୁ ରମିୟ ଦେସାଚି ଲକୁଚମି, ମାଢେ ନୀହାଁୟି କିଆନା ଝେଚାଚି ତାୟୁ କାୟିଦି ଇଲୁତା ସୁଗ୍ଲୁଚେରି, ଅଡ଼େ ନୀଏ ତୁକହାନା ପିସିମାଞ୍ଜୁନେରି, ଏଦି ମିଣ୍ଡଏ, ସାମା ଏଝାରି ତାମୁଏ ଝାହାନା ମାଢେ ପାଞ୍ଜୁତା ଅୟାପେରି ।” ୩୮ ଏଚେଟିଏ କସକା ହାଜାନା ନୀହାଁୟି କିନାରାଇଁ ବାରେ କାତା ଝେସ୍ତେରି, ଇଞ୍ଜି ଇଝାରି ରମିୟ ଲକୁ ଇଞ୍ଜି ପୁଞ୍ଜାନା ଆଜିତେରି, ୩୯ ଏମ୍ପାଟିଏ ଏଝାରି ଝାହାନା ମାପୁ ପୁନାଆନା ଏଲେକିଚମି ଇଞ୍ଜି ବାଟିମାଲିହିଁ ଏଝାରାଇଁ ପାଞ୍ଜୁତା ହୁପହା ତାତାନା, ଗାଡ଼ା ପିସାନା ହାଜାଲି ବାଟିମାଲିଚେରି । ୪୦ ଏଚେଟିଏ ପାଞ୍ଜୁଲ ଅଡ଼େ ସିଲା କାୟିଦି ଇଲୁଚି ହତାନା ଲୁଦିୟା ଇଜ ହାଚେରି, ଅଡ଼େ ତାୟିୟି ତଲେ ଆଶ୍ଟାନା ଏଝାରାଇଁ ବାବୁ ହୀହାନା ହାଜାତୁସ୍ତେରି ।

୧୭ ତାୟୁ ଏଝାରି ଆପିପଲି ଅଡ଼େ ଆପଲନିୟା ହୀହାନା ଚେସଲନିକିତା ଝାଚେରି; ଏମ୍ପାଆଁ ଜୀହୁଦି ଲକୁଚି ର ଜୀହୁଦି ଲକୁଚି କୁଚମି ଇଲୁ ମାଚେ । ୧ ଅଡ଼େ, ପାଞ୍ଜୁଲ ତାନି ମେରା ଲେହେଁ ଜୀହୁଦି ଲକୁଚି କୁଚମି ଇଲୁତା ହାଚେସି, ଇଞ୍ଜି ତାନିଗଟା ଜମିନି ଦିନା ପାଚେକା ଦାମ୍ପୁ ପଚିଚି କାତା ଆସାନା ଲକୁଚଲେ ଜଲ୍ଲକି ଆଚେସି, ୩ ଦାମ୍ପୁ ସାସ୍ତେରି ତେଲ୍ଲିହିଁ କିହାନା ଏ କାତା ଇଦି ଇଞ୍ଜି ଇଚେସି, ମସିହା ସାପ୍ପି ପାଣ୍ଡାଣାୟି ଅଡ଼େ ହାକିଚି ନିଢୁନାୟି ଲଡ଼ାମାନେ । ପାଞ୍ଜୁଲ ଏଲେଇଚେସି, “ଆମିନି ଜୀପୁଚି କାତା ଝେସିମାଞ୍ଜୁଇଁ, ଏଝାସି ଏ ମସିହା ।” ୪ ଏମ୍ପାଟିଏ ଏଝାରି ବିତ୍ରାଟି ଏଚରଜାଣା ନାମାହାଁ ପାଞ୍ଜୁଲ ଅଡ଼େ ସିଲା କାତାତା ଆଣ୍ଡିତେରି; ଅଡ଼େ, ଜୀହୁଦି ଦାମ୍ପୁ ନାମାମାନି ଗ୍ରିକ ଲକୁ ବିତ୍ରାଟି ହାରେକା ଲକୁ ଅଡ଼େ ମାନିଗାଟି ହାରେକା ଇୟାସିକା ବିତ୍ରାଟି ଏଝାରିତଲେ ମାହାପୁରୁ ସେବାତା ଆଣ୍ଡିତୁ । ୫ ସାମା ଜୀହୁଦିୟି ତାହାରା ଆହାନା ଏଚେକା ଲାଗେଏତାରାଇଁ ପାହେରିତା କୁଚି କିଚେରି, ଇଞ୍ଜି ଲକୁଣି ମାନ୍ତୁ କିହାନା ଗାଡ଼ାତା ଗଡ଼ହା ହୁପହେରି, ଇଞ୍ଜି ପାଞ୍ଜୁଲ ଅଡ଼େ ସିଲାଇଁ ସାଲଖି କିନାରି ନକିତା ହୁପହାତାଚାଲି ଏଝାରି ହାଜାନା ଜାସନ ଇଲୁଚି ମୁଚାନା ପାରିତେରି । ୬ ସାମା ଏଝାରାଇଁ ବେଟାଆଆଲିଏ ଏଝାରି ଜାସନ ଅଡ଼େ ଏଚେକା ତାୟିୟି ଗାଡ଼ାଚି ସାଲଖି କିନାରି ନକିତା ରେଜା ତାତାନା କାଜା ଗିୟିତଲେ କାଲଖି ଆହିଁ ଏଲେଇଚେରି, “ଆମିନି ଲକୁ ଦାର୍ଚିଚି ଇତାଲା ଆତାଲା କିହିମାନେରି, ଏଝାରି ଇମ୍ପାଆଁ ଜିକେଏ ଝାହାମାନେରି; ୭ ଜାସନ ଏଝାରାଇଁ ଆବାମାନେସି, ଜୀପୁ ଦରୁଗାଟି ଅଡ଼େ ର ରାଜା ମାନେସି ଇଞ୍ଜି ଝେସାନା ଇଝାରି ବାରେକାଣା କାୟିସରଚି ହୁକୁମିଚି ମାନଖି କିହିଲିଲଅରି ।” ୮ ଇ କାତା ଆସାନା ଲକୁ ଅଡ଼େ ସାଲଖି କିନାରି ବିତ୍ରା ହାରେକା କାର୍ବି ଆତେରି ଅଡ଼େ ଗଡ଼ହା ଆଚେ । ୯ ତାୟୁ ସାଲଖି କିନାରି ଜାସନ ଅଡ଼େ ଏଚକା ଲକୁଣି ତାରୁୟି ରୀସାନା ଜାମଲି ତଲେ ଏଝାରାଇଁ ପିସ୍ତେରି । ୧୦ ଅଡ଼େ, ତାୟିୟି ଝେଡ଼ାକିଆନା ପାଞ୍ଜୁଲ ଅଡ଼େ ସିଲାଇଁ ଲାଆଁ ବେଲତା ବେରିୟାତା ପାଣ୍ଡିତେରି; ଏଝାରି ଏମ୍ପାଆଁ ଏଜାନା ଜୀହୁଦି ଲକୁଚି ଜୀହୁଦି ଲକୁଚି କୁଚମି ଇଲୁତା ହାଚେରି । ୧୧

ତେସଲନିକିତା ମାନି ଜୀହୁଦି ଲକ୍ଷ୍ମୀ କିହାରି ସାତାପାଣା ଗାଟାରି ମାତେରି, ଇଞ୍ଜାରି ହାରେକା ରାହାତଲେ ମାହାପୁରୁ କାତା ଖେତେରି, ଅଡ଼େ ପାଞ୍ଚଲ ଖେସ୍ତି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପତି ପଡ଼ି ଆହିମାତେରି । ୧୭ ଇଦାଆଁତାକି ଏଞ୍ଜାରି ବିତ୍ରାଟି ହାରେକା ଲକ୍ଷ୍ମୀ ନାମିତେରି ଅଡ଼େ ଗ୍ରୀକ୍ ଲକ୍ଷ୍ମୀ କାଜାରି ବିତ୍ରାଟି ହାରେକା ଇୟାସିକା ଅଡ଼େ ଆବାୟାଁ ଜିକେଏ ନାମିତେରି । ୧୩ ସାମା ଏତିବେଲା ତେସଲନିକିତା ଜୀହୁଦିଆଁ ପୁରେରି, କି ବେରିୟାତା ଜିକେଏ ପାଞ୍ଚଲ ଡାଣାଟି ମାହାପୁରୁଟି ବଲ୍ଲୁ ଖେସ୍ତି ଆହିମାନେ, ଏତିବେଲା ଏଞ୍ଜାରି ଏମ୍ପାଆଁ ଜିକେଏ ଖାହାନା ଲକ୍ଷ୍ମୀ ମାନ୍ତାଟି ନିକହାନା ଗଡ଼ହା କିଞ୍ଜିତେରି । ୧୪ ଏତେଟିଏ ଚାୟାୟାଁ ଡେଡ଼ାକିଆନା ପାଞ୍ଚଲଇଁ ସାମପୁରୁ ଖାକି ହାଜାଲି ପାଣ୍ଡିତେରି; ଇଞ୍ଜାଁ ସିଲା ଅଡ଼େ ତିମତି ବେରିୟାତା ତୁୟିତେରି । ୧୫ ସାମା ଆମ୍ପାଆରି ପାଞ୍ଚଲଇଁ ଇତିହାତାରି ଏଞ୍ଜାରି ଆତିନି ପାତେକା ହାତେରି, ଇଞ୍ଜାଁ ସିଲା ଅଡ଼େ ତିମତି ତବେ ନା ଡାଣା ଖାପେରି ଇଞ୍ଜାଁ ପାଞ୍ଚଲ ଡାଣାଟି ହୁକୁମି ବେଟାଆହାନା ଏଞ୍ଜାରି ବେରିୟାତା ଖେଣ୍ଡେ ଖାତେରି । ୧୬ ଆତିନିତା ପାଞ୍ଚଲ, ସିଲା ଅଡ଼େ ତିମତିଇଁ କାଟିମାତେସି, ଏଞ୍ଜାସି ଏ ଗାଡ଼ାତା ହାରେକା ଡେଣ୍ଡକା ବମାୟାଁ ମାନାଣି ମେସାନା ତାନି ଜୀହୁ ହାରେକା ଖାଡ଼ିତେ । ୧୭ ଏଦାଆଁତାକି ଏଞ୍ଜାସି ଜୀହୁଦି ଲକ୍ଷ୍ମୀ କୁଟି ଲକ୍ଷ୍ମୀତା ଜୀହୁଦି ଲକ୍ଷ୍ମୀତଲେ ମାହାପୁରୁଇଁ ନାମାମାନି ଜୀହୁଦିଆଆତି ଲକ୍ଷ୍ମୀତଲେ ଇ କାତା ବାରେଦିନା ଖେକହେସି । ଗାଡ଼ାଟି ଜିରୁ ଗାଡ଼ାତା ହାକି ଖାହିମାନି ଲକ୍ଷ୍ମୀତଲେ ଏ କାତାଟି ଖେସ୍ତିସି । ୧୮ ଏତରଜାଣା ଏପିକ୍ରିୟା ଇଞ୍ଜାଁ ପୁୟିକ୍ ଜାପିନି ଗୁରକା ତଲେ ଏଞ୍ଜାରି ରୁଜୁବାଡ଼ି ଆଡ଼େ । ଏଞ୍ଜାରି ବିତ୍ରାଟି ଏତରଜାଣା ଏଲେଇତେରି, “ଇ ବୁଦି ହିଲାଆ ହାଡ଼ାକାଣୁ ଏନାଆଁ ଖେସାଲି ଅଶ୍ୱପିମାନେସି?” ଅଡ଼େ ଏତରଜାଣା ଏଲେଇତେରି, “ଏଞ୍ଜାସି ପୁନାଆତି ଡେଣ୍ଡକାଟି କାତା ଖେହନିଲେହେଁ ଖେସିମାନେସି;” ଇତିହିଁ ଏଞ୍ଜାସି ଜୀହୁ ଅଡ଼େ ତାନି ଖେଣ୍ଡେ ନିଢ଼ିଟି କାତାଟି ନେହିଁ କାରୁ ଖେକହି ମାତେସି । ୧୯ ଏଦାଆଁତାକି ଏଞ୍ଜାରି ପାଞ୍ଚଲଇଁ ଆରିୟାପାଗ ଗାଡ଼ାଟି ବେରଣି ନକିତା ତାତେରି, “ନାନୁ ଆମିନି ପୁଞ୍ଜି କାତା ଜାପୁହିମାଞ୍ଜୁ ଏଦି ଏନାୟି ଇଞ୍ଜାଁ ମାମୁ ପୁଞ୍ଜାଲି ଆତିନି କି? ୨୦ ଇତିହିଁ ନାନୁ ଏତେକା କାବାଆନି କାତା ମାଟ୍ଟେ ଖେଣ୍ଡାପି କିହିମାଞ୍ଜୁଦି; ଇ ବାରେ କାତା ଏନାୟି ଏଦାଆଁ ମାମୁ ପୁଞ୍ଜାଲି ଅଶ୍ୱପିମାନି ।” ୨୧ ଆତିନି ଗାଡ଼ାଟି ଲକ୍ଷ୍ମୀ ଅଡ଼େ ଏମ୍ପାଆଁ ବାସାଆହାମାନି ଏଟକା ଦେସାତି ଲକ୍ଷ୍ମୀ ପୁଞ୍ଜି କାତା ଖେସାଲି ଇଞ୍ଜାଁ ଖେଞ୍ଜାଲି ରାହାଁ ଆହିମାତେରି । ଏମ୍ପାଆଁ ଏଞ୍ଜାରି ଦିନା ରାପୁହି ମାତେରି । ୨୨ ଏତେଟିଏ ପାଞ୍ଚଲ ଆରିୟାପାଗଟି ବେରଣି ମାଦିଏ ନିତାନା ଏଲେଇତେସି, “ଏ ଆତିନିଟି ଲକ୍ଷ୍ମୀ ମାମୁ ବାରେ ଗାଡ଼ି ଦାମ୍ବୁଗାଟାତେରି, ଇଞ୍ଜାଁ ହାରେକା ଡେଣ୍ଡକାଣି ସେବା କିନାତେରି, ଏଦାଆଁ ନାନୁ ମେସିମାଇଁ । ୨୩ ଇତିହିଁ ନାନୁ ମା ଗାଡ଼ାଟି ହାଜିମାତେସି, ଅଡ଼େ ମାମୁ ପୁଜା କିନି ଚାୟାତା ସିନିକେସି, ନାନୁ ପୁଜା ପିଣ୍ଡାତା ମେସ୍ତେସି ଏମ୍ପାଆଁ ରାସକି ଆହାମାନେ, ‘ପୁନାଆତି ମାହାପୁରୁ ।’ ଆମିନିଗାଟାଣି ମାମୁ ପୁଜା

କିହିମାଞ୍ଜେରି, ଏଦାଆଁ ମାମୁ ପୁଞ୍ଜାହିଲାଆତିହିଁ ଜିକେଏ, ଏଦେଏ ନାନୁ ମିଢ଼େ ଖେସିମାଞ୍ଜାଇଁ । ୨୪ ଆମିନି ମାହାପୁରୁ ଦାର୍ତ୍ତି ଅଡ଼େ ଏମ୍ପାଆଁ ମାନି ବାରେ ରାଡ଼ି କିହିମାନେସି, ଏଞ୍ଜାସି ଲାକପୁରୁ ଅଡ଼େ ଦାର୍ତ୍ତିଟି ପ୍ରବୁ ଆହାମାନାକି ମାଣ୍ଡି କେୟୁଟି କେପିଟି ଦେଖୁଡ଼ିତା ବାସା କିଅସି । ୨୫ ଇତିହିଁ ଏଞ୍ଜାଣାକି ଏନାୟି ଲକ୍ଷ୍ମୀ ମାନାୟି ହିଲାଆକି ମାଣ୍ଡି କେୟୁଟି ସେବା ଆଅସି, ଇତିହିଁ ଏଞ୍ଜାସି ତାନୁଏ ବାରେତାକି ଜୀହୁ ନେଞ୍ଜାଲି ଇଞ୍ଜାଁ ବାରେ ଲକ୍ଷ୍ମୀମାନାଣି ଇନେସି । ୨୬ ର ମାଣ୍ଡି ଡାଣାଟି ଏଞ୍ଜାସି ବାରେ ଲକ୍ଷ୍ମୀ ବାକାଇଁ ରାଡ଼ି କିହିମାନେସି; ଇଞ୍ଜାଁ ଏଞ୍ଜାଣି ହୁକୁମି ତଲେ ଏଞ୍ଜାରି ଦାର୍ତ୍ତିଟି ବାରେଖାକି ବାସା କିହିମାନେରି । ଆମିନି ବେଲାତା, ଆମ୍ପାଆସି ଆମିନି ଡାଣା ବାସା କିନେସି, ମାହାପୁରୁ ମୁଲୁଟିଏ ଏଦାଆଁ ତାରି କିହିମାନେସି । ୨୭ ମାହାପୁରୁଟି ଅଶ୍ୱପୁ ମାତେ, ବାରେଜାଣା ଏନିକିହିଁ ଏଞ୍ଜାଣାଇଁ ପାରାନା ବେଟାଆନେରି । ସାମା ମାହାପୁରୁ ଆମ୍ପାଆରି ଡାଣାଟି ହେକ ହିଲଅସି ।” ୨୮ ଏନିଇତିହିଁ ରଅସି ଖେସାମାନେସି, “ଏଞ୍ଜାଣି ଡାଣା ମାର ନାତିନାୟି, ଡାକିନାୟି ଅଡ଼େ ତୁୟିନାୟି । ଇଞ୍ଜାଁ ମା ବିତ୍ରାଟି ଜିକେଏ ଏତରଜାଣା ଖେସାମାନେରି, ମାର ଜିକେଏ ଏଞ୍ଜାଣି ମାରକା ମାସକା ।” ୨୯ “ଇତିହିଁ ମାର ମାହାପୁରୁଟି ମାରକା ମାସକା ଆତାକି ଇ ମାହାପୁରୁ ଲେହେଁ ମାଣ୍ଡି ବୁଦି ଅଡ଼େ ଅଶ୍ୱପୁ ତଲେ କେପିଟି ବା”ଗାରା, ଖେଣ୍ଡି କି ଖାଲକାଟି ବମା ଲେହେଁ ଅଶ୍ୱପିନାୟି ଆଏ । ୩୦ ଲକ୍ଷ୍ମୀ ମାହାପୁରୁଇଁ ପୁଞ୍ଜା ହିଲାଆ ବେଲାତା ଏଞ୍ଜାସି ଦହ ଆସା ହିଲାଆତେସି, ସାମା ନାଏ ଏଞ୍ଜାସି ବାରେଜାଣାଟି ବାରେଖାକି ତାମି ପାପୁ ଜିରୁଟି ଖେଣ୍ଡା ଖାହାଲି ଖେସିମାନେସି । ୩୧ ଇତିହିଁ ଆମିନି ଦିନା ତାନୁ ଆତିନି ମାଣ୍ଡି ଡାଣାଟି ଦାମ୍ବୁତଲେ ଦାର୍ତ୍ତିଟି ନାହାଁୟି କିନେସି, ଇଲେଟି ର ଦିନା ତାରି କିହିମାନେସି, ଇଞ୍ଜାଁ ଇ ବାରେ ସାତା ଇଞ୍ଜାଁ ତୁସାଲି ଏଞ୍ଜାସି ଏଞ୍ଜାଣାଇଁ ହାତାରି ଡାଣାଟି ନିକହାମାନେସି ।” ୩୨ ପାଞ୍ଚଲ ଡାଣାଟି ହାତାରି ଖେଣ୍ଡେ ନିଢ଼ିଟି କାତା ଖେଞ୍ଜାମା ଏତରଜାଣା ଲାଜା କିତେରି, ଅଡ଼େ ଏତରଜାଣା ଏଲେଇତେରି, “ମାଟ୍ଟେ ଅଡ଼େ ଖେଣ୍ଡେ ଖେସ୍ତାମୁ, ନୀ ଡାଣାଟି ଇ କାତା ଖେନିମି ।” ୩୩ ଏତେଟିଏ ପାଞ୍ଚଲ ବେରଣିଟି ହତାହାତେସି । ୩୪ ଏରିୟାପାଗିୟ ଦିୟନୁସିୟ ଗତିଟି ଦାମାରି ଇନି ର ଇୟା ଇଞ୍ଜାଁ ଅଡ଼େ ଏତେକା ଲକ୍ଷ୍ମୀ ନାମିତେରି ଇଞ୍ଜାଁ ଏଞ୍ଜାଣିତଲେ ଆଣ୍ଡିତେରି ।

୧୮ ଏମ୍ପାଟିଏ ପାଞ୍ଚଲ ଆତିନି ଗାଡ଼ା ପିସାନା କରନ୍ତିତା ହାତେସି । ୧ ଇଞ୍ଜାଁ ଏଞ୍ଜାସି ଆକଞ୍ଜାଲ ଦରୁଗାଟି ର ଜୀହୁଦି ଲକ୍ଷ୍ମୀଇଁ ବେଟାଆତେସି, ପନୁ ଏଞ୍ଜାଣି ଜାଣି ଚାୟା, ଏତରଦିନା ନକେଏ ଏଞ୍ଜାସି ତାନି ତକ୍ତି ପ୍ରିସ୍ତାଲ ତଲେ ଇଟାଲିଟି ଖାହାମାତେସି, ଇତିହିଁ କ୍ଲାସ୍ତୁଦିୟା ବାରେ ଜୀହୁଦି ଲକ୍ଷ୍ମୀଇଁ ରମ୍ପ ପିସା ହାଜାଲି ହୁକୁମି ହାହାମାତେସି, ପାଞ୍ଚଲ ଏଞ୍ଜାସିକାଣି ବେତି ହାତେସି, ୩ ଅଡ଼େ ଏଞ୍ଜାରି ଏଞ୍ଜାଣିଲେହେଁ ତୁମୁ ବେବାରା କିନାରି ମାତାକି ଏଞ୍ଜାରିତଲେ ତୁୟିତେସି, ଅଡ଼େ ଏଞ୍ଜାରି କାମା କିହାଲି ମାଡ଼ହେରି, ଏନାଆଁତାକି ଇତିହିଁ ବେବାରାତା ଏଞ୍ଜାରି ତୁମୁ କିନାରି ମାତେରି । ୪ ଅଡ଼େ ବାରେ ଜମିନି ଦିନାତା ଏଞ୍ଜାସି ଜୀହୁଦି ଲକ୍ଷ୍ମୀ

କୁଟମି ଇଲୁତା ଜଳକି ଆହିଁ ଜାପହେସି, ଜାହୁଦି ଅଡ଼େ ଗ୍ରିକ ଲକୁଣି ନାମି କିଞ୍ଚିକହାଲି ଅଣ୍ଡାପିମାରେସି । ୫ ଏଡ଼ିବେଲା ସିଲ୍ଲା ଅଡ଼େ ତିମତି ମାକିଦନିୟାଟି ଖାତେରି, ଏଡ଼ିବେଲା ପାଞ୍ଜଲ ନେହିଁ ବଲୁ ଖେକ୍ନି କାମା ଜମାଆନା କିହିମାରେସି, ଅଡ଼େ ଜାପୁଇଁ ମସିହା ଇଞ୍ଜି ଜାହୁଦି ଲକୁଡାଣା ସାକି ହାହିମାରେସି । ୬ ସାମା ଏଞ୍ଜାରି ଅପାଆନା ନିନ୍ତୁ କିହାଲିଏ ଏଞ୍ଜାସି ତାନି ହିମ୍ବର ହାଣ୍ଡାଣା ଏଲେଇରେସି, “ମାରୁ ନାସା ଆତିହିଁ ଏଦାଆଁତାକି ମାରୁ ଦାୟି ଆଦେରି । ଏଦାଆଁତାକି ନାନୁ ଦାୟି ଆଏ, ନାଏଁ ନାନୁ ଜାହୁଦିଆଆତି ଲକୁଡାଣା ହାଜିମାଇଁ ।” ୭ ଏମ୍ପାଟିଏ ଏଞ୍ଜାସି ଏ ଚାୟୁଟି ହତା ହାଜାନା ତିତସ ଜୁପୁ ଇନି ଜାହୁଦିଆଆତି ମାହାପୁରୁ ସେବା କିନାସି ଏଞ୍ଜାଣି ଇଜ ହାରେସି, ଏଞ୍ଜାଣି ଇଲୁ ଜାହୁଦି ଲକୁଟି କୁଟମି ଇଲୁ ତାଗେ ମାରେ । ୮ ସାମା ଜାହୁଦି ଲକୁଟି କୁଟମି ଇଲୁତି କାଜାସି କ୍ରିସ୍ତ ବାରେ ଇଲୁ କୁଟମି ତଲେ ପ୍ରବୁ ତାଣା ନାମିତେରି, ଅଡ଼େ କରନ୍ତୁ ଗାଡ଼ାତି ଲକୁ ବିତ୍ରାଟି ହାରେକା ପାଞ୍ଜଲତି କାତା ଖେଞ୍ଜାନା ନାମିତେରି ଅଡ଼େ ବାପ୍ତିସ୍ତ ଅଡ଼େରି । ୯ ଅଡ଼େ ପ୍ରବୁ ଲୁଆଁୟଁ ବେଲାତା ସେୟଁଣା ହାପାନାତା ପାଞ୍ଜଲଇଁ ଏଲେଇରେସି, “ଆଜାଆନି, ସାପି ତୟାଆନା ଜଲମା, ୧୦ ଇତିହିଁ ନାନୁ ନୀ ତଲେ ମାଇଁ, ଆମିନି ଲକୁ ଜିକେଏ ନୀ କପାଟି ନିଢ୍ଠାନା ନିଢ୍ଠେ ନାସା କିହାଲି ଆଡଅସି, ଇତିହିଁ ଇ ଗାଡ଼ାତା ହାରେକା ନା ଲକୁ ମାନେରି ।” ୧୧ ଇଞ୍ଜି ପାଞ୍ଜଲ ଏଞ୍ଜାରିତାଣା ମାହାପୁରୁତି କାତା ଜାପହେସି ର ବାସା ସି ଲେଞ୍ଜୁ ତୟିତେସି । ୧୨ ସାମା ଗାଲିୟ ଆକାୟାତି ରମିୟ ସାଲଞ୍ଜି କିନାସି ମାଟିବେଲାତା, ଜାହୁଦି ଲକୁ ପାଞ୍ଜଲ କପାଟି ନିଢ୍ଠାନା ଏଞ୍ଜାଣାଇଁ ନୀହାଁୟି କିନାରି ତାଣା ଦସା ଅହାନା ଏଲେଇରେସି, ୧୩ “ଇଞ୍ଜାସି ମସାତି ମେରା କପାଟି ଅର ରଲେକି ମାହାପୁରୁତି ସେବା କିହାଲି ଲକୁଣି ଜାପହେମାନେସି ।” ୧୪ ସାମା ପାଞ୍ଜଲ ଗୁତି ଏକହାନା ଜଲଲି ମାଡ଼ହ ମାଟାଟି, ଗାଲିୟନ ଜାହୁଦି ଲକୁଣି ଏଲେଇରେସି, “ଆଡ଼େ ଜାହୁଦି ଲକୁଡେରି ଏନିଲେହେଁତି ଦହ କି ଲାଗେଏତି କାମା ଆଡ଼ିହିଁମା ସୁସ୍ତି ତଲେ ମୀ କାତା ଖେନାୟି ନାଢ଼େତାକି ନେହେଁ ଆଡେମା, ୧୫ ସାମା ଇଦି ଖାରୁଇ ବଲୁ ଅଡ଼େ ଦରୁ ଅଡ଼େ ମୀ ମେରାତି କାତା ମୀରୁଏ ଇଦାଆଁ ସୁସ୍ତି କିଦୁ । ଇଲେତି କାତାତି ନାନୁ ନୀହାଁୟି କିଆଁ!” ୧୬ ଏଲେଇଞ୍ଜାନା ଏଞ୍ଜାସି ଏଞ୍ଜାରାଇଁ ନୀହାଁୟି କିନି ତାଣାଟି ପେରହା ତୁସ୍ତେସି । ୧୭ ଏଡ଼େଟିଏ ବାରେଜାଣା ସସ୍ତାନ ଇନି ଜାହୁଦି ଲକୁଟି କୁଟମି ଇଲୁତି କାଜାଣାଇଁ ଆସାନା ନୀହାଁୟି ପାଢ଼ାତା ଖେତେରି; ସାମା ଗାଲିୟନ ଏ ବାରେ କାତାତା ମନ ହାଆତେସି । ୧୮ ପାଞ୍ଜଲ କରନ୍ତିତା ନାମିତି ତାୟି ତାଢ଼ିସ୍ତା ତଲେ ହାରେକା ଦିନା ତୟାନା ତାୟିୟଁ ତାଣାଟି ହେଲ ବେଟାଆହାନା ଏୟୁ ଜାଜାଟି ସିରିୟାତା ହାରେସି, ପ୍ରିସ୍ତିଲା ଅଡ଼େ ଆକଞ୍ଜିଲା ତାନିତଲେ ହାରେସି, ତାନି ଆଞ୍ଜିତାୟି ମାତାକି ଏଞ୍ଜାସି କେଢ଼େୟାତା ତାନି ତାୟିଁ ହିଣ୍ଡହେସି । ୧୯ ତାୟୁ ଏଞ୍ଜାରି ଏପିସିୟତା ଖାତେରି, ଅଡ଼େ ଏଞ୍ଜାସି ଏ ଚାୟୁତା ଆକଞ୍ଜିଲା ଅଡ଼େ ପ୍ରିସ୍ତିଲାଇଁ ହେଲ ହାହାନା ପାଞ୍ଜଲ ରଅସିଏ ଜାହୁଦି ଲକୁଟି କୁଟମି ଇଲୁତା ହତାନା ଜାହୁଦିୟଁ ତଲେ

ହାତାକାତା ଆଡେରି । ୨୦ ଇଞ୍ଜି ଏଞ୍ଜାରି ଏଞ୍ଜାଣାଇଁ ହାରେକା ଦିନା ତୟାଲି ବାତିମାଲିତିହିଁଞ୍ଜା ଏଞ୍ଜାସି ତୟାଲି କୁଡେସି । ୨୧ ସାମା ଏଞ୍ଜାରି ତାଣାଟି ହେଲ ଅହାନା ଏଲେଇରେସି, “ମାହାପୁରୁତି ମନ ଆତିହିଁ ଅଡ଼େ ର ଦେବା ମୀ ତାଣା ଖେଣ୍ଡା ଖାଇଁ,” ଇଞ୍ଜି ଏଞ୍ଜାସି ଏପିସିୟତି ହାରେସି । ୨୨ କାୟିସିରିୟାତା ଏଗାହାଜାନା ଏମ୍ପାଟି ଜିରୁସାଲମତା ହାରେସି, ଅଡ଼େ କୁଲମିତି ଜହରା କିହାନା ଏମ୍ପାଟିଏ ଆନ୍ତିୟକିୟାତା ହାରେସି । ୨୩ ଏମ୍ପାଆଁ ଏଡ଼େରିଦିନା ତୟାୟି, ଏଞ୍ଜାସି ଅଡ଼େ ଖେଣ୍ଡେ ହାଜାନା ଗାଲାତିୟ ଇଞ୍ଜି ପୁରିୟା ନାସକା ହାହାନା ହାରେସି, ଅଡ଼େ ଜିରୁତା ସୀୟୁୟିଣି ତାନି ନାମୁତା ଆଡ଼ା ତଲେ ତୟାଲି ରାହାଁ ହାରେସି । ୨୪ ଏମ୍ପାଟିଏ ଆପଲ ଦରୁଗାଟି ର ଜାହୁଦି ଏପିସିୟତା ଖାତେସି, ଏଞ୍ଜାସି ଆଲେକଜାଣ୍ଡ୍ରିୟାତା ଜାନା ଆହାମାରେସି, ଏଞ୍ଜାସି ନେହିଁକି ଖେସାଲି ଆଡିନାସି ଅଡ଼େ ଦାମ୍ପୁ ପତିତି କାତା ଗାତି ପୁନାସି ମାରେସି । ୨୫ ଇଞ୍ଜାସି ପ୍ରବୁ ଜିରୁତି କାତା ନେହିଁକି ଜାପାମାରେସି, ଇଞ୍ଜି ଜୀଞ୍ଜୁତଲେ ବାଡ଼ୁୟୁ ବେଟାଆହାନା ଜାପୁତି କାତା ନେହିଁକି ଜାପହେ ମାରେସି, ଏଞ୍ଜାସି ଖାରୁଇ ଜହନତି ବାପ୍ତିସ୍ତ କାତା ପୁଞ୍ଜାମାରେସି । ୨୬ ଏଞ୍ଜାସି ସାସାତଲେ ଜାହୁଦି ଲକୁଟି କୁଟମି ଇଲୁତା ଜଲଲି ମାଡ଼ହେସି, ସାମା ଆକଞ୍ଜିଲା ଅଡ଼େ ପ୍ରିସ୍ତିଲା ଏଞ୍ଜାଣି କାତା ଖେଞ୍ଜାନା ଏଞ୍ଜାଣାଇଁ ତାନି ଇଜ ଅହାନା ଏମ୍ପାଆଁ ହାରେକା ନେହେଁ ମାହାପୁରୁ ଜିରୁତି କାତା ପୁଣ୍ଡମିକିଦୁ । ୨୭ ତାୟୁ ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାମିତି ତାୟିୟଁ ଏଞ୍ଜାଣାଇଁ ସାୟେମି କିତେରି, ଇଞ୍ଜି ଏଞ୍ଜାଣାଇଁ ରାହାଁତଲେ ଆବାଲି ଆକାୟାତା ମାନି ସୀୟୁୟିକି ର ଆକୁ ରାତିତେରି, ଏଞ୍ଜାସି ଏମ୍ପାଆଁ ଏଗାହାଜାନା ମାହାପୁରୁ କାର୍ମାଟି ନାମା ମାନାରାକି ହାରେକା ସାୟେମି କିତେସି । ୨୮ ଇତିହିଁ ଜାୟୁଏ ମସିହା ଇଞ୍ଜି ଦାମ୍ପୁ ପତିତି ନେହିଁକି ଦସାହାଁ ଏଞ୍ଜାସି ବାରେଜାଣା ନକିତା ତାନିତଲେ ଆସ୍ତ୍ରି ଆହିମାନି ଜାହୁଦି ଲକୁଣି ହାରିଞ୍ଜି କିତେସି ।

୧୯ ଆପଲ କରନ୍ତିତା ମାଟିବେଲାତା ପାଞ୍ଜଲ ଖେଡ଼ା ହପୁଞ୍ଜାକିତି ରାଜି ରେଜାନା ଏପିସିୟ ଗାଡ଼ାତା ଏଗାଞ୍ଜାତେସି । ଏମ୍ପାଆଁ ଏଡ଼େରଜାଣା ସୀୟୁୟିଣି ବେଟାଆହାରେସି, ୨ ଏଞ୍ଜାସି ଏଞ୍ଜାରାଇଁ ଖେତେସି, “ମୀରୁ ନାମିତି ରେଟୁଏ ସୁଦୁଜୀଞ୍ଜୁ ବେଟାଆହା ମାରେରି କି?” ଏଞ୍ଜାରି ଏଲେଇରେସି, “ଆଏ ସୁଦୁଜୀଞ୍ଜୁ ମାନେ ଇଞ୍ଜି ମୀମୁ ଖେଞ୍ଜୁ ଜିକେଏ ହିଲଅମି ।” ୩ ପାଞ୍ଜଲ ଏଞ୍ଜାରାଇଁ ଖେତେସି, “ଆଡ଼ିହିଁ ମୀରୁ ଏନିଲେହେଁତି ବାପ୍ତିସ୍ତ ବେଟାଆହା ମାରେରି ।” ଏଞ୍ଜାରି ଏଲେଇରେସି, “ମୀମୁ ଜହନତି ବାପ୍ତିସ୍ତ ଅହାମାଚମି ।” ୪ ଏମ୍ପାଟିଏ ପାଞ୍ଜଲ ଏଲେଇରେସି, “ଜହନତି ବାପ୍ତିସ୍ତ ହିୟଁ ଖେଟ୍ପି କିଞ୍ଚିକିନି ବାପ୍ତିସ୍ତ; ଜହନ ଇସାୟେଲ ଲକୁଣି ବାପ୍ତିସ୍ତ ହାହାନା ଏଲେଇରେସି, ନା ଜେଟ ଆମ୍ପାଆସି ଖାହିମାନେସି, ଏଞ୍ଜାଣାଇଁ ଇତିହିଁ ଜୀୟୁଇଁ ନାମାୟୁ ଇଞ୍ଜି ଖେସିମାରେସି ।” ୫ ଇଦାଆଁ ଖେଞ୍ଜାନା ଏଞ୍ଜାରି ପ୍ରବୁ ଜୀୟୁ ଦରୁତଲେ ବାପ୍ତିସ୍ତ ଅଡ଼େରି । ୬ ଅଡ଼େ ପାଞ୍ଜଲ ଏଞ୍ଜାରି ଲାକ କେସ୍ତା ଇଟାଲିଏ ସୁଦୁଜୀଞ୍ଜୁ ଏଞ୍ଜାରି ଲାକ ରେଟାଞ୍ଜାତେ, ଇଞ୍ଜି ଏଞ୍ଜାରି ଏଟ୍‌କା ଏଟ୍‌କା ହାତାତଲେ କାତା ଜଲାନା ମାହାପୁରୁତି ତାୟୁ

ଆନି କାତା ଜିକେଏ ଝେକ୍‌ହେରି । ୭ ଏଞ୍ଜରି ବାରେ ବାରେକାଣା ଆବାୟ୍ ମାଚେରି । ୮ ଡାୟୁ ପାଞ୍ଜଲ ଜାହୁଦି ଲକ୍‌କୂତି ଜାହୁଦି ଲକ୍‌କୂତି କୂଚମି ଇଲ୍‌ଲୁତା ହାଜାନା ତାନି ଲେଞ୍ଜୁ ପାଚେକା ସାସାତଲେ ମାହାପୁରୁ ରାଜିତି କାତା ଝେକ୍‌ହେରି ଲକ୍‌କୂତି ମନତି ନାମି କିହାଲି ଅଶ୍‌ପିତେସି । ୯ ସାମା ଏତିବେଲା ଏଚେକା ଲକ୍‌କୂ ଆବ୍‌ଖା ହିୟ୍ ଅଡେ ମୁଣ୍ଡି ଆହାନା ଲକ୍‌କୂ ନକିତା ପ୍ରବୁ ଜିରୁ କପାଟି ନିଞ୍ଜୁନା ନିମ୍ବୁ କାତା ଝେସ୍‌ପେରି, ଏତିବେଲା ପାଞ୍ଜଲ ଏଞ୍ଜରାଇଁ ପିସାନା ସାସୁୟ୍‌ଇଁ ଏବ୍‌କା କିତେସି, ଇଞ୍ଜି ତୁରାନନ୍ ଇନି ଜାପ୍‌ନି ଇଲ୍‌ଲୁତା ବାରେଦିନା ଜାପ୍‌ହି ମାଚେସି । ୧୦ ଇଲେଆହି ରା ବାର୍‌ସା ପାଚେକା ଆଚେ; ଏଚେଟିଏ ଆସିୟା ଚେସାତା ବାସାଆହାମାନି ହାରେକା ଜାହୁଦି ଅଡେ ଜାହୁଦିଆଅତି ଲକ୍‌କୂ ବାରେକାଣା ପ୍ରବୁତି କାତା ଝେଚେରି । ୧୧ ଅଡେ, ମାହାପୁରୁ ପାଞ୍ଜଲ ତାଣାଟି ହାରେକା ବାଡ୍‌ୟୁତି କାମାୟ୍ କିହମାଚେସି । ୧୨ ଇଲଆହି ପାଞ୍ଜଲ ଲେମ୍‌ମିନା ପାଞ୍ଜୁତା ତୁରନ୍ ସକା କି ତୁଞ୍ଜାଲ ରଗ ଗାଟାରି ତାଣା ତାତିସାରେ ଏଞ୍ଜରି ତାଣାଟି ରଗ ପିସିମାଚେ ଅଡେ ବୃତ୍‌ୟ୍ ହତା ହାଜିମାରୁ । ୧୩ ସାମା ରେଜି ରେଜିହି ବୃତ୍‌ୟ୍ ପେରନ୍ ଜାହୁଦିୟ୍ ବିତ୍ରାଟି ଏଚରଜାଣା ପଲ୍‌ଆ ବୃତ୍‌ୟ୍ ଆସାମାନାରି ଲାକ ପ୍ରବୁ ଜାସୁ ଦରୁ ଆସାନା ପେରହାଲି ଅଶ୍‌ପାନା ଏଲେଇଚେରି, “ପାଞ୍ଜଲ ଆମିନି ଜାସୁଇଁ ଝେକ୍‌ହି ମାନେସି ନାନୁ ଏଞ୍ଜାଣି ଦରୁଟି ନିଞ୍ଜେ ହୁକ୍‌ମି ହାହିମାଞ୍ଜୁଇଁ ।” ୧୪ ସ୍‌ବେକା ଦରୁଗାଟି ର ଜାହୁଦି କାଜା ପୁଜେରାଟି ସାତା କାଣା ମୀରକା ଏଲେ କିହମାଚେରି । ୧୫ ସାମା ପଲ୍‌ଆ ବୃତ୍‌ୟ୍ ଏଞ୍ଜରାଇଁ ଏଲେଇଚୁ, “ନାନୁ ଜାସୁଇଁ ପୁଞ୍ଜାମାଇଁ ଅଡେ ପାଞ୍ଜଲଇଁ ପୁଞ୍ଜାମାଇଁ, ସାମା ମୀରୁ ଆମ୍ବାଆଚେରି?” ୧୬ ଏଚେଟିଏ ଏ ପଲ୍‌ଆ ବୃତ୍‌ ଆଲ୍‌ଗା ମାତାସି ଏଞ୍ଜାରି ଲାକ ଚେଞ୍ଜିନା ଏଞ୍ଜରାଇଁ ଇରହାଲିଏ ଏଞ୍ଜାରି ନାଗଡ଼ା ଉଗଡ଼ା ରାଣାରକା ଆହାନା ଏ ଇଲ୍‌କି ହଚେରି । ୧୭ ଇ କାତା ଏପିସିୟାତା ମାନି ଜାହୁଦି ଅଡେ ଜାହୁଦିଆଅତି ଲକ୍‌କୂ ବାରେକାଣା ପୁଚେରି, ଇଞ୍ଜି ବାରେକାଣା ଆଜିଚେରି, ଅଡେ ଏମ୍ବାଆଁ ପ୍ରବୁ ଜାସୁତି ଦରୁ ହାରେକା ଗାଞ୍ଜୁରି କିତେରି । ୧୮ ଅଡେ ନାମୁଗାଟାରି ବିତ୍ରାଟି ହାରେକା ଖାହାନା ତାମ୍ବୁ କିହମାନି ପଲ୍‌ଆ କାମାଟି ଝେସ୍‌ପେରି । ୧୯ ଅଡେ ଗାର୍‌ଡ଼ି କାମା କିହମାଟି ହାରେକା ଜାଣା ତାମ୍ବୁ ତାନି ପତିୟ୍ ତାଟିହି ଗୁଣ୍ଡା କିହାନା ବାରେକାଣା ନକିତା ହୁତିଚେରି; ଏଞ୍ଜାରି ଏ ବାରେଟି ଲେକା କିହାଲିଏ ରୀ କଡ଼ି ଦସ ମାଣା ଝେଣ୍ଡି ଟାକାୟ୍‌ତି ପତିୟ୍ ମାରୁ । ୨୦ ଇଲେଆହି ପ୍ରବୁତି ବଲ୍‌ ବାଡ୍‌ୟୁ ତଲେ ପାତାଆଚେ ସାରିସୁଚୁ ଝେଢ୍‌ଚିଚେ । ୨୧ ଇ ବାରେ କାତା ରାତି ଡାୟୁ ପାଞ୍ଜଲ ମାକିଦନିୟା ଅଡେ ଆକାୟୁ ମାଦିଟି ଜିରୁସାଲମତା ହାଜାଲି ମନତା ତାନି କିତେସି । ଏଞ୍ଜାସି ଏଲେଇଚେସି, “ଏମ୍ବାଆଁ ହାଟି ଡାୟୁ ନାନୁ ରମ୍‌ତା ଜିକେଏ ହାନାୟିମାନେ ।” ୨୨ ଅଡେ ଆମ୍ବାଆରି ଏଞ୍ଜାଣି ସେବା କିହମାଚେରି, ଏଞ୍ଜାରି ବିତ୍ରାଟି ତିମତି ଅଡେ ଏରାସୁ ଇ ରିଆରାଇଁ ମାକିଦନିୟାତା ପାଣ୍ଡାନା ଏଞ୍ଜାସି ଏଚରଦିନା ପାଚେକା ଆସିୟାତା ଡ଼ୟିଚେସି । ୨୩ ଏତିବେଲାତା ପ୍ରବୁ ଡ଼ସାମାନି ଜିରୁତି କାତା ଅହାନା ଏପିସିୟାତା ହାରେକା ଗଡ୍‌ହା ଆଚେ

। ୨୪ ଦିମିତ୍ରିୟ ଦରୁଗାଟି ର ଝେଣ୍ଡି କାମାକିନାସି ଆଚେମି ପେନୁତି ର ଝେଣ୍ଡିଟି ଦେଞ୍ଜୁଡ଼ି କିହମାଚେସି, ଇଞ୍ଜି ଏଞ୍ଜାଣି ଇ ବେବାରା କାମା କିନାରାକି ହାରେକା ଲାବା ଆହିମାଚେ । ୨୫ ଏମ୍ବାଟିଏ ଏଞ୍ଜାସି ଇଞ୍ଜି ଏଞ୍ଜାରିଲେହେଁ କାମା କିନାରାଇଁ ହାଟାନା ଏଲେଇଚେସି, “ବାବୁୟ୍ ଇ କାମାଟି ମାର ଦନ ବେଟାଆହି ମାନାୟି ଇଞ୍ଜି ମୀରୁ ବାରେ ପୁଞ୍ଜାମାଞ୍ଜେରି; ୨୬ ଅଡେ, କେସ୍‌ତଲେ କେପିତି ପେଶକା ମାହାପୁରୁ ଆଏ ଇଞ୍ଜି ଝେସାମା ପାଞ୍ଜଲ ଖାର୍‌ଇ ଏପିସିୟାତା ଆଏ, ସାମା ବାରେ ଆସିୟାତା ଜିକେଏ ହାରେକା ଲକ୍‌କୂ ଜାପ୍‌ହାନା ଏମ୍ବାଟି ମାତଞ୍ଜି କିହମାଚେସି, ଇଦାଆଁ ମୀରୁ ମେସାମାଞ୍ଜେରି ଅଡେ ଝେଞ୍ଜାମାଞ୍ଜେରି । ୨୭ ଇମ୍ବାଆଁ ଖାର୍‌ଇ ମା ବେବାରା କାମା ଲାଗେଏ ଆନେ, ଏଦି ଆଏ, ସାମା ଆମିନି କାଜା ପେନୁ ଆଚେମିଇଁ ବାରେ ଆସିୟା ଅଡେ ଦାର୍‌ଡିତି ଲକ୍‌କୂ ପୁଜା କିହମାଚେରି, ଏଦାନି ଦେଞ୍ଜୁଡ଼ି ଜିକେଏ ଲକ୍‌କୂ ମାନି କିଅରି, ଇଞ୍ଜି ଆଚେମି ପେନୁତି ଦରୁ କାଜା ଦରୁ ଇଞ୍ଜି ଝେଢ୍‌ସେଏ ।” ୨୮ ଇ କାତା ଝେଞ୍ଜାମା ବାରେକାଣା କାର୍‌ବି ଆହାନା କାଜା ଗିୟ୍‌ତଲେ ଏଲେଇଚେରି, “ଏପିସିୟା ଲକ୍‌କୂଟି ଆଚେମିଏ କାଜା ପେନୁ ।” ୨୯ ଏଚେଟିଏ ଗାଡ଼ା ବାରେ ଗଡ୍‌ହା ଆଚେ, ଇଞ୍ଜି ଲକ୍‌କୂ ବାରେ କାଲଞ୍ଜି ଆହାନା ପାଞ୍ଜଲ ତଲେ ହାଜିମାଟି ମାକିଦନିୟାଟି ଗାୟ ଅଡେ ଆରିସ୍ତାକିଇଁ ଦସାନା କାହିନି ବାଟାତା ହଚେରି । ୩୦ ଏମ୍ବାଟିଏ ପାଞ୍ଜଲ ଲକ୍‌କୂ ମାନ୍ବୁ ବିତ୍ରା ହାଜାଲି ଅଶ୍‌ପିତେସି, ସାମା ସାସୁୟ୍ ଏଞ୍ଜାଣାଇଁ ହାଜାଲି ହାଆଚେରି । ୩୧ ଅଡେ ଆସିୟାଟି ସାଲଞ୍ଜି କିନାରି ବିତ୍ରାଟି ଜିକେଏ ଏଞ୍ଜାରି ଡ଼ୟୁ ଗାଟାରି ମାତାକି କାହିନି ବାଟା ମାଦି ହାଲାଆପେସି ଇଞ୍ଜି ଲକ୍‌କୂଣି ଝେସା ପାଣ୍ଡାନା ଏଞ୍ଜାଣାଇଁ ବାଟିମାଲିଚେରି । ୩୨ ଏତିବେଲା ହାରେକା ଗଡ୍‌ହା ଆହିମାଚେ, ଇଞ୍ଜି ଲକ୍‌କୂ ମାନ୍ବୁ ମାନ୍ବୁ ଆହି ଏଚରଜାଣା ଇ କାତା ଅଡେ ଏଚରଜାଣା ଏ କାତା ଇଞ୍ଜି କାଲଞ୍ଜି ଆହିମାଚେରି, ଅଡେ ଏଞ୍ଜାରି ଏନାଆଁତାକି ଗୁଣ୍ଡା ଆହାମାନେରି ହାରେକା ଲକ୍‌କୂ ପୁଞ୍ଜାହିଲାଆଚେରି । ୩୩ ଲକ୍‌କୂ ବିତ୍ରାଟି ଏଚରଜାଣା ଏଲେଇଚେରି, ଆଲେକ୍‌ଜାଣ୍ଡାର ଇଦାଆଁତାକି ଦାୟି, ଇତିହିଁ ଜାହୁଦି ଲକ୍‌କୂ ଏଞ୍ଜାଣାଇଁ ନକିତା ନିପହା ମାଚେରି, ଆଲେକ୍‌ଜାଣ୍ଡାର କେୟୁ ପେରହାନା ଲକ୍‌କୂଣି ପାଲେଏ ଆହାଲି କେୟୁ ଜାଞ୍ଜିଚେସି, ଅଡେ ନାମୁଗାଟାରି ଖକିଟି ଝେସାଲି ଅଶ୍‌ପିତେସି । ୩୪ ସାମା ଏଞ୍ଜାସି ର ଜାହୁଦି ଇଞ୍ଜି ଏତିବେଲା ଏଞ୍ଜାରି ପୁଚେରି; ଏତିବେଲା ବାରେକାଣା କାଜା ଗିୟ୍‌ତଲେ ରୀ ଗଟା ପାଚେକା କାଲଞ୍ଜି ଆହାନା ଏଲେଇଚେରି, “ଆଚେମିଏ ଏପିସିୟା ଲକ୍‌କୂଟି କାଜା ପେନୁ ।” ୩୫ ଡାୟୁ ଗାଡ଼ାଟି କାଜାସି ଲକ୍‌କୂଣି ସୁସି କିହାଲି ଝେସ୍‌ପେସି, “ଏ ଏପିସିୟାତା ମାନି ତାୟିୟାଚେରି ବାରେକାଣା ପୁଞ୍ଜାମାନେରି ଏପିସିୟା ଗାଡ଼ାଟି କାଜା ପେନୁ ଆଚେମିତି ଦେଞ୍ଜୁଡ଼ି ଇଞ୍ଜି ହାଗୁଲାକିଟି ରେଟା ଖାହାମାନି ସୁଦୁତି ବନା ଗେଲ୍‌ପିକିଞ୍ଜି ଆହାମାନେ । ୩୬ ଆମ୍ବାଆସି ଇଦାଆଁ ଆଏ ଇଞ୍ଜାଲି ଆଡ଼ଅସି, ଏଦାଆଁତାକି ମୀରୁ ବାରେ ସୁସି ଆଡୁ, ଏନି ବୁଦି ହିଲାଆ କାମା କିଆଡୁ । ୩୭ ଇତିହିଁ ଇ ଆମିନି ଲକ୍‌କୂଇଁ ମୀରୁ ଦସା ତାଟାମାଞ୍ଜେରି, ଇଞ୍ଜାରି ଦେଞ୍ଜୁଡ଼ିଟି ସରୁ କିହାଲିଅରି, ଇଞ୍ଜି ମା

ପେଶକା କପାଟି ଏନି ନିନ୍ଦା କାତା ଜଲ୍ଲା ହିଲଅରି । ୩୮ ଏଦାଆଁତାକି ଦିନିତ୍ରିୟ ଅଡ଼େ ଏଖାଣିତଲେ କାମାକିନାରି ଆମ୍ବାଆରି କପାଟି ଏନି କାତା ମାଟିହିଁ, ନାହାଁୟି କିହାଲି ନାହାଁୟି ଇଲୁ ଦେପିଆହାମାନେ, ଇଞ୍ଜି ନାହାଁୟି କିନାରି ମାନେରି, ଏଖାରି ନକିତା ତାମ୍ବା ତାମି ଦାଖା କିପେରି । ୩୯ ଇଦାଣିକିହାଁ ଆଗାଡ଼ା ଅଶ୍ୱପିମାଟିହିଁ, ଲକ୍ଷୁ ତାଣାଟି ମେରା କିଖି ଆହାମାନି ନାହାଁୟି କିନି ତାଣା ଏଦାଆଁ ତିକ୍ନାୟି ଆନେ । ୪୦ ଇତିହିଁ ସାତେଏ ନାଞ୍ଜୁତି ଗଡ଼ହା ତାକି ମା କପାଟି ଦାଖା ଆନାୟି ମାନେ; ଏନିଇତିହିଁ ଏ ଗଡ଼ହା ଏନାଆଁତାକି ହତେ ଏଦାଆଁ ମାର ଏନି କାତାତଲେ ତପାଲି ଆତାଆୟି ।” ୪୧ ଇ ବାରେ କାତା ଖେସାନା ଲକ୍ଷୁଣି ସୁପ୍ତି କିହାନା ନାହାଁୟି ତୁକ୍ତହେସି ।

୨୦ ଏ ଗଡ଼ହା ତୁଡ଼ିତି ତାୟୁ ପାଖୁଲ ସାସୁୟାଁଣି କୁଡ଼ି କିହାନା ଏଖାରାଇଁ ବାସ୍ତୁତି କାତା ଖେସୁସି, ଏଖାରି ତାଣାଟି ହେଲ ଅହାନା ମାକିଦନିୟାତା ହାରେସି । ୧ ଏଖାସି ବାରେ ନାସକାଟି ହାକିହିଁ, ହାରେକା ସାସୁୟାଁଣି ବାସ୍ତୁ ହାହାନା ଗ୍ରିସ୍ ଦେସାତା ହାରେସି । ୩ ଏମ୍ବାଟିଏ ଏଖାସି ଏମ୍ବାଆଁ ତାନି ଲେଞ୍ଜୁ ତୟିତେସି, ଏଖାସି ସିରିୟାତା ହାଜାଲି ତିୟାରା ଆହିମାଟି ବେଲାତା, ଜୀହୁଡ଼ି ଲକ୍ଷୁ ଏଖାଣାଇଁ ପାୟାଲି ତାରି କିହାମାନେରି ଇଞ୍ଜି କାରୁ ପୁଞ୍ଜାମା ମାକିଦନିୟା ଖାକିଟି ଖେଣ୍ଡେ ହାଜାଲି ତାରି କିତେସି । ୪ ଅଡ଼େ ବେରିୟା ତାସି ପୁରତି ମାର୍‌ଏସି ସପାତର, ଅଡ଼େ ତେସଲନିକି ଗାଡ଼ାତି ଆରିସ୍ୱାକି, ସେକ୍ସୁନ୍, ଦବିତି ଗାୟ, ତିମତି ଅଡ଼େ ଆସିୟାତି ଲକ୍ଷୁ ବିତ୍ରାଟି ତୁକିକ ଅଡ଼େ ତ୍ରପିମ ଏଖାଣିତଲେ ହାରେରି । ୫ ଏଖାରି ବାରେଜାଣା ନକେଏ ହାଜାନା ତ୍ରୟାତା ମାଟ୍ରେ କାଟିମାଞ୍ଜୁତେରି । ୬ ଅଡ଼େ ପୁଲା ଗୁଣ୍ଡା ଆଣ୍ଡାଆତି ରୁଟି ତିନି ପାର୍‌ତୁ ତାୟୁ ମାମ୍ବା ପିଲିପିଟି ଏୟୁ ଜାଜାଟି ହାଟମି, ଇଞ୍ଜି ପାସା ଦିନା ତାୟୁ ତ୍ରୟାତା ଏଖାରାଇଁ ବେଟାଆହାନା; ଏମ୍ବାଆଁ ର ଖାରା ତୟିତମି । ୭ ଖାରାତି ମଲୁ ଦିନାତି ମିଡ଼ଅଲା ରାନ୍ଦୁ ତିଞ୍ଜାଲି ରୁଣ୍ଡା ଆହାମାଟମି, ପାଖୁଲ ଅର ନେରୁ ହାନାୟି ମାତାକି ଏଖାସି ଲକ୍ଷୁଣି ମାଦି ନେକେରି ପାତେକା ନେହିଁ କାତା ଖେସିମାଟେସି । ୮ ମାମ୍ବା କୁଡ଼ା ଆହାମାନି ଲାକିନି ପାରୁତି ଇଲୁତା ଏମ୍ବାଆଁ ହାରେକା ଦୀଖ୍‌ୟାଁ ତାଞ୍ଜିମାରୁ । ୯ ଅଡ଼େ ଇଞ୍ଜୁତୁକ ଇନି ର ଦାଂଗଣେଏସି କିଡ଼କି ଲାକ କୁଗାମାଟେସି, ଏଖାଣାକି ହାରେକା ଇଦା ଖାହିମାଟେ; ଇଞ୍ଜି ପାଖୁଲ କାତା ହାରେକା ଲାମ୍ବା କିହିଁ ଖେସିମାଟାକି ଇଞ୍ଜୁତୁକ ତାନି ପାରୁ ଗାଟି ଇଲୁ ଲାକଟି ତୁଇ ରାତେସି, ଏତିବେଲା ଏଖାରି ଇଞ୍ଜୁତୁକଇଁ ନିକ୍ତହେରି, ଏଖାସି ହାହାମାଟେସି । ୧୦ ସାମା ପାଖୁଲ ତୁଇ ରେତାଖାହାନା ଏଖାଣି ମୁହେଁ ମାର୍‌ହାନା ଏଖାଣାଇଁ ପମାନା ଏଲେଇତେସି, “ଆଜାଆତୁ ଇତିହିଁ ଇଖାଣି ତାଣା ଜୀହୁ ମାନେ ।” ୧୧ ତାୟୁ ଲାକ ହାଜାନା ରୁଟି ବାଟିକିହାଁ ତିତେରି, ଇଞ୍ଜି ଲାଲ ଖେସିନି ପାତେକା ହାତାକାତା ଆହାନା ପାଖୁଲ ହାରେସି । ୧୨ ଅଡ଼େ ଲକ୍ଷୁ ଏ ଦାଂଗଣା କକାଣାଇଁ ଜୀହୁତଲେ ଇଜ ଅହିଁ ହାରେରି ଇଞ୍ଜି ଏଖାରି ହାରେକା ବାସ୍ତୁ ବେଟାଆତେରି । ୧୩ ସାମା ମାମ୍ବା ନକେଏ ଜାଜାତା ହତାନା ଆସସ୍ତା ହାଟମି, ଏମ୍ବାଟିଏ ମାମ୍ବା ପାଖୁଲଇଁ ଅହାଲି

ଅଶ୍ୱପାମାଟମି, ଇତିହିଁ ଏଖାସି ତାୟୁଏ ଚାକିହିଁ ହାଜାଲି ତାରି କିହାମାଟେସି । ୧୪ ଏତିବେଲା ଏଖାସି ଆସସ୍ତା ମାଟ୍ରେ ବେଟା ଆୟାଲିଏ, ମାମ୍ବା ଜାଜାତା ଏଖାଣାଇଁ ମିତିଲିନିତା ତାରିହିଁ ଖାଟମି, ୧୫ ଅଡ଼େ ଏମ୍ବାଟି ହାଜାନା ଏ ଅର ନେରୁ କିଅସତା ଏଗାହାଟମି, ଅଡ଼େ ର ଦିନାତି ଜେତ ସାମସ୍ତା ଏଜାହାଁ, ତାନି ଅର ନେରୁ ମିଲିତତା ଏଗାହାଟମି । ୧୬ ଇତିହିଁ ପାଖୁଲ ଆସିୟା ରାଜିତା ହାରେକା ଦିନା ତୁୟାଆନା, ଇଦାଆଁତାକି ଏଖାସି ଏପିସିୟ ପିସାନା ହାଜାଲି ତାରି କିହାମାଟେସି, ଆତିସାରେ ପେନ୍ତିକସୁ ଦିନା ଜିରୁସାଲମତା ଏଗାହାଜାଲି ଦାଗା ଆହିମାଟେସି । ୧୭ ମିଲିତଟିଏ ପାଖୁଲ ଏପିସିୟ କୁଲମିତି କାଜା ଲକ୍ଷୁଣି କାରୁ ପାଣ୍ଡାଣା ହାଟିକିତେସି । ୧୮ ଏଖାରି ତାନି ତାଣା ଖାୟାଲିଏ, ଏଖାସି ଏଖାରାଇଁ ଏଲେଇତେସି, “ଆସିୟାତା ନାନ୍ଦୁ ଏଦାତି ଦିନାଟିଏ ମୀ ତଲେ ଏନିକିହିଁ ମାଟେଏଁ ମାରୁ ପୁଞ୍ଜାମାଞ୍ଜେରି, ୧୯ ପ୍ରବୁତି ହଲେଏଣା ଆହାନା ଜାହାରାଇଁ ଉଣା କିହାଁ ଅଡ଼େ କାଣ୍ଡ ବକହାଁ ନାଟ୍ରେ ସାସ୍ତି ଖାତାଟି ନାନ୍ଦୁ ପ୍ରବୁତି ସେବା କିତେଏଁ, ଏନାଆଁତାକି ଇତିହିଁ ଏତରଜାଣା ଜୀହୁଡ଼ି ଲକ୍ଷୁତି ପାରୁ ପାରିମାଟାକି । ୨୦ ମାରୁ ପୁଞ୍ଜାମାଞ୍ଜେରି, ନାନ୍ଦୁ ପାଟ୍ରେଖେଣ୍ଡେ ଲକ୍ଷୁତାଣା ଖେସ୍‌ନାଟି ଅଡ଼େ ମିଡ୍ରେତାକି ଇଲୁତା ଖେସ୍‌ନାଟି ବେଲାତା ମୀ ନେହିଁ ଆନିଲେହେଟି ଏନାଆଁ ଜିକେଏ ତୁକ୍ତହା ହିଲଆତେଏଁ, ୨୧ ଜୀହୁଡ଼ି ଅଡ଼େ ଜୀହୁଡ଼ିଆଆତି ଲକ୍ଷୁ ନକିତା ଜାଗ୍ରାତା କିହିଁ ସାକି ହାହାନା ଖେସାମାଟେଏଁ, ଏଖାରି ପାପୁଟି ଏଟ୍‌କା ଆହାନା ମାହାପୁରୁ ଖାକି ମନ ଖେଟ୍‌ହା କତାନା ମା ପ୍ରବୁ କାସୁଇଁ ନାମିନେରି । ୨୨ ନାଏଁ ମେହ୍‌ଦୁ, ନାନ୍ଦୁ ସୁଦୁଜୀହୁଇଁ ମାନଞ୍ଜି ଆହାନା ଜିରୁସାଲମତା ହାଜିମାଇଁ, ଏମ୍ବାଆଁ ନାଟ୍ରେତାକି ଏନାଆଁ ଆନେ ନାନ୍ଦୁ ପୁଞ୍ଜାହିଲଅଁ; ୨୩ ସୁଦୁଜୀହୁ ନାଟ୍ରେ ଜାଗ୍ରାତା କିହିଁ ସାକି ହାହିମାଞ୍ଜୁନେ, ଗାଡ଼ାତାକି ଗାଡ଼ା କାୟିତି ଆହାନା କସୁ ବେଟାଆଇଁ । ୨୪ ସାମା ନାନ୍ଦୁ ଏନିକିଁ ନା ତାରିଆହାମାନି ତାୟୁ ପାତେକା ହଗାଲି ଆଡ଼ିଇଁ, ଅଡ଼େ ମାହାପୁରୁତି କାର୍‌ମାଟି ନେହିଁ କାରୁତାକି ସାକି ହାହାଲିତାକି ଜୀହୁ ତାଣାଟିଏ ଏନିନି ସେବା କାମା ବେଟାଆହାମାଇଁ, ଏଦାଆଁ ଏନିକିଁ ରାପୁହାଲି ଆଡ଼ିଇଁ, ଏଦାଆଁତାକି ନା ଜୀହୁତି କାଜାୟି ଇଞ୍ଜି ଅଶ୍ୱପି ହିଲଅଁ ।” ୨୫ “ଅଡ଼େ ନାଏଁ ନାନ୍ଦୁ ପୁଞ୍ଜାମାଇଁ ମାରୁ ଅଡ଼େ ନାଟ୍ରେ ଖେଣ୍ଡେ ମେସୁଅତେରି । ନାନ୍ଦୁ ମୀ ବାରେ ତାଣା ମାହାପୁରୁ ରାଜିତି କାତା ରେଜିହିଁ ଖେସାମାଞ୍ଜୁଇଁ । ୨୬ ଏଦାଆଁତାକି ନାନ୍ଦୁ ନାଞ୍ଜୁତି ଇ ପାରୁତାକି ଆଟ୍‌ଖା ତଲେ ଖେସିମାଇଁ, ମୀ ବିତ୍ରାଟି ଆମ୍ବାଆସି ନାସା ଆତିହିଁ ଏମ୍ବାଟି ଦାୟି ନାନ୍ଦୁ ଆଏ ୨୭ ଇତିହିଁ ମାହାପୁରୁ ଅଶ୍ୱପିମାନାଣି ବାରେ ମିଡ୍ରେ ଖେସାଲି ନାନ୍ଦୁ ପିସା ହିଲଅଁ । ୨୮ ମାରୁ ମିଡ୍ରେ ଜାହାରା କାତା ଅଡ଼େ ଆନିନି କୁଲମିତି ମାହାପୁରୁ ତାନି ନେତେରି ତଲେ କତାମାନେସି, ତାନି ଏ କୁଲମିତି ପହି ପାଟିକିହାଲିତାକି ସୁଦୁଜୀହୁ ବାରେ ମାନ୍ଦୁ ବିତ୍ରାଟି ଗୁମ୍ବୁସା କିହାଁ ମିଡ୍ରେ ଆତାମାଞ୍ଜୁନେସି, ଏଖାରାଇଁ ଜାଗ୍ରାତା କିପୁ । ୨୯ ନାନ୍ଦୁ ହାଟି ତାୟୁ ଆଜିହୁପେଟି ଗାଡ଼ଦେ କ୍ଲୀଠନି ଖାନ୍ଦୁ, ଅଡ଼େ ଫେଣ୍ଡାୟାଁ ମାନ୍ଦୁତି ରାଣାରାକା କିଆନା ପିହ୍‌ର, ୩୦ ଦିନା ଖାନ୍ଦେ, ଏତିବେଲା ମୀ ଗଟିତି ଏତେକା ସାସୁୟାଁ ନିଞ୍ଜୁନା

ନାମୁ ଗାଟାରାଇଁ ମିତି କାତା ଖେସାନା ଏବଂକା ଜିରୁତା ଅନେରି, ୩୧ ଏତିବେଲା ଜାଗ୍ରାତା ଡୟାଡୁ ନାମୁ ଲାଆଁ ମାଦେନା କାଣ୍ଡୁ ଖାକ୍‌ହିଁ ତାନି ବାସ୍ୟା ପାତେକା ବାରେତେରି ମିତ୍ତେ ଜାପହା ମାଞ୍ଜାଇଁ, ଛ କାତା ଅଣପୁତା ଇଟାକୁ ।” ୩୨ ନାଏଁ ନାମୁ ମିତ୍ତେ ମାହାପୁରୁ ଇଞ୍ଜିଁ ତାନି କାର୍ମାମେନ୍‌ନି ବଲ୍ଲୁ ନକିତା ହେରପିମାଞ୍ଜାଇଁ, ଛ କାର୍ମାତି କାତା ମିତ୍ତେ ବାଡ଼ୟୁ ଚଲେ ପାତିକିହାଲିତାକି ଅଡେ ସୁଦୁ ଆହାମାନି ବାରେ ଲକୁ ବିତ୍ରା ଅଦିକାରା ହାହାଲି ଆତାନେସି । ୩୩ ନାମୁ ଆମ୍ବାଆରି ବାଂଗାରା, ଖେଣ୍ଡି କି ହିମ୍ବୁରିକା ଜୁପକା ଆହାହିଲାଆତେଏଁ । ୩୪ ମାୟୁ ପୁଞ୍ଜାମାଞ୍ଜେରି ଛ ନା ରୀ କେସ୍ତାତଲେ କାମା କିହାନା ନାଡେ ଅଡେ ନା ଚତୁ ଲକୁତି ବାରେ ଲଡ଼ାମାନାଣି ବେଟାଆହାମାଇଁ । ୩୫ ଇଲେକିହିଁ କସୁ କିହାନା ଆତାଆ ଗାଟାରି ସାୟେମି କିନାୟି, “ଇତିହିଁ ରାହୁନି କିହାଁ ହାନାୟି ହାରେକା ନେହାୟି” ପ୍ରବୁ ଜାପୁ ତାନ୍‌ଏ ଛ କାତା ଖେସାମାଞ୍ଜାନେସି, ଛ କାତା ମାୟୁ ଅଣପିନାୟି ମାନେ, ଛ ବାରେ କାତାତଲେ ମିତ୍ତେ ପୁଣ୍ଡି କିହିମାଞ୍ଜାଇଁ । ୩୬ ଛ ବାରେ କାତା ଖେସାଲି ରାପ୍‌ହି ତାୟୁ ପାଞ୍ଜୁଲ ମେଣ୍ଡାକୁତାନା ବାରେଜାଣା ତଲେ ପ୍ରାତାନା କିତେସି । ୩୭ ଅଡେ, ଏଞ୍ଜାରି ବାରେଜାଣା ଡାହି ଡାହିଁ ପାଞ୍ଜୁଲଇଁ ପମାହାଁ ନଣ୍ଡିତେରି । ୩୮ ଏଞ୍ଜାରି ଅଡେ ତାନି ମୁମ୍ବୁ ଖେଣ୍ଡେ ମେସାଲି ଆଡଅରି, ଏଞ୍ଜାରି ଖେସାମାତି କାତାତାକି ହାରେକା ଦୁକୁ କିତେରି, ତାୟୁ ଏଞ୍ଜାରି ଏଞ୍ଜାଣାଇଁ ଏୟୁ ଜାଜା ପାତେକା ଇତି ହାତେରି ।

୨୧ ଏଞ୍ଜାରି ତାଣାଟି ହେଲ ବେଟାଆହାନା ମାମୁ ଏୟୁ ଜାଜାତା ହତାହାଁ ସଲକେ ଜିରୁତି କସତା ଖାତମି, ତାନି ଅର ନେରୁ ରଦାତା, ଇଞ୍ଜିଁ ଏମ୍ବାଟିଏ ପାତାରାତା ଖାତମି । ୧ ଏମ୍ବାଟିଏ ପୟିନିକୟା ହାନି ଏୟୁ ଜାଜା ବେଟାଆହାନା ଏମ୍ବାଆଁ ହତାହାଁ ହାତମି । ୩ ତାୟୁ କୁପ୍ର ଡଞ୍ଜା ଆହାଲିଏ ତାନି ଟେବିଞ୍ଜାକି ପିସାନା ମାମୁ ସିରିୟାତା ହାଜାନା ସରତା ଏଗାତମି, ମାମୁ ଟାୟରତା ଜାଜାଟି ରେତମି, ଇତିହିଁ ଏମ୍ବାଆଁ ଜାଜାତି ଆସ୍ତି ରେପ୍‌ନାୟି ମାତେ । ୪ ଏମ୍ବାଆଁ ନାମିତି ସାୟୁୟାଣି ପାରାନା ଏଞ୍ଜାଣାଇଁ ବେଟାଆହାନା ଏମ୍ବାଆଁ ସାତା ଦିନା ଡୟିତମି; ଇଞ୍ଜିଁ ପାଞ୍ଜୁଲ ଏନିକି ଜିରୁସାଲମତା ହାଲଅସି ଏଦାଆଁତାକି ଏଞ୍ଜାରି ସୁଦୁଜାପୁ ତଲେ ବାତିମାଲିତେରି । ୫ ମାମୁ ସାତା ଦିନା ଡୟିତି ତାୟୁ ଏଞ୍ଜାଣାଇଁ ପିସାନା ଜାହାରା ଜିରୁତା ହାତମି, ଅଡେ ମାଡେ ହେଲ ହିୟାଲି ଏଞ୍ଜାରି ବାରେଜାଣା ଇୟାସିକା କକାରି ପଦାୟି ତଲେ ଗାଡ଼ାତି ପାଞ୍ଜୁତା ମାନି ସାମଦୁରି ଗାକୁ ପାତେକା ଇତି ଖାତେରି, ଏମ୍ବାଆଁ ମେଣ୍ଡାକୁତାନା ମାମୁ ବାରେତମି ପ୍ରାତାନା କିତମି, ୬ ତାୟୁ ମାମୁ ବାରେଜାଣାଟି ହେଲ ହାହାନା; ଜାଜାତା ହତମି, ଇଞ୍ଜିଁ ଏଞ୍ଜାରି ତାନି ଇଜ ଖେଣ୍ଡା ହାତେରି । ୭ ମାମୁ ସର ଗାଡ଼ାତି ପତଲମାୟିତା ଏଗାହାତମି, ଇଞ୍ଜିଁ ଏମ୍ବାଆଁ ତାୟୁୟାଣି ଜହରା କିହାନା ଏମ୍ବାଆଁ ର ଦିନା ଏଞ୍ଜାରିତଲେ ଡୟିତମି । ୮ ଅଡେ ଅର ନେରୁ ହାଜାନା କାୟିସରିୟାତା ଏଗାହାତମି, ଏମ୍ବାଆଁ ମାମୁ ନେହିଁ ବଲ୍ଲୁ ଖେକ୍‌ନି ପିଲିପ ଇଜ ହାଜାନା ଡୟିତମି, ଜିରୁସାଲମତା ସେବା କାମା କିହାଲି ଆତାମାନି ସାତା ଜାଣା ବିତ୍ରାଟି ଏଞ୍ଜାରି ରଅସି ମାତେସି ।

ଏଞ୍ଜାଣାକି ସାରି ଜାଣା ଡାଆ ମାସକା ମାତୁ, ଏଞ୍ଜି ବାରେ ମାହାପୁରୁ ଅଣପୁତି ବଲ୍ଲୁ ଖେହ୍‌ନାଲ ମାତୁ । ୧୦ ଏମ୍ବାଆଁ ହାରେକା ଦିନା ଡୟିତି ତାୟୁ ଆଗାବ ଦରୁଗାଟି ର ମାହାପୁରୁ ଅଣପୁତି ବଲ୍ଲୁ ଖେହ୍‌ନାସି ଜାହୁଦା ଦେସାତି ଖାତେସି । ୧୧ ଏଞ୍ଜାସି ମା ତାଣା ଖାହାନା ପାଞ୍ଜୁଲତି ଜାତି ଡରି ଅହାନା ତାନି କେସ୍ତା କତାଣା ଦସା କତାନା ଏଲେଇତେସି, “ସୁଦୁଜାପୁ ଏଲେଇଞ୍ଜିଁ ଖେସିମାଞ୍ଜାନେ, ଇଦାଆଁ ଦସା କଡିନି ଜାତି ଡରି ଗାଟାଣାଇଁ ଜିରୁସାଲମତି ଜାହୁଦି ଲକୁ ଇଲେକିଁ ଦସାନା ଜାହୁଦିଆଆତି ଲକୁତି କେୟୁତା ହେରପିନେରି ।” ୧୨ ଛ ବାରେ କାତା ଖେଞ୍ଜାନା ଜିରୁସାଲମତା ହାଲାଆନି ଇଞ୍ଜିଁ ମାମୁ ଅଡେ ଏମ୍ବାଟି ଲକୁ ବାତିମାଲିତମି । ୧୩ ସାମା ପାଞ୍ଜୁଲ ଏଲେଇତେସି, “ମାୟୁ ଡାହି ଡାହିଁ ଏନାଆଁତାକି ନା ହିୟିତି କାଡି କିହିମାଞ୍ଜେରି, ଏନିଇତିହିଁ ନାମୁ ପ୍ରବୁ ଜାପୁ ତାକି ଜିରୁସାଲମତା ଦସପି ଆହାଲି ଆଏ ସାମା ହାହାଲି ଜିକେଏ ଅଣପିମାଇଁ, ଇଞ୍ଜିଁ ଇତେସି ।” ୧୪ ଏଞ୍ଜାସି ମା କାତା ମାନଞ୍ଜି ଆଆତାକି ମାମୁ ବାରେ ପାଲେଏ ଆତମି, ଇଞ୍ଜିଁ “ପ୍ରବୁତି କାତେଏ ଆପେ” ଇଞ୍ଜିଁ ଇତମି । ୧୫ ଏମ୍ବାଆଁ ଏତରଦିନା ମାତି ତାୟୁ ମାମୁ ମା ଆସ୍ତି ଆସାନା ଜିରୁସାଲମତା ହାତମି । ୧୬ ଅଡେ କୁପ୍ରତି ମନାସନ ଦରୁଗାଟି ର ନାମୁଗାଟାସି ଅଡେ କାୟିସରିୟାଟି ଏତରଜାଣା ସାୟୁୟାଁ ମା ତଲେ ହାତେରି; ମନାସନ ଇଜ ମାମୁ ଡୟିନାୟି ମାତେ । ୧୭ ମାମୁ ଜିରୁସାଲମତା ଏଗାହାଜାଲିଏ ନାମିତି ତାୟୁୟାଁ ମାଡେ ରାହାଁତି ହାତା ଅୟାତେରି । ୧୮ ଏ ଅର ନେରୁ ପାଞ୍ଜୁଲ ମା ତଲେ ଜାକୁବ ଇଜ ହାତେସି; ଅଡେ ବାରେ ପ୍ରାତିନାଞ୍ଜା ଏମ୍ବାଆଁ କୁଡା ଆତେରି । ୧୯ ପାଞ୍ଜୁଲ ଏଞ୍ଜାଣାଇଁ ଜହରା କିତି ତାୟୁ ମାହାପୁରୁ ତାନି ସେବା କାମାତା ଜାହୁଦିଆଆତି ଲକୁଡାଣା ଏନି ଏନି କାମା କିହାମାନେସି ଏ ବାରେ ଖେସୁସି । ୨୦ ଏଞ୍ଜାରି ଏଦାଆଁ ଖେଞ୍ଜାନା ମାହାପୁରୁତି ଜହରା କିତେରି, ଅଡେ ଏଞ୍ଜାଣାଇଁ ଏଲେଇତେରି, “ଏ ତାୟି, ପାଞ୍ଜୁଲ ନାଏଁ ମେସିମାଞ୍ଜି ଜାହୁଦିୟାଁ ବିତ୍ରାଟି ମାଣା ମାଣା ଲକୁ ନାମିମାନେରି, ଏଞ୍ଜାରି ବାରେଜାଣା ମେରାତି ମାନଞ୍ଜି ଆହିମାନେରି । ୨୧ ଏଞ୍ଜାରି କାକୁ ବେଟାଆହା ମାନେରି, ନାମୁ ଏବଂକା କୁଡ଼ାତାରି ତାଣା ବାସା ଆହାମାନି ବାରେ ଜାହୁଦି ଲକୁଣି ମସାତି ମେରା ପିସାଲି, ଏଞ୍ଜାରି କକାରି ଡଲୁ ଦାଦୁ ଅଡେ ଜାହୁଦି ଲକୁତି ପାଣାପାକୁ ମାନଞ୍ଜି ଆଆଦୁ ଇଞ୍ଜିଁ ଜାପହିମାଞ୍ଜି । ୨୨ ନାମୁ ଇମ୍ବାଆଁ ଖାହାମାନି କାକୁ ସାତେଏ ଏଞ୍ଜାରି ଖେନେରି, ଆତିହିଁ ଏନି କିନାୟି? ୨୩ ଏଦାଆଁତାକି ମାମୁ ମିତ୍ତେ ଏନାଆଁ ଖେସିମାଞ୍ଜାନି ଏଦାଆଁ କିମ୍ପ, ମା ତାଣା ସାରି ଜାଣା ମାନେରି, ଏଞ୍ଜାରି ପାର୍‌ମାଣା କିହାମାନେରି; ୨୪ ଏଞ୍ଜାରିତଲେ ହାଲାମୁ ଇଞ୍ଜିଁ ଏଞ୍ଜାରିତଲେ ଆଣ୍ଡାନା ମିତ୍ତେ ଅବହା କତାମୁ, ଇଞ୍ଜିଁ ଏଞ୍ଜାରି ତାକାଁ ହିଣ୍ଡି କାର୍ତୁ ହାମୁ, ଆତିହିଁ ବାରେ ଲକୁ ମେସାନା ଏଞ୍ଜାରି ନା କପାଟି ଖେସାମାନି କାତା ଏନି ସାତା ହିଲେଏ, ସାମା ନାମୁ ଜିକେଏ ମସା ମେରା ମାନଞ୍ଜି ଆହିମାଞ୍ଜି ଇଞ୍ଜିଁ ପୁଞ୍ଜାମାନେରି । ୨୫ ସାମା ଆମିନି ଏବଂକା କୁଡ଼ାତାରି ନାମାମାନେରି, ଏଞ୍ଜାରି ପେଣ୍ଡକା ବମାୟିକି ପୁଜା ହାହାମାନି ବସୁ ନେତେରି ଇଞ୍ଜିଁ ହେରକି ଡିଣ୍ଡତାନା ପାୟିତି ଜନ୍ମୁତି ଉଷ୍ଟୁ ତିନାଆଦୁ,

ଇଞ୍ଚି ଦାରିକାମାଟି ଏବଂ ଆମ୍ଭ, ଇଞ୍ଚି ମାମୁ ତାରିକିଆଁ ଏଞ୍ଜରାକି ର ଆକୁ
 ରାତାମାନି । ୧୭ ଏମ୍ବାଟିଏ ପାଞ୍ଜୁଲ ଅର ଦିନା ଏଞ୍ଜରତଲେ ହାଜାନା
 ଅବହା କଡିନି ମେରା ମାନଞ୍ଜି ଆଡେସି, ଇଞ୍ଚି ମାହାପୁରୁ ଇଲୁତା ହାଜାନା
 ତାମି ଅବହା କଡିନି ଦିନାୟି ଏଚେଲା ରାନେ ଅଡେ ବାରେଜାଣା ତାକି
 ଏନି ଏନି ପୁଜା କିନାୟିମାନେ ଏ ବାରେ ଖେସୁସି । ୧୭ ଏ ସାତା ଦିନା
 ପୁରା ଆହିମାଟାଟି ଆସିୟା ଦେସାଟି ଏଚେକା ଜାହୁଦି ଲୁକୁ ମାହାପୁରୁ
 ଇଲୁତା ପାଞ୍ଜୁଲଇଁ ମେସାନା ଏଞ୍ଜରି ଏମ୍ବାଆଁ କୁଡ଼ା ଆହାମାନି ମାନୁ ଲୁକୁଣି
 ମାଡ଼ି କିଚେରି, ଅଡେ ଏଞ୍ଜାଣାଇଁ ଆସାନା କାଲଞ୍ଜି ଆହିଁ ଏଲେଇଚେରି
 । ୨୮ “ଏ ଇସ୍ରାୟେଲକି ଲୁକୁ ସାୟେମି କିୟାୟୁ: ଇଞ୍ଜାସି ସାରିଞ୍ଜାକି
 ହାଜାନା ଇସ୍ରାୟେଲ ଲୁକୁଚି କପାଟି ଅଡେ ମସା ହାତି ମେରା ଇଞ୍ଚି
 ଇ ମାହାପୁରୁ ଇଲୁ କପାଟି ଜାପୁହିମାନେସି । ଇଞ୍ଚି ନୀଏଁ ଏଚରଜାଣା
 ଜାହୁଦିଆଆତି ଲୁକୁଣି ମାହାପୁରୁ ଇଲୁତା ତାତାନା ସୁଦୁ ଚାୟୁତି ପଲ୍ଲଆ
 କିହିମାନେସି । ୨୯ ଇଚିହିଁ ଏଞ୍ଜରି ଗାଡ଼ାତା ଏପିସିୟତି ତ୍ରପିମଇଁ ପାଞ୍ଜୁଲ
 ତଲେ ମେସାମାଚେରି, ଅଡେ ଏଞ୍ଜାଣାଇଁ ମାହାପୁରୁ ଇଲୁତା ତାତାନାଚେସି
 ଇଞ୍ଚି ଅଣ୍ଡିମାଚେରି । ୩୦ ଏମ୍ବାଟିଏ ବାରେ ଗାଡ଼ା କିଲିବିଲି ଆଡେ,
 ଇଞ୍ଚି ଲୁକୁ ମାନୁ ମାନୁ ଆହିଁ ହଚାନା ପାଞ୍ଜୁଲଇଁ ଆସାନା ମାହାପୁରୁ
 ଇଲୁଚି ରେଜା ତାଚେରି; ଇଞ୍ଚି ଏ ଦେବୁଣିଏ ମାହାପୁରୁ ଇଲୁଚି ଦାୟାୟି
 ସୁଣ୍ଡିଚେରି । ୩୧ ଅଡେ ଏଞ୍ଜରି ପାଞ୍ଜୁଲଇଁ ପାୟାଲି ଅଣ୍ଡିଚେରି, ଇଞ୍ଚି
 ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଚି ରିଜାରି କସକାଟି କାଜାଣି
 ତାଣା କାବୁ ହାଚେରି । ୩୨ ଏମ୍ବାଟିଏ ଏଞ୍ଜାସି ଦେବୁଣିଏ ରିଜାରି କସକା
 ଇଞ୍ଚି ପାସାକଡ଼ି କସକା ମୁହେଁ କାଜାରାଇଁ ଆସାନା ଏଞ୍ଜରିତାଣା ଦାବଡ଼ି
 ହାଚେସି, ଲୁକୁ ରିଜାରି କସକା ଅଡେ କସକା ମୁହେଁ କାଜାରାଇଁ ମେସାନା
 ଏଞ୍ଜରି ପାଞ୍ଜୁଲଇଁ ଝେଗାଲି ପିସେରି । ୩୩ ଏମ୍ବାଟିଏ କସକା ମୁହେଁ କାଜାସି
 ପାଞ୍ଜୁଲ ତାଗେ ହାଜାନା ଏଞ୍ଜାଣାଇଁ ଆସାନା ରା ହିକ୍‌ଶିୟି ତଲେ ଦସାଲି
 ହୁକୁମି ହାଚେସି, ଅଡେ “ଇଞ୍ଜାସି ଆମ୍ବାଆସି? ଏନାଆଁ କିହିମାନେସି ଇଞ୍ଚି
 ଖେଚେସି?” ୩୪ ଏଚେଟିଏ ଲୁକୁ ବାରେ ଆମ୍ବାଆରି ଇ କାତା ଆମ୍ବାଆରି
 ଏ କାତା ଇଞ୍ଚି କାଲଞ୍ଜି ଆଡେରି, ଇଞ୍ଚି ଏନାଆଁ ଆହାମାନେ ଇଞ୍ଚି ତୀରପୁତି
 କାତା ପୁନାଆନା ପାଞ୍ଜୁଲଇଁ କଟା ଇଲୁତା ଅହାଲି କସକାଣି ହୁକୁମି
 ହାଚେସି । ୩୫ ଏଚିବେଲା ଏଞ୍ଜାସି ପାଞ୍ଜୁଲ ପିଣ୍ଡାଣା ଏଗାହାକାଲିଏ,
 ଲୁକୁଚି ମାନୁ କାରବିଟି କାଲଞ୍ଜି ଆୟାଲିଏ କସକା ପାଞ୍ଜୁଲଇଁ ଇଲୁ ବିତ୍ରା
 ଡେକା ଅଡେରି । ୩୬ ଇଚିହିଁ ମାନୁ ମାନୁ ଲୁକୁ ଜେଡ଼ ଖାହିହିଁ “ଏଞ୍ଜାଣାଇଁ
 ପାୟାୟୁ” ଇଞ୍ଚି କାଲଞ୍ଜି ଆହିମାଚେରି । ୩୭ ଏଞ୍ଜାସି ପାଞ୍ଜୁଲଇଁ କଟା ଇଲୁ
 ବିତ୍ରା ଅହିମାଟାଟି ଏଞ୍ଜାସି କସକା ମୁହେଁ କାଜାଣାଇଁ ଏଲେଇଚେସି, “ନାନୁ
 ନିଢ୍ଢେ ର କାତା ଖେସାଲି ଆତାଇଁ କି?” ଏମ୍ବାଟିଏ କାଜାସି ଏଲେଇଚେସି
 “ନାନୁ ଗିକ୍ ହାତା ପୁଞ୍ଜି କି? ୩୮ ଆତିହିଁ ଇଦାଆଁ ନକେଏ ଏମିନି ମିସରତି
 ଲୁକୁ ଗଡ଼ହା ହୁପହାନା ସାରି ମାଣା କାଗଂରାଣି ଲୁକୁ ହିଲ୍ଲଆ ଚାୟୁତା
 ଅହାମାଟାଟି ନାନୁ ଏଞ୍ଜାଟି ଆଏ କି?” ୩୯ ଏମ୍ବାଟିଏ ପାଞ୍ଜୁଲ ଏଲେଇଚେସି
 “ନାନୁତ ର ଜାହୁଦି କିଲିକିୟା ଦେସାଟି ତାର୍ଯ୍ୟ ଇଞ୍ଚିହିଁ ଝେଡ଼ୁଟି ଗାଡ଼ାତା

ଜାର୍ନୀ ଆତାଚେଏ; ଇ ଲୁକୁଣି କାତା ଖେସାଲି ନାଢ୍ଢେ ହେଲ ହିୟାୟୁ ।”
 ୪୦ ଏ କାଜାସି ହେଲ ହିୟାଲିଏ, ପାଞ୍ଜୁଲ ପାଞ୍ଜୁଜିକାଣା ନିତାନା ଲୁକୁଣି
 କେୟୁତଲେ ସାପି କିଚେସି; ଇଞ୍ଚି ବାରେଜାଣା ସାପି ଆହାଲିଏ ଏଞ୍ଜାସି
 ଏବୁ ହାତାତଲେ ଏଞ୍ଜାଣାଇଁ ଏଲେଇଚେସି ।

୨୨ “ଏ ତାୟିୟା ଅଡେ ତାଞ୍ଜିୟାଚେରି, ନାନୁ ନୀଏଁ ମୀ ନକିତା
 ନୀ ଞ୍ଜାକିଟି କାତା ଖେସିମାଞ୍ଜୁଇଁ, ଝେଞ୍ଜୁଦୁ!” ୨ ପାଞ୍ଜୁଲ ଏଞ୍ଜାରି
 ନକିତା ଏବୁ ହାତାତଲେ ଜଲିମାନାଣି ଝେଞ୍ଜୁନା; ଏଞ୍ଜାରି ହାତା ଆଆନା
 ପାଲେଏ ଆଚେରି, ଅଡେ ପାଞ୍ଜୁଲ ଜଲଲି ମାବୁହେସି । ୩ ଏମ୍ବାଟିଏ
 ଏଞ୍ଜାସି ଏଲେଇଚେସି, “ନାନୁ ର ଜାହୁଦି ଲୁକୁଚେଏଁ, କିଲିକିୟାଟି ତାର୍ଯ୍ୟତା
 ନୀ ଜାର୍ନୀ, ସାମା ନାନୁ ଇ ଜିରୁସାଲମ ଗାଡ଼ାତା ପହିପାତି ଆହାମାଇଁ,
 ଗମଲିୟେଲ ତାଣା କୁଗାନା କାପାମାଇଁ, ମା ଆକୁ ଆବାୟିତି ମେରାଟି
 ନେହିଁକି କାପାମାଇଁ; ମାନୁ ଏନିକି ମାହାପୁରୁଚି ସେବା କିହିମାଞ୍ଜୁରି ନାନୁ
 ଜିକେଏ ଏଲେକିହିଁ ମାନଞ୍ଜି ଆନାଚେଏଁ ମାଚେଏଁ; ୪ ନାନୁ ଇ ଜିରୁତା
 ତାକିମାନି ଇୟାସିକା ଆବାୟିୟା ହାନି ପାଚେକା ସାସି କିହିମାଚେଏଁ,
 ଅଡେ ଦସ୍ୟାନା କାୟିଦି ଇଲ୍‌କାଣା ହେବିପାଚେଏଁ । ୫ ନା ଇ କାତା
 ସାତା, କାଜା ପୁଜେରାଞ୍ଜୁ ଅଡେ କାଜା ବେରଣି ମାଣ୍ଡାତାରି ନା ସାକି;
 ନାନୁ ଏଞ୍ଜାରି ତାଣାଟି ତାୟିୟାକି ଆକୁ ରାସାନା ଲୁକୁଣି ହିକ୍‌ଶିୟି ତଲେ
 ଦସ୍ୟାନା ଜିରୁସାଲମତା ତାଚାଲି ତାକି ନାନୁ ଦମେସକତା ମାନି ଜାହୁଦି
 ଲୁକୁଡ଼ାଣା ହାଜାମାଚେଏଁ । ୬ “ନାନୁ ଦମେସକ ତାଗେ ଏଜିମାଟାଟି
 ମାଦେନା ବେଲାତା ଦେବୁଣିଏ ନା ସାରିଞ୍ଜାକି ହାଗୁଲାକିଟି ର ତାହିଣା
 ଉଜେଡ଼ି ଡ଼ାଞ୍ଜୁଚେ । ୭ ଏମ୍ବାଟିଏ ନାନୁ ବୁମିତା ତରୁଚିଚେଏଁ, ଇଞ୍ଚି ନାଢ୍ଢେ
 ତାକି ଖେସିମାଟି ଇ ହାତା ଖେଚେଏଁ, ‘ସାଞ୍ଜୁଲ, ସାଞ୍ଜୁଲ ଏନାଆଁତାକି ନାଢ୍ଢେ
 ସାସି ହାହିମାଞ୍ଜାଦି?’ ୮ ନାନୁ ଏଲେଇଚେଏଁ, ‘ପ୍ରବୁ ନାନୁ ଆମ୍ବାଆଟି?’
 ଏମ୍ବାଟିଏ ଏଞ୍ଜାସି ନାଢ୍ଢେ ଏଲେଇଞ୍ଜୁଚେସି, ‘ନାନୁ ଆମ୍ବାଆରାଇଁ ସାସି
 ହାହିମାଞ୍ଜୁ ନାଜରିତଡ଼ି ଜାସୁଚେଏଁ ନାନୁ । ୯ ନା ତଲେ ମାଟି ଲୁକୁ ଏ
 ଉଜେଡ଼ି ମେସେରି ସାତା, ସାମା ନାଢ୍ଢେ ଝେସୁଟି ହାତା ଝେନାଆଚେରି
 । ୧୦ ଏଚେଟିଏ ନାନୁ ଏଲେଇଚେଏଁ, ‘ପ୍ରବୁ ନାନୁ ଏନାଆଁ କିଇଁ?’
 ଏଚେଟିଏ ପ୍ରବୁ ନାଢ୍ଢେ ଝେସୁଟାଚେସି, ‘ନିଢ୍ଢୁନା ଦମେସକତା ହାଲ୍ଲାମୁ,
 ଅଡେ ନିଢ୍ଢେ ଏନାଆଁ କିହିଲି ଆନେ ଏଦାଆଁ ଏମ୍ବାଆଁ ଝେସୁଇଁ । ୧୧ ଏ
 ଉଜେଡ଼ି ମିଶ୍‌ସି ମାତାକି ନାନୁ କାଣା ଆହାହାଚେଏ, ଇଞ୍ଚି ନା ତଲେ
 ଖାହିମାଟାଟି ନାଢ୍ଢେ କେୟୁ ଆସାନା ଦମେସକତା ଅୟାଚେରି । ୧୨ “ଏ
 ଗାଡ଼ାତା ହନନିୟ ଇଞ୍ଚିହିଁ ର ଦାମ୍ବୁଗାଟାସି ମାଚେସି, ଏଞ୍ଜାସି ମା ମେରାଟି
 ମାନଞ୍ଜି ଆନାସି, ଇଞ୍ଚି ଦମେସକତି ଜାହୁଦି ଲୁକୁଡ଼ାଣା ମାନି ଗାଟାସି
 ଅଡେ ଝେଡ଼ୁଟାସି ମାଚେସି । ୧୩ ଏଞ୍ଜାସି ନା ତାଣା ଖାହାନା ଦାରିତା
 ନିତାନା ନାଢ୍ଢେ ଏଲେଇଞ୍ଜୁଚେସି, ‘ଏ ସାଞ୍ଜୁଲ ତାୟି ମେହୁ’ ଏ ଦେବୁଣିଏ
 ନା କାଣ୍ଡାକା ଦେପିଆଡୁ ଇଞ୍ଚି ନାନୁ ଏଞ୍ଜାଣାଇଁ ମେସାଲି ଆତିଚେଏଁ ।
 ୧୪ ଏଞ୍ଜାସି ଏଲେଇଞ୍ଜୁଚେସି, ‘ମା ଆକୁ ଆବାୟିତି ମାହାପୁରୁ ତାନି
 କାତା ପୁଞ୍ଜିଲି ଅଡେ ଏ ତାନି ଗାଟାଣାଇଁ ମେସାଲି, ଅଡେ ତାନି ଗୁଟିଟି

ହରିମାନି ହାତା ଖେଞ୍ଜୁଲି ଆତାମାଞ୍ଜୁତେସି । ୧୫ ଇତିହିଁ ନାନୁ ଏନାଆଁ ମେସାମାଞ୍ଜୁ ଇଞ୍ଜୁ ଖେଞ୍ଜୁମାଞ୍ଜୁ, ଏ ବାରେତାକି ବାରେ ଲକୁଡ଼ାଣା ଖେସାଲି ନାନୁ ସାକି ଆଦି । ୧୬ ଅଡ଼େ ନାଏ ଏନାଆଁତାକି ଖେଡ଼ା କିହିମାଞ୍ଜୁ, ନିଞ୍ଜୁମୁ ବାପୁସୁ ଆହାନା ତାନି ତାଣା ପ୍ରାତାନା କିହାନା ନୀ ପାପୁ ବାରେ ନରୁଝି କିହାକତାମୁ । ୧୭ “ଏମ୍ପାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଲଲୁତା ପ୍ରାତାନା କିହିମାଟାଟି, ସେୟାଁଣା ହାପାନାତା ମେସେସୁଏ, ୧୮ ନାନୁ ସେୟାଁଣା ହାପାନାତା ପ୍ରବୁଇଁ ମେସେସୁଏ, ଏଝାସି ନାଟ୍ଟେ ଏଲେଇଞ୍ଜୁତେସି, ‘ତବେ ଜିରୁସାଲମ ପିହମ୍ପୁ ଇତିହିଁ ଇମ୍ପାଟି ଲକୁ ନା ସାକି ହୀନାଟି ନୀ କାତା ଆହୁଅରି ।’ ୧୯ ଏମ୍ପାଟିଏ ନାନୁ ଏଲେଇତେସି ‘ପ୍ରବୁ ନାନୁ ଜୀହୁଦି ଲକୁଟି କୁଟମି ଇଲକାଣା ହାଜାନା ନିଟ୍ଟେ ନାମାନାରାଇଁ ଖେତାନା କାୟିଦି ଲଲୁତା ପୁଣ୍ଡିମାଟାଣି ଏଝାରି ନେହିଁକି ପୁଞ୍ଜୁମାନେରି; ୨୦ ଅଡ଼େ ଏତିବେଲା ନୀ ସାକି ସୁପାନଇଁ ପାୟିତେରି, ନାନୁଏ ଏମ୍ପାଆଁ ମାଟେଏ; ଇଞ୍ଜୁ ବେଲେଏ ହାପେସି ଇଞ୍ଜୁ ଅଶ୍ପିମାଟେଏ, ଅଡ଼େ ପାୟିମାଟାରି ହିମ୍ପୁରିକା କାଟିମାଟେଏ ।’ ୨୧ ସାମା ପ୍ରବୁ ନାଟ୍ଟେ ଏଲେଇଞ୍ଜୁତେସି, ‘ହାଲାମୁ ଇତିହିଁ ନାନୁ ନିଟ୍ଟେ ହେକ ଦେସାତି ଜୀହୁଦିଆଆତି ଲକୁଡ଼ାଣା ପାଣ୍ଡାଇଁ ।’ ୨୨ ପାଞ୍ଜୁଲ ଏଲେଇଞ୍ଜୁ ଖେହ୍ନି ପାଟେକା ଲକୁ ଖେଞ୍ଜୁମାଟେରି, ସାମା ଏ ଦେବୁଣିଏ ଏଝାରି କାଜା ଗିୟାଁତଲେ କାଲିଝି ଆହାନା ଏଲେଇତେରି, “ଏଝାଣାଇଁ ପାଟ୍ଟାତା ତାତାହାଁ ପାୟନା ଦାବ୍‌ଚିଟି ମେକହା ତୁହୁଡୁ, ଏଝାସି ନୀତାଲି ପାଡ଼ାଆଅସି ।” ୨୩ ଅଡ଼େ ଏତିବେଲା ଏଝାରି କିଲଡ଼ି କିହିଁ ତାନି ହିମ୍ପୁରିକା କୁଟିହିଁ ଲାକଝାକି ଦୂଡ଼ି ତାଞ୍ଜୁତେରି, ୨୪ ଏତିବେଲା ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ କଟା ଲଲୁ ବିତ୍ରା ଆହାଲି ହୁକୁମି ହାତେସି, ଅଡ଼େ ଜୀହୁଦି ଲକୁ ଏନାଆଁତାକି ଏଝାଣି କପାଟି ଗଡ଼ହା କିହିମାନେରି, ଏଦାଆଁ ପୁଞ୍ଜୁଲି ପାଞ୍ଜୁଲଇଁ ସାବ୍‌ଶି ତଲେ ଖେତାନା ଖେଞ୍ଜୁ ଇଞ୍ଜୁ ହୁକୁମି ହାତେସି । ୨୫ ସାମା ଏଝାରି ଏଝାଣାଇଁ ସାବ୍‌ଶି ତଲେ ଖେତାଲି ତ୍ପରିତଲେ ଦସାଲିଏ, ପାଞ୍ଜୁଲ ଦାରିତା ମାଟି ପାସାକଡ଼ି କସକା ମୁହେଁ କାଜାଣାଇଁ ଏଲେଇତେସି, “ଏମିନି ଦହତା ନାହାଁୟି କିଝି ଆହାହିଲାଆ ର ରମ୍ ଦେସା ତାଣାଇଁ ସାବ୍‌ଶି ତଲେ ଖେତାଲି ଏନି ମେରା ମାନେ କି?” ୨୬ ଇଦାଆଁ ଖେଞ୍ଜୁନା କହୁଏସି ପାସାକଡ଼ି କସକା ମୁହେଁ କାଜାଣା ତାଣା ହାଜାନା ଏଲେଇତେସି, “ନାନୁ ଏନାଆଁ କିହାଲି ହାଜିମାଞ୍ଜୁ, ଇତିହିଁ ଇଝାସି ରମିମୁ ଲକୁ ।” ୨୭ ଏମ୍ପାଟିଏ ପାସାକଡ଼ି କସକା ମୁହେଁ କାଜାସି ଖାହାନା ପାଞ୍ଜୁଲଇଁ ଖେରେସି, “ନାନୁ ନାଟ୍ଟେ ଖେସାମୁ ନାନୁ ରମ୍ ଦେସାତାଟି କି?” ପାଞ୍ଜୁଲ ଏଲେଇତେସି “ହାଅ ।” ୨୮ ଏମ୍ପାଟିଏ ପାସାକଡ଼ି କସକା ମୁହେଁ କାଜାସି ଏଲେଇତେସି, “ନାନୁ ହାରେକା ଟାକାୟିଁ ହାହାନା ରମ୍ ଦେସାତାଟେଏଁ ଆହାମାଇଁ ।” ସାମା ପାଞ୍ଜୁଲ ଏଲେଇତେସି, “ନାନୁତ ଜାର୍ନାଟିଏ ।” ୨୯ ଏମ୍ପାଟିଏ ଆମ୍ପାଆରି ପାଞ୍ଜୁଲଇଁ ଖେଞ୍ଜୁଲି ତିୟାରା ଆହାମାଟେରି, ଦେବୁଣିଏ ଗୁତା ଆହାହାଟେରି, ଇତିହିଁ ପାଞ୍ଜୁଲ ରମ୍ ଦେସାତାସି ଇଞ୍ଜୁ ପୁଞ୍ଜୁନା ର ମାଣା କସକା ମୁହେଁ କାଜାସି ଏଝାଣାଇଁ ହିକ୍‌ଶିୟାଁ ତଲେ

ଦସ୍‌ପି କିହାମାଟାକି ତାନୁଏ ଆଜିତେସି । ୩୦ ଜୀହୁଦି ଲକୁ ପାଞ୍ଜୁଲ କପାଟି ଏନି ଦାଝା କିହାମାନେରି, ଏଦାଆଁ ସାତା ତଲେ ପୁଞ୍ଜୁଲିତାକି ର ମାଣା କସକା ମୁହେଁ କାଜାସି ତାନି ଅର ନେତୁ ପାଞ୍ଜୁଲଟି ହିକ୍‌ଶିୟାଁ ହୁକହାନା କାଜା ବେରଣିମାଣ୍ଡାଟି ବାରେଜାଣାଟି କୁଟିକିହାଲି ପୁଜେରାଞ୍ଜୁଣି ହୁକୁମି ହାତେସି । ତାୟୁ ପାଞ୍ଜୁଲଇଁ ଏଝାରି ନକିତା ନିହେସି ।

୨୩ ପାଞ୍ଜୁଲ ଜୀହୁଦି ଲକୁଟି କାଜା ବେରଣିମାଣ୍ଡାତା କୁଗାମାନି ଲକୁଣି ଆଟେ ସିନିକିହାନା ଏଲେଇତେସି, “ଏ ଇସାୟେଲ ତାୟିୟାଁତେରି ନାନୁ ନୀଞ୍ଜୁପାଟେକା ମାହାପୁରୁ ନକିତା ନେହିଁ ଅଶ୍ପୁ ତଲେ ନୀତାମାଇଁ, ଏଦାଆଁତାକି ନା ହିୟାଁ ହାରେକା ଅତିତାୟି ।” ୨ ଇ କାତା ଖେଞ୍ଜୁନା କାଜା ପୁଜେରା ହାନାନ ପାଞ୍ଜୁଲ ଦାରିତା ନିତାମାନି ଲକୁଇଁ ତାନି ଗୁଟିତା ଖେତୁ ଇଞ୍ଜୁ ହୁକୁମି ହାତେସି । ୩ ପାଞ୍ଜୁଲ ଏଝାଣାଇଁ ଏଲେଇତେସି, “ଏ ହୁନୁ ଉସ୍‌ପିତି ଦବଲା କାଟି ମାହାପୁରୁ ନିଟ୍ଟେ ଖେତାନେସି, ନାନୁ ମସାଟି ମେରା ଲେହେଁ ନାଟ୍ଟେ ନାହାଁୟି କିହାଲି କୁଗାମାଟି ଜିକେଏ, ନାନୁ ନାଟ୍ଟେ ଖେତାଲି ହୁକୁମି ହାହାନା ନାନୁଏ ମସାଟି ମେରା ଉରିମାଞ୍ଜୁ ।” ୪ ଏଟେଟିଏ ଦାରିତା ନିତାମାଟି ଲକୁ ପାଞ୍ଜୁଲଇଁ ଏଲେଇତେରି, “ନାନୁ ମାହାପୁରୁଟି କାଜା ପୁଜେରାଇଁ ଲାଜା କିହିମାଞ୍ଜୁ ।” ୫ ପାଞ୍ଜୁଲ ଏଲେଇତେସି, “ଏ ଇସାୟେଲ ତାୟିୟାଁତେରି ଏଝାଣାଇଁ ନାନୁ କାଜା ପୁଜେରା ଇଞ୍ଜୁ ପୁଞ୍ଜୁ ହିଲାଆଟେଏ; ଇତିହିଁ ଦାମ୍‌ପୁପିତା ରାସ୍‌କି ଆହାମାନେ, ‘ମୀରୁ ମୀ ସାଲିଝି କିନାରାଇଁ ବାକା ଇଟାଆତୁ ।’” ୬ ସାମା ପାଞ୍ଜୁଲ ର ବାଗା ସାଦୁକିୟାଁ ଅଡ଼େ ର ବାଗା ପାରୁସିୟାଁ ମାନେରି ଇଞ୍ଜୁ ପୁଞ୍ଜୁନା, କାଜା ବେରଣିମାଣ୍ଡାତା କାଜା ଗିୟାଁତଲେ ଏଲେଇତେସି, “ଏ ଇସାୟେଲ ତାୟିୟାଁତେରି ନାନୁ ର ପାରୁସିତେଏଁ ଇଞ୍ଜୁ ପାରୁସି ମୀର୍‌ଏଣାଟେଏ; ଇଞ୍ଜୁ ହାତାରି ଖେଣ୍ଡେ ନିଟ୍ଟେନେରି ଇଞ୍ଜୁ ଆସା କିହିମାନାକି ମୀରୁ ନାଟ୍ଟେ ନାହାଁୟି କିହିମାଞ୍ଜୁଦେରି ।” ୭ ଏଝାସି ଇ କାତା ଏଲେଇତେମ୍‌ନିଏ ପାରୁସି ଅଡ଼େ ସାଦୁକି ଲକୁ ବିତ୍ରା ଗଡ଼ହା ହତେ, ଇଞ୍ଜୁ କାଜା ବେରଣି ମାଣ୍ଡାତାରି ଗଟି ଗଟି ଆହାଁ ରୀ ବାଗା ଆତେରି । ୮ ଇତିହିଁ ସାଦୁକିୟାଁ ଖେଣ୍ଡେ ନିଟ୍ଟେନାୟି ହିଲେଏ, ଦୂତୁୟାଁ ଅଡ଼େ ଜୀଞ୍ଜୁୟାଁ ହିଲାଉ ଇନେରି, ସାମା ପାରୁସିୟାଁ ଏ ବାରେଟି ନାମିନେରି । ୯ ଏମ୍ପାଟିଏ କାଜା ଗଡ଼ହା ଆତେ, ଅଡ଼େ ପାରୁସିୟାଁ ବିତ୍ରାଟି ଏତରଜାଣା ମେରାପୁନାରି ନିଞ୍ଜୁନା ଏଲେଇତେରି; “ମୀମୁ ଇଝାଣି ତାଣାଟି ଏନି ଦହ ବେଟାଆଆତମି, ସାତେଏ ଏଝାଣି ତାଣାଟି ର ଜୀଞ୍ଜୁ ଆଆଟି ଲାକପୁରୁଟି ଦୂରୁ କାତା ଖେସାମାନେ ।” ୧୦ ଇଲେଆହିଁ କାଜା ଗଡ଼ହା ଆହାଲିଏ, ପାଞ୍ଜୁଲଇଁ ଏଝାରି କାଣ୍ଡାମୁକା କିନେରି ଇଞ୍ଜୁ ଆଜିତାକି ର ମାଣା କସକା ମୁହେଁ କାଜାସି ପାଞ୍ଜୁଲଇଁ ଏଝାରି ତାଣାଟି ଗେଲ୍‌ପାନା ବାଲ୍‌ମିଟି କଟା ଲଲୁ ବିତ୍ରା ଆହାଲି କସକାଣି ହୁକୁମି ହାତେସି । ୧୧ ଏ ନେତୁ ଲାଆଁୟାଁ ପ୍ରବୁ ପାଞ୍ଜୁଲଇଁ ଏଲେଇତେସି, “ଆଜାଆନି, ସାସା ଆହମୁ ଇତିହିଁ ନାନୁ ଜିରୁସାଲମତା ଏନିକି ନା ସାକି ହାଟି, ରମ୍ ଗାଡ଼ାତା ଜିକେଏ ଏଲେକିହିଁ ନା ସାକି ହୀନାୟି ମାନେ ।” ୧୨ ଅର ଦିନା ଲାଲ,

ଜାହୁଦିୟ ଲାଗୁ ଆହାନା ପାଖୁଲଇଁ ପାୟାଥା ପାତେକା ଏନି ରାନ୍ତା କି ଏୟୁ ତାଗାଆପ ଇଚ୍ଛୁ ତାମୁ ତାମୁଏ ପାର୍ମାଣା କିହାମାତେରି । ୧୩ ଏଲେଇଚ୍ଛୁ ଅଶ୍ୱପି ମାତାରି ରୀ କଡ଼ି ଜାଣାଟିଏ ଆଗାଡ଼ା ମାତେରି । ୧୪ ଏଞ୍ଜାରି କାଜା ପୁଜେରାଟ୍ଟା ଅଡ଼େ ପ୍ରାତିନାଟ୍ଟା ତାଣା ଖାହାଁ ଏଲେଇତେରି, “ମାମୁ ପାଖୁଲଇଁ ପାୟାଲି ଆତାଆ ପାତେକା ଏନାଆଁ ତିନଅମି କି ତାଗଅମି ଇଚ୍ଛୁ ମାମୁ ମାଟ୍ଟେତାକି ପାର୍ମାଣା କିହାମାନମି । ୧୫ ଏଦାଆଁତାକି କାଜା ବେରଣିମାଣ୍ଡାତି କାଜାରି ହାଜାନା, ର ମାଣା କସକା ମୁହେଁ କାଜାଣାଇଁ ନଡ଼ି କିହିଁ ଏଲେଇଚ୍ଛୁ ମାମୁ ପାଖୁଲ ଏନାଆଁ କିହାମାନାଣି ନେହିଁକିଁ ଖେନମି ଇଚ୍ଛୁହିଁ ମୀ ତାଣା ହାଟିକିଦୁ, ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ ନକେଏ ପାୟାଲି ଜାଗ୍ରାତା ଆହା ଡ଼ୟିନମି ।” ୧୬ ସାମା ପାଖୁଲ ତାମି ବାଣ୍ଡାଜୁ କସକା ଜଲକି ଆହିମାତି କାତା ତୁଗାନା ଖେତେସି; ଇଚ୍ଛୁ କଟା ଇଲୁ ବିତ୍ରା ଖାହାନା ପାଖୁଲଇଁ ଇ ବାରେ କାତା ଖେସୁସି । ୧୭ ଏଚେଟିଏ ପାଖୁଲ ର ରମିୟ କହୁଏଣାଇଁ ହାତାନା ଏଲେଇତେସି, “ଇ ଦାଂଗଣେଣାଇଁ ର ମାଣା କସକା ମୁହେଁ କାଜାଣି ତାଣା ଅମୁ, ଇଚିହିଁ ଇଞ୍ଜାସି ର କାତା ଏଞ୍ଜାଣାଇଁ ଖେହୁନାୟି ମାନେ ।” ୧୮ ଏଚେଟିଏ ଏଞ୍ଜାସି ର ମାଣା କସକା ମୁହେଁ କାଜାଣି ତାଣା ଅହାନା ଏଲେଇତେସି, “କାୟିଦିତା ମାନି ପାଖୁଲ ନାଟ୍ଟେ ହାତାନା ନୀ ତାଣା ଇ ଦାଂଗଣେଣାଇଁ ତାତାଲି ବାତିମାଲାତେସି, ନିଟ୍ଟେ ଖେସାଲି ଇଞ୍ଜାଣାକି ର କାତା ମାନେ ।” ୧୯ ର ମାଣା କସକା ମୁହେଁ କାଜାସି ଏଞ୍ଜାଣି କେୟୁ ଆସାନା ଲକୁ ହିଲଆ ତାଣା ଅହାନା ଖେତେସି, “ନାଟ୍ଟେ ନୀନୁ ଏନାଆଁ ଖେସ୍ତାନାୟିମାନେ ଖେସ୍ତାମୁ ।” ୨୦ ଏଞ୍ଜାସି ଏଲେଇତେସି, “ପାଖୁଲ ଏନାଆଁ କିହାମାନେସି ଏଦାଆଁ ନେହିଁକିଁ ପୁଞ୍ଜାଲି ଏଞ୍ଜାଣାଇଁ ଓଏ କାଜା ବେରଣିମାଣ୍ଡାତା ମା ତାଣା ତାମୁ ଇଚ୍ଛୁ ଜାହୁଦି ଲକୁତି କାଜାରି ନଡ଼ିକିହାନା ନିଟ୍ଟେ ବାତିମାଲାନେରି, ୨୧ ସାମା ନୀନୁ ଏଞ୍ଜାରି କାତା ମାନଓ ଆଆନି, ଇଚିହିଁ ଏଞ୍ଜାଣାଇଁ ପାୟାଲି ଆତାଆ ପାତେକା ରାନ୍ତା ତିଚିହିଁ କି ତାଗିତିହିଁ ମାଟ୍ଟେ ବାକା ଆଟାପେ ଇଚ୍ଛୁ ମାନି କିହାନା ରୀ କଡ଼ିଟିଏ ଆଗାଡ଼ା ଲକୁ ତୁଗାହାଁ କାତାମାନେରି, ନୀଏଁ ଏଞ୍ଜାରି ନୀ ତାଣାଟି ହେଲ ବେଟାଆହାଲି କାତିମାନେରି ।” ୨୨ ଏଚେଟିଏ ର ମାଣା କସକା ମୁହେଁ କାଜାସି ଏଲେଇତେସି, “ନୀନୁ ନାଟ୍ଟେ ଖେସ୍ତାତି କାତା ଆମୁଆରାଇଁ ଖେହୁଆନି” ଇଚ୍ଛୁ ଖେସାନା ଏ ଦାଂଗଣେଣାଇଁ ପାଣ୍ଡିତେସି । ୨୩ ର ମାଣା କସକା ମୁହେଁ କାଜାସି ତାନି ଡ଼ଇ କାମା କିନି ପାସାକଡ଼ି କସକା ମୁହେଁ କାଜାରାଇଁ ରିଆରାଇଁ ହାତାନା ଏଲେଇତେସି, “ନୀଞ୍ଜୁ ଲାଆଁୟି ନ ଗଟା ବେଲାତା କାୟିସରିୟାତା ହାଜାଲିତାକି ତାନିକଡ଼ି ଦସ ଜାଣା ଗଡ଼ାତା ହାନାରି ଅଡ଼େ ରୀ ଖାଞ୍ଜା ବାଲୀଁ ଗାଟାରି ତଲେ ରୀ ଖାଞ୍ଜା କସକାଣି ତିୟାରା କିଦୁ । ୨୪ ଅଡ଼େ ଏଞ୍ଜାରି ଏନିକିଁ ପାଖୁଲଇଁ ଗଡ଼ା ଲାକ କୁଗିକିହାନା ସାଲଓ କିନି ପେଲିକସ୍ ତାଣା ଜାଗ୍ରାତା ତଲେ ଅନେରି, ଏଦାଆଁତାକି ବାରେ କିହାଲି ହୁକୁମି ହାତେସି ।” ୨୫ ର ମାଣା କସକା ମୁହେଁ କାଜାସି ଇଲେଇଚ୍ଛୁ ର ଆଲୁ ରାତିତେସି; ୨୬ ଏଞ୍ଜା ମାନିଗାଟି ଦେସା ସାଲଓ କିନି ପେଲିକସ୍ କ୍ଲାସ୍ତୁଦିୟା ଲୁସିୟାତି ଜହରା । ୨୭

ଜାହୁଦିୟ ଲ ଲକୁଇଁ ଆସାନା ପାୟାଲି ଅଶ୍ୱପିମାତି ବେଲାତା, ଏଞ୍ଜାସି ର ରମିୟ ଲକୁ ଇଚ୍ଛୁ ପୁଞ୍ଜାଲି, ନୀନୁ କସକା ତଲେ ହାଜାନା ଏଞ୍ଜାଣାଇଁ ପିସ୍ପି କିତେସି । ୨୮ ଏଞ୍ଜାସି ଏଞ୍ଜାରି କପାଟି ଏନି ଦହ କିହାମାନେସି ପୁଞ୍ଜାଲି ନୀନୁ ଏଞ୍ଜାଣାଇଁ ତାନି କାଜା ବେରଣିମାଣ୍ଡାତା ଅହାମାତେସି । ୨୯ ସାମା ଏଞ୍ଜାସି ହାନି ତଣୁ କି କାୟିଦି ତଣୁ ବେଟାଆନି ଲେହେଁତି ଏନି ଦହ କିହାହିଲଅସି ଇଚ୍ଛୁ ନୀନୁ ପୁତେସି, ତାନି କପାଟି ଖାରୁଇ ତାନି ମେରାତି କାତାତାକି ଏଞ୍ଜାଣାଇଁ ଦହ ଦସାମାନେରି । ୩୦ ଏଞ୍ଜାରି ନଡ଼ିକିହିଁ ଏଞ୍ଜାଣାଇଁ ପାୟାଲି ଅଶ୍ୱପିମାନେରି ଇଚ୍ଛୁ ନାଟ୍ଟେ କାବୁ ହିୟାଲିଏ ନୀନୁ ଇଞ୍ଜାଣାଇଁ ଖେଡ଼ାକିଆନା ନୀ ତାଣା ପାଣ୍ଡାତେସି; ଏଞ୍ଜାଣାଇଁ ଦହ ଦସାମାନାରାଇଁ ଜିକେଏ ନୀ ନକିତା ଏଞ୍ଜାଣି କପାଟି ସାକି ହାହାଲି ଖେସା ପାଣ୍ଡାତେସି ।” ୩୧ ଏମାଟିଏ କସକା ହୁକୁମି ବେଟାଆହାନା ପାଖୁଲଇଁ ଅହାନା ଲାଆଁୟି ବେଲାତା ଏଞ୍ଜାଣାଇଁ ଆନ୍ତିପାତ୍ରାତା ତାତେରି । ୩୨ ଅର ଦିନା ଗଡ଼ାୟି ଗାଟାରାଇଁ ଏଞ୍ଜାଣିତଲେ ହାଜାଲି ପିସାନା, କସକା କଟା ଇଲୁତା ଖେଣ୍ଡା ଖାତେରି । ୩୩ ଗଡ଼ାୟି ଗାଟାରି କାୟିସରିୟାତା ଖାହାନା, ସାଲଓ କିନି ପେଲିକସ୍ କି ଆଲୁ ହାହାନା ପାଖୁଲଇଁ ଏଞ୍ଜାଣି ତାଣା ହେରୁପିତେରି । ୩୪ ଏଞ୍ଜାସି ଏ ଆଲୁ ପଡ଼ଓ ଆତି ତାୟୁ ନୀନୁ ଏନିନି ରାଜିତାତି ଇଚ୍ଛୁ ଖେତେସି; ଅଡ଼େ ଏଞ୍ଜାସି କିଲିକିୟାତି ଲକୁ ଇଚ୍ଛୁ ପୁତେସି, ୩୫ ଇଚ୍ଛୁ ଏଞ୍ଜାସି ଏଲେଇତେସି, “ନିଟ୍ଟେ ଦହ ଦସାମାଞ୍ଜାନାରି ଇଦାଆଁ ଖାତିସାରେ ନୀନୁ ନୀ କାତା ଖେଞ୍ଜାଇଁ” ଅଡ଼େ ଏଞ୍ଜାସି ପାଖୁଲଇଁ ହେରଦତି ଇଜ ଇଟାଲି ହୁକୁମି ହାତେସି ।

୨୪ ପାସା ଦିନା ତାୟୁ କାଜା ପୁଜେରା ହାନାନ, ଏଚେକା ପ୍ରାତିନାଟ୍ଟା ଅଡ଼େ ତରତୁଲ ଦରୁଗାଟି ଅକିଲ ତଲେ କାୟିସରିୟାତା ଖାତେରି, ଅଡ଼େ ଏଞ୍ଜାରି ପାଖୁଲ କପାଟି ସାଲଓ କିନି ପେଲିକସ୍ ତାଣା ଦାଞ୍ଜା କିତେରି । ୨ ପାଖୁଲଇଁ ଏମାଆଁ ତାଚାଲିଏ, ତରତୁଲ ଏଞ୍ଜାଣି କପାଟି ଏଲେଇତେସି, “ଏ ମାନିଗାଟି ପେଲିକସ୍ ନୀ ତାଣାଟି ମାମୁ ହାରେକା ଦିନାଟିଏ ହିଡ଼ି ବେଟାଆହି ମାନମି, ଇଚ୍ଛୁ ନୀନୁ ମା ଦେସାତାକି କିହାମାନି କାମା ବାରେ ଇ କୁଡ଼ା ତାରାକି ହାରେକା ନେହେଁ ଆହାମାନେ । ୩ ଇଦାଆଁ ମାମୁ ବାରେକାଣା ତଲେ ବାରେ ତାଣା ହାରେକା ମାନିତଲେ ପେଲିକସ୍ ମାନଓ ଆହିମାନମି । ୪ ସାମା ନୀନୁ ନିଟ୍ଟେ ଏନିକିଁ ହାରେକା ବିତିବିତା କିୟଅଁ, ଇଦାଆଁତାକି ନୀନୁ ନାଟ୍ଟେ କାର୍ମାମେସାନା ମା ଏଚରଗଟା କାତା ଖେଞ୍ଜାଲିତାକି ନିଟ୍ଟେ ବାତିମାଲିମାଞ୍ଜାଇଁ । ୫ ଇଚିହିଁ ଇ ମାଣସି ଆଜିହୁପେତି ଗଡ଼ହା ଗାଟାସି, ଏଞ୍ଜାସି ଦାରୁତି ବିବାଓଖାକି ମାନି ଜାହୁଦିୟ ତାଣା ଗଡ଼ହା ହୁଦ୍ନାସି, ଅଡ଼େ ନାଜରିତ ଗତିତି ର କାଜାସି ଇଚ୍ଛୁ ମାମୁ ପୁଞ୍ଜାମାନମି; ୬ ଅଡ଼େ ଜିକେଏ ମାହାପୁରୁ ଇଲୁତି ଲାଗେଏ କିହାଲି ଅଶ୍ୱପାମାତେସି, ଏତିବେଲା ମାମୁ ଇଞ୍ଜାଣାଇଁ ଆସୁମି, ଅଡ଼େ ମା ମେରାତି ଲେହେଁ ଇଞ୍ଜାଣାଇଁ ନୀହାୟି କିୟାଲି ଅଶ୍ୱପାମାତମି । ୭ ସାମା ର ମାଣା କସକା ମୁହେଁ କାଜାସି ଲୁସିୟା ଖାହାନା ଏଞ୍ଜାଣାଇଁ ମା ତାଣାଟି ବାଡ଼ୁୟୁ ତଲେ ମାଞ୍ଜା ଅୟାତେସି, ୮ ଅଡ଼େ ଇଞ୍ଜାଣାଇଁ ଦହ ଦସିମାନାରାଇଁ

ନୀ ତାଣା ଖାହାଲି ହୁକୁମି ହୀତେସି, ଇ ବାରେ କାତାତାକି ନୀନୁ ଇଖାଣାଇଁ
 ଷେଟିହିଁ ମାମୁ ଏଖାଣି କପାଟି ଦାଖା କିହାମାନାଣି ପୁଞ୍ଜାଲି ଆତିଦି ।” ୯
 କୃତା ଆହାମାଟି ଜୀହୁଦିୟାଁ ଜିକେଏ ଦାଖା କିହାମାନାଟି ତଲେ ଆଣ୍ଡାନା
 ଇ ବାରେ କାତା ସାତା ଇଞ୍ଜି ଇତେରି । ୧୦ ଏତେଟିଏ ସାଲଖି କିନାସି ଖାଞ୍ଜୁ
 ହୃତାନା ପାଞ୍ଜୁଲଇଁ ଜଲାଇ ହେଲ ହୀତେସି, ଇଞ୍ଜି ପାଞ୍ଜୁଲ ଏଲେଇତେସି,
 “ନୀନୁ ହାରେକା ବାସୀ ଆତେ ଇ କୃତାତାରଇଁ ନୀହାଁୟି କିନାଟି ଆହାମାଞ୍ଜି
 ଇଞ୍ଜି ପୁଞ୍ଜାନା, ନୀନୁ ସାସାତଲେ ନା ଖାକିଟି ଷେସିମାଞ୍ଜାଇଁ । ୧୧ ବୀର
 ଦିନାଟିଏ ଆଗାଡ଼ା ଆଏ, ନୀନୁ ମାହାପୁରୁଟି ସେବା କିହାଲି ଜିରୁସାଲମତା
 ହାଜାନାତେସି, ଇଦାଆଁ ନୀନୁ ଷେଞ୍ଜାନା ପୁଞ୍ଜାଲି ଆତିଦି । ୧୨ ଅଡ଼େ
 ଇଖାରି ମାହାପୁରୁ ଇଲୁତାକି ଜୀହୁଦି ଲୁକ୍ତ କୁଟିମି ଇଲୁତା କି ଗାଡ଼ାଟି
 ଆମିନି ଚାୟୁତା ଆମ୍ବାଆରି ତଲେ ବାଦିବାଦା କିତାଣି କି ଗଡ଼ହା ହପୁହାଣି
 ଇଞ୍ଜି ଜୀହୁଦିୟାଁ ମାତଖି କିହାମାଟାଣି ଇଖାରି ମେସାମାଞ୍ଜାଇଁ, ୧୩
 ଇଞ୍ଜି ନୀଏଁ ନା କପାଟି ତାତାମାନି ଦହ ତାକି, ଏଖାରି ନୀ ନକିତା
 ଏନି ପାରମାଣା ତସାଲି ଆତଅରି । ୧୪ ସାମା ନୀନୁ ନିଢ଼େ ଇଦାଆଁ
 ଷେସିମାଞ୍ଜାଇଁ, ଇଖାରି ଏମିନି ଜିରୁଟି ମିଟି ଇଞ୍ଜିମାନେରି, ଏ ଜିରୁ ତାକାନା
 ନୀନୁ ମା ଆକୁ ଆବାୟାଁତା ମାହାପୁରୁଇଁ ଜହରା କିହିମାଇଁ, ସାମା ନୀନୁ
 ଜିକେଏ ମସାଟି ମେରା ଅଡ଼େ ମାହାପୁରୁ ଅଣପୁଟି ବଲୁ ଷେହନାରି ପତିତା
 ଏନାୟି ରାସକି ଆହାମାନେ ଏ ବାରେ ନାମିମାଇଁ; ୧୫ ଇଖାରି ଲେହେଁ
 ମାହାପୁରୁ ତାଣା ନା ଏ ରଣ୍ଡିଏ ଆସା ମାନେ ବାମ୍ବୁଗାଟାରି ଅଡ଼େ ବାମ୍ବୁ
 ହିଲାଇଆ ଗାଟାରି ବାରେ ଲୁକୁ ହାତାରି ତାଣାଟି ଷେଣ୍ଡେ ନିଢ଼ିନେରି ଇଞ୍ଜି
 ନୀ ନକିତା ଷେସିମାଞ୍ଜାଇଁ । ୧୬ ଏଦାଆଁତାକି ନୀନୁ ଜିକେଏ ମାହାପୁରୁ
 ଅଡ଼େ ଲୁକୁ ନକିତା ବାରେଦିନା ନେହିଁ ଅଣପୁ ତଲେ ତୟାଲି ଅଣପିମାଇଁ
 ।” ୧୭ “ହାରେକା ବାସୀ ଚେତ ନୀନୁ ମା ଲୁକୁତାଣା ଦାନା ତାତାଲି
 ଅଡ଼େ ମାହାପୁରୁ ତାଣା ପୁଜା କିୟାଲି ଜିରୁସାଲମତା ଖାହାମାତେସି
 । ୧୮ ଏତିବେଲାତା ନୀନୁ ମାହାପୁରୁ ଇଲୁତା ଅଡ଼ହା କତିନି ଚେରା
 ରାପୁହିମାଟି ବେଲାତା ଇଖାରି ନାଢ଼େ ମାହାପୁରୁ ଇଲୁତା ମେସାତେରି;
 ଏତିବେଲା ନା ତଲେ ମାନ୍ୟ ଲୁକୁ ହିଲାଇଆତେରି କି ଏମ୍ବାଆଁ ଏନି ଗଡ଼ହା
 ହିଲାଇଆତେ, ୧୯ ସାମା ଆସିୟାତି ଏତରଜାଣା ଜୀହୁଦିୟାଁ ଏମ୍ବାଆଁ
 ମାତେରି; ନା କପାଟି ଏଖାରି ଏନି କାତା ମାଟିହିଁ ଏଖାରି ନୀ ନକିତା
 ଖାହାନା ଦାଖା କିଟିହିଁ ନେହେଁ ଆତେମା । ୨୦ ନୀନୁ କାଜା ବେରଣିମାଣ୍ଡା
 ନକିତା ନିତାମାଟି ବେଲାତା ଏନି ଦହ ମେସାମାଟିହିଁ ଇମ୍ବାଆଁ ମାନି ଇ
 ଲୁକୁ ନାଢ଼େ ଷେସାପେରି, ୨୧ ନୀନୁ ରଣ୍ଡିଏ କାତା ଷେସାମାତେସି ଏଖାରି
 ନକିତା ନିତାମାଟି ବେଲାତା ନୀନୁ ଆଡ଼ଖାତଲେ ଏଲେଇଞ୍ଜି ମାତେସି,
 ‘ହାତାରି ଷେଣ୍ଡେ ନିଢ଼ିନେରି ଇଞ୍ଜି ନୀନୁ ନାମାମାନାକି ନୀଞ୍ଜୁ ମୀ ତାଣାଟି
 ନୀହାଁୟି କିଖି ଆହିମାଇଁ ।” ୨୨ ସାମା ପେଲିକସ୍ ଏ ଜିରୁଟି କାତା
 ପୁଞ୍ଜାମାଟାକି ନୀହାଁୟି କିହାଲି ବାୟିଦା କିହାନା ଏଲେଇତେସି, “ର ମାଣା
 କସକା ମୁହେଁ କାଜାସି ଲୁସିୟା ଖାତିବେହେଁ ନୀନୁ ମୀ ନୀହାଁୟି ଡିକହାଇଁ,”
 ଇଞ୍ଜି ଷେସା ପାଣ୍ଡିତେସି । ୨୩ ଏଖାସି ପାସାକଡ଼ି କସକା ମୁହେଁ କାଜାଣାଇଁ

ଏଲେଇତେସି, ତାନି ଲୁକୁ ଅଡ଼େ ତଣେସିଢ଼ୁ ତାନି ସେବା କିହାଲି କାହି
 କିଆନି, ଅଡ଼େ ତାନି କାୟିଦିତା ମାନାସି ଇଞ୍ଜି ଗେଲ୍‌ପାନା ଏଖାଣାଇଁ
 ହିଡ଼ି ତଲେ ଲେମ୍ବାଲି ଏଲେଇତେସି । ୨୪ ଏବରଦିନା ତାୟୁ ପେଲିକସ୍
 ଦୁସିଲା ଦରୁଗାଟି ଜୀହୁଦି ତାନି ତକ୍ତି ତଲେ ଖାତେସି, ଏଖାସି ପାଞ୍ଜୁଲଇଁ
 ହାଟି କିହାନା କ୍ରାସୁ ଜୀସୁ ତାଣା ନାମିନି କାତା ଏଖାଣି ତାଣାଟି ଷେତେସି ।
 ୨୫ ସାମା ପାଞ୍ଜୁଲ ବାମ୍ବୁଟି କାତା, ତୀରୁପୁ ହିୟାଁ ଅଡ଼େ ଖାହିମାନି ନୀହାଁୟି
 ଦିନାଟି କାତା ଷେସିମାଟାକି, ପେଲିକସ୍ ଆଜାନା ଏଲେଇତେସି, “ନୀଏଁ
 ନୀନୁ ହାଲାମୁ ବେଲା ସିନିକିହାନା ଅଡ଼େ ର ଦିନା ହାଟି କିୟାଇଁ ।” ୨୬
 ପାଞ୍ଜୁଲ ନାଢ଼େ ଟାକାୟାଁ ହିୟାନେସି ଇଞ୍ଜି ଏଖାସି ଆସା କିହାମାତେସି,
 ଏଦାଆଁତାକି ଏଖାସି ଅଲେ ଅଲେ ଏଖାଣାଇଁ ହାଟି କିହାନା ଏଖାଣିତଲେ
 କାତା ଆଖିତେସି । ୨୭ ଏଲେକିହିଁ ରୀ ବାସୀ ଆତି ତାୟୁ ପକ୍ତିୟ ପେସୁସ୍,
 ପେଲିକସ୍ ଚାୟୁତା ସାଲଖି କିନାସି ଆତେସି, ଅଡ଼େ ପେଲିକସ୍ ଜୀହୁଦିୟାଁ
 ନେହାଁସି ଇଞ୍ଜି ଇଞ୍ଜିପେରିଖା ଇଞ୍ଜି ଅଣପାନା ପାଞ୍ଜୁଲଇଁ କାୟିଦିତା ଇଟାନା
 ହାତେସି ।

୨୫ ଏମ୍ବାଟିଏ ପେସୁସ୍ ଇ ରାଜିତା ଖାହାନା ତାନିଦିନା ଆୟାଲିଏ
 କାୟିସରିୟାଟି ଜିରୁସାଲମତା ହାତେସି, ୨ ଅଡ଼େ ଏମ୍ବାଆଁ କାଜା
 ପୁଜେରାଢ଼ୁ ଇଞ୍ଜି ଜୀହୁଦି ଲୁକୁଟି କାଜାରି ପାଞ୍ଜୁଲ କପାଟି ପେସୁସ୍
 ତାଣା ଷେଣ୍ଡେ ଦାଖା କିତେରି, ୩ ଅଡ଼େ ଏଖାସି ଏନିକିଁ ପାଞ୍ଜୁଲଇଁ
 ଜିରୁସାଲମତା ହାତା ପାଣ୍ଡାନେସି, ଏଦାଆଁତାକି ଗହରା କିହାନା ଏଖାଣି
 କପାଟି କାର୍ମାଆନି ଲେହେଁ ପେସୁସ୍‌ଇଁ ବାଟିମାଲିତେରି; ଇଞ୍ଜି ଏଖାରି
 ଜିରୁତା ତୁଗାହାଁ ପାୟାଲି ଅଣପିମାତେରି । ୪ ପେସୁସ୍ ଏଲେଇତେସି,
 “ପାଞ୍ଜୁଲ କାୟିସରିୟାତା କାୟିଦିତା ମାନେସି, ଇଞ୍ଜି ନୀନୁ ଜିକେଏ ତବେ
 ଏମ୍ବାଆଁ ଷେଣ୍ଡା ହାଜିମାଇଁ, ୫ ଏଖାସି ଏନି ଦହ କିହାମାନେସି, ଆତିହିଁ ମୀ
 କାଜାରି ନା ତଲେ କାୟିସରତା ହାଲାପେରି ଅଡ଼େ ଏଖାଣି କପାଟି ତାନି
 ଦାଖା କିପାରି ।” ୬ ପେସୁସ୍ ଏମ୍ବାଆଁ ଆଟା କି ଦସ ଦିନା ଏଖାଣିତଲେ
 ତୟାହାଁ କାୟିସରିୟାତା ଷେଣ୍ଡେ ହାତେସି, ଏ ଅର ନେରୁ ନୀହାଁୟି
 କିନି ଚାୟୁତା କୁଗାନା ପାଞ୍ଜୁଲଇଁ ତାତାଲି ହୁକୁମି ହୀତେସି । ୭ ପାଞ୍ଜୁଲ
 ଖାହାଲିଏ ଜିରୁସାଲମଟି ଖାହାମାନି ଜୀହୁଦିୟାଁ ତାନି ସାରିସୁରୁ ନିତାନା
 ଏଖାଣି କପାଟି ହାରେକା ଦହ ଦସାଲି ମାଡ଼ହେରି, ସାମା ଏଖାରି ଏ
 ବାରେଡି ପାରମାଣା କିହାଲି ଆତାଆତେରି । ୮ ଏତେଟିଏ ପାଞ୍ଜୁଲ
 ତାନି ଖାକିଟି ଷେସାକତାନା ଏଲେଇତେସି, “ଜୀହୁଦିୟାଁ ମେରା କପାଟି
 ଆଆର୍ଡି ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନୀନୁ ଏନି
 ଦହ କିହାହିଲଅଁ ।” ୯ ସାମା ପେସୁସ୍, ଜୀହୁଦି ଲୁକୁ ନକିତା ନେହାଁସି
 ଆୟାଲି ପାଞ୍ଜୁଲଇଁ ଷେତେସି, “ନୀନୁ ଜିରୁସାଲମତା ହାଜାନା ଏମ୍ବାଆଁ
 ନା ନକିତା ଇ ବାରେଡାକି ନୀହାଁୟି ଆୟାଲି ମନ କିହିମାଞ୍ଜି କି?” ୧୦
 ସାମା ପାଞ୍ଜୁଲ ଏଲେଇତେସି, “ନୀନୁ କାୟିସର ନକିତା ନୀହାଁୟି କିନି
 ଚାୟୁତା ନିତାମାଇଁ, ଏମ୍ବାଆଁ ନା ନୀହାଁୟି ଆନାୟି ମାନେ, ନୀନୁ ଜୀହୁଦିୟାଁ
 କପାଟି ଏନି ଲାଗେଏ କାମା କିହାହିଲଅଁ, ଏଦାଆଁ ନୀନୁ ଜିକେଏ ନେହିଁକିଁ

ପୁଞ୍ଜାମାଞ୍ଜୁ । ୧୧ ମେରା ମାନି କିଆନା ଲାଗେଏତି କାମା କିହାମାଚିହିଁ, ନାନୁ ହାହାଲି ଆଜିହିଲଅଁ; ସାମା ଇଖାରି ନା କପାଟି ଆମିନି ବାରେ ଦାଖା କିହମାନେରି, ଏ ବାରେ ବିତ୍ରାଟି ଆମିନି ର ପଦୁ ଜିକେଏ ସାତା ଆଆଚିହିଁ, ଆମ୍ବାଆସି ଏଖାରି କେୟୁତା ନାଟ୍ଟେ ହେରୁପାଲି ଆଡଅସି, ନାନୁ କାୟିସର ନକିତା ନାହାଁୟି କିଞ୍ଚିଆୟାଲି ଗହାରା କିହିମାଇଁ । ୧୨ ଏମ୍ବାଟିଏ ପେସୁସ୍ ତାନି ନାହାଁୟିତି କାଜାରି ତଲେ ଜୁକି ଆହାନା ଏଲେଇରେସି, “ନାନୁ କାୟିସର ନକିତା ନାହାଁୟି କିଞ୍ଚିଆୟାଲି ରାସିମାଞ୍ଜୁ, ଆଚିହିଁ ନାନୁ କାୟିସର ତାଣେ ହାଜି । ୧୩ ଏବରଦିନା ତାୟୁ ରାଜା ଆଗ୍ରିପା ଅଡେ ବନିକି କାୟିସରିୟାତା ଖାହାନା ପେସୁସ୍ ଆଣ୍ଡାଲି ହାରେରି । ୧୪ ଏଖାରି ଏମ୍ବାଆଁ ଏବରଦିନା ଡୟିତି ତାୟୁ, ପେସୁସ୍ ରାଜା ନକିତା ପାଞ୍ଜୁଲ କାତା ଷେସ୍ପେସି, “ପେଲିକସ୍ କାୟିଦିତା ଇଟାମାନାସି ରଅସି ଇମ୍ବାଆଁ ମାନେସି; ୧୫ ନାନୁ ଏତିବେଲା ଜିରୁସାଲମତା ହାଜାମାଚେଏଁ ଏତିବେଲାତା ଜାହୁଦି ଲକ୍ଷୁତି କାଜା ପୁଜେରାଟ୍ଟୁ ଅଡେ ପ୍ରାଚିନାଟ୍ଟୁ ଏଖାଣି କପାଟି ଷେସାମା ଏଖାଣାଇଁ ତଣ୍ଡୁ ହାହାଲି ନାଟ୍ଟେ ବାତିମାଲି ମାଞ୍ଜୁତେରି । ୧୬ ସାମା ନାନୁ ଏଖାଣାଇଁ ଏଲେଇରେସ୍, ଦହଗାଟାସି ତାନି ଦହ ଦସାମାନାରା ନକିତା ନିଆ ପାତେକା ଇଞ୍ଜି ତାଟ୍ଟେ ତାନି ଖାକିଟି ଜୁଲାଲି ହାଆ ପାତେକା ଏଖାଣାଇଁ ତଣ୍ଡୁ ହାହାଲି ମା ରମ୍ ଲକ୍ଷୁତି ମେରା ହିଲେଏ । ୧୭ ଏଖାରି ନା ତଲେ ଇମ୍ବାଆଁ ଖାୟାଲିଏ, ନାନୁ ଷେଡ଼ାକିଆନା ତାନି ଅର ନେରୁ ନାହାଁୟି କିନି ତାଣା କୁଗାନା, ଏଖାଣାଇଁ ତାତାଲି ହୁକୁମି ହାଚେଏଁ । ୧୮ ଏଖାଣାଇଁ ଦହ ଦସାମାନାରି ଖାହାନା ନିତେରି, ସାମା ଏଖାରି ଏନିଲେହେଟି ଦାଖା କିନେରି ଇଞ୍ଜି ନାନୁ ଅଶ୍ୱପିମାଚେଏଁ, ଏଖାରି ଏନି ଦହ ଏଖାଣି କପାଟି ଷେସ୍ତାଆଚେରି । ୧୯ ଏଖାରି ଖାରୁଇ ତାନି ଦାମ୍ବୁତି କାତା ଇଞ୍ଜି ଜାସୁ ଦରୁଗାଟି ଏମିନି ହାତାଣାଇଁ ପାଞ୍ଜୁଲ ନୀତାମାନେସି ଇଞ୍ଜି ଷେସିମାନେସି, ତାନି କାତାତାକି ଆସ୍ୱି ଆଚେରି । ୨୦ ଇ ବାରେ କାତା ନେହିଁକି ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତାରି କିହାଲି ଆତାଆନା ଇ ଦାଖା ତାକି ନାହାଁୟି ଆହାଲିତାକି ପାଞ୍ଜୁଲ ଜିରୁସାଲମତା ହାନେସି କି ଆଏ ଏଦାଆଁ ନାନୁ ଷେଚେଏଁ । ୨୧ ସାମା ପାଞ୍ଜୁଲ ସାଲଞ୍ଜି କିନି କାୟିସର ନକିତା ନାହାଁୟି କିଞ୍ଚିଆୟାଲି ନାନୁ ହାଇଁ ଇଞ୍ଜି ଷେସିମାତାକି, ନାନୁ ଏଖାଣାଇଁ କାୟିସର ତାଣା ପାଣ୍ଡିନି ପାତେକା କାୟିଦିତା ଇଟାଲି ହୁକୁମି ହାଚେଏଁ । ୨୨ ଆଗ୍ରିପା ପେସୁସ୍ ଏଲେଇରେସି, “ନାନୁ ଜିକେଏ ଇଖାଣି କାତା ଷେଞ୍ଜୁଲି ମନ କିହିମାଇଁ । ହାଆ ଓଏ ନାନୁ ଏଖାଣି କାତା ଷେଞ୍ଜୁ” ଇଞ୍ଜି ପେସୁସ୍ ଏଲେଇରେସି । ୨୩ ତାନି ଅର ଦିନା ଆଗ୍ରିପା ଇଞ୍ଜି ବନିକି କାଜାପାଣା ଅଡେ ଗାଞ୍ଜୁରମିଗାଟି କସ୍କା ଇଞ୍ଜି ଗାଡ଼ାଡ଼ି କାଜାରି ତଲେ ହାଜାନା ନାହାଁୟି କିନି ଟାୟୁତା ଖାଚେସି, ଏମ୍ବାଟିଏ ପେସୁସ୍ ହୁକୁମି ତଲେ ପାଞ୍ଜୁଲ ଏମ୍ବାଆଁ ଚାପିଆଚେସି । ୨୪ ଏମ୍ବାଟିଏ ପେସୁସ୍ ଏଲେଇରେସି, “ଏ ରାଜା ଆଗ୍ରିପା ଅଡେ ଇମ୍ବାଆଁ ମାନି ମାନିଗାଟି କାଜାଚେରି, ମୀରୁ ବାରେ ଇଖାଣାଇଁ ମେସିମାଞ୍ଜେରି; ଇଖାଣି କପାଟି ଜିରୁସାଲମ ଇଞ୍ଜି ଇମ୍ବାଆଁ ମାନି ଜାହୁଦି ଲକ୍ଷୁ ନା ତାଣା ଦାଖା କିହାମାନେରି, ଇଖାସି ନୀତାମାନାୟି

ଲଡ଼ା ହିଲେଏ ଇଞ୍ଜି ବାରେକାଣା କାଲଞ୍ଜି ଆଚେରି । ୨୫ ସାମା ଇଖାସି ହାନିଲେହେଟି ଏନି ଦହ କିହାମାନାଣି ନାନୁ ମେସାହିଲଅଁ ଇଞ୍ଜି ଏଖାସି ତାନୁଏ କାୟିସର ତାଣା ନାହାଁୟି କିଞ୍ଚିଆୟାଲି ବାତିମାଲାତାକି ନାନୁ ଏଖାଣାଇଁ ଏମ୍ବାଆଁ ପାଣ୍ଡାଲି ତାକି ତାରି କିଚେଏଁ । ୨୬ ସାମା ରାଜା କାୟିସର ତାଣା ଏଖାଣି ତାକି ରାତାଲି ନାଟ୍ଟେ ଏନି କାତା ହିଲେଏ, ଏଦାଆଁତାକି ନାନୁ ଏଖାଣାଇଁ, ବାରେକିହାଁ ରାଜା ଆଗ୍ରିପା ନୀ ତାଣା ଏଖାଣାଇଁ ତାତାମାଇଁ, ଏନିକି ଏଖାଣି କାତା ଷେଞ୍ଜୁନା, ପୁଚିତାୟୁ ନାନୁ ଏଖାଣାଇଁ ଇଚାଣି ରାତାଲି ଆତିଇଁ । ୨୭ ଇଚିହିଁ ର କାୟିଦି ଗାଟାଣାଇଁ ପାଣ୍ଡିନି ବେଲାତା ତାନି କପାଟି କିହାମାନି ଦାଖା ନେହିଁକି ତହ୍‌ଆନା ପାଣ୍ଡାଲି ନେହେଁ ଆଏ ଇଞ୍ଜି ନାନୁ ଅଶ୍ୱପିମାଇଁ ।”

୨୨ ଆଗ୍ରିପା ପାଞ୍ଜୁଲଇଁ ଏଲେଇରେସି, “ନିଟ୍ଟେ ନୀ ଖାକିଟି କାତା ଜୁଲାଲି ହେଲ ହୀପକିଆଚେ” ଏମ୍ବାଟିଏ ପାଞ୍ଜୁଲ କେୟୁ ଦାସାନା ତାନି ଖାକିଟି ଏଲେଇରେସି । ୧ “ରାଜା ଆଗ୍ରିପା, ଜାହୁଦିୟାଁ ନା କପାଟି ଏନି ଦହ ଦସାମାଞ୍ଜୁନେରି, ଏଦାଆଁ ନୀଞ୍ଜୁ ନୀ ନକିତା ଷେସାଲି ନାନୁ ହେଲ ବେଟାଆହାମାନାକି ନାନୁ ନାଟ୍ଟେ କପଲ ଗାଟାଚେଏଁ ଇଞ୍ଜି ଅଶ୍ୱପା କତିମାଇଁ, ୩ ଏନାଆଁତାକି ଇଚିହିଁ, ନୀନୁ ଜାହୁଦିୟାଁ ପାଣାପାୟୁ ଅଡେ କାତା ନେହିଁକି ପୁଞ୍ଜାମାଞ୍ଜୁ; ଏଦାଆଁତାକି ନା କାତା ସାସାତଲେ ଷେଞ୍ଜୁଲି ନିଟ୍ଟେ ବାତିମାଲିମାଞ୍ଜୁଇଁ ।” ୪ “ନା ଦାଗ୍‌ଣା ଷେଡ଼ାଟିଏ ନୀଏଁ ପାତେକା ନାନୁ ତଲି ମା କୁଡ଼ାତାରି ତଲେ ଅଡେ ଜିରୁସାଲମତା ଏନିଆହିଁ ନୀତା ମାଚେଏଁ ଏଦାଆଁ ଜାହୁଦିୟାଁ ବାରେ ନେହିଁକି ପୁଞ୍ଜାମାନେରି; ୫ ନାନୁ ମା ମାହାପୁରୁତି ମେରା ହାରେକା ନେହିଁକି ମାନଞ୍ଜି ଆହିମାନି ପାରୁସିୟାଁ ଗତିତା ମାଚେଏଁ, ଏଖାରି ନାଟ୍ଟେ ତଲିଟିଏ ପୁଞ୍ଜାମାଞ୍ଜୁନେରି, ଏଖାରି ମନ କିଚିହିଁ ସାକି ହାହାଲି ଆତିନେରି । ୬ ମାହାପୁରୁ ମା ଆକୁ ଆବାୟାଣି ଏମିନି କାତା ଆଞ୍ଜୁମାଚେସି, ଏ କାତା ହାହାମାନାଣି ବାସୁ କିହାମାନାକି ନୀଞ୍ଜୁ ନାନୁ ଇମ୍ବାଆଁ ନାହାଁୟି କିଞ୍ଚିଆୟାଲି ନିଚାମାଇଁ ୭ ମା ଲକ୍ଷୁତି ବାର କୁଡ଼ାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣ୍ଡିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନା ଏ ବାସୁ ତାକି ଜାହୁଦିୟାଁ ନାଟ୍ଟେ ଦହ କିହିମାଞ୍ଜୁନେରି । ୮ ମାହାପୁରୁ ହାତାଗାଇଁ ନିକ୍‌ନେସି, ଇଦାଆଁ ନାମାଲି ଆତାଆ ଗାଟାୟି ଇଞ୍ଜି ମୀରୁ ଏନାଆଁତାକି ଅଶ୍ୱପିମାଞ୍ଜେରି?” ୯ “ନାଜରିତ ଜୀସୁ ଦରୁ କପାଟି ନାଟ୍ଟେ ହାରେକା କାମା କିନାୟିମାନେ ଇଞ୍ଜି ନାନୁ ଅଶ୍ୱପିମାଚେଏଁ । ୧୦ ଜିରୁସାଲମତା ନାନୁ ଏଲେଜିକେଏ କିଚେଏଁ । କାଜା ପୁଜେରାଟ୍ଟୁ ତାଣାଟି ଅଦିକାରା ଆକୁ ବେଟାଆହାନା, ମାହାପୁରୁ ଲକ୍ଷୁ ତାଣାଟି ହାରେକା ଜାଣାଇଁ କାୟିଦିତା ସୁଣ୍ଡିକିହାମାଚେଏଁ ଇଞ୍ଜି ଏଖାଣାଇଁ ପାୟିନାଟି ନାନୁ ଜିକେଏ ଆଣ୍ଡିମାଚେଏଁ । ୧୧ ହାରେକା ଦେବା ଜାହୁଦି ଲକ୍ଷୁତି କୁଟିନି ଇଲକାଣା ନାନୁ ଏଖାଣାଇଁ ଲାଜାକିହିଁ ତଣ୍ଡୁ ହାହିମାଚେଏଁ ଇଞ୍ଜି ଏଖାରି ନାମୁଚି ଏଟ୍‌କା କିହାଲି ଅଶ୍ୱପିମାଚେଏଁ, ନାନୁ ଏଖାରି କପାଟି ହାରେକା କାର୍‌ବି ଆହାମାଚେଏଁ, ଏଖାଣାଇଁ ସାସୁ ହାହାଲି ଏଟ୍‌କା ଦେସାତା ଜିକେଏ ହାଜାମାଚେଏଁ ।”

୧୭ ଇଦାଆଁତାକି କାଜା ପୁଜେରାଢ଼ା ଡାଣାଟି ଅଦିକାରା ଆକୁ ଅଡ଼େ ହୁକୁମି ବେଟାଆହାନା ନାନୁ ଦମେସକ ହାଜାମାଚେଏଁ । ୧୩ ଏ ରାଜା ଆଗ୍ରାପା, ର ଦିନା ମାଦେନା ବେଲା ଜିରୁତା ହାଗୁଲକଟି ଝେଡ଼ାକିହାଁ ହାରେକା ଉଜେଡ଼ି ମେସ୍ତେଏଁ, ଏ ଉଜେଡ଼ି ନାଢ଼େ ଅଡ଼େ ନା ତଲେ ହାଜିମାତାରି ସାରିଖାକି ତଞ୍ଜୁଆଡ଼େ । ୧୪ ମାମୁ ବାରେଜାଣା ବୁମିତା ତରଗାଲିଏ, ଏବି ହାତାତଲେ ନାଢ଼େଡ଼ାକି ଇ ହାତା ଝେଚେଏଁ, “ଆଡ଼େ ସାଝୁଲ ଆଡ଼େ ସାଝୁଲ ଏନାଆଁତାକି ନାଢ଼େ ସାସି ହାହିମାଞ୍ଜୁଦି? ଏନିକିଁ ତୁକି କଡ଼ି ହେରୁ ତୁନାଣି ହୁତୁ ବାଡ଼ଗାତା ଦୟିନେ ଏଲେକିହିଁ ନାନୁ ଡାୟୁଖାକି ଦୟାହାଁ ଜାହାରା କତାତା ଗାଣ୍ଡି ମାଞ୍ଜୁ ।” ୧୫ ଏମାଟିଏ ନାନୁ ଝେଚେଏଁ, “ପ୍ରବୁ ନାନୁ ଆମ୍ବାଆତି?” ଏଚେଟିଏ ପ୍ରବୁ ଏଲେଇଞ୍ଜୁଡ଼େସି “ନାନୁ ଆମ୍ବାଆରାଇଁ ସାସି ହାହିମାଞ୍ଜୁ ନାନୁ ଏ ଜୀସୁଚେଏଁ । ୧୬ ସାମା ନିଢ଼ାମୁକ କତାତା ବାଡ଼ୟୁ ହାହାନା ନିମ୍ବୁ ଇତିହିଁ ନାନୁ ନିଢ଼େ ନା ସେବା କାମା କିହାଲିତାକି ତଞ୍ଜୁ ଆହାମାଞ୍ଜୁଇଁ, ନାଞ୍ଜୁ ନାନୁ ଏନାଆଁ ମେସାମାଞ୍ଜୁ ଡାୟୁ ନାନୁ ନିଢ଼େ ଏନାଆଁ ତସ୍ତାଇଁ ଏ କାତା ଏଟକା ତାରାଇଁ ସାକି ହାଦି । ୧୭ ଜାହୁଦି ଅଡ଼େ ଜାହୁଦିଆଆତି ଲକୁଡ଼ାଣା ନାନୁ ନିଢ଼େ ପାଣ୍ଡାଇଁ, ଏଝାରି ତାଣାଟି ନାନୁ ନିଢ଼େ ଗେଲପାଇଁ । ୧୮ ନିଢ଼େ ଏଝାରି କାଣ୍ଡକା ଦେତାଲି ଆନେ, ଅଡ଼େ ଏଝାରାଇଁ ଆନେରିତି ଉଜେଡ଼ିତା ଅଡ଼େ ସୟତାନ ପାନ୍ତୁଟି ମାହାପୁରୁ ତାଣା ଝେଟହା ତାନାୟି ଆନେ, ଏନିକିଁ ନା ତାଣା ନାମିନି ତାଣାଟି ସୁଦୁ କିଝି ଆହାନା ଏଝାରି ପାପୁ ମେଣ୍ଡିନେ ଅଡ଼େ ମାହାପୁରୁ ଆତିତି ଲକୁ ବିତା ଏଝାରି ଚାୟୁ ବେଟାଆନେରି ।” ୧୯ “ରାଜା ଆଗ୍ରାପା, ଏ ଲାକପୁରୁଟି ମେସାଣି ନାନୁ ଉରାଆଚେଏଁ, ୨୦ ତଲିଏ ଦମେସକତା ଇଞ୍ଜି ଜିରୁସାଲମତି ଲକୁଡ଼ାଣା ଡାୟୁ ଜାହୁଦା ରାଜିତି ବାରେ ନାସକାଣାଁ, ଅଡ଼େ ଜାହୁଦିଆଆତି ଲକୁଡ଼ାଣା ଜିକେଏ ଝେକହେଏଁ, ଏନିକିଁ ଏଝାରି ମନ ଝେଟହାନା ମାହାପୁରୁ ତାଣା ଝାନ୍ନେରି, ଇଞ୍ଜି ଏଝାରି ମନ ଝେଟହା କତାମାନେରି, ଏଦାଆଁ କାମାତା ତହନେରି । ୨୧ ଏଦାଆଁତାକି ନାନୁ ମାହାପୁରୁ ଇଲୁତା ମାତାଟି ଜାହୁଦିୟାଁ ନାଢ଼େ ଆସାନା ପାୟାଲି ଅଣସି ମାଞ୍ଜୁଡ଼େରି । ୨୨ ସାମା ନାଞ୍ଜୁପାଚେକା ମାହାପୁରୁ ନାଢ଼େ ସାୟେମି କିହାମାଞ୍ଜୁନେସି, ଏଦାଆଁତାକି ନାଞ୍ଜୁ ନାନୁ ଉଣା କାଜାରି ବାରେତି ନକିତା ସାକି ହାହାଲି ନିତାମାଇଁ । ମାହାପୁରୁ ଅଣସୁତି ବଲୁ ଝେହନାରି ଅଡ଼େ ମସା ଏନାଆଁ ଆନେ ଇଞ୍ଜି ଝେସାମାନେସି ନାନୁ ଏ କାତା ଝେସିମାଇଁ, ୨୩ ଇତିହିଁ ମସିହା ସାଚେଏ ଦୁକୁ ବେଟାଆହାନା ହାତାରି ବିତାଟି ତଲିଏ ନିଢ଼ାମା ଜାହୁଦି ଲକୁ ଇଞ୍ଜି ଜାହୁଦିଆଆତି ଲକୁ ନକିତା ଗେଲପିନି ଉଜେଡ଼ି ତହନେସି ।” ୨୪ ପାଝୁଲ ଇଲେକିହିଁ ତାନି ଝାକିଟି ଜୁଲିମାତାଟି ପେସୁସ୍ କାଜା ଗିୟାଁତଲେ ଏଲେଇଚେସି, “ପାଝୁଲ ନାନୁ ବାୟା ଆତି; ଗାଡ଼ି ଜାପିତାକି ନାନୁ ବାୟା ଆହାମାଞ୍ଜୁ ।” ୨୫ ସାମା ପାଝୁଲ ଏଲେଇଚେସି, “ଏ ମାନିଗାଟି ପେସୁସ୍ ନାନୁ ବାୟା ଆହାହିଲିଆଁ; ସାମା ନାନୁ ଏନାଆଁ ଜୁଲିମାଇଁ ଏଦି ସାତା, ତାରି ବୁଦିତଲେ ଝେସିମାଇଁ । ୨୬ ରାଜା ଆଗ୍ରାପା ନାନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ

କାତା ଜୁଲିମାଇଁ, ନାନୁ ସାଚେଏ ନାମିମାଇଁ, ଇ ବାରେ ନାନୁ ପୁନାଆରେରୁ ଆହା ହିଲେଏ; ଅଡ଼େ ଇ ବାରେ କାତା ତୁଗାନା ମେଣେଏ ଆହାହିଲେଏ । ୨୭ ଏ ରାଜା ଆଗ୍ରାପା, ନାନୁ ମାହାପୁରୁ ଅଣସୁତି ବଲୁ ଝେହନାରି କାତା ନାମିମାଞ୍ଜୁ କି? ହାଅ ନାନୁ ନାମିମାଞ୍ଜୁ ଇଞ୍ଜି ନାନୁ ପୁଞ୍ଜାମାଇଁ ।” ୨୮ ଆଗ୍ରାପା ପାଝୁଲଇଁ ଏଲେଇଚେସି, “ନାନୁ ନାଢ଼େ ଗାଡ଼େକେଏ କ୍ରୀସାନା କିଇଁ ଇଞ୍ଜି ଅଣସିମାଞ୍ଜୁଦି?” ୨୯ ପାଝୁଲ ଏଲେଇଚେସି, “ଗାଡ଼େକା ତାକି ଆପେ କି ଗାଡ଼ିତାକି ଆପେ ମାହାପୁରୁ ତାଣା ଇଚେକେଏ ନା ପ୍ରାତାନା, ନାନୁ ଅଡ଼େ ଏଚରଜାଣା ନାଞ୍ଜୁ ନା କାତା ଝେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକଣିୟାଁ ତଲେ ଦସ୍ତି ଆପେରି ଇଞ୍ଜି ନାନୁ ଝେସିମାଞ୍ଜୁଆଁ ।” ୩୦ ଏଚେଟିଏ ରାଜା, ସାଲିଝି କିନାସି ଅଡ଼େ ବନିକି ଇଞ୍ଜି ଏଟକାତାରି ବାରେ ହାଜାଲି ନିଢ଼ିଚେରି, ୩୧ ଏଝାରି ହାନିବେଲାତା ତାମୁ ତାମୁସ୍ ଜୁଲିକି ଆଚେରି, “ଇ ମାଣସି ଇଲେତି ଏନି କାମା କିହାହିଲଅସି ଏନାଆଁତାକି ଏଝାସି ଦସ୍ତି ଆନେସି କି ପାୟୁଝି ଆନେସି ।” ୩୨ ଅଡ଼େ ଆଗ୍ରାପା ପେସୁସ୍ ଇ ଏଲେଇଚେସି, “ଇ ମାଣସି କାୟିସର ତାଣା ନାହାଁୟି କିଝିଆୟାଲି ବାତିମାଲାଆତିହିଁମା ମାମୁ ଏଝାଣାଇଁ ପିସାଲି ଆତିତମିମା ।”

୨୭ ମାମୁ ଇଚାଲି ଦେସାତା ଏୟୁ ଜାଜା ତଲେ ହାଜାଲି ତାରି କିଝିଆତି ଡାୟୁ ପାଝୁଲ ଅଡ଼େ ଏଚରଜାଣା କାୟିଦିତା ମାତାରାଇଁ, ରାଜାଟି କସକା ଜୁଲିୟସ୍ ଦରୁଗାଟି ପାସାକଡ଼ି କସକା ମୁହେଁ କାଜାଣି କେୟୁତା ହେରୁପିଚେରି । ୧ ଏମାଟିଏ ମାମୁ ଆସିୟା ଦେସାତି ଏଟକା ଏଟକା ଚାୟୁତା ହାନି ଏୟୁ ଜାଜା ନିନି ଚାୟୁଟି ଆଦ୍ରାମୁତିୟ ଜାଜାତା ହତମି; ଇଞ୍ଜି ମାକିଦନିୟା ଦେସାତି ତେସଲନିକି ଗାଡ଼ାଟି ଆରିସ୍ତାକି ମା ତଲେ ମାଚେସି । ୩ ତାନି ଅର ଚନରୁ ମାମୁ ସିଦନତା ଏଗାତମି, ଅଡ଼େ ଜୁଲିୟସ୍ ପାଝୁଲଇଁ କାର୍ମା ଆହାନା ତାନି ତଣେସିଢ଼ା ତାଣା ହାଜାନା ଲଡ଼ାମାନାଣି ସେବା ବେଟାଆହାଲି ହେଲ ହାଚେସି । ୪ ଏମାଟି ଜାଜାତା ହତାମାତାଟି ମା ଝାକି ଗାଲି ଝେଡ଼ାଲିଏ ମାମୁ କୁପ୍ର ଦାରି ଦାରିତି ହାତମି, ୫ କିଲିକିୟା ଅଡ଼େ ପଂପୁଲିୟା ନକିତା ମାନି ସାମଦୁରି ଗାଣ୍ଡତାନା ଲୁକିୟାତି ମୁରାତା ଝାତମି । ୬ ଏମାଆଁ ପାସାକଡ଼ି କସକା ମୁହେଁ କାଜାସି, ଇଚାଲିତା ହାଜିମାନି ର ଆଲେକଜାଣ୍ଡ୍ରିୟା ଏୟୁ ଜାଜା ବେଟାଆହାନା ମାଢ଼େ କୁରି କିୟାଚେସି । ୭ ଡାୟୁ ହାରେକା ଦିନାତାକି ଦୀରେ ଦୀରେ ହାଜାନା କସୁତଲେ କିଦ୍ ଗାଡ଼ା ତାଗେ ହାତମି । ନକିତି ଗାଲି ମାଢ଼େ ନକିତା ହାଜାଲି ହିୟାଆଲିଏ ସାଲମନିତି ଅରଝାକି କ୍ରିତି ଦାରି ଦାରିତି ହାତମି । ୮ ଅଡ଼େ କସୁତଲେ ଗାଚୁ ଗାଚୁଟି ହାଜାନା “ଅଜିତି ବାନ୍ତା” ଇନି ଚାୟୁତା ହାତମି, ଏଦି ଲାସାୟା ଗାଡ଼ାଟି ତାଗେ ମାଚେ । ୯ ଇଲୁଆହିଁ ହାରେକା ଦିନା ଆହାହାଚେ, ଇଞ୍ଜି ସାମଦୁରିଟି ହାନାୟି କସୁ ଆହାହାଚେ, ଇତିହିଁ ଏଚିବେଲା ଉପସାସା ପାର୍ଟି ରାହାମାଚେ, ଏଦାଆଁତାକି ପାଝୁଲ ଜାଗ୍ରାତା କିହାନା ଏଲେଇଚେସି । ୧୦ “ବାବୁୟାଁଚେରି ଇ ସାମଦୁରିଟି ହାନାଟି ଜାଜାଟି ଆସି ଅଡ଼େ ଏୟୁ ଜାଜା ନସୁ ଆନେ ଏଦି ଆଏ, ସାମା ଜାଜାତା

ହାଜିମାନାରି ଜୀଝୁ ଜିକେଏ ନସୁ ଆନେ ନାନୁ ପୁଞ୍ଜିମାଈ ।” ୧୧ ସାମା ପାସାକଡ଼ି କସକା ମୁହେଁ କାଜାସି, ପାଞ୍ଜୁଲତି କାତା କହାଁ ଜାଜାତି ସାଲଖି କିନାଣାଇଁ ଇଞ୍ଜିଁ ସାଞ୍ଜୁକାରି କାତାତି ହାରେକା ନାନିତେସି । ୧୨ ଇ ବାନ୍ତାତା ପେନିଝଡ଼ା ଡ଼ୟାଲି ନେହେଁ ହିଲାଆତେ, ଇଦାଆଁତାକି ଜାଜାତା ହାଜିମାତାରି ହାରେକା ସାମ୍ବୁରୁରିତ ହାଜାନା ପିନିକସ୍ତା ପେନିବେଲ ରାପହାଲି ଅଣ୍ଟପିମାତେରି, ଏ ପିନିକସ୍ କ୍ରିତିତି ର ଜାଜାୟାଁ ନିନି କାଜା ଚାୟୁ ମାତେ, ଏଦି ଝଡ଼ା କୁଜୁନି ଚିଝନିଝାକି ଅଡ଼େ, ଝଡ଼ା କୁଜୁନି ଚେବୁଝାକି ମୁମୁ କିହାମାତେ । ୧୩ ଏଚିବେଲ ଚିଝନି ଝାକିତି ଗାଲି ଦୀରେ ଦୀରେ ଝାତେ, ହାଜିମାତାରି ନାଏଟି ମା ଅଣ୍ଟପିମାତି ଲେହେଁ ଆତେ ଇଞ୍ଜିଁ ଅଣ୍ଟପିତେରି, ଜାଜା ନିପହାମାତି କାଜା ଲହତି ରେଜାନା କ୍ରିତିତି ଗାଟୁ ଗାଟୁଟି ହାଜାଲି ମାଟ୍‌ହେରି, ୧୪ ସାମା ଗାଡ଼େକା ହାଜାଲିଏ ଇୟୁରକ୍ଷିଲ ଇନି ଆଜିହୁପେତି କାଜା ଗାଲି ଝଡ଼ା ହୁନି ଚେବୁ ଝାକିତି ହୁଚାନା ଜାଜା ମାଟିଝାକି ଝାତେ । ୧୫ ଗାଲି ଜାଜାତି ଝେଚାଲିଏ, ଜାଜାତି ଗାଲିଝାକି ଅୟାଲି ଆତାଆନା ଜାଜାତି ଗାଲି ତଲେ ଅଝିଆୟାଲି ପିସୁମି । ୧୬ ମାମୁ କ୍ଲାଝୁଦାତି ସାମ୍ବୁରୁରି ମାଦି ମାନି ଉଣା ବୁମିତି ଜୁମିନି ଚାୟୁ ବେଟାଆଡ଼ମି । ଏମାଟି ହାରେକା କସ୍ତୁଟି ଏୟୁ ଜାଜାତି ଉଣା ତଂଗ ତଲେ ଗେଲ୍‌ପି ଆଡ଼ମି । ୧୭ ଜାଜା ସାଲଖି କିନାରି ଏଦାଆଁ ଜାଜା ଲାକ ଅତି ଡାୟୁ ଡ଼ର୍କା ତଲେ ଜାଜା ସାରିସୁଟୁ ଦସ୍ତେରି, ଇଞ୍ଜିଁ ଜାଜା ଲିବିୟାତି ସୁରତି ଇନି ବାଝଲି ତିବାତା ଗୁପିନେ ଇଞ୍ଜିଁ ଆଜିତାକି ଜାଜା ସାଲଖି କିନାରି ଜାଜାତା ଗୁଞ୍ଜୁମାତି ହିମ୍ବୁରିକା ହୁକହାନା ଜାଜାତି ଗାଲି ତଲେ ସାମ୍ବୁରୁରି ବିତ୍ରା ଡ଼ୟାଲି ପିସୁରି । ୧୮ କାଜା ଗାଲି ପିୟୁ ଡାକି ହାରେକା କସ୍ତୁ ଆହାଲିଏ ତାନି ଅର ନେଚୁ ଜାଜାତି ସାଲଖି କିନାରି ଜାଜାତା ମାଟି ଆସ୍ତିତି ସାମ୍ବୁରୁରିତା ମେଡ଼ହାଲି ମାଟ୍‌ହେରି, ୧୯ ଅଡ଼େ ତାନିଦିନା ନେଚୁ ଏଝାରି ତାନି ଜାଜାତି କଚେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି । ୨୦ ହାରେକା ଦିନା ପାତେକା ଝଡ଼ା କି ହୁକାୟାଁ ମେସାଲି ଆତାଆଡ଼ମି, ଅଡ଼େ ହାରେକା ଗାଲି ପିୟୁ ପିହୁଆଲିଏ ମାମୁ ଇମାଟି ଗେଲ୍‌ପିଆନି ଆସା ପିସାତୁସୁମି । ୨୧ ବାରେଜାଣା ହାରେକା ଦିନା ପାତେକା ରାନ୍ତା ତିନାଆନା ଡ଼ୟାଲି ଡାୟୁ ପାଞ୍ଜୁଲ ଏଝାରି ବିତ୍ରା ନିଚାନା ଏଲେଇତେସି, “ବାବୁୟାଁ ନା କାତା ଆସାନା କ୍ରିତିତି ସାମ୍ବୁରୁରି ଜାଜା ହୁକହା ହିଲାଆତିହିଁ ମାଦି ଏନାୟିଝା ନସୁ ଆଆତେମା । ୨୨ ସାମା ନାଏଁ ନାନୁ ମିଡ଼େ ଝେସିମାଞ୍ଜୁଇଁ, ସାସା ଆହୁପୁ ଇତିହିଁ ମା ବିତ୍ରା ଆମାଆରି ଜୀଝୁ ଜିକେଏ ନାସା ଆଏ; ଝାଉଇ ଜାଜାଦେ ନସୁ ଆନେ । ୨୩ ଇତିହିଁ ନାନୁ ଏମିନି ମାହାପୁରୁତି ସେବା କିହିମାଈ, ନାଞ୍ଜୁ ଲାଆଁୟାଁ ଏଝାଣି ର ଲାକପୁରୁତି ଦୁଦୁ ନା ତାଗେ ଝାହାନା ଏଲେଇଞ୍ଜୁତେ, ୨୪ ଏ ପାଞ୍ଜୁଲ ‘ଆଜାଆନି’, ନାନୁ ସାଲଖି କିନି କାୟିସର ନକିତା ନିନାୟି ମାନେ, ମାହାପୁରୁ ନିଡ଼େ କାର୍ମା ଆହାମାଞ୍ଜୁନାକି ନୀ ତଲେ ଝାହିମାନି ବାରେଡ଼ି ଜୀଝୁ ଏଝାସି ଗେଲ୍‌ପିନେସି ।” ୨୫ ଏଦାଆଁତାକି ଏ ବାବୁୟାଁତେରି ସାସା ଆହୁପୁ ଇତିହିଁ ନାନୁ ମାହାପୁରୁ ତାଣା ନା ନାମୁ ମାନେ, ନାଡ଼େ ଏନିକିଁ ଝେସ୍‌ପି

ଆହାମାନେ, ଏଲେଆହିଏ ଆନେ । ୨୬ ସାମା ମାଡ଼େ ର ସାମ୍ବୁରୁରି ମାଦିଏ ମାନି ଡେସାତା ଏଗାହାନାୟି ମାନେ ।” ୨୭ ଇଲେକିହିଁ ମାମୁ ଆଦିଆ ସାମ୍ବୁରୁରି ଇତାଲା ଆତାଲା ଆହିଁ ରୀ ଝାରି ଆୟାଲିଏ, ମାଦି ଲାଆଁୟାଁ ଜାଜା ସାଲଖି କିନାରି ର ବୁମି ଦାରିତା ଏଜିମାନାୟି ଇଞ୍ଜିଁ ଅଣ୍ଟପିମାତେରି । ୨୮ ଏମାଟିଏ ଏଝାରି ଏୟୁଣି ଲାତାଲିଏ ପନୁର ହାତା ଏୟୁ କୁଡ଼ହା ମାଟୁ, ଇଞ୍ଜିଁ ଅଡ଼େ ନକିତା ହାଜାନା ଝେଣ୍ଡେ ଲାତାଲିଏ ଏଗାର ହାତା ଏୟୁ କୁଡ଼ହା ମାଟୁ । ୨୯ ମାର ହାଜାନା ଜାଜା ଝାଲ୍‌କା ବୁମିତା ଗୁପିକିନାୟି ଇଞ୍ଜିଁ ଅଣ୍ଟପାନା ଆଜିତାକି ଏଝାରି ଜାଜାତି ଡାୟୁଝାକି ସାରିଗଟା ବକ୍ତୁ ଗାଟି ଲହ ମୁଣ୍ଡାୟାଁ ରେପହାନା ଏତେଲ ଝେୟିନେ ଇଞ୍ଜିଁ ପାତାନା କିହିମାତେରି । ୩୦ ଇଞ୍ଜିଁ ଜାଜାତି ସାଲଖି କିନାରି ଜାଜାତି ରେଚାନା ହଟାତୁସାଲି ଅଣ୍ଟପାନା ନାଡ଼ିକିହିଁ ଜାଜାତି ନକିଝାକି ଲହ ମୁଣ୍ଡାୟାଁ ରେପିନି ଲେହେଁ ଉଣା ତଂଗତି ସାମ୍ବୁରୁରିତା ରେପହେରି । ୩୧ ସାମା ପାଞ୍ଜୁଲ ପାସାକଡ଼ି କସକା ମୁହେଁ କାଜାଣାଇଁ ଇଞ୍ଜିଁ କସକାଣି ଏଲେଇତେସି, “ଜାଜା ସାଲଖି କିନାରି ଜାଜାତା ମାନାଆତିହିଁ ମୀରୁ ଗେଲ୍‌ପିଆନି ଆସା ହିଲେଏ ।” ୩୨ ଏମାଟିଏ ଜାମାନାଟୁ ଉଣା ତଂଗତି ଡ଼ର୍କା ଦାଚାନା ସାମ୍ବୁରୁରିତା ପିସୁରି । ୩୩ ଲାଈ ଜୁଲୁପୁଲୁ ଝେୟି ମାତାଟି ପାଞ୍ଜୁଲ ଏଝାରିଇଁ ଏନି ରାନ୍ତା ମାଟିହିଁ ତିଞ୍ଜୁଲି ବାସୁଁ ହାହାନା ଏଲେଇତେସି, “ନାଞ୍ଜୁଟିଏ ରୀ ଝାରି ଆତେ ମୀରୁ ଏନାଆଁ ତିନାଆନାହିଁ ହାକିଟିଏ ମାଞ୍ଜୁମାଞ୍ଜେରି । ୩୪ ବାଟିମାଲିମାଞ୍ଜୁଇଁ, ନାଏଁ ଇଚାଣି ତିଞ୍ଜୁ ମୀ ଜୀଝୁ ଗେଲ୍‌ପାଲିତାକି ତିନାୟିମାନେ, ଆଜାଆଦୁ, ମୀ ଡ଼ାକାତି ର ବାଣା ଜିକେଏ ନାସା ଆଏ ।” ୩୫ ପାଞ୍ଜୁଲ ଇ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ଡ଼ିକହାନା ତିଞ୍ଜୁଲି ମାଟ୍‌ହେସି । ୩୬ ଏମାଟିଏ ଏଝାରି ବାରେଜାଣା ବାସୁଁ ବେଟାଆହାନା ବାରେଜାଣା କାଦି ତିତେରି । ୩୭ ମାମୁ ଜାଜାତା ରୀ ଝାଞ୍ଜୁ ତାନିକଡ଼ି ସଡ଼ ଜାଣାତମି ମାଟମି । ୩୮ ଏଝାରି ପାଞ୍ଜେ ତିତି ଡାୟୁ ଜାଜାତି ବକ୍ତୁ ଉଣା ଆପେଝା ଇଞ୍ଜିଁ ଜାଜାତି ବାରେ ଗୁହଁୟାଁ ସାମ୍ବୁରୁରିତା ମେଡ଼ହେରି । ୩୯ ଅର ନେଚୁ ଲାଈ ଝେୟାଲିଏ ଏଝାରି ଏମିନି ଡେସାତି ଚାୟୁତା ଝାତେରି ପୁଞ୍ଜୁଲି ଆତାଆତେରି, ସାମା ଏଝାରି ଗାଟୁ ଦାରି ର ବାଝଲି ଚାୟୁ ମେସାନା ଏନିକିଁ ଜିକେଏ ଏମାଆଁ ଜାଜାତି ନିପହାଲି ଅଣ୍ଟପିତେରି । ୪୦ ଏଦାଆଁତାକି ଏଝାରି ଲହ ମୁଣ୍ଡାୟାଁତି ଡ଼ର୍କା ଦାଚାନା ସାମ୍ବୁରୁରିତା ମୁଞ୍ଜୁଲି ପିସୁରି, ଇଞ୍ଜିଁ ଦେବୁଣିଏ ଏୟୁ ଜାଜାତି ହାଟଝା ବାଡ଼ାୟାଁତି ଡ଼ର୍କା ବାରେ ହୁକହାନା ଜାଜା ନକିତା ଗାଲିଝାକି ହିମ୍ବୁରିକା ଗୁଞ୍ଜୁନା ଗାଟୁଝାକି ହାଜାଲି ଅଣ୍ଟପିତେରି । ୪୧ ସାମା ଏଝାରି ରୀ ସାମ୍ବୁରୁରିକା କାଲ୍‌ଖି ଆହିମାନି ଚାୟୁତା ଏଜାଲିଏ ଜାଜା ସାମ୍ବୁରୁରି ଗାଟୁଟି ର ବାଝଲି ତିବାତା ଗୁପିତେ, ଜାଜାତି ନକି ଝାକିତାୟି ଇଣ୍ଡାନା ଡ଼ୟାହାତେ, ସାମା ଚାୟୁତାୟି ସାମ୍ବୁରୁରିତ ଏୟୁ ଉଣ୍ଡାୟାଁ ଗୁପାଲିଏ ତାହାଲି ମାଟ୍‌ହେ । ୪୨ କାୟିଦି ଗାଟାରି ସାମ୍ବୁରୁରି ଗାଟୁଟି ପୁହଁ ପୁହଁ ହଣ୍ଡନେରି ଇଞ୍ଜିଁ ଅଣ୍ଟପାନା କସକା ଏଝାରିଇଁ ପାୟାଲି ଅଣ୍ଟପିତେରି । ୪୩ ସାମା ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ ଗେଲ୍‌ପାଲି ମାନ କିହାନା, ଏଝାରି

ଅଣ୍ଟପୁଟି କାହି କିହାନା ଏଲେଇଚ୍ଛୁ ହୁକୁମି ହୀତେସି, ଆମ୍ବାଆସି ପରହାଲି ପୁନାସି ଏଝାସି ସାମ୍ବୁରିତା ଚେଞ୍ଜାନା ତଲିଏ ଗାଟୁତା ହାଲାପେରି; ୪୪ ଡୟାମାନାରି ଜାଜାତି ମାର୍କା ପାଟାୟ୍ ଇଚ୍ଛୁ ଏନି ଏନି ତାତି ମୁକାୟ୍ ଆସାନା ହାଲାପେରି ଇଚ୍ଛୁଲିଏ, ଇଲେକିହି ବାରେଜାଣା ନେହିଁ ଆହି ଗାଟୁତା ଏତେରି ।

୨୮ ମାମୁ ଏମ୍ବାଟି ଗେଲ୍‌ପିଆତି ଡାୟୁ ସାମ୍ବୁରି ମାଦି ମାନି ଟାୟୁ ମେଲିତି ଇଚ୍ଛୁହିଁ ପୁଟମି । ୧ ଏମ୍ବାଆଁ ବାସାଆହାମାନି ପାଟ୍ଟାତି ଲକ୍ଷୁ ମାଟ୍ଟେ ଡଣେସିଦ୍ଦା ଲେହେଁ କାର୍ମା ଆୟାତେରି, ଇଚିହିଁ ପିୟୁ ଇଚ୍ଛୁ ପେନି ଆହିମାଚାକି ଏଝାରି ମାଟ୍ଟେ ହିତୁ ତାସାନା କେରଚ୍ଛୁଲି ହିୟାତେରି । ୩ ସାମା ପାଞ୍ଜୁଲ ର ପେଣ୍ଡା ଷେସକା ହିତୁତା କୁମ୍ବାଲିଏ, ଉସମି ତାକି ର ରାଟୁ ହତାନା ପାଞ୍ଜୁଲ କେୟୁତା କାଚାହାଁ ଆଟା ଡୟିତେ । ୪ ଏମ୍ବାଆଁ ବାସା ଆହାମାତି ପାଟ୍ଟାତି ଲକ୍ଷୁ ପାଞ୍ଜୁଲ କେୟୁତା ଏ ରାଟୁ ଲେଜା ମାନାଣି ମେସାନା ତାମୁ ତାମୁ ଷେସ୍‌ପି ଆତେରି, “ଇ ମାଣ୍ଡି ସାତେଏ ଲକ୍ଷୁଣି ପାୟିନାସି, ସାମ୍ବୁରିତି ଗେଲ୍‌ହାଲିଏ ଜିକେଏ ଦାମ୍ବୁ ନୀତାଲି ହାହି ହିଲେଏ ।” ୫ ସାମା ପାଞ୍ଜୁଲ ଏ ରାଟୁତି ହିତୁତା ହାଣ୍ଡାହାଁନା ମେଟ୍‌ହା ତୁସ୍‌ସେସି, ଇଚ୍ଛୁଁ ଏଝାଣାକି ଏନି ନସ୍ତୁ ଆଆତେ । ୬ ଏଝାଣି ଆଟ୍ଟା ପଟ୍ଟା ହାନେ ଆଆତି ଦେକ୍‌ଣିଏ ହାନେସି ଇଚ୍ଛୁଁ କାଚିମାତେରି; ସାମା ହାରେକା ବେଲା ଆତି ଡାୟୁ ଏଝାଣାକି ଏନି ନସ୍ତୁ ଆଆତାଣି ମେସାନା ଏଝାରି ତାମି ହିୟାଁ ଷେଟ୍‌ହାନା ଏଲେଇତେରି, “ଇଝାସି ର ମାହାପୁରୁ ।” ୭ ଏ ଟାୟୁ ତାଗେ ପୁରୁଲୁ ଦରୁଗାଟି ଏ ଟାୟୁତି କାଜାଣି ଲଲୁ ଅଡେ ବୁମି ମାଟେ; ଏଝାସି ମାଟ୍ଟେ ହାଟା ଅହାନା ତାନିଦିନା ପାତେକା କାର୍ମା ଆହାନା ରାହିତି ସେବା କିୟାତେସି । ୮ ଏଚିବେଲାତା ପୁରୁଲୁ ତାମି ଆବା ନମେରି ଇଚ୍ଛୁଁ ନେତେରି ବାଣ୍ଡି ତାକି ପାସ୍‌ପନିତା ତୁରାମାତେସି, ଇଚ୍ଛୁଁ ପାଞ୍ଜୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକି କେୟୁ ଇଟାନା ନେହିଁ କିତେସି । ୯ ଇଦି ଆତି ଡାୟୁ ଏମ୍ବାଆଁ ମାନି ରଗ ଗାଟାରି ବାରେ ପାଞ୍ଜୁଲ ଡାଣା ଝାହାନା ନେହିଁ ଆତେରି; ୧୦ ଏଝାରି ମାଟ୍ଟେ ଜିକେଏ ହାରେକା ମାନି ତଲେ ଜାଞ୍ଜୁ ନୟିତେରି, ଅଡେ ମାମୁ ହାଜିମାଚାତି ମା ଲଡାମାନାଣି ହାହାନା ପାଣ୍ଡାତେରି । ୧୧ ତାନି ଲେଚ୍ଛୁ ଜେଟ ମାମୁ ର ଆଲେକ୍‌ଜାଣ୍ଡିୟାତି ଏୟୁ ଜାଜାତା ହତାନା ହାତମି, ଏୟୁ ଜାଜା ପେନିବେଲା ହାଲ୍‌ଖେ ଏ ଟାୟୁତା ଡୟାମାଟେ, ଏଦାନି ଦରୁ “ଜାଣ୍ଡା ପେଣ୍ଡାକା,” ଇଚ୍ଛୁମାତେରି । ୧୨ ସୁରାକ୍‌ସା ଗାଡାତା ଏଜାନା ଏମ୍ବାଆଁ ମାମୁ ତାନିଦିନା ମାତମି । ୧୩ ଅଡେ ଏମ୍ବାଟି ଏୟୁ ଜାଜା ତଲେ ହାଜାନା ରେଗିୟା ଗାଡାତା ଏତମି, ତାନି ଅର ଦିନା ଚିଟନି ଝାକିଟି ଗାଲି ଷେତାଲିଏ ଅଡେ ରୀ ଦିନା ଡାୟୁ ପୁଟେଅଲି ଗାଡାତା ଏତମି; ୧୪ ଏମ୍ବାଆଁ ମାମୁ ଏତେକା କ୍ରାସ୍ତାନା ତାୟିୟାଁ ଅଡେ ତାଡ୍ଡିପ୍ଲାଣି ବେଟାଆତମି, ଏଝାରିତଲେ ର ଝାବା ଡୟାଲି ମାଟ୍ଟେ ବାଚିମାଲାତେରି; ଇଲାଆହିଁ ମାମୁ ରମ୍‌ତା ଏଗାତମି । ୧୫ ରମ୍‌ତା ମାନି ତାୟିୟାଁ ଅଡେ ତାଡ୍ଡିପ୍ଲା ମା କାବୁ ପୁଞ୍ଜାନା ଏମ୍ବାଟିଏ ଅପିୟତି ହାଟା

ଇଚ୍ଛୁଁ ତାନିଗଟା ବାଡା ଲଲ୍‌କା ପାତେକା ମାଟ୍ଟେ ମେସାଲି ଝାତେରି, ଇଚ୍ଛୁଁ ପାଞ୍ଜୁଲ ଏଝାରାଇଁ ମେସାନା ମାହାପୁରୁଇଁ ଜହରା କିହାନା ବାସ୍ତୁ ବେଟାଆତେସି । ୧୬ ମାମୁ ରମ୍ ଏଜାଲିଏ, ପାଞ୍ଜୁଲଇଁ କାଞ୍ଜାଆନି କସକା ତଲେ ତାନି ମନତଲେ ବାସା ଆୟାଲି ହେଲ ହାପକିଆତେ । ୧୭ ତାନିଦିନା ଡାୟୁ ପାଞ୍ଜୁଲ ଜାହୁଦିୟାତି କାଜାରାଇଁ ହାଟାନା କୁଡି କିତେସି, ଅଡେ ଏଝାରି ରୁଣ୍ଡା ଆୟାଲିଏ, ପାଞ୍ଜୁଲ ଏଝାରାଇଁ ଏଲେଇତେସି, “ଏ ଇସାୟେଲ ତାୟିୟାଁତେରି ନାନୁ ମା ଲକ୍ଷୁ କପାଟି କି ମା ଆକୁ ଆବାୟାତି ପାଣାପାଟୁ କପାଟି ଏନାଆଁ କିହା ହିଲାଆତି ଜିକେଏ ଜିରୁସାଲମତା ଦସ୍‌ପି ଆହାନା ରମ୍ ଦେସାତି ଲକ୍ଷୁତାଣା ହେରୁପି ଆହାମାଇଁ । ୧୮ ଏଝାରି ନାଟ୍ଟେ ନାହାଁୟି କିହାନା ନା ଡାଣାଟି ହାନି ତଣ୍ଡ ପାଣ୍ଡି ଏନି ଦହ ବେଟାଆଆଲିଏ ନାଟ୍ଟେ ପିସାଲି ଅଣ୍ଡପାମାତେରି; ୧୯ ସାମା ଜୀହୁଦିଟ୍ଟା ଏଦାଣି କପାଟି ଷେସାଲିଏ ନାନୁ କାୟିସର ନକିତା ନାହାଁୟି କିୟାଦୁ ଇଚ୍ଛୁଁ ବାଚିମାଲିତେସି; ଏଲେଆତି ଜିକେଏ ନାଟ୍ଟେ ମା ଲକ୍ଷୁ କପାଟି ଏନି କାତା ଷେସାଲି ହିଲାଆତେ, ଏଦି ଆଏ । ୨୦ ଏଦାଆଁତାକି ନାନୁ ମିଟ୍ଟେ ନା ତଲେ ବେଟାଆହାନା ଜଲ୍‌କି ଆହାଲି ବାଚିମାଲାତେସି, ଏନାଆଁତାକି ଇଚିହିଁ ଆମ୍ବାଆରି ଲାକି ଇସାୟେଲ ଲକ୍ଷୁ ବାସ୍ତୁ କିହାମାନେରି, ଏଝାରି ତାକି ନାନୁ ନାଞ୍ଜୁ ଇ ହିକ୍‌ଣିୟାଁ ତଲେ ଦସ୍‌ପି ଆହାମାଇଁ ।” ୨୧ ଏଝାରି ଏଲେଇତେରି, “ମାମୁ ଜାହୁଦା ଦେସାତି ନୀ କପାଟି ଏନି ଆକୁ ବେଟାଆହା ହିଲଅମି, ଅଡେ ନୀ କାବୁ ଆସାନା କି ନୀ କପାଟି ଦହ ଦସାନା ଷେସାଲି ମା ତାୟିୟାଁ ବିତ୍ରାତି ଆମ୍ବାଆରି ଇମ୍ବାଆଁ ଝାହାହିଲଅରି । ୨୨ ସାମା ନୀ ଅଣ୍ଟପୁ ଏନାୟି ଏଦାଆଁ ମାମୁ ନୀ ଡାଣାଟି ଷେଞ୍ଜାଲି ମନ କିହିମାନମି, ଇଚିହିଁ ବାରେଝାକିତି ଲକ୍ଷୁ ଇ ଗଟି କପାଟି କାତା ଷେସିମାନେରି ଇଚ୍ଛୁଁ ମାମୁ ପୁଞ୍ଜିମାନମି ।” ୨୩ ଏତେଟିଏ ଏଝାରି ର ଦିନା ତୀରି କିହାନା ହାରେକା ଲକ୍ଷୁ ପାଞ୍ଜୁଲ ମାତି ଲଲୁତା ଝାତେରି, ଅଡେ ଏଝାସି ଲାଜିଟିଏ ଲାଆଁ ପାତେକା ଏଝାରି ନକିତା ମାହାପୁରୁତି ରାଜିତି କାତାତାକି ସାକି ହାତେସି, ଅଡେ ମସାତି ମେରା ଇଚ୍ଛୁଁ ମାହାପୁରୁ ଅଣ୍ଟପୁଟି ବଲୁ ଷେହନାରି କାତା ଆସାନା ଏଝାସି ଜୀପୁଇଁ ନାମି କିଞ୍ଜି କିୟାଲି ଅଣ୍ଡପିତେସି । ୨୪ ଏମ୍ବାଟିଏ ଆମ୍ବା ଆମ୍ବାଆରି ତାନି ଷେସ୍ତି କାତାତି ନାମିତେରି ଇଚ୍ଛୁଁ ଆମ୍ବା ଆମ୍ବାଆରି ନାମାଆତେରି । ୨୫ ଏ କାତାତାକି ଏଝାରି ତାନି ବିତ୍ରା ରଣ୍ଡିଏ କାତା ଆଆଲିଏ ହେଲ ଅତେରି; ଏଝାରି ହାନି ନକେଏ ପାଞ୍ଜୁଲ ର କାତା ଷେସ୍‌ସେସି, “ସୁଦୁଜୀପୁ ମା ଆକୁ ଆବାୟାଣି ମାହାପୁରୁ ଅଣ୍ଟପୁଟି ବଲୁ ଷେହନି ଜିସାୟ ଡାଣାଟି ଷେସାମାତେସି ।” ୨୬ ଏଝାସି ଏଲେଇଚ୍ଛୁ ମାନେସି, “ଇ ଲକ୍ଷୁତାଣା ହାଜାନା ଷେହ୍‌ମୁ ମୀରୁ ଷେଞ୍ଜିଞେଞ୍ଜି ଷେଞ୍ଜେରି, ସାମା ଏନାଆଁ ତେଲ୍‌ହଅ ତେରି, ଇଚ୍ଛୁଁ ମୀରୁ ମେସି ମେସି ମେହ୍‌ଦେରି, ସାମା ଏନାଆଁ ପୁଞ୍ଜାଲି ଆଡଅତେରି, ୨୭ ଇଚିହିଁ ଇ ଲକ୍ଷୁ ହିୟାଁତା ଉଣା ବୁଦିଗାଟାରି, ଏଝାରି ଜାହା ଜାହାରା କାର୍ମା କାଣ୍ଡା ମୁତା କତାମାନେରି, ଏଲେଆହାଁ ହିଲାଆତିହିଁମା, ଏଝାରି କାଣ୍ଡା ଦେତାନା ମେସାଲି ଆଡିତେରିମା, ଅଡେ କାର୍ମା ତଲେ ଷେଞ୍ଜାଲି ଆଡିତେରିମା ।

ଏଖାରି ହିୟାଁତା ତେଲହାଲି ଆଡିନି ବାଡ଼ୁ ଡ଼ୟିତେମା; ଏଖାରି ମାହାପୁରୁ
ଖାକି ଖେଣ୍ଡା ଖାଚେରିମା, ଅଡ଼େ ନାନୁ ଏଖାରାଇଁ ନେହିଁ କିଚେଏଁମା ।” ୨୮
ଡ଼ାୟୁ ପାଞ୍ଜୁଲ ଏଲେଇଚେସି, “ଏଦାଆଁତାକି ମାହାପୁରୁଟି ଇ ଗେଲ୍ପିନାଣି
ଏଟକା କୁଡ଼ାତି ଲକୁଡ଼ାଣା ପାଣ୍ଡୁଝି ଆହାମାନେ, ଇଦାଆଁ ମୀରୁ ପୁଞ୍ଜୁ;
ଏଖାରି ଜିକେଏ ଖେନେରି ।” ୨୯ ପାଞ୍ଜୁଲ ଇ ବାରେ କାତା ଖେସାଲିଏ,
ଜୀହୁଡ଼ିୟାଁ ତାମୁ ତାମି ବିତ୍ରା ବାଦିବାଦା ଆହିଁ ହାଚେରି । ୩୦ ପାଞ୍ଜୁଲ
ରୀ ବାସୀ ପାଚେକା ତାନି ବାଡ଼ା ଇଲୁତା ଡ଼ୟିତେସି, ଅଡ଼େ ଏଚେକା
ଲକୁ ଏଖାଣି ତାଣା ଖାହିମାଚେରି, ବାରେତି ଇଜ ହାଟା ଅହିମାଚେସି
। ୩୧ ଇଞ୍ଜିଁ ସାସାତଲେ ନୀରାସା ଆଆନା ମାହାପୁରୁ ରାଜିତି କାତା
ଖେସିମାଚେସି, ଇଞ୍ଜିଁ ପ୍ରବୁ ଜୀସୁ କ୍ରୀସ୍ତୁତି କାତା ଜାପ୍ହି ମାଚେସି ।

ରମି

୧ କ୍ରୀଷ୍ଣ ଜୀବୁତି ହଲେଏସି ଅଡ଼େ ମାହାପୁରୁ ହାହାମାନି ନେହିଁ ବଲ୍ଲୁ
 ଷ୍ଠେକହାଲି ପାଣ୍ଡୁଝି ଆହାଁ ଆତାନା ହାଡ଼କି ଆହାମାନି ସୀସୁ ପାଞ୍ଚଲତି
 ଆକୁ । ୨ ଦାର୍ମ୍ବ ସାପ୍ତେରିତା ରାସକି ଆହାମାନି ଲେହେଁ ଈ ନେହିଁ କାବୁତି
 କାତା ତଲି କାଲାଟିଏ ମାହାପୁରୁ ଅଶ୍ଵୁତି ବଲ୍ଲୁ ଷ୍ଠେହନରି ତାଣାଟି
 ଆଞ୍ଜୁମାତେସି । ୩ ଇଦି ମାହାପୁରୁ ମୀରୁଏଶାତି କାତା, ମା ପ୍ରବୁ ଜୀସୁ
 କ୍ରୀଷ୍ଣ ମାଣ୍ଠି ଆହାଁ ଏଞ୍ଜାସି ଦାଞ୍ଜୁଦ କୃତାତା ଜାର୍ନା ଆତେସି । ୪ ସାମା
 ତାନି ଲାକପୁରୁତି ସୁଦୁଜାଞ୍ଜୁ ତାକି, କାଜା ହାକିଟି ନିଠ୍ଠୁନା ଏଞ୍ଜାସି ବାଡ଼୍ଠୁ
 ତଲେ ଜୀସୁ ମାହାପୁରୁତି ମୀରୁଏସି ମସିହା ଇଞ୍ଜି ଷ୍ଠେଢ଼ିତେସି, ୫ କ୍ରୀଷ୍ଣ
 ତାକି, ମାହାପୁରୁ ନାଢ଼େ ପାଣ୍ଡୁଝିଆହାମାନି ସୀସୁ ଲେହେଁ ହାତାନା,
 ବାରେ କୃତାତି ଲକୁଡ଼ାଣା ନେହିଁ ବଲ୍ଲୁ ଷ୍ଠେକହାଲି ପାରୁ ହାହାମାଞ୍ଜୁନେସି,
 ଏନିକିହିଁ ଏଞ୍ଜାସି କ୍ରୀଷ୍ଣ ଜୀସୁ ତାଣା ନାମାନା ତାଢ଼େ ମାନଝି ଆହାନା
 ତୁୟିନେରି । ୬ ରମି ଗାଡ଼ାତା ବାସାଆହାମାନି ଲକୁଡ଼େରି, ମୀରୁ ଜିକେଏ
 ଜୀସୁ କ୍ରୀଷ୍ଣୁତି ଲକୁ ଆହାଲି ହାଡ଼କି ଆହାମାଞ୍ଜୁରେ । ୭ ରମତି ଆମିନି
 ଲକୁଣି ମାହାପୁରୁ ଜୀଞ୍ଜୁ ନହାମାନେସି ଇଞ୍ଜି ତାନି ଲକୁ ଆହାଲିତାକି
 ହାତାନାମାନେସି, ଏ ବାରେ ଲକୁଡ଼ାକି ନାନୁ ଇ ଆକୁ ରାତିମାଢ଼, ମା ଆବା
 ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀଷ୍ଣ ତାଣାଟି ମିଢ଼େ କାର୍ମାମେହନାୟି
 ଅଡ଼େ ହିଡ଼ି ଆୟାପେ । ୮ ମୂଲୁଏ, ମୀ ନାମୁତି ନେହିଁ ହାତା ବାରେ
 ଦାରୁଡ଼ିତା ଷ୍ଠେଢ଼ିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜୀସୁ
 କ୍ରୀଷ୍ଣ ତାଣାଟି ନା ମାହାପୁରୁଇଁ ଜହରା କିହିମାଢ଼ । ୯ ନା ବାରେ ହିୟାଁ
 ଜୀଞ୍ଜୁତଲେ ନାନୁ ଆମିନି ମାହାପୁରୁତି ସେବା କିହିମାଢ଼ ଇଞ୍ଜି ଆମିନି
 ମାହାପୁରୁତି ମୀରୁଏଶାତି ନେହିଁ କାବୁ ଷ୍ଠେକହିମାଢ଼, ଏ ମାହାପୁରୁ ନା
 ସାକି । ୧୦ ପ୍ରାତାନା କିନାଟି ନାନୁ କାଲେଏ ମିଢ଼େ ଅଶ୍ଵାଢ଼ ଇଞ୍ଜି ମୀ
 ତାଣା ଖାହାଲି ନାଢ଼େ ପାରୁ ହିୟାନି ମାହାପୁରୁ ତାଣା ବାତିମାଲିମାଢ଼ ।
 ୧୧ ଇତିହିଁ ନାନୁ ମିଢ଼େ ଆଣ୍ଡାଲି ହାରେକା ମନ କିହିମାଢ଼, ଇଞ୍ଜି ମିଢ଼େ
 ର ଜୀଞ୍ଜୁତି ବର ହିୟାଢ଼, ଏନିକିହିଁ ମୀରୁ ତାରିଆହାନା ମାଞ୍ଜୁରେ । ୧୨
 ଇଦାଆଁ ତଲେ ମୀର ରଥତଞ୍ଜି ରଥଣା ନାମୁତି ଆବ୍ଝା କିହାଲି ଆତିନାୟି
 । ୧୩ ଏ ତାୟିୟାଁ ଅଡ଼େ ତାଢ଼ିସ୍ଠାତେରି, ମୀ ତାଣା ଖାହାଲି ତାକି ନାନୁ
 ହାରେକା ଦେବା ଅଶ୍ଵାପାମାଢ଼, ସାମା ହାରେକା ବାଦା ବେଟାଆତାକି,
 ନୀସି ପାତେକା ଖାହାଲି ଆତାଆତେସି । ଏବ୍ଝା କୃତାତି ଲକୁଡ଼ାଣା
 ଜିକେଏ ବଲ୍ଲୁ ଷ୍ଠେକହାନା ଏନିକିହିଁ ପାଡ଼େୟି ବେଟାଆହାମାଢ଼, ମୀ
 ତାଣା ଜିକେଏ ଏଲେକିହାଲି ନା ଅଶ୍ଵୁ । ୧୪ ଏନାଆଁତାକି ଇତିହିଁ
 ବୁଦିଗାଟାରି ଅଡ଼େ ପାଢ଼ୁଟାରି ଜାପିତାରି ଅଡ଼େ ଜାପାଆତି ଲକୁ ବାରେ
 ଗତିତି ଲକୁଡ଼ାକି ନା ଦାୟିପତି ମାନେ । ୧୫ ଏଦାଆଁତାକି ରମି ଗାଡ଼ା
 ତାତେରି ମୀରୁ, ମୀ ତାଣା ଜିକେଏ ନେହିଁ ବଲ୍ଲୁ ଷ୍ଠେକହାଲି ନା ଅଶ୍ଵୁ ।
 ୧୬ ଇତିହିଁ ନାନୁ ନେହିଁ କାବୁ ଷ୍ଠେକହାଲି ଲାଜା ଆଅଁ, ଏଦି ନାମିମାନି
 ବାରେ ଲକୁଡ଼ାକି ଗେଲ୍ପି ଆହାଲିତାକି ମାହାପୁରୁତି ବାଡ଼୍ଠୁ, ମୂଲୁଏ

ଜୀହୁଦି ଅଡ଼େ ତାୟୁ ଜୀହୁଦିଆଆତି ନାମିତି ଲକୁଡ଼ାକି । ୧୭ ମାଣ୍ଠି
 ଏନିକିହିଁ ମାହାପୁରୁ ନକିତା ଦାର୍ମ୍ବଗାଟାସି ଇଞ୍ଜି ଚଞ୍ଜୁଆନେସି, ଏ ଉପେୟି
 ଏଦାଆଁ ତୁସ୍ପି ଆହାମାନେ । ମୂଲୁଟିଏ ରାମି ପାତେକା ଗେଲ୍ପିଆନାଣି
 ବେଟାଆନି ଉପେୟି ନାମୁ । ଦାର୍ମ୍ବ ସାପ୍ତେରିତା ରାସକି ଆହାମାନେ,
 “ଦାର୍ମ୍ବଗାଟାସି ନାମୁତଲେ ନାତିନେସି ।” ୧୮ ଆମିନି ଲକୁ ବାରେ ଲାଗେଏ
 କାମାଟି ସାତାଢ଼ ଆଢ଼ିମାନେରି, ଏଞ୍ଜାରି କପାଟି ଲାକପୁରୁତି ମାହାପୁରୁତି
 କାର୍ବ ଚଞ୍ଜୁ ଆହାମାନେ । ୧୯ ଏନାଆଁତାକି ଇତିହିଁ ମାହାପୁରୁତି କାତା
 ଏନାଆଁ ପୁନାୟି ମାତେ, ଏଦାଆଁ ଏଞ୍ଜାରି ପୁଞ୍ଜୁମାନେରି, ମାହାପୁରୁ ଏଞ୍ଜାରି
 ନକିତା ଏଦାଆଁ ଷ୍ଠେସାମାନେସି । ୨୦ ମାହାପୁରୁ ଦାରୁଡ଼ି ଗାଡ଼ିକିତି
 ତାଣାଟିଏ, ତାନି ଚଞ୍ଜୁ ଆଆଗାଟି ଗୁଣ୍ଡୁୟାଁ, ତାନି ରାଆଗାଟି ବାଡ଼୍ଠୁ ଅଡ଼େ
 ଲାକପୁରୁତି ଗୁଣ୍ଡୁ, ନେହିଁକି ଚଞ୍ଜୁ ଆହିମାନୁ; ତାନି ଗାଡ଼ିକିତାଆଁ ବାରେ
 ଏଞ୍ଜାଆଁ ମେସାଲି ଆତିନାୟି । ଏଦାଆଁତାକି ଏଞ୍ଜାରି ପୁଞ୍ଜୁହଲଅମି ଇଞ୍ଜି
 ଇଞ୍ଜୁଲି ଆଡ଼ଅରି । (aidios g126) ୨୧ ଏଞ୍ଜାରି ମାହାପୁରୁଇଁ ପୁଞ୍ଜୁ ଜିକେଏ
 ଏଞ୍ଜାଣାଢ଼ ଗାଞ୍ଜୁରମି କିଆତେରି କି ଏଞ୍ଜାଣାଢ଼ ଜହରା କିଆତେରି । ସାମା
 ଏଞ୍ଜାରି ଅଶ୍ଵୁ ବାରେ ଉଜେଏତି ଅଶ୍ଵୁ ଅଡ଼େ ଏଞ୍ଜାରି ତେଲହାଆଗାଟି
 ମନ ଆନେରି ଆହାମାନେ । ୨୨ ଏଞ୍ଜାରି ଜାହାରାଢ଼ ବୁଦିଗାଟାତମି
 ଇଞ୍ଜି ଇନେରି, ସାମା ସାତା ତଲେ ଏଞ୍ଜାରି ବୁଦି ହିଲିଆ ଗାଟାରି; ୨୩
 ଅଡ଼େ ନାସା ଆଆଗାଟି ମାହାପୁରୁତି ଗାଞ୍ଜୁରମିତି ନାସା ଆନି ମାଣ୍ଠିସି,
 ସାରିଗଟା କତାୟାଁ ଗାଟି ଜନୁ, ପଟାୟାଁ ଅଡ଼େ ରାସକା କୃତାତି ବମାୟାଁ
 କିହାନା ଏଞ୍ଜାଆଁତି ପୂଜା କିହିମାନେରି । ୨୪ ଏଦାଆଁତାକି ମାହାପୁରୁ
 ଏଞ୍ଜାଣାଢ଼ ହିୟାଁତି ଲାଗେଏତି ଜୁପକାତାକି ଏଞ୍ଜାଣାଢ଼ ଲାଗେଏତି ତାଣା
 ହେର୍ପିତେସି, ଏନିକିହିଁ ଏଞ୍ଜାରି ଆଢ଼ୁ ରଥସି ରଥଣି ତଲେ ଲାଜାଗାଟି
 କାମା କିହିମାନେରି । ୨୫ ଏଞ୍ଜାରି ମାହାପୁରୁ କାତାଟି ସାତା ପିସାନା ମିତିତି
 ବାସୁ କିହିମାନେରି । ଗାଡ଼ିକିତି ମାହାପୁରୁଇଁ ପୂଜା କିଆନା, ଗାଡ଼ିଆତି
 ପିଣ୍ଡୁ ପୂଜା କିହିମାନେରି; ଏ ଗାଡ଼ି କିତାଣାଢ଼ କାଲକାଲାତାକି ଜହରା ।
 ଆମେନ୍ । (aion g165) ୨୬ ଏଞ୍ଜାରି ଏଲେକିତାକି ମାହାପୁରୁ ଏଞ୍ଜାଣାଢ଼
 ଲାଜାଗାଟି ପାପୁ କାମାତା ହେର୍ପିତେସି, ଇତିହିଁ ଏଞ୍ଜାରି ତକ୍ତିସିକା ତକ୍ତିୟାଁ
 ତଲେ କୃତାଲି ପିସାନା ଏଞ୍ଜି ତାୟୁ ତାୟୁଏ କିଆଗାଟି ଲାଜା କାମାୟାଁ
 କିତୁ ୨୭ ଏଲେକିହିଁଏ ଆବାୟାଁ ଜିକେଏ ଜାହାରା ତକ୍ତି ତଲେ କୃତାଆନା
 ଜାହା ଜାହାରା ବିତ୍ତା ଲାଗେଏତି କାମା କିତେରି । ଆବା ଆବାୟାଁ ତଲେ
 ଲାଜା ଆନି କାମା କିତେରି, ଏଦାଆଁତାକି ଏଞ୍ଜାରି ଲାଗେଏ କାମାଟି ତଣ୍ଡୁ
 ବେଟା ଆହିମାନେରି । ୨୮ ଅଡ଼େ ଏନିକିହିଁ ଏଞ୍ଜାରି ମାହାପୁରୁତି ବୁଦିତି
 କୁହାଲିଏ, ଏଲେକିହିଁଏ ମାହାପୁରୁ କିଆଗାଟି କାମା କିହାଲି ଏଞ୍ଜାଣାଢ଼
 ଲାଗେଏତି ଅଶ୍ଵୁତା ହେର୍ପିତେସି । ୨୯ ଏଞ୍ଜାରି ଦାର୍ମ୍ବ ହିଲିଆଗାଟାୟି,
 ଲାଗେଏ ପଲେଏ, ଜୁପକା ଅଡ଼େ ଇର୍ସା, ଲକୁଇଁ ପାୟିନାୟି, ଗଡ଼ହା
 କିନାୟି, ନାଡ଼ିକିନାୟି ଅଡ଼େ ଲାଗେଏତି କାମା ନେଞ୍ଜୁମାନେ; ୩୦ ଏଞ୍ଜାରି
 ଉଡ଼ୁପାତି, ନିନ୍ଦୁ କିନାରି, ମାହାପୁରୁଇଁ ଅପାଆଗାଟାୟି, ଲାଗେଏତି କାମା
 କିନାୟି, ଏଞ୍ଜାରି ଲାଗେଏ କାମା କିହାଲି ପାରୁ ପାରିନେରି; ଏଞ୍ଜାରି ତାଲି

ତାଙ୍କୁ ମାନି କିଆଗାଟାରି, ୩୧ ଏଞ୍ଜର ଦୁଦି ହିଲାଆ ଗାଟାରି, ଜାହାରା ହାତିକାତା ଆହଅରି । ଇଞ୍ଜି ଏଟ୍‌କାତାରାକି ଇଚାଣି କାର୍ମା ହିଲେଏ । ୩୨ ଏଞ୍ଜର ପୁଞ୍ଜାମାନେରି, ମାହାପୁରୁତି ମେରା ଲେହେଁ ଇଲେତି ଲୁକୁ ହାନି ତଣ୍ଡ ପାଣନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଞ୍ଜର ଏଲେକିହିଏ ଲାଗେଏତି କାମା କିହେମାନେରି, ଅଡେ ଏଲେତି କାମା କିହିମାନି ଲୁକୁତଲେ ରାହାଁତଲେ ଆଣ୍ଟିନେରି ।

୨ ଏ ତାୟି ଅଡେ ତାଢ୍ଫି, ମାମୁ ଏନାଆଁ ଏଟ୍‌କା ଲୁକୁଣି ନାହାଁୟି କିହିମାଞ୍ଜେରି? ମୀରୁ ଆମ୍ବାଆତେରି ଆତିଜିକେଏ, ଇଲେ କିନାୟି ମିଢ୍ଫେ ତାକି ନେହେଁ ଆଏ, ଏଟ୍‌କା ଲୁକୁଣି ଦହ ଦସାନା ମାମୁଏ ଏଲେତି କାମା କିହାନା ଏମ୍ବାଟି ମୀରୁଏ ଦହ କିହିମାଞ୍ଜେରି । ୨ ଆମିନି ଗାଟାରି ଇଲେତି କାମା କିନେରି, ମାହାପୁରୁ ଏଲେତି ଲୁକୁଣି ସାତା ତଲେ ନାହାଁୟି କିନେସି, ଇଦାଆଁ ମାମୁ ପୁଞ୍ଜାମାନମି । ୩ ଏ ତାୟି ଅଡେ ତାଢ୍ଫି, ଆମିନି ଗାଟାରି ଲାଗେଏତି କାମା କିନେରି, ଏଞ୍ଜରାଇଁ ନାହାଁୟି କିହାନା, ମାମୁଏ ଏଲେତି କାମା କିହିମାଞ୍ଜେରି, ମୀରୁ ମାହାପୁରୁତି ନାହାଁୟିଟି ଜାଣା ଆନାୟି ଇଞ୍ଜି ଅଣ୍ଟିମାଞ୍ଜେରି କି? ୪ ଆଆଁଟି, ମାହାପୁରୁତି ହାରେକା କାର୍ମାମେହନାୟି ମା ହିୟାଁ ବାଦ୍‌ଲି କିନି ଖାକି ଅହାଲି ଅଣ୍ଟିମେ, ଇଦାଆଁ ପୁନାଆନା ମୀରୁ କି ତାନି କାର୍ମାମେହନାଣି, ସାସା, ଅର୍‌ହାନା ତ୍‌ୟିନି ଲେହେଁତି ଦନଇଁ ଅପିହିଲଅତେରି କି? ୫ ସାମା ମୀରୁ ମୀ ଆଟ୍‌ଞ୍ଜା ଅଡେ ବାଦ୍‌ଲି ଆଆଗାଟି ହିୟାଁ ଲେହେଁ, ଆମିନି ଦିନା ମାହାପୁରୁତି ନାହାଁୟି ତୁଞ୍ଜାଆନେ, ଏ କାର୍‌ବିତି ଦିନାତାକି ଜାହାରାତାକି କାର୍‌ବି କୁଡି କିହିମାଞ୍ଜେରି; ୬ ଏଞ୍ଜର ବାରେ ଲୁକୁତାକି ତାନି କିହିମାନି କାମାତି ପାଡେୟି ହାନେସି; ୭ ଆମିନି ଗାଟାରି ସାସାତଲେ ନେହେଁ କାମା କିହାନା ଗାଞ୍ଜୁରମି, ମାନି ଇଞ୍ଜି ହାଆଗାଟାଣି ପାରିନେରି, ଏଞ୍ଜରାକି କାଲାକାଲାତି ଜାଣୁ ହାନେସି, (aiōnios g166) ୮ ଆମ୍ବାଆରି ଖାର୍‌ଇ ତାମ୍‌ଫ୍ଫେ ଅଣ୍ଟିମେରି, ଇଞ୍ଜି ସାତାତି ମାନଞ୍ଜି ଆଅରି, ସାମା ଲାଗେଏତାଣି ମାନଞ୍ଜି ଆନେରି; ଏଞ୍ଜରାକି କାର୍‌ବି ଅଡେ କପା ଖାନେ, ୯ ଆମ୍ବାଆରି ଲାଗେଏତି କାମା କିହିମାନେରି ଏଞ୍ଜରାକି କାକୁଲି ଅଡେ କସୁତି ଦିନା ଖାହିମାନେ, ମୁଲୁଏ ଜାହୁଡି ଲୁକୁତାକି ଇଞ୍ଜି ତାୟୁ ଜାହୁଡିଆଆତି ଲୁକୁତାକି ଆନେ । ୧୦ ସାମା ମୁଲୁଏ ଜାହୁଡି ଲୁକୁକି ଅଡେ ଜିକେଏ ଜାହୁଡିଆଆତି ଲୁକୁତାକି, ନେହେଁ କାମା କିହିମାନି ବାରେଜାଣା ତାକି ଗାଞ୍ଜୁରମି, ମାନି ଇଞ୍ଜି ହିଡ୍‌ଡି ହିୟାନେସି । ୧୧ ଇତିହିଁ ମାହାପୁରୁ ତାଣା ପାର୍‌ଡା ବାତି କିନାୟି ହିଲେଏ । ୧୨ ଜାହୁଡିଆଆତି ଲୁକୁକି ମସାତି ମେରା ହିଲାଆନା ପାପୁ କିହାମାନେରି; ଏଞ୍ଜର ଜିକେଏ ମସାତି ମେରା ହିଲାଆନା ନାସା ଆନେରି, ଅଡେ ଏତେକା ଜାହୁଡି ଲୁକୁକି ମସାତି ମେରା ପୁଞ୍ଜାମାନାକି; ଏଞ୍ଜର ପାପୁ କିହାମାନେରି ଅଡେ ଏ ମେରା ତଲେ ନାହାଁୟି କିଞ୍ଜିଆନେରି । ୧୩ ଇତିହିଁ ମେରାତି ଖେଞ୍ଜାମାନ ଲୁକୁ ମାହାପୁରୁ ନକିତା ଦାମ୍‌ଗାଟାରି ଆଅରି, ସାମା ମେରାତି ମାନଞ୍ଜି ଆତିସାରେ ଦାମ୍‌ଗାଟାରି ଆନେରି । ୧୪ ଜାହୁଡିଆଆତି ଲୁକୁକି ମେରା ହିଲାଆତିହିଁ ଜିକେଏ

ଏତିବେଲା ଏଞ୍ଜର ମେରାତା ମାନି ଲେହେଁ କାମା କିନେରି, ଏତିବେଲା ଏଞ୍ଜର ମେରା ବେଟା ଆଆତିହିଁ ଜିକେଏ ତାମ୍‌ଫ୍ଫେ ମେରା ଲେହେଁ ଆନେ; ୧୫ ଏଞ୍ଜର କିହିମାନି କାମାତି ଇତି ନେହେଁତଲେ ତୁଞ୍ଜା ଆହିମାନେ, ମେରାତି ମାନି ଏଞ୍ଜର ହିୟାଁତା ରାସକି ଆହାମାନେ । ଇ କାତାତି ସାତା ଏଞ୍ଜର ଅଣ୍ଟପୁତା ଜିକେଏ ପାର୍‌ମାଣା ସାତା ତଲେ ଅଣ୍ଟିନାଟି ଅଣ୍ଟିନି ଅଣ୍ଟପୁ ଏଞ୍ଜର କାତାତା ରାଜି ଆହିମାନେ, ସାତା ଅଣ୍ଟପୁ ଅଣ୍ଟିନାଟି ଅଣ୍ଟପୁ ଏଞ୍ଜରାଇଁ ନେହାଁରି କିନେ, ଲାଗେଏତି ଅଣ୍ଟପୁ ଅଣ୍ଟିନାଟି ଦହ କିହିମାନେ । ୧୬ ଏମିନି ଦିନା ମାହାପୁରୁ କ୍ରୀସୁ ଜୀସୁ ତାଣାଟି ମାଣ୍ଡିତି ତୁଗାମାନି କାତା ବାରେ ନାହାଁୟି କିନେସି, ଏ ଦିନା ନାନୁ ଖେକିହିମାନି ନେହେଁ କାବୁ ଲେହେଁ ଇ ବାରେ ଆନେ । ୧୭ ମୀରୁ ଜାହାରାଇଁ ଜାହୁଡିତମି ଇଞ୍ଜାକତିମାଞ୍ଜେରି; ମେରାତି ବାୟି ଇଟାମାଞ୍ଜେରି ଅଡେ ମାହାପୁରୁ ତାଣା ବତପଣ କିହିମାଞ୍ଜେରି; ୧୮ ଅଡେ ମସାତି ମେରାଟି ଜାପାନା ଏଞ୍ଜାଣି ଅଣ୍ଟପୁ ପୁଞ୍ଜାମାଞ୍ଜେରି, ଇଞ୍ଜି ନେହାଁଣି ଲାଗେଏତାଣି ବାତି କିହିମାଞ୍ଜେରି, ୧୯ ସାତେଏ ମୀରୁ ନେହେଁ କିହିଁ ପୁଞ୍ଜାମାଞ୍ଜେରି, ମୀରୁ କାଣାୟାଁଣି ଜିରୁ ତହନାତେରି, ଆନେରିତା ମାନି ଲୁକୁତାକି ଉଜେଡି ଲେହେଁ, ୨୦ ବୁଦି ହିଲାଆ ଲୁକୁଣି ଖେହନାତେରି, ପୁନାଆତି ଲୁକୁଣି କାପୁନାତେରି । ମୀ ନାମୁ, ମେରାଟି ମୀରୁ ସାତା ଅଡେ ବୁଦି ମେଡା ଆହାମାଞ୍ଜେରି । ୨୧ ମୀରୁ ଏଟ୍‌କାତି ଲୁକୁଣି ଜାପୁହି ମାଞ୍ଜେରି, ସାମା ଜାହାରାଇଁ ଏନାଆଁତାକି ଜାପୁହି ହିଲଅତେରି? ସବୁ କିଆବୁ ଇଞ୍ଜି କାପୁହାନା ମୀରୁଏ ଏନାଆଁତାକି ସବୁ କିହିମାଞ୍ଜେରି? ୨୨ ଦାରି କିଆବୁ ଇଞ୍ଜି ଇଞ୍ଜାମାନ ମୀରୁଏ ଦାରି କିହିମାଞ୍ଜେରି? ମୀରୁ ପେଣକା ବମାୟାଁ ପୂଜା ଅପାଆନା ଦେଞ୍ଜୁଡିକାତି ଦିଶ୍‌ସୁ ମାଣ୍ଡି ହିଲଅତେରି କି? ୨୩ ମୀରୁ ମାହାପୁରୁତି ମେରା ବେଟା ଆହାମାନମି ଇଞ୍ଜି ବତପଣ ଆହିମାଞ୍ଜେରି, ସାମା ଏଦାଆଁ ମାନି କିଆନା ମାହାପୁରୁଇଁ ଲାଜା ପାଟ୍‌ପି କିହିମାଞ୍ଜେରି କି? ୨୪ ସାପେରିତା ରାସକି ଆହାମାନେ, “ମିଢ୍ଫେ ତାକି ଜାହୁଡିଆଆତି ଲୁକୁତାଣା ମାହାପୁରୁ ଦରୁ ନିବୁ ବେଟା ଆହିମାନେ ।” ୨୫ ମୀରୁ ମେରାଟି ମାନି କିହିମାଟିସାରେ, ମୀ ତଲୁ ଦାପିଆନାୟି ଲାବା ମାନେ । ସାମା ମେରାଟି ମାନି କିଆସାରେ, ମୀ ତଲୁ ଦାପି ଆତାୟି ତଲୁ ଦାପିଆଆତି ଲୁକୁତଲେ ସମାନା । ୨୬ ର ଜାହୁଡିଆଆତି ଲୁକୁ ମେରାଟି ହୁକୁମିକା ମାନି କିତିସାରେ ମାହାପୁରୁ ଏଞ୍ଜାଣାଇଁ ତଲୁ ଦାପି ଆତାସି ଲେହେଁ ଇନଅସି କି? ୨୭ ଏଦାଆଁତାକି ଆଢ୍ଫା ତଲେ ତଲୁ ଦାପିଆଆତି, ଆମିନି ଜାହୁଡିଆଆତାରି ମସାତି ମେରା ମାନି କିନେରି, ଆତିହିଁ ମସା ରାତିତି ମେରା ଅଡେ ତଲୁ ଦାପି ଆତିଜିକେଏ ମେରା ମାନି କିହିହିଲଅତେରି, ଏଞ୍ଜର ମିଢ୍ଫେ ବିତାରା କିୟାନେରି । ୨୮ ଖାର୍‌ଇ ଆଢ୍ଫା ତଲେ ତଲୁ ଦାପି ଆହାନା ପାଟ୍‌ତା ଜାହୁଡି ଇଞ୍ଜିହିଁ ତସାକତିମାନି ଲୁକୁ ଜାହୁଡି ଆଏ । ୨୯ ଆମ୍ବାଆସି ହିୟାଁ ବିଡା ଜାହୁଡି, ଏଞ୍ଜର ସାତା ତଲେ ଜାହୁଡି, ଅଢ୍ଫେରି ତଲେ ଆଏ, ଜାଣୁ ଅଡେ ହିୟାଁ ତଲେ ଆମ୍ବାଆସି ତଲୁ ଦାପି ଆତାସି, ଏଦି ସାତା ତଲୁ ଦାପି ଆନାୟି

। ଏଲେତି ଲକ୍ଷୁ ମାଣ୍ଡି ଚାଣାଟି ମାନି ବେଟାଆଅସି, ସାମା ମାହାପୁରୁ ଚାଣାଟି ମାନି ବେଟା ଆନେସି ।

୩ ଆତିହିଁ ଜାହୁଦିଆଆତି ଲକ୍ଷୁ କିହାଁ ଜାହୁଦି ଲକ୍ଷୁକି ଏନାୟି ଗାତି ଲାବା ମାନେ? ତରୁ ଦାଃନାୟି ଏନି ଲାଡ଼ାମାନେ? ୨ ହାରେକାତି, ମୂଲ୍ୟୁ ମାହାପୁରୁ ତାନି ନେହିଁ କାରୁ ଖେକହାଲି ଦାୟିପତି ଜାହୁଦି ଲକ୍ଷୁକି ହେରପିତେସି । ୩ ଆତିହିଁ ଏନାୟି? ଜାହୁଦିଟ୍ଟା ଚାଣାଟି ଏତରଜାଣା ନାମାଆସାରେ, ଏଖାରି ମାନି କିଆଗାଟାୟି ଏନାଆଁ ମାହାପୁରୁ ନାମୁତି ଉଜେଏ କିନେ? ୪ ଏଲେଆହିଁ ଆଆପେ, ଲକ୍ଷୁ ବାରେଜାଣା ମିତିତାରି ଆତିହିଁ ଜିକେଏ ମାହାପୁରୁ ସାତା । ସାସ୍ତେରିତା ରାସ୍ତିକି ଆହାମାନେ; “ନା ବଲୁ ତଲେ ନାନୁ ଦାର୍ମୁ ଗାଟାଟି ଇଚ୍ଛୁଁ ଖେଟ୍ଟିଦି, ନାହାଁୟି ଆନି ବେଲତା ନାନୁ ଜାଣା ଆଦି ।” ୫ ମା ଲାଗେଏତି କାମା ମାହାପୁରୁତି ନେହିଁ କାମାତି ପାର୍ମାଣା କିନେ, ଆତିହିଁ ମାର ଏନାଆଁ ଇନାୟି? ଆମିନି ମାହାପୁରୁ ଲାଗେଏତି କାମାତାକି ତଣ୍ଡୁ ହାନେସି, ଏଖାସି କି ଦାର୍ମୁ ହିଲାଆଗାଟାସି? ନାନୁ ମାଣ୍ଡିଲେହେଁ ଖେସିମାଇଁ । ୬ ଏଲେଆହିଁ ଆଏ । ମାହାପୁରୁ ଦାର୍ମୁଗାଟାସି ଆଆତିହିଁ, ଏଖାସି ଏନିକିହିଁ ଦାର୍ତ୍ତିତି ନାହାଁୟି କିନେସି? ୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାସ୍ତୁରମି ତାକି ହାରେକା ଗାତି ଆଡେ, ଆତିହିଁ ନାନୁ ପାପୁ ଗାଟାଟେଏଁ ଇଚ୍ଛୁଁ ଏନାଆଁତାକି ନାହାଁୟି କିଞ୍ଚି ଆଇଁ? ୮ ମାର ଏନାଆଁତାକି ଏଲେଇନାଆୟି, “ଖାଦୁ ମାର ଲାଗେଏତି କାମା କିନ, ଆତିହିଁ ମାଟ୍ଟେତାକି ନେହେଁ ଆନେ?” ନାନୁ ଇଲେତି କାତା ଖେସିମାନାକି ଦାଖା କିହାନା ଏତେକା ଲକ୍ଷୁ ନାଟ୍ଟେ ନିନ୍ଦୁ କିହିମାଜ୍ଜାନେରି, ଏଖାରି ଇଦାଆଁତାକି ଆମିନି ତଣ୍ଡୁ ପାଣ୍ଡନାୟି ମାନେ, ସାତାତଲେ ବେଟାଆନେରି । ୯ ଆତିହିଁ ଜାହୁଦି ଲକ୍ଷୁ ଜାହୁଦିଆଆତି ଲକ୍ଷୁ କିହାଁ ହାରେକା ନେହାଁରି ମାନେରି? ଏତେଲାଖା ଆଏ, ନାନୁ ନକେଏ ଖେସାମାଜ୍ଜାଇଁ ଜାହୁଦି ଅଡେ ଜାହୁଦିଆଆତି ଲକ୍ଷୁ ପାପୁତି ବାଡ଼ୁୟୁତା ମାନେରି, ୧୦ ଦାର୍ମୁ ସାସ୍ତେରିତା ରାସ୍ତିକି ଆହାମାନେ; “ଦାର୍ମୁଗାଟାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି, ୧୧ ରଅସି ଜିକେଏ ବୁଦିଗାଟାସି ହିଲଅସି; କି ମାହାପୁରୁଇଁ ପାରିନାସି ହିଲଅସି । ୧୨ ଏଖାରି ବାରେଜାଣା ମାହାପୁରୁ ଚାଣାଟିଏ ହେକ ହାଜାମାନେରି; ଏଖାରି ବାରେଜାଣା ଲାଗେଏ ଜିରୁତା ହାଜାମାନେରି; ଆମ୍ବାଆସି ଜିକେଏ ରଅସି ସାତାପାଣାଟି କାମାକିନାସି ହିଲଅସି । ୧୩ ଏଖାରି ହାତା ଦେପିଆତି ମାଡ଼ହା ମୁହନି ଚାୟୁ, ଏଖାରି ଗୁତିଟି ମିତି କାତା ହୁତିମାନେ, ଲୁଡ଼ା ଡ଼ଲ ଅରୁ କାଟାମାନି ରାଡ଼ୁତି ବାସାମାନେ । ୧୪ ଏଖାରି ଗୁତିଟି କାତା କାମ୍ବେଲି ଗାଟାୟି ଇଚ୍ଛୁଁ ବାକା ତଲେ ନେଜ୍ଜାମାନେ । ୧୫ ଏଖାରି ଇର୍ହାଲି ଅଡେ ପାୟାଲି ଦେବୁଣିଏ ହନେରି । ୧୬ ଏଖାରି ଆମ୍ବିୟାଖାକି ହାନେରି, ଏମ୍ବାଆଁ ନାସା ଇଚ୍ଛୁଁ ସାସି ବେଟାଆନେରି । ୧୭ ଏଖାରି ହିଡ଼ିତି ଜିରୁ ପୁଜ୍ଜାହିଲଅସି, ୧୮ ମାହାପୁରୁଇଁ ଆଜିନାୟି ଏଖାରିତାଣା ହିଲେଏ ।” ୧୯ ମାର ପୁଜ୍ଜାମାନାୟି, ମେରା ମାନି କିହିମାନେରି, ଏମ୍ବାତି ବାରେ ହୁକୁମିଇଁ ଏଖାରି ମାନି କିନାୟିମାନେ । ମାହାପୁରୁ ଏତିବେଲା ବାରେ ଦାର୍ତ୍ତିତି

ବିଚାରା କିନେସି, ମେରାତି ମାନି କିଆଗାଟି ଲକ୍ଷୁ ଜାହାରେଇଁ ଦହ ହିଲାଆ ଗାଟାତମି ଇଚ୍ଛୁଁ ଇଚ୍ଛାଲି ଆଡଅରି । ୨୦ ସାମା ମେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ ମାହାପୁରୁ ନକିତା ଦାର୍ମୁଗାଟାସି ଆହାଲି ଆଡଅସି । ଇତିହିଁ ମେରାଟି ମାଣ୍ଡି ଖାରୁଇ ପାପୁତି ପୁଜ୍ଜାଲି ଆତିମାନେସି । ୨୧ ମାହାପୁରୁ ମାଣ୍ଡିଇଁ ତାନିତଲେ ନେହିଁକି ଆଣ୍ଡାଲି ତାକି ମେରା ପିସ୍ତେଏ ଏନାଆଁ କିହାମାନେସି, ଏଦି ନାଏଁ ତଞ୍ଜା ଆହିମାନେ । ଏ କାତା ମସାତି ମେରା ଇଚ୍ଛୁଁ ମାହାପୁରୁ ଅଣ୍ଡପୁତି ବଲୁ ଖେହନାରି ଜିକେଏ ସାକି ହାହାମାନେରି । ୨୨ ଖାରୁଇ ଜାସୁ ଜାସୁ ଚାଣା ନାମିତାକି ଲକ୍ଷୁ ମାହାପୁରୁ ନକିତା ଦାର୍ମୁଗାଟାରି ଆନେରି । ମାହାପୁରୁ ଆମ୍ବାଆରାଇଁ ପାର୍ଡ଼ା ବାତି କିଆନା ଜାସୁଇଁ ନାମିତି ବାରେ ଜାଣାକି ର ପାରୁ ହାନେସି । ୨୩ ବାରେଜାଣା ପାପୁ କିହାମାନେରି ଅଡେ ମାହାପୁରୁତି ଗାସ୍ତୁରମିଟି ହେକ ଆହାମାନେରି । ୨୪ ସାମା, ଏଖାରି ଉଜେଏ ମାହାପୁରୁତି କାର୍ମାମେହନି ଦାନା ତଲେ ଜାସୁ ଜାସୁ ଚାଣା ଆମିନି ଗେଲ୍ପି ଆନାୟି ମାନେ, ଏଦାଆଁ ତଲେ ଦାର୍ମୁଗାଟାରି ଆନେରି । ୨୫ ମାହାପୁରୁ ଜାସୁଇଁ ଦାନା ହାତେସି, ଏନିକି ଏଖାଣି ହାକି, ଏଖାଣି ତାଣା ନାମାମାନି ଲକ୍ଷୁତାକି ପାପୁ ମେଣ୍ଡୁନି ଉପେୟି ଆନେ । ମାହାପୁରୁ ଅର୍ହାନା ଲକ୍ଷୁ କିହାମାନି ତଲିତି ପାପୁତି ଡସାହିଲଅସି । ୨୬ ସାମା ନାଏଁ ଏଖାସି ଜାହାରି ଦାର୍ମୁ ଗାଟାଣି ଡସାଲି ତାକି ପାପୁ ମେକ୍ସିନି ମେରା କିହାମାନେସି । ଇଦାଆଁ ତଲେ ମାହାପୁରୁ ଡସାମାନେସି, ଏଖାସି ତାନୁଏ ଦାର୍ମୁଗାଟାସି ଇଚ୍ଛୁଁ ଆମ୍ବାଆସି ଜାସୁ ଚାଣା ନାମିନେସି, ଏଖାସି ବାରେଜାଣାଟି ଦାର୍ମୁ ଗାଟାରିଲେହେଁ ଆବିନେସି । ୨୭ ଆତିହିଁ ଆମିନି କାତାତା ମାର ବତପଣ ଆନାୟି? ଆଏ, ଏଲେତି କାତା ଏନାୟି ହିଲେଏ । ବତପଣ ଆହାଲିତାକି ମା ଚାଣା ଏନାୟି ମାନେ? ମାର ବାରେ ହୁକୁମି ମାନୁଞ୍ଚି ଆହିମାନାୟି ଇଚ୍ଛୁଁ କି? ଆଏ, ଖାରୁଇ ନାମୁଏ ମା ବତପଣ ଆନେ । ୨୮ ମାର ନେହିଁକି ତେଲହାଲି ଆଡିନାୟି, ରଅସି ଖାରୁଇ ତାନି ନାମୁତଲେ ମାହାପୁରୁ ନକିତା ଦାର୍ମୁଗାଟାସି ଇଚ୍ଛୁଁ ଖେଟ୍ଟିନେସି, ମେରାତି ମାନି କିତିସାରେ ଆଏ । ୨୯ ମାହାପୁରୁ ଖାରୁଇ ଜାହୁଦି ଲକ୍ଷୁତି ମାହାପୁରୁକି? ଏଖାସି ଜାହୁଦିଆଆତି ଲକ୍ଷୁତି ମାହାପୁରୁ ଆଏକି? ସାତେଏ ଏଖାସି ବାରେ ଲକ୍ଷୁତି ମାହାପୁରୁ । ୩୦ ଏନାଆଁତାକି ଇତିହିଁ, ମାହାପୁରୁ ରଅସିଏ, ଅଡେ ଏଖାସି ଜାହୁଦି ଇଚ୍ଛୁଁ ଜାହୁଦିଆଆତି ଲକ୍ଷୁତି ନାମୁ ତାକି ଏଖାସି ଏଖାରେଇଁ ଦାର୍ମୁ ଗାଟାରିଲେହେଁ ଆବିନେସି । ୩୧ ଆତିହିଁ, ମାର କି ନାମୁତଲେ ମସାତି ମେରା ମେକ୍ସିହି ମାନାୟି? ଏଦି ଏତେଲା ଜିକେଏ ଆଆପେ, ସାମା ମାର ନାମୁତଲେ ମସାତି ମେରାଈଁ ଜାଣ୍ଡେ ତାନି କିହିମାନାୟି ।

୪ ଆତିହିଁ ଆଜ୍ଞା ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଚ୍ଛୁଁହିଁ ମାର ଏଲେଇନାୟି? ୨ ଅବ୍ରାହାମ ତାନି ଜାହାରି କାମାତି ମାହାପୁରୁ ଚାଣା ଦାର୍ମୁଗାଟାସି ଆହା ମାତିହିଁମା, ଏଖାଣାକି ବତପଣ କିନି କାତା ମାଡେ । ସାମା ମାହାପୁରୁ ଖାକିତି ଏଦି ଆହାହିଲାଆଡେ । ୩ ଦାର୍ମୁ ସାସ୍ତେରି ଲେହେଁ, “ଅବ୍ରାହାମ ମାହାପୁରୁଇଁ ନାମିତେସି, ଅଡେ ଏ

ନାମୁତାକି ମାହାପୁରୁ ଏଞ୍ଜାଣାଇଁ ଦାମ୍ନୁ ଗାଟାଣି ଲେହେଁ ଅପିତେସି ।” ୪ ଆମ୍ବାଆସି କାମା କିନେସି, ଏଞ୍ଜାଣାକି ତାନି କୁଲି ଫେଡ଼ାଆନେ, ଏଦି ଦାନା ହାନାୟି ଆହାଲି ଆଡେଏ, ଏଦି କାମାତି ପାଡ଼େୟି ଇଞ୍ଜି ଇଣ୍ଡି ଆନେ । ୫ ସାମା ଆମ୍ବାଆସି ତାନି କାମାତା ଆସା କିଆନା, ଦାମ୍ନୁ ହିଲ୍ଲାଆଗାଟାଣାଇଁ ଏମିନି ମାହାପୁରୁ ଦାମ୍ନୁଗାଟାସି ଇଞ୍ଜି ଆବିନେସି, ଏଞ୍ଜାଣି ତାଣା ନାମିନେସି, ଏଞ୍ଜାଣି ନକିତା ଏଞ୍ଜାଣି ନାମୁ ଦାମ୍ନୁଗାଟାସି ଇଞ୍ଜି ଷ୍ଟେଢ଼ୁନେ । ୬ ଆମିନି ଲୁକୁଇଁ କାମା ଲୁଡ଼ାତି ସିନି କିଆନା ମାହାପୁରୁ ଏଞ୍ଜାଣାଇଁ ଦାମ୍ନୁଗାଟାସି ଇଞ୍ଜି ଆବିନେସି, ଏଞ୍ଜାଣାଇଁ ନେହାଁସି ଇଞ୍ଜି ଦାସୁଦ ଏଲେଇଞ୍ଜା ମାନେସି; ୭ “ଆମ୍ବାଆସି ଦହ ମେଣ୍ଡି କିଞ୍ଚିଆହାମାନେ, ଆମ୍ବାଆସି ପାପୁ ମେଣ୍ଡି କିଞ୍ଚିଆହାମାନେ, ଏଞ୍ଜାଣାକି ନେହେଁ । ୮ ପ୍ରୁ ଆମ୍ବାଆସି ପାପୁ ଆହସି, ଏଞ୍ଜାଣାକି ନେହେଁ!” ୯ ଇମ୍ବାଆଁ ଦାସୁଦ ଆମ୍ବାଆରାଇଁ ନେହେଁ ଇଞ୍ଜି ଷ୍ଟେସାମାନେସି, ଏଞ୍ଜାଣି କି ଖାରୁଇ ତଲୁ ଦାପି ଆତି ଲକୁ ମାତେରି? କି, ତଲୁ ଦାପିଆଆତି ଲକୁ ଜିକେଏ ନେହାଁସି ଆହାଲି ଆତିନେରି । ମାର ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ନୁଗାଟାସି ଇଞ୍ଜି ଷ୍ଟେଢ଼ୁତେସି ।” ୧୦ ଆତିହିଁ ଏଦି ଏଚେଲା ଆହାମାଚେ? ଅବ୍ରାହାମ ତଲୁ ଦାପି ଆତି ତାୟୁ କି, ତାନି ନକେଏ? ତଲୁ ଦାପି ଆଆନକେଏ, ତାୟୁ ଆଏ । ୧୧ ତଲୁ ଦାପି ଆତି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଞ୍ଜାଣାଇଁ ଦାମ୍ନୁ ଗାଟାଣା ଲେହେଁ ଆବା ମାଚେସି । ଇଦାଆଁ ପୁଣ୍ଡି କିହାଲିତାକି ଚି ସିନାଲେହେଁ ଅବ୍ରାହାମ ଇ ତଲୁ ଦାପିଆନି ମେରା ବେଟାଆହା ମାଚେସି, ଇତିହିଁ, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାଟି ଦାମ୍ନୁଗାଟାସି ଇଞ୍ଜିହିଁ ଆବିତାସି, ସୁଦୁ ମାଣ୍ଡକିଟି ଅବ୍ରାହାମ ଏଞ୍ଜାଣି ତାଞ୍ଜି । ୧୨ ଆବା ଅବ୍ରାହାମ ତଲୁ ଦାପି ଆତି ନକେଏଟିଏ ଆମିନି ନାମୁତି କାତା ତସାମାଚେସି, ତଲୁ ଦାପିଆଆତି ଲକୁ ଜାହାରା ଜାସୁତା ଏଲେତି ନାମୁ ତସାଲି ଆତିସାରେ, ଅବ୍ରାହାମ ଏଞ୍ଜାଣାକି ଜିକେଏ ତାଞ୍ଜି ଆନେସି । ୧୩ ଅବ୍ରାହାମ ମେରାତି ମାନି କିହାମାନାକି ଆଏ । ଖାରୁଇ ତାନି ନାମୁ ତାକି ମାହାପୁରୁ ତାଣାଟି ଦାମ୍ନୁଗାଟାସି ଇଞ୍ଜି ଷ୍ଟେଢ଼ୁମାଚେସି ଇଞ୍ଜି ଏଦାଆଁତାକି ତାନି ମାରୁକା ମାସକା ଦାରୁତିଟି ଅତିକାରା ବେଟାଆନେରି ଇଞ୍ଜି ମାହାପୁରୁ ଆଞ୍ଜାମାଚେସି । ୧୪ ଆମ୍ବାଆସି ମେରାତି ମାନି କିନାରି, ଖାରୁଇ ଏଞ୍ଜାଣି ମାହାପୁରୁତି ଦାନା ବେଟାଆନେରି ଇତିସାରେ, ମାଣ୍ଡସିତି ନାମୁ ଉଜେଏ, ମାହାପୁରୁ ଆଞ୍ଜାମାନାୟି ଜିକେଏ ଉଜେଏତାୟି ଆନେ । ୧୫ ଇତିହିଁ ମସାତି ମେରା ଉରିନି ତାଣାଟି ମାହାପୁରୁତି କାର୍ବି ଗାଟାସି ଆନେସି, ସାମା ଆମ୍ବିୟା ମେରା ହିଲେଏ, ଏମ୍ବାଆଁ ମେରା ଉରିନି କାତା ହିଲେଏ । ୧୬ ଏଦାଆଁତାକି ମାହାପୁରୁତି ଆଞ୍ଜାମାନାୟି ନାମୁ ଅଡ଼େ କାର୍ମାତି ଲାକ ଇଟ୍ଟକି ଆହାମାନେ । ଆମିନି ଗାଟାରି ମେରାତି ମାନି କିନେରି, ଖାରୁଇ ଏଞ୍ଜାଣାକିଦେହେଁ ମାହାପୁରୁତି ଆଞ୍ଜାମାନାୟି ଆଏ । ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏନାଆଁତାକି ଇତିହିଁ ଅବ୍ରାହାମ ଏଞ୍ଜାଣି ସୁଦୁ ମାଣ୍ଡକିଟି ତାଞ୍ଜି; ୧୭ ଆମିନି ମାହାପୁରୁଇଁ ଅବ୍ରାହାମ ନାମିମାଚେସି, ଆମ୍ବାଆସି ହାତାରାଇଁ ଷ୍ଟେଣ୍ଡେ ଜାସୁ କିନେସି, ଅଡ଼େ

ହିଲ୍ଲାଆଗାଟି ଦିଶ୍ଟୁତି ମାନି ଲେହେଁ ହାଟିନେସି, ଏ ମାହାପୁରୁ ନକିତା ଏଞ୍ଜାସି ମା ତାଞ୍ଜି ଆହାମାନେସି, ଇ କାତା ଦାମ୍ନୁ ସାସ୍ତେରିତା ରାସକି ଆହାମାନେ, “ନିଡ଼େ ହାରେକା କୁଡ଼ାତି ଲକୁତି ତାଞ୍ଜି କିହାମାଞ୍ଜାନମି ।” ୧୮ ଆସା କିନାୟି ଏନାୟି ହିଲ୍ଲାଆତି ଜିକେଏ ଅବ୍ରାହାମ ନାମିତେସି ଇଞ୍ଜି ଆସା ଇତିତେସି, ଏଦାଆଁତାକି “ହାରେକା କୁଡ଼ାତି ତାଞ୍ଜି” ଆତେସି । ଦାମ୍ନୁ ସାସ୍ତେରିତା ରାସକି ଆହାମାନେ, “ନୀ କୁଡ଼ା ହୁକାୟି ଲେହେଁ ଏପାଆନେରି ।” ୧୯ ଏଞ୍ଜାଣାକି ଏତିବେଲା ପାସାକଡ଼ି ବାସା ଆହାମାତାକି ଏଞ୍ଜାସି ତାନି ଆଡ଼ୁତି ହାତାୟି ଇଞ୍ଜି ସାରା ଅଡ଼େ କକାରି ପଦାଁ ଆନି ଗାରା ଜିକେଏ ହାତାୟି ଇଞ୍ଜି ଅଣ୍ଡିତି ଜିକେଏ ନାମୁତା ଉଣା ଆଆଚେସି । ୨୦ ଏଞ୍ଜାସି ତାନି ନାମୁ ପିହୁଆଚେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆଚେସି । ଏଞ୍ଜାସି ନାମୁତା ବାଡ଼ୁ ଆତେସି ଇଞ୍ଜି ମାହାପୁରୁଇଁ ଜହରା କିତେସି । ୨୧ ମାହାପୁରୁ ଏନାଆଁ ଆଞ୍ଜାମାଚେସି, ଏଞ୍ଜାସି ଏଦାଆଁ ମାନି କିନେସି ଇଞ୍ଜି ଏଞ୍ଜାଣାକି ଜାଣେ ନାମୁ ମାଚେ । ୨୨ ଏଦାଆଁତାକି ତାନି ନାମୁତଲେ ଅବ୍ରାହାମ, “ମାହାପୁରୁ ତାଣାଟି ଦାମ୍ନୁଗାଟାସି ଆହାମାଚେସି ।” ୨୩ “ଅବ୍ରାହାମ ଦାମ୍ନୁଗାଟାସି ଇଞ୍ଜି ଷ୍ଟେଢ଼ୁମାଚି” କାତା ଖାରୁଇ ଏଞ୍ଜାଣି ତାକିଏଦେଁ ରାସକି ଆହାହିଲେଏ । ୨୪ ସାମା ଇ କାତା ମାଡ଼େତାକି ଜିକେଏ ରାସକି ଆହାମାନେ; ଇତିହିଁ ଆମ୍ବାଆସି ମା ପ୍ରୁ ଜାସୁଇଁ ହାତାରି ତାଣାଟି ନିକହାମାନେସି, ଏଞ୍ଜାଣି ତାଣା ମାର ନାମିମାନାୟି, ମାଡ଼େତାକି ଜିକେଏ ଏଦି ଆନେ । ୨୫ ଏ ପ୍ରୁ ଜାସୁ ମା ପାପୁତି ବାଦୁଲି ହାହାଲି ହେବପିଆହା ମାଚେସି ଇଞ୍ଜି ମାହାପୁରୁ ନକିତା ମାଡ଼େ ଦାମ୍ନୁ ଗାଟାତାୟି କିହାଲି ଷ୍ଟେଣ୍ଡେ ନିଡ଼ୁତେସି ।

୫ ନାଏଁ ନାମୁତଲେ ମାର ମାହାପୁରୁ ନକିତା ଦାମ୍ନୁ ଗାଟାତାୟି ଆହାମାନାୟି ଇଞ୍ଜି ପ୍ରୁ ଜାସୁ କ୍ରାସୁ ତାଣାଟି ମାହାପୁରୁ ତଲେ ମାର ହିଡ଼ି ତଲେ ମାନାୟି; ୨ ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଞ୍ଜାଣି ତାଣାଟି ନାମୁତା ଜିକେଏ ମାନାୟି; ଇଞ୍ଜି ମାର ମାହାପୁରୁତି ଗାସୁରମିତି ବାସୁତା ବଡ଼ପଣ କିହିମାନାୟି । ୩ ଖାରୁଇ ଏଦି ଆଏ, ବାରେ ଦୁକୁ କସୁତା ଜିକେଏ ମାର ରାହାଁ କିହିମାନାୟି, ଇତିହିଁ କସୁତି ସାସା ଖାନେ, ୪ ସାସାଟି ବାଡ଼ୁୟି ମାଣ୍ଡକି ଖାନେ ଇଞ୍ଜି ବାଡ଼ୁୟି ମାଣ୍ଡକି ବାସୁ ଖାନେ । ୫ ବାସୁ ମାଡ଼େ ହାଣି ଆହାଲି ହିଲେଏ, ଏନାଆଁତାକି ଇତିହିଁ ମାହାପୁରୁ ମାଡ଼େ ସୁଦୁଜାସୁ ହାହାମା ମା ହିୟିତା ତାନି ଜାସୁ ନନାଣି ହାହାମାଞ୍ଜାନେସି । ୬ ଏତିବେଲାତା ମାର ଏନି ଉପେୟି ହିଲ୍ଲାଆଗାଟାତାୟି ମାଚାୟି, ଏତିବେଲା ମାହାପୁରୁ ତାରି କିହାମାଚି ବେଲାତା କ୍ରାସୁ ପାପୁ ଲକୁତାକି ହାତେସି । ୭ ଦାମ୍ନୁତି ଲକୁତାକି ଆମ୍ବାଆସି ଜିକେଏ ହାସି, ନେହିଁ ଲକୁତାକି ଆମ୍ବାଆସି ଜାସୁ ହାହାଲି ଅଣ୍ଡିନେସି । ୮ ସାମା ମାର ପାପୁଗାଟି ଲକୁ ମାଚାଟି ଜିକେଏ କ୍ରାସୁ ମା ତାକି ତାନି ଜାସୁ ହାତେସି, ଇଦାଆଁ ତଲେ ମାହାପୁରୁ ମାଡ଼େ ଏଚେକା ଜାସୁନହିଁ ମାଞ୍ଜାନେସି, ଏଦାଆଁ ତସାମାଞ୍ଜାନେସି । ୯ ଏଦାଆଁତାକି ଇ କାତା ସାତା, ମାର ନାଏଁ ଏଞ୍ଜାଣି ନେତେରି ତଲେ ଦାମ୍ନୁ ଗାଟାତଞ୍ଚି ଆହାମାନାକି ଏଞ୍ଜାଣି

ତାଣାଟି ମାହାପୁରୁଷ କପାଟି ଗେଲପି ଆହାଲି ଆଡିନାୟି । ୧୦ ମାର ମାହାପୁରୁଷି ସାତୁୟି ମାତାୟି, ସାମା ମାର ତାନି ମାର୍ବଣା ହାକିଟି ତାନିତଲେ ଆଣ୍ଡିତାୟି, ନାଏଁ ମାର ମାହାପୁରୁଷ ତଲେ ଆଣ୍ଡାନା କ୍ରୀସ୍ତୁଟି ଜୀସ୍ତୁତଲେ ଗେଲପି ଆନାୟି । ୧୧ ଖାରୁଇ ଏତେକା ଆଏ, ସାମା ପ୍ରବୁ ଜୀସୁ କ୍ରୀସ୍ତୁଟି ତାକି ମାର ନାଏଁ ମାହାପୁରୁଷ ତଲେ ଆଣ୍ଡାନାୟି; ଏଖାଣି ତାଣାଟି ମାର ମାହାପୁରୁଷ ତାଣା ବତପଣ ଜିକେଏ ଆହିମାନାୟି । ୧୨ ରଥଣି ତାଣାଟି ପାପୁ ଦାର୍ତତା ଖାତେ ଅଡେ ପାପୁ ତଲେ ହାକି ଖାତେ, ବାରେଜାଣା ପାପୁ କିତାକି ହାକି ବାରେ ମାଣ୍ଡିତାକି ଖାତେ, ଇଞ୍ଜି ବାରେଜାଣା ପାପୁ କିତେରି । ୧୩ ମେରା ହାପକି ଆତି ନକେଏ ଦାର୍ତତା ପାପୁ ମାତେ; ସାମା ମେରା ହିଲାଆତି ପାପୁଟି ଏଜିକିଓ ଆହି ହିଲାଆତେ । ୧୪ ଆଦମ ତାଣାଟିଏ ମସା ପାତେକା ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନି କିଆନା ପାପୁ କିହାହିଲାଆତି ଜିକେଏ ବାରେଜାଣା ହାକିଟି ତୁଲ ମାତେରି; ଆମିନିଗାଟାସି ଖାନାୟି ମାତେ, ଆଦମ ଏଖାଣି ର ଖାଣା । ୧୫ ସାମା ଦହ ଏନିକି, ମାହାପୁରୁଷି କାର୍ମା ଜିକେଏ ଏଲେକି, ଏଦି ଆଏ, ଇତିହିଁ ରଥଣି ଦହ ତାକି ହାରେକା ଲୁକୁଟି ହାକି ଆତେ, ଆତିହିଁ ମାହାପୁରୁଷି କାର୍ମା ଅଡେ ର ମାଣ୍ଡି ଇତିହିଁ ଜୀସୁ କ୍ରୀସ୍ତୁ ହାତି କାର୍ମାଟି ଦାନା ହାରେକା ଲୁକୁଟାକି ହାରେକା ଗାତି ଆତେ । ୧୬ ର ମାଣ୍ଡି ପାପୁ କିତାକି ଏନିକି ପାଡେୟି ଆତେ, ଇ ଦାନାଟି ପାଡେୟି ଏଲେକି ଆଏ, ଇତିହିଁ ରଥଣି ତାକି ଏମିନି ନାହାୟି, ଏମ୍ବାଟି ପାଡେୟି ତଣୁ ଆତେ, ସାମା ହାରେକା ଲୁକୁଟି ଦହ ତାକି ଏମିନି କାର୍ମାଟି ଦାନା, ଏମ୍ବାଟି ପାଡେୟି ଦହ ହିଲାଆଗାଟାୟି ଆତେ । ୧୭ ର ମାଣ୍ଡିଟି ପାପୁ ତାକି, ହାକି ସାଲଓ କିତେ; ସାମା ଅର ରଥଣି ଇତିହିଁ ଜୀସୁ କ୍ରୀସ୍ତୁ ଏନାଆଁ କିହାମାନେସି, ଏଦି ଏତେକା କାଜାୟି । ଆମିନି ବାରେଜାଣା ମାହାପୁରୁଷି ହାରେକା କାର୍ମାମେହନାୟି ଉଜେଏ ମେଡା ଆନାଣି ତଲେ ମାହାପୁରୁଷି ନକିତା ଦାର୍ମିଗାଟାରି ଇଞ୍ଜି ଖେଟ୍ଟୁନେରି, ଏଖାରି କ୍ରୀସ୍ତୁ ତଲେ ଜାଣାଆହାନା ନୀତିନେରି । ୧୮ ରଥଣି ପାପୁ ଏନିକିହିଁ ବାରେ ମାଣ୍ଡି କୁଡାଇଁ ତଣୁ ବେଟା ଆଓକିତେ, ଏଲେକିହିଁଏ ରଥଣି ଦାର୍ମିଟି କାମା ବାରେ ମାଣ୍ଡି କୁଡା ତାକି ଗେଲପି ଆନାଣି ଇଞ୍ଜି ରାଆଗାଟି ଜୀସୁ ତାତାହୀତେ । ୧୯ ରଥଣି ମାନି କିଆତାକି ଏନିକିହିଁ ହାରେକା ଲୁକୁ ପାପୁ ଗାଟାରି ଆତେରି, ଏଲେକିହିଁଏ ରଥଣି ମାନି କିନାଣି ତଲେ ବାରେଜାଣା ମାହାପୁରୁଷି ନକିତା ଦାର୍ମିଗାଟାରି ଆନେରି । ୨୦ ଇଦାଆଁ ପିସ୍ପେ ମେରା ଜିକେଏ ଖାତେ, ଏନିକି ଦହ ହାରେକା ଗାତିଆନେ; ସାମା ଆମ୍ବିୟା ପାପୁ ପାତାଆତେ, ଏମ୍ବାଆଁ ମାହାପୁରୁଷି କାର୍ମାମେହନାୟି ଜିକେଏ ହାରେକା ପାତାଆତେ । ୨୧ ଏନିକିହିଁ ପାପୁ ହାକି ତଲେ ସାଲଓ କିତେ, ଏଲେକିହିଁଏ ମାହାପୁରୁଷି କାର୍ମାମେହନାୟି ଜୀସୁ କ୍ରୀସ୍ତୁ ତାଣାଟି ମାଡ୍ଡେ ଦାର୍ମି ଗାଟାତାୟି କିହାଁ ରାଆଗାଟି ଜୀସୁ ହିୟାତେ । (aiōnios g166)

ଏତେଲା ଜିକେଏ ଆଆପେ । ପାପୁ ତାକି ମାର ହାହାମାନାୟି, ଏନିକିହିଁ ଏମ୍ବାଆଁ ଅଡେ ମାର ନୀତିନାୟି? ୩ ମାର ଏତେକା ଲୁକୁଟାୟି କ୍ରୀସ୍ତୁ ଜୀସୁ ତାଣା ବାପ୍ତିସ୍ତୁ ଅହାମାନାୟି, ବାରେ ଜାଣାତାୟି ତାନି ହାକିତା ବାପ୍ତିସ୍ତୁ ଅହାମାନାୟି, ଇଦାଆଁ କି ମୀରୁ ପୁଞ୍ଜାହିଲଅତେରି? ୪ ଏଦାଆଁତାକି ମାର ବାପ୍ତିସ୍ତୁ ଅହାନା ହାକିତା ତାନିତଲେ ମୁସ୍ପି ଅହାମାନାୟି, କ୍ରୀସ୍ତୁ ଏନିକିହିଁ ଆବାତି ଗାଞ୍ଜୁରମି ତଲେ ହାତାରି ତାଣାଟି ଖେଣ୍ଡେ ନିଢ୍ଫୁତେସି, ମାର ଜିକେଏ ଏଲେକିହିଁଏ ପୁଝି ଜୀସ୍ତୁଟି ମାଣ୍ଡି ତଲେ ନୀତିନ । ୫ ଏନାଆଁତାକି ଇତିହିଁ ମାର ଏଖାଣି ହାକିତା ଆଣ୍ଡାନା ଏଖାଣିତଲେ ରଣ୍ଡିଏ ଆହାମାନାୟି, ଆତିହିଁ ସାତେଏ ଏଖାସି ଖେଣ୍ଡେ ନିଢ୍ଫୁଟି ଲେହେଁ ମାର ଜିକେଏ ନିଢ୍ଫାନା ଏଖାଣିତଲେ ରଣ୍ଡିଏ ଆନାୟି । ୬ ମାର ପୁଞ୍ଜାମାନାୟି, ପାପୁଟି ହଲିୟାଞ୍ଜୁ ଆଆପ, ଇଦାଆଁତାକି ପାପୁଟି ଆଞ୍ଜୁ ନାସା କିହାଲିତାକି ମା ପୁଞ୍ଜଇ ମାଣ୍ଡି ତାନିତଲେ ପାସି ମୁଣ୍ଡାତା ହାହାମାନେ । ୭ ଏନାଆଁତାକି ଇତିହିଁ ମାଣ୍ଡି ହାତିସାରେ, ପାପୁଟି ବାଡ୍ଡୁଟି ଗେଲପି ଆନେସି । ୮ ସାମା ମାର କ୍ରୀସ୍ତୁ ତଲେ ହାତାକି, ତାନିତଲେ ମାର ଜିକେଏ ନୀତିନାୟି ଇଞ୍ଜି ନାମାମାନାୟି । ୯ ମାର ପୁଞ୍ଜାମାନାୟି, କ୍ରୀସ୍ତୁ ହାକିଟି ନିଢ୍ଫାମାନାକି, ଏଖାସି ଅଡେ ଖେଣ୍ଡେ ହାଅସିଦେଁ, ଏଖାଣାଇଁ ଅଡେ ହାକି ସାଲଓ କିହାଲି ଆତେଏ । ୧୦ ଏଖାସି ଆମିନି ହାକିତା ହାତେସି, ଏଦାଆଁ ତଲେ ପାପୁଟି ବାଡ୍ଡୁଟି ରଣ୍ଡିଏ ଦେବେଏ ଜୀଣା ଆତେସି । ଅଡେ ନାଏଁ ଆମିନି ଜୀସ୍ତୁତଲେ ନୀତାମାନେସି, ଏଦି ମାହାପୁରୁଷ ତଲେ ଆଣ୍ଡିଟି ଜୀସୁ । ୧୧ ଏଲେକିହିଁଏ ମୀରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜି ଅଣ୍ଡାପାପୁ । ସାମା କ୍ରୀସ୍ତୁ ଜୀସୁ ତାଣାଟି ଆଣ୍ଡାନା ମାହାପୁରୁଷ ତାକି ଜୀସୁ ଗାଟାତମି ଇଞ୍ଜୁ । ୧୨ ମା ହାନି ଆଞ୍ଜୁତା ପାପୁ ସାଲଓ କିୟାଆପେ; ମୀରୁ ଅଡେ ଆଞ୍ଜୁଟି ଲାଗେଏଟି ଅଣ୍ଡୁ ତଲେ ତାକାଆପୁ । ୧୩ ମା ଆଞ୍ଜୁ ଉଡେଲିଟି ଲାଗେଏ କାମାଟି ଛୁଟି ଲେହେଁ ପାପୁ କାମାତା ହେର୍ପାଆପୁ, ସାମା ହାତାରି ତାଣାଟି ନୀତାମାନି ଲେହେଁ ଜାହା ଜାହାରାଇଁ ମାହାପୁରୁଷ ନକିତା ହେର୍ପା କତାଡୁ, ଇଞ୍ଜି ଜାହା ଜାହାରା ଆଞ୍ଜୁ ଉଡେଲିଟି ଦାର୍ମିଟି ଛୁଟି ଲେହେଁ ମାହାପୁରୁଷ ନକିତା ହେର୍ପାପୁ । ୧୪ ପାପୁ ମିଢ୍ଫେ ସାଲଓ କିୟାଆପେ, ମୀରୁ ଅଡେ ମସାଟି ମେରା ତୁଲ ହିଲଅତେରି, ସାମା ମାହାପୁରୁଷି କାର୍ମାଟି ତୁଲ ମାଞ୍ଜେରି । ୧୫ ଆତିହିଁ ଏନାଆଁ? ମାର ମସାଟି ମେରା ତୁଲ ହିଲାଆୟି, ସାମା ମାହାପୁରୁଷି କାର୍ମାମେହନି ତୁଲ ମାନାୟି, ଇଦାଆଁତାକି କି ପାପୁ କିନାୟି? ଏଲେଆହିଁ ଏତେଲା ଜିକେଏ ଆଆପେ । ୧୬ ମୀରୁ ସାତେଏ ପୁଞ୍ଜାମାଞ୍ଜେରି, ମୀରୁ ରଥଣି ହଲିୟାଞ୍ଜୁ ଆହାନା ଏଖାଣି କାତା ମାନଓ ଆତିସାରେ, ଆତିହିଁ ମୀରୁ ଏଖାଣି ହଲିୟାଞ୍ଜୁତେରି, ପାପୁଟି ହଲିୟାଞ୍ଜୁ ଆତିସାରେ, ପାପୁ ମାଣ୍ଡିକିଟି ହାକି ଖାନେ; ଦାର୍ମିଟି ଜେତ ହାତିସାରେ, ଜୀସୁ ବେଟାଆଦେରି । ୧୭ ସାମା ମାହାପୁରୁଷି ଜହରା କିହିମାଇଁ, ମୀରୁ ର ଦିନା ପାପୁଟି ହଲିୟାଞ୍ଜୁତେରି ମାତେରି, ମୀରୁ ନାଏଁ ନେହିଁ ବଲୁଟି ଜାପ୍ତିନି ତାଣା ହେର୍ପାଆହା ମାଞ୍ଜେରି, ଅଡେ ହିୟି ତଲେ ଏମ୍ବାଟି ମାନି କିହିମାଞ୍ଜେରି । ୧୮ ପାପୁଟି ପିସ୍ପି ଆହାନା ଦାର୍ମିଟି ହଲିୟାଞ୍ଜୁ

୨ ଆତିହିଁ ମାର ଏନାଆଁ ଇନାୟି? ମାହାପୁରୁଷି କାର୍ମାମେହନାୟି ଏନିକିହିଁ ହାରେକା ଆନେ, ଏଦାଆଁତାକି କି ପାପୁତେଏ ମାଞ୍ଜେମାନାୟି? ୨ ଏଦି

ଆହାମାଞ୍ଜେରି । ୧୯ ମା ଆତ୍ମାଟି ବାଞ୍ଛୁ ହିଲାଆକି ମାଣ୍ଡିତି ହାତତଲେ
 ଖେସିମାଞ୍ଜେରି; ମୀରୁ ଏନିକିହିଁ ଲାଗେଏତି କାମାତାକି ଜାହାରା ଆତ୍ମା
 ଉଡେଲିତି ପଲେଏତି ଇଞ୍ଜିଁ ଦାମ୍ବୁ ହିଲାଆତାଣା ହଲିୟାତ୍ମା ଲେହେଁ
 ହେରୁପାମାତେରି, ଏଲେକିହିଁଏ ନାଏଁ ଜାହାରା ଆତ୍ମା ଉଡେଲିତି ସୁଦୁଜୀଞ୍ଜୁ
 ତାକି ଦାମ୍ବୁତି ନକିତା ହଲିୟାତ୍ମା ଲେହେଁ ହେରୁପାଦୁ । ୨୦ ମୀରୁ ପାପୁତି
 ହଲିୟାତ୍ମା ମାଗାଟି, ଦାମ୍ବୁତାକି ମେଲା ପିସ୍ପି ଆହାମାତେରି । ୨୧ ଆତିହିଁ
 ନାଏଁ ମିଡ୍ରେ ଆମିନି କାମା କିହାଲିତାକି ଲାଜା ହୁତିମାଞ୍ଜେନେ, ଏତିବେଲା
 ବାରେ କିହିମାତେରି, ଏଦି ଏମ୍ବାଟି ଏନାଆଁ ଲାବା ବେଟାଆତେରି? ଏ
 ବାରେ କାମାଟି ପାଡେୟି ହାକି । ୨୨ ସାମା ନାଏଁ ମୀରୁ ପାପୁତି ପିସ୍ପି
 ଆହାମା ମାହାପୁରୁତି ହଲିୟାତ୍ମା ଆହାମାଞ୍ଜେରି । ଇଦାଆଁତି ଲାବା
 ଆହିମାନେ, ମାହାପୁରୁ ତାଣା ସୁଦୁଜୀଞ୍ଜୁ ତଲେ ହେରୁପି ଆନାୟି ଇଞ୍ଜିଁ
 ରାଆଗାଟି ଜୀଞ୍ଜୁ ବେଟାଆନାୟି । (aiōnios g166) ୨୩ ଏନାଆଁତାକି ଇତିହିଁ
 ପାପୁତି କୁଲି ହାକି, ସାମା ମାହାପୁରୁତି କାର୍ମାମେହୁନି ଦାନା ମା ପ୍ରଭୁ ଜୀଞ୍ଜୁ
 କ୍ରୀସ୍ତ ତଲେ ଆଣ୍ଡିନି ତାଣା ରାଆଗାଟି ଜୀଞ୍ଜୁ ମାନେ । (aiōnios g166)

୨ ତାୟି ତାଞ୍ଜିସ୍ତାତେରି, ନାଏଁ ଏନାଆଁ ଖେସାଲି ଅଶ୍ପିମାଞ୍ଜ, ଏଦାଆଁ
 ମୀରୁ ଡେଲୁହିଦେରି, ଏନାଆଁତାକି ଇତିହିଁ ମୀରୁ ପୁଞ୍ଜାମାଞ୍ଜେରି,
 “ମେରା” ଏନାୟି । ମାଣ୍ଡିସି ଖାରୁଇ ତାନି ନାତାମାନି ପାତେକା ମେରାଟି
 ତୁଲ ଡୟିନେସି । ୨ ତକ୍ରା ନାତାମାନି ପାତେକା ତାନି ତକ୍ରା ଏଖାଣିତଲେ
 ବାହା ମେରା ତଲେ ଦସ୍ପି ଆହାମା ଡୟିନେ । ସାମା ତକ୍ରା ହାତିସାରେ,
 ଏଖାଣି ତକ୍ରା ଇ ମେରାଟି ପିସ୍ପି ଆନେ । ୩ ତକ୍ରା ନାତା ମାନାଟିଏ, ତକ୍ରା
 ଅର ରଥଶାକି ବାହା ଆତିସାରେ, ଏଦାନି ଦାରେଣି ଇଞ୍ଜିଁ ଇନେରି; ସାମା
 ତକ୍ରା ହାତି ଡାୟୁ ମେରାଟି ପିସ୍ପି ଆନେ, ଅଡେ ଏଦି ଅର ରଥଶାକି ବାହା
 ଆତିସାରେ, ଏଦି ଦାରେଣି ଆଏ । ୪ ଇଦାଆଁତାକି ତାୟି ତାଞ୍ଜିସ୍ତାତେରି,
 କ୍ରୀସ୍ତି ଆତ୍ମା ତଲେ ମୀରୁ ଜିକେଏ ମେରାତାକି ହାହାମାଞ୍ଜେରି, ଏନିକିହିଁ
 ମୀରୁ ଏବ୍ବକାତାରି ତଲେ ଆଣ୍ଡିଦେରି, ଇତିହିଁ ମା ମାହାପୁରୁ ତାକି ପାଡେୟି
 ଆୟାଲି ଆମ୍ବାଆସି ହାତାରି ତାଣାଟି ନାତାମାନେସି, ଏଖାଣିତଲେ ଆଣ୍ଡାଦୁ
 । ୫ ଏତରଦିନା ପାତେକା ମାର ଆତ୍ମାଟି ମାଣ୍ଡିକି ତଲେ ମାତାୟି,
 ଏତରଦିନା ପାତେକା ମସା ମେରାଟି ପାପୁତି ଇପ୍ବକା ମା ଆତ୍ମା ବିତ୍ରା
 ଜୀଞ୍ଜୁତି ହାଞ୍ଜି କିହାଲି କାମା କିହିମାତେ । ୬ ସାମା ଏନାଆଁତଲେ ଦସ୍ପି
 ଆହାମାତାୟି, ଏମ୍ବାଟି ହାହାମା ନାଏଁ ମାର ମେରାଟି ଅଦିକାରାଟି ମୁକଲୁଞ୍ଜି
 ଆହାମାନାୟି; ମାର ଅଡେ ତଲିତଲେହେଁ ରାସ୍ବକି ଆହାମାନି ମେରାଟି
 ସେବା କିହି ହିଲାଆୟି, ସୁଦୁଜୀଞ୍ଜୁ ତସାମାଞ୍ଜାନି ପୁଞ୍ଜି ଜିରୁତା ନାଏଁ ତାକି
 ମାନାୟି । ୭ ଆତିହିଁ ଏନାଆଁ ଇନାୟି, ମେରା ପାପୁ ଗାଟାୟି? ଏଦି
 ଏତେଲାଖା ଆଏ । ସାମା ପାପୁ ଏନାୟି, ଏଦାଆଁ ମେରା ନାଡ୍ରେ ଖେସା
 ମାଞ୍ଜେନେ, “ଏବ୍ବକା ଲକ୍ବୁତି ଦିଶ୍ବୁ ଇପ୍ବକା ଆଆଦୁ ” ଇ ହୁକୁମି ମେରା
 ଖେସା ମାଞ୍ଜେଆତିହିଁମା, ଇପ୍ବକା ଏନାୟି, ନାନ୍ଦୁ ପୁନାଆତେଏଁମା । ୮
 ସାମା ପାପୁ ପାରୁ ବେଟାଆହାମା ହୁକୁମି ତଲେ ନା ତାଣା ବାରେଲେହେଁତି
 ଇପ୍ବକା କିନାଣି ହିୟାତେ, ମେରା ପିସ୍ପେ ପାପୁ ହାତାୟି । ୯ ର ଦିନା

ନାନ୍ଦୁ ମେରା ପୁନାଆନା ନାତିମାତେଏଁ, ସାମା ହୁକୁମି ଖାହାଲିଏ ପାପୁ
 ନାତିତେ, ଇଞ୍ଜିଁ ନାନ୍ଦୁ ହାତେଏଁ; ୧୦ ଆମିନି ମେରା ଜୀଞ୍ଜୁ ହାହାଲିତାକି
 ଟିକାଣା ତାୟି ମାତେ, ଏଦି ନା ଜୀଞ୍ଜୁତା ହାକି ଖାତେ । ୧୧ ଇତିହିଁ ପାପୁ
 ପାରୁ ବେଟାଆହାମା ହୁକୁମିଟି ନାଡ୍ରେ ନାଡ୍ରି କିୟାତେ ଇଞ୍ଜିଁ ଏମ୍ବାଟି ନାଡ୍ରେ
 ପାୟାତେ । ୧୨ ମେରା ସୁଦୁଗାଟାୟି, ଏଦାଣି ହୁକୁମିକା ବାରେ ସୁଦୁ
 ଗାଟାଲ, ଦାମ୍ବୁଗାଟାୟି ଇଞ୍ଜିଁ ନେହାୟି । ୧୩ ଆତିହିଁ, ଏନାୟି ନେହାୟି,
 ଏଦି କି ନାଡ୍ରେ ହାଞ୍ଜି କିୟାତେ? ଏଦି ଏତେଲାଖା ଆଆପେ, ପାପୁଏ
 ଏଦାଆଁ କିତେ, ନେହିଁ ମେରାଟି ଲେମ୍ବାନା ପାପୁ ନାଡ୍ରେ ହାଞ୍ଜି କିୟାତେ,
 ଏଦାଆଁ ତଲେ ପାପୁତି ସାତା ଖାଣା ତଞ୍ଜୁଆତେ, ଏଦାଆଁତାକି ମେରା
 ତଲେ ପାପୁ ହାରେକା ଆଜିହପେତାୟି ପୁଣ୍ଡିମ୍ବାତେ । ୧୪ ମସାଟି ମେରା
 ସୁଦୁଜୀଞ୍ଜୁ ଗାଟାୟି, ଇଦାଆଁ ମାର ପୁଞ୍ଜାମାନାୟି; ସାମା ନାନ୍ଦୁ ପାପୁତି
 ଆତ୍ମାତା କଡ଼ଞ୍ଜିଆତି ହଲେଏଣାତେଏଁ । ୧୫ ନାନ୍ଦୁ ଏନାଆଁ କିହିମାଞ୍ଜ,
 ଏଦାଆଁ ନାନ୍ଦୁ ପୁଞ୍ଜିହିଲଅଁ; ଏନାଆଁ କିହାଲି ନା ଅଶ୍ପୁ, ଏଦାଆଁ ନାନ୍ଦୁ
 କିଅଁ; ସାମା ଏନାଆଁ ଅପଅଁ, ଏଦାଆଁ କିଇଁ । ୧୬ ସାମା ଏନାଆଁ ନାନ୍ଦୁ
 ଅଶ୍ପଅଁ, ଏଦାଆଁ କିତିସାରେ, ଆତିହିଁ ମସାଟି ମେରା ନେହାୟି ଏଦାଆଁ
 ନାନ୍ଦୁ ଜଲିମାଞ୍ଜ । ୧୭ ଏଦାଆଁତାକି ଏ କାମା ସାତେଏ ନାନ୍ଦୁ କିଆନା
 ନା ବିତ୍ରାମାନି ପାପୁଏ ଏଦାଆଁ କିହିମାନେ । ୧୮ ନାନ୍ଦୁ ପୁଞ୍ଜାମାଞ୍ଜ, ନା
 ବିତ୍ରା ଇତିହିଁ ମାଣ୍ଡିସି ମାଣ୍ଡିକିତା ନେହାୟି ଏନାୟି ଜିକେଏ ହିଲେଏ,
 ଇତିହିଁ ନେହିଁ କାମା କିହାଲି ନାଡ୍ରେ ଅଶ୍ପୁ ମାଟିହିଁ ଜିକେଏ ଏଦାଆଁ
 କିହାଲି ଆତଅଁ । ୧୯ ଇତିହିଁ ଏମିନି ନେହିଁ କାମା କିହାଲି ନାନ୍ଦୁ ମନ
 କିଇଁ, ଏଦାଆଁ କିଅଁ, ସାମା ଏମିନି ଲାଗେଏତି କାମା କିହାଲି ନାନ୍ଦୁ
 ମନ କିଅଁ, ଏଦାଆଁ କିଇଁ । ୨୦ ନାନ୍ଦୁ ଏନାଆଁ ଅଶ୍ପି ହିଲଅଁ, ଏଦାଆଁ
 କିହିମାଞ୍ଜ, ଆତିହିଁ ଏଦାଆଁ ନାନ୍ଦୁ ଅଡେ କିଅଁ, ସାମା ନା ତାଣା ବାସା
 କିହାମାନି ପାପୁ ଏଦାଆଁ କିନେ । ୨୧ ଏଦାଆଁତାକି ନାନ୍ଦୁ ନେହିଁ କାମା
 କିହାଲି ମନ କିହିମାଞ୍ଜ, ଏତିବେଲା ନା ତାଣା ଖାରୁଇ ଲାଗେଏତାୟି ତଞ୍ଜୁ
 ଆହିମାନେ, ଇଦାଆଁ ମେରାତା ମେସିମାଞ୍ଜ । ୨୨ ଇତିହିଁ ହିୟାତା ଅଶ୍ପିନି
 ମାଣ୍ଡିଲେହେଁ, ମାହାପୁରୁତି ମେରା ମାନି କିହାଲି ନାଡ୍ରେ ରାହିଁ, ୨୩
 ସାମା ନାନ୍ଦୁ ନା ଆତ୍ମାତା ଅର ରଲେତି ମେରା ତଞ୍ଜୁ ଆହିମାନେ, ଏଦି
 ନା ମନତି ମେରା କପାଟି ଜୁଜୁ କିହିମାନେ, ଅଡେ ନା ଆତ୍ମାତା ଏମିନି
 ପାପୁତି ମେରା ମାନେ, ନାଡ୍ରେ ଏମ୍ବାଆଁ ଦସ୍ପିମାନ । ୨୪ ଆୟାତା, କାର୍ମା
 କପଲ ହିଲାଆଗାଟି ମାଣ୍ଡିତେଏଁ ନାନ୍ଦୁ! ଇ ହାଞ୍ଜିକିନି ଆତ୍ମାଟି ନାଡ୍ରେ
 ଆମ୍ବାଆସି ଗେଲ୍ପାନେସି? ୨୫ ମା ପ୍ରଭୁ ଜୀଞ୍ଜୁ କ୍ରୀସ୍ତ ତାଣାଟି ଗେଲ୍ପି
 ଆହାମାନାକି ମାହାପୁରୁଞ୍ଜି ଜହରା ଆପେ । ଏନାଆଁତାକି ଇତିହିଁ ନାନ୍ଦୁଏ
 ନା ମନତଲେ ମାହାପୁରୁତି ମେରାଟି ହଲେଏଣାତେଏଁ, ସାମା ଆତ୍ମା ତଲେ
 ପାପୁ ମେରାଟି ହଲିୟା ଆହାମାନେ ।

ଆମିନି ଗାଟାରି କ୍ରୀସ୍ତ ଜୀଞ୍ଜୁତଲେ ଆଣ୍ଡାମା ନାତିମାନେରି, ଏଖାରାକି
 ନାଏଁ ଏନି ତଶ୍ବୁ ହିଲେଏ । ୨ ଇତିହିଁ ଜୀଞ୍ଜୁ ହିୟାନି ଜୀଞ୍ଜୁତି ମେରା
 କ୍ରୀସ୍ତ ଜୀଞ୍ଜୁ ତାଣା ଆଣ୍ଡାମା ମିଡ୍ରେ ପାପୁ ଅଡେ ହାଞ୍ଜିକିନି ମେରାଟି

ମୁକ୍ତକର୍ମ କିହାମାଜ୍ଞାନେ । ୩ ମାଣ୍ଡବିତ ଆତ୍ମତା ବାତ୍ସଲ୍ୟ ହିଲାଆକି ମସା ହାହାମାନି ଚେରା ଏନାଆଁ କିହାଲି ଆତାଆତେ, ମାହାପୁରୁ ଏଦାଆଁ ତାନି ମାର୍‌ଏଣାଲ୍ ପାପୁଗାଟି ମାଣ୍ଡବିଲେହେଁ ପାପୁଲ୍ ନାସା କିହାଲି ପାଶ୍ଚାତ୍ୟ ଆତ୍ମତା ପାପୁଟି ତଣ୍ଡ ହାହାଲି କିତେସି । ୪ ଏଦାଆଁତାକି ମାର ମାଣ୍ଡବିତ ମାଣ୍ଡକିତା ମାନାଆନା ସୁଦୁଜୀଞ୍ଜୁତି ମାଣ୍ଡକିତା ମାଜ୍ଞାନା ଇଚ୍ଛାଁ ଇଦାଆଁ ତଲେ ମାର ମେରାଟି ପାଶାପାପୁ ମାନି କିହମାନାୟି । ୫ ଆମିନି ଗାଟାରି ଆତ୍ମତା ମାଣ୍ଡକି ତଲେ ନାତିନାରି ଏଞ୍ଜାରି ଆତ୍ମତା ମାଣ୍ଡକିତା କାତାତା ମନ ହାନେରି, ସାମା ଆମିନି ଗାଟାରି ସୁଦୁଜୀଞ୍ଜୁତି ମାଣ୍ଡକି ତଲେ ନାତିନେରି, ଏଞ୍ଜାରି ହିୟାଁ ସୁଦୁଜୀଞ୍ଜୁତି କାତାତା ମନ ହାନେରି । ୬ ଇତିହିଁ ଆତ୍ମତା ମାଣ୍ଡକିତା ମନ ହାଞ୍ଜିକିନେ; ସାମା ସୁଦୁଜୀଞ୍ଜୁତି ମାଣ୍ଡକିତା ମନ ଜୀଞ୍ଜୁ ଇଚ୍ଛାଁ ହିତ୍ତି ହିୟାନେ । ୭ ଇତିହିଁ ଆତ୍ମତା ମନତଲେ ନାତିନାସି ମାହାପୁରୁ କପାଟି ସାତୁ ଆନେସି; ଇତିହିଁ ଏଞ୍ଜାସି ମାହାପୁରୁ ମେରାଟି ମାନି କିଅସି; ଇଚ୍ଛାଁ ଏଞ୍ଜାସି ମାନଞ୍ଜି ଆହାଲି ଆତଅସି । ୮ ଆମିନି ଗାଟାରି ଆତ୍ମତା ମାଣ୍ଡକି ତଲେ କାମା କିନେରି, ଏଞ୍ଜାରି ମାହାପୁରୁଲ୍ ରାହାଁ କିହାଲି ଆତଅସି । ୯ ମାହାପୁରୁଟି ସୁଦୁଜୀଞ୍ଜୁ ସାତା ତଲେ ମୀ ତାଣା ମାଟିସାରେ, ମାରୁ ଅଡେ ଆତ୍ମତା ମାଣ୍ଡକି ଲେହେଁ ନାତଅଡେରି, ସାମା ସୁଦୁଜୀଞ୍ଜୁଟି ହୁକୁମି ମାନି କିହମାଜ୍ଞେରି । କ୍ରୀସୁତି ଜୀଞ୍ଜୁ ଆମ୍ବାଆରି ତାଣା ହିଲେଏ, ଏଞ୍ଜାସି ଏତେଲା ଜିକେଏ ଏଞ୍ଜାଣି ଲକୁ ଆହାଲି ଆତଅସି । ୧୦ ସାମା କ୍ରୀସୁ ମୀ ତାଣା ମାଟିସାରେ, ମୀ ଆତ୍ମା ପାପୁ ତାକି ନାସା ଆହାଲି ହାଜିମାଟିହିଁ ଜିକେଏ, ସୁଦୁଜୀଞ୍ଜୁ ମିଡ୍ରେ ଜୀଞ୍ଜୁ ହାୟାନେ, ଏନାଆଁତାକି ଇତିହିଁ ମାହାପୁରୁ ନକିତା ମାରୁ ଦାର୍ମଗାଟାରେ ଆହାମାଜ୍ଞେରି । ୧୧ ଆମ୍ବାଆସି ହାତାରି ତାଣାଟି ଜୀସୁଲ୍ ନିକହେସି, ଏଞ୍ଜାଣି ଜୀଞ୍ଜୁ ମୀ ତାଣା ମାଟିସାରେ, ଆତିହିଁ ଆମ୍ବାଆସି ହାତାରି ତାଣାଟି କ୍ରୀସୁ ଜୀସୁଲ୍ ନିକହେସି, ଏଞ୍ଜାସି ମୀ ତାଣା ମାନି ତାନି ଜୀଞ୍ଜୁତଲେ ମୀ ହାତି ଆତ୍ମତା ଜିକେଏ ନାଟନେସି । ୧୨ ଏଦାଆଁତାକି, ତାୟି ତାଢ୍ଫିସ୍ତାତେରି, ମାର ରୀଣାଗାଟାତାୟି, ସାମା ଆତ୍ମତା ମାଣ୍ଡକି ତଲେ ନାତାଲି ଆଏ । ୧୩ ଇତିହିଁ ଆତ୍ମତା ମାଣ୍ଡକି ତଲେ ମାରୁ ନାତିଦେରି, ଆତିହିଁ ସାତେଏ ହାଦେରି, ସାମା ସୁଦୁଜୀଞ୍ଜୁଟି ସାୟେମି ତଲେ ଆତ୍ମତା କାମା ବାରେ ନାସା କିଦେରି, ଆତିହିଁ ନାତିଦେରି । ୧୪ ଆମିନି ଗାଟାରି ମାହାପୁରୁଟି ସୁଦୁଜୀଞ୍ଜୁ ତଲେ ତାକିନେରି, ଏଞ୍ଜାରି ମାହାପୁରୁଟି ମାର୍କା । ୧୫ ଇତିହିଁ ମାରୁ ଖେଣ୍ଡେ ଆଜାଲି ହଲିୟାତ୍ମତା ଜୀଞ୍ଜୁ ବେଟାଆହା ହିଲଅତେରି, ସାମା ମାର୍‌ଏଣାଟି ଜୀଞ୍ଜୁ ବେଟାଆହାମାଜ୍ଞେରି; ଏମ୍ବାଟି ମାର “ଆବା ତାଜ୍ଞ” ଇଚ୍ଛାଁ ହାତିମାନାୟି । ୧୬ ମାର ମାହାପୁରୁଟି ମାର୍କା ମାସକା ଇଚ୍ଛାଁ ଏ ଜୀଞ୍ଜୁଏ ମା ଜୀଞ୍ଜୁତଲେ ଆଶ୍ଚାୟା ସାକି ହାହିମାନେ । ୧୭ ଏନାଆଁତାକି ଇତିହିଁ ମାର ମାହାପୁରୁଟି ମାର୍କା ମାସକାତାୟି, ତାନି ଲକୁତାକି ଲଡାମାନି ବରତି ବାଗା ପାଶ୍ଚାୟାୟି, ଇଚ୍ଛାଁ କ୍ରୀସୁ ତଲେ ଗାଞ୍ଜୁରି ବେଟାଆହାଲି ମାର ଜିକେଏ ଏଞ୍ଜାଣିତଲେ ଦୁକୁ କସୁ ପାଶ୍ଚାୟାୟି ମାନେ, ଆତିହିଁ ମାହାପୁରୁଟି ବରତି ବାଗା ଅଡେ କ୍ରୀସୁ ତଲେ ବାଗାତା ଆଶ୍ଚାଲି

ଆତିନାୟି । ୧୮ ଅଣ୍ଡପାପୁ, ଆମିନି ଗାଞ୍ଜୁରିତା ଖାହିମାନି ଦିନାତା ମାର ଏଗାହାନାୟି, ଏଦାଆଁ କିହାଁ ନାଏତି ଦୁକୁ କାକୁଲି ଇତାୟି ଜିକେଏ ଆଏ, ଏତିବେଲାତା ମାହାପୁରୁ ତାନି ମାର୍କା ମାସକାଣି ତହନେସି । ୧୯ ମାହାପୁରୁ ତାନି ମାର୍କା ମାସକାଣି ତଞ୍ଜୁଆନାଣି ମେସାଲି ବାରେ ଗାଡ଼ି ଆତାୟି କାପୁ କାତାମାନେ । ୨୦ ଏନାଆଁତାକି ଇତିହିଁ ଗାଡ଼ିଆତାୟି ମାହାପୁରୁ ତାଣାଟି ବାକା ବେଟାଆହାନା ତାନି ଏଗାହାନି ଚାୟୁ ବାଣା ଆହାମାନେ । ଆତିଜିକେଏ ତାନି ଆସା ମାନେ, ୨୧ ଅଡେ ଏଦି ବାସୁ ବେଟାଆତେ, ଇଚ୍ଛାଁ ଗାଡ଼ି ଆତାୟି ତାନ୍‌ଏ ଜିକେଏ ମାହାପୁରୁଟି ମାର୍କା ଗାଞ୍ଜୁରି ତାକି ପିସ୍‌ପି ଆହାଲିତାକି ନାସା ଆନି ହଲିୟାଟି ପିସ୍‌ପି ଆନେ ୨୨ ସାମା ନାଏଁ ପାତେକା ବାରେ ଦାର୍‌ତି ଜାର୍‌ନା କିନି ବାସା ତଲେ କସୁ ପାଶ୍ଚାୟା ଲେହେଁ କସୁ ତାକି ହାହିମାନେ । ୨୩ ସାମା ମାର ମୁଲୁଟି ପାଡେୟି ଲେହେଁ ସୁଦୁଜୀଞ୍ଜୁଟି ବେଟାଆହାମାନାୟି, ଆତିହିଁ ଜିକେଏ ମାର ମାହାପୁରୁଟି ମାର୍କା ଇତିହିଁ ଜାହା ଜାହାଲି ଆତ୍ମତା ବାରେଜାଣା ଗେଲ୍‌ପି ଆୟାଲିତାକି କାପୁ କାତାମା ମା ହିୟାଁତା ହାହି ମାନାୟି । ୨୪ ଏନାଆଁତାକି ଇତିହିଁ ବାସୁଟି ମାର ଗେଲ୍‌ପି ଆହାମାନାୟି; ସାମା ଏନାୟି ତଞ୍ଜୁ ଆନାୟି, ଏଦାଆଁତାକି ବାସୁ ଇତିନାୟି ଏଦି ସାତାଟି ବାସୁ ଆଏ, ଇତିହିଁ ଏନାଆଁ ମେସିମାନାୟି ଏଦାଆଁତାକି ଏନାଆଁତାକି ବାସୁ ଇତିନାୟି? ୨୫ ସାମା ମାର ଏନାଆଁ ମେସି ହିଲାଆୟି ଏଦାଆଁତାକି ବାସୁ ଇତିନାୟି, ଆତିହିଁ ମାଡ୍ରେ ସାସାତଲେ କାପୁ କାଟାଆନାୟି ମାନେ । ୨୬ ମାର ବାତ୍ସଲ୍ୟ ହିଲାଆଗାଟାତାୟି, ସାମା ସୁଦୁଜୀଞ୍ଜୁ ମାଡ୍ରେ ସାୟେମି କିୟାନେ; ଏନିକିହିଁ ପ୍ରାତାନା କିନାୟି, ଏଦାଆଁ ମାର ପୁଞ୍ଜୁହିଲାଆୟି, ଏଦାଆଁତାକି ସୁଦୁଜୀଞ୍ଜୁ ଜଲିନି ହାତାତଲେ ମା ତାକି ମାହାପୁରୁଲ୍ ଗହାରା କିନେ; ୨୭ ଆମ୍ବାଆସି ମା ହିୟାଁ ବିତ୍ରା ମାନାଣି ପୁନାସି, ଏଞ୍ଜାସି ସୁଦୁଜୀଞ୍ଜୁଟି ଅଣ୍ଡପୁ ଏନାୟି ଏଦାଆଁ ପୁନେସି, ଇତିହିଁ ଏଞ୍ଜାସି ମାହାପୁରୁଟି ଅଣ୍ଡପୁ ତଲେ ମାହାପୁରୁ ଲକୁତାକି ଗହାରା କିନେସି । ୨୮ ମାର ପୁଞ୍ଜୁମାନାୟି, ଆମିନି ଗାଟାରି ମାହାପୁରୁଲ୍ ଜୀଞ୍ଜୁ ନନେରି ଇଚ୍ଛାଁ ମାହାପୁରୁଟି ଲଡା ତାକି ବାତି କିଞ୍ଜି ଆହାମାନେରି, ଏଞ୍ଜାରାକି ବାରେ ନେହାୟି ଆନେ । ୨୯ ଆମ୍ବାଆରାଲ୍ ମାହାପୁରୁ ହାଟାମାନେସି, ଏଞ୍ଜାରାକି ତାନି ମାର୍‌ଏଣା ଖାଣା ଲେହେଁ ଆହାଲି ତଲିଟିଏ ତାରି କିହାମାନେସି, ଆତିହିଁ ମାହାପୁରୁଟି ମାର୍‌ଏସି, ଏନିକିହିଁ ଏଞ୍ଜାସି ହାରେକା ତାୟି ତାଢ୍ଫିସ୍ତା କିହାଁ ମୁଲୁ ଜାର୍‌ନା ଆତାସି ଆନେସି । ୩୦ ଆମ୍ବାଆରାଲ୍ ନକେଏ ଆତାମାତେସି, ଏଞ୍ଜାରାଲ୍ ଏଞ୍ଜାସି ହାଟିତେସି, ଏଞ୍ଜାରି ମାହାପୁରୁ ନକିତା ଦାର୍ମଗାଟାରି ଇଚ୍ଛାଁ ତଞ୍ଜୁ କିତେସି, ଅଡେ ଆମିନି ଗାଟାରାଲ୍ ଦାର୍ମଗାଟାରି ଇଚ୍ଛାଁ ତଞ୍ଜୁ କିତେସି ଏଞ୍ଜାରାଲ୍ ଜିକେଏ ଏଞ୍ଜାସି ଗାଞ୍ଜୁରି କିତେସି । ୩୧ ଆତିହିଁ ଇ ବାରେତି ମେସାନା ମାର ଏନାଆଁ ଇନାୟି? ମାହାପୁରୁ ମା ଖାକି ମାଟିସାରେ, ଆମ୍ବାଆସି ମା କପାତଲେ ନିଡ୍ରେନେସି? ୩୨ ଆମ୍ବାଆସି ତାନି ମାର୍‌ଏଣାଲ୍ ଜିକେଏ ଗେଲ୍‌ପାଆତେସି, ସାମା ମା ବାରେତାକି ଏଞ୍ଜାଣାଲ୍ ହେରୁପିତେସି, ଏଞ୍ଜାସି ଏନିକିହିଁ ଏଞ୍ଜାଣିତଲେ ମାଡ୍ରେ ଜିକେଏ ବାରେ କାର୍‌ନାଟି ଦାନା ହିୟାସିକି?

୩୩ ମାହାପୁରୁ ହାତୀମାନି ଲକ୍ଷ୍ମ କପାତଲେ ଆମ୍ବାଆସି ଦହ ଦସାଲି ଆଡିନେସି? ଏଝାରି ଦହ ହିଲାଆ ଗାଟାରି ଇଚ୍ଛୁ ମାହାପୁରୁ ତାନୁଏ ଝେକହା ମାନେସି । ୩୪ ଆମ୍ବାଆସି ତଣ୍ଡୁ ହାନେସି? କ୍ରୀସୁ ଜୀସୁ ହାତୀରି ତାଣାଟି ଝେଣ୍ଡେ ନିତ୍ତୁମା ମାହାପୁରୁଟି ତିଝନି ଚଟତା ମାଞ୍ଜୁନା ମାଢ୍ଢେତାକି ଗହାରା କିହିମାନେସି । ୩୫ ଆତିହିଁ ଆମ୍ବାଆସି ମାଢ୍ଢେ କ୍ରୀସୁଟି ଜୀସୁ ନିନି ତାଣାଟି ଏଟ୍ଟକା କିୟାନେସି? ଦୁକୁ, କସୁ, କାକୁଲି କି କାତାରା, ହାକି, ଏସ୍କି, ସନି କି କାଣ୍ଡା, ଏନାୟି ଜିକେଏ ଏଦାଆଁ କିହାଲି ଆଡେଏ । ୩୬ ସାସ୍ତେରିତା ରାସ୍କି ଆହାମାନେ; “ମିଢ୍ଢେ ତାକି ମାମୁ ବାରେଦିନା ହାକିଟି ନକିତା, ହାହାଲି ହାଜିମାନି ମେଣ୍ଡା ଲେହେଁ ମାମୁ ତଣ୍ଡୁ ଆହିମାନମି ।” ୩୭ ଆଡିଜିକେଏ ଆମ୍ବାଆସି ମାଢ୍ଢେ ଜୀସୁ ନୟାଁଦେସି, ଏଝାଣି ସାୟେନି ତଲେ ମାର ଇ ବାରେଡି ଲାକ ଜୀଣା ଆହାମାନାୟି । ୩୮ ନାନୁ ସାଡେଏ ନେହିଁକି ପୁଞ୍ଜାମାଲ୍ ତାନି ଜୀସୁ ନିନି ତାଣାଟି ମାର ଏଡେଲା ଜିକେଏ ଏଟ୍ଟକା ଆଆୟି, ହାକି କି ଜୀସୁ, ଲାକପୁରୁଟି ଦୁତୁୟାଁ କି ସାଲଖି କିହିମାନାକ କି ବାଡ୍ଡୟୁ ଗାଟାଇ, ନୀଏଁ କି ଝାନି ଦିନା କି ଏନି ବାଡ୍ଡୟୁ, ୩୯ ଲାକପୁରୁଟି କାତା କି ତୁଲପୁରୁଟି କାତା ଏନାୟି ଜିକେଏ; ବାରେ ଗାଡ଼ିଆଡି ଦିଶସୁ ପ୍ରବୁ କ୍ରୀସୁ ଜୀସୁ ତାଣାଟି ତଣ୍ଡୁଆହାମାନି ମାହାପୁରୁଟି ଜୀସୁ ନିନି ତାଣାଟି ମାଢ୍ଢେ ଏଟ୍ଟକା କିୟାନେ ।

C ନାନୁ କ୍ରୀସୁଟି ଲକ୍ଷ୍ମ ଆହାମାନାକି ସାତା ଝେସିମାଲ୍, ମିତି ଝେସିହିଲଅଁ । ସୁଦୁଜୀସୁଟି ସେଦନା ହାନାଣି ତଲେ ନା ଅଣ୍ଡପୁ ଇଦାଣିଟି ସାକି । ୨ ନାନୁ ଏଡେକା ଦୁକୁ ଅଡେ କସୁତଲେ ନା ହିୟାଁତା ଏଡେକା ବକୁ ଆହାମାନେ, ଇଦାଆଁ ନାଡ଼ିକିହିଁ ଝେସିହିଲଅଁ । ୩ ନା ଜାହାରା କୃତାଟି ତାୟିୟାଁକି ନାନୁ କ୍ରୀସୁ ତାଣାଟି ଏଟ୍ଟକା ଆହାନା ମାହାପୁରୁ ତାଣାଟି ବାକା ବେଟାଆହାଲି ନା ଅଣ୍ଡପୁ, ଇତିହିଁ ଏଝାରି ମାହାପୁରୁଟି ଲକ୍ଷ୍ମ । ୪ ଏନାଆଁତାକି ଇତିହିଁ ଏଝାରି ଇସାୟେଲ ଲକ୍ଷ୍ମ; ତାନି ମାର୍କା ଲେହେଁ ଆବାନା ଏଝାରି ନକିତା ତାନି ଗାଞ୍ଜୁରିମି ତସାମାରେସି; ଏଝାରିତଲେ ରାଜିମାନା ଆହାନା ଏଝାରାକି ମେରା ହାହାମାରେସି, ଏଝାରି ସାତା ତଲେ ସେବା କିନାରି; ଏଝାରି ମାହାପୁରୁ ତାଣାଟି ଆଞ୍ଜୁମାନାଣି ବେଟାଆହାମାନେରି; ୫ ଏଝାରି ବାରେକାଣା ଝେଞ୍ଜୁମାନି ଆକୁ ଆବାୟାଁତି ମାର୍କା ଇଚ୍ଛୁ ମାଣ୍ଡି ଏଝାଟି କ୍ରୀସୁ ଏଝାରି ତାଣାଟି ଜାର୍ନା ଆହାମାରେସି; ବାରେ ଅଦିକାରାଗାଟି ମାହାପୁରୁକି କାଲାକାଲାତାକି ଜହରା ଆପେ । ଆମେନ । (aion g165) ୬ ମାହାପୁରୁଟି ବଲୁ ଉଜେଏ ଆହାମାନେ ଇଚ୍ଛୁ ନାନୁ ଝେସିହିଲଅଁ, ଇତିହିଁ ଇସାୟେଲ କୃତାଟି ବାରେ ଲକ୍ଷ୍ମ ମାହାପୁରୁଟି ଲକ୍ଷ୍ମ ଆଏ, ୭ ଅବାହାମ କୃତାଟି ବାରେ ଲକ୍ଷ୍ମ ମାହାପୁରୁ ମାର୍କା ମାସ୍କା ଏଦି ଆଏ; ମାହାପୁରୁ ଅବାହାମାଲ୍ ଝେସାମାରେସି, “ଇସାହାକ ତାଣାଟି ନୀ କୃତା ଝେଞ୍ଜୁନେରି ।” ୮ ଇଦାଣି କାତା ଇଦି, ମାଣ୍ଡି ମାର୍କା ମାସ୍କା ମାହାପୁରୁ ମାର୍କା ମାସ୍କା ଆହାଲି ଆଡଅରି, ମାହାପୁରୁଟି ଆଞ୍ଜୁମାନି ଲେହେଁ ଜାର୍ନା ଆହାମାନି ମାର୍କା ମାସ୍କା ମାହାପୁରୁ ନକିତା ସାତା ମାର୍କା ମାସ୍କା ଲେହେଁ ଆନେରି । ୯ ମାହାପୁରୁ ଇଦାଆଁ ଆଞ୍ଜୁମାରେସି,

“ଇ କାଲମିତା ମାମୁ ଝେଣ୍ଡେ ଝାନମି, ଏଡିବେଲାତା ସାରା ର ମାର୍-ଏଣାଲ୍ ଜାର୍ନା କିହାମାଣ୍ଡମିନେ ।” ୧୦ ଅଡେ ଝାର୍ଲ ଇଡେକା ଆଏ, ରିବିକାନି ତାଣା ଜିକେଏ ଜାଣ୍ଡା ମାର୍କା ର ତାଞ୍ଜି ଇସାହାକ ତାଣାଟି ଜାର୍ନା ଆହାମାରେରି, ୧୧ ଏଝାରି ଜାର୍ନା ଆନି ନକେଏ, ଅଡେ ଏଝାରି ନେହାଁଣି ଲାଗେଏତାଣି କିନି ନକେଏ, ଇଝାରି ବିତ୍ରାଟି ରଅସି ମାହାପୁରୁ ଲଡ଼ା ତାକି ବାଡି କିଝିଆଡେସି, ୧୨ ରିବିକାଲ୍ ମାହାପୁରୁ ଏଲେଇଞ୍ଜୁମାରେସି, “କାଜା ତାୟି ଉଣା ତାୟିଟି ସେବା କିନେସି ।” ମାହାପୁରୁ ଏଦାଆଁ ଝେସାମାରେସି ଏଝାରି କାମା କିତି ତାଣାଟି ଆଏ, ଝାର୍ଲ ମାହାପୁରୁ ଆଡିତାକି ଏଝାରି ହାଟ୍ଟକି ଆଡେରି । ୧୩ ସାସ୍ତେରିତା ରାସ୍କି ଆହାମାନେ, “ନାନୁ ଜାକୁବର୍ଲ୍ ଜୀସୁ ନଡେଏଁ, ସାମା ଏସାସୁଲ୍ ଅପାଆଡେଏଁ ।” ୧୪ ଆତିହିଁ ଏନାଆଁ ଇନାୟି, ମାହାପୁରୁ ଲାଗେଏଡି କାମାକିନାସି କି? ଏଦି ଏଡେଲା ଜିକେଏ ଆଆପେ । ୧୫ ଏଦାଆଁତାକି ମସାଲ୍ ଏଲେଇଡେସି, “ଆମ୍ବାଆରାଲ୍ ନା କାର୍ନା ଆନାୟି ମାନେ ଏଝାଣାଲ୍ କାର୍ନା ଆଲ୍, ଆମ୍ବାଆରାଲ୍ ସାୟେନି କିନାୟିମାନେ ଏଝାଣାଲ୍ ନାନୁ ସାୟେନି କିଲ୍ ।” ୧୬ ଏଦାଆଁତାକି ଆମ୍ବାଆସି ମନ କିନେସି, ଆଆଡି ଆମ୍ବାଆସି ପାରିନାସି କି କିନାସି, ଏଝାଣି ତାଣାଟି ଏନାୟି ଆହାଲି ଆଡେଏ, ସାମା କାର୍ନାମେହୁନି ମାହାପୁରୁ ତାଣାଟି ଆନେ । ୧୭ ଦାର୍ମି ସାସ୍ତେରିତା ରାସ୍କି ଆହାମାନି ଲେହେଁ, ମାହାପୁରୁ ମିସରତି ରାଜା ପାରେଲ୍ ଏଲେଇଡେସି, “ନୀ ତାଣାଟି ନା ବାଡ୍ଡୟୁ ତସାଲି ଇଚ୍ଛୁ ବାରେ ଦାର୍ଡିତା ନା ଗାଞ୍ଜୁରିମି ତସାଲି ତାକି ନାନୁ ନିଢ୍ଢେ ରାଜା କିହାମାଞ୍ଜୁଲ୍ ।” ୧୮ ଏଦାଆଁତାକି ମାହାପୁରୁଟି ଅଣ୍ଡପୁ ଲେହେଁ ଆମ୍ବାଆରାଲ୍ କାର୍ନା ମେହନେସି ଇଚ୍ଛୁ ଆମ୍ବାଆରାଲ୍ ଆଟ୍ଟା ହିୟାଁ କିନେସି । ୧୯ ଏମ୍ବାଟିଏ ନାନୁ ନାଢ୍ଢେ ଏଲେଇଞ୍ଜୁଡି, “ମାହାପୁରୁ ଏନାଆଁତାକି ଦହ ଆହନେସି? ଆମ୍ବାଆସି ମାହାପୁରୁଟି କପାତଲେ ଏନାଆଁ କିହାଲି ଆଡିମାନେସି?” ୨୦ ସାମା ଏ ସୟି, ନାନୁ ଆମ୍ବାଆସି, ମାହାପୁରୁଲ୍ ଝେଣ୍ଡେ ଝେସାଲି ନିଢ୍ଢେ ସାସା ମାନେକି, ଗାଡ଼ି ଆଡି ଆସି ଗାଡ଼ି କିତାଣାଲ୍ “ନାଢ୍ଢେ ଏନାଆଁତାକି ଇଲେକି ଗାଡ଼ି କିୟାଡି ଇଚ୍ଛୁ ଏଲେଇଞ୍ଜୁଲି ଆଡିନେ କି?” ୨୧ ର ଇରୁଆ ତେପଲାଟି ଜାହାରା ଇତା ତଲେ ତୁକା କେପାଲି କୁମ୍ପେଏଣାକି ବାରେ ଅଦିକାରା ମାନେ, ରଣ୍ଡୁଆଁ ବାରେ କାମାଡି ଦିନାତା ଲେମ୍ବାଲି ଅଡେ ରଣ୍ଡୁଆଁ ଉଜେଏ ଦିନାତା ଲେମ୍ବାଲି ତାକି । ୨୨ ମାହାପୁରୁ ଜିକେଏ ଏଲେକି କିହାମାନେସି, ତାନି କାର୍ଲି ତସାଲି ଇଚ୍ଛୁ ବାଡ୍ଡୟୁଟି ପୁଣ୍ଡି କିହାଲି ଅଣ୍ଡପିମାରେସି, ସାମା ଆମିନି ଗାଟାରି ଏଝାଣି କପାତଲେ ନାସା ଆନାୟି ମାରେ, ଏଝାରି ତାକି ମାହାପୁରୁ ହାରେକା କାର୍ନା ଆହାନା ଅରହା ମାନେସି । ୨୩ ଅଡେ ଗାଞ୍ଜୁରିମି ତାକି ତାନିତାଣାଟି ନକେଏ ଆହାମାନି ସାୟେନିଟି ଲକ୍ଷ୍ମ ମାର ଇତିହିଁ, ମା ତାଣା ତାନି ଗାଞ୍ଜୁରିମି ଦନ ତସାଲି କିହାମାନେସି, ଆତିହିଁ ନାନୁ ଏନାଆଁ ଇଚ୍ଛୁ? ୨୪ ଏଦାଆଁତାକି ଏଝାରି ଝାର୍ଲ ଜୀହୁଡି ଲକ୍ଷ୍ମ ତାଣାଟି ମାଢ୍ଢେ ହାଟା ମାଞ୍ଜୁଆସି, ସାମା ଜୀହୁଡିଆଆଡି ଲକ୍ଷ୍ମ ତାଣାଟି ଜିକେଏ ମାଢ୍ଢେ ହାଟାମାଞ୍ଜୁନେସି, ୨୫ ଇ କାତାଟି ହସେୟ ପଡିତା ମାହାପୁରୁ ଝେସାମାନେସି; “ଆମ୍ବାଆରି ମା ଲକ୍ଷ୍ମ

ହିଲାଆଡେରି, ଏଖାରାଇଁ 'ମା ଲକ୍ଷ୍ମୀ' ଲେହେଁ ହାଟା କଡ଼ିତମି; ଆମିନି କୃତାତାରାଇଁ ଜୀଘ୍ନ ନୁହାଁ ହିଲାଆଡମି ଏଖାରାଇଁ ମା 'ଜୀଘ୍ନି ଲକ୍ଷ୍ମୀ' ଇତମି, ୨୬ ଆମିନି ଚାୟୁତା ଏଖାରାଇଁ ସେସାମାତମି, 'ମୀରୁ ମା ଲକ୍ଷ୍ମୀ ଆଏ' ଏମାଆଁ ଏଖାରି ଜୀଘ୍ନଗାଟି ମାହାପୁରୁତି ମୀରକା ଇଞ୍ଜି ସେଢ଼ିନେରି ।" ୨୭ ଇଞ୍ଜି ଇସ୍ରାୟେଲ ଲକ୍ଷ୍ମୀ କାତା ଜିସାୟ କାଜା ରିୟାତଲେ ସେସାମାନେସି, "ଇସ୍ରାୟେଲତି ଲକ୍ଷ୍ମୀ ସାମଦୁରିତି ଏଜିକିହାଲି ଆତାଆଗାଟି ବାଞ୍ଜି ଲେହେଁ ଆତିହିଁ ଜିକେଏ, ଏଖାରି ବିତ୍ରାଟି ଏତର ଜାଣାଦେଁ ଗେଲ୍ପି ଆନେରି; ୨୮ ଏନାଆଁତାକି ଇତିହିଁ ପ୍ରଭୁ ତବେ ଦାର୍ତତା ବାରେ ନାହାଁୟି ବିତାରା କିନେସି ।" ୨୯ ଏନିକିହିଁ ଜିସାୟ ତଲିଏ ଅଡେ ସେସାମାତେସି, "ବାରେ ବାଡ଼ୁୟୁ ଗାଟି ପ୍ରଭୁ ଏଚେକା ମା କୃତାଟି ଲକ୍ଷ୍ମୀ ଗେଲ୍ପାଆତିମାଁ, ସଦମ ଅଡେ ଗମରାତି ଲକ୍ଷ୍ମୀଲେହେଁ ମାଢ଼େ ଜିକେଏ ଆୟାତେମା ।" ୩୦ ଏଦାଆଁତାକି ଜୀଘ୍ନଦିଆଆତି ଲକ୍ଷ୍ମୀ କାତାତା ଇଲେ ଇଞ୍ଜିଲି ଆତିନାୟି, ଏଖାରି ଦାମ୍ବୁଗାଟାରି ଆହାଲି ଅଶ୍ପି ହିଲାଆଡେରି, ସାମା ଏଖାରି ନାମ୍ବୁ ତାକି ଦାମ୍ବୁଗାଟାରି ଆଡେରି । ୩୧ ସାମା ଇସ୍ରାୟେଲ ଲକ୍ଷ୍ମୀ ଦାମ୍ବୁଗାଟାରି ଆହାଲି ଅଶ୍ପାମା ମେରା ତଲେ ଦାମ୍ବୁଗାଟାରି ଆହାଲି ଆତାଆଡେରି । ୩୨ ଏନାଆଁତାକି? ଇତିହିଁ ଏଖାରି ନାମ୍ବୁତଲେ ଏଦାଆଁ ପାରାଆନା, କାମା ତଲେ ପାରିମାତେରି । ଏଦାଆଁତାକି ଏଖାରି ଆଢ଼ିମାନି ଖାଲିତା ପୁଟି କିହାନା ତରୁଗିତେରି । ୩୩ ସାସ୍ତେରିତା ରାସ୍ତିକି ଆହାମାନେ; "ସିନିକିବୁ, ମାମ୍ବୁ ସିୟନତା ର ପୁଟିକିନି କଟା ଖାଲି ଇଞ୍ଜି ଆଢ଼ିନି ପାକା ଖାଲି କେପାମାନମି, ଆମ୍ବୁଆସି ଏଖାଣି ତାଣା ନାମିନେସି ଏଖାସି ଲାଜା ବେଟାଆସି ।"

୧୦ ଏ ତାୟି ତାଢ଼ିସ୍ତାତେରି, ମା ଲକ୍ଷ୍ମୀ ଏନିକିହିଁ ଗେଲ୍ପି ଆନେରି, ଏନି ନା ହିୟାତି ଅଶ୍ପୁ, ଇଞ୍ଜି ଏଖାରି ତାକି ମାହାପୁରୁ ତାଣା ରଶ୍ପିଏ ଅଶ୍ପୁ ତଲେ ନା ପ୍ରାତାନା । ୧ ଇତିହିଁ ମାହାପୁରୁ ସେବା କିହାଲି ଏଖାରାକି ହାରେକା ମନ ଅଡେ ରାହାଁ ମାନେ, ଇଦାଆଁ ନାନୁ ଏଖାରି ଖାକିଟି ସେସିମାଇଁ, ସାମା ଏ ମନ ଅଡେ ରାହାଁ ବୁଦିଗାଟାୟି ଆଏ । ୩ ମାହାପୁରୁ ହାତି ଦାମ୍ବୁତି ଜିରୁ ପୁନାଆନା ଜାହାରା ତାରି କିହାମାନି ଦାମ୍ବୁତି ଜିରୁଟି ତାକାନା ମାହାପୁରୁ ହାତି ଦାମ୍ବୁତି ଜିରୁଟି ଆସିହିଲଅରି । ୪ କ୍ରାସ୍ତ ମେରାତି ରାସ୍ତିନାସି, ଖାରୁଇ ଏଖାଣି ତାଣା ନାମିସାରେ ମାଣ୍ଡିସି ମାହାପୁରୁ ନକିତା ଦାମ୍ବୁଗାଟାସି ଆନେସି । ୫ ମସା ରାତାମାନେସି, "ଆମିନି ମାଣ୍ଡିସି ମେରା ମାନି କିହାନା ଦାମ୍ବୁଗାଟାସି ଆନେସି, ଏଖାସି ଏମ୍ବୁତି ନାତିନେସି ।" ୬ ସାମା ନାମ୍ବୁତଲେ ଦାମ୍ବୁଗାଟାତାୟି ଆନାୟି ଇଞ୍ଜି ସାସ୍ତେରିତା ରାସ୍ତିକି ଆହାମାନେ, "କ୍ରାସ୍ତିକି ରେସ୍ତା ତାଗାଲି ତାକି ଆମ୍ବୁଆସି ଲାକପୁରୁ ହାଜାଲି ଆତିନେସି?" ମୀରୁ ଇ କାତା ଏଲେଇନାଆୟୁ । ୭ ଇଞ୍ଜି "କ୍ରାସ୍ତିକି ହାତାରି ତାଣାଟି ନିକହା ତାଗାଲି, ଆମ୍ବୁଆସି ତାଡ଼େପୁରୁ ହାନେସି? ଇ କାତା ଜିକେଏ ମୀରୁ ଏଲେଇନାଆୟୁ ।" (Abyssos g12) ୮ ଏନାଆଁତାକି ଇତିହିଁ ସାସ୍ତେରିତା ରାସ୍ତିକି ଆହାମାନି ଲେହେଁ, "ମାହାପୁରୁତି ବଲ୍ଲୁ ମା ତାଣା ମାନେ, ଅଡେ ମୀ ଗୁତି ଇଞ୍ଜି ହିୟାତା ମାନେ, ଆମିନି ନାମ୍ବୁତି ବଲ୍ଲୁ

ମାମ୍ବୁ ସେକ୍ତାହି ମାନମି, ଏ ବଲ୍ଲୁ ।" ୯ ମୀରୁ ଜୀଘ୍ନଇଁ ଗୁତି ତଲେ ପ୍ରଭୁ ଇଞ୍ଜି ଜଳିନେରି, ଇଞ୍ଜି ମାହାପୁରୁ ଏଖାଣାଇଁ ହାତାରି ତାଣାଟି ନିକହାମାନେସି ଇଞ୍ଜି ହିୟାଁ ତଲେ ନାମିସାରେ, ଆତିହିଁ ମୀରୁ ଗେଲ୍ପି ଆଡେରି; ୧୦ ଇତିହିଁ ଦାମ୍ବୁଗାଟି ଲକ୍ଷ୍ମୀ ଆହାଲି ମାଣ୍ଡିସି ହିୟାଁ ତଲେ ନାମିନେସି, ଇଞ୍ଜି ଗେଲ୍ପି ଆହାଲି ଗୁତି ତଲେ ଜଳିନେସି । ୧୧ ଦାମ୍ବୁ ସାସ୍ତେରିତା ରାସ୍ତିକି ଆହାମାନେ, "ଆମ୍ବୁଆସି ଜିକେଏ ତାନି ତାଣା ନାମିନେସି, ଏଖାସି ଲାଜା ବେଟାଆସି ।" ୧୨ ଜୀଘ୍ନଦି ଇଞ୍ଜି ଜୀଘ୍ନଦିଆଆଡାରି ବିତ୍ରା ପାର୍ତା ବାଟି କିନାୟି ହିଲେଏ; ବାରେଜାଣା ତାକି ରଶ୍ପିଏ ପ୍ରଭୁ ଏଚେକା ଲକ୍ଷ୍ମୀ ଏଖାଣି ତାଣା ପ୍ରାତାନା କିନେରି, ବାରେ ଜାଣାକି ଏ କାର୍ମାମେହୁନାୟି ଆନେ । ୧୩ "ଆମ୍ବୁଆସି ପ୍ରଭୁ ଦରୁ ଆସାନା ପ୍ରାତାନା କିନେସି, ଏଖାସି ଗେଲ୍ପି ଆନେସି ।" ୧୪ ସାମା ଆମ୍ବୁଆରାଇଁ ନାମା ହିଲଅରି ଏନିକିହିଁ ଏଖାରି ଏଖାଣି ତାଣା ପ୍ରାତାନା କିନେରି? ଇଞ୍ଜି ଏଖାଣି ନେହିଁ ବଲ୍ଲୁ ସେନାଆନା ଏଖାରି ଏନିକିହିଁ ନାମିନେରି? ସେକ୍ତାନି ସେକ୍ତାଆସାରେ ଏ ବଲ୍ଲୁ ଏଖାରି ଏନିକିହିଁ ସେନେରି? ୧୫ ଅଡେ ବଲ୍ଲୁ ସେକ୍ତାହିଲି ତାକି ପାଣ୍ଡି ଆଆସାରେ ରଅସି ଏନିକିହିଁ ବଲ୍ଲୁ ସେକ୍ତନେସି? ଇ କାତା ସାସ୍ତେରିତା ରାସ୍ତିକି ଆହାମାନେ, "ଆମିନି ଗାଟାରି ନେହିଁ ବଲ୍ଲୁତି କାବୁ ତାନେରି ଏଖାରି କତାୟାଁ ଏଚେକା ଅଜିତାଲା!" ୧୬ ସାମା ବାରେଜାଣା ଏ ନେହିଁ ବଲ୍ଲୁ ଆବା ହିଲଅରି, ଏଦାଆଁତାକି ଜିସାୟ ଏଲେଇଞ୍ଜି ମାନେସି, "ପ୍ରଭୁ ମା ହାତା ସେଞ୍ଜାନା ଆମ୍ବୁଆସି ନାମା ମାନେସି?" ୧୭ ଏନିକିହିଁ ନାମ୍ବୁ ସେନି ତାଣାଟି ଖାନେ, ଅଡେ ସେନାୟି କ୍ରାସ୍ତିକି ନେହିଁ ବଲ୍ଲୁଟି । ୧୮ ସାମା ନାନୁ ଏଲେଇଇଁ, ଏଖାରି ଏନାଆଁ ଏ ବଲ୍ଲୁ ସେଞ୍ଜାହିଲଅରି କି? ସେଞ୍ଜାମାନେରି, ଏନାଆଁତାକି ଇତିହିଁ ସାସ୍ତେରିତା ରାସ୍ତିକି ଆହାମାନେ; "ଏଖାରି ହାତା ବାରେ ଦାର୍ତତା ସେଞ୍ଜାମାନେ, ଏଖାରି କାତା ବାରେ ଦାର୍ତତି ମୁହଁପୁଲି ପାତେକା ସେଞ୍ଜାମାନେ ।" ୧୯ ଅଡେ ର ଦେବା ନାନୁ ସେଞ୍ଜାଲି ଅଶ୍ପିମାଇଁ, ଇସ୍ରାୟେଲ ଲକ୍ଷ୍ମୀ ଏଦାଆଁ ତେଲ୍ହାଲି ଆତାଆଡେରି କି? ହାରେକା ବାର୍ଦା ନକେଏ ମସା ଇ କାତା ସେସାମାନେସି, "ମା ଲକ୍ଷ୍ମୀ କାର୍ବି କିହାଲିତାକି ର ଉଣା କୃତାଟି ଲେମ୍ବିନମି, ଏଲେକିହିଁ ଏ ବୁଦି ହିଲାଆଗାଟି କୃତା ତଲେ ଏଖାରାଇଁ କାର୍ବି କିଞ୍ଜି କିନମି ।" ୨୦ ଅଡେ ଜିସାୟ ସାସାତଲେ ସେସାମାନେସି, "ଆମିନି ଗାଟାରି ମାଢ଼େ ପାରିମାଞ୍ଜୁଆଡେରି, ଏ ଲକ୍ଷ୍ମୀ ମାଢ଼େ ବେଟାଆୟାଡେରି; ଆମିନି ଗାଟାରି ମା କାତା ସେଞ୍ଜାମାଞ୍ଜୁଆଡେରି, ଏଖାରି ନକିତା ମାମ୍ବୁ ତଞ୍ଜୁଆତମି ।" ୨୧ ସାମା ଏଖାସି ଇସ୍ରାୟେଲ ଲକ୍ଷ୍ମୀ କାତା ସେସାମାନେସି, "ର ମାନି କିଆନା ନା କପାଟି ନିଢ଼ିନି କୃତାଟି ନାନୁ ସେଡ଼ା ତୁସ୍ତେ କେୟୁ ଦାସା ମାଇଁ ।"

୧୧ ଅଡେ ନାନୁ ସେଞ୍ଜାଲି ଆତିଇଁ, ଆତିହିଁ ମାହାପୁରୁ ତାନି ଲକ୍ଷ୍ମୀ ପିସାମାନେସି କି? ଏଲେଆହିଁ ଏଚେଲା ଜିକେଏ ଆଆପେ, ଏନାଆଁତାକି ଇତିହିଁ ନାନୁ ଜିକେଏ ଅଗ୍ରାହାମତି କୃତାତା ଜାଣାଆତି ବିନ୍ୟାମିନି ଗତିତି ଇସ୍ରାୟେଲ ଲକ୍ଷ୍ମୀତେଏଁ । ୨ ମାହାପୁରୁ ତଲିଟିଏ ବାଟି କିହାଁ ହାଟାମାନି ତାନି ଲକ୍ଷ୍ମୀ ଏଚେଲା ଜିକେଏ ପିସାହିଲଅସି, ମୀରୁ

ଦାର୍ମ ସାପ୍ତେରିତା ପଡ଼ିଏ ଆହାହିଲଅତେରି? ଏନିକିହିଁ ଏଲିୟ ମାହାପୁରୁ ନକିତା ଇସ୍ରାୟେଲ ଲକ୍ଷ କପାତଲେ କାତା ଜଲମାତେସି, ୩ "ପୁରୁ ଏଞ୍ଜାରି ମାହାପୁରୁ ଅଣ୍ଟପୁତି ବଲ୍ଲୁ ଖେହ୍ନାରାଇଁ ଏନିକିହିଁ ପାୟାମାନେରି ଇଞ୍ଜି ପୂଜା ପିଣ୍ଡାଣି ଡିକହାନା ନାସି କିହାମାନେରି, ଖାର୍ଇ ନାନୁ ରଅତେଏଁ ଗେଲ୍‌ପି ଆହାମାଇଁ, ଏଞ୍ଜାରି ନା ଜାଞ୍ଜୁ ଜିକେଏ ଅହାଲ ଅଣ୍ଟପିମାଞ୍ଜୁନେରି ।" ୪ ଏଲିୟଇଁ ମାହାପୁରୁ ଖେଣ୍ଡେ ଏନାଆଁ ଏଲେଇତେସି, "ନାଡ଼ିକିନି ବାଲ୍ ପେନ୍ନୁ, ପୂର୍ଲା ନକିତା ମେଣ୍ଡା କୁତା ହିଲଅରି ଇଲେତି ସାତା ମାଣା ଲକ୍ଷୁଣି ମାଢ୍ଫେଟାକି ଇଟାମାନମି ।" ୫ ଏଲେକିହିଁଏ ନାଏଁ ଜିକେଏ କାର୍ମାମେସାମା ଆତାମାତେସି, ଏଞ୍ଜାରି ବିପ୍ରାତି ଏତର ଜାଣାଦେଁ ମାନେରି । ୬ ସାମା ତାନି କାର୍ମାମେହ୍ନି ତାଣାଟି ଆତିହିଁ, ଏଦି କାମାଲଡ଼ା ତାକି ଆହାଲି ଆତେଏ; ଇଞ୍ଜି ତାନି କାର୍ମାମେହ୍ନାୟି ସାତା ତଲେ କାର୍ମାମେହ୍ନାୟି ଆଏ । ୭ ଆତିହିଁ ଏନାଆଁ ଆତେ? ଇସ୍ରାୟେଲତି ଲକ୍ଷୁ ଏନାଆଁ ପାରିମାତେରି, ଏଦାଆଁ ବେଟାଆତେରି; ଖାର୍ଇ ମାହାପୁରୁ ଆତାମାନି ଏତରକାଣା ଲକ୍ଷୁ ଏଦାଆଁ ବେଟାଆତେରି, ଏବ୍‌କାତାରି ଆମ୍ବାଆରି ଜିକେଏ ମାହାପୁରୁ ହାଟାମାନାଣି ମନ ହାଆତେରି । ୮ ସାପ୍ତେରିତା ରାକ୍‌ପି ଆହାମାନେ, "ମାହାପୁରୁ ନାଞ୍ଜୁପାତେକା ଏଞ୍ଜାରିକି ଆବ୍‌ଞ୍ଜା ଜାଞ୍ଜୁ ହାହାମାନେସି, ଅଡ଼େ ଇଲେତି କାଣ୍‌କା ହାହାମାନେସି, ଏନିକିହିଁ ଏଞ୍ଜାରି ମେସାଲି ଆତି ହିଲଅରି, ଅଡ଼େ ଇଲେତି କାର୍ମା ହାହାମାନେସି ଏଞ୍ଜାରି ଖେଞ୍ଜାଲି ଆତିହିଲଅରି ।" ୯ ଏଞ୍ଜାରି କାତା ଦାଞ୍ଜୁଦ ରାଟାମାନେସି, "ଏଞ୍ଜାରି ପାର୍‌ଟୁତି ରାନ୍ତୁ ତିନା ଉନାଟି ପାନ୍ତାତା ରିପାରି, ଏଞ୍ଜାରି ତର୍‌ଗାନା ତଣ୍ଡୁ ବେଟାଆପେରି । ୧୦ ଏଞ୍ଜାରି ଏନିକିହିଁ ମେସାଲି ଆତଅରି, ଏଦାଆଁତାକି ଏଞ୍ଜାରି କାଣାୟି ଆପେରି, କାଲେଏ ଦୁକୁ କସୁ ବେଟାଆହାନା ଏଞ୍ଜାରି ଟେଡେଲି ରୁଡୁଞ୍ଜା ଆପେ ।" ୧୧ ନାନୁ ଏଲେ ଇଞ୍ଜିମାଇଁ, ଏଞ୍ଜାରି ନାସିଏ ଆହାଲି ପୁତି କିହା ମାନେରି କି? ଆଏ ଏତେଲା ଜିକେଏ ଆଆପେ, ସାମା ଏଞ୍ଜାରି ପାପୁ କିତାକି, ଏଞ୍ଜାରିକି କାର୍‌ବି କିହାଲିତାକି ଜାହୁଦିଆଆତାରି ନକିତା ଗେଲ୍‌ପିଆନି ଅଦିକାରା ମେଡ଼ାଆତେ । ୧୨ ଜାହୁଦି ଲକ୍ଷୁତି ପାପୁ ବାର୍‌ଡିତି ବାରେ ଲକ୍ଷୁତାକି ହାରେକା ବାଡ଼କୁ ଲେହେଁ ଆହାମାନେ, ଜାହୁଦି ଲକ୍ଷୁ ରିତାକି ଜାହୁଦିଆଆତି ଲକ୍ଷୁତାକି ବର ହାରେଏ ଗାତି ଲାବା କିହାମାନେରି, ଇଞ୍ଜି ବାରେ ଜାହୁଦି କୃଡ଼ା ଗେଲ୍‌ପି ଆତିହିଁମା ଏମ୍ବାଟି ଏତେକା ଗାତି ବର ବେଟାଆଅରି। ୧୩ ଜାହୁଦିଆଆତି ଲକ୍ଷୁଣି ନାନୁ ଏଲେ ଇଞ୍ଜିମାଇଁ, ନାନୁ ଜାହୁଦିଆଆତି ଲକ୍ଷୁତାକି ପାଣ୍ଡୁଣି ଆହାମାନାକି ନା ସେବା କାମାତି ପାଣା ତାକି ନାନୁ ବତପଣ ଆହିମାଇଁ । ୧୪ ଏନିକିହିଁ ଆପେ ଜାହାରା କୃଡ଼ାତି ଲକ୍ଷୁଣି ରାହାଁ କିଞ୍ଜିକିହାନା ଏଞ୍ଜାରି ତାଣାଟି ଏତର ଜାଣାଇଁ ଗେଲ୍‌ପାଲି ଆତିଈ । ୧୫ ଏନାଆଁତାକି ଇତିହିଁ ଏଞ୍ଜାରି ପିସ୍‌ପିଆତାକି ଦାର୍‌ତି ତଣେ ଆତେ । ଆତିହିଁ, ମାହାପୁରୁ ବାରେ ଜାହୁଦି କୃଡ଼ାତି ଆବିସାରେ, ଏଦାଆଁତି ପାଡ଼େୟି ଏନାଆଁ ଆନେ? ଏଦି ହାତି ମାଣ୍‌ସି ଜାଞ୍ଜୁ ବେଟାଆତି ଲେହେଁ । ୧୬ ରେଗାଣି ରୁତି ମାହାପୁରୁ ଦରୁତଲେ ହେର୍‌ପି ଆହାମାତିହିଁ, ବାରେ ରୁତି ଜିକେଏ ହେର୍‌ପି ଆହାମାନେ ଇଞ୍ଜି ଇନାୟି;

ର ମାର୍‌ନୁତି ହାରୁ ହେର୍‌ପି ଆହାମାତିହିଁ, ଏଦାଣି କମା କାନୁ ଜିକେଏ ହେର୍‌ପି ଆହାମାନୁ ଇଞ୍ଜି ଅଣ୍ଟପିନାୟି । ୧୭ ସାମା ଏତେକା କମାୟି ରାଡ଼ପି ଆଡୁ ଅଡ଼େ ମାରୁ ଜାଡ଼ାତି ଜୀତ ମାର୍‌ନୁତି କମାୟି ଆତିଜିକେଏ ଏ ବିଡ଼ା ଦୁସ୍‌ପିଆତେରି, ଅଡ଼େ ଏଞ୍ଜାରିତଲେ ଜୀତ ମାର୍‌ନୁତି ତାକିତି ରାସାତା ଆଣ୍ଡିତେରି । ୧୮ ଆତିହିଁ ଏ କମାୟି କପାତଲେ ବତପଣ ଆଆଡୁ; ସାମା ମାରୁ ବତପଣ କିଦେରି, ମାରୁ ମାର୍‌ନୁତି ତାକିତି ଆସା ହିଲଅତେରି, ସାମା ତାକି ମିଡ୍ଫେ ଆସାମାଞ୍ଜୁନେ, ଇଦାଆଁ ମାରୁ ପୁଞ୍ଜୁ ଡ଼ୟାଦୁ । ୧୯ ଆତିହିଁ ମାରୁ ଏଲେଇଞ୍ଜାଲି ଆତିଦେରି, "ନାଢ୍ଫେ ଡ଼ାୟୁ ହାହାନା ଦୁର୍‌ସାଲି ତାକି ଏ କମାଣି ରାଡ଼ପି ଆହାମାରୁ ।" ୨୦ ଏଦି ସାତା, ଏଞ୍ଜାରି ନାମାଆଲିଏ ରାଡ଼ପି ଆତେରି, ମାରୁ ଖାର୍‌ଇ ନାମାଲିଏ ଏ ଡ଼ାୟୁ ଅଦିକାରା କିହାମାଞ୍ଜେରି, ସାମା ବତପଣ ଆଆନା ଆଜାଦୁ; ୨୧ ମାର୍‌ନୁତା ଗାଲ୍‌ହାମାନି କମାୟି ଲେହେଁ ଜାହୁଦି ଲକ୍ଷୁଣି ମାହାପୁରୁ ତଣ୍ଡୁ ହାଆନା ପିସାହିଲଅସି ଇତିସାରେ, ଏଞ୍ଜାସି ମିଡ୍ଫେ ଜିକେଏ ପିସୁଅସି । ୨୨ ଇମ୍ବାଆଁ ସିନିକିନି କାତା, ମାହାପୁରୁ ଏନିକିହିଁ କାର୍ମା ମେହ୍ନାସି ଇଞ୍ଜି କାର୍‌ବି ଆନାସି; ଆମ୍ବାଆରି ପାପୁତା ତର୍‌ଗା ମାନେରି, ଏଞ୍ଜାରିକି ଏଞ୍ଜାସି କାର୍‌ବି ଆନେସି; ସାମା ଏତରଦିନା ପାତେକା ତାନି କାର୍ମାମେହ୍ନି ତାଣା ଡ଼ୟିଦେରି, ଏତରଦିନା ମିଡ୍ଫେଟାକି କାର୍ମା ମେସାମାସି, ତାନି କାର୍ମାମେହ୍ନାଣି ଜାକିହିସାରେ; ମାରୁ ଜିକେଏ ରାଡ଼ପି ଆଦେରି । ୨୩ ଜାହୁଦି ଲକ୍ଷୁ ଏଞ୍ଜାରି ନାମୁତି ପିହ୍‌ଅରି, ଆତିହିଁ ଏଞ୍ଜାରି ତଲିମାତି ଡ଼ାୟୁତା ଖେଣ୍ଡେ ତାରି ଆନେରି । ମାହାପୁରୁ ଇଦାଆଁ କିହାଲି ଆତିମାନେସି । ୨୪ ଜାହୁଦିଆଆତି ଲକ୍ଷୁ ଜାଡ଼ାତି ଜୀତ ମାର୍‌ନୁତି ଗମାୟି ଲେହେଁ । ଏଞ୍ଜି ରାଡ଼ପି ଆହାନା ଏମ୍ବାତାଇ ଆଆତି ଜିକେଏ ବାଡ଼ାତା ପାତିକିହାମାନି ଜୀତ ମାର୍‌ନୁ ତଲେ ଦୁସ୍‌ପି ଆହାମାନୁ । ଜାହୁଦି କୃଡ଼ାତି ଲକ୍ଷୁ ବାଡ଼ାତା ପାତିକିହାମାନି ଜୀତ ମାର୍‌ନୁ ଲେହେଁ । ଇ ମାର୍‌ନୁତି ରାଡ଼ପି ଆହାମାନି ଗମାଣି ଖେଣ୍ଡେ ମାର୍‌ନୁ ତଲେ ଦୁର୍‌ସାଲି ମାହାପୁରୁ ଆତିନେସି । ୨୫ ଏ ଡ଼ାୟି ତାଢ୍ଫେସ୍‌ତେରି, ମାରୁ ଏନିକିହିଁ ମିଡ୍ଫେଟାକି ମାରୁଏ ବୁଦିଗାତାତମି ଇଞ୍ଜି ଅଣ୍ଟପିଅତେରି, ଇଦାଆଁତାକି ମାରୁ ଇ ତୁଗାମାନି କାତାତି ପୁନାଆନା ମାଣ୍‌ପେରି ଇଞ୍ଜି ନା ମନ ହିଲେଏ, ଇତିହିଁ ଜାହୁଦିଆଆତି ଲକ୍ଷୁ ବାରେ ହୁଡ଼ୁଆ ପାତେକା ଇସ୍ରାୟେଲତି ଏତେକା ଲକ୍ଷୁ ନାମାଆନା ଡ଼ୟିନେରି; ୨୬ ଲେଲେଆହିଁ ବାରେ ଇସ୍ରାୟେଲ ଲକ୍ଷୁ ଗେଲ୍‌ପି ଆନେରି, ଏନିକିହିଁ ରାକ୍‌ପି ଆହାମାନେ, "ଗେଲ୍‌ପି କିନାସି ସିୟନଟି ଖାନେସି, ଜାକ୍‌ବ କୃଡ଼ାତା ମାନି ବାରେ ଲାଗେଏତାଣି ହେକ କିନେସି । ୨୭ ଏତିବେଲା ନାନୁ ଏଞ୍ଜାରି ପାପୁ ବାରେ ହେକ କିଲ୍, ଏତିବେଲା ଏଞ୍ଜାରିତଲେ ଇ ରାଜିମାନା କିନମି ।" ୨୮ ନେହିଁ କାବୁତି ଆହୁଆ ଜାହୁଦି ଲକ୍ଷୁ ମିଡ୍ଫେଟାକି ମାହାପୁରୁକି ସାଡୁୟି ଆହାମାନେରି, ସାମା ମାହାପୁରୁ ଆତାମାନି ଆକୁ ଆବାୟି ତାକି ଏଞ୍ଜାରି ମାହାପୁରୁକି ଜାଞ୍ଜୁ ନନାରି ଆହାମାନେରି । ୨୯ ଇତିହିଁ ମାହାପୁରୁ ଆତାମାନାୟି ଅଡ଼େ ତାନି କାର୍ମାତି ଦାନା ଏତେଲାଞ୍ଜା ଉଜେଏ ଆଏ । ୩୦ ଜାହୁଦିଆଆତି ଲକ୍ଷୁତେରି ତଲି ମାରୁ ମାହାପୁରୁକି ମାନି

କିହାହିଲାଆଚେରି; ସାମା ନୀର୍ବ୍ୟ ଜୀହୁଦି ଲକ୍ଷ୍ମୀ ମାନି କିଆତାକି ମାହାପୁରୁତି କାର୍ମାମେହନାଣି ବେଟାଆଚେରି, ୩୧ ଏଲେଆହିଏ ଏଞ୍ଜରି ଜିକେଏ ନୀର୍ବ୍ୟ ମାନି କିହାହିଲଅରି, ଏନିକିହିଁ ମିଢ୍ଢେତାକି ଚଞ୍ଚୁଆହାମାନି କାର୍ମାମେହନାଣି ତଲେ ଏଞ୍ଜରି ଜିକେଏ ନୀର୍ବ୍ୟ କାର୍ମାମେହନାଣି ବେଟାଆନେରି । ୩୨ ଏନିକିହିଁ ମାହାପୁରୁ ବାରେ ଜାଣାଇଁ କାର୍ମା ମେସାଲି ତାକି ମାହାପୁରୁ ବାରେଜାଣାଟି ମାନି କିଆରେତୁ ହେରପା ମାନେସି । (eleesē g1653)

୩୩ ଅହତା! ମାହାପୁରୁତି ବୁଦି ଇଞ୍ଚି ପୁନି ବାଡ଼ୁୟୁ ଏଚେକା କାଜାୟା ତାନି ଅଶ୍ଵୁତି ଆମ୍ବାଆସି ତେଲହି କିୟାନେସି? ଇଞ୍ଚି ତାନି ଜିରୁତି ଆମ୍ବାଆସି ପୁଞ୍ଚାଲି ଆତିମାନେସି? ୩୪ ସାସ୍ତେରିତା ରାସ୍ତି ଆହାମାନେ; “ଆମ୍ବାଆସି ମାହାପୁରୁତି ଅଶ୍ଵୁତା ମାନାଣି ତେଲହିନେସି? ଆମ୍ବାଆସି ଏଞ୍ଜାଣାଇଁ ଷେସାଲି ଆତିନେସି? ୩୫ ମାହାପୁରୁତି ଆମ୍ବାଆସି ଏଚେଲା ଏନାଆଁ ହାହାମାନେସି, ଏଦାଆଁତାକି ଏଞ୍ଜାଣାକି ଏଞ୍ଜାସି ଷେଶ୍ଠେ ହାନାୟି ମାନେ?” ୩୬ ବାରେ ଗାଡ଼ି ଆତାୟି ତାନିତାଣାଟି, ତାନି କେୟୁତଲେ, ଅଡେ ତାଢ୍ଢେତାକି ଆହାମାନେ; କାଲାକାଲା ତାକି ଏଞ୍ଜାଣାକି ଗାଞ୍ଜୁରମି ଆପୋ ଆମେନ୍ । (aiōn g165)

୧୨ ଇଦାଆଁତାକି ତାୟି ତାଢ୍ଢେଗାତେରି, ମାଢ୍ଢେତାକି ମାହାପୁରୁତି ହାରେକା କାର୍ମାମେହନାଣି ତାକି ମିଢ୍ଢେ ନାନୁ ବାତିମାଲିମାଞ୍ଚାଇଁ, ମାରୁ ମା ଆଢ୍ଢୁତି ଜାଞ୍ଜୁ, ସୁଦୁ ତଲେ ଇଞ୍ଚି ମାହାପୁରୁ ଅପିନି ଲେହେଁତି ପୂଜା ହାଦୁ, ଇଦିଏ ମାହାପୁରୁତି ସାତା ସେବା । ୨ ମାରୁ ଇ ଜୁଗୁତି ମାଣକିତା ମାନାଆଦୁ, ସାମା ଏନିକିହିଁ ମାହାପୁରୁତି ଅଶ୍ଵୁ ଏନାୟି, ଇଚିହିଁ ନେହାୟି, ଅପିନାୟି ଇଞ୍ଚି ଟିକାଣାତାୟି ଏନାୟି, ଇଦାଆଁ ତାୟିପାରି କିହାନା ପୁଞ୍ଚାଲି ଆତିଦେରି, ଇଦାଆଁତାକି ମା ହିୟାଁତି ପୁଞ୍ଜି କିହାନା ବାଦଲି କିଦୁ । (aiōn g165)

୩ ମାହାପୁରୁ ନାଢ୍ଢେ କାର୍ମାମେହନାଣି ହାହାମାଞ୍ଚାନାକି ବାରେଜାଣା ତେରି ମିଢ୍ଢେ ନାନୁ ଷେସିମାଞ୍ଚାଇଁ, ଆମ୍ବାଆଚେରି ଜିକେଏ ମା ତାକି ମାରୁ ଏନିକିହିଁ ଅଶ୍ଵପିନାୟି ମାନେ ଏଦାଆଁ କିହାଁ କାଜାତମି ଇଞ୍ଚି ଅଶ୍ଵାଆଦୁ; ସାମା ମାହାପୁରୁ ଆମ୍ବାଆରାକି ଏଚେକା ନାନୁ ହାହାମାନେସି, ଏଲେକିହିଁଏ ବାରେଜାଣା ପୁଞ୍ଚାକିତିନି ଲେହେଁ ମା ତାକି ମାରୁ ଅଶ୍ଵା କତାଦୁ । ୪ ଇଚିହିଁ ଏନିକିହିଁ ମା ଆଢ୍ଢୁତା ହାରେକା ଆଢ୍ଢୁ ଅଡେଲିକା ମାନୁ, ସାମା ବାରେ ଆଢ୍ଢୁ ଉଡେଲିକାଟି କାମା ରଲେଏତାୟି ଆଏ । ୫ ଏଲେଆହିଏ, ମାର ହାରେକା ଜାଣାତାୟି, ସାମା ବାରେଜାଣା କ୍ରୀସ୍ତ ତଲେ ଆଣ୍ଠାମାନାକି, ମାର ରଶ୍ଵିଏ ଆଢ୍ଢୁ ଇଞ୍ଚି ଆଢ୍ଢୁତି ଆଢ୍ଢୁ ଉଡେଲିକା ଲେହେଁ ମାର ରଅସି ରଅଣା ତଲେ ଆଣ୍ଠାମାନାୟି । ୬ ଏଦାଆଁତାକି ମାଢ୍ଢେ ମାହାପୁରୁ ହାହାମାଞ୍ଚାନି କାର୍ମାତଲେ ହାରେକା ଦାନା ବେଟା ଆହାମାନାୟି, ମାର ମାହାପୁରୁତି ବଲ୍ଲୁ ଷେକହାଲି ତାକି ବାଡ଼ୁୟୁ ବେଟା ଆହାମାନାୟି, ମାର ଆବ୍ଵା ନାମୁତଲେ ଏ କାମା କିନାୟିମାନେ; ୭ ଏଦାଆଁ ସେବା କାମା କିହାଲି ବାଡ଼ୁୟୁ ବେଟାଆହାମାନାୟି, ଆତିହିଁ ମାର ସେବା କାମା କିନାୟିମାନେ; ଜାପହାଲି ବାଡ଼ୁୟୁ ବେଟାଆହାମାନାୟି, ଆତିହିଁ ଜାପନାୟି ମାନେ; ୮ ବାସ୍ତୁତି କାତା ଷେସାଲି ବାଡ଼ୁୟୁ ବେଟାଆହାମାତିହିଁ, ବାସ୍ତୁତି କାତା ଷେସାସି; ଦାନା

କିହାଲି ବାଡ଼ୁୟୁ ବେଟାଆହାମାନି ମାଣସି ରାହାଁତଲେ ଦାନା ହାପେସି । ଏବ୍ଵକା ଲକ୍ଷ୍ମୀ କାମାତି ସିନିକିହାଲି ଅଦିକାରା ବେଟାଆହାମାତିହିଁ ଖାହୁତଲେ କାମା କିନାୟିମାନେ; ଆମ୍ବାଆସି କାର୍ମା ମେହନାସି, ରାହାଁ ମାନତଲେ ସାୟେମି କିପାସି । ୯ ଜାଞ୍ଜୁନାୟି କୁରୁ ହିଲାଆଗାଟାୟି ଆପେ; ଏନାୟି ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ ଆହଦୁ; ୧୦ କ୍ରୀସ୍ତ ନାମୁତି ତାୟି ତାଢ୍ଢେ ଲେହେଁ ରଅଚେରି ରଅଣାଇଁ ଜାଞ୍ଜୁ ନଦୁ; ଇଞ୍ଚି ରଅଚେରି ରଅଣାଇଁ ମାନି କିହାଲି ରାହାଁ ଆଦୁ; ୧୧ ରାହାଁତା ଉଣା ଆଆଦୁ; ସୁଦୁଜାଞ୍ଜୁତା ପାରସାଡ଼ା ଆହାଁ ଡ଼ୟାଦୁ; ହିୟାଁ ଜାଞ୍ଜୁ ହାହାନା ପ୍ରବୁଇଁ ସେବା କିଦୁ । ୧୨ ବାସ୍ତୁ ଇଟାନା ରାହାଁ କିଦୁ; ଦୁକୁ କସ୍ତୁ ବେଲତା ସାସା ଆହଦୁ; ଜମାଆନା ପ୍ରାତାନା କିଦୁ; ୧୩ ମାହାପୁରୁ ଲକ୍ଷ୍ମୀକି ଲଡ଼ାମାନାଣି ସାୟେମି କିଦୁ; ଇଜ ଖାନି ଗତାୟିଣି ସେବା କିଦୁ । ୧୪ ଆମ୍ବାଆରି ମିଢ୍ଢେ ସାସ୍ତୁ ହିୟାନେରି, ଏଞ୍ଜାରି ନେହେଁତାକି ମାହାପୁରୁ ତାଣା ପ୍ରାତାନା କିଦୁ; ଏଞ୍ଜାରାକି ବର ହାଦୁ; ବାକା ଇଟାଆଦୁ । ୧୫ ଆମିନି ଗାଟାରି ରାହାଁ କିନେରି ଏଞ୍ଜାରିତଲେ ରାହାଁ କିଦୁ; ଆମ୍ବାଆରି ଡ଼ାନେରି ଏଞ୍ଜାରିତଲେ ଡ଼ାଦୁ । ୧୬ ବାରେଜାଣା ରଶ୍ଵିଏ ଅଶ୍ଵୁ ଅଶ୍ଵପାଦୁ, ଖାର୍ଵଇ କାଜାରି ତଲେ ଡ଼ଶେ ଦହ୍ଵଆନା ଇଟାରି ତଲେ ଜିକେଏ ଆଣ୍ଠୁଖି ଆହାନା ମାଞ୍ଚୁ । ମାରୁ ମା ବୁଦିତଲେ ବୁଦିଗାଟାତମି ଇଞ୍ଚି କତାଆଦୁ । ୧୭ ଆମ୍ବାଆସି ମିଢ୍ଢେ ଲାଗେଏ କିୟାତିହିଁ, ଏଞ୍ଜାଣାଇଁ ଲାଗେଏ କିଆଦୁ; ବାରେ ଲକ୍ଷ୍ମୀ ନିକିତା ଏନାୟି ନେହାୟି, ଏଦାଆଁ କିଦୁ । ୧୮ ଆତିତିହିଁ ବାରେଜାଣା ତଲେ ହିଡ଼ି ତଲେ ନୀତାବାଡ଼କାଲି ତାକି ଏନି କିନାୟିମାନେ ଏଲେକିଦୁ । ୧୯ ଏ ଜାଞ୍ଜୁତି ଡ଼ଶେସିଦ୍ଵା, ମାରୁ ଆମ୍ବାଆରି କପାତି ବାଦୁଲି ଆଆଦୁ । ମାହାପୁରୁତି କପାତି ଲକ୍ଷ୍ମୀ ଆହାଲି ପିସାଡ଼ୁହଦୁ । ଏନାଆଁତାକି ଇଚିହିଁ ସାସ୍ତେରିତା ରାସ୍ତି ଆହାମାନେ, ପ୍ରବୁ ଏଲେଇଞ୍ଚି ମାନେସି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାତି ପାଡେୟି ହାଇଁ ।” ୨୦ ଅଡେ ଜିକେଏ, “ମା ସାଦୁ ହାକି ଆହାମାତିସାରେ, ଏଞ୍ଜାଣାକି ଡ଼ିଞ୍ଚାଲି ହାଦୁ; ଏଞ୍ଜାସି ଏସ୍ତି ଆହାମାତିସାରେ ଗସାଲି ହାଦୁ; ଇଲେ କିତିସାରେ ଏଞ୍ଜାଣିଲାକି ଡ଼ିଞ୍ଚାମାନି ହିରୁତି ରାଢ୍ଢୁୟାଁ ଏକହି ମାଞ୍ଚେରି ।” ୨୧ ଲାଗେଏତି କାମା ତଲେ ଜାଣା ଆଆନା, ନେହିଁ କାମା ତଲେ ଲାଗେଏତି କାମାତି ଜାଣା ଆଦୁ ।

୧୩ ବାରେଜାଣା ସାଲଖି କିନାରାଇଁ ମାନି କିନାୟିମାନେ, ଏନାଆଁତାକି ଇଚିହିଁ ମାହାପୁରୁତି ହେଲ ଆଆତିହିଁ ଆମ୍ବାଆସି ଜିକେଏ ସାଲଖି କିନି ପାଣା ବେଟାଆଅସି, ପାଣାତା ମାନି, ସାଲଖି କିନାରି ମାନେରି; ଏଞ୍ଜାରି ମାହାପୁରୁ ତାଣାଟି ଆବ୍ଵି ଆହାମାନେରି । ୨ ଏଦାଆଁତାକି ଆମ୍ବାଆସି ପାଣାତା ମାନି ସାଲଖି କିନାରି କପାତଲେ ନିଢ୍ଢେନେସି, ଏଞ୍ଜାସି ମାହାପୁରୁ ମେରାତି କପାତଲେ ନିଢ୍ଢେନେସି; ଆମ୍ବାଆରି ଏଲେକିନେରି ଏଞ୍ଜାରି ତାମୁ ତାମୁଡ୍ଢେ ତଣ୍ଡୁ ବେଟାଆହାଲି ତାକି କିନେରି । ୩ ଇଚିହିଁ ସାଲଖି କିନାରି ନେହିଁ କାମାତାକି ଆଜିଗାଟାରି ଆଏ, ସାମା ଲାଗେଏତି କାମାତାକି ଆଜିଗାଟାରି ଆନେରି । ସାଲଖି କିନାରାଇଁ ଆଜାଆନା

ଡ଼ୟାଲି ମନ ମାନେକି? ଆତିହିଁ ନେହିଁ କାମା କିଦୁ, ଆତିହିଁ ଏଞ୍ଜରି ଚାଣାଟି ନେହିଁ ବେଟାଆଦେରି, ୪ ମନହିଁ ତାକି ଏଞ୍ଜାସି ମାହାପୁରୁତି ସେବା କାମା କିନାସି ଆହାମାନେସି । ସାମା ମୀରୁ ଲାଗେଏତି କାମା କିଦେରି, ଆତିହିଁ ସାଲଖି କିନାଶାଇଁ ଆଜାଦୁ, ଏନାଆଁତାକି ଇତିହିଁ ଏଞ୍ଜାସି ଉଜେଏ କାଣ୍ଡା ଆହୁଅସି, ଏନିଇତିହିଁ ଏଞ୍ଜାସି ମାହାପୁରୁତି ସେବା କିନାସି, ଇତିହିଁ ଏଞ୍ଜାସି ତାନି କପାତଲେ ଲାଗେଏତି କାମା କିନାରାକି ତଣ୍ଡୁ ହାନାସି । ୫ ଏନିଇତିହିଁ, ଖାରୁଇ କାରୁବିତି ଆଜିତାକି ଆଏ, ସାମା ମା ହିୟାଁତା ମାନି ଅଣ୍ଡପୁ ପୁଞ୍ଜୁହାଁ ସାଲଖି କିନାରି କାତା ମାନି କିନାୟିମାନେ । ୬ ଇଦାଆଁତାକି ମୀରୁ ସିସୁ ଜିକେଏ ହାହିମାଞ୍ଜେରି, ଏନାଆଁତାକି ଇତିହିଁ ମାହାପୁରୁତି ସେବା କିନେରି ଲେହେଁ ଆହାନା ସାଲଖି କିନି କାମା ଜିକେଏ କିନେରି । ୭ ଏଦାଆଁତାକି ଏଞ୍ଜାରି ଏନାଆଁ ବେଟାଆନାୟି ମାନେ, ଏଦାଆଁ ହାଦୁ: ଆମ୍ବାଆରାକି ସିସୁ ହାନାୟି ମାନେ ଏଞ୍ଜାଶାକି ସିସୁ ହାଦୁ: ଆମ୍ବାଆରାକି ଆସ୍ଲି ହାନାୟି ମାନେ ଏଞ୍ଜାଶାକି ଆସ୍ଲି ହାଦୁ: ଆମ୍ବାଆରାଇଁ ଆଜିନାୟି ମାନେ ଏଞ୍ଜାଶାଇଁ ଆଜାଦୁ: ଆମ୍ବାଆରାଇଁ ମାନି କିନାୟିମାନେ ଏଞ୍ଜାଶାଇଁ ମାନି କିଦୁ । ୮ ରଅତେରି ରଅଶାଇଁ ଜୀଞ୍ଜୁ ନଞ୍ଜିଆନି ପିସ୍ତେ ଅଡେ ଏନଖା ଆମ୍ବାଆରି ତାଶା ଜିକେଏ ରାଶା ଆଆଦୁ: ଏନାଆଁତାକି ଇତିହିଁ ଆମ୍ବାଆସି ଏଟକାତାଶାଇଁ ଜୀଞ୍ଜୁ ନନେସି, ଏଞ୍ଜାସି ମସାତି ମେରା ମାନଖି ଆହିମାନେସି । ୯ “ଦାରି କିଆଦୁ, ଲୁକୁଣି ପାୟାଆଦୁ, ସରୁ କିଆଦୁ, ଏଟକା ଲୁକୁଚି ଦିଶ୍‌ସୁତି କୁଟକା ଆଆଦୁ,” ଇ ବାରେ ହୁକୁମି ର ହୁକୁମିତା ମାନେ, “ପାଡ଼ିତି ଲୁକୁଇଁ ମୀ ଜୀଞ୍ଜୁତି ଜୀଞ୍ଜୁ ନହାଁ କତିନି ଲେହେଁ ଜୀଞ୍ଜୁନଦୁ ।” ୧୦ ଜୀଞ୍ଜୁନାୟି ପାଡ଼ିତି ଲୁକୁଚି ଲାଗେଏ କିଏ; ଏନିଇତିହିଁ ଜୀଞ୍ଜୁନାୟି ମସାତି ମେରା ପୁରା କିନେ । ୧୧ ଇତିହିଁ ଇଦାଟି ଚେଷଏଲିନି ବେଲା ଏଦାତେୟିଏ, ଇଦାଆଁ ପୁଞ୍ଜୁ ନାଏଁ ମୀରୁ ଇ ବାରେ କିଦୁ: ଇତିହିଁ ମୀର ନାମିତି ଦିନାଟିଏ ଗେଲୁପି ଆନାୟି ତଲିତି କିହାଁ ହାରେକା ତାଗେ ଖାତେୟିଏ । ୧୨ ଆନେରି ହାଜିମାନେ, ଲାଲି ଖେୟିମାନେ । ଏଦାଆଁତାକି ଖାଦୁ ମୀର ଆନେରିତି କାମା ବାରେ ପିସାମା ଉଜେଡ଼ିତା ଲୁକୁ କିହାଲି ଟିକାଶାତି ସାକୁ ତୁରନ । ୧୩ କାଦୁ ଗସାହାଁ ମନକିତି ରାହାଁ, କାଦୁ ଗସାହାଁ ହତିନାୟି, ମାନି ହିଲାଆଗାଟାୟି, ଲାଗେଏତି ମାଣ୍ଡକି, ଦାହାରା, ଗଡ଼ହା କିନିତାଶା କାମାତା ଆଣ୍ଡାଆନା ଖାଦୁ, ଉଜେଡ଼ିତି କାମାତା ମାନି ଲୁକୁ ଲେହେଁ ନେହିଁ ମାଣ୍ଡକି ତଲେ ମାନ । ୧୪ ପ୍ରୁ ଜୀସୁ କ୍ରୀସ୍ତୁଇଁ ମୀରୁ ହିମ୍ବରିଲେହେଁ ପରୁଦୁ, ପାପୁ ଇଞ୍ଜି ଆଞ୍ଜାତି ଲାଗେଏତି ଅଣ୍ଡପୁ ତଲେ ରାହାଁ କିହାଲିତାକି ହିୟାଁତା ଅଣ୍ଡପାଆଦୁ ।

୧୪ ନାମୁତା ଆଟ୍‌ଖା ହିଲାଆଗାଟାରାଇଁ ଆବାଦୁ, ସାମା ତାନି କାତାତି ଅଣ୍ଡପୁ ତାକି ତାନିତଲେ ବାଦହାରା କିଆଦୁ । ୧ ବାରେ ତିଞ୍ଜୁଲି ତାକି ରଅଶାକି ନାମୁ ମାନେ, ସାମା ଆମ୍ବାଆସି ନାମୁତା ଉଶା ମାନେସି ଏଞ୍ଜାସି ଖାରୁଇ ଜାୟୁ କୁତା ତିନାପେସି । ୩ ଆମ୍ବାଆସି ବାରେ ତିନେସି, ଏଞ୍ଜାସି ତିନାଆଗାଟାଶାଇଁ ହାଣି କିଆପେସି; ଇଞ୍ଜି ତିନାଆଗାଟାସି ତିନାଶାଇଁ ନାହାଁୟି କିଆପେସି, ଏନିଇତିହିଁ ମାହାପୁରୁ ଏଞ୍ଜାଶାଇଁ ଆବା

ମାନେସି । ୪ ନୀରୁ ଆମ୍ବାଆତି ଅର ରଅଶି ହୁଲେଏଶାଇଁ ନାହାଁୟି କିହିମାଞ୍ଜୁ? ଏଞ୍ଜାସି ତାନି ସାଞ୍ଜୁକାରି ତାଶା ତାନି ଆନେସି କି ତାନି ଆଅସି; ଏଞ୍ଜାଶାଇଁ ତାନିକିହାଁ ଇଟାଲି ପ୍ରୁ କେୟୁତା ବାଡ଼ୟୁ ମାନେ । ୫ ରଅସି ର ଦିନାତି କିହାଁ ଅର ଦିନାତି ହାରେକା ମାନି କିନେସି, ଅଡେ ରଅସି ବାରେ ଦିନାତି ରଲେଏତାଲି ଇଞ୍ଜି ଅଣ୍ଡପିନେସି, ବାରେକାଶା ତାନି ମନତା ତାନି କିହାନା ମାନଖି ଆପେରି । ୬ ଆମ୍ବାଆସି ର ଦିନାତି ହାରେକା ନେହାୟି ଇଞ୍ଜି ଅଣ୍ଡପିମାନେସି, ମାହାପୁରୁତି ଗାଞ୍ଜୁରମି ତାକି ଏଲେଇଞ୍ଜି ଅଣ୍ଡପାପେସି । ଆମ୍ବାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜି ମାହାପୁରୁଇଁ ଜହରା କିନେସି; ଆମ୍ବାଆସି ତିଞ୍ଜୁଲି କୁନେସି, ଏଞ୍ଜାସି ମାହାପୁରୁ ଦରୁତଲେ କୁନେସି ଇଞ୍ଜି ମାହାପୁରୁଇଁ ଜହରା କିନେସି । ୭ ଆମ୍ବାଆସି ତାଡ଼େତାକି ନୀତଅସି, କି ଆମ୍ବାଆସି ତାଡ଼େତାକି ହାଅସି । ୮ ମୀର ନୀତାମାନାୟି ଇତିସାରେ, ପ୍ରୁ ତାକି ନୀତାମାନାୟି ଇଞ୍ଜି ହାତିସାରେ ପ୍ରୁ ତାକି ହାନାୟି । ଏଦାଆଁତାକି ନୀତିନାୟି କି ହାନାୟି ମୀର ପ୍ରୁତି ଲୁକୁ । ୯ ଏନାଆଁତାକି ଇତିହିଁ କ୍ରୀସ୍ତୁ ହାହାନା ଖେଣ୍ଡେ ନିଞ୍ଜୁମାନି ତାଶାଟି ନୀତାମାନାରି ଇଞ୍ଜି ହାତାରି ବାରେକାଶାଟି ପ୍ରୁ ଆହାମାନେସି । ୧୦ ନୀରୁ ଏଦାଆଁତାକି ମୀ ତାୟିଇଁ ବେରଣି କିହିମାଞ୍ଜୁ? ଏନାଆଁତାକି ମୀ ତାୟିଇଁ ହାଣି କିହିମାଞ୍ଜୁ? ମୀର ବାରେକାଶା ବେରଣି ଆହାଲି ମାହାପୁରୁ ନକିତା ନିନାୟି । ୧୧ ଏନାଆଁତାକି ଇତିହିଁ ସାପ୍ତେରିତା ରାସ୍‌କି ଆହାମାନେ; “ପ୍ରୁ ଖେସିମାନେସି, ଇତିହିଁ ନାନ୍ଦୁ ଜୀଞ୍ଜୁଗାଟି ମାହାପୁରୁ, ବାରେକାଶା ନା ନକିତା ମେଣ୍ଡା କୁତିନେରି, ବାରେକାଶା ନାଡ଼େ ମାହାପୁରୁ ଇଞ୍ଜି ଜଲିନେରି ।” ୧୨ ମୀର ବାରେକାଶା ମାହାପୁରୁ ନକିତା ମୀର କିତି କାମାତି ଲେକା ହାନାୟି । ୧୩ ଏଦାଆଁତାକି ରଅତେରି ରଅଶାଇଁ ବିଚାରା କିଆଦୁ: ଇଲେକିହିଁ ଏନାଆଁ ଜିକେଏ କିଆଦୁ, ଏନିକି ମୀ ତାୟି ପୁଟି କିହାନା ପାପୁତି ପାନ୍ଦୁତା ରିଅସି । ୧୪ ପ୍ରୁ ଜୀସୁ ତାଶାଟି ପୁଞ୍ଜୁନା ସାତା ତଲେ ଖେସିମାଞ୍ଜୁଇଁ, ଏନି କାଦି ତାନ୍ଦୁଏ ଲାଗେଏତାୟି ଆଏ । ସାମା ଆମ୍ବାଆସି ଏନି କାଦିତି ଲାଗେଏତାୟି ଇଞ୍ଜି ଅଣ୍ଡପିନେସି, ଏଞ୍ଜାଶାକି ଏଦି ଲାଗେଏତାୟି ଆନେ । ୧୫ ମୀରୁ ଏନି କାଦି ତିନି ତାଶାଟି ର ତାୟି ଅଣ୍ଡପୁତା କସୁ ହାହିମାଞ୍ଜେରି, ଆତିହିଁ ଏଞ୍ଜାଶାଇଁ ମୀରୁ ଜୀଞ୍ଜୁନଞ୍ଜୁତା ତାକି ହିଲଅତେରି, ଆନିନି ତାୟି ତାକି କ୍ରୀସ୍ତୁ ହାତେସି, ଏ କାଦି ତାକି ଏଞ୍ଜାଶାଇଁ ଲାଗେଏ କିଆଦୁ । ୧୬ ମୀରୁ ଏନାଆଁ ନେହାୟି ଇଞ୍ଜି ଅଣ୍ଡପିମାଞ୍ଜେରି, ଏଦାଆଁତାକି ମୀରୁ ଲାଗେଏତାତେରି ଆଆଦୁ: ୧୭ ମାହାପୁରୁତି ରାଜି ତିନାୟି ରନାୟି ଆଏ । ସାମା ଏଦି ଦାମ୍ବୁ, ହିଦ୍‌ଡ଼ି ଇଞ୍ଜି ସୁଦୁକାସୁ ହାତି ରାହାଁଗାଟାୟି । ୧୮ ଆମ୍ବାଆସି ଇଲେକିହିଁ କ୍ରୀସ୍ତୁତି ସେବା କିନେସି; ଏଞ୍ଜାସି ମାହାପୁରୁ ନକିତା ନେହାଁସି ଇଞ୍ଜି ମାଣ୍ଡସିୟାଁ ନକିତି ତାୟିପାରିତା ଜୀଶା ଆତାସି ତିଞ୍ଜୁଆନେସି । ୧୯ ଏଦାଆଁତାକି ଖାଦୁ, ଏନା ଏନାୟି ହିଦ୍‌ଡ଼ି ଗାଟାୟି, ଅଡେ ଏନା ଏନାଆଁତଲେ ରଅସି ରଅଶାକି ବାମ୍ବୁ ହାନେସି, ଏ ବାରେତି ମୀର ଅଣ୍ଡପିନ ୨୦ ଏ ଉଜେଏତି କାଦି ତାକି ମାହାପୁରୁତି କାମାଇଁ ନାସଖି କିଆଦୁ, ବାରେଏ ସୁଦୁ କିଞ୍ଜିଆହାମାନେ,

ସାମା ଏନି କାଦି ତିନି ତାଣାଟି ମାରୁ ଏବଂକା ଲକ୍ଷଣି କସ୍ତୁ ହାହିମାଞ୍ଜେରି, ଆତିହିଁ ଏ କାଦି ତିନାଆଡୁ । ୨୧ ମାରୁ ଉଠ୍ଟା ତିନାୟି, ଅଢ୍ଢେରି ରାସା ଗହନି ତାଣାଟି ମୀ ତାୟିକି କସ୍ତୁ ଆହିମାଟିସାରେ ତିନି ଉନି ତାଣାଟି ହେକ ଆନାୟି ନେହେଁ । ୨୨ ମୀ ଏମିନି ନାମୁ ମାନେ, ଏଦାଆଁ ମାରୁ ମୀ ହିୟାତା ମାହାପୁରୁଇଁ ନକିତା ଇଟାପୁ, ଆମ୍ବାଆସି ଏନାଆଁ ନେହାୟି ଇଞ୍ଜି ଅଣପିନେସି, ଏଝାସି ଏମ୍ବାଆଁ ତାଢ୍ଢେ ଦହଗାଟାସି କିଅସି, ଆତିହିଁ ଏଝାସି ନେହାଁସି । ୨୩ ସାମା ଆମ୍ବାଆସି ଆନାମାନା ଆହାନା ରାନ୍ତୁ ତିନେସି, ଏଝାସି ମାହାପୁରୁ ନକିତା ଦହଗାଟାସି ଆନେସି, ଇତିହିଁ ଏଝାସି ନାମୁତଲେ ତିଞ୍ଜା ହିଲଅସି; ଅଡେ ଏନାୟି ନାମୁତଲେ ଆଏ, ଏଦି ପାପୁ ।

୧୪ ମାର ନାମୁତା ଆବଂଖା ଗାଟାତାୟି, ବାଡ଼ୟୁ ହିଲାଆଗାଟି ଲକ୍ଷଣି ମାର ସାସା ହାନାୟି ମାନେ, ଆମ୍ବାଆସି ଜିକେଏ ଜାହାରାଇଁ ରାହାଁ କିହାଲି ଅଣପାଆପେସି । ୨ ସାମା ଏବଂକା ଲକ୍ଷଣି ନେହେଁତାକି ଇଞ୍ଜି ଏଝାରି ନାମୁତି ଆବଂଖା କିହାଲିତାକି ଏଝାରେଇଁ ରାହାଁତଲେ ଇତିନାୟି ମା କାମା । ୩ କ୍ରୀସୁ ଜିକେଏ ତାନି ସୁକୁ ତାକି ଏନାଆଁ କିହି ହିଲାଆପେସି; ସାମା ସାପ୍ତେରିତା ରାସ୍ତାକି ଆହାମାନି ଲେହେଁ, “ମିଢ୍ଢେ ନିମ୍ବୁ କିୟାତାରା ନିମ୍ବୁ ନା ମୁହେଁ ଖାତେ ।” ୪ ସାପ୍ତେରିତି ଜାପ୍ତନାଇ ବାରେ ମା ନେହେଁତାକି ଲଡ଼ା ଆନୁ । ବାସ୍ତୁ ତଲେ ତାରିଆହାଁ ଡ଼ୟାଲି ତାକି ସାପ୍ତେରି ମାଢ୍ଢେ ସାସା ଇଞ୍ଜି ରାହାଁ ହାହିମାଞ୍ଜେରି । ୫ ଆବଂଖା ଅଡେ ଦୁକୁ ଡ଼କ୍‌ହାନି ମାହାପୁରୁ ମିଢ୍ଢେ କ୍ରୀସୁ ଜୀସୁତି ମାଣକି ତଲେ ବାରେତେରି ମିଢ୍ଢେ ରଣ୍ଡିଏ ମନ ଆହାଲି ହିୟାପେସି, ୬ ବାରେଜାଣା ଆଣ୍ଡିଆହାନା ରଣ୍ଡିଏ ହିୟାଁ ରଣ୍ଡିଏ ଗୁତି ତଲେ ପ୍ରବୁ ଜୀସୁ କ୍ରୀସୁ ଆବା ମାହାପୁରୁତି ଜହରା କିତେରି । ୭ ମାହାପୁରୁତି ଗାଞ୍ଜୁରିମି ତାକି କ୍ରୀସୁ ଏନିକିହିଁ ମିଢ୍ଢେ ଆବା ମାଞ୍ଜୁନେସି, ମାରୁ ଜିକେଏ ଏଲେକିହିଁ ରଅତେରି ରଅଣାଇଁ ଆବାଦୁ । ୮ ଇତିହିଁ ନାନୁ ଏଲେ ଇଞ୍ଜିମାଇଁ, କ୍ରୀସୁ ମାହାପୁରୁତି ସାତା ତାକି ଡ଼ଲୁ ଦାପି ଆତି ଲକ୍ଷଣି ସେବା କିନାସି କିଢ଼ିଆହା ମାଟେସି, ଏନିକିଁ ଏଝାସି ଆକୁ ଆବାୟାକି ଆଞ୍ଜୁନା ହାହାମାନାଣି ତାରି କିନେସି, ୯ ଅଡେ ମାହାପୁରୁତି କାର୍ମାମେହନାଣି ତାକି ଜୀହୁଦିଆଆତି ଲକ୍ଷଣି ଜିକେଏ ଏଝାଣି ଗାଞ୍ଜୁରିମି କିନେରି; ଇ କାତା ସାପ୍ତେରିତା ରାସ୍ତାକି ଆହାମାନେ; “ଇଦାଆଁତାକି ଜୀହୁଦିଆଆତି ଲକ୍ଷଣିତାଣା ନୀ ଜହରା କିଇଁ, ବାରେଦିନା ନୀ ପାପୁ ପାଟିଇଁ ।” ୧୦ ଅଡେ ଜିକେଏ ଏଲେଇଞ୍ଜି ମାନେସି, “ଜୀହୁଦିଆଆତି ଲକ୍ଷଣି ମାହାପୁରୁତି ଲକ୍ଷଣିତଲେ ରାହାଁ କିପୁ!” ୧୧ ଅଡେ ଜିକେଏ, “ଜୀହୁଦିଆଆତି ଲକ୍ଷଣି ବାରେ ପ୍ରବୁଇଁ ଜହରା କିପୁ, ଅଡେ ବାରେ ଲକ୍ଷଣି ଏଝାଣି ପାପୁ ପାଟାପେରି!” ୧୨ ଅଡେ ଖେଣ୍ଡେ ଜିସାୟି ଖେସାମାନେସି, “ଜିସି କୁଡ଼ାଟି ରଅସି ଡ଼ଞ୍ଜୁଆନେସି, ଏଝାସି ଜୀହୁଦିଆଆତି ଲକ୍ଷଣି ସାଲଞ୍ଜି କିନେସି ଇଞ୍ଜି ଜୀହୁଦିଆଆତାରି ଏଝାଣି ତାଣା ବାସ୍ତୁ ଇତିନେରି ।” ୧୩ ବାରେ ବାସ୍ତୁଗାଟି, ମାହାପୁରୁ ମୀ ନାମୁ ତାକି ମିଢ୍ଢେ ରାହାଁ ଇଞ୍ଜି ହିଡ଼ି ହିୟାପେସି । ଏନିକିଁ ସୁଦୁଜୀସୁତି ବାଡ଼ୟୁ ତଲେ ମୀ ବାସ୍ତୁ ପାଟାଆନେ । ୧୪ ତାୟି ତାଢ୍ଢେପ୍ପାତେରି, ମାରୁ ବାରେ ନେହିଁ ଗୁଣ୍ଡ, ଏନିକିହିଁ ବାରେ ବୁଦିତଲେ

ଇଞ୍ଜି ରଅତେରି ରଅଣାଇଁ କାପ୍ତହାଲି ତାକି ଆଡିଦେରି ନା ନାମୁ ମାନେ । ୧୫ ଆତିଜିକେଏ ମାହାପୁରୁ ହାହାମାଞ୍ଜାନି କାର୍ମାଟି ବାଡ଼ୟୁଟି ନାନୁ ମିଢ୍ଢେ ଅଣପି କିହାଲି ହାରେକା ସାସାତଲେ ମୀ ତାଣା ଇ ଆକୁ ରାତିମାଞ୍ଜାଇଁ । ୧୬ ଏନାଆଁତାକି ଇତିହିଁ କ୍ରୀସୁ ଜୀସୁତି ହଲେଏଣା ଲେହେଁ ଜୀହୁଦିଆଆତି ଲକ୍ଷଣିତାକି କାମା କିହାଲି ମାହାପୁରୁ ନାଢ୍ଢେ ପାପୁ ହାହାମାଞ୍ଜାନେସି । ମାହାପୁରୁତି ନେହିଁ କାବୁ ଖେକହାଲି ତାକି ନାନୁ ର ପୁଜେରାତି କାମା କିହିମାଇଁ । ଜୀହୁଦିଆଆତି ଲକ୍ଷଣି ସୁଦୁଜୀସୁ ତଲେ ହେରପିଆତି ଲେହେଁ ମାହାପୁରୁ ତାଣା ଆବିନାରି ଆପେରି, ଇଦି ନା ଅଣପୁ । ୧୭ କ୍ରୀସୁ ଜୀସୁତଲେ ଆଣ୍ଡୁନା ମାହାପୁରୁ ତାକି ଇ ସେବା କାମା କିହାମାନାକି ନାନୁ ବଡପଣ ଆହିମାଇଁ । ୧୮ ଇତିହିଁ ଜୀହୁଦିଆଆତି ମାହାପୁରୁ ତାଣା ତାତାଲି କ୍ରୀସୁ ନା ତାଣାଟି ବଲୁତା ଅଡେ କାମାତା ଇତିହିଁ ହାରେକା ସିନାୟାଁ କାବାଆନି କାମାୟାଁ ତଲେ, ସୁଦୁଜୀସୁତି ବାଡ଼ୟୁଟି ଏନା ଏନାଆଁ କିହାହିଲଅସି, ଲଲେତି ଏନି କାମା କିହାଲି ସାସା କିହିହିଲଅଁ । ୧୯ ସିନା ଅଡେ କାବାଆନି କାମାଟି ବାଡ଼ୟୁଟି ଅଡେ ମାହାପୁରୁ ସୁଦୁଜୀସୁତି ବାଡ଼ୟୁଟି ନା ତାଣାଟି କିହାମାନେସି । ଏନିକିଁ ନାନୁ ଜିରୁସାଲମ ଟଟ ସାରିଖାକି ଇଞ୍ଜି ଇଲୁରିକମ ପାତେକା କ୍ରୀସୁତି ନେହିଁ କାବୁ ଖେକହାମାଇଁ । ୨୦ ଆମ୍ବିୟା ଲକ୍ଷଣି କ୍ରୀସୁତି କାତା ଖେଞ୍ଜୁହିଲଅରି, ଏମ୍ବାଆଁ ଏଝାଣି ବଲୁ ଖେକହାଲି ନା ଅଣପୁ, ଏନାଆଁତାକି ଇତିହିଁ ଏବଂକାଟି ଲକ୍ଷଣି କିହାମାନି ପୁନାଦି ଲାକ ଇଲୁ କିହାଲି ନାନୁ ଅଣପି ହିଲଅଁ । ୨୧ ସାପ୍ତେରିତା ଏନିକିହିଁ ରାସ୍ତାକି ଆହାମାନେ; “ଆମିନି ଗାଟାରି ଏଝାଣି ବଲୁ ବେଟାଆହା ହିଲଅରି, ଏଝାରି ମେହନେରି; ଆମ୍ବାଆରି ଖେଞ୍ଜୁହିଲଅରି, ଏଝାରି ତେଲ୍‌ହନେରି ।” ୨୨ ହାରେକା ଦେବା ମୀ ତାଣା ଖାହାଲି ତାକି ନା ଅଣପୁ ଉଜେଏତାୟି ଆଡେ । ୨୩ ସାମା ଇ ରାଜିତା ନା ସେବା କାମା ରାହାମାନେ ଅଡେ ନା ଆସା, ମିଢ୍ଢେ ମେସାଲି ତାକି ନା ହାରେକା ବାସାତି ଅଣପୁ ନୀଏଁ ପୁରା ଆନେ । ୨୪ ନାନୁ ସ୍ତେନ୍ ଦେସା ହାନିବେଲାତା ମୀ ତାଣା ଖାଇଁ; ଇତିହିଁ ଜିରୁତା ମୀ ତଲେ ତଲିଏ ଆଣ୍ଡୁନା କାତା ଆହାଁ ଏଡରିଦିନା ଡ଼ୟିତି ଡ଼ାୟୁ ଏ ଡ଼ାୟୁତା ହାଜାଲି ଜିରୁତା ଇତିଖାୟାଦେରି ଇଞ୍ଜି ଆସା କିହିମାଇଁ । ୨୫ ନୀଏଁ ମାହାପୁରୁ ଲକ୍ଷଣି ସେବା କିହାଲି ନାନୁ ଜିରୁସାଲମତା ହାଜିମାଇଁ । ୨୬ ଜିରୁସାଲମତା ମାହାପୁରୁ ଲକ୍ଷଣି, ଆମ୍ବାଆରି ହିଲାଆ ଗାଟାରି ମାନେରି, ଏଝାରି ତାକି ମାକିଦିନୟା ଅଡେ ଆକାୟାତି କୁଲମିକା ଆଣ୍ଡୁଲି ତାବୁୟାଁ କୁଡିକିହାଲି ତାରି କିହାମାନେରି । ୨୭ ହାଅ ଏଝାରି ଏଦାଆଁ ନେହେଁ ଅଣପା ମାନେରି ସାତା, ଆତିହିଁ ଏଝାରି ଏଝାରିତାଣା ରାଣା ଜିକେଏ ଆହାମାନେରି; ଜୀହୁଦିଆଆତାରି ଏଝାରି କାର୍ମାଟି ଜୀସୁତା ଆଣ୍ଡୁମାନେରି ଇତିହିଁ, ଏଝାରି ଦାବୁତି କାମାତା ଜିକେଏ ସେବା କିହାଲି ରାଣା ଆହାମାନେରି । ୨୮ ଜିରୁସାଲମତା ଏ ତାବୁୟାଁ ଲକ୍ଷଣି ହାହାନା ନା କାମା ରାପ୍ତ ହି ଡ଼ାୟୁ, ନାନୁ ସ୍ତେନ୍ ଦେସାତା ହାନାଟି ଏ ଜିରୁଟିଏ ମିଢ୍ଢେ ବେତି ଖାଇଁ । ୨୯ ନାନୁ ପୁଞ୍ଜାମାଇଁ, କ୍ରୀସୁ ତାଣାଟି ହାରେପୁରେ ବର ବେଟାଆହାନା ନାନୁ ମୀ ତାଣା ଖାଇଁ । ୩୦ ଜୀସୁତି ତାୟି ତାଢ୍ଢେ, ନାନୁ ମା

ପ୍ରବୁ ଜୀସୁ କ୍ରୀସ୍ତ ଦରୁତଲେ ଇଚ୍ଛାଁ ସୁଦୁଜୀଝୁ ହାହାମାଞ୍ଜାନି ଜୀଝୁ ନନାଣି ତାକି ମିଢ୍ରେ ବାତିମାଲିମାଞ୍ଜାଇଁ, ନାଢ୍ରେ ତାକି ମାହାପୁରୁ ତାଣା ରଣ୍ଡିଏ ଅଣପୁ ତଲେ ପ୍ରାତାନା କିଦୁ । ୩୧ ନାନୁ ଜୀହୁଦା ଦେସାତି ନାମାଆତି ଲକ୍ଷୁ ତାଣାଟି ଏନିକିହିଁ ଗେଲ୍ପି ଆଇଁ ଇଚ୍ଛାଁ ଜିରୁସାଲମତା ନା ଏମିନି ସେବା କାମା, ଏଦିଏମ୍ପାଆଁ ମାହାପୁରୁ ଲକ୍ଷୁ ଅପିନେରି, ଏଦାଆଁତାକି ପ୍ରାତାନା କିହେମାଞ୍ଜୁ । ୩୨ ମାହାପୁରୁ ଅଣପୁ ତଲେ, ନାନୁ ମୀ ତାଣା ହାରେକା ରାହାଁତଲେ ଖାଇଁ ଇଚ୍ଛାଁ ମୀ ତଲେ ଏତରଦିନା ପାତେକା ତୟନା ନା ହିୟାଁତା ରାହାଁ ବେଦାଆଇଁ । ୩୩ ବାରେ ହିଡ଼ି ହିୟାନି ମାହାପୁରୁ ମୀ ତଲେ ମାଣ୍ଡେସି । ଆମେନ ।

୧୭

କେଢ୍ଫେୟା କୁଲମିତା ସେବା କାମା କିହିମାନି ମା ତାଢ୍ଫେ ପୟିବିଇଁ ମୀ ତାଣା ପାଣ୍ଡିମାଞ୍ଜାଇଁ, ୨ ପ୍ରବୁତି ଦରୁତଲେ ଏଦାନି ଆବାଦୁ, ମାହାପୁରୁ ଲକ୍ଷୁ ଲେହେଁ ଲେମ୍ପାଦୁ । ତାନି ଲଡ଼ାମାନି ଲେହେଁ ସାୟେମି କିଦୁ । ଏଦି ନାଢ୍ଫେତାକି ଅଡ଼େ ହାରେକା ଲକ୍ଷୁତି ସାୟେମି ତଦୁ । ୩ କ୍ରୀସ୍ତ ଜୀସୁତି ସେବା କାମାତା ନା ତଲେ କାମା କିହିମାନି ପ୍ରିସ୍ତଲ୍ଲା ଇଚ୍ଛାଁ ଆକ୍ଫିଲାଇଁ ନା ଜହରା ଖେହ୍ନୁ । ୪ ଏ ଲକ୍ଷୁ ନା ତାକି ତାନି ଜୀଝୁତା କସ୍ତୁ ଆହାମାନେ । ଖାର୍ଲ ନାନୁ ଆଏ, ବାରେ ଜୀହୁଦିଆଆତି କୁଲମି ତାନି ତାଣା ଜହରା । ୫ ଏ ଲକ୍ଷୁତି ଇଜ ରୁଣ୍ଡା ଅହିମାନି କୁଲମିତି ଲକ୍ଷୁଣି ଜିକେଏ ନା ଜହରା ଖେସିମାଇଁ । ନା ଜୀଝୁତି ତଦୁ ଏପାୟିନେତଇଁ ନା ଜହରା ଖେହ୍ନୁ । ଆସିୟା ଦେସାତି ଏଖାରି ରଅସି ମୂଲୁଏ କ୍ରୀସ୍ତଇଁ ନାମିତାସି । ୬ ମୀ ନେହେଁତାକି ଜମାଆନା କାମା କିହିମାନି ମରିୟଇଁ ନା ଜହରା । ୭ ଆନୁନିକ ଇଚ୍ଛାଁ ଜୁନିୟଇଁ ନା ଜହରା । ଇ ରିଆରି ଜୀହୁଦିୟାଁ ନା ତଲେ କାୟିତି ଇଲୁତା ମାତେରି । ନା ନକେଏ କ୍ରୀସ୍ତଇଁ ନାମା ମାତେରି ଇଚ୍ଛାଁ ପାଣ୍ଡିଆତି ସୀସୁ ତାଣାଟି ଏଖାରି ପୁଣ୍ଡି ଆତାରି । ୮ ପ୍ରବୁ ତାଣା ନା ଜୀଝୁତି ତଦୁ ଆମ୍ବିୟାତଇଁ ଜହରା । ୯ କ୍ରୀସ୍ତୁତି ସେବା କାମାତା ନାଢ୍ଫେ ସାୟେମି କିହିମାଞ୍ଜାନି ଉର୍ବାନ ଇଚ୍ଛାଁ ଜୀଝୁତି ତଦୁ ସ୍ତାକିୟଇଁ ଜିକେଏ ନା ଜହରା । ୧୦ କ୍ରୀସ୍ତୁତି ମାନି ତଲେ କାମା କିନି ଆପେଲା ଇଚ୍ଛାଁ ଆରିସ୍ତୁଲ କୁଟମିତି ବାରେ ଜାଣାଇଁ ନା ଜହରା ଖେହ୍ନୁ । ୧୧ ନା କୁଡ଼ାତି ହେରଦିୟନ ଇଚ୍ଛାଁ ନାକିଏ କୁଟମିତି କ୍ରୀସ୍ତୁତି ତାୟିୟାଣି ଜିକେଏ ନା ଜହରା । ୧୨ ପ୍ରବୁତି ସେବା କାମାତା ମାନି ତ୍ରିପେନା ଇଚ୍ଛାଁ ତ୍ରିପସାଇଁ ଇଚ୍ଛାଁ ପ୍ରବୁ ତାକି ହାରେକା କାମା କିହିମାନି ଜୀଝୁତି ପସିସଇଁ ନା ଜହରା । ୧୩ ପ୍ରବୁ ଆତାମାନି ରୁପସ ଇଚ୍ଛାଁ ନା ତାଲି ଲେହେଁତି ତାନି ଇୟାନି ଜିକେଏ ନା ଜହରା । ୧୪ ଅସୁଂକିତ, ପ୍ଲୋଗନ, ହର୍ମିସ, ପାତ୍ରବା, ହର୍ମିସ ଇଚ୍ଛାଁ ଏଖାରିତଲେ ମାନି ବାରେ କ୍ରୀସ୍ତଇଁ ନାମିମାନି ତାୟି ତାଢ୍ଫେଇଁ ଜହରା ଖେହ୍ନୁ । ୧୫ ପିଲଲଗ ଇଚ୍ଛାଁ କୁଲିୟା, ନିରୁସ୍ ଇଚ୍ଛାଁ ତାନି ତାଢ୍ଫେ ଅଡ଼େ ଅଲୁମ୍ପା ଅଡ଼େ ଏଖାରିତଲେ ମାନି ବାରେ ମାହାପୁରୁ ଲକ୍ଷୁଣି ନା ଜହରା ଖେହ୍ନୁ । ୧୬ ସୁଦୁ ହିୟାଁ ତଲେ ନଶ୍ଫି ଆହାନା ଜହରା ଖେହ୍ନୁ । କ୍ରୀସ୍ତୁତି ବାରେ କୁଲମିକା ମିଢ୍ରେ ଜହରା କିହିମାଞ୍ଜାନୁ । ୧୭ ତାୟି ତାଢ୍ଫେସ୍ତାତେରି, ମୀରୁ ଆମିନି କାତା ଜାପାମାଞ୍ଜେରି, ଏ କାତାତି

ପିସାନା ଗତି ଗତି କିନାସି ଅଡ଼େ ଲାଗେଏ କିୟାନେସି ଏଖାରାଇଁ ପୁଞ୍ଜୁ ତୟାଦୁ, ଏଖାରି ତାଣାଟି ଏବକା ଆୟାଲି ନାନୁ ବାତିମାଲିମାଞ୍ଜାଇଁ । ୧୮ ଇତିହିଁ ଇଲେତି ଲକ୍ଷୁ ମା ପ୍ରବୁ କ୍ରୀସ୍ତୁତି ହଲିୟାଢ୍ଫା ଆଏ, ସାମା ତାନି ବାଣ୍ଡିତି ହଲିୟାଢ୍ଫା ଆହାମାନେରି, ଅଡ଼େ ସୁଖାଲା ହାତାତଲେ ଲକ୍ଷୁ ମନତି ନାଡ଼ି କିନେରି । ୧୯ ନେହିଁ ବଲୁ ତାକି ମୀ ତାରୁପୁ କାମା ବାରେ ଲକ୍ଷୁ ଖେଞ୍ଜୁମାନେରି, ଇଦାଆଁତାକି ନାନୁ ହାରେକା ରାହାଁ । ନାନୁ ଅଣପିପାଇଁ, ମୀରୁ ସାତା କାତାତା ବୁଦି ଗାଟାତେରି ଆଦୁ ଇଚ୍ଛାଁ ଉଜେଏତି କାତାତା ଆଣ୍ଡାଆଦୁ । ୨୦ ଆତିହିଁ ହିଡ଼ି ହିୟାନି ମାହାପୁରୁ ତବେ ସୟତାନଇଁ ମୀ କର୍ତ୍ତା ତଇ କିନେସି । ମା ପ୍ରବୁ ଜୀସୁତି କାର୍ମାମେହ୍ନାୟି ମୀ ତଲେ ମାଣ୍ଡେ । ୨୧ ନା ତଲେ କାମା କିହିମାନି ତିମତି ଇଚ୍ଛାଁ ମା ଜୀହୁଦି ତାୟିୟାଁ ଲୁକିୟ, ଜାସନ ଇଚ୍ଛାଁ ସସିପାତ୍ର ମିଢ୍ରେ ଜହରା କିହିମାଞ୍ଜାନେରି । ୨୨ ଇ ଆକୁ ରାତାମାନି ତର୍ତ୍ତୟ, ପ୍ରବୁତି ଦରୁତଲେ ମିଢ୍ରେ ଜହରା କିହିମାଞ୍ଜାଇଁ । ୨୩ ନାଢ୍ଫେ ଅଡ଼େ କୁଲମିତି ସେବା କିନି ଗାୟସ ମିଢ୍ରେ ଜହରା କିହିମାଞ୍ଜାନେସି, ଅଡ଼େ ଇ ଗାଡ଼ାତି ଗୁମ୍ପସ୍ତା ଏରାସ୍ତ ଇଚ୍ଛାଁ ତାୟି କ୍ଫାଟି ଜିକେଏ ମିଢ୍ରେ ଜହରା କିହିମାଞ୍ଜାନେରି । ୨୪ ପ୍ରବୁ ଜୀସୁତି କାର୍ମାମେହ୍ନାୟି ମୀ ବାରେ ଜାଣାକି ଆପେ । ୨୫ ଖାଦୁ ମାର ମାହାପୁରୁତି ଗାଝୁରମି କିନ । ନାନୁ ଖେକ୍ଫାମାନି ଜୀସୁ କ୍ରୀସ୍ତୁତି ନେହିଁ ବଲୁ ଇଚ୍ଛାଁ ତଲି କାଲାଟିଏ ତୁଗାମାନି ସାତା ଲେହେଁ ମୀ ନାମ୍ ତାରିକିହାଁ ଇଟାଲି ମାହାପୁରୁ ଆତିନେସି । (aiōnios g166) ୨୬ ଏ ତୁଗାମାନି ସାତା ମାହାପୁରୁ ଅଣପୁତି ବଲୁ ଖେହ୍ନାରି ସାସ୍ତେରିତା ରାସକି ଆହାମାନେ ଅଡ଼େ ଏଦି ନାଏଁ କାଲାକାଲାତି ପ୍ରବୁ ମାହାପୁରୁ ତାଣାଟି ବାରେ କୁଡ଼ା ବିଡ଼ା ଖେପ୍କି ଆହିମାନେ । ଇଦାଆଁ ତଲେ ବାରେଜାଣା ନାମାନା ମାହାପୁରୁଇଁ ମାନି କିହାଲି ଆତିନେରି । (aiōnios g166) ୨୭ ବାରେ କାତା ପୁନି ମାହାପୁରୁ ପ୍ରବୁ ଜୀସୁ ତାଣା କାଲାକାଲା ତାକି ଗାଝୁରମି ବେଦାଆପେସି । ଆମେନ

| (aiōn g165)

୧କର

୧ ନାନୁ ପାଞ୍ଚଲ, ମାହାପୁରୁତି ମନତଲେ କ୍ରୀସୁ ଜୀସୁ ଚାଣାଟି ଆଚାନା ପାଣ୍ଡୁଣ୍ଡି ଆହାମାନାତେଏଁ, ଅଡ଼େ ମା ତାୟି ସସ୍ତିନା ତଲେ, ୨ କରନ୍ତି ଗାଡାତା ମାନି ମାହାପୁରୁ କୁଲମିତାକି ଇ ଆକୁ ରାତିମାନେରି; ଆମିନି ବାରେଜାଣା ଏଞ୍ଜାରିତାଣା, ପ୍ରଭୁ ଜୀସୁ କ୍ରୀସୁ ଦରୁତଲେ ପ୍ରାତାନା କିହିମାନେରି, ଏଞ୍ଜାରିତଲେ କ୍ରୀସୁ ଜୀସୁ ଚାଣା ସୁରୁ ଆହାନା ହାବ୍‌କି ଆହାମାନି ମାହାପୁରୁ ଲକୁତେରି ମୀରୁ । ୩ ମିଟ୍ଟେତାକି ମା ଆବା ମାହାପୁରୁ ଅଡ଼େ ପ୍ରଭୁ ଜୀସୁ କ୍ରୀସୁ ଚାଣାଟି କାର୍ମାମେହନାୟି ଅଡ଼େ ହିବ୍‌ଡ଼ି ଆପେ । ୪ କ୍ରୀସୁ ଜୀସୁ ଚାଣାଟି ମିଟ୍ଟେ ହାହାମାଞ୍ଜାନି ମାହାପୁରୁତି ଆମିନି କାର୍ମାମେହନାୟି, ଏଦାଆଁତାକି ନାନୁ କାଲେଏ ମିଟ୍ଟେତାକି ମାହାପୁରୁଇଁ ଜହରା କିହିମାଇଁ, ୫ ଏନାଆଁତାକି ଇତିହିଁ ଏଞ୍ଜାଣି ଚାଣା ବାରେ କାତାତା, ହାରେକା କିହିଁ ବାରେଲେହେଁଟି ଜାପ୍‌ନି ଚାଣା ଅଡ଼େ ବାରେଲେହେଁଟି ବୁଦିତା ମୀରୁ ଗାତି ବାଡ଼କା ମାଞ୍ଜେରି; ୬ ଇଲେଆହିଁ କ୍ରୀସୁତି ସାକି ମୀ ଚାଣା ଚାରି ଆହାମାନେ । ୭ ଇଦାଆଁତାକି ମୀରୁ ମା ପ୍ରଭୁ ଜୀସୁ କ୍ରୀସୁତି ତଞ୍ଜୁ ଆହାଲିତାକି କାପୁ କାତାନା ଏନି କାର୍ମାତି ଦାନାତା ଉଣା ଆହାହିଲଅଡେରି; ୮ ମା ପ୍ରଭୁ ଜୀସୁ କ୍ରୀସୁତି ଦିନାତା ଏନିକିଁ ମୀରୁ ଦହ ହିଲଆଗାଟାତେରି ଆଦେରି, ଇଦାଆଁତାକି ଏଞ୍ଜାସି ମିଟ୍ଟେ ରାନି ଦିନା ପାତେକା ଚାରିକିହା ଇଟାନେସି । ୯ ମାହାପୁରୁ ନାମୁଗାଟାସି, ଆମ୍ବାଆରି ଚାଣାଟି ମୀରୁ ତାନି ମୀରୁଏସି ଜୀସୁ କ୍ରୀସୁ, ମା ପ୍ରଭୁ ଚାଣା ଆଣ୍ଡିନାଣାକି ହାବ୍‌କି ଆହାମାଞ୍ଜେରି । ୧୦ ଏ ତାୟିୟାଁ ଅଡ଼େ ତାଢ଼ିମ୍ବାତେରି, ମା ପ୍ରଭୁ ଜୀସୁ କ୍ରୀସୁ ଦରୁତଲେ ନାନୁ ମିଟ୍ଟେ ବାତିମାଲିମାଞ୍ଜାଇଁ, ଏନିକିଁ ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡ଼େ ମୀ ବିତ୍ରା ଗତି ଆଅଡେରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣ୍ଡପୁ ତଲେ କାଲୁଞ୍ଚି ଆଦୁ । ୧୧ ଇତିହିଁ, ଏ ନା ତାୟିୟାଁ ଅଡ଼େ ତାଢ଼ିମ୍ବାତେରି, କୁୟିତି କୁଟମିତି ମୀ କାତା ନା ଚାଣା ଇଦି ତଞ୍ଜୁ ଆହାମାନେ, ମୀ ବିତ୍ରା ଗଡ଼ହା ମାନେ । ୧୨ ନାନୁ ୱେସ୍‌ପାନି କାତା ଇଦି, ମୀ ବିତ୍ରାଟି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଚଲ ଖାକି ତାତେଏଁ, ଇଞ୍ଜାଁ ଆମ୍ବାଆରି ନାନୁ ଆପଲ ଖାକି ତାତେଏଁ, ନାନୁ କେପା ଖାକି ତାତେଏଁ ଅଡ଼େ ଏତରଜାଣା ନାନୁ କ୍ରୀସୁ ଖାକି ତାତେଏଁ ଇଞ୍ଜାଁ ମାନେରି । ୧୩ କ୍ରୀସୁ ବାଗା ଆହାମାନେସି କି? ମିଟ୍ଟେତାକି ପାଞ୍ଚଲ କି ପାସି ମୁଣ୍ଡାତା ହାହାମାନେସି? ଆଆର୍ଟି ମୀରୁ କି ପାଞ୍ଚଲ ଦରୁତଲେ ବାପ୍ତିସ୍ମ ଆହାମାଞ୍ଜେରି? ୧୪ ଇଦାଆଁତାକି କ୍ରିସ୍‌ପ ଅଡ଼େ ଗାୟ ପିସ୍‌ପେ ମୀ ବିତ୍ରା ଆମ୍ବାଆରାଇଁ ଜିକେଏ ବାପ୍ତିସ୍ମ ହାହାହିଲଅଁ ଇଞ୍ଜାଁ ନାନୁ ମାହାପୁରୁଇଁ ଜହରା କିହିମାଇଁ, ୧୫ ଏଡେତା ମୀରୁ ନୀ ଦରୁତଲେ ବାପ୍ତିସ୍ମ ଆହାମାଇଁ ଇଞ୍ଜାଁ ଆମ୍ବାଆରି ଏଲେଇଞ୍ଜୁଅରି । ୧୬ ଅଡ଼େ ସ୍ତିପାନତି କୁଟମିକିଁ ଜିକେଏ ବାପ୍ତିସ୍ମ ହାହାମାଇଁ; ଇଞ୍ଜାରି ପିସ୍‌ପେ ନାନୁ ଅଡ଼େ ଆମ୍ବାଆରାଇଁ ବାପ୍ତିସ୍ମ ହାହାମାଇଁ ଇଞ୍ଜାଁ ନା ଅଣ୍ଡପୁତା ହିଲେଏ । ୧୭ ଇତିହିଁ କ୍ରୀସୁ ନାଟ୍ଟେ ବାପ୍ତିସ୍ମ ହାହାଲିତାକି ପାଣ୍ଡାମାଞ୍ଜୁଅସି, ସାମା ନେହିଁ

କାବୁ ୱେସାଲି ପାଣ୍ଡାମାଞ୍ଜୁନେସି; ଏଦି ଜିକେଏ ବଲୁତି ରାହାଁ କିନି ଚାଣା ଆଏ, ଏଡେତା ପାଟେ କ୍ରୀସୁତି ପାସିମୁଣ୍ଡା ଉଜେଏ ଆନେ । ୧୮ ଇତିହିଁ ନାସା ଆହିମାନି ଲକୁତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍‌ପି ଆହିମାନି ମା ବାରେଜାଣା ତାକି ଏଦି ମାହାପୁରୁତି ବାଡ଼ୁ । ୧୯ ଇଦାଆଁତାକି ରାସ୍‌କି ଆହାମାନେ, “ନାନୁ ବୁଦିଗାଟାରି ବୁଦି ନାସତ୍ସି କିଇଁ, ଅଡ଼େ ବୁଦିଗାଟାରି ବୁଦି ଅପଅଁ ।” ୨୦ ବୁଦିଗାଟାରି ଆମ୍ବିୟା? ମେରା ଜାପ୍‌ନାରି ଆମ୍ବିୟା? ଇ ଜୁଗୁତି କାତା କାଟଞ୍ଚିକିହିଁ ୱେହନାରି ଆମ୍ବିୟା? ମାହାପୁରୁ କି ଦାବ୍‌ତିତି ବୁଦିଇଁ ଉଜେଏତାୟି ଇଞ୍ଜାଁ ୱେସାହିଲଅସି? (aiton g165) ୨୧ ଇତିହିଁ ମାହାପୁରୁତି ବୁଦି ତଞ୍ଜୁଆହାମାତି ଜିକେଏ ଦାର୍‌ତି ଜାହାରା ବୁଦିତଲେ ମାହାପୁରୁଇଁ ପୁନାଆତାକି ମାମୁ ୱେକ୍‌ହାମାନି କାତା ଉଜେଏତାୟି, ଆତିଜିକେଏ ନାମୁ ଗାଟାରାଇଁ ଗେଲ୍‌ପାଲିତାକି ମାହାପୁରୁ ଅଣ୍ଡପଡେସି । ୨୨ ଇତିହିଁ ଜାହୁଦିଟ୍ଟା ସିନା ପାରିନେରି, ସାମା ଗ୍ରିକ୍ ଲକୁ ବୁଦିତି ପାରିନେରି । ୨୩ ସାମା ମାମୁ ପାସି ମୁଣ୍ଡାତା ହାତି କ୍ରୀସୁତି କାତା ୱେକ୍‌ହ ମାନମି, ଏଞ୍ଜାସି ଜାହୁଦି ଲକୁତାକି ସାତୁ ଲେହେଁତାସି ଅଡ଼େ ଜାହୁଦିଆଆତି ଲକୁତାକି ବୁଦି ହିଲଆଲେହେଁ । ୨୪ ସାମା ଜାହୁଦି ଆପାରି କି ଜାହୁଦିଆଆତାରି ଆପାରି, ଆମ୍ବାଆରି ହାବ୍‌କି ଆତାରି, ଏଞ୍ଜାରିକି କ୍ରୀସୁ ମାହାପୁରୁତି ବାଡ଼ୁ ଅଡ଼େ ମାହାପୁରୁତି ବୁଦି ଲେହେଁ । ୨୫ ଇତିହିଁ ମାହାପୁରୁତି ବୁଦି ହିଲଆଗାଟାୟି ମାଣ୍ଡସିୟାଁତି ବୁଦି କିହିଁ ହାରେକା ବୁଦି, ଅଡ଼େ ମାହାପୁରୁତି ଆତାଆ ଗାଟାୟି ମାଣ୍ଡସିୟାଁତି ବାଡ଼ୁ କିହିଁ ହାରେକା ବାଡ଼ୁ ଗାଟାୟି । ୨୬ ଏ ତାୟିୟାଁ ଅଡ଼େ ତାଢ଼ିମ୍ବା ମିଟ୍ଟେ ହାଟାମାନି କାତା ଅଣ୍ଡପଦୁ, ଦାର୍‌ତିତି ଲକୁତି ଅଣ୍ଡପୁ ଲେହେଁ ହାରେକା ବୁଦିଗାଟାରି, ହାରେକା ବାଡ଼ୁ ଗାଟାରି, କି କାଜା କୃଡା ଗାଟାରି ହାବ୍‌କି ଆହାହିଲଅରି; ୨୭ ଏଦାଆଁତାକି ମାହାପୁରୁ ବୁଦି ଗାଟାରାଇଁ ଲାଜା କିହାଲିତାକି ଦାର୍‌ତିତି ବୁଦି ହିଲଆଗାଟାଣି ଆଡିତେସି, ଅଡ଼େ ବାଡ଼ୁ ଗାଟାଣି ଲାଜା କିହାଲିତାକି ମାହାପୁରୁ ଦାର୍‌ତିତି ବାଡ଼ୁ ହିଲଆଗାଟାରାଇଁ ଆଡିତେସି । ୨୮ ଅଡ଼େ ଏନାୟି ଦାର୍‌ତି ନକିତା ମାନି ଗାଟାୟି, ଏ ବାରେ ଉଜେଏ କିହାଲି, ମାହାପୁରୁ ଦାର୍‌ତିତି ହାଣି, ଇଞ୍ଜାଁ ଅପାଆଗାଟାଣି, ହାଅ, ମାନି ହିଲଆଗାଟାଣି ଆଡିତେସି । ୨୯ ଅଡ଼େ ଏନାୟି ଦାର୍‌ତି ନକିତା ମାନି ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାର୍‌ତିତି ଉଣା ଅଡ଼େ ଅପାଆଗାଟାଣି ହାଅ ଉଜେଏତାଣି ଆଡିତେସି । ୩୦ ସାମା ଏଞ୍ଜାଣି ତାକି ମୀରୁ କ୍ରୀସୁ ଜୀସୁ ଚାଣା ମାଞ୍ଜେରି, ଏଞ୍ଜାସି ମାହାପୁରୁ ଚାଣାଟି ମାଟ୍ଟେତାକି ବୁଦି, ଇତିହିଁ ଦାମ୍‌ଗାଟାସି, ସୁଦୁଗାଟାସି ଅଡ଼େ ଗେଲ୍‌ପିନି ଲେହେଁ ଆହାମାନେସି । ୩୧ ଇଦାଆଁତାକି, ଦାମ୍‌ପୁଡିତା ରାସ୍‌କି ଆହାମାନେ, “ଆମ୍ବାଆସି ବଡପଣ ଆନେସି, ଏଞ୍ଜାସି ମାହାପୁରୁ ଚାଣା ବଡପଣ ଆପାସି ।”

୨ ଏଦାଆଁତାକି ଏ ତାୟିୟାଁ ଅଡ଼େ ତାଢ଼ିମ୍ବାତେରି, ଏଡେତା ନାନୁ ମୀ ଚାଣା ହାଜାମାତେଏଁ, ଏତିବେଲା ମାହାପୁରୁତି ତୁଗାମାନି ସାତା କାତାଟି ଗାତି ବୁଦି ଗାଟାରିଲେହେଁ ମୀ ଚାଣା ୱେକ୍‌ହାମାତେଏଁ ଏଲେକିଁ

ଆଏ । ୨ ଇତିହାସି ଜୀବୁ କ୍ରୀସ୍ତ, ଇତିହାସି ପାସି ମୁଣ୍ଡାତା ହାତି ଜୀବୁ କ୍ରୀସ୍ତ ପିସ୍ତେ ମୀ ଚାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଣ୍ଡାଆତେଏ । ୩ ଅଡ଼େ, ନାନୁ ବାଡ଼ୟୁ ହିଲାଆନା, ଆଜି ଅଡ଼େ ଚୀରୁଗି ଚୀରୁଗିହିଁ ମୀ ଚାଣା ମାତେଏ; ୪ ଇଦାଆଁତାକି ନା ଜୀପନାୟି ଅଡ଼େ ଖେକନାୟି ମାଣସି ବୁଦିତି ନେହିଁ ହାତାଲେହେଁ ଆଆନା ମାହାପୁରୁତି ସୁଦୁଜୀସ୍ତୁତି ବାଡ଼ୟୁ ତସ୍ତପି ଆହାମାନେ । ୫ ମୀ ନାମୁ ଏନିକିଁ ମାଣସିୟିତି ବୁଦିତା ଚୀରି ଆଆନା ମାହାପୁରୁତି ବାଡ଼ୟୁତା ଚୀରି ଆନେ । ୬ ଆତିଜିକେଏ ମାମୁ ସୁଦୁଜୀସ୍ତୁତା ପାତାଆନି ବୁଦିଗାଟି ଲକୁତାଣା ବୁଦିତିକାତା ଖେହନମି, ସାମା ଏଦି ଇ ଲୁଗୁତି ବୁଦି ଆଏ, ଅଡ଼େ ଇ ଲୁଗୁତି ଗାଡ଼େକା ତାକି ନାସା ଆନି ସାଲଖି କିନାରି ବାଡ଼ୟୁତି ହାରାଝି କିନାରି ବୁଦି ଆଏ । (aiōn g165) ୭ ସାମା ନାନୁ ତୁଗାମାନି ଲେହେଁତି ମାହାପୁରୁତି ବୁଦିତିକାତା ଖେସିମାଲ୍; ଏ ତୁଗାମାନି ମାହାପୁରୁ ବୁଦି ମା ଗାସ୍ତୁରମି ତାକି ଦାର୍ତ୍ତିତି ଗାଡ଼ି ଆଆ ନକେଏ ଆତାନା ଇଟ୍ଟି ଆହାମାତେ । (aiōn g165) ୮ ଇ ଲୁଗୁତି ସାଲଖି କିନାରି ଜିକେଏ ଆମ୍ବାଆରି ଏଦାଆଁ ପୁଞ୍ଜାହଲଅରି, ଏନାଆଁତାକି ଇତିହିଁ ଏଖାରି ଏଦାଆଁ ପୁଞ୍ଜାମାରିହିଁମା ଗାସ୍ତୁରମିଗାଟି ପ୍ରବୁଲ୍ କୁସତା ପାୟାଆତେରିମା । (aiōn g165) ୯ ସାମା ଏନିକିଁ ଦାମ୍ପୁପତିତା ରାସ୍ତିକି ଆହାମାନେ, “କାନୁ ଏନିନାଣି ମେସା ହିଲେଏ, କିୟୁଁ ଏନିନାଣି ଖେଞ୍ଜା ହିଲେଏ, ଅଡ଼େ ମାଣସିୟି ହିୟିତା ଏନିନାଣି ଅଣ୍ଡା ହିଲଅରି, ଏ ବାରେତି ମାହାପୁରୁ ତାଟ୍ଟେ ଜୀସ୍ତୁ ନନାରାକି କିହାମାନେସି ।” ୧୦ ସାମା ମାହାପୁରୁ ମାଟ୍ଟେତାକି ସୁଦୁଜୀସ୍ତୁ ତଲେ ବାରେ ତସାମାଞ୍ଜାନେସି; ଏନିକିଁ ଏ ସୁଦୁଜୀସ୍ତୁ ବାରେ କାତା, ହାଅ, ମାହାପୁରୁତି ତୁଗାମାନି କାତା ଜିକେଏ ପାରିନେସି । ୧୧ ମାଣସିତି କାତା ବାରେ ମାଣସି ଚାଣା ମାନି ଜୀସ୍ତୁ ପିସ୍ତେ ଅଡ଼େ ଆମ୍ବାଆସି ପୁନେସି? ଏଲେକିହିଁଏ ମାହାପୁରୁ କାତା ବାରେ ମାହାପୁରୁ ଜୀସ୍ତୁ ପିସ୍ତେ ଆମ୍ବାଆସି ପୁନଅସି । ୧୨ ଏନିକିଁ ମାହାପୁରୁ ଚାଣାଟି ମାଟ୍ଟେ କାର୍ମାମେହନି ଚାଣାଟି ହାପ୍ତିକି ଆହାମାନି କାତା ବାରେ ମାର ପୁଞ୍ଜାଲି ଆତିନାୟି, ଏଦାଆଁତାକି ମାର ଦାର୍ତ୍ତିତି ଜୀସ୍ତୁ ପୁଞ୍ଜାଆନା ମାହାପୁରୁତି ଜୀସ୍ତୁ ବେଟା ଆହାମାନାୟି । ୧୩ ଏ ବାରେ କାତା ଜିକେଏ ମାର ମାଣସିତି ବୁଦିତି ଜୀପାନା ବଲୁ ତଲେ ଖେସିହିଲାଆୟି, ସାମା ସୁଦୁଜୀସ୍ତୁତି କାତା ବାରେ ସୁଦୁଜୀସ୍ତୁତି କାତାତଲେ ତେଲ୍ହି କିହାନା ସୁଦୁଜୀସ୍ତୁ ତଲେ ଜୀପାନା ବଲୁ ତଲେ ଖେସିମାନାୟି । ୧୪ ସାମା ଦାର୍ତ୍ତିତି ମାଣସି ମାହାପୁରୁତି ସୁଦୁଜୀସ୍ତୁତି କାତା ବାରେ ଅପଅସି, ଏନାଆଁତାକି ଇତିହିଁ ଏ ବାରେ ତାନି ନକିତା ଉଜେଏତାୟି, ଅଡ଼େ ଏଖାସି ଏ ବାରେତି ତେଲ୍ହିଲି ଆଡଅସି, ଇତିହିଁ ଏ ବାରେ ସୁଦୁଜୀସ୍ତୁ ତଲେ ନାହିଁ କିଞ୍ଚିଆନେ । ୧୫ ସାମା ଆମ୍ବାଆରାକି ସୁଦୁଜୀସ୍ତୁ ମାନେ, ଏଖାସି ବାରେ କାତା ନେହିଁକି ଅଣ୍ଡିନେସି, ଆତିଜିକେଏ ଆମ୍ବାଆସି ଏଖାଣାଲ୍ ଅଣ୍ଡିଅସି । ୧୬ ଏନାଆଁତାକି ଇତିହିଁ, “ଆମ୍ବାଆସି ମାହାପୁରୁତି ଅଣ୍ଡି ପୁଞ୍ଜାମାନେସି, ଇଞ୍ଜାଁ ଏଖାସି ଏଖାଣାଲ୍ ଜୀପାହାଲି ଆତିନେସି?” ସାମା ମାମୁ କ୍ରୀସ୍ତୁତି ମନ ବେଟା ଆହାମାନମି ।

୩ ଏ ନା ତାୟିୟି ଅଡ଼େ ତାଟ୍ଟେପୁାତେରି ନାନୁ ସୁଦୁଜୀସ୍ତୁ ବେଟାଆହାମାନି ଲକୁଣି ଖେହନିଲେହେଁ ମିଟ୍ଟେ ଖେସାଲି ଆତାଆତେଏ, ସାମା ଆଟ୍ଟା ତଲେ ମାନି ଲକୁ ଅଡ଼େ କ୍ରୀସ୍ତ ଚାଣା ନାମୁତି କକାରି ପଦାଣି ଖେହନିଲେହେଁ ମିଟ୍ଟେ ଖେସାତେଏ । ୨ ନାନୁ ମିଟ୍ଟେ ପାଲୁ ଉତ୍ତହାନା ଆବଂଖା ରାନ୍ତୁ ହିୟାଆତେଏ, ଏନାଆଁତାକି ଇତିହିଁ ଏଲେତି ରାନ୍ତୁ ତିଞ୍ଜାଲି ଆତିହିଲାଆତେରି, ଅଡ଼େ ନୀଏଁ ଜିକେଏ ଆଡଅତେରି, ୩ ନୀଏଁ ପାତେକା ମୀରୁ ଦାର୍ତ୍ତିତି ନାମାଆତି ଲକୁ ମାଣ୍ଡିକି ତଲେ ମାଟ୍ଟେରି, ଏନାଆଁତାକି ଇତିହିଁ ମୀ ବିତ୍ରା ତାହାରା ଅଡ଼େ ଗଡ଼ହା କିନାୟିମାନେ, ଏଦାଆଁତାକି ମୀରୁ ଦାର୍ତ୍ତିତି ନାମାଆତି ଲକୁତେରି ଆଏକି ଇଞ୍ଜାଁ ମାଣସି ନୀତିନି ଲେହେଁ ନୀତି ହିଲଅତେରି? ୪ ଏତେତା ରଅସି ଏଲେକିନେସି, “ନାନୁ ପାସ୍ତୁଲ ଚାଣା ତାତେଏ” ଅଡ଼େ ରଅସି ଏଲେକିନେସି “ନାନୁ ଆପଲ ଚାଣା ତାତେଏ” ଏତେତିଏ ମୀରୁ ଦାର୍ତ୍ତିତି ନାମାଆତି ଲକୁତେରି ଆଏକି? ୫ ଆପଲ ଆମ୍ବାଆସି? ପାସ୍ତୁଲ ଆମ୍ବାଆସି? ଏଖାରି ଖାର୍ଲ ସେବା କିନାରି, ଆମ୍ବାଆରି ଚାଣାଟି ବାରେତାକି ପ୍ରବୁ ଏନିକିଁ ହାହାମାନେସି ଏଲେକିଁ ମୀରୁ ନାମାମାଟ୍ଟେରି । ୬ ନାନୁ ଉହାମାଲ୍, ଆପଲ ଏୟୁ ହାହାମାନେସି, ସାମା ମାହାପୁରୁ ପାତି କିହାମାନେସି । ୭ ଇତିହିଁ ଆମ୍ବାଆସି ଉହିନେସି ଇଞ୍ଜାଁ ଆମ୍ବାଆସି ଏୟୁ ହାହାମାନେସି ଏଖାସି ଏନାସି ଆଏ, ସାମା ଆମ୍ବାଆସି ପାତି କିନି ମାହାପୁରୁ ଏଖାସି କାଜାସି । ୮ ଆମ୍ବାଆସି ଉହିନେସି ଅଡ଼େ ଆମ୍ବାଆସି ଏୟୁ ହାହାମାନେସି ଏଖାରି ରିଆରି ରଲେଏତାରି, ସାମା ବାରେକାଣା ତାନି କସ୍ତୁତି ଲେକାତଲେ କୁଲି ବେଟାଆନେରି । ୯ ଇତିହିଁ ମାମୁ ମାହାପୁରୁ ତଲେ ଆଣ୍ଡାନା କାମା କିନାତମି, ମୀରୁ ମାହାପୁରୁତି ଚାସା ବୁନି ଅଡ଼େ ମାହାପୁରୁତି ଇଲୁ । ୧୦ ନାଟ୍ଟେ ହାପ୍ତିକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ବୁଦିଗାଟି ଇଲୁ ଦହନି ଲକୁ ଲେହେଁ ପୁନାଦି କିହାମାଲ୍, ଅର ରଅସି ଏଦାଣି ଲାକ ଇଲୁ ଦସି ମାନେସି, ସାମା ବାରେକାଣା ତାନି ଲାକ ଏନିକିଁ ଦସି ମାନେରି ଏଦାଆଁତାକି ଜାଗ୍ରାତା ଆପେରି । ୧୧ ଇତିହିଁ ଆମିନି ପୁନାଦି କିଞ୍ଚିଆହାମାନେ, ଏଦାଣି ପିସ୍ତେ ଏଟ୍ଟକାତି ପୁନାଦି ଆମ୍ବାଆସି କିହାଲି ଆଡଅସି, ଏ ପୁନାଦି ଜୀସ୍ତୁ କ୍ରୀସ୍ତ । ୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା, ଖେଣ୍ଡି, ଗାତି ଦରାଗାଟି ଖାଲ୍‌କା, ମାର୍‌କା, ଜାଡ଼ା, ଅଡ଼େ ଝିକା ତଲେ କିନେସି, ୧୩ ଆତିହିଁ ଆମ୍ବାଆସି କାମା ଏନିଲେହେଁତାୟି ଏଦି ତଞ୍ଜାଆନେ, ଇତିହିଁ ଏ ନେରୁ ଏଦି ତହନେ, ଏ ନେରୁ ହିରୁତଲେ ତଞ୍ଜାଆନେ, ଇଞ୍ଜାଁ ବାରେକାଣାଟି କାମା ଏନିଲେହେଁତାୟି ଏ ହିରୁ ତାୟିପାରି କିନେ । ୧୪ ଆମ୍ବାଆସି ଏନିକିଁ ଇଲୁ ଦସା ମାନେସି ଏଖାଣି କାମା ଏଲେକିଁ ତ୍ରିୟିତିହିଁ ଏଖାସି ଏ ଦାନା ବେଟା ଆନେସି । ୧୫ ଇଞ୍ଜାଁ ଆମ୍ବାଆସି କାମା ଖେହାହାନେ, ଏଖାଣିଖାୟି ନାସିଞ୍ଚି ଆନେ, ଆତିଜିକେଏ ଏଖାସି ଗେଲ୍‌ପି ଆନେସି, ସାମା ଏଦି ହିରୁ ବିତ୍ରାଟି ହୁଚା ହାତି ସମାନା ଆନେ । ୧୬ ମୀରୁ ପୁଞ୍ଜାହଲଅତେରି କି ମୀରୁ ମାହାପୁରୁତି ଲକୁତେରି, ଅଡ଼େ ମାହାପୁରୁତି ସୁଦୁଜୀସ୍ତୁ ମା ହିୟିତା ବାସା କିନେ । ୧୭ ଆମ୍ବାଆସି ମାହାପୁରୁ ଲକୁଲ୍ ନାସା କିନେସି, ମାହାପୁରୁ

ଏଞ୍ଜେଲ୍ ନାସା କିନେସି, ଇତିହାସିକମାନଙ୍କୁ ଅବହାୟି ଇଚ୍ଛା ମାଗୁଏ ଏଞ୍ଜେଲ୍ ଇଲ୍ । er ଆମ୍ଭାଆସି ତାମ୍ଭୁଏ ତାଙ୍ଗେ ନାଡ଼ିକିହା କତାଆପେସି, ଆମିନି ଲକ୍ଷ୍ମି ଇ ଦାର୍ତତା ବୁଦି ଗାଟାତେଏଁ ଇଚ୍ଛା ଅଶ୍ୱପନେସି, ଆତିହାସି ଏଞ୍ଜେସି ଏନିକି ବୁଦିଗାଟାସି ଆନେସି ଏଦାଆଁତାକି ଦାର୍ତତି ଲକ୍ଷ୍ମିତାଣା ବୁଦି ହିଲୀଆଗାଟି ଲକ୍ଷ୍ମି ଲେହେଁ ଆପେସି । (aiōn g165) ee ଇତିହାସି ଇ ଦାର୍ତତି ବୁଦି ମାହାପୁରୁ ନକିତା ବୁଦି ହିଲୀଆଗାଟାସି, ଏଦାଆଁତାକି ରାସ୍ତକି ଆହାମାନେ, “ମାହାପୁରୁ ବୁଦି ଗାଟାରାଇଁ ତାନି ସୁତ୍ରମି ତଲେ ପାନ୍ତାତା ଆହନେସି;” ୨୦ ଅଡେ ରାସ୍ତକି ଆହାମାନେ “ବୁଦିଗାଟାରି ଅଶ୍ୱପୁ ବାରେ ଉଲେଖତାୟି ଇଚ୍ଛା ପ୍ରଭୁ ପୁଞ୍ଜାମାନେସି ।” ୨୧ ମାଣସି ତାଣା ଆମ୍ଭାଆସି ବତପଣ ଆଆପେସି, ଇତିହାସି ବାରେ ମାଦିଏ । ୨୨ ପାଞ୍ଜୁଲ, ଇଚ୍ଛା କି ଆପଲ, ଇଚ୍ଛା କେପା, ଇଚ୍ଛା ଅଡେ ଦାର୍ତ ଇଚ୍ଛା କି ଜୀଞ୍ଜୁ ଇଚ୍ଛା, କି ହାନାୟି ଆପେ, ନୀଏଁ ତାୟି ଆପେ, କି ତାୟିତାୟି ଆପେ, ଏ ବାରେଏ ମାଦି । ୨୩ ସାମା ମାଗୁ କ୍ରୀସ୍ତତି ଲକ୍ଷ୍ମିତେରି ଅଡେ କ୍ରୀସ୍ତ ମାହାପୁରୁ ତାଣାତାସି ।

୪ ଲକ୍ଷ୍ମି ମାଟ୍ଟେ କ୍ରୀସ୍ତତି ସେବା କିନାରି, ଅଡେ ମାହାପୁରୁତି ତୁଗାମାନି ଇଲୁଚି ଗୁମୁସା ଇଚ୍ଛା ଅଶ୍ୱପାପେରି । ୨ ଇଲେଆହି ଗୁମୁସା ବେଟାଆହାମାନି ମାଣସି ଜାହାରା ପ୍ରଭୁ ତାଣା ମାନି ଗାଟାସି ତୁଞ୍ଜା ଆପାସି । ୩ ସାମା ମା ତାଣାଟି ଆପେ କି ଆମିନି ନାହାୟି କିନି ତାଣା ନାହାୟି କିଞ୍ଚି ଆନାୟି ନା ତାକି ଏଦି କାଜା କାତା ଆଏ, ଇଲେକି ନାନୁ ଜାହାରାଇଁ ନାହାୟି କିହା କତଅଁ । ୪ ଇତିହାସି ନାନୁ ନା କପାଟି ଏନାଆଁ ପୁଞ୍ଜାହିଲଅଁ, ଆତିଜିକେଏ ନାନୁ ଇମ୍ପାଆଁ ଦହ ହିଲୀଆ ଗାଟାତେଏଁ ଇଚ୍ଛା ତୁଞ୍ଜା ଆହାହିଲଅଁ, ସାମା ଆମ୍ଭାଆସି ନା ନାହାୟି କିୟାନେସି, ଏଞ୍ଜେସି ପ୍ରଭୁ । ୫ ଏଦାଆଁତାକି, ତାରିକିତି ଦିନା ଖାଆ ନକେଏ ଇତିହାସି ପ୍ରଭୁ ଖାଆ ନକେଏ ମାଗୁ ଆମ୍ଭାଆରାଇଁ ନାହାୟି କିଆପୁ, ଏଞ୍ଜେସି ଆନେରିତା ତୁଗାମାନି ବାରେ ଉଜେଡିତା ତହନେସି, ଅଡେ ହିୟାଁତି ଅଶ୍ୱପୁ ବାରେ ଏଞ୍ଜେସି ଖେହନେସି, ଏତିବେଲା ବାରେଜାଣା ମାହାପୁରୁ ତାଣାଟି ଗାଞ୍ଜୁରମି ବେଟାଆପେରି । ୬ ଏ ତାୟିୟାଁ ଅଡେ ତାଙ୍ଗିୟାତେରି, ନାନୁ ମାଗୁ କାପାଲି ତାକି ଇ ବାରେ କାତା ନାନୁ ନାଟ୍ଟେ ଅଡେ ଆପଲଇଁ ତୟାଁ ଖେସିମାଞ୍ଜୁଇଁ, “ଇତିହାସି ଏନାୟି ରାସ୍ତକି ଆହାମାନେ ଏ କାତାଟି ଗାଣଆପୁ,” ଇଦାଆଁ ମାଗୁ ମା ତାଣାଟି ଇପାଦୁ, ଅଡେ ଏନିକି ମା ବିତ୍ରାଟି ଆମ୍ଭାଆସି ରଅଣି ଖାକିଟି ଅଡେ ରଅଣାଇଁ ଅପାଆନା ବତପଣ ଆଆପୁ । ୭ ମିଟ୍ଟେ ଆମ୍ଭାଆସି କାଜାସି କିହାଁ ମାଞ୍ଜୁନେସି? ଅଡେ ମାଗୁ ଏନାଆଁ ଦାନା ଲେହେଁ ବେଟାଆହା ହିଲଅତେରି, ଇଲେକି ମାଦି ଏନାୟି ମାନେ? ସାମା ମାଗୁ ଏଦାଆଁ ଦାନା ଲେହେଁ ବେଟାଆହାମାଞ୍ଜୁରି, ଆତିହାସି ମାଗୁ ଦାନା ଆଏ ଇନି ଲେହେଁ ଏନାଆଁତାକି ବତପଣ ଆହିମାଞ୍ଜୁରି? ୮ ମା ବାରେ ଲତାମାନାଣି ବେଟାଆତେରିଏ କି? ଇତେକାଟିଏ ମାଗୁ ବାଦ୍‌କା ହାତେରିଏ କି? ମା ପିସ୍‌ପେ ମାଗୁ ରାଜା ଆହାମାଞ୍ଜୁରି? ହାଅ, ମାଗୁ ରାଜା ଆହାମାଟିହାଁ ନେହିଁ ଆତେମା, ଏନିକି ମାଗୁ ଜିକେଏ ମା ତଲେ

ସାଲଖି କିହାଲି ଆତିତମିମା । ୯ ଏନାଆଁତାକି ଇତିହାସି ନା ଅଶ୍ୱପୁତା ମାଗୁ ପାଣ୍ଡୁଖି ଆହାମାନାତାୟି, ମାଗୁ ମାହାପୁରୁତି ତଶ୍ୱତା ହେର୍‌ପି ଆହାମାନି ତାୟୁତି ଲକ୍ଷ୍ମି ସମାନା ତସାମାଞ୍ଜୁନେସି, ଇତିହାସି ମାଗୁ ଦାର୍ତତା, ମାହାପୁରୁତି ଦୁରୁୟାଁ ଇଚ୍ଛା ମାଣସିୟାଁ ନକିତା ଲାଜାକିଞ୍ଚି ଆନାତମି ଲେହେଁ ଆହାମାନମି । ୧୦ ମାଗୁ କ୍ରୀସ୍ତ ତାକି ବୁଦି ହିଲୀଆ ଗାଟାତମି, ସାମା ମାଗୁ କ୍ରୀସ୍ତତି ତାକି ବୁଦି ଗାଟାତେରି; ମାଗୁ ବାଡ୍‌ୟୁ ହିଲୀଆ ଗାଟାତମି, ସାମା ମାଗୁ ବାଡ୍‌ୟୁ ଗାଟାତେରି; ମାଗୁ ଗାଞ୍ଜୁରମି ବେଟା ଆନାତେରି, ସାମା ମାଗୁ ବେଟା ଆଆଗାଟାତମି । ୧୧ ନୀଏଁ ପାତେକା ମାଗୁ ହାକି, ଅଡେ ଏସ୍‌କି ଗାଟାତମି, ଗେଞ୍ଜିତି ହିୟାଁତି ହୁତାମାନମି, ଅଡେ ମାତା ବେଟାଆହି ମାନମି, ଇଚ୍ଛା ବାସାଟାୟୁ ହିଲୀଆନା ରେଜିମାନମି । ୧୨ ନା କେୟୁତି ଖାହୁତି କାମା କିହିମାନମି, ଆମ୍ଭାଆସି ବାକା ଇଟାସାରେ, ମାଗୁ ଏଞ୍ଜେରାଇଁ ବର ହାହିମାନମି, ସାସି ହିୟାଁତିହାଁ ଜିକେଏ ଅର୍‌ହିମାନମି । ୧୩ ମାଟ୍ଟେ ଲାଜା କିୟାତିହାଁ ଜିକେଏ ମାଗୁ ଆଣ୍ଡୁଆନି କାତା ଖେସିମାନମି; ନୀଏଁ ପାତେକା ମାଗୁ ଦାର୍ତତି ତୁର୍‌କାଣ୍ଡୁ ଅଡେ କିଟସି ରୁଡିତି ଲେହେଁ ଆହାମାନମି । ୧୪ ନାନୁ ମିଟ୍ଟେ ଲାଜା ହାହାଲି ଇ ବାରେ କାତା ରାଟିମାଞ୍ଜୁଅଁ, ସାମା ନା ଜୀଞ୍ଜୁତି ମାର୍‌କା ଇଚ୍ଛା ଅଶ୍ୱପାମା ମିଟ୍ଟେ ସେତନା ହାହାଲିତାକି ଇ ବାରେ କାତା ରାଟିମାଞ୍ଜୁଇଁ । ୧୫ ଇତିହାସି କ୍ରୀସ୍ତତି କାତା ମିଟ୍ଟେ କାପାନାରି ଦସ ମାଣା ଲକ୍ଷ୍ମି ତୟିନେରି, ଆତିଜିକେଏ ହାରେକା ତାଙ୍ଗିୟାଁ ହିଲଅରି; ଇତିହାସି କ୍ରୀସ୍ତ କ୍ରୀସ୍ତ ତାଣା ନାନୁ ମିଟ୍ଟେ ନେହିଁ କାବୁତଲେ ମା ତାଙ୍ଗି ଲେହେଁ ଆହାମାଇଁ । ୧୬ ଏଦାଆଁତାକି ନାନୁ ମିଟ୍ଟେ ବାଟିମାଲିମାଞ୍ଜୁଇଁ ନାନୁ କିହିମାନି ଲେହେଁ କିତୁ । ୧୭ ଏଦାଆଁତାକି ନାନୁ ତିମତିଇଁ ମା ତାଣା ପାଣ୍ଡୁମାଞ୍ଜୁଇଁ, ଏଞ୍ଜେସି ମାହାପୁରୁ ତାଣା ନା ଜୀଞ୍ଜୁତି ନାମୁତି ମାଣ୍‌ଏସି; ଏନିକି ନାନୁ ବାରେଖାକି ବାରେ କୁଲମିକାଣା ଜାପୁହି ମାଇଁ, ଏଲେକି ଏଞ୍ଜେସି ମିଟ୍ଟେ ନା କ୍ରୀସ୍ତତି ଲେମିନାଣି ଅଶ୍ୱପି କିୟାନେସି । er ନାନୁ ମା ତାଣା ଖାହି ହିଲଅଁ ଇଚ୍ଛା ଅଶ୍ୱପାମା ଏତେଜାଣା ବତପଣ ଆହିମାଞ୍ଜୁରି । ୧୯ ସାମା ମାହାପୁରୁ ମନ କିତିହାଁ, ନାନୁ ମା ତାଣା ତବେ ଖାଇଁ; ଅଡେ ଆମ୍ଭାଆସି ବତପଣ ଆହିମାନେରି, ଏଞ୍ଜେସି କାତାତଲେ ଆଏ, ସାମା ବାଡ୍‌ୟୁତି ସିନିକିଇଁ । ୨୦ ଇତିହାସି ମାହାପୁରୁତି ରାଜି ଖାବ୍‌ଇ ଜଲିନି କାତାତଲେ ଆଏ, ସାମା ବାଡ୍‌ୟୁ ତଲେ ତୁଞ୍ଜାଆନେ । ୨୧ ମା ଅଶ୍ୱପୁ ଏନାୟି? ନାନୁ ବାଡ୍‌ଗା ଆୟାଁ ମା ତାଣା ଖାଇଁ କି ଜୀଞ୍ଜୁ ନନାଣି ଆପାନା ଇଚ୍ଛା ସୁତୁ ସୁଞ୍ଜା ଗାଟି ଜୀଞ୍ଜୁ ଆୟାଁ ଖାଇଁ?

୫ ସାତେଏ ଖେଞ୍ଜୁମାନେ କି ମା ବିତ୍ରା ଦାରିକାମା ମାନେ, ଅଡେ ମା ତାଣା ଇଲେତି ଦାରିକାମା ମାନେ, ଅଡେ ଇଲେତାୟି ଜୀହୁଦିଆତାରି ତାଣା ଜିକେଏ ଆଏ, ଇଲେକି ରଅସି ତାନି ଆବା ତକ୍ରିନି ଇଟାମାନେସି । ୨ ଅଡେ, ଆମ୍ଭାଆସି ଇଲେତି କାମା କିହାମାନେସି, ଏଞ୍ଜେସି ଏନିକି ମା ତାଣାଟି ହେକ କିଞ୍ଚିଆନେସି, ଏଦାଆଁତାକି ଦୁକୁଆହିଁ ତାଆନା ବତପଣ ଆହିମାଞ୍ଜୁରି? ୩ ସାମା ନାନୁ ଆଟ୍ଟା ତଲେ ହିଲୀଆତି ଜିକେଏ ଏମ୍ପାଆଁ ମାନିଲେହେଁ ମାଇଁ, ଆମ୍ଭାଆସି ଇଲେତି କାମା କିହାମାନେସି, ନାନୁ ମାନି

ଲେହେଁ ପ୍ରଭୁ ଜୀବୁ ଦରୁତଲେ ଏଝାଣି ବିଚାରା କିହା ରାହାମାଇଁ, ୪ ଇତିହିଁ ମାରୁ ଅଡେ ନା ପ୍ରଭୁ ଜୀବୁ ବାଡ଼ୟୁ ତଲେ କୃତା ଆନାଟି ନା ଜୀଞ୍ଜୁ ଜିକେଏ ଏମ୍ପାଆଁ ଡୟିନେ ଇଞ୍ଜି ପୁଞ୍ଜାମାଇଁ, ୫ ଇଞ୍ଜି ଇଲେଟି ଲକ୍ଷୁଇଁ ଆଢ୍ମା ତଲେ ନାସା ଆହାଲି ସୟତାନ କେୟୁତା ହେରୁପିନାୟି ମାନେ, ଏନିକିଁ ପ୍ରଭୁ ଜୀବୁଟି ଦିନାତା ଏଝାଣି ଜୀଞ୍ଜୁ ଗେଲୁପି ଆହାଲି ଆଡିନେ । ୬ ମାରୁ ଇଲେଆହିଁ ବତପଣ ଆନାୟି ନେହେଁ ଆଏ । ମାରୁ ପୁଞ୍ଜାହିଲଅତେରି, “ଇତରା ପୁଲାଏୟୁ ବିତିତା ମାନି ଗୁଣ୍ଡାତି ପୁଲା କିନେ ।” ୭ ମାରୁ ପୁଲା ତିନାଆ ଲକ୍ଷୁତେରି, ଏଦାଆଁତାକି ଏନିକିଁ ମାରୁ ପୁଞ୍ଜି ଡକା ଆହାଲି ଆଡିଦେରି, ଏଦାଆଁତାକି ପୁଞ୍ଜି ପୁଲା ଏୟୁଡି ହୁପହା ରୁହୁ: ଏନାଆଁତାକି ଇତିହିଁ ମା ପିସ୍ପିଆନି ପାରୁଡି ମେଣ୍ଡା ଡାଲୁ, ଇତିହିଁ କ୍ରୀସ୍ତ, ଜିକେଏ ପୂଜା କିଞ୍ଜିଆହାମାନେସି । ୮ ଏଦାଆଁତାକି ଖାଡୁ, ମାର ପାପୁ ଅଡେ ଲାଗେଏତି ପୁଞ୍ଜି କାମାଟି ରୁଡି ପଢ଼ିକିନି ଗୁଣ୍ଡା ତଲେ ପାରୁ କିଆନା ତାରି ଅଡେ ସାତା ତଲେ ପୁଲାଏୟୁ ହିଲାଆ ରୁଡିଟି ପାରୁ କିନି । ୯ ଦାରି କାମାକିନାରି ତଲେ ଆଣ୍ଡାଆଡୁ ଇଞ୍ଜି ନାନୁ ନା ଆକ୍ଷୁତା ରାତାମାତେଏଁ; ୧୦ ଇ ଦାରୁଡିଟି ଦାରିକାମା କି ଦନ ଜୁପକା, ଏଟକାତାରି ଦିଶୁସୁ ସରୁ ଆନାରି, ପେଣ୍ଡକା ବମାୟି ପୂଜା କିନାରି ତଲେ ଆମ୍ପାଆସି ଏଚେଲା ଆଣ୍ଡାଆସି, ଏଡି ଆଏ, ଏଲେଆଡିହିଁ ଦାରୁଡିଟି ହୁଡା ହାନାୟିମାନେ; ୧୧ ଇତିହିଁ ନା ରାଡିନି ଅଣ୍ଡାପୁ ଇଦି ମାତେ, ଇତିହିଁ ଆମିନି ଲକ୍ଷୁଟି ତାୟି ଇଞ୍ଜି ଖେଞ୍ଜାନା, ଦାରିକାମା, ଦନ ଜୁପକା, ପେଣ୍ଡକା ବମାୟି ପୂଜା, ନିନ୍ଦା ଗାଟାରି, କାଡୁ ବୁରୁ, ଏଟକାତାରି ଦିଶୁସୁଟି ସରୁ ଆନେରି, ଆଡିହିଁ ଏଲେତାରି ତଲେ କୃତାଆଡୁ, ଅଡେ ଏଝାରିତଲେ ରାନ୍ଦୁ ଜିକେଏ ତିନାଆଡୁ । ୧୨ ପାଢ୍ମାଟି ଲକ୍ଷୁଟି ନାହାଁୟି କିହାଲି ନାନୁ ଆମ୍ପାଆତେଏଁ? ସାମା କୁଲମି ବିତ୍ରା ଆମ୍ପାଆରି ମାନେରି ଏଝାରି ବିଚାରା ମାରୁ କିଅତେରି କି? ୧୩ ସାମା ଆମ୍ପାଆରି ପାଢ୍ମାତା ମାନେରି ମାହାପୁରୁ ଏଝାରି ବିଚାରା କିନେସି । ଦାମ୍ପୁ ସାସ୍ତେରିତା ରାସକି ଆହାମାନେ, “ମୀ ତାଣାଟି ଲାଗେଏତି ଲକ୍ଷୁଣି ଏଟକା କିଦୁ ।”

୨ ମା ବିତ୍ରାଟି ଆମ୍ପାଆରି କପାଟି କାତା ମାଟିସାରେ ଏଝାସି ନାହାଁୟି କିହାଲି ମାହାପୁରୁ ଲକ୍ଷୁତାଣା ହାଲାଆନା ଦାମ୍ପୁ ହିଲାଆଗାଟି ନାହାଁୟି କିନାଣି ତାଣା ଅହାଲି ଏନିକିଁ ସାସା ମାନେ? ୩ ମାହାପୁରୁ ଲକ୍ଷୁ ଇ ଦାରୁଡିଟି ନାହାଁୟି କିନେରି, ଇ କାତା କି ମାରୁ ପୁଞ୍ଜାହିଲଅତେରି? ଇଞ୍ଜି ଦାରୁଡି ମୀ ତାଣା ନାହାଁୟି କିଞ୍ଜିଆନେ, ଆଡିହିଁ ଇ ଇତି ଇତି କାତାଟି ନାହାଁୟି କିୟାଲି ଆଡଅତେରି କି? ୪ ମାର ଲାକପୁରୁଟି ଦୁରୁୟିଇଁ ଜିକେଏ ବିଚାରା କିନାୟି ଇ କାତା ମାରୁ ପୁଞ୍ଜାହିଲଅତେରି କି? ଆଡିହିଁ ଦାରୁଡିଟି ଜାମ୍ଲିଟି ଜିକେଏ ନାହାଁୟି କିନାୟି ମାଡେଟାକି ଉସାସା ଆୟେଏ କି? ୫ ମୀ ଜୀଞ୍ଜୁଟି କାତା ଏନାୟି, ସାମା ନାହାଁୟି କିୟାଲି ଏନି ଦାରୁଡିଟି କାତା ମାଟିହିଁ, ଏଦାଆଁ ନାହାଁୟି କିୟାଲି କୁଲମିଟି ପୁନାଆ ଗାଟାରାଇଁ ନାହାଁୟି କିୟାଲି ହାଟିଦେରି କି? ୬ ନାନୁ ମିଡେ ଲାଜା ହାହାଲିତାକି ଇଦାଆଁ ଖେସିମାଞ୍ଜାଇଁ । କ୍ରୀସ୍ତାଇଁ ନାମାମାନି ତାୟିୟି ବିତ୍ରା ଆହିମାନି ଗଡ଼ହାଟି ଡୁକହାଲି, ଇଲେଟି ର ବୁଦିଗାଟାସି ଜିକେଏ

କୁଲମିତା ଆମ୍ପାଆସି ହିଲଅସି କି? ୭ ସାମା ନାମୁଗାଟି ତାୟି ଅର ତାୟି କପାଟି ନାହାଁୟି ଇଲୁତା ଦାଞ୍ଜା କିନେସି, ଏଡି ଜିକେଏ ନାମାଆଗାଟାରି ତାଣା! ୮ ସାମା ମୀ ମୀ ବିତ୍ରାଟି କାତାତାକି କର୍ତ୍ତା ଦାଞ୍ଜା କିହାମାଞ୍ଜେରି, ଏମ୍ପାଆଁ ସାତେଏ ଦହ ଗାଟାତେରି, ଏନାଆଁତାକି ଲାଗେଏତାଣି ଅହୁ ହିଲଅତେରି? ଏନାଆଁତାକି ନାସପି ଆନାଣି ଅପିହିଲଅତେରି? ୯ ସାମା ମାରୁ ମାରୁଏ ଲାଗେଏ ଅଡେ ନାସା କିହାମାଞ୍ଜେରି, ଅଡେ ଏଦାଆଁ ତାୟିୟି କିହାମାଞ୍ଜେରି । ୧୦ ଅଡେ ଦାମ୍ପୁ ହିଲାଆ ଗାଟାରି ମାହାପୁରୁ ରାଜିଟି ଅଦିକାରା ଆଅରି, ଇଦାଆଁ କି ମାରୁ ପୁଞ୍ଜାହିଲଅତେରି? ନାଡ଼ିକିଞ୍ଜି ଆଆଡୁ, ଦାରିକାମା, କି ପେଣ୍ଡକା ବମାୟି ପୂଜା କିନାରି, ଲାଗେଏତି କାମାକିନାରି, ଆବା ଆବାୟି ଦହ କିଞ୍ଜିଆନାରି, ୧୧ ସରୁ କିନାରି, ଦନ ଜୁପକା, କାଡୁ ବୁରୁ, ଲକ୍ଷୁଣି ନିନ୍ଦା କିନାରି, ଏଟକାତାରି ଦିଶୁସୁ ମାଞ୍ଜୁନାରି, ଇଝାରି ମାହାପୁରୁ ରାଜିତା ଅଦିକାରା କିହାଲି ଆଡଅରି । ୧୨ ଅଡେ, ମୀ ବିତ୍ରା ଆମ୍ପା ଆମ୍ପାଆରି ଇଲେକିଁ ମାତେରି; ସାମା ପ୍ରଭୁ ଜୀବୁ କ୍ରୀସ୍ତ ଦରୁତଲେ ଇଞ୍ଜି ମାହାପୁରୁଟି ସୁରୁଜୀଞ୍ଜୁ ତଲେ ମାରୁ ନରୁଞ୍ଜି ଆହାମାଞ୍ଜେରି, ଇଞ୍ଜି ସୁରୁଗାଟାତେରି ଆହାନା ତାରିଗାଟାତେରି ଇଞ୍ଜି ଖେଞ୍ଜା ମାଞ୍ଜେରି । ୧୩ ଆମ୍ପାଆସି ଏଲେକିନେସି “ନାଡେ ବାରେ କାମା କିହାଲି ଅଦିକାରା ହାପକି ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଡେଟାକି ନେହାୟି ଆଏ, ନାଡେ ବାରେ କାମା କିହାଲି ହେଲ ମାନେ ସାମା ନାଡେ ଲକହାଲି ଆମ୍ପାଆରାକି ଏଚେଲା ପାରୁ ହାଅଁ । ୧୪ ଏଚରଜାଣା ଏଲେକିନେରି “ରାନ୍ଦୁ ବାଣ୍ଡି ତାକି ଇଞ୍ଜି ବାଣ୍ଡି ରାନ୍ଦୁ ତାକି ।” ସାମା ମାହାପୁରୁ ଇ ରିଣ୍ଡାଆଁଟି ଜିକେଏ ମେକ୍ନେସି । ଆଢ୍ମା ଦାରି କାମାତାକି ଆଏ, ସାମା ପ୍ରଭୁଟି ସେବାତାକି, ଅଡେ ପ୍ରଭୁ ଆଢ୍ମା ତାକି । ୧୫ ମାହାପୁରୁ ପ୍ରଭୁ ଜୀବୁଇଁ ହାକିଟି ନିକହେସି, ଇଞ୍ଜି ତାନି ବାଡ଼ୟୁ ତଲେ ମାଡେ ଜିକେଏ ନିକହାନେସି । ୧୬ ମୀ ଆଢ୍ମା କ୍ରୀସ୍ତଟି ଆଢ୍ମା ଲେହେଁ, ଇଦାଆଁ ପୁଞ୍ଜାହିଲଅତେରି କି? ଆଡିହିଁ ନାନୁ କ୍ରୀସ୍ତଟି ର ଆଢ୍ମା ଅହାନା ଦାରେଣି ଆଢ୍ମା କିଇଁ? ଏଡି ଏଚେଲା ଜିକେଏ ଆଆପେ । ୧୭ ଅଡେ ଆମ୍ପାଆସି ଦାରେଣି ତଲେ ଆଣ୍ଡିନେସି ଏଝାସି ଏଦାନିତଲେ ରଣ୍ଡିଏ ଆଢ୍ମା ଆନେସି, ଇଦାଆଁ ମାରୁ ପୁଞ୍ଜାହିଲଅତେରି? ଏଦାଆଁତାକି ଦାମ୍ପୁପତିତା ରାସକି ଆହାମାନେ “ଏ ଡକି ଡକା ରଣ୍ଡିଏ ଆଢ୍ମା ଆନୁ ।” ୧୮ ସାମା ଆମ୍ପାଆସି ପ୍ରଭୁ ତଲେ ଆଣ୍ଡିନେସି, ଏଝାସି ଏଝାଣିତଲେ ରଣ୍ଡିଏ ଜୀଞ୍ଜୁ ଆନେସି । ୧୯ ଦାରିକାମାଟି ହେକ ଆଡୁ, ମାଣ୍ଡିଏ ଏନି ପାପୁ କିନେସି, ଏଡି ଆଢ୍ମାଟି ଲାଗେଏ କିନେସି, ସାମା ଆମ୍ପାଆସି ଦାରିକାମା କିନେସି, ଏଝାସି ତାନି ଆଢ୍ମା କପାଟି ପାପୁ କିହାମାନେସି । ୨୦ ମୀ ଆଢ୍ମା ମାହାପୁରୁ ତାଣାଟି ବେଟାଆହାମାନି ମୀ ହିୟିଁ ବିତ୍ରା ସୁରୁଜୀଞ୍ଜୁ ବାସାଆନି ଦେସୁଡି, ଇଦାଆଁ ମାରୁ ପୁଞ୍ଜାହିଲଅତେରି କି? ଅଡେ ମାରୁ ମାରୁଏ ମିଆତେରି ଆଏ; ସାମା ମାହାପୁରୁଟି ଲକ୍ଷୁତେରି । ୨୧ ଇତିହିଁ ମାରୁ ଗାଟି ଦାବାତଲେ କଡ଼ି ଆହାମାଞ୍ଜେରି; ଏଦାଆଁତାକି ମୀ ଆଢ୍ମା ତଲେ ମାହାପୁରୁଟି ଗାଞ୍ଜୁରି କିଦୁ ।

୨ ମାରୁ ମୀ ଆକୃତା ଆମିନି କାତା ରାତା ମାଞ୍ଜୁରି, ଏ ବାରେତାକି ନାନୁ ଖେପ୍ପାନାୟି ଇଦି, “ଇୟାନି ତାଗାଆ ଗାଟାୟି ଆବାକି ନେହେଁ;” ୨ ସାମା ଦାରି କାମାତି ଆଜିତାକି ବାରେ ଆବାୟିକି ଜାହାରା ତକ୍ତି ମାଣ୍ଡମ୍ପେ, ଅଡେ ଇୟାସିକାକି ଜାହାରା ତକ୍ତା ମାଣ୍ଡମ୍ପେସି । ୩ ତକ୍ତା, ତକ୍ତିନାକି ଏନାୟି ଲଡ଼ା ଏଦାଆଁ ହୀପାସି, ଇଞ୍ଜି ଏଲେକିହିଁଏ ତକ୍ତି ତକ୍ତାକି ତାନି ଲଡ଼ାମାନାଣି ହୀପେ, ଅଡେ ତାମ୍ପେଟ୍ଟେ ଏନାୟି ଲଡ଼ାମାନାଣି ପୁରା କିନାୟିମାନେ । ୪ ତକ୍ତି ତାନି ଆଢ୍ଫାତି ମୁହେଁ ଅଦିକାରା ହିଲେଏ, ସାମା ତକ୍ତାକି ମାନେ । ଏଲେକିହିଁଏ ତକ୍ତାକି ତାନି ଆଢ୍ଫାତି ମୁହେଁ ଅଦିକାରା ହିଲେଏ, ସାମା ତକ୍ତିନାକି ମାନେ । ୫ ତାମ୍ପୁ ତାନି ତାଗାଟି ଏଟ୍ଟକା ଆହାନା ଡ଼ୟାଆପୁ; ସାମା ପ୍ରାତାନା କିହାଲି ଏତରଦିନା ପାତେକା ରିଆତେରି ରଣ୍ଡିଏ ମନ ଆହାନା ଏଟ୍ଟକା ଡ଼ୟାଲି ଆଡିଦେରି; ଅଡେ ମୀ ଆଢ୍ଫାତି ଜୁପକାତାକି ଡ଼ୟାଲି ଆତାଆକି ସୟତାନ ଏନିକି ମିଢ୍ଫେ ତାୟିପାରି କିୟେଏ, ଏଦାଆଁତାକି ଖେଣ୍ଡେ ଆଣ୍ଡିଆପୁ । ୬ ସାମା ନାନୁ ହୁକୁମି ହାନି ଲେହେଁ ଖେହ୍‌ଆନାହାଁ ଜାପ୍‌ନି ଲେହେଁ ଖେସିମାଲ୍ । ୭ ଆତିହିଁ ଜିକେଏ ଏନିକି ବାରେ ଲୁକୁ ନାଲେହେଁକି ଆନେରି, ଇଦି ନା ଅଣପୁ । ସାମା ଆମ୍ପାଆରି ଇଲେତି ଦାନା, ଅଡେ ଆମ୍ପାଆରି ଏଲେତି ଦାନା ମାହାପୁରୁ ତାଗାଟି ବେଟାଆହାମାନେରି । ୮ ସାମା ନାନୁ ବାହା ଆଆତି ଲୁକୁଇଁ ଇଞ୍ଜି ରାଣ୍ଡେଣିସିକାଣି ଖେସିମାଲ୍, ଏଞ୍ଜି ନାଲେହେଁକି ଡ଼ୟିତିହିଁ ଏଞ୍ଜିସିକାକି ନେହେଁ । ୯ ସାମା ଏଞ୍ଜି ଆଢ୍ଫାତି ଲକ୍ତହାଲି ଆଡିହିଲାର ଇତିହିଁ ଏଞ୍ଜି ବାହା ଆପୁ; ଇତିହିଁ ଆଢ୍ଫା ଲାଗେଏତି କାମାତା ଖେନିକିହାଁ, ବାହା ଆନାୟି ନେହେଁ । ୧୦ ସାମା ବାହା ଆତି ଲୁକୁଇଁ ନାନୁ ହୁକୁମି ହାହିମାଲ୍, ନାନୁ ଆଏ ସାମା ପ୍ରବୁ ହୁକୁମି ହାହିମାନେସି, ତକ୍ତି ତାନି ତକ୍ତା ତାଗାଟି ଏଟ୍ଟକା ଆଆପେ । ୧୧ ସାମା ଏଦି ରଣ୍ଡିଏ ଏଟ୍ଟକା ଆନେ, ଆତିହିଁ ଏଦି ବାହା ଆଆପେ, ଇଞ୍ଜି ତାନି ତକ୍ତାତଲେ ଅଡେ ଆଣ୍ଡାପେ; ଅଡେ ତକ୍ତା ତାନି ତକ୍ତିନି ହେଲ ହାଆପେସି । ୧୨ ଏଟ୍ଟକା ତାରାଇଁ ନାନୁ ଖେସିମାଲ୍, ମା ବିତ୍ରା ଆମ୍ପାଆରି ତକ୍ତି କ୍ରୀପୁଇଁ ନାମାହିଲଆତି ଜିକେଏ ତକ୍ତାତଲେ ଡ଼ୟାଲି ମନ କିତିସାରେ, ଆତିହିଁ ଏ ତାୟି ଏ ତାଢ୍ଫିନି ହେଲ ହାଆପେସି । ୧୩ ଏଲେକିହିଁ ଆମିନି ତକ୍ତି ମାହାପୁରୁଇଁ ନାମାଆତି ତକ୍ତାକି ବାହା ଆହାମାନେ, ଇଞ୍ଜି ଏଦି ଏଞ୍ଜିତିତଲେ ଡ଼ୟାଲି ମନ କିନେ, ଏଦି ତାନି ତକ୍ତାଇଁ ପିହ୍‌ଆପେ । ୧୪ ଇତିହିଁ ନାମାଆତି ତକ୍ତା ନାମିତି ତକ୍ତି ତାକି ମାହାପୁରୁ ତାଗାଟି ସୁବୁ ଆହାମାନେସି, ଅଡେ ନାମାଆତି ତକ୍ତି ନାମିତି ତକ୍ତା ତାକି ମାହାପୁରୁ ତାଗାଟି ସୁବୁ ଆହାମାନେ; ଆଆତିହିଁ ମୀ ମାର୍କା ମାସ୍କା ଲାଗେଏ ଆତେରିମା, ସାମା ନାଏଁ ଏଞ୍ଜାରି ସୁବୁଗାଟାରି । ୧୫ ସାମା ନାମାଆ ଗାଟାସି କି ନାମାଆ ଗାଟାୟି ଏଟ୍ଟକା ଆହାଲି ମନ କିତିହିଁ ତାନି ମନଲେହେଁ ଏଟ୍ଟକା ଆପାରି; ଇଲେତି ତାଗା ତାୟି କି ତାଢ୍ଫେ ଦସ୍‌ପି ଆହାହିଲାର; ମାହାପୁରୁ ମିଢ୍ଫେ ହିଡ଼ି ତଲେ ମାଞ୍ଜୁଲି ଆତାମାଞ୍ଜୁନେସି । ୧୬ ନାନୁ ନାମିତି ତକ୍ତି ଆହାନା ନୀ ତକ୍ତାକି ଗେଲ୍‌ପିନାତି ଆଦି, ଇଦାଆଁ ପୁଞ୍ଜିହିଲଅତିକି? ଇଞ୍ଜି ନାନୁ ନାମିତି ତକ୍ତା

ଆହାନା ନୀ ତକ୍ତିନାକି ଗେଲ୍‌ପିନାତି ଆଦି, ଇଦାଆଁ ପୁଞ୍ଜିହିଲଅତିକି? ୧୭ ଇତିହିଁ ପ୍ରବୁ ଆମ୍ପାଆରାକି ଏନିକି ଦାନା ହାହାମାନେସି, ମାହାପୁରୁ ଆମ୍ପାଆରାଇଁ ଏନିକି ହାଟାମାନେସି, ଏଞ୍ଜାସି ଏଲେକି ଡାକାପେସି, ନାନୁ ବାରେ କୁଲମିତି ଏଲେକିହିଁଏ ହୁକୁମି ହାହିମାଲ୍ । ୧୮ ଆମ୍ପାଆସି ତଲୁ ଦାପିଆହାଁ ହାଟ୍‌କି ଆହାମାନେସି? ଏଞ୍ଜାସି ତଲୁ ଦାପି ଆତି ସିନାତି ତୁକୁଆପେସି; ଆମ୍ପାଆସି ତଲୁ ଦାପି ଆଆନା ହାଟ୍‌କି ଆହାମାନେସି? ଏଞ୍ଜାସି ତଲୁ ଦାପି ଆଆପେସି । ୧୯ ତଲୁ ଦାପି ଆନାୟି କି ଆଆଗାଟାୟି କାଜା କାତା ଆଏ, ସାମା ମାହାପୁରୁ ହୁକୁମି ମାନଞ୍ଜି ଆନାୟି କାଜା କାତା । ୨୦ ବାରେ ଜାଣାଇଁ ଏନିକି ମାହାପୁରୁ ହାଟାମାନେସି ଏଲେକି ମାଣ୍ଡମ୍ପେସି । ୨୧ ମୀରୁ ହଲିୟାଢ୍ଫା ଆହାମାଗାଟି ହାଟ୍‌କି ଆହାମାଞ୍ଜୁରି? ଅଣ୍ଡାଆପୁ; ସାମା ଗେଲ୍‌ପିଆୟାଲି ଆଡିଦେରି ଆତିହିଁ ଗେଲ୍‌ପି ଆୟାଲି ପାରୁ ପାରାପୁ । ୨୨ ଆମ୍ପାଆସି ହଲେଏସି ଆହାଁ ପ୍ରବୁ ତାଗା ହାଟ୍‌କି ଆହାମାନେସି, ଏଞ୍ଜାସି ପ୍ରବୁତି ଗେଲ୍‌ପି ଆତାସି; ଏଲେକିହିଁଏ ଆମ୍ପାଆସି ଗେଲ୍‌ପିଆହାଁ ହାଟ୍‌କି ଆହାମାନେସି ଏଞ୍ଜାସି କ୍ରୀପୁତି ହଲେଏସି । ୨୩ ମୀରୁ ହାରେକା ଦାରାତଲେ କଡ଼ି ଆହାମାଞ୍ଜୁରି; ମାଣ୍ଡିୟାଁତି ହଲିୟାଢ୍ଫାତେରି ଆଆପୁ । ୨୪ ତାୟିୟାଁ ଅଡେ ତାଢ୍ଫିୟାତେରି, ମାହାପୁରୁ ମିଢ୍ଫେ ହାଟାଗାଟି ମୀରୁ ଏନିକି ମାତେରି ଏଲେଆହିଁଏ ମାହାପୁରୁ ତଲେ ଡ଼ୟିନାୟି ମାନେ । ୨୫ ତାଆସିକା କାତା, ନାନୁ ପ୍ରବୁ ତାଗାଟି ଏନି ହୁକୁମି ବେଟା ଆହାହିଲଅଁ; ସାମା ପ୍ରବୁତି କାର୍ମାତି ନାମୁଗାଟାସି ଆହାନା ନା ଅଣ୍ଡାପୁତା ଖେସିମାଞ୍ଜୁଇଁ । ୨୬ ନାନୁ ଅଣ୍ଡାପିମାଲ୍, ମାଣ୍ଡିଏ ଏନିକି ମାନେସି, ନୀଏଁତି କସ୍‌ପୁ ବାଦା ତାକି ଏଲେକିହିଁଏ ମାନାୟି ନେହେଁ । ୨୭ ନୀରୁ ତକ୍ତି ତଲେ ଦସ୍‌ପି ଆହାମାଞ୍ଜୁ? ଆତିହିଁ ପିସ୍‌ପି ଆହାଲି ଅଣ୍ଡାଆନି, ଇଞ୍ଜି ନାନୁ ତକ୍ତି ତାଗାଟି ପିସ୍‌ପି ଆହାମାଞ୍ଜୁ? ଆତିହିଁ ତକ୍ତିନି ଇଟାଲି ଅଣ୍ଡାଆନି । ୨୮ ସାମା ନାନୁ ବାହା ଆହାମାଞ୍ଜୁ, ଆଡିଜିକେଏ ପାପୁ କିହାହିଲଅତି; ଅଡେ ତାଆପୁଦା ବାହା ଆହାମାନେ, ଆଡିଜିକେଏ ଏଦି ପାପୁ କିହାହିଲେଏ, ଆଡିଜିକେଏ ଇଲେତି ଲୁକୁ ଆଢ୍ଫାତା ହାରେକା କସ୍‌ପୁ ବେଟାଆନୁ, ଅଡେ ମୀରୁ ଏମ୍ପାଟି ଏନିକି ଗେଲ୍‌ପି ଆଦେରି ଇଦି ନା ଅଣ୍ଡାପୁ । ୨୯ ସାମା ଏ ତାୟିୟାଁ ଅଡେ ତାଢ୍ଫିୟାତେରି ନା ଅଣ୍ଡାପୁ ଇଦି, ଦିନା ତାଗେ ଏଦାତେୟିଏ, ଏଦାଆଁତାକି ଆମ୍ପାଆରାକି ତକ୍ତି ମାନେ, ଏଞ୍ଜାସି ତକ୍ତି ହିଲାଆଲେହେଁ ମାଣ୍ଡମ୍ପେସି । ୩୦ ଅଡେ ଆମ୍ପାଆରି ଡ଼ାହି ମାନେରି, ଏଞ୍ଜାରି ଡ଼ାହି ହିଲାଆ ଲୁକୁ ଲେହେଁ ଆପେରି; ଅଡେ ଆମ୍ପାଆରି ରାହାଁ କିହିମାନେରି, ଏଞ୍ଜାରି ରାହାଁ କିହି ହିଲାଆ ଲୁକୁ ଲେହେଁ ଆପେରି; ଇଞ୍ଜି ଆମ୍ପାଆରି କତିନେରି ଏଞ୍ଜାରି ଅଦିକାରା ବେଟାଆଆତି ଲେହେଁ ଆପେରି; ୩୧ ଅଡେ ଆମ୍ପାଆରି ଦାର୍‌ତତି ଦିଶ୍‌ପୁ ଲେଲ୍‌ମାନେରି ଏଞ୍ଜାରି ଲେଲ୍‌ମାଆଗାଟି ଲୁକୁ ଲେହେଁ ଆପେରି; ଏନାଆଁତାକି ଇତିହିଁ ଇ ଦାର୍‌ତତି ଖାଗା ତିରିମ୍ପୁହି ମାନେ । ୩୨ ସାମା ମୀରୁ ଏନିକି ଅଣ୍ଡାପତେରି ଏଦି ନା ଅଣ୍ଡାପୁ, ଆମ୍ପାଆସି ବାହା ଆଆତାସି ଏଞ୍ଜାସି ଏନିକି ପ୍ରବୁଇଁ ରାହାଁ କିଞ୍ଜିକିହାଲି ଖାଞ୍ଜୁ ପ୍ରବୁତି କାମା ଅଣ୍ଡାପିନେସି; ୩୩ ସାମା ଆମ୍ପାଆସି ବାହା ଆହାମାନେସି ଏଞ୍ଜାସି

ଏନିକି ତାନି ଡକ୍ଟରି ରାହାଁ ଗାଟାସି ଆନେସି, ଏଦାଆଁତାକି ଦାର୍ତ୍ତିକି କାତା ଅଶ୍ଵିନେସି ଇଞ୍ଚି ତାନି ମନ ବାଗା ଆନେ । ୩୪ ବାହା ଆଆତି ଇୟାସିକା ଅଡ଼େ ଡାଆସିକା ଆଠ୍ଟା ଇଞ୍ଚି ଜୀଞ୍ଜୁତା ସୁଦୁ ଆହାଲି ପ୍ରବୁତି କାତା ଆସାନା ଅଶ୍ଵିନୁ: ସାମା ଆମ୍ବାଆୟି ବାହା ଆହାମାନେ ଏଦି ଏନିକି ଜାହାରା ଡକ୍ଟରା ରାହାଁ କିୟାଲି ଆତିନେ, ଏଦାଆଁତାକି ଦାର୍ତ୍ତିକି କାତା ଅଶ୍ଵିନେ । ୩୫ ଇ କାତା ନାନୁ ମା ନେହେଁତାକି ଖେସିମାଞ୍ଜୁଇଁ, ମିଢ୍ଢେ କସୁ ହାନି ମେରା ତଲେ ଦସ୍ପି ଆହାଲି ଖେସିମାଞ୍ଜୁଅଁ, ସାମା ମାରୁ ଏନିକି ମାନି କିହାଁ ରଣ୍ଡିସି ମନତଲେ ପ୍ରବୁ ତାଣା ଡ଼ୟିଦେରି, ଏଦାଆଁତାକି ଖେସିମାଞ୍ଜୁଇଁ । ୩୬ ସାମା, ଆମ୍ବାଆସି ତାଢ୍ଢେତାକି ରାସ୍ପିଆତି ମାଞ୍ଜୁନି ଡାଆବେଲା ରାତେୟିସି ଇଞ୍ଚି ଅଶ୍ଵିନେସି, ଅଡ଼େ ଏଖାସି ମୁର୍ସାନା ମାଞ୍ଜୁଲି ଆତାଆସାରେ ଅଡ଼େ ତାଢ୍ଢେ ଲଡ଼ାଆନେ ଆତିହିଁ ତାନି ମନତା ଏନାୟି ମାନେ ଏଲେଆହିଁ ବାହା ଆନାୟି ମାନେ, ଏମ୍ବାଆଁ ପାପୁ ହିଲେଏ, ଏଦାଆଁତାକି ଏଞ୍ଜି ବାହା ଆପୁ । ୩୭ ସାମା ଆମ୍ବାଆସି ହିୟାଁତା ଡାରି ମାନେସି, ଅଡ଼େ ବାହା ଆହାଲି ମନ କିଅସି ଇଞ୍ଚି ଆମ୍ବାଆସି ତାନି ମନତି ଲକ୍ତହାଲି ଆତିନେସି ଅଡ଼େ ଏଖାସି ତାନି ମନତା ଏନାଆଁ କିହାଲି ଅଶ୍ଵାମାନେସି ଆତିହିଁ ଏଖାସି ତାଢ୍ଢେ ରାସାମାନି ଡାଆ ପଦାଇଁ ବାହା ଆଆତି ନେହେଁ । ୩୮ ଏଦାଆଁତାକି ଆମ୍ବାଆସି ତାଢ୍ଢେ ରାସାମାନି ଡାଆ ମାଞ୍ଜୁନି ବାହା କିନେସି ଏଖାସି ନେହିଁ କିନେସି, ଅଡ଼େ ଆମ୍ବାଆସି ବାହା ଆଅସି ଏଖାସି ଏଦାଆଁ କିହାଁ ହାରେକା ନେହିଁ କିନେସି । ୩୯ ବାହା ଆତି ଡକ୍ଟି ତାନି ଡକ୍ଟା ଜୀଞ୍ଜୁ ମାନି ପାତେକା ଦସ୍ପି ଆହା ଡ଼ୟିନେ; ସାମା ଡକ୍ଟା ହାତିସାରେ ଏ ଡକ୍ଟି କ୍ରୀସୁ ତାଣା ନାମାମାନି ଆମ୍ବାଆରାଇଁ ମନ ଏଖାଣାକି ବାହା ଆୟାଲି ଆତିନେ । ୪୦ ସାମା ନା ଅଶ୍ଵପୁତା, ଏଦି ଏନିକି ମାନେ ଏଲେକିହିଁ ଡ଼ୟିତିହିଁ ହାରେକା ରାହାଁତଲେ ଡ଼ୟିନେ, ଇଦି ମାହାପୁରୁ ଜୀଞ୍ଜୁତି ହେଲ ଇଞ୍ଚି ନାନୁ ଅଶ୍ଵିମାଇଁ ।

ଘାଟେକା ବମାୟିକି ଡାକାମାନି ବଗୁତି କାତା ନାନୁ ଖେହନାୟି ଇଦି, “ବାରେତାକି ବୁଦି ମାନେ” ଇଞ୍ଚି ମାରୁ ଖେସିମାଞ୍ଜୁଇଁ, ଏଦାଆଁ ମାମୁ ପୁଞ୍ଜାମାନମି । ବୁଦି ଡାହାରା କିଞ୍ଜିକିୟାନେ, ସାମା ଜୀଞ୍ଜୁନାୟି କାଲ୍‌ଞ୍ଜି କିୟାନେ । ୧ ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଇଁ ଇଞ୍ଚି ଅଶ୍ଵିନେସି, ଆତିହିଁ ଏଖାଣାକି ଏନିକି ପୁନାୟିମାନେ, ଏଖାସି ନାଏଁ ପାତେକା ଏଲେକି ପୁଞ୍ଜାହିଲଅସି । ୨ ସାମା ଆମ୍ବାଆସି ମାହାପୁରୁଇଁ ଜୀଞ୍ଜୁ ନନେସି, ଏଖାଣାଇଁ ମାହାପୁରୁ ପୁଞ୍ଜାମାନେସି । ୪ ଏଦାଆଁତାକି ଘେକା ବମାୟିକି ଡାକାମାନି ବଗୁତି ତିନି କାତା ମାରୁ ପୁଞ୍ଜାମାନାୟି, ଦାର୍ତ୍ତିକା ଘେକା ଇଞ୍ଚିହିଁ ଏନାଲ ହିଲାଇ, ଅଡ଼େ ରଣ୍ଡିସି ମାହାପୁରୁ ପିସ୍ପେ ଅଡ଼େ ରଅସି ହିଲଅସି । ୫ ଇତିହିଁ ଲାକପୁରୁ ଆପେ କି ଦାର୍ତ୍ତିକା ଆପେ, ଆମ୍ବାଆରାଇଁ ମାହାପୁରୁ ଇନେରି, ଘେକା ମାତିହିଁ ଜିକେଏ ସାତେଏ ହାରେକା “ଘେକା” ଅଡ଼େ ହାରେକା “ପ୍ରବୁୟା” ମାନୁ, ୬ ଆତିଜିକେଏ ମାଢ୍ଢେତାକି ରଣ୍ଡିସି ମାହାପୁରୁ ଇତିହିଁ ଏ ଆବା ତାଣାଟି ବାରେ ଗାଡ଼ି ଆହାମାନେ, ଇଞ୍ଚି ମାରୁ ଏଖାଣି ତାକି ନୀତାମାନାୟି; ଇଞ୍ଚି ରଣ୍ଡିସି ପ୍ରବୁ

ଇତିହିଁ ଜୀଞ୍ଜୁ କ୍ରୀସୁ, ଏଖାଣି ତାଣାଟି ବାରେ ଗାଡ଼ି ଆହାମାନେ, ଅଡ଼େ ମାରୁ ଏଖାଣି ତାଣାଟି ନୀତାମାନାୟି । ୭ ଆତିଜିକେଏ ବାରେତାକି ଇ ବୁଦି ହିଲେଏ; ସାମା ଏତେକା ଲକ୍ତ ନାଏଁ ପାତେକା ଘେକା ମାନୁ ଇଞ୍ଚି ଅଶ୍ଵପାନା ଘେକା ବମାୟିକି ଡାକାମାନି ବଗୁତି ତିନେରି, ଇଞ୍ଚି ଏଖାରି ଅଶ୍ଵପୁତି ବାଡ଼ୟୁ ଉଣା ମାନାକି ଦହଗାଟାରି ଆନେରି । ୮ ସାମା ତାନି ରାନୁ ମାଢ୍ଢେ ମାହାପୁରୁ ନକିତା ନେହିଁ କି ଲାଗେଏ କିୟେଏ; ତିନାଆତିହିଁ ମା ଏନାୟି ନସୁ ଆଏ ଅଡ଼େ ତିତି ସାରେ ମାଢ୍ଢେ ଏନି ଲାବା ଆଏ । ୯ ସାମା ଜାଗ୍ରାତା, ନଲେ ମା ତାଣା ମାନି ଅଦିକାରା ନାମୁତା ବାଡ଼ୟୁ ହିଲଆ ଗାଟାରାକି କସୁ ବାଦା ହାନାୟି ଆନେ । ୧୦ ବୁଦି ଗାଟାତେରି ମାରୁ, ମିଢ୍ଢେ ଆମ୍ବାଆସି ଘେନୁତି ଦେଖୁଡ଼ି ବଜିତା କୁଗାମାନାଣି ମେସ୍ତାତିହିଁ, ଏଖାସି ନାମୁତା ଉଣା ମାତିହିଁ, ତାନି ଅଶ୍ଵପୁତି ବାଡ଼ୟୁ ଉଣା ମାନାକି ଘେକା ବମାୟିକି ଡାକାମାନି ବଗୁତି ଚିଞ୍ଚିଲି ସାସା ଆଅସି କି? ୧୧ ଇଞ୍ଚି ଆମିନି ବାଡ଼ୟୁ ହିଲଆ ନାମିତି ତାୟି କି ତାଢ୍ଢେ ତାକି କ୍ରୀସୁ ହାତେସି, ଏଖାସି ନୀ ଏ “ବୁଦି” ତଲେ ନାସା ଆହିମାନେସି । ୧୨ ଇଲେକିହିଁ ମା ତାଣା ମାନି ନାମିତି ତାୟି କି କପାଟି ପାପୁ କିହାଁ ଇଞ୍ଚି ଏଖାରି ବାଡ଼ୟୁ ହିଲଆ ଅଶ୍ଵପୁତି କସୁ ହାହାନା ମା କ୍ରୀସୁତି କପାଟି ପାପୁ କିହିମାଞ୍ଜୁଇଁ ।

୧୩ ଇଦାଆଁତାକି ତିନି କାଦି ନା ତାୟିକି କସୁ ହନେ, ଆତିହିଁ ନା ତାୟି ଏନିକି ନା ଗାଟାଟି କସୁ ଆଅସି, ଏଦାଆଁତାକି ନାନୁ ଏତେଲା ଉଠ୍ଟା ତିନଅଁ । (aiōn g165)

୯ ନାନୁ ନା ମନତଲେ ମାଞ୍ଜୁଲି ଆତଅଁ? ନାନୁ ର ପାଣ୍ଡୁଞ୍ଜି ଆତାତେଏଁ ଆଏଏ? ନାନୁ ଏନାଆଁ ମା ପ୍ରବୁ ଜୀଞ୍ଜୁଇଁ ମେସାହିଲଅଁ? ମାରୁ କି ମାହାପୁରୁ ତାଣା ନା କିତି କାମାତି ପାଡ଼େୟି ଆଏଏ? ୧ ନାନୁ ଏବକାତାରି ତାଣା ପାଣ୍ଡୁଞ୍ଜି ଆହାହିଲଆତି ଜିକେଏ, ମିଢ୍ଢେତାକି ନାନୁ ସାତେଏ ପାଣ୍ଡୁଞ୍ଜି ଆହାମାନାତେଏଁ, ଇତିହିଁ ପ୍ରବୁ ତାଣା ମାରୁ ନା ପାଣ୍ଡୁଞ୍ଜିଆହାମାନି ପାଣାତା ଡେତାମାନି ବୁଦୁ ମୁଦା ଲେହେଁ ଆହାମାଞ୍ଜୁଇଁ । ୨ ନାଢ୍ଢେ ନାହିଁୟି କିୟାନାରିକି ନାନୁ ଖେଣ୍ଡେ ଖେସ୍ତାନି କାତା ଇଦି । ୪ ନା କାମାତାକି ଚିଞ୍ଚା ଉଣ୍ଡାଲି ମାଢ୍ଢେ ଅଦିକାରା ହିଲେଏ? ୫ ଅର ପାଣ୍ଡୁଞ୍ଜି ଆହାମାନାରି ପ୍ରବୁତି ତାୟିୟି ଅଡ଼େ କେପା ଲେହେଁ କ୍ରୀସ୍ତାନା ତାଢ୍ଢେନି ବାହା ଆହିଁ ଏ ଇୟାନି ତଲେ ରେକାଲି ମାଢ୍ଢେ ଅଦିକାରା ହିଲେଏ କି? ୬ ଅଡ଼େ ଜୀଞ୍ଜୁତା ନୀତାଲିତାକି କାମାତି ପିସାଲି ନାଢ୍ଢେ ଅଡ଼େ ବର୍ନବାତି ଅଦିକାରା ହିଲେଏ କି? ୭ ର ଲୁଲୁ କିନାସି ଲୁଲୁତା ମାନି ବେଲା ତାନୁଏ ତାଢ୍ଢେତାକି କାରୁଁ କିନେସିକି? ଇଞ୍ଚି ଆମ୍ବାଆସି ଅଢ୍ଢେରି ବାଡ଼ା କିହାଁ ଏମ୍ବାତି ପାଡ଼େୟି ତିନଅସି କି? ଇଞ୍ଚି ର ଗଡୁ ତାନି ମାନୁତି ପାଲୁ ଗହଅସି କି? ୮ ନାନୁ ମାଣ୍ଡିସି ଆହିଁ ଇ ବାରେ କାତା ଖେସିମାଞ୍ଜୁଇଁ? ଇଞ୍ଚି ସାସ୍ତେରି ଜିକେଏ ଇ ବାରେ କାତା ଖେସିମାଞ୍ଜୁଏ କି? ୯ ଇତିହିଁ ମସାତି ମେରାତା ଇଲେଇଞ୍ଚି ରାସ୍ପିକି ଆହାମାନେ, “ନର୍ସିମାନି କଡ଼ିତି ଗୁଡ଼ିତା କଡ଼ା ଦହଆପୁ” ମାହାପୁରୁ ଖାର୍‌ଇ ଏ କଡ଼ିତି ଅଶ୍ଵିନେସି କି? ୧୦ ଏଖାସି ଇଦାଆଁ ମାଢ୍ଢେତାକି ଖେସା ମାଞ୍ଜୁଅସି? ହାଅ, ମାଢ୍ଢେତାକି ଇଦି

ରାସ୍ତିକ ଆହାମାନେ, ଏନାଆଁତାକି ଇତିହିଁ ଆମ୍ଭାଆସି ତାପା କିନେସି ଆସା
 ତଲେ ତାପା କିନାୟିମାନେ, ଅଡ଼େ ନର୍ଦିନାସି ଗାତି ବାଗା ବେଟାଆହାଲି
 କଢ଼ା ଦହନେସି । ୧୧ ମାମୁ ମିଢ଼େଟାକି ନେହିଁ ଜୀଞ୍ଜୁତି ବିଚା ମାଟା
 ମାଟାମାନମି, ଅଡ଼େ ମୀ ଡାଣାଟି ଇ ଦାଡ଼ିତତି ତାପା ଦାଡ଼ିହିଁ ଏଦି ଏନି
 କାଜା କାତା ଆଏକି? ୧୨ ଏଟକା ଲକ୍ଷୁ ମୀ ଡାଣାଟି ବାଗା ବେଟାଆହାଲି
 ଅଦିକାରା ମାଟିହିଁ, ଏଦାଆଁ କିହାଁ ଆଗାଡ଼ା ବେଟାଆହାଲି ମା ଅଦିକାରା
 ହିଲେଏ କି? ଆତିଜିକେଏ ମାମୁ ଏ ଅଦିକାରା ଲେମ୍ବା ହିଲଅମି । ସାମା
 ଏନିକି ମାମୁ କ୍ରୀସୁତି ନେହିଁ କାରୁ ଖେଢ଼ୁ କିନି କାମାତା ଏନି ବାଦା
 ଖାଆପେ ଇଞ୍ଜି ବାରେ ଅରୁହିମାନମି ୧୩ ଆମ୍ଭାଆରି ଚଢ଼ୁଡ଼ିତା ପୂଜା
 କିନାରି ଏଖାରି ଦେଖୁଡ଼ିତ ରାନ୍ତା ବେଟାଆନେରି, ଇଞ୍ଜି ଆମ୍ଭାଆରି ପୂଜା
 କିନାରି ପୂଜା କିହାଲି ପୂଜା ପିଣ୍ଡାତା ଇତିଟି ବସୁତି ବାଗା ବେଟାଆନେରି,
 ଇଞ୍ଜି ମୀରୁ ପୁଞ୍ଜୁହିଲଅତେରି କି? ୧୪ ଏଲେକିହିଁଏ ଆମ୍ଭାଆରି ନେହିଁ
 କାରୁଡ଼ି ଖେକ୍‌ହି ମାନେରି, ଏଖାରି ନେହିଁ କାରୁ ଖେକ୍‌ନି ଡାଣାଟିଏ
 ନାତିନେରି, ଇ କାତା ପ୍ରବୁ ହୁକୁମି ହାହାମାନେସି । ୧୫ ସାମା ନାନୁ ଇ
 ବାରେ ଏନାଆଁଖା ଲେମ୍ବାହିଲଅଁ, ଅଡ଼େ ନାଢ଼େଟାକି ଏଲେ କିଞ୍ଜିଆପେ,
 ଏଦାଆଁତାକି ରାତିମାଞ୍ଜୁଅଁ; ଇତିହିଁ ଆମ୍ଭାଆରି ନା ନେହିଁ ବତପଣତି
 ଉଜେଏ କିନି କିହାଁ ନାନୁ ହାହାହାହାୟି ନେହିଁ । ୧୬ ଇତିହିଁ ନାନୁ ନେହିଁ
 କାରୁ ଖେକ୍‌ଇଁ, ଏମ୍ଭାଆଁ ନା ବତପଣ ଆନାୟି ହିଲେଏ, ଏନାଆଁତାକି
 ଇତିହିଁ ଏଦାଆଁ କିହାଲି ହୁକୁମି ବେଟାଆହାମାଇଁ, ଇଞ୍ଜି ନାନୁ ନେହିଁ କାରୁ
 ଖେକ୍‌ଆତେଏଁ ଇତିହିଁ ନାନୁ ଏଟେକା ଡ଼ଣୁ ବେଟାଆନାତେଏଁ । ୧୭
 ଇତିହିଁ ନାନୁ ଜାହାରା ମନତଲେ ଇ କାମା କିଇଁ, ଆତିହିଁ ନାଢ଼େଟାକି
 ଦାନା ମାନେ; ସାମା ନାନୁ ନା ମନତଲେ କାମା କିଆତିହିଁ ଜିକେଏ
 ମାହାପୁରୁ ନାଢ଼େ ଯେବାକିନି କାମାତି ବଜୁ ହେରୁପା ମାଞ୍ଜୁନେସି । ୧୮
 ଆତିହିଁ ନା ଦାନା ଏନାୟି? ଏଦି ଇଦି ନାନୁ ନା ନେହିଁ କାରୁତା ମାନି
 ଅଦିକାରା ଲେମ୍ବାଆନା ନେହିଁ କାରୁ ଖେସି ଖେସି ଏ ନେହିଁ କାରୁଡ଼ି ଉଜେଏ
 ଖେକ୍‌ଇଁ । ୧୯ ନାନୁ ଆମ୍ଭାଆରି ହିଲେଏଣା ଆଆତି ଜିକେଏ, ଏନିକି
 ନାନୁ ହାରେକା ଗାତି ଲକ୍ଷୁଣି ବେଟାଆହାଲି ଆଡ଼ିଇଁ, ଏଦାଆଁତାକି ନାନୁ
 ଜାହାରାଇଁ ବାରେତି ହିଲେଏସି କିତେଏଁ । ୨୦ ଏନିକି ନାନୁ ଜାହୁଦିୟାଣି
 କ୍ରୀସୁ ତାକି ଜାଣା ଆହାଲି ଆଡ଼ିଇଁ, ଏଦାଆଁତାକି ଜାହୁଦି ଲକ୍ଷୁ ନକିତା
 ନାନୁ ଜାହୁଦି ଲେହିଁ ଆହିମାଇଁ; ଏନିକି ମସାତି ଫେରାତା ଦସ୍‌ପି
 ଆହାମାନାରାଇଁ ଜାଣା ଆହାଲି ଆଡ଼ିଇଁ, ଏଦାଆଁତାକି ନାନୁ ଫେରାତା
 ଦସ୍‌ପି ଆଆତି ଜିକେଏ ଫେରାତା ଦସ୍‌ପି ଆତି ଲକ୍ଷୁଲେହିଁ ଆତେଏଁ
 । ୨୧ ଏନିକି ନାନୁ ମସାତି ଫେରା ପୁନାଆତି ଏଟକା କୁଡ଼ାତି ଲକ୍ଷୁଣି
 ବେଟାଆହାଲି ଆଡ଼ିଇଁ, ଇଦାଆଁତାକି ନାନୁ ମାହାପୁରୁତି ଫେରାତା ହିଲଆ
 ଲକ୍ଷୁ ଆଆନା କ୍ରୀସୁତି ଫେରା ମାନଖି ଆତିଜିକେଏ ମସାତି ଫେରାତା
 ହିଲଆ ଲକ୍ଷୁ ନକିତା ମସାତି ଫେରାତା ହିଲଆ ଲକ୍ଷୁଲେହିଁ ଆତେଏଁ
 । ୨୨ ଏନିକି ନାନୁ ବାଡ଼ୁୟୁ ହିଲଆଗାଟାରାଇଁ ଜାଣା ଆହାଲି ଆଡ଼ିଇଁ,
 ଏଦାଆଁତାକି ବାଡ଼ୁୟୁ ହିଲଆ ଗାଟାରି ନକିତା ବାଡ଼ୁୟୁ ହିଲଆଲେହିଁ

ଆତେଏଁ; ଏନିକିହିଁ ଜିକେଏ ନାନୁ ଏତର ଜାଣାଇଁ ଗେଲ୍‌ପାଲି ଆଡ଼ିଇଁ,
 ଇଦାଆଁତାକି ବାରେ ଲକ୍ଷୁ ଏନିଲେହିଁତାରି ନାନୁ ଏଖାରିଲେହିଁ ଆତେଏଁ ।
 ୨୩ ନାନୁ ଏନିକି ନେହିଁ କାରୁଡ଼ି ବରତା ଆଣ୍ଡାଲି ଆଡ଼ିଇଁ, ଏଦାଆଁତାକି ନାନୁ
 ନେହିଁ କାରୁଡ଼ାକି ବାରେ କିଇଁ । ୨୪ ଆମ୍ଭାଆରି କାହିନି ତାଣା ହଣନେରି
 ଏଖାରି ବାରେଜାଣା ହଣନେରି ସାତା, ସାମା ରଅସିଏ ଜାଣା ଆହାଁ ଦାନା
 ବେଟା ଆନେସି, ଇଦାଆଁ ମୀରୁ ପୁଞ୍ଜୁହିଲଅତେରି? ମୀରୁ ଏନିକି ଦାନା
 ବେଟାଆଦେରି ଏଦାଆଁତାକି ଏଲେକି ହଣରୁ । ୨୫ ଆମ୍ଭାଆସି ବାଡ଼ହାରା
 ତଲେ କାହିନି ତାଣା ଆଣ୍ଡିନେସି ଏଖାସି ବାରେ ନେହିଁକି ଜାପିନେସି;
 ଏଖାରି ଗାଡ଼େକେଏ ନାସଖି ଆନି ଟପେରି ବେଟାଆହାଲି କାହିମାନେରି;
 ସାମା ମାର ଏଟେଲାଖା ନାସା ଆଆଗାଟି ଟପେରି ବେଟାଆହାଲି ଏଲେ
 କିନି । ୨୬ ଏଦାଆଁତାକି ନାନୁ ହଟିମାଇଁ, ସାମା ଗୁରି ହିଲଆ ତାଣା ଆଏ,
 ନାନୁ ମୁଡ଼ିତଲେ କୁଡ଼ିକି ଆନି ଜୁକୁ କିହିମାଇଁ, ସାମା ଖାରୁ ଗାଲିତି ଖେନି
 ଲକ୍ଷୁଲେହିଁ ଆଏ । ୨୭ ଏଟକା ଲକ୍ଷୁତାଣା ନେହିଁ କାରୁ ଖେସିହିଁ ନାନୁ
 ଏନିକି ଅପାଆ ଗାଟାତେଏଁ ଆଅଁ ଏଦାଆଁତାକି ନା ଆଢ଼ୁତି କସୁ ବାଦା
 ହାହାମା ଲକ୍ଷୁହିମାଇଁ ।

୧୦ ଇତିହିଁ ଏ ତାୟିୟାଁ ଅଡ଼େ ତାଢ଼ୁୟୁତେରି ମା ଆକୁ ଆବାୟାଁ
 ବାରେ ଦୁରୁ ଡ଼ଳକା ମାତେରି । ୧ ଅଡ଼େ ବାରେଜାଣା ସାମଦୁରି
 ବିତ୍ରାଟି ହାତେରି, ଇଞ୍ଜି ବାରେଜାଣା ଦୁରୁ ଅଡ଼େ ସାମଦୁରିତା ମସା
 ଡାଣାଟି ବାପୁସୁ ଅତେରି । ୩ ଅଡ଼େ ଏଖାରି ବାରେଜାଣା ରଣ୍ଡିଏ ଜୀଞ୍ଜୁତି
 ରାନ୍ତା ତିତେରି । ୪ ଅଡ଼େ ବାରେଜାଣା ରଣ୍ଡିଏ ମାହାପୁରୁ ହାତି ଜୀଞ୍ଜୁତି
 ଏୟୁ ଗସ୍‌ପେରି, ଇତିହିଁ ଏଖାରିତଲେ ହାଜିମାତି ମାହାପୁରୁ ହାତି ଜୀଞ୍ଜୁତି
 ପାକା ଖାଲିତି ଏୟୁ ଗସ୍‌ପେରି ଏ ପାକା ଖାଲି କ୍ରୀସୁ, ୫ ଆତିଜିକେଏ
 ଏଖାରି ବିତ୍ରାଟି ହାରେକା ଲକ୍ଷୁତାଣା ମାହାପୁରୁତି ରାହାଁ ହିଲଆତେ, ଇଞ୍ଜି
 ଏଖାରି ଲକ୍ଷୁ ହିଲଆ ଚାୟୁତା ହାହାହାତେରି, ଇ ବାରେ କାତା ମୀରୁ
 ପୁନାଆନା ମାଞ୍ଜୁ ଇଞ୍ଜି ନା ମନ ହିଲେଏ । ୬ ଏଖାରି ଏନିକି ଲାଗେଏ
 ପଲେଏତାଣି ତାକି ଜୁପକା ଆହାମାତେରି, ଏଲେକି ମାର ଏଲେତି
 ଜୁପକା ଆଆୟି, ଏଦାଣିତାକି ଇ ବାରେ କାତା ମାଢ଼େଟାକି ପୁଣ୍ଡିକିନାୟି
 ଆହାମାନେ । ୭ ଏନିକି ଏଖାରି ବିତ୍ରାଟି ଏତରଜାଣା ପେଣକା ପୂଜା
 କିନାରି ଆତେରି, ଏଲେକି ମୀରୁ ପେଣକା ପୂଜା କିନାତେରି ଆଆୟୁ:
 ଏନିକି ରାସ୍ତିକ ଆହାମାନେ, “ଲକ୍ଷୁ ତିଞ୍ଜା ଉଣ୍ଡାଲି କୁଗିତେରି, ଅଡ଼େ
 ଏନିହିଁ ରାହାଁ କିହାଲି ନିଢ଼ୁତେରି ।” ୮ ଏନିକି ଏଖାରିତାଣା ଏତରଜାଣା
 ଦାରିକାମା କିହାନା ରଣ୍ଡିଏ ନେରୁ କଡ଼େ ତାନି ମାଣା ଲକ୍ଷୁ ହାତେରି,
 ଏଲେକି ମାର ଦାରିକାମା କିଆପ । ୯ ଏନିକି ଏଖାରି ବିତ୍ରାଟି ଏତରଜାଣା
 ପ୍ରବୁଇଁ ତାୟିପାରି କିହାଁ ରାବୁ ତଲେ ହାତେରି, ଏଲେକି ମାର ପ୍ରବୁଇଁ
 ତାୟିପାରି କିଆପ । ୧୦ ଏନିକି ଏଖାରି ବିତ୍ରାଟି ଏତରଜାଣା ବାଟା
 କିହାଲିଏ ନାସାକିନି ଦୂତୁ କେୟୁତି ହାତେରି, ଏଲେକି ମୀରୁ ବାଟା
 କିଆୟୁ । ୧୧ ଇ ବାରେ ପୁଣ୍ଡିକିନିଲେହିଁ ଏଖାରିକି ଆତେ, ଅଡ଼େ
 ଆମ୍ଭାଆରି ବେଲତା ଜୁଗୁରାନି ଦିନା ଏଜିମାଞ୍ଜୁନେ, ଏଲେକିହିଁ ମାର

ମା ସେବନା ତାକି ଏ ବାରେ ରାସକି ଆହାମାନେ । (aiōn g165) ୧୨
 ଏଦାଆଁତାକି ଆମ୍ବାଆସି ନାନୁ ତାରି ଗାଟାତେଏଁ ଇଚ୍ଛୁହିଁ ଅଶ୍ୱପି ମାନସି,
 ଏଝାସି ଏନିକିଁ ତରୁଗଅସି, ଏଦାଆଁତାକି ଏଝାସି ଜାଗ୍ରାତା ଆପାସି । ୧୩
 ମାଶ୍ୱପିତାକି ଏନିଲେହେଁତି ତାୟିପାରି କିନାୟି କସ୍ତାଗାତାୟି ଆଏ, ଏଦାଆଁ
 ପିସ୍ତେ ମିଢ୍ଢେତାକି ଏବ୍‌କାତି ତାୟିପାରି କିନାୟି ଆହା ହିଲେଏ, ସାମା
 ମାହାପୁରୁ ଟିକାଶାତାସି, ଏଝାସି ମିଢ୍ଢେ ଏନି ଆତାଆଗାଟି ତାୟିପାରି
 କିହାଲି ହିୟଅସି, ସାମା ମାରୁ ଏନିକିଁ ଅରୁହାଲି ଆତିଦେରି, ଏଦାଆଁତାକି
 ତାୟିପାରି କିଞ୍ଚିନଏ ଏଝାସି ଗେଲ୍‌ପିନି ଜିରୁ ଜିକେଏ ଚେପିନେସି । ୧୪
 ଏ ନା ଜାଞ୍ଜୁତି ତାୟିୟିଁ ଅଡେ ତାଢ୍ଢିୟାତେରି ଚେଶ୍ୱକା ବମାୟିଁ ପୂଜା
 କିନି ତାଶାଟି ଏବ୍‌କା ଆପୁ । ୧୫ ନାନୁ ରୁଦିଗାଟି ଲକ୍ଷୁଣି ଖେହ୍‌ନିଲେହେଁ
 ଖେସିମାଞ୍ଜୁଇଁ, ନାନୁ ଏନାଆଁ ଖେସିମାଇଁ ଏଦାଆଁ ମାରୁ ମାରୁଏ ଅଶ୍ୱପାରୁ
 । ୧୬ ଆମିନି ପ୍ରବୁତି ବଜି ସଲ୍‌ ତାକି ଜହରା କିନାୟି, ଏଦି କ୍ରାସ୍ତୁତି
 ନେତେରିତା ଆଶ୍ୱିହିଲେଏ? ଆମିନି ରୁତି ମାର ଡିକ୍‌ହି ମାନାୟି ଏଦି
 କି କ୍ରାସ୍ତୁତି ଆଢ୍ଢାତା ଆଶ୍ୱିହିଲେଏ? ୧୭ ଇତିହିଁ ରୁତି ରଶ୍ୱିଏ ଆତାକି
 ମାର ହାରେକା ଆତିଜିକେଏ ରଶ୍ୱିଏ ଆଢ୍ଢା ଲେହେଁ, ଏଦାଆଁତାକି ମାର
 ବାରେଜାଣା ରଶ୍ୱିଏ ରୁତି ବାଗା । ୧୮ ଆଢ୍ଢାତି ଜାର୍‌ନା ତଲେ ଆମ୍ବାଆରି
 ଇସ୍ତାୟେଲ ଲକ୍ଷୁ, ଏଝାଗାଲ୍‌ ସିନିକିଦୁ ଆମ୍ବାଆରି ପୂଜା କିତି ଉଢ୍ଢା
 ତିନେରି, ଏଝାରି ପୂଜା ପିଶ୍ୱାତି ପୂଜାତା ଆଶ୍ୱିହିଲଅସି? ୧୯ ଆତିହିଁ
 ଚେଶ୍ୱକା ବମାୟିଁ ବଗୁ ଇଚ୍ଛୁହିଁ ଏନାୟି ମାନେ, ଅଡେ ଚେଶ୍ୱକା ବମାୟିଁ
 ଇଚ୍ଛୁହିଁ ଏନାଲ ମାନୁ, ଏଦାଆଁ କି ନାନୁ ଖେସିମାଞ୍ଜୁଇଁ? ୨୦ ଆଏ, ସାମା ନାନୁ
 ଖେସିମାଞ୍ଜୁଇଁ, ଏନାଆଁ ଜାହୁଦିଆତାରି ପୂଜା କିନେରି ଏ ବାରେ ଏଝାରି
 ମାହାପୁରୁ ତାକି ପୂଜା କିଆନା ବୁଡୁୟିକି କିନେରି, ଅଡେ ମାରୁ ବୁଡୁୟି
 ତଲେ ଆଶ୍ୱାପୁ, ଇଦି ନା ମନ ଅଶ୍ୱପୁତି ଆଏ । ୨୧ ମାରୁ ପ୍ରବୁ ବଜିତା
 ରାସା ଗହ୍‌ନିତାଶା ଅଡେ ବୁଡୁୟି ଗହ୍‌ନିତାଶା ଗସାଲି ଆଡଅତେରି; ମାରୁ
 ପ୍ରବୁତି ବଜି ଅଡେ ବୁଡୁ ବଜିତା ଆଶ୍ୱାଲି ଆଡଅତେରି । ୨୨ ମାର ଏନାଆଁ
 ପ୍ରବୁଇଁ କାର୍‌ବି କିନାୟି? ମାର କି ଏଝାଣି କିହିଁ ଗାଡି ବାଡୁୟୁ ଗାଟାତାୟି?
 ୨୩ ବାରେ କିହାଲି ମାର ଆଡିନାୟି, ସାମା ବାରେ ମା ତାକି ନେହାୟି ଆଏ,
 ବାରେ କିହାଲି ଆଡିନାୟି, ସାମା ବାରେ ମା ତାକି ଲାବାଗାଟାୟି ଆଏ ।
 ୨୪ ଆମ୍ବାଆସି ଜାହାରାତାକି ଅଶ୍ୱପାଆପେସି, ସାମା ବାରେଜାଣା ତାକି
 ନେହାଁଣି ଅଶ୍ୱପାପେସି । ୨୫ ମନତି ନେହିଁକିଁ ଇଚ୍ଛାଲି ହାଟା ବାଜାରାତା
 ପାର୍‌ସି ଆହିମାନି ଉଢ୍ଢା, ଆମ୍ବାଆରାଲ୍‌ ଖେନାଆନା ଅଡେ ଇଚାଣି
 ଅଶ୍ୱପାଆନା ତିଞ୍ଜୁ । ୨୬ ଦାମ୍‌ପୁତିତା ରାସକି ଆହାମାନେ; “ଇତିହିଁ ଦାରୁତି
 ଅଡେ ଏମ୍ବାଆଁ ମାନାୟି ବାରେ ମାହାପୁରୁଝାୟି ।” ୨୭ ନାମାଆତାରି ମିଢ୍ଢେ
 ତିଞ୍ଜୁଲି ହାଟାତିହିଁ, ଇଚ୍ଛୁଁ ମାରୁ ହାଜାଲି ମନ କିତିସାରେ, ଅଡେ ଏମ୍ବାଆଁ
 ଏନାଆଁ ତିଞ୍ଜୁଲି ହାପ୍‌କିଆନେ, ମୀ ଅଶ୍ୱପୁ ତାକି ଇଚାଣି ଖେନାଆନା
 ତିଞ୍ଜୁ । ୨୮ ସାମା ଆମ୍ବାଆସି ମିଢ୍ଢେ ଏଲେଇଞ୍ଜୁନେସି, ଇଦି ଚେଶ୍ୱକା
 ବମାୟିକି ତାକି କିଞ୍ଚିଆହାମାନେ, ଆତିହିଁ ଏଝାଣି ତାକି ଇଚ୍ଛୁଁ ମୀ ଅଶ୍ୱପୁ
 ତାକି ତିନାଆପୁ: ୨୯ ମୀ ଅଶ୍ୱପୁ ତାକି ଇଚ୍ଛୁଁ ଖେସିମାଞ୍ଜୁଅଁ, ସାମା ଏଝାଣି

ଅଶ୍ୱପୁ ତାକି । ଏନାଆଁତାକି ନା ମନତଲେ ମାନାୟି ଏବ୍‌କା ଲକ୍ଷୁତି
 ନେହାଁଣି ଲାଗେଏତାଣି ପୁନାଣି ତଲେ ବିଚାରା ଆନେ? ୩୦ “ନାନୁ
 ମାହାପୁରୁଇଁ ଜହରା କିହାନା ଆମିନି ରାନୁ ତିଞ୍ଜୁମାଇଁ, ଏ ରାନୁ ତାକି
 ନାଢ୍ଢେ ଏନାଆଁତାକି ରଅସି ଲାଜାକିହିଁ ଜଲାନେସି?” ୩୧ ଏଦାଆଁତାକି
 ମାରୁ ତିଞ୍ଜୁ ଉଶୁ କି ଏନାଆଁ କିଦୁ, ଏଦାଆଁ ମାହାପୁରୁତି ଗାଞ୍ଜୁରି ମି ତାକି
 କିଦୁ । ୩୨ ଜାହୁଦି ଆପେ, ଜାହୁଦିଆଆତାରି, ଇଚ୍ଛୁଁ ମାହାପୁରୁତି କୁଲମିତି
 ଲକ୍ଷୁ ଆପାରି, ଆମ୍ବାଆରାକି କସ୍ତୁ ହାନାତେରି ଆଆପୁ । ୩୩ ଏନିକିଁ
 ନାନୁ ଜିକେଏ ଜାହାରାତାକି ଅଶ୍ୱପାଆନା ହାରେକା ଲକ୍ଷୁତି ଗେଲ୍‌ପି
 ଆୟାଲିତାକି ଏଝାରି ନେହାଁଣି ଅଶ୍ୱପିମାଇଁ, ଅଡେ ବାରେ କାତାତା ବାରେ
 ଜାଣାଇଁ ରାହାଁ କିୟାଲି ଅଶ୍ୱପିମାଇଁ ।

୧୧ ନାନୁ ଏନିକିଁ କ୍ରାସ୍ତୁ କିତିଲେହେଁ କାମା କିହିମାଲ୍‌, ମାରୁ
 ଜିକେଏ ନାନୁ କିହିମାନି ଲେହେଁ କିଦୁ । ୧ ନାନୁ ମିଢ୍ଢେ
 ଗାଞ୍ଜୁରି କିହିମାଞ୍ଜୁଇଁ ଏନାଆଁତାକି ଇତିହିଁ ମାରୁ ନାଢ୍ଢେ ବାରେବେଲ୍‌
 ଅଶ୍ୱପିମାଞ୍ଜୁଦେରି ଅଡେ ନାନୁ ଆମିନି ମେରା ହାହାମାଞ୍ଜୁଇଁ, ଏଦାଆଁ
 ବାରେ ମାନଞ୍ଜି ଆହିମାଞ୍ଜୁରି । ୨ ସାମା କ୍ରାସ୍ତୁ ବାରେ ଆବାୟିଁ ତାୟି
 ଲେହେଁ ଅଡେ ଆବା ଇୟାନି ତାୟି ଲେହେଁ ଇଚ୍ଛୁଁ ମାହାପୁରୁ କ୍ରାସ୍ତୁତି
 ତାୟି ଲେହେଁ, ଇଦାଆଁ ମାରୁ ପୁଞ୍ଜୁ ଇଚ୍ଛୁଁ ନା ଅଶ୍ୱପୁ । ୪ ଆମିନି ଆବା
 ତାନି ତାୟି ପୁକ୍‌ହାନା ପ୍ରାତାନା କିନେସି, ତାୟି ଆନି କାତା ଖେହ୍‌ନେସି,
 ଏଝାସି ତାନି ତାୟିତ ହାଣି ପାଶ୍ୱପି କିନେସି । ୫ ସାମା ଆମିନି ଆୟତି
 ତାନି ତାୟି ପୁଗାଆନା ପ୍ରାତାନା କିନେ ଅଡେ ମାହାପୁରୁ ଅଶ୍ୱପୁତି ବଲୁ
 ଖେକ୍‌ନେ ଏଦି ତାନି ତାୟିତ ଲାଜା ପାଶ୍ୱପି କିନେ ଇତିହିଁ ତାନି ତାୟି
 ହିଶ୍ୱପି ଆତି ଇୟ ସମାନା । ୬ ଇତିହିଁ ତାୟି ପୁଗାଆଗାଟି ଆୟତି ତାନି
 ତାୟି ବାଣାୟି ରାଡୁହା କଡାପେ; ଇତିହିଁ ଇୟନାକି ତାୟି ରାଡୁନାୟି
 କି ହିଶ୍ୱନାୟି ଲାଜାତି କାତା ଆତିହିଁ ଏଦି ତାୟି ପୁଗାପେ । ୭ ଆବା
 ମାହାପୁରୁତି ଝାଣା ଇଚ୍ଛୁଁ ଗାଞ୍ଜୁରି ଲେହେଁ ଆତାକି ତାନି ତାୟିତ ପୁକ୍‌ନାୟି
 ଲଡା ହିଲେଏ, ସାମା ଇୟ ଆବାତି ଗାଞ୍ଜୁରି ଲେହେଁ । ୮ ଇତିହିଁ
 ଆବା ଇୟନି ତାଶାଟି ଗାଡି ଆହାହିଲଅସି ସାମା ଇୟ ଆବା ତାଶାଟି
 ଗାଡି ଆହାମାନେ । ୯ ଅଡେ ଇୟ କି ଆବା ଗାଡି ଆହାହିଲଅସି ସାମା
 ଆବାକି ଇୟ ଗାଡି ଆହାମାନେ । ୧୦ ଏଦାଆଁତାକି ବୁଡୁୟି ତାକି
 ତକ୍ତି ତାନି ତକ୍ତିତି ଅଦିକାରାତି ସିନାଲେହେଁ ତାୟିତ ପୁକ୍‌ହା କଡାପେ
 । ୧୧ ଆତିଜିକେଏ ପ୍ରବୁ ତାଶା ଆବା ତାଶାଟି ଆୟତି କାଜାୟି ଆଏ,
 ସାମା ଇୟ ତାଶାଟି ଆବା କାଜାସି ଆଏ, ୧୨ ଇତିହିଁ ଆୟତି ଏନିକିଁ
 ଆବା ତାଶାଟି ଗାଡି ଆହାମାନେ । ଏଲେକିହିଁଏ ଆବା ଜିକେଏ ଇୟ
 ତାଶାଟି ଗାଡି ଆହାମାନେସି, ସାମା ବାରେ ମାହାପୁରୁ ତାଶାଟି ଗାଡି
 ଆହାମାନେ । ୧୩ ମାରୁ ମାରୁଏ ବିଚାରା କିହିଁ କଡାପୁ, ତାୟି ପୁଗାଆନା
 ମାହାପୁରୁ ନିକିତା ପ୍ରାତାନା କିନାୟି ଇୟନାକି ନେହେଁ କି? ୧୪ ମାଶ୍ୱକି
 ମାଢ୍ଢେ ଖେସିମାଞ୍ଜୁନେ ଆବା ଲାମ୍ବା ତାୟିବାଣିଁ ପିହ୍‌ନାୟି ତାଢ୍ଢେତାକି
 ଲାଜାତି କାତା । ୧୫ ସାମା ଆୟତି ଲାମ୍ବା ତାୟିବାଣାୟି ପିସି ସାରେ

ତାହାଙ୍କୁ ଗାଧୁରମି ସମାପନା, ଇତିହାସ ଦାୟିତ୍ୱକୁ ଆୟାଜିତ କରିବାକୁ ଲାଗିଲା । ତାହାଙ୍କୁ ଦାୟିତ୍ୱ ଦେବାକୁ ଆସୁଥିବା ସମୟରେ । ୧୭ ସାମା ଆତ୍ମାଧିକାରୀ ଏ କାଳୀନକାଳୀ ବାଦିବାଦୀ କିମ୍ପାକାରୀ ଅର୍ଥାତ୍ ଅର୍ଥାତ୍ ଏହା ସମୟରେ, ମାତ୍ର ଇତିହାସରେ ହିଲେଏ, ଇତିହାସ ମାହାତ୍ମ୍ୟକୁ କୁଳମିତା ଜିନିଷ ହିଲେଏ । ୧୭ ସାମା ମୀ ଆଶୁଷି ଆନାୟ ନେହାୟ ଆଧାନା ସାମା ଲାଗେଏ ପୁଲେଏତାୟ ଆହମାନେ, ଏଦାଆଁତାକି ମିତ୍ତେ ନେହାଁତେରି ଇତିହାସ ଆତାଆନା ଇ ହୁକୁମି ହାହାମାଞ୍ଜୁଲ୍ । ୧୮ ଏନାଆଁତାକି ଇତିହାସ ନାନୁ ତଲିଏ ଖେଞ୍ଜୁମାଲ୍, କୁଲମି ଲେହେଁ ରୁଣ୍ଡା ଆନାଟି, ମୀ ବିତ୍ରା ଗତି ଗତି ଆହମାଞ୍ଜେରି, ଇତିହାସ କାତା ବିତ୍ରା ଏତେକା ସାତା ଇତିହାସ ନାନୁ ନାମିମାଲ୍ । ୧୯ ଏନିକି ମୀ ବିତ୍ରାଟି ଆତ୍ମାଧିକାରୀ ସାତା ତାୟିପାରିତା ଜାଣା ଆତାରି ଏ ଚଞ୍ଚୁଆନେରି, ଏଦାଶିତାକି ମୀ ବିତ୍ରା ଗତି ଗତି ଆନାୟ ପିତ୍ତେ ଆଏ । ୨୦ ଏତେକା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରକୃତି ବଜି ଆଏ”, ୨୧ ଏନାଆଁତାକି ଇତିହାସ ବଜି ତିନାଟି, ରଥସି ଅତ୍ତେ ରଥଶାଲ୍ କାଆନା ତାମି ରାନୁ ତିନେରି, ଏଦାଆଁତାକି ରଥସି ହାକିଟି ମାନାଟି ଅତ୍ତେ ରଥସି ହୁରାହାଁ ତ୍ତୟିମାନେସି । ୨୨ ଏନାଆଁ ମିତ୍ତେ ଚଞ୍ଚୁ ଚଞ୍ଚୁଲି ଲିଲ୍ଲକା ହିଲାର୍? ମୀରୁ ଏନାଆଁ ମାହାତ୍ମ୍ୟକୁ କୁଲମିତା ମାନସି ଆହି ହିଲଅତେରି, ଅତ୍ତେ ଆତ୍ମାଧିକାରୀ ହିଲାର ଏହାରାଲ୍ ଲାଜା କିହିମାଞ୍ଜେରି, ନାନୁ ମିତ୍ତେ ଏନାଆଁ ଖେପୁଲ୍? ମିତ୍ତେ ଏନିକି ଗାଧୁରମି କିୟାଲ୍? ଇଦାଆଁତାକି ମିତ୍ତେ ଗାଧୁରମି କିହିମାଞ୍ଜୁଲ୍ । ୨୩ ଇତିହାସ ନାନୁ ପ୍ରକୃତ ଚାଣାଟି ବେଟାଆହାମାନି କାପନାଶି ମିତ୍ତେ କାପୁହି ମାଞ୍ଜୁଲ୍, ଏଦି ଇଦି ପ୍ରକୃତ କାପୁ ସାତୁୟାଁ କେୟୁତା ହେର୍ପିଆତି ଲାଆଁୟାଁ ରୁଟି ଅହାନା, ମାହାତ୍ମ୍ୟକୁ ଜହରା କିହାନା, ଏଦାଆଁ ଡିକହାନା ଏଲେଇତେସି, ୨୪ ଇଦି ମିତ୍ତେତାକି ନା ଆତ୍ମା; ନାତ୍ତେ ଅର୍ଥାତ୍ମିତାକି ଇଦାଆଁ କିତୁ । ୨୫ ଏଲେକିହିଏ ଚିତି ତାୟୁ ଗହନି ସଲ୍ଲା ଅହାନା ଏଲେଇତେସି, ଇ ସଲ୍ଲା ନା ନେତେରିତା ତାରିକିତି ପୁଠିନି ରାଜିମାନା; ମୀରୁ ଇ ସଲ୍ଲାଟି ଏତର ଦେବା ଗହଦେରି ଏତର ଦେବା ନାତ୍ତେ ଅର୍ଥାତ୍ମିତାକି କିତୁ । ୨୬ ଇତିହାସ ଏତର ଦେବା ମୀରୁ ଇ ରୁଟି ଚିତ୍ତେରି ଅତ୍ତେ ଇ ସଲ୍ଲାଟି ଗହଦେରି, ଏତର ଦେବା ମୀରୁ ପ୍ରକୃତି ଖାନି ଦିନା ପାତେକା ତାନି ହାକିଟି କାବୁ ଖେକ୍ଦେରି । ୨୭ ଇତିହାସ ଆତ୍ମାଧିକାରୀ ଜଗେ ଆଧାନା ପ୍ରକୃତ ବଜିଟି ରୁଟି ତିନେସି ଅତ୍ତେ ଇ ସଲ୍ଲାଟି ଗହନେସି, ଏହାସି ପ୍ରକୃତି ଆତ୍ମା ଅତ୍ତେ ନେତେରିତା ଦାୟିଆନେସି । ୨୮ ଏଦାଆଁତାକି ମାଣସି ତଲିଏ ତାନୁଏ ତାହେଁ ତାୟିପାରି କିହାଁ କଡାହାଁ ଇ ରୁଟି ଚିତ୍ତେସି ଅତ୍ତେ ଇ ଗହନି ସଲ୍ଲାଟି ଗସ୍ତେସି । ୨୯ ଇତିହାସ ଆତ୍ମାଧିକାରୀ ପ୍ରକୃତି ଆତ୍ମାଟି ଏନାୟ ଇତିହାସ ଆନା ତିନେସି ଅତ୍ତେ ଗହନେସି ଏହାସି ତାନି ମୁହେଁ ତଣ୍ଡ ବେଟାଆହାଲି ତିନେସି ଅତ୍ତେ ଗହନେସି । ୩୦ ଏଦାଆଁତାକି ମୀ ବିତ୍ରାଟି ହାରେକା ଲକୁ ବାଡ଼ୟୁ ହିଲ୍ଲାଆଗାଟାତେରି ଇତିହାସ ହାରେକା ଲକୁ ନୁମେରି ଗାଟାରି ଅତ୍ତେ ହାରେକା ଜାଣା ହାହା ହାଜାମାନେରି । ୩୧ ସାମା ମୀର ତଲିଏ ଜାହା ଜାହାରାଲ୍ ତାୟିପାରି କିତିହାଁ ମାହାତ୍ମ୍ୟକୁ ମାତ୍ତେ ବିଚାରା କିୟାଆତେସିମା । ୩୨ ଅତ୍ତେ ଦାର୍ତ୍ତି ତଲେ ଏନିକି ମୀର

ତଣ୍ଡ ପୁଠାଆୟି, ଏଦାଆଁତାକି ପ୍ରକୃତି ତାଣା ବିଚାରା କିତି ଆହାଁ ସାସି ବେଟାଆହି ମାନାୟି । ୩୩ ଏଦାଆଁତାକି ନା ତାୟିୟାଁ, ମୀରୁ ପ୍ରକୃତି ବଜି ଚିତ୍ତେଲି ତାକି ରୁଣ୍ଡା ଆନାଟି ମୀରୁ ରଥତେରି ରଥଶାଲ୍ କାବୁ । ୩୪ ମୀରୁ ରୁଣ୍ଡା ଆନାୟି ଏନିକି ମାହାତ୍ମ୍ୟକୁ ତଣ୍ଡ ବେଟାଆହାଲି ଆଏ, ଏଦାଆଁତାକି ଆତ୍ମାଧିକାରୀ ହାକି ଆହାମାନେସି ଏହାସି ତାନି ଇଜ ତିନାପେସି, ଅତ୍ତେ ଆଗାଟା ଖେସାନି କାତା ନାନୁ ଖାଟିସାରେ ତେଲ୍ଲି କିୟାଲ୍ ।

୧୨ ତାୟିୟାଁ ଅତ୍ତେ ତାୟିୟାଁତେରି ସୁଦୁଜାସୁ ଦାନାଟି କାତା ମୀରୁ ନେହିକି ପୁଞ୍ଜୁ ଇତିହାସ ନାନୁ ଅର୍ଥପିମାଲ୍ । ୧ ମୀରୁ ପୁଞ୍ଜୁମାଞ୍ଜେରି, ଏତିବେଲା ମୀରୁ ଜାହୁଦିଆଆତାତେରି ମାତେରି, ଏତେକା ଏନିକି ସାଲଖି ଆହମାନେରି, ଏଲେକିହିଏ ନାଡିକିଖି ଆହାନା ଜାସୁ ହିଲ୍ଲାଆଗାଟି ପେଶକା ବମାୟାଁଟି ଜେତ ହାଜିମାନେରି । ୨ ଏଦାଆଁତାକି ନାନୁ ମିତ୍ତେ ଖେସିମାଞ୍ଜୁଲ୍, ମାହାତ୍ମ୍ୟକୁ ସୁଦୁଜାସୁ ତଲେ ସାଲଖି ଆହାନା ଆତ୍ମାଧିକାରୀ ଜିନିଷ ଜାସୁଲ୍ ବାକା ଇତାଲି ଆତଥସି, ଅତ୍ତେ ଆତ୍ମାଧିକାରୀ ସୁଦୁଜାସୁ ପୁଠାଆତାସି ଜାସୁଲ୍ ପ୍ରକୃତ ଇତିହାସ ଖେସାଲି ଆତଥସି । ୪ ସୁଦୁଜାସୁ ହାନି ଦାନା ଏଟକା ଏଟକାତାୟି ସାମା ଏ ରଣ୍ଡିଏ ସୁଦୁଜାସୁ । ୫ ସେବା ଏଟକା ଏଟକାତାୟି ସାମା ପ୍ରକୃତ ରଥସିଏ । ୬ କାମା କିନି ବାଡ଼ୟୁ ଏଟକା ଏଟକାତାୟି ସାମା ମାହାତ୍ମ୍ୟକୁ ରଥସିଏ, ଏହାସି ବାରେ ତାଣା ବାରେ କାମା କିନେସି । ୭ ସାମା ବାରେ ଜାଣାଟାଟି ସୁଦୁଜାସୁଟି ଗୁଣ୍ଡା ତହନି ଦାନା ବାରେ ଲକୁଟି ନେହେଁତାକି ହାପକିଆନେ । ୮ ରଥଶାକି ସୁଦୁଜାସୁ ତଲେ ବୁଦିତି କାବୁ ଖେସାଲି ହାନେ, ଅତ୍ତେ ରଥଶାକି ଏ ସୁଦୁଜାସୁ ତଲେ ବୁଦିତିକାତା ଜାପୁହାଲି ହାନେ, ୯ ଅତ୍ତେ ରଥଶାକି ଏ ସୁଦୁଜାସୁ ତଲେ ନାମାଲି, ଅତ୍ତେ ରଥଶାକି ଏ ରଣ୍ଡିଏ ଜାସୁଟି ଦାନା ତଲେ ରଗଟି ନେହି କିୟାଲି ବାଡ଼ୟୁ ହାନେ, ୧୦ ରଥଶାକି କାବାଆନି ବାଡ଼ୟୁଟି କାମାୟାଁ କିୟାଲି, ଅତ୍ତେ ରଥଶାକି ମାହାତ୍ମ୍ୟକୁ ଅର୍ଥପୁଟି କାତା ଖେକ୍ଦାଲି, ଅତ୍ତେ ରଥଶାକି ଏଟକା ଏଟକାଟି ଜାସୁୟାଁଲ୍ ପୁଞ୍ଜୁଲି ଆତିନି ବାଡ଼ୟୁ, ଅତ୍ତେ ରଥଶାକି ପୁନାଆତି ପୁଠିନି ହାତା ଜଲ୍ଲାଲି, ଅତ୍ତେ ଏଟକାତାରାକି ପୁନାଆତି ହାତାଟି ଅର୍ତ୍ତ ପୁଣ୍ଡିକିନି ବାଡ଼ୟୁଟି ଦାନା ହାପକିଆନେ । ୧୧ ସାମା ଏ ରଣ୍ଡିଏ ଜାସୁ ତାନି ମନ କିତିଲେହେଁ ବାରେଜାଣାଟି ଏଟକା ଏଟକାଟି ଦାନା ହାହାନା ଇ ବାରେ କାମା କିହିମାନେ । ୧୨ ଇତିହାସ ଏନିକି ଆତ୍ମା ରଣ୍ଡିଏ, ଅତ୍ତେ ଆତ୍ମାଟି ଏଟକା ଏଟକା ବାଗାୟାଁ ମୀରୁ, ସାମା ଆତ୍ମାଟି ବାଗାୟାଁ ହାରେକା ଆତିଜିନିଷ ରଣ୍ଡିଏ ଆତ୍ମା ଆନେ, ଏଲେକିହିଏ କ୍ରାସୁ । ୧୩ ଇତିହାସ ମୀର ଜାହୁଦି କି ଜାହୁଦିଆଆତି ଜିନିଷ, ହଲେଏସି ଆପେସି ହଲେଏସି ଆଆପେସି, ବାରେତାୟି ରଣ୍ଡିଏ ଜାସୁତଲେ ରଣ୍ଡିଏ ଆତ୍ମା ଆହାଲି ବାପୁସୁ ଆହାମାନାୟି, ଅତ୍ତେ ବାରେତାୟି ରଣ୍ଡିଏ ଜାସୁତଲେ ଗସି ମାନାୟି । ୧୪ ଏଦାଆଁତାକି ଆତ୍ମା ରଣ୍ଡିଏ ବାଗା ଆଏ, ସାମା ଆତ୍ମାଟି ଏଟକା ଏଟକା ବାଗାୟାଁ ଆଶୁନା ର ଆତ୍ମା ଆହାମାନେ । ୧୫ କତା ଏଲେଇନେ ନାନୁ କେୟୁତେଏ ଆଏ, ଏଦି ଆତ୍ମାଟି ବାଗା ଆଏ, ଏଦାଆଁତାକି ଏଦି ଆତ୍ମାଟି ବାଗା ଆଏ ଏଲେକିହିଏ । ୧୬ ଅତ୍ତେ କିୟା

ଏଲେକନେ ନାନୁ କାନୁ ଆଏ, ଏଦି ଆଡ୍ଡାତି ବାଗା ଆଏ, ଏଦାଆଁତାକି ଏଦି ଆଡ୍ଡାତି ବାଗା ଆଏ ଏଲେକି ଆଏ । ୧୭ ବାରେ ଆଡ୍ଡା କାଣକା ଆନୁ, ଆତିହିଁ ଏନିକି ସେନାୟି? ବାରେ ଆଡ୍ଡା କାକା ଆନୁ ଆତିହିଁ ଆମ୍ବି ମୁଞ୍ଚିନାୟି? ୧୮ ସାମା ମାହାପୁରୁ ଆଡ୍ଡା ଉଡେଲିଇଁ ରଣ୍ଡା ରଣ୍ଡାଆଁ କିହିଁ ତାନି ମନଚଲେ ଆଡ୍ଡାତା ଆବହାମାନେସି । ୧୯ ଅଡେ ଏ ବାରେ ଆଡ୍ଡାତି ରଣ୍ଡିଏ ବାଗା ଆତିହିଁମା ଆତିହିଁ ଆଡ୍ଡା ଆମ୍ବିୟା? ୨୦ ସାମା ସାତେଏ ଆଡ୍ଡାତି ବାଗାୟଁ ହାରେକା, ସାମା ଆଡ୍ଡା ରଣ୍ଡିଏ । ୨୧ ନା ତାଣା ନାଡ୍ଡେ ଲଡ଼ା ହିଲେଏ ଇଞ୍ଚି କାନୁ କେୟୁତି ଏଲେଇଞ୍ଚାଲି ଆଡେଏ, ଇଞ୍ଚି ନା ତାଣା ନା ଲଡ଼ା ହିଲେଏ ଇଞ୍ଚି ତାୟଁ କଡାତି ଏଲେଇଞ୍ଚାଲି ଆଡେଏ । ୨୨ ଅରଖାକି ଆଡ୍ଡାତି ଆମିନି ଆଡ୍ଡା ଉଡେଲି ବାଡ୍ଡୟୁ ହିଲଆଗାଟାଇ ଇଞ୍ଚି ପୁରିହିଁ ଜିକେଏ ଏଞ୍ଚି ବାରେ ଲଡ଼ାତା ମାନୁ; ୨୩ ଅଡେ ଆଡ୍ଡାତି ଆମିନି ଆଡ୍ଡା ଉଡେଲି ଲଡ଼ାହିଲଆ ଗାଟାଇ ଇଞ୍ଚି ଅଶ୍ୱପିନାୟି, ଏ ବାରେ ଆଡ୍ଡାତି ଆଡ୍ଡା ଉଡେଲିକାଇଁ ମାର ହାରେକା ଜାଡ୍ଡୁ କିନାୟି; ଅଡେ ମା ଲଡ଼ାହିଲଆ ଆଡ୍ଡା ଉଡେଲି ହାରେକା ନେହିଁ ଡ଼ିଞ୍ଚିକିୟାନୁ, ୨୪ ସାମା ମା ଅଜିତି ଆଡ୍ଡା ଉଡେଲି ନେହିଁକି ଡ଼ିଞ୍ଚି ଆନାୟି ଲଡ଼ା ଆଏ, ୨୫ ସାମା ଏନିକି ଆଡ୍ଡାତି ବିଡ଼ା ଗଡ଼ହା ଆଏ, ଇଞ୍ଚି ଆଡ୍ଡାତି ବାଗାୟଁ ସମାନା ଚଲେ ବାରେଜାଣାତି ନେହାଁଣି ଅଶ୍ୱପିନୁ । ଏଦାଆଁତାକି ଲଡ଼ାହିଲଆ ଆଡ୍ଡାତି ହାରେକା ଅଜି କିହାନା ମାହାପୁରୁ ଜାଗୁ କିହାମାନେସି । ୨୬ ଏଦାଆଁତାକି ର ଆଡ୍ଡା କସ୍ତ ବେଟାଆତିସାରେ ବାରେ ଆଡ୍ଡା ତାନିଚଲେ ଦୁକୁ କିନୁ, ସାମା ର ଆଡ୍ଡା ଗାଞ୍ଜୁରି ବେଟାଆତିସାରେ ବାରେ ଆଡ୍ଡା ତାନିଚଲେ ରାହାଁ କିନୁ । ୨୭ ଏଲେକିହିଁଏ ମାରୁ କ୍ରୀସ୍ତତି ଆଡ୍ଡାତି ବାଗାୟଁତେରି, ଅଡେ ର ର ଲକୁ ର ର ଆଡ୍ଡାତି ବାଗାୟଁ ଲେହେଁ । ୨୮ ଅଡେ ମାହାପୁରୁ କୁଲମିତା ଚଲିଏ ପାଣ୍ଡୁଞ୍ଚି ଆତାରାଇଁ, ଇଞ୍ଚି ତାୟୁ ମାହାପୁରୁ ଅଶ୍ୱପୁତି ବଲୁ ସେହନାରାଇଁ, ତାୟୁ ଜାପ୍ନାରାଇଁ, ଏଲେକିହିଁ ହାରେକା ଲକୁଣି ନିପୁହାମାନେସି; ଅଡେ କାବାଆନି କାମା କିନାରାଇଁ, ତାୟୁ ରଗତି ନେହିଁ କିନାରାଇଁ, ଇଞ୍ଚି ଲକୁଇଁ ସାୟେମି କିନାୟି, ସାଲୁଞ୍ଚି କିନାରି ବାଡ୍ଡୟୁ ଅଡେ ଏବ୍ବକାତି ପୁନାଆତି ହାଡ଼ା ଜୁଲିନି ଦାନା ହାହାମାନେସି । ୨୯ ବାରେଜାଣା କି ପାଣ୍ଡୁଞ୍ଚି ଆହାମାନାରି? ବାରେଜାଣା କି ମାହାପୁରୁ ଅଶ୍ୱପୁତି ବଲୁ ସେହନାରି? ବାରେଜାଣା କି ଜାପ୍ନାରି? ବାରେଜାଣା କି କାବାଆନି କାମାକିନାରି? ୩୦ ବାରେଜାଣା କି ନେହିଁକିନି ବାଡ୍ଡୟୁତି ଦାନା ବେଟା ଆହାମାନାରି? ବାରେ ଜାଣାକି ଏବ୍ବକା ହାଡ଼ାତଲେ ଜୁଲିନେରି? ବାରେଜାଣା କି ଏବ୍ବକା ହାଡ଼ାତି ଅର୍ଡ଼ ସେହନେରି? ୩୧ ସାମା ବାରେତେରି ନେହିଁ ଦାନା ବେଟାଆହାଲି ଅଶ୍ୱପାଦୁ, ସାମା ଏ ବାରେକିହାଁ ଅଡେ ହାରେକା ଆଗାଡ଼ା ମାନି ର ନେହିଁ ଜିରୁ ଡ଼ିସିମାଞ୍ଚାଇଁ ।

୧୩ ଇତିହିଁ ନାନୁ ମାଣ୍ଡିୟାଁ ଅଡେ ଦୁରୁୟାଁ ହାଡ଼ାତଲେ ଜୁଲିଇଁ, ସାମା ନା ଜୀଞ୍ଜୁନନାୟି ହିଲେଏ, ଆତିହିଁ ନାନୁ ଟିଣି ଟିଣି ଆନି ଜିଶ୍ୱା ଅଡେ ଟାପୁଡ଼ି ଟିଣି ହାଡ଼ାଲେହେଁ ତାତେଏଁ । ୧ ଇତିହିଁ ନାନୁ ମାହାପୁରୁ ଅଶ୍ୱପୁତି ବଲୁ ସେହନି ବାଡ୍ଡୟୁ ମାନେ, ଅଡେ ବାରେ ତୁଗାମାନାଣି ଇଞ୍ଚି

ବୁଦିତିକାତା ପୁନାତେଏଁ, ଅଡେ ହରୁଇଁ ଏବ୍ବକା ଗୁଡ଼ି କିହାଲି ନାଡ୍ଡେ ହାରେକା ନାନୁ ମାତି ଜିକେଏ, ସାମା ନା ତାଣା ଜୀଞ୍ଜୁନନାୟି ହିଲେଏ, ଆତିହିଁ ନାନୁ ଏନାତେଏଁ ଆଏ । ୩ ଇତିହିଁ ନାନୁ ହିଲଆଗାତି ଲକୁଡାକି ଡ଼ିଞ୍ଚାଲି ବାରେ ଦନ ହାଉଁ, ଅଡେ ନାନୁ ନା ଆଡ୍ଡାତି ସେହାଲି ତାକି ହେବ୍ପିଇଁ, ସାମା ନା ତାଣା ଜୀଞ୍ଜୁନନାୟି ହିଲେଏ ଇତିହିଁ ନାଦି ଏନି ଲାବା ଆଏ । ୪ ଜୀଞ୍ଜୁନନାୟି ଅରହିନାୟି, ଜୀଞ୍ଜୁନନାୟି ନେହାଁଣି ଅଶ୍ୱପିନାୟି, ତାହାରା କିଆଗାଟାୟି, ବଡପଣ ଆଆଗାଟାୟି, ଆଡ୍ଡାରା କିଆଗାଟାୟି । ୫ ଲାଗେଏ କିହିଁ ଲେମ୍ବେଏ, ଜାହାରା ତାକି ଅଶ୍ୱପେଏ, ବିରିବିରା ଆଏ, ଲାଗେଏ କିହାଲି ଅଶ୍ୱପୁତା ଇଟେଏ । ୬ ଲାଗେଏତି କାମାତାକି ରାହାଁ ଆଆଗାଟାୟି, ସାମା ସାତାତା ରାହାଁ କିନାୟି; ୭ ଜୀଞ୍ଜୁ ନନିତାଣା ବାରେ ଅରହିନାୟି, ବାରେ ତାଣା ନାନିନାୟି, ବାରେ ତାଣା ବାସ୍ତୁ ହାନାୟି, ବାରେ କାତାତା ସାସା ଆହନାୟି । ୮ ଜୀଞ୍ଜୁନନାୟି ଏଚେଲା ରାଏ; ସାମା ମାହାପୁରୁ ଅଶ୍ୱପୁତି ବଲୁ ସେହନା ମାନାୟି, ଦିନା ଖାଡ଼ିସାରେ ମିତି ଜିକେଏ ଆନେ; ଏବ୍ବକା ଏବ୍ବକା ଜୁଲିନି ହାଡ଼ା ମାତି ଜିକେଏ ଏଦି ର ଦିନା ସାପି ଆନେ; ବୁଦିତିକାତା ମାତି ଜିକେଏ ଏଦି ମେଣ୍ଡେହାହାନ୍ । ୯ ଇତିହିଁ ମାର ରତାଣିଏ ପୁନାୟି ଅଡେ ମାହାପୁରୁ ଅଶ୍ୱପୁତି ବଲୁ ଇଟେକେଏ ସେହନାଲି ଆଡ଼ିନାୟି । ୧୦ ସାମା ପୁରା ଆନାୟି ଖାଡ଼ିହିଁ ଉଜେଏତାୟି ମେଣ୍ଡେହାହାନ୍ । ୧୧ ନାନୁ ଉଣା ମାତିବେଲା ଉଣା କକାରି ଲେହେଁ ଜୁଲି ମାତେଏଁ, ଉଣା କକାରି ଲେହେଁ ଅଶ୍ୱପିମାତେଏଁ, ଉଣା କକାରି ଲେହେଁ ପୁଞ୍ଚିମାତେଏଁ; ନାନୁ ପାତାଆତି ମାଣ୍ଡିୟି ଆୟାଲିଏ ନାନୁ ଉଣା କକାରି କାତା ପିସାତୁପ୍ତେଏଁ । ୧୨ ଇତିହିଁ ନାଏଁ ମାର ତୁଗାମାନି କାତା ଲେହେଁତି ବାପେଣିତା ମେସିମାନାୟି, ସାମା ଏଡିବେଲା ମୁମୁ ମୁମୁତା ମେସିପି ଆନାୟି; ନାଏଁ ନାନୁ ଏନିକି ପୁଞ୍ଚିମାଇଁ, ସାମା ଏଡିବେଲା ନାଡ୍ଡେ ଏନିକି ପୁଞ୍ଚିମାଞ୍ଚାନେସି, ନାନୁ ଜିକେଏ ଏଲେକି ତାୟୁ ପୁଇଁ । ୧୩ ଏଦାଆଁତାକି ନାନିନାୟି, ଆସା କିନାୟି, ଜୀଞ୍ଜୁନନାୟି, ଇ ତାନିଗଟା କାଲେଏତାଇ, ସାମା ଇ ବିଡ଼ାତି ଜୀଞ୍ଜୁନନାୟି ବାରେକିହାଁ କାଜାୟି ।

୧୪ ଜୀଞ୍ଜୁ ନନାଣି ପାରାଦୁ, ଅଡେ ସୁଦୁଜୀଞ୍ଜୁତି ଦାନା ବେଟାଆହାଲି ବାରେତି କିହାଁ ଏନିକି ମାହାପୁରୁ ଅଶ୍ୱପୁତି ବଲୁ ସେହନାଲି ଆଡ଼ିଦେରି, ଇଦାଆଁତାକି ହାରେକା ଅଶ୍ୱପାଦୁ । ୧ ଇତିହିଁ ଆମ୍ବାଆସି ଏବ୍ବକା ଏବ୍ବକାତି ହାଡ଼ାତଲେ ଜୁଲିନେସି, ଏଞ୍ଚିସି ମାଣ୍ଡିୟାଁଇଁ ଜୁଲିଅସି, ସାମା ମାହାପୁରୁଇଁ ଜୁଲିନେସି, ଆମ୍ବାଆସି ଏଦାଆଁ ଡେଲୁଅସି, ସାମା ଏଞ୍ଚିସି ସୁଦୁଜୀଞ୍ଜୁ ବାଡ୍ଡୟୁତି ତୁଗାମାନାଣି ସେହନେସି । ୩ ସାମା ଆମ୍ବାଆସି ମାହାପୁରୁ ଅଶ୍ୱପୁତି ବଲୁ ସେହନେସି, ଏଞ୍ଚିସି ଲକୁଇଁ ସାୟେମି କିହାନା, ସାସା ଅଡେ ବାସ୍ତୁତି କାତା ସେହନେସି । ୪ ଆମ୍ବାଆସି ଏବ୍ବକାତି ହାଡ଼ାତଲେ ଜୁଲିନେସି ଏଞ୍ଚିସି ଜାହାରା ନାନୁତା ପାତିକିହାଁ କଡିନେସି, ସାମା ଆମ୍ବାଆସି ମାହାପୁରୁ ଅଶ୍ୱପୁତି ବଲୁ ସେହନେସି ଏଞ୍ଚିସି କୁଲମିଇଁ ନାନୁତା ପାତିକିନେସି । ୫ ମାରୁ ବାରେତେରି ଏବ୍ବକା ହାଡ଼ାତଲେ ଜୁଲୁଇଁ ଇଞ୍ଚି ନା ଅଶ୍ୱପୁ, ସାମା ମାରୁ ମାହାପୁରୁ ଅଶ୍ୱପୁତି ବଲୁ ସେହନୁ

ଇଦି ହାରେକା ନା ଅଣ୍ଟୁ; ଆମ୍ବାଆସି ଏବ୍‌କା ଏବ୍‌କାତି ହାତାତଲେ ଜ୍ଞାନିନେସି ଏଞ୍ଜାସି କୁଲମିତି ପାଡିକିହାଲି ଏ କାତାତି ଅର୍ତ୍ତ ଖେହୁଅସି ଇତିହିଁ ଏଦାଣିକିହିଁ ଆମ୍ବାଆସି ମାହାପୁରୁ ଅଣ୍ଟୁତି ବଲୁ ଖେକ୍‌ନେସି ଏଞ୍ଜାସି କାଜାସି । ୭ ଏଦାଆଁତାକି ତାୟିୟାଁତେରି ନାନୁ ମୀ ତାଣା ଖାହାନା ମାହାପୁରୁତି ଖେକ୍‌ସି ବଲୁ, ବୁଦିତାକାତା, ମାହାପୁରୁ ଅଣ୍ଟୁତି କାତା ଖେକ୍‌ନାଣି କି ଜାପ୍‌ନି କାତା ଖେହୁଆନା, ଏବ୍‌କା ଏବ୍‌କାତି ହାତାତଲେ ଜ୍ଞାନି, ଆତିହିଁ ଏମ୍ବାଆଁ ନାନୁ ମୀ ଏନି ଲାବା କିତେଏଁ । ୮ ପୀରୁଡି ଅଡେ ସେବ୍‌ଡ୍ଢି ଲେହେଁତି ଜୀଝୁ ହିଲୁଆଗାଟି ବାଜାୟାଁ ଉକିତିହିଁ ଜିକେଏ ଏମ୍ବାଆଁ ତାନି ତିସା ହୁଏ ଇତିହିଁ ପୀରୁଡି ଏନିକିଁ ଡାହିମାନେ ସେବ୍‌ଡ୍ଢି ଏନିକିଁ ଡାହିମାନେ ଏଦାନି ତିସା ଏନିକିଁ ପୁନେରି? ୮ ଇଞ୍ଜାଁ ତୀତି ଉକିନାସି ନେହିଁକିଁ ଉକଅସି ଆତିହିଁ ଆମ୍ବାଆସି କୁଲୁ ତାକି ତିୟା ଥାନେସି । ୯ ଏଲେକିହିଁଏ ମୀରୁ ଜିକେଏ ଏବ୍‌କା ହାତାତଲେ ନେହିଁ ତାରିତଲେ ଜ୍ଞାନିଅତେରି, ମୀରୁ ଏନାଆଁ ଜ୍ଞାନିତେରି ଏନିକିଁ ପୁନେରି, ଇତିହିଁ ମୀରୁ ଜ୍ଞାନିନାୟି ଗାଲିତି ଜ୍ଞାନିଲେହେଁ ଆନେ । ୧୦ ଦାର୍‌ଡିତା ହାରେକା ତିସା ମାନେ, ଅଡେ ଆମିନି ତିସାତି ଅର୍ତ୍ତ ହିଲୁଆଗାଟାଲ ଆଏ । ୧୧ ସାମା ନାନୁ ଏ ଜ୍ଞାନି ହାତା ତେଲୁହଅଁ ଆତିହିଁ ଆମ୍ବାଆସି ଜ୍ଞାନିନେସି ନାନୁ ଏଞ୍ଜାଣାକି ପୁନାଆତାତେଏଁ ଲେହେଁ ଆଇଁ, ଅଡେ ଏଞ୍ଜାସି ନା ତାଣାଟି ପୁନାଆତାସି ଲେହେଁ ଆନେସି । ୧୨ ଏଲେକିହିଁଏ ମୀରୁ ଜିକେଏ ଜୀଝୁତି ଦାନା ବେଟାଆହାଲି ଅଣ୍ଟି ମାନାକି କୁଲମିତି ପାଡିକିହାଲି ଗାଟି ବେଟାଆହାଲି ଅଣ୍ଟପାତୁ । ୧୩ ଆମ୍ବାଆସି ଏବ୍‌କାତି ହାତାତଲେ ଜ୍ଞାନିନେସି, ଏଞ୍ଜାସି ଏନିକିଁ ଏମ୍ବାତି ଅର୍ତ୍ତ ଖେସାଲି ଆତିନେସି, ଏଦାଆଁତାକି ପ୍ରାତାନା କିପେସି । ୧୪ ଇତିହିଁ ନାନୁ ଏବ୍‌କା ହାତାତଲେ ପ୍ରାତାନା କିଇଁ, ଇତିହିଁ ନା ଜୀଝୁ ପ୍ରାତାନା କିନେ, ସାମା ନା ଅଣ୍ଟୁ ଏମ୍ବାତି ଏନି ଲାବା ହିଲେଏ । ୧୫ ଆତିହିଁ ନାନୁ ଏନାଆଁ କିନାୟିମାନେ, ନାନୁ ସୁଦୁଜୀଝୁ ତଲେ ପ୍ରାତାନା କିଇଁ; ଇଞ୍ଜାଁ ବୁଦିତଲେ ଜିକେଏ ପ୍ରାତାନା କିଇଁ; ସୁଦୁଜୀଝୁ ତଲେ ଜହରା ପୀରୁ ପାଡିଇଁ, ଅଡେ ବୁଦିତଲେ ଜିକେଏ ଜହରା ପୀରୁ ପାଡିଇଁ । ୧୬ ନାନୁ ଖାର୍‌ଇ ସୁଦୁଜୀଝୁ ତଲେ ମାହାପୁରୁଇଁ ଜହରା କିଦି, ଏମ୍ବାଆଁ କୁଗାମାନାସି ପୁନାଆନା ଏନିକିଁ ନୀ ପ୍ରାତାନାତା ଡାୟୁ ଆମେନ୍ ଇନେସି । ୧୭ ଇତିହିଁ ନାନୁ ନେହିଁକିଁ ମାହାପୁରୁଇଁ ଜହରା କିହିମାଞ୍ଜୁ ସାତା, ସାମା ଏବ୍‌କାତାସି ପାତାଆଅସି । ୧୮ ନାନୁ ମୀ ବାରେକିହିଁ ହାରେକା ଗାଟି ଏବ୍‌କାତି ହାତାତଲେ ଜ୍ଞାନିଇଁ ଇଞ୍ଜାଁ ନାନୁ ମାହାପୁରୁଇଁ ଜହରା କିହିମାଇଁ; ୧୯ ଆତିଜିକେଏ ନାନୁ ଏନିକିଁ ଏବ୍‌କାତାରାଇଁ ଜାପ୍‌ହାଲି ଆତିଇଁ, ଏଦାଆଁତାକି କୁଲମିତା ଦସ ମାଣା ଏବ୍‌କାତି କାତାୟାଁ ଜ୍ଞାନି କିହିଁ ବୁଦିତଲେ ପାସାଗଟା କାତା ଖେହୁନାୟି ନେହେଁ । ୨୦ ଏ ତାୟିୟାଁତେରି ବୁଦିତା ଉଣା କକାରି ଲେହେଁ ଆଆଦୁ, ସାମା ଲାଗେଏ ପୁଲେଏ କାତାତାକି ଉଣା କକାରି ଲେହେଁ ଆଦୁ, ସାମା ବୁଦିତା ଅଡେ ଅଣ୍ଟପାତା ପାତାଆତି ଲୁକୁଲେହେଁ ଆଦୁ । ୨୧ ମସା ମେରାତା ରାସ୍‌କି ଆହାମାନେ, “ପ୍ରବୁ ଏଲେ ଇଞ୍ଜାମାନେସି, ଏବ୍‌କା ଦେସାତି

ଜ୍ଞାନିମାନି ହାତାତଲେ, ଏବ୍‌କା ଲୁକୁତି ଗୁଡି ତଲେ ନାନୁ ଇ ଲୁକୁଣି ଜ୍ଞାନି, ଆତିଜିକେଏ ଏଞ୍ଜାରି ନା କାତା ଖେନଅରି ।” ୨୨ ଏଦାଆଁତାକି ଏବ୍‌କା ହାତାତଲେ ଜ୍ଞାନିନାୟି ନାନୁ ଗାଟାରାକି ର ସିନାଲେହେଁ ଆଏ, ସାମା ନାନାଆ ଗାଟାରାକି ସିନା ସମାନା; ଅଡେ ଅରଞ୍ଜାକି ମାହାପୁରୁ ଅଣ୍ଟୁତି ବଲୁ ଖେକ୍‌ନାୟି ନାନାଆ ଗାଟାରାକି ସିନାଲେହେଁ ଆଏ, ସାମା ନାନିନାରାକି ସିନା ସମାନା । ୨୩ ଅଡେ ଜିକେଏ ବାରେ କୁଲମିତି ଲୁକୁ ଗୁଣ୍ଡା ଆତିହିଁ, ଇଞ୍ଜାଁ ବାରେଜାଣା ଏବ୍‌କା ଏବ୍‌କା ହାତାତଲେ ଜ୍ଞାନିନେରି, ଅଡେ ପୁନାଆତାରି କି ନାନାଆତାରି ଏମ୍ବାଆଁ ଖାନେରି, ଆତିହିଁ ମିଡ୍ଢେ ବାୟା ଆତାରି ଇଞ୍ଜାଁ ଇନଅରି କି? ୨୪ ସାମା ବାରେଜାଣା ମାହାପୁରୁ ଅଣ୍ଟୁତି ବଲୁ ଖେକ୍‌ନେରି, ରଅସି ପୁନାଆତାସି କି ନାନାଆତାସି ଖାନେସି, ଆତିହିଁ ଏଞ୍ଜାସି ନାନୁ ପାପୁ ଗାଟାତେଏଁ ଇଞ୍ଜାଁ ପୁଞ୍ଜା କିତିନେସି ଅଡେ ଏଞ୍ଜାସି ବାରେ ଲୁକୁଡାଣା ଦହଗାଟାସି ଇଞ୍ଜାଁ ବିଚାରା ଆନେସି । ୨୫ ଅଡେ ତାନି ହିୟାଁତା ଦୁଗାମାନି ପାପୁତି ଅଣ୍ଟୁ ବାରେ ଡଞ୍ଜାଆନେ; ଇଞ୍ଜାଁ ଏଞ୍ଜାସି ମୁରୁ କୁତାହାଁ ମାହାପୁରୁଇଁ ଜହରା କିନେସି, ଇଞ୍ଜାଁ “ସାତେଏ ମାହାପୁରୁ ମୀ ତାଣା ମାନେସି ଇଞ୍ଜାଁ ଇନେସି ।” ୨୬ ଏଦାଆଁତାକି ଏ ତାୟିୟାଁ ଅଡେ ତାଞ୍ଜିୟାତେରି, ଏନାଆଁ କିନାୟିମାନେ? ମୀରୁ ଗୁଣ୍ଡା ଆନାଟି ଆମ୍ବାଆରି ର ପୀରୁ, ଆମ୍ବାଆରି ର କାତା ଜାପ୍‌ନାୟି, ଆମ୍ବାଆରି ମାହାପୁରୁ ଡସାମାନି ବଲୁ ଖେକ୍‌ନାୟି, ଆମ୍ବାଆରି ଏବ୍‌କା ଏବ୍‌କାତି ହାତା ଜ୍ଞାନିନାୟି, ଆମ୍ବାଆରି ହାତାତି ଅର୍ତ୍ତ ପୁଣ୍ଡାମିକିନାୟି, ଇଲେକିଁ ବାରେତାକି ଏନାୟି ଆଆତି ଏନାୟି ମାନେ, ଇ ବାରେ କୁଲମିତି ପାଡିକିହାଲି କିଞ୍ଜାପାପେ । ୨୭ ଆମ୍ବାଆରି ଏବ୍‌କା ହାତାତଲେ ଜ୍ଞାନିନେରି ଇତିହିଁ ରିଆରି ଆଆତି ତାନିଜାଣା ପାଲି କିହିଁ ଜ୍ଞାନାପେରି ଅଡେ ରଅସି ତାନି ଅର୍ତ୍ତ ଖେସ୍‌ପାସି । ୨୮ ସାମା ଆମ୍ବାଆସି ଅର୍ତ୍ତ ତେଲୁହିଁ କିନାସି ହିଲଅସି ଇତିହିଁ ଏଞ୍ଜାସି କୁଲମିତା ପାଲେଏ ମାଣ୍ଡମେସି, ଇଞ୍ଜାଁ ତାନୁ ତାନି ହିୟାଁତା ମାହାପୁରୁଇଁ ଖେସ୍‌ପାସି । ୨୯ ଅଡେ ରିଆରି କି ତାନି ଜାଣା ମାହାପୁରୁ ଅଣ୍ଟୁତି ବଲୁ ଖେସ୍‌ପେରି, ଅଡେ ଏବ୍‌କାତାରି ଖେସିମାନାଣି ନେହିଁକିଁ ଖେଣ୍ଡାମ୍ବୁରି । ୩୦ ସାମା ଏମ୍ବାଆଁ କୁଗାମାନାରି ବିଡା ଆମ୍ବାଆରାକି ମାହାପୁରୁତି ଏନି ବଲୁ ଖାତିସାରେ ନକେଏ ଖେସିମାନାସି ପାଲେଏ ମାଣ୍ଡମେସି । ୩୧ ଇତିହିଁ ଏନିକିଁ ବାରେଜାଣା ଜାପିନେରି, ଇଞ୍ଜାଁ ବାରେଜାଣା ସେଦ୍‌ନା ଆନେରି, ଏଦାଆଁତାକି ରଅ ରଅତେରି ମାହାପୁରୁ ଅଣ୍ଟୁତି ବଲୁ ଖେସାଲି ଆତିଦେରି । ୩୨ ସାମା ମାହାପୁରୁତି ବଲୁ ଖେହୁନି ବାଡ୍‌ୟୁ ଖେହୁନାଣି ତାଣାଟି ଲପ୍‌କି ଆନାୟି ମାନେ । ୩୩ ଏନାଆଁତାକି ଇତିହିଁ ମାହାପୁରୁ ଗଡ୍‌ହା କିନି ମାହାପୁରୁ ଆଏ, ସାମା ହିଡ୍‌ଡିତି ମାହାପୁରୁ । ଏନିକିଁ ମାହାପୁରୁ ସୁଦୁ ଲୁକୁତି କୁଲମିତା ଆନେ । ୩୪ ଏଲେକିଁ ଇୟାସିକା କୁଲମିତା ପାଲେଏ ମାଣ୍ଡମ୍, ଇତିହିଁ କାତା ଜ୍ଞାନାଲି ଏଞ୍ଜା ହେଲ ବେଟା ଆହାହିଲାର, ମସା ମେରାତା ରାସ୍‌କି ଆହାମାନି ଲେହେଁ ଏଞ୍ଜା ମାନି ତଲେ ମାନାପୁ । ୩୫ ସାମା ଇୟାସିକା ଏନାଆଁ ପୁଞ୍ଜାଲି ଅଣ୍ଟପିତିହିଁ, ତାନି ଇଜ ତାନି ତକାୟାଁଣି ଖେଣ୍ଡାମ୍ବୁ, ଇତିହିଁ କୁଲମିତା କାତା ଜ୍ଞାନିନାୟି ଇୟାନାକି ଲାଜାତି କାତା

। ୩୭ ମାହାପୁରୁତି ବଲ୍ଲୁ ମୀ ଚାଣାଟି ହରାମାନେ କି? ଇଚ୍ଛାଁ ଖାର୍‌ଇ ମିଢ଼େଟାକି ଖାହାମାନେ କି? ୩୭ ଆତ୍ମାଆସି ନାନୁ ମାହାପୁରୁ ଅଣ୍ଟପୁତି ବଲ୍ଲୁ ଷ୍ଟେହନାଦେବ, ଇଚ୍ଛାଁ ନେହିଁ ଜୀଞ୍ଜୁତି ଦାନା ବେଟାଆହାମାଇଁ ଇଚ୍ଛାଁ ଅଣ୍ଟପିନେସି, ଆତିହିଁ ନାନୁ ମିଢ଼ୁ ଏନା ଏନାଆଁ ରାତିମାଞ୍ଜାଇଁ, ଏଦି ବାରେ ମାହାପୁରୁତି ହୁକୁମି ଏଦାଆଁ ଏଖାସି ପୁନାପେସି । ୩୮ ସାମା ଆତ୍ମାଆସି ତେଲ୍‌ହଅସି ଆତିହିଁ ଏଖାସି ଏନାଆଁ ତେଲ୍‌ହଆନା ମାନାପେସି । ୩୯ ଏଦାଆଁତାକି ତାୟିୟ, ମାହାପୁରୁ ଅଣ୍ଟପୁତି ବଲ୍ଲୁ ଷ୍ଟେହଲି ଅଣ୍ଟପେମାଞ୍ଜୁ; ଇଚ୍ଛାଁ ଏବ୍‌କାତି ହାତା ଜଲାଇ କାହିକିଆପୁ । ୪୦ ସାମା ବାରେ କାମା ନେହିଁତଲେ ସୁସ୍ତି ତଲେ କିନାୟିମାନେ ।

୧୫ ନା ତାୟିୟ ଅଡ଼େ ତାଢ଼ିସ୍ଥାତେରି, ନାନୁ ମୀ ଚାଣା ଆମିନି ନେହିଁ କାରୁ ଷ୍ଟେହମାଚେବ, ଆମିନି କାରୁ ମୀରୁ ତୀରିତଲେ ଆସାମାଚେରି ଆମିନି ଚାଣା ତୀରିତଲେ ମାଞ୍ଜୁମାଞ୍ଜେରି, ନାନୁ ଏନିକିଁ ମୀ ଚାଣା ଷ୍ଟେହମାଚେବ, ଏଦାଆଁ ମିଢ଼େ ଅଣ୍ଟପି କିହିମାଞ୍ଜାଇଁ । ୧ ମିଢ଼େ ଷ୍ଟେହମାଞ୍ଜୁନି ନେହିଁ କାରୁ ମୀରୁ ଜାଣେ ଆସା ମାଚିହିଁ, ଇ ନେହିଁ ବଲ୍ଲୁ ତାକି ମୀରୁ ଗେଲ୍‌ପି ଆହାମାଞ୍ଜେରି, ଆଆତିଁ ମୀରୁ ଉଜେଏ ନାନୁ ଗାଟାଚେରି ଆହାମାଚେରି । ୩ ଇତିହିଁ ନାନୁ ଆମିନି ଜାପ୍‌ନାଣି ବେଟା ଆହାମାଚେବ, ଏ ବିତ୍ରାଟି ଇ କାଜା କାତା ମିଢ଼େ ହାହାମାଞ୍ଜାଚେବ, ଇତିହିଁ କ୍ରୀସ୍ତ ବାର୍ଣ୍ଣ ପତିତା ରାସ୍କି ଆହାମାନି ଲେହେଁ ମା ପାପୁ ତାକି ହାଚେସି । ୪ ମୁସ୍‌ପି ଆଚେସି, ଇଚ୍ଛାଁ ବାର୍ଣ୍ଣ ପତିତା ରାସ୍କି ଆହାମାନି ଲେହେଁ; ତାନିଦିନା ତାୟିୟ ହାକିଟି ଷ୍ଟେଣ୍ଡେ ନିଢ଼ୁଚେସି । ୫ ଏଖାସି କେପା ଅଡ଼େ ବାରଜାଣା ସାପୁୟାଣି ତଞ୍ଜୁଆଚେସି । ୬ ତାୟିୟ ରଣ୍ଡିଏ ଦେବା ପାସା ଖାଞ୍ଜୁଟିଏ ଆଗାଡ଼ା ତାନି ଜେଚ ହାନି ତାୟିୟାଇଁ ତଞ୍ଜୁଆଚେସି; ଏଖାରି ବିତ୍ରାଟି ହାରେକା ଲକୁ ନାଞ୍ଜୁପାଚେକା ନୀତାମାନେରି, ସାମା ଏଚେକା ଲକୁ ହାହାମାନେରି । ୭ ଏଚେଟିଏ ଏଖାସି ଜାକୁବଇଁ ଇଚ୍ଛାଁ ତାୟିୟ ବାରେ ପାଣ୍ଡି ଆଚାରାଇଁ ତଞ୍ଜୁଆଚେସି । ୮ ବାରେତି ତାୟିୟ ଲେଞ୍ଜୁ ପୁରାଆଆନା ଜାର୍‌ନିଆତି ଲେହେଁ ତାଚେବ ନାଢ଼େ ଜିକେଏ ତଞ୍ଜୁ ଆୟାଚେସି । ୯ ଇତିହିଁ ମାହାପୁରୁତି କୁଲମିତି ଲକୁଇଁ ସାସ୍ତି ହାହିମାତାକି ପାଣ୍ଡି ଆହାମାନାରି ଚାଣା ବାରେକିହାଁ ନାନୁ ଉଣାଚେବ, ଇଚ୍ଛାଁ ପାଣ୍ଡିଆହାମାନି ଦରୁ ବେଟାଆହାଲି ପାଡ଼ା ଆଆଗାଟାଚେବ । ୧୦ ସାମା ନାନୁ ଏନି ଆହାମାଇଁ, ଏଦି ମାହାପୁରୁ କାର୍‌ମାମେହନି ଚାଣାଟି ଆହାମାନେ, ଇଚ୍ଛାଁ ନା ତାକି ତାନି କାର୍‌ମାମେହନାୟି ଉଜେଏ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାରେକା କାମା କିହାମାଇଁ, ଆତିଜିକେଏ ନାନୁ ଆଏ, ସାମା ମାହାପୁରୁତି କାର୍‌ମାମେହନାୟି ଏଦାଆଁ କିହାମାନେ । ୧୧ ଏଦାଆଁତାକି ନାନୁ ଆପେ କି ଏଖାରି ଆପେରି ଏଲେକିହିଁ ମାମୁ ଷ୍ଟେସିମାନମି ଅଡ଼େ ମୀରୁ ଜିକେଏ ଏଲେକିହିଁ ନାମାମାଞ୍ଜେରି । ୧୨ କ୍ରୀସ୍ତ ହାକିଟି ନିଢ଼ୁମାନେସି ଇଚ୍ଛାଁ ଇ କାରୁ ଷ୍ଟେସି ଆହାମାନେ, ଆତିହିଁ ହାତାରି ଷ୍ଟେଣ୍ଡେ ନିଢ଼ୁନାୟି ହିଲେଏ ଇଚ୍ଛାଁ ଏନିକିଁ ମୀ ବିତ୍ରାଟି ଏଚରଜାଣା ଏଲେ ଇଚ୍ଛାଁମାନେରି? ୧୩ ହାତାରି ଷ୍ଟେଣ୍ଡେ ନିଢ଼ୁନାୟି ହିଲେଏ, ଇତିହିଁ କ୍ରୀସ୍ତ ଜିକେଏ ଷ୍ଟେଣ୍ଡେ ନିଢ଼ୁ ହିଲଅସି

। ୧୪ ଇଚ୍ଛାଁ କ୍ରୀସ୍ତ ହାକିଟି ଷ୍ଟେଣ୍ଡେ ନିଢ଼ୁ ହିଲଅସି, ମାମୁ ଷ୍ଟେହମାନାୟି ବାରେ ଉଜେଏତାୟି, ଅଡ଼େ ମୀ ନାନୁ ଜିକେଏ ଉଜେଏତାୟି । ୧୫ ଅଡ଼େ ମାମୁ ମାହାପୁରୁତି ମିଟି ଷ୍ଟେହନିଲେହେଁ ତଞ୍ଜୁଆନେ, ଏନାଆଁତାକି ଇତିହିଁ ମାମୁ ମାହାପୁରୁ କପାଟି ଇ କାତା ସାକି ହାତମିମା କି କ୍ରୀସ୍ତଇଁ ନିକହାମାନେସି, ସାମା ହାତାରି ନିଢ଼ୁଅରି, ଆତିହିଁ ଏଖାସି କ୍ରୀସ୍ତଇଁ ଜିକେଏ ନିକହା ହିଲଅସି । ୧୬ ଏଲେଆହିଁ ହାତାରି ନିଢ଼ୁହିଲଅରି, ଆତିହିଁ କ୍ରୀସ୍ତ ଜିକେଏ ନିଢ଼ୁ ହିଲଅସି । ୧୭ ଇଚ୍ଛାଁ କ୍ରୀସ୍ତ ନିଢ଼ୁ ହିଲଅସି ଇତିହିଁ ମୀ ନାନୁ ଜିକେଏ ଉଜେଏତାୟି ଆନେ, ଇଚ୍ଛାଁ ମୀରୁ ନୀଏଁ ପାଚେକା ମୀ ପାପୁ ତଲେ ମାଞ୍ଜୁମାଞ୍ଜେରି । ୧୮ ଆତିହିଁ ଆତ୍ମାଆସି କ୍ରୀସ୍ତ ଚାଣା ନାମାମାଞ୍ଜୁନା ହାହାମାନେରି, ଏଖାରି ଜିକେଏ ନାସା ଆହାମାନେରି । ୧୯ ମୀରୁ ଖାର୍‌ଇ ଇ ଜୀଞ୍ଜୁତାକି କ୍ରୀସ୍ତଇଁ ଆସା କିହିମାନାୟି, ଆତିହିଁ ମୀର ବାରେ ମାଣ୍ଡିୟାଁ କିହାଁ କାର୍‌ମା ହିଲଆଗାଟାତାୟି । ୨୦ ସାମା ସାତାତଲେ କ୍ରୀସ୍ତ ହାକି ଲକୁତି ମୁଲୁତି ପାଡ଼େୟି ଲେହେଁ ହାତାରି ବିତ୍ରାଟି ଷ୍ଟେଣ୍ଡେ ନିଢ଼ୁମାନେସି । ୨୧ ଇତିହିଁ ମାଣ୍ଡି ଚାଣାଟି ହାନାୟି ଖାହାମାନାକି ଅଡ଼େ ମାଣ୍ଡି ଚାଣାଟିଏ ହାତାରି ବିତ୍ରାଟି ଷ୍ଟେଣ୍ଡେ ନିଢ଼ୁନାୟି ଜିକେଏ ଖାହାମାନେ । ୨୨ ଇତିହିଁ ଆଦମ ଚାଣାଟି ବାରେ ମାଣ୍ଡିକି ହାକି ଖାଚେ, ଏଲେକିହିଁଏ କ୍ରୀସ୍ତ ଚାଣାଟି ବାରେଜାଣା ଜୀଞ୍ଜୁ ବେଟାଆନେରି । ୨୩ ସାମା ବାରେଜାଣା ତାନି ପାଲି ଏତିସାରେ ତଲିତି ପାଡ଼େୟି କ୍ରୀସ୍ତ, ତାୟିୟ କ୍ରୀସ୍ତୁଟି ଖାନିଦିନାଟି କାତାମାନାରି ଷ୍ଟେଣ୍ଡେ ନିଢ଼ୁନେରି । ୨୪ ଏଚେଟିଏ ଜୁଜୁ ରାନି ଦିନା ଖାନେ, ଏତିବେଲାତା କ୍ରୀସ୍ତ ବାରେ କାଜାପାଣା, ବାରେ ଅଦିକାରା, ବାଡ଼ୁୟୁ ମେକ୍‌ହି ତାୟିୟ ଆବା ମାହାପୁରୁକି ସାଲଞ୍ଜି କିନି ପାଣା ହେଉପିନେସି । ୨୫ ମାହାପୁରୁ ବାରେ ସାତୁୟାଁଇଁ ହାରଞ୍ଜି କିହାଁ କ୍ରୀସ୍ତୁଟି କତାୟି ତୁଇ ଇଟାଆ ପାଚେକା ଏଖାସି ସାଲଞ୍ଜି କିନାୟିମାନେ । ୨୬ ତାୟିୟ ସାତୁ ସମାନା ହାକିଟି ଜିକେଏ ମେକ୍‌ହାନାୟି ମାନେ; ୨୭ ଏନାଆଁତାକି ଇତିହିଁ ବାର୍ଣ୍ଣପତିତା ରାସ୍କି ଆହାମାନେ, “ମାହାପୁରୁ ବାରେତି ତାନି କର୍‌ତା ତୁଇ ଲକ୍‌ନେସି,” ଇଚ୍ଛାଁ ଏଚେଟା ଏଖାସି ଏଲେଇନେସି, “ବାରେ ଲକ୍‌ହାମାନେସି,” ଏଦି ସାତା କ୍ରୀସ୍ତ ବାରେ ତାନୁ ଲକ୍‌ହେସି, ଏ ବାରେ ଚାଣା ତାନୁ ଆଣ୍ଡା ହାଲଅସି । ୨୮ ଅଡ଼େ ବାରେତି କ୍ରୀସ୍ତ କତାୟି ତୁଇ ଲକ୍‌ହି ଜେଚ, ଆତ୍ମାଆସି ବାରେତି ତାନି ଚାଣା ଲକ୍‌ହେସି, ମୀରୁଏସି ଜିକେଏ ତାନି ଆବା ମାହାପୁରୁ ତୁଇ ତୁୟିନେସି; ଅଡ଼େ ମାହାପୁରୁ ବାରେତି ଲାକ ସାଲଞ୍ଜି କିନେସି । ୨୯ ହାତାରି ନିଢ଼ୁଆସାରେ, ଆତ୍ମାଆସି ହାତାରି ତାକି ବାପୁସ୍ତୁ ଅନେରି, ଏଖାରି ଏନାଆଁ କିନେରି? ଆତିହିଁ ହାତାରି ନିଢ଼ୁଆସାରେ, ଏଖାରି ତାକି ଏନାଆଁତାକି ବାପୁସ୍ତୁ ଆନେରି । ୩୦ ଅଡ଼େ ମୀର ଜିକେଏ ଏନାଆଁତାକି ବାରେବେଲା ତଣ୍ଡୁ ତଲେ ନାସା ଆନି ଚାଣା ହାନାୟି? ୩୧ ତାୟିୟ ଅଡ଼େ ତାଢ଼ିସ୍ଥାତେରି, ମା ପ୍ରବୁ କ୍ରୀସ୍ତ ଚାଣା ମିଢ଼େଟାକି ନାନୁ ଆମିନି ବଚପଣ ଆହାମାଇଁ, ଏମୁତି ମାନି କିହାଁ ଏଲେ ଇଚ୍ଛାଁମାଇଁ, ନାନୁ ବାରେଦିନା ହାନିଲେହେଁତ କସ୍ତ ବେଟାଆହିମାଇଁ । ୩୨ ଇତିହିଁ ମାଣ୍ଡିଇଁ ଅଣ୍ଟପିନି ଲେହେଁ ଏପିସିୟ ଗାଡ଼ାତା ନାନୁ ଖାର୍‌ଇ “ଜାଡ଼ା ଜନ୍ତୁୟାଁ” ତଲେ

ଜୁଜୁ କିହାମାଇଁ, ଆତିହିଁ ଏମ୍ବାଆଁ ନାଟ୍ଟେ “ଏନି ଲାବା?” ସାମା ହାତାରି ନିଟ୍ଟୁଅରି, “ଆତିହିଁ ଖାଦୁ ମାର ତିନ ରନ ଇତିହିଁ ଖିଏ ମାର ହାନାୟି ।” ୩୩ ମାରୁ ନାଡ଼ି ଆଥାଦୁ, “ଇତିହିଁ ପଲ୍ଲଆ ଗାଟାରି ଚଡ଼ୁ ନେହିଁ ଲକ୍ଷୁତି ଗୁଣ୍ଡୁ ନସୁ କିନେ ।” ୩୪ ମାରୁ ନେହିଁକି ଜାଗ୍ରାତା ଆଦୁ, ପାପୁ କିଆଦୁ, ଇତିହିଁ ଆମ୍ବା ଆମ୍ବାଆରାକି ମାହାପୁରୁଇଁ ପୁନି ବୁଡ଼ି ହିଲେଏ; ନାନୁ ମୀ ଲାଜା ତାକି ଇ କାତା ଖେସିମାଞ୍ଜାଇଁ । ୩୫ ସାମା ଆମ୍ବାଆରି ଏଲେଇନେରି, “ହାତାରି ଏନିକି ନିଟ୍ଟୁନେରି? ଏନିଲେହେଟି ଆଟ୍ଟା ତଲେ ଏଞ୍ଜାରି ଖାନେରି?” ୩୬ ବୁଡ଼ି ହିଲଆ ଗାଟାଟେରି, ମାରୁ ଏନାଆଁ ମାଟିମାଞ୍ଜେରି ଏଡ଼ି ହାଆସାରେ ଖେଣ୍ଡେ ଜାଝୁଆହାଁ ଗଜା ଆଏ । ୩୭ ଅଡ଼େ ଏନିନି ଆଟ୍ଟା ଆନେ ଏଦାଆଁ ମାରୁ ମାଟିହିଲଅତେରି, ସାମା ଗହାୟଁ ଆପୁ କି ଏନି ଆନାଁ ଆପେ, ଏଡ଼ି ପାଡ଼େୟି ଲେହେଁ । ୩୮ ସାମା ମାହାପୁରୁ ତାନି ଅଣପୁ ଲେହେଁ ଏଞ୍ଜାରାକି ଆଟ୍ଟା ହାନେସି, ଅଡ଼େ ବାରେ ପାଡ଼େୟି ତାକି ତାନି ଆଟ୍ଟା ହାନେସି । ୩୯ ବାରେ ଆଟ୍ଟା ରଣ୍ଡିଏ ରଲେଏତି ଆଟ୍ଟା ଆଏ, ସାମା ମାଣ୍ଡିୟାକି ରଲେତି ଆଟ୍ଟା, ଜନ୍ଦୁୟାକି ରଲେତି ଆଟ୍ଟା, ଅଡ଼େ ପଟାୟାକି ଅର ରଲେତି ଆଟ୍ଟା, ଅଡ଼େ ମାଣ୍ଡିକା ତାକି ଅର ରଲେତି ଆଟ୍ଟା । ୪୦ ଲାକପୁରୁକି ଆଟ୍ଟା ମାନେ, ଅଡ଼େ ଦାରୁତିକି ଆଟ୍ଟା ଜିକେଏ ମାନେ, ଲାକପୁରୁତି ଆଟ୍ଟା ରଲେତି ଅଜୁ, ଅଡ଼େ ଦାରୁତିତି ଆଟ୍ଟାତି ଅଜୁ ଅର ରଲେତାୟି । ୪୧ ଖେଡ଼ାତି ଉଜେଡ଼ି ରଲେତାୟି, ଅଡ଼େ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡ଼େ ହୁକାୟାତି ଉଜେଡ଼ି ରଲେତାୟି, ଇଞ୍ଜିଁ ର ହୁକା ଚିଏ ଅର ହୁକାତି ଉଜେଡ଼ି ଅର ରଲେତାୟି । ୪୨ ହାତାରି ନିଟ୍ଟୁନାୟି ଜିକେଏ ଏଲେତାୟିଏ, ନାସା ଆନିଲେହେଁ ମାଟ୍ଟକି ଆନେ, ସାମା ନାସା ଆଆଗାଟାୟି ଲେହେଁ ନିଟ୍ଟୁନେ; ୪୩ ଲଡ଼ାହିଲଆ ଗାଟାୟି ଲେହେଁ ମାଟ୍ଟକି ଆନେ ଏଡ଼ି ଗାଝୁରମି ତଲେ ନିଟ୍ଟୁନେ; ବାଡ଼ୁୟି ହିଲଆଗାଟାୟି ଲେହେଁ ମାଟ୍ଟକି ଆନେ, ବାଡ଼ୁୟି ଗାଟାୟି ଆହାଁ ନିଟ୍ଟୁନେ । ୪୪ ଇର୍ଆତି ଆଟ୍ଟା ତଲେ ମୁସପିଆନେ ଜାଝୁତି ଆଟ୍ଟା ତଲେ ନିଟ୍ଟୁନେ; ସାମା ଇର୍ଆତି ଆଟ୍ଟା ମାନେ ଇତିହିଁ ଜାଝୁତି ଆଟ୍ଟା ଜିକେଏ ମାନେ । ୪୫ ଦାର୍ମପତିତା ରାସକି ଆହାମାନେ, ତଲିତି ମାଣ୍ଡି ଆଦମ ଜାଝୁତି ମାଣ୍ଡି କିହିଁ ଗାଡ଼ି ଆତେସି; ସାମା ଡାୟୁତି ଆଦମ ପୁଣ୍ଡା ହାନି ଜାଝୁ ଆତେସି । ୪୬ ସାମା ଜାଝୁ ଗାଟାସି ନକେଏ ଆଏ, ଆଟ୍ଟା ତଲେତାସି ନକେଏ, ଅଡ଼େ ଡାୟୁ ଜାଝୁ ଗାଟାସି ଆତେସି । ୪୭ ନକେଏତି ମାଣ୍ଡି ଆଦମ ଦାରୁତିତି ମାନି ଇର୍ଆ ତଲେ ଗାଡ଼ି ଆହାମାନେସି, ଅଡ଼େ ଡାୟୁତି ମାଣ୍ଡି ଲାକପୁରୁତି ଖାହାମାନେସି । ୪୮ ଆମ୍ବାଆରି ଇର୍ଆ ତଲେ ଗାଡ଼ି ଆହାମାନେରି, ଏଞ୍ଜାରି ଇର୍ଆତି ଗାଡ଼ି ଆତି ଏ ମାଣ୍ଡିଲେହେଁ, ଇଞ୍ଜିଁ ଆମ୍ବାଆରି ଲାକପୁରୁତାରି ଏଞ୍ଜାରି ଲାକପୁରୁତି ଖାହାମାନି ଏ ମାଣ୍ଡି ଲେହେଁତାରି । ୪୯ ଅଡ଼େ ମାର ଇର୍ଆତି ଗାଡ଼ି ଆହାମାନି ଏ ମାଣ୍ଡିତି ଖାଣା ଆସାମାନାୟି, ଏଲେକିହିଁଏ ଏ ଲାକପୁରୁତି ମାଣ୍ଡିତି ଖାଣା ଜିକେଏ ଆହନାୟି । ୫୦ ତାୟିୟାଁ ଅଡ଼େ ତାଢ଼ିୟାତେରି ନାନୁ ଖେସିମାଞ୍ଜାଇଁ, ନେତେରି ଅଡ଼େ ଉଟ୍ଟା ମାହାପୁରୁତି ରାଜିତି ଅଦିକାରା କିହାଲି ଆଡେଏ, ସାମା ହାନାୟି ହାଆଗାଟାଣି ଅଦିକାରା କିହାଲି ଆଡେଏ

। ୫୧ ମେହଦୁ ନାନୁ ମିଟ୍ଟେ ର ତୁଗାମାନି କାତା ଖେସିମାଞ୍ଜାଇଁ, ମାର ବାରେ ଜାଣାଟାୟି ହାଆୟି, ସାମା ମାର ବାଦଲଖି ଆନାୟି, ୫୨ ଦେବୁଣିଏ, କାନୁ ମିତି କିନିଲେହେଁ, ଡାୟୁତି ତାଡ଼ି ମହରି କାଜା ହାତା ଖେସିସାରେ ମାର ବାରେତାୟି ଅର ଖାଣା ଆନାୟି, ଇତିହିଁ କମ୍ପୁ ଡାନେ ଅଡ଼େ ହାତାରି ନାସା ଆଆନା ନିଟ୍ଟୁନେରି, ଅଡ଼େ ମାର ବାଦଲଖି ଆନାୟି । ୫୩ ଇତିହିଁ ଇ ମେଣ୍ଡୁନି ଆଟ୍ଟାତି ମେଣ୍ଡୁଆଗାଟି ହିମ୍ପୁରି ପରୁନାୟି ମାନେ, ଅଡ଼େ ଇ ହାନି ଆଟ୍ଟାତି ହାଆଗାଟି ହିମ୍ପୁରି ପରୁନାୟି ମାନେ । ୫୪ ସାମା ଇ ମେଣ୍ଡୁନି ଆଟ୍ଟାତି ମେଣ୍ଡୁଆଗାଟି ହିମ୍ପୁରି ଅଡ଼େ ହାନି ଆଟ୍ଟାତି ହାଆଗାଟି ହିମ୍ପୁରି ହୁଚିତି ଜେଚ, ଇ ରାତାମାନି ବଲ୍ଲୁ ସାତା ଆନେ; “ହାକି ନାସା ଆହାମାନେ; ଜୀଣା ଆନାୟି ଆହାମାନେ ।” ୫୫ “ଏ ହାକି ନା ଜୀଣା ଆନାୟି ଆମ୍ପିୟା? ଏ ହାକି ନା ନାସାକିନି ବାଡ଼ୁୟି ଆମ୍ପିୟା?” (Hades ୨86) ୫୬ ହାକିତି ସାତୁ ପାପୁ, ଅଡ଼େ ପାପୁତି ବାଡ଼ୁୟି ମସାତି ମେରା; ୫୭ ସାମା ଏନିନି ମାହାପୁରୁ ମା ପ୍ରଭୁ ଜୀପୁ କ୍ରାପୁତି ତାକି ମାଟ୍ଟେ ଜାଣି କିୟନେସି ଏଞ୍ଜାଣାକି ଜହରା ଆପେ । ୫୮ ଏଦାଆଁତାକି ଏ ନା ଜାଝୁତି ତାୟିୟାଁ ଅଡ଼େ ତାଢ଼ିୟାତେରି, ପ୍ରଭୁତି ସେବତା ମୀ କସୁତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପ୍ରଭୁତି କାମାତା ତାରିଆହାଁ ବାଡ଼ୁୟି ତଲେ ସେବତା ହାରେ ହାରେକା ଜାଡ଼ୁ ଆଦୁ ।

୧୭ ମାହାପୁରୁ ଲକ୍ଷୁ ତାକି ତାରୁୟାଁ କୁଡ଼ିକିନି କାତା ନାନୁ ଏନିକିଁ ଗାଲାତିୟା କ୍ରାପୁନା କୁଲମିତା ଖେସାମାଟେଏଁ, ମାରୁ ଜିକେଏ ଏଲେକି କିଦୁ । ୧ ମାରୁ ବେଟାଆହିମାନି ଲେହେଁ ବାରେ ଖାରିତି ମୂଲୁ ଦିନା ମାରୁ ବାରେତେରି ମୀ ଆଡ଼ିନି ଲେହେଁ ମୀ ବିଡ଼ା ଏତେକା ତାରୁୟାଁ କୁଡ଼ିକିହାଁ ଇଟାଦୁ, ଆତିହିଁ ନାନୁ ଖାତିସାରେ ମିଟ୍ଟେ ଅଡ଼େ ତାରୁୟାଁ ରସାଲି ଲଡ଼ା ଆଏ । ୩ ଅଡ଼େ ନାନୁ ଖାତିଜେଚ, ମାରୁ ଆମ୍ବାଆରାଇଁ ଜଗେ ଇଞ୍ଜିଁ ଆତାମାଞ୍ଜେରି ନାନୁ ଏଞ୍ଜାରାକି ଆକୁ ରାତାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଲି; ୪ ସାମା ନାଟ୍ଟେ ଜିକେଏ ହାକାଲି ଲଡ଼ାଆନେ ଇତିହିଁ ଏଞ୍ଜାରି ନା ତଲେ ଖାପେରି । ୫ ସାମା ନାନୁ ମାକିଦନିୟା ହାତି ଡାୟୁ ମୀ ଡାଣା ଖାଇଁ, ଏନାଆଁତାକି ଇତିହିଁ ନାଟ୍ଟେ ମାକିଦନିୟାତି ହାନାୟି ମାନେ । ୬ ଆଆତି ନାନୁ ଖାତିସାରେ ଏଚରଦିନା ମୀ ଡାଣା ଡ଼ୟିଲି, ଇତିହିଁ ପେନିବେଲା ହାଲ୍‌ଖେ ମାଞ୍ଜାଲି ଅଣ୍ଡିମାଇଁ, ଏଚେତା ନାନୁ ଆନିନି ଡାୟୁତା ହାଇଁ, ଏମ୍ବାଆଁ ହାନାତି ମୀ ଡାଣା ଗାଡ଼େକା ତାକି ଡଞ୍ଜୁଆହାଲି ଅଣ୍ଡି ହିଲଅଁ, ଇତିହିଁ ପ୍ରଭୁ ନାଟ୍ଟେ ହେଲ ହିୟାତିହିଁ, ନାନୁ ମୀ ତଲେ ଏଚରଦିନା ମାଞ୍ଜାଲି ଆସା କିହମାଇଁ । ୮ ସାମା ନାନୁ ପେନ୍ତିକସୁ ଦିନା ପାଟେକା ଏପିସିୟ ଗାଡ଼ାତା ଡ଼ୟିଲି; ୯ ଇତିହିଁ ପ୍ରଭୁତି କାମା କିହାଲି ଅସାରା ଦାରା ବେପିଆହାମାନେ, ଆଆତି ଜିକେଏ ନାଟ୍ଟେ ଅପାଆଗାଟାରି ହାରେକା ମାନେରି । ୧୦ ତିମତି ମୀ ଡାଣା ଖାତିସାରେ ଏଞ୍ଜାସି ଏନିକିଁ ଆଜାଆନା ମୀ ଡାଣା ଡ଼ୟିନେସି, ଏଦାଆଁତାକି ମାରୁ ଅଣ୍ଡିପାଦୁ, ଇତିହିଁ ନାନୁ ଏନିକିଁ ଏଞ୍ଜାସି ଜିକେଏ ଏଲେକିହିଁଏ ପ୍ରଭୁତି କାମାକିନାସି । ୧୧ ଏଦାଆଁତାକି

ଆତ୍ମାଆତେରି ଏଞ୍ଜେଲ୍ ହାଣି କିଆଦୁ, ସାମା ଏଞ୍ଜେଲ୍ ଏନିକି ନା ତାଣା
 ଖାହାଲି ଆଡିମାନେସି, ଏଦାଆଁତାକି ଏଞ୍ଜେଲ୍ ହିଦୁଡ଼ି ଜୀଞ୍ଜୁତଲେ ଜିରୁ
 ଡସା ପାଣ୍ଡାଦୁ; ଏନାଆଁତାକି ଇତିହିଁ ଏଞ୍ଜେଲ୍ ତାୟିୟାଁ ତଲେ ଖାନେସି ଇଞ୍ଜି
 ନାନୁ କାଡିମାଇଁ । ୧୭ ସାମା ତାୟି ଆପଲ ତାକି ଖେସିମାଞ୍ଜାଇଁ, ନାନୁ
 ଏବ୍‌କାଡି ତାୟିୟାଁ ତଲେ ମୀ ତାଣା ହାଜାଲି ଏତେକା ବାଡିମାଲିଡେଏଁ,
 ସାମା ନୀଏଁ ଖାହାଲି ମନ କିଆତେସି, ସାମା ପାରୁ ସିନିକିହାନା ଏଞ୍ଜେଲ୍
 ଖାନେସି । ୧୮ ମୀରୁ ଜାଗ୍ରାତା ଆହାଁ ନାମୁତା ତୀରିତଲେ ମାଞ୍ଜୁ ଅଡେ
 ସାସା ଗାଟାତେରି ଆହାନା ବାଡୁୟୁ ଆହୁଦୁ । ୧୯ ମୀ ବାରେ କାମା ଜୀଞ୍ଜୁ
 ନନାଣି ତଲେ ଆପେ । ୧୫ ଏ ତାୟିୟାଁ ଅଡେ ତାଢ଼ିସ୍ତାତେରି ସ୍ତ୍ରୀପାନ ଇଲୁ
 କୁଟମି ଆକାୟାଡି ମୂଲୁଏ ନାମିତାରି; ଅଡେ ମାହାପୁରୁ ଲକ୍ଷୁଣି ସେବା
 କିନି କାମାତାକି ହେରପା କତାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି ।
 ୧୬ ମୀରୁ ଏଲେଡି ଲକ୍ଷୁଡି ଅଡେ ତାମିତଲେ ଆଣ୍ଡାନା ଖାହୁତଲେ କାମା
 କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଢୁ ବାଡିମାଲିମାଞ୍ଜାଇଁ ।
 ୧୭ ସ୍ତ୍ରୀପାନ, ପର୍ତୁନାତ, ଅଡେ ଆକାୟିକ ଖାତାକି ନାନୁ ହାରେକା ରାହାଁ
 ଆହିମାଇଁ, ଇତିହିଁ ମୀରୁ ହିଲାଆତାକି ନାଢେ ଏନାୟି ଲଡ଼ା ମାତେ,
 ଏଞ୍ଜେଲ୍ ଏଦାଆଁ ହୀହାମାଞ୍ଜାନେରି । ୧୮ ଇତିହିଁ ଏଞ୍ଜେଲ୍ ମୀ ଜୀଞ୍ଜୁଡି ଅଡେ
 ନା ଜୀଞ୍ଜୁଡି ରାହାଁ କିହାଁ ମାଞ୍ଜାନେରି; ଏଲେଡି ଲକ୍ଷୁଇଁ ଜନେ ଇଞ୍ଜି ପୁଞ୍ଜାନା
 ମାନି କିଦୁ । ୧୯ ଆସିୟା ସେସାତା ମାନି କୁଲମିକା ମିଢେ ଜହରା
 କିହିମାଞ୍ଜାନେରି, ଆକ୍‌ଝିଲା ଅଡେ ପ୍ରିସ୍ତାଲ ତାମି ଇଜ ରୁଣ୍ଡା ଆନି କୁଲମି
 ତଲେ ପ୍ରବୁ ତାଣା ମିଢେ ହାରେକା ଜହରା କିହିମାଞ୍ଜାନେରି । ୨୦ ଇଦାଆଁ
 ମାନି ବାରେ ତାୟିୟାଁ ଅଡେ ତାଢ଼ିସ୍ତା ମିଢେ ଜହରା କିହିମାଞ୍ଜାନେରି ।
 ମୀରୁ ରଅତେରି ରଅଣାଇଁ ତାୟି ତାୟିୟାଁ ଲେହେଁ କ୍ରୀସ୍ତିଡି ଜୀଞ୍ଜୁନହିଁ ସୁଦୁ
 ତଲେ ନଶୁଝି ଆହାନା ଜହରା କିଝିଆଦୁ । ୨୧ ନାନୁ ପାଞ୍ଜୁଲଡେଏଁ ନା
 କେୟୁଡି ରାତାହାଁ ରାହାଁ ତଲେ ଜହରା କିହିମାଞ୍ଜାଇଁ । ୨୨ ଆତ୍ମାଆସି
 ମାହାପୁରୁଇଁ ଜୀଞ୍ଜୁ ନଅସି ଏଞ୍ଜେଲ୍ ବାକା ବେଟାଆପେସି! ମାରାନାତା
 ମା ପ୍ରବୁ ତବେ ଖାମ୍ବା । ୨୩ ପ୍ରବୁ ଜୀଞ୍ଜୁଡି କାର୍ମାମେହନାୟି ମିଢେଡାକି
 ଆୟାପେ; ୨୪ କ୍ରୀସ୍ତୁ ଜୀଞ୍ଜୁ ତାଣାଟି ନା ଜୀଞ୍ଜୁନାୟି ମୀ ବାରେକାଣା
 ତାକି ଆୟାପେ । ଆମେନ୍ ।

୨କର

୧ ପାଖୁଳ ମାହାପୁରୁତି ଅଣ୍ଟୁ ତଲେ କ୍ରାସୁ ଜୀସୁ ଚାଣାଟି ପାଣ୍ଡୁ
 ଆହାମାନାତେଏଁ ଇଞ୍ଜି ମା ତାୟି ତିମତି କରନ୍ତି ଗାଡ଼ାତା ମାନି
 ମାହାପୁରୁତି କୁଲମି ଅଡ଼େ ଆକାୟା ଦେସାତା ମାନି ବାରେ ମାହାପୁରୁ
 ଲକ୍ଷ୍ମୀତାକି ଆକୁ ରାତିମାନମି । ୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ
 କ୍ରାସୁ ଚାଣାଟି କାର୍ମାମେହନାୟି ଇଞ୍ଜି ହିଡ଼ି ମିଢ଼େତାକି ଆୟାପେ । ୩
 ମା ପ୍ରବୁ ଜୀସୁ କ୍ରାସୁତି ଆବା ମାହାପୁରୁତି ଜହରା, ଏଝାସି କାର୍ମାମେହନି
 ଆବା ଅଡ଼େ ଦୁକୁ ଦୁକ୍ନି ମାହାପୁରୁ । ୪ ମାହାପୁରୁ ଚାଣାଟି ଆମିନି ଦୁକୁ
 ଦୁକ୍ନି ଚାଣା ମାର ଦୁକୁ ଦୁପକି ଆହିମାନାୟି, ଏ ଦୁକୁ ଦୁକ୍ନାଣି ତଲେ
 ଏନିକିହିଁ ବାରେ ଲେହେତି ଦୁକୁ ବେଟାଆହିମାନି ଲକ୍ଷ୍ମଣି ଦୁକୁ ଦୁକ୍ନାହି
 ଆତିନାୟି, ଇଦାଆଁତାକି ଏଝାସି ବାରେ ଦୁକୁତା ମାଢ଼େ ଦୁକୁ ଦୁକ୍ନାଣି
 ହାହାମାଞ୍ଜାନେସି ୫ ଇତିହିଁ କ୍ରାସୁତି ତାକି ମାର ଏନିକି ହାରେକା ଦୁକୁ
 କସୁ ହାରେକା ବେଟାଆନାୟି, ଏଲେକିହିଁ କ୍ରାସୁ ଚାଣାଟି ମାହାପୁରୁତି
 ଦୁକୁ ଦୁକ୍ନାୟି ହାରେକା । ୬ ସାମା ମାମୁ ଦୁକୁ କସୁ ବେଟାଆତିସାରେ
 ଏଦି ମା ତାକି ଦୁକୁ ଦୁକ୍ନାୟି, ଅଡ଼େ ଗେଲ୍ପି ଆହାଲିତାକି, ଇଞ୍ଜି ମାମୁ
 ଦୁକୁ ଦୁପକି ଆତିହିଁ, ଏଦି ମା ଦୁକୁ ଦୁକ୍ନାହି ତାକି, ମାମୁ ଏନିଲେହେତି
 ଦୁକୁ କସୁ ବେଟାଆନମି ମାରୁ ଏନିକିହିଁ ସାସା ଅଡ଼େ କସୁତଲେ ଦୁକୁ
 ବେଟାଆହି ମାଞ୍ଜେରି ମାମୁ ଜିକେଏ ଏଲେକିହିଁଏ ଦୁକୁ ଦୁକ୍ନି କାମା
 କିହିମାନମି । ୭ ଅଡ଼େ ମା ଚାଣା ମା ବାସୁ ହାରେକା ମାନେ । ମାରୁ
 ମା ଦୁକୁ କସୁ ପାଣିତାଣା ଏନିକି ଆଣ୍ଡାମାଞ୍ଜେରି, ଏଲେକିହିଁଏ ମାମୁ
 ଦୁକୁ ଦୁକ୍ନି ଚାଣା ଆଣ୍ଡାଦେରି, ଇଞ୍ଜି ମାମୁ ପୁଞ୍ଜାମାନମି । ୮ ଇତିହିଁ ଏ
 ତାୟିୟାଁ ଅଡ଼େ ତାଡ଼ିପୁତେରି, ଆସିୟା ରାଜିତା ମାଢ଼େତାକି ଆହାମାନି
 ସାସି ମାରୁ ପୁନାଆନା ମାଞ୍ଜୁ ଇଞ୍ଜିହିଁ ମାମୁ ଅଣ୍ଟି ହିଲଅମି, ମାମୁ
 ମା ବାଡ଼ୁପୁତି ବେଟାଆହାମାନି ସାସି ସହସ୍ତି ଆହାଲି ଆତାଆରେଚୁ
 ଆହାମାତମି, ଇଞ୍ଜି ମାମୁ ନାତାମାଞ୍ଜାଲି ଜିକେଏ ଆସା ପିସାମାତମି, ୯
 ହାଅ, ମାଢ଼େ ପାୟାଲି ହୁକୁମି ହାପକି ଆହାମାନେ ଇଞ୍ଜି ଅଣ୍ଟିପାତମି,
 ଏନିକି ମାମୁ ମା ମୁହେଁ ବାସୁ କିହାକତାଆନା ଏମିନି ମାହାପୁରୁ ହାକିତି
 ନିକ୍ନେସି ଏଝାଣି ଚାଣା ବାସୁ କିନମି; ୧୦ ଏଝାସି ଆଜିହପେତି ହାକିତି
 ମାଢ଼େ ଗେଲ୍ପାତେସି ଅଡ଼େ ଗେଲ୍ପାଦେସି, ଅଡ଼େ ତାୟୁ ଜିକେଏ
 ଗେଲ୍ପାଦେସି ଇଞ୍ଜି ତାନିଚାଣା ମା ଆସା ମାନେ; ୧୧ ମାରୁ ଜିକେଏ
 ମା ତାକି ପ୍ରାତାନା କିହାଁ ମାଢ଼େ ସାୟେମି କିହାମାଞ୍ଜାଦେରି, ଏନିକି
 ମାଢ଼େ ଏମିନି କାର୍ମାତି ଦାନା ହାପକି ଆହାମାଞ୍ଜାନେ, ଏଦାଆଁତାକି
 ହାରେକା ଲକ୍ଷ୍ମଣି ଗୁଡ଼ିତି ମା ତାକି ହାରେକା ଜହରା କିଞ୍ଜିଆହିମାନେ । ୧୨
 ବାରେକିହାଁ ଦାର୍ତ୍ତତା ମା ତାକି ମାମୁ ମାଣ୍ଡିତି ବୁଡ଼ିତଲେ ତାକାଆନା
 ମାହାପୁରୁତି କାର୍ମାଟି ତାନି ସୁଦୁ ଅଡ଼େ ନାମୁତଲେ ତାକିମାତମି ଇଞ୍ଜି
 ମା ଅଣ୍ଟୁ ସାକି ହାହିମାଞ୍ଜାନେ, ଇଦି ମା ବଡ଼ପଣତି କାତା । ୧୩
 ଖାରଲ ମାରୁ ଏନାଆଁ ପଡ଼ି ଆହାମାନା ତେଲ୍ପାଦେରି, ଏ ବାରେ ପିସ୍ପେ

ମାମୁ ମିଢ଼େ ଅଡ଼େ ଏନାଆଁ ରାତିମାଞ୍ଜାଅମି, ୧୪ ଅଡ଼େ ମା ପ୍ରବୁ ଜୀସୁ
 କ୍ରାସୁତି ଦିନାତା ମାମୁ ମା ତାକି ବଡ଼ପଣ ଡ଼ସାଲି ଆତିନମି, ଅଡ଼େ
 ମାରୁ ଜିକେଏ ମା ତାକି ବଡ଼ପଣ ଡ଼ସାଲି ଆତିଦେରି, ମାରୁ ନାଏଁ
 ଇଚେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମାରୁ ବାରେ ତାୟୁ
 ପାତେକା ପୁଞ୍ଜେରି ଇଞ୍ଜି ନା ଆସା । ୧୫ ଇ କାତା ନେହିଁକି ପୁଞ୍ଜାମାନାକି
 ମୁଲୁଏ ମା ଚାଣା ଖାହାଲି ତାକି ନାଢ଼େ ଅଣ୍ଟୁ ମାତେ, ଆତିହିଁ ମାରୁ
 ରା ଦେବା ରାହାଁ ବେଟାଆତେରିମା ୧୬ ମା ଚାଣାଟି ମାକିଦନିୟାତା
 ହାଜାନା ଅଡ଼େ ଖେଣ୍ଡେ ମାକିଦନିୟାତି ମା ଚାଣା ଖାହାମାନା ମା ସାୟେମି
 ତଲେ ଜୀହୁଦା ଦେସାତା ହାଜାଲି ଆତିହିଁ, ଏଦାଆଁତାକି ଏ ନାମୁତି
 ତଲିଏ ମା ଚାଣା ହାଜାଲି ମନ କିହାମାତେଏଁ । ୧୭ ଆତିହିଁ ଲେଲତି
 ଅଣ୍ଟୁ ଅଣ୍ଟିପିନାୟି ନାନୁ ଏନାଆଁ ଆନାମାନା ଆହାମାନା କିହାମାତେଏଁ?
 ଇଞ୍ଜି ନାନୁ ଏନାଆଁ ତାରିକିହା ଡ଼ୟିଲ୍, ଏଦି ଏନାଆଁ ଏଦାଆଁ ଦାର୍ତ୍ତତି
 ଅଣ୍ଟୁ ତଲେ କିହିମାଲ୍, ଇଞ୍ଜି ନା କାତା “ହାଅ କି ଆଏ” ଇ ରା କାତା
 ରଣ୍ଡିଏ ଦେବା ହପ୍ପଲ୍ କି? ୧୮ ମାହାପୁରୁ ଚିକାଣାତାସି, ଏଦାଆଁତାକି ନା
 କାତା ମିଢ଼େତାକି “ହାଅ କି ଆଏ” ଇନି ରା କାତା ଆଏ । ୧୯ ଇତିହିଁ
 କ୍ରାସୁ ଜୀସୁ ମାହାପୁରୁ ମାରୁଏସି, ଆମୁଆସି ମା ଚାଣାଟି ଇତିହିଁ ସିଲା,
 ତିମତି ଅଡ଼େ ନାନୁ ମା ଚାଣା ଖେକ୍ହା ମାତମି, ଏଝାସି “ହାଅ” ଅଡ଼େ
 “ଆଏ” ଇନାସି ଆହାହିଲଅସି, ଇତିହିଁ ଏଝାଣି ଚାଣା ହାଅ ଆହାମାନେ
 । ୨୦ ଏନାଆଁତାକି ଇତିହିଁ ମାହାପୁରୁତି ବାରେ ଆଞ୍ଜାମାନାୟି ଏଝାଣି
 ଚାଣା “ହାଅ” ମାନେ; ଇଦାଆଁତାକି ଜୀସୁ କ୍ରାସୁ ଚାଣାଟି ମାହାପୁରୁଲ୍
 ଗାଧୁରମି କିହାଲି ମାର “ଆମେନ୍; ଏଲେଆହିଁ ଆପେ” ଇନାୟି । ୨୧
 ତାନୁଏ ମାଢ଼େ ଅଡ଼େ ମିଢ଼େ କ୍ରାସୁ ଚାଣା ତାରି କିହାମାଞ୍ଜାନେସି, ଇଞ୍ଜି
 ମାଢ଼େ ବର ହାହାମାଞ୍ଜାନେସି, ଏଝାସି ମାହାପୁରୁ: ୨୨ ଏଝାସି ତାନି
 ବୁଦୁ ମୁଦା ମାଢ଼େ ଖେଟା ମାଞ୍ଜାନେସି, ଇଞ୍ଜି ଏଝାସି ମା ହିୟାଁ ବିଦା
 ସୁଦୁଜୀସୁ ସିନାଲେହେଁ ହାହାମାଞ୍ଜାନେସି । ୨୩ ସାମା ନାନୁ ମାହାପୁରୁଲ୍
 ସାକି କିହାମାନା ନା ଜୀସୁତି ମାନି କିହିମାଲ୍, ନାନୁ ମିଢ଼େ କାର୍ମା ଆହାମାନା
 କରନ୍ତିତା ଖେଣ୍ଡେ ହାଜାହିଲଅଁ । ୨୪ ମା ନାମୁତି ମୁହେଁ ମା ଅଦିକାରା
 ମାନେ, ଏଲେକି ଆଏ, ସାମା ମା ରାହାଁତାକି ମା ସାୟେମି କିନାତମି
 ଆହାମାନମି, ଏଦାଆଁତାକି ନାମୁତା ତାରିଆହାମାନା ମାଞ୍ଜୁ ।

୨ ନାନୁ ମା ଚାଣା ହାନାୟି ମିଢ଼େତାକି ଅଡ଼େ ଖେଣ୍ଡେ କସୁ ଆୟେଏ,
 ଇଦାଆଁ ମନତା ତାରି କିତେଏଁ । ୨ ନାନୁ ମିଢ଼େ ଦୁକୁ ହିୟାଲ୍,
 ଆତିହିଁ ନାନୁ ଆମୁଆରାଲ୍ ଦୁକୁ ହାଲ୍, ଏଝାଣି ପିସ୍ପେ ନାଢ଼େ ଆମୁଆସି
 ରାହାଁ ହିୟାନେସି? ୩ ଇଞ୍ଜି ନାନୁ ଆମୁଆରି ଚାଣାଟି ରାହାଁ ପାଣନାୟି
 ମାନେ, ଏଝାରିଚାଣା ନାନୁ ଖାହାମାନା ଏନିକି ଦୁକୁ ବେଟାଆଁ, ଏଦାଆଁତାକି
 ନାନୁ ଇ କାତା ରାତାମାତେଏଁ, ଏନାଆଁତାକି ଇତିହିଁ ନା ରାହାଁତା ମା
 ରାହାଁ ଆନେ, ଏଦି ମା ବାରେତାକି ନା ଅଣ୍ଟୁ । ୪ ଇତିହିଁ ହାରେକା
 କସୁ ଅଡ଼େ ହିୟାଁ କାତାତାକି ହାରେକା ଦୁକୁ ତଲେ କାଣ୍ଡୁ ଡ଼କ୍‌ହିଁ ମିଢ଼େ
 ରାତାମାଞ୍ଜାତେଏଁ, ଏନିକି ମାରୁ ଦୁକୁ ଆଦେରି, ଏଲେକି ଆଏ, ସାମା

ମିଷ୍ଟେଟାକି ନା ଜୀବୁନନାୟି ହାରେକା ମାନେ, ଇ କାତା ମୀରୁ ଏନିକି ପୁଷ୍ଟେରି । ୫ ଯାମା ଆମ୍ବାଆସି ଦୁକୁ ହାହାମାନେସି, ଏଖାସି ନାଷ୍ଟେ ଦୁକୁ ହାହାମାଞ୍ଜୁଆସି, ଯାମା ବାରେତେରି ମିଷ୍ଟେ ଦୁକୁ ହାହାମାଞ୍ଜୁନେସି ନାନୁ ହାରେକା ଗାତିକିହିଁ ଖେହୁଅଁ । ୬ ମୀ ବିତ୍ରାଟି ହାରେକା ଲୁକୁ ଡାଣାଟି ଏଖାସି ଏନି ତଣ୍ଡୁ ବେଟା ଆହାମାନେସି ଏଖାଣାକି ଏତେକେଏ ସାରି । ୭ ଏଦାଣିତାକି ଏଲେତି ଲୁକୁ ଏତେତା ହାରେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନୀଏଁ ଏଖାଣାଇଁ ପାପୁ ମେକ୍‌ହାନା ବାସୁଁ ହୀଦୁ । ୮ ଇତିହିଁ ଏଖାଣାଇଁ ଜୀବୁ ନନାଣି ତହୁଦୁ ଇଞ୍ଜି ବାତିମାଲିମାଞ୍ଜୁଇଁ । ୯ ଇତିହିଁ ମୀରୁ ବାରେ କାତାତି ମାନସି ଆହିମାଞ୍ଜେରି, ଇଞ୍ଜି ମିଷ୍ଟେଟାକି ଏମ୍ବାତି ପାରମାଣା ଏନିକି ନାନୁ ବେଟାଆଇଁ, ଇ ବାରେତାକି ରାତାମାତେଏଁ । ୧୦ ଇଞ୍ଜି ମୀରୁ ଆମ୍ବାଆସି ଦହ ପିହୁଦେରି, ନାନୁ ଜିକେଏ ଏଖାଣି ଦହ ପିହୁଇଁ; ଇତିହିଁ ନାନୁ ଏନାଆଁ ଦହ ପିସାମାଇଁ, ଇଞ୍ଜି ଏମିନି ଦହ ପିସାମାଇଁ, ଏଦାଆଁ କ୍ରୀସୁତି ନକିତା ମୀ ତାକି ପିସାମାଇଁ । ୧୧ ଏନିକି ସୟତାନ ମାଷ୍ଟେ ଲାଗେଏ କିହାଲି ପାରୁ ବେଟାଆଏ, ଇତିହିଁ ମୀର ବାରେ ତାନି ଅଣପୁତି ପୁଞ୍ଜାମାନାୟି । ୧୨ ଅଡେ କ୍ରୀସୁତି ନେହିଁ କାବୁ ଖେକ୍‌ହାଲି ତାକି ନାନୁ ଡୟାତା ଖାତି ଡାୟୁ ପ୍ରବୁତି କାମା କିହାଲି ଦାରା ଦେପି ଆହାମାତି ଜିକେଏ, ୧୩ ନାନୁ ନା ତାୟି ତିତସଇଁ ଏମ୍ବାଆଁ ମେହୁଆଲିଏ ନା ଜୀବୁ ହିଡ଼ି ଆଆତାକି ଏଖାରି ଡାଣାଟି ହେଲ ବେଟାଆହାନା ମାକିଦନିୟିତା ହାତେଏଁ । ୧୪ ଯାମା ମାହାପୁରୁଇଁ ଜହରା ଆପେ, ଏଖାସି ବାରେବେଲ୍ଲା ମାଷ୍ଟେ ଅହାନା କ୍ରୀସୁ ଡାଣା ଜୀଣାଆତି ଲେହେଁ ହାଜାମାନେସି, ଇଞ୍ଜି ବାରେ ଡାୟୁତା ତାନି ବୁଦି ଲେହେଁଟି ଗାନ୍ଧୁ ମା ଡାଣାଟି ଖେକ୍‌ହାମାନେସି । ୧୫ ଇତିହିଁ ଗେଲ୍‌ପି ଆହିମାନି ଲୁକୁଡାଣା ଇଞ୍ଜି ନାସା ଆହିମାନି ଲୁକୁଡାଣା ମୀରୁ ମାହାପୁରୁ ନକିତା କ୍ରୀସୁତି ହାରେକା ନେହିଁ ଗାନ୍ଧୁ ଲେହେଁ ଆହାମାନାୟି । ୧୬ ରକଖାକି ଲୁକୁତାକି ହାକି ହୀନାୟି ଅଡେ ରକଖାକି ଲୁକୁତାକି ଜୀବୁହାନି ଲେହେଁଟି ନେହିଁ ଗାନ୍ଧୁ ଲେହେଁ । ଯାମା ଇ ବାରେ କାମା କିହାଲି ଆମ୍ବାଆସି ଆତିନେସି? ୧୭ ହାରେକା ଲୁକୁ ବାଦ୍‌କାଲି ତାକି ମାହାପୁରୁତି କାବୁ ଖେକ୍‌ହା ମାନେରି, ମାମ୍ବା ଏଖାରିଲେହେଁ କିହିହିଲଅମି, ଯାମା ତାବ୍‌ପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବା କ୍ରୀସୁ ଡାଣା ମାଞ୍ଜୁନା କାତା ଜଲିମାନମି ।

୩ ମୀର କି ଜାହାରାଇଁ ବଡପଣ କିହାଲି ମାସୁହା ମାନାୟି? ଆମ୍ବା ଆମ୍ବାଆସି ଲେହେଁ ଏନାଆଁ ମୀ ଡାଣା ଆଆତି ମୀ ଡାଣାଟି ମା ତସ୍‌ପି ଆନାୟି ଲୁଡାମାନେ? ୨ ମୀରୁତ ମା ହିୟିତା ରାସ୍‌କି ଆହାମାନାତେରି ଇଞ୍ଜି ବାରେଜାଣା ପୁଞ୍ଜାମାନାୟି ଅଡେ ପଡ଼ି ଆହାମାନି ମା ଆକୁ ଲେହେଁ; ୩ ଅଡେ, ମୀରୁ ମା ସେବା କାମାତା ରାସ୍‌କି ଆହାମାନି କ୍ରୀସୁତି ଆକୁ ଲେହେଁ, ଇଦି ତଞ୍ଜୁ ଆହିମାନେ; ଏଦି ସୀରା ତଲେ ରାସ୍‌କି ଆହାହିଲେଏ, ଯାମା ଜୀବୁତି ମାହାପୁରୁତି ସୁଦୁଜୀବୁ ତଲେ ରାସ୍‌କି ଆହାମାନେ, ଖାଲି ପାଟାତା ଆଏ, ଯାମା ଡୟୁଗାଟି ହିୟିଁ ପାଟାତା । ୪ କ୍ରୀସୁ ଡାଣାଟି, ମାହାପୁରୁ ନକିତା ବାସୁଁ ଇତାନା ମାଦି ଇଲେତି ଆଡ଼ଖା ନାମ୍ବା ମାନେ । ୫

ମୀର ମା ଡାଣାଟି ଏନାଆଁ କିହାଲି ଆତାଆୟି, ଏଲେକିଁ ଆଏ, ଯାମା ମାହାପୁରୁ ଡାଣାଟି ଆତିନି ବାଡ଼ୟୁ ମାନେ; ୬ ଏଖାସି ମାଷ୍ଟେ ରାସ୍‌କି ଆହାମାନି ମେରାତି ସେବା କିନାରି କିହାମାଞ୍ଜୁଆସି, ଯାମା ନେହିଁ ଜୀବୁତି ଇତିହିଁ ପୁଞ୍ଜି ମେରାତି ସେବା କାମା କିହାଲି ବାଡ଼ୟୁ ହାହାମାଞ୍ଜୁନେସି; ଇତିହିଁ ରାସ୍‌କି ଆହାମାନି ରାଜିମାନା ହାଞ୍ଜିକିନେ ଯାମା ନେହିଁ ଜୀବୁ ନାତିକିନାୟି । ୭ ଅଡେ ତାସିତି ଖାଲି ପାଟାତା ରାସ୍‌କି ଆହାମାନି ହାଞ୍ଜି କିନି ମସା ମେରାତି ସେବା କାମା ଇଲେତି ଗାଞ୍ଜୁରିନି ତଞ୍ଜୁଆହାମାତେ, ଇତିହିଁ ଇସାୟେଲ ଲୁକୁ ମସା ମୁମୁତି ନାସା ଆନି ଉଜେଡ଼ି ତାକି ଏଖାଣି ମୁମୁ ମେସାଲି ଆତାଆତେରି, ୮ ଆତିହିଁ ନେହିଁ ଜୀବୁତି ସେବା କାମା ଏତେକା ଗାତି ଗାଞ୍ଜୁରିନି ଆଏକି? ୯ ତଣ୍ଡୁ ଆଞ୍ଜିକିନି ସେବା କାମା ଗାଞ୍ଜୁରିନି ଗାଟାୟି, ଆତି ଦାମୁତି ସେବା କାମା ଏଦାଆଁ କିହିଁ ଆଗାଡ଼ା ଗାଞ୍ଜୁରିନି ଗାଟାୟି ଆନେ । ୧୦ ଇତିହିଁ ଆନିନି ଗାଟାୟି ଗାଞ୍ଜୁରିନି ଗାଟାୟି ମାତେ, ଏଦି ଏଦାନି କିହିଁ ଆଗାଡ଼ା ଗାଞ୍ଜୁରିନି ଆନି କିହିଁ ଗାଞ୍ଜୁରିନି ହିଲଆଗାଟାୟି ଆତେ । ୧୧ ଗାଡ଼େକା ତାକି ନାସା ଆନାୟି ଗାଞ୍ଜୁରିନି ବେଟାଆହିଁ, କାଲାକାଲା ତାକି ମାନାୟି ଏତେକା ଆଗାଡ଼ା ଗାଞ୍ଜୁରିନି ତଞ୍ଜୁଆନେ । ୧୨ ଇତିହିଁ ମାଷ୍ଟେ ଏଲେତି ବାସୁଁ ମାନାକି ହାରେକା ସାସା ଆହାମାନମି । ୧୩ ଅଡେ ଇସାୟେଲ ଲୁକୁ ଏନିକି ଗାଡ଼େକା ତାକି ନାସାଆନି ଗାଞ୍ଜୁରିନିତି ସିନିଜଅରି, ଏଦାଆଁତାକି ମସା ଏନିକି ତାନି ମୁମୁତି ହିମ୍ବୁରି ପୁକ୍‌ହା କଡିମାତେସି, ମାମ୍ବା ଏଲେକିଁ କିହିହିଲଅମି । ୧୪ ଯାମା ଏଖାରି ବୁଦିତି କାଣକା ପଜୁଞ୍ଜି ଆହାମାନୁ, ଇତିହିଁ ନୀଞ୍ଜୁପାତେକା ପୁଞ୍ଜି ରାଜିମାନା ପତି ପଡ଼ି ଆନାଟି ଏ ହିମ୍ବୁରି ପିଡ଼ିନାୟି ନୀଏଁ ପାତେକା ତୟାମାନେ, ଇଞ୍ଜି କ୍ରୀସୁ ଡାଣାଟି ଏ ହିମ୍ବୁରି ଗୁଡା ଆହାମାନେ, ଏଦି ତଞ୍ଜୁ ଆହିହିଲେଏ । ୧୫ ଯାମା ନୀଏଁ ପାତେକା ମସାତି ମେରା ପଡ଼ି ଆନାଟି ଏଖାରି ହିୟିଁ ହିମ୍ବୁରି ପୁକ୍‌କି ଆହାଁ ଡୟିନେ । ୧୬ “ଯାମା ଆମ୍ବାଆସି ଆପେସି ପ୍ରବୁ ଖାକି ଖେଶ୍ଟାଖାତିହିଁ ଏଖାଣି ପୁକ୍‌କି ଆହାମାନି ହିମ୍ବୁରି ଗୁଡାଆନେ ।” ୧୭ “ପ୍ରବୁ” ଏ ଜୀବୁ, ଇଞ୍ଜି ଏମ୍ବିୟ “ପ୍ରବୁତି ଜୀବୁ” ମାନେ ଏମ୍ବାଆଁ ବାରେ ମେଲ୍ଲା ଆନାୟି ମାନେ । ୧୮ ଯାମା ମୀର ବାରେତାୟି ମୁମୁ ପୁକ୍‌ଆନା ଦାପେଣିତା ମେହନି ଲେହେଁ ପ୍ରବୁତି ଗାଞ୍ଜୁରିନି ମେସି ମେସିହିଁ ଗାଞ୍ଜୁରିନିଟି ହାରେକା ଗାଞ୍ଜୁରିନି ଆହାନା ତାନି ଏ ଖାଣା ତଲେ ବାଦ୍‌କି ଆହିମାନାୟି; ଇଞ୍ଜି ପ୍ରବୁ ଆମ୍ବାଆସିକି ଜୀବୁ ଏଖାଣି ଡାଣାଟି ଇ ବାରେ ଆହିମାନେ ।

୪ ମୀର ମାହାପୁରୁତି କାର୍ମା ବେଟାଆହାନା ଇ ସେବାକିନି ପାଣା ବେଟାଆହାମାନାକି ସାସା ହିଲଆ ଲୁକୁଲେହେଁ ଆହାହିଲଆୟି, ୨ ଯାମା ମାମ୍ବା ଲାକା ଗାତି ତଞ୍ଜୁ ଆଆଗାଟି ଲାଗେଏତି କାମା ପିସାମାନମି; ଇଞ୍ଜି ମାମ୍ବା ନାଡ଼ି କିଅମି ଅଡେ ମାହାପୁରୁ କାତାତି ମିତି କାଲ୍‌ହାନା ଖେସିହିଲଅମି, ମାହାପୁରୁ କାନୁତା ନେହିଁ କାବୁତି ସାତା କିହିଁ ଖେକ୍‌ହାନା ବାରେଜାଣାଟି ନେହିଁ ଅଣପୁ ତାକି ନେହାଁତମି ତଞ୍ଜୁ ଆହିମାନମି । ୩ ଏନାଆଁତାକି ଇତିହିଁ ମୀର ଖେକ୍‌ହାମାନି ନେହିଁ କାବୁ ତୁଗା ମାତିହିଁ, ଏଦି

ଖାର୍ଯ୍ୟ କରାଯାଇଥିବା ଦୃଶ୍ୟମାନେ । ୪ ମାହାପୁରୁ ଖଣା ଲେହେଁଟି କ୍ରୀସ୍ତ
 ତାମି ଗାଧୁରମିଗାଟି ନେହିଁ କାରୁତି ଉଜେଡି ଏନିକି ଇଲେଟି ଲକ୍ଷ୍ମି ତଞ୍ଜା
 ଆଏ, ଏଦାଆଁତାକି ନାମାଆଗାଟାରି ବୁଦି ଦାର୍ତ୍ତିତ ପଲ୍ଲୀ ଯେନୁ କାଣାୟି
 କିହାମାନେ । (aiōn g165) ୫ ମାମୁ ମାଟ୍ଟୋତାକି ଷେସାକତିହିଲଅମି,
 ସାମା କ୍ରୀସ୍ତୁଇଁ ପ୍ରଭୁ ଇଚ୍ଛୁ ଅଡେ ଜୀସୁ କ୍ରୀସ୍ତୁ ତାକି ଜାହାରାଇଁ ମା
 ହଲିୟାଟ୍ଟୋତମି ଇଚ୍ଛୁ ଷେକ୍‌ହ ମାନମି, ୬ ଏନାଆଁତାକି ଇତିହିଁ ଆମିନି
 ମାହାପୁରୁ ଏଲେଇଚ୍ଛୁମାରେସି, “ଆନେରିଟି ଉଜେଡି ତଞ୍ଜା ଆପେ,”
 ଏଖାସି କ୍ରୀସ୍ତୁଟି ମୁମୁତା ତଞ୍ଜା ଆହିମାନି ମାହାପୁରୁଟି ଗାଧୁରମିଗାଟି ବୁଦିତି
 ଉଜେଡି ତସାଲି ତାକି ମା ହିୟିତି ଉଜେଡି କିହାମାନେସି । ୭ ସାମା
 ମାର ଖାର୍ଯ୍ୟ ଇରାଆ ତକାତା ଇ ଲାକପୁରୁଟି ଦନ ବେଟାଆହାମାନାୟି ।
 ଇମାଆଁ ପୁଣ୍ଡୁ ଆହିମାନେ ଇଲେଟି ଲାକପୁରୁଟି ବାଡ଼ୁୟି ମାଦି ଆଏ ସାମା
 ମାହାପୁରୁଖାୟି । ୮ ମାମୁ ବାରେଲେହେଁଟି ଦୁକୁ କସୁ ବେଟାଆହାମାନମି,
 ସାମା ମାମୁ ସୁଣ୍ଡୁ ଆହି ହିଲଅମି । ଏତେ ଏତେଲା ଆତାଜାକା ଆତି
 ଜିକେଏ ନୀରାସା ଆହାହିଲଅମି । ୯ ମାମୁ ସାସ୍ତି ବେଟା ଆହିମାନମି
 ସାମା ମାହାପୁରୁ ମାଟ୍ଟୋ ଏତେଲା ପିସାମାଚ୍ଛୁସି । ଏତେ ଏତେକା ମାତା
 ବେଟାଆହି ମାନମି ସାମା ନାସା ଆହାହିଲଅମି । ୧୦ ଜୀସୁଟି ଜୀସୁ
 ଏନିକି ମା ତାଣା ତଞ୍ଜାଆନେ, ଏଦାଆଁତାକି ମାର ବାରେ ବେଲା ମା
 ଆଟ୍ଟୋତା ଜୀସୁଟି ହାକି ଚେକା ମାନାୟି । ୧୧ ଇତିହିଁ ଜୀସୁଟି ଜୀସୁ
 ଏନିକି ମା ହାମି ଆଟ୍ଟୋତା ତଞ୍ଜାଆନେ, ଏଦାଆଁତାକି ମାର ନୀତାମାତି
 ଜିକେଏ ବାରେବେଲା ଜୀସୁଟି କସମି ହାକିତା ହେରୁପି ଆହିମାନାୟି ।
 ୧୨ ଇଲାଆହିଁ ମା ତାଣା ହାକି, ଅଡେ ମା ତାଣା ଜୀସୁ କାମା କିହମାନେ ।
 ୧୩ ରାସ୍ତିକି ଆହାମାନେ, “ନାମୁ ନାମିତାକି ଜଲିତେଏଁ ।” ମାର ଏ ନାମୁଟି
 ଜୀସୁ ବେଟାଆହାମାନାୟି, ଇଚ୍ଛୁ ମାର ନାମାମାନାୟି ଏଦାଆଁତାକି ଷେକ୍‌ହ
 ଜିକେଏ ମାନାୟି । ୧୪ ମାମୁ ପୁଞ୍ଜାମାନମି, ମାହାପୁରୁ ପ୍ରଭୁ ଜୀସୁଇଁ ହାକିଟି
 ଷେଶ୍ଟେ ନିକହାମାନେସି । ଏ ମାହାପୁରୁ, ଜୀସୁତଲେ ମାଟ୍ଟୋ ଜିକେଏ
 ନିକହାମାନେସି ଅଡେ ମା ତଲେ ମାଟ୍ଟୋ ତାନି ତାଣେ ଅୟାନେସି । ୧୫
 ମା ନେହେଁଟାକି ଇ ବାରେ ଆହିମାନେ । ମାହାପୁରୁଟି କାର୍ମାମେହନାୟି
 ଅଡେ ହାରେ ଗାତି ପାତାଆହାମାନା ଲକ୍ଷ୍ମି ତାଗିତେ, ଅଡେ ହାରେକା ଲକ୍ଷ୍ମି
 ରାହାଁ ଅଣ୍ଡୁ ତଲେ ମାହାପୁରୁଇଁ ଗାଧୁରମି କିନେରି । ୧୬ ଏଦାଆଁତାକି
 ମାମୁ ଖାହା ହିଲଅମି, ସାମା ମା ଦାର୍ତ୍ତିତ ଆଟ୍ଟୋ ମେଶ୍ଟୁଟି ଜିକେଏ ମା
 ହିୟି ବିତ୍ରାତି ଜୀସୁ ପୁଞ୍ଜାୟି ଆହିମାନେ । ୧୭ ଇତିହିଁ ଇ ଗାଡେକାତି
 କସୁ ହାରେକା ଗାତି ମାଟ୍ଟୋ ତାକି କାଲାକାଲା ରାଆଗାଟି ଗାଧୁରମି
 ତାନେ; (aiōnios g166) ୧୮ ମାର ତଞ୍ଜା ଆହିମାନାଣି ଗୁରି କିଆନା ତଞ୍ଜା
 ଆଆଗାଟାଣି ଗୁରି କିହମାନାୟି; ଇତିହିଁ ତଞ୍ଜା ଆହିମାନାୟି ଗାଡେକା
 ତାକି, ସାମା ତଞ୍ଜା ଆଆଗାଟାୟି କାଲାକାଲାତାୟି । (aiōnios g166)

୫ ମାର ପୁଞ୍ଜାମାନାୟି, ଆମିନି ଦାର୍ତ୍ତିତ ତୁମ୍ଭ ଲେହେଁଟି ଇଲୁତା ନାଏଁ
 ମାର ବାସା କିହାମାନାୟି, ଏଦି ନସୁ ଆତିସାରେ ମାହାପୁରୁ ମାଟ୍ଟୋ
 ଲାକପୁରୁ ର କାଲାକାଲାଟି ଇଲୁ ମେଡି କିୟାନେସି । ଏଦି ମାଣ୍ଡି

କେୟୁଟି କେପିତାୟି ଆଏ, ମାହାପୁରୁ ତାମୁଏ ଏଦାନି ଗାଡିକିତାସି ।
 (aiōnios g166) ୨ ଇ ଦାର୍ତ୍ତିତ ଇଲୁତା ମାଞ୍ଜାନା ମାର ଲାକପୁରୁ ଇଲୁଟି
 ହିପୁରି ହୁତାଲି ମନ କିହାନା ତ୍ରୀହି ମାନାୟି । ୩ ସାମା ଲାକପୁରୁଟି ବାସା
 ଚାୟୁତା ହୁତିସାରେ ମାର ଆଟ୍ଟୋ ହିଲାଆଗାଟାତାୟି ଆଆନା ନାଗଡା ତଞ୍ଜା
 ଆଆୟି । ୪ ଇତିହିଁ ମାର ଇ ଦାର୍ତ୍ତିତ ତୁମ୍ଭତା ବାସା ଆହାମାନ ବଜ୍ରଗାଟି
 ହିୟି ତଲେ ତ୍ରୀହି ମାନାୟି; ଇତିହିଁ ମାର ଦାର୍ତ୍ତିତ ଆଟ୍ଟୋ ପିସାଲି
 ଅଣ୍ଡିପିମାନାୟି ଏଦି ଆଏ, ସାମା ଜୀସୁ ଏନିକି ଦାର୍ତ୍ତିତ ନାସାକିନେ,
 ଇଦାଆଁତାକି ଇ ହାମି ଆଟ୍ଟୋଟି ମୁହେଁ ଲାକପୁରୁଟି ହିପୁରି ହୁତାଲି ମାର ମନ
 କିହମାନାୟି । ୫ ମାହାପୁରୁ ମାଟ୍ଟୋ ଇ ବାଦ୍‌ଲିଆ ମାନାଣି ତାକି ତିୟରା
 କିହାଁ ମାଞ୍ଜାନେସି । ଅଡେ ଇଦାଣି ତୀରୁପୁକିନାଣି ଲେହେଁ ତାନି ସୁଦୁଜୀସୁ
 ଏଖାସି ମାଟ୍ଟୋ ହାହାମାଞ୍ଜାନେସି । ୬ ଏଦାଆଁତାକି ମାମୁ ବାରେବେଲା
 ସାସା ଆସାମାନମି । ମାମୁ ପୁଞ୍ଜାମାନମି, ଏତେଦିନା ପାତେକା ଇ ଆଟ୍ଟୋତା
 ବାସା କିହାମାନମି, ଏତେଦିନା ପାତେକା ପ୍ରଭୁଟି ଇଲୁଟି ହେକ ମାଞ୍ଜାନା
 ନୀତା ବାଡ଼ିକିମାନମି, ୭ ଏନାଆଁତାକି ଇତିହିଁ ମାର ତଞ୍ଜାଆହିମାନି ଦିଶୁ
 ଲାକ ଆଏ ସାମା ନାମୁ ଲାକ ନୀତା ବାଡ଼ିକି ମାନାୟି । ୮ ଏନାଆଁକି
 ଇତିହିଁ ମାମୁ ସାସା ଗାଟାତମି, ଇଚ୍ଛୁ ଇ ଆଟ୍ଟୋ ପିସାଲି ପ୍ରଭୁ ତଲେ ବାସା
 କିହାଲି ମାମୁ ହାରେକା ରାହାଁ । ୯ ଏଦାଆଁତାକି ଇମାଆଁ ଜାହାରା ଇଲୁତା
 ମାତିହିଁ କି ହେକ ରାଜି ମାତିହିଁ ଜିକେଏ, ମାହାପୁରୁଇଁ ରାହାଁ କିନାୟି ଏ
 ମା ରଣ୍ଡିଏ ଅଣ୍ଡୁ । ୧୦ ଇତିହିଁ ନେହେଁ ଆପେ କି ଲାଗେଏ ଆପେ,
 ବାରେକାଣା ଜାହାରା ଆଟ୍ଟୋ ତଲେ କିତି କାମାତି ଲେକାତଲେ ପାଡେୟି
 ବେଟାଆହାଲି ତାକି କ୍ରୀସ୍ତୁଟି ନୀହାୟି କିନି ଚାୟୁ ନିକିତା ବାରେତାୟି
 ମାଟ୍ଟୋ ନିକା ହାଜାଲି ଆନେ । ୧୧ ପ୍ରଭୁଇଁ ଆଜିନାଣି ପୁଞ୍ଜାମାନାକି ମାମୁ
 ମାଣ୍ଡିୟିୟିୟିୟି ମାଡ଼ିକିହି ମାନମି, ସାମା ମାମୁ ମାହାପୁରୁ ନିକିତା ତଞ୍ଜା
 ଆହାମାନମି ଇଚ୍ଛୁ ମା ଅଣ୍ଡୁତା ଜିକେଏ ତଞ୍ଜା ଆହାମାନମି, ଇ କାତା
 ନାମୁ ଆସା କିହିମାୟି । ୧୨ ମାମୁ ମା ତାଣା ଅଡେ ବଡପଣ ତସାଲି
 କିହିହିଲଅମି, ସାମା ଲକ୍ଷ୍ମିଟି ନେହିଁ ଅଣ୍ଡୁ ତାକି ବଡପଣ ତହୁଆନା
 ଖାର୍ଯ୍ୟ ଏଖାସି ଆଟ୍ଟୋ ରାହାଁତାକି ବଡପଣ ତହୁନାରାଇଁ ମାରୁ ଷେଶ୍ଟେ
 ଷେସାଲି ଆତିଦେରି, ଏଦାଆଁତାକି ମାରୁ ମା ତାକି ବଡପଣ ତସାଲି
 ଆତିଦେରି ଇଚ୍ଛୁ ଷେସିମାଞ୍ଜାନମି । ୧୩ ମାମୁ କି ବୁଦି ହିଲାଆ ଗାଟାତମି?
 ଏଦି ମାହାପୁରୁ ତାକି ଆହାମାନେ ମାମୁ କି ବୁଦିଗାଟାତମି ଆହାମାନମି?
 ମା ନେହେଁ ମାତିସାରେ, ମା ତାକି ଏଲେଆହିଁ ମାନମି । ୧୪ ଇତିହିଁ
 କ୍ରୀସ୍ତୁଟି ଜୀସୁ ନିନି ତାଣାଟି ସାଲିଷି ଆହିମାନାୟି, ଏଦାଆଁତାକି ମାର ଇ
 କାତା ଅଣ୍ଡିପିମାନାୟି, ରଅସି ବାରେକାଣା ତାକି ହାହାମାନାକି ବାରେକାଣା
 ଏ ହାକିତା ଆଣ୍ଡୁମାନେରି । ୧୫ ଏଖାସି ବାରେକାଣା ତାକି ହାହାମାନାକି
 ଆମିନି ଗାଟାରି ନୀତାମାନେରି, ଏଖାସି ଅଡେ ଜାହାରାତାକି ନୀତାଆନା
 ଏଖାଣି ତାକି ନୀତିନେରି, ଏନାଆଁତାକି ଇତିହିଁ ଏଖାସି ତାକି ଏଖାସି
 ହାହାମାନା ଷେଶ୍ଟେ ନୀତାମାନେସି । ୧୬ ଇଦାଆଁତାକି ମାମୁ ଆମ୍ବାଆରାଇଁ
 ମାଣ୍ଡିଏ ଅଣ୍ଡୁ ତଲେ ବିଚାରା କିହିଲଅମି । ଦିନା ମାତେ ଏତିବେଲା

ମାମୁ କ୍ରୀସ୍ତଙ୍କ ଜିକେଏ ମାଣ୍ଡି ଅଣ୍ଡୁ ତଲେ ଅଣ୍ଡିମାତମି, ସାମା ନୀଏଁ ମାମୁ ଅଡ଼େ ଏଲେ କିହାଲିଅମି । ୧୭ ଇଦାଆଁତାକି ଆମ୍ବାଆସି କ୍ରୀସ୍ତ ତାଣା ମାଟିସାରେ ଆତିହ୍ଁ ଏଞ୍ଜାସି ପୁଃନାସି ଆନେସି । ପାଣ୍ଡାଆୟି ବାରେ ମେଣ୍ଡ଼ାମାନେ, ମେହ୍ତୁ ପୁଃନାୟି ଆହା ଆନେ । ୧୮ ଇ ବାରେ ମାହାପୁରୁ ତାଣାଟି ଆହାମାନେ, ଏଞ୍ଜାସି କ୍ରୀସ୍ତ ତାଣାଟି ମାଟ୍ଟେ ତାନିତଲେ ଅଡ଼େ ଆର୍ହା ମାଞ୍ଜୁନେସି ଇଞ୍ଜିଁ ତାନିତଲେ ସେବାକିନି ପାଣା ଆର୍ହାଲି ଏଞ୍ଜାସି ମାଟ୍ଟେ ଦାୟିପତି ହାହାମାଞ୍ଜୁନେସି । ୧୯ ଏ ଆଣ୍ଡିନି ବଲୁ ଇଦି, ମାହାପୁରୁ କ୍ରୀସ୍ତ ତାଣା ଦାର୍ତ୍ତିତ ତାନିତଲେ ଆର୍ହାମାଟେସି; ଏଞ୍ଜାସି ଦାର୍ତ୍ତିତ ଲୁକ୍ତି ଦହ ଆହାଆନା ଏ ଆଣ୍ଡିନି ବଲୁଟି ମା ତାଣା ହେର୍ପା ମାଞ୍ଜୁନେସି । ୨୦ ଏଦାଆଁତାକି ମାହାପୁରୁ ମା ଖାକିଟି ହାଟିମାଞ୍ଜୁନାକି ମାର କ୍ରୀସ୍ତଟି ଖାକିଟି ରାଜାଟି କାରୁ ଷ୍ଟେହ୍ନାତାୟି ଆହାମାନାୟି; କ୍ରୀସ୍ତ ତଲେ ମାର ବାଟିମାଲି ମାଞ୍ଜୁନି, ମାହାପୁରୁ ତଲେ ଅଡ଼େ ଆଣ୍ଡୁ । ୨୧ ଇତିହ୍ଁ କ୍ରୀସ୍ତକି ଇତାୟି ପାପୁ ହିଲିଆତି ଜିକେଏ, ମାହାପୁରୁ ତାଟ୍ଟେ ମା ତାକି ପାପୁ ଗାଟାଣିଲେହ୍ଁ କିତେସି, ମାର ଏନିକିଁ ତାନିତଲେ ଆଣ୍ଡାନା ମାହାପୁରୁଟି ଦାମ୍ପୁତା ଆଣ୍ଡାଲି ଆତିନାୟି ।

୨ ମାହାପୁରୁ ତଲେ ଆଣ୍ଡୁ ଆହାମାନା କାମା କିହିମାନାକି ମାମୁ ମିଟ୍ଟେ ବାଟିମାଲି ମାଞ୍ଜୁନି, ମା ଜୀଞ୍ଜୁତା ମାହାପୁରୁଟି କାର୍ମାମେହ୍ନାଣି ଉଲେଏ କିଆଡୁ । ୨ ମାହାପୁରୁ ଏଲେଇଞ୍ଜିଁ ମାନେସି, “ମିଟ୍ଟେତାକି କାର୍ମା ମେସ୍ତାନି ଦିନା ଖାହାଲିଏ ନାନୁ ମା ଗହାରା ଷ୍ଟେତେଏଁ, ଗେଲ୍ପିନି ଦିନା ନାନୁ ମା ସାୟେମି ଆୟାତେଏଁ” ମେହ୍ତୁ! ଇଦି ଆହିମାନେ ମାହାପୁରୁଟି କାର୍ମାମେହ୍ନାଣି ବେଟାଆନି ବେଲା । ନାଞ୍ଜୁ ଆହିମାନେ ଗେଲ୍ପିଆନି ଦିନା । ୩ ଏନିକିଁ ମା ସେବା କାମା ନିନ୍ତୁ ଆଏ, ଏଦାଆଁତାକି ମାମୁ ଆମ୍ବାଆରି କାମାତା ବାଦା ହାଆପ ଇଞ୍ଜିଁ ଅଣ୍ଡିମାନମି । ୪ ଏଦାଆଁତାକି ମାମୁ ବାରେବେଲା ମାହାପୁରୁଟି ସେବା କିନାରା ଲେହ୍ଁ ଡ଼ସାକତିମାନମି, ସାମା ଆର୍ହା ତଲେ ବାରେଲେହ୍ଁଟି ବାଦାତା, ହିଲିଆ ବେଲାତା କସ୍ତୁ ଅର୍ହାମାନମି, ୫ ମାମୁ ମାତା ବେଟାଆହାମାନା, କାୟିଦିତା, ଲୁକ୍ତ ନକିତା ନିନ୍ତୁ ବେଟାଆହାମାନା, ଇଞ୍ଜିଁ ଖାହୁ କାମାତା, ଇଦା କିଆନା, ରାନ୍ତୁ ତିନାଆନା ମାତମି, ୬ ସୁରୁଟି, ବୁଦିଟି, ଅର୍ହାହିନି ତାଣାଟି, କାର୍ମାମେହ୍ନି ତାଣାଟି, ସୁଦ୍ଦାଞ୍ଜୁତା, କୁଚୁ ହିଲିଆନା ଜୀଞ୍ଜୁନାୟି, ୭ ଅଡ଼େ ସାତା ନେହିଁ ବଲୁତା, ମାହାପୁରୁଟି ବାଡ଼ୟୁ ତଲେ, ଟିଃନି ଟେବୁ କେୟୁଟି ଦାମ୍ପୁଟି ସାକୁ ତଲେ, ୮ ଗାଞ୍ଜୁରି ଅଡ଼େ ଅପାଆ ତାଣା, ମାମୁ ମାନି ବେଟାଆହି ମାନମି ଇଞ୍ଜିଁ ଲାଜା ବେଟାଆହି ମାନମି; ଇଞ୍ଜିଁ ନାଡ଼ିକିଞ୍ଜି ଆହିମାନମି, ଆତିଜିକେଏ ସାତା ଗାଟାତମି । ୯ ପୁଣ୍ଡି ଆଆତି ଲୁକ୍ତ ଲେହ୍ଁ, ଆତି ଜିକେଏ ନେହିଁ ପୁଣ୍ଡିଆତି ଲୁକ୍ତ, ହାତାରି ଲେହ୍ଁ ଆତି ଜିକେଏ ମେହ୍ତୁ ମାମୁ ନାତାମାନମି, ମାମୁ ତଣ୍ଡୁ ବେଟାଆହାମାନମି ସାମା ହାହା ହିଲିଅମି, ୧୦ ମାମୁ ବୁକୁ ତଲେ ମାଟିହ୍ଁ ଜିକେଏ ବାରେବେଲା ରାହାଁ ତଲେ ମାନମି, ମାମୁ କାକୁଲି ଗାଟାତମି ଲେହ୍ଁ, ସାମା ହାରେକା ଲୁକ୍ତାକି ବାଡ଼କା ମାନମି, ମାଟ୍ଟେ ଏନାୟି ହିଲିଆଲେହ୍ଁ ସାମା ମାମୁ ସାତାତଲେ

ବାରେଟି ଅଦିକାରା ଗାଟାତମି; ଇ ବାରେତାଣା ମାମୁ ମାହାପୁରୁଟି ସେବା କିନାତମି ଲେହ୍ଁ ଜାହାରାଇଁ ଜଗେ ଗାଟାତମି ଇଞ୍ଜିଁ ଡ଼ସାକତି ମାନମି । ୧୧ କରନ୍ତିତା ମାନି ଜୀଞ୍ଜୁଟି ତାୟିୟାଁ ଅଡ଼େ ତାଢ଼ିସ୍ତାତେରି, କୁଚୁ ହିଲିଆଲେହ୍ଁ ମିଟ୍ଟେ ବାରେ ଷ୍ଟେସା ମାଞ୍ଜୁନମି । ମା ତାଣା ମା ହିୟାଁ ଦେତାମାନମି । ୧୨ ମିଟ୍ଟେତାକି ମା ଜୀଞ୍ଜୁନାୟି ଉଣା ଆହା ହିଲେଏ ସାମା ମା ତାକି ମା ଜୀଞ୍ଜୁନାୟି ଉଣା ଆହାମାନେ । ୧୩ ମିଟ୍ଟେ ନା ମାର୍ବକା ମାସକା ଇଞ୍ଜିଁ ଅଣ୍ଡିମାନା ଇ ବାରେ ଷ୍ଟେସିମାଞ୍ଜୁଲ୍, ମାମୁ ଜୀଞ୍ଜୁନାୟି ମାଞ୍ଜୁନାକି ମା ହିୟାଁ ଦେପି ଆପେ । ୧୪ ମାରୁ ନାମାଆଗାଟାରି ତଲେ ଉଲେଏତାତେରି ଆତି ଲେହ୍ଁ କାମା କିଆଡୁ, ଦାମ୍ପୁ କାମାତା ଲାଗେଏତି କାମା ଏନିକିଁ ଆଣ୍ଡିନେ? ଅଡ଼େ ଆନେରି ତଲେ ଉଜେଡ଼ି ଏନିକିଁ ଆଣ୍ଡିନେ? ୧୫ କ୍ରୀସ୍ତ ଇଞ୍ଜିଁ ବିଲିୟାଏ ଏନିକିଁ ଜାଡୁ ଆନେରି? ନାନିତାରି ଇଞ୍ଜିଁ ନାମାଆତାରି ଆନିନି କାତାତା ରଣ୍ଡିଏ ଆନେରି? ୧୬ ମାହାପୁରୁଟି ଇଲୁତା, ଏନିକିଁ ପେଣ୍ଡାକାଟି ପୁଜା ଆନେ? ସାମା ମାର ନାତାମାନି ମାହାପୁରୁଟି ଇଲୁତାୟି, ଇତିହ୍ଁ ମାହାପୁରୁ ତାନ୍ତୁଏ ଏଲେଇଞ୍ଜିଁ ମାନେସି, “ନା ଲୁକ୍ତତଲେ ନାନୁ ବାସା କିଲ୍, ଅଡ଼େ ଏଞ୍ଜାରିତଲେ ମାଲ୍, ନାନୁ ଏଞ୍ଜାରି ମାହାପୁରୁ ଆଲ୍, ଅଡ଼େ ଏଞ୍ଜାରି ନା ଲୁକ୍ତ ଆନେରି ।” ୧୭ ଏଦାଆଁତାକି ପ୍ରବୁ ଏଲେଇଞ୍ଜିଁ ମାନେସି, “ମାରୁ ଏଞ୍ଜାରି ତାଣାଟି ହୁତା ଖାଡୁ, ଏଞ୍ଜାରି ତାଣାଟି ଏଡ଼କା ଆଡୁ, ଏନି ଲାଗେଏତି ଦିଶ୍ତୁ ତାଗାଆଡୁ, ଆତିହ୍ଁ ନାନୁ ମିଟ୍ଟେ ଆବାଲ୍, ୧୮ ନାନୁ ମା ଆବା ଆଲ୍, ଅଡ଼େ ମାରୁ ନା ମାର୍ବକା ମାସକାତେରି ଆଦେରି, ବାରେକିହାଁ ବାଡ଼ୟୁଗାଟି ପ୍ରବୁ ଇଦାଆଁ ଷ୍ଟେସିମାଞ୍ଜୁନେସି ।”

୨ ଇତିହ୍ଁ, ଏ ତାୟିୟାଁ ଅଡ଼େ ତାଢ଼ିସ୍ତାତେରି, ଇ ବାରେ ଆଞ୍ଜୁମାଟାଣି ମେଡ଼ା ଆହାମାନାକି ଖାଡୁ, ମାର ମା ଆଞ୍ଜୁ ଅଡ଼େ ଜୀଞ୍ଜୁଟି ଲାଗେଏ ତାଣାଟି ଆର୍ହା କଡିନ, ଇଞ୍ଜିଁ ମାହାପୁରୁଲ୍ ଆଜାନା ସୁଦୁ ମାଣ୍ଡିକା ନେହିଁ ଆନ । ୨ ମା ହିୟାଁତା ମାଟ୍ଟେ ଚାୟୁ ହିୟାୟୁ, ମାମୁ ଆମ୍ବାଆରାଇଁ ଲାଗେଏ କିହାଲିଅମି, ଆମ୍ବାଆରାଇଁ ନାସା କିହାଲିଅମି କି ଆମ୍ବାଆରାଇଁ ବୁଡ଼ି କିହାଲିଅମି । ୩ ନାନୁ ମିଟ୍ଟେ ଦହ ଦସାଲି ଇଦାଆଁ ଷ୍ଟେସିମାଞ୍ଜୁଆଁ; ଇତିହ୍ଁ ନାନୁ ତଲିଏ ଷ୍ଟେସାମାଞ୍ଜୁଲ୍, ମାରୁ ମା ହିୟାଁତା ଏତେକା ଚାୟୁ ବେଟାଆହାମାନାକି ମାର ହାତିହ୍ଁ ରଣ୍ଡିଏ ତାଣା ହାନ, ନାଡ଼ିତିହ୍ଁ ରଣ୍ଡିଏ ତାଣା ନାଡିନ । ୪ ମା ତାଣା ନାଟ୍ଟେ ହାରେକା ନାନୁ ମାନେ, ମିଟ୍ଟେତାକି ନାଟ୍ଟେ ହାରେକା ବଡପଣ ହତି ମାଞ୍ଜୁନେ; ନାନୁ ବୁକୁ ଉକ୍ତା ମାଲ୍, ମା ବାରେ କସ୍ତୁତା ନାନୁ ସାସା ଆହାମାଲ୍, ଅଡ଼େ ନା ହିୟାଁତା ରାହାଁ ହତିମାଞ୍ଜୁନେ । ୫ ମାକିଦନିୟାତା ଏଜାଲିଏ ଜିକେଏ ପାଞ୍ଜୁତା ଗଡ଼ହା ବିତ୍ରା ଆଜି, ଇଲେଟି କସ୍ତୁ ବେଟାଆହାଲିଏ ମା ଆଞ୍ଜୁ ଜିକେଏ କମାଲି ପୁଃଆତେ । ୬ ସାମା ହେଲା ଗାଟାରାଇଁ ସାସା ହାନି ତିତସଲ୍ ମାହାପୁରୁ ପାଣ୍ଡାନା ମାଟ୍ଟେ ସାସା ହିୟାତେସି । ୭ ଖାଡ଼ଇ ତାନି ଖାଟାକି ରାହାଁ ଆଏ, ସାମା ଏଞ୍ଜାସି ମା ତାଣା ହାଜାନା ଏନିନି ସାସା ବେଟାଆହାମାନେସି । ଏମ୍ବାଟି ମାଟ୍ଟେ ସାସା ହିୟାତେସି, ଏତେକା ନାଟ୍ଟେ ମେସାଲି ମାରୁ

ଅଣ୍ଡିମାଞ୍ଜେରି, ଏତେକା ମୀରୁ ଦୁକୁ କିହିମାଞ୍ଜେରି, ମୀରୁ ନା ଡାଣା ବାସ୍ତୁ ଇଟାଲି ଏତେକା ଡିୟାରା ଆହାମାଞ୍ଜେରି, ଏଦାଆଁତାକି ନାନୁ ନାଏଁ ହାରେକା ରାହାଁ ଆହିମାଞ୍ଜେରି । ୮ ନାନୁ ନା ତଲିତି ଆକୁତା ମିଢ୍ଫେ ଦୁକୁ ହାହାମାଞ୍ଜେରିହିଁ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡେକା ତାକି ମିଢ୍ଫେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆତିଜିକେଏ ୯ ନାଏଁ ରାହାଁ ଆହିମାଞ୍ଜେରି, ମୀରୁ ନାଏଁ ଦୁକୁ ଆତେରି ଏଦାଆଁତାକି ଆଏ, ସାମା ମୀ ଦୁକୁ ମିଢ୍ଫେ ମନ ଖେଟ୍ପି କିତାକି ରାହାଁ ଆହାମାଞ୍ଜେରି; ଇତିହିଁ ମା ଡାଣାଟି ମାଦି ଏନାୟିଖା ବୁଡ଼ି ଆଆପେ, ଏଦାଆଁତାକି ମୀରୁ ମାହାପୁରୁ ଡାଣାଟି ଦୁକୁ ବେଟା ଆହାମାଞ୍ଜେରି । ୧୦ ମାହାପୁରୁ ଡାଣାଟି ଖାନି ଦୁକୁ ଗେଲ୍‌ପାଲିତାକି ମନ ଖେଟ୍ପି କିଞ୍ଜିକେ, ଏଦାଆଁତାକି ଅଣ୍ଡିମାୟି ଲୁଡ଼ା ହିଲେଏ; ସାମା ଇ ଦାର୍ତ୍ତିତି ଦୁକୁ ହାଞ୍ଜିକେନେ । ୧୧ ମେହଦୁ ମାହାପୁରୁଟି ମନତଲେ ଆମିନି ଦୁକୁ ବେଟାଆତେରି, ଏଦି ମୀ ଡାଣା ଏତେକା ରାହାଁଗାଟାୟି, ହାଅ, ମୀ ଦହ ହିଲ୍‌ଆଗାଟାଣି ତସାମାନେ, ହାଅ ଏତେକା ଅଣ୍ଡୁ, ଏତେକା ଆଜି, ଏତେକା ମନ, ଏତେକା ସେବା, ଲାଗେଏତାଣି ତଣ୍ଡୁ ହାହାଲି ଏତେକା ଅଣ୍ଡୁ, ଏ ବାରେ ଡାଣାଟି ମୀରୁ ଅହାତେରି ଇଞ୍ଜି ଡ଼ଞ୍ଜା ଆହିମାଞ୍ଜେରି । ୧୨ ଇଦାଆଁତାକି ନାନୁ ମୀ ଡାଣା ଏ ଆକୁ ରାଡିଡେଏଁ, ଆତିହିଁ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅହା ମାନେସି, ଏଖାଣାକି ରାଡିଡେଏଁ, ଏଦି ଆଏ, ସାମା ମାଢ୍ଫେ ତାକି ମୀ ରାହାଁ ଏନିକିଁ ମାହାପୁରୁ ନକିତା ମୀ ଡାଣା ସାତେଏ ଇଞ୍ଜି ଡ଼ଞ୍ଜାଆନେ, ଏଦାଆଁତାକି ରାଡିଡେଏଁ । ଇତିହିଁ, ମାମୁ ସାସା ବେଟାଆହାମାନମି । ୧୩ ଅଡେ ମା ବାସ୍ତୁତା ମାମୁ ତିତସ ରାହାଁତାକି ହାରେକା ରାହାଁ ଆତମି, ଇତିହିଁ ଏଖାଣି ଜୀଞ୍ଜୁ ମୀ ବାରେ ଜାଣା ଡାଣାଟି ରାହାଁ କିହାମାଞ୍ଜେରି । ୧୪ ଆତିହିଁ ଏନି କାତା ତିତସ ଡାଣା ମୀ ତାକି ନାନୁ ବଡପଣ କିହାମାଞ୍ଜେରି, ଆତି ଲାଜା ଆହାହିଲିଆଁ, ସାମା ଏନିକିଁ ମାର ବାରେ କାତାତା ମିଢ୍ଫେ ସାତା ଖେସାମାଞ୍ଜେରି, ଏଲେକିହିଁ ତିତସ ନକିତା ମା ବଡପଣ ଆନାୟି ଜିକେଏ ସାତା ଇଞ୍ଜି ପୁଣ୍ଡିଆହାମାନେ । ୧୫ ଇଞ୍ଜି ମୀରୁ ଏନିକିଁ ଆଜି ଅଡେ ତୀରୁଗିହିଁ ଏଖାଣାଇଁ ଆବାହାଁ ଏଖାଣି ଡାଣା ବାରେଜାଣା ତେରି ମାନଖି ଆତେରି, ଏ ବାରେ ଅଣ୍ଡପାନା ମିଢ୍ଫେତାକି ତାନି ହିୟାଁତା ଜୀଞ୍ଜୁନାୟି ହାରେକା ପାତା ଆତେ । ୧୬ ନାନୁ ବାରେ ଡାଣାଟି ମିଢ୍ଫେ ହାରେକା ନାମାଲି ଆତାଇଁ ଏଦାଆଁତାକି ନାଢ୍ଫେ ହାରେକା ରାହାଁ ହଡିମାଞ୍ଜେରି ।

ଏ ମା ତାୟିୟାଁ ଅଡେ ତାଢ୍ଫିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହାହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାମୁ ମିଢ୍ଫେ ଖେସିମାଞ୍ଜାନମି; ୨ ଏଖାରି ବେଟାଆହାମାନି ହାରେକା କସୁତଲେ ତାୟିପାରି କିଞ୍ଜି ଆହାମାନେରି; ଏଖାରି ହାରେକା ହାକି କାକୁଲି ଗାଟାରି ଇତିହିଁ ଜିକେଏ; ଜାହାରା ଅଣ୍ଡୁ ତଲେ ତାନି ଦାନା ହାନି ଡାଣା ଏଖାରି ରାହାଁ ହାରେକା ମାତେ । ୩ ଏନାଆଁତାକି ଇତିହିଁ ନାନୁ ସାକି ହାହିମାଞ୍ଜେରି, ଏଖାରି ଆତିନି ପାତେକା, ସାମା ଏଖାରି ଆତିନି ବାଡ଼ୁୟୁ

କିହାଁ ଜିକେଏ ହାରେକା ଗାଡି ଦାନା ହାହାମାନେରି । ୪ ଜୀଞ୍ଜୁଦାତା ମାନି ମାହାପୁରୁ ଲକୁଡି ସେବା କାମାତା ଆଣ୍ଡୁଆନି କାର୍ମାମେହନାଣି ମେଡ଼ା ଆହାଲିତାକି ଏଖାରି ଜାହାରା ଅଣ୍ଡୁ ତଲେ ବାଡିମାଲିହିଁ ମାଢ୍ଫେ ହେଲ ରୀସ୍ତାତେରି; ୫ ଏଖାରି ଖାରୁଇ ମା ଆସା କିହାମାନିଲେହେଁ କିହାହିଲିଆତେରି, ସାମା ମାହାପୁରୁ ମନତଲେ ସାଲଖି ଆହାନା ତଲିଏ ଜାହା ଜାହାରାଇଁ ପ୍ରଭୁ ଡାଣା ଇଞ୍ଜି ମା ଡାଣା ହେଟ୍ପାତେରି । ୬ ତିତସ ମୀ ଡାଣା ଏ କାର୍ମାମେହନି କାମା ଏନିକିଁ ମାଡ଼ହା ମାତେସି, ଏଲେକିହିଁଏ ଏଦାଆଁ ରାପୁହାଲି ଏଖାଣାଇଁ ସାସା ହୀତମି । ୭ ମୀରୁ ବାରେ ଡାଣାଟି ନକିତା ଆହାମାଞ୍ଜେରି, ଇତିହିଁ ନାମୁ, କହୁଗାଟାରି, ବୁଡି ଇଞ୍ଜି ବାରେଲେହେଁତେ ରାହାଁ, ମିଢ୍ଫେତାକି ମା ଜୀଞ୍ଜୁନାୟି, ଏଲେକିହିଁ ବାରେ କାତା ଏନିକିଁ ମୀ ଡାଣା ହାରେକା ଡ଼ଞ୍ଜା ଆହିମାନେ, ଏଲେକିହିଁଏ ଇ କାର୍ମାମେହନି କାମା ଜିକେଏ ମୀ ଡାଣା ହାରେକା ଡ଼ଞ୍ଜାଆପେ । ୮ ନାନୁ ହୁକୁମି ହାନି ଲେହେଁ ଖେସିମାଞ୍ଜେରି, ସାମା ଅର ଲକୁଡି ରାହାଁ ଆହାଲି ତସାନା ମୀ ଜୀଞ୍ଜୁନାୟି ସାତା କି ଆଏ ତାୟିପାରି କିହାଲି ଖେସିମାଞ୍ଜେରି । ୯ ଇତିହିଁ ମା ପ୍ରଭୁ ଜୀଞ୍ଜୁ କ୍ରୀସ୍ତୁଟି କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି, ମୀରୁ ଏନିକିଁ ଏଖାଣି ହିଲିଆଗାଟି ଡାଣାଟି ଦନ ଗାଟାତେରି ଆଦେରି, ଏଦାଆଁତାକି ଏଖାରି ଦନଗାଟାସି ଆତିଜିକେଏ ମୀ ତାକି ହିଲିଆଗାଟାସି ଆତେସି । ୧୦ ଏଦାଆଁତାକି ନା ଅଣ୍ଡୁ ଇଦି, ଏ ବାରେ ମିଢ୍ଫେତାକି ନେହେଁ, ଏନିକିହିଁ ଡାଣ୍ଡୁଟିଏ ମୀରୁ ମୂଲୁଏ କାମା ମାଡ଼ହେରି, ଏଦି ଆଏ, ସାମା ଏ କାମା କିୟାଲି ନକେଏ ଜିକେଏ ଅଣ୍ଡପାମାତେରି । ୧୧ ନାଏଁ ଏ କାମା ଜିକେଏ ରାପୁ, ମୀରୁ ଏ କାମା କିହାଲି ଏନିକିଁ ଅଣ୍ଡପାମାତେରି, ଏଲେକିହିଁ ରାହାଁତି ଅଣ୍ଡୁ ତଲେ ଏ କାମା ରାନେ । ୧୨ ଇତିହିଁ ହାହାଲିତାକି ରାହାଁ ମାଡିହିଁ ମାଣ୍ଡି ତାନି ଆତିନିଲେହେଁ ଏନାଆଁ ହାନେସି, ମାହାପୁରୁ ନକିତା ନେହାୟି ଆନେ । ୧୩ ଇତିହିଁ ଏଟକାତାରି ଏନିକିଁ ସୁକୁ ବେଟାଆନେରି, ଇଞ୍ଜି ମୀରୁ କସୁ ବେଟାଆଡୁ, ଏଦାଆଁତାକି ନାନୁ ଇଦାଆଁ ଖେସିମାଞ୍ଜେରି; ୧୪ ସାମା ସମାନା ଆହାଲିତାକି ନାଏଁ ମୀ ବାଡ଼କୁ ତଲେ ଏଖାରି ଲୁଡ଼ା ମାନାଣି କିଞ୍ଜି ଆହିମାନେ, ଏନିକିହିଁ ଏଖାରି ବାଡ଼କୁ ତଲେ ମୀ ହିଲିଆଗାଟାଣି ପୁରା କିଞ୍ଜିଆନେ, ଇଞ୍ଜି ଲଲେଆହିଁ ସମାନା ଡ଼ଞ୍ଜାଆନେ, ୧୫ ଦାମ୍ବୁପତିତା ଏନିକିହିଁ ରାସ୍ତାକି ଆହାମାନେ, “ଆମ୍ବାଆସି ହାରେକା କୁଡି କିତେସି, ଏଖାଣିଖାୟି ହାରାଆତେ, ଇଞ୍ଜି ଆମ୍ବାଆସି ଉଣା କୁଡି କିତେସି, ଏଖାଣାକି ଉଣା ଆଆତେ ।” ୧୬ ମାହାପୁରୁକି ଜହରା ଆପେ, ଏଖାସି ମିଢ୍ଫେତାକି ତିତସ ହିୟାଁତା ରାହାଁ କିହାଲି ସମାନା ଅଣ୍ଡପିନି ମନ ହାତେସି । ୧୭ ଇତିହିଁ ଏଖାରି ଖାରୁଇ ମା ବାଡିମାଲିତାଣି ଅପିତେସି, ଏଦି ଆଏ, ସାମା ଏଖାସି ତାନୁଏ ହାରେକା ରାହାଁ ଆହାଁ ମୀ ଡାଣା ଖାହାଲି ଏଖାସି ମନ କିହିମାନେସି । ୧୮ ଏଖାଣିତଲେ ମାମୁ ଅର ତାୟିଇଁ ପାଣ୍ଡିମାଞ୍ଜାନମି; ଏଖାସି ନେହିଁ କାରୁ ଖେକନି କାମାତାକି ତାନି ଗାଞ୍ଜୁରିମି ବାରେ କ୍ରୀସ୍ତାନା କୁଲମିତା ଖେଟ୍ପୁମାନେ, ୧୯ ଖାରୁଇ ଏଦି ଆଏ, ସାମା ଏଖାସି ଜିକେଏ

ମା ଯେବା ତଲେ ଆହିମାନି ଈ କାର୍ମାମେହନି କାମା ତଲେ ପ୍ରବୁତି ଗାଝୁରମି ଇଞ୍ଚି ରାହାଁ ଅଶ୍ୱପୁ ତାକି ମା ତଲେ ତାକିନାସି ଆହାଲିତାକି କୁଲମିକା ତଲେ ଆଡ଼ି ଆହାମାନେସି । ୨୦ ମା ତଲେ କିହିମାନି ଈ ସେବା କାମା ଲେହେଁ ହାରେକା ଦାନାତି କାତାତା ଆମ୍ବାଆସି ଏନିକିହି ମାଟ୍ଟେ ଦହ ଦସ୍ତାଆପେସି, ଏଦାଆଁତାକି ଜାଗ୍ରାତା ଆହିମାନମି; ୨୧ ଇତିହିଁ ଖାର୍ଲ ପ୍ରବୁ କାନୁତାକି ଆସ, ସାମା ଲକୁ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହାଲି ଅଶ୍ୱପାନମି । ୨୨ ଅଡ଼େ, ମାମୁ ମା ଅର ତାୟିଇଁ ଜିକେଏ ଏଖାରିତଲେ ପାଣ୍ଡିମାଞ୍ଜାନମି, ଏଖାଣାଇଁ ମାମୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଲେ କାମାକିନାସି ଇଞ୍ଚି ନେହିଁକି ପୁଞ୍ଜାମାନମି, ଇଞ୍ଚି ମା ତାଣା ଆଡ଼ି ନାମୁ କିହାଁ ମାନାକି ଏଖାସି ନାଏଁ ହାରେକା ରାହାଁ ଆହାମାନେସି । ୨୩ ତିତସ କାତା ଆମ୍ବାଆସି ଖେଞ୍ଜାତିହିଁ, ଏଖାସି ନା ଆଡ଼ିହତାସି ଇଞ୍ଚି ମା ତାକି ନା ତଲେ କାମାକିନାସି; ଇଞ୍ଚି ମା ତାୟିୟାଁ କାତା ଖେଞ୍ଜାତିହିଁ, ଏଖାରି କୁଲମିକା ତାଣାଟି ପାଣ୍ଡି ଆହାମାନାରି, ଅଡ଼େ କ୍ରାସ୍ତୁଟି ଗାଝୁରମି ଖେଢ଼ି କିହି ମାନାରି । ୨୪ ଇତିହିଁ ମା ଜୀଝୁନାୟି ଇଞ୍ଚି ମା କାତାତା ମା ବଡ଼ପଣତି ପାର୍ମାଣା କୁଲମିକା ନକିତା ଏଖାରାକି ତହୁପୁ ।

୯ ଜୀହୁଦାତା ମାନି ମାହାପୁରୁ ଲକୁଇଁ ସାୟେମି କିନି କାତା ଅଡ଼େ ମିଟ୍ଟେ ରାତାଲି ଲଡ଼ା ଆସ; ୧ ନାନୁ ପୁଞ୍ଜାମାଇଁ ମୀରୁ ବାରେବେଲା ସାୟେମି କିହାଲି ତିୟାରା ଆହାମାଞ୍ଜେରି ଇଞ୍ଚି ମାକିଦନିୟାତି ଲକୁ ତାଣା ମା ତାକି ନାନୁ ବଡ଼ପଣ ଆହିମାଇଁ । ନାନୁ ଖେସାମାଟେଏଁ, “ଆକାୟାତି ତାୟିୟାଁ ସାୟେମି କିହାଲି ହାତି ବାସାଟିଏ ତିୟାରା ଆହାମାନେରି ।” ମୀରୁ ଏଲେକି ସାୟେମି କିନାୟି ଏଖାରି ବିତ୍ରାତି ହାରେକା ଲକୁଣି ଜାଗ୍ରାତା କିହାମାନେ । ୩ ଆତିଜିକେଏ ନାନୁ ତାୟିୟାଁଇଁ ପାଣ୍ଡିମାଞ୍ଜାଇଁ, ମା ତାକି ବଡ଼ପଣ ତହୁନାୟି ଏନିକି ଉକେଏ ଆସ, ସାମା ନା କାତାଲେହେଁ ହାହାଲିତାକି ଜାଗ୍ରାତା ଆଡ଼ି, ୪ ଏଡ଼େତା ଆପେ ନା ତଲେ ଆମିନି ଲକୁ ପାଟେ ମାକିଦନିୟାତି ଖାହାଁ ମା ଦାନା କୃତି କିହା ହିଲିଆ ଗାଟାଣି ମେସିହିଁ ମୀରୁ ପାଣ୍ଡିନି ଲାଜା ପିସାନା ମାମୁ ଈ ଆଡ଼ି ନାମୁତି କାତାତାକି ଲାଜା ବେଟାଆନମି ୫ ମୀରୁ ତଲିଏ ଆଞ୍ଜାମାତି ଦାନା ଏନିକି ଗୁରୁମୁରୁ ଆହି ହାନାୟି ଆଆନା ଜାହାରା ଅଶ୍ୱପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୃତିକିହାଲି ତିୟାରା କିହାଲି ନକେଏ ମା ତାଣା ହାଜାଲିତାକି ନାନୁ ଏ ତାୟିୟାଁଣି ବାତିମାଲିଲି ଅଶ୍ୱପାମାଟେଏଁ । ୬ ସାମା ଈ କାତା ସାତା, ଆମ୍ବାଆସି ରଗାଣି ବିଚା ମାଟିନେସି, ଏଖାସି ଇଗାଣି ତାସା ବେଟା ଆନେସି; ଅଡ଼େ ଆମ୍ବାଆସି ଗାତି ବିଚା ମାଟିନେସି, ଏଖାସି ଗାତି ତାସା ବେଟାଆନେସି । ୭ ବାରେଜାଣା ଜାହାରା ହିୟାଁ ଏନିକି ଅଶ୍ୱପା ମାନେ, ଏଲେକି କିପେରି, ମୁସ୍ତି କି ବାଲାମାତମି ତଲେ ଆସ; ଏନାଆଁତାକି ଇତିହିଁ ମାହାପୁରୁ ଜାହାରା ଅଶ୍ୱପୁ ତଲେ ଦାନାହାନି ଲକୁଣି ଜୀଝୁ ନନେସି । ୮ ଅଡ଼େ, ବାରେ ଦିଶ୍ୱ ବାରେବେଲା ହାରେପୁରେ ବେଟାଆହାଁ ମୀରୁ ଏନିକି ବାରେ ନେହିଁ କାମାତାକି ହାରେକା ଇଞ୍ଚି ହାରେକା ଦାନା

କିହାଲି ଆଡ଼ିଦେରି, ଏଦାଆଁତାକି ମାହାପୁରୁ ମିଟ୍ଟେ ବାରେଲେହେଁଟି କାର୍ମା ହାରେପୁରେ ହାହାଲି ଆତାନେସି । ୯ ଦାର୍ମପତିତା ରାସ୍ତି ଆହାମାନେ, “ଏଖାସି କେୟୁ ଦେତାନା ଦାନା ହାହାମାନେସି, ଏଖାସି ହିଲିଆ ଗାଟାଣାକି ହାରେପୁରେ ହାହାମାନେସି; ଏଖାଣି ଦାର୍ମ ଏଡ଼େଲାଖା ରାଏ ।” (aiōn ୨165) ୧୦ ମାହାପୁରୁ ମାଟିନାଣାକି ବିଚା ଅଡ଼େ ତିଞ୍ଜାଲି ରାନୁ ହାନେସି, ଏଖାସି ମାଟାଲିତାକି ମିଟ୍ଟେ ବିଚା ହିୟାନେସି ଇଞ୍ଚି ଏଦାଆଁ ପାତିକିନେସି, ଅଡ଼େ ମା ଦାର୍ମପତି ପାଡ଼େୟି ଗାତି କିନେସି । ୧୧ ଏଲେକି ମୀରୁ ବାରେ ଦିଶ୍ୱପୁତା ବାଡ଼କାନା ଜାହାରା ଅଶ୍ୱପୁ ତଲେ ଦାନା କିହାଲି ଆଡ଼ିଦେରି, ଇଞ୍ଚି ଏଦି ମା ତାଣାଟି ମାହାପୁରୁଇଁ ଜହରା କିନାୟି ଆନେ । ୧୨ ଇତିହିଁ ଈ ଦାନା ହାନି ସେବା କାମା ମାହାପୁରୁ ଲକୁତି ଲଡ଼ାମାନାଣି ପୁରା କିହିମାନେ, ଏଦି ଆସ, ସାମା ଏଦାଆଁ ତଲେ ଜିକେଏ ମାହାପୁରୁତି କାମାତା ହାରେକା ଲକୁ ରାହାଁତଲେ ଜହରା କିହିମାନେରି । ୧୩ ଇତିହିଁ ଈ ସେବା କାମାତି ପାର୍ମାଣା ତାକି ଲକୁ ମିଟ୍ଟେ ଆବିମାଞ୍ଜାନି କ୍ରାସ୍ତୁତି ନେହିଁ କାରୁତି ନାମୁ, ଇଞ୍ଚି ମାହାପୁରୁତି ଲକୁ ଅଡ଼େ ବାରେତାକି ମା ଆଣ୍ଡିନାୟି ତାର୍ପୁ ତାକି ମାହାପୁରୁତି ଗାଝୁରମି କିହିମାନେରି । ୧୪ ମିଟ୍ଟେ ମାହାପୁରୁତି ହାରେପୁରେ କାର୍ମାମେହନାଣି ତାକି ଏଖାରି ଜିକେଏ ହାରେକା ରାହାଁତଲେ ପ୍ରାତାନାତା ମିଟ୍ଟେ ଅଶ୍ୱପିମାଞ୍ଜାନେରି । ୧୫ ମାହାପୁରୁତି ହାରେପୁରେ ଦାନା ତାକି ତାଟ୍ଟେ ଜହରା ଆପେ ।

୧୦ ନାନୁ ପାଝୁଲେତେଏଁ ମା ନକିତା ସାପି ଆହା ମାନାତେଏଁ ସାମା ହେକ ମାନାଟି ବାଡ଼ୟୁ ତହୁନାତେଏଁ, ନାନୁଏ କ୍ରାସ୍ତୁତି ସୁତୁଗାଟି ଅଶ୍ୱପୁ ତଲେ ମିଟ୍ଟେ ବାତିମାଲିହିଁ ରାସିମାଞ୍ଜାଇଁ, ୧ ହାଅ ନାନୁ ପ୍ରାତାନା କିହିମାଇଁ, ମୀର ମାଣସିତି ଅଶ୍ୱପୁ ତଲେ ତାକିମାନାୟି ଇଞ୍ଚି ଅଶ୍ୱପିମାନାରି କପାଟି ବାଡ଼ୟୁ ତସାଲି ଅଶ୍ୱପାମାଇଁ, ଇଞ୍ଚି ନାନୁ ଖାତିସାରେ ଏଲେତି ବାଡ଼ୟୁ ତସାଲି ଆସ; ୩ ମୀର ଈ ଦାର୍ମପତି ଆଞ୍ଜା ତଲେ ନାତାମାନାୟି ସାତା, ସାମା ମୀର ଦାର୍ମପତି ଅଶ୍ୱପୁ ତଲେ ଉକୁ କିହି ହିଲିଆୟି, ୪ ଇତିହିଁ ମା ଉକୁତି ସାକୁ ଆଞ୍ଜାତି ଉତି ତଲେ ଆସ, ସାମା କାଜା କଟା ଇଲୁ ମ୍ଲେକହାଲି ମାହାପୁରୁ ନକିତା ଏ ବାରେ ବାଡ଼ୟୁ ଆନେ; ୫ ମାମୁ ମିତି ଅଶ୍ୱପୁ କାତା ବାରେ ଅଡ଼େ ମାହାପୁରୁତି ରୁତି କପାଟି ନିଞ୍ଜିନି ବଡ଼ପଣ ତହୁନି କାଜା କାତାଟି ବାରେ ମ୍ଲେକନମି; ଅଡ଼େ ବାରେଲେହେଁଟି ଅଶ୍ୱପିନାଣି ଆସାନା କ୍ରାସ୍ତୁତି ମାନି ଆୟାଲି ଦସ୍ତି କିହିମାନମି । ୬ ଏତିବେଲା ମୀରୁ ବାରେ ଖାକିଟି ମାନସି ଆଦେରି, ଏତିବେଲା ମାମୁ ମାନସି ଆଆଗାଟାଣି ବାରେ ତଣୁ ହାନମି । ୭ ମୀରୁ ସାରିସୁତୁ ପାଞ୍ଜାତା ତଞ୍ଜା ଆହିମାନାଣି ମେସିମାଞ୍ଜେରି । ଆମ୍ବାଆସି ଜାହାରାଇଁ କ୍ରାସ୍ତୁତି ଲକୁତେଏଁ ଇଞ୍ଚି ନାମିନେସି, ଆତିହିଁ ଏଖାସି ଏନିକି କ୍ରାସ୍ତୁତି ଲକୁ, ମାମୁ ଜିକେଏ ଏଲେକି କ୍ରାସ୍ତୁତି ଲକୁ, ଇଦାଆଁ ତାନୁଏ ଅଶ୍ୱପାପେସି । ୮ ଇତିହିଁ ମା ଅଦିକାରା ତାକି ନାନୁ ଅଲ୍ପ ଗାତି ବଡ଼ପଣ ତସ୍ତି ଜିକେଏ ଲାଜା ଆଅଁ; ମିଟ୍ଟେ ନାସସି କିହାଲି ପ୍ରବୁ ମାଟ୍ଟେ ଅଦିକାରା ହାଆନା ମିଟ୍ଟେ ତିୟାରା କିହାଲି ହାହାମାଞ୍ଜାନେସି । ୯ ନା ରାଡ଼ିତି ଆକୁୟାଁ ତଲେ

ନାନୁ ମିଷ୍ଟେ ଆଜିକିହି ମାଞ୍ଜୁନେସି ଇଚ୍ଛୁ ଅଶ୍ଵପାଆୟୁ । ୧୦ “ଏତରଜାଣା ଏଲେଇନେରି, ପାଞ୍ଜଲ ତାନି ଆକୁ ରାତିନାଟି ଅଦିକାରା ଅଡ଼େ କାଜା ବାଡ଼ୟୁ ଗାଟାଲ, ସାମା ମା ତଲେ ଆଞ୍ଜୁତା ମାନାଟି ଏଞ୍ଵାସି ବାଡ଼ୟୁ ହିଲାଆଗାଟାସି ଅଡ଼େ ତାନି କାତା ବାରେ ଉଜେଏତାୟି ।” ୧୧ ମାମୁ ହେକ ମାଞ୍ଜୁନା ଆକୁତା ରାତିନି କାତା ଏନିଲେହେତାୟି, ମୀ ତଲେ ମାଞ୍ଜୁନା କିନି କାମା ଜିକେଏ ଏଲେତାୟି ଇଚ୍ଛୁ ଲକୁ ଅଶ୍ଵପାପେରି । ୧୨ ଇତିହି ଆମ୍ବାଆରି ଜାହାରାଇଁ ବତପଣ ତସା କତିନେରି, ଏଞ୍ଵାରି ତଲେ ମାଟ୍ଟେ ଲେକା କିହାଲି ଜିକେଏ ମା ସାସା ହିଲେଏ; ସାମା ଏଞ୍ଵାରି ତାମୁ ତାନି ତାଣାଟି ଜାହାରାଇଁ ଲେକା କିହାନା ବୁଦି ହିଲାଆଗାଟାରି ତଞ୍ଜୁ ଆନେରି । ୧୩ ସାମା ମାମୁ ହାନ୍ତି ଗାଣତା ହାଜାନା ବତପଣ ତହଅନି; ମୀରୁ ଜିକେଏ ମାହାପୁରୁ ମାଟ୍ଟେ ହେବପା ମାଞ୍ଜୁନି କାମାଟି ହାନ୍ତି ବିତ୍ରା ତାତେରି, ଏ ଲେକା ତଲେ ବତପଣ କିଦେରି । ୧୪ ଇତିହି ମୀରୁ ମା ହାନ୍ତି ବିତ୍ରା ହିଲାଆତି ଲେହେଁ ମାମୁ ହାନ୍ତି ଗାଣତା ମାନମି, ଏଦି ଆଏ; ଏନିଇତିହି କ୍ରାସୁତି ନେହିଁ କାବୁ ଷେକ୍‌ହିହିଁ ମାମୁ ମୀ ତାଣା ଜିକେଏ ତଲିଏ ଖାହାମାତମି; ୧୫ ମାହାପୁରୁ କିହାମାନି ମା କାମାଟି ପାଞ୍ଜୁତା ଏବ୍‌କା ଲକୁତି କାମାତା ବତପଣ କିହିହିଲଅନି, ସାମା ମାମୁ ଆସା କିହିମାନମି ମୀରୁ ନାମୁତା ପାତା ଆନାଣିତଲେ ମୀ ତାଣାଟି ମା କାମା ଅଡ଼େ ହାରେକା ପାତା ଆନେ । ୧୬ ମାମୁ ଅର ରଅଣି ହାନ୍ତି ବିତ୍ରା ଏଞ୍ଵାରି ତଲିଏ କିହାମାନି କାମାତାକି ବତପଣ ତହଅନା, ମାମୁ ମୀ ତାଣାଟି ଅର ଦେସାତା ହାଜାନା ନେହିଁ କାବୁ ଷେକ୍‌ହିହିଁ ଆତିନମି ଇଚ୍ଛୁ ଆସା କିହିମାନମି । ୧୭ ସାମା ଦାମ୍‌ପତିତା ରାଏକି ଆହାମାନେ, “ବତପଣ ତହନାସି ପ୍ରବୁ କିତି କାମାତାକି ବତପଣ ତସ୍‌ପେସି ।” ୧୮ ଜାହାରାଇଁ ନେହାଁତେଏଁ ଇଚ୍ଛୁ ଅଶ୍ଵପିନାସି ଏଞ୍ଵାସି ତାୟିପାରିତା ଜାଣା ଆତାସି ଆଏ, ସାମା ପ୍ରବୁ ଆମ୍ବାଆରାଇଁ ସାତା ନେହାଁସି ଇଚ୍ଛୁ ଇନେସି ଏଞ୍ଵାସି ତାୟିପାରିତା ଜାଣା ଆତାସି ।

୧୧ ନାନୁ ବୁଦି ହିଲାଆ ଗାଟାତେଏଁ ଲେହେଁ ଇଚେକା ଷେସାଲି ନାଟ୍ଟେ ହେଲ ହିୟାତିହିଁ ନେହେଁ ଇଚ୍ଛୁ ଅଶ୍ଵପିମାଇଁ, ମୀରୁ ନାଟ୍ଟେ ହେଲ ହିୟାଦେରି । ୧ ମାହାପୁରୁ ତାକି ହାରେକା ରାହାଁତା ନାନୁ ମିଷ୍ଟେତାକି ହାରେକା ରାହାଁ, ଇତିହିଁ ନାନୁ ମିଷ୍ଟେ ସୁତୁ ତାମା ମାଞ୍ଜୁଲେହେଁ ର ତକ୍ରା ତାଣା ଇତିହିଁ କ୍ରାସୁଇଁ ବାହା ଆୟାଲି କାତା ହାହାମାଇଁ । ୩ ସାମା ରାରୁ ତାନି ସୁତ୍ରମି ତଲେ ହବାଇଁ ନାଡ଼ି କିତେ, ଏଲେକିହିଁ ଏଚେତା ଆପେ ମୀ ମନ କ୍ରାସୁ ତାଣା ମାନି ତୀର୍‌ପୁତାୟି ଇଚ୍ଛୁ ସୁତୁତା ମାନାୟି ନାସା ଆନେ, ଇଦାଆଁ ନାଟ୍ଟେ ଆଜି ହୁତିମାଞ୍ଜୁନେ । ୪ ଇତିହିଁ ଆମିନି ଜୀସୁଇଁ ମାମୁ ଷେକ୍‌ଆତମି, ଇଲେକିହିଁ ଏବ୍‌କା ଜୀସୁଇଁ ଆମ୍ବାଆସି ଆପେ ଖାହାଁ ଷେକ୍‌ନେସି, କି ଆମିନି ସୁତୁଜୀସୁ ମୀରୁ ବେଟାଆଆତେରି, ଇଲେକିଁ ଏବ୍‌କାଟି ର ସୁତୁଜୀସୁ ବେଟାଆଦେରି, କି ଆମିନି ନେହିଁ ବଲୁ ମୀରୁ ଆବାଆତେରି, ଇଲେକିଁ ଏବ୍‌କାଟି ର ନେହିଁ ବଲୁ ବେଟାଆଦେରି, ଏଲେଆତିହିଁ ମୀରୁ ଗାତି ଅର୍‌ହିନାତେରି । ୫ ଇତିହିଁ ଏ କାଜାପାଣା ଗାତି

“ପାଣ୍ଡୁଝି ଆତାରି” ତାଣାଟି ନାନୁ ଏନିକିହିଁ ଜିକେଏ ଉଣା ତାତେଏଁ ଆଏ ଇଚ୍ଛୁ ଅଶ୍ଵପିମାଇଁ । ୬ ସାମା ନାନୁ କାତା ଜଲାଇଁ ପୁନାଆତି ଜିକେଏ ବୁଦିତା ଉଣାତେଏଁ ଆଏ; ସାତାତଲେ ମାମୁ ବାରେଲେହେଁଟି ବାରେ କାତାତା ମିଷ୍ଟେତାକି ଇଦାଆଁ ଷେସୁତମି । ୭ ମୀରୁ ଏନିକିଁ କାଜାତେରି ଆଦେରି, ଏଦାଆଁତାକି ନାନୁ ଜାହାରାଇଁ ଉଣା କିହାକତାନା ମୀ ତାଣା ଉଜେଏନେଏ ମାହାପୁରୁତି ନେହିଁ କାବୁ ଷେକ୍‌ହାତେଏଁ; ଏଲେକିୟାଲିଏ ନାନୁ ଏନି ପାପୁ କିତେଏଁ । ୮ ମୀ ତାଣା କାମା କିହିଁ ମିଷ୍ଟେ ସେବା କିୟାଲି ଏବ୍‌କା ଲୁଲମିଟି ବର୍ତନ ବେଟାଆହାଁ ଏଞ୍ଵାରି ତାଣାଟି ମାଞ୍ଜୁ ଅହିମାତେଏଁ । ୯ ମୀ ତାଣା ମାଟିବେଲ ନାଟ୍ଟେ ଏନାଆଁ ହିଲାଆତି ଜିକେଏ ଆମ୍ବାଆରାକି ବାଦା ହାହାହିଲଅଁ; ମାକିଦନିୟାତି ଖାତି ତାୟିୟାଁ ନାଟ୍ଟେ ଲଡ଼ା ଆନାଣି ବାରେ ହିୟାତେରି, ମିଷ୍ଟେ ବଡ଼ ହାଆରେଚୁ ନାନୁ ଜାଗ୍ରାତା ଆହାମାତେଏଁ, ଅଡ଼େ ଜାଗ୍ରାତା ଆହାଁ ତୟିଇଁ । ୧୦ ନା ତାଣା ମାନି କ୍ରାସୁତି ସାତାଇଁ ସାକି ଇଟାନା ଷେସିମାଇଁ, ଆକାୟା ଗାଡ଼ାୟିତି ନା ଇ ବତପଣତି ଆମ୍ବାଆସି ଜିକେଏ ସାପି କିହାଲି ଆତଅରି ଏନାଆଁକି? ୧୧ ନାନୁ ମିଷ୍ଟେ ଜୀସୁନିହିଁ ମାଞ୍ଜୁଆକି କି? ମାହାପୁରୁ ପୁଞ୍ଜୁମାନେସି ନାନୁ ମିଷ୍ଟେ ଜୀସୁ ନିହିଁ ମାଞ୍ଜୁଇଁ! ୧୨ ସାମା ବତପଣ ଆନିତାଣା ମା ଲେହେଁ ତଞ୍ଜୁଆହାଲି ଆମିନି “ଉଜେଏତି ପାଣ୍ଡୁଝିଆତାରି” ପାରୁ ପାରିମାନେରି ନାନୁ ଏନିକିଁ ଏଞ୍ଵାରିକି ପାରୁ ହାଆଁ, ଇଦାଆଁତାକି ନାନୁ ଏନାଆଁ କିହିମାଇଁ, ଏଦାଆଁ କିହେମାଇଁ । ୧୩ ଇତିହିଁ ଏଲେତି ଲକୁ ନାଡ଼ିକିନି ପାଣ୍ଡୁଝି ଆତାରି, ଇଚ୍ଛୁ ଖାଣା ବାଦ୍‌ଲଝିକିହିଁ କାମାକିନାରି, ଏଞ୍ଵାରି କ୍ରାସୁତି ପାଣ୍ଡୁଝି ଆତାରି ଖାଣା ଆହ୍‌ନେରି । ୧୪ ଇତିହିଁ ଏଦି କାବାଆନି କାତା ଆଏ, ଇତିହିଁ ସୟତାନ ତାନୁଏ ଉଜେଡ଼ିତି ଦୁତୁତି ଖାଣା ଆହ୍‌ନେ! ୧୫ ଏଚେଟିଏ ତାନି ହଲିୟାଟ୍ଟା ଜିକେଏ ଦାମ୍‌ଗାଟାରି ଖାଣା ଆହ୍‌ନେରି, ଆତିହିଁ ଏଦି କାଜା କାତା ଆଏ; ରାନି ଦିନାତା ଏଞ୍ଵାରି ତାନି କିତି କାମା ତଲେ ତଣ୍ଡୁ ବେଟାଆନେରି । ୧୬ ନାନୁ ଅଡ଼େ ଷେସିମାଞ୍ଜୁଇଁ, ଆମ୍ବାଆସି ନାଟ୍ଟେ ବୁଦି ହିଲାଆଗାଟାସି ଇଚ୍ଛୁ ଅଶ୍ଵପାଆପେସି; ସାମା ମୀରୁ ଏଲେକିଁ ଅଶ୍ଵପଦେରି, ଆତିଜିକେଏ ବୁଦିହିଲାଆଗାଟାସି ଲେହେଁ ନାଟ୍ଟେ ଆବାବୁ, ଏନିଇତିହିଁ ନାନୁ ଜିକେଏ ଅଲ୍‌ପ ବତପଣ ତସାଲି ଆତିଇଁ । ୧୭ ନୀଏଁ ନାନୁ ଏନାଆଁ ଷେସିମାଇଁ ପ୍ରବୁତି ଅଶ୍ଵୁ ତଲେ ଷେସିମାଞ୍ଜୁଆଁ, ସାମା ବୁଦି ହିଲାଆ ଗାଟାତେଏଁ ଲେହେଁ ହାରେକା ସାସାତଲେ ବତପଣ ତସାନା ଷେସିମାଞ୍ଜୁଇଁ । ୧୮ ହାରେକା ଲକୁ ଦାୟିତି ଲେହେଁ ବତପଣ ଆହିମାନାକି ନାନୁ ଜିକେଏ ବତପଣ ତହଇଁ । ୧୯ ଇତିହିଁ ମୀରୁ ହାରେକା ବୁଦି ଗାଟାତେରି ଇଚ୍ଛୁହିଁ, ରାହାଁ ତଲେ ବୁଦି ହିଲାଆଗାଟାରିଆଁ ଅର୍‌ହି ମାଞ୍ଜୁରି । ୨୦ ଆମ୍ବାଆସି ମିଷ୍ଟେ ହଲିୟାଟ୍ଟା କିହାନା ଇଟାନେସି, ମୀ ଦନ ମୀଞ୍ଜୁ ଅୟନେସି; ମିଷ୍ଟେ ପାନୁତା ମେବ୍‌ହାଁ ଆସୁନେସି, ତାହାରା ଆୟନେସି କି ମୀ ଗେଏଲାତା ସାପୁଡ଼ା ଷେଟାନେସି ଏ ବାରେ ଅର୍‌ହି ମାଞ୍ଜୁରି । ୨୧ ନାନୁ ଲାଜାତଲେ ଷେସିମାଞ୍ଜୁଇଁ, ମୀର ବାଡ଼ୟୁ ହିଲାଆ ଗାଟାଟାୟି ଆହାମାନାୟି । ଆତି ଜିକେଏ ଏନି କାତାତା ଆମ୍ବାଆସି ସାସା ଗାଟାସି,

(ନାନୁ ବୁଦି ହିଲାଆନା ଖେସିମାଲ୍) ନାନୁ ଜିକେଏ ସାସା ଗାଟାତେଏ । ୨୨ ଏଖାରି କି ଏବି ଲକୁ? ଇତିହିଁ ନାନୁ ଜିକେଏ ଏବି ଲକୁତେଏ । ଏଖାରି ଇସ୍ରାୟେଲ ଲକୁ? ଇତିହିଁ ନାନୁ ଜିକେଏ ଇସ୍ରାୟେଲ ଲକୁତେଏ । ଏଖାରି ଅସ୍ରାହାମତି କୃତାତାରି? ଇତିହିଁ ନାନୁ ଜିକେଏ ଅସ୍ରାହାମ କୃତାତାତେଏ । ୨୩ ଏଖାରି କି କ୍ରୀସ୍ତ ତି ସେବା କିନାରି? ଇତିହିଁ; (ନାନୁ ବାୟା ଆତିଲେହେଁ ଏଲେଇଞ୍ଜିମାଲ୍), ନାନୁ ଏଖାରି କିହାଁ ଆଗାତା ନେହେଁ ସେବା କିନାତେଏ, ନାନୁ ଏଖାରି କିହାଁ ଗାତି ଖାହୁ କାମା କିହାମାଲ୍, ହାରେକା କାୟିଦି ଇଲୁତା ମାତେଏ, ହାରେକା ଇର୍ନି ମାତା ବେଟାଆହା ମାତେଏ, ଏଲେ ଅଲେ ହାକିତା ହେରୁଖା ମାତେଏ । ୨୪ ନାନୁ ଜୀହୁଦି ଲକୁ ତାଣାଟି ପାସା ଦେବା ତୀରିସି ନ ଗଟା ବେତି ବାଡ଼ଗା ମାତା ବେଟାଆହାମାଲ୍; ୨୫ ରମତି ଲକୁ ତାଣାଟି ତୀନି ପାଲି ସାଦ୍‌ଶି ତ୍ୱରିତଲେ ନାଟ୍ଟେ ଇର୍ହାତେରି, ର ପାଲି ନାଟ୍ଟେ ଖାଲକାତଲେ ଇର୍ହାତେରି, ତୀନି ପାଲି ଜାଜା ତୀତି ତାଣାଟି ଗେଲହା ମାଲ୍, ର ଲାଆଁ ର ମାଦେନା ସାମତୁରିତି ଏୟତା ମୁଞ୍ଜା ମାତେଏ, ୨୬ ନାନୁ ହାରେକା ଦେବା ଜିରୁ ତାକିନାଟି, କାତା ଆଡ୍ଢିନିତାଣା, ସର୍କା ତାଣାଟି, ନା କୃତାତି ଜୀହୁଦି ଲକୁ ତାଣାଟି, ଏଟ୍‌କା କୃତାତି ଲକୁ ତାଣାଟି, କାଜା ନାୟକାତି ଆଜିତି, ଲକୁ ହିଲାଆ ଜାଡ଼ାତି, କାଜା ସାମତୁରି ଆଜିତି, ଅଡ଼େ ନାଡ଼ିକିନି ତ୍ୱେସିୟା ଆଜିତି । ୨୭ ନାନୁ ହାରେକା କାମା କିହାନା କସ୍ତ ବେଟାଆହାମାଲ୍, ଏତର ପାଲି ଲାଆଁୟିଁ ଇଦା କିଆନା ହାକି ଅଡ଼େ ଏସ୍କିତି ମାତେଏ, ଏତର ପାଲି ଉପାସା ତଲେ, ପେନି ଇଞ୍ଜି ନାଗ୍ରାଟି ମାତେଏ । ୨୮ ଏଲେତି ବାରେ ବାଦା ପିସ୍‌ପେ ନାଟ୍ଟେ ଅଡ଼େ ର କାଜା ବଜୁମାନେ, ଇତିହିଁ ବାରେଦିନା କୁଲମିକା ତାକି ନାନୁ ଅଣ୍ଡିପାଲ୍ । ୨୯ ଆମ୍ବାଆସି ବାଡ଼ୟୁ ହିଲାଆଗାଟାସି ଆତିସାରେ ନାନୁ ଜିକେଏ ବାଡ଼ୟୁ ହିଲାଆ ଗାଟାତେଏ ଆଏକି? ଆମ୍ବାଆସି ପାପୁ କିତିହିଁ ନାନୁ ହିୟାଁତା ଦୁକୁ ଆଅଁ କି? ୩୦ ନା ବତପଣ ତସାଲି ଲଡ଼ା ଆତିହିଁ, ନାନୁ ନା ଆତାଆଗାଟାଣି ତାକି ବତପଣ ତହୁଇଁ । ୩୧ ନାନୁ ମିତି ଜିଲି ହିଲଅଁ, ଏଦାଆଁ ପ୍ରୁ ଜୀସୁ କ୍ରୀସ୍ତ ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଖାସି କାଲାକାଲା ତାକି ଜହରା । (aiōn g165) ୩୨ ଦମେସକତା ହାରେତା ରାଜାତି ସାଲଖି କିନାସି ନାଟ୍ଟେ ଆସାଲି ଏ ଗାଡ଼ାତି ତୀନି କାପୁ କାଟିନି କସକାଣି ପାଣ୍ଡାନା କାପି କିହିମାତେସି । ୩୩ ଇଞ୍ଜି ର ତାଲିତା କିଡ଼କିତି କାତି ଲାକିଟି ନାଟ୍ଟେ ରେପହାଲିଏ ନାନୁ ଏଖାଣି କେୟୁତି ଗେଲ୍‌ପିଆତେଏ ।

୧୨ ବତପଣ କିନାସି ନେହାୟି ଆଆତି ଜିକେଏ ନାଟ୍ଟେ ବତପଣ କିନାସିମାନେ, ନାନୁ ପ୍ରୁତି ମେହନାଣି ଅଡ଼େ ତଞ୍ଜାଆନାଣି ମିଟ୍ଟେ ଖେସ୍ତାଲ୍ । ୨ ନାନୁ ର କ୍ରୀସ୍ତାନା ଲକୁଇଁ ପୁଞ୍ଜାମାଲ୍, ଏଖାସି ସଦ ବାର୍ଯା ନକେଏ ଲାକପୁରୁତି ତୀନି ପୁରୁ ପାତେକା ଅଞ୍ଜିଆତେସି ଏଖାସି ଆଞ୍ଜା ତଲେ ମାତେସି କି ଆଞ୍ଜା ହିଲାଆନା ମାତେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୩ ହାଅ ନାନୁ ଏଲେତି ର ଲକୁଇଁ ପୁଞ୍ଜାମାଲ୍, ଏଖାସି ପାରାଦିସତା ଅଞ୍ଜିଆତେସି ଏଖାସି ଆଞ୍ଜା ତଲେ ମାନେସି କି ଆଞ୍ଜା

ହିଲାଆନା ମାତେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୪ ଏଖାସି ଲାକପୁରୁ ଅଞ୍ଜିଆତେସି, ଅଡ଼େ ଇଲେତି ହାତା ଖେତେସି, ଏଦାଆଁ ମାଣ୍ଡି ଜିଲାଲି ଆତାଆଗାଟାୟି ଅଡ଼େ ଗୁଡିତା ଅହାଲି ଆତାଆଗାଟାୟି । ୫ ଇଲେତି ର ଲକୁତାକି ନାନୁ ବତପଣ କିଇଁ, ସାମା ନା ତାକି ନାନୁ ନା ବାଡ଼ୟୁ ହିଲାଆଗାଟାଣି ପିସ୍‌ପେ ଅଡ଼େ ଏନାଆଁତାକିଖା ବତପଣ କିଅଁ । ୬ ବତପଣ ତସାଲି ଅଣ୍ଡିପିତିହିଁ ଜିକେଏ, ନାନୁ ବୁଦି ହିଲାଆ ଗାଟାତେଏ ଆଅଁ, ଇତିହିଁ ନାନୁ ସାତା କାତା ଖେହୁଇଁ, ସାମା ଲକୁ ନାଟ୍ଟେ ଏନିକି ମେସ୍ତାନେରି ଇଞ୍ଜି ନା ତାଣାଟି ଏନିକି କାତା ଖେନେରି, ନାଟ୍ଟେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକି ନା କାତାତା ହାରେକା ଅଣ୍ଡିପିତି ଇଞ୍ଜି, ଇଦାଆଁତାକି ନାନୁ ସାପି ଆହାମାଲ୍ । ୭ ନାନୁ ଏନିକି ଗାତି ବତପଣ କିଅଁ, ଇଦାଆଁତାକି ନା ଆଞ୍ଜାତା ର ସାସି ହାପୁକି ଆୟାତେ, ନାଟ୍ଟେ ସାସି ହାହାଲି ସୟତାନତି ଦୁତୁଇଁ ପାଣ୍ଡିଆତେ, ଏନିକି ନାନୁ ଗାତି ବତପଣ ଆଅଁ । ୮ ଏ କସ୍ତ ନା ତାଣାଟି ହେକ ଆୟାଲି ତୀନି ପାଲି ପ୍ରୁଇଁ ବାତିମାଲିହିଁ ରୀସ୍ତେଏ । ୯ ଅଡ଼େ ଏଖାସି ନାଟ୍ଟେ ଏଲେଇଞ୍ଜିମାନେସି, “ନା କାମାମେହନାୟି ନିଟ୍ଟେତାକି ହାରେପୁରେ,” ଇତିହିଁ ନୀ ବାଡ଼ୟୁ ହିଲାଆତାଣା ନା ବାଡ଼ୟୁ ହାରେ ଗାତିଆହିଁ ତଞ୍ଜାଆନେ, ଇତିହିଁ ଏନିକି କ୍ରୀସ୍ତ ବାଡ଼ୟୁ ନା ତାଣା ତୟିନେ, ଏଦାଆଁତାକି ନା ବାଡ଼ୟୁ ହିଲାଆ ବେଲାତା ହାରେକା ରାହାଁ ତଲେ ବତପଣ ତହୁଇଁ । ୧୦ ଏଦାଆଁତାକି କ୍ରୀସ୍ତ ତାକି ବାଡ଼ୟୁ ହିଲାଆଟି, ଲାଜା ପାଣ୍ଡନାଟି, ହାକି ବେଲାତା, ସାସି ଖାନି ବେଲା, କସ୍ତା ନାନୁ ରାହାଁଆଇଁ, ଇତିହିଁ ଏତିବେଲା ବାଡ଼ୟୁ ହିଲାଆ ଗାଟାତେଏ ଏତିବେଲା ବାଡ଼ୟୁ ଗାଟାତେଏ । ୧୧ ନାନୁ ବୁଦି ହିଲାଆ ଗାଟାତେଏ ଲେହେଁ ଆହାମାଲ୍, ମୀରୁ ନାଟ୍ଟେ ଏଲେକିଖି କିୟାତେରି, ମୀରୁ ନାଟ୍ଟେ ନେହାଁସି ଇଞ୍ଜାନାୟି ମାତେ; ନାନୁ ଏନାତେଏ ଆଏ, ଆତି ଜିକେଏ ଏ “କାଜା ପାଣ୍ଡି ଆହାମାନାରି” କିହାଁ ଉଣାତେଏ ଆଏ । ୧୨ ଆମ୍ବାଆସି ହାରେକା ସିନାୟି, କାବାଆନି କାମା, ଅଡ଼େ ବାଡ଼ୟୁତି କାମା ପାଣ୍ଡି ଆହାମାନାରି ସିନାୟିଲେହେଁ, ଏ ବାରେ ସାତେଏ ମୀ ତାଣା ସାସାତଲେ କିଞ୍ଜିଆହାମାନେ । ୧୩ ଇତିହିଁ ନାନୁ ମୀ ବଜୁ ଲେହେଁ ଆହାହିଲଅଁ, ଇ ରଣିଏ କାତା ପିସ୍‌ପେ ଅଡ଼େ କୁଲମିତି ଲକୁ କିହାଁ ମିଟ୍ଟେ ଅଡ଼େ ଏନିକି ଉଣା ମେସାମାଞ୍ଜାଲ୍, ଏ ନା ଦହ ଆସୁଆଦୁ । ୧୪ ମେହୁ ମୀ ତାଣା ଖାହାଲି ନୀଏଁ ତଲେ ତୀନି ପାଲି ତିୟରା ଆହିମାଲ୍, ଅଡ଼େ ନାନୁ ମିଟ୍ଟେ ଏନି ବଜୁ ହିୟାଁ, ଇତିହିଁ ନାନୁ ମୀ ଦନ ପାରାଆନା ମିଟ୍ଟେ ପାରିମାଞ୍ଜାଲ୍, ମୀରୁକା ମାସକା ତୀନି ଇୟା ଆବାକି କୃଡ଼ିକିର ସାମା ଇୟା ଆବା ଦେଁ ତୀନି ମୀରୁକା ମାସକାକି କୃଡ଼ିକିନାୟି ମାନେ । ୧୫ ନାନୁ ମୀ ଜୀହୁତାକି ହାରେକା ରାହାଁତଲେ ହାଇଁ, ହାଅ ନା ଜୀହୁ ଜିକେଏ ହାଇଁ, ନାନୁ ମିଟ୍ଟେ ହାରେକା ଜୀହୁନହିଁ ମାଞ୍ଜାତିହିଁ ଏନାଆଁ ମୀରୁ ନାଟ୍ଟେ ଉଣା ଜୀହୁନହିଁ ମାଞ୍ଜାଦେରି? ୧୬ ସାମା ନାନୁ ଜାହାରାଇଁ ମିଟ୍ଟେ ବଜୁ କିୟାଆତେଏ, ସାମା ମୀ ବିତାତି ଆମ୍ବାଆରି ଏଲେଇଞ୍ଜିନେରି ନା ସୁତରି ମାନାକି ମିଟ୍ଟେ ମିତି ତଲେ ଆସୁତେଏ ।

୧୭ ନାନୁ ମୀ ଚାଣା ଆମ୍ବୁଆରାଇଁ ପାଣ୍ଡାମାଞ୍ଜୁଲ୍, ଏଞ୍ଜରି ବିତାଟି ରଥଣି ତଲେ ମୀ ଚାଣାଟି ଏନି ଲାବା ବେଟାଆଚେଏଁ କି? ୧୮ ନାନୁ ତିତସଇଁ ହାଜାଲି ବାଟିମାଲ୍ ମାଚେଏଁ, ଇଞ୍ଜି ଏଞ୍ଜଣିତଲେ ଅର ତାୟିଇଁ ମୀ ଚାଣା ପାଣ୍ଡାଚେଏଁ । ତିତସ ମୀ ଚାଣାଟି ଏନାଆଁ ଲାବା କିଚେସି? ମାମୁ କି ରଣ୍ଡିଏ ଜାହୁତଲେ ଚାକିହଲଅମି? ମାମୁ ଏନାଆଁ ରଣ୍ଡିଏ ପାଞ୍ଜୁଲିତା ଚାକିହଲଅମି? ୧୯ ନାଏଁ ପାଚେକା ମୀରୁ ଅଣ୍ଡିପମାଞ୍ଜେରି, ମାମୁ ମୀ ନକିତା ଜାହାରାଇଁ ନେହିଁ କିହିମାନମି? ମାହାପୁରୁ ନକିତା କ୍ରାସୁତି ସେବା କିନାତମି ଲେହେଁ ମାମୁ କାତା ଜଲିମାନମି, ଇଞ୍ଜି ଏ ଜାହୁତି ତାୟିୟଁ ବାରେ କାତା ମୀ ନେହେଁତାକି ଖେସିମାନମି । ୨୦ ଇତିହିଁ ଏଚେତା ନାନୁ ମୀ ଚାଣା ଖାତିସାରେ, ମିଢ୍ଫେ ଏନିକିଁ ମେସାଲି ମନ କିହିମାଇଁ ଏଲେକିହିଁ ମିଢ୍ଫେ ମେସୁଆସାରେ, ଅଡେ ମୀରୁ ନାଢ୍ଫେ ଏନିକିଁ ମେସାଲି ମନ କିହିଁ ହିଲଅଚେରି ଏଲେକିଁ ମେସୁଦେରି, ଏଦାଆଁତାକି ନାନୁ ଆଜିମାଇଁ, ଇତିହିଁ ମା ବିଡ଼ା ବାଦିବାଦା, ଚାହାରା, କପା ଅଡେ ଗତି ଗତି ଆନାୟି, ରଥସି ରଥାଣାଇଁ ନିନ୍ଦୁ କିନାୟି, ସାକି କାତା ଜଲିନାୟି, ବତପଣ ଚୁସି ଆହାଁ ଗଡ଼ହା ଆନେ; ୨୧ ଇଞ୍ଜି ନାନୁ ଅଡେ ଖେଣ୍ଡେ ଖାତିସାରେ ନା ମାହାପୁରୁ ମୀ ତାକି ନାଢ୍ଫେ ଅଡେ ଲାଜା କିଞ୍ଜିକିୟାନେସି, ଇଞ୍ଜି ମୀ ବିଡ଼ା ତଲିଏ ପାପୁ କିହାମାନାରି ତାମି ଲାଗେଏତି କାମା, ଦାରିକାମା ଅଡେ ଦାରି କାମାତାକି ଜୁପକା ଆନାଣି ତାକି ନାଏଁ ପାଚେକା ମନ ଖେଟହା ହିଲଅରି ଏଞ୍ଜରି ତାକି ନାନୁ ଦୁକୁଆଁହିଁ ଡ଼ାହାଲିଆନେ ।

୧୩ ନାଏଁ ତଲେ ତାନି ପାଲି ନାନୁ ମୀ ଚାଣା ଖାହିମାଇଁ, ଦାମ୍ବୁପତିତା ରାସକି ଆହାମାନେ, “ଆମିନି ଦହତି କାତା ନାହାଁୟି କିନାୟି ରିଆରି କି ତାନି ଜାଣା ସାକିୟଁ ତଲେ ତାରି କିଞ୍ଜିଆନେ” ୨ ଆମ୍ବୁଆରି ନକେଏ ପାପୁ କିହାମାଚେରି ଏଞ୍ଜରାଇଁ ଇଞ୍ଜି ବାରେତି ଏନିକିଁ ତଲି ରା ପାଲି ଖେସାମାଞ୍ଜାଚେଏଁ, ନାଏଁ ହେକ ମାଞ୍ଜୁନା ଏଲେକିହିଁଏ ନକେଏ ଖେସିମାଞ୍ଜାଇଁ, ନାନୁ ଅଡେ ଖାତିହିଁ ଏଞ୍ଜରାଇଁ ତଣ୍ଡ ହାଆନା ପିହିଅଁ । ୩ ଏନିକିଁ କ୍ରାସୁ ନା ଚାଣା ଜଲିମାଞ୍ଜାନେସି ମୀରୁ ଏଞ୍ଜଣି ପାର୍ମାଣା ପାରିମାଞ୍ଜେରି; ଏଞ୍ଜସି ମିଢ୍ଫେତାକି ବାଡ଼ୟୁ ହିଲାଆଗାସାସି ଆଏ, ସାମା ମୀ ଚାଣା ବାଡ଼ୟୁ ଗାଟାସି ଆନେସି, ୪ ଏଞ୍ଜସି ବାଡ଼ୟୁ ହିଲାଆତାକି ପାସି ମୁଣ୍ଡାତା ଏପକି ଆଚେସି, ଆତିଜିକେଏ ମାହାପୁରୁ ବାଡ଼ୟୁଟି ଏଞ୍ଜସି ନୀତାମାନେସି । ମାମୁ ଜିକେଏ ଏଲେକିଁ ତାନି ଚାଣା ବାଡ଼ୟୁ ହିଲାଆ ଗାଟାତମି, ସାମା ମାହାପୁରୁଟି ବାଡ଼ୟୁ ତାକି ମାମୁ ମୀ ଚାଣା ଏଞ୍ଜଣିତଲେ ନୀତାମାନମି । ୫ ମୀରୁ ନାମୁତଲେ ମାଞ୍ଜେରିକି ଆଏ, ଏ କାତାତା ଜାହା ଜାହାରାଇଁ ତାୟିପାରି କିହାକତାଦୁ ଇଞ୍ଜି ଅଣ୍ଡପାଦୁ, କି ଜାସୁ କ୍ରାସୁ ମୀ ଚାଣା ମାନେସି, ଇଦାଆଁ କି ମୀରୁ ଜାହା ଜାହାରା କାତାତା ପୁଞ୍ଜୁହିଲଅଚେରି? ଏଲେଆହିଁ ଆତିହିଁ ମୀରୁ ତାୟିପାରି କିନି ଚାଣା ଜାଣା ଆହା ହିଲଅଚେରି । ୬ ସାମା ନାନୁ ବାସୁଁ ଇଟାମାଇଁ, ମାରି ତାୟିପାରି କିଞ୍ଜିଆହା ଜାଣା ଆହାମାନାୟି, ଇଦାଆଁ ମୀରୁ ପୁଞ୍ଜେରି । ୭ ମୀରୁ ଏନିକିଁ ଏନି ଲାଗେଏତି କାମା କିଅଚେରି, ଇଦାଆଁତାକି ମାହାପୁରୁ ଚାଣା ମାମୁ

ପ୍ରାତାନା କିହିମାନମି; ମାମୁ ଏନିକିଁ ତାୟିପାରି କିଞ୍ଜି ଆହାଁ ଜାଣା ଆହାମାନି ଲେହେଁ ଚୁଞ୍ଜୁଆନମି, ଇଦାଆଁତାକି ପ୍ରାତାନା କିହିଲଅମି, ସାମା ମାମୁ ତାୟିପାରି କିଞ୍ଜି ଆହାଁ ଜାଣା ଆଆତିଲେହେଁ ଚୁଞ୍ଜୁ ଆଆତି ଜିକେଏ ଏନିକିଁ ମୀରୁ ନେହିଁ କାମା କିଦେରି, ଇଦାଆଁତାକି ପ୍ରାତାନା କିହିମାନମି । ୮ ଇତିହିଁ ମାମୁ ସାତା କପାଟି ଏନାଆଁ କିହାଲି ଆତିହିଲଅମି, ସାମା ସାତା ଖାକିଟି ଦେହେଁ ବାରେ କିହାଲି ଆତିନମି । ୯ ଏତିବେଲା ମାମୁ ବାଡ଼ୟୁ ହିଲାଆ ଗାଟାତମି ଆନମି ସାମା ମୀରୁ ବାଡ଼ୟୁ ଗାଟାଚେରି ଆଦେରି, ଏଚେତା ମାଢ୍ଫେ ରାହାଁ ହତାନେ; ମୀରୁ ଏନିକିଁ ବାରେ ଖାକିଟି ନେହାଁଚେରି ଆଦେରି ଏଦାଆଁତାକି ଜିକେଏ ପ୍ରାତାନା କିହିମାନମି । ୧୦ ଏଦାଆଁତାକି ମୀ ଚାଣାଟି ହେକ ମାଞ୍ଜୁନା ନାନୁ ଇ ବାରେ ରାତିମାଞ୍ଜାଇଁ, ଏନିକିଁ ମୀ ଚାଣା ଖାହାନା ପୁରୁ ନାଢ୍ଫେ ମେନୁହାଲି ହାଆନା, ପାତିକିହାଲି ହାହାମାଞ୍ଜାନେସି, ଏ ଅଦିକାରା ଲେହେଁ ମୀ କପାଟି ନିଢ୍ଫୁନା ବାଡ଼ୟୁ ଚପାଲି ମିଢ୍ଫେ ଲଡ଼ା ଆଏ । ୧୧ ତାୟିୟଁ ଅଡେ ତାଢ୍ଫୁସ୍ତାଚେରି, ରାହାଁ କିଦୁ, ନେହାଁଚେରି ଆଦୁ, ରଅଚେରି ରଅଣାଇଁ ବାସୁଁ ହାଞ୍ଜିଆଦୁ, ରଣ୍ଡିଏ ମନ ଆଦୁ, ହିଡ଼ି ତଲେ ବାସା ଆଦୁ, ଅଡେ ହିଡ଼ି ଇଞ୍ଜି ଜାସୁ ନିନି ମାହାପୁରୁ ମୀ ତଲେ ଚୁୟିନେସି । ୧୨ କ୍ରାସୁନା ତାୟିୟଁ ଲେହେଁ ସୁଦୁଜାସୁ ନିଧୁ ତଲେ ଜାସୁ ନିଞ୍ଜିଆହାନା ମୀରୁ ମୀରୁଏ ରଅଚେରି ରଅଣାଇଁ ନଣ୍ଡାନା ଜହରା କିଞ୍ଜିଆଦୁ । ୧୩ ଇଦାଆଁ ମାନି ମାହାପୁରୁ ଲକୁ ମିଢ୍ଫେ ଜହରା ଖେସିମାଞ୍ଜାନେରି । ୧୪ ପ୍ରବୁ ଜାସୁ କ୍ରାସୁତି କାର୍ମାମେହନାୟି ମାହାପୁରୁଟି ଜାସୁନାୟି ଅଡେ ସୁଦୁଜାସୁ ତଲେ ଆଣ୍ଡିନାୟି ମୀ ବାରେତାକି ଆୟାପେ ।

ଗାଲୀ

୧ ନାନୁ ପାଣ୍ଡୁରୀତି ସୀସୁ ପାଞ୍ଚୁଲତେଏ, ପାଣ୍ଡୁରୀ ଆହାଲିତାକି ନାନୁ ମାଣ୍ଡି ଚାଣାଟି ଆଏ, ସାମା ଜୀସୁ ଜୀସୁ ଚାଣାଟି ଇଞ୍ଚି ଆମିନି ଆବା ମାହାପୁରୁ ଏଞ୍ଜାଣାଇଁ ହାତାରି ଚାଣାଟି ନିକହାମାନେସି ଏଞ୍ଜାଣି ଚାଣାଟି ବେଟାଆହାମାଇଁ, ୨ ନା ତଲେ ମାନି ନାମୁତି ବାରେ ତାୟି ତାଞ୍ଜିସ୍ତା ଗାଲୀତୟା କୁଲମିତି ଜହରା କିହିମାଞ୍ଜୁନେରି । ୩ ମା ଆବା ମାହାପୁରୁ ଇଞ୍ଚି ପ୍ରୁ ଜୀସୁ ଜୀସୁ କାର୍ମାମେହନାଣି ଅଡେ ହିଡ଼ି ଜୀସୁ ମିଢ୍ଫେ ହୀୟାପେସି । ୪ ନାଏଁତି ଇ ପାପୁତି ଦାର୍ତ୍ତିତା ମାଢ୍ଫେ ଗେଲପାଲିତାକି, ମା ଆବା ମାହାପୁରୁତି ଅଶ୍ଵୁତି ମାନି କିହାନା, ଜୀସୁ ମା ପାପୁ ତାକି ଜାହାରାଇଁ ହେର୍ପାକତିତେସି; (aion g165) ୫ କାଲୀକାଲୀତାକି ମାହାପୁରୁଇଁ ଗାଞ୍ଜୁରମି ଆପେ । ଆମେନ୍ । (aion g165) ୬ କ୍ରୀସ୍ତିତି କାର୍ମାତଲେ ଆମ୍ବାଆସି ମିଢ୍ଫେ ହାଚା ମାଞ୍ଜୁତେସି, ଏଞ୍ଜାଣାଇଁ ମୀରୁ ଗାଡେକେଏ ପିସାନା ଏବ୍‌କାତି ନେହିଁ କାରୁତି ଆସାମାଞ୍ଜୁରି, ଏଦାଣିତାକି ନାନୁ କାବା ଆହିମାଇଁ । ୭ ସାତାତଲେ, “ଏବ୍‌କାତି ନେହିଁ କାରୁ” ଆଏ, ସାମା ଏତରକାଣା ମିଢ୍ଫେ ତୀରି ମାଞ୍ଜୁଲି ହାଆନା, କ୍ରୀସ୍ତିତି ନେହିଁ କାରୁତି କିଲିବିଲି କିହାଲି ଅଶ୍ଵିମାନେରି । ୮ ସାମା ଆମିନି ନେହିଁ କାରୁ ମାମୁ ମୀ ଚାଣା ଷ୍ଠେକହା ମାତମି, ଇଞ୍ଚି ମାମୁ କି ଲାକପୁରୁତି ଦୁରୁୟାଁ ଜିକେଏ ଏଦାଣି ପିସପେ ଏବ୍‌କାତି ନେହିଁ କାରୁ ଷ୍ଠେକନେସି, ଆତିହିଁ ଏଞ୍ଜାସି ବାକା ବେଟାଆପେସି । ୯ ଏନିକିଁ ମାମୁ ତଲିଏ ଷ୍ଠେସାମାନମି, ନାଏଁ ଜିକେଏ ନାନୁ ଏଲେକିହିଏ ଅଡେ ଷ୍ଠେଶ୍ଠେ ଷ୍ଠେସିମାଞ୍ଜୁଇଁ, ଆମିନି ନେହିଁ କାରୁଇଁ ମୀରୁ ଆସାମାତେରି, ଏଦାଣି ପିସପେ ଆମିନି ଲକୁ ଏବ୍‌କାତି ନେହିଁ କାରୁ ମା ଚାଣା ଷ୍ଠେକହାନେସି ଏଞ୍ଜାସି ବାକା ବେଟାଆପେସି । ୧୦ ନାଏଁ ନାନୁ ମାଣ୍ଡିୟାଁ ନକିତା କି ମାହାପୁରୁ ନକିତା ନେହିଁ ତଞ୍ଜୁଆୟାଲି ଅଶ୍ଵିମାଇଁ, ଏଦି ଏତେଲା ଜିକେଏ ଆଏ । ଇତିହିଁ ମାଣ୍ଡିୟାଁଇଁ ରାହାଁ କିହାଲି ଅଶ୍ଵିମାଇଁ, ନାନୁ ନାଏଁ ପାତେକା ମାଣ୍ଡିୟାଁଇଁ ରାହାଁ କିଞ୍ଜକିହାଲି ଅଶ୍ଵି ମାତିହିଁମା ନାନୁ କ୍ରୀସ୍ତିତି ହଲେଏଣାତେଏଁ ଆଆତେଏଁମା । ୧୧ ତାୟି ତାଞ୍ଜିସ୍ତାତେରି ଆମିନି ନେହିଁ କାରୁ ନା ଚାଣାଟି ଷ୍ଠେସିପି ଆହାମାନେ, ଏଦାଣି ମିଢ୍ଫେ ନାନୁ ଷ୍ଠେସିମାଞ୍ଜୁଇଁ ଏଦି ମାଣ୍ଡିୟାଁ ଚାଣାଟି ଆଏ; ୧୨ ନାନୁ ଏଦାଆଁ ମାଣ୍ଡି ଚାଣାଟି ବେଟାଆହା ହିଲଅଁ କି ଜାପାହିଲଅଁ, ସାମା ଜୀସୁ ଜୀସୁ ତସାମାଞ୍ଜୁନି ଚାଣାଟି ବେଟାଆହାମାଇଁ । ୧୩ ନାନୁ ତଲି ଜାହୁଦି ଦାମ୍ପୁତା ମାତିବେଲା ଏନି ମାଶ୍ଠିକିତା ମାତେଏଁ ମୀରୁ ଷ୍ଠେଞ୍ଜାମାଞ୍ଜୁରି, ନାନୁ ମାହାପୁରୁତି କୁଲମିତି ହାରେକା ସାସି ହାହିମାତେଏଁ, ଅଡେ ଏଦାଆଁ ମ୍ଳେକହାଲି ଅଶ୍ଵିମାତେଏଁ । ୧୪ ଅଡେ ମା ଆକୁ ଆବାୟାଁ ପାଣାପାଟୁ ମେରା ତାକି ରାହାଁଟି ମାନି କିହାଁ ନା ତଲେତି ହାରେକା ଲକୁ ବିତ୍ରାତି ଜୀହୁଦି ଦାମ୍ପୁତି ହାରେକା ମାନି କିହିମାତେଏଁ । ୧୫ ସାମା ମାହାପୁରୁ ନାନୁ ଜାର୍ନା ଆଆ ନକେଏ ତାନି କାର୍ମାମେହନାଣି ତଲେ ଆଚାନା ତାନି ସେବା କିହାଲି ହାଟାତେସି, ୧୬ ଅଡେ ଜାହୁଦିଆଆତି ଲକୁଚାଣା ନେହିଁ କାରୁ

ଷ୍ଠେକହାଲି ତାକି ଏତିବେଲା ନାଢ୍ଫେ ଏଞ୍ଜାସି ତାନି ମୀରୁଏଣାଇଁ ତସାତେସି, ଏ କାତା ପୁଞ୍ଜୁଲିତାକି ନାନୁ ଏବ୍‌କା ମାଣ୍ଡି ଚାଣା ହାଜା ହିଲଆତେଏଁ । ୧୭ ଇଲେକିହିଁ ନା ନକେଏ ଆମିନି ଗାଟାରି ପାଣ୍ଡୁରୀତି ସୀସୁ ଆହାମାତେରି, ଏଞ୍ଜାଣାଇଁ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲଆତେଏଁ । ସାମା ନାନୁ ଦେବୁଣିଏ ଆରବ ଦେସାତା ହାଜାମାତେଏଁ; ଅଡେ ତାୟୁ ଦମେସକତା ଷ୍ଠେଶ୍ଠା ଷ୍ଠାତେଏଁ । ୧୮ ତାନି ବାର୍ଯା ହାତି ତାୟୁ ନାନୁ ପିତରଇଁ ଆଣ୍ଡାଲି ତାକି ଜିରୁସାଲମତା ହାତେଏଁ, ଇଞ୍ଚି ଏଞ୍ଜାଣିତଲେ ପନୁର ଦିନା ଏମ୍ବାଆଁ ମାତେଏଁ । ୧୯ ସାମା ପ୍ରୁବୁତି ତାୟି ଜାକୁବ ପିସପେ ପାଣ୍ଡୁରୀ ଆହାମାନାରି ବିତ୍ରା ଆମ୍ବାଆରାଇଁ ମେହୁଆତେଏଁ । ୨୦ ନାନୁ ମିଢ୍ଫେ ଏନାଆଁ ରାତିମାଞ୍ଜୁଇଁ, ମାହାପୁରୁ ନକିତା ସାତା ଷ୍ଠେସିମାଞ୍ଜୁଇଁ, ମିତି ଷ୍ଠେସିମାଞ୍ଜୁଅଁ । ୨୧ ତାୟୁ ନାନୁ ସିରିୟା ଅଡେ କିଲିକିୟାତି ହାରେକା ଚାୟାଣା ହାତେଏଁ । ୨୨ ଜାହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଢ୍ଫେ ନେହିଁକିଁ ପୁଞ୍ଜୁମାଞ୍ଜୁଆତେରି । ୨୩ ଏଞ୍ଜାରି ଏବ୍‌କା ଲକୁ ଚାଣାଟି ଷ୍ଠେଞ୍ଜାମାତେରି, “ଆମିନି ମାଣ୍ଡି ତଲି ମାଢ୍ଫେ ସାସି ହାହି ମାଞ୍ଜୁତେସି, ଇଞ୍ଚି ମା ନାମୁତି ମ୍ଳେକହାଲି ଅଶ୍ଵିମାତେସି, ଏଞ୍ଜାସି ନାଏଁ ନାମୁତି କାତା ଷ୍ଠେକହି ମାନେସି ।” ୨୪ ଇଞ୍ଚି ଏଞ୍ଜାରି ନା ତାକି ମାହାପୁରୁଇଁ ଗାଞ୍ଜୁରମି କିହିମାତେରି ।

୨ ସଦ ବାର୍ଯା ତାୟୁ ନାନୁ ବର୍ନବା ତଲେ ଜିରୁସାଲମତା ଅଡେ ଷ୍ଠେଶ୍ଠେ ହାତେଏଁ, ଇଞ୍ଚି ତିତସଇଁ ଜିକେଏ ନା ତଲେ ଅହାମାତେଏଁ । ୩ ନାନୁ ଏମ୍ବାଆଁ ହାନାୟିମାନେ ଇଞ୍ଚି ମାହାପୁରୁ ଚାଣାଟି ହୁକୁମି ବେଟାଆହାନା ହାତେଏଁ; ଅଡେ ନାନୁ ଏବ୍‌କା କୁଡାତି ଲକୁଚାଣା ଆମିନି ନେହିଁ କାରୁ ଷ୍ଠେକହିମାଇଁ, ଏଦାଆଁ ଏଞ୍ଜାଣାଇଁ ଷ୍ଠେସୁଏଁ, ସାମା ନା ତଲିତି ଅଡେ ନାଏଁତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଗେ ନାନୁ ଏଞ୍ଜାଣାଇଁ ଏବ୍‌କା କିହାନା ଷ୍ଠେସୁଏଁ । ୩ ସାମା ନା ତତୁ ତିତସ ଗ୍ରିକ ଲକୁ ମାତି ଜିକେଏ ଏଞ୍ଜାଣାଇଁ ତଲୁ ଦାପି କିହାଲି ବାଲାମାତମି କିଞ୍ଜିଆହା ହିଲଆତେ, ୪ ଆତିହିଁ ଜିକେଏ ଏତରକାଣା ଲକୁ ଏଞ୍ଜାଣାଇଁ ତଲୁ ଦାପି କିହାଲି ଅଶ୍ଵିମାତେରି । ଏଞ୍ଜାରି ନାମିତି ତାୟିୟାଁ ଇଞ୍ଚି ତସା କତାନା ମେଣେଏ ପାରୁ ପାରିନି ଲେହେଁ ଜାଚୁତା ଆଣ୍ଡାମାତେରି । ଜୀସୁ ଜୀସୁଚାଣା ଆଣ୍ଡାତାକି ମୀର ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜୁଲିତାକି ଏଞ୍ଜାରି ଅଶ୍ଵିମାତେ, ମାଢ୍ଫେ ଏଞ୍ଜାରି ଅଡେ ଷ୍ଠେଶ୍ଠେ ମେରାତି ହିଲୟାଞ୍ଜୁ କିହାଲି ଅଶ୍ଵିମାତେରି । ୫ ସାମା ନେହିଁ କାରୁତି ସାତା ଏନିକିଁ ମା ଚାଣା ଚାରିଆହାନା ତୟିନେ, ଏଦାଆଁତାକି ମାମୁ ଗାଡେକା ତାକି ଜିକେଏ ଏଞ୍ଜାଣାକି ପାରୁ ହାହାହିଲଆତମି । ୬ ଆମ୍ବାଆରି ମାନିଗାଟାରି ଇଞ୍ଚି ଷ୍ଠେଶ୍ଠା ମାତେରି, ଏଞ୍ଜାରି ଏନିଲେହେଁତି ଲକୁ ମାତେରି, ଏମ୍ବାଆଁ ନାଦି ଏନାୟି ହିଲେଏ; ମାହାପୁରୁ ଆମ୍ବାଆରି ପାର୍‌ଡା ବାତି କିଅସି, ଏ ମାନିଗାଟାରି ନାଢ୍ଫେ ଏନି ପୁଞ୍ଜିନି ବଲୁ ଷ୍ଠେସାମାଞ୍ଜୁଅରି । ୭ ଏବ୍‌କା ଝାକି ଏଞ୍ଜାରି ପୁଞ୍ଜୁଲି ଆତିତେରି, ପିତରଇଁ ଏନିକିଁ ଜୀହୁଦି ଲକୁଚାଣା ନେହିଁ କାରୁ ଷ୍ଠେକନି କାମା

ହେଉପିତେସି ଏଲେକିହିଁଏ ନାଢ଼େ ଜିକେଏ ଜୀହୁଦିଆଆତି ଲକ୍ଷ୍ମୀତାଣା ନେହିଁ କାରୁ ଖେକ୍ନି ବକ୍ତ୍ତ ହେଉଠା ମାଞ୍ଜାନେସି । ୮ ଏନାଆଁତାକି ଇତିହିଁ ଜୀହୁଦି ଲକ୍ଷ୍ମୀତାଣା ପାଣ୍ଡୁଝି ଆହାମାନାରି କାମା କିହାଲି ଏନିକିହିଁ ପିତରକି ମାହାପୁରୁ ବାଡ଼ୟୁ ହାହାମାନେସି, ଏଲେକିହିଁଏ ଜୀହୁଦିଆଆତି ଲକ୍ଷ୍ମୀତାଣା ଏ କାମା କିହାଲି ନାଢ଼େ ମାହାପୁରୁ ବାଡ଼ୟୁ ହାହାମାଞ୍ଜାନେସି । ୯ ଅଡ଼େ ଏତିବେଲାତା ଏଞ୍ଜାରି ମାହାପୁରୁ ନାଢ଼େ ହାହାମାଞ୍ଜାନି କାର୍ମାତି କାତା ପୁତେରି, ଏତିବେଲା କୁଲମିତି ମୁଣ୍ଡା ଲେହେତି କାଜାରି ଇଞ୍ଜି ଖେଢ଼ାମାନେରି, ଜାକୁବ, ପିତର, ଅଡ଼େ ଜହନ ନାଢ଼େ ଇଞ୍ଜି ବର୍ନବାଇଁ କାମାତା ଆଣ୍ଡାତମି ଇଞ୍ଜି ଚିଝିନି କେୟୁ ଆସାନା ଆବାତେରି, ଏନିକିହିଁ ନାନୁ ଅଡ଼େ ବର୍ନବା ଜୀହୁଦିଆଆତି ଲକ୍ଷ୍ମୀତାଣା କାମା କିନମି ଅଡ଼େ ଏଞ୍ଜାରି ଜୀହୁଦି ଲକ୍ଷ୍ମୀତାଣା କାମା କିନେରି । ୧୦ ଏଞ୍ଜାରି ଖାରୁଇ ଇଚେକା ବାତିମାଲ୍ ମାଞ୍ଜାତେରି ମାମୁ ଏଞ୍ଜାରି ଜାଡ଼ୁତା ମାନି ହିଲାଆଗାଟାରାଇଁ ଅଣ୍ଡପିନମି; ଏ କାତାତା ନାନୁ ରାହାଁ ଆହାମାଚେଏ । ୧୧ ସାମା କେପାଏତିବେଲା ଆନିୟକିୟାତା ଖାହାମାଚେସି, ନାନୁ ଏଞ୍ଜାଣାଇଁ ବାରେ ଲକ୍ଷ୍ମୀ ନିକିତା ଲାଗିଚେଏ, ଇତିହିଁ ଏଞ୍ଜାସି ଦହ କିହିମାଚେସି । ୧୨ ଜାକୁବ ତାଣାଟି ଏଚରକାଣା ଖାଆ ନିକେଏ ପିତର ଜୀହୁଦିଆଆତି ତାୟି ତାଢ଼ିପ୍ଲା ତଲେ ଚିଞ୍ଜିମାଚେସି, ସାମା ଏଞ୍ଜାରି ଖାହାଲିଏ, ଏଞ୍ଜାସି ଏ ତାୟି ତାଢ଼ିପ୍ଲାଲ୍ ଆଜାନା ଜୀହୁଦିଆଆତି ତାୟି ତାଢ଼ିପ୍ଲାଲ୍ ପିସାନା ଏଟକା ଆଚେସି । ୧୩ ଇଞ୍ଜି ଏଚରକାଣା ଜୀହୁଦି ତାୟିୟି ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହିଁ ପୁନାଆତାରି ଲେହେଁ ନାଡ଼ିକିଝି ଆଚେରି, ଏଲେଆହିଁ ବର୍ନବା ଜିକେଏ ଏଞ୍ଜାରି କାତା ଆସେସି । ୧୪ ଏତିବେଲା ନାନୁ ମେସେଏ, ଏଞ୍ଜାରି ନେହିଁ କାରୁଚି ସାତା ତଲେ ଡାକିହିଲଅରି, ଏତିବେଲାତା ନାନୁ ବାରେ ଲକ୍ଷ୍ମୀ ନିକିତା କେପାଇଁ ଏଲେଇଚେଏ, “ନାନୁ ଜୀହୁଦି ଆହାନା ଜୀହୁଦି ଲକ୍ଷ୍ମୀ ଲେହେଁ ଲେମ୍ବାଆନାହାଁ ଜୀହୁଦିଆଆତି ଲକ୍ଷ୍ମୀଲେହେଁ ନାଡ଼ିମାଞ୍ଜି, ଆତିହିଁ ନାନୁ ଏନିକିହିଁ ଜୀହୁଦିଆଆତି ଲକ୍ଷ୍ମୀ ଜୀହୁଦି ଲକ୍ଷ୍ମୀଲେହେଁ ଲେମ୍ବାଲି ବାଲାମାତମି କିହିମାଞ୍ଜି ।” ୧୫ ସାତେଏ ମାମୁ ଜାର୍ନଟିଏ ଜୀହୁଦି ଲକ୍ଷ୍ମୀତମି, “ଜୀହୁଦିଆଆତି ଲକ୍ଷ୍ମୀ ଲେହେଁ ପାପୁ ଗାଟାତମି ଆଏ ।” ୧୬ ଆତିଜିକେଏ ଫେରାତି କାମା ତଲେ ମାଣ୍ଡସି ତାରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତାରିଗାଟାସି ଆନେସି, ଇଦାଆଁ ପୁଞ୍ଜାନା ମାମୁ ଜୀସୁ କ୍ରୀସ୍ତ ତାଣା ନାମା ମାନମି, ଏନିକିଁ ଫେରାତି କାମା ତଲେ ତାରିଗାଟାତମି ଆଆନା କ୍ରୀସ୍ତ ତାଣା ନାମାନା ତାରିଗାଟାତମି ଆନମି; ଇତିହିଁ ମସାତି ଫେରାତି କାମା ତଲେ ଆମିନି ମାଣ୍ଡସି ତାରିଗାଟାସି ଆଅସି । ୧୭ ସାମା କ୍ରୀସ୍ତ ତାଣାଟି ତାରି ଗାଟାତାୟି ଆୟାଲି ଅଣ୍ଡପାନା ମାମୁ ଜିକେଏ ପାପୁ ଗାଟାତମି ଇଞ୍ଜିହିଁ ତଞ୍ଜା ଆତମି, କ୍ରୀସ୍ତ ପାପୁତି ଫେବା କିନାସି କି? ଏତି ଏଚେଲାଖା ଆଆପେ । ୧୮ ଇତିହିଁ ନାନୁ ଏନି ଫେରାତି ମେକ୍ତହାମାଇଁ ଏ ବାରେତି ଅଡ଼େ ଖେଣ୍ଡେ ଗାଡ଼ି କିଇଁ, ଆତିହିଁ ନାନୁଏ ଜାହାରାଇଁ ଦହ ଗାଟାଚେଏ ଇଞ୍ଜି ତସକତିମାଇଁ । ୧୯ ମାହାପୁରୁ ତାକି ନୀତାଲି ନାନୁ ଫେରାତି ଫେରାତାକି ପାସି ମୁଣ୍ଡାତା ହାହାମାଇଁ, ୨୦ ନାନୁ

କ୍ରୀସ୍ତ ତଲେ ପାସି ମୁଣ୍ଡାତା ହାହାମାଇଁ; ନାନୁ ଅଡ଼େ ନୀତା ହିଲଅଁ, ସାମା କ୍ରୀସ୍ତ ନା ତାଣା ନୀତାମାନେସି; ଅଡ଼େ ନାନୁ ନୀଏଁ ଏମିନି ଆଢ଼ା ତଲେ ନୀତାମାଇଁ, ଏତି ନାମୁତଲେ, ଇତିହିଁ ମାହାପୁରୁତି ଏମିନି ମାର୍ସସି ନାଢ଼େ ଜୀସୁନହାଁନା ନା ତାକି ତାନି ଜୀସୁ ହାହାମାନେସି, ଏଞ୍ଜାଣି ତାଣା ନାମାନା ନୀତାମାଇଁ । ୨୧ ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇତିହିଁ ଫେରା ତଲେ ମାଣ୍ଡସି ମାହାପୁରୁ ନିକିତା ତାରିଗାଟାସି ଆନେସି, ଆତିହିଁ କ୍ରୀସ୍ତ ହାତାୟି ଉଜେଏତାୟି ।

୩ ଏ ବୁଦି ହିଲାଆଗାଟି ଗାଲିତିୟତି ଲକ୍ଷ୍ମୀତେରି! ଆମ୍ବାଆସି ମିଢ଼େ ମାତଝି କିହାମାଞ୍ଜାନେସି? ମୀ କାଣ୍ଡକା ନିକିତା ଜୀସୁ କ୍ରୀସ୍ତ ପାସି ମୁଣ୍ଡାତା ହାତି କାତା ନେହିଁକିଁ ତଞ୍ଜାଆହିମାଞ୍ଜାତେ । ୨ ନାନୁ ମୀ ତାଣାଟି ଇଚେକା ପୁଞ୍ଜାଲି ଅଣ୍ଡପିମାଇଁ; ମୀରୁ ମସା ଫେରା ତଲେ କାମା କିତାକି କି ନେହିଁ କାରୁ ଖେଞ୍ଜାନା ନାମିତାକି ସୁତୁଜୀସୁ ବେଟାଆହାମାଚେରି? ୩ ମୀରୁ ଏନିଲେହେତି ବୁଦି ହିଲାଆଗାଟାଚେରି? ମାହାପୁରୁତି ଜୀସୁତଲେ ମାଟହାନା; ଆଢ଼ାତି ବାଡ଼ୟୁ ତଲେ ରାପହାଲି ଅଣ୍ଡପିମାଞ୍ଜେରି? ୪ ମୀରୁ କି ଉଜେଏ ଇଚେକା କସୁ ବେଟାଆହାମାଞ୍ଜେରି? ଏତି ଏନାଆଁ ଉଜେଏତାୟି? ୫ ଇତିହିଁ ଆମ୍ବାଆସି ମିଢ଼େ ଜୀସୁ ହାହାମାଞ୍ଜାନେସି, ଅଡ଼େ ମୀ ତାଣା କାବାଆନି କାମା କିନେସି, ଏଞ୍ଜାସି ଫେରାତାକି କିନେସି କି ନାମୁତାକି ଖେଞ୍ଜାହାଁ କିନେସି? ୬ ଅବ୍ରାହାମ କାତା ଅଣ୍ଡପାକୁ, ସାସ୍ତେରିତା ରାସ୍ତକି ଆହାମାନେ, “ଏଞ୍ଜାସି ମାହାପୁରୁ ତାଣା ନାମିଚେସି, ଇଞ୍ଜି ନାମାଲିଏ ତାରିଗାଟାସି ଆଚେସି ।” ୭ ଇଦାଆଁତାକି ଆମ୍ବାଆରି ନାମିନେରି ଏଞ୍ଜାରିଦେଁ ଅବ୍ରାହାମତି ମାର୍କା ମାସ୍କା, ଇଦାଆଁ ମୀରୁ ପୁନାୟିମାନେ । ୮ ଅଡ଼େ ମାହାପୁରୁ ଜୀହୁଦିଆଆତାରାଇଁ ନାମୁତି ତାରିଗାଟାରି କିନେସି, ଏଦାଆଁ ଦାମ୍ବୁ ପତିତା ନିକେଏ ମେସାନା ଅବ୍ରାହାମ ତାଣା ନେହିଁ କାରୁ ଖେସାନା ଏଲେଇଚେସି; “ମୀ ତାଣାଟି ଦାର୍ତତି ବାରେ କୁଲୁତି ଲକ୍ଷ୍ମୀ ବର ବେଟାଆନେରି ।” ୯ ଅବ୍ରାହାମ ନାମିଚେସି ଇଞ୍ଜି ବର ବେଟାଆଚେସି, ଏଲେକିହିଁଏ ଆମ୍ବାଆରି ନାମିନାରି ବାରେକାଣା ଏଞ୍ଜାଣିଲେହେଁ ବର ବେଟାଆନେରି । ୧୦ ଇତିହିଁ ଏଚେକା ଲକ୍ଷ୍ମୀ ମସାତି ଫେରା ଆସାନା କାମା କିନେରି, ଏଞ୍ଜାରି ବାକା ବେଟାଆନେରି, ଦାମ୍ବୁପତିତା ରାସ୍ତକି ଆହାମାନେ, “ଆମ୍ବାଆସି ଫେରା ପତିତା ରାସ୍ତକି ଆହାମାନି ବାରେ କାତାଟି ମାନଝି ଆଅସି ଏଞ୍ଜାସି ମାହାପୁରୁ ତାଣାଟି ବାକା ବେଟା ଆନେସି ।” ୧୧ ଫେରା ମାନଝି ଆହାନା ଆମ୍ବାଆସି ମାହାପୁରୁ ନିକିତା ତାରିଗାଟାସି ଆଅସି, ନେହିଁକିଁ ପୁଞ୍ଜାନାୟି, ରାସ୍ତକି ଆହାମାନେ, “ଇତିହିଁ ତାରିଗାଟାସି ନାମୁତି ନାଡ଼ିନେସି ।” ୧୨ ଅଡ଼େ ନାମୁ ଫେରାତି ମୁଲୁ କାତା ଆଏ; ଫେରାତି ମୁଲୁ ଆହାମାନେ “ଆମ୍ବାଆସି ବାରେ ହୁକୁମି ମାନଝି ଆନେସି, ଏମ୍ବାଟି ଏଞ୍ଜାସି ନାଡ଼ିନେସି ।” ୧୩ କ୍ରୀସ୍ତ ମା ତାକି ବାକା ବେଟାଆହାନା ଫେରାତି ମାଢ଼େ ଖାନି ବାକାଟି ପିସ୍ତକି କିହାମାଞ୍ଜାନେସି; ଇତିହିଁ ରାସ୍ତକି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏସ୍କି ଆନେସି ଏଞ୍ଜାସି ବାକା ଗାଟାସି ।” ୧୪ ମାହାପୁରୁ ଅବ୍ରାହାମଇଁ ଆମିନି ବର ହାହାଲିତାକି ଆଞ୍ଜାମାଚେସି,

ଜୀହ୍ୱଦିଆଆତି ଲକ୍ଷ୍ମ ଜିକେଏ ଏନିକି ଏଦାଆଁ ବେଟାଆହାଲି ଆଡିନେରି, ଏଦାଆଁତାକି କ୍ରୀସ୍ତ ଇ କାମା କିହାମାନେସି, ଏଦାଆଁତାକି ମାର ଜିକେଏ ମାହାପୁରୁ ଖେସାମାନି ଲେହେଁ ନାମୁତଲେ ସୁଦୁଜୀଝୁ ବେଟାଆହାଲି ଆଡିନାୟି । ୧୫ ଏ ତାୟି ତାଢ଼ିସ୍ତା, ନାନୁ ମାଣସିୟାଁ ଲେହେଁ ଖେସିମାଞ୍ଜୁଇଁ; ରାଜିମାନା ମାଣସି ତାଣାଟି କିତି ଜିକେଏ, ରିଆରି ସନ୍ତୁକି କିହାନା ଏଦାଆଁ ତୀରି କିନେରି, ଏଚେତା ଏଦାନି ଆମ୍ବାଆସି ଏଟ୍ଟକା କିହାଲି ଆତଅସି କି ଏମ୍ବାଆଁ ଏନାଆଁ କାଲହାଲି ଆତଅସି । ୧୬ ମାହାପୁରୁ ଆଞ୍ଜୁମାନାୟି ଅବାହାମ ଇଞ୍ଜି ତାନି କୃତା ତାକି ହାପ୍ତିକି ଆହାମାଚେ; ଏଝାସି ଏଲେଇଞ୍ଜୁ ହିଲଅସି, “କୃତା ତାରାକି” ଏନିକି ହାରେକା ଲକ୍ଷ୍ମତାକି ସାସ୍ତେରିତା ଖେସିଲେହେଁ ଆଏ, ଇତିହିଁ ଏନିକି ରଅଣି କାତା ଖେସ୍ତେସି, ନୀ “କୃତା ତାକି” ଏଝାସି କ୍ରୀସ୍ତ ଜୀସୁ । ୧୭ ନା ଅଣ୍ଡୁ ଇଦି, ମାହାପୁରୁ ଅବାହାମ ତଲେ ର ରାଜିମାନା କିହାମାଚେସି, ଅଡେ ଏଦାଆଁ ତୀରିକିହାଁ ଇଟାଲି ଆଞ୍ଜୁମାଚେସି, ଆମିନି ଫେରା ସାରି ଝାଞ୍ଜୁ କଡେଦସ ବାସ୍ୟି ତାୟୁ ହାପ୍ତିକିଆଚେ, ଏଦି ଏ ରାଜିମାନାଟି ମାନି କିଆନା ମାହାପୁରୁଟି ଆଞ୍ଜୁମାନାଣି ଆଡ୍ଡାଲି ଆଚେଏ । ୧୮ ମାହାପୁରୁଟି ଆଞ୍ଜୁମାନି ବର. ଫେରା ମାନିକିନି ତାଣା ବାସ୍ୟି କିନେ, ଆତିହିଁ ଏଦି ଅଡେ ଆଞ୍ଜୁମାନାୟି ଆଏ; ସାମା ମାହାପୁରୁ ଆଞ୍ଜୁମାନା ଅବାହାମକି ଏଦାଆଁ ହାହାମାନେସି । ୧୯ ଆତିହିଁ ଫେରା ଏନାଆଁତାକି ହାପ୍ତିକିଆଚେ? ମାଣସିତି ଲାଗେଏତି କାମା ତସାଲି ତାକି ହାପ୍ତିକିଆଚେ, ଇଞ୍ଜି ଅବାହାମକି ଏମିନି କୃତାଟି ମେସାନା ମାହାପୁରୁ ଆଞ୍ଜୁମାଚେସି, ଏଝାସି ଝାନି ପାଚେକା ଫେରା ଲଡ଼ା ମାଚେ, ର ମାଣସିତି ମାଦି ତଲେ ଲାକପୁରୁଟି ଦୁରୁୟାଁ ସାୟେମିଟି ଫେରା ହାପ୍ତିକି ଆହାମାଚେ । ୨୦ ସାମା ନାଏଁ ମାଦିତି ମାଣସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ । ୨୧ ଇତିହିଁ ଫେରା ମାହାପୁରୁ ଆଞ୍ଜୁମାନାଣି କପାଟି କାତା ଝେକ୍ନେ? ଏଦି ଏଚେଲାଝା ଆଆପେ; ଇତିହିଁ ଲକ୍ଷ୍ମତାକି ଜୀଝୁ ହାହାଲି ଆଡିନି ଇଲେଟି ଫେରା ହାପ୍ତିକି ଆହାମାଚିହିଁମା, ଆତିହିଁ ଫେରା ସାଚେଏ ତୀରି ଗାଟାୟି ଆଚେମା । ୨୨ ସାମା ଦାମ୍ବୁ ସାସ୍ତେରିତା ରାସ୍ତିକି ଆହାମାନେ, “ବାରେ ମାଣସି କୃତା ପାପୁଟି ବାଡ଼ୁୟୁତା ମାନେରି, ଏଦାଆଁତାକି ଏନିକି ଜୀସୁ କ୍ରୀସ୍ତ ତାଣା ନାମିତି ପାଡେୟି ଲେହେଁ ଆଞ୍ଜୁମାନି ବର କ୍ରୀସ୍ତୁଇଁ ନାମିତି ଲକ୍ଷ୍ମ ବେଟାଆନେରି ।” ୨୩ ସାମା ଏ ନାମୁ ଝାନି ନକେଏ, ତଞ୍ଜୁଆହାଲି ହାଜିମାନି ଏ ନାମୁଟି ଫେଡ଼ା ଆହାଲି, ମାର ମସା ମେରାତା ଦସ୍ତି ଆହିମାଚାୟି । ୨୪ ଇଲେଟି ନାମୁ ତାକି ମାର ଦାମ୍ବୁ ଗାଟାତାୟି ଆହାଲିତାକି କ୍ରୀସ୍ତ ଝାନି ଦିନା ପାଚେକା ଫେରା ମାଡ୍ଡେ ଜାପ୍ତହାନାୟି ଲେହେଁ ମାଚେ । ୨୫ ସାମା ନାଏଁ ଏ ନାମୁ ଝାହାଲିଏ, ମାର ଅଡେ ଫେରାଟି ବାଡ଼ୁୟୁତା ହିଲାଆୟି । ୨୬ ଇତିହିଁ ମାରୁ ବାରେଜାଣା ଜୀସୁ କ୍ରୀସ୍ତୁଇଁ ନାମିନି ତାଣାଟି ମାହାପୁରୁଟି ମାର୍କା ମାସ୍କା ଆହାମାଞ୍ଜେରି । ୨୭ ଇଞ୍ଜି ମାରୁ ଏଚେକା ଲକ୍ଷ୍ମ କ୍ରୀସ୍ତ ଦରୁଟି ବାପ୍ତିସ୍ତ ବେଟାଆହାମାଞ୍ଜେରି, ନାଏଁ ମାରୁ ବାରେଚେରି କ୍ରୀସ୍ତୁଇଁ ହିପ୍ତିରିଲେହେଁ ପର୍ହାମାଞ୍ଜେରି । ୨୮ ଜୀହ୍ୱଦି ଆପେସି କି ଜୀହ୍ୱଦିଆଆତି ଲକ୍ଷ୍ମ ଆପେସି,

ହଲେଏସି ଆପେସି କି ହଲେଏସି ଆଆତାସି ଆପେସି, ଆବା ଆପେସି କି ଇୟା ଆପେ; ମୀ ବିତ୍ତା ଏନି ପାର୍ଡ଼ା ହିଲେଏ, ମାରୁ ବାରେ କ୍ରୀସ୍ତ ଜୀସୁ ତାଣା ଆଞ୍ଜୁମାନା ରଣ୍ଡିଏ ଆହାମାଞ୍ଜେରି । ୨୯ ଅଡେ ମାରୁ କ୍ରୀସ୍ତୁଟି ଲକ୍ଷ୍ମ, ଆତିହିଁ ମାରୁ ଅବାହାମଟି କୃତାଚେରି, ଆଞ୍ଜୁମାନି ଲେହେଁ ଅଦିକାରା ଗାଟାଚେରି ଆହାମାଞ୍ଜେରି ।

୪ ନାନୁ ଖେସିମାଞ୍ଜୁଇଁ, ମାରୁଏସି ଆବାତି ବାରେ ଦନତି ଅଦିକାରା ଗାଟାସି, ସାମା ବାରେଟି ଅଦିକାରା ଗାଟାସି ଆଡିଜିକେଏ, ପାତାଆନି ପାଚେକା ହଲେଏସି ଲେହେଁ ଆନେସି । ୧ ସାମା ଆବାତି ତୀରି କିହାମାନି ଦିନା ପାଚେକା ଏଝାସି ତାଲି ତାଞ୍ଜୁ ଅଡେ ଗୁମ୍ବୁସ୍ତାଟି କାତାତା ଡୟିନେସି । ୨ ଏଲେକିହିଁଏ ମାର ଜିକେଏ ଏଚିବେଲା ଦାମ୍ବୁତା ପାତାଆହା ହିଲାଆତାୟି, ଏଚିବେଲା ଦାରୁଟିଟି ବାରେ ସାଲଖି କିନି ବାଡ଼ୁୟୁତା ହିଲୟା ମାଚାୟି । ୪ ସାମା ଦିନା ପୁରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମାରୁଏଶାଈ ପାଶ୍ଚାତେସି; ଏଝାସି ଇୟାନି ବାଣ୍ଡିଟି ଜାର୍ନା ଆହାନା ଜୀହ୍ୱଦିୟାଁ ଫେରା ତଲେ ନାଡିଚେସି, ୫ ଏନିକିହିଁ ଏଝାସି ଫେରାତା ମାନି ଲକ୍ଷ୍ମଣି ମୂଲୁ ହାହାନା ପିସ୍ତି କିନେସି, ଅଡେ ମାର ମାହାପୁରୁଟି ମାର୍କା ମାସ୍କାଟି ଅଦିକାରା ବେଟାଆନାୟି । ୬ ଇଞ୍ଜି ମାରୁ ମାର୍କା ମାସ୍କାଚେରି, ଅଡେ ମାହାପୁରୁ ମୀ ହିୟାଁତା ଡୟାଲି ତାକି ତାନି ମାରୁଏଶାଟି ସୁଦୁଜୀଝୁ ପାଶ୍ଚାତେସି, ଏ ଜୀଝୁ ମୀ ତାଣା ମାଞ୍ଜୁନା କାଜା ଗିୟାଁତଲେ “ଆବା ତାଞ୍ଜୁ ଇଞ୍ଜି” ହାଟିମାନେ । ୭ ଏଦାଆଁତାକି ମାରୁ ଅଡେ ହିଲୟାଢ୍ଘା ଆଏ, ସାମା ମାର୍କା ମାସ୍କାଚେରି, ମାରୁ ତାନି ମାର୍କା ମାସ୍କାଚେରି ଆହାମାନାକି ମାହାପୁରୁ ତାନି ମାର୍କା ମାସ୍କାକି ଏନାଆଁ ଇଟାମାନେସି ଏ ବାରେ ମିଡ୍ଡେ ହିୟାନେସି । ୮ ସାମା ମାରୁ ନକେଏ ମାହାପୁରୁଇଁ ପୁଞ୍ଜୁହିଲାଆଚେରି, ଅଡେ ଏମିନି ଗାଟାଈ ସାତା ମାହାପୁରୁ ଆଏ, ଏଝାଆଁତି ହିଲୟାଢ୍ଘା ମାଚେରି । ୯ ସାମା ମାରୁ ନାଏଁ ମାହାପୁରୁଇଁ ପୁଚେରି; ଇଞ୍ଜି ମାହାପୁରୁ ମିଡ୍ଡେ ପୁଞ୍ଜୁଚେସି, ଆତିହିଁ ମାରୁ ଏନିକି ଏ ବାଡ଼ୁୟୁ ହିଲାଆଗାଟାଈ ଅଡେ ଏନାଆଁ ହିୟାଲି ଆତାଆଗାଟି ବାରୁଟି ଝାକି ଖେଣ୍ଡେ ହାଜାଲି ଅଣ୍ଡିମାଞ୍ଜେରି, ମାରୁ ଏନାଆଁତାକି ଖେଣ୍ଡେ ଏ ବାରେଟି ହିଲୟାଢ୍ଘା ଆୟାଲି ଅଣ୍ଡିମାଞ୍ଜେରି । ୧୦ ଦୁକ୍ଷୁଟି କାତା, ମାରୁ ତୀରି କିହାମାନି ଦିନା, ଲେଞ୍ଜୁ ପାରୁ ଅଡେ ବାସ୍ୟି ମାନଖି ଆହିମାଞ୍ଜେରି । ୧୧ ମିଡ୍ଡେତାକି ନାନୁ କିହାମାନି କାମା ଏଚେତା ରକେଏ ଆନେ, ମୀ ତାକି ନାଡ୍ଡେ ହାରେକା ଆଜି ହଟିମାଞ୍ଜୁନେ । ୧୨ ଏ ତାୟି ତାଢ଼ିସ୍ତାଚେରି, ନାନୁ ମିଡ୍ଡେ ବାଟିମାଲିମାଞ୍ଜୁଇଁ, ମାରୁ ନାଲେହେଁ ଆଦୁ, ଇତିହିଁ ନାନୁ ଜିକେଏ ମୀ ଲେହେଁ ଆହାମାଈ, ମାରୁ ନାଡ୍ଡେତାକି ଏନାଆଁ ଲାଗେଏ ପଲେଏ କିହାମାଞ୍ଜୁଅଚେରି । ୧୩ ନାନୁ ତଲିଏ ମୀ ତାଣା ନେହିଁ କାରୁ ଝେକ୍ନହାମାଚେଏଁ ମାରୁ ପୁଞ୍ଜୁମାଞ୍ଜେରି ଏଚେତା ନା ଆଡ୍ଡାଟି ବାଦା ମାଞ୍ଜୁନା ଝେକ୍ନହାମାଚେଏଁ; ୧୪ ଅଡେ ନା ଆଡ୍ଡାଟି ବାଦା ମିଡ୍ଡେତାକି କସ୍ତାଗାଟାୟି ଆହିମାଚିହିଁ ଜିକେଏ ମାରୁ ନାଡ୍ଡେ ହାଣି ତଲେ

ଅପଅମି ଇଚ୍ଛା ମାଜୁଅତେରି, ସାମା ମାରୁ ମାହାପୁରୁତି ର ଦୁରୁ ଲେହେଁ
 ଇତିହିଁ କ୍ରୀସୁ ଜୀସୁଇଁ ଆବିନି ଲେହେଁ ନାଟ୍ଟେ ଆବାତେରି । ୧୫ ମାରୁ
 ଏତେକା ରାହାଁ ମାତେରି, ମୀ ଏ ରାହାଁ ଆମ୍ବିୟା ହାତେ? ଇତିହିଁ ନାନୁ
 ମୀ କାତା ଆଡ଼଼ା ତଲେ ଖେସାଲି ଆତିଇଁ, ଏ ବେଲାତା ମାରୁ ଜାହାରା
 କାନୁ ପିତହାନା ନାଟ୍ଟେ ହିୟାତେରିମା । ୧୬ ସାମା ନୀଏଁ ନାନୁ ମିଟ୍ଟେ
 ସାତା ଖେସାଲିଏ, ମୀ ସାତୁ ଆହାମାଇଁ କି? ୧୭ ଏଞ୍ଜାରି ମୀ ନେହେଁ
 ତାକି ହାରେକା ରାହାଁ ଗାଟାରି ଇଚ୍ଛା ଚଞ୍ଚୁଆହାଲି ଅଶ୍ୱପିମାନେରି, ସାମା
 ତାମି ସାତା ଅଶ୍ୱପୁ ତଲେ ଆଏ, ଏଞ୍ଜାରି ରଶ୍ୱିଏ ଅଶ୍ୱପୁ, ଏନିକିଁ ମାରୁ ନା
 ତାଣାଟି ଏବ୍‌କା ଆହାନା ଏଞ୍ଜାରି ଖାକି ରାହାଁ ଆଦେରି । ୧୮ ଇତିହିଁ ନାନୁ
 ମୀ ତାଣା ମାନି ବେଲାତା ଆଏ, ସାମା ବାରେ ବେଲାତା ନେହିଁ କାମାତାକି
 ଅଶ୍ୱପିନାୟି ନେହେଁ । ୧୯ ଏ ନା ଜୀସୁଟି ମାରୁକା ମାସ୍କାତେରି, ଏତେ
 ପାତେକା କ୍ରୀସୁ ଲେହେଁ ଆଅତେରି, ଏତେ ପାତେକା ନାନୁ ମୀ ତାକି ଜାନି
 କିନାଟି ଲୁଚ୍ଚିନି ବାସା ଲେହେଁଟି କସ୍ତ ବେଟାଆହିମାଇଁ । ୨୦ ନାନୁ ଏନିକିଁ
 ନୀଏଁ ମୀ ତାଣା ଖାହାନା ଅର ରଲେଟି ହାତା ଖେସାଲି ଆତିତେଏଁମା,
 ଇଦି ନା ଅଶ୍ୱପୁ ମାତେ; ଏନାଆଁତାକି ଇତିହିଁ ନାନୁ ମୀ ତାକି ହାରେଏ
 ଅଶ୍ୱପିମାଇଁ । ୨୧ ମସାତି ମେରାତା ମାଜୁଲି ମନ କିହିମାଜ୍ଜେରି ମାରୁ,
 ନାଟ୍ଟେ ଖେସ୍ତାପୁ, ମେରାତା ଏନାଆଁ ରାସ୍କି ଆହାମାନେ, ଏଦାଆଁ ମାରୁ
 ଖେଜୁ ହିଲଅତେରି? ୨୨ ଇତିହିଁ ରାସ୍କି ଆହାମାନେ, ଅବ୍ରାହାମତି ରା
 ମାରୁକା ମାତେରି ରଅସି ହଲେଣି ତାଣାଟି ଅଡ଼େ ରଅସି ତାନି ତକ୍ତୁନି
 ତାଣାଟି ଜାନାଁ ଆହାମାତେସି, ୨୩ ହଲେଣି ମାରୁଏସି ଆଡ୍ଡାତି ଗୁଣ୍ଡତଲେ
 ଜାନାଁ ଆତେସି, ସାମା ଆମିନିଗାଟାସି ତାନି ତକ୍ତୁନି ମାରୁଏସି ମାହାପୁରୁ
 ଆଜ୍ଜାମାଟି ବାଡ଼ୁୟୁଟି ଜାନାଁ ଆତେସି । ୨୪ ଇଦାଆଁ ର ପୁଣ୍ଡି କିନି
 କାତାଲେହେଁ ଖେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାକ;
 ଆମିନି ଗାଟାନି ମାରୁକା ହଲିୟାଟ୍ଟା ଆୟାଲି ଜାନାଁ ଆତେରି, ଏ ହାଗାର୍
 ସିନୟ ହରୁଟି ଖାହାମାନି ରାଜିମାନା ଲେହେଁ । ୨୫ ହାଗାର୍ ଆରବ
 ଦେସାତା ମାନି ସିନୟ ହରୁ ଲେହେଁ, ଏଦି ନୀଏଁଟି ଜିରୁସାଲମ ଗାଡ଼ା
 ଲେହେଁ । ହାଗାର୍ ଲେହେଁ ଜିରୁସାଲମ ଅଡ଼େ ଏଦାନି ସାଲଖି କିନାରି
 ନୀଏଁ ହଲିୟାଟ୍ଟା ଆହାମାନେରି । ୨୬ ସାମା ଲାକପୁରୁ ମାନି ଜିରୁସାଲମ
 ହଲେଣି ଆଆଗାଟାୟି, ଏଦି ମା ତାଲି ୨୭ ଏନାଆଁତାକି ଇତିହିଁ ସାସ୍ତେରିତା
 ରାସ୍କି ଆହାମାନେ, “ଆକେ ବାଜ୍ଜେଣି, ଏତେଲା ପଦି ପଦା ଜାନାଁ
 କିଆଗାଟି ଇୟା, ରାହାଁ କିମ୍ପୁ, ଜାନାଁ କିନି ବେଲାଟି ଲୁଚ୍ଚିନି ବାସା ଏତେଲା
 ପୁଞ୍ଜା ହିଲଅତି ଜିକେଏ ନାନୁ କାଜା ଗିୟାତଲେ ରାହାଁ କିମ୍ପୁ; ଇତିହିଁ ତକ୍ତା
 ତଲେ ବାସା କିହିମାନି ଇୟାନି କିହାଁ ର ପିପ୍ପି ଇୟାନି କକାରି ପଦାୟାଁ
 ହାରେକା ଜାଣି ଆନେରି ଆନୁ ।” ୨୮ “ଏ ନା ତାୟି ତାଡ଼ିସ୍ତାତେରି, ମାରୁ
 ଇସାହାକ ଲେହେଁ ଆଜ୍ଜାମାନି ମାହାପୁରୁତି ମାରୁକା ମାସ୍କାତେରି । ୨୯
 ସାମା ଆମ୍ବାଆସି ଆଡ୍ଡାତି ଗୁଣ୍ଡ ତଲେ ଜାନାଁ ଆତେସି, ଏଞ୍ଜାସି ଏନିକିଁ
 ଏତିବେଲାତା ମାହାପୁରୁତି ସୁରୁଜୀସୁଟି ଆଜ୍ଜାମାନି ତାଣାଟି ଆମ୍ବାଆସି
 ଜାନାଁ ଆହାମାନେସି, ଏଞ୍ଜାଶାଲ୍ ସାସ୍ତା ହାହାମାତେସି ଏଲେକିହିଁଏ ନୀଏଁ

ଜିକେଏ ଆହିମାନେ । ୩୦ ଦାର୍ମୁ ପତି ଏନାଆଁ ଖେସିମାନେ? ହଲେଣି
 ଇୟା ଅଡ଼େ ଏଦାଣି ମାରୁଏଶାଲ୍ ପିହ୍ମୁ; ଇତିହିଁ ହଲେଣି ମାରୁଏସି ତାନି
 ବାହା ତକ୍ତୁନି ମାରୁଏଶା ତଲେ ଅଦିକାରା ଗାଟାସି ଆୟାଲି ଆତଅସି ।”
 ୩୧ ଏଦାଆଁତାକି ଏ ନା ତାୟି ତାଡ଼ିସ୍ତାତେରି, ମାରୁ ହଲେଣି ମାରୁକା
 ମାସ୍କା ଆଏ, ସାମା ବାହା ତକ୍ତୁନି ମାରୁକା ମାସ୍କାତାୟି ।

୫ ମାର ମେଲା ଆହାମାନାୟି, କ୍ରୀସୁ ମାଟ୍ଟେ ମେଲା କିହାମାଜ୍ଜାନେସି
 । ଇଦାଆଁତାକି ମାରୁ ମେଲା ଆତିତାଣା ତାରିଆହାଁ ମାଜୁ । ଅଡ଼େ
 ଖେଣ୍ଡେ ହଲିୟାଟ୍ଟା ଲୁଖେଡ଼ିତା ମାରୁ ଜାହାରାଇଁ ହେରପାକତାଆଦୁ । ୨
 ନାନୁ ପାଖୁଲ ମିଟ୍ଟେ ଖେସିମାଜ୍ଜାଇଁ, ମାରୁ ମୀ ତଲୁ ଦାପିଆନାଣି ମାନି
 କିତିସାରେ, କ୍ରୀସୁ ତାଣାଟି ମାଦି ଏନି ଲାବା ହିଲେଏ । ୩ ନାନୁ ତଲୁ
 ଦାପି ଆହିମାନି ବାରେ ଜାଣାଇଁ ଖେଣ୍ଡେ ଖେସିମାଇଁ, ଇତିହିଁ ଏଞ୍ଜାସି ବାରେ
 ମସାତି ମେରା ମାନଖି ଆନାୟି ମାନେ । ୪ ମାରୁ ଏତେକା ଲକ୍ତୁ ମେରାଟି
 ମାହାପୁରୁ କାନୁତା ତାରିଗାଟାତେରି ଆୟାଲି ଅଶ୍ୱପିମାଜ୍ଜେରି, ମାରୁ କ୍ରୀସୁ
 ତାଣାଟି ଏବ୍‌କା ଆହାମାଜ୍ଜେରି, ଇଚ୍ଛା ମାହାପୁରୁ କାର୍ମାମେହ୍ନି ତାଣାଟି
 ଗୁତା ଆହାମାଜ୍ଜେରି । ୫ ଇତିହିଁ ମାରୁ ମାହାପୁରୁତି ଜୀସୁତଲେ ନାନୁ ତାକି
 ଦାର୍ମୁଗାଟି ଲକ୍ତୁ ଆନି ଆସାଇଁ କାତିମାନାୟି । ୬ ଇଦାଆଁତାକି ଜୀସୁ
 କ୍ରୀସୁ ତାଣା ଆଶ୍ୱାନା ନୀତାମାଟିସାରେ ତଲୁ ଦାପି ଆନାୟି କି ଦାପି
 ଆଆଗାଟାୟି ଏନାୟି ହିଲେଏ, ସାମା ନାମୁତା ଅଜିକିହିଁ ମାଜ୍ଜାନା ଜୀସୁ
 ନନାଣି ତଲେ କାମା କିନାୟି । ୭ ମାରୁତ ନେହିଁକି ନକିତା ହାଜିମାତେରି;
 ଆମ୍ବାଆସି, ମିଟ୍ଟେ ସାତାଟି ମାନଖି ଆଆଦୁ ଇଚ୍ଛା ଆଡ୍ଡାତେସି? ୮ ମିଟ୍ଟେ
 ହାଗାମାଜ୍ଜାନି ମାହାପୁରୁ ତାଣାଟି ଇଦି ଆହା ହିଲେଏ । ୯ କାତାତା
 ମାନେ, ଇତାୟି ପୁଲା ତକାଟି ଗୁଣ୍ଡା ବାରେ ପୁଲା କିନେ । ୧୦ ମାରୁ
 ଏବ୍‌କାଟି ଅଶ୍ୱପୁ ଅଶ୍ୱପଅତେରି, ଇଦାଆଁ ନାନୁ ମିଟ୍ଟେ ତାକି ପ୍ରବୁ ତାଣା
 ହାରେକା ନାମିମାଇଁ; ସାମା ମିଟ୍ଟେ ଆମ୍ବାଆସି ନାଡ଼ି କିହାମାଜ୍ଜାନାସି ଏଞ୍ଜାସି
 ଆମ୍ବାଆସି ଆପେସି ମାହାପୁରୁ ଏଞ୍ଜାଶାକି ତଣ୍ଡ ହାନେସି । ୧୧ ନା ତାୟି
 ତାଡ଼ିସ୍ତାତେରି, ନାନୁ ନୀଏଁ ପାତେକା ତଲୁ ଦାଃନି ମେରା ଖେକ୍‌ହିମାଇଁ,
 ଆତିହିଁ ଏନାଆଁତାକି ନୀଏଁ ପାତେକା ସାସ୍ତା ବେଟାଆହିମାଇଁ? ନାନୁ
 ସାତେଏ ଏଲେକିଁ ଖେକ୍‌ହିହିଁ, କୁସତା ହାତି କ୍ରୀସୁଟି କାତା ଚଞ୍ଚୁକିନି
 ତାଣାଟି ନାଟ୍ଟେ ଏନି ବାଦା ଆଆତେମା । ୧୨ ନାନୁ ଅଶ୍ୱପିମାଇଁ, ତଲୁ
 ଦାନାଣି ଏମିନିଗାଟାରି ମିଟ୍ଟେ ଏଲେକିଁ କିଲିବିଲି କିହିମାଜ୍ଜାନେରି ଏଞ୍ଜାରି
 ପେରୁୟାଁ ଲେହେଁ ଆତିହିଁ ନେହିଁ ଆତେମା । ୧୩ ଏ ତାୟି ତାଡ଼ିସ୍ତା, ମାରୁ
 ମେଲା ଆହାଲିତାକି ହାବ୍‌କି ଆହାମାଜ୍ଜେରି; ସାମା ଜାଗ୍ରାତା, ଆଡ୍ଡାତି
 ଜୁପ୍‌କା କାମା କିହାଲି ମୀ ଆଡ୍ଡାତି ପାରୁ ବେଟାଆତିସାରେ ଏ ମେଲାଟି
 ଲେମ୍ବାଆଦୁ, ସାମା ରଅତେରି ରଅଶାଲ୍ ଜୀସୁ ନଖିଆହାନା ସେବା କିଦୁ
 । ୧୪ ଇତିହିଁ ବାରେ ମେରା ଇ ରଶ୍ୱିଏ ହୁକୁମିତା ତାରି ଆନେ, “ନାନୁ
 ନୀ ଆବ୍‌ହିତାଶାଲ୍ ନୀ ଜୀସୁଟି ଜୀସୁନି ଲେହେଁ ଜୀସୁନଦୁ ।” ୧୫
 ମାରୁ ରଅତେରି ରଅଶାଲ୍ ବାଦା ହାହାନା ନସ୍ତୁ କିଖି ଆହିମାଜ୍ଜେରି,

ଆତିହିଁ ଜାଗ୍ରତା ଆଦୁ, ଏନିକିଁ ମୀରୁ ରଥଚେରି ରଥଣି ଡାଣାଟି ନାସା
 ଆଅଚେରି । ୧୭ ନା ଅଶ୍ଵ ଇଦି, ମୀରୁ ସୁଦୁଜୀଞ୍ଜୁ ତଲେ ଡାକାଦୁ, ଆତିହିଁ
 ମୀରୁ ଆଢ୍ଫୁତି ଜୁଦ୍ଵକା ତଲେ କାମା କିଅଚେରି । ୧୭ ମାଣସିତି ମାଣକି
 ସୁଦୁଜୀଞ୍ଜୁ ଅପେଏ । ଏଲେକିହିଁଏ ସୁଦୁଜୀଞ୍ଜୁ ମାଣସିତି ମାଣକିତି ଅପେଏ
 । ଏଞ୍ଜି ରିଶ୍ଵି ସାଦୁ ଲେହେଁ । ଇତିହିଁ ମୀରୁ ଏନାଆଁ କିୟାଲି ଅଶ୍ଵପଦେରି
 ଏନାଆଁ କିୟାଲି ଆଡଅଚେରି । ୧୮ ସୁଦୁଜୀଞ୍ଜୁ ମିଢ୍ଫେ ସାଲଞ୍ଜି କିୟାନ୍ଦେ,
 ଆତିହିଁ ମୀରୁ ଅଡେ ମସାତି ମେରା ଡ଼ଇ ହିଲଅଚେରି । ୧୯ ଆଢ୍ଫୁତି
 ଅଶ୍ଵପୁ ତଲେ କିନି କାମା ବାରେ ନେହିଁକିଁ ପୁଞ୍ଜୁମାଞ୍ଜେରି, ଏଞ୍ଜି ଦାରିକାମା,
 ଲାଗେଏ ପୁଲେଏ କାମା । ୨୦ ଅଡେ ଅପାଆଗାଟି କାମା, ଡେଶକା
 ପୂଜା, ଲକ୍ଵଣି ସାୟିନାୟି, ଗୁଣି ଗାର୍ଡ଼ି, ସାଦୁ ଆନାୟି, ଗଡ଼ହା କିନାୟି,
 ଆଢ୍ଫାବା ଆନାୟି, କାର୍ବି ଆନାୟି, ଜାହାରାତାକି ଅଶ୍ଵପିନାୟି, ଗତି ଆହିଁ
 ବାଗା ଆନାୟି, ନାଡ଼ିକିହାଁ ବାଗା କିନାୟି, ଡାହାରା ଆନାୟି, ୨୧ କାଦୁ
 ଗହନାରି ତଲେ ଆଣ୍ଠାନା ରାହାଁ କିନାୟି ଇଲେତି ବାରେ କାମା କିନାୟି;
 ନାନୁ ତଲି ମିଢ୍ଫେ ଏନିକିଁ ଖେସାମାଞ୍ଜୁତେଏଁ, ଏଲେକିହିଁ ନକେଏ ଜାଗ୍ରତା
 କିହାଁ ସେସିମାଞ୍ଜୁଲି, ଆମ୍ବାଆରି ଇଲେତି କାମା କିନେରି, ଏଞ୍ଜାରିକି
 ମାହାପୁରୁ ରାଜିତା ଅଦିକାରା ହିଲେଏ । ୨୨ ସାମା ସୁଦୁଜୀଞ୍ଜୁତି ପାଡେୟି,
 ଜୀଞ୍ଜୁନାୟି, ରାହାଁ ଆନାୟି, ହିଦ୍ଢି ଜୀଞ୍ଜୁତଲେ ମାନାୟି, ଅର୍ହନାୟି,
 ଲକ୍ଵଣି ସାୟେମି କିନାୟି, ସାତା ଗୁଣ୍ଡ, ମାନିଗାଟି ଲକ୍ଵ, ନାମୁତଲେ
 ମାନାୟି, ୨୩ ଅଡେ ଜାହାରାଲି ଲକ୍ଵନାୟି, ଇ ବାରେ ନକିତା ମସାତି
 ଏନି ମେରା ହିଲେଏ । ୨୪ ଆମ୍ବାଆରି ଜୀଞ୍ଜୁ କ୍ରୀସୁ ଡାଣା ମାନେରି,
 ଏଞ୍ଜାରି ତାମି ଆଢ୍ଫୁତି ଅଶ୍ଵପୁ ଅଡେ ଜୁଦ୍ଵକା ବାରେ ମାଣସି ମାଣକିତି
 ପାସି ମୁଣ୍ଡାତା ଏକହାନା ହାଞ୍ଜି କିହାମାନେରି । ୨୫ ମୀରୁ ସୁଦୁଜୀଞ୍ଜୁ ତଲେ
 ଜୀଞ୍ଜୁ ବେଟାଆହାମାନାୟି, ଆତିହିଁ ସୁଦୁଜୀଞ୍ଜୁ ତଲେ ନୀତିନ । ୨୬ ମୀରୁ
 ବଡପଣ ଆହାନା ରଅତଞ୍ଜି ରଅଣାଇଁ ବିଚିବିତା କିଆପ ଅଡେ ମୀରୁ
 ରଅତାୟି ରଅଣାଇଁ ଡାହାରା ଆଆପ ।

୨ ଏ ତାୟି ତାଢ୍ଫୁସ୍ତା, ଆମ୍ବାଆସି ଏନି ଦହ କିହାମାନାଣି ପୁଟିହିଁ,
 ସୁଦୁଜୀଞ୍ଜୁ ବେଟାଆହାମାଞ୍ଜେରି ମୀରୁ, ମୀରୁ ଟିକାଣା ତଲେ ଏଲେତି
 ଲକ୍ଵଣି ଏଲେତି କାମା ପିସାଲି ଜାପୁଦୁ, ଏଡେତା ମୀରୁ ଜିକେଏ ପାନୁତା
 ହେର୍ଡ଼ିଦେରି, ଏନାଆଁତାକି ମୀରୁ ଜାଗ୍ରତା ଆହାନା ମାଞ୍ଜୁ । ୨ ରଅଚେରି
 ରଅଣି ବଜୁ ଡେକାଲି ସାୟେମି କିଞ୍ଜିଆଦୁ: ଏଲେକିତିହିଁ ମୀରୁ କ୍ରୀସୁତି
 ମେରା ମାନଞ୍ଜି ଆଦେରି । ୩ ଆମ୍ବାଆସି ଲାଗେଏ ଆହାନା ଜାହାରାଲି
 ନାନୁ କାଜାତେଏଁ ଇଞ୍ଜି ଅଶ୍ଵପା କତିନେସି ଏଞ୍ଜାସି ତାନୁଏ ତାଢ୍ଫେ ନାଡ଼ି
 କିହାକତିମାନେସି । ୪ ସାମା ବାରେଜାଣା ଜାହାରା କିତି କାମାତି
 ତାୟିପାରି କିପାସି, ଆତିହିଁ ଏଞ୍ଜାସି ଅର ଲକ୍ଵ କିତି କାମାତାକି ଆଏ
 ସାମା ତାନୁଏ କିହାମାନାଣି ତାକି ବଡପଣ କିଆପେସି । ୫ ଏନିଇତିହିଁ
 ବାରେଜାଣା ଜାହାରା ବଜୁ ଜାହାରାଏ ଡେକିନାୟି ମାନେ । ୬ ସାମା
 ଆମ୍ବାଆସି ମାହାପୁରୁତି ବଲ୍ଲୁ ଜାପିନେସି, ଏଞ୍ଜାସି ତାଢ୍ଫେ ଜାପ୍ନାଣାକି
 ତାନି ଡାଣା ମାନି ବାରେକିହାଁ ନେହିଁ ବାଗା ହାପେସି । ୭ ମୀରୁ ମିଢ୍ଫେ

ନାଡ଼ିକିହା କତାଆଦୁ: ଆମ୍ବାଆସି ମାହାପୁରୁଇଁ ନାଡ଼ି କିହାଲି ଆଡଅସି,
 ଇତିହିଁ ମାଣସି ଏନାଆଁ ମାଟିନେସି ଏନାଆଁ ଦାଃଆନେସି । ୮ ଆମ୍ବାଆସି
 ଆଢ୍ଫୁତି ଅଶ୍ଵପୁ ତାକି ମାଟିନେସି, ଏଞ୍ଜାସି ଆଢ୍ଫୁତି ହାଞ୍ଜିକିନି ପାଡେୟି
 ଦାଃଆନେସି; ସାମା ଆମ୍ବାଆସି ଜୀଞ୍ଜୁତାକି ମାଟିନେସି ଜୀଞ୍ଜୁତି ଗାଡ଼ିଆତି
 କାଲାକାଲାତି ଜୀଞ୍ଜୁହାନି ପାଡେୟି ଦାଃଆନେସି । (aiōnios g166) ୯
 ମୀରୁ ନେହିଁ କାମା କିହାଲି ଖାହାଆପ; ଇତିହିଁ ଖାହୁ ଆଆନା କାମା
 କିତିହିଁ ସମାନା ବେଲତା ତାସା ଦାଃନାୟି । ୧୦ ଏନିଇତିହିଁ ମୀରୁ ପାରୁ
 ସିନିକିହାନା ବାରେତାକି ଇତିହିଁ ବାରେକିହାଁ ରଶ୍ଵିଏ କୁଟମିତା ଆଣ୍ଠାନାମି
 ନାମୁ ଗାଟାରାଇଁ ନେହିଁ କିନାୟିମାନେ । ୧୧ ମେହ୍ଫୁ, ନାନୁ ଏନିକିଁ କାଜା
 କାଜା ଅଢ୍ଫେରି ତଲେ ନା କେୟୁତଲେ ମୀ ଡାଣା ରାଟାମାଞ୍ଜୁଲି । ୧୨
 ଆମ୍ବାଆସି ଆଢ୍ଫୁତି କାମା ତଲେ ଖେଢ୍ଫୁଲି ମନ କିନେରି, ଏଞ୍ଜାରି ମିଢ୍ଫେ
 ଡଳୁ ଦାଃଆନାୟିମାନେ ଇଞ୍ଜି ବାଲାମାତମି କିୟାନ୍ଦେରି, କ୍ରୀସୁତି ପାସିମୁଣ୍ଡା
 ତାକି ଏନିକିଁ ନିମୁ ବେଟାଆଅରି ଖାରୁଇ ଏନାଣିତାକି ଏଲେକିନେରି ।
 ୧୩ ଇତିହିଁ ଆମ୍ବାଆସି ଡଳୁ ଦାଃନି ମେରା ତଲେ ମାନେରି, ଏଞ୍ଜାରି ତାମୁ
 ଜିକେଏ ମସାତି ମେରା ମାନଞ୍ଜି ଆଅରି, ଇଞ୍ଜି ଏଞ୍ଜାରି ଏନିକିଁ ମୀ ଆଢ୍ଫୁ
 ତାକି ବଡପଣ କିହାଲି ଆତିନେରି, ଏନାଆଁତାକି ଏଞ୍ଜାରି ମିଢ୍ଫେ ଡଳୁ ଦାପି
 କିଞ୍ଜିକିହାଲି ଅଶ୍ଵପିନେରି । ୧୪ ସାମା ନାନୁ ଖାରୁଇ ମା ଜୀଞ୍ଜୁ କ୍ରୀସୁତି କୁସ
 ତାକି ବଡପଣ ଆହିମାଇଁ; ଇତିହିଁ ଏଞ୍ଜାଣି କୁସ ତାକି ଦାର୍ଡି ନାଢ୍ଫେତାକି
 ହାହାମାନେ ଇଞ୍ଜି ନାନୁ ଦାର୍ଡି ତାକି ହାହାମାଇଁ । ୧୫ ଡଳୁ ଦାପି ଆନାୟି
 କି ଦାପି ଆଆଗାଟାୟି ଏନାୟି ହିଲେଏ, ସାମା ପୁଞ୍ଜି ଗାଡ଼ି ଆନାୟି ଏଦି
 ବାରେ କିହାଁ ମୁଲୁତାୟି । ୧୬ ଏଡେକା ଲକ୍ଵ ଇ ମେରା ତଲେ ଡାକିନେରି,
 ଏଞ୍ଜାରି ଲାକ ଅଡେ ମାହାପୁରୁତି ଇସାୟେଲ ଲକ୍ଵ ଲାକ ହିଦ୍ଢି ଅଡେ
 କାର୍ମୀ ଆପେ । ୧୭ ନୀଞ୍ଜୁଟିଏ ଆମ୍ବାଆସି ନାଢ୍ଫେ କସୁ ହିୟାଆପେସି,
 ଇତିହିଁ କ୍ରୀସୁ ତାକି ବେଟାଆହାମାନି ଗାହାଁ ଗାରିୟାଁ ନା ଆଢ୍ଫୁତା ମାନୁ
 । ୧୮ ଏ ତାୟି ତାଢ୍ଫୁସ୍ତା, ମା ପୁରୁ ଜୀଞ୍ଜୁ କ୍ରୀସୁତି କାର୍ମୀମେହ୍ଫୁନାୟି ମୀ
 ଜୀଞ୍ଜୁତା ଡୟାପେ । ଆମେନ୍ ।

ଏପିବି

୧ ପାଖୁଲ, ମାହାପୁରୁତି ଅଣ୍ଟାପୁ ତଳେ କ୍ରୀସୁ ଜୀସୁତି ପାଣ୍ଡୁତି ଆହାମାନାଦେଏଁ, ଏପିବିୟତା ମାନି ମାହାପୁରୁ ଲକ୍ଷ୍ମୀ କ୍ରୀସୁ ଜୀସୁ ତାଣା ନାମୁତା ମାନି ଲକ୍ଷ୍ମୀତାକି ଈ ଆକୁ ରାତିମାଇଁ । ୨ ମା ଆବା ମାହାପୁରୁ ଇଚ୍ଛାଁ ପ୍ରବୁ ଜୀସୁ କ୍ରୀସୁ ତାଣାଟି କାର୍ମାମେହନାୟି ଅଡେ ହିଡ଼ି ଜୀସୁ ମିଡ୍ରେତାକି ଆୟାପେ । ୩ ମା ପ୍ରବୁ ଜୀସୁ କ୍ରୀସୁତି ମାହାପୁରୁ ଅଡେ ଆବାଇଁ ଜହରା ଆପେ । ଏଖାସି କ୍ରୀସୁ ତାଣା ମାଡ୍ରେ ବାରେ ଜୀସୁତି ବର ତଳେ ଲାକପୁରୁ ବର ହାହାମାଷ୍ଟାନେସି । ୪ ମାର ଏନିକିଁ ମାହାପୁରୁ ନକିତା ସୁରୁ ଅଡେ ଦହ ହିଲାଆଗାଟାତାୟି ଆନାୟି ଏଦାଆଁତାକି ଏଖାସି ଦାର୍ତ୍ତି ଗାଡ଼ି ଆଆ ନକେଏ ତାନି ତାଣା ମାଡ୍ରେ ଆତାମାଷ୍ଟାଦେସି । ୫ ଅଡେ ଏଖାସି ମାଡ୍ରେ କ୍ରୀସୁ ଜୀସୁ ତାଣାଟି ତାଡ୍ରେତାକି ମାର୍ବକା ମାସକା କିୟାଲି ତାନୁଏ ତଲିଏ ତୀରି କିତେସି; ଇଦି ଏଖାଣି ରାହାଁ ଅଡେ ଅଣ୍ଟାପୁ । ୬ ମାହାପୁରୁତି କାର୍ମାମେହନାଣି ତାକି ଇଚ୍ଛାଁ ତାନି ମାର୍ବଣାଇଁ ରଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାର ମାହାପୁରୁଇଁ ଜହରା କିହିମାନାୟି । ୭ କ୍ରୀସୁ ହାତି ତାଣାଟି ମାର ଗେଲ୍ପି ଆହାମାନାୟି, ଇତିହିଁ ମା ବାରେ ପାପୁ ମେଣ୍ଟାମାନେ, ମାହାପୁରୁତି କାର୍ମା ଏତେକା କାଜାୟି । ୮ ଏଖାସି ଏ କାର୍ମାମେହନାଣି ବାରେ ବୁଦି ଅଡେ ଅଣ୍ଟାପୁ ମାଡ୍ରେ ହାରେକା ହାହାମାଷ୍ଟାନେସି । ୯ ନକେଏ ଅଣ୍ଟାପୁମାନି ତାନି କାର୍ମାତଳେ ଏଖାସି ମାଡ୍ରେ ତାନି ଅଣ୍ଟାପୁ ତଳେ ତୁଣାମାନି ଅଣ୍ଟାପୁତି ତପାମାଷ୍ଟାନେସି । ୧୦ ଏନିକିଁ କାଲାତି ତାନି ଅଣ୍ଟାପୁ ତଳେ ଲାକପୁରୁ କି ଦାର୍ତ୍ତିତା ମାନାଣି ବାରେ ଏଖାସି ତାଡ୍ରେତାକି କ୍ରୀସୁ ତାଣା ରଣ୍ଡେଏ କିନେସି । ୧୧ ମାର ଜିକେଏ ଏଖାଣି ତାଣା ଅଦିକାରା ଲେହେଁ ଆହାମାନାୟି, ଇତିହିଁ ଏମିନି ମାହାପୁରୁ ତାନି ମନତି ଅଣ୍ଟାପୁ ତଳେ ବାରେ କାତା ତୀରି କିନେସି, ଇଚ୍ଛାଁ ଏଖାସି ତଲିଟିଏ ମନତା ତୀରି କିହାମାଟିଲେହେଁ ମାର ନକେଏ ଆଡ଼ି ଆତାୟି ୧୨ ମାର ଏନିକିଁ କ୍ରୀସୁ ତାଣା ନକେଏ ବାସୁଁ କିହା ମାତାୟି, ମାର ବାରେତାୟି ମାହାପୁରୁ ଗାଧୁରମିତି ଜହରା କିନାତାୟି ଆନ । ୧୩ ଏଖାଣି ତାଣାଟି ମାରୁ ଜିକେଏ ସାତା ବଲୁ ଇତିହିଁ ମିଡ୍ରେ ଗେଲ୍ପାମାନି ନେହିଁ କାରୁ ଖେଷ୍ଟାନା ନାମାହାଁ ଆଷ୍ଟାମାନି ସୁଦୁଜୀସୁ ତଳେ ବୁଦୁ ମୁଦ୍ରା ଆହାମାଷ୍ଟେରି; ୧୪ ମାହାପୁରୁ ତାନି ଲକ୍ଷ୍ମୀତାକି ଏନାଆଁ ହାହାଲି ଆଷ୍ଟାମାନେସି ଏ ବାରେ ମାର ବେଟାଆନାୟି ସୁଦୁଜୀସୁ ତାନି ବାୟିଦା ଲେହେଁ । ମାହାପୁରୁ ତାନି ଲକ୍ଷ୍ମୀତାକି ଗେଲ୍ପି ଆନାଣି ହାନେସି ଇ ବାରେତାକି ମାହାପୁରୁତି ଗାଧୁରମି କିନ । ୧୫ ଇଦାଆଁତାକି, ପ୍ରବୁ ଜୀସୁ ତାଣା ମା ନାମୁ ଇଚ୍ଛାଁ ବାରେ ମାହାପୁରୁ ଲକ୍ଷ୍ମୀତାକି ଜୀସୁନାୟି ମାନେ, ୧୬ ଏ କାତା ଖେଷ୍ଟାନା ମିଡ୍ରେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଇଁ । ୧୭ ମା ପ୍ରବୁ ଜୀସୁ କ୍ରୀସୁତି ମାହାପୁରୁ, ଗାଧୁରମିଗାଟି ଆବା, ଏଖାସି ମିଡ୍ରେ ସୁଦୁଜୀସୁତି ହିୟାନେସି ଏ ଜୀସୁ ମିଡ୍ରେ ବୁଦି ହିୟାନେ, ଅଡେ ମାହାପୁରୁଇଁ ମୀ ତାଣା ତୁଚ୍ଛୁ କିୟାନେ, ଆତିହିଁ ମାରୁ ଏଖାଣାଇଁ

ପୁଷ୍ଟେରି । ୧୮ ଏମ୍ପାଟିଏ ମୀ ହିୟାଁତି କାଣକା ଦେପି ଆତିସାରେ, ତାନୁ ହାତାମାଷ୍ଟାନି ବାସୁଁ ଏନାୟି, ମାହାପୁରୁ ଲକ୍ଷ୍ମୀତାଣା ତାନି ଅଦିକାରାଟି ଗାଧୁରମିଗାଟି ଦନ ଏନାୟି, ୧୯ ତାନି ଲକ୍ଷ୍ମୀତାକି ତାନି ଆଷ୍ଟାମାନାୟି ହାରେକା କାଜା ବର ଅଡେ ନାମିମାନାତାୟି ମାର, ତାନି ବାଡ଼ୁମୁତି କାମା କିନାତାୟି, ଇଚ୍ଛାଁ ମାଡ୍ରେତାକି ତାନି ବାଡ଼ୁମୁ ଏତେକା କାଜାୟି ଇ ବାରେ ପୁଷ୍ଟାଲି ଆତିଦେରି; ୨୦ ଏ ବାଡ଼ୁମୁ କ୍ରୀସୁ ତାଣା ତପାନା ଏଖାଣାଇଁ ହାତାରି ତାଣାଟି ନିକହାନା ଲାକପୁରୁ ତାନି ଚିଝନି ଚଟତା କୁରି କିହାମାନେସି । ୨୧ କ୍ରୀସୁ ଲାକପୁରୁ ବାରେ ସାଲଖି କିନାସି, କାଜାପାଣା, ବାଡ଼ୁମୁ, ମୁସୁଦାରିୟାଁ ଲାକ ସାଲଖି କିନାସି, ଇ ଗୁରୁତା ଅଡେ ଏ ଗୁରୁତା ଏତେକା ଦରକା ଖେଷ୍ଟା ମାନୁ, ଏ ବାରେତି ମୁହେଁ ଏଖାଣି ପାଣା କାଜାୟି । (aiōn g165) ୨୨ ମାହାପୁରୁ ବାରେ କ୍ରୀସୁତି କତାୟାଁ ତୁଲ ଇତିତେସି, ଇଚ୍ଛାଁ ଏଖାଣାଇଁ ବାରେତି କିହାଁ କାଜାସି କିହାନା କ୍ରୀସୁନା କୁଲମିକା ହେରପା ମାନେସି । ୨୩ ଏ କୁଲମିକା କ୍ରୀସୁତି ଆଡ୍ରେ ଲେହେଁ, ଇତିହିଁ ଆମ୍ପାଆସି ବାରେ କାମାତି ବାରେ ତାଣା ପୁରା କିନେସି ।

୨ ମୀ ଦହ ଅଡେ ପାପୁ ତାକି ତଲି ଜୀସୁତା ହାହାମାରେରି, ୨ ଇତିହିଁ ଏମିନି ଜୀସୁ ନାସୁଁ ଜିକେଏ କାତା ମାନଖି ଆଆଗାଟି ମାର୍ବକା ତାଣା ଅଦିକାରା କିହାମାନେ, ଏ ବାଡ଼ିତି ମନତଳେ ମାରୁ ଜିକେଏ ତଲି କାଲା ଏ ଜିରୁତା ତାକିହିଁ ଦହ କିହାନା ପାପୁତାକି ହାହାମାରେରି । (aiōn g165) ୩ ଏ କାତା ମାନଖି ଆଆଗାଟି ମାର୍ବକା ତଳେ ମାର ବାରେ ଏ ବେଲାତା ମା ଆଷ୍ଟାତି ମାଣକି ତଳେ ନୀତାନା ଆଡ୍ରେ ଅଡେ ମନତି କାମା କିହିମାତାୟି, ଇଚ୍ଛାଁ ଏଦକାତାରି ଲେହେଁ ମାର ଜିକେଏ ମାହାପୁରୁ କପାତି ଲକ୍ଷ୍ମୀ ମାତାୟି । ୪ ସାମା ମାହାପୁରୁ ହାରେକା କାର୍ମା ମେହନାସି; ଏଖାସି ମାଡ୍ରେ ହାରେକା ଜୀସୁ ନଖୁତା ଜୀସୁ ନୟାଁତେସି, ୫ ଏତେତା ମାର ପାପୁ ତାକି ହାହା ମାତାୟି, ଇଚ୍ଛାଁ ମାଡ୍ରେ କ୍ରୀସୁ ଜୀସୁ ତଳେ ନିକହାତେସି, ଅଡେ ମାହାପୁରୁତି କାର୍ମାଟି ମାରୁ ଗେଲ୍ପି ଆହାମାଷ୍ଟେରି । ୬ ଇଚ୍ଛାଁ ତାନି ତଳେ ମାଡ୍ରେ ହାକିଟି ନିକହାନା କ୍ରୀସୁ ଜୀସୁ ତାଣା ଲାକପୁରୁ କୁରି କିହାମାଷ୍ଟାନେସି । ୭ କ୍ରୀସୁ ଜୀସୁ ତାଣା ମାଡ୍ରେତାକି ଜୀସୁନହାଁନା ଖାହିମାନି ଗୁରୁତା ତାନି କାର୍ମାଟି ହାରେକା ଦନ ତପାଲି ମାହାପୁରୁ ଇଦାଆଁ କିତେସି । (aiōn g165) ୮ ଏନାଆଁତାକି ଇତିହିଁ ମାରୁ ନାମିତାକି ମାହାପୁରୁତି କାର୍ମାଟି ଗେଲ୍ପି ଆହାମାଷ୍ଟେରି; ଏଦି ମୀ ତାଣାଟି ଆହା ହିଲେଏ, ଏଦି ମାହାପୁରୁତି ଦାନା, ୯ ଏଦି ମାରୁ କାମା କିତାକି ଆଏ, ଏଦାଆଁତାକି ଆମ୍ପାଆସି ବଡପଣ କିଆପେସି । ୧୦ ଇତିହିଁ ମାର ତାନି ତାଣାଟି ଗାଡ଼ି ଆହାମାନାୟି; ଆମିନି ନେହିଁ କାମା କିଇଁ ଇଚ୍ଛାଁ ମାହାପୁରୁ ତଲିଏ କିହାଲି ତାକି ତିୟାରା କିହାମାତେସି ଏ ବାରେ ମାନଖି ଆହାଲି କ୍ରୀସୁ ଜୀସୁ ତାଣାଟି ଗାଡ଼ି ଆହାମାନେ । ୧୧ ମାରୁ ଏତିବେଲା ତଲି ଆଡ୍ରେ ତଳେ ଜୀସୁଦିଆଆନା ମାରେରି ଅଡେ ଆଷ୍ଟାତି ଅଣ୍ଟାପୁତା କେୟୁତଳେ ତଲୁ ଦାପି ଆତି ଲକ୍ଷ୍ମୀ ତାଣାଟି ତଲୁ ଦାପି ଆଆତାରି ଇଚ୍ଛାଁ ଖେଷ୍ଟାମାରେରି । ୧୨ ଏତିବେଲା ମାରୁ କ୍ରୀସୁ ତାଣାଟି ହେକ ମାରେରି, ମାରୁ ଏଦକା

ଦେସାତାତେରି ମାତେରି, ଅଡ଼େ ମାହାପୁରୁତି ଆଚିତି ଇସ୍ରାୟେଲ କୁଡ଼ାତା ଆଣ୍ଡାହିଲାଆତେରି, ମାହାପୁରୁ ତାନି ଲକ୍ଷ୍ମୀକି କିହାମାନି ରାଜିମାନାତା ମୀ ଏନି ବାଗା ହିଲାଆତେ, ମାହାପୁରୁ ଅଡ଼େ ବାସୁ ହିଲାଆ ଲକ୍ଷ୍ମୀ ଲେହେଁ ଦାର୍ତ୍ତିତା ବାସା କିହାମାତେରି । ୧୩ ନକେଏ ମୀରୁ ହେକ ମାତେରି, ସାମା ନୀଏ ମୀରୁ କ୍ରୀସୁ ଜୀସୁ ତାଣାଟି ତାନି ନେତେରି ତଲେ ତାଗେ ଆହାମାଞ୍ଜେରି । ୧୪ ଏନାଆଁତାକି ଇତିହିଁ ଏଖାସି ମା ହିଡ଼ି, ଏଖାସି ସାତୁ ଲେହେଁ ପାଡ଼ି କାଚିନି କାଚିତି ତିକ୍ତହାନା ବାରେତି କାଲହା ମାନେସି, ୧୫ ଜୀହୁଦି ଲକ୍ଷ୍ମୀ ପାଣାପାଠୁ ହୁକୁମିତି ମେରାତି ତାନି ଆଡ଼ାଟି ହେକ କିହାମାନେସି, ଏନିକିଁ ଏଖାସି ହିଡ଼ି ହାହାନା ଜୀହୁଦି ଅଡ଼େ ଜୀହୁଦିଆଆତି କୁଡ଼ାତାରାଇଁ ତାନି ତାଣା ର ପୁଠିନି ଲକ୍ଷ୍ମୀଲେହେଁ ଗାଡ଼ି କିନେସି । ୧୬ ଅଡ଼େ କୁସତା ହାହାନା ଜୀହୁଦି ଅଡ଼େ ଜୀହୁଦିଆଆତାରି ସାତୁତି ନାସା କିହାନା ଏଦାଣି ତଲେ ରିଆରାଇଁ ରଣ୍ଡିଏ ଆଡ଼ା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡାକିୟାନେସି । ୧୭ ଅଡ଼େ ହେକ ମାତି ଜୀହୁଦିଆଆତି ଲକ୍ଷ୍ମୀ ଅଡ଼େ ତାନି ତାଗେ ମାନି ଜୀହୁଦି ଲକ୍ଷ୍ମୀ ଇ ରିଆରି ତାଣା ଏଖାସି ଖାହାନା ହିଡ଼ିତି ନେହିଁ କାବୁ ଖେକ୍ତେସି; ୧୮ ଏନାଆଁତାକି ଇତିହିଁ କ୍ରୀସୁତି ତାକି ବାରେ ଜୀହୁଦିଆଁ ଅଡ଼େ ଜୀହୁଦିଆଆତି ଲକ୍ଷ୍ମୀ ରଣ୍ଡିଏ ସୁଦୁଜୀସୁତି ଲାକପୁରୁ ଆବା ତାଣା ହାଜାଲି ଜିରୁ ବେଟାଆହାମାନାୟି । ୧୯ ଏଦାଆଁତାକି ମୀରୁ ଏବକା ଦେସାତାତେରି ଇ ଦେସାତାତେରି ଆଏ, ସାମା ମାହାପୁରୁ ଲକ୍ଷ୍ମୀତଲେ ଆଣ୍ଡାନା ଏଖାସି ଦେସାତି ଲକ୍ଷ୍ମୀ ଅଡ଼େ ମାହାପୁରୁ ଇଲୁ କୁଟମିତେରି । ୨୦ ମୀରୁ ପାଣ୍ଡି ଆହାମାନାରି ଅଡ଼େ ମାହାପୁରୁ ଅଣ୍ଡପୁତି ବଲୁ ଖେହନାରି ଇଟାମାନି ପୁନାଦି ମୁହେଁ ଇବକି ଆହାମାଞ୍ଜେରି, କ୍ରୀସୁ ଜୀସୁ ତାନୁଏ, ଏ କନତି ମଲୁ ଖାଲି । ୨୧ ଏଖାଣି ତାଣା ବାରେ ଇଲୁତି ବାରେ କାଚିୟି ଦୂର୍ଯ୍ୟାନା ପ୍ରବୁ ତାଣା ର ସୁଦୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ । ୨୨ ଏଖାଣି ତାଣା ମୀରୁ ଜିକେଏ ମା ତଲେ ଆଣ୍ଡାନା ସୁଦୁଜୀସୁତି ମାହାପୁରୁ ବାସାଆନି ଇଲୁ ଲେହେଁ ଦସ୍ତି ଆହାମାଞ୍ଜେରି ।

୩ ଇଦାଆଁତାକି ମୀ ଲେହେଁତି ଜୀହୁଦିଆଆତି ଲକ୍ଷ୍ମୀକି କ୍ରୀସୁ ଜୀସୁ ତାକି ଦସ୍ତି ଆହାମାନି ପାଖୁଲତେଏ । ୧ ମିଡ଼େଟାକି ନାଡ଼େ ହାହାମାଞ୍ଜାନି ମାହାପୁରୁତି କାର୍ମାଟି ସେବାକିନି କାମାତି କାତା ମୀରୁ ଖେଞ୍ଜାମାଞ୍ଜେରି, ୩ ଅଡ଼େ ତୁଗାମାନି କାତା ମାହାପୁରୁ ତାନୁଏ ତସାନା ପୁଣ୍ଡି କିୟାତେସି, ଏନିକିଁ ନାନୁ ତଲି ଏ ବାରେ କାତା ଇତାଣି ରାତାମାଇଁ, ୪ ମୀରୁ ଏଦାଆଁ ପଡ଼ି ଆହାନା କ୍ରୀସୁତି ତୁଗାମାନି କାତା ନାନୁ ଏନାଆଁ ତେଲହାମାଇଁ ଏଦାଆଁ ମୀରୁ ତେଲହାଲି ଆଡ଼ିଦେରି, ୫ ତଲି କାଲାତା ମାଣ୍ଡିୟି ତାଣା ତୁଞ୍ଜା ଆହାହିଲାଆତେ, ଏ ତୁଗାମାନାୟି ନୀଏ ସୁଦୁଜୀସୁତି ତାନି ସୁଦୁତି ପାଣ୍ଡି ଆହାମାନାରି ଅଡ଼େ ମାହାପୁରୁ ଅଣ୍ଡପୁତି ବଲୁ ଖେହନାରି ତାଣା ଏନିକିଁ ତୁଞ୍ଜା ଆହାମାନେ, ୬ ଏ ତୁଗାମାନି କାତା ଇଦି ନେହିଁ କାବୁ ତାଣାଟି ଜୀହୁଦିୟି ମାହାପୁରୁତି ବର ବେଟାଆନି ଲେହେଁ, ଏବକା କୁଡ଼ାତାରି ଜିକେଏ ବାରେଜାଣା ଆଣ୍ଡାନା ର ଆଡ଼ା

ଲେହେଁ ଆହାନା କ୍ରୀସୁ ଜୀସୁ ତାଣାଟି ମାହାପୁରୁ ଆଞ୍ଜାମାନାଣି ବାରେ ବେଟାଆନେରି । ୭ ମାହାପୁରୁତି କାମା କିନି ବାଡ଼ୟୁ ତଲେ ନାଡ଼େ ଏନିନି କାର୍ମାଟି ଦାନା ହାହାମାଞ୍ଜାନେସି ଏଦାଆଁତାକି ଏ ନେହିଁ କାବୁତି ଖେକ୍ତାତେଏ ଆହାମାଇଁ । ୮ ମାହାପୁରୁ ଲକ୍ଷ୍ମୀ ବିଡ଼ାଟି ନାନୁ ବାରେତି କିହାଁ ଉଣାତେଏ ମାତି ଜିକେଏ ଏବକା କୁଡ଼ାତି ଲକ୍ଷ୍ମୀତାଣା ଏଜିକିହାଲି ଆତାଆଗାଟି କ୍ରୀସୁତି କାର୍ମାଟି ନେହିଁ କାବୁ ଖେକ୍ତାଲି ମାହାପୁରୁ ପାରୁ ହାହାମାଞ୍ଜାନେସି, ୯ ଅଡ଼େ ବାରେ ଗାଡ଼ିକିତି ମାହାପୁରୁ ତାଣା ତଲି କାଲାଟିଏ ତୁଗାମାନି କାତାତାକି ଏଖାଣି ଅଣ୍ଡୁଏନାୟି ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମେଡ଼ା ଆହାମାଞ୍ଜାନେ, (aiōn 165) ୧୦ ଏନିକିଁ ନୀଏ କ୍ରୀସୁନା କୁଲମିତି କାମାଟି ଲାକପୁରୁତି ସାଲଖି କିନାରି ବାଡ଼ୟୁ ଗାଟି ମାହାପୁରୁତି ବୁଦି ନେହିଁକି ପୁଞ୍ଜାଲି ଆଡ଼ିନେରି, ୧୧ ମାହାପୁରୁ ତାନି କାଲାକାଲାତି ଅଣ୍ଡୁ ଲେହେଁ ମା ପ୍ରବୁ କ୍ରୀସୁ ଜୀସୁ ତାଣାଟି ବାରେ କିହାମାନେସି । (aiōn 165) ୧୨ ଏ ପ୍ରବୁ ତାଣା ନାମାମାନାକି ମୀରୁ ଏଖାଣି ତାଣା ସାସାଟି ଆଜାଆନା ମାହାପୁରୁ ତାଣା ହାଜାଲି ସାସା ବେଟାଆହାମାନାୟି । ୧୩ ଏଦାଆଁତାକି ନାନୁ ମିଡ଼େ ବାଟିମାଲିମାଞ୍ଜାଇଁ, ମିଡ଼େଟାକି ନାନୁ ବେଟାଆହିମାନି ଦୁକୁ କସୁ ତାକି ସାସା ପିହ୍ଆଦୁ, ସାତେଏ ଏଦି ମୀ ଗାଞ୍ଜୁରମି ତାକି ଆହାମାନେ । ୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅଡ଼େ ଦାର୍ତ୍ତିତି ବାରେ କୁଟମି, ତାନି କୁଡ଼ାତି ଦରୁ ବେଟାଆହାମାନେ, ୧୫ ଏ ମାହାପୁରୁ ଆବା ନକିତା ମେଣ୍ଡାକୁତାନା ପ୍ରାତାନା କିହାମାଇଁ । ୧୬ ଏନିକିଁ ଏଖାସି ତାନି ଗାଞ୍ଜୁରମିଗାଟି ଦନ ତାନି ସୁଦୁଜୀସୁ ତଲେ ମିଡ଼େ ମୀ ଅଣ୍ଡପୁତା ତାରି ମାଣ୍ଡି ଆହାଲି ବାଡ଼ୟୁ ହିୟାନେସି, ୧୭ ମୀ ନାନୁତଲେ କ୍ରୀସୁ ମା ହିୟିତା ବାସା କିନେସି, ଏନିକିଁ ମୀ ଜୀସୁ ନଖୁତା ପୁନାଦି ଅଡ଼େ ଆବଖା ତଲେ ତାରିଆହାନା ଏଜିକିହାଲି ଆତାଆଗାଟି କ୍ରୀସୁତି ଜୀସୁ ନଖୁ, ୧୮ ଏଦାଆଁ ପୁଞ୍ଜା ଇଞ୍ଜା ବାରେ ମାହାପୁରୁ ଲକ୍ଷ୍ମୀତଲେ ଏମାତି ଅସାରା ଅଡ଼େ ଲାମ୍ବା ପାଡ଼ଣି ଅଡ଼େ ଗାଡ଼ୟୁତି ପୁଞ୍ଜାଲି ବାଡ଼ୟୁ ବେଟାଆଦି । ୧୯ ହାଅ ମୀରୁ ଏନିକିଁ କ୍ରୀସୁତି ଜୀସୁ ନନାଣି ପୁଞ୍ଜେରି ଆଡ଼ିହିଁ ଜିକେଏ ଏଦାଆଁ ନେହିଁକି ପୁଞ୍ଜାଲି ଆଏ, ଅଡ଼େ ଏଲେକିହିଁ ମାହାପୁରୁତି ଗୁଣ୍ଡତଲେ ପାତାଆଦୁ । ୨୦ ଆମିନି ମାହାପୁରୁ ମା ହିୟିତା କାମା କିହାମାନି ତାନି ବାଡ଼ୟୁ ତଲେ ମୀରୁ ରାହନାଣି ଅଡ଼େ ଅଣ୍ଡପିନାଣି କିହାଁ ହାରେକା ଆଗାଡ଼ା ହିୟାଲି ଆତାନେସି, ୨୧ କୁଲମିତି ଅଡ଼େ କ୍ରୀସୁ ଜୀସୁ ତାଣାଟି ଏ ମାହାପୁରୁତି ଗାଞ୍ଜୁରମି କାଲାକାଲାତାକି ମାଣ୍ଡେ । ଆମେନ । (aiōn 165)

୪ ପ୍ରବୁତି ସେବାତାକି ନାନୁ କାୟିଦିତା ମାଇଁ, ମିଡ଼େ ବାଟିମାଲିମାଞ୍ଜାଇଁ, ଏନିକିଁ ନୀତାବାଡ଼କାଲି ତାକି ମାହାପୁରୁ ମିଡ଼େ ହାତାମାଞ୍ଜାନେସି, ଏଲେତି ମାଣ୍ଡିକି ତଲେ ମାଞ୍ଜୁ । ୧ ଇତିହିଁ ବାରେଲେହେଁତି ଉଣା ଗାଟାତେରି, ସୁଦୁ ସୁଖାଲି, ହାରେକା ଅବ୍ଦିନାତେରି ଅଡ଼େ ଜୀସୁନହାନା ରଅତେରି ରଅଣାଇଁ ଅବ୍ଦିନାତେରି ଆଦୁ: ୩ ମୀରୁ ବାରେଜାଣା ତେରି ହିଡ଼ିତି ତ୍ରିତଲେ ଦସ୍ତି ଆହାନା ସୁଦୁଜୀସୁ ବାଡ଼ୟୁତି ରଣ୍ଡିଏ ଲେହେଁ

ଆହାଲିତାକି ଜାତୁନ୍ନୁ ଆଦୁ । ୪ ଆତ୍ମା ରଣ୍ଡିଏ, ସୁଦୁଜାହୁ ଜିକେଏ ରଣ୍ଡିଏ, ଏନିକି ମୀରୁ ମୀ ହାତାମାନି ରଣ୍ଡିଏ ବାସ୍ତି ତଲେ ହାଟ୍‌କି ଆହାମାଞ୍ଜେରି; ୫ ପ୍ରବୁ ରଅସିଏ, ନାମୁ ରଣ୍ଡିଏ ଅଡେ ବାପ୍ତିସ୍ତ ଜିକେଏ ରଣ୍ଡିଏ, ୬ ବାରେ ମାଣସିୟିତି ରଣ୍ଡିଏ ମାହାପୁରୁ ଅଡେ ତାଞ୍ଜି; ଏଞ୍ଜାସି ବାରେତି ମୁହେଁ, ବାରେତି ବିତ୍ରା ଇଞ୍ଜି ବାରେତି ହିୟିତା ମାନେସି । ୭ ସାମା କ୍ରାସ୍ତି ଦାନା ଏଚେକା ବେଟାଆନାୟି ମାନେ ଏଚେକା ମାଢ୍ଫେ ବାରେକାଣା ତାକି ମାହାପୁରୁତି କାର୍ମାମେହନାୟି ହାପ୍‌କି ଆହାମାଞ୍ଜେନେ । ୮ ଦାର୍ମି ସାପ୍ତେରିତା ରାସ୍‌କି ଆହାମାନେ, “ଏଞ୍ଜାସି ଲାକ ହାଜାନା, ହାରେକା ଦସ୍‌ପି ଆହାମାନାରାଇଁ ତାନିତଲେ ଅଡେସି; ଅଡେ ମାଣସିୟିକି ଏଟ୍‌କା ଏଟ୍‌କାଟି ବର ହାଟେସି ।” ୯ “ଏଞ୍ଜାସି ଲାକ ହାଚେସି” ଇତିସାରେ ଏନାୟି? ଏଲେଇତିସାରେ ମୁଲୁଏ ଏଞ୍ଜାସି ଦାର୍ତିତି ତୁଇ ପାଚେକା ରେଟା ଖାହାମାଚେସି । ୧୦ ଆମ୍ବାଆସି ତୁଇପୁରୁ ଖାହାମାଚେସି, ବାରେ ଦାର୍ତିଇଁ ତାନୁ ମାଞ୍ଜାନା ବାରେ ପୁରା କିହାଲିତାକି ଏଞ୍ଜାସି ଅଡେ ଖେଣ୍ଟେ ଲାକପୁରୁ ହାଚେସି, ୧୧ ଏଞ୍ଜାସି ଲକ୍ଷୁତାକି ହାରେକା ଦାନା ହାଚେସି; ଆମ୍ବାଆରାଇଁ ପାଣ୍ଡୁଓ ଆତାରି ଆହାଲି, ଆମ୍ବାଆରାଇଁ ମାହାପୁରୁ ଅଣ୍ଡପୁତି ବଲୁ ଡେକନାରି ଆହାଲି, ଆମ୍ବାଆରାଇଁ ନେହିଁ କାରୁ ଡେକନାରି ଆହାଲି, ଅଡେ ଏଚର ଜାଣାଇଁ କୁଲମି ଜାତୁନ୍ନୁ କିନାରି ଅଡେ ଜାପନାରି ଆହାଲି ଦାନା ହାହାମାନେସି, ୧୨ ଏନିକି ମାହାପୁରୁ ଲକ୍ଷୁତି ସେବା କାମାତାକି ତାରି ଆହାଲି ଆଡିନେ ଇଞ୍ଜି କ୍ରାସ୍ତି ଆତ୍ମା ପାତାଆହାଲି ଆଡିନେ ୧୩ ଏନିକି ମାର ବାରେଜାଣା ନାମ୍ପାତା ଅଡେ ମାହାପୁରୁତି ମୀରୁଏଣା କାତାଟି ବୁଡିତା ରଣ୍ଡିଏ ଆହାଲି ଆଡିନାୟି, ଇତିହିଁ କ୍ରାସ୍ତି ଲେହେଁ ଆହାନା ପାତାଆତି ଲକ୍ଷୁ ଲେହେଁ ଆନାୟି, ୧୪ ଗାଲି ଖାନାଟି ଅଡେ ଏୟୁ ଉଣ୍ଡାତା ଦାଞ୍ଜିମାନି କକାରି ପଦାୟି ଲେହେଁ ମାର ଇତାଲା ଆତାଲା ଆଆପ । ଏଟ୍‌କା ଲକ୍ଷୁଣି ଜିରୁ ବାଣି କିହିମାନି ନାଡିକିନି ଅଣ୍ଡପୁତି ଜାପନି ତାଣା ମାର ତରୁଣାଆପ । ୧୫ ସାମା ସାତାତି ଆସାନା ତାୟି ଲେହେଁତି କ୍ରାସ୍ତି ଏଞ୍ଜାଣି ତାକି ବାରେ ଜୀଞ୍ଜୁ ନଞ୍ଜୁତା ପାତାଆନ । ୧୬ ଏଞ୍ଜାଣି ତାଣାଟି ବାରେ ଆତ୍ମା ବାରେ ହାନୁଲିକା ସାୟେମି ତଲେ ଅଡେ ବାରେ ଆତ୍ମାତି କାମା କିନି ବାଡ୍‌ୟୁ ତଲେ ଦୁରଞ୍ଜି ଆହାନା ଜୀଞ୍ଜୁ ନଞ୍ଜୁତା ତାନି ନେହେଁତାକି ଜାହାରାଇଁ ପାତି କିହିମାନୁ । ୧୭ ପ୍ରବୁ ଦୁରୁତଲେ, ନାନୁ ମିଢ୍ଫେ ଜାଗ୍ରାତା କିହିଁ ଖେସିମାଞ୍ଜାଇଁ, ନାମାଆତାରି ଏନିକି ତାନି ମନତା ଉଜେଏତି ଅଣ୍ଡପୁ ତଲେ ନୀଡିନେରି ମୀରୁ ଏଲେକି ନୀଡାଆଦୁ, ୧୮ ଏଞ୍ଜାରି ତାନି ତାଣା ମାନି ମୁର୍ନୁ ତାକି ଜାହା ଜାହାରା ମନ ଆଟ୍‌ଖା ମାନାକି ଏଞ୍ଜାରି ମାହାପୁରୁ ହାହାମାନି ଜୀଞ୍ଜୁତି ବୁଡି ଆନେରି ଆହାମାନେ, ଅଡେ ମାହାପୁରୁ ତାଣାଟି ଏଟ୍‌କା ଆହାମାନେରି; ୧୯ ଏଞ୍ଜାରି ଆଟ୍‌ଖା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଇଁ ହେରୁପା କତାମାନେରି । ୨୦ ସାମା ମୀରୁ କ୍ରାସ୍ତିଇଁ ଏଲେକିହିଁ ଜାପାହିଲଅଚେରି । ୨୧ ମୀରୁ ତାନି କାତା ସାତାତଲେ ଖେଞ୍ଜାମାଞ୍ଜେରି, ଅଡେ ଜୀସୁ ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି, ୨୨ ଇତିହିଁ, ମୀରୁ ମୀ ନକେଏତି

ମାଣ୍ଡକିତା ନାଡିକିନି ରାହିଁତା ହାରେ ହାରେକା ଲାଗେଏ ଆହିମାଚେ । ୨୩ ମୀ ମନତା ପୁଞ୍ଜି ଗଣ୍ଡି ଆହାନା । ୨୪ ଏନିନି ପୁଞ୍ଜି ଗଣ୍ଡି ମାହାପୁରୁତି ଖାଣା ତଲେ ଦାର୍ମି ଅଡେ ସାତାତି ସୁଦୁତା ଗାଡି ଆହାମାଞ୍ଜେରି, ଏଦାଆଁ ପରୁହାଲି ଜାପାମାଞ୍ଜେରି । ୨୫ ଇଦାଆଁତାକି ମିତିତି ପିସାନା ମୀରୁ ବାରେଜାଣା ତେରି ନାମିତି ତାୟିୟି ତଲେ ସାତା କାତା ଖେସ୍‌ପି ଆଦୁ, ଇତିହିଁ ମାର ରଣ୍ଡିଏ ଆତ୍ମାତାୟି । ୨୬ କାର୍‌ବି ଆଦୁ, ସାମା ପାପୁ କିଆଦୁ; ଡେଡା ହାଲାଆ ନକେଏ କାର୍‌ବି ପିହ୍‌ଦୁ; ୨୭ ଅଡେ ସୟତାନକି ତାୟୁ ହାଆଦୁ । ୨୮ ସରୁ ଅଡେ ସରୁ କିଆପେସି, ଇତିହିଁ ହିଲାଆ ଗାଟାରାକି ହାହାଲିତାକି ଏନିକିହିଁ ତାନି ତାଣା ଏନାୟି ଦିୟିନେ, ଇଦାଆଁତାକି ତାନି କେୟୁତଲେ ନେହିଁ କାମା କିହାନା କସ୍ତୁ କିପେସି । ୨୯ ମୀ ଗୁଡିତି ଏନି ଲାଗେଏତି କାତା ହୁଆପେ, ମୀ ଲଦାମାନି ଲେହେଁ ନେହିଁ କାତା ହୁପେ ଏନିକି ଏଡି ଖେନାରାକି ନେହାୟି ଆନେ । ୩୦ ମାହାପୁରୁତି ସୁଦୁଜାହୁ ତଲେ ମିଢ୍ଫେ ଗେଲ୍‌ପିନି ଦିନାତାକି ବୁରୁ ମୁଦା କିଞ୍ଜି ଆହାମାଞ୍ଜେରି ଏଦାଣି ଦୁକୁ ହାଆଦୁ । ୩୧ ବାରେଲେହେଁତି କୁରୁ ଅଣ୍ଡପୁ, କାର୍‌ବି, କ୍‌ପା, ଗଡ୍‌ହା ଅଡେ ନିମୁ, ଇଞ୍ଜି ବାରେଲେହେଁତି ଅପାଆଗାଟାୟି ମୀ ତାଣାଟି ହେକ ଆପେ । ୩୨ ଅଡେ, ରଅଚେରି ରଅଣାଇଁ କାର୍ମା ଅଣ୍ଡପାଦୁ, ହିଡ୍‌ଡି ହିୟି, ଅଡେ ମାହାପୁରୁ କ୍ରାସ୍ତି ତାଣା ମିଢ୍ଫେ ଏନିକିହିଁ ଦହ ପିସାନେସି, ଏଲେକିହିଁ ରଅଚେରି ରଅଣି ଦହ ପିହ୍‌ଦୁ ।

୫ ମୀରୁ ମାହାପୁରୁତି ଜୀଞ୍ଜୁତି ମୀରୁକା ମାସ୍‌କାଚେରି ଆହାମାନାକି, ମାହାପୁରୁ ଲେହେଁ ଆଦୁ; ୬ କ୍ରାସ୍ତି ଏନିକି ମିଢ୍ଫେ ଜୀଞ୍ଜୁ ନୟିତେସି, ଅଡେ ମା ତାକି ମାହାପୁରୁ ତାକି ଗାନ୍ତାଗାଟି ନେହିଁ ପୁଜାଲେହେଁ ଜାହାରାଇଁ ହେରୁପାକଡିତେସି, ମୀ ଜୀଞ୍ଜୁତା ଜିକେଏ ଏଲେକିହିଁ ଜୀଞ୍ଜୁ ନଞ୍ଜୁଆହାନା ନୀଡାଦୁ । ୭ ସାମା ଦାରିକାମା, ବାରେଲେହେଁତି ଲାଗେଏତି କାମା କି ଜୁପକା, ଇ ବାରେ ମୀ ତାଣା ତାୟୁ ବେଟା ଆଆପେ; ଏଡି ମାହାପୁରୁ ଲକ୍ଷୁତାଣା ନେହାୟି ଆଏ; ୪ ଅଡେ ଏନାୟି ଆଆଗାଟାୟି, ଅଜାଆତି କାତା, ଲାଗେଏତି କାତା, ଲକ୍ଷୁଣି ଲାଜା କିହିଁ କାକ୍‌ନାୟି ମୀ ବିତ୍ରା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଇଁ ଜହରା କିଦୁ । ୫ ଇତିହିଁ ମୀରୁ ସାଚେଏ ପୁଞ୍ଜାମାଞ୍ଜେରି, ଏନିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ଡେଣ୍ଡକା ବନାୟିତି ପୁଜା କିନାସି, ଏଲେତି ଲକ୍ଷୁକି କ୍ରାସ୍ତି ଅଡେ ମାହାପୁରୁତି ରୁଜିତା ଅଦିକାରା ହିଲେଏ । ୬ ଆମ୍ବାଆସି ମିଢ୍ଫେ ଉଜେଏତି କାତା ଖେସାନା ନାଡି କିୟାଆପେସି, ଏନାଆଁତାକି ଇତିହିଁ ଇ ବାରେ ଲାଗେଏତି କାମାତାକି କାତା ମାନଞ୍ଜି ଆଆଗାଟି ମୀରୁକା ମୁହେଁ ମାହାପୁରୁତି କାର୍‌ବି ଖାନେ । ୭ ଇଦାଆଁତାକି, ମୀରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ; ୮ ଏନାଆଁତାକି ଇତିହିଁ ମୀରୁ ତଲି ଆନେରି ଲେହେଁ ମାଚେରି, ସାମା ନାଏଁ ପ୍ରବୁତି ଲକ୍ଷୁ ଆତାକି ଉଜେଡି ଲେହେଁ ଆହାମାଞ୍ଜେରି; ଉଜେଡିତି ମୀରୁକା ଲେହେଁ ତାକାଦୁ, ୯ ଇତିହିଁ ବାରେଲେହେଁତି ନେହାୟି, ଦାର୍ମିଗାଟାୟି ଅଡେ ସାତା ଉଜେଡିତି ପାଡେୟି ଲେହେଁ, ୧୦ ପ୍ରବୁକି ଏନାୟି ନେହେଁ, ଏଲେତି

କାମା କିହାଲି ଜାପାଦୁ: ୧୧ ଲକ୍ଷ୍ମ ଆନୁରୋଧ ଆମିନି ବାରେ ଲାଗେଏତି କାମା କିହିମାନେରି, ଏ ବାରେ କାମାତା ଆଶ୍ରୟାଦୁ, ଇଚ୍ଛା ଏଞ୍ଜାରି ବାରେ କାମାତି ଦହ ଚହଦୁ । ୧୨ ଏନାଆଁତାକି ଇତିହିଁ ଏଞ୍ଜାରି ଏନାଆଁ ତୁଗାନା କିନେରି, ଏ ବାରେ କାତା ଖେହନାୟି ଜିକେଏ ଲାଜାତି କାତା, ୧୩ ସାମା ବାରେ ଲାଗେଏତି କାମା ଉଜେଡ଼ି ତଲେ ଚପିଆନେ, ଏନାୟି ବାରେ ତୁଚ୍ଛୁଆନେ ଏଦି ବାରେ ଉଜେଡ଼ି । ୧୪ ଏନାଆଁତାକି ରାସକି ଆହାମାନେ, “ଇଦା କିହାମାନାତେରି, ନିଞ୍ଜାଦୁ, ହାତାରି ତାଣାଟି ନିଞ୍ଜାଦୁ, ଅଡ଼େ କ୍ରାସୁ ମିଢ୍ଢେ ଉଜେଡ଼ି ହିୟାନେସି ।” ୧୫ ଇତିହିଁ ବୁଦି ହିଲାଆ ଗାଟାରିଲେହେଁ ଆଆନା ବୁଦି ମାନରି ଲେହେଁ ମୀ ନୀତିନାଣି ତାକି ଜାଗ୍ରାତା ଆଦୁ, ବୁଦି ହିଲାଆଗାଟାତେରି ଲେହେଁ ଆଆନା ବୁଦି ଗାଟାତେରି ଲେହେଁ ଆଦୁ । ୧୬ ପାଗାତି ନେହିଁକି ଲେମ୍ବାଦୁ, ଏନାଆଁତାକି ଇତିହିଁ କାଲା ଲାଗେଏତାୟି । ୧୭ ଏନାଆଁତାକି, ବୁଦି ହିଲାଆ ଗାଟାରିଲେହେଁ ଆଆନା ପ୍ରବୁତି ଅଶ୍ଵୁ ଏନାୟି ଏନାଆଁ ତେଲହାଦୁ । ୧୮ ଅଡ଼େ କାଦୁ ଗସାନା ହତାଆଦୁ, ଏନାଆଁତାକି ଇତିହିଁ ଏଞ୍ଜି ମିଢ୍ଢେ ନାସା କିୟାନ୍ତୁ: ସାମା ପାରୁ, ସୁଦୁଜୀଞ୍ଜୁଟି ଜହରା କିହିଁ ରଅତେରି ରଅଶାଲ୍ ବାସୁଁ ହାଦୁ, ୧୯ ଅଡ଼େ ମୀ ହିୟାଁ ମାହାପୁରୁ ତାକି ସୁଦୁଜୀଞ୍ଜୁ ତଲେ ଜହରା ପାରୁ ପାତାଦୁ । ୨୦ ବାରେବେଲା ବାରେ କାତାତାକି ପ୍ରବୁ ଜୀସୁ କ୍ରୀସୁତି ଦରୁତଲେ ଆବା ମାହାପୁରୁଲ୍ ଜହରା କିଦୁ । ୨୧ ଅଡ଼େ କ୍ରୀସୁଲ୍ ଆଜାନା ରଅତେରି ରଅଶାଲ୍ ମାନି କିଦୁ । ୨୨ ଏ ଆୟାସିକା ମାରୁ ଏନିକି କ୍ରୀସୁଲ୍ ମାନି କିହିମାନି ଲେହେଁ ମାରୁ ମୀ ତକ୍ରାୟାଣି ମାନି କିଦୁ, ୨୩ ଇତିହିଁ କ୍ରୀସୁ ଏନିକି କୁଲମିତି ତାୟାଁ ଲେହେଁ, ତକ୍ରା ଜିକେଏ ଏଲେକି ତକ୍ରିନି ତାୟାଁ ଲେହେଁତାସି, ଇଚ୍ଛା କ୍ରୀସୁ ତାନି ଆଢ୍ଘା ଲେହେଁତି କୁଲମିତି ଗେଲ୍ପିନେସି । ୨୪ ହାଅ, କୁଲମି ଏନିକିହିଁ କ୍ରୀସୁଲ୍ ମାନି କିନେ, ଏଲେକିହିଁ ତକ୍ରିସିକା ଜିକେଏ ବାରେ କାତାତା ତାନି ତକ୍ରାୟାଣି ମାନି କିଦୁ । ୨୫ ଏ ତକ୍ରାୟାଁତେରି, କ୍ରୀସୁ ଏନିକି କୁଲମିତି ଜୀଞ୍ଜୁ ନତେସି, ମାରୁ ଜିକେଏ ଏଲେକିହିଁ ମୀ ତକ୍ରିସିକାଣି ଜୀଞ୍ଜୁନଦୁ: ଇତିହିଁ ଏଞ୍ଜାରି ଏନାନାକି ତାନି ଜୀଞ୍ଜୁ ହାତେସି, ୨୬ ଏଞ୍ଜାସି କୁଲମିତି ବଲ୍ଲୁ ଅଡ଼େ ଏୟୁତଲେ ନରୁହାନା ମାହାପୁରୁ ତାକି ସୁଦୁ କିହନା ହେରୁପିତେସି, ୨୭ ଏନିକି କୁଲମି ଗାହାଁଗାରି, ଅଡ଼େ ଦହ ହିଲାଆଗାଟାୟି ଆହାନା ସୁଦୁ ଗାଟାୟି ଆନେ, ଅଡ଼େ ଏଲେକିହିଁଏ ଗାଞ୍ଜୁରମି ତଲେ ମାହାପୁରୁ ତାନି ତାଣା ଅନେସି । ୨୮ ଏଲେକିହିଁ ତକ୍ରାୟାଁ ଜିକେଏ ତାନି ତକ୍ରିସିକାଣି ଜାହାରା ଆଢ୍ଘା ଲେହେଁ ଜୀଞ୍ଜୁନନାୟି ମାନେ, ଆପୁଆସି ଜାହାରା ତକ୍ରିନି ଜୀଞ୍ଜୁ ନନେସି, ଏଞ୍ଜାସି ଜାହାରାଲ୍ ଜୀଞ୍ଜୁ ନନେସି; ୨୯ ଆମ୍ବାଆସି ଜିକେଏ ଜାହାରା ଆଢ୍ଘାତି ନାନୁ ଅପଅଁ ଇଚ୍ଛା ଇନଅସି, ସାମା ତାନି ଆଢ୍ଘା ତାକି ତିନେସି ଉନେସି ଅଡ଼େ ଜାଦ୍ନୁ ଇତିନେସି, କ୍ରୀସୁ ଜିକେଏ କୁଲମିତାକି ଏଲେକିହିଁ କିନେସି, ୩୦ ଏନାଆଁତାକି ଇତିହିଁ ମାର ତାନି ଆଢ୍ଘାତି ଆଢ୍ଘା ଉଡ଼େଲି ତାୟି । ୩୧ ଦାମ୍ବୁପତିତା ରାସକି ଆହାମାନେ, “ଇଦାଣି ତାକି ଆବାଟି ତାଲି ତାଞ୍ଜିଲ୍ ପିସାନା ଜାହାରା ତକ୍ରି ତାଣା ଆଣ୍ଟିନେସି, ଅଡ଼େ ଏ ରିଆରି ରଣ୍ଟିଏ ଆଢ୍ଘା ଆନେରି ।” ୩୨ ଇ

ଦାମ୍ବୁ ସାସ୍ତେରିତା ରାସକି ଆହାମାନି ତାଣା ହାରେକା ତୁଗାମାନି କାତା ମାନେ, ସାମା ନାନୁ କ୍ରୀସୁ ଅଡ଼େ କୁଲମିତି କାତା ଖେସିମାଞ୍ଜିଲ୍ । ୩୩ ଏନାୟି ଆପେ, ମାରୁ ବାରେଜାଣା ଜାହାରା ତକ୍ରିଲ୍ ଜାହାରା ଜୀଞ୍ଜୁ ଲେହେଁ ଜୀଞ୍ଜୁନଦୁ, ଇଚ୍ଛା ତକ୍ରି ଜିକେଏ ଜାହାରା ତକ୍ରାଲ୍ ମାନି କିନାୟିମାନେ ।

୨ କକାରି ପଦାୟାଁତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନିଞ୍ଜି ଆଦୁ: ଇତିହିଁ ଏଦି ମିଢ୍ଢେ ତାକି ନେହାୟି । ୨ “ମୀ ତାଲି ତାଞ୍ଜିଲ୍ ମାନି କିଦୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି, ୩ ଏନିକିହିଁ ମିଢ୍ଢେ ନେହିଁ ଆନେ, ଇଚ୍ଛା ମାରୁ ଦାର୍ତ୍ତିତା ହାରେକା ଦିନା ନୀତିଦେରି ।” ୪ ତାଲି ତାଞ୍ଜି ତେରି, ମୀ କକାରି ପଦାଁଣି କପା କିଆଦୁ, ସାମା ଏଞ୍ଜାରାଲ୍ ପ୍ରବୁତି କାତା କାଦ୍ନୁ ଅଡ଼େ ସେଦନା ତଲେ ପହିକିଦୁ । ୫ ଏ ହୁଲିୟାଢ୍ଘାତେରି, ମାରୁ ଏନିକି କ୍ରୀସୁଲ୍ ମାନିଞ୍ଜି ଆହିମାଞ୍ଜେରି, ଏଲେକିହିଁ ଆଜି ଅଡ଼େ ତୀରୁଣିହିଁ ତୀରି ହିୟାଁ ତଲେ ମୀ ଦାର୍ତ୍ତିତି ସାଞ୍ଜୁକାରିୟାଁ କାତା ଆହଦୁ: ୬ ମାଣସିଲ୍ ରାହାଁ କିନିଲେହେଁ ତାମି ନକିତା ଏନାଆଁ କିଆଦୁ, ସାମା କ୍ରୀସୁତି ହୁଲିୟା ଲେହେଁ ହିୟାଁ ତଲେ ମାହାପୁରୁତି ଅଶ୍ଵୁ ତୀରିକିଦୁ । ୭ ଖାର୍ଲ ମାଣସିୟାଁତି ସେବା କିହିମାନମି ଇଚ୍ଛା ଅଶ୍ଵାପାନ ପ୍ରବୁତି ସେବା କିନିଲେହେଁ ରାହାଁତଲେ ଏନାଆଁ କିଦୁ, ୮ ଇଦାଆଁ ପୁଞ୍ଜାମା, ଏଞ୍ଜାସି କତିତି ହଲେଏସି ଆପେସି କି ହଲେଏସି ଆଆପେସି ପ୍ରବୁ ବାରେ ଲକ୍ଷ୍ମି ଏଞ୍ଜାରି ନେହିଁ କାମାତାକି ଏଞ୍ଜାରି ଏନାଆଁ ବେଟାଆନାୟି ମାନେ ଏନାଆଁ ହାନେସି । ୯ ଏ ସାଞ୍ଜୁକାରିୟାଁତେରି, ହୁଲିୟାଢ୍ଘାଣି ଲାଗେଏ ତଲେ ଲେମ୍ବାଆଦୁ କି ଏଞ୍ଜାରାଲ୍ ଆଜିକିଆଦୁ: ମାରୁ ଅଡ଼େ ମୀ ହୁଲିୟାଢ୍ଘା ବାରେଜାଣା ତେରି ଲାକପୁରୁତି ପ୍ରବୁତି ହୁଲିୟାଢ୍ଘାତେରି; ଏଞ୍ଜାସି ବାରେଜାଣାତି ପାର୍ତ୍ତା ବାତି କିଆନା ବିଚାରା କିନେସି । ୧୦ ତାୟାଁତି କାତା ଇଦି, ପ୍ରବୁ ତାଣାଟି ବାଡ଼ୟୁ ବେଟାଆହାନା ଏଞ୍ଜାଣି ବାଡ଼ୟୁତି ବାଡ଼ୟୁ ଗାଟାତେରି ଆଦୁ । ୧୧ ମାରୁ ଏନିକି ସୟତାନତି ବାରେ ପଲ୍ଲୁଆ କାମାତି ଜାଣା ଆୟାଲି ଆଡିଦେରି, ଏନାଆଁତାକି ମାହାପୁରୁ ହାହାମାଞ୍ଜାନି ଲୁକ୍ରିନି ଲୁତି ବାରେ ତୁରୁଦୁ । ୧୨ ଇତିହିଁ ମା ଲୁକ୍ରି ଦାର୍ତ୍ତିତାରି କପାଟି ଆଏ, ସାମା ଲାକପୁରୁତି କାକାପାଣା କପାଟି, ସାଲଞ୍ଜି କିନାରି କପାଟି ଇ ଆନୁରୋଧି ପାଣାଗାଟାରି କପାଟି ଅଡ଼େ ହାଗୁ ପାକାତି ପଲ୍ଲୁଆ ଜୀଞ୍ଜୁୟାଁ କପାଟି ଲୁକ୍ରି କିହିମାନାୟି । (aion 9165)

୧୩ ଏନାଆଁତାକି ନୀଏଁ ମାହାପୁରୁ ହାହାମାଞ୍ଜାନି ଲୁକ୍ରିନି ଲୁତିତି ତୁରୁଦୁ, ଆଡିହିଁ ଲାଗେଏତି ବେଲାତା ମାରୁ ସାଦୁ ନକିତା ନିତାଲି ଆଡିଦେରି ଇଚ୍ଛା ରାନି ପାତେକା ଲୁକ୍ରିକିହିଁ ତୀରିଆହାଁ ଦୟାଲି ଆଡିଦେରି । ୧୪ ଇତିହିଁ, ସାତାତି ଜାଟି ଟେଡେଲିତା ଚୂପାକତାହାଁ, ଦାମ୍ବୁତି ବକ ପାଟା ଲେହେଁ ତୁରୁଦୁ, ୧୫ ହିଡ଼ି ହାନି ନେହିଁ କାରୁତାକି ଅଜିକିଞ୍ଜି ଆହାମାନି ସେପୁୟାଁ କତାଣା ତୁରୁହାନା ତାଁଟା ଆହାମାଞ୍ଜୁ: ୧୬ ବାରେବେଲା ନାମୁତି ଆଦୁ ପାଟା ଆସାମାଞ୍ଜୁ, ଏଦାଣି ତଲେ ମାରୁ ସୟତାନତି ବାରେ ତାଞ୍ଜିମାନି ଆପ୍ପକାତି ହିଦୁ ବାରେ ତୁପ୍ପହାଲି ଆଡିଦେରି । ୧୭ ଅଡ଼େ, ଗେଲ୍ପିନି ଟପେରି ତାୟାଁତା ତୁରୁଦୁ ଅଡ଼େ ସୁଦୁଜୀଞ୍ଜୁଟି ହିୟାଁତି ମାହାପୁରୁତି ବଲ୍ଲୁତି କାଣ୍ଡା ଆହଦୁ: ୧୮ ବାରେଲେହେଁତି ପ୍ରାତାନା ଅଡ଼େ ବାତିମାଲିନି ତାଣା

ବାରେବେଲା ସୁଦୁଜୀଝୁ ସାୟେମି ତଲେ ପ୍ରାତାନା କିଦୁ, ଇଞ୍ଜି ବାରେ
 ମାହାପୁରୁ ଲକ୍ଷ୍ମୀକି କାପୁ କାତାନା ପ୍ରାତାନା କିହେମାଞ୍ଜୁ । ୧୯ ଅଡ଼େ,
 ନାଢ଼େଟାକି ଜିକେଏ ପ୍ରାତାନା କିଦୁ, ଏନିକି ନେହିଁ କାରୁତାକି ଦୂରୁ ସମାନା
 ନାନୁ, ନାଢ଼େ ଏ ତୁଗାମାନାଣି ପୁଣିମି କିହାଲି ସାସାତଲେ ବଲ୍ଲୁ ଖେସାଲି
 ମାହାପୁରୁ ନା ରୁଚିତା ନେହିଁ କାରୁ ହିୟାନ୍ଦେସି । ୨୦ ଅଡ଼େ ନାନୁ ଏନିକି
 ଏମୁତି ସାତା କାତା ସାସାତଲେ ଖେସାଲି ଆଡ଼ିଇଁ । ୨୧ ନା କାତା, ଇତିହିଁ
 ନାନୁ ଏନିକି ମାଇଁ, ଇଦାଆଁ ମୀରୁ ଜିକେଏ ଏନିକି ପୁଞ୍ଜାଲି ଆଡ଼ିଦେରି,
 ଇଦାଣି ତାକି ନା ଜୀଝୁତି ତାୟି ଅଡ଼େ କ୍ରୀସୁତି କାମାତା ନାନୁତି ହଲେଏସି
 ତୁକିକ, ନା ବାରେ କାତା ଏଞ୍ଜାସି ଖେସାଲିନେସି; ୨୨ ଏ ବାରେ କାତା
 ଖେସାଲି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକି ମୀରୁ ମା ବାରେ
 କାତା ପୁଞ୍ଜାଲି ଆଡ଼ିଦେରି ଅଡ଼େ ମୀ ହିୟାଁ ଏଞ୍ଜାଣି ତାଣାଟି ରାହାଁ ଆନେ ।
 ୨୩ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସୁଇଁ ନାମିତି ତାୟି ତାଢ଼ିସ୍ନାକି
 ହିଦ୍ଡ଼ି, ଜୀଝୁନନାୟି ଅଡ଼େ ନାନୁ ହିୟାପେସି । ୨୪ ଏତେକା ଲକ୍ଷ୍ମୀ ମା
 ପ୍ରବୁ ଜୀସୁ କ୍ରୀସୁଇଁ କାଲେଏ ଜୀଝୁ ନନେରି, ମାହାପୁରୁତି କାର୍ମାମେହନାୟି
 ଏ ବାରେତାକି ଆପେ ।

ପିଲିପ

୧ ପାଞ୍ଚଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାୟ୍, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ଡାଣା ଡ଼ୟାମାନି ମାହାପୁରୁ ଲକ୍ଷ୍ମ ଅଡ଼େ କୁଲମିତି କାଜାରି, ଇଚ୍ଛା କୁଲମିତି ସେବା କିନାରାକି ଇ ଆକୁ ରାସ୍ତାକି ଆହାମାନେ । ୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ଡାଣାଟି କାର୍ମାମେହନାୟି ଇଚ୍ଛା ହିଡ଼ି ଜୀସୁ ମିଡ଼େଟାକି ଆୟାପେ । ୩ ନାନୁ ମିଡ଼େ ଏତର ଦେବା ଅଣ୍ଡି ମାଞ୍ଜୁଇଁ, ଏତର ଦେବା ନା ମାହାପୁରୁଇଁ ଜହରା କିହିମାଇଁ । ୪ ନାନୁ ବାରେଦିନା ମିଡ଼େଟାକି ପ୍ରାତାନା କିନାଟି ନାନୁ ହାରେକା ରାହାତଲେ ପ୍ରାତାନା କିହିମାଇଁ, ୫ ଏନାଆଁତାକି ଇତିହିଁ ମୀ ମୁଲୁ ଦିନାଟିଏ ନାଏଁ ପାତେକା ନେହିଁ କାରୁ ଷେକ୍‌ହାଲି ମୀରୁ ନାଡ଼େ ସାୟେମି କିହିମାଞ୍ଜୁଦେରି, ୬ ଏନାଆଁତାକି ନାନୁ ଇ କାତାଟି ସାତା ଇଚ୍ଛା ଅଣ୍ଡିମାଇଁ, ଆମିନି ପ୍ରବୁ ମା ଡାଣା ଇ ନେହିଁ କାମା ମାହାମାନେସି, କ୍ରୀସ୍ତ ଜୀସୁତି ଷେଣ୍ଡାଞ୍ଜି ଦିନା ରାନି ପାତେକା ଏଞ୍ଜାସି ଏନାଆଁ କିନେସି । ୭ ଅଡ଼େ ମୀ ବାରେତାକି ନା ଇଲେତି ଅଣ୍ଡିମାୟି ମାନେ, ମୀରୁ ବାରେ ଏନିକି ନା ତଲେ ନେହିଁ କାରୁ ଷେକ୍‌ନି କାୟିଦିତା ଆଣ୍ଡିମାଞ୍ଜୁଦେରି, ଅଡ଼େ ଏମୁତି ସାତା ପାର୍‌ମାଣା ଡ଼ସାଲି ନା ତଲେ ଆଣ୍ଡାମାଞ୍ଜୁଦେରି, ଏନାଆଁତାକି ନାନୁ ନା ହିୟାତା ମିଡ଼େ ଆବାମାଞ୍ଜୁଇଁ । ୮ ମୀ ବାରେକାଣା ତାକି ହାରେକା ଜୀସୁ ନନାଣି କ୍ରୀସ୍ତ ଜୀସୁ ଡାଣାଟି ବେଟାଆହାମାଇଁ ଇଚ୍ଛା ଏତିବେଲାତା ନାନୁ ଷେହ୍‌ଇଁ, ଏଦି ସାତା, ଏନାଆଁତାକି ମାହାପୁରୁ ନା ସାକି । ୯ ଅଡ଼େ, ନା ପ୍ରାତାନା କିନାୟି ଇଦି, ମୀ ଜୀସୁନନାୟି, ନେହିଁ ବୁଦି ପୁନାୟି, ଅଡ଼େ ବାରେ ନେହିଁ ଅଣ୍ଡିପୁ ହାରେ ହାରେକା ପାତା ଆପେ, ୧୦ ଏନିକିହିଁ ମୀରୁ ଏନାୟି ନେହାୟି ଏନାଆଁ ଆଚାଲି ଆତିଦେରି, ଆତିହିଁ ମୀରୁ କ୍ରୀସ୍ତୁଟି ଝାନି ଦିନାତା ସୁବୁ ଗାଟାତେରି ଆବେରି, ଅଡ଼େ ନିମ୍ନ ଗାଟାତେରି ଆଅତେରି, ୧୧ ମାହାପୁରୁଟି ଗାଞ୍ଜୁରମି ଇଚ୍ଛା ନେହିଁ ଷେହ୍‌ନାଣି ତାକି ମୀ ଜୀସୁ ଜୀସୁ କ୍ରୀସ୍ତ ହାହାମାନି ବାରେ ନେହିଁ ଗୁଣ୍ଡ ବେଟାଆନେ । ୧୨ ତାୟି ତାଡ଼େସ୍ତାତେରି, ନାଡ଼େଟାକି ଏନା ଏନାୟି ଆହାମାଞ୍ଜୁନେ, ଏ ବାରେ ନେହିଁ କାରୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଡ଼େ ପୁଣ୍ଡି କିହାଲି ଅଣ୍ଡିମାଇଁ, ୧୩ ଇତିହିଁ ନାନୁ କାୟିଦିତା ମାତାୟି କ୍ରୀସ୍ତ ତାକି, ଏଦି ରାଜା ଇଲୁତା କାଞ୍ଜିଆନି ବାରେ କସ୍‌କା ଇଚ୍ଛା ଏବ୍‌କାଟି ବାରେକାଣା ନକିତା ଡ଼ଞ୍ଜାଆତେ; ୧୪ ଅଡ଼େ ଜିକେଏ ହାରେକା ତାୟି ତାଡ଼େସ୍ତା ନାନୁ କାୟିଦିତା ମାନାକି, ମାହାପୁରୁ ଡାଣା ବାସ୍ତୁ ଇଟାନା ଆଜାଆନା ମାହାପୁରୁଟି କାରୁ ଷେକ୍‌ହାଲି ହାରେକା ସାସା ଗାଟାରି ଆହାମାନେରି । ୧୫ ଆମ୍ବା ଆମ୍ବାଆରି ଡାହାରା ଅଡ଼େ ଗଡ଼ହା ତାକି କ୍ରୀସ୍ତୁଟି କାତା ଷେକ୍‌ହିଁ ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି; ୧୬ ନାଡ଼େ ନେହିଁ କାରୁଟି ସାକି ଆହାଲିତାକି ମାହାପୁରୁ ଆଚାମାଞ୍ଜୁତେସି, ଏନାଆଁ ପୁଞ୍ଜୁନା ସାତା ଜୀସୁ ନନାଣି ତାକି ଏନାଆଁ କିନେରି, ୧୭ ଏବ୍‌କାତାରି ମାନି ତଲେ କ୍ରୀସ୍ତୁଟି ବଲୁ ଷେହ୍‌ଆନା ଜାହାରା ଲାବା ତାକି କିହିମାନେରି ।

ନାନୁ କାୟିଦିତା ମାନାଟି ନା ହିୟାତା ହାରେକା କସ୍ତ ହାହାଲି ଏଞ୍ଜାରି ଏନାଆଁ କିହିମାନେରି । ୧୮ ବାଦା ହିଲେଏ? ଡାହାରା ତଲେ ଆପେ କି ନେହିଁ ତଲେ ଆପେ କ୍ରୀସ୍ତ ସାତେଏ ଷେକ୍‌ମାନେସି, ଏନାଆଁତାକି ନାନୁ ରାହାଁ କିହିମାଇଁ, ଅଡ଼େ ଜିକେଏ ରାହାଁ କିହିମାଇଁ । ୧୯ ଇତିହିଁ ନାନୁ ପୁଞ୍ଜୁମାଇଁ, ମୀ ପ୍ରାତାନା ଇଚ୍ଛା ଜୀସୁ କ୍ରୀସ୍ତୁଟି ସୁବୁକ୍ରୀସ୍ତୁଟି ସାୟେମି ତଲେ ନା ଗେଲ୍‌ପିନାୟି ଆନେ, ୨୦ ଏନାଆଁତାକି ନା ରଣ୍ଡିଏ ଆସା ଅଡ଼େ ବାସ୍ତୁ ମାନେ, ନାନୁ ଏନି କାତାତା ଜିକେଏ ଲାଜା ଆଅଁ, ସାମା କାଲେଏ ଏନିକି ଆହିମାତେଏଁ, ନାଏଁ ଜିକେଏ ଏଲେକି ହାରେକା ବାଡ଼ୁୟୁ ତଲେ ହାତିହିଁ କି ଜୀସୁ ମାଟିହିଁ, କ୍ରୀସ୍ତୁଇଁ ନା ଆଡ଼ା ତଲେ ଗାଞ୍ଜୁରମି କିଇଁ । ୨୧ ଇତିହିଁ ନା ନୀତାମାନାୟି ଖାର୍‌ଇ କ୍ରୀସ୍ତ, ଏନାଆଁତାକି ନାନୁ ହାନାୟି ନାଡ଼େଟାକି ଲାବା । ୨୨ ସାମା ନାନୁ ଆଡ଼ା ତଲେ ନୀତା ମାଞ୍ଜୁନା ହାରେକା ପାଡ଼େୟି ଆୟାଲି ଆତିଇଁ, ଆତିହିଁ ନୀତାମାନାଣି କି ହାନାଣି ବାଟି କିଇଁ ନାନୁ ପୁଞ୍ଜୁଲି ଆତିହିଲଅଁ । ୨୩ ନାନୁ ରୀ ଝାକି ରେସ୍‌କି ଆହିମାଇଁ; ଇ ଜୀସୁଟି ପିସାମା କ୍ରୀସ୍ତ ତଲେ ମାଞ୍ଜୁଲି ଅଣ୍ଡିମାଇଁ, ଏଦି ହାରେକା ନେହାୟି; ୨୪ ସାମା ନାନୁ ଆଡ଼ା ତଲେ ମାନାୟି ମିଡ଼େଟାକି ହାରେକା ଲଡ଼ାମାନେ । ୨୫ ନାନୁ ନେହିଁକି ପୁଞ୍ଜୁମାଇଁ, ନାନୁ ଡ଼ୟିଇଁ, ହାଅ ମୀ ନାନୁ ଅଡ଼େ ରାହାଁଟି ପାତିକିହାଲି ମୀ ବାରେ ତଲେ ଡ଼ୟିଇଁ, ୨୬ ଏନିକି ମୀ ବିତ୍ରା ନା ଷେଣ୍ଡା ଝାତାକି ନା ଡାଣାଟି କ୍ରୀସ୍ତ ଜୀସୁ ଡାଣା ମୀ ବତପଣ ଗାତିଆନେ । ୨୭ ନା ଅଣ୍ଡିପୁ ଇଦି, କ୍ରୀସ୍ତୁଟି ନେହିଁ କାରୁଟି ଜଗେତି ଲକ୍ଷ୍ମ ଲେହେଁ ନୀତାତୁ, ଏନିକି ନାନୁ ମୀ ଡାଣା ଝାହାନା କି ହେକ ମାଞ୍ଜୁନା ମୀ କାତା ଷେଣ୍ଡାଁ ପୁଞ୍ଜୁଲି ଆତିଇଁ, ମୀରୁ ବାରେତେରି ରଣ୍ଡିଏ ଜୀସୁ ରଣ୍ଡିଏ ଅଣ୍ଡିପୁ ତଲେ ତାରିଆହାନା ନେହିଁ କାରୁଟି ନାମୁ ତାକି ଜୁଜୁ କିହିମାଞ୍ଜୁରି, ୨୮ ଇଚ୍ଛା ମିଡ଼େ କସ୍ତ ନିନୁ ହାହିମାଞ୍ଜୁନି ସାତୁୟାୟି ଏବେଲାଞ୍ଜା ଆଜାଆଦୁ; ଏଦି ଏଞ୍ଜାରି ନାସା ଆନାୟି, ସାମା ମିଡ଼େଟାକି ଗେଲ୍‌ପିନାୟି ମାହାପୁରୁ ହାହାମାନି ର ସିନା; ୨୯ ଇତିହିଁ କ୍ରୀସ୍ତ ଡାଣା ଖାର୍‌ଇ ନାମାଲି ତାକି ମୀରୁ ପାରୁ ମେଡ଼ା ଆହାମାଞ୍ଜୁରି, ଏଦି ଆଏ, ସାମା ଏଞ୍ଜାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜୁନେ; ୩୦ ଅଡ଼େ ନାନୁ ଏନିକି ଜୁଜୁ କିହିମାତାଣି ମେସାମାଞ୍ଜୁତେରି, ଇଚ୍ଛା ନାଏଁ ଜିକେଏ କିହିମାନେସି ଇଚ୍ଛା ଷେଣ୍ଡାମାଞ୍ଜୁରି, ଏଲେକିହିଁ ମୀରୁ ଜିକେଏ ଜୁଜୁ କିଦୁ ।

୨ କ୍ରୀସ୍ତ ତଲେ ମାନାକି ମୀରୁ ଜୀସୁତା ବାସ୍ତୁ ବେଟାଆହାମାଞ୍ଜୁରି, ଅଡ଼େ ତାନି ଜୀସୁନନାୟି ମିଡ଼େ ସାସା ହାହିମାଞ୍ଜୁନେ । ମୀରୁ ସୁବୁକ୍ରୀସ୍ତୁତା ଆଣ୍ଡିମାଞ୍ଜୁରି ପୁଞ୍ଜୁମାଞ୍ଜୁରି ଅଡ଼େ ରଅତେରି ରଅଣାକି ମୀ ଜୀସୁନନାୟି ଅଡ଼େ କାର୍ମାମେହନାୟି ମାନେ, ୨ ନାନୁ ମିଡ଼େ ବାତିମାଲିମାଞ୍ଜୁଇଁ ମୀରୁ ରଣ୍ଡିଏ ଅଣ୍ଡିପୁ ତଲେ, ରଣ୍ଡିଏ ଜୀସୁ ନନାଣି ତଲେ, ରଣ୍ଡିଏ ହିୟାଁ, ରଣ୍ଡିଏ ଅଣ୍ଡିପୁ ଆହାନା ନାଡ଼େ ରାହାଁ କିୟାଦୁ, ୩ ମୀରୁ ମିଡ଼େଟାକି ନେହାଁଣି କୁସ୍‌କା ଇଚ୍ଛା ହାରେକା ବତପଣ ଡ଼ସାଲି ଏନାଆଁ କିଆଦୁ, ସାମା ସୁବୁ ହିୟାଁ ଗାଟାତେରି ଆହାନା ଏବ୍‌କା ଲକ୍ଷ୍ମ ନା କିହିଁ କାଜାସି ଇଚ୍ଛା ଅଣ୍ଡିପାଦୁ; ୪ ମୀରୁ ବାରେତେରି ଖାର୍‌ଇ ମିଡ଼େଟାକି ନେହିଁ ଆନାଣି ଅଣ୍ଡିପାଆନା ଏବ୍‌କା

ଲକ୍ଷ୍ମୀ ନେହାଁଣି ଜିକେଏ ଅଣ୍ଡାପାଠୁ । ୫ କ୍ରୀସ୍ତ ଜୀସ୍ତୁତି ଏନିଲେହେଁତି ଅଣ୍ଡାପାଠୁ ମାତେ ମୀ ଅଣ୍ଡାପାଠୁ ଜିକେଏ ଏଲେତାୟିଏ ଆପେ; ୬ ଏଝାସି ମାହାପୁରୁ ଆତିହିଁ ଜିକେଏ, ମାହାପୁରୁ ତଲେ ସମାନା ଆହିଁ ମାଞ୍ଜୁଲି ଅଣ୍ଡାପାଆନା ତାନି ଏ ଅଦିକାରା ପିସ୍ତେସି, ୭ ସାମା ଏଝାସି ମାଣ୍ଡସି ଖାଣା ଆହାନା ହଲେଏସି ଲେହେଁ ଆତେସି । ମାଣ୍ଡସିଲେହେଁ ଆହାନା ମାଣ୍ଡସି ଖାଣା ତଲେ ଦଞ୍ଜୁଆତେସି; ୮ ଏଝାସି ମାଣ୍ଡସିଲେହେଁ ଦଞ୍ଜୁଆହାନା ହାନି ପାତେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାତେକା ହୁକୁମି ମାନଞ୍ଜି ଆତେସି ଇଞ୍ଜିଁ ତାନୁଏ ତାଡ୍ଡେ ଉଣା କିହା କତିତେସି । ୯ ଏଦାଆଁତାକି ମାହାପୁରୁ ଏଝାଣାଇଁ ବାରେକିହାଁ କାଜାସି କିହାମାନେସି, ଇଞ୍ଜିଁ ବାରେ ଦରକା କିହାଁ କାଜା ଦରୁ ଏଝାଣାଇଁ ହାହାମାନେସି, ୧୦ ଏନିକିଁ ଲାକପୁରୁ ଅଡେ ଦାର୍ତତିତା ଅଡେ ଦାର୍ତତିତ ଦୁଇ ମାନାଇ; ଏ ବାରେ ଜୀସ୍ତୁ ଦରୁତା ମେଣ୍ଡାକୃତାନା ଜହରା କିନ୍ତୁ, ୧୧ ଅଡେ ଆବା ମାହାପୁରୁତି ଗାଞ୍ଜୁରମି ତାକି ବାରେକାଣା ତାନି ଗୁତି ତଲେ ଜୀସ୍ତୁ କ୍ରୀସ୍ତୁ ପ୍ରଭୁ ଇଞ୍ଜିଁ କଲିନେରି । ୧୨ ନା ଜୀସ୍ତୁତି ଦୁଣେସିଦ୍ଦା, ମୀରୁ ବାରେବେଲା ନାଡ୍ଡେ ମାନଞ୍ଜି ଆହିମାଞ୍ଜୁଦେରି, ଇତିହିଁ ନା ନକିତା କିନିଲେହେଁ ଆଏ, ସାମା ନାଏଁ ନା ହିଲାଆ ବେଲାତା ହାରେକା ଆଜିତଲେ ତୀରୁଗିହିଁ ମୀରୁ ଗେଲୁପି ଆହାଲି ତାଲି କାମା କିଦୁ ୧୩ ଇତିହିଁ ମିଡ୍ଡେ ତାନି କାମା କିହାଲିତାକି ଇତା ଅଡେ ବାଡ୍ଡୟୁ କିହାଲିତାକି ମାହାପୁରୁ ତାନୁଏ ମୀ ତାଣା କାଲେଏ କାମା କିହିମାନେସି । ୧୪ ମୁରୁ ମୁରୁ ଅଡେ ବାଦିବାଦା ଆଆନା ମୀ ବାରେ କାମା କିଦୁ, ୧୫ ଏଲେକିତିହିଁ ମୀରୁ ଦହ ହିଲାଆଗାଟାତେରି ଅଡେ ସୁରୁ ଗାଟାତେରି ଆହାନା, ଇ ଲାଗେଏତାଣି ତଲେ ନାଡିକିନି ଲକ୍ଷ୍ମୀ ବିତା ମାହାପୁରୁତି ଦହ ହିଲାଆଗାଟି ମୀରୁକା ମାସକାତେରି ଆଦେରି; ଏଝାରିତାଣା ମୀରୁ ଜୀସ୍ତୁତି ବଲୁ ଆସାମା ଦାର୍ତତିତ ଉଜେତି ଲେହେଁ ମୀରୁ ଦଞ୍ଜୁ ଆହିମାଞ୍ଜୁଦେରି; ୧୬ ଏମ୍ପାଟି ନାନୁ ଉଜେଏ ହଟି ହିଲାଆଁ କି ଉଜେଏ କାମା କିହିହିଲଆଁ, ଏ ବାରେତାକି କ୍ରୀସ୍ତୁତି ଦିନତା ବତପଣ କିହାଲି ଆତିଇଁ । ୧୭ ନା ନେତେରି ମୀ ମାନୁ ତାକି ସେବାତା ଗସାଲି ପୁଜା ହାନି ନେତେରିଲେହେଁ ଦାଞ୍ଜୁଲି ଆହିମାନେ, ଆତିହିଁ ନାନୁ ରାହାଁ ଆହିମାଇଁ, ଅଡେ ମୀ ତଲେ ଆଣ୍ଡାନା ରାହାଁ କିହିମାଇଁ, ୧୮ ଅଡେ ଏଲେକିହିଁ ମୀରୁ ରାହାଁ କିଦୁ ଇଞ୍ଜିଁ ନା ତଲେ ରାହାଁ କିଦୁ । ୧୯ ସାମା ନାନୁ ତିମତିଇଁ ତପେ ପାଣ୍ଡାଇଁ ଇଞ୍ଜିଁ ପ୍ରଭୁ ଜୀସ୍ତୁ ତାଣା ଆସା କିହାମାଇଁ, ଏନିକିଁ ମୀ କାତା ଖେଞ୍ଜାନା ନାନୁ ଜିକେଏ ରାହାଁ ଆଇଁ । ୨୦ ଏଝାସି ରଅସିଏ ନା ଲେହେଁତି ଅଣ୍ଡାପାଠୁ ଗାଟାସି ଇଞ୍ଜିଁ ଏଝାସି ସାତେଏ ମିଡ୍ଡେତାକି ଅଣ୍ଡାପାଠୁ ମାଞ୍ଜୁନେସି । ୨୧ ଇତିହିଁ ବାରେକାଣା ଜୀସ୍ତୁ କ୍ରୀସ୍ତୁତି ସେବା କିହାଲି ଅଣ୍ଡାପାଆନା, ଖାରଇ ତାନି ନେହାଁଣି ପାରାଲି ଅଣ୍ଡାପାନେରି । ୨୨ ତିମତି ତାୟିପାରି କିନିତାଣା ଜୀଣା ଆହାମାନାସି ଏଦାଆଁ ମୀରୁ ଦଞ୍ଜୁମାଞ୍ଜୁଦେରି; ମୀରୁଏସି ଆବାତି ସେବା କିନିଲେହେଁ, ଏଝାସି ନେହିଁ କାବୁ ଖେକ୍ସିନି କାମାତା ନା ତଲେ ସେବା କିହାମାତେସି । ୨୩ ଇତିହିଁ ନାଡ୍ଡେତାକି ଏନାୟି ଆନେ, ଏଦାଆଁ ପୁଟିସାରେ ଏଝାଣାଇଁ ମୀ ତାଣା ପାଣ୍ଡାଇଁ ଇଞ୍ଜିଁ ଆସା କିହିମାଇଁ; ୨୪

ପ୍ରଭୁ ତାଣା ବାସୁଁ କିହିମାଇଁ ନାନୁ ଜିକେଏ ମୀ ତାଣା ତବେ ଖାଇଁ । ୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଖାକିତି ଉରୁ କିନାସି, ଇଞ୍ଜିଁ ନା ଲଡ଼ାମାନାଣି ସାୟେନି କିହାଲି ମୀ ତାଣାଟି ପାଣ୍ଡାଣ୍ଡିଆହାନାସି ସେବାକିନି ଏପାପୁଦିତାଇଁ ମୀ ତାଣା ପାଣ୍ଡାଲି ଅଣ୍ଡାପାମାଇଁ; ୨୬ ଇତିହିଁ ଏଝାସି ବାରେତେରି ମିଡ୍ଡେ ମେସାଲି ହାରେକା ଅଣ୍ଡାପାନେସି, ଅଡେ ଏଝାସି ଆତିହିଲଅସି ଇଞ୍ଜିଁ ଖେତାକି ହାରେକା କିଲିବିଲି ଆହିମାନେସି; ୨୭ ହାଅ, ଏଝାସି ହାନିଲେହେଁ ଆହାମାତେସି, ସାମା ମାହାପୁରୁ ଏଝାଣାଇଁ କାର୍ମା ମେସେସି, ଏଝାଣାଇଁଦେହେଁ ଆଏ ସାମା ଏନିକିଁ ନାଡ୍ଡେ ଦୁକୁ ଲାକ ଦୁକୁ ଖାଏ ଏଦାଆଁତାକି ନାଡ୍ଡେ ଜିକେଏ କାର୍ମା ଆୟାତେସି । ୨୮ ଏଦାଆଁତାକି ମୀରୁ ଏଝାଣାଇଁ ଖେଣ୍ଡେ ମେସାମା ରାହାଁ ଆଦେରି ଇଞ୍ଜିଁ ନା ଦୁକୁ ଏନିକିଁ ଉଣା ଆନେ, ଏଦାଆଁତାକି ନାନୁ ଏଝାଣାଇଁ ପାଣ୍ଡାଲି ହାରେକା ଜାତନ୍ତୁ ଆତେଏଁ । ୨୯ ଏଦାଆଁତାକି ମୀରୁ ଏଝାଣାଇଁ ପ୍ରଭୁତି ଦରୁତଲେ ହାରେକା ରାହାଁତଲେ ଆବାଦୁ, ଇଞ୍ଜିଁ ଇଲେତି ଗୁଣ୍ଡାଟି ଲକ୍ଷ୍ମୀ ମାନି କିଦୁ; ୩୦ ଏନାଆଁତାକି ଇତିହିଁ ମୀରୁ ନାଡ୍ଡେ ଏନିନି ସାୟେନି କିହାଲି ଆତାଆତାଣି, ଏଦାଆଁ କିହାଲି ଏଝାସି କ୍ରୀସ୍ତୁତି କାମାତା ତାନି ଜୀସ୍ତୁତି ବାଦା ହାହାନା ହାନିଲେହେଁ ଆହାମାତେସି ।

୩ ନା ତାୟି ଅଡେ ତାଢ୍ଡିସ୍ତାତେରି, ବାରେତି ତାୟୁ ପ୍ରଭୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାତାଲି ନାଡ୍ଡେତାକି ଖାହୁ ହଟିମାଞ୍ଜୁଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ । ୧ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଃଆନାରି ତାଣାଟି ଜାଗ୍ରାତା; ୨ ଏନାଆଁତାକି ଇତିହିଁ ମୀର ସାତେଏ ତଲୁ ଦାପି ଆହାମାନାତାୟି, ଇତିହିଁ ମୀର ସୁରୁଜୀସ୍ତୁତି ସାୟେନି ବେତାଆହାନା ମାହାପୁରୁଇଁ ସେବା କିହିମାନାୟି, ଇଞ୍ଜିଁ ଆଢ୍ଡାପି ଲଡ଼ା ଆନି ମେରା ବାସୁଁ କିଆନା କ୍ରୀସ୍ତୁ ଜୀସ୍ତୁ ତାଣା ବତପଣ ଆନ । ୪ ନାନୁ ଆଢ୍ଡାପି ପାଣାପାଟୁତା ଜିକେଏ ବାସୁଁ ଇଟାଲି ଆତିତେଏଁମା; ଅଡେ ଆମ୍ପାଆସି ଆଢ୍ଡାପି ମେରାତା ବାସୁଁ ଇଟାଲି ଆତିତେଏଁମା ଇଞ୍ଜିଁ ଅଣ୍ଡାପାନେସି, ଆତିହିଁ ନାନୁ ଏଝାଣି ଆଗାତା ଆତିଇଁ; ୫ ନାନୁ ଜାର୍ନା ଆହାଁ ଆଗାଦିନା ଆହାଲିଏ ତଲୁ ଦାପି ଆତାତେଏଁ, ଇଞ୍ଜିଁ ଇସାୟେଲ ଲକ୍ଷ୍ମୀ ବିନାମିନି କୃତାତା ଜାର୍ନା ଆତାତେଏଁ, ମା ଆକୁ ଆବାୟାଁ ର ଏବିୟ ଲକ୍ଷ୍ମୀ ମାରେରି, ମେରା ମାନଞ୍ଜି ଆନି ତାଣାଟି ନାନୁ ର ପାରୁସି ଲକ୍ଷ୍ମୀତେଏଁ, ୬ ହାରେକା ରାହାଁତଲେ ନାନୁ କ୍ରୀସ୍ତୁନା କୁଲମିତି ସାସୁଁ ହାନାତେଏ, ଇଞ୍ଜିଁ ମସାତି ମେରାତି ବାମ୍ପୁତା ନାନୁ ଦହ ହିଲାଆଗାଟତେଏଁ ଦଞ୍ଜୁ ଆହିମାତେଏଁ । ୭ ସାମା ଏନାୟି ନାଡ୍ଡେତାକି ଲାବା ମାତେ, ଏ ବାରେତି ନାନୁ କ୍ରୀସ୍ତୁତି କସିନି ଉଜେଏତାୟି ଇଞ୍ଜିଁ ଅଣ୍ଡାପାମାଇଁ । ୮ ନାନୁ ନା ପ୍ରଭୁ ଜୀସ୍ତୁ କ୍ରୀସ୍ତୁତି ଦୁଦି ହାରେକା ଦାରାଗାଟାୟି ଇଞ୍ଜିଁ ଦଞ୍ଜୁନା ଏଦକାତାଣି ଉଜେଏତାୟି ଇଞ୍ଜିଁ ପିସାତୁସ୍ତେଏଁ; ଏଝାଣି କସିନି ବାରେ ହିଲାଆଗାଟାଣି ଅରୁହିତେଏଁ ଅଡେ ଏ ବାରେ ତୁକିଗମୁ ଲେହେଁ ଆତେଏଁ, ଏନିକିଁ ନାନୁ କ୍ରୀସ୍ତୁଇଁ ମେଡାଆଇଁ, ଇଞ୍ଜିଁ ତାନି ଲକ୍ଷ୍ମୀ ଚଞ୍ଜୁ ଆଇଁ । ୯ ଅଡେ ମସାତି ମେରା ମାନଞ୍ଜି

ଆହାଁ ତାରିଗାଟାଣି ମେଡ଼ା ଆଆନା, ଏନିକିଁ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହାହାମାଞ୍ଜୁନି ନାମୁତି ତାରିଗାଟାଣି ମେଡ଼ାଆଇଁ, **୧୦** ଏନିକିଁ ନାନୁ ଏଖାଣାଇଁ ତାନି ଖେଣ୍ଡେ ନିଢ଼ିତି ବାଡ଼ୁରୁ ଇଞ୍ଜିଁ ଏଖାଣି ହାକିତା ଏଖାଣିଲେହେଁ ଦୁକୁ କସ୍ତତା ଆଣ୍ଡିନାଣି ପୁଞ୍ଜୁଲି ଆଡ଼ିଇଁ, **୧୧** ଏଦାଣିତାକି ହାତାରି ତାଣାଟି ନାଢ଼େ ନିକହାନେସି ଇଞ୍ଜିଁ ଆସା କିହମାଇଁ । **୧୨** ନାନୁ ନୀଏଁ ଏ ବାରେ ବେଟାଆହାମାଇଁ ଇଞ୍ଜିଁ ନେହାଁତେଏଁ ଆହାମାଇଁ, ଏଦି ଆଏ, ସାମା କ୍ରୀସ୍ତ ଜୀସୁ ତାଣାଟି ଆଡ଼ି ଆହାମାନାକି ଏଦାଆଁ ଆସାଲି ହଟିମାଇଁ । **୧୩** ନା ତାୟି ଅଡ଼େ ତାଢ଼ିସ୍ତା ନାନୁ ନୀଏଁ ପାତେକା ଆସାମାଇଁ ଇଞ୍ଜିଁ ଅଣ୍ଡିପି ହିଲଅଁ, ସାମା ନାନୁ ର କାମା କିହମାଇଁ, ଇଡ଼ିହିଁ ତାୟି ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାଇଁ, **୧୪** କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଢ଼େ ହାଟାମାଞ୍ଜୁନେସି ଏ ଦାନା ବେଟାଆହାଲି ତାକି ଗୁରି କିହାମାନି ଚାୟୁ ଖାକି ଜୀସୁ ତୁସାନା ହଟିମାଇଁ । **୧୫** ଏଦାଆଁତାକି ଖାଦୁ, ମାର ଏତେକା ଲକ୍ଷୁ ଟିକାଣା ଗାଟାତାୟି, ଇଲେତି ମନତଲେ ଅଣ୍ଡିପି, ସାମା ଏ ବାରେ କାତାତାକି ମୀ ଏବ୍‌କାତି ଅଣ୍ଡିପୁ ମାଟିହିଁ, ଆଡ଼ିହିଁ ଇଦାଆଁ ଜିକେଏ ମାହାପୁରୁ ମୀ ନକିତା ପୁଣ୍ଡି କିୟାନେସି; **୧୬** ନାଞ୍ଜୁପାତେକା ମାର ଏମିନି ମେରା ମାନଖି ଆହାନା ଖାହାମାନାୟି, ଏଲେକିହିଁଏ ନକିତା ହାଜାଅନ । **୧୭** ତାୟି ତାଢ଼ିସ୍ତା ମୀରୁ ବାରେ ଆଣ୍ଡି ଆହାନା ନା ଲେହେଁକି ତାକାଦୁ, ଇଞ୍ଜିଁ ମା ତାଣା ଏମିନି ତାରିଗାଟାଣି ମେସିମାଞ୍ଜୁରି ଇଞ୍ଜିଁ ଆମିନି ଗାଟାରି ଏଲେକିହିଁ ତାକିନେରି ଏଖାରାଇଁ ସିନିକିଦୁ । **୧୮** ଇଡ଼ିହିଁ ହାରେକା ଇଲେକିଁ ମାନେରି, ଆମ୍ବାଆରି ମାଣକିତି କାତା ଅଲେ ଅଲେ ମିଢ଼େ ସେସାମାଞ୍ଜୁଇଁ, ଇଞ୍ଜିଁ ନୀଏଁ ଜିକେଏ ମିଢ଼େ ଡ଼ାହିଁ ଡ଼ାହିଁ ସେସିମାଞ୍ଜୁଇଁ, ଏଖାରି ବାରେ କ୍ରୀସ୍ତତି ପାସି ମୁଣ୍ଡାତି ସାଦୁ ଆହାମାନେରି; **୧୯** ଏଖାରି ବାରେ ନକିତା ନାସା ଆନାରି, ଆଢ଼ୁତି ଅଣ୍ଡିପୁ ଏଖାରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଖାରି ବତପଣ କିନେରି, ଇଞ୍ଜିଁ ବାଡ଼ିତ ଚାଣି ବାରେ ଅଣ୍ଡିପେ ମାନେରି । **୨୦** ମାର ବାରେ ଲାକପୁରୁତି ଲକ୍ଷୁତାୟି, ଇଞ୍ଜିଁ ଏମ୍ବାତି ଜିକେଏ ମାଢ଼େ ଗେଲ୍‌ପାନି ପ୍ରବୁ ଜୀସୁ କ୍ରୀସ୍ତତି ସେଣ୍ଡେ ଖାନାଣି କାଟିମାନମି; **୨୧** ଏଖାସି ତାନି ଏମିନି କାମା କିନି ବାଡ଼ୁରୁତି ବାରେତି ତାନି ତାଣା ଇଟାଲି ଆଡ଼ିମାନେସି, ଏମ୍ବାତି ମା ବାଡ଼ୁରୁ ହିଲଆଗାଟି ଆଢ଼ୁତି ତାରି ମୁସହାନା ତାନି ଗାଧୁରମିଗାଟି ଆଢ଼ୁ ଲେହେଁ କିୟାନେସି ।

୪ ଏଦାଆଁତାକି ଏ ନା ଜୀସୁତି ତାୟି ତାଢ଼ିସ୍ତା । ମିଢ଼େତାକି ନାଢ଼େ ଏତେକା ରାହାଁତି ଟପେରି ଲେହେଁ । ନାନୁ କ୍ରୀସ୍ତହାତି ଲେହେଁ ପ୍ରବୁ ତାଣା ତାରିଆହାଁ ନୀତାବାଡ଼କାଦୁ । **୨** ପ୍ରବୁ ତାଣା ରଣ୍ଡିଏ ଅଣ୍ଡିପୁ ତଲେ ମାଞ୍ଜୁଲି ଇୟିୟା ଅଡ଼େ ସୁନୁକି ରିଶ୍ଟାସିକାଣି ବାଡ଼ିମାଲିମାଇଁ । **୩** ନା କାମାତା ଆଣ୍ଡାନା ମାନି ତଲେ କାମା କିନାତି, ନିଢ଼େ ଜିକେଏ ବାଡ଼ିମାଲିମାଞ୍ଜୁଇଁ ଇ ରୀ ତାଢ଼ିସ୍ତାଣି ସାୟେମି କିମ୍ପୁ, ଏନାଆଁତାକି ଇଡ଼ିହିଁ କ୍ଲେମେନ୍‌ସ୍ ଅଡ଼େ ନା ତଲେ କାମାକିନାରି ତଲେ ନେହିଁ କାବୁ ସେକହାଲି

ନା ତଲେ କାମା କିହାମାନୁ; ଇଞ୍ଜିଁ ନା ତଲେ କାମା କିହାମାନାରି ଦରକା ଜୀସୁତି ପଡ଼ିତା ରାସ୍ତିକି ଆହାମାନୁ । **୪** ପ୍ରବୁ ତାଣା ଆଣ୍ଡାନା କାଲେଏ ରାହାଁ କିଦୁ, ଅଡ଼େ ସେଣ୍ଡେ ସେସିମାଞ୍ଜୁଇଁ ରାହାଁ କିଦୁ । **୫** ବାରେ ଲକ୍ଷୁ ନକିତା ମୀ ସୁଦୁ ପୁଞ୍ଜାଲା ଅଣ୍ଡିପୁ ତଞ୍ଜୁ ଆପେ । ପ୍ରବୁ ଖାନାୟି ତାଗେ ଖାତେୟିଏ । **୬** ଏନାଆଁତାକି ଜିକେଏ ଅଣ୍ଡିପାଆଦୁ, ସାମା ବାରେତାକି ପ୍ରାତାନା ଇଞ୍ଜିଁ ଜହରା ତଲେ ମୀ ଲଡ଼ାମାନାଣି ମାହାପୁରୁ ନକିତା ସେହ୍‌ଦୁ । **୭** ଏତେଟିଏ ତେଲହାଲି ଆଡ଼ାଆଗାଟି ମାହାପୁରୁତି ହିଡ଼ି ମୀ ହିୟାଁ ଅଡ଼େ ଅଣ୍ଡିପୁତା କ୍ରୀସ୍ତ ଜୀସୁ ସାୟେମି ତଲେ ଗେଲ୍‌ପାନା ଇଟାନେସି । **୮** ଏ ତାୟି ତାଢ଼ିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡ଼ା ମାନାୟି, ଏନାୟି ଟିକାଣାଟାୟି, ଏନା ଏନାୟି ଅଡ଼ିତାୟି, ଏନାୟି ଜୀସୁନନାୟି, ଏନାୟି ମନ କିତି ରାନୁ, ଏନାୟି ଜୀସୁତା ନେହାୟି, ଏନାୟି ସାତା ଗୁଣ୍ଡୁ ମାନେ ଏ ବାରେ କାତା ଅଣ୍ଡିପେମାଞ୍ଜୁ । **୯** ମୀରୁ ନା ତାଣାଟି ଏନାଆଁ କ୍ରୀସ୍ତାମାଞ୍ଜୁରି, ସେଞ୍ଜୁମାଞ୍ଜୁରି, ଇଞ୍ଜିଁ ନା ତାଣାଟି ମେସାମାଞ୍ଜୁରି ଏ ବାରେ କିଦୁ; ଏଦାଆଁ ହିଡ଼ି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି । **୧୦** ବାରେତି ତାୟି ନା ତାକି ମୀ ଅଣ୍ଡିପୁ ତଞ୍ଜୁ ଆହାମାନେ, ଏଦାଆଁତାକି ପ୍ରବୁ ତାଣା ରାହାଁ କିହମାଇଁ; ସାତେଏ ନା ତାକି ମୀ ଅଣ୍ଡିପୁ ମାତେ, ସାମା ପାରୁ ମେଡ଼ା ଆହି ହିଲଆତେରି । **୧୧** ନାଢ଼େ ଏନାୟି ଉଣା ମାନାକି ସେସିମାଞ୍ଜୁଅଁ, ଏନାଆଁତାକି ଇଡ଼ିହିଁ ନାନୁ ଏନିଆହିଁ ମାଟିହିଁ ଜିକେଏ ରାହାଁତଲେ ମାଞ୍ଜୁଲି କ୍ରୀସ୍ତାମାଇଁ । **୧୨** ନାନୁ ହିଲଆ ବେଲାତା ବାଡ଼କାଲି ଇଞ୍ଜିଁ ହାରେପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜୁମାଇଁ, ବାରେବେଲା ବାରେଖାକି ରାହାଁତଲେ ମାଞ୍ଜୁଲି, ବାଣ୍ଡି ପାଞ୍ଜେ ଡ଼ିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜୁଲି, ଇଞ୍ଜିଁ ହାରେକା ବେଟାଆହାମାନାଣି ଲେମ୍ବାଲି ଇଞ୍ଜିଁ ହିଲଆ ବେଲାତା ନୀତାଲି ଜିକେଏ କ୍ରୀସ୍ତାମାଇଁ । **୧୩** ନାଢ଼େ ବାଡ଼ୁରୁ ହିୟାନି କ୍ରୀସ୍ତ ତାଣାଟି ବାରେ କିହାଲି ଆଡ଼ିଇଁ । **୧୪** ଆଡ଼ିଜିକେଏ ମୀରୁ ନା କସ୍ତତା ଆଣ୍ଡାନାକି ନେହିଁ କାମା କିହାମାଞ୍ଜୁରି । **୧୫** ପିଲିପିୟ ଲକ୍ଷୁତେରି, ମୀରୁ ଜିକେଏ ପୁଞ୍ଜୁମାଞ୍ଜୁରି, ନେହିଁ କାବୁ ସେକହାଲି ମାଡ଼ିହିଁ ବେଲାତା ଏତେତା ନାନୁ ମାକିଦିନିୟାଡ଼ି ହାତାଟି ଏଡ଼ିବେଲା ମୀ ପିସ୍‌ପେ ଏମିନି କୁଲମି ନା ତଲେ ଆଣ୍ଡାନା ନା ତାଣାଟି ହାନାଣି ଅନାଣି ଲେକା ଇଟାହିଲଆତେରି । **୧୬** ଇଡ଼ିହିଁ ନାନୁ ତେସଲନିକିତା ମାଡ଼ିବେଲାତା ଜିକେଏ ମୀରୁ ନା ଲଡ଼ା ମାତାଣି ମେସାନା ହାରେକା ଦେବା ଦାନା ପାଣ୍ଡୁତେରି । **୧୭** ନାନୁ ମୀ ତାଣାଟି ଦାନା ଅହାଲି ଅଣ୍ଡିପି ହିଲଅଁ, ସାମା ଏମିନି ପାଡ଼େୟିତି ମୀ ଲେକା ହାରେ ହାରେକା ପାତାଆହିମାନେ, ଏଦାଆଁତି ନାନୁ ମେସାଲି ଅଣ୍ଡିପିମାଇଁ । **୧୮** ନାନୁ ବାରେ ବେଟାଆହାମାଇଁ, ଇଞ୍ଜିଁ ନାଢ଼େ ହାରେପୁରେ ମାନେ; ମୀ ତାଣାଟି ପାଣ୍ଡୁମାଞ୍ଜୁନାଣି ବାରେ ଏପାପ୍ରକିତ ତାଣାଟି ବେଟାଆହାମାଇଁ, ଏ ବାରେ ନାଢ଼େତାକି ସାରି; ଏ ବାରେ ମାହାପୁରୁ ନକିତା ହେରପାନା ହୁଡ଼ିମାନି ଗାନ୍ଧାଗାଟି ଦୁପ୍ପି ଲେହେଁତାୟି । **୧୯** ଅଡ଼େ ନା ମାହାପୁରୁ କ୍ରୀସ୍ତ ଜୀସୁ ତାଣା ତାନି ଗାଧୁରମି ଦନତି ମୀ ଲଡ଼ାମାନାଣି ହିୟାନେସି । **୨୦** ମା ଆବା

ମାହାପୁରୁକି କାଲାକାଲାତାକି ଗାଞ୍ଜୁରମି ଆପେ । ଆମେନ୍ । (aiōn g165)

୨୧ କ୍ରୀସ୍ତ ଜୀସୁ ଦରୁତଲେ ବାରେ ମାହାପୁରୁ ଲକ୍ଷ୍ମି ଜହରା ଶ୍ରେହ୍ମୁ ନା
ତଲେ ଇ ଟାୟୁତା ମାନି ତାୟି ତାଢ଼ିସ୍ତା ମିଢ଼େ ଜହରା ପାଣ୍ଡିମାଞ୍ଜାନେରି
। ୨୨ ବାରେ ମାହାପୁରୁ ଲକ୍ଷ୍ମି ଇତିହିଁ ବାରେକିହିଁ କାୟିସର ଇଲୁତା
ମାନାରି ଏଞ୍ଜାରି ମିଢ଼େ ଜହରା ପାଣ୍ଡିମାଞ୍ଜାନେରି । ୨୩ ପ୍ରବୁ ଜୀସୁ କ୍ରୀସ୍ତତି
କାର୍ମାମେହ୍ନାୟି ମୀ ବାରେ ଜୀଞ୍ଜୁତା ମାଣ୍ଡେ ।

କଲସି

୧ ପାସ୍କଲ, ମାହାପୁରୁତି ଅଶ୍ୱତ୍ୱ ତଳେ କ୍ରୀସ୍ତ ଜୀସ୍ତୁତି ପାଣ୍ଡୁଆହାମାନି
 ସୀସ୍ତୁ ଅଡ଼େ ମା ତାୟି ତିମତି । ୨ କଲସିୟତା ମାନି ମାହାପୁରୁତି
 ଲକ୍ଷ୍ମି କ୍ରୀସ୍ତ ତାଣା ନାମାମାନି ତାୟି ତାଣ୍ଡିସ୍ତାକି ଆକୁ ରାତିମାନମି; ମା
 ଆବା ମାହାପୁରୁ ତାଣାଟି କାର୍ମାମେହନାୟି ଅଡ଼େ ହିଡ଼ି ଜୀସ୍ତୁ ମିଡ଼େଟାକି
 ଆୟାପେ । ୩ ମାମୁ ମିଡ଼େଟାକି ପ୍ରାତାନା କିହାନା ମା ପ୍ରବୁ ଜୀସ୍ତୁ କ୍ରୀସ୍ତୁତି
 ଆବା ମାହାପୁରୁଇଁ କାଲେଏ ଜହରା କିହିମାନମି; ୪ ଏନାଆଁତାକି ଇତିହିଁ
 ମାମୁ କ୍ରୀସ୍ତୁ ଜୀସ୍ତୁ ତାଣା ମୀ ନାମୁ ଅଡ଼େ ମାହାପୁରୁ ଲକ୍ଷ୍ମି ଜୀସ୍ତୁନହାଁ
 ମାନାଣି ସେଷ୍ଟାମାନମି । ୫ ଏତିବେଲା ନେହିଁ କାବୁତି ସାତା ବଲୁ ମୀ
 ତାଣା ମୁଲୁଏ ଖାତେ, ମୀରୁ ଏନାମି ତାଣାଟି ହୀପକିଆତି ବାସ୍ତୁତି କାତା
 ସେତେରି । ମୀରୁ ଏନାଆଁ ବାସ୍ତୁ କିଦେରି, ଏନାୟି ମୀ ତାକି ଲାକପୁରୁ
 ଇଟ୍ଟକି ଆହାମାନେ, ଏମାଆଁ ମୀ ନାମୁ ଅଡ଼େ ଜୀସ୍ତୁନାୟି ଡ଼ୟାମାନେ
 । ୬ ଏ ନେହିଁ କାବୁ ମୀ ତାଣା ଖାହାମାନେ, ଇଞ୍ଜି, ଏତି ଏନିକି ବାରେ
 ଦାର୍ତ୍ତତା ପାଡ଼େୟି କାମାନା ଅଡ଼େ ପାତାଆହିମାନେ, ମୀରୁ ଆମିନି ଦିନା
 ଏନାଆଁ ସେଷ୍ଟାମାନା ସାତା ତଳେ ମାହାପୁରୁତି କାର୍ମା ମେଡ଼ାଆତେରି, ଏ
 ଦିନାଟିଏ ମୀ ତାଣା ଜିକେଏ ଏଲେ ଆହିମାନେ । ୭ ମା ତଳେ କାମା
 କିନି ଜୀସ୍ତୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ମାମେହନି କାତା
 ଜୀପାମାଞ୍ଜେରି; ଏଖାସି ମିଡ଼େଟାକି କ୍ରୀସ୍ତୁତି ର ମାନି ତଳେ ସେବା
 କାମାକିନାସି; ୮ ଏଖାସି ସୁଦୁଜୀସ୍ତୁ ତଳେ ମିଡ଼େଟା ହୀହାମାଞ୍ଜାନି ଜୀସ୍ତୁ
 ନଞ୍ଜିଆନି କାତା ମାଡ଼େ ସେସାମାଞ୍ଜାନେସି । ୯ ଇଦାଆଁତାକି ମୀ କାତା
 ସେତି ଦିନାଟିଏ ମାମୁ କାଲେଏ ମୀ ତାକି ପ୍ରାତାନା କିହିମାନମି । ମୀରୁ
 ବାରେ ସୁଦୁଜୀସ୍ତୁତି ବୁଦି ଅଡ଼େ ତେଲହିନି ବାଡ଼ୟୁ ତଳେ ମାହାପୁରୁତି
 ବାରେ ଅଶ୍ୱତ୍ୱ ଏନିକିହିଁ ମୀରୁ ପୁଞ୍ଜିଲି ଆତିଦେରି, ଇଦାଆଁତାକି ମୀ ତାକି
 ପ୍ରାତାନା କିହିମାନମି । ୧୦ ବାରେ ଜୀସ୍ତୁତି ବୁଦିତା ପ୍ରବୁଇଁ ବାରେ ତାଣା
 ରାହାଁ କିୟାଲି ତାନି ଜଗେତି ମାଶକି ତଳେ ତାକାପୁ, ଇତିହିଁ ମାହାପୁରୁତି
 ବୁଦିତା ପାତାଆହାନା ନେହିଁ କାମାତି ପାଡ଼େୟି ଆୟାପୁ । ୧୧ ଇଞ୍ଜି ବାରେ
 କାମାତା ସାସାତଳେ ଅରହାଲି ତାକି ତାନି ଗାସ୍ତୁରମି ଇଞ୍ଜି କାଜାପାଣା
 ତଳେ ବାରେ ବାଡ଼ୟୁତି ବାଡ଼ୟୁ ଗାଟାତେରି ଆପୁ, ୧୨ ଇଞ୍ଜି ଆମିନି
 ଆବା ମାହାପୁରୁ ଲକ୍ଷ୍ମି ଉଜେଡି ରାଜିତା ଆଶ୍ରାଲି ତାକି ଜଗେ କିହାନା
 ଅଦିକାରା ହାହାମାଞ୍ଜାନେସି, ଏଦାଆଁତାକି ଏଖାଣାଇଁ ରାହାଁତଳେ ଜହରା
 କିପୁ । ୧୩ ଏଖାସି ମାଡ଼େ ଆନେରିତି ବାଡ଼ୟୁତି ପିସପି କିୟାତେସି ଅଡ଼େ
 ତାନି ଜୀସ୍ତୁତି ମୀରୁଏଶାତି ରାଜିତା ମାଡ଼େ ତାତାତେସି । ୧୪ ଏ ମୀରୁଏଶାତି
 ତାଣାଟି ମୀରୁ ଗେଲ୍ପି ଆହାମାନାୟି ଇତିହିଁ ମା ପାପୁ ବାରେ ମେପୁକି
 ଆହାମାନେ । ୧୫ କ୍ରୀସ୍ତୁ ତଞ୍ଜୁ ଆଆଗାଟି ମାହାପୁରୁତି ତଞ୍ଜୁଆନି ଖାଣା
 ଗାଟାସି, ଏଖାସି ନକେଏ ଜାର୍ନିଆତି ମୀରୁଏସି, ଇଞ୍ଜି ବାରେ ଗାଡ଼ି ଆତି
 କିହାଁ କାଜାସି, ୧୬ ତଞ୍ଜୁ ଆନାୟି ଅଡ଼େ ତଞ୍ଜୁ ଆଆଗାଟାୟି ଲାକପୁରୁ
 ଅଡ଼େ ଦାର୍ତ୍ତତା ବାରେ ଏଖାଣି ତାଣାଟି ଗାଡ଼ି ଆହାମାନେ, ସିଂଗାସାଣି

କି କାଜାପାଣା କି ଅଦିକାରା କି ସାଲଖି କିନାୟି ବାରେ ଏଖାଣି ତାଣାଟି
 ଇଞ୍ଜି ଏଖାଣି ତାକି ଗାଡ଼ି ଆହାମାନେ; ୧୭ ବାରେ ଗାଡ଼ି ଆତି ନକେଏ
 କ୍ରୀସ୍ତୁ ମାତେସି, ଇଞ୍ଜି ଏଖାଣି ତାଣା ଆଶ୍ରାମାନାକି ବାରେ ଗାଡ଼ିଆତାଲ
 ତାମୁ ମାନି ଚାୟୁତା ମାନୁ । ୧୮ କ୍ରୀସ୍ତୁ କୁଲମି ଲେହେଁତି ଆଡ଼ାତି ତାୟି
 ଲେହେଁତାସି, ଏ ଆଡ଼ାତି ଜୀସ୍ତୁ ବାଡ଼ୟୁ । ବାରେ ତାଣା ନକିତା ଆହାଲି
 ତାକି ଏଖାସି ହାତାରି ତାଣାଟି ନକେଏ ନିଟ୍ଟାମାନେସି । ୧୯ ଏନାଆଁତାକି
 ଇତିହିଁ ମାହାପୁରୁତି ଅଶ୍ୱତ୍ୱ ଲେହେଁ ମୀରୁଏସି ତାମୁଏ ମାହାପୁରୁତି ବାରେ
 ମାଶକି ଆସା କତାମାନେସି, ୨୦ ଅଡ଼େ ତାନି ମୀରୁଏଶା କୁସ୍ତୁତି ନେତେରି
 ତଳେ ଏଖାସି ହିଡ଼ି ତାନି କିହାନା ଏଖାଣି ତାଣାଟି ତାନିତଳେ ବାରେ
 ଲକ୍ଷ୍ମି କାଲନେସି, ହାସି ଏଖାଣି ତାଣାଟି ଦାର୍ତ୍ତତା ଅଡ଼େ ଲାକପୁରୁ
 ମାନାଣି ବାରେ କାଲଖି କିନେସି । ୨୧ ଅଡ଼େ ନକେଏ ର ବେଲାତା
 ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏଡ଼କା
 ଅଡ଼େ ହେକ ମାତେରି ଇଞ୍ଜି ମନତା ତାନି ସାତୁ ମାତେରି, ୨୨ ସାମା
 ନୀଏଁ ମାହାପୁରୁ ମିଡ଼େଟାକି ନକେଏ ତାନି ନକିତା ସୁଦୁ ଗାଟାତେରି, ନିନ୍ଦୁ
 ଅଡ଼େ ଦହ ହିଲାଆଗାଟାତେରି କିହାଲି ତାନି ମୀରୁଏଶା ଆଡ଼ାତି ହାକି
 ତଳେ ମିଡ଼େଟାକି ତାନିତଳେ କାଲହା ମାଞ୍ଜାନେସି; ୨୩ ମୀରୁ ର ତାଡ଼ୟୁ
 ଆଡ଼ଖା ପୁନାଦି ଲାକ ଦୟାପୁ ଅଡ଼େ ନେହିଁ କାବୁ ସେନି ବେଲାତା ଏମିନି
 ବାସ୍ତୁ ଇଟାମାତେରି ଏମାତି ଇତାଲା ଆତାଲା ଆଆପୁ, ଆତିହିଁ ସାତେଏ
 ଏମାତି ପାଡ଼େୟି ବେଟାଆଦେରି; ଏ ନେହିଁ କାବୁ ମୀରୁତ ସେଷ୍ଟାମାଞ୍ଜେରି;
 ଏତି ହାଗୁପାକା ଦୁଇ ମାନି ବାରେ ଗାଡ଼ି ଆତିତାଣା ଏ ନେହିଁ କାବୁ
 ସେଷ୍ଟାମାନେ ଅଡ଼େ ନାନୁ ପାସ୍କଲ ଏମାତି ନାମୁତି ହଲେଏଶାତେଏଁ ।
 ୨୪ ନାନୁ ମିଡ଼େଟାକି ଆମିନି ଦୁକୁ କସୁ ବେଟାଆହି ମାଇଁ, ଏମାଆଁ ନାନୁ
 ନୀଏଁ ରାହାଁ କିହିମାଇଁ, ଇଞ୍ଜି କ୍ରୀସ୍ତୁତି ଦୁକୁ କସୁ ଏନାୟି ଡ଼ୟାମାନେ
 ଏଦାଆଁ ନାନୁ କୁଲମିତାକି ଆଡ଼ା ତଳେ ଦୁକୁ କସୁ ଅରହାନା ରାପହାଲି
 ସାୟେମି କିହିମାଇଁ । ୨୫ ମାହାପୁରୁ ନାଡ଼େ ସେବାକିନି କାମା ହେରପା
 ମାଞ୍ଜାନେସି, ଏଲେଆହିଏ ଏ କୁଲମିତି ନାନୁ ର ସେବା କିନାତେଏଁ
 ଆହାମାଇଁ, ଏନିକି ନାନୁ ମାହାପୁରୁତି ବଲୁ ତାରିତଳେ ସେକଇଁ, ୨୬ ଏ
 ନେହିଁ କାବୁ ର ତୁଗାମାନି କାତା ତଲି କାଲା ଅଡ଼େ ଆକୁ ଆବାୟି ତାଣାଟି
 ତୁଗାମାତେ, ସାମା ନୀଏଁ ତାନି ଲକ୍ଷ୍ମିତାଣା ତସାମାନେସି । (aiōn g165)
 ୨୭ ଜୀହୁଦିଆଆତି ଲକ୍ଷ୍ମିତାଣା ଏ ତୁଗାମାନି ଗାସ୍ତୁରମିଗାତି ଦନ ଏନାୟି
 ଏଦାଆଁ ମାହାପୁରୁ ତାନି ଲକ୍ଷ୍ମିତାଣା ତସାଲି ଅଶ୍ୱପିତେସି; ଏ ତୁଗାମାନାୟି
 ଇଦି, ମୀ ତାଣା କ୍ରୀସ୍ତୁ ଏଖାସି ଗାସ୍ତୁରମି ଅଡ଼େ ବାସ୍ତୁ ଲେହେଁତାସି;
 ୨୮ ମାମୁ ଏ କ୍ରୀସ୍ତୁଇଁ ସେକଇଁ ମାନମି, ଇଞ୍ଜି ବାରେକାଣାଟି ସେଡ଼ନା
 ଇଞ୍ଜି ବାରେ ବୁଦିତଳେ କ୍ରୀସ୍ତୁ ମାନମି, ମାମୁ ଏନିକି ମାହାପୁରୁ ନକିତା
 ତାଡ଼ୟୁତି ଲକ୍ଷ୍ମି ଲେହେଁ ତାତାଲି ଆତିନମି; ୨୯ ଏଦାଆଁ କିହାଲିତାକି ନା
 ତାଣା କାମା କିହିମାନି କ୍ରୀସ୍ତୁ ହୀହିମାଞ୍ଜାନି କାଜା ବାଡ଼ୟୁତି ଲେମ୍ପାନା
 ନାନୁ ଜୀସ୍ତୁ ତୁସାମା କାମା କିହିମାଇଁ ।

୨ ମା ଚାକି ଲାଞ୍ଜୁଦିକିୟତି ଲକ୍ଷ୍ମ ଅଡ଼େ ନାଟ୍ରେ ସାତେଏ ପୁଞ୍ଜାମାଞ୍ଜୁଅରି,
 ଏ ବାରେଜାଣା ଚାକି ନାନୁ ଏଚେକା ଜୀଞ୍ଜୁ ତୁସାନା କାମା କିହାମାଲ୍,
 ଇ ବାରେ ମାରୁ ପୁଞ୍ଜୁ ଇଞ୍ଜି ନାନୁ ଅଣ୍ଡିପାମାଲ୍; ୨ ନା ଅଣ୍ଡୁ ଇଦି, ଏନିକି
 ଏଞ୍ଜାରି ହିୟା ରାହା ଆନେ, ଇଞ୍ଜି ଏଞ୍ଜାରି ସାତା ବୁଦିତି ବାରେ ଦନ
 ବେଟାଆହାଲି ଚାକି, ଇଚିହି ମାହାପୁରୁତି ତୁଗାମାନାୟି କ୍ରାସୁ, ଏଞ୍ଜାଣାଲ୍
 ପୁଞ୍ଜୁଲିତାକି ରଅସି ରଅଣି ତଲେ ଜୀଞ୍ଜୁ ନୃଞ୍ଜି ଆନେରି । ୩ ଜୀସୁ କ୍ରାସୁ
 କୁଚିକାଡ଼ି ଏନାୟି ମାହାପୁରୁତି ବୁଦି ଅଡ଼େ ପୁନାଣି ତୁଗାମାନି ବାରେ
 ଦନ ଦେନେସି । ୪ ମିଟ୍ରେ ଆମ୍ବାଆସି ନାଡ଼ିକିନି ଲେହେତି ମିଚି କାତା
 ଷେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଷେସିମାଞ୍ଜୁଲ୍
 । ୫ ଇଚିହି ନାନୁ ଆଡ୍ଡା ତଲେ ହିଲାଆତି ଜିକେଏ ନା ଜୀଞ୍ଜୁତଲେ ମା
 ତାଣା ମାଞ୍ଜୁମାଲ୍, ଇଞ୍ଜି ମା ନେହିକି ଜାତୁ ଆନାଣି ଅଡ଼େ କ୍ରାସୁ ତାଣା
 ତୀରୁପୁତଲେ ନାମାମାନାଣି ମେସାନା ରାହା ଆହିମାଲ୍ । ୬ ଇଚିହି ମାରୁ
 କ୍ରାସୁ ଜାସୁଲ୍ ପ୍ରଭୁ ଇଞ୍ଜି ଏନିକି ନାମାମାଞ୍ଜୁରି, ଏଲେକିହିଏ ଏଞ୍ଜାଣି ତାଣା
 ମାଞ୍ଜୁନା ନାତାତୁ: ୭ ଏଞ୍ଜାଣି ତାଣା ଜାଣ୍ଡେ ତୟୁଦୁ, ମା ଜୀଞ୍ଜୁତି ତାରିକିଦୁ
 ଇଞ୍ଜି ମାରୁ ଜାପାମାନି ନାମୁତା ଏଞ୍ଜାଣି ତାଣା ବାଡ଼ୁୟୁ ବେଟାଆଦୁ ।
 ମା ହିୟା ଇହରା କିନାୟି ଆପେ । ୮ ସିନିକିଦୁ, ଏଚେଟା ଆମ୍ବାଆସି
 କ୍ରାସୁତି ଜାପନାୟି ଲାଗେଏତି ମାଣ୍ଡିତି ପାଣାପାତୁ ଅଡ଼େ ଦାର୍ଡିତି ମୂଲୁ
 ଜାପନି ପାଞ୍ଜୁ ସିନି କିନାୟି ଅଡ଼େ ଉଜେଏତି ନାଡ଼ିକିନି ତାଣାଟି ମିଟ୍ରେ
 କାୟିଦି କିହା ଅୟାନେ; ୯ ଇଚିହି କ୍ରାସୁ ତାଣା ମାହାପୁରୁତି ଗୁଣୁ ମାଣ୍ଡି
 ଖାଣା ଆହାନା ବାସା ଆନେ । ୧୦ ଏଞ୍ଜାସି ବାରେ ସାଲଖି କିନାରି ଇଞ୍ଜି
 ଅଦିକାରା ବେଟାଆତାରି ତାୟୁ ଲେହେ, ଇଞ୍ଜି ଏଞ୍ଜାଣି ତାଣା ମାଞ୍ଜୁନା
 ମାରୁ ବାଡ଼ୁୟୁ ବେଟାଆହା ମାଞ୍ଜୁରି । ୧୧ କ୍ରାସୁ ତଲେ ଆଣ୍ଡିତି ଜୀଞ୍ଜୁଏ
 ମା ତଲୁ ଦାପି ଆତି ଲେହେତାୟି । ଏ ତଲୁ ଦାପି ଆତାୟି ମାଣ୍ଡି କିତାୟି
 ଆଏ, ଏଦି କ୍ରାସୁ ତାଣାଟି ଆହାମାନେ । ଏଦି ମାଣ୍ଡିସିଲ୍ ପାପୁ ଆଡ୍ଡାଟି
 ଗେଲ୍ପି କିନେ । ୧୨ ମାରୁ ଏତିବେଲା ବାପୁସୁ ବେଟାଆତେରି ଏତିବେଲା
 ମାରୁ କ୍ରାସୁ ତଲେ ମୁସପିଆତେରି, ଇଞ୍ଜି ଆମିନି ମାହାପୁରୁ କ୍ରାସୁଲ୍
 ହାତାରି ତାଣାଟି ନିକ୍ହେସି, ଏଞ୍ଜାଣି କାମା କିନି ବାଡ଼ୁୟୁତି ନାମାଲିଏ ଏ
 ବେଲାତା ଏଞ୍ଜାସି ମିଟ୍ରେ କ୍ରାସୁ ତଲେ ନିକ୍ହାତେସି । ୧୩ ମାରୁ ଆଡ୍ଡାତା
 ପାପୁ ଗାଟାତେରି ଜୀହୁଦି ଆଆମାତାଟି ହାହାମାତେରି, ମିଟ୍ରେ ଜିକେଏ
 ମାହାପୁରୁ ତାନିତଲେ ମିଟ୍ରେ ଜୀଞ୍ଜୁ କିହା ମାଞ୍ଜୁନେସି, ମାହାପୁରୁ ମା
 ବାରେତି ପାପୁ ମ୍ଲେକ୍ହା ମାଞ୍ଜୁନେସି; ୧୪ ଏଞ୍ଜାସି ମେରାତା ମା କପାଟି
 ଆମିନି ଦହ ଦହନି ଆକୁ ମାଚେ, ଏଦାଆଁ ଏଞ୍ଜାସି ମ୍ଲେକ୍ହାନା ପାସି
 ମୁଣ୍ଡାତା କୁଟିୟା ଷେଟାନା ମା ତାଣାଟି ହେକ କିହାମାନେସି; ୧୫ ଅଡ଼େ ଏ
 ପାସିମୁଣ୍ଡା ଲାକ କ୍ରାସୁ ବାରେଲେହେତି ବାଡ଼ୁୟୁ ଇଞ୍ଜି ସାଲଖି କିନାଆଁ
 ତାଣାଟି ଜାହାରାଲ୍ ପିସ୍ପି କିହାକତାମାନେସି ଇଞ୍ଜି ଏଞ୍ଜାଆଁତି ଦସ୍ପାନା
 ତାନୁ ଜାଣାଆହାନା ହାନିବେଲାତା ବାରେ ଲକ୍ଷ୍ମ ନିକିତା ଏଞ୍ଜାଆଁତି ଲାଜ
 ବେଟାଆଞ୍ଜି କିହାମାନେସି । ୧୬ ଏଦାଆଁତାକି ମା ତିନାୟି, ଉନାୟି,
 ପାରୁତାକି କୁଟି ଲେଞ୍ଜୁ ପାରୁ କି ଜମିନି ଦିନାଟି ଆମ୍ବାଆସି ମିଟ୍ରେ ବିଚାରା

କିୟାଆପେସି । ୧୭ ଏ ବାରେ ଖାହାମାନି ଦିନାତା ଆହାଲି ହାଜିମାନି
 ସାୟି ଲେହେ; ସାମା ଏମ୍ବାତି ସାତା କାତା କ୍ରାସୁ । ୧୮ ଇଞ୍ଜି ଆମ୍ବାଆସି
 ଜାହାରା ଉଣା ଆହାନା ଦୁରୁୟା ସେବତା ରାହା ଆହାନା ସେୟାଣା
 ହାପାନା ମେସାମାନାଆଁ ପାରାନା ଅଡ଼େ ଦାର୍ଡିତି ଅଣ୍ଡୁ ତଲେ ଉଜେଏ
 ବଡ଼ପଣ ଆହାନା ଆମ୍ବାଆସି ତାୟୁ ଲେହେତି କ୍ରାସୁ, ଏଞ୍ଜାଣାଲ୍ ଆହ୍‌ଆନା
 ମାହାପୁରୁ ବରତି ଏଟ୍‌କା କିୟାଆପେସି । ୧୯ ଏଞ୍ଜାଣି ତାଣାଟି ବାରେ
 ଆଡ୍ଡା ହାନ୍ତୁଲିକା ଅଡ଼େ ଇଣାୟାଁତି ନେହି ଆହାନା ରଣ୍ଡି ରଣ୍ଡାଣି ତଲେ
 କାଲଖି ଆହାନା ମାହାପୁରୁ ହାତି ପାଡ଼ଣିତା ପାତାଆହିମାନୁ । ୨୦
 ମାରୁ କ୍ରାସୁ ତଲେ ହାହାମାଞ୍ଜୁରି ଅଡ଼େ ଇ ଦାର୍ଡିତା ସାଲଖି କିହାମାନି
 ବାଡ଼ୁୟୁତି ଗେଲ୍ପି ଆହାମାଞ୍ଜୁରି । ଆତିହି ମାରୁ ଏନାଆଁତାକି ଦାର୍ଡିତି
 ଲକ୍ଷ୍ମ ଅଣ୍ଡୁ ତଲେ ନାଡ଼ିମାଞ୍ଜୁରି? ଏନାଆଁତାକି ମାରୁ ଇଲେତି ମେରା
 ବାରେ ମାନି କିହାମାଞ୍ଜୁରି, ୨୧ ଆତିହି “ମାଣ୍ଡି କାପୁହିମାନି ମେରା
 ଆହ୍‌ଆଦୁ, ଏଦାଆଁ ତିନାଆଦୁ, ଏଦାଆଁ ତୀଗାଆଦୁ ଦାର୍ଡିତି ଲକ୍ଷ୍ମ
 ଲେହେ ଇଲେତି ପାଣାପାତୁ ଏନାଆଁତାକି ମାନଖି ଆହିମାଞ୍ଜୁରି?” ୨୨
 ଏ ବାରେ ଆସି ଗାଡ଼େକା ତାଲ । ଇଞ୍ଜି ଲେମ୍ପିସାରେ ଉଜେଏତାଲ
 ଆନୁ । ୨୩ ଏଲେତି ଜାପନାୟି ଜାହାରା ଅଣ୍ଡୁତି ସେବା କିନାୟି,
 ଜାହାରାଲ୍ ଉଣା କିନାୟି ଇଞ୍ଜି ଆଡ୍ଡାଟି ହାରେକା କସୁ ହାହାନା ବୁଦିତି
 ଦରୁ ବେଟାଆହାମାଲ୍ ସାମା ଏଦି ଉଜେଏତାୟି ଏଦାଆଁ ତଲେ ଆଡ୍ଡାଟି
 ଅଣ୍ଡୁ ରାହା ଆନେ ।

୩ ମାରୁ କ୍ରାସୁ ତଲେ ହାକିଚି ନିଟ୍ଟା ମାଞ୍ଜୁରି, ଆତିହି ମାହାପୁରୁତି ଚିଞ୍ଚିନି
 ଚଟତା କୁଗାମାନି କ୍ରାସୁତି ଆମିନି ବାସାଟାୟୁ, ଏ ଲାକପୁରୁ ମାନାଣି
 ପାରାଦୁ । ୨ ଦାର୍ଡିତା ମାନି ବାରେ କାତାଟି ଅଣ୍ଡୁଆମାନ, ଲାକପୁରୁ
 ମାନାଣି ବାରେ ଅଣ୍ଡୁପାଦୁ । ୩ ଏନାଆଁତାକି ଇଚିହି ମାରୁ ହାହାମାଞ୍ଜୁରି,
 ଅଡ଼େ ମା ଜୀଞ୍ଜୁ ମାହାପୁରୁ ତାଣା କ୍ରାସୁ ତଲେ ତୁଗାମାନେ । ୪ ମା
 ଜୀଞ୍ଜୁ ଲେହେତାସି କ୍ରାସୁ, ଏତିବେଲା ଏଞ୍ଜାସି ତଞ୍ଜୁଆନେସି, ଏତିବେଲା
 ମାରୁ ଜିକେଏ ଗାଧୁରମିତି ଏଞ୍ଜାଣିତଲେ ଆଣ୍ଡାମା ତଞ୍ଜୁ ଆଦେରି । ୫
 ଏଦାଆଁତାକି ମା ଦାର୍ଡିତି ଲାଗେଏ ପଲେଏ ତାଣାଟି ଇଚିହି ଦାରିକାମା,
 ସୁଦୁ ଆଆତି କାମା, ଲାଗେଏତି ଜୁପକା, ପେଣକା ପୁଜା କିନାୟି, ଜୁପକା
 ଆନାୟି, ଇ ବାରେତାକି ହାଞ୍ଜି କିହା କତାତୁ; ୬ ଇ ବାରେ କାମାତା ଆଣ୍ଡା
 ମାଞ୍ଜୁନା ଆମ୍ବାଆସି ମାହାପୁରୁଲ୍ ମାନି କିଅରି, ଏଞ୍ଜାଣାକି ମାହାପୁରୁତି
 କପା ଖାନେ; ୭ ତଲି ମାରୁ ଜିକେଏ ଇଲେତି ପାପୁ କାମାତା ମାଞ୍ଜୁନା
 ଏଲେକିହି ନାଡ଼ିମାତେରି । ୮ ସାମା ନାଏଁ ମାରୁ ଜିକେଏ ଇ ବାରେ
 କାତା ଇଚିହି, କପା, କାର୍ବି, ଇରୁସା ଇଞ୍ଜି ମା ଗୁଡ଼ିତି ନିନ୍ଦା କାତା ଅଡ଼େ
 ଅପାଆଗାଟି ହାତା ଜଲାଆଦୁ । ୯ ମା ବିତ୍ରା ମିଚି କାତା ଷେସ୍‌ପି ଆଆଦୁ:
 ଏନାଆଁତାକି ଇଚିହି ମାରୁ ବାରେ ପୁାଞ୍ଜ ଗୁଣୁ ମାଣ୍ଡିକି ପିସାମାଞ୍ଜୁରି,
 ୧୦ ଅଡ଼େ ଏଲେତି ବାରେ କାମା ପିସାନା ପୁଞ୍ଜି ଗୁଣୁ ପର୍ହାମାଞ୍ଜୁରି; ଏ
 ପୁଞ୍ଜି ଗୁଣୁ ମାଟ୍ରେ ଗାଡ଼ିକିତାଣି ଖାଣା ତଲେ ବାରେ ବୁଦି ବେଟାଆହାଲି
 ଚାକି ପୁଞ୍ଜି ଗାଡ଼ି ଆହାମାଞ୍ଜୁରି । ୧୧ ଏଚେଟିଏ ଜୀହୁଦି ଲକ୍ଷ୍ମ ଅଡ଼େ

ଜୀହ୍ୱାଦିଆଦି ଲକ୍ଷ୍ମ, ଚଳୁ ଦାପିଆଦାର କି ଦାପି ଆଆଦାର, ଏତକ
 ରାଜିତାର, ସୁତିୟାଦାର, ହଲେଏସି, ହଲେଏସି ଆଆଦାସି, ଇ ବାରେତି
 ବିଦ୍ରା ଏନି ପାର୍ତ୍ତା ହିଲେଏ, ସାମା କ୍ରାସୁ ବାରେତାକି ମାନେସି, ଇଚ୍ଛା
 ଏଖାସି ବାରେ ତାଣା ବାସା କିନେସି । ୧୨ ମାରୁ ମାହାପୁରୁତି ଲକ୍ଷ୍ମତେରି,
 ଏଖାସି ମିତ୍ତେ ଜୀହ୍ୱନହାନା ତାହେତାକି ଆତାମାଞ୍ଜନେସି । ଏଦାଆଁତାକି
 ମାରୁ ହିତ୍ତ ହିୟା, କାର୍ମାମେହନାଣି, ଉଣା ଆନାୟି, ସୁଦୁ ସୁଖାଲ ମାଣକି
 ଅଡେ ଅର୍ହନାଣି ପରୁଦୁ । ୧୩ ମୀ ବିଦ୍ରା କସୁ ଅର୍ହ ଆଦୁ, ରଥସି
 ରଥଣି କପାଟି ଏନି କାତା ଜଳିନାୟି ମାଟିସାରେ ମାରୁ ରଥତେରି ରଥଣି
 ଦହ ମ୍ଲେକ୍ତୁ: ପ୍ରଭୁ ଏନିକି ମୀ ଦହ ମ୍ଲେକ୍ତୁହା ମାଞ୍ଜନେସି, ମାରୁ ଜିକେଏ
 ଏଲେକିହିଏ କିଦୁ । ୧୪ ଅଡେ ଇ ବାରେ ଗୁଣ୍ଡତଲେ ଜୀହ୍ୱନାୟି ମୀ
 ବିଦ୍ରା ମାଣମ୍ପେ, ଇତିହିଁ ଜୀହ୍ୱନାୟି ବାରେ ଗୁଣ୍ଡତି ରୁଣ୍ଡି କିନେ । ୧୫
 କ୍ରାସୁ ହିୟାସି ହିତ୍ତ ଦି ମୀ ହିୟାତି ସାଲଖି କିପେ । ଇତିହିଁ ଇ ହିତ୍ତ
 ତାକି ମାହାପୁରୁ ମିତ୍ତେ ରେହିଏ ରଣ୍ଡିଏ ଆତ୍ତା ଆହାଲି ହାତାମାଞ୍ଜନେସି
 ଅଡେ ବାରେବେଲା ମାରୁ ମାହାପୁରୁଇଁ ଜହରା କିଦୁ ୧୬ କ୍ରାସୁତି ବଲୁ
 ହାରେକା ମୀ ହିୟାତା ଡୟାପେ; ବୁଦିତଲେ ମାରୁ ରଥତେରି ରଥଣାଇଁ
 ହାରେପୁରେ ଜାପହାନା ସେଦନା ହାପକିଆଦୁ, ଇଚ୍ଛା ମୀ ସୁଦୁଜୀହ୍ୱ ତଲେ
 ମାହାପୁରୁଇଁ ଜହରା କିହିଁ ହିୟା ତଲେ ପାରୁ ପାତାଦୁ । ୧୭ ଅଡେ ମାରୁ
 କାତାତାକି କାମାତା ଏନାଆଁ କିଦେରି, ଇତିହିଁ ଏ ବାରେ ପ୍ରଭୁ ଜୀହ୍ୱ
 ଦରୁତଲେ କିହାନା ଏଖାଣି ଦରୁତଲେ ଆବା ମାହାପୁରୁଇଁ ଜହରା କିଦୁ ।
 ୧୮ ଏ ତକ୍ତିସିକାତେରି, ମାରୁ ମୀ ତକ୍ତିୟାଣି ମାନି କିଦୁ, ଏନାଆଁତାକି
 ଇତିହିଁ ମାରୁ ପ୍ରଭୁ ତାଣା ଆଶ୍ୱାମାନାକି ଏଲେ କିନାୟିମାନେ । ୧୯ ଏ
 ତକ୍ତିୟାତେରି, ମାରୁ ମୀ ତକ୍ତିସିକାଣି ଜୀହ୍ୱନଦୁ, ଏଖାସିକାଣି ହଲେଣିସିକା
 ଲେହେଁ ଲେମ୍ପାନା ଦୁକୁ ହାଆଦୁ । ୨୦ ଆଡେ କକାରି ପଦାୟାତେରି,
 ବାରେ କାତାତା ତାଲି ତାଞ୍ଜିତି କାତା ମାନଖି ଆଦୁ, ଏନାଆଁତାକି ଇତିହିଁ
 ଇଦି ମାହାପୁରୁ ନକିତା ରାହାଁଟି ଲେମ୍ପିନାୟି । ୨୧ ଏ ତାଲି ତାଞ୍ଜିତେରି,
 ମୀ କକାରି ପଦାଣି କାର୍ବି କିଆଦୁ, ଏନିକି ଏଖାରି ନାରାସା ଆଅରି । ୨୨
 ଏ ହଲିୟାତ୍ତେତେରି, ମାଣସିଇଁ ରାହାଁ କିନିଲେହେଁ ଦାର୍ତ୍ତିତି ସାଞ୍ଜକାରିୟା
 ନକିତା ଏ କାମା କିଆଦୁ, ସାମା ମାହାପୁରୁଇଁ ଆଜାନା ହିୟାତି ସୁଦୁ
 ମାଣକି ତଲେ ବାରେ କାମାତା ଏଖାରେଇଁ ମାନଖି ଆଦୁ । ୨୩ ମାରୁ ଏନି
 କାମା କିତି ଜିକେଏ ପ୍ରଭୁକି କିନିଲେହେଁ ହିୟା ତଲେ କିଦୁ, ମାଣସିୟା
 ତାକି କିନିଲେହେଁ କିଆଦୁ; ୨୪ ପ୍ରଭୁ ତାନି ଲକ୍ଷ୍ମତାକି ଇତାମାନି ଦାନା
 ମିତ୍ତେ ହିୟାନେସି ଇଚ୍ଛା ପୁଞ୍ଜାମାଞ୍ଜ, ଏନାଆଁତାକି ଇତିହିଁ କ୍ରାସୁଏ ମୀ ସାତା
 ପ୍ରଭୁ ଆମ୍ପାଆରି ସେବା କିହିମାଞ୍ଜେରି । ୨୫ ଇତିହିଁ ଆମ୍ପାଆସି ଲାଗେଏ
 କାମା କିନେସି ଏଖାସି ଲାଗେଏ କାମାତି ପାଡେୟି ବେଟାଆନେସି, ଇତିହିଁ
 ମାହାପୁରୁ ଲକ୍ଷ୍ମତି ପାର୍ତ୍ତା ବାଟି କିଆନା ନାହାୟି କିନେସି ।

୪ ଏ ସାଞ୍ଜକାରିୟାତେରି ଲାକପୁରୁ ମୀ ସାଞ୍ଜକାରି ମାନେସି ଇଚ୍ଛା ପୁଞ୍ଜାନା
 ମୀ ହଲିୟାତ୍ତାଇଁ ଜୀହ୍ୱନହାନା ନେହିଁକି ଲେମ୍ପାଦୁ । ୨ କାଲେଏ
 ପ୍ରାତାନାତା ରଣ୍ଡିଏ ଅଶ୍ୱତ ତଲେ ମାଞ୍ଜ, ଅଡେ ମାହାପୁରୁଇଁ ଜହରା କିହିଁ

ଏମ୍ପାଆଁ ଜାଗ୍ରାତା ମାଞ୍ଜ: ୩ ମାହେତାକି ଜିକେଏ ପ୍ରାତାନା କିଦୁ, ଏନିକି
 ନେହିଁ କାରୁତି କାତା ଖେକହାଲି ମାହାପୁରୁ ମାହେତାକି ଦାରା ଦେତାନେସି
 । କ୍ରାସୁତି ଆମିନି ତୁଣାମାନି କାତାତାକି ନାନୁ ନାଏଁ କାୟିଦି ଇଲୁତା ମାଇଁ
 । ୪ ନାନୁ ଖେକନାଟି ନେହିଁକି ପୁଣ୍ଡିକିନିଲେହେଁ ଖେକହାଲି ଆଡିଇଁ ଇଚ୍ଛା
 ନାହେତାକି ପ୍ରାତାନା କିଦୁ । ୫ ପାଗାତି ନେହିଁକି ଲେମ୍ପାନା ନାମାଆତି ଲକ୍ଷ୍ମ
 ତାଣା ବୁଦିତି ମାଣକି ତଲେ ଲେମ୍ପାଦୁ । ୬ ମୀ ବଲୁ କାଲେଏ ନେହାୟି,
 ଅଡେ, ଅଶ୍ୱପିନାୟି, ଅଡେ ହାରୁ ଲେହେଁ ମାରୁ ଏନିକି ବାରେଜାଣାତି
 ସାତା କାତା ଖେସାଲି ଆଡିଦେରି ଏ କାତା ମାରୁ ପୁନାୟିମାନେ । ୭
 ପ୍ରଭୁତି କାମାତା ନା ତଲେ ନାମୁଟି ସେବା କାମା କିନି ଜୀହ୍ୱତି ତାୟି
 ତୁକିକ, ନା ବାରେ କାତା ମିତ୍ତେ ଖେସ୍ତାନେସି; ୮ ଏଦାଆଁତାକି ନାନୁ
 ଏଖାଣାଇଁ ମୀ ତାଣା ପାଶ୍ୱାତେଏଁ, ଏନିକି ମାରୁ ମା ବାରେ କାତା ପୁଞ୍ଜାଲି
 ଆଡିଦେରି, ଇଚ୍ଛା ମୀ ବାରେତି ହିୟା ଏଖାଣି ତାଣାଟି ରାହାଁ ବେଟାଆନେ
 । ୯ ଏଖାଣିତଲେ ନାନୁ ନାମୁତା ଜୀହ୍ୱତି ତାୟି ଅନିସିମାଇଁ ପାଶ୍ୱାତେଏଁ,
 ଏଖାସି ମୀ ବିଦ୍ରାଟି ରଥସି, ଏଖାରି ଇମ୍ପାଆଁ ଆହିମାନି ବାରେ କାତା ମିତ୍ତେ
 ଖେସ୍ତାନେରି । ୧୦ ନା ତଲେ କାୟିଦିତା ମାନି ଆରିସ୍ତାକି ଅଡେ ବର୍ନବା
 କୁଟମିତି ତାୟି ମାର୍କ ଏଖାରି କାତା ମାରୁ ହୁକୁମି ବେଟାଆହାମାଞ୍ଜେରି;
 ମାର୍କ ମୀ ତାଣା ଖାଟିସାରେ, ଏଖାଣାଇଁ ଆବାଦୁ, ଏଖାରି ମିତ୍ତେ ଜହରା
 ଖେସି ମାଞ୍ଜନେରି, ୧୧ ଅଡେ ଲୁସୁ ଦରୁଟି ଖେତ୍ତିତି ଜୀହ୍ୱ ମିତ୍ତେ ଜହରା
 ଖେସିମାଞ୍ଜନେସି, କ୍ରାସୁ ଦାମୁତି ଆବାମାନି ଇ ତାନିକାଣା ଜୀହ୍ୱଦି ବିଦ୍ରାଟି
 ମାହାପୁରୁ ରାଜିତାକି ନା ତଲେ କାମାକିନାରି, ଏଖାରି ନାହେତ୍ତେ ହାରେକା
 ସାୟେନି କିହାମାଞ୍ଜନେରି । ୧୨ ଏପାପା ମୀ ବିଦ୍ରାଟି ରଥସି, ଏଖାସି
 ମିତ୍ତେ ଜହରା କିହିମାଞ୍ଜନେସି, ଏଖାସି କ୍ରାସୁ ଜୀହ୍ୱତି ର ହଲେଏସି ଇଚ୍ଛା
 ତାନୁ ପ୍ରାତାନା କିନାଟି ବାରେବେଲା ମିତ୍ତେ ତାକି ପ୍ରାତାନା କିହିମାନେସି,
 ଏନିକି ମାରୁ ନାମୁତା ନେହାଁତେରି ଆହାନା ମାହାପୁରୁତି ବୁଦି ଅଡେ
 ଅଶ୍ୱପୁତି ତାରେ ପୁଞ୍ଜାନା ଖାତାଆନା ମାଞ୍ଜେରି । ୧୩ ଇତିହିଁ ଏଖାସି
 ମିତ୍ତେତାକି ଇଚ୍ଛା, ଲାଞ୍ଜୁଦିକିୟା ଅଡେ ହିଏରାପଲିତା ମାନାରି ତାକି
 ହାରେକା କସୁ ବେଟାଆହିଁ କାମା କିହାମାନେସି, ଏଖାଣି ତାକି ନାନୁ ଇ
 ସାକି ହାହିମାଞ୍ଜାଇଁ । ୧୪ ମା ଜୀହ୍ୱତି ତାହ୍ୱାଦର ଲକ୍ଷ୍ମ ଅଡେ ଦିମା, ମିତ୍ତେ
 ଜହରା ଖେସିମାଞ୍ଜନେରି । ୧୫ ଲାଞ୍ଜୁଦିକିୟାତା ମାନି ତାୟି ତାହ୍ୱାସ୍ତା,
 ତାହ୍ୱା ନୁମ୍ପା ଅଡେ ତାନି ଇଲୁତା ମାନି କୁଲମିତି ମା ଜହରା ଖେହ୍ୱଦୁ ।
 ୧୬ ଅଡେ ମୀ ତାଣା ଇ ଆକୁ ପଡ଼ି ଆତି ତାୟି ଲାଞ୍ଜୁଦିକିୟା କୁଲମିତା
 ଜିକେଏ ଏନିକି ପଡ଼ି ଆନେରି, ଇଚ୍ଛା ଲାଞ୍ଜୁଦିକିୟାଟି ଆମିନି ଆକୁ
 ଖାନେ ଏଦାଆଁ ମାରୁ ଜିକେଏ ପଡ଼ି ଆଦେରି ଏଦାଆଁତାକି ଜାଗ୍ରାତା
 ଆଦୁ । ୧୭ ଆକିପୁଇଁ ଖେହ୍ୱଦୁ, “ନାନୁ ଆମିନି ପ୍ରଭୁତି ସେବା କିନି
 ପାଣା ବେଟାଆହାମାଞ୍ଜ ଏଦାଆଁ ରାପହାଲି ଜାଗ୍ରାତା ମାନାମୁ ।” ୧୮ ନାନୁ
 ପାଞ୍ଜୁଲ, ନା କେୟୁତଲେ ଇ ଜହରା ରାଟିମାଇଁ, ନା କାୟିଦିତା ମାନାଣି
 ଅଶ୍ୱପାଦୁ ମାହାପୁରୁତି କାର୍ମାମେହନାୟି ନା ବାରେତାକି ଆୟାପେ ।

୨ତେସ

୧ ପାଞ୍ଚୁଲ, ସିଲ୍ମା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣା ମାନି ଦେସଲନିକିତି କୁଲମିକି ଆକୁ ରାତିମାନମି ।
 ୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ହିଡ଼ିତ ଜୀସୁ ମିଡ଼େଟାକି ଆୟାପେ । ୩ ଏ ମା ତାୟିୟାଁ ଅଡ଼େ ତାଡ଼ିସ୍ମାତେରି ମୀ ତାକି ମାମୁ ବାରେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହେଁ, ମୀ ନାମୁ ଅଡ଼େ ରଅତେରି ରଅଣାଇଁ ଜୀସୁନାୟି ଦିନମି ତାକି ଦିନମି ପାତାଆହିମାନେ । ୪ ଏତେଟିଏ ମୀରୁ ଆମିନି ବାରେ ସାପ୍ତି ଇଚ୍ଛାଁ କସୁ ବେଟା ଆହାମାଞ୍ଜେରି, ଏମ୍ପାଟି ମୀରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମୁ ମାହାପୁରୁ କୁଲମିକାଣା ମିଡ଼େ ତାକି ବତପଣ ଆହିମାନମି । ୫ ମାହାପୁରୁଟି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏଦାଆଁ ଜଗେ ଇଚ୍ଛାଁ ତଞ୍ଜୁଆହାଲି ଇଦିଏ ମାହାପୁରୁଟି ନେହେଁ ନୀହାଁୟିତି ପାର୍ମାଣା । ୬ ଏତିବେଲା ମିଡ଼େ କସୁ ହାହିମାଞ୍ଜୁତି ଲକ୍ଷୁକି ବାଦୁଲି ଲେହେଁ କସୁ ହୀନାୟି ଇଚ୍ଛାଁ କସୁ ବେଟାଆହି ମାଞ୍ଜେରି ମୀରୁ, ମିଡ଼େ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହେଁ କାତା; ୭ ଇତିହଁ ପ୍ରବୁ ଜୀସୁ ଏତିବେଲା ଜାହାରା ବାଡ଼ୟୁ ଗାଟି ଦୁଡୁୟାଁ ତଲେ ତାଞ୍ଜି ମାନି ହିଡ଼ି ଗୁଦ୍‌ଏ ତଲେ ଲାକପୁରୁଟି ତଞ୍ଜୁଆନେସି । ୮ ଆମ୍ପାଆରି ମାହାପୁରୁଇଁ ପୁଞ୍ଜୁହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତଟି ନେହେଁ କାବୁ ମାନଖି ଆଅରି, ଏଖାରାଇଁ ଏଖାସି ଏତିବେଲା ତଣ୍ଡୁ ହାନେସି । ୯ ଇତିହଁ, ଆମିନି ଦିନା ଏଖାସି ଜାହାରା ଦାର୍ମଗାଟାରି ତଲେ ଗାଞ୍ଜୁରିନି ବେଟାଆହାଲି ଇଚ୍ଛାଁ ନାମାମାନି ମାହାପୁରୁ ଲକ୍ଷୁ ତାଣାଟି କାବାଆନି ସିନାଲେହେଁ ଆହାଲି ଏନେସି । ଇତିହଁ ମୀରୁ ମାମୁ ହାହାମାଞ୍ଜୁନି ସାକିତି ନାମାମାଞ୍ଜେରି । (aiōnios g166)
 ୧୦ ଏ ଦିନା ଏଖାରି ତଣ୍ଡୁ ବେଟାଆନେରି, ଇତିହଁ ପ୍ରବୁଟି ତାଗେଟି ଇଚ୍ଛାଁ ତାନି ବାଡ଼ୟୁଗାଟି ଗାଞ୍ଜୁରିମିଟି ହେକ ହାଜାନା କାଲାକାଲା ତାକି ନାସା ଆନେରି । ୧୧ ଏଦାଆଁତାକି ମା ମାହାପୁରୁ ଏନିକି ମିଡ଼େ ହାଟାମାଞ୍ଜୁନି ଜଗେ ଇଚ୍ଛାନେସି, ଏଦାଆଁତାକି ମାମୁ ଜିକେଏ ବାରେବେଲା ମିଡ଼େଟାକି ପ୍ରାତାନା କିହିମାନମି; ଏନିକି ନାମୁଟି ବାରେ କାମା ନେହେଁକି କିହାଲି ଆଡିଦେରି । ୧୨ ଏଲେଆଡିହଁ ମା ମାହାପୁରୁ ଇଚ୍ଛାଁ ପ୍ରବୁ ଜୀସୁ କ୍ରୀସ୍ତଟି କାର୍ମାମେହନାଣି ଲେହେଁ ପ୍ରବୁ ଜୀସୁଟି ବରୁ ମୀ ତାଣା ଗାଞ୍ଜୁରିନି ଆନେ, ଅଡ଼େ ମୀରୁ ତାନିତାଣାଟି ଗାଞ୍ଜୁରିନି ବେଟାଆଦେରି ।

୨ ତାୟିୟାଁ ଅଡ଼େ ତାଡ଼ିସ୍ମାତେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ ମୀର ତାନିତଲେ କୂଡ଼ା ଆନାଣି ତାକି ମିଡ଼େ ବାତିମାଲି ମାଞ୍ଜୁନମି । ୧ ପ୍ରବୁଟି ଦିନା ଏଗାଖାତେୟିଏ ଇଚ୍ଛାଁହଁ ମୀ ଏନି ଜୀସୁ କି ବଲୁ କି ମା ତାଣାଟି ରାସକି ଆହାମାନେ ଇଚ୍ଛାଁ ଅଶ୍‌ପାନା ଆମିନି ଆକୁ ତଲେ ଗାଡ଼େକେଏ ଗୁଡା ଆଆଦୁ କି କିଲିବିଲି ଆଆଦୁ । ୩ ଆମ୍ପାଆସି ଏନିକିହଁ ଜିକେଏ ମିଡ଼େ ନାଡ଼ି କିୟାଆପେସି, ଏନାଆଁତାକି

ଇତିହଁ ମୁଲୁଏ ଦାର୍ମୁ ବିତା ଗଡ଼ହା ଆନେ, ଅଡ଼େ ନାସାକିନି ଦାର୍ମୁ ହିଲାଆ ମାଣସି ତଞ୍ଜୁ ଆନାୟି ମାନେ, ଆଆଡିଁ ପ୍ରବୁଟି ଦିନା ଖାଏ । ୪ ଇଖାସି ଏ ଦାର୍ମୁ ହିଲାଆଗାଟି ମାଣସି ପୂଜା ବେଟାଆହିମାନି ପେଣ୍ଡକା କି ମାହାପୁରୁ କପାଟି ନିଡ଼ିନେସି ଅଡ଼େ ବାରେଟି କିହଁ ଜାହାରାଇଁ ହାରେକା ଗାଞ୍ଜୁରିନି କିହାକିନେସି, ଲଲେକିହଁ ମାହାପୁରୁଟି ଇଲୁଡା ଜିକେଏ କୁଗାନା ଏଖାସି ନାମୁ ମାହାପୁରୁତେଏଁ ଇନେସି । ୫ ମୀରୁ ଏଦାଆଁ ଅଣ୍ଡିପି ହିଲଅତେରି କି? ନାମୁ ମୀ ତଲେ ମାଡିବେଲା ମିଡ଼େ ଇ ବାରେ କାତା ଖେସାମାଞ୍ଜୁତେଏଁ । ୬ ତାରିକିହା ମାନି ଦିନା ଏଖାସି ତଞ୍ଜୁଆନେସି, ଆତିକିକେଏ ତାମୁ ଖାନାଣି ଏନାୟି ଆଡ଼ିମାନେ ଏଦାଆଁ ମୀରୁ ପୁଞ୍ଜୁମାଞ୍ଜେରି । ୭ ଏ ପାପୁଡା ତୁଗାମାନି ବାଡ଼ୟୁ ନାଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆଡ଼ା ମାନାସି ଗୁଡା ଆଆପାତେକା ଖାଏ । ୮ ଏତିବେଲା ଲାଗେଏତି ଜୀସୁଗାଟି ମାଣସି ତଞ୍ଜୁଆନେସି, ଏଖାଣାଇଁ ପ୍ରବୁ ଜୀସୁ ଗୁଟିଟି ହୁନି ଉକଅଡ଼ି ତଲେ ପାୟିନେସି ଇଚ୍ଛାଁ ତାମୁ ଖେଣ୍ଡେ ଖାନାଟି ତଞ୍ଜୁଆନି ଉଜେଡ଼ି ତଲେ ନାସା କିନେସି । ୯ ସୟତାନତି ବାଡ଼ୟୁ ହାପକି ଆହାମାନି ଲେହେଁ ବାରେଲେହେଁଟି ମିତିତି ବାଡ଼ୟୁ, ସିନା ଇଚ୍ଛାଁ କାବାଆନି କାମା, ଅଡ଼େ ନାସା ଆହିମାନି ଲକ୍ଷୁତାଣା ବାରେଲେହେଁଟି ଦାର୍ମୁ ନାଡ଼ି କିନାଆଁ ତଲେ ଲାଗେଏତି ମାଣସି ଏନେସି, ୧୦ ଇଚ୍ଛାଁ ନାସା ଆନାରାଇଁ ବାରେଲେହେଁଟି ଲାଗେଏ ଗାଟି ନାଡ଼ିକିନି କାମା କିନେସି, ଏନାଆଁତାକି ଇତିହଁ ଗେଲ୍‌ପିଆୟାଲି ସାତାତି ଜୀସୁ ନଆନା ଅପାଆଗାଟାରି ନାସା ଆନେରି । ୧୧ ଇଦାଆଁତାକି ଏଖାରି ଏନିକି ମିତିତାଣି ନାମିନେରି, ଏଦାଆଁତାକି ମାହାପୁରୁ ଏଖାରିତାଣା ନାଡ଼ିକିନି ବାଡ଼ୟୁ ପାଣ୍ଡାମାଞ୍ଜୁନେସି । ୧୨ ଏନିକିହଁ ଆମ୍ପାଆରି ସାତାତି ନାମାଆନା ଦାର୍ମୁ ହିଲାଆଗାଟି ତାଣା ରାହାଁ ଆହାମାନେରି, ଏଖାରି ବାରେକାଣା ତଣ୍ଡୁ ବେଟାଆନେରି । ୧୩ ମା ପ୍ରବୁଟି ଜୀସୁଟି ତାୟିୟାଁ ଅଡ଼େ ତାଡ଼ିସ୍ମାତେରି, ମିଡ଼େଟାକି ବାରେଦିନା ମାହାପୁରୁଇଁ ଜହରା କିନାୟି ମା କାମା, ଏନାଆଁତାକି ଇତିହଁ ମାହାପୁରୁ ଜୀସୁଟି ସୁଦୁ ଇଚ୍ଛାଁ ସାତାତି ନାମୁତଲେ ଗେଲ୍‌ପି ଆହାଲି ମିଡ଼େ ମୁଲୁଟି ପାଡ଼େୟିଲେଁ ବାଟି କିହାମାଞ୍ଜୁନେସି । ୧୪ ଏଦାଆଁତାକି ଜିକେଏ ଏଖାସି, ମାମୁ ଖେକହାମାନି ନେହେଁ କାରୁତଲେ ମା ପ୍ରବୁ ଜୀସୁ କ୍ରୀସ୍ତଟି ଗାଞ୍ଜୁରିନି ବେଟାଆହାଲି ମିଡ଼େ ହାଟାମାଞ୍ଜୁନେସି । ୧୫ ଏଲେଆହିଏ ଏ ମା ତାୟିୟାଁ ଅଡ଼େ ତାଡ଼ିସ୍ମାତେରି ତାରିଆହାଁ ମାଞ୍ଜୁ ଅଡ଼େ ମାମୁ ଖେସୁଟି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଡେ ଆୟାଁ ମାଞ୍ଜୁ । ୧୬ ମା ପ୍ରବୁ ଜୀସୁ କ୍ରୀସ୍ତ ତାମୁଏ ଅଡ଼େ ମା ଆବା ମାହାପୁରୁ ଅଡ଼େ ମାଞ୍ଜେ ଜୀସୁନାୟି ତାନି କାର୍ମାଟି କାଲାକାଲାଟି ସାସା ଅଡ଼େ ନେହେଁ ବାସୁ ହାହାମାଞ୍ଜୁନେସି । (aiōnios g166) ୧୭ ଏଖାସି ତାମୁଏ ମୀ ହିୟାଁ ସୁସ୍ତି ହାହାଁ ମିଡ଼େ ବାରେଲେହେଁଟି ନେହେଁ କାମା ଇଚ୍ଛାଁ ବଲୁଡା ତାରିକିୟାପେସି ।

୩ ବାରେଟି ତାୟୁ ଏ ମା ତାୟିୟାଁ ଅଡ଼େ ତାଡ଼ିସ୍ମାତେରି ମାଞ୍ଜେ ତାକି ପ୍ରାତାନା କିଦୁ ଏନିକି ପ୍ରବୁଟି ନେହେଁ ବଲୁ ମୀ ତାଣା ଆଡି ଲେହେଁ

ବାରେଖାକି ଝେଙ୍ଗୁ ହାଜାନା ଗାଝୁରମି ଦାଣ୍ଡେ, ୨ ଅଡ଼େ ଏନିକିଁ ମାମୁ
 ବୁଦି ହିଲାଆ ଗାଟାରି ଅଡ଼େ ଦହଗାଟାରି ଡାଣାଟି ଗେଲ୍‌ପି ଆନମି,
 ଏନାଆଁତାକି ଇତିହିଁ ବାରେ ଡାଣା ନେହିଁ ବଲ୍ଲୁ ନାମା ହିଲଅରି । ୩
 ସାମା ପ୍ରବୁ ଟିକାଣାତାସି, ଏଖାସି ମିଡ୍ରେ ତାରି କିହାନା ଲାଗେଏ ପୁଲେଏ
 ଡାଣାଟି ଗେଲ୍‌ପାନେସି । ୪ ମାମୁ ମିଡ୍ରେ ଏନିକିଁ ହୁକୁମି ହାହିମାଞ୍ଜାନମି,
 ଏ ବାରେ ମୀରୁ କିହିମାଞ୍ଜେରି, ଅଡ଼େ କିଦେରି, ଇଦି ମୀ ତାକି ପ୍ରବୁ
 ଡାଣା ମା ଆବ୍‌ଖା ନାମୁ ମାନେ । ୫ ଅଡ଼େ ପ୍ରବୁ ମା ହିୟିତି ମାହାପୁରୁତି
 ଜାଝୁ ନନାଣି ଇଞ୍ଜିଁ କ୍ରାସୁତି ସାସା ବେଟାଆହାଲି ସାୟେମି କିୟାପେସି
 । ୬ ଏ ମା ତାୟିୟିଁ ଅଡ଼େ ତାଢ୍ଵିସ୍ତାତେରି, ମାମୁ ପ୍ରବୁ ଜାସୁ କ୍ରାସୁତି
 ଦରୁତଲେ ମାମୁ ମିଡ୍ରେ ଇ ହୁକୁମି ହାହିମାଞ୍ଜାନମି, ଆମିନି ତାୟି ମା
 ଡାଣାଟି କ୍ରାପାମାନିଲେହେଁ ମାଣକିତା ମାନାଆନା ନିସ୍ତା ତଲେ ନୀତିନେସି,
 ଏଖାଣି ଡାଣାଟି ଜାହା ଜାହାରାଇଁ ଏବ୍‌କା କିଦୁ । ୭ ଇତିହିଁ ମାମୁ ଏନିକିଁ
 କିହି ମାତମି ଏଲେକିଁ ମୀରୁଖା କିନାୟିମାନେ, ଏଦାଆଁ ମୀରୁ ମୀରୁଏ
 ନେହିଁକିଁ ପୁଞ୍ଜାମାଞ୍ଜେରି, ଏନିକିଁ ମାମୁ ମୀ ଡାଣା ନିସ୍ତା ତଲେ ନୀତି
 ହିଲାଆତମି । ୮ ମାମୁ ଉଜେଏ ଆମ୍ବାଆରି ରାନ୍ଦୁ ତିଞ୍ଜି ହିଲାଆତମି,
 ସାମା ମିଡ୍ରେ ବଲ୍ଲୁ ଆଆପେଖା ଇଞ୍ଜିଁ ଲାଆଁ ମାଦେନା ଖାହୁରାତା ଅଡ଼େ
 କସୁତଲେ କାମା କିହି ମାତମି; ୯ ମୀ ଡାଣାଟି ଏନାଆଁ ବେଟାଆହାଲି ମା
 ଅଦିକାରା ହିଲେଏ, ଏଦି ଆଏ, ସାମା ଏନିକିଁ ମୀରୁ, ମାମୁ କିହିମାତିଲେହେଁ
 କିଦେରି; ଇଦାଆଁତାକି ମାମୁ ମୀ ନକିତା ଜାହାରାଇଁ ନେହିଁ ମାଣକି ତସାଲି
 ତାକି ଏଲେକିତମି । ୧୦ ଇତିହିଁ ମୀ ତଲେ ମାମୁ ମାତାଟି ମିଡ୍ରେ ଇ
 ହୁକୁମି ହିୟାତମି, “ଆମ୍ବାଆସି କାମା କିହାଲି ମନ କିଅସି, ଏଖାସି ରାନ୍ଦୁ
 ଜିକେଏ ତିନାଆପେସି ।” ୧୧ ଇତିହିଁ ମୀ ଡାଣା ଏଚେକା ଲକୁ ନିସ୍ତା
 ତଲେ ନୀତିମାଞ୍ଜେରି ଇଞ୍ଜିଁ ଏଖାରି ଏନି କାମା କିଆନା ଉଜେ ଉଜେଏ
 ଏବ୍‌କା ଲକୁତି କାତା ଅଣ୍ଡିମାନେରି, ଇଞ୍ଜିଁ ମାମୁ ଝେଞ୍ଜାମାନମି । ୧୨
 ଇଲେତାରାଇଁ ନେହିଁ ଆହି ନୀତାଲି ଅଡ଼େ ତାମି ରାନ୍ଦୁ ଡାମୁ ନେହିଁ ଅଣ୍ଡୁ
 ତଲେ କାମା କିହାଲି, ମାମୁ ଜାସୁ କ୍ରାସୁ ଦରୁତଲେ ସେଦନା ଅଡ଼େ
 ହୁକୁମି ହାହିମାଞ୍ଜାନମି । ୧୩ ସାମା ଏ ମା ତାୟିୟିଁ ଅଡ଼େ ତାଢ୍ଵିସ୍ତାତେରି
 ମୀରୁ ନେହିଁ କାମା କିୟାଲି ଏଚେଲାଖା ଖାହାଆଦୁ । ୧୪ ଇ ଆକୁତା
 ମାମୁ ରାତାମାନାଣି ଆମ୍ବାଆସି ମାନଝି ଆଅସି, ଏଖାଣାଇଁ ଗୁରି କିଦୁ,
 ଅଡ଼େ ଏଖାସି ଏନିକିଁ ଲାଜା ବେଟା ଆନେସି, ଏଦାଣିତାକି ଏଖାଣିତଲେ
 ଆଣ୍ଡୁଆଦୁ: ୧୫ ଆତିଜିକେଏ ଏଖାଣାଇଁ ସାତୁ ଲେହେଁ ମେହ୍‌ଆଦୁ, ସାମା
 ଏଖାଣାଇଁ ତାୟିଲେହେଁ ମେସାନା ସେଦନା ହୀଦୁ । ୧୬ ହିଡ଼ି ଜାଝୁହାନି
 ପ୍ରବୁ ଡାମୁଏ, ବାରେବେଲା ଅଡ଼େ ବାରେ ଖାକିଟି ମିଡ୍ରେ ହିଡ଼ି ହିୟାପେସି
 । ପ୍ରବୁ ମୀ ବାରେଜାଣା ତଲେ ମାନାପେସି । ୧୭ ନାମୁ ପାଞ୍ଜଲଚେଏଁ, ନା
 କେୟୁତଲେ ରାତାନା ଜାଝୁତି ଜହରା କିହିମାଞ୍ଜାଇଁ; ନା ବାରେ ଆକୁତା ନା
 ସିନା ହାନି ଲେହେଁ ରାତିମାଞ୍ଜାଇଁ, ନା ରାତିନାୟି ଏଲେତାୟି । ୧୮ ମା
 ପ୍ରବୁ ଜାସୁ କ୍ରାସୁ ଡାଣାଟି କାର୍ମାମେହ୍‌ନାୟି ବାରେତେରି ମିଡ୍ରେ ଆୟାପେ

ଫଳିନ

୧ ନାନୁ ପାଞ୍ଚଲ, ମା ଗେଲ୍‌ପାନି ମାହାପୁରୁ ଅଡ଼େ ବାସ୍ତୁ ହାନି କ୍ରୀସ୍ତ ଜୀସୁ ହୁକୁମି ତଲେ ପାଣ୍ଡୁଝି ଆହାମାନାତେଏ । ୨ ନାମୁତା ନା ଦାମ୍ବୁତି ଜୀସୁତି ମାନ୍‌ଏଣାତି ତିମତି; ଆବା ମାହାପୁରୁ ମା ପ୍ରବୁ ଜୀସୁ କ୍ରୀସ୍ତ ଚାଣାତି ଜୀସୁନାୟି କାର୍ମାମେହନାୟି ଅଡ଼େ ହିଡ଼ି ନିଢ୍ଠେତାକି ଆୟାପେ । ୩ ନାନୁ ମାକିଦନିୟାତା ହାଜିମାତାଟି ମିଢ୍ଠେ ଖେସାମାଞ୍ଜୁତି ଲେହେଁ, ନାନୁ ଏପିସିୟ ଗାଡ଼ାତା ଡ଼ୟାମୁ ଏମାଆଁ ଏତରଜାଣା ଲାଗେଏତି କାତା ଜୀସୁହମାନେରି ଏମାଟି ଏଞ୍ଜରାଇଁ କାହି କିମ୍ପ, ୪ କହୁୟାଁ ଇଞ୍ଜି ରାଆଗାଟି ଆକୁ ଆବାୟାଁ ଦରକାଣି ଆହାପେରି ଇଞ୍ଜି ଏଞ୍ଜରାଇଁ ଖେହମ୍ପ, ଏ ବାରେ ନାମୁ ତାକି ମାହାପୁରୁତି କାମାତାକି ଆଆନା ସାମା ବାଦିବାଦା କିଞ୍ଜିକନେ । ୫ ସୁତୁ ହିୟାଁ, ନେହିଁ ଅଶ୍‌ପୁ ଅଡ଼େ କୁଟୁ ହିଲୀଆ ନାମୁଟି ହତିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି ହାହିମାଞ୍ଜୁଲି । ୬ ଏତରଜାଣା ଇ ବାରେ କାତାଟି ବାଣା ଆହାନା ଉଜେଏତି କାତା ଆସାନା ଏଟ୍‌କା ଜିରୁ ହାଜିମାନେରି; ୭ ଏଞ୍ଜରି ମେରା ଜୀସୁନାତମି ଇଞ୍ଜି ଅଶ୍‌ପିନେରି, ସାମା ଏଞ୍ଜରି ଏନାଆଁ ଖେହନେରି, ଅଡ଼େ ଏନାଆଁ ଜାଣେନାଢ୍ଠା ଜୀସୁନେରି, ଏଦାଆଁ ତାମ୍ପୁ ଡେଲୁହଅରି । ୮ ମାମୁ ପୁଞ୍ଜାମାନରି; ମେରାତି ନେହିଁକି ଲେମ୍ବିସାରେ, ଏଡି ନେହେଁ । ୯ ସାମା ମେରା ଦାମ୍ବୁଗାଟି ଲକୁତାକି କିଞ୍ଜିଆଆନା, ଜାହାରା ମନ, ଅଡ଼େ ମାନଞ୍ଜି ଆଆଗାଟାରି, ଦାମ୍ବୁହିଲୀଆ ଗାଟାରି, ଅଡ଼େ ପାପୁ ଗାଟାରି, ଲାଗେଏତାରି, ଦାମ୍ବୁତି ନାମାଆଗାଟାରି, ତାଲି ତାଞ୍ଜୁଇଁ ପାୟିନାରି, ଲକୁଣି ପାୟିନାରି, ୧୦ ଦାରି କିନାରି, ଆବା ଆବାୟାଁ ଦହ କିଞ୍ଜିଆନାରି, ଲକୁଣି ପାର୍‌ନାରି, ମିତି ସାକି ହାନାରି, ଅଡ଼େ ମିତି କାତାତାକି ପାର୍‌ମାଣା କିନାରାକି, ଅଡ଼େ ଆମ୍ପାଆରି ନେହିଁ ଜୀସୁନାଣି, ତାକି ନିଢ୍ଠୁନେରି, ଏଦାଆଁତାକି ମେରା ମାନଞ୍ଜି ଆଆଗାଟାରାକି ହାପ୍‌କି ଆହାମାନେ, ୧୧ ଇଦି ନା ଚାଣା ହେରୁପି ଆହାମାନାୟି ହାରେକା ନେହେଁ ମାହାପୁରୁତି ଗାଞ୍ଜୁରମିଗାଟି ନେହିଁ କାବୁତି ଜୀସୁନି ଲେହେଁ ଆନେ । ୧୨ ନାଢ୍ଠେ କାମାତା ବାଡ଼ୁୟୁ ହାହାମାଞ୍ଜୁନି ମା ପ୍ରବୁ କ୍ରୀସ୍ତ ଜୀସୁଇଁ ଜହରା କିହିମାଇଁ, ଏନାଆଁତାକି ଇତିହିଁ ନାଢ୍ଠେ ଏଞ୍ଜସି ମାନିଗାଟାଟି ଇଞ୍ଜି ଅଶ୍‌ପାନା ସେବା କାମା ହେରୁପା ମାଞ୍ଜୁନେସି । ୧୩ ଆତିଜିକେଏ ତଲି ନାନୁ ଜୀସୁଇଁ ନିମ୍ପୁ କିନାତେଏଁ, ତଣ୍ଡୁ ହାନାତେଏଁ, ଅଡ଼େ ଲାଗେଏ କିନାତେଏଁ ମାତେଏଁ; ସାମା ନାନୁ ନାମା ହିଲୀଆତାକି ବୁଡି ହିଲୀଆଲେହେଁ ଏଦାଆଁ କିହିମାତେଏଁ ଇଞ୍ଜି କାର୍ମା ବେଟାଆତେଏଁ; ୧୪ ଅଡ଼େ ମା ପ୍ରବୁତି କାର୍ମା କ୍ରୀସ୍ତ ଜୀସୁ ଚାଣାଟି ନାମୁ ଅଡ଼େ ଜୀସୁ ନି ଚାଣାଟି ନାଢ୍ଠେତାକି ହାରେକା ଆୟାପେ । ୧୫ ପାପୁ ଗାଟାରାଇଁ ଗେଲ୍‌ପାଲିତାକି କ୍ରୀସ୍ତ ଜୀସୁ ଦାବ୍‌ତିତା ଖାତେସି, ଇ ବଲୁ ସାତା ଅଡ଼େ ବାରେଞ୍ଜାକି ଆବିନାୟି ଅଡ଼େ ନାନିନାୟି; ଏ ପାପୁ ଗାଟାରି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଟାତେଏଁ ୧୬ ଆତିଜିକେଏ ଆମିନି ଗାଟାରି ଖାହିମାନି ଦିନାତା କାଲାକାଲାତି ଜୀସୁ ବେଟାଆହାଲି

ଜୀସୁ କ୍ରୀସ୍ତ ଚାଣା ନାମିନେରି, ଏଞ୍ଜରି ନକିତା ତସ୍‌ପି ଆହାଲି ନାନୁ ର କାଜା ପାପୁ ଗାଟାତେଏଁ, ନା ଚାଣା ଏଞ୍ଜସି ଏନିକି ତାନି କାଲେଏତି ଅରୁହିନାଣି ତହ୍‌ନେସି ଏଦାଆଁତାକି ନାନୁ କାର୍ମା ବେଟା ଆତେଏଁ । (aiōnios g166) ୧୭ ଏତେଲାଖା ନାସା ଆଆଗାଟାୟି ଇଞ୍ଜି ତଞ୍ଜୁଆଆଗାଟି ରଣ୍ଡିଏ ମାହାପୁରୁ ଆମ୍ପାଆସି କାଲାକାଲାତି ରାଜା ଏଞ୍ଜାଣାକି ମାନି ଅଡ଼େ ଗାଞ୍ଜୁରି କାଲାକାଲା ତାକି ଆପେ । ଆମେନ । (aiōn g165) ୧୮ ତିମତି, ନା ମାନ୍‌ଏଣାତି, ନିଢ୍ଠେତାକି ତଲି ଖେସିମାଞ୍ଜୁତି ଲେହେଁ ନାନୁ ନିଢ୍ଠେ ଇ ହୁକୁମି ହାହିମାଞ୍ଜୁଲି, ଏନିକି ନାନୁ ଇ ବାରେ କାତାତଲେ ନେହିଁ ଜୁକୁ କିହାଲି ଆତିଦି । ୧୯ ଦାମ୍ବୁ ଅଡ଼େ ନାମୁ ନେହିଁ ଅଶ୍‌ପୁ ଆହମ୍ପୁ: ଏଦାଆଁ ପିସା ମାନାକି ଏତରଜାଣାଟି ନାମୁ ଲେହେଁତି ଜାଜା ତାହା ହାଜାମାନେ, ୨୦ ଏଞ୍ଜରି ବିତ୍ରାଟି ହୁମନାୟି, ଅଡ଼େ ଆଲେକଜାଣ୍ଡାର ମାନେରି, ଏଦାଆଁତାକି ନାନୁ ଏଞ୍ଜରାଇଁ ସୟତାନ କେୟୁତା ହେରୁପିତେଏଁ, ଏନିକି ଇ ରିଆରି ପାଣା ବେଟାଆହାନା ମାହାପୁରୁଇଁ ନିମ୍ପୁ କିଅରି ।

୨ ଇଦାଆଁତାକି ନା ବାତିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଟାରି, ୨ ଏଦାଆଁତାକି ବାରେ ଲକୁତାକି ରାଜାୟାଁ ସାଲଞ୍ଜି କିନାରି, ବାରେତାକି ପ୍ରାତାନା, ଗହାରା ଅଡ଼େ ଜହରା କିଦୁ, ମାରି ଏନିକି ମାହାପୁରୁ ଆଜିତଲେ କିଲିବିଲି ଆଆନା ଡ଼ୟିନାୟି ଅଡ଼େ ଏଟ୍‌କା ଲକୁ ଚାଣା ନେହିଁ ମାଣ୍ଡିକି ମାଞ୍ଜୁନା ସୁକୁ ଅଡ଼େ ହିଡ଼ି ତଲେ ନୀତାଲି ଆତିନାୟି । ୩ ଇଲେତି ପ୍ରାତାନା ମା ଗେଲ୍‌ପାନି ମାହାପୁରୁ ନକିତା ଲଡ଼ା ଆନାୟି ଅଡ଼େ ଅପିନାୟି ଆନେ । ୪ ବାରେଜାଣା ଏନିକି ଗେଲ୍‌ପିଆନାଣି ଅଡ଼େ ସାତାଟି ବୁଡି ବେଟାଆନେରି ଇଞ୍ଜି ଏଞ୍ଜସି ଅଶ୍‌ପି ମାନେସି । ୫ ଇତିହିଁ ରଣ୍ଡିଏ ମାହାପୁରୁ ମାନେସି, ଅଡ଼େ ମାହାପୁରୁ ଇଞ୍ଜି ମାଣ୍ଡିୟାଁ, ମାଦିତି ମାଣ୍ଡି ରଅସିଏ ମାନେସି, ଏଞ୍ଜସି ଜୀସୁ କ୍ରୀସ୍ତ, ର ମାଣ୍ଡି । ୬ ଏଞ୍ଜସି ମାଣ୍ଡିଇଁ ଗେଲ୍‌ପାଲିତାକି ତାମ୍ପୁଏ ହେରୁପି ଆତେସି, ଇଦାଆଁତାକି ସମାନା ବେଲାତା ତଞ୍ଜୁଆହାନା, ମାହାପୁରୁ ବାରେ ମାଣ୍ଡିୟାଁ ଗେଲ୍‌ପାଲି ଅଶ୍‌ପି ମାନେସି ଇଦାଆଁ ସାକି ହାହାମାନେସି । ୭ ଏଦାଆଁତାକି ନାନୁ ର ନେହିଁ କାବୁ ଡେକ୍‌ନାତେଏଁ, ପାଣ୍ଡୁଝି ଆହାମାନାତେଏଁ, ଇଞ୍ଜି ନାମୁ ଅଡ଼େ ସାତାତା ଏଟ୍‌କା କୃତାତି ଲକୁ ଚାଣା ଜୀସୁନାତେଏଁ ଆୟାଲି ମାହାପୁରୁ ନାଢ୍ଠେ ଆତାମାଞ୍ଜୁତେସି, ନାନୁ ସାତା ଖେସିମାଞ୍ଜୁଇଁ ନାନୁ ମିତି ଖେସିମାଞ୍ଜୁଅଁ । ୮ ଏଦାଆଁତାକି ନା ଅଶ୍‌ପୁ ବାରେଜାଣା ଆବାୟାଁ କୃତା ଆନାଟି, ସୁତୁ ଅଶ୍‌ପୁ ତଲେ କେସ୍ତା ପେରୁହାନା, କପା ଇଞ୍ଜି ଚାହାରା ଆଆନା, ପ୍ରାତାନା କିପାରି । ୯ ଏଲେକିହିଁ ଇୟାସିକା ଜିକେଏ ତାୟାଁ ଅଜି କିହାନା, ଅଡ଼େ ବାଂଗାରା ସାଜୁ ତୁରୁଆନା, କି ଦାରାଗାଟି ହିପ୍‌ରିକା ତଲେ ତାମ୍ପୁ ତାମ୍ପୁଡ଼େ ଅଜି କିହାକତାଆନା, ମାନି ଅଡ଼େ ନେହିଁ ବୁଡିତଲେ ଉଣା ଦାରାଟି ହିପ୍‌ରିକା ହୁତାନା, ୧୦ ଦାମ୍ବୁଗାଟି ଇୟାସିକା ରାହାଁ ଅଶ୍‌ପୁଟି ନେହିଁ କାମାଟି ଅଜୁତା ତାମ୍ପୁ ତାମ୍ପୁଡ଼େ ଅଜି କିହା କତାପୁ । ୧୧ ଇୟାସିକା ପାଲେଏ ମାଞ୍ଜୁନା ସୁଦୁଗାଟି ଅଶ୍‌ପୁ ତଲେ କାପାପୁ । ୧୨ ନାନୁ ଇୟାସିକାଣି ଜୀସୁହାଲି କି

ଆବାୟା ମୁହେଁ ସାଲଖି କିହାଲି ହେଲ ହାହି ହିଲଅଁ, ସାମା ଏଓ ପାଲେଏ ମାନାପୁ । ୧୩ ଏନିଇତିହିଁ ମାହାପୁରୁ ନକେଏ ଆଦମଇଁ ଗାଡ଼ିକିତେସି ଅଡେ ଡାୟୁ ହବାଇଁ ୧୪ ଅଡେ ଆଦମ ନାଡ଼ିକିଓି ଆହା ହିଲାଆତେସି, ସାମା ଇୟା ନାଡ଼ିକିଓି ଆହାନା ମାହାପୁରୁତି ଫେରାଟି ଦହ ଗାଟାୟି ଆଡେ; ୧୫ ସାମା ଇୟାସିକା ତାମଡ଼େ ଉଣା କିହାଁ କତନା ନାମୁତଲେ ଜାସୁ ନଓିଆହାନା, ସୁଦୁଜାସୁ ତଲେ ମାଞ୍ଜନା କକାରି ପଦାଁ ଜାନିଁ କିହାନା ଗେଲପି ଆନୁ ।

୩ ଇ କାତା ସାତା, ଆମ୍ବାଆସି କ୍ରାସ୍ତାନା କୁଲମିତା ଜାଦନ୍ କିନି ପାଶା ବେଟାଆହାଲି ଅଶ୍ପିମାଟିସାରେ, ଏଓସି ନେହିଁ କାମା କିଇଁ ଇଞ୍ଜି ଅଶ୍ପିନେସି । ୨ ଇଦାଆଁତାକି କୁଲମିତି କାଜାସି ଦହ ହିଲାଆଗାଟାସି ଆନାୟି ମାନେ, ଋଶ୍ଟିଏ ତକ୍ରିନି ତକ୍ତା, ଟିକାଣାତାସି, ନେହିଁ ଅଶ୍ପି ଗାଟାସି, ପୁନାଆତି ଗତାୟିଶି ସେବା କିନାସି, ଅଡେ ନେହିଁକି ଜାପ୍ନାସି ଆନାୟି ମାନେ । ୩ ଅଡେ କାତୁ ଗହନାସି କି ଗଡ଼ହା କିନାସି ଆଆନା, ସୁରୁ ସୁଞ୍ଜାଲ, କପା ଇଟାଆଗାଟାସି, ଅଡେ ଦନ ଜୁପକା ଗାଟାସି ଆଆୟି ମାନେ, ୪ ଏଓସି ତାନି ଇଲୁ କୁଟମିତି ନେହିଁକି ସାଲଖି କିନାସି, ଅଡେ କକାରି ପଦାଁଶି ତାର୍ପୁତଲେ ଜାଦନ୍ କିନାୟିମାନେ । ୫ ଆମ୍ବାଆସି ତାନି ଇଲୁ କୁଟମିତି ନେହିଁକି ଜାଦନ୍ କିହାଲି ଆଡଅସି, ଏଓସି ଏନିକିଁ ମାହାପୁରୁ କୁଲମିତି ଜାଦନ୍ କିନେସି? ୬ ଏଓସି ପୁଃନି ନାମିତାସି ଆଆୟି ମାନେ, ଇତିହିଁ ଏଡେତା ପାଟେ ନାନୁ କାଜାତେଏଁ ଇଞ୍ଜି ବଡପଣ ଆହାନା, ସୟତାନ ତଣ୍ଡ ପାଶନିଲେହେଁ ତଣ୍ଡ ବେଟା ଆନେସି । ୭ ଅଡେ ଏଓସି ନାମାଆଗାଟାରି ତାଣାଟି ଜିକେଏ ମାନି ବେଟାଆନାୟି ମାନେ, ଆଆତି ଲାଜା ବେଟାଆହାନା ସୟତାନ ପାନ୍ତାତା ହେରୁନେସି । ୮ ଏଲେକିହିଁଏ କୁଲମିତି ସେବା କିନାରି ନେହିଁ ଅଶ୍ପି ତଲେ ନାମୁତା ତୁଗାମାନାଶି ଆସାନା ତାରିତଲେ ମାଞ୍ଜନା ନାଡ଼ି କିନାସି ଆଆପେସି, ୯ କାତୁ ଗସିହିଁ ଡୟିନାସି, ଉଜେଏତି ଦନତି ଜୁପକା ଆଆୟି ମାନେ ୧୦ ଏଓସି ସେବା ପାଶା ପାଞ୍ଚାଆ ନକେଏ ଏଓସି ତାୟିପାରି କିଓିଆପାରି, ଅଡେ ଏଓସିତାଶା ଏନି ଦହ ତଞ୍ଜା ଆଆତିହିଁ, କୁଲମିତି ସାୟେମି କିନାରି ଆପେରି । ୧୧ ଏଲେକିହିଁଏ ଏଓସି ତକ୍ରିସିକା ଜିକେଏ ନେହିଁ ଗୁଣୁ ଗାଟାଲ ଆହାନା ସାକ୍ତି ହିଲାଆଗାଟାଲ ଆହାନା ତାର୍ପୁ, ପାଲେଏ ମାଞ୍ଜନା ବାରେ କାମା ଟିକାଣା ତଲେ କିପୁ । ୧୨ ସେବା କିନାରି ଋଶ୍ଟିଏ ତକ୍ରିତି ତକ୍ତା ଆପେରି, ଅଡେ ଏଓସି ତାନି କକାରି ପଦାୟିଶି ଅଡେ ତାନି ଇଲୁ କୁଟମିତି ନେହିଁକି ସାଲଖି କିପେରି । ୧୩ ଇତିହିଁ ଆମିନି ଗାଟାରି ନେହିଁକି ସେବା କାମା କିହାମାନେରି, ଏଓସି କୁଲମିତା ମାନିଗାଟାରି ଇଞ୍ଜି ଷେଡ଼ିନେରି ଅଡେ କ୍ରାସୁ ଜାସୁ ତାଶା ନାମୁତା ହାରେକା ସାସା ବେଟାଆନେରି । ୧୪ ଇ ଆକୁ ରାତିରି ବେଲାତା, ନାନୁ ନୀ ତାଶା ତବେ ଖାଲି ଆସା କିହିମାଲ୍; ୧୫ ସାମା ନା ଖାନାୟି ଷେଡ଼ା ଆତିହିଁ, ମାହାପୁରୁ ଇଲୁ କୁଟମିତା ଇତିହିଁ ସାତାତି ମୁଣ୍ଡା ଅଡେ ପୁନାପି ଲେହେଁ ଜାସୁତି ମାହାପୁରୁ କୁଲମିତା, ଏନି ମାଶ୍ଚିକତା ମାନାୟି ମାନେ, ଏଦାଆଁ ନାନୁ ଏନିକିଁ ପୁଞ୍ଜାଲି ଆଡିଦି,

ଇଦାଆଁତାକି ଇ ବାରେ କାତା ନାନୁ ରାତିମାଞ୍ଜାଲ୍ । ୧୬ ମାହାପୁରୁତି ଦାମୁତି ବାରେ କାତା ହାରେକା କାଜାୟି, ଇଦାଆଁ ବାରେ ଲକୁ ଷେକନେରି । ଏଦି ଇଦି, କ୍ରାସୁ ମାଶ୍ଚି ଖାଶା ଆହାନା ତଞ୍ଜାଆତେସି, ସୁଦୁଜାସୁତା ଦାମୁଗାଟାସି ଇଞ୍ଜି ଷେଡ଼ିତେସି, ଦୁରୁୟାଁ ତଲେ ତଞ୍ଜାଆତେସି, ଏଟକା ଲକୁତାଶା ଷେଡ଼ିତେସି, ଦାନ୍ତିତା ନାମୁଗାଟାସି ଆତେସି, ଇଞ୍ଜି ମାହାପୁରୁ ଗାସୁରିନି ତଲେ ଲାକପୁରୁ ଅଓିଆତେସି ।

୪ ସୁଦୁଜାସୁ ତାରିତଲେ ଷେସିମାଞ୍ଜାନେ, ଜୁଗୁ ରାନି ବେଲାତା ଏଡେକା ଲକୁ ଲାଗେଏତି ନାଡ଼ିକିନି ଜାପ୍ନି ତାଣାଟି କୁଲମିତି ନାମୁତି ହେକ ଆନେରି, ୨ ଏଓସି ଏତରକାଶା ନାଡ଼ିକିନାରି, ଏଓସି ଅଶ୍ପି ହାଟାୟି, ୩ ଏଓସି ବୀହା କିନାୟି ଅଡେ ଏନି ଏନି କାଦି ତିନାୟି ଇଞ୍ଜି ନେହେଁ ଆଏ ଇଞ୍ଜିମାନେରି । ସାମା ଆମିନି କ୍ରାସୁଇଁ ନାମିତି ଲକୁ ସାତାତି ପୁଞ୍ଜାମାନେରି, ଏଓସି ମାହାପୁରୁ ଗାଡ଼ିକିତି ବାରେ କାଦି ତାକି ଏଓଶାଲ୍ ଜହରା କିହାନା ଏଦି ନେହାୟି ଇଞ୍ଜି ତଞ୍ଜାଲି ଆଡିନେରି । ୪ ଇତିହିଁ ମାହାପୁରୁ ଗାଡ଼ିକିତି ଆସି ବାରେ ନେହାୟି, ଇଞ୍ଜି ମାହାପୁରୁଇଁ ଜହରା କିତିସାରେ ଏନାୟି ଜିକେଏ ତିନାଆଗାଟାୟି ଆଏ । ୫ ଏନାଆଁତାକି ଇତିହିଁ ମାହାପୁରୁତି ବଲୁ ଅଡେ ପ୍ରାତାନା ତଲେ ଏଦାଆଁ ସୁରୁ କିଓିଆନେ । ୬ ଇ ବାରେ କାତା ମୀରୁ ତାୟି ତାଡ଼ିଲ୍ ଜାପ୍ନିସାରେ କ୍ରାସୁ ଜାସୁତି ର ନେହିଁ ସେବା କିନାତି ଆଦେରି, ଇଞ୍ଜି ମୀରୁ ଆମିନି ନାମୁ ଅଡେ ନେହିଁ କାତା ଆସାମାଞ୍ଜେରି, ଏଲେତି ବଲୁ ତଲେ ପାତା ଆଦେରି; ୭ ସାମା ଉଜେଏ ଷେହ୍ନି କାତାୟି ଷେନାଆନି, ମାହାପୁରୁଇଁ ଆଜାନା ନୀତାମାଞ୍ଜାଲି ଜାପାମୁ, ୮ ଇତିହିଁ ଆଡ୍ଡାତି ପାତି କିନାୟି ଗାଡ଼େକା ତାକି ଲାବା ଆନେ, ସାମା ମାହାପୁରୁଇଁ ଆଜିନାୟି ଇ କାଲାତା ଅଡେ ଖାହିମାନି କାଲାତି ଜାସୁତାକି ମାହାପୁରୁ ଆଞ୍ଜାମାନି ଲାବାଗାଟାୟି ଆନେ । ୯ ଇ କାତା ନାମିନାୟି ଅଡେ ବାରେ ଲକୁ ଅପିନାୟି । ୧୦ ଇଦାଆଁ ତାକି ମାରି ମନ ହୀହାନା ଖାତୁ ତଲେ ଜାସୁ ତୁସାନା କାମା କିହିମାନାୟି, ଏନାଆଁତାକି ଇତିହିଁ ଆମିନି ଜାସୁଗାଟି ମାହାପୁରୁ ବାରେ ମାଶ୍ଚିଇଁ ଇତିହିଁ ନାମିନାଲାଇଁ ଗେଲପିନାସି, ତାନି ତାଶା ମା ବାସୁଁ ମାନେ । ୧୧ ନାନୁ ଇ ବାରେ କାତା ହୁକୁମି ହୀହାନା ଜାପ୍ନୁ । ୧୨ ନୀ ଦାଂଗଣା ବେଲାତି ଆମ୍ବାଆସି ହୀଶି କିୟାଆପେସି, ସାମା ନୀ କାତାତା, ନୀ ଲେମ୍ବିନି ତାଶା, ନୀ ଜାସୁ ନିନି ତାଶା, ନୀ ନାମୁତା, ଇଞ୍ଜି ନୀ ସୁତୁତା, ନାମିନାଲାକି ନାନୁ ନେହିଁ ତହନାତି ଆମୁ । ୧୩ ନାନୁ ନୀ ତାଶା ଖାଆ ପାତେକା ନାନୁ ଦାମୁଁ ପତିଲ୍ ପଡ଼ିଓି ଆହାନା, ମାହାପୁରୁ କାତା ଷେକମ୍, ଇଞ୍ଜି ଜାପ୍ନି ତାଶା ମନ ହୀହାନା ମାନାମୁ । ୧୪ ମାହାପୁରୁ ବଲୁ ଷେକହା ମାଞ୍ଜନି କୁଲମିତି କାଜାରି ନୀ ତାୟିତା କେସ୍ତା ଇଟାନା ନିଡ଼େ କାର୍ମାତି ଦାନା ହୀହାମାଞ୍ଜାନେରି, ଏଦାଆଁ ହେଲା କିଆନି । ୧୫ ନୀ ପାତା ଆହିମାନାୟି ଏନିକିଁ ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଇ ବାରେ କାତାତା ମନ ହୀହାନା ଏ ବାରେ କିହିମାନାମୁ । ୧୬ ନିଡ଼େ ତାକି ଅଡେ ନୀ ଜାପ୍ନାଶି ତାକି ଜାଗାତା ଆମୁ, ଇ ବାରେ କାମା

କିଛି ମାନାମ୍ବୁ ଇତିହାସ କିତସାରେ ନାନୁ ନୀ ଗେଲ୍‌ପିନାଣି ଅଡ଼େ ନୀ କାତା ଖେଞ୍ଜି ମାନାରାଇଁ ଜିକେଏ ଗେଲ୍‌ପିଦି ।

୫ ବୁଢ଼ହା ଲକ୍ଷ୍ମଣୀ ଲାଗାଆନି, ସାମା ଏଞ୍ଜାଣାଇଁ ଆବା ଇଞ୍ଜି ଅଣ୍ଡ଼ପାନା ଲେମ୍‌ମାମ୍ବୁ: ଅଡ଼େ ଦାଂଗଣା କକାରାଇଁ ଚାୟିଲେହେଁ ମେହ୍‌ମ୍ବୁ, ୨ ବୁଢ଼ହା ଇୟାସିକାଣି ତାଲି ଇଞ୍ଜିହେଁ ଅଡ଼େ ଡାଆସିକାଣି ସୁଦୁ ମନତଲେ ଚାଢ଼ିସ୍ତା ଇଞ୍ଜିହେଁ ଅଣ୍ଡ଼ପାନା ଏଲେକିଁ ସିନିକିମ୍ବୁ । ୩ ଏନାଆଁ ହିଲାଆଗାଟି ରାଣ୍ଡେଣି ଇୟାସିକାଣି ମାନି କିମ୍ବୁ । ୪ ସାମା ଆମିନି ରାଣ୍ଡେଣି ଇୟା କି ମାର୍କା ମାସକାକି ଚାଢ଼ି ମାର୍କା ମାସକା ମାଟିହେଁ, ଏଞ୍ଜି ନକେଏ ତାନି ଇଲୁ କୁଟିମି ତାରାଇଁ ମାନି କିହାଲି ଲକ୍ଷ୍ମଣୀୟା ମାନେ, ତାଲି ଚାଞ୍ଜିଲ୍ ନେହେଁ କିହାଲି କାପାପୁ: ଏନିଇତିହେଁ ଇଦି ମାହାପୁରୁ ନକିତା ନେହାୟି । ୫ ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାଡ଼ୁନୁ ଅନାରି ହିଲଅରି ଏଞ୍ଜି ମାହାପୁରୁ ଡାଣା ବାୟି ଇଟାନା ଲାଆଁ ମାଦେନା ବାଟିମାଲିହେଁ କାଲେଏ ପ୍ରାତାନା କିପୁ: ୬ ସାମା ଆମ୍ବାଆୟି ଆଢ଼ୁଡ଼ି ରାହାଁତା ମୁଞ୍ଜାନା ଡ଼ୟିନି ରାଣ୍ଡେଣିସିକା ଏଞ୍ଜି ଜାହୁଡ଼ଲେ ମାଟିହେଁ ଜିକେଏ ହାତି ଲେହେଁତାଲ । ୭ ଏଞ୍ଜି ଏନିକିଁ ଦହ ହିଲାଆଗାଟାଲ ଆନୁ, ଇଦାଆଁତାକି ଇ ବାରେ କାତା ଜିକେଏ ଜାପ୍‌ମ୍ବୁ । ୮ ସାମା ଆମ୍ବାଆସି ତାନି ପାଡ଼ିତି ଲୁକୁ ଅଡ଼େ ତାନି ଇଲୁ କୁଟିମିତି ଲୁକୁଣି କେରୁଅସି, ଏଞ୍ଜାସି ନାମୁଡ଼ି କାତାଇଁ ଆବାହିଲଅସି, ଇଞ୍ଜି ଏଞ୍ଜାସି ନାମାଆଗାଟାଣି କିହାଁ ହାରେକା ଲାଗେଏ ଆନେସି । ୯ ଆମିନି ରାଣ୍ଡେଣି ତାନିକଡ଼ି ବାସାଟିଏ ଉଣା ଆଏ, ଅଡ଼େ ରଣ୍ଡିଏ ତକାଇଁ ବାହା ଆହାମାନେ, ଏଞ୍ଜାସିକା ଦରୁ ରାତାମ୍ବୁ, ୧୦ ଅଡ଼େ ନେହେଁ କାମାତାକି ଖେଞ୍ଜିମାନେ, ଅଡ଼େ ଏଦି ମାର୍କା ମାସକାଣି ପହିପାତି କିହାନା, ପାଡ଼ିତି ଗତାୟିଣି ସେବା କିହିମାନେ, ମାହାପୁରୁ ଲକ୍ଷ୍ମଣି କଡ଼ାୟି ନରହା ମାନେ, ଦୁକୁ ଗାଟାରାଇଁ ଦୁକୁ ଡୁକ୍‌ହିମାନେ, ଅଡ଼େ ବାରେ ନେହେଁ କାମା କିହାଲି ରାହାଁ ଆହିମାନେ, ଆତିହେଁ ଏଦାନି ଦରୁ ରାଣ୍ଡେଣିସିକା ଆକୁଡ଼ା ରାସ୍‌କି ଆପେ । ୧୧ ସାମା ଡାଆ ରାଣ୍ଡେଣିସିକା ଦରୁ ରାତାଆନି, ଇତିହେଁ ଏଞ୍ଜି ଆଢ଼ୁଡ଼ି ରାହାଁତା ଜୁପକା ଆହାନା କ୍ରୀସୁ ଡାଣାଟି ଏଡ଼କା ଆହାନା ବାହା ଆୟାଲି ମନ କିମ୍ବୁ: ୧୨ ଏଞ୍ଜି ତାନି ତଲିତି ଆଞ୍ଜିମାଟାଣି ମାନି କିହାହିଲାଆକି, ତଣ୍ଡୁ ଗାଟାଲ ଆନୁ, ୧୩ ଅଡ଼େ ଜିକେଏ ଏଞ୍ଜି ଇଲୁଡ଼ାକି ଇଲୁ ରେଜିହେଁ ନିସ୍ତା ଆହାଲି ଜାପ୍‌ମ୍ବୁ, ଅଡ଼େ ଖାରୁଲ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍‌ପନିକା, ଅଡ଼େ ସାକ୍ତି ଜଲାଇ କାପାନା ଉଜେ ଉଜେଏତି ଲଡ଼ାହିଲାଆ କାତାୟି ବାସି ଆନୁ । ୧୪ ଇଦାଆଁତାକି ନା ଅଣ୍ଡ଼ପା ଡାଆ ରାଣ୍ଡେଣିସିକା ବାହା ଆପୁ, କକାରି ପଦାଁ ଆପୁ, ଇଲୁ କୁଟିମିତି ଲେମ୍‌ମାମ୍ବୁ, ଇଞ୍ଜି ନିମ୍ବୁ କିହାଲି ସାଡ଼ୁୟିକି ଏନି ପାରୁ ହାଆପୁ: ୧୫ ଇତିହେଁ ନୀଏଁ ଜିକେଏ ଆମ୍ବା ଆମ୍ବାଆୟି କ୍ରୀସୁ ଡାଣାଟି ହେକ ଆହାନା ସୟତାନତି ଜେଟ ହାଜାମାନୁ । ୧୬ ଅଡ଼େ ଆମିନି ନାମାମାନି ଇୟାସିକା ଇଜ ରାଣ୍ଡେଣିସିକା ମାଟିହେଁ, ଆତିହେଁ ଏଞ୍ଜି ଏଞ୍ଜାସିକା ଜାଡ଼ୁନୁ ଅପୁ, ଅଡ଼େ କୁଲମିତାକି ବକୁ କିଆପୁ, ଏନିକିଁ କୁଲମି ଏନାଆଁ ହିଲାଆଗାଟି ରାଣ୍ଡେଣିସିକାଣି ଜାଡ଼ୁନୁ ଅନେ । ୧୭ ଆମିନି ପ୍ରାତିନାଢ଼ୁ

କୁଲମିତି ନେହେଁକିଁ ଜାଡ଼ୁନୁ କିନେରି, ବାରେକିହାଁ ଆମିନି ଗାଟାରି ବଲୁ ଖେକହାଲି, ଅଡ଼େ ଜାପ୍‌ହାଲି ଖାହୁ ତଲେ କାମା କିନେରି, ଏଞ୍ଜାରି ରୀ ଗୁଣ୍ଡୁ ମାନି ବେଟାଆନି ଜଗେ । ୧୮ ଦାମ୍ବୁ ପତିତା ରାସ୍‌କି ଆହାମାନେ, “ନିପିନି କଡ଼ି ମୁଡ଼ିତା କଡ଼ା ଦହଆନି” ଅଡ଼େ “କାମାକିନାସି ତାନି କାମାଟି ପାଡ଼େୟି ବେଟାଆନାୟି ମାନେ ।” ୧୯ ରିଆରି କି ତାନି ଜାଣା ସାକିୟାଁ ହିଲାଆନା ଆମିନି ପ୍ରାତିନା କପାଟି ଏନି କାତା ଖେପୁଡ଼ିହେଁ ଆହୁଆନି । ୨୦ ଆମିନି ଗାଟାରି ଦହ କିନେରି, ଏଞ୍ଜାରିଲାଇଁ ବାରେ ଲୁକୁ ନକିତା ଲାଗାମ୍ବୁ, ଏନିକିଁ ଏଦାଆଁ ମେସାନା ଏଡ଼କାଟି ଲୁକୁ ଆଜିନେରି । ୨୧ ନାନୁ ମାହାପୁରୁ, ନକିତା ଅଡ଼େ କ୍ରୀସୁ ଜୀସୁ ନକିତା ଅଡ଼େ ମାହାପୁରୁ ଆଡ଼ିତି ଦୁଡୁୟାଁ ନକିତା ଜାଣ୍ଡେ ହୁକୁମି ହାହିମାଞ୍ଜାଇଁ ନାନୁ ତଲିତିଲେହେଁ ଆଆନା ଇ ବାରେ ମାନଞ୍ଜି ଆମ୍ବୁ, ଅଡ଼େ ଆମ୍ବାଆରାଇଁ ପାରୁଡ଼ା କିଆନା ଇ ବାରେ କାମା କିମ୍ବୁ । ୨୨ ଦାଗା ଆହାନା କେୟୁ ଇଟାହାଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆଡ଼ୁଆନି । ଏଡ଼କା ଲୁକୁଡ଼ି ପାପୁଡ଼ା ଜାହାରାଇଁ ଆଡ଼ୁଆନି । ନାନୁ ଜାହାରାଇଁ ସୁଦୁ କିହାକତାମ୍ବୁ । ୨୩ ନୀ ବାଣ୍ଡି ଆଗି ହିଲାଆକି ଅଡ଼େ ନୀ ଆଢ଼ୁଡ଼ା ଅଲେ ଅଲେ ରଗ ଆହିମାନାକି ଖାରୁଲ ଏୟୁ ଗହୁଆନି ଅଢ଼ୁରି ରାସା ଇତରା ଲାକା ଗହ୍‌ମ୍ବୁ । ୨୪ ଏତରଜାଣାଟି ପାପୁ ଡାୟୁ ଡ଼ଞ୍ଜାଆନେ । ୨୫ ଏଲେକିହିଏ ସାତା କାମା ତଲିଏ ଡ଼ଞ୍ଜାଆନେ, ଅଡ଼େ ଏନା ଏନାୟି ଡ଼ଞ୍ଜା ଆଏ, ଏଦି ତୁଗାନା ଡ଼ୟାଲି ଆଡ଼େଏ ।

୬ ଏମିନି ଲୁକୁ ହଲିୟାଢ଼ୁ କୁଖେଡ଼ିତା ହେରୁଖାମାନେରି, ଏଞ୍ଜାରି ତାନି ସାଧୁକାରିୟାଲ୍ ନେହେଁକିଁ ମାନି ବେଟାଆନାରି ଇଞ୍ଜି ଅଣ୍ଡ଼ପାପେରି, ଏନିକିଁ ମାହାପୁରୁ ଦରୁ ଅଡ଼େ ଜାପ୍‌ନି ଡାଣାଟି ନିମ୍ବୁ ଆଏ । ୨ ଅଡ଼େ ଆମିନି ଗାଟାରି ସାଧୁକାରିୟାଁ କ୍ରୀସୁନା ଆହାମାନେରି, ଏଞ୍ଜାରି ଏଞ୍ଜାରିଲାଇଁ ମା ତାୟି ଇଞ୍ଜି ଅଣ୍ଡ଼ପାନା ହାଣି କିଆପେରି, ସାମା ହାରେକା ଜାଡ଼ୁନୁ ତଲେ ଏଞ୍ଜାରି ସେବା କିପାରି, ଇତିହେଁ ଆମିନି ଗାଟାରି କାମା ତଲେ ଲାବା ବେଟାଆନେରି, ଏଞ୍ଜାରି ନାମିନାରି ଅଡ଼େ ମା ଜାହୁ ନନାରି, ଇ ବାରେ କାତା ଜାପ୍‌ହାନା ଖେହ୍‌ମ୍ବୁ । ୩ ଆମ୍ବାଆସି ଅର ରଲେତି କାତା ଜାପ୍‌ହାନା ମା ପ୍ରବୁ ଜୀସୁ କ୍ରୀସୁଡ଼ି ନେହେଁ ବଲୁ ଅଡ଼େ ମାହାପୁରୁ ଆଜିନି କାତାଟି ଜାପ୍‌ନାଣି ଆହୁଅସି, ୪ ଆତିହେଁ ଏଞ୍ଜାସି ଲାଗେଏତି ବଡ଼ପଣ ଗାଟାସି, ବୁଦି ହିଲାଆଗାଟାସି, ବାଦିବାଦା, ଅଡ଼େ ଗଡ଼ହା କିନିଡ଼ାଣା ମୁଞ୍ଜାମାନେସି; ଏମ୍ବାଟିଏ ଡାହାରା, ଗଡ଼ହା, ରଅଣାଇଁ ଉଜେଏ ନିମ୍ବୁ କିନାୟି, ଲାଗେଏ ଆନାମାନା ଆନାୟି ହନେ, ୫ ଇଞ୍ଜି ବୁଦି ହିଲାଆ ଗାଟାରି ଅଡ଼େ ସାତାଟି ପିସା ମାନାରି ବିଡ଼ା କାଲେଏ ବାଦିବାଦା ହନେ, ଇତିହେଁ ମାହାପୁରୁଲ୍ ଆଜିନାୟି ଏଦି ଲାବା ବେଟାଆନି ଜିରୁ ଇଞ୍ଜି ଏଞ୍ଜାରି ଅଣ୍ଡ଼ପନେରି । ୬ ମାହାପୁରୁଲ୍ ଆଜାନା, ନୀଡ଼ିନାୟି ନେହେଁ ଆଡ଼ିସାରେ ସାଡ଼େଏ ଏଦି ଲାବାଗାଟାୟି; ୭ ଏନାଆଁତାକି ଇତିହେଁ ମାର ଦାରୁଡ଼ିତା ଏନାଆଁ ଡାଗା ହିଲାଆୟି, ଅଡ଼େ ଇ ଦାରୁଡ଼ିତି ଏନାଆଁ ଅହାଲି ଆଡ଼ାଆୟି; ୮

ଇଦାଆଁତାକି ବାଣ୍ଟିତ କାଦି ଆଢ଼ୁ ତାକି ହିମ୍ବୁରିକା ମାରିହୁଁ ଇଚେକେଏ ସାରି
 । ୯ ସାମା ଆମ୍ବାଆରି ଗାତି ବାଡ଼କାଲି ଅଣ୍ଟପିନେରି, ଏଞ୍ଜାରି ତାୟିପାରି
 କିନି ତାଣା ଅଡ଼େ ପାନ୍ତାତା ହେରୁଞ୍ଜାନା, ଅଡ଼େ ବୁଦି ହିଲ୍ଲାଆଗାଟି ନାସାକିନି
 ଅଣ୍ଟପୁତି ପାନ୍ତାତା ହେରୁନେରି, ଇ ବାରେ ମାଣ୍ଟସିଇଁ ବୁଡ଼ଞ୍ଜି ଆନିଞ୍ଜାକି
 ଅଡ଼େ ନାସା ଆନିଞ୍ଜାକି ଅନେ । ୧୦ ଏନାଆଁତାକି ଇତିହୁଁ ଦନତି ଜୁପକା
 ବାରେ ଲାଗେଏତି ମୂଲ୍ଲୁ: ଆମ୍ବା ଆମ୍ବାଆରି ଏମ୍ବାଆଁ ଜୁପକା ଆହାନା
 ଦାମ୍ବୁତି ନାମୁ ପିସାନା ଜିରୁ ବାଣା ଆହାମାନେରି, ଇଞ୍ଜା ହାରେକା ଦୁକୁ
 ତଲେ ତାମି ହିୟାତା ଦୁକୁ କିହାମାନେରି । ୧୧ ସାମା ଏ ତିମତି ନାନୁ ର
 ମାହାପୁରୁ ଲକୁତି, ନାନୁ ଇ ବାରେ ତାଣାଟି ହେକ ଆହାନା ଦାମ୍ବୁ ଗାଟାଟି,
 ମାହାପୁରୁଇଁ ଆଜିନାୟି, ନାମିନାୟି, ଜାଞ୍ଜୁନନାୟି, ସାସା, ଅରୁହିନାୟି,
 ଇ ବାରେ ନେହିଁ ଗୁଣ୍ଡତା ତାକାମୁ । ୧୨ ନାମୁତି ନେହିଁ ଜୁଜୁତା ଜାଞ୍ଜୁ
 ତୁସାନା ଜୁଜୁ କିମ୍ବୁ, କାଲାକାଲାତି ଜାଞ୍ଜୁ ଆସାନା ଇଟାମୁ: ଏଦାଆଁତାକି
 ନାନୁ ହାଟକି ଆହାମାଞ୍ଜୁ ଅଡ଼େ ହାରେକା ସାକିୟାଁ ନକିତା ନେହିଁ ସାକି
 ହାହାମାଞ୍ଜୁ । (aiōnios g166) ୧୩ ବାରେତି ଜାଞ୍ଜୁହାନି ମାହାପୁରୁ ନକିତା,
 ଅଡ଼େ ପନ୍ତୁୟ ପିଲାତ ନକିତା ନେହିଁ ସାକି ହାନି କ୍ରୀସୁ ଜୀସୁ ନକିତା
 ନାନୁ ନିଢ଼େ ହୁକୁମି ହାହିମାଞ୍ଜୁଇଁ, ୧୪ ନାନୁ ମା ପ୍ରବୁ ଜୀସୁ କ୍ରୀସୁତି ଖାନି
 ଦିନା ପାତେକା ଦାମ୍ବୁତି ମେରା ମାନଞ୍ଜି ଆହାନା ଏନି ପାପୁ ଅଡ଼େ ନିନ୍ଦୁ
 ହିଲ୍ଲାଆଗାଟାଟି ଆହାଁ ତୁୟାମୁ । ୧୫ ଏଞ୍ଜାସି ହାରେକା ନେହିଁସି, ରଅସିଏ
 ବାରେକିହାଁ କାଜା ସାଲଞ୍ଜି କିନାସି, ଏଞ୍ଜାସିଏ ରାଜା କିହାଁ ରାଜା ଅଡ଼େ
 ପ୍ରବୁ କିହାଁ ପ୍ରବୁ, ୧୬ ଏଞ୍ଜାସିଏ ରଅସି ହାଆଗାଟାସି ଅଡ଼େ ମେସାଲି
 ଆତାଆଗାଟି ଉଜେଡ଼ିତା ମାନେସି, ଏଚେଲାଞ୍ଜା ଏଞ୍ଜାଣାଇଁ ଆମ୍ବାଆସି
 ମେସାହିଲଅସି କି ମେସାଲି ଆଡ଼ଅସି, ଏଞ୍ଜାସି ତାରିକିତି ଦିନାତା ଏଦାଆଁ
 ତୁହନେସି; କାଲାକାଲାତାକି ତାନି ସାମୁମି ଅଡ଼େ କାଜାପାଣା ତୁଞ୍ଜା ଆପେ
 । ଆମେନ୍ । (aiōnios g166) ୧୭ ଆମିନି ଗାଟାରି ଇ ଜୁଗୁତା ବାଡ଼କିତାରି,
 ଏଞ୍ଜାରି ଏନିକି ଆଢ଼ୁରା ଆଅରି ଅଡ଼େ କାଲେଏ ତୁୟାଆ ଦନ ଲାକ ବାସୁ
 ଇଟଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଢ଼େ
 ଲଡ଼ାମାନାଣି ହିୟାନେସି, ଏଞ୍ଜାଣି ତାଣା ବାସୁ ଇତିନେରି, (aiōn g165)
 ୧୮ ଅଡ଼େ ଏଡ଼କା ଲକୁତି ସାୟେମି କିହାନା ନେହିଁ କାମା ତଲେ ବାଡ଼କୁ
 ଗାଟାରି ଆନେରି ଅଡ଼େ କେୟୁ ଦେତାନା ଅଡ଼େ ରାହାଁଟି ଦାନା ହାହାଲି
 ଅଣ୍ଟପିନେରି, ଏଦାଆଁତାକି ଏଞ୍ଜାରାଇଁ ହୁକୁମି ହାମୁ: ୧୯ ଇଲେ କିତିସାରେ
 ଏଞ୍ଜାରି ତାମି ଖାହିମାନି ଜାଞ୍ଜୁତାକି ନେହିଁ ପୁନାଦି କିହାମାନେରି, ଏନିକି
 ଏଞ୍ଜାରି ସାତା ଜାଞ୍ଜୁ ବେଟାଆନେରି । ୨୦ ଏ ତିମତି, ନିଢ଼େ ଏନା
 ଏନାୟି ହାପକି ଆହାମାଞ୍ଜୁନେ, ଏଦାଆଁ ଜାଡ଼ନୁ କିହାଁ ଇଟାମୁ: ଉଜେଏତି
 କାତାୟାଁ ଅଡ଼େ ସାତା କାତାତି ବୁଦିତାଣି ବାସି ଆନାରି ତାଣାଟି ହେକ
 ଆମୁ: ୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନଞ୍ଜି ଆଆନା ନାମୁତି
 ଜିରୁ ବାଣା ଆହାମାନେରି । କାର୍ମାମେହନାୟି ନୀ ତଲେ ମାଣ୍ଟମ୍ବେ ।

୨ତମ

୧ ନାନୁ ପାଞ୍ଚଲ, କ୍ରୀସ୍ତ ଜୀସୁ ତାଣା ମାନି ଜୀଞ୍ଜୁତି ଆଞ୍ଜୁମାନି ଲେହେଁ, ମାହାପୁରୁ ଅଶ୍ଵପୁ ତଲେ କ୍ରୀସ୍ତ ଜୀସୁତି ର ପାଣ୍ଡୁଞ୍ଜି ଆହାମାନାତେଏ । ୨ ତମତି, ନା ଜୀଞ୍ଜୁତି ମାର୍‌ଏଶାତି ଆବା ମାହାପୁରୁ କ୍ରୀସ୍ତ ଜୀସୁ ତାଣାଟି କାର୍ମାମେହନାୟି ଅଡେ ହିଡ଼ି ଜୀଞ୍ଜୁ ନିଢ୍ଢେଟାକି ଆୟାପେ । ୩ ମା ତଲିତି ଆକୁ ଆବାୟାଁ ଲେହେଁ ନାନୁ ସ୍ଵତୁ ଅଶ୍ଵପୁ ତଲେ ମାହାପୁରୁଇଁ ସେବା କିହିମାଇଁ, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାତାନାତା ନୀ ଦରୁ ରାତାହାଁ ମାହାପୁରୁଇଁ ଜହରା କିହିମାଇଁ; ୪ ଏନିକିଁ ନା ରାହାଁ ଗାତିଆନେ, ଇଦାଆଁତାକି ନୀ କାଣ୍ଠୁ ଅଶ୍ଵପାନା ନିଢ୍ଢେ ମେସାଲି ତାକି ହାରେକା ମନ କିହିମାଇଁ; ୫ ଇତିହିଁ ଆମିନି କୁଟୁ ହିଲୀଆଗାତି ନାମୁ, ମା ବାୟି ଲୟି ଅଡେ ମୀ ଇୟା ଇଞ୍ଜୁନିକି ତାଣା ମାତେ, ଅଡେ ନୀ ତାଣା ଜିକେଏ ମାନେ ଇଞ୍ଜୁହିଁ ନା ହାରେକା ନାମୁ, ନୀ କୁଟୁ ହିଲୀଆ ନାମୁତି କାତା ନାନୁ କାରୁ ବେଟାଆହାମାଇଁ । ୬ ନାନୁ ନୀ ଲାକ କେୟୁ ଇଟାତି ବେଲୀତା ନାନୁ ମାହାପୁରୁ ତାଣାଟି ଆମିନି ବର ବେଟାଆତି ଏଦାଆଁ ଜାତନୁ କିହାଁ ଇଟାଲି ନାନୁ ନିଢ୍ଢେ ଅଶ୍ଵପି କିହିମାଞ୍ଜୁଇଁ । ୭ ଇତିହିଁ ମାହାପୁରୁ ମାଢ୍ଢେ ଆଜିନି ଜୀଞ୍ଜୁ ହାହାମାଞ୍ଜୁଅସି, ସାମା ବାଡ଼ୟୁ ଜୀଞ୍ଜୁ ନନାଣି, ଅଡେ ନେହିଁ ଅଶ୍ଵପି କିନି ଜୀଞ୍ଜୁ ହାହାମାଞ୍ଜୁନେସି । ୮ ଏଦାଆଁତାକି ମାର ପ୍ରବୁ କାତାତା ସାକି ହାହାଲି ଅଡେ ନାନୁ ପ୍ରବୁତି ତାକି କାୟିଦି ଇଲୁତା ଦସ୍‌ପି ଆହାମାଇଁ ନା ତାକି ଲାଜା ଆଆନି, ସାମା ମାହାପୁରୁ ହାହାମାଞ୍ଜୁନି ବାଡ଼ୟୁ ତଲେ ନେହିଁ କାରୁ ଖେକହାଲି ବେଟାଆହାମାନି କସ୍ତୁତି ସହଞ୍ଜି ଆମୁ । ୯ ଏଞ୍ଜାସି ମାଢ୍ଢେ ଗେଲ୍‌ପା ମାଞ୍ଜୁନେସି, ଅଡେ ନା ନେହିଁ ଲକ୍ଷ୍ମତେରି ଇଞ୍ଜୁହିଁ ହାଟାମାଞ୍ଜୁନେସି; ଅଡେ ମା କିହାମାନି କାମା ଲେହେଁ କିହାଁ ମାଞ୍ଜୁଅସି, ସାମା ତାନି ଅଶ୍ଵପୁ ତଲେ ତାନୁ କାର୍ମା ମେସୁାନି ଲେହେଁ କିହାଁ ମାଞ୍ଜୁନେସି; ଏ କାର୍ମା ତଲି କାଲା ନକେଏ କ୍ରୀସ୍ତ ଜୀସୁ ତାଣାଟି ମାଢ୍ଢେ ହୀଞ୍ଜି ଆହାମାତେ, (aiōnios g166) ୧୦ ସାମା ନୀଏଁ ମା ଗେଲ୍‌ପାନି କ୍ରୀସ୍ତ ଜୀସୁ ବାର୍‌ତତା ଖାହାମାନାକି ମାଢ୍ଢେ ତସାମାଞ୍ଜୁନେସି; ଏଞ୍ଜାସି ହାକିତି ମ୍ଳେକହା ମାନେସି; ଅଡେ ତାନି ନେହିଁ କାରୁତଲେ ଜୀଞ୍ଜୁ ଅଡେ ହାଆଗାଟାଣି ଉଜେଡ଼ିତା ତସାମାନେସି । ୧୧ ଇ ନେହିଁ କାରୁ ଖେକହାନା ତେଲ୍‌ହିକିହାଲି ମାହାପୁରୁ ନାଢ୍ଢେ ର ପାଣ୍ଡୁଞ୍ଜିଆତି ସୀସୁ ଇଞ୍ଜୁ ଜୀସୁନାସି ଲେହେଁ ହେରୁପା ମାଞ୍ଜୁନେସି । ୧୨ ଏଦାଆଁତାକି ନାନୁ ଇ ବାରେ ଦୁକୁ ବେଟା ଆହିମାଇଁ; ଆତିଜିକେଏ ନାନୁ ଆଜା ହିଲିଆଁ, ଇତିହିଁ ନାନୁ ଆମ୍ବାଆରି ତାଣା ନାମାମାଇଁ, ଏଞ୍ଜାଶାଇଁ ପୁଞ୍ଜୁମାଇଁ, ଅଡେ ନାନୁ ତାନି କେୟୁତା ଏନାଆଁ ହେରୁପାମାଇଁ, ବିଚାରା ଦିନା ଖାନି ପାତେକା ଏଦାଆଁ ଏଞ୍ଜାସି ଜାତନୁ ତଲେ ଇଟାଲି ଆତିମାନେସି, ଇଦାଆଁ ନାନୁ ତାର୍‌ପୁତଲେ ନାମିମାଇଁ । ୧୩ ନା ତାଣାଟି ଆମିନି ନେହିଁ ବଲୁ ଖେଞ୍ଜୁମାଞ୍ଜୁ, କ୍ରୀସ୍ତ ଜୀସୁ ତାଣାଟି ନାମୁ ଇଞ୍ଜୁ ଜୀଞ୍ଜୁ ନନାଣି ଏଦାଆଁ ନେହିଁକିଁ ଆସା ମାନାମୁ । ୧୪ ଆମିନି ନେହିଁ କାତାତି ଦାୟିପତି ମିଢ୍ଢେ ହୀପ୍‌କି ଆହାମାଞ୍ଜୁନେ, ମା

ତାଣା ବାସା କିହିମାନି ସୁଦୁଜୀଞ୍ଜୁତି ବାଡ଼ୟୁ ତଲେ ଏ ବାରେତି ଜାତନୁ କିହା ଇଟାମୁ । ୧୫ ନାନୁ ପୁଞ୍ଜୁମାଞ୍ଜୁ; ପୁଗେଲ ଅଡେ ହର୍ମଗେନା ତଲେ ଆସିୟାତି ବାରେ ଲକ୍ଷ୍ମ ନାଢ୍ଢେ ପିସା ମାଞ୍ଜୁନେରି । ୧୬ ଅନିସିପର କୁଟମିତି ପ୍ରବୁ କାର୍ମା ମେସ୍‌ପେସି, ଏନାଆଁତାକି ଇତିହିଁ ଏଞ୍ଜାସି ଅଲେ ଅଲେ ଖାହାନା ନା ଦୁକୁ ତୁକହାତେରି, ଇତିହିଁ ନାନୁ କାୟିଦି ଇଲୁତା ମାଟିହିଁ ଜିକେଏ ଲାଜା ଆହାହିଲଅସି, ୧୭ ରମ୍‌ଗାଡ଼ାତା ଏକାଲିଏ ଏଞ୍ଜାସି ନାଢ୍ଢେ ପାରାନା ନା ତାଣା ଖାତେସି, ୧୮ ରାନି ଦିନାତା ଏନିକିଁ ମାହାପୁରୁ ତାଣାଟି କାର୍ମା ବେଟାଆନେସି, ଏଲେକିଁ ମାହାପୁରୁ ଏଞ୍ଜାଶାକି କାର୍ମା ଆପେସି, ଅଡେ ଏଞ୍ଜାସି ଏପିସିୟୁ ଗାଡ଼ାତା ନାଢ୍ଢେ ଏନିକିଁ ସେବା କିହାମାଞ୍ଜୁନେସି, ଏଦାଆଁ ନାନୁ ନେହିଁକିଁ ପୁଞ୍ଜୁମାଞ୍ଜୁ ।

୨ ଏଦାଆଁତାକି ଏ ନା ଜୀଞ୍ଜୁତି ମାର୍‌ଏଶାତି, କ୍ରୀସ୍ତ ଜୀସୁତଲେ ଆଣ୍ଡିତାକି ତାନି କାର୍ମାମେହନି ତାଣାଟି ଆମିନି ବାଡ଼ୟୁ ମେଡ଼ା ଆନେ ଏମ୍ବାଆଁ ମୀରୁ ବାଡ଼ୟୁ ଗାଟାତେରି ଆଦୁ, ୨ ଅଡେ ହାରେକା ସାକିୟାଁ ନକିତା ଆମିନି ବାରେ କାତା ନା ତାଣାଟି ନାନୁ ଖେଞ୍ଜୁମାଞ୍ଜୁ, ଅଡେ ଏମିନିଗାଟାରି ଏଡ଼କା ଲକ୍ଷ୍ମଣି ଜିକେଏ କାପ୍‌ହାଲି ଆତିନାରି, ଏଲେତି ନାମୁଗାଟି ଲକ୍ଷ୍ମ ନକିତା ଇ ବାରେ ହେରୁପାମୁ । ୩ ନାନୁ କ୍ରୀସ୍ତ ଜୀସୁତି ର ନେହିଁ କୁଟୁ କିନାତି ଲେହେଁ ଏଞ୍ଜାଣି ତାକି କସ୍ତୁ ଅରୁହାମୁ । ୪ ଆମ୍ବାଆସି କୁଟୁକିନି କାମାତା ମାଞ୍ଜୁନା, ବାର୍‌ତତି ଏଡ଼କା କାମାତା ହେରୁପି ଆଅସି, ଏନିକିଁ ଏଞ୍ଜାସି ତାନି ମୁହେଁତି କାଜାଶାଇଁ ରାହାଁ କିନେସି । ୫ ଅଡେ ଆମ୍ବାଆସି କାହୁ ତାକି ବାଡ଼ହାରା ଆନେସି, ଏଞ୍ଜାସି ମେରା ତଲେ କାହାଆସାରେ ଜାଣା ଆଅସି । ୬ ଆମିନି ତାସା କାମାକିନାସି ଖାହୁ ତଲେ କିନାସି, ଏଞ୍ଜାସି କାମାତି ମୂଲୁତି ବାଗା ବେଟାଆନାୟି ମାନେ । ୭ ନାନୁ ଏନାଆଁ ସେସିମାଞ୍ଜୁଇଁ, ଏଦାଆଁ ଅଶ୍ଵପାମୁ; ଇତିହିଁ ପ୍ରବୁ ନିଢ୍ଢେ ବାରେ ପୁଞ୍ଜୁଲି ବୁଦି ହିୟାନେସି । ୮ ନା ତାଣାଟି ସେସିଆହାମାନି ନେହିଁ କାରୁ ଲେହେଁ ହାତାରି ତାଣାଟି ନିଢ୍ଢିତାଣି ଅଡେ ଦାଞ୍ଜୁଦ କୁଡ଼ାତା ଜାର୍ମା ଆହାମାନି ଜୀସୁ ଜୀସୁଇଁ ଅଶ୍ଵପାମୁ । ୯ ଇ ନେହିଁ କାରୁତାକି ନାନୁ ଦହଗାଟି ଲକ୍ଷ୍ମ ଲେହେଁ କାୟିଦି ଇଲୁତା ଦସ୍‌ପିଆନି ପାତେକା କସ୍ତୁ ବେଟା ଆହିମାଇଁ; ସାମା ମାହାପୁରୁତି ବଲୁ ଦସ୍‌ପି ଆହା ହିଲେଏ । ୧୦ ଇଦାଆଁତାକି ମାହାପୁରୁ ଆତାମାନି ଲକ୍ଷ୍ମ ଜିକେଏ ଏନିକିଁ କାଲାକାଲାତି ଗାଞ୍ଜୁରମି ତଲେ କ୍ରୀସ୍ତ ଜୀସୁ ହାହାମାନି ଗେଲ୍‌ପି ଆନାଣି ବେଟାଆନେରି, ଏଦାଆଁତାକି ନାନୁ ଏଞ୍ଜାସି ତାକି ଇ ବାରେ ସାସାତଲେ କସ୍ତୁ ଅରୁହିମାଇଁ । (aiōnios g166) ୧୧ ଇ କାତା ସାତା “ମାର କ୍ରୀସ୍ତ ତଲେ ହାହାମାନାୟି, ଅଡେ ଏଞ୍ଜାଣିତଲେ ଜିକେଏ ନାତିନାୟି; ୧୨ ଅଡେ ମାର ସାସାଆସାଁ କସ୍ତୁ ଅରୁହିନାୟି, ଆତିହିଁ ଏଞ୍ଜାଣିତଲେ ଜିକେଏ ସାଲଞ୍ଜି କିନାୟି; ମାର ଏଞ୍ଜାଶାଇଁ ପୁଞ୍ଜୁହିଲଅସି ଇନାୟି, ଆତିହିଁ ଏଞ୍ଜାସି ଜିକେଏ ମାଢ୍ଢେ ପୁଞ୍ଜୁହିଲଅଁ ଇଞ୍ଜୁନେସି; ୧୩ ଏଡେତା ମାର ନାମାଆ ଗାଟାତାୟି ଆନାୟି, ଆତିଜିକେଏ ଏଞ୍ଜାସି ବାରେବେଲା ଟିକାଶାତାସି, ଇତିହିଁ ଏଞ୍ଜାସି ଜାହାରାଇଁ ଆଏ ଇଞ୍ଜୁଲି ଆଡଅସି ।” ୧୪ ନାନୁ ବାରେ ନାନୁ ଗାଟାରାଇଁ ଇ ବାରେ କାତା

ମାହାପୁରୁ ଅର୍ଥାତ୍ କିମ୍ପା, ସାପ୍ତେରିତି କାତା ଉଦ୍ଦେଶ୍ୟ ବାଦିବାଦୀ ଆଦି ତାଣ୍ଡି କାଗ୍ରାତା କିମ୍ପା, ଇଲେତି ବାଦିବାଦୀ ଆତ୍ମାଆରାଜ୍ଞ ନେହିଁ କିଏ, ସାମା ଆତ୍ମାଆରି ଏମ୍ପାଆଁ ମନ ହାନେରି ଏଞ୍ଜାରି ନାସା ଆନେରି । ୧୫ ସାତା ବଲ୍ଲୁ ଚିକାଣା ତଲେ ଲେମ୍ପାନା, ଆମିନି କାମାକିନାସି କାମାତା ଏନିକି ଲାଜା ଆଅସି, ଏଞ୍ଜାଣିଲେହେଁ ମାହାପୁରୁ ନକିତା ଜାହାରାଜ୍ଞ ତାୟିପାରିତା ଜାଣା ଆହାମାନି ଲେହେଁ ତସାଲି ଜାତୁନୁ କିମ୍ପା । ୧୬ ସାମା ଲାଗେଏତି ଉଦ୍ଦେଶ୍ୟତି କାତାୟି ବାସିଁ ଆନି ତାଣ୍ଡିଟି ହେକ ତୟାତୁ: ଇତିହିଁ ଆତ୍ମାଆରି ଏଲେତି କାମା କିନେରି, ଏଞ୍ଜାରି ଲାଗେଏତି କାମାତା ହାରେକା ପାତା ଆନେରି, ୧୭ ଅତେ ଏଞ୍ଜାରି କାତା ସୀରୁନି ଗ୍ରାହାଁ ଲେହେଁତାୟି; ଏଞ୍ଜାରି ବିତ୍ରାଟି ହୁମାନାୟ, ଅତେ ପିଲିତ, ଇ ରିଆରି ମାନେରି । ୧୮ ଏଞ୍ଜାରି ହାହାନା ଷ୍ଟେଣ୍ଡେ ନିଟ୍ଟିତାୟିଏ ଇଟ୍ଟିଁ ସାତାତି ପିସାମାନେରି, ଅତେ ଏତରଜାଣାତି ତାନି ନାମୁତି ତାରି ମିତ୍ତୁହି ମାନେରି । ୧୯ ଆତିଜିକେଏ, ମାହାପୁରୁ କେପିତି ପୁନାଦି ଆଦୱା ଆହାନା ତୟାମାନେ, ଅତେ ଏ ଖାଲିତା ଇ ବୁରୁ ମୁଦ୍ରା ଆହାମାନେ, “ପ୍ରବୁ ତାନି ଲକ୍ଷୁଣି ପୁଞ୍ଜାମାନେସି” ଅତେ, “ଆତ୍ମାଆସି ପ୍ରବୁତି ଦରୁ ଆହନାସି, ଏଞ୍ଜାସି ଲାଗେଏ ତାଣ୍ଡିଟି ହେକ ମାଣ୍ଡେସି ।” ୨୦ ର କାଜା ଇଜ ଖାରୁଇ ବାଂଗାରା ଷ୍ଟେଣ୍ଡିତି ତୁକା ମାଣ୍ଡି ମାନୁ, ଏତେକା ଆଏ, ଅତେ ମାର୍କା ଇଟ୍ଟିଁ ଇରୁଆତି ତୁକା ମାଣ୍ଡି ଜିକେଏ ମାନୁ: କତେକା ତୁକା ମାଣ୍ଡି କାଜା କାଜା କାମାତାକି ମାନୁ, ଅତେ କତେକା ଉଦ୍ଦେଶ୍ୟ ଦିନା ଲେମ୍ପାଲି ତାକି ମାନୁ । ୨୧ ଇଦାଆଁତାକି ଆତ୍ମାଆସି ଏ ବାରେ ତାଣ୍ଡିଟି ଜାହାରାଜ୍ଞ ଅଦହା କତିନେସି, ଏଞ୍ଜାସି ହେରୁପି ଆହାନା, ସାଧୁକାରି କାମାତା ପାତାଆନେସି, ଏଞ୍ଜାସି ବାରେ ନେହିଁ କାମାତାକି ଆତା ଇତାମାନି ମାନିଗାଟି ତୁକା ମାଣ୍ଡି ଲେହେଁ ଆନେସି । ୨୨ ସାମା ନାନୁ ବାଂଗଣା ବେଲା ଲାଗେଏତି ଜୁପ୍କାଟି ହେକ ଆମ୍ପା, ଆତ୍ମାଆରି ସୁଦୁ ହିୟାଁ ତଲେ ପ୍ରବୁ ତାଣ୍ଡି ପ୍ରାତାନା କିନେରି, ଏଞ୍ଜାରିତଲେ ଦାମ୍ପୁଁ, ନାମ୍ପା, ଜୀଞ୍ଜୁ ନନାଣି, ଅତେ ହିତ୍ତୁତି ଜୀଞ୍ଜୁ ଜେତ ହାଲାମ୍ପା । ୨୩ ବୁଦି ହିଲାଆ ମୁର୍ଚ୍ଚୁ ଗାଟାରି ବାଦିବାଦା ଗଡୁହା କିନେ, ଇଦାଆଁ ପୁଞ୍ଜାନା ଏ ବାରେ ତାଣ୍ଡିଟି ହେକ ଆମ୍ପା । ୨୪ ମାହାପୁରୁତି ହଲେଏସି ଗଡୁହା କିନାୟି ନେହେଁ ଆଏ, ସାମା ବାରେଜାଣାତି ହିତ୍ତୁତି ହାତା ଜାପ୍ନାସି, ଅତେ ଅରୁହିନାସି ଇଟ୍ଟିଁ ମା କପାଟି ନିଟ୍ଟିନି ଲକ୍ଷୁଣି ହିତ୍ତୁତି ହାତାତଲେ ଜାପ୍ନାସି ଆନାୟି ମାନେ, ୨୫ ଅତେ ଗଡୁହା ଗାଟାରାଜ୍ଞ ସୁଦୁ ସୁଖାଲା ତଲେ ଲେମ୍ପାନାସି ଆନାୟି ମାନେ, ଆତିହିଁ ଏଞ୍ଜାରି ସାତାତି ବୁଦି ପୁଞ୍ଜାଲି, ମାହାପୁରୁ ଏଞ୍ଜାରାଜ୍ଞ ମନ ଷ୍ଟେନ୍ଦି ଅଣ୍ଡୁ ହାନେସି, ୨୬ ଅତେ, ଆମିନି ସୟତାନ ଏଞ୍ଜାରାଜ୍ଞ ତାନି ଅଣ୍ଡୁ ତଲେ କିହାଲି ଦସ୍ପାମାନେ, ଏମ୍ପାଟି ଏଞ୍ଜାରି ସେତ୍ନା ଆହାନା ଏ ପାମ୍ପାଟି ଗେଲ୍ପି ଆନେରି ।

୩ ସାମା ଇଦାଆଁ ପୁଞ୍ଜାମାଞ୍ଜୁ, ରାନି ଦିନାତା ନାସା ଆନି ଦିନା ଖାନେ; ୨ ଇତିହିଁ ଲକ୍ଷୁ ତାମ୍ପା ଜାହାରାଜ୍ଞ ଅଣ୍ଡୁ କତିନେରି, ଦନ ଜୁପ୍କା, ଜୀଞ୍ଜୁତା ବତପଣ, ଆଢ୍ଫାରା, ନିନ୍ଦା କିନେରି, ତାଲି ତାଞ୍ଜୁ କାତା ଆହୁଅରି, ୩ ରାହାଁ ଆତାଗାଟାରି, ଦାମ୍ପୁଁ ହିଲାଆ ଗାଟାରି, ଜୀଞ୍ଜୁ ନଆଗାଟାରି, ଆଣ୍ଡୁ

ଆନାୟି ହିଲାଆ ଗାଟାରି, ଲାଗେଏ କାତା ଷ୍ଟେସାନା ଲକ୍ଷୁଣି ନାଡ଼ିକିନାରି, ଦେବୁଣିଏ କପା ଆନାରି, ବାତୁୟୁ ତସାନା ଆଜି କିନାରି, ନେହିଁ କାତାତି ଅପାଆଗାଟାରି ଆନେରି; ୪ ଅତେ ଏଞ୍ଜାରି ହୀରୁ ଦାଃଆନାରି, ତାୟୁ ଏସ୍ତକି ଅଣ୍ଡୁଆତା ଗାଟାରି, ବତପଣ ଗାଟାରି ଆନେରି, ଅତେ ମାହାପୁରୁ ଜୀଞ୍ଜୁ ନନାରି ଆଆନା ଦାର୍ତ୍ତିତି ରାହାଁତି ଜୀଞ୍ଜୁ ନନାରି ଆନେରି; ୫ ଏଞ୍ଜାରି ମାହାପୁରୁତି ଆଜିନି ମେରା ଆହୁନେରି ସାମା ଏମ୍ପାଟି ବାତୁୟୁତି ଆସାଲି କୁନେରି; ଇଲେତି ଲକ୍ଷୁ ତାଣ୍ଡିଟି ହେକ ମାନାମ୍ପା । ୬ ଇତିହିଁ ଇଞ୍ଜାରି ତାଣ୍ଡି ଇଲେତି ଲକ୍ଷୁ ମାନେରି, ଏମିନିଗାଟାରି ଇଲ୍ଲକା ତାକି ଇଲ୍ଲକା ହୁତିହିଁ ପାପୁତି ବଲ୍ଲୁତା ଅତେ ତାନି ମନତି ଜୁପ୍କା ଗାଟି ଅଣ୍ଡୁ ତଲେ ଡାକିନି ବୁଦି ହିଲାଆଗାଟି ଇୟାସିକାଣି ତାନି ତାଣ୍ଡି ଇତିନେରି; ୭ ଇ ଇୟାସିକା କାଲେଏ ଜାପିମାଟି ଜିକେଏ, ଏତେଲା ସାତାତି ପୁଞ୍ଜାଲି ଆତାତ । ୮ ଏନିକି ଜନସି ଅତେ ଜାମ୍ପିଏ ମସା କପାଟି ନିଟ୍ଟାମାତେରି, ଏଲେକିହିଁ ଏଞ୍ଜାରି ଜିକେଏ ସାତାତି ଆଡ୍ଡିନେରି, ଏଞ୍ଜାରି ତାୟୁଁ ଲାଗେଏ ଆହାମାନେ ଅତେ ଏଞ୍ଜାରି ଦାମ୍ପୁଁତି ନାମ୍ପା ଉଦ୍ଦେଶ୍ୟ ଆହାମାନେ । ୯ ସାମା ଏଞ୍ଜାରି ଅତେ ହାରେକା ଆଗାତା ହାଲଅରି; ଇତିହିଁ ଏ ରିଆରି ଏଞ୍ଜାରି ବୁଦି ହିଲାଆଗାଟାରି ଇଟ୍ଟିଁ ବିନା ବାରେଜାଣା ପୁନେରି, ଜନସି ଅତେ ଜାମ୍ପିଏ ଜୀଞ୍ଜୁତା ଏନାୟି ଗଟାଞ୍ଜି ଆହାମାତେ, ଏଞ୍ଜାରି ଜୀଞ୍ଜୁତା ଏଦିଏ ଆନେ । ୧୦ ସାମା ନାନୁ ନା ଜାପ୍ନାଣି, ମାଣ୍ଡିକି, ନା ଅଣ୍ଡୁ, ନା ନାମ୍ପା, କସ୍ତୁ ଅରୁହିନାଣି, ଜୀଞ୍ଜୁ ନନାଣି, ଅରୁହିନାୟି, ୧୧ ସାସି ବେଟା ଆତାଣି, ଦୁକୁ କସ୍ତୁ ବେଟା ଆତାଣି, ଇ ବାରେ ଆସାମାଞ୍ଜୁ; ଆନୁୟକିୟା, ଇକନିୟା, ଅତେ ଲୁସ୍ତାତା, ନା ତାକି ଏଲେକିହିଁଏ ନିନ୍ଦା କସ୍ତୁ ଆହାମାତେ; ଏଦାଆଁ ନାନୁ ଅରୁହା ମାତେଏଁ, ଅତେ ପ୍ରବୁ ନାଟ୍ଟେଏ ବାରେଟି ଗେଲ୍ପା ମାଞ୍ଜୁତେସି । ୧୨ ସାତେଏ ଆମିନି ଗାଟାରି କ୍ରୀସ୍ତୁ ଜୀସ୍ତୁ ତାଣ୍ଡିଟି ଦାମ୍ପୁଁ ଜୀଞ୍ଜୁ ନୀତାଲି ଅଣ୍ଡୁପିନେରି, ଏଞ୍ଜାରି ନିନ୍ଦା ବେଟାଆନେରି । ୧୩ ସାମା ଲାଗେଏତି କାମାକିନାରି ଅତେ ନାଡ଼ିକିନାରି ନାଡ଼ି ଆହାନା ହାରେକା ଲାଗେଏତି କାମା କିନେରି । ୧୪ ସାମା ନାନୁ ଏନା ଏନାଆଁ ଜାପାମାଞ୍ଜୁ, ଅତେ ଆମିନି କାତା ବାରେ ସାତେଏ ନାମାମାଞ୍ଜୁ, ଏ ବାରେ ତାଣ୍ଡି ଡାରିତଲେ ମାନାମ୍ପା, ଇତିହିଁ ନାନୁ ପୁଞ୍ଜାମାଞ୍ଜୁ, ଆମିନି ଗାଟାରି ତାଣ୍ଡିଟି ଏ ବାରେ ଜାପାମାଞ୍ଜୁ; ୧୫ ଅତେ ଆମିନି ଦାମ୍ପୁଁ ସାପ୍ତେରି କ୍ରୀସ୍ତୁ ଜୀସ୍ତୁ ତାଣ୍ଡି ନାମ୍ପାଟି ନିଟ୍ଟେ ଗେଲ୍ପିକିନି ବୁଦି ହିୟାଲି ଆତାନେ, ଏଦାଆଁ ନାନୁ ଉଣା ଷ୍ଟେଡାଟିଏ ପୁଞ୍ଜାମାଞ୍ଜୁ । ୧୬ ବାରେ ଦାମ୍ପୁଁ ସାପ୍ତେରିତା ରାସ୍ତକି ଆହାମାନି ବାରେ ବଲ୍ଲୁ ମାହାପୁରୁ ଜିଲିତାୟି, ଅତେ ଜାପ୍ନାୟି, ଲାଗିନାୟି, ତାରିକିନାୟି, ଅତେ ଦାମ୍ପୁଁତା ନୀତାଲି ସାୟେମି କିନାୟି, ୧୭ ଏନିକି ମାହାପୁରୁତି ଲକ୍ଷୁ ତାୟୁ ଆହାନା ବାରେ ନେହିଁ କାମାତା ଜଗେ ଗାଟାରି ଆନେରି ।

୪ ନାନୁ ମାହାପୁରୁ ନକିତା, ଅତେ ଆମିନି କ୍ରୀସ୍ତୁ ହାତାରାଜ୍ଞ ଇଟ୍ଟିଁ ନୀତାମାନାରାଜ୍ଞ ନୀହାୟି କିହାଲି ହାଜିମାନେସି, ତାନି ଷ୍ଟେଣ୍ଡେ ଖାନାଣି ଅତେ ରାଜିତି ମାନି କିହାନା ହୁକୁମି ହାହିମାଞ୍ଜୁଲ୍, ୨ ମାହାପୁରୁ ବଲ୍ଲୁ ଷ୍ଟେକ୍ମ୍ପା, ନେହିଁ ବେଲାତା କି ଲାଗେଏତି ବେଲାତା ବଲ୍ଲୁ ଷ୍ଟେକ୍ମ୍ପାଲି

ତିୟାରା ଆହା ମାନାମ୍, ନାନୁ ବାରେ କସ୍ତୁ ଅର୍ହହାନା ଜାପହିହିଁ ଲାଗାମ୍, ଅଡ଼େ ଦକା ହାହାନା ସାସା ବାସ୍ତୁ ହାମ୍ । ୩ ଇତିହିଁ ଦିନା ଖାନେ, ଏଚିବେଲା ଲକ୍ଷ୍ମ ନେହିଁ କାପନାଣି ଖେଞ୍ଜୁଲି ଅପଅରି, ସାମା ତାମି କାକି ତାକି ସୁରୁ ସୁଖଲା ହାତା ଖେଞ୍ଜୁଲି ମନ ହାନେରି ଇଞ୍ଜିଁ କାତା ଜୁପକାତାକି ଲାଗେଏତାଣି କାପନାରାଇଁ କୁଡ଼ି କିନେରି । ୪ ଅଡ଼େ ସାତା କାତାଚି ଖେଞ୍ଜୁଲି କୁହାନା ଅଶ୍ଵାପନା ଖେହ୍ନି ପୁସ୍ତପନିକାଣି ମନ ହାନେରି । ୫ ସାମା ନାନୁ ବାରେ ତାଣା ସେତନା ଆମ୍, କସ୍ତୁଚି ଅର୍ହହାମ୍, ମାହାପୁରୁଚି ନେହିଁ କାନ୍ତୁ ଖେକ୍ମୁ କାମା ପୁରା କିମ୍ ଅଡ଼େ ନୀ ସେବା କାମା ରାପମ୍ । ୬ ଇତିହିଁ ନୀର୍ଷି ଜିକେଏ ନା ଜୀଞ୍ଜୁ ଗସାଲି ତାକି ଖାକ୍‌ହିମାନି ଲେହେଁ ହେରୁପି ଅହିମାନେ, ନା ହାନି ଦିନା ଏଗାଖାତେୟିଏ । ୭ ନାନୁ ନେହିଁ ଜୁଜୁତା ଜୀଞ୍ଜୁ ତୁସାନା ଜୁଜୁ କିହିମାଇଁ, ନାଡ଼େତାକି କେପାମାନି ପାହେରି ରାଖେତାକି ହଟାମାଇଁ, ନାନୁ ନାମୁଚି ଜାଣେ ଆସାମାଇଁ; ୮ ନାଡ଼େତାକି ଦାମୁଚି ଟପେରି ଇଡ଼କି ଆହାମାନେ, ଏଦାଆଁ ଏ କାଜା ନାହିଁୟି ଦିନାତା ନାହିଁୟି କିନି ପ୍ରବୁ ନାଡ଼େ ହିୟନେସି, ଖରୁଇ ନାଡ଼େ ଆଏ, ତାନି ଖେଣ୍ଡା ଖାନାଣି ନେହିଁ ମନତଲେ କାତାମାନି ବାରେଜାଣା ତାକି ଜୀଞ୍ଜୁନୁହାଁନା ହାନେସି । ୯ ତବେ ନା ତାଣା ଖାହାଲି ଜାଗ୍ରାତା ଆମ୍; ୧୦ ଇତିହିଁ ଦିନା ନାଡ଼େ ପିସାହାଁ ନୀର୍ଷିଚି ଦାରୁଚିତ ଜୀଞ୍ଜୁନୁହାଁନା ତେସଲନିକିତା ହାଜାମାନେସି, କ୍ଲେସକେନସ୍ ଗାଲତୟାତା ଅଡ଼େ ତିତସ ଦଲମତିୟାତା ହାଜାମାନେରି । (aiōn g165) ୧୧ ଅଡ଼େ ଲୁକ ରଅସିଏ ନା ତଲେ ମାନେସି । ମାର୍କଇଁ ନୀ ତଲେ ତାଚିହିଁ ଖାମ୍, ଇତିହିଁ ନା ସେବା କାମାତା ସାୟେମି କିୟନେସି । ୧୨ ନାନୁ ତୁକିକଇଁ ଏପିସିୟତା ପାଣ୍ଡା ମାଇଁ । ୧୩ ତ୍ରୟାତା କାର୍ପ ତାଣା ଆମିନି ରସିଏ ସକା ପିସା ଖାହାମାଇଁ, ନାନୁ ଖାନାଚି ସକା ଅଡ଼େ ପତିୟିଁ ବାରେକିହାଁ ତଲୁ ପତିୟିଁ ତାଚିହିଁ ଖାମ୍ । ୧୪ ପିତାଡ଼ା ବେବାରାଗାଚି ଆଲେକ୍‌ଜାଣ୍ଡାର ନାଡ଼େ ହାରେକା କସ୍ତୁ ହାହାମାଞ୍ଜୁନେସି; ପ୍ରବୁ ଏଖାଣାଇଁ ତାନୁ କିତି କାମା ଲେହେଁ ପାଡ଼େୟି ହାନେସି; ୧୫ ନାନୁ ଜିକେଏ ଏଖାଣି ତାଣାଚି ଜାଗ୍ରାତା ଆହା ମାନାମ୍, ଇତିହିଁ ଏଖାସି ମାର ଖେକ୍‌ନି କାତା କପାଚି ନିଞ୍ଜୁନା କାହି କିହିମାଞ୍ଜୁତେସି । ୧୬ ତଲି ମୁଲୁ ନାଡ଼େ ନାହିଁୟି କିୟତାଚି ଆମ୍‌ଆରି ନା ଖାକିଚି ଆଆତେରି, ସାମା ବାରେଜାଣା ନାଡ଼େ ପିସ୍ତାତେରି, ଏଦାଆଁ ମାହାପୁରୁ ଏଖାରି କପାଚି ଦହ କିଆପେସି । ୧୭ ସାମା ପ୍ରବୁ ନା ତଲେ ମାଞ୍ଜୁନା ନାଡ଼େ ବାଡ଼ୁୟୁ କିୟତେସି, ଅଡ଼େ ନାନୁ ସିହ୍‌କ୍‌ୱାଣି ଗୁଚିଚି ଗେଲ୍‌ପିଆତେଏଁ, ଏନିକିଁ ନା ତାଣାଚି ନେହିଁ କାନ୍ତୁ ବାରେ ତାଣା ଖେଞ୍ଜୁନେ ଅଡ଼େ ଜୀହୁଦିଆଆତି ଲକ୍ଷ୍ମ ବାରେଜାଣା ଏଦାଆଁ ଖେଞ୍ଜୁଲି ଆଡିନେରି; ୧୮ ପ୍ରବୁ ନାଡ଼େ ବାରେ ଲାଗେଏ କାମାଚି ଗେଲ୍‌ପାନେସି, ଅଡ଼େ ନାଡ଼େ ଗେଲ୍‌ପାନା ତାନି ଲାକପୁରୁ ରାଜିତା ଅୟନେସି; ଏଖାଣି ଗାଞ୍ଜୁରମି କାଲାକାଲା ତାକି ଆପେ! ଆମେନ୍ । (aiōn g165) ୧୯ ପ୍ରିସ୍ତାଲ୍‌ଆ ଅଡ଼େ ଆକ୍‌ଖିଲା ଇଞ୍ଜିଁ ଅନିସିପର ଇଲୁ କୁଟମିକି ନା ଜହରା ଖେହ୍ମ୍ । ୨୦ ଏରାସ୍ତ କରନ୍ତି ଗାଡ଼ାତା ତୟା ମାନେସି, ସାମା ତ୍ରପିମ ଆଡିହିଲାଆକି ନାନୁ ଏଖାଣାଇଁ ମିଲିତତା ପିସା ଖାତେଏଁ । ୨୧

ନାନୁ ପେନିବେଲା ଖାଆ ନକେଏ ଖାଚିହିଁ ନେହିଁ ଆତେମା । ଇୟୁରୁଲ, ପୁଦେନସ୍, ଲିନ, କ୍ଲୁଞ୍ଜିୟା, ଅଡ଼େ ବାରେ କ୍ରୀସ୍ତାନା ତାୟିୟିଁ ନିଞ୍ଜେ ଜହରା ଖେସିମାଞ୍ଜୁନେରି । ୨୨ ପ୍ରବୁ ନୀ ଜୀଞ୍ଜୁତା ମାଣ୍‌ମେସି, ମାହାପୁରୁଚି କାର୍ମାମେହ୍‌ନାୟି ମୀ ବାରେତାକି ଆୟାପେ ।

ଚିତ୍ର

୧ ପାସ୍କଲ, ମାହାପୁରୁଷ ହଲେଏଣାତେଏଁ ଇଞ୍ଜିଁ ଜୀସୁ କ୍ରୀସୁ ତାଣାଟି ପାଣୁଣ୍ଡି ଆହାମାନାତେଏଁ । ମାହାପୁରୁ ଆତାମାନି ଲକ୍ଷୁଚି ନାମୁ ପାତକିହାଲି ଅଡେ କାଲାକାଲାତି ଜୀସୁ ମେଡାଆନି ଆସାତି ଦାମ୍ବୁଚି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣୁଣ୍ଡି ଆହାମାଲ୍ । ୨ କାଲାକାଲାତି ଜୀସୁଚି ଆସା ହାହାଲିତାକି, ଏମିନି ମାହାପୁରୁ ଆଞ୍ଜୁମାତେସି, ଏଞ୍ଜାସି ଏତେଲା ମିତି ଜୁଲାଆଗାଟାସି । (aiōnios g166) ୩ ଏ କାଲାକାଲାତି ଜୀସୁ ସାତା ମାହାପୁରୁ, ହାରେକା କାଲା ନକେଏ ଆଞ୍ଜୁନା ସମାନା ବେଲାତା ତାନି ବଲୁ ଖେକ୍ନି ତାଣାଟି ତସାମାନେସି; ଏ ବଲୁ ଖେକ୍ନି ବଲୁ ମା ଗେଲ୍ପାନି ମାହାପୁରୁ ହୁକୁମି ତଲେ ନା ତାଣା ହେବ୍ପି ଆହାମାଞ୍ଜୁନେ । ୪ ନା ସମାନା ନାମିତାସି ଅଡେ ନାମୁତା ନା ଜୀସୁଚି ମାର୍ବସି ଚିତସ ତାଣା ଇ ଆକୁ ରାଟିମାଲ୍ । ଆବା ମାହାପୁରୁ ଅଡେ ମାଟ୍ଟେ ଗେଲ୍ପାନି କ୍ରୀସୁ ଜୀସୁ ମିଟ୍ଟେ କାର୍ମା ଅଡେ ହିଡ଼ି ହିୟାପେସି । ୫ ନାମୁ ଖେସ୍ତାତିଲେହେଁ ରାଆତି କାମାତି ରାପ୍ତାଲି ତାକି, ଅଡେ ବାରେ ଗାଡାତା ପ୍ରାଚିନାଢ୍ଠାଣି କାମା ହେବ୍ପାଲି ତାକି ନାମୁ କ୍ରିତା ନିଟ୍ଟେ ପିସା ଖାୟାତେଏଁ; ୬ ଆମ୍ବାଆସି ଦହ ହିଲାଆଗାଟାସି, ରଣ୍ଡିଏ ତକ୍ନି ତକ୍ରା, ଆମ୍ବାଆସି ମାର୍କା ମାସ୍କା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନଖି ଆଆଗାଟି କାମା କିଅରି ଏଞ୍ଜାରାଲ୍ ଆଡାହାଁ ପ୍ରାଚିନା କିମୁ । ୭ ଇଚିହିଁ କାଜାସି, ମାହାପୁରୁଚି ଗୁମ୍ପା ଆହାଁ ଦହ ହିଲାଆଗାଟାସି ଆନାୟି ମାନେ; ଏଞ୍ଜାସି ଜାହାରା ମନତଲେ କିନାସି କି ଦେବୁଣିଏ କାର୍ବି ଆନାସି କି କାତୁ ଗହନାସି କି ଗଡ଼ହା କିନାସି କି ଦନ ଜୁପ୍କା ଗାଟାସି ଆଆନା, ୮ ଏଞ୍ଜାସି ଗତାୟିଣି ଆକ୍ରା କିନାସି, ଏନାୟି ନେହାୟି ଏଦାଆଁ ଜୀସୁ ନନାସି, ଜାହାରାଲ୍ ଲକ୍ନାସି, ଦାମ୍ବୁଗାଟାସି, ସୁଦୁଗାଟାସି, ଇଞ୍ଜାଁ ମେରା ମାନଖି ଆନାସି ଆପେସି । ୯ ଅଡେ ଏନିକିଁ ଏଞ୍ଜାସି ଲକ୍ଷୁତାକି ନେହାଁଣି ଜାପ୍ତାହାନା ରାହାଁ ହାହାଲି ଇଞ୍ଜାଁ ମାହାପୁରୁ କାତା କପାଟି ଖେହ୍ନାରାଲ୍ ଲାଗାଲି ଆଡିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣ୍ଟେ ଆସାଁ ମାଞ୍ଜୁ । ୧୦ ଇଚିହିଁ ହାରେକା ନାମାଆଗାଟି ଲକ୍ଷୁ ଉଜେଏତି କାତାତଲେ ନାଡିକିନାରି ମାନେରି, ହାରେକା ଜୀହୁଦି କ୍ରୀସ୍ତାନା ଲକ୍ଷୁ ବିତ୍ରାଟି ମାନେରି । ୧୧ ଲାଗେଏତି କାତାଟି ଏଞ୍ଜାରି ଗୁଚି ମୁଦା କିନାୟିମାନେ, ଏନାଆଁତାକି ଇଚିହିଁ ଏଞ୍ଜାରି ଦନ ଜୁପ୍କାତାକି ଲାଗେଏତି କାତା ଜାପ୍ତାହିହିଁ ର ର ଲକ୍ଷୁ କୁଟମିତି ମାହାପୁରୁ ଜିରୁ ବାଣି କିନେରି । ୧୨ ଏଞ୍ଜାରି ବିତ୍ରାଟି ରଅସି ଏଞ୍ଜାରି ମାହାପୁରୁ ଅଣ୍ଟପୁଚି ବଲୁ ଖେହ୍ନାସି ଏଲେ ଇଞ୍ଜୁମାନେସି, କ୍ରିତା ବାସା ଆହାମାନାରି ବାରେବେଲା ମିତି ଖେହ୍ନାରି, ଜନ୍ମ ସମାନା ଅଡେ ନିସ୍ତା ଇଞ୍ଜାଁ ଚିଶିକାସ୍ତୁୟାଁ । ୧୩ ଇ କାତା ସାତା । ଏଦାଆଁତାକି ଏଞ୍ଜାରାଲ୍ ଗାଟି ଦାକା ହାହାଁ ଲାଗାମୁ, ଏନିକିଁ ଏଞ୍ଜାରି ନାମୁତା ପାତା ଆନେରି । ୧୪ ସାତାଟି ପିସାମାନି ଲକ୍ଷୁଚି ମେରା, ଜୀହୁଦି ଲକ୍ଷୁଚି କହୁୟାଁ, ମନ ହାଅରି ଏଦାଆଁତାକି ଏଞ୍ଜାରାଲ୍

ଜାପ୍ତାମୁ । ୧୫ ଅବ୍ହି ଆତି ଲକ୍ଷୁତାକି ବାରେଏ ଅଡିନେ, ସାମା ପଲ୍‌ଆ ଗାଟାରାକି, ମାହାପୁରୁଲ୍ ନାମାଆ ଗାଟାରାକି ଏନାୟି ଜିକେଏ ଅଡେଏ, ଇଚିହିଁ ଏଞ୍ଜାରି ମନ ଅଡେ ଅଣ୍ଟପୁ ବାରେ ପଲ୍‌ଆଗାଟାୟି । ୧୬ ଏଞ୍ଜାରି ମାହାପୁରୁଲ୍ ପୁଞ୍ଜୁମାନମି ଇଞ୍ଜାଁ ଜୁଲିନେରି, ସାମା ଏଞ୍ଜାରି କାମା ତଲେ ମାହାପୁରୁଲ୍ ପୁନାଆତି ଲେହେଁ ଆନେରି, ଏଞ୍ଜାରି ଅପାଆଗାଟାରି, ଅଡେ କାତା ଆହାଆଗାଟାରି ବାରେ ନେହିଁ କାମାତା ପାଡାଆଅରି ।

୨ ମା ଦାମ୍ବୁଚି କାତାୟାଁ ନେହିଁକିଁ ଜାପ୍ତାମୁ । ୨ ବୁଡ଼ହା ଆବାୟାଁଲ୍ ତଣେ ଆୟାଲି, ନେହିଁ ଅଣ୍ଟପୁ ନେହିଁ ବୁଦି, ଅଡେ ନାମୁ ଜୀସୁନାୟି, ଇଞ୍ଜାଁ ଅବ୍ହିନି ତାଣା ବାଡ଼ୟୁ ଆୟାଲି; ୩ ଅଡେ ବୁଡ଼ହା ଇୟାସିକାଣି ଜିକେଏ ଏଲେକିହିଁଏ ସାକି ଗାଟାଲ ଇଞ୍ଜାଁ କାତୁ ଗହନାଲ ଆଆନା ସୁଦୁଜୀସୁ ତଲେ ନୀତାନା ନେହିଁ କାତା ଜାପ୍ତାହାଲି ବାଟିମାଲିହିଁ ଖେହ୍ନୁ; ୪ ଏଦାଆଁତାକି ତାଆ ଆୟାସିକା ତାନି ତକ୍ରାୟାଁଣି, ମୀର୍କା ମାସ୍କାଣି ଜୀସୁ ନହାଁ, ୫ ଜାହାରାଲ୍ ସାପି ଆୟାଲି, ଅବ୍ହି କତାନା, ଲକ୍ଷୁଚି ନେହିଁକିଁ ଲେମ୍ପାଲି, ନେହିଁ ଗୁଣ୍ଡୁ ଇଞ୍ଜାଁ ଜାହାରା ତକ୍ରାୟାଁ କାତା ମାନଖି ଆୟାଲି, ଜାପ୍ତାମୁ, ଏନିକିଁ ମାହାପୁରୁଚି ବଲୁ ନିମ୍ବାଆଏ । ୬ ଏଲେକିହିଁଏ ଦାଏଗାୟାଁଣି ବାରେ କାତାତା ନେହିଁ ବୁଦି ଆହାଲି ରାହାଁ କିଖି କିମୁ; ୭ ନୀ ବାରେ ମାଣ୍ଡିତା ସାତା କାମାତି ନେହିଁ ଗୁଣ୍ଡୁ ତହ୍ମୁ, ଜାପ୍ତାମି ତାଣା ଆବ୍ଘା ଅଡେ ମାନିଗାଟି ମାଣ୍ଡି ଆହାନା ନେହିଁ ହାତା ତଲେ ଖେହ୍ନୁ । ୮ ଏନିକିଁ ମିଟ୍ଟେ ଲାଗେଏ କିହାଲି ଅଣ୍ଟପାନି ଲକ୍ଷୁ ମିଟ୍ଟେ ଖେଣ୍ଟେ ଖେସାଲି ଆତାଆନା ଲାଜା ବେଟାଆନେରି । ୯ ହୁଲିୟାଢ୍ଠା ତାନି ସାଞ୍ଜୁକାରି କାତା ମାନଖି ଆହା ତୟାପେରି, ଅଡେ ବାରେ କାମାତା ସାଞ୍ଜୁକାରିଲ୍ ରାହାଁ କିନାରି ଆପେରି, ଏଞ୍ଜାରି ଖେଣ୍ଟେ ଜୁଲାଆପେରି, ୧୦ ଏନାଆଁ ସରୁ କିଆନା ନେହିଁ ନାମୁତଲେ ଟିକାଣା କାମା ତସ୍ପାରି, ଆତିହିଁ ମାଟ୍ଟେ ଗେଲ୍ପାନି ମାହାପୁରୁଚି ଦାମ୍ବୁ ଜାପ୍ତାଣି ନେହାୟି ଇଞ୍ଜାଁ ଖେଣ୍ଟୁ କିନେରି । ୧୧ ଇଚିହିଁ ବାରେ ମାଣ୍ଡି କୁଡାଲ୍ ଗେଲ୍ପାଲି ମାହାପୁରୁଚି କାର୍ମାମେହ୍ନାଣି ତସାମାନେସି, ୧୨ ଅଡେ ମାର ଏନିକିଁ ଲାଗେଏତି ଦାମ୍ବୁ, ଦାବ୍‌ଚିତି ଜୁପ୍କା ପିସାନା ଇ ନାଏଁତି ଜୁଗୁତା ନେହିଁ ବୁଦି, ଦାମ୍ବୁ ଅଡେ ମାହାପୁରୁଚି ଆଜିତଲେ ନୀଡିନ, (aiōn g165) ୧୩ ଅଡେ ଏ ରାହାଁତି ବାସ୍ତୁ ମା କାଜା ମାହାପୁରୁ ଗେଲ୍ପାନି କ୍ରୀସୁ ଜୀସୁଚି ଗାଞ୍ଜୁରମି ତଞ୍ଜୁଆନାଣି କାଚିହିଁ ତୟିନ, ଇଦାଆଁତାକି ମାଟ୍ଟେ ଜାପ୍ତାହିଁ ମାଞ୍ଜୁନେ । ୧୪ ଏ କ୍ରୀସୁ ଜୀସୁ ମା ବାରେ ଲାଗେଏ ପଲେଏ ତାଣାଟି ଗେଲ୍ପି କିୟାଲି ଅଡେ ତାଢେଟାକି ସାତା କାମାତାକି ରାହାଁତି ତାନି ଲକ୍ଷୁ ଲେହେଁ ଅବ୍ହିଲି ତାନ୍ୟ ମା ତାକି ହେବ୍ପି ଆପେସି । ୧୫ ଇ ବାରେ କାତା ଜୁଲିହିଁ ବାରେ ଅଦିକାରା ତଲେ ସାସା ହୀମୁ, ଅଡେ ଦାକା ହୀମୁ । ଏନିକିଁ ଆମ୍ବାଆସି ନିଟ୍ଟେ ହାଣି କିୟାଆପେରି ।

୩ ଦେସାତି ସାଲଖି କିନାରି ଅଦିକାରା ବେଟାଆହା ମାନାରି ତୁଲ ମାଞ୍ଜୁନା, ଏଞ୍ଜାରାଲ୍ ମାନି କିହାନା, ଅଡେ ବାରେ ନେହିଁ କାମା କିହାଲି ଜାଗ୍ରାତା ଆଦୁ, ୨ ଆମ୍ବାଆରାଲ୍ ନିମ୍ବା କିଆନା, ଆମ୍ବାଆସି କପାଟି କାମା

କିଆନା, ବାରେ ଲକ୍ଷ୍ମ ନକିତା ଉଣା ଆହାଳି, ସୁଦୁ ସୁଖଲା ଡ଼ସାଲି ବାରେ
 ଲକ୍ଷ୍ମ ନକିତା ଅଶ୍ଵପି କିମ୍ପୁ । ୩ ଇତିହିଁ ମାର ଜିକେଏ ନକେଏ ବୁଦିହିଲାଆ
 ଗାଟାତାୟି, କାତା ଆହୁଆ ଗାଟାତାୟି, ଲାଗେଏତି ଜିରୁଟି ହାଜିମାତାୟି,
 ଏନି ଏନି ଜୁପକା ଅଡ଼େ ସୁକୁ ଦୁକୁତି ହଲିୟା ମାତାୟି, ତାହାରା ଅଡ଼େ
 ତାହାରା ତଲେ ମାତାୟି ଇଞ୍ଜି ଅପ୍ଵି ଆଆଗାଟି ଲକ୍ଷ୍ମ ଆହା ଅପ୍ଵି ଆହି
 ହିଲାଆତାୟି । ୪ ସାମା ଏତିବେଲା ମାଡ଼େ ଗେଲ୍ପାନି ମାହାପୁରୁତି କାର୍ମା
 ଅଡ଼େ ମାଶ୍ଵି ଜାତି ତାକି ତାନି ଜୀଞ୍ଜୁନନାୟି ଡ଼ଞ୍ଜୁଆଡ଼େ, ୫ ଏତିବେଲା
 ଏଞ୍ଜାସି ମା କିତି ଦାର୍ମୁ କାମାତାକି ଆଏ, ସାମା ତାନି କାର୍ମାତଲେ ପୁଞ୍ଜି
 ଜାର୍ନାତି ଏୟୁତଲେ ନରହାନା, ତାନି ସୁଦୁଜୀଞ୍ଜୁ ତଲେ ପୁଞ୍ଜି ଗାଡ଼ିକିହିଁ
 ଗେଲ୍ପାମାଞ୍ଜୁନେସି, ୬ ଏ ନେହିଁ ଜୀଞ୍ଜୁତି ମାଡ଼େ ଗେଲ୍ପାନି ଜୀସୁ
 କ୍ରୀସୁ ତାଣାଟି ହାରେପୁରେ ମା ଲକ୍ଷ୍ମ ହାୟାଡ଼େସି, ୭ ଏନିକିଁ ମାର
 ତାନି କାର୍ମାମେହନାଣି ତଲେ ଦାର୍ମୁ ଗାଟାତାୟି ଆହାନା ବାର୍ସୁ ତଲେ
 କାଲାକାଲାତି ଜୀଞ୍ଜୁତି ଅଦିକାରା ଆନାୟି । (aiōnios g166) ୮ ଇ କାତା
 ସାତା ଆନେ । ଅଡ଼େ ଏନିକିଁ ମାହାପୁରୁଇଁ ନାମିନାରି ବାରେ ନେହିଁ
 କାମାତି ଅଶ୍ଵପିହିଁ କିନେରି, ଏଦାଆଁତାକି ଇ ବାରେ ଜାଣ୍ଡେତଲେ ଜାପ୍ପୁ
 ଇଞ୍ଜି ନା ଅଶ୍ଵପୁ ଇ ବାରେ ଲକ୍ଷ୍ମତାକି ନେହାୟି ଇଞ୍ଜି ଅଜିତାୟି । ୯
 ସାମା ଲେନିପନିଏ ବାଦିବାଦା କାତା ଜଲିନି ତାଣାଟି, ଆକୁ ଆବାୟୁ
 ଦରକା ତାକି, ଗଡ଼ହା ଅଡ଼େ ମେରାତାକି ଗଡ଼ହାଟି ହେକ ମାନାମୁ,
 ଇତିହିଁ ଏ ବାରେ ଲାବା ହିଲାଆ ଉଜେଏତାଇ । ୧୦ ଜିରୁ ବାଣି କିନି
 ଲକ୍ଷ୍ମଇଁ, ର ଦେବା ରୀ ଦେବା ଦାକା ହାହିଁ ଜାଗ୍ରାତା କିପୁ, ଅଡ଼େ ତାୟୁ
 ଏଞ୍ଜାଣି ତାଣାଟି ହେକ ଆଦୁ: ୧୧ ଇଲେତି ଲକ୍ଷ୍ମ ତାନି ଜିରୁ ବାଣାଆହା
 ମାନେରି, ଇଞ୍ଜି ପାପୁ କିହିଁ ଜାହାରାତି ଦହ କିନେରି, ଇଦାଆଁ ମାରୁ
 ପୁଞ୍ଜାମାଞ୍ଜେରି । ୧୨ ଏତିବେଲା ନାନୁ ମୀ ତାଣା ଆର୍ତମା କି ତୁକିକଇଁ
 ପାଣ୍ଡାଇଁ, ଏତିବେଲା ନିକପଲିତା ନା ତାଣା ଝାହାଲି ଜାଡ଼ନୁ ଆମୁ ଇତିହିଁ
 ପେନିଡ଼େଡ଼ା ରାଞ୍ଜେ ଏମ୍ପାଆଁ ମାଞ୍ଜୁଲି ଅଶ୍ଵପାମାଇଁ । ୧୩ ଅକିଲା ଜିନା,
 ଅଡ଼େ ଆପଲକି ଏନାୟି ଲଡ଼ାମାନେ ଏଦାଆଁ ହାହାନା ଜିରୁ ଡ଼ହମୁ,
 ଏନିକିଁ ଏଞ୍ଜାରି ଜିରୁତା ଏଞ୍ଜାରାକି ଏନାୟି ଲଡ଼ା ଆଆପେ । ୧୪ ମା ଲକ୍ଷ୍ମ
 ଜିକେଏ ଲଡ଼ାମାନି ତାର୍ପୁ କାମାତା ଲେମ୍ପୁଞ୍ଜି ଆହାଲି ଜାପିନାୟି ମାନେ,
 ଏନିକିଁ ଏଞ୍ଜାରି ପାଡ଼େୟି ହିଲାଆ ଗାଟାରିଲେହେଁ ଆଅରି । ୧୫ ନା ତଲେ
 ମାନି ବାରେଜାଣା ନିଞ୍ଜୁ ଜହରା କିହିମାଞ୍ଜୁନେରି । ନାମୁତା ଆମ୍ପାଆରି
 ମାଡ଼େ ଜୀଞ୍ଜୁ ନହିମାଞ୍ଜୁନେରି ଏଞ୍ଜାରାଇଁ ଜହରା କିପୁ, ଅଡ଼େ ମାହାପୁରୁତି
 କାର୍ମାମେହନାୟି ମୀ ବାରେତାକି ଆପେ ।

ପିଲିମ

୧ ନାନୁ ପାଞ୍ଜଲ, ଜୀସୁ କ୍ରୀସ୍ତୁ ତାକି ଦସ୍ତି ଆହାମାନାତେଏଁ, ତାୟି ତିମତି, ମା ତଲେ କାମା କିହିମାନି ଜୀସୁତି ପିଲିମନ, ୨ ଅଡେ ତାଡ୍ଡି ଅପ୍ପିୟା ଇଞ୍ଜିଁ ମା ତଲେ ଜୁଜୁକିନି ଆକିପ୍ପ ଇଞ୍ଜିଁ ମୀ ଇଜ ମାନି କୁଲମିତାକି ଆକୁ ରାତମାଇଁ; ୩ ମା ଆବା ମାହାପୁରୁ ଅଡେ ପ୍ରୁ ଜୀସୁ କ୍ରୀସ୍ତୁ ତାଣାଟି କାର୍ମାମେହନାୟି ଅଡେ ହିଡ୍ଡି ମିଡ୍ଡେତାକି ଆୟାପେ । ୪ ନାନୁ ନା ପ୍ରାତାନାତା ମୀ ଦରୁ ଆସାନା କାଲେଏ ନା ମାହାପୁରୁଇଁ ଜହରା କିହିମାଇଁ, ୫ ପ୍ରୁ ଜୀସୁ କ୍ରୀସ୍ତୁ ଇଞ୍ଜିଁ ବାରେ ମାହାପୁରୁ ଲକୁତାକି ମୀ ଜୀସୁନନାୟି ଅଡେ ନାମୁତି କାତା ଖେଞ୍ଜାନା ୬ ଏଲେକିହିଏ ମୀ ନାମୁତଲେ ଆଣୁଡି ଆନାୟି, ମାଡ୍ଡେ ହାପ୍ପକିଆତି ବାରେ ନେହିଁ କାତାତି ପୁନାଣି ତଲେ କ୍ରୀସ୍ତୁ ତାଣା କାମା ଆନେ । ୭ ଏନାଆଁତାକି ଇତିହିଁ, ଏ ନା ତାୟି, ମାହାପୁରୁ ଲକୁତି ହିୟାଁ ମୀ ତାଣା ସୁସ୍ତି ମେଡ଼ା ଆହାମାନାକି ନାନୁ ମୀ ଜୀସୁ ନିନି ତାଣା ରାହିଁ ଅଡେ ସାସା ବେଟା ଆହିମାଇଁ । ୮ ଆତିହିଁ ଏନାୟି ନେହାୟି, ଏ କାରୁତାକି ନିଡ୍ଡେ ହୁକୁମି ହାହାଲି କ୍ରୀସ୍ତୁତି ହଲେଏଣା ଲେହେଁ ଆତିଜିକେଏ ନାଡ୍ଡେ ହାରେ ପୁରେ ସାସା ମାନେ, ୯ ଆତିଜିକେଏ ନାନୁ ବୁଡ୍ଡହା ପାଞ୍ଜଲ ଜୀସୁ ନନାଣି ତାକି ମିଡ୍ଡେ ବାତିମାଲିମାଞ୍ଜାଇଁ, କ୍ରୀସ୍ତୁ ଜୀସୁ ତାକି ନାଏଁ ନାନୁ ଦସ୍ତି ଆହାମାଇଁ, ୧୦ ନାନୁ ଇଲେକିଁ ଦସ୍ତି ଆହାମାନାତି ନା ମୀରୁଏସି ଅନିସିମ ତାକି ନିଡ୍ଡେ ବାତିମାଲିମାଞ୍ଜାଇଁ; ୧୧ ଏଞ୍ଜାସି ନକେଏ ନିଡ୍ଡେ ଅଡେ ନାଡ୍ଡେତାକି ଲଡ଼ା ହାଆଗାଟାସି ମାରେସି, ସାମା ନାଏଁ ନିଡ୍ଡେତାକି ଅଡେ ନାଡ୍ଡେତାକି ଜିକେଏ ଲଡ଼ା ଗାଟାସି ଆହାମାନେସି । ୧୨ ନାନୁ ଏଞ୍ଜାଣାଇଁ ନୀ ତାଣା ଖେଣ୍ଡେ ପାଣ୍ଡିମାଞ୍ଜାଇଁ, ଏଞ୍ଜାସି ନା ହିୟାଁ ମାନେ । ୧୩ ନେହିଁ କାରୁତାକି ନାନୁ କାୟିଦିତା ମାଞ୍ଜାନା ଏଞ୍ଜାଣାଇଁ ନୀ କିନି ଜାଡ୍ଡୁ ନାଡ୍ଡେ କିହାଲି ତାକି ତାଗେ ଇଟାଲି ଅଣ୍ଡିମାତେଏଁ, ୧୪ ସାମା ନାନୁ ରାଜି ଆଆପାତେକା ନାନୁ ଏନାଆଁ କିହାଲି ଅଣ୍ଡାଆତେଏଁ, ଏନିକିଁ ନୀ ନେହିଁ କାମା ନୀ ମନତଲେ କିନିଲେହେଁ ଆଆନା ନେହିଁ ଅଣ୍ଡୁ ତଲେ ଆନେ । ୧୫ ଆତିହିଁ ଇଦି ଆହାଲି ଆତିନେ, ଏନିକିଁ ନାନୁ ଏଞ୍ଜାଣାଇଁ ହଲେଏଣା ଲେହେଁ ମେହ୍‌ଆନା ସାମା ହଲେଏଣା କିହାଁ କାଜାସି ଲେହେଁ, ଇତିହିଁ ଜୀସୁତି ତାୟିଲେହେଁ କାଲେଏତାକି ବେଟାଆଦି, ଏଦାଆଁତାକି ଏଞ୍ଜାସି ଏତରଦିନା ତାକି ଏଟ୍‌କା ଆହାମାତେସି; (aiōnios g166) ୧୬ ସାମା ଏଞ୍ଜାସି ଖରୁଇ ହଲେଏସି ଆଏ, ନାଏଁ ଏଞ୍ଜାସି ଜୀସୁତି ତାୟି, ଇତିହିଁ ଆଡ୍ଡୁ ତଲେ ଅଡେ ମାହାପୁରୁ ତାଣା ନିଡ୍ଡେତାକି ଏତେକା ଜୀସୁ ନନାସି ଆଅସି । ୧୭ ଏଦାଆଁତାକି, ନାନୁ ନାଡ୍ଡେ ନା ତଡୁତାସି ଇଞ୍ଜିଁ ଅଣ୍ଡି ମାଞ୍ଜାସାରେ, ଆତିହିଁ ନାଡ୍ଡେ ଆବାତି ଲେହେଁ ଏଞ୍ଜାଣାଇଁ ଆବାମୁ । ୧୮ ଇତିହିଁ ନିଡ୍ଡେତାକି ଏନି ଲାଗେଏ କିହାମାଞ୍ଜାଟି କି ନୀ ତାଣା ରାଣା ଆହା ମାଞ୍ଜାତିହିଁ, ଏଦାଆଁ ନା ଦରୁତା ରାତାମୁ । ୧୯ ନାନୁ ପାଞ୍ଜଲତେଏଁ, ନା କେୟୁତଲେ ଇଦାଆଁ ରାତିମାଇଁ, ନାନୁ ଏଦାଆଁ ଖେଟ୍‌ହାଇଁ । ନାନୁଏ ନା

ତାଣା ରାଣା ମାଞ୍ଜି, ଇ କାତା ଅଡେ ନାନୁ ଖେସାଲି ଅଣ୍ଡି ହିଲଅଁ । ୨୦ ହାଅ, ତାୟି, ପ୍ରୁ ତାଣା ଆଣ୍ଡିଟି ନୀ ତାଣାଟି ନା ଲାବା ଆୟାନେ, କ୍ରୀସ୍ତୁତି ତାଣା ନା ଜୀସୁତା ବାସୁଁ ହିୟାମୁ । ୨୧ ନାନୁ ନା ଖେସ୍ତାତିଲେହେଁ କିଦି ଇଞ୍ଜିଁ ନାମୁ ମାନାକି ନାନୁ ଇ ଆକୁ ରାତିମାଇଁ; ସାତେଏ ନାନୁ ପୁଞ୍ଜାମାଇଁ, ନାନୁ ଏତେକା ଖେସିମାଞ୍ଜାଇଁ, ନାନୁ ଏଦାଣିକିହାଁ ଆଗାଡ଼ା ଜିକେଏ କିଦି । ୨୨ ଇଦାଆଁ ତଲେ ନା ତଡ୍‌ଦିନି ଲଲୁ ଜିକେଏ କିହାନା ଇଟାମୁ, ଇତିହିଁ ମୀ ପ୍ରାତାନା ତଲେ ମୀରୁ ନାଡ୍ଡେ ଖେଣ୍ଡେ ବେଟା ଆୟାଦେରି, ଇଦାଆଁ ନାନୁ ଆସା କିହିମାଇଁ । ୨୩ କ୍ରୀସ୍ତୁ ଜୀସୁ ତାକି ନା ତଲେ କାୟିଦି ଇଲୁତା ମାନି ଏପାପା ୨୪ ଇଞ୍ଜିଁ ନା ତଲେ କାମା କିହିମାନି ମାର୍କ, ଆରିସ୍ତାକି, ଦିମା ଅଡେ ଲୁକ ନିଡ୍ଡେ ଜହରା କିହିମାଞ୍ଜାନେରି । ୨୫ ମା ପ୍ରୁ ଜୀସୁ କ୍ରୀସ୍ତୁତି କାର୍ମାମେହନାୟି ନେହିଁ ଜୀସୁ ମୀ ତଲେ ମାଣ୍ଡେମୁ ।

୧ ମାହାପୁରୁ ତଲି କାଲାତା ଏବଂକା ଏବଂକା ଚାୟୁତା ଅଡ଼େ ଏବଂକା ଏବଂକାତ ମାହାପୁରୁ ଅଣ୍ଟପୁତି ବଲୁ ଖେହନାରି ତାଣାଟି ମା ଆକୁ ଆବାୟାଣି କାତା ଖେସାମାତେସି, ୨ ସାମା ଇ ରାନି ବେଲମାତା ମାର୍ବଣା ତାଣାଟି ମାତ୍ରେ କାତା ଖେସାମାଜ୍ଜନେସି । ଏଞ୍ଜାଣାଇଁ ଏଞ୍ଜାସି ବାରେତି ମୁହେଁ କାଜାସି କିହାଁ ଆତାମାନେସି, ଏଞ୍ଜାଣି ତାଣାଟି ହାଗୁପାକା ବାର୍ତି ବାରେ ଗାଡ଼ିକିତେସି; (aiōn g165) ୩ ଏ ମାର୍ବଣସି ତାନି ତାଜ୍ଜିମାନି ଗାଧୁରମିତି ଉଜେଡ଼ି ଅଡ଼େ ଏଞ୍ଜାଣି ଖାଣା ମାନେ, ଏଞ୍ଜାସି ତାନି ବାଡ଼ୁ ଗାଟି ବଲୁ ତଲେ ବାରେ ବାର୍ତିତି ସାଲଖି କିନେସି, ଇଜ୍ଜାଁ ମା ପାପୁ ବାରେ ମ୍ଲେକ୍ସି ତାୟୁ ଲାକପୁରୁତି ବାଡ଼ୁ ଗାଟି ମାହାପୁରୁତି ଚିଃନି ଚଟତା କୁଗାମାନେସି । ୪ ମାର୍ବଣସି ଏନିକି ଲାକପୁରୁତି ଦୂରୁୟାଁ କିହାଁ ହାରେକା କାଜା ଦରୁତି ଅଦିକାରା ବେଟାଆହା ମାନେସି, ଏଲେକିହିଏ ଏଞ୍ଜାସି ଏଞ୍ଜାସିକା କିହାଁ ହାରେକା କାଜାସି ଆହାମାନେସି । ୫ ଇତିହାଁ ମାହାପୁରୁ ଦୂରୁୟାଁ ବିତ୍ରାତି ଆମ୍ବାଆରାଇଁ ଏତେଲା ଏଲେଇଜ୍ଜା ହିଲଅସି, “ନାନୁ ନା ମାର୍ବଣାଟି, ନାଜ୍ଜିଟିଏ ନାନୁ ନା ତାଜ୍ଜିତେସି” ଅଡ଼େ ଜିକେଏ ମାହାପୁରୁ ଏଲେଇତେସି, “ନାନୁ ମା ଆବାତେସି ଆହାମାଇଁ, ଅଡ଼େ ନାନୁ ନା ମାର୍ବଣାଟି ଆଦି ।” ୬ ଅଡ଼େ ମାହାପୁରୁ ତାନି ପାଣ୍ଡା ମାର୍ବଣାଟି ଅଡ଼େ ଖେଣ୍ଡେ ବାର୍ତିତା ପାଣ୍ଡାତେସି, ଏ ବେଲାତି ସିନିକିହାନା ଏଲେଇନେସି, “ମାହାପୁରୁତି ବାରେ ଦୂରୁୟାଁ ଏଞ୍ଜାଣାଇଁ ଜହରା କିପେରି ।” ୭ ର ଖାକିଟି ମାହାପୁରୁ ଦୂରୁୟାଁ କାତା ଏଲେଇଜ୍ଜା ମାନେସି, “ମାହାପୁରୁ ତାନି ଦୂରୁୟାଁଇଁ ଗାଲି ଲେହେଁଟି ଜୀଞ୍ଜୁ ହାନେସି, ଅଡ଼େ ତାନି ସେବା କିନାରାଇଁ ହିରୁ ଗୁଦ୍ୱା ଲେହେଁ କିନେସି ।” ୮ ଅରଖାକି ମାହାପୁରୁ ତାନି ମାର୍ବଣା ତାକି ଏଲେଇଜ୍ଜା ମାନେସି, “ଏ ମାହାପୁରୁ ନା ସିଂଗାସାଣି କାଲାକାଲା ତାକି ତୟିନେ, ଅଡ଼େ ନାନୁ ସାଲଖି କିନାୟି ନାହାୟି ତଲେ ଆନେ । (aiōn g165) ୯ ନାନୁ ଦାମ୍ବି ଗାଟାଣାଇଁ ଜୀଞ୍ଜୁ ନିହିମାଜ୍ଜି ଅଡ଼େ ଦାମ୍ବି ହିଲାଆଗାଟାଣାଇଁ ଅପାହିଲଅତି, ଏଦାଆଁତାକି ମାହାପୁରୁ ନା ମାହାପୁରୁ ନିତ୍ରେ ଆତାନେସି, ମା ତଣେସିଦ୍ୱା କିହାଁ ନିତ୍ରେ ହାରେକା ରାହାଁତି ନିୟୁଁ ଖାକିହାନା ନିତ୍ରେ ଆତାନେସି ।” ୧୦ ଏଞ୍ଜାସି ଅଡ଼େ ଖେସିମାନେସି, “ଏ ପ୍ରୁ, ନାନୁ ମୁଲୁଏ ବାର୍ତିତି ପୁନାଦି ଗାଡ଼ିକିତି, ଅଡ଼େ ହାଗୁପାକା ବାରେ ନା କେୟୁତଲେ କେପିତି ।” ୧୧ “ଏ ବାରେ ର ଦିନା ମେଣ୍ଡେହାନେ, ସାମା ନାନୁ କାଲେଏ ତୟିଦି; ଅଡ଼େ ଏ ବାରେ ପୁଞ୍ଜ ହିମ୍ବିରିକା ଲେହେଁ ଗେଣ୍ଡା ହାନୁ ୧୨ ଅଡ଼େ, ନାନୁ ହିମ୍ବିରି ଲେହେଁ, ହାଅ, ହିମ୍ବିରି ଲେହେଁ ମୁଦାକିଦି ଅଡ଼େ ଏଞ୍ଜି ବାରେ ହିମ୍ବିରିକା ଲେହେଁ ବାଦଲି ଆନୁ; ସାମା ନାନୁ ବାରେବେଲା ଏଞ୍ଜାଟିଏ, ଅଡ଼େ ନା ଜୀଞ୍ଜୁ ଏତେଲାଖା ରାଏ ।” ୧୩ ମାହାପୁରୁ ତାନି ଦୂରୁୟାଁଇଁ ଏତେଲାଖା ଏଲେଇଜ୍ଜା ହିଲଅସି, “ନାନୁ ନା ସାତୁୟାଁଣି ନା କତାୟାଁ ତୁଲ ଇଟାଆ ପାତେକା ନାନୁ ନା ଚିଃନି ଚଟତା କୁଗାମାନାମୁ ।” ୧୪ ଆତିହାଁ ଲାକପୁରୁତି ଦୂରୁୟାଁ ଆମ୍ବାଆରି? ଏଞ୍ଜାରି

ଆହିମାନେରି ମାହାପୁରୁତି ସେବା କିନାରି ମାଣ୍ଡିୟାଁଇଁ ସାୟେମି କିହାନା ଗେଲ୍ପାଲିତାକି ମାହାପୁରୁ ତାଣାଟି ପାଣ୍ଡାଆତି ଜୀଞ୍ଜୁୟାଁ ।

୨ ଏଦାଆଁତାକି, ମାର ଖେଜ୍ଜାମାନି କାତାତି ହାରେକା ଖେଜ୍ଜାଲି ମନ ହାନାୟି ମାନେ, ଆଆଁତି ମାର ଏତେତା ଜିରୁ ବାଣ୍ଡି ଆଆୟି । ୩ ଇତିହାଁ ନକେଏ ଲାକପୁରୁତି ଦୂରୁୟାଁ ତାଣାଟି ଏଲେଇଜ୍ଜା ମାନେସି, ଏଦି ସାତା ଇଜ୍ଜାଁ ତାରିଆହାଁ ମାନେ, ଅଡ଼େ ଆମ୍ବାଆରି କାତା ଆହାଆନା ମାନିଆହାହିଲଅରି, ଏଞ୍ଜାରି ତାମୁ ବେଟାଆନି ତଣ୍ଡ ବେଟାଆହାମାନେରି । ୪ ଆତିହାଁ ଇଲେତି ଗେଲ୍ପିନାଣିଇଁ ହେଲା କିତିହାଁ ମାର ଏନିକି ଗେଲ୍ପିନାୟି? ଏଦି ନକେଏ ପ୍ରୁ ତାଣାଟି ଖେସିପି ଆହାଁ ଖେଜ୍ଜାମାନି ଲକୁ ତାଣାଟି ମା ତାଣା ଖେସିପିଆହାମାନାୟି ସାତା ଆହାମାନେ; ୫ ଏଦାଆଁତାକି ମାହାପୁରୁ ଜିକେଏ ତାନି ମନତଲେ ହାରେକା ସିନାୟାଁ ଅଡ଼େ କାବାଆନି କାମାୟାଁ ଇଜ୍ଜା, ବାଡ଼ୁଗାଟି କାମାୟାଁ ଅଡ଼େ ସୁଦୁକାଧୁତି ଏବଂକା ଏବଂକାତି ଦାନା ହାହାନା ସାକି ହାହାମାନେସି । ୬ ମାହାପୁରୁ ଆନିନି ପୁଃନି ବାର୍ତିତି ଗାଡ଼ି କିନେସି, ଅଡ଼େ ଆନିନି ବାର୍ତିତି କାତା ମାମୁ ଖେସିମାଜ୍ଜନି, ଏଦାନି ଅଦିକାରା କିହାଲି ଏଞ୍ଜାସି ଲାକପୁରୁତି ଦୂରୁୟାଁ କେୟୁତା ହେର୍ପା ହିଲଅସି । ୭ ସାମା ରଅସି ର ଚାୟୁତା ସାକି ହାହାମାନେସି; “ଏ ମାହାପୁରୁ, ମାଣ୍ଡି ଆମ୍ବାଆସି, ନାନୁ ଏଞ୍ଜାଣାଇଁ ଅଣ୍ଟପିମାଜ୍ଜି? ମାଣ୍ଡି ମାର୍ବଣସି ଆମ୍ବାଆସି ନାନୁ ଏଞ୍ଜାଣି ଜାଡ଼ୁ ଅହିମାଜ୍ଜି? ୮ ନାନୁ ଏଞ୍ଜାଣାଇଁ ଲାକପୁରୁତି ଦୂରୁୟାଁ କିହାଁ ରଚାଣି ଉଣା କିହାମାଜ୍ଜି; ନାନୁ ଏଞ୍ଜାଣାଇଁ ଗାଧୁରମି ଅଡ଼େ ମାନିତି ଟପେରି ତୁରୁଖି କିହାମାଜ୍ଜି, ୯ ନାନୁ ବାରେ ଏଞ୍ଜାଣି କତାୟାଁ ତୁଲ ଇଟାମାଜ୍ଜି ।” ସାତେଏ ମାହାପୁରୁ “ବାରେତି” ଇତିହାଁ ଏନାଆଁଖା ପିହୁଆନା ବାରେତି ତାନି କଡ଼ା ତୁଲ ଇଟାମାନେସି; ଆତିଜିକେଏ ମାର ନାଏଁ ପାତେକା ବାରେ ତାନି ତୁଲ ଆହାମାନାଣି ମେସି ହିଲାଆୟି ସାତା । ୧୦ ମାର ମେସିମାନାୟି ଲାକପୁରୁତି ଦୂରୁୟାଁ କିହାଁ “ଇଟାନି ଉଣା” କିଞ୍ଜିଆହା ମାତେସି, ଏଞ୍ଜାଣାଇଁ ଇତିହାଁ ନାସୁଇଁ ହାକିତି ଦୁକୁ ବେଟା ଆହାମାନାକି ଗାଧୁରମି ଅଡ଼େ ମାନିତି ଟପେରି ତୁରୁହା ମାନାଣି ମେସିମାନାୟି, ଏନିକି ମାହାପୁରୁତି କାର୍ମାଟି ବାରେ ମାଣ୍ଡିୟାଁ ତାକି ଏଞ୍ଜାସି ହାକିତି ଖାଣ୍ଡା ମାନେସି । ୧୧ ଇତିହାଁ ଆମ୍ବାଆରି ତାକି ଇଜ୍ଜାଁ ଆନିନି ଗାଟାଣା ତାଣାଟି ବାରେ ଗାଡ଼ି ଆହାମାନେ, ହାରେକା ମାର୍କାଣି ଜୀଞ୍ଜୁ ଗାଧୁରମି ପାଣ୍ଡି କିହାଲି, ଜୀଞ୍ଜୁ ଦୁକୁ କସୁ ବେଟାଆହାନା ଏଞ୍ଜାଣାଇଁ ଗେଲ୍ପିନି ଜିରୁତା ଅନେସି । ୧୨ ଆମ୍ବାଆସି ପାପୁତି ସୁରୁ କିନେସି ଅଡ଼େ ଆମ୍ବାଆରି ସୁରୁ ଆନେରି, ଏଞ୍ଜାରି ବାରେ ରଣ୍ଡିଏ ତାଜ୍ଜିତି ମାର୍କା; ଏଦାଆଁତାକି ଏଞ୍ଜାଣାଇଁ ଜୀଞ୍ଜୁ ତାୟି ତାଡ଼ି ଇଜ୍ଜାଲି ଲାଜା ଆଅସି, ୧୩ ଏଞ୍ଜାସି ମାହାପୁରୁଇଁ ଏଲେଇଜ୍ଜା ମାନେସି, “ନାନୁ ନା ତାୟି ତାଡ଼ିସ୍ତା ନକିତା ନା ବାରେ କାମା ଖେକ୍, ବାରେ କୁଲିନି ନକିତା ନା ଜହରା ପାପୁ ପାଟିଇଁ ।” ୧୪ ଅଡ଼େ ଖେଣ୍ଡେ ଏଲେଇଜ୍ଜା ମାନେସି, “ନାନୁ ଏଞ୍ଜାଣି ତାଣା ନା ନାମୁ ତାରି କିଇଁ ।” ଅଡ଼େ ସିନିକିରୁ “ମାହାପୁରୁ ନାତ୍ରେ ହାହାମାଜ୍ଜାନି ମାର୍କା ମାସକା ନା ତଲେ ମାନେରି ।” ୧୫ ଏନାଆଁତାକି

ଇଚିହିଁ ମୀରକା ଉଠୁଁ ଅଡ଼େ ନେତେରିତି ଆଢୁତା ଆଣ୍ଡାମାନାକି କ୍ରୀସୁ ଜିକେଏ ଏଲେକିହିଁଏ ମାଣସି ଖାଣା ଆତେସି, ଏନିକିଁ ତାନି ହାକିଟି ସୟତାନଇଁ ନାସା କିନେସି; ଇଚିହିଁ ହାକି ସୟତାନତି ଅଦିକାରାତା ମାତେ । ୧୫ ଇଚ୍ଛୁଁ ହାକିଟି ଆଜିତଲେ ଆମ୍ବାଆରି କାଲେଏତାକି ହଲିୟାଢୁଆ ହାହାନା ଦସ୍ପି ଆହାମାତେରି, ଏଖାସି ଏଖାରାଇଁ ରେଲ୍ପିନେସି । ୧୬ ଇଚିହିଁ ଏଖାସି ସାତେଏ ଲାକପୁରୁତି ଦୁରୁୟିଣି ସାୟେମି କିଆନା ଅବାହାମତି ମୀରକାଣି ସାୟେମି କିହିମାନେସି । ୧୭ ଏଦାଆଁତାକି ଏଖାସି ବାରେ ଖାକିଟି ତାମି ତାୟିୟିଁ ଲେହେଁ ଆନାୟି ମାତେ, ଏନିକିଁ ଏଖାସି ବାରେ ଲକ୍ଷୁତି ପାପୁଡି ବାଦୁଲି ପୂଜା ହାହାଲିତାକି ମାହାପୁରୁତି ଝେବା କାମାତା ରୁ କାର୍ମାମେହନି ଅଡ଼େ ନାମୁତି କାଳା ପୂଜେଲା ଆନେସି । ୧୮ ଇଚିହିଁ ଏଖାସି ତାନୁ ତାୟିପାରି କିଞ୍ଚି ଆହୁଁ ଦୁକୁ ବେଟାଆହା ମାନାକି ତାୟିପାରି କିଞ୍ଚି ଆହିମାନି ଲକ୍ଷୁଣି ସାୟେମି ଆହାଲି ଆଡିମାନେସି ।

୩ ଏଦାଆଁତାକି ଏ ନା ସୁଦୁଗାଟି ତାୟିୟିଁ ଅଡ଼େ ତାଢୁସ୍ତା ମୀରୁ ଆମିନି ମାହାପୁରୁତି ହାବୁକି ଆହାମାନି ତାଣା ଆଣ୍ଡାମାନାତେରି ମା ନାମୁତଲେ ପାଣ୍ଡୁଖିଆହାମାନି କାଜା ପୂଜେରା ଜୀସୁତି କାତା ଅଣ୍ଡପାଦୁ: ୨ ମସା ଏନିକିଁ ମାହାପୁରୁ ଇଲୁତା ମାନିତଲେ କାମା କିହାମାତେସି, ଜୀସୁ ଜିକେଏ ଏଲେକିହିଁ ତାଢେ ଆତାମାନି ମାହାପୁରୁ ନକିତା ମାନି ଗାଟାସି ଆତେସି । ୩ ଇଲୁ କିହିଁ ଇଲୁ କେପିତାସି ଏନିକିଁ ମାନି ବେଟା ଆନେସି, ଏଲେକିହିଁଏ ମସା କିହିଁ ଜୀସୁ ହାରେକା ଗାଞ୍ଜୁରମିତି ଜଗେ ଆହାମାନେସି । ୪ ଇଚିହିଁ ବାରେ ଇଲକା ଆମ୍ବାଆରି ଆଆଟିଁ ଆମ୍ବାଆରି ତାଣାଟି ଚେପୁଞ୍ଚି ଆନୁ, ସାମା ମାହାପୁରୁ ବାରେତି ଗାଡି କିନାସି । ୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା କାମା କିହାମାତେସି, ଇଚ୍ଛୁଁ ଏମିନି କାତା ମାହାପୁରୁ ତାୟୁ ଝେସାଲି ମନ କିହାମାତେସି ଏ କାତେଏ ଇଦି । ୬ ସାମା ଜୀସୁ କ୍ରୀସୁ ତାନି ଆବା ଇଲୁତି ମୁହେଁ ମୀରଏଣା ଲେହେଁ ମାନି ଗାଟାସି; ଇଚ୍ଛୁଁ ମୀର ମା ସାସାତଲେ ଆଞ୍ଜୁମାନାଣି ବେଟାଆନାୟି ଇଚ୍ଛୁଁ ମା ବାସୁତି ତାୟୁ ପାତେକା ଜାଣ୍ଡେ ଆସା ତୁୟିନ, ଆତିହିଁ ମୀର ଜିକେଏ ଏଖାଣି ଇଲୁ ଲେହେଁ ଆନାୟି । ୭ ଏଦାଆଁତାକି ସୁଦୁଜୀଞ୍ଜୁ ଝେସିମାନିଲେହେଁ, “ନୀଞ୍ଜୁ ମୀରୁ ଏଖାଣି ହାତା ଝେଞ୍ଜୁରି, ୮ ଆତିହିଁ ମୀ ଆକୁ ଆବାୟିଁ ଲେହେଁ ମୀ ହିୟିଁତି ଆବୁଞ୍ଜା କିଆରୁ, ଲକ୍ଷୁ ହିଲାଆ ବାଟାତା ଏ ଦିନା ଏଖାରି ମାହାପୁରୁଇଁ ତାୟିପାରି କିହାନା ଏଖାଣି କପାଟି ନିଢୁମାତେରି, ୯ ଏ ବାଟାତା ମୀ ଆକୁ ଆବାୟିଁ ନାଢେ ତାୟିପାରି କିହିଁ ନାଢେ ମେସାତେରି, ଅଡ଼େ ରୀ କଡି ବାସା ପାତେକା ମା କାମା ସିନିକିତେରି । ୧୦ ଇଦାଆଁତାକି ନାନୁ ଇ କଡାଟି ଲକ୍ଷୁଇଁ କାର୍ବି ଆହାନା ଏଲେକିତେସି, ଏଖାରି ବାରେବେଲା ହିୟିଁତା ମାନି ହିଲାଆ ଗାଟାରି, ଏଖାରି ନା ଜିରୁ ପୁଞ୍ଜୁହିଲଅରି ।” ୧୧ ଇଦାଆଁତାକି ନାନୁ ନା କପାଟି ପାର୍ମାଣା କିତେସି, ନାନୁ ଆମିନି ଦେସାତା ଏଖାରାଇଁ ଜମାଲି ହାତେସିମା ଏ ଦେସାତା ଏଖାରି ଏତେଲାଖା ହତାଲି ଆଡଅରି ।” ୧୨ ଏ ତାୟି ତାଢୁସ୍ତା, ଜାଗ୍ରାତା, ପାପୁ ଅଡ଼େ ନାମାଆଗାଟି ହିୟିଁ ମୀ ଆମ୍ବାଆରି ତାଣା

ହିଲେଏ, ଏନିକିଁ ମୀରୁ ଜୀଞ୍ଜୁଗାଟି ମାହାପୁରୁ ତାଣାଟି ହେକ ଆଅତେରି । ୧୩ ସାମା ଏତେତା ପାପୁ ତଲେ ନାଡିକିଞ୍ଚି ଆହାନା ମୀ ବିତ୍ରାଟି ଆମ୍ବାଆରି ହିୟିଁ ଆବୁଞ୍ଜା ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଇଁ ବାସୁତି କାତା ଜମାଲୀ ସାୟେମି କିଦୁ: ୧୪ ଇଚିହିଁ ନକେଏ ମା ଆମିନି ନାନୁ ମାତେ, ଏଦାଆଁ ତାୟୁ ପାତେକା ଜାଣ୍ଡେ ଆସା ତୁୟିନାୟି ଆତିହିଁ କ୍ରୀସୁ ତାଣା ଆଣ୍ଡାମା ତୁୟିନାୟି । ୧୫ ଦାମୁଁ ସାୟେରିତା ରାସୁକି ଆହାମାନେ, “ନୀଞ୍ଜୁ ମାହାପୁରୁତି ହାତା ଝେଟିସାରେ, ଏନିକିଁ କାର୍ବି କିଞ୍ଚିକିନି ଚାୟୁତା ଆହାମାତେ, ଏଲେକିହିଁ ମୀ ଆକୁ ଆବାୟିଁ ଲେହେଁ ହିୟିଁତି ଆବୁଞ୍ଜା କିଆରୁ” ୧୬ ଆତିହିଁ ଆମ୍ବାଆରି ମାହାପୁରୁତି ହାତା ଝେଞ୍ଜୁନା ଏଖାଣାଇଁ କାକି କିହାମାତେରି, ମସା ତାଣାଟି ଆମିନି ଗାଟାରି ମିସର ଦେସାଟି ହତା ଖାହାମାତେରି, ଏଖାରି ବାରେ ଆଏକି? ୧୭ ଅଡ଼େ ଆମ୍ବାଆରି ମୁହେଁ ରୀ କଡି ବାସା ପାତେକା ଏଖାସି କାର୍ବି ଆହାମାତେସି, ଆମ୍ବାଆରି ପାପୁ କିହାମାତେରି, ଆମ୍ବାଆରି ମତା ଲକ୍ଷୁ ତୁୟିଆ ବାଟାତା ରିହାମାତେ, ଏଖାରି ଆଏକି? ୧୮ ମାହାପୁରୁ ଏତିବେଲା ପାର୍ମାଣା କିହାନା ଏଲେକିଞ୍ଜୁମାତେସି, ଏଖାରି ଏତେଲାଖା ମାହାପୁରୁତି ଜମିନି ତାଣା ହତଅରି, ଏତିବେଲା ଏଖାସି ଆମ୍ବାଆରି କାତା ଏଲେକିଞ୍ଜୁମାତେସି? ଆମ୍ବାଆରି କାତା ମାନୁଞ୍ଚି ଆହା ହିଲାଆତେରି, ଏଖାରି ତାକି ଏ କାତା ଏଲେକିଞ୍ଜୁମାତେସି । ୧୯ ଇଲେକିହିଁ ନାନୁ ମେସିମାଇଁ, ଏଖାରି ନାମାଆତାକି ଏ ଆଞ୍ଜୁମାନି କିଶାନ ଦେସାତା ହତାଲି ଆତାଆତେରି ।

୪ ଏଦାଆଁତାକି ଖାଦୁ ମୀର ଜାଗ୍ରାତା ଆନ, ଏତେତା ତାନି ଜମିନି ତାଣା ହତାଲି ଆଞ୍ଜୁମାଟି ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି ଏବୁକା ଆନିଲେହେଁ ତୁଞ୍ଜୁ ଆହିମାନେରି । ୧ ଇଚିହିଁ ଏଖାରି ନକିତା ଏନିକିଁ, ମା ନକିତା ଜିକେଏ ଏଲେକିହିଁଏ ନେହିଁ କାରୁ ଝେପୁକି ଆହାମାତେ, ସାମା ଝେନାରି ନାମୁତି ଝେଞ୍ଜୁମାନି କାତା ଆହାଲିଏ, ଏଦି ଏଖାରି ତାକି ଲାବା ଆଆତେ । ୩ ଅଡ଼େ ମା ବିତ୍ରାଟି ଆମ୍ବାଆରି ନାମିନେରି, ଖାରୁଇ ଏଖାରି ମାହାପୁରୁ ଆଞ୍ଜୁମାନି ଜମିନି ଦେସାତା ହାଜାଲି ଆତିନେରି, ଏନିକିଁ ଏଖାସି ଝେସାମାନେସି, “ଏଦାଆଁତାକି ନାନୁ ନା କପା ତାକି ପାର୍ମାଣା କିତେସି, ଏଖାରି ମା ଜମିନି ଖାରାତା ହତଅରି ।” ଦାରୁତି ଗାଡିକିଟି ବେଲାଟିଏ ବାରେ କାମା ରାହାମାତେ । ୪ ଇଚିହିଁ ଜମିନି ଦିନାଟି କାତାଟି ଏଖାସି ରୁ ଚାୟୁତା ଇଲେକିହିଁ ଝେସାମାନେସି; “ମାହାପୁରୁ ସାତା ଦିନାତା ତାନି ବାରେ କାମା ରାପୁହାନା ଜମିତେସି;” ୫ ଅଡ଼େ ଇ ବାରେ କାତା ମାହାପୁରୁ ଝେଣ୍ଡେ ଏଲେକିଞ୍ଜୁ ମାନେସି, “ଏଖାରି ମା ଜମିନି ତାଣା ହତାଲି ଆଡଅରି ।” ୬ ଆମିନି ଗାଟାରି ମୂଲୁଏ ନେହିଁ କାରୁ ଝେଞ୍ଜୁମାତେରି, ଏଖାରି ମାହାପୁରୁ କାତା ମାନୁଞ୍ଚି ଆଆତାକି ଏ ଜମିନି ତାଣା ହାଜାଲି ଆତାଆତେରି, ନୀଏଁ ଏ ଜମିନାଣି ଏବୁକାତାରି ବେଟାଆହାମାନେରି । ୭ ଅଡ଼େ ରୁ ଦିନା, ଇଚିହିଁ “ନୀଞ୍ଜୁ ଦିନା” ଆତାନା, ଇଚେକା କାଲା ତାୟୁ ଦାଞ୍ଜୁଦି ସାୟେରିତା ଏଲେକିଞ୍ଜୁ ମାନେସି, ଏନିକିଁ

ନକେଏ ଖେପି ଆହାମାନେ, “ନୀଞ୍ଜୁ ମାରୁ ଏଞାଣି ହାତା ଖେଞ୍ଜେରି, ଜାହାରା ହିୟା ଆର୍ଘା କିଆରୁ ।” ୮ ଇତିହିଁ ଜିହସୁୟୁ ଏଞାରାକି ଜମାଲି ହାତିହିଁମା, ଆତିହିଁ ମାହାପୁରୁ ଅର ଜମିନି ଦିନାତି କାତା ଜଲଆତେସିମା । ୯ ଏଲେକିହିଁ ଇ କାତା ସାତା ମାହାପୁରୁ ତାନି ବାରେ କାମାଟି ଜମିତି ଲେହେଁ ତାନି ଲକ୍ଷୁତାକି ଜମିନି ଦିନା ତୀରି କିଞିଆହାମାନେ । ୧୦ ଇଦାଆଁତାକି ମାହାପୁରୁ ତାନି କାମାଟି ଏନିକିଁ ଜମିତେସି, ଆମ୍ବାଆସି ମାହାପୁରୁତି ଜମିନି ଦେସାତା ହତା ମାନେସି, ଏଲେକିହିଁଏ ଏଞାସି ଜିକେଏ ତାନି କାମାଟି ଜମିନାଣି ମେଡ଼ା ଆହାମାନେସି । ୧୧ ଇଦାଆଁତାକି ମା ବିତ୍ରାତି ଆମ୍ବାଆସି ଏନିକିଁ ନାମାଆତାକି ଏ ଲକ୍ଷୁତି ଲେହେଁଏ ଜମିନି ତାଣା ହତାମା ତୟଅସି, ଇଦାଆଁତାକି ଆତିନି ପାତେକା ଜାଦନ୍ଦୁ ଆନ । ୧୨ ଇତିହିଁ ମାହାପୁରୁତି ବଲ୍ଲୁ ଜୀଞ୍ଜୁଗାଟାୟି ଅଡେ କାମା କିନାୟି ଇଞ୍ଜୁଁ ରିକଞାକି ଦାରାଗାଟି ଖାହନି କାଣ୍ଡା କିହାଁ ହାରେକା ଖାସ୍ତାୟି, ଅଡେ ହିୟାଁ ଅଡେ ଜୀଞ୍ଜୁ ଇଞ୍ଜୁଁ ହାଲୁଲି ଅଡେ ତୁମକାତି ନିଜେଡି ପାତେକା ହତାଲି ଆତିନେ । ଏ ବଲ୍ଲୁ ମାଣ୍ଡିତି ତୁଗାମାନି ଅଣ୍ଡୁତି ବାରେ ନାହାଁୟି କିନାୟି । ୧୩ ମାହାପୁରୁ ନକିତା ଏନାୟିଞା ତଞ୍ଜୁ ଆଆଗାଟାୟି ଆଏ, ସାମା ଗାଡ଼ି କିହାମାନି ମାହାପୁରୁ ନକିତା ମାଡେ ଲେକା ହାନାୟି ମାନେ, ଏଞାଣି ନକିତା ବାରେ ଦେପି ଆତାୟି ଅଡେ ପୁକିଆତାୟି । ୧୪ ଏଦାଆଁତାକି ଲାକପୁରୁତି ହାଜାମାନେସି, ଆମ୍ବାଆସି ମାହାପୁରୁ ମାର୍‌ଏସି ଜୀସୁ ଏଞାସି ମା କାଜା ପୁଜେରା ଆହାମାନାକି, ଖାତୁ ମାର ମା ନାମୁତି ଜାଣେତଲେ ଆହନ । ୧୫ ଆମ୍ବାଆସି ମା ଦହ ପୁଞ୍ଜୁଲି ଆତିନେସି, ଏଲେତି କାଜା ପୁଜେରା ଏଞାସି ଆଏ । ସାମା ମା କାଜା ପୁଜେରା, ମା ଲେହେଁ ବାରେଖାକି ତାୟିପାରି ଆହାମାତେସି, ଆତିଜିକେଏ ଏଞାସି ପାପୁ କିହାହିଲାଆତେସି ୧୬ ଏଦାଆଁତାକି ଖାତୁ, କାର୍ମା ମେଡ଼ା ଆହାଲିତାକି ଅଡେ, ଏ ବେଲାତେଏ ସାୟେନି କିନାଣି କାର୍ମାମେହନାଣି ବେଗାଆହାଲି ତାକି ମାର ସାସାତଲେ କାର୍ମାମେହନି ସିଂଗାସାଣି ନକିତା ହାନ ।

୫ ଇତିହିଁ ବାରେ କାଜା ପୁଜେରାଞ୍ଜୁ ଜାହାରା ଲକ୍ଷୁ ତାଣାଟି ଆର୍ଘି ଆନେରି, ଏଞାସି ଏଞାରି ଖାକିଟି ପାପୁ ମେକ୍‌ହାଲି ପୁଜା ଅଡେ ଦାନା ହେରୁପାନା ମାହାପୁରୁତି ସେବା କିନେସି । ୬ ଏଞାସି ବୁଦି ହିଲାଆ ଗାଗାରି ଅଡେ ନଡ଼ିକିଞି ଆହିମାନି ଲକ୍ଷୁଣି ଅରୁହିନାଣି ତସାଲି ଆତିନାସି, ଇତିହିଁ ଏଞାସି ତାନୁଏ ଜିକେଏ ବାଡ଼ୟୁ ହିଲାଆଗାଟାସି; ୭ ଅଡେ ଖାରୁଇ ଏଟ୍‌କା ଲକ୍ଷୁତି ପାପୁ ତାକି ଏଞାସି ପୁଜା କିହାଲି ଆନେ ଏଡି ଆଏ ସାମା ତାନି ପାପୁ ତାକି ଜିକେଏ ତାନୁ ପୁଜା କିହାଲି ଆନେ । ୪ ଅଡେ ଆମ୍ବାଆସି ଇ କାଜା ପୁଜେରା ପାଣାଟି ତାମ୍‌ଏ ଅହାକତାଲି ଆତଅରି, ସାମା ହାରଣ ଏନିକିଁ ଆର୍ଘି ଆହାମାତେସି, ଏଲେକିହିଁଏ ମାହାପୁରୁ ତାଣାଟି ଏଞାସି ଆର୍ଘି ଆନାୟି ମାନେ । ୫ ଏଲେକିହିଁଏ କ୍ରୀସୁ ଜିକେଏ କାଜା ପୁଜେରା ପାଣାଟି ଗାଞ୍ଜୁରିନି ତାନୁଏ ପାରା ହିଲାଆତେସି, ସାମା ମାହାପୁରୁ ଏଞାଣାକି ଏ ଗାଞ୍ଜୁରିନି ପାଣା ହାହାମାତେସି, ଇତିହିଁ ଏଞାସି ଏଞାଣାଲ୍ ଏଲେଇଞ୍ଜୁମାତେସି, “ନୀନୁ ନା ମାର୍‌ଏଶାଟି; ନୀଞ୍ଜୁ ନୀନୁ ନୀ

ତାଞ୍ଜୁ ଆହାମାଲ୍ ।” ୬ ଏଲେକିହିଁଏ ଅଡେ ର ତାଣା ଜିକେଏ ଏଲେଇଞ୍ଜୁ ମାନେସି, “ନୀନୁ ମଲ୍‌କିସେଦକ ଲେହେଁ କାଲେଏତି ପୁଜେରା ଆଦି ।” (aiōn g165) ୭ ଆମ୍ବାଆସି ଏଞାଣାଲ୍ ହାକିଟି ନୀଦହାଲି ଆତିମାନେସି, ଏଞାସି ତାନି ଆଞ୍ଜୁ ତଲେ ନୀତା ମାତାଟି, ମାହାପୁରୁ ନକିତା ହାରେକା ତାହି ତାହି ଅଡେ କାଣ୍ଡୁତଲେ ପ୍ରାତାନା ଅଡେ ବାତିମାଲିହିଁ ହେରୁପା ମାତେସି, ଇଞ୍ଜୁଁ ତାନୁଏ ଜାହାରାଲ୍ ଉଣା କିହାକତିନାସି ଅଡେ ତୀରିତାସି ମାତାକି ମାହାପୁରୁ ଏଞାଣି ରାସ୍ତାଣି ଖେତେସି, ୮ ଏଞାସି ମାହାପୁରୁ ମାର୍‌ଏସି ଆତିଜିକେଏ ଦୁକୁତି ଅରୁହାନା ମାନଞି ଆହାଲି ଜାପିତେସି । ୯ ଇଲେଆହିଁ ତୀରିଆହାନା ତାନି ହୁକୁମି ମାନଞି ଆନାରାକି କାଲେଏ ଗେଲପିନାସି ଆନେସି; (aiōnios g166) ୧୦ ଏଦାଆଁତାକି ଏଞାସି ମାହାପୁରୁ ତାଣାଟି ମଲ୍‌କିସେଦକତି ମେରାଲେହେଁ କାଜା ପୁଜେରା ଇଞ୍ଜୁଁ ଅଦିକାରା ବେଟା ଆତେସି । ୧୧ ଜୀସୁ କ୍ରୀସୁତି କାତା ମାଡେ ହାରେକା ଖେହନାୟି ମାନେ, ସାମା ମିଡେଁ ତେଲୁହିଁ କିୟାଲି ହାରେକା କସୁ, ଇତିହିଁ ମା ଜୀଞ୍ଜୁତା ଖେନାୟି ହାରେ ଉଣା ବାଡ଼ୟୁ ମାନେ । ୧୨ ଇତିହିଁ ଇତର ଦିନା ବିତ୍ରା ମାରୁ ଜୀସୁନାତେରି ଆନାୟି ମାତେ, ଆତିଜିକେଏ ମାହାପୁରୁତି ବଲ୍ଲୁ ଏଟ୍‌କା ଲକ୍ଷୁ ଜୀସୁହାଲି ତାକି ମିଡେଁ ଲଡ଼ା ଆହିମାଞ୍ଜୁନେ; ଖାକିତି ରାନ୍ତା ଲଡ଼ା କିଆନା ପାଲୁ ମିଡେଁତାକି ଲଡ଼ା ଆହିମାଞ୍ଜୁନେ । ୧୩ ଆମ୍ବାଆସି ପାଲୁ ଗହନାସି ଏଞାସି ନେହାଁଣି ଲାଗେଏତି କାତା ପୁଞ୍ଜୁଲି ଆତଅସି, ଇତିହିଁ ଏଞାସି ଉଣା କକାସି । ୧୪ ସାମା ପାତାଆତି ଲକ୍ଷୁ, ଇତିହିଁ ଆମ୍ବାଆସି ବୁଦିତଲେ ନେହାଁଣି ଲାଗେଏତାଣି ଆତାଲି ଆତିନେରି, ଏଞାରାକି ଖାକିତି ରାନ୍ତା ଲଡ଼ାମାନେ ।

୬ ଏଦାଆଁତାକି ଖାତୁ ମାର କ୍ରୀସୁତି ମଲ୍‌ଏ ଜାପିତି କାତା ପିସାନା, ତୀରିତଲେ ପାତାଆହାନା, ହାହାମାନି କାମାଟି ମନ ଖେଟହାନା, ମାହାପୁରୁ ତାଣା ନାନିନ, ୧ ବାପୁସୁତି କାତା ଜୀସୁନାୟି, ତାୟୁଁତା କେୟୁ ଇତିନାଣି, ହାତାରି ଖେଣ୍ଡେ ନିଞ୍ଜୁନାୟି, କାଲେଏତି ତଣ୍ଡୁତି ପୁନାଦି ଖେଣ୍ଡେ କିନାୟିମାନେ । (aiōnios g166) ୨ ନୀଏଁ ମାର ନକିତା ହାନାୟିମାନେ, ହାଅ, ମାହାପୁରୁତି ହେଲ ଆତିସାରେ ମାର ଇଦାଆଁ କିନ । ୪ ଆମିନି ଗାଗାରି ନାମୁତି ଉଣା କିହାମାନେରି, ଏଞାସି ଅଣ୍ଡପାନା ଖେଣ୍ଡା ଖାହାଲି ଆତିନେରିକି? ଏଞାସି ମାହାପୁରୁ ଉଜେଡିତା ବାସା କିହାମାତେରି, ଲାକପୁରୁତି ଦାନାଟି ଖାଣ୍ଡାନା, ସୁଦୁଜୀଞ୍ଜୁତା ଆଣ୍ଡାମାତେରି, ୫ ମାହାପୁରୁତି ନେହିଁ ବଲ୍ଲୁ ଇଞ୍ଜୁଁ ଖାହିମାନି ଜୁକୁତି ବାଡ଼ୟୁତି ତାକ୍‌ନାଣି ଏଞାସି ଖାଣ୍ଡା ମାନେରି, (aiōn g165) ୬ ଏଞାସି ସାତାତି ପିସାନା ଲାଗେଏ ଆନେରି, ଆତିହିଁ ମନତି ବାଦ୍‌ଲି କିଞିକିହାଲି ଅଡେ ଖେଣ୍ଡେ ଏଞାରାଲ୍ ପୁଞ୍ଜୁନି କିଞିକିହାଲି ଆତାଆୟି, ଏଦାଆଁତାକି ଏଞାସି ତାନି ନାସା ଆହାଲିତାକି ମାହାପୁରୁ ମାର୍‌ଏଶାଲ୍ ପାସି ମୁଣ୍ଡାତା ଏକହାନା ଲକ୍ଷୁ ନକିତା ଏଞାଣାଲ୍ ଲାଜା କିହାମାନେରି । ୭ ଇତିହିଁ ଆମିନି ବୁନି ପିୟୁ ରିନି ଏୟୁ ଗହନେ ଇଞ୍ଜୁଁ ଆମିନି ତାସା କିନାରାକି ଲଡ଼ା ଆନି ଆନାଁ କାମ୍‌ କିନେ, ଏ ବୁନିତି ମାହାପୁରୁ ବର ହାନେସି । ୮ ସାମା ଏମ୍ବାଆଁ ହାପ୍‌କା ଅଡେ ଜାଡ଼ା

ନେଉଁନେ, ଆତିହିଁ ଏଦି ଏନି ଲାବା ଆଏ, ଏଦି ମାହାପୁରୁତି ବାକା ବେଟାଆନେ, ଅଡେ ଡାୟୁ ହିକୁତା ଡାଞ୍ଜୁହାନେ । ୯ ଯାମା ଏ ଜାଞ୍ଜୁତି ତାୟିୟି, ମାମୁ ଇଲେକି କାତା ଖେସ୍ତି ଜିକେଏ ମା ତାଣା ମା ହାରେକା ନାମୁ ମାନେ; ମାରୁ ଗେଲୁପିଆହାଲି ମାହାପୁରୁତି ବର ବେଟାଆହାମାଞ୍ଜେରି । ୧୦ ଇତିହିଁ ମାହାପୁରୁ ମୀ କାମା, ଅଡେ ମାହାପୁରୁ ଲକୁଣି ସେବା କିହିମାନାଣି ଅଡେ ନୀଏଁ ଜିକେଏ କିହିମାନାଣି ଅଡେ ତାନି ଦରୁ ତାକି ମାରୁ ଆମିନି ଜାଞ୍ଜୁନହିଁ ମାଞ୍ଜେରି, ଏଦାଆଁ ମାହାପୁରୁ ବାଣ୍ଡି ଆନେସି ଇଲେତି ଦାମ୍ବୁ ହିଲାଆଗାଟାସି ଏଖାସି ଆଏ । ୧୧ ଯାମା ମାଦି ରଣ୍ଡିଏ ଅଣ୍ଡୁ, ମାରୁ ଡାୟୁ ପାତେକା ମାଞ୍ଜେତାକି ମୀ ଜାଞ୍ଜୁନାୟି କାଲେଏ ଡୟାପେ ଆତିହିଁ ମା ବାରେ ଆସା ପୁରା ଆନେ । ୧୨ ଏନିକିଁ ମାରୁ ନିସ୍ତା ଆଆନା ଆମ୍ବାଆରି ନାମୁ ଅଡେ ସାସାତଲେ ଆଞ୍ଜୁମାନାଣି ଅଦିକାରା କିହିମାନେରି ଏଖାରିଲେହେଁ ଆଦୁ । ୧୩ ଇତିହିଁ ମାହାପୁରୁ ଏତିବେଲା ଅବ୍ରାହାମଇଁ ଆଞ୍ଜୁମାରେସି, ଏତିବେଲା ଏଖାସି ତାନି ଆଞ୍ଜୁମାନାଣି ମାନଓ ଆହାଲି ପାର୍ମାଣା କିହାମାରେସି, ଏଖାଣି କିହାଁ ଆମ୍ବାଆସି କାଜାସି ହିଲାଆକି ଏଖାସି ତାନି ଦରୁତଲେ ପାର୍ମାଣା କିହାଁ ଏଲେଇଞ୍ଜୁମାରେସି, ୧୪ ଏଖାସି ଏଲେଇରେସି, “ନାନୁ ନିଞ୍ଜେ ସାତେଏ ବର ହିୟାଇଁ ଅଡେ ନୀ କୁଡାତି ହାରେକା ପାତିକିଇଁ ।” ୧୫ ଅଡେ ଇଲାଆହିଁ ହାରେକା ଅର୍ହାନା ଅବ୍ରାହାମ ଆଞ୍ଜୁମାନାଣି କାତାମାତାକି ଏଦାଆଁ ମେଡ଼ା ଆହାମାରେସି । ୧୬ ମାଣ୍ଡିୟିୟି ଏଖାରି କିହାଁ କାଜା ଦରୁତଲେ ପାର୍ମାଣା କିନେରି, ଅଡେ କାତା ତୀରି କିହାଲି ଏଖାରି ବାରେ ଗଡ଼ହା ପାର୍ମାଣା ତଲେ ତୀରି ଆନେ । ୧୭ ମାହାପୁରୁ ଆମ୍ବାଆରାଇଁ ଇ ବାରେ ହାଇଁ ଇଞ୍ଜୁ ଆଞ୍ଜୁମାରେସି, ଏ ଆଞ୍ଜୁମାନାଣି ମାନଓ ଆହାଲି ତାନି ଆଞ୍ଜୁମାନାଣି ତାକି ପାର୍ମାଣା କିହାମାରେସି । ୧୮ ଏନିକିଁ ଆମିନି ରୀ ବାଦ୍ଲି ଆଆଗାଟି କାତାତି ମାହାପୁରୁ ମିତି ଖେସାଲି ଆଡଅସି, ଏଦାଣି ତଲେ ନକିତି ବାସ୍ତିତି ଆସାଲି ତାକି ବାସା ଚାୟୁତା ମାର ହଟି ମାନାୟି, ଇଞ୍ଜୁ ମାର ବାଡ଼ୟୁତି ରାହାଁ ବେଟାଆନାୟି । ୧୯ ଏୟୁ ଜାଜା ଦହନି ଲହ ମୁଣ୍ଡାଲେହେଁ, ଏ ବାସ୍ତି ମା ଜାଞ୍ଜୁତି ଗେଲୁପି କିନାୟି ଅଡେ ଆଞ୍ଜୁନାୟି, ଏଦି ମାହାପୁରୁ ଇଲୁତି ଏବ୍ବାକା କିନି ହିମ୍ବୁରି ଲେଟାମାନି ଚାୟୁତା ହତାନା ଆବ୍ବା ଅଡେ ତୀରି ଆହାମାନେ, ୨୦ ଅଡେ, ଜୀସୁ ଏ ଚାୟୁତା ମଲ୍ଲକିସେଦକ ଲେହେଁ କାଲାକାଲାତି କାଜା ପୂଜେରା ଆହାନା ମା ନକିତା ତାକିନି ଲେହେଁ ହତାମାନେସି । (aion g165)

୭ ଇ ମଲ୍ଲକିସେଦକ ସାଲେମ ଦେସାତି ରାଜା ଅଡେ ବାରେକିହାଁ କାଜା ମାହାପୁରୁତି ପୂଜେରା ମାରେସି । ଅବ୍ରାହାମ ଅଡେ ତାନି ଡ଼ୁଡ଼ାରି, ସାରି ଜାଣା ରାଜାୟି ତଲେ ଜୁକୁତା ଜାଣା ଆହାଁ ଖେଣ୍ଡେ ଖାହିମାତି ବେଲାତା ମଲ୍ଲକିସେଦକ ଅବ୍ରାହାମଇଁ ବେଟାଆହାନା ବର ହାତେସି; ୨ ଅବ୍ରାହାମ ଜିକେଏ ଏଖାଣାକି ଜୁକୁତା ଜାଣାଆହାମାତି ଆସ୍ତିତି ଦସ ବାଗାତି ର ବାଗା ହାହାମାରେସି । ମଲ୍ଲକିସେଦକ, ଇତିହିଁ “ଦାମ୍ବୁତି ରାଜା” ଅଡେ ସାଲେମତି ରାଜା, ଇତିହିଁ “ହିଡ଼ିତି ରାଜା

।” ୩ ଏଖାଣି ତାଲି ତାଞ୍ଜୁ ଆକୁ ଆବାୟିଁ ଦରୁକା କି ଏଖାଣି ଜାର୍ନା ଦିନା କି ଜାଞ୍ଜୁତି ରାତି ଦିନା ଆମ୍ବିୟାଖା ରାସକି ଆହାହିଲେଏ; ଏଖାସି ମାହାପୁରୁ ମାର୍ବଏସି ଲେହେଁ କାଲା କାଲାକି ପୂଜେରା ଆହାମାରେସି । ୪ ଅଣ୍ଡପାରି କିଦୁ, ମଲ୍ଲକିସେଦକ ଏରେକା କାଜାସି ମାରେସି, ଆକୁ ଅବ୍ରାହାମ ଜୁକୁତା ଜାଣାଆହାନା ତାତାମାତି ଆସ୍ତିତି ହାରେକା ନେହିଁ ଆସ୍ତିତି ଦସ ବାଗାତି ର ବାଗା ଏଖାଣାକି ହାହାମାରେସି । ୫ ଲେବି କୁଡାତି ମାରୁକା ବିଡ଼ାଟି ଆମିନି ଗାଟାରି ପୂଜେରା ପାଣା ବେଟାଆନେରି, ଏଖାରି ମସାତି ମେରାଲେହେଁ ଇସ୍ରାୟେଲ ଲକୁ ଡାଣାଟି ଇତିହିଁ ତାନି ତାୟିୟି ଡାଣାଟି ଦସ ବାଗାଟି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଖାରି ଅବ୍ରାହାମ ଆଞ୍ଜୁତି ଜାର୍ନା ଆତିଜିକେଏ ତାନି ଲକୁ ଡାଣାଟି ଦସ ବାଗାଟି ର ବାଗା ଅନେରି; ୬ ମଲ୍ଲକିସେଦକ ଲେବି କୁଡାତାସି ଆଏ, ଆଆତି ଜିକେଏ ଏଖାସି ଅବ୍ରାହାମ ଡାଣାଟି ଦସ ବାଗାଟି ର ବାଗା ଅଡେସି, ଇଞ୍ଜୁ ମାହାପୁରୁ ଆଞ୍ଜୁମାନାଣି ବେଟାଆନାକି ବର ହାତେସି । ୭ ବର ହାନାସି ବର ବେଟାଆନାଣି କିହାଁ କାଜାସି, ବାରେକାଣା ଇଦାଆଁ ପୁଞ୍ଜୁମାଞ୍ଜେରି । ୮ ଇଲେକିହିଁ ହାନି ମାଣ୍ଡିୟିୟି ଦସ ବାଗାଟି ର ବାଗା ଅହିମାନେରି ଏଖାରି ଜିକେଏ ର ଦିନା ହାନେରି, ସାମା ଏତିବେଲାତା ଆମ୍ବାଆସି ଅବ୍ରାହାମତି ଦସ ବାଗାଟି ର ବାଗା ଅହାମାରେସି ଏଖାଣି କାତା ସାକି ହାପୁକି ଆହିମାନେ, ଏଖାସି ହାହା ହିଲଅସି । ୯ ମାର ଏଲେଇଞ୍ଜୁଲି ଆଡିନାୟି, ଦସ ବାଗାଟି ର ବାଗା ଅହିମାନି ଲେବି ଡାୟୁ ଜିକେଏ ଅବ୍ରାହାମ ଡାଣାଟି ଦସ ବାଗାଟି ର ବାଗା ହାହାମାନେସି । ୧୦ ଏନାଆଁତାକି ଇତିହିଁ ଅବ୍ରାହାମଇଁ ମଲ୍ଲକିସେଦକ ଆଣ୍ଡିତାଟି ଲେବି ଏତିବେଲାତା ଜାର୍ନା ଆହା ହିଲାଆତେସି ସାମା ଲେବି ଏଖାଣି ଆଞ୍ଜୁ ବିଡ଼ା ମାରେସି । ୧୧ ଇ ଲେବିୟୁ ଲକୁତି ପୂଜେରା ପାଣା ତଲେ ଇସ୍ରାୟେଲ କୁଡାତି ଲକୁ ତାକି ମସାତି ମେରା ହାପୁକି ଆହାମାରେ । ଅଡେ ଲେବି ଲକୁତି କାମା ନେହିଁ କିହାଲି ଆତିତିହିଁମା, ହାରେକା ଅଦିକାରାଗାଟି ଇ ଲେବି ପୂଜେରାଢ଼ୁ ପିସାନା ମଲ୍ଲକିସେଦକ ଅଦିକାରା ଲେହେଁ ଅର କୁଡାତି ପୂଜେରା ଲଡ଼ା ହିଲାଆଡେ । ୧୨ ଇତିହିଁ ପୂଜେରା ପାଣା ବାଦ୍ଲି ଆନେ, ଆତିହିଁ ମସା ମେରା ଜିକେଏ ବାଦ୍ଲି ଆନାୟି ମାନେ । ୧୩ ଇତିହିଁ ଆମ୍ବାଆରି ତାକି ଇ ବାରେ ଖେସ୍ତି ଆହାମାନେ, ଏଖାସି ଅର କୁଡାତି ଲକୁ ମାରେସି, ଆମିନି କୁଡାତାରି ଆମ୍ବାଆସି ଏରେଲାଖା ପୂଜା ପିଣ୍ଡାତି ସେବା କାମା କିହାଲି ଆଣ୍ଡୁହିଲଅସି । ୧୪ ଇତିହିଁ ଇଦି ସାତା ମା ପ୍ରବୁ ଜୀହୁଦା କୁଡାଟି ଜାର୍ନା ଆହାମାନେସି ଇଞ୍ଜୁ ମସା ଇ କୁଡାତି ପୂଜେରା ପାଣା ତାକି ଏନାଆଁ ଖେସାହିଲଅସି । ୧୫ ଅଡେ ଇଦି ଇମ୍ବାଟି ଜିକେଏ ନେହିଁକିଁ ପୁନାୟି, ମଲ୍ଲକିସେଦକ ଲେହେଁ ଅଡେ ର ପୂଜେରା ହତାମାନେସି । ୧୬ ଏଖାସି ଆଞ୍ଜୁ ତଲେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜାଞ୍ଜୁତି ବାଡ଼ୟୁତି ପୂଜେରା ପାଣା ମେଡ଼ା ଆହାମାନେସି । ୧୭ ଇତିହିଁ ଦାମ୍ବୁପତିତା ଏଖାଣି ତାକି ଇଲେକି ଦାମ୍ବୁ ସାସ୍ତେରିତା ସାକି ହାପୁକି ଆହାମାନେ; “ନାନୁ ମଲ୍ଲକିସେଦକ ଲେହେଁ କାଲାକାଲାତି

ପୂଜେରା ଆଦି ।” (aiōn g165) **୧୮** ଇମ୍ପାଆଁ ତଲିତି ହୁକୁମି ବାଢ଼ୁୟୁ ହିଲ୍ଲାଆଗାଟାୟି, ଉଜେଏତାୟି ଲାକା ଏଦି ମେଶ୍ଟେୟୁ ହାଜାମାନେ । **୧୯** ଏନାଆଁତାକି ଇତିହିଁ ମସାତି ମେରା ଏନାଆଁଖା ତାରି କିହାଲି ଆଡାଆତେ । ଅରଖାକି ବାରେକିହିଁ ହାରେକା ନେହିଁ ବାସ୍ତୁ ହତାମାନେ, ଏ ବାସ୍ତୁତି ମାର ମାହାପୁରୁ ତାଗେ ହାଜାଲି ଆଡିନାୟି । **୨୦** ମା ତାକି ମାହାପୁରୁତି ପାର୍ମାଣା ହାରେକା ମାନେ । ହାରଣ କୁଡ଼ାତି ପୂଜେରା ପାଣାତା ଆଡ଼ି ଆତାତି ଇଲେତି ଏନି ପାର୍ମାଣା ହାପୁକି ଆହାହିଲ୍ଲାଆତେ । **୨୧** ସାମା କ୍ରାସୁ ପୂଜେରା ଆନି ବେଲାତା ମାହାପୁରୁ ପାର୍ମାଣା କିହାନା ଏଖାଣାଇଁ ଏଲେଇଞ୍ଜାମାତେସି, “ପୁରୁ ର ପାର୍ମାଣା କିହାନାନ୍ଦେସି, ଏଖାସି ତାନି ଅଶ୍ଟପୁତି ବାଦଲି କିଅସି, ନାନୁ କାଲାକାଲାତି ପୂଜେରା ଆଦି ।” (aiōn g165) **୨୨** ପୁରୁ ଇଲେକି ପାର୍ମାଣା କିହାନାକି ଜୀସୁ ଅଡେ ର ହାରେକା ନେହିଁ ରାଜିମାନା କିନାସି ଆହାମାନେସି । **୨୩** ପୁାଃଇ ତାଣା ଜିକେଏ ଏଟ୍ଟକା ପୂଜେରାୟୁ ହାନାରି ଆହାମାନାକି ଏଖାରି ହାତି ତାୟୁ ଏଟ୍ଟକାତାରି ପୂଜେରା ପାଣା ବେଟାଆନେରି ଏଦାଆଁତାକି ଏଖାରି ହାରେକା । **୨୪** ସାମା ଜୀସୁ କାଲାକାଲା ନାତାମାନାକି, ଏତେଲାଖା ବାଦଲି ଆଆ ପୂଜେରା ପାଣା ବେଟାଆହାମାନେସି । (aiōn g165) **୨୫** ଏଦାଆଁତାକି ଏଖାଣି ତାଣାଟି ଆମିନି ଗାଟାରି ମାହାପୁରୁ ତାଗେ ହାନେରି, ଏଖାରିକି ଏଖାସି ହାରେପୁରେ ନାଏଁ ଅଡେ କାଲେଏ ଗେଲ୍ପାଲି ଆତିମାନେସି, ଏନାଆଁତାକି ଇତିହିଁ ଏଖାରି ତାକି ମାହାପୁରୁ ତାଣା ଗହାରା କିହାଲି ଏଖାସି କାଲେଏ ନାତାମାନେସି । **୨୬** ଏନାଆଁତାକି ଇତିହିଁ ଇଲେତି କାଜା ପୂଜେରା ମା ତାକି ନେହାସି, ଆମ୍ପାଆସି ସୁତୁଗାଟାସି, ଦହ ହିଲ୍ଲାଆଗାଟାସି, ଲାଗେଏତି ସିନା ହିଲ୍ଲାଆଗାଟାସି ପାପୁ ଗାଟାରି ତାଣାଟି ଏଟ୍ଟକା ଆହାମାନାସି, ଲାକପୁରୁ ଅଞ୍ଜିଆତେସି । **୨୭** ଏ କାଜା ପୂଜେରା ଲେହେଁ ବାରେଦିନା ନକେଏ ତାନି ପାପୁ ତାକି ଅଡେ ତାୟୁ ଲକ୍ଷୁତାକି ବାରେଦିନା ପୂଜା ହାହାଲି ଲୁଡ଼ା ହିଲେଏ, ଇତିହିଁ ତାଟ୍ଟେ ପୂଜା ହାତାକି ଏଖାସି ରଣ୍ଡିଏ ପାଲି ଇଦାଆଁ କିହାମାନେସି । **୨୮** ଏନାଆଁତାକି ଇତିହିଁ ମସାତି ମେରା ବାଢ଼ୁୟୁ ହିଲ୍ଲାଆଗାଟି ମାଶ୍ଟିଇଁ କାଜା ପୂଜେରା ପାଣାତା ଆଡିନେ, ସାମା ଆମିନି ପାର୍ମାଣାଟି ବଲ୍ଲୁ ମସାତି ମେରା ଜେଟ ଆହାମାତେ, ଏଦି କାଲାକାଲା ତାକି ତାରିଗାଟି ମାର୍ବଣାଣାଇଁ ଆତିମାନେ । (aiōn g165)

୮ ମାମୁ ଏନାଆଁ ଷେସିମାଞ୍ଜାନମି ଏମ୍ପାତି କାଜା କାତା ଇଦି, ମାଟ୍ଟେତାକି ଇଲେତି ର କାଜା ପୂଜେରା ମାନେସି, ଏଖାସି ଲାକପୁରୁ କାଜା ଗାଧୁରମିଗାଟି ମାହାପୁରୁ ସିଂଗାସାଣିତି ଚିଃନି ଚଟତା କୁଗାମାନେସି । **୨** ଏଖାସି ବାରେତି କିହାଁ ସୁଦୁ ଟାୟୁତା ଇଞ୍ଜା ଆମିନି ସାତା ତୁମୁ ଇଲ୍ଲୁ ମାଶ୍ଟି କେୟୁତି କେପି ଆଆନା ପୁରୁ ତାଣାଟି ତାରି ଆହାମାନେ ଏମ୍ପାତି ସେବା କାମା କିନେସି । **୩** ଇତିହିଁ ବାରେ କାଜା ପୂଜେରାୟୁ ଦାନା ଅଡେ ଜନ୍ଦୁତି ତାକାହାଁ ପୂଜା କିହାଲି ଆଡ଼ି ଆହାମାନେରି, ଇଦାଆଁତାକି ଇ କାଜା ପୂଜେରାକି ଜିକେଏ ପୂଜା ହେର୍ପାଲି ତାକି ଲୁଡ଼ାମାନେ । **୪** ଜୀସୁ କ୍ରାସୁ ବାରିତା ମାତିହିଁମା, ପୂଜେରା ଜିକେଏ ଆୟୁଲି ଆଡାଆତେସିମା,

ଏନାଆଁତାକି ଇତିହିଁ ଜୀହୁଦି ଲକ୍ଷୁତି ମେରା ଲେହେଁ ଦାନା ହେର୍ପିନେରି ଇଲେତି ପୂଜେରାୟୁ ଏମ୍ପାଆଁ ମାନେରି; **୫** ପୂଜେରାୟୁ ଆମ୍ପାଆରି ସେବା କିନେରି, ଏଦି ଲାକପୁରୁତି କାତା ପୁଶ୍ଟିକିନିଲେହେଁ ସାୟି ସମାନା, ମସା ଏତିବେଲା ପୂଜା କିହାଲିତାକି ର ତୁମୁ କେପିନି ବେଲାତା ଏଖାଣାଇଁ ମାହାପୁରୁ ଏଲେଇଞ୍ଜାମାତେସି, “ଜାଗ୍ରାତା, ହରୁତା ନିଡ୍ଡେ ଆମିନି ହୁକୁମି ତସ୍ପି ଆହାମାଞ୍ଜାତେ, ଏଲେକିହିଁଏ ବାରେ କେପାମୁ ।” **୬** ସାମା ନାଏଁ ଜୀସୁକି ଆମିନି ପୂଜେରା କାମା ହାପୁକି ଆହାମାନେ, ଏଦି ଏଟ୍ଟକାତି ପୂଜେରାୟୁ କାମା କିହାଁ କାଜାୟି । ଏଲେକିହିଁଏ ମାହାପୁରୁ ଅଡେ ମାଶ୍ଟିୟୁ ମାଦି ଏଖାସି ଆମିନି ରାଜିମାନା କିହାମାନେସି ଏଦି କାଜାୟି, ଇତିହିଁ ଇ ମେରାତା ହାରେକା କାଜା କାତା ହାହାଲି ଆଞ୍ଜାମାନାୟି ମାନେ । **୭** ଇତିହିଁ ତଲିତି ରାଜିମାନା ଏନି ଦହ ହିଲ୍ଲାଆତିହିଁମା, ତାୟୁ ଅଡେ ଅର ରାଜିମାନା ଲୁଡ଼ା ଆଆତେମା । **୮** ସାମା ମାହାପୁରୁ ତାନି ଲକ୍ଷୁଇଁ ଦହ ଦସାନା ଏଖାରିଲ୍ଲୁ ଏଲେଇଞ୍ଜା ମାନେସି, “ପୁରୁ ଏଲେଇଞ୍ଜା ମାନେସି, ମେହ୍ଦୁ ର ଦିନା ଖାହିମାନେ, ଏତିବେଲା ନାନୁ ଇସାୟେଲ କୁଡ଼ା ଅଡେ ଜୀହୁଦା କୁଡ଼ା ତଲେ ର ପୁଃନି ରାଜିମାନା ତାରି କିଇଁ; **୯** ଆମିନି କାଲାତା ନାନୁ ଏଖାରି ଆକୁୟୁଣି କେସ୍ତା ଆସାନା ମିସର ଦେସାତି ହ୍ପହା ତାତାମାତେଏଁ, ଏ ବେଲାତା ଏଖାରିତଲେ ନାନୁ ଆମିନି ରାଜିମାନା କିହାମାତେଏଁ, ଇ ରାଜିମାନା ଏଲେକିହିଁ ଆଏ; ଇଞ୍ଜା ଏଖାରି ନା ରାଜିମାନାତା ତାରି ଆହିଁ ମାନଆତେରି, ଇଞ୍ଜା ନାନୁ ଏଖାରିଲ୍ଲୁ ମନ ହାଆତେଏଁ, ପୁରୁ ଇ କାତା ଏଲେ ଇଞ୍ଜାମାନେସି । **୧୦** ପୁରୁ ଏଲେଇଞ୍ଜା ମାନେସି, ତାୟୁ ନାନୁ ଇସାୟେଲ କୁଡ଼ା ତଲେ ଇ ରାଜିମାନା କିଇଁ, ଏଦି ଇଦି, ନାନୁ ଏଖାରି ମନତା ନା ମେରା ହାଇଁ, ଏଖାରି ହିୟୁତା ଏ ବାରେ ରାତିଇଁ, ଅଡେ ଏଖାରି ମାହାପୁରୁ ନାନୁ ଆଇଁ, ଅଡେ ଏଖାରି ନା ଲକ୍ଷୁ ଆନେରି । **୧୧** ମାହାପୁରୁଇଁ ପୁଞ୍ଜୁ ଇଞ୍ଜା ଏଖାରି ବିତ୍ରାତି ରଅସିଖା ତାନି କୁଡ଼ାତି ଗାଡ଼ାତାରାଇଁ ଷେହ୍ସାସି, ଇଞ୍ଜା ତାନି ତାୟୁଇଁ କି ପାଡ଼ିତାରାଇଁ ଜାପ୍ଅରି, ଏନାଆଁତାକି ଇତିହିଁ ଉଶାଟିଏ କାଜାରି ପାତେକା ଏଖାରି ବାରେଜାଣା ନାଟ୍ଟେ ପୁଞ୍ଜାମାନେରି । **୧୨** ନାନୁ କାର୍ମାମେସାନା ଏଖାରି ବାରେ ପାପୁ ମ୍ଲେକ୍ଇ, ଅଡେ ଏଖାରି ଲାଗେଏ କିନାଣି ଏତେଲାଖା ଅଶ୍ଟପୁଆଁ ।” **୧୩** ମାହାପୁରୁ ର ପୁଃନି ରାଜିମାନା କିତାକି ତଲିତି ରାଜିମାନାଇଁ ପୁାଃଇ ରାଜିମାନା କିହାମାନେସି; ଇଞ୍ଜା ଅଡେ ଆମିନି ପୁାଃଆୟି ଲୁଡ଼ା ହାଆଗାଟାୟି ଆହାମାନେ, ଏଦି ଗାଡ଼େକେଏ ମେଶ୍ଟିନେ ।

୯ ସାତେଏ ଏ ତଲିତି ରାଜିମାନା ଜିକେଏ ପ୍ରାତାନା କିନି ମେରା ଅଡେ ର ବାରିତି ସୁଦୁ ଟାୟୁ କିଞ୍ଚି ଆହାମାତେ । **୨** ଏଦି ର ତୁମୁ ତଲେ କେପିତି ଇଲ୍ଲୁ ଆହାମାତେ, ଏମ୍ପାତି ତଲିତି ବାକ୍ରା ଇଞ୍ଜା ଇନେରି ଏମ୍ପାଆଁ ର ଦୀଞ୍ଚି ସଡ଼ା, ର ପିଣ୍ଡା ଅଡେ ମାହାପୁରୁକି ହେର୍ପାମାନି ରୁତି ମାତେ, ଏଦାନି ସୁଦୁ ଟାୟୁ ଇନେରି । **୩** ଏମ୍ପାଆଁ ଲେଟାମାଟି ଟାଟିନି ରୀ ହିମ୍ପରିକା ତାୟୁଖାକି ଆମିନି ତୁମୁ ମାତେ, ଏଦାଆଁ ହାରେକା ସୁଦୁ ବାକ୍ରା ଇଞ୍ଜା ଇନେରି; **୪** ଏମ୍ପାଆଁ ବାଂଗାରା ତଲେ ଖାରି କିହାମାଟି ତୁପ୍ପି ହୁତିନି

ର ପିଣ୍ଡା ଅଡ଼େ ବାଂଚାରା ତଲେ ଖାରି କିହାମାଟି ରାଜିମାନା ପେଡ଼ା ମାତେ । ଏ ରାଜିମାନା ପେଡ଼ାତା ମାନ ଇଚ୍ଚି ଆହାମାଟି ର ବାଂଚାରା ମୁତା ଅଡ଼େ ହାରଣାଖାୟି ଆକୁ ଗାଲହାମାଟି ବାଡ଼ଗା ଇଚ୍ଛୁ ରାଜିମାନା ରାସକି ଆହାମାଟି ରିଣ୍ଡି ଖାଲି ପାଟାୟି ମାତୁ, ୫ ରାଜିମାନା ପେଡ଼ା ଲାକ ମାହାପୁରୁ ନକିତା ନିମାମାନି ଲେହେଁ ଗାଧୁରମିଗାଟି ଜଡ଼େକା କିରୁବ ଦୁରୁୟିତି ବମା ମାତୁ, ଏଓ ପାପୁ ମେଶ୍ଟି କିନି ଚାୟୁତି ପୁକହାମାତୁ; ଏଓ ପାପୁ ମେକ୍ସି ଚାୟୁ ଲାକ ମାରାୟି ପୁକହାମାତୁ, ଏ ବାରେତି କାତା ନାଏଁ ନେହିଁକି ଖେପାଲି ଲଡ଼ା ହିଲେଏ । ୬ ଏମ୍ପାଆଁ ଇଲେତି ମେରା ମାନେ; ପୁଜେରାଘ୍ଟା ଦିନାତାକି ଦିନା ତୁମ୍ପୁତି ତଲିତି ବାକ୍ତା ବିଡ଼ା ତାମି ସେବା କାମା କିନେରି, ୭ ସାମା ତାୟୁତି ବିଡ଼ା ବାକ୍ତାତା ଖାରଇ କାଜା ପୁଜେରା ବାର୍ଯ୍ୟା ତାକି ରଣ୍ଡିଏ ଦେବା ହଡ଼ନେସି, ତାନି ପାପୁ ଇଚ୍ଛୁ ଲକ୍ଷୁତି ପୁନାଆତି ପାପୁ ତାକି ମାହାପୁରୁକି ପୂଜା ହେରପାଲି ଏଖାସି ନେତେରି ଅହାନା ହାରେକା ସୁଦୁ ଚାୟୁତା ହଡ଼ନେସି । ୮ ଇଦାଆଁତାକି ସୁଦୁଜାସୁ ମାତ୍ରେ କ୍ରାପୁହି ମାଷ୍ଟାନେ, ନକିତି ସୁଦୁ ତୁମ୍ପୁ ମାନି ପାତେକା ହାରେକା ସୁଦୁ ଚାୟୁତା ହଡ଼ାଲି ଜିରୁ ତଞ୍ଜୁଆହାଁ ହିଲେଏ । ୯ ଇ ତଲିତି ବାକ୍ତା ନାଏଁ କାଲା ତାକି ପୁଣ୍ଡି କିଞ୍ଚିକିନି ସିନା, ଅଡ଼େ ଏଲେକିହିଁଏ ଦାନା ଅଡ଼େ ପୂଜା ଇ ବାରେ ହାପକିଆନେ, ସାମା ଇ ବାରେ ସେବା କିନାରାଇଁ ନେହିଁ ଅଣ୍ଡପୁତି ଦାନା ହାହାଲି ଆତେଏ; ୧୦ ଇତିହିଁ ଏ ବାରେ ଖାରଇ ତିନାଣି ଉନାଣି ଅଡ଼େ ଅଡ଼ହାଲି ତାକି ଆଘ୍ଟା ତାକି କିନି କାମାୟି ସାମା ମାହାପୁରୁତି ପୁଃନି ମେରା ଆନି ପାତେକା ଇଦି ବାରେ ଲଡ଼ାଗାଟାୟି ଆହାମାତେ । ୧୧ ସାମା କ୍ରାପୁ ନାଏଁ ନେହିଁ କାମାଟି କାଜା ପୁଜେରା ସମାନା ଆହାନା ଖାହାମାନେସି, ଇଚ୍ଛୁ ଏମିନି ତୁମ୍ପୁ ଇଲୁତା ଏଖାସି ତାନି ସେବା କାମା କିହାମାନେସି, ଇ ଇଲୁ ଦାର୍ତତା ମାନି ତୁମ୍ପୁ ଇଲୁ କିହିଁ ହାରେକା କାଜାୟି ଅଡ଼େ ନେହାୟି, ଏଦି ମାଣ୍ଡି କେୟୁତଲେ କେପାଆତି ତୁମ୍ପୁ ଇଲୁ, ଏଦି ତଞ୍ଜୁଆହାମାନି ଦାର୍ତ ବିଡ଼ା ହିଲାଆତେ । ୧୨ କ୍ରାପୁ ଗରି କି ବାତା କଡ଼ିତି ନେତେରି ତଲେ ଆଏ, ସାମା ଜାହାରା ନେତେରି ତଲେ ରଣ୍ଡିଏ ଦେବା ସୁଦୁ ଚାୟୁତା ହଡ଼ାନା କାଲାକାଲାତାକି ଗେଲ୍ପି ଆନାଣି କିହାମାନେସି । (aiōnios g166)

୧୩ ଆମ୍ପାଆରି ପାଣାପାପୁ ମାନଖି ଆଆନା ପାପୁ କିନେରି, ଏଖାରି ପଲ୍‌ଆ ଗାଟାରି ଲାକ ଗରି ଅଡ଼େ ବାତା କଡ଼ିତି ନେତେରି ତଞ୍ଜୁନା ହୁଡ଼ିତି ଦାର୍ତୁ ତଲେ ଏଖାରି ଆଘ୍ଟାତି ବାରେ ପାପୁ ସୁଦୁ କିହିମାତେରି, ୧୪ ଇଦି ସାତା ଆହାମାନେ, ଇତିହିଁ କ୍ରାପୁତି ନେତେରି ସାତା ଆଏ, କି କାଲେଏତି ଜୀଞ୍ଜୁତି ସାୟେମି ତଲେ ଏଖାସି ଜାହାରାଇଁ ମାହାପୁରୁ ନକିତା ର ଦହ ହିଲାଆ ପୂଜାଲେହେଁ ହେରପିତେସି, ତାନି ନେତେରି ଏତେକା ଗାତି ନୀତାମାନି ମାହାପୁରୁଇଁ ସେବା କିହାଲି, ହାଓି କିନି କାମାଟି ମା ଜୀଞ୍ଜୁତି ଅଣ୍ଡପୁତି ସୁଦୁ କିନେ! (aiōnios g166) ୧୫ ଇଦାଆଁତାକି କ୍ରାପୁଏ ପୁଃନି ରାଜିମାନାଟି ମାଦିତାସି ଆହାମାନେସି, ଏନିକିଁ ମୂଲୁତି ରାଜିମାନାଟି ପାପୁ ମେକ୍ସିହାଲି ତାକି ହାହାମାନାକି ମାହାପୁରୁ ହାଟାମାନି ଲକ୍ଷୁ କାଲାକାଲାତି ଅଦିକାର ଆହାଲି ଆଷ୍ଟାମାନି ଗେଲ୍ପି ଆନାଣି ବେଟାଆନେରି । (aiōnios g166) ୧୬

ଈତିହିଁ ରାଜିମାନା କିଞ୍ଚି ଆହାମାଟି ରାଜିମାନା ଆହାମାନି ମାଣ୍ଡିତି ହାନି ପାର୍ମାଣା ଲଡ଼ାମାନେ । ୧୭ ଇଚ୍ଛୁ ହାତିସାରେ ରାଜିମାନା କିହାମାନାୟି ବାଡ଼ୁଆନେ, ଇତିହିଁ ରାଜିମାନା କିହାମାନାସି ନୀତାମାନି ପାତେକା ଏଦି ଏତେଲା ଜିକେଏ କାମାତା ଖାଏ । ୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲାଆନା ତୀରି ଆହାହିଲାଆତେ । ୧୯ ତଲିଏ ମାସା ମେରାତି ହୁକୁମି ଲକ୍ଷୁତାଣା ଖେକହେସି, ତାୟୁ ଏଖାସି କଡ଼ି ଅଡ଼େ ଗରିତି ନେତେରି ଏୟୁତଲେ ଆଡ଼ହାନା ଏସବ ଜାଡ଼ାତି ଆକା ଅଡ଼େ ନେତେରି ଖାଣାଗାଟି ମେଣ୍ଡା ବାଣାୟି ତଲେ ମେରା ପତି ଅଡ଼େ ବାରେ ଲକ୍ଷୁ ଲାକ ତଞ୍ଜୁତେସି । ୨୦ ଏଖାସି ଏଲେଇତେସି, “ଏମିନି ରାଜିମାନା ମାନଖି ଆହାଲି ମାହାପୁରୁ ମିତ୍ରେ ହୁକୁମି ହାହାମାଷ୍ଟାନେସି, ଇ ନେତେରି ଏ ରାଜିମାନାଟି ତୁସିମାନେ ।” ୨୧ ଅଡ଼େ ଜିକେଏ ଏଲେକିହିଁ ଏଖାସି ତୁମ୍ପୁ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶ୍‌ପୁ ଲାକ ଜିକେଏ ନେତେରି ତଞ୍ଜୁତେସି । ୨୨ ସାତେଏ ମାସାତି ମେରା ତଲେ ବାରେ ନେତେରି ତଲେ ଅଡ଼ି କିଞ୍ଚିଆନେ, ଅଡ଼େ ନେତେରି ଖାକହାନା ପାପୁ ମେଶ୍ଟେଏ । ୨୩ ଏଦାଆଁତାକି ଲାକପୁରୁ କେପିତି ବାରେ ଦିଶ୍‌ପୁ ପୁଣ୍ଡିକିନିଲେହେଁ ପୂଜା ତଲେ ଅଡ଼ି ଆନାୟି ମାତେ; ସାମା ଲାକପୁରୁ କେପିତି ବାରେ ଦିଶ୍‌ପୁ ଇ କାଜା ପୂଜା ତଲେ ଅଡ଼ନାୟି ମାନେ । ୨୪ ଏନାୟି ମାଣ୍ଡିୟି କେୟୁତି କେପାଆତାୟି ଇଲେତି ସୁଦୁ ଚାୟୁତା କ୍ରାପୁ ହାଜାମାନେସି, ଇଦି ସାତା କାତା, ଏଖାସି ଲାକପୁରୁ ହାଜାମାନେସି, ଏମ୍ପାଆଁ ଏଖାସି ମା ଖାକିତି ନାଏଁ ମାହାପୁରୁ ନକିତା ମାନେସି । ୨୫ ଜୀହୁଦିୟି କାଜା ପୁଜେରାଘ୍ଟା ଏନିକିଁ ବାର୍ଯ୍ୟା ତାକି ବାର୍ଯ୍ୟା ଏଚ୍‌କା ଲକ୍ଷୁ ତାକି ପୂଜା ହାନି ନେତେରି ଅହାନା ସୁଦୁ ଚାୟୁତା ହଡ଼ନେରି, ଏଲେକିହିଁଏ କ୍ରାପୁ ଅଲେ ଅଲେ ତାତ୍ରେ ପୂଜା କିହାଲି ଏଦି ଏମ୍ପାଆଁ ହାଜାହିଲଅସି । ୨୬ ଆତିହିଁ ଦାର୍ତ ଗାଡ଼ିଆତି ବେଲାଟିଏ ଅଲେ ଅଲେ ତାତ୍ରେ ହାହାଲି ଆତେମା; ସାମା ନାଏଁ ଏଖାସି ଛୁଗୁ ରାନି ବେଲାତା ତାନ୍‌ଏ ପୂଜାଲେହେଁ ହେରପାକତାମାନାକି ପାପୁ ହେକ କିୟାଲି ତଞ୍ଜୁ ଆହାମାନେସି । (aiōn g165) ୨୭ ବାରେ ଲକ୍ଷୁତାକି ଏନିକିଁ ରଣ୍ଡିଏ ଦେବା ହାନାୟି, ଅଡ଼େ ଏଦାନି ତାୟୁ ନାହାୟି ମାନେ । ୨୮ ଏଲେକିହିଁଏ କ୍ରାପୁ ଜିକେଏ ହାରେକା ଲକ୍ଷୁତି ପାପୁ ତେକା ଅହାଲି ରଣ୍ଡିଏ ଦେବା ପୂଜା ଆହାଲି ହେରପାକତିତେସି, ଅଡ଼େ ଖେଣ୍ଡେ ପାପୁତି ତାକି ଆଏ, ସାମା ଆମିନି ଗାଟାରି ଏଖାଣାଇଁ କାତାମାନେରି, ଏଖାଣାଇଁ ଗେଲ୍‌ପାଲିତାକି ତଞ୍ଜୁଆନେସି ।

୧୦ ଇତିହିଁ ମାସାତି ମେରା ଖାହାମାନି ଦିନାତି ନେହିଁ ସାୟିଲେହେଁ ଆହାନା ଏ ବାରେତି ଖାଣା ଆଆତାକି ପୁଜେରାଘ୍ଟା ବାର୍ଯ୍ୟା ତାକି ବାର୍ଯ୍ୟା ଏ ରଣ୍ଡିଏ ରଲେତି ପୂଜା କିହିମାନାକି ପ୍ରାତାନା କିନାରାଇଁ ଏତେଲାଖା ତୀରି କିହାଲି ଆଡ଼ଅରି । ୧ ଏଲେକିହିଁ ମାହାପୁରୁତି ସେବା କିନାରି ସାତେଏ ପାପୁତି ନରୁଞ୍ଚି ଆତିହିଁମା, ଆତିହିଁ ଏଖାରି ଅଡ଼େ ଜାହାରା ପାପୁ ଗାଟାମି ଇଚ୍ଛୁ ଅଣ୍ଡପାଆତେରିମା, ଅଡ଼େ ବାରେ ପୂଜା କିନାୟି ତୁଞ୍ଜୁତେମା । ୩ ସାମା ଏଲେକିଁ ଆଆନା ବାର୍ଯ୍ୟା ତାକି ବାର୍ଯ୍ୟା ପୂଜା କିହିମାନାକି

ମାଣ୍ଡବିକ୍ ତାନି ପାପୁତି ଅର୍ଥପ କିଞ୍ଚିଆହିମାନେ । ୪ ଭବିହିଁ ବାଟା କଡ଼ିତି ନେତେରି ଆପେ କି ଗରିତି ନେତେରି ଆପେ ଏଦି ଏଚେଲାଖା ମା ପାପୁ ମ୍ଲେକହାଲି ଆଡେଏ । ୫ କ୍ରାସୁ ବାରିତା ଖାହାନା ଏଲେଇଞ୍ଜାମାରେସି, “ନାନୁ ପୂଜା ଅଡେ ଦାନା ହାନାଣି ରାହିଁ ଆଆତି, ସାମା ନାନୁ ନାଟ୍ଟୋତାକି ର ଆଢ୍ଫା କ୍ଲେପିତି; ୬ ପାପୁତି ମ୍ଲେକହାଲି ନାନୁ ହିରୁତା ହୁତିନି ପୂଜା ଅଡେ ଜନ୍ତୁ ଡାକିନାଣି ରାହିଁ ଆଆତି । ୭ ଏଚିବେଲା ନାନୁ ଏଲେଇଚେଏ, ମାହାପୁରୁ, ନାନୁ ଇମ୍ପାଆଁ ମାଇଁ, ନୀ ଅର୍ଥପୁତି କାମା କିହାଲି, ଏନକିହିଁ ସାସ୍ତେରିତା ନା କାତା ରାସ୍ବକି ଆହାମାନେ ।” ୮ ଏଖାସି ତଲିଏ ଷ୍ଟେସ୍ତେସି, “ନାନୁ ମାଣ୍ଡବିକ୍ ପାପୁ ମ୍ଲେକହାଲି ପୂଜା କିନାଣି, ଦାନା ଇଞ୍ଜା କନ୍ତୁତି ହିରୁତା ହୁତିନାଣି ଅପିହିଲଅତି; ଏ ବାରେ ନିଢ୍ଫେ ରାହିଁ କିୟାଲି ଆଡେଏ ।” ଇ ବାରେ ପୂଜା ମେରାଲେହେଁ କିଞ୍ଚି ଆହାମାତି ଜିକେଏ, ୯ ଅଡେ ଜିକେଏ ଏଖାସି ଏଲେଇଚେସି, “ମାହାପୁରୁ ମେହ୍ମୁ, ନାନୁ ନୀ ମନଲେହେଁ କାମା କିହାଲି ଖାହାମାଇଁ” ଏଦାଆଁତାକି ମାହାପୁରୁ ଇ ବାରେ ପୂଜା ଅପାଆନା, ଏଦାଣି ପିସାନା କ୍ରାସୁତି ପୂଜା ଅପିଚେସି । ୧୦ ଜୀସୁ କ୍ରାସୁ ରଣ୍ଡିଏ ଦେବା କାଲାକାଲାତାକି ତାନି ଆଢ୍ଫାତି ହେରପାନା ମାହାପୁରୁତି ମନତଲେ କାମା କିହାଲିଏ, ତାନି ଏ ପୂଜାଟି, ମାର ବାରେ ଜାଣାତାୟି ପାପୁତି ଗେଲ୍ପି ଆହାନା ସୁଦୁ ଗାଟାତାୟି ଆହାମାନାୟି । ୧୧ ଅଡେ ଜିକେଏ ବାରେ ଜୀହୁଦି ପୂଜେରାଢ୍ଫା ବାରେଦିନା ଯେବା କାମା କିହାଲି ଅଲେ ଅଲେ ରଲେଏତି ପୂଜା ହାହାଲି ନିନେରି; ଇ ବାରେ ଏଚେଲା ପାପୁ ମ୍ଲେକହାଲି ଆଡେଏ । ୧୨ ସାମା କ୍ରାସୁ ପାପୁ ତାକି ରଣ୍ଡିଏ ଦେବା ତାଢ୍ଫେ ପୂଜା ଅହାଲି ହେରପାକଡ଼ିତି ତାୟୁ କାଲେଏତାକି ମାହାପୁରୁ ଚିନ୍ତନି ଚଟତା କୁଗିଚେସି; ୧୩ ମାହାପୁରୁ ତାନି ସାତୁୟିଲିଁ ଏଖାଣି କତାୟି ଡ଼ଇ ଇଟାଆ ପାଚେକା ଏଖାସି ଏମ୍ପାଆଁ କାଟିମାନେସି । ୧୪ ଭବିହିଁ ଖାରଇ ରଣ୍ଡିଏ ପୂଜା ହାତି ତାଣାଟି ଏଖାସି ପାପୁତି ସୁଦୁ ଆହାମାନି ଲକ୍ତୁଲିଁ କାଲେଏ ତାକି ତାରି କିହାମାନେସି । ୧୫ ସୁଦୁଜୀସୁ ଜିକେଏ ମାଢ୍ଫେ ସାକି ହାହାନା ଷ୍ଟେସିମାଞ୍ଜାନେ । ୧୬ ଭବିହିଁ ପ୍ରବୁ ଇ କାତା ଏଲେଇଞ୍ଜା ମାନେସି, “ଏ ଖାନି ଦିନା ନାନୁ ଏଖାରିତଲେ ଆମିନି ପୁଃନି ରାଜିମାନା କିଲି, ଏଦି ଇଦି, ନାନୁ ଏଖାସି ହିୟିତା ମସାତି ମେରା ହାଇଁ, ଇଞ୍ଜା ଏଖାସି ମନତା ଏ ବାରେ ରାଟିଲିଁ ।” ୧୭ ଅଡେ ଏଖାସି ଏଲେଇଞ୍ଜା ମାନେସି, “ନାନୁ ଏଖାସି ପାପୁ ଅଡେ ଲାଗେଏତି କାମାୟି ଏଚେଲାଖା ଷ୍ଟେଣ୍ଡେ ଅର୍ଥପିଁ ।” ୧୮ ଇଦାଆଁତାକି ବାରେ ପାପୁ ଦହ ମେଣ୍ଡିସାରେ ଅଡେ ଏଚେଲାଖା ପୂଜା ହାହାଲି ଲଡ଼ା ଆଏ । ୧୯ ଏଦାଆଁତାକି ଏ ତାୟିୟି ଅଡେ ତାଢ୍ଫିସ୍ତା, ଜୀସୁତି ହାହାମାନାକି ମାର ସୁଦୁ ଚାୟୁତା ହୁତାଲି କାଜା ଅଦିକାରା ବେଟା ଆହାମାନାୟି, ୨୦ ଏଖାସି ଲେଟାମାନି ତାନି ଆଢ୍ଫା ଲେହେଁଟି ଟାଟିନି ହିମ୍ପରି ତଲେ ମାଢ୍ଫେତାକି ର ପୁଃନି ଇଞ୍ଜା ନୀତିନି ଜିରୁ ଦେତାମାନେସି । ୨୧ ମାହାପୁରୁ ଇଲୁ ନୀଏଁ ମା କାଜା ପୂଜେରା ତାଣା ମାନେ, ୨୨ ଏଦାଆଁତାକି ଖାଦୁ, ମାର ସୁଦୁ ହିୟିଁ ଅଡେ ଆଡ଼ଖା ନାମୁତି ମାହାପୁରୁ ନକିତା ହାନ; ଭବିହିଁ ମାର ନୀଏଁ ପାପୁ ଅର୍ଥପୁତି ଅର୍ଥପିଁ ଆହାମାନାୟି

ଅଡେ ମା ଆଢ୍ଫା କ୍ରାସୁତି ନେତେରି ତଲେ ନର୍ଡ଼ି ଆହାମାନେ । ୨୩ ମାର ଚ୍ଫେକହାମାନି ଆସା ବାସ୍ବିତି ବାଡ଼ୁତୁ ତଲେ ଆହନ, ଏନାଆଁତାକି ଭବିହିଁ ମାହାପୁରୁ ଆଞ୍ଜାମାନେସି, ଏଖାସି ଚିକାଣାତାସି; ୨୪ ଅଡେ ଜୀସୁ ନର୍ଡ଼ି ଆହାଲି ଇଞ୍ଜା ନେହିଁ କାମା କିଞ୍ଚି କିହାଲିତାକି ରଅତାୟି ରଅଣାଇଁ ସାୟେନି କିହାଲି ମନ ହାନ, ୨୫ ଅଡେ ଆମ୍ପା ଆମ୍ପାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକିଁ କିଆପ; ସାମା ରଅତାୟି ରଅଣାଇଁ ବାସ୍ବିଁ ହାଞ୍ଚିଆନ, ଏନାଆଁତାକି ଭବିହିଁ ପ୍ରବୁ ଖାନି ଦିନା ତାଗେ ଖାହିମାନେ ଇଞ୍ଜା ମେସିମାନାୟି । ୨୬ ମା ନକିତା ସାତା ଚଞ୍ଜା ଆତି ଜେଟ ମାର ପୁଞ୍ଜୁ ପୁଞ୍ଜୁହିଁ ପାପୁ କିହିମାନାୟି, ଆତିହିଁ ଏନି ପୂଜା ପାପୁତି ଗେଲ୍ପାଲି ଆଡେଏ, ୨୭ ଆତିହିଁ ମାର ଖାହିମାନି କାଜା ନାହିଁୟି ନକିତା ମାହାପୁରୁଲିଁ ଅପାଆଗାଟି ଲକ୍ତୁ ତାକି ମାନି ହିରୁତା ନାସା ଆନାଣି ଆଜାନା ଡ଼ୟିନି ପିସ୍ତେ ମାଦି ଅଡେ ଏଟ୍‌କା ଏନି ତଣ୍ଡୁ ହିଲେଏ । ୨୮ ଆମ୍ପାଆସି ମସା ମେରାଟି ମାନୁଡ଼ି ଆଆସାରେ, ଏଖାସି କାର୍ମା ମେସ୍ପି ଆଆନା ରିଆରି କି ତାନି ଜାଣା ସାକି ତଲେ ଦହଗାଟାସି ଇଞ୍ଜା ପୁଞ୍ଜାନା, ଏଖାଣାଇଁ କାର୍ମା ମେହ୍‌ଆନା ହାନି ତଣ୍ଡୁ ହାଞ୍ଚିଆନେ । ୨୯ ଇଞ୍ଜା ଅର୍ଥପୁତା ଆମ୍ପାଆସି ମାହାପୁରୁ ମାର୍‌ଏଣାଇଁ କଡ଼ା ଡ଼ଇ ଷ୍ଟିସାମାନେସି, ପୁଃନି ରାଜିମାନାଟି ଆମିନି ନେତେରି ତଲେ ଏଖାସି ସୁଦୁ ଆହାମାରେସି, ଏଖାଣାଇଁ ଉଣା ଇଞ୍ଜା ଅର୍ଥପାମାନେସି ଅଡେ କାର୍ମା ହାନି ଜୀସୁତି ଅପାହିଲଅସି, ଏଖାସି ଏଚେକା ହାରେଏ ତଣ୍ଡୁ ବେଟାଆଅସି। ୩୦ ଭବିହିଁ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାଟି ପାଡେୟି ହାଇଁ” ଆମ୍ପାଆସି ଇ କାତା ଏଲେଇଞ୍ଜା ମାନେସି, ଏଖାଣାଇଁ ନାନୁ ପୁଞ୍ଜାମାଇଁ, ଅଡେ ଜିକେଏ “ପ୍ରବୁ ତାନି ଲକ୍ତୁଲିଁ ନାହିଁୟି କିନେସି ।” ୩୧ ନୀତାମାନି ମାହାପୁରୁ କେୟୁତା ହେରଞ୍ଚିନାୟି ଏଦି ହାରେକା ଆଜିହପେତାୟି । ୩୨ ସାମା ଭଜେଡ଼ି ମେସ୍ପି ତାୟୁ ଏଚିବେଲାତା ମୀରୁ ହାରେକା ଦୁକୁ କସ୍ତୁ ବେଟାଆହାନା ହାରଞ୍ଚି ଆହାହିଲଅଚେରି, ମୀରୁ ଏ ତଲି କାଲାଟି ଅର୍ଥପାଦୁ; ସାମା ମୀରୁ ଏଚେଲାଖା ହାରଞ୍ଚି ଆହା ହାଲଅଚେରି । ୩୩ ରକଖାକି ଅପାଆ ଗାଟାଚେରି ଅଡେ କସ୍ତୁତା ଲାଜା କିଞ୍ଚିଆହିମାଚେରି, ଅରଖାକି ଏଲେକିହିଁଏ ମାହାପୁରୁ ଲେମ୍ପିମାନି ଲକ୍ତୁତଲେ ଆଣ୍ଡିମାଚେରି । ୩୪ ଭବିହିଁ ମୀରୁ କାୟିଦି ଗାଟାରି ତଲେ ଆଣ୍ଡାନା ଦୁକୁ ବେଟା ଆହାମାଚେରି, ଅଡେ ମିଢ୍ଫେ ମୀ ହାରେକା ନେହିଁ କାଲେଏତି ବାଡ଼କୁ ମାନେ, ଇଦାଆଁ ପୁଞ୍ଜାନା ରାହିଁତଲେ ମୀ ଦନ ମାଣ୍ଡା ଅନାଣି ମୀରୁ ଅର୍ଥପିମାଚେରି । ୩୫ ଇଦାଆଁତାକି ମୀରୁ, ମୀ ସାସା ପିହିଆଦୁ ଭବିହିଁ ଏମ୍ପାଟି ହାରେକା ଦାନା ମାନେ । ୩୬ ମାହାପୁରୁତି ଅର୍ଥପୁ ପୁରା କିହାନା ଏଖାସି ଆଞ୍ଜାମାନାଣି ବେଟାଆହାଲି ଆଡିଦେରି, ଏଦାଆଁତାକି ମୀରୁ ସାସା ଆସାନା ଡ଼ୟାଦୁ । ୩୭ ଭବିହିଁ ଦାମ୍ପୁପତିତା ରାସ୍ବକି ଆହାମାନେ, “ଭବିହିଁ ହାରେକା ଉଣା ବେଲା ମାନେ, ଆମ୍ପାଆସି ଖାନାୟି ମାନେ, ଏଖାସି ଖାନେସି; ଅଡେ ଏଖାସି ଚ୍ଫେଡ଼ା କିଅସି । ୩୮ ନା ବାମ୍ପୁତି ମାଣ୍ଡବି ନାମୁତଲେ ନୀତିନାସି, ସାମା ଆମ୍ପାଆସି ନା ତାଣାଟି

ଗୁଡ଼ା ଆନେସି, ଆତିହିଁ ଏଞ୍ଜଣି ଡାଣା ନା ଜୀବୁ ରାହାଁ ଆଏ ।” ୩୯ ସାମା ଆମ୍ବାଆରି ନାସା ଆହାଲି ଖେଣ୍ଡେ ଗୁଡ଼ା ଆନେରି, ମାମୁ ଏଞ୍ଜାରି ଗତିତି ଲକ୍ଷୁ ଆଏ, ସାମା ଆମ୍ବାଆରି ଜୀବୁତି ଗେଲ୍‌ପି ଆହାଲି ନାମିନେରି, ମାମୁ ଏଞ୍ଜାରି ଗତିତି ଲକ୍ଷୁତମି ।

୧୧ ନାମୁ ଇତିହିଁ ଆସା କିହମାନାଣି ବାରେ ସାତେଏ ବେଟାଆନାୟି, ଇଞ୍ଜିଁ ତଞ୍ଜୁଆଆଗାଟାୟି ସାତେଏ ମାନେ ଇଞ୍ଜିଁ ପୁନାୟିଏ ନାମୁ । ୧ ତଲିତି ମା ଆକୁୟିଁ ମାହାପୁରୁଇଁ ନାମାଲିଏ ମାହାପୁରୁ ଡାଣା ଖେଣ୍ଡିତେରି । ୩ ମାରି ନାମୁତି ପୁନାୟି, ବାରେ ଦାର୍ତ୍ତି ମାହାପୁରୁତି ବଲ୍ଲୁ ତଲେ ଗାଡ଼ି ଆତେ, ଅଡ଼େ ଏନାୟିଞ୍ଜା ତଞ୍ଜୁ ଆଆଗାଟି ଡାଣାଟି ତଞ୍ଜୁ ଆନାୟି ଗାଡ଼ି ଆହା ହିଲେଏ । (aiōn g165) ୪ ନାମୁତି ହେବଲ ମାହାପୁରୁ ନକିତା କୟିନ କିହାଁ ନେହିଁ ପୂଜା ହେରପିତେସି ଇଞ୍ଜିଁ ଏଦାଣି ତଲେ ଏଞ୍ଜାସି ଦାମ୍ବୁଗାଟାସି ଆତେସି; ମାହାପୁରୁ ତାନୁଏ ତାନି ଦାନାତାକି ସାକି ହୀତେସି, ଅଡ଼େ ଏଞ୍ଜାସି ହାତି ଜିକେଏ ନାଞ୍ଜୁପାତେକା ନାମୁତି କାତା ଆହିମାନେସି । ୫ ନାମୁତି ହନକ ହାଆନା ମାହାପୁରୁ ଡାଣା ଅଞ୍ଜିଆତେସି ଇଞ୍ଜିଁ ମେଣ୍ଡିତେସି; ଅଡ଼େ ଏଞ୍ଜାସି ତଞ୍ଜୁ ଆଆତେସି, ଇତିହିଁ ମାହାପୁରୁ ଏଞ୍ଜାଣାଇଁ ଅହାନା ମେଣ୍ଡିକିତେସି, ଏଞ୍ଜାସି ମାହାପୁରୁତି ରାହାଁ ଗାଟାସି, ମେଣ୍ଡିନି ନକେଏ ଏଞ୍ଜାସି ଏ କାତା ଖେଞ୍ଜୁମାତେସି; ୬ ଅଡ଼େ ନାମୁ ହିଲାଆନା ଆମ୍ବାଆସି ମାହାପୁରୁଇଁ ରାହାଁ କିହାଲି ଆତଅସି, ଇତିହିଁ ମାହାପୁରୁ ସାତେଏ ମାନେସି ଇଞ୍ଜିଁ, ଅଡ଼େ ଏଞ୍ଜାସି ତାଢ଼େ ପାରିନାରାଇଁ ତାମି କିତି କାମାତି ପାଡ଼େୟି ହୀନେସି, ଇଦାଆଁ ଏଞ୍ଜାଣି ଡାଣା ଖାନି ଲକ୍ଷୁ ନାମିନାୟିମାନେ । ୭ ନାମୁତି ନହ ଏ ବେଲା ପାତେକା ତଞ୍ଜୁ ଆଆଗାଟି କାତାତାକି ହୁକୁମି ବେଟାଆହାନା ଆଜିତଲେ ତାନି କୁଟମି ଗେଲ୍‌ପାଲିତାକି ର ଜାଜା ଚେପିତେସି, ଇଞ୍ଜିଁ ଏ ନାମୁତଲେ ଏଞ୍ଜାସି ଦାର୍ତ୍ତିତି ଦହ କିହାନା ନାମୁତଲେ ମାହାପୁରୁ ନକିତା ଦାମ୍ବୁଗାଟାସି ଆତେସି । ୮ ନାମୁତି ଅବ୍ରାହାମ ମାହାପୁରୁ ଡାଣାଟି ହାଟ୍‌କି ଆହାଲିଏ, ଆମିନି ଦେସା ଏଞ୍ଜାସି ବେଟାଆହାଲି ହାଜିମାତେସି, କାତା ମାନଞ୍ଜି ଆହାନା ଏମ୍ବାଆଁ ହାଜାଲି ହତେସି, ଏଞ୍ଜାସି ଏମ୍ବିୟା ହାଜିମାନେସି, ଏଦାଆଁ ଏଞ୍ଜାସି ପୁନାଆନା ଜିକେଏ ହତାହାତେସି । ୯ ନାମୁତି ଏଞ୍ଜାସି ଏଟ୍‌କା ଦେସାତାରିଲେହେଁ ଆଞ୍ଜୁମାନି ଦେସାତା ବାସା କିତେସି, ଏଞ୍ଜାସି ତୁମୁତା ବାସା କିତେସି ଅଡ଼େ ଏଞ୍ଜାଣିଲେହେଁ ମାହାପୁରୁ ଆଞ୍ଜୁଲିଏ ଇସାହାକ ଅଡ଼େ ଜାକୁବ ଜିକେଏ ତୁମୁ ଇଲୁତା ବାସା କିତେରି । ୧୦ ଇତିହିଁ ଆମିନି ଗାଡ଼ା କାଲେଏ ତାକି ପୁନାପି ଲେହେଁ ଅଡ଼େ ମାହାପୁରୁ ତାନୁଏ ଚେପାମାନେସି, ଅବ୍ରାହାମ ଏ ଗାଡ଼ା ବେଟାଆହାଲି କାତାମାତେସି । ୧୧ ନାମୁତଲେ ସାରା ବାଞ୍ଜେଣି ଆହାଁ ତାନୁଏ ଜିକେଏ ଆଞ୍ଜୁମାନାଣାଇଁ ଦୁତି ବୁଡ଼ି ଆହାମାତି ଜିକେଏ ପୁରାମାସା ଆହାଲି ବାଡ଼ୟୁ ବେଟାଆତେ; ୧୨ ଅବ୍ରାହାମ ଦୁତି ବୁଡ଼ିଆ ଆହାମାତି ଜିକେଏ ଏଞ୍ଜାଣି ଡାଣାଟି ହାଗୁତି ହୁକାୟିଁ ଅଡ଼େ ସାମୁଦୁରିତି ବାଷଲି ଲେହେଁ ଏଜିକିହାଲି ଆତାଆଗାଟି ର ହାରେକା କୁଡ଼ା ଜାର୍ନା ଆତେରି । ୧୩ ଏ ବାରେକାଣା ମାହାପୁରୁଇଁ ନାମାହାଁ ହାତେରି;

ଏଞ୍ଜାରି ମାହାପୁରୁ ଆଞ୍ଜୁମାତାଣି ପୁଞ୍ଜାଆତି ଜିକେଏ ହେକଟି ଏ ବାରେ ମେସାନା ରାହାଁ ଆତେରି ଇଞ୍ଜିଁ ଦାର୍ତ୍ତିତା ମାମୁ ବାଦେସା ଅଡ଼େ ବାସା କିହାମାନମି ଇଞ୍ଜିଁ ଜଲିତେରି । ୧୪ ଇତିହିଁ ଆମିନି ଗାଟାରି ଇଲେତି କାତା ଜଲିନେରି, ଏଞ୍ଜାରି ତାମି ଅଡ଼େ ର ଦେସା ପାରିମାନେରି ଇଞ୍ଜିଁ ଖେସିମାନେରି । ୧୫ ଏଞ୍ଜାରି ଆମିନି ଦେସା ପିସା ଖାହାମାତେରି, ଏ ଦେସାତି ଅଡ଼େ ଅଣ୍ଡିପି ହିଲାଆତେରି । ଏଞ୍ଜାରି ଅଣ୍ଡିପିତହିଁମା ଏ ଦେସାତା ଖେଣ୍ଡେ ହାଜାଲି ଆତିତେରିମା । ୧୬ ସାମା ଏଞ୍ଜାରି ର ହାରେକା ନେହାଁଣି ଇତିହିଁ ଲାକପୁରୁ ଦେସାତି ଅଣ୍ଡିପିମାତେରି; ଏଦାଆଁତାକି ମାହାପୁରୁଇଁ ଏଞ୍ଜାରି ମା ମାହାପୁରୁ ଇଞ୍ଜିଁ ଖେଣ୍ଡି କିହାଲି ଲାଜା ଆହା ହିଲାଆତେରି, ଇତିହିଁ ଏଞ୍ଜାସି ଏଞ୍ଜାରି ତାକି ର ଗାଡ଼ା ତାରି କିହାମାନେସି । ୧୭ ନାମୁତଲେ ଅବ୍ରାହାମ ତାୟିପାରି କିଞ୍ଜିଆହାଁ ଇସାହାକଇଁ ପୂଜା କିହାଲି ହେରପିତେସି, ଆମିନି ମାଣ୍ଡି ଆଞ୍ଜୁମାତାଣି ମେଡ଼ା ଆହାମାତେସି, ଆମ୍ବାଆରାଇଁ ଏଲେଇଞ୍ଜୁମାତେସି, ୧୮ “ଇସାହାକ ଡାଣାଟି ନୀ କୁଡ଼ା ଖେଣ୍ଡିନେରି, ଏ ମାଣ୍ଡି ତାନି ରଣ୍ଡିଏ ମାର୍‌ଏଣାଇଁ ଡାକିନି ପୂଜା ହାହାଲି ହାଜିମାତେସି ।” ୧୯ ଇସାହାକଇଁ ମାହାପୁରୁ ହାତାରି ଡାଣାଟି ଜିକେଏ ନିକିହାଲି ଆତିମାନେସି ଇଞ୍ଜିଁ ଅଣ୍ଡିପାମାତେସି, ଇଞ୍ଜିଁ ଅବ୍ରାହାମ ସାତେଏ ଇସାହାକଇଁ ହାକିତି ଖେଣ୍ଡେ ବେଟାଆତେସି । ୨୦ ନାମୁତଲେ ଇସାହାକ ଖାହିନି ଦିନାତା ନେହିଁ ଆପେ ଇଞ୍ଜିଁ ଅଣ୍ଡିପାନା ଜାକୁବ ଅଡ଼େ ଏସାଞ୍ଜୁଇଁ ବର ହୀତେସି । ୨୧ ନାମୁତଲେ ଜାକୁବ ହାନି ବେଲାତା ଜପେପତି ରୀ ମୀର୍କାଣି ବର ହୀତେସି, ଇଞ୍ଜିଁ ତାନି କୁଡ଼ା ବାଡ଼ଗାତା ଗେଣ୍ଡୁନା ମାହାପୁରୁଇଁ ଜହରା କିତେସି । ୨୨ ଜପେପ ହାନି ବେଲାତା ନାମୁତଲେ ଇସ୍ରାୟେଲ ଲକ୍ଷୁ ମିସର ଦେସାତି ହତାହାନି କାତା ଖେସୁସି । ଇଞ୍ଜିଁ ତାନି ପେଡ଼କା ତୁମ୍‌କା ତାକି ହୁକୁମି ହୀତେସି । ୨୩ ନାମୁତଲେ ମସାତି ତାଲି ତାଞ୍ଜି ଏଞ୍ଜାଣି ଜାର୍ନାଆତି ଦିନାଟିଏ ଏଞ୍ଜାଣାଇଁ ର ଅଜିତି କକାସି ଇଞ୍ଜିଁ ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାତେକା ଏଞ୍ଜାଣାଇଁ ତୁକିହାନା ଇଟାମାତୁ । ୨୪ ମସା ନାମୁତଲେ ପାତାଆତି ଡାୟୁ ପାର ରାଜା ମାଞ୍ଜୁତି ମାର୍‌ଏସି ଇଞ୍ଜିଁ ଖେଞ୍ଜୁଲି କୁତେସି । ୨୫ ଗାଡ଼େକା ତାକି ପାପୁ ତଲେ ରାହାଁ ବେଟାଆନାଣି କିହାଁ ମାହାପୁରୁ ଲକ୍ଷୁତଲେ ଦୁକୁ କସୁ ଅରହିନାୟି ନେହାୟି ଇଞ୍ଜିଁ ଅପିତେସି । ୨୬ ମିସର ବାରେ ଦେସାତି ଦନ କିହାଁ କ୍ରାପୁତି ନିନୁ ବେଟାଆନାୟି ବାରେକିହାଁ କାଜା ଦନ ଇଞ୍ଜିଁ ଅଣ୍ଡିପିତେସି, ଇତିହିଁ ଏଞ୍ଜାସି ଖାନି ଦିନାଣା ବେଟାଆନି ଦନତି ସିନିକିତେସି । ୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାତେସି, ଇଞ୍ଜିଁ ଆମ୍ବାଆସି ମେହୁଆଗାଟି ମାହାପୁରୁଇଁ ମେସିଲେହେଁ ଅରହିନା ତୁୟିତେସି । ୨୮ ନାମୁତଲେ ଏଞ୍ଜାସି ପିସ୍‌ପିଆନି ପାର୍‌ବୁତି ଅଡ଼େ ନେତେରି ଡାଞ୍ଜିନି ମେରା ମାନଞ୍ଜି ଆତେସି, ଏନିକିଁ ପାଣ୍ଡା ମୀର୍କାଣି ପାୟିନାସି ଇସ୍ରାୟେଲ ମୀର୍କାଣି ତୀଗେଏ । ୨୯ ଇସ୍ରାୟେଲ ଲକ୍ଷୁ ନାମୁତଲେ ଖାୟିତି ବୁମିତା ତାକିନି ଲେହେଁ ସୁପ ସାମୁଦୁରି ଗାଣ୍ଡେରି, ସାମା ମିସର ଦେସାତାରି ଏଲେକିଁ ଗାଣ୍ଡାଲି ଅଣ୍ଡିପାନା ସାମୁଦୁରିତା

ମୁଖ୍ୟାନ ହାତେରି । ୩୦ ଇସ୍ରାୟେଲ ଲକ୍ଷ୍ମୀ ନାମୁତଲେ ସାତା ଦିନା ପାତେକା ଜିରିହ ଗାଡ଼ାଟି କଟା ସାରିସୁତୁ ରେଡିତାୟୁ ବିଡ଼ହାହାତେ । ୩୧ ନାମୁତଲେ ରାହାବ୍ ଦାରେଣି ଦେସା ସିନିକିହାଲି ମେଣେସ ଏହାମାତାରାଇଁ ଚାୟୁ ହାତାକି ମାହାପୁରୁଇଁ ମାନସି ଆଆଗାଟାରି ତଲେ ନାସା ଆଆନା ହିଡ଼ି ବେଟାଆତେ । ୩୨ ଅଡ଼େ ଆଗାଡ଼ା ଏନଆଁ ସେସୁଇଁ, ଗିଦିୟନ, ବାରକ୍, ସାମସନ୍, ଜିପୁହ, ଦାସୁପ୍, ସାମୁୟେଲ ଅଡ଼େ ମାହାପୁରୁ ଅଣପୁଟି ବଲୁ ସେହନାରି କାତା ମିଡ୍ରେ ସେସାଲି ବେଲା ହାଲେଏ । ୩୩ ନାମୁତଲେ ଏଖାରି ହାରେକା ରାଜିୟାଣି ଲୁଜୁ କିହାନା ଜାଣା ଆତେରି, ଦାମ୍ବୁକାମା କିତେରି, ମାହାପୁରୁ ଆଖୁମାନାଣି ବେଟାଆତେରି, ସିହଁ କୁଃନିୟାଁ ଗୁଡ଼ି ମୁଦା କିତେରି । ୩୪ ଏଖାରି ଆଜିହପେଟି ଡ଼ାଞ୍ଜିନି ହିତୁ ତୁପୁହେରି, ତୁଣିନି ତାଣାଟି ପିସପିଆତେରି, ଏଖାରି ବାଡ଼ୟୁ ହିଲାଆ ବେଲାତା ବାଡ଼ୟୁ ବେଟାଆତେରି, ଲୁଜୁତା ଜାଣା ଆତେରି, ଅଡ଼େ ମାହାପୁରୁଇଁ ନାମାଆତାରି ଲୁଜୁକିନି କସକାଣି ଜାଣାଆହାନା ପେରହାତୁସ୍ତେରି । ୩୫ ନାମୁଟି ଆୟସିକା ତାମି ଲକ୍ଷ୍ମୀ ବିତ୍ରାଟି ହାତାରାଇଁ ନିପୁକି ଆହାନା ସେଣ୍ଟେ ବେଟାଆତୁ: ଏଚରଜାଣା ସେଣ୍ଟେ ନିଡ୍ଡୁନାଣି ମେଡ଼ା ଆହାଲିତାକି ଗେଲୁପି ଆହାଲି ମନ କିଆନା ଆଜିହପେଟି କସୁ ବେଟାଆତେରି । ୩୬ ଏଚର ଜାଣାଇଁ ନିମ୍ନୁ କିହାନା କାକହେରି, ଏଚର ଜାଣାଇଁ ସାବ୍‌ଶି ଡ଼ରି ତଲେ ସେତେରି, ଏଚର ଜାଣାଇଁ ହିକିଣିୟାଁ ତଲେ ଦସାନା କାୟିଦି ଇଲୁ ତାଣାଟି ତାୟିପାରି କିସି ଆତେରି । ୩୭ ଆମ୍ବାଆରି ଖାଲକାତଲେ ପାୟୁସି ଆତେରି, ଆମ୍ବାଆରି କରତ ତଲେ ରୀ ଗାଣୁ କିହି ରାପିଆତେରି, ଇଞ୍ଜି କାଣ୍ଡାତଲେ ପାୟୁସି ଆତେରି, ଆମ୍ବା ଆମ୍ବାଆରି ମେଣ୍ଡା ଅଡ଼େ ଗରି ଡ଼ଲ୍‌କା, ହୁଚାନା ରାମ୍ବୁକୁଟା ବେଟାଆଆନା କସୁ, ଲାଗି ବେଟାଆହିଁ ଇତାଲା ଆତାଲା ରେତେରି । ୩୮ ଏଖାରି ଦେସାଟି ଲକ୍ଷ୍ମୀ ହିଲାଆ ତାଣା, ହରକାଣା, ପାସୁୟାଣା ଅଡ଼େ ଗାଣ୍ଡୁଣା ବାସା କିତେରି; ଦାର୍‌ଡ଼ିଟି ଏଖାରାକି ନାତାଲି ଜଗେ ହିଲାଆତେ । ୩୯ ଏଖାରି ନାମୁତଲେ ଇ ବାରେ ନେହିଁ ସେଡ୍ଡୁମାଟି ଜିକେଏ ଆଖୁମାତାଣି ବେଟାଆଆତେରି, ୪୦ ଇଡିହିଁ ମାହାପୁରୁ ମାଡ୍ରେତାକି ହାରେକା ନେହାଁଣି କିହାଁ ଇଟାମାନେସି, ଏନିକି ଏଖାରି ମା ତଲେ ଏନିକି ତୀରି ଆନେରି ଇଞ୍ଜି ମାହାପୁରୁଟି ଅଣପୁ ମାତେ ।

୧୨ ଇଦାଆଁତାକି ଇଚେକା କାଜା ହାଗୁଲେହେଁ ସାକି ହାହାମାନାରି ମା ସାରିସୁତୁ ମାନାକି, ଖାତୁ ମାର ବାରେଟି ବଲୁ ଅଡ଼େ ଆଡ୍ଡୁମାଞ୍ଜାନି ପାପୁ ପିସାନା ନାମୁତା ନିକିନାସି ଅଡ଼େ ତାରିକିନି ଜାପୁଇଁ ସିନିକିହାନା ସାସାତଲେ ମା ନିକିତା ତୀରିଆହାମାନି ଚାୟୁତା ହଣନ । ୨ ମା ନାମୁ ତାକି ନିକିନାସି ଅଡ଼େ ନାମୁତା ବାସୁକିନି ଜାପୁଇଁ ମାର ସିନିକିନ । ଏଖାସି ନିକିତା ମାନି ରାହାଁ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାନି ପାତେକା ଅର୍‌ହତେସି ଇଞ୍ଜି ଏଖାସି ନୀଏଁ ମାହାପୁରୁ ସିଂଗାସାଣି ଟିଃନି ଟଟତା କୁଟାମାନେସି । ୩ ମାମୁ ଏନିକି ମୀ ମନତା ଖାତୁ ଖାହତେରି; ଇଦାଆଁତାକି ପାପୁ ଗାଟାରି ତାଣାଟି ତାନି କପାଟି ଏତେକା

କସୁ ଅର୍‌ହତେସି, ଏଖାଣି କାତା ମାରୁ ଅଣପାତୁ । ୪ ମାରୁ ପାପୁ କପାଟି ଲୁଜୁ କିହାନା ନୀଏଁ ପାତେକା ମୀ ନେତେରି ହାନି ପାତେକା ଆଡ୍ଡୁ ହିଲଅତେରି । ୫ ମାହାପୁରୁ ମିଡ୍ରେ ମାରକାତେରି ଲେହେଁ ସେସାମାଞ୍ଜାନି, ସାସାହାନି କାତା ବାଣାଆତେରି କି? “ଏ ନା ମାରୁଏଣାଟି, ପ୍ରବୁ ସାଲଖି କିୟନାଣି ଉଜେଏତାୟି ଇଞ୍ଜି ଇନଆନି, ଆଆଟି ଏଖାଣି ତାଣାଟି ଦାକା ବେଟାଆଟିସାରେ ସାସା ପିହୁଆନି; ୬ ଏନାଆଁତାକି ଇଡିହିଁ ପ୍ରବୁ ଆମ୍ବାଆରାଇଁ ଜାସୁ ନନେସି, ଏଖାଣାଇଁ ଜାଗ୍ରାତା କିହାଁ ଜାପୁନେସି ଅଡ଼େ ଆମିନି ମାରୁଏଣାଇଁ ଆବିନେସି, ଏଖାଣାଇଁ ସାସି ହାନେସି ।” ୭ ନେହାଁତେରି ଆହାଲି କସୁ ଅର୍‌ହ ମାଞ୍ଜେରି, ମାହାପୁରୁ ମିଡ୍ରେ ମାରକା ଲେହେଁ ଲେମ୍ବିମାଞ୍ଜାନେସି, ଇଡିହିଁ ଆବା ଆମ୍ବାଆରାଇଁ ତଣ୍ଡୁ ହାସି ଇଲେଟି ମାରୁଏସି ଆମ୍ବାଆସି ମାନେସି? ୮ ସାମା ଆମିନି ତଣ୍ଡୁତା ବାରେ ଆଣ୍ଡିନେରି, ଇଞ୍ଜି ମାରୁ ଏମ୍ବାଆଁ ଆଣ୍ଡାଆତାତେରି, ଆଡିହିଁ ମାରୁ ମାରକା ଆଆନା ଦାରେଣି ମାରକା ଆଦେରି । ୯ ଅଡ଼େ ଜିକେଏ, ମା ଦାର୍‌ଡ଼ିଟି ତାଞ୍ଜିୟାଁ ମାଡ୍ରେ ସାସି ହାୟତି ଜିକେଏ ଏଖାରାଇଁ ମାର ମାନି କିତାୟି, ଆଡିହିଁ ମା ଲାକପୁରୁଟି ଆବାଇଁ ଏଚେ ହାରେକା ମାନସି ଆହାନା ଜାସୁ ବେଟା ଆଆୟି? ୧୦ ମା ଦାର୍‌ଡ଼ିଟି ତାଞ୍ଜିୟାଁ ତାମି ଅଣପୁତା ନେହିଁ ଆନିଲେହେଁ ମାଡ୍ରେ ଗାଡ଼େକା ଦିନତାକି ସାସି ହିୟତେରି; ସାମା ମାର ଏନିକି ମାହାପୁରୁଟି ସୁତୁତା ଆଣ୍ଡାଲି ଆଡିନାୟି, ଇଦାଆଁତାକି ମାହାପୁରୁ ମା ନେହିଁ ତାକି ମାଡ୍ରେ ତଣ୍ଡୁ ହିୟନେସି । ୧୧ ମାର ସାସି ବେଟାଆନାୟି ରାହାଁଗାଟାୟି ଆଆନା ଦୁକୁ ଗାଟାୟି ଆନେ, ଆଡିଜିକେଏ ଆମିନି ଗାଟାରି ଏମ୍ବାଟି ଜାପାମାନେରି, ତାୟୁ ଏଖାରାକି ହିଡ଼ିଟି ପାଡ଼େୟି ଲେହେଁ ଦାମ୍ବୁଟି ପାଡ଼େୟି ବେଟାଆନେରି । ୧୨ ଇଦାଆଁତାକି ମାରୁ ବାଡ଼ୟୁ ହିଲାଆ କେସ୍ତା ପେର୍‌ସୁ ଅଡ଼େ ବାଡ଼ୟୁ ହିଲାଆ ମେଣ୍ଡୁୟାଁ ବାଡ଼ୟୁ କିଦୁ । ୧୩ ସଲକେ ଜିରୁତା ତାକାଦୁ: ଆଡିହିଁ, ମୀ ସଟା ଆଡି କତା ଆତାଆଗାଟାୟି ଆଆନା ନେହିଁ ଆନେ । ୧୪ ବାରେଜାଣା ତଲେ ହିଡ଼ି ତଲେ ମାଞ୍ଜାଲି ଅଣପାତୁ ଅଡ଼େ ସୁତୁଗାଟାସି ଆଆନା ଆମ୍ବାଆସି ପ୍ରବୁଇଁ ମେସାଲି ଆଡଅସି, ଏମ୍ବାଆଁ ତାରେତଲେ ସିନିକିଦୁ । ୧୫ ଏଚେତା ଆମ୍ବାଆସି ମାହାପୁରୁଟି କାର୍ମାମେହନି ତାଣାଟି ନସୁ ଆନେସି ଇଞ୍ଜି ଏନି କାମ୍ବେଲି ତାକି ନେୟିନା ପାତା ଆହାଁ ମିଡ୍ରେ ନସୁ କିୟନେ ଅଡ଼େ ଏମ୍ବାଟି ହାରେକା ପଲ୍‌ଆ ଗାଟାରି ଆନେରି; ୧୬ ଏସାସୁ ଲେହେଁ ଆମ୍ବାଆସି ଦାରିଗାଟାସି କି ଦାମ୍ବୁ ହିଲାଆଗାଟାଣି ଲେହେଁ ଆଆପେସି; ଏଖାସି ରୁ ଅଲିତି ରାମ୍ବୁ ତାକି ତାନି କାଜା ମାରୁଏଣି ପାଣା ପାର୍‌ଡ଼ା ମାତେସି । ୧୭ ମାରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଖାସି ଆବା ତାଣାଟି ବର ବେଟାଆହାଲି ଅଣପିଟିହିଁ ଜିକେଏ ବେଟାଆହାଲି ଆତାଆତେସି, ଅଡ଼େ ମନ ସେଡ଼ହାଲି ତାକି କାଣ୍ଡୁ ବକ୍‌ହିହିଁ ପାରାଲି ଅଣପିତେସି ଆଡିଜିକେଏ ଏଦାଆଁ କିହାଲି ପାରୁ ବେଟାଆଆତେସି । ୧୮ ଇସ୍ରାୟେଲଟି ଲକ୍ଷ୍ମୀ ଲେହେଁ ମାରୁ ସିୟନ ହରୁତା ଡ଼ାଞ୍ଜିମାଟି ହିତୁ, କିଟକିଟି ଆନେରି, ରୁଖାଗାଲି, ୧୯ ତୀଡ଼ି ଉକିନି ହାତା ଇଞ୍ଜି କାତା ସେହନି ହାତା ତାଗେ ଖାଆତେ,

ଝେନାରି ଏ ହାତା ଝେଞ୍ଜାନା ଏନିକି ଏଞ୍ଜାରାକି ଅଡ଼େ ଏନି କାତା ଝେସ୍‌ପି ଆଏ, ଇଦାଆଁ ବାତିମାଲା ମାଚେରି; ୨୦ “ଇତିହିଁ ଏନି ଜନ୍ମ ଜିକେଏ ଏ ହରୁତି ଡାଗିନେ, ଆତିହିଁ ଏଦାନି ଖାଲକାତଲେ ଇରହାନା ପାୟିଝିଆନେ ।” ଇ ଆମିନି ହୁକୁମି ହୀପକି ଆହାମାଚେ, ଏଦାଆଁ ଏଞ୍ଜାରି ଅରହାଲି ଆତାଆଚେରି; ୨୧ ଏଦି ଆଜିହ୍‌ପେ ଡ଼ଞ୍ଜୁ ଆହିମାଚାକି ମସା ଜିକେଏ ଏଲେଇଚେସି, “ନାନୁ ଜିକେଏ ଆଜିତାକି ଡାଗିମାଲି ।” ୨୨ ସାମା ମାରୁ ସିୟନ ହରୁ ଅଡ଼େ ନୀତାମାନି ମାହାପୁରୁତି ଗାଡ଼ା, ଇତିହିଁ ଲାକପୁରୁତି ଜିରୁସାଲମତା, ହାରେକା ଦୁରୁୟାଁ ଖାହାମାଚେରି ଏମାଆଁ ଖାହାମାଞ୍ଜେରି । ୨୩ ଅଡ଼େ ଏ ପାଣ୍ଡା ମୀରକାତି କୁଲମି ଆମାଆରି ଦରୁ ଲାକପୁରୁ ରାସକି ଆହାମାନେ ଅଡ଼େ ବାରେଡି ନୀହାଁୟି କିନି ମାହାପୁରୁ ନକିତା ଡାରିକିଝି ଆହାମାନି ଦାମୁତି ଜାଝୁୟାଁ । ୨୪ ପୁଣି ରାଜିମାନା ମାଦିତି ଜାସୁ, ଇଞ୍ଜି ଆମିନି ଡ଼ଞ୍ଜୁମାନି ତାନି ନେତେରି, ହେବଲ ନେତେରି କିହାଁ ହାରେକା ନେହିଁ, ଏ ନେତେରି ତାଗେ ଖାହାମାଞ୍ଜେରି । ୨୫ ହେଶୁ, ଆମାଆସି କାତା ଝେସିମାଞ୍ଜୁନେସି ଏଦାଆଁ ଝେନଅମି ଇନାଆଦୁ, ଇତିହିଁ ଆମାଆସି ଦାର୍‌ଡିତା ହୁକୁମି ହୀଚେସି, ଏଞ୍ଜାଣାଇଁ ତାକି ଗେଲ୍‌ପି ଆଆଚେରି, ଆତିହିଁ ଆମାଆସି ଲାକପୁରୁତି ହୁକୁମି ହୀହିମାଞ୍ଜୁନେସି, ଏଞ୍ଜାଣି ତାଗାଟି ଏଟ୍‌କା ହାତିସାରେ ମାର ଗେଲ୍‌ପିଆଆୟି, ଇଦି ଏଚେକା ସାତା ଆଏ? ୨୬ ଏତିବେଲା ଏଞ୍ଜାଣି ହାତା ଦାର୍‌ଡିଲ୍‌ଝି ଏଟ୍‌ହେ, ସାମା ନୀଏଁ ଏଞ୍ଜାସି ପାରମାଣା କିହାଁ ଝେସାମାଞ୍ଜୁନେସି, “ନାନୁ ଅଡ଼େ ଝେଶ୍‌ଜେ ଖାଲ୍‌କା ଦାର୍‌ଡିଲ୍‌ଝି ଏଟ୍‌ହେ, ଏଦି ଆଏ ସାମା ହାଗୁ ପାକାଇଁ ଜିକେଏ ଏଟ୍‌ହେ ।” ୨୭ ଅଡ଼େ ଝେଶ୍‌ଜେ ଇଞ୍ଜି ଇନି ତାଗାଟି ଇଦାଆଁ ପୁଞ୍ଜିମାନାୟି, ଆଟ୍‌ଝା ଗାଟାୟି ଡ଼ୟାଲି ତାକି ଖାତିନାୟି, ଇତିହିଁ ଗାଡ଼ି ଆହାମାନାୟି ବାରେ ଡିରି ମାଶ୍‌ନେ । ୨୮ ଇଦାଆଁତାକି ଖାଦୁ ଖାତାଆଗାଟି ରାଜିତି ବେଟାଆହାନା ମାର ଏ କାର୍‌ମିତି ପିହ୍‌ଆପ ଇଞ୍ଜି ରାହାତଲେ ଆଜି ଅଡ଼େ ମାନିତି ମାହାପୁରୁ ରାହାଁ ଆନିଲେହେଁ ଜହରା କିନି । ୨୯ ଏନାଆଁତାକି ଇତିହିଁ ମା ମାହାପୁରୁ ନାସକିନି ହିରୁ ଲେହେଁତାସି ।

୧୩ କ୍ରୀସ୍ତାନା ତାୟିୟାଁ ଅଡ଼େ ତାଢ଼ିୟା ରଅଚେରି ରଅଣାଇଁ ଜାଝୁ ନଝୁ । ୧ ପୁନାଆତି ଗତାୟିଣି ସେବା କିହାଲି ବାଣା ଆଆଦୁ, ଇତିହିଁ ଏଲେକିତାକି ଏଚରଜାଣା ପୁନାଆନା ଲାକପୁରୁତି ଦୁରୁୟାଁଣି ସେବା କିହାମାନେରି । ୩ କାୟିଦିତା ମାନାରାଇଁ ମୀରୁ ଏଞ୍ଜାରିତଲେ କାୟିଦିତା ମାନି ଲେହେଁ ଅଶ୍‌ପାଦୁ ଇଞ୍ଜି ଆଢ଼ୁ ତଲେ ମାନାକି ଦୁକୁ କସ୍‌ ବେଟାଆହିମାନାରି ତଲେ ସମାନା ଦୁକୁ କସ୍‌ ବେଟାଆହାଲି ଅଶ୍‌ପାଦୁ । ୪ ବୀହା ବାରେ ଲକୁ ନକିତା ନେହାୟି ଆପେ, ଇଞ୍ଜି ତକ୍‌ ଅଡ଼େ ତକ୍‌ ମାନି ତଲେ ଡ଼ୟାସୁ, ଏନାଆଁତାକି ଇତିହିଁ ମାହାପୁରୁ ଲାଗେଏତି କାମା ଅଡ଼େ ଦାରିକାମା କିନାରାଇଁ ନୀହାଁୟି କିନେସି । ୫ ତାକିନି ତାକୁତା ଦନ ଜୁପକା ଆଆଦୁ, ମିଢ୍ଢେ ଏନାୟି ମାନେ, ଏମାଆଁ ରାହାତଲେ ମାଞ୍ଜୁ, ଇତିହିଁ ମାହାପୁରୁ ଏଲେଇଞ୍ଜୁ ମାନେସି, “ନାନୁ ନିଢ୍ଢେ ଏଚେଲାଖା ପିପୁଅଁ, ନାନୁ ନିଢ୍ଢେ ଏଚେଲାଖା ବାଣାଆୟି ।” ୬ ଇଦାଆଁତାକି ମାର ସାସାତଲେ

ଏଲେଇଞ୍ଜୁଲି ଆତିନାୟି, “ପ୍ରବୁ ନା ସାୟେମି ଆନାସି, ନାନୁ ଇତାଣି ଆଜଅଁ, ମାଶ୍‌ସି ନାଢ୍ଢେ ଏନାଆଁ କିହାଲି ଆତାନେସି?” ୭ ଆମିନି ଗାଟାରି ମିଢ୍ଢେ ମାହାପୁରୁତି ବଲୁ ଝେସାମାଞ୍ଜୁଚେରି, ମୀରୁ ଏଲେତି କାକାରାଇଁ ମାନି କିଦୁ: ଏଞ୍ଜାରି ଏନିକିଁ ନୀତାମାଚେରି ଇଞ୍ଜି ହାଚେରି, ଏଦାଆଁ ଅଶ୍‌ପାଦା ଏଞ୍ଜାରି ନାମିତି ଲେହେଁ ମୀରୁ ଜିକେଏ ନାମାଦୁ । ୮ ଜୀସୁ କ୍ରୀସ୍ତ ରେଝଏନି, ନୀଞ୍ଜୁ ଅଡ଼େ କାଲେଏ ତାକି ସମାନା ଡ଼ୟିନେସି । (aiōn g165) ୯ ଏଟ୍‌କା ଅଡ଼େ ଅର ରଲେତି ଜାପ୍‌ନି ତାଣା କିଲିବିଲି ଆଆଦୁ, ଇତିହିଁ ଡିନି ରାନ୍ତାତା ଆଏ, ସାମା ମାହାପୁରୁ କାର୍‌ମିତି ହିୟାଁ ତାରି ଆନାୟି ନେହେଁ; ଆମିନି ଗାଟାରି ଡିନି ରାନ୍ତାତି ମେରା ମାନଝି ଆନେରି, ଏଞ୍ଜାରାକି ଏନି ଲାବା ଆଏ । ୧୦ ମା ଇଲେତି ର ପୁକାପିଣ୍ଡା ମାନେ, ଆମିନି ପୁକା ପିଣ୍ଡାତି ଦିଶ୍‌ସୁଇଁ ଚୁମ୍ବ ଇଲୁତା ସେବାକିନି ପୁଜେରାଢ଼ୁ ଡ଼ଞ୍ଜୁଲି ଅଦିକାରା ହିଲେଏ । ୧୧ ଇତିହିଁ ଜୀହୁଦୟାଁତି କାଜା ପୁଜେରା ପାପୁ ତାକି ହେର୍‌ପାନି ଜନ୍ମତି ନେତେରି ସୁଦୁ ଚାୟୁତା ଅନେସି; ସାମା ଏ ଜନ୍ମତି ଆଢ଼ୁ ବାରେ ସାମ୍‌ଣ୍ଡା ପାଢ଼ୁତା ତାଗାହାଁ ହୁଡ଼ିଆନେ । ୧୨ ଇଦାଆଁତାକି ଜୀସୁ ଜିକେଏ ତାନି ନେତେରି ତଲେ ଏନିକିଁ ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଢ଼ୁତା ହାଚେସି । ୧୩ ଇଦାଆଁତାକି ଖାଦୁ, ମାର ଜିକେଏ ଏଞ୍ଜାଣିଲେହେଁ ନିନ୍ଦା ଅରହାନା ଗାଡ଼ା ପାଢ଼ୁତା ଏଞ୍ଜାଣି ତାଣା ହାନ । ୧୪ ଏନାଆଁତାକି ଇତିହିଁ ଇମାଆଁ ବାରେ ଦିନାତାକି ମାଢ୍ଢେ ଡ଼ୟିନି ଗାଡ଼ା ହିଲେଏ, ସାମା ମାର ଡ଼ାୟୁ ଖାହିମାନି ଗାଡ଼ାତି ବେଟାଆହାଲି ପାରିମାନାୟି । ୧୫ ଇଦାଆଁତାକି ଖାଦୁ, ମାର ଜୀସୁ ତାଗାଟି ମାହାପୁରୁଇଁ ଜହରାତି ପୁକା କିନ, ଇତିହିଁ ତାନି ଦରୁ ଜଳିମାନି ଗୁତିତି ବାରେଦିନା ହେର୍‌ପିନ । ୧୬ ଏଟ୍‌କା ତାରାଇଁ ସାୟେମି କିହାଲି ବାଣା ଆଆଦୁ, ଇତିହିଁ ଇଲେତି ପୁକା କାମାତା ମାହାପୁରୁ ରାହାଁ ଆନେସି । ୧୭ ମା କାଜାରାଇଁ ମାନଝି ଆହାନା ଏଞ୍ଜାରାଇଁ ମାନି କିଦୁ, ଇତିହିଁ ଆମିନି ଗାଟାରି ମାହାପୁରୁକି ଲେକା ହାନାୟି ମାନେ, ଏଞ୍ଜାରିଲେହେଁ ଏଞ୍ଜାରି ମୀ ଜାଝୁତି କାଟିମାନେରି, ଏନିକିଁ ଏଞ୍ଜାରି ଏଦାଆଁ ଦୁକୁ ତଲେ କିଆନା ରାହାତଲେ କିହାଲି ଆତିନେରି; ଦୁକୁ ତଲେ କିତିସାରେ ମିଢ୍ଢେ ଏନି ଲାବା ହିଲେଏ । ୧୮ ମାଢ୍ଢେତାକି ପ୍ରାତାନା କିଦୁ, ଇତିହିଁ ମା ନାମୁ ମାନେ, ମା ଅଶ୍‌ପୁ ନେହାୟି ଆପେ, ଅଡ଼େ ବାରେ କାମାତା ନେହିଁ ମାଶ୍‌କି ଆହାଲି ମାମୁ ଅଶ୍‌ପିମାନମି । ୧୯ ଅଡ଼େ ନାନୁ ମୀ ତାଣା ଏନିକିଁ ଡବେ ଖାୟାଲି ଆତିଲ୍, ଏଦାଆଁତାକି ମାହାପୁରୁ ତାଣା ପ୍ରାତାନା କିହାଲି ନାନୁ ମିଢ୍ଢେ ହାରେକା ବାତିମାଲିମାଞ୍ଜୁଇଁ । ୨୦ ଆମିନି ହିଡ଼ି ହିୟାନି ମାହାପୁରୁ କାଲାକାଲା ଡ଼ୟିନି ରାଜିମାନାତି ନେତେରି ତାକି, କାଜା ମେଣ୍ଡା ଗଡ଼ୁ, ଇତିହିଁ ମା ପ୍ରବୁ ଜୀସୁଇଁ ହାତାରି ତାଗାଟି ନୀଟ୍‌ହା ମାନେସି; (aiōnios g166) ୨୧ ଏଞ୍ଜାଣି ନକିତା ଏନାୟି ନେହାୟି, ଏଦାଆଁ ଏଞ୍ଜାସି ମା ହିୟାତା ଜୀସୁ କ୍ରୀସ୍ତ ତାଗାଟି ରାପ୍‌ହାନା ତାନି ମନଲେହେଁ କିହାଲି ମିଢ୍ଢେ ବାରେ ନେହିଁ କାମା କିୟାପେସି । ଏଞ୍ଜାଣାକି କାଲାକାଲାତି ଗାଝୁରିଆପେ ଆମେନ୍ । (aiōn g165) ୨୨ ଏ ତାୟି ତାଢ଼ିୟା, ନାନୁ ମିଢ୍ଢେ ବାତିମାଲିମାଞ୍ଜୁଇଁ, ଇ

ଜାଗ୍ରତା କିଞ୍ଚିକିନି କାତା ସାସା ଇଟାନା ମନ ହୀଦୁ, ଇଞ୍ଚି ନାନୁ ରାହାଁ
କିହାଲି ଇ ଉଣା ଆକୁ ମିଢ୍ଢେ ରାତାମାଇଁ । ୨୩ ମା ତାୟି ତମତି କାୟିଦିଟି
ତବେ ପିସ୍ପି ଆହାମାନେସି ଇଞ୍ଚି ପୁଞ୍ଚେରି, ଏଞ୍ଚାସି ତବେ ଖତିସାରେ
ଏଞ୍ଚାଣିତଲେ ନାନୁ ମୀ ତାଣା ବେତିଞ୍ଚାହାଲି ଖାଇଁ । ୨୪ ମୀ ବାରେ
କାଜାରାଇଁ ଅଡ଼େ ମାହାପୁରୁ ଲକ୍ଷ୍ମି ଜହରା ଖେହ୍ନୁ । ଏମିନି ତାୟିୟାଁ
ଇଟାଲି ଦେସାତି ଖାହାମାନେରି, ଏଞ୍ଚାରି ମିଢ୍ଢେ ଜହରା ଖେସିମାଞ୍ଜାନେରି
। ୨୫ ମାହାପୁରୁତି କାର୍ମାମେହ୍ନାୟି ବାରେତେରି ମିଢ୍ଢେତାକି ଆୟାପେ ।

ଜାକୁବ

୧ ନାନୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତୁଟି ହଲେଏସି, ଦାର୍ତତା ଇତାଲା ଆତାଲା ଆହାମାନି ମାହାପୁରୁ ଲକ୍ଷ୍ମି ଜହରା । ୨ ଏ ନା ତାୟିୟା ଅଡ଼େ ତାଢ଼ିସ୍ତା, ମାରୁ ଏତିବେଲା ତାୟିପାରି କିନି ତାଣା ତାୟିପାରି କିଞ୍ଚିଆଦେରି, ଏତିବେଲା ଏନି ହାରେକା ରାହାତି କାତା ଇଞ୍ଚି ଅଣ୍ଟାପାଦୁ; ୩ ତାୟିପାରି କିନାଣି ଜୀଣା ଆନି ନାମୁ ଏନି ଅର୍ହାଲି ହାୟାନେ, ଇଦାଆଁ ପୁଞ୍ଜାମାଞ୍ଜେରି । ୪ ଅଡ଼େ, ମାରୁ ଏନିକି ଏନି ଗୁଣ୍ଡୁତା ଉଣା ଆଆନା ନେହିଁ ତାରି ଅଡ଼େ ସୁତୁ ଗାଟାତେରି ଆଦୁ, ଏଦାଆଁତାକି ଅର୍ହାନାୟି ହାରେପୁରେ କାମା କିନେ । ୫ ସାମା ମା ବିଦ୍ରା ଆମ୍ବାଆରାକି ବୁଦି ଉଣା ମାଚିସାରି, ଆନିନି ମାହାପୁରୁ ଦହ ଆହଆନା ବାରେତାକି ହାରେପୁରେ କେୟୁ ଦେତାନା ଦାନା କିନେସି, ଏଞ୍ଜାଣି ତାଣା ପ୍ରାତାନା କିପାସି, ଏମ୍ବାଟିଏ ଏଞ୍ଜାଣାକି ହାପକିଆନେ । ୬ ସାମା ଏଞ୍ଜାସି ଇତାଣି ଆନାମାନା ଆଆନା ନାମୁତଲେ ପ୍ରାତାନା କିପାସି, ଇତିହିଁ ଆମ୍ବାଆସି ଆନାମାନା ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା ଆହିମାନି ସାମଦୁରିତି ତାରି ଆଆଗାଟି ଏୟୁ ଉଣ୍ଡା ଲେହେଁତାସି । ୭ ଏଲେତି ଲକ୍ଷୁ ପ୍ରବୁ ତାଣାଟି ଏନାଆଁ ବେଟାଆଇଁ ଇଞ୍ଚି ଆସା କିଆପେସି; ୮ ଏଞ୍ଜାସି ରୀ ମନ ଗାଟାସି, ଇଞ୍ଚି ତାନି ବାରେ କାମାତା ତାରି ଆଆଗାଟାସି । ୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହାଁ କିପାସି, ୧୦ ବାଡ଼କୁ ଗାଟାସି ତାନି ଉଣା ଆହିମାନାଣି ତାକି ବଡ଼ପଣା କିପେସି, ଏନାଆଁତାକି ଇତିହିଁ ବାଡ଼କୁ ଗାଟାସି ଜାଡ଼ାତି ପୁୟୁବଣ୍ଡା ଲେହେଁ ଦୁଲା ହାନେସି । ୧୧ ଏନିକି ଷ୍ଟେଡ଼ା ଲାଲ ହତାସାରେ ଜାଡ଼ା ଏନିକି ଖାୟାହାନେ ଅଡ଼େ ଏଦାନି ପୁଞ୍ଜା ଦୁଲିନୁ ଇଞ୍ଚି ତାନି ଅଜୁତି ଖାଣା ମେଣ୍ଡେହାନେ, ଏଲେକିହିଁଏ ବାଡ଼କୁ ଗାଟାସି ଜିକେଏ ତାନି ବାରେ କାମାତା ଖଡ଼ିନେସି । ୧୨ ଆନିନି ଗାଟାସି ତାୟିପାରି କିନାଣି ଅର୍ହାନେସି ଏଞ୍ଜାଣାକି ନେହେଁ, ଇତିହିଁ ମାହାପୁରୁ ତାନୁ ଜୀସୁ ନିନି ଲକ୍ଷୁଣି ଆନିନି ଜୀସୁଗାଟି ଟପେରି ହାହାଲି ଆଞ୍ଜାମାନେସି, ତାୟିପାରି କିତାଣି ଜୀଣାଆତି ଜେଚ ଏ ଲକ୍ଷୁ ଏ ଆଞ୍ଜାମାନି ଟପେରି ବେଟା ଆନେସି । ୧୩ ଆମ୍ବାଆସି ତାୟିପାରି କିଞ୍ଚି ଆତିସାରେ, “ନା ଇ ତାୟିପାରି କିଞ୍ଚି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଚିହିଁ ଇନାଆପେସି, ଇତିହିଁ ମାହାପୁରୁ ଲାଗେଏତି ପାନ୍ଦୁଟି ତାୟିପାରି କିଞ୍ଚି ଆସିସି, ଅଡ଼େ ଏଞ୍ଜାସି ତାନୁଏ ଆମ୍ବାଆରାଇଁ ତାୟିପାରି କିଅସି । ୧୪ ସାମା ମାଣ୍ଡି ତାନି ଲାଗେଏତି କାମା ତଲେ ଜୁପକା ଅଡ଼େ ନାଡ଼ିକିଞ୍ଚି ଆହାନା ତାୟିପାରି କିଞ୍ଚିଆନେସି; ୧୫ ଅଡ଼େ ତାୟୁ ଲାଗେଏତି କାମା ପୁରାମାସା ଆହାନା ପାପୁତି ଜାନି କିନେ, ଇଞ୍ଚି ପାପୁ ଗାତି ପାତାଆହାନା ହାକିତି ଜାନି କିନେ । ୧୬ ଏ ନା ଜୀସୁଟି ତାୟିୟା ଅଡ଼େ ତାଢ଼ିସ୍ତା ମାରୁ ନାଡ଼ି ଆଆଦୁ । ୧୭ ବାରେ ନେହିଁ ଦାନା ଅଡ଼େ ବାରେ ତାରିତି ବର ଲାକଟି; ଇତିହିଁ ଉଜେଡ଼ି ଗାଡ଼ିକିତି ଆବା ତାଣାଟି ଖାନେ, ଆମ୍ବାଆରି ତାଣା ଏନି ବାଦ୍ଲି ଆନାୟି କି ଇତାୟିଖା ସାୟି

କିହାନା ଆନେରି ଆନାୟି ହିଲେଏ । ୧୮ ମାରୁ ଏନିକି ତାନି ଗାଡ଼ି ଆତି ତାଣାଟି ରଲେଏତି ର ମୁଲୁତି ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଜାସି ତାନି ଅଣ୍ଟା ତଲେ ସାତା ବଲୁ ତଲେ ମାଢ଼େ ଗାଡ଼ି କିୟାତେସି । ୧୯ ଏ ନା ଜୀସୁଟି ତାୟିୟା ଅଡ଼େ ତାଢ଼ିସ୍ତା, ମାରୁ ଇଦାଆଁ ପୁଞ୍ଜାମାଞ୍ଜେରି, ମାରୁ ବାରେତେରି ଷ୍ଟେଞ୍ଜାଲି ଜାଗ୍ରାତା ଆଦୁ, ଇଞ୍ଚି ସେସାଲି ଦାଗା ଆଆଦୁ ଅଡ଼େ ଦେବୁଣିଏ କପା ଆଆଦୁ, ୨୦ ଇତିହିଁ ମାଣ୍ଡିସିତି କପା ମାହାପୁରୁଟି ନକିତା ଦାମ୍ବୁ କିହାଲି ଆଡେଏ । ୨୧ ଏଦାଆଁତାକି, ମାରୁ ବାରେ ପଲ୍ଲଆ ଗାଟାଣି ଅଡ଼େ ବାରେ ଲାଗେଏତି ପିସାତୁହୁଦୁ, ଆନିନି ମାହାପୁରୁ ହିୟାତି ବଲ୍ଲୁ, ମା ଜୀସୁଟି ଗେଲ୍ପାଲିତାକି ଆତିନେ, ଏଦାଆଁ ସୁତୁଗାଟି ଅଣ୍ଟା ତଲେ ଆହୁଦୁ । ୨୨ ସାମା ମାରୁ ଏଞ୍ଜାଣି ବଲ୍ଲୁ ସେନାତେରି ଆହାଁ ଜାହାରାଇଁ ନାଡ଼ି କିହାକତାଆନା, ବଲ୍ଲୁଟି କାମା କିନାତେରି ଆଦୁ । ୨୩ ଇତିହିଁ ଆନିନିଗାଟାସି ବଲ୍ଲୁଟି କାମା କିନି ଲକ୍ଷୁ ଆଆନା ଖାଉଲ ସେନି ଲକ୍ଷୁ ଆନେସି, ଆତିହିଁ ଏଞ୍ଜାସି ଦାପେଣିତା ତାନୁଏ ତାନି ମୁନୁ ସିନିକିହା କତିମାନି ମାଣ୍ଡି ଲେହେଁତାସି, ୨୪ ଏଡେତା ଏଞ୍ଜାସି ତାଢ଼େ ସିନିକିତି ଜେଚ ହାଜାନା, ଏଞ୍ଜାସି ଏମ୍ବାଟି ହୁଚା ହାତି ତାୟୁ ଏନିଲେହେଁତି ମାଣ୍ଡି ଦେବୁଣିଏ ବାଣାଆନେସି । ୨୫ ସାମା ଆମ୍ବାଆସି ତାରୁ ଇତିହିଁ ଗେଲ୍ପାଲି ଆତିନି ନେହିଁ ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ସେନି ଲକ୍ଷୁ ଆଆନା କାମାକିନାସି ଆନେସି, ଏଞ୍ଜାସି ତାନି କାମାତା ନେହାଁସି । ୨୬ ଇତିହିଁ ଆମ୍ବାଆସି ଜାହାରାଇଁ ତାରି ଗାଟାତେଏଁ ଇଞ୍ଚି ଅଣ୍ଟା କତିନେସି, ଇଞ୍ଚି ତାନି ସେନୁରିତି ଲକ୍ଷୁଆନା ତାନୁ ତାନି ହିୟାତି ନାଡ଼ି କିନେସି, ଇତିହିଁ ତାନି ଦାମ୍ବୁକାମା କିନାୟି ଉଜେଏତାୟି । ୨୭ ତାଲି ତାଞ୍ଜି ହିଲାଆ କକାରି ପଦାଣି ଅଡ଼େ ରାଣ୍ଡେଣି ଇୟାସିକାଣି ତାନି ଦୁକୁ କାକୁଲି ବେଲାତା ସାୟେନି କିନାୟି ଅଡ଼େ ଦାର୍ତତା ମାନି ବାରେ ଲାଗେଏତି କାମାଟି ଗେଲ୍ପା କତିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମ୍ବୁଟି କାମା ।

୨ ଏ ନା ତାୟିୟା ଅଡ଼େ ତାଢ଼ିସ୍ତା, ମା ଗାଞ୍ଜୁରମିଗାଟି ପ୍ରବୁ ଜୀସୁ କ୍ରୀସ୍ତୁ ତାଣା ନାମା ମାନାତେରି ମାଣ୍ଡିସିୟାତି ମୁନୁ ମେସାନା ଲେମ୍ବାଆଦୁ । ୨ ଇତିହିଁ ରଅସି ବାଂଗାରା ମୁଦି ଅଡ଼େ ଦାରାଗାଟି ନେହିଁ ଅଜିତି ହିମ୍ବୁରି ହୁତାନା କୁଟମି କୁଡ଼ା ଆହାମାନି ତାଣା ଖାନେସି, ଅଡ଼େ ର ହିଲାଆଗାଟାସି ଗେଞ୍ଜାମାନି ମାହିତି ହିମ୍ବୁରି ହୁତାନା ଖାନେସି, ୩ ଅଡ଼େ, ମାରୁ ଦାରାଗାଟି ଅଜିତି ହିମ୍ବୁରି ହୁଚିତି ଲକ୍ଷୁକି ମାନି କିହାଁ ଏଲେଇଞ୍ଜେରି, “ଇଦାଆଁ ନେହିଁ ଟାୟୁତା କୁଗାମୁ” ଅଡ଼େ ହିଲାଆଗାଟାଣାଇଁ ଏଲେଇଞ୍ଜେରି “ଏମ୍ବାଆଁ ନିତାମାନାମୁ, ଆଆଟି ନା କତାୟି ତୁଇକା କୁଗାମୁ” ୪ ଆଆଟି ମାରୁ ମା ବିଦ୍ରା କାଜା ଲକ୍ଷୁ ଉଣା ଲକ୍ଷୁ ପାଡ଼ା ବାତି କିଞ୍ଚି ଆହାଁ ଏଟକା ଏଟକା କିହାଁ ଲାଗେଏତି ନାହାଁୟି କିହିମାଞ୍ଜେରି । ୫ ଏ ନା ଜୀସୁଟି ତାୟିୟା ଅଡ଼େ ତାଢ଼ିସ୍ତା, ସେଞ୍ଜୁ, ମାହାପୁରୁ ଇ ଦାର୍ତତା ବାଡ଼କୁ ହିଲାଆଗାଟାଣାଇଁ ତାନି ନାମୁତା ଦନ ଗାଟାରି ଆହାଲି, ଅଡ଼େ ତାନି ଜୀସୁନିହିଁ ମାନାରାଇଁ ଆନିନି ରାଜି ହାହାଲି ଆଞ୍ଜାମାନେସି, ଏମ୍ବାଟି ଅଦିକାରା କିହାଲି ଆବା

ହିଲଅସି? ୭ ଯାମା ମାରୁ କାକୁଲି ଗାଟାରାଇଁ ଅପିହିଲଅତେରି । ବାଢ଼ୁ ଗାଟାରି ମୀ ମୁହେଁ ରାଜି କିୟଅରି କି? ଅଡ଼େ ମିଢ୍ଫେ ନୀହାଁୟି ପାଢ଼ୁତା ରେଜା ଅୟଅରି କି? ୭ ଆମିନି କାଜା ଦ଼ରୁତଲେ ଝେଢ଼ୁ ମାଞ୍ଜେରି, ଏନାଆଁ ଏଞ୍ଜାରି ଏ ଦ଼ରୁତି ନିନ୍ଦା କିଅରି । ୮ ମାରୁ ମୀ ପାଡ଼ିତି ଲକ୍ଷ୍ମଣି ମୀ ଜୀଞ୍ଜୁତି ଜୀଞ୍ଜୁ ନିନି ଲେହେଁ ଜୀଞ୍ଜୁନଦୁ, ସାସ୍ତେରିତା ରାସ୍କି ଅହାମାନି ମାହାପୁରୁ ରାଜିତି ଫେରା ସାତେଏ ମାନଞ୍ଜି ଆଦେରି, ଆତିହିଁ ମାରୁ ନେହିଁ କିହିମାଞ୍ଜେରି, ୯ ଯାମା ଲକ୍ଷ୍ମ ମୁମୁତି ମେସାନା ଲେମ୍ବିମାଞ୍ଜେରି, ଆତିହିଁ ମାରୁ ପାପୁ କିହିମାଞ୍ଜେରି, ଅଡ଼େ ଏ ଫେରା ତଲେ ଦହ ଗାଟାତେରି ଇଞ୍ଜି ଚଞ୍ଜା ଆହିମାଞ୍ଜେରି । ୧୦ ଆମ୍ବାଆସି ବାରେ ମସାତି ଫେରା ମାନଞ୍ଜି ଆହାଁ ରଣ୍ଡିଏ ମେରାତି ଉରିନେସି, ଇତିହିଁ ଏଞ୍ଜାସି ବାରେ ମେରାତି ଦହ ତଲେ ଚଣ୍ଡି ବେଟା ଆନେସି । ୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜି ଝେସା ମାତାସି, ଏଞ୍ଜାସି ଲକ୍ଷ୍ମଣି ପାୟାଆଦୁ ଇଞ୍ଜି ଜିକେଏ ଝେସାମାନେସି, ମାରୁ ଦାରିକାମା କିଆନା ଲକ୍ଷ୍ମଣି ପାୟିଦେରି ଇତିହିଁ ମେରାତି ଉରିନାତେରି ଆଦେରି । ୧୨ ଗେଲପିଆତି ମସାତି ମେରାତି ମାରୁ ନୀହାଁୟି କିଞ୍ଜିଆଦେରି, ଇଦାଆଁ ପୁଞ୍ଜାନା ଏଲେତି କାତା ଜଲ୍ଲୀଦୁ ଇଞ୍ଜି କାମା କିଦୁ । ୧୩ ଇତିହିଁ ଆମ୍ବାଆସି କାର୍ମା ମେହଅସି ମାହାପୁରୁ ଏଞ୍ଜାଣାଇଁ କାର୍ମା ମେହଆନା ନୀହାଁୟି କିନେସି, ସାମା କାର୍ମାମେହନାୟି ନୀହାଁୟିତା ଜାଣା ଆନେସି । ୧୪ ଏ ନା ତାୟିୟାଁ ଅଡ଼େ ତାଢ଼ିସ୍ତା, ଆମ୍ବାଆସି ନାଢ଼େ ନାମୁ ମାନେ ଇଞ୍ଜି ଇନେସି, ସାମା ଏଞ୍ଜାଣି କାମା ହିଲେଏ, ଆତି ଏଦି ଏନି ଲାବା? ଇଲେତି ନାମୁ ଆମ୍ବାଆରାଇଁ ଗେଲପାଲି ଆତିନେ କି? ୧୫ ଏତିବେଲା ର ତାୟି କି ତାଢ଼ିନାକି ହୁତାଲି ହିମ୍ବୁରି କି ତିଞ୍ଜାଲି ରାନ୍ଦୁ ହିଲାଆତିହିଁ, ୧୬ ଇଞ୍ଜି ମୀ ବିତ୍ରାତି ଆମ୍ବାଆତେରି ତାନି ଆଢ଼ୁତି ଲଢ଼ାମାନାଣି ହାଆନା, “ମାହାପୁରୁ ନିଢ୍ଫେ ବର ହିୟାପେସି, ବାଣ୍ଡି ପାଞ୍ଜାହାଁ ହିଦଡ଼ିତି ନେହିଁ କି ହାଲାମୁ” ଇଞ୍ଜି ଇତିହିଁ ଏଦି ଏନି ଲାବା? ୧୭ ଏଲେକିହିଁଏ, କାମା ହିଲାଆସାରେ ନାମୁ ହାତାୟି । ୧୮ ସାମା ଆମ୍ବାଆସି ଏଲେଇନେସି, “ରଅଣି ନାମୁ ମାନେ ଅଡ଼େ ରଅଣି କାମା ମାନେ;” କାମା ହିଲାଆନା ନୀ ନାମୁ ଚପ୍ପାମୁ, ଅଡ଼େ ନାମୁ କାମା ତଲେ ନା ନାମୁତି ଚପ୍ପାଲି । ୧୯ ମାହାପୁରୁ ରଅସିଏ, ଇଦାଆଁ ମାରୁ ନାମିମାଞ୍ଜେରି; ଏଦି ନେହିଁ କାତା, ବୁରୁୟାଁ ଜିକେଏ ନାମାହାଁ ଆଜିତାକି ତାର୍ଗିମାନୁ । ୨୦ ସାମା ଏ ବୁଦି ହିଲାଆଗାଟାତେରି, କାମା ହିଲାଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲଅତେରି? ୨୧ ମା ଆକୁ ଅବ୍ରାହାମ, ପୁଜାପିଣ୍ଡା ଲାକ ତାନି ମାରୁଏଣା ଇସାହାକଇଁ ପୁଜା କିହିମାଟାଟି କାମା ତଲେ ଦାର୍ମୁଗାଟାସି ଇଞ୍ଜି ଝେଢ଼ୁ ହିଲାଆତେସି? ୨୨ ମାରୁ ମେସିମାଞ୍ଜେରି, ଅବ୍ରାହାମତି ନାମୁ ତାନି କାମାତା ଚଞ୍ଜାଆତେ, ଅଡ଼େ କାମା ତଲେ ନାମୁ ପୁରାଆତେ; ୨୩ ଏତେଟିଏ ସାସ୍ତେରିତି ଇ ବଲ୍ଲୁ ସାତା ଆତେ, ଅବ୍ରାହାମ ମାହାପୁରୁ ତାଣା ନାମିତେସି, ଅଡ଼େ ତାଢ଼େତାକି ଏଦି ଦାର୍ମୁଗାଟାସି ଇଞ୍ଜି ଝେଢ଼ୁତେସି, ଇଞ୍ଜି ଏଞ୍ଜାସି ମାହାପୁରୁତି ଚଢ଼େଏସି ଇଞ୍ଜି ଝେଢ଼ୁତେସି । ୨୪ ଇତିହିଁ ମାଣ୍ଡି ଖାରୁଇ ନାମୁତି ଆଏ, ସାମା ତାନି କାମାଟି ଦାର୍ମୁଗାଟାସି ଆନେସି ଇଞ୍ଜି

ମାରୁ ପୁଞ୍ଜିମାଞ୍ଜେରି । ୨୫ ଏଲେକିହିଁଏ ଦାରେଣି ରାହାବ୍ ଦାର୍ମୁଗାଟାୟି ଇଞ୍ଜି ଝେଢ଼ୁମାଟେ, ଏଦି ପାରୁ ପାରାଲି ଫେଣେଏ ଖାହାମାତାରାଇଁ ତାନି ଇଜ ଅହାନା ଇତିତେ ଇଞ୍ଜି ଏଟକା ଜିରୁତି ପାଣ୍ଡାଲି ସାୟେମି କିହାମାଟେ । ୨୬ ଇତିହିଁ ଜୀଞ୍ଜୁ ହିଲାଆସାରେ ଆଢ଼ୁ ହାତି ମାଡ଼ହା, ଏଲେକିହିଁଏ କାମା ହିଲାଆସାରେ ନାମୁ ଜିକେଏ ହାତାୟି ।

୩ ଏ ନା ତାୟିୟାଁ ଅଡ଼େ ତାଢ଼ିସ୍ତା, ମାରୁ ହାରେକା ଜାପନାତେରି ଆଆଦୁ; ଜାପନାତାୟି ମାର, ମାର ଅର ଲକ୍ଷ୍ମ କିହାଁ ହାରେକା ଚଣ୍ଡି ପାଣ୍ଡାୟି ଇଦାଆଁ ପୁଞ୍ଜାମାଞ୍ଜୁ । ୨ ଇତିହିଁ ମାର ଏନି ଏନି କାମାତା ପୁତି କିହିମାନାୟି, ସାମା ଆମ୍ବାଆସି ମାହାପୁରୁ ବଲ୍ଲୁତା ପିଟଞ୍ଜି ଆଅସି, ଆତିହିଁ ଏଞ୍ଜାସି ନେହିଁ ମାଣ୍ଡି, ଅଡ଼େ ଏଞ୍ଜାସି ତାନି ବାରେ ଆଢ଼ୁତି ତାନ୍ଦୁଏ ଲକ୍ଷ୍ମାଲି ଆଡ଼ିମାନେସି । ୩ ମାର ଗଡ଼ାୟାଁଲି ଲକ୍ଷ୍ମାଲି ତାକି ତାନି ଗୁତିତା ବାକେରି କାଟିକିହିମାନାୟି, ଅଡ଼େ ଏଦାନିତଲେ ମାର ତାନି ବାରେ ଆଢ଼ୁତି ଝେଟ୍ ହି ମାନାୟି । ୪ ଏୟୁ ଜାକାତି କାତା ଜିକେଏ ଅଣ୍ଡାପାଦୁ, ଏଦି ଏଚେକା କାଜାୟି ଅଡ଼େ କାଜା ଗାଲି ତଲେ ତାକିତି ଜିକେଏ, ଜାକାତି ତାୟୁଞ୍ଜାକି ମାନି ର ଉଣା ମାରା ତଲେ ତାକିନେ, ଏ ମାରା ଆହନାସି ଆୟିୟାଞ୍ଜାକି ମାନ କିନେସି ଏନିକା ହାନେ । ୫ ଏଲେକିହିଁଏ ଝେନୁରି ଜିକେଏ ଆଢ଼ୁତି ର ଉଣା ବାଟା ଆତିହିଁ ଜିକେଏ, ଏଦି କାଜା ବଡ଼ପଣତି କାତା ଜଲ୍ଲାଲି ଆଡ଼ିନେ । ମେହଦୁ ର ଉଣା ହିରୁ ପୁୟାଁ ତଲେ ଏଚେ କାଜା ଜାଡ଼ା ଝେହାହାନେ । ୬ ଝେନୁରି ଜିକେଏ ହିରୁ ଲେହେଁତାୟି; ଏଦି ମା ଆଢ଼ୁ ବିତ୍ରା ବାରେ ଲାଗେଏ ପଲେଏ ଚାଣାଟି ସାଲଞ୍ଜି ଆହିମାନେ, ଏଦି ବାରେ ଆଢ଼ୁତି ଲାଗେଏ କିନେ, ଅଡ଼େ ତାନ୍ଦୁ ନକଟି ହତିମାନି ହିରୁତଲେ ଡ଼ାଞ୍ଜାନା ଗାଡ଼ି ଆହାମାନି ଦାର୍ଗିତି ହୁତିନେ । (Geenna ୨1067) ୭ ଇଞ୍ଜି ବାରେ ଲେହେଁତି ଜନ୍ମ ଜିଝେଡ଼ି, ପଟା କାଟି, ବାଣ୍ଡିତଲେ ତାକିନାଲ, ଅଡ଼େ ଏୟୁତି ଜନ୍ମ, ମାଣ୍ଡିଏ ଏ ବାରେ ଜନ୍ମୁୟାଁଣି ଲକ୍ଷ୍ମାଲି ଆଡ଼ିମାନେସି । ୮ ସାମା ଝେନୁରିତି ଆମ୍ବାଆସି ଲକ୍ଷ୍ମାଲି ସାପି କିହାଲି ଆଡ଼ଅସି, ଏଦି ପଲ୍ଲଆ ଗାଟାୟି ଇଞ୍ଜି ଲଢ଼ୁଆ ଗାଟାୟି, ଅଡ଼େ ଏଦିଏପୁଆଁ ହାନିମାନି ବୀସା ମାନେ । ୯ ଝେନୁରି ତଲେ ପ୍ରବୁ ଅବାଇଁ ଜହରା କିହିମାନାୟି, ଇଞ୍ଜି ଏ ଝେନୁରି ତଲେ ମାହାପୁରୁ ଲେହେଁ ଗାଡ଼ି ଆତି ମାଣ୍ଡିଇଁ ବାକା ଇତି ମାନାୟି; ୧୦ ଏ ରଣ୍ଡିଏ ଗୁତିତି ଜହରା କିନାୟି ଅଡ଼େ ବାକା ହାନି କାତା ହତିମାନେ ଏ ନା ତାୟିୟାଁ ଅଡ଼େ ତାଢ଼ିସ୍ତା ଏଲେଆନାୟି ନେହେଁ ଆଏ । ୧୧ ର ଜାର୍ଗାଟି ତାକିନି ଅଡ଼େ କାମ୍ବେଲି ଏୟୁ ହନୁ କି? ୧୨ ଏ ନା ତାୟିୟାଁ ଅଡ଼େ ତାଢ଼ିସ୍ତା, ଚୟା ମାରୁନୁତା ଜାତ ପାଡ଼େୟି ଅଡ଼େ ଅଢ଼ୁରି ମାଡ଼ାତା ଚୟା ପାଡ଼େୟି ଆୟାଲି ଆତିନେ କି? ଏଲେକିହିଁଏ ହାରୁ ଜାର୍ଗା ତାକିନି ଏୟୁହାଲି ଆଡ଼େଏ । ୧୩ ମା ବିତ୍ରା ବୁଦିଗାଟାସି ଅଡ଼େ ତେଲ୍ଲିନାସି ଆମ୍ବାଆସି ମାନେସି? ଏଞ୍ଜାସି ବୁଦିଗାଟାସି ଲେହେଁ ଉଣା ଆହାନା ଇଞ୍ଜି ସୁରୁଗାଟାସି ଆହାନା ତାନି ନେହିଁ ମାଣ୍ଡିକି ତଲେ କାମା ଚପ୍ପେସି । ୧୪ ସାମା ମା ହିୟାଁତା ଗାଡ଼ି

ଡାହାରା, କପା ଅଡ଼େ ଖରୁଇ ଜାହାରାତାକି ଅଶ୍ୱପିନାୟି ମାନେ, ଆତିହିଁ ସାତାଟି କପାଟି ବତପଣ ଆଆଡୁ ଅଡ଼େ ମିତି ଜଲ୍ଲାଆଡୁ । ୧୫ ଇଲେତି ବୁଦି ମାହାପୁରୁ ଡାଣାଟି ଝାଏ, ଏଦି ଇ ଦାର୍ତ୍ତତାୟି, ମାଣସିତି ଅଶ୍ୱପୁ ଗାଟାୟି ଅଡ଼େ ଲାଗେଏତ ପଲେଏତି ବରୁୟିଁ ଝାୟି । ୧୬ ଇତିହିଁ ଆମିନି ଡାଣା ଡାହାରା ଅଡ଼େ ଜାହାରାତାକି ଅଶ୍ୱପିନାୟି ମାନେ, ଏ ଟାୟୁତା ବାରେଲେହେତି ଲାଗେଏତି କାମା ମାନେ । ୧୭ ସାମା ଲାକଟି ଝାନି ବୁଦି, ତଲିଏ ସୁରୁଗାଟାୟି, ଡାୟୁ ହିଡ଼ି ଜୀଝୁଗାଟାୟି ଅଡ଼େ ସୁଦୁ ସୁଖାଲା, ମାନଖି ଆନାୟି, କାର୍ମାମେହନାୟି ଅଡ଼େ ନେହିଁ ପାଡ଼େୟିକା ତଲେ ନେଞ୍ଜାମାନାୟି, ଆନାମାନା ଆଆଗାଟାୟି ଅଡ଼େ କୁଡୁ ହିଲାଆଗାଟାୟି । ୧୮ ଅଡ଼େ ହିଡ଼ି ହାନି ଲକ୍ଷୁ ଡାଣାଟି ହିଡ଼ିତି ବିତା ମାଟ୍ଟିଆନେ, ଦାର୍ମଗାଟି ପାଡ଼େୟି ଦାପି ଆନେ ।

୪ ମା ଡାଣା ମାତାଗଡ଼ି ଅଡ଼େ ଗଡ଼ହା ଆମିତି ଝାହିମାନେ? ଏଝି ମା ଡାଣା ମାନି ସୁକୁତି ଅଶ୍ୱପୁଟି ଝାହିମାନୁ ଏଝି ବାରେବେଲା ବାରେ ବେଲା ଗଡ଼ହା କିଝିକିହିମାନୁ । ୧ ମାରୁ ଏନାଆଁ ବେଟାଆହାଲି ଅଶ୍ୱପା ମାଞ୍ଜେରି, ଏଦାଆଁ ବେଟା ଆଆସାରେ ଲକ୍ଷୁଣି ପାୟାଲି ଅଶ୍ୱପା ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପକା ଆନେ ଏଦାଆଁ ବେଟା ଆଆସାରେ ଗଡ଼ହା ଅଡ଼େ ମାତାଗଡ଼ି କିହିମାଞ୍ଜେରି, ଏନାଆଁତାକି ଇତିହିଁ ମାରୁ ମାହାପୁରୁଇଁ ରାସି ହିଲଅତେରି; ୩ ମାରୁ ରାସିମାଞ୍ଜେରି ସାମା ବେଟାଆହି ହିଲଅତେରି, ଏନାଆଁତାକି ଇତିହିଁ ମାରୁ ମା ଆଞ୍ଜୁତି ଜୁପକାଟି ଲେମ୍ବୁଲି ତାକି ପାପୁ କାମା କିହାଲି ରାସିମାଞ୍ଜେରି । ୪ ଏ ଦାରେଣିସିକାତେରି, ମାରୁ ପୁଞ୍ଜୁହିଲଅତେରି? ଦାର୍ତ୍ତତି ତଣେ ଆନାସି ଏଝାସି ମାହାପୁରୁତି ସାତୁ, ଇତିହିଁ ଆମ୍ବାଆସି ଇ ଦାର୍ତ୍ତତି ତଣେ ଆହାଲି ଅଶ୍ୱପିନେସି; ଏଝାସି ତାଢ଼େ ମାହାପୁରୁତି ସାତୁ । ୫ ମାରୁ ଏନାଆଁ ଦାର୍ମ ପତିତା ରାସକି ଆହାମାନି ବଲ୍ଲୁ ଉଜେଏ ଇଞ୍ଜି ଅଶ୍ୱପିମାଞ୍ଜେରି କି, “ମାହାପୁରୁ ଆମିନି ଜୀଝୁତି ମା ଡାଣା ବାସା ଆହାଲି ହାହାମାଞ୍ଜୁନେସି, ଏଝାସି ମାଢ଼େ ବାରେ ଝାକିତି ସାଲଝି କିହାଲି ଅଶ୍ୱପିନାୟି ।” ୬ ସାମା ମାହାପୁରୁ ହାରେକା କାର୍ମାମେହନାଣି ହିୟାନ୍ନେସି; ଏଦାଆଁତାକି ସାସ୍ତେରିତା ରାସକି ଆହାମାନେ, “ମାହାପୁରୁ ଆଢ଼ାଲା ଆନାରି କପାଟି ନିଢ଼ିନେସି, ସାମା ଜାହାରାଇଁ ଉଣା କିହା କଡାମାନାରାଇଁ କାର୍ମା ମେହନେସି, ମାହାପୁରୁତି କାର୍ମା ହାରେକା ବାଡ଼ୟୁ ଗାଟାୟି ।” ୭ ଏଦାଆଁତାକି ମାରୁ ମାହାପୁରୁ ଡାଣା ହେବ୍ଦା କଡାତୁ: ଅଡ଼େ ସୟତାନଇଁ ଆବଆତୁ, ଆତିହିଁ ଏଦି ମା ଡାଣାଟି ହେକ ହାନେ । ୮ ମାହାପୁରୁ ତାଗେ ଝାଡୁ ଆତିହିଁ ଏଝାସି ମା ତାଗେ ଝାନ୍ନେସି, ଏ ପାପୁ ଗାଟାତେରି, ମା କେସାଣି ନେହିଁକି ନରଦୁ, ଅଡ଼େ ରୀ ଅଶ୍ୱପୁ ଗାଟାତେରି, ମା ହିୟିତି ଅଡ଼ହା କଡାତୁ । ୯ ହିୟିଁ କାଡ଼ି କିହାଁ ଦୁକୁ ତଲେ ଡାତୁ: ମା କାକନାୟି ଡାକିତା ଅଡ଼େ ମା ରାହାଁ ଦୁକୁତା ତାରି ମୁଁପେ । ୧୦ ପ୍ରବୁ ନକିତା ମାରୁ ମିଢ଼େ ଉଣା କିହାକଡାତୁ, ଏତେଟିଏ ଏଝାସି ମିଢ଼େ କାଜା ଲକ୍ଷୁ କିୟାନ୍ନେସି । ୧୧ ଏ ତାୟି ତାଢ଼ିସ୍ତା, ମାରୁ ରଅତେରି ରଅଣା କପାଟି ନିନ୍ଦା କାତା ଜଲ୍ଲାଆତୁ: ଆମ୍ବାଆସି

ତାୟି କପାଟି ନିନ୍ଦା କାତା ଜଲ୍ଲିନେସି କି ନାହାଁୟି କିନେସି, ଏଝାସି ମସା ଫେରା କପାଟି ଜଲ୍ଲିମାନେସି, ଇଞ୍ଜି ଏମ୍ବାତି ନାହାଁୟି କିହିମାନେସି । ସାମା ମାରୁ ମସା ମେରାଟି ନାହାଁୟି କିନେସି, ଇତିହିଁ ମାରୁ ମସା ମେରାଟି ମାନଖି ଆନାତେରି ଆଆନା ଏମ୍ବାତି ନାହାଁୟି କିନାତେରି । ୧୨ ମାହାପୁରୁ ରଅସିଏ ମେରା ହାନାସି ଅଡ଼େ ନାହାଁୟି କିନାସି, ଏଝାସି ଗେଲ୍ପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆଡ଼ିତାଗାଇଁ ନାହାଁୟି କିହିମାଞ୍ଜୁ? ୧୩ ନୀଏଁ ମେହଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଝିଏ ମାପୁ ଏ ଗାଡ଼ାତା ହାନମି ଇଞ୍ଜିଁ ଏମ୍ବାଆଁ ର ବାସା ପାତେକା ଡ଼ୟାନା ବେବାରା କିହାଁ ଗାଡ଼ି ଲାବା କିନମି;” ୧୪ ସାମା ଝିଏ ଏନାୟି ଆନେ, ଏଦାଆଁ ମାରୁ ପୁଞ୍ଜୁହିଲଅତେରି, ମା ଜୀଝୁ ଏନିକିଁ ଗାଡ଼େକା ଡ଼ଞ୍ଜୁଆହାନା ଗାଡ଼େକା ମେଣ୍ଡ଼ାହାନି ଉକଅଡ଼ି, ମାରୁ ଏଲେତାତେରି । ୧୫ ଇଦାଆଁତାକି ମାରୁ ଏଲେଇନାୟି ମାନେ, “ପ୍ରବୁତି ଅଶ୍ୱପୁ ଆତିସାରେ ମାର ଜୀଝୁତଲେ ନାତା ମାଞ୍ଜୁନା ଇଦାଆଁ କିନ ଆଆତିଁ ଏଦାଆଁ କିନ ।” ୧୬ ସାମା ମାରୁ ନୀଏଁ ମା ବତପଣ ଡ଼ସାକତିମାଞ୍ଜେରି; ଇଲେତି ବତପଣ ଲାଗେଏତାୟି । ୧୭ ହିୟିଁତା ଇଟାତୁ ଏନାଆଁତାକି ଇତିହିଁ, ଆମ୍ବାଆସି ନେହିଁ କାମା କିହାଲି ପୁଞ୍ଜୁନା କିଅସି ଏଝାସି ପାପୁ କିନେସି ।

୫ ଏ ବାଡ଼କୁ ଗାଟାତେରି ନା କାତା ଝେଞ୍ଜୁ, କସୁତି ଦିନା ଝାହିମାନେ ଏଦାଆଁତାକି ଦୁକୁଆହିଁ ଡାତୁ ଇଞ୍ଜି କାନିକାର୍ମା ଆତୁ । ୧ ମା ବାରେ ଦନ ସୀରହା ହାତେୟିଏ, ଅଡ଼େ ମା ହିପୁରିକାଇଁ ଲାମୁ ତିତେୟିଏ, ୩ ଅଡ଼େ ମା ବାଂଗାରା ଇଞ୍ଜିଁ ଝେଣ୍ଡି କିରୁଡ଼େ ଆତେୟିଏ; ଏତେଟିଏ ଏ କିରୁଡ଼େ ମା କପାଟି ସାକି ହୀହାନା ହିରୁ ଲେହେଁ ମା ଆଞ୍ଜୁ ଜିକେଏ ନାସା କିୟାନ୍ନେ, ଇ ରାନି ବେଲାତା ମିଢ଼େତାକି ଦନ କୁଡ଼ି କିହାମାଞ୍ଜେରି । ୪ ହେଣ୍ଡା ମା ଗୁତିୟୁତି ତାସା ଦାଃଆନାରାକି ନାଡ଼ିକିହାନା ଆମିନି କୁଲି ହୀହା ହିଲଅତେରି, ଏଦି ଗାଡ଼ି କାଲ୍ଝି ଆହିମାନେ, ଅଡ଼େ ତାସାଟି ଦାଃଆନାରି ଡାନାୟି ବାରେ ବାଡ଼ୟୁତି ପ୍ରବୁତି କିୟିତା ଏଗା ହାତେୟିଏ । ୫ ମାରୁ ଦାର୍ତ୍ତତି ସୁକୁ ଅଡ଼େ ରାହାଁତା ନାତାମାଞ୍ଜେରି, ମାରୁ ହାକିତି ଦିନାତାକି ଜାହାରାଇଁ ଆଢ଼ା କିହାମାଞ୍ଜେରି । ୬ ମାରୁ ଦହ ହିଲାଆଗାଟାଗାଇଁ ଦହ କିହାନା ପାୟିମାଞ୍ଜେରି; ଏଝାସି ମିଢ଼େ ଝେଣ୍ଡେ ଏନାଆଁ କିୟଅସି । ୭ ଏଦାଆଁତାକି ଏ ତାୟି ତାଢ଼ିସ୍ତା, ପ୍ରବୁତି ଝାନି ଦିନା ପାତେକା ସାସାତଲେ କାତାନା ମାଞ୍ଜୁ, ର ତାସା କିନାସି ଏନିକିଁ ତାନି ବୁମିତି ପାଡ଼େୟି ବେଟାଆହାଲି ତାକି ମୂଲୁତି ପିୟୁ ଅଡ଼େ ଡାୟୁତି ପିୟୁ ରିନି ଦିନା ପାତେକା ସାସାତଲେ କାପୁ କାତାନା ଡ଼ୟିନେସି । ୮ ମାରୁ ଜିକେଏ ଏଲେକିଁ ସାସାତଲେ ମାଞ୍ଜୁନା ମା ହିୟିତି ସୁସୁ କିଦୁ, ଇତିହିଁ ପ୍ରବୁତି ଝାନି ଦିନା ତାଗେ ଝାତେୟିଏ । ୯ ଏ ତାୟି ତାଢ଼ିସ୍ତା, ମାରୁ ଏନିକିଁ ନାହାଁୟି କିଝି ଆଅତେରି, ଏଦାଆଁତାକି ରଅତେରି ରଅଣା କପାଟି ଏନି କାତା ଜଲ୍ଲାଆତୁ, ସିନିକିଦୁ, ନାହାଁୟି କିନାସି ଦୁଝେରିତା ନିତାମାନେସି । ୧୦ ଏ ତାୟି ତାଢ଼ିସ୍ତା, ଆମିନି ମାହାପୁରୁ ଅଶ୍ୱପୁତି ବଲ୍ଲୁ ଝେହନାରି

ପ୍ରଭୁ ଦରୁତି କାତା ଖେପାମାତେରି, ଏଖରାଇଁ ମୀରୁ ଅଣ୍ଠପାଦୁ, ଦୁକୁ କସୁ
 ବେଟାଆନାଟି ସାସା ଅଡ଼େ ଅରହାଲି ଜିରୁ ତସାମାଞ୍ଜାନେରି । ୧୧ ମେହୁଦୁ
 ଆମ୍ବାଆରି କସୁ ଅରହା ମାତେରି, ମାମୁ ଏଖରାଇଁ ନେହାଁରି ଇଞ୍ଜି ଇନମି,
 ମୀରୁ ଆମୁବତି ଅରହନାଣି ଖେଞ୍ଜାମାଞ୍ଜେରି, ଅଡ଼େ ପ୍ରଭୁ ତାମୁତି କାମା
 ମେସାନା ପୁଞ୍ଜାମାଞ୍ଜେରି, ଏଖାସି କାର୍ନା ମେହନାସି ଅଡ଼େ ଜୀଞ୍ଜୁ ନନାସି
 । ୧୨ ଏ ନା ତାୟି ତାଢ଼ିସ୍ତାତେରି, ମୀରୁ ପାର୍ମାଣା କିଞ୍ଜୁବ କିଆଦୁ,
 ଲାକପୁରୁତି ଦରୁତଲେ ପାର୍ମାଣା କି ଦାର୍ତତି ଦରୁତି ପାର୍ମାଣା କି
 ଏଟକାତି ଏନି ଦରୁ ଆସାନା ପାର୍ମାଣା କିଆଦୁ, ସାମା ମାଦି ହାଅ ଇନି
 କାତା ହାଅ ଆପେ ଇଞ୍ଜି ଆଏ ଇନି କାତା ଆଏ ଆପେ, ଏନିକି ମୀରୁ
 ନାହାଁୟି ଦିନାତା ତଣ୍ଡ ଗାଟାତେରି ଅଅତେରି । ୧୩ ମୀ ବିତ୍ରାତି ଆମ୍ବାଆସି
 ଦୁକୁ କିହିମାନେସି? ଆତିହିଁ ଏଖାସି ପ୍ରାତାନା କିପାସି, ଆମ୍ବାଆସି ରାହାଁତି
 ମାନେସି? ଇତିହିଁ ଏଖାସି ଜହରା ପାରୁ ପାତାପେସି । ୧୪ ଆମ୍ବାଆସି
 ମୀ ବିତ୍ରାତି ଆତାଆ ଗାଟାସି ମାତିହିଁ ଏଖାସି କୁଲମିତି ପ୍ରାତିନାଢ଼ାଣି
 ହାଟାପେସି; ଇଞ୍ଜି ଏଖାରି ପ୍ରଭୁତି ଦରୁତଲେ ନିୟୁଁ ଖାକହାନା ଏଖାଣି ତାକି
 ପ୍ରାତାନା କିପାରି । ୧୫ ଏ ନାମୁଗାଟି ପ୍ରାତାନା ରଗ ଗାଟାଣାଇଁ ନେହିଁ
 କିନେ, ଇଞ୍ଜି ପ୍ରଭୁ ଏଖାଣାଇଁ ନିକନେସି, ଇଞ୍ଜି ଏଖାସି ପାପୁ କିହାମାତିହିଁ,
 ଆତିହିଁ ଏଖାଣି ପାପୁ ମେଣ୍ଡି କିଞ୍ଜିଆନେ । ୧୬ ଏଦାଆଁତାକି ମୀରୁ
 ରଅତେରି ରଅଣା ନକିତା ମୀ ପାପୁ ଖେକ୍ଦୁ, ଅଡ଼େ ନେହିଁ ଆହାଲିତାକି
 ରଅତେରି ରଅଣି ତାକି ପ୍ରାତାନା କିଦୁ, ଆତିହିଁ ମୀରୁ ନେହିଁ ଆଦେରି,
 ଏନାଆଁତାକି ଇତିହିଁ ଦାମ୍ବୁ ଗାଟାଣି ପ୍ରାତାନା ହାରେକା କାଜା କାମା କିହାଲି
 ଆତିନେ । ୧୭ ଏଲିୟ ଜିକେଏ ମା ଲେହେଁତି ଦୁକୁ ସୁକୁ ଗାଟି ମାଣ୍ଡି;
 ଏଖାସି ପିୟୁ ଆଆପେ ଇଞ୍ଜି ରଣ୍ଡିଏ ମନତଲେ ପ୍ରାତାନା କିତେସି, ଅଡ଼େ
 ତାନି ବାସା ସ ଲେଞ୍ଜୁ ପାତେକା ଏ ବୁମିତା ପିୟୁ ଆଆତେ । ୧୮ ଇଞ୍ଜି
 ଏଖାସି ଅଡ଼େ ଖେଣ୍ଡେ ପ୍ରାତାନା କିହାଲିଏ ହାଗୁଟି ପିୟୁ ରାତେ, ଅଡ଼େ
 ବୁମିତା ଆନା କାମ୍ବିତେ । ୧୯ ଏ ନା ତାୟିୟାଁ ଅଡ଼େ ତାଢ଼ିସ୍ତା, ମୀ ବିତ୍ରାତି
 ଆମ୍ବାଆସି ସାତା ଜିରୁତି ବାଣା ଆତିହିଁ ଅଡ଼େ ଆମ୍ବାଆସି ଏଖାଣାଇଁ ଖେଣ୍ଡେ
 ଖେଟହା ତାନେସି, ୨୦ ଆତିହିଁ ଆମ୍ବାଆସି ପାପୁ ଗାଟାଣାଇଁ ତାନି ପଲ୍ଲଆ
 ଜିରୁତି ଖେଟହା ତାନେସି, ଏଖାସି ଏଖାଣି ଜୀଞ୍ଜୁତି ହାକିତି ଗେଲ୍ପିନେସି,
 ଇଞ୍ଜି ହାରେକା ପାପୁତି ମ୍ଲୋପକି କିନେସି, ଇଦାଆଁ ମୀରୁ ପୁଞ୍ଜୁ ।

ପଦିତ

୧ ନାନ୍ତୁ ପିତର, କ୍ରୀସ୍ତ ଜୀସୁ ତାଣାଟି ପାଣ୍ଡୁଆହାମାନି ସୀସୁ, ପତୁ, ଗାଲାତିୟା, କାପାଦକିୟା, ଆସିୟା ଅଡ଼େ ବେଦନିୟା ରାଜିତା ଇତାଲା ଆତାଲା ବାସାଆହାମାନି ମାହାପୁରୁ ଆତାମାନି ଲକ୍ଷ୍ମୀତାକି ଆକୁ ରାତିମାଇଁ, ୨ ଆବା ମାହାପୁରୁତ ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଟାତେରି ଅଡ଼େ ଜୀସୁ କ୍ରୀସ୍ତୁଟି ନେତେରି ତାଞ୍ଜିଝି କିହାକତାଲି ଆଡ଼ିଝି ଆହାମାନେରି । ମିଢ଼େତାକି ମାହାପୁରୁଟି କାର୍ମାନେହନାୟି ଇଞ୍ଜି ହିଡ଼ି ଆପେ । ୩ ମା ପୁରୁ ଜୀସୁ କ୍ରୀସ୍ତୁଟି ଆବା ଅଡ଼େ ମାହାପୁରୁଇଁ ଜହରା; ଇତିହିଁ ଏଝାସି ତାନି କାର୍ମାଟି ଜୀସୁ କ୍ରୀସ୍ତୁଇଁ ହାକିଟି ନିକହାନା ମାଢ଼େ ପୁଃନି ଜୀସୁ ହାମାଞ୍ଜାନେସି, ଏଦି ମାଢ଼େତାକି ନୀତିନି ବାସୁ ହାହାମାଞ୍ଜାନେ, ୪ ଏଦାଆଁତାକି ମାହାପୁରୁ ତାନି ଲକ୍ଷ୍ମୀତାକି ଆମିନି ବାରାଗାଟି ବର ଇଟାମାନେସି, ଏଦାଆଁ ବେଟାଆହାଲି ମାର କୀପୁ କାତାମାନାୟି, ଏଝାସି ଲାକପୁରୁ ମିଢ଼େତାକି ଏଦାଆଁ ଜାଡ଼ୁ ତଲେ ଇଟାମାନେସି, ଏମାଆଁ ଏଦି ନସୁ ଆଏ କି ଝାଡ଼େଏ । ୫ ଆମିନି ଗେଲ୍ପିନାୟି ରାନି ଦିନାତା ତଞ୍ଜିଆହାଲି କିଝିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁଟି ବାଡ଼ୁୟାତା ନାମୁତଲେ ଜାଗ୍ରାତା କିଝି ଆହାମାଞ୍ଜେରି । ୬ ଏଦାଆଁତାକି ମୀରୁ ରାହାଁ କିପୁ, ଆତିକିକେଏ ନୀଏଁ ଗାଡ଼େକା ତାକି ହାରେକା ତାୟିପାରି କିନି ତାଣାଟି ଦୁକୁ କସୁ ବେଟାଆନାୟି ମିଢ଼େତାକି ଲଡ଼ାଆନେ, ୭ ଏନିକିଁ ଗାଡ଼େକା ନସୁ ଆନି ବାଂଗାରା ହିତୁନା ହୁଡିନି କିହାଁ ହାରେକା ଦାରା ମୀ ତାୟିପାରି କିଝିଆତି ନାମୁ, ଏଦି ଜୀସୁ କ୍ରୀସ୍ତୁ ତଞ୍ଜିଆନି ବେଲାତା ମାନି ତଲେ ଜହରାତି, ଗାଝୁରମି ଅଡ଼େ ମାନି ବେଟାଆନାୟି । ୮ ନୀଏଁ ମୀରୁ ଏଝାଣାଇଁ ମେସା ହିଲାଆତି ଜିକେଏ ଜାଝୁନହିଁ ମାଞ୍ଜେରି, ଇଞ୍ଜି ନୀଏଁ ମେହୁଆଟି ଜିକେଏ ତାନି ତାଣା ନାମାହାଁ ଝେସାଲି ଆତାଆରେଦୁ ଗାଝୁରମିତି ରାହାଁତା । ୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜୀସୁଟି ଗେଲ୍ପିନାଣି ବେଟାଆହାମାଞ୍ଜେରି । ୧୦ ଇ ଗେଲ୍ପିନି କାତା ମାହାପୁରୁ ଅଣ୍ଡୁପୁଟି ବଲୁ ଝେହନାରି ମନ ହାହାନା ପାରିହିଁ ସିନିକତେରି, ଆମ୍ବାଆରି ଏମିନି କାର୍ମାନେହନାୟି ମିଢ଼େ ଆନାୟି ମାତେ, ଏ ତାୟୁତି କାତା ଝେସାହାଁ ତୁସାମାତେରି, ୧୧ କ୍ରୀସ୍ତୁଟି ଦୁକୁ ବେଟାଆନାଣି ଇଞ୍ଜି ଅଡ଼େ ତାୟୁତି ଗାଝୁରମି ବେଟାଆନାଣି ନକେଏ ପାର୍ମାଣା ହାନାସି ଇଞ୍ଜି ଏଝାରିତାଣା ମାନି କ୍ରୀସ୍ତୁଟି ଜୀସୁ ଏ ବାରେ ଏତିବେଲା ଝାନେ ଅଡ଼େ ଏନିକିଁ ଝାନେ ଏଝାରି ପୁଞ୍ଜାଲି ନକେଏ ଅଣ୍ଡୁପାମାତେରି । ୧୨ ଏଝାରି ଏ ବାରେ କାତା ତାମି ତାକି ସେବା କିଆନା ମୀ ଲାବା ତାକି ସେବା କିହିମାତେରି, ଇଦି ଏଝାରିତାଣା ତଞ୍ଜି ଆହାମାତେ, ଇଞ୍ଜି ଏ ବାରେ କାତା ଲାକପୁରୁଟି ପାଣ୍ଡୁଆହାମାନି ସୁଦୁଜୀସୁଟି ବାଡ଼ୁୟା ତଲେ ମୀ ନକିତା ନେହିଁ କାରୁ ଝେହନାରି ତାଣାଟି ନୀଏଁ ମିଢ଼େ ଝେସ୍ପି ଆହିମାଞ୍ଜାନେ; ଏ ବାରେ କାତା ଦୃତୁୟାଁ ଜିକେଏ ପୁଞ୍ଜାଲି ଅଣ୍ଡୁପି ମାନେରି । ୧୩ ନେହିଁ କାମା କିହାଲି

ତିୟାରା ଆଦୁ । କୀପୁ କାତାମାନା ଜୀସୁ କ୍ରୀସ୍ତୁ ତଞ୍ଜି ଆନି ବେଲାତା ଆମିନି ବର ମିଢ଼େ ହାପୁକି ଆୟାନେ, ଏଦାଆଁତାକି ତୀରେତଲେ ବାସୁ ଇଟାଦୁ । ୧୪ ମାହାପୁରୁଇଁ ମାନି କିପୁ, ମୀରୁ ତଲି ପୁଞ୍ଜାହିଲାଆତି ବେଲାତା ଆମିନି ଲାଗେଏ ପଲେଏତି ଜୁପକା ତଲେ ମାତେରି ନୀଏଁ ଏଲେଆଆଦୁ । ୧୫ ସାମା ମିଢ଼େ ହାଟାମାଞ୍ଜାନି ମାହାପୁରୁ ଏନିକିଁ ସୁଦୁଗାଟାସି ମୀରୁ ଜିକେଏ ଏଲେକିଁ ମୀ ବାରେ ମାଣକିତା ସୁଦୁ ଗାଟାତେରି ଆଦୁ । ୧୬ ଦାମ୍ବୁପତିତା ରାସ୍ତକି ଆହାମାନେ, “ମୀରୁ ସୁଦୁ ଗାଟାତେରି ଆଦୁ, ଏନାଆଁତାକି ଇତିହିଁ ନୀନ୍ଦୁ ସୁଦୁ ଗାଟାତେଏଁ ।” ୧୭ ଅଡ଼େ ଆମ୍ବାଆରି ମୁମୁ ମେହୁଆନା ବାରେ ଲକ୍ଷ୍ମୀତା ଏଝାରି କାମା କିହାମାନିଲେହେଁ ନାହାଁୟି କିନେସି, ଏଝାଣି ତାଣା ପ୍ରାତାମା କିନାଟି ଆବା ଇଞ୍ଜି ହାଟିତିହିଁ, ମୀରୁ ଇ ବାର୍ତ୍ତତା ବାସାଆହାମାନି ପାତେକା ମାନି ତଲେ ଏଝାଣାଇଁ ଆଜାନା ମାଞ୍ଜୁ; ୧୮ ଇତିହିଁ ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଉକେଏତି ମାଣକି ତଲେ ନୀତିନି ତାଣାଟି ମୀରୁ ଝେଣ୍ଡି କି ବାଂଗାରା ଲେହେଁତି ନାସା ଆନି ଆସି ତଲେ ପିସ୍ପି ଆହାହିଲଅତେରି, ୧୯ ସାମା ଏନି ସିନା ଅଡ଼େ ଦହ ହିଲାଆଗାଟି ମେଣ୍ଡା ତାଲୁ ଲେହେଁତି କ୍ରୀସ୍ତୁଟି ଗାତି ବାରାଗାଟି ନେତେରି ତଲେ ପିସ୍ପି ଆହାମାଞ୍ଜେରି । ୨୦ ବାର୍ତ୍ତ ଗାଡ଼ିଆତି ନକେଏ ମାହାପୁରୁ ଏଝାଣାଇଁ ଆତିତେସି ଇଞ୍ଜି ଇ ରାନି ଜୁଗୁତା ଏଝାସି ମିଢ଼େତାକି ତଞ୍ଜି ଆହାମାଞ୍ଜାନେସି; ୨୧ ଆମିନି ମାହାପୁରୁ ଏଝାଣାଇଁ ହାକିଟି ନିକହାନା ଗାଝୁରମି ହାହାମାନେସି, ଏଝାଣି ତାଣାଟି ମୀରୁ ଏ ମାହାପୁରୁଇଁ ନାନିମାଞ୍ଜେରି, ଇଦାଆଁତାକି ମୀ ବାରେ ନାମୁ ଅଡ଼େ ବାସୁ ମାହାପୁରୁ ତାଣା ଆଡ଼ିଝି ଆହାମାନେ । ୨୨ ନୀଏଁ ମୀରୁ ସାତାତି ମାନଝି ଆହାନା କୁଦୁ ହିଲାଆ ତାୟିକି ଜୀସୁ ନହାଲି ତାକି ମୀ ହିୟାଁତି ଅଡ଼ିଝି କତାମାନାକି ମୀ ବାରେ ହିୟାଁ ତଲେ ମୀରୁ ରଣ୍ଡିଏ ମନତଲେ ରଅତେରି ରଅଣାଇଁ ଜୀସୁନଦୁ । ୨୩ ଇତିହିଁ ମୀରୁ ନାସା ଆନି ପାଡ଼େୟିତି ଆଏ, ସାମା ଏତେଲା ନାସା ଆଆଗାଟି ପାଡ଼େୟିତି, ଇତିହିଁ ମାହାପୁରୁଟି ଜୀସୁ ଅଡ଼େ ବାରେବେଲା ତୁୟିନି ବଲୁ ତଲେ ଝେଣ୍ଡେ ଜାର୍ନା ଆହାମାଞ୍ଜେରି । (aiōn g165) ୨୪ ଦାମ୍ବୁ ସାସ୍ତେରିତା ରାସ୍ତକି ଆହାମାନେ, “ଇତିହିଁ ବାର୍ତ୍ତତି ବାରେ ଲକ୍ଷ୍ମୀ ଗାକି ଜାଡ଼ା ଲେହେଁତାରି, ଏଝାରି ଅଳୁ ବାରେ ଜାଡ଼ାତି ପୁଞ୍ଜା ଲେହେଁତାୟି । ଗାକି ଜାଡ଼ା ଝାୟାହାନେ ଇଞ୍ଜି ପୁଞ୍ଜା ବାରେ ତୁଲାହାନୁ । ୨୫ ସାମା ମାହାପୁରୁଟି ବଲୁ କାଲାକାଲାତାକି ତୁୟିନେ ।” ଇଦି ଏ ନେହିଁ କୀବୁଟି ବଲୁ, ଆମିନି ଗାଟାୟି ମୀ ତାଣା ଝେସ୍ପିକି ଆହାମାତେ । (aiōn g165)

୨ ଇତିହିଁ ପ୍ରବୁ କାର୍ମା ମେହନାସି ଇଞ୍ଜି ମୀରୁ ନୀଏଁ ପୁଞ୍ଜାମାନାକି, ଇଞ୍ଜି ବାରେ ଲାଗେଏ ପଲେଏତାଣି, ନାଡ଼ି କିନାଣି, କୁଦୁ, ଲକ୍ଷ୍ମୀ ତାହାରା ଇଞ୍ଜି ଲକ୍ଷ୍ମୀ ନିନ୍ଦା କାତା ଜଲିନାଣି ପିହୁ, ୨ ପୁଃନି ଜାର୍ନାଆତି କୃତ କକାରି ପଦାଲେହେଁ ଏନାଆଁ ଆଣ୍ଡାଆତି ପାଲୁ ଗସାଲି ଅଣ୍ଡୁପିଦେରି, ଆତିହିଁ ମୀରୁ ପାତାଆହାନା ଗେଲ୍ପି ଆଦେରି । ୩ ଦାମ୍ବୁପତିତା ରାସ୍ତକି ଆହାମାନେ, “ମାହାପୁରୁ ଏତେକା କାର୍ମା ମେହନାସି, ଏଦାଆଁ

ମୀରୁ ପୁଞ୍ଜାମାଞ୍ଜେରି । ୧୮ ଜୀଞ୍ଜୁଗାଟି ଖାଲି ଲେହେଁଟି ପ୍ରବୁ, ଏଞ୍ଜାଣାଲ୍ ମାଣସିୟାଁ ତାଣାଟି ଅପାଆତେରି ସାତା, ସାମା ମାହାପୁରୁ ତାଣା ଆର୍ତ୍ତେ ଆହାନା ଗାତି ଦାରାଗାଟାସି ଆତେସି । ୧୯ ତାନି ତାଣା ଖାହାନା ମୀରୁ ଜିକେଏ ଜୀସୁ କ୍ରୀସ୍ତ ତାଣାଟି ମାହାପୁରୁ ନକିତା ନେହିଁ ଜୀଞ୍ଜୁଟି ପୂଜା ହୀହାଲିତାକି ସୁଦୁଗାଟି ପୂଜେରାଞ୍ଜା ଲେହେଁ ଆହାଲିତାକି ଜୀଞ୍ଜୁଟି ଖାଲି ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆହୁ । ୨୦ ଇତିହିଁ ଦାର୍ମ୍ ପତିତା ରାସକି ଆହାମାନେ; “ନାନୁ ସିୟନତା ର ଆର୍ତ୍ତେ ଆହାମାନି ଅଡେ ଦାରାଗାଟି କନତି ମୁଲୁ ଖାଲି କିହାମାଲ୍ ଇଞ୍ଜି ଆମ୍ବାଆସି ଏଞ୍ଜାଣି ତାଣା ନାମନେସି ଏଞ୍ଜାସି ଏତେଲାଞ୍ଜା ଲାଜା ବେଟାଆସି ।” ୨୧ ମୀରୁ ପ୍ରବୁଲ୍ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି, “ଇଲୁ କେପିନାରି ଆମିନି ଖାଲିତି ଅପାଆତେରି, ଏଦି ଏଞ୍ଜାରାକି ଇଲୁ କନତି ମୁଲୁ ଖାଲି ଆତେ ।” ୨୨ ଅଡେ ଦାର୍ମ୍ପତିତା ରାସକି ଆହାମାନେ, “ଏ ଖାଲିତା ହାରେକା ଲୁକୁ ପୁଟି କିନେରି, ଏ ପାକା ଖାଲି ଏଞ୍ଜାରାଲ୍ ତୁଲ ତର୍ଗି କିନାୟି ଆନେ;” ମାହାପୁରୁ ବଲୁ ଆହୁଆତାକି ଏଞ୍ଜାରି ଏମ୍ବାଆଁ ବାଦା ବେଟାଆନେରି ଇଞ୍ଜି ଏଦାଆଁତାକି ଏଞ୍ଜାରି ମାହାପୁରୁ ତାଣାଟି ଆର୍ତ୍ତେ ଆହାମାତେରି । ୨୩ ସାମା ଆମ୍ବାଆସି ମିଞ୍ଜେ ଆନେରିଟି ତାନି କାବାଆନି ଉଜେଡିତା ହାଟାମାଞ୍ଜାନେସି, ମୀରୁ ଏନିକିଁ ଏଞ୍ଜାଣି ଗୁଣ୍ଡ ପାତିବେରି, ଏଦାଆଁତାକି ମୀରୁ ମାହାପୁରୁ ଆଟାମାଞ୍ଜାନି କୁଡାତେରି, ରାଜାତି ସେବାକିନି ପୂଜେରାଞ୍ଜା, ମାହାପୁରୁ ସେବାତାକି ଏଟକା ଆହାମାନି ସୁଦୁ କୁଡାତେରି, ଇଞ୍ଜି ମାହାପୁରୁଟି ଲୁକୁତେରି ଆହାମାଞ୍ଜେରି । ୨୪ “ତଲି ମୀରୁ ମାହାପୁରୁଟି ଲୁକୁ ଆହା ହିଲୁଆତେରି, ସାମା ନାଏଁ ମୀରୁ ମାହାପୁରୁଟି ଲୁକୁ ଆହାମାଞ୍ଜେରି, ତଲି ମୀରୁ ମାହାପୁରୁଟି କାର୍ମା ବେଟାଆହା ହିଲୁଆତେରି, ସାମା ନାଏଁ ତାନି କାର୍ମାଆନାଣି ବେଟାଆହାମାଞ୍ଜେରି ।” ୨୫ ଏ ଜୀଞ୍ଜୁଟି ତାୟି ତାଢ଼ିସ୍ତା, ନାନୁ ମିଞ୍ଜେ ଇ ଦାର୍ମ୍ପତିତା ଏଟକା ଦେସାତାତେରି ଇଞ୍ଜି ହେକ ଦେସାଟି ଖାହାମାନାତେରି ଇଞ୍ଜି ଅଣ୍ଡାପାନା ବାତିମାଲିମାଞ୍ଜାଲ୍, ମୀରୁ ମୀ ଆଞ୍ଜୁଟି ଜୁପକାଟି ହେକ ଆହୁ, ଏଞ୍ଜି ମୀ ଜୀଞ୍ଜୁ କପାଟି ଲୁକୁ କିହେମାନୁ । ୨୬ ମୀରୁ ଜୀହୁଦିଆଆତି ଲୁକୁତାଣା ମୀ ମାଣକି ଦହ ହିଲୁଆଗାଟାୟି ଆପେ, ଏନିକିଁ ଏଞ୍ଜାରି ନାଏଁ ମିଞ୍ଜେ ପାପୁ ଦହ ଗାଟାତେରି ଇଞ୍ଜି ନିନ୍ଦୁ କିୟାନେରି, ତାୟୁ କ୍ରୀସ୍ତ ଖାନି ଦିନାତା ମୀ ନେହିଁ କାମା ମେସାନା ମାହାପୁରୁଲ୍ ଜହରା କିନେରି । ୨୭ ପ୍ରବୁଟି ତାକି ବାତିମାଲିମାଞ୍ଜାଲ୍, ମୀ ମୁହେଁ ସାଲଞ୍ଜି କିନାରାଲ୍ ମାନଞ୍ଜି ଆହୁ । ୨୮ ବାରେଡି କିହାଁ କାଜା ରାଜା ଆପେସି, ଲାଗେଏ ପଲେଏତାରାଲ୍ ତଣୁ ହୀହାଲି ଅଡେ ନେହିଁ କାମା କିନାରାଲ୍ ରାହାଁ କିହାଲିତାକି ତାନିତାଣାଟି ପାଣ୍ଡିଆହାମାନି ସାଲଞ୍ଜି କିନାସି ଆପେସି, ଏଞ୍ଜାରାଲ୍ ମାନି କିହୁ । ୨୯ ଇତିହିଁ ମୀରୁ ନେହିଁ କାମା କିହାଁ ବୁଦି ହିଲୁଆ ଉଜେଏତି କାତା ଖେହନାରାଲ୍ ସାପି କିହୁ, ଏଦି ମାହାପୁରୁଟି ଅଣ୍ଡାପୁ । ୩୦ ମୀରୁ ମେଲା ମାନାତେରି ଆତିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଲେଏ ଲେମ୍ବାଆହୁ, ସାମା

ମାହାପୁରୁଟି ହଲିୟା ଆହାନା ନେହିଁ କାମା କିହୁ । ୩୧ ବାରେ ଲୁକୁଲ୍ ଆବାଦୁ, କ୍ରୀସ୍ତାନା ତାୟି ତାଢ଼ିଲ୍ ଜୀଞ୍ଜୁନୁ, ମାହାପୁରୁଲ୍ ଆଜାଦୁ, ରାଜାଲ୍ ମାନି କିହୁ । ୩୨ ହଲିୟାଞ୍ଜାତେରି ମୀରୁ ଆଜିତଲେ ମୀ ସାଞ୍ଜୁକାରିୟାଲ୍ ମାନଞ୍ଜି ଆହୁ, ଖାର୍ଲ ନେହାଁରାଲ୍ ଅଡେ କାର୍ମା ମେହନାରାଲ୍ ଆଏ, ସାମା ଲାଗେଏତି ସାଞ୍ଜୁକାରିୟାଲ୍ ଜିକେଏ ଏଲେକିଁ ମାନଞ୍ଜିଆହୁ । ୩୩ ଇତିହିଁ ଆମ୍ବାଆସି ମାହାପୁରୁଲ୍ ନାମିତାକି ଲାଗେଏତାଣି ତାକି ଦୁକୁ କସୁ ବେଟାଆହାନା ଅର୍ହନେସି, ଆତିହିଁ ଏଦି ରାହାଁତି କାତା । ୩୪ ମୀରୁ ମୀ ଦହ ତାକି ତଣୁ ବେଟାଆଦେରି, ଏମ୍ବାଆଁ ଏନି ଲାବା? ସାମା ନେହିଁ କାମାତାକି କସୁ ଅର୍ହନିହିଁ, ମାହାପୁରୁ ମିଞ୍ଜେ ବର ହିୟାନେସି । ୩୫ ମାହାପୁରୁ ତାଣା ବାରେଡାକି ହାଟକିଆହା ମାଞ୍ଜେରି, ଇତିହିଁ ମୀରୁ ଏନିକିଁ କ୍ରୀସ୍ତୁଟି ପାଞ୍ଜୁଲି ତଲେ ତାକିଦେରି ଏଦାଆଁତାକି ଏଞ୍ଜାସି ଜିକେଏ ମିଞ୍ଜେତାକି ଦୁକୁ କସୁ ଅର୍ହନା, ମିଞ୍ଜେତାକି ଏଲେଆହାଲି ତସାମାଞ୍ଜାନେସି; ୩୬ ଏଞ୍ଜାସି ଏନି ପାପୁ ଦହ କିହାଲିଆତେସି କି ଏଞ୍ଜାଣି ଗୁଡିଟି ମିତି କାତା ଏତେଲାଞ୍ଜା ହାଟାଲିଆତେ । ୩୭ ଏଞ୍ଜାସି ନିନ୍ଦୁ ବେଟାଆହି ମାତାଟି ଖେଣ୍ଡେ ନିନ୍ଦୁ କିଆତେସି; ଦୁକୁ କସୁ ବେଟାଆହି ମାତାଟି ଖେଣ୍ଡେ କସୁ ହିୟାଲ୍ ଇଞ୍ଜି ଆଜି ତସାନା ଖେହୁଆତେସି, ସାମା ସାତା ନାହାୟି କିନି ମାହାପୁରୁ ତାଣା ତାନି ବାରେଡି ହେରୁପିତେସି । ୩୮ ମୀରୁ ଏନିକିଁ ପାପୁ ତାକି ହାହାନା, ଦାର୍ମ୍ପତିତାକି ଜୀଞ୍ଜୁତଲେ ନାତିନାୟି, ଏଦାଆଁତାକି ଏଞ୍ଜାସି ପାସି ମୁଣ୍ଡା ଲାକ ତାନି ଆଞ୍ଜୁ ତଲେ ମା ବାରେ ପାପୁ ତେକା ଅତେସି, ଏଞ୍ଜାଣି ରାହାଁଟି ମୀରୁ ନେହିଁ ଆହାମାଞ୍ଜେରି । ୩୯ ଇତିହିଁ ମୀରୁ ଜିରୁ ବାଣାଆହାମାନି ମେଣ୍ଡାୟି ଲେହେଁ ଆହାମାତେରି, ସାମା ନାଏଁ ମୀରୁ ଜୀଞ୍ଜୁଟି ଗଦୁ କୁଲମିତି କାଜାଣା ଜେଟ ଜେଟ ତାକାଲି ମୀରୁ ଖେଣ୍ଡା ଖାହାମାଞ୍ଜେରି ।

୩୧ ଏଲେକିହିଁଏ ଏ ତକ୍ରିସିକାତେରି, ମୀରୁ ମୀ ତକ୍ରିୟାଲ୍ ମାନଞ୍ଜିଆହୁ, ଏନିକିହିଁ ଏଞ୍ଜାରି ବିତାଟି ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହିଁ ମାଣକି ମେସାନା, ମୀରୁ ଖେହୁଆନା ଜିକେଏ ମାହାପୁରୁ ତାଣା ନାମାଲି ଆତିନେରି । ୩୨ ଏନିକିଁ ଏଞ୍ଜାରି ବିତାଟି ଆମ୍ବା ଆମ୍ବାଆରି ବଲୁଟି ମାନଞ୍ଜି ଆଆତି ଜିକେଏ ମୀ ମାହାପୁରୁଟି ଆଜି ଅଡେ ମାଣକି ମେସାନା କାତା ଖେନାଆନା ଜାହାରା ତକ୍ରିନି ସୁଦୁଗାଟି ମାଣକି ମେସାନା ନାମିନେରି । ୩୩ ତାୟି ବାଣାୟି ହାରେକା ଅଜିକିହିଁ କିଶା କତାନା, ବାଂଗାରା ଦୁର୍ହାନା, ଅଜିତି ହିପୁରିକା ହୁରିନାୟି, ଖାର୍ଲ ଇ ବାରେ ତଲେ ମୀ ଆଞ୍ଜୁଟି ଅଜି କିହାକତାଆହୁ, ୩୪ ମୀ ହିୟାତା ଏମିନି ହିଡ଼ି ଜୀଞ୍ଜୁଟି ଗୁଣ୍ଡ ମାହାପୁରୁ ନକିତା ହାରେକା ଦାରାଗାଟାୟି, ଏଦିଏ ମୀ ନାସା ଆଆଗାଟି ଅହୁ ଆପେ ୩୫ ଏନାଆଁତାକି ଇତିହିଁ ତଲି କାଲାଟି ସୁଦୁଗାଟି ଇୟସିକା ଜିକେଏ ମାହାପୁରୁ ତାଣା ବାସୁ ଇଟାନା ତାନି ତକ୍ରିୟାଲ୍ ମାନିକିହିଁ ଜାହାରାଲ୍ ଅଜିକିହା କଡିମାନୁ । ୩୬ ଏଲେକିହିଁଏ ସାରା ଜିକେଏ ଅହାହାମଲ୍ ମାନଞ୍ଜି ଆହାଁ ଏଞ୍ଜାଣାଲ୍ ନା ପ୍ରବୁ ଇଞ୍ଜିମାତେ; ମୀରୁ ଜିକେଏ ନାଏଁ ଏନାଆଁ ଆଜାଆନା ନେହିଁ କାମା କିତିହିଁ ଏଦାଣି ମାସକାତେରି

ଆଦେରି । ୭ ତକ୍ତୁୟିତେରି, ଏଲେକିହିଁଏ ମୀ ତକ୍ତୁସିକାଣି ମୀ କିହିଁ ବାଡ଼ୟୁତା ଉଣାଗାଟାଇ ଇଚ୍ଛୁଁ ପୁଞ୍ଜାନା ଏଞ୍ଜାସିକାଇଁ ମାନି କିପୁ, ଇଚ୍ଛୁଁ ଏଞ୍ଜାସିକା ତଲେ ଆଣ୍ଡାନା ବୁଦିତଲେ ଡ଼ୟାପୁ, ଏଞ୍ଜି ଜିକେଏ ମୀ ତଲେ ମାହାପୁରୁ ତାଣା କାଲାକାଲା ଜୀଞ୍ଜୁତି କାର୍ମାତି ଦାନା ବେଟାଆନୁ, ଏନିକିଁ ମୀ ପ୍ରାତାନା କିନିତାଣା ବାଦା ଖାଏ । ୮ ଡ଼ୟୁତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡାପୁ ତଲେ ବାରେତି ସୁକୁ ଦୁକୁତା ଆଣ୍ଡାପୁ ଆନାୟି, ତାୟି ତାଡ଼ିଲ୍ ଜୀଞ୍ଜୁନାୟି, ନେହିଁ ହିୟିଁ ଅଡ଼େ ଜାହାରାଇଁ ଉଣା କିହାକତାପୁ । ୯ ଲକୁ ମିଡ଼େ ଲାଗେଏ କିୟାତିହିଁ ଜିକେଏ ଏଞ୍ଜାରାଇଁ ଷ୍ଟେଣ୍ଡେ ଲାଗେଏ କିଆପୁ, ନିନ୍ୟୁ କିୟାତିହିଁ ଷ୍ଟେଣ୍ଡେ ନିନ୍ୟୁ କିଆପୁ, ସାମା ଏଞ୍ଜାରାଇଁ ବର ହାପୁ, ଏନାଆଁତାକି ଇତିହିଁ ଏଲେକିହାଲି ମାହାପୁରୁ ମିଡ଼େ ଆତାନା ହାଟାମାଞ୍ଜାନେସି । ୧୦ ଦାର୍ମୁ ସାସ୍ତେରିତା ରାସ୍ତିକି ଆହାମାନି ଲେହେଁ “ଆମ୍ବାଆସି ଜୀଞ୍ଜୁତା ସୁକୁ ତଲେ ଡ଼ୟାଲି ଇଚ୍ଛୁଁ ରାହିଁତି ଦିନାୟି ମେସାଲି ଅଣ୍ଡାପୁନେସି, ଏଞ୍ଜାସି ଲାଗେଏ ପଲେଏ କାତାୟି ତାନି ଷ୍ଟେନ୍ଦ୍ରିତି ଜଲ୍ଲାଆପେସି, ଅଡ଼େ ମିତି କାତାୟି ତାନି ଗୁଡିତି ଏତେଲାଖା ହୁଆପୁ । ୧୧ ଏଞ୍ଜାସି ଲାଗେଏ ପଲେଏ ତାଣାଟି ହେକ ଆହାନା ନେହିଁ କାମା କିପେସି, ଇଚ୍ଛୁଁ ତାନି ବାରେ ହିୟିଁ ତଲେ ହିଡ଼ି ଜୀଞ୍ଜୁ ପାରାନା ଏ ଜିରୁତି ତାକାପେସି । ୧୨ ଏନାଆଁତାକି ଇତିହିଁ ଦାର୍ମୁ ଗାଟାରାକି ପ୍ରବୁତି କାନୁ ମାନେ, ଇଚ୍ଛୁଁ ଏଞ୍ଜାରି ପ୍ରାତାନାଟି କାର୍କା ଅତାହିଁ ଷ୍ଟେନେସି, ସାମା ପାପୁ ଗାଟାରି କପାତି ପ୍ରବୁ ନିଡ଼ିନେସି ।” ୧୩ ମୀରୁ ନେହିଁ କାମାତାକି ରାହିଁ ଗାଟାତେରି ଆଦେରି, ଆତିହିଁ ଆମ୍ବାଆସି ମିଡ଼େ ଲାଗେଏ କିୟାଲି ଆତାନେସି? ୧୪ ସାମା ନେହିଁ କାମା କିହାନା କସ୍ତୁ ବେଟାଆତି ଜିକେଏ, ଏଦି ମୀ ତାକି ନେହେଁ, ଆମ୍ବାଆସି ମିଡ଼େ ଆଜି କିୟାତିହିଁ ଆଜିତାକି ଆତାଜାକା ଆଆପୁ: ୧୫ ସାମା କ୍ରୀସ୍ତାଇଁ ପ୍ରବୁ ଇଚ୍ଛୁଁ ମୀ ହିୟିଁତା ସୁକୁ ତଲେ ମାନି କିପୁ, ଆମ୍ବାଆସି ଏତେଲାଖା ମୀ ତାଣା ମାନି ବାସ୍ତିତି କାତା ପୁଞ୍ଜାଲି ଷ୍ଟେଞ୍ଜାତିହିଁ, ଏଞ୍ଜାଣାଇଁ ଷ୍ଟେଣ୍ଡେ ଷ୍ଟେସାଲି ମୀ ଅଣ୍ଡାପୁ ତଲେ ତିୟାରା ଆହାମାଞ୍ଜୁ, ୧୬ ସାମା ଷ୍ଟେନ୍ଦ୍ରିତି ସୁଦୁ ଅଡ଼େ ମାନିଗାଟି ଅଣ୍ଡାପୁ ତଲେ ଆଜାଆନା ନେହିଁ ବୁଦିତି ଷ୍ଟେନ୍ଦ୍ରି, ମୀରୁ କ୍ରୀସ୍ତ ତାଣା ଆଣ୍ଡାନା ନେହିଁ ମାଣ୍ଡିକି ମାନାକି ମିଡ଼େ ନିନ୍ୟୁ କିହାନା ଦହ ଦହନାରି ଏମ୍ପେଏ ଲାଜା ପାଣ୍ଡାପେରି ଇଚ୍ଛୁଁ ମୀରୁ ତାରିତି ଅଣ୍ଡାପୁ ତଲେ ମାଞ୍ଜୁ । ୧୭ ଏନାଆଁତାକି ଇତିହିଁ ଲାଗେଏ ପଲେଏ କାମାତାକି ଦୁକୁ ବେଟାଆନି କିହିଁ ମାହାପୁରୁ ଇତା ଆତିହିଁ, ନେହିଁ କାମାତାକି ଦୁକୁ ବେଟାଆନାୟି ନେହେଁ । ୧୮ କ୍ରୀସ୍ତ ମିଡ଼େ ମାହାପୁରୁ ତାଣା ତାତାଲି ତାକି ଏଞ୍ଜାସି ଦାର୍ମୁଗାଟାସି ଆହାନା ଦାର୍ମୁ ହିଲ୍ଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡେସି, ଏଞ୍ଜାସି ଆଡ଼ା ତଲେ ହାଡେସି ସାତା, ସାମା ଜୀଞ୍ଜୁତଲେ ନାଡିଡେସି, ୧୯ ଏମ୍ବାଟିଏ ଏଞ୍ଜାସି ସୁଦୁଜୀଞ୍ଜୁ ତଲେ ମାଞ୍ଜାନା ଦସ୍ତି ଆହାମାତି ଜୀଞ୍ଜୁୟି ତାଣା ହାଜାନା ମାହାପୁରୁ ବଲ୍ଲୁ ଷ୍ଟେକ୍ତେସି; ୨୦ ତଲି କାଲାତା ନହ ଜାଜା କେପିତି ଚେଲା, ମାହାପୁରୁ ସାସାତଲେ କାତିମାଡେସି, ଆତିଜିକେଏ ଏଞ୍ଜାଣାଇଁ ମାନଞ୍ଜି ଆଆତେରି, ଏ ଜାଜାତା ହାରେକା ଲକୁ ଆଏ, ଆଟା

ଜାଣା ହତାନା ଏୟୁଡି ଗେଲ୍ପି ଆଡେରି; ୨୧ ଏ ଏୟୁ ଇ କାଲାତି ବାପ୍ତିସ୍ତ ଇତିହିଁ ଏଦି ମା ଆଡ଼ାତି ମାତି ନରୁନାୟି ଆଏ, ସାମା ମାହାପୁରୁ ତାଣା ନେହିଁ ଅଣ୍ଡାପୁ ବେଟାଆହାଲି ପ୍ରାତାନା କିନାୟି, ଇଚ୍ଛୁଁ ଜୀସୁ କ୍ରୀସ୍ତ ହାକିତି ନିଡ଼ିତାକି ଗେଲ୍ପି ଆନାୟି । ୨୨ ଏ ଜୀସୁ କ୍ରୀସ୍ତ ଲାକପୁରୁ ହାଜାନା ମାହାପୁରୁଟି ତିଃନି ଚଟତା କୁଗାମାନେସି, ଏମ୍ବାଆଁ ଦୂଡୁୟି, ପାଣା ବେଟାଆଆତାରି ଅଡ଼େ ବାଡ଼ୟୁ ଗାଟାରି, ଏଞ୍ଜାଣାଇଁ ମାନଞ୍ଜି ଆହାନା ତାନି ଡ଼ଲ ମାନେରି ।

୪ କ୍ରୀସ୍ତ ଆଡ଼ା ତଲେ ଦୁକୁ କସ୍ତୁ ବେଟାଆହା ମାନାକି ମୀରୁ ଜିକେଏ ଏଲେକିହିଁଏ ଏଞ୍ଜାଣି ଲେହେଁତି ଅଣ୍ଡାପୁ ତଲେ ଜାହାରାଇଁ ତିୟାରା କିହାକତାପୁ, ଏନାଆଁତାକି ଇତିହିଁ ଆମ୍ବାଆସି କ୍ରୀସ୍ତତି ତାକି ଆଡ଼ାତା ଦୁକୁ କସ୍ତୁ ବେଟା ଆହାମାନେସି, ଏଞ୍ଜାସି ପାପୁତି ହେକ ଆହାମାନେସି, ୨ ଏନିକିଁ ମୀରୁ ଦାର୍ଡିତା ନୀତାମାନି ପାତେକା ପାପୁଗାଟି ମାଣ୍ଡିତି ଲାଗେଏ ଜୁପକାତି ଅଣ୍ଡାପୁ ତଲେ ନୀତାଆନା ମାହାପୁରୁଟି ଅଣ୍ଡାପୁ ଲେହେଁ ନୀତାପୁ । ୩ ହାରେକା ଦିନା ମୀରୁ ନାମାଆଗାଟାରି ଇତା ତଲେ କାମା କିହିଁ ମୀରୁ ଏତେ କାଲା ଲାଗେଏ ପଲେଏ କାମାତା, ଲାଗେଏତି ଜୁପକା, କାଡୁ ବୃତୁ ଅନାୟି, କାଡୁ ଗସାନା ରାହିଁ କିନାୟି, କାଡୁ ଗସାନା ହୁଡିନାୟି, ଇଚ୍ଛୁଁ ଅପାଆଗାଟି ପେଣ୍ଡାକା ବନାୟିଣି ପୂଜା କିହମାଡେରି, ୪ ମୀରୁ ନୀଏଁ ଏଞ୍ଜାରିତଲେ ଏ ବାରେ ଲାଗେଏ ପଲେଏ କାମାତା ରାହିଁତଲେ ଆଣ୍ଡିହିଲଅଡେରି, ଏଦାଆଁତାକି ଏଞ୍ଜାରି ଆତାଜାକା ଆହାନା ମିଡ଼େ ହାରେକା ନିନ୍ୟୁ କିୟାନେରି । ୫ ସାମା ଆମିନି ମାହାପୁରୁ ନୀତାମାନାରାଇଁ ଅଡ଼େ ହାତାରାଇଁ ନୀହାୟି କିହାଲି ହାଜିମାନେସି, ଏ ମାହାପୁରୁ ନକିତା ଏଞ୍ଜାରି ତାନି ବାରେ କିତି କାମାତି ଲେକା ହୀନାୟି ମାନେ । ୬ ଏଦାଆଁତାକି ହାତାରି ତାଣା ଜିକେଏ ମାହାପୁରୁଟି ନେହିଁ କାବୁ ଷ୍ଟେସ୍ତିଆଡେ, ଏନିକିଁ ଏଞ୍ଜାରି ମାଣ୍ଡିୟି ଲେହେଁ ଆଡ଼ା ତଲେ ନୀହାୟି କିଞ୍ଜି ଆତିହିଁ ଜିକେଏ ମାହାପୁରୁ ଲେହେଁ ଜୀଞ୍ଜୁତଲେ ନୀଡିନେରି । ୭ ଏ ବାରେତି ରାନି ଦିନା ତାଗେ ଖାଡେସିଏ, ଏଦାଆଁତାକି ମୀରୁ ନେହିଁ ବୁଦି ଗାଟାତେରି ଆପୁ, ଇଚ୍ଛୁଁ ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ । ୮ ବାରେତି କିହିଁ ମୀରୁ ରଅତେରି ରଅଣାଇଁ ହାରେକା ଜୀଞ୍ଜୁନୁ, ଏନାଆଁତାକି ଇତିହିଁ ଏଲେତି ଜୀଞ୍ଜୁନାୟି ହାରେକା ପାପୁତି ପୁକ୍ନେ । ୯ ଗୁରୁମୁରୁ ଆଆନା ରଅତେରି ରଅଣାଇଁ ଗତାୟି ଲେହେଁକି ସେବା କିପୁ । ୧୦ ବାରେଜାଣା ତେରି ଏନିକିଁ ମାହାପୁରୁ କାର୍ମାତି ଦାନା ବେଟାଆହାମାଞ୍ଜେରି, ଏଲେକିହିଁଏ ମୀରୁ ମାହାପୁରୁ ମେରାତି ନେହିଁ ଗୁମୁସ୍ତାୟି ଲେହେଁ ଆହାନା ଏ ବାରେ ଦାନା ତଲେ ରଅତେରି ରଅଣାଇଁ ସେବା କିଞ୍ଜିଆପୁ । ୧୧ ଆମ୍ବାଆସି ଷ୍ଟେକ୍ନେସି ମାହାପୁରୁଟି ନେହିଁ କାବୁ ଷ୍ଟେକ୍ନାସି ଲେହେଁ ଷ୍ଟେକ୍ନେସି; ଇଚ୍ଛୁଁ ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡ଼ୟୁ ବେଟାଆହାମାନି ଲେହେଁ ସେବା କିପାସି । ଏନିକିଁ ଜୀସୁ କ୍ରୀସ୍ତ ତାଣାଟି ମାହାପୁରୁ ଗାଞ୍ଜୁରିନି ବେଟା ଆନେସି; ଇଚ୍ଛୁଁ କାଲାକାଲାତି ଗାଞ୍ଜୁରିନି ଅଡ଼େ କାଜାପାଣା ଏଞ୍ଜାଣିଞ୍ଜାୟି । ଆମେନ୍ । (aion

g165) ୧୭ ଏ ନା ଜୀଝୁତି ଚଣେସିଦ୍ଧୁତେରି, ନାଏଁ ମିଢ୍ଢେ ହିରୁତା ଚାୟିପାରି କିନି ଲେହେଁ ହାରେକା ଦୁକୁ କସ୍ତୁ ଝାହାମାନେ, ଏଦି ମାଢ୍ଢେ ଝାନାୟି ହିଲଆତେ ଇଞ୍ଜି ଅଣ୍ଟାଆଦୁ । ୧୩ ସାମା କ୍ରୀସ୍ତତି ଦୁକୁ କସ୍ତୁତା ମାରୁ ଏତେକା ଆଣ୍ଟାମାଞ୍ଜେରି ଏତେକେଏ ରାହାଁ ଆଦୁ, ଏନିକି ଏଝାଣି ଗାଝୁରମି ଡଞ୍ଜୁଆନି ବେଲୀତା ଜିକେଏ ମାରୁ କାଜା ରାହାଁତା ରାହାଁ ଆଦେରି । ୧୪ ସାମା ମାରୁ କ୍ରୀସ୍ତତି ଦରୁ ତାକି ନିନ୍ତୁ ବେଟାଆଦେରି ଆତିହିଁ ମାରୁ ନେହାଁତେରି, ଇତିହିଁ ଗାଝୁରମିଗାଟି ଜୀଝୁ, ଇତିହିଁ ମାହାପୁରୁତି ଜୀଝୁ ମା ଡାଣା ଦୟାମାନେ । ୧୫ ଏଦାଆଁତାକି ମା ବିତ୍ରାଟି ଲକୁଣି ପାୟିନାରି, ସରୁ କିନାରି, ଦହ କାମା କିହାନା, ଲକୁଣି ସାକି କାତା ଜଲିନାରି ଆହାନା ସାସ୍ତି ବେଟାଆପେରି । ୧୬ ସାମା ଆମ୍ବାଆସି କ୍ରୀସ୍ତାନା ଲକୁ ଆହାମାନାକି ସାସ୍ତି ବେଟା ଆନେସି, ଆତିହିଁ ଏଝାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି । ୧୭ ଇତିହିଁ ମାହାପୁରୁ ଇଲୁଟିଏ ନାହାଁୟି କିଝି ଆହାଁ ବିଚାରା କିନି ଦିନା ଝାନେ; ଇତିହିଁ ମାହାପୁରୁ ନକେଏ ମାଢ୍ଢେ ନାହାଁୟି କିୟତିହିଁ, ଆତିହିଁ ତାମି ନେହିଁ କାରୁ ମାନଝି ଆହାହିଲଅରି ଏଝାରି ଡାୟୁତି ତସ୍ତୁ ଏତେକା ଆଜିହପେତାୟି ଆଏ । ୧୮ ସାସ୍ତିରିତା ରାସ୍ତିକି ଆହାମାନେ, “ଦାମ୍ବୁଗାଟାସି କସ୍ତୁତଲେ ଗେଲୁପି ଆନେସି, ଆତିହିଁ ଦାମ୍ବୁ ହିଲଆ ଗାଟାରି ଅଡ଼େ ପାପୁଗାଟି ଲକୁ ଏନିକି ମୁମୁ ଡହନେରି?” ୧୯ ଇତିହିଁ ଆମ୍ବାଆରି ମାହାପୁରୁତି ଅଣ୍ଟୁ ଲେହେଁ ଦୁକୁ କସ୍ତୁ ବେଟାଆନେରି, ଏଝାରି ନେହିଁ କାମା କିହାନା ଏଝାଣି ଡାଣା ହାରେପୁରେ ଦାମ୍ବୁ କିପାରି, ଆତିହିଁ ଏଝାରାଇଁ ଗାଡ଼ିକିତି ମାହାପୁରୁ ବାରେବେଲା ତାନି ଆଞ୍ଜୁମାନି କାମା ଲେହେଁ କିନେସି ।

୫ ଇତିହିଁ ନାନୁ ମା ତଲେତି ର କୁଲମିତି ପ୍ରାତିନାତେଏଁ, ଅଡ଼େ କ୍ରୀସ୍ତତି ଦୁକୁ ବେଟାଆହାମାନି ଡାଣାଟି ସାକି ଇଞ୍ଜି ଝାହିମାନି ଗାଝୁରମିତା ଆଣ୍ଟିନାତେଏଁ ନାନୁ, ମା ଡାଣା ମାନି ପ୍ରାତିନାଢ୍ଢାଣି ବାତିମାଲିମାଇଁ, ୨ ମା ଡାଣା ମାନି ମେଣ୍ଟାୟିଣି ଜାଡ଼ନୁ କିଦୁ ମାହାପୁରୁ ମିଢ୍ଢେ ହେରୁପାମାଞ୍ଜାନି ମାନୁଡ଼ି ପହିକିଦୁ, ଗୁତାଗୁତା କିନାକି ଆଏ, ସାମା ରାହାଁ ଅଣ୍ଟୁ ତଲେ ମାହାପୁରୁ ଅଣ୍ଟୁତି ଲେହେଁ ଜାଡ଼ନୁ କିଦୁ, ଝାରୁଇ ଡାବୁୟି ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣ୍ଟୁ ତଲେ କାମା କିଦୁ । ୩ ଅଡ଼େ ଆମ୍ବାଆରି ଦାୟିପତି ମା କେୟୁତା ହାପୁକି ଆହାମାଞ୍ଜାନେ, ଏଝାରି ମୁହେଁ ସାଲଝି କିନାତେରି ଆଆନା ଏ ମାନୁଡ଼ି ମାନି ଗାଟାତେରି ଆହାନା କିଦୁ । ୪ ଏତେଟିଏ “କାଜା ଗଡୁ” ଡଞ୍ଜୁଆନି ଦିନାତା ମାରୁ ଗାଝୁରମିତି ଏତେଲା ଝାଡ଼ାଆଗାଟି ଟପେରି ବେଟାଆଦେରି । ତାନି ଉଜେଡ଼ି ଏତେଲା ଝାଡ଼େଏ । ୫ ଏ ଦାମ୍ବୁଗାୟିତେରି, ଏଲେକିହିଁଏ ମାରୁ ଜିକେଏ ମା ପ୍ରାତିନାଢ୍ଢାଣି ମାନଝି ଆଦୁ, ମାରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଣ୍ଟୁତି ହିପୁରି ଲେହେଁ ପରୁଦୁ, ଦାମ୍ବୁ ସାସ୍ତିରିତା ରାସ୍ତିକି ଆହାମାନେ, “ଇତିହିଁ ମାହାପୁରୁ ଡାହାରା ଗାଟାରି କପାଟି ନିଢ୍ଢାନା ସୁଦୁ ଗାଟାରାଇଁ କାର୍ମା ମେହନେସି ।” ୬ ମାହାପୁରୁତି ବାଡ଼ୁୟୁଗାଟି କେୟୁ ଡ଼ଇ ମାରୁ ମିଢ୍ଢେ ଉଣା କିହାକତାଦୁ, ଏନିକିହିଁ ଏଝାସି

ଡାୟୁ ସମାନା ଦିନାତା ମିଢ୍ଢେ କାଜାତେରି କିୟନେସି; ୭ ମା ଅଣ୍ଟୁତି ବକୁ ବାରେ ମାହାପୁରୁ ଡାଣା ହେରୁପାଦୁ ଇତିହିଁ ଏଝାସି ମିଢ୍ଢେତାକି ଅଣ୍ଟୁତିନେସି । ୮ ଫେଦ୍‌ନା ଆହାନା ଜାଗ୍ରାତା ମାଞ୍ଜୁ ଏନାଆଁତାକି ଇତିହିଁ ଆମ୍ବାଆରାଇଁ ଗୁହଇଁ ଇଞ୍ଜି ମା ସାଦୁ ସୟତାନ ତୁକିମାନି ସିହିଁକ୍ଲୁଝନି ଲେହେଁ ପାରିହିଁ ରେଜିମାନେସି । ୯ ମାରୁ ନାମୁତା ତୀରି ମାଞ୍ଜୁନା ସୟତାନଇଁ ପେରୁଦୁ, ଏନାଆଁତାକି ଇତିହିଁ ଇ ବାର୍ତ୍ତତା ମାନି ମା ନାମିତି ଡାୟିୟିକି ଇଲେତି ଦୁକୁ କସ୍ତୁ ଆହିମାନେ । ୧୦ କ୍ରୀସ୍ତ ତଲେ ଆଣ୍ଟାନା ତାନି କାଲାକାଲାତି ଗାଝୁରମିତା ଆଣ୍ଟାଲି କାର୍ମାମେହନି ମାହାପୁରୁ ମିଢ୍ଢେ ହାଟାମାଞ୍ଜାନେସି, ମା ଗାଡ଼େକାଟି ଦୁକୁ କସ୍ତୁ ବେଟାଆତି ଡାୟୁ ଏଝାସି ଡାୟୁଏ ମିଢ୍ଢେ ତୀରି ଆଡ଼ଝା, ବାଡ଼ୁୟୁ ଅଡ଼େ ଏତେଲା ଗୁତା ଆଆଗାଟି ଦାମ୍ବୁ ମିଢ୍ଢେ ହିୟନେସି । (aiōnios g166) ୧୧ ବାରେ ବାଡ଼ୁୟୁ ଜୁଗୁ ଜୁଗୁତାକି ଏଝାଣିଝାୟି । ଆମେନ । (aiōn g165) ୧୨ ସିଲାଇଁ ନାମୁଡ଼ି ଡାୟିଲେହେଁ ନାନୁ ଜୀଝୁନହାଁନା ତାନିଡାଣାଟି ନାନୁ ଇ ଉଣା ଆକୁ ରାତାମାଇଁ । ମାହାପୁରୁତି ସାତା କାର୍ମାଟି ସାକି ହାହାନା ମିଢ୍ଢେ ରାହାଁ କିୟନାୟି ନା କାମା । ଏ କାର୍ମା ମେହନିଡାଣା ଆଡ଼ଝାତଲେ ମାଞ୍ଜୁ । ୧୩ ମାହାପୁରୁ ତାକି ଆଡ଼ଝି ଆହାମାନି ବାବିଲନତା ମାନି କୁଲମି ଅଡ଼େ ନା ଦାମ୍ବୁତି ମାରୁଏସି ମାର୍କ ଜିକେଏ ମିଢ୍ଢେ ଜହରା କିହିମାଞ୍ଜାନେରି । ୧୪ କ୍ରୀସ୍ତାନା ଲକୁ ଲେହେଁ ଜୀଝୁନହାଁନା ଜହରା କିଦୁ । କ୍ରୀସ୍ତ ଡାଣା ମାନି ଲକୁକି ହିଡ଼ି ଆପେ ।

୨୧

୧ ସିମନ ପିତର, ର ହଲେଏସି ଅଡେ ପାଣ୍ଡୁ ଆହାମାନସି, ମା
 ମାହାପୁରୁ ଅଡେ ଗେଲ୍‌ପାନି ଜୀସୁ କ୍ରୀସ୍ତୁଟି ଦାମ୍‌ତାକି ଆମିନି
 ଗାଟାରି ମା ଲେହେଁ ହାରେକା ଦାରାଗାଟି ନାମୁ ବେଟା ଆହାମାନେରି,
 ଏଞ୍ଜାରିତାଣା ଆକୁ ରାଟିମାଲ୍ । ୨ ମାହାପୁରୁ ଅଡେ ମା ପ୍ରୁ ଜୀସୁଟି
 ବୁଦିତଲେ ମିଡ୍ରେଟାକି କାର୍ମାମେହନାୟି ଅଡେ ହିଡ଼ି ଜୀସୁ ହାରେକା
 ଗାଟି ଆୟାପେ । ୩ ଆମ୍ବାଆସି ତାନି ଗାଞ୍ଜୁରିମି ଅଡେ ନେହିଁ ଗୁଣ୍ଡୁତଲେ
 ମାଡ୍ରେ ହାଟାମାଞ୍ଜୁନେସି, ମାହାପୁରୁ ତାନି ବୁଦିତଲେ ଲାକପୁରୁଟି
 ବାଡ଼ିତଲେ ମାଡ୍ରେ ଜୀସୁ ଅଡେ ଦାମ୍‌ତାକି ଜିରୁ ତାକି ବାରେ ଲଡ଼ାମାନାଣି
 ହାହାମାଞ୍ଜୁନେସି । ୪ ଏଦାଆଁ ତଲେ ଏଞ୍ଜାସି ମାଡ୍ରେ ଗାଟି ଦାରା ଅଡେ
 ହାରେକା ଲଡ଼ାଗାଟି ଆଞ୍ଜୁମାନି ଦାନା ହାହାମାଞ୍ଜୁନେସି, ଏନିକି ଏ
 ବାରେ ତଲେ ମୀରୁ ଲାଗେଏତି ଅଣ୍ଡପୁତା ଆହିମାନି ଆମିନି ନାସା ଆନି
 ଦାଋତିତା ମାଞ୍ଜୁରି, ଏମ୍ବାଟି ଗେଲ୍‌ପି ଆହାନା ଲାକପୁରୁଟି ଗୁଣ୍ଡୁତଲେ
 ଆଣ୍ଡାପୁ । ୫ ଇଦାଆଁତାକି ମୀରୁ ହାରେକା ଜାଡ଼ନୁଟି ନାମୁତଲେ ନେହିଁ
 ଗୁଣ୍ଡୁ ଅଡେ ସାତା ଗୁଣ୍ଡୁତଲେ ବୁଦି, ୬ ବୁଦିତଲେ ଆଡ୍ରେଟି ଲକ୍‌ନାୟି,
 ଆଡ୍ରେଟି ଲକ୍‌ନାଣି ତଲେ ସାସା, ସାସାତଲେ ଦାମ୍‌ତାକି କାମା କିନାୟି, ୭
 ଦାମ୍‌ତାକି କାମାକିନାଣି ତଲେ ତାୟିୟାଲ୍ ଜୀସୁନନାୟି, ତାୟିୟାଲ୍ ଜୀସୁ
 ନନାଣି ତଲେ ବାରେ ଲକ୍‌ନାଣି ଜୀସୁ ନନାଣି ଆଡ଼ୁ । ୮ ଇ ନେହିଁ ଗୁଣ୍ଡୁୟା
 ମିଡ୍ରେ ଲଡ଼ାମାନେ; ଇ ବାରେ ମୀରୁ ବେଟାଆହାମାନି ପ୍ରୁ ଜୀସୁ କ୍ରୀସ୍ତୁଟି
 ବୁଦି ମିଡ୍ରେ ପାର୍‌ସାତା ଅଡେ ବାରେ ମେଡ଼ି କିହାମାଞ୍ଜୁନେ । ୯ ସାମା ଇ
 ବାରେ ଗୁଣ୍ଡୁ ଆମ୍ବାଆସି ତାଣା ହିଲେଏ, ଏଞ୍ଜାସି ହେକ ମେସାଲି ଆତାଆ
 କାଣା ଆହାମାନେସି, ଅଡେ ତାନି ନକେଏ କିତି ବାରେ ପାପୁଟି ନର୍‌ଝି
 ଆତାଣି ଏଞ୍ଜାସି ବାଣ୍ଡି ଆହାମାନେସି । ୧୦ ଇଦାଆଁତାକି, ଏ ତାୟି
 ତାଡ୍ରେସ୍ତା, ମାହାପୁରୁ ମିଡ୍ରେ ଆଗାନା ହାଟାମାଞ୍ଜୁନାଣି ଅଡେ ମନତି ଅଣ୍ଡପୁ
 ତାରି କିହାଲି ହାରେକା ଜାଡ଼ନୁ ଗାଟାତେରି ଆଡ଼ୁ; ଇଲେ କିତିସାରେ
 ମୀରୁ ଏତେଲା ଜିକେଏ ମୀ ନାମୁତା ଉଣା ଆଅତେରି । ୧୧ ଇଞ୍ଜୁ
 ଇଲେକିହିଁଏ ମା ପ୍ରୁ ଅଡେ ଗେଲ୍‌ପାନି ଜୀସୁ କ୍ରୀସ୍ତୁଟି କାଲାକାଲାଟି
 ରାଜିତା ରାହାଁତଲେ ହାଜାଲି ମିଡ୍ରେ ହାପ୍‌କି ଆୟାନେ । (aiōnios g166)
 ୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜୁରି ଅଡେ ମୀରୁ
 ବେଟାଆହାମାନି ସାତାତା ନେହିଁକି ତାରି ଆହାମାଞ୍ଜୁରି, ଆତିଜିକେଏ
 ନାନୁ ଇ ବାରେ କାତା କାଲେଏ ମିଡ୍ରେ ଅଣ୍ଡପି କିଞ୍ଜିହାଲି ଜାଗ୍ରାତା ଡ଼ୟିଲ୍
 । ୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଡ୍ରେ ସେଡ଼ନା
 କିହାଲି ନାନୁ କିନାୟି ମାନେ ଇଞ୍ଜୁ ଅଣ୍ଡପିମାଲ୍ । ୧୪ ମା ପ୍ରୁ ଜୀସୁ କ୍ରୀସ୍ତୁ
 ନାଡ୍ରେ ଏନିକି ଝେସାମାଞ୍ଜୁନେସି, ଏଲେକିହିଁ ନାଡ୍ରେ ଦାପେ ଇ ନା ଆଡ୍ରେ
 ଲେହେଁଟି ତୁମୁ ପିସାଲି ଆନେ, ୧୫ ଅଡେ ନା ହାତି ତାୟୁ ଜିକେଏ ମୀରୁ
 ଏନିକି ଇ ବାରେ କାତା କାଲେଏ ଅଣ୍ଡପୁତା ଇତିଦେରି, ଇଦାଆଁତାକି
 ନାନୁ ଅଣ୍ଡପିମାଲ୍ । ୧୬ ଇତିହିଁ ମାମୁ ଏତିବେଲା ମା ପ୍ରୁ ଜୀସୁ କ୍ରୀସ୍ତୁଟି

ବାଡ଼ିୟୁ ଅଡେ ଝାହିମାନି କାତା ମିଡ୍ରେ ପୁଣ୍ଡି କିୟାତମି, ଏତିବେଲା
 ଏନି ସୁତ୍ରମି ତଲେ ଚେପିଟି ପୁସ୍‌ପନିକା ଆସା ହିଲାଆତମି, ସାମା ତାନି
 ଗାଞ୍ଜୁରିମିଟି କାଣ୍ଡାକା ତଲେ ମେସି ସାକିୟାଁ ଆହାମାଟମି । ୧୭ ଏତିବେଲା
 କାଜା ଗାଞ୍ଜୁରିମିଟି ଏଞ୍ଜାଣାକି ଇ ହାତା ଝାଡେ, ଏତିବେଲା ମାମୁ ଏମ୍ବାଆଁ
 ମାଟମି, "ଇଞ୍ଜାସି ନା ଜୀସୁଟି ମୀରୁଏସି ଇଞ୍ଜାଣି ତାଣେଏ ନା ହାରେକା
 ରାହାଁ ମାନେ" ଏତିବେଲା ଏଞ୍ଜାସି ଆବା ମାହାପୁରୁ ତାଣାଟି ସାମୁମି
 ଅଡେ ଗାଞ୍ଜୁରିମି ବେଟାଆଡେସି; ୧୮ ମାମୁ ତାନିତଲେ ଏ ସୁତୁ ହରୁ ଲାକ
 ମାତିବେଲାତା ମାମୁସି ହାଗୁ ଲାକିଟି ଝେଡ୍ରେଟି ଇ ହାତା ଝେଞ୍ଜାମାନମି ।
 ୧୯ ଏମ୍ବାଆଁ ମାହାପୁରୁ ଅଣ୍ଡପୁଟି ବଲୁ ଝେକ୍‌ନାରି ଝେକ୍‌ହାମାଟି ମାହାପୁରୁ
 ଅଣ୍ଡପୁଟି ବଲୁ ମାଡ୍ରେଟାକି ହାରେକା ଆଞ୍ଜା ଆଡେ; ମୀରୁ ଏଦାଆଁ
 ଆନେରିତା ଡ଼ାଞ୍ଜୁମାନି ଦୀଞ୍ଜି ଲେହେଁ ଅଣ୍ଡପାନା ଲାଆଁ ଝେୟାଆ ପାତେକା
 ମୀ ହିୟାତା ଝେୟାଜାରା ହୁକା ହୁଆ ପାତେକା ଏଦାଣି ମନ ହାତିହିଁ ନେହେଁ
 ଆନେ । ୨୦ ମୀରୁ ବାରେତି କିହିଁ ତଲିଏ ଇଦାଆଁ ପୁଞ୍ଜୁ ଦାମ୍‌ ପତିତା
 ରାସ୍‌କି ଆହାମାନି ମାହାପୁରୁ ବଲୁଟି ଜାହାରା ବୁଦିତଲେ ତେଲ୍‌ହାଲି
 ଆତାଆୟି । ୨୧ ଇତିହିଁ ଆମିନି ମାହାପୁରୁ ଅଣ୍ଡପୁଟି ବଲୁ ଝେହ୍‌ନାରି
 ଝାର୍‌ଇ ତାମୁ ମାଣ୍ଡି ଅଣ୍ଡପୁଟି ଆମ୍ବାଆସି ଜିକେଏ ଝେକ୍‌ହା ହିଲଅରି,
 ସାମା ମାହାପୁରୁ ପାଣ୍ଡିଟି ମାଣ୍ଡିୟାଁ ସୁତୁଜୀସୁଟି ସାଲ୍‌ଝି ଆହାନା ଏଞ୍ଜାରି
 ଅଣ୍ଡପୁଟି ବଲୁ ଝେସାମାଟେରି ।

୨ ସାମା ଲକ୍‌ ତାଣାଟି ମିତି ମାହାପୁରୁ ବଲୁ ଝେହ୍‌ନାରି ହତେରି;
 ଏଲେକିହିଁଏ ମୀ ବିତ୍ରାଟି ମିତି ଜାପ୍‌ନାରି ହନେରି; ଏଞ୍ଜାରି ନାସା
 ଆନିଲେହେଁଟି ନାଡ଼ିକିନି ଅଣ୍ଡପୁ, ତୁଗାନା ଝେକ୍‌ହାନା ଏଞ୍ଜାରାଲ୍ କତାମାନି
 ପ୍ରୁଲ୍ ଜିକେଏ ପୁଞ୍ଜୁହିଲଅମି ଇନେରି, ଅଡେ ଜାହାରାଲ୍ ଦେବୁଣିଏ
 ନାସା କିୟାନେରି । ୨ ଅଡେ ହାରେକା ଲକ୍‌ ଏଞ୍ଜାରି ଲାଗେଏ କାମାଟି
 ଜେଚ ହାନେରି, ଇଞ୍ଜୁ ଇଞ୍ଜାରି ତାକି ସାତାଟି ଜିରୁ ନିମୁ ବେଟାଆନେ । ୩
 ଏଞ୍ଜାରି ଦନ ଜୁପକାତାକି ମିତି ଜାପ୍‌ହାନା ମୀ ତାଣାଟି ତାୟୁୟାଁ ଲାବା
 ବେଟାଆହାଲି ଅଣ୍ଡପିନେରି, ଏଞ୍ଜାରି ତଣୁ ତଲି କାଲାଟିଏ ଆହିମାନେ
 ଅଡେ ହାରେକା ଦିନାଟିଏ ମାହାପୁରୁ ଏଞ୍ଜାରାଲ୍ ବିଚାରା କିହାମାନେସି,
 ଏଞ୍ଜାରି ନାସା ଆନାୟି ଝାଡେୟିଏ । ୪ ଇତିହିଁ ମାହାପୁରୁ ପାପୁ କିତି
 ଦୁରୁୟାଲ୍ ପିହ୍‌ଆନା ହିରୁ ଗାଡ଼ିୟୁତା ମେଡ଼ହା ମାନେସି, ଏମ୍ବାଆଁ ଏଞ୍ଜାସିକା
 ନାହାଁୟି ଆନି ଦିନା ପାତେକା ଆନେରି ଗାଡ଼ିୟୁତା ଇଟାମାନେସି ।
 (Tartaroō g5020) ୫ ମାହାପୁରୁ ପୁାଞ୍ଜ ଚାଡ଼ିଟି ଜିକେଏ ପିସାହିଲଅସି,
 ସାମା ଦାମ୍‌ କାତା ଝେହ୍‌ନି ନହ ଇଞ୍ଜୁ ତାନିତଲେ ସାତା ଜାଣାଲ୍ ଗେଲ୍‌ପାନା
 ପାପୁଟି ଦାଡ଼ିଟି ଏୟୁତଲେ ବୀଡ଼ି କିତେସି; ୬ ଏଞ୍ଜାସି ସଦମ ଅଡେ
 ଗମରା ଗାଡ଼ାଟି ଦାର୍‌ମୁ ମିପୁହାନା ନାସା କିହାଲି ତଣ୍ଡିଟି ହୁକୁମି ହୀତେସି
 ଅଡେ ଏଞ୍ଜାରାଲ୍ ତାୟୁ କାଲାଟି ଦାମ୍‌ ହିଲାଆଗାଟାରି ପୁଣ୍ଡିକିନିଲେହେଁ
 କିତେସି । ୭ ଅଡେ ପାପୁ ଦହଗାଟି ଲକ୍‌କୃତି ଲାଗେଏ ପଲେଏ କାମାଟି
 ହେକ ଆହାମାନି ଦାମ୍‌ଗାଟି ଲଟେଲ୍ ମାହାପୁରୁ ଗେଲ୍‌ପିତେସି, ୮ ଏ
 ଦାମ୍‌ଗାଟାସି ଏଞ୍ଜାରିତଲେ ବାସା କିହିଁ ଏଞ୍ଜାରି ଲାଗେଏତି କାମା ମେସା

ଅଡ଼େ ଷ୍ଟେଞ୍ଜନା ଦିନମି ଚାକି ଦିନମି ଦାର୍ମଗାଟାସି ଆହାନା ହାରେକା ଦୁକୁ ବେଟାଆହିମାରେସି । ୯ ଇଲେକିହିଁସ ପ୍ରଭୁ ଦାର୍ମଗାଟାରାଇଁ ଚାୟିପାରି କିନି ଚାଣାଟି ଗେଲ୍‌ପାଲି ଇତିହିଁ ଦାର୍ମ ହିଲ୍‌ଆଗାଟାରାଇଁ, ଆମ୍ଭାଆରି ଆଢ୍ଫାତି ଲାଗେଏତି କାମାତା ସାଲଖି ଆହାନା ପ୍ରଭୁଇଁ ମାନି କିଅରି, ଏଞ୍ଜାରାଇଁ ବିଚାରା ଦିନାଟି ତଣ୍ଡ ଚାକି ଇଟାଲି ପୁଞ୍ଜାମାନେସି । ୧୦ ଇତିହିଁ ଆମ୍ଭାଆରି ମାହାପୁରୁତି ଅଦିକାରାତି ହୀଣି କିହାନା ଜାହାରା ଆଢ୍ଫାତି ଜୁପକାତା ଡ଼ୟିମାନେରି, ଏଞ୍ଜାରି ଏ କାଜା ନାହିଁୟି ଦିନା ପାତେକା ଏନିକି ତଣ୍ଡ ହୀହାନା ଇଟାଲି ଆନେ । ଏ ମିତି ଜାପୁନାରି ଆଜାଆ ଗାଟାରି, ଏଞ୍ଜାରି ଲାକପୁରୁ ଗାଞ୍ଜୁରିମି ଗାଟାରାଇଁ ମାନି କିଆନା ଏଞ୍ଜାରାଇଁ ଲାଜା କିହିମାଞ୍ଜେରି । ୧୧ ଆତିକିକେଏ ହାରେକା ବାଡ଼ୁୟୁ ଅଡ଼େ କାଜାପାଣା ବେଟାଆହାମାନି ଦୁରୁୟି ପ୍ରଭୁ ନକିତା ଏଞ୍ଜାରି କପାଟି ନିଢ଼ୁନା ନିନ୍ଦୁକିହିଁ ବିଚାରା କିଅରି । ୧୨ ସାମା ଇଞ୍ଜାରି ବୁଦି ହିଲ୍‌ଆ ଜନ୍ତୁ ଲେହେଁତାରି, ଏଞ୍ଜାରିଲେହେଁ ଇ ମିତି ଜାପୁନାରି ଜିକେଏ, ଏନାଆଁ ଏଞ୍ଜାରି ପୁଞ୍ଜାଲି ଆଡ଼ଅରି ଏନାଆଁ ଏଞ୍ଜାରି ନିନ୍ଦୁ କିନେରି, ସାମା ଏଞ୍ଜାସି ଜାଡ଼ାତି ଜନ୍ତୁ ଲେହେଁ ନାସା ଆନେରି, ୧୩ ଏଞ୍ଜାରି ଲାଗେଏତି କାମା କିହାମାଟିସାରେ ଲାଗେଏ କମାଟି ପାଡ଼େୟି ବେଟାଆନେରି । ଏନାୟି ଏଞ୍ଜାରି ଆଢ୍ଫା ଚାକି ନେହେଁ ହୁନେ, ଏନାଆଁ ଏଞ୍ଜାରି ମାଦେନା କିହାନା ରାହାଁ ବେଟାଆନେରି । ଏଞ୍ଜାରି ଜାହାରା ନାଡ଼ି କିଞ୍ଜିଆନି କାମାତା ରାହାଁ କିହିଁ ମୀ ତଲେ ଚିଞ୍ଜାଲି କୃଡ଼ା ଆନେରି । ୧୪ ଏଞ୍ଜାରି କାଣ୍ଡକା ଦାରି କାମାତା ନେଞ୍ଜା ଡ଼ୟିନେ, ପାପୁ ପିସାଲି ମନ କିଅରି, ଏଞ୍ଜାରି ଚିକିତାକାଗାଟି ହାରେକା ଲୁକୁଇଁ ଜୁପକା ଡ଼ହନେରି, ଏଞ୍ଜାରି ହିୟିଁ ଦନତି ଜୁପକାତା ଡ଼ୟିନେ, ଏଞ୍ଜାରି ବାରେ ବାକା ବେଟାଆନାରି । ୧୫ ଆମ୍ଭାଆସି ଲାଗେଏତି ବାଡ଼ୁକୁ ଜୁପକାଟି ଜାଞ୍ଜୁ ନି ବିୟରା ମୀରୁଏସି ବିଲିୟମିତି ଜେତ ଜେତ ହାଚେରି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାଚେରି । ୧୬ ସାମା ଏଞ୍ଜାସି ତାନି କିତି ଦହତାକି ଲାଗି ବେଟାଆଡେସି, ଇଞ୍ଜା ରି ଜଲାଇଲି ଆଆଗାଟି ଗାଡ଼ବେ ମାଣସି ହାତାତଲେ ଜଲାଇଁ ମାହାପୁରୁ ଅଣ୍ଡପୁତି ବଲୁ ଷ୍ଟେହନି ଚାଣାଟିଏ ସାପି କିଡେ । ୧୭ ଇ ମିତି ଜାପୁନାରି ଏୟୁ ଖାୟିତି ଜାଣା ଲେହେଁତାରି ଅଡ଼େ କାଜା ଗାଲିତା ଉମ୍ବିନି ହାଗୁ ଲେହେଁତାରି, ମାହାପୁରୁ ଏଞ୍ଜାରାକି ହାରେଏ ଆନେରିଗାଟି ଚାୟୁ ଇଟାମାନେସି । (questioned) ୧୮ ଇତିହିଁ ଏଞ୍ଜାରି ଉଜେଏତି ବଡ଼ପଣଟି ଡ଼ାହାରା କାଚାୟିଁ ଷ୍ଟେହନେରି ଇଞ୍ଜା ନାଡ଼ିକିନି ମାଣ୍ଡିକାଟି ଲୁକୁ ଚାଣାଟି ଗେଲ୍‌ପି ଆହାମାନି ଲୁକୁଣି, ତାନି ଆଢ୍ଫାତି ଜୁପକାଟି କାମା କିହାନା ପାନ୍ତାତା ମେଡ଼ନେରି; ୧୯ ଏଞ୍ଜାରି ଏଞ୍ଜାରାଇଁ ମେଲ୍‌ଆହାନା ମାଞ୍ଜାଲି ଆଡ଼ିଦେରି ଇଞ୍ଜା ଆଞ୍ଜିନେରି, ସାମା ଏଞ୍ଜାରି ଚାମ୍ପଏ ନାସା କିଞ୍ଜିକିନି କାମାଟି ହିଲ୍‌ୟାଢ଼ୁ ଆନେରି; ଏନାଆଁତାକି ଇତିହିଁ ଆମ୍ଭାଆସି ଆମ୍ଭାଆରି ଚାଣା ହାରିଖି ଆନେସି ଏଞ୍ଜାସି ଏମ୍ପାତି ହିଲ୍‌ଏସି ଆନେସି । ୨୦ ଇତିହିଁ ଏଞ୍ଜାରି ପ୍ରଭୁ ଅଡ଼େ ଗେଲ୍‌ପିନି ଜାସୁ କ୍ରୀସୁତି ବୁଦିତଲେ ଦାର୍ତ୍ତିତି ଲାଗେଏତି ଚାଣାଟି ଗେଲ୍‌ପି ଆହାନା ଷ୍ଟେଣ୍ଡେ ଏମ୍ପାତି ପାନ୍ତାତା ଦସ୍‌ପି ଆହାନା ହାରିଖି ଆନେରି, ଆତିହିଁ ଏଞ୍ଜାରାକି ତଲିତି ତଣ୍ଡ

କିହିଁ ଡ଼ାୟୁତି ତଣ୍ଡ ହାରେକା କସୁଗାଟାୟି ଆନେ । ୨୧ ଇତିହିଁ ଦାର୍ମୁତି ଜିରୁ ପୁଞ୍ଜାନା ଏଞ୍ଜାରାକି ହେରୁପି ଆହାମାନି ସୁଦୁ ହୁକୁମି ପିହିନି କିହିଁ ଏନାଆଁ ଏଚେଲାଞ୍ଜା ପୁଞ୍ଜାହିଲ୍‌ଆତିହିଁ ନେହିଁ ଆଡେମା । ୨୨ “ନେହୁଡ଼ି ଚାନ୍ତୁ କାକ୍‌ଞ୍ଜାନା ଷ୍ଟେଣ୍ଡେ ଚିଞ୍ଜାଲି ଇଞ୍ଜା ନରୁଞ୍ଜି ଆହାମାନି ପାଜି ଅଡ଼େ ଷ୍ଟେଣ୍ଡେ ଲାଦିତା ତେରୁମାଲି ହାନେ” ଏଞ୍ଜାରାକି ଏ ଷ୍ଟେକ୍‌ହାମାନି ସାତା କାତା ଏଞ୍ଜାରାକି ଆହାମାନେ ।

୩ ଏ ଜୀଞ୍ଜୁତି ଚାୟି ଚାଢ଼ିସ୍ତା, ନାନ୍ତୁ ନୀଏଁ ମୀ ଚାଣା ଇ ରୀ ଲମ୍ବର ଆକୁ ରାଟିମାଇଁ, ଇଦାଆଁତାକି ଇ ରୀ ଆକୁତା ନାନ୍ତୁ ମିଢ୍ଫେ ଏ ବାରେ ଅଣ୍ଡପି କିହାନା ମୀ ସୁଦୁ ମନତି ପାତିକିହାଲି ଅଣ୍ଡପିମାଇଁ । ୨ ମୀରୁ ଏନିକି ସୁଦୁଗାଟି ମାହାପୁରୁ ଅଣ୍ଡପୁତି ବଲୁ ଷ୍ଟେହନାରି ଚାଣାଟି ତଲି କାଲାତା ଷ୍ଟେସାମାନି ବାରେ ବଲୁ ଇଞ୍ଜା ପାଣ୍ଡୁଞ୍ଜି ଆହାମାନାରି ଚାଣାଟି ଷ୍ଟେସ୍‌ପିଆହାମାନି ପ୍ରଭୁ ଇଞ୍ଜା ଗେଲ୍‌ପାନାଣା ହୁକୁମି ଅଣ୍ଡପୁତା ଇଟାଦୁ । ୩ ତଲିଏ ମୀରୁ ଇ କାତା ପୁଞ୍ଜା, ଇ ରାନ୍‌ବେଲାତା ଏଚରଜାଣା ତାନି ଲାଗେଏ ପଲେଏ କାମା ତଲେ ଡ଼ାକିନେରି; ଏଞ୍ଜାରି ମିଢ୍ଫେ ଲାଜା କିୟାନେରି । ୪ ଏ ଲାଜା କିୟାନାରି ଖାହାନା ଏଞ୍ଜାରି ମିଢ୍ଫେ ଲାଜାକିହିଁ ଏଲେଇଞ୍ଜାନେରି “ଜୀସୁ ଷ୍ଟେଣ୍ଡେ ଖାଇଁ ଇଞ୍ଜା ଷ୍ଟେସାମାଞ୍ଜାଡେସି ଆତିହିଁ ଏଞ୍ଜାସି ଏଚେଲା ଖାନେସି? ଇତିହିଁ ମୀ ଆକୁ ଆବାୟିଁ ହାତି ଦିନାଟିଏ ନୀଏଁ ପାତେକା ବାରେ ଦାର୍ତ୍ତିତି ଗାଡ଼ି ଆତି ଦିନାଟିଏ ଏନିକି ମାଡେ, ଏଲେକିହିଁସ ନୀଏଁ ଜିକେଏ ଡ଼ୟିମାନେ!” ୫ ଏଞ୍ଜାରି ପୁଞ୍ଜା ପୁଞ୍ଜାନା ବାଣ୍ଡି ଆନେରି, ତଲି କାଲାତା ମାହାପୁରୁ ହୁକୁମି ହାଡେସି ଅଡ଼େ ହାଗୁପାକା ଅଡ଼େ ଦାର୍ତ୍ତି ଗାଡ଼ି ଆଡେ ଅଡ଼େ ଦାର୍ତ୍ତି ଏୟୁ ଚାଣାଟି ଏୟୁ ଗୁରୁଚାନା ଗାଡ଼ି ଆଡେ । ୬ ଅଡ଼େ, ଏଞ୍ଜାଣି ଚାଣାଟି ଏ ତଲି କାଲାତି ଦାର୍ତ୍ତି ଏୟୁତଲେ ନାସା ଆଡେ; ୭ ସାମା ନୀଏଁତି ହାଗୁପାକା ଅଡ଼େ ଦାର୍ତ୍ତି ଏ ମାହାପୁରୁତି ବଲୁ ତଲେ ଲାଗେଏ ପଲେଏତି ଲୁକୁତି ନୀହିଁୟି ଅଡ଼େ ନାସାଟି ଦିନା ପାତେକା କୃତି ଆହାନା ହିରୁତା ହୁଡାଲି ଇଡ଼କି ଆହାମାନେ । ୮ ସାମା ଏ ଜୀଞ୍ଜୁତି ଚାୟି ଚାଢ଼ିସ୍ତା, ମାହାପୁରୁ ନକିତା ର ଦିନା ର ମାଣା ବାର୍ଯ୍ୟା ସମାନା ଅଡ଼େ ର ମାଣା ବାର୍ଯ୍ୟା ର ଦିନା ସମାନା; ଇ କାତାଟି ଏଚେଲା ବାଣା ଆଆଦୁ । ୯ ହାରେକା ଲୁକୁ ପ୍ରଭୁ ଷ୍ଟେଣ୍ଡେ ଖାନି ଦିନା ମାନେୟିସ ଇଞ୍ଜା ଅଣ୍ଡପିନେରି, ସାମା ପ୍ରଭୁ ଚାନ୍ତୁ ଏଲେଇଞ୍ଜା ମାନାଣି ଏଚେଲାଞ୍ଜା ଷ୍ଟେଡ଼ା କିଅସି; ଏନିକି ଆମ୍ଭାଆରି ନାସା ଆଅରି, ସାମା ବାରେଜାଣା ମନ ଷ୍ଟେକ୍‌ହା କିତିନେରି; ଇଦାଆଁ ଅଣ୍ଡପାନା ଏଞ୍ଜାସି ମୀ ଚାକି କାର୍ଣା ମେସି ମାଞ୍ଜାନେସି । ୧୦ ମାହାପୁରୁ ଖାନି ଦିନା ର ସରୁ ଖାନି ଲେହେଁ ଖାନେ, ଏ ଦିନା ହାଗୁପାକା କାଜା ହାତାତଲେ ମେଣ୍ଡୁହାନେ, ଅଡ଼େ ଦାର୍ତ୍ତିତା ମାନି ବାରେ ଦିଶ୍‌ସୁ ଗାତି ଷ୍ଟେସାନା ରୁୟୁହାନ୍ତୁ, ଇଞ୍ଜା ଦାର୍ତ୍ତି ଅଡ଼େ ଏମ୍ପାଆଁ ମାନି ଆସ୍ତି ବାରେ ହିରୁତା ଡ଼ାଞ୍ଜାହାନେ । ୧୧ ଇ ବାରେ ଇଲେଆହିଁ ମେଣ୍ଡୁହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ାଞ୍ଜାହିଁ ମେଣ୍ଡୁହାନେ ଅଡ଼େ ଦାର୍ତ୍ତିତି ବାରେ ଦିଶ୍‌ସୁ ହାରେକା ଷ୍ଟେସାନା ରୁୟୁହାନେ, ୧୨ ପ୍ରଭୁ ଖାନି ଦିନା କାପୁ କାଚାଡ଼ୟିନି

ଲକ୍ଷ୍ମୀ ଏବଂ ଏନିକି ତବେ ଖାନେ, ଇଦାଆଁତାକି ମୀରୁ ଜାଗ୍ରାତା ଆଦୁ, ଏ
 ଦିନା ହାଗୁଲାଇକ ମାନି ଚେଡ଼ା ଚେଲୁ ହୁକାୟା ଚେସାହାନାକି ଖିରଲାଇହାନୁ
 । ୧୩ ମୀର ମାହାପୁରୁ ଆଜ୍ଞାମାନି ଲେହେଁ ର ପୁଃନି ହାଗୁପାକା ଅଡ଼େ
 ପୁଃନି ଦାରୁତିଇଁ କାତାମାନାୟି, ଆମିନି ଗାଟାୟି ଦାମ୍ବିତଲେ ବାସାଆନି
 ଚାୟୁ ଆନେ । ୧୪ ଇଦାଆଁତାକି ଏ ଜୀବୁତି ଚାୟି ଚାଡ଼ିସ୍ତା, ମୀରୁ ଇ
 ବାରେ କାଟିମାନିକି ମାହାପୁରୁ ନକିତା ଏନିକି ପାପୁ ହିଲାଇଆଗାଟାତେରି
 ଅଡ଼େ ଦହ ହିଲାଇଆଗାଟାତେରି ଆହାଁ ହିଡ଼ି ତଲେ ମାନାତେରି ଆହାଁ
 ଚଞ୍ଚୁ ଆଦେରି, ଏଦାଆଁତାକି ଜାଡ଼ନୁ ତଲେ ମାଜୁ; ୧୫ ଅଡ଼େ, ମା ପ୍ରବୁତି
 ହାରେକା ଅରୁହନାୟି ଗେଲପାନାୟି ଇଜ୍ଞି ଅଶ୍ଵାପୁ, ମା ଜୀବୁତି ଚାୟି
 ପାସୁଲ ଜିକେଏ ମାହାପୁରୁ ହାହାମାନି ବୁଦିତଲେ ମିଡ଼େଟାକି ଏଲେକି
 ରାତା ମାଜୁନେସି । ୧୬ ଏଖାସି ତାନି ରାତାମାନି ବାରେ ଆକୁତା ଇ
 ବାରେ କାତା ରାତାନା ଏଲେକି ଖେସାମାନେସି; ଏ ବାରେ ଆକୁତା
 ଏତେକା କାତା ମାନେ, ଏମିନିଗାଟାଣି ତେଲହାଲି ଆତାଆୟି, ଇଜ୍ଞି
 ପୁନାଆଗାଟି ଇତାଲା ଆତାଲା ଅଶ୍ଵପୁଗାଟି ଲକ୍ଷ୍ମୀ ତାମୁ ନାସା ଆୟାଲି
 ଏଟ୍‌କାଟି ସାସ୍ତେରିତା ଏନିକି ରାସ୍‌କି ଆହାମାନେ, ଏ ବାରେ ତାଣା
 ଜିକେଏ ଏଲେକି ଉଜେଏତି କାତା ଖେହୁନେରି । ୧୭ ସାମା ଜୀବୁତି
 ଚାୟି ଚାଡ଼ିସ୍ତାତେରି, ମୀରୁ ଇଦାଆଁ ବାରେ ତଲିଟିଏ ପୁଞ୍ଜାମାଜ୍ଞେରି,
 ଏଦାଆଁତାକି ଜାଗ୍ରାତା, ଏନିକି କିଲିବିଲି କିନି ଲକ୍ଷ୍ମୀ ଚାଣାଟି ନାଡ଼ି କିଞ୍ଚି
 ଆଆନା ମୀରୁ ଆଡ଼ଖା ନାମୁତା ଉଣା ଅଅତେରି । ୧୮ ସାମା ମା ପ୍ରବୁ
 ଅଡ଼େ ଗେଲପାନି ଜୀସୁ କ୍ରୀସ୍ତୁଟି କାର୍ମା ଅଡ଼େ ବୁଦିତା ପାତାଆଦୁ ।
 ଏଖାଣାକି ନୀର୍ବ ଅଡ଼େ କାଲାକାଲାତାକି ଗାସୁରମି ଆପେ । ଆମେନ୍ ।

(aiōn g165)

୧ଜହ

୧ ମୂଲ୍ୟ ଆତ୍ମାଆସି ମାତେସି, ମାମୁ ଏଝାଣି ବଲୁ ଖେଞ୍ଜାମାନନି, ଆତ୍ମାଆରାଇଁ ମା କାନୁ ତଲେ ମେସାମାନନି, ଆତ୍ମାଆରାଇଁ ନେହିକିଁ ସିନିକିହା ମାନନି ଅତେ ମା କେସ୍ତାତଲେ ତୀଗାମାନନି, ଏ ଜୀଝୁଲେହେଟି ବଲୁଚି କାତା ଖେସିମାଞ୍ଜାନନି । ୨ ଏ ଜୀଝୁ ତଞ୍ଜାଆତେ, ଇଞ୍ଜି ମାମୁ ମେସୁମି ଅତେ ସାକି ହାହିମାଞ୍ଜାନନି; ଆମିନି କାଲାକାଲାଚି ସୁଦୁଜୀଝୁ ଆବା ତଲେ ମାତେ, ଅତେ ମା ତାଣା ତଞ୍ଜାଆତେସି ଏଝାଣି କାତା ମିତ୍ତେ ଖେସିମାଞ୍ଜାନନି । (aiōnios g166) ୩ ମାମୁ ଏନାଆଁ ମେସାମାନନି ଅତେ ଖେଞ୍ଜାମାନନି, ଏଦାଆଁ ମିତ୍ତେ ଜିକେଏ ଖେସିମାଞ୍ଜାନନି, ଏନିକିଁ ମାରୁ ଜିକେଏ ମା ତଲେ ଆଣ୍ଡାଲି ଆତାଦେରି; ଅତେ ମା ଆଣ୍ଡାମାନାୟି ଆବା ଅତେ ତାନି ମାର୍‌ଏଶା ଜୀସୁ କ୍ରୀସ୍ତ ତଲେ ମାନେ । ୪ ମା ରାହାଁ ଏନିକିଁ ହାରେ ପୁରେ ଆନେ ଇଦାଣିତାକି ଇ ବାରେ ମାମୁ ରାଚିମାଞ୍ଜାନନି । ୫ ମାମୁ ଏଝାଣି ତାଣାଟି ଆମିନି କାନୁ ଖେଞ୍ଜାମାନନି, ଅତେ ଖେସିମାଞ୍ଜାନନି, ଏ କାରୁ ଇଦି, ମାହାପୁରୁ ଉଜେଡ଼ି, ତାନି ତାଣା ଆନେରି ହିଲ୍‌ଝୁଏ ହିଲେଏ । ୬ ମାମୁ ଆନେରିତା ମାଞ୍ଜାନା ମାହାପୁରୁ ତଲେ ଆଣ୍ଡାଆହା ମାନାୟି ଇଞ୍ଜି ଖେସୁହିଁ, ମାର ମିଚି ଖେହ୍‌ନାତାୟି, ଅତେ ମାର ସାତା ତଲେ ଚାକିହିଲଆୟି । ୭ ସାମା ଏଝାସି ଏନିକିଁ ଉଜେଡ଼ିତା ବାସା ଆହାମାନେସି, ମାର ଜିକେଏ ଏଲେକିହିଁଏ ଉଜେଡ଼ିତା ଚାକିନାୟି, ଆତିହିଁ ମାର ରଅସି ରଅଣି ତଲେ ଆଣ୍ଡାଆନାୟି ମାନେ, ଅତେ ତାନି ମାର୍‌ଏଶା ଜୀସୁ ନେତେରି ମା ବାରେ ପାପୁଚି ନର୍‌ହାନେ । ୮ ମା ତାଣା ପାପୁ ହିଲେଏ ଇଞ୍ଜି ଖେହ୍‌ନାୟି, ଆତିହିଁ ମାର ମାତ୍ତେଏ ନାଡ଼ି କିହାକତିମାନାୟି, ଅତେ ମା ତାଣା ସାତା ହିଲେଏ । ୯ ସାମା ମାମୁ ପାପୁ କିହାମାନନି ଇଞ୍ଜି ମାହାପୁରୁ ନକିତା ଖେହ୍‌ନାୟି, ଆତିହିଁ ଏଝାସି ମା ପାପୁ ବାରେ ମ୍ଲେକ୍‌ହାଲି ଅତେ ବାରେ ଲାଗେଏ ପଲେଏ ତାଣାଟି ଅବ୍‌ହାଲି ନାମୁ ଅତେ ତାରିଗାଟାସି । ୧୦ ମାର ପାପୁ କିହା ହିଲଆୟି ଇଞ୍ଜି ଇନାୟି, ଆତିହିଁ ମାର ମାହାପୁରୁଇଁ ମିଚି ଗାଟାସି କିହିମାନାୟି, ଅତେ ତାନି ବଲୁ ମା ତାଣା ହିଲେଏ ।

୨ ଏ ନା ମାରୁକା ମାସ୍କାତେରି ମାରୁ ଏନିକିଁ ପାପୁ କିଅତେରି, ଇଦାଆଁତାକି ଇ ବାରେ ମା ତାଣା ରାଚିମାଞ୍ଜାଇଁ । ସାମା ଆତ୍ମାଆସି ପାପୁ କିନେସି, ଆତିହିଁ ମା ଝାକି ଆହାନା ଆବା ତାଣା ବାଚିମାଲିନାସି ରଅସି ମାନେସି, ଏଝାସି ଦାର୍‌ମୁଗାଟି ଜୀସୁ କ୍ରୀସ୍ତ । ୨ କ୍ରୀସ୍ତ ମା ପାପୁ ତାକି, ଝାରୁଇ ମା ପାପୁ ତାକି ଆଏ, ସାମା ଦାର୍‌ଚିତି ବାରେ ଲକ୍‌ଚୁଚି ପାପୁ ତାକି ଦାକିଚି ପୁଜାଲେହେଁ ଆତେସି । ୩ ମାର ମାହାପୁରୁଚି ହୁକୁମି ମାନଝି ଆନାୟି, ଆତିହିଁ ଏମ୍‌ଚି ପୁଞ୍ଜାଲି ଆତିନାୟି, ଏଝାଣାଇଁ ସାତାତଲେ ପୁଞ୍ଜାମାନାୟି । ୪ ତାନି ହୁକୁମି ମାନଝି ଆଆନା ଆତ୍ମାଆସି ନାନୁ ଏଝାଣାଇଁ ପୁଞ୍ଜାମାଇଁ ଇଞ୍ଜି ଜଲିନେସି, ଏଝାସି ମିଚି ଗାଟାସି ଏଝାଣି ତାଣା ସାତା ହିଲେଏ । ୫ ସାମା ଆତ୍ମାଆସି ତାନି ହୁକୁମି ମାନଝି ଆନେସି, ଏଝାଣି

ତାଣା ମାହାପୁରୁଚି ସାତା ଜୀଝୁନନାୟି ପୁରା ଆହାମାନେ, ଏମ୍‌ଚିଏ ମାର ପୁଞ୍ଜାଲି ଆତିନାୟି ମାର ମାହାପୁରୁ ତାଣା ମାନାୟି । ୬ ଆତ୍ମାଆସି ନାନୁ ମାହାପୁରୁ ତଲେ ଡ଼ୟିଇଁ ଇଞ୍ଜି ଇନେସି, ଏଝାସି ଜୀସୁ କ୍ରୀସ୍ତ ନୀତା ମାଚିଲେହେଁ ନାତିନାୟି ମାନେ । ୭ ଏ ନା ଜୀଝୁଚି ତ଼ଣେସିତ୍ତାତେରି ନାନୁ ମୀ ତାଣା ଏନି ପୁଞ୍ଜି ହୁକୁମି ରାଚିମାଞ୍ଜାଆଁ, ସାମା ତଲିଟିଏ ଆମିନି ପୁଞ୍ଜଇ ହୁକୁମି ବେଟା ଆହାମାଞ୍ଜେରି, ଏଦାଆଁ ରାଚିମାଞ୍ଜାଇଁ; ମୀରୁ ଆମିନି ବଲୁ ଖେଞ୍ଜାମାଞ୍ଜେରି, ଏଦିଏ ପୁଞ୍ଜଇ ହୁକୁମି । ୮ ଅତେ ନାନୁ ନୀଏଁ ମିତ୍ତେ ପୁଞ୍ଜି ହୁକୁମି ଲେହେଁ ରାଚିମାଞ୍ଜାଇଁ, ଇଚିହିଁ ଏଦି କ୍ରୀସ୍ତ ତାଣା ଅତେ ମୀ ତାଣା ଜିକେଏ ସାତା ଇଞ୍ଜି ତଞ୍ଜାଆନେ, ଇଚିହିଁ ଆନେରି ଗୁତା ଆହିମାନେ ଅତେ ସାତା ଉଜେଡ଼ି ତଞ୍ଜାଆତେୟିଏ । ୯ ଆତ୍ମାଆସି ତାନି ତାୟି ତାଡ଼ିଇଁ ଅପାଆନା ନାନୁ ଉଜେଡ଼ିତା ମାଇଁ ଇଞ୍ଜି ଇନେସି ଏଝାସି ନୀଏଁ ପାତେକା ଆନେରିତା ମାଞ୍ଜାମାନେସି । ୧୦ ଆତ୍ମାଆସି ତାନି ତାୟି ତାଡ଼ିଇଁ ଜୀଝୁ ନନେସି ଏଝାସି ଉଜେଡ଼ିତା ମାଞ୍ଜାମାନେସି, ଇଞ୍ଜି ଏଝାଣି ତାଣା ପୁଚି କିନାୟି ଏନାୟି ହିଲେଏ । ୧୧ ସାମା ଆତ୍ମାଆସି ତାନି ତାୟିଇଁ ଅପିହିଲଅସି ଏଝାସି ଆନେରିତା ମାନେସି, ଅତେ ଆନେରିତା ତାକି ଚାକିହିଁ ଆମ୍‌ୟାଝାକି ହାଜିମାନେସି, ଏଦାଆଁ ପୁନଅସି, ଇଚିହିଁ ଆନେରି ତାନି କାଣ୍‌କାଣି କାଣା କିହାମାନେ । ୧୨ ଜୀଝୁଚି କକାରି ପଦାଁତେରି ନାନୁ ମିତ୍ତେ ରାଚିମାଞ୍ଜାଇଁ, ଏନାଆଁତାକି ଇଚିହିଁ କ୍ରୀସ୍ତ ଦରୁତଲେ ମୀ ପାପୁ ବାରେ ମେଶ୍‌ପ୍‌ମାନେ । ୧୩ ତାଞ୍ଜେତେରି ନାନୁ ମିତ୍ତେ ରାଚିମାଞ୍ଜାଇଁ, ଏନାଆଁତାକି ଇଚିହିଁ ଆତ୍ମାଆସି ମୂଲୁଟିଏ ମାନେସି, ଏଝାଣାଇଁ ମୀରୁ ପୁଞ୍ଜାମାଞ୍ଜେରି, ଏ ତାଆ ଦାଂଗଣାୟିତେରି ନାନୁ ମିତ୍ତେ ରାଚିମାଞ୍ଜାଇଁ, ଇଚିହିଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଶା ଆହାମାଞ୍ଜେରି । ୧୪ କକାରି ପଦାଁତେରି ନାନୁ ମିତ୍ତେ ରାଚିମାଞ୍ଜାଇଁ ଏନାଆଁତାକି ଇଚିହିଁ ମୀରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟିତେରି ନାନୁ ମିତ୍ତେ ରାଚିମାଞ୍ଜାଇଁ ଏନାଆଁତାକି ଇଚିହିଁ ଆତ୍ମାଆସି ମୂଲୁଟିଏ ମାନେସି ଏ କ୍ରୀସ୍ତଇଁ ପୁଞ୍ଜାମାଞ୍ଜେରି, ଏ ତାଆ ଦାଂଗଣାୟିତେରି ନାନୁ ମିତ୍ତେ ରାଚିମାଞ୍ଜାଇଁ ଏନାଆଁତାକି ଇଚିହିଁ ମୀରୁ ବାଡ଼ୁୟୁ ଗାଟାତେରି, ଅତେ ମାହାପୁରୁଚି ବଲୁ ମୀ ତାଣା ମାନେ ଅତେ ମୀରୁ ଲାଗେଏ ପଲେଏତାଣି ଜୀଶା ଆହାମାଞ୍ଜେରି । ୧୫ ଦାର୍‌ଚିତି ଅତେ ଏମ୍‌ଆଁ ମାନାଣି ବାରେଚି ଜୀଝୁ ନଆଡ଼ୁ, ଆତ୍ମାଆସି ଦାର୍‌ଚିତି ଜୀଝୁ ନନେସି, ଏଝାଣି ତାଣା ମାହାପୁରୁ ଆବାଚି ଜୀଝୁନନାୟି ହିଲେଏ । ୧୬ ଇଚିହିଁ ଆଞ୍ଜୁଚି ଜୁପକା, କାନୁଚି ଜୁପକା, ଅତେ ଦନଚି ବଦପଣ, ଦାର୍‌ଚିତା ମାନାୟି ଇ ବାରେ ମାହାପୁରୁ ଆବା ତାଣାଟି ଝାହାହିଲେଏ ସାମା ଦାର୍‌ଚିତି ଗାଡ଼ି ଆହାମାନେ । ୧୭ ଦାର୍‌ଚି ଅତେ ଏମ୍‌ଆଁ ମାନି ଜୁପକା କାଲେଏ ତାକି ଆଏ, ସାମା ଆତ୍ମାଆସି ମାହାପୁରୁଚି ଇଚାଚି ମାନଝି ଆନେସି ଏଝାସି କାଲେଏ ତାକି ତାରି ଆନେସି । (aiōn g165) ୧୮ ଜୀଝୁଚି କକାରି ପଦାଁତେରି ରାନି କାଲା ଏଗାଝାତେୟିଏ, ନାଡ଼ିକିନି କ୍ରୀସ୍ତ ଝାନେସି ଇଞ୍ଜି ମୀରୁ ଏନିକିଁ ଖେଞ୍ଜାମାତେରି, ଏଲେକିହିଁଏ ନୀଏଁ ଜିକେଏ ହାରେକା ନାଡ଼ିକିନି କ୍ରୀସ୍ତୟି ନିତ୍ତେତେରିଏ; ଇଦାଆଁତାକି ମାର ପୁଞ୍ଜାମାନାୟି ଜୁଗୁ

ରାଜି କାଲି ଏଦାତେୟି । ୧୯ ଏଞ୍ଜର ମା ବିଦ୍ରାଟି ହତେରି, ସାମା ମା ଗଚିତି ଲକ୍ଷ ହିଲିଆତେରି; ଏଞ୍ଜର ମା ଗଚିତି ଲକ୍ଷ ଆତିହିମା, ଏଞ୍ଜର ମା ତଲେ ଡୟିତେରିମା; ସାମା ବାରେ ମା ଗଚିତି ଲକ୍ଷ ଆଏ, ଇଦି ଏନିକି ଡଞ୍ଜାଆନେ, ଇଦାଆଁତାକି ଏଞ୍ଜର ହତାହାତେରି । ୨୦ ସାମା ମାରୁ ଏ ସୁଦୁ ଗାଟାଣା ଡାଣାଟି ବର ବେଟାଆହାମାନାକି ମାରୁ ବାରେତେରି ବୁଦି ବେଟାଆହାମାଣ୍ଡେରି । ୨୧ ମାରୁ ସାତାତି ପୁଞ୍ଜାହିଲିଆକି ନାନୁ ମିଡ୍ରେ ରାତିମାଞ୍ଜାଇଁ ଏଦି ଆଏ, ସାମା ମାରୁ ସାତାତି ପୁଞ୍ଜାମାନାକି ଅଡେ ସାତାତି ଏତେଲଖା ମିତି ହଏ ଇଞ୍ଜି ମାରୁ ପୁଞ୍ଜାମାନାକି ନାନୁ ମିଡ୍ରେ ରାତିମାଞ୍ଜାଇଁ । ୨୨ ଜାସୁଇଁ କ୍ରୀସୁ ଆଏ ଇଞ୍ଜି ଆମ୍ବାଆସି ଖେହନେସି, ଏଞ୍ଜାଣି ଡାଣାଟିଏ ମିତି ଖେହନାସି ଆମ୍ବାଆସି? ଅଡେ ଆମ୍ବାଆସି ଆବା ଅଡେ ମାର୍ବଣାଣାଇଁ ଇ ରିଆରାଇଁ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରୀସୁ । ୨୩ ଆମ୍ବାଆସି ମାର୍ବଣାଣାଇଁ ଅପଅସି ଏଞ୍ଜାସି ଆବାଇଁ ବେଟାଆହାହିଲଅସି, ଆମ୍ବାଆସି ମାର୍ବଣାଣାଇଁ ଆବିନେସି, ଏଞ୍ଜାସି ଆବାଇଁ ଜିକେଏ ବେଟାଆହାମାନେସି । ୨୪ ମାରୁ ତଲିଟିଏ ଏନାଆଁ ଖେଞ୍ଜାମାଣ୍ଡେରି, ଏଦି ମା ଡାଣା ଡୟାପେ, ମାରୁ ତଲିଟିଏ ଏନାଆଁ ଖେଞ୍ଜାମାଣ୍ଡେରି, ଏଦି ମା ଡାଣା ଡୟିତିହିଁ, ଆତିହିଁ ମାରୁ ଜିକେଏ କାଲେଏ ଆବା ଅଡେ ମାର୍ବଣାଣ କ୍ରୀସୁ ଡାଣା ଡୟିଦେରି । ୨୫ ଅଡେ କ୍ରୀସୁ ମାଡ୍ରେ ଏନାଆଁ ଆଞ୍ଜାମାଞ୍ଜାନେସି ଏଦି କାଲିକାଲିକାଟି ଜୀଝୁ । (aiōnios g166) ୨୬ ଆମ୍ବାଆସି ମିଡ୍ରେ ନାଡ଼ି କିୟାଲି ଅଣ୍ଡାଦନେରି, ଏଞ୍ଜାରି ଡାଣାଟି ଜାଗ୍ରାତା ଆହାଲି ନାନୁ ମା ଡାଣା ଇ ବାରେ ରାତିମାଞ୍ଜାଇଁ । ୨୭ ସାମା ମାରୁ ଏଞ୍ଜାଣି ଡାଣାଟି ଆମିନି ସୁଦୁଜୀଝୁଟି ବର ବେଟାଆହାମାଣ୍ଡେରି, ଏଦି ମା ଡାଣା ଡୟାମାନେ, ଇଞ୍ଜି ଆମ୍ବାଆସି ମିଡ୍ରେ ଜାପୁହାନେସି, ଏଦି ମିଡ୍ରେତାକି ଲଡ଼ା ହିଲେଏ, ସାମା ଏଞ୍ଜାଣି ଡାଣାଟି ଆମିନି ବର ବେଟାଆହାମାଣ୍ଡେରି ଏଦି ମିଡ୍ରେ ଆମିନି କାତା ଜାପୁହାନେ, ଏଦି ସାତା, ମିତି ଆଏ; ଇଦାଆଁତାକି ଏ ଜାପୁହାଣି ତଲେ ଏଞ୍ଜାଣି ଡାଣା ଡୟାଦୁ । ୨୮ ନା ଜୀଝୁଟି ମାର୍ବକା ମାସକାତେରି, କ୍ରୀସୁ ତଲେ ଆଣ୍ଡାନା ଡୟାଦୁ, ଏନିକି ଏଞ୍ଜାସି ଏତିବେଲା ଡଞ୍ଜାଆନେସି, ଏତିବେଲା ଡାନୁ ଖାନାଟି ତାନି ନକିତା ମାର ଲଜା ଆଆନା ସାସା ମେଡ଼ାଆନାୟି । ୨୯ କ୍ରୀସୁ ବାମ୍ବୁଗାଟାସି, ଇଦାଆଁ ପୁନାୟିମାନେ, ଆତିହିଁ ଆମ୍ବାଆସି ବାମ୍ବୁକାମା କିନେସି, ଏଞ୍ଜାସି ଏଞ୍ଜାଣି ଡାଣାଟି ଜାର୍ନା ଆହାମାନେସି, ଇଦାଆଁ ଜିକେଏ ପୁଞ୍ଜୁ ।

୩ ମେହଦୁ ଆବା ମାଡ୍ରେ ଏନିକି ଜୀଝୁ ନନାଣି ହାହାମାଞ୍ଜାନେସି, ମାର ମାହାପୁରୁତି ମାର୍ବକା ମାସକା ଇଞ୍ଜି ଖେଞ୍ଜିନାୟି, ଅଡେ ମାର ଏଲେକିହିଁଏ ଆହାମାନାୟି । ଇଦାଆଁତାକି ଦାର୍ଡି ମାଡ୍ରେ ପୁଞ୍ଜାମାଣ୍ଡେଏ, ଇତିହିଁ ଏଦି ଏଞ୍ଜାଣାଇଁ ଜିକେଏ ପୁଞ୍ଜା ହିଲିଆତେ । ୧ ଏ ନା ଜୀଝୁଟି ଡଣେସିଞ୍ଜା, ନୀଏଁ ମାର ମାହାପୁରୁତି ମାର୍ବକା ମାସକାତାୟି, ଅଡେ ଡାୟୁ ଏନି ଆନାୟି, ଏଦି ନୀଏଁ ପାତେକା ଡଞ୍ଜା ଆହା ହିଲେଏ, ମାର ପୁଞ୍ଜାମାନାୟି, କ୍ରୀସୁ ଏତିବେଲା ଡଞ୍ଜାଆନେସି, ଏତିବେଲା ମାର ଜିକେଏ ଏଲେକିହିଁଏ ଆନାୟି, ଇତିହିଁ ଏଞ୍ଜାସି ଏନିଲେହେକି ମାର ଏଲେକିହିଁଏ

ଏଞ୍ଜାଣାଇଁ ମେହନାୟି । ୩ ଅଡେ ଆମ୍ବାଆସି ଜିକେଏ କ୍ରୀସୁ ଜୀସୁ ଡାଣା ଇ ବାସୁ ଇଟାମାନାସି, ଏଞ୍ଜାସି ଏନିକି ସୁଦୁଗାଟାସି, ଏଞ୍ଜାସି ଏଲେକିହିଁଏ ଡାଡ୍ରେ ଅଡ଼ହା କତିନେସି । ୪ ଆମ୍ବାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଉରିନାସି, ଏନିକିହିଁ ହୁକୁମି ଉରିନାୟିଏ ପାପୁ । ୫ ମାର ପୁଞ୍ଜାମାନାୟି, କ୍ରୀସୁ ପାପୁ ଡେକା ଅହାଲି ଖାତେସି, ଇଞ୍ଜି ଏଞ୍ଜାଣି ଡାଣା ପାପୁ ହିଲେଏ । ୬ ଆମ୍ବାଆସି କ୍ରୀସୁ ଡାଣା ଡୟିନେସି, ଏଞ୍ଜାସି ପାପୁ କିଅସି; ସାମା ଆମ୍ବାଆସି ପାପୁ କିନେସି, ଏଞ୍ଜାସି କ୍ରୀସୁଇଁ ମେସାହିଲଅସି କି ଏଞ୍ଜାଣାଇଁ ପୁଞ୍ଜାହିଲଅସି । ୭ ନା ଜୀଝୁଟି କକାରି ପଦିତେରି ଆମ୍ବାଆସି ମିଡ୍ରେ ନାଡ଼ି କିୟାପେରି; ଆମ୍ବାଆସି ବାମ୍ବୁକାମା କିନେସି, କ୍ରୀସୁ ଏନିକି ବାମ୍ବୁଗାଟାସି, ଏଞ୍ଜାସି ଜିକେଏ ଏଲେକି ବାମ୍ବୁଗାଟାସି ଆନେସି; ୮ ଆମ୍ବାଆସି ପାପୁ କିନେସି, ଏଞ୍ଜାସି ସୟତାନଟି ଜାର୍ନା ଆତାସି, ଇତିହିଁ ସୟତାନ ତଲିଟିଏ ପାପୁ କିହିଁ ଖାହିମାନେ, ସୟତାନଟି କାମା ନାସା କିୟାଲି ମାହାପୁରୁ ମାର୍ବଣିଏ ଖାତେସି । ୯ ଆମ୍ବାଆସି ମାହାପୁରୁ ଡାଣାଟି ଜାର୍ନା ଆହାମାନେସି, ଏଞ୍ଜାସି ପାପୁ ଅଡେ ଖେଣ୍ଡେ କିଅସି, ଇତିହିଁ ମାହାପୁରୁଟି ଗୁଞ୍ଜୁ ଏଞ୍ଜାଣି ଡାଣା ମାନେ, ଅଡେ ଏଞ୍ଜାସି ମାହାପୁରୁ ଡାଣାଟି ଜାର୍ନା ଆହାମାନାକି ପାପୁ କିହାଲି ଆଡଅସି । ୧୦ ଆମ୍ବାଆସି ମାହାପୁରୁଟି ମାର୍ବକା ମାସକା ଅଡେ ଆମ୍ବାଆସି ସୟତାନଟି ମାର୍ବକା ମାସକା, ଏଦି ଡଞ୍ଜାଆନେ; ଆମ୍ବାଆସି ବାମ୍ବୁକାମା କିଅସି, ଇଞ୍ଜି ତାୟି ଡାଡ୍ରେଇଁ ଜୀଝୁ ନଅସି, ଏଞ୍ଜାସି ମାହାପୁରୁ ଡାଣାଟି ଜାର୍ନା ଆହାହିଲଅସି । ୧୧ ଇତିହିଁ ରଅସି ରଅଣାଇଁ ଜୀଝୁନନାୟି ମାନେ ଇ ହାତା ମୁଲୁଟିଏ ଖେଞ୍ଜା ମାଣ୍ଡେରି; ୧୨ ପାପୁଟି ମାର୍ବଣିଏ କୟିନ, ଏଞ୍ଜାଣିଲେହେଁ ଆଆଦୁ, ଏଞ୍ଜାସି ତାନି ତାୟି ହେବଲଇଁ ପାୟିତେସି; କୟିନ ଏଞ୍ଜାଣାଇଁ ଏନାଆଁତାକି ପାୟିତେସି? ଇତିହିଁ ତାନି କାମା ପାପୁ ଗାଟାୟି, ଅଡେ ହେବଲଟି କାମା ବାମ୍ବୁଗାଟାୟି ମାତେ । ୧୩ ନା ତାୟି ଡାଡ୍ରେୟାତେରି ଦାର୍ଡିଟି ଲକ୍ଷ ମିଡ୍ରେ ଅପଆତି ଜିକେଏ ମାରୁ କାବା ଆଆଦୁ । ୧୪ ମାର ପୁଞ୍ଜାମାନାୟି, ମାର ହାକିତି ଜୀଣାଆହାମା ଜୀଝୁ ବେଟାଆହାମାନାୟି, ଇତିହିଁ ମାର ତାୟି ଡାଡ୍ରେୟାଣି ଜୀଝୁନହିଁ ମାନାୟି, ଆମ୍ବାଆସି ଜୀଝୁ ନଅସି, ଏଞ୍ଜାସି ହାହାଲି ମାନେସି । ୧୫ ଆମ୍ବାଆସି ଜାହାରା କ୍ରୀସୁନା ତାୟି ଡାଡ୍ରେଇଁ ଅପଅସି, ଏଞ୍ଜାସି ଲକ୍ଷୁଣି ପାୟିନାସି; ଅଡେ ଲକ୍ଷୁଣି ପାୟିନାରି ଡାଣା କାଲିକାଲିକାଟି ଜୀଝୁ ଡୟେଏ, ଇଦାଆଁ ମାରୁ ପୁଞ୍ଜାମାଣ୍ଡେରି । (aiōnios g166) ୧୬ ଜୀସୁ କ୍ରୀସୁ ମା ତାକି ଜୀଝୁ ହାତାକି ମାର ଜୀଝୁନନାୟି ଏନାୟି ଇଞ୍ଜି ପୁଞ୍ଜାମାନାୟି; ଅଡେ ତାୟି ଡାଡ୍ରେ ତାକି ମା ଜୀଝୁ ଜିକେଏ ହୀନାୟି ମାନେ । ୧୭ ସାମା ଆମ୍ବାଆସି ଦାର୍ଡିତା ଦନ ଗାଟାସି ଆହାମାନେ ତାନି ତାୟିଟି ଲଡ଼ାମାନାଣି ମେସାନା ଜିକେଏ ଏଞ୍ଜାଣାଇଁ କାର୍ନା ମେହଅସି ଇତିସାରେ, ତାନି ହିୟିତା ମାହାପୁରୁଟି ଜୀଝୁନନାୟି ମାନେ ଇଞ୍ଜି ଏନିକି ଏଲେକିନାୟି? ୧୮ ନା ମାର୍ବକା ମାସକା ଖାଦୁ, ମାର ଜଲି ଜକଡ଼ି ତଲେ ଜୀଝୁ ନଆନା କାମା ଅଡେ ସାତା ତଲେ ଜୀଝୁ ନନାଣି ଡହନାୟି ମାନେ । ୧୯ ଏଲେ କିତିସାରେ ମାର ସାତାଟି ମାର୍ବକା ମାସକାତାୟି ଇଦାଆଁ

ପୁଞ୍ଜାମାନାୟ, ଅତେ ଏନି କାତା ମା ହିୟ୍ ମାତ୍ରେ ଦହ କିୟାନେ, ଏ କାତାତା ଏଖାଣି ନକିତା ମା ହିୟ୍ ସୁସ୍ତି କିୟାଲି ଆତିନାୟ; ୨୦ ଏମିନି କାମାତା ମା ହିୟ୍ ମାତ୍ରେ ଦହ ଦସ୍ତାନେ, ଏମ୍ବାଟି ଏଖାଣି ନକିତା ଏ କାତାତାକି ମା ହିୟ୍ତି ସୁସ୍ତି କିହାଲି ଆତିନାୟ; ଇତିହିଁ ମାହାପୁରୁ ମା ହିୟ୍ତିଏ କାଜାସି, ଏଖାସି ବାରେ ପୁନେସି । ୨୧ ନା ଜାହୁତି ତ୍ରେଣେସ୍ତ୍ସା ମା ହିୟ୍ ମାତ୍ରେ ଦହ ଦସ୍ତାଆତିହିଁ, ଆତିହିଁ ମାର ମାହାପୁରୁ ନକିତା ସାସାତଲେ ନିଚାଲି ଆତିନାୟ । ୨୨ ଅତେ ମାର ଏନାଆଁ ରାହନାୟ, ଏ ବାରେ ଏଖାଣି ତାଣାଟି ବେଟାଆହି ମାନାୟ, ଇତିହିଁ ମାର ତାନି ହୁକୁମି ମାନଓ ଆହିମାନାୟ, ଅତେ ତାନି ନକିତା ଏନାୟ ନେହାୟ ଏଦାଆଁ କିହିମାନାୟ । ୨୩ ତାନି ହୁକୁମି ହାହାମାନିଲେହେଁ, ମାର ତାନି ମାର୍ବସି ଜୀସୁ କ୍ରୀସୁ ଦରୁତଲେ ନାମିନାୟ ଅତେ ତାନି ହାତି ହୁକୁମି ତଲେ ରଥତାୟ ରଥଶାଲ୍ ଜାହୁନନାୟ । ୨୪ ଆମ୍ବାଆସି ମାହାପୁରୁତି ହୁକୁମି ମାନଓ ଆନେସି, ଏଖାସି ମାହାପୁରୁ ତଲେ ଡୟିନେସି, ଅତେ ମାହାପୁରୁ ଏଖାଣି ତାଣା ଡୟିନେସି; ଇଞ୍ଚିଁ ମାହାପୁରୁ ମା ତାଣା ଡୟିନେସି, ଇଦାଆଁ ମାର ତାନି ହାହାମାଞ୍ଜାନି ଜାହୁତଲେ ପୁଞ୍ଜାମାନାୟ ।

୪ ନା ଜାହୁତି ତାୟି ତାଟ୍ଟିମ୍ବା, ବାରେ ଜାହୁୟ୍ଲି ନାମାଆପୁ, ସାମା ଏଖାରି ବେଟାଆହାମାନି ଜାହୁୟ୍ଲି ମାହାପୁରୁ ତାଣାଟି ଖାହାମାନୁ କି ଆଏ ଇଦାଆଁ ନେହିଁକି ତାୟିପାରି କିପୁ, ଏନାଆଁତାକି ଇତିହିଁ ଦାର୍ତତା ହାରେକା ମିତି ମାହାପୁରୁ ବଲୁ ସେହନାରି ହତାମାନେରି । ୧ ଇଲେ କିତିହିଁ ମାରୁ ମାହାପୁରୁତି ଜାହୁତି ପୁଞ୍ଜାଲି ଆତିଦେରି, କ୍ରୀସୁ ଜୀସୁ ମାଣସି ଆଟ୍ଟା ଖାଣା ତଲେ ଖାହାମାନେସି, ଇଦାଆଁ ଆମିନି ଜାହୁ ଜଲିନେ, ଏଦି ମାହାପୁରୁ ତାଣାଟି ଖାହାମାନେ । ୩ ଅତେ ଆମିନି ଜାହୁ ଜୀସୁଲ୍ ନାନୁ ପୁଞ୍ଜାହିଲଆଁ ଇଞ୍ଚିଁ ଜଲିନେ, ଏଦି ମାହାପୁରୁ ତାଣାଟି ଖାହାହିଲେଏ; ସାମା ଏଦି ନାଡ଼ିକିନି କ୍ରୀସୁତି ଜାହୁ, ଆମିନି ଜାହୁତି ଖାନି କାତା ମାରୁ ସେଞ୍ଜାମାଞ୍ଜେରି, ଇଞ୍ଚିଁ ଏଦି ନାଏଁ ଜିକେଏ ଦାର୍ତତା ଖାତେୟି । ୪ ଜାହୁତି କକାରି ପଦାତେରି, ମାରୁ ମାହାପୁରୁ ତାଣାଟି ଜାର୍ନା ଆତାତେରି, ଅତେ ମାରୁ ନାଡ଼ିକିନି ବଲୁ ସେହନାରାଲ୍ ଜାଣା ଆହାମାଞ୍ଜେରି, ଇତିହିଁ ମୀ ତାଣା ଆମ୍ବାଆସି ମାନେସି, ଏଖାସି, ଦାର୍ତତା ଆମ୍ବାଆସି ମାନେସି ଏଖାଣି କିହାଁ କାଜାସି । ୫ ନାଡ଼ିକିନାରି ଦାର୍ତତି ଖାହାମାନେରି, ଇଦାଆଁତାକି ଏଖାରି ଦାର୍ତତି କାତା ସେହନେରି, ଅତେ ଦାର୍ତତାରି ଏଖାରି କାତା ସେନେରି । ୬ ସାମା ମାର ମାହାପୁରୁ ତାଣାଟି ଜାର୍ନା ଆହାମାନାୟ; ଆମ୍ବାଆସି ମାହାପୁରୁଲ୍ ପୁନେସି, ଏଖାସି ମା କାତା ସେନେସି; ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାହିଲଅସି, ଏଖାସି ମା କାତା ସେନଅସି, ଏମ୍ବାଟି ସାତାତି ଜାହୁ ଅତେ ନାଡ଼ିକିନି ଜାହୁ ପୁଞ୍ଜାଲି ଆତିନାୟ । ୭ ନା ଜାହୁତି ତ୍ରେଣେସ୍ତ୍ସା, ରଥତେରି ରଥଶାଲ୍ ଜାହୁନଦୁ, ଇତିହିଁ ଜାହୁନନାୟି ମାହାପୁରୁ ତାଣାଟି ଖାନେ, ଆମ୍ବାଆସି ଜାହୁ ନନେସି, ଏଖାସି ମାହାପୁରୁ ତାଣାଟି ଜାର୍ନା ଆହାମାନେସି, ଇଞ୍ଚିଁ ଏଖାସି ମାହାପୁରୁଲ୍ ପୁଞ୍ଜାମାନେସି । ୮ ଆମ୍ବାଆସି ଜାହୁ ନଅସି, ଏଖାସି ମାହାପୁରୁଲ୍ ପୁନଅସି,

ଏନାଆଁତାକି ଇତିହିଁ ମାହାପୁରୁ ଜାହୁ ନନାସି । ୯ ଇଦାଆଁ ମାହାପୁରୁତି ଜାହୁନନାୟି ତ୍ରେଣ୍ଡା ଆହାମାନେ, ଏଖାସି ତାନି ରଣ୍ଡିଏ ମାର୍ବଶାଲ୍ ଦାର୍ତତା ପାଣ୍ଡାତେସି, ଏନିକିଁ ମାର ଏଖାଣି ତାଣାଟି କାଲକାଲାତି ଜାହୁ ବେଟାଆନାୟି । ୧୦ ମାର, ମାହାପୁରୁଲ୍ ଜାହୁ ନତାୟି, ଏଦି ଆଏ, ସାମା ଏଖାସି ମାତ୍ରେ ଜାହୁ ନୟ୍ତେସି, ଇଞ୍ଚିଁ ତାନି ମାର୍ବଶାଲ୍ ମା ପାପୁ ତାକି ପୁଜା ଆହାଲି ପାଣ୍ଡାତେସି; ଏଦି ଏମ୍ବାଟିଏ ଜାହୁନନାୟି ତ୍ରେଣ୍ଡା ଆହି ମାନେ । ୧୧ ନା ଜାହୁତି ତ୍ରେଣେସ୍ତ୍ସା, ମାହାପୁରୁ ମାତ୍ରେ ଏନିକିଁ ଜାହୁ ନହାଁ ମାଞ୍ଜାନେସି, ମାର ଜିକେଏ ରଥତାୟି ରଥଶାଲ୍ ଜାହୁ ନଓଆନାୟି ମାନେ । ୧୨ ଆମ୍ବାଆସି ଏତେଲାଖା ମାହାପୁରୁଲ୍ ମେସାହିଲଅସି; ସାମା ମାର ରଥତାୟି ରଥଶାଲ୍ ଜାହୁନଓଆନ, ଆତିହିଁ ମାହାପୁରୁ ମା ତାଣା ମାନେସି, ଅତେ ତାନି ଜାହୁନନାୟି ମା ତାଣା ମାନେ । ୧୩ ମାର ମାହାପୁରୁ ତାଣା ମାନାୟ ଅତେ ଏଖାସି ମା ତାଣା ମାନେସି, ଇଦାଆଁ ମାର ପୁଞ୍ଜାମାନାୟି, ଇତିହିଁ ଏଖାସି ମାତ୍ରେ ତାନି ଜାହୁ ହାହାମାଞ୍ଜାନେସି । ୧୪ ମାହାପୁରୁ ଆବା ତାନି ମାର୍ବଶାଲ୍ ଦାର୍ତତି ଲକୁଣି ଗେଲ୍ପିନାସି ଆହାଲିତାକି ପାଣ୍ଡାତେସି, ଇଦାଆଁ ମାର ମେସାମାନାୟି ଅତେ ସାକି ହାହି ମାନାୟି । ୧୫ ଆମ୍ବାଆସି ଜାହୁଲ୍ ମାହାପୁରୁତି ମାର୍ବସି ଇଞ୍ଚିଁ ସେକନେସି, ମାହାପୁରୁ ଏଖାଣି ତାଣା ମାନେସି, ଅତେ ଏଖାସି ମାହାପୁରୁ ତାଣା ମାନେସି । ୧୬ ଅତେ ମାତ୍ରେତାକି ମାହାପୁରୁତି ଆମିନି ଜାହୁନନାୟି ମାନେ, ଏଦାଆଁ ମାର ପୁଞ୍ଜାମାନାୟି ଅତେ ନାମାମାନାୟି । ମାହାପୁରୁ ଜାହୁ ନନାସି; ଆମ୍ବାଆସି ଜାହୁ ନହିଁମାନେସି ଏଖାସି ମାହାପୁରୁ ତାଣା ମାନେସି ଅତେ ମାହାପୁରୁ ଏଖାଣି ତାଣା ଡୟିନେସି । ୧୭ ଦାମ୍ପୁତି ଜାହୁତା ନାତାମାନାକି ମାହାପୁରୁତି ଜାହୁନନାୟି ମା ତାଣା ତାରି ଆହାମାନେ, ମାର ନାହାୟି ଦିନତା ସାସା ବେଟାଆନାୟି, ଇତିହିଁ କ୍ରୀସୁ ଏନିକିଁ ମାନେସି, ମାର ଜିକେଏ ଇ ଦାର୍ତତା ଏଲେକିହିଁଏ ମାନାୟି । ୧୮ ଜାହୁ ନନି ତାଣା ଆଜି ଡୟେଏ, ସାମା ସାତା ଜାହୁନନାୟି ଆଜିତି ହେକ କିନେ, ଇତିହିଁ ଆଜି ତଣ୍ଡ ବେଟାଆନାଣି ତଲେ ଆଣ୍ଡାମାନେ, ଇଞ୍ଚିଁ ଆମ୍ବାଆସି ଅଜିନେସି ଏଖାସି ଜାହୁ ନନି ତାଣା ତାରିତାସି ଆଏ । ୧୯ ମାହାପୁରୁ ତଲିଏ ମାତ୍ରେ ଜାହୁ ନୟ୍ତାକି ମାର ଜାହୁ ନହିଁମାନାୟି । ୨୦ ଆମ୍ବାଆସି ନାନୁ ମାହାପୁରୁଲ୍ ଜାହୁ ନହିଁମାଲ୍ ଇଞ୍ଜାମା, ଏଖାସି ତାନି ନାମିତି ତାୟି ତାଟ୍ଟିଲ୍ ଅପଅସି, ଆତିହିଁ ଏଖାସି ମିତି ସେହନାସି, ଇତିହିଁ ଆମିନି ତାୟିଲ୍ ମେସାମାନେସି, ଏଖାଣାଲ୍ ଜାହୁ ନଅସି, ଇତିହିଁ ଆମିନି ମାହାପୁରୁଲ୍ ମେସାହିଲଅସି, ଏଖାଣାଲ୍ ଜାହୁ ନହାଲି ଆତଅସି । ୨୧ ଆମ୍ବାଆସି ମାହାପୁରୁଲ୍ ଜାହୁ ନନେସି, ଏଖାସି ତାନି ତାୟିଲ୍ ଜିକେଏ ଜାହୁ ନପେସି, ଇ ହୁକୁମି ମାମୁ କ୍ରୀସୁ ତାଣାଟି ବେଟା ଆହାମାନମି ।

୫ ଆମ୍ବାଆସି ଜାହୁଲ୍ କ୍ରୀସୁ ଇଞ୍ଚିଁ ନାମିନେସି, ଏଖାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଜାର୍ନାକିତି ଆବାଲ୍ ଜାହୁ ନନେସି, ଏଖାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜାହୁ ନନେସି । ୧ ମାର ଏତିବେଲା ମାହାପୁରୁଲ୍ ଜାହୁନନାୟି ଅତେ ତାନି ହୁକୁମି ମାନଓ

ଆନାୟି, ଏଚିବେଲା ଏଦାଆଁ ତଲେ ମାର ମାହାପୁରୁତି ମାର୍କା ମାସ୍କାଲ୍ ଜୀଝୁ ନୁହିମାନାୟି ଇଞ୍ଚି ପୁଞ୍ଜାଲି ଆତିନାୟି । ୩ ମାହାପୁରୁଇଁ ଜୀଝୁନାୟି ମା ତାଣା ମାନେ, ଇଚିହିଁ ମାର ଏଝାଣି ହୁକୁମି ମାନଝି ଆନ, ଏଝାଣି ହୁକୁମି ମାନଝି ଆନାୟି ହାରେକା କସ୍ତୁ ଆଏ ୪ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଝାସି ଦାର୍ତ୍ତିତି ଜୀଣାଆନେସି, ଅଡେ ଏନାଆଁ ଦାର୍ତ୍ତିତି ଜୀଣା ଆହାମାନେସି, ଏଦି ମା ନାମ୍ । ୫ ଜୀସୁ ମାହାପୁରୁ ମାର୍ବସି, ଇଦାଆଁ ଆମ୍ବାଆସି ନାମିନେସି, ଏଝାଣି ପିସ୍ତେ ଆମ୍ବାଆସି ଦାର୍ତ୍ତିତି ଜୀଣା ଆନେସି? ୬ ଜୀସୁ କ୍ରୀସୁ ଏୟୁ ଅଡେ ନେତେରିଚି ଝାହାମାରେସି, ଝାର୍ଲ ଏୟୁତଲେ ଆଏ, ସାମା ଏୟୁ ଅଡେ ନେତେରି ଇ ରୀ କୁଡା ତଲେ ଝାହାମାରେସି; ଅଡେ ସୁଦୁଜୀଝୁ ଜିକେଏ ଏମ୍ବାତି ସାକି ହାହିମାନେ, ଇଚିହିଁ ଜୀଝୁଏ ସାତା । ୭ ଇ ତାନି ଜୀଣା ସାକି ମାନ୍ । ୮ ସୁଦୁଜୀଝୁ ଏୟୁ ଅଡେ ନେତେରି ଏଝି ରଣ୍ଡିଏ ସାକି ହାହିମାନ୍ । ୯ ମାର ଲକୁ ହାତି ସାକି ନାମିନାୟି, ଆତିହିଁ ମାହାପୁରୁ ହାତି ସାକି ଏଦାଣିକିହାଁ ହାରେକା କାଜାୟି, ଅଡେ ମାହାପୁରୁତି ସାକି ଇଦି, ଏଝାସି ତାନି ମାର୍ବସଣା ଝାକିଟି ସାକି ହାହାମାନେସି । ୧୦ ଆମ୍ବାଆସି ମାହାପୁରୁ ମାର୍ବସଣା ତାଣା ନାମିନେସି, ଏଝାସି ତାନି ହିୟାତା ଇ ସାକି ବେଟାଆହାମାନେସି; ଅଡେ ଆମ୍ବାଆସି ମାହାପୁରୁତି ସାକି ନାମଅସି, ଏଝାସି ମାହାପୁରୁଇଁ ମିଚି ଗାଟାସି କିହାମାନେସି, ଇଚିହିଁ ମାହାପୁରୁ ତାନି ମାର୍ବସଣା ଝାକିଟି ଆମିନି ସାକି ହାହାମାନେସି, ଏମ୍ବାଆଁ ଏଝାସି ନାମାହିଲଅସି । ୧୧ ଏ ସାକି ଇଦି, ମାହାପୁରୁ ମାଡ୍ରେ ରାଆଗାଟି ଜୀଝୁ ହାହାମାଞ୍ଜାନେସି, ଅଡେ, ଏ ଜୀଝୁ ତାନି ମାର୍ବସଣା ତାଣା ମାନେ । (aiōnios g166) ୧୨ ଆମ୍ବାଆସି ମାହାପୁରୁ ମାର୍ବସଣାଲ୍ ବେଟାଆହାମାନେସି, ଏଝାସି ଜୀଝୁ ବେଟାଆହାମାନେସି; ଆମ୍ବାଆସି ମାହାପୁରୁ ମାର୍ବସଣାଲ୍ ବେଟାଆହାହିଲଅସି, ଏଝାସି ଜୀଝୁ ଜିକେଏ ବେଟାଆହାହିଲଅସି । ୧୩ ମାରୁ ମାହାପୁରୁ ମାର୍ବସଣା ଦରୁ ନାମାମାଞ୍ଜେରି, ମାରୁ ଏନିକି ପୁଞ୍ଜାମାଞ୍ଜେରି, ରାଆଗାଟି ଜୀଝୁ ବେଟା ଆହାମାଞ୍ଜେରି, ଇଦାଆଁତାକି ନାନ୍ ମିଡ୍ରେ ଇ ବାରେ ରାତାମାଞ୍ଜୁଇଁ । (aiōnios g166) ୧୪ ଇଞ୍ଚି ମାର ମାହାପୁରୁ ଅଣପୁତି ଲେହେଁ ପ୍ରାତାନା କିନାୟି, ଆତିହିଁ ଏଝାସି ମା ପ୍ରାତାନା ଝେଞ୍ଜାନେସି, ଇଞ୍ଚି ମାହାପୁରୁ ତାଣା ମା ବାର୍ସୁ ମାନେ । ୧୫ ଅଡେ ମାର ଏଝାଣି ତାଣା ଏନାଆଁ ପ୍ରାତାନା କିନାୟି, ଏଦାଆଁ ଏଝାସି ଝେଞ୍ଜାନେସି ଇଞ୍ଚି ମାର ପୁଞ୍ଜାମାନାୟି, ଆତିହିଁ ଏଝାଣି ତାଣା ମାର ଏନାଆଁ ପ୍ରାତାନା କିହିମାନାୟି, ଏ ବାରେ ବେଟାଆହାମାନାୟି, ଇଦାଆଁ ଜିକେଏ ପୁଞ୍ଜାମାନାୟି । ୧୬ ମା ନାମିତି ତାୟି କି ତାଡ୍ଡିଲ୍ ପାପୁ କିହିମାନାଣି ମେହ୍ଦେରି ଇଚିସାରେ, ଅଡେ ଏ ପାପୁ ହାଝି କିନାୟି ଆଏ, ଏ ତାୟି ତାଡ୍ଡି ତାକି ମାହାପୁରୁ ତାଣା ପ୍ରାତାନା କିଡୁ, ଅଡେ ମାହାପୁରୁ ଏନିକି ହାନିହଗେତି ପାପୁ କିହାହିଲାଆ ଲକୁଣି ଜୀଝୁ ହାନେସି, ଏଲେକିହିଁଏ ଏଝାରାକି ଜିକେଏ ଜୀଝୁ ହାନେସି, ହାନିହଗେତି ପାପୁ ମାନେ ଇଞ୍ଚି ଏଝାରି ତାକି ପ୍ରାତାନା କିହାଲି ଝେସିହିଲଅଁ । ୧୭ ବାରେ ଲାଗେଏଚି କାମା ପାପୁ, ସାମା ବାରେ ପାପୁ ହାଝି କିଏ । ୧୮ ଆମ୍ବାଆସି

ମାହାପୁରୁ ତାଣାଟି ଜାର୍ନା ଆହାମାନାସି, ଏଝାସି ପାପୁ କିଅସି, ଏନାଆଁତାକି ଇଚିହିଁ ଏଝାସି ମାହାପୁରୁ ତାଣାଟି ଜାର୍ନା ଆହାଁ ଜାହାରାଲ୍ ଗେଲ୍ପା କଡିନେସି, ଅଡେ ପାପୁତି ଜୀଝୁ ଏଝାଣାଲ୍ ତୀଗେଏ, ଇଦାଆଁ ମାର ପୁଞ୍ଜାମାନାୟି । ୧୯ ମାର ମାହାପୁରୁ ତାଣାଟି ଜାର୍ନା ଆହାମାନାତାୟି ଇଞ୍ଚି ବାରେ ଦାର୍ତ୍ତିଲ୍ ସୟତାନ ଲକ୍‌ହାମାନେ, ଇଦାଆଁ ମାର ପୁଞ୍ଜାମାନାୟି । ୨୦ ମାର ପୁଞ୍ଜାମାନାୟି, ମାହାପୁରୁ ମାର୍ବସି ଝାହାମାନେସି, ଇଞ୍ଚି ଏଝାସି ମାଡ୍ରେ ସାତାତାଣାଲ୍ ପୁଞ୍ଜାଲି ରୁଦି ହାହାମାଞ୍ଜାନେସି; ଅଡେ ମାର ଏ ସାତାଗାଟାଣି ତାଣା, ଇଚିହିଁ ତାନି ମାର୍ବସି ଜୀସୁ କ୍ରୀସୁ ତାଣା ନୀତାମାନାୟି, ଏଝାସି ସାତା ମାହାପୁରୁ ଅଡେ ରାଆଗାଟି ଜୀଝୁ ଗାଟାସି । (aiōnios g166) ୨୧ ନା ଜୀଝୁତି ମାର୍କା ମାସ୍କାଡେରି ଡେଶ୍‌କା ବମାୟାଁ ତାଣାଟି ମାରୁ ହେକ ଆହାନା ମାଞ୍ଜୁ ।

୨୫୫

୧ ନାନୁ କୁଲମିତି ପ୍ରାଚିନାତେଏ, ମାହାପୁରୁ ଆଚାମାନି ଇୟା ଅତେ
 ତାନି ମୀର୍କା ମାୟକାକି ଇ ଆକୁ ରାତିମାଈ, ନାନୁ ଏଞ୍ଜରାଈ
 ସାତା ଜୀଞ୍ଜୁ ନହିମାଈ, ଅତେ ଞ୍ଜରାଈ ନାନୁ ଆଏ, ସାମା ସାତାତି
 ପୁଞ୍ଜମାନି ବାରେଜାଣା ଜୀଞ୍ଜୁନହି ମାଞ୍ଜନେରି । ୨ ଆମିନି ସାତା ମା
 ହିୟାତା ତୟାମାନେ ଅତେ କାଲକାଲତାକି ମା ତାଣା ତୟିନେ । (aion
 ୨165) ୩ ଆବା ମାହାପୁରୁ ଅତେ ତାନି ମୀର୍କଏଣା ଜୀସୁ କ୍ରୀସୁ ତାଣାତି
 କାର୍ମାମେହନାୟି, ହିତ୍ତ ଜୀଞ୍ଜୁ ହାହାନା, ସାତା ଅତେ ଜୀଞ୍ଜୁ ନଞ୍ଜିଆହାନା
 ତୟିଦେରି । ୪ ନୀ ମୀର୍କା ମାୟକା ବିତ୍ରାତି ଏତରଜାଣା ଆବା ତାଣାତି
 ମାଢ୍ଢେ ହୀହାମାଞ୍ଜାନି ହୁକୁମି ଲେହେଁ ସାତାତି ତାକିନି ତାକୁ ମେସାନା ନାନୁ
 ହାରେକା ରାହାଁ ଆହିମାଈ । ୫ ଏ ଜୀଞ୍ଜୁତି ଇୟା ନାନୁ ନୀଏଁ ନିଢ୍ଢେ ର
 ପୁଞ୍ଜି ହୁକୁମି ରାତିମାଞ୍ଜାଈ ଏଦି ଆଏ, ସାମା ତଲିଟିଏ ବେଟାଆହାମାନି
 ହୁକୁମି ରାତାନା ବାତିମାଲିମାଞ୍ଜାଈ, ମାର ରଅତାୟି ରଅଣାଈ ଜୀଞ୍ଜୁନାୟି
 ମାନେ । ୬ ମାର ତାନି ହୁକୁମି ମାନଞ୍ଜି ଆହାନା ମାଞ୍ଜେ ମାନାୟି,
 ଇଦିଏ ଜୀଞ୍ଜୁ ନିନି କାତା, ମୀରୁ ତଲିଟିଏ ଏନାଆଁ ଖେଞ୍ଜୁମାଞ୍ଜେରି,
 ଏଲେଆହିଏ ମାଞ୍ଜୁ, ଇଦି ଏ ହୁକୁମି । ୭ ନାନୁ ଖେସିମାଈ, ଇତିହିଁ
 ଆମିନି ଗାଟାରି ଜୀସୁ କ୍ରୀସୁ ମାଣ୍ଠିଏ ଖାଣା ତଲେ ଖାହାହିଲଅସି ଇଞ୍ଜି
 ଇନେରି, ଇଲେତି ହାରେକା ନାଡ଼ିକିନାରି ଦାର୍ତ୍ତିତା ହତା ଖାହାମାନେରି,
 ଇଲେତି ଲକୁ ନାଡ଼ିକିନାରି ଅତେ ନାଡ଼ିକିନି କ୍ରୀସୁ । ୮ ସାମା ମୀ ତାକି
 ମାମୁ କିହାମାନି କାମାତି ପାଡ଼େୟି ବାରେ ଜାକ୍‌ଆନା ଏନିକି ଏମୁତି
 ହାରେ ପୁରେ ବର ବେଟାଆଦେରି ଏନାଆଁତାକି ଜାଗ୍ରାତା ଆଦୁ । ୯
 ଆମ୍ବାଆସି କ୍ରୀସୁ ଜାପ୍‌ହା ମାନାଣି କିହାଁ ଆଗାଡ଼ା ଗାଣ୍‌ନେସି, ଏଞ୍ଜସି
 ମାହାପୁରୁଈ ବେଟାଆହାହିଲଅସି; ଆମ୍ବାଆସି କ୍ରୀସୁ ଜାପ୍‌ହା ମାନାଣି
 ତଲେ ତୟିନେସି, ଏଞ୍ଜସି ଆବା ଅତେ ମୀର୍କଏସି ଇ ରିଆରାଈ ଜିକେଏ
 ବେଟାଆହାମାନେସି । ୧୦ ଆମ୍ବାଆସି ଇଲେକି ଜାପ୍‌ନାଣି ଆସାନା
 ମୀ ତାଣା ଖାଅସି, ଏଞ୍ଜାଣାଈ ମୀ ଇଜ ହାଟାଆଦୁ, ଇଞ୍ଜା ନେହିମାଞ୍ଜି
 କି ଜିକେଏ ଇନାଆଦୁ: ୧୧ ଏନାଆଁତାକି ଇତିହିଁ ଆମ୍ବାଆସି ଏଞ୍ଜାଣାଈ
 ନେହିମାଞ୍ଜି କି ଇନେସି, ଏଞ୍ଜସି ତାନି ଲାଗେଏତି କାମାତା ଆଣ୍ଡିନାସି
 ଆନେସି । ୧୨ ନାନୁ ମିଢ୍ଢେ ହାରେକା କାତା ରାତିନାୟି ମାନେ, ସାମା
 ଆକୁତା ଇଞ୍ଜା ସୀରା ତଲେ ରାତାଲି ଅଣ୍‌ପି ହିଲଅଁ; ମୀ ତାଣା ଖାହାନା
 ମୁମୁ ମେସପି ଆହାନା ଗୁତି ତଲେ ଜଲକି ଆୟାଲି ଆସା କିହିମାଈ,
 ଏନିକି ମା ରାହାଁ ହାରେକା ଆନେ । ୧୩ ମାହାପୁରୁ ଆଚାମାନି ନୀ ତାଢ଼ିନି
 ମୀର୍କା ମାୟକା ମିଢ୍ଢେ ଜହରା କିହିମାଞ୍ଜାନେରି । ଆମେନ୍ ।

୩୬

୧ ନାନୁ କୁଲମିତି ପ୍ରାଚିନା ଜହନତେଏ, ନାନୁ ଯାତା ତଲେ ଜୀଝୁ
 ନହିମାନି ନା ଜୀଝୁତି ଗାୟସଇ ଜହରା ପାଣ୍ଡାନା ଇ ଆକୁ ରାତିମାଇଁ ।
 ୨ ଏ ନା ଜୀଝୁତି ତଣେ ନାନୁ ଜୀଝୁତା ଏନିକି ନେହି ଆହିମାଞ୍ଜୁ ଏଲେକିହି
 ନାନୁ ବାରେ ଖକିଟି ନୀ ନେହେଁ ଆପେ ଅଡେ ନୀ ଆଢ୍ଵା ଜିକେଏ ନେହି
 ମାଣ୍ଡମେ ଇଞ୍ଜି ନାନୁ ପ୍ରାଚାନା କିହିମାଇଁ । ୩ ନାନୁ ବାରେଦିନା ଯାତା
 ତଲେ ଡ଼ୟିମାଞ୍ଜୁ, ଏଲେକିହିଏ ଏତରଜାଣା ନାମିତି ତାୟିୟିଁ ଝାହାନା,
 ନାନୁ ତାରିତଲେ ଯାତାତା ନୀତାମାନାଣି ସାକି ହିୟାଲିଏ ନାନୁ ହାରେକା
 ରାହାଁ ଆତେଏଁ । ୪ ନା ମାର୍କା ମାସ୍କା ଯାତା ଅଡେ ଯାତା ତଲେ
 ନୀତାମାନାଣି ଖେଞ୍ଜାନା, ଏତେକା ରାହାଁ ଆହିମାଇଁ, ଏଦାଣିକିହାଁ ଆଗାଡ଼ା
 ନାଢ୍ଵେ ଅଡେ ଏନି ରାହାଁ ହିଲେଏ । ୫ ଏ ନା ଜୀଝୁତି ତଣେ ନାନୁ କ୍ରୀସ୍ତାନା
 ତାୟିୟିଁ ତାକି ଅଡେ ଏଟ୍ଟକା ଦେସାତି କ୍ରୀସ୍ତାନା ତାୟିୟିଁ ତାକି ନାମୁ ଅଡେ
 ଟିକାଣା ତଲେ ସେବା କାମା କିହିମାଞ୍ଜୁ । ୬ ଏଝାରି ଇମୁଆଁ ମା କୁଲମିତା
 ନୀ ଜୀଝୁ ନତି କାତା ଝେସିମାନେରି; ନାନୁ ଏଝାରାଇଁ ମାହାପୁରୁତି ରାହାଁ
 ଆନିଲେହେଁ ତାମି ଜିରୁ ତାକି ଲଡ଼ାମାନାଣି ହାହାନା ସାୟେମି କିମୁ
 । ୭ ଏନାଆଁତାକି ଇତିହିଁ ଏଝାରି ନାମାଆଗାଟାରି ତାଣାଟି ଏନାଆଁ
 ରାହୁଆନା କ୍ରୀସ୍ତତି ସେବା କାମାତାକି ହୁତାମାନେରି । ୮ ଏନାଆଁତାକି
 ମାର ଏନିକି ଏଝାରାଇଁ ସାୟେମି କିହାନା ଯାତାତି ତସାଲି ଏଝାରି ସେବା
 କାମାତା ଆଣ୍ଡିନାୟି ମା କାମା । ୯ ନାନୁ କୁଲମିତାକି ର ଇଚାଣି ଆକୁ
 ରାତିତେଏଁ, ସାମା ଦିୟତ୍ରପା କୁଲମିତି କାଜାସି ଆହାଲି ଅଶ୍ଵାମା, ନା
 କାତା ଖେଞ୍ଜାହିଲଅସି । ୧୦ ନାନୁ ଝାତିସାରେ ଏଝାସି କିହାମାନି ବାରେ
 ଲାଗେଏତି କାମା ଝେହୁଇଁ, ଏଝାସି ଏନିକିଁ ମା କପାଟି ଲାଗେଏତି କାତା
 ଝେସାନା ମାଢ୍ଵେ ନିଲୁକିହିଁ ମିତି କାତା ଝେସିମାନେସି, ଝାରୁଇ ଏତେକେଏ
 ଆଏ, ସାମା କ୍ରୀସ୍ତାନା ତାୟିୟିଁ ଝାତିହିଁ ଅପିହିଲଅସି କି ଆମ୍ବାଆରାଇଁ
 ଅପାଲି ହାହି ହିଲଅସି, ଅଡେ ଆମ୍ବାଆରି ଆବିନାରି ଏଝାରାଇଁ କୁଲମିତି
 ହୁପହାଲି ଅଶ୍ଵିମାନେସି । ୧୧ ଏ ନା ଜୀଝୁତି ତଣେତି, ନାନୁ ଲାଗେଏ
 ପଲେଏତାଣି ଆହୁଆନା, ସାମା ନେହିଁ କାମାତି ଆହୁମୁ, ଆମ୍ବାଆସି ନେହିଁ
 କାମା କିନେସି ଏଝାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି
 ଲାଗେଏ ପଲେଏ କାମା କିନେସି ଏଝାସି ମାହାପୁରୁଇଁ ପୁଞ୍ଜାହିଲଅସି ।
 ୧୨ ବାରେଜାଣା ଦିମିତିୟଇଁ ନେହାଁସି ଇନେରି, ଏଝାସି କିହାମାନି ଯାତା
 ନେହିଁ କାମା ଜିକେଏ ଏଦାଆଁ ତସିମାନେ, ମାମୁ ଜିକେଏ ଏଦାଆଁ ସାକି
 ହାହିମାନମି, ଇଞ୍ଜି ମାମୁ ଝେହୁନି କାତା ଯାତା ଇଞ୍ଜି ନାନୁ ପୁଞ୍ଜାମାଞ୍ଜୁ ।
 ୧୩ ନାନୁ ନିଢ୍ଵେ ହାରେକା କାତା ଝେସ୍ତାନାୟିମାନେ ସାମା ଏଦାଆଁ ଆକୁତା
 ସୀରା କାତିତଲେ ରାଚାଲି ଅଶ୍ଵି ହିଲଅଁ । ୧୪ ମାର ମୁମୁ ମେସ୍ଵି
 ଆହାନା ଜଲ୍ଲକି ଆୟାଲି ଆଡିନାୟି ଇଞ୍ଜି ଆସା କିହିମାଇଁ । ମିଢ୍ଵେତାକି
 ହିଡ଼ି ଆୟାସେ, ତଣେସିଢ୍ଵା ମିଢ୍ଵେତାକି ଜହରା ପାଣ୍ଡିମାଞ୍ଜାନେରି,
 ବାରେଜାଣାଟି ଦରୁ ଆସାନା ଜହରା ଝେହୁମୁ ।

ଜୀବୁଦା

୧ ନାମୁ ଜୀବୁଦାଦେବ, କ୍ରୀସୁ ଜୀବୁଦି ହଲେଏସି ଅଡେ ଜାକୁବତି ତାୟି, ଆବା ମାହାପୁରୁ ଆତା ମାନାତେରି ଅଡେ ତାନି ଜୀଝୁ ନନାତେରି ଇଞ୍ଜି ଜୀସୁ କ୍ରୀସୁ ତାକି ଆଡ଼ିଆ ହାମାନାତେରି ମିଢ୍ଢେତାକି ଇ ଆକୁ ରାତିମାଞ୍ଜାଇ । ୨ ମିଢ୍ଢେତାକି ମାହାପୁରୁତି କାର୍ମାମେହନାୟି ଅଡେ ହିଡ଼ି ଜୀଝୁ ଇଞ୍ଜି ଜୀଝୁନନାୟି ହାରେପୁରେ ଆୟାପେ । ୩ ଏ ନା ଜୀଝୁତି ତୁଣେସିଢ୍ଢୁ ମାର ବାରେ ଜାଣାତାୟି ଏମିନି ଗେଲ୍ପି ଆନି ତାଣା ଆଣ୍ଡାମାନାୟି, ଏ କାତା ମିଢ୍ଢେ ତାକି ରାତାଲି ଅଣ୍ଡିମାଦେବ । ୪ ଯାମା ମାହାପୁରୁ ତାନି ଲୁକୁଣି କାଲାକାଲାତାକି ହାମାନା ନାମୁ ଖାକିଟି ଲୁକୁ କିହାଲି ମିଢ୍ଢେ ରାହାଁ କିଝି କିୟାଲି ଲଡ଼ାମାନେ ଇଞ୍ଜି ଅଣ୍ଡିମେଦେବ । ୫ ଏନାଆଁତାକି ଇତିହିଁ ଏତରଜାଣା ମାହାପୁରୁଇଁ ମାନଝି ଆଆଗାଟାରି ମେଣେଏ ମା ବିତ୍ରା ଖାହାମାନେରି, ଏଖାରି ମାହାପୁରୁ କାର୍ମାମେହନି କାତା ତିରିମୁଦହାନା ତାମୁ ତାମୁ ଅଣ୍ଡିମି ଲେହେଁ ଲାଗେଏ ପଲେଏତି କାମା କିହିମାନେରି, ଅଡେ ଜୀସୁ କ୍ରୀସୁ ରଅସିଏ କାଜାସି ଅଡେ ପ୍ରବୁ, ଏଖାରି ଏଖାଣାଇଁ ଅପଅରି, ଏଖାରି ବେଟାଆନି ତଣ୍ଡିତ କାତା ତଲି କାଲାଟିଏ ଦାର୍ମୁପତିତା ରାସ୍ତିକି ଆହାମାନେ । ୬ ପ୍ରବୁ ତଲିଏ ଏତରଜାଣା ତାନି ଲୁକୁଣି ମିସର ଦେସାଟି ପିସ୍ପି କିତେସି, ଯାମା ଏଖାରି ବିତ୍ରାଟି ନାମାଆଗାଟାରାଇଁ ନାସା କିତେସି, ଇତିହିଁ ବାରେ କାତା ପୁଞ୍ଜାମାଟି ଜିକେଏ ମିଢ୍ଢେ ଅଡେ ଷେଣ୍ଡେ ଅଣ୍ଡି କିଝି କିୟାଲି ଅଣ୍ଡିମାଇଁ । ୭ ଅଡେ ଏମିନି ଦୁରୁୟି ମାହାପୁରୁ ହାହାମାଟି ପାଣା ପିସାମା ତାନି ବାସାଆନି ଚାୟୁ ପିସୁ, ମାହାପୁରୁ ଏ ଦୁରୁୟିଇଁ ନାହାଁୟି କିନି ଦିନା ପାତେକା ଆନ୍ଦେରି ଚାୟୁତା କାଲାକାଲା ତାକି ହିକିଣାୟି ତଲେ ଦସା ଇଟାମାନେସି । (aidios g126) ୮ ଏଲେକିହିଁଏ ସଦମ ଅଡେ ଗମରା ଅଡେ ତାନି ସାରିସୁଟୁ ମାଟି ଗାଡ଼ାୟିତାରି, ଦାରିକାମା ଅଡେ ତାନି ବିତ୍ରା ଲାଗେଏ ଅଡେ ଅପାଆଗାଟି ଲାଜା ଆନି କାମା କିତେରି, ଏଦାଆଁତାକି କାଲାକାଲା ତାକି ଡ଼ାଞ୍ଜିମାନି ହିଚୁତା ସାସି ବେଟାଆତେରି, ମା ବାରେଜାଣା ତାକି ଜାଗ୍ରାତା କିଝିକିନି କାତା ଲେହେଁତାୟି ଇଞ୍ଜି ମାରୁ ଅଣ୍ଡିପାଦୁ । (aiōnios g166) ୯ ଏଲେକିହିଁଏ ହାପାନା ହେଣ୍ଡନାରି ଜିକେଏ, ଅପାଆଗାଟି କାମା ତଲେ ତାନି ଆଞ୍ଜାଟି ଲାଗେଏ କିହିମାନେରି, ଅଡେ ମାହାପୁରୁତି ଅଦିକାରାଟି ଅପାଆନା ଲାକପୁରୁତି ଦୁରୁୟିଇଁ ନିନ୍ଦୁ କିହିମାନେରି । ୧୦ ଯାମା ବାରେକିହିଁ କାଜା ଦୁରୁ ମିକାୟେଲ ମସାଟି ମାଡ଼ହା ତାକି ସୟତାନ ତଲେ ବାଦିବାଦା ଆତାଟି ନିନ୍ଦୁ କିହାନା ଏଦାନି ବିଚାରା କିହାଲି ସାସା କିଆନା, ଖାରୁଇ ଏତେକା ଏଲେଇତେ, “ପ୍ରବୁ ନିଢ୍ଢେ ଦାକା ହିୟାପେସି ।” ୧୦ ଯାମା ଇ ଲୁକୁ ତାମୁ ପୁନାଆଗାଟାଣି ବାରେ ନିନ୍ଦୁ କିନେରି, ଇଞ୍ଜି ବୁଦି ହିଲାଆଗାଟି ଜନ୍ତୁ ଲେହେଁ ତାମୁଏ ତାନି ଆଞ୍ଜାଟି ଅଣ୍ଡିପୁ ତଲେ ପୁଞ୍ଜାମାନି ତାଣାଟି ନାସା ଆନେରି । ୧୧ ଆୟୁତା, ଏଖାରି ତଣ୍ଡି ବେଟାଆନାରି, ଇତିହିଁ ଏଖାରି କୟିନ ଜିରୁତା ହାଜାମାନେରି, ତାବୁୟି ଲୁପକାତାକି ଏଖାରି ବିଲିୟମ

ଦହ କିତିଲେହେଁ ଦହ କିହାମାନେରି, ଏଖାରି କରହ ଲେହେଁ ହୁଆଗାଟି ଗଡ଼ହା କିହାନା ଏଖାଣିଲେହେଁ ନାସା ଆନେରି । ୧୨ ଏଖାରି ଲାଜା ଆଆନା ମା ତଲେ ତିଞ୍ଜୁ ରଣ୍ଡାନା ମା ରାହାଁତି ବଜିତା ଆଣ୍ଡାନା ମାହିଁତି ଗାରି ଲେହେଁତାରି, ଏଖାରି ଖାରୁଇ ଜାହାରା ତାକି ଅଣ୍ଡିମେରି, ଏଖାରି ଗାଲି ଷେନି ପିୟୁ ରାଆଗାଟି ଦୁନ୍ନୁ ଲେହେଁତାରି, ଏଖାରି ତାକି ମେଗାନା ପେନିବେଲା ପାଡେୟି ଆୟାଆଗାଟି ଖାୟିତି ମାରୁନୁ ଲେହେଁତାରି । ୧୩ ଏଖାରି ସାମୁଦୁରି ଖାତିସାରି ହୁନି ମାଟିଗାଟି ପମ୍ପୁଲି ଲେହେଁ ଏଖାରି ଲାଜାଗାଟି କାମାୟି ତିଞ୍ଜୁଆନେ, ଏଖାରି ତାନି ଚାୟୁ ପିସାମା ଇତାଲା ଆତାଲା ରେନି ହୁକାୟି ଲେହେଁତାରି, ଏଖାରିକି ମାହାପୁରୁ କାଲେଏତାକି ଆନ୍ଦେରିଗାଟି ଚାୟୁ ତିୟାରା କିହାଁ ଇଟାମାନେସି । (aiōn g165) ୧୪ ଆଦମ ଟିଏ ସାତା ଲମ୍ପର ମାଣ୍ଡିସି ହନକ, ଜିକେଏ ଚାୟୁ ଆନି କାତା ଏଖାରି ତାକି ଷେକହା ମାତେସି, “ମେହମୁ ପ୍ରବୁ ତାନି ମାଣା ମାଣା ସୁଦୁଗାଟି ଦୁରୁୟି ତଲେ ଖାନେସି ।” ୧୫ ମେହମୁ ପ୍ରବୁ ନାହାଁୟି କିୟାଲି ଖାନେସି, ଏଖାସି ଦାର୍ମୁ ହିଲାଆଗାଟାରାଇଁ ତାନି ପଲ୍ଲଆ କାମାତାକି ଅଡେ ଏଖାରି ମାହାପୁରୁଇଁ ମାନଝି ଆଆନା ଏଖାଣି କପାଟି ଷେସି ଅପାଆଗାଟି କାତାତାକି ଏଖାରାଇଁ ଦହଗାଟାରି କିହାନା ତଣ୍ଡି ହାନେସି । ୧୬ ଇ ଲୁକୁ ବାରେବେଲା ତାମୁ ତାମୁଏ ଏତେକା ବେଟାଆଟି ଜିକେଏ ରାହାଁ ଆଅରି । ଏଖାରି ଖାରୁଇ ତାନି ଲାଗେଏ ପଲେଏତି ଅଣ୍ଡିପୁ ତଲେ ସାଲଝି ଆନେରି; ଏଖାରି ବତପଣ ତସାନା କାଜା କାତା ଷେହନେରି, ଅଡେ ଲାବା ବେଟାଆହାଲି ଲୁପକା ତସାନା ଲୁକୁ ନକିତା ଅଜିତି କାତା ଷେହନେରି । ୧୭ ଯାମା ଏ ନା ଜୀଝୁତି ତୁଣେସିଢ୍ଢୁ ମା ପ୍ରବୁ ଜୀସୁ କ୍ରୀସୁତି ପାଣ୍ଡି ଆହାମାନାରି ତଲିଟିଏ ଏମିନି ବାରେ କାତା ଷେସାମାନାଣି ବାରେ ଅଣ୍ଡିପାଦୁ । ୧୮ ଏଖାରି ଏମିନି ମିଢ୍ଢେ ଷେସାମାଞ୍ଜାତେରି ରାନି ବେଲା ମାହାପୁରୁଇଁ ମାନଝି ଆହାନା ତାନି ଅଣ୍ଡିପୁ ତଲେ ମାଞ୍ଜାନା ନିନ୍ଦୁ କାତା ଷେହନାରି ହନେରି ଇଞ୍ଜି ଲାଜା କିହାନା ଏଲେଇଞ୍ଜୁନେରି । ୧୯ ଏଖାରି ଗଡ଼ହା କିଝି କିହାଁ ଜାକୁ ତିକନେରି, ଅଡେ ଆଞ୍ଜାଟି ଅଣ୍ଡିପୁତି ସାଲଝି ଆହାନା, ମାହାପୁରୁତି ନେହିଁ ଜୀଝୁ ବେଟାଆଆତାରି । ୨୦ ଯାମା ଏ ତୁଣେସିଢ୍ଢୁ ମାରୁ ମା ତାରିଗାଟି ନାମୁଗାଟି ଦାର୍ମୁତି ଇଲୁ ପାଡିକିହାଁ କତାଦୁ, ଅଡେ ସୁଦୁଜୀଝୁ ତଲେ ପ୍ରାତାନା କିଦୁ । ୨୧ ମା ପ୍ରବୁ ଜୀସୁ କ୍ରୀସୁତି କାର୍ମାଟି କାଲାକାଲାଟି ଜୀଝୁ ହିୟାନେସି, ମାରୁ ଏଦାଆଁ ବେଟାଆହାଲି କାତାନା ମାହାପୁରୁ ଜୀଝୁନିହିଁ ମାଞ୍ଜାନି ତାଣା ମାଞ୍ଜେମାଞ୍ଜୁ । (aiōnios g166) ୨୨ ଆନାମାନା ଆନି ଲୁକୁଣି କାର୍ମାମେସାନା ନାମୁତା ପାଡିକିଦୁ । ୨୩ ଏଦକା ତାରାଇଁ ହିଚୁଟି ତେଡ଼ିତି ଲେହେଁ ଗେଲ୍ପାଦୁ, ଆଞ୍ଜାଟି ପାପୁ କାମାତା ମାହାମାନି ହିମ୍ପୁରିକା ଅପାଆୟୁ, ଏତର ଲୁକୁଣି କାର୍ମା ମେସୁମି ଜିକେଏ ଏଖାରାଇଁ ଆଜିନାୟି ମାନେ । ୨୪ ଆମୁଆସି ମିଢ୍ଢେ ପୁଟିକିନି ତାଣାଟି ଗେଲ୍ପାଲି ଆତାନେସି, ଅଡେ ତାନି ଗାଞ୍ଜୁମିତି ହାରେକା ରାହାଁତଲେ ନକିତା ତାତାଲି, ମାଞ୍ଜେ ଦହ ହିଲାଆଗାଟି ଲୁକୁ ଲେହେଁ କିହାଲି ଆତାନେସି । ୨୫ ଏ ମା ପ୍ରବୁ ଜୀସୁ କ୍ରୀସୁ ତାକି ମା

ଗେଲ୍‌ପାନି ମାହାପୁରୁ ରଅସିଏ, ଗାଝୁରମି, କାଜାପାଣା, ବାଡ଼ୟୁ ଅଡ଼େ
ସାଲଝି କିନାୟି କାଲେଏତାୟି, ନୀର୍ବ, ଅଡ଼େ ଜୁଗୁ ଜୁଗୁତାକି ଏଝାଣିଝାୟି
। ଅମେନ୍ । (aiōn g165)

ଝେ ବଲ୍ଲୁ

୧ ଜୀବୁ କ୍ରୀସ୍ତ ଝେକ୍‌ହି ବଲ୍ଲୁ; ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକିଁ ତାନି ହଲିୟାଝ୍ଟାଣି ଝେହନେସି, ଏଦାଆଁତାକି ମାହାପୁରୁ ଇଦାଆଁ ଜୀବୁ ନକିତା ହେର୍ପିତେସି, ଅଡ଼େ ଏଝାସି ତାନି ଦୂତୁଇଁ ପାଣ୍ଡାନା ତାନି ହଲିୟା ଜହନଇଁ ଏଦାଆଁ ଝେସ୍ତେସି । ୨ ଏ ଜହନ ମାହାପୁରୁତି ବଲ୍ଲୁ ଅଡ଼େ ଜୀବୁ କ୍ରୀସ୍ତୁତି ସାକି କାତା ଇତିହିଁ ଏଝାସି ଏନାଆଁ ମେସ୍ତେସି ଏ ବାରେ କାତାତି ସାକି ହାହିମାନେସି । ୩ ଆମ୍ବାଆସି ଇ ପତି ପଡ଼ଝି ଆନେସି ଇଞ୍ଜିଁ ମାହାପୁରୁତି ବଲ୍ଲୁ ଝେଞ୍ଜିଁନା, ଇ ପତିତା ରାସ୍‌କି ଆହାମାନାଣି ବାରେ ମାନଝି ଆନାରି ନେହାଁରି, ଏନାଆଁତାକି ଇତିହିଁ ଇ ବାରେ ଗଟଝି ଆନି କାଲମି ତାଗେ ଝାଡ଼େୟି । ୪ ନାନୁ ଜହନଡେଏଁ, ଆସିୟାତା ମାନି ସାତାଗଟା କୁଲମିକାଣି ଜହରା ଝେସାନା ରାତିମାଞ୍ଜୁଇଁ, ମାହାପୁରୁତି କାର୍ମାମେହନାୟି ଅଡ଼େ ହିଡ଼ି ଜୀଝୁ ମିଢ୍ଢେ ଆୟାପେ, ନାଏଁ ଆମ୍ବାଆସି ମାନେସି ତଲି ମାତାସି ଅଡ଼େ ଜିକେଏ ଡାୟୁ ଦିନା ଝାନେସି, ଅଡ଼େ ତାନି ରାଜିତି ସିଂଗାସାଣି ନକିତା ନିତାମାନି ସାତାଗଟା ଜୀଝୁୟି ତାଣାଟି, ୫ ଜୀବୁ କ୍ରୀସ୍ତ ନାମୁତି ସାତା ସାକି ହାନାସି, ହାତାରି ବିତ୍ରାତି ତଲିଏ ନିଢ୍ଢୁତାସି, ଜାର୍ନା ଆତାସି, ଅଡ଼େ ଦାର୍ତ୍ତିତି ରାଜାୟିଣି ସାଲଝି କିନାସି । ଏଝାସି ମାଢ୍ଢେ ଜୀଝୁ ନହାଁମାଞ୍ଜୁନେସି, ଅଡ଼େ ତାନି ନେତେରିତି ମାଢ୍ଢେ ପାପୁତି ଗେଲ୍‌ପାତେସି । ୬ ଅଡ଼େ ମାଢ୍ଢେ ର ରାଜାତି କୁଲୁଲେହେଁ କିହାନା ଆବା ମାହାପୁରୁ ନକିତା ପୁଜେରା ଲେହେଁ ଆତାମାଞ୍ଜୁନେସି, ତାନି ଗାଝୁରମି କାଜାପାଣା କାଲକାଲା ତାକି ଆପେ । ଆମେନ୍ । (aion g165) ୭ ମେହଦୁ ଏଝାସି ଦୁନ୍ନୁ ତଲେ ଝାହିମାନେସି, ଏତେଟିଏ ବାରେ କାଣକା ଏଝାଣାଇଁ ମେହଦୁ, ଅଡ଼େ ଏଝାଣାଇଁ ଗ୍ଲୁକହା ମାତାରି ଜିକେଏ ମେହନେରି, ଦାର୍ତ୍ତିତାରି ବାରେ କୂଡ଼ା ଏଝାସି ଝାହିମାନାକି ଡ଼ାନେରି ଏଡ଼ି ସାତା ଆନେ । ଆମେନ୍ । ୮ ବାରେ ବାଡ଼ୁଗାଟି ପ୍ରବୁ ମାହାପୁରୁ ଝେସିମାନେସି, ନାନୁ ମାଟ୍‌ନାଡେଏଁ ଅଡ଼େ ରାପ୍‌ନାଡେଏଁ, ଆମ୍ବାଆସି ନାଏଁ ମାନେସି ତଲିଏ ମାତେସି ଅଡ଼େ ଡାୟୁ ଦିନା ଝାନାସି ନାନୁ ଏଝାଡେଏଁ । ୯ ନାନୁ ଜହନଡେଏଁ, ମୀ ତାୟିଡେଏଁ, ଜୀସୁତି ସୀସୁ ଆହାଁ ତାନି ରାଜି ଲକୂତାକି ଝାହିମାନି କସୁ ଅର୍‌ହାଲି ନାନୁ ମୀ ତଲେତି ର ମାଣସିଡେଏଁ । ଜୀସୁ ଡ଼ସାମାନି ସାତା ଇଞ୍ଜିଁ ମାହାପୁରୁତି ବଲ୍ଲୁ ଝେସିମାତାକି ନାଢ୍ଢେ ପାଟ୍‌ମସ୍ ସାମ୍‌ଦୁରି ମାଦି ମାନି ଡାୟୁତା ପାଣ୍ଡାମାଞ୍ଜୁଡେରି । ୧୦ ପ୍ରବୁତି ଦିନାତା ସୁଦୁଜୀଝୁ ନା ଲାକ ରେତାଝାଡେ, ଅଡ଼େ ନାନୁ ଡାୟୁ ଝାକିତି ତୀତ୍ରି ମହରି ଲେହେଁତି କାଜା ଗିୟିତଲେ ଏଲେ ଇଞ୍ଜିମାରି ର ହାତା ଝେଡେଏଁ । ୧୧ ନାନୁ ମେସିମାନାଣି ରାତାମୁ ଅଡ଼େ ଇ ପତିତି ଇ ସାତାଗାଟା କ୍ରୀସ୍ତାନା କୁଲମି ଇତିହିଁ ଏପିସି, ସ୍ପର୍ନା, ପର୍ଗମ, ତୁୟାତିରା, ସାର୍ଦି, ପିଲାଦେଲ୍‌ପିୟା ଅଡ଼େ ଲାଝୁଦିକିୟାତି କୁଲମିତା ପାଣ୍ଡାମୁ । ୧୨ ଆମ୍ବାଆସି ନା ତଲେ କାତା ଆହିମାନେସି, ଇଦାଆଁ ମେସାଲି ଝେଣ୍ଡେ ସିନିକିଡେଏଁ, ଇଞ୍ଜିଁ ସାତାଗଟା ବାଂଗାରା ଦୀଝିୟି, ୧୩

ଇଞ୍ଜିଁ ଏ ଦୀଝିୟି ମାଦିଏ ମାଣସି ମାଟ୍‌ଏଣା ଲେହେଁ ର ମାଣସି; ଏଝାଣି ପାଠଆନାୟି ପାତେକା ହିଡ଼ିପି ପୁକ୍‌ହା ମାତେ ଅଡ଼େ ବକତା ବାଂଗାରା ପାଗାତି ଡ଼ରି ରୂପାମାତେ; ୧୪ ଏଝାଣି ଡାୟୁ ବାଣାୟି ଅପ୍‌ହି ଲୁଲୁ ଅଡ଼େ ପେଣ୍ଡି ମାତୁ ଲେହେଁ ଦବ୍‌ଲା, ଅଡ଼େ ଏଝାଣି କାଣକା ହିଡ଼ି ଲେହେଁ ଡ଼ାଞ୍ଜି ମାତୁ । ୧୫ ତାନି ପାଠଆନାୟି ହଲୁତା ହିଡ଼ିତି ପିତାଡ଼ା ମୁସିମାନି ଲେହେଁ ମିଣସି ମାତୁ, ଅଡ଼େ ତାନି ଗିୟି ଲଦ ଲଦ ଇଞ୍ଜିଁ ରିହିମାନି ଏମୁତି ହାତା ଲେହେଁତାୟି । ୧୬ ତାନି ଚିଝିନି କେୟୁତା ସାତାଗଟା ହୁକାୟି ମାତୁ, ତାନି ଗୁତିତି ରିକଝାକି ଦାରାଗାଟି କାଣ୍ଡା ହୁଡେ, ତାନି ମୁମୁ ମାଦେନା ବେଲା ଡ଼ାଞ୍ଜିମାନି କାରା ଲେହେଁ ଉଜେଡ଼ି ଗାଟାୟି । ୧୭ ନାନୁ ଏଝାଣାଇଁ ମେସ୍‌ପନିଏ ହାତିଲେହେଁ ତାନି କଡାୟି ଡ଼ଲ ରାଡେଏଁ, ଏମ୍ବାଟିଏ ଏଝାସି ନା ଲାକ ତାନି ଚିଝିନି କେୟୁ ଇଟାନା ଇଲେ ଇଞ୍ଜିତେସି, ଆଜାଆନି ନାନୁ ମାଟ୍‌ନାଡେଏଁ ଅଡ଼େ ରାପ୍‌ନାଡେଏଁ । ୧୮ ଆଜାଆତୁ ନାନୁ ନୀତା ମାନାତେଏଁ ହାତାତେଏଁ, ନାନୁ କାଲା କାଲେଏତାକି ନୀତାମାଇଁ, ହାନାୟି ଅଡ଼େ ହାତାରି ରାଜିତି କୁତିକାଡ଼ି ନା କେୟୁତା ମାନେ । (aion g165, Hadēs g86) ୧୯ ଇତିହିଁ ନାନୁ ଏନାଆଁ ମେସାମାଞ୍ଜୁ, ଅଡ଼େ ଏନାୟି ନାଏଁ ଆହିମାନେ ଇଞ୍ଜିଁ ଇଦାଣି ଜେଡ଼ ଏନାୟି ଆନେ ଇ ବାରେ ରାତା ଇଟାମୁ । ୨୦ ନା ଚିଝିନି କେୟୁତା ମେସାମାନି ସାତାଗଟା ହୁକାୟି ଅଡ଼େ ସାତାଗଟା ବାଂଗାରା ଦୀଝି ସଡ଼ାୟିତି ତୁଗାମାନି କାତା ଇଦି, ସାତାଗଟା ହୁକାୟି ସାତାଗଟା କୁଲମିତି ଦୂତୁୟି, ଅଡ଼େ ସାତାଗଟା ବାଂଗାରା ଦୀଝି ସଡ଼ାୟି ସାତାଗଟା କୁଲମିକା ।

୨ “ଏପିସି କୁଲମିତି ଦୂତୁ ତାଣା ରାତାମୁ, ଆମ୍ବାଆସି ଚିଝିନି କେୟୁତା ସାତାଗଟା ହୁକାୟି ଆସାମାନେସି ଅଡ଼େ ସାତାଗଟା ବାଂଗାରା ଦୀଝି ସଡ଼ାୟି ମାଦି ରେଜିମାନେସି, ୨ ଏଝାସି ଏଲେଇଞ୍ଜି ମାନେସି, ନାନୁ କିହାମାନି କାମା ନାନୁ ପୁଞ୍ଜାମାଇଁ, ନାନୁ ଏନିକିଁ ଝାହୁତଲେ କାମା କିହିମାଞ୍ଜୁ, ଅଡ଼େ ଏତେକା ଅର୍‌ହିମାଞ୍ଜୁ ଏଦାଆଁ ପୁଞ୍ଜାମାଇଁ, ନାନୁ ଲାଗେଏ ପଲେଏ କାମା କିନାରାଇଁ ଅପିହିଲଅତି, ଅଡ଼େ ପାଣ୍ଡୁଝି ଆଆନା ମାମୁ ପାଣ୍ଡୁଝି ଆହାମାନମି ଇଞ୍ଜିଁ ଝେସା କତିନେରି, ନାନୁ ତାୟିପାରି କିହାଁ ଏଝାରି ମିତି କାତା ଝେହନାରି ଇଞ୍ଜିଁ ପୁଞ୍ଜିମାଞ୍ଜୁ । ୩ ନା ଦରୁ ତାକି ଦୁକୁ କସୁ ଅର୍‌ହିମାଞ୍ଜୁ ଇଞ୍ଜିଁ ଝାହାହିଲଅତି ଇଦାଆଁ ଜିକେଏ ନାନୁ ପୁଞ୍ଜାମାଇଁ । ୪ ଆତିହିଁ ଜିକେଏ ନୀ କପାତି ନା ଇ କାତା ମାନେ, ତଲି ଜୀଝୁନହିଁ ମାଞ୍ଜୁତିଲେହେଁ ନାଏଁ ଜୀଝୁନହିଁ ମାଞ୍ଜୁଅତି । ୫ ଅଡ଼େ ନାନୁ ଏନିକିଁ ଡ଼ଲ ତର୍‌ଗା ମାଞ୍ଜୁ ଏଦାଆଁ ଅଣ୍‌ପାଦାନ ନୀ ପାପୁ ପିସାହାଁ ମନ ଝେଟ୍‌ମୁ ଅଡ଼େ ତଲିତିଲେହେଁ ସାତା କାମା କିମୁ, ଆଆଟି ଏତେତା ନାନୁ ହିୟି ଝେଟ୍‌ଅତି, ନାନୁ ନୀ ତାଣା ତବେ ଝାହାନା ନା ଦୀଝି ନୀ ତାଣାଟି ଏଡ଼କା ଗୁତିକିୟାଇଁ । ୬ ଆତିଜିକେଏ ନୀ ତାଣା ର ନେହିଁ ଗୁଣ୍ଡ ମାନେ ନାନୁ ଏନିକିଁ ନିକଲାୟତାରି ବାରେ କାମା ଅପିହିଲଅଁ ଏଲେକିଁ ନାନୁଝା ଅପିହିଲଅତି ।” ୭ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆସି କୀର୍କା ମାତୁ ଏଦାଆଁ ଝେଣ୍ଡାସି । ଆମ୍ବାଆସି ଜୀଣା ଆନେସି, ଏଝାଣାଇଁ ନାନୁ

ମାହାପୁରୁ ରାଜିତା ମାନି ଜୀବୁଗାଟି ମାର୍ଦ୍ଦୁତି ପାଦେୟି ତିଷ୍ଠାଲି ହାଇଁ । ୮ “ସ୍ଵର୍ଗୀ କୁଲମିତି ଦୂରୁ ଡାଶା ରାତାମ୍, ଆମ୍ବାଆସି ତଲିତାସି ଅଡେ ଡାୟୁତାସି, ଆମ୍ବାଆସି ହାହାମାତେସି ଅଡେ ଷେଣ୍ଟେ ନୀତିତେସି, ଏଞ୍ଝାସି ଏଲେଇଞ୍ଜି ମାନେସି । ୯ ନାନୁ ନୀ ବାରେ କସ୍ତୁ ଅଡେ ହାକି କାକୁଲି ପୁଞ୍ଜାମାଇଁ, ସାମା ନାନୁ ବାଡ଼କୁ ଗାଟାଟି ଅଡେ ଆମ୍ବାଆରି ଜାହୁଦି ଲକୁ ଆଆନା ମାମ୍ ଜାହୁଦି ଲକୁତମି ଇଞ୍ଜି ଇନେରି, ଏଞ୍ଝାରି ସୟତାନ ଗତିତାରି ଏଞ୍ଝାରି ନିନ୍ତୁ ଜିକେଏ ନାନୁ ପୁଞ୍ଜାମାଇଁ । ୧୦ ମୀରୁ ଏମିନି ଦୁକୁ ବେଟାଆହାଲି ହାଜି ମାଞ୍ଜେରି, ଏ ବାରେ ଆଜାଆଦୁ: ମେହ୍ଦୁ ମିଞ୍ଜେ ଚାୟିତାରି କିହାଲି ସୟତାନ ମୀ ବିତ୍ରାଟି ଆମ୍ବା ଆମ୍ବାଆରାଇଁ କାୟିଦିତା ଇତିନେ, ଅଡେ ମୀରୁ ଦସ ଦିନା କସ୍ତୁ ବେଟାଆଦେରି । ମୀରୁ ହାନି ପାତେକା ନାମ୍ବତଲେ ମାଞ୍ଜୁ ଆତିହିଁ ନାନୁ ମିଞ୍ଜେ ଜୀଞ୍ଜୁଟି ଟପେରି ହିୟାଇଁ । ୧୧ “କୁଲମିତି ସୁଦୁଜୀଞ୍ଜୁ ଏନାଆଁ ଷେସିମାନେ, ଷେଞ୍ଜାଲି କାର୍କୀ ମାଟିସାରେ ଷେଣ୍ଟାସି, ଆମ୍ବାଆସି ଜାଶା ଆନେସି ଏଞ୍ଝାଶାଇଁ ଅର ଦେବତି ହାକି ତଲେ ନସ୍ତୁ କିହାଲି ଆଡେଏ । ୧୨ “ପର୍ଗମ କୁଲମିତି ଦୂରୁ ଡାଶା ରାତାମ୍, ଆମିନି ଗାଟାଣି ଡାଶା ରିକଞ୍ଜାକି ଦାରା ଗାଟି କାଣ୍ଡା ମାନେ ଏଞ୍ଝାସି ଏଲେଇଞ୍ଜି ମାନେସି । ୧୩ ଆମିନି ଡାଶା ସୟତାନତି ସିଂଗାସାଣି, ଏମ୍ବାଆଁ ନାନୁ ବାସା କିହିମାଞ୍ଜି, ଇଦାଆଁ ନାନୁ ପୁଞ୍ଜାମାଇଁ, ଆତିହିଁ ଜିକେଏ ନାନୁ ନା ଦରୁଡି ଆଡ଼ଞ୍ଜା ତଲେ ଆସାମାଞ୍ଜି, ଅଡେ ନା ସାକି ଆନ୍ତିପା ଏତିବେଲା ମୀ ଡାଶା ସୟତାନତି ବାସା ଗାୟୁତା ପାୟୁଡ଼ି ଆହାମାତେସି, ମୀରୁ ନା ଡାଶା ନାମାମାନାକି ଏତିବେଲାତା ଜିକେଏ ନାଞ୍ଜେ ପୁଞ୍ଜାହିଲିଆଁ ଇଞ୍ଜାଆତି । ୧୪ ଆତିଜିକେଏ ନୀ କପାଟି ର କାତା ମାନେ, ଇତିହିଁ ଆମିନି ବିଲିୟମ ଡେଶକା ବମାୟିକି ଡାକାମାନି ବସ୍ତୁ ତିନି ଡାଶାଟି ପାପୁ ଅଡେ ଦାରିକାମା କିଞ୍ଜିକିନି ପାନ୍ତୁ ମେହ୍ଦୁହାଲି ଇସାୟେଲ ମାର୍କା ବାଲାକଇଁ ଜାପୁହା ମାତେସି, ଏଲେତି କାମା କିନି ଲକୁ ମୀ ବିତ୍ରାଟି ଏତରଜାଶା ଡାକିନାରି ମାନେରି । ୧୫ ଏଲେକିହିଁଏ ନିକଲାୟ ଜାପୁନାଣି ଆସାମାନି ଲକୁ ମୀ ବିତ୍ରା ମାନେରି । ୧୬ ଏଦାଆଁତାକି ମୀ ପାପୁ ପିସାନା ହିୟାଁ ଷେବ୍ଦୁ ଆଆତି ନାନୁ ମୀ ଡାଶା ତବେ ଝାହାନା ନା ଗୁତିଟି ହିନି କାଣ୍ଡାତଲେ ଏଞ୍ଝାରି କପାଟି ଜୁକୁ କିଇଁ । ୧୭ “କୁଲମିକାଣି ସୁଦୁଜୀଞ୍ଜୁ ଏନାଆଁ ଷେସିମାନେସି ଆମ୍ବାଆରି କାର୍କୀ ମାନୁ ଏଦାଆଁ ଷେଣ୍ଟାସି । ଆମ୍ବାଆସି ଜାଶା ଆନେସି ଏଞ୍ଝାଶାକି ଦୁଗାମାନି ମାନା ତିଷ୍ଠାଲି ହାଇଁ ଅଡେ ଏଞ୍ଝାରି ବିତ୍ରାଟି ବାରେଜାଶାଟି ପୁଞ୍ଜି ଦରୁ ରାସକି ଆହାମାନି ର ଦବଲା ଖାଲି ହାଇଁ, ଏ ପୁଞ୍ଜି ଦରୁ ଏନାୟି ଖାଲି ଆନାଣି ପିସାପେ ଆମ୍ବାଆସି ପୁନଅସି । ୧୮ “ତୁୟିତରା କୁଲମିତି ଦୂରୁ ଡାଶା ଲେଲେଇଞ୍ଜି ରାତାମ୍, ମାହାପୁରୁ ଆମିନି ମାର୍‌ଏଶା କାଶକା ଡାଞ୍ଜିମାନି ହିରୁ ଲେହେଁ ଇଞ୍ଜି ପାଞ୍ଜାଆନା କତାୟି ମୁସିମାନି ପିତାଡ଼ା ଲେହେଁ ଏଞ୍ଝାସି ଏଦାଆଁ ଏଲେଇଞ୍ଜି ମାନେସି । ୧୯ ନାନୁ ନୀ କାମା, ଜୀଞ୍ଜୁ ନନାଣି, ନାମ୍ବତଲେ ସେବା କିନାଣି, ଅର୍‌ହନାଣି ପୁଞ୍ଜାମାଇଁ, ଅଡେ ନୀ ତଲିତି କାମା କିହାଁ ନାଏଁ ହାରେକା ଗାଟି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାଇଁ । ୨୦

ଆତିଜିକେଏ ନୀ କପାଟି ର ଇତି କାତା ମାନେ, ଜିଜେବଲ୍ ଦରୁଗାଟି ଆମିନି ଲୟା ଜାହାରାଇଁ ମାହାପୁରୁ ଅଣପୁତି ବକୁ ଷେକ୍‌ନାତେଏଁ ଇଞ୍ଜି ଷେସକତାନା, ନା ସେବା କିନାରାଇଁ ଦାରିକାମା ଅଡେ ଡେଶକା ବମାୟିକି ଡାକାମାନି ବସ୍ତୁ ତିଷ୍ଠାଲି ଜାପୁହାନା ଲାଗେଏ କିଞ୍ଜି କିହାମାନେ, ମୀରୁ ଏଦାଣି ଅର୍‌ହ ମାଞ୍ଜେରି । ୨୧ ନାନୁ ଏଦାନାକି ତାନି ପାପୁ କାମା ପିସାନା ମନ ଷେବ୍ଦହାଲି ହାତି ଜିକେଏ, ତାନି ଦାରିକାମା ପିସାଲି ମନ କିଆତେ । ୨୨ ଇଦାଆଁତାକି ନାନୁ ଏଦାନି ମୀରୁ ହୁଞ୍ଜିକିଇଁ, ଅଡେ ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଞ୍ଝାରି ତାମି ପାପୁ କାମାଟି ହିୟାଁ ଷେବ୍‌ଆତି ନାନୁ ଏଞ୍ଝାରାଇଁ ଆଜିହପେତି ସାସି ହାଇଁ । ୨୩ ଅଡେ ନାନୁ ତାନି ମୀର୍କା ମାସକାଇଁ ହାକି ତଲେ ନାସାକିଇଁ, ଏତେତିଏ ନାନୁ ବାରେ ଲକୁତି ହିୟାଁ ଅଡେ ମନତି ଅଣପୁତି ପୁନାତେଏଁ, ଅଡେ ବାରେଜାଶାକି ତାନି କାମାଟି ପାଦେୟି ହାନାତେଏଁ ଇଞ୍ଜି ବାରେ କୁଲମିକା ପୁଞ୍ଜାନ୍ତୁ । ୨୪ “ସାମା ମୀରୁ ତୁୟିତରାଟି ଏତରଜାଶା ମାନାତେରି ଏ ଲାଗେଏତି ଜାପୁନାଣି ଆସା ହିଲଅତେରି, ଇଞ୍ଜି ଏଡ଼କାତାରି ଏନାଆଁ ସୟତାନତି ଦୁଗାମାନି କାତା ଇଞ୍ଜି ଇନେରି, ଏଦାଆଁ ମୀରୁ ଜାପାହିଲଅତେରି, ନାନୁ ଏଞ୍ଝାରି ଲାକ ଏନି ପୁଞ୍ଜି ବକୁ ହାଆଁ । ୨୫ ଇତିହିଁ ମୀ ଡାଶା ଏନାୟି ମାନେ ଏଦାଆଁ ନା ଖାନି ଦିନା ପାତେକା ତାରିତଲେ ଆସାମାଞ୍ଜି । ୨୬ ଆମ୍ବାଆସି ଜାଶା ଆନେସି, ଅଡେ ଡାୟୁ ପାତେକା ନା କାମା କିନେସି, ନାନୁ ଏନିକିହିଁ ନା ଆବା ଡାଶାଟି ଅଦିକାରା ବେଟାଆହାମାଇଁ, ଏଲେକିହିଁଏ ଏଞ୍ଝାଶାକି ଏ ଦେସାତି ଅଦିକାରା ହାଇଁ । ୨୭ ଏଞ୍ଝାସି ବାରେ କୁଡ଼ାଟି ଲକୁଣି ଲୁହ ବାଡ଼ଗା ତଲେ ସାଲଞ୍ଜି କିନେସି ଅଡେ ଇରୁଆ ଡ଼କାୟି ଲେହେଁ କୁଡ଼ୁକୁଟା କିନେସି । ୨୮ ଅଡେ ନାନୁ ଏଞ୍ଝାରାକି ଷେୟାଜାରା ହୁକା ଜିକେଏ ହାଇଁ । ୨୯ “କୁଲମିକାଣି ସୁଦୁଜୀଞ୍ଜୁ ଏନାଆଁ ଷେସିମାନେ ଆମ୍ବାଆରାକି କାର୍କୀ ମାନୁ ଏଦାଆଁ ଷେଣ୍ଟାସି ।”

୩ “ସାଦି କୁଲମିତି ଦୂରୁ ଡାଶା ରାତାମ୍, ଆମ୍ବାଆସି ମାହାପୁରୁତି ସାତାଗଟା ଜୀଞ୍ଜୁୟାଁ ଅଡେ ସାତାଗଟା ହୁକାୟି ଆସାମାନେସି ଏଞ୍ଝାସି ଏଲେଇଞ୍ଜି ମାନେସି, ନାନୁ ମୀ କାମା ବାରେ ପୁଞ୍ଜାମାଇଁ ମୀରୁ ଦରୁ ଡାକି ଜୀଞ୍ଜୁ ଗାଟାତେରି, ସାମା ସାତା ତଲେ ହାତାତେରି । ୧ ଜାଗ୍ରାତା ଆନୁ ଅଡେ ମୀ ଡାଶା ଏନାୟି ମାନେ ଏ ବାରେ ତୁରିନି ନକେଏ ଏଞ୍ଝାଆଁ ବାଡ଼ୁୟୁ କିଡୁ, ଇତିହିଁ ନାନୁ ମୀ ବାରେ କାମା ନା ମାହାପୁରୁ ନକିତା ଦହ ହିଲାଆଗାଟାୟି ତଞ୍ଜା ଆହା ହିଲେଏ । ୨ ଏଦାଆଁତାକି ମୀରୁ ଏନିକି ଜାପାମାଞ୍ଜେରି ଅଡେ ଷେଞ୍ଜାମାଞ୍ଜି ଏଦାଣି ଅଣପାମା ମାନଞ୍ଜି ଆନୁ ଇଞ୍ଜି ପାପୁଟି ହିୟାଁ ଷେବ୍‌ଦୁ: ମୀରୁ ଜାଗ୍ରାତା ଆଆତିହିଁ ନାନୁ ସରୁଲେହେଁ ମୀ ଡାଶା ଖାଈ, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡଅତେରି । ୪ ସାମା ସାଦିତା ମୀ ବିତ୍ରା ଏତରଜାଶା ମାନେରି, ଏଞ୍ଝାରି ତାମି ହିମ୍ବିକା ମାହିଁ କିହାଁ ହିଲଅରି, ଏଞ୍ଝାରି ଅପିନି ହିମ୍ବିକା ହୁତାନା ନା ତଲେ ଡାକିନେରି, ଏନାଆଁତାକି ଇତିହିଁ ଏଞ୍ଝାରି ପାଡ଼ା ଆତାରି । ୫ ଆମ୍ବାଆସି ଜାଶା ଆନେସି ଏଞ୍ଝାରି ଏଲେତି ଅପିନି ହିମ୍ବିକା ହୁତିନେରି, ଅଡେ

ନାନୁ ଏଝାରି ଦରୁ ଜୀଝୁଗାଟି ପଡିଟି ଏଚେଲାଝା ମ୍ଲେକଅଁ, ଇଞ୍ଚିଁ ନାନୁ ନା ଆବା ଅଡେ ତାନି ଦୁରୁୟଁ ନକିତା ନା ତଲେତାରି ଇଞ୍ଚିଁ ଏଝାରି ଦରୁ ଝେକଇଁ ।” ୭ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଶମ୍ବାସି ।” ୭ “ପିଲାଦେଲପିୟା କୁଲମିତି ଦୁରୁ ତାଣା ରାତାମ୍ବା ଆମ୍ବାଆସି ସୁଦୁଗାଟାସି ଅଡେ ସାତାତାସି ଆମିନିଗାଟାଣି କେୟୁତା ଦାଝୁଦତି କୁତିକାଡି ମାନେ, ଏଝାସି ଦାରା ଦେତିସାରେ ଆମ୍ବାଆସି ସୁଶୁଲି ଆଡଅସି, ଅଡେ ଦାରା ସୁଶୁସାରେ ଆମ୍ବାଆସି ଦେଚାଲି ଆଡଅସି, ୮ ଏଝାସି ଏଲେଇଞ୍ଚିଁ ମାନେସି ନାନୁ ମୀ କାମା ପୁଞ୍ଜାମାଇଁ, ସିନକିଦୁ ନାନୁ ମୀ ନକିତା ର ଦାରା ଦେଚାମାଇଁ, ଏଦାଆଁ ଆମ୍ବାଆସି ସୁଶୁଲି ଆଡଅସି, ଇତିହିଁ ମୀ ବାଡୁୟୁ ଉଣା ମାଟି ଜିକେଏ ନା ଜୀଝୁମାଣି ମୀରୁ ମାନଝି ଆହାମାଞ୍ଜେରି, ଇଞ୍ଚିଁ ନା ଦରୁ ଏଚେଲା ପୁଞ୍ଜାହିଲଅମି ଇଞ୍ଚିଁ ଇଞ୍ଜାହିଲଅଚେରି । ୯ ମେହଦୁ ଆମ୍ବାଆରି ଜୀହୁଦି ଲକୁ ଆଏ, ସାମା ମିତି ତଲେ ଜୀହୁଦି ଲକୁତମି ଇଞ୍ଚିଁ ଇଞ୍ଜାମାନେରି ଇଲେତି ସୟତାନ ଗତିତି ଲକୁଣି ନାନୁ ମୀ କଡାଣା ଜହରା କିଝି କିୟାଇଁ, ଇଞ୍ଚିଁ ନାନୁ ମିଡ୍ରେ ଜୀଝୁନହିଁ ମାଞ୍ଜାଇଁ ଇଞ୍ଚିଁ ଏଝାରି ପୁଞ୍ଜାଲି ଆଡିନେରି । ୧୦ ନା ହୁକୁମି ଲେହେଁ ସାବା ଆସାନା ମାଞ୍ଜେରି, ଇଦାଆଁତାକି ଦାରୁଡିତି ଲକୁଣି ତାୟିପାରି କିହାଲି ବାରେ ଦାରୁଡିତା ଆମିନି ତାୟିପାରି କିନି ଦିନା ଝାନେ, ଏମ୍ବାଟି ନାନୁ ଜିକେଏ ମିଡ୍ରେ ଗେଲପାଇଁ । ୧୧ ନାନୁ ତବେ ଝାହିମାଇଁ ମୀ ଜୀଣାଆଡି ଚପେରି ଏନକିଁ ଆମ୍ବାଆସି ମାଞ୍ଜା ଅୟସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଂଟା ତଲେ ଆସାଁ ଡୟାଦୁ । ୧୨ ଆମ୍ବାଆସି ଜୀଣା ଆନେସି ନାନୁ ଏଝାଣାଇଁ ନା ମାହାପୁରୁ ଇଲୁଡି ମୁଣ୍ଡଲେହେଁ କିଇଁ, ଏଝାସି ଏମ୍ବାଟି ପାଢ୍ଫାତା ହାଲଅସି, ନାନୁ ନା ମାହାପୁରୁଡି ଦରୁ ଅଡେ ଲାକପୁରୁଡି ଝାହାମାନି ପୁଝନି ଜିରୁସାଲମ ମା ମାହାପୁରୁଡି ଗାଡାଟି ଦରୁ ଇଞ୍ଚିଁ ନା ପୁଝନି ଦରୁ ତାନି ଲାକ ରାତିଇଁ ।” ୧୩ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି, ଆମ୍ବାଆରି କୀର୍କା ମାନୁ ଏଦାଆଁ ଝେଶମ୍ବାସି ।” ୧୪ “ଲାଝୁଦିକିୟା କୁଲମିତି ଦୁରୁ ତାଣା ରାତାମ୍ବା ଆମ୍ବାଆସି ସାତା ଇଞ୍ଚିଁ ନାମ୍ବାଗାଟାସି ଅଡେ ସାତା ସାକି ହାନେସି, ଅଡେ ଆମ୍ବାଆସି ମାହାପୁରୁ ଗାଡିକିତାଣି ମୁଲୁଏ ଗାଡିକିତାସି ଏଝାସି ଏଲେଇଞ୍ଚିଁ ମାନେସି । ୧୫ ନାନୁ ମୀ କାମା ପୁଞ୍ଜାମାଇଁ, ମୀରୁ ହିଡଡି ଆଏ କି ଉସମି ଜିକେଏ ଆଏ, ମୀରୁ ହିଡଡି କି ଉସମି ଆହାମାଟି ନେହିଁ ଆଡେମା । ୧୬ ସାମା ମୀରୁ ହିଡଡି କି ଉସମି ଆଆନା କାଝନି ଆହାମାନାକି ନାନୁ ମିଡ୍ରେ ନା ଗୁଡିଟି ହୁପାଲି ହାଜିମାଇଁ । ୧୭ ନାନୁ ଏଲେ ଇଞ୍ଚିମାଞ୍ଜି, ‘ନାନୁ ବାଡୁକୁ ଗାଟାଚେଏଁ ନାଡ୍ରେ ହାରେକା ଦନ ମାନେ; ନାଡ୍ରେ ଏନାୟି ଲଡ଼ା ହିଲଏ ।’ ସାମା ନାନୁ କାର୍ମା କାକୁଲି ଗାଟାଟି ଅଡେ ସାୟେମି ହିଲାଆଗାଟାଟି, ହାକି ଗାଟାଟି, କାଣା ଅଡେ ନାଗଡ଼ା ଗାଟାଟି, ଇଦାଆଁ ପୁଞ୍ଜାହିଲଅତି; ୧୮ ଇଦାଆଁତାକି ନାନୁ ନିଡ୍ରେ ଇ କାତା ଝେସିମାଞ୍ଜାଇଁ ନାନୁ ବାଡୁକୁ ଗାଟାଟି ଆହାଲିତାକି ହିରୁତା ହୁଡିତି ବାଂଗାରା ଅଡେ ନୀ ନାଗଡ଼ାଟି ଲାଜା ଏନକିହିଁ ତଞ୍ଜା ଆଏ ଇଦାଆଁତାକି ହୁଚାଲି ଦବଲା ହିମ୍ବିରି ଇଞ୍ଚିଁ

କାଣକା ମେସାଲି ତାକି କାଣକାଣାଁ ରୁବାକଡିନାଣି ନା ତାଣାଟି କଡାମ୍ବା । ୧୯ ନାନୁ ଏଚେକା ଲକୁଣି ଜୀଝୁ ନଇଁ ଏଝାରାଇଁ ଦାକା ଅଡେ ତଣ୍ଡ ହାଇଁ ଏଦାଣିତାକି ରାହାଁ ଆହାଁ ମନ ଝେଚହା କଡାମ୍ବା । ୨୦ ମେହଦୁ ନାନୁ ଦୁଝେରି ତାକିତା ନିଚାନା ଦାରା ଝେତିମାଇଁ ଆମ୍ବାଆସି ନା ଗିୟଁ ଝେଞ୍ଜାମା ଦାରା ଦେନେସି ଆଡିଁ ନାନୁ ବିଡ଼ା ହତାନା ତାନି ତାଣା ହାଇଁ ଅଡେ ନାନୁ ଏଝାଣିତଲେ ରାମ୍ବା ତିଇଁ ଅଡେ ଏଝାସି ନା ତଲେ ରାମ୍ବା ତିନେସି । ୨୧ ନାନୁ ଏନକିହିଁ ଜୀଣାଆହାନା ନା ଆବା ତଲେ ସିଂଗାସାଣିତା କୁଗାମାଇଁ ଏଲେକିହିଁଏ ଆମ୍ବାଆସି ଜୀଣା ଆନେସି ନାନୁ ଏଝାଣାଇଁ ନା ତଲେ ନା ସିଂଗାସାଣିତା କୁଗାଲି ହାଇଁ ।” ୨୨ “ସୁଦୁଜୀଝୁ କୁଲମିକାଣି ଏନାଆଁ ଝେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଝେଶମ୍ବାସି ।”

୪ ଏଚେଟିଏ ନାନୁ ମେସୁଏଏଁ, ମେହଦୁ ଲାକପୁରୁଡି ର ଦାରା ଦେପିଆହାମାନେ; ଅଡେ ତୀତ୍ରି ମହୁରି ହାତାଲେହେଁ ନା ତଲେ ନକେଏ ଜଳିମାତାଣି ଝେଞ୍ଜା ମାଚେଏଁ, ଏଦି ଏଲେଇଞ୍ଚାଚେ “ଇମ୍ବାଆଁ ନିଆଁ ଝାମ୍ବା ଏନାୟି ଇଦାଆଁ ତାୟୁ ଗଟଝି ଆନେ ଏ ବାରେ ନିଡ୍ରେ ନାନୁ ତପ୍ପାଇଁ ।” ୨ ଏ ଦେବୁଣିଏ ସୁଦୁଜୀଝୁ ନାଡ୍ରେ ଲକହାଚେ, ମେହଦୁ ଲାକପୁରୁ ର ସିଂଗାସାଣି ମାଚେ, ଇଞ୍ଚିଁ ସିଂଗାସାଣି ଲାକ ରଅସି କୁଗାମାନେସି । ୩ କୁଗାମାନାଣି ଝାଣା ହାରା ଅଡେ ମାଣିକ୍ୟ ଜିନି ଦାରାଗାଟି ଝାଲି ଲେହେଁ, ଅଡେ ସିଂଗାସାଣିଟି ମରକଡ ଇନି ଦାରା ଗାଟି ଝାଲକା ଲେହେଁ ସାରିସୁଡୁ ର ଦାରୁଣକି ଗୁରୁତାମାଚେ । ୪ ଅଡେ ସିଂଗାସାଣି ସାରିସୁଡୁ କଡେ ସାରିଗଟା ସିଂଗାସାଣି ମାନୁ, ଅଡେ ସିଂଗାସାଣିୟଁ ଲାକ କଡେ ସାରି ଜୀଣା ପ୍ରାତିନାଡ୍ଫା କୁଗାମାନେରି, ଏଝାରି ଦବଲା ହିମ୍ବିରିକା ହୁତାମାନେରି ଇଞ୍ଚିଁ ଏଝାରି ତାୟିତା ବାଂଗାରା ଚପେରି । ୫ ସିଂଗାସାଣିଟି ବିଲିବାଲା ମୁହନାୟି ଅଡେ ହାଗୁ ଗୁଣିନି ହାତା ହଚେ, ଅଡେ ସିଂଗାସାଣି ନକିତା ହିରୁଗାଟି ସାତାଗଟା ଦୀଝିୟଁ ତାଞ୍ଜିମାଡୁ, ଇ ସାତାଗଟା ହିରୁ ବନ୍ୟାୟି ମାହାପୁରୁଡି ସୁଦୁଜୀଝୁୟି ୬ ସିଂଗାସାଣି ନକିତା ଦାପେଣିଲେହେଁ ର ନେହିଁ ସାମ୍ବୁଡି ତଞ୍ଜାଆହିମାଚେ, ସିଂଗାସାଣି ସାରିସୁଡୁଟି ମାଦିଏ ସାରିଗଟା ଜନ୍ତୁ ଜିଝେଡିକା, ଏଝାସିକା ନକିତା ଅଡେ ତାୟିତା କାଣକା ମାଡୁ । ୭ ନକିତି ଜନ୍ତୁ ସିହିଁ କାଝଆନି ଲେହେଁ, ଅଡେ ରୀ ଲମ୍ବର ଜନ୍ତୁ ବାଟା କଡି ଲେହେଁ, ତାନି ଲମ୍ବର ଜନ୍ତୁଟି ମୁମ୍ବା ମାଣସିତି ମୁମ୍ବା ଲେହେଁ, ଅଡେ ସାରି ଲମ୍ବର ଜନ୍ତୁ ଲାକ ଉମ୍ବିମାନି ଲେଡୁ ଲେହେଁ ତଞ୍ଜାଆହିମାଚେ । ୮ ବାରେ ଜନ୍ତୁୟିକି ସ ଗଟା ମାରାୟି ଏ ମାରାୟି ବିଡ଼ା ଅଡେ ପାଢ୍ଫାତା କାଣକା ମାନୁ ଏଝି ଲାଆଁ ମାଦେନା ଜମାଆନା ଏଲେଇଞ୍ଚିଁ ମାନୁ । “ସୁଦୁ, ସୁଦୁ, ସୁଦୁ, ବାରେ ବାଡୁୟୁଗାଟି ମାହାପୁରୁ, ଆମ୍ବାଆସି ତଲିଏ ମାଚେସି ନୀଏଁ ମାନେସି ଅଡେ କାଲେଏ ମାନେସି, ଏ ପ୍ରୁ ।” ୯ ଜନ୍ତୁୟି ଏଡିବେଲା ଏ ସିଂଗାସାଣିତା କୁଗାମାନି କାଲାକାଲାଟି ଜୀଝୁଗାଟି ମାଣସିଇଁ ଗାଝୁରମି ସାମ୍ବୁମି ଅଡେ ଜହରା କିନେରି । (aiōn g165) ୧୦ ଏଡିବେଲା କଡେ ସାରି ଜୀଣା ପ୍ରାତିନାଡ୍ଫା ସିଂଗାସାଣିତା କୁଗାମାନି ମାଣସିଇଁ ମେଣ୍ଡାକୁତାନା କାଲେଏ ନୀତାମାନି ମାଣସିଇଁ ଜହରା କିଚେରି, ଇଞ୍ଚିଁ ସିଂଗାସାଣି ନକିତା

ତାମି ଟ୍ରେପେରିକା ଇଟାନା ଏଲେଇଡେରି । (aiōn g165) **ee** ମା ପ୍ରଭୁ ଅଡ଼େ ମାହାପୁରୁ । ନୀନୁ ଗାଞ୍ଜୁରମି ସାମ୍ବୁନି ଅଡ଼େ ବାଡ଼୍‌ୟୁ ବେଟାଆହାଲି ଜଗେ ଗାଚାତି । ଏନାଆଁତାକି ଇତିହିଁ ନୀନୁ ବାରେ ଗାଡ଼ିକିହା ମାଞ୍ଜି । ଅଡ଼େ ନୀ ଅଣପୁ ତଲେ ବାରେ ଗାଡ଼ି ଆହାମାନୁ, ଅଡ଼େ ଜାଞ୍ଜୁତଲେ ନୀତାମାନୁ ।

୫ ନୀନୁ ସିଂଗାସାଣିତା କୁଗାମାନାଣି ଟିଃନି କେୟୁତା ର ପ୍ଲାଃଇ ପତି ମେସ୍ତେସ୍, ଏଦି ରିକଖାକି ରାସ୍‌କି ଆହାମାଚେ ଇଞ୍ଜି ସାତାଗଟା ସାଲି ଝେପି ଆହାମାଚେ । **୬** ଅଡ଼େ ନୀନୁ ବାଡ଼୍‌ୟୁ ଗାଟି ର ଲାକପୁରୁତି ଦୁରୁଇଁ ମେସ୍ତେସ୍, ଏଞ୍ଜାସି କାଜା ଗିୟିତଲେ ଏଲେଇଡେସି, ଆମ୍ବାଆସି ଇ ସାଲି ହୁକହାନା ପତିତି ଦେଚାଲି ପାଡ଼ାଆନେସି । **୭** ସାମା ପତିତି ଦେଚାଲି, ଏମ୍ବାଆଁ ଏନାୟି ରାସ୍‌କି ଆହାମାନେ, ସିନିକିହାଲି ଲାକପୁରୁ, ଦାର୍‌ଡିତା ଅଡ଼େ ଚାଡ଼େପୁରୁତା ଆମ୍ବାଆସି ସାସା କିଆଚେସି । **୪** ଏ ପତିତି ଦେଚାଲି କି ଏଦାଆଁ ସିନିକିହାଲି ଆମ୍ବାଆସି ସାସା କିଆଲିଏ ନୀନୁ ହାରେକା ଡ଼ାଚେସ୍ । **୫** ଏମ୍ବାଟିଏ ପ୍ରାଚିନାଟ୍ଟା ବିତ୍ରାଟି ରଅସି ନାଢ୍ଢେ ସାସା ହାହାନା ଏଲେଇଞ୍ଜୁଚେସି, “ଡ଼ାଆନି, ସିନିକିମ୍ବୁ ଜାହୁଦା ଗତିତି ବାଞ୍ଜୁଦ କୁଡ଼ାତି ସିହିଁ ଜାଣା ଆହାମାନେସି; ଏଞ୍ଜାସି ଇ ପତିତି ସାତାଗଟା ସାଲି ଦେଚାଲି ଅଡ଼େ ଏ ରୁପିତି ପତି ଏକହାଲି ପାଡ଼ା ଆହାମାନେସି ।” **୬** ଏଚେଟିଏ ନୀନୁ ସିନିକିଚେସ୍ ସିଂଗାସାଣି, ଅଡ଼େ ପ୍ରାଚିନାଟ୍ଟା ମାଦିଏ ସାରିଗଟା ଜନ୍ତୁ ତଲେ ର ଫେଣ୍ଡା ଡ଼ାଲୁ ନିଚାମାନାଣି ମେସ୍ତେସ୍, ଏ ଫେଣ୍ଡା ଡ଼ାଲୁ ପାୟ୍‌ଞ୍ଜି ଆତି ଲେହେଁ ଡ଼ଞ୍ଜୁଆହିମାଚେ, ଏଦାନାକି ସାତାଗଟା କମକା ଅଡ଼େ ସାତାଗଟା କାଣକା ମାରୁ, ଏ କାଣକା ଦାର୍‌ଡିତି ବାରେଖାକି ପାଣ୍ଡୁଞ୍ଜି ଆହାମାତି ମାହାପୁରୁତି ସାତାଗଟା ସୁଦୁଜାଞ୍ଜୁୟି । **୭** ଫେଣ୍ଡା ଡ଼ାଲୁ ସିଂଗାସାଣିତା କୁଗାମାନାଣି ତାଗେ ହାଜାନା ଏଞ୍ଜାଣି ଟିଃନି କେୟୁତି ଏ ରୁପିତି ପତି ଅଚେସି । **୮** ଏ ପତି ଅହାଲିଏ ସାରିଗଟା ଜନ୍ତୁ ଅଡ଼େ କଡ଼େ ସାରି ଜାଣା ପ୍ରାଚିନାଟ୍ଟା ଏ ଫେଣ୍ଡା ଡ଼ାଲୁ ନକିତା ମୁନୁ କୁଚାହିଁ ଜହରା କିଚେରି, ଏ ବାରେଜାଣା ତାକି ର ର ସେରୁଡ଼ି ଅଡ଼େ ମାହାପୁରୁ ଲକୁ ପ୍ରାଚାନାତି ଦୁପା ଦୁପା ନେଞ୍ଜୁମାନି ର ବାଂଗାରା ଗିନା ମାଚେ । **୯** ଏଞ୍ଜାରି ର ପୁଃନି ପାରୁ ପାତିମାଚେରି; “ନୀନୁ ଏ ରୁପିତି ପତି ଅହାଲି ଅଡ଼େ ଏମ୍ବାତି ସାଲି ଦେଚାଲି ପାଡ଼ା ଆନାତି, ନୀନୁ ପାୟ୍‌ଞ୍ଜିଆହାମାତି, ନୀ ନେଚେରିଟି ବାରେ ଗଟି, ବାରେ ହାଡା, ଦେସା, ଅଡ଼େ ବାରେ କୁଡ଼ାତି ଲକୁଇଁ ମାହାପୁରୁ ତାକି କଡାମାଞ୍ଜି, **୧୦** ନୀନୁ ଏଞ୍ଜାରାଇଁ ରାଜାୟି କୁଡ଼ା ଅଡ଼େ ମାହାପୁରୁ ସେବା କିୟାଲି ପୁଜେରାଟ୍ଟା କିହାମାଞ୍ଜି । ଏଞ୍ଜାରି ଦାର୍‌ଡିତି ସାଲିକି କିନେରି ।” **ee** ଏମ୍ବାଟିଏ ନୀନୁ ସିନିକିଚେସ୍, ସିଂଗାସାଣି, ଜନ୍ତୁୟି ଅଡ଼େ ପ୍ରାଚିନାଟ୍ଟା ସାରିସୁରୁ ହାରେକା ଦୁଡୁୟିତି ହାଡା ଝେଚେସ୍, ଏଞ୍ଜି ମାଣା ମାଣା ଅଡ଼େ ଲାକେ ଲାକେ ଜାଣା ନିଚାମାନୁ । **୧୧** ଏଞ୍ଜି କାଜା ଗିୟିତଲେ ପାତିମାଡୁ; “ପାୟ୍‌ଞ୍ଜି ଆହାମାନି ଫେଣ୍ଡା ଡ଼ାଲୁଦେଁ, କାଜାପାଣା, ଦନ, ବୁଦି, ବପୁ, ସାମ୍ବୁନି, ଗାଞ୍ଜୁରମି, ଜହରା ବେଟାଆହାଲି ପାଡ଼ାଆନେସି ।” **୧୩** ଅଡ଼େ ନୀନୁ ଲାକପୁରୁ, ଦାର୍‌ଡି, ଚାଡ଼େପୁରୁ ଅଡ଼େ ସାମ୍ବୁରୁଚିତା ମାନି ବାରେ ଜାଞ୍ଜୁ ଗାଚାଲି ଇଞ୍ଜି ଦାର୍‌ଡିତା ମାନି ବାରେ ଜାଞ୍ଜୁ ଗାଚାଲି ପାରୁ ପାତିମାନାଣି

ଝେଚେସ୍ । ଏଞ୍ଜି ପାତିମାଡୁ: “ସିଂଗାସାଣିତା କୁଗାମାନି ମାଣ୍‌ସିଲି ଇଞ୍ଜି ତାନି ଫେଣ୍ଡା ଡ଼ାଲୁଇଁ ଜହରା କିଦୁ: ତାନି ସାମ୍ବୁନି, ଗାଞ୍ଜୁରମି ଅଡ଼େ ବାଡ଼୍‌ୟୁ କାଲାକାଲାତାୟି ।” (aiōn g165) **ex** ଏଚେଟିଏ ସାରିଗଟା ଜନ୍ତୁ ପାଲି ଆସାନା ଏଲେଇଡୁ, “ଆମେନ୍” ଅଡ଼େ ପ୍ରାଚିନାଟ୍ଟା ମୁନୁ କୁଚାହିଁ ଜହରା କିଚେରି ।

୬ ଅଡ଼େ ନୀନୁ ଫେଣ୍ଡା ଡ଼ାଲୁଇଁ ସାତାଗଟା ସାଲିୟି ବିତ୍ରାଟି ର ଲମ୍ବର ସାଲି ଦେଚାଣି ମେସ୍ତେସ୍, ଅଡ଼େ ସାରିଗଟା ଜନ୍ତୁ ବିତ୍ରାଟି ର ଜନ୍ତୁ ହାଗୁ ଗୁଣି ହାତାତଲେ ହାଟିମାଚାଣି ଝେଚେସ୍ “ଞ୍ଜାମ୍ବୁ” **୭** ଏମ୍ବାଟିଏ ନୀନୁ ସିନିକିଚେସ୍ ଅଡ଼େ ର ଦବଲା ଗଡ଼ା ଇଞ୍ଜି ତାନି ଲାକ ହଚାମାଚାଣି କେୟୁତା ର ଆମ୍ବୁ ଆସାମାଚେସି, ଅଡ଼େ ଏଞ୍ଜାଣାକି ର ଟ୍ରେପେରି ହାପକିଆଚେ, ଅଡ଼େ ଏଞ୍ଜାସି ଜାଣା ଆହାଁ ଜାଣା ଆୟାଲି ହଚାହାଚେସି । **୩** ଫେଣ୍ଡା ଡ଼ାଲୁ ଏତିବେଲା ରୀ ଲମ୍ବର ସାଲି ଦେଚେସି, ଏତିବେଲା ଅଡ଼େ ରୀ ଲମ୍ବର ଜନ୍ତୁ ଏଲେଇଡାଣି ଝେଚେସ୍ “ଞ୍ଜାମ୍ବୁ” **୪** ଏମ୍ବାଟିଏ ଅଡ଼େ ର ଗଡ଼ା ହଚା ଝାଚେ, ଏଦି ନେଚେରି ଝାଣାଗାଟାୟି, ଲକୁ ଏନିକି ତାମ୍ବୁ ତାମ୍ବୁ ପାୟ୍‌ଞ୍ଜି ଆନେରି, ଏଦାଆଁତାକି ଦାର୍‌ଡିତି ହିଡ଼ି ହେକ କିହାଲି ତାନି ଲାକ ହଚାମାନାଣାକି ବାଡ଼୍‌ୟୁ ହାପକିଆଚେ ଅଡ଼େ ଏଞ୍ଜାଣାକି କାଜା କାଣ୍ଡା ହାପକିଆଚେ । **୫** ଫେଣ୍ଡା ଡ଼ାଲୁ ଏତିବେଲା ତାନି ଲମ୍ବର ସାଲି ଦେଚେସି, ଏତିବେଲା ତାନି ଲମ୍ବର ଜନ୍ତୁ ଏଲେଇଞ୍ଜିମାନାଣି ଝେଚେସ୍, “ଞ୍ଜାହିଁ ସିନିକିମ୍ବୁ” ଏମ୍ବାଟିଏ ନୀନୁ ସିନିକିଚେସ୍, ମେହୁଦୁ ର କାଡ଼ିନି ଗଡ଼ା; ଅଡ଼େ ଏମ୍ବାଆଁ ହଚାମାନାଣି କେୟୁତା ର କେଜି ଡୁକନାୟି ମାଚେ । **୬** ଅଡ଼େ ନୀନୁ, ସାରିଗଟା ଜନ୍ତୁତି ଗୁଡ଼ି ହିଡ଼ି ଲେହେଁତି ର ହାଡା ଝେଚେସ୍; “ର ଟାକା ତାକି ର କେଜି ଗହିଁ ଅଡ଼େ ତାନି କେଜି କାଞ୍ଜୁଆ ଜନାୟି ମେଡ଼ା ଆନୁ ସାମା ମାରୁ ଜୀତ ମାରୁଡ଼ି ନିୟୁଁ ଅଡ଼େ ଅଢ୍ଢେରି ରାସା ନସୁ କିଆଡୁ ।” **୭** ଫେଣ୍ଡା ଡ଼ାଲୁ ଏତିବେଲା ସାରି ଲମ୍ବର ସାଲି ଦେଚେସି, ଇଞ୍ଜି ନୀନୁ ସାରି ଲମ୍ବର ଜନ୍ତୁ ଏଲେ ଇଞ୍ଜିମାଚାଣି ଝେଚେସ୍, “ଞ୍ଜାମ୍ବୁ” **୮** ଏମ୍ବାଟିଏ ନୀନୁ ସିନିକିଚେସ୍ ଦାର୍‌ମ୍ବୁ ଝାଣାଗାଟି ଗଡ଼ା, ତାନି ଲାକ ହଚାମାଚାଣି ଦରୁ ହାକି, ଏଞ୍ଜାଣି ଜେଚ ଜେଚ ଦାର୍‌ଡି ହାଜିମାଚେ, ଏଞ୍ଜାରାକି ଦାର୍‌ଡିତି ସାରି ବାଗା ବିଡ଼ା ର ବାଗା ମୁହେଁ କାଣ୍ଡା, ହାକି, ରଗ ଅଡ଼େ ଜାଡ଼ାତି ଜନ୍ତୁ ଜିଝେଡ଼ିକା ତଲେ ପାୟାଲି ବାଡ଼୍‌ୟୁ ହାପକିଆଚେ । (Hades g86) **୯** ଫେଣ୍ଡା ଡ଼ାଲୁ ଏତିବେଲା ପାସା ଲମ୍ବର ସାଲି ଦେଚେସି, ଏତିବେଲା ଆମିନି ଲକୁ ମାହାପୁରୁତି ବଲୁ ତାକି ଅଡ଼େ ଏଞ୍ଜାରାକି ହାପକି ଆହାମାନି ସାକି ତାକି ହାହାମାଚେରି, ଏଞ୍ଜାରି ଜାଞ୍ଜୁୟି ନୀନୁ ପୁଜାପିଣ୍ଡା ଡ଼ଇ ମେସ୍ତେସ୍ । **୧୦** ଏଞ୍ଜାରି କାଜା ଗିୟିତଲେ ହାଟିହିଁ ଏଲେ ଇଞ୍ଜିମାଚେରି, “ସୁଦୁ ଅଡ଼େ ସାତା ପ୍ରଭୁ, ନୀନୁ ଏଚରଦିନା ପାଚେକା ଦାର୍‌ଡିତି ଲକୁଇଁ ନୀହାୟି କିଆନା ମାଢ୍ଢେ ପାୟାଲି ତାକି ଏଞ୍ଜାରାକି ଡ଼ଣ୍ଡୁ ହାଆନା ପିହୁଦି?” **ee** ଏଚେଟିଏ ଏ ବାରେଜାଣା ତାକି ଦବଲା ହିମ୍ବୁରିକା ହାପକିଆଚେ, ଇଞ୍ଜି ଏଞ୍ଜାରି ତଲେତି ତାୟିୟି ସେବା କିନାରି

ଏଚରକାଣା ପାୟୁଡ଼ି ଆନି କାତା ପାୟୁଡ଼ି ଆଆପାଚେକା ଏଞ୍ଜାରକି ଅଡ଼େ ଏଚରଦିନା କମାଲି ଖେସପିଆଡ଼େ । ୧୨ ମେଣ୍ଡା ଡାଲୁ ଯ ଲମ୍ବର ସାଲି ଦେଡିମାଚାଟି ନାନୁ ମେସ୍ତେସ୍; ଦେବୁଣିଏ ଆଜିହପେଟି ବୃମି ଖୀଡ଼ିତେ । ଷେଡ଼ା କାଡ଼ିନି ଖାଣା ହିମ୍ବର ଲେହେଁ ଆଡେ, ଅଡ଼େ ଲେଖୁ ନେତେରି ଖାଣା ଆଡେ । ୧୩ କାଜା ଗାଲି ଏନିକି ମାର୍ବୁଲୁଁ ଖୀର୍‌ହସାରେ ହିଲଲି ଡ଼ୟା ପାଡ଼େୟିକା ତରଗିନି ଲେହେଁ ହାଗୁଲାଇତି ହୁକାୟିଁ ଦାର୍‌ଡିତା ତରଗା ହାରୁ । ୧୪ ହାଗୁପାକା ଡ଼ଲୁ ପତି ରୁ଼଼ି ଆତି ଲେହେଁ ରୁ଼଼ିଆହିଁ ମେଣ୍ଡାହାଚେ । ଅଡ଼େ ହରକା ଇଞ୍ଜିଁ ସାମ୍ବୁରୁ ବିତ୍ରାମାନି ଇତି ଇତି ଦେସାୟିଁ ତାମି ଟାୟୁଟି ଗୁଡା ଆହାହାରୁ । ୧୫ ଅଡ଼େ ଦାର୍‌ଡିତି ରାଜାୟିଁ, ସାଲଖି କିନାରି, ଜୁଜୁକିନି କାଜାରି, ଦନ ଗାଟାରି, ବାଡ଼ୟୁ ଗାଟାରି, ହଲିୟାୟୁ ଅଡ଼େ ହଲିୟାୟୁ ଆଆତାରି ଏଞ୍ଜାରି ବାରେକାଣା ପାଞ୍ଜୁତା ଇଞ୍ଜିଁ ହରକାତି କାଜା ଖାଲକା ପାର୍‌ଡ଼ା ଡ଼ଲ ହାଜାନା ତୁରିତେରି । ୧୬ ଅଡ଼େ ଏଞ୍ଜାରି ହରକା ଇଞ୍ଜିଁ ଖାଲକାଣି ହାଟିହିଁ ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା କୁଗାମାନାଣି ଡାଣାଟି ଅଡ଼େ ମେଣ୍ଡା ଡାଲୁ କପାଟି! ମାଡ଼େ ତୁକହାମୁ । ୧୭ ଇତିହିଁ ଏଞ୍ଜାରକି ଆଜିହପେଟି କପାଟି ଦିନା ଏବାଚେୟିଏ, ଇଞ୍ଜିଁ ଏମାଆଁ ଆମ୍ବାଆସି ନିଚାଲି ଆତିନେସି?”

ଏଚେଟିଏ ନାନୁ ଦାର୍‌ଡିତି ସାରି କନତା ସାରିଗଟା ଦୁଡୁୟିଲ୍ ନିଚାମାନାଣି ମେସ୍ତେସ୍, ଅଡ଼େ ଦାର୍‌ଡିତି ସାରିଖାକିଟି ଗାଲି ଆଠ୍ଟାମାନେରି, ଏଚେଟିଏ ଦାର୍‌ଡି ସାମ୍ବୁରୁ ଅଡ଼େ ଆମିନି ମାର୍ବୁ ମୁହେଁ ଗାଲି ଖାଆପେଖା ଇଞ୍ଜିଁ ଗାଲିତି ଆଠ୍ଟାମାନେରି । ୨ ଅଡ଼େ ନାନୁ ର ଦୁଡୁଲ୍ ଷେଡ଼ା ହପୁଖାକିଟି ହତାଖାତାଣି ମେସ୍ତେସ୍, ଏଦାନି କେୟୁତା ଜାଞ୍ଜିତି ମାହାପୁରୁତି ବୁଡୁ ମୁଦ୍ରା ମାଚେ, ଏ ଦୁଡୁ ଦାର୍‌ଡି ଅଡ଼େ ସାମ୍ବୁରୁ ନସ୍ତୁ କିହାଲିତାକି ସାରିଗଟା ଦୁଡୁକି ଅଦିକାରା ହାହାମାଚେ, ଏଦି କାଜା ଗିୟିତଲେ ହାଟାନା ଏଲେଇଚେ, ୩ “ମାମୁ ମାହାପୁରୁତି ସେବା କିନାରି ମୁଞ୍ଜୁତା ବୁଡୁ ମୁଦ୍ରା ନାବଗାଆ ପାଚେକା ମାରୁ ଦାର୍‌ଡି, ସାମ୍ବୁରୁ, କି ମାର୍‌କାଣି ନସ୍ତୁ କିଆଦୁ ।” ୪ ଏଚେଟିଏ ମୁଞ୍ଜୁତା ବୁଡୁ ମୁଦ୍ରା ନାବଗାନା କଡିତାରି ୧୪୪,୦୦୦ ଲକ୍ଷ ମାଚେରି ଇଞ୍ଜିଁ ନାନୁ ଷେଚେସ୍ ଏଞ୍ଜାରି ଇସାୟେଲିତି ବାର କୁଡ଼ାଟି ଲକ୍ଷ ମାଚେରି । ୫ ଜାହୁଦା କୁଡ଼ାଟି ବାର ମାଣା ଲକ୍ଷ ଲକ୍ଷ ବୁଡୁ ମୁଦ୍ରା କିହାମାନେସି, ରୁବେନ୍ କୁଡ଼ାଟି ବାର ମାଣା, ଗାଦ୍ କୁଡ଼ାଟି ବାର ମାଣା, ୬ ଆସେର୍ କୁଡ଼ାଟି ବାର ମାଣା, ନପୁଲି କୁଡ଼ାଟି ବାର ମାଣା, ମନସି କୁଡ଼ାଟି ବାର ମାଣା, ୭ ସିମିୟନ କୁଡ଼ାଟି ବାର ମାଣା, ଲେବି କୁଡ଼ାଟି ବାର ମାଣା, ଇସାକାର କୁଡ଼ାଟି ବାର ମାଣା, ୮ ସୁବୁଲୁନ୍ କୁଡ଼ାଟି ବାର ମାଣା, ଜସେପ କୁଡ଼ାଟି ବାର ମାଣା, ବିନ୍ୟାମିନ୍ କୁଡ଼ାଟି ବାର ମାଣା ଲକ୍ଷ ଲକ୍ଷ ବୁଡୁ ମୁଦ୍ରା କିହାମାନେସି । ୯ ଏଚେଟିଏ ନାନୁ ସିନିକିଚେସ୍ ମେହଦୁ ବାରେ ଜାତି, ବାରେ କୁଡ଼ା, ବାରେ ଦେସା, ବାରେ ହାଡା, ଏଜିକିହାଲି ଆଡାଆଗାଟି ର ମାନୁ ଲକ୍ଷ ଅଜିତି ଦବଲା ହିମ୍ବୁରିକା ହୁଚାନା କାକୁରି ମାଟାୟିଁ କେୟୁତା ଆସାନା ସିଂଗାସାଣି ଅଡ଼େ ମେଣ୍ଡା ଡାଲୁ ନକିତା ନିଚାମାନେରି । ୧୦ ଏଞ୍ଜାରି କାଜା ଗିୟିତଲେ

ଏଲେଇଚେରି, “ଖାର୍‌ଲ ସିଂଗାସାଣିତା କୁଗାମାନି ମାହାପୁରୁ ଅଡ଼େ ମେଣ୍ଡା ଡାଲୁ ମାଡ଼େ ଗେଲ୍‌ପାଦାସି ।” ୧୧ ସିଂଗାସାଣି, ପ୍ରାଚିନାୟୁ ଅଡ଼େ ବାରେ ସାରିଗଟା ଜନ୍ତୁ ସାରିସୁଡୁ ଲାକପୁରୁତି ଦୁଡୁୟିଁ ନିଚାମାନେରି, ଅଡ଼େ ସିଂଗାସାଣି ନକିତା ମୁନ୍ତୁ କୁଚାନା ମାହାପୁରୁଲ୍ ଜହରା କିହାନା, ୧୨ ଏଲେଇଚେରି, “ଆମେନ୍ ନେହାୟି, ଗାଞ୍ଜୁରମି, ବୁଡି, ଜହରା, ସାମ୍ବୁମି, ଅଦିକାରା ଅଡ଼େ ବାଡ଼ୟୁ, କାଲକାଲା ତାକି ମା ମାହାପୁରୁଖାୟି ଆମେନ୍ ।” (aiōn g165) ୧୩ ଅଡ଼େ ପ୍ରାଚିନାୟୁ ବିତ୍ରାଟି ରଅସି ନାଡ଼େ ଷେଞ୍ଜାଚେସି, “ଦବଲା ହିମ୍ବୁରିକା ହୁଚାମାନି ଲକ୍ଷକୁ ଆମ୍ବାଆସି? ଅଡ଼େ ଏଞ୍ଜାରି ଏମ୍ବିଟି ଖାହାମାନେରି?” ୧୪ ନାନୁ ଏଞ୍ଜାଣାଇଁ ଏଲେଇଚେସ୍, “ଏ ନା ପ୍ରବୁ ନାନୁଏ ଏଦାଆଁ ପୁଞ୍ଜାମାଞ୍ଜି” ଏମ୍ବାଟିଏ ଏଞ୍ଜାସି ଏଲେଇଞ୍ଜାଚେସି, “ଇଞ୍ଜାରି ଆଜିହପେଟି ସାସି ଅରୁହାନା ହତା ଖାହାମାନେରି, ଇଞ୍ଜିଁ ମେଣ୍ଡା ଡାଲୁତି ନେତେରି ତଲେ ଏଞ୍ଜାରି ତାମି ହିମ୍ବୁରିକା ରାଟାନା ଦବଲା କିହାମାନେରି । ୧୫ ଏଦାଆଁତାକି ଏଞ୍ଜାରି ମାହାପୁରୁ ଇଲୁଡି ସିଂଗାସାଣି ନକିତା ନିଚାମାନା ଲାଆଁ ମାଦେନା ଏଞ୍ଜାଣି ଜହରା କିନେରି, ଇଞ୍ଜିଁ ସିଂଗାସାଣିତା କୁଗାମାନାସି ଏଞ୍ଜାରକି ବାସାମ୍ବୁ ହାନେସି । ୧୬ ଏଞ୍ଜାରକି ଏଚେଲାଖା ହାକି କି ଏସ୍‌କି ଆଏ; ଇଞ୍ଜିଁ କାରା କି ଏନି ଷେହନାୟି ତାଗାଲି ଆଡେଏ । ୧୭ ଇତିହିଁ ସିଂଗାସାଣି ମାଦିତି ମେଣ୍ଡା ଡାଲୁ ଏଞ୍ଜାରି ମେଣ୍ଡା ଗଡୁ ଆନେସି । ଅଡ଼େ ଜାଞ୍ଜୁହାନି ଏୟୁ ହତିମାନି ତାଣା ଏଞ୍ଜାଣାଇଁ ଡାକିକିହା ଅନେସି, ଅଡ଼େ ମାହାପୁରୁ ଏଞ୍ଜାରି କାନୁଡି ବାରେ କାଣୁ ଜେଜାତୁହନେସି ।”

ମେଣ୍ଡା ଡାଲୁ ଏଚିବେଲା ସାତା ଲମ୍ବର ସାଲି ଦେଡି ଦେବୁଣିଏ ଲାକପୁରୁ ଆଦା ଗଂଗା ପାଚେକା ସାପିଆଡେ । ୨ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାତା ଜାଣା ଦୁଡୁୟିଲ୍ ମେସ୍ତେସ୍, ଏଞ୍ଜାରକି ସାତାଗଟା ତାଡି ମହରି ହାପକି ଆଡୁ । ୩ ଏମ୍ବାଟିଏ ଅଡ଼େ ର ଦୁଡୁ ଖାହିଁ ପିଣ୍ଡା ନକିତା ନିଚେ, ଏଦାନି କେୟୁତା ବାଂଗାରା ଦୁପ୍ପାଣି ସାଡ଼଼ା ମାଚେ, ଅଡ଼େ ସିଂଗାସାଣି ନକିତି ବାଂଗାରା ପୁଜାପିଣ୍ଡା ଲାକ ବାରେ ମାହାପୁରୁ ଲକ୍ଷୁଟି ପ୍ରାଚାନା ତଲେ ହେର୍‌ପାଲି ତାକି ହାରେକା ଦୁପ୍ପାଣି ହାପକିଆଡେ । ୪ ଏମ୍ବାଟିଏ ଲାକପୁରୁ ଦୁଡୁ କେୟୁଟି ଦୁପ୍ପାଣି ବୟିଁ ମାହାପୁରୁ ଲକ୍ଷୁଟି ପ୍ରାଚାନା ତଲେ ଆଣ୍ଡାନା ମାହାପୁରୁ ନକିତା ଏଗାଡେ । ୫ ଡାୟୁ ଏ ଦୁଡୁ ଦୁପ୍ପାଣି ସାଡ଼଼ାତା ପୁଜା ପିଣ୍ଡାଟି ହିଚୁତଲେ ନେଞ୍ଜିକିହାନା ଦାର୍‌ଡି ଲାକ ଡାଞ୍ଜିଡେ, ଏମ୍ବାଟି ହାଗୁ ଗୁଣ୍ଡେ ବିଜା ରିନି ହାଡା ଷେଞ୍ଜିଡେ ଇଞ୍ଜିଁ ବୃମି ଖୀଡ଼ିତେ । ୬ ଏଚିବେଲା ସାତା ଜାଣା ତାଡି ଆସାମାନି ଦୁଡୁୟିଁ ସାତା ଜାଣା ତାଡି ଉକାଲି ତିୟାରା ଆଡେରି । ୭ ର ଲମ୍ବର ଦୁଡୁ ତାନି ତାଡି ଉକିଚେ ଏଚେଟିଏ ନେତେରି ତଲେ ଆଜିୟିଁ ଅଡ଼େ ହିଚୁ ଆଣ୍ଡୁଡ଼ି ଆହାଁ ଦାର୍‌ଡି ଲାକ ରିଚୁ, ଇଞ୍ଜିଁ ବାରେ ମାର୍‌ବୁ ମାଡ଼ା, ହିଲଲି ଜାଡ଼ା ତଲେ ଦାର୍‌ଡିତି ତାନି ବାଗାଟି ର ବାଗା ବାରେ ଷେହା ହାଚେ । ୮ ଏଚେଟିଏ ଚା ଲମ୍ବର ଦୁଡୁ ତାନି ତାଡି ଉକିନି ଦେବୁଣିଏ ଡ଼ାଞ୍ଜିମାନି ର କାଜା ହରୁ ଲେହେଁତାୟି ସାମ୍ବୁରୁ ଲାକ ରାଚେ ଇଞ୍ଜିଁ ସାମ୍ବୁରୁଟି ଏୟୁ ତାନି ବାଗାଟି ର ବାଗା ନେତେରି ଆହାହାରୁ । ୯ ସାମ୍ବୁରୁଟି ମାନି ତାନି ବାଗାଟି ର

ବାଗା ଜାଣୁ ଗାଟାଇ ହାହାହାତୁ, ଅଡ଼େ ସାମ୍ବୁରାତା ମାନି ଜାଜାୟଁ ତାନି ବାଗାଟି ର ବାଗା ଜାଜାୟଁ ବିଡ଼ହାହାତୁ । ୧୦ ତାନି ଲମ୍ବର ଦୁରୁ ତାଡ଼ି ଉକିଡେସି, ଇଚ୍ଛା ଦେରୁଣିଏ ହିରୁ ବନ୍ଧୁଲେହେଁ ଡାଞ୍ଜିମାନି ର କାଜା ହୁକା ହାଗୁଟି ତାନି ବାଗା କାତା ଅଡ଼େ ଉସାଣୀ ରାତେ । ୧୧ ଏ ହୁକାଟି ଦରୁ “କାମ୍ବେଲି” ଏଚେଟିଏ ତାନି ବାଗାଟିଏ ର ବାଗା ଏୟୁ କାମ୍ବେଲି ଆଡୁ, ଇଚ୍ଛା ହାରେକା ଲକ୍ଷୁ ଏୟୁ ଗସାନା ହାତେରି, ଇତିହିଁ ଏଞ୍ଜି କାମ୍ବେଲି କିଞ୍ଜି ଆହାମାତୁ । ୧୨ ସାରି ଲମ୍ବର ଦୁରୁ ତାଡ଼ି ଉକିଡେସି ଇଚ୍ଛା ଖେଡ଼ା, ଲେଞ୍ଜୁ ହୁକାୟଁତି ବାରେ ତାନି ବାଗାଟି ର ବାଗା ନସ୍ତୁ ଆଡୁ, ଇଚ୍ଛା ତାନି ବାଗାଟି ର ବାଗା ଉଜେଡ଼ି ଉଣା ଆଡେ, ଇଚ୍ଛା ଲାଆଁୟଁ ମାଦେନା ତାନି ବାଗାଟି ର ବାଗା ଉଜେଡ଼ି ଉଣା ଆଡେ । ୧୩ ଡାୟୁ ନାନୁ ମେସ୍ତେସ୍, ହାଗୁଟି ମାଦି ଉମ୍ବିମାନି ର ଲେଡୁ କାଜା ହାତାତଲେ ଏଲେଇଚ୍ଛାମାଟାଣି ଖେଚେସ୍, ଆହା! ଦାର୍ତତା ବାସା ଆହାମାନି ଲକ୍ଷୁ ଆଜିହପେଟି ତଣ୍ଡୁ ବେଟାଆନାରି, ଇତିହିଁ ଅଡ଼େ ତାନି ଜାଣା ଦୁରୁୟଁ ତାଡ଼ି ଉକାଲି ହାଜିମାନେରି ।

C ଏଚେଟିଏ ପାସା ଲମ୍ବର ଦୁରୁ ତାଡ଼ି ଉକିଡେସି ନାନୁ ର ହୁକା ହାଗୁଟି ଦାର୍ତତା ରିତାଣି ମେସ୍ତେସ୍, ଏଞ୍ଜାଣାକି ତାଡ଼େପୁରୁ କୁଟିକାଡ଼ି ହାପକି ଆହାମାତେ । (Abyssos g12) ୨ ଏଞ୍ଜାସି ଏ ତାଡ଼େପୁରୁ ଗାଡ଼ୁୟୁ ଦେତାଲିଏ ଏମ୍ବାଟି କାଜା ହଲୁତା ହନିଲେହେଁ ବୟଁ ହତାଞ୍ଜାତେ, ଇଚ୍ଛା ଏ ହିରୁ ଗାଡ଼ୁୟୁଟି ବୟଁ ତାକି ଖେଡ଼ା ଇଚ୍ଛା ହାଗୁ ଆନେରି ଆଡେ ।

(Abyssos g12) ୩ ଏ ବୟଁଟି ଗପ୍‌ବରିକା ହତାନା ଦାର୍ତତା ଞ୍ଜାତୁ, ଏଞ୍ଜାସିକାକି ଦାର୍ତତି କାଚାକୁପିତା ମାନି ବାସାଟି ବାଡ଼ୁୟୁ ହାପକିଆଡେ । ୪ ଏଞ୍ଜି ଦାର୍ତତି ମାର୍‌କା ଗଟା ଜାଡ଼ାତି ନସ୍ତୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁଟି ବୁଡୁ ମୁଡ଼ା ହିଲାଆଡେ ଏଞ୍ଜାରାଇଁ କସ୍ତୁ ହାହାଲି ଏଲେଇଶ୍‌ମି ଆଡେ । ୫ ଏଞ୍ଜାରାଇଁ ପାୟାଆନା ପାସା ଲେଞ୍ଜୁ ତାକି କସ୍ତୁ ହାହାଲି ଗପ୍‌ବରିକାକି ଅଦିକାରା ହାପକିଆଡେ, କାଚାକୁପି କାଚିତେ ଇତିସାରେ ଏନିକି ବାସା ଆନେ ଏ କସ୍ତୁ ଏଲେତାୟି । ୬ ଏଚିବେଲା ଲକ୍ଷୁ ହାହାଲି ଅଶ୍‌ପିନେରି ସାମା ହାଅରି, ଏଞ୍ଜାରି ହାହାଲି ଅଶ୍‌ପିନେରି, ସାମା ହାକି ଏଞ୍ଜାରି ତାଣାଟି ହତାତୁହନେ । ୭ ଏ ଗପ୍‌ବରିକା ଜୁଜୁତା ହାଜାଲି ତିୟାରା ଆହାମାନି ଗଡ଼ାୟଁ ଲେହେଁ ତଣ୍ଡୁଆହିମାତୁ, ଏଞ୍ଜାସିକା ତାର୍କାଣା ବାଂଗାରା ବ୍‌ପେରି ଲେହେଁ ପିଡ଼ୁରି ଆହାମାତେ, ଏଞ୍ଜାସିକା ମୁମୁ ମାଣ୍‌ସି ମୁମୁ ଲେହେଁ ମାତେ । ୮ ଇୟାସିକା ତାୟଁ ବାଣାୟଁ ଲେହେଁ ଏଞ୍ଜାସିକା ବାଣାୟଁ, ସିହିଁ କ୍ଷୁଣନିତି ପାଲ୍‌କା ଲେହେଁଟି ତାନି ପାଲ୍‌କା ମାତୁ । ୯ ତାନି ବକତା ଲହ ପାଟା ଲେହେଁଟି ପାଟା, ତାନି ମାରାୟଁ ଞ୍ଜାତିମାନି ହାଡ଼ା ଜୁଜୁ ତାକି ଗଡ଼ାୟଁ ରାତାୟଁଣି ରେଜା ଅହିମାନି ଲେହେଁଟି ହାଡ଼ା । ୧୦ କାଚାକୁପିଟି ଲେଂଗୁଣି ଇଚ୍ଛା ବାସା ସୂଜା ଲେହେଁ ଏଞ୍ଜାସିକାକି ଲେଂଗୁଣି ଅଡ଼େ ବାସା ସୂଜା ମାତେ, ପାସା ଲେଞ୍ଜୁ ତାକି ମାଣ୍‌ସିୟାୟଁ ସାସି ହିୟାଲି ଏଞ୍ଜାସିକା ଲେଂଗୁଣିକାଣା ବାଡ଼ୁୟୁ ବେଟାଆହାମାତୁ । ୧୧ ଏଞ୍ଜାସିକା ମୁହେଁ ର ରାଜା ସାଲଞ୍ଜି କିହିମାନେସି, ଏଞ୍ଜାସି ତାଡ଼େପୁରୁ ଗାଡ଼ୁୟୁଟି ଦୁରୁ, ଏଦାନି ଦରୁ ଏବି ହାଡ଼ାତଲେ ଆବାଦନ୍ ଅଡ଼େ ଗ୍ରିକ ହାଡ଼ାତଲେ ଅପ୍‌ଲିୟନ୍

ଇତିସାରେ “ନାସା କିନାଇ ।” (Abyssos g12) ୧୨ ତଲିଟି ଆଜିହପେଟି ତଣ୍ଡୁ ଉଣା ଆଡେ ଅଡ଼େ ଜଡ଼େକା ଆଜିହପେଟି ତଣ୍ଡୁୟଁ ଞ୍ଜାହିମାତୁ । ୧୩ ସ ଲମ୍ବର ଦୁରୁ ତାଡ଼ି ଉକିଡେସି, ଇଚ୍ଛା ନାନୁ ମାହାପୁରୁ ନକିଟି ବାଂଗାରା ପୂଜା ପିଶ୍ଚାଟି ସାରିଗଟା କମ୍‌କା ବିଡ଼ାଟି ର ହାଡ଼ା ଖେଚେସ୍ । ୧୪ ଏଦି ତାଡ଼ି ଆସାମାନି ସ ଲମ୍ବର ଦୁରୁଇଁ ଏଲେଇଡେ, “ପରାଟ୍ କାଜା କାତାତା ଦସ୍‌ପି ଆହାମାନି ସାରି ଜାଣା ଦୁରୁୟଁଇଁ ପିସ୍‌ପି କିମୁ ।” ୧୫ ଏମ୍ବାଟିଏ ମାଣ୍‌ସିୟାୟଁ ତାନି ବାଗାଟି ର ବାଗା ଲକ୍ଷୁଇଁ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୁରୁୟଁଇଁ ଏ ଦିନା, ଲେଞ୍ଜୁ ଅଡ଼େ ବାସା କିଞ୍ଜି ଆହାମାତେ ଏଞ୍ଜାରାଇଁ ପିସ୍‌ପି କିଞ୍ଜିଆଡେ । ୧୬ ଗଡ଼ାୟଁ ଲାକ କୁଗାନା ଜୁଜୁ କିନାରି ରୀ କଟି ମାଚେରି ନାନୁ ଖେଚେସ୍ । ୧୭ ଅଡ଼େ ନାନୁ ଗଡ଼ା ଇଚ୍ଛା ଏମ୍ବାଆଁ ହତାମାନାରାଇଁ ମେସ୍ତେସ୍, ଏଞ୍ଜାରି ବକ ପାଟା ହିରୁ ଅଡ଼େ ନାଲି, ହାଡ଼େରି ଞ୍ଜାଣା; ଗଡ଼ାୟଁଟି ତାର୍କା ସିହିଁକ୍ଷୁଣନି ତାର୍କା ଲେହେଁ, ଇଚ୍ଛା ଏଞ୍ଜାସିକା ଗୁଟିଟି ହିରୁ, ବୟଁ, ଅଡ଼େ ଗାନ୍ଧୁଗୁଣ୍ଡା ହତିମାତେ । ୧୮ ଏଞ୍ଜାସିକା ଗୁଟିଟି ହିରୁ, ବୟଁ, ଅଡ଼େ ଗାନ୍ଧୁଗୁଣ୍ଡା ଲେହେଁ ଇ ତାନିଗଟା ତଣ୍ଡୁୟଁ ହତୁ, ଇ ତଣ୍ଡୁୟଁଟି ମାଣ୍‌ସିୟାୟଁ ତାନି ବାଗାଟି ର ବାଗା ପାୟ୍‌ଞ୍ଜି ଆଡେରି । ୧୯ ଏନଆଁତାକି ଇତିହିଁ ଗଡ଼ାୟଁଟି ବାଡ଼ୁୟୁ ତାନି ଗୁଟି ଅଡ଼େ ଲେଂଗୁଣିତା ମାତେ, ଇତିହିଁ ଏଞ୍ଜାସିକା ଲେଂଗୁଣିକା ତାୟଁ ଗାଟି ରାତୁ ଲେହେଁ ମାତାକି ତାନି ଲେଂଗୁଣିକା ତଲେ ଲକ୍ଷୁଣି ନସ୍ତୁ କିହିମାତୁ । ୨୦ ଆମିନି ଲକ୍ଷୁ ଇ କସ୍ତୁତଲେ ପାୟ୍‌ଞ୍ଜି ଆହା ହିଲାଆଡେରି, ଏଞ୍ଜାରି ତାନି କେୟୁତଲେ କିଟି କାମାତାକି ମନ ଖେଡ଼ି କିଆଡେରି, ଇତିହିଁ ଦୁରୁୟଁଣି ପୂଜା, ଅଡ଼େ ମେସାଲି, ଖେଞ୍ଜୁଲି, ତାକାଲି ଆତାଆଗାଟି ବାଂଗାରା, ଖେଣ୍ଡି, ପିତାଡ଼ା, ଞ୍ଜାଲ୍‌କା ଅଡ଼େ ମାର୍‌କା ତଲେ କେପିଟି ପେଣ୍‌କା ବମାୟଁଣି ପୂଜା କିହିଲି ପିହିଆଡେରି । ୨୧ ଅଡ଼େ ଏଞ୍ଜାରି ଲକ୍ଷୁଣି ପାୟାନ୍‌ୟି, ଗୁଣି ଗାର୍‌ଡ଼ି, ଦାରିକାମା, ଅଡ଼େ ସରୁ କାମା କିନିତାଣାଟି ମନ ଖେଡ଼ିଆଡେରି ।

୧୦ ଏଚେଟିଏ ନାନୁ ର ବାଡ଼ୁୟୁଗାଟି ଦୁରୁଇଁ ଲାକପୁରୁଟି ରେତା ଞ୍ଜାହିମାଟାଣି ମେସ୍ତେସ୍, ଏଦାନି ସାରିସୁରୁ ଦୁନ୍ଧା ଇଚ୍ଛା ତାନି ତାୟଁ ଲାକ ଦାର୍‌ଶକି ଅଡ଼େ ତାନି ମୁମୁ ଖେଡ଼ା ଲେହେଁ ଅଡ଼େ ତାନି କତାୟଁ ହିରୁ ମୁଣ୍ଡାଲେହେଁ ତଣ୍ଡୁଆହିମାତୁ; ୨ ତାନି କେୟୁତା ଦେପି ଆହାମାନି ର ଉଣା ତଲୁ ପଟି, ଏଦି ତାନି ଚିଃନି କତା ସାମ୍‌ବୁରାତା ଅଡ଼େ ଚେବି କତା ଦାର୍ତତି ଇଟାମାତେ; ୩ ସିହିଁକ୍ଷୁଣନି ଗାଜିନିଲେହେଁ କାଜା ହାଡ଼ାତଲେ ହାଟିତେ, ଏଦି ହାଡ଼ାଲିଏ ଏଲେକିହିଁଏ ସାତାଗଟା ହାଗୁ ଗୁଣ୍‌ନାଇ ତାନି ହାଡ଼ା ଖେଡ଼ୁ କିତୁ । ୪ ଏ ସାତାଗଟା ହାଗୁ ଗୁଣ୍‌ନାଇ ଖେସାଲିଏ ନାନୁ ରାଟିଇଁ ଇଚ୍ଛା ତିୟାରା ଆଡେସ୍, ଏଚେଟିଏ ନା ତାକି ହାଗୁଟି ଇ ହାଡ଼ା ଖେଚେସ୍, “ଏ ସାତାଗଟା ହାଗୁ ଗୁଣ୍‌ନିତାଣାଟି ଏନଆଁ ଖେଞ୍ଜୁମାଞ୍ଜି ଏଦଆଁ ରାତାଆନା ତୁକ୍‌ହା ଇଟାମୁ ।” ୫ ଏଚେଟିଏ ଆମିନି ଦୁରୁଇଁ ସାମ୍‌ବୁରି ଅଡ଼େ ଦାର୍‌ଡି ଲାକ ନିତାମାଟାଣି ନାନୁ ମେସାମାତେସ୍, ଏଞ୍ଜାସି ତାନି ଚିଃନି କେୟୁ ଲାକପୁରୁ ଞ୍ଜାକି ଦାସାନା ୬ ଆମ୍ବାଆସି ଲାକପୁରୁ, ଦାର୍‌ଡି, ସାମ୍‌ବୁରି, ଅଡ଼େ ଏମ୍ବାଆଁ ମାନାଣି ବାରେ ଗାଡ଼ି କିହିମାନେସି, ଏ

କାଲେଏ ତାକି ନୀତାମାନାଣି ଦୃରୁଚି ପାର୍ବମାଣା କିହାନା ଏଲେଇଚେସି, “ଅଡେ ଝେଡ଼ା ଆଏଦେ” (aiōn g165) ୭ ଏଚିବେଲୀତା ସାତା ଲମ୍ବର ଦୂତୁ ତୀତି ଉକିନେ, ମାହାପୁରୁ ଅଣ୍ଟପୁତି ବଲୁ ଝେକ୍‌ନାରି ଅଡେ ତାନି ସେବା କିନାରାଇଁ ନେହିଁ କାରୁ ଝେସାମାଚେସି, ଏଚିବେଲୀ ମାହାପୁରୁ ତାନି ତୁଗାମାନି ଅଣ୍ଟପୁ ପୁରା କିନେସି । ୮ ଇଞ୍ଜିଁ ନାନୁ ଲାକପୁରୁଚି ଆମିନି ହାତା ଝେଞ୍ଜା ମାଚେସି, ଅଡେ ଝେଣ୍ଡେ ନା ତାକି ଏଲେଇଞ୍ଜି ଝେଢ଼ିତେ, “ହାଲମ୍ବୁ ସାମ୍ବୁରି ଅଡେ ଦାର୍ତ୍ତି ଲାକ ନିତାମାନି ଦୂତୁ କେୟୁତା ଆମିନି ତଲୁ ପତି ଦେପିଆହାମାନେ ଏଦାଆଁ ଅମ୍ବୁ ।” ୯ ଏଚେଟିଏ ନାନୁ ଏ ଦୂରୁ ତାଗେ ହାଜାହାଁ ଏ ଉଣା ତଲୁ ପତିଚି ରୀସ୍ତେସି, ଏଝାସି ନାଢ୍ଢେ ଏଲେଇଞ୍ଜିଚେସି, “ଇଦାଆଁ ଅହାଁ ତିନାମ୍ବୁ: ଇଦି ନୀ ବାଣ୍ଡିତି କାମ୍ବେଲି କିୟାନେ ସାମା ନୀ ଗୁଚି ତାକି କିରୁୟାଁ ଲେହେଁ ଆନେ ।” ୧୦ ଏଚେଟିଏ ନାନୁ ଦୂରୁ କେୟୁଚି ଏ ଉଣା ତଲୁ ପତି ଅହାଁ ତିଚେସି, ଏଦି ନା ଗୁଚି ତାକି କିରୁୟାଁ ଲେହେଁ ଆଚେ, ସାମା ଏଦାଆଁ ତିଚି ତାୟୁ ନା ବାଣ୍ଡି କାମ୍ବେଲି ଆହାହାଚେ । ୧୧ ଏଚେଟିଏ ନାଢ୍ଢେ ଏଲେଇଞ୍ଜି ଝେସ୍ତାଚେସି ହାରେକା ଗଚି, କୁଡ଼ା, ହାତା ଗାଟାରି ଅଡେ ରାଜାୟାଁ କପାଚି ତାୟୁ ଏନାୟାଁ ଗଚଝି ଆନେ ଏଦାଆଁ ନାନୁ ଅଡେ ଝେଣ୍ଡେ ଝେହ୍‌ନାୟାଁ ମାନେ ।

୧୧ ଏଚେଟିଏ ନାଢ୍ଢେ ଲାଚିନି ଲେହେଁଚି ର ବାଡ଼ଗା ହାପ୍‌କିଆଚେ, ରଅସି ନାଢ୍ଢେ ଏଲେଇଞ୍ଜିଚେସି, “ହାଲମ୍ବୁ ମାହାପୁରୁ ଦେଖୁଡ଼ି, ପୂଜାପିଣ୍ଡା ଲାତାମ୍ବୁ ଅଡେ ଆମ୍ବୁଆରି ଏମ୍ବୁଆଁ ପ୍ରାତାନା କିନେରି ଏଝାରାଇଁ ଏଜିକିମ୍ବୁ । ୧ ସାମା ଦେଖୁଡ଼ି ପାଞ୍ଜୁତି ଆଂଗେଣିଚି ପିହ୍‌ମ୍ବୁ ଏଦାଆଁ ଲାତାଆନି, ଇଚିହିଁ ଏଦି ଜୀହୁଦିଆତାରାକି ହାପ୍‌କି ଆହାମାନେ, ଏଝାରି ରୀ କଡ଼ି ରୀ ଲେଞ୍ଜୁ ପାଚେକା ମାହାପୁରୁ ସୁବୁ ଗାଡ଼ାଚି କତାତଲେ ଝିସାନା ଦୂଡ଼ି କିନେରି । ୩ ଅଡେ ନାନୁ ନା ରୀ ସାକିୟାଁଇଁ ପାଣ୍ଡିଇଁ ଏଝାରି ବାସ୍ତାୟାଁ ପରହାନା ୧,୨୭୦ ଦିନା ପାଚେକା ମାହାପୁରୁ ଅଣ୍ଟପୁତି ବଲୁ ଝେକ୍‌ନେରି ।” ୪ ଏଝାରି ଦାର୍ତ୍ତିଚି ପ୍ରବୁଚି ନକିତା ନିତାମାନି ରୀ ଜୀତ ମାର୍‌କା ଅଡେ ରୀ ଦାଝି ସଡ଼ାୟାଁ ଲେହେଁଚାରି । ୫ ଆମ୍ବୁଆସି ଏଝାରାଇଁ ନସୁ କିହାଲି ଅଣ୍ଟପିନେସି, ଆଚିହିଁ ଏଝାରି ଗୁଚିଚି ହିରୁ ହଚାହାଁ ଏଝାରି ସାତୁୟାଁଇଁ ନାସାକିନେ, ଆମ୍ବୁଆସି ଏଝାରାଇଁ ନସୁ କିହାଲି ଅଣ୍ଟପିଚିହିଁ, ଏଝାସି ନାସା ଆନେସି । ୬ ଏଝାରି ମାହାପୁରୁ ବଲୁ ଝେକ୍‌ନାଚି ଏନିକିଁ ପିୟୁ ଆଏ ଏଦାଆଁତାକି ହାଗୁଚି ସୁଣ୍ଡାଲି ଅଦିକାରା ହାପ୍‌କି ଆହାମାନେ, ଏଚର ଦେବା ଏଝାରି ମାନ ଆନେ ଏଚର ଦେବା ଏଝାରି ଏୟୁଣି ନେଚେରି ମିସୁହାଲି ଅଡେ ଦାର୍ତ୍ତିଚି ଏନି ଇଚି ଏଲେଚି ମରଡ଼ି ତଲେ ତଣ୍ଡୁ ହାହାଲି ଏଝାରାକି ଅଦିକାରା ମାନେ । ୭ ଏଝାରି ସାକି ହାହାଲି ରାଚି ତାୟୁ ଚାଡ଼େପୁରୁ ଗାଡ଼ୁଚି ର କିନୁ ହଚାଝାହାନା, ଏଝାରିତଲେ ଲୁକୁ କିନେ ।

(Abyssos g12) ୮ ଏମ୍ବୁଚି ଏମିନି କାଜା ଗାଡ଼ା ସୁଦୁଜାଞ୍ଜୁ ତଲେ ସଦମ ଅଡେ ମିସର ଇଞ୍ଜିଁ ଇନେରି, ଏମିନିତାଣା ତାନି ପ୍ରବୁ ଜିକେଏ ପାସିତା ହାହାମାଚେସି, ଏ କାଜା ଗାଡ଼ାଚି ଆଂଗେଣିତା ଏଝାରି ମାଡ଼ହାୟାଁ ତୟିନୁ । ୯ ଅଡେ ବାରେ ଦେସା ଗଚି, ହାତା, ଇଞ୍ଜିଁ କୁଲୁଚି ଲୁକୁ ତାନିଦିନା

ଆଦା ପାଚେକା ଏଝାରି ମାଡ଼ହାୟାଁଇଁ ମେହ୍‌ନେରି ଅଡେ ଏ ମାଡ଼ହାୟାଁଇଁ ମୁସାଲି ହେଲ ହାଅରି । ୧୦ ଏଚେଟିଏ ଦାର୍ତ୍ତିତା ବାସା ଆହାମାନାରି ଏଝାରି ହାଚି କାରୁ ଝେଞ୍ଜାନା ଚିଞ୍ଜି ଉଣ୍ଡିହିଁ ରାହାଁ କିନେରି, ଅଡେ ରଅସି ରଅଣାକି ରାହାଁତଲେ ବେଟୁ ହାପ୍‌କି ଆନେରି, ଇଚିହିଁ ଇ ରୀ ମାହାପୁରୁ ଅଣ୍ଟପୁତି ବଲୁ ଝେହ୍‌ନାରି ଦାର୍ତ୍ତିଚି ଲୁକୁଣି କସୁ ହାହିମାଚେରି । ୧୧ ତାନିଦିନା ଆଦା ତାୟୁ ମାହାପୁରୁ ତାଣାଚି ଜୀଞ୍ଜୁଚି ଗାଲି ଝାହାଁ ଏଝାରି ଆଞ୍ଜୁତା ହଚେ, ଏଚେଟିଏ ଏଝାରି କଡ଼ାଣି ବାଡ଼ୟୁ କିହାନା ନିଚେରି, ଅଡେ ଆମ୍ବୁଆସି ଇ କାମାଚି ମେସ୍ତେରି ଏଝାରି ଆଜାହାଚେରି । ୧୨ ଏଚେଟିଏ ଏଝାରି ଲାକପୁରୁଚି ର କାଜା ହାତାତଲେ ଏ ରିଆରାକି ଏଲେ ଇଞ୍ଜିମାଚାଣି ଝେଚେରି, “ଇମ୍ବୁଆଁ ଝାଦୁ” ଏଚେଟିଏ ଏଝାରି ତାନି ସାତୁୟାଁ ଏଝାରାଇଁ ମେସ୍‌ପିନିଏ ଦୁଲୁ ତଲେ ଲାକପୁରୁ ହାଚେରି । ୧୩ ଏ ଦେବୁଣିଏ ବୁମି ହାରେକା ଝାଚିତେ ଅଡେ ଗାଡ଼ାଚି ଦସ ବାଗାଚି ର ବାଗା ନାସା ଆଚେ, ଅଡେ ୭,୦୦୦ ଲୁକୁ ହାଚେରି, ଇଞ୍ଜିଁ ଏଚେକା ଲୁକୁ ନୀତାମାଚେରି ଆଜିତାକି ଲାକପୁରୁଚି ମାହାପୁରୁଇଁ ଗାଞ୍ଜୁରିମି କିଚେରି । ୧୪ ରୀ ଲମ୍ବର ଆଜିହ୍‌ପେଚି ତଣ୍ଡୁ ରାଚେ, ସାମା ତାନି ଲମ୍ବର ଆଜିହ୍‌ପେଚି ତଣ୍ଡୁ ଚବେ ଝାହିମାନେ । ୧୫ ତାୟୁ ସାତା ଲମ୍ବର ଦୂରୁ ତୀତି ଉକିଚେସି ଇଞ୍ଜିଁ ଲାକପୁରୁ କାଜା ହାତାତଲେ ଇ ହାତା ଝେଢ଼ିତେ, “ମା ପ୍ରବୁ ଅଡେ ଏଝାଣି ମସିହା ଦାର୍ତ୍ତିଚି ସାଲଝି କିନି ଅଦିକାରା ନୀଏଁ ତାନି କେୟୁତା ଅହାମାନେସି, ଏଝାସି କାଲେଏ ତାକି ରାଜି କିନେସି ।” (aiōn g165) ୧୬ ଏଚେଟିଏ ମାହାପୁରୁ ନକିତା ଜାହା ଜାହାରା ସିଂଗାସାଣିତା କୁଗାମାନି କଡ଼େ ସାରି ଜାଣା ପ୍ରାଚିନାଞ୍ଜୁ ମୁନୁ କୁତାହାଁ ମାହାପୁରୁଇଁ ଜହରା କିହାଁ, ୧୭ ଏଲେଇଚେରି, “ପ୍ରବୁ, ବାରେକିହାଁ ବାଡ଼ୟୁଗାଚି ମାହାପୁରୁ, ନାନୁ ନୀଏଁ ଅଡେ ତଲିତାଚି, ମାମୁ ନିଢ୍ଢେ ଜହରା କିହିମାଞ୍ଜୁନି; ଏନାଆଁତାକି ଇଚିହିଁ ନାନୁ ନୀ କାଜା ବାଡ଼ୟୁ ତଲେ ସାଲଝି କିୟାଲି ଅଦିକାରା ନୀଞ୍ଜୁଚିଏ ଅହାମାଞ୍ଜୁ । ୧୮ ଜୀହୁଦିଆଆଚାରି କାର୍‌କି ଆହାମାଚେରି, ସାମା ନୀଏଁ ନୀ କପା ଆନି ଦିନା ଝାଚେ, ଇଞ୍ଜିଁ ହାତାରି ନୀଏଁ ନାହାଁୟାଁ କିଝିଆନେରି, ଇଞ୍ଜିଁ ନୀ ହଲିୟାଞ୍ଜୁ ମାହାପୁରୁ ଅଣ୍ଟପୁତି ବଲୁ ଝେହ୍‌ନାରି, ମାହାପୁରୁ ଲୁକୁ ଅଡେ ନୀ ଦରୁଚି ଆଜିନି କାଜାରି ଇଚାରି ବାରେ ଲୁକୁ ଦାନା ବେଟାଆନେରି, ଅଡେ ଆମ୍ବୁଆସି ଦାର୍ତ୍ତିଚି ନାସା କିନେରି ଏଝାରି ଜିକେଏ ନାସା ଆନେରି ।” ୧୯ ଏଚେଟିଏ ଲାକପୁରୁ ମାନି ମାହାପୁରୁଚି ଇଲୁଚି ଦାରା ଦେପିଆଚେ, ଅଡେ ତାନି ଇଲୁଚା ମାନି ରାଜିମାନାଚି ଡେଡ଼ା ଚଞ୍ଜୁଆଚେ, ଅଡେ ବିଲିବାଲା ମିହ୍‌ନାୟାଁ, ହାରେକା ଗିୟାଁ, ହାଗୁ ଗୁଣିନି ହାତା, ଇଞ୍ଜିଁ ବୁମି ଝାଚିତେ ଅଡେ ହାରେକା ଆଜିୟାଁ ରିତୁ ।

୧୨ ତାୟୁ କାବାଆନି ଲେହେଁଚି ସିନା ହାଗୁଚା ଚଞ୍ଜୁଆଚେ, ର ଆୟାଚି ଲେଞ୍ଜୁ ଲାକ ନିତାମାଚେ ଅଡେ ଝେଡ଼ାଚି ଉକେଡ଼ି ପରହାମାଚେ । ଏଦାଣି ତାୟୁତା ବାରଗଟା ହୁକାୟାଁଗାଚି ଟପେରି ମାଚେ । ୨ ଏଦି ପୁରା ମାସା ଆହାନା ଜାନିକିନି ବେଲୀତା ଲୁଞ୍ଜିନି ବାସା ତାକି କସୁ ବେଟାଆହିମାଚେ । ୩ ଏଚିବେଲୀ ହାଗୁ ଲାକ କାବାଆନି ର ସିନା

ଡଞ୍ଜାଆତେ, ଏମୁଆଁ ପାଠୁ ଖାଣାଗାଟି କାଜା ରାଠୁ ଏ ରାଠୁକି ସାତାଗଟା ଚାର୍କା, ଇଞ୍ଜି ଦସଗଟା କମ୍‌କା, ଅଡ଼େ ଚାର୍କା ଲାକ ସାତାଗଟା ଟପେରିକା ମାଠୁ । ୪ ତାନି ଲେଂଗୁଣି ତଲେ ହାଗୁତି ତାନି ବାଟା ହୁକାୟ୍‌ଣି ଦାଠୁତି ଲାକ ମେଡ଼ହେ, ଇଞ୍ଜି ଏ ରାଠୁ, ଜାନିକିନି ଦେବୁଣିଏ ଇୟାନି ଡାଲୁତି ଗୁୟାଲି ଏଦାନି ନକିତା ନିତେ । ୫ ଆମ୍ବାଆସି ବାରେ କୁଡ଼ାତି ଲକ୍ଷୁଣି ଲହ ବାଡ଼ାତା ତଲେ ସାଲଖି କିନେସି ଇଲେତି ର କକାଣି ଡାଲୁଇଁ ଏ ଇୟା ଜାନିକିତେ, ଅଡ଼େ କକାଣି ଡାଲୁଇଁ ମାହାପୁରୁ ଇଞ୍ଜି ତାନି ସିଂଗାସାଣି ନକିତା ପେରୁହା ଅଞ୍ଜିଆତେ । ୬ ଅଡ଼େ ଏ ଇୟା ଲକ୍ଷୁ ହିଲାଆ ବାଟାତା ହଟେ, ଏମୁଆଁ ୧,୨୭୦ ଦିନା ପାତେକା ପୁହିକିଞ୍ଜି ଆୟାଲି ମାହାପୁରୁ ଡାଣାଟି ଏମୁଆଁ ଏଦାନାକି ର ଚାୟୁ କେପି ଆହାମାତେ । ୭ ଏମୁାଟିଏ ଲାକପୁରୁ ଡୁଡୁ ଆତେ, ମିକାୟେଲ ଅଡ଼େ ତାନି ଦୁରୁୟ୍‌ଏ ଏ ରାଠୁ ତଲେ ଡୁଡୁ କିତୁ, ଏତେଟିଏ ଏ ରାଠୁ ଅଡ଼େ ତାନି ଦୁରୁୟ୍‌ଏ ଜିକେଏ ଡୁଡୁ କିତୁ । ୮ ସାମା ରାଠୁ ଇଞ୍ଜି ତାନି ଦୁରୁୟ୍‌ଏ ଜାଣା ଆହାଲି ଆଡାଆଡୁ, ଇଞ୍ଜି ଲାକପୁରୁ ଏଞ୍ଜି ଚାୟୁ ବେଟାଆଆଡୁ । ୯ ଏଟିବେଲା ଦାଠୁତିତି ନାଡ଼ିକିନି ପଲୁଆ ପେନୁ ଇଞ୍ଜି ସୟତାନ ଦରୁଟି ହେଞ୍ଜିତି କାଜା ରାଠୁ ଏ ପୁଞ୍ଜଲ ନାଗା, ଏଦି ତାନି ଦୁରୁୟ୍‌ଏ ତଲେ ଦାଠୁତିତା ମେଡ଼ପି ଆତେ । ୧୦ ଏତେଟିଏ ଲାକପୁରୁଟି ଏଲେଇଞ୍ଜି ର କାଜା ହାଡା ହେଟେଏଁ, ନୀଏଁ ମାହାପୁରୁ ଡାଣାଟି ଗେଲପିନାୟି ଏଗାଞ୍ଜାତେ, ତାନି ରାଜି ଅଡ଼େ ବାଡ଼ୟୁ ଇଞ୍ଜି କ୍ରୀସୁତି ଅଦିକାରା ଖାହାମାନେ, ଇତିହିଁ ଆନିନି ସାତୁ ମା ଡାୟି ଡାଞ୍ଜିମ୍ବା କପାଟି ନିଞ୍ଜାନା ଲାଆଁ ମାଦେନା ମାହାପୁରୁ ନକିତା ଦାଞ୍ଜା କିହିମାତେ, ଏଦି ଲାକପୁରୁଟି ଦାଠୁତିତା ମେଡ଼ପି ଆହାମାନେ । ୧୧ ଏଞ୍ଜାରି ମେଣ୍ଡା ଡାଲୁତି ନେତେରି ତଲେ ଅଡ଼େ ଝେକହାମାନି ସାତା କାତାତଲେ ଜାଣା ଆହାମାନେରି ଇଞ୍ଜି ଏଞ୍ଜାରି ହାହାଲିତାକି ଜିକେଏ ତାନି ଜୀଞ୍ଜୁଇଁ ଜୀଞ୍ଜୁ ନହାଁ ହିଲାଆତେରି । ୧୨ ଏଦାଆଁତାକି ଏ ଲାକପୁରୁ ଅଡ଼େ ଏମୁଆଁ ବାସା ଆହାମାନାତେରି ରାହାଁ ଆଡୁ, ସାମା ଦାଠୁତି ଅଡ଼େ ସାମ୍‌ଦୁରି ମାଠୁ ଡ଼ଣୁ ବେଟା ଆନାତେରି ଏନାଆଁତାକି ଇତିହିଁ ତାନି ବେଲା ହାରେକା ଉଣା ମାନେ ଇଞ୍ଜି ପୁଞ୍ଜାନା ପଲୁଆ ପେନୁ ସୟତାନ ହାରେକା କପାତଲେ ମା ଡାଣା ରେଟା ଖାହାମାନେ । ୧୩ ରାଠୁ ଜାହାରାଇଁ ଦାଠୁତିତା ମେଡ଼ପି ଆହାମାନାଣି ମେସାନା ଏ କକାଣି ଡାଲୁଇଁ ଜାନି କିତି ଇୟାନି ଜେତ ଜେତ ପେରୁହା ଅତେ । ୧୪ ଏତେଟିଏ ଏ ଇୟା ରାଠୁ ଗୁଡ଼ିଟି ଏନିକି ଗେଲପିଆହାଁ ତାନି ବାର୍ଯା ସ ଲେଞ୍ଜୁ ପାତେକା ପୁହିକିଞ୍ଜି ଆନେ, ଏଦାଆଁତାକି ଲକ୍ଷୁ ହିଲାଆ ବାଟାଟି ତାନି ଚାୟୁତା ଉମ୍ବାହାଜାଲି ଲେଡୁତି ରୀ ମାରାୟ୍‌ୟା ହୀପକି ଆଡୁ । ୧୫ ଏତେଟିଏ ଏ ଇୟାନି ଅଞ୍ଜି କିୟାଲି ରାଠୁ ତାନି ଗୁଡ଼ିଟି ର କାଜା କାଡା ଏୟୁ ହୁପୁହେ । ୧୬ ସାମା ଏ ଇୟାନି ସାୟେନି କିହାଲି ଦାଠୁତି ତାନି ଗୁଡ଼ିତି ଦେତାନା ରାଠୁ ଗୁଡ଼ିତି ହୁତି କାଡା ଏୟୁଣି ଗୁପ୍ତେ । ୧୭ ଏତେଟିଏ ରାଠୁ ଏ ଇୟାନି ହାରେକା କପା ଆହାଁ ତାନି କୁଡ଼ାତାରି ଏତେକା ଲକ୍ଷୁ ମାହାପୁରୁଟି ହୁକୁମି ମାନଞ୍ଜି ଆହାଁ ଜୀସୁତି କାତା ହେସିମାନେରି, ଏଞ୍ଜାରିତଲେ ଡୁଡୁ କିହାଲି ହାତେ ।

୧୩ ଇଞ୍ଜି ରାଠୁ ସାମ୍‌ଦୁରି ଗାଠୁତି ବାଞ୍ଜଲିତା ନିତେ । ଏତେଟିଏ ନାନୁ ସାମ୍‌ଦୁରି ମାଡ଼ିଟି ହୁଡାଞ୍ଜିହିମାନି ର ଜନ୍ମ ମେସ୍ତେଏଁ, ଏଦାନାକି ଦସଗଟା କମ୍‌କା ଅଡ଼େ ସାତାଗଟା ଚାର୍କା, ତାନି କମ୍‌କାଣା ଦସଗଟା ଟପେରିକା ଇଞ୍ଜି ଚାର୍କା ଲାକ ମାହାପୁରୁ ନିନ୍ଦୁକିନି ର ର ଦରୁକା ମାଠୁ । ୨ ଏ ଜନ୍ମ ଚୀରିରେଞ୍ଜୁଣା କୁଞ୍ଜି ଲେହେଁ ଡଞ୍ଜାଆହିମାତେ, ତାନି କଡାୟ୍‌ୟା ଅଞ୍ଜାଡ଼ି କଡାୟ୍‌ୟା ଲେହେଁ ଇଞ୍ଜି ଗୁଡ଼ି ସିହୁକ୍ଷୁଣି ଗୁଡ଼ି ଲେହେଁ ଏ କାଜା ରାଠୁ ଜନ୍ମକି ତାନି ବାଡ଼ୟୁ ସିଂଗାସାଣି, ଅଡ଼େ ବାରେ ଅଦିକାରା ହାତେ । ୩ ଏ ଜନ୍ମତି ଚାୟୁତା ଆମିନି ହାନିଲେହେଁଟି ଗାହାଁ ଡଞ୍ଜାଆହିମାତେ, ସାମା ଏ ଗାହାଁ ନେହିଁ ଆତେ, ଅଡ଼େ ଦାଠୁତିତା ମାନାରି ବାରେ କାବା ଆହାଁ ତାନି ଜେତ ହାତେରି । ୪ ଅଡ଼େ କାଜା ରାଠୁ ଜନ୍ମକି ତାନି ଅଦିକାରା ହାତାକି ଏଞ୍ଜାରି ରାଠୁଇଁ ଜହରା କିତେରି, ଏଞ୍ଜାରି ଏ ଜନ୍ମଇଁ ଜିକେଏ ଜହରା କିହାଁ ଏଲେଇତେରି, “ଆମ୍ବାଆସି ଇ ଜନ୍ମ ଲେହେଁ ଆନେସି ଅଡ଼େ ଆମ୍ବାଆସି ଏଦାଣି ତଲେ ଡୁଡୁ କିହାଁ ଜାଣା ଆନେସି ।” ୫ ଏଦାନାକି ଆଞ୍ଜାରା ଅଡ଼େ ମାହାପୁରୁ ନିନ୍ଦୁତି କାତା ହେସାଲି ଗୁଡ଼ି ହାଞ୍ଜିଆତେ, ଅଡ଼େ ରୀ କଡ଼ି ରୀ ଲେଞ୍ଜୁ ପାତେକା ସାଲଖି କିୟାଲି ଅଦିକାରା ହୀପକିଆତେ । ୬ ଏମୁାଟିଏ ଏଦି ତାନି ଗୁଡ଼ି ଏକହାନା ମାହାପୁରୁ ନିନ୍ଦୁ କାତା ଜଲାମା, ମାହାପୁରୁ ଦରୁ, ମାହାପୁରୁ ବାସାଆନି ଚାୟୁ, ଅଡ଼େ ଲାକପୁରୁ ବାସା ଆହାମାନାରାଇଁ, ବାରେଟି ନିନ୍ଦୁ କିତେ । ୭ ବାରେ ମାହାପୁରୁ ଲକ୍ଷୁଇଁ ଡୁଡୁ କିହାଁ ଜାଣା ଆହାଲି ଅଦିକାରା ହାଞ୍ଜିଆହାମାତେ, ଅଡ଼େ ବାରେ ଗତି, କୁଡ଼ା, ହାଡା, ଦେସା, ଲାକ ଅଦିକାରା ହାଞ୍ଜିଆହାମାତେ । ୮ ଆମ୍ବାଆସି ଦରୁ ଦାଠୁତିତି ଗାଡ଼ି ଆଆ ନକେଏ ପୂଜା ମେଣ୍ଡା ଡାଲୁତି ଜୀଞ୍ଜୁଗାଟି ପଡ଼ିତା ରାସକି ଆହାହିଲେଏ, ଦାଠୁତିତା ବାସା କିହାମାନି ଏ ବାରେ ଲକ୍ଷୁ ଏ ଜନ୍ମଇଁ ଜହରା କିନେରି । ୯ “ଆମ୍ବାଆରାକି କୀର୍କା ମାନୁ ଏଞ୍ଜାସି ହେଣ୍ଡମାସି। ୧୦ ଆମ୍ବାଆସି ଦସାହାଁ ଅନେସି, ଏଞ୍ଜାସି ଏଲେକିହିଁଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହିଁ ଏଞ୍ଜାସି ଏଲେଆହିଁଏ କାଣ୍ଡାତଲେ ପାୟିଞ୍ଜି ଆନେସି, ଏଟିବେଲାତା ମାହାପୁରୁ ଲକ୍ଷୁତାକି ନାମୁ ଅଡ଼େ ଅରୁହିନାୟି ଲଡ଼ାମାନେ ।” ୧୧ ଏତେଟିଏ ନାନୁ ର ଜନ୍ମଇଁ ବୁମି ବିତ୍ରାଟି ହୁଡାଞ୍ଜାତାଣି ମେସ୍ତେଏଁ, ମେଣ୍ଡା ଡାଲୁ ଲେହେଁ ଜଡ଼େକା କମ୍‌କା, ଅଡ଼େ ଏଦି ରାଠୁ ଲେହେଁ କାତା ଆହିମାତେ । ୧୨ ଏ ଜନ୍ମ ନକେଏଟି ଜନ୍ମ ନକିତା ତାନି ବାଡ଼ୟୁ ଡ଼ସାମା ଏମିନି ନକେଏଟି ଜନ୍ମକି ହାନିଲେହେଁଟି ଗାହାଁ ମାଡ଼ାମାତେ, ଏଦାନି ଜହରା କିହାଲି ଦାଠୁତି ଅଡ଼େ ଏମୁଆଁ ବାସା ଆହାମାନାରାଇଁ ବାଲାମାତମି କିନେ । ୧୩ ଏ ଜନ୍ମ କାବାଆନି କାମାୟ୍‌ୟା କିନେ, ଏଦି ବାରେ ଲକ୍ଷୁ ନକିତା ହାଗୁଡ଼ି ଦାଠୁତିତା ହିରୁ ରିଞ୍ଜିକିନେ । ୧୪ ଇଞ୍ଜି ଏ ତଲିତି ଜନ୍ମ ନକିତା ଆମିନି କାବାଆନି କାମା କିହାଲି ଅଦିକାରା ବେଟାଆହାମାତେ, ଏମୁାଟି ଦାଠୁତିତା ବାସାଆହାମାନି ଲକ୍ଷୁଣି ନାଡ଼ିକିହାଁ, ଆମିନି ଜନ୍ମ କାଣ୍ଡାତଲେ ଗାହାଁ ଆହାମାଟି ଜିକେଏ ନୀଡ଼ିତେ, ଏଦାନି ର ବମା କିହାଲି ଏଞ୍ଜାରାଇଁ ଏଲେଇନେ । ୧୫ ଏ ଜନ୍ମତି ବମା ଏନିକି ଜଲାଲି ଆଡ଼ିନେ ଅଡ଼େ ଏତେକା ଲକ୍ଷୁ ଜନ୍ମତି ବମାଟି ଜହରା କିଅରି,

ଏଞ୍ଜର ଏନିକ୍ ପାୟୁଞ୍ଜି ଆନେରି, ଏଦାଆଁତାକି ତାୟୁତି ଜନ୍ମକି ତଲିତି ଜନ୍ମକି ବମାକି ଜାସ୍ତୁ ହାହାଲି ଅଦିକାରା ହାପୁକିଆତେ । e୭ ଅଡେ ଏ ଜନ୍ମ ଉଣା, କାଜାରି, ବାଦକୁ ଗାଟାରାଇଁ, ହାକି ଗାଟାରାଇଁ, ହଲିୟାଞ୍ଜା, ହଲିୟାଞ୍ଜା ଆଆତାରାଇଁ, ବାରେଜାଣାତି ତାନି ଚିଃନି କେୟୁତା ଆଆତି ମୁଞ୍ଜୁତା ର ସିନା ଇଟା କତାଲି ବାଲାମାତମି କିନେ । e୭ ଅଡେ ଏ ସିନା ଇତିହିଁ ଜନ୍ମକି ଦରୁ ଆଆତି ତାନି ଦରୁତି ଲମ୍ବର ଇଟା କତାଆତି ଲକ୍ଷୁଣି ଏନାଆଁ କତାଲି କି ପାର୍ତାଲି ହାଏ । er ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଞ୍ଜାସି ଏ ଜନ୍ମକି ଲମ୍ବର ଏଜିକିପାସି, ଏନାଆଁତାକି ଇତିହିଁ ଏଦି ର ମାଣସିତି ଲମ୍ବର ଅଡେ ଏ ଲମ୍ବର ଆହିମାନେ ସ ଖାଞ୍ଜୁ ତାନିକଡ଼ି ସ ।

e୪ ଏରେଟିଏ ନାନୁ ସିନିକିହାଁ ମେସ୍ତେସ୍, ଅଡେ ମେଣ୍ଡା ତାଲୁ ସିୟନ ହରୁତା ନିତାମାନେ, ଅଡେ ଆମ୍ବାଆରି ମୁଞ୍ଜୁତା ମେଣ୍ଡା ତାଲୁ ଇଞ୍ଜାଁ ତାନି ଆବାକି ଦରୁ ରାଏକି ଆହାମାନେ ଇଲେଟି ଲକ୍ଷୁ ସାତାକଡ଼ି ସାରି ମାଣା ଲକ୍ଷୁ ତାନିତଲେ ନିତାମାତାଣି ମେସ୍ତେସ୍ । ୨ ଅଡେ ଲାକପୁରୁଟି ଲଦ ଲଦ ଆହି ରିନି ଏୟୁ ଇଞ୍ଜାଁ ହାଗୁ ଗୁଣିନଲେହେଁଟି ର କାଜା ହାତା ଷେତେସ୍, ଆମିନି ହାତା ନାନୁ ଷେତେସ୍ ଏଦି ସେବୁଞ୍ଜି ଡିଞ୍ଜିହାମାନାରି ହାତାଲେହେଁ ଷେବୁଞ୍ଜିମାନେ । ୩ ସିଂଗାସାଣି ସାରିଗଟା ଜନ୍ମ ଅଡେ ପାଟିନାଞ୍ଜା ନକିତା ର ପୁଃନି ପାତୁ ପାଟିମାତେରି, ଅଡେ ଦାର୍ତ୍ତିଟି କଡ଼ି ଆହାମାନି ସାତାକଡ଼ି ସାରି ମାଣା ଲକ୍ଷୁ ପିସ୍ତେ ଆମ୍ବାଆରି ଏ ପାତୁ ପାଟାଲି ଆତାଆତେରି । ବାରେ ମାଣସି କୃତା ବିତ୍ରାଟି ଖାରୁଇ ଏଞ୍ଜାରିଦେଁ ଗେଲ୍ପି ଆହାମାତେରି । ୪ ଏଞ୍ଜାରି ଇୟାସିକା ତଲେ କାଲହାନା ତାମୁ ଜାହାରାଇଁ ଦହ କିହାଁ କତା ହିଲିଆତେରି, ଇତିହିଁ ଏଞ୍ଜାରି ଅଡ଼ହାରି, ମେଣ୍ଡା ତାଲୁ ଆମ୍ବିୟାଖାକି ହାନେ ଏଞ୍ଜାରି ତାନି ଜେତ ହାନେରି, ଏଞ୍ଜାରି ମାହାପୁରୁତି ମେଣ୍ଡା ତାଲୁତି ତଲିତି ପାଡେୟି ସମାନା ମାଣସିୟାଁ ବିତ୍ରାଟି ଗେଲ୍ପି ଆହାନା ମେଣ୍ଡା ତାଲୁ ନକିତା ହେରୁପିଆହାମାନେରି । ୫ ଏଞ୍ଜାରି ଗୁଡିତା ଏନି ମିତି ଜଲିନାୟି ହିଲେଏ, ଏଞ୍ଜାରି ଦହ ହିଲିଆ ଗାଟାରି । ୬ ଏରେଟିଏ ନାନୁ ହାଗୁତି ମାଦି ଉମ୍ପିମାନି ର ଦୂତୁଇଁ ମେସ୍ତେସ୍, ଏଦି ଦାର୍ତ୍ତିତା ବାସାଆହାମାନି ବାରେ ଗତି, କୃତା, ହାତା ଅଡେ ଦେସାତି ଲକ୍ଷୁତାଣା ଷେକହାଲି କାଲାକାଲା ତାକି ଡିୟିନି ନେହିଁ କାରୁ ଷେକହା ମାନେସି । (aiōnios ୧166) ୭ ଏଦି କାଜା ଗିୟାଁତଲେ ଏଲେଇତେ “ମାହାପୁରୁଇଁ ଆଜାତୁ ଅଡେ ଏଞ୍ଜାଣାଇଁ ଗାଞ୍ଜୁମି ହୀବୁ, ଇତିହିଁ ମାଣସିତି ନାହାଁୟି କିନି ଦିନା ଏଗାଞ୍ଜାତେ, ଅଡେ ଆମ୍ବାଆସି ହାଗୁ, ଦାର୍ତ୍ତି, ସାମ୍ବୁରି ଇଞ୍ଜାଁ ଜାର୍ଣା ଏୟୁତି ଗାଡ଼ିକିହା ମାନେସି, ଏଞ୍ଜାଣାଇଁ ଜହରା କିଦୁ ।” ୮ ତାନି ତାୟୁ ଅଡେ ର ଦୂତୁ ଇତିହିଁ ରୀ ଲମ୍ବର ଦୂତୁ ଖାହାନା ଏଲେଇତେ, “ଆମିନି କାଜା ଗାଡ଼ା ବାବିଲନ ବାରେ କୃତାତି ଲକ୍ଷୁଇଁ ତାନି ଦାରିକାମା କିଞ୍ଜକିନି କାରୁ ଉଡ଼ହାନା ହଡ଼ିକିହାମାନେ, ଏଦି ରିହା ହାଜାମାନେ ।” ୯ ଏଦାଣି ତାୟୁ ଅଡେ ର ଦୂତୁ ଇତିହିଁ ତାନି ଲମ୍ବର ଦୂତୁ ଖାହାନା କାଜା ଗିୟାଁତଲେ ଏଲେଇତେ, “ଆମ୍ବାଆସି ଏ ଜନ୍ମ ଅଡେ ତାନି କିହାମାନି ବମାତି ଜହରା କିନେସି

ଅଡେ ମୁଞ୍ଜୁତା କି କେୟୁତା ତାନି ସିନା ଇଟା କଡିନେସି, e୦ ଏଞ୍ଜାସି ମାହାପୁରୁତି କପାଗାଟି ସୁଲତା ଖାକହାମାନି ହାରେକା କାର୍ବିତି କାରୁ ଗହନେସି, ଆମ୍ବାଆରି ଇ କାମା କିନେରି ଏଞ୍ଜାରି ବାରେ ମେଣ୍ଡା ତାଲୁ ଅଡେ ସୁଦୁ ଲାକପୁରୁତି ଦୂରୁୟାଁ ନକିତା ହିଦୁ ଅଡେ ଗାନ୍ଧାଗାଟି ଗୁଣ୍ଡା ତଲେ କସୁ ବେଟା ଆନେସି । e୧ ଇଲେଟି ଲକ୍ଷୁଣି କସୁ ହାନି ହିଦୁ ବୟାଁ କାଲାକାଲା ତାକି ହତେମାନେ, ଆମିନି ଗାଟାରି ଜନ୍ମ ଅଡେ ବମାତି ଜହରା କିନେରି ଅଡେ ତାନି ଦରୁ ଇଞ୍ଜାଁ ସିନା ବେଟା ଆହାମାନେରି, ଏଞ୍ଜାରି ଲାଆଁ ମାଦେନା ଜମାଲି ବେଟାଆଅରି ।” (aiōn ୧165) e୨ ଇମ୍ବାଆଁ ମାହାପୁରୁ ଲକ୍ଷୁ ଇତିହିଁ ମାହାପୁରୁତି ହୁକୁମି ମାନିଞ୍ଜାମାନେରି, ଇଞ୍ଜାଁ ଜାୟୁଇଁ ନାମିନେରି, ଏଞ୍ଜାରିକି ଅଡ଼ିହନାୟି ଲଡ଼ାମାନେ । e୩ ଇଞ୍ଜାଁ ଲାକପୁରୁଟି ଇ ହାତା ଷେତେସ୍, ଇ କାତା ରାଟାମୁ, “ନୀସ୍ ଆମ୍ବାଆରି ମାହାପୁରୁ ତାଣା ମାଞ୍ଜୁନା ହାନେରି, ଏଞ୍ଜାରି ନେହେଁ ।” ଅଡେ ନାନୁ ଷେତେସ୍ ସୁଦୁଜାସ୍ତୁ ଷେସିମାଞ୍ଜୁନେ, “ଏଞ୍ଜାରି ତାନି କାମାତି ଖାହୁଟି ଜମିନେରି, ଇତିହିଁ ଏଞ୍ଜାରି କାମାତି ପାଡେୟି ଏଞ୍ଜାରିତଲେ ଡିୟିନେ ।” e୪ ଅଡେ ନାନୁ ମେସ୍ତେସ୍, ଇଟାୟି ଦବଲ ହାଗୁ ଇଞ୍ଜାଁ ଏଦାଣି ଲାକ କୁଗାମାନେସି ର ମାଣସି ମାନ୍ୟସି ଲେହେଁତାସି; ତାନି ତାୟୁତା ବାଂଗାରା ଟପେରି, ଇଞ୍ଜାଁ କେୟୁତା ର ଖାହାନି କଟାତଖେଲି । e୫ ଏମ୍ବାଟିଏ ମାହାପୁରୁତି ଇଲୁଟି ର ଦୂତୁ ଖାହାନା ହାଗୁତା କୁଗାମାନାଣାଇଁ କାଜା ଗିୟାଁତଲେ ଏଲେଇତେ, “ନୀ କଟାତଖେଲି ଆସାନା ତାସା ଦାମୁ । ଦାର୍ତ୍ତିତି ତାସା ଦାଃନି କାରୁ ଏଗାଞ୍ଜାତେୟି ।” e୬ ଇଦାଆଁ ଷେଞ୍ଜାମା ହାଗୁତା କୁଗାମାନି ମାଣସି ତାନି କଟାତଖେଲି ଅଗିତେସି ଇଞ୍ଜାଁ ଦାର୍ତ୍ତିତି ତାସା ବାରେ କୁଡ଼ିକିଞ୍ଜିଆତେ । e୭ ଏଦାଆଁ ତାୟୁ ଲାକପୁରୁତି ମାହାପୁରୁ ଇଲୁଟି ଅଡେ ର ଦୂତୁ ହଟାଖାତେସି, ଏ ଦୂତୁକି କେୟୁତା ଜିକେଏ ଖାହାନି କଟାତଖେଲି ମାନେ । er ଅଡେ ପୂଜା ପିଣ୍ଡାତି ହିଦୁ ଅଦିକାରାତା ମାନି ର ଦୂତୁ କଟାତଖେଲି ଆସାମାନି ଅର ଦୂତୁଇଁ କାଜା ଗିୟାଁତଲେ ଏଲେଇତେ, “କଟାତଖେଲି ଅଗାନା ଦାର୍ତ୍ତିତି ଅଡ଼ୁରି ବାଡ଼ାଟି ଅଡ଼ୁରିକା ବାରେ ଡ଼ହା ଦୁହମ୍ପୁ: ଏଞ୍ଜି ବାରେ କାମ୍ବାମାନୁ ।” ec ଏମ୍ବାଟିଏ ଦୂତୁ ଦାର୍ତ୍ତିତା ତାନି କଟାତଖେଲି ଅଗାନା ଅଡ଼ୁରି ମାଡ଼ାୟାଁଟି ଅଡ଼ୁରି ଡ଼ହେ ଇଞ୍ଜାଁ ଏଞ୍ଜି ମାହାପୁରୁ କାର୍ବିତି ଅଡ଼ୁରି ପାଡ଼ିକିନି ଦ୍ଵିନିତା ମେଡ଼ହେ । ୧୦ ଗାଡ଼ାତି ପାଞ୍ଜୁତା ମାନି ଏ ଦ୍ଵିନିତା ଅଡ଼ୁରି ପାଡ଼ିକିଞ୍ଜିଆତେ ଇଞ୍ଜାଁ ଏମ୍ବାଟି ଗଡ଼ାୟାଁ ବାକେରି ପାତେକା ନିଞ୍ଜୁନା ତାନି ଖାଞ୍ଜୁ କିଲମିଟର ହେକ ପାତେକା ଇଞ୍ଜାଁ ରୀ ମିଟର ଲାକ ପାତେକା ନେତେରି ଖାଡ଼ୁତେ ।

e୫ ଏମ୍ବାଟିଏ ନାନୁ ହାଗୁତା ଅଡେ ର କାବଆନି ଲେହେଁଟି ସିନା ମେସ୍ତେସ୍, ସାତାଗଟା ଦୂରୁୟାଁ ସାତାଗଟା ରଗୟାଁ ତାନି କେୟୁତା ଆସାନା ତଞ୍ଜୁଆତୁ, ଏ ରଗୟାଁ ମାହାପୁରୁତି କପା ତହନାୟି ରାନାୟି ମାନେ । ୨ ଅଡେ ନାନୁ ମେସ୍ତେସ୍, ହିଦୁ କାଲହିତି ଦାପେଣି ଲେହେଁଟି ସାମ୍ବୁରି, ଆମ୍ବାଆରି ଜନ୍ମ, ଏଦାନି ବମା ଇଞ୍ଜାଁ ଏଦାନି ଦରୁତି ଲମ୍ବରଟି ଜାଣା ଆଡାରି, ଏଞ୍ଜାରି ମାହାପୁରୁ ହାହାମାନି ସେବୁଞ୍ଜି ଆସାନା ଗାଲୁ

ଲେହେଁଟି ସାମୁଦ୍ରି ଗିରୁତା ନିରାମାତେରି । ୩ ଏଞ୍ଜରୀ ମାହାପୁରୁ ହାତି ରାମଗଂଟା ଖେଟିହିଁ ମାହାପୁରୁଟି ସେବାକିନି ମୁସାତି ପାରୁ ଇଚ୍ଛାଁ ମେଣ୍ଡା ଡାଲୁଟି ପାରୁ ପାଟିହିଁ ଏଲେ ଇଚ୍ଛାଁ ମାନେରି, “ବାରେଟି କିହାଁ ବାଡ଼ୁୟୁ ଗାଟି ପ୍ରୁ ମାହାପୁରୁଟି, ନୀ କାମା ଏଚେକା କାଜାୟି ଅଡେ କାବା ଆନାୟି, ବାରେ ଲକ୍ଷୁଟି ରାଜାଟି, ନୀ କାମାଟି ଜିରୁ ବାରେ ନୀହାୟି ଗାଟାୟି ଇଚ୍ଛାଁ ସାତାତାୟି । ୪ ପ୍ରୁ ନିଢେ ଆମ୍ବାଆସି ଆଜାଆ ଗାଟାସି ମାନେସି? ଆମ୍ବାଆସି ନୀ ଗାଞ୍ଜୁରମି ଡେକ୍‌ଆଗାଟାସି ମାନେସି? ଇତିହିଁ ନୀନୁ ରଅତିଏ ସୁଦୁ ଗାଟାଟି; ବାରେ କୁଡାଟି ଲକ୍ଷୁ ଖାହାନା ନୀ ପୂଜା କିନେରି, ଏନାଆଁତାକି ଇତିହିଁ ନୀ ବାମ୍ବୁଗାଟି ନୀହାୟିଟି କାମାୟି ବାରେଜାଣା ମେସାମାନେରି ।” ୫ ଏମ୍ବାଟିଏ ନୀନୁ ମେସେସୁଏଁ, ଲାକପୁରୁଟି ସାକି ହାନି ତୁମ୍ବୁ ଦେଖୁଡିଟି ଦାରା ଦେପିଆତେ ୬ ସାତାଗଟା କସୁୟି ଆସାମାନି ସାତାଗଟା ଦୁରୁୟି ଲାକପୁରୁଟି ଦେଖୁଡିଟି ହଡାଞ୍ଜୁ: ଏଞ୍ଜି ଅପୁହି ମୁହନି ହିମ୍ବୁରିକା ହୁଟାମାରୁ ଇଚ୍ଛାଁ ଏଞ୍ଜାସିକା ବକ ସାରିସୁଦୁ ବାଂଗାରା ପାଟା ଦସାମାରୁ । ୭ ସାରିଗଟା ଜନୁୟି ବିତ୍ରାଟି ର ଜନୁ କାଲେଏତାକି ନୀତାମାନି ମାହାପୁରୁ କପାତଲେ ନେଞ୍ଜୁମାନି ସାତାଗଟା ବାଂଗାରା ଗିନାୟି ଏ ସାତାଗଟା ଦୁରୁୟିକି ହୀତେ । (aion g165) ୮ ମାହାପୁରୁଟି ଗାଞ୍ଜୁରମି ଅଡେ ତାନି ବାଡ଼ୁୟୁଟି ହଟିମାନି ବୟି ଦେଖୁଡିଟା ନେଞ୍ଜୁହାତେ; ସାତାଗଟା ଦୁରୁୟି ତାତାମାନି ସାତାଗଟା ରଗୟି ରାଆ ପାତେକା ଏ ଦେଖୁଡି ବିତ୍ରା ଆମ୍ବାଆସି ହତାଲି ଆତାଆତେସି ।

୧୭ ଏଚେଟିଏ ନୀନୁ ଖେଚେଏଁ, ଦେଖୁଡିଟି ରଅସି କାଜା ଗିୟିତଲେ ଏ ସାତାଗଟା ଦୁରୁୟିକି ଖେସିମାତେସି, “ହାଲୁ, ସାତାଗଟା ଗିନାୟିଣା ନେଞ୍ଜୁମାନି ମାହାପୁରୁଟି କପାଟି ଦାର୍ତ୍ତି ଲାକ ଖାକ୍‌ଦୁ!” ୨ ଏଚେଟିଏ ମୂଲୁଟି ଦୁରୁ ହାଜାନା ତାନି ଗିନାତା ଏନାୟି ମାତେ, ଦାର୍ତ୍ତି ଲାକ ଖାକ୍‌ହେ; ଦେବୁଣିଏ ଆମ୍ବାଆସି ତାଣା ଜନୁଟି ସିନା ମାତେ, ଇଚ୍ଛାଁ ତାନି ବମାଟି ପୂଜା କିହାମାତେରି, ଏଞ୍ଜରୀ ଆଢ୍ଫାତା ହାରେକା କସୁଗାଟି ବସା ପଟ୍‌କା ହୁତୁ । ୩ ଏଚେଟିଏ ରୀ ଲମ୍ବର ଦୁରୁ ତାନି ଗିନାତାଣି ସାମୁଦ୍ରି ଲାକ ଖାକ୍‌ହେ; ଇଚ୍ଛାଁ ସାମୁଦ୍ରିଟି ଏୟୁ ହାତି ଲକ୍ଷୁଟି ନେଚେରିଲେହେଁ ଆତୁ, ଇଚ୍ଛାଁ ସାମୁଦ୍ରିଟା ମାଟି ବାରେ ଜନୁୟି ହାହାହାତୁ । ୪ ତାନି ଲମ୍ବର ଦୁରୁ ତାନି ଗିନାତା ଏନାୟି ମାତେ, କାତା ଇଚ୍ଛାଁ ଉସା ଏୟୁ ଲାକ ଖାକ୍‌ହେ; ଇଚ୍ଛାଁ ଏ ଏୟୁ ବାରେ ନେଚେରି ମିଶା ହାତୁ । ୫ ଏଚିବେଲମାତା ନୀନୁ ଖେଚେଏଁ, ଏୟୁ ଲାକ ଅଦିକାରା ବେଟାଆହାମାନି ଦୁରୁ ଏଲେଇଚ୍ଛୁମାତେ, “ନୀନୁ ସୁଦୁ ଗାଟାଟି, ନୀଏଁ ମାନାଟି ଅଡେ ତଲିଏ ମାତାଟି; ନୀନୁ ତାରୁପୁତଲେ ନୀହାୟି କିହାମାଚ୍ଛୁ । ୬ ଏଞ୍ଜରୀ ମାହାପୁରୁ ଲକ୍ଷୁକି ଇଚ୍ଛାଁ ମାହାପୁରୁ ଅଣ୍‌ପୁଟି ବଲୁ ଖେହନାରି ଆମିନି ନେଚେରି ବକ୍‌ହାମାତେରି, ଏଦାଆଁ ମୀରୁ ଏଞ୍ଜରୀକି ଉର୍‌ହାମାଚ୍ଛୁ । ଏଞ୍ଜରୀ ଏନାଆଁ ବେଟାଆନାଣି ବେଟାଆହାମାନେରି ।” ୭ ଏଚେଟିଏ ପୂଜା ପିଣ୍ଡାଟି ର ହାତା ଖେଚେଏଁ, ବାରେଟି କିହାଁ ବାଡ଼ୁୟୁଗାଟି ମାହାପୁରୁ ପ୍ରୁ! ନୀ ନୀହାୟି ବାରେ ସାତା ଅଡେ ଟିକାଣାତାୟି । ୮ ସାରି ଲମ୍ବର

ଦୁରୁ ତାନି ଗିନାତା ମାତାଣି ଖେଡ଼ା ଲାକ ଖାକ୍‌ହେ, ଏଦାଆଁତାକି ଖେଡ଼ା ହାରେକା ଡ଼ାଞ୍ଜୁନା ଲକ୍ଷୁକି ହୁଡିତେ । ୯ ଏଚିବେଲମା ଲକ୍ଷୁ କଣତା ହାତି କାରାତା ଖେହାହାତେରି, ଅଡେ ଇ ସାସ୍ତି ଲାକ ଅଦିକାରା ମାନି ମାହାପୁରୁ ଦୁରୁଟି ନିମ୍ବୁକିତେରି । ସାମା ହିୟି ବାଦ୍‌ଲି କିହାଁ ଏଞ୍ଜାଣି ଗାଞ୍ଜୁରମି କିଆତେରି । ୧୦ ପାସା ଲମ୍ବର ଦୁରୁ ତାନି ଗିନାତା ମାତାଣି ଜନୁଟି ସିଂଗାସାଣି ଲାକ ଖାକ୍‌ହେ । ଜନୁଟି ରାଜିତା ଆନେରି ଆହାହାତେ, ଇଚ୍ଛାଁ ଲକ୍ଷୁ କସୁତଲେ ତାନି ଖେନ୍ଦୁରିକା କାତା କଡିତେରି । ୧୧ ଅଡେ ଏଞ୍ଜରୀ ଆଢ୍ଫାଟି ରାଣାରକା ତାକି ଇଚ୍ଛାଁ ପକାୟି ବସା ତାକି ଲାକପୁରୁଟି ମାହାପୁରୁକି ବାକା ଇତିତେରି । ସାମା ତାନି ଲାଗେଏଟି କାମାଟି ମାନ ଖେଟ୍‌ଆତେରି । ୧୨ ସ ଲମ୍ବର ଦୁରୁ ତାନି ଗିନାତା ମାତାଣି ପରାଡ଼ କାଜା କାତା ଲାକ ଖାକ୍‌ହେ, ଏ କାତାଟି ଏୟୁ ଖାୟାହାତୁ, ଖେଡ଼ା ହୁପୁ ଖାକିଟି ଖାହିମାନି ରାଜାୟିକି ଜିରୁ ପାର୍‌ଲିଆତେ । ୧୩ ଏଚେଟିଏ ନୀନୁ ମେସେସୁଏଁ, ପାନାୟିଲେହେଁ ତୁଞ୍ଜୁଆହିମାନି ତାନିଗଟା ଲାଗେଏଟି ଜୀଞ୍ଜୁୟି । ଏଞ୍ଜି ରାତୁ ଗୁଡିଟି, ଜନୁଟି ଗୁଡିଟି, ମିତି ବଲୁ ଖେହନାରି ଗୁଡିଟି ହଡାଞ୍ଜୁମାରୁ । ୧୪ ଏ ଲାଗେଏଟି ଜୀଞ୍ଜୁଗାଟି ବୁରୁୟି କାବାଆନି କାମା କିହାଲି ଆଡିନୁ, ଏଞ୍ଜି ବାଡ଼ୁୟୁ ଗାଟି ମାହାପୁରୁଟି ଦିନାତା ଲୁକୁ କିହାଲିତାକି ଦାର୍ତ୍ତିଟି ରାଜାୟିଣି କୁଡିକିହାଲି ହାତାହାତୁ । ୧୫ “ଖେଞ୍ଜୁ ନୀନୁ ସରୁଲେହେଁ ଖାଲି, ଆମ୍ବାଆସି ଜାଗାତା ଆହାଁ ସରୁ ଡାଣାଟି ଜାହାରା ହିମ୍ବୁରିକା ତୁକ୍‌ହାଲି ଆଡିମାନେସି, ଏଞ୍ଜାସି ନେହେଁ । ଏଞ୍ଜାସି ନୀଗଡ଼ା ଆହାଁ ରେଅସି, ଅଡେ ଏଞ୍ଜାସି ଲାଜା ବେଟାଆସିସି ।” ୧୬ ପୂଲୁଆ ଜୀଞ୍ଜୁୟି ଏ ବେଲମାତା ଦାର୍ତ୍ତିଟି ରାଜାୟିଣି ଆମିନି ଚାୟୁତା କୁଡିକିତୁ ଏବୁ ହାତାତଲେ ଏଦାନି ଦରୁ ଆମ୍ବାଗାତେନ । ୧୭ ସାତା ଲମ୍ବର ଦୁରୁ ତାନି ଗିନାତା ମାତାଣି ଗାଲି ଲାକ ଖାକ୍‌ହେ, ଏଚେଟିଏ ଦେଖୁଡିଟି ସିଂଗାସାଣିଟି ର କାଜା ହାତା ଖେଡ୍ଡିତେ, “ଇଦାଆଁ କିଞ୍ଜିଆତୋ!” ୧୮ ଦେବୁଣିଏ ବିଲିବାଲା ଆହିଁ ମୁସ୍ତେ ଇଚ୍ଛାଁ ହାଗୁ ଗୁଣି ହାତା ଆତେ, ଇଚ୍ଛାଁ ହାରେକା ବୁମି ଖାଡିତେ, ଇତିହିଁ ଦାର୍ତ୍ତିତା ମାଶ୍‌ସିୟି ଗାଡିଆଡି ଦିନାଟିଏ ଏଚେଲାଞ୍ଜା ଇଲେଟି ବୁମି ଖାଡାହିଲାଆତେ, ଇଦି ବାରେକିହାଁ ଆଜିହପେଟି ବୁମି ଖାଡିନାୟି ମାତେ । ୧୯ ଏମ୍ବାଟିଏ ଏ କାଜା ଗାଡ଼ା ତାନି ବାଗା ତଲେ ବାଗା ଆତେ ଅଡେ ଦାର୍ତ୍ତିଟି ବାରେ ଗାଡ଼ାୟି ବିଡ଼ହାହାତୁ, ଅଡେ କାଜା ଗାଡ଼ା ବାବିଲନଟି ମାହାପୁରୁ ବାଣା ଆହା ହିଲାଆତେସି, ଏଞ୍ଜାସି ତାନି ଗହନି ସଲାଟି ତାନି ହାରେକା କପାଗାଟି କାତୁ ଏଞ୍ଜାଣାକି ଉର୍‌ହେସି । ୨୦ ସାମୁଦ୍ରି ମାଡି ମାନି ଦେସାୟି ମେଣ୍ଡାହାତୁ ଇଚ୍ଛାଁ ହୁରକା ବାରେ ତୁଗା ହାତୁ । ୨୧ ରୀ କଡି ଦସ କେଜି ବଜୁଗାଟି ଆଜିୟି ହାଗୁ ଲାକଟି ମାଶ୍‌ସିୟି ଲାକ ରିତୁ, ଲକ୍ଷୁ ଇ ମର୍‌ବ୍‌ଡି ତାକି ମାହାପୁରୁକି ନିମ୍ବୁକିତେରି ।

୧୭ ଏମ୍ବାଟିଏ ସାତାଗଟା ଗିନାୟି ଆସାମାନି ଦୁରୁ ବିତ୍ରାଟି ରଣ୍ଡି ନୀ ତାଗେ ଖାହାନା ଏଲେଇଚ୍ଛୁଟେ, “ଇମ୍ବାଆଁ ଖାମୁ ହାରେକା କାତା ଦାରି ଗାଡି ଆହାମାନି ଦାରେଣି ଲେହେଁଟି କାଜା ଗାଡ଼ା ଏନି ସାସ୍ତି ବେଟାଆନେ ଏଦାଆଁ ତସୁଇଁ । ୨ ଦାର୍ତ୍ତିଟି ରାଜାୟି ଏ ଦାରେଣି ତଲେ

ଦାରିକାମା କିହାମାନେରି, ଇଚ୍ଛୁଁ ଦାଋତିତା ବାସା ଆହାମାନାରି ବାରେ ଦାରି କାମାଲେହେଁଟି କାତୁ ଗସାହାଁ ହୁତାମାନେରି ।” ୩ ଏତିବେଲାତା ସୁଦୁଜୀଝୁ ନା ତାଣା ଝାଡେ ଇଚ୍ଛୁଁ ଏ ଦୂତୁ ନାଡ୍ଡେ ବାଠଲି ବୃମିତା ଅୟାଡେ । ଏମୁଆଁ ନାନୁ ମେସ୍ତେସ୍, ର ପାତୁ ଝାଣାଗାଟି ଜନ୍ତୁ ଲାକ ର ଇୟା କୁଗାମାତେ । ଏ ଜନ୍ତୁଟି ଆଡ୍ଡାତା ମାହାପୁରୁ ନିନ୍ଦୁକିନି ଦରକା ରାସକି ଆହାମାତୁ, ଅଡେ ଏଦାନାକି ସାତାଗଟା ଡାକାଁ ଇଚ୍ଛୁଁ ଦସଗଟା କମକା ମାରୁ । ୪ ଏ ଇୟା ହେୟାଁ ଲେହେଁଟି ଝାଣା ଅଡେ ପାତୁ ଝାଣାଗାଟି ହିମ୍ବୁରି ହୁତାମାତେ, ଇଚ୍ଛୁଁ ଏଦି ବାଂଗାରା ଅଡେ ଗାଡି ଦାରାଗାଟି ମଣି, ମୁକ୍ତା ତଲେ ସାଜୁ ଆହାମାତେ, ତାନି ନାଡ଼ିକିନି ପାଡେୟିକା ଲେହେଁ ଅପାଆଗାଟି ଦିଶସୁ ଇଚ୍ଛୁଁ ଦାରିକାମା କିନି ଲାଗେଏଡି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାତେ । ୫ ଏଦାନି ମୁଞ୍ଜୁତା ତୁଗାମାନି ର ଦରୁ ରାସକି ଆହାମାତେ, “କାଜା ଗାଡ଼ା ବାବିଲନ ଦାଋତିଟି ବାରେ ଦାରି ଇଚ୍ଛୁଁ ଅପାଆଗାଟି କାମାଟି ତାଲି ।” ୬ ନାନୁ ଅଡେ ମେସ୍ତେସ୍, ଏ ଆୟାଟି ମାହାପୁରୁ ଲକ୍ଷୁ ଇଚ୍ଛୁଁ ଜୀସୁ ତାଣା ମାନି ତଲେ ମାଞ୍ଜୁ ସାକି ହାହାନା ହାହାମାନି ଲକ୍ଷୁଟି ନେତେରି ଗସାନା ହୁତାମାତେ । ନାନୁ ଏଦାନି ମେସାନା ହାରେକା କାବା ଆଡେସ୍ । ୭ ଅଡେ ଦୂତୁ ନାଡ୍ଡେ ଏଲେଇଞ୍ଜୁଡେ, “ଏନାଆଁତାକି କାବା ଆହିମାଞ୍ଜୁ? ନାନୁ ଏ ଆୟାଟି ଅଡେ ସାତା ଗଟା ଡାକାଁ ଇଚ୍ଛୁଁ ଦସଗଟା କମକା ଗାଟି ଏଦାଣି ତେକାମାନି ଜନ୍ତୁଟି ତୁଗାମାନି କାତା ନାନୁ ନିଡ୍ଡେ ଝେସିମାଞ୍ଜୁଇଁ, ଝେନାମୁ । ୮ ଜନ୍ତୁ ର ଦିନା ନୀତାମାତେ; ନୀଏଁ ଅଡେ ନୀତାହିଲେଏ, ସାମା ତବେ ତାଡେପୁରୁଟି ନିଞ୍ଜୁ ଝାଣେ ଇଚ୍ଛୁଁ ଅର ଦେବା ନାସା ଆନେ । ଦାଋତି ଗାଡ଼ି ଆଡି ନକେଏ ଆମ୍ବାଆରି ଦରୁ ଜୀଝୁଟି ପଡିତା ରାସକି ଆହାହିଲେଏ, ଦାଋତିତା ବାସାଆହାମାନି ବାରେ ଲକ୍ଷୁ ଜନ୍ତୁଇଁ ମେସାଁ କାବାଆନେରି । ଏଦି ର ଦିନା ନୀତାମାତେ, ନୀଏଁ ଅଡେ ହିଲେଏ, ସାମା ଅଡେ ର ଦେବା ତଞ୍ଜୁଆନେ ।” (Abyssos g12) ୯ “ଇ ବାରେ କାତା ତେଲହାଲି ତାକି ବୁଦି ଲଡ଼ାମାନେ । ଜନ୍ତୁଟି ସାତାଗଟା ଡାକାଁ ସାତେଏ ସାତାଗଟା ହରକା, ଆମିନି ଲାକ ଆୟାଟି କୁଗାମାନେ । ଏଓ ଜିକେଏ ସାତା ଜାଣା ରାଜାୟାଁ ଲେହେଁ । ୧୦ ଏଝାରି ବିତ୍ରାଟି ପାସାଜାଣା ମେଶ୍ତୁ ହାଜାମାନେରି, ନୀଏଁ ରଅସି ମାନେସି, ଅଡେ ରଅସି ନୀଏଁ ପାତେକା ଝାହାହିଲଅସି, ଏଝାସି ଝାଡିସାରେ ଗାଡେକା ତାକିଏ ସାଲଝି କିନେସି । ୧୧ ଅଡେ ଆମିନି ଜନ୍ତୁ ର ଦିନା ନୀତାମାତେ, ଏଦି ଆଟା ଲମ୍ବର ରାଜା, ଏ ବାରେ ରାଜାୟାଁ ବିତ୍ରାଟି ରଅସି ଇଚ୍ଛୁଁ ଏଝାସି ଜିକେଏ ତବେ ନାସା ଆନେସି ।” ୧୨ “ମାରୁ ମେସାମାନି ଦସଗଟା କମକା, ଦସ ଜାଣା ରାଜାୟାଁ ଲେହେଁ, ଏଝାରି ନୀଏଁ ପାତେକା ସାଲଝି କିହାହିଲଅସି । ସାମା ଜନ୍ତୁ ତଲେ ସାଲଝି କିହାଲିତାକି ର ଗଂଟା ତାକି ଏଝାରାକି ବାଡ଼ୟୁ ହୀପକିଆନେ । ୧୩ ଏଝାରି ରଣ୍ଡିଏ ଅଶପୁ ତଲେ ମାଞ୍ଜୁନା ତାନି ବାଡ଼ୟୁ ଅଡେ ଅଦିକାରା ଏ ଜନ୍ତୁକି ହାନେରି । ୧୪ ଏଝାରି ମେଶ୍ତା ତାଲୁ ତଲେ ଜୁଜୁ କିନେରି, ଅଡେ ମେଶ୍ତା ତାଲୁ ଏଝାରାଇଁ ଜାଣା ଆନେ, ଇଚିହିଁ ଏଝାସି ପ୍ରବୁ କିହାଁ

ପ୍ରବୁ ଅଡେ ରାଜା କିହାଁ ରାଜା, ଅଡେ ଆମିନି ଗାଟାରି ଏଝାଣିତଲେ ମାନେରି ଏ ହାଟାମାନାରି, ଆତାମାନାରି ଅଡେ ନାମୁଗାଟାରି ଜିକେଏ ଜାଣା ଆନେରି ।” ୧୫ ଦୂତୁ ନାଡ୍ଡେ ଅଡେ ଏଲେଇଞ୍ଜୁଡେ, “ନାନୁ ଆମିନି ଏୟୁଣି ମେସ୍ତୁ, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଟକା ଏଟକାଟି ଦେସା, କୃତା, ଗତି ଇଚ୍ଛୁଁ ହାତାଗାଟି କୁଲମି । ୧୬ ନାନୁ ମେସାମାନି ଦସଗଟା କମକା ଇଚ୍ଛୁଁ ଏ ଜନ୍ତୁ, ଦାରେଣିନି ଅପାତ; ଏଓ ଏଦାନି ତାଣାଟି ବାରେ ପିସ୍ପିକିହା ଅହାନା ନାଗଡ଼ା କିହାନା ପିହୁ । ଏଓ ଏଦାନି ଉଞ୍ଜୁ ତିଞ୍ଜୁନା ହିରୁତା ହୁତାନା ନାସା କିନୁ । ୧୭ ଏନାଆଁତାକି ଇଚିହିଁ, ମାହାପୁରୁ ତାନୁ ଅଶପାମାନାଣି କିହାଲିତାକି ଏଝାଆଁତାକି ଇ ଅଶପୁ ହୀହାମାନେସି । ଏଓ ରଣ୍ଡିଏ ମନ ଆହାନା କାମା କିନୁ ଇଚ୍ଛୁଁ ମାହାପୁରୁଟି ବଲୁ ସାତାତଲେ ଆଆପାତେକା ରାଜିଟି ସାଲଝି କିନି ବଦୁ ଏ ଜନ୍ତୁ କେୟୁତା ପିସାହାନେସି ।” ୧୮ “ଇଚ୍ଛୁଁ ଆମିନି ଆୟାଟି ମେସ୍ତୁ, ଏଦି ଆହିମାନେ, ଦାଋତିଟି ରାଜାୟାଁଣି ସାଲଝି କିହମାନି ଏ କାଜା ଗାଡ଼ା ।”

୧୮ ଏତେଟିଏ ନାନୁ ଅଡେ ର ଦୂତୁଇଁ ଲାକପୁରୁଟି ରେଟା ଝାହିମାତାଣି ମେସ୍ତେସ୍; ଏଓ କାଜା ଅଦିକାରା ଗାଟାୟି, ତାନି ଗାଝୁରିନି ତାକି ଦାଋତି ବାରେ ଉଜେଡ଼ି ଆହାହାତେ । ୨ ଏଦି କାଜା ହାତାତଲେ କାଲଝି ଆହିଁ ଏଲେଇଡେ, “କାଜା ଗାଡ଼ା ବାବିଲନ ମେଶ୍ତୁଡେ! ଏଦି ବାରେ ମେଶ୍ତୁଡେ! ଏଦି ବୁଡୁୟାଁ ବାସାଟାୟୁ ଅଡେ ପଲଆ ଜୀଝୁୟାଁ ଅଡେ ପଲଆ କାମାୟାଁ, ଇଚ୍ଛୁଁ ଅପାଆଗାଟି ପଟାୟାଁଟି ବାସାଟାୟୁ ଆହାମାନେ । ୩ ଇଚିହିଁ ବାରେ ଜାଡିତାରି ତାନି ଦାରି କାମାଲେହେଁଟି କାତୁ ଗସାମାନେରି, ଦାଋତିଟି ରାଜାୟାଁ ତାନିତଲେ ଦାରିକାମା କିହାମାନେରି, ଅଡେ ଦାଋତିଟି ଦେବାରା ଗାଟାରି ତାନି ଜୁପକାଟି ବାଡ଼କୁ ଗାଟାରି ଆହାମାନେରି ।” ୪ ଏତେଟିଏ ନାନୁ ଲାକପୁରୁଟି ଅଡେ ର ହାତା ଏଲେ ଇଚ୍ଛୁମାନାଣି ଝେଡେସ୍, “ଏ ମା ଲକ୍ଷୁଡେରି! ଏଦାଆଁତାକି ଏଦାନି ତାଣାଟି ହତା ଝାଡ଼ା ମାରୁ ଏନିକିଁ ଏଦାନି ପାପୁତା ଆଶୁଅଡେରି; ଇଚ୍ଛୁଁ ତାନି ତଣ୍ଡୁଟି ବାଗା ବେଟାଆଅଡେରି; ୫ ଏନାଆଁତାକି ଇଚିହିଁ ଏଦାନି ପାପୁ ବାରେ ଲାକପୁରୁ ପାତେକା ଏଜାମାନେ, ଅଡେ ଏଦି କିହମାନି ଲାଗେଏଡି କାମା ମାହାପୁରୁ ମନତା ଅଶପାମାନେସି । ୬ ଏଦି ମିଡ୍ଡେ ଏନି କିହମାଞ୍ଜୁନେ ଏଲେକିଁ ମାରୁ ଏଦାନାକି କିପୁ; ତାନି କିହମାନାଣି କିହାଁ ରା ଗୁଣ୍ଡୁ ଝେଡ଼ୁ, ଏଦି ଆମିନି ସଲତା କାତୁ ଆଡ଼ହାମାନେ, ଏମୁଆଁ ରା ଗୁଣ୍ଡୁ କାତୁ ତାନି ସଲତା ଆଡ଼ୁ । ୭ ଏଦି ଏତେକା ତାନି ଗାଝୁରିନି କିହମାନେ ଅଡେ ବଡପଣ ତଲେ ମାଞ୍ଜୁମାନେ, ଏଲେକିଁ ଏଦାନାକି ଦୁକୁ କସୁ ହୀତୁ; ଏନାଆଁତାକି ଇଚିହିଁ ଏଦି ଜାହାରାଇଁ ମନତା ଝେସା କଡିମାନେ, ‘ନାନୁ ରାଣି ଆହିଁ କୁଗାମାଇଁ, ନାନୁ ରାଣ୍ଡେଣିତେସ୍ ଆଏ, ନାଡ୍ଡେ ଏତେଲାଝୁ ଦୁକୁ କିହାଲି ଆଏ ।” ୮ ଇଦାଣିତାକି ର ଦିନା ବିତ୍ରା ତଣ୍ଡୁ ପାଣ୍ଡେ, ଇଚିହିଁ ହାକି, ତାକି, ଅଡେ କାର୍ଝୁ ଆନେ, ଅଡେ ଏଦି ହିରୁତା ଝେହାହାନେ, ଇଚିହିଁ ଏଦାନି ନୀହାଁୟି କିନାସି ପ୍ରବୁ ମାହାପୁରୁ ବାରେ ବାଡ଼ୟୁ ଗାଟାସି ।” ୯ ଦାଋତିଟି ବାରେ ରାଜାୟାଁ ତାନିତଲେ ଦାରିକାମା କିହାନା ରାହାଁଟି ନୀତାମାନେରି,

ଏଞ୍ଜରୀ ଏଦାନି ହୁତିମାନି ହିରୁ ବର୍ଯ୍ୟି ମେହନେରି, ଇଞ୍ଜି ଏଦାନି ତାକି ଦୁକୁ ଆହାଁ ତୀନେରି; ୧୦ ଏଞ୍ଜରୀ ଏଦାନି କାକୁଲିଟି ଆଜିତାକି ହେକ ନିତାନା ଏଲେଇନେରି, “ଆୟତା, ଆୟତା, କାଜା ଗାଡ଼ା, ବାଡ଼ୟୁ ଗାଟି ଗାଡ଼ା ବାବିଲନ ନାନୁ ବାକା ପଣନାତି, ଇତିହିଁ ରଣ୍ଡିଏ ଗଂଟା ବିତ୍ରା ନୀ ତଣ୍ଡୁ ଖାତେ!” ୧୧ ଅଡ଼େ ଦାର୍ତ୍ତିତ ବିବାରା ଗାଟାରି ଏଦାନି ତାକି ଦୁକୁ ଆହାଁ ତୀନେରି, ଏନାଆଁତାକି ଇତିହିଁ ଆମ୍ବାଆରି ଏଞ୍ଜରୀ ପାର୍ଦ୍ଦି ଦିଶ୍ପୁ କତଅରି, ୧୨ ଇତିହିଁ ବାଂଗାରା, ଖେଣ୍ଡି, ଦାରା ଗାଟି ମଣି ଅଡ଼େ ମୁକୁୟାଁ, ସିଲ୍ଲୁକୁ ହିମ୍ବରକା, ହେୟାଁ ଖାଣାଗାଟି ହିମ୍ବରକା, ପାଟୁ ହିମ୍ବରକା, ଏଟ୍‌କା ଏଟ୍‌କାଟି ଅଜିତି ହିମ୍ବରକା, ଚନ୍ଦନ ଇଞ୍ଜି ଏଦାନି ଲେହେଁତି ଗାନ୍ଧୁ ଗାଟି ମାଝକା, ହାତି ପାଲ୍‌କା, ଦାରା ଗାଟି ଖେସକା, ପିତାଡ଼ା, ଲହ, ଅଜିତି ଦୁସ୍‌ପା ଖାଲ୍‌କାତଲେ କେପିତି ବାରେ ଆସ୍ତି । ୧୩ ଡାକ୍‌ନି ସାଲି, ଗାନ୍ଧୁଗାଟି ଆସ୍ତି, ଦୁପ୍‌ଶି, ଗାନ୍ଧୁଗାଟି ରୁବିନି ନିୟୁଁ, ଗାନ୍ଧୁଗାଟି ଦୁପ୍‌ଶି, କାପୁ, ନିୟୁଁ, ଗୁଣ୍ଡା, ଗହଁ, କଡ଼ିୟାଁ, ମେଣ୍ଡାୟାଁ, ଗଡ଼ାୟାଁ, ରାତାୟାଁ, କଡ଼ାମାନି ହଲିୟାୟାଁ, ଅଡ଼େ ମାଶ୍‌ସିୟାଁତି ଜୀଞ୍ଜୁ । ୧୪ “ନୀ ଜୀଞ୍ଜୁତି ଜୁପ୍‌କା ଗାଟି ଅଶ୍‌ପୁତି ପାଡ଼େୟିକା ନୀ ତାଣାଟି ମେଣ୍ଡାୟାଁ ହାପୁ, ଅଡ଼େ ବାରେ ଡାକ୍‌ନାୟି, ରାହଁତି ବାରେ ନୀ ତାଣାଟି ଏଟ୍‌କା କିଞ୍ଜି ଆହାଁ ନାସା ଆହାମାନେ, ଅଡ଼େ ଏଚେଲାଖା ଏ ବାରେ ଫେଡ଼ା ଆୟେସା!” ୧୫ ଇ ବାରେ ଦିଶ୍‌ପୁତି ବିବାରା କିନାରି ଏ କାଜା ଗାଡ଼ା ତଲେ ବାଡ଼କୁ ଗାଟାରି ଆହାମାଚେରି, ଏଞ୍ଜରୀ ଏଦାନି କସ୍ତି ଆଜିତାକି ହେକ ନିତାନା ଦୁକୁ ତଲେ ଡ଼ାହିଁ ଏଲେଇନେରି । ୧୬ “ଆୟତା! କାଜା ଗାଡ଼ାଟି! ନିଢ଼େତାକି ଏଚେକା ଆଜିହପେତି କସ୍ତି ଖାତେ, ନୀନୁ ଅଜିତି ହିମ୍ବରକା, ହେୟାଁ ଖାଣାଗାଟି ହିମ୍ବରକା, ପାଟୁ ହିମ୍ବରକା ହୁତାମାଟି, ଅଡ଼େ ବାଂଗାରା, ଦାରାଗାଟି ମଣି ଇଞ୍ଜି ମୁକୁୟାଁ ତଲେ ମିଶ୍‌ସି ପାଟି ସାକୁୟାଁ ଦୁରହାମାଟି! ୧୭ ଇତିହିଁ ରଣ୍ଡିଏ ଗଂଟା ବିତ୍ରା ଏ ବାରେ ଦନ ମେଣ୍ଡାୟାଁହାଚେ । ଏୟୁ ଜାଜାୟାଁ ସାଲ୍‌ଖି କିନାରି ଏମ୍ବାଆଁ କୁଗାମାନାରି ଡ଼ାୟାଁ ସାଲ୍‌ଖି କିନାରି ଇଞ୍ଜି ସାମ୍‌ଦୁରିତା ଇତାଲା ଆତାଲା ରେଜିହିଁ ବିବାରା କିନାରି ହେକ ନିତାନା, ୧୮ ଏ ଗାଡ଼ାଟି ହୁତିମାନି ହିରୁ ବର୍ଯ୍ୟି ମେସାନା କାଜା ଗିୟାଁତଲେ ଏଲେଇନେରି, ଇ କାଜା ଗାଡ଼ା ଲେହେଁ ଆମିନି ଗାଡ଼ାମାନେ । ୧୯ ଏଞ୍ଜରୀ ତାନି ତାକାଁ ଲାକ ଦୁଡ଼ି ଡ଼ାଞ୍ଜା କଡ଼ାନା ଦୁକୁ ତଲେ ଡ଼ାହିଁ ଡ଼ାହିଁ ଏଲେଇଚେରି, ଆୟତା ଏ କାଜା ଗାଡ଼ାଟି, ନିଢ଼େ ଏଚେକା ଆଜିହପେତି ତଣ୍ଡୁ ଆଚେ, ନୀ ବାଡ଼କୁ ତଲେ ସାମ୍‌ଦୁରିତି ଜାଜାଣା ରେଜିହିଁ ବାଡ଼କା ମାଚେରି, ନୀଏଁ ରଣ୍ଡିଏ ଗଂଟା ବିତ୍ରା ଏ ବାରେ ମେଣ୍ଡାୟାଁହାଚେ!” ୨୦ ଲାକପୁରୁ, ମାହାପୁରୁ ଲକୁ, ପାଣ୍ଡୁଖି ଆହାମାନାଚେରି, ମାହାପୁରୁ ଅଶ୍‌ପୁତି ବଲ୍ଲୁ ଖେହନାଚେରି! ମୀରୁ ଏଦାନି ନାସା ଆନାଣି ତାକି ରାହାଁ ଆପୁ, ଏନାଆଁତାକି ଇତିହିଁ ମାହାପୁରୁ ମିଢ଼େ କିହା ମାଞ୍ଜାନାଣି ତାକି ବାଦୁଲି ଆହାମାନେସି । ୨୧ ଏଚେଟିଏ ଡ଼ାୟୁ ର କାଜା ଦୁଡୁ, ର ଜେତାଖାଲି ଲେହେଁତି ର ଖାଲି ସାମ୍‌ଦୁରି ଲାକ ମେଡ଼ହାନା ଏଲେଇଚେ, “ଇଲେକିଁ କାଜା ଗାଡ଼ା ବାବିଲନ ମେଡ଼ସି ଆନେ, ଅଡ଼େ ଏଦି ଏଚେଲାଖା ଡ଼ଞ୍ଜା

ଆଏ । ୨୨ ସେର୍ଡ଼େୟାଁ ଅଡ଼େ ପାଟିନାରି ହାଡ଼ା, ପୀରୁଡ଼ି ଉକିନାରି, ଚୀଡ଼ି ଉକିନାରି ହାଡ଼ା ଏଚେଲାଖା ଏଦାନି ତାଣା ଖେଡ଼େସ, ନେହିଁ ନେହିଁ ସାକୁ ଇଞ୍ଜି ଏଟ୍‌କାଟି ଆସ୍ତି କେପିନାରି ନୀ ତାଣା ଡ଼ଞ୍ଜା ଆଅରି, ଅଡ଼େ ଜେତାଖାଲିକା ତଲେ ନୁୟିନାୟି ଏଚେଲାଖା ହାଡ଼ା ଖେଡ଼େସ । ୨୩ ଦୀଞ୍ଜିୟାଁତି ଉଜେଡ଼ି ନୀ ତାଣା ଏଚେଲାଖା ଡ଼ାଞ୍ଜେସ, ବୀହା ଆନି ମାସକା ଅଡ଼େ ବୀହା ଆନି କକାରି ହାଡ଼ା ନୀ ତାଣା ଏଚେଲାଖା ଖେଡ଼େସ, ଏନାଆଁତାକି ଇତିହିଁ ନୀ ତାଣା ବିବାରା କିନାରି ଦାର୍ତ୍ତିତା କାଜାରି ମାଚେରି, ଅଡ଼େ ନୀ ମାୟାମନ୍ତରତା ବାରେ କୁଡ଼ାଟି ଲକୁ ମୁଞ୍ଜା ହାଜାମାଚେରି!” ୨୪ ଗାଡ଼ାତା ମାହାପୁରୁ ଅଶ୍‌ପୁତି ବଲ୍ଲୁ ଖେହନାରି, ମାହାପୁରୁ ଲକୁ, ଇଞ୍ଜି ଦାର୍ତ୍ତିତା ପାୟୁଖିଆହାମାନି ଲକୁତି ନେଚେରି ଏଦାନି ତାଣା ଡ଼ଞ୍ଜାଆହାମାଚେ ।

୧୯ ଏଚେଟିଏ ଲାକପୁରୁ ର କାଜା ମାନ୍ଧୁ ଲକୁତି ହାଡ଼ାଲେହେଁତି ର କାଜା ହାଡ଼ା ଏଲେଇଞ୍ଜିମାଚାଣି ଖେଚେସ, “ହାଲେଲୁୟା! ଗେଲ୍‌ପିନି, ବାଞ୍ଜରମି ଅଡ଼େ କାଜାପାଣା ମା ମାହାପୁରୁଖାୟି । ୨ ଇତିହିଁ ଏଞ୍ଜାଣି ନୀହାୟି ସାତା ଅଡ଼େ ନେହାୟି, ଆମିନି କାଜା ଦାରେଣି ତାନି ଦାରିକାମା ତଲେ ଦାର୍ତ୍ତିତ ଲକୁଣି ପଲ୍ଲୁଆ କିହାମାଚେ, ମାହାପୁରୁ ଏଦାନି ତଣ୍ଡୁ ହାହାନା ତାନି ହଲିୟାୟାଁ ପାୟିତି ନେଚେରିତି ବାଦୁଲି ଅଚେସି ।” ୩ ଅଡ଼େ ଏଞ୍ଜରୀ ରୀ ପାଲି ଏଲେଇଚେରି “ହାଲେଲୁୟା! ଏ ଗାଡ଼ା ଖେହମାନି ବର୍ଯ୍ୟି କାଲାକାଲାତାକି ହୁଚେମାନେ ।” (aion g165) ୪ ଏଚେଟିଏ କଡ଼େ ସାରି ଜାଣା ପ୍ରାଟିନାୟାଁ ଅଡ଼େ ସାରିଗଡ଼ା ଜନ୍ଦୁୟାଁ ମୁନୁ କୁତାନା ସିଂଗାସାଣିତା କୁଗାମାନି ମାହାପୁରୁଇଁ ଜହରା କିହାନା ଏଲେଇଚୁ, “ଆମେନ ହାଲେଲୁୟା!” ୫ ଏଚିବେଲା ସିଂଗାସାଣିତି ର ହାଡ଼ା ହୁଚାନା ଖେଡ଼େଚେ, “ଏ ମାହାପୁରୁତି ହଲିୟାୟାଁଚେରି, ଏଞ୍ଜାଣାଇଁ ଆଜିନି କାଜାରି ଇଚାରି ବାରେଜାଣା ଚେରି ମୀରୁ ମାହାପୁରୁଇଁ ଜହରା କିନୁ ।” ୬ ଅଡ଼େ ନାନୁ କାଜା ମାନ୍ଧୁ ଲକୁ ଲେହେଁତି ହାଡ଼ା, ଲଦ ଲଦ ରିହମାନି ଏୟୁ ଲେହେଁତି ହାଡ଼ା, ଅଡ଼େ ହାଗୁ ଗୁଣ୍ଡିମାନି କାଜା ହାଡ଼ାଲେହେଁ ଏଲେଇଞ୍ଜି ଖେସିମାନାଣି ଖେଚେସ, “ହାଲେଲୁୟା! ଇତିହିଁ ପ୍ରବୁ ମା ବାଡ଼ୟୁଗାଟି ମାହାପୁରୁ ରାଜା ଆହାନା ପାଣା ବେଟା ଆହାମାନେସି । ୭ ଖାପୁ ମାର ରାହାଁ ଆନ, ଇଞ୍ଜି ଏଞ୍ଜାଣି ଗାଞ୍ଜରମି ତାକି ଏଞ୍ଜାଣାଇଁ ଜହରା କିନ, ଏନାଆଁତାକି ଇତିହିଁ ମେଣ୍ଡା ଡ଼ାଲୁତି ବୀହା ଆନି ଦିନା ଏଦାଚେୟିଏ, ଇଞ୍ଜି ଏଞ୍ଜାସି ବୀହା ଆନି ମାୟୁ ଡ଼ିୟାରା ଆହାମାନେ । ୮ ଏଦାନାକି ମୁହୁନି ଅଡ଼େ ଅପ୍‌ନି ହିମ୍ବର ହୁଚାଲି ହୀପ୍‌କି ଆପୁ.” ଏ ଦବଲା ହିମ୍ବର ଇତିହିଁ ମାହାପୁରୁ ଲକୁତି ଦାମ୍‌ କାମାୟାଁ । ୯ ଏଚିବେଲା ଦୁଡୁ ନାଢ଼େ ଏଲେଇଞ୍ଜିଚେ, “ରାତାମ୍, ଆମିନି ଗାଟାରି ମେଣ୍ଡା ଡ଼ାଲୁତି ବୀହା ବଜିତା ହାଟ୍‌କି ଆହାମାନେରି, ଏଞ୍ଜାଉକି ନେହେଁ ।” ଅଡ଼େ ଏଦି ନାଢ଼େ ଏଲେଇଞ୍ଜିଚେ, “ଇ ବାରେ ମାହାପୁରୁତି ସାତା ବଲ୍ଲୁ ।” ୧୦ ଏଚେଟିଏ ନାନୁ ଏଦାନି ଜହରା କିହାଲି ତାନି କଡ଼ାୟାଁ ତୁଇ ରାଚେସ, ଏଚେଟିଏ ଏଦି ନାଢ଼େ ଏଲେଇଞ୍ଜିଚେ, ଜାଗ୍ରାତା, ଇଲେ କିଆନି, ନାନୁ ଜୀପୁ ଅଡ଼େ ମୀ

ଯାକି ଇଚ୍ଛୁଁ ମୀ ତାୟିୟାଁ ତଲେ ର ହଲେଏଣା ଲେହେଁ; ନୀନୁ ମାହାପୁରୁଇଁ ଜହରା କିମ୍ପୁ, ଜୀସୁତି ସାକି ଏଦି ସାତା, ମାହାପୁରୁ ବଲୁ ଷେହନାରି ଜୀଝୁ । **୧୧** ଏଚେଟିଏ ନାନୁ ଲାକପୁରୁତି ଦେପିଆହାମାନାଣି ମେସ୍ତେସ୍, ଏମ୍ପାଆଁ ର ଦବଲ୍ଲା ଖାଣାଗାଟି ଗଡ଼ା ମାଚେ, ଏମ୍ପାଆଁ ହତାମାନାଣି ଦରୁ ନାମାତାୟି ଅଡ଼େ ସାତାତାୟି; ଏଖାସି ନେହଁକି ନୀହାଁୟି କିନେସି, ଅଡ଼େ ଜୁଜୁ କିନେସି । **୧୨** ଏଖାଣି କାଣ୍ଡା ହିରୁ ଗୁଦ୍‌ଖା ଲେହେଁତାଲ, ତାନି ତାୟିତା ହାରେକା ଚପେରିକା, ଅଡ଼େ ଏଖାଣି ର ଦରୁ ରାସକି ଆହାମାନେ, ଏ ଦରୁ ଏଖାଣି ପିସ୍‌ସେ ଆମ୍ପାଆରି ପୁନଅରି । **୧୩** ଏଖାସି ନେଚେରିତା ଉଡ଼ହା ମାନି ର ହିମ୍ପୁରି ହୁତାମାନେସି, ଇଚ୍ଛୁଁ ଏଖାଣି ଦରୁ “ମାହାପୁରୁତି ବଲୁ ।” **୧୪** ଲାକପୁରୁତି ଜୁଜୁ କିନାରି ଅପ୍‌ନି ଦବଲ୍ଲା ହିମ୍ପୁରିକା ହୁତାନା ଦବଲ୍ଲା ଖାଣା ଗଡ଼ାୟି ଲାକ କୁଗାନା ତାନି ଜେଚ ହାଚେ । **୧୫** ଏଖାଣି ଗୁତିଟି ଖାସ୍ତି କାଣ୍ଡା ହନେ, ଏ କାଣ୍ଡାତଲେ ବାରେ ଦେସାତି ଲକ୍‌ଇଁ ଚୁଣ୍ଡନେସି; ଏଖାସି ଏଖାରାଇଁ ଲହ ବାଡ଼ାତା ତଲେ ସାଲଖି କିନେସି, ଅଡ଼େ ଏଖାସି ତାନୁଏ ବାରେ ବାଡ଼ୟୁଗାଟି ମାହାପୁରୁ କାଜା କ୍‌ପା ଲେହେଁତି ଅଢ଼ୁରି ପାଡ଼େୟିକା ପାରିନି ଗାଡ଼ୟୁତା ମାନି ପାଡ଼େୟିକା ଝିହନେସି । **୧୬** ଏଖାଣି ହିମ୍ପୁରିତା ଅଡ଼େ ଏଖାଣି କୁଦ୍‌ଗୁତା ଇ ଦରୁ ରାସକି ଆହାମାନେ, “ରାଜା କିହାଁ ରାଜା ଅଡ଼େ ପ୍ରବୁ କିହାଁ ପ୍ରବୁ ।” **୧୭** ଏଚେଟିଏ ନାନୁ ର ଦୁରୁଇଁ ଝେଡ଼ା ଲାକ ନିତାମାନାଣି ମେସ୍ତେସ୍; ଏଦି ହାଗୁତି ମାଦି ଉମ୍‌ମାନି ବାରେ ପଟାୟିଣି କାଜା ହାତାତଲେ ହାଟାନା ଏଲେଇଚେ, “ଖାଦୁ ମାହାପୁରୁତି କାଜା ବଜିତା କୁଡ଼ା ଆହୁ! **୧୮** ଏନିକିଁ ମୀରୁ ରାଜାୟି, ଜୁଜୁ ତାକି କାଜାରି, ବାଡ଼ୟୁ ଗାଟାରି, ଗଡ଼ାୟି ଅଡ଼େ ଗଡ଼ା ଲାକ କୁଗାମାନାରି, କତାମାନି ହଲିୟାଢ଼ା, ହଲିୟାଢ଼ା ଆଆତାରି, କାଜାରି ଅଡ଼େ ଇଚାରି ବାରେଚି ଉଢ଼ୁ ତିଝ୍ଝେରି!” **୧୯** ତାୟୁ ନାନୁ ଜନ୍‌ଜୁତି ଅଡ଼େ ଦାର୍‌ଚିତି ରାଜାୟିଣି ଅଡ଼େ ଏଖାରି ଜୁଜୁ କିନାରାଇଁ, ଏଖାରି ଗଡ଼ାୟି ଲାକ କୁଗାମାନାରି ଇଚ୍ଛୁଁ ଏଖାରି ଜୁଜୁ କିନାରି କପାଟି ଜୁଜୁ କିହାଲି କଡ଼ା ଆହାମାନାଣି ମେସ୍ତେସ୍ । **୨୦** ଏ ଜୁଜୁତା ଜନ୍‌ ଅଡ଼େ ଏଦାନି ନକିତା କାବାଆନି କାମା କିହିମାନି ଏ ନାଡ଼ିକିନି କ୍ରାସୁଇଁ ଆସାନା ଦସ୍‌ପିଆଡେ । ଆମିନି ଲକ୍‌ତାଣା ଏ ଜନ୍‌ଜୁତି ସିନା ମାଚେ ଇଚ୍ଛୁଁ ଆମ୍ପାଆରି ଏଦାନି ବମାତି ପୁଜା କିହିମାଚେରି, ଜନ୍‌ ତାନି କାବାଆନି କାମା ତଲେ ଏଖାରାଇଁ ନାଡ଼ି କିହାମାଚେ । ଜନ୍‌ ଇଚ୍ଛୁଁ ନାଡ଼ିକିନି କ୍ରାସୁଇଁ ଡ଼ାଞ୍ଜିମାନି ହିରୁତା ଜୀଝୁଚଲେ ମେଡ଼ପିଆଡେ । (Limnē Pyr g3041 g4442) **୨୧** ଅଡ଼େ ଏଚେକା ଡ଼ୟିତି ଲକ୍‌ ଗଡ଼ା ଲାକ କୁଗାମାନାଣି ଗୁତିଟି ହିମ୍ପୁରିନି କାଣ୍ଡାତଲେ ପାୟିଆଡେ; ଏଚେଟିଏ ବାରେ ପଟାୟି ଏଖାରି ଉଢ଼ୁ ତିଝ୍ଝାନା ବାଣ୍ଡି ପାଞ୍ଜିରୁ ।

୨୦ ଏଚେଟିଏ ନାନୁ ର ଦୁରୁଇଁ ଲାକପୁରୁତି ରେଚା ଖାହିମାଚାଣି ମେସ୍ତେସ୍, ଏଦାନି କେୟୁତା ତାଡ଼େପୁରୁ ଗାଡ଼ୟୁତି ଜୁତିକାଡ଼ି ଅଡ଼େ ର କାଜା ହିକ୍‌ଶି ମାଚୁ । (Abyssos g12) **୨** ଏଦି କାଜା ରାଉତି, ଏ ପୁାଃଲ ନାଗା, ଇଚିହିଁ ଦିୟାବଲ ଅଡ଼େ ସୟତାନତି ଆସାନା ର ମାଣା ବାର୍‌ସା ପାଚେକା ଦସ୍‌ପା ଇଚିଚେ । **୩** ଅଡ଼େ ଏଦାନି ତାଡ଼େପୁରୁ

ଗାଡ଼ୟୁତା ମେଡ଼ହାନା ଗାଡ଼ୟୁତି ଦୁଝେରି ସୁଶ୍ରୀନା ଏଦାନି ଲାକ ହାକିତି ସାଲି ଝେଚେ, ଇଚ୍ଛୁଁ ଏନିକିଁ ଏଦି ର ମାଣା ବାର୍‌ସା ରାଆ ପାଚେକା ଦେସାତି ଲକ୍‌ଶି ନାଡ଼ି କିହାଲି ଆଡେଏ; ଅଡ଼େ ତାୟୁ ଗାଡ଼େକା ତାକି ପିସ୍‌ପି କିୟାଲି ଆନେ । (Abyssos g12) **୪** ଏଚେଟିଏ ନାନୁ ଏଚରଗଟା ସିଂଗାସାଣିୟାଁ ମେସ୍ତେସ୍, ଏ ବାରେ ଲାକ ଏଚରକାଣା କୁରିଚେରି, ଏଖାରାକି ନୀହାଁୟି କିହାଲି ଅଦିକାରା ହାପକିଆଡେ, ଅଡ଼େ ଜୀସୁତି କାତା ଇଚ୍ଛୁଁ ମାହାପୁରୁତି ବଲୁ ତାକି ଆମ୍ପାଆରି ତାର୍‌କା ଦାପି ଆହାମାଚୁ, ଇଚ୍ଛୁଁ ଆମ୍ପାଆରି ଏ ଜନ୍‌ ଅଡ଼େ ତାନି ବମାତି ଜହରା କିହାଁ ହିଲ୍ଲାଆଚେରି ଅଡ଼େ ତାନି ସିନାତି ମୁଞ୍ଜୁତା କି କେୟୁତା ବେଟାଆହା ହିଲ୍ଲାଆଚେରି, ଏଖାରି ଜୀଝୁୟାଁ ମେସ୍ତେସ୍; ଏଖାରି ଝେଣ୍ଡେ ନୀତାନା କ୍ରାସୁ ତଲେ ର ମାଣା ବାର୍‌ସା ପାଚେକା ସାଲଖି କିଚେରି । **୫** ଅଡ଼େ ଏଚେକା ହାତି ଲକ୍‌ ଏ ର ମାଣା ବାର୍‌ସା ରାଆ ପାଚେକା ନୀତାଆଚେରି, ଇଦିଏ ତଲିତି ହାକିତି ନିଢ଼ିନାୟି । **୬** ଆମ୍ପାଆରି ମୂଲୁ ଝେଣ୍ଡେ ନିଢ଼ିନି ତାଣା ଆଣ୍ଡିନେରି ଏଖାରି ନେହେଁ, ଅଡ଼େ ଏଖାରି ସୁଦୁଗାଟାରି; ଅଡ଼େ ଏଖାରି ମୁହେଁ ତାୟୁତି ହାକିତି ଏନି ଅଦିକାରା ହିଲେଏ, ସାମା ଏଖାରି ମାହାପୁରୁ ଅଡ଼େ କ୍ରାସୁତି ପୁଜେରାଢ଼ା ଆହାନା ଏଖାଣିତଲେ ର ମାଣା ବାର୍‌ସା ପାଚେକା ସାଲଖି କିନେରି । **୭** ଏ ର ମାଣା ବାର୍‌ସା ରାତିସାରେ ସୟତାନ ଦସ୍‌ପି ଆହାମାଟି ଇଚ୍ଛୁତି ପିସ୍‌ପି ଆନେ । **୮** ଏଚେଟିଏ ସୟତାନ ଦାର୍‌ଚିତି ସାରିସୁଚୁ ମାନି ଦେସାତାରାଇଁ ଇଚିହିଁ ସାମଦୁରିତି ବାଃଲି ସମାନା ହାରେକା ଗଗ୍ ଅଡ଼େ ମେଗଗ୍ ଏଖାରାଇଁ ନାଡ଼ିକିହାନା ଜୁଜୁ ତାକି କୁଡ଼ିକିହାଲି ହତାହାନେ । **୯** ଏଖାରି ଦାର୍‌ଚିତି ସାରିସୁଚୁ ହାଜାନା ମାହାପୁରୁ ଲକ୍‌ ବାସାଆନି ତାଣା ଅଡ଼େ ମାହାପୁରୁ ଜୀଝୁ ନହାଁମାନି କାଜା ଗାଡ଼ାତା ମୁଚିଚେରି, ଏଚିବେଲ୍ଲା ଲାକପୁରୁତି ହିରୁ ରିହାନା ଏଖାରାଇଁ ନାସା କିଚେ । **୧୦** ଆମିନି ସୟତାନ ଏଖାରାଇଁ ନାଡ଼ି କିହାମାଚେ, ଏଦାନି ହିରୁ ଅଡ଼େ ଗାନ୍ଧାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ୟୁତା ମେଡ଼ପିଆଡେ, ଏମ୍ପାଆଁ ଏ ଜନ୍‌ ଇଚ୍ଛୁଁ ମାହାପୁରୁ ବଲୁ ମିଚି ଝେହ୍‌ନାସି ଜିକେଏ ମାନେସି; ଅଡ଼େ ଏଖାରି ଏମ୍ପାଆଁ ଲାଆଁ ମାଦେନା କାଲାକାଲା ତାକି ଡ଼ଣ୍ଡ ବେଟାଆନେରି । (aiōn g165, Limnē Pyr g3041 g4442) **୧୧** ଏଚେଟିଏ ନାନୁ ର କାଜା ଦବଲ୍ଲା ସିଂଗାସାଣି ଇଚ୍ଛୁଁ ଏମ୍ପାଆଁ ରଅସି କୁଗାମାନାଣି ମେସ୍ତେସ୍; ଏଖାଣି ନକିଚି ଦାର୍‌ଚି ଅଡ଼େ ହାଗୁପାକା ହଟାଡ଼ୁସୁ, ଏଖାସିକାକି ଅଡ଼େ ଗାୟୁ ମେଡ଼ା ଆଆଡେ । **୧୨** ଅଡ଼େ ନାନୁ ଇଚାରି କାଜାରି ବାରେ ହାତାରାଇଁ ସିଂଗାସାଣି ନକିତା ନିତାମାନାଣି ମେସ୍ତେସ୍, ଅଡ଼େ ପତିୟାଁ ବାରେ ଦେପିଆଡ଼ୁ; ତାୟୁ ଜୀଝୁପତି ଇଚ୍ଛୁଁ ଅଡ଼େ ର ପତି ଦେପିଆଡେ; ଏ ପତିଣାଁ ରାସକି ଆହାମାନି ଲେହେଁ ହାତାରି ତାନି କିଚି କାମା ଲେହେଁ ନୀହାଁୟି କିଝି ଆଚେରି । **୧୩** ସାମଦୁରି ତାନିତାଣାଟି ହାତାରାଇଁ ହେର୍‌ପିଚେ, ଇଚ୍ଛୁଁ ହାକି ଅଡ଼େ ତାଡ଼େପୁରୁ ତାନି ତାଣା ହାତାରାଇଁ ହେର୍‌ପିଚୁ; ଇଚ୍ଛୁଁ ଏଖାରି ବାରେ ତାନି କିଚି କାମା ଲେହେଁ ନୀହାଁୟି କିଝି ଆଚେରି । (Hadēs g86) **୧୪** ଏଚେଟିଏ ହାକି ଅଡ଼େ ତାଡ଼େପୁରୁତି ହିରୁତଲେ ଡ଼ାଞ୍ଜିମାନି ଗାଡ଼ୟୁତା ମେଡ଼ପିଆଡେ, ଇ ତାୟୁତି

ହାକି ଇତିହିଁ ହିତୁ ଗାଡ଼୍‌ୟୁ । (Hadēs g86, Limnē Pyr g3041 g4442) **୧୫**
ଆମ୍ବାଆରି ଦରୁ ଜାସ୍ତୁତି ପତିତା ରାସ୍‌କି ଆହା ହିଲିଆତେ ଏଞ୍ଜାରାଇଁ
ଡ଼ାଞ୍ଜିମାନି ହିତୁ ଗାଡ଼୍‌ୟୁତା ମେଦ୍‌ପିଆତେ । (Limnē Pyr g3041 g4442)


୧୧ ଏମ୍ବାଟିଏ ନାନୁ ର ପୁଃନି ହାଗୁପାକା ଅଡେ ପୁଃନି ଦାର୍‌ତି
ମେସ୍‌ସ୍‌ସ୍‌, ଇତିହିଁ ତଲିତି ହାଗୁପାକା ଅଡେ ତଲିତି ଦାର୍‌ତି
ମେଶ୍‌ସ୍‌ସ୍‌ ହାଜାମାତେ, ଇଞ୍ଜିଁ ସାମ୍‌ଦୁରି ଅଡେ ହିଲିଆତେ । **୨** ଅଡେ
ନାନୁ ସୁଦୁ ଗାଡ଼ା ଇତିହିଁ ପୁଃନି ଜିରୁସାଲମତା ତାନି ବୀହା ଆନି ତକାଲି
ବେଟାଆୟାଲି ତିୟାରା ଆହାମାନି ତାଆ ମାଢ୍ଫାଲେହେଁ ଲାକପୁରୁତି
ମାହାପୁରୁ ତାଣାଟି ରେତାଞ୍ଜିହିଁ ମାଚାଣି ମେସ୍‌ସ୍‌ସ୍‌ । **୩** ଅଡେ ନାନୁ
ସିଂଗାସାଣିଟି ର କାଜା ହାଡା ଏଲେ ଇଞ୍ଜିମାଚାଣି ଷ୍ଟେଟେସ୍‌, “ମେହ୍‌ଦୁ
ମାଶ୍‌ସିୟାଁ ତାଣା ମାହାପୁରୁତି ବାସାଟାୟୁ ମାନେ, ଏଞ୍ଜାସି ଏଞ୍ଜାରିତଲେ
ବାସା ଆନେସି, ଇଞ୍ଜିଁ ଏଞ୍ଜାରି ଏଞ୍ଜାଣି ଲକୁ ଆନେରି, **୪** ଅଡେ ମାହାପୁରୁ
ଡ଼ାନୁଏ ଏଞ୍ଜାରିତଲେ ଡ଼ୟିନେସି, ଇଞ୍ଜିଁ ଏଞ୍ଜାରି କାନୁତି ବାରେ କାଣୁ
ଜେଜାତୁହନେସି; ଏମ୍ବାଆଁ ହାକି ଅଡେ ଖାଏ; ଦୁକୁ, ଡ଼ାକି, ଇଞ୍ଜିଁ ବାସା
ଅଡେ ଡ଼ୟେଏ; ଇତିହିଁ ପୁଃଆୟି ବାରେ ମେଶ୍‌ସ୍‌ସ୍‌ ହାଜାମାନେ ।” **୫**
ଏତେଟିଏ ସିଂଗାସାଣିତା କୁଗାମାନାସି ଏଲେଇତେସି, “ମେହ୍‌ମୁ ନାନୁ
ବାରେ ପୁଃନି କିହିମାଇଁ” ଅଡେ ଏଞ୍ଜାସି ଏଲେଇଞ୍ଜାତେସି, “ରାତାମୁ,
ଏନାଆଁତାକି ଇତିହିଁ ଇ ବାରେ କାତା ସାତାତାୟି ଅଡେ ନାମୁଗାଟାୟି ।” **୬**
ଏଞ୍ଜାସି ନାଟ୍ଟେ ଅଡେ ଏଲେଇଞ୍ଜାତେସି, “ବାରେ ରାତେୟିଏ, ନାନୁ ଆଲ୍‌ପା
ଅଡେ ଅମେଗା, ମାଦ୍‌ନାତେଏଁ ଅଡେ ରାଦ୍‌ନାତେଏଁ, ଆମ୍ବାଆସି ଏସ୍‌କି
ଗାଟାସି ଏଞ୍ଜାଣାକି ଜାଞ୍ଜୁହାନି ଜାର୍‌ଶାଟି ତାରୁୟାଁ ହାଆନା ଏୟୁ ଗସାଲି
ହାଇଁ । **୭** ଆମ୍ବାଆସି ଜାଣା ଆନେସି, ଏଞ୍ଜାସି ଇ ବାରେତି ଅଦିକାରା
ଆନେସି; ନାନୁ ଏଞ୍ଜାଣି ମାହାପୁରୁ ଆଇଁ, ଇଞ୍ଜିଁ ଏଞ୍ଜାସି ନା ମାବ୍‌ଏସି
ଆନେସି । **୮** ସାମା ଆମ୍ବାଆରି ଆଜିନାରି, ନାମୁ ହିଲିଆ ଗାଟାରି,
ଅପାଆଗାଟି କାମାକିନାରି, ଲକୁଣି ପାୟିନାରି, ଦାରି କିନାରି, ଗୁଣି ଗାର୍‌ଡ଼ି
କିନାରି, ପେଶ୍‌କା ବମାୟାଁ ପୁଜା କିନାରି, ଏଞ୍ଜାରି ଅଡେ ବାରେ ମିତି କାତା
ଞ୍ଜେହ୍‌ନାରି, ହିତୁ ଅଡେ ଗାନୁଗୁଣ୍ଡା ତଲେ ଡ଼ାଞ୍ଜିମାନି ଗାଡ଼୍‌ୟୁତା ଟାୟୁ
ବେଟାଆନେରି, ଏଦି ଡ଼ାୟୁତି ହାକି ।” (Limnē Pyr g3041 g4442) **୯**
ଏତେଟିଏ ସାତାଗଟା ଦୂରୁୟାଁ ଡ଼ାୟୁତି ସାତାଗଟା ତଣ୍ଡୁୟାଁଲି ଆସାମାନି
ସାତାଗଟା ଗିନାୟାଁଶା ସାତାଗଟା ଦୂରୁୟାଁ ବିତ୍ରାଟି ର ଦୂରୁ ନା ଡ଼ାଣା
ଞ୍ଜାହାନା ଏଲେଇଞ୍ଜାତେ, “ଇମ୍ବାଆଁ ଖାମୁ, ବୀହା ଆହିମାନି ତାଆମାଢ୍ଫା
ଇତିହିଁ ମେଶ୍‌ସ୍‌ସ୍‌ ଡ଼ାଲୁତି ତକ୍‌ନି ନିଟ୍ଟୁ ଡ଼ସ୍‌ତାଇଁ ।” **୧୦** ଏତେଟିଏ ଏ ଦୂରୁ
ନାଟ୍ଟେ ସୁଦୁଜାସ୍ତୁ ବାଡ଼୍‌ୟୁତି ର କାଜାୟି ଅଡେ ପାତାଆତି ହରୁତା ଅହାନା
ଏ ସୁଦୁ ଗାଡ଼ା ଜିରୁସାଲମତି ଡ଼ସ୍‌ତାତେ, ଏଦି ଲାକପୁରୁତି ଇତିହିଁ ମାହାପୁରୁ
ଡ଼ାଣାଟି ରେତା ଞ୍ଜାହିମାତେ, **୧୧** ଅଡେ ଏଦି ମାହାପୁରୁତି ଗାଞ୍ଜୁରିମି ତଲେ
ମୁସିମାତେ, ଏଦାନି ଉଜେଡ଼ି ହାରେକା ଦାରାଗାଟି ମଣି ଅଡେ ଞ୍ଜେଡ଼ାଟି
ଅପ୍‌ନି ଦାପେଣିଲେହେଁ । **୧୨** ଏଦାନି ସାରିସୁରୁ ର କାଜାୟି ଅଡେ
ପାତାଆତି କଟା ମାନେ, ଏମ୍ବାଆଁ ବାରଗଟା ଦୁଞ୍ଜେରିକା, ଏ ଦୁଞ୍ଜେରିକାଶା

ବାରକାଣା ଦୂରୁୟାଁ ଇଞ୍ଜିଁ ଦୁଞ୍ଜେରିକା ଲାକ ଇସ୍‌ପାୟେଲ ମୀର୍କାକାଟି ବାର
କୂଡ଼ାଟି ଦରୁକା ରାସ୍‌କି ଆହାମାନେ । **୧୩** ଞ୍ଜେଡ଼ା ହ୍‌ପୁଞ୍ଜାକି ତାନିଗଟା
ଦୁଞ୍ଜେରିକା, ଚିଃନିଞ୍ଜାକି ତାନିଗଟା ଦୁଞ୍ଜେରିକା, ଟେବ୍‌ଞ୍ଜାକି ତାନିଗଟା
ଦୁଞ୍ଜେରିକା, ଅଡେ ଞ୍ଜେଡ଼ା କୂଡ଼ିନି ଞ୍ଜାକି ତାନିଗଟା ଦୁଞ୍ଜେରିକା । **୧୪** ଏ
ଗାଡ଼ାଟି କଟା ବାରଗଟା ପୁନାଦିକା ଇଟ୍‌କି ଆହାମାନୁ, ଏ ଖାଲ୍‌କା ଲାକ
ମେଶ୍‌ସ୍‌ସ୍‌ ଡ଼ାଲୁ ଡ଼ାଣାଟି ବାରକାଣା ପାଣ୍ଡୁଞ୍ଜି ଆହାମାନାରି ବାରଗଟା ଦରୁକା
ରାସ୍‌କି ଆହାମାନୁ **୧୫** ନା ତଲେ କାତା ଆହିମାନି ଦୂରୁତି କେୟୁତା
ଗାଡ଼ାଟି, ଇଞ୍ଜିଁ ଏମ୍ବାଟି ଦୁଞ୍ଜେରିକା ଅଡେ ସାରିସୁରୁତି କଟା ଲାଟାଲି ର
ବାଂଗାରା ବାଡ଼୍‌ଗା ମାତେ । **୧୬** ଏ ଗାଡ଼ା ସାରି କନ, ତାନି ଲାମ୍ବା ଅଡେ
ଅସାରା ରଣ୍ଡିଏ ସମାନା; ଏଞ୍ଜାସି ଏ ଗାଡ଼ାଟି ଏ ବାଡ଼୍‌ଗା ତଲେ ଲାଟାଲିଏ
ବାର ମାଣା ବାଡ଼୍‌ଗା ଆତେ; ଏମ୍ବାଟି ଲାମ୍ବା ଅସାରା ଅଡେ ପାଡ଼୍‌ଣି ଜିକେଏ
ସମାନା ଆତେ । **୧୭** ଅଡେ ଡ଼ାୟୁ ଏଦି ଗାଡ଼ାଟି ସାରିସୁରୁ କଟା ଲାଟାଲିଏ
ଏଦି ମାଶ୍‌ସିତି ଲେକାତଲେ ସାତାକଡ଼ି ସାରି ହାଡା ଆତେ, ଦୂରୁ ଏ
ଲେକାତଲେ ଲାଟି ମାତେ । **୧୮** ଏ ସାରିସୁରୁତି କଟା ଞ୍ଜେଡ଼ାଟି ଅପ୍‌ନି
ଦାପେଣି ଲେହେଁତି ମଣି ତଲେ କେପି ଆହାମାନେ, ଅଡେ ଗାଡ଼ା ଅପ୍‌ନି
ଦାପେଣି ଲେହେଁତି ସୁଦୁ ବାଂଗାରା ତଲେ କେପି ଆହାମାନେ । **୧୯**
ଗାଡ଼ାଟି ସାରିସୁରୁ କଟାଟି ପୁନାଦି ଏଟ୍‌କା ଏଟ୍‌କାଟି ହାରେ ଦାରାଗାଟି
ମଣି ଖାଲ୍‌କାତଲେ ଅଜିକିଞ୍ଜି ଆହାମାନେ, ତଲିତି ପୁନାଦି ଜାସପର, ରା
ଲମ୍ବର ପୁନାଦି ନିଲକାନ୍ତମଣି, ତାନି ଲମ୍ବର ପୁନାଦି ବଦୁଜ୍ୟମଣି, ସାରି
ଲମ୍ବର ପୁନାଦି ମରକତମଣି, **୨୦** ପାସା ଲମ୍ବର ପୁନାଦି ପଲକମଣି, ସ
ଲମ୍ବର ପୁନାଦି ମାଣିକ୍ୟ ମଣି, ସାତା ଲମ୍ବର ପୁନାଦି ପୁସ୍‌ପରାଗମଣି,
ଆଟା ଲମ୍ବର ପୁନାଦି ପିରକମଣି, ନ ଲମ୍ବର ପୁନାଦି ଗମେସଦକ ମଣି,
ଦସ ଲମ୍ବର ପୁନାଦି ଇସ୍‌ସିୟମଣି, ଏଗାର ଲମ୍ବର ପୁନାଦି ଦାର୍‌ଶକି
ଞ୍ଜାଣାଗାଟି ମଣି, ବାର ଲମ୍ବର ପୁନାଦି ନେହିଁ ଗାନୁଗାଟି ମଣି ମାତେ । **୨୧**
ବାର ଗଟା ଦୁଞ୍ଜେରିକାଣାଁ ବାରଗଟା ମୁକ୍ତାୟାଁ, ର ଦୁଞ୍ଜେରିତି ର ମୁକ୍ତା ତଲେ
କେପି ଆହାମାନୁ; ଅଡେ ଗାଡ଼ାଟି ଆଂଗେଣିକା ନେହିଁ ଦାପେଣି ଲେହେଁତି
ସୁଦୁ ବାଂଗାରା ତଲେ ଆହାମାନୁ । **୨୨** ନାନୁ ଏ ଗାଡ଼ାତା ଏନି ଦେଞ୍ଜୁଡ଼ି
ଜିକେଏ ମେହ୍‌ଆତେସ୍‌, ଇତିହିଁ ପ୍ରୁ ବାରେ ବାଡ଼୍‌ୟୁ ଗାଟି ମାହାପୁରୁ
ଅଡେ ମେଶ୍‌ସ୍‌ସ୍‌ ଡ଼ାଲୁଏ ଏମ୍ବାଟି ଦେଞ୍ଜୁଡ଼ି ସମାନା । **୨୩** ଉଜେଡ଼ି ତାକି
ଏମ୍ବାଆଁ ଞ୍ଜେଡ଼ା କି ଲେଞ୍ଜୁତି ଲଡ଼ା ଆଏ, ଇତିହିଁ ମାହାପୁରୁତି ଗାଞ୍ଜୁରିମିଏ
ଏମ୍ବାଆଁ ଉଜେଡ଼ି କିନେ, ଅଡେ ମେଶ୍‌ସ୍‌ସ୍‌ ଡ଼ାଲୁ ଏମ୍ବାଟି ଦାଞ୍ଜି ସମାନା ।
୨୪ ଏମ୍ବାଟି ଉଜେଡ଼ି ତଲେ ବାରେ ଦାର୍‌ଟିତି ଲକୁ ଡ଼ାକିନେରି, ଅଡେ
ଦାର୍‌ଟିତି ରାଜାୟାଁ ତାନି ହାରେକା ଦନ ଏ ଗାଡ଼ା ବିତ୍ରା ତାନେରି । **୨୫**
ଏମ୍ବାଟି ଦୁଞ୍ଜେରିକା ମାଦେନା ବେଲା ଦେପି ଆହାଁ ଡ଼ୟିନୁ; ଏଞ୍ଜି ଏତେଲା
ଜିକେଏ ସୁଶୁକି ଆର, ଇତିହିଁ ଏ ଟାୟୁତା ଲାଆୟାଁ ଇନାୟି ହିଲେଏ ।
୨୬ ବାରେ କୂଡ଼ାଟି ଲକୁ ତାନି ଗାଞ୍ଜୁରିମି ଅଡେ ହାରେକା ଦନ ଏ ଗାଡ଼ାତା
ତାନେରି । **୨୭** ଏନି ପଲ୍‌ଆ ଗାଟାକି କି ଅପାଆଗାଟି କାମାକିନାରି, ମିତି
ଜଲିନାରି ଆମ୍ବାଆରି ଏମ୍ବାଆଁ ହ୍‌ତାଲି ଆଡ଼ଅରି; ସାମା ଆମ୍ବାଆରି ଦରୁ

ମେଣ୍ଡା ଡାଲୁଚି ଜୀଝୁଚି ପତିତା ରାସକି ଆହାମାନେ, ଏଝାରି ହତାଲି ଆତିନେରି ।

୨୨ ଡାୟୁ ଦୁରୁ ନାଢ୍ଢେ ଜୀଝୁହାନି ଏୟୁଚି ର କାତା ତସ୍ତାତେସି, ଏଦି ଅପ୍ନି ଦାପେଣିଲେହେ ଉଜେଡ଼ି, ଅଡେ ମାହାପୁରୁ ଇଞ୍ଝି ମେଣ୍ଡା ଡାଲୁଚି ସିଂଗାସାଣିଟି ହତାନା ଗାଡ଼ାତି ଜିରୁ ମାଦିଚି ହାଜିମାନେ । ୨ ଏ କାତାତି ରିକଞ୍ଚକି ବାର ଦେବା ପାଡେୟି ଆୟିନି ଜୀଝୁଚି ମାରୁନୁ ମାନେ, ଏମ୍ପାଆଁ ଲେଞ୍ଝୁ ଡାକି ଲେଞ୍ଝୁ ପାଡେୟି ଆୟିନେ, ଇଞ୍ଝି ଏ ମାରୁନୁଚି ଆକା ବାରେ କୂଡ଼ାତାରାଇଁ ରଗଟି ନେହିଁ କିନାଇ । ୩ ଏମ୍ପାଆଁ ଏନି ବାକା ତୟେଏ, ମାହାପୁରୁ ଅଡେ ମେଣ୍ଡା ଡାଲୁଚି ସିଂଗାସାଣି ଗାଡ଼ା ମାଦିଏ ତୟିନେ, ଇଞ୍ଝି ଏଝାଣି ହଲିୟାଢ୍ଢା ଏଝାଣି ସେବା କିନେରି । ୪ ଏଝାରି ତାନି ମୁମୁ ମେହନେରି, ଇଞ୍ଝି ତାନି ଦରୁ ଏଝାରି ମୁଞ୍ଜୁତା ରାଚିନେସି । ୫ ଏମ୍ପାଆଁ ଲାଆଁୟି ଆଏ, ଏଝାରକି ଦୀଝି କି ଖେଡ଼ାତି ଉଜେଡ଼ି ଲୁଡ଼ା ଆଏ, ଇଚିହିଁ ପ୍ରୁ ମାହାପୁରୁ ଏଝାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଝି ଏଝାରି କାଲକାଲା ଡାକି ରାଜି କିନେରି । (aion g165) ୬ ଏଚେଟିଏ ଦୁରୁ ନାଢ୍ଢେ ଏଲେଇଚେସି, “ଇ ବଲୁ ସାତା ଇଞ୍ଝି ନାମୁଗାଟାୟି; ଏନାୟି ଗାଡେକେଏ ଗଟଝି ଆନେ, ଏ ବାରେ ତାନି ସେବା କିନାରାଇଁ ତସାଲି ଡାକି, ପ୍ରୁ ମାହାପୁରୁ ଅଣପୁଚି ବଲୁ ଖେହନାରି ଜୀଝୁୟିଚି ମାହାପୁରୁ, ତାନି ଦୁରୁଇଁ ପାଣ୍ଡାମାଞ୍ଜାନେସି ।” ୭ “ମେହମୁ ନାନୁ ତବେ ଝାହିମାଇଁ; ଆମ୍ପାଆସି ଇ ପତିତି ବଲୁଚି ମାନଝି ଆନେସି ଏଝାସି ନେହେଁ ।” ୮ ନାନୁ ଜହନତେଏଁ, ଇ ବାରେ ଝେତି ଅଡେ ମେସ୍ତି ଡାୟୁ ଆମିନି ଦୁରୁ ନାଢ୍ଢେ ଏ ବାରେ ତସ୍ତାତେ, ନାନୁ ଏଦାନି ଜହରା କିହାଲି ତାନି ପାଞ୍ଚଆନା କତାଣା ରାତେଏଁ । ୯ ସାମା ଏଦି ନାଢ୍ଢେ ଏଲେଇଞ୍ଝାତେ, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ ମାହାପୁରୁ ଅଣପୁଚି ବଲୁ ଖେହନି ନୀ ତାୟିୟି ତଲେ, ଅଡେ ଇ ପତିତା ରାସକି ଆହାମାନି ବଲୁଚି ବାରେ ମାନଝି ଆନାରି ତଲେ ର ହଲେଏଣା ଲେହେଁ; ମାହାପୁରୁଇଁ ଜହରା କିମୁ ।” ୧୦ ଅଡେ ଏଦି ନାଢ୍ଢେ ଏଲେଇଞ୍ଝାତେ, “ନାନୁ ଇ ପତିତି ଡାୟୁ ଗଟଝି ଆନି ବଲୁଚି ସାଲି କିଆନି, ଏନାଆଁତାକି ଇଚିହିଁ କାଲମି ଏଦାତେୟିଏ । ୧୧ ଆମ୍ପାଆସି ଦାମ୍ପୁଁ ହିଲିଆଗାଟାସି, ଏଝାସି ଅଡେ ଦାମ୍ପୁଁ ହିଲିଆ କାମା କିପାସି, ଆମ୍ପାଆସି ଲାଗେଏ କାମା କିନେସି, ଏଝାସି ଅଡେ ଲାଗେଏ କାମା କିପାସି, ଆମ୍ପାଆସି ଦାମ୍ପୁଁଗାଟାସି, ଏଝାସି ଅଡେ ଦାମ୍ପୁଁଗାଟାସି ଆପେସି, ଆମ୍ପାଆସି ସୁରୁଗାଟାସି, ଏଝାସି ଅଡେ ସୁରୁ ଆପେସି ।” ୧୨ “ମେହମୁ, ନାନୁ ତବେ ଝାହିମାଇଁ, ବାରେଜାଣା ଡାକି ତାନି କାମାତି ଲେକାତଲେ ପାଡେୟି ହାହାଲି ନା ଦାନା ନା ଡାଣା ମାନେ । ୧୩ ନାନୁ ଆଲୁପା ଅଡେ ଅମେଗାତେଏଁ, ନକିତାତେଏଁ ଇଞ୍ଝି ଡାୟୁତାତେଏଁ, ମୁଲୁତାତେଏଁ ଅଡେ ରାପ୍ନାତେଏଁ ।” ୧୪ ଜୀଝୁଚି ମାରୁନୁଚି ଅଦିକାରା ଆୟାଲି ଅଡେ ଦୁଝେରିଟି ଗାଡ଼ାତା ହତାଲି ଡାକି ଆମ୍ପାଆସି ତାନି ହିମ୍ପୁରିକା ରାତାମାନେରି ଏଝାରି ନେହେଁ । ୧୫ ସାମା ରେଜିମାନି ନେସକା ଲେହେଁତାରି, ଗୁଣି ଗାରୁଡ଼ି କିନାରି, ଦାରିକାମା କିନାରି, ଲୁକୁଣି

ପାୟିନାରି, ପେଣ୍ଡକା ବମାୟିଣି ପୁଜା କିନାରି, ମିଚିକାତାତି ଜୀଝୁ ନନାରି, ମିଚି କାମାତି କିହାଲି ରାହାଁ ଆନାରି ବାରେ ପାଞ୍ଜୁତା ତୟିନେରି । ୧୬ “ନାନୁ ଜୀଝୁତେଏଁ, ମାହାପୁରୁ କୁଲମିକା ଡାକି ମିଢ୍ଢେ ଇ କାତା ଝେସାଲି ନା ଦୁରୁଇଁ ପାଣ୍ଡାମାଞ୍ଜାଇଁ, ନାନୁଏ ଦାଝୁଦତି ମୁଲୁ ଅଡେ କୂଡ଼ାତାତେଏଁ; ଏ ଉଜେଡ଼ିତି ଝେୟାଜାରା ହୁକାତେଏଁ ।” ୧୭ ସୁରୁଜୀଝୁ ଅଡେ ବାହା ଆନି ତାଆ ମାଢ୍ଢା ଏଲେଇନେ, “ଝାମ୍ପା!” ଆମ୍ପାଆସି ଝେନେସି ଏଝାସି ଏଲେଇଣାୟି, “ଝାମ୍ପା!” ଏସକି ଗାଟାସି, ଝାପାସି, ଆମ୍ପାଆସି ମନ କିନେସି; ଏଝାସି ଜୀଝୁହାନି ଏୟୁ ଉଜେଏ ଗସ୍ପେସି । ୧୮ ଆମ୍ପାଆସି ଇ ପତିତା ମାନି ଡାୟୁ ଗଟଝି ଆନି କାତାତି ଝେନେରି, ନାନୁ ଏଝାରାଇଁ ଜାଗ୍ରାତା କିହିଁ ଝେସିମାଇଁ, ଆମ୍ପାଆସି ଇ ପତିତା ଏନାଆଁ ଆବ୍ନେସି, ଆଚିହିଁ ମାହାପୁରୁ ଇ ପତିତା ରାସକି ଆହାମାନି ତଣ୍ଡୁୟି ଏଝାଣାକି ହାନେସି; ୧୯ ଅଡେ ଆମ୍ପାଆସି ଇ ପତିତି ବଲୁଚି ମେକ୍ନେସି, ଆଚିହିଁ ମାହାପୁରୁ ଇ ପତିତା ରାସକି ଆହାମାନି ଜୀଝୁଚି ମାରୁନୁ, ଅଡେ ସୁରୁ ଗାଡ଼ାତି ତାନି ବାଗା ମେକ୍ନେସି । ୨୦ ଆମ୍ପାଆସି ଇ ବାରେତାକି ସାକି ହାହିମାନେସି, ଏଝାସି ଏଲେଇଞ୍ଝି ମାନେସି, ସାତା, “ନାନୁ ତବେ ଝାହିମାଇଁ ।” ଆମେନ୍ । ପ୍ରୁ ଜୀଝୁ ଝାମ୍ପା ୨୧ ପ୍ରୁ ଜୀଝୁଚି କାର୍ମାମେହନାୟି ବାରେତାୟି ମାଢ୍ଢେ ଆୟାପେ । ଆମେନ୍ ।



ଅଡ଼େ ନାନୁ ସୁଦୁ ଗାଡ଼ା ଇତିହିଁ ପୁଝନି ଜିରୁସାଲମତା ତାନି ବାହା ଆନି ତକ୍ତାଲି ବେଟାଆୟାଲି ତିୟରା ଆହାମାନି ତାଆ ମାତ୍ତାଲେହେଁ ଲାକପୁରୁତି ମାହାପୁରୁ ତାଣାଟି ରେତାଖାହି ମାତାଣି ମେସ୍ତେସିଁ । ଅଡ଼େ ନାନୁ ସିଂଗାସାଣିଟି ର କାଜା ହାତା ଏଲେ ଇଞ୍ଜିମାତାଣି ଖେତେସିଁ, “ମେହୁଦୁ ମାଣ୍ଡସିୟିଁ ତାଣା ମାହାପୁରୁତି ବାସାବୋୟୁ ମାନେ, ଏଖାସି ଏଖାରିତଲେ ବାସା ଆନେସି, ଇଞ୍ଜିଁ ଏଖାରି ଏଖାଣି ଲକ୍ତୁ ଆନେରି,
ଖେ ବଲ୍ଲୁ ୨୧:୨-୩

Reader's Guide

କୃତ୍ତି, କୃଷ୍ଣି at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

କୃତ୍ତି, କୃଷ୍ଣି at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Kuvi---Kuvi-Bible/Noted

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. * The note placement is skipped or adjusted for verses with non-standard numbering.

Abyssos

ଲୁକ ୮:୩୧
ରମି ୧୦:୭
ଶ୍ଵେତ ୯:୧
ଶ୍ଵେତ ୯:୨
ଶ୍ଵେତ ୯:୧୧
ଶ୍ଵେତ ୧୧:୭
ଶ୍ଵେତ ୧୭:୮
ଶ୍ଵେତ ୨୦:୧
ଶ୍ଵେତ ୨୦:୩

କାମା ୩:୨୧
କାମା ୧୫:୧୮
ରମି ୧:୨୫
ରମି ୯:୫
ରମି ୧୧:୩୭
ରମି ୧୨:୨
ରମି ୧୬:୨୭
୧କର ୧:୨୦
୧କର ୨:୭
୧କର ୨:୭
୧କର ୨:୮
୧କର ୩:୧୮
୧କର ୮:୧୩
୧କର ୧୦:୧୧
୨କର ୪:୪
୨କର ୯:୯
୨କର ୧୧:୩୧
ଗାଲା ୧:୪
ଗାଲା ୧:୫
ଏପିସି ୧:୧୧
ଏପିସି ୨:୨
ଏପିସି ୨:୭
ଏପିସି ୩:୯
ଏପିସି ୩:୧୧
ଏପିସି ୩:୨୧
ଏପିସି ୬:୧୨
ପିଲିପି ୪:୨୦
କଲସି ୧:୨୭
୧ଡିମ ୧:୧୭
୧ଡିମ ୨:୧୭
୨ଡିମ ୪:୧୦
୨ଡିମ ୪:୧୮
ଡିଡସ ୨:୧୨
ଏଡ୍ରୁ ୧:୨
ଏଡ୍ରୁ ୧:୮
ଏଡ୍ରୁ ୫:୬
ଏଡ୍ରୁ ୬:୫
ଏଡ୍ରୁ ୭:୨୦
ଏଡ୍ରୁ ୭:୧୭
ଏଡ୍ରୁ ୭:୨୧
ଏଡ୍ରୁ ୭:୨୪
ଏଡ୍ରୁ ୭:୨୮
ଏଡ୍ରୁ ୯:୨୭
ଏଡ୍ରୁ ୧୧:୩
ଏଡ୍ରୁ ୧୩:୮
ଏଡ୍ରୁ ୧୩:୨୧
୧ପିତ ୧:୨୩

୧ପିତ ୧:୨୫
୧ପିତ ୪:୧୧
୧ପିତ ୫:୧୧
୨ପିତ ୩:୧୮
୧କହ ୨:୧୭
୨କହ ୧:୨
କୀହୁଡା ୧:୧୩
କୀହୁଡା ୧:୨୫
ଶ୍ଵେତ ୧:୭
ଶ୍ଵେତ ୧:୧୮
ଶ୍ଵେତ ୪:୯
ଶ୍ଵେତ ୪:୧୦
ଶ୍ଵେତ ୫:୧୩
ଶ୍ଵେତ ୭:୧୨
ଶ୍ଵେତ ୧୦:୨
ଶ୍ଵେତ ୧୧:୧୫
ଶ୍ଵେତ ୧୪:୧୧
ଶ୍ଵେତ ୧୫:୭
ଶ୍ଵେତ ୧୯:୩
ଶ୍ଵେତ ୨୦:୧୦
ଶ୍ଵେତ ୨୨:୫

aidios

ରମି ୧:୨୦
କୀହୁଡା ୧:୭

aiōn

ମାତି ୧୨:୩୨
ମାତି ୧୩:୨୨
ମାତି ୧୩:୩୯
ମାତି ୧୩:୪୦
ମାତି ୧୩:୪୯
ମାତି ୨୧:୧୯
ମାତି ୨୪:୩
ମାତି ୨୮:୨୦
ମାର୍କ ୩:୨୯
ମାର୍କ ୪:୧୯
ମାର୍କ ୧୦:୩୦
ମାର୍କ ୧୧:୧୪
ଲୁକ ୧:୩୩
ଲୁକ ୧:୫୫
ଲୁକ ୧:୭୦
ଲୁକ ୧୭:୮
ଲୁକ ୧୮:୩୦
ଲୁକ ୨୦:୩୪
ଲୁକ ୨୦:୩୫
ଜହ ୪:୧୪
ଜହ ୬:୫୧
ଜହ ୭:୫୮
ଜହ ୮:୩୫
ଜହ ୮:୫୧
ଜହ ୮:୫୨
ଜହ ୯:୩୨
ଜହ ୧୦:୨୮
ଜହ ୧୧:୨୭
ଜହ ୧୨:୩୪
ଜହ ୧୩:୮
ଜହ ୧୪:୧୭

୨କର ୯:୯
୨କର ୧୧:୩୧
ଗାଲା ୧:୪
ଗାଲା ୧:୫
ଏପିସି ୧:୧୧
ଏପିସି ୨:୨
ଏପିସି ୨:୭
ଏପିସି ୩:୯
ଏପିସି ୩:୧୧
ଏପିସି ୩:୨୧
ଏପିସି ୬:୧୨
ପିଲିପି ୪:୨୦
କଲସି ୧:୨୭
୧ଡିମ ୧:୧୭
୧ଡିମ ୨:୧୭
୨ଡିମ ୪:୧୦
୨ଡିମ ୪:୧୮
ଡିଡସ ୨:୧୨
ଏଡ୍ରୁ ୧:୨
ଏଡ୍ରୁ ୧:୮
ଏଡ୍ରୁ ୫:୬
ଏଡ୍ରୁ ୬:୫
ଏଡ୍ରୁ ୭:୨୦
ଏଡ୍ରୁ ୭:୧୭
ଏଡ୍ରୁ ୭:୨୧
ଏଡ୍ରୁ ୭:୨୪
ଏଡ୍ରୁ ୭:୨୮
ଏଡ୍ରୁ ୯:୨୭
ଏଡ୍ରୁ ୧୧:୩
ଏଡ୍ରୁ ୧୩:୮
ଏଡ୍ରୁ ୧୩:୨୧
୧ପିତ ୧:୨୩

aiōnios

ମାତି ୧୮:୮
ମାତି ୧୯:୧୭
ମାତି ୧୯:୨୯
ମାତି ୨୫:୪୧
ମାତି ୨୫:୪୭
ମାର୍କ ୩:୨୯
ମାର୍କ ୧୦:୧୭
ମାର୍କ ୧୦:୩୦
ଲୁକ ୧୦:୨୫
ଲୁକ ୧୭:୯
ଲୁକ ୧୮:୧୮
ଲୁକ ୧୮:୩୦
ଜହ ୩:୧୫
ଜହ ୩:୧୭
ଜହ ୩:୩୭
ଜହ ୪:୧୪
ଜହ ୪:୩୭
ଜହ ୫:୨୪
ଜହ ୫:୩୯
ଜହ ୬:୨୭
ଜହ ୭:୪୦
ଜହ ୭:୪୭
ଜହ ୭:୫୪
ଜହ ୭:୬୮

ଜହ ୧୦:୨୮
ଜହ ୧୨:୨୫
ଜହ ୧୨:୫୦
ଜହ ୧୭:୨
ଜହ ୧୭:୩
କାମା ୧୩:୪୬
କାମା ୧୩:୪୮
ରମି ୨:୭
ରମି ୫:୨୧
ରମି ୬:୨୨
ରମି ୬:୨୩
ରମି ୧୭:୨୫
ରମି ୧୭:୨୬
୨କର ୪:୧୭
୨କର ୪:୧୮
୨କର ୫:୧
ଗାଲା ୬:୮
୨ତେସ ୧:୯
୨ତେସ ୨:୧୭
୧ଡିମ ୧:୧୭
୧ଡିମ ୬:୧୨
୧ଡିମ ୬:୧୬
୨ଡିମ ୧:୯
୨ଡିମ ୨:୧୦
ଡିଡସ ୧:୨
ଡିଡସ ୩:୭
ପିଲିମ ୧:୧୫
ଏବି ୫:୯
ଏବି ୬:୨
ଏବି ୯:୧୨
ଏବି ୯:୧୪
ଏବି ୯:୧୫
ଏବି ୧୩:୨୦
୧ପିଡ ୫:୧୦
୨ପିଡ ୧:୧୧
୧ଜହ ୧:୨
୧ଜହ ୨:୨୫
୧ଜହ ୩:୧୫
୧ଜହ ୫:୧୧
୧ଜହ ୫:୧୩
୧ଜହ ୫:୨୦
କାହୁଡା ୧:୭
କାହୁଡା ୧:୨୧
ଶ୍ରେ ବଲ୍ଲୁ ୧୪:୬

eleēsē

ରମି ୧୧:୩୨

Geenna

ମାଡି ୫:୨୨
ମାଡି ୫:୨୯
ମାଡି ୫:୩୦
ମାଡି ୧୦:୨୮
ମାଡି ୧୮:୯
ମାଡି ୨୩:୧୫
ମାଡି ୨୩:୩୩
ମାର୍କ ୯:୪୩

ମାର୍କ ୯:୪୫
ମାର୍କ ୯:୪୭
ଲୁକ ୧୨:୫
ଜାକ୍ୱବ ୩:୬

Hadēs

ମାଡି ୧୧:୨୩
ମାଡି ୧୭:୧୮
ଲୁକ ୧୦:୧୫
ଲୁକ ୧୬:୨୩
କାମା ୨:୨୭
କାମା ୨:୩୧
୧କର ୧୫:୫୫
ଶ୍ରେ ବଲ୍ଲୁ ୧:୧୮
ଶ୍ରେ ବଲ୍ଲୁ ୬:୮
ଶ୍ରେ ବଲ୍ଲୁ ୨୦:୧୩
ଶ୍ରେ ବଲ୍ଲୁ ୨୦:୧୪

Limnē Pyr

ଶ୍ରେ ବଲ୍ଲୁ ୧୯:୨୦
ଶ୍ରେ ବଲ୍ଲୁ ୨୦:୧୦
ଶ୍ରେ ବଲ୍ଲୁ ୨୦:୧୪
ଶ୍ରେ ବଲ୍ଲୁ ୨୦:୧୫
ଶ୍ରେ ବଲ୍ଲୁ ୨୧:୮

Sheol

Genesis ୩୭:୩୫
Genesis ୪୨:୩୮
Genesis ୪୪:୨୯
Genesis ୪୪:୩୧
Numbers ୧୬:୩୦
Numbers ୧୬:୩୩
Deuteronomy ୩୨:୨୨
1 Samuel ୨:୬
2 Samuel ୨୨:୬
1 Kings ୨:୬
1 Kings ୨:୯
Job ୭:୯
Job ୧୧:୮
Job ୧୪:୧୩
Job ୧୭:୧୩
Job ୧୭:୧୬
Job ୨୧:୧୩
Job ୨୪:୧୯
Job ୨୬:୬

Psalms ୬:୫
Psalms ୯:୧୭
Psalms ୧୬:୧୦
Psalms ୧୮:୫
Psalms ୩୦:୩
Psalms ୩୧:୧୭
Psalms ୪୯:୧୪
Psalms ୪୯:୧୫
Psalms ୫୫:୧୫
Psalms ୫୬:୧୩
Psalms ୫୫:୩
Psalms ୫୫:୪୮

Psalms 116:୩
Psalms 139:୮
Psalms 141:୭
Proverbs ୧:୧୨
Proverbs ୫:୫
Proverbs ୭:୨୭
Proverbs ୯:୧୮
Proverbs ୧୫:୧୧
Proverbs ୧୫:୨୪
Proverbs ୨୩:୧୪
Proverbs ୨୭:୨୦
Proverbs ୩୦:୧୭
Ecclesiastes ୯:୧୦
Song of Solomon ୮:୬

Isaiah ୫:୧୪
Isaiah ୭:୧୧
Isaiah ୧୪:୯
Isaiah ୧୪:୧୧
Isaiah ୧୪:୧୫
Isaiah ୨୮:୧୫
Isaiah ୨୮:୧୮
Isaiah ୩୮:୧୦
Isaiah ୩୮:୧୮
Isaiah ୫୭:୯


Ezekiel ୩୧:୧୫
Ezekiel ୩୧:୧୭
Ezekiel ୩୨:୨୧
Ezekiel ୩୨:୨୭
Hosea ୧୩:୧୪
Amos ୯:୨
Jonah ୨:୨
Habakkuk ୨:୫

Tartaroō

୨ପିଡ ୨:୪

Questioned

୨ପିଡ ୨:୧୭




ନାମୁଚି ଅଭ୍ରାହାମ ନାହାପୁରୁ ତାଣାଟି ହାବୁକି ଆହାଲିଏ, ଆମିନି ଦେବା ଏଝାସି ବେଗାଆହାଲି ହାଜିମାଚେସି, କାତା ମାନଝି ଆହାମା ଏମ୍ବାଆଁ ହାଜଲି ହୁଚେସି, ଏଝାସି ଏମ୍ବିୟା ହାଜିମାଚେସି, ଏତାଆଁ ଏଝାସି ପୁନାଆନା ଜିକେଏ ହୁଚାହାଚେସି । - ଏବି ୧୧:୮

Israel's Exodus



"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt!'" Exodus 13:17



Jesus' Journeys

ଇତିହାସିକ ମାନୁସ୍କ୍ରିପ୍ଟ ଲେଖକଙ୍କ ଦ୍ୱାରା ଲେଖାଯାଇଥିବା ଏହି ମାନୁସ୍କ୍ରିପ୍ଟର ମୂଳ ଲିଖନୀ ୧୦୪୫ ଖ୍ରୀଷ୍ଟାବ୍ଦରେ ଲେଖାଯାଇଥିଲା । - ମାର୍ଚ୍ଚ ୧୦୪୫



କ୍ରୀଷ୍ଟ ଜୀବିତ କଲେକ୍ସି ଅଡ଼େ ମାହାପୁରୁ ହାହାମାନି ନେହିଁ ବଲ୍ଲ ଷେକହାଲି ପାଣ୍ଡୁଝି ଆହାଁ ଆତାନା ହାବକି ଆହାମାନି ସୀପୁ ପାଞ୍ଜଲି ଆଲୁ । - ରମି ୧:୧

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Uusher)

Jesus Christ born 4 B.C.

New Heavens and Earth

1956	Christ returns for his people
1830	Jim Elliot martyrd in Ecuador
1731	John Williams reaches Polynesia
1614	Zinzendorf leads Moravian mission
1614	Japanese kill 40,000 Christians
1572	Jesuits reach Mexico
1517	Martin Luther leads Reformation
1455	Gutenberg prints first Bible
1323	Franciscans reach Sumatra
1276	Ramon Llull trains missionaries
1100	Crusades tarnish the church
1054	The Great Schism
997	Adalbert martyrd in Prussia
864	Bulgarian Prince Boris converts
716	Boniface reaches Germany
635	Alopen reaches China
569	Longinus reaches Alodia / Sudan
432	Saint Patrick reaches Ireland
397	Carthage ratifies Bible Canon
341	Ulfilas reaches Goth / Romania
325	Niceae proclaims God is Trinity
250	Denis reaches Paris, France
197	Tertullian writes Christian literature
70	Titus destroys the Jewish Temple
61	Paul imprisoned in Rome, Italy
52	Thomas reaches Malabar, India
39	Peter reaches Gentile Cornelius
33	Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we? ▶			Genesis 1:26 - 2:3		Mankind is created in God's image, male and female He created us						
How are we sinful? ▶			Romans 5:12-19		Sin entered the world through Adam and then death through sin						
Where are we? ▶			When are we? ▼								
			Innocence		Fallen				Glory		
Who are we? ▶			Eternity Past	Creation 4004 B.C.	Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth		
			God	Father	John 10:30	Genesis 1:31 God's perfect fellowship with Adam in The Garden of Eden	1 Timothy 6:16 Living in unapproachable light				Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City
				Son	God's perfect fellowship		John 8:58 Pre-incarnate		John 1:14 Incarnate	Luke 23:43 Paradise	
				Holy Spirit			Psalm 139:7 Everywhere		John 14:17 Living in believers		
			Mankind	Living	Genesis 1:1 No Creation No people		Ephesians 2:1-5 Serving the Savior or Satan on Earth				
				Deceased believing			Luke 16:22 Blessed in Paradise				
				Deceased unbelieving			Luke 16:23, Revelation 20:5,13 Punished in Hades until the final judgment				
			Angels	Holy		Hebrews 1:14 Serving mankind at God's command					
				Imprisoned		2 Peter 2:4, Jude 6 Imprisoned in Tartarus					
				Fugitive		Genesis 1:31 No Fall No unholy Angels	Revelation 20:13 Thalaasa				
First Beast	1 Peter 5:8, Revelation 12:10			Rebelling against Christ Accusing mankind							
False Prophet			Revelation 19:20 Lake of Fire								
Satan				Revelation 20:2 Abbyss		Matthew 25:41 Revelation 20:10 Lake of Fire prepared for the Devil and his Angels					
Why are we? ▶			Romans 11:25-36, Ephesian 2:7		For God has bound all over to disobedience in order to show mercy to all						

Destiny

କୃତ୍ତି, କୃଷ୍ଣ at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail*," Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up*," Revelation 20:13.

Jesus comforts us saying, "*Do not be afraid*," because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, "*You did not choose me, but I chose you*," John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philipians 2:9-11.



World Nations

ଏତାଆଁତାକି ମୀରୁ ହାଜାନା ବାରେ କୁଡ଼ାଟି ଲକ୍ଷଣି ଆବା, ମୀରୁଏସି ଅଡ଼େ ସୁତୁନୀସୁ ଦକ୍ଷିଣି ବାପ୍ତିସ୍ତା ହାହାନା, - ମାତି ୨୮:୧୯